


ସତ୍ତିଅର୍ ବାଟ୍



The New Testament in the Desiya language of India: ସତ୍ତିଅର୍  
ବାଟ୍ (Bible)

## ସତ୍ତ୍ୱ ବାବ୍

### **The New Testament in the Desiya language of India: ସତ୍ତ୍ୱ ବାବ୍ (Bible)**

copyright © 2020 The Word for the World International

Language: ଦେଶିଆ (Desiya)

Contributor: The Word for the World International

**ସତ୍ତ୍ୱ ବାବ୍**  
**ନୂଆ ନିୟମ, 2020**

The New Testament in Desiya Language

The Word for the World International

This translation is made available to you under the terms of the Creative Commons Attribution license 4.0.

You may share and redistribute this Bible translation or extracts from it in any format, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

Pictures included with Scriptures and other documents on this site are licensed just for use with those Scriptures and documents.

For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word.

See Revelation 22:18-19.

2023-04-08

---

PDF generated using Haiola and XeLaTeX on 21 Feb 2024 from source files dated 9 Apr 2023

cd4d7c1f-dc97-5fb4-a0ba-ab968fde9cde

## Contents

ମାତିତ	1
ମାରକ	49
ଲୁକ୍	81
ଜଅନ୍	131
ଫେରିତ୍	167
ରମିଅ	210
୧ମ କରନ୍ତିୟ	230
୨ୟ କରନ୍ତିୟ	249
ଗାଲାତିୟ	263
ଏପିସିୟ	271
ପିଲିପିୟ	278
କଲସିଅ	284
୧ମ ଡେସଲନିକିୟ	289
୨ୟ ଡେସଲନିକିୟ	294
୧ମ ତିମତି	297
୨ୟ ତିମତି	304
ତିତସ୍	309
ପିଲିମନ୍	313
ଏବ୍ରି	315
ଜାକୁବ	331
୧ ମ ପିତର	337
୨ ଯ ପିତର	343
୧ ମ ଜଅନ୍	347
୨ ଯ ଜଅନ୍	353
୩ ଯ ଜଅନ୍	355
ଜିଉଦା	357
ପର୍କାସିତ	359

## ଯୀଶୁ ଖ୍ରୀଷ୍ଟଙ୍କ ବିଷୟରେ ମାଥୁର ଲେଖିଥିବା ସୁସମାଚାର ଜିସୁକିରିସ୍ଟ ବିଷୟ ନେଇକରି ମାଡିଉ ଲେକିରଇବା ନିମନ୍ତ କବର୍ ଏ ବଇ ବିଷୟ ଜାନ୍‌ବାଟା

ମସିଅକେ ରାଇଜ୍ ସାସନ୍ କର୍ବା ରାଜା ଆଇସି ବଲି ବିସ୍‌ବାସ୍ କର୍ତ୍ତେରଇଲା । ମାଡିଉ ସେମନ୍ ବିସ୍‌ବାସ୍ କିରିରଇବାଟା ବାଦ୍‌ଲାଇ ଦେଲା । ପର୍‌ମେସର୍‌ର ରାଇଜ୍ ଅଇଲାନି ଆଡ୍‌ମାର୍ ରାଇଜ୍, ଏ ଜଗତର୍ ରାଇଜ୍ ନଏ ବଲି ସେଟା ଗୁରୁତ୍‌ସଙ୍ଗ୍ ସିକାଇତେରଇଲା ।

ମାଡିଉ ଲେକିଲା ସୁବ୍‌କବର୍ ନୁଆ ନିଅମର୍ ପର୍‌ତୁମର୍ ବଇ ଇସାବେ ମିସାଇଲେ ନିକ । କାଇକେ ବଇଲେ ପୁର୍‌ନା ନିୟମର୍ ବାକିଅମନ୍ ଅଦିକ୍ ମିସି କରି ଆଟେ । ଏ ବଇ ପୁର୍‌ନା ନିୟମକେ ଆରି ନୁଆ ନିୟମକେ ମିସାଇସି । ପଣ୍ଡିତମନ୍ ମିସା କଇବାଇ ମାଡିଉ ତାର୍ ଲେକାଟାନେ ମସାର୍ ନିୟମ୍ ବଇମନର୍ ପାରା କର୍‌ବାକେ ଚେସ୍‌ଟା କରିଆଟେ । ଜିସୁ ତଙ୍ଗର୍ ଉପରେ ସିକିଆ ଦେବା ବିଷୟ ମାଡିଉ ୫:୭ ପର୍‌ମେସର୍ ମସାର୍ ନିୟମ୍ ଦେବା ବିଷୟ ସଙ୍ଗ୍ ମିସା ତୁଲ୍‌ନା କରିଅଇସି ୨ୟ ବିବରଣି ୧୯:୩;୨୩-୩୩

### ଏ ବଇବିତ୍‌ରେ ରଇଲାଟା

- ୧. ଜିସୁର୍ ଜନମ୍ ଆରି ତାର୍ ସେବାକାମ୍ । ୧-୪
- ୨. ଜିସୁର୍ ସେବାକାମ୍ ଆରି ସିକିଆ । ୫-୨୫
- ୩. ଜିସୁ କିରିସ୍ଟର୍ ମରନ୍ ଆରି ମରିକରି ଉର୍‌ବାଟା । ୨୬-୨୮

ଜିସୁର୍ ଆନିଦାଦିମନର୍ ନାଉଁ ତାଲିକା  
(ଲୁକ୍ ୩:୨୩-୩୮)

୧ ଏଟା ଅଇଲାନି ଜିସୁକିରିସ୍ଟର୍ ଆନିଦାଦିମନର୍ ନାଉଁ ତାଲିକା । ସେ ଦାଉଦ୍ ବସ୍‌ର୍ ରଇଲା ଆରି ଦାଉଦ୍ ଅବ୍ରାଆମ୍ ବସ୍‌ର୍ ରଇଲା ।

୨ ଅବ୍ରାଆମ୍‌ର ପଅ ଇସାକ୍, ଇସାକ୍‌ର ପଅ ଜାକୁବ୍, ଜାକୁବ୍‌ର ପଅ ଜିଉଦା ଆରି ତାର୍ ବାଇମନ୍ । ୩ ଜିଉଦା ପେରସ୍ ଆରି ଜେରଅର୍ ବାବା ରଇଲା, ତାକର୍ ମାଆ ଅଇଲାନି ତାମର୍ । ପେରସ୍‌ର ପଅ ଏସରନ୍ । ୪ ଏସରନ୍‌ର ପଅ ଆରାମ୍, ଆରାମ୍‌ର ପଅ ଅମିନାଦବ୍ ଅମିନାଦବ୍‌ର ପଅ ନଅସନ୍, ନଅସନ୍‌ର ପିଲା ସଲ୍‌ମନ୍ ୫ ସଲ୍‌ମନ୍‌ର ପଅର୍ ନାଉଁ ବୟ୍‌ଜ୍, ବୟ୍‌ଜ୍‌ର ମାଆ ରାଅବ୍ । ବୟ୍‌ଜ୍‌ର ପଅର୍ ନାଉଁ ଅବେଦ୍ ଆରି ଅବେଦ୍‌ର ମାଆର୍ ନାଉଁ ରୁଡ୍ । ଅବେଦ୍‌ର ପଅ ଜସୟ୍,

୬ ଦାଉଦ୍ ରାଜାର୍ ସାସନ୍ ବେଲେ ଅନି ଜେଡେବଲ୍ ଇସ୍ରାଏଲ୍ ଲକ୍‌ମନକେ ବାବିଲନ୍ ଦେସେ ବାସି ନେଇରଇଲା ଜାକ ସେଡ୍‌କି ଆନିଦାଦିମନର୍ ତାଲିକା ଆଟେ । ଜସୟ୍‌ର ପଅ ଦାଉଦ୍ ରାଜା । ଉରିୟର୍ ମାଇଜିର୍ ପେଟେ ଅନି ସଲ୍‌ମନ୍‌କେ ଜନମ୍ ଦେଲା, ୭ ସଲ୍‌ମନ୍‌ର ପଅ ରିଅବିୟାମ୍ ରିଅବିୟାମ୍‌ର ପଅ ଅବିୟ । ୮ ଅବିୟର୍ ପଅ ଆସା, ଆସାର୍ ପଅ ଜିଅସାପଟ୍, ଜିଅସାପଟ୍‌ର ପଅ ଜରାମ୍, ଜରାମ୍‌ର ପଅ ଉଜିୟ । ୯ ଉଜିୟର୍ ପଅ ଜତାମ୍, ଜତାମ୍‌ର ପଅ ଆଅସ୍, ଆଅସ୍‌ର ପଅ ଇଜକିୟ । ୧୦ ଇଜକିୟର୍ ପଅ ମନସେଅ, ମନସେଅର୍ ପଅ ଆମନ୍, ଆମନ୍‌ର ପଅ ଜସିୟ । ୧୧ ଜସିୟ ବାବିଲନ୍ ନଅରେ ବାସା ଅଇରଇଲା ବେଲେ, ଜିକନିୟ ଆରି ତାର୍ ବାଇମନ୍ ଜନମ୍ ଅଇଲା ।

୧୨ ବାବିଲନେ ବାସାଅଇରଇଲା ବେଲେ, ସଲ୍‌ଟିଏଲ୍ ଜନମ୍ ଅଇଲା, ସଲ୍‌ଟିଏଲ୍‌ର ପଅ ଜିରୁବାବେଲ୍, ୧୩ ଜିରୁବାବେଲ୍‌ର ପଅ ଅବିଉଦ୍, ଅବିଉଦ୍‌ର ପଅ ଏଲିୟାକିମ୍, ଏଲିୟାକିମ୍‌ର ପଅ ଅଜୁର୍ । ୧୪ ଅଜୁର୍ ପଅ ସାଦକ୍, ସାଦକ୍‌ର ପଅ ଆକିମ୍, ଆକିମ୍‌ର ପଅ ଏଲିଉଦ୍, ଏଲିଉଦ୍‌ର ପଅ ଏଲାଜାର୍, ଏଲାଜାର୍‌ର ପଅ ମଡ୍‌ତାନ୍ । ୧୫ ମଡ୍‌ତାନ୍‌ର ପଅ ଜାକୁବ୍, ଜାକୁବ୍‌ର ପଅ ଜସେପ୍ । ୧୬ ଏ ଜସେପ୍ ମରିୟମ୍‌କେ ବିବା ଅଇରଇଲା । ମରିୟମ୍‌ର ପେଟେଅନି ଜିସୁ ଜନମ୍ ଅଇରଇଲା । ଜିସୁ କିରିସ୍ଟକେ ମସିଅ ବଲି ମିସା ନାଉଁ ଆଟେ ।

୧୭ ଏନ୍ତାରି ଅବ୍ରାଆମ୍‌ରତେଇ ଅନି ଦାଉଦ୍ ରାଜାର୍ ଜାକ ଚଉଦ ଉତାର୍, ଦାଉଦ୍‌ରତେଇ ଅନି ବାବିଲନ୍ ବସିରଇଲା ଜାକ ଚଉଦ ଉତାର୍, ଆରି ବାବିଲନେ ବସିଅଇରଇଲା ବେଲେଅନି ଜିସୁକିରିସ୍ଟର୍ ଜନମ୍ ଜାକ ଚଉଦ ଉତାର୍ ।

ଜିସୁର୍ ଜନମ୍ ବିଷୟ  
(ଲୁକ୍ ୨:୧-୭)

୧୮ ଏଟା ଅଇଲାନି ଜିସୁ କିରିସ୍ଟର୍ ଜନମ୍ ବିଷୟ । ଜିସୁର୍ ମା ମରିୟମ୍‌ର ସଙ୍ଗ୍ ଜସେପ୍ ନାଉଁର୍ ଗଟେକ୍ ଦାଙ୍ଗ୍‌ତାର୍ ପାଇ ବିବା ମାଙ୍ଗିନି ଅଇରଇଲା । ମାତର୍ ସେମନ୍‌ର ବିବା ନ ଅଇତେ ସୁକଲ୍ ଆଡ୍‌ମାଇ ଅନି ଗାଗ୍‌ତେ ଅଇରଇବାଟା

☆ ୧:୧୮ ୧:୧୮ ଲୁକ୍ ୧:୨୭

ମରିୟମ୍ ଜାନିପାରୁଣା । ୧୯ ଜସେପ୍ ଗଟେକ୍ ଦରମ୍ ଲକ୍ ରଇଲା ଆରି ସବୁବେଳେ ସତ୍ କାମ୍ କରତେରଇଲା । ଆରି ମରିୟମ୍‌କେ ଲକ୍‌ମନର୍ ଟାନେ ନିନ୍ଦା କାତା ସୁନାଇବାକେ ମନ୍ ନ କରତେ ରଇଲା । ସେଟାପାଇ କେ ନାଜାନ୍‌ତେ ତାର୍ ବିବା ମାଙ୍ଗନ୍ ପିଟାଇଦେବାକେ ଉପାଇ ପାଁର୍ତେ ରଇଲା । ୨୦ ସେ ଏନ୍ତି ଉପାଇ ପାଁର୍ତ୍ତା ବେଲେ, ଜସେପ୍‌କେ ଗଟେକ୍ ପର୍ମେସରର୍ ଦୁଡ୍ ସପ୍‌ନେ ଦେକାଇ ଅଇ କଇଲା, ଏ ଦାଉଦର୍ ନାତିର୍ ତିତି ଜସେପ୍, ଡରନାଇ । ମରିୟମ୍‌କେ ମାଇଜି କରି ସଙ୍ଗଅ । କାଇକେବଇଲେ ସୁକଲ୍ ଆଡ଼ମାଇ ଅନି ସେ ଗାଗ୍‌ତେ ଅଇଲାଆଟେ ।

୨୧ ✨ତାର୍‌ଟାନେଅନି ଗଟେକ୍ ପିଲା ଜନମ୍ ଅଇସି, ତମେ ତାକେ ଜିସୁ ବଲି ନାଉଁ ଦିଆସ୍, କାଇକେବଇଲେ ସେ ତାର୍ ଲକ୍‌ମନ୍‌କେ ସେମନର୍ ପାପେଅନି ଉଦାର୍ କରସି ।

୨୨ ଆଇବା ଦିନମନ୍‌କେ କାଇଟା ଅଇସି ବଲି, ପର୍ମେସର୍ ଗଟେକ୍ ବବିସତ୍‌ବକ୍‌ତାକେ ପାଟାଇ ଜନ୍ କାତା ସୁନାଇରଇଲା, ସେଟା ପୁରାପୁରନ୍ ଅଇବାକେ ଏ ସବୁ ଅଇଲା । ୨୩ ଗଟେକ୍ ଦାଙ୍ଗ୍‌ତି ଗାଗ୍‌ତେ ଅଇ ପିଲା ଜନମ୍ କରସି, ଆରି ସେ ପିଲା ଲକ୍‌ମନର୍ ଟାନେ ଇମାନୁଏଲ୍ ବଲି ନାମାଇ ଅଇସି, ଏ ନାଉଁର୍ ଅରତ୍ ଅଇଲାନି, ପର୍ମେସର୍ ଆମର୍ ସଙ୍ଗ୍ ଆଟେ ।

୨୪ ଜସେପ୍ ସଇଲା ଟାନେଅନି ଉଚି, ପର୍ମେସରର୍ ଦୁଡ୍ ଜେନ୍ତି କଇରଇଲା, ସେନ୍ତି କଲା । ମରିୟମ୍‌କେ ବିବା ଅଇଲା । ୨୫ ✨ମାତର୍ ସେ ପିଲା ଜନମ୍ ନ ଅଇବା ଜାକ ମରିୟମ୍ ସଙ୍ଗ୍ ସୁଆବସା କରେନାଇ । ଜସେପ୍ ସେ ପିଲାକେ ଜିସୁ ବଲି ନାଉଁ ଦେଲା ।

## ୨

### ପୁରୁବ୍ ଦେସର୍ ପଣ୍ଡିତମନ୍ ଆଇବାଟା

୧ ଏରଦ୍ ରାଜାର୍ ସାସନ୍ ବେଲେ, ଜିଉଦା ରାଇଜର୍ ବେଡ୍‌ଲିଇମେ ଜିସୁ ଜନମ୍ ଅଇଲା । ଜନମ୍ ଅଇ ଚନେକ୍ ଜିବାକେ ପୁରୁବ୍ ଦେସର୍ କେତେଟା ତାରାର୍ ବିସଇ ପଡ୍‌ତେ ରଇବା ପଣ୍ଡିତମନ୍ ଜିରୁସାଲାମେ ଆସି ପାଟାରୁଲାଇ, ୨ “ଜନ୍ ପିଲା ଜିଉଦିମନର୍ ରାଜା ଅଇବାକେ ଜନମ୍ ଅଇଲାଆଟେ, ସେ କନ୍ତି ଆଟେ ? କାଇକେବଇଲେ ଆମେ ପୁରୁବ୍ ଦେସେ ତାର୍ ତାରା ଦେକି ତାକେ ପୁଜା କରବାର୍ ଆସିଆରୁ ।”

୩ ପଣ୍ଡିତମନର୍ କାତା ସୁନି ଏରଦ୍ ରାଜା ଆରି ତାର୍ ସଙ୍ଗ୍ ରଇବା ଜିରୁସାଲାମର୍ ଲକ୍‌ମନ୍ ସବୁ କିଲ୍‌ବିଲ୍ ଅଇଗାଲାଇ । ୪ ଆରି ଏରଦ୍ ସବୁ ମୁକିଅ ପୁଜାରିମନ୍‌କେ ଆରି ସାସ୍‌ତର୍ ସିକାଉମନ୍‌କେ ଡାକାଇ କରି, “ମସିଅ ଜେ କି କିରିସ୍‌ଟ୍ କନ୍ ଜାଗାଇ ଜନମ୍ ଅଇଆଟେ ?” ସେଟା ସେମନର୍‌ତେଇ ଅନି ବୁଜ୍‌ବାକେ ଚେସ୍‌ଟା କଲା ।

୫ ପଣ୍ଡିତମନ୍ ଏରଦ୍ ରାଜାକେ କଇଲାଇ, ଜିଉଦା ରାଇଜର୍ ବେଡ୍‌ଲିଇମ୍ ଗଡେ, ଜନ୍‌ଟାକି ଗଟେକ୍ ବବିସତ୍‌ବକ୍‌ତା ଏନ୍ତାରି ଲେକିଆଟେ । ୬ ଏ ଜିଉଦା ଦେସର୍ ବେଡ୍‌ଲିଇମ୍,

ତୁଇ ଜିଉଦା ରାଇଜର୍ ମୁକିଅ ଗଡ଼ମନର୍‌ତେଇ ଅନି ସାନ୍ ନଉଁସ୍,  
କାଇକେବଇଲେ ମର୍ ଇସ୍ରାଏଲର୍ ଲକ୍‌ମନ୍‌କେ ବାଟ୍ ଦେକାଇସି,  
ଏନ୍ତାରି ଗଟେକ୍ ସାସନ୍‌କାରିଆ ତର୍‌ତେଇଅନି ଉବଜ୍‌ସି ।

୭ ଏଟା ସୁନି କି ଏରଦ୍ ରାଜା ସେ ପଣ୍ଡିତମନ୍‌କେ ଲୁଟ୍‌ତେ ଡାକାଇ, ତାରା କନ୍ ବେଲାଇ ଉଦିରଇଲା, ସେମନର୍‌ତେଇ ଅନି ଟିକ୍ ସଙ୍ଗ୍ ବୁଜିନେଲା । ୮ ତାର୍‌ପଟେ ସେମନ୍‌କେ କଇ ପାଟାଲିଲା, “ତମେ ଜାଆ ଆରି ବେଡ୍‌ଲିଇମେ ସେ ପିଲାକେ ନିମାନ୍ କର କଜିଦେକା, ଆରି ପିଲା ମିଲ୍‌ଲେସରି ମକେ ଜାନାଆ ମୁଇ ମିସା ଜାଇ ତାକେ ଦର୍ସନ୍ କରବି ।”

୯ ପଣ୍ଡିତମନ୍ ରାଜାର୍ କାତା ସୁନି ସେ ଜାଗାଇଅନି ବାରିଗାଲାଇ । ଗାଲାବେଲେ ଏଦେ ଦେକା ! ସେମନ୍ ପୁରୁବ୍ ଦେସେ ଜନ୍ ତାରା ଦେକି ରଇଲାଇ, ସେ ତାରା ଆରି ତରେକ୍ ତିସ୍‌ଲା । ୧୦ ସେମନ୍ ତାରା ଦେକି ବେସି ସାର୍‌ଦା ଅଇଗାଲାଇ । ତାରା ସେମନର୍ ଆଗେ ଜାଇକରି ଜିସୁ ରଇଲା ଜାଗାର୍ ଉପ୍‌ରେ ଅଟ୍‌କିଗାଲା । ୧୧ ପଣ୍ଡିତମନ୍ ସେ ଗର୍ ବିଡ୍‌ରେ ପୁରି ପିଲାକେ ତାର୍ ମା ମରିୟମ୍ ସଙ୍ଗ୍ ରଇଲାଟା ଦେକି, ତାକେ ମାଣ୍ଡିକୁଟା ଦେଇ ଜୁଆର୍ କଲାଇ, ଆରି ଆନିରଇବା ସୁନା, କୁନ୍ଦୁରୁ ଆରି ଗନ୍‌ରସ୍ ବେଟି, ପିଲାକେ ଦେଲାଇ ।

୧୨ ପଟେ ସେମନ୍ ଏରଦର୍ ଲଗେ ଆରିତରେକ୍ ନ ଜାଇକରି ବିନ୍ ବାଟେ ନିଜର୍ ଦେସେ ବାଉଡି ଗାଲାଇ । କାଇକେବଇଲେ ଏରଦର୍ ଟାନେ ଆରିତରେକ୍ ବାଉଡି ନ ଜିବାକେ ପର୍ମେସର୍ ସେମନ୍‌କେ ସପ୍‌ନେ ଆଦେସ୍ ଦେଇରଇଲା ।

### ମିସର୍ ଦେସେ ଜିବାଟା

୧୩ ପଣ୍ଡିତମନ୍ ଗାଲାପଟେ, ପର୍ମେସରର୍ ଗଟେକ୍ ଦୁଡ୍ ଜସେପ୍‌କେ ସପ୍‌ନେ ଦର୍ସନ୍ ଦେଇ କଇଲା, “ଉଟ୍, ପିଲାକେ ଆରି ତାକର୍ ଆୟ୍‌କେ ଦାରି ମିସର୍ ଦେସେ ଦାପ୍‌ରେ ଉଚିଜା । ଏରଦ୍ ପିଲାକେ ମରାଇବାକେ କଜିବୁଲ୍‌ସି । ମୁଇ ସେ ଜାଗା ଚାଡା ବଲି ନ କଇବା ଜାକ ତେଇସେ ରୁଆ ।”

☆ ୧:୨୧ ୧:୨୧ ଲୁକ୍ ୧:୩୧ ☆ ୧:୨୫ ୧:୨୫ ଲୁକ୍ ୨:୨୧

୧୪ ଏ କାତା ସୁନି ଜସେପ୍ ସେ ରାତି, ପିଲାକେ ଆରି ତାର୍ ମାକେ ଦାରି ମିସର୍ ଦେସେ ଉଟିଗାଲା । ୧୫ ଏରଦ୍ ରାଜା ମରବା ଜାକ ମିସର୍ ଦେସେସେ ରଇଲାଇ, ଜେନ୍ତାର୍ କି ବବିସତ୍ବକ୍ତା କଇରଇଲା ମାପୁରୁର୍ ବାକିଅ ସିଦ୍ ଅଇଲା, ମର୍ ପିଲାକେ ମୁଇ ମିସର୍ ଦେସେଅନି ଡାକି ଆନ୍ଲି ।

**ପିଲାମନ୍ଦକେ ମରାଇବାଟା**

୧୬ ପୁରୁବ୍ ଦେସେଅନି ଆସିରଇଲା ପଣ୍ଡିତମନ୍ ତାକେ ନାଡାଇ କରି ଉଟିଗାଲାଇ ଆଚଡ୍ ବଲି ଜାନି, ଏରଦ୍ ବେସି ରିସା ଅଇଗାଲା । ବେଡ୍ଲିଇମ୍ ଆରି ସେ ଲଗେ ପାକେ ରଇବା ଦୁଇ ବରସ୍ ଅନି ତଲେ ରଇଲା ସବୁ ପିଲାମନ୍ଦକେ ମରାଇବାକେ ଆଦେସ୍ ଦେଲା । ପଣ୍ଡିତମନ୍ ଟାନେଅନି ତାରା ଡିସ୍ତେ ରଇବା ବେଲା ସେ ଜାନିରଇଲା । ସେ ଇସାବେ ପିଲାମନ୍ଦ ବରସ୍ ଟିକ୍ କରିରଇଲା ।

୧୭ ଏନ୍ତି ଅଇଲାଜେ ଜିରିମିୟ ବବିସତ୍ବକ୍ତା କଇଲା ଏ ବାକିଅ ପୁରାପୁରୁନ୍ ଅଇଲା । ସେ ଏନ୍ତି କଇରଇଲା, ୧୮ ରାମା ନାଉର୍ ସଅରେ

ମାର୍ତପ୍ ଅଇ କାନ୍ଦବାଟା ସୁନି ଅଇଲାନି,  
ରାଏଲ୍ ତାର୍ ପିଲାମନ୍ଦ ପାଇ କାନ୍ଦଲାନି ।  
ତାକେ ଜେତେକ୍ ବୁଜାଇଲେ ମିସା ବୁଜେନାଇ ।  
କାଇକେବଇଲେ ତାର୍ ପିଲାମନ୍ ସବୁ ମରିଜାଇରଇଲାଇ ।

**ମିସର୍ ଦେସେଅନି ବାଅଡ୍ବାଟା**

୧୯ ଏରଦ୍ ମଲାପଟେ, ଏଦେ ଦେକା ! ମାପୁରୁର୍ ଗଟେକ୍ ଦୁଡ୍ ମିସର୍ ଦେସେ ଜସେପ୍କେ ଦର୍ସନ୍ ଦେଇ କଇଲା, ୨୦ “ଉଟ୍ ଆରି ବାରଇକରି, ଦୁଇ ମାଆ ପିଲାକେ ଇସ୍ରାଏଲ୍ ଦେସେ ଦାରିଜା । କାଇକେବଇଲେ ଜନ୍ ଲକ୍ମନ୍ କି ପିଲାର୍ ଜିବନ୍ ନେବାକେ ଚେସ୍ଟା କର୍ତେରଇଲାଇ, ସେମନ୍ ମରିଗାଲାଇ ଆଚଡ୍ ।” ୨୧ ଜସେପ୍ ଏ କାତା ସୁନି ଜିସୁ ଆରି ତାର୍ ମାଆ ମରିୟମ୍ ସଙ୍ଗ୍ ବାରଇକରି ଇସ୍ରାଏଲ୍ ଦେସେ ବାଉଡି ଆଇଲାଇ ।

୨୨ ମାତର୍ ଜସେପ୍, ଏରଦ୍ ପଟେ ତାର୍ ପଅ ଆର୍କିଲାୟ ଜିଉଦା ରାଇଜର୍ ରାଜା ଅଇଆଚେ ବଲି ସୁନିକରି ତେଇ ଜିବାକେ ଡର୍ଲା । ୨୩ ମାତର୍ ଆରିଗଟେକ୍ ବିନ୍ ସପନ୍ ଇସାବେ ଗାଲିଲି ଦେସେ ଜାଇକରି ନାଜରିଡ୍ ନାଉର୍ ଗଡେ ବାସା ଅଇ ରଇଲା । ଜେନ୍ତାର୍ କି ବବିସତ୍ବକ୍ତା କଇଲା ଏ ବାକିଅ ସିଦ୍ ଅଇଲା । ସେ ଏନ୍ତି ବଲି କଇରଇଲା, “ସେ ନାଜରିଡିୟା ବଲି ଡାକ୍ପୁଟା ଅଇସି ।”

**୩**

**ଡୁବନ୍ ଦେଉ ଜଅନର୍ ବିସଇ  
(ମାର୍କ ୧:୧-୮; ଲୁକ୍ ୩:୧-୧୮; ଜଅନ୍ ୧:୧୯-୨୮)**

୧ ସେବେଲେ ଡୁବନ୍ ଦେଉ ଜଅନ୍ ଜିଉଦା ରାଇଜର୍ ମରୁବାଲି ବୁର୍ଏ ଆସି ଜାନାଇବାର୍ ଦାରଲା । ୨ \*ସେ ଏନ୍ତି ବଲି କଇତେରଇଲା, “ପାପୁଟାନେଅନି ବାଉଡା, କାଇକେବଇଲେ ସରଗ୍ ରାଇଜ୍ ଲଗେ କେଟ୍ଲାନି ।” ୩ ଜିସାଇୟ ବବିସତ୍ବକ୍ତା ଜନ୍ ଲକ୍ମର୍ ବିସଇନେଇ ଏ ବାକିଅ କଇରଇଲା, ଜଅନ ସେ, ସେ ଲକ୍ ।

ମରୁବାଲି ବୁର୍ଏ ଗଟେକ୍ ଲକ୍ ଆକ୍ମାରି କଇଲାନି,

“ମାପୁରୁର୍ ବାଟ୍ ତିଆର୍ କରା,  
ସେ ଆଇବାକେ ଗଟେକ୍ ସଲକ୍ ବାଟ୍ କରା ।”

୪ ଜଅନ୍ ପିନ୍ଦବାଟା ଉଟ୍ ଚାମ୍ ସଙ୍ଗ୍ ତିଆର୍ ଅଇ ରଇଲା । ଆରି ଚାମର୍ ଆଁଟାବେଡା ବାନ୍ଦିଅଇତେ ରଇଲା । ସେ ଚିଟ୍କା ଆରି ବନେ ରଇବା ମୁଉ କାଇତେରଇଲା ।

୫ ସେ ବେଲେ ଜିରୁସାଲମ୍ ଅନି ଗୁଲାଇ ଜିଉଦା ଦେସ୍ ଆରି ଜର୍ଦନର୍ ପାକର୍ ସବୁଟାନର୍ ଲକ୍ମନ୍ ବାରଇ ଜଅନର୍ ଲଗେ ଆଇତେରଇଲାଇ । ୬ ଆରି ନିଜର୍ ନିଜର୍ ପାପ୍ କଲାଟା ମାନିଅଇକରି ଜଅନର୍ ଟାନେ ଜାଇ ଜର୍ଦନ୍ ଗାଡେ ଡୁବନ୍ ନେଇତେ ରଇଲାଇ ।

୭ \*ମାତର୍ ପାରୁସି ଆରି ସାଦୁକି ମନର୍ ବିଡ୍ରେ ଅନି ମିସା କେତେକ୍ ଲକ୍ ଡୁବନ୍ ନେବାକେ ଆଇବାଟା ଦେକି ଜଅନ୍ ସେମନ୍ଦକେ କଇଲା, “ଏ ବେସି ବିସ୍ତରଇବା ସାଁପର୍ ପାରା ବସ୍ତର୍ ଲକ୍ମନ୍, ପର୍ମେସରର୍ ଟାନେଅନି ଆଇବା ଡଣ୍ଡେଇ ଅନି ପାଲାଇବାକେ ତମ୍କେ କେ ଚେଡ୍ନା ଦେଲା ?” ତେବର୍ ପାଇ, ଜଦି ପାପ୍ କାମ୍ କର୍ବାଟା ଚାଡିଆରାସ୍, ସେନ୍ତାର୍ଆଲେ ନିକ କାମ୍ କରି ଦେକାଆ । ୮ \*ଅବ୍ରାଆମ୍ ଆମର୍ ପୁର୍ବର୍ ଆନିଦାଦି ବଲି କଇଲେ ତମ୍କେ ପର୍ମେସର୍ ଦେବା ଡଣ୍ଡ ନ ମିଲେ ବଲି ବାବା ନାଇ । ମୁଇ ତମ୍କେ କଇଲିନି, ପର୍ମେସର୍ ପାକ୍ନାତେଇ ଅବ୍ରାଆମର୍ ବସ୍ ତିଆର୍ କର୍ସି । ୯ \*ଆରି ଏବେ ମିସା ଗର୍ମନର୍ ବୁନ୍ଦେ ଟେଙ୍ଗିଆ ଲାଗିଆଚେ । ଜନ୍ ଗର୍ ନିକ ପଲ୍ ନ ପଲେ, ସେଟା

☆ ୨:୨୩ ୨:୨୩ ମାର୍କ ୧:୨୪; ଲୁକ୍ ୨:୩୯; ଜଅନ୍ ୧:୪୫ ☆ ୩:୨ ୩:୨ ମାତ୍ରିକ ୪:୧୭; ମାର୍କ ୧:୧୫ ☆ ୩:୭ ୩:୭ ମାତ୍ରିକ ୧୨:୩୪; ୨୩:୩୩ ☆ ୩:୯ ୩:୯ ଜଅନ୍ ୮:୩୩ ☆ ୩:୧୦ ୩:୧୦ ମାତ୍ରିକ ୭:୧୯

କାଟିକରି ଜଇଟାନେ ପିଙ୍ଗା ଅଇସି । <sup>୧୧</sup> ମୁଇ ସିନା ତମ୍ବେ ପାପେଅନି ମନ୍ ବଦ୍‌ଲାଇଲାଟା ଦେକାଇଅଇବାକେ ବଲି ପାନିତେଇ ତୁବନ୍ ଦେଲିନି, ମାତର୍ ମର୍ ପଚେ ଜେ ଆଇଲାନି, ସେ ମର୍ତେଇ ଅନି ଅଦିକ୍ ବପୁଟା । ତାର୍ ପାଦର୍ ପାଣ୍ଡୁଇ ମିସା ଦାରି ନେବାର୍ ମର୍ ଅଦିକାର୍ ନାଇ, ସେ ତମ୍ବେ ସୁକଲ୍‌ଆଡ଼ମାଇ ଆରି ଜଇଟାନେ ତୁବନ୍ ଦେଇସି । <sup>୧୨</sup> ଉଡାଲି କରି ପର୍ ବେଗଲାଇ ନିକଟାକେ ସଙ୍ଗଇବାକେ ତାର୍ ଆତେ କୁଲା ଆତେ । ନିକଟା ତାର୍ କଲ୍‌କିତେଇ ସଙ୍ଗଇସି ଆରି ବେଗଲଲା ପର୍ ସବୁଦିନେ ଲାଗ୍‌ତେରଇବା ଜଇଟାନେ ପିଙ୍ଗିଦେଇସି ।”

**ଜିସୁର୍ ତୁବନ୍**  
(ମାର୍‌କ ୧:୧୨-୧୩; ଲୁକ ୪:୧-୧୩)

<sup>୧୩</sup> ସେଡ଼କିବେଲେ ଜିସୁ ଜଅନର୍ ଲଗେ ତୁବନ୍ ନେବାକେ ଗାଲିଲି ଅନି ଜର୍ଦନ୍ ଗାତେ ଆଇଲା, <sup>୧୪</sup> ମାତର୍ ଜଅନ୍ ଜିସୁକେ ମନାକରି କଇଲା, “ମୁଇ ସିନା ତମ୍ବେ ଲଗେ ତୁବନ୍ ନେବାର୍ ଆତେ, ମାତର୍ ତମେ ମର୍ଲଗେ ଆଇଲାସିନି ?”

<sup>୧୫</sup> ମାତର୍ ଜିସୁ ତାକେ କଇଲା, “ମର୍ କାତାଇ ରାଜି ଅଇ ଜା । କାଇକେବଇଲେ ଏଟାର୍ ଲାଗି ଆମେ ପର୍ମେସର୍ ମନ୍ କରିରଇବା କାମ୍ କରିଅଇସି ।” ସେଟାର୍‌ପାଇ ଜଅନ୍ ତାକେ ତୁବନ୍ ଦେବାକେ ରାଜି ଅଇଲା ।

<sup>୧୬</sup> ଜିସୁ ତୁବନ୍ ନେବାକେ ପାନି ବିଡ଼ରେ ବୁଡ଼ି ବାରଇଲା ଦାପ୍‌ରେ ଏଦେ ଦେକା ! ସରଗ୍ ଉଗାଡ଼ି ଅଇ ରଇଲାଟା ଦେକଲା । ଆରି ପର୍ମେସରର୍ ଆଡ଼ମା ପରୁଆ ପାରା ଅଇ ଜିସୁର୍ ଉପ୍‌ରେ ଉତର୍‌ଲା । <sup>୧୭</sup> ଆରି ଦେକା ଆକାସେ ଅନି ଏନ୍ତି କାତା ଆଇଲା “ଏ ମର୍ ଆଲାଦର୍ ପିଲା, ତର୍‌ଟାନେ ମୁଇ ବେସି ସାର୍‌ଦା ।”

**୪**

**ସଇତାନ୍ ଜିସୁକେ ପରିକା କର୍‌ବାଟା**  
(ମାର୍‌କ ୧:୧୨-୧୩; ଲୁକ ୪:୧-୧୩)

<sup>୧</sup> ତାର୍‌ପଚେ ସୁକଲ୍‌ଆଡ଼ମା ଜିସୁକେ ମରୁବାଲି ବୁର୍‌ ତାକିନେଲା । ତେଇ ସଇତାନ୍ ତାକେ ପରିକା କଲା । <sup>୨</sup> ଜିସୁ ଚାଲିସ୍ ଦିନ୍ ଚାଲିସ୍ ରାତି ଉପାସ୍ ରଇକରି ବିତାଇଲା ପଚେ, ତାକେ ବେସି ବୁକ୍ କଲା । <sup>୩</sup> ସେଡ଼କିବେଲେ ସଇତାନ୍ ତାର୍ ଲଗେ ଆସି କଇଲା “ତୁଇ ଜଦି ପର୍ମେସରର୍ ପଅ, ତେବେ ଏ ପାକ୍‌ନାମନ୍ ‘ରୁଟି ଅଇଜା’ ବଲି ଆଦେସ୍ ଦେସ୍ ।”

<sup>୪</sup> ମାତର୍ ଜିସୁ କଇଲା, “ସାସ୍‌ତରେ ଲେକାଆତେ ମୁନ୍‌ସ୍ ଅବ୍‌କା ରୁଟି କାଇକରି ନ ବୁଟେ, ମାତର୍ ପର୍ମେସରର୍ ଟଣ୍ଡେ ଅନି ବାରଇବା ସବୁ ବାକିଅ ଟାନେ ବୁଟିସି ।” <sup>୫</sup> ତେଇଅନି ସଇତାନ୍ ଜିସୁକେ ସୁକଲ୍ ଗଡ଼ ଜିରୁସାଲାମ୍ ତାକିନେଲା । ତେଇ ତାକେ ମନ୍‌ଦିର୍ ଚିପେ ଚିଆ କରାଇ କଇଲା, <sup>୬</sup> “ତୁଇ ଜଦି ପର୍ମେସରର୍ ପଅ, ତେବେ ଇଡିଅନି ତଲେ ତେଗଇ ଦେସ୍, ସାସ୍‌ତରେ ଲେକା ଆତେ,

“ପର୍ମେସର୍ ତାର୍ ଦୁଡ଼ମନ୍‌କେ ତର୍ ବିସଇନେଇ ଆଦେସ୍ ଦେଇସି,

ଆରି ସେମନ୍ ତକେ ଆତେ ଦାରି ଟେକ୍‌ବାଇ ।  
ତେବେ ତର୍ ଗତେ ପାକ୍‌ନା ନ ପାଏ ।”

<sup>୭</sup> ଜିସୁ ସଇତାନ୍‌କେ କଇଲା, “ ପର୍ମେସରର୍ ସାସ୍‌ତରେ ଏନ୍ତି ଲେକାଆତେ, ତୁଇ ତର୍ ମାପ୍‌ରୁ ପର୍ମେସର୍କେ ପରିକା କର୍‌ନାଇ ।”

୮ ତାର୍ ପଚେ ସଇତାନ୍ ଜିସୁକେ ବେସି ଉର୍ ରଇବା ଗଟେକ୍ ଡଙ୍ଗର୍ ଚିପେ ତାକି ଦାରିଗାଲା । ଆରି ଦୁନିଆର୍ ସବୁ ରାଇଜର୍ ଦନ୍ ସ୍‌ପତି ଦେକାଇ କଇଲା, <sup>୯</sup> “ତୁଇ ଜଦି ମକେ ମାଣ୍ଡିକୁଟା ଦେଇ ଜୁଆର୍ କର୍‌ସୁ ବଇଲେ ମୁଇ ଏ ସବୁ ତକେ ଦେଇପାକାଇବି ।”

<sup>୧୦</sup> ତେଇ ଜିସୁ ତାକେ କଇଲା “ମର୍‌ଟାନେଅନି ଦୁର୍ ଅ ସଇତାନ୍, ସାସ୍‌ତରେ ଲେକା ଆତେ, ତୁଇ ପର୍ମେସର୍କେ ଜୁଆର୍ କର୍‌ସୁ, ଆରି ତାକେସେ ସେବା କର୍‌ସୁ ।” <sup>୧୧</sup> ତାର୍‌ପଚେ ସଇତାନ୍ ଜିସୁକେ ଚାଡ଼ି ବାରିଗାଲା, ଆରି ଏଦେ ଦେକା ! ସରଗର୍ ଦୁଡ଼ମନ୍ ଆସି ଜିସୁକେ ସେବା କର୍‌ବାର୍ ଦାର୍‌ଲାଇ ।

**ଜିସୁ ଗାଲିଲି ରାଇଜେ ତାର୍ କାମ୍ ଆରାମ୍ କଲା**  
(ମାର୍‌କ ୧:୧୪-୧୫; ଲୁକ ୪:୧୪-୧୫)

<sup>୧୨</sup> ତାର୍‌ପଚେ ତୁବନ୍ ଦେଉ ଜଅନ୍ ବନ୍ଦି ଅଇଲାଆତେ ବଲି ଜିସୁ ସୁନିକରି ଗାଲିଲି ଉଟି ଗାଲା । <sup>୧୩</sup> ତାର୍ ପଚେ, ସେ ନାଜରିଡ଼ ଚାଡ଼ି କରି ସବ୍‌ଲୁନର୍ ଆରି ନପ୍‌ତାଲିନ୍ ନାଉର୍ ଜାଗା ଲଗେ ରଇବା ଗାଡ଼ କଣ୍ଡି ରଇଲା, କପରନାଉମେ ଜାଇ ବାସା କଲା । <sup>୧୪</sup> ଜେନ୍ତାର୍ କି ଜିସାୟ୍ ବବିସ୍‌ତବକ୍‌ତାର୍ ଏ କାତା ପୁରୁନ୍ ଅଇଲା । ସେ କଇରଇଲା,

<sup>୧୫</sup> “ଜର୍ଦନ୍ ଗାଡ଼ ସେପାଟେ ସମ୍‌ଦୁରେ ଜିବା ବାଟେ  
ରଇଲା ସବ୍‌ଲୁନ୍ ଆରି ନାପ୍‌ତାଲି ନାଉର୍  
ଦୁଇଟା ଦେସ୍, ଅବିସ୍‌ବାସି ମନର୍ ଗାଲିଲି !

<sup>୧୬</sup> ଆନ୍ଦାରେ ରଇବା ଲକ୍‌ମନ୍ ବଡ଼ ଉଜଲର୍ ଦର୍‌ସନ୍ ଦେକ୍‌ବାଇ

☆ ୩:୧୭ ୩:୧୭ ମାତ୍ରିକ ୧୨:୧୮; ୧୭:୫; ମାର୍‌କ ୧:୧୧; ଲୁକ ୯:୩୫ ☆ ୪:୧ ୪:୧ ଏବ୍‌ରି ୨:୧୮; ୪:୧୫ ☆ ୪:୧୭ ୪:୧୭ ମାତ୍ରିକ ୧୪:୩; ମାର୍‌କ ୭:୧୭; ଲୁକ ୩:୧୯, ୨୦ ☆ ୪:୧୩ ୪:୧୩ ଜଅନ୍ ୨:୧୨

ଆରି ମରନର ଆନ୍ଦାରେ ରଇଲା  
ଲକ୍ମନର ଉପରେ ସେ ଉଜଲ୍ ଉଦ୍‌ସି ।”

୧୭ \*ସେ ବେଲାଇ ଅନି ଜିସୁ କଇବାର ଆରାମ୍ କରି ଜାନାଇବାର ଦାରଲା । ପାପ୍ କରବାତେଇଅନି ମନ୍ ବଦଲାଆ, ସରଗ୍ ରାଇଜ୍ ଲଗେ କେଟ୍‌ଲା ।

ଜିସୁ ଚାରଟା କେଡ଼ମ୍‌ନକେ ଡାକଲା  
(ମାର୍‌କ ୧:୧୭-୨୦; ଲୁକ୍ ୫:୧-୧୧)

୧୮ ଜିସୁ ଗାଲିଲି ସମୁଦ୍ର ପାଲି ରଇବା ଜାଗାମନ୍‌କେ ବୁଲ୍‌ବାବେଲେ ସିମନ୍ ଜାକେ କି ପିତର ବଲି କଇବାଇ, ଆରି ତାର ବାଇ ଆନ୍‌ରିୟ୍, ଏ ଦୁଇ ଲକ୍‌କେ ବେଟ୍ ଅଇଲା । ଏ ଦୁଇ ବାଇ ଗାଡେ ବଇଜାଲ୍ ମାରି ମାଟ୍ ଦାରତେରଇଲାଇ । ୧୯ ଜିସୁ ସେ ଦୁଇ ବାଇକେ ଡାକି କଇଲା, “ମର୍ ସଙ୍ଗ୍ ଆସା, ମୁଇ ତମ୍‌କେ ଲକ୍‌ମନ୍‌କେ ମାପ୍‌ରୁରବାଟେ ଆନ୍‌ବାଟା ସିକାଇବି ।” ୨୦ ସେଦାପ୍‌ରେ ସେମନ୍ ଜାଲ୍ ଚାଡି, ଜିସୁର୍ ପଟେ ପଟେ ଗାଲାଇ ।

୨୧ ଜିସୁ ଆରି ତେଇଅନି କଣ୍ଠେକ୍ ଦୁର୍ ଆଗେ ଜାଇ ଜେବଦିର୍ ପଅ ଜାକୁବ୍ ଆରି ତାର ବାଇ ଜଅନ୍‌କେ ବେଟ୍ ଅଇଲା । ସେଡ଼କିବେଲେ ଏ ଦୁଇବାଇ ଡାକର୍ ବାବା ସଙ୍ଗ୍ ଡଙ୍ଗାଲ୍ ଜାଲ୍ ସାଜାଡ଼ତେ ରଇଲାଇ ।

୨୨ ଜିସୁ ସେମନ୍‌କେ ମିସା ଡାକଲା ଆରି ସେମନ୍ ଦାପ୍‌ରେ ଡଙ୍ଗା ଆରି ଡାକର୍ ବାବାକେ ଚାଡିକରି ଜିସୁର୍ ସଙ୍ଗ୍ ଗାଲାଇ ।

ଜିସୁ ପର୍‌ମେସରର୍ ବିସଇ ଜାନାଇ ନିମାନ୍ କରବାଟା  
(ଲୁକ୍ ୬:୧୭-୧୯)

୨୩ \*ଜିସୁ ଗାଲିଲିର୍ ଗୁଲାଇବାଟେ ବୁଲି ବୁଲି ଜିଉଦିମନ୍‌ର ସବୁ ପାର୍‌ତନା ଗର୍‌ମନ୍‌କେ ସିକିଆ ଦେଇ, ପର୍‌ମେସରର୍ ରାଇଜର୍ ବିସଇ ଜାନାଇଲା । ଆରି ବିନ୍ ବିନ୍ ରଗେ ରଇବା ଲକ୍‌ମନ୍‌କେ ସବୁ ରକାମର୍ ରଗ୍ ଆରି ସବୁ ଦୁକ୍ କସ୍‌ଟ, ନିମାନ୍ କଲା । ୨୪ ସିରିଆ ଦେସର୍ ଗୁଲାଇବାଟେ ତାର ନାଉଁ ଜାନ୍‌ଲାଇ ଆରି ଲକ୍‌ମନ୍ ଡୁମା ଦାରିରଇବା, ମୁର୍‌ଟା ଅଇରଇବା, ଚେରେଙ୍ଗ୍ ଦାରି ରଇବା ଆରି ବିଆଦି ଦାରିରଇଲା ଲକ୍‌ମନ୍‌କେ ତାରଲଗେ ଆନ୍‌ଲାଇ । ସେ ସବୁକେ ନିକ କଲା । ୨୫ ଆନି ରଇବା ସବୁ ଲକ୍‌ମନ୍‌କେ ଜିସୁ ନିକ କଲା । ଗାଲିଲି ଅନି ଆରି ଦସ୍‌ଟା ସଅରେଅନି, ଆରି ଜିରୁସାଲାମ୍, ଜିଉଦା ଆରି ଜର୍‌ଦନ୍ ସେବାଟେ ରଇଲା ଜାଗାମନ୍‌ତେଇଅନି ବେସି ଲକ୍‌ମନ୍ ଜିସୁର୍ ସଙ୍ଗ୍ ଗାଲାଇ ।



ଜିସୁ ଡଙ୍ଗର୍ ଉପରେଅନି ସିକାଇବାଟା

୧ ଜିସୁ ଜବର୍ ଲକ୍‌ମନ୍ ତାରଟାଗେ ଆଇବାଟା ଦେକି ଡଙ୍ଗର୍ ଉପରେ ଜାଇ ବସଲା । ସିସ୍‌ମନ୍ ତାକେ ଚାରିବେଡ଼ି ଗେରି ରଇଲାଇ । ୨ ସେବେଲେ ଜିସୁ ସେମନ୍‌କେ ସିକିଆ ଦେଇ କଇବାର ଦାରଲା ।

କେଡ଼ାର୍ ଲକ୍‌ମନ୍‌ର ନିକ କରମ୍  
(ଲୁକ୍ ୬:୨୦-୨୩)

୩ “ଜନ୍ ଲକ୍‌ମନ୍ ଆଡ଼ମାଇ କାକୁର୍ତି ଅଇଆଚଡ଼, ସେମନ୍‌ର କେଡେକ୍ ନିକ କରମ୍, କାଇକେବଇଲେ ସରଗ୍ ରାଇଜ୍ ଡାକର୍‌ଟା ।”

୪ ଦୁକେ ରଇବା ଲକ୍‌ମନ୍‌ର କେଡେକ୍ ନିକ କରମ୍, କାଇକେବଇଲେ ପର୍‌ମେସର୍ ସେମନ୍‌ର ଦୁକ୍ ସାରାଇସି ।

୫ ସୁଆଲେ ରଇବା ଲକ୍‌ମନ୍‌ର କେଡେକ୍ ନିକ କରମ୍, କାଇକେବଇଲେ ସେମନ୍ ପର୍‌ମେସର୍ ସପଡ଼ କିରିରଇବା ବିସଇ ମିଲାଇବାଇ ।

୬ ଜନ୍ ଲକ୍‌ମନ୍ ପର୍‌ମେସରର୍ ମନ୍ କଲା ଇସାବେ କାମ୍ କରବାକେ ଆସା କରବାଇ, ତାକର୍ କେଡେକ୍ ନିକ କରମ୍, କାଇକେବଇଲେ ପର୍‌ମେସର୍ ସେମନ୍‌କେ ସାରଦା କରାଇସି ।

୭ ବିନ୍ ଲକ୍‌ମନ୍‌କେ ଦୟା ଦେକାଇବା ଲକ୍‌ମନ୍‌ର କେଡେକ୍ ନିକ କରମ୍, କାଇକେବଇଲେ ସେମନ୍‌କେ ପର୍‌ମେସର୍ ଦୟା କରସି ।

୮ ମନ୍ ବିଡ଼ରେ ନିର୍‌ମଲ୍ ରଇଲା ଲକ୍‌ମନ୍‌ର କେଡେକ୍ ନିକ କରମ୍, କାଇକେବଇଲେ ସେମନ୍‌କେ ପର୍‌ମେସରର୍ ଦର୍‌ସନ୍ ମିଲ୍‌ସି ।

୯ ସାନ୍ତିର୍ ପାଇ କାମ୍ କରବା ଲକ୍‌ମନ୍‌ର କେଡେକ୍ ନିକ କରମ୍, କାଇକେବଇଲେ ସେମନ୍ ପର୍‌ମେସରର୍ ପିଲାଟକି ବଲି ନାମାଇ ଅଇବାଇ ।

୧୦ \*ଜନ୍ ଲକ୍‌ମନ୍ ପର୍‌ମେସରର୍ ମନ୍ କଲା ଇସାବେ କାମ୍ କରି ଦୁକ୍ କସ୍‌ଟ ପାଇବାଇ, ସେମନ୍‌ର କେଡେକ୍ ନିକ କରମ୍, କାଇକେବଇଲେ ସରଗ୍ ରାଇଜ୍ ଡାକର୍‌ଟା ।



୧୧ “ମକେ ବିସ୍ବାସ କରବାର ଲାଗି ତମ୍ଭେ ଲକ୍ଷ୍ମୀନ୍ ନିନ୍ଦା ଆରି କସ୍ତ ଦେବାଇ, ଆରି ତୁତାଇ ତମର୍ ବିରୁଦ୍ଧେ ମିର୍ କାତା କଇବାଇ, ନିଜ୍ଜେ କେତେ କରମର୍ ଲକ୍ଷ୍ମୀ ବଲି ମନେ କରା । ୧୨ \*ସାର୍ଦ୍ଦା ଅଇ ସାର୍ଦ୍ଦାଇ ରୁଆ, କାଇକେବଇଲେ ସର୍ଗେ ତମର୍ ପାଇ ବଡ଼ ପୁରୁଷ୍ଟକାର୍ ସଙ୍ଗଇଲା ଆଚେ । ମନେରକା ସେନ୍ତାରି ତମର୍ ଆଗ୍ତୁ ରଇଲା ବବିସତ୍ବକ୍ତାମନ୍ ମିସା ଦୁକ୍ପାଇ ରଇଲାଇ ।”

**ନୁନ୍ ଆରି ଉଜଲ୍**  
(ମାର୍ଚ୍ଚକ ୯:୫୦; ଲୁକ୍ ୧୪:୩୪-୩୫)

୧୩ “ତମେ ସବୁ ମୁନ୍ସୁ ଜାତିର୍ପାଇ ନୁନ୍ ପାରା । ମାତର୍ ନୁନ୍ ଜଦି ସୁଆଦ୍ ଆରାଇସି, ତେବେ ସେଟା କେନ୍ତ୍ର କରିଆ ଅଇସି ? ସେଟା ଆରି କାଇ କାମେ ନ ଆସେ, ତେବେ ତାକେ ବାଇରେ ପିଙ୍ଗି ଦେବାଇ ଆରି ସେଟା ଲକ୍ଷ୍ମୀନ୍ ମାଣ୍ଡି ପାକାଇବାଇ ।”

୧୪ \*ତମେ ଗୁଲାଇ ଜଗତର୍ ପାଇ ଉଜଲ୍ ପାରା । ଜନ୍ ଗଡ଼ ତଙ୍ଗର୍ ଉପରେ ତିଆର୍ ଅଇଲାଆଚେ, ସେଟା କେବେ ମିସା ଲୁଟି ରଇ ନାପାରେ । ୧୫ \*କେ ମିସା ବଡ଼ି ତସାଇକରି ଆଣ୍ଡିତାବି ନ ସଙ୍ଗଅଡ଼ । ସେଟା ବଡ଼ିକୁଦରା ଉପରେ ସଙ୍ଗଇବାଇ ଆରି ଗରେ ରଇଲା ସବୁ ଲକ୍ଷ୍ମୀକେ ଉଜଲ୍ ଦେଇସି । ୧୬ \*ସେନ୍ତାରିସେ ତମର୍ ଉଜଲ୍ ଲକ୍ଷ୍ମୀନର୍ଗାନେ ଉଜଲ୍ ତିସ । ସେନ୍ତାଆଲେ ତମର୍ ସତ୍ବକାମ୍ ଦେକି ସେମନ୍ ସର୍ଗେ ରଇବା ବାବା ପର୍ମେସରର୍ ଡାକ୍ପୁଟା କରବାଇ ।

**ରିତି ନିତି**

୧୭ “ମୁଇ ମିସା, କରରଇବା ନିୟମ୍ କି ବାବବାଦିମନର୍ ଦରମ୍ ସାସ୍ତର୍ ବୁଡାଇବାକେ ଆସିଆଟି ବଲି ବାବା ନାଇ । ମୁଇ ସେଟା ବୁଡାଇବାକେ ଆସିନାଇ ମାତର୍ ସିଦ୍ କରବାକେ ଆସିଆଟି । ୧୮ \*ମନେରକିରୁଆ, ମୁଇ ତମ୍ଭେ ସତ୍ କଇଲିନି ସରଗ୍ ଆରି ଦରତନି ତବିର୍ ଅଇ ରଇବା ଜାକ ମସାର୍ ନିୟମର୍ ଗଟେକ୍ ତିନ୍ ମିସା ନ ବୁଡେ । ସବୁ ବିସଇ ପୁରାପୁରୁନ୍ ନ ଅଇତେ ଏ ସବୁ ନ ଗଟେ । ୧୯ ତେବର୍ପାଇ ଜେ ମିସା ନିୟମ୍ ତେଇ ରଇବା ସବୁଗାନେଅନି ସାନ୍ ଆଦେସ୍ ନ ମାନେ ଆରି ସେନ୍ତ୍ର କରବାକେ ବିନ୍ ଲକ୍ଷ୍ମୀନକେ ସିକାଇସି, ସେ ସରଗ୍ ରାଇଜେ ସବୁଗାନେଅନି ସାନ୍ ଲକ୍ଷ୍ମୀ ବଲି ଏଜାଇଅଇସି । ମାତର୍ ଜେ ନିୟମର୍ ସବୁ ବିସଇର୍ ସାନ୍ ଆଦେସ୍ ମାନ୍ସି ଆରି ସେଟା ବିନ୍ ଲକ୍ଷ୍ମୀନକେ ସିକାଇସି, ସେ ସରଗ୍ ରାଇଜେ ବଡ଼ ଲକ୍ଷ୍ମୀ ବଲି ଏଜାଇଅଇସି । ୨୦ କାଇକେବଇଲେ ମୁଇ ତମ୍ଭେ କଇଲିନି, ସାସ୍ତର୍ ସିକାଉମନ୍ ଆରି ପାରୁସିମନର୍ତେଇଅନି ଅଦିକ୍ ବିସ୍ବାସ୍ ରଇ, ପର୍ମେସରର୍ ମନ୍ କଲା ଇସାବେ, କାମ୍ କଲେସେ ସରଗ୍ ରାଇଜେ ଜାଇପାରିସ୍ ।”

**ରିସା ଅଇବା ବିସଇ ନେଇ ସିକିଆ**

୨୧ “ତମେ ସୁନି ଆଗାସ୍ ଜେ, ପୁରବେଅନି ଲକ୍ଷ୍ମୀନକେ କୁଆଅଇଲା ଆଚେ, ଲକ୍ଷ୍ମୀକେ ମରାଇବାର୍ ନାଇ । ଆରି ଜେ ମରାଇସି ବଇଲେ ସେ ବିଚାର୍ କରାଇଅଇସି । ୨୨ ମାତର୍ ମୁଇ କଇଲିନି, ଜେ ମିସା ବାଇକେ ରିସା ଅଇସି, ତାକେ ସବାଟାନେ ବିଚାର୍ନା କରାଇଅଇସି । ଜେ ବାଇକେ ଏ ବେକାର୍ଟାସେ ବଲି କଇସି, ତାକେ ବଡ଼ ସବାଟାନେ ବିଚାର୍ନା କରବାକେ ଆନ୍ବାଇ, । ଆରି ଜେ ବାଇକେ ଏ ବକୁଆଟାସେ ବଲି କଇସି, ତାର୍ପାଇ ନରକର୍ ଜଇଟାନେ ପିଙ୍ଗାଇଅଇବା ବିପଦ୍ ଆଚେ । ୨୩ ସେଟାର୍ପାଇ ତମେ ପର୍ମେସରକେ ବେଦି ଟାନେ ନିଜର୍ ଦାନ୍ ଦେଲା ବେଲେ, ତେଇ ତମର୍ ବିରୁଦ୍ଧେ ତମର୍ ବାଇର୍ କାଇମିସା କାତା ଆଚେ ବଲି ମନେ ଏତାଇଲୁସ୍, ୨୪ ସେନ୍ତ୍ର ବଇଲେ ବେଦିଲଗେ ବଲିଦେବାଟା ସଙ୍ଗଇଦେଇ ବାରିଜା, ଆଗେ ନିଜର୍ ବାଇ ସଙ୍ଗ୍ ମିସା, ତାର୍ ପଚେ ଆସି ତମର୍ ବଲି ଦିଆସ୍ ।”

୨୫ ଜଦି କେ ତମର୍ ବିରଦେ ତମ୍ଭେ ବିଚାର୍ କରବା ଜାଗାଇ ଜିବାକେ ବାଦିଅ କରସି ବଇଲେ, ବିଚାର୍ ଜାଗାଇ ଜିବା ଆଗ୍ତୁ, ବେଲ୍ ରଇତେସେ ତାର୍ ସଙ୍ଗ୍ ରାଜି ଅ । ନଇଲେ ବିଚାର୍ କରବା ଜାଗାଇ କେଟିଗାଲେ, ସେ ତମ୍ଭେ ବିଚାର୍କରୁକେ ସର୍ପି ଦେଇସି ଆରି ଅଇପାରେ ବିଚାର୍ କରୁ ତମ୍ଭେ ବନ୍ଦି ଗରେ ନେବାକେ ଜମାନ୍ଦକେ ସର୍ପି ଦେଇସି ।

୨୬ ମୁଇ ତମ୍ଭେ ସତ୍ କଇଲିନି, ତମର୍ ଉପରେ ଟିକ୍ ଅଇଲା ଜରିମନାର୍ ସାରାସାରି ଅଣା ମିସା ନ ଦେବା ଜାକ, ତେଇଅନି କୁଲାସ୍ ନ ଉଆସ୍ ।

**ବେସିଆ କାମ୍ ବିସଇ ନେଇ ସିକିଆ**

୨୭ “ବେସିଆ କାମ୍ କରାନାଇ, ତମେ ପୁରବେ ଅନି ଏ ଆଦେସ୍ ସୁନି ଆସିଆଗାସ୍ । ୨୮ ମାତର୍ ମୁଇ ତମ୍ଭେ କଇଲିନି, ଜେ ମିସା ବିନ୍ ମାଇଜିକେ ବେସିଆକାମ୍ ଇସାବେ ଆଁକି ଦେକ୍ସି, ସେ ତାର୍ ସଙ୍ଗ୍ ମନେ ମନେ ବେସିଆ କାମର୍ ଅପ୍ତରାଦ୍ କଲାଆଚେ । ୨୯ \*ସେଟାର୍ପାଇ ତମର୍ ଉଜାବାଟର୍ ଆଁକିର୍ ଲାଗି ତମେ ପାପ୍କରିଆଗାସ୍, ତେବେ ସେଟା ବେଟି ପିଙ୍ଗି ଦିଆସ୍, କାଇକେ ବଇଲେ ତମର୍ ସବୁ ଗାଗଡ଼ ନର୍କେ ଜିବା ବାଦୁଲେ ଗଟେକ୍ ଆଁକି ନସ୍ତ ଅଇବାଟା ତମର୍ପାଇ ନିକ

\* ୫:୧୧ ୫:୧୧ ୧ ମ ପିତର୍ ୪:୧୪    \* ୫:୧୨ ୫:୧୨ ପେରିର୍ ୭:୫୨    \* ୫:୧୩ ୫:୧୩ ମାର୍ଚ୍ଚକ ୯:୫୦; ଲୁକ୍ ୧୪:୩୪,୩୫    \* ୫:୧୪ ୫:୧୪ ଜମନ୍ ୮:୧୨,୯:୫    \* ୫:୧୫ ୫:୧୫ ମାର୍ଚ୍ଚକ ୪:୨୧; ଲୁକ୍ ୮:୧୨;୧୧:୩୩    \* ୫:୧୬ ୫:୧୬ ୧ ମ ପିତର୍ ୨:୧୨    \* ୫:୧୮ ୫:୧୮ ଲୁକ୍ ୧୨:୧୭    \* ୫:୨୯ ୫:୨୯ ମାତ୍ରିକ ୧୮:୯; ମାର୍ଚ୍ଚକ ୯:୪୭

। ୩୦ ☆ଜଦି ତମର ଉଜା ଆଡ଼ ତମକେ ପାପ କାମ କରାଇଲାନି ବଇଲେ, ସେଟା କାଟି ପିଙ୍ଗି ଦିଆସ୍, କାଇକେ ବଇଲେ ତମର ସବୁ ଗାଗଡ଼ ନରକେ ଜିବା ବାଦୁଲେ ଗଟେକ୍ ଆଡ଼ ନସ୍ଟ ଅଇବାଟା ନିକ ।”

**ଚାଡ଼ାମେଲା ବିସଇ ନେଇ ସିକିଆ**  
(ମାତ୍ରିକ ୧୯:୯; ମାର୍କ ୧୦:୧୧,୧୨; ଲୁକ୍ ୧୬:୧୮)

୩୧ ☆“ଜଦି କେ ମିସା ନିଜର ମାଇଜିକେ ଚାଡ଼ିଦେବାକେ ମନ୍ କଲାନି, ସେ ତାକେ ରାଜିନାମା ପତର ଲେକି ଚାଡ଼ିଦେଅ । ଏ ସିକିଆ ତମେ ଆଗତୁ ପାଇଆଚାସ୍ । ୩୨ ☆ମାତର ମୁଇ କଇଲିନି, ଜେକି ନିଜର ମାଇଜିକେ ବେସିଆ କାମ ଚାଡ଼ି ଅଲଗା ଦସ୍ ଦାରି ଚାଡ଼ସି, ସେ ତାକେ ପାଦ୍ରି କରାଇବା ଅପରାଦେ ଦସିଅଇସି, ଆରି ଜେକି ଚାଡ଼ଲା ମାଇଜିକେ ବିବା ଅଇସି, ସେ ପାଦ୍ରି ଅଇସି ।”

**ପରମାନ ବିସଇ ନେଇ ସିକିଆ**

୩୩ “ତମେ ପୁରୁବ୍ କାଲେଅନି ଏ ସିକିଆ ସୁନି ଆଇଲାସ୍ନି, ପରମାନ ବାଙ୍ଗା ନାଇ । ପରମେସରର ମୁଆଟେ ଜନ୍ ପରମାନ କରିଆଚାସ୍ ସେଟା ପୁରାପୁରୁନ୍ କରା । ୩୪ ☆ମାତର ମୁଇ ତମକେ କଇଲିନି ସପଡ଼ କରବା ବେଲେ ପରମାନ ନିୟମ୍ ପାକାଆ ନାଇ । ସରଗ୍ ନାଉ ଦାରି ରାନ୍ ପାକାଆ ନାଇ, କାଇକେବଇଲେ ସେଟା ପରମେସରର ବସ୍ବା ଜାଗା । ୩୫ ଦରତନିର ନାଉଁ ଦାରି ରାନ୍ ପାକାଆ ନାଇ, କାଇକେବଇଲେ, ସେଟା ପରମେସରର ପାଦ୍ ସଙ୍ଗଇବା ଜାଗା । ଜିରୁସାଲାମ୍ ଗଡ଼ ନାଉଁ ଦାରି ମିସା ରାନ୍ ପାକାଇବାଟା ଟିକ୍ ନାଇ, କାଇକେବଇଲେ ସେଟା ରାଜାମନର୍ ରାଜା ରଇବା ଜାଗା । ୩୬ ଆରି ନିଜର ମୁଣ୍ଡ ଟିକି କରି ପରମାନ କରାନାଇ, କାଇକେବଇଲେ ତମେ, ତେଇର୍ ଗଟେକ୍ ଚେଣ୍ଟି ଦବ୍ଲା କି କାଲିଆ କରିନାପାରାସ୍ । ୩୭ ମାତର ତମେ ପରମାନ ନିୟମ୍ ନ କରି, ତର ଉଁ କାତା ଉଁ ଅ, ନାଇ କାତା ନାଇ ଅ, ଇଡିଅନି ଆରି ଅଦିକ୍ କାତା କଇ ପରମାନ କରବାଟା ସଇତାନରଟାନେଅନି ଆଇଲାଟା ।”

**ଇସାତଲା ବିସଇ ନେଇ ସିକିଆ**  
(ଲୁକ୍ ୬:୩୦)

୩୮ “ଏ କାତା ତମେ ସୁନିଆଚାସ୍, ଆଁକିର ବାଦୁଲେ ଆଁକି ଆରି ଦାଁତର ବାଦୁଲେ ଦାଁଡ଼, ୩୯ ମାତର ମୁଇ ତମକେ କଇଲିନି, ତମର ବିରଦେ କେ ଅନିଆଇ କାମ୍ କଲେ, ତାକେ ସୁଜାଇବାକେ ଚେସ୍ଟା କରା ନାଇ, ଜେ ତମର ଉଜା ଗାଲେ ଚାପଡ଼ ମାର୍ସି, ତାକେ ଆରି ଗଟେକ୍ ଚାପଡ଼ା ମାର୍ସିବାକେ ଡେବ୍ରି ଗାଲ୍ ମିସା ଦେକାଇ ଦିଆସ୍ । ୪୦ କେ ଜଦି ତମରସଙ୍ଗ୍ ବିରଦ୍ କରି ବିଚାର୍ ଲଗେ ଦାବିକରି ତମର କାମିଜ୍ ନେବାକେ ମନ୍ କରସି, ତାକେ ଚାଦ୍ରି ମିସା ଦେଇ ପାକାଆ । ୪୧ ସନିଅମନର୍ ବିଡ଼ରେ ଅନି, କେ ମିସା ତମକେ ତାର୍ ବଜ୍ ବୁଆଇ କରି ଗଟେକ୍ କିଲମିଟର୍ ଜୁ ଆକା ବଇଲେ, ତମେ ତାର୍ ସଙ୍ଗ୍ ବୁଇ କିଲମିଟର୍ ଜା । ୪୨ କେ ଜଦି ତମକେ କାଇଆଲେ ଜିନିସ୍ ମାଙ୍ଗ୍ସି ବଇଲେ, ମନା ନ କରି ତାକେ ଦିଆସ୍ । କେ ମିସା କାଇଆଲେ ଉଦାର୍ ମାଙ୍ଗ୍ଲେ ତାକେ ଦିଆସ୍ ।”

**ସତ୍ତରୁକେ ଆଲାଦ୍ କରା**  
(ଲୁକ୍ ୭:୨୭-୨୮, ୩୨-୩୬)

୪୩ “ମଇତରକେ ଆଲାଦ୍ କରା ଆରି ତମର ସତ୍ତରୁକେ ଗିନ୍ କରା । ଏ ସିକିଆ ତମେ ପୁରବେଅନି ସୁନି ଆଚାସ୍ । ୪୪ ମାତର ମୁଇ ତମକେ କଇଲିନି, ସତ୍ତରୁମନକେ ଆଲାଦ୍ କରା, ଜନ୍ ଲକ୍ ତମକେ କସ୍ଟ ଦେଲାଇନି, ତାକର୍ପାଇ ପାର୍ତନା କରା । ୪୫ ଏଟା କଲେ ସରଗର୍ ପରମେସରର୍ ପିଲା ବଲି ଚିନାପଡ଼ସା । କାଇକେ ବଇଲେ ପରମେସର ବଲ୍ କାରାପ୍ ବୁଇ ଲକ୍ ପାଇ ମିସା ବେଲର୍ ଉଜଲ୍ ଦେଲାନି, ଆରି ଦରମ୍ ରଇବା, ଦରମ୍ ନ ରଇବା ସବୁର୍ ଉପରେ ବରସା ମାରାଇଲାନି । ୪୬ ତେବେ, ତମକେ ଆଲାଦ୍ କରବା ଲକ୍କେ ଆଲାଦ୍ କଲେ, ପରମେସର ତମକେ କାଇକେ ପୁରୁସକାର୍ ଦେଇସି ? ସିସ୍ତୁ ମାଙ୍ଗ୍ବା ଲକ୍ମନ ମିସା ସେକ୍ଟି କରବାଇ । ୪୭ ତମେ ଜଦି ନିଜର ନିଜର ବାଇମନକେସେ ଜୁଆର୍ କରସା, ତେବେ ଆରି ଅଦିକ୍ କାଇଟା କଲାସନି ? ବିସ୍ବାସ୍ ନକଲା ଲକ୍ମନ ମିସା ସେଟା କରବାଇ । ୪୮ ସେଟାର୍ ପାଇ ତମର ସରଗର୍ ବାବା ଜେନ୍ତାର୍ ସିଦ୍, ତମେ ମିସା ସେନ୍ତାର୍ ସିଦ୍ ଅଇବା ଦରକାର୍ ।”



**ଦାନ ବିସଇନେଇ ସିକିଆ**

୧ ☆ଲକ୍ମନକେ ଦେକାଇଅଇବାକେ ସବୁର୍ ମୁଆଟେ ନିକ କାମ୍ କରାନାଇ । ସେଟା କଲେ ସର୍ଗେ ରଇବା ତମର ବାବାର୍ ଟାନେଅନି ପୁରୁସକାର୍ ନ ପାଆସ୍ । ୨ ତେବେ ଗଟେକ୍ ଗରିବ୍ ଲକ୍କେ ଦାନ ଦେବା ବେଲେ କୁଟିଆଲ୍ମନର୍ ପାରା ଦେକାଇ ନ ଉଆ । ସେମନ୍ ଲକ୍ମନରତେଇ ଅନି ଡାକ୍ପୁଟା ପାଇବାକେ ପାର୍ତନା ଗରେ ଆରି ସାଇ ମଜାଇ ଦାନଦରମ୍ ଦେକାଇବାଇ । ମୁଇ ସଡ଼ କଇଲିନି ଜେ, ସେମନ୍ ଇଡିଅନି ସେମନର୍ ବୁଡି ପୁରାପୁରୁନ୍ ପାଇସାରି ଆଚଡ଼ । ୩ ମାତର ତମେ ଅବାବେ ରଇଲା

☆ ୫:୩୦ ୫:୩୦ ମାତ୍ରିକ ୧୮:୮; ମାର୍କ ୯:୪୩ ☆ ୫:୩୧ ୫:୩୧ ମାତ୍ରିକ ୧୯:୭; ମାର୍କ ୧୦:୪ ☆ ୫:୩୨ ୫:୩୨ ମାତ୍ରିକ ୧୯:୯; ମାର୍କ ୧୦:୧୧,୧୨; ଲୁକ୍ ୧୬:୧୮; ୧୮ କରନ୍ତ୍ରୟ ୧୦:୧୦,୧୧ ☆ ୫:୩୪ ୫:୩୪ ଜାକୁବ ୫:୧୨; ମାତ୍ରିକ ୨୩:୨୨ ☆ ୬:୧ ୬:୧ ମାତ୍ରିକ ୨୩:୫

ଲକ୍ଷ୍ମୀଙ୍କେ ସାଇଜ କଲ୍ୟାଣେ, ଏନ୍ତାରି କରା, ଜେନ୍ତୁକି ତମର ଲଗର ମଇତର ମିସା ଏ କାତା ନାଜାନ । ୪ ତମର ଏ ଦାନ ଲୁଚ୍ତେ ଅଇରଇଲେ ମିସା ସବୁ ଦେକ୍‌ବା ବାବା ପରମେସର ସେଟା ଦେକି ତମ୍ଭେ ପୁରୁସ୍କାର ଦେଇସି ।

**ପାର୍ତନା ବିସଇ ନେଇ ସିକିଆ**  
(ଲୁକ୍ ୧୧:୨-୪)

୫ \*ପାର୍ତନା କରବା ବେଲେ କୁଟିଆଲ୍ ବିସ୍‌ବାସିମନରୁ ପାରା ଉଆନାଇ । କାଇକେ ବଇଲେ ସେମନ୍ ଲକ୍ଷ୍ମୀଙ୍କେ ଦେକାଇ ଅଇବାକେ ପାର୍ତନା ଗରମନ୍‌କେ ଆରି ଗାଉଁର ମଜା ତାଣ୍ଡେ ଚିଆ ଅଇକରି ପାର୍ତନା କରବାକେ ମନ୍ କରବାଇ । ମୁଇ ତମ୍ଭେ ସତ୍ କଇଲିନି, ସେମନ୍ ନିଜର ନିଜର ପୁରୁସ୍କାର ପାଇଲାଇବେ । ୬ ମାତର ତମେ ପାର୍ତନା କରବାକେ ତମର ବାକରାଇ ଜାଇ, କାକେ ନ ଦେକାଇଅଇତେ ପୁରିକରି କାପାଟ୍ ତାବିଅଇଦିଆସ ଆରି ନ ଡିସାଇ ଅଇବା ତମର ସରଗର ବାବାର ଲଗେ ପାର୍ତନା କରା । ତମେ ଲୁଚ୍ତେ ଜାଇଟା କରସା, ସେଟା ଦେକି ତମର ବାବା ତମ୍ଭେ ପୁରୁସ୍କାର ଦେଇସି ।

୭ ପାର୍ତନା କରବା ବେଲେ ପରମେସରକେ ବିସ୍‌ବାସ୍ ନ କରବା ଲକ୍ଷ୍ମୀଙ୍କର ପାରା ଅରତ୍ ନଇଲା କାତା ତରକେ ତର କଇ ଆଉଲି ନ ଉଆ, ବେସି ପର ପାର୍ତନା କଲେ ସେ ପରମେସର ସୁନ୍‌ସି ବଲି, ସେମନ୍ ମନେ ବାବ୍‌ବାଇ । ୮ ସେମନ୍‌ର ପାରା ଉଆ ନାଇ । ତମେ ମାଙ୍ଗ୍‌ବା ଆଗରୁ ଜାଇଟା ଦରକାର୍, ତମର ସରଗର ବାବା ପରମେସର ସେଟା ସବୁ ଜାନ୍‌ସି ।

୯ ସେଟାର ପାଇ ତମେ ଏନ୍ତାରି ପାର୍ତନା କରବାର୍ ଆତେ ।  
ଏ ଆମର ସରଗର ବାବା,

ତମର ସୁକଲ୍ ନାଉଁ ଡାକ୍‌ପୁଟା ପାଅ ।

୧୦ ତମର ସାସନ୍ ଆସ । ସରଗେ ତମର ମନ୍ କଲ୍ୟାଣା ଜେନ୍ତାରି ସିଦ୍ ଅଇଲାନି,  
ଏ ରାଇଜେ ମିସା ସେନ୍ତାରି ତମେ ମନ୍ କଲ୍ୟାଣା ସିଦ୍ ଅ ।

୧୧ ଆଜି ଆମକେ ଦରକାର ରଇଲା କାଦି କାଇବାକେ ଦିଆ ।

୧୨ ଆମର ବିରଦେ ଦସ୍ କରିରଇବା ଲକ୍ଷ୍ମୀଙ୍କେ  
ଆମେ ଜେନ୍ତାର କେମା କଲୁନି, ସେନ୍ତାରି ଆମର ସବୁ ଦସ୍ କେମା କରା ।

୧୩ ବେସି କସ୍‌ଟ ରଇବା ପରିକା ଆମକେ ମୁରଦ୍‌ବାକେ ଦିଆ ନାଇ,  
ମାତର କାରାପ୍ କାମେଅନି ରକିଆ କରା

ଜେନ୍ତୁକି ତମର ରାଇଜ, ତମର ବପୁ,

ଆରି ଡାକ୍‌ପୁଟା ସବୁ ଜୁଗେଜୁଗେ ତମର ଅଇକରି ରଅ\* । ଆମେନ୍ !

୧୪ \*“ତମର ବିରଦେ ଦସ୍ କରିରଇବା ବିନ୍ ଲକ୍ଷ୍ମୀଙ୍କେ ଜଦି ତମେ କେମା କରସା, ତମର ସରଗର ବାବା ପରମେସର ମିସା ତମ୍ଭେ କେମା କରସି । ୧୫ ମାତର ତମେ ଜଦି ବିନ୍ ଲକ୍ଷ୍ମୀଙ୍କେ କେମା ନ କରାସ୍, ସରଗର ବାବା ମିସା ତମେ କରିରଇବା ପାପ୍‌ଦସ୍ କେମା ନ କରେ ।”

**ଉପାସ୍ ରଇବା ବିସଇ ନେଇ ସିକିଆ**

୧୬ “ଉପାସ୍ କରବା ବେଲେ ଦରମ୍ ବଲି ଦେକାଇଅଇଲା ଲକ୍ଷ୍ମୀଙ୍କ ପାରା ବାଇରେ ସପାସୁତର ଅଇବାଟା ଚାଡିଦେବାର ନାଇ । ସେମନ୍ ଉପାସ୍ କଲୁନି ବଲି ଲକ୍ଷ୍ମୀଙ୍କ ଲଗେ ଦେକାଇ ଅଇବାକେ ସେନ୍ତାରି କରବାଇ । ମୁଇ ତମ୍ଭେ ସତ୍ କଇଲିନି, ସେମନ୍ ଏନ୍ତି କରବାର୍ ଲାଗି ନିଜର ପୁରୁସ୍କାର ସବୁ ପାଇଲାଇବେ । ୧୭ ମାତର ତମେ ଉପାସ୍ କରବା ବେଲେ, ମୁଣ୍ଡେ ଚିକନ୍‌ଲାଗାଇ ଅଇ ସପା ସୁତରା ରୁଆ । ୧୮ ଜେନ୍ତୁକି ଉପାସ୍ କଲାସ୍‌ନି ବଲି ବିନ୍ ଲକ୍ଷ୍ମୀଙ୍କ ନାଜାନତ୍ । ମାତର ତମର ନ ଡିସ୍‌ବା ବାବା ସବୁ କାତା ଜାନେ । ତମେ ଲୁଚ୍ତେ ଜାଇଟା କରସା, ସେଟା ଦେକି ତମ୍ଭେ ପୁରୁସ୍କାର ଦେଇସି ।”

**କରିରଇବା କାମ୍**  
(ଲୁକ୍ ୧୨:୩୩-୩୪)

୧୯ \* “ଏ ଦୁନିଆଇ ନିଜର୍‌ପାଇ ଦନ୍ ଅର୍ଜା ନାଇ । ଇତି ସଙ୍ଗଇଲା ଦନ୍ ଅଲ୍‌ମା କାଇ ଚିଲମ୍ ଦାରସି ଆରି ଚର୍ମନ୍ କତି କାଣା କିରି ଚରାଇନେବାଇ । ୨୦ ସରଗେ ତମର ପାଇ ଏନ୍ତାରି ଦନ୍ ଅର୍ଜି ସଙ୍ଗୁଆ । ତେଇ ଅଲ୍‌ମା ଆରି ଚିଲମ୍ ନ ଦାରେ । ଆରି ଚର୍ମନ୍ ମିସା କତି କାଣାକିରି ଚରାଇ ନେଇ ନାପାରତ୍ । ଜାଗ୍‌ରତ୍ ! ୨୧ କାଇକେବଇଲେ ଜନ୍‌ଟାନେ ତମର ଦନ୍, ତେଇସେ ତମର ମନ୍ ।”

**ଗାଗତର ଉଜଲ୍**  
(ଲୁକ୍ ୧୧:୩୪-୩୬)

☆ ୭:୫ ୭:୫ ଲୁକ୍ ୧୮:୧୦-୧୪      \* ୭:୧୩ ୭:୧୩ ଏ ବାକିଅ ପୁରନା ପାଣ୍ଡୁ ଲିପି ଗାନେ ନାଇ      ☆ ୭:୧୪ ୭:୧୪ ମାର୍କ୍ ୧୧:୨୫,୨୬      ☆ ୭:୧୯ ୭:୧୯ ଜାକୁବ ୫:୨,୩

୨୨ “ତମର ଆଁକି ଅଇଲାନ୍ତି ଗାଗଡ଼ର ବଡ଼ି । ଜେଡେବେଲା ଆଁକି ନିର୍ମଲ ରଇସି, ତେବେ ତମର ଗୁଲାଇ ଗାଗଡ଼ ମିସା ଉଜଲ ବରତି ଅଇରଇସି । ୨୩ ମାତର ଜେବେ ତମର ଆଁକି ନସିରଇସି, ତେବେ ସବୁ ଗାଗଡ଼ ଆନ୍ଦାର ଅଇସି । ତେବରପାଇ ତମର ମନ୍ ବିଡ଼ରର ଉଜଲ ଜେବେ ଆନ୍ଦାର ଅଇସି, ତେବେ ସେ ଆନ୍ଦାର କେଡେକ ବଡ଼ ବିପଦ ।”

**ପରମେସର ଆରି ଦନ୍**  
(ଲୁକ୍ ୧୬:୧୩; ଲୁକ୍ ୧୭:୨୨-୩୧)

୨୪ “କେ ମିସା ଗଟେକ ଲକ୍ ଦୁଇଟା ସାଉକାରର ସେବାକରି ନାପାରେ । ସେ ଗଟେକ ଲକ୍‌କେ ମାନ୍‌ସି ଆରି ଗଟେକ ଲକ୍‌କେ ଗିନ୍ କରସି । ନଇଲେ ଗଟେକ ଲକ୍‌କେ ବିସ୍‌ବାସ କରସି ଆରି ଗଟେକ ଲକ୍‌କେ ବିସ୍‌ବାସ ନ କରେ । ତମେ ଏକାତର ପରମେସରକେ ଆରି ତାବୁକାସୁକେ ସେବାକରି ନାପାରାସ ।”

୨୫ ଏଟାରପାଇ ମୁଇ ତମକେ କଇଲିନି, ବଢ଼ବାକେ କାଇଟା କାଇରୁବେ ? ଆରି ଗାଗଡ଼ର ପାଇ କାଇଟା ପିନ୍‌ରୁ ? ବଲି ବାବି ଚିନ୍ତା କରାନାଇ । କାଦିରତେଇଅନି ଜିବନ୍, ଆରି ବସ୍‌ତର ତେଇଅନି ଗାଗଡ଼ ମୁକିଅ ଆଟେ ।

୨୬ ତତଇମନ୍‌କେ ଦେକା, ସେମନ୍ ନ ବୁନଡ଼ କି ନ କାଟଡ଼, କି କଲ୍‌କିତେଇ ନ ସଙ୍ଗଅଡ଼, ଅଇଲେ ମିସା ସରଗର ବାବା ସେମନ୍‌କେ କାଇବାପାଇ ଜାଗାଇଲାନ୍ତି । ତମେ କାଇ ସେମନ୍‌ତେଇଅନି ମୁକିଅ ନୁଆସ୍ କି ? ୨୭ ବଢ଼ବା ପାଇ ବଲି ନିଜେ ଚିନ୍ତାକରି ବିକଲ୍ ଅଇ ଜେ ତାର କଣ୍ଠେକ୍ ମିସା ବଢ଼ବା ଦିନ୍ ପାରସି କି ? ନାଇ ନାପାରେ ।

୨୮ ବସ୍‌ତର ପାଇ କାଇକେ ବିକଲ୍ ଅଇଲାସିନି ? ଦେକା, ବନର ପୁଲ୍‌ମନ୍ କେନ୍ତ୍ର ବଡ଼ଲାଇନି, ସେମନ୍ କାମ୍‌ଦାମ୍ କରଡ଼ ନାଇ କି ନିଜର ପାଇ ବସ୍‌ତର ତିଆର୍ କରଡ଼ ନାଇ, ୨୯ ମାତର ମୁଇ ତମକେ କଇଲିନି, ରାଜା ସଲ୍‌ମନ୍ ତାର ସବୁ ଦନ୍ ସଂପତି ସଙ୍ଗ ମିସା ଏ ପୁଲ୍ ପାରା ସୁନ୍‌ର ବସ୍‌ତର କେବେ ପିନ୍ ନ ରଇଲା । ୩୦ ଆଜି ପଦାଇ ରଇଲା ଗାଁସ୍ କାଲିକେ ନ ମିସା ରଏ । କାଟିକରି ଜଇଟାନେ ପଡ଼ାଇଦେବାଇ । ଏଲେମିସା ତାକେ ପରମେସର ଏକ୍ତି ସୁନ୍‌ର ବେସ୍ ଦେଇସି, ତେବେ ଏ ଅଲପ୍ ବିସ୍‌ବାସିମନ୍, ସେ ବାଇଦରେ ତମକେ ଅଦିକ୍ ନିମାନ୍ ବସ୍‌ତର ନ ଦେଏ କି ? ଦେଇସିସେ ।

୩୧ ଏଟାର ପାଇ କାଇଟା କାଇବି ? ଆରି କାଇଟା ପିଇବି ? ଆରି କାଇଟା ଅଡ଼ବି ବଲି ଚିନ୍ତା କରାନାଇ । ୩୨ କାଇକେବଇଲେ ପରମେସରକେ ନାଜାନ୍‌ଲା ଲକ୍‌ମନ୍ ଏ ସବୁ କଜିବୁଲ୍‌ବାଇ । ଆରି ଏ ସବୁ ବିସଇ ଜେ ତମକେ ଲଡ଼ା, ସେଟା ତମର ସରଗର ବାବା ଜାନେ । ୩୩ ମାତର ତମେ ତାର ରାଇଜ୍ ଆରି ସେ ତମରଟାନେଅନି କାଇଟା ମନ୍ କଲାନ୍ତି, ସେ ବିସଇ କଜା । ସେନ୍ତାର କଲେ, ସେ ତମକେ ଲଡ଼ାକେ ଆଇବା ସବୁ ବିସଇ ଜାଗାଇ ଦେଇସି । ୩୪ ଆରି, କାଲିକର୍ ପାଇ ଚିନ୍ତା କରାନାଇ, କାଇକେବଇଲେ କାଲିକର୍ ଚିନ୍ତା କାଲିକେ କରା । ଜନ୍ ଦିନର କସ୍‌ଟ, ସେଦିନରପାଇ ଅଦିକ୍ ଅଇସି ।



**ବିନ୍ ଲକ୍‌କେ ଦସ୍ ଦାର୍‌ବାଟା**  
(ଲୁକ୍ ୬:୩୭-୩୮, ୪୧-୪୨)

୧ ବିନ୍ ଲକ୍‌ର ଦସ୍ କଜି ବୁଲାନାଇ । ତାକର ବିଚାରର ଦସ୍ ନ ଦାର୍‌ଲେ, ପରମେସର ତମର ଦସ୍ ନ ଦାରେ । ୨ \*କାଇକେବଇଲେ ତମେ ବିନ୍ ଲକ୍‌ର ଦସ୍ ଜେନ୍ତ୍ର ବିଚାର କରତେରଇସା, ସେନ୍ତାରିସେ ପରମେସର ତମର ବିଚାର କରସି । ତମେ ବିନ୍ ଲକ୍‌ମନ୍‌କେ ଜନ୍ ନିୟମ୍ କରସା, ପରମେସର ତମକେ ସେ ନିୟମ୍ କରସି । ୩ ତମର ଆଁକିତେଇ ବଡ଼ କାର୍‌ରା ରଇଲେ ମିସା, କାଇକେ ତମର ବାଇର୍ ଆଁକିଟାନେ ରଇବା କାର୍‌ରା, ନିକସଙ୍ଗ ଦେକ୍‌ଲାସିନି ? ୪ ନିଜର ଆଁକିତେଇ ବଡ଼ କାର୍‌ରା ରଉରଉ ତମେ କାଇ ସାଆସେ ତମର ବାଇର୍ ଆଁକିତେଇ ରଇବା କାର୍‌ରା ବାର୍‌କରାଇ ଦେବି ବଲି କଇଲାସିନି ? ୫ ଏରେ କୁଟିଆଲ୍‌ମନ୍ ! ଆଗେ ନିଜର ଆଁକିତେଇ ରଇଲା କାର୍‌ରା ବାର୍‌କରାଇ ପାକା, ତାର ପଟେ ନିଜର ବାଇର୍ ଆଁକିତେଇ ରଇବା କାର୍‌ରା ବାର୍‌କରାଇବାକେ ନିମାନ୍ କରି ଦେକି ପାରାସ୍ ।

୬ ସୁକଲ୍ ଦିନ୍‌ସୁ କୁକୁର୍‌ମନ୍‌କେ ଦିଆସ୍ ନାଇ, ସେମନ୍ ପାସଲିକରି ତମକେ ଚାବିପାକାଇବାଇ । ଗୁସ୍‌ରି ମନର୍ ମୁଆଟେ ମୁକ୍‌ତା ପାକାଆ ନାଇ, ସେମନ୍ ମୁକ୍‌ତାର ମୁଲିଅ ନ ବୁଜିକରି ମାଣ୍ଡିପାକାଇବାଇ ।

**ମାଙ୍ଗା, କଜା ଆରି କାପାଟେ ମାରା**  
(ଲୁକ୍ ୧୧:୯-୧୩)

୭ ମାଙ୍ଗା, ତେବେ ତମକେ ଦିଆଅଇସି । କଜା, ତେବେ ମିଲାଇସା, କାପାଟେ ମାରା କାପାଟ୍ ଉଗାଡ଼ି ଅଇସି । ୮ ଜେ ମାଙ୍ଗ୍‌ସି, ତାକେ ଦିଆଅଇସି, ଜେ କଜ୍‌ସି, ସେ ମିଲାଇସି, ଜେ କାପାଟେ ମାର୍‌ସି ତାର୍‌ପାଇ କାପାଟ୍ ଉଗାଡ଼ି ଦିଆଅଇସି ।

୯ ତମର ବିଡ଼ରେ ଏନ୍ତାରି ବାବା କେ ଆଟେ କି ? ତମର ପିଲା ଜଦି ରୁଟି ମାଙ୍ଗ୍‌ଲେ, ତାକେ ପାକ୍‌ନା ଦେଇସା ? ୧୦ ନଇଲେ ସେ ମାର୍ ମାଙ୍ଗ୍‌ଲେ ତାକେ ସାଁପ୍ ଦେଇସା ?

୧୧ ତମେ କାରାପ୍ ଲକ୍ ଅଇରଇଲେ ମିସା ନିଜର ପିଲାମନ୍‌କେ ନିକନିକ ଜିନିସ୍ ଦେଇସା । ସେନ୍ତାରିସେ ଜନ୍ ଲକ୍‌ମନ୍ ସରଗର ବାବାକେ ମାଙ୍ଗ୍‌ବାଇ ସେ ସେମନ୍‌କେ ଆରି କେତେ ନିକନିକ ଜିନିସ୍ ଦେଇସି ।

☆ ୭:୨ ୭:୨ ମାର୍‌କ ୪:୨୪

୧୨ \* “ତମର ପାଇଁ ବିନ୍ ଲକ୍ଷ୍ମୀନ୍ ଜାଇଗା କରତ୍ ବଲି ମନ୍ କଲ୍ୟାଣି, ସେନ୍ତାରି ତମେ ବିନ୍ ଲକ୍ଷ୍ମୀ ପାଇ କରା । ଏଟା ଅଇଲାନି ମସା ଦେଇରଇବା ନିୟମ୍ ଆରି ବବିସତ୍‌ବକ୍ତାମନର୍ ସିକିଆର୍ ଅରତ୍ ।”

**ଚିପଙ୍ଗା ଦୁଆର୍  
(ଲୁକ୍ ୭:୪୩, ୪୪)**

୧୩ “ଚିପଙ୍ଗା ଦୁଆର୍ ବାଟେ ଜାଆ । କାଇକେବଇଲେ ବିନାସ୍ କର୍ବାକେ ନେବା ନରକେ ଜିବା ବାଟ୍ ଅସାର୍ ଆରି ସୁବିଦାର୍ଟା । କେତେ କେତେ ଲକ୍ ସେ ବାଟେ ଜିବାଇ । ୧୪ ମାତର୍ ନ ସାର୍‌ବା ଜିବନେ ମିସି ରଇଲା ବାଟ୍, ଚିପଙ୍ଗା ଆରି ଜିବାଟା ବେସି କସ୍ତ । ଉନା ଲକ୍ ସେ ବାଟ୍ କଜି କଜି ମିଲାଇବାଇ ।”

**ଗର୍ ଆରି ତାର୍ ପଲ୍  
(ଲୁକ୍ ୭:୪୩-୪୪)**

୧୫ “ଟକାବଣ୍ଡା କର୍ବା ବବିସତ୍‌ବକ୍ତାମନର୍ ତେଇଅନି ଜାଗର୍ତା ଅଇରୁଆ, ସେମନ୍ ବାଇରେ ମେଣ୍ଡା ପାରା ତିସ୍‌ବାଇ ମାତର୍ ତାକର୍ ମନ୍ ବିତ୍‌ରେ ବାଲିଆଡୁରକାମନର୍ ପାରା । ୧୬ ସେମନର୍ କର୍ବା କାମ୍ ଦେକି ତମେ ସେମନକେ ଚିନିପାରାସ୍ । କାଟା ବୁଟାଇ ଅଙ୍ଗୁର୍ ନ ପଲେ କି କାଟାକଲି ବୁଟାଇ ତୁମ୍‌ରି ପଲ୍ ନ ଦାରେ । ୧୭ ନିକ ଗଟେ ନିକ ପଲ୍ ଦାର୍‌ସି, ବାନିଆ ଗଟର୍ ପଲ୍ ବାନିଆ ସେ । ୧୮ ନିକ ଗଟେ ବାନିଆ ପଲ୍ ନ ପଲେ କି ବାନିଆ ଗଟେ ନିକ ପଲ୍ ଅଇନାପାରେ । ୧୯ \*ନିକ ପଲ୍ ନ ଦାର୍‌ଲେ ସେ ଗର୍ କାଟି କରି ଜଇଟାମେ ପାକାଇଅଇସି । ୨୦ \*ସେନ୍ତାରି ସେ ଟକାବଣ୍ଡା କର୍ବା ବବିସତ୍‌ବକ୍ତାମନର୍ କାମ୍ କର୍ବାଟାମେ ଅନି ତମେ ସେମନକେ ଚିନିପାରାସ୍ ।”

**ମୁଇ ତମ୍‌କେ ନାଜାନି  
(ଲୁକ୍ ୧୩:୨୫-୨୭)**

୨୧ ମକେ ମାପୁରୁ, ମାପୁରୁ ବଲି ଡାକ୍‌ବା ଲକ୍‌ମନର୍‌ତେଇ ଅନି ସବୁ ଲକ୍ ସରଗ୍ ରାଇଜେ କେଟିନାପାରତ୍ । ମାତର୍ ଜନ୍ ଲକ୍‌ମନ୍ ସରଗର୍ ବାବା ମନ୍ କଲ୍ଲା ଇସାବେ ଚଲାଟଲ୍‌ତି କର୍ବାଇ, ସେମନ୍‌ସେ ସରଗ୍ ରାଇଜେ କେଟ୍‌ବାଇ । ୨୨ ମାପୁରୁର ବିଚାର୍ କର୍ବା ଦିନ୍ କେଟ୍‌ଲେ କେତେ କେତେ ଲକ୍ ମକେ କଇବାଇ, ଏ ମାପୁରୁ, ତମର୍ ନାଉଁ ଦାରି ଆମେ ପରମେସରର୍ ସୁବ୍‌କବର୍ ଜାନାଇ ଆରୁ । ତମର୍ ନାଉଁ ଦାରି ତୁମାମନକେ କେଦି ଆରୁ ଆରି କେତେକ୍ କାବାଅଇଜିବା କାମାମନ୍ କରିଆରୁ । ୨୩ ସେତ୍‌କି ବେଲେ ମୁଇ ସେମନକେ କଇବି, ନାଇ, ମୁଇ ତମ୍‌କେ ନାଜାନି । କରାପ୍‌କାମ୍ କର୍ବା ଲକ୍‌ମନ୍, ମରିଲଗେ ରୁଆନାଇ ।

**ଦୁଇଟା ଗର୍ ବାନ୍ତୁମନ୍  
(ଲୁକ୍ ୭:୪୭-୪୯)**

୨୪ “ଜେ ମର୍ କାତା ସୁନି, ସେ ଇସାବେ ଚାଲ୍‌ସି, ସେ ବଡ୍ ରାଙ୍ଗ୍‌ନି ପାକନା ଉପ୍‌ରେ ଗର୍ କର୍ବା ଗିଆନ୍‌ଲକର୍ ପାରା । ୨୫ ଅପର୍‌ବଲ୍ ବର୍‌ସା ମାର୍‌ଲ୍‌କେ ଗାଡ୍ ଉର୍‌ଲି ଗାଲା ଆରି ସେ ଗର୍ ଉପ୍‌ରେ ବେସି ପବନ୍ ଦାର୍‌ଲା । ମାତର୍ ସେ ଗର୍ ବସ୍‌ଲେ ନାଇ । କାଇକେ ବଇଲେ ସେଟା ପାକନା ଉପ୍‌ରେ ତିଆର୍ ଅଇରଇଲା ।” ୨୬ “ମାତର୍ ଜନ୍ ଲକ୍‌ମନ୍ ମର୍ କାତା ସୁନିକରି ମିସା ସେ ଇସାବେ ଚଲାଟଲ୍‌ତି ନ କରତ୍, ସେମନ୍ ବାଲି ଗାଦି ଉପ୍‌ରେ ଗର୍ ତିଆର୍ କରି ରଇବା ବକୁଆ ଲକ୍ ପାରା । ୨୭ ଅପର୍‌ବଲ୍ ବର୍‌ସା ଅଇଲାକେ ଗାଡ୍ ପୁରି ଉଟଲ୍‌ଲା, ଜବର୍ ବାଉଦୁକା ଅଇଲା ଆରି ଗର୍ କୁରୁପ୍‌ନାସ୍ ଅଇଗାଲା । ସେ କୁରୁପ୍‌ନାସ୍ ଅଇଲାଟା କେତେ ଇନସ୍‌ତା ରଇଲା !”

**ଜିସୁର୍ ଅଦିକାର୍ ବିସଇ ନେଇ ସିକିଆ**

୨୮ \*ସାରାସାରି ଜାକ ଜିସୁ ସିକିଆ ଦେବାଟାମେ ଏ ସବୁ କାତା ସୁନିକରି ଲକ୍‌ମନ୍ କାବା ଅଇଗାଲାଇ । ୨୯ ସେ ବିନ୍‌ବିନ୍ ସାସ୍‌ତର୍ ସିକାଉମନର୍ ପାରା ନ ସିକାଇକରି ନିଜର୍ ଅଦିକାର୍ ସଙ୍ଗ୍ ସିକାଇତେ ରଇଲା ।



**ଜିସୁ ଗଟେକ୍ ବଡ୍ ରଗିକେ ନିକ କଲ୍ଲା  
(ମାର୍‌କ ୧:୪୦-୪୫; ଲୁକ୍ ୫:୧୨-୧୬)**

୧ ଜିସୁ ଡଙ୍ଗ୍‌ରେ ଅନି ଉଡ୍‌ରି ଆଇଲା ଦାପ୍‌ରେ, ବେସି ଲକ୍‌ମନ୍ ତାର୍ ପଟେ ପଟେ ଇଣ୍ଡୁଲାଇ । ୨ ସେବେଲେ ଗଟେକ୍ ବଡ୍ ରଗି ଜିସୁର୍ ମୁଆଟେ ଆସି ମାଣ୍ଡିକୁଟା ଦେଇ କଇଲା, “ଏ ମାପୁରୁ, ତମେ ଜଦି ମନ୍ କଲ୍ୟାଣି ବଇଲେ ମକେ ସୁକଲ୍ କରି ପାରାସ୍ ।” ୩ ତେଇ ଜିସୁ ଆଡ୍ ଲାମାଇ ତାକେ ଚିଇ କଇଲା, “ମୁଇ ମନ୍ କଲିନି, ସୁକଲ୍ ଅ ।” ଜିସୁ ଏଡ୍‌କି କଇଲା ଦାପ୍‌ରେ ସେ ଲକ୍ ବଡ୍ ରଗେଅନି ନିକ ଅଇଲା । ୪ ଜିସୁ ତାକେ କଇଲା, “ସୁନ୍, ତୁଇ କେଡ୍‌ଅଇ ନିକ ଅଇଲୁସ୍, ଏ କାତା କାକେ ମିସା

\* ୭:୧୨ ୭:୧୨ ଲୁକ୍ ୭:୩୧ ☆ ୭:୧୯ ୭:୧୯ ମାତ୍ରିକ ୩:୧୦; ଲୁକ୍ ୩:୯ ☆ ୭:୨୦ ୭:୨୦ ମାତ୍ରିକ ୧୨:୩୩ ☆ ୭:୨୮ ୭:୨୮ ମାର୍‌କ ୧:୨୨; ଲୁକ୍ ୪:୩୨

କ ନାହିଁ, ମାତୃତା ସିଦ୍ଧା ପୁଣ୍ୟାରିତ୍ତ ଲଗେ ଜାଣକରି ନିଜକେ ଦେକାଇ ଅ, ଆରି ତୁଇ ନିକ ଅଇ ଆତୁସ୍ ବଲି ସବୁ ଲକର ଟାନେ ଜାନାଇଅଇବାକେ ମସାର ନିୟମ୍ ଇସାବେ ପର୍ଯ୍ୟେସରକେ ସର୍ପିଦେସ୍ ।”

**ଜିସୁ ରମିୟ୍ ସନିଅମନର୍ ମୁକିଅର୍ ଗତିଦାଙ୍ଗତାକେ ନିକ କଲା**  
(ଲୁକ୍ ୭:୧-୧୦)

୫ ଜିସୁ କପରନାଉମ୍ ସଅରେ କେଟଲା । ସେଦାପ୍ରେ ଗଟେକ୍ ରମିୟ୍ ସନିଅମନର୍ ମୁକିଅ ତାକେ ବେଟ୍ ଅଇକରି ବାବୁଜିଆ କରି କଇଲା । ୬ “ଏ ମାପୁରୁ, ମର୍ ଗଟେକ୍ ଗତିଦାଙ୍ଗତା ଅର୍ନାଇ ତୁଲିକରି ବେସି କସ୍ ପାଇଲାନି ଉଟେ ନାହିଁ, ବସେ ନାହିଁ ।”

୭ ଜିସୁ ତାକେ କଇଲା, “ମୁଇ ଆସି ତାକେ ନିକ କରବି ।”

୮ ମାତୃତା ମୁକିଅ କଇଲା, “ନାହିଁ ମାପୁରୁ ତମେ ଜେ ମର୍ଗରେ ପାଦ୍ ପାକାଇସା, ଏଟାରପାଇ ମର୍ ଅଦିକାର ନଇ । ତମେ ପଦେକ୍ କଇଦିଆ, ମର୍ ଗତିଦାଙ୍ଗତା ନିକ ଅଇଜାଇସି । ୯ କାଇକେବଇଲେ ମୁଇ ମର୍ ଉପରର୍ ଅଦିକାରିର୍ ତଲେ କାମ୍ କଲିନି, ଅଇଲେ ମିସା ମର୍ ତଲେ କେତେ କେତେ ସନିଅମନ୍ ଆଟଡ୍ । ସେମନର୍ ବିଡ୍ରେଅନି ଜଦି ମୁଇ ଗଟେକ୍ ଲକ୍‌କେ ଜାଆ ବଲି ଆଦେସ୍ ଦେଲେ, ସେ ଜାଇସି । ବିନ୍‌ଟାକେ ଆଉ ବଲି କଇଲେ ସେ ଆଇସି । ସେନ୍ତିସେ ମର୍ ଗତି ଦାଙ୍ଗତାକେ ଏଟା କର୍ ବଲି କଇଲା ଦାପ୍ରେ ସେ ସେଟା କରସି ।”

୧୦ ଜିସୁ ଏଟା ସୁନି କାବା ଅଇଗାଲା, ଆରି ତାର୍ ସଙ୍ଗ୍ ଆଇବା ଲକ୍‌ମନକେ କଇଲା, “ମୁଇ ସଡ୍ କଇଲିନି, ଇସ୍ରାଏଲ୍ ବିଡ୍ରେ କନ୍ ଲକ୍‌ଟାନେ ମିସା ଏ ଲକ୍‌ ପାରା ବିସ୍‌ବାସ୍ ମୁଇ ଦେକିନାଇ । ୧୧ ଏ କାତା ତମର୍ ମନେ ର, ପୁରୁବ୍ ଆରି ପସ୍ତିମ୍ ବାଟର୍ ଦେସେଅନି କେତେ କେତେ ଲକ୍ ସରଗ୍ ରାଇଜେ ଆସି ଅବ୍ରାଆମ୍ ଇସାକ୍ ଆରି ଜାକୁବର୍ ସଙ୍ଗ୍ ବଜିତେଇ ଗଟେକ୍‌ଟାନେ କାଇବାକେ ବସ୍‌ବାଇ । ୧୨ ମାତୃତା ଜନ୍ ଲକ୍‌ମନ୍ ସରଗ୍ ରାଇଜେ ପୁରବାର୍ ରଇଲାଇ, ସେମନକେ ବାଇରର୍ ଆନ୍ଦାରେ ପିଙ୍ଗା ଅଇସି । ତେଇ ସେମନ୍ ଦାଡ୍ ମୁଣ୍ଟ୍ କାଡ୍ରି ମାରିଟପିଅଇ କାନ୍‌ବାଇ ।” ୧୩ ଜିସୁ ସନିଅମନର୍ ମୁକିଅକେ କଇଲା, “ତୁଇ ଏବେ ଗରେ ଜା । ତୁଇ ଜେନ୍ତି ବିସ୍‌ବାସ୍ କଲୁସ୍‌ନି ସେନ୍ତାରିସେ ଅଇସି ।” ସମାନ୍ ସେ ବେଲାଇସେ ତାର୍ ଗତିଦାଙ୍ଗତା ପୁରାପୁରୁନ୍ ନିକ ଅଇଗାଲା ।

**ଜିସୁ କେତେ କେତେ ଲକ୍‌ମନକେ ନିକ କଲା**  
(ମାର୍କ ୧:୨୯-୩୪; ଲୁକ୍ ୪:୩୮-୪୧)

୧୪ ଜିସୁ ପିତରର୍ ଗରେ ଜାଇ ତାର୍ ସାଡ୍ରି ଜର୍ଅଇକରି ଅର୍ନାଇ ତୁଲି ରଇବାଟା ଦେକଲା । ୧୫ ସେ ପିତରର୍ ସାଡ୍ରିର୍ ଆଡେ ଚିଇଲା ଦାପ୍ରେ ତାର୍ ଜର୍ ଚାଡିଗାଲା । ଆରି ସେ ଉଟିକରି ଜିସୁର୍ ସେବା କର୍‌ବାର୍ ଦାରଲା ।

୧୬ ସଙ୍ଗ୍ ଅଇଲାକେ ଲକ୍‌ମନ୍, କେତେକ୍ କେତେକ୍ ତୁମା ଦାରିରଇଲା ଲକ୍‌ମନକେ ଜିସୁର୍ ଲଗେ ଆନ୍‌ଲାଇ । ତାର୍ ପଦେକ୍ କାତା କଇଲା ଦାପ୍ରେସେ ତୁମା ଆଡ୍‌ମାମନକେ ବାକରାଇଦେଲା ଆରି ରଗି ଲକ୍‌ମନକେ ନିକ କଲା । ୧୭ ଏଟା କଲାର୍ ଲାଗି ଜିସୁ ଜିସାଇୟ୍ ବବିସଡ୍‌ବକ୍ତା ଜାନାଇ ରଇଲାଟା ପୁରାପୁରୁନ୍ ସିଦ୍‌କଲା । ବବିସଡ୍‌ବକ୍ତା କଇରଇଲା “ଆମର୍ ଦୁକାସୁକା ସବୁ ନିଜେ ନେଲା ଆରି ଆମର୍ ଜର୍‌ଦୁକା ବଇଲା ।”

**ଜିସୁର୍ ସଙ୍ଗ୍ ଜିବା ବିସଇ**  
(ଲୁକ୍ ୯:୫୭-୬୨)

୧୮ ଜିସୁ ତାର୍ ଚାରିବେଟ୍ଟି ରଇଲା ବେସି ଲକ୍‌ମନକେ ଦେକିକରି ତାର୍ ସିସ୍‌ମନକେ ଗାଡ୍ ସେପାଟ୍ ଜିବାକେ କଇଲା । ୧୯ ତେଇ ଗଟେକ୍ ଜିଉଦିମନର୍ ସାସ୍‌ତର୍ ସିକାଉ ତାର୍ ଲଗେ ଆସି କଇଲା, “ଏ ଗୁରୁ ତମେ ଜନ୍ ଜାଗାଇ ଗାଲେ ମିସା ମୁଇ ତମର୍ ସଙ୍ଗ୍ ଆଇବି ।”

୨୦ ମାତୃତା ଜିସୁ ତାକେ କଇଲା, “କଲିଆ ରଇବାକେ ପାଆର୍ ଆଡେ, ଆରି ଉଡିବୁଲ୍‌ବା ଚଡ଼ଇମନ୍ ରଇବାକେ ଗୁଡା ଆଡେ, ମାତୃତା ନର୍‌ପିଲା ମୁଇ, ମକେ ରଇବାକେ ଜାଗା ନାହିଁ ।”

୨୧ ଆରି ସିସ୍‌ମନର୍ ବିଡ୍ରେଅନି ଗଟେକ୍ ସିସ୍ କଇଲା, “ଏ ମାପୁରୁ, ମକେ ପର୍‌ତୁମ୍ ମର୍ ବାବାକେ ଜାଇ ତପି ଆଇବାକେ ମୋଲାନି ଦିଆ ।”

୨୨ ମାତୃତା ଜିସୁ ତାକେ କଇଲା, “ମରିଗାଲା ଲକ୍‌ମନ୍ ମଲା ଲକ୍‌ମନକେ ତପଡ୍, ତୁଇ ମର୍ ପଟେ ପଟେ ଆଉ ।”

**ଜିସୁ ବାଉ ପବନକେ ଡବିର୍ କଲା**  
(ମାର୍କ ୪:୩୫-୪୧; ଲୁକ୍ ୮:୨୨-୨୫)

୨୩ ତାର୍ ପଟେ ଜିସୁ ଗଟେକ୍ ଡଙ୍ଗା ଚଗ୍‌ଲାକେ ତାର୍ ସିସ୍‌ମନ୍ ମିସା ତାର୍ ସଙ୍ଗ୍ ଗାଲାଇ । ୨୪ ସେ ବେଲା ଅଟାଡ୍ ସମ୍‌ଦୁରେ ଏନ୍ତି ବାଉପବନ୍ ଆଇଲା ଆରି ଉଲ୍‌କାର୍ ଲାଗି ଡଙ୍ଗା ପାନିତେଇ ବୁଡିଜିବା ପାରା ଅଇଲା । ମାତୃତା ଜିସୁ ଡଙ୍ଗା ସଇଦେଇ ରଇଲା । ୨୫ ଆରି ସିସ୍‌ମନ୍ ଜିସୁର୍ ଲଗେ ଜାଣକରି ତାକେ ଉଟାଇ କଇଲା, “ଏ ମାପୁରୁ ଆମ୍‌କେ ରକିଆ କର୍ । ନଇଲେ ଆମେ ବୁଡି ମରିଜିବୁବେ ।”

☆ ୮:୧୧ ୮:୧୧ ଲୁକ୍ ୧୩:୨୯ ☆ ୮:୧୨ ୮:୧୨ ମାତୃତା ୨୨:୧୩; ୨୫:୩୦; ଲୁକ୍ ୧୩:୨୮

୨୬ ଜିସୁ ସେମାନଙ୍କେ କଇଲା, “ଏ ବିସ୍ବାସେ ତାଟ୍ ନ ରଇଲା ଲକ୍ମନ୍, ତମେ କାଇକେ ଏତେକ୍ ଡରିଗାଲାସ୍ନି ?” ଜିସୁ ବାଉପବନ୍ଦକେ ଆରି ଲଅଡିକେ ଦମ୍କାଇଲା । ତେବର୍ପାଇ ବାଉପବନ୍ ଆରି ଲଅଡି ତବିର୍ ଅଇଗାଲା ।

୨୭ ଏଟା ଦେକି ସିସମନ୍ ବେସି କାବାଅଇଜାଇ ତାକର୍ ତାକର୍ ବିତ୍ତରେ କୁଆବଲା ଅଇଲା, “ଏ କେନ୍ତାଟ୍ ଲକ୍ ଜେ ବାଉପବନ୍ ଆରି ଲଅଡି ମିସା ଆର୍ କାତା ମାନ୍ଲାଇନି ।”

**ଜିସୁ ଦୁଇଟା ଡୁମା ଡସାଇଅଉମନ୍‌କେ ନିକ କଲା**  
(ମାର୍କ ୫:୧-୨୦; ଲୁକ୍ ୮:୨୬-୩୯)

୨୮ ଜିସୁ ଆରି ତାଟ୍ ସିସମନ୍ ଗାଡ୍ ସେପାଟର୍ ଗଦ୍ରିୟ ନାଉର୍ ଜାଗାଇ କେଟ୍ଲା ଦାପ୍ରେ, ଦୁଇଟା ଡୁମା ଡସ୍ଲା ଲକ୍ ତାକେ ବେଟ୍ ଅଇଲା । ସେମନ୍ ମସନ୍ ବିତ୍ତରେ ରଇତେରଇଲା । ଆରି ସେମନ୍ ଏନ୍ତି ରଇଲା ଜେ, ସେ ବାଟେ କେ ମିସା ଆସ୍ ଜା ନ ଅଇତେ ରଇଲା । ୨୯ ସେ ଲକ୍ମନ୍ ବେସି କିଟ୍‌କିରି କରି କଇଲା, “ଏ ପର୍ମେସରର୍ ପିଲା ଆମର୍ ଟାନେ ତର୍ କାଇ କାମ୍ ଆଟେ ? ବେଲ୍ କାଲ୍ ନ କେଟ୍‌ତେ ତୁଇ କାଇ ଡଣ୍ଟ୍ ଦେବାକେ ଇଡି ଆଇଲୁସ୍ କି ?”

୩୦ ସେବେଲା ସେ ଜାଗାଇଅନି କଣ୍ଟେକ୍ ଦୁରିକେ ଗଟେକ୍ ବଡ୍ ଗୁସ୍ରି ମାନ୍ଦା ଚାରାଇତେରଇଲା । ୩୧ କାରାପ୍ ଆଡ୍‌ମାମନ୍ ଜିସୁକେ ଗୁଆରି କରି କଇଲା, “ତୁଇ ଜଦି ଆମ୍‌କେ ଏ ଲକ୍ମନ୍‌ତେଇ ଅନି ବାରକରାଇ ଦେଇସୁ ବଇଲେ ସେ ଗୁସ୍ରି ମାନ୍ଦା ବିତ୍ତରେ ଜିବାକେ, ଆଦେସ୍ ଦେ ।”

୩୨ ଜିସୁ ସେମନ୍‌କେ ଜା ! ବଲି କଇଲାକେ କାରାପ୍ ଆଡ୍‌ମାମନ୍ ସେ ଲକ୍ମନ୍‌ତେଇଅନି ବାରକରି ଗୁସ୍ରିମନ୍‌ର୍ ବିତ୍ତରେ ପୁରଲା । ତେବର୍ ପାଇ, ଗୁସ୍ରିମନ୍ ଟିପେଅନି ଗସ୍ରି ସମ୍‌ଦୁରେ ବୁଡି ମଲା ।

୩୩ ଆରି ତେଇ ଗୁସ୍ରି ଚାରାଇତେ ରଇବା ଲକ୍ମନ୍ ପାଲାଇ କରି ଡୁମା ଡସି ରଇଲା ଲକ୍ମନ୍‌କେ କାଇକାଇଟା ଅଇଲା ସେଟା ସବୁ କଇଦେଲା । ୩୪ ଆରି ସେ ଗଡର୍ ସବୁ ଲକ୍ମନ୍ ଜିସୁକେ ଦେକ୍‌ବାକେ ଆଇଲା । ସେମନ୍ ତାକେ ଦେକିକରି ସେ ଜାଗା ଚାଡି ଜା ବଲି ଗୁଆରି କଇଲା ।



**ଜିସୁ ଚେରେଙ୍ଗ୍ ରଗିକେ ନିକ କର୍‌ବାଟା**  
(ମାର୍କ ୨:୧-୧୨; ଲୁକ୍ ୫:୧୭-୨୬)

୧ ଜିସୁ ଡଙ୍ଗା ବସି ଗାଡ୍ ସେପାଟେ ରଇଲା ନିଜର୍ ଗଡେ ବାଉଡି ଗାଲା । ୨ ଆରି ତେଇ ଲକ୍ମନ୍ ଗଟେକ୍ ଚେରେଙ୍ଗ୍ ରଗିକେ ବଇକରି ତାଟ୍ ଲଗେ ଆନ୍‌ଲା । ଚେରେଙ୍ଗ୍ ରଗି ଅଟନାଇ ସଇରଇଲା । ସେ ଲକ୍ମନ୍‌ର୍ ବିସ୍ବାସ୍ ଦେକି ରଗିକେ କଇଲା, “ସାଆସ୍ ଦାଟ୍, ତର୍ ସବୁ ପାପ୍ କେମା ଅଇଗାଲା ।”

୩ ଏ କାତା ସୁନି କେତେଟା ସାସ୍‌ତର୍ ସିକାଉମନ୍ ତାକର୍ ତାକର୍ ବିତ୍ତରେ କାତା ଅଇଲା, “ଏ ଲକ୍ କାଇକେ ପର୍ମେସରର୍ ନିନ୍ଦା କଲାନି ?”

୪ ଜିସୁ ତାକର୍ ମନ୍‌ର୍ ଚିନ୍ତା ଜାନି କଇଲା, “ତମେ ନିଜର୍ ନିଜର୍ ମନେ କାଇକେ କାରାପ୍ ଚିନ୍ତା କଲାସ୍ନି ? ୫ 'ତମର୍ ପାପ୍‌ସବୁ କେମା ଅଇଗାଲା ବଲି କଇବାଟା ସଅଜ୍ କି 'ଉଟିକରି, ଇଣ୍ଡିଜା ବଲି କଇବାଟା ଅଦିକ୍ ସଅଜ୍ ? ୬ ମାତର୍ ଜଗତର୍ ପାପ୍ କେମା କର୍‌ବାକେ ନର୍ପିଲା, ମର୍ ଅଦିକାର୍ ଆଟେ, ମୁଇ ଏଟା ତମର୍ ମୁଆଟେ ଦେକାଇବି ।” ତାଟ୍ ପଟେ ଜିସୁ ଚେରେଙ୍ଗ୍ ରଗିକେ କଇଲା, “ଉଟ୍, ନିଜର୍ ଟାଟି ଦାରି ଗରେ ଉଟିଜା ।”

୭ ଆରି ସେ ଲକ୍ ଉଟିକରି ଗରେ ବାରିଗାଲା । ୮ ଲକ୍ମନ୍ ସେଟା ଦେକି କାବା ଅଇଜାଇ ଡରିଗାଲା । ମାତର୍ ନର୍ ଲକ୍‌କେ ଏନ୍ତାରି ଅଦିକାର୍ ଦେଲାର୍ ପାଇ ପର୍ମେସର୍କେ ଡାକ୍‌ପୁଟା କଲା ।

**ଜିସୁ ମାତିଡକେ ଡାକ୍‌ଲା**  
(ମାର୍କ ୨:୧୮-୨୨; ଲୁକ୍ ୫:୩୩-୩୯)

୯ ଜିସୁ ତେଇଅନି ଉଟି ଜିବାବେଲେ ମାତିଡ ନାଉର୍ ଗଟେକ୍ ସିସ୍‌ତୁ ମାଙ୍ଗୁକେ, ତାଟ୍ ସିସ୍‌ତୁମାଙ୍ଗୁମନ୍ ମାଙ୍ଗ୍‌ବା ଜାଗାଇ ବସିରଇଲାଟା ଦେକି କଇଲା, “ମର୍ ସଙ୍ଗ୍ ଆଉ ।” ମାତିଡ ସିସ୍‌ତୁମାଙ୍ଗୁମନ୍ ମାଙ୍ଗ୍‌ବା ଜାଗାଇଅନି ଉଟି ଜିସୁର୍ ସଙ୍ଗ୍ ଗାଲା ।

୧୦ ଜିସୁ ମାତିଡର୍ ଗରେ କାଇବାବେଲେ ବେସି ସିସ୍‌ତୁମାଙ୍ଗୁମନ୍, ଆରି ପାପି ଲକ୍ମନ୍ ତେଇ ଜିସୁ ଆରି ତାଟ୍ ସିସ୍‌ମନ୍‌ର୍ ସଙ୍ଗ୍ ବସି କାଇତେ ରଇଲା । ୧୧ ଏଟା ଦେକି ପାରୁସି ଲକ୍ମନ୍ ଜିସୁର୍ ସିସ୍‌ମନ୍‌କେ ପାଚାର୍‌ଲା, “କାଇକେ ତମର୍ ଗୁରୁ ସିସ୍‌ତୁମାଙ୍ଗୁମନ୍‌ର୍ ସଙ୍ଗ୍ ଆରି ପାପି ଲକ୍ମନ୍‌ର୍ ସଙ୍ଗ୍ ବସି କାଇଲାନି ?”

୧୨ ଜିସୁ କଇଲା, “ନିକ ରଇଲା ଲକ୍ମନ୍ ପାଇ ଡାକ୍‌ଦର୍ ଲଡା ନାଇ । ମାତର୍ ଜର୍‌ଦୁକାର୍ ଲକ୍ମନ୍‌ର୍ ପାଇ ଡାକ୍‌ଦର୍ ଲଡା ଆଟେ । ୧୩ ସାସ୍‌ତରେ ଲେକାଅଇଆଟେ, 'ମୁଇ ପସୁ ପୁଜ୍‌ବା ବିରୁଟାନେଅନି, ଲକ୍ମନ୍‌କେ ଦୟା ଦେକାଇବାଟା ମନ୍ କଲିନି । ଏ କାତାଟ୍ ଅରଡ୍ କାଇଟା ? ଜାଇକରି ବୁଜ୍‌ବାକେ ଚେସ୍‌ଟା କରା । ମୁଇ ଦରମ୍ ଲକ୍ମନ୍‌କେ ଡାକ୍‌ବାକେ ଆସି ନାଇ, ପାପିମନ୍‌କେ ଡାକ୍‌ବାର୍ ଆସିଆଟି ।”

☆ ୯:୧୦ ୯:୧୦ ଲୁକ୍ ୧୫:୧,୨ ☆ ୯:୧୩ ୯:୧୩ ମାତିଡ ୧୨:୭

**କାଲକେ ଉପାସ୍ କରବାର  
(ମାର୍କ ୨:୧୮-୨୨; ଲୁକ୍ ୫:୩୩-୩୯)**

୧୪ ତାର ପତେ ଦିନେକ୍ ତୁବନ୍ ଦେଉ ଜଅନର୍ ସିସ୍ମନ୍ ଜିସୁର୍ ଲଗେ ଆସି ପାଚାରୁଲାଇ, “ଆମେ ଆରି ପାରୁସିମନ୍ ବେସି ତର୍ ଲାକା ଉପାସ୍ କଲୁନି, ମାତର୍ ତମର୍ ସିସ୍ମନ୍ କାଲକେ ଉପାସ୍ କରତ୍ ନାଇ ?”

୧୫ ଜିସୁ ସେମନ୍କେ କଇଲା, “ବିବା ଦାଙ୍ଗଡା ଜେଡେବେଲେ ଜାକ ଦାଙ୍ଗଡାମନ୍ ସଙ୍ଗ୍ ବିବାଗରେ ରଇସି, ସେ ଦିନ୍ ଜାକ ସଙ୍ଗର୍ ଦାଙ୍ଗଡାମନ୍ ଦୁକ୍ ନ କରତ୍ । ମାତର୍ ଜେଡେବଲ୍ ବିବା ଅଇବା ଦାଙ୍ଗଡାକେ ସଙ୍ଗର୍ଦାଙ୍ଗଡାମନ୍ଗାନେଅନି ଦାରିଜିବାଇ, ସେମନ୍ ଦୁକ୍ କରି ଉପାସ୍ କରବାଇ ।”

୧୬ କେ ମିସା ପୁରନା ଲୁଗା କାଣା ଅଇଲାଗାନେ, ନୁଆ ଲୁଗାର୍ ଗର୍ଣ୍ଣା ନ ସିଲାଅଡ୍, କାଲକେ ବଇଲେ ନୁଆ ଗର୍ଣ୍ଣା ପୁରନା ଲୁଗାକେ ବେସି ଚିରି ଦେଇସି । ୧୭ ଆରି, କେ ମିସା ନୁଆ ଅଙ୍ଗୁର୍ ରସ୍, ଚାମ୍ ସଙ୍ଗ୍ ତିଆର୍ ଅଇଲା ପୁରନା ମୁନାଇ ବେସି ଦିନ୍ ନ ସଙ୍ଗଅଡ୍, ସଙ୍ଗଇଲେ ମୁନା ପାଟିଜାଇସି ଆରି ରସ୍ ଚିଡ୍ଡେତେ ଡାଲି ଅଇଜାଇସି । ସେଗର୍ ପାଇ ନୁଆ ରସ୍ ନୁଆ ମୁନାଇ ସଙ୍ଗଇବାଇ । ଏଡ୍ଡି ସଙ୍ଗଇଲେ ମୁନା ଆରି ରସ୍ ଦୁଇଟା ଜାକ ନସ୍ଟ ନ ଅଏ ।

**ଜାଇରସର୍ ଟକି ଆରି ଜିସୁର୍ ପଟିଆ ଜାଲି ଚିଇଲା ମାଇଜି  
(ମାର୍କ ୫:୨୧-୪୩; ଲୁକ୍ ୮:୪୦-୫୬)**

୧୮ ଜିସୁ ସେମନ୍କେ ଏ ସବୁ କାତା କଇଲା ବେଲେ, ଦେକା ଗଟେକ୍ ଜିଉଦିମନ୍ ପାର୍ଡନା ଗରର୍ ନେତା ଜିସୁର୍ ଲଗେ ଆସି ମାଣ୍ଡିକୁଟା ଦେଇ କଇଲା, “ମର୍ ଟକି ଏବେସେ ମରିଗାଲା ଆତେ, ମାତର୍ ତୁଇ ଆସି ତାର୍ ଉପ୍ରେ ଆଡ୍ ସଙ୍ଗଇଲେ ସେ ବର୍ତ୍ସି ।”

୧୯ ଜିସୁ ଦାପ୍ରେ ଉଟିକରି ତାର୍ ସିସ୍ମନ୍ ସଙ୍ଗ୍ ଗାଲା ।

୨୦ ତେଇ ଗଟେକ୍ ମାଇଜି ଜିସୁର୍ ପଟ୍ଟାଟେ ଆଇଲା । ତାକେ ବାର ବରସ୍ ଜାକ ବନି ଜାଇଡେ ରଇବା ରଗ୍ ଅଇରଇଲା । ସେ ମାଇଜି ପତେ ଜାଇ ଜିସୁର୍ ଲୁଗା ଚିଇଲା । ୨୧ ସେ ମନେ ମନେ ବାବ୍ଲା ମୁଇ ତାର୍ ପିନ୍ଦାଗା ଚିଇଲେ ନିମାନ୍ ଅଇଜିବି ।

୨୨ ମାତର୍ ଜିସୁ ପାସ୍ଲି କରି ତାକେ ଦେକି କଇଲା, “ଏ ନୁନି, ତର୍ନାଇ ସାଆସ୍ ଦାର୍, ତର୍ ବିସ୍ବାସ୍ ତକେ ନିମାନ୍ କରିଆତେ ।” ଏଡ୍ଡି କଇଲା ଦାପ୍ରେ ସେ ମାଇଜି ନିମାନ୍ ଅଇଗାଲା । ୨୩ ତାର୍ ପତେ ଜିସୁ ଜିଉଦିମନ୍ ପାର୍ଡନା ଗରର୍ ମୁକିଆର୍ ଗରେ କେଟ୍ଲା । ତେଇ ଦନ୍କରବାକେ ଆସି ରଇଲା ଲକ୍ମନ୍, ଆରି ବାଜ୍ନିଆମନ୍ କାନ୍ଦାବୁବା ଅଇବାଟା ଦେକି, ୨୪ ଜିସୁ କଇଲା, “ସବୁ ଲକ୍ ଇତିଅନି ବାରଇଜା । ଏ ଟକିତା ମରେନାଇ, ସଇଆତେ ।” ତାର୍ କାତା ସୁନି ତେଇ ରଇଲା ଲକ୍ମନ୍ ତାକେ କିଜାଇବାର୍ ଦାରୁଲାଇ । ୨୫ ମାତର୍ ଲକ୍ମନ୍କେ ବାରକଲା ପତେ ଜିସୁ ବାକ୍ରାଇ ଜାଇ ଟକିର୍ ଆତେ ଦାରି ତାକେ ଉଟାଇଲା । ଟକି ଦାପ୍ରେ ଉଟିକରି ଚିଆଅଇଲା । ୨୬ ଏ ଗର୍ନାର୍ କବର୍ ସେ ଜାଗାର୍ ଗୁଲାଇ ବାଟର୍ ଲକ୍ ସୁନ୍ଲାଇ ।

**ଜିସୁ ଦୁଇଟା କାଣାକେ ନିକ କଲା**

୨୭ ଜିସୁ ସେ ଜାଗାଇଅନି ବାରଇ ଜିବାବେଲେ ଦୁଇଟା କାଣା, ତାର୍ ପତେ ପତେ ଇଣ୍ଡି ଆଇଲାଇ । ସେମନ୍ ଆଉଲି ଅଇକରି କଇବାର୍ ଦାରୁଲାଇ । “ଏ ଦାଉଦ୍ ରାଜାର୍ ପଅ ! ଆମ୍କେ ଦୟା କରା ।”

୨୮ ଜିସୁ ଗଟେକ୍ ଗରେ ଗାଲା ଆରି କାଣାମନ୍ ମିସା ତାର୍ ପର୍ ପର୍ ପୁରୁଲାଇ । ପୁରୁଲାକେ ଜିସୁ ସେମନ୍କେ ପାଚାରୁଲା, “ମୁଇ ତମର୍ ଆଁକି ନିକ କରି ପାର୍ବି ବଲି ତମେ ବିସ୍ବାସ୍ କଲାସିନି କି ?” ସେମନ୍ କଇଲା “ଉଁ ମାପୁର୍ ।”

୨୯ ତାର୍ ପତେ ଜିସୁ ସେମନ୍ର ଆଁକି ଚିଇକରି କଇଲା, “ମକେ ବିସ୍ବାସ୍ କଲାର୍ ଲାଗି ତମର୍ ଆଁକି ତିସ ।” ୩୦ ଜିସୁ କଇଲା ଦାପ୍ରେ କାଣାମନ୍ ଆଁକି ଦେକିପାରୁଲାଇ । ଆରି ଜିସୁ, ସେମନ୍କେ ଡାଟ୍କରି, “ଏ ବିସଇ କାକେ ମିସା କୁଆ ନାଇ ।” ବଲି କଇଲା ।

୩୧ ମାତର୍ ସେମନ୍ ବାରଇ ଜାଇ ଜିସୁର୍ ଏ କରିରଇବାଟା ଗୁଲାଇ ଦେସେ ଜାନାଇଲାଇ ।

**ଗଟେକ୍ ଗୁଲା ଅଇଲା ଲକ୍ କାତା ଅଇ ପାରୁଲା**

୩୨ ଜିସୁ ଆରି ତାର୍ ସିସ୍ମନ୍ ସେ ଗରେଅନି ବାରଇ ଗାଲାବେଲେ କେଡେଟା ଲକ୍ମନ୍ ଗଟେକ୍ ଗୁଲା ଲକ୍କେ ତାର୍ ଲଗେ ଆନ୍ଲାଇ । ତାକେ ତୁମାଦାରିରଇଲାକେ ସେ ଗୁଲା ଅଇଜାଇରଇଲା । ୩୩ ଜିସୁ ତୁମାକେ ସେ ଲକ୍ମନ୍କେ ଅନି କେଦ୍ଲା ପତେ ସେ କାତାଅଇବାର୍ ଦାରୁଲା । ଆରି ତେଇ ରଇଲା ଲକ୍ମନ୍ କାବାଅଇଜାଇ କଇଲା । “ଇସ୍ରାଏଲ୍ ଦେସେ ଏନ୍ତାରି ଗର୍ନା ଆମେ କେବେ ଦେକି ନ ରଇଲୁ ।” ୩୪ \*ମାତର୍ ପାରୁସିମନ୍ କଇଲା, “ସେ ତୁମାମନ୍ ନେତାର୍ ବପୁ ସଙ୍ଗ୍ ବିନ୍ ତୁମାମନ୍କେ କେଦ୍ଲାନ୍ତି ।”

**ଲକ୍ମନ୍କେ ଜିସୁର୍ ଦୟା**

\* ୯:୩୪ ୯:୩୪ ମାତୃତ ୧୦:୨୫;୧୨:୨୪; ମାର୍କ ୩:୨୨; ଲୁକ୍ ୧୧:୧୫



୩୫ ✨ଜିସୁ ଗାଉଁ ଗାଉଁ ବୁଲି ବୁଲି ଜିଉଦିମନର୍ ପାର୍ତନା ଗର୍ମନକେ ଜାଇ ସିକାଇ ଦେଇତେ ରଇଲା । ଆରି ପରମେସରର୍ ରାଇଜର୍ ନିମାନ୍ କାତା କଇତେରଇଲା । ବିନ୍ ବିନ୍ ଜର୍ ଆରି ରଗ୍ ଦାରଲା ଲକ୍ମନକେ ସବୁ ନିକ କରିଦେଲା ଆରି ପାର୍ତନା ଗରେ ସିକିଆ ଦେଲା । ୩୬ ✨ଆରି ତେଇ ରଇଲା ଜବର୍ ଲକ୍ମନକେ ଦେକିକରି ସେ ଦୟା କଲା । କାଇକେ ବଇଲେ ସେମନ୍ ବେସି ତାକିଜାଇରଇଲା ଆରି ସାଇଜ ପାଇବାକେ କନ୍ ବାଟେ ଜିବାର୍ ଆଟେ, ଜାନିନାପାର୍ତେ ରଇଲା । ସେମନ୍ ଗଉଡ଼ ନଇଲା ମେଣ୍ଟାଋସି ପାରା ଅଇଜାଇରଇଲା । ୩୭ ✨ସେଡ଼କିବେଲେ ସେ ସିସ୍ମନକେ କଇଲା, “ତାସ୍ ସିନା ବୁଡେକ୍ । ମାତର୍ ସେଟା କାଟ୍ବାକେ, ଲକ୍ମନ ଉନା ଆଟଡ଼ । ୩୮ ✨ତେବର୍ପାଇ ‘କେଡ଼ ରଇଲା ପଦାଇ କାଟ୍ବାକେ ବେସି ଲକ୍ମକେ ପାଟାଆ’ ବଲି ତାସ୍ କଲା ସାଉକାର୍କେ ପାର୍ତନା କରା ।”

**୧୦**

**ବାର୍ତା ସିସ୍ମନ**  
(ମାର୍କ ୩:୧୩-୧୯; ଲୁକ୍ ୬:୧୨-୧୬)

୧ ଜିସୁ ତାର୍ ବାର୍ତା ପେରିଡ଼ମନକେ ଲଗେ ତାକି ତୁମା କେଦ୍ବାକେ, ସବୁ ରକାମର୍ ରଗ୍ ଆରି ଜର୍ବୁକା ନିମାନ୍ କରବାକେ ଅଦିକାର ଦେଲା । ୨ ସେ ବାର୍ତା ପେରିଡ଼ମନର୍ ନାଉଁ ଅଇଲାନି, ସିମନ୍ ଜାକେକି ପିତର୍ ବଲି ତାକ୍ବାଇ, ଆରି ତାର୍ ବାଇ ଆନ୍ଦରିୟ, ଜେବଦିର୍ ପଅ ଜାକୁବ୍ ଆରି ତାର୍ ବାଇ ଜଅନ୍, ୩ ପିଲିପ୍ ଆରି ବାର୍ତଲମି, ତମା ଆରି ସିସ୍ତୁମାଙ୍ଗୁମନ୍ ମାତ୍ରିତ, ଆଲ୍ପିର୍ ପଅ ଜାକୁବ୍ ଆରି ତଦିୟ, ୪ କିଣାନିୟ୍ ସିମନ୍ ଜେ କି ଇସ୍ରାଏଲ୍ ଲକ୍ମନର୍ ମୁକ୍ତିର୍ ପାଇ ଚେସ୍ଟା କର୍ତେରଇଲା । ଆରି ଇସ୍କାରିୟ୍ଡ଼ ଜିଉଦା, ଜେ ଜିସୁକେ ସର୍ତ୍ତମନକେ ସର୍ପିଦେଇ ରଇଲା ।

**ବାର୍ତା ସିସ୍ମକେ ଦିଆଅଇରଇଲା କାମ୍**  
(ମାର୍କ ୬:୭-୧୩; ଲୁକ୍ ୯:୧-୬)

୫ ଜିସୁ ବାର୍ତା ସିସ୍ମନକେ ପାଟାଇଲାବେଲେ କାଇଟା କର୍ବାର୍ ଆଟେ କାଇଟା ନାଇ ବଲି ଆଦେସ୍ ଦେଇ କଇଲା, “ତମେ ଜିଉଦି ନଇଲା ଲକ୍ମନର୍ କନ୍ ଜାଗାଇ ମିସା ଜାଆନାଇ କି ସମିରଣିୟ୍ ଗତେ ମିସା ପୁରାନାଇ । ୬ ମାତର୍ ଆଜିଗାଲା ମେଣ୍ଟାମନର୍ ପାରା ରଇବା ଇସ୍ରାଏଲ୍ମନର୍ ଲଗେ ଜା । ୭ ସେମନର୍ ଲଗେ ଜାଇ ଜାନାଇକରି କୁଆ, ସରଗ୍ ରାଇଜ୍ ଲଗେ ଆଇଲା ଆଟେ ! ୮ ଜରର୍ ଲକ୍ମନକେ ନିମାନ୍ କରା, ମଲା ଲକ୍ମନକେ ଉଟାଆ, ବଡ଼ ରଗିମନକେ ନିମାନ୍ କରା, ତୁମାମନକେ କେଦିଦିଆସ୍ । ଏ ସବୁ ସରଗର୍ ମାପୁରର୍ ତେଇଅନି ତିନ୍ପଲିଆରେ ମିଲାଇ ଆଟାସ୍ । ସେକ୍ତି ବିନ୍ ଲକ୍ମନକେ କାଇଟା ନ ମାଙ୍ଗ୍ତେ ଦିଆସ୍ । ୯ ତାରୁ ମିସା ନିଆନାଇ । ୧୦ ✨ଆରି ବୁଲ୍ବା ବେଲେ ମୁନା ଦାରି ବୁଲାନାଇ । ଗଟେକ୍ ଉଟକା ପିନ୍ଦ୍ବା ପଟିଆ, ପାଣ୍ଡୁଇ, ତାଙ୍ଗ୍ ନିଆ ନାଇ । ପାଇଟି କରୁ ତାର୍ ବୁଡ଼ି ପାଇସିସେ ।”

୧୧ “ଗଟେକ୍ ଗତେ କି ଗାଏଁ କେଟ୍ସା ବଇଲେ, ତେଇ କେ ତମକେ ନିଜର୍ ଗରେ ତାକ୍ସି, ସେ ଲକ୍ମକେ କଜା, ଆରି ବିନେ ଜିବା ଜାକ ତାକର୍ ଗରେସେ ରୁଆ । ୧୨ ଗରେ କେଟ୍ଲା ବେଲେ ତେଇ ରଇଲା ଲକ୍ମନକେ ଜୁଆର୍ କରି କୁଆ, ‘ତମକେ ସାକ୍ତି ମିଲ’ । ୧୩ ସେମନ୍ ଜଦି ତମକେ ଗତିଆ କରି ତାକ୍ବାଇ, ତମେ କଇଲା ସାକ୍ତିର୍ କାତା ପୁରୁନ୍ ଅଇସି । ମାତର୍ ସେମନ୍ ଜଦି ତମକେ ଗତିଆ କରି ନ ତାକଡ଼ ବଇଲେ, ତମେ କଇଲାଟା ତମର୍ ଲଗେ ବାଉଡ଼ି ଆଇସି । ୧୪ ✨ଜଦି କେ ମିସା ତମକେ ନ ତାକଡ଼ କି ତମେ କଇଲା କାତା ନ ସୁନଡ଼ ବଇଲେ, ‘ଏ ଜାଗା ଚାଡ଼ଲୁ’ ବଲି ଗଟେକ୍ ଚିନ୍ ପାରା ଦେକାଇବାକେ, ପାଦର୍ ଦୁଲି ପାପୁଡ଼ି, ସେ ଜାଗା ଚାଡ଼ି ଉଟିଜା । ୧୫ ✨ମୁଇ ତମକେ ସଡ଼ କଇଲିନି, ବିଚାର୍ନା ଦିନେ ସଦମ୍ ଗମରାକେ ପର୍ମେସର୍ ଅଦିକ୍ ଦୟା ଦେକାଇସି ।”

**ଆଇବା ଦୁକ୍କସ୍ଟ**  
(ମାର୍କ ୧୩:୯-୧୩; ଲୁକ୍ ୨୧:୧୨-୧୫)

୧୬ ✨“ସୁନା, ବାଲିଆତୁରକାମନର୍ ବିଡ଼ରେ ମେଣ୍ଟାମନକେ ପାଟାଇଲା ପାରା ମୁଇ ତମକେ ପାଟାଇଲିନି । ସାଁପର୍ ପାରା ଚାଲାକି ଅଇ ପରୁଆପାରା ସୁଆଲ୍ ଉଆ । ୧୭ ✨ମାତର୍ ଜାଗ୍ରଡ଼ ଅଇରୁଆ, କାଇକେ ବଇଲେ ଲକ୍ମନ ସେମନର୍ ବିଚାର୍ କର୍ବା ଜାଗାମନର୍ତେଇ ତମକେ ସର୍ପିଦେବାଇ ଆରି ପାର୍ତନା ଗର୍ମନକେ ତମକେ କର୍ତା ମାର୍ବାଇ । ୧୮ ✨ଆରି ତମେ ମର୍ ସିସ୍ ଅଇଲାର୍ ଲାଗି, ରାଜା ଆରି ସାସନ୍ କର୍ବା ଲକ୍ମନର୍ ଲଗେ ନିଆଅଇ ବିଚାର୍ କରାଇଅଇସା । ଇତିଅନି ସେମନକେ ଆରି ଜିଉଦି ନଇଲା ଲକ୍ମନର୍ ତେଇ ମର୍ ବିସଇନେଇ କଇବାକେ ତମେ ବେଲା ପାଇସା । ୧୯ ତମର୍ ବିଚାର୍ନା ଅଇବାବେଲେ ‘କାଇଟା କଇବି, କେକ୍ତି କଇବି’ ବଲି ଚିନ୍ତା କରି ତେରେପେତେ ନ ଉଆ । ଟିକ୍ ସେବେଲାଇ ସେଟା ତମକେ ଜାନାଇ ଦିଆଅଇସି । ୨୦ କାଇକେ ବଇଲେ ତମେ ନିଜେ କାଇଟା କଇବାକେ ନ ପଡ଼େ । ବାବା ପର୍ମେସର୍ ସୁକଲ୍ ଆଡ଼ମାଇ ତମର୍ ଟଣ୍ଡେଅନି କାତା କଇସି ।”

✨ ୯:୩୫ ୯:୩୫ ମାତ୍ରିତ ୪:୨୩; ମାର୍କ ୧:୩୯; ଲୁକ୍ ୪:୪୪ ✨ ୯:୩୬ ୯:୩୬ ମାର୍କ ୬:୩୪ ✨ ୯:୩୭ ୯:୩୭ ଲୁକ୍ ୧୦:୨ ✨ ୧୦:୧୦ ୧୦:୧୦ ୧୧ମ କରକ୍ତିୟ ୯:୧୪; ୧୧ମ ତିମତି ୫:୧୮ ✨ ୧୦:୧୪ ୧୦:୧୪ ପେରିଡ଼ ୧୩:୫୧ ✨ ୧୦:୧୫ ୧୦:୧୫ ମାତ୍ରିତ ୧୧:୨୪ ✨ ୧୦:୧୫ ୧୦:୧୫ ଲୁକ୍ ୧୦:୪-୧୨ ✨ ୧୦:୧୬ ୧୦:୧୬ ଲୁକ୍ ୧୦:୩ ✨ ୧୦:୧୭ ୧୦:୧୭ ମାର୍କ ୧୩:୯-୧୧; ଲୁକ୍ ୧୨:୧୧,୧୨;୨୧:୧୨-୧୫

୨୧ ✨ଲକ୍ଷ୍ମୀନ ନିଜର ବାଲକେ ମରନର ଉଣ୍ଠ ବଗ୍‌ବାକେ ଦାରାଇଦେବାଇ । ବାବା ମିସା ନିଜର ପିଲାମନକେ ସେନ୍ତାରି କରସି । ପିଲା ଟକିମନ୍ ବାବାମାଆର ବିରଦେ ଉଟି ସେମନକେ ମରାଇବାଇ । ୨୨ ✨ମକେ ବିସ୍‌ବାସ୍ କଲାରୁ ଲାଗି ତମକେ ସବୁ ଲକ୍ଷ୍ମୀ ଗିନ୍ କରବାଇ । ମାତର ଜନ୍ ଲକ୍ଷ୍ମୀ ସାରାସାରି ଜାକ ସାଆସ୍ ଦାରି ରଇସି, ସେ ମୁକ୍ତି ପାଇସି । ୨୩ ଗଟେକ୍ ନଅରେ ଦୁକ୍ କସ୍‌ଟ ଦେଲେ, ତମେ ଆରି ଗଟେକ୍ ନଅରେ ଉଟି ପାଲାଆ । ମୁଇ ତମକେ ସତ୍‌କାତା କଲଲିନି, ତମେ ଇସ୍‌ରାଏଲ୍ ଦେସେ ରଇବା ସବୁ ଗତେ ବୁଲି ନ ସାର୍‌ତେ, ନରପିଲା ମୁଇ ଆରି ତରେକ୍ ବାଉତି ଆସିରଇବି ।

୨୪ ✨“କନ୍ ସିସ୍ ମିସା ଗୁରୁର ତେଇଅନି ବଡ଼ ନର୍ସ । ଗତିଦାଙ୍ଗ୍‌ତା ସାଉକାରରତେଇଅନି ବଡ଼ ନର୍ସ । ୨୫ ✨ସିସ୍ ତାର ଗୁରୁର ପାରା ଆରି ଗତିଦାଙ୍ଗ୍‌ତା ନିଜର ସାଉକାର ପାରା ଅଇଲେ ସେମନ୍ ସାର୍‌ଦା ଅଇବାରୁ ଆଚେ । ଗଟେକ୍ ଗରର ମୁକ୍‌ଆ ମକେ, ବାଲ୍‌ଜିଗୁଲ୍ ବଲି ଡାକ୍‌ଲାଇନି ବଇଲେ, ଗରର ଆରି ଅଦେକ୍ ଲକ୍ଷ୍ମୀନକେ ବାଇଦରେ ଅଦିକ୍ କାରାପ୍ ନାଉଁ ଦାରି ଡାକ୍‌ବାଇ ।”

**କାକେ ଡରବାର**  
(ଲୁକ୍ ୧୨:୨-୭)

୨୬ ✨“ସେଟାରପାଇ ଲକ୍ଷ୍ମୀନକେ ଡରାନାଇ । ଜନ୍ ବିସଇ କି ଲୁଚ୍‌ତେ ଆଚେ, ସେଟା କେବେ ନଇଲେ କେବେ ଡିସ୍‌ସି ଆରି ସବୁ ଲୁଚ୍‌ଲା କାତାମନ୍ ଜାନା ପଡ଼ସି । ୨୭ ଜନ୍‌ଟା ମୁଇ ତମକେ ଆନ୍ଦାର ବେଲାଇ କଲଲିନି ସେଟା ତମେ ଉଇଲେ କୁଆ, ଆରି ଜନ୍‌ଟା ଲୁଚ୍‌ତେ ସୁନିଆଗାସ୍ ସେଟା ଗରର ଚାଉନି ଉପରେ ଚିଆଅଇ କୁଆ । ୨୮ ଜନ୍‌ଲକ୍ଷ୍ମୀନ ତମର ଗାଗଡ଼ ନସ୍‌ଟ କରବାଇ ମାତର ତମର ଆଡ଼ମାକେ କାଇଟା କରିନାପାରଡ଼ ସେମନକେ ଡରାନାଇ । ମାତର ଜନ୍ ପରମେସର ତମର ଗାଗଡ଼ ଆରି ଆଡ଼ମାକେ ନରକ୍ କୁଣ୍ଡେ ପିଙ୍ଗ୍‌ସି, ତାକେ ଡରା । ୨୯ ତାରୁଦେଇ ଦୁଇଟା ଚେଟିଆ ଚତଇ ଗେନିପାରାସ୍, ମାତର ତମର ବାବା ପରମେସର ନାଜାନତେ ସେ ଚତଇମନରତେଇଅନି ଗଟେକ୍ ମିସା ନ ମରଡ଼ । ୩୦ ଆରି ପରମେସର ତମର ମୁଣ୍ଡର ଚେଣ୍ଡି ମିସା ଗଟେକ୍ ଗଟେକ୍ କରି ଏଜିଆଚେ । ୩୧ ଡରାନାଇ, ବେସି ଚେଟିଆ ଚତଇମନର ତେଇ ଅନି ତମର ଦାମ୍ ଅଦିକ୍ ।”

**ଜିସୁକେ ନାମବାଟା**  
(ଲୁକ୍ ୧୨:୮-୯)

୩୨ “ଜେ ମକେ ସବୁର ମୁଆଟେ ‘ମର ଲକ୍ଷ୍ମୀ’ ବଲି ନାମସି, ମୁଇ ମିସା ମର ସରଗର ବାବାର ମୁଆଟେ ସେମନକେ ‘ମର ଲକ୍ଷ୍ମୀ’ ବଲି କଇବି । ୩୩ ✨ମାତର ଜନ୍ ଲକ୍ଷ୍ମୀ ମକେ ସବୁର ମୁଆଟେ ‘ତାକେ ନାଜାନି’ ବଲି କଇସି, ମୁଇ ମିସା ମର ସରଗର ବାବାର ମୁଆଟେ ‘ତାକେ ନାଜାନି’ ବଲି କଇବି ।”

**ସାନ୍ତିର ବାଦୁଲେ କାଣ୍ଡା**  
(ଲୁକ୍ ୧୨:୫୧-୫୩; ଲୁକ୍ ୧୪:୨୭-୨୭)

୩୪ “ମୁଇ ଏ ଦୁନିଆଇ ସାନ୍ତି ଦେବାର ଆସିଆତି ବଲି ତମେ ବାବା ନାଇ । ନାଇ, ସାନ୍ତି ଦେବାକେ ଆସି ନାଇ, କାଣ୍ଡା ଦେବାକେ ଆଇଲିଆତି । ୩୫ ମର ଲାଗି ପିଲା ବାବାକେ ବିରଦ୍ କରସି, ଟକି ଆୟାକେ ବିରଦ୍ କରସି ଆରି ବୁଆରି ସାଡ଼ରିର ବିରଦେ ଉଟସି । ୩୬ ନିଜର ଗରର ଲକ୍ଷ୍ମୀନସେ ନିଜର ସଡ଼ରୁ ଅଇବାଇ ।”

୩୭ “କେମିସା ଜଦି ନିଜର ମାବାବାକେ ମରତେଇଅନି ଅଦିକ୍ ଆଲାଦ୍ କରସି, ସେ ମର ସିସ୍ ଅଇନାପାରେ । ଆରି ଜନ୍ ଲକ୍ଷ୍ମୀ ମକେ ଆଲାଦ୍ କରବାଟାନେ ଅନି ନିଜର ପିଲାଟକିକେ ଅଦିକ୍ ଆଲାଦ୍ କରସି ବଇଲେ ସେ ମର ସିସ୍ ଅଇବାକେ ଅଦିକାର ନ ପାଏ । ୩୮ ✨ଜନ୍ ଲକ୍ଷ୍ମୀ ନିଜର କୁରୁସ୍ ବଇ ମର ସଙ୍ଗ୍ ନ ଆସେ ବଇଲେ ସେ ମର ସିସ୍ ଅଇବାକେ ଅଦିକାର ନ ପାଏ । ୩୯ ✨ଜନ୍‌ଲକ୍ଷ୍ମୀ ନିଜର ଜିବନ୍ ରକିଆ କରବାକେ ଚେସ୍‌ଟା କରସି ବଇଲେ ସେ ସେଟା ଆରାଇସି । ମାତର ଜେ ମର ଲାଗି ତାର ଜିବନ୍ ଆରାଇସି ବଇଲେ, ସେ ସତଇସେ ସେଟା ରକିଆ କରସି ।”

**ପୁରୁସକାର**  
(ମାର୍କ ୯:୪୦)

୪୦ ✨“ଜନ୍ ଲକ୍ଷ୍ମୀ ତମକେ ଡାକିନେଇସି, ସେ ମରପାଇ ସେଟା କଲାନି । ଆରି ଜନ୍ ଲକ୍ଷ୍ମୀ ମକେ ଡାକିନେଇସି ସେ ମକେ ପାଟାଇଲା ବାବା ପରମେସରର ପାଇ ସେଟା କଲାନି । ୪୧ ଜେ ମିସା ଗଟେକ୍ ବବିସତ୍‌ବକ୍‌ତାକେ ‘ପରମେସରର କାତା ସୁନାତ’ ବଲି ଡାକସି, ବବିସତ୍‌ବକ୍‌ତାକେ ମିଲ୍‌ବା ପୁରୁସକାରତେଇ ସେ ମିସା ମିସ୍‌ସି । ଆରି ଜେ ଦରମ୍ ଲକ୍ଷ୍ମୀକେ ଗରେ ଡାକସି, ଦରମ୍ ଲକ୍ଷ୍ମୀକେ ମିଲ୍‌ବା ପୁରୁସକାରତେଇ ସେ ମିସା ମିସ୍‌ସି । ୪୨ ଆରି ଜନ୍ ଲକ୍ଷ୍ମୀ ମର ପଚେ ପଚେ ଆଇବା ମୁକ୍‌ଆ ନଇଲା ଗଟେକ୍ ସାନ୍ ସିସ୍‌କେ, ଗିଲ୍‌ସେକ୍ ପାନି ଦେଇସି, ସେ ମର ସିସ୍ । ସେ ପୁରୁସକାର ପାଇସି ଆକା ।”

✨ ୧୦:୨୧ ୧୦:୨୧ ମାର୍କ ୧୩:୧୨; ଲୁକ୍ ୨୧:୧୭ ✨ ୧୦:୨୨ ୧୦:୨୨ ମାତ୍ରିକ ୨୪:୯; ମାର୍କ ୧୩:୧୩; ଲୁକ୍ ୨୧:୧୭; ମାତ୍ରିକ ୨୪:୧୩; ମାର୍କ ୧୩:୧୩  
 ✨ ୧୦:୨୪ ୧୦:୨୪ ଲୁକ୍ ୬:୪୦; ଜଅନ୍ ୧୩:୧୭;୧୫:୨୦ ✨ ୧୦:୨୫ ୧୦:୨୫ ମାତ୍ରିକ ୯:୩୪;୧୨:୨୪; ମାର୍କ ୩:୨୨; ଲୁକ୍ ୧୧:୧୫ ✨ ୧୦:୨୬ ୧୦:୨୬ ମାର୍କ ୪:୨୨; ଲୁକ୍ ୮:୧୭ ✨ ୧୦:୩୩ ୧୦:୩୩ ୨ୟ ଡିମତି ୨:୧୨ ✨ ୧୦:୩୮ ୧୦:୩୮ ମାତ୍ରିକ ୧୭:୨୪; ମାର୍କ ୮:୩୪; ଲୁକ୍ ୯:୨୩ ✨ ୧୦:୩୯ ୧୦:୩୯ ମାତ୍ରିକ ୧୭:୨୫; ମାର୍କ ୮:୩୫; ଲୁକ୍ ୯:୨୪;୧୭:୩୩; ଜଅନ୍ ୧୨:୨୫ ✨ ୧୦:୪୦ ୧୦:୪୦ ଲୁକ୍ ୧୦:୧୭; ଜଅନ୍ ୧୩:୨୦; ମାର୍କ ୯:୩୭; ଲୁକ୍ ୯:୪୮

# ୧୧

## ଜିସୁ ଆରି ତୁବନ୍ ଦେଉ ଜଅନ୍ (ଲୁକ୍ ୭:୨-୭)

<sup>୧</sup> ଜିସୁ ବାର୍ତ୍ତା ସିସ୍ତାନ୍‌କେ ସିକାଇ କରି କଇ ପାଟାଇ ସାରଲା ପଟେ, ସେ ଜାଗା ଚାଡ଼ିକରି ଲଗେ ରଇଲା ଗଡ଼ମନ୍‌ର ଲକ୍‌ମନ୍‌କେ ଜାଇ ସିକାଇଲା ଆରି ମାପୁରୁର୍ କାତା ସୁନାଇବାର୍ ଦାରଲା ।

<sup>୨</sup> ସେ ବେଲା ତୁବନ୍‌ଦେଉ ଜଅନ୍ ବନ୍ଦିଗରେ ରଇଲା । ଜିସୁ ଜନ୍ କାମମନ୍ ସବୁ କରତେ ରଇଲା, ତାର କବର ସୁନି ତାର କେତେଟା ସିସ୍ତାନ୍‌କେ ଜିସୁର୍ ଲଗେ ପାଟାଇଲା । <sup>୩</sup> ସେମନ୍ ଜାଇ ଜିସୁକେ ପାଟାଉଲାଇ, “ଜନ୍ ଲକ୍ ଆଇସି ବଲି ଜଅନ୍ କଇରଇଲା, ସେ ଲକ୍ ତମେ କି ? ନଇଲେ, ଆମେ ଆରି ବିନ୍ ଲକ୍‌କେ ଜାଗୁ କି ?”

<sup>୪</sup> ଜିସୁ ସେମନ୍‌କେ କଇଲା, “ତମେ ବାଉଡ଼ି ଜାଇ ଜନ୍‌ଟା ସବୁ ଦେକ୍‌ଲାସ୍ ଆରି ସୁନ୍‌ଲାସ୍, ଜଅନ୍‌କେ କଇଦିଆସ୍ । <sup>୫</sup> କାଣାମନ୍ ଦେକିପାଉଲାଇନି, ଚଟାମନ୍ ଇଣ୍ଟୁଲାଇନି, ବଡ଼ ରଗିମନ୍ ନିମାନ୍ ଅଇଲାଇନି, ବଇରାମନ୍ ସୁନ୍‌ଲାଇନି, ମଲା ଲକ୍‌ମନ୍ ଜିବନ୍ ଅଇଲାଇନି ଆରି ଗରିବ୍ ଲକ୍‌ମନ୍‌ର ଲଗେ ନିମାନ୍ କବର କେଟ୍‌ଲାନି । <sup>୬</sup> ଜେ ମର୍ ବିସଇ ନେଇକରି, ‘ସେ କି ନଏ ଆଲେ’ ବଲି ନ ବାବେ, ସେ କେତେ ନିକ କରମର୍ ଲକ୍ । ଜେ ମକେ ନାମସି ଆରି ମକେ ସବୁ ବେଲା ବିସ୍‌ବାସ୍ କରସି ତାକେ ପର୍‌ମେସର୍ ଆସିରବାଦ୍ କରସି ।” ବଲି କଇଲା ।

<sup>୭</sup> ଜଅନ୍‌ର ସିସ୍ତାନ୍ ବାଉଡ଼ି ଗାଲାବେଲେ ଜିସୁ ଲକ୍‌ମନ୍‌କେ ଜଅନ୍‌ର ବିସଇ କଇଲା, ତମେ ଜଅନ୍‌କେ ଦେକ୍‌ବାକେ ଜେତେବଲ୍ ମରୁବାଲିବୁଏଁ ଜାଇରଇଲାସ୍, କାଇଟା ଦେକ୍‌ବାକେ ଆସା କରିରଇଲାସ୍ ? ପବନ୍ ମାରଲେ ଜୁଲ୍‌ବା ଗାଁସ୍ ପଡ଼ର୍ ? <sup>୮</sup> କାକେ ଦେକ୍‌ବାକେ ଜାଇ ରଇଲାସ୍ ? କାଇ ସୁନ୍‌ର୍ ବସ୍‌ତର୍ ପିନ୍‌ରଇବା ଲକ୍‌କେ ଦେକ୍‌ବୁ ବଲି ଜାଇ ରଇଲାସ୍ କି ? ସେନ୍ତି ବସ୍‌ତର୍ ପିନ୍‌ବା ଲକ୍ ରାଜାର୍ ଗରେ ରଇବାଇ । <sup>୯</sup> ମକେ କୁଆ, କାଇଟା ଦେକ୍‌ବାକେ ଜାଇ ରଇଲାସ୍ ? ଗଟେକ୍ ବବିସ୍‌ତବକ୍‌ତାକେ ଦେକ୍‌ବୁ ବଲିକରି କି ? ସେଟା ତ ସଡ଼, ମାତର୍ ଅବକା ବବିସ୍‌ତବକ୍‌ତା ଟାନେଅନି ଗଟେକ୍ ଅଦିକ୍ ବଡ଼ ଲକ୍‌କେ ବେଟ୍‌ପାଇଆଟାସ୍ । <sup>୧୦</sup> କାଇକେ ବଇଲେ ଏ ଜଅନ୍‌ର ବିସଇ ସାସ୍‌ତରେ ଲେକାଅଇଲା ଆଟେ । ପର୍‌ମେସର୍ କଇଲା, “ତମର୍ ପାଇ ବାଟ୍ ତିଆର୍ କରବାକେ ମୁଇ ପର୍‌ତୁମ୍ ମର୍ ଦୁଡ଼କେ ପାଟାଇବି ।” <sup>୧୧</sup> ମୁଇ ତମକେ ସଡ଼ କଇଲିନି, ଏ ଦୁନିଆଇ ପୁରବେ ଅନି ଆଜିକେ ଜାକ ଜେତେକ୍ ଲକ୍ ସବୁ ଜନମ୍ ଅଇଲାଅଟାଡ଼, ସବୁ ଲକ୍‌ମନ୍‌ର ବିଡ଼ରେଅନି ତୁବନ୍ ଦେଉ ଜଅନ୍ ବଡ଼ । ମାତର୍ ସରଗ୍ ରାଇଜେ ଜେ ସବୁଟାନ୍‌ନେଅନି ସାନ୍, ସେ ଜଅନ୍‌ରେତେଇ ଅନି ବଡ଼ । <sup>୧୨</sup> \*ତୁବନ୍ ଦେଉ ଜଅନ୍ ପର୍‌ମେସର୍‌ର ନିକ କାତା ଜାନାଇବାଟା ଆରାମ୍ କଲାବେଲେ ଅନି ଆଜିକେ ଜାକ ସରଗ୍ ରାଇଜ ନେଇକରି ବେସି ଜୁଇଦ୍ ଚାଲିଲାଆଟେ । ଦୟା ମାୟା ନଇଲା ଲକ୍‌ମନ୍ ତାକର୍ ବପୁସକ୍ ସରଗ୍ ରାଇଜ୍ ଅଦିକାର୍ କରବାକେ ଚେସ୍‌ଟା କଲାଇନି । <sup>୧୩</sup> ଜଅନ୍ ଆଇବା ଜାକ ମସାର୍ ନିୟମ୍ ଆରି ବବିସ୍‌ତବକ୍‌ତାମନ୍ ସରଗ୍ ରାଇଜର୍ ବିସଇ କଇତେ ରଇଲାଇ । <sup>୧୪</sup> \*ଜଦି ସେମନ୍‌ର କାତା ତମେ ବିସ୍‌ବାସ୍ କରସା, ତେବେ ଜଅନ୍ ଅଇଲାନି ସେ ଏଲିୟ, ଜେ କି ପର୍‌ତୁମ୍ ଆଇବାର୍ ରଇଲା । <sup>୧୫</sup> ଜାକେ କାନ୍‌ଆଟେ, ସେ ସୁନ ।

<sup>୧୬</sup> ଏ ଜୁଗର୍ ଲକ୍‌ମନ୍‌କେ କାର୍ ସକ୍ ସମାନ୍ କରବି ? ସେମନ୍ ଆଟ୍ ମଜାଇ ବସିକରି କେଲ୍‌ବା ପିଲାମନ୍‌ର ପାରା । ଗଟେକ୍ ଦଲର୍ ପିଲାମନ୍ ଆରି ଗଟେକ୍ ଦଲ୍‌କେ କଇବାଇ, <sup>୧୭</sup> “ଆମେ ବିବା ବାଜା ବାଜାଇଲୁ, ମାତର୍ ତମେ ନାଟ୍ କରାସ୍ ନାଇ । ଦୁକର୍ ଗିଡ଼ ଗାଇଲୁ ତମେ କାନ୍‌ସ୍ ନାଇ ।” <sup>୧୮</sup> ଜଅନ୍ ତରକେ ତର୍ ଉପାସ୍ କରତେ ରଇଲା ଆରି କେବେ ମିସା ମଦ୍ ନ କାଇତେ ରଇଲା, ମାତର୍ ତମେ ତାକେ ହୁମା ଦାରଲା ଲକ୍ ବଲି କଇଲାସ୍‌ନି । <sup>୧୯</sup> ମାତର୍ ନରପିଲା ମୁଇ କାଇଲେ କି ପିଇଲେ ମକେ କାଉରାଟା ଆରି ମଦୁଆଟା ବଲି କଇଲାସ୍‌ନି । ସିସ୍‌ତୁ ମାଜୁମନ୍‌ର ଆରି ପାପି ଲକ୍‌ମନ୍‌ର ମଇତର୍ ବଲି କଇଲାସ୍‌ନି । ସେଟା ଜନ୍‌ଟା ଅବେ ଚାଡ଼ା, ପର୍‌ମେସର୍‌ର ବିଚାର୍ ସଡ଼ ଆକା । ଏଟା ତାର୍ କାମେଅନି ଜାନାପଡ଼ସି ।”

## ବିସ୍‌ବାସ୍ ନକଲା ଗଡ଼ର୍ ଲକ୍ (ଲୁକ୍ ୧୦:୧୩-୧୫)

<sup>୨୦</sup> ଜନ୍ ଗଡ଼ମନ୍‌କେ ଜିସୁ ତାର୍ ବେସି କାବାଅଇଜିବା କାମମନ୍ କରିରଇଲା, ସେ ଗଡ଼ର୍ ଲକ୍‌ମନ୍ ନିଜେ କରିରଇବା ପାପୁଲାଗି ମନ୍ ନ ବାଦ୍‌ଲାଇଲାଟା ଦେକି, ଜିସୁ ସେ ଗଡ଼ର୍ ଲକ୍‌ମନ୍‌କେ ନିନ୍ଦା କରି କଇଲା, <sup>୨୧</sup> “ଏ କରାଜିନର୍ ଲକ୍‌ମନ୍, ତମେ କେତେ ଇନସ୍‌ତା ଅଇ ତଣ୍ଟି ପାଇସା ! ଏ ବେଡ଼ସାଇଦାର୍ ଲକ୍‌ମନ୍, ତମର୍ ଦସା ମିସା ସେନ୍ତିସେ । ତମର୍ ବିତରେ ଜନ୍ କାବାଅଇଜିବା କାମମନ୍ କରାଅଇଲାଆଟେ, ସେଟା ସବୁ ଜଦି ମୁଇ ସର ଆରି ସିଦନ୍ ଗଡ଼େ କରି ରଇଲେ, ସେ ଗଡ଼ର୍ ଲକ୍‌ମନ୍ ପାପେଅନି ବାଅଡ଼ଲୁ ବଲି ଦେକାଇବାକେ ଗାଗ୍‌ତେ ଚାର୍ ଡାଲିଅଇ, ବାସ୍‌ତା ପିନ୍‌କରି ମନ୍ ବାଦ୍‌ଲାଇତାଇ ।”

<sup>୨୨</sup> “ମୁଇ ତମକେ ସଡ଼ କଇଲିନି, ପର୍‌ମେସର୍‌ର ବିଚାର୍ ଦିନେ ତମର୍‌ତେଇଅନି ସର୍ ଆରି ସିଦନ୍ ଗଡ଼ର୍ ଲକ୍‌ମନ୍‌କେ ସେ ଅଦିକ୍ ଦୟା ଦେକାଇସି ।” <sup>୨୩</sup> ଏ କପର୍‌ନାଉମର୍ ଲକ୍‌ମନ୍ ! ତମେ କାଇ ନିଜେ ସର୍‌ଗେ ଜିବାକେ

☆ ୧୧:୧୨ ୧୧:୧୨ ଲୁକ୍ ୧୭:୧୭ ☆ ୧୧:୧୪ ୧୧:୧୪ ମାଡ଼ିତ ୧୭:୧୦-୧୩; ମାର୍କ ୯:୧୧-୧୩

ଚେଷ୍ଟା କଲାସିନି ? ତମେ ନରକେ ପିଙ୍ଗା ଅଛସି । ତମର ବିତ୍ତରେ ମୁଇ ଜନ୍ କାବାଅଇଜିବା କାମ୍‌ମନ୍ କରିରଇଲି, ସେଟା ଜଦି ସଦମ୍ ଗତେ କରି ରଇଲେ, ସେ ଗଡ଼ ଆଜିକେ ଜାକ ରଇତା ।

୨୪\*“ମୁଇ ତମକେ ସତ୍ କାତା କଇଲିନି, ପର୍ମେସରର୍ ବିଚାରନା ଦିନେ ତମରତେଇଅନି ସଦମ୍‌ର ଲକ୍‌ମନ୍‌କେ ସେ ଅଦିକ୍ ଦୟା ଦେକାଇସି ।”

**ମର ଲଗେ ଆସି ପୁଣ୍ଡା**  
(ଲୁକ୍ ୧୦:୨୧-୨୨)

୨୫ ଜିସୁ ସେବେଲାଇ ପାର୍ତନା କରି କଇଲା, “ଏ ବାବା, ତମେ ସରଗ୍ ଆରି ମର୍ପୁରର୍ ମାପୁରୁ । ଏ ସବୁ ବିସଇ ସିକଲା ଲକ୍ ଆରି ଗିଆନି ରଇବା ଲକ୍‌ତେଇଅନି ଲୁଗାଇ ସଙ୍ଗଇ, ନସିକଲା ଲକ୍‌ମନ୍‌ର ତେଇ ଜାନାଇ ଆରୁସ୍ ବଲି ମୁଇ ତମକେ ଦନିଅବାଦ୍ ଦେଲିନି । ୨୬ ଉ ବାବା, ତମର ମନ୍ କଲା ଇସାବେ ଏ ସବୁ ଗଟ୍‌ଲାନି ।”

୨୭\*“ମର ବାବା ମକେ ସବୁ ବିସଇ ଦାନ୍ କଲାଆତେ । ବାବାକେ ଚାଡ଼ି କେ ମିସା ତାର୍ ପିଲା, ମକେ ନାଜାନତ୍ । ଆରି ତାର୍ ପିଲା, ମକେ ଚାଡ଼ି କେ ମିସା ବାବାକେ ନାଜାନତ୍ । ତାର୍ ପିଲା ମୁଇ, ଜନ୍ ଲକ୍‌ମନ୍‌ର ଲଗେ ବାବାକେ ଦେକାଇବି, ସେମନ୍‌ସେ ବାବାକେ ଚିନି ପାରତ୍ ।

୨୮ “ବେସି ବଜ୍ ବଇକରି ତାକ୍‌ଲା ଲକ୍‌ମନ୍, ମର ଲଗେ ଆସା । ମୁଇ ତମକେ ପୁଣ୍ଡାଇବି । ୨୯ ମର ଜୁଆଡ଼ି ବଇ ମରଗାନେଅନି ସିକା । କାଇକେବଇଲେ ମୁଇ ନିଜେ ସୁଆଲ୍ ଆରି ମର ମନ୍ କୁଉଲ୍ ଅଇଲାର୍ ଲାଗି ତମେ ମରଲଗେ ପୁଣ୍ଡସା । ୩୦ ମୁଇ ତମର ଉପ୍‌ରେ ଜନ୍ ଜୁଆଡ଼ି ସଙ୍ଗଇବି ସେଟା ତମକେ ବଇବାକେ ସଅଜ୍ ଅଇସି । ଆରି ତମକେ ଜନ୍ ବଜ୍ ଦେବି, ସେଟା ମିସା ବେସି ଉସାସ୍ ।”

**୧୨**

**ବିସ୍‌ରାମ୍‌ବାର୍ ବିସଇନେଇ ପାଚାର୍‌ବାଟା**  
(ମାର୍‌କ୍ ୨:୨୩-୨୮; ଲୁକ୍ ୬:୧-୫)

୧ ତାର୍ କେତେ ଦିନ୍ ପଟେ ଜିସୁ ଗଟେକ୍ ବିସ୍‌ରାମ୍‌ବାରେ ତାସ୍‌ପଦାର୍ ବାଟେ ଜାଇତେରଇଲା । ଜିବାବେଲେ ତାର୍ ସିସ୍‌ମନ୍‌କେ ବୁକ୍ ଲାଗ୍‌ଲାଜେ କେଡ଼ ଚିଡ଼ାଇ କାଇବାର୍ ଦାର୍‌ଲାଇ । ୨ ସେଟା ଦେକି ପାରୁସିମନ୍ ଜିସୁକେ ପାଚାର୍‌ଲାଇ, “ଦେକ୍ ବିସ୍‌ରାମ୍‌ବାରେ ତର୍ ସିସ୍‌ମନ୍ କେଣ୍ଡାରି ସାସ୍‌ତରେ ରଇବା ରିତିନିତି ବିରଦ୍ କାମ୍ କଲାଇନି ।”

୩ ଜିସୁ ସେମନ୍‌କେ କଇଲା, “ଦିନେକ୍ ଦାଉଦ୍ ଆରି ତାର୍ ସଙ୍ଗ୍ ରଇଲା ଲକ୍‌ମନ୍ ବୁକେ ରଇଲା ବେଲେ, ଦାଉଦ୍ କାଇଟା କରି ରଇଲା, ତମେ ସାସ୍‌ତରେ ପଡ଼ାସ୍ ନାଇ କି ? ୪ ସେଦିନେ ସେମନ୍ ମନ୍‌ର ବିତ୍ତରେ ପୁରି, ମାପୁରୁପାଇ ସରପି ଅଇରଇବା ରୁଟି କାଇଲାଇ । ନିୟମ୍ ଇସାବେ ପୁଜାରିକେ ଚାଡ଼ି, ସେ ରୁଟି କେ ମିସା କାଇବାର୍ ଅଦିକାର୍ ନ ରଇଲା । ୫ ତମେ କାଇ ପଡ଼ାସ୍ ନାଇ କି ? ମସାର୍ ନିୟମ୍ ଇସାବେ ସବୁ ବିସ୍‌ରାମ୍‌ବାରେ ପୁଜାରିମନ୍ ନିୟମ୍ ନ ମାନ୍‌ଲେ ମିସା, ସେଟାର୍ ପାଇ, ସେମନ୍ ଦସି ବଲି ବିଚାରନା ନ ଅଅଡ଼ । ୬ ମୁଇ ତମକେ କଇଲିନି, ଆଜି ଏ ମନ୍‌ରଗାନେଅନି ମୁକ୍‌ଅ ବିସଇ ଇତି ଆତେ ।” ୭\*“ସାସ୍‌ତର୍ କଇଲାନି, ପସୁ ପୁଜା ବିରୁ ନ କରି, ଲକ୍‌ମନ୍‌କେ ଦୟା କରବାଟା, ମୁଇ ମନ୍ କଲିନି । ଏ କାତାର୍ ଅରତ୍ ଜଦି ସତ୍ ଇସାବେ ବୁଜିରଇତାସ୍‌ବଇଲେ, ଏ ଦସ୍ ନ କଲା ଲକ୍‌ମନ୍‌କେ ତମେ ଦସି ନ କର୍‌ତାସ୍ । ୮ ଜାନିରୁଆ, ନରପିଲା ମୁଇ ନିଜେ ବିସ୍‌ରାମ୍‌ବାର୍ ମାପୁରୁ ।”

**ସୁକ୍‌ଲା ଆଡ଼ ନିମାନ୍ ଅଇଲା**  
(ମାର୍‌କ୍ ୩:୧-୬; ଲୁକ୍ ୬:୬-୧୧)

୯ ଜିସୁ ସେ ଜାଗାଇଅନି ବାରଇ ଜାଇ ପାର୍‌ତନା ଗରେ ପୁରୁଲା । ୧୦ ତେଇ ଆଡ଼ ସୁକ୍‌ଜାଇରଇଲା ଗଟେକ୍ ଲକ୍ ରଇଲା । ଜିସୁର ଦସ୍ ଦାର୍‌ବାକେ ପାରୁସିମନ୍ ଗଟେକ୍ ଦଲଅଇ ତେଇ ଜାଗି ରଇଲାଇ । ସେଟାର୍‌ପାଇ ସେମନ୍ ଜିସୁକେ ପାଚାର୍‌ଲାଇ, “ବିସ୍‌ରାମ୍‌ବାରେ ନିମାନ୍ କରବାଟା ଆମର୍ ନିୟମ୍‌ର ବିରଦ୍ ନର୍‌ କି ?”

୧୧\*ଜିସୁ କଇଲା, “ଜଦି ବିସ୍‌ରାମ୍‌ବାରେ ତମର୍ ବିତ୍ତରେ କାର୍‌ଆଲେ ମେଣ୍ଡା ଗଟେକ୍ ତେଙ୍ଗ୍ କାଲେ ଅଦର୍‌ଲେ, ତମେ ତାକେ ଜିକି ନ ଆନାସ୍ କି ? ୧୨ ମେଣ୍ଡାର୍‌ତେଇ ଅନି ଗଟେକ୍ ଲକ୍‌ର ମୁଲିଅ କେତେକ୍ ଅଦିକ୍ । ସେଟାର୍ ପାଇ ଆମେ ବିସ୍‌ରାମ୍‌ବାରେ ବିନ୍ ଲକ୍‌କେ ସାଇଜ୍ କରବାଟା ସାସ୍‌ତରେ ରଇବା ରିତିନିତି ବିରଦ୍ ଅଇବା କାମ୍ ନର୍‌ ।” ୧୩ ଏଡ଼କି କଇକରି ସେ ଆଡ଼ ସୁକ୍‌ଜାଇରଇଲା ଲକ୍‌କେ କଇଲା, “ଆଡ଼ ସଲକ୍ କର୍ ।”

ସେ ଲକ୍ ଆଡ଼ ସଲକ୍ କଲା ଦାପ୍‌ରେ, ସେ ଆଡ଼ ନିକ ଲକ୍‌ର ଆଡ଼ ପାରା ଅଇଗାଲା । ୧୪ ତାର୍‌ପଟେ ପାରୁସିମନ୍ ସେ ଜାଗାଇଅନି ବାରଇ ଉଟିଜାଇ ଜିସୁକେ ମରାଇବାକେ ଜଜ୍‌ନା କଲାଇ ।

**ମାପୁରୁ ବାଟିରଇବା ସେବା କାରିଆ**

☆ ୧୧:୨୪ ୧୧:୨୪ ମାତ୍ରିକ ୧୦:୧୫; ଲୁକ୍ ୧୦:୧୨ ☆ ୧୧:୨୭ ୧୧:୨୭ ଜଅନ୍ ୩:୩୫; ଜଅନ୍ ୧:୧୮; ୧୦:୧୫ ☆ ୧୨:୬ ୧୨:୬ ମାତ୍ରିକ ୯:୧୩ ☆ ୧୨:୧୧ ୧୨:୧୧ ଲୁକ୍ ୧୪:୫

୧୫ ତାର ବିରୁଦ୍ଧେ ପୌର୍ବଦା ସୁନିକରି, ଜିସୁ ସେ ଜାଗା ଚାଡ଼ି ବିନେ ଉଠିଗଲା । କେତେକ୍ କେତେକ୍ ଲକ୍ ତାର ପଟେ ପଟେ ଗାଲାଇ । ଆରି ସେ ସବୁ ରଗି ଲକ୍ମନକେ ନିକ କଲା । ୧୬ ତାର ନିଜର ବିସଇ ବିନ୍ ଲକ୍ମନକେ କାଇ ବଲି ନ କୁଆ ବଲି ସେମନକେ ଆଦେସ୍ ଦେଇତେରଇଲା । ୧୭ ଜିସାୟ ବବିସତ୍ବକ୍ତାର ଟାନେଅନି ପର୍ମେସର୍ ଜନ୍ କାତା ସୁନାଇରଇଲା, ସେଟା ପୁରାପୁରୁନ୍ କରବାକେ ଏଟା କଲା,

୧୮ “ଏ ମର୍ ବାଟିରଇବା ସେବାକାରିଆ ।

ଆକେ ମୁଇ ଆଲାଦ୍ କଲିନି,

ତାର ଲଗେ ମର୍ ସାର୍ଦା । ମର୍ ଆଡ଼ମା ତାର ଉପରେ ଆସି ତାବି ଅଇସି,

ସେ ସବୁ ଜାତିର ଲଗେ ଜାଇ ମର୍ ଟିକ୍ ବିଚାର୍ନା ଜାନାଇସି ।

୧୯ ସେ କାକେ କିରଜାଟି ନ କରେ । ସେ ବେସି ଆଉଲି ନ ଅଏ ।

ସାଇର୍ ମଜାଇ ଟିଆ ନ ଅଏ ଆରି ଜବର୍ ଅଇତେ କାତା ନ କଏ ।

୨୦ ଦୁର୍ବଲ୍ ଲକ୍ମନକେ ସେ ଆଲାଦର୍

ଚଲାଚଲ୍ତି କରସି,

ଆରି ଆକା ସାକା ନଇଲା ଲକ୍ମନକେ ଦୟା କରସି ।

ସେମନ୍ ନିଆଇ ନ ପାଇବାଜାକ ସେ

ତାର କାମ୍ ବନ୍ ନ କରେ ।

୨୧ ତାକେ ସବୁ ଦେସର୍ ଲକ୍ ଆସା କରବାଇ ।”

ଜିସୁ ଆରି ବାଲ୍ଜିବୁଲ୍

(ମାର୍କ ୩:୨୦-୩୦; ଲୁକ୍ ୧୧:୧୪-୨୩)

୨୨ ତାର ପଟେ ଦିନେକ୍ ଲକ୍ମନ୍ ଗଟେକ୍ କାଣା ଅଇ ଗୁଲା ଅଇଜାଇରଇଲା ଲକ୍ମନକେ ଜିସୁର ଲଗେ ଆନୁଲାଇ । ତାକେ ତୁମା ଦାରିରଇଲାଜେ କାତାଅଇ ନାପାର୍ତେ ରଇଲା । ଜିସୁ ତାକେ ନିମାନ୍ କଲା । ଏଦେ ଦେକା ! ସେ ଦେକ୍ଲା ଆରି କାତା କଇପାରଲା । ୨୩ ଜିସୁର ଏ କାମ୍ ଦେକି ସବୁ ଲକ୍ କାବା ଅଇଜାଇ ପାଚାର୍ ଉଚାର୍ ଅଇଲାଇ, “ଏ କାଇ ସେ ଦାଉଦର୍ ପଅ କି ?” ୨୪ ଏଟା ସୁନି ପାରୁସିମନ୍ କଇଲାଇ, “ସେ ତୁମାମନ୍ ମୁକିଅ ବାଲ୍ଜିବୁଲର୍ ଟାନେଅନି ବପୁ ପାଇ ତୁମା ଚାତାଇଲାନି ।”

୨୫ ଜିସୁ ତାକର୍ ମନ୍ କାତା ଜାନି ସେମନକେ କଇଲା, ଗଟେକ୍ ରାଇଜର୍ ଲକ୍ ବିନ୍ବିନ୍ ଦଲେ ବାଗ୍ ଅଇ ନିଜର୍ ନିଜର୍ ବିତରେ ଲାଗାଲାଗି ଅଇଲେ, ସେ ଦେସ୍ ବେସି ଦିନ୍ ନ ରଏ । କନ୍ଥାଲେ ସଅର୍ ନଇଲେ ଗର୍ ବିତରେ ବିନ୍ ବିନ୍ ଦଲ୍ ଗଡ଼ିକରି ଲାଗାଜଡା ଅଇଲେ ସେମନ୍ ଦାପ୍ରେସେ କୁରୁପ୍ନାସ୍ ଅଇଜିବାଇ । ୨୬ ସେନ୍ତାରିସେ, ସଇତାନର୍ ରାଇଜେ ଜଦି ଗଟେକ୍ ଦଲ୍ ବିନ୍ ଦଲ୍ ବିରୁଦ୍ଧେ ଲାଗ୍ଲାନି ବଇଲେ, ସେଟା କୁଟ୍କୁଟା ଅଇ ବିଲିଜାଇସି । ଏଟା ଜାନ୍ବାର୍ ଆଟେ । ୨୭ ମୁଇ ବାଲ୍ଜିବୁଲର୍ ବପୁ ପାଇ ତୁମାମନକେ ଚାତାଇଲିନି ବଲି ତମେ କଇଲାସ୍ନି ତେବେ, ସେମନକେ କେଦବାକେ ତମର୍ ସିସ୍ମନକେ କେ ବପୁ ଦେଲାନି ? ତମର୍ ସିସ୍ମନର୍ ଏ କାମର୍ ଲାଗି, ତମେ ଦାବି କଲାଟା ମିର୍ ବଲି ଜାନାପଡ଼ଲାନି । ୨୮ ତୁମା ଚାତାଇବା ବପୁ ମୁଇ ବାଲ୍ଜିବୁଲର୍ ଟାନେଅନି ପାଇନାଇ । ସେଟା ମୁଇ ପର୍ମେସରର୍ ଆଡ଼ମାର୍ଟାନେଅନି ପାଇଆଟି । ଏଟାର୍ ପାଇ ଆରି ଗଟେକ୍ ବିସଇ ଜାନାପଡ଼ି ଗାଲାନିଜେ ସରଗ୍ ରାଇଜ୍ ତମର୍ ଲଗେ ଆସି କେଟିଗାଲାବେ ।

୨୯ ଆଗେ ଗଟେକ୍ ବପୁର ଲକ୍ମନକେ ନ ବାନ୍ଦେ କେ ମିସା ତାର୍ ଗରେ ପୁରିକରି ଗରେ ରଇଲାଟା ଚରାଇ ନେଇ ନାପାରତ୍ ।

୩୦ ଏଜେ ମର୍ ବାଟେ ନ ରଏ, ବାଇଦରେ ସେ ମର୍ ବିରୁଦ୍ଧେ ଆଟେ । ଆରି ଜେ ମର୍ ସଙ୍ଗ୍ ମିସିକରି ନ ଚୁଲିଆଏ, ସେ ବିଟିଦେଲାନି । ୩୧ ସେଟାର୍ପାଇ ମୁଇ ତମକେ କଇଲିନି, ଜଦି କେ ଆଲେ ପାପ୍ କଲେ କି ନିନ୍ଦା କାତା କଇଲେ ମିସା, ତାର୍ ଲାଗି ତାକେ କେମା ଦିଆଅଇସି । ମାତର୍ କେ ଜଦି ସୁକଲ୍ ଆଡ଼ମାର୍ ବିରୁଦ୍ଧେ କାଇ ବଲି କଇସି ବଇଲେ, ତାକେ କେମା ନାଇ । ୩୨ ଏଜଦି କେ ନର୍ପିଲା, ମର୍ ବିରଦ୍ଧେ ନିନ୍ଦା କାତା କଇଲେ, ତାକେ କେମା ମିଲ୍ସି, ମାତର୍ ଜେ ଜଦି ସୁକଲ୍ ଆଡ଼ମାର୍ ବିରୁଦ୍ଧେ ନିନ୍ଦା କାତା କଇଲେ ତାକେ ଏବେ କି ପର୍କେ ମିସା କେମା ନ ମିଲେ ।

ଗର୍ ଆରି ତାର୍ ପଲ୍

(ଲୁକ୍ ୬:୪୩-୪୫)

୩୩ “ନିକ ପଲ୍ ଦାର୍ବାର୍ଆଲେ ଗଟେକ୍ ଗର୍ ନିକ ଅଇବାର୍ ଆଟେ । ବାନିଆ ଗଟେ ବାନିଆ ପଲ୍ ଅଇସି । ଗର୍ କେନ୍ଦ୍ରଟା, ତାର୍ ପଲେ ଅନି ଜାନାପଡ଼ସି । ୩୪ ଏ ସାପ୍ ପାରା କାରାପ୍ ଲକ୍ମନ୍ ! ତମେ କାରାପ୍ ଅଇ ନିମାନ୍ କାତା କଇପାରାସ୍ କି ? ମନେ ଚିନ୍ତାକଲାଟା ଟଣ୍ଡବାଟେ ବାରଇସି । ୩୫ ଗଟେକ୍ ନିମାନ୍ ଲକ୍ ତାର୍ ମନ୍ ବିତରେ ବର୍ତ୍ତିଅଇ ରଇବା ବାଦ୍ଲାପାରା କାତା ବାର୍କରାଇ ଆନ୍ସି ।”

☆ ୧୨:୨୪ ୧୨:୨୪ ମାତ୍ରିକ ୯:୩୪;୧୦:୨୫ ☆ ୧୨:୩୦ ୧୨:୩୦ ମାର୍କ ୯:୪୦ ☆ ୧୨:୩୨ ୧୨:୩୨ ଲୁକ୍ ୧୨:୧୦ ☆ ୧୨:୩୩ ୧୨:୩୩ ମାତ୍ରିକ ୬:୨୦; ଲୁକ୍ ୬:୪୪ ☆ ୧୨:୩୪ ୧୨:୩୪ ମାତ୍ରିକ ୩:୨;୨୩:୩୩; ଲୁକ୍ ୩:୨; ମାତ୍ରିକ ୧୫:୧୮; ଲୁକ୍ ୬:୪୫

୩୬ “ତମେ କଇରଇଲା କାଇ ଲତାକେ ନଇବା ସବୁ କାତା, ବିଚାରନା ଦିନେ ତମ୍ଭକେ ଇସାବ ଦେବାକେ ଅଇସି ।  
୩୭ ତମର୍ କାତାଅନି ତମେ ବିଚାର କରାଇଅଇ, ଦସି ନଇଲେ ଦସ୍ ନ କଲା ଲକ୍ ବଲାଇଅଇସା ।”

କାବାଅଇଜିବା କାମ୍ କରବାକେ ଦାବି  
(ମାର୍ଚ୍ଚକ ୮:୧୧-୧୨; ଲୁକ୍ ୧୧:୨୯-୩୨)

୩୮ ✨ଗଟେକ୍ ଦିନେ ଜିଉଦି ମନର୍ ନିୟମ୍ ସିକାଇଦେବା ଲକ୍ମାନ୍ ଆରି ପାରୁସି ଲକ୍ମାନର୍ ବିତ୍ତରେଅନି କେତେଲକ୍ ଜିସୁକେ କଇଲାଇ, “ଏ ଗୁରୁ, ତମର୍ ଗଟେକ୍ କାବାଅଇଜିବା ତିନ୍ ଦେକ୍ବାକେ ଆମେ ମନ୍କଲୁନି ।”

୩୯ ✨ଜିସୁ ସେମନ୍‌କେ କଇଲା, “ଏ ଜୁଗର୍ ବିସ୍‌ବାସ୍ ନ କରୁମନ୍ କେତେ କାରାପ୍, ଆରି ପର୍ମେସର୍‌କେ ବିସ୍‌ବାସ୍ କରନ୍‌ନାଇ । ତମେ ମକେ ଗଟେକ୍ କାବାଅଇଜିବା କାମ୍ ଦେକାଇବାକେ କଇଲାସିନି ? ନାଇ, ଅବ୍‌କା ବାବଦି ଜୁନସର୍ ଜିବନେ ଗଟିରଇଲା କାବାଅଇଜିବାଟା ତମ୍ଭକେ ଦେକାଇଦେଇ ଅଇସି ।”

୪୦ “ଜୁନସ୍ ଜେକ୍ତି ମାଟ୍ ପେଟେ ତିନ୍ ଦିନ୍ ତିନ୍ ରାତି ରଇଲା, ସେକ୍ତି ନର୍ପିଲା ମୁଇ ମିସା ମାଟି ତଲେ ତିନ୍ ଦିନ୍ ତିନ୍ ରାତି କାଟାଇବି । ୪୧ ଜନ୍ ଦିନେ ପର୍ମେସର୍ ଲକ୍ମାନର୍ ବିଚାର କରସି, ସେ ଦିନେ ନିନିବିର୍ ଲକ୍ମାନ୍ ତମର୍ ବିରୁଦେ ଦାବି କରବାକେ ଟିଆ ଅଇବାଇ । କାଇକେ ବଇଲେ ସେମନ୍ ଜୁନସର୍ କାତା ସୁନି ପାପ୍ ବାଟେଅନି ବାଅଡ୍‌ଲାଇ । ମୁଇ ତମ୍ଭକେ କଇଲିନି, ଜୁନସର୍ ଟାନେଅନି ବଡ୍ ଲକ୍ ଇତି ଆଟେ । ୪୨ ବିଚାର କରବାବେଲେ ଦକିନ୍ ଦେସେ ରଇବା ସେବା ନାଉର୍ ଗଟେକ୍ ଜାଗାର ରାନି, ତମର୍ ଦସ୍ ଦେକାଇବାକେ ଟିଆ ଅଇସି, କାଇକେ ବଇଲେ ସଲମନ୍‌ର ଗିଆନର୍ କାତା ସୁନ୍‌ବାକେ ବେସି ଦୁର୍ ଦେସେଅନି ସେ ଆସି ରଇଲା । ମାତର୍ ମୁଇ ତମ୍ଭକେ ସଡ୍ କଇଲିନି, ସଲମନ୍‌ର ଟାନେ ଅନି ଗଟେକ୍ ବେସି ବଡ୍ ଲକ୍ ଇତି ଆଟେ ।”

ତୁମା ବାଅଡ୍‌ଲା  
(ଲୁକ୍ ୧୧:୨୪-୨୬)

୪୩ ଜିସୁ ଆରି କଇଲା, ଜେତେବଲ୍ କାରାପ୍ ଆଡ୍‌ମା ଗଟେକ୍ ଲକ୍‌ର ଗାଗ୍‌ଡେଅନି ବାରଇ ଜାଇସି, ସେବେଲା, ସେ ରଇବାକେ ମରୁବାଲିବୁଏଁ ଜାଗା କଜି ବୁଲ୍‌ସି । ମାତର୍ ସେକ୍ତି ଜାଗା ତାକେ ନ ମିଲ୍‌ଲେ । ୪୪ ସେ ବେଲା ସେ କଇସି, “ମୁଇ ଜନ୍ ଲକ୍‌ରେତେଅନି ବାରଇ ଆଇଲି ଆଟି, ତେଇସେ ଆରିତରେକ୍ ଜିବି” ବଲି ବାଉଡି ଉଟିଜାଇସି । ସେତିକି ବେଲେ ସେ ଆସିକରି ବିତ୍ତରେ ସପାସୁତର୍ ଅଇ ପରିଚଲ୍ ରଇବାଟା ଦେକ୍‌ଲେ, ସେ ଜାଇ ତାଟେତେଅନି ଅଦିକ୍ କାରାପ୍ ରଇବା ସାଡ୍‌ଟା ଆଡ୍‌ମାମନ୍‌କେ ଡାକିଆନ୍‌ସି । ୪୫ ତାର୍ ପଟେ ସବୁ କାରାପ୍ ଆଡ୍‌ମାମନ୍ ଜାଇକରି ସେ ଲକ୍‌ର ବିତ୍ତରେ ବାସାକରି ରଇବାଇ । ସେ ବେଲା ସେ ଲକ୍ ଆଗ୍‌ତୁଟେତେଅନି ଅଦିକ୍ କରାପ୍‌ଅଇଜାଇସି । ଏକ୍ତିସେ ଆଜିକାଲି ଜିଇବା କାରାପ୍ ଲକ୍‌ମନ୍‌କେ ଅଇସି । ବଲି କଇଲା ।

ଜିସୁର୍ ଗରର୍ ଲକ୍‌ମନ୍  
(ମାର୍ଚ୍ଚକ ୩:୩୧-୩୫; ଲୁକ୍ ୮:୧୯-୨୧)

୪୬ ଜିସୁ ଜେତେବେଲା ତେଇ ରୁଣ୍ଡିରଇଲା ଲକ୍‌ମନ୍‌କେ କାତା ସୁନାଇତେ ରଇଲା, ତାର୍ ଆୟା ଆରି ବାଇମନ୍ ଆସି ତାଣ୍ଡେ ଟିଆଅଇରଇଲାଇ । ସେମନ୍ ଜିସୁର୍ ସଙ୍ଗ୍ କାତାଅଇବାକେ ମନ୍ କରତେ ରଇଲାଇ । ୪୭ ସେତିକି ବେଲେ ଗଟେକ୍ ଲକ୍ ଜିସୁକେ କଇଲା, “ତର୍ ଆୟା ଆରି ବାଇମନ୍ ତାଣ୍ଡେ ଜାଗ୍‌ଲାଇ ଆଟଡ୍, ସେମନ୍ ତର୍ ସଙ୍ଗ୍ କାତା ଅଇବାକେ ମନ୍ କଲାଜିନି ।”

୪୮ ଜିସୁ ସେମନ୍‌କେ କଇଲା, “କାକେ ମର୍ ଆୟା ଆରି ବାଇମନ୍ ବଲି ବାବ୍‌ଲାସିନି ?” ୪୯ ତାର୍ ସିସ୍‌ମନ୍‌ର ବାଟେ ଆଡ୍ ଦେକାଇ କଇଲା, “ଏ ଲକ୍‌ମନ୍‌ସେ ମର୍ ଆୟା ଆରି ବାଇମନ୍ ଅଇବାଇ । ୫୦ ଜେ ସର୍‌ଗେ ରଇବା ମର୍ ବାବାର୍ ମନ୍ କଲା ଇସାବେ କାମ୍ କରସି, ସେମନ୍ ଆକା ମର୍ ବାଇ, ବଇନି ଆରି ଆୟା ଅଇବାଇ ।”

### ୧୩

ବିଅନ୍ ବୁନ୍‌ବା ଲକ୍‌ର କାତା  
(ମାର୍ଚ୍ଚକ ୪:୧-୯; ଲୁକ୍ ୮:୪-୮)

୧ ଦିନେକ୍ ଜିସୁ ତାର୍ ସିସ୍‌ମନ୍‌ର ସଙ୍ଗ୍ ଗରେ ଅନି ବାରଇ ସମ୍‌ଦୁର୍ କଣ୍ଡି ଗାଲା । ତେଇ ସେ ବସିକରି ସିକାଇବାର୍ ଦାର୍‌ଲା । ୨ ✨ଲକ୍‌ମନ୍ ତାର୍ ଚାରିବେଡ୍‌ଡି ଜବର୍ ଅଇ ରୁଣ୍ଡିରଇଲାଇଜେ ସେ ଗଟେକ୍ ଡଙ୍ଗାଲ ଜାଇ ବସ୍‌ଲା । ଲକ୍‌ମନ୍ ଟିଆ ଅଇ ତାର୍ କାତା ସୁନ୍‌ବାର୍ ଦାର୍‌ଲାଇ । ୩ ଆରି ସେ କେତେକ୍ କେତେକ୍ ବିସଇ, ଉଦାଅରଣ୍ ଦେଇ, ସିକାଇତେ ରଇଲା । ସେ କଇଲା,

“ଗଟେକ୍ ଚାସି ତରେକ୍ ବିଅନ୍ ବୁନ୍‌ବାର୍ ବାରଇଲା । ୪ ଚାସି ସେ ଜମିଟାନେ ବିଅନ୍ ବୁନ୍‌ବା ବେଲେ କେତେଟା ମୁଞ୍ଚି ମଜା ବାଟେ ଅଦର୍‌ଲାଜେ ସେଟା ଚଡ୍‌ଇମନ୍ ଆସି କାଇଦେଲାଇ । ୫ ଆରି ଅଦେକ୍ ମାଟି ଉନାରଇ ଜବର୍ ପାକ୍‌ନା ରଇବା ପଦାଇ ଅଦର୍‌ଲା । ତେଇ ମାଟି ବଉଲ୍ ନ ରଇଲାଜେ ଦାପ୍‌ରେ ଆଁକ୍‌ରି ଗାଜା ଅଇଲା । ୬ ମାତର୍ ଗାଜାର୍ ଚେର୍

✨ ୧୨:୩୮ ୧୨:୩୮ ମାତ୍ରିକ ୧୨:୧; ମାର୍ଚ୍ଚକ ୮:୧୧; ଲୁକ୍ ୧୧:୧୭ ✨ ୧୨:୩୯ ୧୨:୩୯ ମାତ୍ରିକ ୧୨:୪; ମାର୍ଚ୍ଚକ ୮:୧୨ ✨ ୧୩:୭ ୧୩:୭ ଲୁକ୍ ୫:୧-୩

ବିତ୍ତରେ ଜୀବ ନାହିଁ, କାରଣ କଲ୍ୟାଣେ ସେଟା ସୁଖିଗାଲା । ୭ ଆରି କେତେଟା ବିଅନ୍ କାଟାବୁଟା ବିତ୍ତରେ ଅଦରଲା, ଆରି କାଟାବୁଟା ଆଁକରି ଗାଜା ଅଇଲା । ବିଅନର ଚାରିବେଡ଼ି ବରଡ଼ି ଜାଇ ସେଟା ସବୁ ଗିଲିଦେଲା । ୮ ମାତର ଆରି ବାକି ସବୁ ବିଅନ୍ ନିକ ବୁର୍ବୁ ଅଦରି ବୁଟା ଅଇ ବଡ଼ିକରି ପଲ୍ ଦାରଲା । କେତେଟା ବୁଟାଇ ତିରିସ୍ ବାଗ, ସାଟେ ବାଗ, ଆରି ସଏ ବାଗ ଅନି ଅଦିକ୍ ପଲ୍ଦାରଲା ।”

୯ ଜିସୁ ଉଦାଅରଣ୍ ସାରାଇକରି କଇଲା, “ଜାକେ ସୁନ୍ଲା ପାରା କାନ୍ ଆଟେ, ସେ ସୁନ୍ ।”

**ଉଦାଅରଣ୍ କାତାର ଆଦେସ୍**  
(ମାର୍କ ୪:୧୦-୧୨; ଲୁକ୍ ୮:୯-୧୦)

୧୦ ପଟେ ସିସ୍ତାନ୍ ଜିସୁର ଲଗେ ଆସି ପାଟାରଲା, “ତମେ ଲକ୍ଷ୍ମୀକେ ସିକାଇଲା ବେଲେ କାଇକେ ଉଦାଅରଣ୍ ଇସାବେ କଇଲାସ୍ତନି ?” ୧୧ ଜିସୁ କଇଲା, “ସରଗ୍ ରାଇଜର୍ ଟିକି ନିକି କାତା ବୁଜ୍ବାକେ ତମେ ଗିଆନ୍ ପାଇଆଟାସ୍ । ମାତର ସେମନ୍ ପାଅଡ଼ ନାଇ । ୧୨ ଧକ୍ଷାକେ ଆଟେ, ତାକେ ଦିଆଅଇସି । ତେଇଅନି ସେ ଅଦିକ୍ ଅଦିକ୍ ଲାବ୍ କରସି । ମାତର ଜାକେ ନାଇ, ତାରଟାନେ ଜେଡ଼କି ଆଟେ, ସେଟା ମିସା ନିଆଅଇସି ।” ୧୩ ସେମନ୍କେ ମୁଇ କାତାନି ଇସାବେ ସିକାଇଲିନି । କାଇକେବଇଲେ ସେମନ୍ ଦେକି ଦେକି ରଇବାଇ, ମାତର ନ ଦେକ୍ଲା ପାରା । ସୁନ୍ତେ ରଇବାଇ, ମାତର ନ ସୁନ୍ଲା ପାରା ଆରି ନ ବୁଜ୍ଡ । ୧୪ ଜିସାୟ୍ ବବିସଡ଼ବକ୍ତା କଇରଇବା ବାକିଅ ପୁରାପୁରନ୍ ଅଇଲା ।

ଏ ଲକ୍ଷ୍ମୀକେ ସୁନ୍ ସୁନି ମିସା କାଇଟା ନ ବୁଜ୍ଡ  
ଦେକ୍ତେରଇବାଇ, ମାତର ନ ଦେକ୍ଲା ପାରା ।

୧୫ କାଇକେ ବଇଲେ ସେମନ୍ ବୁଦି ଉନା ।  
ସେମନ୍ କାନେ ବୁଟିଅଇ ଦେଇଆଟଡ଼  
ଆରି ଆଁକି ଲିମିଦେଇ ଆଟଡ଼ ।  
ସେନ୍ତାର ନ ଅଇରଇଲେ ସେମନ୍ ଦେକିପାର୍ଡାଇ,  
ସୁନିପାର୍ଡାଇ ଆରି ମର ଲଗେ ବାଉଡ଼ି ଆଇତାଇ ।  
ସେମନ୍କେ ମୁଇ ନିକ କରଦେଇତି ।

୧୬ “ତମେ କେତେକ୍ ନିକ କରମର ଲକ୍ ! ତମେ ଦେକି ପାର୍ଲାସ୍ତନି ଆରି ସୁନି ପାର୍ଲାସ୍ତନି ! ୧୭ ମୁଇ ତମ୍ଭେ ସଡ଼ କଇଲିନି, କେତେକ୍ କେତେକ୍ ବବିସଡ଼ବକ୍ତା ଆରି ପରମେସରର୍ ଲକ୍ଷ୍ମୀକେ ତମେ ଜନ୍ଟା ଦେକ୍ଲାସ୍ତନି, ସେଟା ଦେକ୍ବାକେ, ଆରି ଜାଇଟା ସୁନ୍ଲାସ୍ତନି, ସେଟାମନ୍ ସୁନ୍ବାକେ ମନ୍ କରତେରଇଲାଇ, ମାତର ନାପାର୍ଲାଇ ।”

**ବିଅନ୍ ବୁନ୍ବା କାତାର ଅରଡ଼**  
(ମାର୍କ ୪:୧୩-୨୦; ଲୁକ୍ ୮:୧୧-୧୫)

୧୮ “ତେବେ ସୁନା, ବିଅନ୍ ବୁନ୍ବା କାତାର ଅରଡ଼ କଇଲିନି । ତମେ ବୁଜ୍ବାକେ ଚେସ୍ଟା କରା । ୧୯ ଜନ୍ ଲକ୍ଷ୍ମୀକେ ସରଗ୍ ରାଇଜର୍ ବାକିଅ ସୁନି ନ ବୁଜ୍ଡ, ସଇତାନ୍ ଆସି ସେମନ୍ ମନ୍ ବିତ୍ତରେ ଅନି ଜନ୍ଟା ବୁନାଅଇ ରଇସି, ସେଟା ଜିକି ଦାରିଜାଇସି । ଏଟା ଅଇଲାନି ବାଟେ ଅଦରି ରଇବା ବିଅନର ଅରଡ଼ ।”

୨୦ “ଜନ୍ ଲକ୍ଷ୍ମୀକେ ବାକିଅ ସୁନ୍ଲା ଦାପ୍ରେ ସାର୍ଦା ସକ୍ଷ୍ମା ମାନ୍ବାଇ, ସେଟା ପାକ୍ନାବାଡ଼ି ଜାଗାଇ ଅଦ୍ରିରଇବା ବିଅନ୍ ପାରା । ୨୧ ବାକିଅ ପୁରାପୁରନ୍ ତାକର ମନ୍ ବିତ୍ତରେ ଜାଇ ନ ରଏ ଜେ, ସେମନ୍ ସେଟା ବେସି ଦିନ୍ ମାନିକରି ରଇ ନାପାରଡ଼ । ବାକିଅ ଲାଗି କସ୍ଟ କି ବେମ୍ଜା ଆଇଲେ, ସେମନ୍ ଦାପ୍ରେସେ ସେଟା ଚାଡ଼ିଦେବାଇ । ୨୨ କାଟାବୁଟା କେନ୍ତାରିକି ସାନ୍ ବୁଟାମନ୍କେ ଚାପି ଗିଲିଦେଇସି, ସେନ୍ତାରି ଏ ଜଗତର ପାଇଟି କାବାଡ଼ ଆରି ଦନ୍କେ ଲବ୍ ଅଇକରି, କେତେକ୍ ଲକ୍ଷ୍ମୀକେ ଟାନେ କେଟିରଇବା ବାକିଅ ନସାଇଦେଇସି । ସେମନ୍ କାଟାବୁଟାଇ ଅଦରଲା ବିଅନ୍ ପାରା । ସେମନ୍ କାଇ ପସଲ୍ ନ ପାଟାଅଡ଼ । ୨୩ ଜନ୍ଲକ୍ଷ୍ମୀକେ ବାକିଅ ସୁନି ନିକକରି ବୁଜ୍ବାଇ, ନିକ ପଦାଇ ଅଦ୍ରିରଇବା ବିଅନର ପାରା । ସେମନ୍ ନିକ ପସଲ୍ ଲାବ୍ କରବାଇ କେ ସଏ ପୁଟିଅନି ଅଦିକ୍, କେ ସାଟେ ପୁଟିଅନି ଅଦିକ୍, କେ ତିରିସ୍ ପୁଟିଅନି ଅଦିକ୍ ପସଲ୍ ପାଟାଇବାଇ ।”

**ଜୁଡ଼ ଗାଁସର୍ କାତା**

୨୪ ଜିସୁ ତାର ସିସ୍ତାନ୍କେ ଆରି ଗଟେକ୍ ବିସଇ କାତାନି ଇସାବେ କଇଲା, ସରଗ୍ ରାଇଜ୍ ଏନ୍ତାରି ଗଟେକ୍ ଲକ୍ଷ୍ମୀକେ ପାରା । ସେ ଲକ୍ଷ୍ମୀ ତାର ଜମିଟାନେ ନିକ ବିଅନ୍ ବୁନ୍ଲା । ୨୫ ସେ ଦିନେକ୍, ରାତିଆ ସଇଲା ବେଲେ, ତାର ଗଟେକ୍ ବିରଡ଼ ଲକ୍ ଆସି ସେ ଜମିଟାନେ ଗାଁସ୍ ମୁଞ୍ଚି ବୁନି ଦେଇ, ଉଟିଗାଲା । ୨୬ ଜେଡେବେଲେ ଗର୍ ବଡ଼ି କେଡ଼ ଦାରଲା, ମଜାଇମଜାଇ ଜୁଡ଼ ଗାଁସ୍ ଡିସଲା । ୨୭ ସେ ଲକ୍ଷ୍ମୀ ଦାକ୍ଷ୍ଟାମନ୍ ଆସି କଇଲା, “ଏ ସାଉକାର୍ ତମେ ଜମିଟାନେ ନିକ ବିଅନ୍ ବୁନିରଇଲାସ୍, ଏତେକ୍ମାଣ୍ ଜୁଡ଼ ଗାଁସ୍ କନ୍ତିଅନି ଆଇଲା ?” ୨୮ ଜମି ସାଉକାର୍ କଇଲା, ମର୍ ବିରଦି ଲକ୍ଷ୍ମୀ ଗଟେକ୍ ଏନ୍ତି କଲାଆଟେ । ସେମନ୍ ପାଟାରଲା, “ତେବେ ଆମେ ଜାଇ ସେ ଜୁଡ଼ ଗାଁସ୍ତାକେ ଜିକି ପିଜିଦେବୁ କି ?” ୨୯ ସାଉକାର୍ କଇଲା, “ନାଇ,

☆ ୧୩:୧୨ ୧୩:୧୨ ମାତ୍ରିକ ୨୫:୨୯; ମାର୍କ ୪:୨୫; ଲୁକ୍ ୮:୧୮; ୧୯:୨୭ ☆ ୧୩:୧୭ ୧୩:୧୭ ଲୁକ୍ ୧୦:୨୩, ୨୪

ଜୁଡ଼ ଗାଁସ୍ ଜିକ୍‌ବାବେଲେ କେତେବଲ୍ ଦାନବୁଟା ମିସା ଜିକିଅଇଜାଇସି । ୩୦ କାଟ୍‌ବା ଜାକ ଦାନ ଆରି ଜୁଡ଼ ଗାଁସ୍ ମିସ୍‌ତେ ବଡ଼ । କାଟ୍‌ବା ଲକ୍‌ମନକେ କଉଁ ସେମନ୍ ପରତୁମ୍ ଜୁଡ଼ ଗାଁସ୍ କାଟି ବାରା ବାନ୍ଦି ପଡ଼ାଇ ଦେଅଡ଼ । ତାର୍ ପଟେ ଦାନ କାଟି ମାଣ୍ଡାଇ କଲ୍‌କିଟାନେ ସଙ୍ଗଉ ।”

**ସର୍ସୁ ମୁଞ୍ଜିର୍ ଉଦାଅରଣ୍**  
(ମାର୍‌କ ୪:୩୦-୩୨; ଲୁକ୍ ୧୩:୧୮-୧୯)

୩୧ ଜିସୁ ଆରି ଗଟେକ୍ ବିସଇ କଇଲା, “ସରଗ୍ ରାଇଜ୍ ଏନ୍ତାରି ଗଟେକ୍ ଲକ୍ ତାର୍ ଜମିଟାନେ ସର୍ସୁ ମୁଞ୍ଜି ତପିଦେଲା । ୩୨ ସେ ମୁଞ୍ଜି ସବୁରଟାନେଅନି ସାନ୍ ଅଇଲେ ମିସା ତେଇଅନି ଜନ୍ ଗର୍ ଅଇଲା, ଜମିଟାନେ ରଇଲା ବିନ୍ ଗର୍‌ମନର୍‌ତେଇଅନି ଅଦିକ୍ ତେଙ୍ଗ୍ ଅଇ ଜୁଜୁରା ଅଇଲା । ଆରି ସେ ଗଟେ ଚଡ଼ଇମନ୍ ବାସା ଅଇଲାଇ ।”

**କମିରର୍ ଉଦାଅରଣ୍**  
(ଲୁକ୍ ୧୩:୨୦-୨୧)

୩୩ ଜିସୁ ଆରି ତରେକ୍ ଏନ୍ତାରି କାତା କଇଲା, “ଗଟେକ୍ ମାଇଜି କଣ୍ଟେକ୍ କମିର୍ ନେଇ ଅଦ୍‌ବାସତା ଗୁଣ୍ଟଟାନେ ମିସାଇଦେଲା । ସମାନ୍ ବେଲାଇ ସବୁଜାକ ଗୁଣ୍ଟ କମିର୍‌ତେଇ ମିସି ପୁଲ୍‌ଲା । ସରଗ୍ ରାଇଜ୍ ବଡ଼ବାଟା ମିସା ଏନ୍ତାରିସେ ।”

**ଉଦାଅରଣ୍ ବିସଇର୍ ସିକିଆ**  
(ମାର୍‌କ ୪:୩୩-୩୪)

୩୪ ଜିସୁ ଏନ୍ତାରି ଉଦାଅରଣ୍ ଦେଇ ସିକାଇତେ ରଇଲା । ଉଦାଅରଣ୍ ନ ଦେଇ ସେ କାଇଟା ମିସା ନ ସିକାଇତେ ରଇଲା ।  
୩୫ ଏଟାର୍‌ପାଇ ବବିସଡ଼ବକ୍‌ତାର୍ ଏ ବାକିଅ ପୁରାପୁରୁନ୍ ଅଇଲା ।  
ମୁଇ ଉଦାଅରଣ୍ ଦେଇ  
ସେମନ୍‌କେ କାତା କଇବି,  
ଏନ୍ତାରିସେ କାଇଟା ତିଆର୍ ନ ଅଇବା ଆଗତୁଅନି ନାଜାନି ରଇବା  
ସବୁ ବିସଇ ମୁଇ ସେମନ୍‌କେ ବୁଜାଇଦେବି ।

**ଜିସୁ ଜୁଡ଼ ଗାଁସର୍ ଅରଡ଼ ବୁଜାଇଲା**

୩୬ ଜିସୁ ଲକ୍ ଗଅଲି ବିଡ଼ରେଅନି ବାରଇ ଆସି ଜେତେବେଲେ ଗର୍ ବିଡ଼ରେ ପୁରୁଲା, ସେଡ଼କି ବେଲେ ତାର୍ ସିସ୍‌ମନ୍ ଆସି ପାଗାରୁଲାଇ, “ଆମ୍‌କେ ଜୁଡ଼ ଗାଁସର୍ ଅରଡ଼ ବୁଜାଇ ଦିଆ ।”  
୩୭ ଜିସୁ କଇଲା, “ଜନ୍ ଲକ୍ ନିକ ବିଅନ୍ ବୁନ୍‌ଲା, ସେ ନର୍‌ପିଲା ମୁଇ । ୩୮ ଏ ଦୁନିଆ ଅଇଲାନି ଜମି । ଜେମନ୍ ସରଗ୍ ରାଇଜର୍ ଲକ୍, ସେମନ୍ ନିକ ବିଅନ୍ । ଜୁଡ଼ ଗାଁସ୍ ଅଇଲାନି ସଇତାନର୍ ବାଟେ ଜିବା ଲକ୍ । ୩୯ ଜନ୍ ବିରଦି ଲକ୍ ଜୁଡ଼ ଗାଁସ୍ ମୁଞ୍ଜି ବୁନ୍‌ଲା, ସେ ସଇତାନ୍ । କାଟାବେଟାର୍ ବେଲା ଅଇଲାନି ଜୁଗ୍ ସାର୍‌ବା ଦିନ୍ । ତାସ୍ କାଟ୍‌ବା ଲକ୍‌ମନ୍ ଅଇଲାଇନି ସରଗର୍ ଦୁଡ଼ମନ୍ । ୪୦ ଜୁଡ଼ ଗାଁସ୍‌ମନ୍ ଜେନ୍ତି ଟୁଲିଆଇକରି ପଡ଼ାଇଲାଇ, ଜୁଗର୍ ସାରାସାରି ବେଲେ ସେନ୍ତାରି ଅଇସି । ୪୧ ନର୍‌ପିଲା ମୁଇ ମର୍ ରାଇଜେଅନି ସବୁ ପାପ୍ କାମ୍ କଲା ଲକ୍‌ମନ୍‌କେ ଆରି ଜେଜେମନ୍ ବିନ୍ ଲକ୍‌ମନ୍‌କେ ପାପ୍ କରବାକେ ଉସ୍‌କାଇଲାଇନି, ସେମନ୍‌କେ ଟୁଲିଆଇବାକେ ସରଗର୍ ଦୁଡ଼ମନ୍‌କେ ପାଟାଇବି । ୪୨ ସେମନ୍ ଏ ସବୁ ଲକ୍‌ମନ୍‌କେ ଲାଗି ରଇବା ଜଇଟାନେ ପିଙ୍ଗ୍‌ବାଇ । ତେଇ ସେମନ୍ କିଲ୍‌ବିଲ୍ ଅଇ କାନ୍‌ବାଇ ଆରି ଦାଡ଼ କାଡ଼ିଅଇବାଇ । ୪୩ ସେବେଲେ ପରମେସର୍‌କେ ମାନ୍‌ବା ଲକ୍‌ମନ୍ ତାକର୍ ସରଗର୍ ବାବାର୍ ରାଇଜେ ବେଲ୍‌ପାରା ଜକ୍‌ମକିଜିବାଇ । ସୁନ୍‌ଲା ପାରା କାନ୍ ରଇଲେ ସୁନ୍ ।”

**ତପିଅଇଲା ଦନର୍ ଉଦାଅରଣ୍**

୪୪ “ଦିନେକ୍ ଗଟେକ୍ ଲକ୍ ଜମିଟାନେ କୁନି ନେଉନେଉ ତପିଅଇରଇଲା ଦନ୍ ମିଲାଇଲା । ସେଟା ସେ ଗୁଡ଼ାଇପାକାଇଲା ଆରି ସାର୍‌ଦା ସଙ୍ଗ୍ ନିଜର୍ ସବୁ ଦନ୍ ବିକି ଦେଇ, ସେ ଜମି ଗେନ୍‌ଲା । ସରଗ୍ ରାଇଜ୍ ମିସା ଏନ୍ତାରି ତପିଅଇରଇବା ଦନ୍ ପାରା ।”

**ମୁକ୍‌ତାର୍ ଉଦାଅରଣ୍**

୪୫ ଆରି ସରଗ୍ ରାଇଜ୍ ଏନ୍ତାରି, ଗଟେକ୍ ସୁନାରି ବେସି ମୁଲିଅର୍ ମୁକ୍‌ତା କଜି କଜି ରଇଲା । ୪୬ ଗଟେକ୍ ବେସି ମୁଲିଅର୍ ମୁକ୍‌ତା ରଇଲାଟା ସୁନି, ସେ ତାର୍ ସବୁ ଦନ୍ ସଁପତି ବିକି ସେଟା ଗେନ୍‌ଲା । ସରଗ୍ ରାଇଜ୍ ମିସା ସେ ମୁକ୍‌ତା ପାରା ।

**ମାର୍ ଜାଲର୍ କାତା**

୪୭ ସରଗ୍ ରାଇଜ୍ ଗଟେକ୍ ମାର୍ ଦାର୍‌ବା ଜାଲ୍ ପାରା । କେଉଟ୍‌ମନ୍ ଗାତେ ଜାଲ୍ ପାକାଇ ବିନ୍‌ବିନ୍ ରକାମର୍ ମାର୍ ଦାର୍‌ବାଇ ।  
୪୮ “ଜାଲ୍ ବରଡ଼ି ଅଇଗାଲେ କଣ୍ଟିତେଇ ଜିକିଆନି ନିକନିକ ମାର୍ ବାଟି କରି ମୁର୍ଡ଼ିତେଇ ସଙ୍ଗାଇବାଇ ଆରି ବେଙ୍ଗ୍‌ଟିମାର୍ ପାରାଟାମନ୍ ପିଙ୍ଗ୍ ଦେବାଇ । ୪୯ ଜୁଗ୍ ସାର୍‌ବା ବେଲେ ଏନ୍ତାରି ଅଇସି । ସରଗ୍ ଦୁଡ଼ମନ୍ ଦରମ୍



ଲକର ଚାନେଅନି ପାପିମନ୍‌କେ ବେଗଲାଇବାଇ । ୫୦ ସେମନ୍‌କେ ଲାଗ୍‌ବା ଜଇଚାନେ ପିଙ୍ଗିଦେବାଇ । ତେଇ ସେମନ୍ ମାରିତପିଅଇ କାନ୍ଦି କସ୍‌ଟେ ମସ୍‌ଟେ ଦାଡ଼ କାଡ଼ିଅଇବାଇ ।”

**ପୁରନା ସିକିଆ ଆରି ନୁଆ ସିକିଆ**

୫୧ ଜିସୁ ସିସ୍‌ମନ୍‌କେ ପାଚାରଲା, “ଏ ସବୁ ବିସଇ ବୁଜି ପାରଲାସ୍‌ନି କି ?” ସେମନ୍ “ଉଁ ମାପୁରୁ ।” ବଲି କଇଲାଇ ।

୫୨ ଜିସୁ ସେମନ୍‌କେ କଇଲା, “ଜେନ୍ତାରକି ଗଟେକ୍ ଗରର ଲକ୍, ତାର ବାଣ୍ଟାର ଗରେଅନି ତାକେ ଦରକାର ଅଇବା ଇସାବେ ନୁଆ ଦିନ୍‌ସୁ ଆରି ପୁରନା ଦିନ୍‌ସୁ ବାରକରାଇସି । ସରଗ୍ ରାଇଜେ ସିସ୍ ଅଇରଇବା ଗଟେକ୍ ଦରମ୍ ଗୁରୁ ସମାନ୍ ସେନ୍ତାରିସେ କରସି ।”

**ଜିସୁ ନାଜରିତେ କେଟଲା  
(ମାର୍ଚ୍ଚ ୬:୧-୬; ଲୁକ୍ ୪:୧୭-୩୦)**

୫୩ ଜିସୁ ଏ ଉଦାଅରଣ୍ କଇସାରାଇ, ସେ ଜାଗା ଚାଡ଼ି ଉଚିଗାଲା । ୫୪ ଆରି ନିଜର୍ ଜାଗାଇ ବାଅଡ଼ଲା । ସେ ଜାଗାର ପାର୍ତନା ଗରେ ତାର ସିକାଇବାଟା ସୁନି ଲକ୍‌ମନ୍ କାବା ଅଇଜାଇ କଇଲାଇ, “ଏତେକ୍ ଗିଆନ୍ ଏ କନ୍ତିଅନି ମିଲାଇଲା ? ଏ କାବା ଅଇଜିବା କାମ୍‌ମନ୍ କରବାକେ ଆକେ କେ ବପୁ ଦେଲା ? ୫୫ ଏ କାଇ ସେ ବାଡ଼ଇର୍ ପିଲା ! ମରିୟମ୍ ତାର ମାଆ ! ଜାକୁବ୍, ଜସେପ୍, ସିମନ୍ ଆରି ଜିଉଦା ତାର ବାଇମନ୍ ! ୫୬ ତାର ବଇନିମନ୍ ଇତି ଆତଡ଼ ! ତେବେ ଏ ସବୁ ବପୁ ସେ କନ୍ତିଅନି ମିଲାଇଲା ?” ୫୭ ଏନ୍ତାରି କଇ, ସେମନ୍ ଜିସୁକେ ନାମଡ଼ ନାଇ ।

ଜିସୁ ସେମନ୍‌କେ କଇଲା “ଗଟେକ୍ ବବିସଡ଼ବକ୍‌ତା ନିଜର୍ ଗରେ ଆରି ଗାଏଁ ଚାଡ଼ିଦେଲେ, ସବୁଟାନେ ବଲ୍ ବଲାଇଅଇସି ।” ୫୮ କାଇକେବଇଲେ ସେମନ୍ ଜିସୁକେ ବିସ୍‌ବାସ୍ କରଡ଼ ନାଇଜେ ସେ ତେଇ ଆରି ଅଦିକ୍ କାବା ଅଇଜିବା କାମ୍‌ମନ୍ କରେ ନାଇ ।

**୧୪**

**ଡୁବନ୍ ଦେଉ ଜଅନର୍ ମରନ୍  
(ମାର୍ଚ୍ଚ ୬:୧୪-୨୯; ଲୁକ୍ ୯:୭-୯)**

୯ ସେବେଲେ ଗାଲିଲି ଦେସର୍ ସାସନ୍ କାରିଆ ଏରଦ୍, ଜିସୁର୍ ବିସଇ ସୁନଲା । ୧୦ ସେ ତାରଟାନେ କାମ୍ କରବା ଲକ୍‌ମନ୍‌କେ କଇଲା, “ସତଇସେ ଏ ଡୁବନ୍ ଦେଉ ଜଅନ୍‌ସେ । ସେ ଆରିତରେକ୍ ଜିବନ୍ ଅଇ ଉଚି ବାଉଡ଼ି ଆଇଲାଆଚେ । ସେଟାରପାଇ ତାରଟାନେ କାବା ଅଇଜିବା କାମ୍ କରବା ବପୁ ଆଚେ ।”

୧୧ ଏଆର୍ ଆଗଡୁ ଏରଦ୍ ଜଅନ୍‌କେ ବାନ୍ଦବାକେ ଆଦେସ୍ ଦେଇରଇଲା ଆରି ତାକେ ସିକିଲି ସଙ୍ଗ୍ ବାନ୍ଦି, ବନ୍ଦି ଗରେ ସଙ୍ଗିରଇଲା । ତାର ବାଇ, ପିଲିପର୍ ମାଇଜି ଏରଦିଆର୍ ଲାଗି, ସେ ଏନ୍ତି କରୁରଇଲା । ୧୨ ଜଅନ୍ ତାକେ କଇରଇଲା “ତମର୍ ବଉ ଏରଦିଆକେ ବିବା ଅଇବାଟା ତମର୍ ଟିକ୍ ଅଏନାଇ ।” ୧୩ ସେଟାରପାଇ ଏରଦ୍ ଜଅନ୍‌କେ ମରାଇବାକେ ଜଜ୍‌ନା କରୁତେରଇଲା, ମାତର୍ ସେ ଜିଉଦି ଲକ୍‌ମନ୍‌କେ ଡରୁତେରଇଲା । କାଇକେବଇଲେ ଜିଉଦି ଲକ୍‌ମନ୍ ଜଅନ୍ ଗଟେକ୍ ବବିସଡ଼ବକ୍‌ତା ବଲି ମାନ୍‌ତେରଇଲାଇ ।

୧୪ ମାତର୍ ଏରଦର୍ ଜନମ୍ ପୁରତି ଦିନେ ଏରଦିଆର୍ ଟକି, ତାକାଇରଇବା ଲକ୍‌ମନ୍‌ମ୍ ମୁଆଟେ ନାଟ୍ କରୁରଇଲା । ୧୫ ଏରଦ୍ ତାର ଉପ୍‌ରେ ଏତେକ୍ ସାରଦା ଅଇଲାଜେ, ସାରଦା ଅଇ ପର୍‌ମାନ୍ ନିୟମ୍ କରି କଇଲା “ଡୁଇ ଜାଇଟା ମାଙ୍ଗ୍‌ଲେ, ସେଟା ଦେବି !”

୧୬ ତାର ଆୟାର କାତା ଦାରି ଟକି କଇଲା “ମକେ ଏବେଆକା ଡୁବନ୍ ଦେଉ ଜଅନର୍ ମୁଣ୍ଟ ଗଟେକ୍ ତାଲାଇ ସଙ୍ଗି କରୁ ଦିଆ ।”

୧୭ ଏଟା ସୁନିକରି ରାଜା ଡୁକ୍ ଅଇଗାଲା । ଏଲେମିସା ସବୁର୍ ମୁଆଟେ ନିଜେ ପର୍‌ମାନ୍ ନିୟମ୍ କରୁରଇଲାଜେ ଟକିର୍ ମନ୍ କରୁରଇବାଟା ପୁରୁନ୍ କରବାକେ ଆଦେସ୍ ଦେଲା । ୧୮ ସେଟାରପାଇ ବନ୍ଦି ଗରେ ଜଅନର୍ ମୁଣ୍ଟ କାଟା ଅଇଲା ।

୧୯ ଗଟେକ୍ ତାଲାଟାନେ ମୁଣ୍ଟ ସଙ୍ଗି ଟକିକେ ଦେଲାଇ । ସେ ସେଟା ନେଇକରି ତାର ମାକେ ଦେଲା ।

୨୦ ତାରପଚେ ଜଅନର୍ ସିସ୍‌ମନ୍ ଆସି ମଲା ଗାଗଡ଼ ନେଇ ତପ୍‌ବାକେ ଦାରିଗାଲାଇ । ସେମନ୍ ଜାଇକରି ଜିସୁକେ ଏ ବିସଇ ଜାନାଇଲାଇ ।

**ଜିସୁ ପାଁଟଅଜାର ଲକ୍‌କେ କୁଆଇବାଟା  
(ମାର୍ଚ୍ଚ ୬:୩୦-୪୪; ଲୁକ୍ ୯:୧୦-୧୭; ଜଅନ୍ ୬:୧-୧୪)**

୨୧ ଜିସୁ ଜଅନର୍ କବର୍ ସୁନଲା ଦାପ୍‌ରେ ଡଙ୍ଗା ଚଗ୍‌ଲା ଆରି ଗଟେକ୍ କିନରା ଜାଗାଇ ଗାଲା । ତେଇ ସେ ଜିବାଟା ଜାନିକରି ଲଗର୍ ପାକର୍ ସଅରେ ଅନି କେତେକ୍ କେତେକ୍ ଲକ୍‌ମନ୍ ଗାଡ଼ କଣ୍ଡିକଣ୍ଡି ଇଣ୍ଡି ଜିସୁର୍ ପଚେ ପଚେ ଗାଲାଇ । ୨୨ ଜେତେବେଲେ ଜିସୁ ଡଙ୍ଗାଅନି ଉଡ଼ି ଏତେକ୍‌ମାଣ୍ଟ ଲକ୍‌ମନ୍‌କେ ଦେକ୍‌ଲା, ସେ ଦୟା କଲା । ତେଇ ଜେଡ଼କି ରଗିମନ୍ ରଇଲାଇ, ସବୁକେ ନିକ କଲା ।

☆ ୧୩:୫୭ ୧୩:୫୭ ଜଅନ୍ ୪:୪୪ ☆ ୧୪:୩ ୧୪:୩ ଲୁକ୍ ୩:୧୯,୨୦

୧୫ ସେଦିନେ ସଞ୍ଜବେଳାଇ, ସିସ୍‌ମନ୍ ଆସି ତାକେ କଇଲାଇ, “ବେସି ଅଲ୍‌ସମ୍ ଅଇଗାଲାନ୍ତି । ଆରି ଏଟା ଗଟେକ୍ କିନରା ଜାଗା, ଲକ୍‌ମନ୍‌କେ କଇଦିଆସ୍, ସେମନ୍ ଗାଉଁମନ୍‌କେ ଜାଇ କାଦି ମିଲାଇବାଇ ।”

୧୬ ମାତର୍ ଜିସୁ ସେମନ୍‌କେ କଇଲା, “ସେମନ୍ ଇତିଅନି ନ ଜାଅଡ୍ । ତମେ ସେମନ୍‌କେ କାଇଟାଆଲେ କାଇବାକେ ଦିଆସ୍ ।”

୧୭ ସିସ୍‌ମନ୍ କଇଲାଇ, “ଆମର୍ ଟାନେ ଏକାଇ ପାଁଟା ରୁଟି ଆରି ଦୁଇଟା ମାଟ୍‌ସେ ଆଚେ ।”

୧୮ ଜିସୁ କଇଲା, “ସେଟା ମର୍ଟାନେ ଦାରିଆସା ।” ୧୯ ଜିସୁ ସବୁଲକ୍‌କେ ଗାଁସ୍ ଉପ୍‌ରେ ବସାଇବାକେ କଇଲା । ସେ ପାଁଟା ରୁଟି ଆରି ଦୁଇଟା ମାଟ୍ ଦାରି ସରଗ୍‌ବାଟେ ଦେକି ପର୍‌ମେସର୍‌କେ ଦନିଅବାଦ୍ ଦେଲା, ଆରି ରୁଟି ବାଙ୍ଗାଇ କରି ସିସ୍‌ମନ୍‌କେ ଦେଲା । ସିସ୍‌ମନ୍ ସବୁଲକ୍‌କେ ବାଟାକରି ଦେଲାଇ । ୨୦ ସେଟା ସବୁଲକ୍ କାଇକରି ସାକ୍ତି ଅଇଲାଇ । ତାର୍‌ପଚେ ସିସ୍‌ମନ୍ ଅଗ୍ଲି ରଇବା ରୁଟି ଆରି ମାଟ୍ ଟୁଲିଆଇ ବାଟା ଡାଲାଇ ବର୍‌ତି କଲାଇ । ୨୧ ତେଇ ମାଇଜିମନ୍ ଆରି ପିଲାମନ୍‌କେ ଚାଡି, ସେ କାଦି ପାଁଟ୍ ଅଜାର୍ ଲକ୍ କାଇରଇଲାଇ ।

**ଜିସୁ ପାନି ଉପ୍‌ରେ ଇଣ୍ଡୁଲା**

(ମାର୍‌କ୍ ୬:୪୫-୫୨; ଜଅନ୍ ୬:୧୫-୨୧)

୨୨ ତାର୍‌ପଚେ ଜିସୁ ସିସ୍‌ମନ୍‌କେ ଡଙ୍ଗାଇ ବସାଇ ଗାଡ୍ ସେପାଟେ ଜିବାକେ କଇଲା । ସେ ନିଜେ ପଚେ ରଇଜାଇକରି ଲକ୍‌ମନ୍‌କେ ପାଟାଇତେ ରଇଲା । ୨୩ ସେ ଏକଲାସେ ପାର୍‌ତନା କର୍‌ବାକେ ଗଟେକ୍ ଡଙ୍ଗର୍ ଉପ୍‌ରେ ଗାଲା ଆରି ସଞ୍ଜ ଅଇବା ଜାକ ଜିସୁ ଗଟେକ୍ ଲକ୍‌ସେ ତେଇ ରଇଲା । ୨୪ ସେଡ୍‌କି ବେଲେ ଡଙ୍ଗା କଣ୍ଡିଅନି ବେସି ଦୁର୍ ଗାଡ୍ ବିଡ୍‌ରେ ଉଟିଜାଇରଇଲା । ଆରି ଜବର୍ ପବନ୍ କଲାଜେ, ଲଅତି ଟଲ୍‌ମଲି ଜାଇତେରଇଲା ।

୨୫ କୁକ୍‌ଡା ତାକେ, ଏଦେ ଦେକା ! ଜିସୁ ପାନି ଉପ୍‌ରେ ଇଣ୍ଡି ଇଣ୍ଡି ସିସ୍‌ମନ୍‌ର୍ ଲଗେ ଆଇଲା । ୨୬ ସିସ୍‌ମନ୍ ତାକେ ଦେକି କିଲ୍‌ବିଲ୍ ଅଇଗାଲାଇ । ଡରମାଟେ ଡୁମା ବଲି କିର୍‌କିର୍‌ଲାଇ ।

୨୭ ସେ ଦାପ୍‌ରେସେ ଜିସୁ ସେମନ୍‌କେ ସାଆସ୍ ଦେଇ କଇଲା, “ମୁଇ କାଇକି, ତରାନାଇ ।”

୨୮ ଜିସୁର୍ ଏ କାତା ସୁନି ପିତର୍ କଇଲା, “ମାପ୍‌ରୁ ଜଦି ସତଇସେ ତମେ ଅଇରଇସା ବଇଲେ, ମକେ ପାନି ଉପ୍‌ରେ ଇଣ୍ଡି ଇଣ୍ଡି ତମର୍ ଲଗେ ଆଇବାକେ ଆଦେସ୍ ଦିଆ ।”

୨୯ ଜିସୁ କଇଲା, “ଇଣ୍ଡି ଇଣ୍ଡି ଆଉ ।” ପିତର୍ ଡଙ୍ଗାଇଅନି ବାରଇ, ପାନି ଉପ୍‌ରେ ଇଣ୍ଡି ଇଣ୍ଡି ଜିସୁର୍ ବାଟେ ଆଇବାର୍ ଦାରଲା । ୩୦ ମାତର୍ ପବନ୍ ଜବର୍ ଆଇବାଟା ଦେକିକରି ଡରିଗାଲା ଆରି ପାନିଟାନେ ବୁଡିଜିବାର୍ ଦାରଲା । ତେବେ ଆକ୍‌ମାରି କରି ଡାକ୍‌ଲା ଏ ମାପ୍‌ରୁ ମକେ ରକିଆ କର୍ !

୩୧ ଜିସୁ ସେ ଦାପ୍‌ରେ, ଆଡ୍ ଲାମାଇକରି ତାକେ ଦାରିକରି କଇଲା, “ଏ ଅଲପ୍ ବିସ୍‌ବାସ୍ କରୁ, କାଇକେ ଦୁଇମନିଆ ଅଇଲୁସନି ?”

୩୨ ମାତର୍ ସେମନ୍ ଡଙ୍ଗାଇ ଚଗଲାକେ ପବନ୍ ବନ୍‌ଅଇ ଗାଲା । ୩୩ ଡଙ୍ଗାଇ ରଇଲା ଲକ୍‌ମନ୍ ଜିସୁକେ କୁଆର୍ କରି କଇଲାଇ, “ତମେ ସଡ୍‌ସେ ମାପ୍‌ରୁର୍ ପିଲା ।”

**ଜିସୁ ଗିନେସରତେ ରଗିମନ୍‌କେ ନିକ କର୍‌ବାଟା**

(ମାର୍‌କ୍ ୬:୫୩-୫୬)

୩୪ ଜିସୁ ଆରି ତାର୍ ସିସ୍‌ମନ୍ ଗାଡ୍‌ଲକ୍‌କିରି ଗିନେସରଡ୍ ଜାଗାଇ କେଟ୍‌ଲାଇ । ୩୫ ଆରି ତେଇର୍ ଲକ୍‌ମନ୍ ଜିସୁକେ ଚିନିକରି ଲଗେ ପାକେ ରଇବା ଚାରିବେଡ୍‌ଡିର୍ ସବୁ ଜାଗାଇ କବର୍ ପାଟାଇଲାଇ ଆରି ରଗି ଲକ୍‌ମନ୍‌କେ ତାର୍ ଲଗେ ଆନ୍‌ଲାଇ । ୩୬ ରଗିମନ୍ ଜିସୁର୍ ପିନ୍‌ଲା ଲୁଗାର୍ ଜାଲି ଚିଇବାକେ, ଆଦେସ୍ ଦେବାକେ, ଲକ୍‌ମନ୍ ତାକେ ବାବୁଜିଆକରି କଇଲାଇ । ମାତର୍ ଜେତେକ୍‌ଲକ୍ ସେଟା ଚିଇଲାଇ, ସବୁଲକ୍ ନିକଅଇଲାଇ ।

**୧୫**

**ଆନିଦାଦି ମନର୍ ରିଡିନିଡି**

(ମାର୍‌କ୍ ୬:୧-୧୩)

୧ ଦିନେକ୍ କେତେଟା ପାରୁସିମନ୍ ଆରି ଦରମ୍ ଗୁରୁମନ୍ ଜିରୁସାଲାମ୍ ଅନି ଆସି ଜିସୁକେ ପାଚାରୁଲାଇ, ୨ “ଆମର୍ ଆନିଦାଦିମନ୍ ଜନ୍ ରିଡିନିଡି ଦେଇଆଚଡ୍, ସେଟା ସବୁ କାଇକେ ତମର୍ ସିସ୍‌ମନ୍ ମାନଡ୍‌ନାଇ ? ବିଦି ଇସାବେ କାଇବା ଆଗଡ୍ ନିକ କରି ଆଡ୍ ନ ଦଅଡ୍ ।”

୩ ଜିସୁ କଇଲା, “ତମେ କାଇକେ ପର୍‌ମେସର୍‌ର ଆଦେସ୍ ନ ମାନି ନିଜର୍ ରିଡିନିଡି ଇସାବେ କାମ୍ କଲାସନି ?” ୪ ପର୍‌ମେସର୍ ଆଦେସ୍ ଦେଲାଆଚେ, ମା ବାବାକେ ଆଲାଦ୍‌କରା । ଆରି କେ ମିସା ନିଜର୍ ବାବା ମାକେ ସାଇପ୍ ଦେଇକରି କାଇବଲି କଇସି ବଇଲେ, ସେ ମରନର୍ ଡଣ୍ଡ ପାଇସି । ୫ ମାତର୍ ତମେ ସିକିଆ ଦେଲାସନି ଜେ, ଗଟେକ୍ ଲକ୍ ଜନ୍ ଦନ୍ ସଙ୍ଗ୍ ବାବା ମାକେ ସାଇଜ କରିପାର୍‌ତା, ସେଟା ପର୍‌ମେସର୍‌କେ ଦାନ୍ କଲିଆଡି ବଲି କଇଲେ, ୬ “ସେ ଆରି ତାର୍ ବାବା ମାଆର୍ ଦାଇଡ୍ ନେବାର୍ ଲଡାନାଇ । ଏଣ୍ଡାରି ତମେ ପର୍‌ମେସର୍‌ର ଆଦେସ୍ ନ ମାନିକରି ନିଜର୍ ରିଡିନିଡି ଇସାବେ

ଚାଲିଲାସିନି । ୭ ଏରେ ଦରମ୍ ଲକ୍ ବଲାଇଅଇବା କୁଟିଆଲ୍‌ମନ୍, ତମର୍ ବିସଇ ନେଇ ଜିସାଇୟ ବବିସତ୍‌ବକ୍ତା କଇରଇବାଟା ଟିକ୍ ଆକା ।”

୮ ପର୍‌ମେସର୍ କଇଲାନି,

ଏ ଲକ୍‌ମନ୍ କାତାଇସେ ମକେ ସନ୍‌ମାନ୍ ଦେଲାଇନି,  
ମାତର୍ ସେମନର୍ ମନ୍ ମରତେଇଅନି ବେସି ଦୁରିକେ ।

୯ ସେମନ୍ ମକେ ଡାକ୍‌ବାଟାନେ କାଇ ଅରଡ୍ ନାଇ,  
କାଇକେ ବଇଲେ ସେମନ୍ ଲକ୍‌ମନ୍ ତିଆରକରି ରଇବା ରିତିନିତି ମର୍ ଆଦେସ୍ ବଲି ସିକାଇଲାଇନି ।

**ଗଟେକ୍ ଲକ୍‌କେ କାଇଟା ଅସୁକଲ୍ କର୍‌ସି**

୧୦ ତାର୍‌ପଟେ ଲକ୍‌ମନ୍‌କେ କଇଲା, “ମନ୍ ଦେଇ ସୁନା ଆରି ବୁଜ୍‌ବାକେ ଚେସ୍‌ଟା କରା । ୧୧ ଲକ୍‌ର୍ ଟଣ୍ଡେଅନି ଜାଇଟା ବିଡ୍‌ରେ ଗାଲାନି, ସେଟା ତାକେ ଅସୁକଲ୍ ନ କରେ, ମାତର୍ ଜାଇଟା, ତାର୍ ବିଡ୍‌ରେଅନି ବାରଇଆଇସି, ସେଟା ତାକେ ଅସୁକଲ୍ କର୍‌ସି ।”

୧୨ ସିସ୍‌ମନ୍ ଜିସୁର୍ ଲଗେ ଆସି ପାଟାର୍‌ଲାଇ, “ତମେ କଇଲା କାତା ପାରୁସିମନ୍‌କେ ବେସି ବାଦ୍‌ଲା, ଏଟା କାଇ ତମେ ନାଜାନାସ୍ କି ?”

୧୩ ଜିସୁ କଇଲା, “ଜନ୍ ଗର୍‌ମନ୍ ମର୍ ସରଗର୍ ବାବା ରପେ ନାଇ, ସେ ସବୁ ଜିକା ଅଇସି । ୧୪ \*ସେମନର୍ ବିସଇନେଇ ତେରେପେତେ ଉଆନାଇ । ସେମନ୍ କାଣାମନ୍‌କେ ବାଟ୍ ଦେକାଉ କାଣାମନ୍ । ଗଟେକ୍ କାଣା ଆରି ଗଟେକ୍ କାଣାକେ ବାଟ୍‌ଦେକାଇଲେ ଦୁଇ ଲକ୍ ଜାକ କାଲେ ଅଦର୍‌ବାଇ ।”

୧୫ ପିତର୍ କଇଲା, “ଏ କାତା ଆମ୍‌କେ ନିକ କରି ବୁଜାଇଦେ ।”

୧୬ ଜିସୁ କଇଲା, “ଆଜିକେ ଜାକ ବିନ୍‌ଲକ୍‌ମନ୍‌ତେଇ ଅନି ତମର୍ ବୁଜ୍‌ବା ବପୁ କଣ୍ଡେକ୍ ମିସା ଅଦିକ୍ ଅଏନାଇ । ୧୭ ତମେ ଏଡ୍‌କି ବୁଜାସ୍ ନାଇ କି ? ଜନ୍ ଦିନ୍‌ସୁ ମୁନ୍‌ସର୍ ଟଣ୍ଡେବାଟେ ପୁର୍‌ସି, ସେଟା ପେଟ୍ ବିଡ୍‌ରେ ଜାଇସି ଆରି ଗାଗ୍‌ତେଅନି ବାରଇ ଜାଇସି । ୧୮ \*ମାତର୍ ଜନ୍‌ଟା ସବୁ ମୁନ୍‌ସର୍ ଟଣ୍ଡେଅନି ବାରଇସି, ସେଟା ତାର୍ ମନ୍‌ବିଡ୍‌ରେଅନି ଜନମ୍ ଅଇସି ଆରି ସେଟାସେ ତାକେ ଅସୁଟି କର୍‌ସି । ୧୯ କାଇକେବଇଲେ ତାର୍ ମନେ ଜନମ୍ ଅଇଲା କାରାପ୍ ଚିତ୍ତାଇଅନି ସେ ନରମାର୍‌ବାଟା, କାରାପ୍ କାମ୍ କର୍‌ବାଟା, ବେସିଆ କାମ୍ କର୍‌ବାଟା, ଚର୍‌ବାଟା, ମିଟ୍‌କାତା କଇବାଟା ଆରି ବିନ୍‌ଲକ୍‌ର୍ କୁଟ୍‌କାତା କଇବା ପାରା, ବିନ୍ ବିନ୍ ରକାମର୍ ନିୟମ୍ ନଇଲା କାମ୍‌ମନ୍ କର୍‌ସି ।” ୨୦ “ଏସବୁ କାମ୍ ଲକ୍‌କେ ଅସୁକଲ୍ କର୍‌ସି । ମାତର୍ ସେମନ୍ କଇଲା ଇସାବେ ଆଡ୍ ନ ଦଇକରି କାଇଲେ, କେ ଅସୁକଲ୍ ନଅଅଡ୍ ।”

**ଗଟେକ୍ ମାଇଜିର୍ ବିସ୍‌ବାସ୍  
(ମାର୍‌କ ୭:୨୪-୩୦)**

୨୧ ଜିସୁ ସେ ଜାଗା ଚାଡିକରି ସର ଆରି ସିଦନର୍ ସଅରେ ଗାଲା । ୨୨ ଆରି ଦେକା, ତେଇ ବାସାକରି ରଇଲା ଗଟେକ୍ କିଣାନିୟ୍ ମାଇଜି ଜିସୁର୍ ଲଗେ ଆସି କଇଲା, “ଏ ଦାଉଦ୍ କୁଟୁମର୍ ମାପ୍‌ରୁ, ମକେ ଦୟାକରା । ମର୍ ଟକିକେ ତୁମା ଦାର୍‌ଲା ଆଟେ ଆରି ସେ ବଡେ କସ୍‌ଟ ପାଇଲାନି ।”

୨୩ ମାତର୍ ଜିସୁ ତାକେ ପଦେକ୍ କାତା ମିସା କଏ ନାଇ । ସିସ୍‌ମନ୍ ତାର୍ ଲଗେ ଆସି ବାବୁଜିଆ କଲାଇ, “ତାକେ ବିଗି ପାଟାଇ ଦିଆସ୍ । ଦେକା ସେ କେନ୍ତି ଆଉଲିଅଇ ଆମ୍‌କେ କେଦିଆନ୍‌ଲାନି ?”

୨୪ ଜିସୁ କଇଲା, “ଆଜିରଇବା ମେଣ୍ଡାପାରା ବାଟ୍ ବାନା ଅଇଲା ଇସ୍ରାଏଲ୍ ଲକ୍‌ମନ୍‌ର୍ ଲଗେସେ ମୁଇ ଆଇଲି ଆଟି ।”

୨୫ ସେ ମାଇଜି ଆସି ଜିସୁର୍ ଗଡ୍‌ତଲେ ମାଣ୍ଡିକୁଟା ଦେଇ ଜୁଆର୍ କରି କଇଲା, “ମାପ୍‌ରୁ ମକେ ଦୟା କରା ।”

୨୬ ଜିସୁ କଇଲା, “ପିଲାମନର୍ କାଦି ନେଇ କୁକୁରର୍ ମୁଆଟେ ପିଙ୍‌ବାଟା ଟିକ୍ ନାଇ ।”

୨୭ ସେ ମାଇଜି କଇଲା, ଏଟା ସଡ୍ କାତା ମାପ୍‌ରୁ, ମାତର୍ କୁକୁର୍‌ମନ୍ ମିସା ସାଉକାରର୍ ଅଦର୍‌ଲା ସକ୍ତି କାଇବାକେ ପାଇବାଇ ।

୨୮ ଜିସୁ ତାକେ କଇଲା, “ତମେ ଗଟେକ୍ ଡା଼ସଙ୍ ବିସ୍‌ବାସ୍ କର୍‌ବା ମାଇଜି । ତୁଇ ମନ୍‌କଲାଟା ପୁରୁନ୍ ଅଇସି ।” ସେଦାପ୍‌ରେ ତାର୍ ଟକି ନିମାନ୍ ଅଇଲା ।

**ଜିସୁ ବେସି ଲକ୍‌ମନ୍‌କେ ନିକ କଲା**

୨୯ ଜିସୁ ତେଇଅନି ବାରଇ ଗାଡ୍ କଣ୍ଡି କଣ୍ଡି ଜାଇ ଗଟେକ୍ ଡଙ୍‌ର୍ ଉପ୍‌ରେ ବସ୍‌ଲା । ୩୦ ବେସି ଲକ୍‌ମନ୍ ତାର୍ ଲଗେ ରୁଣ୍ଡିଲାଇ । ସେମନର୍ ବିଡ୍‌ରେ ଚଟା, କାଣା, ଆଡ୍‌ଗଡ୍ ସୁକିଗାଲାଟା ଆରି ବେସି ଜରର୍ ଲକ୍‌ମନ୍‌କେ ଆନି, ଜିସୁର୍ ପାଦ୍ ତଲେ ତୁଲାଇଲାଇ । ଆରି ସେ ସେମନ୍‌କେ ନିକ କଲା । ୩୧ ଗୁଲା କାତା ଅଇବାଟା, ସୁକ୍‌ଲା ଆଡ୍ ନିକ ଅଇବାଟା, ଚଟା ଇଣ୍ଡିବାଟା, କାଣା ଦେକିପାର୍‌ବାଟା ଦେକି ଲକ୍‌ମନ୍ କାବା ଅଇଗାଲାଇ ଆରି ଇସ୍ରାଏଲ୍‌ର୍ ମାପ୍‌ରୁକେ ଜୁଆର୍ କଲାଇ ।

☆ ୧୫:୧୪ ୧୫:୧୪ ଲୁକ୍ ୭:୩୯ ☆ ୧୫:୧୮ ୧୫:୧୮ ମାତ୍ରିକ ୧୨:୩୪

ଜିସୁ ଚାରିଅଜାର ଲକ୍ଷକେ କୁଆଇଲା  
(ମାର୍କ ୮:୧-୧୦)

୩୨ ଜିସୁ ସିସ୍ତମନକେ ଡାକି କଇଲା, “ଏ ଲକ୍ଷମନକେ ଦେକି ମକେ ଦୁକ୍ ଲାଗ୍ଲାନି, କାଇକେ ବଇଲେ ସେମନ୍ ମର୍ ସଙ୍ଗ୍ ତିନ୍ ଦିନ୍ ଅଇଲାନି ଆଚଡ୍ ଆରି ସେମନର୍ ଲଗେ କାଇଟା ମିସା ନାଇ । ସେମନ୍ ନ କାଇ ଇତିଅନି ଉଟିଜାଅଡ୍, ଏଟା ମୁଇ ମନ୍ କରି ନାଇ; କାଇକେ ବଇଲେ ବାଉଡ଼ିଗାଲାବେଲେ ବାଟେ ସେମନ୍ ତାକି ଜାଇ ଅଦର୍ ପଡ୍ ଅଇଜିବାଇ ।”

୩୩ ସିସ୍ତମନ୍ ତାକେ କଇଲା, “ଏ ମରୁବାଲିବୁଏଁ ଏଡେକ୍ ଲକ୍ଷକେ କୁଆଇବାକେ ଆମେ କନ୍ତିଅନି ଏଡେକ୍ମାଣ୍ଡ୍ କାଦି ଆନ୍ବୁ ?”

୩୪ ଜିସୁ ପାଚାରଲା, “ତମର୍ ଲଗେ କେଡେଟା ରୁଟି ଆଚେ ?” ସେମନ୍ କଇଲା, “ସାଡ୍ଟା ରୁଟି ଆରି କେଡେଟା ସାନ୍ ମାଡ୍ ଆଚେ ।”

୩୫ ଜିସୁ ଲକ୍ଷମନକେ ବୁଏଁ ବସ୍ବାକେ କଇଲା । ୩୬ ତାରପଟେ ସେ ସାଡ୍ଟା ରୁଟି ଆରି ମାଡ୍ ନେଇ ପର୍ମେସର୍କେ ଦନିଅବାଦ୍ ଦେଲା ଆରି ବାଙ୍ଗାଇ କରି ସିସ୍ତମନକେ ଦେଲା । ସିସ୍ତମନ୍ ସେଟା ଲକ୍ଷମନକେ ବାଟାକରି ଦେଲା । ୩୭ ସବୁ ଲକ୍ଷ ପେଟ୍ପୁରଡେ କଇଲା । ଆରି ସିସ୍ତମନ୍ ଅଗଲ୍ଲାଟା ସାଡ୍ଟାତାଲାଇ ବର୍ଡି କଲା । ୩୮ ମାଇଜିଟକି ଆରି ପିଲାମନକେ ଚାଡି ଚାରି ଅଜାର ଲକ୍ଷ ଏ କାଦି କାଇରଇଲା ।

୩୯ ଏଟାର ପଟେ ଜିସୁ ଲକ୍ଷମନକେ ପାଟାଇ ଦେଇ ଡଙ୍ଗାଇ ଚଗି ମଗ୍ଦାନ୍ ଜାଗାର ସନ୍ଦିଲଗେ ଗାଲା ।



କାବାଅଇଜିବା କାମର୍ ପାଇ ଦାବି  
(ମାର୍କ ୮:୧୧-୧୩; ଲୁକ୍ ୧୨:୫୪-୫୬)

୧\*ଦିନେକ୍ କେଡେଟା ପାରୁସିମନ୍ ଆରି ସାଦୁକିମନ୍ ଜିସୁର୍ ଦସ୍ ଦାବ୍ବାକେ ତାର ଲଗେ ଆଇଲା । ସେମନ୍ ତାକେ କଇଲା, “ପର୍ମେସର୍ ତକେ ବାଟ୍ଲା ଆଚେ ବଲି ଆମେ ଜାନ୍ବାକେ, ତୁଇ ଗଟେକ୍ ସରଗର୍ କାବାଅଇଜିବା ତିନ୍ ଦେକା ।” ୨ ଜିସୁ କଇଲା, “ତମେ ସଞ୍ଜ୍ ବେଲାଇ ବାଦଲ୍ ରଙ୍ଗ୍ ଡିସ୍ଲେ ପାଗ୍ ବଲ୍ ଅଇସି ବଲି କଇସା, ୩ ଆରି ସାକାଲ୍ ବେଲାଇ ରଙ୍ଗ୍ ଆରି ଆନ୍ଦାର୍ ଡିସ୍ଲେ ପାନି ମାର୍ସି ବଲି ଜାନ୍ସା । ବାଦଲ୍ ଦେକି ପାଗର୍ କାତା ଆଗ୍ତୁ ଜାନ୍ସା । ମାତର୍ ଆଜିକାଲିର୍ ଡିସ୍ବା ତିନ୍ ତମେ ବୁଜିନାପାରାସ୍ । ୪\*ଏ ଜୁଗର୍ ଲକ୍ଷମନ୍ କେଡେ କାରାପ୍ ଆରି ପର୍ମେସର୍କେ ବିସ୍ବାସ୍ ନ କରୁମନ୍ ! ତମେ ଗଟେକ୍ କାବାଅଇଜିବା କାମ୍ ଦେକ୍ବାକେ କଇଲାସିନି ? ମାତର୍ ନାଇ, ଜୁନସର୍ ଜିବନେ ଗଟ୍ଲାଟା ଚାଡି ଆରି ଗଟେକ୍ ମିସା କାବାଅଇଜିବା କାମ୍, ତମେ ମର୍ଡେଇ ଦେକିନାପାରାସ୍ ।” ଏଟା କଇ ଜିସୁ ସେମନକେ ଚାଡି ଉଟିଗାଲା ।

ପାରୁସି ଆରି ସାଦୁକିମନର୍ ସିକିଆ

୫ ସିସ୍ତମନ୍ ଗାଡ୍ ସେପାଟେ ଜିବାବେଲେ ରୁଟି ନେବାକେ ପାସ୍ରି ଜାଇରଇଲା । ୬\*ଜିସୁ ସେମନକେ କଇଲା, “ଜାଗରଡ୍, ପାରୁସି ଆରି ସାଦୁକିମନର୍ କମିର୍ଡେଇଅନି ତରିକ୍ନା ଅଇ ରୁଆ ।” ୭ ସେମନ୍ ନିଜର୍ ନିଜର୍ ବିଡ୍ରେ କୁଆ ବଲା ଅଇଲା, “ଆମେ ରୁଟି ଆନି ନ ରଇଲାର୍ ପାଇ ସେ ଏଣ୍ଡାରି କଇଲାନି ।”

୮ ସେମନ୍ କାଇଟା କଇଡେ ରଇଲା ସେଟା ଜାନି ଜିସୁ ସେମନକେ କଇଲା, “ତମର୍ ଲଗେ ରୁଟି ନାଇ ବଲି କାଇକେ କୁଆବଲା ଅଇଲାସିନି ? ତମର୍ ବିସ୍ବାସ୍ କେଡେ ଦୁର୍ବଲ୍ । ୯\*ଏବେ ଜାକ ତମେ ବୁଜାସ୍ ନାଇ କି ? ପାଁର୍ ଅଜାର ଲକ୍ଷମନର୍ ବିଡ୍ରେ ମୁଇ ପାଁଟା ରୁଟି ବାଟାକରି ରଇବା କାତା ତମେ କାଇ ପାସ୍ରି ଗାଲାସ୍ କି ? ସେଡ୍କିବେଲେ ତମେ କେଡେଟା ଡାଲାଇ ବର୍ଡି କରି ରଇଲାସ୍ ? ୧୦\*ଆରି ଚାରି ଅଜାର ଲକ୍ଷକେ ସାଡ୍ଟା ରୁଟିର୍ କାତା ମନେ ନାଇ କି ? ସେଡ୍କିବେଲେ କେଡେ ଡାଲା ବର୍ଡି କରି ରଇଲାସ୍ ?

୧୧ “ମୁଇ ରୁଟିର୍ ବିସଇ ନ କଇଡେ ରଇଲି, ତମେ କେନ୍ତ୍ର ବୁଜାସ୍ ନାଇ ? ମୁଇ କଇଲିନି, ପାରୁସି ଆରି ସାଦୁକିମନର୍ କମିର୍ ପାରା ସିକିଆ ତେଇଅନି ତରିକ୍ନା ଅଇ ରୁଆ ବଲି ।” ୧୨ ସେଡ୍କିବେଲେ ସିସ୍ତମନ୍ ବୁଜି ପାରଲା ଯେ, ଜିସୁ ରୁଟିର୍ କମିର୍ କାତା ନ କଇଡେ ରଇଲା, ମାତର୍ ପାରୁସି ଆରି ସାଦୁକିମନର୍ ସିକିଆ ତେଇ ତରିକ୍ନା ଅଇ ରୁଆ ବଲି କଇରଇଲା ।

ପିତର୍ ଜିସୁକେ ମସିଅ ବଲି ଜାନାଇବାଟା  
(ମାର୍କ ୮:୨୭-୩୦; ଲୁକ୍ ୯:୧୮-୨୧)

୧୩ ଜିସୁ କାଇସେରିଆ ପିଲିପି ଗଡ୍ ପାକାପାକି ଜାଗାଇ ଗାଲା ପଟେ ସିସ୍ତମନକେ ପାଚାରଲା, “ନର୍ପିଲା କେ ବଲି ଲକ୍ଷମନ୍ କାଇଟା କଇଲାଜିନି ?”

☆ ୧୬:୧ ୧୬:୧ ମାଡ଼ିତ ୧୨:୩୮; ଲୁକ୍ ୧୧:୧୬ ☆ ୧୬:୪ ୧୬:୪ ମାଡ଼ିତ ୧୨:୩୯; ଲୁକ୍ ୧୧:୨୯ ☆ ୧୬:୬ ୧୬:୬ ଲୁକ୍ ୧୨:୧ ☆ ୧୬:୯ ୧୬:୯ ମାଡ଼ିତ ୧୪:୧୭-୨୧ ☆ ୧୬:୧୦ ୧୬:୧୦ ମାଡ଼ିତ ୧୫:୩୪-୩୮

୧୪ \*ସେମାନ କଇଲା, “କେତେ ଲକ୍ କଇଲାକନି, ସେ ହୁବନ୍ ଦେଉ ଜଅନ୍ । ଆରି କେତେ ଲକ୍ ‘ସେ ଏଲିୟ’, ବିନ୍ ଲକ୍ମନ୍ କଇଲାକନି, ‘ସେ ଜିରିମିୟ ନଇଲେ ବବିସତ୍ବକ୍ତାମନର୍ତେକଅନି ଗଟେକ୍ ଲକ୍ ।”

୧୫ ଜିସୁ ପାଚାରଲା, “ମୁଇ କେ ବଲି ତମେ କାଇଟା ବଇଲାସନି ?”

୧୬ \*ସିମନ୍ ପିତର୍ କଇଲା, “ତମେ କିରିସ୍ଟ, ମସିଅ, ଜିବନ୍ ରଇବା ପରମେସରର୍ ପିଲା ।”

୧୭ ଜିସୁ କଇଲା, “ନିମାନ୍, ଜୁନସର୍ ପିଲା, ପିତର୍ ! ଏଟା ସତ୍, ତୁଇ ମୁନୁସର୍ଟାନେ ଅନି କଉସ୍ ନାଇ । ମର୍ ସରଗର୍ ବାବା ତକେ ଜାନାଇଲାକେ ତୁଇ କଇଲୁସ୍ । ୧୮ ସେଟାର୍ପାଇ ମୁଇ ତକେ କଇଲିନି, ତୁଇ ପିତର୍, ଜାର୍ ଅରଡ୍ କି ପାକ୍ନା । ଏ ପାକ୍ନା ଉପ୍ରେ ମୁଇ ମର୍ ମଣ୍ଡୁଲି ତିଆର୍ କର୍ବି । ଜେକ୍ଟିକି ମରନ୍ ପାରା ବପୁ ମିସା ତାକେ କାଇ କରନାପାରେ ।

୧୯ \* “ମୁଇ ତକେ ସରଗ୍ ରାଇଜର୍ କୁଟିକାଡି ଦେବି । ତୁଇ ଜାଇଟା ଜଗତେ ନାଇ ବଲ୍ସୁ, ସେଟା ସରଗେ ମିସା ନାଇ ଅଇସି । ତୁଇ ଜଗତେ ଜାଇଟା କରା ବଲି କଇସୁ ସେଟା ସରଗେ ମିସା କରାଅଇସି ।” ୨୦ ସେ ମସିଅ ବଲି କାକେ ନ କଇବାକେ, ସିସ୍ମାନ୍କେ ଡାଟ୍ କଲା ।

**ଜିସୁ ନିଜର୍ ଦୁକ୍ ଡଣ୍ଟ ବିସଇ ଜାନାଇଲା**

(ମାର୍କ ୮:୩୧; ମାଡ଼ିତ ୯:୧; ଲୁକ୍ ୯:୨୨-୨୭)

୨୧ ସେବେଲେଅନି ଜିସୁ ସିସ୍ମାନ୍କେ ବୁଜ୍ଲାପାରା କଇବାର୍ ଦାରଲା, “ମୁଇ ଜିରୁସାଲାମ୍ ଜାଇ ଦରମ୍ଗୁରୁମନ୍, ମୁକିଅ ପୁଜାରିମନ୍ ଆରି ପାର୍ଟିନମନର୍ଟାନେ ବେସି କସ୍ଟ ପାଇବି । ସାରାସାରି ମକେ ମରାଇବାଇ, ମାତର୍ ତିନ୍ ଦିନ୍ ଗାଲାପରେ ମୁଇ ଆରି ତରେକ୍ ଜିବନ୍ ଅଇ ଉର୍ବି ।” ୨୨ ପିତର୍ ଜିସୁକେ ଅର୍ଡ୍ରେ ଡାକିନେଇ ସେକ୍ଟି ନ ଅ ବଲି ଦମ୍କାଇଲା । “ପର୍ମେସର୍ ତମ୍କେ କାଇଟା ନ କର, ମାପୁର୍, ତମ୍କେ ଏ ସବୁ କେବେ ମିସା ନଅ ।” ୨୩ ଜିସୁ ପାସ୍ଲି କରି କଇଲା, “ମର୍ ମୁଆଟେଅନି ଦୁରିକେ ଜା ସଇତାନ୍ । ତୁଇ ମର୍ ବାଟ୍ ରୁଟିଦେଲୁସନି । ମକେ ନିରୁ ବଲି କଅ ନାଇ । କାଇକେ ବଇଲେ ତମର୍ ଚିନ୍ତା ମୁନୁସ୍ମାନର୍ତେକଅନି, ପର୍ମେସରର୍ତେକଅନି ନାଇ ।”

୨୪ \*ତାର୍ପରେ ଜିସୁ ସିସ୍ମାନ୍କେ କଇଲା, “କେ ମିସା ମର୍ ସଙ୍ଗ୍ ଆଇବାକେ ମନ୍ କଲେ, ନିଜର୍ ମନ୍ କଲାଟା ସବୁ ଚାଡିଦେଇ, ନିଜର୍ କୁରସ୍ ବଇବାକେ ଅଇସି, ଆରି ମର୍ ପରେ ପରେ ଇଣ୍ଟୁବାକେ ଅଇସି । ୨୫ \*କାଇକେ ବଇଲେ କେ ମିସା ନିଜର୍ ଜିବନ୍ ରକିଆ କର୍ବାକେ ମନ୍ କର୍ସି ବଇଲେ, ସେଟା ସେ ଆରାଇସି, ମାତର୍ ଜେ ମର୍ ଲାଗି ଜିବନ୍ ଦେଇସି, ସେ ସତଇସେ ସେଟା ରକିଆ କର୍ସି । ୨୬ ଜଦି ଗଟେକ୍ ଲକ୍, ଗୁଲାଇ ଜଗଡ୍ ଜିତିକରି ନିଜର୍ ଜିବନ୍ ଆରାଇଦେଇସି ବଇଲେ ସେଟା କାଇ ଲାବ୍ ? ଜିବନ୍ ବାଉଡାଲ ପାଇବାକେ ଆଲେ ସେ କାଇଟା ମିସା ଦେଇ ନାପାରେ । ୨୭ \*ନର୍ପିଲା ମୁଇ ବାବା ପର୍ମେସରର୍ ଡାକ୍ପୁଟା ପାଇ ସରଗ୍ ଦୁଡ୍ମାନର୍ ସଙ୍ଗ୍ ଆରି ତରେକ୍ ଆଇବି । ସେଡ୍କି ବେଲେ ମୁଇ ସବୁ ଲକ୍ କରଇରବା କାମ୍ ଦେକି ପୁରୁସ୍କାର୍ ଦେବି । ୨୮ ମୁଇ ତମ୍କେ ସତ୍ କଇଲିନି, ନର୍ପିଲା ମୁଇ ମର୍ ରାଇଜେ ରାଜା ଅଇ ଆଇବା ଜାକ, ଇତି ରଇଲା କେତେ ଲକ୍ ନ ମରଡ୍ ।”

**୧୭**

**ଜିସୁ ରୁପ୍ ବାଦ୍ଲାଇବାଟା**

(ମାର୍କ ୯:୨-୧୩; ଲୁକ୍ ୯:୨୮-୩୬)

୧ ଚଅ ଦିନପରେ ଜିସୁ ପିତର୍, ଜାକୁବ୍ ଆରି ଜଅନ୍ ଦୁଇ ବାଇକେ ନେଇ ଗଟେକ୍ ଡେଙ୍ଗ୍ ଡେଙ୍ଗ୍ରେ ଗାଲା । ତେଇ କେ ମିସା ନ ରଇଲା । ୨ ସିସ୍ମାନ୍ ଦେକ୍ଲା ଦାପ୍ରେ ଜିସୁ, ଗଟେକ୍ ଦେକ୍ଲେ କାବା ଅଇଜିବା ରୁପ୍ ଅଇ ବାଦ୍ଲି ଗାଲା । ତାର୍ ମୁ ବେଲ୍ ପାରା ଉଜଲ୍ ଅଇଲା ଆରି ପଟିଆର୍ ଉଜଲ୍ ପୁଲ୍ପାରା ଦବ୍ ତିସଲା । ୩ ସିସ୍ମାନ୍ ମସା ଆରି ଏଲିୟ୍ ଜିସୁର୍ ସଙ୍ଗ୍ କାତାବାର୍ତା ଅଇବାଟା ଦେକ୍ଲା । ୪ ପିତର୍ ଜିସୁକେ କଇଲା, “କେତେ ସୁକର୍ କାତା, ଆଜି ଆମେ ଇତି ଆଟୁ । ତମେ ଜଦି ମନ୍ କର୍ସା, ଇତି ମୁଇ ତିନ୍ଟା କୁଟିଆ ତିଆର୍ କର୍ବି । ତମର୍ ପାଇ ଗଟେକ୍, ମସା ଆରି ଏଲିୟର୍ ପାଇ ଦୁଇଟା ।”

୫ \*ପିତର୍ ଏଟା କଇବାବେଲେ ଏଦେ ଦେକା ! କଣ୍ଡେକ୍ ବାଦ୍ଲ୍ ଉଜଲ୍ ଅଇ ସେମନର୍ ଉପ୍ରେ ଉଡି ଆଇଲା ଆରି ତେଇଅନି ଗଟେକ୍ ସର୍ ଆଇଲା “ଏ ମର୍ ଆଲାଦର୍ ପଅ, ଆର୍ ଲଗେ ମୁଇ ବେସି ସାର୍ଦା । ତାର୍ କାତା ମନ୍ ଦେଇ ସୁନା ।”

୬ ସିସ୍ମାନ୍ ସେ ସର୍ ସୁନି ଏଡେକ୍ ଡରି ଗାଲାଜ ଜେ ସେମନ୍ ଉମ୍ତାଡିଅଇ ଅଦ୍ରିଗାଲା । ୭ ଜିସୁ ସେମନର୍ ଲଗେ ଆସି ସେମନ୍କେ ଚିଇ କରି କଇଲା, “ଉଟା, ଡରା ନାଇ ।” ୮ ସେଟାର୍ ପାଇ ସେମନ୍ ଉପ୍ରେ ଦେକ୍ଲାକେ ଜିସୁକେ ଚାଡି ଆରି କେ ତିସତ୍ ନାଇ ।

\* ୧୭:୧୪ ୧୭:୧୪ ମାଡ଼ିତ ୧୪:୧୨; ମାର୍କ ୭:୧୪,୧୫; ଲୁକ୍ ୯:୭,୮ \* ୧୭:୧୭ ୧୭:୧୭ ଜଅନ୍ ୭:୬୮,୭୯ \* ୧୭:୧୯ ୧୭:୧୯ ମାଡ଼ିତ ୧୮:୧୮; ଜଅନ୍ ୨୦:୨୩ \* ୧୭:୨୪ ୧୭:୨୪ ମାଡ଼ିତ ୧୦:୩୮; ଲୁକ୍ ୧୪:୨୭ \* ୧୭:୨୫ ୧୭:୨୫ ମାଡ଼ିତ ୧୦:୩୯; ଲୁକ୍ ୧୭:୩୩; ଜଅନ୍ ୧୨:୨୫ \* ୧୭:୨୭ ୧୭:୨୭ ମାଡ଼ିତ ୨୫:୩୧; ରମିୟ ୨:୬ \* ୧୭:୫ ୧୭:୫ ମାଡ଼ିତ ୩:୧୭;୧୨:୧୮; ମାର୍କ ୧:୧୧; ଲୁକ୍ ୩:୨୨ \* ୧୭:୫ ୧୭:୫ ୨ ଯ୍ ପିତର୍ ୧:୧୭,୧୮

୯ ସେମନ୍ ଡକ୍ଟରେଅନି ଉଡ଼ରି ଆଇଲା ବେଲେ ଜିସୁ ସେମନ୍‌କେ ଆଦେସ୍ ଦେଇ କଇଲା, “ନର୍ପିଲା ମୁଇ ମଲାଟାନେଅନି ଆରିତରେକ୍ ନ ଉଡ଼ବା ଜାକ ଏ ଦେକ୍‌ଲା କାତା ତମେ କାକେ କୁଆ ନାଇ ।”

୧୦ ସିସ୍‌ମନ୍ ତାକେ ପାଚାରଲାଇ “ଆମର୍ ଦରମ୍ ଗୁରୁମନ୍ ଏଲିୟ ପର୍ତୁମ୍ ଆଇସି ବଲି କାଇକେ କଇଲାଇ ଆଚଡ଼ ?”

୧୧ ଜିସୁ କଇଲା, “ଉଁ ଏଲିୟ ପର୍ତୁମ୍ ଆସିକରି ସବୁ ବିସଇ ତିଆର୍ କରି ରଇବା କାତା । ୧୨ ମାତର୍ ମୁଇ ତମକେ କଇଲିନି, ଏଲିୟ ତା ଆସି ସାରଲା ଆଚେ ଆରି ଲକ୍‌ମନ୍ ତାକେ ନ ଚିନି ଜନ୍‌ଟା ମନ୍ କଲା ସେଟା ତାକେ କଲାଇ ଆଚଡ଼ । ସେନ୍ତାରିସେ ନର୍ପିଲା ମକେ ମିସା ସେମନ୍ ସେକ୍ତି କାରାପ୍ ଚଲାଚଲ୍‌ତି କରବାଇ ।”

୧୩ ସେଡ଼କି ବେଲେ ସେମନ୍ ବୁଜି ପାରଲାଇ ଜେ, ଜିସୁ ହୁବନ୍ ଦେଉ ଜଅନର୍ ବିସଇ କଇଲାନି ବଲି ।

**ଜିସୁ ତୁମା ଦାରଲା ପିଲାକେ ନିକ କଲା / (ମାର୍କ ୯:୧୪-୨୯; ଲୁକ୍ ୯:୩୭-୪୩)**

୧୪ ଜିସୁ ଆରି ତାର ସିସ୍‌ମନ୍ ଲକ୍ ଗଉଲି ବିଡ଼ରେ ବାଉତି ଆଇଲା ପଚେ, ଗଟେକ୍ ଲକ୍ ଜିସୁର୍ ଲଗେ ଆସି ମାଣ୍ଡିକୁଟା ଦେଇ କଇଲା, ୧୫ “ମାପରୁ, ମର୍ ପିଲାକେ ଦୟା କରା । ମୁର୍ତା ବେମାର୍ ଲାଗି କସଟ ପାଇଲାନି । ସେ ବେସି ତର୍ ଜଇତେଇ ଆରି ପାନିତେଇ ଅଦ୍‌ରି ଦେଲାନି । ୧୬ ତାକେ ମୁଇ ତମର୍ ସିସ୍‌ମନ୍‌ର୍ ଲଗେ ଆନି ରଇଲି, ମାତର୍ ସେମନ୍ ନିକ କରି ନାପାରଲାଇ ।”

୧୭ ଜିସୁ କଇଲା, “ତମର୍ କେତେ ତାଟ୍ ନ ରଇବା ବିସ୍‌ବାସ୍ ଆରି ବୁଲ୍ ! ତମର୍ ସକ୍ ଆରି ମୁଇ କେତେ ଦିନ୍ ରଇବି ? ଆରି କେତେ ଦିନ୍ ତମର୍ ଚଲାଚଲ୍‌ତିଟା ସୁନି ସୁନି ତୁମ୍‌ପୁତି ରଇବି ? ସେ ପିଲାକେ ମର୍ ଲଗେ ଆନା ।” ୧୮ ପିଲା ବିଡ଼ରେ ରଇଲା କାରାପ୍ ଆଡ଼ମାକେ ଜିସୁ ଦମ୍‌କାଇଲା । କାରାପ୍ ଆଡ଼ମା ଚାଡ଼ି ଉଟିଗାଲା ଆରି ସେ ଦାପ୍‌ରେସେ ପିଲା ନିକ ଅଇଗାଲା ।

୧୯ ତାର ପଚେ ସିସ୍‌ମନ୍ ଜିସୁ ଏକ୍‌ଲା ରଇଲା ବେଲେ ଆସି ତାକେ ପାଚାରଲାଇ, “ଆମେ କାଇକେ ସେ କାରାପ୍ ଆଡ଼ମାକେ କେଦି ନାପାରଲୁ ?”

୨୦ ଜିସୁ ସେମନ୍‌କେ କଇଲା, “ତମର୍ ବିସ୍‌ବାସ୍ ବେସି ଦୁର୍‌ବଲ୍ । ମୁଇ ତମକେ ସଡ଼ କଇଲିନି, ଜଦି ଗଟେକ୍ ସର୍‌ସୁ ମୁଞ୍ଜି ଏଡ଼କି ତମର୍ ବିସ୍‌ବାସ୍ ରଇଲେ, ଏ ଡକ୍‌ଟର୍, ଇତିଅନି ତେଇ ଗୁଟି ଜିବାକେ କଇଲେ, ସେଟା ଗୁଟି ଜାଇସି । ବିସ୍‌ବାସ୍‌ର୍ ଲାଗି ତମେ ସବୁ ବିସଇ କରିପାରାସ୍ ।”

**ଜିସୁ ନିଜର୍ ମରନ୍ ବିସଇ ଆରି ତରେକ୍ କଇଲା**

୨୧ ମାତର୍ ଉପାସ୍ ରଇକରି ପାରତନା ନ କଲେ, କାଇ ବିନ୍ ଉପାଇ ନେଇ ମିସା ଏନ୍ତାରି ତୁମା ବାରଇ ନ ଜାଏ \* ।

୨୨ ସିସ୍‌ମନ୍ ଗାଲିଲିତେଇ ରୁଣ୍ଡିଲା ପଚେ ଜିସୁ ସେମନ୍‌କେ କଇଲା, “ନର୍ପିଲା ମୁଇ ଲକ୍‌ମନ୍‌କେ ସର୍‌ପି ଅଇବାର୍ ଗାଲିନି । ୨୩ ତେଇ ସେମନ୍ ମକେ ମରାଇବାଇ, ମାତର୍ ତିନ୍ ଦିନ୍ ପଚେ ମୁଇ ଆରି ତରେକ୍ ଜିବନ୍ ଅଇ ଉଡ଼ବି ।” ଜିସୁର୍ କାତା ସୁନି ସିସ୍‌ମନ୍ ବେସି ଦୁକ୍ ଅଇଗାଲାଇ ।

**ଜିସୁ ମନ୍‌ରର୍ ସିସ୍‌ତୁମାଞ୍ଜୁମନ୍‌କେ ଦେଲା**

୨୪ ଜିସୁ ଆରି ତାର ସିସ୍‌ମନ୍ କପର୍‌ନାଉମେ କେଟ୍‌ଲା ପଚେ ମନ୍‌ର ପାଇ ସିସ୍‌ତୁମାଞ୍ଜୁମନ୍ ପିତର୍‌କେ ପାଚାରଲାଇ, “ତମର୍ ଗୁରୁ ମନ୍‌ରର୍ ପାଇ ସିସ୍‌ତୁ ଦେଇସି କି ନାଇ ?”

୨୫ ପିତର୍ କଇଲା, “ଦେଇସି ।” ପିତର୍ ଗର୍ ବିଡ଼ରେ ପୁରୁପୁରୁ ଜିସୁ ତାକେ ପାଚାରଲା, “ସିମନ୍, ତମେ କାଇଟା ବାବ୍‌ଲାସ୍‌ନି ? ଏ ଜଗତର୍ ରାଜାମନ୍ କାର୍‌ଟାନେଅନି ସିସ୍‌ତୁ ନେବାଇ ? ତାକର୍ ନିଜର୍ ଦେସର୍ ଲକ୍‌ମନ୍‌ର୍‌ଟାନେଅନି କି ବିନ୍ ଦେସର୍ ଲକ୍‌ମନ୍‌ର୍‌ଟାନେଅନି ?”

୨୬ ପିତର୍ କଇଲା, “ବିନ୍ ଦେସର୍ ଲକ୍‌ମନ୍‌ର୍‌ତେଇଅନି ।” ଜିସୁ କଇଲା, “ସେକ୍ତି ବଇଲେ ରାଇଜର୍ ଲକ୍‌ମନ୍ ସିସ୍‌ତୁ ନ ଦେଅଡ଼ ? ୨୭ ମାତର୍ ଆମେ ଏବେ ସେମନ୍‌କେ ଇନ୍ କର୍‌ବାକେ ମନ୍ କରୁ ନାଇ । ତୁଇ ଗାତେ ଜାଇ ବଡ଼ସି ପାକାଆ ଆରି ଜନ୍ ମାଟ୍ ପର୍‌ତୁମ୍ ଲାଗ୍‌ସି, ତାର ଟଣ୍ଡେଅନି ଗଟେକ୍ ଅଦ୍‌ଲି ମିଲାଇସୁ । ସେଟା ନେଇ ମର୍ ପାଇ ଆରି ତମର୍ ପାଇ ମନ୍‌ରର୍ ସିସ୍‌ତୁମାଞ୍ଜୁମନ୍‌କେ ଦେଇଦେସ୍ ।”

**୧୮**

**ସରଗ୍ ରାଇଜେ ସବୁର୍‌ଟାନେଅନି କେ ବଡ଼ (ମାର୍କ ୯:୩୩-୩୭; ଲୁକ୍ ୯:୪୬-୪୮)**

୧ ସେ ବେଲେ ସିସ୍‌ମନ୍ ଜିସୁକେ ପାଚାରଲାଇ, “ସରଗ୍ ରାଇଜେ ସବୁର୍‌ଟାନେଅନି କେ ବଡ଼ ?” ୨ ଜିସୁ ଗଟେକ୍ ସାନ୍ ପିଲାକେ ଡାକି ସେମନ୍‌ର୍ ଲଗେ ଟିଆକରାଇ କଇଲା, ୩ “ମୁଇ ତମକେ ସଡ଼ କଇଲିନି, ତମର୍ ମନ୍ ବାଦ୍‌ଲାଇ ସାନ୍

☆ ୧୭:୧୨ ୧୭:୧୨ ମାଡ଼ିଉ ୧୧:୧୪ ☆ ୧୭:୨୦ ୧୭:୨୦ ମାଡ଼ିଉ ୨୧:୨୧; ମାର୍କ ୧୧:୨୩; ୧ମ କରନ୍ତ୍ରିୟ ୧୩:୨ \* ୧୭:୨୧ ୧୭:୨୧ ଏ ପଦ୍ ସବୁ ☆ ୧୮:୧ ୧୮:୧ ଲୁକ୍ ୨୨:୨୪ ☆ ୧୮:୩ ୧୮:୩ ମାର୍କ ୧୦:୧୫; ଲୁକ୍ ୧୮:୧୭

ପିଲାମାନଙ୍କ ପାଠ୍ୟ ନ ଅଇଲେ ସରଗ୍ ରାଇଜେ କେବେ ପୁରି ନାପାଠ୍ୟ ।<sup>୪</sup> ଜେ ନିଜ୍ଜକେ ସୁଆଲ୍ କରି ସାନ୍ ପିଲାପାଠ୍ୟ ଅଇସି, ସେ ସରଗ୍ ରାଇଜେ ସବୁରଟାମେଅନି ବଡ଼, <sup>୫</sup> ଆରି, ଜେକି ମର୍ ନାଉଁ ଦାରି ଏ ସାନ୍ ପିଲାକେ ନାମ୍ସି, ସେ ମକେ ମିସା ନାମ୍ସି ।”

**ବିସ୍ବାସେ ବିସ୍**  
(ମାର୍କ ୯:୪୨-୪୮; ଲୁକ୍ ୧୭:୧-୨)

<sup>୬</sup> “ମରତେଇ ବିସ୍ବାସ୍ କରତେ ରଇବା ଏ ସାନ୍ ପିଲାମାନଙ୍କ ବିତ୍ରେଅନି ଗଟେକ୍ ଲକ୍ କେ ଆଲେ ବିସ୍ବାସେ ବାଦା ଗଟାଇସି ବଇଲେ, ତାର୍ ଗାଲାଇ ଜତା ପାକ୍ନା ବାନ୍ଦିକରି ତାକେ ସମ୍ବୁରେ ବୁଡାଇଦେବାଟା ନିକ ଅଇସି ।<sup>୭</sup> ଲକ୍ମାନଙ୍କ ବିସ୍ବାସେ ବାଦା ଗଟାଇବାକେ ବେସି ବିସଇ ଆଚେ । ସେଟାର୍ ପାଇ ଏ ଜଗତର୍ ଦସା ବତେ ଇନସ୍ତା । ସବୁ ବେଲେ ଏନ୍ତ୍ର ବାଦା ଆଇସି, ମାତର୍ ଜେ ବାଦା ଗଟାଇସି, ତାର୍ ଦସା କେତେ ଇନସ୍ତା ଅଇସି !”

†<sup>୮</sup> “ଜଦି ତମେ ତମର୍ ଆଡ଼ ନଇଲେ ପାଦର୍ ଲାଗି ବିସ୍ବାସ୍ ଆରାଇଲାସ୍ନି, ତେବେ ସେଟା କାଟି ପିଙ୍ଗି ଦିଆସ୍ । ଜତେକ୍ ପାଦ୍ ଆରି ଜତେକ୍ ଆଡ଼ ରଇ ସବୁବେଲେ ଲାଗି ରଇବା ଜଏ ପିଙ୍ଗାଇ ଅଇବା ବାଦୁଲେ ଗଟେକ୍ ପାଦ୍ ନଇଲେ ଗଟେକ୍ ଆଡ଼ ନ ରଇ, ନ ସାର୍ବା ଜିବନେ ପୁରବାଟା କେତେ କରମର୍ କାତା ।<sup>୯</sup> † ଜଦି ତମର୍ ଆଁକିର୍ ଲାଗି ତମେ ବିସ୍ବାସ୍ ଆରାଇଲାସ୍ନି ବଇଲେ ତାକେ ବେଟି ପିଙ୍ଗି ଦିଆସ୍ । ଜତେକ୍ ଆଁକି ରଇ ନରକେ ପିଙ୍ଗାଇଅଇବା ବାଦୁଲେ ଗଟେକ୍ ଆଁକି ରଇ ନ ସାର୍ବା ଜିବନେ ପୁରବାଟା କେତେ କରମର୍ କାତା ଅଇସି ।”

**ଆଜିରଇବା ମେଣ୍ଟା**  
(ଲୁକ୍ ୧୫:୩-୭)

<sup>୧୦</sup> † ଏ ସାନ୍ ପିଲାମାନଙ୍କ ବିତ୍ରେ ଅନି ଗଟେକ୍ କେ ମିସା ଇନକରା ନାଇ । ମୁଇ ତମ୍ବକେ କଇଲିନି, ଏ ମନର୍ ଜତନ୍ ନେଇତେ ରଇବା ସରଗର୍ ଦୁତମନ୍ ସବୁ ବେଲା ମର୍ ବାବାର୍ ଲଗେ ଆଚଡ଼ ।

<sup>୧୧</sup> କାଇକେ ବଇଲେ ବାଟ୍ ବାନା ଅଇଲା ଲକ୍ମାନଙ୍କେ କଜି ରକିଆ କରବାକେ ନରପିଲା ମୁଇ ଆଇଲିଆଟି \* ।

<sup>୧୨</sup> ତମେ କାଇଟା ବାବୁଲାସ୍ନି, ଜଦି ଗଟେକ୍ ଲକ୍ମର ସଏଟା ମେଣ୍ଟା ରଇସି ଆରି ସିତିଅନି ଗଟେକ୍ ଆଜି ଜାଇସି, ତେବେ ସେ କାଇଟା କରସି ? ନବେ ନଅଟା ମେଣ୍ଟାକେ ଡଙ୍ଗାରେ ଚାର୍ବାକେ ଚାଡ଼ିଦେଇ ସେ ଆଜ୍ଞା ମେଣ୍ଟାକେ କଜିବାର୍ ବାରଇସି । †<sup>୧୩</sup> ମୁଇ ତମ୍ବକେ ସଡ଼ କଇଲିନି, ଜେତେବଲ୍ ସେ ମେଣ୍ଟା ମିଲାଇସି, ଆଜି ନ ରଇଲା ନବେ ନଅଟା ମେଣ୍ଟାର୍ ପାଇ ତାର୍ ଜେଡ଼କି ସାର୍ଦା, ଏ ଗଟେକ୍ ମେଣ୍ଟାର୍ ପାଇ ସେ ଅଦିକ୍ ସାର୍ଦା ଅଇସି ।<sup>୧୪</sup> ସମାନ୍ ସେନ୍ତ୍ର ସେ, ଏ ସାନ୍ ପିଲାମାନଙ୍କ ତେଇ ଅନି ଗଟେକ୍ ଲକ୍ ମିସା ବାଟ୍ ବାନା ଅଅଡ଼, ଏଟା ତମର୍ ସରଗର୍ ବାବା ମନ୍ କରେ ନାଇ ।

**ଗଟେକ୍ ବାଇ ତମର୍ ବିରୁଦେ ପାପ୍ କଲେ**

<sup>୧୫</sup> † “ଜଦି ତମର୍ ବାଇ ତମର୍ ବିରୁଦେ ପାପ୍ କରସି, ତାର୍ ଲଗେ ଜାଇ ତାର୍ ପାପ୍ ତାକେ ଦେକାଇ ଦିଆସ୍ । ମାତର୍ ତମେ ଦୁଇ ଲକ୍ ରଇଲା ବେଲେ ଏଟା ଲୁଚ୍ତେ କରା । ଜଦି ସେ ତମର୍ କାତା ସୁନ୍ସି, ତମର୍ ବାଇକେ ତମେ ଆରି ତରେକ୍ ପାଇସା ।<sup>୧୬</sup> ଆରି ଜଦି ସେ ନ ସୁନ୍ଲେ, ଗଟେକ୍ ଲକ୍ କେ ନଇଲେ ଦୁଇ ଲକ୍ କେ ଡାକି ନେଇ ତାର୍ ଲଗେ ଜାଆ । ଆମର୍ ସାସ୍ତର୍ ନିୟମ୍ ଇସାବେ, ଦୁଇଟା ନଇଲେ ତିନ୍ତା ସାକିର୍ ମୁଆଟେ ତମର୍ ଦାବି ସଡ଼ ବଲି ଜାନା ପଡ଼ସି ।<sup>୧୭</sup> ଏଲେ ମିସା ଜଦି ସେ ତମର୍ କାତା ନ ସୁନେ, ମଣ୍ଡଲିତେଇ ଜାନାଇ ଦିଆସ୍ । ସାରାସାରି ଜଦି ମଣ୍ଡଲିର୍ କାତା ମିସା ନ ସୁନେ ବଇଲେ, ତାକେ ଗଟେକ୍ ସିସ୍ତୁମାଙ୍ଗୁ, ବିସ୍ବାସ୍ ନ କରବା ଲକ୍ ବଲି ବାବିକରି, ତାର୍ ସଙ୍ଗ୍ ମିଲାମିସା କରବାଟା ଚାଡ଼ି ଦିଆସ୍ ।

**ଜଗତର୍ ଆରି ସରଗର୍ ବିସଇ**

<sup>୧୮</sup> † “ମୁଇ ତମ୍ବକେ ସଡ଼ କଇଲିନି, ତମେ ଏ ଜଗତେ ଜାଇଟା ନାଇ ବଲ୍ସା, ସେଟା ସର୍ଗେ ମିସା ନାଇ ଅଇସି । ଆରି ଜନ୍ତା ପାଇ ତମେ ଜଗତେ ଡ଼ କଇସା, ସେଟା ସର୍ଗେ ମିସା ଡ଼ ଅଇସି ।<sup>୧୯</sup> କାଲି ସେଡ଼କି ନଏଁ, ମୁଇ ତମ୍ବକେ ସଡ଼ କଇଲିନି, ଜେତେବେଲେ ମିସା ଏ ଜଗତେ ତମେ ଦୁଇ ଲକ୍ ଜନ୍ ବିସଇ ନେଇକରି ଗଟେକ୍ ମନ୍ ଅଇକରି ପାର୍ତନା କଲେ, ମର୍ ସରଗର୍ ବାବା ତମେ ମାଙ୍ଗୁଲାଟା ପୁରନ୍ କରସି ।<sup>୨୦</sup> କାଇକେ ବଇଲେ ଜନ୍ତ୍ର ଦୁଇ କି ତିନ୍ ଲକ୍ ରୁଣ୍ଡିକରି ମର୍ ନାଉଁ ଦାର୍ବାଇ, ତେଇ ମୁଇ ଆଟି ।”

**କେମା ନ ଦେଇରଇଲା ଦାଙ୍ଗୁଡା**

<sup>୨୧</sup> † ଦିନେକ୍ ପିତର୍ ଜିସୁର୍ ଲଗେ ଆସି ପାଟାରଲା, “ମାପୁରୁ, ଗଟେକ୍ ବାଇ ମର୍ ବିରଦେ ତରକେ ତର୍ ଦସ୍ କରତେ ରଇଲେ, ତାକେ ମୁଇ କେତେ ତର୍ କେମା କରବି ? କାଇ ସାଡ଼ ତର୍ କି ?”

† ୧୮:୮ ୧୮:୮ ମାତ୍ରିକ ୫:୩୦ \* ୧୮:୯ ୧୮:୯ ମାତ୍ରିକ ୫:୨୯ \* ୧୮:୧୦ ୧୮:୧୦ ଲୁକ୍ ୧୯:୧୦ \* ୧୮:୧୧ ୧୮:୧୧ ଏ ପଦ୍ ସବୁ ପୁରନା ପାଣ୍ଡୁ ଲିପି ଗନେ ନାଇ † ୧୮:୧୨ ୧୮:୧୨ ଏ ପଦ୍ ସବୁ ପୁରନା ପାଣ୍ଡୁ ଲିପିଗନେ ନାଇ \* ୧୮:୧୫ ୧୮:୧୫ ଲୁକ୍ ୧୭:୩ \* ୧୮:୧୮ ୧୮:୧୮ ମାତ୍ରିକ ୧୭:୧୯; ଜଅନ୍ ୨୦:୨୩ \* ୧୮:୨୧ ୧୮:୨୧ ଲୁକ୍ ୧୭:୩,୪

୨୭ ଜିସୁ କଇଲା, “ନାଇ ସାଡ଼ ତର ନାଇ । ସାଡ଼ ତରର ସତୁରି ଗୁନ୍ । ୨୩ ସରଗ ରାଇଜର୍ ଆରି ଗଟେକ୍ କାତା ସୁନ୍ । ଗଟେକ୍ ରାଜା ଦିନେକ୍ ତାରଟାନେ କାମକରୁମନ୍ ରୁନ୍ ନେଇରଇବାଟା ଇସାବ୍ କିତାବ୍ କରବାକେ ମନ୍ କଲା । ୨୪ ସେ ଇସାବ୍ କରବାବେଲେ ତାରଟାନେ ଗଟେକ୍ କାମ୍ କରୁ ଲାକ୍ ଲାକ୍ ଟାଙ୍ଗା ରୁନ୍ ନେଇରଇଲା ଲକ୍‌କେ ରାଜାର ଲଗେ ଆନ୍‌ଲାଇ । ୨୫ ରୁନ୍ ସୁଜବାକେ ସେ ଲକରଟାନେ ସେଡ଼କି ବପୁ ନ ରଇଲା । ତେବର୍‌ପାଇ ରୁନ୍ ବାନ୍‌ବାକେ ବଲି ତାରଟାନେ ଜେଡ଼କି ରଇଲାଟା ବିକିକରି ତାକେ, ତାର୍ ମାଇଜିକେ ଆରି ତାର୍ ପିଲାଟକିମନ୍‌କେ ଗତି ଇସାବେ ବିକିଦେବାକେ ରାଜା ଆଦେସ୍ ଦେଲା ।” ୨୬ କାମ୍ କରୁ ରାଜାର୍ ପାଦ୍‌ତଲେ ଅଦ୍‌ରି ଗୁଆରି କରି କଇଲା “ଆଗିଆଁ ଆରି କେତେଦିନ୍ ଜାଗା, ମୁଇ ତମର୍ ସବୁଜାକ ରୁନ୍ ସୁଜିଦେବି ।” ୨୭ ରାଜା ତାକେ ଦୟା କଲା । ତେବର୍‌ପାଇ ତାକେ କେମା କରି ରୁନ୍ ନ ବାନ୍‌ଇ ଚାଡ଼ିଦେଲା ।

୨୮ ମାତର୍ ସେ ଗତି ବାରଇ ଜାଇ ତାରତେଇ ଅନି ପତାସ୍ ଟାଙ୍ଗା ରୁନ୍ କରି ରଇବା ଗଟେକ୍ ମିସ୍‌ତେ ରଇବା ଗତିଦାଙ୍ଗ୍‌ତାକେ ଦାରି ତାର୍ ଟର୍‌ରି ପିଟକ୍‌ବାର୍ ଦାରଲା, “ମର୍‌ତେଇଅନି ନେଇ ରଇଲା ସବୁ ତାରୁ ବାଉଡାଇ ଦେ ।”

୨୯ ସେ ଗତି ଦାଙ୍ଗ୍‌ତା ତାର୍ ଗତେଦାରି ବାବୁଜିଆ କରି କଇଲା, “ସାଆସ୍ ଦାରା, ତମର୍ ସବୁ ତାରୁ ସୁଜି ଦେବି ।”

୩୦ ମାତର୍ ପର୍‌ତୁମ୍ ଲକ୍, ସେ ଗୁଆରି କଲାଟା ସୁନେ ନାଇ, ରୁନ୍ ସୁଜବା ଜାକ ତାକେ ବନ୍ଦି ଗରେ ପୁରାଇ ସଙ୍ଗଇବାକେ ଡିଆରୁଲା । ୩୧ ଏଟା ଅଇଲାଟା ଦେକି ବିନ୍ କାମ୍ କରୁମନ୍ ଦୁକ୍ କଲାଇ । ସେମନ୍ ରାଜାର୍ ଲଗେ ଜାଇ ଜନ୍ ଜନ୍‌ଟା ଅଇରଇଲା, ସବୁ ଜାନାଇଲାଇ । ୩୨ ରାଜା ପର୍‌ତୁମ୍ କାମ୍ କରୁକେ ଡାକାଇ କଇଲା, “ଅଇରେ ମୁରକ ଦାଙ୍ଗ୍‌ତା, ତୁଇ ଗୁଆରି କଲୁସ୍ ଜେ ମୁଇ ତର ସବୁ ରୁନ୍ ଚାଡ଼ି ଦେଲି । ୩୩ ମୁଇ ଜେନ୍ତି ତକେ ଦୟା କଲି, ତୁଇ ମିସା ତର ସଙ୍ଗର୍ କାମ୍ କରୁକେ ଦୟା କରବାର୍ ରଇଲା ।” ୩୪ ରାଜା ବେସି ରିସା ଅଇଗାଲା ଆରି ସବୁ ଜାକ ରୁନ୍ ନ ସୁଜବା ଜାକ ଡଣ୍ଡ ପାଅ ବଲି ତାକେ ବନ୍ଦି ଗରେ ପାଟାଇ ଦେଲା ।

୩୫ ଜିସୁ ଏ କାତା କଇସାରାଇ କଇଲା, “ତମର୍ ବିରୁଦେ ଦସ୍ କରି ରଇବା ବାଇମନ୍‌କେ ମନ୍ ବିଡ଼ରେଅନି ଜଦି କେମା ନ ଦିଆସ୍, ତେବେ ମର୍ ସରଗର୍ ବାବା ମିସା ତମ୍‌କେ ଏନ୍ତାରିସେ କର୍‌ସି ।”

**୧୯**

**ଚାଡ଼ାମେଲା ବିସଇ ନେଇ ସିକିଆ  
(ମାର୍‌କ ୧୦:୧-୧୨)**

୧ ଜିସୁ ଏ ସବୁ କଇସାରୁଲା ପଟେ ଗାଲିଲି ଚାଡ଼ିକରି ଜର୍‌ଦନ୍ ଗାଡ଼ ସେପାଟେ ରଇଲା ଜିଉଦା ଜାଗାଇ କେର୍‌ଲା । ୨ ବେସି ଲକ୍‌ମନ୍ ତାର୍ ସଙ୍ଗ ଗାଲାଇ ଆରି ସେ କେତେକ୍ କେତେକ୍ ରଗିମନ୍‌କେ ନିକ କଲା ।

୩ କେତେଟା ପାରୁସିମନ୍ ଜିସୁକେ ବୁଲ୍ ଦାରବାକେ ଚେସ୍‌ଟା କଲାଇ । ସେମନ୍ ତାର୍ ଲଗେ ଆସି ପାଟାରୁଲାଇ, “ମସାର୍ ରିଡିନିଡି ଇସାବେ ଗଟେକ୍ ଲକ୍ କାଇଆଲେ ବୁଲର୍ ପାଇ ବଲି ତାର୍ ମାଇଜିକେ ଚାଡ଼ି ଦେଇ ପାରେ କି ?”

୪ ଜିସୁ କଇଲା, “ସାସ୍‌ତରେ ପତାସ୍ ନାଇ କି ? ଆଦିପୁର୍‌ବେ ପର୍‌ମେସର୍ ନର୍ ଲକ୍‌କେ ମୁନୁସ୍ ଆରି ମାଇଜି କରି ଡିଆର୍ କଲା । ୫ ସେତେବେଲେ ମାପୁରୁ କଇରଇଲା, ଏଟାର୍ ପାଇ ବଲି ମୁନୁସ୍, ତାର୍ ଆୟା ବାବାର୍‌ତେଇ ଅନି ବିନେ ଅଇସି ଆରି ସେମନ୍ ଦୁଇ ଲକ୍ ଗଟେକ୍ ଅଇବାଇ । ୬ ଆରି ସେମନ୍ ଅଲ୍‌ଗା ନ ଅଅଡ଼, ମିସି ରଇବାଇ । ସେମନ୍ ଦୁଇଲକ୍ ଇସାବେ ନ ରଅଡ଼ । ଜନ୍ ଲକ୍‌ମନ୍‌କେ ପର୍‌ମେସର୍ ଜଡିଆଟେ, ଲକ୍‌ମନ୍ ସେମନ୍‌କେ ବେଗ୍‌ଲାଇବାଟା ଟିକ୍‌ନାଇ ।”

୭ ପାରୁସିମନ୍ ଆରି ପାଟାରୁଲାଇ, “ସେନ୍ତାର୍ ଆଲେ ମାଇଜିକେ ରାଜିନାମା ପତର୍ ଲେକି ଚାଡ଼ି ଦେବାକେ ମସା କାଇକେ ନିୟମ୍ କଲାଆଟେ ?”

୮ ଜିସୁ କଇଲା, “ତମର୍ ମନ୍‌ବିଡ଼ରର୍ ବୁଜବା ବପୁ ଦୁର୍‌ବଲ୍ ରଇଲାଟା ଦେକି ମସା ତମର୍ ମାଇଜିମନ୍‌କେ ଚାଡ଼ବାକେ ରାଜି ଅଇଲା । ମାତର୍ ଆଦିପୁର୍‌ବେ ଡିଆର୍ ଅଇଲା ବେଲେ ଏନ୍ତାରି ନିୟମ୍ ନ ରଇଲା । ୯ ମାତର୍ ମୁଇ ତମ୍‌କେ କଇଲିନି, କେ ମିସା ତାର୍ ମାଇଜିକେ ବେସିଆ କାମ୍ ଅପ୍‌ରାଦ୍‌କେ ଚାଡ଼ି, ବିନ୍ କାଇଆଲେ କାମର୍ ପାଇ ଚାଡ଼ାମେଲା କରି, ବିନ୍ ମାଇଜିକେ ସଙ୍ଗଲେ, ସେ ସେ ନିଜେ ଦାରିଆ ଅଇସି ।”

୧୦ ଜିସୁର୍ ସିସ୍‌ମନ୍ କଇଲାଇ, “ଜଦି ମାଇଜି ମୁନୁସର୍ ବିଡ଼ରେ ଏନ୍ତାରି ଆଟେ ବଇଲେ, ବିବା ନ ଅଇବାଟା ନିକ ।”

୧୧ ଜିସୁ କଇଲା, “ଏ ସିକିଆ ସବୁ ଲକ୍ ନ ମାନଡ଼ । ପର୍‌ମେସର୍ ଟାନେଅନି ଜନ୍‌ଲକ୍‌ମନ୍‌କେ ଏଟା ଦିଆଅଇଆଟେ ସେମନ୍‌ସେ ଏଟା ମାନ୍‌ବାଇ । ୧୨ ବିନ୍ ବିନ୍ କାମର୍‌ପାଇ ଲକ୍‌ମନ୍ ବିବା ନ ଅଇ ରଇଜିବାଇ । କେତେ ଲକ୍ ଜନମେ ଅନି ବେଜୁ ଅଇ ବିବାଅଇ ନାପାରଡ଼ । କେତେ ଲକ୍‌କେ ମୁନୁସ୍‌ମନ୍ ସେନ୍ତାରି କରି ଆଟଡ଼, ଆରି କେତେ ଲକ୍ ସରଗ୍ ରାଇଜର୍ ପାଇ କାମ୍ କରବାକେ ବିବା ନ ଅଇକରି ଆଟଡ଼ । ଜନ୍ ଲକ୍‌ମନ୍ ଏ ସିକିଆର୍ ଅରଡ଼ ବୁଜିପାରୁଲାଇନି, ସେମନ୍ ସେଟା ମାନଡ଼ ।”

**ଜିସୁ ସାନ୍ ପିଲାମନ୍‌କେ ଆସିର୍‌ବାଦ୍ କଲା  
(ମାର୍‌କ ୧୦:୧୩-୧୬; ଲୁକ୍ ୧୮:୧୫-୧୭)**

☆ ୧୯:୭ ୧୯:୭ ମାଡ଼ିତ ୫:୩୧ ☆ ୧୯:୯ ୧୯:୯ ମାଡ଼ିତ ୫:୩୨; ୧୮ କରନ୍ତିୟ ୭:୧୦,୧୧



୧୩ କେତେ ଲକ୍ ପିଲାମାନର ଉପରେ ଆଡ଼ ସଙ୍ଗେ ପାର୍ତନା କରାବଳେ, ସେମାନଙ୍କେ ଜିସୁର ଲଗେ ଆନୁଲା । ମାତର ସିସ୍ତମନ୍ ସେମାନଙ୍କେ ଦମକାଇଲା । ୧୪ ମାତର ଜିସୁ କଇଲା, “ସାନ୍ ପିଲାମାନଙ୍କେ ମର ଲଗେ ଆଇବାକେ ବାଟ ଦିଆସ୍ । ସେମାନଙ୍କେ ମନା କରା ନାଇ । କାଇକେ ବଇଲେ ଏମନ୍ ଆକା ସରଗ୍ ରାଇଜେ ରଇବା ଲକ୍ ।”

୧୫ ଜିସୁ ପିଲାମାନର ଉପରେ ଆଡ଼ ସଙ୍ଗେ ଆସିରବାଦ୍ କଲା । ପଚେ ସେ ତେଇଅନି ଉଟିଗାଲା ।

ଗଟେକ୍ ସାଉକାର୍ ପିଲା  
(ମାରକ ୧୦:୧୭-୩୧; ଲୁକ୍ ୧୮:୧୮-୩୦)

୧୬ ଦିନେକ୍ ଗଟେକ୍ ସାଉକାର୍ ପିଲା ଜିସୁର ଲଗେ ଆସି ପାଚାରଲା, “କାଇ ନିକ କାମକଲେ, ନ ସାର୍ବା ଜିବନ୍ ମିଲ୍ସି ?”

୧୭ ଜିସୁ ତାକେ କଇଲା, “ନିକ କାମ୍ ବିସଇ ନେଇକରି ମକେ କାଇକେ ପାଚାରଲୁସ୍ନି ? ପର୍ମେସର୍ସେ ସଡ଼ । ତାର୍ ଆଦେସ୍ ମାନଲେ, ନ ସାର୍ବା ଜିବନ୍ ମିଲାଇସୁ ।”

୧୮ ସେ ପାଚାରଲା, “କାଇ କାଇ ଆଦେସ୍ ?”

ଜିସୁ କଇଲା, “ନର୍ ଲକ୍ମନଙ୍କେ ମରାଇବାର ନାଇ, ବେସିଆ କାମ୍ କରବାର ନାଇ, ଚରାଇବାର ନାଇ, କାର୍ ବିରୁଦେ ମିର୍ ସାକି ଦେବାର ନାଇ । ୧୯ ଆୟା ବାବାର ସେବା କରା ଆରି ତମର୍ ପତିସାର୍ ଲକ୍ମନଙ୍କେ ନିଜର୍ ପାରା ଆଲାଦ୍ କରା ।”

୨୦ ସେ ବେଣ୍ଟିଆ କଇଲା, “ମୁଇ ଏ ସବୁ ଆଦେସ୍ ମାନି ଆଇଲିନି । ଆରି କାଇଟା କରବାର୍ ଆଚେ ?”

୨୧ ଜିସୁ ତାକେ କଇଲା, “ତୁଇ ଜଦି ସିଦ୍ ଅଇବାକେ ମନ୍ କଲୁସ୍ନି ବଇଲେ, ଜାଆ ତର୍ଟାନେ ରଇବା ସବୁଜାକ ବିକି ଦେଇ, ସେ ତାରୁ ଗରିବ୍ ଲକ୍ମନଙ୍କେ ଦାନ୍ କରିଦେସ୍ । ଏଟା ସବୁ କରି ସାରାଇ ମର୍ ସଙ୍ଗ୍ ଆଉ । ସେନ୍ତାର୍ କଲେ ତକେ ସର୍ଗେ ଦନ୍ ମିଲ୍ସି ।”

୨୨ ଏଟା ସୁନି କରି ସେ ବେଣ୍ଟିଆ ମୁ ଉଡ଼ରାଇଦେଇ ତେଇଅନି ଉଟିଗାଲା । କାଇକେ ବଇଲେ ସେ ଲକ୍ ବେସି ସାଉକାର୍ ରଇଲା ।

୨୩ ଜିସୁ ସିସ୍ତମନ୍ଙ୍କେ କଇଲା, “ମୁଇ ତମ୍ଙ୍କେ ସଡ଼ କଇଲିନି, ସାଉକାର୍ ଲକ୍ମନ ସରଗ୍ ରାଇଜେ ସଲ୍ଙ୍କେ କେଟ୍‌ବାଟା ବଡେ ଆବଡ଼ । ୨୪ ଆରି ତରେକ୍ କଇଲିନି, ଗଟେକ୍ ବଡ଼ଟା ପସୁ ଜେନ୍ତି ସୁଜି କାଶାବାଟେ ଚିଙ୍ଗିଲି ଜିବାକେ ଆବଡ଼, ସାଉକାର୍ ଲକ୍ ସରଗ୍ ରାଇଜେ କେଟ୍‌ବାଟା ଅଦିକ୍ ଆବଡ଼ ।” ୨୫ ସିସ୍ତମନ୍ ଏ କାତା ସୁନି କାବାଅଇଜାଇ ପାଚାରଲାଇ, “ଏନ୍ତି ବଇଲେ କେ ତେବେ ମୁକ୍ତି ପାଇପାରସି ?”

୨୬ ଜିସୁ ସେମାନର୍ ବାଟେ ଦିରେକରି ଦେକି କଇଲା, “ମୁନୁସ୍‌ମାନର୍ଟାନେ ଏଟା ଅଇନାପାରେ, ମାତର ପର୍ମେସରର୍ ଟାନେ ସବୁଟା ଅଇପାରସି ।”

୨୭ ଏ କାତା ସୁନି ପିତର୍ କଇଲା, “ଦେକା, ଆମେ ସବୁଜାକ ଚାଡ଼ିକରି ତମର୍ ସଙ୍ଗ୍ ଆସିଆରୁ । ତେବେ ଆମ୍ଙ୍କେ କାଇଟା ମିଲ୍ସି ?”

୨୮ ✨ଜିସୁ ସେମାନଙ୍କେ କଇଲା, “ଏ କାତା ସଡ଼ ବଲି ଜାନ୍‌ସା, ଜେତେବେଲେ ନୁଆ ଜୁଗେ ନର୍ପିଲା ମୁଇ ମର୍ ତାକ୍‌ପୁଟା ଅଇବା ବସ୍‌ବାଟାନେ ବସ୍‌ବି । ମର୍ ବାର୍ଟା ସିସ୍, ତମେ ମିସା, ବାର୍ଟା ବସ୍‌ବାଟାନେ ବସି ଇସ୍‌ରାଏଲର୍ ବାର୍ଟା କୁଟୁମ୍ଙ୍କେ ସାସନ୍ କରସା । ୨୯ ଜନ୍ ଲକ୍ମନ ମର୍ଲାଗି ନିଜର୍ ଗର୍, ବାଇ ବଇନି, ଆୟା ବାବା, ପିଲାଟକି ଆରି ଜମିବାଡ଼ି ଚାଡ଼ି ଆତଡ଼, ସେମନ୍ ତାର୍ ସଏ ଗୁନ୍ ଆସିରବାଦ୍ ପାଇବାଇ, ଆରି ନ ସାର୍ବା ଜିବନ୍ ମିସା ପାଇବାଇ । ୩୦ ✨ଏବେ ଜନ୍ ଲକ୍ମନ ଆଗ୍ଡୁ ଆତଡ଼, ସେମାନର୍ ବିଡ଼ରେଅନି ବେସି ଲକ୍ ପଚେ ଅଇଜିବାଇ । ଆରି ଜନ୍ ଲକ୍ମନ ପଚେ ଆତଡ଼, ସେମାନର୍ ବିଡ଼ରେ ଅନି ବେସି ଲକ୍ ଆଗ୍ଡୁ ଅଇଜିବାଇ ।”

୨୦

ଅଙ୍ଗୁର୍ ବାତର ବୁଡ଼ିଆର୍ମନ୍

୧ ସରଗ୍ ରାଇଜ୍ କେନ୍ତିଟା, ଏଟାର୍ ପାଇ ଆରି ଗଟେକ୍ କାତା ସୁନା । ଦିନେକ୍ ଗଟେକ୍ ଲକ୍ ସାକାଲ୍ ସାକାଲ୍ ତାର୍ ଅଙ୍ଗୁର୍ ବାତେ କାମ୍ କରାଇବାକେ କୁଲିଆର୍ମନଙ୍କେ କଜ୍‌ବାର୍ ବାରଇଲା । ୨ ସେ ଜନ୍ ଲକ୍ମନଙ୍କେ ମିସ୍‌ଲା, ସେମାନଙ୍କେ ଗଟେକ୍ ଦିନଙ୍କେ, ଗଟେକ୍ ଲାକା ରୁପାଟାଙ୍ଗା କୁଲି ଦେବାକେ ରାଜି କରି ତାର୍ ବାତେ ପାଟାଇଲା । ୩ ତାର୍ ପଚେ ସାକାଲିଆ ନଅଟା ବେଲେ ଆଟେ ଜାଇ, ଗଟେକ୍ ଦଲର୍ ଲକ୍ କାଇ କାମ୍ ନ କରି ଚିଆଅଇ ରଇଲାଟା ଦେକ୍‌ଲା । ୪ ସେ ଲକ୍ ସେମାନଙ୍କେ କଇଲା, “ତମେ ମିସା ମର୍ ଅଙ୍ଗୁର୍ ବାତେ ଜାଇ କାମ୍ କରା, ତମ୍ଙ୍କେ ମିସା ସମାନ୍ ଇସାବେ ବୁଡ଼ି ଦେବି ।” ୫ ସେମନ୍ ଜାଇ କାମ୍ କରବାର୍ ଦାରଲାଇ । ସେନ୍ତାରିସେ ମୁଣ୍ଡବେଲାଇ, ଆଡ଼ବେଲାଇ ମିସା ଆରି କେତେଟା କୁଲିଆର୍ମନଙ୍କେ ଆନି କାମେ ମିସାଇଲା । ୬ ସଞ୍ଜୁଆ ପାର୍ଟା ବେଲା ଆରି ତରେକ୍ ଆଟେ ଜାଇ ଆରି କେତେ ଲକ୍ ରୁତାଇ ଚିଆଅଇରଇବାଟା ଦେକ୍‌ଲା । ସେମାନଙ୍କେ ପାଚାରଲା “ଗୁଲାଇ ମୁଇଦାନ୍ କାମ୍ ନ କରି କାଇକେ ଇତି ଉଜେ

☆ ୧୯:୨୮ ୧୯:୨୮ ମାତୃତ୍ୱ ୨୫:୩୧; ଲୁକ୍ ୨୨:୩୦ ☆ ୧୯:୩୦ ୧୯:୩୦ ମାତୃତ୍ୱ ୨୦:୧୬; ଲୁକ୍ ୧୩:୩୦

ଉଜ୍ଜେ ଆଚାସ୍ ?” ୭ ସେମନ୍ ତାକେ କଇଲା, “ଆମକେ ତା କେ ମିସା କାମେ ମିସାଅଡ଼ ନାଇ ।” ସାଉକାର ସେମନ୍କେ କଇଲା “ସେନ୍ତାଆଲେ ତମେ ସବୁ ଲକ୍ ମର୍ ଅଛୁର୍ ବାତେ ଜାଇ କାମ୍ କରା ।”

୮ ସେ ଦିନେ ସଞ୍ଜ ଅଇଲାକେ ଅଛୁର୍ ବାତର୍ ସାଉକାର ଗୁମୁସ୍ତାକେ କଇଲା, “କୁଲିଆର୍ମନ୍କେ ତାକ୍ । ଜନ୍ ଲକ୍ମନ୍ ସବୁର୍ ପତେ କାମ୍ ଦାରିଲା, ସେମନ୍କେ ଆଗେ ବୁଡି ଦେଇଦେସ୍ । ଜନ୍ ଲକ୍ମନ୍ ସବୁର୍ତେଇଅନି ପର୍ତୁମ୍ କାମେ ମିସି ଆଚଡ଼, ସେମନ୍କେ ତାକର୍ ବୁଡି ସାରାସାରି ପତେ ଦେସ୍ ।” ୯ ଜନ୍ ଲକ୍ମନ୍ ସଞ୍ଜୁଆ ପାଁର୍ଟା ବେଲେ କାମେ ମିସି ରଇଲା ସେମନ୍କେ ସବୁ ଲକ୍କେ ଗଟେକ୍ ଗଟେକ୍ ରୁପା ଟାଙ୍ଗା ଦେଲା । ୧୦ ଜନ୍ ଲକ୍ମନ୍ ପର୍ତୁମ୍ କାମ୍ ଆରାମ୍ କରି ରଇଲା, ସେମନ୍କେ ଅଦିକ୍ ବୁଡି ମିଲ୍ସି ବଲି ଆସା କଲା । ମାତର୍ ସେମନ୍ ମିସା ଗଟେକ୍ସେ ରୁପା ଟାଙ୍ଗା ମିଲାଇଲା । ୧୧ ସେମନ୍ ସେଡକି ନେଇ ମୁର୍ମୁରା ଅଇକରି ସାଉକାରର୍ ବିରୁଦେ କଇଲା, ୧୨ “ସଞ୍ଜୁଆ ପାଁର୍ଟା ବେଲେ କାମ୍ ଆରାମ୍ କଲା କୁଲିଆର୍ମନ୍ ଏକାଇ ଗଟେକ୍ ଗାଁଟାସେ କାମ୍ କଲା ଆଚଡ଼ । ଆମେ ଟାଇ ଟାଇ କାରାଇ, ଦିନଜାକ କଟ୍ଲୁ, ଏଲେ ମିସା ବୁଡି ଦେବା ବେଲେ ଆମ୍‌କେ ମିସା ସେମନ୍ର୍ ସଙ୍ଗ୍ ସମାନ୍ କରିଦେଲାସ୍ ।”

୧୩ ସାଉକାର ସେମନ୍ର୍ ବିଡ଼ରେଅନି ଗଟେକ୍ ଲକ୍କେ କଇଲା, “ମଇତର୍ ମୁଇ ତମ୍‌କେ ନାତାଇ ନାଇ । ଗଟେକ୍ ଦିନର୍ ବୁଡି ପାଇ ଗଟେକ୍ ରୁପା ଟାଙ୍ଗା ନେଇ କାମ୍‌କର୍ବାକେ ତମେତା ସବୁ ଲକ୍ ରାଜି ଅଇରଇଲାସ୍ । ୧୪ ତମର୍ ସେଡକି ବୁଡି ଦାରି ଗରେ ଜାଆ । ତମ୍‌କେ ଜେଡକି ଦେଲି ଆରି, ଗଟେକ୍ ଗାଁଟା କାମ୍ କରିରଇବା ଲକ୍ମନ୍କେ ମିସା ସେଡକିସେ ଦେବାକେ ମର୍ ମନ୍ । ୧୫ ମର୍ ନିଜର୍ ଦନ୍, ମୁଇ ଜେନ୍ତି ମନ୍ କଲିନି, ସେନ୍ତି କର୍ତ କର୍ବାକେ ମର୍କାଇ ଅଦିକାର୍ ନାଇ କି ? କି ମୁଇ ଦାନ୍ ଇସାବେ ଦେଲିନି ବଲି ଆକାର୍ ଅଇଲାସ୍ନି ?”

୧୬ ଖ୍ରୀଷ୍ଟୁ ଏ କାତା କଇସାରାଇ କଇଲା, “ଜନ୍ ଲକ୍ମନ୍ ଏବେ ପତେ ଆଚଡ଼ ସେମନ୍, ଆଗ୍ତୁ ଅଇବାଇ । ଆରି ଜନ୍ ଲକ୍ମନ୍ ଆଗ୍ତୁ ଆଚଡ଼ ସେମନ୍ ପତେ ସେ ରଇଜିବାଇ ।”

**ଜିସୁ ତାର୍ ମରନ୍ ବିସଇ ଏଟାସଙ୍ଗ୍ ତିନ୍ତର୍ ଜାନାଇଲା**  
(ମାର୍କ ୧୦:୩୨-୩୪; ଲୁକ୍ ୧୮:୩୧-୩୪)

୧୭ ଜିସୁ ଜିରୁସାଲମ୍ ଜିବା ବାଟେ ତାର୍ ବାଟା ସିସମନ୍କେ ଗଟେକ୍ ଲଗେ ଡାକି ନେଇ, କେ ନଇଲା ବେଲେ କଇଲା, ୧୮ “ସୁନା, ଆମେ ଜିରୁସାଲମେ ଗାଲୁନି । ତେଇ ନର୍ପିଲା ମୁଇ, ମୁକିଅ ପୁଜାରି ଆରି ଦରମ୍ ଗୁରୁମନ୍କେ ସର୍ପି ଅଇବି । ସେମନ୍ ମକେ ମରନ୍ ଡଣ୍ଡ ଦେବାଇ । ୧୯ ତାର୍ପତେ ସେମନ୍ ମକେ, ଜିଉଦି ନ ଅଇଲା ଲକ୍ମନ୍କେ ସର୍ପି ଦେବାଇ । ଜିଉଦି ନ ଅଇଲା ଲକ୍ମନ୍, ମକେ କିଜାଇବାଇ, କର୍ତା ସଙ୍ଗ୍ ମାର୍‌ବାଇ ଆରି କୁର୍ସେ ଚଗାଇବାଇ । ମାତର୍ ତିନ୍ଦିନ୍ ପତେ ମୁଇ ଆରି ତରେକ୍ ଜିବନ୍ ଅଇ ଉର୍ବି ।”

**ଗଟେକ୍ ମାଆର୍ ଗୁଆରି**  
(ମାର୍କ ୧୦:୩୫-୪୫)

୨୦ ସେଡକିବେଲେ ଜେବଦିର୍ ମାଇଜି ତାର୍ ଦୁଇଟା ପିଲାମନ୍ର୍ ସଙ୍ଗ୍ ଜିସୁରଲଗେ ଆସି ତାକେ କୁଆର୍କରି, ଗଟେକ୍ ବିସଇ ମାଙ୍ଗା ।

୨୧ ଜିସୁ ତାକେ ପାଚାରିଲା, “ତୁଇ କାଇଟା ମନ୍ କଲୁସ୍ନି ?” ସେ କଇଲା, “ଜେଡେବଲ୍ ତମେ ତମର୍ ରାଇଜେ ରାଜା ଅଇସା, ମର୍ ଏ ଦୁଇଟା ପିଲାମନ୍କେ ତମର୍ ଡେବ୍ରି ବାଟେ ଆରି ଉଜା ବାଟେ ବସାଇବି ବଲି ମକେ କାତା ଦିଆ ।”

୨୨ ଜିସୁ ଜେବଦିର୍ ପିଲାମନ୍କେ କଇଲା, “ତମେ କାଇଟା ମାଗଲାସ୍ନି ସେଟା ବୁଜି ନାପାରୁଲାସ୍ନି । ମୁଇ ଜନ୍ ଦୁକ୍‌ପୁରୁନ୍ ମୁତାର୍ ପାନି କାଇବାର୍ ଗାଲିନି, ତମେ କାଇ ପାରାସ୍ କି ?” ସେମନ୍ “ଉଁ” ବଲି କଇଲା ।

୨୩ ଜିସୁ ସେମନ୍କେ କଇଲା, “ତମେ, ମର୍ ମୁତାର୍ ପାନି କାଇଲେ କାଇପାରାସ୍ । ମାତର୍ ମର୍ ଉଜା ବାଟେ ଆରି ଡେବ୍ରି ବାଟେ କେ ବସିପାରେ ସେଟା ବାଟବାକେ ମର୍ ଅଦିକାର୍ ନାଇ । ଜନ୍ ଲକ୍ମନ୍ର୍ ପାଇ ମର୍ ବାବା ସେ ଜାଗା ତିଆର୍ କଲା ଆଟେ, ସେଟା ସେମନ୍ର୍ ପାଇ ଆକା ।”

୨୪ ବିନ୍ ସିସମନ୍ ଜେଡେବେଲ୍ ଏ କାତା ସୁନ୍‌ଲା, ସେ ଦୁଇ ବାଇର୍ ଲାଗି ବେସି ରିସା ଅଇଗାଲା । ୨୫ ଖ୍ରୀଷ୍ଟୁ ସିସମନ୍କେ ଗଟେକ୍ଟାନେ ଟୁଲକରି କଇଲା, “ତମେତା ଜାନାସ୍ ଏ ଦୁନିଆର୍ ରାଜାମନ୍ ବିନ୍ ଲକ୍ମନ୍କେ ନିଜର୍ ଅଦିକାର୍ କରିରଇବାଇ । ବଡ଼ ବଡ଼ ନେତାମନ୍ ମିସା ବିନ୍ ଲକ୍ମନ୍କେ ସାସନ୍ କର୍ବାଇ । ୨୬ ଖ୍ରୀଷ୍ଟାତର୍ ତମେ ସେନ୍ତାର୍ ଉଆନାଇ । ତମର୍ ବିଡ଼ରେ ଗଟେକ୍ ଲକ୍ ବଡ଼ ଅଇବାକେ ମନ୍ କଲାନି ବଇଲେ, ସେ ସବୁଲକର୍ ସେବା କର୍ବାର୍ ଆଟେ । ୨୭ ତମର୍ ବିଡ଼ରେ ଜେ ମୁକିଅ ଅଇବାକେ ମନ୍ କଲାସ୍ନି, ସେ ବିନ୍ ଲକ୍ମନ୍ ଗତିଦାଙ୍ଗ୍ଟା ପାରା ଅଇ ସେମନ୍ର୍ ସେବା କର । ୨୮ ଜେନ୍ତାରି କି ପର୍ମେସର୍ ପାଟାଇଲା ନର୍ପିଲା ମୁଇ ମିସା ସେବା ମିଲ୍ ବଲି ଆସି ନାଇ, ମାତର୍ ବିନ୍ ଲକ୍ମନ୍ର୍ ସେବା କରି ସେମନ୍କେ ମୁକ୍ତି ମିଲ୍ ବଲି ନିଜର୍ ଜିବନ୍ ଦେବାକେ ଆଇଲି ଆରି ।”

**ଜିସୁ ଦୁଇଟା କାଣାମନ୍କେ ଦେକ୍‌ବା ବପୁ ଦେଲା**  
(ମାର୍କ ୧୦:୪୬-୫୨; ଲୁକ୍ ୧୮:୩୫-୪୩)

☆ ୨୦:୧୭ ୨୦:୧୭ ମାତ୍ରିକ ୧୯:୩୦; ମାର୍କ ୧୦:୩୧; ଲୁକ୍ ୧୩:୩୦ ☆ ୨୦:୨୫ ୨୦:୨୫ ଲୁକ୍ ୨୨:୨୫, ୨୬ ☆ ୨୦:୨୭ ୨୦:୨୭ ମାତ୍ରିକ ୨୩:୧୧; ମାର୍କ ୯:୩୫; ଲୁକ୍ ୨୨:୨୭

୨୯ ଦିନେକ୍ ଜିସୁ ସିସ୍ତମନର୍ ସଙ୍ଗ୍ ଜିରିଅ ସଅର୍ ଚାଡ଼ିକରି ଜିବାବେଲେ କେତେ କେତେ ଲକ୍ମନ ତାର୍ ପଚେ ପଚେ କଣ୍ଠୁବାର୍ ଦାର୍ଲାଇ । ୩୦ ଆରି ଏଦେ ଦେକା ! ବାଟ୍ପାଲି ବସି ରଇବା ଦୁଇଟା କାଣା, ଜିସୁ ସେ ବାଟେ ଆଇଲାନି ବଲି ସୁନି, ଆକ୍ମାରି ତାକ୍ଲାଇ, “ଏ ମାପ୍ତୁରୁ ଦାଉଦର୍ ପଅ ! ଆମ୍ବକେ ଦୟା କର ।”

୩୧ ଲକ୍ମନ ସେମନ୍କେ ଦମ୍ବକାଇ କରି ରୁପ୍ଅଇ ରଇବାକେ କଇଲାଇ । ମାତର୍ ସେମନ୍ ଅଦିକ୍ ଅଦିକ୍ ଆକ୍ମାରି କଇଲାଇ, “ଏ ମାପ୍ତୁରୁ, ଦାଉଦର୍ ପଅ ! ଆମ୍ବକେ ଦୟା କର ।”

୩୨ ଜିସୁ ତେଇ ଚିଆଅଇ ସେମନ୍କେ ତାକି ପାଚାର୍ଲା, “ମୁଇ ତମର୍ ପାଇ କାଇଟା କର୍ବି ବଲି ମନ୍ କଲାଇସ୍ନି ?”

୩୩ ସେମନ୍ କଇଲାଇ, “ମାପ୍ତୁରୁ ଆମ୍ବକେ ଦେକ୍ବା ବପୁ ଦିଆ ।”

୩୪ ଜିସୁ ସେମନର୍ ପାଇ ଦୟା ଅଇ, ତାକର୍ ଆକି ଚିଇଲା । ସେ ଦାପ୍ତରେସେ ସେମନ୍ ଦେକିପାର୍ଲାଇ ଆରି ଜିସୁର୍ ପଚେ ପଚେ ଗାଲାଇ ।

## ୨୧

ଜିରୁସାଲମ୍ ଜିସୁ ତାକ୍ପୁଟାରେ ଜିବାଟା

(ମାର୍ଚ୍ଚକ ୧୧:୧-୧୧; ଲୁକ୍ ୧୯:୨୮-୪୦; ଜଅନ୍ ୧୨:୧୨-୧୯)

୧ ଜିସୁ ଆରି ତାର୍ ସିସ୍ତମନର୍ ଜିରୁସାଲମ୍ ଲଗାଲଗି ଅଇ କଣ୍ଠେକ୍ ଦୁର୍ ଜାଇ ତଙ୍ଗ୍‌ରଲଗେ ରଇଲା ବେଡ୍‌ପାଗି ଆରି ବେଡିନିଆ ନାଉର୍ ଗାଏଁ କେଟ୍‌ଲାଇ । ତାର୍ ଦୁଇଟା ସିସ୍ତମନ୍କେ ଆଦେସ୍ ଦେଇ କଇଲା, ୨ “ତମେ ମୁଆଟେ ରଇଲା ସେ ଗାଏଁ ଜାଆ । ତେଇ କେଟ୍‌ଲା ଦାପ୍ତରେ, ଗଟେକ୍ ଗଦ ବାନ୍ଦିଅଇ ରଇବାଟା ଦେକ୍‌ସା ଆରି ତାର୍ ଲଗେ ତାର୍ ପିଲା ଆଟେ । ସେମନ୍କେ ମେଲି ମର୍ଲଗେ ଦାରି ଆସା । ୩ କେ ଜଦି କାଇ ବଲି ପାଚାର୍ଲେ କଇସା, ଏଟା ସାଉକାର୍‌କେ ଦର୍କାର୍ ଆଟେ ।” ସେଡ଼ିକି ଦାପ୍ତରେ ସେ ଗଦମନ୍କେ ଚାଡ଼ିଦେଇସି ।”

୪ ଏ ଗଟ୍‌ନାଅନି ବାବଦାଦିମନ୍ ଲେକି ରଇଲା କାତା ସିଦ୍ ଅଇଲା ।

୫ “ସିଅନ୍ ଗଡେ କୁଆ !

ଦେକା, ତମର୍ ରାଜା ତମର୍ ଲଗେ ଆଇଲାନି,

ସେ କେତେ ସୁଆଲ୍ ଗଦପିଲାର୍ ପିଚିତେଇ ବସ୍‌ଲାଆଟେ

ଦେକା, ସେ ଗଦପିଲା ଉପରେ ବସିଆଇଲାନି ।”

୬ ସିସ୍ତମନ୍ ଜାଇ ଜିସୁ କଇବା ଇସାବେ କଲାଇ । ୭ ଗଦ ଆରି ତାର୍ ପିଲାକେ ଦାରି ଆସି ତାକର୍ ଉପ୍ରେ ଲୁଗାମନ୍ ଅଟାଇ ଦେଲାଇ ଆରି ଜିସୁ ଗଦ ଉପ୍ରେ ବସ୍‌ଲା । ୮ ତେଇ ରଇଲା ଲକ୍ମନ ଜିସୁ ଜିବା ବାଟେ ନିଜର୍ ନିଜର୍ ପଟିଆମନ୍ ଅଟାଇ ଦେଲାଇ ଆରି କେତେକ୍ ଲକ୍ମନ କଜ୍‌ରି ତାଲ୍ ଆନି କରି ସେ ବାଟେ ଅଟାଇଦେଲାଇ । ୯ ଜିସୁର୍ ଆଗତୁବାଟେ ଆରି ପର୍ବାଟେ ଜାଇତେ ରଇଲା ଲକ୍ମନ ଆକ୍ମାରି କରି କଇଲାଇ, “ଦାଉଦର୍ ପଅକେ ତାକ୍ପୁଟା କରା, ଜେ ମାପ୍ତୁରୁ ନାଉଁ ଦାରି ଆଇଲାନି ତାକେ ପର୍ମେସର୍ ଆସିର୍ବାଦ୍ କର । ପର୍ମେସରର୍ ତାକ୍ପୁଟା କରା ।”

୧୦ ଜିସୁ ଜିରୁସାଲମ୍ କେଟ୍‌ଲାଦାପ୍ତରେ ସେ ଗଡର୍ ଲକ୍ମନ ଜିସୁ କେ ? ବଲି କରି ଗୁଲାଇ ବାଟେ ଉଡ଼ରା ଅଇଗାଲା । ୧୧ ଲକ୍ମନ ପାଚାର୍ଲାଇ, “ସେ କେ ?” ବିନ୍ ଲକ୍ମନ କଇଲାଇ, “ସେ ଅଇଲାନି ଗାଲିଲି ରାଇଜେ ରଇବା ନାଜରିଡ୍ ଗଡର୍ ବସିବଡ୍‌ବକ୍ତା ଜିସୁ ।”

ଜିସୁ ମନ୍ଦିରେ ଗାଲା

(ମାର୍ଚ୍ଚକ ୧୧:୧୫-୧୯; ଲୁକ୍ ୧୯:୪୫-୪୮)

୧୨ ଜିସୁ ମନ୍ଦିର୍ ବିଡ୍‌ରେ ପୁରିକରି ତେଇ ଗେନା ବିକା କର୍ତେ ରଇବା ସବୁ ଲକ୍ମନକେ ବାର୍‌କରାଇ ଦେଲା । ତାବୁ ବାଦ୍‌ଲାଉମନର୍ ଟେବୁଲ୍ ଆରି ପରୁଆ ବିକ୍ମନର୍ ବସ୍‌ବାଟା ପାସ୍‌ଲାଇ ଦେଲା । ୧୩ ଜିସୁ ସେମନ୍କେ କଇଲା, “ଦରମ୍ ସାସ୍‌ତରେ ଲେକା ଆଟେ, ମର୍ ମନ୍ଦିର୍ ପାର୍‌ତନା ଗର୍ ବଲି ନାଉଁ ଅଇସି । ମାତର୍ ତମେ ତାକେ ଚର୍ମନର୍ ଆକାଡା ସାଲ୍ ପାରା କରିଆଟାସ୍ ।”

୧୪ ଜିସୁ ମନ୍ଦିରେ ରଇଲାବେଲେ କାଣାମନ୍ ଆରି ମେଟାମନ୍ ତାର୍ ଲଗେ ଆଇଲାଇ ଆରି ସେ ସେମନ୍କେ ନିକ କଲା ।

୧୫ ମୁକିଅ ପୁଜାରିମନ୍ ଆରି ଦରମ୍ ଗୁରୁମନ୍ ତାର୍ କାବା ଅଇଜିବା କାମ୍ ସବୁ ଦେକି ଆରି ପିଲାମନ୍ ଦାଉଦର୍ ପଅର୍ ଜୟ ଜୟ ଅ, ବଲି କଇବାଟା ସୁନି ରିସା ଅଇଗାଲାଇ । ୧୬ ସେମନ୍ ଜିସୁକେ ପାଚାର୍ଲାଇ, “ଏମନ୍ କାଇବଲି କଇଲାଇନି ତୁଇ ସୁନି ପାର୍‌ଲୁସ୍ନି ?” ଜିସୁ କଇଲା, “ଉଁ ସୁନିଲିନି । ଦରମ୍ ସାସ୍‌ତରେ କାଇ ଏ କାତା ପଡାସ୍ ନାଇ କି ? ‘ତମେ ପିଲାମନ୍‌କେ ଆରି କଅଁଲା ପିଲାମନ୍‌କେ ଟିକି ଇସାବେ ଆରାଦନା କର୍ବାକେ’ ସିକାଇଆଟାସ୍ ?”

୧୭ ଏ କାତା କଇକରି ଜିସୁ ସେମନ୍‌କେ ଚାଡ଼ି ଜିରୁସାଲମେଅନି ବେଡିନିଆଇ ଗାଲା । ସେ ତେଇ ଗଟେକ୍ ରାଡି ବିତାଇଲା ।

ଜିସୁ ତୁମ୍ବରି ଗଟ୍‌କେ ସାଇପ୍ ଦେଲା

(ମାର୍ଚ୍ଚକ ୧୧:୧୨-୧୪, ୨୦-୨୪)

୧୮ ତାର ଆରକର ଦିନେ ଜିସୁ ସାକାଲ୍ ସାକାଲ୍ ଜିରୁସାଲମ୍ ବାଉଡ଼ଲା ବେଲେ ତାକେ ବୁକ୍ କଲା । ୧୯ ବାଟପାଲି ଗଟେକ୍ ଡ୍ରମ୍ବରି ଗଟ୍ ରଇଲା । ଜିସୁ ସେ ଗଟ୍ ଲଗେ ଜାଇ ତେଇ ପତର ରଇବାଟା ଚାଡ଼ି, ଆରି କାଇଟା ଦେକେ ନାଇ । ତେବେ ସେ ଗଟ୍‌କେ କଇଲା, “ତୁଇ ଆରି କେବେ ମିସା ପଲ୍ ନ ଦାରୁସ୍ !” ସେ ଦାପରେ ସେ ଡ୍ରମ୍ବରି ଗଟ୍ ସୁକିଗାଲା ।

୨୦ ଏଟା ଦେକିକରି ସିସମନ୍ କାବା ଅଇଜାଇ ପାଚାରଲାଇ, “ଏ ଗଟ୍ ଏତେକ୍ ଦାପରେ କେନ୍ତ୍ର ସୁକିଗାଲା ?”

୨୧ ✨ଜିସୁ କଇଲା, “ମୁଇ ତମ୍‌କେ ସତ୍ କଇଲିନି, ତମ୍‌ର ମନେ ଅଇସି କି ନ ଅଏ ବଲି ଅଲପ୍ ମିସା ନ ବାବିକରି ଜଦି ପୁରାପୁରୁନ୍ ବିସବାସ୍ କରସା ବଇଲେ ମୁଇ ଏ ଡ୍ରମ୍ବରି ଗଟ୍‌କେ ଜେନ୍ତ୍ର କରିଆତି, ତମେ ମିସା ସେନ୍ତ୍ର କରିପାରସ୍ । ସେଡ଼କି ଆକା ନଏ, ଏ ତଙ୍ଗର ଉଲଟିକରି ସମ୍‌ଦୁରେ ଜାଇ ଅଦର୍ ବଲି କଇଲେ ମିସା ସେଟା ଅଇସି । ୨୨ ତମେ ବିସବାସ୍ କରି ପାର୍ତନାଇ ଜନ୍‌ଟା ମାଙ୍ଗସା, ସେଟା ମିଲ୍‌ସି ।”

**ଜିସୁର ଅଦିକାର ବିସଇ ପାଚାରବାଟା**  
(ମାର୍‌କ ୧୧:୨୭-୩୩; ଲୁକ୍ ୨୦:୧-୮)

୨୩ ଜିସୁ ମନ୍ଦିରେ ବାଉଡ଼ି ଆସି ତେଇ ସିକିଆ ଦେଇତେ ରଇଲା ବେଲେ ମୁକିଅ ପୁଜାରିମନ୍ ଆରି ପାର୍‌ତିନମନ୍ ତାକେ ପାଚାରଲାଇ, “କାଇ ଅଦିକାରେ ତୁଇ ଏ ସବୁ କାମ୍ କଲୁସିନି ? ତକେ ଏ ଅଦିକାର୍ କେ ଦେଲା ?”

୨୪ ଜିସୁ କଇଲା, “ମୁଇ ମିସା ତମ୍‌କେ ଏକାଇ ଗଟେକ୍ ସେ ପରସନ୍ ପାଚାରବି । ତାର୍ ଉତର୍ ଦେଇ ପାରଲେ ମୁଇ କାଇ ଅଦିକାରେ ଏ ସବୁ କାମ୍ କଲିନି, ତମ୍‌କେ କଇଦେବି । ୨୫ ଜଅନ୍ ତୁବନ୍ ଦେବା ଅଦିକାର୍ କାର୍‌ଟାନେଅନି ମିଲାଇ ରଇଲା ? ସର୍‌ଗେଅନି କି ମୁନ୍‌ସ୍ ମନର୍‌ଟାନେଅନି ?”

ସେମନ୍ ତାକର୍ ତାକର୍ ବିଡ଼ରେ କୁଆବଲା ଅଇଲାଇ “ଏ ବିସଇ ନେଇ କାଇବଲି କଉଁ ? ଜଦି ପରମେସରର୍ ଟାନେଅନି ବଲି କଇଲେ, ତେବେ ସେ ଆମ୍‌କେ ‘ଜଅନ୍‌କେ କାଇକେ ବିସବାସ୍ କରାସ୍ ନାଇ ?’ ବଲି କଇସି । ୨୬ ଜଦି ଲକ୍‌ମନ୍‌ର ଟାନେଅନି ବଲି କଇଲେ, ତେବେ ଲକ୍‌ମନ୍‌କେ ତର୍ ଲାଗ୍‌ଲାନି । କାଇକେ ବଇଲେ ଜଅନ୍ ଗଟେକ୍ ବବିସତ୍‌ବକ୍‌ତା ବଲି ସେମନ୍ ସବୁଲକ୍ ବିସବାସ୍ କଲାଇନି ।” ୨୭ ସେଟାର୍‌ପାଇ ସେମନ୍ ଜିସୁକେ କଇଲାଇ, “ଆମେ ନାଜାନୁ ।”

ଜିସୁ ସେମନ୍‌କେ କଇଲା, “କନ୍ ଅଦିକାରେ ଏ ସବୁ କଲିନି ସେଟା ମୁଇ ମିସା ତମ୍‌କେ ନ କଇ ।”

**ଦୁଇଟା ପିଲାଟି କାତାନି**

୨୮ ଆଲେ ଏ ବିସଇ ତମେ କାଇ ବଲି ବାବ୍‌ଲାସ୍‌ନି କଇଦେକା ପନି ? ଗଟେକ୍ ଲକ୍‌ର ଦୁଇଟା ପଅମନ୍ ରଇଲାଇ । ଦିନେକ୍ ସେ ଲକ୍ ତାର୍ ବଡ଼ ପଅକେ କଇଲା, “ନୁନାରେ, ଆଜି ଆମର୍ ଅଙ୍ଗୁର୍ ବାଡେ ଜାଇ ପାଇଟି କର୍ । ୨୯ ‘ନାଇ ମୁଇ ନ କରି’ ବଲି ବଡ଼ ପଅ କଇଲା । ମାତର୍ ପଟେ ମନ୍ ବାଦ୍‌ଲାଇ ପାଇଟି କର୍‌ବାର୍ ଗାଲା । ୩୦ ସେ ଲକ୍ ସାନ୍ ପଅକେ ମିସା ସେ କାମ୍ କର୍‌ବାକେ କଇଲା । ‘ଉଁ ବାବା ଗାଲିନି’ ବଲି ସାନ୍ ପଅ କଇଲା । ମାତର୍ ସେ କାମ୍‌ଟାନେ ମୁଲ୍‌କେ ଜାଏ ନାଇ । ୩୧ କଇଦେକା ପନି, ଏ ଦୁଇଟା ପଅର୍ ବିଡ଼ରେ କେ ତାର୍ ବାବା ତିଆର୍‌ଲାଟା ମାନିରଇଲା ?” ସେମନ୍ କଇଲାଇ, “ବଡ଼ ପଅ ।”

ଜିସୁ ସେମନ୍‌କେ କଇଲା, “ମୁଇ ସତ୍ କଇଲିନି ସିସ୍‌ତୁ ମାଙ୍ଗୁମନ୍ ଆରି ବେସିଆମନ୍ ତମ୍‌ରଟାନେଅନି ପରମେସରର୍ ରାଇଜେ ଆଗ୍‌ତୁ କେଟ୍‌ବାଇ । ୩୨ ✨ତୁବନ୍ ଦେଉ ଜଅନ୍ ତମ୍‌ରଟାନେ ଆସି ଦରମର୍ ବାଟ୍ ଦେକାଇ ଦେଇରଇଲା, ମାତର୍ ତମେ ତାକେ ବିସବାସ୍ କରାସ୍ ନାଇ, ମାତର୍ ସିସ୍‌ତୁ ମାଙ୍ଗୁମନ୍ ଆରି ବେସିଆମନ୍ ତାର୍ କଇଲା କାତା ବିସବାସ୍ କଲାଇ । ଏଟା ଦେକିକରି ମିସା ପଟେ ତମେ ପାପ୍ କାମ୍‌କର୍‌ବାଟା ଚାଡ଼ି ମନ୍ ବାଉଡ଼ାଇ ତାକେ ବିସବାସ୍ କରାସ୍ ନାଇ ।”

**ଆଦିବାଗ୍ ଚାସ୍ କରୁମନ୍‌ର ବିସଇ**  
(ମାର୍‌କ ୧୨:୧-୧୨; ଲୁକ୍ ୨୦:୯-୧୯)

୩୩ ଜିସୁ କଇଲା, “ଆରି ଗଟେକ୍ କାତା ସୁନା, ଗଟେକ୍ ସାଉକାର୍ ତାର୍ ଜମିଟାନେ ଅଙ୍ଗୁର୍ ଚାସ୍ କରିରଇଲା । ତେଇ ଚାରିବେଟ୍‌ଟି ବାଡ଼ ବୁନ୍‌ଲା ଆରି ଅଙ୍ଗୁର୍ ପିଲ୍‌ବାକେ ଗଟେକ୍ କୁଣ୍ଡ ତିଆର୍‌କଲା । ଆରି ଜାଗୁଆଲିର୍ ପାଇ ଗଟେକ୍ ମାଟା ମିସା ତିଆର୍ କରିଦେଲା । ତାର୍ ପଟେ ସେ ଜମି, ଚାସିମନ୍‌କେ ଆଦିବାଗ୍ ଇସାବେ ଦେଇକରି, ସାଉକାର୍ ବିଦେସେ ଉଟିଗାଲା ।”

୩୪ ଅଙ୍ଗୁର୍ ତଲ୍‌ବାବେଲେ ସେ ସାଉକାର୍ ତାର୍ ଦାଙ୍ଗ୍‌ତାମନ୍‌କେ ନିଜର୍ ଆଦିବାଗ୍ ମାଙ୍ଗ୍‌ବାକେ ଚାସିମନ୍‌ର ଲଗେ ପାଟାଇଲା । ୩୫ ଚାସିମନ୍ ସେ ଦାଙ୍ଗ୍‌ତାମନ୍‌କେ ଦାରି, ଗଟେକ୍ ଲକ୍‌କେ ମାର୍‌ଲାଇ, ଆରି ଗଟେକ୍ ଲକ୍‌କେ ମରାଇଲାଇ, ଆରି ଗଟେକ୍ ଲକ୍‌କେ ପାକ୍‌ନାସଙ୍ଗ୍ ମାରିପାକାଇଲାଇ । ୩୬ ଏଟାର୍ ପାଇ ଜମି ସାଉକାର୍ ଆଗର୍‌ତେଇଅନି ଅଦିକ୍ ଗତିଦାଙ୍ଗ୍‌ତାମନ୍‌କେ ପାଟାଇଲା । ବାଗ୍ ଚାସିମନ୍ ସେମନ୍‌କେ ମିସା ସେନ୍ତ୍ରାରିସେ କଲାଇ । ୩୭ ସାରାସାରି ପଟେ ପଦା ସାଉକାର୍ ଚାସିମନ୍‌ରଟାନେ ତାର୍‌ପିଲାକେ ପାଟାଇଲା । ସେ ବାବ୍‌ଲା, ସେମନ୍ ମର୍ ପିଲାକେ ବାଦିଅରେ ନାମ୍‌ବାଇ ।

✨ ୨୧:୨୧ ୨୧:୨୧ ମାଡ଼ିତ ୧୭:୨୦; ୧ମ କରନ୍ତ୍ରିୟ ୧୩:୨ ✨ ୨୧:୩୨ ୨୧:୩୨ ଲୁକ୍ ୩:୧୨;୭:୨୯,୩୦

୩୮ ମାତର ଚାସିମନ୍ ସାଉକାରର ପଥକେ ଦେକିକରି ତାକର ତାକର ବିତ୍ରେ କୁଆବଲା ଅଇଲା, “ଏଦେ ଦେକା, ସାଉକାରର ପିଲା ! ଆସା ଆକେ ମିସା ମାରିପାକାଉ । ଏନ୍ତାର କଲେ ଆକା ସାଉକାରର ଦନ୍ ଆମରଟା ଅଇସି ।”  
 ୩୯ ଏନ୍ତାରି କଇକରି ସେମନ୍ ତାକେ ଜମିତେଇଅନି ଦାରି ବାରକରାଇ, ବାଇରେ ନେଇ ମାରି ମରାଇଦେଲା ।

୪୦ ଜିସୁ ପାଚାରଲା, “ଜେତେବେଲ୍ ଜମି ସାଉକାର ଆଇସି ସେ ଚାସିମନ୍‌କେ କାଇଟା କରସି ?”

୪୧ ସେମନ୍ କଇଲା “ବଦମାସମନ୍‌କେ ମାରି ମରାଇସି । ଆରି ଜନ୍ ଚାସିମନ୍ ସମାନ୍ ବେଲାଇ ତାର ଆଦିବାଗ୍ ଦେବାଇ, ସେ ଜମି ସେମନ୍‌ର ଆତେ ଜିମା ଦେଇସି ।”

୪୨ ଜିସୁ ସେମନ୍‌କେ କଇଲା, “ଏ ସାସ୍ତରର କାତା କାଇ କେବେ ତମେ ପତାସ୍ ନାଇ କି ?

“ଗରବାନ୍ତୁମନ୍ ଜନ୍ ପାକ୍‌ନା ଲତାକେ ନ ଅଏ ବଲି ଚାଡ଼ିଦେଇ ରଇଲାଇ,

ସେଟାସେ ଗର କନର ମୁକିଅ ପାକ୍‌ନା ଅଇଲା ।

ନିଜେ ମାପୁରୁଆକା ଏଟା କଲା ଆଟେ ।

ତାର କାମ୍ କେତେକ୍ କାବାଅଇଜିବା କାମ୍ !”

୪୩ ଜିସୁ ଆରି କଇଲା, “ସେଟାର ପାଇ ତମ୍‌କେ କଇଲିନି, ପରମେସରର ରାଇଜେ ପୁରୁବା ଅଦିକାର୍ ତମ୍‌ତେଇଅନି ଦାରିଜିବାଇ ଆରି ଜନ୍ ଦଲ୍ ଏ ରାଇଜର ନିମାନ୍ ପଲ୍ ଦେକାଇ ପାରବାଇ, ସେମନ୍‌କେ ସେଟା ଦିଆଅଇସି ।”

୪୪ ଆରି ଜେ ଏ ପାକ୍‌ନା ଉପରେ ଅଦରସି, ସେ କଣ୍ଟୁ କଣ୍ଟୁ ଅଇଜାଇସି । ଆରି ଏ ପାକ୍‌ନା ଜାର ଉପରେ ଅଦରସି, ସେଟା ତାକେ ଚାପି କରି ଗୁଣ୍ଟୁ କରି ଦେଇସି\* ।

୪୫ ମୁକିଅ ପୁଜାରିମନ୍ ଆରି ପାରୁସିମନ୍ ଏ କାତା ସୁନି, ଜିସୁ ସେମନ୍‌କେ ଦେକାଇ କରି କଇଲାନି ବଲି ବୁଜିପାରୁଲାଇ ।  
 ୪୬ ସେଟାର ପାଇ ସେମନ୍ ତାକେ ବାନ୍ଦାଇ ନେବାକେ ଚେସଟା କଲାଇ, ମାତର ଲକ୍‌ମନ୍‌କେ ଡରି ସେମନ୍ ସେଟା କରି ନାପାରୁଲାଇ, କାଇକେବଇଲେ ଲକ୍‌ମନ୍ ଜିସୁକେ ଗଟେକ୍ ବବିସତ୍‌ବକ୍ତା ବଲି ମନେ ବାବ୍‌ତେରଇଲାଇ ।

## ୨୨

### ବିବା ବଜିର କାତା (ଲୁକ୍ ୧୪:୧୫-୨୪)

୧ ଜିସୁ ଆରିତରେକ୍ ଉଦାଅରଣ୍ ଦେଇ ଲକ୍‌ମନ୍‌କେ ସିକିଆ ଦେଲା । ୨ ପରମେସରର ସରଗ୍ ରାଇଜ୍ ଏନ୍ତାରି । ତରେକ୍ ଗଟେକ୍ ରାଜା ତାର ପିଲାପାଇ ବଜି କରାଇଲା । ୩ ଜନ୍ ଲକ୍‌ମନ୍‌କେ ବିବା ବଜିଟାନେ କବର୍ ଦେଇରଇଲା, ସେମନ୍‌କେ ତାକିଆନ୍‌ବାକେ ଦାଙ୍ଗ୍‌ତାମନ୍‌କେ ପାଟାଇଲା । ମାତର ସେମନ୍ ନିଚ୍‌ଲାଇ । ୪ ବିବାଟାନେ ଗାଗଡ୍ ଚେଲିମନ୍‌କେ ମାରି ବଜି ଅଇଲା ଆଟେ । ଦାପ୍‌ରେ ଆସା ବଲି ରାଜା ଆରି ତରେକ୍ ବିନ୍ ଦାଙ୍ଗ୍‌ତାମନ୍‌କେ କଇପାଟାଇଲା । ୫ ମାତର କବର ପାଇରଇଲା ଲକ୍‌ମନ୍ ଏ କାତା ନ ମାନିକରି ନିଜର ନିଜର ପାଇଟି କର୍‌ବାର୍ ଦାରୁଲାଇ । କେତେ ଲକ୍ ବାରଇକରି ପଦାଇ ଉଟିଗାଲାଇ । ଆରି କେତେକ୍ ଲକ୍ ତାକର ଦୁକାନେ ଉଟିଗାଲାଇ । ୬ ଆରି କେତେ ଲକ୍ ରାଜାର ଦାଙ୍ଗ୍‌ତାମନ୍‌କେ ଦାରି ମାରି ମରାଇଲାଇ । ୭ ରାଜା ରିସାଅଇଜାଇ କରି ସଇନମନ୍‌କେ ପାଟାଇଲା । ସଇନମନ୍ ଜାଇକରି ସେ ମାରୁମନ୍‌କେ ମରାଇ ପାକାଇଲାଇ ଆରି ସେମନ୍ ରଇଲା ସଅର୍ ପତାଇ ପାକାଇଲାଇ । ୮ ତାର ପଟେ ରାଜା ଗଡ଼ିଦାଙ୍ଗ୍‌ତାମନ୍‌କେ ତାକି କଇଲା, ବିବା ବଜିର ରାନ୍ଦାବାତା ସାରୁଲାବେ ମାତର ମୁଇ କବର୍ ଦେଇରଇଲା ଲକ୍‌ମନ୍ ଏ ବଜି କାଇବାକେ ବାଗ୍ ନାଇ ।

୯ ଏବେ ତମେ ଜାଇକରି ଗାଉଁପାଲିର ଗୁଡା ଆରି ପୁଟ୍‌ମନ୍‌କେ, ଜେଡକି ଲକ୍‌କେ ବେଟ୍ ଅଇସା ସେ ସବୁ ଲକ୍‌ମନ୍‌କେ ଆମର୍ ବଜିଟାନେ ତାକିଆନା । ୧୦ ତେବେ ଦାଙ୍ଗ୍‌ତାମନ୍ ଲଗର୍ ପାକର୍ ଗାଉଁମନ୍‌କେ ବୁଲି ନିକ ଲକ୍ ଅଅଡ୍ କି ବାନିଆ ଲକ୍ ଅଅଡ୍ ଜେଡକି ଲକ୍‌କେ ବେଟ୍ ଅଇଲାଇ, ସବୁକେ ତାକି ଆନୁଲାଇ । ଆରି ବିବା ଗରେ ଲକ୍‌ମନ୍ ମାଣ୍ଡାବୁଣ୍ଡା ଅଇଗାଲାଇ ।

୧୧ ପଟେ ରାଜା ତାକାଇଲା ଲକ୍‌ମନ୍‌କେ ଦେକ୍‌ବାର୍ ଆଇଲା । ସେ ଲକ୍‌ମନ୍‌ର ବିତ୍ରେ ଅନି ଗଟେକ୍ ଲକ୍ ତିଆର୍‌ପିଆର୍ ନ ଅଇକରି ନିକଟା ପିନ୍ ନ ଆସିରଇଲାଟା ରାଜା ଦେକ୍‌ଲା । ୧୨ ରାଜା ତାର ଲଗେ ଜାଇ ପାଚାରୁଲା, “ମଇତର, ତୁଇ ତିଆର୍ ପିଆର୍ ନ ଅଇତେ କେନ୍ତି ଏ ବଜିଟାନେ ଆଇଲୁସ୍” ସେ ଲକ୍ ଚିମ୍‌ରା ଅଇଦେଲା । ୧୩ ✨ରାଜା ଦାଙ୍ଗ୍‌ତାମନ୍‌କେ କଇଲା, “ତାର୍ ଆଡ୍ ଗଡ୍ ବାନ୍ଦି ବାଇରେ ନେଇ ଆନ୍ଦାରେ ପିଙ୍ଗିଦିଆସ୍ । ତେଇ ସେ ଦାଁଡ଼ମୁଣ୍ଟୁ କାଡ଼ିଅଇ କାନ୍ଦି କାନ୍ଦି ରଅ ।”

୧୪ ଜିସୁ କାତାନି କଇସାରାଇ କଇଲା, ବେସି ଲକ୍‌କେ ତାକ୍‌ବାଇ, ମାତର ଉନାଲକ୍‌କେ ବାର୍‌ବାଇ ।

### ସିସୁ ବାନ୍ଦବାକେ ପାଚାରବାଟା (ମାର୍କ ୧୨:୧୮-୨୭; ଲୁକ୍ ୨୦:୨୭-୪୦)

\* ୨୧:୪୪ ୨୧:୪୪ ଏ ବାକିଅ ପୁରନା ପାଣ୍ଡୁ ଲିପିଟାନେ ଲେକାଅଏନାଇ ☆ ୨୨:୧୩ ୨୨:୧୩ ମାତୃତ୍ୱ ୮:୧୨;୨୫:୩୦; ଲୁକ୍ ୧୩:୨୮

୧୫ କେତେଟା ପାରୁସିମନ୍ ଜାଇକରି ଜିସୁକେ ପରସନ୍ ପାଚାରି ପାନ୍ଦେ ପାକାଉଁ ବଲି ବାବ୍ଲାଇ । ୧୬ ସେମନ୍ ତାକର୍ କେତେଟା ସିସମନ୍କେ ଆରି ଏରଦର୍ ଦଲେଅନି କେତେଟା ଲକ୍ମନ୍କେ ଜିସୁର୍ ଲଗେ ପାଟାଇଲାଇ । ଏମନ୍ ଆସି ଜିସୁକେ ପାଚାରିଲାଇ, “ଗୁରୁ, ତମେ ସତ୍ କଇସା ଆରି ପର୍ମେସରର୍ ସତ୍ ବିସଇ ସିକିଆ ଦେବାଟା ଆମେ ଜାନୁ । ତମେ ମୁନୁସମନ୍ ମରଜିତାକେ କାତୁର କରାସ୍ ନାଇ । ଲକ୍ମନ୍ କାଇ ବଲି ବାବ୍ଲାଇ ବଲି ଚିନ୍ତା କରାସ୍ ନାଇ । ୧୭ ତେବେ କଇଦେକା ପନି, ଏ ବିସଇ ତମେ କାଇବଲି କଇଲାସ୍ନି ? ରମିୟ ସରକାଟ୍ରେକେ ସିସତୁ ଦେବାଟା ଆମର୍ ଦରମ୍ ସାସତରର୍ ଇସାବେ ଚିକ୍ କି ନାଇ ?”

୧୮ ମାତର୍ ଜିସୁ ସେମନ୍ର କୁଟ୍‌କାତା ଜାନି କରି କଇଲା, “ଏ କୁଟିଆଲ୍‌ମନ୍, କାଇକେ ମକେ ପାନ୍ଦେ ପାକାଇବାକେ ଚେସଟା କଲାସ୍ନି ? ୧୯ ଜନ୍ ଅଦଲି ତାରୁ ସିସତୁ ଦେଲାସ୍ନି, ତେଇଅନି ଗଟେକ୍ ଆନିକରି ମକେ ଦେକାଆ ।” ସେମନ୍ ଗଟେକ୍ ଅଦଲି ଆନି ତାକେ ଦେଲାଇ ।

୨୦ ଜିସୁ ସେମନ୍କେ ପାଚାରିଲା “ଏ ଅଦଲି ତାରୁଟାନ୍ କାର୍ ମୁଉ ଆରି ନାଉଁ ଆଚେ ?”

୨୧ ସେମନ୍ କଇଲା, “ରମିୟ ରାଜାର୍ ମୁଉ ଆରି ନାଉଁ ଆଚେ ।” ଜିସୁ ସେମନ୍କେ କଇଲା, “ତେବେ ଜନ୍‌ଟା ରମିୟ ରାଜାର୍‌ଟା, ସେଟା ତାକେ ଦିଆସ୍ ଆରି ଜନ୍‌ଟା ପରମେସରର୍‌ଟା, ସେଟା ପରମେସରକେ ଦିଆସ୍ ।”

୨୨ ଏ କାତା ସୁନି ସେମନ୍ କାବାଅଇଗାଲାଇ ଆରି ତେଇଅନି ଉଟିଗାଲାଇ ।

**ମରିକରି ଉଟ୍‌ବା ବିସଇନେଇ ପରସନ୍**  
(ମାର୍କ ୧୨:୧୮-୨୭; ଲୁକ୍ ୨୦:୨୭-୪୦)

୨୩ ✠ସେ ଦିନେ ସାଦୁକି ଦଲର୍ କେତେ ଲକ୍ ଜିସୁର୍ ଲଗେ ଆଇଲାଇ । ସାଦୁକିମନ୍ ମରିଗାଲେ ଆରି ତରେକ୍ ଉଟି ନଏଁ ବଲି ବିସବାସ୍ କରତେ ରଇଲାଇ । ୨୪ ସେମନ୍ ଜିସୁକେ ପାଚାରିଲା, “ଏ ଗୁରୁ, ଜଦି ଗଟେକ୍ ଲକ୍ ପିଲାଟକି ନ ଅଇତେ ମରିଜାଇସି, ତେବେ ମରିଜାଉର୍ ବାଇ ସେ ରାଣ୍ଡି ମାଇଜିକେ ସଙ୍ଗଇସି । ଆରି ତାକର୍ ଟାନ୍‌ଅନି ଅଇଲା ପିଲାଜିଲା ସେ ମଲା ଲକ୍‌ପାଇ ଅଇସି ବଲି ମସା ନିୟମ୍ କଲା ଆଚେ । ୨୫ ଗଟେକ୍ କାତା ସୁନା । ଇତି ଆମର୍ ବିତ୍ରେ ସାତ୍‌ବାଇ ରଇଲାଇ । ବତ୍ ବାଇ ପିଲାଜିଲା ନ ଅଇତେ ମରିଗାଲାଜେ ତାର୍ ପିଟିର୍ ବାଇ ତାର୍ ବତ୍‌କେ ସଙ୍ଗଇଲା । ୨୬ ମାତର୍ ବତ୍‌ମଜିଆ, ମଜିଆ, ସାନ୍‌ମଜିଆ ଏକ୍ତି ଅଇକରି ସାରାସାରି ସାନର୍ ଦସା ମିସା ଏକ୍ତି ଅଇଲା । ୨୭ ସାରାସାରି ପଚେ ସେ ମାଇଜି ମିସା ମରିଗାଲା । ୨୮ ଜେବେ ମଲା ଲକ୍‌ମନ୍ ଉଟ୍‌ବା ଦିନ୍ ଆଇସି, ତେବେ ଏ ମାଇଜି କାର୍ ମାଇଜି ଅଇସି ? ସବୁ ଲକ୍‌ସେ ତାକେ ସଙ୍ଗଇ ରଇଲାଇ ।”

୨୯ ଜିସୁ ସେମନ୍କେ କଇଲା, “ତମେ କେତେକ୍ ବୁଲ୍ ବିସଇ ବାବ୍‌ବା ଲକ୍‌ମନ୍ ! ଦରମ୍ ସାସତରେ ପର୍ମେସରର୍ ବପୁ ବିସଇ ସମାନ୍ ଇସାବେ ଚିନ୍ତା କରାସ୍ ନାଇଜେ, ତମେ ଏ କାତା ପାଚାରିଲାସ୍ନି ।” ୩୦ ମରିକରି ଉଟ୍‌ଲା ପଚେ, ମଲା ଲକ୍‌ମନ୍ ସରଗର୍ ଦୁତ୍‌ମନ୍ ପାରା ଅଇଜିବାଇ । ସେମନ୍ ଆରି ବିବା ନ ଅଅଡ୍ କି ନ କରଡ୍ । ୩୧ ମଲା ଲକ୍‌ମନ୍ ଆରି ତରେକ୍ ଉଟ୍‌ବା ବିସଇ, ପରମେସର୍ ଜନ୍‌ଟା କଇଲା ଆଚେ, ତମେ କାଇ ସାସତରେ କେବେ ପତାସ୍ ନାଇ କି ? ୩୨ ପର୍ମେସର୍ କଇଲା ଆଚେ “ଆମେ ଅବ୍ରାଆମର୍, ଇସାକର୍ ଆରି ଜାକୁବର୍ ମାପୁରୁ ।”

“ପର୍ମେସର୍ ତା ଜିବନ୍ ରଇଲା ଲକ୍‌ମନ୍ ମାପୁରୁ, ମଲା ଲକ୍‌ମନ୍ ଅଇନାପାରେ ।”

୩୩ ଲକ୍‌ମନ୍ ଜିସୁର୍ ସିକାଇବାଟା ସୁନିକରି କାବାଅଇଗାଲାଇ ।

**ମୁକିଅ ଆଦେସ୍**  
(ମାର୍କ ୧୨:୨୮-୩୪; ଲୁକ୍ ୧୦:୨୫-୨୮)

୩୪ ଜିସୁ ସାଦୁକିମନ୍‌କେ ଚୁପ୍‌କରାଇ ରଇବାଟା ଜାନିକରି ପାରୁସିମନ୍ ସବୁଲକ୍ ଗଟେକ୍ ଅଇ ତାର୍ ଲଗେ ଆଇଲାଇ । ୩୫ ଆରି ସେମନ୍ ବିତ୍ରେଅନି ଗଟେକ୍ ନିୟମ୍ ସିକାଇବା ଦରମ୍ ଗୁରୁ ଜିସୁକେ ପାନ୍ଦେ ପାକାଇବାକେ ଗଟେକ୍ ପରସନ୍ ପାଚାରିଲା । ୩୬ “ଏ ଗୁରୁ ମସାର୍ ଦରମ୍ ସାସତରର୍ ନିୟମ୍ ଇସାବେ ସବୁଟାନ୍‌ଅନି କନ୍ ଆଦେସ୍ ମୁକିଅ ?”

୩୭ ଜିସୁ ତାକେ କଇଲା, “ତମର୍ ମାପୁରୁ, ପରମେସରକେ ପୁରାପୁରୁନ୍ ମନ୍‌ଦେଇ, ପୁରାପୁରୁନ୍ ଜିବନ୍ ଦେଇ, ପୁରାପୁରୁନ୍ ଚିନ୍ତା ସଙ୍ଗ ତାକେ ମାନା ଆରି ଆଲାଦ୍ କରା । ୩୮ ଏଟା ଅଇଲାନି ସବୁଟାନ୍‌ଅନି ଆଗତୁ ଆରି ମୁକିଅ ଆଦେସ୍ ।” ୩୯ ତାର୍ ପଚର୍ ମୁକିଅ ଆଦେସ୍ ଅଇଲାନି, ତମର୍ ଲଗର୍ ପାକର୍ ଗରର୍ ଲକ୍‌ମନ୍‌କେ ନିଜ୍‌କେ ଆଲାଦ୍ କଲା ପାରା ଆଲାଦ୍ କରା । ୪୦ ✠ଏ ଦୁଇଟା ଆଦେସ୍ ଆକା ମସା କରଇଇବା ସବୁ ରିତିନିତି ଆରି ବବିସତ୍‌ବକ୍‌ତାମନ୍‌ର ସିକିଆ ଜାନାଇଲାନି ।

**କିରିସ୍‌ଟ ଆକା ମସିଅ**  
(ମାର୍କ ୧୨:୩୫-୩୭; ଲୁକ୍ ୨୦:୪୧-୪୪)

୪୧ କେତେଟା ପାରୁସିମନ୍ ଜିସୁର୍ ଲଗେ ରଇଲା ବେଲେ, ଜିସୁ ସେମନ୍‌କେ ପାଚାରିଲା । ୪୨ “କିରିସ୍‌ଟ ମସିଅର୍ ବିସଇ, ତମେ କାଇଟା ବାବ୍‌ଲାସ୍ନି ? ସେ କାର୍ ପଅ ?” ସେମନ୍ କଇଲା, “ସେ ଦାଉଦର୍ ପଅ ।”

✠ ୨୨:୨୩ ୨୨:୨୩ ପେରିଡ୍ ୨୩:୮ ✠ ୨୨:୪୦ ୨୨:୪୦ ଲୁକ୍ ୧୦:୨୫-୨୮

୪୩ ଜିସୁ ପାଚାରଲା, “ସେନ୍ତାଉ ଆଲେ ଦାଉଦ୍ ମସିଅକେ ‘ମର୍ ମାପୁରୁ !’ ବଲି କାଇକେ ଜାନାଇ ଆଚେ ?”  
 କାଇକେବଇଲେ ଆଡ଼ମା ଚାଲୁନା ଦେଲାକେ, ସେ ଲେକିଆଚେ,  
 ୪୪ ପରମେସର୍ ମର୍ ମାପୁରୁକେ କଇଲା,  
 “ଆମେ ତର୍ ସତ୍ତୁମନ୍ଦକେ ତମର୍ ପାଦ୍ ତଲେ ନ ଆନ୍ଦା ଜାକ  
 ‘ତୁଇ ମର୍ ଉଜା ବାଟେ’ ବସି ରଅ ।’  
 ୪୫ “ଜଦି ଦାଉଦ୍ ମସିଅକେ ‘ମର୍ ମାପୁରୁ’ ବଲି ନାମି ଆଚେ, ତେବେ ମସିଅ କେନ୍ତ୍ରି ତାର୍ ପଅ ଅଇପାରସି ?”  
 ୪୬ ଜିସୁକେ ଇଡିର୍ ଉତର୍ କେ ମିସା ଦେଇ ନାପାରଲା । ସେ ଦିନେଅନି, ଆରି ତାକେ କେ ମିସା କାଇ ପର୍ସନ୍  
 ପାଚାରବାକେ ସାଆସ୍ କରଡ଼ ନାଇ ।

### ୨୩

ପାରୁସି ଆରି ଦରମ୍ ଗୁରୁମନ୍ଦର୍ ବିରୁଦେ ଜାଗରଡ଼ କରାଇବାଟା  
 (ମାର୍କ ୧୨:୩୮-୩୯; ଲୁକ୍ ୧୧:୪୩-୪୬; ୨୦:୪୫-୪୬)

୧ ଜିସୁ ସିସ୍ତମନ୍ଦକେ ଆରି ତେଇ ରୁଣ୍ଡି ରଇବା ଲକ୍ଷମନ୍ଦକେ କଇଲା, ୨ “ପାରୁସି ଆରି ଦରମ୍ ଗୁରୁମନ୍ଦକେ ମସାର୍  
 ନିୟମର୍ ଅରଡ଼ ବୁଜାଇ ଦେବାର୍ ଅଦିକାର୍ ଆଚେ । ୩ ସେମନ୍ ଜାଇଟା କର୍ବାକେ କଇଲାଇନି, ସେଟା କରା, ମାତର୍  
 ସେମନ୍ ଜାଇ ଜାଇଟା କଲାଇନି, ସେଟା ଦେକି ସେନ୍ତାରି କରାନାଇ । କାଇକେ ବଇଲେ ସେମନ୍ ନିଜେ ଜନ୍ ସିକିଆ  
 ଦେବାଇ, ତାର୍ ଉଲଟା କର୍ବାଇ । ୪ ସେମନ୍ ତାକର୍ ସିକିଆ ସବୁ ଲକ୍ଷମନ୍ଦର୍ ପିଟି ଉପ୍ରେ ବେସି ବଜ୍ ପାରା  
 ଲାଦିଦେବାଇ । ମାତର୍ ସେ ସବୁ ବଜର୍ ନିୟମ୍, ଚିନି ଆଙ୍ଗଟିତେଇ ଉଟାଇବା ଏଡ଼କି ମିସା ସାଇଜ ନ କରଡ଼ । ୫\*ସେମନ୍  
 ଲକ୍ଷକେ ଦେକାଇଅଇବାକେ ସବୁ କାମ୍ କର୍ବାଇ । ସାସ୍ତର୍ ପଦ୍ ଲେକାଅଇଲା କେତେ କେତେ ବଡ଼ ବଡ଼ ତଅଁରାମନ୍  
 କାପାଲେ ଆରି ପଡ଼ିଆଇ ବାନ୍ଦିଅଇ ଆଚଡ଼ । ଆରି ଦେକା, ସେମନ୍ଦର୍ ବସ୍ତରର୍ ଜାଲି କେତେକ୍ ତେଙ୍ଗ୍ । ୬ ସେମନ୍  
 ବଜିମନ୍ଦକେ ମୁକିଅ ଜାଗାଇ ଆରି ପାର୍ତନା ଗରେ ବାଟିଅଇରଇଲା ଜାଗା ଅଦିକାର୍ କର୍ବାକେ ମନ୍ କର୍ବାଇ । ୭ ଆଟେ  
 ବାଟେ ଆରି ଦୁକାନେ ଲକ୍ଷମନ୍ ସେମନ୍ଦକେ ମାନିକରି ଜୁଆର୍ କରଡ଼ ଆରି ‘ଗୁରୁ’ ବଲି ତାକଡ଼, ଏନ୍ତାରି ସେମନ୍ ମନ୍  
 କର୍ବାଇ । ୮ ମାତର୍ ତମକେ କେ ଗୁରୁ ବଲି ତାକ୍ବାର୍ ଦରକାର୍ ନାଇ । କାଇକେ ବଇଲେ ସବୁ ଲକ୍ଷ ନିଜର୍ ନିଜର୍  
 ବିଡ଼ରେ ବାଇ, ଆରି ତମର୍ ଗୁରୁ ଗଟେକ୍ ସେ । ୯ ଆରି ଜଗତେ ତମେ କାକେ ବାବା ବଲି ତାକ୍ବାକେ ଦରକାର୍ ନାଇ ।  
 କାଇକେ ବଇଲେ ତମର୍ ଗଟେକ୍ସେ ବାବା, ସେ ସରଗେ ଆଚେ । ୧୦ ତମକେ ନେତା ବଲି ମିସା କେ ନ ତାକଡ଼, କାଇକେ  
 ବଇଲେ ଗଟେକ୍ ସେ ନେତା, ସେ ଅଇଲାମି ମାପୁରୁ ମସିଅ । ୧୧ \*ତମର୍ ବିଡ଼ରେ ଜେ ସବୁର୍ ଟାନେଅନି ମୁକିଅ, ସେ  
 ତମର୍ ସେବା କର । ୧୨ \*ଜେ ନିଜକେ ବଡ଼ ବଲି କଇସି, ତାକେ ସାନ୍ କରାଅଇସି ଆରି ଜେ ନିଜକେ ସାନ୍ ବଲି ବାବ୍ସି,  
 ତାକେ ବଡ଼ କରାଅଇସି ।”

ଜିସୁ ଟକାବଣ୍ଡା ଗୁରୁମନ୍ଦକେ ନିନ୍ଦା କଲା  
 (ମାର୍କ ୧୨:୪୦; ଲୁକ୍ ୧୧:୩୯-୪୨, ୪୪-୫୨; ୨୦:୪୭)

୧୩ “ଅଇରେ ଦରମ୍ ଗୁରୁମନ୍ ଆରି ପାରୁସିମନ୍ ! ସେସ୍ବେଲେ ତମର୍ ଦସା କେତେ ଅଦିକ୍ ଅଇସି ! ଏଇ ଟକାବଣ୍ଡା  
 ଦଲ୍, ସରଗ୍ ରାଇଜେ କେଟ୍ବା ଦୁଆର୍ ତମେ ତାବିଦେଇଆଚାସ୍ ! ନିଜେ ତେଇ କେଟାସ୍ ନାଇ ଆରି ଜନ୍ଲକ୍ଷମନ୍ ତେଇ  
 କେଟ୍ବାକେ ମନ୍ କଲାଇନି, ସେମନ୍ଦକେ ବାଟ୍ ଚାଡ଼ାସ୍ ନାଇ ।”

୧୪ “ଏ କୁଟିଆଲ୍ ଦରମ୍ ଗୁରୁମନ୍ ଆରି ପାରୁସିମନ୍ ! ତମର୍ ଇନସ୍ତା କେତେକ୍ କାକୁର୍ତି ଅଇସି । ତମେ ଚାଲାକି  
 ଅଇକରି ଜବର୍ ପର୍ ପାର୍ତନା କର୍ସା । ମାତର୍ ରାଣ୍ଡି ମାଇଜିମନ୍ଦର୍ ଗର୍ମନ୍ ସବୁ ଦାପ୍ରେ ଗିଲିଦେଇସା । ତେବେ  
 ତମକେ ଅଦିକ୍ ଡଣ୍ଡ ଦିଆଅଇସି ।”

୧୫ ଏ ଟକାବଣ୍ଡା ଦରମ୍ ଗୁରୁମନ୍ ଆରି ପାରୁସିମନ୍ ! ତମେ କେତେ ଇନସ୍ତା ଅଇ କାକୁର୍ତି ଅଇସା । ସମ୍ପୁର୍ ଲକ୍ଷି  
 ବିନ୍ ବିନ୍ ଦେସ୍ତମନ୍ଦକେ ଜାଇ ଗଟେକ୍ ଲକ୍ଷକେ ତମର୍ ଦରମ୍ ଟାନେ ମିସାଇବାକେ କଜି ବୁଲ୍ଲାସ୍ନି । ମାତର୍ ସେନ୍ତାଉ  
 ଗଟେକ୍ ଲକ୍ଷକେ ମିଲାଇଲେ, ତାକେ ତମର୍ ଟାନେଅନି ଅଦିକ୍, ନରକର୍ ଡଣ୍ଡ ପାଇବାକେ ବାଟ୍ଲାସ୍ନି ।

୧୬ ଏଇ ବାଟ୍ ଦେକାଉ କାଣାମନ୍ ! ତମର୍ ଦସା କେତେକ୍ ଇନସ୍ତା ଅଇସି । କେ ମନ୍ଦିରର୍ ନାଉଁ ଦାରି ପର୍ମାନ୍  
 କଲେ, ସେଟା ସେମନ୍ ମାନ୍ବାର୍ ବାଦିଅ ନାଇ, ମାତର୍ ମନ୍ଦିରେ ରଇଲା ସୁନାର୍ ନାଉଁ ଦାରି ଜେ ପର୍ମାନ୍ କର୍ସି, ତାକେ  
 ସେଟା ମାନ୍ବାକେ ପଡ଼ସି ବଲି ତମେ ସିକାଇତେ ରଇସା । ୧୭ ଏଇ ବୁଦି ନ ରଇବା କାଣାମନ୍ ! ସୁନା ବଡ଼, କି ସୁନାକେ  
 ସୁକଲ୍ କର୍ତେ ରଇବା ମନ୍ଦିର୍ ବଡ଼ ? ୧୮ ଗଟେକ୍ ଲକ୍ଷ ବେଦିର୍ ନାଉଁ ଦାରି ପର୍ମାନ୍ କଲେ ସେ ସେଟା ମାନ୍ବାର୍  
 ଆକା ଆଚେ ବଲି ନଏଁ, ମାତର୍ ବେଦି ଉପ୍ରେ ସଙ୍ଗଇ ରଇବା ମାପୁରୁକେ ଦେଲାଟା ନାଉଁଦାରି ପର୍ମାନ୍ କଲେ, ସେଟା  
 ମାନ୍ବାଟା ବଲି ତମେ ସିକାଇତେ ରଇସା । ୧୯ ତମେ କେତେବଡ଼ କାଣାମନ୍ ! କନ୍ଟା ମୁକିଅ ? ମାପୁରୁକେ ଦେଲାଟା କି,  
 ମାପୁରୁକେ ଦେଲାଟା ସୁକଲ୍ କର୍ତେ ରଇବା ବେଦି ? ୨୦ ତେବର୍ ପାଇ କେ ମିସା ବେଦିର୍ ନାଉଁ ଦାରି ପର୍ମାନ୍ କଲେ,

\* ୨୩:୫ ୨୩:୫ ମାଡ଼ିତ ୭:୧ ☆ ୨୩:୧୧ ୨୩:୧୧ ମାଡ଼ିତ ୨୦:୨୭,୨୭; ମାର୍କ ୯:୩୫; ୧୦:୪୩,୪୪; ଲୁକ୍ ୨୨:୨୭ ☆ ୨୩:୧୨ ୨୩:୧୨ ଲୁକ୍ ୧୪:୧୧; ୧୮:୧୪

ସେ ବେଦି ଆରି ତାର ଉପରେ ରଇବା ମାପରୁକେ ଦେଇ ରଇବା ସବୁ ଜିନିଷ ନାଉଁ ଦାରି ପରମାନ କରସି । ୨୧ କେ ମିସା ମନ୍ଦିରର ନାଉଁ ଦାରି ପରମାନ କଲେ, ସେ ମନ୍ଦିର ଆରି ତେଇ ବାସା ଅଇରଇବା ପରମେସରର ନାଉଁ ଦାରି ପରମାନ କରସି ।

୨୨ ☆କେ ମିସା ସରଗର ନାଉଁ ଦାରି ପରମାନ କଲେ, ସେ ପରମେସରର ବସ୍ତା ଜାଗା ଆରି ସେ ବସ୍ତା ଜାଗାଇ ବସି ରଇବା ପରମେସରର ନାଉଁ ଦାରି ପରମାନ କରସି ।

୨୩ ଏଇ କୁଟିଆଲ୍ ଦରମ୍ ଗୁରୁମନ୍ ଆରି ପାରୁସିମନ୍, ତମର ଦସା କେତେ ଇନସତା ଆରି କାକୁରତି ଅଇସି ! ତମେ ପରମେସରର ପାଇ ବଲି ସାନ୍ ସାନ୍ ଜିନିଷ ଅଇଲେ ମିସା ଦସ୍ତାଗ୍ ଅନି ବାଗେକ୍ ଦାନ୍ କରସା, ମାତର ନିଆଇ, ଦୟା, ବିସ୍ତାସ୍ ଏନ୍ତି ମୁକିଅ ମୁକିଅ ବିସଇର ନିୟମର ସିକିଆ ଏଲା କଲାସିନି । ପୁରବର ମୁକିଅ ବିସଇ ଏଲା ନ କରି, ଏ ସବୁଜାକ ଆଗତୁଅନିସେ ଅବିଆସ୍ କରବାର ରଇଲା ।

୨୪ ଏଇ ବାଟ୍‌ଦେକାଇବା କାଣା ଲକ୍‌ମନ୍ ! ତମେ କାଇବାବେଲେ କେତେବଲ୍ ତେଇ କାଇଆଲେ କିତା ଅଦ୍‌ରି ରଇସି ବଲି ସେଟା ଚାନି ପାକାଇତେ ରଇସା । ମାତର ତମେ ଗଟେକ୍ ଗଟେକ୍ ବଡ଼ ପସୁକେ ମିସା ଗିଲି କାଇପାକାଇସା ।

୨୫ ସାରାସାରି ଦିନେ ତମେ କେତେ କାକୁରତି ଅଇସା, ଏଇ କୁଟିଆଲ୍ ଦରମ୍ ଗୁରୁ ଆରି ପାରୁସିମନ୍ ! ତମେ ଉପରେ ଉପରେ ତାଲାଗିନା ମାଜି ପରିଚଲ୍ କରିରଇସା, ମାତର ସେ ବିଡ଼ରେ ଇସା ଆରି ନିଜର ବିସଇ ଚିନ୍ତା କରବାଟା ବରତି ଅଇରଇସି ।

୨୬ ଏଇ କାଣା ପାରୁସିମନ୍ ! ମୁତାର ବିଡ଼ରେ ରଇବାଟା ଆଗତୁ ପରିଚଲ୍ କରା, ସେନ୍ତାର କଲେ ଉପରରଟା ମିସା ପରିଚଲ୍ ଅଇଜାଇସି ।

୨୭ ☆ଏଇ ଦରମ୍ ଗୁରୁମନ୍ ଆରି ପାରୁସିମନ୍ ! ତମକେ କେତେ ବଡ଼ ଡଣ୍ଡ ମିଲ୍‌ସି । ଏଇ କୁଟିଆଲ୍‌ମନ୍ ! ତମେ ଉପରେ ଉପରେ ଚୁନସଙ୍ଗ୍ ସାରଇ ରଇବା ଗୁଡାମ୍ ପାରା । ଏଟାମନ୍ ଉପରେ ସୁନ୍ଦର ଡିସିସି, ମାତର ବିଡ଼ରେ କୁଇଲା ମଡ଼ ଆରି ଆଡ଼ଗଡ଼ ବରତି ଅଇରଇସି ।

୨୮ ସେନ୍ତାରିସେ ତମେ ମିସା ବାଇରେ ଲକ୍‌ମନ୍‌ର ଦେକ୍‌ତେ ଦରମ୍ ପାରା ଡିସ୍‌ତେରଇସା, ମାତର ତମର ବିଡ଼ରେ କୁଟ୍ କାତା, ଆଁକାର, ଆରି ପାପ୍ ବରତି ଅଇଆଟେ ।

**ଜିସୁ ସେମନ୍‌ର ଡଣ୍ଡ ପାଇବାଟା ଜାନାଇଲା**  
(ଲୁକ୍ ୧୧:୪୭-୫୧)

୨୯ ଏଇ ଦରମ୍ ଗୁରୁମନ୍ ଆରି ପାରୁସିମନ୍ ! ଏ ଟକାବଣ୍ଡା କରୁମନ୍ ! ତମର ପାଇ ଏଟା କେତେକ୍ ଇନସତାର ବିସଇ । ତମେ ବବିସତ୍‌ବକ୍‌ତାମନ୍‌ର ପାଇ ସୁନ୍ଦର ସୁନ୍ଦର ସମାଦି ତିଆର କଲାସିନି ଆରି ଦରମ୍ ଲକ୍‌ମନ୍‌କେ ସବୁ ଦିନ୍ ଏତାଇବାକେ ନାଉଁ ଲେକି ତସାଇଲାସିନି । ୩୦ ଆରି ତମେସେ କଇଲାସିନି ଜଦି ତମର ଆନିଦାଦିମନ୍‌ର ବେଲେ, ତମେ ରଇତାସ୍ ବଇଲେ, ସେମନ୍‌ର ପାରା ଚଲାଚଲ୍‌ତି ନ କରତାସ୍, କି ବବିସତ୍‌ବକ୍‌ତାମନ୍‌କେ ନ ମରାଇତାସ୍ । ୩୧ ଏ କାତା କଇଲାର ପାଇ ତମେ ବବିସତ୍‌ବକ୍‌ତାମନ୍‌କେ ମରାଉମନ୍‌ର ନାତି ତିଡ଼ିର ଲକ୍ ବଲି ଏବେ ମାନ୍‌ଲାସିନି ।

୩୨ ତେବେ ତମେ ଆଗତୁ ଉଆ । ତମର ଆନିଦାଦିମନ୍ କରିରଇବା କରତା କାମ୍ ପୁରାପୁରୁନ୍ ସାରାଇ ଦିଆସ୍ ।

୩୩ ☆ଏଇ ସାଁପମନ୍ ! ବିସରଇବା ସାଁପର କୁଟୁମର ପାରା ଲକ୍‌ମନ୍, ତମେ କେନ୍ତି ନରକର ଡଣ୍ଡେଅନି ରକିଆ ମିଲ୍‌ସି ବଲି ଆସା କଲାସିନି ? ୩୪ ସେଟାର ପାଇ ମୁଇ ତମକେ କଇଲିନି, ତମର ଲଗେ ବବିସତ୍‌ବକ୍‌ତାମନ୍‌କେ, ସିକାଇବା ଗୁରୁମନ୍‌କେ ଆରି ଗିଆନ୍ ରଇବା ବଡ଼ ଲକ୍‌ମନ୍‌କେ ମୁଇ ପାଟାଇବି । ତାକର ବିଡ଼ରେଅନି ତମେ କେତେ ଲକ୍‌କେ ମରାଇସା, କେତେ ଲକ୍‌କେ କୁରସେ ଚଗାଇସା, ଆରି ବାକି ଲକ୍‌ମନ୍‌କେ ପାର୍‌ତନା ଗରେଅନି କରତା ସଙ୍ଗ୍ ମାରି ମାରି ଗଟେକ୍ ନଅରେ ଅନି ଆରିଗଟେକ୍ ନଅରେ କେଦି ଦେଇସା । ୩୫ ଜେନ୍ତିକି ଏବଲର ବେଲେଅନି ଆରାମ୍ କରି ବରକିଆର ପ ଜିକରିୟର ଜାକ, ଜାକେ କି ତମେ ମନ୍ଦିର ଆରି ବେଦିର ମଜାଇ ମରାଇରଇଲାସ୍, ଦସ୍ ନ କରିରଇବା ସବୁ ଲକ୍‌ମନ୍‌କେ ମରାଇଲା ପାଇ ତମେ ଦସିଅଇ ଡଣ୍ଡ ପାଇସା । ୩୬ ମୁଇ ସତ୍ କଇଲିନି, ଏ ସବୁ ଲକ୍‌ମନ୍‌କେ ମରାଇଲା ପାଇ ଏ ଜୁଗର ଲକ୍‌ମନ୍ ଡଣ୍ଡ ପାଇବାଇ ।

**ଜିରୁସାଲାମର ପାଇ ଜିସୁର ଆଲାଦ୍**  
(ଲୁକ୍ ୧୩:୩୪-୩୫)

୩୭ ଏ ଜିରୁସାଲାମ୍, ଏ ଜିରୁସାଲାମ୍, ତୁଇ ବବିସତ୍‌ବକ୍‌ତାମନ୍‌କେ ମରାଇଲୁସିନି ଆରି ପରମେସର ପାଟାଇରଇଲା କବର ଆନୁମନ୍‌କେ ପାକନା ମାରି ମରାଇଲୁସିନି । ମାଇ କୁକ୍‌ତା ତାର ଚିଅଁମନ୍‌କେ ତେନା ବିଡ଼ରେ ଦାରି ଅଲଣ୍ଡିଲାପାରା, ତର ଲକ୍‌ମନ୍‌କେ ମୁଇ ପାଟାଲି ରକିଆ କରବାକେ କେତେ କେତେ ତର ଚେସ୍‌ଟା କଲି । ମାତର ମକେ ସେନ୍ତାରି କରବାକେ ଦେଉସ୍ ନାଇ । ୩୮ ସେଟାର ପାଇ ତର ମନ୍ଦିର ବାଜିରୁଜି ଚିନ୍‌ବିନ୍ ଅଇଜାଇସି । ୩୯ ମାତର ମୁଇ କଇଲା କାତା ରଇସି, ମାପରୁର ନାଉଁ ଦାରି ଜେ ଆଇଲାନି, ସେ କେତେ କରମର ଲକ୍ ବଲି ଏଟା ଜେବେ ଜାକ ନ କୁଆସ୍, ଆଜିଅନି ଆରି କେବେ ମକେ ଦେକି ନାପାରାସ୍ ।

☆ ୨୩:୨୨ ୨୩:୨୨ ମାତୃତ ୫:୩୪ ☆ ୨୩:୨୭ ୨୩:୨୭ ପେରିଡ଼ ୨୩:୩ ☆ ୨୩:୩୩ ୨୩:୩୩ ମାତୃତ ୩:୭;୧୨:୩୪; ଲୁକ୍ ୩:୭



# ୨୪

## ମନ୍ଦିର କୁରୁପନାସ୍ ଅଇବା ବିଷୟ ଜାନାଇବାଟା (ମାର୍କ ୧୩:୧-୨; ଲୁକ୍ ୨୧:୫-୬)

୧ ଜିସୁ ମନ୍ଦିରେଅନି ବାରଇ ଇଣ୍ଡିଜାଇତେ ରଇବାବେଲେ ସିସମନ୍ ମନ୍ଦିର୍ ପିଣ୍ଡା ଦୁଆରେ ରଇବା ବଡ଼ ବଡ଼ ପାକନା ବାଟେ ଦେକାଇଲା । ୨ ଜିସୁ କଇଲା, “ଏବେ ସିନା ଏ ସବୁ ଦେକଲାସ୍ତି । ମୁଇ ତମ୍ଭକେ ସତ୍ କଇଲିନି ଏ ମନ୍ଦିରର୍ ଗଟେକ୍ ମିସା ପାକନା ତାର୍ ଜାଗାଇ ନ ରଏ । ସବୁଜାକ ଅଦ୍ରି ବିଲିଜାଇସି ।”

## ଦୁକ୍ ଆରି କସ୍ଟ (ମାର୍କ ୧୩:୩-୧୩; ଲୁକ୍ ୨୧:୭-୧୯)

୩ ଜିସୁ ଜିଡ଼ ନାଉଁର୍ ତଙ୍ଗର୍ ଉପରେ ବସିରଇଲା ବେଲେ, ତେଇ କେ ନ ରଇଲା ବେଲେ, ସିସମନ୍ ଆସି ତାକେ ପାଚାରଲାଇ, “ଏ ସବୁଜାକ କେବ୍‌କେ ଅଇସି ଆମ୍ଭକେ କୁଆ କାଇ ଗଟ୍‌ନା ଗଟ୍‌ଲେ ଆମେ ଜାନିପାରବୁ ଜେ ତମ୍ଭର୍ ଆଇବା ବେଲା ଅଇଲାନି ଆରି ଏ ଜୁଗ୍ ସେସ୍ ଅଇସି ବଲି ?”

୪ ଜିସୁ କଇଲା, “ଜାଗ୍‌ରତ୍‌ଅଇକରି ରୁଆ, ଜେନ୍ତିକି କେ ମିସା ତମ୍ଭକେ ନ ନାଡ଼ାଅଡ଼ । ୫ କେତେ କେତେ ଲକ୍‌ମନ୍ ମର ନାଉଁ ଦାରି ଆସି କଇବାଇ, ‘ମୁଇ ଆକା କିରିସ୍‌ଟ ମସିଅ ।’ ସେମନ୍ ଏନ୍ତାର୍ କଇ କେତେ କେତେ ଲକ୍‌ମନ୍‌କେ ନାଡ଼ାଇବାଇ । ୬ ତମ୍ଭର୍ ଲଗେ ଅଇତେ ରଇବା ଜୁଇଦର୍ କିଲ୍‌ବିଲ୍ ଅଇବାଟା ସୁନ୍‌ସା ଆରି ଦୁରିକେ ଅନି ଅଇତେ ରଇବା ଜୁଇଦର୍ କବର୍ ଜାନସା । ମାତର୍ ତରାନାଇ, ବାଇଦରେ ଏନ୍ତି ଗଟ୍‌ନା ଅଇସି । ମାତର୍ ଏଟାର୍ ଅରତ୍ ନଏଁ ଜେ, ଜୁଗ୍‌କାଲ୍ କେଟିଗାଲା । ୭ ଦେସ୍ ଦେସ୍ ବିଡ଼ରେ ଜୁଇଦ୍ ଅଇସି, ଗଟେକ୍ ରାଇଜ୍ ଆରି ଗଟେକ୍ ରାଇଜ୍ ଉପରେ ଜୁଇଦ୍ କରସି । ସବୁ ବାଟେ ମରଡ଼ି ଆରି ଦରତନି ରୁଲ୍‌ବୁଲ୍‌ସି । ୮ ମାତର୍ ଏଟାମନ୍ ସବୁ ମାଇଜିମନ୍‌ର୍ ଆଡ଼ଗଡ଼ ସୁକ୍‌ଅଇବା ବେଲେ ପର୍ତ୍ତୁମ୍ ପର୍ତ୍ତୁମ୍ ଅଇବା ଦୁକାସୁକା ପାରା । ୯ ତମେ ଦାରାଇ ଅଇ ମାଡ଼ କାଇବାକେ ଆରି ମରନର୍ ଡ଼ଣ୍ଡ ପାଇବାକେ ସର୍ପି ଅଇସା । ତମେ ମକେ ବିସ୍‌ବାସ୍ କଲାର୍ ପାଇ ବଲି ସବୁ ଲକ୍ ଗିନ୍ କରବାଇ । ୧୦ ସେଡ଼କିବେଲେ କେତେ କେତେ ଲକ୍ ତାକର୍ ବିସ୍‌ବାସ୍ ଆରାଇବାଇ, ତାକର୍ ତାକର୍ ବିଡ଼ରେ ଗିନ୍ ଅଇକରି ତାକର୍ ତାକର୍ ବିଡ଼ରେ ବିସ୍‌ବାସେ ବିସ୍ ଦିଆ ଦିଇ ଅଇବାଇ । ୧୧ ସେବେଲେ କେତେ କେତେକ୍ ଟକାବଣ୍ଡା ବସିସତ୍‌ବକ୍ତା ଆସିକରି ଲକ୍‌ମନ୍‌କେ ନାଡ଼ାଇବାଇ । ୧୨ ଏନ୍ତାରି ଅଇ ପାପ୍ ଅଦିକ୍ ଅଦିକ୍ ଅଇସି ଆରି ପର୍‌ମେସର୍ ପାଇରଇବା ଲକ୍‌ମନ୍‌ର୍ ଆଲାଦ୍ ସିତଲ୍ ଅଇଜାଇସି । ୧୩ ମାତର୍ ଜେ ସାରାସାରି ଜାକ ମୁରଟିକରି ରଇସି, ସେ ମୁକ୍ତି ପାଇସି । ୧୪ ରାଇଜର୍ ସବୁ ବାସାର୍ ଲକ୍‌ମନ୍‌ର୍ ଲଗେ, ମାପୁରୁର୍ ସାକିଦେବାକେ ଦୁନିଆର୍ ଗୁଲାଇବାଟେ ତାର୍ କାତା ସୁନାଇବାଇ । ତାର୍‌ପଟେ ସେ ଜୁଗ୍ ସାରସି ।”

## ସାରାସାରି ଦିନର୍ କସ୍ଟ (ମାର୍କ ୧୩:୧୪-୨୩; ଲୁକ୍ ୨୧:୨୦-୨୪)

୧୫ ଦାନିଏଲ୍ ବସିସତ୍‌ବକ୍ତା ଟିକି ନିକି ଇସାବେ ଲେକିରଇବା ସେ ବାୟାବିକଲର୍ ଦିନ୍ ତମେ ଆରି ତରେକ୍ ଦେକ୍‌ସା । ସେଟା ସୁକଲ୍ ଜାଗାକେ ଅସୁକଲ୍ କରିଦେଇସି । ଇଡିର୍ ଅରତ୍ କାଇଟା, ପଡ଼ଲା ଲକ୍ ବୁଜା । ୧୬ ସେବେଲେ ଜନ୍ ଲକ୍‌ମନ୍ ଜିଉଦା ରାଇଜେ ରଇବାଇ, ସେମନ୍ ତଙ୍ଗ୍‌ରେ ପାଲାଅଡ଼ । ୧୭ ଜନ୍ ଲକ୍‌ମନ୍ ତାଉନି ଉପରେ ରଇବାଇ, ସେମନ୍ ଗର୍‌ବିଡ଼ର୍ ଜିନିସ୍ ପତର୍ ନେବାକେ ତଲେ ଆସି ରୁଟାଇ ରୁଟାଇ ବେଲା ନ ଗତାଅଡ଼ । ୧୮ ଜନ୍ ଲକ୍‌ମନ୍ ପଦାଇ ଜାଇତେ ରଇବାଇ, ସେମନ୍ ତାକର୍ ଲୁଗା ପଟିଆ ନେବାକେ ଗରେ ନ ବାଉଡ଼ଡ଼ । ୧୯ ସେଡ଼କିବେଲେ ଗାଗ୍‌ତେ ରଇବା ମାଇଜିମନ୍ ଆରି ପିଲାକେ ଦୁଦ୍ କୁଆଇତେ ରଇବା ମାମନର୍ ଦସା କେତେ ଇନସ୍‌ତା ଅଇସି । ୨୦ ଏ ସବୁ ଗଟ୍‌ନା ସିଡ଼ ଦିନେ ନ ଅ । ସେଟାର୍‌ପାଇ ପର୍‌ମେସର୍‌କେ ପାର୍‌ତନା କରତେ ରୁଆ, ଜେନ୍ତାରି କି ସିଡ଼ମାସେ ନଇଲେ ବିସ୍‌ରାମ୍‌ବାରେ ତମ୍ଭକେ ପାଲାଇବାକେ ନ ପଡ଼େ । ୨୧ ସେବେଲେ ଜନ୍ ଦୁକ୍ ପାଇବାକେ ପଡ଼ସି, ଦୁନିଆ ଡିଆର୍ ଅଇଲାଟାମେଅନି ଆଜିକେ ଜାକ ଅଇ ରଇବା ସବୁ କସ୍‌ଟେଇଅନି ଅଦିକ୍ ଅଇଜାଇସି । ସେନ୍ତାରି ଦୁକ୍ ଆଗ୍‌କେ ଆରି କେବେ ନ ଆସେ । ୨୨ ମାତର୍ ପର୍‌ମେସର୍ ଦୁକର୍ ବେଲା ଉନାକରି ଦେଇଆଟେ । ସେନ୍ତାରି ନ କରିରଇଲେ କେ ମିସା ନ ରଇତାଇ । ମାତର୍ ସେ ବାଟିରଇବା ଲକ୍‌ମନ୍‌କେ ଜିଆଇବାପାଇ ପର୍‌ମେସର୍ ସେ ବେଲା ଉନାକରି ଦେଇଆଟେ ।

୨୩ ସେବେଲେ କେ ଜଦି ତମ୍ଭକେ ଇଡି କିରିସ୍‌ଟ ଆଟେ ନଇଲେ ତେଇ ସେ ଆଟେ ବଲି କଇସି, ତାକେ ବିସ୍‌ବାସ୍ କରା ନାଇ । ୨୪ କାଇକେ ବଇଲେ ମୁଇ ନିଜେ ମସିଅ କି ମୁଇ ନିଜେ ବସିସତ୍‌ବକ୍ତା ବଲାଅଇତେ ରଇବା ଟକାବଣ୍ଡାକରୁମନ୍ ସେବେଲେ ଦେକାଇଅଇବାଇ । ସେମନ୍ କାବା ଅଇଜିବା କାମ୍‌ମନ୍ ଦେକାଇ ପର୍‌ମେସର୍ ବାଟି ରଇବା ଲକ୍‌ମନ୍‌କେ ମିସା ନାଡ଼ାଇବାଇ । ୨୫ ଦେକା, ସେ ବେଲା ନ ଆଇବା, ଆଗଡ଼ୁ ମୁଇ ତମ୍ଭକେ ଜାନାଇଦେଲିନି ।

୨୬ “ଦେକା, ଜଦି ଲକ୍‌ମନ୍ ସେ ମରୁବାଲି ରଇବା ଜାଗାଇ ଆଟେ ବଲି କଇବାଇ, ତମେ ତେଇ ଜାଆ ନାଇ । କି ସେମନ୍ ଇଡି ଦେକିଦେକା ସେ ଲୁଟିଆଟେ ବଲି କଇବାଇ, ସେମନ୍‌କେ ବିସ୍‌ବାସ୍ କରା ନାଇ । ୨୭ ଉଦିଆନ୍ ଦିଗେଅନି

☆ ୨୪:୯ ୨୪:୯ ମାତ୍ରିକ ୧୦:୨୨ ☆ ୨୪:୧୩ ୨୪:୧୩ ମାତ୍ରିକ ୧୦:୨୨ ☆ ୨୪:୧୭ ୨୪:୧୭ ଲୁକ୍ ୧୭:୩୧ ☆ ୨୪:୨୧ ୨୪:୨୧ ପର୍କାସିତ ୭:୧୪  
☆ ୨୪:୨୬ ୨୪:୨୬ ଲୁକ୍ ୧୭:୩୩,୨୪

ବୁଢ଼ି ଦିନ ଜାକ ଜେନ୍ତାରି ବିଜୁଲି ମାରିକରି ଗୁଲାଇ ଆକାସ୍ ଉଜଲ୍ ଅଇସି, ସେନ୍ତାରି ଅଇକରିସେ ନରପିଲା ମୁଇ ଆଇବି ।”

୨୮ “ଜନ୍ତ୍ର ମତା ପିଙ୍ଗି ରଇବାଇ, ତେଇ ମଡ଼କାଉ ଗିଦମନ୍ ରୁଣ୍ଡିରଇବାଇ ।”

**ନରପିଲା ଆଇବାଟା**  
(ମାର୍କ ୧୩:୨୪-୨୭; ଲୁକ୍ ୨୧:୨୫-୨୮)

୨୯ “ସେ ଦୁକରବେଲା ସାରବା ବେଲେ, ବେଲ୍ ଜାଉଁଲି ଜାଇସି, ଜନ୍ ଆରି ଉଜଲ୍ ନ ଡିସାଏ, ବାଦ୍‌ଲେଅନି ତାରାମନ୍ ଅଦରବାଇ ଆରି ବାଦ୍‌ଲେ ଉଜଲ୍ ଦେବାଟାମନ୍ ସବୁ ବାଟ୍ ବାନା ଅଇଜିବାଇ । ୩୦ “ତାର୍ ପତେ ନରପିଲା ମୁଇ ବାଦ୍‌ଲେ ଆଇବାଟା ଦେକ୍‌ସା । ଆରି ଡାକ୍‌ପୁଟାଅଇ ପାନି ବାଦ୍‌ଲେ ବପୁ ସଙ୍ଗ୍ ଆଇବାଟା ଦେକି ଦରତନିର୍ ଲକ୍‌ମନ୍ କାନ୍ଦାବୁବା ଅଇଜିବାଇ । ୩୧ ବଡ଼ ମଇରି ବାଜ୍‌ସି । ଆରି ଗୁଲାଇ ସରଗର୍ ଗଟେକ୍ କନେ ଅନି ବିନ୍ ବିନ୍ କନେ ରଇବା ମର୍ ବାବା ବାଟି ରଇବା ଲକ୍‌ମନ୍‌କେ ଚୁଲିଆଇବାକେ ମୁନ୍‌ସ୍ ପିଲା ମୁଇ ମର୍ ବୁଡ଼ମନ୍‌କେ ପାଟାଇବି ।

**ତୁମ୍‌ରି ଗଟେଅନି ସିକିଆ**  
(ମାର୍କ ୧୩:୨୮-୩୧; ଲୁକ୍ ୨୧:୨୯-୩୩)

୩୨ ତୁମ୍‌ରି ଗଟେଅନି ସିକା । ଜେତେବେଲେ ତାର୍ କେନ୍ଦିଅନି ପତର୍ ପାଲୁଆନି କରସି, ଆରି କାଁଟାପଡ଼ିଆ ଡିସଲେ କାରାଦିନ୍ କେଟ୍‌ଲା ବଲି ତମେ ଜାନ୍‌ସା । ୩୩ ସମାନ୍ ସେନ୍ତାରିସେ ଏ ସବୁ ଜାକ ଅଇବାଟା ଦେକ୍‌ଲେ, ସାରାସାରି ଦିନ୍‌କାଲ ଆରାମ୍ ଅଇଲା ବଲି ତମେ ଜାନା ।

୩୪ “ଏତାଇରୁଆ, ମୁଇ ସଡ଼ କଇଲିନି, ଏବେ ଜିବନ୍ ରଇଲା ଲକ୍‌ମନ୍‌ର୍ ବିଡ଼ରେଅନି ସବୁ ଲକ୍ ମର୍‌ବା ଆଗଡ଼ୁ, ଏସବୁ ବିସଇ ଗଟ୍‌ସି । ୩୫ ସରଗ୍ ଆରି ମର୍‌ପୁର୍ କୁରୁପ୍‌ନାସ୍ ଅଇଜାଇସି, ମାତର୍ ମର୍ ସବୁ ବାକିଅ କେବେ ମିଡ଼ ନ ଅଏ ।

**ସେ ଆଇବା ବେଲା କେ ମିସା ନାଜାନଡ଼**  
(ମାର୍କ ୧୩:୩୨-୩୬; ଲୁକ୍ ୧୭:୨୬-୩୦, ୩୪-୩୬)

୩୬ “ସେ ଦିନ୍, ସେ ବେଲା କେବେ ଆଇସି, କେ କଇନାପାରଡ଼ । ପର୍‌ମେସରର୍ ପିଲା ମୁଇ ମିସା କି ସରଗର୍ ବୁଡ଼ମନ୍ ମିସା ସେ କାତା ନାଜାନଡ଼, ବାବା ପର୍‌ମେସର୍ ଆକା ଜାନିଆଟେ । ୩୭ ନଅର୍ ବେଲେ ଜେନ୍ତାରି ଗଟିରଇଲା, ସମାନ୍ ସେନ୍ତାରିସେ ନରପିଲା ମୁଇ ଆଇବା ବେଲା ମିସା । ୩୮ ପୁରୁତିବି ଉପରେ ପାନି ବର୍‌ଡ଼ି ଅଇବାବେଲେ ଅନି ନଅ ପାନିଜାଜେ ପୁର୍‌ବା ଜାକ, ଲକ୍‌ମନ୍ କାଆ ପିଇ ଅଇ ବିବା କାମେ ତେରେପେତେ ଅଇରଇଲାଇ । ୩୯ ପାନିତେଇ ସେମନ୍ ବଅଁଲି ଜିବା ଜାକ, କାଇଟା ଅଇଲାନି, ଜାନି ନ ରଇଲାଇ । ନରପିଲା ମୁଇ ଆଇବା ବେଲେ ସମାନ୍ ସେନ୍ତାରି ଅଇସି । ୪୦ ସେ ବେଲାଇ ପଦାଇ ପାଇଟି କର୍‌ତେ ରଇବା ଦୁଇ ଲକ୍‌ର୍ ବିଡ଼ରେ ଅନି ଗଟେକ୍ ଲକ୍‌କେ ବାଟ୍‌ବାଇ ଆରି ଗଟେକ୍ ଲକ୍‌କେ ଚାଡ଼ିଦେବାଇ । ୪୧ ଗର୍‌ତେରଇବା ଦୁଇଟା ମାଇଜି ମନର୍ ବିଡ଼ରେ ଅନି ଗଟେକ୍ ଲକ୍ ବାଟି ଅଇସି ଆରି ଗଟେକ୍ ଲକ୍ ରଇଜାଇସି । ୪୨ ସେନ୍ତ୍ର ବଇଲେ ତମେ ଜାଗ୍‌ରଡ଼ ଅଇ ରୁଆ, କାଇକେ ବଇଲେ ତମର୍ ମାପୁର୍ କେତେବେଲା ଆଇସି, ତମେ ନାଜାନାସ୍ । ୪୩ “କେତେବଲ୍ ଚର୍ ପୁରସି ବଲି ଜାନିରଇଲେ, ଗର୍ ସାଉକାର୍ ଜାଗ୍‌ରଡ଼ ରଇ ଚର୍‌କେ ଗରେ ପୁର୍‌ବାକେ ନ ଦେଏ । ୪୪ ତମେ ମିସା ସବୁବେଲେ ଜାଗ୍‌ରଡ଼ ରଇକରି ଡିଆର୍ ଅଇ ରୁଆ । କାଇକେ ବଇଲେ ତମେ ଜାଗି ନ ରଇଲା ବେଲେସେ ନରପିଲା ମୁଇ ଉଟିଆଇବି ।

**ବିସ୍‌ବାସ୍ ରଇବା ଆରି ବିସ୍‌ବାସ୍ ନ ରଇବା ଦାଙ୍ଗ୍‌ତା**  
(ଲୁକ୍ ୧୭:୪୧-୪୮)

୪୫ “ସେନ୍ତ୍ର ବଇଲେ କେ ତେବେ ନିମାନ୍ ଆରି ବୁଦି ରଇବା ଦାଙ୍ଗ୍‌ତା ? ଜାର୍ ଉପରେ ସାଉକାର୍ ବିନ୍ ଦାଙ୍ଗ୍‌ତାମନ୍ ଚିକ୍ ବେଲାଇ, କାଇବା କାଦି ଦେବା ଦାଇଡ଼ ଦେଇରଇସି । ୪୬ ସାଉକାର୍ ବାଉଡ଼ି ଆଇଲା ବେଲେ ସେ ଦାଙ୍ଗ୍‌ତା ଜଦି ଚିକ୍ ସଙ୍ଗ୍ କାମ୍ କରଇରଇସି ବଇଲେ, ତାର୍ କେତେକ୍ ନିକ କରମ୍ ! ୪୭ ମୁଇ ସଡ଼ କଇଲିନି, ସେନ୍ତାରି ଦାଙ୍ଗ୍‌ତାକେ ସାଉକାର୍ ଗଟେକ୍ ଦିନେ ତାର୍ ସବୁ ଦନ୍ ସିପତିର୍ ଦାଇଡ଼ ଦେଇ ଦେଇସି । ୪୮ ମାତର୍ ସେ ଦାଙ୍ଗ୍‌ତା ଜଦି ‘ସାଉକାର୍ ନ ଆସେତା’ ବଲି ବାସି ଆରି ୪୯ ବିନ୍ ଦାଙ୍ଗ୍‌ତାମନ୍‌କେ ମାର୍‌ପିଟ୍ କରି ମଦୁଆମନ୍‌ର୍ ସଙ୍ଗ୍ କିଆପିଆ କର୍‌ତେ ରଇସି, ୫୦ ସେ ଜାଗ୍‌ରଡ଼ ନ ରଇଲା ବେଲେ ଆରି ଜନ୍ ବେଲାଇ ସେ ନାଜାନି ରଏ, ସେ ଦିନେ ଆରି ସେ ବେଲାଇସେ ସାଉକାର୍ ବାଉଡ଼ିଆଇସି । ୫୧ ତାକେ ସେଡ଼କି ବେଲେ କଣ୍ କଣ୍ କର କାଟି ଦେଇସି । ସେ ନାଡ଼ାଉମନ୍‌ର୍ ଦସାର୍ ଡଣ୍ ପାଇସି । ଆରି ସାରାସାରି ଦାଁଡ଼ କାଡ଼ି ମାର୍‌ଚପ୍ ଅଇ କାନ୍‌ସି ।”

**୨୫**

**ଦସ୍‌ଟା ଦାଙ୍ଗ୍‌ତିମନ୍‌ର୍ କାତା**

☆ ୨୪:୨୮ ୨୪:୨୮ ଲୁକ୍ ୧୭:୩୭ ☆ ୨୪:୨୯ ୨୪:୨୯ ପର୍କାସିତ ୬:୧୨; ପର୍କାସିତ ୬:୧୩ ☆ ୨୪:୩୦ ୨୪:୩୦ ପର୍କାସିତ ୧:୭ ☆ ୨୪:୪୩ ୨୪:୪୩ ଲୁକ୍ ୧୨:୩୯, ୪୦

୧୫ “ସେତିକିବେଳେ ସରଗ୍ ରାଇଜେ କେଟ୍‌ବା ବାଟ୍ ଏନ୍ତି ଅଇସି । ଦସ୍‌ଟା ଦାଙ୍ଗ୍‌ଡ଼ିମନ୍ ସବୁ ଲକ୍ ଗଟେକ୍ ଗଟେକ୍ ବତି ଦାରି ବାଟେ, ବର୍ ଦାଙ୍ଗ୍‌ଡ଼ାକେ ଜାଗ୍‌ବାର୍ ଜାଇରଇଲା । ୧୬ ସେମନ୍‌ର୍ ବିଡ୍‌ରେଅନି ପାଁର୍‌ଟା ଦାଙ୍ଗ୍‌ଡ଼ି ଚତୁର୍ ରଇଲା, ଆରି ପାଁର୍‌ଟା ଦାଙ୍ଗ୍‌ଡ଼ି ବକୁଆ ରଇଲା । ୧୭ ବକୁଆ ରଇଲା ଦାଙ୍ଗ୍‌ଡ଼ିମନ୍ ଅଦିକ୍ ଚିକନ୍ ନେଇ ନ ରଇଲା । ୧୮ ମାତର୍ ଚତୁର୍ ରଇବା ଦାଙ୍ଗ୍‌ଡ଼ିମନ୍ ନିଜର୍ ନିଜର୍ ବତି ଟାନେ ରଇବାଟା ଚାଡ଼ି ଆରି କାଁଟେ ମିସା ଚିକନ୍ ବର୍ତି କରି ନେଇରଲା । ୧୯ ବର୍ ଦାଙ୍ଗ୍‌ଡ଼ା ଆଇବାଟା ଅଲ୍‌ସମ୍ ଅଇଲାକେ ଦାଙ୍ଗ୍‌ଡ଼ିମନ୍ ଜୁମ୍‌ରି ଜୁମ୍‌ରି କରି ସଇଦେଲା ।”

୨୦ ମଜା ରାତିବେଲା ଆଉଲି ସୁନି ଅଇଲା, “ଏଦେ ଦେକା ! ବର୍ ଦାଙ୍ଗ୍‌ଡ଼ା ଆଇଲାବେ ! ଆସା ସେମନ୍‌କେ ଡାକିଆନ୍ତୁ !” ୨୧ ଦାଙ୍ଗ୍‌ଡ଼ିମନ୍ ଉଟିକରି ନିଜର୍ ନିଜର୍ ବତିମନ୍ ସାଜାଡ଼ଲା । ୨୨ ସେଡ଼କି ବେଳେ ବକୁଆ ଦାଙ୍ଗ୍‌ଡ଼ିମନ୍ ଚତୁର୍ ରଇଲା ଦାଙ୍ଗ୍‌ଡ଼ିମନ୍‌କେ କଇଲା “ଆମ୍‌କେ କଣ୍ଡେକ୍ ଚିକନ୍ ଦିଆ । ଆମ୍‌ର୍ ବତି ଲିବିଗାଲାନି ।” ୨୩ ଚତୁର୍ ଦାଙ୍ଗ୍‌ଡ଼ିମନ୍ କଇଲା, “ତମ୍‌କେ ଦେଲେସରି ଆମ୍‌ର୍ ପାଇ ଚିକନ୍ ନ ଅଏ । ତମେ ଦୁକାନେ ଜାଇ ନିଜର୍ ନିଜର୍ ପାଇ ଚିକନ୍ ଗେନିଆନା ।” ୨୪ ସେଟାପାଇ ବୁଦି ନଇଲା ଦାଙ୍ଗ୍‌ଡ଼ିମନ୍ ଚିକନ୍ ଗେନ୍‌ବାକେ ବାରଇଲା । ସେମନ୍ ଗାଲା, ପଟେ ବର୍ ଦାଙ୍ଗ୍‌ଡ଼ା ଆସି କେଟ୍‌ଲା । ଜାଗ୍‌ରଡ଼ ଅଇରଇଲା ପାଁର୍‌ଟା ଚତୁର୍ ଦାଙ୍ଗ୍‌ଡ଼ିମନ୍ ତାକର୍ ସଙ୍ଗ୍ ବିବା ବଜିତେଇ ଗାଲା ପଟେ କାପାଟ୍ ଡାବିଅଇଗାଲା । ୨୫ ଏସେ ବୁଦି ନ ରଇଲା ଦାଙ୍ଗ୍‌ଡ଼ିମନ୍ ପଟେ ସେ ଜାଗାଇ ଆଇଲା, ଏ ମାପ୍‌ରୁ, ଏ ମାପ୍‌ରୁ କାପାଟ୍ ଉଗାଡ଼ା, ଆମେ ବିଡ୍‌ରେ ଜିରୁ ବଲି ସେମନ୍ ଆଉଲି ଅଇଲା । ୨୬ ବର୍‌ଦାଙ୍ଗ୍‌ଡ଼ା କଇଲା, “ମୁଇ ସଡ଼ କଇଲିନି, ତମେ କେ, ମୁଇ ନାଜାନି ।” ୨୭ କାତା କଇବାଟା ସାରାଇ, କରି ଜିସୁ କଇଲା, “ଜାଗ୍‌ରଡ଼ ଅଇ ରୁଆ । ସେ ଦିନ୍ କି ବେଲା କେ ମିସା ନାଜାନାସ୍ ।”

**ଡିନ୍‌ଟା ଚାକର୍ କାତା  
(ଲୁକ୍ ୧୯:୧୧-୨୭)**

୨୮ “ସରଗ୍ ରାଇଜ୍ ଏନ୍ତାରି, ସେ ବିସଇର୍ ଆରି ଗଟେକ୍ କାତା ସୁନା । ତରେକ୍ ଗଟେକ୍ ଲକ୍ ତାର୍ ଚାକର୍‌ମନ୍‌କେ, ତାର୍ ସଁପତି ଚାଡ଼ିଦେଇ ବିଦେସେ ଉଟିଗାଲା । ୨୯ ସେମନ୍‌ର୍ ପାର୍‌ବା ଇସାବେ ସେମନ୍‌କେ କେଡେକ୍ କେଡେକ୍ ତାବୁ ଜିମା ଦେଲା । ଗଟେକ୍ ଲକ୍‌କେ ପାଁର୍ ଅଜାର୍ ରୁପା ଟାଙ୍ଗା ଦେଲା, ଗଟେକ୍ ଲକ୍‌କେ ଦୁଇ ଅଜାର୍, ଆରି ଗଟେକ୍‌ଲକ୍‌କେ ଅଜାର୍ ରୁପା ଟାଙ୍ଗା ଦେଲା । ଆରି ବିଦେସେ ଉଟିଗାଲା । ୩୦ ପାଁର୍ ଅଜାର୍ ରୁପାଟାଙ୍ଗା ନେଇରଇଲା ଚାକର୍ ସେ ତାବୁ ବେବାର୍ କରି ଆରି ପାଁର୍ ଅଜାର୍ ଲାବ୍‌କଲା । ୩୧ ସେନ୍ତାରି ଦୁଇ ଅଜାର୍‌ଟା ନେଇରଇଲା ଚାକର୍ ମିସା ଆରି ଦୁଇ ଅଜାର୍ ଲାବ୍‌କଲା । ୩୨ ମାତର୍ ଜନ୍ ଚାକର୍ ଅଜାର୍‌ଟା ପାଇରଇଲା, ସେ ଗଟେକ୍ କାଲ୍‌କୁନି ସାଉକାର୍ ଦେଇରଇବା ସେ ରୁପା ଟାଙ୍ଗା ଲୁଚାଇ ସଙ୍ଗଇଲା ।

୩୩ “ବେସିଦିନ୍ ଗାଲା ପଟେ ସାଉକାର୍ ବାଅଡ଼ଲା ଆରି ଚାକର୍‌ମନ୍‌ର୍ ସଙ୍ଗ୍ ଇସାବ୍‌କିତାବ୍ କଲା ।” ୩୪ ପାଁର୍ ଅଜାର୍ ରୁପାଟାଙ୍ଗା ନେଇରଇଲା ଚାକର୍ ଆସି ଆରି ପାଁର୍ ଅଜାର୍ ଦେଇ କଇଲା, “ସାଉକାର୍ ତମେ ମକେ ପାଁର୍ ଅଜାର୍ ଦେଇରଇଲାସ୍, ଏଦେ ଦେକା, ମୁଇ ଆରି ପାଁର୍ ଅଜାର୍ ଲାବ୍ କଲିଆଟି ।” ୩୫ ସାଉକାର୍ ସାର୍‌ଦା ଅଇ ତାକେ କଇଲା, “ଚିକ୍ କରିଆରୁସ୍, ତୁଇ ମର୍ କେଡେକ୍ ନିକ ଆରି ବିସବାସ୍ ରଇବା ଚାକର୍ ! ତମେ ବିସବାସ୍ ସଙ୍ଗ୍ ଉନା ଦନ୍ କାର୍‌ବାର୍ କରି ରଇଲାର୍ ପାଇ ତମ୍‌କେ ବେସି ଦନ୍ ଚାଡ଼ିଦେବି । ଆଉ ମର୍ ସଙ୍ଗ୍ ସାର୍‌ଦା କର୍ ।”

୩୬ “ଦୁଇ ଅଜାର୍ ରୁପାଟାଙ୍ଗା ନେଇ ରଇଲା ଚାକର୍ ଆସି କଇଲା, ସାଉକାର୍ ତମେ ମକେ ଦୁଇ ଅଜାର୍ ଦେଇ ରଇଲାସ୍, ମୁଇ ଆରି ଦୁଇ ଅଜାର୍ ଲାବ୍ କଲିଆଟି ।” ୩୭ ସାଉକାର୍ କଇଲା, କେଡେକ୍ ନିକ ! ତୁଇ ମିସା ମର୍ ବତିଆ ଚାକର୍ । ଉନା ତାବୁ ମିସା ନିକକରି କାମେ ଲାଗାଇଲୁସ୍ । ଏବେ ତର୍ ଜିମାରେ ମୁଇ ବୁଡେକ୍ ଦନ୍ ଦେବି । ଆଉ ମର୍ ସଙ୍ଗ୍ ସାର୍‌ଦା କର୍ । ୩୮ ସାରାସାରି ଅଜାର୍ ରୁପାଟାଙ୍ଗା ପାଇରଇଲା ଚାକର୍ ଆସି କଇଲା, “ଏ ସାଉକାର୍ ମୁଇ ଜାନି, ତମେ ଗଟେକ୍ ବେସି ରିସା ଅଇବା ଲକ୍ । ବୁନି ନ ରଇବା ପଦାଇ କାଟ୍‌ସା ଆରି ବିଅନ୍ ନ ବୁନିକରି ତାସ୍ ବାରା ବାନ୍‌ସା । ୩୯ ସେଟାପାଇ ମୁଇ ଡରିକରି ତମ୍‌ର୍ ଦନ୍ ମାଟିତେଇ କାଲ୍‌କୁନି ତପି ରଇଲି । ଏଦେ ଦେକା ! ତମ୍‌ର୍ ସେ ଟାଙ୍ଗା !”

୪୦ ସାଉକାର୍ କଇଲା, “ଅଇରେ କାମ୍‌କେ ନଇଲା ବାଡୁ ! ତୁଇତା ଜାନିରଇଲୁସ୍, ମୁଇ ଜନ୍ତି ବୁନି ନ ରଇ, ତେଇ ତାସ୍ ଚୁଲିଆଇବି । ୪୧ ତେବେ ମର୍ ଟାଙ୍ଗାମେଇ ବିନ୍ ଲକ୍‌ମନ୍‌କେ କଲନ୍ତର୍ ଇସାବେ ଦେଇରଇଲେ ମିସା ତେଇଅନି ମକେ କଲନ୍ତର୍ ମିଲ୍‌ତା ।” ୪୨ ଏନ୍ତାରି କଇ ସାଉକାର୍ ଆଦେସ୍ ଦେଲା, ଏ ଚାକର୍‌ଟାନେ ଅନି ସବୁ ଟାଙ୍ଗା ନେଇ, ଜାର୍ ଆଡେ ଦସ୍‌ଅଜାର୍ ଆଡେ, ତାକେ ଦେଇଦିଆସ୍ । ୪୩ ଏକାଇକେ ବଇଲେ ଜାକେ ଆଡେ, ତାକେ ଅଦିକ୍ ଦିଆଅଇସି । ଆରି ସେ ଅଦିକ୍ ଅଦିକ୍ ଲାବ୍ କର୍ସି । ମାତର୍ ଜାକେ ନାଇ ତାର୍‌ଲଗେ ଜାଇଟା ଆଡେ, ସେଟା ମିସା ତାରତେଇଅନି ଚାଡ଼ାଇ ନିଆଅଇସି । ୪୪ ଏ କାମ୍‌କେ ନଇଲା ଚାକର୍‌କେ ବାଇରେ ଦାରିଜା ଆରି ଆନ୍ଦାରେ ପଙ୍ଗିଦିଆସ୍ । ତେଇ ସେ କିଲିବିଲିଅଇ ଦାଡ଼ କାଡ଼ି ମାରି ଚପି ଅଇ କାନ୍‌ସି ।

**ସାରାସାରି ବିଚାର**

☆ ୨୫:୧ ୨୫:୧ ଲୁକ୍ ୧୨:୩୫ ☆ ୨୫:୧୧ ୨୫:୧୧ ଲୁକ୍ ୧୩:୨୫ ☆ ୨୫:୧୪ ୨୫:୧୪ ଲୁକ୍ ୧୯:୧୧-୨୭ ☆ ୨୫:୨୯ ୨୫:୨୯ ମାତ୍ରିକ ୧୩:୧୨; ମାର୍କ ୪:୨୫; ଲୁକ୍ ୮:୧୮ ☆ ୨୫:୩୦ ୨୫:୩୦ ମାତ୍ରିକ ୮:୧୨;୨୨:୧୩; ଲୁକ୍ ୧୩:୨୮

୩୧ ✨ଜେଡେବେଲା ନର୍ପିଲା ମୁଇ ରାଜାଅଇ ମର ସରଗର ଦୁଡ଼ମନର ସଙ୍ଗ୍ ଆଇବି, ଆରି ମର ଡାକପୁଟା ବସ୍‌ବା ଜାଗାଇ ବସ୍‌ବି, ୩୨ ସବୁ ଜାତିର ଲକ୍ ମର ମୁଆଟେ ଚୁଲ୍ ଅଇବାଇ । ସେଡ଼କି ବେଲା ଗଉଡ଼ ଜେନ୍ତି ମେଣ୍ଟା ଆରି ଚେଲିମନକେ ବେଗଲାଇସି, ସେନ୍ତି ନର୍ପିଲା ମୁଇ ଲକ୍‌ମନକେ ଦୁଇ ଦଲ୍ କରି ବାଗ୍ କରବି । ୩୩ ଦରମ୍ ଲକ୍‌ମନକେ ଉଜା ବାଟେ ଆରି ବିନ୍ ଲକ୍‌ମନକେ ମର ଡେବ୍‌ରି ବାଟେ ସଙ୍ଗାଇବି । ୩୪ ତାର୍ ପଟେ ମର ଉଜାବାଟେ ରଇଲା ଲକ୍‌ମନକେ ମୁଇ କଇବି, “ଆସା, ତମକେ ମର ବାବା ଆସିରବାଦ୍ କଲାଆଟେ । ଦୁନିଆ ତିଆରଅଇଲା ବେଲେଅନି ଜନ୍ ରାଇଜ୍ ତମର ପାଇ ତିଆର ଅଇଲା ଆଟେ, ଆସା, ତେଇ ଜାଇ ପୁରା । ୩୫ ମୁଇ ବୁକେ ରଇଲି, ତମେ ମକେ କୁଆଇଲାସ୍ । ମକେ ସସ୍ କଲା, ତମେ ମକେ କାଇବାକେ ଦେଲାସ୍ । ମୁଇ ଚିନାର୍ ଜାନାର୍ ନ ରଇଲି, ମକେ ତମର ଗରେ ଗତିଆ କରି ଡାକଲାସ୍ । ୩୬ ମୁଇ ହୁମଣ୍ଟା ରଇଲି, ମକେ ବସ୍‌ତର୍ ପିନ୍‌ଇଲାସ୍ । ମୁଇ ଜର୍‌ଦାରାଇ ଅଇରଇଲି, ମକେ ଜତନ୍ କଲାସ୍ । ମୁଇ ବନ୍ଦି ଗରେ ରଇଲି ମକେ ଦେକ୍‌ବାର୍ ଆସିରଇଲାସ୍ ।”

୩୭ ଦରମ୍ ଲକ୍‌ମନ କଇବାଇ, “ମାପୁରୁ ! କେବେ ତମେ ବୁକେ ରଇଲାଟା ଦେକି ତମକେ କାଇବାକେ ଦେଇରଇଲୁ ? କେବେ ତମକେ ସସ୍ କଲାଜେ ପାନି କାଇବାକେ ଦେଇ ରଇଲୁ ? ୩୮ କେବେ ତମେ ଚିନାର୍ ଜାନାର୍ ନ ଅଇରଇଲାସ୍ ଜେ ଆମେ ତମକେ ଗତିଆ କରି ଗରେ ଡାକି ରଇଲୁ ? ଆରି କେବେ ହୁମଣ୍ଟା ରଇଲାସ୍ ଜେ ପିନ୍‌ବାକେ ବସ୍‌ତର୍ ଦେଇ ରଇଲୁ ? ୩୯ କେବେ ତମେ ଜର୍ ଦାରାଇ ଅଇରଇଲାସ୍‌ଜେ ଆମେ ତମକେ ଜତନ୍ କଲୁ ? ଆରି କେବେ ତମେ ବନ୍ଦି ଗରେ ରଇଲାସ୍‌ଜେ ଆମେ ଦେକ୍‌ବାର୍ ଆସିରଇଲୁ ?” ୪୦ ପଟେ, ମୁଇ ସେମନକେ କଇବି, ମୁଇ ତମକେ ସଡ଼କଇଲିନି, ଏ ମର ବାଇମନର ବିଡ଼ରେ ସବୁରଟାନେଅନି ଗଟେକ୍ ସାନ୍ ଲକ୍‌ର ପାଇ, ଜାଇଟା ସବୁ କରିଆଟାସ୍, ସେଟା ମର ପାଇ କରିଆଟାସ୍ ।

୪୧ ତାର୍‌ପଟେ ଡେବ୍‌ରିବାଟେ ବସି ରଇବା ଲକ୍‌ମନକେ ମୁଇ କଇବି “ଏଇ ସାଇପ୍ ପାଇରଇବା ଦଲ୍‌ର ଲକ୍‌ମନ ! ମର ମୁଆଟେ ରୁଆନାଇ । ସଇତାନ୍ ଆରି ତାର୍ ସଙ୍ଗ୍ ରଇଲା ଦୁଡ଼ମନର ପାଇ, ସବୁବେଲେ ଲାଗି ରଇବା ଜଇକୁଣ୍ଡ ତିଆର ଅଇଲାଆଟେ । ତେଇ ଜାଆ ! ୪୨ ମୁଇ ବୁକେ ରଇଲି, ତମେ ମକେ କାଇବାକେ ଦିଆସ୍ ନାଇ, ମକେ ସସ୍ କଲାଜେ ପାନି ଗୁଡ଼ିକ ଦିଆସ୍ ନାଇ । ୪୩ ମୁଇ ଅଚିନାର୍ ଅଇ ରଇଲା ବେଲେ ମକେ ଡାକାସ୍ ନାଇ । ମୁଇ ହୁମଣ୍ଟା ରଇଲା ବେଲେ ମକେ ବସ୍‌ତର୍ ପିନ୍‌ଆସ୍ ନାଇ । ଜର୍ ଦାରାଇଅଇ ଆରି ବନ୍ଦି ଅଇ ରଇଲା ବେଲେ, ମକେ ଜତନ୍ କରାସ୍‌ନାଇ ।”

୪୪ ସେମନ ସେଡ଼କିବେଲେ ମକେ କଇବାଇ, “ମାପୁରୁ, ତମକେ ଆମେ କେବେ ବୁକେ ରଇଲା ବେଲେ, ସସେ ରଇଲା ବେଲେ, ଅଚିନାର୍ ରଇଲା ବେଲେ, ହୁମଣ୍ଟା ରଇଲା ବେଲେ ଆରି ଜର୍ ଦାରାଇଅଇ ବନ୍ଦି ରଇବାଟା ଦେକି ତମକେ ସାଇଜ କରୁ ନାଇ ?”

୪୫ ସତଇସେ ମୁଇ କଇବି, “ଏ ସାନ୍ ଲକ୍‌ମନର ବିଡ଼ରେଅନି ଗଟେକ୍ ଲକ୍‌କେ ସାଇଜ କରବାକେ ମନାକରବା ବେଲେ, ତମେ ମକେ ସାଇଜ କରାସ୍ ନାଇ । ୪୬ ଏଡ଼ାରି ଲକ୍‌ମନକେ ସବୁ ଦିନର୍ ପାଇ ଡଣ୍ଡି ମିଲ୍‌ସି ଆରି ଦରମ୍ ଲକ୍‌ମନ ନ ସାରବା ଜିବନ୍ ପାଇବାଇ ।”

## ୨୭

### ଜିସୁର ବିରୁଦେ ପାଁଟବାଟା

(ମାର୍‌କ ୧୪:୧-୨; ଲୁକ୍ ୨୨:୧-୨; ଜଅନ୍ ୧୧:୪୫-୫୩)

୧ ଜିସୁ ଏ ସବୁ ସିକିଆ ଦେଇ ସାରାଇଲା ପଟେ ସିସ୍‌ମନକେ, ୨ “ନିସ୍‌ତାର୍ ପରବ୍ ଅଇବାକେ ଆରି ଦୁଇ ଦିନ୍ ଆଟେ । ସେଟା ତମେ ଜାନାସ୍ । ସେଡ଼କିବେଲେ ନର୍ପିଲା ମୁଇ କୁରସେ ମରବାକେ ଲକ୍‌ମନକେ ସରପି ଅଇବି ।”

୩ ସେବେଲେ ମୁକିଅ ପୁଜାରିମନ ଆରି ପାର୍‌ଚିନମନ ବଡ଼ ପୁଜାରି କୟାପାର୍ ଗରେ ରୁଣ୍ଡ ଅଇଲାଇ । ୪ ସେମନ କେ ନାଜାନ୍‌ଲାପାରା ଜିସୁକେ ଦାରି ମରାଇବାକେ ପାଁଟନା କଲାଇ । ୫ ମାତର୍ ସେମନ କଇଲାଇ, “ଆମେ ପରବ୍ ବେଲେ ଏ କାମ୍ କରବାଟା ଟିକ୍ ନଏ । ସେ ବେଲେ ଲକ୍‌ମନ ଗଣ୍ଡଗଲ୍ ମିସା କରିପାରଡ଼ ।”

### ଜିସୁକେ ବେଡ଼ନିଆଇ ଟିକନ୍ ଲାଗାଇଲାଇ

(ମାର୍‌କ ୧୪:୩-୯; ଜଅନ୍ ୧୨:୧-୮)

୬ ଜିସୁ ଦିନେକ୍ ବେଡ଼ନିଆଇ, ଆଗେଅନି ବଡ଼ରଗ୍ ଅଇ ରଇବା ସିମନର ଗରେ ରଇଲା । ୭ ✨ସିମନର ଗରେ ସେ କାଇବାକେ ବସି ରଇଲା ବେଲେ, ଏଦେ ଦେକା ! ଗଟେକ୍ ମାଇଜି ଆଲାବାସ୍‌ଟା ନାଉର୍ ପାକ୍‌ନାସଙ୍ଗ୍ ତିଆରକଲା କଣ୍ଡିତେଇ ବେସି ଦାମର୍ ବାସ୍‌ନା ଟିକନ୍ ବରଡ଼ି କରି ଆନି ତାର୍ ମୁଣ୍ଡେ ଡାଲି ଦେଲା । ୮ ଏଟା ଦେକିକରି ତାର୍ ସିସ୍‌ମନ ରିସା ଅଇଗାଲାଇ । ସେମନ ତାକେ ପାଟାରଲାଇ, “ଏଡେକ୍‌ପାରା ଟିକନ୍ କାଇକେ ଚୁଟାଇ ଚୁଟାଇ ଡାଲିପାକାଇଲୁସ୍ ? ୯ ଏ ବାସ୍‌ନା ଟିକନ୍ ବିକଲେ ସରି, ବେସି ତାରୁ ମିଲ୍‌ଡା ଆରି ସେଟା ଗରିବ୍ ଲକ୍‌ମନକେ ଦାନ୍ ଦେବାର୍ ଅଇତା ।”

୧୦ ସେମନ କାଇଟା ବଲି କଇଲାଇନି, ଏଟା ଜାନିକରି ଜିସୁ କଇଲା, “ତାକେ କାଇକେ ତମେ ଅଇରାନ୍ କଲାସ୍‌ନି ? ସେ ମର ପାଇ ଗଟେକ୍ ନିକ ଆରି ସୁନ୍‌ର କାମ୍ କଲାଆଟେ ।”

☆ ୨୫:୩୧ ୨୫:୩୧ ମାଡ଼ିତ ୧୬:୨୭; ମାଡ଼ିତ ୧୯:୨୮ ☆ ୨୬:୭ ୨୬:୭ ଲୁକ୍ ୭:୩୭,୩୮

୧୧ “ତମେ ସବୁବେଳେ ଗରିବ ଲକ୍ଷ୍ମୀଙ୍କ ସଙ୍ଗେ ଯାଅ । ମାତ୍ର ମରଣ ସମୟରେ ସବୁବେଳେ ରଜ ନାପାୟାସ । ୧୨ ସେ ମର ଉପରେ ବାସନା ଚିକନ୍ ରକଜକରି, ମକେ ସମାପି ଦେବା ଆଗରୁ, ତିଆର କରି ଦେଲାଆତେ । ୧୩ ମୁଇ ତମକେ ସତ୍‌କାତା କଲିନି, ଗୁଲାଇ ଜଗତେ ଜନ୍ ଜାଗାଇ ମିସା ମାପରୁର୍ ନିକ କବର୍ ଜାନାଇଅଇସି, ଏ ମାଇଜି ଜାଇଟା କଲାଆତେ, ତାକେ ଏତାଇକରି ସେଟା ମିସା କଇବାଇ ।”

ଜିସୁକେ ଦାରାଇଦେବାକେ ଜିଉଦାର ରାଜି  
(ମାର୍କ ୧୪:୧୦-୧୧; ଲୁକ୍ ୨୨:୩-୬)

୧୪ ଜିସୁର୍ ବାରଟା ସିସ୍‌ମନର୍ ବିତ୍‌ରେଅନି ଇସକାରିୟତ୍ ଜିଉଦା ନାଉର୍ ଗଟେକ୍ ସିସ୍ ମୁକିଅ ପୁଜାରିମନର୍ ଲଗେ ଜାଇ ପାଟାରଲା । ୧୫ “ ଜିସୁକେ ଦାରାଇଦେଲେ ମକେ କାଇଟା ଦେଇସା ?” ସେମନ୍ ତାକେ ତିରିସଟା ରୁପାଟାଙ୍ଗା ଏଜିକରି ଦେଲାଇ । ୧୬ ସେ ଦିନେଅନି ଜିଉଦା ଜିସୁକେ ଦାରାଇ ଦେବାକେ ବେଲା କଜ୍‌ତେରଇଲା ।

ନିସ୍‌ତାର ପରବର୍ ବଜି  
(ମାର୍କ ୧୪:୧୨-୧୫; ଲୁକ୍ ୨୨:୬-୧୪, ୨୧-୨୩; ଜଅନ୍ ୧୩:୨୧-୩୦)

୧୭ ନିସ୍‌ତାର ପରବର୍ ପରତୁମ୍ ଦିନେ ସିସ୍‌ମନ୍ ଆସି ଜିସୁକେ ପାଟାରଲାଇ, “ତମର୍ ପାଇ ଆମେ କନ୍ତି ନିସ୍‌ତାର ପରବର୍ ବଜି ତିଆର କରୁ ?”

୧୮ ଜିସୁ କଇଲା, “ନଅରେ ଜାଇ ସେ ଲକ୍‌କେ କଇସା, ତାର ଦିନକାଲ୍ କେଟି ଆଇଲାନି ବଲି ଗୁରୁ କଇଲା ଆତେ । ତାର ସିସ୍‌ମନର୍ ସଙ୍ଗେ ତମର୍ ଗରେ ସେ ନିସ୍‌ତାର ପରବ୍ ମାନସି ।”

୧୯ ସିସ୍‌ମନ୍, ଜିସୁ କଇଲା ଇସାବେ ନିସ୍‌ତାର ପରବର୍ ବଜି ତିଆରକଲାଇ ।

୨୦ ସଞ୍ଜ ଅଇଲାକେ ଜିସୁ ଆରି ତାର ବାରଟା ସିସ୍‌ମନ୍ କାଇବାର୍ ବସ୍‌ଲାଇ । ୨୧ କାଇବା ବେଲେ ଜିସୁ କଇଲା, “ମୁଇ ତମକେ ସତ୍ କଲିନି, ତମର୍ ବିତ୍‌ରେଅନି ଗଟେକ୍ ଲକ୍ ମକେ ବିସ୍‌ବାସେ ବିସ୍‌ଦେଲା ପାରା କରସି ।”

୨୨ ଏ କାତା ସୁନି ସିସ୍‌ମନ୍ କାବା ଅଇଗାଲାଇ । ଆରି ଗଟେକ୍ ଗଟେକ୍ ଲକ୍ ଜିସୁକେ ପାଟାରଲାଇ “ମାପରୁ ସେ ଲକ୍ ମୁଇ କି ?”

୨୩ ଜିସୁ କଇଲା, “ଜନ୍ ଲକ୍‌କି ମରସଙ୍ଗେ ଗିନାତେଇ ରୁଟି ଚବାଲ୍‌ଲା, ସେ ଆକା ।” ସେ ମକେ ବିସ୍‌ବାସେ ବିସ୍‌ ଦେଲାପାରା କରସି । ୨୪ ସାସ୍‌ତରର୍ ଲେକା ଇସାବେ ମୁନୁସ୍‌ପିଲା ମୁଇ ମରିଜିବି, ମାତର୍ ଜେ ମକେ ଦାରାଇ ଦେଇସି, ତାର ଦସା କେତେ ଇନସ୍‌ତା ଅଇସି ! ସେ ଜନମ୍ ନ ଅଇରଇଲେ ନିକ ଅଇତା ।

୨୫ ବିସ୍‌ବାସେ ବିସ୍‌ ଦେଉ ଜିଉଦା ଉଟି ପାଟାରଲା, “ଗୁରୁ ତମେ ମକେ ଦେକାଇକରି କୁଆସ୍‌ନାଇ ତ ?” ଜିସୁ ତାକେ କଇଲା, “ସେଟା ତୁଇସେ କଇଲୁସ୍‌ନି ।”

ମାପରୁ ବଜି  
(ମାର୍କ ୧୪:୨୨-୨୬; ଲୁକ୍ ୨୨:୧୪-୨୦; ୧ମ କରନ୍ତିୟ ୧୧:୨୩-୨୫)

୨୬ ସେମନ୍ କାଇବା ବେଲେ ଜିସୁ ଗଟେକ୍ ରୁଟି ଦାରି ପରମେସର୍‌କେ ଦନିଅବାଦ୍ ଦେଲା, ଆରି ସେଟା ବାଙ୍ଗାଇ ସିସ୍‌ମନ୍କେ ଦେଇ କଇଲା, “ଏଟା ମର୍ ଗାଗତ୍ । ନିଆ ଆରି କାଆ ।”

୨୭ ତାରପଟେ ଅଙ୍ଗୁରରସ୍ ରଇଲା ମୁତା ଦାରି ପରମେସର୍‌କେ ଦନିଅବାଦ୍ ଦେଲା ଆରି ତାର ସିସ୍‌ମନ୍କେ କଇଲା, “ତମେ ସବୁ ଲକ୍ ଏ ମୁତାରଟା କାଆ । ୨୮ ଏଟା ମର୍ ବନି । ମୁନୁସ୍‌ମନର୍ ପାପକେମାର୍ ଲାଗି ମୁଇ ମର୍ ଜନ୍ ବନି ତାଲି ଦେବି ବଲି ଗାଲିନି, ସେଟା ପରମେସର୍ ନୁଆ ନିୟମ୍ ଟିକ୍ କରସି । ୨୯ ମୁଇ ତମକେ କଇଲିନି, ମର୍ ବାବାର୍ ରାଇଜେ ତମର୍ ସଙ୍ଗେ ନୁଆ ଅଙ୍ଗୁର୍ ରସ୍ କାଇବା ଜାକ୍ ମୁଇ ଆରି କେବେ ଏ ରସ୍ ନ କାଇ ।”

୩୦ ତାରପଟେ ସେମନ୍ ଦନିଅବାଦର୍ ଗିତ୍ ଗାଇ ଗାଇ କରି ଜିତ୍‌ନାଉର୍ ପର୍‌ବତେ ଗାଲାଇ ।

ପିତର୍ ନାଜାନି ବଲ୍‌ବା ବିସଇ ଜିସୁ କଇବାଟା  
(ମାର୍କ ୧୪:୨୭-୩୧; ଲୁକ୍ ୨୨:୩୧-୩୪; ଜଅନ୍ ୧୩:୩୬-୩୮)

୩୧ ସେବେଲେ ଜିସୁ ସେମନ୍କେ କଇଲା, “ଆଜି ରାତି ତମେ ସବୁ ଲକ୍ ମକେ ଚାଡ଼ିକରି ଉଟିଜାଇସା । ସାସ୍‌ତର୍ କଇଲାନି, ମୁଇ ମେଣ୍ଡା ଚାରାଉକେ ମରାଇବି ଆରି ମେଣ୍ଡାମନ୍ ତିନ୍‌ବିନ୍ ଅଇଜିବାଇ । ୩୨ ମାତର୍ ମୁଇ ମରିକରି ଆରି ତର୍ ଉଟ୍‌ଲା ପଟେ, ତମର୍ ଆଗରୁ ଆଗରୁ ଗାଲିଲି ରାଇଜେ ଜିବି ।”

୩୩ ପିତର୍ ଜିସୁକେ କଇଲା, “ତମକେ ବିନ୍ ଲକ୍‌ମନ୍ ସବୁ ଚାଡ଼ିକରି ଉଟିଗାଲେ ମିସା ମୁଇ ଚାଡ଼ି ନ ଜାଇ ।”

୩୪ ଜିସୁ ପିତର୍‌କେ କଇଲା, “ମୁଇ ସତ୍ କଇଲିନି ଆଜି ରାତି କୁକ୍‌ତା ନ ତାକ୍‌ତେ, ତୁଇ ମକେ ତିନ୍ ତର୍ ନାଜାନି ବଲି କଇସୁ ।”

୩୫ ପିତର୍ କଇଲା, “ଜଦି ମୁଇ ତମର୍ ସଙ୍ଗେ ମର୍‌ବାର୍ ରଇଲେ ମିସା, ମୁଇ ତମକେ କେବେ ନାଜାନି ବଲି ନ କଇ ।” ବିନ୍ ସିସ୍‌ମନ୍ ମିସା ସେନ୍ତାର୍ କଇଲାଇ ।

☆ ୨୬:୩୨ ୨୬:୩୨ ମାଡ଼ିତ ୨୮:୧୭

**ଗେଡ଼ସିମନି ବାଡେ ଜିସୁର ପାରତନା**  
(ମାର୍କ ୧୪:୩୨-୪୨; ଲୁକ୍ ୨୨:୩୯-୪୬)

୩୭ ତାର ପଟେ ଜିସୁ ତାର ସିସ୍ତାନର ସଙ୍ଗେ ଗେଡ଼ସିମନି ନାଉଁର ଗଟେକ୍ ଜାଗାଇ ଜାଇ ସେମନ୍ତକେ କଇଲା, “ତମେ ଇତି ଚନେକ୍ ବସି ରୁଆ । ମୁଇ ସେ ଲଗେ ଜାଇ ପାରତନା କରବି ।” ୩୭ ସେ ପିତରକେ ଆରି ଜେବଦିର୍ ଦୁଇଟା ପିଲାମନ୍ତକେ ତାର ସଙ୍ଗେ ଡାକିନେଲା । ସେଡ଼କି ବେଲେ ସେ ବେସି ଦୁକ୍ କସଟ ଆରି କିଲ୍ଲବିଲ୍ଲଅଇ, ୩୮ ସେମନ୍ତକେ କଇଲା, “ଦୁକ୍ ଅଇ ମର୍ ଜିବନ୍ ଚିଡ଼ିଗାଲା ପାରା ଲାଗଲାନି । ଇତି ତମେ ମକେ ଜାଗିରୁଆ ।”

୩୯ ଜିସୁ ତାକର୍ ଚାନେଅନି କଣ୍ଠେକ୍ ଦୁରିକେ ଜାଇ ବୁଏଁ ଉମ୍ତାଡ଼ିଅଇ ପାରତନା କଲା, “ବାବା ଜଦି ଅଇସି ବଇଲେ ଏ ଦୁକ୍ ପୁରୁନର୍ ମୃତା ମର୍ତ୍ତ୍ୟାନେଅନି ଦାରି ଜା, ମାତର୍ ମୁଇ ମନ୍ କଲାଟା ନଏଁ, ତମେ ମନ୍ କଲାଟା ପୁରାପୁରୁନ୍ ଅ ।”

୪୦ ତାରପଟେ ସେ ତିନ୍ଟା ସିସ୍ତାନର୍ ଲଗେ ବାଉଡ଼ି ଆସି ଦେକ୍ଲା, ସେମନ୍ତ ସଇଦେଇଆତଡ଼ । ଜିସୁ ପିତରକେ କଇଲା, “ତମେ ଗଟେକ୍ ଗଟା ମିସା ଜାଗି ନାପାରଲାସ୍ ? ୪୧ ଜେକ୍ରିକି ପରିକାର ବେଲାଇ ନ ଆରିଜିବାକେ, ଜାଗିରଇ ପାରତନା କରା । କାଇକେ ବଇଲେ ଆଡ଼ମା କରବି ବଲି ମନ୍ କଲାନି, ମାତର୍ ଗାଗଡ଼ ନିଚି ବଇଲାନି ।”

୪୨ ଜିସୁ ଆରି ତରେକ୍ ଜାଇ ପାରତନା କଲା, “ଏ ମର୍ ବାବା ଜଦି ଏ ଦୁକ୍ ମୃତା ମର୍ତ୍ତ୍ୟାନେଅନି ନ ନେଲେ, ମୁଇ ସେଟା କାଇବାକେ ସେ ପଡ଼ସି । ମାତର୍ ମୁଇ ମନ୍ କଲାଟା ନାଇ, ତମେ ମନ୍ କଲାଟା ପୁରାପୁରୁନ୍ ଅ ।” ୪୩ ସେ ଆରି ତରେକ୍ ବାଉଡ଼ି ଆସି ସିସ୍ତାନ ସଇରଇଲାଟା ଦେକ୍ଲା । ସେମନ୍ତକେ ଗୁନ୍ ଡାବି ଆନ୍ତେ ରଇଲାଜେ ଆକି ଦେକି ନାପାରତେ ରଇଲାଇ ।

୪୪ ଏଟାସଙ୍ଗେ ତିନ୍ତର ଅଇଲା ଜିସୁ ସେମନ୍ତକେ ଚାଡ଼ିକରି କଣ୍ଠେକ୍ ଦୁରିକେ ଜାଇ ସେନ୍ତାରି ପାରତନା କଲା । ୪୫ ତାର ପଟେ ସିସ୍ତାନର୍ ଲଗେ ଆସି କଇଲା, “ଏବେ ଜାକ ତମେ ସଇଆଟାସ୍ ? ଦେକା ପର୍ମେସରର୍ ନର୍ପିଲା ମୁଇ ପାପିମନ୍ତକେ ସର୍ପି ଅଇବା ବେଲା କେଟିଆଟେ । ୪୬ ଉଟା, ଜୁ । ଏଦେ ଦେକା ! ମକେ ଦାରାଇ ଦେବା ଲକ୍ ଆସି କେଟ୍ଲାବେ ।”

**ଜିସୁକେ ଦାରି ବାନ୍ଦିଲା**  
(ମାର୍କ ୧୪:୪୩-୫୦; ଲୁକ୍ ୨୨:୪୭-୫୩; ଜଅନ୍ ୧୮:୩-୧୨)

୪୭ ଜିସୁ ତାର ସିସ୍ତାନକେ ଏ କାତା କଇବା ବେଲେ ତାର ବାର୍ତ୍ତା ସିସ୍ତାନର୍ ବିଡ଼ରେ ଅନି ଜିଉଦା ନାଉଁର ସିସ୍ ଆସି କେଟ୍ଲା । ତାର ସଙ୍ଗେ କାଡ଼ି କାଣ୍ଡା ଆରି ଟେଙ୍ଗ୍ ଡାଙ୍ଗ୍ ଦାରି ବେସି ଲକ୍ ତେଇ ଟୁଲ୍ ଅଇଲାଇ । ସେମନ୍ତକେ ମୁକିଅ ପୁଜାରିମନ୍ ଆରି ପାର୍ତନିମନ୍ ପାଟାଇରଇଲାଇ । ୪୮ ବିସ୍ବାସେ ବିସ୍ ଦେଉ ଜିଉଦା ସେମନ୍ତକେ ଜାନାଇ ରଇଲା । ସେ ସେମନ୍ତକେ କଇରଇଲା ମୁଇ ଜନ୍ ଲକ୍ତକେ ରୁମ୍ବି ତାକେ ତମେ କଜ୍ଲାସ୍ନି, ତାକେ ଦାରା ।

୪୯ ଜିଉଦା ସଲ୍ଲକେ ଜିସୁରଲଗେ ଜାଇ ତାକେ “ଏ ଗୁରୁ ଜୁଆର୍ !” ବଲିକରି ରୁମ୍ଲା ।

୫୦ ଜିସୁ ଜିଉଦାକେ କଇଲା, “ମଇତର୍ ତର୍ କାମ୍ ଦାପ୍ତରେ ସାରାଇଦେସ୍ ।” ତାର ପଟେ ସେମନ୍ତ ଜିସୁକେ ଦାରି ବାନ୍ଦି ପାକାଇଲାଇ ।

୫୧ ଜିସୁର ବାର୍ତ୍ତା ଗଟେକ୍ ଲକ୍ ତାର ନିଜର୍ କାଣ୍ଡା ବାର୍ତ୍ତରଇ ମୁକିଅ ପୁଜାରିର୍ ଗତିଦାଙ୍ଗ୍ତାକେ ମାର୍ଲା । ସେ ଲକ୍ତର୍ କାନ୍ ଚିଡ଼ି ଗାଲା । ୫୨ ଜିସୁ ତାକେ କଇଲା, “ତର୍ କାଣ୍ଡା ପୁରାଇକରି ସଙ୍ଗ । ଜନ୍ ଲକ୍ତମନ୍ କାଣ୍ଡା ଉଟାଇବାଇ, ସେମନ୍ତ କାଣ୍ଡାଲସେ ମର୍ବାଇ । ୫୩ ତୁଇ କାଇ ନାଜାନ୍ତୁସ୍ କି ? ମୁଇ ମର୍ ବାବାକେ ସାଇଜ ମାଙ୍ଗ୍ଲେ, ସେ ମର୍ପାଇ ଦାପ୍ତରେସେ, ବାର୍ତ୍ତା ଦଲେଅନି ଅଦିକ୍ ସରଗର୍ ଦୁଡ଼ମନ୍ତକେ ପାଟାଇପାରେ । ୫୪ ମାତର୍ ସେନ୍ତାର୍ ଆଲେ ଏଟାମନ୍ ସବୁ ଗଟ୍ସି ବଲି ସାସ୍ତରେ ଜାଇ ଜାଇଟା ଲେକା ଅଇଲା ଆଟେ, ସେଟା କେକ୍ରି ପୁରାପୁରୁନ୍ ଅଇସି ?”

୫୫ ତାର ପଟେ ଜିସୁ ତେଇ ଟୁଲ୍ ଅଇରଇବା ଲକ୍ତମନ୍ତକେ କଇଲା, “ମୁଇ କାଇ ଗଟେକ୍ ପାଲାଇବା କାଙ୍ଗ୍ତରେ ଟେଙ୍ଗ୍ ଡାଙ୍ଗ୍ ଆରି କାଣ୍ଡା ଦାରି ମକେ ଦାର୍ବାର୍ ଆସିଆଟାସ୍ ? ମୁଇ ସବୁ ଦିନ୍ ମନ୍ଦିରେ ବସି ସିକିଆ ଦେଇତେ ରଇଲି, ସେବେଲେତା ମକେ ଦାରାସ୍ ନାଇ ! ୫୬ ଜାଇଟା ଅବେ, ବବିସ୍ତବକ୍ତାମନ୍ ସାସ୍ତରେ ଜାଇଟା ଲେକ୍ଲାଇ ଆତଡ଼, ସେ ସବୁ ସିଦ୍ ଅଇବାକେ ଏଟା ଗଟ୍ଲା ।”

ସେଡ଼କିବେଲେ ସିସ୍ତାନ ସବୁଲକ୍ ଜିସୁକେ ଚାଡ଼ି ପାଲାଇଲାଇ ।

**ବଡ଼ ସବାଇ ଜିସୁର ବିଚାରନା**  
(ମାର୍କ ୧୪:୫୫-୬୫; ଲୁକ୍ ୨୨:୫୫-୬୫, ୬୯-୭୪)

୬୬ ଜିସୁକେ ବନ୍ଦି କରୁମନ୍ ତାକେ ବଡ଼ ପୁଜାରି କାୟାପାର୍ ଗରେ ନେଲାଇ । ସିଡ଼ି ଦରମ୍ ଗୁରୁ ଆରି ପାର୍ତନିମନ୍ ଟୁଲ୍ ଅଇରଇଲାଇ । ୬୭ ପିତର୍ କଣ୍ଠେକ୍ ଦୁରିକେ ରଇକରି ଜିସୁକେ ଦେକ୍ତେ ରଇଲା । ଆରି ସେ କାୟାପା ଗରର୍ ଡାଣ୍ଡାକ ଗାଲା । ଏ ସବୁ ଗଟ୍ନା କାଇଟା ଅଇସି ବଲି ସେଟା ଦେକ୍ବାକେ ପିତର୍ ମନ୍ଦିର୍ ଜାଗୁଆଲ୍ଲମନ୍ତର୍ ସଙ୍ଗେ ତେଇ ବସ୍ଲା । ୬୯ ମୁକିଅ ପୁଜାରିମନ୍ ଆରି ବଡ଼ ସବାଇ ରଇଲା ସବୁ ଲକ୍ତମନ୍ ଜିସୁକେ ମରନ୍ ଡଣ୍ଡ ଦେବାକେ ତାର ବିରୁଦେ ମିଡ଼ କାତା କଜ୍ବାକେ ଚେସ୍ଟା କଲାଇ । ୭୦ କେତେ କେତେ ଲକ୍ତମନ୍ ଜିସୁର ବିରୁଦେ ମିଡ଼ କାତା କଇଲାଇ । ମାତର୍

☆ ୨୭:୫୫ ୨୭:୫୫ ଲୁକ୍ ୧୯:୪୭; ୨୧:୩୭

ସେନ୍ତାରି କାଈ ବୁଲି କାତା ମିସା ମିଲେ ନାଈ । ପତେ ଦୁଇଲକ୍ ଉଟିକରି, ୨୧ ✨“ଏ ଲକ୍ ମୁଇ ପର୍ମେସରର୍ ମନ୍ଦିର୍ ବାଙ୍ଗାଈ ଦେଇ, ସେଟା ତିନ୍ ଦିନ୍ ବିତ୍ରେ ଆରି ତରେକ୍ ଉଟାଈ ଦେଇପାରି ।” ବଲି କଇରଇଲା । ୨୨ ବଡ଼ ପୁଜାରି ଚିଆଅଇକରି ଜିସୁକେ କଇଲା, “ତୁଇ କାଈକେ କାଈଟାବଲି କଉସ୍ ନାଈ ? ଏମନ୍ କଇବା କାତା ଚାପବାକେ ତୁଇ ଆରି କାଈଟା କଇବାର୍ ଆଚେ କି ?” ୨୩ ମାତର୍ ଜିସୁ ଚିମ୍ବରାଅଇ ରଇଲା । ବଡ଼ ପୁଜାରି କଇଲା, “ମୁଇ ତମ୍ବକେ ଜିବନ୍ ରଇବା ପର୍ମେସରର୍ ନାଉଁ ଦାରି ପର୍ମାନ୍ କରାଇ ପାଟାରୁଲିନି, ସଡ଼ କଅ, ତୁଇ କାଈ ପର୍ମେସରର୍ ପିଲା ମସିଅ କି ?”

୨୪ ଜିସୁ କଇଲା, “ତୁଇ ସମାନ୍ କାତା କଇଆରୁସ୍ । ମାତର୍ ମୁଇ ତମ୍ବକେ ସବୁ ଲକ୍ବକେ କଇଲିନି, ପର୍ମେସର ପାଟାଈଲା ନରପିଲା ମୁଇ, ଦାପ୍ରେ ସେ ସବୁର୍ ଉପରର୍ ମାପ୍ତୁର୍ ଉଜା ବାଟେ ବସ୍ବାକେ ଗାଲିନି, ଆରି ମକେ ତମେ ସରଗେଅନି ବାଦଲ୍ ସଙ୍ଗ୍ ଉଡ଼ରି ଆଇବାଟା ଦେକ୍ସା ।”

୨୫ ଏ କାତା ସୁନି ବଡ଼ ପୁଜାରି ତାର୍ ପିନ୍ଦି ରଇବାଟା ଚିରିପାକାଈ କଇଲା, “ଏଟା ସେ ପର୍ମେସରକେ ନିନ୍ଦା କର୍ବାଟା ! ଆରି ବିନ୍ ସାକି ଦରକାର୍ ନାଈ । ତମେ ଏବେସେ ଏ ଲକ୍ ପର୍ମେସରକେ ନିନ୍ଦା କର୍ବାଟା ସୁନ୍ଲାସ୍ । ୨୬ ଏ ବିସଇନେଇ କରି ତମେ କାଈଟା ବାବ୍ଲାସ୍ନି ?”

ସେମନ୍ ସବୁ ଲକ୍ କଇଲାଈ, “ସେ ଦସ୍ କରିଆଚେ, ମରନ୍ ଡଣ୍ଟ ପାଇବାର୍ ଦରକାର୍ ଆକା ।”

୨୭ ତାର୍ ପତେ ସେମନ୍ ଜିସୁର୍ ମୁଏଁ ତୁକ୍ଲାଈ ଆରି ମାରୁଲାଈ । କେତେ ଲକ୍ ତାକେ ଚାପଡ଼ ସଙ୍ଗ୍ ମାରି କଇଲାଈ, ୨୮ “ଏ କିରିସ୍ଟ ! ବବିସଡ଼ କାତା ଅଲପ୍ କଅ । ତକେ କେ ମାରୁଲା କଇଦେକ୍ ପନି !”

**ପିତର୍ ଜିସୁକେ ନାଜାନି ବଲି କଇଲା**  
(ମାର୍କ ୧୪:୨୭-୨୨; ଲୁକ୍ ୨୨:୫୭-୬୨; ଜଅନ୍ ୧୮:୧୫-୧୮, ୨୫-୨୭)

୨୯ ପିତର୍ ବଡ଼ ପୁଜାରିର୍ ଦୁଆର୍ ମୁଆଟେ ବସି ରଇଲା ବେଲେ ଗଟେକ୍ ବଡ଼ ପୁଜାରିର୍ ପାଇଟିକାରିଆନି ଲଗେ ଆସି କଇଲା, “ତୁଇ ମିସା ଗାଲିଲିର୍ ଜିସୁର୍ ସଙ୍ଗ୍ ରଇଲୁସ୍ କାଈକି ?”

୩୦ ମାତର୍ ପିତର୍ ସବୁର୍ ମୁଆଟେ ନାତାଈ କରି ଏ କାତା କଇଲା, “ତୁଇ କାଈ ବଲି କଇଲୁସ୍ନି ମୁଇ ନାଜାନି ।”

୩୧ ଏକ୍ତି କଇକରି ପିତର୍ ଦୁଆର୍ ମୁଆଟ୍ ଲଗେ ଉଟିଗାଲା । ଆରି ଗଟେକ୍ ବିନ୍ ପାଇଟିକାରିଆନି ତାକେ ଦେକି ତେଇ ରଇବା ଲକ୍ମନକେ କଇଲା, “ଏ ନାଜରିତର୍ ଜିସୁର୍ ସଙ୍ଗ୍ ରଇଲା ।”

୩୨ ପିତର୍ ଆରି ତରେକ୍ କଇଲା, “ମୁଇ ପର୍ମାନ୍ କରି କଇଲିନି, ସେ ଲକ୍ବକେ ନାଜାନି ।”

୩୩ କେତେପର୍ ଗାଲାପତେ ତେଇ ରଇଲା ଲକ୍ମନ ପିତରର୍ ଲଗେ ଆସି କଇଲାଈ, “ବାଇଦରେ ତୁଇ ମିସା ସେମନର୍ ବିତ୍ରେଅନି ଗଟେକ୍ ଲକ୍ । ତର୍ କାତାବାର୍ତାଈଅନି ଏଟା ଜାନା ପଡ଼ିଗାଲାନି ।”

୩୪ ପିତର୍ କଇଲା, “ମୁଇ ପର୍ମାନ୍ କରି କଇଲିନି, ମର୍ କାତା ସଡ଼ ଆକା । ନଇଲେ ପର୍ମେସର୍ ମକେ ଡଣ୍ଟ ଦେଅ । ସେ ଲକ୍ବକେ ମୁଇ ନାଜାନି ।” ସେଦାପ୍ରେ କୁକ୍ତା ଡାକ୍ଲା ।

୩୫ ଆରି ଜିସୁ ଜନ୍ ଜନ୍ କାତା କଇରଇଲା, କୁକ୍ତା ନ ଡାକ୍ତେ ତୁଇ ମକେ ତିନ୍ ତର୍ ନାଜାନି ବଲି କଇସୁ । ସେ ସବୁ ପିତର୍ ଏତାଈଲା ଆରି ସେ ବାଇରେ ଜାଈ ବେସି ଦୁକ୍ ଅଇ କାନ୍ଲା ।

**୨୭**

**ପିଲାତର୍ ମୁଆଟେ ଜିସୁ**  
(ମାର୍କ ୧୫:୧; ଲୁକ୍ ୨୩:୧-୨; ଜଅନ୍ ୧୮:୨୮-୩୨)

୧ ତାର୍ ଆରକର୍ ଦିନର୍ ସାକାଲ୍ ସାକାଲ୍ ଜିସୁକେ ମରାଇଦେବାକେ ମୁକିଅ ପୁଜାରିମନ୍ ଆରି ପାର୍ଟିନମନ୍ ରାଜି ଅଇଲାଈ ।

୨ ସେମନ୍ ଜିସୁକେ ସିକିଲି ସଙ୍ଗ୍ ବାନ୍ଦି ରମ୍ବରାଇଜର୍ ରାଜା ପିଲାତର୍ ଲଗେ ଦାରିଗାଲାଈ ।

**ଜିଉଦାର୍ ମରନ୍**  
(ପେରିଡ଼ ୧:୧୮-୧୯)

୩ ✨ଜେତେବେଲେ ବିସ୍ବାସେ ବିସ୍ ଦେଉ ଜିଉଦା ଜିସୁକେ ମରନ୍ ଡଣ୍ଟ ଆଦେସ୍ ଅଇଲା ଆଚେ ବଲି ସୁନ୍ଲା, ସେ ଦୁକ୍ ଅଇ ଏତାଈଲା ଆରି ମୁକିଅ ପୁଜାରିମନ୍କେ ଆରି ପାର୍ଟିନମନ୍କେ ଚିରିସ୍ଟା ରୁପାଟାଙ୍ଗା ବାଉଡାଈଦେଇ କଇଲା, ୪ “ଗଟେକ୍ କାଈ ଦସ୍ ନ ରଇଲା ଲକ୍ବକେ ମୁଇ ବିସ୍ବାସେ ବିସ୍ ଦେଲାପାରା କି ବଡ଼ ପାପ୍ କରିଆଟି ।” ସେମନ୍ କଇଲାଈ, “ତେଇ ଆମର୍ କାଈଟା ଆଚେ ? ସେଟା ତର୍ ନିଜର୍ କାତା ।” ୫ ଜିଉଦା ସେମନ୍ ଦେଇରଇବା ରୁପାଟାଙ୍ଗା ମନ୍ଦିର୍ ବିତ୍ରେ ପିଙ୍ଗିଦେଇ ଉଟିଗାଲା । ତାର୍ପତେ ସେ ଜାଈକରି ଗାଲାଈ ତର୍ ବାନ୍ଦି ଉଡ଼କିଅଇ ମରିଗାଲା ।

୬ ମୁକିଅ ପୁଜାରିମନ୍ ଜିଉଦା ପିଙ୍ଗି ରଇଲା ରୁପାଟାଙ୍ଗାମନ୍ ଟୁଲିଆଇ କଇଲା, “ଏଟା ବନିର୍ ମୁଲିଅ, ଏଟା ମନ୍ଦିରର୍ ଦାନ୍ଦେବା ଜାଗାଈ ସଙ୍ଗାଈବାଟା ନିୟମ୍ ବିରୁଦ୍ କାମ୍ ।” ୭ ସେ ତାବୁ କେନ୍ଦ୍ରାରି କର୍ତ୍ତ କରିଅଇସି, ଏ ବିସଇର୍ କାତାବାର୍ତା ଅଇ କୁମାରକେଡ଼ ନାଉଁର୍ କଣ୍ଡେକ୍ ଜମି ଗେନ୍ଲାଈ । ଏଟା ବିନ୍ ଦେସର୍ ମଲା ଲକ୍ମନର୍ ପାଇ କବର୍

✨ ୨୭:୨୧ ୨୭:୨୧ ଜଅନ୍ ୨:୧୯ ✨ ୨୭:୩ ୨୭:୩ ପେରିଡ଼ ୧:୧୮, ୧୯

ଦେବା ଜାଗା ଅଇଲା । ୮ ତେବର୍ ପାଇ ଆଜିକେ ଜାକ ସେ ଜାଗାକେ ବନିର୍ ଜାଗାବଲିକରି କଇଲାଇନି । ୯ ଏ ବିସଇ ନେଇକରି ଜିରିମିୟ ବବିସତ୍‌ବକ୍ତା ଜେନ୍ତ୍ର କଇରଇଲା, ସେଟା ପୁରାପୁରୁନ୍ ଅଇଲା । ଜନ୍‌ଟା ତିରିସ୍ ଟାଙ୍ଗାକେ ବିକ୍‌ବାକେ ଇସ୍ରାଇଲର୍ ପିଲାମନ୍ ରାଜି କରଇରଇଲାଇ ସେଟା ନେଲାଇ । ୧୦ ଆରି ତିରିସ୍‌ଟା ଅଦ୍‌ଲି ଡାବୁ ନେଇ ସେମନ୍ କୁମାର୍ କେଡ୍ ଗେନ୍‌ଲାଇ । ଏଟା କର୍‌ବାକେ ମକେ ମାପୁରୁ ଆଦେସ୍ ଦେଇରଇଲା ।

**ପିଲାଡ୍ ଜିସୁକେ ଆଡୁଆ ତାଡୁଆ ପାଟାରୁଲା**  
(ମାର୍‌କ ୧୫:୨-୫; ଲୁକ୍ ୨୩:୩-୫; ଜଅନ୍ ୧୮:୩୩-୩୮)

୧୧ ଜିସୁର୍ ମୁଆଟେ ଦେକି ରମ୍ ରାଇଜର୍ ସାସନ୍‌କାରିଆ ପିଲାଡ ପାଟାରୁଲା, “ତୁଇ କାଇ ଜିଉଦି ମନର୍ ରାଜା କି ?” ଜିସୁ ତାକେ କଇଲା, ତୁଇ ସେଟା କଇଲୁସ୍‌ନି । ୧୨ ମାତର୍ ମୁକିଅ ପୁଜାରିମନ୍ ଆରି ପାର୍‌ତିମନ୍ ଜିସୁର୍ ବିରୁଦେ ଆନିରଇବା ନିନ୍ଦା କାତାର୍ କାଇମିସା ଉତର୍ ଦେଏ ନାଇ ।

୧୩ ତେବର୍ ପାଇ ପିଲାଡ୍ ତାକେ କଇଲା, ତର୍ ବିରୁଦେ ସେମନ୍ ଜାଇ ଜାଇଟା କଇଲାଇନି ସେଟା କାଇ ତୁଇ ସୁନି ନାପାରୁଲୁସ୍‌ନି କି ? ୧୪ ମାତର୍ ଜିସୁ ପଦେକ୍ ମିସା କଏନାଇ ଜେ ପିଲାଡ୍ କାବାଅଇଗାଲା ।

**ଜିସୁକେ ମରନର୍ ଡଣ୍ଡ ଦେଲା**  
(ମାର୍‌କ ୧୫:୬-୧୫; ଲୁକ୍ ୨୩:୧୩-୨୫; ଜଅନ୍ ୧୮:୩୯,୧୯:୧୭)

୧୫ ନିସ୍‌ତାର୍ ପରବ୍ ବେଲେ ରମିୟ ସାସନ୍‌କାରିଆ ଲକ୍‌ମନର୍ ମନ୍ କଲା ଇସାବେ କାକେ ମିସା ଗଟେକ୍ ବନ୍ଦି ଲକ୍‌କେ ବନ୍ଦିଗରେଅନି ମୁକ୍‌ଲାଇଦେବା ରିତିନିତି ରଇଲା । ୧୬ ସେବେଲେ ବାର୍‌ବା ନାଉର୍ ଗଟେକ୍ ବଡ୍ ଟାଉଟିଆ ନର୍‌ମାରୁ ବନ୍ଦି ଅଇରଇଲା । ୧୭ ତେଇ ଆସି ରଇଲା ଲକ୍‌ମନ୍କେ ପିଲାଡ୍ ପାଟାରୁଲା, “ମୁଇ କାକେ ମୁକ୍‌ଲାଇ ଦେବି ବଲି ତମେ ମନ୍ କଲାସ୍‌ନି ? ବାର୍‌ବାକେ କି ଜିସୁକେ, ଜାକେ କିରିସ୍‌ଟ ବଲି କଇବାଇ ?” ୧୮ ପିଲାଡ୍, ଜିଉଦି ନେତାମନ୍ ଆଁକାର୍ ଅଇ ଜିସୁକେ ତାର୍‌ଟାନେ ସର୍‌ପିଦେଇ ଆଟ୍ ବଲି ନିକ ସଙ୍ଗ୍ ଜାନିରଇଲା ।

୧୯ ପିଲାଡ୍ ବିଚାରନା ଜାଗାଇ ବସି ରଇଲାବେଲେ ତାର୍ ମାଇଜି ଗଟେକ୍ କବର୍ କଇଲା, “କାଇ ଦସ୍‌ପାପ୍ ନ କଲା ସେ ଲକ୍‌କେ କାଇଟା କରା ନାଇ । କାଲି ରାତି ସପ୍‌ନେ ତାର୍ ଲାଗି ମୁଇ ବେସି କସ୍‌ଟ ପାଇଲି ।”

୨୦ ମୁକିଅ ପୁଜାରିମନ୍ ଆରି ପାର୍‌ତିମନ୍ ବାର୍‌ବାକେ ମୁକ୍‌ଲାଇ ଦେଇକରି, ଜିସୁକେ ମରନ୍ ଡଣ୍ଡ ଦେବାକେ ଲକ୍‌ମନ୍କେ ପିଲାଡର୍ ଲଗେ ଜାଇ ଦାବି କର୍‌ବାକେ ଉସ୍‌କାଇଲାଇ । ୨୧ ପିଲାଡ୍ ଆରି ତରେକ୍ ଲକ୍‌ମନ୍କେ ପାଟାରୁଲା, “ମୁଇ ଏ ଦୁଇ ଲକ୍‌ର୍ ବିଡ୍‌ରେଅନି କାକେ ମୁକ୍‌ଲାଇ ଦେବି ବଲି ତମେ ମନ୍ କଲାସ୍‌ନି ?”

ସେମନ୍ କଇଲାଇ, “ବାର୍‌ବାକେ”

୨୨ ପିଲାଡ୍ ପାଟାରୁଲା, “ତେବେ ସବୁ ଲକ୍ ମସିଅ ବଲି ଜାନିରଇଲା ଜିସୁକେ ମୁଇ କାଇଟା କର୍‌ବି ?” “ତାକେ କୁର୍‌ସେ ଚଗାଆ” ବଲି ସବୁଲକ୍ ଆଉଲି ଅଇଲାଇ ।

୨୩ ପିଲାଡ୍ ପାଟାରୁଲା, “ମାତର୍ ସେ କାଇ ଦସ୍ କଲା ଆଟେ ?”

ସେମନ୍ ଆରି ଅଦିକ୍ ଆଉଲିଅଇ କଇବାର୍ ଦାରୁଲାଇ “ତାକେ କୁର୍‌ସେ ଚଗାଆ ।”

୨୪ ଜେଡେବେଲେ ପିଲାଡ୍ ଦେକ୍‌ଲା ଜେ ସେମନ୍‌କେ ଆରି କାଇଟା କଇକରି ମିସା ଲାବ୍ ନାଇ, ନଇଲେ ଗଣ୍ଡଗଲ୍ ଅଇବାର୍ ଉପ୍‌ରେ ଆଟେ, ସେ ପାନି ଗୁଡିକ୍ ନେଇ, ସବୁ ଲକ୍‌ମନର୍ ମୁଆଟେ ଆଡ୍ ଦଇପାକାଇ କଇଲା, “ଏ ଲକ୍‌ର୍ ମରନର୍ ପାଇ ମୁଇ ଦାଇ ନାଇ । ଏଟା ତମର୍ କାମ୍ ।”

୨୫ ଲକ୍‌ମନ୍ କଇଲାଇ, “ତାର୍ ମରନର୍ ଡଣ୍ଡର୍ ଦସ୍ ପାଇବାର୍ ରଇଲେ, ସେ ଦସ୍ ଆମ୍‌କେ ଆରି ଆମର୍ ପିଲାଜିଲାକେ ପଡ୍ ।”

୨୬ ସାରାସାରି ପିଲାଡ୍ ବାର୍‌ବାକେ ମୁକ୍‌ଲାଇଦେଇ ଜିସୁକେ କର୍‌ତା ସଙ୍ଗ୍ ମାର୍‌ବାକେ ଆଦେସ୍ ଦେଲା, ତାର୍ ପଟେ କୁର୍‌ସେ ମରାଇବା ପାଇ ସନିଅମନ୍‌କେ ସର୍‌ପି ଦେଲାଇ ।

**ସନିଅମନ୍ ଜିସୁକେ କିଜାଇଲାଇ**  
(ମାର୍‌କ ୧୫:୧୬-୨୦; ଜଅନ୍ ୧୯:୨-୩)

୨୭ ପିଲାଡର୍ ସନିଅମନ୍ ଜିସୁକେ ରମିୟ ସାସନ୍‌କାରିଆର୍ ଗରେ ଦାରି ଗାଲାଇ ଆରି ତାର୍ ଚାରିବେଟ୍‌ଟି ଚିଆଅଇଲାଇ । ୨୮ ସେ ପିନ୍ ରଇବାଟା ବେଟି ନେଇକରି ତାକେ ଗଟେକ୍ ଜାମ୍‌ଲି ରଙ୍ଗର୍ ବସ୍‌ତର୍ ପିନ୍‌ଇ ଦେଲାଇ । ୨୯ କାଟାର୍ ମୁକୁଟ୍ ତିଆର୍ କରି ତାର୍ ମୁଣ୍ଡେ ପିନ୍‌ଇ ଦେଲାଇ ଆରି ତାର୍ ଉଜା ଆଡେ ଗଟେକ୍ ଡାଙ୍ଗ୍ ଦାରାଇ ଦେଲାଇ । ତାର୍ ପଟେ, ତାର୍ ମୁଆଟେ ମାଣ୍ଡିକୁଟା ଦେଇ କିଜାଇକରି କଇଲାଇ, “ଏ ଜିଉଦିମନର୍ ରାଜା ! ବେସି ଦିନ୍ ବଠି ରଅ ।” ୩୦ ସେମନ୍ ଜିସୁର୍ ଉପ୍‌ରେ ତୁକି ପାକାଇଲାଇ ଆରି ସେ ଦାରି ରଇବା ଡାଙ୍ଗ୍‌ସଙ୍ଗ୍ ତାର୍ ମୁଣ୍ଡେ ମାରୁଲାଇ । ୩୧ ତାକେ ଏନ୍ତାରି କିଜାଇ ସାରୁଲା ପଟେ ରାଜା ପିନ୍‌ବା ବସ୍‌ତର୍ ବେଟିଦେଇ ତାର୍ ନିଜର୍ ବସ୍‌ତର୍ ପିନ୍‌ଇଦେଲାଇ ଆରି ତେଇଅନି ତାକେ କୁର୍‌ସେ ଚଗାଇବାକେ ଦାରିଗାଲାଇ ।

**ଜିସୁକେ କୁର୍‌ସେ ଚଗାଇଲାଇ**  
(ମାର୍‌କ ୧୫:୨୧-୩୨; ଲୁକ୍ ୨୩:୨୬-୪୩; ଜଅନ୍ ୧୯:୧୭-୨୭)



୩୨ ସେମନ୍ ଜିବାବାଟେ କୁରିଣି ସଅରର ସିମନ୍ ନାଉଁର୍ ଗଟେକ୍ ଲକ୍‌କେ ବେଟ୍‌ଅଇଲାଲ ଆରି ସନିଅମନ୍ ତାକେ ଜିସୁର୍ କୁରସ ବଇ ନେବାକେ ବାଦିଅ କଲାଲ ।

୩୩ ସେମନ୍ ଗଲ୍‌ଗତା ନାଉଁର୍ ଗଟେକ୍ ଜାଗାଲ କେଟ୍‌ଲାଲ । ଗଲ୍‌ଗତାର୍ ଅରଡ୍ ଅଇଲାନି, ମୁଣ୍ଡଗିଗ୍‌ତି ପାରା ରଇବା ଜାଗା । ୩୪ ତେଇ ସେମନ୍ ଜିସୁକେ ପିତା ରଇବା ଅଙ୍ଗୁର୍ ରସ୍ କାଇବାକେ ଦେଲାଲ । ସେଟା ଜିସୁ ଅଲପ୍ ଚାକିକରି ଆରି କାଏନାଲ ।

୩୫ ସେମନ୍ ଜିସୁକେ କୁରସେ ମାରି କରି ସେ ପିନ୍‌ରଇବା ବସ୍‌ତର୍ ତାକର୍ ତାକର୍ ବିଡ୍‌ରେ କେଡ୍‌ପୁଟାଲ ବାଟାକରି ନେଲାଲ । ୩୬ ତାର୍‌ପଟେ ସେମନ୍ କୁରସେ ଚଗାଇଲା ଜିସୁକେ, ତେଇ ଜାଗି ରଇଲାଲ । ୩୭ ତାର୍ ବିରୁଦେ ଲେକାଅଇରଇବା ଗଟେକ୍ ବରଡ୍ ଲେକି ତାର୍ ମୁଣ୍ଡ ଉପ୍‌ରେ, ଜୁଲାଲ ରଇଲାଲ । ସେ ବରଡ୍ ଲଗେ ଏଡ୍ରି ଲେକାଅଇରଇଲା, ଏ ଅଇଲାନି ଜିଉଦିମନ୍‌ର୍ ରାଜା, ଜିସୁ ।

୩୮ ତାର୍‌ପଟେ ସେମନ୍ ତେଇ ଦୁଇଟା ଚର୍‌ମନ୍‌କେ ଆନ୍‌ଲାଲ । ଗଟେକ୍‌କେ ଜିସୁର୍ ଉଜା ବାଟେ ଆରି ଗଟେକ୍‌କେ ତାର୍ ଡେବ୍‌ରି ବାଟେ କୁରସେ ଚଗାଇଲାଲ ।

୩୯ ସେବାଟେ ଜାଇତେ ରଇବା ଲକ୍‌ମନ୍ ମୁଣ୍ଡ ଜୁଲାଲ ଜୁଲାଲ ଜିସୁକେ କିଜାଇ କିଜାଇ କଇଲାଲ, ୪୦ \* “ତୁଇସେ କାଇକି ମନ୍‌ଦିର୍ ବସ୍‌ଲାଲଦେଇ ତିନ୍ ଦିନ୍‌କେ ଆରି ତରେକ୍ ତିଆର୍ କରିଦେଇତେ ରଇଲୁସ୍ ? ତୁଇ ଜଦି ପର୍‌ମେସରର୍ ପଅ, ନିଜ୍‌କେ ରକିଆ କର୍ ଆରି କୁରସେଅନି ଉଡ୍‌ରି ଆଉ ।”

୪୧ ମୁକିଅ ପୁଜାରି, ଦରମ୍ ଗୁରୁ ଆରି ଜିଉଦି ଜାତିର୍ ପାର୍‌ଟିନ୍ ନେତାମନ୍ ମିସା ଜିସୁକେ କିଜାଇକରି କଇଲାଲ, ୪୨ “ସେ ବିନ୍ ଲକ୍‌ମନ୍‌କେ ରକିଆ କର୍ତେ ରଇଲା, ମାତର୍ ନିଜ୍‌କେ ରକିଆ କରିନାପାର୍‌ଲାନି । ସେ ଇସ୍‌ରାଏଲ୍‌ର୍ ରାଜା କାଇକି ? ଏବେ ଜଦି ସେ କୁରସେଅନି ଉଡ୍‌ରି ଆସି ପାର୍‌ସି ବଇଲେ ଆମେ ତାକେ ବିସ୍‌ବାସ୍ କର୍‌ରୁ । ୪୩ ସେ ନିଜେ ମୁଇ ପର୍‌ମେସରର୍ ପଅ ବଲି କଇ, ପର୍‌ମେସର୍‌ଟାମେ ଆସା କଲାଆଟେ । ଆଲେ ଦେକୁ ତେବେ, ପର୍‌ମେସର୍ ତାକେ ଏବେ ରକିଆ କର୍‌ବାକେ ମନ୍ କଲାନି କି ନାଇ ।”

୪୪ ଜିସୁର୍ ସଙ୍ଗ୍ କୁରସେ ଚଗିରଇବା ଦୁଇଟା ଚର୍‌ମନ୍ ମିସା ତାକେ ସେନ୍ତାରି କିଜାଇଲାଲ ।

**ଜିସୁର୍ ମରନ୍**

(ମାର୍‌କ ୧୫:୩୩-୪୧; ଲୁକ୍ ୨୩:୪୪-୪୯; ଜଅନ୍ ୧୯:୨୮-୩୦)

୪୫ ସେ ଦିନେ ମୁଣ୍ଡବେଲାଲ ଅନି ଆଡ୍‌ବେଲାଲ ଜାକ ଗୁଲାଲ ଜଗଡ୍ ଆନ୍‌ଦାର୍ ଅଇଗାଲା ଆରି ସେଟା ତିନ୍ ଗନ୍‌ଟାଜାକ ରଇଲା ।

୪୬ ଆଡ୍‌ବେଲାର୍ ତିନ୍‌ଟା ବେଲେ ଜିସୁ ଆକ୍‌ମାରି କଇଲା, “ଏଲି, ଏଲି, ଲାମାସବକ୍‌ତାନି, ବଇଲେ ଏ ମର୍ ପର୍‌ମେସର୍, ଏ ମର୍ ପର୍‌ମେସର୍, ମକେ ତମେ କାଇକେ ଚାଡିଦେଲାସ୍ ?”

୪୭ ଲଗେ ଚିଆ ଅଇରଇବା କେତେ ଲକ୍ ଏଟା ସୁନିକରି କଇଲାଲ, “ସେ ଏଲିୟ୍‌କେ ଡାକ୍‌ଲାନି ।”

୪୮ ଗଟେକ୍ ଲକ୍ ପାଲାଲ ଜାଇ ପିତା ରଇଲା ଅଙ୍ଗୁର୍‌ରସ୍‌ଟାମେ ଗଟେକ୍ ସୁତାର୍ ଗର୍‌ଣ୍ଡା ବୁଡାଇଲା । ଆରି ସେଟା ଲାଟି ଚିପେ ବାନ୍ଦି କାଅ ବଲି ଜିସୁର୍ ମୁଆଟେ ଲାମାଇଦେଲା ।

୪୯ ବିନ୍ ଲକ୍‌ମନ୍ କଇଲାଲ “ଚନେକ୍ ଜାଗା, ତାକେ ଏଲିୟ୍ ରକିଆ କର୍‌ବାକେ ଆଇଲାନି କି ନାଇ ଦେକିଦେକୁ ।”

୫୦ ଜିସୁ ଆରି ତରେକ୍ ଆକ୍‌ମାରିକରି, ସାରାସାରି ଜିବନ୍ ଚାଡିଗାଲା ।

୫୧ ସେଡ୍‌କି ବେଲେ ମନ୍‌ଦିରେ ଜୁଲ୍‌ତେ ରଇବା ପାର୍‌ଦା ଉପ୍‌ରେଅନି ତଲେ ଜାକ ଦୁଇ ଗନ୍‌ଅଇ ଚିରିଅଇଗାଲା । ଦର୍‌ତନି ଚୁଲ୍‌ବୁଲି ପାକ୍‌ନାମନ୍ ସବୁ ପୁଟିଗାଲା ୫୨ ଆରି କବର୍ ଦେଇରଇବା କାଲ୍‌ମନ୍ ଉଗାଡିଅଇ କେତେକ୍ କେତେକ୍ ପର୍‌ମେସରର୍ ଦରମ୍ ଲକ୍‌ମନ୍ ଆରିତରେକ୍ ଜିବନ୍ ଅଇ ଉଟ୍‌ଲାଲ । ୫୩ ସେମନ୍ କବର୍ ଦେଇରଇବା କାଲେଅନି ଉଟି ଆଇଲାଲ । ଜିସୁ ଆରିତରେକ୍ ଉଟ୍‌ଲା ପଟେ ଲକ୍‌ମନ୍, ଏମନ୍‌କେ ସୁକଲ୍ ଜାଗା ଜିରୁସାଲମେ ଜିବାଟା ଦେକ୍‌ଲାଲ ।

୫୪ ଦର୍‌ତନି ଚୁଲ୍‌ବୁଲି ବିନ୍ ବିନ୍ ଗର୍‌ନା ଅଇବାଟା ଦେକି, ଜିସୁକେ ଜାଗିରଇବା ସନିଅମନ୍‌ର୍ ମୁକିଅ ଆରି ବିନ୍ ସନିଅମନ୍ ଡରିଗାଲାଲ । ସେମନ୍ କଇଲାଲ, “ସତଇସେ ଏ ନିଜେ ପର୍‌ମେସରର୍ ପଅ ଆକା !”

୫୫ \*ଗାଲିଲିଅନି ଜିସୁର୍ ସଙ୍ଗ୍ ରଇକରି ତାକେ ସାଇଜ କରିରଇବା କେତେଟା ମାଇଜି ଦୁରିକେ ରଇକରି ଏଟା ସବୁ ଦେକ୍‌ତେ ରଇଲାଲ । ୫୬ ସେମନ୍‌ର୍ ବିଡ୍‌ରେ ମଗ୍‌ଦଲିନି ମରିୟ୍‌ମ, ଜାକୁବ୍ ଆରି ଜସେପର୍ ମାଆ ମରିୟ୍‌ମ୍ ଆରି ଜେବଦିର୍ ମାଇଜି ରଇଲାଲ ।

**ଜିସୁକେ କବର୍ ଦେଲାଲ**

(ମାର୍‌କ ୧୫:୪୨-୪୬; ଲୁକ୍ ୨୩:୫୦-୫୬; ଜଅନ୍ ୧୯:୩୮-୪୨)

୫୭ ସଞ୍ଜବେଲାଲ ଆରାମାଡିଆ ସଅରର୍ ଜସେପ୍ ନାଉଁର୍ ଗଟେକ୍ ସାଉକାର୍ ଆସି କେଟ୍‌ଲା । ସେ ମିସା ଗଟେକ୍ ସିସ୍ ରଇଲା । ୫୮ ସେ ପିଲାଡ୍‌କେ ବେଟ୍‌ଅଇକରି ଜିସୁର୍ ମଲାମଡ୍ ଦାରିଜିବାକେ ଗୁଆରି କଲା । ଜସେପ୍ ଗୁଆର୍‌ଲାକେ ପିଲାଡ୍ ମଡ୍ ନେବାକେ ଆଦେସ୍ ଦେଲା । ୫୯ ସେ ଜିସୁର୍ ଗାଗଡ୍ ଦାରିଗାଲା ଆରି ଗଟେକ୍ ନୁଆ ଚାଦର୍ ଗର୍‌ଣ୍ଡାଇ

\* ୨୭:୪୦ ୨୭:୪୦ ମାତୃତ ୨୭:୨୧; ଜଅନ୍ ୨:୧୯ \* ୨୭:୫୫ ୨୭:୫୫ ଲୁକ୍ ୮:୨,୩

ଗୁଡ଼ିଆଇ ଦେଲା । ୬୦ ପାକ୍‌ନାଇ ତାକର୍ ନିଜର୍ ପାଇ କୁନି ରଇବା ଗଟେକ୍ ନୁଆ କବର୍ ଦେବା ପାଆରେ ସେଟା ନେଇ ସଙ୍ଗଇଲା ଆରି ସେ ପାଆର୍ ମୁଆଟେ ଗଟେକ୍ ବଡ଼ଟା ଚାତଡା ପାକ୍‌ନା ତାବିଦେଇ ଉଟିଗାଲା । ୬୧ ମଗ୍‌ଦଲିନି ମରିୟମ୍ ଆରି ବିନ୍ ମରିୟମ୍ ଜିସୁକେ କବର୍ ଦେଲା ପାଆର୍ ମୁଆଟେ ବସି ରଇଲାଇ ।

**ମସନ୍ ଜାଗୁଆଲ୍‌ମନ୍**

୬୨ ତାର ଆରକର୍ ଦିନର୍ ବିସ୍‌ରାମ୍‌ବାରେ ମୁକିଅ ପୁଜାରିମନ୍ ଆରି ପାରୁସିମନ୍ ପିଲାଡ଼କେ ବେଟ୍‌ଅଇ କଇଲାଇ, ୬୩ \*“ଆଗିଆଁ, ସେ ବେସି ମିରୁଆଟା । ବଠିରଇଲାବେଲେ ‘ମୁଇ ତିନ୍‌ଦିନ୍ ପତେ ଆରିତରେକ୍ ଉଟ୍‌ବି’ ବଲି କଇତେ ରଇଲା । ଏଟା ଆମର୍ ମନେ ଆଟେ । ୬୪ ତେବର୍ ପାଇ ତିନ୍ ଦିନ୍ ଜାକ ତାକେ କବର୍ ଦେଲାଟାନେ ଜାଗୁଆଲ୍ ଦାର୍‌ବାକେ ଆଦେସ୍ ଦିଆସ୍ । ସେନ୍ତି କଲେ ତାର୍ ସିସ୍‌ମନ୍ ତାର୍ ଗାଗଡ଼ ଚରାଇନେଇ ସେ ଜିବନ୍ ଅଇକରି ମଲାତେଇଅନି ଉଟ୍‌ଲା ବଲି କଇନାପାରଡ଼ ।” ସେମନ୍‌ର୍ ଏନ୍ତାରି ମିର୍ କାତା ଜାନାଇବାଟା ସବୁର୍‌ଟାନେଅନି ଅଦିକ୍ କେଡି ଅଇସି ।

୬୫ ପିଲାଡ଼ କଇଲା, “ଗଟେକ୍ ଦଲ୍ ଜାଗୁଆଲ୍‌ମନ୍‌କେ ନିଆ ଆରି ତାକେ କବର୍ ଦେଲାଟାନେ କାଇଟା ନ ପୁରଲା ପାରା ଜାଗାଆ ।”

୬୬ ସେମନ୍ ଜାଇକରି ଜିସୁକେ କବର୍ ଦେଲାଟାନେ ଜାଗ୍‌ବାକେ ସନିଅମନ୍ ଟିକ୍ କଲାଇ । କବର୍ ମୁଆଟେ ତାବି ରଇବା ପାକ୍‌ନା ଉପ୍‌ରେ ସିଲ୍‌ମାରି ଜାଗୁଆଲ୍‌ମନ୍‌କେ ଜାଗାଇଲାଇ ।

**୨୮**

**ଜିସୁ ମରିକରି ଆରିତରେକ୍ ଉଟ୍‌ବାଟା**

(ମାର୍‌କ ୧୬:୧-୧୦; ଲୁକ୍ ୨୪:୧-୧୨; ଜଅନ୍ ୨୦:୧-୧୦)

୧ ବିସ୍‌ରାମ୍‌ବାର୍ ଆରକର୍ ଦିନେ, ରଇବାର୍ ସାକାଲେ ମଗ୍‌ଦଲିନି ମରିୟମ୍ ଆରି ବିନ୍ ମରିୟମ୍ ଜିସୁକେ ସଙ୍ଗଇରଇବା କବର୍ ଦେକ୍‌ବାର୍ ଗାଲାଇ । ୨ ସେଡ଼କିବେଲେ ଅଟାଡ଼ ଦର୍‌ତନି ରୁଲ୍‌ରୁଲିଗାଲା । ଏଦେ ଦେକା ! ମାପୁରର୍ ଗଟେକ୍ ସରଗ୍ ଦୁଡ଼ ଉଡ଼ରି ଆସି, କବର୍ ମୁଆଟେ ତାବିରଇଲା ପାକ୍‌ନା ଡୁଲ୍‌ଗୁଡାଇଦେଇ ତାର୍ ଉପ୍‌ରେ ବସି ରଇଲା । ୩ ତାର୍ ଗୁଲାଇ ଗାଗଡ଼ ବିଜ୍‌ଲି ପାରା ଜଟକ୍‌ତେରଇଲା ଆରି ସେ ପିନ୍‌ଦିରଇବାଟା ବରପ୍ ପାରା ଚିଟ୍ ଦବ୍ ରଇଲା । ୪ ଜାଗୁଆଲ୍‌ମନ୍ ଦୁଡ଼କେ ଦେକି ଡରି ଡର୍‌ଡରି ଗାଲାଇ ଆରି ମଲା ଲକ୍‌ପାରା ଅଇଗାଲାଇ । ୫ ସରଗର୍ ଦୁଡ଼ ମାଇଜିମନ୍‌କେ କଇଲା, “ତରା ନାଇ । ମୁଇ ଜାନି, ତମେ କୁର୍‌ସେ ମରିରଇବା ଜିସୁକେ ଦେକ୍‌ବାର୍ ଆସିଆଟାସ୍ । ୬ ସେ ଇଡି ନାଇ । ସେ କଇଲା ଇସାବେ ଆରି ତରେକ୍ ଉଟି ଆଟେ । ଆସି ଦେକା, ଇଡି ତାର୍ ମଲା ଗାଗଡ଼ ସଙ୍ଗଇରଇଲାଇ ।”

୭ “ତମେ ଦାପ୍‌ରେ ଜାଇ ତାର୍ ସିସ୍‌ମନ୍‌କେ କୁଆ, ସେ ଆରି ତରେକ୍ ଜିବନ୍ ଅଇଆଟେ ଆରି ତମର୍ ଆଗେ ଆଗେ ଗାଲିଲି ଗାଲା ଆଟେ । ତମେ ତେଇ ତାକେ ଦେକ୍‌ସା । ମୁଇ ଜାଇଟା କଇଲି ମନେ ରକିରୁଆ ।”

୮ ଏ କାତାସୁନି ସେମନ୍ ଦାପ୍‌ରେ କବର୍‌ଦେଲା ଟାନେଅନି ସିସ୍‌ମନ୍‌ର୍ ଲଗେ ପାଲାଇଲାଇ । ଡରିକରି ରଇଲେ ମିସା, ତାକର୍ ମନେ ବେସି ସାର୍‌ଦା ଜାନିପାର୍‌ତେ ରଇଲାଇ ।

୯ ସେଦାପ୍‌ରେ ଜିସୁ ସେମନ୍‌କେ ବେଟ୍‌ଅଇ କଇଲା, “ତମକେ ସାନ୍ତି ମିଲ !” ସେମନ୍ ଜିସୁର୍ ଲଗେ ଜାଇ ତାର୍ ପାଦ୍ ଦାରି ଜୁଆର୍ କଲାଇ । ୧୦ ଜିସୁ ସେମନ୍‌କେ କଇଲା, “ତରା ନାଇ । ମର୍ ବାଇମନ୍‌କେ କୁଆ, ସେମନ୍ ଗାଲିଲି ଆସଡ଼ । ତେଇ ସେମନ୍ ମକେ ଦେକ୍‌ବାଇ ।”

**ଜାଗୁଆଲ୍‌ମନ୍ ଜାନାଇବାଟା**

୧୧ ମାଇଜିମନ୍ ତେଇଅନି ଇଣ୍ଡିଜାଇତେ ରଇଲାଇ । ଜିବାବେଲେ ଜିସୁକେ କବର୍ ଦେଇ ରଇବାଟାନେ ଜାଗି ରଇଲା କେତେଟା ସନିଅମନ୍ ନଅରେ ବାଉଡି ଗାଲାଇ । ଜାଇକରି ମୁକିଅ ପୁଜାରିମନ୍‌କେ ଏ ସବୁ ଅଇଲାଟା ଜାନାଇଲାଇ । ୧୨ ମୁକିଅ ପୁଜାରିମନ୍ ପାର୍‌ତିନ୍‌ମନ୍‌ର୍ ସଙ୍ଗ୍ ମିସି କୁଟ୍ ପାଁର୍‌ଲାଇ । ସେମନ୍ ସନିଅମନ୍‌କେ ବେସି ଡାବୁ ଲାଁର୍‌ଦେଇ କଇଲାଇ, ୧୩ ତମେ କୁଆ “ଆମେ ରାଡିଆ ସଇଦେଇ ରଇଲା ବେଲେ ତାର୍ ସିସ୍‌ମନ୍ ଆସି ତାର୍ ମଲା ଗାଗଡ଼ ଚରାଇ ଦାରିଗାଲାଇ । ୧୪ ଜଦି ସାସନ୍‌କାରିଆ ଏ କାତା ନ ସୁନ୍‌ସି, ବଇଲେ ତମର୍ ଦସ୍ ନାଇ ବଲି ଆମେ ବୁଜାଇ ଦେବୁ । ଏ ବିସଇନେଇ ତମେ ଦାନ୍ଦା ଉଆନାଇ ।”

୧୫ ସନିଅମନ୍ ଡାବୁ ନେଇକରି, ସେମନ୍‌କେ କଇରଇଲା ଇସାବେ କାମ୍ କଲାଇ । ସେମନ୍ ସେବେଲେ ଜେନ୍ତି କଇରଇଲାଇ, ଜିଉଦିମନ୍ ଆଜିକେ ଜାକ ସେ କାତା ଜାନାଇଲାଇନି ।

**ଜିସୁ ସିସ୍‌ମନ୍‌କେ ଦେକାଇ ଅଇଲା /**

(ମାର୍‌କ ୧୬:୧୪-୧୮; ଲୁକ୍ ୨୪:୩୬-୩୯; ଜଅନ୍ ୨୦:୧୯-୨୩; ପେରିଡ଼ ୧:୬-୮)

୧୬ ଜିସୁ କଇବା ଇସାବେ ତାର୍ ଏଗାର୍‌ଟା ସିସ୍‌ମନ୍ ଗାଲିଲିର୍ ଗଟେକ୍ ଡଙ୍ଗର୍ ଉପ୍‌ରେ ଗାଲାଇ । ୧୭ ଜିସୁକେ ଡଙ୍ଗର୍ ଉପ୍‌ରେ ଦେକି ସେମନ୍ ତାକେ ଜୁଆର୍ କଲାଇ । କେତେ ଲକ୍ ବିସ୍‌ବାସ୍ କରଡ଼ ନାଇ । ୧୮ ଜିସୁ ସେମନ୍‌ର୍ ଲଗେ ଜାଇ

☆ ୨୭:୨୩ ୨୭:୨୩ ମାତ୍ରିକ ୧୬:୨୧; ୧୭:୨୩; ୨୦:୧୯; ମାର୍‌କ ୮:୩୧; ୯:୩୧; ୧୦:୩୩, ୩୪; ଲୁକ୍ ୯:୨୨; ୧୮:୩୧-୩୩ ☆ ୨୮:୧୭ ୨୮:୧୭ ମାତ୍ରିକ ୨୭:୩୨; ମାର୍‌କ ୧୪:୨୮

କଇଲା, “ସରଗ୍ ଆରି ମର୍ପୁରର୍ ସବୁ ଅଦିକାର୍ ମକେ ଦିଆଅଇଲା ଆଚେ । <sup>୧୯</sup> ଶ୍ରେତେବେ ତମେ ଦେସ୍‌ମନ୍‌କେ ରଇବା ସବୁ ବାସାର୍ ଲକ୍‌ମନର୍ ଲଗେ ଜାଇ, ସେମନ୍‌କେ ମର୍ ସିସ୍ କରାଆ । ବାବା, ପଥ ଆରି ସୁକଲ୍ ଆଡ଼ମାର୍ ନାଉଁଦାରି ସେମନ୍‌କେ ହୁବନ୍ ଦିଆସ୍ । <sup>୨୦</sup> ଆରି ମୁଇ ଜନ୍ ସବୁ ସିକିଆ ଦେଇଆଚି, ସେଟା ମାନା ବଲି ସିକାଆ । ଆରି ମନେ ରଅ, କାଲ୍ କାଲ୍ ହୁଗ୍ ହୁଗ୍ ମୁଇ ସବୁବେଲେ ତମର୍ ସଙ୍ଗ୍ ରଇବି ।”

## ଯୀଶୁଖ୍ରୀଷ୍ଟଙ୍କ ବିଷୟରେ ମାର୍କ ଲେଖିଥିବା ସୁସମାଚାର ଜିସୁକ୍ରିସ୍ଟର ବିଷୟରେ ମାର୍କ ଲେଖିଲା ନିମନ୍ତ କବଚ ଏ ବଇ ବିଷୟରେ ଜାନ୍‌ବାଟା

ଜିସୁ ମାପ୍‌ରୁର ଜିବନ୍ ବିଷୟର ଚିକି ନିକି କାତା କରିରଇବା ନୁଆ ନିୟମର ଚାରିଟା ବଇ ବିତ୍‌ରେଅନି ମାର୍କ ଲେକିରଇବା ସୁବ୍‌କବର୍ ଅଇଲାନି ଗଟେକ୍ । ସେ ଚାଟା ବଇକେ ସୁସମାଚାର ବଲି କଇବାଇ । ଜନ୍‌ଟାର ଅରଡ୍ କି “ସୁବ୍‌କବର୍ ।” ସେଟା ସବୁ ଜିସୁର୍ ମରନ୍ ପଟେ ମାଡିଡ, ମାର୍କ, ଲୁକ୍ ଆରି ଜଅନର୍ ଲାଗି ଲେକା ଅଇଲା ଆଟେ । ଚାରିଟା ସୁବ୍‌କବର୍ ବିତ୍‌ରେଅନି ମାର୍କ ଲେକିରଇବା ସୁବ୍‌କବର୍ ଅଇଲାନି ସବୁରଟାନେଅନି ସାନ୍‌ଟା । ଏଟାକେ ଏନ୍ତି ମିସା ବିସବାସ୍ କରବାଇ ଜେ ଏଟା ସୁବ୍‌କବର୍‌ମନର୍ ବିତ୍‌ରେ ଅନି ସବୁର୍ ଆଗ୍‌ତୁ କିରିସ୍‌ଟାଦ ୬୫-୭୦ ବିତ୍‌ରେ ଲେକାଅଇଲା । କେତେକ୍ ବାଉବଲ୍ ପଣ୍ଡିତ୍‌ମନ୍ ବିସବାସ୍ କରବାଇ ଜେ ରମ୍ ଦେସେ ରଇବା କିରସ୍‌ତାନି ମନକେ ସାରଦା କରାଇବାପାଇ ବଲି ରମ୍‌ଦେସେ ଏଟା ଲେକାଅଇଲାଆଟେ । ମାର୍କ, ଜେ କି ଜଅନ୍ ମାର୍କ ବଲି ଜାନିରଇଲାଇ । ସେ ପାଉଲ୍ ଆରି ବରନ୍‌ବାସର୍ ସଙ୍ଗାରି ରଇଲା, ମାତର୍ ଜେତେବେଲେ ସେ ସେମନ୍‌କେ ମାପ୍‌ରୁର ସେବା କାମର୍ ଲାଗି ଜିବାକେ ଚାଡି ଆଇଲା, ସେତେବେଲେ ସେମନର୍ ନାଉଁ ବଡି ବଡି ଆଇଲାବେଲେ, ଦୁକର୍ ବେଲା କେଟ୍‌ଲା ପେରିଡ୍ ୧୩:୧୩ କେତେ ବରସ୍ ଗାଲାପଟେ ମାର୍କ ଆରିତରେକ୍ ବରନ୍‌ବାସର୍ ସଙ୍ଗ୍ ଜିବାକେ ଆରାମ୍ କଲାଇ ପେରିଡ୍ ୧୫:୩୭-୩୯ । ମାର୍କ ମିସା ପିତରର୍ ଗଟେକ୍ ନିଜର୍ ମଇତର୍ ପାରା ବଲି ଜାନିରଇଲାଇ ୧ ମ ପିତର୍ ୫:୧୩ । ମାର୍କ ଜିସୁର୍ ଜିବନେ ଅଇରଇବା ସବୁ ବିଷୟର ସାକି ନ ରଇଲେ ମିସା, ପଣ୍ଡିତ୍‌ମନ୍ ତାକେ ବିସବାସ୍ କରବାଇ । ସେ ପିତର୍ ସାକିଦେଇରଇବା ବିଷୟ ନିଜର୍ ସୁବ୍‌କବର୍ ତେଇ ଲେକିଆଟେ । ମାର୍କ ସିସ୍‌ଅଇଲାଟା ଆରି ସାରାସାରି ବେଲେ ଅଇରଇଲା କାତା ଜିସୁର୍ ସିକିଆ ତେଇ ଜାନାଇଲାଆଟେ । ଏ ମାର୍କ ବଇଟାନେ ଜିସୁ କିରିସ୍‌ଟକେ ଗଟେକ୍ ଦରମ୍ ଚାକର୍ ଆରି ପର୍‌ମେସର୍ ଜଜନା କଲାଟା ପୁରାପୁରୁନ୍ କରବାକେ, ସବୁବେଲେ ତିଆର୍ ଅଇରଇବା ଆଲାଦର୍ ପିଲାପାରା ଜାନାଇଆଟେ । ସେଟାପାଇ ମାର୍କ ଜିସୁ କରିରଇବା କାବାଅଇଜିବା କାମର୍ ବିଷୟ ଅଦିକ୍ ଲେକିଲା । ସାରାସାରି ସେ ଗୁଲାଇ ଜଗତେ ମାପ୍‌ରୁର କାତା ସୁନାଇବା ଗଟେକ୍ ମଆନ୍ ଆଦେସ୍ ସଙ୍ଗ୍ ଏ ସୁବ୍‌କବର୍ ଲେକା ତେବାଇଆଟେ ।

### ବିତ୍‌ରେ ରଇବାଟା

- ୧. ତୁବନ୍ ଦେଉ ଜଅନ୍ ଆରି ଜିସୁର୍ ତୁବନ୍ । ୧:୧-୧୩
- ୨. ଗାଲିଲିତେଇ ଜିସୁର୍ ସେବାକାମ୍ । ୧:୧୪,୯:୫୦
- ୩. ଜିସୁ ଜିରୁସାଲାମ୍ ଜିବାଟା ଆରି ପାର୍‌ତନା ଗରେ ପୁରବାଟା । ୧୦:୧;୧୨:୪୪
- ୪. ପଟ୍‌କେ ଗଟ୍‌ବା ବିଷୟ ଜାନାଇବାଟା । ୧୩:୩୧-୩୭
- ୫. ଜିସୁର୍ ମରନ୍ ଆରିତରେକ୍ ଉଟ୍‌ବାଟା ଆରି ମୁକିଅ ଆଦେସ୍ । ୧୪:୧-୧୬:୨୦

ତୁବନ୍ ଦେଉ ଜଅନ୍ ପର୍‌ଗାର୍  
(ମାଡିଡ ୩:୧-୧୨; ଲୁକ୍ ୩:୧-୧୮; ଜଅନ୍ ୧:୧୯-୨୮)

୧ ଏଟା ଅଇଲାନି ପର୍‌ମେସରର୍ ପଅ ଜିସୁ କିରିସ୍‌ଟର୍ ନିମନ୍ତ କବରର୍ ଆରାମ୍ । ୨ ଏଟା ଏନ୍ତାରି ଆରାମ୍ ଅଇଲା । ଜିସାୟ ବବିସ୍‌ଡବ୍‌କ୍‌ତାର୍ ସାସ୍‌ତରେ ଜେନ୍ତାର୍ ଲେକାଅଇଲା ଆଟେ, ପର୍‌ମେସର୍ କଇଲା, ଦେକା ମୁଇ ମର୍ କବର୍ ଜାନାଉକେ ତମର୍ ଆଗେ ପାଟାଇଲିନି, ସେ ତମର୍ ବାଟ୍ ତିଆର୍ କରସି ।

୩ ତାର୍ ସର୍ ମରୁବାଲି ବୁର୍‌ଆଉଲିଅଇକରି ସୁନାଇଲାନି ମାପ୍‌ରୁର ବାଟ୍ ତିଆର୍ କରା, ତାର୍‌ପାଇ ବାଟ୍ ସଲ୍‌କାଆ ।

୪ ତାର୍‌ପଟେ ଏ ସବୁ କାତା ପୁରାପୁରୁନ୍ ଅଇଲା, ଜେତେବେଲେ, ତୁବନ୍ ଦେଉ ଜଅନ୍ ମରୁବାଲିବୁର୍‌ ଆସି ପାପ୍ କେମାର୍ ଲାଗି ବଲି ପାପ୍‌ଟାନେଅନି ବାଉଡାଇବା ବିଷୟ କଇବାର୍ ଦାରଲା । “ତମର୍ ପାପ୍ କେମା ଅଇବାକେ ପାପ୍‌ଟାନେ ମନ୍ ବାଦ୍‌ଲାଇ ତୁବନ୍ ନିଆ । ପର୍‌ମେସର୍ ତମର୍ ପାପ୍ କେମା କରସି ।” ୫ ସେଡ୍‌କିବେଲେ ଜିଉଦାଦେସର୍ କେତେକ୍ ଲକ୍ ଆରି ଜିରୁସାଲାମ୍ ରାଇଜର୍ ସବୁ ଲକ୍‌ମନ୍ ବାରଇକରି ଜଅନର୍ କାତା ସୁନ୍ ବଲି ଆଇବାର୍ ଦାରଲାଇ । ଆରି ନିଜର୍ ନିଜର୍ ପାପ୍‌କଲାଟା ମାନିକରି ଜର୍‌ଦନ୍ ଗାତେ ତାର୍‌ତେଇଅନି ତୁବନ୍ ନେଲାଇ ।

୬ ଜଅନ୍ ଉଟ୍‌ଟ୍‌ ଚେଣ୍ଡିସଙ୍ଗ୍ ତିଆର୍ ଅଇଲା ଲୁଗା ପିନ୍ଦି, ପସୁ ଚାମର୍ ଆଁଟାବେଡା ଆଁଟାଇ ବାନ୍ଦି ଅଇତେରଇଲା । ତାର୍ କାଦି ଅଇଲା ଚିଟ୍‌କା ଆରି ବନର୍ ମୁ । ୭ ସେ ଜାନାଇକରି କଇବାର୍ ମୁଲିଆଇଲା, “ମର୍ ପଟେ ଗଟେକ୍ ବେସି ବପୁର୍

ଲକ୍ଷ୍ମୀ ଆଇସି, ତାର ଗତିଦାଙ୍ଗତା ଅଇକରି ତାର ଗତର ପାଣ୍ଡୁଇ ବେଟ୍‌ବାର ମିସା ମର ଅଦିକାର ନାଇ । ୮ ମୁଇ ତମ୍‌କେ ପାନିତେଇ ତୁବନ୍ ଦେଲିନି, ମାତର ସେ ତମ୍‌କେ ସୁକଲ୍‌ଆଡ଼ମାଇ ତୁବନ୍ ଦେଇସି ।”

**ଜିସୁର ତୁବନ୍ ଆରି ପରିକା**

(ମାତିଉ ୩:୧୩; ୪:୧୧; ଲୁକ୍ ୩:୨୧; ୪:୧-୧୩)

୯ ସେଡ଼କିବେଲେ ଜିସୁ ଗାଲିଲି ଜାଗାର ନାଜରିତ୍ ଗଡେ ଅନି ଆସି ଜରଦନ୍ ଗାଡେ ତୁବନ୍ ଦେଉ ଜଅନର୍ ଗାନେ ତୁବନ୍ ନେଲା । ୧୦ ସେ ପାନିତେଇ ଅନି ବାରଇ ଆଇବାବେଲେ, ସରଗ୍ ଉଗାଡି ଅଇ ପର୍‌ମେସରର୍ ଆଡ଼ମା ପରୁଆ ପାରା ଅଇ ଜିସୁର ଉପ୍‌ରେ ଉଡ଼ରି ଆଇବାଟା ସେ ଦେକ୍‌ଲା । ୧୧ \*ଆରି ସର୍‌ଗେଅନି ଗଟେକ୍ ସର୍ ସୁନିଅଇଲା, “ତୁଇ ମର୍ ଆଲାଦର୍ ପିଲା, ତର୍‌ଟାନେ ମୁଇ ବେସି ସାର୍‌ଦା ।”

୧୨ ସେଦାପ୍‌ରେ ସୁକଲ୍‌ ଆଡ଼ମା ଜିସୁକେ ମରୁବାଲି ବୁର୍‌ ପାଟାଇଲା । ୧୩ ମରୁବାଲି ବୁର୍‌ ଚାଲିସ୍ ଦିନ୍ ରଇଲାବେଲେ, ସଇତାନ୍ ତାକେ ପାପକରାଇବାକେ ଚେସ୍‌ଟା କର୍‌ତେରଇଲା । ସେ ଜାଗାଇ ବନର୍ ଜଡ଼ମନ୍ ରଇଲା, ଆରି ସରଗର୍ ଦୁଡ଼ମନ୍ ଆସି ତାର ସେବା କର୍‌ତେରଇଲା ।

**ଜିସୁ ଚାରିଟା କେଉଟମନ୍‌କେ ଡାକ୍‌ଲା**

(ମାତିଉ ୪:୧୨-୨୨; ଲୁକ୍ ୪:୧୪, ୧୫; ୫:୧-୧୧)

୧୪ କେତେଦିନ୍ ଗାଲାପତେ ଏରଦରାଜା ତୁବନ୍ ଦେଉ ଜଅନକେ ବନ୍ଦି ଗରେ ସଙ୍ଗଇଲା ପତେ ଜିସୁ ଗାଲିଲି ଗାଏଁ ବାଉଡିଆସି, ପର୍‌ମେସରର୍ ନିମାନ୍ କବର୍ ସୁନାଇବାର୍ ଦାରଲା । ୧୫ \*ସମାନ୍ ବେଲା ଆଇଲା, ପର୍‌ମେସରର୍ ରାଇଜ୍ ଲଗେ କେଟ୍‌ଲା ଆଟେ । ତମେ ପାପେ ଅନି ମନ୍ ବାଉଡାଇକରି ନିମାନ୍ କାତାଇ ବିସ୍‌ବାସ୍ କରା ।” ୧୬ ଜିସୁ ଗାଲିଲି ସମ୍‌ଦୁର୍ କଣ୍ଡିବାଟେ ଜିବା ବେଲେ ସିମନ୍ ଆରି ତାର ବାଇ ଆନ୍‌ରିଅକେ ସମ୍‌ଦୁରେ ବଇଜାଲ୍ ପାକାଇବାଟା ଦେକ୍‌ଲା, ସେମନ୍ ମାର୍ ଦାରୁ କେଉଟମନ୍ ରଇଲା । ୧୭ ଜିସୁ ସେମନ୍‌କେ କଇଲା, “ମର୍ ସଙ୍ଗ୍ ଆସା, ମୁଇ ତମ୍‌କେ ଲକ୍‌ମନ୍‌କେ ପର୍‌ମେସରର୍ ବାଟେ ଆନ୍‌ବା ବିସଇ ସିକାଇବି ।” ୧୮ ସେଦାପ୍‌ରେ ସେମନ୍ ଜାଲ୍ ଚାଡି ଜିସୁର୍ ପତେ ପତେ ଗାଲା ।

୧୯ ପତେ କଣ୍ଡେକ୍ ଦୁର୍ ଜାଇ ଜେବଦିର୍ ପଅମନ୍ ଜାକୁର୍ ଆରି ତାର ବାଇ ଜଅନକେ ଡଙ୍ଗାଇ ଜାଲ୍ ସାଜାଡ଼ବାଟା ଦେକ୍‌ଲା । ୨୦ ଜିସୁ ସେମନ୍‌କେ ଦେକ୍‌ଲା ଦାପ୍‌ରେ ଡାକ୍‌ଲା, ଆରି ସେମନ୍ ତାକର୍ ବାବା ଜେବଦିକେ ଆରି କୁଲିଆର୍‌ମନ୍‌କେ ଡଙ୍ଗାଇ ଚାଡି ତାର ସଙ୍ଗ୍ ଗାଲା ।

**ଜିସୁ ତୁମା ଦାରଲା ଲକ୍‌କେ ନିକ କଲା**

(ଲୁକ୍ ୪:୩୧-୩୭)

୨୧ ପତେ ଜିସୁ ଆରି ତାର ସିସମନ୍ କପର୍‌ନାଉମେ ଗାଲା, ଆରି ବିସ୍‌ରାମ୍‌ବାର୍ କେଟ୍‌ଲାକେ ସେ ଜିଉଦିମନ୍‌ର ପାର୍‌ତନା ଗରେ ପୁରି, ଲକ୍‌ମନ୍‌କେ ସିକାଇବାର୍ ଦାରଲା । ୨୨ \*ଲକ୍‌ମନ୍ ତାର ସିକିଆ ସୁନି କାବା ଅଇଗାଲା, ସେ ସାସ୍‌ତର୍ ସିକାଉପାରା ନ ସିକାଇ, ନିଜର୍ ଅଦିକାର୍ ସଙ୍ଗ୍ ସିକିଆ ଦେଇତେ ରଇଲା ।

୨୩ ସେ ଦାପ୍‌ରେ ସେମନ୍‌ର ପାର୍‌ତନା ଗରେ ଗଟେକ୍ ତୁମା ଦାରଲା ଲକ୍ କିରକିରି କରି ଜିସୁକେ କଇଲା, ୨୪ “ଏ ନାଜରିତ୍ ଗତର୍ ଜିସୁ, ତୁଇ କାଇକେ ଆମ୍‌କେ ଅରିଆନ୍ କଲୁସ୍‌ନି ? ତୁଇ କାଇ ଆମ୍‌କେ ବିନାସ୍ କର୍‌ବାକେ ଆଇଲୁସ୍ କି ? ତୁଇ କେ, ସେଟା ମୁଇ ଜାନି, ତୁଇ ଅଇଲୁସ୍‌ନି ପର୍‌ମେସରର୍ ସୁକଲ୍ ଲକ୍ ।”

୨୫ ଜିସୁ ତୁମାକେ ଦମ୍‌କାଇ କରି କଇଲା, “ତୁପ୍ ଅ, ଆରି ଏ ଲକ୍‌ତେଇ ଅନି ବାର୍‌ଇ ଜା ।”

୨୬ ସେଡ଼କି ବେଲେ ତୁମା ତାକେ ମଡିପିଙ୍ଗି ବେସି କିରକିରି କରି ତାରଲଗେ ଅନି ବାରଇଗାଲା । ୨୭ ତେବର୍‌ପାଇ ପାର୍‌ତନା ଗରେ ରଇବା ସବୁ ଲକ୍ କାବା ଅଇଗାଲା ଆରି ତାକର୍ ତାକର୍ ବିଡ଼ରେ କୁଆବଲା ଅଇଲା । “ଏଟା କେନ୍ତାର୍ ? ଏଟାଟା ଅଦିକାର୍ ସଙ୍ଗର୍ ନୁଆ ସିକିଆ । ତୁମା ଆଡ଼ମାମନ୍ ମିସା, ସେ ତିଆର୍‌ଲାଟା ମାନ୍‌ଲାଇନି ।”

୨୮ ସେଡ଼କିବେଲେ ଜିସୁର୍ କାତା ଗାଲିଲିର୍ ଚାରିବେଡ଼ିର୍ ଗାଉଁମନ୍‌କେ କେଟିଗାଲା ।

**ଜିସୁ ବେସି ଲକ୍‌ମନ୍‌କେ ନିକ କଲା**

(ମାତିଉ ୮:୧୪; ୧୭; ଲୁକ୍ ୪:୩୮-୪୧)

୨୯ ତାର୍ ପତେ ଜିସୁ ଆରି ତାର ସିସମନ୍ ପାର୍‌ତନା ଗରେ ଅନି ବାରଇ ଜାକୁର୍ ଆରି ଜଅନର୍ ସଙ୍ଗ୍ ସିମନ୍ ଆରି ଆନ୍‌ରିୟର୍ ଗରେ ଗାଲା । ୩୦ ତେଇ ରଇଲା ଲକ୍‌ମନ୍ ସିମନ୍‌ର ସାଡ଼ରି ଜର୍‌କେ ସଇରଇଲା ବିସଇ ଜିସୁକେ କଇଲା । ୩୧ ସେଟାପାଇ ଜିସୁ ଜାଇ ସିମନ୍‌ର ସାଡ଼ରିର୍ ଆଡେ ଦାରି ଉଟାଇଲା, ସେଦାପ୍‌ରେ ତାର୍ ଜର୍ ଚାଡିଗାଲା, ଆରି ସେ ଜାଇ ସେମନ୍‌କେ ସେବା କର୍‌ବାର୍ ଦାରଲା ।

୩୨ ସଙ୍ଗ୍ ବେଲାଇ ବେଲ୍ ବୁଡିଗାଲା ପତେ, ଲକ୍‌ମନ୍ ଜରର୍ ଲକ୍‌ମନ୍‌କେ ଆରି ତୁମାଦାରି ରଇବା ସବୁଲକ୍‌ମନ୍‌କେ ଜିସୁର୍ ଲଗେ ଆନ୍‌ବାର୍ ଦାରଲା, ୩୩ ଆରି ଗାଉଁର୍ ଲକ୍‌ମନ୍ ସେ ଗରର୍ ଦୁଆରେ ରୁଣ୍ଡିଲା । ୩୪ ସେଡ଼କିବେଲେ

\* ୧:୧୧ ୧:୧୧ ମାତିଉ ୩:୧୭; ୧୨:୧୮; ମାର୍ଚ୍ଚକ ୯:୭; ଲୁକ୍ ୩:୨୨    \* ୧:୧୫ ୧:୧୫ ମାତିଉ ୩:୨    \* ୧:୨୨ ୧:୨୨ ମାତିଉ ୭:୨୮, ୨୯

ସେ ବିନ୍ ବିନ୍ ରକାମର ରଗ୍ ଅଇରଇବା ଜବର ରଗି ଲକ୍ମନକେ ନିମାନ୍ କଲା ଆରି ଜବର ତୁମାମନକେ ଚାଡ଼ାଇଲା, ମାତର ସେ ତୁମାମନକେ କାତା କଇବାକେ ଦେଏନାଇ । କାଇକେବଇଲେ ତୁମାମନ୍ ଜିସୁ ପରମେସରର ଚାନେଅନି ଆଇଲାଆଚେ ବଲିକରି ଜାନି ରଇଲାଇ ।

**ଜିସୁ ଗାଲିଲି ରାଇଜେ ମାପୁରୁର କାତା ସୁନାଇଲା**  
(ଲୁକ୍ ୪:୪୨-୪୪)

୩୫ ଆରକର ସାକାଲେ କୁକ୍ତା ତାକ୍ ବେଲାଇ ଜିସୁ ଉଚି ଗରେଅନି ବାରଇ ଜାଇ ଗଟେକ୍ କିନରା ରଇବା ଚିମ୍ବରା ଜାଗାଇ, ଜାଇ ପାରତନା କରବାର ଦାରଲା । ୩୬ ସେଡ଼କିବେଲେ ସିମନ୍ ଆରି ତାର ସଙ୍ଗରଲକ୍ ତାକେ କଜ୍ବାର ଗାଲାଇ, ୩୭ ଜେଡେବଲ୍ ସେମନ୍ ଜିସୁକେ ବେଟ୍ ଅଇଲାଇ, ଆରି କାବାଅଇ ତାକେ କଇଲାଇ, “ସବୁ ଲକ୍ ତମକେ କଜ୍ଲାଇନି ।”

୩୮ ସେଡ଼କିବେଲେ ଜିସୁ ସେମନକେ କଇଲା, “ଆସା, ଆମେ ରଇବା ବିନ୍ ବିନ୍ ଗାଉଁମନକେ ଜୁ, କାଇକେବଇଲେ ସେ ଜାଗାମନକେ ମିସା ମୁଇ ପରମେସରର କାତା କଇବି । କାଇକେବଇଲେ ସେଟାରପାଇସେ ମୁଇ ଆଇଲିଆଚି ।”

୩୯ ଆରି ଗାଲିଲିର ସବୁଟାନେ ବୁଲି ବୁଲି ସେମନର ସବୁ ପାରତନା ଗରେ, ମାପୁରୁର କାତା ସୁନାଇଲା, ଆରି ତୁମା ଦାରଲା ଲକ୍ମନକେ ଚାଡ଼ାଇଲା ।

**ଜିସୁ ବଡ଼ ରଗିକେ ନିକ କଲା**  
(ମାତିଉ ୮:୧୪; ଲୁକ୍ ୫:୧୨,୧୬)

୪୦ ସେଡ଼କି ବେଲେ ଗଟେକ୍ ବଡ଼ ରଗି\* ତାର ଲଗେ ଆସି ମାଣ୍ଡିକଟା ଦେଇ ତାକେ ବାବୁଜିଆ କରି କଇଲା, “ତମେ ଜଦି ମନକଲେ ମକେ ସୁକଲ୍ କରି ପାରସା ।”

୪୧ ତେଇ ସେ ତାକେ ଜିବନ୍ ଦୁକାଇଲା ଆରି ଆଡ଼ ଲାମାଇ କରି ତାକେ ଚିଇକରି କଇଲା, “ମୁଇ ମନ୍ କଲିନି, ତୁଇ ସୁକଲ୍ ଅ ।” ୪୨ ସେଦାପରେ ବଡ଼ ରଗ୍ ତାର ଲଗେ ଅନି ଦୁର୍ଅଇଲା ଆରି ସେ ସୁକଲ୍ ଅଇଗାଲା । ୪୩ ଆରି, ଜିସୁ ସେ ଲକ୍କେ ତାଟ୍‌ସଙ୍ଗ୍ ଆଦେସ୍ ଦେଇ ସେଦାପରେ କଇ ପାଟାଇଲା । ୪୪ “ଜାଗରଡ଼, ମୁଇ ତକେ ସୁକଲ୍ କଲି ବଲି କାକେ ମିସା କ ନାଇ, ମାତର ଜା ଆରି ନିଜେ ପୁଜାରିକେ ଦେକାଇ ଅ ଆରି ମସା ଜନ୍ ଜନ୍ ବିରୁ ପରମେସରକେ ଦେବାକେ ଆଦେସ୍ ଦେଲାଆଚେ, ସେ ଇସାବେ ଦେସ୍ । ଏଟାର ଲାଗି ତୁଇ ସୁକଲ୍ ଅଇଜାଇଆତୁସ୍ ବଲିକରି ପୁଜାରି ସବୁଲକର ମୁଆଚେ ସାକି ଦେଅ ।”

୪୫ ମାତର ସେଲକ୍ ବାରଇ ଜାଇ ଜିସୁ ସୁକଲ୍ କରିରଇବା କବର ଏତେକ୍ ରାଟୁକରି କଇବୁଲୁଲାଇ ଜେ, ଜିସୁ ଲକ୍ମନର ଦେକ୍‌ତେ ଦେକ୍‌ତେ କନ୍ ଗାଉଁମନକେ ମିସା ଜାଇ ପୁରି ନାପାରଲା । ମାତର ବାଇରେ ଜାଇ ଚିମ୍ବରା ଜାଗାମନକେ ରଇଲା । ଅଇଲେ ମିସା ଲକ୍ମନ ଚାରିଦିଗେ ଅନି ତାର ଲଗେ ଆଇବାରଦାରଲାଇ ।

**୨**

**ଚେରେଙ୍ଗ୍‌ବାଡ଼ ରଗି ନିମାନ୍ ଅଇଲା**  
(ମାତିଉ ୯:୧-୮; ଲୁକ୍ ୫:୧୭-୨୬)

୧ କେଡେଦିନ୍ ଗାଲା ପଚେ ଜିସୁ ଆରି ଚେରେକ୍ କପରନାଉମେ ବାଅଡ଼ଲାକେ, ସେ ଗରେ ଆଚେ ବଲି ଆଲା ଅଇଗାଲା । ୨ ସେ ଗରେ ଏତେମାଣ୍ଡ ଲକ୍ ଜମଲାଇ ଜେ, ତୁଆରେ ମିସା ଟାନ୍ ଦାରିନାପାରଲା, ଆରି ଜିସୁ ସେମନର ଲଗେ ପରମେସରର ବାକିଅ ସୁନାଇବାର ଦାରଲା । ୩ ସେଡ଼କି ବେଲେ କେଡେକ୍ ଲକ୍ମନ ଗଟେକ୍ ଚେରେଙ୍ଗ୍ ରଗିକେ ବଇକରି ତାର ଲଗେ ଦାରିଆଇଲାଇ । ତାକର ବିଡ଼ରେ ଅନି ଚାରଲକ୍ ରଗିକେ ବଇରଇଲାଇ । ୪ ମାତର ଲକ୍ମନ ଚିପାଟେଲା ଅଇରଇଲାଇକେ, ତାକେ ଜିସୁର ଲଗେ ନେଇ ନାପାରଲାଇ । ନାପାରିକରି, ଜିସୁ ଜନ୍‌ଟାନେ ରଇଲା, ତେଇର୍ ଚାନି ବଡ଼ଟା କାଣାକରି, ରଗିକେ କଟ୍ ମିସ୍‌ତେ ତାର ମୁଆଚେ ସିଦା ଉଡ଼ରାଇଦେଲାଇ । ୫ ଜିସୁ ସେମନର ବିସ୍‌ବାସ୍ ଦେକି ଚେରେଙ୍ଗ୍ ରଗିକେ କଇଲା, “ବାବୁରେ ମୁଇ ତର୍ ପାପ୍ କେମା କରିଦେଲି ।”

୬ ମାତର ସେ ଗର୍ ବିଡ଼ରେ କେଡେଟା ସାସ୍‌ତର୍ ସିକାଇବା ଲକ୍ମନ ବସି ନିଜର୍ ନିଜର୍ ମନ୍ ବିଡ଼ରେ ବାବିଅଇତେରଇଲାଇ, ୭ “ଏ ଲକ୍ ଚେରେଙ୍ଗ୍ ରଗିକେ ‘ତର୍ ପାପ୍ କେମା କରିଦେଲି ।’ ବଲି କେନ୍ତ୍ର କଇପାରଲା ? ଏ ପରମେସରକେ ନିନ୍ଦା କରସିଆଚେ, ସେ ଗଟେକ୍ ମାପୁରୁକେ ଚାଡ଼ିଦେଲେ, ଆରି କେ ମିସା ପାପ୍ କେମା କରି ପାରଡ଼ କି ?”

୮ ସେଦାପରେ ଜିସୁ ସେମନ୍ ମନେ ମନେ ଏନ୍ତାରି ବାବିଅଇଲାଟା, ନିଜର୍ ଆଡ଼ମାଇ ଜାନି ସେମନକେ କଇଲା, “ତମେ କାଇକେ ନିଜର୍ ନିଜର୍ ମନେ ଏ ସବୁଜାକ ବାବିଅଇଲାସ୍‌ନି ? ୯ କନ୍‌ଟା କରବାଟା ସଅଜ୍ ଅଇଲାନି ? ବାବୁରେ ‘ମୁଇ ତର୍ ପାପ୍ କେମା କରିଦେଲି ।’ ବଲି କଇବାଟା, କି ‘ଉଟ୍ ତର୍ କଟ୍ ବଇ ଇଣ୍ଡିଜା ।’ ବଲ୍‌ବାଟା ? ୧୦ ମାତର ଗୁଲାଇ

☆ ୧:୩୯ ୧:୩୯ ମାତିଉ ୪:୨୩;୯:୩୫      \* ୧:୪୦ ୧:୪୦ ବଡ଼ ରଗ୍ ଅଇରଇଲାର ପାଇ ଗଟେକ୍ ଲକ୍ ପରମେସରକେ ପାରତନା କର୍ତ୍ତେରଇଲା, କାଇକେବଇଲେ ବଡ଼ ରଗିକେ ଜିଉଦିମନ୍ ଅସୁଚି ବଲି ବାବ୍‌ତେ ରଇଲାଇ ।

ଜଗତର ପାପ କେମା କରବାକେ ପରମେସର ପାଟାଇଲା ନରପିଲା ମର ଅଦିକାର ଆତେ ବଲି ଏବେ ମୁଇ, ଏ ଲକ୍‌କେ ନିକ କରି ଦେକାଇବି ।” ସେ ଚେରେଙ୍ଗ ରଗିକେ କଇଲା, <sup>୧୧</sup> “ମୁଇ ତକେ କଇଲିନି ଉଟ୍, ତର କଟ୍ ବଇ, ନିଜର ଗରେ ବାରିଜା ।”

<sup>୧୨</sup> ସେଦାପୁରେ ସେ ରଗି ଉଟି କଟ୍ ବଇକରି ସବୁ ଲକ୍‌କେ ଦେକ୍‌ତେ ବାରଇ ଗାଲା । ସେବେଲାଇ ସବୁଲକ୍‌କ କାବା ଅଇ ପରମେସରର ମଇମା କରି କରି କଇଲାଇ, “ଆମେ ଏଣ୍ଡାରିଟା କେବେ ମିସା ଦେକି ନ ରଇଲୁ ।”

**ଜିସୁ ଲେବିକେ ଡାକଲା**

(ମାଡିଉ ୯:୯-୧୩; ଲୁକ୍ ୫:୨୭-୩୨)

<sup>୧୩</sup> ସେ ଆରିତରେକ୍ ସମ୍‌ଦୁରର କଣ୍ଡିବାଟେ ବାରଇଗାଲା । ବେସି ଲକ୍‌ମନ୍ ତାର ଲଗେ ଆଇଲାକେ, ଜିସୁ ସେମନ୍‌କେ ସିକିଆ ଦେବାର ଦାରଲା । <sup>୧୪</sup> ଆରି ସେ ଜାଉ ଜାଉ ଆଲ୍‌ପିଅର୍ ପଅ ଲେବିକେ ରମିୟ ସରକାରର ପାଇ ସିସ୍‌ତୁମାଙ୍ଗୁମନ୍ ମାଙ୍ଗୁବା ଜାଗାଇ ବସି ରଇବାଟା ଦେକି ତାକେ କଇଲା, “ମର୍ ସଙ୍ଗ୍ ଆଉ ।” ତେଇଅନି ସେ ତାର ସିସ୍‌ତୁମାଙ୍ଗୁମନ୍ ମାଙ୍ଗୁବାଟା ଚାଡି ଉଟିକରି ଜିସୁର ସଙ୍ଗ୍ ଗାଲା ।

<sup>୧୫</sup> ପଚେ ଜିସୁ ଲେବିର ଗରେ ଜାଇ କାଇବା ବେଲେ ବେସି ସିସ୍‌ତୁମାଙ୍ଗୁମା ଲକ୍ ଆରି ଜନ୍ ଲକ୍‌ମନ୍‌କେ ପାପି ବଲି କଇତେରଇଲାଇ, ତାର ସିସ୍‌ମନ୍‌ର ସଙ୍ଗ୍ ମିସି କାଇତେରଇଲାଇ । କାଇକେବଇଲେ ଏଣ୍ଡାରି ବେସି ଲକ୍ ତାର ସଙ୍ଗ୍ ଜାଇତେ ରଇଲାଇ । <sup>୧୬</sup> ଜିସୁ ପାପି ଆରି ସିସ୍‌ତୁମାଙ୍ଗୁମନ୍‌ର ସଙ୍ଗ୍ କାଇଲାନି, ଏଟା ଦେକିକରି ପାରୁସି ଦଲର ସାସ୍‌ତର ସିକାଉମନ୍ ତାର ସିସ୍‌ମନ୍‌କେ କଇବାର ଦାରଲାଇ, “ସେ କାଇକେ ସିସ୍‌ତୁମାଙ୍ଗୁମନ୍ ଆରି ପାପିମନ୍‌ର ସଙ୍ଗ୍ କାଇଲାନି ?”

<sup>୧୭</sup> ସେଟା ସୁନି ଜିସୁ ସାସ୍‌ତର ସିକାଉମନ୍‌କେ କଇଲା, “ ନିମାନ୍ ଲକ୍‌ମନ୍‌ରପାଇ ଡାକ୍‌ଦରର ଲତା ନାଇ, ମାତର ନିମାନ୍ ନ ରଇଲା ଲକ୍‌ମନ୍‌କେ ଲତା ଆତେ । ଜେ ନିଜେ ‘ମୁଇ ଦରମ୍ ଲକ୍’ ।’ ବଲି ବାବିଅଇବା ଲକ୍‌ରପାଇ ମୁଇ ଆସିନାଇ, ମାତର ପାପିମନ୍‌କେ ପାପ୍‌ଟାନେଅନି ବାଉଡାଇବାକେ ଆସିଆତି ।”

**ଉପାସ୍ ବିସଇ**

(ମାଡିଉ ୯:୧୪-୧୭; ଲୁକ୍ ୫:୩୩-୩୯)

<sup>୧୮</sup> ତୁବନ୍ ଦେଉ ଜଅନର୍ ସିସ୍‌ମନ୍ ଆରି ପାରୁସିମନ୍ ଉପାସ୍ କର୍‌ତେ ରଇଲାଇ । ସେବେଲାଇ କେତେଲକ୍ ଆସି ଜିସୁକେ କଇଲାଇ, “ତୁବନ୍ ଦେଉ ଜଅନର୍ ସିସ୍‌ମନ୍ ଆରି ପାରୁସିମନ୍‌ର ସିସ୍‌ମନ୍ ଉପାସ୍ କର୍‌ବାଇ, ମାତର ତର ସିସ୍‌ମନ୍ କାଇକେ ଉପାସ୍ ନ କରତ୍ ?”

<sup>୧୯</sup> ଜିସୁ ସେମନ୍‌କେ କଇଲା, “ବଜିଟାନେ ବିବା ଦାଙ୍ଗ୍‌ତା ରଇବା ଜାକ ବିବା ଦାଙ୍ଗ୍‌ତାର ସଙ୍ଗ୍ ରଇବା ଦାଙ୍ଗ୍‌ତାମନ୍ ଉପାସେ ରଇବାଇ କି ? ନାଇ ନ ରଅତ୍ । ବିବା ଦାଙ୍ଗ୍‌ତା ଜେତେବେଲାଜାକ ରଇସି, ସେ ବେଲାଜାକ ସେମନ୍ ଉପାସେ ନ ରଅତ୍ । <sup>୨୦</sup> ମାତର ବେଲା ଆଇସି, ଜେତେବେଲେ ଲକ୍‌ମନ୍ ଆସି ତାକର ଲଗେ ଅନି ବିବା ଦାଙ୍ଗ୍‌ତାକେ ଦାରିଜିବାଇ, ସେଦିନେ ସେମନ୍ ଉପାସ୍ କର୍‌ବାଇ ।

<sup>୨୧</sup> “କେ ନୁଆ ଲୁଗାର ଗରଣ୍ଡା ପୁରନା ଲୁଗାଇ ନ ସିଲ୍ୟାଏ, ସିଲ୍ୟାଇଲେ ନୁଆ ଗରଣ୍ଡା ପୁରନା ଲୁଗାକେ ଅଦିକ୍ ଚିରି ପାକାଇସି, ଆରି ଅଦିକ୍ ବଡ଼ଟା କାଣା କରିଦେଇସି । <sup>୨୨</sup> ଆରି କେ ନୁଆ ଅଙ୍ଗୁର ରସ୍ ପୁରନା ଚାମ୍ ସଙ୍ଗ୍ ଡିଆର୍ କଲା ମୁନାଇ ନ ସଙ୍ଗ୍‌ଅତ୍, ସଙ୍ଗ୍‌ଇଲେ ସେ ଅଙ୍ଗୁର ରସ୍ ଆରି ଚାମ୍ ମୁନା ନସିଜାଇସି । ନାଇ ନୁଆ ଅଙ୍ଗୁର ରସ୍ ନୁଆ ଚାମ୍ ମୁନାଇ ସଙ୍ଗ୍‌ଇବାର୍ ଆତେ ।”

**ଜିସୁ ବିସରାମ୍ ବାରର ମାପୁରୁ**

(ମାଡିଉ ୧୨:୧-୮; ଲୁକ୍ ୬:୧-୫)

<sup>୨୩</sup> ଜିସୁ ତରେକ୍ ବିସରାମ୍‌ବାରେ ତାସ୍ ରଇବା କେଡ୍ ବାଟେ ଜାଇତେ ରଇଲା, ଆରି ଜିବାବେଲେ ତାର ସିସ୍‌ମନ୍ ଦାନ୍ କେଡ୍ ଚିତାଇତେ ଗାଲାଇ । <sup>୨୪</sup> ସେ ଜାଗାଇ ରଇବା ପାରୁସିମନ୍ ଜିସୁକେ କଇଲାଇ, “ଦେକ୍ ବିସରାମ୍‌ବାରେ ଜନ୍‌ଟା କର୍‌ବାର୍ ଆମର୍ ବିଦି ନର୍ । ତର ସିସ୍‌ମନ୍ କାଇକେ ସେଟା କଲାଇନି ?”

<sup>୨୫</sup> ଜିସୁ ସେମନ୍‌କେ କଇଲା, “ଆମର୍ ଡାକ୍‌ପୁଟା ଆନିଦାଦି ଦାଉଦର୍ ଅବାବ୍ ବେଲେ, ସେ ଆରି ତାର ସଙ୍ଗ୍‌ର ଲକ୍‌ମନ୍ ରୁକେ ରଇଲାଇ, ସେଡ୍‌କିବେଲେ ସେ କାଇଟା କାରି ରଇଲା, ସେଟା କାଇ ତମେ କେବେ ପତାସ୍ ନାଇ କି ? <sup>୨୬</sup> ବଡ୍ ପୁଜାରି ଅବିୟାତର ବେଲେ ସେ କେନ୍ତ୍ର ପରମେସରର ମନ୍ଦିରେ ପୁରିକରି ମାପୁରୁକେ ସର୍‌ପିଦେଲା ଜନ୍ ଦରସନି ରୁଟି, ପୁଜାରିମନ୍‌କେ ଚାଡିଦେଲେ ଆରି କେ ମିସା କାଇବାର୍ ବିଦି ନର୍, ସେଟା ସେ କାଇଲା, ଆରି ସେ ରୁଟି ନିଜର ସଙ୍ଗ୍‌ର ଲକ୍‌ମନ୍‌କେ ମିସା ବାଟାକରି ଦେଇରଇଲା ।” <sup>୨୭</sup> ଜିସୁ ସେମନ୍‌କେ କଇଲା, “ ବିସରାମ୍‌ବାର୍ ଲକ୍‌ମନ୍‌ର ସାଇଜର୍‌ପାଇ ଅଇଲା ଆତେ, ସେଟା ଲକ୍‌ମନ୍‌କେ ବିଜାର୍ କର୍‌ବାକେ ଅଏନାଇ । <sup>୨୮</sup> ତେବର୍‌ପାଇ ପରମେସର ପାଟାଇଲା ନରପିଲା ମୁଇ ବିସରାମ୍‌ବାରେ ଲକ୍‌ମନ୍ କାଇଟା କର୍‌ବାର୍ ଆତେ, କାଇଟା କର୍‌ବାର୍ ନାଇ, ସେଟା କଇବାର୍ ମର୍ ଅଦିକାର୍ ଆତେ ।”

### ୩

#### ଜିସୁ ଗଟେକ୍ ଆଡ଼ ସୁକ୍ଷ୍ମା କଲ୍ମା ଲକ୍ଷକେ ନିକ କଲ୍ମା

(ମାତିଉ ୧୨:୯-୧୪; ଲୁକ୍ ୬:୬-୧୧)

<sup>୧</sup> ପରେ ଜିସୁ ଆରି ଗଟେକ୍ ତର୍ ଜିଉଦିମନ୍ତର୍ ପାର୍ତନା ଗରେ ଗାଲା । ତେଇ ଗଟେକ୍ ଲକ୍ ରଇଲା । ତାର୍ ଗଟେକ୍ ଆଡ଼ ସୁକ୍ଷ୍ମାକରଇଲା । <sup>୨</sup> ଜିସୁ କେଜାନେ ବିସ୍ତରାମ୍ ବାରେ ନିମାନ୍ କର୍ସି ବଲି, ସେମନ୍ ଆକି ନ ମରାଇତେ ଦେକ୍ତେରଇଲା, କାଇକେବଇଲେ ଜେନ୍ତୁକି ତାର୍ ବିରୁଦେ ଦସ୍ ଦାରିପାର୍ବାଇ । <sup>୩</sup> ଜନ୍ ଲକର୍ ଆଡ଼ ସୁକ୍ଷ୍ମା ଜାଇରଇଲା, ତାକେ ଜିସୁ କଇଲା, “ଆଉ ମଜାଇ ଚିଆ ଅ ।” <sup>୪</sup> ଆରି ଜିସୁ ଲକ୍ମନ୍ତକେ ପାଚାରଲା, “ବିସ୍ତରାମ୍ବାରେ କାଇଟା କରବା ନିଅମ୍ ? ନିକ କରବାର୍ କି ଆସାର୍ କରବାର୍ ? ଜିବନ୍ ବଞ୍ଚାଇବାର୍ କି ମରାଇଦେବାର୍ ?” ମାତର୍ ସେମନ୍ କାଇଟା ନ କଇ ଚିମରାଅଇ ରଇଲା । <sup>୫</sup> ସେବେଲେ ତାକର୍ ମନ୍ ତାଟ୍ ରଇବାଟା ଦେକିକରି ଜିସୁ ଦୁକ୍ଷଇ ରିସାସଙ୍ଗ୍, ଚାରିବେଡ଼ି ଦେକ୍ଲା । ଆରି ସେ ଲକ୍କେ କଇଲା, “ଆଡ଼ ଲାମା ।” ସେ ଲକ୍ ଆଡ଼ ଲାମାଇଲା, ଆରି ତାର୍ ଆଡ଼ ନିମାନ୍ ଅଇଗାଲା । <sup>୬</sup> ତେଇଅନି ପାରୁସିମନ୍ ସେ ଜାଗାଇଅନି ଦାପ୍ରେ ବାରଇ ଜାଇ ଜିସୁକେ ମରାଉ ବଲି ତାର୍ ବିରୁଦେ ଏରଦ୍ ରାଜାର୍ ଲକ୍ମନ୍ତକେ ଉପାଇ ପାଁବାର୍ ଦାରଲା । <sup>୭</sup> ସେଡ଼କିବେଲେ ଜିସୁ ସିସ୍ମନ୍ତର୍ ସଙ୍ଗ୍ ଲକ୍ମନ୍ତକେ ଚେନେଅନି ବେଗଲି କରି, ସମ୍ପୁର୍ କଣ୍ଡିବାଟେ ବାରଇ ଗାଲା । ଆରି ଗାଲିଲି ଅନି ବେସି ଲକ୍ ତାର୍ ପରେ ପରେ ଆଇଲା, ଆରି ଜିଉଦା, ି ଜିରୁସାଲାମ୍, ଇଦମ୍, ଜର୍ଦ୍ଦନ୍ତର୍ ଉପର୍ ବାଟେ ରଇବା ସର ଆରି ସିଦନ୍ତର୍ ଚାରିବେଡ଼ିତର୍ ଲକ୍ ସେ କରଇରଇବା ସବୁ କାମର୍ କାତା ସୁନି ତାର୍ ଲଗେ ଆଇଲା । <sup>୮</sup> ସେଡ଼କିବେଲେ ଚିପାଟେଲା ରଇଲାକେ, ଲକ୍ମନ୍ତ ଜେନ୍ତୁକି ଉପ୍ରେ ତାବି ନ ଅଅଡ଼, ତେବର୍ ପାଇ ଜିସୁ ସିସ୍ମନ୍ତକେ ତାର୍ପାଇ ଗଟେକ୍ ସାନ୍ତା ଡଙ୍ଗା ଆନି ଜାଗାଇବାକେ ଡିଆରଲା । <sup>୯</sup> କାଇକେବଇଲେ ସେ ବେସି ଲକ୍ମନ୍ତକେ ନିମାନ୍ କଲ୍ମାଜେ ଜର୍ଦ୍ଦୁକା ଅଇରଇବା ଲକ୍ମନ୍ତ ତାକେ ଚିଉଁ ବଲି ଉପ୍ରେ ତାବିଅଇ ଜାଇତେରଇଲା । <sup>୧୦</sup> ଆରି ଜେଡେବେଲେ ଜିସୁକେ କରାପ୍ ଆଡ଼ମାମନ୍ ଦେକ୍ତେ ରଇଲା, ସେ ଆଡ଼ମାମନ୍ ତାର୍ ମୁଆଟେ ଅଦ୍ରି ଆଉଲିଅଇ କଇତେରଇଲା, “ତୁଇ ଆକା ପର୍ମେସରର୍ ପଅ ।” <sup>୧୧</sup> ମାତର୍ ଜିସୁ ତୁମାମନ୍ତକେ ତାର୍ ବିସଇନେଇ ବିନ୍ ଲକ୍ମନ୍ତକେ କାଇ ବଲି ନ କୁଆ ବଲି ତାଟ୍ସଙ୍ଗ୍ ଆଦେସ୍ ଦେଇତେରଇଲା ।

#### ଜିସୁ ବାରଟା ସିସ୍ମନ୍ତକେ ବାଟ୍ଲା

(ମାତିଉ ୧୦:୧-୪; ଲୁକ୍ ୬:୧୨-୧୬)

<sup>୧୨</sup> ଜିସୁ ପର୍ବତ୍ ଉପ୍ରେ ଜାଇ, ଜନ୍ ଲକ୍ମନ୍ତକେ ସେ ମନ୍ କଲା, ସେମନ୍ତକେ ଲଗେ ଡାକ୍ଲା, ଆରି ସେମନ୍ ତାର୍ ଲଗେ ଆଇଲା । <sup>୧୩</sup> ସେ ବାର ଲକ୍କେ ବାଟ୍ଲା ଆରି ସେମନ୍ତକେ ତାର୍ କବର୍ ନେଉ ବଲି ଡାକ୍ଲା । ଜେନ୍ତୁ ସେମନ୍ ତାର୍ ସଙ୍ଗ୍ ରଇପାରତ୍ ଆରି ସେମନ୍ ତାର୍ କବର୍ ଜାନାଇବାଇ, <sup>୧୪</sup> ଆରି ତୁମାଚାତାଇବାକେ ଅଦିକାର୍ ଦେଲା । <sup>୧୫</sup> ଜିସୁ ବାର ଲକ୍କେ ବାଟ୍ଲା, ଜନ୍ ଲକ୍ମନ୍ତ କି ସିମନ୍, ଜାକେ ସେ ପିତର୍ ବଲି ନାଉଁ ଦେଲା, <sup>୧୬</sup> ଜେବଦିର୍ ପ ଜାକୁର୍ ଆରି ତାର୍ ବାଇ ଜଅନ୍ତକେ ସେ ବିନେରିଗସ୍ ବଲି ନାଉଁ ଦେଲା, ଆର୍ ଅରଡ଼ ଅଇଲାନି ମେଗନାଦର୍ ପଅମନ୍, <sup>୧୭</sup> ଆନ୍ଦ୍ରିୟ୍, ପିଲିପ୍, ବାରତଲମି, ମାତିଉ, ତମା, ଆଲ୍ପିର୍ ପଅ ଜାକୁର୍, ତଦିୟ୍, କିଶାନିୟ୍ ସିମନ୍, ଜେ କି ରମିୟ୍ ସରକାରର୍ ବିରୁଦେ ଉଚିରଇଲା । <sup>୧୮</sup> ଆରି ଇସ୍କାରିୟ୍ତିୟ୍ ଜିଉଦା, ଜେ କି ଜିସୁକେ ସଡ଼ୁକେ ସର୍ପି ଦେଇରଇଲା ।

(ମାତିଉ ୧୨:୨୨-୩୨; ଲୁକ୍ ୧୧:୧୪-୨୩; ୧୨:୧୦)

<sup>୨୦</sup> ପରେ ଜିସୁ ଗଟେକ୍ ଗରେ ପୁରଲା । ସେଡ଼କି ବେଲେ ଲକ୍ମନ୍ତ ଆରି ତରେକ୍ ଏତେକ୍ ରୁଣ୍ଡୁଲାଇ ଜେ, ସେ ଆରି ତାର୍ ସିସ୍ମନ୍ କାଇବାର୍ ମିସା ନାପାରଲା । <sup>୨୧</sup> “ଜିସୁକେ କାଇବାକେ ମିସା ବେଲା ନାଇ ।” ବଲି କଇ ତାକର୍ ଗରର୍ ଲକ୍ ସୁନି, ତାକେ ଗରେ ତାକିନେବାକେ ଆଇଲା । କାଇକେବଇଲେ ସେମନ୍ କଇଲା, “ତାର୍ ବୁଦି ବାନାଅଇଗାଲାନି ।”

#### ଜିସୁ ଆରି ବାଲ୍ଜିବୁଲ୍

<sup>୨୨</sup> ଆରି, ଜିରୁସାଲାମ୍ ଅନି ଆସିରଇବା ସାସ୍ତର୍ ସିକାଉମନ୍ କଇଲା, “ଆକେ ତୁମାମନ୍ତ ନେତା ବାଲ୍ଜିବୁଲ୍ ଦାରିଆଟେ, ଆରି ତୁମାମନ୍ତ ନେତାର୍ ବପୁସଙ୍ଗ୍ ତୁମା ଚାତାଇଲାନି ।” <sup>୨୩</sup> ସେଡ଼କିବେଲେ ଜିସୁ ସାସ୍ତର୍ ସିକାଉମନ୍ତକେ ଲଗେତାକି ଉଦାଅରନ୍ ଦେଇ କଇଲା, “ସଇତାନ୍ କେନ୍ତୁ ସଇତାନ୍ତକେ ଚାତାଇ ପାର୍ସି ?” <sup>୨୪</sup> ଜଦି ଗଟେକ୍ ରାଇଜ୍ ଦୁଇ ବାଗ୍ ଅଇ ନିଜର୍ ବିରୁଦେ ଉର୍ସି, ତେବେ ସେ ରାଜିଅ ବେସିଦିନ୍ ନ ରଏ । <sup>୨୫</sup> ଗଟେକ୍ ଗର୍ ବାଗ୍ ଅଇ ନିଜର୍ ବିରୁଦେ ଉର୍ସି, ତେବେ ସେ ଗର୍ ବେସି ଦିନ୍ ନ ରଏ । <sup>୨୬</sup> ସେନ୍ତାସେ ସଇତାନ୍ ଜଦି ବାଗ୍ ଅଇ ନିଜର୍ ବିରୁଦେ ଉର୍ସି, ତେବେ ସେ ତବିର୍ ଅଇ ରଇ ନାପାରେ, ମାତର୍ ତାର୍ ବିନାସ୍ ଗର୍ସି ।

<sup>୨୭</sup> “ମାତର୍ କେ ମିସା ବପୁ ରଇବା ଲକ୍କେ ପର୍ତୁମ୍ ନ ବାନ୍ଦ୍ତେ, ତାର୍ ଗରେ ପୁରିକରି ସେଲକର୍ ନିଜର୍ ସବୁ ଚରାଇ ନେଇ ନାପାରେ, ମାତର୍ ସେ ବପୁ ରଇବା ଲକ୍କେ ଆଗେ ବାନ୍ଦ୍ଲେ ସିନା ସେ ତାର୍ ଗରେ ପୁରି ଚିପାଟ୍ସି ।

☆ ୩:୯ ୩:୯ ମାର୍ଚ୍ଚକ ୪:୧; ଲୁକ୍ ୫:୧-୩ ☆ ୩:୨୭ ୩:୨୭ ମାତିଉ ୯:୩୪; ୧୦:୨୫



୨୮ “ମୁଁ ତମ୍ଭଙ୍କ ସହ କଲିନି, ଲକ୍ଷ୍ମୀନର ସବୁ ପାପ, ଆରି ସେମନ୍ ଜେତେକ ନିନ୍ଦା କାତା କଇ ପର୍ଯ୍ୟେସରର୍ ନିନ୍ଦା କଲେ ମିସା, ସେ ସବୁଜାକ କେମା କରାଅଇସି । ୨୯ \*ଜେକି ସୁକଲ୍‌ଆଡ଼ମାର୍ ବିରୁଦ୍ଧେ ନିନ୍ଦା କାତା କଇସି, ତାକେ କନ୍ କାଲେ ମିସା ପର୍ଯ୍ୟେସର କେମା ନ ଦେଏ, ଆରି ସେ ନ ସାର୍‌ବା ପାପର୍ ଦସି ଅଇସି ।” ୩୦ ତାକେ କାରାପ୍ ଆଡ଼ମା ଲାଗିଆଚେ ବଲି ସାସ୍‌ତର୍ ସିକାଉମନ୍ କଇଲାକେ, ଜିସୁ ଏନ୍ତାରି କଇଲା ।

**ଜିସୁର୍ ମାଆ ଆରି ବାଇବଇନିମନ୍**  
(ମାଡ଼ିଉ ୧୨:୪୬-୫୦; ଲୁକ୍ ୮:୧୯-୨୧)

୩୧ ସେଡ଼କିବେଲେ ଜିସୁର୍ ମା ଆରି ବାଇମନ୍ ଆସି ବାଇରେ ଚିଆ ଅଇ ଜିସୁକେ ଡାକାଇପାଟାଇଲା । ୩୨ ତେଇ ତାର୍ ଚାରିବେଡ଼ି ବସି ରଇବା ଲକ୍ଷ୍ମୀନ ତାକେ କଇଲାକ, “ଦେକା, ତମ୍ଭ ମାଆ ଆରି ବାଇ ବଇନି ବାଇରେ ରଇ ତମ୍ଭଙ୍କେ କଇଲାକିନି ।” ୩୩ ଜିସୁ ସେମନ୍‌କେ କଇଲା, “କେ ମର୍ ମାଆ ଆରି ବାଇବଇନିମନ୍ ?” ୩୪ ସେ ତାର୍ ଚାରିବେଡ଼ି ବସିରଇବା ଲକ୍ଷ୍ମୀନ‌କେ ଦେକିକରି କଇଲା, “ଏମନ୍ ମର୍ ମାଆ ଆରି ମର୍ ବାଇ ବଇନି । ୩୫ ଜନ୍ ଲକ୍ଷ୍ମୀନ ପର୍ଯ୍ୟେସର୍ ମନ୍‌କଲାଟା ପୁରାପୁରନ୍ କରବାଇ, ସେ ମର୍ ବାଇ, ବଇନି ଆରି ମା ।”

**୪**

**ବିଅନ୍ ବୁନ୍‌ବା ବିସଇର୍ କାତା**  
(ମାଡ଼ିଉ ୧୩:୧-୯; ଲୁକ୍ ୮:୪-୮)

୧ \*ଜିସୁ ଆରିତରେକ୍ ଗାଲିଲି ସମ୍ବୁର୍ କଣ୍ଡିଟାନ୍‌ନେ ସିକିଆ ଦେବାର୍ ଦାର୍‌ଲା, ଆରି ଏତେକ୍ ମାଣ୍ଡ ଲକ୍ଷ୍ମୀନ ତାର୍ ଲଗେ ଚୁଲ୍‌ଅଇଲାକେ, ସେ ସମ୍ବୁରେ ରଇବା ଗଟେକ୍ ଡଙ୍ଗାକ ଜାଇ ବସ୍‌ଲା, ଆରି ଗୁଲାଇ ଲକ୍ଷ୍ମୀନ ସମ୍ବୁର୍ ପାଲିକେ ରଇଲାକ । ୨ ଜିସୁ ସେମନ୍‌କେ ବେସି ବିସଇ ଉଦାଅରନ୍ ଦେଇ ସିକାଇଲା । ଆରି ସିକାଇବାବେଲେ ସେମନ୍‌କେ କଇଲା,

୩ “ସୁନା ଗଟେକ୍ ଚାସି ତାର୍ ବିଅନ୍ ବୁନ୍‌ବାର୍ ବାରଇଲା । ୪ ସେ ବୁନ୍ ବୁନ୍ କେତେକ୍ ବିଅନ୍ ବାଟେ ଅଦରଲା, ଆରି ଚଡ଼ଇମନ୍ ଆସି ସବୁଜାକ ବିଅନ୍ କାଇଦେଲାକ । ୫ ଆରି କେତେକ୍ ବିଅନ୍ ଉନା ମାଟିରଇ ତଲେ ପାକ୍‌ନା ରଇଲା ବୁର୍‌ଏ ଅଦରଲା, ଆରି ମାଟି ଉନା ରଇଲାକେ ଦାପରେ ଗାଜା ଅଇଲା । ୬ ମାତର୍ ବେଲ୍ ଉଦ୍‌ଲାକେ ଗାଜା ଅଇଲାଟା ପଡ଼ି ମସ୍‌ରିଗାଲା, ଆରି ଚେର୍ ବେଦି ନ ରଇଲାକେ ସୁକିଗାଲା । ୭ ଆରି କେତେକ୍ ବିଅନ୍ କାଟା ବୁଟା ମଜାଇ ଅଦରଲା, ଆରି କାଟା ବୁଟାମନ୍ ଉଟି ବଡ଼ିକରି ଗାଜା ଅଇ ସବୁକେ ଚାପି ପାକାଇଲାକ । ଚାପିଦେଲାକେ କାଇ ଦାନ୍ ମିସା ଅଏ ନାଇ । ୮ ମାତର୍, ଆରି କେତେକ୍ ବିଅନ୍ ନିକ ବୁର୍‌ଏ ଅଦରଲା ଆରି ଗାଜା ଅଇ ଉଟି ବଡ଼ିକରି ତିରିସ୍ ଗୁଣ୍ ସାଟେ ଗୁଣ୍ ଆରି ସଏ ଗୁଣ୍ ଜାକ ପସଲ୍ ଦେଲା ।”

୯ ଆରି ଜିସୁ କଇଲା, “ଜାକେ ସୁନ୍‌ବାକେ କାନ୍ ଆଚେବଇଲେ, ସେ ମନ୍‌ଦେଇ ସୁନ ।”

**ଜିସୁ ସେ ଉଦାଅରନ୍ କାଇକେ କଇଲା**  
(ମାଡ଼ିଉ ୧୩:୧୦-୧୭; ଲୁକ୍ ୮:୯-୧୦)

୧୦ ଜିସୁ ଗଟେକ୍‌ଲକ୍ ରଇଲା ବେଲେ ତାର୍‌ସଙ୍ଗ୍ ରଇଲା ଲକ୍ଷ୍ମୀନ ଆରି ବାର୍‌ଟା ସିସ୍‌ମନ୍ ତାକେ ପାଚାର୍‌ଲାକ, “ତମେ କାଇକେ ଉଦାଅରନ୍ ଦେଇ ସିକାଇଲାସ୍‌ନି ?” ୧୧ ଜିସୁ ସେମନ୍‌କେ କଇଲା, “ପର୍ଯ୍ୟେସରର୍ ରାଇକେ ଲୁଟିକରି ରଇଲା ବିସଇ ତମେ ବୁଜିପାରଇସ୍‌ନି, ମାତର୍ ବାଇରେ ରଇବା ବିନ୍ ଲକ୍ଷ୍ମୀନ‌କେ ଉଦାଅରନ୍ ଦେଇ କୁଆ ଅଇଲାନି ।” ୧୨ ଜେନ୍ତାରିକି

“ମୁଁ କରବା କାମ୍‌ମନ୍ ଦେକ୍‌ତେ ରଇଲେ ମିସା ବୁଜି ନାପାରଡ଼, ଆରି କଇଲାଟାମନ୍ ସୁନି ସୁନି ମିସା ନ ବୁଜଡ଼, ବୁଜଡ଼ାଇଆଲେ ସେମନ୍ ପର୍ଯ୍ୟେସରର୍ ଲଗେ ବାଅଡ଼ତାଇ ଆରି ପାପ୍ କେମା ପାଇତାଇ ।”

**ଜିସୁ କାତାନିର୍ ଅରଡ଼ ବୁଜାଇଲା**  
(ମାଡ଼ିଉ ୧୩:୧୮-୨୩; ଲୁକ୍ ୮:୧୧-୧୫)

୧୩ ଜିସୁ ସେମନ୍‌କେ କଇଲା, “ଏ ଉଦାଅରନର୍ ଅରଡ଼ ତମେ ବୁଜାସ୍ ନାଇ କି ? ତେବେ ବିନ୍ ଉଦାଅରନର୍ ଅରଡ଼ କେନ୍ତ୍ର ବୁଜସା ? ୧୪ ଚାସି ପର୍ଯ୍ୟେସରର୍ ବାକିଅ ବୁନ୍‌ସି, ୧୫ ଜନ୍‌ଲକ୍ଷ୍ମୀନ ସୁନ୍‌ବାଇ ଆରି ସୁନ୍‌ଲା ଦାପ୍‌ରେ, ସଇତାନ୍ ଆସି ସେମନ୍‌ର୍ ଟାନ୍‌ଅନି ବୁନିରଇବା ବାକିଅ ଜିକି ନେଇସି, ସେମନ୍ ବୁନିରଇବା ବାଟ୍‌ଲଗର୍ ବିଅନ୍ ପାରା । ୧୬ ସେନ୍ତାର୍ ସେ, ଜନ୍‌ଲକ୍ଷ୍ମୀନ ବାକିଅ ସୁନ୍‌ଲା ଦାପ୍‌ରେ ସାର୍‌ଦା ଅଇ ସେଟା ମାନ୍‌ବାଇ, ସେଲକ୍ ପାକ୍‌ନା ରଇବା ଜାଗାଇ ଅଦରଲା ବିଅନ୍ ପାରା । ୧୭ ମାତର୍ ସେମନ୍‌ର୍ ଟାନ୍‌ ଚେର୍ ନ ବେଦିରଏଜେ ଚନେକ୍‌ରପାଇ ବିସ୍‌ବାସ୍ କରି ରଇବାଇ, ପଚେ ବାକିଅରଲାଗି କସ୍‌ଟ କି ତାଡ଼ନା ଆଇଲେ, ସେ ଦାପ୍‌ରେ ବିସ୍‌ବାସ୍ ଚାଡ଼ି ଦେବାଇ । ୧୮ ଆରି ଜନ୍‌ଲକ୍ଷ୍ମୀନ ବାକିଅ ସୁନ୍‌ବାଇ, ମାତର୍ ତାର୍ ଦିନକର୍ ବିସଇର୍ ଚିନ୍ତା, ଦନର୍ ମାୟା ଆରି ବିନ୍ ବିନ୍ ବିସଇର୍ ଲାଲ୍‌ସାଟାନ୍‌ନେ ପୁରିକରି

\* ୩:୨୯ ୩:୨୯ ଲୁକ୍ ୧୨:୧୦    \* ୪:୧ ୪:୧ ଲୁକ୍ ୫:୧-୩

ମାପରୁ ବାକିଅକେ ଚାପିପାକାଇସି, ତେଇ ମାପରୁ ବାକିଅ ନିକ କାମ୍ ନ କରେ । ୧୯ ସେନ୍ତାରି ଅଦେକ୍ ଲକ୍ମନ୍ ବିଅନ୍ ବୁନିରଇବା କାଟାଲାଟା ବୁଇଁ ପାରା । ୨୦ ବାକିଲକ୍ମନ୍ ବାକିଅ ସୁନି ସେଟା ମାନ୍ବାଇ ଆରି ତିରିସ୍ ଗୁଣ୍, ସାଟେ ଗୁଣ୍ ଆରି ସଏ ଗୁଣ୍ ପଲ୍ ଦେବାଇ, ସେମନ୍ ବିଅନ୍ ଅଦ୍ରି ରଇବା ନିକ ବୁଇଁ ପାରା ।”

**ବଡ଼ି କୁଦ୍‌ରା**  
(ଲୁକ୍ ୮:୧୭-୧୮)

୨୧ \*ଜିସୁ ଆରିତରେକ୍ ସେମନ୍‌କେ କଇଲା, “ବଡ଼ି ତସାଇ ମାନ୍ ତଲେ କି କଟ୍ ତଲେ ସଙ୍ଗଇବାକେ ନ ଆନଡ୍ । ବଡ଼ି, କୁଦ୍‌ରାଇ ସଙ୍ଗଇବାକେ ତସାଇବାଇ । ୨୨ \*କାଇକେବଇଲେ ଲକ୍ମନ୍‌କେ ଏବେଜାକ ନାଜାନି ରଇବା ବିସଇ ଜାନାଇ ଦିଆଅଇସି, ଆରି ଜନ୍ ବିସଇ ସବୁ ଲୁଚି ରଇସି, ସେଟା ମେଲାକରି ଦିଆଅଇସି । ୨୩ ଜଦି ଜାକେ ନିକ ସଙ୍ଗ୍ ସୁନ୍‌ବାର୍ ଆଚେ, ସେ ନିକ ସଙ୍ଗ୍ ସୁନ୍ ।”

୨୪ \*ଆରି ଜିସୁ ସେମନ୍‌କେ କଇଲା, “କାଇଟା ସୁନ୍‌ଲାସ୍‌ନି, ସେ ବିସଇ ଏତାଇକରି ଜାଗରଡ୍ ରୁଆ । ଜନ୍ ନାପେ ତମେ ନାପ୍‌ସା, ସେ ନାପେ ପର୍‌ମେସର୍ ତମ୍‌କେ ନାପ୍‌ସି, ଆରି ତାର୍‌ତେଇଅନି ଅଦିକ୍ । ୨୫ \*କାଇକେବଇଲେ ଜାକେ ରଇ, କାମେ ଲାଗାଇରଇସି ତାକେ ଅଦିକ୍ ଦିଆଅଇସି, ଆରି ଜାକେ ରଇ, କାମେ ନ ଲାଗାଏ, ତାର୍‌ଟାନେ ଅନି ସେ ଅଲପ୍ ରଇଲାଟା ମିସା ନିଆଅଇସି ।”

୨୬ ଆରି ସେ କଇଲା, “ପର୍‌ମେସର୍‌ର ରାଇଜ୍ ଏନ୍ତାରି । ଗଟେକ୍ ଲକ୍ ନିଜର୍ ପଦାଇ ବିଅନ୍ ବୁନ୍‌ସି । ୨୭ ଆରି, ସେ ଦିନ୍‌ବେଲେ କି ରାତିବେଲେ, ସଇଲେ କି କାମ୍ କଲେ ମିସା ବିଅନ୍ କେନ୍ତ୍ର ଆକ୍‌ରି ବଡ୍‌ସି, ସେଟା ନାଜାନେ, ୨୮ ଜମି ତାର୍‌ମନ୍‌କେ ପଲ୍ ଉଦ୍‌ଜାଇସି, ପର୍‌ତୁମ୍ ପତର୍, ପଚେ କେଡ୍, ତାର୍‌ପଚେ ମୁଞ୍ଜି ପୁରୁନ୍ ରଇବା କେଡ୍ । ୨୯ ମାତର୍ ଚାସ୍ ପାଚ୍‌ଲା ଦାପ୍‌ରେ କାଟ୍‌ବା ବେଲା କେଟିଆଇଲେ, ଚାସି କାଟ୍‌ବାକେ ଇଲା ଲାଗାଇସି ।”

**ସର୍‌ସୁ ମୁଞ୍ଜିର୍ କାତାନି**  
(ମାତିଉ ୧୩:୩୧, ୩୨, ୩୪; ଲୁକ୍ ୧୩:୧୮-୧୯)

୩୦ ସେ ଆରି ତରେକ୍ କଇଲା, “ଆମେ ପର୍‌ମେସର୍‌ର ରାଇଜ୍ କାଇଟା ସଙ୍ଗ୍ ସମାନ୍ କରୁ ? ନଇଲେ କାଇ ଉଦାଅରନ୍ ସଙ୍ଗ୍ ବୁଜାଇଦେଉଁ ? ୩୧ ସେଟା ଗଟେକ୍ ସର୍‌ସୁ ମୁଞ୍ଜି ପାରା, ବୁର୍‌ ବୁନ୍‌ବା ବେଲେ ସେଟା ପୁର୍‌ତିବିର୍ ସବୁ ମୁଞ୍ଜିତେଇ ଅନି ସାନ୍‌ଟା, ୩୨ ମାତର୍ ବୁନ୍‌ଲେ, ସେଟା ବଡ଼ିକରି ସବୁ ସାଗର୍ ଟାନେଅନି ବଡ୍ ଅଇସି, ଆରି ତାର୍ କେନ୍ଦି ଏନ୍ତ୍ର ବଡ୍ ବଡ୍ ଅଇଜାଇସି ଜେ, ସରଗର୍ ଚତଇମନ୍ ତାର୍ କେନ୍ଦାଇ ବାସା ଅଇବାଇ ।”

୩୩ ଜିସୁ ଏନ୍ତ୍ର କେତେକ୍ କେତେକ୍ ଉଦାଅରଣ୍ ସଙ୍ଗ୍ ସେମନ୍‌ର୍ ବୁଜ୍‌ବା ବପୁ ଇସାବେ ବାକିଅ ସୁନାଇତେ ରଇଲା, ୩୪ ଆରି ଉଦାଅରନ୍ ନଇତେ ସେ ତାକର୍ ଲଗେ କାଇ କାତା ନ କଇତେରଇଲା । ମାତର୍ ଜିସୁ ବିନ୍ ଲକ୍ମନ୍ କେ ନ ରଇଲାବେଲେ ନିଜର୍ ସିସ୍‌ମନ୍‌କେ ସବୁ ବିସଇ ବୁଜାଇ ଦେଇତେ ରଇଲା ।

**ଜିସୁ ପବନ୍‌କେ ତବିର୍ କଲା**  
(ମାତିଉ ୮:୨୩-୨୬; ଲୁକ୍ ୮:୨୨-୨୫)

୩୫ ସେଦିନେ ସଞ୍ଜ୍ ଅଇଲାକେ ଜିସୁ ସେମନ୍‌କେ କଇଲା, “ଆସା, ଗାଡ୍ ସେପାଟେ ଜୁ ।” ୩୬ ସେଡ଼କିବେଲେ ସେମନ୍ ଲକ୍ ଗଅଲି ଚାଡ଼ିକରି, ଜିସୁ ବସି ରଇଲା, ଗଟେକ୍ ତଙ୍ଗାଇ ଜାଇ ବସ୍‌ଲାଇ । ଆରି ବିନ୍ ବିନ୍ ତଙ୍ଗା ମିସା ତାକର୍ ସଙ୍ଗ୍ ରଇଲା । ୩୭ ପଚେ ଅଟାଡ୍ ବେସି ବାଉପବନ୍ ଆଇଲା, ଆରି ଲଅଡିର୍ ମାଡ୍‌କେ ତଙ୍ଗାଇ ପାନି ପୁରୁନ୍ ଅଇବାର୍ ଦାର୍‌ଲା । ୩୮ ସେଡ଼କିବେଲେ ଜିସୁ ତଙ୍ଗାର୍ ପର୍ ଚରୁ ମାର୍‌ବା ଲଗେ ମର୍‌ଲା ମୁଣ୍ଡିସାକରି ସଇଦେଇ ରଇଲା । ସିସ୍‌ମନ୍ ତାକେ ଉଟାଇ କଇଲା, “ଏ ଗୁରୁ, ଆମେ ବୁଡ଼ିଜିବୁବେ, ତମ୍‌କେ କାଇ ଚେଡ୍‌ନା ନାଇ ?”

୩୯ ସେଡ଼କିବେଲେ ଜିସୁ ଉଚି ପବନ୍‌କେ ଦମ୍‌କାଇ ଦେଇ ଲଅଡିକେ କଇଲା, “ତବିର୍ ଅଇ ତୁପ୍ ର ।” ସେଡ଼କି ବେଲେ ପବନ୍ ବନ୍ଦ୍ ଅଇଲା, ଆରି ସବୁ ତବିର୍ ଅଇଲା । ୪୦ ଆରି ସେ ସିସ୍‌ମନ୍‌କେ କଇଲା, “କାଇକେ ଏତେକ୍ ଡର୍‌ଲାସ୍‌ନି ? ତମ୍‌କେ ଏବେଜାକ ମର୍‌ଲଗେ ବିସବାସ୍ ନାଇ କି ?”

୪୧ ସେମନ୍ ବେସି ଡରି ଜାଇକରି ତାକର୍ ତାକର୍ ବିଡ୍‌ରେ କୁଆବଲା ଅଇଲା, “ତେବେ ଏ କେ ଜେ, ପବନ୍ ଆରି ଲଅଡି ମିସା ତାର୍ ଆଦେସ୍ ମାନ୍‌ଲାଇନି ?”

**୫**

**ତୁମାଦାର୍‌ଲା ଲକ୍‌କେ ଜିସୁ ନିମାନ୍ କଲା**  
(ମାତିଉ ୮:୨୮-୩୪; ଲୁକ୍ ୮:୨୬-୩୯)

୧ ଜିସୁ ଆରି ତାର୍ ସିସ୍‌ମନ୍ ସମ୍‌ଦୁର୍ ସେପାଟେ ରଇବା ଗରାସିୟମନ୍‌ର୍ ଜାଗାଇ କେଟ୍‌ଲାଇ । ୨ ଜିସୁ ତଙ୍ଗାଇଅନି ଉଡର୍‌ଲା ଦାପ୍‌ରେ ଗଟେକ୍ ତୁମା ଦାରିରଇବା ଲକ୍ ମସ୍‌ନେ ଅନି ବାରଇ ତାକେ ବେଟ୍‌ଅଇବାକେ ଆଇଲା । ୩ ସେ

\* ୪:୨୧ ୪:୨୧ ମାତିଉ ୫:୧୫; ଲୁକ୍ ୧୧:୩୩    \* ୪:୨୨ ୪:୨୨ ମାତିଉ ୧୦:୨୭; ଲୁକ୍ ୧୨:୨    \* ୪:୨୪ ୪:୨୪ ମାତିଉ ୭:୨; ଲୁକ୍ ୬:୩୮    \* ୪:୨୫ ୪:୨୫ ମାତିଉ ୧୩:୧୨; ୨୫:୨୯; ଲୁକ୍ ୧୯:୨୭

ଲକ୍ଷ୍ମୀ ମଧ୍ୟରେ ବାସ୍ୟାଅଇରଇଲା, ଆରି କେ ମିସା ତାକେ ସିକିଲି ସଙ୍ଗ୍ ବାନ୍ଧି ନାପାର୍ତ୍ତେ ରଇଲା । ୪ ତାକେ କେତେକ୍ ତର ଗତେ କହୁ ଆରି ଆତେ ସିକିଲି ସଙ୍ଗ୍ ବାନ୍ଧିଲେ ମିସା, ସେ ସିକିଲି ସବୁ ଚିତାଇ ଦେଇ, କହୁ ସବୁ ବାଙ୍ଗାଇ ପାକାଇତେ ରଇଲା । ତାକେ ବାନ୍ଧି ସଙ୍ଗାଇବାକେ କାର୍ ମିସା ବସୁ ନ ରଇଲା । ୫ ସେ ଦିନ ରାତି ସବୁବେଳେ ମଧ୍ୟରେ ଆରି କୁପୁଲିତେଇ ରଇ କିରକିରତେ ରଇଲା, ଆରି ପାକ୍ନା ସଙ୍ଗ୍ ଗାଗ୍ତେ ମୁଣ୍ଡେ ମାରିଅଇ କଣ୍ଡିଆ ବଣ୍ଡିଆ ଅଇଜାଇତେରଇଲା ।

୬ ସେ ଜିସୁକେ ଦୁରିକେ ଅନି ଦେକି ପାଲାଅ ଆସି ତାର୍ ମୁଆଟେ ଅଦରଲା । ୭ ଆରି ଆଉଲି ଅଇ କିରକିରି କରି କଇଲା, “ଏ ସବୁର୍ ଟାନେଅନି ବଡ଼ ପର୍ଯ୍ୟେସରର୍ ପ ଜିସୁ, ମର୍ ଟାନେ ତମର୍ କାଇ କାମ୍ ଆତେ ? ମୁଇ ତମକେ ପର୍ଯ୍ୟେସରର୍ ନାଉଁ ଦାରି ଗୁଆରି କରି କଇଲିନି, ମକେ କସଟ ଦିଆନାଇ ।” ୮ କାଇକେବଇଲେ ଜିସୁ ତାକେ ଆଗ୍ତୁ କଇତେରଇଲା, “ଏରେ ତୁମା, ଏ ଲକ୍ଷ୍ମୀଟାନେଅନି ବାରଇ ଜା ।”

୯ ଆରି, ଜିସୁ ତାକେ ପାଚାରଲା, “ତର୍ ନାଉଁ କାଇ ନାଉଁ ?” ସେ ତାକେ କଇଲା, “ମର୍ ନାଉଁ ବାଇନି ତୁମା, ଏନ୍ତି ଆମେ ଜବର୍ ଆରୁ ।”

୧୦ ଆରି, ସେ ଲକ୍ଷ୍ମୀ ଜେନ୍ତିକି ସେମନ୍କେ ସେ ଜାଗାଇ ଅନି ବାଇରେ ନ ପାଟାଅ ବଲି, ଜିସୁକେ ତରକେ ତର୍ ଜୁଆର୍ ବିଆର୍ କଲା ।

୧୧ ସେ ଲଗର୍ କୁପୁଲି ପାଲିକେ ବେସି ଗୁସ୍ରି ମାନ୍ଦା ଚାର୍ତେରଇଲା । ୧୨ ଆରି ତୁମାମନ୍ ଜିସୁକେ ଜୁଆର୍ ବିଆର୍ କରି କଇଲା, “ସେ ଗୁସ୍ରିମନ୍ଦର୍ ବିଡ଼ରେ ପୁର୍ବାକେ ଆମ୍କେ ପାଟାଆ ।” ୧୩ ଜିସୁ ସେମନ୍କେ ଆଦେସ୍ ଦେଲାଦାପ୍ରେ, ସେ ଲକ୍ଷ୍ମୀ ଲଗେଅନି ତୁମାମନ୍ ବାରଇକରି ଗୁସ୍ରିମନ୍ଦର୍ ବିଡ଼ରେ ପୁର୍ଲା । ସେଡ଼କିବେଲେ, ସେ ଆଡ଼ାର ବିଡ଼କିକରି ପାଲାଅଲା ଆରି କୁପୁଲି ଅନି ଗସ୍ରିକରି ସମ୍ବୁରେ ଜାଇ ବୁଡ଼ି ମରିଗାଲା । ଆଡ଼ାରେ ଗୁସ୍ରି ମାନ୍ଦା ପାକାପାକି ଦୁଇଅଜାରଟା ରଇଲା ।

୧୪ ଗୁସ୍ରିମନ୍କେ ଚାରାଇତେରଇବା ଲକ୍ଷ୍ମୀ ପାଲାଅ ଜାଇ ଗାଉଁ ଆରି ଗୁଡ଼ାମନ୍କେ ସେଟା ଜାନାଇଲା । ଜାନାଇଲାଟା ସୁନି ଲକ୍ଷ୍ମୀ “ତେଇ କାଇଟା ଅଇଲାଆତେ ?” ବଲି ଦେକ୍ବାର୍ ଆଇଲା । ୧୫ ଆରି ଲକ୍ଷ୍ମୀ ଜିସୁର୍ ଲଗେ ଆସିକରି ସେ ତୁମା ଦାରି ରଇଲା ଜନ୍ଲକ୍ଷ୍ମୀକେ କି ଆଗ୍ତୁ ବାଇନି ତୁମା ଦାରିରଇଲା, ସେ ଲକ୍ଷ୍ମୀ ନିମାନ୍ ଲୁଗା ପିନ୍ଧିକରି ନିକ ଲକ୍ଷ୍ମୀପାରା ବସିରଇବାଟା ଦେକି ଡରିଗାଲା । ୧୬ ଆରି ଜନ୍ ଲକ୍ଷ୍ମୀ ଦେକିରଇଲା, ସେମନ୍ ସେ ତୁମା ଦାରିରଇବା ଲକ୍ଷ୍ମୀକେ କାଇଟା ଅଇରଇଲା, ସେଟା ଆରି ଗୁସ୍ରିମନ୍କେ ଅଇଲା ବିସଇ ସେମନ୍କେ କଇଦେଲା ।

୧୭ ତେଇ ଲକ୍ଷ୍ମୀ ଜିସୁକେ ସେମନ୍ଦର୍ ସନ୍ଧିଅନି ଚାଡ଼ି ଜିବାକେ ବାବୁଜିଆ କଲା ।

୧୮ ପତେ ଜିସୁ ଡଙ୍ଗା ଚର୍ବା ବେଲେ ଜନ୍ଲକ୍ଷ୍ମୀକେ ଆଗ୍ତୁ ତୁମା ଦାରିରଇଲା, ସେ ଲକ୍ଷ୍ମୀ ତାର୍ ସଙ୍ଗ୍ ରଇବାକେ ବାବୁଜିଆ କଲା ।

୧୯ ମାତର୍ ଜିସୁ ତାକେ ତେବାଇକରି କଇଲା, “ତମର୍ ଗରେ, ତମର୍ ନିଜର୍ ଲକ୍ଷ୍ମୀମନ୍ ଟାନେ ଜା, ଆରି ପର୍ଯ୍ୟେସର୍ ତର୍ପାଇ ଜନ୍ ବଡ଼ କାମ୍ କଲା ଆତେ ଆରି ତକେ ଜନ୍ ଦୟା ଦେକାଇ ଆତେ, ସେଟା ସବୁ ସେମନ୍କେ ଜାନାଇଦେସ୍ ।”

୨୦ ତେଇଅନି ସେ ଲକ୍ଷ୍ମୀ ଜାଇକରି, ଜିସୁ ତାର୍ପାଇ ଜନ୍ ବଡ଼ କାମ୍ କରିରଇଲା, ସେ ସବୁ ଦେକାପଲି ନଅରେ, ଗାଉଁମନ୍କେ କଇବୁଲିଲା । ତେଇ ସବୁଲକ୍ଷ୍ମୀ କାବା ଅଇଗାଲା ।

**ଜିସୁ ଗଟେକ୍ ମଲା ଟକିକେ ଜିବନ୍ ଦେଲା ଆରି ଗଟେକ୍ ରଗି ମାଇଜିକେ ନିମାନ୍ କଲା (ମାତିଉ ୮:୨୩-୨୭; ଲୁକ୍ ୮:୨୨-୨୫)**

୨୧ ଜିସୁ ଡଙ୍ଗା ଲଙ୍ଗି ଜାଇ ଆରିତରେକ୍ ବାଉଡ଼ି ଆଇଲାଦାପ୍ରେ, ଜବର୍ଲକ୍ଷ୍ମୀ ତାର୍ ଲଗେ ରୁଣ୍ଡୁଲା, ଆରି ସେ ସମ୍ବୁର୍ କଣ୍ଡି ରଇଲା । ୨୨ ସେଡ଼କିବେଲେ ଜିଉଦିମନ୍ଦର୍ ପାର୍ତନା ଗରର୍ ମୁକିଅ, ଜାଇରସ୍ ନାଉଁର୍ ଗଟେକ୍ ଲକ୍ଷ୍ମୀ ଆସି ଜିସୁକେ ଦେକି ତାର୍ ଗଡ଼ୁତଲେ ଅଦରଲା । ୨୩ ଆରି ବେସି ବାବୁଜିଆ କରି କଇଲା, “ମର୍ ଟକି ମର୍ବା ଉପ୍ରେ ଆତେ, ସେ ଜେନ୍ତି ନିକ ଅଇ ବର୍ସି, ତେବର୍ ପାଇ ତମେ ଆସି ତାର୍ ଉପ୍ରେ ଆଡ଼ ସଙ୍ଗାଇଦିଆସ୍ ।”

୨୪ ଜିସୁ ତାକର୍ ସଙ୍ଗ୍ ଗାଲା, ଆରି ଗାଦିଲକ୍ଷ୍ମୀ ତାର୍ ପତେ ପତେ ଜିବାର୍ ଦାରଲା, ଆରି ଲକ୍ଷ୍ମୀ ତାକେ ଡାବାଡାବି ଅଇତେ ରଇଲା ।

୨୫ ତେଇ ଗଟେକ୍ ବାର ବରସ୍ ଜାକ ଗାଗ୍ତେଅନି ବନି ଜିବା ମାଇଜିଟକି ରଇଲା । ୨୬ ଜେ କି କେତେ କେତେ ଡାକ୍ଟର୍ଟାନେ ଜାଇକରି ମିସା ସାସ୍ତି ବଗି ସବୁ ବିକିଦେଇ ରଇଲା । ମାତର୍ ଅଲପ୍ମିସା ନିକ ନ ଅଇ ଅଦିକ୍ ଅଦିକ୍ ଅଇଜାଇତେରଇଲା । ୨୭ ଜେତେବେଲେ ସେ ଜିସୁର୍ ବିସଇ ସୁନି, ଲକ୍ଷ୍ମୀ ଗଅଲି ବିଡ଼ରେ ପର୍ବାଟେ ଆସି ଜିସୁର୍ ଲୁଗା ଚିଇଲା, କାଇକେବଇଲେ ସେ କଇତେ ରଇଲା, ୨୮ “କେନ୍ତି ମିସା ମୁଇ ତାର୍ ଲୁଗାଜାଲି ଅଲପ୍ ଚିଇଲେ ନିମାନ୍ ଅଇବି ।”

୨୯ ସେ ଦାପ୍ରେ ତାର୍ ବନି ଜିବାଟା ବନ୍ଧୁଅଇଗାଲା, ସେଟା ସେ ନିଜେ ଜାନି ପାରଲା । ୩୦ ସେ ଦାପ୍ରେ ଜିସୁ ନିଜର୍ ଟାନେଅନି ସକ୍ତି ବାରଇବାଟା ଜାନିକରି ଲକ୍ଷ୍ମୀମନ୍ ବାଟେ ବୁଲି ଦେକି କଇଲା, “କେ ମର୍ ଲୁଗା ଚିଇଲା ?”

୩୧ ତାର୍ ସିସମନ୍ ତାକେ କଇଲା, “ତମେଟା ଦେକ୍ଲାସ୍ନି, ଲକ୍ଷ୍ମୀ ତମର୍ ଉପ୍ରେ ଡାବା ଡାବି ଅଇଗାଲାଅନି ଆରି ତମେ କେନ୍ତି କଇଲାସ୍ନି, କେ ମକେ ଚିଇଲା ବଲି ?”

୩୨ ମାତର ଜେ ଏଟା କରିରଇଲା, ତାକେ ଦେବବାକେ ସେ ଚାରିବେଡ଼ି ଆଁକି ବୁଲାଇବାର ଦାରଲା । ୩୩ ସେଡ଼ିକି ବେଲେ ସେ ମାଈଜିଟକି ତାକେ ଜନ୍ ଜନ୍ଟା ଗଟିଆରେ, ସେଟା ଜାନି, ଡରିକରି ତରତରି ତରତରି ଆସି ଜିସୁର ଗଡ଼ତଲେ ଅଦ୍ରି ସବୁ ସଡ଼କାତା କଇଲା । ୩୪ ଜିସୁ ତାକେ କଇଲା, “ନୁନି, ମର୍ଟାନେ ବିସ୍ବାସ କଲାକେ ତୁଇ ନିମାନ୍ ଅଇ ଆରୁସ୍, ସାନ୍ତିଅଇ ଜା ଆରି ତର୍ ରଗେଅନି ନିମାନ୍ ଅଇ ର ।”

୩୫ ସେ ଏ କାତା କଇଲା ବେଲେ ଜିଉଦି ମନର୍ ପାର୍ତନା ଚାଲାଉ ଜାଇରସର୍ ଗରେଅନି ଗଟେକ୍ ଲକ୍ ଆସି କଇଲା, “ତମର୍ ନୁନି ମରିଗାଲାବେ, କାଇକେ ଗୁରୁକେ ଆରି କସ୍ତ ଦେଲାସ୍ନି ?”

୩୬ ମାତର ଜିସୁ ସେମନ୍ କାତା ଅଇଲାଟା ନ ସୁନ୍ଲାପାରାଅଇ ପାର୍ତନା ଚାଲାଉକେ କଇଲା, “ତରାନାଇ, ଆବ୍‌କା ବିସ୍ବାସ କରା ।” ୩୭ ଆରି ପିତର୍, ଜାକୁବ ଆରି ତାର୍ ବାଇ ଜଅନକେ ଚାଡ଼ି ଆରି କାକେ ନିଜର୍ ସଙ୍ଗ୍ ଜିବାକେ ଦେଏ ନାଇ । ୩୮ ସେମନ୍ ପାର୍ତନା ଚାଲାଉର୍ ଗରେ ଆଇଲା ଦାପ୍ରେ, ଜିସୁ, ଆଉଲି ଅଇବାଟା ଆରି ବେସି ମାର୍ତପ୍ ଅଇ କାନ୍ଦବାଟା ଦେକ୍ଲା । ୩୯ ମାତର ବିଡ଼ରେ ଜାଇ ଲକ୍‌ମନ୍‌କେ କଇଲା, “କାଇକେ ଆଉଲି ଅଇ କାନ୍ଦଲାସ୍ନି ? ଏ ନୁନି ମରେ ନାଇ, ଅବ୍‌କା ସଇଦେଇଆରେ ।” ସେଡ଼ିକି ବେଲେ ସେମନ୍ ଜିସୁକେ ଲାଜ୍ କରାଇ କଇବାର୍ ଦାରଲାଇ ।

୪୦ ମାତର ସେ ସବୁକେ ବାରକରି ଟକିର୍ ଆୟାବାବାକେ ଆରି ନିଜର୍ ସିସ୍‌ମନର୍ ସଙ୍ଗ୍, ତାକେ ଜନ୍ ଲଗେ ତୁଲାଇ ରଇଲାଇ, ସେ ଜାଗାଇ ଗାଲା । ୪୧ ଆରି ଟକିର୍ ଆଡେଦାରି ତାକେ କଇଲା, “ଟଲିଡାକୁମ୍ !” ବଇଲେ “ଏ ନୁନି ମୁଇଁ ତକେ କଇଲିନି ଉର୍ !”

୪୨ ଏଡ଼ିକି କଇଲା ଦାପ୍ରେ ଟକି ଉଟି ବୁଲ୍‌ବାର୍ ଦାରଲା, ତାକେ ବାର ବରସ୍ ଅଇରଇଲା । ସେଡ଼ିକିବେଲେ ସବୁଲକ୍‌ମନ୍ ଦେକି ଅଦିକ୍ କାବାଅଇଗାଲାଇ । ୪୩ ଜେକ୍ରି ଆରି, କେ ମିସା ଟକିକେ ଗଟ୍‌ଲା ବିସଇ ନାଜାନଡ଼, ତେବର୍ ପାଇ ସେ ଟକିର୍ ଆୟାବାବାକେ ଅଦିକ୍ ଡାଟ୍ ସଙ୍ଗ୍ ଆଦେସ୍ ଦେଲା, ଆରି “ଟକିକେ କାଇଟା ଆଲେ କାଇବାକେ ଦିଆସ୍ ।” ବଲି କଇଲା ।



**ନିଜର୍ ଗାଏଁ ଜିସୁକେ ନାମଡ଼ ନାଇ**  
(ମାଡ଼ିଉ ୧୩:୫୩-୫୮; ଲୁକ୍ ୪:୧୭-୩୦)

୧ ଜିସୁ ସେ ଜାଗା ଚାଡ଼ି, ସାନ୍‌ବେଲେ ଅନି ବଡ଼ିଆଇଲା ନଅରେ ଆଇଲା, ଆରି ତାର୍ ସିସ୍‌ମନ୍ ମିସା ତାର୍ ସଙ୍ଗ୍ ଗାଲାଇ । ୨ ବିସ୍‌ରାମ୍‌ବାର୍ ଆଇଲାକେ, ସେ ଜିଉଦିମନର୍ ପାର୍ତନା ଗରେ ସିକିଆ ଦେବାର୍ ଦାରଲା, ଆରି କେତେ କେତେ ଲକ୍ ତାର୍ କାତା ସୁନି କାବା ଅଇ କଇଲାଇ, “ଏ ଲକ୍ ଏ ସବୁଜାକ କନ୍ତି ଅନି ସିକ୍‌ଲା ? ଆରି, ଆକେ ଏନ୍ତାରି ଗିଆନ୍ କେ ଦେଲା ? ଆରି କେବେ ନ ଅଇବା କାମର୍ ବପୁ କନ୍ତିଅନି ପାଇଲା ? ୩ ଏ ଲକ୍‌ତା ସେ ବାଡ଼ଇ । ସେ ମରିୟମର୍ ପଅ, ଜାକୁବ୍, ଜସି, ଜିଉଦା ଆରି ସିମନ୍ ତାର୍ ବାଇ ଅଇବାଇ । ଆର୍ ବଇନିମନ୍ ତା ଇଡ଼ି ଆମର୍ ସଙ୍ଗ୍ ଆଡ଼ ।” ଏନ୍ତାରି କଇକରି ସେମନ୍ ତାକେ ମାନଡ଼ ନାଇ ।

୪ \*ତେଇ ଜିସୁ ସେମନ୍‌କେ କଇଲା, “ନିଜର୍ ନଅରର୍ କୁଟୁମର୍ ଲକ୍‌ମନ୍‌କେ ଆରି ନିଜର୍ ଗରର୍ ଲକ୍‌କେ ଚାଡ଼ି ବାକି ସବୁ ଜାଗାଇ ବାବଦାଦିମନ୍‌କେ ସନ୍‌ମାନ୍ ମିଲ୍‌ସି ।” ୫ ସେଜାଗାଇ ଆରି କେତେଟା ରଗିମନ୍‌କେ ସେ ଆଡ଼ ସଙ୍ଗ୍‌ଇକରି ନିକ କର୍‌ବାଟା ଚାଡ଼ି ଆରି କାଇ ନ ଅଇବା କାମ୍ କରିନାପାରଲା । କାଇକେବଇଲେ ତେଇର୍ ଲକ୍‌ମନ୍ ତାକେ ବିସ୍‌ବାସ କରଡ଼ ନାଇ । ୬ ଆରି ତେଇର୍ ଲକ୍‌ମନ୍ ତାକେ ବିସ୍‌ବାସ୍ ନ କର୍‌ବାଟା ଦେକି ଜିସୁ କାବାଅଇଗାଲା ।

**ଜିସୁ ବାରଟା ସିସ୍‌ମନ୍‌କେ ପାଟାଇଲା**  
(ମାଡ଼ିଉ ୧୦:୫-୧୫; ଲୁକ୍ ୯:୧-୬)

୭ ପରେ ସେ ଚାରିବେଡ଼ିତର୍ ଗାଉଁ ମନ୍ ବୁଲି ବୁଲି ସିକିଆ ଦେବାର୍ ଦାରଲା । ଏଡ଼ିକି ବିଡ଼ରେ ସେ ବାରଟା ସିସ୍‌ମନ୍‌କେ ଲଗେ ଡାକି, ଦୁଇ ଦୁଇ ଲକ୍‌କେ ପାଟାଇବାର୍ ଆରାମ୍ କଲା, ସେମନ୍‌କେ ତୁମାମନ୍‌କେ ଚାଡ଼ାଇବାକେ ଅଦିକାର୍ ଦେଲା । ୮ ଜିବାବେଲେ ଗଟେକ୍ ଡାଙ୍ଗ୍ ଚାଡ଼ି ବାଟ୍ କର୍‌ତର୍ ପାଇ ରୁଟି କି ବେସିନିଟାନ୍‌ନେ ଡାବୁ ନ ନିଆ ବଲି ଆଦେସ୍ ଦେଲା । ୯ ମାତର ସେମନ୍‌କେ ପାଣ୍ଡୁଇ ପିନ୍ଦବାକେ କଇଲା, ପିନ୍ଦିରଇବା ଚକା ଚାଡ଼ି ଆରି ଗଟେକ୍ ଚକା ନିଆନାଇ ବଲି କଇଲା । ୧୦ “ଜେଡେବେଲେ ତମ୍‌କେ ଜାର୍ ଗରେ ଡାକ୍‌ବାଇ ସେ ନଅର୍ ଚାଡ଼ିଜିବା ଜାକ ତେଇସେ ରୁଆ । ୧୧ \*ଜଦି କନ୍ ନଅରର୍ ଲକ୍‌ମନ୍ ତମ୍‌କେ ନ ନାମଡ଼, ଆରି ତମର୍ କାତା ନ ସୁନଡ଼, ସେ ଜାଗାଇ ଅନି ଆଇବା ବେଲେ ସେମନ୍‌ର ବିରଦେ ସାକି ଇସାବେ, ତମର୍ ପାଦର୍ ବୁଲି ପାପ୍‌ଡ଼ିଆସ୍ । ଏଟାଲଗା ସେ ନଅରର୍ ଲକ୍‌ମନ୍ ଜାନ୍‌ବାଇ ଜେ, ପର୍‌ମେସର୍ ସେମନ୍‌କେ ଡଣ୍ଡ ଦେଇସି ।”

୧୨ ସିସ୍‌ମନ୍ ବାରଇ ଜାଇ ଲକ୍‌ମନ୍‌କେ “ତମର୍ ପାପ୍ ଟାନେଅନି ବାଉଡା ।” ବଲି ଜାନାଇଲାଇ । ୧୩ \*କେତେକ୍ କେତେକ୍ ଲକ୍‌ମନ୍‌ର ଟାନେଅନି ତୁମା ଚାଡ଼ାଇଲାଇ, ଆରି କେତେକ୍ ରଗି ଲକ୍‌ମନ୍‌କେ ଟିକନ୍ ଲାଗାଇ ନିମାନ୍ କଲାଇ ।

☆ ୬:୪ ୬:୪ ଜଅନ୍ ୪:୪୪ ☆ ୬:୧୧ ୬:୧୧ ପେରିଡ଼ ୧୩:୫୧ ☆ ୬:୧୧ ୬:୧୧ ଲୁକ୍ ୧୦:୪-୧୧ ☆ ୬:୧୩ ୬:୧୩ ଜାକୁବ ୫:୧୪

**ତୁବନ୍ ଦେଉ ଜଅନର୍ ମରନ୍**  
(ମାତିଉ ୧୪:୧-୧୨; ଲୁକ୍ ୯:୭-୯)

୧୪ ✠ଜିସୁର୍ ନାଉଁ ସବୁବାଟେ ଉଡ଼ରା ଅଇଗାଲାକେ, ଏରଦ୍ ରାଜା ଜିସୁର୍ ବିସଇ ସୁନ୍‌ଲା, ଆରି ଲକ୍‌ମନ୍ କଇତେରଇଲାଇ, ତୁବନ୍ ଦେଉ ଜଅନ୍ ମରିକରି ଉଟି ଆଟେ, ତେବର୍‌ପାଇ ଏ ସବୁ ନ ଅଇବା କାମର୍ ସକ୍ତି ତାର୍‌ଟାନେ କାମ୍ କଲାନ୍ତି । ୧୫ ମାତର୍ ବିନ୍ ବିନ୍ ଲକ୍‌ମନ୍ କଇତେ ରଇଲାଇ, ଏ ଏଲିୟ, ଆରି କେ କେ କଇତେ ରଇଲାଇ, ଆଗର୍ ବାବବାଦି ମନର୍‌ପାରା ଗଟେକ୍ ଲକ୍ ।

୧୬ ମାତର୍ ଏରଦ୍ ଏଟା ସୁନି କଇଲା, “ମୁଇ ଜନ୍ ଜଅନର୍ ମୁଣ୍ଟୁ କାଟାଇଲି, ସେ ମଲାତେଇଅନି ଉଟିଆଟେ !”

୧୭ ✠ତେବେ ଏରଦ୍ ନିଜର୍ ବାଇ ପିଲିପର୍ ମାଇଜି ଏରଦିଆକେ ବିବା ଅଇ ରଇଲା । ତାକେ ସାର୍‌ଦା କର୍‌ବାକେ ନିଜେ ଏରଦ୍ ଲକ୍‌ମନ୍‌କେ ପାଟାଇ ତୁବନ୍ ଦେଉ ଜଅନ୍‌କେ ଦାରି, ବାନ୍ଦିକରି ବନ୍ଦି କରବାକେ ଆଦେସ୍ ଦେଲା ।

୧୮ କାଇକେବଇଲେ ଜଅନ୍ ଏରଦ୍‌କେ ତର୍‌କେତର୍ କଇତେରଇଲା “ମସାର୍ ନିୟମ୍ ଇସାବେ ନିଜର୍ ବାଇର୍ ମାଇଜିକେ ସଙ୍ଗିଇବାର୍ ତର୍ ବିଦି ନାଇ ।”

୧୯ ଏନ୍ତାରି କଇଲାକେ ଏରଦିଆ ଜଅନ୍‌କେ ରିସା ଅଇ ତାକେ ମରାଇବାକେ ମନ୍ କର୍‌ତେରଇଲା, ମାତର୍ ନାପାର୍‌ତେ ରଇଲା । ୨୦ କାଇକେବଇଲେ ଏରଦ୍ ଜଅନ୍‌କେ ଗଟେକ୍ ଦରମ୍ ଆରି ସୁକଲ୍ ଲକ୍ ବଲି ଜାନି ତର୍‌ତେ ରଇଲା, ଆରି ତାକେ ରକିଆ କର୍‌ବାକେ ଚେସ୍‌ଟା କର୍‌ତେରଇଲା । ଜେତେବେଲେ ମିସା ତାର୍ କାତା ସୁନ୍‌ତେରଇଲା, ବେସି କିଲ୍‌ବିଲ୍ ଅଇତେରଇଲା । ଏଲେମିସା ସେଟା ସାର୍‌ଦା ସଙ୍ଗି ସୁନ୍‌ତେରଇଲା ।

୨୧ ପଟେ ଏରଦିଆର୍ ଜାଗ୍‌ତେ ରଇବା ଦିନ୍ କେଟିଆଇଲା । ଏରଦ୍ ଜନମ୍ ଦିନେ, ନିଜର୍ ମନ୍ତ୍ରି ମନ୍‌କେ ଆରି ମୁକିଅ ମୁକିଅ ସେନାପତି ଆରି ଗାଲିଲିର୍ ବଡ଼ବଡ଼ ଲକ୍‌ମନ୍‌କେ ତାକି, ରାତିଆ ଗଟେକ୍ ବଜିକଲା । ୨୨ ତେଇ ଏରଦିଆର୍ ଟକି ବିଡ଼ରେ ପୁରି ଏରଦ୍ ଆରି ତାର୍ ସଙ୍ଗି ବସି କାଇବା ଲକ୍‌ମନ୍‌କେ ନାଟକରି ମନ୍‌ଚାଇ ଦେଲା । ରାଜା ଟକିକେ କଇଲା, “ତୁଇ ଜାଇଟା ମନ୍ କଲୁସ୍‌ନି ସେଟା ମାଙ୍ଗ୍, ମୁଇ ତକେ ଦେବି ।” ୨୩ ଆରି ଏରଦ୍ ତାର୍ ଲଗେ ପର୍‌ମାନ୍ କଲା, “ତୁଇ ଆମକେ ଜାଇଟା ମାଙ୍ଗ୍‌ଲେ ମିସା, ମୁଇ ରାଇଜର୍ ଅଦ୍ ବାଗ୍ ଜାକ ତକେ ଦେଇ ଦେବି ।”

୨୪ ତେଇଅନି ସେ ବାରଇଜାଇ ତାର୍ ମାଆକେ ପାଟାରଲା, “ମୁଇ କାଇଟା ମାଙ୍ଗ୍‌ବି ?” ତାର୍ ମାଆ କଇଲା, “ତୁବନ୍ ଦେଉ ଜଅନର୍ ମୁଣ୍ଟୁ ମାଙ୍ଗ୍ ।”

୨୫ ସେଦାପ୍‌ରେ ଟକି ରାଜାର୍ ଲଗେ ଆସି ଏଟା କଇ ମାଙ୍ଗ୍‌ଲା, “ତୁଇ ମକେ ଏବେ ତୁବନ୍ ଦେଉ ଜଅନର୍ ମୁଣ୍ଟୁ ଗଟେକ୍ ତାଲାଇ କାଟି ଦେ ।” ୨୬ ସେକାତା ସୁନି ରାଜା ବେସି ଦୁକ୍ କଲା ମାତର୍ ନିଜେ କାତା ଦେଇରଇଲାଟା ଆରି କାଇବାକେ ବସି ରଇବା ଲକ୍‌ମନର୍‌ମୁଆଟେ ମାଙ୍ଗ୍‌ଲାଟା ନାଇ ବଲି କଇବାକେ ମନ୍ କରେନାଇ । ୨୭ ତେବେ ରାଜା ସେଦାପ୍‌ରେ ଗଟେକ୍ ସଇନକେ ପାଟାଇ ତାର୍ ମୁଣ୍ଟୁ ଆନ୍‌ବାକେ ଆଦେସ୍ ଦେଲା, ତେଇ ସଇନ ବନ୍ଦି ଗରେ ଜାଇ, ତୁବନ୍ ଦେଉ ଜଅନର୍ ମୁଣ୍ଟୁ କାଟ୍‌ଲା । ୨୮ ଆରି ସେ ମୁଣ୍ଟୁ ଗଟେକ୍ ତାଲାଇ ଆନି ଟକିକେ ଦେଲା, ଆରି ଟକି ତୁବନ୍ ଦେଉ ଜଅନର୍ ମୁଣ୍ଟୁ ନେଇ ତାର୍ ମାକେ ଦେଲା । ୨୯ ଜଅନର୍ ସିସ୍‌ମନ୍ ତେଇର୍ କବର୍ ସୁନି ଆଇଲାଇ, ଆରି ମଲା ମଡ଼କେ ନେଇ ମିସ୍‌ନେ ତପ୍‌ଲାଇ ।

**ଜିସୁ ବେସି ଲକ୍‌ମନ୍‌କେ କୁଆଇଲା**  
(ମାତିଉ ୧୪:୧୩-୨୧; ଲୁକ୍ ୯:୧୦-୧୭; ଜଅନ୍ ୬:୧-୧୪)

୩୦ ପଟେ ✠ପେରିଡ଼ମନ୍ ଜିସୁର୍ ଲଗେ ରୁଣ୍ଟୁଲାଇ, ଆରି ସେମନ୍ ଜନ୍ ଜନ୍‌ଟା କରି ରଇଲାଇ, ଆରି ଜାଇ ଜାଇଟା ସିକାଇ ଦେଇରଇଲାଇ, ସେସବୁ ତାକେ ଜାନାଇଲାଇ । ୩୧ ସେଡ଼କି ବେଲେ ଜିସୁ ସେମନ୍‌କେ କଇଲା, “ତମେମନ୍ ମର୍‌ସଙ୍ଗ୍ ଆସା ଆମେ ଗଟେକ୍ କିନରା ଜାଗାଇ ଜାଇ ଚନେକ୍ ବିସ୍‌ରାମ୍ କରୁ ।” କାଇକେବଇଲେ କେତେକ୍ କେତେକ୍ ଲକ୍ ଆସ୍ ଜା ଅଇତେରଇଲାଇକେ ସେମନ୍‌କେ କାଇବାକେ ମିସା ସୁଜଗ୍ ନ ମିଲ୍‌ତେ ରଇଲା । ୩୨ ତେବେ ଜିସୁ ଆରି ତାର୍ ସିସ୍‌ମନ୍ ବାରଇ ବେଗ୍‌ଲି ଜାଇ ଡଙ୍ଗାଇ ବସି ଗଟେକ୍ କିନରା ଜାଗାଇ ଗାଲାଇ ।

୩୩ ମାତର୍ ସେମନ୍ ବାରଇ ଜିବାଟା ବେସିଲକ୍ ଦେକି ଚିନ୍‌ଲାଇ, ଆରି ସବୁ ନଅରେ ଅନି ଲକ୍‌ମନ୍ ପାଲାଇ ପାଲାଇ ଜାଇ ସେମନ୍‌ର୍ ଆଗ୍‌ତୁ କେଟ୍‌ଲାଇ । ୩୪ ✠ଜିସୁ ଡଙ୍ଗାଇଅନି ବାରଇ, ବେସି ଲକ୍‌ମନ୍‌କେ ଦେକି ତାର୍ ଜିବନ୍ ଦୁକାଇ ଦୟାକଲା । କାଇକେବଇଲେ ସେମନ୍ ଗଡ଼ଡ଼ ନ ରଇଲା ମେଣ୍ଟା,ରାସି ପାରା ରଇଲାଇ ଆରି ସେ ସେମନ୍‌କେ କେତେକ୍ ବିସଇ ସିକିଆ ଦେବାର୍‌ଦାରଲା । ୩୫ ଏଡ଼କି ବିଡ଼ରେ ବେଲ୍ ବସି ଆଇବାକେ ସିସ୍‌ମନ୍ ଆସି ଜିସୁକେ କଇଲା, “ଏ ଜାଗା ତା ଚିମ୍‌ରା ଜାଗା ଆରି ବେଲ୍ ମିସା ବସିଆଇଲାନ୍ତି, ୩୬ ତେବର୍‌ପାଇ ଲକ୍‌ମନ୍‌କେ ପାଟାଇ ଦିଆସ୍ । ଜେକ୍ତି କି ସେମନ୍ ଚାରିବେଡ଼ିର୍ ଗାଉଁ ମନ୍‌କେ ଜାଇ ନିଜର୍ ନିଜର୍ ପାଇ କାଇବାକେ କାଇଟା ମିସା ଗେନଡ଼ ।”

୩୭ ମାତର୍ ଜିସୁ ସେମନ୍‌କେ କଇଲା, “ତମେ ସେମନ୍‌କେ କାଇଟା ମିସା କାଇବାକେ ଦିଆସ୍ ।” ସେମନ୍ ତାକେ କଇଲା, “ଆମେ ଜାଇ ଆଟ୍ ମାସର୍ କୁଲି ତାରୁ ନେଇ ଏମନ୍‌କେ ରୁଟି ଗେନିଆନି କୁଆଇବୁ କି ?”

✠ ୨:୧୪ ୨:୧୪ ମାତିଉ ୧୭:୧୪; ମାର୍ଚ୍ଚକ ୮:୨୮; ଲୁକ୍ ୯:୧୯ ✠ ୨:୧୭ ୨:୧୭ ଲୁକ୍ ୩:୧୯,୨୦ \* ୨:୩୦ ୨:୩୦ ମାପ୍‌ରୁର୍ କାତା କଇବାକେ ପାଟାଇଲା ଲକ୍‌ମନ୍ ✠ ୨:୩୪ ୨:୩୪ ମାତିଉ ୯:୩୭

୩୮ ଜିସୁ ସେମାନଙ୍କେ କଇଲା, “ତମର ଲଗେ କେତେଟା ରୁଟି ଆଚେ ? ଜାଇ ଦେକା ।” ସେମନ୍ ଦେକିଆସି ତାକେ କଇଲାକ, “ପାଁଟା ରୁଟି ଆରି ଦୁଇଟା ମାଟ୍ ।”

୩୯ ତେଇ ସବୁଲକ୍ ଜେନ୍ତି ଦଲ୍‌ଦଲ୍ ଅଇ କଅଁଲି ଗାଁସ୍ ଉପରେ ବସ୍‌ବାଇ, ଏଟାପାଇ ଜିସୁ ତାର୍ ସିସ୍‌ମନ୍‌କେ ଡିଆରଲା । ୪୦ ସେମନ୍ ସଏ ସଏ ଆରି ପଟାସ୍ ପଟାସ୍ ଲକ୍ ଦାଡି ଦାଡି ଅଇ ବସ୍‌ଲାକ । ୪୧ ପଚେ ଜିସୁ ପାଁଟା ରୁଟି ଆରି ଦୁଇଟା ମାଟ୍ ଦାରି ସରଗ୍ ବାଟେ ଦେକି ପର୍‌ମେସର୍‌କେ ଦନିଅବାଦ୍ ଦେଲା, ଆରି “ରୁଟି ବାଙ୍ଗାଇ ଲକ୍‌ମନ୍‌କେ ଦିଆସ୍ ।” ବଲି ସିସ୍‌ମନ୍‌କେ ଦେଲା । ଆରି, ସେ ଦୁଇଟା ମାଟ୍ ସବୁକେ ବାଟାକରି ଦେଲା । ୪୨ ତେଇ ସବୁଲକ୍ କାଇକରି ପେଟ୍ ପୁରାଇଲାକ, ୪୩ ଆରି ସେମନ୍ ବାଙ୍ଗଲା ରୁଟି ଆରି ମାଟ୍ ରୁଣ୍ଡାଇ ବାଟା ତାଲାକ ପୁରୁନ୍ କଲାକ । ୪୪ ତେଇ କାଇଲା ଲକ୍‌ମନ୍‌ର ବିତ୍‌ରେ ଅବକା ମନସ୍ ପିଲାମନ୍ ପାଁଟ୍ ଅଜାର ରଇଲାକ ।

**ଜିସୁ ପାନିତେଇ ଇଣ୍ଡୁଲା**

(ମାତିଉ ୧୪:୨୨-୩୩; ଜଅନ୍ ୬:୧୫-୨୧)

୪୫ ସେଦାପ୍‌ରେ ଜିସୁ ନିଜର୍ ସିସ୍‌ମନ୍‌କେ ଡଙ୍ଗାଇ ବସି ଗାଡ୍ ସେପାଟର୍ ବେଡ୍‌ସାଇଦାଇ ତାର୍ ଆଗଡୁ ଜିବାକେ କଇଲା, ଆରି ତେଇ ରଇଲା ଲକ୍‌ମନ୍‌କେ ନିଜର୍ ନିଜର୍ ଗର୍‌ମନ୍‌କେ ପାଟାଇ ଦେଲା । ୪୬ ଜିସୁ ଲକ୍‌ମନ୍‌କେ ପାଟାଇଲା ପଚେ, ପାର୍‌ତନା କର୍‌ବାକେ କୁପ୍‌ଲିଉପ୍‌ରେ ଗାଲା । ୪୭ ରାତି ଅଇଲାକେ ଡଙ୍ଗା ସମ୍‌ଦୁର୍ ମଜାଇ ରଇଲା, ଆରି ସମ୍‌ଦୁର୍ ପାଲି ଜିସୁ ଗଟେକ୍ ଲକ୍‌ସେ ରଇଲା । ୪୮ ମୁଆଟ୍ ବାଟେ ଅନି ପବନ୍ ଆଇତେ ରଇଲାକେ ତାର୍ ସିସ୍‌ମନ୍ ଡଙ୍ଗା ଗାଟ୍‌ବାକେ କସ୍‌ଟ ଅଇବାଟା ଜିସୁ ଦେକ୍‌ଲା । କୁକ୍‌ଡା ତାକେ ଜିସୁ ସମ୍‌ଦୁର୍ ଉପରେ ଇଣ୍ଡି ଇଣ୍ଡି ସେମନ୍‌ର ଲଗେ ଗାଲା, ଆରି ସେମନ୍‌କେ ବାଟ୍ ଦେଇ ଜିବାଟା ସିସ୍‌ମନ୍ ଦେକ୍‌ଲାକ । ୪୯ ମାତର୍ ସେମନ୍ ଜିସୁ ପାନିତେଇ ଇଣ୍ଡୁବାଟା ଦେକି ତୁମା ବଲି ବାବି କିରକିରଲାକ । ୫୦ କାଇକେବଇଲେ ସବୁଲକ୍ ତାକେ ଦେକି କିଲ୍‌ବିଲ୍ ଅଇଜାଇତେ ରଇଲାକ । ସେଦାପ୍‌ରେ ଜିସୁ ସେମନ୍‌ର ସଙ୍ଗ୍ କାତା ବାଟା ଅଇ ସେମନ୍‌କେ କଇଲା, “ତରାନାଇ ସାଆସ୍ ଦାରା, ଏଟାଟା ମୁଇ ।”

୫୧ ଆରି, ସେ ସେମନ୍‌ର ଲଗେ ଜାଇ ଡଙ୍ଗାଇ ଚଗ୍‌ଲା, ଆରି ପବନ୍ ବନ୍ଦ୍ ଅଇଲା । ତେଇ ସେମନ୍ ମନେ ମନେ କାବା ଅଇଗାଲାକ, ୫୨ କାଇକେବଇଲେ ପାଁଟା ରୁଟିର୍ ଗର୍‌ନାଇଅନି ଜିସୁ କେ ବଲି ବୁଜି ନ ରଇଲାକେ ସେମନ୍‌ର ବୁଦି ଗୁପିଜାଇରଇଲା ।

**ଜିସୁ ଗିନେସରତେଇ ବେସି ଲକ୍‌ମନ୍‌କେ ନିକ କଲା**

(ମାତିଉ ୧୪:୩୪-୩୬)

୫୩ ଜିସୁ ଆରି ତାର୍ ସିସ୍‌ମନ୍ ଗାଡ୍ ଲଙ୍ଗି ଗିନେସରତ୍ ବାଟେ ଜାଇକରି କେଟ୍‌ଲାକ ଆରି ଗାଡ୍‌ପାଲି ଡଙ୍ଗା ବାନ୍ଦ୍‌ଲାକ । ୫୪ ଆରି, ଡଙ୍ଗାଇ ଅନି ଉତ୍‌ରଲା ଦାପ୍‌ରେ, ଲକ୍‌ମନ୍ ଜିସୁକେ ଚିନ୍‌ଲାକ । ୫୫ ଆରି ସେମନ୍ ଜିସୁ ଆଇଲା କବର୍ ସୁନାଇବାକେ ସବୁ ଗାଏଁ ପାଲାକଇଲାକ । ସେ ଜନ୍ ଜନ୍ ଜାଗାଇ ଆଚେ ବଲି ସୁନ୍‌ଲାକ, ସେ ଜାଗାଇ ଜରର୍ ଲକ୍‌ମନ୍‌କେ କଟ୍ ମିସ୍‌ତେ ବଇ ଆନ୍‌ବାର୍ ଦାଢ୍‌ଲାକ । ୫୬ ଆରି ସେ ଜେତେକ୍ ଜେତେକ୍ ଗାଉଁ, ସଅର୍ ଆରି ପୁଟ୍ ମନ୍‌କେ କେଟ୍‌ଲା, ଲକ୍‌ମନ୍ ସେ ସବୁ ଜାଗାଇ ଆଟ୍ ବଜାର୍‌ମନ୍‌କେ ରଗିମନ୍‌କେ ସଙ୍ଗାଇଦେଇ, ସେମନ୍ ତାର୍ ଲୁଗା ଅଟିଟାନେ ଚିଇବୁ ବଲି ଜୁଆର୍‌ବିଆର୍ କଲାକ । ଜେତେକ୍ ଲକ୍ ତାକେ ଚିଇଲାକ, ସବୁଲକ୍ ନିକ ଅଇଲାକ ।



**ସୁଟି ଆରି ଅସୁଟି ବିସଇରେ ସିକିଆ**

(ମାତିଉ ୧୫:୧-୯)

୧ ପଚେ ପାରୁସିମନ୍ ଆରି ଜିରୁସାଲାମ୍ ଅନି ଆସିରଇବା କେତେଟା ସାସ୍‌ତର୍ ସିକାଉ ପଣ୍ଡିତ୍‌ମନ୍ ଜିସୁର୍ ଲଗେ ରୁଣ୍ଡୁଲାକ । ୨ ତାର୍ ସିସ୍‌ମନ୍‌ର ବିତ୍‌ରେ ଅନି କେତେକ୍ ସିସ୍‌ମନ୍ ଜିଉଦିମନ୍‌ର ରିତିନିତି ଇସାବେ ଆଡ୍ ନ ଦଇତେ କାଇବାଟା ଦେକ୍‌ଲାକ ।

୩ ପାରୁସିମନ୍ ଆରି ସବୁ ଜିଉଦିଲକର୍ ପାର୍‌ଚିନ୍‌ମନ୍‌ର ନିୟମ୍ ମାନି ରିତିନିତି ଇସାବେ ଆଡ୍ ନ ଦଇତେ ନ କାଇତେରଇଲାକ । ୪ ଆରି ଆଟ୍‌ବାଟ୍ କରିଆସି ରିତିନିତି ଇସାବେ ପାନି ନ ଚିଟି ଅଇତେ ନ କାଇତେ ରଇଲାକ । ଗିନା, ମୁତା, ପିତଲ୍ ତାଲା ଆରି ସଇବା କଟ୍ କେନ୍ତି ଦଇବାଟ୍, ସେଟା ସଙ୍ଗ୍ ଅଲ୍‌ଗା ରିତିନିତି ମିସା ମାନ୍‌ତେରଇଲାକ ।

୫ ତେବେ ପାରୁସି ଆରି ସାସ୍‌ତର୍ ସିକାଉମନ୍ ଜିସୁକେ ପାଟାରିଲାକ, “କାଇକେ ତର୍ ସିସ୍‌ମନ୍ ପାର୍‌ଚିନ୍‌ମନ୍‌ର ରିତିନିତି ନ ମାନି ଆଡ୍ ନ ଦଇ କାଇଲାକନି ?”

୬ ଜିସୁ ସେମନ୍‌କେ କଇଲା, “ଏରେ କୁଟିଆଲ୍‌ମନ୍, ତମର୍ ବିସଇନେଇ ଜିସାୟ୍ ବବିସ୍‌ତ୍‌ବକ୍‌ତା ନିକସଙ୍ଗ୍ ଜାନାଇଆଚେ, ସେ ଏନ୍ତି କଇଲା ଆଚେ ।”

ପର୍‌ମେସର୍ କଇଲାକି “ଏ ଜାତି, ମକେ ମୁଏ ସନ୍‌ମାନ୍ ଦେବାଇ, ମାତର୍ ତାକର୍ ମନ୍ ମର୍‌ଟାନେଅନି ଦୁରିକେ ରଇସି ।

୭ ସେମନ୍ ଲକ୍‌ମନ୍ କଲା ନିୟମ୍

ମାପରୁର୍ ନିୟମ୍ ବଲି ସିକାଇବାଇ  
ମାତରୁ ସେ ଉପାସନାରୁ କିଟି ମୁଲିଅ ନାଇ ।

୮ “ତମେ ପର୍ଯ୍ୟେସରୁ ଆଦେସ୍ ଇନ୍‌କରି ନରୁଲକରୁ ରିତିନିତି ଦାରି ବସିଆରାସ୍ ।” ୯ ଆରି ଜିସୁ ସେମନ୍‌କେ କଇଲା, ତମେ ଚତୁର୍ ଅଇ ନିଜରୁ ରିତିନିତି ମାନ୍‌ବାକେ ବଲି ପର୍ଯ୍ୟେସରୁ ଆଦେସ୍ ନିରୁ ବଇଲାସ୍‌ନି । ୧୦ କାଇକେବଇଲେ ମସା ସିକିଆ ଦେଇଆଚେ, ମା ବାବାକେ ମାନା, ଆରି ଜେ କି ତାରୁ ବାବାକେ କି ମାକେ ସାଇପ୍ ଦେଇସି, ସେ ମରନ୍ ଡଣ୍ ପାଇସି ଆକା । ୧୧ ମାତରୁ ତମେ ସିକାଇଲାସ୍‌ନି କି ଜେବେ ବାବାକେ କି ମାକେ କଇସା, “ଜନ୍‌ଟା ମୁଇ ତମ୍‌କେ ଦେବାରୁ ରଇଲା ସେଟା କରୁବାନ୍ ।” କରୁବାନ୍ ବଇଲେ ମାପରୁକେ ଆକା ମାନଡ୍ କରୁବାଟା । ୧୨ ତେବେ ତମେ ତାରୁ ବାବାରୁ କି ମାଆରୁ କାଇ ଉପକାରୁ କରୁବାଟାକେ ତେବାଇଲାସ୍‌ନି । ୧୩ ଏନ୍ତାରି ତମେ ନିଜରୁ ଆନିଦାଦିମନ୍‌ରୁ ବେଲେ ଅନି ଆଇବା ରିତିନିତି ମାନିକରି ପର୍ଯ୍ୟେସରୁ ବାକିଅ ଏତାଇ ଦେଲାସ୍‌ନି, ଆରି ଏନ୍ତାରି କେତେକ୍ କେତେକ୍ କାମ୍‌ମନ୍ କଲାସ୍‌ନି ।

**ଗଟେକ୍ ଲକ୍‌କେ କାଇଟା ଅସୁକଲ୍ କରୁସି  
(ମାତିଉ ୧୫:୧୦-୨୦)**

୧୪ ଜିସୁ ଆରି ତରେକ୍ ଲକ୍‌ମନ୍‌କେ ଲଗେଡାକି କଇଲା, “ତମେ ସବୁଲକ୍ ମର୍ କାତା ସୁନା ଆରି ବୁଜା । ୧୫ ଲକ୍‌ରୁ ଟଣ୍ଟେଅନି ଏନ୍ତାରି କାଇ ବିସଇ ନାଇ, ଜନ୍‌ଟା ତାରୁ ବିଡ୍‌ରେ ପୁରି ତାକେ ଅସୁକଲ୍ କରି ପାରେ, ମାତରୁ ଜନ୍ ଜନ୍‌ଟା ମୁନ୍‌ସମନ୍‌ରୁଟାନେଅନି ବାରଇସି ସେ ସବୁ ତାକେ ଅସୁକଲ୍ କରୁସି । ୧୬ \*ଜଦି ଜାକେ ସୁନ୍‌ବାରୁ କାନ୍ ଆଚେ, ସେ ସୁନ୍ ।”

୧୭ ଆରି ଜିସୁ ଲକ୍‌ରୁ ମାନ୍‌ଟା ଚାଡି ଗରେ ପୁରୁଲାପଚେ ତାରୁ ସିସମନ୍ ସେ ଉଦାଅରନ୍‌ରୁ ଅରଡ୍ କାଇଟା ବଲି ପାଚାରୁବାରୁ ଦାରୁଲାଇ । ୧୮ ଜିସୁ ସେମନ୍‌କେ କଇଲା, “ତମେ ମିସା କାଇ ବୁଜାସ୍ ନାଇ ? ଜନ୍ ଜିନିସ୍ ମିସା ବାଇରେ ଅନି ମୁନ୍‌ସମନ୍‌ରୁ ବିଡ୍‌ରେ ପୁରୁସି, ସେଟା ତାକେ ଆସାରୁ ନ କରେ । ୧୯ କାଇକେବଇଲେ ସେଟା ତାରୁ ମନ୍ ବିଡ୍‌ରେ ପୁରେନାଇ, ମାତରୁ ପେଟ୍ ବିଡ୍‌ରେ ପୁରି କରି ବାଇରେ ବାରଇ ଆଇସି ।” ଏନ୍ତାରି କଇଲାକେ ସବୁ କାଦି ସୁକଲ୍ ଆକା ବଲି ଜିସୁ ଜାନାଇଲା ।

୨୦ ଆରି ସେ କଇଲା, “ମୁନ୍‌ସର୍ ମନ୍‌ବିଡ୍‌ରେ ଅନି ଜନ୍‌ଟା ବାରଇସି, ସେଟାସେ ତାକେ ଆସାରୁ କରୁସି । ୨୧ କାଇକେବଇଲେ ମୁନ୍‌ସର୍ ମନ୍ ବିଡ୍‌ରେ ଅନି କରାପ୍ ଚିନ୍ତା ବାରଇସି । ସେଟାମନ୍ ଅଇଲାନି, ପାଦ୍‌ରା ପାଦ୍‌ରି କାମ୍, ଚରୁକାମ୍, ଲକ୍‌ମନ୍‌କେ ମରାଇବା କାମ୍ । ୨୨ ବିବା ଅଇ କରୁବା ବେସିଆ କାମ୍, ବିବା ନଇତେ କରୁବା ବେସିଆ କାମ୍, ଲବାଇବାଟା, ମିର୍ କଇବାଟା, ଅଲ୍‌ସୁଆ ଅଇବାଟା, ଆଁକାରୁ ଅଇବାଟା, ନିନ୍‌ଦା କାତା କଇବାଟା, ବଡ୍‌ପନ୍ ଅଇବାଟା, ବକୁଆ ଅଇବାଟା । ୨୩ ଏ ସବୁ କରାପ୍ ବିସଇମନ୍ ବିଡ୍‌ରେଅନି ବାରଇ ଲକ୍‌କେ ନସାଇଦେଇସି ।”

**ଗଟେକ୍ ମାଇଜିର୍ ତାରୁ ବିସବାସ୍  
(ମାତିଉ ୧୫:୨୧-୨୮)**

୨୪ ତାରୁପଚେ ଜିସୁ ସେ ଜାଗା ଚାଡିକରି ସର ଆରି ସିଦନ୍‌ରୁ ସଅରେ ଗାଲା । ତେଇ ଗଟେକ୍ ଗରେ ପୁରୁଲା । ଜେନ୍ତି କେ ମିସା ସେଟା ନାଜାନଡ୍, ଏଟା ସେ ମନ୍ କରୁତେ ରଇଲା, ମାତରୁ ସେ ନ ଜାନାଇ ଅଇତେ ରଇନାପାରୁଲା । ୨୫ ଜିସୁ ଆଇଲାଆଚେ ବଲି ସୁନ୍‌ଲା ଦାପ୍‌ରେ, ଗଟେକ୍ ମାଇଜି ଜାରୁ ସାନ୍ ଟକିକେ ଡୁମା ଦାରିରଇଲା, ତାରୁ ଗଡ୍‌ତଲେ ଆସି ଅଦରୁଲା । ୨୬ ସେ ସୁର ଦେସର୍ ପଇନିକିଆ ଜାଗାଇ ଜନମ୍ ଅଇ ଜିଉଦି ଜାଡିର୍ ନ ରଇଲା, ତାରୁ ଟକିକେ ଡୁମା ଚାଡାଇବାକେ ସେ ଜିସୁକେ ବାବୁଜିଆ କଲା ।

୨୭ ତେବେ ଜିସୁ ତାକେ କଇଲା, “ଆଗ୍‌ତୁ ପିଲାମନ୍‌କେ ପେଟ୍ ପୁରୁନ୍ କାଇବାକେ ଦେସ୍, କାଇକେବଇଲେ ପିଲାମନ୍‌ରୁ କାଦି ନେଇ କୁକୁର୍‌ମନ୍‌ରୁ ଟାନେ ପାକାଇବାଟା ଚିକ୍‌ନାଇ ।”

୨୮ ମାତରୁ ମାଇଜି ତାକେ କଇଲା, “ଉଁ ମାପରୁ, କୁକୁର୍‌ମନ୍ ମିସା ପିଲାମନ୍‌ରୁ ଅଦ୍‌ରି ରଇଲା ସକ୍‌ଡି କାଇବାଇ ।”

୨୯ ସେଡ୍‌କି ବେଲେ ଜିସୁ ତାକେ କଇଲା, “ଏନ୍ତାରି କଇଲାପାଇ ଜା, ତର୍ ଟକିତେଇଅନି ଡୁମା ବାରଇଗାଲାବେ ।”

୩୦ ଆରି ସେ ମାଇଜି ଗରେ ଜାଇ, ଟକି କଟେ ସଇରଇବାଟା ଆରି ତାରୁଟାନେଅନି ଡୁମା ବାରଇଜାଇ ରଇବାଟା ଦେକ୍‌ଲା ।

**ଜିସୁ ଗଟେକ୍ ଗୁଲା ବଇରାକେ ନିକ କଲା**

୩୧ ଜିସୁ ଆରିତରେକ୍ ସର ସଦିଅନି ଜାଇ ସିଦନ୍ ଦେଇ ଦେକାପଲି ଦସ୍‌ଟା ସଅରେ ଉଡ୍‌ରି ଗାଲିଲି ସମ୍‌ଦୁରେ ଗାଲା । ୩୨ ଆରି ତେଇ କେତେକ୍ ଲକ୍‌ମନ୍ ଗଟେକ୍ କସ୍‌ଟସକ୍ କାତା ଅଇବା ବଇରାକେ ଜିସୁର୍ ଲଗେ ଆନି ତାରୁ ଉପରେ ଆଡ୍ ସଙ୍ଗାଇବାକେ ବାବୁଜିଆ କଲାଇ । ୩୩ ଜିସୁ ସେ ବଇରାକେ ଲକ୍‌ମନ୍‌ରୁ ଟାନେଅନି ବେଗ୍‌ଲାଇ କରି, ଡାକିନେଇ ତାରୁ ଦୁଇଟା କାନେ ଆଙ୍ଗ୍‌ଟି ପୁରାଇଲା ଆରି ଡୁକିକରି ଆଡ୍‌ସଙ୍ଗ୍ ସେ ଲକ୍‌ରୁ ଜିବେ ଲାଗାଇଲା, ୩୪ ଆରି ସରଗ୍ ବାଟେ ଦେକିକରି ତେଙ୍ଗ୍ ପୁଣ୍ଡା ଦାରି ବଇରାକେ କଇଲା, “ଇପ୍‌ପତା !” ବଇଲେ ପୁଟିଅ ।

\* ୭:୧୭ ୭:୧୭ କେତକ୍ ପୁରୁନା ଲେକାଇ ଏ ପଦ୍ ଲେକାଅଏ ନାଇ

୩୫ ସେ ଦାପ୍ତରେ ତାର କାନ ଉଗାଡ଼ି ଅଇଲା, ଆରି ଜିବର ବନ୍ଦନ ପିଟିଗାଲା, ଆରି ସେ ନିମାନ୍ ସଙ୍ଗ କାତା ଅଇବାର ଦାଉଲା ।

୩୬ ଜିସୁ ଲକ୍ମନଙ୍କେ ଏ ବିଷୟ କାକେ ନ କଇବାକେ ଆଦେସ୍ ଦେଲା, ମାତର୍ ସେ ଲକ୍ମନଙ୍କେ ଜେତେକ୍ ନିରୁବଇଲେ ମିସା ସେମନ୍ ଆରି ଅଦିକ୍ ଅଦିକ୍ ସେଟା ଜାନାଇଲା । ୩୭ ଆରି ଲକ୍ମନ ଅଦିକ୍ କାବା ଅଇ କଇଲା, “ସେ ସବୁ କାମ୍ ନିମାନ୍ ସଙ୍ଗ କରିଆଚେ, ସେ ବଇରାମନଙ୍କେ ସୁନ୍ଦା ବପୁ ଆରି ଗୁଲାମନଙ୍କେ କଇବା ବପୁ ମିସା ଦେଇଆଚେ ।”

┌

ଜିସୁ ଚାରିଅଜାର ଲକ୍ମନଙ୍କେ କୁଆଇଲା

(ମାତିଉ ୧୫:୩୨-୩୯)

୧ ସେବେଲେ ଆରି ତରେକ୍ ବେସି ଲକ୍ମନ ମିସଲା, ଆରି ସେମନ୍ ଲଗେ କାଇବା ପିଇବାକେ କାଇଟା ନ ରଇଲାଜେ ଜିସୁ ସିସ୍ତମନଙ୍କେ ଲଗେଡାକି କଇଲା, ୨ “ଏ ଲକ୍ମନଙ୍କେ ଦେକି ମକେ ଦୁକ୍ ଲାଗିଲାନି, କାଇକେବଇଲେ ଏମନ୍ ତିନଦିନ ଅଇଲାନି ମର୍ ସଙ୍ଗ ଆଚଡ୍ ଆରି ଏମନ୍ ଲଗେ କାଇବାକେ କାଇଟା ମିସା ନାଇ । ୩ ତେବେ ମୁଇ ସେମନଙ୍କେ ନ କୁଆଇତେ ଗରେ ପାଟାଇଲେ, ବାଟେ ସେମନ୍ ତେତା ଆଜିଜାଇସି, ସେମନ୍ ବିତ୍ତରେ କେତେକ୍ ଲକ୍ ଦୁରେଅନି ଆସି ଆଚଡ୍ ।”

୪ ସିସ୍ତମନ୍ ତାକେ କଇଲା, “ଇତି ଏ ଚିମ୍ତା ଜାଗାଇ ଲକ୍ ନ ରଇବାଟାନେ କନ୍ତ୍ରୁଅନି ରୁଟି ଆନି ଏମନଙ୍କେ ପେଟ୍ ପୁରାଇବାର ?” ୫ ଜିସୁ ସେମନଙ୍କେ ପାଟାରଲା, “ତମରଲଗେ କେତେଟା ରୁଟିଆଚେ ?” ସେମନ୍ କଇଲା, “ସାଡ଼ଟା ।”

୬ ତେଇ ଜିସୁ ସେ ସବୁ ଲକ୍ମନଙ୍କେ ବୁର୍ସି ବସ୍ତାବାକେ କଇଲା, ଆରି ସେ ସାଡ଼ଟା ରୁଟି ଦାରିକରି ପର୍ମେସର୍ତ୍ତକେ ଦନିଅବାଦ୍ ଦେଇ ସେଟା ସବୁ ବାଙ୍ଗାକରି ବାଟାକରିଦେବାକେ ତାର୍ ସିସ୍ତମନଙ୍କେ ଦେଲା । ଆରି ସେମନ୍ ଲକ୍ମନଙ୍କେ ସେଟା ବାଟାକଲା । ୭ ସେମନ୍ ଲଗେ ଜେତେକ୍ ପାରା କେତେଟା ସାନ୍ ମାଟ୍ ରଇଲା, ସେଟା ମିସା ସେ ପର୍ମେସର୍ତ୍ତକେ ଦନିଅବାଦ୍ ଦେଇ ବାଟାକରବାକେ କଇଲା । ୮ ତେଇ ସେମନ୍ ସବୁ ଲକ୍ ପେଟ୍ପୁର୍ତ୍ତେ କାଇଲା ଆରି ଅଗଲ୍ଲାଟା ସାଡ଼ଟାଲା ବେଟ୍ଲା । ୯ ତେଇ ଚାରିଅଜାର ଲକ୍ମନ ରଇଲା । ୧୦ ତାର୍ପତେ ଜିସୁ ଲକ୍ମନଙ୍କେ ପାଟାଇ ଦେଲା ଆରି ନିଜର୍ ସିସ୍ତମନ୍ ସଙ୍ଗ ଡଙ୍ଗା ଚଗି ଦଲ୍ମନୁତା ନାଉର୍ ଗଟେକ୍ ଜାଗାଇ ଆଇଲା ।

ପାରୁସିମନ୍ ଜିସୁକେ ପରିକା କଲା

(ମାତିଉ ୧୬:୧-୪)

୧୧ ଧର୍ମପତେ ପାରୁସିମନ୍ ବାରଇ ଆସି ଜିସୁର୍ ସଙ୍ଗ ଦଦାପେଲା ଅଇବାର ଦାଉଲା । ତାକେ ପରିକା କରବାକେ ପାନ୍ଦେ ପାକାଉଁ ବଲି ମନକରି, ସେ ଜେ ପର୍ମେସର୍ତ୍ତାନେଅନି ଆସିଆଚେ, ଏଟା ଦେକାଇବାକେ ଆକାସେଅନି ଗଟେକ୍ କାବାଅଇଜିବା ତିନ୍ ଦେକାଆ ବଲି କଇଲା । ୧୨ ଜିସୁ ଗଟେକ୍ ଡେଙ୍ଗ୍ପୁଣ୍ଡା ପୁଣ୍ଡିକରି କଇଲା, “ଏବର୍ ଲକ୍ମନ କାଇକେ କାବା ଅଇବା ତିନ୍ ମାଙ୍ଗିଲାଇନି ? ମୁଇ ତମକେ ସଡ୍ କଇଲିନି, ଆଜିକାଲିର୍ ଏ ଲକ୍ମନଙ୍କେ କାବା ଅଇବା କାଇ ତିନ୍ ମିସା ଦେକାଇ ନର୍ସି ।”

୧୩ ତାର୍ପତେ ଜିସୁ ଆରି ତାର୍ ସିସ୍ତମନ୍ ସେମନଙ୍କେ ତେଇ ଚାଡ଼ି ଡଙ୍ଗା ଚଗି ଆରି ତରେକ୍ ଗାଡ୍ ସେପାଟେ ଗାଲା ।

ପାରୁସିମନ୍ ସିକିଆ ବିରୁଦେ ଜିସୁର୍ ତେଡନ

(ମାତିଉ ୧୬:୫-୧୨)

୧୪ ଜିସୁର୍ ସିସ୍ତମନ୍ ଡଙ୍ଗା ଗାଲାବେଲେ କାଇବାକେ ରୁଟି ନେବାକେ ପାସ୍ରିଜାଇରଇଲା । ସେମନ୍ ଗଟାନେ ଏକାଇ ଗଟେକ୍ ସେ ରୁଟି ରଇଲା । ୧୫ ଜିସୁ ସେମନଙ୍କେ ଜାଗରଡ୍ କରାଇ କଇଲା, “ପାରୁସିମନ୍ ଆରି ଏରଦର୍ କମିର୍ ଅନି ତରିକନା ଅଇ ରୁଆ ।”

୧୬ ଏଟା ସୁନି ସିସ୍ତମନ୍ ନିଜର୍ ନିଜର୍ ବିତ୍ତରେ କାତାବାଡ଼ା ଅଇକରି କଇଲା, “ଆମରଲଗେ କାଇବାକେ ରୁଟିନାଇ ବଲି ସେ ଏଡ଼ାରି କଇଲାଇନି ।” ୧୭ ସେମନ୍ କାଇ ବିସଇନେଇ କାତାବାଡ଼ା ଅଇଲାଇନି ବଲି ଜିସୁ ଜାନିକରି ସେମନଙ୍କେ କଇଲା, “ତମର ଲଗେ ଜେଡ଼କି ଦରକାର୍ ଆଚେ, ସେଡ଼କି ରୁଟିନାଇ ବଲିକରି ତମେ କାଇକେ କାତାବାଡ଼ା ଅଇଲାସ୍ତି ? ଏବେଜାକ ତମେ କାଇ ଦେକାସ୍ ନାଇ କି ବୁଜାସ୍ ନାଇ ? ତମର୍ ମନ୍ କାଇ ଆର୍ ଅଇଗାଲା ଆଚେ କି ? ୧୮ ଧର୍ମ ଆକି ରଉ ରଉ ଦେକାସ୍ ନାଇ ? ଆରି, କାନ୍ ରଉ ରଉ ସୁନାସ୍ ନାଇ ? ଆମରଟାନେ ଜେତେବେଲେ କାଇବାକେ ଉନା ରଇଲା, ସେ ବେଲେ ମୁଇ କାଇଟା କରିରଇଲି ? ସେ ବିସଇ ତମେ ଏତାଆସ୍ ନାଇକି ? ୧୯ ମୁଇ ଜେତେବେଲେ ପାଁର୍ ଅଜାର ଲକ୍ମନ୍ ବିତ୍ତରେ ପାଁର୍ଟା ରୁଟିବାଙ୍ଗାଇ ରଇଲି, ସେଡ଼କି ବେଲେ ତମେମନ୍ ସବୁ କେତେକ୍ ଡାଲା ବାଙ୍ଗା କଣ୍ଟୁ ବେଟି ନେଇ ରଇଲାସ୍, ସେଟାକାଇ ତମର୍ ମନେ ନାଇ ?” ସେମନ୍ ତାକେ କଇଲା, “ବାର ଡାଲା ।”

☆ ୮:୧୧ ୮:୧୧ ମାତିଉ ୧୬:୩୮; ଲୁକ୍ ୧୧:୧୭ ☆ ୮:୧୨ ୮:୧୨ ମାତିଉ ୧୬:୩୯; ଲୁକ୍ ୧୧:୨୯ ☆ ୮:୧୫ ୮:୧୫ ଲୁକ୍ ୧୨:୧ ☆ ୮:୧୫ ୮:୧୫ କମିର୍ତ୍ତକେ ଗାଉଁ ଗୁଣ୍ଡେ ପାକାଇଲେ ଏଟା ରୁଟିକେ ପୁଲାଇସି, ସେମନ୍ ଅଲପର୍ ସିକିଆ ଜବର୍ ଲକ୍ମନଙ୍କେ ବୁଲ୍ ବାଟେ ଦାରିଜାଇସି ☆ ୮:୧୮ ୮:୧୮ ମାର୍ଚ୍ଚକ ୪:୧୨



୨୦ “ଆରି, ସେ ଚାରି ଅଜାର ଲକ୍ଷ୍ମୀ ବିଦ୍ରେ ମୁଁ ଜେଡେବେଲ୍ ସାତଟା ରୁଟି ବାଙ୍ଗାଲ ରଇଲି, ସେଡକିବେଲେ ତମେମନ୍ ସବୁ କେଡେକ୍ ତାଲା ବାଙ୍ଗାଲ କଣ୍ଡୁ ଚୁଲିଆଇ ରଇଲାସ୍ ?” ସେମନ୍ କଇଲାଇ “ସାଡ୍ ତାଲା ।”

୨୧ ଆରି ଜିସୁ ସେମନ୍‌କେ ପାଚାରଲା, “ମୁଇ କାଇଟା କଇଲିନି, ତମେ କେନ୍ତ୍ର ବୁଜାସ୍ ନାଇ ?”

**ଜିସୁ ଗଟେକ୍ କାଣାକେ ଆଁକି ଦେକାଇଲା**

୨୨ ପଚେ ସେମନ୍ ବେତସାଇଦାଇ ଉଟି ଆଇଲାଇ, ଆରି ତେଇ କେଡେକ୍ ଲକ୍ଷ୍ମୀ ଗଟେକ୍ କାଣାଲକ୍‌କେ ଜିସୁର୍ ଲଗେ ଆନିକରି ତାକେ ଚିଇକରି ନିକ କରବାକେ କଇଲାଇ । ୨୩ ଜିସୁ ତାକେ ଆଡେଦାରି ଗାଉଁ ବାଇରେ ଡାକିନେଲା, ଆରି ତୁକିକରି ତାର୍ ଲାଲ୍ ସେ କାଣାର୍ ଆଁକିତେଇ ଲାଗାଇଲା । ତାର୍‌ମୁଣ୍ଡେ ଆଡ୍ ସଙ୍ଗାଇକରି “ତୁଇ ଅଲପ୍ ମିସା ଦେକି ପାରଲୁସ୍‌ନି କି ?” ବଲି ପାଚାରଲା ।

୨୪ ସେ ଚାରିବେଡ୍‌ଡି ଦେକିକରି କଇଲା, “ମୁଇ ଲକ୍ଷ୍ମୀ ଇଣ୍ଡିବାଟା ଦେକିପାରଲିନି, ମାତର୍ ସେମନ୍ ଗଡ୍‌ପାରା ଡିସ୍‌ଲାଇନି” ବଲିକରି କଇଲା ।

୨୫ ଜିସୁ ଆରିତରେକ୍ ସେ କାଣାଲକ୍‌କର୍ ଆଁକିତେଇ ଆଡ୍‌ସଙ୍ଗ୍ ଚିଇଲା । ସେଦାପ୍‌ରେ ଅନି ତାର୍ ଆଁକି ନିମାନ୍ ଅଇଗାଲା ଆରି ପୁରାପୁରୁନ୍ ନିମାନ୍ ଦେକିପାରଲା । ୨୬ ଆରି ଜିସୁ ତାକେ କଇଲା, “ଏବେ ତୁଇ ଗାଏଁ ନ ଜାଆ, ମାତର୍ ତର୍ ନିଜର୍ ଗରେ ଉଟିଜା” ବଲିକରି ପାଚାଇଦେଲା ।

**ପିତର୍ କଇଲା ଜିସୁ ଅଇଲାନି କିରିସଟ୍  
(ମାଡିଉ ୧୬:୧୩-୨୦; ଲୁକ୍ ୯:୧୮-୨୧)**

୨୭ ତାର୍‌ପଚେ ଜିସୁ ଆରି ତାର୍ ସିସ୍‌ମନ୍ କାଇସେରିଆ ପିଲିପ୍ ନାଉର୍ ଗଡ୍‌ଲଗେ ରଇବା ଚାରିବେଡ୍‌ଡିର୍ ଗାଉଁ ମନ୍‌କେ ଗାଲାଇ । ବାଟେ ଜିସୁ ତାର୍ ସିସ୍‌ମନ୍‌କେ ପାଚାରଲା, “ଲକ୍ଷ୍ମୀ ମକେ କେ ବଲିକରି ବାବ୍‌ଲାଇନି ?”

୨୮ \*ସେମନ୍ ତାକେ କଇଲାଇ, “କେଡେ ଲକ୍ଷ୍ମୀ ତମ୍‌କେ ତୁବନ୍ ଦେଉ ଜଅନ୍ ବଲିକରି କଇଲାଇନି, ଆରି ଅଦେକ୍ ଲକ୍ଷ୍ମୀ ତମ୍‌କେ ଆଗର୍ ଏଲିୟ୍ ବଲି କଇଲାଇନି ଆରି କେଡେଲକ୍ ତମ୍‌କେ ପର୍‌ମେସରଟାଣେଅନି ଆଦେସ୍ ପାଇ ଆସି, କାତାଅଇବା ବବିସଡ୍‌ବକ୍‌ତା ମନର୍‌ଟାଣେଅନି ଗଟେକ୍‌ଲକ୍ ବଲି କଇଲାଇନି ।” ୨୯ \*ଆରି ତମେ ମକେ କେ ବଲିକରି ବାବ୍‌ଲାସ୍‌ନି ? ବଲି ଜିସୁ ସେମନ୍‌କେ ପାଚାରଲା । ପିତର୍ କଇଲା, “ତୁଇ ପର୍‌ମେସର୍ ପାଚାଇରଇବା ଉଦାରକାରିଆ କିରିସଟ୍” ବଲି କଇଲା ।

୩୦ ତେଇ ଜିସୁ ସେମନ୍‌କେ ତାଡ୍‌ସଙ୍ଗ୍ ଜାଗରତା କରାଇ କଇଲା, “ମୁଇ କେ ବଲି କାକେ ନ କୁଆ ।”

**ନିଜର୍ ମରନ୍ ବିସଇନେଇ ଜିସୁର୍ କାତା  
(ମାଡିଉ ୧୬:୨୧-୨୮; ଲୁକ୍ ୯:୨୨-୨୭)**

୩୧ ତାର୍‌ପଚେ ଜିସୁ, ପର୍‌ମେସର୍ ଅନି ଆଇଲା ନର୍‌ପିଲାକେ କାଇ କାଇଟା ଅଇସି ବଲି ତାର୍ ସିସ୍‌ମନ୍‌କେ ସିକାଇଦେବାର୍ ଦାରଲା । ସେ କଇଲା, “ପର୍‌ମେସରଟାଣେଅନି ଆଇଲା ନର୍‌ପିଲା ମୁଇ ବେସି ଦୁକ୍ କସ୍‌ଟ ପାଇବାର୍ ଆଚେ । ମୁକିଅ ନେତାମନ୍, ମୁକିଅ ପୁଜାରିମନ୍, ଆରି ନିୟ୍‌ମ୍ ସିକାଇଦେବା ଲକ୍ଷ୍ମୀ ମକେ ନ ନାମଡ୍ । ସେମନ୍ ମକେ ମରାଇବାଇ ଆରି ତିନ୍‌ଦିନ୍ ଗାଲାପଚେ ମୁଇ ଆରି ତରେକ୍ ମଲାତେଇଅନି ଜିବନ୍ ଅଇ ଉଟ୍‌ବି ।” ୩୨ ଏ ସବୁ ବିସଇର୍ କାତା ଜିସୁ ତାର୍ ସିସ୍‌ମନ୍‌କେ କାଇଟାମିସା ନ ଲୁଚାଇକରି କୁଲାକୁଲି ବାବେ କଇଦେଲା । ସେ ବେଲା ପିତର୍ ଜିସୁକେ ଅଁଡ୍‌ରେ ଡାକିନେଇକରି କଇଲା, “ତମେ କଇବା କାତା ସବୁ ସେନ୍ତ୍ର ନ ଅ ।” ୩୩ ଜିସୁ ପିଟିବାଟେ ପାସ୍‌ଲି ତାର୍ ସିସ୍‌ମନ୍‌କେ ଦେକ୍‌ଲା ଆରି ପିତର୍‌କେ କଇଲାଇ, “ତୁଇ ଏ କାତା ସଇତାଣେଅନି କଇଲୁସ୍‌ନି, ତୁଇ ମର୍‌ଟାଣେଅନି ଉଟି ଜା । ତୁଇ ପର୍‌ମେସର୍ ପାରା ଚିନ୍ତା ନ କରି ଲକ୍ଷ୍ମୀମର୍ ପାରା ଚିନ୍ତା କଲୁସ୍‌ନି ।” ବଲି କଇଲାଇ ।

୩୪ \*ତାର୍‌ପଚେ ଜିସୁ ସିସ୍‌ମନ୍‌କେ ଆରି ଲକ୍ଷ୍ମୀମନ୍‌କେ ତାର୍‌ଲଗେ ଡାକିକରି କଇଲାଇ “କେ ମର୍ ସିସ୍ ଅଇବାକେ ମନ୍ କଲାନି ବଇଲେ, ସେ ତାର୍ ନିଜର୍ ମନ୍ କଲାଟା ଚାଡିଦେଇକରି କୁର୍‌ସତେଇ ମର୍‌ବା ଲକ୍ଷ୍ମୀମନ୍ ପାଇବା ଦୁକ୍ କସ୍‌ଟ ପାରା ଦୁକ୍ କସ୍‌ଟ ପାଇବାକେ, ତିଆର୍ ଅଇକରି ମର୍‌ସଙ୍ଗ୍ ଆଇବାର୍ ଆଚେ । ୩୫ \*ମାତର୍ କେ ନିଜର୍ ଜିବନ୍ ରକିଆ କର୍‌ବାକେ ମନ୍ କର୍‌ସି, ସେ ସେଟା ଆରାଇସି, ମାତର୍ ଜେ ମର୍ ଲାଗି ଆରି ସୁବ୍‌କବର୍ ଜାନାଇବାକେ ତାର୍ ଜିବନ୍ ଆରାଇସି ବଇଲେ, ସେ ତାର୍ ଜିବନ୍ ରକିଆ କର୍‌ସି । ୩୬ ଜଦି ଗଟେକ୍ ଲକ୍ଷ୍ମୀ ଦୁନିଆର୍ ସବୁ ଜିନିସ୍ ପାଇକରି, ନିଜର୍ ଜିବନ୍ ଆରାଇସି, ସେଟା ତାର୍‌ପାଇ କାଇ ଲାବ୍ ନାଇ । ୩୭ ଆରି ତାର୍ ଆଡ୍‌ମାର୍ ବାଦୁଲେ କାଇଟା ଦେଲେ ମିସା ସମାନ୍ ନ ଅଏ । ୩୮ ପର୍‌ମେସର୍‌କେ ଚାଡିକରି ରଇବା ଏ କାରାପ୍ ଦୁନିଆଇ, ଲକ୍ଷ୍ମୀମନ୍ ଜଦି ମର୍ ଲାଗି ଆରି ମର୍ କାତାର୍ ଲାଗି ଲାଜ୍ ଅଇବାଇ, ପର୍‌ମେସରଟାଣେଅନି ଆଇଲା ନର୍‌ପିଲା ମୁଇ ମିସା ମର୍ ବାବାର୍ ବେସି ଉଜଲ୍ ଆରି ଡାକ୍‌ପୁଟା ସଙ୍ଗ୍ ଆରି ସରଗର୍ ସୁକଲ୍ ଦୁଡ୍‌ମନ୍‌ର୍ ସଙ୍ଗ୍ ଆଇଲାବେଲେ, ସେମନ୍‌କେ ମର୍‌ଲକ୍‌ମନ୍ ବଲି କଇବାକେ ମୁଇ ମିସା ଲାଜ୍ ଅଇବି ।”

\* ୮:୨୮ ୮:୨୮ ମାର୍ଚ୍ଚକ ୬:୧୪,୧୫; ଲୁକ୍ ୯:୭,୮    \* ୮:୨୯ ୮:୨୯ ଜଅନ୍ ୬:୨୮,୨୯    \* ୮:୩୪ ୮:୩୪ ମାଡିଉ ୧୦:୩୮; ଲୁକ୍ ୧୪:୨୭    \* ୮:୩୫ ୮:୩୫ ମାଡିଉ ୧୦:୩୯; ଲୁକ୍ ୧୭:୩୩; ଜଅନ୍ ୧୨:୨୫



୧ ଆରିତରେକ୍ ଜିସୁ ସେମନ୍‌କେ କଇଲା, ମୁଇ ତମ୍‌କେ ସତ୍ କାତା କଇଲିନି । ସେଟାର୍‌ପାଇ ସୁନା, ଏବେ ଇତି ରଇବା କେତେ ଲକ୍‌ମନ୍, ପର୍‌ମେସର୍ ରାଜା ଅଇକରି ତାର୍ ରାଇଜ୍ ସାସନ୍ କର୍‌ବାଟା ନ ଦେକ୍‌ବା ଜାକ ନ ମରାସ୍ ।

ଜିସୁର୍ ସଙ୍ଗ୍ ମସା ଆରି ଏଲିୟ  
(ମାତିଉ ୧୭:୧-୧୩; ଲୁକ୍ ୯:୨୮)

୨ \*ତଅ ଦିନ୍ ପଟେ ଜିସୁ ପିତର୍ ଜାକୁବ୍ ଆରି ଜଅନକେ ତାର୍ ସଙ୍ଗ୍ ମିସ୍‌ତେ ଡାକିକରି କେ ନଇବା ଗଟେକ୍ ଡେଙ୍ଗ୍ ପର୍‌ବତ୍ ଉପ୍‌ରେ ଗାଲା । ସିତି ସେମନ୍‌ର୍ ମୁଆଟେ ତାର୍ ରୁପ୍ ବଦ୍‌ଲିଗାଲା । ୩ ଆରି ତାର୍ ପଟିଆ ବେସି ଜଗ୍‌ଜଗି ଜାଇ, ଦବ୍ ଅଇଗାଲା । ଆରି ଏ ଦୁନିଆ ଇସାବେ କେ ମିସା ସେନ୍ତି ଦବ୍ କରି ଦଇନାପାରତ୍ । ୪ ଆରି ମସାର୍ ସଙ୍ଗ୍ ଏଲିୟ ଆରି ଜିସୁ ମିସ୍‌ତେ କାତାବାର୍‌ତା ଅଇବାଟା ସେମନ୍‌କେ ତିସଲା । ୫ ତେଇ ପିତର୍ ଜିସୁକେ କଇଲା, “ଏ ଗୁରୁ ଆମେ ଇତି ରଇବାଟା ନିକ । ଇତି ତିନିଟା କୁଡିଆ ତିଆର୍ କରୁ । ତମ୍‌ର୍‌ପାଇ ଗଟେକ୍, ମସାର୍‌ପାଇ ଗଟେକ୍ ଆରି ଏଲିୟର୍ ପାଇ ଗଟେକ୍ ।” ୬ ପିତର୍ କଇବା ବିସଇ କାଇଟା ବଲି ନିଜେ ନାଜାନି ରଇଲା । କାଇକେବଇଲେ ସେମନ୍ ବେସି ଡରିଜାଇରଇଲାଇ ।

୭ \*ଆରି ସେମନ୍‌କେ ମେଗର୍ ଚାଇ ତାବିଅଇଦେଲା । ସେ ମେଗେଅନି ଏନ୍ତାରି କାତା ଅଇଲା, “ଏ ମର୍ ଆଲାଦର୍ ପ, ଆର୍ କାତା ସୁନା ।” ୮ ଆରି ଅଟାତ୍ ସେମନ୍ ଚାରିବେଡ୍‌ତି ଦେକ୍‌ଲାଇ, ତାକର୍ ସଙ୍ଗ୍ ଜିସୁକେ ଚାଡି ଆରି କାକେ ମିସା ଦେକତ୍ ନାଇ ।

୯ ସେମନ୍ ପର୍‌ବତେ ଅନି ଉତ୍‌ରଲାବେଲେ ଜିସୁ ସେମନ୍‌କେ ତାର୍ ସଙ୍ଗ୍ ଆଦେସ୍ ଦେଇ ଏନ୍ତି ବଲି କଇଲା, “ପର୍‌ମେସର୍‌ର୍ ଟାନେଅନି ଆସିରଇବା ନର୍‌ପିଲା ମୁଇ, ମଲାଟାନେଅନି ଆରିତରେକ୍ ନ ଉର୍‌ବା ଜାକ ଇତି କାଇକାକାଟା ତମେ ଦେକ୍‌ଲାସ୍, ସେ ବିସଇ କାକେମିସା ନ କୁଆ ।” ୧୦ ସେଟାର୍‌ପାଇ ପର୍‌ବତ୍ ଉପ୍‌ରେ ଜାଇଟା ସେମନ୍ ଦେକ୍‌ଲାଇ, ସେ ବିସଇ କାକେମିସା କଅଡ୍ ନାଇ । ମାତର୍ ମଲାଟାନେଅନି ଆରିତରେକ୍ ଉର୍‌ବା ଅରତ୍ କାଇଟା ବଲିକରି ସେମନ୍ କାତାବାର୍‌ତା ଅଇତେରଇଲାଇ । ୧୧ \*ସିସ୍‌ମନ୍ ଜିସୁକେ ପାଚାର୍‌ଲାଇ, “ଏଲିୟ ପର୍‌ତୁମ୍ ଆଇବାର୍ ଆଟେ ବଲି ନିୟମ୍ ସିକାଇଦେବା ଲକ୍‌ମନ୍ କାଇକେ କଇଲାଇନି ?”

୧୨ ଜିସୁ ତାର୍ ସିସ୍‌ମନ୍‌କେ କଇଲା, “ଉଁ ପର୍‌ମେସର୍‌ର୍ ବଇତେଇ ଏଲିୟ ଆଗ୍‌ତୁ ଆଇସି ବଲି ଲେକା ଅଇଲାକାତା ସତ୍‌ସେ । ଏଲିୟ ପର୍‌ତୁମ୍ ଆସିକରି ସବୁ ବିସଇ ଟିକ୍ କର୍‌ସି, ମାତର୍ ପର୍‌ମେସର୍ ଅନି ଆସିରଇବା ନର୍‌ପିଲା ମୁଇ ବେସି ବେସି କସ୍‌ଟ ପାଇବି ଆରି ଲକ୍‌ମନ୍ ମକେ ନ ନାମତ୍ ବଲି ମିସା କାଇ ପର୍‌ମେସର୍‌ର୍ ବଇଟାନେ ଲେକା ଅଏନାଇ କି ? ୧୩ ମୁଇ ତମ୍‌କେ ସତ୍ କଇଲିନି, ଏବେ ଏଲିୟ ଆସି ସାର୍‌ଲା ଆଟେ । ଆରି ତାର୍ ବିସଇ ପର୍‌ମେସର୍ ଟାନେ କାଇଟା ଲେକା ଅଇଲା ଆଟେ, ସେ ସେନ୍ତିସେ ଲକ୍‌ମନ୍ ମିସା ତାକର୍ ନିଜର୍ ମନ୍ କଲା ଇସାବେ କରାପ୍ ଚଲାଟଲ୍‌ତି କଲାଇ ।”

ଜିସୁ ଗଟେକ୍ ପିଲାକେ ତୁମା ଚାଡାଇଲା  
(ମାତିଉ ୧୭:୧୪-୨୦; ଲୁକ୍ ୯:୩୭-୪୩)

୧୪ ତାର୍‌ପଟେ ଜିସୁ, ପିତର୍, ଜାକୁବ୍ ଆରି ଜଅନ୍ ବିନ୍ ସିସ୍‌ମନ୍‌ର୍ ଲଗେ କେଟ୍‌ଲାବେଲେ ତେଇ ବେସି ଲକ୍‌ମନ୍ ରୁଣ୍ଡିରଇବାଟା ଦେକ୍‌ଲାଇ । ଆରି ନିୟମ୍ ସିକାଇଦେବା ଲକ୍‌ମନ୍ ସିସ୍‌ମନ୍‌ର୍ ସଙ୍ଗ୍ ଦଦାପେଲା ଅଇତେରଇଲାଇ । ୧୫ ଲକ୍‌ମନ୍ ଜେଡେବେଲ୍ ଜିସୁ ତେଇ ଆଇବାଟା ଦେକ୍‌ଲାଇ, ସାର୍‌ଦାରେ କାବା ଅଇଗାଲା ଆରି ଜିସୁକେ ଦୁକ୍ ସୁକ୍ ପାଚାର୍‌ବାକେ ତାର୍‌ଲଗେ ପାଲାଇ ଆସି ଜୁଆର୍ କର୍‌ବାର୍ ଦାର୍‌ଲାଇ । ୧୬ ଜିସୁ ତାର୍ ସିସ୍‌ମନ୍‌କେ ପାଚାର୍‌ଲା, “ତମେ ନିୟମ୍ ସିକାଇବା ଲକ୍, ମର୍ ସିସ୍‌ମନ୍‌ର୍ ସଙ୍ଗ୍ କାଇ ବିସଇନେଇ ଦଦାପେଲା ଅଇତେରଇଲାସ୍ ?”

୧୭ ସେ ମାନ୍ଦା ଲକ୍‌ମନ୍‌ର୍ ବିଡ୍‌ରେଅନି ଗଟେକ୍ ଲକ୍ ଜିସୁକେ ଡାକି କଇଲା, “ଏ ଗୁରୁ, ମୁଇ ମର୍ ପିଲାକେ ନିକ କର୍‌ବାକେ ତମର୍ ଟାନେ ଆନିରଇଲି । ତାର୍ ବିଡ୍‌ରେ ଗଟେକ୍ କାରାପ୍ ଆଡ୍‌ମା ପୁରିକରି ତାକେ କାତା ଅଇବାକେ ଦେଏ ନାଇ । ୧୮ ସେ କରାପ୍ ଆଡ୍‌ମା ପିଲାକେ ଦାର୍‌ଲାବେଲେ, ତାକେ ମଡିକରି ଅଦ୍‌ରାଇଦେଲାନି ଆରି ତାର୍ ଟଣ୍ଡେଅନି ପେପୁଲ୍ ବାରଇଲାନି ଆରି ସେ ଦାଡ୍ କାତର୍‌ସି । ଆରି ତାର୍ ଗାଗଡ୍ ସିଦା ଅଇଜାଇସି । ମୁଇ ତାର୍‌ତେଇ ଅନି କାରାପ୍ ଆଡ୍‌ମାକେ ବାର୍‌କରାଇ କେଦିଦେବାଇ ବଲି ତମର୍ ସିସ୍‌ମନ୍‌ର୍ ଲଗେ ଆନିରଇଲି । ମାତର୍ ତମର୍ ସିସ୍‌ମନ୍ ନାପାର୍‌ଲାଇ ।”

୧୯ ଜିସୁ ସେମନ୍‌କେ କଇଲା, “ଏ ପର୍‌ମେସର୍‌କେ ବିସ୍‌ବାସ୍ ନ ରଇବା ଆଜିକାଲିର୍ ଲକ୍‌ମନ୍, ତମେ ବିସ୍‌ବାସ୍ କର୍‌ବାକେ ଆରି କେତେ ଦିନ୍ ମୁଇ ତମର୍ ସଙ୍ଗ୍ ରଇବାର୍ ଆଟେ ? ଆରି କେତେଦିନ୍ ମୁଇ ସାଆସ୍ ଦାରି ତମର୍ ସଙ୍ଗ୍ ରଇବାର୍ ଆଟେ ? ସେ ପିଲାକେ ମର୍‌ଲଗେ ଆନା ।” ୨୦ ଆରି ଲକ୍‌ମନ୍ ସେ ପିଲାକେ ଜିସୁର୍‌ଲଗେ ଆନିଲାଇ । ସେ କରାପ୍ ଆଡ୍‌ମା ଜିସୁକେ ଦେକ୍‌ଲା ଦାପ୍‌ରେ ପିଲାକେ ତଲେ ମଡିକରି ଅଦ୍‌ରାଇଲା । ଆରି ଗୁଣ୍ଡଲି ଗୁଣ୍ଡଲି କରି ତାର୍ ଟଣ୍ଡେଅନି ପେପୁଲ୍ ବାରଇ ଜାଇତେରଇଲା ।

☆ ୯:୨ ୯:୨ ୨ ଯ ପିତର୍ ୧:୧୭,୧୮ ☆ ୯:୭ ୯:୭ ମାତିଉ ୩:୧୭; ମାର୍ଚ୍ଚକ ୧:୧୧; ଲୁକ୍ ୩:୨୨ ☆ ୯:୧୧ ୯:୧୧ ମାତିଉ ୧୧:୧୪

୨୧ ଜିସୁ ସେ ପିଲାଟି ବାବାକେ ପାଚାରିଲା, “ଏ ପିଲା ଏକ୍ତି ଅଇ କେତେଦିନ୍ ଅଇଲା ?” ପିଲାଟି ବାବା କଇଲା, “ସାନ୍‌ବେଲେଅନି” ବଲି । ୨୨ ଆରି ସେ କଇଲା, “ସେ କାରାପ୍ ଆଡ଼ମା ପିଲାକେ ମରାଇବାକେ ବେସିତର୍ ପାନିଟାନେ ଆରି ଜଇଟାନେ ମଡ଼ିକରି ଅଦରାଇ ଆଚେ । ମାତର୍ ତୁଇ ଜଦି କାଇଟା କର୍ବାକେ ପାରୁସ୍ ବଇଲେ ଆମର୍ ପାଇ ଦୟାକରି ସାଇଜ କର୍ ।”

୨୩ ଜିସୁ ତାକେ କଇଲା, “କାଇକେ ଜଦି ପାରୁସ୍ ବଇଲେ ନିମାନ୍ କର୍ ବଲିକରି କଇଲୁସ୍ନି ? କାଇକେବଇଲେ ପର୍ମେସର୍‌କେ ବିସ୍‌ବାସ୍ କର୍ବା ଲକ୍‌ମନର୍ ତେଇ ସବୁ ଅଇସି ।”

୨୪ ସେ ଦାପ୍‌ରେ ପିଲାଟି ବାବା ଆଉଲିଅଇକରି, “ମୁଇ ବିସ୍‌ବାସ୍ କଲିନି, ଆରି ଅଦିକ୍ ବିସ୍‌ବାସ୍ କର୍ବାକେ ମକେ ସାଇଜ କର୍ ।” ବଲିକରି କଇଲା ।

୨୫ ଏ ଗର୍ଜନାର୍ କାମ୍ ଦେକ୍‌ବାକେ ଲକ୍‌ମନ୍ ଏକାତରେ ପାଲାଆଇବାଟା ଜିସୁ ଦେକିକରି ସେ କାରାପ୍ ଆଡ଼ମାକେ ଦମ୍‌କାଇକରି କଇଲା, “ଏ କରାପ୍ ଆଡ଼ମା, ତୁଇ ଏ ପିଲାକେ ଗୁଲା ଆରି ବଇରା କରାଇଆତୁସ୍ । ଏ ପିଲାଟି ଗାଗ୍‌ତେଅନି ବାରଇ ଉଟିଜା ଆରି କେବେ ମିସା ତାର୍ ଗାଗ୍‌ତେ ନ ପୁର୍, ବଲି ମୁଇ ତକେ ଆଦେସ୍ ଦେଲିନି ।”

୨୬ ଆରି କାରାପ୍ ଆଡ଼ମା ବେସି ଆଉଲିଅଇକରି ପିଲାକେ ମଡ଼ିକରି ଅଦରାଇ, ତାର୍‌ଟାନେଅନି ବାରଇଗାଲା । ଆରି ପିଲା ମରିଗାଲା ଲକ୍‌ମନ୍ ପାରା ଡିସ୍‌ଲା, ଏକ୍ତିକି କେତେକ୍ ଲକ୍‌ମନ୍ “ସେ ମରିଗାଲା ।” ବଲିକରି କଇଲା । ୨୭ ମାତର୍ ଜିସୁ ସେ ପିଲାକେ ଆତେଦାରି ଉଟାଇକରି ତାକେ ଟିଆ କରାଇଲାକେ ସେ ଟିଆଅଇଲା ।

୨୮ ଜିସୁ ଆରି ତାର୍ ସିସ୍‌ମନ୍ ଗଟେକ୍ ଗର୍ ବିଡ଼ରେ ଗାଲାପଚେ, ଲକ୍‌ମନ୍ କେ ନଇଲାବେଲେ ତାକେ ପାଚାରିଲା, “ଆମେ କାଇକେ ସେ କାରାପ୍ ଆଡ଼ମାକେ କେଦି ନାପାରୁଲୁ ?”

୨୯ ଏ କାତା ସୁନି ଜିସୁ ସେମନ୍‌କେ କଇଲା, “ଏନ୍ତାରି କାରାପ୍ ଆଡ଼ମା ପର୍ମେସର୍‌କେ ପାର୍‌ତନା କରିସେ କେଦ୍‌ବାର୍ ଅଇସି, ଆରି କାଇ ବାଟ୍ ନାଇ ।”

**ନିଜର୍ ମରନ୍ ବିସଇ ଜିସୁ ଆରିତରେକ୍ କଇଲାନି**  
(ମାଡ଼ିଉ ୧୭:୨୨-୨୩; ଲୁକ୍ ୯:୪୩-୪୫)

୩୦ ତାର୍‌ପଚେ ଜିସୁ ଆରି ତାର୍ ସିସ୍‌ମନ୍ ସେ ଜାଗା ଚାଡ଼ିକରି ଉଟିଗାଲା । ସେମନ୍ ଗାଲିଲି ଦେସର୍ ବାଟ୍‌ଦେଇକରି ଜାଇତେରଇଲା । ସେମନ୍ କନ୍ ଜାଗାଇ ଆଚଡ଼ ବଲିକରି ଲକ୍‌ମନ୍ ନ ଜାନଡ଼ ବଲି ଜିସୁ ମନ୍ କର୍‌ତେରଇଲା ୩୧ କାଇକେବଇଲେ ସେ ତାର୍ ସିସ୍‌ମନ୍‌କେ ସିକାଇ ଦେବାକେ ମନ୍ କର୍‌ତେରଇଲା । ଜିସୁ ତାର୍ ସିସ୍‌ମନ୍‌କେ କଇଲା, “ସଡ଼ ପର୍ମେସରର୍ ଟାନେଅନି ଆସିରଇବା ନର୍‌ପିଲା ମକେ, ଲକ୍‌ମନର୍ ଆତେ ସର୍‌ପି ଦେବାଇ ଆରି ସେମନ୍ ମକେ ମରାଇଦେବାଇ । ମାତର୍ ମୁଇ ମରିକରି ତିନ୍‌ଦିନ୍ ଗାଲାପଚେ ଆରି ତରେକ୍ ମଲାଟାନେଅନି ଜିବନ୍ ଅଇ ଉଟ୍‌ବି ।”

୩୨ ମାତର୍ ଜିସୁ କଇବା ଏ କାତାର୍ ଅରଡ଼ ସିସ୍‌ମନ୍ ବୁଜଡ଼ ନାଇ ଆରି ସେମନ୍ ସେ କାତାର୍ ଅରଡ଼ ପାଚାରିବାକେ ତର୍‌ଲାଇ ।

**ସବୁଟାନେଅନି କେ ବଡ଼**  
(ମାଡ଼ିଉ ୧୮:୧-୫; ଲୁକ୍ ୯:୪୬-୪୮)

୩୩ ଜିସୁ ଆରି ତାର୍ ସିସ୍‌ମନ୍ କପର୍‌ନାଉମେ ଆଇଲାଇ ଆରି ସେମନ୍ ଗର୍ ବିଡ଼ରେ ଗାଲା । ତାର୍‌ପଚେ ଜିସୁ ସେମନ୍‌କେ ପାଚାରିଲା, “ତମେ ବାଟେ କନ୍ ବିସଇନେଇ ଦଦାପେଲା ଅଇତେରଇଲାସ୍ ?”

୩୪ ✨ମାତର୍ ତାର୍ ସିସ୍‌ମନ୍ ଚିମ୍‌ରା ଅଇଦେଲା । କାଇକେବଇଲେ ସେମନ୍ ବାଟେ, ଆମର୍ ବିଡ଼ରେ ସବୁଟାନେଅନି କେ ବଡ଼ ବଲି ଦଦାପେଲା ଅଇତେରଇଲା । ୩୫ ✨ଜିସୁ ବସ୍‌ଲା ଆରି ତାର୍ ବାଟ୍‌ଟା ସିସ୍‌ମନ୍‌କେ ତାର୍‌ଲଗେ ତାକାଇ ସେମନ୍‌କେ କଇଲା, “ଜଦି କେ ମୁକିଆ ଅଇବାକେ ମନ୍ କଲେ, ସେ ସବୁଟାନେଅନି ସାନ୍ ଅଇବାର୍ ଆଚେ, ଆରି ସବୁଲକର୍ ସେବା କର୍‌ବାର୍ ଆଚେ ।” ୩୬ ତାର୍‌ପଚେ ଜିସୁ ଗଟେକ୍ ସାନ୍‌ଟା ପିଲାକେ ନେଇକରି ସେମନ୍‌ର୍ ମୁଆଟେ ଟିଆ କରାଇ ସେମନ୍‌କେ କଇଲା, ୩୭ ✨“କେ କେ ମର୍ ଲାଗି ଏନ୍ତାରି ଗଟେକ୍ ସାନ୍‌ଟା ପିଲାକେ ନାମ୍‌ବାଇ, ସେମନ୍ ମକେ ନାମ୍‌ଲାଇନି, ଆରି କେ କେ ମକେ ନାମ୍‌ଲାଇନି, ସେମନ୍ ମକେ ନାଇ, ମାତର୍ ମକେ ପାଟାଇରଇବା ମର୍ ବାବାକେ ନାମ୍‌ଲାଇନି ।”

**ଜେ ଆମକେ ବିରଦ୍ ନ କରେ ସେ ଆମର୍ ନିଜର୍ ଲକ୍**  
(ଲୁକ୍ ୯:୪୯-୫୦)

୩୮ ଜଅନ୍ ଜିସୁକେ କଇଲା, “ଏ ଗୁରୁ, ଗଟେକ୍ ଲକ୍ ତର୍‌ନାଉଁ ଦାରି ଲକ୍‌ମନର୍‌ଟାନେଅନି କାରାପ୍ ଆଡ଼ମାକେ ବାର୍‌କରାଇ କେଦିଦେବାଟା ଆମେ ଦେକିକରି, ତାକେ ସେକ୍ତି ନ କର୍ ବଲି କଇଲୁ, କାଇକେବଇଲେ ସେ ଆମର୍ ନିଜର୍ ଲକ୍ ନର୍ ।”

✨ ୯:୩୪ ୯:୩୪ ଲୁକ୍ ୨୨:୨୪ ✨ ୯:୩୫ ୯:୩୫ ମାଡ଼ିଉ ୨୦:୨୬,୨୭;୨୩:୧୧; ମାର୍ଚ୍ଚକ ୧୦:୪୩,୪୪; ଲୁକ୍ ୨୨:୨୬ ✨ ୯:୩୭ ୯:୩୭ ମାଡ଼ିଉ ୧୦:୪୦; ଲୁକ୍ ୧୦:୧୬; ଜଅନ୍ ୧୩:୨୦

୩୯ ମାତର ଜିସୁ କଇଲା, “ତାକେ ଏନ୍ତ୍ର ନ କର ବଲି ତେବାଆ ନାଇ କାଇକେବଇଲେ, ମର ନାଉଁର ବପୁ ପାଇକରି କାବା ଅଇଜିବା କାମମନ୍ କରିପାରବା ଲକ୍, ମର ବିରୁଦେ କାରାପ୍ କାତା ନ କଏ । ୪୦ \*କାଇକେବଇଲେ ଜେ ଆମକେ ବିରଦ୍ ନ କରେ, ସେ ଆମର୍ ନିଜର୍ ଲକ୍ । ୪୧ \*ଆରି ମୁଇ ତମକେ ସତ୍ କଇଲିନି, କେ ତମକେ ମରନାଉଁ ଦାରି ଗଟେକ୍ ଗିଲାସ୍ ପାନି କାଇବାକେ ଦେଇସିବଇଲେ, ସେଟାରପାଇ ସତ୍ସେ ତାକେ ପୁରୁସ୍କାର୍ ମିଲ୍ସି ।”

ବିନ୍ ଲକ୍କେ ପାପ୍ ନ କରାଇବାକେ ସିକିଆ  
(ମାତିଉ ୧୮:୬-୯; ଲୁକ୍ ୧୭:୧-୨)

୪୨ ଜିସୁ କଇବାର୍ ଦାରଲା “ଜଦି କେ ମରତେଇ ବିସ୍ବାସ୍ କରିରଇବା ଗଟେକ୍ ଲକ୍କେ, ସେ କରିରଇବା ବିସ୍ବାସ୍ ରାଡିଦେବାକେ ପାପକାମ୍ କରାଇଲାଇନି ବଇଲେ, ସେ ଲକ୍ ଗାଲାଇ ଜତା ପାକ୍ନା ବାନ୍ଦିକରି ତାକେ ସମ୍ବୁଦ୍ରେ ପିଜିଦେବାଟା ତାରପାଇ ନିକ ଅଇତା । ୪୩ \*ଜଦି ତମର୍ ଆଡ୍ ତମକେ ପାପ୍ କରାଇଲାନି ବଇଲେ, ସେ ଆଡ୍ କାଟିପାକାଆ । କାଇକେବଇଲେ ଜତେକ୍ ଆଡ୍ ରଇକରି ସବୁଦିନର୍ପାଇ ଜଇଲାଗ୍ବା ନରକେ ପେଲାଇଅଇବା ବାଦୁଲେ ଗଟେକ୍ ଆଡ୍ ନ ରଇକରି ସର୍ଗେ କେଟ୍ବାଟା ନିକ ଅଇସି । ୪୪ କାଇକେବଇଲେ ନରକେ ସେମନ୍ର୍ କିତା ନସ୍ତ ନ ଅଅଡ୍ ଆରି ଜଇ ନ ଲିବେ । \* ୪୫ ଜଦି ତମର୍ ପାପ୍ ତମକେ ପାପକାମ୍ କରାଇଲାନି ବଇଲେ, ସେ ପାପ୍ କାଟି ପିଜିଦିଆସ୍ । ଜତେକ୍ ପାପ୍ ରଇକରି ନରକେ ପେଲାଇଅଇବା ବାଦୁଲେ ଚଟା ଅଇକରି ସର୍ଗେ କେଟ୍ବାଟା ତମର୍ପାଇ ନିକଅଇସି । ୪୬ କାଇକେବଇଲେ ନରକେ ସେମନ୍ର୍ କିତା ନସ୍ତ ନ ଅଅଡ୍ ଆରି ଜଇ ନ ଲିବେ । † ୪୭ \*ଜଦି ତମର୍ ଆକିର୍ ଲାଗି ତମେ ବିସ୍ବାସ୍ ଆରାଇଲାସିନି ବଇଲେ, ସେ ଆକି ବେଟି ପିଜିଦିଆସ୍ । କାଇକେବଇଲେ ଜତେକ୍ ଆକି ରଇ ନରକେ ପେଲାଇଅଇବା ବାଦୁଲେ, ଗଟେକ୍ ଆକି ରଇକରି ସର୍ଗ୍ ରଇଜେ କେଟ୍ବାଟା ତମର୍ପାଇ ନିକରଇସି । ୪୮ କାଇକେବଇଲେ ନରକେ ସେମନ୍ର୍ କିତା ନସ୍ତ ନ ଅଅଡ୍ ଆରି ଜଇ ନ ଲିବେ ।”

୪୯ “ଜେକ୍ରିକ୍ ସୁନା ଜଇଟାମେ ପତାଇକରି ନିର୍ମାଲ୍ କଲାପାରା ସବୁ ଲକ୍ମନକେ ଜଇସଙ୍ଗ୍ ନିର୍ମାଲ୍ କରବାଇ ।”

୫୦ \* “ନୁନ୍ ଗଟେକ୍ ନିମାନ୍ ଜିନିସ୍ । ମାତର୍ ନୁନ୍ ଜଦି ତାର୍ କରିଆ ଅଇବାଟା ଆରାଇସି ବଇଲେ ସେ ଆରି ତରେକ୍ କେନ୍ତାର୍ କରିଆ ଅଇପାରସି ? ତମେ ନୁନ୍ ପାରା ନିମାନ୍ ଗୁନେ ପୁରାପୁରୁନ୍ ଅଇ ସବୁଲକ୍ମନର୍ ସଙ୍ଗ୍ ମିସି ବିଡି କରି ସୁଆଲେ ରୁଆ” ବଲି କଇଲା ।

୧୦

ବିବାଅଇ ଚାଡାଚାଡି ଅଇବା ବିସଇ ଲାଗ ଜିସୁର୍ ସିକିଆ  
(ମାତିଉ ୧୯:୧-୧୨; ଲୁକ୍ ୧୬:୧୮)

୧ ତାରପଚେ ଜିସୁ ସେ ଜାଗା ଚାଡିକରି ଜିଉଦା ରାଇଜର୍ ସନ୍ଦି ଆରି ଜରଦନର୍ ଆରି ଗଟେକ୍ ବାଟେ ଆଇଲା । ଆରି ସବୁ ବେଲାର୍ ପାରା ଲକ୍ମନ୍ ତାର୍ ଲଗେ ରୁଣ୍ଡୁଲାଇ । ଆରି ଜିସୁ ସେମନ୍କେ ପର୍ମେସର୍ କାତା ସିକାଇଦେଲା ।

୨ କେତେଟା ପାରୁସିମନ୍ ଜିସୁରୁ ଲଗେ ଆସିକରି ତାକେ ବୁଲ୍ ଦାରବାକେ ଏନ୍ତାରି ପର୍ସନ୍ ପାଚାରଲାଇ । “ଗଟେକ୍ ମୁନୁସ୍ ତାର୍ ମାଇଜିକେ ଚାଡିଦେବାଟା ଆମର୍ ନିୟମେ ଆଚେ କି ?”

୩ ଜିସୁ ସେମନ୍କେ କଇଲା, “ମସା ତମକେ କାଇ ଆଦେସ୍ ଦେଲା ଆଚେ ?” ୪ \*ସେମନ୍ କଇଲାଇ, “ଗଟେକ୍ ମୁନୁସ୍ ତାର୍ ମାଇଜିକେ ଚାଡିଦେବାର୍ ରାଜିନାମା ପତର୍ ଲେକି ତାକେ ଦେଲାପଚେ ତାକେ ପାଚାଇଦେଇ ଅଇସି ବଲି ମସା କଇଲା ଆଚେ ।”

୫ ଜିସୁ ସେମନ୍କେ କଇଲା, “ମସା କାଇକେ ଏନ୍ତ୍ର ଲେକିରଇଲା ବଇଲେ, ତମର୍ ମନ୍ବିଡ୍ରେରୁ ବୁଜ୍ବା ବପୁ ତାର୍ ରଇଲାଟା ଦେକିକରି ସେ, ଏ ଆଦେସ୍ ଲେକିଦେଲା ଆଚେ । ୬ ଜେକ୍ରି ସାସ୍ତର୍ କଇଲାନି, ପର୍ମେସର୍ ଜେତେବେଲେ ଏ ଦୁନିଆ ତିଆରକଲା, ସେବେଲେ ସେ ମାଇଜିମୁନୁସ୍ କରି ତିଆରକଲା ଆଚେ । ୭ ସେଟାରପାଇ ଗଟେକ୍ ମୁନୁସ୍ ତାର୍ ବାବା ମାକେ ଚାଡିକରି ତାର୍ ମାଇଜି ସଙ୍ଗ୍ ମିସି । ୮ ସେ ଦୁଇଲକ୍ ଗଟେକ୍ ଅଇବାଇ, ଆରି ସେମନ୍ ଦୁଇଲକ୍ ଇସାବେ ନ ରଅଡ୍, ମାତର୍ ଗଟେକ୍ ଲକ୍ ଇସାବେ ରଇବାଇ । ୯ ସେଟାରପାଇ ପର୍ମେସର୍ ଜନ୍ ଦୁଇଲକ୍କେ ମିସାଇଆଚେ, କେ ମିସା ସେମନ୍କେ ବିନେ ନ ବେଗ୍ଲାଅଡ୍ ।”

୧୦ ଜିସୁ ଆରି ତାର୍ ସିସମନ୍ ଗରେ ବାଉଡିଗାଲା ପଚେ, ସିସମନ୍ ଆରିତରେକ୍ ଏ ବିସଇ ତାକେ ପାଚାରଲାଇ । ୧୧ \*ଜିସୁ ସେମନ୍କେ କଇଲା, “ଗଟେକ୍ ମନସ୍ ତାର୍ ମାଇଜିକେ ଚାଡପତର୍ ଦେଇ ବିନ୍ ମାଇଜିକେ ବିବା ଅଇସି ବଇଲେ, ସେ ମନସ୍ ପର୍ତୁମ୍ ମାଇଜିର୍ ବିରୁଦେ ପାଦ୍ରା କାମ୍ କଲାନି । ୧୨ ଆରି ସେକ୍ରି ସେ ଜନ୍ ମାଇଜିଟକି ତାର୍ ମୁନୁସକେ ଚାଡ୍ ପତର୍ ଦେଇ, ବିନ୍ ମୁନୁସକେ ବିବା ଅଇସି ବଇଲେ ସେ ମିସା ପର୍ତୁମ୍ ମନସ୍ ବିରୁଦେ ପାଦ୍ରି କାମ୍ କଲାନି ।” ବଲିକରି କଇଲା ।

\* ୯:୪୦ ୯:୪୦ ମାତିଉ ୧୨:୩୦; ଲୁକ୍ ୧୧:୨୩    \* ୯:୪୧ ୯:୪୧ ମାତିଉ ୧୦:୪୨    \* ୯:୪୩ ୯:୪୩ ମାତିଉ ୫:୩୦    \* ୯:୪୪ ୯:୪୪ କେତକ୍ପୁରନା ଲେକାଇ ଏ ପଦ୍ ନାଇ    † ୯:୪୬ ୯:୪୬ କେତକ୍ପୁରନା ଲେକାଇ ଏ ପଦ୍ ନାଇ    \* ୯:୪୭ ୯:୪୭ ମାତିଉ ୫:୨୯    \* ୯:୫୦ ୯:୫୦ ମାତିଉ ୫:୧୩; ଲୁକ୍ ୧୪:୩୪,୩୫    \* ୧୦:୪ ୧୦:୪ ମାତିଉ ୫:୩୧    \* ୧୦:୧୧ ୧୦:୧୧ ମାତିଉ ୫:୩୨; ୧ମ କରକ୍ରିୟ ୭:୧୦,୧୧

**ଜିସୁ ସାନ୍ ପିଲାମନ୍କେ ଆସିର୍ବାଦ୍ କଲା**  
(ମାତିଉ ୧୯:୧୩-୧୫; ଲୁକ୍ ୧୮:୧୫-୧୭)

୧୩ ଗଟେକ୍ ଦିନ୍ କେତେକ୍ ଲକ୍ମନ ତାକର୍ ପିଲାଟକିମନ୍କେ ଜିସୁ ଆଡ୍ ସଙ୍ଗେ ଆସିର୍ବାଦ୍ କର ବଲି ତାର୍ଲଗେ ଆନ୍ଲାଇ । ମାତର୍ ତାର୍ ସିସ୍ମନ୍ ଲକ୍ମନ୍କେ, ଦମ୍‌କାଲା । ୧୪ ଜିସୁ ଏଟା ଦେକି ବେସି ରିସାଅଇ ସିସ୍ମନ୍‌କେ କଇଲା, “ସାନ୍ ପିଲାମନ୍କେ ମର୍ ଲଗେ ଆଇବାକେ ବାଟ୍ ଦିଆସ୍, ସେମନ୍‌କେ ମନା କରାନାଇ । କାଇକେବଇଲେ ପର୍ମେସରର୍ ରାଇଜ୍ ଏକ୍ତି ପିଲାଟକିମନର୍ ପାରା ରଇବା ଲକ୍ମନର୍ ପାଇସେ । ୧୫ \*ମୁଇ ତମ୍‌କେ ସଡ୍ କାତା କଇଲିନି, କେ ମିସା ଗଟେକ୍ ସାନ୍ ପିଲାର୍ ପାରା ନ ଅଇ, ପର୍ମେସରର୍ ରାଇଜ୍ ନ ନାମାଡ୍, ସେମନ୍ କେବେ ମିସା ତାର୍ ରାଇଜେ କେଟି ନାପାରଡ୍ ।” ୧୬ ତାର୍‌ପଟେ ଜିସୁ ସାନ୍ ସାନ୍ ପିଲାଟକିମନ୍କେ ଉଟାରି ତାକର୍ ମୁଣ୍ଡେ ଟିକକରି ଆସିର୍ବାଦ୍ କଲା ।

**ସାଉକାର୍ ଗର୍ ପିଲାର୍ କାତ**  
(ମାତିଉ ୧୯:୧୬-୩୦; ଲୁକ୍ ୧୮:୧୮-୩୦)

୧୬ ଜିସୁ ଆରି ତାର୍ ସିସ୍ମନ୍ ତେଇଅନି ବାରଇ ଜିବାବେଲେ ବାଟେ ଗଟେକ୍ ଲକ୍ ପାଲାଇ ଆସି ତାର୍ ଲଗେ କେଟ୍‌ଲା ଆରି ତାର୍ ମୁଆଟେ ମାଣ୍ଡିକୁଟା ଦେଇ ପାଚାରଲା, “ଏ ନିମାନ୍ ଗୁରୁ, ନ ସାର୍‌ବା ଜିବନ୍ ମିଲାଇବାକେ ଆଲେ ମୁଇ କାଇଟା କର୍‌ବାର୍ ଆଟେ ?”

୧୮ ଜିସୁ ତାକେ କଇଲା, “ତୁଇ ମକେ କାଇକେ ନିମାନ୍ ଲକ୍ ବଲି କଇଲୁସ୍‌ନି ? କାଇକେବଇଲେ ପର୍ମେସର୍କେ ଚାଡିକରି ଆରି ବିନ୍‌ଟା କେ ମିସା ନିମାନ୍ ଲକ୍ ନାଇ । ୧୯ ଆରି ତୁଇ ନିଅମ୍‌ତା ଜାନିଆତୁସ୍, ମାର୍‌ବାର୍ ନାଇ, ପାଦ୍‌ରାପାଦ୍‌ରି କାମ୍ କର୍‌ବାର୍ ନାଇ, ଚର୍ କାମ୍ କର୍‌ବାର୍ ନାଇ, ମିଟ୍ ସାକି ଦେବାର୍ ନାଇ, ଆୟା ବାବାକେ ସନ୍‌ମାନ୍ ଦିଆସ୍ ।” ବଲି କଇଲା ।

୨୦ ସେ ଲକ୍ ଜିସୁକେ କଇଲା, “ଏ ଗୁରୁ, ମୁଇତା ଏସବୁ ଆଦେସ୍ ସାନ୍ ବେଲେ ଅନି ମାନ୍‌ଲିନି ।”

୨୧ ଜିସୁ ତାକେ ନିକକରି ଦେକ୍‌ଲା ଆରି ତାକେ ଆଲାଦ୍ କରି କଇଲା, “ତୁଇ ଏବେ ମିସା ଗଟେକ୍ ବିସଇତେଇ ଉନା ଆତୁସ୍ । ତୁଇ ଜାଇ ତର୍ ଦନ୍‌ସ୍‌ପତି ବିକି, ସେ ତାବୁ ଗରିବ୍ ଲକ୍ମନ୍କେ ବାଟାକରି ଦେସ୍, ତୁଇ ସର୍‌ଗେ ଦନ୍ ପାଇସୁ । ଏକ୍ତିକରି ମର୍ ପଟେ ପଟେ ଆଉ ।” ବଲିକରି କଇଲା । ୨୨ ଜିସୁ କଇଲା ଏ କାତା ସୁନିକରି ସେ ଲକ୍ ମୁ ସୁକାଇ କରି, ଗରେ ଉଟିଗାଲା । କାଇକେବଇଲେ ସେଲକ୍ ବେସି ସାଉକାର୍ ରଇଲା ।

୨୩ ଜିସୁ ଚାରିବେଡ୍‌ତି ଦେକିକରି ସିସ୍ମନ୍‌କେ କଇଲା, “ସାଉକାର୍ ଲକ୍ମନ ପର୍ମେସରର୍ ରାଇଜେ ଜିବାଟା ବେସି କସ୍‌ଟ ଆଟେ ।”

୨୪ ଜିସୁର୍ କାତା ସୁନିକରି ସିସ୍ମନ୍ କାବା ଅଇଗାଲାଇ । ମାତର୍ ଜିସୁ ସେମନ୍‌କେ ଆରିତରେକ୍ କଇଲା, “ଏ ମର୍ ପିଲାମନ ପର୍ମେସରର୍ ରାଇଜେ ଜିବାଟା ଲକ୍ମନ୍କେ କେତେକ୍ କସ୍‌ଟ ! ୨୫ ଜେକ୍ତି ଗଟେକ୍ ବଡ୍ ଜୁଡ୍ ସୁଜି ବାଟେ ଟିଙ୍ଗିଲି ଜିବାକେ କସ୍‌ଟ, ସାଉକାର୍ ଲକ୍ ପର୍ମେସରର୍ ରାଇଜେ କେଟ୍‌ବାଟା ତାର୍‌ତେଇଅନି ଅଦିକ୍ କସ୍‌ଟ ।”

୨୬ ସିସ୍ମନ୍ ଆରିତରେକ୍ ବେସି କାବା ଅଇଗାଲାଇ ଆରି ନିଜର୍ ନିଜର୍ ବିଡ୍‌ରେ କାତା ଅଇଲାଇ, “ଏକ୍ତି ବଇଲେ କେ ତେବେ ରକିଆ ପାଇସି ?”

୨୭ ଜିସୁ ସେମନ୍‌କେ ଦେକିକରି କଇଲା, “ଏ ବିସଇ ଲକ୍ମନର୍ ଟାନେ ଅଇନାପାରେ, ମାତର୍ ପର୍ମେସରର୍ ଟାନେ ସବୁଟା ଅଇପାର୍‌ସି ।”

୨୮ ପିତର୍ ଜିସୁକେ କଇଲା, “ଦେକା ଆମେ ଆମର୍ ସବୁ ଚାଡିଦେଇ ତମର୍ ସଙ୍ଗ୍ ଆଇଲୁଆତୁ ।”

୨୯ ଜିସୁ ସେମନ୍‌କେ କଇଲା, “ମୁଇ ତମ୍‌କେ ସଡ୍ କାତା କଇଲିନି, ଜେ ମର୍ ସଙ୍ଗ୍ ଆଇବାକେ ଆରି ପର୍ମେସରର୍ ନିମାନ୍ କାତା ଜାନାଇବାକେ ଗର୍ ଦୁଆର୍, ବାଇ ବଇନି, ମା ବାବା, ପିଲାଟକି ଆରି ଜମିବାଡି ଚାଡିକରି ଆଟେ, ୩୦ ସେ ସଡ୍‌ସେ, ନିଜର୍ ଚାଡିରଇଲା ସବୁ ବିସଇତେଇଅନି ସଏ ବାଗ୍ ଅଦିକ୍ ଏ ଜୁଗେ ପାଇସି । ଗର୍ ଦୁଆର୍, ବାଇ ବଇନି, ମାଆ ବାବା, ପିଲାଟକି ଆରି ଜମିବାଡି ଏ ସବୁ ଦିନ୍‌ସୁ ଅଦିକ୍ ପାଇସି ଆରି ତାର୍ ସଙ୍ଗ୍ ଗେଞ୍ଜନା ମିସା ପାଇସି । ମାତର୍ ଆଇବା ଜୁଗେ ପର୍ମେସରର୍ ରାଇଜେ, ସେ ନ ସାର୍‌ବା ଜିବନ୍ ପାଇସି । ୩୧ \*ମାତର୍ ଜନ୍ ଲକ୍ମନ ଆଗ୍‌ତୁ ଅଇତେରଇବାଇ, ସେମନ୍ ପଟେ ରଇବାଇ । ଆରି କେ କେ ପଟେ ରଇବାଇ, ସେମନ୍ ଆଗ୍‌ତୁ ରଇବାଇ ।”

**ଜିସୁ ତାର୍ ମରନର୍ ବିସଇ ଏଟା ସଙ୍ଗ୍ ତିନ୍ ପାଲି କଇଲା**  
(ମାତିଉ ୨୦:୧୭-୧୯; ଲୁକ୍ ୧୮:୩୧-୩୪)

୩୨ ସେମନ୍ ଜିରୁସାଲମେ ଗାଲାବେଲେ, ଜିସୁ ସେମନ୍ ଆଗ୍‌ତୁ ଆଗ୍‌ତୁ ଜାଇତେ ରଇଲା । ସେବେଲା ସିସ୍ମନ୍ କାବାଅଇଜାଇତେ ରଇଲାଇ । ଆରି ଜିସୁର୍ ପଟେ ପଟେ ଜିବା ଲକ୍ମନ ସବୁ ସେ ଜିରୁସାଲମେ ଗାଲାନି ବଲି ଡରିଜାଇତେ ରଇଲାଇ । ଜିସୁ ତାର୍ ବାଟା ସିସ୍ମନ୍‌କେ ବିନେ ଡାକିନେଇକରି ନିଜକେ କାଇକାଇଟା ଅଇସି, ସେ ବିସଇ କଇବାର୍ ଦାରଲା । ୩୩ ଜିସୁ ତାର୍ ସିସ୍ମନ୍‌କେ କଇଲା, “ସୁନା ଆମେ ଜିରୁସାଲମେ ଗାଲୁନି । ତେଇ ପର୍ମେସରର୍‌ଟାନେଅନି ଆସିରଇବା ନର୍‌ପିଲା, ମକେ ବିସ୍‌ବାସେ ବିସ୍ ଦେଲାପାରା କରି ମୁକିଅ ପୁଜାରିମନ୍ ଆରି ନିୟମ୍

☆ ୧୦:୧୫ ୧୦:୧୫ ମାତିଉ ୧୮:୩ ☆ ୧୦:୩୧ ୧୦:୩୧ ମାତିଉ ୨୦:୧୭; ଲୁକ୍ ୧୩:୩୦

ସିକାଇ ଦେବା ଲକ୍ଷ୍ୟମାନଙ୍କେ ସରପି ଦେବାଇ । ସେମନ୍ ମକେ କିଜାଇକରି ବିଚାର କରି ‘ଆକେ ମରାଇବାର୍ ଆଟେ ।’ ବଲି ରମିୟ ଲକ୍ଷ୍ୟମାନଙ୍କେ ସରପି ଦେବାଇ । ୩୪ ସେମନ୍ ମକେ ଟାପୁରା କରବାଇ, ମର୍ ଉପରେ ତୁକ୍‌ବାଇ । ମକେ କରତା ସକ୍ ମାରବାଇ, ଆରି ସାରାସାରି ମରାଇବାଇ । ମାତର୍ ମରିକରି ତିନ୍‌ଦିନ୍ ଗାଲାପଟେ, ମୁଇ ଆରି ତରେକ୍ ମଲାଟାନେଅନି ଉଟ୍‌ବି ।”

**ଜାକୁବ୍ ଆରି ଜଅନ୍ ମାଙ୍ଗ୍‌ବାଟା**  
(ମାତିଉ ୨୦:୨୦-୨୮)

୩୫ ଜେବଦି ନାଉର୍ ଗଟେକ୍ ଲକର୍ ପିଲାମନ୍ ଜାକୁବ୍ ଆରି ଜଅନ୍ ଜିସୁରେତେଇ ଆସି ତାକେ କଇଲାଇ, “ଏ ଗୁରୁ, ଆମେ ତରେତେଇ ଜାଇଟା ମାଙ୍ଗ୍‌ରୁ, ତୁଇ ସେଟା କର୍ ବଲି ଆମେ ମନ୍ କଲୁନି ।”

୩୬ ଜିସୁ ପାଟାରଲା, “ମୁଇ ତମର୍ ପାଇ କାଇଟା କରବି ବଲି ମନ୍ କଲାସ୍‌ନି ?”

୩୭ ସେମନ୍ ଜିସୁକେ କଇଲାଇ, “ତୁଇ ତର୍ ତାକ୍‌ପୁଟା ପାଇବା ବସବା ଜାଗାଇ ବସଲା ବେଲେ ଆମର୍ ଦୁଇଲକର୍ ବିତ୍‌ରେ ଅନି ଗଟେକ୍ ଲକ୍‌କେ ତର୍ ଉଜା ବାଟେ ଆରି ଗଟେକ୍ ଲକ୍‌କେ ତେବ୍‌ରି ବାଟେ ବସାଅ ବଲି ମନ୍ କଲୁନି ।”

୩୮ \*ଜିସୁ ସେମନ୍‌କେ କଇଲା, “ତମେ କାଇ ବିସଇ ମାଙ୍ଗ୍‌ଲାସ୍‌ନି ସେ ବିସଇ ନାଜାନାସ୍ । ମକେ ଜନ୍ ମୁତାର ଦୁକ୍‌କସ୍‌ଟ ପାଇବାକେ ଆଟେ, ସେ ମୁତାର ଦୁକ୍‌କସ୍‌ଟ ପାଇପାରାସ୍ କି ? ଆରି ମୁଇ ଜନ୍ ତୁବନ୍ ନେବାର୍ ଆଟେ, ସେ ତୁବନ୍ ନେଇ ପାରାସ୍ କି ?”

୩୯ ସେମନ୍ ଜିସୁକେ କଇଲାଇ, “ଉଁ ଆମେ ପାରୁ ।” ଜିସୁ ସେମନ୍‌କେ କଇଲା, “ଏଟା ସତ୍‌ସେ । ମୁଇ ଜନ୍ ମୁତାର ଦୁକ୍‌କସ୍‌ଟ ପାଇବି ଆରି ଜନ୍ ତୁବନ୍ ନେବି ତମେମିସା ସେ ମୁତାର ଦୁକ୍‌ କସ୍‌ଟ ଆରି ତୁବନ୍ ପାଇସା । ୪୦ ମାତର୍ ମର୍ ଉଜାବାଟେ କି ତେବ୍‌ରିବାଟେ ବସବାକେ ଦେବାର୍, ମର୍ ଅଦିକାର୍ ନାଇ, ମାତର୍ ମର୍ ବାବା ବାଟ୍‌ସି ।”

୪୧ ଜାକୁବ୍ ଆରି ଜଅନ୍ କଇଲା କାତା ବିନ୍ ସିସ୍‌ମନ୍ ଜେତେବେଲ୍ ସୁନ୍‌ଲାଇ, ଜାକୁବ୍ ଆରି ଜଅନ୍‌କେ ବେସି ରିସା ଅଇଗାଲାଇ । ୪୨ \*ମାତର୍ ଜିସୁ ତାର୍ ସିସ୍‌ମନ୍‌କେ ଗଟେକ୍‌ଟାନେ ତାକି କରି ସେମନ୍‌କେ କଇଲା, “ଏ ଦୁନିଆର୍ ରାଜାମନ୍ ଆରି ନେତାମନ୍ ଲକ୍‌ମାନଙ୍କେ ନିଜର୍ ଅଦିକାରେ ରକ୍‌ବାକେ ମନ୍ କରବାଇ । ଆରି ସରକାର୍ ମିସା ତାକର୍ ତଲେ ରଇଲା ଲକ୍‌ମାନଙ୍କେ ନିଜର୍ ଅଦିକାରେ ରକି ରଇବାକେ ମନ୍ କରବାଇ । ଏ ବିସଇ ତମେ ଜାନିଆଟାସ୍ । ୪୩ \*ମାତର୍ ତମର୍ ବିତ୍‌ରେ ଏକ୍ତି ନ ରଇକରି ବିନ୍‌ବାବେ ରଇବାର୍ ଆଟେ । ତମର୍ ବିତ୍‌ରେଅନି କେ ବଡ୍ ଲକ୍ ପାରା ଦେକାଇଅଇବାକେ ମନ୍ କଲାନି ବଇଲେ, ସେ ତମର୍ ସବୁ ଲକ୍ ଗଟେକ୍ ଗତିଦାଙ୍ଗ୍‌ତା ପାରା ରଅ । ୪୪ ଜଦି କେ ତମର୍ ବିତ୍‌ରେ ଅନି ପର୍‌ମେସରର୍ ମୁଆଟେ ମୁକିଅ ଲକ୍ ଅଇବାକେ ମନ୍ କଲାନି ବଇଲେ, ସେ ଗଟେକ୍ ଗେନ୍‌ଲା ଗତିଦାଙ୍ଗ୍‌ତା ପାରା ସେବା କର । ୪୫ କାଇକେ ବଇଲେ ପର୍‌ମେସର୍‌ଟାନେଅନି ଆସିରଇବା ନର୍‌ପିଲା ମୁଇ, ବିନ୍ ଲକ୍‌ମାନର୍‌ଟାନେଅନି ମକେ ସେବା ମିଲ ବଲି ଆସି ନାଇ, ମାତର୍ ସେବା କରବାକେ ଆସି ଆଟି । ଆରି ମୁଇ ଜିବନ୍ ଦେବାର୍ ଲାଗି, ବେସି ଲକ୍ ଦସି ବଲି ଏଜାଇ ନ ଅଇ, ପାପେଅନି ରକିଆ ପାଇବାଇ ।”

**ଜିସୁ ବାର୍‌ତିମୟ କାଣାକେ ନିକ କଲା**  
(ମାତିଉ ୨୦:୨୯-୩୪; ଲୁକ୍ ୧୮:୩୫-୪୩)

୪୬ ତାର୍‌ପଟେ ଜିସୁ ଆରି ତାର୍ ସିସ୍‌ମନ୍ ଜିରିଅ ନାଉର୍ ଗଡେ କେଟ୍‌ଲାଇ । ସେ ଗଡ୍ ଚାଡିକରି ଗାଲାବେଲେ, ତିମାୟ ନାଉର୍ ଲକର୍ ପିଲା ବାର୍‌ତିମୟ ବଲି ଗଟେକ୍ କାଣା ଲକ୍ ବାଟ୍‌ପାଲି ବସି ବିକ୍ ମାଙ୍ଗ୍‌ତେରଇଲା । ୪୭ ନାଜରିତର୍ ଜିସୁ ଏବାଟେ ଆଇଲାନି ବଲି ସୁନି, ସେ ବେସି ଆଉଲି ଅଇକରି କଇଲା, “ଏ ଦାଉଦର୍ ପଅ ଜିସୁ, ମକେ ଦୟାକରା !”

୪୮ ବେସି ଲକ୍‌ମନ୍ ତାକେ ଚିମ୍‌ରାଇଅଇ ରଇବାକେ କଇଲାଇ, ମାତର୍ ସେ କାଣାଲକ୍ ଅଦିକ୍ ଅଦିକ୍ ଆଉଲିଅଇକରି କଇଲା, “ଏ ଦାଉଦର୍ ପଅ ! ମକେ ଦୟା କରା ।”

୪୯ ଜିସୁ ତେବିକରି କଇଲା, “ତାକେ ମର୍ ଲଗେ ଆଇବାକେ କୁଆ ।” ଲକ୍‌ମନ୍ କାଣାକେ ତାକିକରି କଇଲାଇ, “ସାଆସ୍ ଦାରିକରି ଉଟ୍, ଜିସୁ ତକେ ତାକ୍‌ଲାନି ।”

୫୦ କାଣା ଲକ୍ ତାର୍ ଚାଦର୍ ତେଇ ପିଙ୍ଗିଦେଇକରି ଚିକାଲ୍‌ନା ତେଗଇ ଉଟ୍‌ଲା ଆରି ଜିସୁର୍ ଲଗେ ଗାଲା ।

୫୧ ଜିସୁ ତାକେ ପାଟାରଲା “ମୁଇ ତର୍‌ପାଇ କାଇଟା କରବି ବଲି ତୁଇ ମନ୍ କଲୁସ୍‌ନି ?” ସେ କଇଲା, “ଏ ଗୁରୁ, ମୁଇ ଜେକ୍ତିକି ଦେକି ପାରବି ସେଟା ମନ୍ କଲିନି ।”

୫୨ ଜିସୁ ତାକେ କଇଲା, “ଜା, ତୁଇ ନିମାନ୍ ଅଇଜାଇ ଆରୁସ୍ । କାଇକେବଇଲେ ତୁଇ ମକେ ବିସ୍‌ବାସ୍ କରି ଆଁକି ଦେକି ପାରଲୁସ୍‌ନି ।” ସେଦାପ୍‌ରେସେ କାଣା ଆଁକି ଦେକି ବାଟେ ବାଟେ ଜିସୁର୍ ପଟେ ଜିବାର୍ ଦାରଲା ।

\* ୧୦:୩୮ ୧୦:୩୮ ଲୁକ୍ ୧୨:୫୦    \* ୧୦:୪୨ ୧୦:୪୨ ଲୁକ୍ ୨୨:୨୫, ୨୬    \* ୧୦:୪୩ ୧୦:୪୩ ମାତିଉ ୨୩:୧୧; ମାର୍ଚ୍ଚ ୯:୩୫; ଲୁକ୍ ୨୨:୨୬

# ୧୧

## ଜିସୁ ତାଙ୍କପୁତ୍ରାଅଇ ଜିରୁସାଲ୍ଲାମ୍ କେଟ୍ଲା

(ମାତିଉ ୨୧:୧-୧୧; ଲୁକ୍ ୧୯:୨୮-୪୦; ଜଅନ୍ ୧୨:୧୨-୧୯)

୧ ଜିସୁ ଆରି ତାର୍ ସିସ୍ତାମନ୍ ଜିରୁସାଲ୍ଲାମ୍ ଲଗାଲଗି ଅଇକରି ଜିଡ଼ ନାଉଁର୍ ତଙ୍ଗରଲଗେ ରଇଲା ବେତ୍ପାଗି ଆରି ବେତ୍ନିଆ ନାଉଁର୍ ଗାଏଁ କେଟ୍ଲାଇ । ଜିସୁ ସିସ୍ତାମନ୍ ବିଡ଼ରେଅନି ଦୁଇଲକ୍ଷକେ ଡାକିକରି ସେମନ୍କେ କଇଲା, ୨ ତମେ ଆମର୍ ମୁଆଟେ ରଇଲା ଗାଏଁ ଜା । ତମେ ଗାଉଁ ବିଡ଼ରେ ଜିବାବେଲେ, ଗଟେକ୍ ଗଦ ପିଲା ବାନ୍ଦିରଇଲାଟା ଦେକ୍ସା । ସେ ଗଦ ପିଲାର୍ ଉପରେ ଏବେଜାକ କେ ମିସା ଚଗଡ଼ ନାଇ । ତାକେ ମେଲିକରି ମରଲଗେ ଦାରିଆସା । ୩ ଜିଡ଼ି କେ ତମ୍ବକେ କାଇକେ ମେଲିକରି ନେଲାସ୍ତନି ? ବଲି ପାଟାରଲେ, ମାପୁରୁକେ ଦରକାର୍ ଆଟେ ଆରି ସେ ତମ୍ବକେ ଦାପୁରେସେ ବାଉଡ଼ାଇଦେଇସି । ବଲି ସେମନ୍ ଜିବା ଆଗୁଡୁ ସେମନ୍କେ ପାଟାଇଦେଲା ।

୪ ସେ ଗାଏଁ ଗାଲାଇ ଜେ ଗଟେକ୍ ଗରର୍ ତାଣ୍ଡୁର୍ ତିଆଗଡ଼ିଲଗେ ଗଦ ପିଲା ବାନ୍ଦିଅଇ ରଇଲାଟା ଦେକିକରି ତାକେ ଜାଇ ମେଲୁଲାଇ । ୫ ତେଇ ଚିଆଅଇରଇଲା କେତେଲକ୍ଷମନ୍ କଇଲାଇ, “ତମେ କାଇଟା କଲାସ୍ତନି ? ଆରି କାଇକେ ଏ ଗଦ ପିଲାକେ ମେଲୁଲାସ୍ତନି ?”

୬ ସେମନ୍କେ ଜିସୁ ଜେଡ଼ି କଇବାକେ କଇରଇଲା, ସେନ୍ତାରିସେ ସିସ୍ତାମନ୍ ଲକ୍ଷମନ୍କେ କଇଲାଇ । ତାର୍ପଟେ ସେ ଲକ୍ଷମନ୍ “ଗଦ ପିଲାକେ ନିଆ ।” ବଲି କଇଲାଇ ।

୭ ସେମନ୍ ଗଦ ପିଲାକେ ଜିସୁର୍ ଲଗେ ଆନ୍ଲାଇ ଆରି ନିଜର୍ ନିଜର୍ ପଟିଆମନ୍ ଗଦ ପିଲାର୍ ପିଟି ଉପରେ ପାକାଇଲାଇ । ଆରି ଜିସୁ ଗଦ ଉପରେ ବସ୍ତଲା । ୮ ବେସି ଲକ୍ଷମନ୍ ଜିସୁକେ ସନ୍ମାନ୍ ଦେବାକେ ନିଜର୍ ନିଜର୍ ପଟିଆମନ୍ ବାଟେ ଅଟାଇଦେଲାଇ ଆରି ବିନ୍ଲକ୍ଷମନ୍ ଗଟର୍ ତାଲପତର୍ ଆରି କେନ୍ଦାମନ୍ କାଟିଆନିକରି ବାଟେ ଅଟାଇଦେଲାଇ । ୯ ଜିସୁର୍ ଆଗୁଡୁବାଟେ ଆରି ପର୍ବାଟେ ଜିବା ଲକ୍ଷମନ୍ ବେସି ଆଉଲିଅଇ ଏନ୍ତି କଇତେରଇଲାଇ, “ଅସାନା, ପର୍ମେସର୍କେ ତାକ୍ପୁଟା କରା । ପର୍ମେସର୍ ତାକେ ଆସିର୍ବାଦ୍ କଲାଆଟେ । ୧୦ ଆମର୍ ଆନିଦାଦି ଦାଉଦ୍ ରାଜାର୍ ରାଇଜ୍ ଆଇଲାନି, ତାର୍ ରାଇଜ୍ ପର୍ମେସର୍ ଆସିର୍ବାଦ୍ କର । ସର୍ଗେ ରଇବା ବାବା ପର୍ମେସର୍ ସନ୍ମାନ୍ ପାଇଲାପାରା କାତା କୁଆ” ବଲି କଇଲାଇ ।

୧୧ ତାର୍ପଟେ ଜିସୁ ଜିରୁସାଲ୍ଲାମ୍ ଆସିକରି ପର୍ମେସରର୍ ଗର୍ ବିଡ଼ରେ ପୁରୁଲା । ଆରି ଚାରିବେଡ଼ି ରଇଲା ସବୁ ଜିନିସ୍ତାମନ୍ ନିମାନ୍ କରି ଦେକ୍ଲା । ସେ ବେଲା ବେସି ଅଲ୍ସମ୍ ଅଇଗାଲାଜେ, ସେ ବାର୍ଟା ସିସ୍ତାମନ୍ ସଙ୍ଗ୍ ବେତ୍ନିଆ ନାଉଁର୍ ଗାଏଁ ଉଟିଜାଇକରି ତେଇ ରଇଲା ।

## ଜିସୁ ତୁମ୍ବରି ଗଟକେ ସାଇପଦେଲା

(ମାତିଉ ୨୧:୧୮-୧୯)

୧୨ ତାର୍ ଆରକର୍ ଦିନେ ଜିସୁ ଆରି ତାର୍ ସିସ୍ତାମନ୍ ବେତ୍ନିଆଅଇଅନି ଜିରୁସାଲ୍ଲାମ୍ ଆଇବାବେଲେ ଜିସୁକେ ବେସି ରୁକ୍ କଲା । ୧୩ ଜିସୁ ଦୁରିକେ ଅନି ବେସି ପତର୍ ରଇବା ଗଟେକ୍ ତୁମ୍ବରିଗଟ୍ ଦେକ୍ଲା । ଆରି ସେ ଗଟେ କେତେଟା ପଲ୍ ଦାରିରଇସି ବଲି ବାବିକରି ଗଟ୍ବୁନ୍ଦେ ଗାଲା । ମାତର୍ ଗଟ୍ଲଗେ ଜାଇକରି ଦେକ୍ଲାଜେ, ଗଟେକ୍ ମିସା ପଲ୍ ମିଲେ ନାଇ । କାଇକେବଇଲେ, ସେଟା ତୁମ୍ବରିପଲ୍ ଦାର୍ବା ଦିନ୍ ନ ରଇଲା । ୧୪ ଜିସୁ ଗଟକେ କଇଲା, “ତୁଇ ଆରି କେବେ ମିସା ପଲ୍ ନ ଦାରୁସ୍ ।” ସେ କାତା ତାର୍ ସିସ୍ତାମନ୍ ସୁନ୍ଲାଇ ।

## ଜିସୁ ଜିରୁସାଲ୍ଲାମର୍ ପାର୍ତନା ଗର୍ ପରିଚଲ୍ କଲା

(ମାତିଉ ୨୧:୧୨-୧୭; ଲୁକ୍ ୧୯:୩୯-୪୮; ଜଅନ୍ ୨:୧୩-୨୨)

୧୫ ତାର୍ପଟେ ଜିସୁ ଜିରୁସାଲ୍ଲାମର୍ ଗଡେ ଜାଇ, ମନ୍ଦିରେ ପୁରିକରି ତେଇ ଗେନାବିକା କର୍ବା ଲକ୍ଷମନ୍କେ ତାଣ୍ଡେ ବାରକରାଇଦେଲା । ବିନ୍ ଦେସର୍ ତାବୁ ବାଦ୍ଲାଇବା ଲକ୍ଷମନ୍ ଟେବୁଲ୍ ଆରି ବିରୁ କର୍ବା ପରୁଆ ବିକ୍ବା ଲକ୍ଷମନ୍ ବସ୍ତା ପିଡ଼ା ପାସଲାଇ ପାକାଇଲା । ୧୬ ମନ୍ଦିରର୍ ତାଣ୍ଡେ ଗେନା ବିକା କର୍ବାକେ ସେ କାକେମିସା ଦେଏ ନାଇ । ୧୭ ତାର୍ ପଟେ ସେ ଲକ୍ଷମନ୍କେ ସିକାଇଦେବାବେଲେ ଏନ୍ତି କଇଲା,

“ମର୍ ମନ୍ଦିର୍ ସବୁ ଜାତିର୍ ଲକ୍ଷମନ୍ ପାର୍ତନା ଗର୍ ବଲି ନାମ୍ବାଇ ବଲି ପର୍ମେସରର୍ ବଇଟାନେ ଲେକା ଅଇଆଟେ, ମାତର୍ ତମେ ସେ ଗର୍ ଚର୍ମନ୍ ପାଆର୍ କରିଆଗାସ୍ ।”

୧୮ ତେଇ ମୁକିଅ ପୁଜାରିମନ୍ ଆରି ନିୟ୍ମ୍ ସିକାଉମନ୍ ଏ କାତା ସୁନି, ଜିସୁକେ କେନ୍ତି ମରାଇବାର୍ ଅଇସି ବଲି ଚେସ୍ଟା କର୍ତେରଇଲାଇ । ମାତର୍ ଲକ୍ଷମନ୍କେ ଡର୍ତେରଇଲାଇ । କାଇକେବଇଲେ ଲକ୍ଷମନ୍ ସେ ସିକାଇଦେବା ବିସଇ କାବା ଅଇକରି ବେସି ମନ୍ କରି ସୁନ୍ତେରଇଲାଇ ।

୧୯ ଆରି ସେଦିନର୍ ସଙ୍ଗ୍ ଅଇଲାକେ ଜିସୁ ଆରି ତାର୍ ସିସ୍ତାମନ୍ ଜିରୁସାଲ୍ଲାମ୍ ନଅରେଅନି ବାରଇକରି ଉଟିଗାଲାଇ ।

## ତୁମ୍ବରି ଗଟକେ ଅନି ସିକିଆ

(ମାତିଉ ୨୧:୨୧-୨୨)

୨୦ ତାର ଆରକର ଦିନର ସାକାଲେ ବାଉଡ଼ି ଆଇବାବେଲେ, ଏଦେ ଦେକା ! ସେ ତୁମ୍ଭରିଗର୍ ବୁନ୍ଦେଅନି ଟିପେଜାକ ସୁକି ଜାଇରଇଲାଟା ଦେକଲା । ୨୧ ସେବେଲା ଜିସୁ ଆଗୁଡୁ କଇରଇଲା କାତା ପିତର ଏତାଇକରି ତାକେ କଇଲା, “ଏ ଗୁରୁ ଜନ୍ ତୁମ୍ଭରି ଗର୍ବକେ ତମେ ସାଇପୁ ଦେଇରଇଲାସ, ସେ ଗର୍ ସୁକିଗାଲା ଆତେ ।”

୨୨ ଜିସୁ ସେମନ୍ତକେ କଇଲା, “ତମେ ପର୍ଯ୍ୟେସରର୍ ତେଇ ବିସ୍ବାସ କରିରୁଆ । ୨୩ ଯୁଇ ତମ୍ଭକେ ସତ୍ କାତା କଇଲିନି, ଜେ ନିଜର୍ ମନେ ଅଇସି କି ନଏ ବଲିକରି ଏନେ ତେନେ ନ ଅଇ, ସେ କଇବା କାତାଇ ବିସ୍ବାସ କରି, ‘ଏ ତଙ୍ଗର୍ ଉଲଟିକରି ସମ୍ବୁରେ ଜାଇ ଅଦର୍ ।’ ବଲି କଇଲେ ସେଟା ସେନ୍ତାରି ଅଇସି । ୨୪ ସେଟାର୍ପାଇ ମୁଇ ତମ୍ଭକେ କଇଲିନି, ତମେ ପାର୍ତନାଇ ଜନ୍ଟା ମିଲ୍ସି ବଲି ବିସ୍ବାସ କରି ମାଙ୍ଗ୍ଲେ, ସେଟା ତମ୍ଭକେ ମିଲ୍ସି । ୨୫ ଯାତର୍ ତମେ ପାର୍ତନା କରବା ବେଲେ ତମର୍ ମନେ କାର୍ ବିରଦେ ମିସା କାଇ କାତା ରଇଲେ, ତାକେ କେମା ଦିଆସ । ଏନ୍ତି କଲେ ତମର୍ ସରଗର୍ ବାବା ମିସା ତମ୍ଭକେ ତମର୍ ପାପେଅନି କେମା ଦେଇସି । ୨୬ ଯାତର୍ ତମେ କେମା ନ କଲେ, ତମର୍ ସରଗର୍ ବାବା ମିସା ତମ୍ଭକେ କେମା ନ ଦେଏ ।” \*

**ଜିସୁର ଅଦିକାର ବିସଇନେଇ ପର୍ସନ୍**  
(ମାତିଉ ୨୧:୨୩-୨୭; ଲୁକ୍ ୨୦:୧-୮)

୨୭ ସେମନ୍ ଆରିତରେକ୍ ଜିରୁସାଲାମେ ଆଇଲା । ଜିସୁ ମନ୍ଦିରର୍ ଦୁଆରେ ବୁଲିବାବେଲେ ମୁକିଅ ପୁଜାରିମନ୍, ନିୟ୍ ସିକାଉମନ୍ ଆରି ପାର୍ତନିମନ୍ ତାର ଲଗେ ଆସି ପାଟାରଲା, ୨୮ “ତୁଇ କାଇ ଅଦିକାରେ ଏ ସବୁ କାମ୍ମନ୍ କଲୁସି ? ଆରି ଏ ସବୁ କାମ୍ମନ୍ କରବାକେ ତକେ କେ ଅଦିକାର ଦେଲାଆତେ ?”

୨୯ ଯାତର୍ ଜିସୁ ସେମନ୍ତକେ କଇଲା, “ମୁଇ ମିସା ତମ୍ଭକେ ଏକାଇ ଗଟେକ୍ ସେ ପର୍ସନ୍ ପାଟାର୍ବି, ସେ ପର୍ସନ୍ ଉତର୍ ତମେ କଇଲେ, ମୁଇ ଏ ସବୁ କାମ୍ କନ୍ ଅଦିକାରେ କଲିନି, ସେଟା ତମ୍ଭକେ କଇବି । ୩୦ ଜଅନ୍ ତୁବନ୍ ଦେବା ଅଦିକାର ସରଗର୍ ପର୍ଯ୍ୟେସରର୍ଟାନେଅନି ଆସିରଇଲା କି ଲକ୍ମନର୍ ଟାନେଅନି ଆସିରଇଲା ? ଏଟା ମକେ କୁଆ ।” ବଲି କଇଲା ।

୩୧ ତେଇ ସେମନ୍ ନିଜର୍ ନିଜର୍ ବିତ୍ରେ କୁଆବଲା ଅଇଲା, “ଆମେ ଜଦି ସରଗର୍ ପର୍ଯ୍ୟେସରର୍ ଟାନେଅନି ବଲି କଇରୁ ବଇଲେ, ସେନ୍ତାର୍ ଆଲେ ତମେ ଜଅନ୍ ଜନ୍ଟା କଇଲା ସେଟା କାଇକେ ବିସ୍ବାସ କରାସ ନାଇ ? ବଲିକରି ଜିସୁ ଆମକେ କଇସି । ୩୨ ଯାତର୍ ଲକ୍ମନର୍ଟାନେଅନି ବଲି କଇବାକେ ଆମକେ ତର୍ ଲାଗ୍ଲାନି । କାଇକେ ବଇଲେ ଜଅନ୍ ଗଟେକ୍ ବବିସତ୍ବକତା ବଲି ସେମନ୍ ସବୁଲକ୍ ବିସ୍ବାସ କଲାଇନି ।” ୩୩ ସେଟାର୍ପାଇ ସେମନ୍ ଆମେ ନାଜାନୁ । ବଲି ଜିସୁକେ କଇଲା । ତାର୍ପତେ ଜିସୁ ସେମନ୍ତକେ କଇଲା, “ଏନ୍ତି ବଇଲେ ମୁଇ ମିସା କନ୍ ଅଦିକାରେ ଏସବୁ କାମ୍ କଲିନି, ସେଟା ତମ୍ଭକେ ନ କଇ ।”

**୧୨**

**ଅଙ୍ଗୁର୍ ଚାସ୍ ଆରି ଆଦିବାଗ୍ କରବା ଚାସିମନ୍**  
(ମାତିଉ ୨୧:୩୩-୪୬; ଲୁକ୍ ୨୦:୯-୧୯)

୧ ତାର୍ପତେ ଜିସୁ ଲକ୍ମନକେ ବୁଜାଇବାକେ କେତେଟା କାତାନି କଇବାର୍ ଦାରଲା । ପର୍ତୁମ୍ କାତାନି ଅଇଲାନି, ଗଟେକ୍ ଲକ୍ ଗଟେକ୍ ଅଙ୍ଗୁର୍ବାଡ୍ ତିଆରକରି, ତାର୍ ଚାରିବେଡ୍ଡି ବାଡ୍ ବୁନ୍ଲା, ଆରି ଅଙ୍ଗୁର୍ ପିଲିବାକେ ଗଟେକ୍ କୁଣ୍ଡି ତିଆରକଲା । ବାଡ୍ ଜାଗ୍ବାକେ ଗଟେକ୍ ଚାଙ୍ଗ୍ ତିଆରକଲା । ଚାସ୍ କରବା ଲକ୍ମନକେ ବାଡ୍ ଆଦିବାଗ୍ କରବାକେ ଦେଇକରି, ସେ ଗଟେକ୍ ବିନ୍ ଦେସେ ଉଟିଗାଲା । ୨ ତାର୍ପତେ ଅଙ୍ଗୁର୍ ତଲ୍ବା ବେଲା ଆଇଲାକେ, ସାଉକାର୍ ତାର୍ ଗଟେକ୍ ଗତିଦାଙ୍ଗ୍ତାକେ ଅଙ୍ଗୁର୍ପଲର୍ ବାଗ୍ ବାଟା ପାଇବାକେ ଚାସିମନ୍ରଲଗେ ପାଟାଇଲା । ୩ ଯାତର୍ ଚାସି ଲକ୍ମନ୍, ସାଉକାର୍ ପାଟାଇଲା ଗତିଦାଙ୍ଗ୍ତାକେ ଦାରିକରି ମାରିପାକାଇଲା ଆରି କାଇଟା ନ ଦେଇ ରୁଟା ଆତେ ପାଟାଇଦେଲା । ୪ ସାଉକାର୍ ତାର୍ ଆରିଗଟେକ୍ ଗତି ଦାଙ୍ଗ୍ତାକେ ଚାସିମନ୍ ଲଗେ ପାଟାଇଲା । ଚାସି ଲକ୍ମନ୍ ସେ ଗତିଦାଙ୍ଗ୍ତାକେ ମିସା ମୁଣ୍ଡ ପୁଟ୍ତେ ମାର୍ଲା ଆରି ଇଜଡ୍ ଜିକ୍ଲା । ୫ ସାଉକାର୍ ଆରି ଗଟେକ୍ ଗତିଦାଙ୍ଗ୍ତାକେ ପାଟାଇଲା ଜେ, ଚାସିଲକ୍ମନ୍ ତାକେ ମର୍ତ୍ତେ ମାରିଦେଲା । ତାର୍ପତେ ସାଉକାର୍ ଆରି ଗାଦି ଗତିଦାଙ୍ଗ୍ତାମନ୍ତକେ ପାଟାଇଲା ଜେ କେତେଟା ଗତିଦାଙ୍ଗ୍ତାମନ୍ତକେ ମାର୍ଲା ଆରି କେତେଟାକେ ମର୍ତ୍ତେ ମାରିପାକାଇଲା । ୬ ଏବେ ସାଉକାର୍ ଲଗେ ଗଟେକ୍ ଲକ୍ସେ ରଇଲା, ତାର୍ ନିଜର୍ ଆଲାଦର୍ ପିଲା । ମର୍ ପିଲାକେ ଚାସିଲକ୍ମନ୍ ନାମ୍ବାଇ ଆକା ଆରି ମର୍ ବାଗ୍ ପାଟାଇଦେବାଇ । ବଲି ବାବିକରି ସେ ସାରାସାରି ତାର୍ ପିଲାକେ ଚାସିମନ୍ ଲଗେ ପାଟାଇଲା । ୭ ଯାତର୍ ଚାସିମନ୍ ନିଜର୍ ନିଜର୍ ବିତ୍ରେ କାତା ଅଇଲା, “ଏ ଲକ୍ ତା ଆମର୍ ସାଉକାର୍ ଗଟେକ୍ ବଲି ପିଲା, ଆସା ଆମେ ଆକେ ମର୍ତ୍ତେ ମାର୍ଲେ ଏ ବାଡ୍ ଆମର୍ ଅଇଜାଇସି ।” ୮ ଆରି ଚାସିମନ୍ ସାଉକାର୍ ପିଲାକେ ଦାରିକରି ମର୍ତ୍ତେ ମାରି ଅଙ୍ଗୁର୍ ବାଡ୍ ସେପାଟେ ପିଙ୍ଗିଦେଲା ।

☆ ୧୧:୨୩ ୧୧:୨୩ ମାତିଉ ୧୭:୨୦; ୧ମ କରନ୍ତ୍ରିୟ ୧୩:୨    ☆ ୧୧:୨୫ ୧୧:୨୫ ମାତିଉ ୬:୧୪,୧୫    \* ୧୧:୨୬ ୧୧:୨୬ କେତକ୍ ପୁରନା ଲେକାଇ ଏ ପଦ୍ ନାଇ



୯ ଏ କାତାନି କଇସାରାଇଲା ପତେ, ଜିସୁ ସେମନ୍‌କେ ପାଚାରଲା, “ଏନ୍ତି ବଇଲେ ଅଙ୍ଗୁର୍ ବାଡର୍ ସାଉକାର କାଇଟା କରସି ? ସେ ଆସିକରି ଚାସିମନ୍‌କେ ମରତେ ମାରସି । ଆରି ଅଙ୍ଗୁର୍ ବାଡ୍ ବିନ୍ ଲକ୍‌ମନ୍‌କେ ଆଦିବାଗ୍ କରବାକେ ଦେଇସି ।

୧୦ “ଗର୍ ବାନ୍‌ବା ଲକ୍‌ମନ୍ ଜନ୍ ପାକ୍‌ନା ନଏଁ ବଲି ଚାଡ୍‌ଲାଇ,  
ସେ ପାକ୍‌ନା ମୁକିଆ ପାକ୍‌ନା ଅଇଲା ବଲିକରି  
ତମେ ପର୍‌ମେସରର୍ ବଇତେଇ ପତାସ୍ ନାଇ କି ?”

୧୧ ଏ ବିସଇ ମାପୁରୁ କରିଆଚେ,  
ଏଟା ଆମର୍ ପାଇ କାବାଅଇଜିବା ବିସଇ ।

୧୨ ତେଇ ଜିଉଦି ଲକ୍‌ର୍ ମୁକିଆ ପୁଜାରିମନ୍ ଜିସୁକେ ବାନ୍‌ନେବାକେ ବାଟ୍ କନ୍‌ଲାଇ । କାଇକେବଇଲେ ଜିସୁ ଆମର୍ ବିରଦେ ଏ କାତାନି କଇଲାଇନି ବଲିକରି ସେମନ୍ ଜାନିରଇଲାଇ । ମାତର୍ ଲକ୍‌ମନ୍ ଆମ୍‌କେ କାଇ କାଇଟା କରବାଇ । ବଲିକରି ଡରି, ତାକେ ଚାଡିକରି ଡଟିଗାଲାଇ ।

**ସିସ୍ତୁମାଙ୍ଗୁମନ୍ ବାନ୍‌ବା ବିସଇ ନେଇ ସିକିଆ**  
(ମାତିଉ ୨୨:୧୫-୨୨; ଲୁକ୍ ୨୦:୨୦-୨୨)

୧୩ ତାର୍‌ପତେ ଜିସୁକେ ତାର୍ କାତାଇ ବୁଲ୍ ଦାର୍‌ବାକେ ଜିଉଦି ନେତାମନ୍ କେତେଟା ପାରୁସି ଦଲର୍ ଲକ୍‌ମନ୍‌କେ ଆରି ଏରଦ୍ ରାଜାର୍ କେତେଟା ଲକ୍‌ମନ୍‌କେ ତାର୍ ଲଗେ ପାଟାଇଲାଇ । ୧୪ ସେମନ୍ ଜିସୁର୍ ଲଗେ ଆସିକରି, “ଏ ଗୁରୁ ତମେ ସଡ୍ କାତା କଇଲାସିନି ଆରି କାକେ ମିସା ନ ତରାସ୍, ସବୁ ଲକ୍‌ମନ୍‌କେ ସମାନ୍ ଇସାବେ ଦେକ୍‌ଲାସିନି ବଲି ଆମେ ଜାନିଆରୁ । କାଇକେବଇଲେ ତମେ ଲକ୍‌ମନ୍‌ର୍ ଇସାବେ ନାଇ, ମାତର୍ ସଡ୍ ବାବେ ସିକାଇଲାସିନି । ଏବେ ଆମ୍‌କେ କୁଆ, ରମିଅ ରାଜାକେ ସିସ୍ତୁ ଦେବାଟା ନିୟମ୍ କି ନାଇ ?”

୧୫ “ଆମେ ସିସ୍ତୁ ବାନ୍‌ବୁ କି ନାଇ ?” ଜିସୁ ସେମନ୍‌ର୍ ମନ୍‌ବିଡ୍‌ରର୍ କୁଟ୍ କାତା ବୁଜିକରି ସେମନ୍‌କେ କଇଲା, “କାଇକେ ତମେ ମକେ ପାନ୍‌ସେ ପାକାଇବାକେ ଚେସ୍‌ଟା କଲାସିନି ? ରମିୟ୍ ସରକାରର୍ ଗଟେକ୍ ଅଦ୍‌ଲି ତାରୁ ମର୍ ଲଗେ ଆନା, ମୁଇ ସେଟା ଦେକ୍‌ବି ।” ୧୬ ସେମନ୍ ଗଟେକ୍ ଅଦ୍‌ଲି ତାରୁ ଆନ୍‌ଲାକେ ଜିସୁ ପାଚାରଲା, “ଏ ତାରୁ ଉପରେ କାର୍ ମୁରତି ଆରି ନାଉଁ ଲେକା ଅଇଆଚେ ?” ସେମନ୍ କଇଲାଇ, “ରମିୟ୍ ରାଜାର୍ ମୁରତି ଆରି ତାର୍ ନାଉଁ ଲେକା ଅଇଲାଆଚେ ।”

୧୭ ଜିସୁ କଇଲା, “ଏନ୍ତି ବଇଲେ ଜନ୍‌ଟା ରମିୟ୍ ରାଜାର୍, ସେଟା ରମିୟ୍ ରାଜାକେ ଆରି ଜନ୍‌ଟା ପର୍‌ମେସରର୍, ସେଟା ପର୍‌ମେସର୍କେ ଦିଆସ୍ ।” ଏ କାତା ସୁନିକରି ସେମନ୍ କାବା ଅଇଗାଲାଇ ।

**ମଲାଟାନେଅନି ଉଟ୍‌ବା ବିସଇ**  
(ମାତିଉ ୨୨:୨୩-୩୩; ଲୁକ୍ ୨୦:୨୭-୪୦)

୧୮ ତାର୍‌ପତେ ମଲାଟାନେଅନି ଉଟ୍‌ବା ବିସଇ, ବିସ୍‌ବାସ୍ ନ କରବା ସାଦୁକି ଦଲର୍ ଲକ୍‌ମନ୍ ଜିସୁର୍ ଲଗେ ଆସିକରି ଏ ପର୍‌ସନ୍ ପାଚାରଲାଇ । ୧୯ “ଏ ଗୁରୁ, ଜଦି ଗଟେକ୍ ଲକ୍ ବିବାଅଇକରି ପିଲାଜିଲା ନ ଅଇତେ ମରିଜାଇସି ବଇଲେ, ତାର୍ ବାଇ ସେ ମାଇଜିକେ ବିବାଅଇ ପିଲାଜିଲା ପାଇବାର୍ ଆଚେ । ଏନ୍ତି କଲେ ମରିଗାଲା ବାଇର୍ ପାଇ ସେ ପିଲାଟକିମନ୍ ତାର୍ ନାଉଁ ଦାର୍‌ବାଇ ବଲି ମସା ଆମର୍‌ପାଇ ନିଅମ୍ ଲେକିଦେଲା ଆଚେ । ୨୦ ଏନ୍ତି ସାଡ୍ ବାଇ ରଇଲାଇ, ସବୁଟାନେଅନି ବଡ୍ ବାଇ ବିବା ଅଇଲା । ମାତର୍ ପିଲାଟକି ନ ଅଇତେ ମରିଗାଲା । ୨୧ ସେଟାର୍‌ପାଇ ତାର୍ ପତର୍ ବାଇ ସେ ମାଇଜିକେ ସଙ୍ଗଇଲା । ସେ ମିସା ପିଲାଟକି ନଇତେ ମରିଗାଲା । ତାର୍‌ପତର୍ ବାଇ ମିସା ବିବା ଅଇ ପିଲାଟକି ନଇତେ ମରିଗାଲା । ୨୨ ସାଡ୍‌ବାଇ ଜାକ ସେ ମାଇଜିକେ ଗଟେକ୍ ଲକ୍‌ର୍ ପତେ ଗଟେକ୍ ଲକ୍ ବିବା ଅଇରଇଲାଇ । ସାରାସାରି ସାଡ୍ ବାଇ ଜାକ ପିଲାଟକି ନ ଅଇତେ ମରିଗାଲାଇ । ତାର୍‌ପତେ ସେ ମାଇଜି ମିସା ମରିଗାଲା । ୨୩ ସାଡ୍‌ବାଇ ଜାକ ତାକେ ବିବା ଅଇରଇଲାଇ, ତେବେ ମରିକରି ଉଟ୍‌ଲା ବେଲେ, ସେ କାର୍ ମାଇଜି ଅଇସି ? ସାଡ୍‌ବାଇ ଜାକ ତାକେ ବିବା ଅଇରଇଲାଇ ।”

୨୪ ଜିସୁ ସେମନ୍‌କେ କଇଲା, “ଦରମ୍ ସାସ୍‌ତରେ ପର୍‌ମେସରର୍ କାଇଟା ଲେକା ଅଇଲା ଆଚେ ସେ ବିସଇ, ଆରି ତାର୍ ବପୁର୍ ବିସଇ ତମେ ନାଜାନି କରା ବୁଲ୍ ବାବ୍‌ଲାସିନି । ୨୫ ଜେତେବେଲେ ଲକ୍‌ମନ୍ ମରିକରି ଆରି ତରେକ୍ ଉଟ୍‌ବାଇ, ସେବେଲେ ମୁନ୍‌ସ୍‌ପିଲାମନ୍ ବିବା ନ ଅଅଡ୍, କି ମାଇଜି ଟକିମନ୍‌କେ ବିବା ଅଇବାକେ ନ ଦେଅଡ୍ । ସେମନ୍ ସବୁଲକ୍ ସରଗର୍ ଦୁଡ୍‌ପାରା ଅଇବାଇ । ୨୬ ମଲାଟାନେଅନି ଉଟ୍‌ବା ବିସଇ ମସା ଲେକ୍‌ଲା ବଇଟାନେ ପତାସ୍ ନାଇ କି ? ପର୍‌ମେସର୍ ଜଇଲାଗ୍‌ବା ବୁଟାଇ ମସାକେ ଦେକାଇରଇଲାଜେ, ‘ମୁଇ ଅବ୍‌ରାଆମର୍, ଇସାକର୍ ଆରି ଜାକୁବର୍ ପର୍‌ମେସର୍ ।’ ବଲି କଇଲାଟା, ଲେକା ଅଇଲାଆଚେ । ମାତର୍ ଏ ଲକ୍‌ମନ୍ ସବୁ ମରିଗାଲାଇ ଆଚଡ୍ । ୨୭ ପର୍‌ମେସର୍ ମଲାଲକ୍‌ମନ୍ ମାପୁରୁ ନଏଁ । ସେ ଜିବନ୍ ରଇଲା ଲକ୍‌ମନ୍ ମାପୁରୁ । ଏ ବିସଇ ତମେ ବେସି ବୁଲ୍ ବୁଜ୍‌ଲାସିନି ।” ବଲି କଇଲା ।

☆ ୧୨:୧୮ ୧୨:୧୮ ପେରିଡ୍ ୨୩:୮

**କନ୍ ଆଦେସ୍ ବେସି ମୁକିଅ**

(ମାତିଉ ୨୨:୩୪-୪୦; ଲୁକ୍ ୧୦:୨୫-୨୮)

୨୮ ଜିସୁ ଆରି ସାବୁକି ଦଲର ଲକ୍ମନ୍ ଦଦା ପେଲା ଅଇବାବେଲେ ଗଟେକ୍ ନିୟମ୍ ସିକାଉ ତାର ଲଗେ ଆଇଲା । ଜିସୁ ଲକ୍ମନ୍ ପରସନର ଉତର ନିମାନ୍ସଙ୍ କଇବାଟା ସୁନିକରି, ତାକେ ପାଚାରଲା, “କନ୍ ଆଦେସ୍ ସବୁରଟାନେଅନି ଅଦିକ୍ ମୁକିଅ ?”

୨୯ ଜିସୁ କଇଲା, “ସବୁରଟାନେଅନି ପରତୁମର୍ ମୁକିଅ ଆଦେସ୍ ଅଇଲାନି, ସୁନା ଏ ଇସରାଏଲର ଲକ୍ମନ୍ ମାପରୁ ଆମର୍ ପରମେସର୍ ଗଟେକ୍ସେ ମାପରୁ । ୩୦ ତମେ ତମର୍ ପୁରାପୁରୁନ୍ ମନ୍ ସଙ୍ଗ୍, ପୁରାପୁରୁନ୍ ଆତମା ସଙ୍ଗ୍, ପୁରାପୁରୁନ୍ ଚିନ୍ତା ସଙ୍ଗ୍ ଆରି ପୁରାପୁରୁନ୍ ବପୁସଙ୍ଗ୍ ତାକେ ଆଲାଦ୍ କର୍ବାର୍ ଆଟେ । ୩୧ ଆରି ପତର୍ ମୁକିଅ ଆଦେସ୍ ଅଇଲାନି, ତମେ ନିଜକେ ଆଲାଦ୍ କଲାପାରା ପଡିସାର୍ ଲକ୍ମକେ ମିସା ଆଲାଦ୍ କରା । ଏ ଦୁଇଟା ଆଦେସ୍ ଚାଡିକରି ଆରି କାଇ ମିସା ମୁକିଅ ଆଦେସ୍ ନାଇ” ବଲି କଇଲା ।

୩୨ ଏ କାତା ସୁନି ସେ ଲକ୍ ଜିସୁକେ କଇଲା, “ଏ ଗୁରୁ, ପରମେସର୍ ଗଟେକ୍ ସେ, ତାକେ ଚାଡିଦେଲେ ଆରି କେ ମିସା ନାଇ । ଏ କାତା ତମେ ଟିକ୍ ବାବେ କଇଆଟାସ୍ । ୩୩ ପରମେସର୍କେ ସବୁ ମନ୍ଦେଇକରି ସବୁ ଚିନ୍ତା ଦେଇକରି ଆରି ସବୁ ବପୁ ଦେଇ ଆଲାଦ୍ କର୍ବାର୍ ଆଟେ ଆରି ନିଜକେ ଆଲାଦ୍ କଲା ପାରା ବିନ୍ ଲକ୍ମକେ ମିସା ଆଲାଦ୍ କର୍ବାର୍ଆଟେ ବଲିକରି ତମେ କଇଲା କାତା ଟିକ୍ ସେ । ଆମେ ପରମେସର୍କେ ଜେତେକ୍ ଅମ୍ କଲେ ମିସା ଆରି ଜେତେକ୍ କାଇଟା ପୁଜଲେ ମିସା, ଏ ଦୁଇଟା ଆଦେସ୍ ବେସି ମୁକିଅ ।” ବଲି କଇଲା । ୩୪ ☆ସେଲକ୍ ବେସି ବୁଦି ସଙ୍ଗ୍ ଉତର ଦେଲା ଆଟେ ବଲି ଜିସୁ ଦେକି, ତାକେ କଇଲା, “ତୁଇ ପରମେସର୍ ରାଇଜେ ପୁର୍ବା ଲଗେସେ ଆତୁସ୍ ।” ତାରପଟେ ଆରି କେ ମିସା ଜିସୁକେ ପରସନ୍ ପାଚାରବାକେ ସାଆସ୍ କରି ନାପାରଲାଇ ।

**ଜିସୁ ଦାଉଦର୍ ପିଲା**

(ମାତିଉ ୨୨:୪୧-୪୬; ଲୁକ୍ ୨୦:୪୧-୪୪)

୩୫ ଜିସୁ ଜିଉଦିମନ୍ ରୁଣ୍ଡବା ଗରର୍ ଡାଣ୍ଡେ ସିକିଆ ଦେବାବେଲେ ଲକ୍ମନ୍କେ ପାଚାରଲା, “ପରମେସର୍ ବାଟିକରି ପାଚାଇଲା ରାଜା ଦାଉଦର୍ ନାତିତିତି ବଲିକରି ନିୟମ୍ ସିକାଇଦେବା ଲକ୍ମନ୍ କେନ୍ତ୍ର କଇଲାଇନି ?” ୩୬ ଦାଉଦ୍ ସୁକଲ୍ ଆତମା ଅନି ଏନ୍ତି କଇଲା, ପରମେସର୍ ମର୍ ମାପରୁକେ କଇଲା, “ମୁଇ ତର୍ ସତ୍ତରୁମନ୍କେ ତର୍ ପାଦ୍ ତଲେ ନ ଆନ୍ବା ଜାକ ତୁଇ ମର୍ ଉଜାଆଟ୍ବାଟେ ବସି ର ।”

୩୭ “ଜଦି ଦାଉଦ୍ ରାଜା ନିଜେ ମାପରୁବଲି କଇରଇଲା ବଇଲେ ପରମେସର୍ ବାଟିକରି ପାଚାଇରଇବା ମସିଅ କେନ୍ତ୍ର ଦାଉଦର୍ ପିଲା ଅଇସି ?” ତେଇ ରଇଲା ବେସି ଲକ୍ମନ୍ ସାର୍ଦା ସଙ୍ଗ୍ ଏ କାତା ସୁନିଲାଇ ।

**ଜିସୁ ନିୟମ୍ ସିକାଉମନ୍କେ ଜାଗ୍ ରତ୍ କରାଇଲା**

(ମାତିଉ ୨୩:୩୬; ଲୁକ୍ ୨୦:୪୫-୪୬)

୩୮ ଜିସୁ ଆରି କେତେଟା ବିସଇ ସିକାଇଦେବା ବେଲେ କଇଲା, “ତମେ ନିୟମ୍ ସିକାଇଦେବା ଲକ୍ମନ୍ ପାଚାରା ଚଲାଚଲ୍ତି ନ ଅଇକରି ଜାଗ୍ ରତ୍ ସଙ୍ଗ୍ ରୁଆ । ସେମନ୍ ସନ୍ମାନ୍ ପାଇବାକେ ବେସି ତେଙ୍ଗ୍ ପଟିଆ ପିନ୍ଦିକରି ଏନେ ତେନେ ବୁଲ୍ବାଇ । ଆଟେ ବାଟେ ଲକ୍ମନ୍ ରଟାନେଅନି ଜୁଆର୍ ପାଇକରି ସନ୍ମାନ୍ ପାଇବାକେ ମନ୍ କର୍ବାଇ । ୩୯ ଜିଉଦିମନ୍ ପାର୍ତନା ଗରେ ମୁକିଅ ଜାଗାଇ, ବଜିଟାନର୍ ମୁକିଅ ଜାଗାଇ ବସବାକେ ମନ୍ କର୍ବାଇ । ୪୦ ଆରି ସେମନ୍ ରାଣ୍ଡି ମାଇଜିମନ୍କେ ନାଡାଇକରି ସେମନ୍ ଦନ୍ସପତି ଜୁରି ନେବାଇ । ସେମନ୍ ନିମାନ୍ ଲକ୍ ବଲିକରି ଦେକାଇଅଇବାକେ ବେସି ପର୍ ପାର୍ତନା କର୍ବାଇ । ଏନ୍ତି ଲକ୍ମନ୍କେ ପରମେସର୍ ବିନ୍ ଲକ୍ମନ୍ ରଟାନେଅନି ବେସି ବଡ୍ ଡଣ୍ଡ ଦେଇସି ।”

**ଗଟେକ୍ ରାଣ୍ଡିମାଇଜିର୍ ଦାନ୍ ଦେବାଟା**

(ଲୁକ୍ ୨୧:୧-୪)

୪୧ ଜିସୁ ମନ୍ଦିର୍ ବିତ୍ରେ ଜାଇକରି ଚାନ୍ଦାଦେବା ପେଡିଲଗେ ବସିକରି ଲକ୍ମନ୍ ପରମେସର୍କେ କେନ୍ତ୍ର ଚାନ୍ଦା ଦେଲାଇନି ବଲି ଦେକ୍ତେରଇଲା । ସାଉକାର୍ ଲକ୍ମନ୍ ଲଟେକ୍ ଲଟେକ୍ ତାରୁ ଦେବାଟା ଦେକ୍ଲା । ୪୨ ସାରାସାରି ଗଟେକ୍ ଗରିବ୍ ରାଣ୍ଡି ମାଇଜି ଦାନ୍ ଦେବା ପେଡିଲଗେ ଆସିକରି ଦୁଇଟା ସାନ୍ ତାମା କାସୁ ପୁରାଇଦେଲା । ସେ ଦୁଇଟା ତାରୁ ଦାମ୍ ଗଟେକ୍ ଟାଙ୍ଗାଇ ଅନି ମିସା ଉନା । ୪୩ ତାରପଟେ ଜିସୁ ତାର୍ ସିସ୍ମନ୍କେ ଲଗେ ଡାକି କଇଲା, “ମୁଇ ତମ୍କେ ସତ୍ କାତା କଇଲିନି, ଏ ସବୁ ସାଉକାର୍ ଲକ୍ମନ୍ ଦେଲା ତାରୁତେଇଅନି, ଏ ଅର୍କିଡ୍ ରାଣ୍ଡି ମାଇଜି ଅଦିକ୍ ଦେଲାଆଟେ । ୪୪ କାଇକେବଇଲେ ସବୁ ଲକ୍ମନ୍ ସେମନ୍କେ ଦର୍କାର୍ ଅଇକରି ଅଗଲ୍ଲା ତାରୁ ଦେଲାଆଟେ । ମାତର୍ ଏ ଗରିବ୍ ରାଣ୍ଡି ମାଇଜି, ସେ ବର୍ଦ୍ଦବାପାଇ ଜେଡ୍ଡକି ତାରୁ ରଇଲା, ସେ ସବୁ ଦେଲାଆଟେ” ବଲିକରି କଇଲା ।

☆ ୧୨:୩୪ ୧୨:୩୪ ଲୁକ୍ ୧୦:୨୫-୨୮

### ୧୩

ପାର୍ତନା ଗର୍ ବାଙ୍ଗାଲବା ବିସଇନେଇ ଜିସୁ କଇଲା କାତା  
(ମାଡିଉ ୨୪:୧-୨; ଲୁକ୍ ୨୧:୫-୬)

୧ ଜିସୁ, ଜିଉଦିମନର୍ ପାର୍ତନା ଗରେଅନି ବାରଇକରି ଜିବାବେଲେ ତାର୍ ଗଟେକ୍ ସିସ୍ ତାକେ କଇଲା, “ଏ ଗୁରୁ ଏଦେ ଦେକା ! ବଡ଼ ବଡ଼ ପାକ୍ନାଇ ମନ୍ଦିର୍ କେତେକ୍ ସୁନ୍ଦର୍ ଅଇ ତିଆର୍ ଅଇଲାଆତେ !”

୨ ଜିସୁ ତାକେ କଇଲା, “ତୁଇ ଏ ବଡ଼ ବଡ଼ ପାକ୍ନାଇ ତିଆର୍ ଅଇଲା ପର୍ମେସରର୍ ଗର୍ ଦେକ୍ଲୁସନି ? ଏ ସବୁ ଗର୍ ନସ୍ତ ଅଇଜାଇସି । ସବୁ ପାକ୍ନାମନ୍ ତୁଲିକରି ମାଟିତେଇ ଏନେତେନେ ଅଇଜାଇସି, ଗଟେକ୍ ପାକ୍ନା ଆରି ଗଟେକ୍ ପାକ୍ନାର ଉପରେ ନ ରଏ ।”

ଜିସୁ ସାରାସାରି ଦିନେ ଗଟ୍‌ବା ବିସଇ କଇଲା  
(ମାଡିଉ ୨୪:୩-୧୪; ଲୁକ୍ ୨୧:୭-୧୯)

୩ ତାର୍‌ପତେ ଜିସୁ ପର୍ମେସରର୍ ଗରର୍ ମୁଆଟେ ରଇଲା ଜିଡ଼ ନାଉର୍ ଗଟ୍‌ମନ୍ ରଇବା ତଙ୍ଗରେ ବସିରଇଲା । ସେବେଲା ପିତର୍, ଜାକ୍ସ୍, ଜଅନ୍ ଆରି ଆନ୍ଦ୍ରିୟ୍, କେ ନ ରଇଲାବେଲେ ତେଇ ଆସିକରି ତାକେ ପାଚାରୁଲାଇ । ୪ “ଏ ସବୁ ଗଟ୍‌ନା କେବେ ଅଇସି ଆରି ସବୁ ଅଇବା ଚିନ୍ଦମନ୍ କାଇଟା, ଆମ୍‌କେ କଇଦେ ।” ବଲି କଇଲାଇ ।

୫ ଜିସୁ ସେମନ୍‌କେ କଇଲା, “ତମେ ଜାଗରତ୍ ଅଇକରି ରୁଆ, ତମ୍‌କେ କେ ମିସା ନ ନାତାଅଡ଼ । ୬ କାଇକେବଇଲେ ବେସି ଲକ୍‌ମନ୍ ମର୍ ନାଉଁ ଦାରି, ସେମନ୍ କିରିସଟ ବଲି ବେସି ଲକ୍‌ମନ୍‌କେ ବୁଲ୍‌କାଇବାଇ । ୭ ମାତର୍ ଜେଡେବେଲେ ତମେ ଜୁଇଦର୍ ବିସଇ ନଇଲେ ଜୁଇଦ୍ ଇତି ଅଇସି ନଇଲେ ସିତି ଅଇସି ବଲିକରି ଲକ୍‌ମନ୍ କଇବାଟା ସୁନ୍‌ଲେ, କିଲ୍‌ବିଲ୍ ନ ଉଆ । ଏ ସବୁ ଗଟ୍‌ନା ଅଇସି, ମାତର୍ ସେଦାପ୍‌ରେ ଆକା ଜୁଗ୍ ସେସ୍ ନଏ । ୮ କାଇକେବଇଲେ, ଗଟେକ୍ ଦେସର୍ ଲକ୍‌ମନ୍ ଆରି ଗଟେକ୍ ଦେସର୍ ଲକ୍‌ମନର୍ ବିରଦେ ଜୁଇଦ୍ କର୍‌ବାଇ । ଗଟେକ୍ ରାଇଜ୍ ଆରିଗଟେକ୍ ରାଇଜର୍ ବିରଦେ ଉଟ୍‌ବାଇ । ବେସି ଜାଗାଇ ଦରତନି ବୁଲ୍‌ବୁଲ୍‌ସି, ଆରି ବେସି ଜାଗାଇ ମର୍ତି ଅଇସି । ଏସବୁ ଗଟ୍‌ନା ଗଟେକ୍ ପିଲା ଜନମ୍ ଅଇବା ଆଗତୁ ଆଇବା ଦୁକାସୁକା ପାରା ଅଇସି ।”

୯ ✨ “ଏଡ଼ି ସବୁ ଅଇବା ବେଲା ତମେ ଜାଗରତ୍ ରୁଆ । ଲକ୍‌ମନ୍ ତମ୍‌କେ ବାନ୍ଦିକରି ବିଚାର୍ କର୍‌ବା ଲକ୍‌ମନ୍‌କେ ସର୍ପିଦେବାଇ । ସେମନ୍ ନିଆଇ କର୍‌ବା ଜାଗାଇ ତମ୍‌କେ ମାରିପାକାଇବାଇ । ତମେ ମର୍ ସିସ୍ ଅଇରଇବା ଲାଗି, ସାସନ୍ କର୍‌ବା ଲକ୍‌ମନର୍‌ଟାନେ ଆରି ରାଜାମନର୍ ମୁଆଟେ ଚିଆ କରାଇବାଇ । ତମେ ମର୍‌ଟାନେ ବିସ୍‌ବାସ୍ କଲା ବିସଇ ତେଇ ସାକି ଦେଇସା । ୧୦ ଏ ସବୁ ଗଟ୍‌ନା ଅଇଜିବା ଆଗତୁ, ସବୁ ଦେସର୍ ଲକ୍‌ମନର୍ ଲଗେ, ଏ ନିମାନ୍ କବର୍ କେଟ୍‌ବାର୍ ଆତେ । ୧୧ ସେମନ୍ ତମ୍‌କେ ବାନ୍ଦିକରି ବିଚାର୍ କର୍‌ବା ବେଲେ ତେଇ କାଇଟା କଇବୁ ବଲିକରି ଆଗତୁ ଚିନ୍ତା କରାନାଇ । ତମେ କାଇଟା କଇବାର୍ ଆତେ, ସେ କାତା ପର୍ମେସର୍ ତମ୍‌କେ ସମାନ୍ ବେଲାଇ ଦେଇସି । କାଇକେବଇଲେ ସେ ବେଲାଇ ତମେ ନିଜେ ନ କୁଆସ୍ ମାତର୍ ସୁକଲ୍‌ଆଡ଼ମା ତମର୍‌ଟାନେଅନି କାତା କଇସି । ୧୨ ବାଇ ବାଇକେ ମରାଇବାତେଇ ସର୍ପିଦେବାଇ ଆରି ବାବା ପିଲାକେ ମରାଇବାତେଇ ସର୍ପି ଦେବାଇ ଆରି ପିଲାଟକିମନ୍ ତାକର୍ ମାଆ ବାବା ବିରୁଦେ ଉଟିକରି ସେମନ୍‌କେ ମରାଇବାକେ ସର୍ପିଦେବାଇ । ୧୩ ✨ ତମେ ମର୍ ସିସ୍ ଅଇରଇଲାର୍ ଲାଗି ସବୁ ଲକ୍‌ମନ୍ ତମ୍‌କେ ଗିନ୍ କର୍‌ବାଇ । ମାତର୍ ଜେ ସାରାସାରି ଜାକ ମୁର୍ତି କରି ରଇସି, ସେ ରକିଆପାଇସି ।”

ଜିସୁ ନାସ୍ କର୍‌ବା ଅସୁକଲ୍ ବିସଇ କଇଲା  
(ମାଡିଉ ୨୪:୧୫-୨୮; ଲୁକ୍ ୨୧:୨୦-୨୪)

୧୪ “ମାତର୍ ତମେ ଜେଡେବେଲା କେ ମନ୍ ନ କର୍‌ବାଟା ଆରି ନାସ୍ ଅଇବା ଦିନ୍‌ସୁ ଜନ୍‌ଟାକି ସୁକଲ୍ ଜାଗାଇ ସଙ୍ଗଇବାର୍ ନଏ, ସେ ଜାଗାଇ ସଙ୍ଗଇବାଟା ଦେକ୍‌ଲେ, ତମେ ସେ ଜାଗାଇଅନି ପାଲାଇବାର୍ ଆତେ । ଏ ବିସଇ ପଡ଼ବା ଲକ୍‌ମନ୍, ତମେ ଏ କାତା ବୁଜା । ସେବେଲେ ଜନ୍ ଲକ୍‌ମନ୍ ଜିଉଦା ରାଇଜେ ରଇବାଇ, ସେମନ୍ ତଙ୍ଗରେ ପାଲାଅଡ଼ । ୧୫ ✨ ଜଦି କେ ଗରର୍ ଚାଉନି ଉପରେ ରଇସିବଇଲେ, ସେ ଗର୍ ବିଡ଼ରେ ତାର୍ କାଇମିସା ଦିନ୍‌ସୁ ଆନ୍‌ବି ବଲିକରି ନ ଜାଅ । ୧୬ ଜଦି କେ ଚାସ୍ ରଇବା ପଦାଇ ରଇସି, ସେ ତାର୍ ଚାଦର୍ ଆନ୍‌ବାକେ ଗରେ ବାଉଡ଼ି ନ ଜାଅ । ୧୭ ଗାଗ୍‌ଡେ ରଇଲା ମାଇଜିମନର୍‌ପାଇ ଆରି ଦୁଦ୍ କୁଆଇବା ମାଇଜିମନର୍ ପାଇ ସେବେଲେ ପାଲାଇବାକେ ବେସି କସ୍‌ଟ ଅଇସି । ୧୮ ଏ ସବୁ ଗଟ୍‌ନା ସିଡ଼ ଦିନେ ନ ଅଇବାକେ ପାର୍ତନା କରା । ୧୯ ✨ କାଇକେବଇଲେ ପର୍ମେସର୍ ଏ ଦୁନିଆ ତିଆର୍‌କଲା ଦିନେଅନି ଆଜିକେ ଜାକ ସେନ୍ତାରି ଦୁକ୍ କସ୍‌ଟ ଅଏନାଇ ଆରି ପତେ କେବେମିସା ନ ଅଏ । ସେନ୍ତି ବେସି ଦୁକ୍ କସ୍‌ଟର୍ ଗଟ୍‌ନା ସେ ଦିନ୍‌ମନ୍‌କେ ଅଇସି । ୨୦ ଜଦି ପର୍ମେସର୍ ଅପର୍‌ବଲ୍ ଦୁକ୍‌ର୍ ଦିନ୍‌ମନ୍ ଉନା ନ କରି ରଇଲେ, ତେବେ ଦୁନିଆର୍ କେ ମିସା ରକିଆ ନ ପାଇକରି ମରି ଜିବାର୍ ଅଇତା । ମାତର୍ ସେ ଜନ୍ ଲକ୍‌ମନ୍‌କେ ବାଟିଆତେ ସେ ଲକ୍‌ମନର୍‌ପାଇ ସେ ଦୁକ୍‌ର୍ ଦିନ୍‌ମନ୍ ଉନା କଲାଆତେ ।”

☆ ୧୩:୯ ୧୩:୯ ମାଡିଉ ୧୦:୧୭-୨୦; ଲୁକ୍ ୧୨:୧୧, ୧୨ ☆ ୧୩:୧୩ ୧୩:୧୩ ମାଡିଉ ୧୦:୨୨ ☆ ୧୩:୧୫ ୧୩:୧୫ ଲୁକ୍ ୧୭:୩୧ ☆ ୧୩:୧୯ ୧୩:୧୯ ପର୍କାସିତ ୭:୧୪

୨୧ ସେବେଲେ କେ ଜଦି ତମ୍ଭେ ଇତି କିରିସ୍ତ ଆଚେ । ନଇଲେ ତେଇ ସେ ଆଚେ । ବଲି କଇସି, ତାକେ ବିସ୍ବାସ କରା ନାଇ । ୨୨ ସେଦିନମନ୍ତେ ମୁଇଆକା କିରିସ୍ତ । ବଲିକରି ମିତ୍ କଇବା ବବିସତ୍ କଇବାଲକ୍, ବିନ୍ ବିନ୍ ରକାମର୍ ଚିନ୍ ଆରି କାବା ଅଇଜିବା କାମମନ୍ ଦେକାଇବାଇ । ପର୍ମେସର୍ ବାଚ୍ଲା ଲକ୍ମନ୍ ତମ୍ଭେ ମିସା ନାତାଇବାକେ ଚେସ୍ତା କର୍ବାଇ । ୨୩ ସେଦିନମନ୍ତେ କାଇ କାଇଟା ଅଇସି ସେ ବିସଇନେଇ ତମେ ଜାଗ୍‌ରତ୍ ଅଇ ରୁଆ । ସେଟାପାଇ, ଦେକା ସେ ବେଲା ନ ଆଇବା ଆଗ୍ତୁ ମୁଇ ତମ୍ଭେ ଜାନାଇଦେଲିନି ।

**ଜିସୁ ଆରି ତରେକ୍ ଆଇବା ବିସଇ**  
(ମାତିଉ ୨୪:୨୯-୩୧; ଲୁକ୍ ୨୧:୨୫-୨୮)

୨୪ ✨ସେଦିନମନ୍ତେ, ସେ ଦୁକର୍ ଗଟ୍‌ନା ଅଇଲାପଚେ ବେଲ୍ ଉଜଲ୍ ନ ଦେଇକରି ଆନ୍ଦାର୍ ଅଇଜାଇସି ଆରି ଜନ୍ ମିସା ଉଜଲ୍ ନ ଦେଏ । ୨୫ ✨ତାରାମନ୍ ବାଦ୍‌ଲେଅନି ଅଦର୍ବାଇ ଆରି ବାଦ୍‌ଲେ ଉଜଲ୍ ରଇବାଟାମନ୍ତେ ପର୍ମେସର୍ ଆଲାଇଦେଇସି । ୨୬ ✨“ସେବେଲା ନର୍ପିଲା ମୁଇ, ବେସି ବପୁତେଇ ଆରି ତାକ୍‌ପୁଟା ସଙ୍ଗ୍ ବାଦ୍‌ଲ୍‌ଟାନ୍ଦେ ଆଇବାଟା ଲକ୍ମନ୍ ଦେକ୍‌ବାଇ । ୨୭ ସେବେଲା ମର୍ ଦୁଡ୍‌ମନ୍ତେ ପାଟାଈକରି ଦୁନିଆ ସାର୍‌ଲାଅନି ଆରି ସରଗ୍ ଚିଡ୍‌ଲା ତେଇଅନି ପର୍ମେସର୍ ବାଚ୍ଲା ଲକ୍ମନ୍ତେ ଚୁଲିଆଇବି ।”

**ତୁମ୍ଭରି ଗଟର୍ ସିକିଆ**  
(ମାତିଉ ୨୪:୩୨-୩୫; ଲୁକ୍ ୨୧:୨୯-୩୩)

୨୮ ✨“ଏବେ ତୁମ୍ଭରି ଗଟର୍ ଉଦାଅରନ୍ ଅନି ଏ ବିସଇ ସିକା । ଜେତେବେଲେ ତାର୍ କେନ୍ଦିଅନି ପତର୍ ପାଲୁଆନି କରି, କାଁଟାପଡ୍‌ରିଆ ଡିସ୍‌ଲେ, କାରାଦିନ୍ କେଟ୍‌ଲା ବଲିକରି ତମ୍ଭେ କେ ନ କଇଲେମିସା ଜାନାସ୍ । ୨୯ ସେକ୍ରିସେ ତମେ ଏ ସବୁ ଗଟ୍‌ନା ଦେକ୍‌ବାବେଲେ, ମୁଇ ଆଇବା ଦିନ୍ କେଟ୍‌ଲା, ବଲିକରି ଜାନ୍‌ସା । ୩୦ ମୁଇ ତମ୍ଭେ ସତ୍‌କାତା କଇଲିନି, ଏ ଗଟ୍‌ନା ନ ଅଇବାଜାକ, ଏବେ ରଇଲା ଲକ୍ମନ୍ ନ ମଚତ୍ । ୩୧ ବାଦ୍‌ଲ୍ ଆରି ତେଇ ଉଜଲ୍ ଅଇ ରଇବାଟାମନ୍, ଦୁନିଆଇ ଆରି ତେଇରଇବା ସବୁ ଦିନ୍‌ସୁ ନାସ୍ ଅଇବା ସାରାସାରି ଦିନ୍ ଆଇସି, ମାତର୍ ମର୍ ବାକିଅ କେବେ ମିସା ନ ସାରେ ।”

**ଜିସୁ ଆଇବା କବର୍ କେ ନାଜାନତ୍**  
(ମାତିଉ ୨୪:୩୬-୪୪)

୩୨ ✨“ମାତର୍ ସବୁ ଗଟ୍‌ନା କେବେ ଆରି ଜେତେବେଲା ଅଇସି ବଲିକରି କେ ମିସା ନାଜାନତ୍ । ସରଗର୍ ଦୁଡ୍ କି ସତ୍ ମାପୁରୁର୍ ପିଲା ମୁଇ ମିସା ନାଜାନି । ମର୍ ବାବା ପର୍ମେସର୍ ଗଟେକ୍ ଲକ୍‌ସେ ଜାନିଆଚେ । ୩୩ ସେ ଦିନ୍ କି ବେଲା କେବେ ଆଇସି, ସେଟା ତମେ କେ ନାଜାନାସ୍ । ସେଟାପାଇ ତମେ ଜାଗ୍‌ରତ୍ ଅଇ ତିଆର୍‌ଅଇ ରୁଆ । ୩୪ ✨ମୁଇ ଆଇବା ଦିନ୍, ଏକ୍ରି ଗଟେକ୍ ଲକ୍ ତାର୍ ଗର୍ ଚାଡି ବିନ୍ ଦେସେ ଜିବା ବିସଇ ସମାନ୍ କରିଅଇସି । ସେ ନିଜର୍ ଗତିଦାଙ୍ଗ୍‌ତାମନ୍ତେ ତାକିକରି ସେମନ୍ କାଇ କାଇ କାମ୍ କର୍‌ବାଟାଆଚେ, ସେ ସବୁ ବିସଇ ସେମନ୍ତେ କଇଲା । ବାଟ୍ ତିଆଗତି ଜାଗ୍‌ବା ଗତିଦାଙ୍ଗ୍‌ତାକେ ତାକିକରି ସେ ବାଉଡି ଆଇବା ଜାକ ଜାଗିକରି ରଇବାକେ କଇକରି ଗାଲା । ୩୫ ତମେମିସା ଜାଗୁଆଲର୍ ପାରା ଜାଗ୍‌ରତ୍ ଅଇ ରୁଆ । କାଇକେବଇଲେ ସାଉକାର୍ ସଞ୍ଜ୍‌ବେଲା, କି ମଜାରାତି, କି କୁକ୍‌ତାତାକେ କି ସାକ୍‌ଲିଆ ଆଇସି ସେଟା ତମେ ନାଜାନାସ୍ । ୩୬ ଜଦି ସେ ଅଟାଡ୍ ଆସିକରି ଦେକ୍‌ଲାବେଲେ, ତମେ ଇସରାଇଲର୍ ଲକ୍ମନ୍ତର୍ ପାରା ରଇବାଟା ସେ ଦେକ୍‌ବାର୍‌ନାଇ । ୩୭ ମୁଇ ତମ୍ଭେ କାଇଟା କଇଲିନି, ସେ ବିସଇସେ ସବୁ ଲକ୍‌କେ କଇଲିନି । ମୁଇ ଆଇବା ଦିନ୍‌ପାଇ ତିଆର୍ ଅଇକରି ସବୁବେଲା ଜାଗ୍‌ରତ୍ ଅଇକରି ରୁଆ ।”

**୧୪**

**ଜିସୁକେ ମରାଇବାକେ ଜିଉଦି ନେତାମନ୍ତର୍ ଜଜ୍‌ନା**  
(ମାତିଉ ୨୬:୧-୫; ଲୁକ୍ ୨୨:୧-୬; ଜଅନ୍ ୧୧:୪୫-୫୩)

୧ ନିସ୍‌ତାର୍ ପରବ୍ ଆରି କମିର୍ ନ ମିସାଇ ରୁଚି କାଇବା ପରବ୍ ଅଇବାକେ ଆରି ଦୁଇଦିନ୍ ବାକିରଇଲା । ସେବେଲେ ମୁକିଅ ପୁଜାରିମନ୍ ଆରି ନିୟ୍‌ମ୍ ସିକାଉମନ୍ କେ ନାଜାନତେ ଜିସୁକେ କେକ୍ରି ବନ୍ଦିକରି ମରାଇଅଇସି ବଲିକରି ରୁଦି ପାଟ୍‌ତେରଇଲାଇ । ୨ ମାତର୍ ସେମନ୍ କଇଲାଇ, “ପରବ୍ ଦିନ୍‌ମନ୍ତେ ତାକେ ବନ୍ଦିକରି ନର୍ସ । କାଇକେବଇଲେ ଲକ୍ମନ୍ତ୍ ଗଣ୍ଡିଗଲ୍ କର୍‌ବାଇ ।”

**ଗଟେକ୍ ମାଇଜି ଜିସୁକେ ନାମ୍‌ଲା**  
(ମାତିଉ ୨୬:୬-୧୩; ଜଅନ୍ ୧୨:୧-୮)

✨ **୧୩:୨୪** ୧୩:୨୪ ପର୍‌କାସିତ ୬:୧୨ ✨ **୧୩:୨୫** ୧୩:୨୫ ପର୍‌କାସିତ ୬:୧୩ ✨ **୧୩:୨୬** ୧୩:୨୬ ପର୍‌କାସିତ ୧:୭ ✨ **୧୩:୩୨** ୧୩:୩୨ ମାତିଉ ୨୪:୩୬ ✨ **୧୩:୩୪** ୧୩:୩୪ ଲୁକ୍ ୧୨:୩୬-୩୮

୩ ✨ଜିସୁ ବେତ୍ତନିଆ ଗତେ ଆଗତୁ ବଡ଼ ରଗ୍ ଅଇଲା ସିମନର୍ ଗରେ କାଇବାକେ ବସ୍ତାବେଲେ, ଗଟେକ୍ ମାଇଜି କାଁରେ ବେସି ଦାମ୍ ଦେବା ବାସ୍ତନା ଚିକନ୍ ଆନିକରି କାଁତର୍ ଗାଲା ବାଙ୍ଗାଲ, ଜିସୁର୍ ମୁଣ୍ଡେ ରକଇଦେଲା । ୪ ମାତର୍ ତେଇ ରଇବା କେତେକ୍ ଲକ୍ମନ୍ ରିସାଅଇ ନିଜର୍ ନିଜର୍ ବିତ୍ତରେ କାତା ଅଇଲାଇ, “ଏ ଚିକନ୍ କାଇକେ ବେକାର୍ ବେକାର୍ ନସ୍ତ କରି ପାକାଇଲାନି ? ୫ ଏଟା ବର୍ସେକର୍ କାମାଇଲାତେଇଅନି ଅଦିକ୍ ତାରୁକେ ବିକି ଗରିବ୍ ଲକ୍ମନ୍କେ ଦେବାର୍ ଅଇତା ।” ବଲିକରି ସେମନ୍ ସେ ମାଇଜିକେ ବେସି କଇପାକାଇଲାଇ ।

୬ ମାତର୍ ଜିସୁ ସେମନ୍କେ କଇଲା, “ସେ ମାଇଜିକେ ଚାଡ଼ିଦିଆସ୍, କାଇକେ ତାକେ ଲାଗିକରି କସ୍ତ ଦେଲାସ୍ନି ? ସେ ମର୍ପାଇ ନିକ କାମ୍ କଲାଆତେ । ୭ କାଇକେବଇଲେ, ଗରିବ୍ ଲକ୍ମନ୍ ସବୁବେଲା ତମର୍ସଙ୍ଗ୍ ଆତଡ଼ । ତମେ ଜେଡେବେଲା ମନ୍କଲେ, ସେଡେବେଲା ସେମନ୍କେ ସାଇଜ କରପାରାସ୍ । ମାତର୍ ମୁଇ ଆରି ବେସିଦିନ୍ ତମର୍ ସଙ୍ଗ୍ ନ ରଇ । ୮ ଏ ମାଇଜି ଜେଡକି ପାରଲା, ସେଡକି କଲାଆତେ । ସେ ମର୍ ମଲା ଗାଗଡ଼ ମସ୍ନେ ତପ୍ବା ଆଗତୁ ଚିକନ୍ ଲାଗାଇଦେଲା ଆତେ । ୯ ମୁଇ ତମ୍କେ ସଡକାତା କଇଲିନି, ଗୁଲାଇ ଜଗତେ ଜନ୍ ଜାଗାଇ ମିସା ମାପୁରୁର୍ ନିକ କବର୍ ଜାନାଇଅଇସି । ଏ ମାଇଜି ଜାଇଟା କଲାଆତେ, ତାକେ ଏତାଇକରି ସେଟା ମିସା କଇବାଇ ।”

**ଜିସୁକେ ସଡ଼ୁମନ୍କେ ସର୍ପି ଦେବାକେ ଜିଉଦାର ରାଜି  
(ମାଡିଉ ୨୭:୧୭-୨୫; ଲୁକ୍ ୨୨:୩-୬)**

୧୦ ତାର୍ପତେ ଜିସୁର୍ ବାଟଟା ସିମନର୍ ବିତ୍ତରେଅନି ଇସ୍କାରିୟଡ଼ ଜିଉଦା ନାଉର୍ ଗଟେକ୍ ସିସ୍ ଜିସୁକେ ମୁକିଅ ପୁଜାରିମନ୍ ଆତେ ଦାରାଇଦେବାକେ ରାଜିଅଇକରି ସେମନ୍ ଲଗେ ଗାଲା । ୧୧ ସେ ମୁକିଅ ପୁଜାରିମନ୍ ଜିଉଦାର କାତା ସୁନିକରି ବେସି ସାର୍ଦା ଅଇଗାଲାଇ । ଏ କାମ୍ କଲେ ସେମନ୍ ଇସ୍କାରିୟଡ଼ ଜିଉଦାକେ ତାରୁ ଦେବୁ ବଲିକରି ପର୍ମାନ୍ କରି କଇଲାଇ । ସେଟାର୍ପାଇ ଇସ୍କାରିୟଡ଼ ଜିଉଦା ଜିସୁକେ ମୁକିଅ ପୁଜାରିମନ୍କେ ଦାରାଇ ଦେବାକେ ବେଲା କଇଲା ।

**ରକିଆ ପାଇବା ପରବର୍ ବଜି  
(ମାଡିଉ ୨୭:୧୭-୨୫; ଲୁକ୍ ୨୨:୭-୧୪; ୨୧-୨୩; ଜଅନ୍ ୧୩:୨୧-୩୦)**

୧୨ କମିର୍ ନ ମିସାଇକରି ରୁଟି ତିଆରକରି କାଇବା ବଜିର୍ ପରବର୍ ପର୍ତୁମ୍ ଦିନେ, ରକିଆ ପାଇବା ପରବେ ମେଣ୍ଡାପିଲା ପୁଜୁବାଇ । ସେଦିନେ ଜିସୁର୍ ସିମନ୍ ତାକେ “ତର୍ପାଇ ରକିଆ ପାଇବା ପରବର୍ ବଜି ସବୁ ଟିକ୍ କର୍ବାକେ ଆମେ କନ୍ ଜାଗାଇ ଜିବୁ ବଲିକରି ତୁଇ ମନ୍ କଲୁସ୍ନି ?”

୧୩ ସେଟାର୍ପାଇ ଜିସୁ ତାର୍ ଦୁଇଟା ସିମନ୍କେ ଡାକିକରି କଇଲା ତମେ ଗତେ ଜା । ତେଇ ଗଟେକ୍ ବଡ଼ଟା ଆଣ୍ଡିତେଇ ପାନି ନେବା ଲକ୍କେ ଦେକ୍ସା । ତମେ ତାର୍ ପତେ ପତେ ଜା । ୧୪ ସେ ପାନିନେବା ଲକ୍ ଗଟେକ୍ ଗରେ ପୁର୍ସି । ତମେ ମିସା ସେ ଗର୍ ବିତ୍ତରେ ପୁରିକରି ସେ ଗରର୍ ସାଉକାର୍କେ କୁଆ, “ଆମର୍ ଗୁରୁ ପାଟାରଲାନି, ମୁଇ ମର୍ ସିମନ୍ ସଙ୍ଗ୍ ରକିଆ ପାଇବା ପରବର୍ ବଜି କର୍ବା ବାକ୍ରା କନ୍ତି ଆତେ ? ୧୫ ସେ ଗରର୍ ସାଉକାର୍ ତମ୍କେ ଗର୍ ଉପ୍ରେ ରଇବା ନିମାନ୍ ସଜାଇଅଇରଇଲା ଗଟେକ୍ ବଡ଼ଟା ବାକ୍ରା ଦେକାଇଦେଇସି । ତେଇ ଆମର୍ପାଇ କାଇବା କାଦି ତିଆରକରା ।” ବଲି ପାଟାଇଲା ।

୧୬ ତାର୍ ପତେ ଦୁଇଟା ସିମନ୍ ସେ ଗରେ ଗାଲାଇ । ତେଇ ଜିସୁ ସେମନ୍କେ ଜେଣ୍ଡି କଇରଇଲା, ସବୁ ସେଣ୍ଡି ଦେକ୍ଲାଲ । ସେଟାର୍ପାଇ ସେମନ୍ ତେଇ ନିସ୍ତାର୍ ପରବର୍ ବଜି ତିଆରକଲାଇ ।

୧୭ ସଞ୍ଜ ଅଇଲାକେ ଜିସୁ ତାର୍ ସିମନ୍କେ ଡାକିନେଇ ତେଇ କେର୍ଲା । ୧୮ ସେମନ୍ ବସି କାଇବାବେଲେ ଜିସୁ କଇଲା, “ମୁଇ ତମ୍କେ ସଡକାତା କଇଲିନି, ଏବେ ତମର୍ ବିତ୍ତରେଅନି ଗଟେକ୍ ଲକ୍ ଜେକି ଆମର୍ ସଙ୍ଗ୍ କାଇଲାନି, ସେ ମକେ ସଡ଼ୁମନ୍କେ ଦାରାଇଦେଇସି ।” ୧୯ ଏ କାତା ସୁନିକରି ସିମନ୍ ବେସି ମନ୍ଦୁକ୍ ଅଇଲାଇ । ସବୁଲକ୍ ଗଟେକ୍ ଗଟେକ୍ ଅଇକରି ଜିସୁକେ ସେଲକ୍ ମୁଇ କି ? ବଲିକରି ପାଟାରଲାଇ । ୨୦ ଜିସୁ ସେମନ୍କେ କଇଲା, “ତମର୍ ବାର ଲକ୍ ବିତ୍ତରେଅନି ଜନ୍ ଲକ୍ ମର୍ସଙ୍ଗ୍ ଗିନାତେଇ ରୁଟି ଚବାଲିଆତେ, ସେ ଆକା ।” ୨୧ “ମର୍ ବିସଇ ପର୍ମେସରର୍ ସାସ୍ତରେ କେଣ୍ଡି ଲେକା ଅଇଲାଆତେ, ସେଣ୍ଡିସେ ସବୁ ଅଇଲାନି, ସେଟା ସଡ଼ସେ, ମାତର୍ ଜାର୍ଟାନେଅନି ନର୍ପିଲା ମୁଇ ସଡ଼ୁମନ୍ ଆତେ ଦାରାଇଅଇବି, ସେ ବେସି ବଡ଼ ଡଣ୍ଡ ପାଇବାଲକ୍ ଆରି ସେ ଜନମ୍ ନ ଅଇରଇଲେ ନିକ ଅଇତା ।”

**ଜିସୁ ତାର୍ ସିମନ୍ ସଙ୍ଗ୍ ବଜି କାଇବା ବିସଇ  
(ମାଡିଉ ୨୭:୨୬-୩୦; ଲୁକ୍ ୨୨:୧୪-୨୦; ୧ମ କରନ୍ତିୟ ୧୧:୨୩-୨୫)**

୨୨ ସିମନ୍ କାଇବାକେ ବସ୍ତାବେଲେ, ଜିସୁ ରୁଟିଦାରିକରି ପର୍ମେସର୍କେ ଜୁଆରକଲା ଆରି ସେଟା ବାଙ୍ଗାଲ ସେମନ୍କେ ଦେଇକରି କଇଲା, “ ନିଆ ଏଟା ମର୍ ଗାଗଡ଼ ।”

୨୩ ତାର୍ପତେ ଅଙ୍ଗୁର୍ ରସ୍ ଦାରି ପର୍ମେସର୍କେ ଜୁଆର୍ କରି ସବୁ ଲକ୍କେ କାଇବାକେ ଦେଲାଜେ ସେମନ୍ କଇଲାଇ । ୨୪ ଆରି ସେ ତାର୍ ସିମନ୍କେ କଇଲା, ଏଟା ଅଇଲାନି ବେସି ଲକ୍ପାଇ ଜରାଇଲା ମର୍ ବନି । ଏ ବନି

☆ ୧୪:୩ ୧୪:୩ ଲୁକ୍ ୭:୩୭,୩୮

ସଙ୍ଗ ପରମେସର ଲକ୍ଷ୍ମୀନର ସଙ୍ଗ ରାଜିନାମା କଲାନି । ୨୫ ମୁଇ ତମ୍ଭେ ସତ୍ କାତା କଇଲିନି, “ମୁଇ ପରମେସରର ରାଜଜେ ନୁଆ ଅଙ୍ଗୁର ରସ୍ କାଇବା ଦିନ ନ ଆଇବାଜାକ, ଏଟା ଆରି କେବେ ମିସା ନ କାଇ ।”

୨୬ ସବୁ ସିସ୍‌ମନ୍ ମିସିକରି ପରମେସରକେ ଦନିଅବାଦର୍ ଗିଡ଼ ଗାଇ ଗାଇ କରି ଜିଡ଼ ନାଉର୍ ପରବତେ ଗାଲାଇ ।

**ଜିସୁର ବବିସତ୍ କାତା**

(ମାଡ଼ିଉ ୨୭:୩୧-୩୫; ଲୁକ୍ ୨୨:୩୧-୩୪; ଜଅନ୍ ୧୩:୩୭-୩୮)

୨୭ ସେବେଲେ ଜିସୁ ସିସ୍‌ମନ୍‌କେ କଇଲା, “ତମେ ସବୁଲକ୍ ମକେ ଚାଡ଼ିକରି ଉଟିଜାଇସା । ସେଟା ପରମେସରର ସାସତରେ ଏକ୍ତି ଲେକାଅଇଲାଆରେ,

“ମୁଇ ମେଣ୍ଡା ଗଉଡ଼କେ ମରାଇବି ।

ତେଇର୍ ମେଣ୍ଡାମନ୍ ତିନତତର୍ ଅଇଜିବାଇ ।”

୨୮ ☆“ମାତର୍ ମୁଇ ମଲାଟାନେଅନି ଆରିତରେକ୍ ଉଟ୍‌ଲାପତେ, ତମେ ଗାଲିଲି ଦେସେ ଜିବା ଆଗତୁ, ମୁଇ ତମର୍ ଆଗତୁ ଆଗତୁ ଗାଲିଲି ରାଜଜେ ଜିବି ।” ୨୯ ମାତର୍ ପିତର୍ ଜିସୁକେ କଇଲା, “ସବୁ ସିସ୍‌ମନ୍ ତମ୍ଭେ ଚାଡ଼ିକରି ଗାଲେ ମିସା ମୁଇ ତମ୍ଭେ କେବେ ନ ଚାଡ଼ି ।”

୩୦ ଜିସୁ ତାକେ କଇଲା, “ମୁଇ ତକେ ସତ୍‌କାତା କଇଲିନି, ଆଜି ରାତି ଦୁଇତର୍ କୁକ୍‌ତା ଡାକ୍‌ବା ଆଗତୁ, ତୁଇ ମକେ ତିନତତର୍ ତିନିନାଇ ବଲିକରି କଇସୁ ।”

୩୧ ଏ କାତା ସୁନି ପିତର୍ ଜିସୁକେ ଆରିତରେକ୍ ଡାଟ୍‌ସଙ୍ଗ କଇଲା, “ମୁଇ ତମର୍ ସଙ୍ଗ ମର୍‌ବାର୍ ଆଲେ ମିସା କେବେ ତମ୍ଭେ ନାଜାନି ବଲି ନ କଇ ।” ଆରି ବାକି ସିସ୍‌ମନ୍ ମିସା ସେକ୍ତିସେ କଇଲାଇ ।

**ଗେଡ଼ସିମନି ବାଡେ ଜିସୁର ପାରତନା**

(ମାଡ଼ିଉ ୨୭:୩୭-୪୭; ଲୁକ୍ ୨୨:୩୯-୪୭)

୩୨ ତାର୍‌ପତେ ଜିସୁ ତାର୍ ସିସ୍‌ମନର୍ ସଙ୍ଗ ଗେଡ଼ସିମନି ନାଉର୍ ଗଟେକ୍ ଜାଗାଇ ଆଇଲାଇ । ତେଇ ଜିସୁ ସିସ୍‌ମନକେ କଇଲା, “ମୁଇ ପାରତନା କର୍‌ବାବେଲେ ତମେ ଇତି ବସିରୁଆ ।” ୩୩ ପିତର୍, ଜଅନ୍ ଆରି ଜାକୁବ୍‌କେ ତାର୍ ସଙ୍ଗ ମିସ୍‌ତେ ଡାକିନେଲା । ସେ ଦୁକ୍‌ଅଇ କିଲ୍‌ବିଲ୍ ଅଇବାର୍ ବସିଲା । ୩୪ ଆରି ଜିସୁ, ପିତର୍, ଜାକୁବ୍ ଆରି ଜଅନ୍‌କେ କଇଲା, “ମର୍ ମନେ ବେସି ଦୁକ୍ ଅଇଗାଲା ଆରେ । ଜିବନ୍ ଚିଡ଼ିଗାଲା ପାରା ଲାଗିଲାନି । ତମେ ଇତି ବସିରଇ ଜାଗିରୁଆ ।”

୩୫ ଜିସୁ ତାକର୍‌ଟାନେଅନି କଣ୍ଡେକ୍ ଦୁରିକେ ଇଣ୍ଡିଜାଇ ଉମ୍‌ତାଡ଼ିଅଇ ବୁର୍‌ ଅଦ୍‌ରିକରି ପରମେସରକେ ଏକ୍ତି ପାରତନା କଲା, “ଏକ୍ତି କରିଅଇସି ବଇଲେ, ଏ କସ୍‌ଟର୍ ବେଲା ମକେ ନ ଆସ । ୩୬ ଏ ମର୍ ବାବା ତୁଇ ମନ୍‌କଲୁସ୍ ବଇଲେ କାଇ କାମ୍ ମିସା କରିପାରୁସ୍ । ସେଟାର୍‌ପାଇ ଏ ଦୁକ୍ କସ୍‌ଟର୍ ମୁତା ମର୍‌ଟାନେଅନି ଦାରି ଜା । ମାତର୍ ମର୍ ମନ୍ କଲା ଇସାବେ ନ କରି ତମର୍ ମନ୍ କଲା ଇସାବେ କରା” ବଲି ପାରତନା କଲା ।

୩୭ ତାର୍‌ପତେ ଜିସୁ ତାର୍ ସିସ୍‌ମନର୍ ଲଗେ ବାଉଡ଼ି ଆଇଲାଜେ, ସେମନ୍ ସଇରଇବାଟା ଦେକ୍‌ଲା । ସେ ପିତର୍‌କେ କଇଲା, “ ସିମନ୍ ପିତର୍, ତମେ ସଇଦେଲାସିନି କି ? ଗଟେକ୍ ଗଟା ମିସା ତେଡା ରଇ ଜାଗି ନାପାରଲାସିନି ? ୩୮ ତମେ ଜେକ୍ତିକି ପରିକାର୍ ପାନ୍ଦେ ନ ଅଦର୍‌ବାପାଇ ଜାଗି ରଇକରି ପାରତନା କରା । ମନ୍ କର୍‌ବି ବଲି ମନ୍ କଲାନି ମାତର୍ ଗାଗଡ଼ ନିଟ୍‌ଲାନି ।”

୩୯ ଜିସୁ ଆରିତରେକ୍ ଜାଇକରି ଆଗତୁର୍ ପାରା କଇକରି ପାରତନା କଲା । ୪୦ ତାର୍‌ପତେ ସେ ସିସ୍‌ମନର୍ ଲଗେ ଆରି ତରେକ୍ ବାଉଡ଼ି ଆସି ଦେକ୍‌ଲା । ସେମନ୍ ଆରିତରେକ୍ ସଇଦେଇରଇଲାଇ । ସେମନର୍ ଆକିଡେଇ ଗୁନ୍ ଡାବି ଆଇଡେରଇଲାଜେ ସେମନ୍ ଜିସୁକେ କାଇବଲି ମିସା କଇବାକେ ଜାନି ନାପାରଲାଇ ।

୪୧ ଏକ୍ତି ତିନତତର୍ ପାରତନା କରି ସାରାଇଲାପତେ ଜିସୁ ସିସ୍‌ମନର୍‌ଲଗେ ଆରିତରେକ୍ ବାଉଡ଼ି ଆଇଲା ଆରି ସେମନ୍‌କେ କଇଲା, “ଏବେଜାକ ତମେ ପୁଣ୍ଡିକରି ସଇଦେଇ ଆଟାସ୍ ? ଏଡ଼କି ଅଇସିବେ, ଏବେ ନର୍‌ପିଲା ମକେ, ପାପି ଲକ୍‌ମନର୍ ଆଡେ ଦାରାଇଦେବା ବେଲା ଆସି କେଟ୍‌ଲା । ୪୨ ଉଟା ଆମେ ଜୁବେ । ଏଦେ ଦେକା ! ମକେ ସତ୍‌ରୁମନ୍‌କେ ଦାରାଇ ଦେବା ଲକ୍ ଆଇଲାଆରେ ।” ବଲି କଇଲାଇ ।

**ଜିସୁ ବନ୍ଦି ଅଇଲା**

(ମାଡ଼ିଉ ୨୭:୪୭-୫୭; ଲୁକ୍ ୨୨:୪୭-୫୩; ଜଅନ୍ ୧୮:୩-୧୨)

୪୩ ସେ ଦାପ୍‌ରେ ଜିସୁ ଏ କାତା କଇବାବେଲା, ବାର୍‌ଟା ସିସ୍‌ମନର୍ ବିଡ଼ରେଅନି ଗଟେକ୍ ଲକ୍ ଜେକି ଇସ୍‌କାରିୟତ୍ ଜିଉଦା ଆସି କେଟ୍‌ଲା । ଆରି ତାର୍ ସଙ୍ଗ ବେସି ଲକ୍‌ମନ୍ ରଇଲାଇ । ସେ ଲକ୍‌ମନର୍ ଆଡେ କାଣ୍ଡା ଆରି ଟେଙ୍ଗ୍ ଦାରିରଇଲାଇ । ସେ ଲକ୍‌ମନକେ ମୁକିଅ ପୁଜାରିମନ୍, ନିୟମ୍ ସିକାଇବା ଲକ୍‌ମନ୍ ଆରି ମୁକିଅ ଜିଉଦି ନେତାମନ୍, ପାଟାଇ ରଇଲାଇ । ୪୪ ସତ୍‌ରୁମନର୍ ଆଡେ ଦାରାଇଦେବା ଇସ୍‌କାରିୟତ୍ ଜିଉଦା ଜିସୁକେ ଦେକାଇଦେବାକେ ଏକ୍ତି

☆ ୧୪:୨୮ ୧୪:୨୮ ମାଡ଼ିଉ ୨୮:୧୭

ଗଟେକ୍ ଚିନ୍ କଇରଇଲା, “ମୁଇ ଜନ୍ ଲକ୍‌କେ ରୁମ୍‌ବି, ସେ ଆକା ଜିସୁ । ତମେ ତାକେ ବନ୍ଦିକରି ଜାଗରତ୍ ସଙ୍ଗ୍ ଦୁରିକେ ଦାରିଜାଇସା ।”

୪୫ ସେମନ୍ ତେଇ ଆସିକରି କେଟ୍‌ଲା ଦାପ୍‌ରେ, ଇସ୍କାରିୟତ୍ ଜିଉଦା ଜିସୁର୍ ଲଗେ ଜାଇକରି “ଏ ଗୁରୁ, ଜୁଆର୍ !” ବଲିକରି ରୁମ୍‌ଲା । ୪୬ ସେବେଲା ସେଲକ୍‌ମନ୍ ଜିସୁକେ ଦାରି ବନ୍ଦିକରି ନେବାବେଲେ, ୪୭ ସେ ଲଗେ ଟିଆଅଇରଇଲା ଜିସୁର୍ ଗଟେକ୍ ସିସ୍ ତାର୍ କାଣ୍ଡା ବେଟି ମୁକିଅ ପୁଜାରିର୍ ଗତି ଦାଙ୍ଗ୍‌ତାର୍ ଉଜା କାନ୍ କାଟିଦେଲା । ୪୮ ଜିସୁ ସେ ଲକ୍‌ମନ୍‌କେ ପାଚାର୍‌ଲା, “ମୁଇ କାଇ ଗଟେକ୍ ଅପ୍‌ରାଦି ଲକ୍ କି, ତମେ କାଣ୍ଡା ଆରି ଟେଙ୍ଗ୍‌ମନ୍ ଦାରି ମକେ ନେବାର୍ ଆସିଆଚାସ୍ ? ୪୯ ସବୁ ଦିନ୍ ମୁଇ ପାର୍‌ତନା ଗର୍‌ମନ୍‌କେ ସିକାଇଦେବା ବେଲେ ମୁଇ ତମର୍ ସଙ୍ଗ୍ ରଇଲି । ମାତର୍ ସେବେଲେ ମକେ ଦାରାସ୍‌ନାଇ । ମାତର୍ ପର୍‌ମେସରର୍ ସାସ୍‌ତରେ ଜେଣ୍ଟି ଲେକାଅଇରଇଲା ସେଟା ସବୁ ସତ୍ ଅଇବାକେସେ ଏଣ୍ଟି ଅଇଲାଆଚେ ।” ୫୦ ସେବେଲା ଜିସୁର୍ ସିସ୍‌ମନ୍ ତାକେ ଚାଡ଼ି ଉଟିପାଲାଇଲା ।

୫୧ ମାତର୍ ସେବେଲା ଗଟେକ୍ ଦାଙ୍ଗ୍‌ତା ଅବ୍‌କା ପାତଲ୍ ଚାଦର୍ ଡାବିଅଇ ଜିସୁର୍ ପଚେ ପଚେ ଜାଇତେରଇଲା । ଲକ୍‌ମନ୍ ତାକେ ବନ୍ଦିକର୍‌ବାକେ ଚେସ୍‌ଟା କଲାଇକେ ୫୨ ସେ ଦାଙ୍ଗ୍‌ତା ପାତଲ୍ ଚାଦର୍ ଚାଡ଼ିକରି ତୁମ୍‌ଣ୍ଡା ଉଟିପାଲାଇଲା ।

ଜିଉଦିମନ୍‌ର ବଡ଼ସବା ତେଇ ଜିସୁର୍ ବିଚାର୍

(ମାଡ଼ିଉ ୨୬:୫୭-୬୮; ଲୁକ୍ ୨୨:୫୪-୫୫, ୬୩-୬୧; ଜଅନ୍ ୧୮:୧୩-୧୪)

୫୩ ପଚେ ସେ ଲକ୍‌ମନ୍ ଜିସୁକେ ସବୁର୍‌ଟା‌ନେଅନି ବଡ଼ପୁଜାରିତେଇ ଦାରିଗାଲା । ମୁକିଅ ପୁଜାରିମନ୍, ପାର୍‌ଚିନ୍‌ମନ୍ ଆରି ନିୟ୍‌ମ୍ ଗୁରୁମନ୍ ସବୁଲକ୍ ଗଟେକ୍ ତେଇ ରୁଣ୍ଡିଲା । ୫୪ ପିତର୍ ଜିସୁର୍ ଟା‌ନେଅନି ଦୁରିକେ ରଇ ତାର୍ ପଚେ ପଚେ ଗାଲା ଆରି ମୁକିଅ ପୁଜାରିର୍ ଡାଣ୍ଡିବିଡ଼ରେ ଗାଲା । ଜାଗୁଆଲ୍‌ମନ୍‌ର ସଙ୍ଗ୍ ବସିକରି ଜଇ ଟେକ୍‌ତେରଇଲା । ୫୫ ତେଇ ମୁକିଅ ପୁଜାରିମନ୍ ଆରି ବିଚାର୍ କର୍‌ବା ଜିଉଦି ନେତାମନ୍ ଜିସୁକେ ମର୍‌ବା ଡଣ୍ଡି ଦେବାକେ ତାର୍ ବିରଦେ ସାକି କଜ୍‌ତେରଇଲା । ମାତର୍ ସାକି ଦେବାକେ କେ ମିସା ମିଲ୍‌ତନାଇ । ୫୬ ବେସି ଲକ୍‌ମନ୍ ଆସିକରି ଜିସୁର୍ ବିରଦେ ମିର୍ ସାକି କଇଲା, ମାତର୍ ସେମନ୍ ସବୁଲକ୍ ବିନ୍ ବିନ୍ ରକାମର୍ କାତା କଇଲା ।

୫୭ ସାରାସାରି କେତେ ଲକ୍ ଉଟିକରି ତାର୍ ବିରଦେ ମିର୍ ସାକି ଦେଇ ଏଣ୍ଟି କଇଲା, ୫୮ “ଲକ୍‌ମନ୍ ତିଆର୍‌କଲା ଏ ପର୍‌ମେସରର୍ ମନ୍ଦିର୍ ମୁଇ ବାଙ୍ଗାଇ ଦେଇ, ସେଟା ତିନ୍ ଦିନ୍ ବିଡ଼ରେ ଆରି ତିଆର୍‌କରିଦେବି, ଜନ୍‌ଟାକି ଲକ୍‌ମନ୍ ତିଆର୍ ନ କରିଅତ୍ ବଲି ସେ କଇବା ଏ କାତା ଆମେ ସୁନିଆରୁ ।” ୫୯ ମାତର୍, ଏଣ୍ଟି ବଇଲେମିସା ଏ ଲକ୍‌ମନ୍ କାଇ କାଇ ବିସଇ ସବୁ କଇତେରଇଲା, ସେଟା, ଗଟେକ୍ ଲକ୍‌ର୍ କାତା ଆରି ଗଟେକ୍ ଲକ୍‌ର୍ କାତା ସଙ୍ଗ୍ ନ ମିସ୍‌ତେରଇଲା ।

୬୦ ତାର୍‌ପଚେ ସବୁଲକ୍‌ର୍ ଆଗ୍‌ତୁ ବଡ଼ ପୁଜାରି ଟିଆଅଇକରି ପାଚାର୍‌ଲା, “ଏ ଲକ୍‌ମନ୍ ତର୍ ବିରଦେ କେତେ କାତା କଇଲାଇନି, ସେ ବିସଇନେଇ ତକେ କାଇଟା ମିସା କଇବାର୍ ଆଚେ କି ?”

୬୧ ମାତର୍ ଜିସୁ ଟିମ୍‌ରା ଅଇକରି ରଇଲା, କାଇଟା ମିସା କଏନାଇ । ବଡ଼ପୁଜାରି ଜିସୁକେ ଆରି ତର୍ ପାଚାର୍‌ଲା, “ତୁଇ କାଇ ପୁଜା ପାଇବା ପର୍‌ମେସରର୍ ପଅ କିରିସ୍‌ଟ କି ?”

୬୨ ଜିସୁ କଇଲା, “ଉ, ମୁଇ ସେ । ଆରି ନର୍‌ପିଲା ମୁଇ, ପର୍‌ମେସରର୍ ବେସି ବପୁର୍ ଉଜା ଆଡ଼ ବାଟେ ବସିରଇଲାଟା ଆରି ସରଗର୍ ମେଗେ ଆଇବାଟା ଦେକ୍‌ସା ।”

୬୩ ବଡ଼ ପୁଜାରି ଏ କାତା ସୁନିକରି ବେସି ରିସାଅଇଜାଇ ତାର୍ ନିଜର୍ ପଟିଆ ଚିରିପାକାଇଲା ଆରି ସବୁଲକ୍‌ମନ୍‌କେ କଇଲା, “ଆମକେ ଆରି କାଇ ସାକି ଦର୍‌କାର୍ ?”

୬୪ “ସେ ପର୍‌ମେସରର୍ ପିଲା ବଲିକରି କଇଲାଟା ତମେ ସୁନିଆଚାସ୍ । ଏବେ ତମେ କାଇଟା ବଲି ବାବ୍‌ଲାସ୍‌ନି ?” ତେଇ ସବୁ ଲକ୍‌ମନ୍ ଜିସୁକେ ଦସି କରାଇ, ତାକେ ମର୍‌ବା ଡଣ୍ଡି ମିଲ ବଲି କଇଲା ।

୬୫ ତେଇ ରଇଲା କେତେ ଲକ୍‌ମନ୍ ତାର୍ ଉପ୍‌ରେ ତୁକ୍‌ବାର୍ ଦାର୍‌ଲା । କେତେଲକ୍‌ମନ୍ ତାର୍ ମୁର୍‌ ଡାବିକରି ତାକେ ବିଦାସଙ୍ଗ୍ ମାର୍‌ଲା । ତାକେ କିଜାଇକରି କଇଲା, “ତୁଇ ଜିଉ ପର୍‌ମେସରର୍ କାତା କଇବା ବବିସ୍‌ତବକ୍‌ତା ବଇଲେ, ତକେ କେ ମାର୍‌ଲା କ ?” ପଚେ ସନିଅମନ୍ ତାକେ ଦାରିଜାଇକରି ମାର୍‌ଲା ।

ପିତର୍ ଜିସୁକେ ନାଜାନି ବଲି କଇଲା

(ମାଡ଼ିଉ ୨୬:୬୯-୭୫; ଲୁକ୍ ୨୨:୫୬-୬୨; ଜଅନ୍ ୧୮:୧୫-୧୮, ୨୧-୨୫)

୬୬ ପିତର୍ ମଜାଡାଣ୍ଡେ ଟିଆଅଇଲାବେଲେ ବଡ଼ ପୁଜାରିର୍ ଗତି ଦାଙ୍ଗ୍‌ତି ତେଇ ଆଇଲା । ୬୭ ପିତର୍ ଜଇ ଚେକ୍‌ବାବେଲେ ତାକେ ନିମାନ୍ ଦେକିକରି କଇଲା, “ତୁଇମିସା ନାଜରିତର୍ ଜିସୁର୍ ସଙ୍ଗ୍ ରଇଲୁସ୍ ।”

୬୮ ମାତର୍ ପିତର୍ ତାକେ କଇଲା, “ସେଟା ମୁଇ ନଇ, ମୁଇ କେବେ ମିସା ଜିସୁର୍ ସଙ୍ଗ୍ ରଇନାଇ, ତମେ କାଇଟା କଇଲାସ୍‌ନି ମୁଇ ନାଜାନି ।” ତାର୍‌ପଚେ ପିତର୍ ଡାଣ୍ଡେ ପୁର୍‌ବା ବାଟେ ଉଟିଗାଲା ।

୬୯ ଆରି ତରେକ୍ ଗତିଦାଙ୍ଗ୍‌ତି ପିତର୍‌କେ ଦେକି ତେଇ ଟିଆଅଇଲା ଲକ୍‌ମନ୍‌କେ କଇଲା, “ଏ ଲକ୍ ମିସା ଜିସୁର୍ ଦଲେଅନି ଗଟେକ୍ ଲକ୍ ।” ୭୦ ମାତର୍ ପିତର୍ ଆରିତରେକ୍ କଇଲା, “ଏ କାତା ମୁଲ୍‌କେ ସତ୍ ନାଇ ।” ଆରି କେତେପର୍

☆ ୧୪:୪୯ ୧୪:୪୯ ଲୁକ୍ ୧୯:୪୭; ୨୧:୩୭ ☆ ୧୪:୫୮ ୧୪:୫୮ ଜଅନ୍ ୨:୧୯

ଗାଲା ପରେ, ତେଜ ରଇଲା ଲକ୍ଷ୍ମୀନ୍ “ତୁଇ ସେମାନର୍ ମାନ୍ଦାଇ ରଇଲୁସ୍ ଆକା, ତୁଇ ଗଟେକ୍ ଗାଲିଲି ଅନି ଆଇଲା ଲକ୍ ପାରା ଡିସ୍ଲୁସ୍ନି ।” ବଲି କଇଲାଇ ।

୭୧ ମାତର୍ ପିତର୍ ସାଇସ୍ ଦେଇ ରାନ୍ ପାକାଇ କଇଲା, “ମୁଇ ପର୍ମେସରର୍ ନାଉଁ ଦାରି ପର୍ମାନ୍ କରି କଇଲିନି, ତମେ କାର୍ କାତା କଇଲାସ୍ନି, ମୁଇ ତାକେ ମୁଲ୍ଲକେ ନାଜାନି ।”

୭୨ ପିତର୍ ଏ କାତା କଇଲା ଦାପ୍ରେ କୁକ୍ତା ଦୁଇତର୍ ଡାକ୍ଲା । ଜିସୁ କଇରଇବା ସବୁ କାତା ପିତର୍ ଏତାଇଲା । ଜିସୁ କଇରଇଲା, କୁକ୍ତା ଦୁଇତର୍ ଡାକ୍ବା ଆଗ୍ତୁ ତୁଇ ମକେ ତିନ୍ ତର୍ ନାଜାନି ବଲିକରି କଇସାରାଇରଇସୁ ବଲି । ତାର୍ପତେ ପିତର୍ ବେସି ଦୁକ୍କରି କାନ୍ଦ୍ବାର୍ ଦାର୍ଲା ।

### ୧୫

#### ପିଲାତର୍ ମୁଆଟେ ଜିସୁର୍ ବିଚାର୍

(ମାତିଉ ୨୭:୧-୨,୧୧-୧୪; ଲୁକ୍ ୨୩:୧-୫; ଜଅନ୍ ୧୮:୨୮-୩୮)

୧ ସାକାଲ୍ ସାକାଲ୍ ପାର୍ତନା ଗରର୍ ମୁକ୍ତି ପୁଜାରିମନ୍, ମୁକ୍ତି ନେତାମନ୍, ଜିଉଦି ନେତାମନ୍, ନିୟମ୍ ସିକାଇବା ଲକ୍ଷ୍ମୀନ୍ ଆରି ଜିଉଦି ଲକ୍ଷ୍ମୀନ୍‌କେ ସାସନ୍ କର୍ବା ସବୁ ରକାମର୍ ନେତାମନ୍ ଜିସୁକେ କାଇଟା କର୍ବାର୍ ଆଟେ ? ବଲି ଗଟେକ୍ ବଡ଼ ପଠାଦି କଲାଇ । ସେମନ୍ ତାକେ ବାନ୍ଧିକରି ସାସନ୍ କର୍ବା ପିଲାତ୍‌କେ ସର୍ପିଦେଲାଇ । ୨ ପିଲାତ୍ ଜିସୁକେ ପାଚାର୍ଲା, “ତୁଇ କାଇ ଜିଉଦି ମନର୍ ରାଜା ?” ଜିସୁ ତାକେ କଇଲା, “ତୁଇ ଜନ୍‌ଟା ପାଚାର୍ଲୁସ୍ନି, ସେଟା ସଡ଼ସେ ।” ୩ ମୁକ୍ତି ପୁଜାରିମନ୍ ଜିସୁକେ ଦସ୍ ଦେଇ କଇବାର୍ ଦାର୍ଲାଇ । ୪ ସେବେଲା ପିଲାତ୍ ତାକେ ଆରିତରେକ୍ ପାଚାର୍ଲା, “ତୁଇ କାଇକେ ଚିମ୍‌ରା ଅଇଦେଲୁସ୍ ? କାଇଟା ମିସା କଉସ୍ ନାଇ । ଦେକା ସେମନ୍ ତର୍ ବିରଦେ କେତେକ୍ ନିନ୍ଦା କାତା କଇଲାଇନି ।” ୫ ମାତର୍ ଜିସୁ କାତା ଅଏ ନାଇ । ସେଟା ଦେକିକରି ପିଲାତ୍ ବେସି କାବା ଅଇଗାଲା ।

#### ପିଲାତ୍ ଜିସୁକେ ମୁକ୍ତାଇ ନାପାର୍ଲା

(ମାତିଉ ୨୭:୧୫-୨୬; ଲୁକ୍ ୨୩:୧୩-୨୫; ଜଅନ୍ ୧୮:୩୯;୧୯:୧୭)

୬ ରକ୍ତିଆ ପାଇବାର୍ ପରର୍ କଲାବେଲେ ସବୁ ବରସର୍ ରିଡିନିଡି ଇସାବେ ପିଲାତ୍, ଜନ୍ ଆଲେ ବନ୍ଧି ଲକ୍ଷ୍ମୀକେ, ଲକ୍ଷ୍ମୀନ୍ ବାର୍‌କରାଇ ଦେବାକେ ମନ୍ କରତେରଇଲାଇ, ତାକେ ବାର୍‌କରାଇ ଦେଇତେରଇଲା । ୭ ସେବେଲେ ସର୍କାର୍ ବିରୁଦେ ଦାବିକରି ବାର୍‌ବା ନାଉଁର୍ ଗଟେକ୍ ଲକ୍ ବନ୍ଧି ଅଇରଇଲା । ଏ ଲକ୍ ଆରି କେତେଟା ଲକ୍ଷ୍ମୀନ୍‌ର୍ ସଙ୍ଗ୍, ଲକ୍ଷ୍ମୀନ୍‌କେ ମରାଇ ବନ୍ଧି ଅଇରଇଲା । ୮ ଲକ୍ଷ୍ମୀନ୍ ପିଲାତର୍‌ଟାନ୍‌ନେ ଆସି, କଇଲାଇ, “ସବୁ ବରସର୍ ରିଡିନିଡି ଇସାବେ ଏ ତରେକ୍ ମିସା ଗଟେକ୍ ବନ୍ଧି ଲକ୍ଷ୍ମୀକେ ମୁକ୍ତାଇ କରି ବାର୍‌କରାଇଦେସ୍ ।” ୯ ପିଲାତ୍ ଲକ୍ଷ୍ମୀନ୍‌କେ ପାଚାର୍ଲା, “ତମେ କାକେ ମନ୍ କଲାସ୍ନି ? ମୁଇ ତମର୍ ଲାଗି ଜିଉଦିମନର୍ ରାଜାକେ ଚାଡ଼ିଦେବି କି ?” ୧୦ ପିଲାତ୍ ରାଜା କାଇକେ ଏଡ଼ି କଇଲା ବଇଲେ, ମୁକ୍ତି ପୁଜାରିମନ୍ କୁର୍ ପାଟି ଜିସୁକେ ତାର୍ ଆତେ ସର୍ପିଦେଇ ଆତଡ଼ ବଲିକରି ସେ ଜାନିରଇଲା ।

୧୧ ମାତର୍ ମୁକ୍ତି ପୁଜାରିମନ୍ ଲକ୍ଷ୍ମୀନ୍‌କେ ଉସକାଇ କରି, “ଜିସୁର୍ ବାଦୁଲେ ବାର୍‌ବାକେ ଆମର୍‌ପାଇ ବନ୍ଧି ଗରେଅନି ମୁକ୍ତାଇବାକେ କୁଆ ।” ବଲି କଇଲାଇ । ୧୨ ମାତର୍ ପିଲାତ୍ ଆରିତରେକ୍ ପାଚାର୍ଲା, “ସେଡ଼ିଆଲେ ତମେ ଜନ୍ ଲକ୍ଷ୍ମୀକେ ଜିଉଦିମନର୍ ରାଜା ବଲି କଇଲାସ୍ନି, ତାକେ ମୁଇ କାଇଟା କର୍ବି ବଲି ତମେ ମନ୍ କଲାସ୍ନି ?”

୧୩ ଲକ୍ଷ୍ମୀନ୍ ବେସି ରାଟୁକରି କଇଲାଇ, “ତାକେ କୁର୍‌ସେ ମରାଆ ।”

୧୪ ତେଜଅନି ପିଲାତ୍ ଆରିତରେକ୍ ଲକ୍ଷ୍ମୀନ୍‌କେ ପାଚାର୍ଲା, “କାଇକେ, ସେ କାଇ ଦସ୍ କଲାଆଟେ ଜେ ?” ମାତର୍ ଲକ୍ଷ୍ମୀନ୍ ଅଦିକ୍ ଅଦିକ୍ ରାଟୁଅଇକରି କଇଲାଇ, “ତାକେ କୁରୁସ୍ କାଟେ ମରାଆ ।”

୧୫ ସେଟାର୍‌ପାଇ ପିଲାତ୍ ଲକ୍ଷ୍ମୀନ୍‌କେ ସାର୍‌ଦା କରାଇବାକେ ମନ୍‌କରି ବାର୍‌ବାକେ ବନ୍ଧି ଗରେଅନି ମୁକ୍ତାଇଦେଇ ଜିସୁକେ କର୍ତା ସଙ୍ଗ୍ ମାରି, କୁରୁସ୍‌କାଟେ କୁଟିମାରି ମରାଇଦେବାକେ ସନିଅମନ୍‌କେ ସର୍ପିଦେଲା ।

#### ସନିଅମନ୍ ଜିସୁକେ କିଜାଇଲାଇ

(ମାତିଉ ୨୭:୨୭-୩୧; ଜଅନ୍ ୧୯:୨-୩)

୧୬ ସନିଅମନ୍ ଜିସୁକେ ରମିୟ୍ ସର୍କାର୍‌ର୍ ସାସନ୍‌କାରିଆ ପିଲାତର୍, ମୁକ୍ତି ଗରର୍ ତାଣ୍ଡେ ଦାରିଗାଲାଇ ଆରି ସେମନ୍ ବିନ୍ ସନିଅମନ୍‌କେ ଗଟେକ୍ ଟାନ୍‌ନେ ଡାକି ରୁଣ୍ଡାଇଲାଇ । ୧୭ ସେମନ୍ ଜିସୁକେ କିଜାଇବାକେ ଜାମ୍‌କଲି ରଙ୍ଗ୍‌ର୍ ବସ୍‌ତର୍ ପିନ୍ଧାଇଲାଇ ଆରି ଗଟେକ୍ କାଟାର୍ ମୁକୁର୍ ତିଆର୍‌କରି ତାର୍ ମୁଣ୍ଡେ ପିନ୍ଧାଇଦେଲାଇ । ୧୮ ସେମନ୍ ଜିସୁକେ କିଜାଇ କରି କଇଲାଇ, “ଏ ଜିଉଦିମନର୍ ରାଜା ତକେ ଜୁଆର୍, ତୁଇ ବେସି ଦିନ୍ ବର୍ ।” ୧୯ ସେମନ୍ ତରକେତର୍ ବେଡ଼ ତାଙ୍ଗ୍ ସଙ୍ଗ୍ ତାର୍ ମୁଣ୍ଡେ ମାର୍‌ତେରଇଲାଇ ଆରି ତାର୍ ଉପ୍ରେ ତୁକି କିଜାଇକରି ମାଣ୍ଡିକୁଟା ଦେଇ ଜୁଆର୍ କଲାଇ । ୨୦ ସେମନ୍ ଜିସୁକେ କିଜାଇ ସାରାଇଲାପତେ, ଜାମ୍‌କଲି ରଙ୍ଗ୍‌ର୍ ବସ୍‌ତର୍ ତାର୍ ଗାଗ୍‌ଡେଅନି ବେଟିକରି, ନିଜର୍ ବସ୍‌ତର୍ ପିନ୍ଧାଇଦେଲାଇ । ତାର୍‌ପତେ ସେମନ୍ ତାକେ କୁର୍‌ସକାଟେ ମରାଇବାକେ ଗଡ଼ ବାଇରେ ଦାରିଗାଲାଇ ।



**କୁରସେ ଜିସୁର୍ ମରନ୍**

(ମାତିଉ ୨୭:୩୨-୪୪; ଲୁକ୍ ୨୩:୨୭-୪୩; ଜଅନ୍ ୧୯:୧୭-୨୭)

୨୧ \*ସେବେଲା ଆଲେକଜାଣ୍ଡାର୍ ଆରି କୁରନିୟ ଜାଗାର ରୁପଅର୍ ବାବା ସିମନ୍ ନାଉର୍ ଗଟେକ୍ ଲକ୍, ପଲିଗାରାମ୍ ଅନି ଆସିକରି ସେ ବାଟେ ଜାଇତେରଇଲା । ସେ ସନିଅମନ୍ ତାକେ ଜିସୁର୍ କୁରସ ବଇବାକେ ବାଦିଅ କଲା । ୨୨ ତାର୍ପତେ ସେମନ୍ ଜିସୁକେ ଗଲ୍ଗତା ନାଉର୍ ଗଟେକ୍ ଜାଗାଇ ଦାରିଗାଲା । ଗଲ୍ଗତାର୍ ଅରଡ୍ ଅଇଲାନି, କାପାଲ୍ ଜାଗା । ୨୩ ସେମନ୍ ଜିସୁକେ ଅସ ମିସାଇଲା ଅଙ୍ଗୁର୍ ରସ୍ କାଅ ବଲିକରି ଦେଲା, ମାତର୍ ସେ ନିର୍ଲା । ୨୪ ତାର୍ପତେ ଜିସୁକେ କୁରସେ ଚଗାଇଲା ଆରି ତାର୍ ବସ୍ତର୍ କାର୍ବାଗେ କାଇଟା ମିଲ୍ସି ବଲି ବାଟାକରି ନେବାକେ, କେଡ୍ ପୁଟାଇକରି ନିଜର୍ ନିଜର୍ ବିଡ୍ରେ ବାଟାକରି ନେଲା । ୨୫ ସେମନ୍ ସାକଲିଆ ନ ଗାଁଟା ବେଲା ଜିସୁକେ କୁରସେ ଚଗାଇଲା । ୨୬ ଆରି “ଏଟା ଜିଉଦିମନ୍ ରାଜା ।” ବଲି ନିନ୍ଦା କାତା ଲେକି କୁରୁସ୍ ଉପ୍ରେ ତସାଇଲା । ୨୭ କୁରସେ ଜିସୁର୍ ସଙ୍ଗ୍ ଆରି ଦୁଇଟା ଚର୍ମନକେ, ତାର୍ ଉଜାବାଟେ ଗଟେକ୍ କେ, ତେବ୍ରି ବାଟେ ଆରିଗଟେକ୍ ଚଗାଇରଇଲା । ୨୮ ସେ ବୁଲ୍ କଲା ଲକ୍ମନର୍ ବିଡ୍ରେଅନି ଗଟେକ୍ ଲକ୍ ବଲି, ଇସାବ୍ ଅଇଲା ବଲିକରି \*ପର୍ମେସର୍ ସାସ୍ତରେ ଲେକାଅଇରଇବା ବିସଇ ସିଦ୍ ଅଇଲା । ୨୯ \*ସେ ବାଟ୍ ଦେଇ ଜିବା ଲକ୍ମନ ନିଜେ ନିଜେ ମୁଣ୍ଡ ଜୁଲାଇ ଜିସୁକେ ନିନ୍ଦାକରି କଇଲା, “ପାର୍ତନା ଗର୍ ବାଙ୍ଗାଇ କରି ତିନିଦିନ ବିଡ୍ରେ ତିଆର୍ କର୍ବାଲକ୍ ଏ ସେ କି ?” ବଲି କିଜାଇଲା । ୩୦ “ତୁଇ ଏବେ କୁରସେ ଅନି ଉଡ୍ରି ନିଜ୍ରେ ରକିଆ କର୍ ।”

୩୧ ମୁକିଅ ପୁଜାରିମନ୍ ଆରି ନିୟମ୍ ସିକାଇବା ଲକ୍ମନ ମିସା ନିଜର୍ ନିଜର୍ ବିଡ୍ରେ କାତାଅଇକରି କିଜାଇଲା । ସେମନ୍ କଇତେରଇଲା, “ବିନ୍ ଲକ୍ମନକେ ରକିଆ କର୍ତେରଇଲା, ମାତର୍ ସେ ନିଜେ ରକିଆ ଅଇ ନାପାରଲା ।” ୩୨ “ତମେ ସତଇସେ ଇସ୍ରାଏଲର୍ ରାଜା କିରିସ୍ଟ ଅଇରଇଲେ, କୁରସେ ଅନି ଉଡ୍ରି ଆଉ । ସେନ୍ତି ଅଇଲେ ଆମେ ଦେକିକରି ବିସ୍ବାସ୍ କର୍ତୁ ।” ବଲି କଇଲା । ଜନ୍ ଲକ୍ମନକେ ଜିସୁର୍ ସଙ୍ଗ୍ କୁରସେ ଚଗାଇରଇଲା, ସେମନ୍ ମିସା ଜିସୁକେ ନିନ୍ଦା କଲା ।

**ଜିସୁର୍ ମରନ୍**

(ମାତିଉ ୨୭:୪୫-୫୨; ଲୁକ୍ ୨୩:୪୪-୪୯; ଜଅନ୍ ୧୯:୨୮-୩୦)

୩୩ ମୁଇଦାନିଆ ବାଟା ବେଲାଅନି ତିନିଟା ଜାକ ଗୁଲାଇ ଦେସ୍ ଆନ୍ଦାର୍ ଅଇଗାଲା । ୩୪ ଦିନ୍ ତିନିଟା ବେଲେ ଜିସୁ ଆଉଲିଅଇ କଇଲା, “ଏଲଇ ଏଲଇ ଲାମା ସବକ୍ତାନି ।” ଆର୍ ଅରଡ୍ ଅଇଲାନି, “ଏ ମର୍ ପର୍ମେସର୍ ଏ ମର୍ ପର୍ମେସର୍, ତମେ ମକେ କାଇକେ ଚାଡିଦେଲାସ୍ ?”

୩୫ ଏ କାତା ସୁନି ସେଲଗେ ଚିଆ ଅଇରଇବା କେତେ ଲକ୍ କଇଲା, “ସେ ଏଲିୟକେ ଡାକ୍ଲାନି ।” ୩୬ ତେଅନି ଗଟେକ୍ ଲକ୍ ପାଲା ଜାଇ ଅଙ୍ଗୁର୍ ରସେ, ତୁଲା ବୁଡାଇ ଡାଙ୍ଗେ ବାସି ଉପ୍ରେ ଲାମାଇଦେଲା । ସେ ଲକ୍ କଇଲା, “ଏବେ ଏଲିୟ ଆସିକରି ଆକେ କୁରସେ ଅନି ଉଡ୍ରିରଇଦେଇସି କି ନାଇ ଦେକୁ ।”

୩୭ ମାତର୍ ଜିସୁ ଆଉଲିଅଇଲା ଦାପ୍ରେ ତାର୍ ଜିବନ୍ ଚାଡିଗାଲା ।

୩୮ ସେବେଲା ମନ୍ଦିରର୍ ସୁକଲ୍ ଜାଗା ବିନେ କର୍ବା ପାର୍ଦା ଉପ୍ରେଅନି ତଲେ ଜାକ ଦୁଇ ତାଡ୍ ଅଇ ଚିରିଅଇଗାଲା । ୩୯ ତେଇ ଜିସୁର୍ କୁରସ ମୁଆଟେ ଚିଆଅଇରଇଲା ସଏଟା ସନିଅମନ୍ ମୁକିଅ, ଜିସୁ ସାରାସାରି ଆଉଲି ଅଇଲାଟା ଆରି ସେ କେନ୍ତି ଅଇକରି ମଲା, ଦେକିକରି କଇଲା, “ସତଇସେ ଏ ପର୍ମେସର୍ ପିଲା ରଇଲା ।”

୪୦ \*ତେଇ କେତେଟା ମାଇଜିମନ୍ ମିସା କୁରସେ ଅନି ଦୁରିକେ ଚିଆଅଇ ଦେକ୍ତେରଇଲା । ସେମନ୍ ଅଇଲାଜନି, ମଗ୍ଦଲିନି ମରିୟମ୍, ସାନ୍ଟା ଜାକୁବ୍ ଆରି ଜସିର୍ ମା ମରିୟମ୍ ଆରି ସଲମି । ୪୧ ଜିସୁ ଗାଲିଲିତେଇ ରଇଲାବେଲେ ଏ ମାଇଜିମନ୍ ଜିସୁର୍ ସଙ୍ଗ୍ ଜାଇତେରଇଲା । ଆରି ତାକେ ଦରକାର୍ ରଇଲା ବିସଇ ସାଇଜ କର୍ତେରଇଲା । ଜିସୁର୍ ସଙ୍ଗ୍ ଜିରୁସାଲାମେ ଆସିରଇଲା ବିନ୍ ମାଇଜିମନ୍ ମିସା ତେଇ ରଇଲା ।

**ଜିସୁର୍ ମଲା ମଡ୍ ରାଙ୍ଗି କାଟି ତିଆର୍ କଲା ପାଆର୍ ବିଡ୍ରେ ସଙ୍ଗାଇଲା**

(ମାତିଉ ୨୭:୫୨-୬୧; ଲୁକ୍ ୨୩:୫୦-୫୬; ଜଅନ୍ ୧୯:୩୮-୪୨)

୪୨ ସେ ଦିନ୍ ବିସ୍ବାମ୍ ଦିନ୍ ପାଇ ତିଆର୍ ଅଇବା ଦିନ୍ ଅଇରଇଲା । ସେଦିନେ ସଞ୍ଜବେଲା, ୪୩ ଆରାମାତିଆ ଗାଉର୍ ବିଚାରକର୍ବା ମୁକିଅ ଲକ୍ ବିଡ୍ରେ ରଇଲା ଜସେପ୍ ନାଉର୍ ଗଟେକ୍ ଲକ୍, ପର୍ମେସର୍ ସାସନ୍ କର୍ବା ରାଇଜର୍ ବେଲା ଆସ ବଲି ଜାଗିରଇବା ଗଟେକ୍ ଲକ୍ । ବେସି ସାଆସ୍ ଅଇ ପିଲାତର୍ ଲଗେ ଜାଇକରି ଜିସୁର୍ ମଲାମଡ୍ ମାଙ୍ଗଲା । ୪୪ ଜିସୁ ଏତେକ୍ ଦାପ୍ରେ ମରିଗାଲା ବଲି ସୁନି ପିଲାଡ୍ କାବା ଅଇଗାଲା । ତାର୍ ସନିଅମନ୍ ନେତାକେ ଡାକି “ଜିସୁ ମଲାବେ କି ?” ବଲି ପାଚାରଲା । ୪୫ ସେ ସନିଅମନ୍ ନେତା, ଜିସୁ ମରିଗାଲା ବିସଇ ପିଲାଡ୍ କେ କଇଲା । ତାର୍ପତେ ଜସେପ୍ କେ ପିଲାଡ୍ କଇଲା, “ତୁଇ ମଡ୍ ନେଇ ପାରୁସ୍ ।” ୪୬ ସେଟାର୍ପାଇ ଜସେପ୍ ଜିସୁର୍ ଗାଗଡ୍ କୁରସ ଉପ୍ରେଅନି ଉଡ୍ରିରଇ

\* ୧୫:୨୧ ୧୫:୨୧ ରମିୟ ୧୭:୧୩ \* ୧୫:୨୮ ୧୫:୨୮ କେତେକ୍ ପୁରନା ଲେକାଇ ଏଟା ଲେକାଅଏନାଇ \* ୧୫:୨୯ ୧୫:୨୯ ମାର୍ଚ୍ଚକ ୧୪:୫୮; ଜଅନ୍ ୨:୧୯ \* ୧୫:୪୦ ୧୫:୪୦ ଲୁକ୍ ୮:୨୩

ଆନଲ୍ଲା ଆରି ଗଟେକ୍ ନୁଆ ଲୁଗା ସଙ୍ଗ୍ ଗୁଡିଆଇକରି ରାଙ୍ଗିନି କାଟି ତିଆର୍ କରି ରଇଲା ଗଟେକ୍ ପାଆରେ ନେଇକରି ସଙ୍ଗଇଲା । ଗଟେକ୍ ବଡ଼ ଚାଟତା ପାକ୍ନା ନେଇ ପାଆର୍ ମୁଆଟେ ଡାବିଦେଲା ।<sup>୪୭</sup> ଜିସୁକେ ଜନ୍ ଜାଗାଇ ନେଇ ସଙ୍ଗଇ ରଇଲା, ସେ ଜାଗା ମଗ୍ଦଲିନି ମରିୟମ୍ ଆରି ଜସିର୍ ମା ମରିୟମ୍ ଦେକିରଇଲା ।



**ଜିସୁ ମରିକରି ଉଟ୍ଲା**

(ମାତିଉ ୨୮:୧-୮; ଲୁକ୍ ୨୪:୧-୧୨; ଜଅନ୍ ୨୦:୧-୧୦)

<sup>୧</sup> ବିସ୍‌ରାମ୍‌ବାର ସାରଲା ତାର୍ ଆରକର୍ ଦିନେ ମଗ୍ଦଲିନି ମରିୟମ୍, ଜାକୁବର୍ ମାଆ ମରିୟମ୍ ଆରି ସଲମି, ଜିସୁର୍ ମଲା ଗାଗତେ ଲାଗାଇବାକେ ବାସ୍ନା ଚିକନ୍ ଗେନିଆନ୍‌ଲାଇ ।<sup>୨</sup> ରଇବାର ଦିନର୍ ସାକାଲ୍ ସାକାଲ୍ ସେମନ୍ ତାର୍ ଗାଗଡ଼ ସଙ୍ଗଇଲା ଜାଗାକେ ଜାଇତେରଇଲାଇ । ସେବେଲେ ବେଲ୍ ଉଦି ଆଇତେରଇଲା ।<sup>୩</sup> ସେମନ୍ ନିଜର୍ ନିଜର୍ ବିଡ଼ରେ “ଜିସୁର୍ ଗାଗଡ଼ ସଙ୍ଗଇରଇଲା ମୁଆଟର୍ ବଡ଼ ଚାଟତା ପାକ୍ନା ଆମର୍ ପାଇ କେ ଗୁଟାଇଦେଇସି ତେବେ ?” ବଲି କାତା ଅଇତେରଇଲାଇ ।<sup>୪</sup> ସେମନ୍ ସେ ଜାଗାଇ କେଟିକରି ଦେକ୍‌ଲାବେଲେ, ଏଦେ ଦେକା ! ସେ ବଡ଼ ଚାଟତା ପାକ୍ନା ଗୁଟିଜାଇରଇଲା ।<sup>୫</sup> ସେବେଲା ସେମନ୍ ସେ ଜାଗା ବିଡ଼ରେ ପୁରିକରି ଦେକ୍‌ଲାବେଲେ ଗଟେକ୍ ବିଜ୍‌ଲି ପାରା ଜଗଜଗି ଜାଇତେରଇବା ଦବ୍ ପଟିଆ ପିନ୍‌ରଇବା ଦାଙ୍ଗତା, ଜିସୁର୍ ମଡ଼ ସଙ୍ଗଇରଇଲା ଜାଗାର୍ ଉଜାବାଟେ ବସିରଇଲା । ସେଟା ଦେକି ସେମନ୍ ବେସି ଡରିଜାଇ କାବା ଅଇଗାଲାଇ ।

<sup>୬</sup> ମାତର୍ ସେ ଲକ୍ ସେମନ୍‌କେ କଇଲା, “ତରାନାଇ, ତମେ କୁର୍ସେ ମଲା ନାଜରିଡ଼ ଗଡ଼ର୍ ଜିସୁ କିରିସ୍‌ଟକେ କଜ୍‌ଲାସ୍‌ନି କି ? ସେ ଇତି ନାଇନି, ଏବେ ମଲାଟାନେଅନି ଉଟ୍ଲା ଆତେ । ତାର୍ ମଡ଼ ସଙ୍ଗଇଲା ଜାଗା ଦେକା ।” ବଲି କଇଲା ।<sup>୭</sup> “ତମେ ଜାଇକରି ତାର୍ ସିସ୍‌ମନ୍‌କେ ଆରି ପିତରକେ ବାଇଦରେ କୁଆ, ତମେ ଜିବା ଆଗତୁ ଜିସୁ ଗାଲିଲି ଗଡେ ଗାଲା ଆତେ । ସେ ତମ୍‌କେ ଜେକ୍ତି କଇରଇଲା, ସେକ୍ତିସେ ଗାଲିଲି ଗଡେ ତାକେ ଦେକ୍‌ସା ।” ବଲି କଇଲା ।<sup>୮</sup> ସେ ମାଇଜିମନ୍ ବେସି କାବା ଅଇଜାଇ, ତରତରି ଜାଇକରି ସେ ଜାଗାଇଅନି ବାରଇକରି ପାଲାଇଲାଆ ଆରି ସେମନ୍ ବେସି ଡରିଜାଇକରି କାକେ ମିସା କାଇବଲି କଅଡ଼ନାଇ ।

**ଜିସୁ ବେସି ଲକ୍‌ମନ୍‌କେ ଦେକାଇଅଇଲା**

(ମାତିଉ ୨୮:୯-୧୦; ଜଅନ୍ ୨୦:୧୧-୧୮)

<sup>୯</sup> ଜିସୁ ମଲାଟାନେଅନି ଉଟ୍ଲା ଆଟର୍ ପର୍ତୁମ୍ ଦିନର୍ ସାକାଲେ ଜନ୍ ମାଇଜିଟାନେଅନି ଜିସୁ ସାଡ଼ଟା ଡୁମାମନ୍‌କେ କେଦିରଇଲା, ମଗ୍ଦଲିନି ନାଉର୍ ମରିୟମ୍‌କେ ପର୍ତୁମ୍ ଦେକାଇଅଇଲା ।<sup>୧୦</sup> ସେ ମାଇଜି ତେଇଅନି ଜାଇକରି, ଦୁକ୍‌ଅଇ କରି କାନ୍‌ଡେ ରଇଲା ଜିସୁର୍ ସିସ୍‌ମନ୍‌କେ କଇଲା,<sup>୧୧</sup> “ଜିସୁ ମଲାତେଇଅନି ଉଟ୍ଲା ଆତେ ଆରି ମୁଇ ତାକେ ନିଜେ ଦେକିଆଟି ।” ବଲି କଇଲା । ସିସ୍‌ମନ୍ ତାକେ ମୁଲ୍‌କେ ବିସ୍‌ବାସ୍ କରଡ଼ ନାଇ ।

**ଜିସୁ ଦୁଇଟା ସିସ୍‌ମନ୍‌କେ ଦେକାଇ ଅଇଲା**

(ଲୁକ୍ ୨୪:୧୩-୩୫)

<sup>୧୨</sup> ତାର୍‌ପତେ ଦୁଇଟା ସିସ୍‌ମନ୍ ଗଟେକ୍ ଗାଏଁ ଜିବାବେଲେ ଜିସୁ ସେମନ୍‌କେ ବିନ୍ ରୁପେ ଦେକାଇଅଇଲା । ସିସ୍‌ମନ୍ ତାକେ ଚିନି ନାପାର୍‌ଲାଇ ।<sup>୧୩</sup> ସେ ଦୁଇଟା ସିସ୍‌ମନ୍ ବାଉଡିଆସିକରି ବିନ୍ ସିସ୍‌ମନ୍‌କେ ଏ କାତା କଇଲାଇ । ଏକ୍ତି କଇଲେ ମିସା ସିସ୍‌ମନ୍ ତାକର୍ କାତା ବିସ୍‌ବାସ୍ କରଡ଼ ନାଇ ।

**ଜିସୁ ବେସି ଲକ୍‌ମନ୍‌କେ ଦେକାଇଅଇଲା**

(ମାତିଉ ୨୮:୧୭-୨୦; ଲୁକ୍ ୨୪:୩୬-୪୯; ଜଅନ୍ ୨୦:୧୯-୨୩; ପେରିଡ଼ ୧:୬-୮)

<sup>୧୪</sup> ତାର୍‌ପତେ ଏଗାର୍‌ଟା ସିସ୍‌ମନ୍ କାଇବାବେଲେ ଜିସୁ ସେମନ୍‌କେ ଦେକାଇଅଇଲା । ଜିସୁ ମଲାଟାନେଅନି ଉଟ୍ଲାଟା ଦେକିରଇଲା ଲକ୍‌ମନ୍ କଇଲା କାତା ବିସ୍‌ବାସ୍ ନ କରି, ସେମନ୍‌ର୍ ମନ୍ ଆର୍ କଲାର୍ ଲାଗି ସେମନ୍‌କେ ଲାଗଲା ।<sup>୧୫</sup> “ଜିସୁ ସେମନ୍‌କେ କଇଲା, “ତମେ ଏ ଦୁନିଆର୍ ଗୁଲାଇବାଟେ ଜାଇକରି ସବୁ ଲକ୍‌ମନ୍‌କେ ମର୍ ନିମାନ୍ କାତା କୁଆ ।<sup>୧୬</sup> ଜେ ଜେ ଏ ନିମାନ୍ କାତା ବିସ୍‌ବାସ୍ କରି ତୁବନ୍ ନେବାଇ, ସେମନ୍ ପାପେଅନି ରକିଆ ପାଇବାଇ, ମାତର୍ ଜେ ଜେ ଏ ନିମାନ୍ କାତା ବିସ୍‌ବାସ୍ ନ କରଡ଼, ପର୍‌ମେସର୍ ସେମନ୍‌କେ ଡଣ୍ଡ ଦେଇସି ।<sup>୧୭</sup> ଆରି ବିସ୍‌ବାସି ଲକ୍‌ମନ୍ ମର୍ ନାଉଁ ଦାରି ଡୁମାମନ୍‌କେ ବାରକରାଇ କେଦିଦେବାଇ ଆରି ନାଜାନିରଇବା ବାସାଇ କାତା ଅଇବାଇ । ଏକ୍ତି ବିସ୍‌ବାସ୍ କର୍‌ବା ଲକ୍‌ମନ୍‌ର୍‌ଟାନେ ଗଟେକ୍ ଚିନ୍ ପାରା ଅଇସି ।<sup>୧୮</sup> ସେମନ୍ ନାଜାନିକରି ସାୟ୍ ଆତେ ଦାର୍‌ଲେ କି ବିସ୍ କାଇଲେ ନ ମରଡ଼ । ଜର୍‌ଦୁକାର୍ ଲକ୍‌ମନ୍‌କେ ଆଡ଼ ଚିଇ କରି ପାର୍‌ତନା କଲେ, ସେଲକ୍‌ମନ୍ ନିମାନ୍ ଅଇଜିବାଇ” ବଲି କଇଲା ।

**ଜିସୁ ସର୍‌ଗେ ଗାଲା**

(ଲୁକ୍ ୨୪:୫୦-୫୩; ପେରିଡ଼ ୧:୯-୧୧)

☆ ୧୭:୭ ୧୭:୭ ମାତିଉ ୨୭:୩୨; ମାର୍ଚ୍ଚ ୧୪:୨୮ ☆ ୧୭:୧୫ ୧୭:୧୫ ପେରିଡ଼ ୧:୮

୧୯ ☆ମାପୁରୁ ଜିସୁ ଏ ସବୁ କାତା ସେମନ୍‌କେ କଇ ସାରାଇଲା ପତେ, ପର୍ମେସର୍ ତାକେ ସର୍ଗେ ଦାରିଗାଲା ଆରି ପର୍ମେସର୍ ସନ୍‌ମାନ୍ ଜାଗାଇ ବସ୍‌ଲା । ୨୦ ତାରପତେ ତାର ସିସମନ୍ ଜାଇକରି ଏ ଦୁନିଆର୍ ଗୁଲାଇବାଟେ ମାପୁରୁ ଜିସୁର୍ ନିମାନ୍ କାତା କଇଲାଇ ଆରି ମାପୁରୁ ତାକର୍ ସଙ୍ଗ୍ ରଇକରି କାବାଅଇଜିବା ବିନ୍ ବିନ୍ କାମ୍ କଲା । ଏନ୍ତାରି ସେମନ୍ କଇବା କାତା ସତ୍ ବଲି ଦେକାଇଦେଲା । \*

## ଯୀଶୁଖ୍ରୀଷ୍ଟଙ୍କ ବିଷୟରେ ଲୁକ୍ ଲେଖିଥିବା ସୁସମାଚାର ଜିସୁକ୍ରିସ୍ଟର ବିଷୟ ନେଇକରି ଲୁକ୍ ଲେଖିରଚିବା ନିମନ୍ତ କବର ଏ ବଇ ବିଷୟ ଜାନ୍‌ବାଟା

ଲୁକ୍ ଲେଖିରଚିବା ନିମନ୍ତ କବର ଅଇଲାନ୍ତି, ଜିସୁକ୍ରିସ୍ଟର ଜିବନେ ଅଇରଇବା ଚିକିନିକି ବିଷୟର କାତା । ନୁଆ ନିଅମର ଚାରଟା ବଇ ବିତ୍ରେ ଅନି ଏଟା ଗଟେକ୍ । ସେ ବିତ୍ରେ ଅନି ସବୁକେ ନିମନ୍ତ କବର କଇବାଇ । ଜାର୍ ଅରଡ୍ ଅଇଲାନ୍ତି ସୁବ୍ କବର । ସେଟା ସବୁ ଜିସୁର ମରନର୍ ପଟେ ମାଡିଡ, ମାରକ୍, ଲୁକ୍ ଆରି ଜଅନର୍ ଲଗେ ଅନି ଲେକା ଅଇଆଟେ । ଲୁକ୍ ଲେକଲା ବଇଟାନ୍ତେ ଜିସୁର ଜିବନେ ଗଟ୍‌ଲା ଲେକବା ସଙ୍ଗ୍ ତାର୍ ମରନ୍ ଆରି ମଲାଟାନ୍ତେ ଅନି ଉଟ୍‌ଲା ବିଷୟ ମିସା ଆଟେ । ତାର୍ ସିସମନ୍ ଜନ୍ ଜନ୍ ବିଷୟ ସବୁ କରିରଇଲାଇ, ସେଟାମନ୍‌ମିସା ଏ ବଇଟାନ୍ତେ ଆଟେ । ବଇକେ ପେରିଡ୍‌ମରନ୍ କାମର୍ ବିଷୟ ବଲି କଇବାଇ । ଲୁକ୍ ସୁବ୍‌କବରର୍ ବଇ କେତେବେଲେ ଆରି କନ୍‌ଟାନ୍ତେ ଲେକାଅଇ ରଇଲା, ସେ ବିଷୟ କେମିସା ନିକସଙ୍ଗ୍ ନାଜାନଡ୍ । ମାତର୍ ପଣ୍ଡିଡ୍‌ମନ୍ ଜେନ୍ତିକି ଏଟା ଜିସୁକ୍ରିସ୍ଟ ଜନମ୍ ଅଇ ୭୦ ବରସ୍ ପଟେ ଲେକା ଅଇଲାଆଟେ ବଲି ବିସ୍‌ବାସ୍ କରବାଇ ।

ଲେକଲା ଲକ୍ ଅଇଲାନ୍ତି ଲୁକ୍ । ସେ ଗଟେକ୍ ତାକ୍‌ଦର୍ । ତାର୍ ଲେକା ସଇଲି ଆରି କାତା ଆରି ଚାଲିଚଲନ୍ ଜାନାଇ ଦେଲାନ୍ତିଜେ, ସେ ଗଟେକ୍ ସିକିଡ୍‌ଲକ୍ ରଇଲା । ଜିସୁର ଜିବନେ ଗଟିରଇବା ସବୁ ଗଟନାର୍ ଲେକା, ନିୟମ୍ ଇସାବେ ଟିକ୍ ବାବନା କରବାକେ ଇଟା କଲାନ୍ତି । ଜେନ୍ତିକି ସେଟା ବିନଲକ୍‌ମନ୍ ପଡିକରି ଉପକାର୍ ପାଇବାଇ ୧:୧-୩ । ସେ ଗଟେକ୍ ଜିଉଦି ଲକ୍ ନ ରଇଲା ମିସା କଲସିଅ ୪:୧୦-୧୪ ସେ ଏ ରକାମ୍ ବାବନାକରି ଲେକଲା । ଜିଉଦି ନଇଲା ଲକ୍‌ମନ୍ ଜେନ୍ତିକି ବୁଜିପାରବାଇ । ସେ ଜିଉଦି ନିତିନିୟମ୍ କଇବାଟା ଇତି ଆମେ ସଅଜେ ଦେକ୍‌ବାର୍ ଅଇସି ୧:୮ ।

ଲୁକ୍ ଲେକଲା ସୁସମାଚାର୍, ମାଡିଡ ଆରି ମାରକ୍ ବଇସଙ୍ଗେ ସମାନ୍ । କାଇକେ ବଇଲେ ସେମନ୍ ସମାନ୍ ବିଷୟ ଆରି ସମାନ୍ ବାବନାଇ କଇବାଟା ଲେକିଆଟଡ୍ । ତିନଟା ବଇବିତ୍ରେଅନି ଲୁକ୍ ତୁବନ୍ ଦେଉ ଜଅନର୍ ଜନମ୍ ବିଷୟ ତିଆର୍ କଲାଆଟେ । ଆରି ଲୁକ୍ ପାର୍‌ତନା ଉପ୍ରେ ଦିଆନ୍ ଦେଇଆଟେ ୩:୨୧;୫:୧୭;୬:୧୨;୧୧:୧-୧୨;୨୨:୩୨; ଆରି ସେ କେମା ଉପ୍ରେ ମିସା ଦିଆନ୍ କରିଆଟେ । ୩:୩, ୧୧:୪, ୧୭:୩-୪, ୨୩:୩୪, ୨୪:୪୭

### ଏ ବଇବିତ୍ରେ ରଇବା ବିଷୟ

- ୧. ଲୁକ୍ ସୁବ୍‌କବର ଉପକର୍ମ ଆର୍ ଲେକା ଉଦେସେ ବରନା କରସି । ୧:୧-୪
- ୨. ଜିସୁର ଜନମ୍ ଆରି ସେ କେନ୍ତି ସେବାକାମର୍ ପାଇ ତିଆର୍ ଅଇଲା । ୧:୫-୪:୧୩
- ୩. ଜିସୁର କାମ୍ ପୁରାପୁରୁନ୍ ବିଷୟର ବେଲେ ସେ ସବୁକରି ରଇଲା ଚକିଡ୍ କାମ୍ ଆରି ତାର୍ ସିକିଆ ବିଷୟ କଇଲା ଆଟେ । ଏଟା ଅଇଲାନ୍ତି ସୁବ୍‌କବରର୍ ବଡ୍ ବାଗ୍ । ୪:୧୪-୨୧:୩୮
- ୪. ତାର୍‌ପଟେ, ପଟର୍ ବାଗ୍ ଟାନ୍ତେ, ଜିସୁ କେନ୍ତି ମରିରଇଲା ମସ୍‌ନେ ତପି ଅଇରଇଲା ଆରି ମଲାଟାନ୍ତେ ଅନି ଉଟ୍‌ଲା ସେଟାମନ୍ ଆଟେ । ୨୨:୨୪

୧୧ ଏ ତିଅପିଲ୍ ମଆସୟ, ଆମର୍ ବିତ୍ରେ ଜନ୍ ସବୁ ଗଟନା ଗଟ୍‌ଲା, ସେସବୁ ଲେକ୍‌ବାକେ ବେସି ଲକ୍ ଚେସ୍‌ଟା କଲାଇ । ୧୨ ଆରାମ୍ ଅଇଲା ମୁଲେ, ଜେଜେ ଏ ସବୁ ଦେକିରଇଲାଆ ଆରି ସୁବ୍ କବର ବିନ୍ ଲକ୍‌ମନ୍‌କେ ଜାନାଇଲାଇ, ସେମନ୍ ଆମ୍‌କେ କଇଲା ଇସାବେ ଲେକ୍‌ଲାଇ । ୩୩ ତେବର୍‌ପାଇ ଏ ମାନନିୟ୍ ତିୟପିଲ୍. ପୁର୍‌ବେଅନି ଚିକିନିକି କଜ୍‌ଲଡ୍‌କରି ତେଇ ସବୁଜାକ ରିତିନିତି ସଙ୍ଗ୍ ଅଇଲାଟା ତମର୍‌ପାଇ ମୁଇ ଲେକ୍‌ବିଆକା ବଲି ମନ୍‌କଲି । ୪୪ ଜେନ୍ତି ତୁଇ ସବୁ ବିଷୟର ସିକିଆ ପାଇଆରୁସ୍, ସେ ସିକିଆର୍ ପୁରାପୁରୁନ୍ ସଡ୍ ପାଇପାରୁସ୍ ।

### ତୁବନ୍ ଦେଉ ଜଅନର୍ ଜନମ୍

\* ଜିଉଦା ଦେସର୍ ରାଜା ଏରଦର୍ ବେଲେ, ଅବିୟ ପୁଜାରି ଦଲେ ଜିକରିୟ୍ ନାଉର୍ ଗଟେକ୍ ପୁଜାରି ରଇଲା । ତାର୍ ମାଇଜି ଏଲିସାବେଡ୍ । ସେ ଆରଣ୍ ବସର୍ ରଇଲା । ୧୨ ପର୍‌ମେସରର୍ ଦେକ୍‌ବା ଇସାବେ ସେମନ୍ ଦୁଇଲକ୍‌ଜାକ ମାପ୍‌ରୁର୍ ସବୁ ଆଦେସ୍, ବିଦି ଇସାବେ କରତେରଇଲାଇ । ୧୩ ମାତର୍ ସେମନ୍‌କେ ପିଲାଜିଲା ନ ରଇଲା । କାଇକେ ବଇଲେ ଏଲିସାବେଡ୍ ବାଞ୍ଜି ରଇଲା । ଆରି ସେମନ୍ ତକ୍‌ରା ତକ୍‌ରି ଅଇଜାଇରଇଲାଇ ।

୮ ଦିନେକ୍ ଜିକରିୟ୍ ନିଜର୍ ଦଲର୍ ପାଲି ଇସାବେ, ଜିଉଦିମରନ୍ ମନ୍‌ରେ ପୁଜାରି କାମ୍ କରବାବେଲେ, ୯ ରିତିନିତି ଇସାବେ ଜିକରିୟ୍ ନାଉଁ କେଡ୍ ପୁଟ୍‌ଲାଜେ ତାକେ ମାପ୍‌ରୁର୍ ମନ୍‌ରେ ଜାଇକରି ବେଦିଟାନ୍ତେ ଦୁପ୍ ଦେବାକେ ପଡ୍‌ଲା । ୧୦ ଆରି ଦୁପ୍ ଦେବାବେଲେ ଲକ୍‌ମନ୍ ବାଇରେ ପାର୍‌ତନା କରତେ ରଇଲାଇ ।

୧୧ ସେଡ୍‌କିବେଲେ ଏଦେ ଦେକା ! ମାପ୍‌ରୁର୍ ଗଟେକ୍ ଦୁଡ୍ ଦୁପ୍ ଦେବା ବେଦିର୍ ଉଜାବାଟେ ଟିଆଅଇ ତାକେ ଦର୍‌ସନ୍ ଦେଲା । ୧୨ ଜିକରିୟ୍ ତାକେ ଦେକି କିଲ୍‌ବିଲ୍ ଅଇ ତରିଗାଲା । ୧୩ ମାତର୍ ଦୁଡ୍ ତାକେ କଇଲା, “ଜିକରିୟ୍ ତରନାଇ,

କାଈକେବଇଲେ ତମେ ଗୁଆରି କଲାଟା ପରମେସର ସୁନିଆଟେ । ତର ମାଇଜି ଏଲିସାବେଡ୍ ଗଟେକ୍ ପିଲା ଜନମ୍ ଦେଇସି । ତମେ ତାକେ ଜଅନ୍ ବଲି ନାଉଁ ଦିଆସ୍ । ୧୪ ସେ ତମର ପାଇ ବେସି ସାର୍ଦା ଆନ୍ସି ଆରି କେତେ କେତେ ଲକ୍ମନ୍ ତାର ଜନମେ ସାର୍ଦା କରବାଇ । ୧୫ ମାପ୍ପରୁର୍ ଦେକ୍ବା ଇସାବେ ସେ ଗଟେକ୍ ଡାକ୍ପୁଟା ଲକ୍ ଅଇସି । ସେ ଆମର୍ ଅଇଜାଇରଇବା ଅଙ୍ଗୁର ରସ୍ କି ନିସା ଜିନିସ୍ ମୁଲ୍କେ ନ କାଏ ଆରି ମାଆର୍ ଗର୍ବେ ଅନି ସୁକଲ୍ ଆଡ଼ମାଇ ପୁରାପୁରୁନ୍ ଅଇ ଆଇସି । ୧୬ ଆରି ଇସ୍ରାଏଲ୍ ଲକ୍ମନ୍ ବିତ୍ତରେ ଅନି କେତେ କେତେ ଲକ୍ମନ୍କେ ମାପ୍ପରୁ ତାର ପରମେସରର୍ ଟାନେ ବାଉଡାଇସି । ୧୭ ସେ ବବିସତ୍ବକତା ଏଲିୟର୍ ଆଡ଼ମାଇ ବପୁଅଇ ପରମେସରର୍ ଆଗତୁ ଜାଇସି । ବାବାମନ୍ ମନ୍ ପିଲାମନ୍ ଟାନେ ବାଉଡାଇସି । ପରମେସରର୍ କାତା ନ ମାନ୍ବା ଲକ୍ମନ୍କେ ଦରମ୍ ଲକ୍ମନ୍ ଚିନ୍ତା କରବା ଟାନେ ବାଉଡାଇସି । ଆରି ପରମେସରର୍ ଲକ୍ମନ୍କେ ତାର ପାଇ ଜାଗ୍‌ରତ୍ କରାଇସି ।”

୧୮ ତେଇ ଜିକରିୟ୍ ଦୁଡ଼କେ କଇଲା, “ତମେ କଇବାଟା ସତ୍ ଅଇସି ବଲି ମୁଇ କେନ୍ତ୍ର ଜାନ୍ବି ? କାଈକେବଇଲେ ମୁଇତା ତକ୍‌ରା ଅଇଗାଲିବେ, ଆରି ମର୍ ମାଇଜି ମିସା ତକ୍‌ରି ଅଇଗାଲାନି ।”

୧୯ ଦୁଡ଼ ତାକେ କଇଲା “ମୁଇ ଗାବ୍‌ରିଏଲ୍, ମୁଇ ପରମେସରର୍ ମୁଆଟେ ଚିଆ ଅଇରଇବା ଦୁଡ଼, ତମକେ ଏ କବର୍ ଜାନାଇବାକେ ମକେ ପାଟାଇଆଟେ । ୨୦ ଦେକ୍, ଏ ସବୁ ନ ଅଇବା ଦିନ୍ ଜାକ ତୁଇ ଗୁଲାଅଇ ରଇସୁ । କାଈକେବଇଲେ ମର୍ ସବୁ ବାକିଅ ସମାନ୍ ବେଲାଇସେ ପୁରାପୁରୁନ୍ ଅଇସି । ସେଟା ସବୁ ତୁଇ ବିସ୍‌ବାସ୍ କୁରୁସ୍ ନାଇ ।” ୨୧ ଏଡ଼କି ଅଇବା ବିତ୍ତରେ ଲକ୍ମନ୍ ଜିକରିୟ୍‌କେ ବାଇରେ ଜାଗିରଇଲାଇ ଆରି ଦେଉଲେ ତାର ଅଲ୍‌ସମ୍ ଅଇଲାଜେ ସେମନ୍ କାବାଅଇ ଜାଇତେରଇଲାଇ । ୨୨ ମାତର୍ ଜିକରିୟ୍ ବାରଇ ଆସି ଲକ୍ମନ୍ ସଙ୍ଗ୍ କାତାଅଇ ନାପାରଲା, ତେଇ ସେ ଦେଉଲେ ଦରସନ୍ ପାଇଆଟେ ବଲି ଲକ୍ମନ୍ ବୁଜ୍‌ଲାଇ ଆରି ସେ ଲକ୍ମନ୍‌କେ ଆଡ଼ ସଗିଆ କରି ଜାନାଇବାର୍ ଦାରଲା ଆରି ଗୁଲାଅଇକରି ରଇଲା ।

୨୩ ଜିକରିୟ୍ ତାର ସେବା କରବା ପାଲି ଦିନ୍ ସବୁ ସାରଲା ପଟେ ତାର ଗରେ ଉଟିଗାଲା । ୨୪ ଏଡ଼କି ଅଇ କେତେକ୍ ଦିନ୍ ଗାଲା ପଟେ ତାର ମାଇଜି ଏଲିସାବେଡ୍ ଗାଗ୍‌ତେ ଅଇଲା ଆରି ସେ ପାଁର୍ ମାସ୍ ଜାକ କାକେ ନ ଜାନାଇ ଗରେସେ ରଇଲା । ୨୫ ତାରପଟେ ଏଲିସାବେଡ୍ କଇଲା, “ଲକ୍ମନ୍ ଜେଞ୍ଜେଟ୍ କରବାଟା ଦୁର୍ କରବାକେ ସାରାସାରି ମକେ ଦୟା କରି ମାପ୍ପରୁ ଏନ୍ତାରି କଲାଆଟେ ।”

**ଜିସୁର୍ ଜନମ୍ ବିସଇ**

୨୬ ଏଲିସାବେଡ୍ ଗାଗ୍‌ତେଅଇ ଚ ମାସ୍ ଅଇଲାକେ, ପରମେସର ଗାବ୍‌ରିଏଲ୍ ଦୁଡ଼କେ ଗାଲିଲି ରାଇଜର୍ ନାଜରିତ୍ ନାଉଁର୍ ନଅରେ ଗଟେକ୍ ଦାଙ୍ଗ୍‌ଡିର୍ ଟାନେ ପାଟାଇଲା । ୨୭ ଧ୍ୱେ ଦାଙ୍ଗ୍‌ଡିର୍ ନାଉଁ ମରିୟମ୍, ଦାଉଦ୍ ବସ୍‌ର ଜସେପ୍ ନାଉଁର୍ ଗଟେକ୍ ଦାଙ୍ଗ୍‌ତା ସଙ୍ଗ୍ ତାର ମାଙ୍ଗ୍‌ନି ଅଇରଇଲା । ୨୮ ଦୁଡ଼ ମରିୟମର୍ ଲଗେ ଆସି କଇଲା, “ଏ ନୁନି, ମାପ୍ପରୁ ତକେ ଦୟାକଲା ଆଟେ, ଆରି ତରସଙ୍ଗ୍ ଆଟେ ।”

୨୯ ମରିୟମ୍ ସରଗର୍ ଦୁଡ଼ କଇଲା ବାକିଅ ସୁନ୍‌ଲା ଆରି କାଈଟା ବୁଜିନାପାରି ଉଡୁକ୍ ଦୁଡୁକ୍ ଅଇଜାଇକରି, ବାବିବାବି ରଇଲା । ୩୦ ଦୁଡ଼ ତାକେ କଇଲା, “ମରିୟମ୍ ତର ନାଇ, ତୁଇ ମାପ୍ପରୁର୍ ଦୟା ପାଇଆରୁସ୍ । ୩୧ ଧ୍ୱେକ୍ ତୁଇ ଗାଗ୍‌ତେ ଅଇ ପିଲା ଗଟେକ୍ ଜନମ୍ କରୁସୁ ଆରି ତାର ନାଉଁ ଜିସୁ ଦେଇସା । ୩୨ ସେ ଗଟେକ୍ ଡାକ୍ପୁଟା ଲକ୍ ଅଇସି ଆରି ସବୁର୍ ଉପ୍‌ରେ ରଇବା ପରମେସରର୍ ପଅ ବଲି କଇବାଇ, ସରଗର୍ ମାପ୍ପରୁ ତାକେ, ତାର ଆନିଦାଦି ଦାଉଦର୍ ପାରା ରାଜା କରାଇସି । ୩୩ ସେ କାଲ୍‌କାଲ୍ ଜୁଗ୍‌ଜୁଗ୍ ଇସ୍ରାଏଲ୍ ଲକ୍ମନ୍‌କେ ସାସନ୍ କରସି । ତାର ରାଇଜ୍ କେବେ ନ ସାରେ ।”

୩୪ ମରିୟମ୍ ଦୁଡ଼କେ କଇଲା, “ଏଟା କେନ୍ତ୍ର ଅଇସି ? ମୁଇତା ମୁନୁସକେ ନାଜାନି !” ୩୫ ଦୁଡ଼ ତାକେ କଇଲା, “ସୁକଲ୍ ଆଡ଼ମା ଆସି ତକେ ଡାବି ଅଇସି, ଆରି ସବୁର୍ ଉପ୍‌ରେ ରଇବା ପରମେସରର୍ ବପୁ ତକେ ଗୁଡିଆଇ ଅଇସି, ତେବର୍‌ପାଇ ଜେ ଜାଡ଼ ଅଇସି, ସେ ସୁକଲ୍ ପରମେସରର୍ ପଅ ବଲି ଡାକ୍ପୁଟା ଅଇସି ।”

୩୬ ଆରି ଦେକ୍, ତର ଲାଗାର୍ ଲିତାର୍ ଏଲିସାବେଡ୍ ମିସା ତକ୍‌ରି ବେଲେ ଗାଗ୍‌ତେ ଆଟେ, ଜାକେ ଲକ୍ମନ୍ ବାଞ୍ଜି ବଲି କଇତେରଇଲାଇ । ତାକେ ଏବେ ଚ ମାସ୍ ଅଇଲାନି । ୩୭ କାଈକେବଇଲେ ପରମେସରର୍‌ଟାନେ କାଈଟା ମିସା ନ ଅଇବା କାମ୍ ନାଇ, ବଲି କଇଲା ।

୩୮ ତେଇ ମରିୟମ୍ କଇଲା, “ଦେକା, ମୁଇ ଗଟେକ୍ ମାପ୍ପରୁର୍ ଦାସି, ତମେ କଇବା ଇସାବେ ମକେ ଅ ।” ତାରପଟେ ଦୁଡ଼ ତାରଟାନେଅନି ଉଟିଗାଲା ।

**ଏଲିସାବେଡ୍ ଆରି ମରିୟମର୍ ବେଟ୍‌ଗାଟ୍**

୩୯ ସେଡ଼କିବେଲେ ମରିୟମ୍ ବାରଇକରି ଜିଉଦା ରାଇଜର୍ ତଙ୍ଗ୍‌ର୍ ଜାଗାର୍ ଗଟେକ୍ ନଅରେ ଉଟିଗାଲା । ୪୦ ତେଇ ଜିକରିୟ୍ ଗରେ ପୁରିକରି ସେ ଏଲିସାବେଡ୍‌କେ ଜୁଆର୍ କଲା । ୪୧ ମରିୟମ୍ ଜୁଆରକଲାଟା ସୁନ୍‌ଲା ଦାପ୍‌ରେ ଏଲିସାବେଡ୍ ଗର୍ବେ, ପିଲା ସାର୍ଦା ଅଇ ତେଗଇଲା ଆରି ଏଲିସାବେଡ୍ ସୁକଲ୍ ଆଡ଼ମାଇ ପୁରାପୁରୁନ୍ ଅଇଲା । ୪୨ ଏଲିସାବେଡ୍ ଆଉଲି ଅଇକରି କଇଲା, “ତୁଇ ସବୁ ମାଇଜିମନ୍ ବିତ୍ତରେ ଅନି କେତେକ୍ ନିକ କରମର୍ ଲକ୍ ! ତର

☆ ୧:୨୭ ୧:୨୭ ମାଡିଉ ୧:୧୮ ☆ ୧:୩୧ ୧:୩୧ ମାଡିଉ ୧:୨୧

ଗରବର ପିଲାଟିଏ ମିଆଁ କେତେକ୍ କରମ୍ ! ୪୩ ମୁଇ କେ ଜେ ମର୍ ମାପୁରୁର୍ ମାଆ, ମକେ ଦେକ୍‌ବାର୍ ଆଇଲା ଆତେ ? ୪୪ କାଇକେବଇଲେ, ଦେକ୍, ତୁଇ ଜୁଆରକଲାଟା ସୁନ୍‌ଲା ଦାପୁରେ ମର୍ ଗରବର୍ ପିଲା ସାର୍‌ଦା ଅଇ ତେଗଇଲା । ୪୫ ଜେ ବିସ୍‌ବାସ୍ କର୍‌ସି ତାର୍ କେତେକ୍ ନିମାନ୍ କରମ୍, କାଇକେବଇଲେ ମାପୁରୁ ତାକେ ଜାଇଜାଇଟା କୁଆଅଇଲାଆତେ, ସେ ସବୁଜାକ ଅଇସି ଆକା ।”

**ମାପୁରୁକେ ମରିୟମର୍ ମଇମା ଗିଡ଼**

- ୪୬ ତେଇ ମରିୟମ୍ କଇଲା,  
“ମର୍ ଜିବନ୍ ମର୍ ମାପୁରୁର୍ ମଇମା କଲାନ୍ତି ।
- ୪୭ ଆରି ମର୍ ଆତ୍‌ମା ମର୍ ରକିଆକାରି ପର୍‌ମେସରଟାନ୍‌ନେ ସାର୍‌ଦା କଲାନ୍ତି ।  
୪୮ କାଇକେବଇଲେ ସେ ମର୍‌ପାରା କାକୁର୍‌ତିଆନିକେ ନିଜର୍ ଗତିଦାଙ୍ଗୁଡି ବଲି ଏତାଇଲା ଆତେ ।  
ଆରି ଦେକା ଆଜିଅନି କାଲକାଲ୍ ଜୁଗ୍‌ଜୁଗ୍, ସବୁ ଲକ୍ ମକେ ପର୍‌ମେସରର୍ ତେଇଅନି ଆସିର୍‌ବାଦ୍ ମିଲ୍‌ଲା ଲକ୍ ବଲି କଇବାଇ ।
- ୪୯ କାଇକେବଇଲେ ସବୁର୍‌ଟାନ୍‌ନେଅନି ବପୁର୍ ମାପୁରୁ, ମର୍‌ପାଇ କାବାଅଇଜିବା କାମ୍ କଲାଆତେ,  
ତାର୍ ନାଉଁ ସୁକଲ୍ ।
- ୫୦ ଆରି ଜନ୍ ଲକ୍‌ମନ୍ ତାକେ ଡରିକରି ରଇବାଇ, ଜୁଗେ ଜୁଗେ ସେ ସେମନ୍‌କେ ଦୟା କର୍‌ସି ।
- ୫୧ ସେ ତାର୍ ନିଜର୍ ବପୁର୍ ଆଡ଼ ଦେକାଇଆତେ,  
ସେ ଆଁକାର୍ ଲକ୍‌ମନ୍‌କେ ସେମନ୍‌ର୍ ମନେ ବାବ୍‌ନା କଲାଟା ଚିନ୍‌ଚତର୍ କଲା ଆତେ ।
- ୫୨ ସେ ବଡ଼ ବଡ଼ ରାଜାମନ୍‌କେ ସେମନ୍ ରଇବାଟାନ୍‌ନେଅନି ଉଡ଼ରାଇ ଦେଲା ଆତେ,  
ଆରି କାକୁର୍‌ତିଆମନ୍‌କେ ଉପ୍‌ରେ ଉଟାଇ ଆତେ ।
- ୫୩ ସେ ବୁକର୍ ଲକ୍‌ମନ୍‌କେ ନିକ ନିକ ବିସଇ ଦେଇ ସାର୍‌ଦା କରାଇ ଆତେ,  
ସାଉକାର୍‌ଲକ୍‌ମନ୍‌କେ ରୁଟା ଆତେ ବାଉଡାଇଦେଇ ଆତେ ।
- ୫୪ ଆମର୍ ଆନିଦାଦିମନ୍‌କେ ଜନ୍ କାତା ଦେଇରଇଲା,  
ସେଟା ପୁରାପୁରୁନ୍ କଲା ଆରି ତାର୍ ନିଜର୍ ଚାକର୍ ଇସ୍‌ରାଏଲର୍ ଉପ୍‌କାର୍ କରି ଆତେ ।
- ୫୫ ସେ ଅବ୍‌ରାଆମ୍ ଆରି ତାର୍ ନାତିମନ୍‌କେ ତାର୍ ଦୟା କାଲକାଲ୍ ଜୁଗ୍‌ଜୁଗ୍ ଏତାଅଡ଼ବଲି ଦେକାଇଲା ଆତେ ।”
- ୫୬ ଆରି ମରିୟମ୍ ତିନ୍ ମାସ୍ ପାରା ଏଲିସାବେତର୍ ସଙ୍ଗ୍ ରଇ ନିଜର୍ ଗରେ ବାଉଡି ଗାଲା ।

**ତୁବନ୍ ଦେଉ ଜଅନର୍ ଜନମ୍**

- ୫୭ ପତେ ଏଲିସାବେତର୍ ଆଡ଼ଗଡ଼ ସୁକ୍ ଅଇବା ଦିନ୍ କେଟି ଆଇଲାଜେ, ସେ ଗଟେକ୍ ପିଲା ଜନମ୍ ଦେଲା । ୫୮ ଆରି ମାପୁରୁଜେ ତାକେ ଦୟା କଲାଆତେ, ଏଟା ସୁନି ଜିକରିୟର୍ ଲାଗାର୍‌ଲିତାର୍ ଲକ୍ ଆରି ଗତିଆ କୁଟୁମ୍ ତାକର୍ ସଙ୍ଗ୍ ସାର୍‌ଦା କର୍‌ବାର୍ ଦାର୍‌ଲାଇ ।
- ୫୯ ଆର୍ ଦିନ୍ ଗାଲାପତେ ଲକ୍‌ମନ୍ ପିଲାଟିଏ ସୁନ୍‌ଡ଼ଟାନ୍‌ନେ ଆଇଲାଇ\* ଆରି ତାର୍ ବାବାର୍ ନାଉଁ ଇସାବେ ପିଲାଟିଏ ନାଉଁ ମିଆଁ ଜିକରିୟ୍ ଦେବାକେ ମନ୍‌କଲାଇ । ୬୦ ମାତର୍ ଏଲିସାବେତ୍ କଇଲା, “ନାଇ ତାର୍ ନାଉଁ ଜଅନ ଦିଆ ଅ ।”
- ୬୧ ଲକ୍‌ମନ୍ ତାକେ କଇଲାଇ “ତମର୍ ବସ୍ ବିଡ଼ରେ ତା ଏନ୍ତାରି ନାଉଁର୍ ଲକ୍ କେ ମିଆଁ ନାଇ ।” ୬୨ ତେଇ ସେମନ୍ ପିଲାକେ କାଇ ନାଉଁ ଦେଉଁ ବଲି ମନ୍ କଲୁସନ୍ ? ସେଟା ଜିକରିୟ୍‌କେ ଆଡ଼ ଦେକାଇକରି ପାଚାର୍‌ବାର୍ ଦାର୍‌ଲାଇ ।
- ୬୩ ସେଡ଼କିବେଲେ ଜିକରିୟ୍ ଲକ୍‌ମନ୍‌କେ ଗଟେକ୍ ଲେକ୍‌ବା ପାଟା ମାଙ୍ଗ୍‌ଲା ଆରି “ଏଦେ ଦେକା ! ତାର୍ ନାଉଁ ଜଅନ !” ବଲି ଲେକ୍‌ଲା । ତେଇ ସବୁଲକ୍ କାବା ଅଇଗାଲାଇ । ୬୪ ସେଡ଼କି ଦାପୁରେ ଜିକରିୟର୍ ଚଣ୍ଡ ପୁଟ୍‌ଲା, ସେ ଆରି ତରେକ୍ କାତା ଅଇ ପର୍‌ମେସର୍‌କେ ମଇମା କର୍‌ବାର୍ ଦାର୍‌ଲା । ୬୫ ତାର୍ ଲଗର୍ ପାକର୍ ଲକ୍‌ମନ୍ ଡରିଗାଲାଇ, ଆରି ଏସବୁ କାତା ଜିଉଦା ରାଇଜର୍ ଡଙ୍ଗର୍ ଜାଗାର୍ ସବୁ ବାଟର୍ ଲକ୍‌ମନ୍ କୁଆବଲା ଅଇଲାଇ । ୬୬ ଆରି ସୁନିରଇବା ସବୁ ଲକ୍‌ମନ୍ କାବା ଅଇକରି, ମନେ ମନେ ବାବ୍‌ଲାଇ, ତେବେ ଏ ପିଲା କାଇଟା ଅଇସି ? କାଇକେବଇଲେ ମାପୁରୁର୍ ବପୁ ପିଲାଟିଏକ୍ ଆତେ ବଲି ସବୁକେ ଜାନାପଡ଼ଲା ।

**ଜିକରିୟ୍ ବବିସଡ଼ବକ୍‌ତାର୍ କାତା**

- ୬୭ ଆରି ଜଅନର୍ ବାବା ଜିକରିୟ୍ ସୁକଲ୍ ଆଡ଼ମାଇ ପୁରାପୁରୁନ୍ ଅଇ ପର୍‌ମେସରର୍ କବର୍ କଇବାର୍ ଦାର୍‌ଲା ।
- ୬୮ “ଆସା ଆମେ ଇସ୍‌ରାଏଲର୍ ମାପୁରୁକେ ଦନିଅବାଦ୍ ଦେଉ  
କାଇକେବଇଲେ ସେ ତାର୍ ନିଜର୍ ଲକ୍‌ମନ୍‌କେ ଦୟାକରି ମୁକ୍‌ଲାଇସି ।
- ୬୯ ତାର୍ ନିଜର୍ ଗତିଦାଙ୍ଗୁଡା ଦାଉଦର୍ କୁଟୁମେ ଅନି  
ଆମର୍ ପାଇ ଗଟେକ୍ ବପୁ ସଙ୍ଗର୍ ଉଦାର୍‌କାରିଆକେ ଦେଲା ଆତେ ।
- ୭୦ ପୁରବ୍ କାଲେଅନି ସୁକଲ୍ ରଇବା ନିଜର୍ ବବିସଡ଼ବକ୍‌ତାମନ୍‌ର୍ ଟଣ୍ଡେଅନି କାତା ଦେଇ ଜେନ୍ତି କଇରଇଲା,

\* ୧:୫୯ ୧:୫୯ ମନସ୍ ପିଲାଟିଏ ଜିଡ଼ଟାନ୍‌ର୍ ଟିପର ଚାମ୍ କାଟ୍‌ବାଟା ଅଇଲାନି ସୁନ୍‌ଡ଼

- ୭୧ ସେନ୍ତାରି ଆମ୍ଭଙ୍କେ ଇନ୍ କରବା ସବୁ ସତ୍ତରୁମନର୍ ଟାନେଅନି ମୁକ୍ତଲାଅ ଆଚେ ।
- ୭୨ ଜେନ୍ତ୍ର ସେ ଆମର୍ ଆନିଦାଦିମନର୍ପାଇ ଦୟା ଦେକାଇଆଚେ, ଆରି ସେମନର୍ ସଙ୍ଗ୍ କରିରଇବା ନିଜର୍ ସୁକଲ୍ ନିୟମ୍ ଏତାଇ ଆଚେ,
- ୭୩ ଆମର୍ ପୁର୍ବର୍ ବାବା ଅବରାଆମ୍ଭଙ୍କେ ଜନ୍ କାତା ଦେଇରଇଲା ।
- ୭୪ ଆରି ଜେନ୍ତ୍ରାରିକି ସତ୍ତରୁ ଆତେଅନି ଉଦାର୍ ପାଇ ଆରୁ ।
- ୭୫ ଜେନ୍ତ୍ରାରିକି ଆମେ ଜିବନ୍ସାରା ଦରମ୍ ସଙ୍ଗ୍, ସୁକଲ୍ ସଙ୍ଗ୍ ତାର୍ ସେବା କରବାକେ, ଆମ୍ଭଙ୍କେ ଦୟା କରସି ।
- ୭୬ ଏ ମର୍ ନୁନା, ତୁଇ ସବୁର୍ ଉପରେ ରଇବା ପର୍ମେସରର୍ ଗଟେକ୍ ବବିସତ୍ତବକ୍ତା ବଲି ତାକ୍ପୁଟା ଅଇସୁ । ତୁଇ ସେ ପାଟାଇରଇବା ଗଟେକ୍ ଦୁଡ଼ପାରା, ତାର୍ପାଇ ବାଟ୍ ତିଆର୍ କରସୁ ।
- ୭୭ ପାପଟାନେଅନି କେମା ପାଇକରି ଜେନ୍ତ୍ର କି ଉଦାର୍ ଅଇବାଇ, ସେ କାତା ଜାନାଇବାକେ ଜାଇସୁ ।
- ୭୮ ଆମର୍ ପାଦ୍ ସାନ୍ତ୍ର ବାଟେ ଆନ୍ବାକେ, ଆମର୍ ପର୍ମେସରର୍ ଆଲାଦର୍ ଦୟାର୍ଲାଗି, ଆମର୍ପାଇ ସର୍ଗେଅନି ବେଲ୍ ତାରାସସି ।
- ୭୯ ସେ ପୁରାପୁରୁନ୍ ଆଲାଦର୍ ଦୟାର୍ଲାଗି ମାପୁରୁର୍ ଲକ୍ମନକେ, ସେମନର୍ ପାପଟାନେଅନି ମୁକ୍ତଲାଅବା ଗିଆନ୍ ଦେଇସୁ । ତାର୍ ବାଟ୍ ତିଆର୍ କରବାକେ ମୁଲିଆଇସୁ ।”
- ୮୦ ଆରି ଜଅନ୍ ବଡ଼କରି ଆଡ଼ମାଇ ବପୁ ଅଇଲା ଆରି ଲକ୍ମନର୍ ଟାନେ ଜାନାଇ ନ ଅଇକରି କିନରା ଜାଗାମନ୍କେ ରଇତେ ରଇଲା । ପଟେ ସେ ଇସରାଏଲର୍ ଲକ୍ମନର୍ଟାନେ ବାକିଅ ସୁନାଇବାର୍ ଦାରଲା ।

୨

ଜିସୁର୍ ଜନମ୍  
(ମାତିଉ ୧:୧୮-୨୫)

୧ ସେବେଲେ ରମିୟ ରାଇଜର୍ ବଡ଼ ସାସନ୍ କାରିଆ ଅଗସଟ୍ କାଇସରର୍ ଆଦେସ୍ ଇସାବେ ସବୁଲକ୍କେ ନାଉଁ ଲେକାଇବାର୍ ଅଇଲା । ୨ କିରିଣିୟ ନାଉଁର୍ ସାସନ୍ କାରିଆ ସିରିଆ ରାଇଜ୍ ସାସନ୍ କରବା ବେଲେ ପର୍ତୁମ୍ ତର୍ ଏନ୍ତାରି ନାଉଁ ଲେକା ଅଇରଇଲା । ୩ ସେଟାର୍ପାଇ ବଲି ସବୁଲକ୍ ନାଉଁ ଲେକାଇବାକେ ନିଜର୍ ନିଜର୍ ନଅରେ ଗାଲାଇ ।

୪ ଆରି ଜସେପ୍ ମିସା ନାଉଁ ଲେକାଇବାକେ ମରିୟମର୍ ସଙ୍ଗ୍ ଗାଲିଲି ରାଇଜର୍ ନାଜରିତ୍ ନାଉଁର୍ ଗଟେକ୍ ନଅରେ ଅନି ଜିଉଦା ରାଇଜର୍ ବେଡ଼ଲିଇମ୍ ବଲି ଦାଉଦ୍ ରାଜାର୍ ଜନମ୍ ନଅରେ ଗାଲାଇ । କାଇକେବଇଲେ, ଜସେପ୍ ଦାଉଦ୍ ବସର୍ ଆରି ସେ କୁଟୁମର୍ ଲକ୍ ରଇଲା । ୫ ତାର୍ସଙ୍ଗ୍ ମରିୟମର୍ ବିବା ମାଙ୍ଗିନି ଅଇରଇଲା, ଆରି ମରିୟମ୍ ଗାଗ୍ତେ ଅଇରଇଲା । ୬ ଜସେପ୍ ଆରି ମରିୟମ୍ ବେଡ଼ଲିଇମେ ରଇଲାବେଲେ, ମରିୟମର୍ ଆଡ଼ଗଡ଼ ସୁକ୍ ଅଇବା ଦିନ୍ କେଟି ଆଇଲା । ୭ ଆରି ମରିୟମ୍ ତାର୍ ପଣ୍ଡୁଆ ପିଲାକେ ତେଇ ଜନମଦେଲା, ଆରି ତାକେ ଲୁଗାସଙ୍ଗ୍ ଗୁଡ଼ିଆଇକରି ଗରୁସାଲର୍ ତଙ୍ଗାକୁଣ୍ଡେ ତୁଲାଇରଇଲା, କାଇକେବଇଲେ ସେମନ୍କେ ରଇବାପାଇ ବାସାଗରେ ଟାନ୍ ନ ରଇଲା ।

ମେଣ୍ଡା ଗଉଡ଼ମନ୍ ଜିସୁର୍ ଜନମ୍ କବର୍ ସୁନ୍ଲାଇ

୮ ବେଡ଼ଲିଇମ୍ ଲଗେ କେତେଟା ମେଣ୍ଡା ଚାରାଉ ଗଉଡ଼ମନ୍ ସେ ରାତିଆ ପଦାଇ ରଇ ତାକର୍ ମେଣ୍ଡା ଗଗାନି ଜାଗ୍ତେରଇଲାଇ । ୯ ଆରି ଏଦେ ଦେକା ! ମାପୁରୁର୍ ଦୁଡ଼ ଗଟେକ୍ ଆସି ସେମନର୍ ଲଗେ ଟିଆଅଇଲା, ଆରି ମାପୁରୁର୍ ମଇମାର୍ ଉଜଲ୍ ତାକର୍ ଚାରିବେଡ଼ି ଜଲ୍ସିଗାଲାଜେ ଗଉଡ଼ମନ୍ ବେସି ତରିଗାଲାଇ । ୧୦ ତେଇ ଦୁଡ଼ ସେମନ୍କେ କଇଲା, “ତରାନାଇ ! ଦେକା ମୁଇ ସବୁଲକ୍ପାଇ ଗଟେକ୍ ବେସି ସାର୍ଦାର୍ କବର୍ ତମକେ ଜାନାଇଲିନି, ଜନ୍ଟାକି ସବୁଲକ୍ପାଇ ସାର୍ଦାର୍ ବିସଇ ଅଇସି । ୧୧ କାଇକେବଇଲେ, ଆଜିସେ ଦାଉଦ୍ ରାଜାର୍ ଜନମ୍ ନଅରେ ତମର୍ପାଇ ଗଟେକ୍ ଉଦାର୍କାରିଆ ଜନମକଲା ଆଚେ, ସେ କିରିସଟ୍ ମାପୁରୁ । ୧୨ ଆରି ତମର୍ପାଇ ବଲି ଏଟା ଗଟେକ୍ ଚିନ୍ପାରା ଅଇସି, ତମେ ଲୁଗା ଗୁଡ଼ିଆଇକରି ଗଟେକ୍ ପିଲା ଗରୁସାଲର୍ ତଙ୍ଗାଇ ତୁଲାଇ ରଇବାଟା କଜି ମିଲାଇସା ।”

୧୩ ସେଡ଼କିବେଲେ ଅଟାଡ଼ ସର୍ଗେଅନି ଦୁଡ଼ମନ୍ ମାନ୍ଦାଅଇ, ସେ ସରଗର୍ ଦୁଡ଼ଟାନେ କେଟି ପର୍ମେସର୍କେ ସୁମର୍ନା କରବାର୍ ଦାରଲାଇ ।

୧୪ “ସର୍ଗେ ରଇବା ପର୍ମେସରର୍ ଜୟ ଜୟ କରୁ, ଆରି ଦର୍ତନିଟାନେ ରଇବା ଜନ୍ ଲକ୍ମନକେ ପର୍ମେସର୍ ବାଟ୍ଲାଆଚେ ସେମନ୍କେ ସାନ୍ତି ମିଲ ।”

୧୫ ଦୁଡ଼ମନ୍ ମେଣ୍ଡା ଚାରାଉ ଗଉଡ଼ମନ୍କେ ଚାଡ଼ି ସର୍ଗେ ଉଟିଗାଲା ପଟେ, ଗଉଡ଼ମନ୍ ତାକର୍ ତାକର୍ ବିତ୍ରେ କୁଆବଲା ଅଇବାର୍ ଦାରଲାଇ, “ଆସା ଆମେ ସବୁ ବେଡ଼ଲିଇମ୍ ଜାକ ଜାଇକରି, ପର୍ମେସର୍ ଜାନାଇରଇଲା ବିସଇ ଦେକୁ ।”

୧୬ ତେଇଅନି ସେମନ୍ ଦାପ୍ରେ ଜାଇ କଜିକରି ମରିୟମ୍, ଜସେପ୍ ଆରି ଗରୁସାଲର୍ ତଙ୍ଗାଇ ପିଲା ତୁଲିରଇଲାଟା ଦେକ୍ଲାଇ । ୧୭ ସେମନ୍ ପିଲାକେ ଦେକିକରି, ଦୁଡ଼ ଜାଇ ଜାଇଟା କଇରଇଲା, ତେଇ ରଇଲା ସବୁଲକ୍କେ କଇଲାଇ । ୧୮ ଆରି ଜେଡ଼କି ଲକ୍ ତେଇ ରଇଲାଇ ଗଉଡ଼ମନର୍ ଟାନେଅନି ସେ ସବୁ କାତା ସୁନି କାବା ଅଇଗାଲାଇ । ୧୯ ମାତର୍ ମରିୟମ୍ ଏ ସବୁ କାତା ନିଜର୍ ମନେ ସଙ୍ଗାଇ, ସେ ବିସଇସେ ଚିନ୍ତା କରବାର୍ ଦାରଲା । ୨୦ ଆରି ମେଣ୍ଡା ଚାରାଉମନ୍କେ

ଦୁହ ଜେଣ୍ଡି କଇରଇଲା, ସେନ୍ତା ସୁନ୍ଲାଇ ଆରି ଦେକ୍ଲାଇ । ସେ ସବୁରଲାଗି ପର୍ମେସରର୍ ମଇମା କରି କରି ବାଅଡ୍ଲାଇ ।

**ଜିସୁକେ ପର୍ମେସରର୍ ଗରେ ନେଲାଇ**

୨୧ ✨ଆର୍ ଦିନ୍ ଅଇଲାପତେ ଜିଉଦିମନର୍ ନିୟମ୍ ଇସାବେ ପିଲାକେ ସୁନଡ୍ କର୍ବାକେ ମନ୍ଦିରେ ନେଲାଇ । ଆରି ପିଲାର ନାଉଁ ଜିସୁ ବଲି ଦିଆଅଇଲା । ଏ ନାଉଁ ମରିୟମ୍ ଗାଗ୍ତେ ନ ଅଇତେ, ସର୍ଗର୍ ଦୁହ କଇରଇଲା ।

୨୨ ପତେ ଜେଡେବଲ୍ ମସାର ବିଦି ଇସାବେ, ଜସେପ୍ ଆରି ମରିୟମ୍ ସୁତକ୍ ଅଇରଇବା ବେଲା ପୁରୁନ୍ ଅଇଆଇଲା, ପିଲାକେ ପର୍ମେସରକେ ସର୍ପି ଦେବାକେ ଜିରୁସାଲାମ୍ ମନ୍ଦିରେ ନେଲାଇ । ୨୩ ମାପୁରୁର୍ ଲେକା ଅଇରଇବା ସାସ୍ତର୍ ଇସାବେ, ସେ ବେଲେ ଜନ୍ ଗରେ ମିସା, ପର୍ତୁମ୍ ଜନମ୍ ଅଇଲା ପଣୁଆ ପିଲାମନ୍ ପର୍ମେସରର୍ ସେବାର୍ ପାଇ ସର୍ପି ଅଇବାଇ ବଲି ମାନ୍ତେ ରଇଲାଇ । ୨୪ ଜସେପ୍ ଆରି ମରିୟମ୍ ଜିସୁକେ ଲେକା ଅଇରଇବା ସାସ୍ତର୍ ଇସାବେ ପର୍ମେସରକେ ସର୍ପି ଦେବାକେ ଆରି ସୁକଲ୍ ଅଇବା ବିରୁପାଇ ଦୁଇଟା ପରୁଆ ପିଲା ଦାରି ଜିରୁସାଲାମ୍ ଗଲାଇ ।

**ସିମିୟନ୍ ଆରି ଆନା ଜିସୁକେ ଦେକ୍ଲାଇ**

୨୫ ସେବେଲେସେ ଜିରୁସାଲାମେ ସିମିୟନ୍ ନାଉଁର୍ ଗଟେକ୍ ଦରମ୍ ଲକ୍ ରଇଲା । ସେ ମାପୁରୁ ଦେକ୍ବା ଇସାବେ ନିମାନ୍ ଲକ୍ । ଇସ୍ରାଏଲ୍ ଦେସେ ଉଦାରକାରିଆ ଆସି ସାନ୍ତି ଦେଅ ବଲି ଜାଗିରଇଲା । ଆରି ତାର୍ଟାନେ ସୁକଲ୍ ଆଡ୍ମା ବାସାଅଇରଇଲା । ୨୬ ସୁକଲ୍ ଆଡ୍ମା ତାକେ ଜାନାଇଦେଇରଇଲା ଜେ, ପର୍ମେସର୍ ପାଟାଇରଇବା ଉଦାରକାରିଆର୍ ଦରସନ୍ ନ ମିଲ୍ବାଜାକ ତାର୍ ମରନ୍ ନ ଅଏ । ୨୭ ତାକେ ଆଡ୍ମା ଚାଲାଇ ଆନ୍ଲାଜେ ସେ ଦେଉଲର୍ ତାଣ୍ଡେ ଆଇଲା, ଆରି ଜେଡେବଲ୍ ସାନ୍ପିଲା ଜିସୁର୍ ଆୟା ବାବା ତାକେ ବିଡ୍ରେ ଆନ୍ଲାଇ,

୨୮ ସେଡକିବେଲେ ସିମିୟନ୍ ସାନ୍ପିଲାକେ କଲେ ଦାରି ପର୍ମେସରର୍ ମଇମା କରି କଇଲା,

୨୯ “ଏ ମାପୁରୁ ! ଏବେ ତୁଇ ନିଜର୍ ବାକିଅ ଇସାବେ

ତର୍ ନିଜର୍ ଦାସ୍ ମକେ ସାନ୍ତିସଙ୍ଗ୍ ଜିବାକେ ଦେଲୁସ୍ନି !

୩୦ କାଇକେବଲେ ମର୍ ଆଁକି ତର୍ ଉଦାର୍ ଦେକି ଆତେ,

୩୧ ଜନ୍ ଉଦାରକାରିଆକେ ତମେ ସବୁଲକର୍ ମୁଆଟେ ପାଟାଇ ଆଟାସ୍ ।

୩୨ ଆରି ବିଜାତି ଲକ୍ମନର୍ପାଇ ବଲି ଜାନାଇଅଇଲା ସତର୍ ଉଜଲ୍

ଆରି ତମର୍ ଲକ୍ମନ୍ ଇସ୍ରାଏଲର୍ ମଇମା କରି ଆଟାସ୍ ।”

୩୩ ସିମିୟନର୍ଟାନେଅନି ଜିସୁର୍ ବିସଇର୍ କାତା ସୁନି ଜସେପ୍ ଆରି ମରିୟମ୍ କାବାଅଇ ଜାଇତେ ରଇଲାଇ । ୩୪ ଆରି ସିମିୟନ୍ ସେଲକ୍କେ ଆସିର୍ବାଦ୍ ଦେଇ ଜିସୁର୍ ମାକେ କଇଲା, “ଏ ପିଲା ଇସ୍ରାଏଲ୍ ଦେସର୍ କେତେ କେତେ ଲକ୍ ଉବଜ୍ବାଟା ଆରି କେତେ କେତେ ଲକ୍ ବୁଡିଜିବାପାଇ ବଲି ପର୍ମେସର୍ ବାଟି ପାଟାଇଲା ଲକ୍ ଅଇସି । କେତେ କେତେ ଲକ୍ମନ୍ ତାର୍ ବିରୁଦେ କଇବା, ଗଟେକ୍ ଚିନ୍ ପାରା ଅଇସି । ୩୫ କେତେ କେତେ ଲକ୍ ତାକେ ବିରଦ୍ କରି ନିଜର୍ ମନ୍ ବିଡ୍ରେ କାତା ସବୁ ଜାନାଇବାଇ । ଆରି ତମର୍ ଜିବ୍ନେ ଗଟେକ୍ କାଣ୍ଡା ବୁସିଅଇରଇଲାପାରା ତମ୍କେ ବେସି ଦୁକ୍ ଅଇସି ।”

୩୬ ସେ ଦାପରେ, ଏଦେ ଦେକା ! ଆନା ନାଉଁର୍ ଗଟେକ୍ ମାଇଜି ବବିସଡ୍ବକ୍ତା ତାକର୍ ଲଗେ ଆଇଲା । ସେ ଆସେର୍ ବ୍ସର୍ ପିନ୍ଧୁଏଲର୍ ଟକି, ସେ ବେସି ଡକ୍ରି ଅଇଜାଇରଇଲା । ବିବା ଅଇ ମୁନ୍ସ୍ ସଙ୍ଗ୍ ସାଡ୍ ବରସ୍ ରଇକରି, ରାଣ୍ଡି ଅଇଗାଲା । ଆରି ତାକେ ଚାରିକଡିଚାରି ବରସ୍ ଅଇରଇଲା । ୩୭ ସେ ଦେଉଲେଅନି କେନେ ନ ଜାଇ, ଉପାସ୍ ରଇକରି ଦିନ୍ ରାତି ମାପୁରୁର୍ ଉପାସନା କର୍ତେରଇଲା । ୩୮ ପିଲାକେ ମାପୁରୁଟାନେ ସର୍ପି ଦେବାବେଲେ ସେ ଦେଉଲର୍ ତାଣ୍ଡେ କେଟି, ପର୍ମେସରର୍ ମଇମା କରିକରି ଜନ୍ ଲକ୍ମନ୍ ଜିରୁସାଲାମର୍ ମୁକ୍ତି ମିଲ ବଲି ଜାଗ୍ତେରଇଲାଇ, ସେ ଲକ୍ମନକେ ପିଲାର୍ ବିସଇ କଇବାର୍ ଦାରଲା ।

**ଜସେପ୍ ଆରି ମରିୟମ୍ ନାଜରିତେ ବାଅଡ୍ଲାଇ**

୩୯ ✨ପତେ ଜସେପ୍ ଆରି ମରିୟମ୍ ମାପୁରୁର୍ ରିଡିନିଡି ଇସାବେ କର୍ବା ସବୁ କାମ୍ ସାରାଇ, ଗାଲିଲି ନିଜର୍ ନଅର୍ ନାଜରିତେ ବାଅଡ୍ଲାଇ । ୪୦ ଆରି ପିଲା ଦିନକେ ଦିନ୍ ବଡିକରି ବପୁଅଇଲା, ଆରି ଗିଆନେ ପୁରାପୁରୁନ୍ ଅଇଲା । ତାକେ ପର୍ମେସରର୍ ଦୟା ରଇଲା ।

**ସାନ୍ ପିଲା ଜିସୁ ଦେଉଲେ ରଇବାଟା**

୪୧ ଜିସୁର୍ ବାବା, ମା ସବୁବର୍ସେ ଜିଉଦିମନର୍ ନିସ୍ତାର୍ ପରବ୍ ପାଇ ଜିରୁସାଲାମେ ଜାଇତେରଇଲାଇ । ୪୨ ତରେକ୍ ଜିସୁକେ ବାର ବରସ୍ ଅଇଲାବେଲେ ସେମନର୍ ରିଡିନିଡି ଇସାବେ ଜିରୁସାଲାମେ ପରବ୍ ମାନ୍ବାର୍ ଗାଲାଇ ।

୪୩ ସେମନ୍ ପରବ୍ ସାରାଇ ବାଉଡି ଆଇଲାବେଲେ, ପିଲା ଜିସୁ ଜିରୁସାଲାମେ ରଇଗାଲା । ମାତର୍ ତାର୍ ବାବା ମାଆ ମିସା ସେ ତେଇ ରଇଲାଟା ଜାନି ନ ରଇଲାଇ । ୪୪ ତାର୍ ସଙ୍ଗର୍ ଲକ୍ମନର୍ ସଙ୍ଗ୍ ଆତେ କାଇକି ବଲି ବାବିକରି

☆ ୨:୨୧ ୨:୨୧ ଲୁକ୍ ୧:୩୧ ☆ ୨:୩୯ ୨:୩୯ ମାଡିଉ ୨:୨୩



ସେମନ୍ ଗଟେକ୍ ଦିନର୍ ବାଟେ ଇଣ୍ଡି ଉଟି ଜାଇରଇଲା । ସେମନ୍ ସାଇପଡ଼ିସା, ଚିନାର୍ ଜାନାର୍ ଲକ୍ମନ୍‌କେ ପାଟାରି କଜ୍‌ଲା । ୪୫ ଡିସେନାଇକେ ଆରି କଜି କଜି ଜିରୁସାଲାଇମେ ବାଉଡ଼ିଗାଲା । ୪୬ ତିନ୍‌ଦିନ୍ ପଟେ ସେମନ୍ ତାକେ ମନ୍ଦିରେ ଦେକ୍‌ଲା, ସେ ସାସ୍‌ତର୍ ସିକାଉମନର୍ ମଜାଇ ବସି, ତାକର୍ କାତା ସୁନ୍‌ଡେରଇଲା, ଆରି ପର୍‌ସନ୍ ପାଟାରିଡେରଇଲା । ୪୭ ଆରି ତେଇ ଜେଡ଼କି ଲକ୍ ତାର୍ କାତା ସୁନ୍‌ଡେରଇଲା, ସବୁଲକ୍ ସେ କାତା ଅଇବାଟା ଆରି ତାର୍ ବୁଦି ଦେକି କାବାଅଇ ଜାଇଡେରଇଲା । ୪୮ ଜସେପ୍ ଆରି ମରିୟମ୍ ମିସା ଜିସୁକେ ଦେକି କାବା ଅଇଗାଲା, ଆରି ତାର୍ ମାଆ ତାକେ କଇଲା, “ତୁଇ କାଇକେ ନୁନା ଆମ୍‌କେ ଏନ୍ତାରି କଲୁସ୍ ? ଦେକ୍‌ନି ତର୍ ବାବା ଆରି ମୁଇ କେଡେକ୍ କିଲ୍‌ବିଲ୍ ଅଇ କଜ୍‌ଲୁନି ।”

୪୯ ତେଇ ଜିସୁ ସେମନ୍‌କେ କଇଲା, “କାଇକେ ମକେ କଜ୍‌ଡେରଇଲାସ୍ ? ମର୍ ବାବାର୍ ଗରେ ମୁଇ ରଇବାର୍ ଆଟେଆକା, ଏଟା ନାଜାନି ରଇଲାସ୍ କି ?” ୫୦ ମାତର୍ ଜିସୁ ସେମନ୍‌କେ ଜନ୍ କାତା କଇଲା, ସେଟା ସେମନ୍ ବୁଜିନାପାରଲା ।

୫୧ ପଟେ ଜିସୁ ତାର୍ ବାବା ମାଆ ସଙ୍ଗ୍ ନାଜରିତେ ବାଉଡ଼ି ଆଇଲା ଆରି ତାକର୍ କାତା ମାନ୍‌ଡେରଇଲା, ମରିୟମ୍ ମିସା ଏ ସବୁ କାତା ନିଜର୍ ମନ୍ ବିଡ଼ରେ ସଙ୍ଗ୍ ଚିନ୍ତା କଲା । ୫୨ ଜିସୁ, ଗିଆନେ, ଗାଗ୍‌ଡେ, ପର୍‌ମେସର୍ ଆରି ଲକ୍‌ମନର୍ ଦୟାଇ ବଡ଼ିଆଇଲା ।

### ୩

ତୁବନ୍ ଦେଉ ଜଅନ୍ କଇବା ନିକ କାତା  
(ମାଡ଼ିଉ ୩:୧-୧୨; ମାର୍କ ୧:୧-୮; ଜଅନ୍ ୧:୧୯-୨୮)

୧ ବଡ଼ ସାସନ୍‌କାରିଆ ଡିବିରିଆ କାଇସର୍ ସାସନ୍ କର୍‌ବା ପନ୍‌ର ବରସ୍ ଅଇଲାବେଲେ, ପାନ୍ତ୍ରିୟ ପିଲାଡ଼ ଜିଉଦା ରାଇଜ୍ ସାସନ୍ କର୍‌ଡେରଇଲା । ଆରି ଏରଦ୍ ଗାଲିଲିର୍ ସାସନ୍‌କାରିଆ ରଇଲା । ଏରଦର୍ ବାଇ ପିଲିପ୍ ଇଡୁରିଆ ଆରି ତାକ୍‌ନିଡ଼ ରାଇଜର୍ ସାମନ୍ତ ରାଜା ରଇଲା । ଲୁସାନିଆ ନାଉର୍ ଗଟେକ୍ ଲକ୍ ଅବିଲିନି ରାଇଜର୍ ସାମନ୍ତ ରାଜା ରଇଲା । ୨ ଆନାନ୍ ଆରି କୟାପ୍ ନାଉର୍ ତୁଇ ଲକ୍ ବଡ଼ ପୁଜାରି ରଇଲା । ସେବେଲେ ଜିକରିୟର୍ ପଅ ଜଅନ୍, ମରୁବାଲି ବୁର୍‌ଅ ରଇଲାବେଲେ ପର୍‌ମେସର୍ କାତା ସେ ସୁନ୍‌ଲା । ୩ ଜର୍‌ଦନ୍ ଗାଡ଼ ଲଗେ ରଇବା ଲଗର୍ ପାକର୍ ଗାଉଁଗଣ୍ଡାଇ ଜାଇ ଜଅନ୍ ପାପ୍ କେମାର୍ ଲାଗି, ପାପ୍‌କାମ୍ ଚାଡ଼ିକରି ମାପ୍‌ରୁର୍ ବାଟେ ଆସି ତୁବନ୍ ନେବାକେ ଜାନାଇବାର୍ ଦାରଲା ।

୪ ଜେନ୍ତାରି ଜିସାୟ ବବିସଡ଼ବକ୍‌ତା ସୁନାଇରଇବା ସାସ୍‌ତରେ ଲେକା ଅଇଲାଆଟେ,  
“ମରୁବାଲିବୁର୍‌ଆ ଡାଉଲିଅଇ କଇବା ଗଟେକ୍ ଲକ୍ ସବଦ୍ କରି କଇଲାନି,  
ମାପ୍‌ରୁ ଆଇବାଟା ଡିଆରକରା,  
ତାର୍ ଆଇବା ବାଟ୍ ସଲ୍‌କାଆ ।

୫ ବଡ଼ ବଡ଼ ତଙ୍ଗର୍ ପର୍‌ବଡ଼ ସବୁ ସଦ୍‌ରମ୍ ଅଇକରି  
ଗାଡ଼ କଣ୍ଡି କଣ୍ଡି ରଇବା ଆଁଟାଲ୍ ବୁଟାଲ୍ ସାର୍‌ଦି ଅଇସି,  
ବାଁକ୍ ଟେକ୍ ବାଟ୍ ସଲ୍‌କ୍ ଅଇସି,  
ଆରି କାଲ୍ ଡେପ୍ ଜମି ସଦ୍‌ରମ୍ ଅଇଜାଇସି ।

୬ ମର୍‌ପୁରର୍ ସବୁଲକ୍ ପର୍‌ମେସର୍‌ର ଉଦାର୍‌କାରିଆକେ ଦେକ୍‌ବାଇ ।”

୭ ✨ଜଅନ୍‌ଟାନେ ତୁବନ୍ ନେବାର୍‌ଲାଗି ବାରଇ ଆଇବା ଲକ୍‌ମନ୍‌କେ ସେ କଇଲା, “ଏ ବିସ୍ ରଇଲା ସାଁପର୍ ବସ୍‌ର୍ ଲକ୍‌ମନ୍, ଆଇବା ପର୍‌ମେସର୍‌ର କପେଅନି ପାଲାଇବାକେ ତମ୍‌କେ କେ ଟେଡ଼ନା ଦେଲା ? ୮ ✨ଡେବର୍‌ପାଇ ପାପ୍‌କାମ୍ ଚାଡ଼ି ନିକ କାମ୍ କରା, ଅବ୍‌ରାଆମ୍‌ତା ଆମ୍‌ର ଆନିଦାଦି ବଲି ମନେ ମନେ ବାବାନାଇ, କାଇକେବଇଲେ ମୁଇ ତମ୍‌କେ କଇଲିନି, ପର୍‌ମେସର୍ ଏ ପାକ୍‌ନାମନର୍‌ଟାନେଅନି ମିସା ଅବ୍‌ରାମ୍‌ର ପିଲାଜିଲା ଉବ୍‌ଜାଇ ପାର୍‌ସି । ୯ ✨ଏବେମିସା ଗର୍‌ମନର୍ ବୁନ୍ଦେ କୁରାଡ଼ି ଲାଗିଆଟେ, ଡେବର୍‌ପାଇ ଜନ୍ ଗର୍ ନିମାନ୍ ପଲ୍ ନ ପଲେ, ସେଟା କାଟିକରି ଜଇଟାନେ ପିଙ୍ଗାଅଇସି ।”

୧୦ ତେଇ ଲକ୍‌ମନ୍ ଜଅନ୍‌କେ ପାଟାରିଲା, “ସେନ୍ତାର୍ ଆଲେ ଆମେ କାଇଟା କର୍‌ବୁ ?”

୧୧ ଜଅନ୍ ସେମନ୍‌କେ କଇଲା “ଜାର୍‌ଟାନେ ତୁଇଟା ପିନ୍‌ବା ଲୁଗା ଆଟେ, ଜାକେ ନାଇ, ତାକେ ସେ ଗଟେକ୍ ଦେଅ, ଆରି ଜାର୍‌ଟାନେ କାଦି ଆଟେ, ସେ ମିସା ସେନ୍ତାରି ବାଟା କରି ଦେଅ ।”

୧୨ ✨ସିସ୍‌ତୁମାଙ୍ଗୁମନ୍ ମିସା ତୁବନ୍ ନେବାକେ ଆସି ତାକେ ପାଟାରିଲା “ଏ ଗୁରୁ ଆମେ କାଇଟା କର୍‌ବୁ ?”

୧୩ ଜଅନ୍ ସେମନ୍‌କେ କଇଲା, “ତମ୍‌ର୍ ଜେଡ଼କି ନେବାର୍ ଅଦିକାର୍ ଆଟେ, ତାର୍‌ଡେଇଅନି ଅଦିକ୍ ମାଙ୍ଗା ନାଇ ।”

୧୪ ସନିଅମନ୍ ମିସା ତାକେ ପାଟାରିବାର୍ ଦାରଲା, “ଆରି ଆମେ କାଇଟା କର୍‌ବୁ ?”

✨ ୩:୭ ୩:୭ ମାଡ଼ିଉ ୧୨:୩୪;୨୩:୩୩ ✨ ୩:୮ ୩:୮ ଜଅନ୍ ୮:୩୩ ✨ ୩:୯ ୩:୯ ମାଡ଼ିଉ ୭:୧୯ ✨ ୩:୧୨ ୩:୧୨ ଲୁକ୍ ୭:୨୯

ଜଅନ୍ ସେମନ୍‌କେ କଇଲା, “ବପୁ ଦେକାଇ କାଇଟା ମିସା ଜିକି ଆନା ନାଇ କି ନାଡ଼ାଇକରି କାର୍ ଦନ୍‌ସଁପତି ଆନା ନାଇ, ତମକେ ଜେଡ଼କି କୁଲି ମିଲ୍‌ଲାନି ସେଡ଼କି ନେଇକରି ସାର୍‌ଦା ସଙ୍ଗ୍ ରୁଆ ।”

୧୫ ଲକ୍‌ମନ୍ ଆସାଅଇ କରିସ୍‌ଟକେ ଜାଗ୍‌ତେ ରଇଲାଇ ଜେ, କେତେବେଲେ ଏ ମିସା କିରିସ୍‌ଟ ଅଇରଇସି ବଲି ବାବି, ଜଅନର୍ ବିସଇ ଚିନ୍ତା କର୍‌ତେରଇଲାଇ । ୧୬ ତେବେ ଜଅନ୍ ସବୁଲକ୍‌ମନ୍‌କେ କଇଲା, “ମୁଇସିନା ତମକେ ପାନିଟାନେ ଡୁବନ୍ ଦେଲିନି, ମାତର୍ ମର୍‌ଟାନେଅନି ଅଦିକ୍ ବପୁରଲକ୍ ଆଇଲାନି, ମୁଇ ତାର୍ ଗତିଦାଙ୍ଗ୍‌ତା ଅଇ ପାଦର୍ ପାଣ୍ଡୁଇ ମିସା କୁସ୍‌ଲାଇବାକେ ମର୍ ଅଦିକାର୍ ନାଇ । ସେ ତମକେ ଜଇସଙ୍ଗ୍ ଆରି ସୁକଲ୍ ଆଡ଼ମାଇ ଡୁବନ୍ ଦେଇସି । ୧୭ ତାର୍ ଆଡେ କୁଲାଆଡେ, ତେବେ ସେ କଟାରେ ରଇଲା ଦାନ୍ ପରିଚଲ୍ କରି ଚୁଲିଆଇ କଲ୍‌କିଟାନେ ସଙ୍ଗ୍‌ଇସି । କାଇ କାମେ ନ ଆଇବାଟା ଜାକ ସବୁବେଲେ ଲାଗିରଇବା ଜଇଟାନେ ପଡ଼ାଇଦେଇସି ।”

୧୮ ଜଅନ୍ ଏନ୍ତାରି କେତେକ୍ କେତେକ୍ ଉପ୍‌ଦେସ୍ ଦେଇକରି ଲକ୍‌ମନ୍‌କେ ମାପୁରୁରବାଟେ ଆଇବାକେ ମନ୍ କରାଇତେରଇଲା ଆରି ମାପୁରୁର୍ ନିକ କାତା ସୁନାଇତେରଇଲା ଆରି ପାପ୍ କର୍‌ବାଟାନେଅନି ବାଅଡ଼ବାକେ ବୁଜାଇତେରଇଲା । ୧୯ \*ମାତର୍ ସାମନ୍ତ ରାଜା ଏରଦ୍ ନିଜର୍ ବାଇର୍ ମାଇଜି ଏରଦିଆକେ ସଙ୍ଗ୍‌ଇଲାକେ ତାର୍ କରିରଇବା ବିନ୍ ବିନ୍ ପାପ୍‌କାମର୍ ବିସଇ ଜାନି ଜଅନ୍ ତାକେ ଦମ୍‌କାଇତେରଇଲା । ୨୦ ଏରଦ୍ ଜଅନ୍‌କେ ବନ୍ଦିକରି ସେ କରିରଇବା ସବୁ ପାପ୍‌କାମର୍ ସଙ୍ଗ୍ ଏ ବଡ଼ ପାପ୍ ମିସା ଜଡ଼ଲା ।

**ଜିସୁର୍ ଡୁବନ୍**

(ମାତିଉ ୧୩:୧୭; ମାର୍କ ୧:୯-୧୧)

୨୧ ସବୁଲକ୍ ଡୁବନ୍ ନେଲା ପଟେ ଜିସୁ ମିସା ଡୁବନ୍ ନେଲା । ଆରି ପାର୍‌ତନା କର୍‌ବାବେଲେ, ଏଦେ ଦେକା ! ବାଦଲ୍ ଉଗାଡ଼ିଅଇଗାଲା, ୨୨ \*ଆରି ସୁକଲ୍ ଆଡ଼ମା ପରୁଆର୍ ଗାଗଡ଼ ଦାରି ଉଡ଼ରି ଆସି, ଜିସୁର୍ ଉପ୍‌ରେ ବସ୍‌ଲା । ସର୍‌ଗେଅନି ଗଟେକ୍ ଏନ୍ତାରି ସବଦ୍ ଆଇଲା, “ଡୁଇସେ ମର୍ ଆଲାଦର୍ ପିଲା, ତର୍‌ଟାନେ ମୁଇ ବେସି ସାର୍‌ଦା ଅଇଲିନି ।”

**ଜିସୁର୍ ଆନିଦାଦିମନର୍ ଇସାବ୍**

(ମାତିଉ ୧:୧-୧୭)

୨୩ ଜିସୁ ପର୍‌ମେସରର୍ କାମ୍ ଆରମ୍ କଲାବେଲେ ତାକେ ଡିରିସ୍ ବରସ୍ ଅଇରଇଲା । ଲକ୍‌ମନର୍ ବାବ୍‌ନା ଇସାବେ, ଜିସୁ ଜସେପର୍ ପଅ, ଜସେପ୍ ଏଲିର୍ ପଅ । ୨୪ ଏଲି ମଡ଼ତାତର୍ ପଅ, ମଡ଼ତାଡ଼ ଲେବିର୍ ପଅ, ଲେବି ମଲ୍‌କିର୍ ପଅ, ମଲ୍‌କି ଜନୟର୍ ପଅ, ଜନୟ୍ ଜସେପର୍ ପଅ, ୨୫ ଜସେପ୍ ମଡ଼ିତିଆର୍ ପଅ, ମଡ଼ିତିଆ ଅମସର୍ ପଅ, ଅମସ୍ ନାଉମର୍ ପଅ, ନାଉମ୍ ଏସ୍‌ମିର୍ ପଅ, ଏସ୍‌ମି ନଗୟ୍ ପଅ, ୨୬ ନଗୟ୍ ମଅତର୍ ପଅ, ମଅଡ଼ ମଡ଼ିତିଆର୍ ପଅ, ମଡ଼ିତିଆ ସମଇର୍ ପଅ, ସମୟ୍ ଜସେକର୍ ପଅ, ଜସେକ୍ ଜଦାର୍ ପଅ, ୨୭ ଜଦା ଜଅନର୍ ପଅ, ଜଅନ୍ ରେସାର୍ ପଅ, ରେସା ଜିରୁବାବେଲର୍ ପଅ, ଜିରୁବାବେଲ୍ ସିଅଲ୍‌ଡିଏଲର୍ ପଅ, ସଅଲ୍‌ଡିଏଲ୍ ନେରିର୍ ପଅ, ୨୮ ନେରି ମଲ୍‌କିର୍ ପଅ, ମଲ୍‌କି ଅଦିର୍ ପଅ, ଅଦି କସାମର୍ ପଅ, କସାମ୍ ଏଲୁଦାନର୍ ପଅ, ଏଲୁଦାନ୍ ଏରର୍ ପଅ, ୨୯ ଏର ଜିୟ୍‌ସୁଅର୍ ପଅ, ଜିୟ୍‌ସୁଅ ଏଲିଏଜର୍ ପଅ, ଏଲିଏଜ୍ ଜରିମର୍ ପଅ, ଜରିମ୍ ମଡ଼ତାତର୍ ପଅ, ମଡ଼ତାଡ଼ ଲେବିର୍ ପଅ, ୩୦ ଲେବି ସିମିୟ୍‌ନର୍ ପଅ, ସିମିୟ୍‌ନ୍ ଜିଉଦାର୍ ପଅ, ଜିଉଦା ଜସେପର୍ ପଅ, ଜସେପ୍ ଜନାମର୍ ପଅ, ଜନାମ୍ ଏଲିଆକିମର୍ ପଅ, ୩୧ ଏଲିଆକିମ୍ ମଲାଅର୍ ପଅ, ମଲାଅ ମନାର୍ ପଅ, ମନା ମଡ଼ତାତର୍ ପଅ, ମଡ଼ତା ନାତନର୍ ପଅ, ନାତନ୍ ଦାଉଦର୍ ପଅ, ୩୨ ଦାଉଦ୍ ଜିୟ୍‌ସୁଅର୍ ପଅ, ଜିୟ୍‌ସୁଅ ଆବେଦର୍ ପଅ, ଆବେଦ୍ ବୟ୍‌ଜର୍ ପଅ, ବୟ୍‌ଜ୍ ସେଲଅର୍ ପଅ, ସେଲଅ ନଅସନର୍ ପଅ, ୩୩ ନଅସ୍ ଅମିନାଦାବର୍ ପଅ, ଅମିନାଦାବ୍ ଅଦ୍‌ମିନର୍ ପଅ, ଅଦ୍‌ମିନ୍ ଅର୍‌ନିର୍ ପଅ, ଅର୍‌ନିର୍ ଏସ୍‌ରନର୍ ପଅ, ଏସ୍‌ରନ୍ ପେରସର୍ ପଅ, ପେରସ୍ ଜିଉଦାର୍ ପଅ, ୩୪ ଜିଉଦା ଜାକୁବର୍ ପଅ, ଜାକୁବ୍ ଇସାକର୍ ପଅ, ଇସାକ୍ ଅବ୍ରାମର୍ ପଅ, ଅବ୍ରାଆମ୍ ତେରଅର୍ ପଅ, ତେରଅ ନାଅର୍ ପଅ, ୩୫ ନାଅର୍ ସରୁଗର୍ ପଅ, ସରୁଗ୍ ରଗୁର୍ ପଅ, ରଗୁ ପେଲଗର୍ ପଅ, ପେଲଗ୍ ଏବର୍ ପଅ, ଏବ ସେଲଅର୍ ପଅ, ୩୬ ସେଲା କଇନାନର୍ ପଅ, କଇନାନ୍ ଆର୍‌ପାକ୍‌ସଡ଼ର୍ ପଅ, ଆର୍‌ପାକ୍‌ସେଡ଼ର୍ ସେ ମର୍ ପଅ, ସେମ ନଅର୍ ପଅ, ନଅ ଲାମେକର୍ ପଅ, ୩୭ ଲାମେକ୍ ମିତୁସେଲଅର୍ ପଅ, ମିତୁସେଲଅ ଅନକର୍ ପଅ, ଅନକ୍ ଜାରେଦର୍ ପଅ, ଜାରେଦ୍ ମଅଲେଲର୍ ପଅ, ମଅଲେଲ୍ କେନାନର୍ ପଅ ୩୮ କେନାନ୍ ଏନସର୍ ପଅ, ଏନସ୍ ସେଡର୍ ପଅ, ସେଡ ଆଦମର୍ ପଅ, ଆଦମ୍ ପର୍‌ମେସରର୍ ପଅ ।



**ଜିସୁକେ ସଇତାନର୍ ପରିକା**

(ମାତିଉ ୪:୧-୧୧; ମାର୍କ ୧:୧୨-୧୩)

୧ ଜିସୁ ସୁକଲ୍ ଆଡ଼ମାଇ ପୁରାପୁରୁନ୍ ଅଇକରି ଜର୍‌ଦନ୍ ଗାଡେଅନି ବାଉଡ଼ି ଆଇଲା । ଆରି ସଇତାନର୍ ଟାନେ ପରିକା କରାଇବାକେ ତାକେ ଆଡ଼ମା ଚାଲାଇ ନେଲା । ତେଇ ଚାଲିସ୍ ଦିନ୍ ଜାକ ସଇତାନ୍ ତାକେ ପରିକା କର୍‌ତେରଇଲା । ୨ ସର୍‌ତେ ଦିନ୍ ସାର୍‌ଲା ପଟେ ସେ ବୁକ୍‌କେ ବାୟାଚୁରା ଅଇଗାଲା ।

\* ୩:୧୯ ୩:୧୯ ମାତିଉ ୧୪:୩,୪; ମାର୍କ ୬:୧୭,୧୮    \* ୩:୨୨ ୩:୨୨ ମାତିଉ ୩:୧୭; ମାର୍କ ୧:୧୧; ଲୁକ୍ ୯:୩୫

୩ ତେଇ ସଇତାନ୍ ଜିସୁକେ କଇଲା, “ତୁଇ ଜଦି ପର୍ଯ୍ୟେସରର୍ ପ, ତେବେ ଏ ପାକ୍ନା କାଦି ଅ ବଲି ଆଦେସ୍ ଦେସ୍ ।”

୪ ଜିସୁ ତାକେ କଇଲା, “ପର୍ଯ୍ୟେସରର୍ ସାସ୍ତରେ ଲେକାଅଇ ଆଚେ, ମୁନ୍ସୁ ଅବ୍‌କା କାଦି କାଇ ନ ବଞ୍ଚେ ।”

୫ ତାର୍‌ପଚେ ସଇତାନ୍ ଜିସୁକେ ଗଟେକ୍ ଉର୍ ଜାଗାଇ ତାକି ଦାରିଜାଇ କରି ଆକିମିଟ୍‌କା ମାର୍‌ବା ଏଡ୍‌କି ପର୍‌କେ ଜଗତର୍ ସବୁ ରାଇଜ୍ ଦେକାଇଲା । ୬ ଆରି ଜିସୁକେ କଇଲା, “ମୁଇ ତକେ ଏ ସବୁ ଦନ୍ ସିପତିର୍ ଅଦିକାର୍ ଆରି ମଇମା ଦେବି । କାଇକେବଇଲେ ସେଟା ସବୁ ମକେ ସର୍‌ପିଦେଲାଆଚେ, ଆରି ମୁଇ ଜାକେ ମନ୍ କର୍‌ବି, ତାକେ ଦେବି । ୭ ତେବର୍‌ପାଇ, ଜେବେ ତୁଇ ମକେ ଜୁଆର୍ କର୍‌ସୁ, ତେବେ ସେ ସବୁଜାକ ତର୍ ଅଇସି ।”

୮ ଜିସୁ ତାକେ କଇଲା, “ପର୍ଯ୍ୟେସରର୍ ସାସ୍ତରେ ଲେକାଅଇଆଚେ, ତୁଇ ତର୍ ପର୍‌ଯ୍ୟେସରକେସେ ଜୁଆର୍ କର୍‌ସୁ, ଆରି ତାକେସେ ସେବା କର୍‌ସୁ ।”

୯ ପଚେ ସଇତାନ୍ ଜିସୁକେ ଜିରୁସାଲାମେ ତାକିଦାରିଜାଇ, ମନ୍‌ରର୍ ଚାଉନି ଚିପେ ଚିଆକରାଇ କଇଲା, “ତୁଇ ଜଦି ପର୍‌ଯ୍ୟେସରର୍ ପ, ତେବେ ଇଡିଅନି ତଲେ ତେଗଇଦେସ୍, ୧୦ କାଇକେବଇଲେ ସାସ୍ତରେ ଲେକାଆଚେ ତକେ ରକିଆ କର୍‌ବାକେ ପର୍‌ଯ୍ୟେସର ତାର୍ ନିଜର୍ ଦୁଡ୍‌ମନ୍‌କେ ଆଦେସ୍ ଦେଇସି । ୧୧ ଆରି ମିସା ଲେକା ଆଚେ, ‘ଜେଡ୍‌କି ତର୍ ପାଦ୍ ପାକ୍‌ନାଇ ନ ପାଏ, ସେଟାର୍‌ପାଇ ଦୁଡ୍‌ମନ୍ ତକେ ଆଡେଦାରି ଟେକି ନେବାଇ ।’”

୧୨ ଜିସୁ ସଇତାନ୍‌କେ କଇଲା, “ଏଟା ମିସା ଲେକାଆଚେ, ତୁଇ ତର୍ ମାପ୍‌ରୁ ନିଜର୍ ପର୍‌ଯ୍ୟେସରକେ ପରିକା କର୍ ନାଇ ।”

୧୩ ସଇତାନ୍ ସବୁ ରକାମର୍ ପରିକା ସାରାଇଲା ପଚେ, ଆରି ତରେକ୍ ବେଲା ମିଲ୍‌ବାଜାକ କେତେ ଦିନର୍ ପାଇ ଜିସୁକେ ଚାଡି ଉଟିଗାଲା ।

**ଜିସୁର ସେବା କାମ୍ ଆରାମ୍**  
(ମାତିଉ ୪:୧୨-୧୭; ମାର୍କ ୧:୧୪-୧୫)

୧୪ ତାର୍‌ପଚେ ଜିସୁ ଆଡ୍‌ମାଇ ବପୁଅଇକରି ଗାଲିଲି ରାଇଜେ ବାଉଡିଗାଲା । ଆରି ତାର୍ କବର୍ ଗାଲିଲି ରାଇଜର୍ ଗୁଲାଇ ଗାଉଁମନ୍ ଜାନ୍‌ଲାଇ । ୧୫ ପଚେ ଜିସୁ ଜିଉଦିମନ୍‌ର୍ ପାର୍‌ତନା ଗର୍‌ମନ୍‌କେ ବୁଲି ବୁଲି ସିକିଆ ଦେଇକରି ସବୁ ଲକ୍‌ଟାନ୍‌ନେ ଅନି ତାକ୍‌ପୁଟା ପାଇବାର୍ ଦାର୍‌ଲା ।

**ଜିସୁକେ ନାଜରିତର୍ ଲକ୍ ନାମଡ୍‌ନାଇ**  
(ମାତିଉ ୧୩:୫୩-୫୮; ମାର୍କ ୬:୧-୬)

୧୬ ଏଡ୍‌କିବିଡ୍‌ରେ ନାଜରିତେ, ଜନ୍ ଜାଗାଇ କି ଜିସୁ ସାନ୍‌ବେଲେ ଅନି ବଡ୍ ଅଇରଇଲା, ସେ ଜାଗାଇ ଗାଲା । ଆରି ନିଜର୍ ରିଡିନିଡି ଇସାବେ, ବିସ୍‌ରାମ୍ ବାରେ ଜିଉଦିମନ୍‌ର୍ ପାର୍‌ତନା ଗରେ କେଟି ଦରମ୍ ସାସ୍ତର୍ ପଡ୍‌ବାକେ ଚିଆ ଅଇଲା । ୧୭ ସେଡ୍‌କିବେଲେ ତାକେ ଜିସାୟ୍ ବବିସଡ୍‌ବକ୍‌ତା ଲେକିରଇଲା ଦରମ୍ ସାସ୍ତର୍ ଦିଆଅଇଲା, ଆରି ଜିସୁ ସେ ଜିସାୟ୍ ବଇଟାନ୍‌ନେ ଲେକାଅଇରଇଲା ଏଡ୍‌ରି ବାକିଅ ମେଲାକରି ପାଇଲା ।

୧୮ “ମାପ୍‌ରୁର୍ ଆଡ୍‌ମା ମର୍ ସଙ୍ଗ୍ ଆଚେ,

ତେବର୍‌ପାଇ ନଇଲା ମଇଲା ଲକ୍‌ମନ୍‌ଟାନ୍‌ନେ ସୁବ୍ କବର୍ ଜାନାଇବାକେ, ପର୍‌ଯ୍ୟେସର୍ ମକେ ବାଟିକରି ପାଟାଇଲା,

ବନ୍ଦି ଗରେ ରଇବା ଲକ୍‌ମନ୍‌କେ ମୁକ୍‌ଲାଇବାକେ,

କାଣା ଲକ୍‌ମନ୍‌କେ ଦେକାଇବା ବିସଇ ଜାନାଇବାକେ ଆରି

ଦୁକର୍ ଲକ୍‌ମନ୍‌କେ ମୁକ୍‌ଲାଇବାକେ,

୧୯ ଆରି ମାପ୍‌ରୁ ତାର୍ ଲକ୍‌ମନ୍‌କେ ରକିଆ କର୍‌ବା ବେଲା ଆସିଆଚେ, ବଲି ଜାନାଇବାକେ ସେ ମକେ ପାଟାଇଆଚେ ।”

୨୦ ପଚେ ସେ ସାସ୍ତର୍ ତାବି, ପାର୍‌ତନା ଚାଲାଇବା ଗଟେକ୍ ଲକ୍‌କେ ବାଉଡାଇଦେଇ ବସିଦେଲା । ପାର୍‌ତନା ଗରେ ରଇଲା ଲକ୍‌ମନ୍ ତାକେସେ ଦେକ୍‌ତେରଇଲାଇ । ୨୧ ଜିସୁ ଲକ୍‌ମନ୍‌କେ କଇବାର୍ ଦାର୍‌ଲା, “ଆଜି ତମେ ସୁନ୍‌ଲା ଏ ଦରମ୍ ସାସ୍ତରର୍ ବାକିଅ ପୁରାପୁରୁନ୍ ଅଇଲା ।”

୨୨ ଜିସୁର୍ ବିସଇ ନେଇକରି ସବୁଲକ୍ ନିକ ସାକି ଦେବାର୍ ଦାର୍‌ଲାଇ ଆରି ସେ କଇବା, ମନ୍‌କେ ପାଇଲା ବାକିଅ ସୁନି କାବାଅଇଲାଇ, ଆରି ସେମନ୍ “ଏଟାକାଇ ଜସେପର୍ ପ ନଏଁ ଜେ ?” ବଲି କଇବାର୍‌ଦାର୍‌ଲାଇ ।

୨୩ ଜିସୁ ଲକ୍‌ମନ୍‌କେ କଇଲା, “ତମେ ସେ ଗାଲା କାତା ଆରିତରେକ୍ କଇସା ବଲି ମୁଇ ଜାନିରଇଲି, ଏ ଅସ ଦେଉ, ନିଜେ ତୁଇ ନିକ ଅ, ଆରି କପର୍‌ନାଉମେ ଜାଇ ଜାଇଟା ଗଟିଆଚେ ବଲି ଆମେ ସୁନିଆରୁ, ସେଟା ସବୁ ଏ ଜାଗାଇ, ତର୍ ନିଜର୍ ଜନମ୍ ନଅରେ ମିସା କର୍ ।” ୨୪ ✠ “ମାତର୍ ମୁଇ ତମ୍‌କେ ସଡ୍ କଇଲିନି, ବବିସଡ୍‌ବକ୍‌ତା ଅଇରଇବା କାକେମିସା ନିଜର୍ ଗାଏଁ ନ ନାମଡ୍ ।”

୨୫ “ମାତର୍ ମୁଇ ତମ୍‌କେ ସଡ୍‌କାତା କଇଲିନି, ଜେତେବେଲେ ବବିସଡ୍‌ବକ୍‌ତା ଏଲିୟର୍ ବେଲେ ତିନ୍‌ବରସ୍ ଚ ମାସ୍ ଜାକ ବାଦଲେଅନି ପାନିମାରେ ନାଇକେ ଗୁଲାଇ ଦେସେ ମର୍‌ଡି ଅଇରଇଲା, ସେବେଲେ ଇସ୍ରାଏଲ୍ ଦେସେ କେତେ

✠ ୪:୨୪ ୪:୨୪ ଜଅନ୍ ୪:୪୪

କେତେ ରାଣ୍ଡିମାଛଜିମନ୍ ରଇଲା । ୨୭ ରଇଲେ ମିସା ପର୍ଯ୍ୟନ୍ତ ଏଲିୟାକେ କାରଲଗେ ମିସା ନ ପାଟାଇ ସିଦନ୍ ଦେସର୍ ସାରିପତ୍ ବଲି ଗଟେକ୍ ଜାଗାଇ, ଗଟେକ୍ ରାଣ୍ଡିମାଛଜିମନ୍ ଲଗେ ପାଟାଇଲା । ୨୮ ଆରି ମାପୁରୁର୍ ବବିସତ୍ ବକ୍ତା ଏଲିୟାୟର୍ ବେଲେ ଇସ୍ରାଏଲ୍ ଦେସେ କେତେ କୁସଟି ରଗି ରଇଲା, ଏଲେ ମିସା ତାକର୍ ବିତ୍ରେ କାକେମିସା ନିକକରି ନ ରଇଲା, ସୁରିଆ ଦେସର୍ ନାମାନ୍ ନାଉର୍ ଲକ୍‌କେ ସେ ନିକକରି ରଇଲା ।”

୨୮ ଜିଉଦିମନର୍ ପାର୍ତନା ଗରେ ଏ କାତା ସୁନି ଲକ୍‌ମନ୍ ବେସି ରିସାଅଇଗାଲା । ୨୯ ଆରି ସେମନ୍ ଉଟିକରି ଜିସୁକେ ନଅରେଅନି ବାରକରାଇଦେଲା । ତାକର୍ ନଅରର୍ ଜନ୍ ପର୍ବତ୍ ଉପ୍ରେ ତିଆର୍ ଅଇରଇଲା, ସେ ପର୍ବତ୍ ଦାରେଅନି ତଲେ ପିଙ୍ଗିଦେଉଁ ବଲି, ତାକେ ତେଇ ଦାରିଗାଲା । ୩୦ ମାତର୍ ଜିସୁ ସେମନ୍ ବିତ୍ରେ ପୁରି ଉଟିଗାଲା ।

**ଜିସୁ ଗଟେକ୍ ତୁମା ତସିରଇବା ଲକ୍‌କେ ନିମାନ୍ କଲା**  
(ମାର୍କ ୧:୨୧-୨୮)

୩୧ ଜିସୁ ଗାଲିଲି ରାଇଜର୍ କପର୍ନାଉମ୍ ନାଉର୍ ଗଟେକ୍ ନଅରେ ଆଇଲା, ଆରି ବିସ୍ରାମ୍‌ବାରେ ଲକ୍‌ମନ୍‌କେ ସିକିଆ ଦେବାର୍ ଦାରଲା । ୩୨ ଲକ୍‌ମନ୍ ତାର୍ ସିକାଇବାଟା ଦେକି କାବାଅଇଗାଲା, କାଇକେବଇଲେ ତାର୍ ବାକିଅ ଅଦିକାର୍ ସଙ୍ଗ୍ ରଇଲା । ୩୩ ଦିନେକ୍ ଜିଉଦିମନର୍ ପାର୍ତନା ଗରେ ଗଟେକ୍ ତୁମା ତସିରଇବା ଲକ୍ ରଇଲା । ସେ ଆଉଲିଅଇ କିରକିରି କଇଲା, ୩୪ “ଏ ନାଜରିତର୍ ଜିସୁ, ଆମ୍‌ଗାନେ ତର୍ କାଇ କାମ୍ ଆଟେ ? ତୁଇ କାଇ ଆମ୍‌କେ ମରାଇବାକେ ଆସିଆତୁସ୍ ? ତୁଇ କେ ସେଟା ମୁଇ ଜାନି, ତୁଇ ପର୍ଯ୍ୟନ୍ତର୍ ସୁକଲ୍ ଲକ୍ ।”

୩୫ ଜିସୁ ତାକେ ଦମ୍‌କାଇ କରି କଇଲା, “ତୁପ୍ ର, ଆମ୍‌ଗାନେଅନି ବାରଇ ଜା ।” ତେଇଅନି ସେ ତୁମା ସେ ଲକ୍‌କେ ସରୁର୍ ମୁଆଟେ ଅଦରାଇଲା ଆରି, ତାକେ କାଇଟା ନ କରି ତାର୍ ଗାଗ୍‌ଡେଅନି ବାରଇ ଉଟିଗାଲା ।

୩୬ ତେଇ ସରୁଲକ୍ କାବାଅଇକରି ତାକର୍ ତାକର୍ ବିତ୍ରେ କୁଆବଲା ଅଇଲା, “ଏଟା କାଇ କାତା, ସେ ବପୁ ଆରି ଅଦିକାର୍ ସଙ୍ଗ୍ ତୁମାମନ୍‌କେ ମିସା ଆଦେସ୍ ଦେଲାନି । ସେମନ୍ ମିସା ବାରଇ ଗାଲାଜନି ।” ୩୭ ଜିସୁର୍ ଏ କବର୍ ସେ ଜାଗାର୍ ଗୁଲାଇବାଟର୍ ଲକ୍ ଜାନ୍‌ଲା ।

**ଜିସୁ କେତେ କେତେ ଲକ୍‌ମନ୍‌କେ ନିମାନ୍ କଲା**  
(ମାତ୍ତ ୮:୧୪-୧୭; ମାର୍କ ୧:୨୯-୩୪)

୩୮ ପଟେ ଜିସୁ ଜିଉଦିମନର୍ ପାର୍ତନା ଗରେଅନି ଉଟି ସିମନ୍‌ର୍ ଗରେ ଗାଲା । ସିମନ୍‌ର୍ ସାତ୍‌ରିକେ ବେସି ଜର୍ ଅଇରଇଲାଜେ ସେମନ୍ ତାର୍ ବିସଇ ନେଇ ଜିସୁକେ କଇଲା । ୩୯ ତେଇ ସେ ସିମନ୍‌ର୍ ସାତ୍‌ରିର୍ ଲଗେ ତିଆଅଇ ଜର୍‌କେ ଦମ୍‌କାଇଲା ଆରି ତାକେ ଜର୍ ଚାଡ଼ିଗାଲା । ସେଦାପ୍ରେ ସେ ଉଟିକରି ସେମନ୍‌କେ ସେବା କର୍‌ବାର୍ ଦାରଲା ।

୪୦ ବେଲ୍‌ବସି ସଞ୍ଜ୍ ଅଇଲାଜେ ଜର୍‌ତୁକା ଅଇରଇଲା ଲକ୍‌ମନ୍‌କେ ଜିସୁର୍ ଲଗେ ଆନ୍‌ଲା, ଆରି ସେ ଜର୍‌ତୁକାର୍ ଲକ୍‌ମନ୍‌କେ ଗଟେକ୍ ଗଟେକ୍ ଲକ୍‌ର୍ ଉପ୍ରେ ଆତ୍ ସଙ୍ଗଇ ନିକ କଲା । ୪୧ ତୁମା ଦାରିରଇବା ବେସି ଲକ୍‌ମନ୍ ମିସା କିରକିରି କରି “ତୁଇ ପର୍ଯ୍ୟନ୍ତର୍ ପଅ !” ବଲି ଲକ୍‌ର୍ ଗାନେଅନି ଚାଡ଼ି ପାଲାଇଲା । ଜିସୁ ସେମନ୍‌କେ ଦମ୍‌କାଇ କରି କାତାଅଇବାକେ ମିସା ଦେଏନାଇ, କାଇକେବଇଲେ ସେମନ୍ ତାକେ କିରିସ୍‌ଟ ବଲି ଜାନିରଇଲା ।

**ପାର୍ତନା ଗରେ ଜିସୁର୍ ସିକିଆ**  
(ମାର୍କ ୧:୩୫-୩୯)

୪୨ ସାକାଲ୍ ପାଇଲାଜେ ଜିସୁ ନଅରେ ଅନି ବାରଇ ଗଟେକ୍ କିନରା ଜାଗାଇ ଗାଲା । ଲକ୍‌ମନ୍ କଜି କଜି ତାର୍ ଲଗେ ଆଇଲା, ଆରି ସେ ଜେକ୍ଟିକି ତାକର୍ ଲଗେଅନି ଉଟିନଜାଅ ବଲି ଅଟ୍‌କାଇବାକେ ଚେସ୍‌ଟା କଲା । ୪୩ ମାତର୍ ଜିସୁ ସେମନ୍‌କେ କଇଲା, “ବିନ୍ ବିନ୍ ନଅରେ ମିସା ମୁଇ ପର୍ଯ୍ୟନ୍ତର୍ ରାଇଜର୍ ନିକ କବର୍ ଜାନାଇବାର୍ ଆଟେ, କାଇକେ ବଇଲେ ସେଟାର୍‌ପାଇ ପର୍ଯ୍ୟନ୍ତର୍ ମକେ ପାଟାଇଆଟେ ।”

୪୪ ଆରି ସେ ଜିଉଦା ଦେସର୍ ଜିଉଦି ଲକ୍‌ମନର୍ ପାର୍ତନା ଗର୍‌ମନ୍‌କେ ବାକିଅ ସୁନାଇବାର୍ ଦାରଲା ।



**ଜିସୁ ପର୍ତୁମ୍ ସିସମନ୍‌କେ ଡାକ୍‌ଲା**  
(ମାତ୍ତ ୪:୧୮-୨୨; ମାର୍କ ୧:୧୩-୨୦)

୧ ଧିନେକ୍ ଜିସୁ ଗିନେସର୍‌ତ୍ ଗାଡ଼କଣ୍ଡି ତିଆଅଇରଇଲା ବେଲେ ଲକ୍‌ମନ୍ ମାଣ୍ଡାତୁଣ୍ଡା ଅଇ ପର୍ଯ୍ୟନ୍ତର୍ ବାକିଅ ସୁନ୍‌ତେରଇଲା । ୨ ସେଡ଼କିବେଲେ ସେ ଗାଡ଼କଣ୍ଡି ଦୁଇଟା ଡଙ୍ଗା ରଇଲାଟା ଦେକ୍‌ଲା, କେଉଟ୍‌ମନ୍ ଡଙ୍ଗାଅନି ଉଡ଼ି ଜାଲ୍ ଦଇତେରଇଲା । ୩ ସେ ଡଙ୍ଗାମନର୍ ବିତ୍ରେଅନି ଜନ୍‌ଟା କେଉଟ୍ ସିମନ୍‌ଟା ରଇଲା, ଜିସୁ ତେଇ ଚଗିକରି “କଣ୍ଡିତେଇଅନି କଣ୍ଡେକ୍ ଦୁର୍ ପାନିତେଇ ଚାଲାଜନେ ।” ବଲି ସିମନ୍‌କେ କଇଲା, ଆରି ଡଙ୍ଗାଇ ବସିକରି ସିକିଆ ଦେବାର୍ ଦାରଲା ।

☆ ୪:୩୨ ୪:୩୨ ମାତ୍ତ ୭:୨୮, ୨୯ ☆ ୫:୧ ୫:୧ ମାତ୍ତ ୧୩:୧, ୨; ମାର୍କ ୩:୯, ୧୦; ୪:୧

୪ ଜିସୁ କାତା ସାରାଜକରି ସିମନ୍ତକେ କଇଲା, “ତେଙ୍ଗ ପାନିଟାନେ ଜାଇକରି ମାଟ୍ ଦାର୍ଦ୍ଦବାକେ ତମର୍ ଜାଲ୍ ପାକାଆ ।”

୫ ଚେଇ ସିମନ୍ କଇଲା, “ଏ ଗୁରୁ ଆମେ ସବୁଲକ୍ ଗୁଲାଇରାତି କସ୍ତ କରି ଗଟେକ୍ ମିସା ଦାରୁନାଇ, ମାତର୍ ତମର୍ କାତା ଦାରି ମୁଇ ଜାଲ୍ ପାକାଇବି ।” ୬ ଆରି ଜାଲ୍ ପାକାଇଲାକେ, ଏଦେ ଦେକା ! ଏନ୍ତି ମାଟ୍ ଲାଗୁଲାକେ ତକର୍ ଜାଲ୍ ଚିରିଅଇବାର୍ ଦାରୁଲା । ୭ ତଙ୍ଗାଇ ମାଟ୍ ବରତି କଲାକେ ସେ ଦୁଇଟା ତଙ୍ଗା ବୁଡୁଲା ପାରା ଅଇଗାଲା । ୮ ଏଟା ଦେକି ସିମନ୍ ପିତର୍ ଜିସୁର୍ ପାଦେ ମାଣ୍ଡିକୁଟା ଦେଇ ଜୁଆର୍ କରି କଇଲା, “ମର୍ଟାନେଅନି ଜାଆ ମାପୁରୁ, କାଇକେବଇଲେ ମୁଇ ଗଟେକ୍ ପାପି ମୁନୁସ୍ ।”

୯ କାଇକେବଇଲେ ତେଇ ସେମନ୍ ଏତେକ୍ ମାଟ୍ ଦାରିରଇଲାକେ, ସେଟା ଦେକି ସିମନ୍ ସଙ୍ଗାରିମନ୍ କାବାଅଇଗାଲା । ୧୦ ଆରି ଜେବଦିର୍ ଦୁଇଟା ପ ଜାକୁବ୍ ଆରି ଜଅନ୍ ଜନ୍ଲକ୍ମନ୍ ସିମନ୍ ସଙ୍ଗାରି ରଇଲାକେ, ସେମନ୍ ମିସା ସେନ୍ତାରିସେ କାବା ଅଇଗାଲା । ଆରି ଜିସୁ ସିମନ୍ତକେ କଇଲା, “ତରାନାଇ, ଆଜିଅନି ତମେ ମାଟ୍ ନ ଦାରି, ଲକ୍ମନ୍ତକେ ମର୍ଟାନେ ଆନ୍ସା ।”

୧୧ ତେଇ ସେମନ୍ ସବୁ ତକର୍ ତଙ୍ଗା କଣ୍ଡି ଆନି ଚାଡିଦେଇକରି ଜିସୁର୍ ପଟେ ପଟେ ଗାଲା ।

**ଜିସୁ ଗଟେକ୍ ବଡ଼ ରଗିକେ ନିମାନ୍ କଲା**  
(ମାଡିଉ ୮:୧-୪; ମାର୍କ ୧:୪୦-୪୫)

୧୨ ତରେକ୍ ଜିସୁ ଗଟେକ୍ ନଅରେ ରଇଲାବେଲେ ଗଟେକ୍ ଗୁଲାଇ ଗାଗତେ ବଡ଼ରଗ୍ ଅଇରଇବା ଲକ୍ ତେଇ ରଇଲା । ସେ ଡାଣ୍ଡାସନ୍ ପଡି ମୁ ବୁର୍ଷି ଚିଆଇ ଜିସୁକେ ବାବୁଜିଆ କରି କଇଲା, “ଏ ମାପୁରୁ, ତମେ ଜଦି ମନ୍କଲୁସ୍ନି ବଇଲେ, ମକେ ନିକ କରିପାରୁସ୍ ।”

୧୩ ତେଇ ଜିସୁ ଆଡ଼ ଲାମାଇ ତାକେ ଚିଇ କରି କଇଲା, “ମୁଇ ମନ୍ କଲିନି, ତୁଇ ସୁକଲ୍ ଅ ।” ଦାପୁରେସେ ତାର୍ ବଡ଼ ରଗ୍ ଚାଡିଗାଲା । ୧୪ ଆରି ଜିସୁ ତାକେ ଆଦେସ୍ ଦେଇ କଇଲା, “ଏ କାତା କାକେ କ ନାଇ । ମାତର୍ ପୁଜାରିର୍ ଲଗେ ଜା ଆରି ସେ ତକେ ପରିକା କରି ଦେକ । ତୁଇ, ‘ନିକ ଅଇଲିଆଡି’ ବଲି ବିନ୍ ଲକର୍ ଟାନେ ସାକିଦେବାକେ ମସାର୍ ଆଦେସ୍ କସାବେ ବିରୁ ଦେସ୍ ।”

୧୫ ମାତର୍ ଜିସୁର୍ କବର୍ ଗୁଲାଇ ଚାରିବେଡ଼ିରଲକ୍ ଜାନ୍ଲା । ତାର୍ କାତା ସୁନ୍ଦାପାଇ ଆରି ନିଜର୍ ନିଜର୍ ରଗେଅନି ନିକ ଅଉବଲି ଗାଦି ଲକ୍ମନ୍ ଟୁଲ୍ ଅଇବାର୍ ଦାରୁଲା । ୧୬ ମାତର୍ ଜିସୁ କିନରା ଜାଗାମନ୍ତକେ ଜାଇ ପାର୍ତନା କର୍ତେରଇଲା ।

**ଜିସୁ ଗଟେକ୍ ଚେରେଙ୍ଗ୍ ରଗିକେ ନିମାନ୍ କଲା**  
(ମାଡିଉ ୯:୧-୮; ମାର୍କ ୨:୧-୧୨)

୧୭ ଦିନେକ୍ ଜିସୁ ସିକିଆ ଦେଇତେରଇଲା । ତେଇ ଗାଲିଲିର୍ ସବୁ ଗାଏଁଅନି, ଜିଉଦା ଆରି ଜିରୁସାଲମେଅନି ଆସିରଇବା ପାରୁସିମନ୍ ଆରି ନିଅମ୍ ସିକାଉମନ୍ ତେଇ ବସିରଇଲା । ଆରି ରଗିମନ୍ତକେ ନିକ କର୍ବାକେ ମାପୁରୁର୍ ବପୁ, ଜିସୁକେ ରଇଲା । ୧୮ ଆରି ଏଦେ ଦେକା ! ଗଟେକ୍ ଚେରେଙ୍ଗ୍ବାଡ଼ ଦାରୁଲା ମୁନୁସ୍କେ, କେତେଲକ୍ କଟ୍ ମିସ୍ତେ ବଇଆନିକରି, ଗର୍ ବିଡ଼ରେ ନେଇ ଜିସୁର୍ ମୁଆଟେ ସଙ୍ଗାଉବଲି, ଚେସ୍ଟା କରତେରଇଲା । ୧୯ ମାତର୍ ଚିପାଟେଲାଲଗି, ତାକେ ବିଡ଼ରେ ନେବାକେ ବାଟ୍ ମିଲେନାଇ । ଏଦେ ଦେକା ! ସେମନ୍ ରଗିକେ ଗର୍ ଉପରେ ଚଗାଇ ଚାଉନି ଉଜାଡି, କଟ୍ ମିସ୍ତେ ଲକ୍ମନ୍ ମଜାଇ ଜିସୁର୍ ମୁଆଟେ ଉଡ଼ରାଇଦେଲା । ୨୦ ଜିସୁ ସେମନ୍ ବିସ୍ବାସ୍ ଦେକି କଇଲା, “ଏ ବାବୁ, ତମର୍ ସବୁ ପାପ୍ କେମା ଅଇଗାଲାବେ ।”

୨୧ ସାସ୍ତର୍ ସିକାଇବା ଲକ୍ମନ୍ ଆରି ପାରୁସି ଲକ୍ମନ୍ ମନେ ମନେ କୁଆବଲା ଅଇ, ଏନ୍ତି କଇବାର୍ ଦାରୁଲା, “ଏ କେ ଜେ ପର୍ମେସରର୍ ନିନ୍ଦାକଲାନି ? ପର୍ମେସରକେ ଚାଡି ଆରି କେ ପାପ୍ କେମା କରିପାରୁସି ?”

୨୨ ତେଇ ସେମନ୍ ମନେ ମନେ କୁଆବଲା ଅଇବାଟା ଜାନିକରି ସେମନ୍ତକେ ଜିସୁ କଇଲା, “ତମେ କାଇକେ ସବୁଲକ୍ ନିଜର୍ ମନେ ମନେ ଏନ୍ତାରି କୁଆବଲା ଅଇଲାସ୍ନି ? ୨୩ କାଇଟା ଉପାସ୍ କାତା ? ତର୍ ସବୁ ପାପ୍ କେମା ଅଇଗାଲା ବଲି କଇବାଟା, କି ଉଟିକରି ଇଣ୍ଡି ଜା ବଲି କଇବାଟା ? ୨୪ ମାତର୍ ପୁରତିବିର୍ ସବୁ ପାପ୍ କେମା କର୍ବାକେ ପର୍ମେସରର୍ ଟାନେଅନି ଆଇଲା ନର୍ପିଲା ମର୍ ଅଦିକାର୍ଆଟେ ।” ଏଟା ତମେ ଜେନ୍ତି ଜାନିପାରାସ୍ । ଏଟାର୍ପାଇ ଜିସୁ ଚେରେଙ୍ଗ୍ବାଡ଼ ଦାରୁଲା ରଗିକେ କଇଲା, “ମୁଇ ତକେ କଇଲିନି, ଉଟ୍ ନିଜର୍ ବିଡ଼ନା ଦାରି ଗରେ ଜା ।”

୨୫ ସେଦାପୁରେ ଚେରେଙ୍ଗ୍ ଦାରୁଲା ଲକ୍ ସବୁଲକ୍ ଦେକ୍ତେ ଉଟିକରି ଜନ୍ କଟେ ସଇରଇଲା, ସେଟା ବଇ ପର୍ମେସରର୍ ମଇମା କରି କରି ତାର୍ ଗରେ ଉଟିଗାଲା । ୨୬ ତେଇ ରଇଲା ସବୁଲକ୍ କାବା ଅଇଜାଇକରି ପର୍ମେସରର୍ ମଇମା କର୍ବାର୍ ଦାରୁଲା ଆରି ମାପୁରୁର୍ ଚକିଡ଼ କାମ୍ ଦେକି, “ଆଜି ଆମେ କେବେ ନ ଅଇଲାଟା ଦେକ୍ଲୁ !” ବଲି କଇଲା ।

☆ ୫:୫ ୫:୫ ଜଅନ୍ ୨୧:୩ ☆ ୫:୬ ୫:୬ ଜଅନ୍ ୨୧:୬

ଜିସୁ ଲେବିକେ ଡାକିଲାଇ

(ମାତ୍ରିତ ୯:୯-୧୩; ମାର୍କ ୨:୧୩-୧୭)

୨୭ ତାରପଟେ ଜିସୁ ବାରଇଜାଇ ଲେବି ନାଉଁର୍ ଗଟେକ୍ ସିସ୍ତୁମାକୁ, ସିସ୍ତୁମାକୁମନ୍ ମାଙ୍ଗ୍‌ବାଟାନେ ବସିରଇବାଟା ଦେକି, ତାକେ କଇଲା, “ମରସଙ୍ଗ୍ ଆଉ ।” ୨୮ ତେଇ ଲେବି ସବୁଜାକ ଚାଡ଼ିଦେଇ ଉଟିକରି ଜିସୁର୍ ସଙ୍ଗ୍ ଜିବାର୍ଦାରଲା ।

୨୯ ଆରି ଲେବି ଜିସୁର୍ପାଇ ନିଜର୍ ଗରେ, ଗଟେକ୍ ବଡ଼ ବଜିକଲା । ତେଇ ସିସ୍ତୁମାକୁମନ୍, ଅଦିକ୍ ଲକ୍ ଆରି ବିନ୍ ବିନ୍ ଲକ୍‌ମନର୍ ସଙ୍ଗ୍ ସେ କାଇବାକେ ବସ୍ଲା । ୩୦ ତେଇ ପାରୁସିମନ୍ ଆରି ତାକର୍ ଦଲର୍ ସାସ୍ତର୍ ସିକାଉମନ୍ ଜିସୁର୍ ମୁଆଟେ ତାର ସିସ୍ତୁମାକୁମନ୍ ଦସ୍ ଦେକାଇ କଇଲା, “ତମେ କାଇକେ ସିସ୍ତୁମାକୁମନ୍ ସଙ୍ଗ୍ ଆରି ପାପିମନର୍ ସଙ୍ଗ୍ ମିସି କିଆ ପିଆ କଲାସି ?”

୩୧ ଜିସୁ ସେମନ୍‌କେ କଇଲା, “ଜାକେ ଦୁକାଦାରି ରଇସି, ସେସେ ଅସ କାଇସି, ଜାକେ ଦୁକା ଦାରେ ନାଇ ତାକେ ଅସ ଲଡାନାଇ । ୩୨ ମୁଇ ଦରମ୍ ଲକ୍‌ବଲି ନିଜ୍‌କେ ବାଦ୍‌ବା ଲକ୍‌ମନର୍ ପାଇ ଆସିନାଇ, ମାତର୍ ପାପି ଲକ୍‌ମନ୍‌କେ ପାପେଅନି ମନ୍ ବାଦ୍‌ଲାଇବାକେ ଆଇଲିଆଟି ।”

ଉପାସ୍ ବିସଇନେଇ ସିକିଆ

(ମାତ୍ରିତ ୯:୧୪-୧୭; ମାର୍କ ୨:୧୮-୨୨)

୩୩ କେତେକ୍ ଲକ୍ ଜିସୁକେ ପାଚାରଲା, “ତୁବନ୍ ଦେଉ ଜଅନର୍ ସିସ୍ତୁମା ତରକେତର୍ ଉପାସ୍ କରି ପାର୍ତନା କରବାଇ । ପାରୁସିମନ୍ ସିସ୍ତୁମା ମିସା ସେନ୍ତାରି ସେ କରବାଇ । ମାତର୍ ତମର୍ ସିସ୍ତୁମା କିଆ ପିଆ କରବାଇ ।”

୩୪ ଜିସୁ ସେମନ୍‌କେ କଇଲା, “ବର୍ବାଟର୍ ଲକ୍‌ମନର୍‌ସଙ୍ଗ୍ ବର୍ ରଇଲାବେଲେ, ତମେ କାଇ ସେମନ୍‌କେ ଉପାସ୍ କରାଇପାରାସ୍ ? ନାଇ, ନାପାରାସ୍ । ୩୫ ମାତର୍ ବେଲା ଆଇସି, ଜେତେବେଲେ ତାକର୍‌ଟାନେଅନି ବର୍‌କେ ଡାକିଦାରିଜିବାଇ, ସେଡ଼କିବେଲେ ସେମନ୍ ଉପାସ୍ କଇବାଇ ।”

୩୬ ଜିସୁ ସେମନ୍‌କେ ଆରି ଗଟେକ୍ ଉଦାଅରନ୍ ଦେଇ କଇଲା, “କେ ମିସା ପୁରନା ଲୁଗା ପାଟିରଇଲାଟାନେ ନୁଆଲୁଗା ଚିରି ଚାପ୍ ନ ଦେଅଡ଼, ଚାପ୍ ଦେଲେ ନୁଆଟା ମିସା ନସିଜାଇସି, ନୁଆ ଲୁଗାର୍ ଚାପ୍ ପୁରନାଟାନେ ନ ମିସେ । ୩୭ ବେସି ଦିନର୍ ପୁରନା ଗାଗ୍‌ରିଟାନେ କେ ମିସା ଏବେ ଉଡ଼ରାଇଲା ମଦ୍ ନ ରକଅଡ଼, ତେଇ ଜଦି ସେ ମଦ୍ ରକଇ ତାବିଦେଲେ, ଗାଗ୍‌ରି ପୁଟିକରି ପଡ଼ାଅଇଜାଇସି । ୩୮ ତେବେ ମଦ୍ ଉଡ଼ରାଇଲା ଦାପ୍‌ରେ ନୁଆ ଗାଗ୍‌ରିଟାନେ ରକଇ ସଙ୍ଗ୍‌ଇବାଟାଟେ । ୩୯ ଆରି କେ ମିସା ପୁରନା ମଦ୍ କାଇକରି ଏବେ ଉଡ଼ରାଇଲା ମଦ୍ କାଇବାକେ ମନ୍ ନ କରଡ଼, କାଇକେବଇଲେ, ସେ ବାସିଟା ଆକା ନିକ ବଲି କଇସି ।”



ବିସରାମ୍ ଦିନ୍ ବିସଇ ନେଇ ପର୍ସନ୍

(ମାତ୍ରିତ ୧୨:୧-୮; ମାର୍କ ୨:୨୩-୨୮)

୧ ତରେକ୍ ବିସରାମ୍ ବାରେ ଜିସୁ ତାସ୍ ରଇଲା ପଦାବାଟେ ଜିବାବେଲେ ତାର ସିସ୍ତୁମା କେଡ଼ ଚିଡାଇ ଆଡେ ରମ୍‌ଦି କାଇତେରଇଲା । ୨ ସେମନ୍‌କେ ଦେକ୍‌ତେରଇବା ପାରୁସି ଲକ୍‌ମନର୍ ବିଡ଼ରେଅନି କେତେଲକ୍ କଇଲା, “ବିସରାମ୍ ବାରେ ଜନ୍‌ଟା କରବାର୍ ବିଦି ନଏଁ, ସେଟା ତମେ କାଇକେ କଲାସି ?”

୩ ଜିସୁ ସେମନ୍‌କେ କଇଲା, “ଦାଉଦ୍ ଆରି ତାର୍ ସଙ୍ଗ୍‌ର ଲକ୍‌ମନ୍ ବୁକେ ରଇଲାବେଲେ, ଦାଉଦ୍ କାଇଟା କରିରଇଲା, ସେଟା କାଇ ତମେ ପଡ଼ାସ୍ ନାଇ କି ? ୪ ସୁନା, ଦାଉଦ୍ ପର୍‌ମେସରର୍ ଗରେ ପୁରି, ପର୍‌ମେସରକେ ସର୍‌ପି ଅଇରଇଲା ଜନ୍ ରୁଟି, ପୁଜାରିମନ୍‌କେ ଚାଡ଼ି ଆରି କେ ମିସା କାଇବାର୍ ବିଦି ନ ରଇଲା, ସେଟା ନେଇକରି କାଇଲା ଆରି ତାର୍ ସଙ୍ଗ୍‌ର ଲକ୍‌ମନ୍‌କେ ମିସା ଦେଇରଇଲା ।”

୫ ଆରି ଜିସୁ କଇଲା, “ପର୍‌ମେସର୍ ପାଟାଇରଇବା ନର୍‌ପିଲା ମୁଇ ବିସରାମ୍ ବାରେ ଲକ୍‌ମନ୍ କାଇଟା କରବାର୍ ଆଟେ କାଇଟା କରବାର୍ ନାଇ, ସେଟା କାଇବାର୍ ମର୍ ଅଦିକାର୍ ଆଟେ ।”

ଆଡ଼୍ ସୁକିଜାଇରଇଲା ଲକ୍ ନିକ ଅଇଲା

(ମାତ୍ରିତ ୧୨:୯-୧୪; ମାର୍କ ୩:୧-୬)

୬ ଆରି ଜିସୁ ବିନ୍ ଗଟେକ୍ ବିସରାମ୍‌ବାରେ, ଜିଉଦି ଲକ୍‌ମନର୍ ପାର୍ତନା ଗରେ ଜାଇକରି ସିକାଉତେରଇଲା । ତେଇ ଗଟେକ୍ ଲକ୍ ରଇଲା । ତାର୍ ଉଜା ଆଡ଼୍ ସୁକିଜାଇରଇଲା । ୭ ଆରି ଜିସୁ ବିସରାମ୍‌ବାରେ ମିସା କେ ଜାନେ ନିକ କରସି, ଏଟା ଦେକୁ ବଲି ପାରୁସି ଲକ୍‌ମନ୍ ଆରି ସାସ୍ତର୍ ସିକାଉମନ୍ ତାକେସେ ଦେକି ଦେକି ରଇଲା, କାଇକେବଇଲେ ତାର୍ ବିରୁଦେ ଦସ୍ ଦାରବାକେ । ୮ ମାତର୍ ଜିସୁ ତାକର୍ ମନେ ବାଦ୍‌ଲାଟା ଜାନିକରି, ଜନ୍ ଲକ୍‌ର୍ ଆଡ଼୍ ସୁକିଜାଇରଇଲା, ତାକେ କଇଲା, “ଉଡ଼୍ ଆରି ସବୁଲକ୍‌ର୍ ମୁଆଟେ ଚିଆ ଅ ।” ଆରି ସେଲକ୍ ଉଟି ଚିଆଅଇଲା । ୯ ତେଇ ଜିସୁ ସେମନ୍‌କେ କଇଲା, “ମୁଇ ତମ୍‌କେ ପାଚାରଲିନି, ବିସରାମ୍‌ବାରେ ବିଦି ଇସାବେ କାଇଟା କରବାର୍ ? ନିକ କରବାର୍ କି କାରାପ୍ କରବାର୍ ?

☆ ୫:୩୦ ୫:୩୦ ଲୁକ୍ ୧୫:୧,୨

ଜିବନ୍ ବଢ଼ାଇବାର କି ମରାଇବାର ?” ୧୦ ଆରି ସେ ଚାରିବେଡ଼ି ସବୁକେ ଦେକି ସେ ଲକ୍‌କେ କଇଲା, “ତମର୍ ଆଡ଼ ଲାମାଆ ।” ତେଇ ସେ ସେନ୍ତାରି କଲା, ଆରି ତାର୍ ଆଡ଼ ପୁରାପୁରୁନ୍ ନିକ ଅଇଗାଲା ।

୧୧ ମାତର୍ ପାରୁସିମନ୍ ଆରି ସାସ୍‌ତର୍ ସିକାଉମନ୍ ବେସି ରିସା ଅଇଗାଲା ଆରି ଜିସୁର୍ ବିରୁଦେ “କାଇଟା କରୁ ?” ବଲି ତାକର୍ ତାକର୍ ବିଡ଼ରେ ନିଆଇ କଲାଇ ।

**ଜିସୁ ବାରଟା ସିସ୍‌ମନ୍‌କେ ବାଟ୍‌ଲା**  
(ମାତିଉ ୧୦:୧-୪; ମାର୍କ ୩:୧୩-୧୯)

୧୨ ସେବେଲେ ଦିନେକ୍ ଜିସୁ ପାରତନା କରବାକେ ବାରଇ, ପର୍ବତେ ଗାଲା ଆରି ଗୁଲାଇରାତି ପର୍ମେସର୍‌କେ ପାରତନା କରି କରି ରଇଲା । ୧୩ ସାକାଲ୍ ପାଇଲାକେ, ଜିସୁ ସିସ୍‌ମନ୍‌କେ ଲଗେ ତାକି ସେମନ୍‌ର୍ ବିଡ଼ରେଅନି ବାର ଲକ୍‌କେ ବାଟ୍‌ଲା, ଆରି ସେମନ୍‌କେ ପେରିଡ଼ ବଲି ନାଉଁ ଦେଲା । ୧୪ ସେମନ୍ ରଇଲା, ସିମନ୍ ଜାକେ କି ସେ ପିତର୍ ବଲି ମିସା ନାଉଁ ଦେଲା, ଆରି ସିମନ୍‌ର୍ ବାଇ ଆନ୍‌ରିୟ୍, ଜାକୁବ୍ ଆରି ଜଅନ୍, ପିଲିପ୍ ଆରି ବାର୍ତ୍‌ଲମି । ୧୫ ମାତିଉ ଆରି ତମା, ଆଲ୍‌ପିର୍ ପ ଜାକୁବ୍ ଆରି ସିମନ୍, ଜାକେ କି କାଇ କାମ୍ କରବାକେ ମିସା ଆଗ୍‌ତୁ ଅଇସି ବଲି କଇବାଇ । ୧୬ ଜାକୁବ୍‌ର୍ ପ ଜିଉଦା ଆରି ଇସ୍କାରିତ ଜିଉଦା, ଜେ କି ଜିସୁକେ ସଡ଼ୁମନ୍‌କେ ସର୍ପିଦେଇ ରଇଲା ।

**ଜିସୁ ସିକିଆ ଦେଲା ଆରି ନିକ କଲା**  
(ମାତିଉ ୪:୨୩-୨୫)

୧୭ ଆରି ଜିସୁ ପେରିଡ଼ମନ୍‌ର୍ ସଙ୍ଗ୍ ଉଡ଼ରିକରି, ଗଟେକ୍ ସଦରମ୍ ରଇଲା ଜାଗାଇ ଚିଆଅଇଲା । ଆରି ତେଇ ତାର୍ ବେସି ସିସ୍‌ମନ୍, ଜିଉଦା ରାଇଜର୍ ବେସି ଲକ୍, ଜିରୁସାଲାମ୍ ଆରି ସମ୍‌ଦୁର୍ ପାଲି ରଇବା ସର ଆରି ସିଦନ୍ ସଅରେଅନି ବେସି ଲକ୍‌ମନ୍ ରୁଣ୍ଡିରଇଲାଇ । ୧୮ ଲକ୍‌ମନ୍ ତାର୍ ବାକିଅ ସୁନ୍‌ବାକେ ଆରି ନିଜର୍ ନିଜର୍ ରଗେଅନି ନିକ ଅଇବାକେ ଆସିରଇଲାଇ । ଜନ୍ ଲକ୍‌ମନ୍ ତୁମା ଦାରାଇଅଇ ଦୁକ୍ କସ୍‌ଟ ପାଇତେରଇଲାଇ, ସେମନ୍‌କେ ଜିସୁ ନିକ କଲା । ୧୯ ସବୁଲକ୍‌ମନ୍ ଜିସୁକେ ଚିଇବାକେ ଚେସ୍‌ଟା କର୍ତେରଇଲାଇ । କାଇକେବଇଲେ ତାର୍ ଗାଗ୍‌ତେଅନି ମାପ୍‌ରୁର୍ ବପୁ ବାରଇତେରଇଲା ଆରି ସବୁଲକ୍‌ମନ୍‌କେ ନିକ କର୍ତେରଇଲା ।

**ସୁକ୍ ଆରି ଦୁକ୍**  
(ମାତିଉ ୫:୧-୧୨)

୨୦ ସେବେଲେ ଜିସୁ ନିଜର୍ ସିସ୍‌ମନ୍‌ର୍ ବାଟେ ଦେକି କଇଲା,  
“ତମେ ଏବେ କାକୁର୍ତି ଅଇଆଟାସ୍ ତମର୍ କେତେକ୍ ନିକ କରମ୍,  
କାଇକେବଇଲେ ପର୍ମେସରର୍ ରାଇଜ୍ ତମର୍‌ଟା ।  
୨୧ ତମେମନ୍ ଏବେ ବୁକେ ଆଟାସ୍, ତମର୍ କେତେକ୍ ନିକ କରମ୍,  
କାଇକେବଇଲେ, ତମ୍‌କେ ପର୍ମେସର୍ ପୁରାପୁରୁନ୍ ଦେଇସି ।  
ତମେମନ୍ ଏବେ କାନ୍‌ଲାସ୍‌ନି, ତମର୍ କେତେକ୍ ନିକ କରମ୍,  
କାଇକେବଇଲେ ତମେମନ୍ ସାର୍‌ଦା ଅଇକରି ଆଁସା ।”

୨୨ ✨ଲକ୍‌ମନ୍ ଜେବେ ପର୍ମେସର୍ ପାଟାଇରଇବା ନର୍‌ପିଲା ମର୍ ଲାଗି ତମ୍‌କେ ଇନ୍ କରବାଇ, ଆରି ବେଗଲାଇ ଦେବାଇ, ନିନ୍ଦାକରି ତମର୍ ନାଉଁ ମନ୍ ବଲି ଦାରବାଇ, ତମର୍ କେତେକ୍ ନିକ କରମ୍ । ୨୩ ✨ସେ ଦିନେ ସାର୍‌ଦା ଅଇ ନାଟ୍ କରସା । କାଇକେବଇଲେ ଦେକା, ସର୍‌ଗେ ତମର୍ ପୁରୁସ୍କାର୍ ଅଦିକ୍ ଆରି ସେନ୍ତାରି ତା ସେମନ୍‌ର୍ ଆନିଦାଦିମନ୍, ବସିସଡ଼ବକ୍‌ତାମନ୍‌କେ କର୍ତେରଇଲାଇ ।

୨୪ ମାତର୍ ଏ ଡଣ୍ଡ ପାଉମନ୍, ତମେମନ୍ ଏବେ ସାଉକାର୍ ଆଟାସ୍,  
କାଇକେବଇଲେ ତମେ ନିଜେ ନିଜେ ସୁକ୍ ପାଇଲାସ୍‌ବେ ।

୨୫ ଏ ଡଣ୍ଡପାଉମନ୍, ଏବେ ତମେ ନିକସଙ୍ଗ୍ କାଇଲାସ୍‌ନି,  
କାଇକେବଇଲେ, ତମେ ବୁକେସେ ରଇସା ।

ଏ ଡଣ୍ଡପାଉମନ୍, ତମେମନ୍ ଏବେ ଆଁସ୍‌ଲାସ୍‌ନି,  
କାଇକେବଇଲେ ପଟେ ଦୁକେ ରଇକରି କାନ୍‌ସା ।

୨୬ “ଜେତେବେଲେ ତମ୍‌କେ ଲକ୍‌ମନ୍ ବଲ୍ ବଲିକରି ବାବ୍‌ଲାଇନି, ଏ ଡଣ୍ଡପାଉମନ୍, ତାକର୍ ଆନିଦାଦି ତା ମାପ୍‌ରୁର୍ କାତା ବୁଲ୍‌କାଉମନ୍‌ପାଇ ସେନ୍ତାରି କର୍ତେରଇଲାଇ ।”

**ସଡ଼ୁମନ୍‌କେ ମିସା ଆଲାଦ୍ କରା**  
(ମାତିଉ ୫:୩୮-୪୮; ୭:୧୨)

☆ ୭:୨୨ ୭:୨୨ ୧ ମ ପିତର୍ ୪:୧୪ ☆ ୭:୨୩ ୭:୨୩ ପେରିଡ଼ ୭:୫୨

୨୭ “ମାତର ତମେମନ୍ ସୁନି ଆଗାସ୍ତେ ମୁଇ ତମ୍‌କେ କଲଲିନି, ତମର ସତ୍‌ରୁମନ୍‌କେ ଆଲାଦ୍ କରା, ଜନ୍ ଲକ୍‌ମନ୍ ତମ୍‌କେ ଇନ୍ କରବାଇ, ସେମନ୍‌ର ମଙ୍ଗଲ୍ କରା । ୨୮ ଜନ୍ ଲକ୍‌ମନ୍ ତମ୍‌କେ ସାଇପ୍ ଦେବାଇ, ସେମନ୍‌କେ ଆସିରବାଦ୍ କରା । ଜନ୍ ଲକ୍‌ମନ୍ ତମ୍‌କେ ଇଜଡ୍ ଜିକ୍‌ବାଇ, ସେମନ୍‌ରପାଇ ପାର୍‌ତନା କରା । ୨୯ ଜେ ତମ୍‌କେ ଗଟେକ୍ ଗାଲେ ଚାପଡ୍ ମାର୍‌ସି, ତାକେ ଆରିଗଟେକ୍ ଗାଲ୍ ମିସା ଦେକାଇଦିଆସ୍ । ଜେ ତମର ଚାଦର୍ ଦାରିଜାଇସି, ତାକେ ତମର ପିନ୍‌ଲାଟା ନେବାକେ ମିସା ମନା କରାନାଇ । ୩୦ ଜେ ତମ୍‌କେ ମାଙ୍ଗ୍‌ସି, ତାକେ ଦିଆସ୍ । ଆରି ଜେ ତମର ଦନ୍ ସ୍‌ମ୍‌ପତି ଉଦାର୍ ନେଇସି, ତାର୍‌ଗାନେଅନି ସେଟା ଆରିତରେକ୍ ମାଙ୍ଗ୍‌ନାଇ । ୩୧ ✠ଲକ୍‌ମନ୍ ତମ୍‌କେ ଜେନ୍ତି କରଡ୍ ବଲି ମନ୍ କଲାଇସି, ତମେମିସା ସେମନ୍‌ରଟାନେ ସେନ୍ତାର୍ କରା ।”

୩୨ “ଆରି ଜନ୍ ଲକ୍‌ମନ୍ ତମ୍‌କେ ଆଲାଦ୍ କଲାଇନି, ଜଦି ସେମନ୍‌କେସେ ତମେ ଆଲାଦ୍ କରସା ବଇଲେ କାଇ ଆସିରବାଦ୍ ପାଇସା ? କାଇକେବଇଲେ ପାପିମନ୍ ମିସା ସେନ୍ତାରି କରବାଇ । ୩୩ ଜଦି ଜନ୍ ଲକ୍‌ମନ୍ ତମର ମଙ୍ଗଲ୍ କଲାଇନି, ସେମନ୍‌କେସେ ମଙ୍ଗଲ୍ କରସା ବଇଲେ, କାଇ ଆସିରବାଦ୍ ପାଇସା ? କାଇକେବଇଲେ ପାପିମନ୍ ମିସା ସେନ୍ତାରି କରବାଇ । ୩୪ ଆରି ଜନ୍ ଲକ୍‌ମନ୍‌ଟାନେଅନି ତମର ମିଲାଇବାର୍ ଆସା ରଇସି, ଜଦି ସେମନ୍‌କେସେ ଉଦାର୍ ଦେଇସା ବଇଲେ, ତମେ କାଇ ଆସିରବାଦ୍ ପାଇସା ? ପାପିମନ୍ ମିସା ସମାନ୍ ଇସାବେ ବାନ୍‌ଲାଟା ମିଲବଲି, ରୁନ୍ ଦେବାଇ । ୩୫ ମାତର ତମର ସତ୍‌ରୁମନ୍‌କେ ଆଲାଦ୍ କରା । ଆରି ସେମନ୍‌ର ମଙ୍ଗଲ୍ କରା । ରୁନ୍ ବାନ୍ ବଲି ଆସା ନ କରା, ରୁନ୍ ଦିଆସ୍ । ସେନ୍ତାରିକଲେ ତମର ପୁରୁସ୍‌କାର୍ ଅଦିକ୍ ଅଇସି । ଆରି ତମେ ପର୍‌ମେସରର୍ ପ ଅଇସା । କାଇକେବଇଲେ ସେ ନ ମାନ୍‌ବା ଲକ୍‌ର ଆରି କରାପ୍ ଲକ୍‌ର ମିସା ଦୟାକାରିଆ । ୩୬ ତମର ସରଗର୍ ବାବା ଜେନ୍ତାରି ଦୟା କଲାନି, ସେନ୍ତାରି ତମେ ମିସା ଦୟା କରା ।”

**ବିନ୍ ଲକ୍‌ମନ୍‌କେ ବିଚାର୍ କରାନାଇ**  
(ମାତିଉ ୭:୫-୭)

୩୭ “ବିନ୍‌ଲକ୍‌ର ବିଚାର୍ କରାନାଇ, ସେନ୍ତାରିକଲେ ପର୍‌ମେସର୍ ତମ୍‌କେ ବିଚାର୍ କରସି । ଦସ୍ ନ ଦିଆସ୍, ସେନ୍ତାରିକଲେ ପର୍‌ମେସର୍ ତମ୍‌କେ ଦସ୍ ନ ଦାରେ । କେମା କରା, ସେନ୍ତାରିକଲେ ତମ୍‌କେ କେମା ମିଲସି । ୩୮ ବିନ୍ ଲକ୍‌କେ ଦାନ୍ କରା, ସେନ୍ତାରିକଲେ ପର୍‌ମେସର୍ ତମ୍‌କେ ଦାନ୍ ଦେଇସି, ଲକ୍‌ମନ୍ ମାନ୍‌ଟାନେ କାଦି ପୁରୁନ୍‌କରି ତାକେ ଚାପି ଜୁଲାଇ, ଉଚ୍‌ଲାଇକରି, ତମର ଅଟିତେଇ ଦେବାଇ, କାଇକେବଇଲେ ଜନ୍ ଇସାବେ ତମେ ନାପସା, ସେ ଇସାବେ ସେ ତମ୍‌କେ ନାପି ଦିଆଅଇସି ।” ୩୯ ✠ଜିସୁ ସେମନ୍‌କେ ଉଦାଅରନ୍ ଦେଇ କଇଲା, “କାଣା କାଇ କାଣାକେ ବାଟ୍ ଦେକାଇପାରେକି ? ନାଇ, ନାପାରେ । ଜଦି ସେମନ୍ ସେନ୍ତାରି କରବାଇ ବଇଲେ ଦୁଇଲକ୍‌ଜାକ କାଲେ ନ ଅଦ୍‌ରଡ୍ କି ? ୪୦ ✠ଗୁରୁଟାନେଅନି ସିସ୍ ବଡ୍ ନାଇ । ମାତର ସିସ୍‌ମନ୍ ସିକିଆ ପାଇ ସାରାଇଲେ ସିଦ୍‌ଅଇ ଗୁରୁର୍ ସମାନ୍ ଅଇବାଇ ।”

୪୧ “ଆରି କାଇକେ ତମର ବାଇର୍ ଆକିଟାନେ ରଇବା ସାନ୍ କାଟ୍‌ରା ଦେକ୍‌ଲାଇସି ? ମାତର ତମର ନିଜର୍ ଆକିଟାନେ ଜନ୍ ବଡ୍ କାଟ୍‌ରା ଆଟେ, ସେଟା ବାବିଦେକାସ୍‌ନାଇ । ୪୨ ତମେ ନିଜର୍ ଆକିଟାନେ ରଇବା ବଡ୍‌ଟା କାଟ୍‌ରା ନ ଦେକିକରି, ନିଜର୍ ବାଇର୍ ଆକି ଟାନେ ରଇବା ସାନ୍ କାଟ୍‌ରା ଦେକି କେନ୍ତି କଇପାରାସ୍, ଆଉ ବାଇ ତମର ଆକିଅନି କାଟ୍‌ରା ବାଟ୍‌କରାଇଦେବି ? ଏ କୁଟିଆଲ୍‌ମନ୍, ପର୍‌ତୁମ୍ ନିଜର୍ ଆକିଅନି କାଟ୍‌ରା ବାଟ୍‌କରାଇପାକା, ତାର୍‌ପଟେ ନିଜର୍ ବାଇର୍ ଆକିଟାନେ ରଇବା କାଟ୍‌ରା ସବୁ ବାଟ୍‌କରାଇବାକେ, ନିକକରି ଦେକିପାରାସ୍ ।”

**ଗର୍ ଆରି ତାର୍ ପଲ୍**  
(ମାତିଉ ୭:୧୭-୨୦, ୧୨:୩୩-୩୫)

୪୩ “ନିକ ଗଟେ କାରାପ୍ ପଲ୍ ନ ପଲେ, କାରାପ୍ ଗଟେ ନିକ ପଲ୍ ନ ପଲେ । ୪୪ ✠କାଇକେବଇଲେ ଗର୍‌ମନ୍‌କେ ତାର୍ ପଲ୍‌ରଲାଗି ଜାନିଅଇସି । କାଟା ଗଟେଅନି ଲକ୍‌ମନ୍ ତୁମ୍‌ରି ପଲ୍ ନ ତଲଡ୍, କି କାଟା ବୁଟାଇଅନି ଅଙ୍ଗୁର୍ ପଲ୍ ନ ତଲଡ୍ । ୪୫ ✠ନିକ ଲକ୍ ନିଜର୍ ମନ୍ ବିଡ୍‌ରର୍ ଗରବ୍‌ବିଡ୍‌ରେ ଅନି ନିକଟା ବାଟ୍‌କରାଇସି । ଆରି କାରାପ୍ ଲକ୍‌ମନ୍ ନିଜର୍ ମନ୍ ବିଡ୍‌ରର୍ ଗରବ୍‌ଟାନେ ଅନି କାରାପ୍‌ଟା ବାଟ୍‌କରାଇବାଇ । କାଇକେବଇଲେ, ମନ୍‌ବିଡ୍‌ରେ ଚିନ୍ତା କରବାଟା, ଟଣ୍ଡୁ କାତା କଇସି ।”

**ଦୁଇଟା ରକାମର୍ ଗର୍‌ବାନ୍‌ବା ଲକ୍**  
(ମାତିଉ ୭:୨୪-୨୭)

୪୬ “ଆରି ତମେ କାଇକେ ମକେ ଏ ମାପ୍‌ରୁ ଏ ମାପ୍‌ରୁ, ବଲି ଡାକିକରି ମର୍ ଆଦେସ୍ ମାନାସ୍ ନାଇ ? ୪୭ ଜେ ମିସା ମର୍‌ଲଗେ ଆସି, ମର୍ କାତା ସୁନି, ସେଟା ସବୁ ମାନ୍‌ସି, ସେ କାର୍ ସମାନ୍ ରଇସି, ସେଟା ମୁଇ ତମ୍‌କେ ଦେକାଇବି । ୪୮ ସେ ଏନ୍ତାରି ଗଟେକ୍ ଗର୍ ଉଟାଇବା ଲକ୍‌ପାରା । ଜେ ଗଇର୍ କରା କୁନି, କୁନାଦି ପାକ୍‌ନା ଉପ୍‌ରେ ବସାଇଲା । ବନିଆ ପାନି ଆସି ସେଟା ଉଲ୍‌କା ମାର୍‌ଲା ମିସା ସେଟା ବସାଇଲା ନାପାର୍‌ଲା । କାଇକେବଇଲେ ସେଟା ନିମାନ୍‌କରି ଉଟାଇରଇଲା । ୪୯ ମାତର ଜନ୍ ଲକ୍‌ମନ୍ ମର୍‌କାତା ସୁନିକରି ମିସା ସେ ଇସାବେ ଚଲାଟଲ୍‌ତି ନ କରଡ୍, ସେ କୁନାଦି ନ କରା, ବାଲି ଉପ୍‌ରେ

✠ ୭:୩୧ ୭:୩୧ ମାତିଉ ୭:୧୨ ✠ ୭:୩୯ ୭:୩୯ ମାତିଉ ୧୫:୧୪ ✠ ୭:୪୦ ୭:୪୦ ମାତିଉ ୧୦:୨୪,୨୫; ଜଅନ୍ ୧୩:୧୭,୧୫:୨୦ ✠ ୭:୪୪ ୭:୪୪ ମାତିଉ ୧୨:୩୩ ✠ ୭:୪୫ ୭:୪୫ ମାତିଉ ୧୨:୩୪



ଗରକଲୀ ଲକରପାରା । ଜବର ଅଇତେ ଉଦକାମାରଲୀ ଦାପରେ ସେ ଗର୍ ବସଲିଗାଲା ଆରି ସେଟା ଅପରବଲ୍ ବିନାସ୍ ଅଇଲା ।”



**ଜିସୁ ଗଟେକ୍ ରମିୟ ଲକର ଗତି ଦାଙ୍ଗାତାକେ ନିକ କଲା**  
(ମାତିଉ ୮:୫-୧୩)

<sup>୧</sup> ଜିସୁ ଲକ୍ମନକେ ସବୁ କାତା କଇ ସାରାଇକରି କପରନାଉମ୍ ସଅରେ କେଟ୍ଲା । <sup>୨</sup> ସେବେଲେ ସଏଟା ସନିଅମନର୍ ମୁକିଆର୍ ଗଟେକ୍ ଗତିଦାଙ୍ଗାତା, ଜର୍ ଅଇକରି ମଲାପାରା ଅଇଜାଇରଇଲା । ସେ ତାକେ ନିଜରଲକ୍ ପାରା ଆଲାଦ୍ କରତେରଇଲା । <sup>୩</sup> ସେ ଜିସୁର୍ ବିସଇର୍ କବର୍ ସୁନି, ଜିସୁ ଜେନ୍ତିକି ଆସି ତାର୍ ଗତିଦାଙ୍ଗାତାର୍ ଜିବନ୍ ରକିଆ କରସି ବଲି ବାବଲା । ସେଟାର୍ପାଇ ଜିସୁର୍ ଲଗେ କେତେଟା ଜିଉଦି ପାର୍ଟିନ୍ମନକେ ପାଟାଇ ତାକେ ବାବୁଜିଆ କଲାଇ । <sup>୪</sup> ପାର୍ଟିନ୍ମନ ଜିସୁର୍ଲଗେ କେଟିକରି ତାକେ ଜୁଆର୍ ବିଆର୍ କରି କଇବାର୍ ଦାରଲାଇ, “ତାର୍ପାଇ ତମେ ଏନ୍ତାରି କରଇଲେ, ନିକରଇସି । <sup>୫</sup> କାଇକେବଇଲେ ସେ ଆମର୍ ଲକ୍ମନକେ ଆଲାଦ୍ କରସି ଆରି ନିଜେ ସେ ଆମର୍ ସବୁଲକର୍ ପାଇ ପାର୍ଟନାଗର୍ ତିଆରକରି ଦେଇଆଟେ ।”

<sup>୬</sup> ତେଇ ଜିସୁ ତାକର୍ ସଙ୍ଗ୍ ଗାଲା । ସେ ଗରେ କେଟ୍ବାକେ କଣ୍ଟେକ୍ ଦୁର୍ ରଇଲାକେ, ସଏଟା ସନିଅମନର୍ ମୁକିଆ ଲକ୍ମନକେ ପାଟାଇ ତାକେ କଇଲା, “ମାପୁରୁ, କସ୍ ଉଆନାଇ, କାଇକେବଇଲେ ତମେ ଜେ ମର୍ ଗରେ ପାଦ୍ ପାକାଇସା, ମର୍ ଏନ୍ତାରି ବାଗିଅ ନାଇ । <sup>୭</sup> ଏଟାର୍ପାଇ ମୁଇ ତମର୍ଟାନେ ଆଇବାକେ ମନ୍ କରନାଇ । ମାତର୍ ଗଟେକ୍ ପଦ୍ ଆଦେସ୍ କରା, ମର୍ ଗତିଦାଙ୍ଗାତା ନିକ ଅଇଜାଇସି । <sup>୮</sup> ମୁଇ ଗଟେକ୍ ଲକର ତଲେ କାମ୍ କରତେରଇଲେ ମିସା ମର୍ ତଲେ ସନିଅମନ୍ ଆଟଡ୍ । ଆରି ମୁଇ ଗଟେକ୍ ଲକ୍ମନକେ ଜା ବଲି କଇଲେ, ସେ ଜାଇସି । ବିନ୍ ଲକ୍ମନକେ ଆଉ ବଇଲେ ସେ ଆଇସି । ମର୍ ଗତିଦାଙ୍ଗାତାକେ ଏଟା କର୍ ବଇଲେ, ସେ ସେଟା କରସି ।”

<sup>୯</sup> ଜିସୁ ତାର୍ ଏ ସବୁ ବିସଇ ସୁନି କାବା ଅଇଗାଲା, ଆରି ବୁଲିକରି ତାର୍ ପଟେ ଆଇତେରଇବା ଲକ୍ମନକେ କଇଲା, “ମୁଇ ତମକେ କଇଲିନି, ଇସ୍ରାଏଲ୍ ବିତ୍ରେ ମିସା ଏତେକ୍ ବଡ୍ ବିସ୍ବାସି ନ ମିଲଡ୍ ।”

<sup>୧୦</sup> ଆରି ଜିସୁକେ ତାକ୍ବାକେ ଜାଇରଇଲା ଲକ୍ମନ ଗରେ ବାଉଡି ଆସି ଗତିଦାଙ୍ଗାତା ନିକ ଅଇରଇବାଟା ଦେକ୍ଲାଇ ।

**ଜିସୁ ଗଟେକ୍ ରାଣ୍ଡିମାଇଜିର୍ ମରିଜାଇରଇଲା ଦାଙ୍ଗାତା ପିଲାକେ ଉଟାଇଲା**

<sup>୧୧</sup> ତେଇଅନି ଜିସୁ ନାଇନ୍ ନାଉର୍ ନଅରେ ଗାଲା । ତାର୍ସଙ୍ଗ୍ ସିସମନ୍ ଆରି ଲକ୍ମନ ବେସି ଜାଇତେରଇଲାଇ ।

<sup>୧୨</sup> ସେ ନଅରର୍ ଦୁଆରଲଗେ କେଟୁ କେଟୁ, ଏଦେ ଦେକା ! ଲକ୍ମନ ଗଟେକ୍ ମଲା ଲକ୍ମନେ ବଇଆନ୍ତେ ରଇଲାଇ । ସେ ନିଜର୍ ମାଆର୍ ଗଟେକ୍ ସେ ପିଲା, ଆରି ସେ ମାଇଜି ରାଣ୍ଡିଟା । ନଅରର୍ ବେସିଲକ୍ମନ ତାର୍ ସଙ୍ଗ୍ ରଇଲାଇ । <sup>୧୩</sup> ସେ ରାଣ୍ଡି ମାଇଜିକେ ଦେକି ଜିସୁ ଦୁକ୍କଲା ଆରି ତାକେ କଇଲା, “ଏ ମାଆ କାନ୍ନାଇ ।” <sup>୧୪</sup> ଆରି, ଜିସୁ ଜାଇକରି ତାଣ୍ଡିଆ ଚିଲିଲାଇକେ ବଇ ଆନ୍ତେରଇବା ଲକ୍ମନ ଚିଆଅଇଲାଇ । ଆରି ସେ କଇଲା, “ମୁଇ ତକେ କଇଲିନି, ନୁନା ଉଟ୍ !” <sup>୧୫</sup> ତେଇ ସେ ଦାଙ୍ଗାତା ଉଟିବସଲା ଆରି କାତା କଇବାର୍ ଦାରଲା । ଆରି ଜିସୁ ସେ ଦାଙ୍ଗାତାକେ ତାର୍ ମାକେ ସର୍ପିଦେଲା ।

<sup>୧୬</sup> ତେଇ ସବୁଲକ୍ ଡରିଗାଲାଇ, ଆରି ପର୍ମେସରର୍ ମଇମା କରି କରି କଇଲାଇ “ଆମର୍ ବିତ୍ରେ ଗଟେକ୍ ମଆନ୍ ବବିସଡ୍ବକ୍ତା ଆଇଲାଆଟେ, ଆରି ପର୍ମେସର୍ ନିଜର୍ ଲକ୍ମନକେ ଉଦାର୍ କରବାକେ ଆସିଆଟେ ।”

<sup>୧୭</sup> ଜିସୁର୍ ଏ ବିସଇର୍ କାତା ଗୁଲାଇ ଜିଉଦା ଦେସେ ଆରି ଚାରିବାଟର୍ ଗାଉଁଗଣ୍ଡାର୍ ଲକ୍ମନ ଜାନ୍ଲାଇ ।

**ଡୁବନ୍ ଦେଉ ଜଅନର୍ ଦୁଇଟା ସିସ୍**  
(ମାତିଉ ୧୧:୨-୧୯)

<sup>୧୮</sup> ପଟେ ଡୁବନ୍ ଦେଉ ଜଅନର୍ ସିସମନ୍ ଏ ସବୁ କାତା ଜଅନକେ ଜାନାଇଲାଇ । <sup>୧୯</sup> ତେଇ ଜଅନ୍ ନିଜର୍ ସିସମନର୍ ବିତ୍ରେଅନି ଦୁଇଲକ୍ମନକେ ତାକି ମାପୁରୁର୍ ଲଗେ ଏନ୍ତାରି କଇ ପାଟାଇଲା, “ଜେ ଆଇବାର୍ ରଇଲା, ସେ ଲକ୍ ତମେସେ କି ? କି କାଇ ବିନ୍ ଲକ୍ମନକେ ଆମେ ଜାଗୁ ?”

<sup>୨୦</sup> ସେ ଲକ୍ମନ ଜିସୁର୍ଲଗେ କେଟିକରି କଇଲାଇ, “ଡୁବନ୍ ଦେଉ ଜଅନ୍ ଆମ୍କେ ଏନ୍ତାରି କଇ ତମର୍ଲଗେ ପାଟାଇଆଟେ, ଜେ ଆଇବାର୍ ରଇଲା, ସେ ଲକ୍ ତମେ କି ? କି କାଇ ଆମେ ଆରି ବିନ୍ ଲକ୍ମନକେ ଜାଗୁ ?”

<sup>୨୧</sup> ସେବେଲେ ଜିସୁ ଜର୍ ଦୁକା, ଆରି ଡୁମା ଦାରଲା ଲକ୍ମନକେ ନିକ କଲା । ଆରି କେତେଟା କାଶାମନକେ ମିସା ଆକି ଡିସାଇଲା ।

<sup>୨୨</sup> ଜିସୁ ଜଅନର୍ ସିସମନକେ କଇଲା, “ତମେମନ୍ ଜନ୍ ଜନ୍ଟା ଦେକ୍ଲାସ୍ ଆରି ସୁନ୍ଲାସ୍, ସେଟା ସବୁ ଜାଇ ଜଅନକେ ଜାନାଆ, କାଶା ଲକ୍ମନ ଦେକିପାରୁଲାଇନି, ଚଟାମନ୍ ଇଣ୍ଡିବୁଲୁଲାଇନି, ବଡ୍ ରଗିମନ୍ ନିକ ଅଇଲାଇନି, ବଇରା ଲକ୍ମନ ସୁନ୍ଲାଇନି, ମଲାଲକ୍ମନ ଜିବନ୍ଅଇ ଉଟ୍ଲାଇନି, ଆରି ଦୁକର୍ ଲକ୍ମନକେ ମାପୁରୁର୍ ବାକିଅ

ସୁନାଇଅଇଲାନି । ୨୩ ଜନ୍‌ଲକ୍‌ ମକେ ‘କିରିସ୍‌ଟ ସେ କି ନ୍ୟୁଁ ?’ ବଲି ନ ବାବିକରି ବିସ୍‌ବାସ୍‌ କରସି, ତାର୍‌ କେତେକ୍‌ ନିକ କରମ୍ ।”

୨୪ ଜଅନର୍‌ ସିସ୍‌ମନ୍‌ ବାଉଡିଗାଲାପତେ ଜିସୁ ଲକ୍‌ମନ୍‌କେ ଜଅନର୍‌ ବିସଇ କଇବାର୍‌ଦାର୍‌ଲା, “କାଇଟା ଦେକ୍‌ବାକେ ତମେ ମରୁବାଲି ବୁର୍‌ ବାରଇ ଜାଇରଇଲାସ୍‌ ? କାଇ ପବନେ ଜୁଲ୍‌ତେରଇବା ବାଉଁସ୍‌ ନାଲା ? ୨୫ ସେଟା ନଇଲେ ତମେ କାଇଟା ଦେକ୍‌ବାକେ ବାରଇଜାଇ ରଇଲାସ୍‌ ? କାଇ ଜବର୍‌ ତାରୁଦେଇ ବସ୍‌ତର୍‌ ଗେନି ପିନ୍‌ରଇବା ଗଟେକ୍‌ ଲକ୍‌କେ ଦେକ୍‌ବାକେ ? ଦେକା, ଜନ୍‌ ଲକ୍‌ମନ୍‌ ଜେ କି ସୁନ୍‌ଦର୍‌ ବସ୍‌ତର୍‌ ପିନ୍‌କରି, ସୁକର୍‌ ସଙ୍ଗ୍‌ ଦିନ୍‌ ବିତାଇବାଇ, ସେମନ୍‌ ତା ରାଜାର୍‌ ନଅରେ ରଇବାଇ । ୨୬ ସେନ୍ତାର୍‌ ନଇଲେ କାଇକେ ବାରଇ ଜାଇରଇଲାସ୍‌ ? କାଇ ଗଟେକ୍‌ ବବିସ୍‌ତ୍‌ବକ୍‌ତାକେ ଦେକ୍‌ବାକେ ? ମୁଇ ତମକେ ସତ୍‌ କଇଲିନି, ଜଅନ୍‌ ବବିସ୍‌ତ୍‌ବକ୍‌ତାମନ୍‌ର୍‌ ତେଇଅନି ମିସା ଅଦିକାର୍‌ ରଇବା ଲକ୍‌ ।” ୨୭ ଜାର୍‌ ବିସଇ ନେଇକରି ଦରମ୍‌ ସାସ୍‌ତରେ ଲେକାଆତେ । ପର୍‌ମେସର୍‌ କଇଲା, “ଆମେ ନିଜର୍‌ ଦୁଡ୍‌କେ ତମର୍‌ ଆଗେ ପାଟାଇଲୁନି, ସେ ତମର୍‌ ମୁଆଟେ ତମର୍‌ପାଇ ବାଟ୍‌ ତିଆର୍‌ କରସି, ଏ ସେ ଲକ୍‌ । ୨୮ ମୁଇ ତମକେ ସତ୍‌ କଇଲିନି, ମାଇଜିମନ୍‌ ଟାନେଅନି ଜାଡ୍‌ କରିରଇବା ସବୁର୍‌ ବିଡ୍‌ରେ, ଜଅନର୍‌ ଟାନେଅନି ଆରି ମୁକିଅ କେ ମିସା ନାଇ, ଏଲେମିସା ପର୍‌ମେସର୍‌ର ରାଇଜେ ଜେ ସାନ୍‌, ସେ ଜଅନର୍‌ ଟାନେଅନି ବଡ୍‌ ।”

୨୯ ☆ଜନ୍‌ଲକ୍‌ମନ୍‌ ଏ ସବୁ କାତା ସୁନ୍‌ତେରଇଲାଇ, ସେମନ୍‌, ଜେନ୍ତାରିକି ସିସ୍‌ତୁମାଙ୍ଗ୍‌ମନ୍‌ ମିସା ପର୍‌ମେସର୍‌ର ଦାବିକଲାଟା ମାନି ଜଅନର୍‌ ଟାନେ ତୁବନ୍‌ ନେଇରଇଲାଇ । ୩୦ ମାତର୍‌ ପାରୁସିମନ୍‌ ଆରି ନିଅମ୍‌ ସିକାଉମନ୍‌ ତାକର୍‌ ଜିବନର୍‌ପାଇ ପର୍‌ମେସର୍‌ କରିରଇବା ଜଜ୍‌ନା ମାନଦ୍‌ନାଇ, ଆରି ଜଅନର୍‌ଟାନେ ତୁବନ୍‌ ନେଅଡ୍‌ନାଇ । ୩୧ ଜିସୁ ଆରିତରେକ୍‌ କଇଲା, ଏବର୍‌ ଲକ୍‌ମନ୍‌କେ ମୁଇ କାର୍‌ ସଙ୍ଗ୍‌ ସମାନ୍‌ କରବି ? ଆରି ସେମନ୍‌ କାର୍‌ ପାରା ? ୩୨ ଜନ୍‌ ପିଲାମନ୍‌ ତାଣ୍ଡେବାଟେ ବସି ସେମନ୍‌ ସେମନ୍‌ ତାକାତାକିଅଇ କୁଆକୁଇ ଅଇବାଇ, “ଅଇରେ, ଆମେ ତମର୍‌ଲଗେ ବାଉଁସି ପୁକ୍‌ଲୁ, ତମେ ନାଟ୍‌ କରାସନାଇ, ଦୁକର୍‌ ଗିଡ୍‌ ଗାଇଲୁ, ତମେ କାନ୍‌ସନାଇ, ସେମନ୍‌ ତାକର୍‌ପାରା । ୩୩ କାଇକେବଇଲେ, ତୁବନ୍‌ ଦେଉ ଜଅନ୍‌ ଆସି ଉପାସେ ରଇ, ଆମର୍‌ ଅଇଲା ପଲ୍‌ରସ୍‌ ମିସା କାଏନାଇ, ଆରି ତମେ ତାକେ କଇଲାସ୍‌ନି ତୁମା ଦାରିଆତେ ବଲି । ୩୪ ପର୍‌ମେସର୍‌ ପାଟାଇରଇବା ନର୍‌ପିଲା ମୁଇ ଆସି କିଆପିଆ କଲିନି, ଆରି ତମେମନ୍‌ କଇଲାସ୍‌ନି, ଦେକା ଅ ! ଏ ଗଟେକ୍‌ କାଉରାଟା ଆରି ମଦୁଆଟା, ସିସ୍‌ତୁମାଙ୍ଗ୍‌ମନ୍‌ ଆରି ପାପିମନ୍‌ ମଇତର୍‌ । ୩୫ ମାତର୍‌ ଜନ୍‌ଲକ୍‌ମନ୍‌ ପର୍‌ମେସର୍‌ର ଗିଆନ୍‌ ମାନ୍‌ବାଇ, ସେମନ୍‌ଟାନେ ମାପୁରୁ ସତ୍‌ ଇସାବେ ତିସି ।”

**ପାରୁସି ସିମନ୍‌ ଗରେ ଜିସୁ**

୩୬ ଆରି ପାରୁସିମନ୍‌ ବିଡ୍‌ରେଅନି ଗଟେକ୍‌ ଲକ୍‌ ଜିସୁକେ କାଇବାକେ ଡାକଲା । ତେଇ ଜିସୁ ପାରୁସିର୍‌ ଗରେ ଜାଇକରି କାଇବାକେ ବସଲା । ୩୭ ☆ଆରି ଦେକା, ସେ ନଅରେ ଗଟେକ୍‌ ପାପି ମାଇଜି ରଇଲା । ଜିସୁ ପାରୁସିର୍‌ ଗରେ କାଇବାକେ ବସିଆତେ ବଲି ଜାନିକରି, ସେ ଗଟେକ୍‌ କଣ୍ଡିତେଇ ବାସ୍‌ନା ଚିକନ୍‌ ଆନ୍‌ଲା । ୩୮ ପର୍‌ବାଟେ ଜିସୁର୍‌ ପାଦ୍‌ଲଗେ ଚିଆଅଇ ଆଁସୁ ଜରାଇ ଜରାଇ ତାର୍‌ ଆଁସୁ ପାନି ସଙ୍ଗ୍‌ ଜିସୁର୍‌ ପାଦ୍‌ ବିଜାଇକରି ତାର୍‌ ଚେଣ୍ଡିସଙ୍ଗ୍‌ ସେଟା ପୁଟ୍‌ବାର୍‌ ଦାରଲା । ଆରି ତାର୍‌ ପାଦେ ଚୁମି ଚୁମି କରି ସେ ଚିକନ୍‌ ଲାଗାଇବାର୍‌ ଦାରଲା । ୩୯ ସେଟା ଦେକିକରି ଜନ୍‌ ପାରୁସି ତାକେ ଡାକିରଇଲା, ସେ ମନେ ମନେ ବାବ୍‌ଲା, “ଜଦି ଏ ଲକ୍‌ ବବିସ୍‌ତ୍‌ବକ୍‌ତା ଅଇରଇତା ବଇଲେ, ଆକେ ଜେ ଚିଇଲାନି, ସେ କେ ଆରି ସେଟା କେନ୍ତାର୍‌ ମାଇଜି, ବଲି ଜାନ୍‌ତା । କାଇକେବଇଲେ ସେ ଗଟେକ୍‌ ପାପି ମାଇଜି ।”

୪୦ ଜିସୁ ତାକେ କଇଲା, “ସିମନ୍‌ ତକେ ମୁଇ ଅଲପ୍‌ କଇବାର୍‌ ଆତେ ।” ସେ କଇଲା, “ଗୁରୁ କୁଆ ତେବେ ।”

୪୧ “ଗଟେକ୍‌ ସାଉକାର୍‌ରୁ ରୁନ୍‌ ନେଇରଇବା ଦୁଇଲକ୍‌ ରଇଲାଇ, ଗଟେକ୍‌ଲକ୍‌ ପାଁଟ୍‌ସ ରୁପାଟାଙ୍ଗା ଆରି ଗଟେକ୍‌ଲକ୍‌ ପଗାସ୍‌ ରୁପାଟାଙ୍ଗା ରୁନ୍‌ କରିରଇଲାଇ । ୪୨ ରୁନ୍‌ ବାନ୍‌ବାକେ ସେମନ୍‌କେ କାଇଟା ନ ରଇଲାଜେ, ସାଉକାର୍‌ ଦୁଇଲକ୍‌ର୍‌ ଜାକ ରୁନ୍‌ ଚାଡିଦେଲା । ତେବେ ସେମନ୍‌ ବିଡ୍‌ରେ କେ ତାକେ ବେସି ଆଲାଦ୍‌ କରସି ?”

୪୩ ସିମନ୍‌ କଇଲା, “ମୁଇ ବାବ୍‌ଲିନି, ସାଉକାର୍‌ ଜାକେ ଅଦିକ୍‌ ରୁନ୍‌ ଚାଡିଦେଲା, ସେ ।” ଜିସୁ ତାକେ କଇଲା, “ତମେ ଚିକ୍‌ ବିଟାର୍‌ କଲାସ୍‌ ।” ୪୪ ଆରି ଜିସୁ ସେ ମାଇଜିର୍‌ବାଟେ ମୁ ବୁଲାଇକରି ସିମନ୍‌କେ କଇଲା, “ଏ ମାଇଜିକେ ଦେକ୍‌ଲୁସ୍‌ନି ? ମୁଇ ତମର୍‌ ଗରେ ଆଇଲି, ମକେ ଗଡ୍‌ ଦଇବାକେ ପାନି ଦିଆସନାଇ, ମାତର୍‌ ଏ ତାର୍‌ ଆଁସୁପାନି ସଙ୍ଗ୍‌ ମର୍‌ ପାଦ୍‌ ବିଜାଇ ତାର୍‌ ଚେଣ୍ଡିସଙ୍ଗ୍‌ ସେଟା ପୁଟିଦେଲା । ୪୫ ତମେ ମକେ ଚୁମାସନାଇ, ମାତର୍‌ ମୁଇ ବିଡ୍‌ରେ ଆଇଲା ବେଲେଅନି ଏ ମର୍‌ ପାଦେ ଚୁମି ଚୁମି, ତାକେନାଇ । ୪୬ ତମେ ମକେ ସନ୍‌ମାନର୍‌ ସଙ୍ଗ୍‌ ମୁଣ୍ଡେ ଚିକନ୍‌ ଲାଗାଆସନାଇ, ମାତର୍‌ ଏ ମର୍‌ ପାଦେ ବାସ୍‌ନା ଚିକନ୍‌ ଲାଗାଇଲା । ୪୭ ତେବର୍‌ପାଇ ମୁଇ ତକେ କଇଲିନି, ଏ ମାଇଜିର୍‌ କେତେ କେତେ ପାପ୍‌ କେମାଅଇଲାଆତେ, କାଇକେବଇଲେ ସେ ବେସି ଆଲାଦ୍‌ କଲା, ମାତର୍‌ ଜାକେ ଅଲପ୍‌ କେମା ଦିଆଅଇସି, ସେ ଅଲପ୍‌ ଆଲାଦ୍‌ କରସି ।”

୪୮ ଆରି ଜିସୁ ସେ ମାଇଜିକେ କଇଲା, “ତର୍‌ ସବୁ ପାପ୍‌ କେମା ଅଇଲା ଆତେ ।”

☆ ୭:୨୯ ୭:୨୯ ମାଡିଉ ୨୧:୩୨; ଲୁକ୍ ୩:୧୨ ☆ ୭:୩୭ ୭:୩୭ ମାଡିଉ ୨୭:୭; ମାର୍କ ୧୪:୩; ଜଅନ୍ ୧୨:୩

୪୯ ତେଜ ଜିସୁସ୍‌ଙ୍କ କାଜବାକେ ବସିରଇବା ଲକ୍‌ମନ୍ ମନେ ମନେ କଇବାର୍ ଦାରଲାଇ, “ପାପ୍ ମିସା କେମାକଲାନିଜେ, ଏ କେ ?”

୫୦ ମାତର୍ ଜିସୁ ସେ ମାଜଜିକେ କଇଲା, “ତୁଇ ମକେ ବିସ୍‌ବାସ୍ କଲାର୍‌ପାଇ ବଲି ରକିଆ ପାଇଆରୁସ୍, ସାନ୍ତିସଙ୍ଗ୍ ଉଟିଜା ।”

# ୮

## ସିସ୍‌ମନ୍‌ର ସଙ୍ଗ୍ ଜିସୁ

୧ ତେଜଅନି ଚନେକ୍ ଗାଲାପରେ, ଜିସୁ ନଅରେ ନଅରେ ଆରି ଗାଏଁ ଗାଏଁ ପର୍ଯ୍ୟେସରର୍ ରାଇଜର୍ ସୁବ୍‌କବର୍ କଇ ବୁଲ୍‌ବାର୍ ଦାରଲା, ଆରି ବାରଟା ସିସ୍‌ମନ୍ ତାର୍ ସଙ୍ଗ୍ ରଇଲାଇ । ୨\* ଜନ୍ ମାଜଜିମନ୍ ତୁମାଦାରଲା ଟାନେଅନି ଆରି ଜର୍ଦୁକା ଟାନେଅନି ନିକ ଅଇରଇଲାଇ, ସେମନ୍ ମିସା ତାର୍ ସଙ୍ଗ୍ ରଇଲାଇ । ମାଜଜିମନ୍‌ର ବିତ୍‌ରେ ଅନି ମରିୟମ୍ ଜାକେ କି ମଗ୍‌ଦଲିନି ମରିୟମ୍ ବଲି କଇବାଇ । ଜାର୍‌ଟାନେଅନି ସାତ୍‌ଟା ତୁମା ବାରଇ ଜାଇରଇଲାଇ । ୩ ଏରଦ୍ ରାଜାର୍ ଗୁମସ୍‌ତା କୁଜାର୍ ମାଜଜି ଜଆନା, ସସନା, ଆରି କେତେକ୍ କେତେକ୍ ମାଜଜିମନ୍, ଜିସୁର୍ ସଙ୍ଗ୍ ରଇ ନିଜର୍ ନିଜର୍ ଦନ୍ ସୀରାଇ ତାକେ ସେବା କର୍ତ୍ତେରଇଲାଇ ।

## ବିଅନ୍ ବୁନ୍‌ବା ଚାସିର୍ କାତା

(ମାଡିଉ ୧୩:୧-୯; ମାର୍‌କ ୪:୧-୯)

୪ ଜେତେବେଲେ ଲକ୍‌ମନ୍ ଗଟେକ୍ ଜାଗାଇ ବୁଲ୍‌ଅଇଲାଇ, ଆରି ନଅରେ ନଅରେ ଅନି ତାର୍‌ଲଗେ ଆଇଲାଇଜେ ଜିସୁ ଏନ୍ତି ଉଦାଅରନ୍ ଦେଇ କଇଲା, ୫ “ଗଟେକ୍ ଚାସି ତାର୍ ବିଅନ୍ ବୁନ୍‌ବାକେ ବାରଇଲା । ସେ ବୁନ୍ ବୁନ୍ କେତେଟା ବିଅନ୍ ବାଟେ ଅଦର୍ଲା । ଲକ୍‌ମନ୍ ସେଟା ମାଣ୍ଡୁରୁଣ୍ଡ କରଦେଲାଇ ଆରି ଚତଇମନ୍ ଆସି କାଇଦେଲାଇ । ୬ କେତେଟା ପାକ୍‌ନା ବାଡି ରଇଲା ବୁଏଁ ଅଦର୍ଲା, ସେଟା ଆଁକ୍‌ରି ଗାଜା ଅଇଲା, ମାତର୍ ମାଟି ନ ବିଜିରଇଲାଜେ ସୁକିଗାଲା । ୭ କେତେଟା କାଟାବୁଟାମନ୍‌ର ମଜାଇ ଅଦର୍ଲା । କାଟାବୁଟାମନ୍ ଦାପ୍‌ରେ ବଡିକରି ଆଁକ୍‌ରଲାଟାମନ୍‌କେ ଚାପିଦେଲା । ୮ ଆରି ବାକି କେତେଟା ନିକ ଜମିଟାନେ ଅଦର୍ଲା ଆରି ସଏ ଗୁନ୍ ପଲ୍ ପଲ୍‌ଲା ।” ଏଟା କଇସାରାଇ ଜିସୁ ଆଉଲିଅଇକରି କଇଲା, “ଜାକେ ସୁନ୍‌ଲାପାରା କାନ୍ ଆଟେ, ସେ ସୁନ୍ ।”

## ଉଦାଅରନର୍ ଅରଡ୍

(ମାଡିଉ ୧୩:୧୦-୧୭; ମାର୍‌କ ୪:୧୦-୧୭)

୯ ତାର୍ ସିସ୍‌ମନ୍ ଏ ଉଦାଅରନ୍ ଦେଇରଇବାଟା କାଇଟା ଅଇରଇସି ବଲି ତାକେ ପାଟାର୍‌ବାର୍ ଦାରଲାଇ । ୧୦ ତେଜ ଜିସୁ ସେମନ୍‌କେ କଇଲା, “ପର୍ଯ୍ୟେସରର୍ ରାଇଜର୍ ଟିକିନିକି ବିସଇ ଜାନଡ୍ ବଲି ତମ୍‌କେ ଗିଆନ୍ ଦିଆଅଇଲାଆଟେ, ମାତର୍ ବିନ୍‌ଲକ୍‌ମନ୍‌କେ ଉଦାଅରନ୍ ଦେଇ କଇଅଇସି, ଜେନ୍ତାରିକି ସେମନ୍ ଦେକି ଦେକି ନ ଦେକଡ୍ କି ସୁନି ସୁନି ମିସା ନ ବୁଜଡ୍ ।”

## ବିଅନ୍ ବୁନ୍‌ବାଟାର୍ ଅରଡ୍

(ମାଡିଉ ୧୩:୧୮-୨୩; ମାର୍‌କ ୪:୧୩-୨୦)

୧୧ “ଉଦାଅରନର୍ କାତା ଏନ୍ତାରି, ବିଅନ୍ ଅଇଲାନି ପର୍ଯ୍ୟେସରର୍ ବାକିଅ । ୧୨ ବାଟ୍‌ଲଗେ ଅଦର୍ଲା ବିଅନ୍, ଏନ୍ତାରି ଲକ୍‌ମନ୍‌ରପାରା, ଜେମନ୍ ବାକିଅ ସୁନ୍‌ବାଇ । ତାର୍‌ପରେ ସଇତାନ୍ ଆସି, ଜେନ୍ତାରିକି ସେମନ୍ ବିସ୍‌ବାସ୍ କରି ରକିଆ ନ ପାଅଡ୍, ସେ ଲକ୍‌ମନ୍‌ର ମନ୍‌ବିତ୍‌ରେଅନି ବାକିଅ ଜିକିନେଇସି । ୧୩ ପାକ୍‌ନାବାଡି ବୁଏଁ ଅଦର୍ଲା ବିଅନ୍ ଏନ୍ତାରି ଲକ୍‌ମନ୍‌କେ ବୁଜାଇସି । ସେମନ୍ ବାକିଅ ସୁନି ସାର୍‌ଦାସଙ୍ଗ୍ ମାନ୍‌ବାଇ, ମାତର୍ ସେମନ୍‌କେ ଚେର୍ ନ ରଇଲାର୍‌ପାଇ ବଲି ଚନେକ୍ ବିସ୍‌ବାସ୍ କର୍‌ବାଇ ଆରି କାଇଆଲେ ପରିକା ବେଲାଇ ବିସ୍‌ବାସ୍ ଚାଡିଦେବାଇ । ୧୪ ଆରି କାଟାବୁଟାମନ୍‌ର ମଜାଇ ଅଦର୍ଲା ବିଅନ୍ ଏନ୍ତାରି ଲକ୍‌ମନ୍‌କେ ବୁଜାଇସି । ଜନ୍‌ଲକ୍‌ମନ୍ ବାକିଅ ସୁନ୍‌ବାଇ, ମାତର୍ ଜଗତର୍ ଚିନ୍ତା, ଦନ୍ ସଁପଡିର୍ ଚିନ୍ତା କରି କରି ଚାପିଅଇଜିବାଇ । ତେଜ ନିକ ଦାନ୍ ନ ଅଏ । ୧୫ ଆରି ନିମାନ୍ ବୁଏଁ ଅଦର୍ଲା, ବିଅନ୍ ଏନ୍ତାରି ଲକ୍‌ମନ୍‌କେ ବୁଜାଇସି । ଜନ୍ ଲକ୍‌ମନ୍ କି ନିମାନ୍ ଆରି ଦରମ୍ ମନେ ବାକିଅ ସୁନିକରି ସେଟା ତାର୍ ସଙ୍ଗ୍ ଦାରି ସଙ୍ଗାଇବାଇ ଆରି ଜାଗିରଇକରି ପଲ୍‌ପଲ୍‌ବାଇ ।”

## ମାନ୍ ତଲେ ବଡି

(ମାର୍‌କ ୪:୨୧-୨୫)

୧୬\* “ବଡି ଉସାଇ କରି କେ ମିସା ଡାଲାଡାବି ନ ସଙ୍ଗଅଡ୍ । କି କର୍ ତଲେ ନ ସଙ୍ଗଅଡ୍ । ମାତର୍ ବଡି କୁଦ୍‌ରା ଉପ୍‌ରେ ସଙ୍ଗାଇବାଇ । ଜେନ୍ତାରିକି ଆଇଲା ଲକ୍‌ମନ୍ ଉଜଲ୍ ଦେକିପାରଡ୍ ।”

\* ୮:୨ ୮:୨ ମାଡିଉ ୨୭:୫୫, ୫୬; ମାର୍‌କ ୧୫:୪୦, ୪୧; ଲୁକ୍ ୨୩:୪୯    \* ୮:୧୭ ୮:୧୭ ମାଡିଉ ୫:୧୫; ଲୁକ୍ ୧୧:୩୩

୧୭ ☆ “କାଲକେବଇଲେ, ଏନ୍ତାରି ଲୁଚିରଇବା ବିସଇ କାଲଟା ନାଇ, ଜନ୍‌ଟା ଜାନା ନ ପଡେ । ତାବିଅଇରଇବା ବିସଇ କାଲଟା ନାଇ ଜନ୍‌ଟା ଉଗାଡି ନଏ ।”

୧୮ ☆ “ସେଟାର ପାଇ, ଜେନ୍ତାରି ସୁନ୍‌ସା, ସେ ବିସଇ ନେଇକରି ଜାଗରତ୍ତ ରୁଆ । କାଲକେବଇଲେ ଜାକେ ଆତେ ତାକେ ଅଦିକ୍ ଦିଆଅଇସି । ଆରି ଜାକେ ନାଇ, ସେ ଜେଡକି ନିଜରଟା ଆତେ ବଲି ବାବ୍‌ସି, ସେ ଅଲପଟା ମିସା ତାରଟାନେଅନି ନିଆଅଇସି ।”

**ଜିସୁର୍ ମାଆ ଆରି ବାଇମନ୍**  
(ମାତିଉ ୧୨:୪୬-୫୦; ମାର୍କ ୩:୩୧-୩୫)

୧୯ ଜିସୁର୍ ମାଆ ଆରି ବାଇମନ୍ ତାର ଲଗେ ଆଇଲାଇ । ମାତର୍ ଲକ୍‌ମନ୍ ଜବର୍ ରଇଲାଇକେ ତାର ସଙ୍ଗ ମିସିନାପାର୍‌ତେ ରଇଲାଇ । ୨୦ ତେଇ ଜିସୁକେ ଏ କବର୍ ଦେଲାଇ, “ତମର୍ ମାଆ ଆରି ବାଇମନ୍ ତକେ ଦେକ୍‌ବାକେ ମନ୍‌କରି ବାଇରେ ଚିଆଅଇଲାଇ ଆଚଡ୍ ।”

୨୧ ମାତର୍ ଜିସୁ ଲକ୍‌ମନ୍‌କେ କଇଲା, “ଜନ୍ ଲକ୍‌ମନ୍ ପର୍‌ମେସରର୍ ବାକିଅ ସୁନ୍‌ବାଇ ଆରି ମାନ୍‌ବାଇ ସେମନ୍ ମର୍ ମାଆ ଆରି ବାଇମନ୍ ।”

**ଜିସୁ ବାଉପବନ୍‌କେ ତେବାଇଲା**  
(ମାତିଉ ୮:୨୩-୨୭; ମାର୍କ ୪:୩୫-୪୧)

୨୨ ଦିନେକ୍ ଜିସୁ ଆରି ତାର ସିସମନ୍ ଗଟେକ୍ ଡଙ୍ଗା ରଗଲାଇ, ଆରି ସେ ସିସମନ୍‌କେ କଇଲା, “ଆସା, ଗାଡ୍ ସେପାଟେ ଜୁ ।” ତେଇ ସେମନ୍ ଡଙ୍ଗା ମେଲ୍‌ଲାଇ । ୨୩ ମାତର୍ ଡଙ୍ଗାଗାଟି ଗାଲାବେଲେ ଜିସୁ ସଇଦେଲା । ସେଡକିବେଲେ ଗାଡେ ଅଟାଡ୍ ବାଉପବନ୍ ଆଇଲା ଆରି ଡଙ୍ଗା ପାନିପୁରି ବରତି ଅଇବାର୍ ଦାରଲା । ସେମନ୍ ବଡ୍ ବିପଦେ ପଡିଗଲାଇ । ୨୪ ତେଇ ସିସମନ୍ ଜିସୁରଲଗେ ଆସି ତାକେ ଉଟାଇ କଇଲା “ଏ ଗୁରୁ, ଏ ଗୁରୁ, ଆମେ ମରିଜିବୁବେ !” ତେଇ ଜିସୁ ଉଟିକରି ପବନ୍ ଆରି ବଡ୍ ଲଅଡିକେ ଦମ୍‌କାଇଲା, ଆରି ସେଟା ସବୁ ଚିମ୍‌ରାଇଅଇ ତବିର୍ ଅଇଲା । ୨୫ ସେ ସିସମନ୍‌କେ କଇଲା, “ତମର୍ ବିସବାସ୍ କେନେ ଅଇଲା ?” ମାତର୍ ସେମନ୍ ଡରିକରି କାବାଅଇ ନିଜେ ନିଜେ କଇବାର୍ ଦାରଲାଇ । “ତେବେ ଏ କେ ଜେ ପବନ୍ ଆରି ପାନିକେ ମିସା ଆଦେସ୍ ଦେଲା ଦାପ୍‌ରେ, ସେଟା ସବୁ ତାର ଆଦେସ୍ ମାନ୍‌ବାଇ ।”

**ଜିସୁ ଗଟେକ୍ ଡୁମା ଦାରିରଇବା ଲକ୍‌କେ ନିକକଲା**  
(ମାତିଉ ୮:୨୮-୩୪; ମାର୍କ ୫:୧-୨୦)

୨୬ ପତେ ଜିସୁ ଆରି ତାର ସିସମନ୍ ଗାଲିଲି ମୁଆଟର୍ ସେପାଟେ ଗରାସିୟମନ୍‌ର ଜାଗାଇ କେଟ୍‌ଲାଇ । ୨୭ ଜିସୁ ଡଙ୍ଗାଅନି ଉତର୍‌ଲା ଦାପ୍‌ରେ, ସେ ନଅରର୍ ଗଟେକ୍ ଡୁମାଦାରଲା ଲକ୍ ତାକେ ବେଟ୍‌ଅଇଲା । ସେ ବେସି ଦିନେଅନି କାଲଟା ନ ପିନ୍‌କରି ଗରେ ନ ରଇ, ମସନେ ରଇତେ ରଇଲା । ୨୮ ସେ ଜିସୁକେ ଦେକି କିରକିରି ତାର ପାଦେ ଅଦ୍‌ରି, ଆଉଲିଅଇ କଇଲା, “ଏ ବେସି ବପୁର୍‌ସଙ୍ଗ୍ ରଇବା ପର୍‌ମେସରର୍ ପଅ ଜିସୁ, ମର୍ ଲଗେ ତମର୍ କାଇ କାମ୍ ଆତେ ? ମୁଇ ତମ୍‌କେ ବାବୁଜିଆ କରି କଇଲିନି, ମକେ କସଟ ନ ଦିଆ ।” ୨୯ କାଲକେ ବଇଲେ ଜିସୁ ଡୁମାକେ ସେ ମୁନ୍‌ସର୍ ଟାନେଅନି ବାରଇଜାଅ ବଲି ଆଦେସ୍ ଦେଇରଇଲା । ସେ ଡୁମା ସେଲକ୍‌କେ ଦାରିଲାଗିରଇଲା, ଆରି ଲକ୍‌ମନ୍ ତାକେ ସିକିଲି ସଙ୍ଗ୍ ବାନ୍ଦି ଜାଗ୍‌ତେ ରଇଲାଇ । ମାତର୍ ସେ ବାନ୍ଦିଲାଟା ସବୁ ଚିଡାଇ ପାକାଇତେରଇଲା ଆରି ଡୁମା ତାକେ କିନରା ଜାଗାମନ୍‌କେ ଦାରିଜାଇତେରଇଲା ।

୩୦ ଜିସୁ ତାକେ ପାଟାରଲା, “ତର୍ ନାଉଁ କାଇ ନାଉଁ ?” ସେ କଇଲା, ବାଇନି, କାଲକେ ବଇଲେ ତାକେ ଗାଦା ଡୁମାମନ୍ ଦାରି ରଇଲାଇ । ୩୧ ଆରି ଜିସୁ ଜେନ୍ତିକି ସେମନ୍‌କେ ପାତାଲେ ଜିବାକେ ଆଦେସ୍ ନ ଦେଏ, ଏଟାର୍ ପାଇ ସେମନ୍ ତାକେ ବାବୁଜିଆ କର୍‌ବାର୍ ଦାରଲାଇ ।

୩୨ ତେଇ କୁପ୍‌ଲି ଲଗେ ଗଟେକ୍ ମାନ୍‌ା ଗୁସ୍‌ରି ରାସି ଚାର୍‌ତେ ରଇଲାଇ । ଆରି ସେ ଜେନ୍ତାରି ସେମନ୍‌କେ ସେ ଗୁସ୍‌ରି ମାନ୍‌ାର ମଜାଇ ପୁର୍‌ବାକେ ଆଦେସ୍ ଦେଇସି, ଏଟାର୍ ପାଇ ସେମନ୍ ଜିସୁକେ ବାବୁଜିଆ କଲାଇ । ୩୩ ଜିସୁ ସେମନ୍‌କେ ଆଦେସ୍ ଦେଲା ଦାପ୍‌ରେ ଡୁମାମନ୍ ସେ ମୁନ୍‌ସର୍‌ଟାନେଅନି ବାରଇ ଗୁସ୍‌ରି ରାସିର୍ ମଜାଇ ପୁର୍‌ଲାଇ । ପୁର୍‌ଲାକେ ଗୁସ୍‌ରି ମାନ୍‌ା ଜବର୍ ପାଲାଇକରି ଗଡ୍‌ଗଡାବାଟେ ଜାଇ ଗାଡେ ଅଦ୍‌ରି ମରିଗଲାଇ ।

୩୪ ଗୁସ୍‌ରି ଚାରାଇତେ ରଇଲା ଲକ୍‌ମନ୍ ସେ ଗଟ୍‌ନା ଦେକି ପାଲାଇକରି ନଅରେ ଆରି ଗାଉଁମନ୍‌କେ ଜାଇ ସେ କାତା ଜାନାଇଲାଇ । ୩୫ ତେଇ ଲକ୍‌ମନ୍ ସେ ଗଟ୍‌ନା ଦେକ୍‌ବାକେ ବାରଇ ଆଇଲାଇ ଆରି, ସେମନ୍ ଜିସୁର୍ ଲଗେ ଆସି ଜନ୍ ମୁନ୍‌ସର୍ ଟାନେଅନି ଡୁମାମନ୍ ବାରଇଲାଇ, ସେ ଲକ୍ ଲୁଗା ପିନ୍‌ ନିକ ମନର୍ ସଙ୍ଗ୍ ଜିସୁର୍ ପାଦ୍ ତଲେ ବସି ରଇବାଟା ଦେକି ଡରିଗଲାଇ । ୩୬ ଆରି ଜନ୍‌ଲକ୍‌ମନ୍ ଏଟା ସବୁ ଦେକି ରଇଲାଇ, ସେମନ୍ ସେ ଡୁମା ଦାରଲା ଲକ୍ କେନ୍ତାରି ନିକ ଅଇଲା, ସେଟା ବିନ୍ ଲକ୍‌ମନ୍‌କେ ଜାନାଇଲାଇ । ୩୭ ତେଇ ଗରାସିୟମନ୍‌ ଚାରିବେଡ୍‌ଡିର୍ ଜାଗାର୍ ଲକ୍‌ମନ୍ ଜିସୁକେ

☆ ୮:୧୭ ମାତିଉ ୧୦:୨୬; ଲୁକ୍ ୧୨:୨ ☆ ୮:୧୮ ମାତିଉ ୨୫:୨୯; ଲୁକ୍ ୧୯:୨୭

ତାକରଗାନେଅନି ଜିବାକେ ଗୁଆରି କଲାଇ । କାଇକେବଇଲେ ସେମନ୍ ବେସି ଡରିଜାଇ ରଇଲାଇ ଆରି, ଜିସୁ ଗଟେକ୍ ଡଙ୍ଗାଇ ବସି ବାଉଡି ଆଇଲା । ୩୮ ଫାତର୍ ଜନ୍ ଲକରଗାନେଅନି ତୁମାମନ୍ ବାରଇଜାଇ ରଇଲାଇ, ସେ ଜିସୁର୍ ସଙ୍ଗ୍ ରଇବି ବଲି ଗୁଆରି କରବାରଦାରଲା । ୩୯ ଫାତର୍ ସେ ତାକେ କଇକରି ପାଟାଇଲା । “ତର୍ ଗରେ ବାଉଡି ଜା ଆରି ପର୍ମେସର୍ ଡରଲାଗି ଜନ୍ ଜନ୍ କାମ୍ କଲାଆଚେ ସେ ସବୁ କଇଦେସ୍ ।” ତେଇ ସେ ଲକ୍ ଇଣ୍ଡିଜାଇ ଜିସୁ ତାର୍ ପାଇ ଜନ୍ ଜନ୍ କାମ୍ କରିରଇଲା, ଗୁଲାଇ ନଅରେ ଜାନାଇବାର୍ ଦାରଲା ।

**ଜାଇରସର୍ ଟକି ଆରି ବନି ଜିବା ମାଇଜି ନିକ ଅଇଲାଇ**  
(ମାତିଉ ୯:୧୮-୨୬; ମାର୍କ ୫:୨୧-୪୩)

୪୦ ଜିସୁ ଗାଡ୍ ସେପାଟେ ଅନି ଏ ପାଟେ ଆରିତରେକ୍ ବାଉଡି ଆଇଲା ପଚେ, ଲକ୍ମନ୍ ତାକେ ସାର୍ଦା ସଙ୍ଗ୍ ମାନଲାଇ । କାଇକେ ବଇଲେ ସେମନ୍ ତାକେ ଜାଗି ରଇଲାଇ । ୪୧ ଆରି ଏଦେ ଦେକା ! ଜାଇରସ୍ ନାଉର୍ ଗଟେକ୍ ଲକ୍ ଆଇଲା । ସେ ଜିଉଦି ଲକ୍ମନର୍ ପାର୍ତନା ଗରର୍ ମୁକିଆ ରଇଲା । ସେ ଜିସୁର୍ ପାଦ୍ ତଲେ ଅଦ୍ରି ତାର୍ ଗରେ ଆଇବାକେ ଗୁଆରି କଲା । ୪୨ କାଇକେ ବଇଲେ ତାଉଁକେ ଗଟେକ୍ସେ ବାର ବରସର୍ ଟକି ରଇଲା ଆରି ସେ ମଲାପାରା ଅଇଜାଇରଇଲା । ଫାତର୍ ଜିସୁ ଜାଇତେ ରଇବାବେଲେ ଲକ୍ମନ୍ ତାର୍ ଉପ୍ରେ ମାଣ୍ଡାବୁଣ୍ଡାଅଇଜାଇତେ ରଇଲାଇ ।

୪୩ ସେଡକିବେଲେ ବାର ବରସ୍ ଦାରି ବନି ଜାଇତେ ରଇବା ଗଟେକ୍ ରଗିନି ମାଇଜି ରଇଲା । ନିଜର୍ ସବୁତାବୁ ସାରାଇକରି ମିସା\* କାର୍ ଲଗେ ଜାଇ ନିକ ଅଇ ନାପାରଲା । ୪୪ ସେ ପର୍ବାଟେଅନି ଆସି ଜିସୁର୍ ଲୁଗା ଜାଲି ଚିଇଲା । ଚିଇଲା ଦାପ୍ରେ ତାର୍ ବନି ଜିବାଟା ତେବଲା । ୪୫ ତେଇ ଜିସୁ କଇଲା, “କେ ମକେ ଚିଇଲା ?” ଫାତର୍ ସବୁ ଲକ୍ ନାଇ ବଲି କଇଲାଇଜେ, ପିତର୍ କଇଲା, “ଏ ଗୁରୁ ଲକ୍ମନ୍ ମାଣ୍ଡାବୁଣ୍ଡାଅଇ ତମର୍ ଉପ୍ରେ ଡାବିଅଇଆଇଲାଇନି ।”

୪୬ ଫାତର୍ ଜିସୁ କଇଲା, “କେ କି ଗଟେକ୍ ଲକ୍ ମକେ ଚିଇଲା, କାଇକେ ବଇଲେ ମର୍ ବିଡ୍ରେଅନି ବପୁ ବାରଇଲା ବଲି ମୁଇ ଜାନଲି ।” ୪୭ ଜେତେବଲ୍ ମାଇଜି ଦେକଲାଜେ ମୁଇ ଲୁଚିନାପାରି, ସେ ତର୍ତରି ତର୍ତରି ଆସି ଜିସୁର୍ ପାଦେ ଅଦ୍ରି, କାଇଟାର୍ ପାଇ ତାକେ ଚିଇଲା, ଆରି କେନ୍ତାରି ଦାପ୍ରେ ନିକ ଅଇଲା, ସେଟା ସବୁ ଲକ୍ମନ୍ ମୁଆଟେ ଜାନାଇଲା । ୪୮ ତେଇ ଜିସୁ ତାକେ କଇଲା, “ନୁନି ତର୍ ବିସ୍ବାସ୍ ତକେ ନିମାନ୍ କଲାଆଚେ ସାନ୍ତିଅଇ ଉଚିଜା ।”

୪୯ ସେ ଏ କାତା କଇବା ବେଲେ ଜିଉଦିମନର୍ ପାର୍ତନା ଗରର୍ ମୁକିଆ ଜାଇରସର୍ ଗରେଅନି ଗଟେକ୍ ଲକ୍ ଆସି କଇଲା, “ତମର୍ ଟକି ମରିଗାଲାବେ, ଗୁରୁକେ ଆରି କସ୍ ଦିଆସ୍ ନାଇ ।”

୫୦ ଫାତର୍ ଜିସୁ ଏଟା ସୁନି ଜାଇରସ୍କେ କଇଲା, “ତରାନାଇ ଅବକା ବିସ୍ବାସ୍ କରା, ସେ ବଞ୍ଚସି ।”

୫୧ ଜିସୁ ଜାଇରସର୍ ଗରେ ଆସି ପିତର୍, ଜଅନ୍ ଆରି ଜାକୁବ୍ ଆରି ଟକିର୍ ବାବା ମାଆ କେ ଚାଡିକରି କାକେ ମିସା ବିଡ୍ରେ ଡାକିନେଏ ନାଇ । ୫୨ ଫାତର୍ ସବୁ ଲକ୍ ଟକିର୍ ଲାଗି କାନ୍ଦି କାନ୍ଦି କରି ବୁକେ ମାରିଅଇତେ ରଇଲାଇ । ତେଇ ଜିସୁ କଇଲା “କାନ୍ଦା ନାଇ, ସେ ମରେ ନାଇ, ଫାତର୍ ସଇ ଦେଲାଆଚେ ।”

୫୩ ଫାତର୍ ଟକି ମରିଗାଲାଆଚେ ବଲି ଜାନି ରଇଲାଇଜେ ଲକ୍ମନ୍ ଜିସୁକେ କିଜାଇବାର୍ ଦାରଲାଇ । ୫୪ ଫାତର୍ ଜିସୁ ଟକିର୍ ଆତେ ଦାରି କଇଲା, “ଏ ନୁନି ଉର୍ ।” ୫୫ ତେଇ ଟକିର୍ ଜିବନ୍ ବାଉଡି ଆଇଲା, ଆରି ସେ ସେଡକି ବେଲେସେ ଉର୍ଲା । ଜିସୁ ତାକେ କାଇଟା ଆଲେ କାଇବାକେ ଦିଆସ୍ ବଲି ଆଦେସ୍ ଦେଲା । ୫୬ ତେଇ ଟକିର୍ ବାବା ମା କାବା ଅଇଗାଲାଇ, ଫାତର୍ ଜିସୁ ସେ ଗର୍ନାର୍ କାତା କାକେ ଜାନାଆ ନାଇ ବଲି ଆଦେସ୍ ଦେଲା ।



**ଜିସୁ ବାର୍ଟା ସିସ୍ମନ୍କେ ପାଟାଇଲା**  
(ମାତିଉ ୧୦:୫-୧୫; ମାର୍କ ୬:୭-୧୩)

୧ ପଚେ ଜିସୁ ବାର୍ଟା ସିସ୍ମନ୍କେ ରୁଣ୍ଡାଇକରି, ସେମନ୍କେ ସବୁ ତୁମା ଚାଡାଇବାକେ, ରଗ୍ ନିକ କରବାକେ ବପୁ ଆରି ଅଦିକାର୍ ଦେଲା । ୨ ଆରି ସେମନ୍କେ ପର୍ମେସରର୍ ରାଇଜ୍ ଜାନାଇବାକେ ଆରି ରଗ୍ଦୁକା ଅଇରଇବା ଲକ୍ମନ୍କେ ନିକ କରବାକେ ପାଟାଇଲା । ୩ ସେମନ୍କେ କଇଲା, “ତମେ ଜିବାବେଲେ ଡାଙ୍ଗ୍ କି ମୁନା କି ରୁଚି, କି ତାରୁ କାଇଟା ମିସା ନିଆନାଇ । ପିନ୍ଧାଗା ଚାଡିକରି ଆରି ଉର୍କା ନିଆନାଇ । ୪ ଜେତେବେଲେ ତମ୍କେ ଜାର୍ ଗରେ ଡାକିନେବାଇ, ସେ ନଅର୍ ଚାଡି ଜିବାଜାକ ତେଇସେ ରୁଆ । ୫ ଆରି ଜେତେଲକ୍ ତମ୍କେ ନ ମାନଡ୍, ସେ ନଅରେଅନି ବାରଇ ଆଇବା ବେଲାଇ, ତାକର୍ ବିରୁଦେ ସାକି ଇସାବେ ତମର୍ ପାଦେଅନି ଦୁଲି ପାପଡି ଦିଆସ୍ ।”

୬ ତେଇଅନି ସିସ୍ମନ୍ ଜାଇକରି ଗାଉଁ ଗାଉଁ ବୁଲି ଗୁଲାଇ ଜାଗାଇ ସୁବ୍ କବର୍ କଇ କଇ ଆରି ଜର୍ଦୁକାର୍ ଲକ୍ମନ୍କେ ନିମାନ୍ କରବାର୍ ଦାରଲାଇ ।

**ଏରଦ୍ ଚିନ୍ତାରେ ପଡିଗାଲା**  
(ମାତିଉ ୧୪:୧-୧୨; ମାର୍କ ୬:୧୪-୨୯)

\* ୮:୪୩ ୮:୪୩ କେତେଟା ପାଣ୍ଡା ଲୁଚିପାନେ ଏ ପଦ ଲେକାଅଏନାଇ    ✨ ୯:୫ ୯:୫ ପେରିଡ୍ ୧୩:୫୧    ✨ ୯:୫ ୯:୫ ଲୁକ୍ ୧୦:୪-୧୧

୭ ✨ଏଡ଼କିବିଡ଼ରେ ଗାଲିଲିର ମୁକିଅ ରାଜା ଏରନ୍ ଏ ସବୁ ଅଇରଇବା ବିସଇ ଜାନି କାନାବାନା ଅଇଗାଲା । କାଇକେବଇଲେ ତୁବନ୍ ଦେଉ ଜଅନ୍ ମଲାତେଇଅନି ଉଟ୍‌ଲାଆରେ ବଲି କେ କେ କଇତେରଇଲା । ୮ ଆରି, କେ କେ ଏଲିୟ୍ ଦରସନ୍ ଦେଲାଆରେ ବଲି କଇଲା । ବିନ୍ ଲକ୍‌ମନ୍ ପୁର୍ବକାଲର୍ ବବିସଡ଼ବକ୍‌ତାମନର୍ ବିଡ଼ରେଅନି ଗଟେକ୍‌ଲକ୍ ଉଟି ଆସିଆରେ ବଲି କଇତେ ରଇଲା । ୯ ମାତର୍ ଏରନ୍ କଇଲା, “ମୁଇ ତା ତୁବନ୍ ଦେଉ ଜଅନ୍ ମୁଣ୍ କାଟାଇଆଟି, ମାତର୍ ଜାର୍ ବିସଇ ଆମେ ଏନ୍ତାର୍ କାତା ସୁନ୍‌ଲୁନି, ଏ କେ ?” ଆରି ସେ ତାକେ ଦେକ୍‌ବିବଲି ଚେସଟା କରତେରଇଲା ।

**ଜିସୁ ପାର୍ ଥଜାର୍ ଲକ୍‌ମନକେ କୁଆଇଲା ବିସଇ**  
(ମାଡ଼ିଉ ୧୪:୧୩-୨୧; ମାର୍‌କ ୬:୩୦-୪୪; ଜଅନ୍ ୬:୧-୧୪)

୧୦ ପଚେ ବାର୍‌ଟା ସିସମନ୍ ବାଉଡ଼ି ଆସି ଜାଇ ଜାଇଟା କରିରଇଲା, ସେ ସବୁ ଜିସୁର୍ ଲଗେ ବାତାଇଦେଲା । ତେଇଅନି ଜିସୁ ଜେନ୍ତିକି ଲକ୍‌ମନର୍‌ଟାନେଅନି ବିନେ ରଇବାକେ ସେମନ୍‌କେ ବେଡ଼ସାଇଦା ନାଉର୍ ନଅରେ ଡାକିନେଲା । ୧୧ ମାତର୍ ଲକ୍‌ମନ୍ ସେଟା ଜାନିକରି ତାକର୍ ପଚେ ପଚେ ଗାଲା । ଜିସୁ ସେମନ୍‌କେ ମିସା ଆଲାଦ୍‌କରି ଡାକି ପର୍‌ମେସର୍‌ର ରାଇଜର୍ ବିସଇ କଇବାର୍ ଦାର୍‌ଲା । ଆରି ଜନ୍ ଲକ୍‌ମନ୍ ନିକ ଅଇବାର୍ ରଇଲା, ସେମନ୍‌କେ ନିକକଲା ।

୧୨ ଏଡ଼କିବିଡ଼ରେ ଦିନ୍ ସାରି ରାତିଅଇବାର୍ ଆରାମ୍ ଅଇଲା, ତେଇ ପାଟାଇରଇବା ବାର୍‌ଟା ସିସ୍ ଜିସୁର୍‌ଲଗେ ଆସି କଇଲା, “ଲକ୍‌ମନ୍ ଜାଇକରି ତାକର୍‌ପାଇ ବାସା ଆରି କାଦିର୍‌ପାଇ ଚାରିବେଡ଼ଡ଼ିର୍ ଗାଉଁ ଆରି ଗୁଡାମନ୍‌କେ କଜଡ଼ । ସେଟାପାଇ ତମେ ସେମନ୍‌କେ ମେଲାନ୍ ଦିଆସ୍ । କାଇକେବଇଲେ ଆମେ ଇତି ମେଲାନ୍ ଜାଗାଇ ଆତୁ ।”

୧୩ ମାତର୍ ଜିସୁ ସେମନ୍‌କେ କଇଲା, “ତମେ ସେମନ୍‌କେ କାଇବାକେ ଦିଆସ୍ ।” ସେମନ୍ କଇଲା, “ଆମର୍‌ଲଗେ ଏକାଇ ପାର୍‌ଟା ରୁଟି ଆରି ଦୁଇଟା ମାର୍ ଚାଡ଼ି ଅଦିକ୍ ନାଇ । ସେନ୍ତାଆଲେ ଆମେ ଜାଇକରି ଏ ସବୁଲକ୍‌ପାଇ କନ୍ତିଅନି କାଦି ଗେନ୍‌ରୁ ?” ୧୪ କାଇକେବଇଲେ ସେମନ୍ ଅବ୍‌କା ମୁନ୍‌ସପିଲାମନ୍‌ସେ ପାର୍ ଅଜାର୍ ରଇଲା । ଜିସୁ ସିସମନ୍‌କେ କଇଲା, “ଗଟେକ୍ ଗଟେକ୍ ଦାଡ଼ି, ପଚାସ୍ ଲକ୍‌କେ ଲାକା ବସାଆ ।”

୧୫ ତେଇ ସେମନ୍ ସେନ୍ତାରିକରି ଲକ୍‌ମନ୍‌କେ ବସାଇଲା । ୧୬ ଆରି, ଜିସୁ ପାର୍‌ଟା ରୁଟି ଆରି ଦୁଇଟା ମାର୍ ଦାରି, ସରଗବାଟେ ମୁ କରି ଦନିଅବାଦ୍ ଦେଲା ଆରି ବାଙ୍ଗାକରି ସିସମନ୍‌କେ ବାଟାକଲା । ୧୭ ତେଇ ସବୁଲକ୍ ପେଟ୍ ପୁର୍‌ତେ କାଇଲା ଆରି ସାନ୍ତି ଅଇଲା । ପଚେ ସିସମନ୍ ତେଇ ଅଗ୍‌ଲି ରଇବା ବାଙ୍ଗାଲଗାମନ୍ ବାର ଡାଲା ଉବ୍‌ରାଇଲା ।

**ଜିସୁକେ ପିତର୍ ମାନଲା**  
(ମାଡ଼ିଉ ୧୬:୧୩-୧୯; ମାର୍‌କ ୮:୨୭-୨୯)

୧୮ ତରେକ୍ ଜିସୁ ଗଟେକ୍ ଲକ୍‌ସେ କିନରା ଜାଗାଇ ବସି ପାର୍‌ତନା କର୍‌ବାବେଲେ ସିସମନ୍ ତାର୍‌ଲଗେ ଆଇଲା, ଆରି ସେ ସିସମନ୍‌କେ ପାଟାର୍‌ଲା, “ମୁଇ କେ ବଲି ଲକ୍‌ମନ୍ କଇଲାଇନି ?”

୧୯ ✨ସେମନ୍ କଇଲା, “କେ କେ ତୁବନ୍ ଦେଉ ଜଅନ୍, ଆରି କେ କେ ଏଲିୟ୍, ଆରି କେ କେ ପୁର୍‌ବର୍ ବବିସଡ଼ବକ୍‌ତାମନର୍ ବିଡ଼ରେଅନି ଗଟେକ୍‌ଲକ୍ ମଲାତେଇଅନି ଜିବନ୍ ଅଇଲାଆରେ ବଲି କଇଲାଇନି ।”

୨୦ ✨ସେ ସିସମନ୍‌କେ ପାଟାର୍‌ଲା, “ମାତର୍ ତମେ ମୁଇ କେ ବଲି ବାବ୍‌ଲାସ୍‌ନି ?” ପିତର୍ କଇଲା “ତମେ ପର୍‌ମେସର୍ ପାଟାଇଲା କିରିସଟ୍ ।”

**ଜିସୁ ତାର୍ ମରନର୍ ବିସଇ ଜାନାଇଲା**  
(ମାଡ଼ିଉ ୧୬:୨୦-୨୮; ମାର୍‌କ ୮:୩୦;୯:୧)

୨୧ ତେଇ ଜିସୁ ଏଟା କାକେ ନ କଇବାପାଇ ସେମନ୍‌କେ ଜାଗରଡ଼କରି ତିଆର୍‌ଲା । ୨୨ ସେ ସେମନ୍‌କେ କଇଲା, “ପର୍‌ମେସର୍ ପାଟାଇଲା ନର୍‌ପିଲା ମୁଇ ବେସି ଦୁକ୍ କସଟ୍ ଅଇବାର୍‌ଆରେ । ପାର୍‌ଚିନ୍‌ମନ୍, ସାସ୍‌ତର୍ ସିକାଉମନ୍ ଆରି ମୁକିଅ ପୁଜାରିମନ୍ ମକେ ନ ନାମଡ଼ । ସେମନ୍ ମକେ ମରାଇବାଇ । ଆରି ତିନ୍‌ଦିନ୍ ପଚେ ମୁଇ ଆରିତରେକ୍ ମଲାତେଇଅନି ଜିବନ୍ ଅଇ ଉଟ୍‌ବି ।”

୨୩ ✨ସେଡ଼କିବେଲେ ଜିସୁ ସବୁଲକ୍‌କେ କଇଲା, “ତେବେ କେ ମିସା ମର୍‌ସଙ୍ଗ୍ ଆଇବାକେ ମନ୍ କର୍‌ସି, ସେ ନିଜର୍ ମନ୍‌କଲାଟା ସବୁ ଚାଡ଼ିଦେବାର୍ ଆରେ, ଆରି ସବୁଦିନ୍ ତାର୍ ନିଜର୍ କୁର୍‌ସ ବଇ ମର୍ ସଙ୍ଗ୍ ଆସ । ୨୪ ✨କାଇକେବଇଲେ, ଜେ ନିଜର୍ ଜିବନ୍ ବଠାଇବାକେ ମନ୍ କର୍‌ସି, ସେ ସେଟା ଆରାଇସି । ମାତର୍ ଜେ ମର୍‌ପାଇବଲି ଜିବନ୍ ଆରାଇସି, ସେ ସେଟା ରକିଆ କର୍‌ସି । ୨୫ ଆରି ଜଦି ଗଟେକ୍ ମୁନ୍‌ସ୍ ଗୁଲାଇ ଦୁନିଆ ଜିତିକରି ନିଜେ ବିନାସ୍ ଅଇସି, କି ଆରାଇସି, ତେବେ ତାର୍ କାଇ ଲାବ୍ ? ୨୬ ତେବେ କେ ମିସା ମର୍‌ପାଇ ଆରି ମର୍ ବାକିଅର୍ ଲାଜ୍ ଅଇସି, ଜେଡ଼କିବେଲେ ପର୍‌ମେସର୍ ପାଟାଇରଇବା ନର୍‌ପିଲା ମୁଇ ନିଜର୍ ଆରି ବାବାର୍, ଆରି ସୁକଲ୍ ଦୁଡ଼ମନର୍ ମଇମାସଙ୍ଗ୍ ବାଉଡ଼ି ଆଇବି,

✨ ୯:୭ ୯:୭ ମାଡ଼ିଉ ୧୬:୧୪; ମାର୍‌କ ୮:୨୮; ଲୁକ୍ ୯:୧୯ ✨ ୯:୧୯ ୯:୧୯ ମାଡ଼ିଉ ୧୪:୧,୨; ମାର୍‌କ ୬:୧୪,୧୫; ଲୁକ୍ ୯:୭,୮ ✨ ୯:୨୦ ୯:୨୦ ଜଅନ୍ ୬:୨୮,୨୯ ✨ ୯:୨୩ ୯:୨୩ ମାଡ଼ିଉ ୧୦:୩୮; ଲୁକ୍ ୧୪:୨୭ ✨ ୯:୨୪ ୯:୨୪ ମାଡ଼ିଉ ୧୦:୩୯; ଲୁକ୍ ୧୭:୩୩; ଜଅନ୍ ୧୨:୨୫

ସେଡ଼କିବେଲେ ତାର ବିସଇ ନେଇ ଲାଜୁଅଇବି । ୨୭ ମାତର ମୁଇ ତମ୍ଭେ ସଡ଼ କଇଲିନି, ପର୍ମେସରର ରାଇଜୁ ନ ଦେକ୍‌ବାଜାକ ଇତି ଚିଆଅଇରଇବା ଲକ୍‌ମନର ବିଡ଼ରେଅନି କେତେଲକ୍, ପର୍ମେସରର ରାଇଜୁ ଦେକ୍‌ବାଇ ।”

**ଜିସୁ ବିନ୍ ରକାମ୍ ଡିସଲା**  
(ମାଡ଼ିଉ ୧୭:୧-୮; ମାର୍କ ୯:୨-୮)

୨୮ ଜିସୁ ଏ ସବୁ କଇ ପାକାପାକି ଆଟ୍‌ଦିନ୍ ଗାଲାପତେ, ଜଅନ୍, ପିତର୍ ଆରି ଜାକୁବର୍ ସଙ୍ଗ୍ ପାର୍ତନା କର୍‌ବାକେ ପର୍‌ବଡ଼ ଉପରେ ଗାଲା । ୨୯ ଆରି, ସେ ପାର୍ତନା କର୍‌ବାବେଲେ ତାର ମୁ ବିନ୍ ଅଇଗାଲା ଆରି ସେ ପିୟଲା ଲୁଗା ଦବ୍ ଅଇ ବିଜୁଲିପାରା ଜିକ୍‌ମିକିଗାଲା । ୩୦ ଆରି ଏଦେ ଦେକା ! ସେଦାପରେ ମସା ଆରି ଏଲିୟ୍ ତାର୍‌ସଙ୍ଗ୍ କାତାବାର୍‌ତା ଅଇବାର୍ ଦାରଲା । ୩୧ ସେମନ୍ ସରଗର୍ ମଇମାସଙ୍ଗ୍ ଡିସ୍‌ତେ ରଇଲା । ସେ କେନ୍ତ୍ର ଜିରୁସାଲାମେ ଦୁକ୍ କସ୍‌ଟ ପାଇ ମରିକରି ପର୍ମେସରର ଜଜ୍‌ନା ସିଦ୍ କର୍‌ବାର୍ ଆଟେ ବଲି ସେମନ୍ ଜିସୁର୍‌ସଙ୍ଗ୍ କାତା ଅଇଲା । ୩୨ ସେଡ଼କିବେଲେ ପିତର୍ ଆରି ତାର ସଙ୍ଗର୍ ଲକ୍‌ମନ୍ ଚାଟିଅଇତେ ସଇଦେଇରଇଲା, ମାତର୍ ସେମନ୍ ତେତାଅଇ ଜାଗ୍‌ରଡ଼ ଅଇବାକେ, ଜିସୁର୍ ମଇମା ଆରି ତାର୍‌ସଙ୍ଗ୍ ଦୁଇଲକ୍ ଚିଆଅଇରଇବାଟା ଦେକ୍‌ଲା । ୩୩ ମସା ଆରି ଏଲିୟ୍ ବାରଇ ଜିବା ବେଲେ ପିତର୍ ଜିସୁକେ କଇବାର୍ ଦାରଲା, “ଏ ଗୁରୁ, ଆମେ ତା ଏ ଜାଗାଇ ଆରୁ, ଏଟା ନିକ ଜାଗା, ଇତି ତିନ୍‌ଟା କୁଡିଆ ତିଆର୍ କରୁ । ତମ୍‌ପାଇ ଗଟେକ୍, ମସାର୍‌ପାଇ ଗଟେକ୍ ଆରି ଏଲିୟ୍‌ପାଇ ଗଟେକ୍ ।” ମାତର୍ ସେ କାଇଟା କଇଲାନି, ସେଟା ସେ ଜାନିନାପାରଲା ।

୩୪ ସେ ଏନ୍ତ୍ର କଇବାବେଲେ ବାଦଲ୍ ଆସି ସେମନ୍‌କେ ଡାବିଅଇଦେଲା । ବାଦଲ୍ ଡାବିଦେଲାକେ ସେମନ୍ ଡରିଗାଲା । ୩୫ ଆରି, ବାଦ୍‌ଲେଅନି ଏନ୍ତ୍ର ବାକିଅ ଆଇଲା, “ଏଟାସେ ମର୍ ପିଲା, ଆକେ ମୁଇ ବାଟିଆଟି, ସେ କଇବାଟା ସୁନା ।”

୩୬ ସେ ସବଦ୍ ଅଇଲାପତେ ଜିସୁ ଗଟେକ୍‌ଲକ୍‌ସେ ଡିସଲା । ଆରି, ସେମନ୍ ଚିମ୍‌ରା ଅଇରଇଲା, ତେଇ ଜାଇଜାଇଟା ଦେକିରଇଲା, ସେବେଲେ ସେ କାତା କାକେ ନ କଇ, ମନେ ଦାରିରଇଲା ।

**ଜିସୁ ତୁମା ଡସଲା ପିଲାକେ ନିକ କଲା**  
(ମାଡ଼ିଉ ୧୭:୧୪-୨୭; ମାର୍କ ୯:୧୪-୧୭)

୩୭ ଆରକର୍ ଦିନେ ଜିସୁ ଆରି ତିନ୍‌ଟା ସିସ୍‌ମନ୍ ଡଙ୍ଗ୍‌ରେଅନି ଉଡ଼ରି ଆଇଲା । ଆରି ସେ ଜାଗାଇ ବେସି ଲକ୍‌ମନ୍ ଡାକର୍‌ସଙ୍ଗ୍ ବେଟ୍ ଅଇଲା । ୩୮ ଆରି ଦେକା ଲକ୍‌ମନର ବିଡ଼ରେଅନି ଗଟେକ୍ ଲକ୍ ଆଉଲିଅଇ କଇଲା, “ଏ ଗୁରୁ ମୁଇ ତମ୍‌କେ ବାରୁଜିଆ କଲିନି, ମର୍ ପିଲାକେ ଅଲପ୍ ଦେକି ଦୟାକରା, କାଇକେବଇଲେ ସେ ମର୍ ଗଟେକ୍ ବଲି ପଅ । ୩୯ ଦେକା, ତାକେ ଗଟେକ୍ ତୁମା ଦାରସି, ଆରି ସେ ଅଟାଡ଼ କିର୍‌କିରି ଉଟ୍‌ସି, ତାକେ ସେ ଏନ୍ତ୍ର ମଡିପାକାଇସିଜେ, ତାର୍ ମୁଏଅନି ପେପୁଲ୍ ବାରଇଜାଇସି, ଆରି ସେ ତାକେ କଣ୍ଡିଆବଣ୍ଡିଆ କରି ତାର୍‌ଟାନେଅନି କସ୍‌ଟେ ବାରଇଜାଇସି । ୪୦ ତାକେ ତୁମା ଚାତାଇବାକେ ବଲି ମୁଇ ତମ୍‌ର୍ ସିସ୍‌ମନ୍ ଲଗେ ଆନି ଗୁଆରି କରିରଇଲି, ମାତର୍ ସେମନ୍ ନାପାରଲା ।”

୪୧ ଜିସୁ କଇଲା, “ଏରେ କରାପ୍‌ବାଟେ ଜାଇ ବିସ୍‌ବାସ୍ ନ କଲା ଲକ୍‌ମନ୍, କେତେ କାଲ୍ ଆରି ମୁଇ ତମ୍‌ର୍‌ସଙ୍ଗ୍ ମୁର୍‌ଟି ରଇବି, ପିଲାକେ ଇତି ଦାରିଆସା ।”

୪୨ ପିଲା ଆଇବାବେଲେ କାର୍ ଆଡ଼ମା ତାକେ ବୁଏଁ ଆପ୍‌ଟିଦେଇ ମଡିପାକାଇଲା, ସେ ଆଡ଼ମାକେ ଜିସୁ ଦମ୍‌କାଇଲା ଆରି ପିଲାକେ ନିକକରି ତାର୍ ବାବାକେ ସର୍‌ପିଦେଲା । ୪୩ ତେଇ କେବେ ଦେକି ନ ରଇବା ପର୍ମେସରର ବପୁ ଦେକି ସବୁଲକ୍ କାବା ଅଇଗାଲା ।

**ଜିସୁ ତାର୍ ମରନର୍ ବିସଏ ଜାନାଇଲା**  
(ମାଡ଼ିଉ ୧୭:୨୨-୨୩; ମାର୍କ ୯:୩୦-୩୨)

୪୪ ତାର୍ କରଇରଇବା ସବୁ କାମ୍‌ରଲାଗି ସବୁଲକ୍ ଚକିଡ଼ ଅଇବାବେଲେ ସେ ସିସ୍‌ମନ୍‌କେ କଇଲା, “ଏବେ ମୁଇ କାତା ନିମାନକରି କଇଦେଲିନି, ସୁନା । କାଇକେବଇଲେ ପର୍ମେସର୍ ପାଟାଇରଇବା ନର୍‌ପିଲା ମୁଇ ବିସ୍‌ବାସେ ବିସ୍‌ଦେଲାପାରା ଲକ୍‌ମନ୍‌କେ ସର୍‌ପି ଅଇବାର୍ ଗାଲିନି ।” ୪୫ ମାତର୍ ସିସ୍‌ମନ୍ ସେ କାତା ବୁଜିନାପାରଲା, ଆରି ସେଟା ତାକର୍‌ଟାନେଅନି ଲୁଟିରଇଲା । ତେବର୍‌ପାଇ ସେମନ୍ ଏଟା ବୁଜିନାପାରଲେ ମସା ଜିସୁକେ ପାଚାର୍‌ବାକେ ଡର୍‌ତେରଇଲା ।

**ସରଗ୍ ରାଇଜେ କେ ବଡ଼**  
(ମାଡ଼ିଉ ୧୮:୧-୫; ମାର୍କ ୯:୩୩-୩୭)

୪୬ ଡରେକ୍ ସିସ୍‌ମନ୍‌ର ବିଡ଼ରେ କେ ମୁକିଆ, ସେ ବିସଇ ନେଇ ଦଦାପେଲା ଅଇଲା । ୪୭ ମାତର୍ ଜିସୁ ତାକର୍ ମନ୍‌ବିଡ଼ର କାତା ଜାନିକରି, ଗଟେକ୍ ସାନ୍ ପିଲାକେ ଦାରଲା ଆରି ତାକର୍ ମୁଆଟେ ଚିଆକରି ସେମନ୍‌କେ କଇଲା,

☆ ୯:୩୫ ୯:୩୫ ମାଡ଼ିଉ ୩:୧୭;୧୨:୧୮; ମାର୍କ ୧:୧୧; ଲୁକ୍ ୩:୨୨ ☆ ୯:୩୫ ୯:୩୫ ୨ ଯୁ ପିତର୍ ୧:୧୭,୧୮ ☆ ୯:୪୭ ୯:୪୭ ଲୁକ୍ ୨୨:୨୪

୪୮ \* “କେ ମିସା ମର୍ ନାଉଁଦାରି ଏ ପିଲାକେ ନାମସି, ସେ ମକେ ନାମସି । ଜେ ମକେ ନାମସି, ସେ ମର୍ ପାଟାଇରଇବା ବାବାକେ ନାମସି । ସେଟାରପାଇ ତମର୍ ବିତ୍ତରେ ଜେ ସବୁର୍ ଟାନେଅନି ସାନ୍, ସେ ପର୍ମେସର୍ ତେଇ ମୁକିଅ ।”

ଜନ୍ ଲକ୍ ତମର୍ ବିରଦ୍ ନର୍ସ, ସେ ତମର୍ ବାଟେ  
(ମାର୍କ ୯:୩୮-୪୦)

୪୯ ତେଇ ଜଅନ୍ କଇଲା, “ଏ ଗୁରୁ, ଆମେ ଗଟେକ୍ ଲକ୍, ତମର୍ ନାଉଁ ଦାରି ତୁମା ଚାଡାଇବାଟା ଦେକ୍ଲୁ ଆରି ତାକେ ନ କର୍ ବଲି ତେବାଇଲୁ କାଇକେବଇଲେ ସେ ଆମର୍ ଦଲର୍ ଲକ୍ ନର୍ସ ।” ୫୦ ମାତର୍ ଜିସୁ ସେମନ୍‌କେ କଇଲା, “ତେବାଆ ନାଇ, ଜନ୍‌ଲକ୍ ତମର୍ ବିରଦେ ନାଇ, ସେମନ୍ ତମର୍ ବାଟେ ।”

ଗଟେକ୍ ସମିରଣିୟ ଗାଉଁ ଜିସୁକେ ନାମଡ୍ ନାଇ

୫୧ ପଟେ ଜେତେବେଲେ ଜିସୁର୍ ସର୍ଗେ ଜିବାର୍ ବେଲା କେଟିଆଇତେରଇଲା, ସେତେବେଲେ ସେ ଜିରୁସାଲାମ୍ ଜିବାକେ ମନ୍‌କଲା । ୫୨ ସେ ଜିବା ଆଗତୁ କେତେଟା ଲକ୍‌ମନ୍‌କେ ପାଟାଇଲା । ସେମନ୍ ଜାଇକରି ଜିସୁର୍ପାଇ ସବୁ କର୍ବାକେ ସମିରଣିୟମନ୍‌ ଗଟେକ୍ ଗାର୍ସି କେଟ୍‌ଲାଇ । ୫୩ ମାତର୍ ଜିସୁ ଜିରୁସାଲାମ୍ ଜିବାକେ ମନ୍‌କଲାଆଟେ ବଲି ଜାନିକରି, ତାକେ ଡାକି ବସାଅଡ୍‌ନାଇ । ୫୪ ଏଟାଦେକି ଜାକୁବ୍ ଆରି ଜଅନ୍ କଇଲା, “ମାପୁରୁ ଏଲିୟ ମିସା ଜେଡ୍‌ଟି କରଇଲଲା, \*ସେନ୍ତାରସେ ଆମେ ବାଦ୍‌ଲେଅନି ଜଇ ଅଦ୍‌ରାଇ ସେମନ୍‌କେ ନାସ୍‌କରବାକେ ତମେ ମନ୍ କଲାସ୍‌ନି କି ?”

୫୫ ମାତର୍ ଜିସୁ ବୁଲିକରି ସେମନ୍‌କେ ଦମ୍‌କାଇକରି କଇଲା, “ତମେମନ୍ କେନ୍ତାରି ଆଡ୍‌ମାର୍ ଲକ୍, ଏଟା ନାଜାନାସ୍ । ମାପୁରୁ ପାଟାଇରଇବା ନର୍ପିଲା ମୁଇ ମୁନ୍‌ସ୍‌ମନ୍‌ ଜିବନ୍ ନାସ୍ କର୍ବାକେ ନ ଆସି, ରକିଆ କର୍ବାକେ ଆସିଆଟେ ।” ୫୬ ତାର୍‌ପଟେ ସେମନ୍ ଆରିଗଟେକ୍ ଗାର୍ସି ଉଟିଗାଲାଇ ।

ଜିସୁର୍ ସିସ୍ ଅଇବାକେ ମନ୍ କର୍ବା ଲକ୍‌ମନ୍  
(ମାତିଉ ୮:୧୯-୨୨)

୫୭ ସେମନ୍ ଜିବାବେଲେ ବାଟେ ଗଟେକ୍ ଲକ୍ ଜିସୁକେ କଇଲା, “ତମେ ଜନ୍ ଜାଗାଇ ଜାଇସା, ମୁଇ ତମର୍‌ସଙ୍ଗ୍ ଆଇବି ।”

୫୮ ଜିସୁ ତାକେ କଇଲା, “କକପାନ୍‌ଦିର୍ ପାଆର୍ ଆଟେ, ଚତଇମନ୍‌କେ ଗୁଡା ଆଟେ, ମାତର୍ ମାପୁରୁ ପାଟାଇରଇବା ନର୍ପିଲା ମକେ ବସବାକେ ନିଜର୍ ଗର୍ ନାଇ ।”

୫୯ ତାର୍‌ପଟେ ଜିସୁ ଆରିଗଟେକ୍ ଲକ୍‌କେ କଇଲା, “ମର୍‌ସଙ୍ଗ୍ ଆଉ ।” ମାତର୍ ସେ କଇଲା, “ପର୍‌ତୁମ୍ ଜାଇ ମର୍ ବାବାକେ ଦନ୍ କରିଆଇବାଜାକ ମକେ ଆଦେସ୍ ଦିଆ ।” ୬୦ ମାତର୍ ଜିସୁ ତାକେ କଇଲା, “ମଲାଲକ୍‌ମନ୍ ମଲାଲକ୍‌ମନ୍‌କେ ଦନ୍ କର୍ବାକେ ଚାଡିଦିଆସ୍, ମାତର୍ ତମେ ଜାଇ ପର୍‌ମେସର୍‌ର ରାଇଜ୍ ଜାନାଆ ।” ୬୧ ଆରିଗଟେକ୍ ଲକ୍ କଇଲା, “ମାପୁରୁ ମୁଇ ତମର୍‌ସଙ୍ଗ୍ ଆଇବି, ମାତର୍ ଗରର୍ ଲକ୍‌ମନ୍‌କେ ଗାଲିନି ବଲି କଇକରି ଆଇବାକେ ଆଦେସ୍ ଦିଆ ।”

୬୨ ମାତର୍ ଜିସୁ ତାକେ କଇଲା, “ଜେ କସ୍‌ବାବେଲେ ନଙ୍ଗ୍‌ଦାରି ପଟେ ଦେକିଲାଗିରଇସି, ସେ ପର୍‌ମେସର୍‌ର ରାଇଜର୍ ସେବା କର୍ବାକେ ଅଦିକାର୍ ନ ପାଏ ।”

### ୧୦

ଜିସୁ ସବୁରି ଦୁଇଟା ସିସ୍‌ମନ୍‌କେ ପାଟାଇଲା

୧ ତାର୍‌ପଟେ ମାପୁରୁ ଆରି ସବୁରିଦୁଇ ଲକ୍‌କେ ମିସାଇଲା ଆରି ସେ ଜନ୍ ଜନ୍ ଜାଗାଇ ଆରି ଜନ୍ ଜନ୍ ନଅରେ ଜିବାକେ ମନ୍ କରଇଲଲା, ସେ ଜାଗାମନ୍‌କେ ଦୁଇ ଦୁଇ ଲକ୍‌କରି, ସେ ଜିବା ଆଗତୁ ପାଟାଇଲା । ୨ \*ଆରି ଜିସୁ ସେମନ୍‌କେ କଇଲା, ଜମିତେଇ ପସଲ୍ ସିନା ଅଦିକ୍, ମାତର୍ କାମ୍‌କରୁମନ୍ ଉନା । ତେବର୍‌ପାଇ ତାର୍ ଚାସ୍‌କେତେ, ଅଦିକ୍ ଲକ୍‌ମନ୍‌କେ ପାଟାଇ ଦେବାକେ ଜମି ସାଉକାର୍‌ଟାନେ ଜାନାଆ । ୩ \*ତମେ ଜାଆ । ଦେକା, ବାଲିଆଡୁର୍‌କାମନ୍‌ର ବିତ୍ତରେ ମେଣ୍ଟାମନ୍‌କେ ପାଟାଇଲା ପାରା ମୁଇ ତମ୍‌କେ ପାଟାଇଲିନି । ୪ ତାଲା, ମୁନା କି ପାଣ୍ଡୁଇ ମିସା ନିଆନାଇ, ଆରି ବାଟେ କାକେ ଜୁଆର୍ କରାନାଇ । ୫ ଜାର୍ ଗରେ ତମେ କେଟ୍‌ଲେ, ପର୍‌ତୁମ୍ କରା, ଏ ଗରେ ସାନ୍ତି ମିଲ । ୬ ଜଦି ସେ ଜାଗାଇ ଗଟେକ୍ ସାନ୍ତିର୍ ଲକ୍ ରଇସି, ସେନ୍ତାର୍‌ଆଲେ ତମର୍ ଆସିର୍‌ବାଦ୍ ତାକେ ମିଲ୍‌ସି । ୭ \* ତାକର୍‌ଲଗେ ଜନ୍‌ଟା ରଇସି, ସେଟା କାଇକରି, ସେ ଗରେ ରୁଆ । କାଇକେବଇଲେ, ପାଇଟିକରୁ ନିଜର୍ ବୁଡି ପାଇବାଇଆକା । ଗର୍ ଗର୍‌କେ ଜାଆନାଇ । ୮ ଜନ୍ ନଅରେ ତମେ କେଟ୍‌ଲେ, ଆରି ଲକ୍‌ମନ୍ ତମ୍‌କେ ଡାକିନେଲେ, ତେଇ ତମ୍‌କେ ଜନ୍‌ଟା କାଇବାକେ ଦେଲେ ସେଟା କାଆ । ୯ ସେ ଜାଗାଇ ଜର୍ ଦୁକା ଅଇରଇଲା ଲକ୍‌ମନ୍‌କେ ନିକ କରା, ଆରି ସେମନ୍‌କେ କୁଆ ପର୍‌ମେସର୍‌ର ରାଇଜ୍ ତମର୍‌ଲଗେ ସେ । ୧୦ \*ମାତର୍ ଜନ୍ ନଅରେ ତମେ କେଟ୍‌ସା, ତେଇର୍ ଲକ୍ ତମ୍‌କେ ନ

\* ୯:୪୮ ୯:୪୮ ମାତିଉ ୧୦:୪୦; ଲୁକ୍ ୧୦:୧୭; ଜଅନ୍ ୧୩:୨୦ \* ୯:୫୪ ୯:୫୪ କେତେଟା ପାଣ୍ଡୁ ଲିପିଟାନେ ଏନ୍‌ତାରି ଲେକା ଅଏ ନାଇ \* ୧୦:୨ ୧୦:୨ ମାତିଉ ୯:୩୭,୩୮ \* ୧୦:୩ ୧୦:୩ ମାତିଉ ୧୦:୧୭ \* ୧୦:୭ ୧୦:୭ ୧ମ କରନ୍ତିୟ ୯:୧୪; ୧ମ ତିମତି ୫:୧୮ \* ୧୦:୧୦ ୧୦:୧୦ ପେରିଡ୍ ୧୩:୫୧



ଡାକିନେଲେ, ସେ ଡାଣ୍ଡେଅନି, ସେ ସାଇ ଅନି ବାରଇ କୁଆ, ୧୧ \*ତମର ନଅର ଜନ୍ ଦୁଲି ଆମର ପାଦେ ଲାଗିଆରେ, ସେଟାମିସା ତମରପାଇ ପାପ୍ତିଦେଲୁନି, ଅଇଲେମିସା ପରମେସରର ରାଇଜ୍ ଲଗେସେ, ଏଟା ତମେ ଜାନିରୁଆ । ୧୨ \*ମୁଇ ତମକେ ସତ୍ କଇଲିନି, ବିଚାର ଅଇବାଦିନେ ସେ ନଅର ଦସା, ତଣ୍ଡରଲାଗି ସଦମର ଦସାତେଇଅନି ଅଦିକ୍ ରଇସି ।

**ବିସ୍ବାସ ନ କରବା ନଅର ମନକେ ଜିସୁର ଚେତନା  
(ମାତିଉ ୧୧:୨୦-୨୪)**

୧୩ ଅଇରେ ତଣ୍ଡପାଇବାକେ ଜାଗିରଇବା କରାଜିନ୍ ! ଅଇରେ ତଣ୍ଡପାଇବାକେ ଜାଗିରଇବା ବେଡ଼ସାଇଦା ! ତମରଟାନେ ବପୁରସଙ୍ଗ୍ ଜନ୍ ଜନ୍ ନ ଅଇବା କାମମନ୍ ଅଇଲାଆରେ, ସେ ସବୁ ସର ଆରି ସିଦନେ ଅଇରଇତା ବଇଲେ, ସେମନ୍ କେତେକାଲ୍ ପୁରବେ ବାସତା ପିନ୍ଦି, ଚାରେ ବସି, ମାପୁରୁଟାନେ ମନ୍ ବାଉଡାଇତାଇ । ୧୪ ଅଇଲେମିସା ବିଚାରଦିନେ ତମର ଦସା ସର ଆରି ସିଦନର ଦସାଟାନେଅନି ଅଦିକ୍ ଅଇସି । ୧୫ ଆରି ଏ କପରନାଉମ୍, ସରଗ୍ ଜେଡ଼କି ଉର୍, ତୁଇ କାଇ ସେଡ଼କିଜାକ ଉର୍ ଅଇସୁ କି ? ପାତାଲ୍ ଜେଡ଼କି ତଲେ ଆରେ, ସେଡ଼କି ତଲେ ତକେ ଆନାଅଇସି । ୧୬ \*ଜେଡେବେଲେ ଜନ୍ ଲକ୍ମନ୍ ତମର କାତା ସୁନ୍ବାଇ, ସେମନ୍ ମର କାତା ସୁନ୍ବାଇ । ଜନ୍ ଲକ୍ମନ୍ ତମକେ ନ ମାନଡ଼, ସେମନ୍ ମକେ ନ ମାନଡ଼, ଆରି ଜନ୍ ଲକ୍ମନ୍ ମକେ ନ ମାନଡ଼, ସେମନ୍ ମକେ ପାଟାଇରଇବା ପରମେସରକେ ମିସା ନ ମାନଡ଼ ।

୧୭ ତାରପଚେ ସେ ସତୁରି ଲକ୍ ବାଉଡ଼ି ଆଇଲାଆ ଆରି ସାରଦାଅଇକରି କଇଲାଆ, “ମାପୁରୁ, ତମର ନାଉଁ ଦାରି ଆଦେସ୍ ଦେଲେ ତୁମାମନ୍ମିସା ଆମର କାତା ମାନଲାଇନି ।” ୧୮ ମାତର ଜିସୁ ସେମନ୍କେ କଇଲା, “ସଇତାନ୍ ବାଦ୍ଲେଅନି ବିଜ୍ଲି ପାରା ଅଇ ଅଦରବାଟା ମୁଇ ଦେକ୍ଲି । ୧୯ ଦେକା, ମୁଇ ତମକେ ସାଁପ୍ ଆରି ବିସ୍ବାକ୍ତା ଉପରେ ଇଣ୍ଡୁବାକେ ବପୁ ଦେଲିଆଟି, ଆରି ସତ୍ତରୁ ଉପରେ ରଇବା ବପୁ ମିସା ଦେଲିଆଟି । ତମକେ କେ ମିସା କାଇଟା କରିନାପାରଡ଼ । ୨୦ ଏଲେମିସା ଆଡ଼ମାମନ୍ ଆମର କାତା ମାନଲାଇନି ବଲି ସାରଦା ଉଆନାଇ । ତମର ନାଉଁମନ୍ ସରଗେ ଲେକାଅଇଆରେ ବଲି ସାରଦାଉଆ ।”

**ଜିସୁ ପରମେସରକେ ପାର୍ତନା କଲା**

୨୧ ଜିସୁ ସେ ଡାଣ୍ଡେ ସୁକଲ୍ଆଡ଼ମାଇ ପୁରୁନ୍ଅଇ କଇଲା, “ଏ ବାବା ! ସରଗ୍ ଆରି ମଡ଼ପୁରର ମାପୁରୁ ! ତୁଇ ଗିଆନି ଆରି ବୁଦିରଇବା ଲକ୍ମନରଟାନେଅନି ଏ କାତା ଲୁଚାଇରଇଲେ ମିସା, ସାନ୍ ପିଲାମନ୍ ପାରା ଲକ୍ମନଟାନେ ଜାନାଇଲାସ୍ । ଏଟାରପାଇ ତମକେ ସୁମରନା କଲିନି । ଉଁ ବାବା, କାଇକେବଇଲେ ତମେ ଏନ୍ତାଟା ଦେକ୍ବାକେ ମନ୍କରତେ ରଇଲାସ୍ । ୨୨ \*ମର ବାବାର୍ ସବୁ ବିସଇ ମକେ ସରପି ଅଇଲାଆରେ, ଆରି ପଅ କେ, ଏଟା ବାବାକେ ଚାଡ଼ି ଆରି କେ ନାଜାନଡ଼, ଆରି ବାବା କେ, ଏଟା ପଅକେ ଚାଡ଼ି କେ ନାଜାନଡ଼ । ପଅ ଜାରଲଗେ ମର ବାବାକେ ଜାନାଇବି ବଲି ମନ୍କରିରଇସି, ସେସେ ଜାନିରଇସି ।” ୨୩ ଜିସୁ ସିସ୍ମନରବାଟେ ମୁ ରୁଲାଆ ସେମନ୍କେ କଇଲା, “ତମେ ଜନ୍ ଜନ୍ଟା ଦେକ୍ଲାସ୍ନି, ସେ ସବୁ ଜେ ଦେକ୍ସି, ସେଟା ନିକ । ୨୪ କାଇକେବଇଲେ ମୁଇ ତମକେ କଇଲିନି, ତମେ ଜନ୍ ଜନ୍ଟା ଦେକ୍ଲାସ୍ନି, ସେ ସବୁଜାକ ଦେକ୍ବାକେ କେତେ କେତେ ରାଜାମନ୍ ଆରି ମାପୁରୁ କବର ଜାନାଉମନ୍ ମନ୍କଲାଆ, ମାତର ଦେକିନାପାରଲାଆ । ଆରି ତମେ ଜନ୍ ଜନ୍ଟା ସୁନ୍ଲାସ୍ନି, ସେ ସବୁ ସୁନ୍ବାକେ ସେମନ୍ ମନ୍କଲାଆ, ମାତର ସୁନିନାପାରଲାଆ ।”

**ସମିରଣିୟ ଗଡ଼ର ନିକ ଲକ୍**

୨୫ \*ତାରପଚେ ଗଟେକ୍ ଦରମ୍ ସାସ୍ତର ସିକାଉ ତାକେ ପରିକାକରି ପାଟାରଲା, “ଏ ଗୁରୁ କେବେ ନ ସାରବା ଜିବନ୍ ମିଲାଇବାକେ ଆଲେ ମୁଇ କାଇଟା କରବାର୍ ଆରେ ?”

୨୬ ଜିସୁ ତାକେ କଇଲା, “ନିୟମ୍ ସାସ୍ତରେ କାଇଟା ଲେକାଆରେ ? ତୁଇ କେନ୍ତାରି ପଡ଼ଲୁସ୍ନି ?”

୨୭ ସେ କଇଲା, “ତମେ ନିଜର ସବୁ ଗାଗଡ଼, ମନ୍, ଆଡ଼ମା ଆରି ବପୁ ଦେଇ ପରମେସରକେ ଆଲାଦ୍ କରା । ଆରି ପଡ଼ିସାର୍ ଲକ୍ମନକେ ନିଜର ସମାନ୍ ଆଲାଦ୍ କରା ।”

୨୮ ତାରପଚେ ଜିସୁ ତାକେ କଇଲା, “ତମେ ଟିକ୍ କଇଲାସ୍ । ଏନ୍ତାର୍ କର, ତେବେ ଜିବନ୍ ମିଲାଇସୁ ।”

୨୯ ମାତର ସେ ନିଜେ ଦରମ୍ଲକ୍ ବଲି ଦେକାଇବାକେ ମନ୍କରି ଜିସୁକେ ପାଟାରଲା, “ତେବେ କେ ମର ପଡ଼ିସାର୍ ଲକ୍ ?”

୩୦ ଜିସୁ ତାକେ କଇଲା, ଗଟେକ୍ ଲକ୍ ଜିରୁସାଲମେଅନି ଜିରିଅ ଜିବାବେଲେ ଚରମନ୍ ମୁଆଟେ ପଡ଼ଲା । ଚରମନ୍ ତାର ଲୁଗାପଟିଆ ଚାଡାଇ, ତାକେ ମାରଲାଆ ଆରି ମରିଗାଲାପାରା ଅଇଲାକେ ଚାଡ଼ି ଉଟିଗାଲାଆ । ୩୧ ସେଟା ଅଇସାରି କେତେପର୍ ଜିବାକେ ଗଟେକ୍ ପୁଜାରି ସେ ବାଟେ ଜାଇତେରଇଲା ଆରି ତାକେ ଦେକି, ବାଟ୍ ପିଟାଇଅଇ ଉଟିଗାଲା ।

\* ୧୦:୧୧ ୧୦:୧୧ ମାତିଉ ୧୦:୭-୧୪; ମାରକ ୭:୮-୧୧; ଲୁକ୍ ୯:୩-୫    \* ୧୦:୧୨ ୧୦:୧୨ ମାତିଉ ୧୧:୨୪; ମାତିଉ ୧୦:୧୫    \* ୧୦:୧୬ ୧୦:୧୬ ମାତିଉ ୧୦:୪୦; ମାରକ ୯:୩୭; ଲୁକ୍ ୯:୪୮; ଜଅନ୍ ୧୩:୨୦    \* ୧୦:୨୨ ୧୦:୨୨ ଜଅନ୍ ୩:୩୫; ଜଅନ୍ ୧୦:୧୫    \* ୧୦:୨୫ ୧୦:୨୫ ମାତିଉ ୨୨:୩୫-୪୦; ମାରକ ୧୨:୨୮-୩୪

୩୨ ସେନ୍ତାରିସେ ଗଟେକ୍ ଲେବିୟ ଲକ୍ ମିସା ସେ ଜାଗାଇ ଆସି ତାକେ ଦେକି ବାଟ୍ ପିଟାଇଅଇ ଉଟିଗାଲା । ୩୩ ମାତର୍ ସମିରଣିୟର୍ ଗଟେକ୍ ଲକ୍ ତାରଲଗେ ଆସି, ଦେକଲା ଆରି ବେସି ମନ୍ଦୁକ୍ କଲା । ୩୪ ଆରି ତାରଲଗେ ଜାଇ ମାଡ଼ଅଇ କଣ୍ଡିଆ ବଣ୍ଡିଆ ଅଇଲାଟାନେ, ଚିକନ୍ ଆରି ଆମର୍ ଅଙ୍ଗୁରରସ୍ ଲାଗାଇଦେଲା । ତାକେ ଗର୍ଣ୍ଣା ବାନ୍ଦି, ଗଦଉପରେ ବସାଇ, ଲକ୍ମନ୍ଦ ବସି ମିଟିଙ୍ଗ୍ କରବା ଗରେ ନେଇ ସେବାଜତନ୍ କଲା । ୩୫ ତାର୍ ଆର୍କର୍ ଦିନେ ସିମରଣିୟ ଲକ୍ ଦୁଇଟା ରୁପାଟାଙ୍ଗା ବାରକରାଇ, ମିଟିଙ୍ଗ୍ ଗରର୍ ମୁକିଆକେ ଦେଇ କଇଲା, “ଆର୍ ସେବା ଜତନ୍ କରା, ଆରି ଅଦିକ୍ କର୍ତ ଅଇଲେ, ସେଟା ମୁଇ ବାଉଡିଆଇବା ବେଲେ ତମ୍ବକେ ସୁଜିଦେବି ।”

୩୬ ଏ ତିନିଲକ୍ ଗର୍ ବିତ୍ରେଅନି କେ ତରମନ୍ ଟାନେ ମାଡ଼କାଉ ଲକ୍ ପଡ଼ିସାର୍ ଲକ୍ ବଲି ବାବ୍ଲୁସ୍ନି ?

୩୭ ସାସ୍ତର୍ ସିକାଉ କଇଲା, “ଜନ୍ ଲକ୍ ତାକେ ଦୟାକଲା, ସେ ଆକା ।” ଜିସୁ ତାକେ କଇଲା, “ଜା ତୁଇ ମିସା ସେନ୍ତାରି କର୍ ।”

**ଜିସୁ ମାର୍ତ୍ତା ଆରି ମରିୟମ୍ ଗରେ ଗାଲା**

୩୮ ଜିସୁ ଆରି ତାର୍ ସିସମନ୍ ଜିବାବେଲେ ଗଟେକ୍ ଗାଏଁ କେଟ୍ଲାଇ । ତେଇ ମାର୍ତ୍ତା ନାଉର୍ ଗଟେକ୍ ମାଇଜି ଜିସୁକେ ତାର୍ ଗରେ ତାକି ବସାଇଲା । ୩୯ ମାର୍ତ୍ତାକେ ମରିୟମ୍ ନାଉର୍ ଗଟେକ୍ ବଇନି ରଇଲା । ସେ ମାପୁରୁ ପାଦେ ବସି ତାର୍ ବାକିଅ ସୁନ୍ତେରଇଲା । ୪୦ ମାତର୍ ମାର୍ତ୍ତାକେ ବେସି ପାଇଟି ରଇଲାଜେ ଦାନ୍ଦା ଅଇଜାଇତେ ରଇଲା । ତେବର୍ପାଇ ସେ ଜିସୁରଲଗେ ଆସି କଇଲା, “ଏ ମାପୁରୁ, ମର୍ ବଇନି ଗରର୍ ସବୁ ପାଇଟି ମକେ ସେ କରାଇଲାନି, ସେବାଟେ କାଇ ତମ୍ବ ମନ୍ ନାଇ କି ? ସେଟାର୍ପାଇ ତାକେ କୁଆ, ସେ ମକେ ଆସି ସାଇଜ କର ।”

୪୧ ମାତର୍ ମାପୁରୁ ତାକେ କଇଲା, “ଏ ମାର୍ତ୍ତା, ତୁଇ ବେସି ବିସଇ ଚିନ୍ତା କରି, ଦାନ୍ଦାଅଇଗାଲୁସ୍ନି, ୪୨ ମାତର୍, ଗଟେକ୍ ବିସଇ ଆକା ସବୁଟାନେଅନି ମୁକିଅ । ସେଟା ମରିୟମ୍ ବାଟିକରି ନେଇଆଟେ । ସେଟା ତାର୍ଟାନେଅନି କେ ନେଇ ନାପାର୍ତ୍ତ ।”



**ପାର୍ତନା ବିସଇ ନେଇ ସିକିଆ**

(ମାତିଉ ୬:୯-୧୩; ୭:୭-୧୧)

୧ ତରେକ୍ ଜିସୁ ଗଟେକ୍ ଜାଗାଇ ପାର୍ତନା କର୍ତେରଇଲା । ସେ ପାର୍ତନା କରି ସାରାଇଲା ପରେ, ତାକର୍ ସିସମନ୍ ବିତ୍ରେଅନି ଗଟେକ୍ ଲକ୍ ତାକେ କଇଲା, “ଏ ମାପୁରୁ ତୁବନ୍ ଦେଉ ଜଅନ ଜେନ୍ତାରି ନିଜର୍ ସିସମନ୍କେ ପାର୍ତନା କର୍ବାକେ ସିକାଇଲା, ତମେମିସା ଆମ୍ବକେ ପାର୍ତନା କର୍ବାକେ ସିକାଆ ।”

୨ ଜିସୁ ସେମନ୍କେ କଇଲା, ଜେତେବେଲେ ତମେ ପାର୍ତନା କର୍ସା, ସେଡ଼କିବେଲେ କୁଆ,  
 “ବାବା ତମର୍ ନାଉଁ ସୁକଲ୍ବଲି ସବୁଲକ୍ ମାନଡ଼ ।  
 ତମର୍ ରାଇଜ୍ ଆସ ।

୩ ସବୁଦିନ୍ ଆମ୍ବକେ ଆମର୍ ଦରକାର୍ ରଇଲା କାଦି କାଇବାକେ ଦିଆ ।

୪ ଆମର୍ ସବୁ ପାପ୍ କେମା କରିଦିଆସ୍,  
 କାଇକେବଇଲେ ଆମେ ମିସା ଆମର୍ ବିରୁଦେ ବୁଲ୍ କଲା ଲକ୍ମନ୍କେ କେମା କଲୁନି ।  
 ଆମ୍ବକେ ପାପ୍ ଦସ୍ କରାଇବା ସବୁଟେଅନି ରକିଆ କରା ।”

୫ ପରେ ଜିସୁ ତାର୍ ସିସମନ୍କେ କଇଲା, “ତମର୍ ଏନ୍ତାରି କାର୍ ମଇତର୍ ଆଟେ କି, ଜାର୍ଲଗେ କି ତମେ ମଜାରାତି ଜାଇ କଇପାରାସ୍, ଏ ମଇତର୍, ମକେ ତିନ୍ଟା ରୁଟି ଉଦାର୍ ଦେଇରୁଆ, ୬ କାଇକେବଇଲେ, ମର୍ ଗଟେକ୍ ବେସି ଦୁରର୍ ସାଙ୍ଗ ଆସିଆଟେ, ତାକେ କାଇବାକେ ଦେବାକେ ମର୍ଲଗେ କାଇଟାମିସା ନାଇ । ୭ ଆରି ବିତ୍ରେଅନି ସେ କଇସି, ମକେ କସ୍ ଦିଆନାଇ, କାପାଟ୍ ଡାବ୍ଲୁବେ, ଆରି ମର୍ସଙ୍ଗ୍ ମର୍ ପିଲାମନ୍ ସଇଆଟଡ଼ । ତମ୍ବକେ ଉଟିକରି ଦେଇନାପାରି । ୮ ମୁଇ ତମ୍ବକେ କଇଲିନି, ତମର୍ ମଇତର୍ ଅଇରଇଲେ ମିସା ସେ ଉଟିକରି ରୁଟି ନ ଦେଏ, ମାତର୍ ତମେ ଲାଜ୍ ନ ଅଇ ମାଙ୍ଗିଲାଗିରଇଲେ, ସେ ଉଟିକରି ତକେ ଜେଡ଼କି ଲଡା, ସେଡ଼କି ଦେଇସି ।”

୯ ମୁଇ ତମ୍ବକେ କଇଲିନି, ମାଙ୍ଗା ତେବେ ତମ୍ବକେ ଦିଆଅଇସି । କଜା, ତେଇ ତମେ ମିଲାଇସା । କାପାଟେ ବାଜାଆ, ତେଇ ତମର୍ପାଇବଲି ଉଗାଡ଼ି ଦିଆଅଇସି । ୧୦ କାଇକେବଇଲେ, ଜେ ମାଙ୍ଗିସି, ସେ ପାଇସି । ଜେ କଜସି, ସେ ମିଲାଇସି । ଜେ କାପାଟେ ବାଜାଇସି, ତାର୍ପାଇ କାପାଟ୍ ଉଗାଡ଼ି ଦିଆଅଇସି । ୧୧ “ଆରି ତମର୍ ବିତ୍ରେ ଏନ୍ତାରି ବାବା କେ ଆଟେ, ଜେ କି ଜନ୍ ବାବାକେ ତାର୍ ପଅ ମାଟ୍ ମାଙ୍ଗିଲେ, ତାକେ ମାଟ୍ ନ ଦେଇ ସାପ୍ ଦେଇସି ? ୧୨ କି ଗାର୍ ମାଙ୍ଗିଲେ, ସେ ତାକେ ବିସକାକ୍ତା ଦେଇସି ? ୧୩ ତେବେ ତମେ କରାପ୍ ଲକ୍ ଅଇଲେ ମିସା, ନିଜର୍ ନିଜର୍ ପିଲାମନ୍କେ ନିକ ନିକ ବିସଇ ଦେବାର୍ ଜାନାସ୍ । ତେବେ ଜନ୍ ବାବା ସର୍ଗେଅନି ଦାନ୍ କଲାନି, ସେ ଜାନେ, ସେ ତାକେ ମାଙ୍ଗିବା ଲକ୍କେ କେତେକ୍ ଅଦିକ୍ ସୁକଲ୍ ଆଡ଼ମା ଦେଇସି !”

☆ ୧୦:୩୮ ୧୦:୩୮ ଜଅନ୍ ୧୧:୧

**ଜିସୁ ଆରି ବାଆଲ୍‌ଜିବୁଲ୍**

(ମାତିଉ ୧୨:୨୨-୩୦; ମାର୍କ ୩:୨୦-୨୭)

୧୪ ତରେକ୍ ଜିସୁ ଗଟେକ୍ ଲକ୍‌ଡେଇଅନି ତୁମା ଚାଡାଇଡେରଇଲା । ସେ ତୁମା ଗୁଲ୍‌ଗା । ତୁମା ବାରଇଗାଲା ପଟେ ଗୁଲ୍‌ ଲକ୍ କାତା କଇଲା । କାତାକଇଲାକେ ତେଇ ରଇବା ଲକ୍‌ମନ୍ କାବାଅଇଗାଲା । ୧୫ ଫାତର୍ ସେମନ୍‌ ବିତ୍‌ରେ କେ କେ କଇଲା, “ସେ ତୁମାମନ୍‌ ନେତା ବାଲ୍‌ଜିବୁଲ୍‌ର ସାଇଜ ନେଇ ତୁମା ଚାଡାଇସି ।”

୧୬ ଶବ୍‌ଲକ୍‌ମନ୍ ଜିସୁକେ ପରିକାକରି ପାମେ ପାକାଇବାକେ ବାବଡେ ରଇଲା । ତେବର୍‌ପାଇ ପର୍‌ମେସର୍ ତାର୍ ରକିଆକାରି ବଲି ସବୁକେ ଜାନାଇବାକେ ଗଟେକ୍ କାବାଅଇଜିବା ଚିନ୍ ଦେକାଇବାକେ କଇଲା । ୧୭ ମାତର୍ ଜିସୁ ତାକର୍ ମନ୍‌ କାତା ଜାନି, ସେମନ୍‌କେ କଇଲା, “ଗଟେକ୍ ରାଇଜ୍ ଦୁଇ ବାଗ୍ ଅଇକରି, ନିଜର୍ ନିଜର୍ ବିରୁଦେ ଜୁଇଦ୍ କଲେ, ସେଟା କୁରୁପ୍‌ନାସ୍ ଅଇଜାଇସି । ଗଟେକ୍ ଗରର୍ ଲକ୍ ନିଜର୍ ନିଜର୍ ବିରୁଦେ ଲାଗ୍‌ଲେ, ସେ ଗର୍ ମିସା ବାଜିଜାଇସି । ୧୮ ଆରି ସଇତାନ୍ ମିସା ବାଗ୍ ବାଗ୍ ଅଇ, ନିଜର୍ ବିରୁଦେ ଉଟ୍‌ଲାନି ବଇଲେ, ତାର୍ ରାଇଜ୍ କେନ୍ତି ତବିର୍ ଅଇକରି ରଇସି ? ନାଇ ନ ରଏ । ମୁଇ କାଇକେ ଏଟା କଇଲିନି ବଇଲେ, ବାଲ୍‌ଜିବୁଲ୍‌ର ସାଇଜ ନେଇ ତୁମା ଚାଡାଇଲିନି ବଲି ତମେ ତା କଇଲାସିନି । ୧୯ ତମର୍ ପଅମନ୍ ବାଲ୍‌ଜିବୁଲ୍‌ର ବପୁ ପାଇ ସେମନ୍‌କେ ଚାଡାଇବାଇ, ତେବର୍‌ପାଇ ସେମନ୍‌ସେ ତମକେ ବିଚାର୍ କରବାଇ । ୨୦ ନାଇ, ମୁଇ ପର୍‌ମେସର୍‌ର ବପୁସଙ୍ଗ୍ ତୁମା ଚାଡାଇବି । ତେବେ ତା ଏଟା ଜାନାଇ ଦେଲାନି, କି ପର୍‌ମେସର୍‌ର ରାଇଜ୍ ତମର୍ ଲଗେ କେଟ୍‌ଲାବେ ବଲି ।”

୨୧ “ଜେଡେବେଲେ ଗଟେକ୍ ବପୁର୍ ଲକ୍ ଆଡ୍‌ଅତିଆର୍ ଦାରି ନିଜର୍ ଗର୍ ଜାଗ୍‌ସି, ସେଡେବେଲାଜାକ ତାର୍ ଦନ୍ କାଇଟା ନ ଅଏ । ୨୨ ମାତର୍ ଜେଡେବେଲେ ତାର୍ ଟାନେଅନି ଅଦିକ୍ ବପୁର୍‌ଲକ୍ ଆସି, ତାକେ ଲାଗିକରି ଜିଡ୍‌ସି । ଗରର୍ ସାଉକାର୍ ଜନ୍ ଆଡ୍‌ଅତିଆର୍ ଦାରି ନିଜେ ରକିଆ ପାଇଡେରଇଲା, ସେ ସବୁଜାକ ବପୁର୍ ଲକ୍ ଚାଡାଇନେଇସି । ଆରି ଚାଡାଇ ନେଲାଟା ସେ ମନ୍‌କଲା ପାରା କାକେ ମିସା ବାଟା କରିଦେଇସି ।

୨୩ ଶବ୍‌ “ଜେ ଆମ୍‌କେ ବିରଦ୍ ନ କରେ, ସେ ଆମ୍‌ର୍ ନିଜର୍ ଲକ୍ । ଜେ ମର୍ ସଙ୍ଗ୍ କୁଡାଏନାଇ, ସେ ବିଚିପାକାଇସି ।”

**ଗଟେକ୍ ତୁମା ବାରଇଗାଲା**

(ମାତିଉ ୧୨:୪୩-୪୫)

୨୪ “ଗଟେକ୍ କରାପ୍ ଆଡ୍‌ମା ମୁନ୍‌ସର୍‌ଟାନେଅନି ବାରଇଗାଲାପଟେ, ସେ ଆଡ୍‌ମା ବିସ୍‌ରାମ୍ କରବାକେ ସୁକ୍‌ଲା ଜାଗାଇ କନ୍‌ଆଲେ ଲକ୍‌ଟାନେ ରଇବାକେ କଜି ବୁଲ୍‌ସି । ଆରି ଜାଗା ନ ମିଲ୍‌ଲେ କଇସି, ମୁଇ ଜନ୍ ଲକ୍‌ର୍ ଟାନେଅନି ବାରଇଆସି ରଇଲି, ସେ ଲକ୍‌ଟାନେସେ ବାଉଡି ଜିବି । ୨୫ ଜେଡେବେଲେ ସେ ତୁମା ଚାଡ୍‌ଲା ମୁନ୍‌ସର୍‌ଲଗେ ଆସି ପରିଚଲ୍‌ରଇ ନିମାନ୍ ସଜାଇଅଇରଇଲାଟା ଦେକ୍‌ସି । ୨୬ ତାର୍‌ପଟେ ସେ ତୁମା ଜାଇକରି ତାର୍‌ଟାନେଅନି ବାନିଆରଇବା ବିନ୍ ବିନ୍ ସାଡ୍‌ଟା ତୁମାମନ୍‌କେ ତାକିଆନ୍‌ସି । ସେମନ୍ କେଟିକରି ତେଇ ବାସା ଅଇବାଇ, ଆରି ସେ ଲକ୍ ଆଗତ୍ ଜେନ୍ତାର୍ ଅଇରଇଲା, ତାର୍‌ଡେଅନି ସାରାସାରି ଅଦିକ୍ କରାପ୍ ଅଇଜାଇସି ।”

**ସଡ୍ ସାର୍‌ଦା**

୨୭ ଜିସୁ ଏନ୍ତାରି ସବୁ କାତା କଇବାବେଲେ ଲକ୍‌ମନ୍‌ ବିତ୍‌ରେଅନି ଗଟେକ୍ ମାଇଜିଟକି ଆଉଲିଅଇ କଇଲା, “କେଡେକ୍ କରମର୍ ମାଆ ଜେ କି ତମକେ ଜନମ୍ ଦେଲା ଆରି ନିଜର୍ ଦୁଦ୍ କୁଆଇଲା ।”

୨୮ ମାତର୍ ଜିସୁ କଇଲା, “ନାଇ, ଜନ୍ ଲକ୍‌ମନ୍ ପର୍‌ମେସର୍‌ର ବାକିଅ ସୁନ୍‌ବାଇ ଆରି ସେଟା ମାନ୍‌ବାଇ, ସେମନ୍ ନିକ କରମର୍ ଲକ୍ ।”

**କାବାଅଇ ଜିବାପାରା କାମର୍ ଲାଗି ଦାବି**

(ମାତିଉ ୧୨:୩୮-୪୨)

୨୯ ଶବ୍‌ ଲକ୍‌ମନ୍ ଦଲ୍ ଦଲ୍ ଅଇ ଜିସୁର୍‌ଲଗେ ଟୁଲ୍ ଅଇବାବେଲାଇ ସେ କଇବାର୍ ଦାର୍‌ଲା । “ଏବର୍ ଜୁଗର୍ ମୁନ୍‌ସମନ୍ କରାପ୍, ଏମନ୍ କାବା ଅଇଜିବା କାମର୍ ଚିନ୍ କଜ୍‌ଲାଇନି । ମାତର୍ ଜୁନସକେ ଗଟ୍‌ଲା ଚିନ୍ ଚାଡିକରି ଆରି କାଇ ବିନ୍ ଚିନ୍ ମିସା ଦିଆ ନ ଅଏ । ୩୦ କାଇକେବଇଲେ ଜୁନସ୍ ଜେନ୍ତି ନିନିବିୟ୍ ଲକ୍‌ମନ୍‌ପାଇ ଚିନ୍‌ପାରା ଅଇଲା, ପର୍‌ମେସର୍ ପାଟାଇରଇବା ନର୍‌ପିଲା ମୁଇ ମିସା ଏବର୍ ଲକ୍‌ମନ୍‌ପାଇ ଚିନ୍ ପାରା ଅଇବି । ୩୧ ବିଚାର୍‌ନା ଦିନେ ଦକିନ୍ ଦେସେ ରଇବା ସେବା ନାଉର୍ ରାନି, ଏବର୍ ଲକ୍‌ମନ୍‌ ବିରଦେ ଉଟି, ଏମନ୍‌କେ ଦସି କରାଇସି, କାଇକେବଇଲେ ସେ ରାନି, ସଲ୍‌ମନ୍ ରାଜା ସିକାଇରଇବା ଗିଆନର୍ କାତା ସୁନ୍‌ବାକେ ବେସି ଦୁର୍‌ଅନି ଆସିରଇଲା । ଆରି ଦେକା ! ସଲ୍‌ମନ୍‌ଟାନେଅନି ଅଦିକ୍ ବଡ୍ ଲକ୍ ଇତି ଆଟେ । ୩୨ ବିଚାର୍‌ନାଦିନେ ନିନିବିର୍ ଲକ୍‌ମନ୍ ଏବର୍ ମୁନ୍‌ସମନ୍‌ ବିରୁଦେ ଚିଆଅଇ ଏମନ୍‌କେ ଦସି କରବାଇ । କାଇକେବଇଲେ ସେମନ୍, ଜୁନସ୍ ମାପୁର୍‌ରୁ କାତା ଜାନାଇଲାକେ, ପାପ୍‌କାମେଅନି ବାଉଡିରଇଲା, ଆରି ଦେକା ! ଜୁନସର୍ ଟାନେଅନି ବଡ୍ ଲକ୍ ଇତି ଆଟେ ।

☆ ୧୧:୧୫ ୧୧:୧୫ ମାତିଉ ୯:୩୪;୧୦:୨୫ ☆ ୧୧:୧୬ ୧୧:୧୬ ମାତିଉ ୧୨:୩୮;୧୨:୧; ମାର୍କ ୮:୧୧ ☆ ୧୧:୨୩ ୧୧:୨୩ ମାର୍କ ୯:୪୦ ☆ ୧୧:୨୯ ୧୧:୨୯ ମାତିଉ ୧୨:୪; ମାର୍କ ୮:୧୨

୩୩ ☆“କେ ମିସା ବଡ଼ି ଡସାଇ ମାନୁତଲେ ଡାବିକରି ନ ସଙ୍ଗାଅଡ଼ । ମାତର୍ ବଡ଼ି ସଙ୍ଗାକବା କୁଦରାଇ ସଙ୍ଗାକବାଇ, ଜେନ୍ତାରିକି ଗର୍ବିତ୍ତରେ ଜିବାଲକ୍ମନ୍ ଉଜଲ୍ ଦେକିପାର୍‌ବାଇ । ୩୪ ତମର୍ ଆଁକି, ଗାଗଡ଼ ବଡ଼ି । ଜେଡେବଲ୍ ତମର୍ ଆଁକି ନିକ ରଇସି, ସେଡେବେଲେ, ତମର୍ ଗୁଲାଇ ଗାଗଡ଼ ମିସା ଉଜଲ୍ ଅଇସି । ମାତର୍ ଜେଡେବେଲେ ସେଟା ମୁର୍କି ରଇସି, ସେଡ଼କିବେଲା ତମର୍ ଗାଗଡ଼ ମିସା ଆନ୍ଦାର୍ ଅଇଜାଇସି । ୩୫ ତେବେ ମନେ ରଅ, ଜାଗ୍ରତ୍‌ଅଇ ରୁଆ, ଜେନ୍ତାରିକି ତମର୍ ବିଡ଼ରର୍ ଉଜଲ୍ କେବେ ଆନ୍ଦାର୍ ନ ଅଏ । ୩୬ ଏଟାର୍‌ପାଇ ତମର୍ ଗୁଲାଇ ଗାଗଡ଼ ଜଦି ଉଜଲ୍ ଅଇସି ଆରି ତେଇର୍ କଣ୍ଢେକ୍ ମିସା ଆନ୍ଦାର୍ ନ ରଏ, ସେନ୍ତାଅଇଲେ, ବଡ଼ି ଜେନ୍ତା ଜଗଜଗି ଜାଇ ଉଜଲ୍ ଦେଇସି, ସେନ୍ତାରି ତମର୍ ଗୁଲାଇ ଗାଗଡ଼ ଉଜଲ୍ ଅଇସି ।”

**ଜିସୁ ପାରୁସିମନ୍‌କେ ଆରି ସାସ୍‌ତର୍ ସିକାଉମନ୍‌କେ ଦସ୍ ଦେଲା**  
(ମାତିଉ ୨୩:୧-୩୬; ମାର୍କ ୧୨:୩୮-୪୦)

୩୭ ଜିସୁ କାତା କଇସାରାଇଲା ପତେ ଗଟେକ୍ ପାରୁସିଲକ୍ ତାକେ ନିଜର୍ ଗରେ କାଇବାକେ ଡାକ୍‌ଲା, ଆରି ଗରେ ବସାଇଲା । ୩୮ ମାତର୍ ଜିସୁ ଜିଉଦି ରିଡିନିତି ଇସାବେ ଦୁଆପୁଟା ନ ଅଇରଇଲାକେ ଏଟା ଦେକି ସେ ପାରୁସି ଲକ୍ କାବା ଅଇଗାଲା । ୩୯ ଜିସୁ ତାକେ କଇଲା, “ତମେ ପାରୁସିମନ୍ ଗିନା ଆରି ତାଲାର୍ ବାଇରେ ମାଞ୍ଜିରଇସା, ମାତର୍ ତମର୍ ବିଡ଼ରର୍ ସକ୍ତି ବେନ୍‌ବେନା ରଇସି । କରାପୁଟା ଆରି ଲବ୍ କରବାଟା ସବୁ ପୁରୁନ୍ ଅଇଆତେ । ୪୦ ଏ ବକୁଆମନ୍ ! ଜେ ଗାଗଡ଼ ବାଇରଟା ତିଆର୍ କଲା ଆତେ, ସେ କାଇ ବିଡ଼ରଟା ମିସା ତିଆର୍ କରେନାଇ କି ? ୪୧ ତେବର୍‌ପାଇ ତମେ ଜନ୍‌ଟା କଟିକରି ସଙ୍ଗା ଆଟାସ୍, ସେଟା ଦୁକିରୁକି ଲକ୍‌ମନ୍‌କେ ଦାନ୍‌କରା, ଆରି ଦେକା, ତମେ ପୁରାପୁରୁନ୍ ପରିଚଲ୍ ଅଇଜାଇସା ।”

୪୨ “ଅଇରେ ପାରୁସିମନ୍ ! ତମର୍ ଉପ୍‌ରେ ଗଟେକ୍ ବଡ଼ ଡଣ୍ଡ ଲାଦିଅଇସିବେ ! କାଇକେବଇଲେ ତମର୍ ବାଡେଅନି କାମାଇଲାଟା ଦସ୍‌ବାଗ୍‌ଅନି ବାଗେକ୍ ଦେଲାସିନି । ମାତର୍ ତମେ ନିଆଇ ଆରି ଦୟା ଏଲା କଲାସିନି । ଏଟାସଙ୍ଗ୍ ବାଗେକ୍ ଦେବାଟା ମିସା ଚାଡ଼ବାର୍ ନାଇ ।”

୪୩ “ଅଇରେ ପାରୁସିମନ୍, ତମର୍ ଉପ୍‌ରେ ଗଟେକ୍ ବଡ଼ ଡଣ୍ଡ ଲାଦିଅଇସିବେ ! କାଇକେବଇଲେ ତମେ ପାର୍‌ତନାଗରେ ମୁକିଅ ଜାଗାଇ ବସ୍‌ବାକେ ମନ୍ କରସା ଆରି ଆଟେବାଟେ ଲକ୍‌ମନ୍‌ଟାନେଅନି ଜୁଆର୍ କରାଇଅଇବାକେ ବଲ୍ ବଲାଇଅଇସା । ୪୪ ଅଇରେ ପାରୁସିମନ୍ ! ତମର୍ ଉପ୍‌ରେ ଗଟେକ୍ ବଡ଼ ଡଣ୍ଡ ଲାଦିଅଇସିବେ । କାଇକେବଇଲେ, ତମେ ନ ତିସ୍‌ବା ସମାଦି ପାରା । ତାର୍ ଉପ୍‌ରେ ଆସା ଜା କରବା ଲକ୍‌ମନ୍ ସେଟା ସମାଦି ବଲି ନାଜାନଡ଼ ।”

୪୫ ତେଇ ସାସ୍‌ତର୍ ସିକାକବା ଦରମ୍ ଗୁରୁମନ୍‌ର ବିଡ଼ରେଅନି ଗଟେକ୍ ପଣ୍ଡିତ୍ ଜିସୁକେ କଇଲା, “ଏ ଗୁରୁ ତମେ ପାରୁସିମନ୍‌ର ବିସଇ କଇକରି ଆମ୍‌କେ ଲାଜ୍ କରାଇଲାସିନି ।”

୪୬ ଜିସୁ କଇଲା, “ଅଇରେ ସାସ୍‌ତର୍ ସିକାଉ ପଣ୍ଡିତ୍‌ମନ୍ ! ତମର୍ ଉପ୍‌ରେ ଗଟେକ୍ ବଡ଼ ଡଣ୍ଡ ଲାଦିଅଇସିବେ ! କାଇକେବଇଲେ ତମେ ଲକ୍‌ମନ୍‌କେ ବେସି ଆବଡ଼ ନିୟମ୍ ମାନ୍‌ବାକେ କଇଲାସିନି, ଆରି ସେ ନିୟମ୍ ମାନ୍‌ବାକେ ମୁଲ୍‌କେ ଆଙ୍ଗଟିଡେଇ ଉଟାଇବା ଏଡ଼କି ମିସା ସାଇଜ କରାସ୍ ନାଇ । ୪୭ ଅଇରେ, ଡଣ୍ଡ ପାଉମନ୍ ! ତମର୍ ଉପ୍‌ରେ ଗଟେକ୍ ବଡ଼ ଡଣ୍ଡ ଲାଦିଅଇସିବେ । କାଇକେବଇଲେ, ତମେ ବବିସଡ଼ବକ୍‌ତାମନ୍‌ର ମସ୍‌ନେ ସମାଦି ତିଆର୍ କରଡେରଇସା, ମାତର୍ ତମର୍ ଆନିଦାଦିମନ୍ ସେମନ୍‌କେ ମରାଇରଇଲାଇ । ୪୮ ତେବେ ତମର୍ ଆନିଦାଦିମନ୍‌ର ଦରମ୍ କରମ୍ ବିସଇର୍ ତମେ ସାକି ଆଟାସ୍ । ଆରି ସେଟା ମାନ୍‌ଲାସିନି କାଇକେବଇଲେ ସେମନ୍ ସିନା ବବିସଡ଼ବକ୍‌ତାମନ୍‌କେ ମରାଇରଇଲାଇ, ମାତର୍ ତମେ ସେମନ୍‌ର ସମାଦିର୍ କାମ୍ ତିଆର୍ କଲାସିନି । ୪୯ ତେବେ ପର୍‌ମେସର୍ ମିସା ନିଜର୍ ବୁଦିରେ କଇଲାଆତେ, ମୁଇ ବବିସଡ଼ବକ୍‌ତାମନ୍‌କେ ଆରି କବର୍ ନେଉମନ୍‌କେ ସେମନ୍‌ର ଲଗେ ପାଟାଇବି । ସେମନ୍‌ର ବିଡ଼ରେ କେଡେଲକ୍‌କେ ସେମନ୍ ମରାଇବାଇ ଆରି କେଡେଲକ୍‌କେ ନିନ୍ଦାକରି କସ୍‌ଟ ଦେବାଇ । ୫୦ ସେଟାର୍‌ପାଇ ଜଗଡ଼ ତିଆର୍‌ଅଇଲାଟାନେଅନି, ଏବଲର୍ ବେଲେଅନି ଆରାମ୍ କରି ବର୍କିଆର୍ ପ ଜିକରିୟର୍ ଜାକ, ଜାକେ କି ତମେ ମନ୍‌ଦିର୍ ଆରି ବେଦିର୍ ମଜାଇ ମରାଇରଇଲା ଜେଡ଼କି ବବିସଡ଼ବକ୍‌ତାମନ୍‌କେ ମରାଇଆଟାସ୍ ସେ ସବୁ ଡଣ୍ଡ ଏ ଆଜିକାଲିର୍ ଲକ୍‌ମନ୍ ପାଇବାର୍ ଆତେ । ୫୧ ସେ ସବୁର୍ ମୁଲିଅ, ଏବର୍ ଲକ୍‌ମନ୍‌ର ଟାନେଅନି ନିଆ ଅଇସି ।”

୫୨ “ଅଇରେ, ଦରମ୍‌ଗୁରୁମନ୍ ! ତମର୍ ଉପ୍‌ରେ ଗଟେକ୍ ବଡ଼ ଡଣ୍ଡ ଲାଦିଅଇସିବେ ! କାଇକେବଇଲେ, ତମେ ପର୍‌ମେସର୍‌ର ଗିଆନ୍‌ର କାପାଟ୍ ଡାବିଦେଇ ଆଟାସ୍ । ନିଜେ ପର୍‌ମେସର୍‌ର ଗିଆନ୍‌ଟାନେ ନ ଜାଇକରି ତେଇ ଜିବାକେ ମନ୍‌କଲା ଲକ୍‌ମନ୍‌କେ ମିସା ବାଦାଦେଲାସ୍ ।”

୫୩ ଆରି ଜିସୁ ତେଇଅନି ବାରଇଗାଲାପତେ, ପାରୁସିମନ୍ ଆରି ସାସ୍‌ତର୍ ସିକାଉମନ୍ ବେସି ଡାଟ୍‌ସଙ୍ଗ୍ ଜିସୁକେ ବିରଦ୍ କରବାକେ ଆରାମ୍ କଲାଇ । ୫୪ ତାର୍‌ଟାନେଅନି ବୁଲ୍ ଦାର୍‌ବାକେ କାଇ କାଇ ପର୍‌ସନ୍ ପାଟାର୍‌ବାର୍ ଦାର୍‌ଲାଇ ।

☆ ୧୧:୩୩ ୧୧:୩୩ ମାତିଉ ୫:୧୫; ମାର୍କ ୪:୨୧; ଲୁକ୍ ୮:୧୭



**ପାରୁସିମନର୍ ପାରା ଉଆନାଇ**  
(ମାତିଉ ୧୦:୨୭-୨୭)

୧ \*ଏଡକି ବିତ୍ତରେ ଅଜାର୍ ଅଜାର୍ ଲକ୍ ଟୁଲ୍ ଅଇକରି, ତାକର୍ ତାକର୍ ବିତ୍ତରେ ମାଣ୍ଡାଟୁଣ୍ଡା ଅଇଜାଇତେ ରଇଲାଇ, ସେଡକିବେଲେ ଜିସୁ ପର୍ତୁମ୍ ନିଜର୍ ସିସମନ୍ କେ କଇବାର ଦାରଲା, “ପାରୁସିମନର୍ କମିର୍ ପାରା କପର୍ ତେଇଅନି ଜାଗର୍ଡ ଅଇରୁଆ । ୨ \*ତାବିଅଇରଇବା ସବୁ ବିସଇ ଜାନାପଡସି, ଆରି ଲୁଟିରଇବା ବିସଇ ସବୁ ଦେକାଅଇସି । ୩ ତେବର୍ପାଇ, ତମେମନ୍ ଜନ୍ ଜନ୍ତା ଆନ୍ଦାରେ କଇଆଚାସ, ସେ ସବୁଜାକ ଉଜଲେ ସୁନ୍ବାଇ, ଆରି ଜନ୍ ଜନ୍ତା ବିତ୍ତର୍ଗରେ, କେ ନ ସୁନ୍ତେ କଇଆଚାସ, ସେଟା ଗରର୍ ଚାନିଉପ୍ରେ ଅନି ସୁନାଇଅଇସି ।”

**ପର୍ମେସର୍କେସେ ତରା**  
(ମାତିଉ ୧୦:୨୮-୩୧)

୪ “ମାତର୍ ତମେ ମର୍ ମଇତର୍, ତମକେ ମୁଇ କଇଲିନି, ଜନ୍ ଲକ୍ମନ୍ ଗାଗଡକେ ମରାଇବାଇ, ମାତର୍ ତାର୍ପତେ ତମର୍ ଆଡମାକେ କାଇଟା କରିନାପାରଡ, ସେମନ୍ କେ ତରାନାଇ । ୫ ମାତର୍ କାକେ ତରସା, ସେଟା ମୁଇ ତମକେ ଜାନାଇବି, ମରାଇଲାପତେ ନର୍କେ ପିଙ୍ଗାକେ ଜାର୍ ଅଦିକାର୍ ଆତେ, ତାକେ ତରା, ଉଁ ମୁଇ ତମକେ ସଡ କଇଲିନି, ପର୍ମେସର୍କେ ତରା ।

୬ “ପାର୍ଟା ଚେଟିଆ ଚଡଇ କାଇ ଅଲପ୍ ତାରୁକେ ବିକା ନଅଏ କି ? ଏଲେ ମିସା ସେମନର୍ ବିତ୍ତରେଅନି ଗଟେକକେ ମିସା ପର୍ମେସର୍ ନ ପାସରେ । ୭ ମାତର୍ ତମର୍ ମୁଣ୍ଡର୍ ସବୁ ଚେଣ୍ଟି ମିସା ଏଜା ଅଇଲାଆତେ । ତରାନାଇ, ତମେମନ୍ କେତେକ୍ କେତେକ୍ ଚେଟିଆ ଚଡଇର୍ ଟାନେଅନି ମୁକିଅ ।”

**ଜିସୁକେ ନାମି କରି ଚାଡବାଟା**  
(ମାତିଉ ୧୦:୩୨-୩୩; ୧୨:୩୨; ରମିୟ ୧୦:୯-୧୦)

୮ “ଆରି ମୁଇ ତମକେ କଇଲିନି, ଜେ ଜଦି ମକେ ଲକ୍ମନର୍ ମୁଆଟେ ନାମସି ଆରି ବିସବାସ୍ କରସି, ପର୍ମେସର୍ ପାଟାଇରଇବା ନର୍ପିଲା ମୁଇ ମିସା ପର୍ମେସର୍ ଡୁଡମନର୍ ମୁଆଟେ ତାକେ ନାମିବି । ୯ ମାତର୍ ଜେ ଲକ୍ମନର୍ ମୁଆଟେ ମକେ ନ ନାମି, ବିସବାସ୍ ନ କରେ, ତାକେ ପର୍ମେସର୍ ଡୁଡମନର୍ ମୁଆଟେ ମୁଇ ଇନ୍ କରବି ।”

୧୦ \* “ଆରି ଜେ ପର୍ମେସର୍ ପାଟାଇରଇବା ନର୍ପିଲାର୍ ବିରୁଦେ କଇଲେ, ତାକେ କେମା ଦିଆଅଇସି, ମାତର୍ ଜେ ସୁକଲ୍ ଆଡମାର୍ ବିରୁଦେ କଇସି, ତାକେ କେମା ନ ଦିଆଅଏ ।

୧୧ \* “ଆରି ଜେତେବେଲେ ସେମନ୍ ତମକେ ଜିଉଦି ଲକ୍ମନର୍ ପାର୍ତନା ଗରେ, ସାସନ୍ କରବା ଲକ୍ମନର୍ଟାନେ କି ବିନ୍ ବିନ୍ ଅଦିକାରି ମନର୍ଟାନେ ବାନ୍ଦିନେଲେ, ସେଡକିବେଲେ କାଇଟାବଲି କଇସା, ସେ ବିସଇ ନେଇକରି ତିନ୍ତା କରାନାଇ । ୧୨ କାଇକେବଇଲେ କାଇଟା କଇବାକେ ଅଇସି, ସେବେଲାଇ ସୁକଲ୍ ଆଡମା ତମକେ ସିକାଇସି ।”

**ବକୁଆ ସାଉକାର୍ କାତା**

୧୩ ଲକ୍ମନର୍ ଗଅଲି ବିତ୍ତରେଅନି ଗଟେକ୍ ଲକ୍ ଜିସୁକେ କଇଲା, “ଏ ଗୁରୁ, ମର୍ ବାବାର୍ ସଁପତି ବାଗ୍ବାଟା କରବାକେ ମର୍ ବାଇକେ କୁଆ ।” ୧୪ ଏଟା ସୁନି ଜିସୁ ତାକେ କଇଲା, “ଏ ମଇତର୍, ତମର୍ ବିତ୍ତରେ ନିଆଇ କରବାକେ ଆରି ଦନ୍ ସଁପତି ବାଗ୍ବାଟା କରିଦେବାକେ ମକେ କେ ଅଦିକାର୍ ଦେଲାଆତେ ?” ୧୫ ଆରି ଜିସୁ ସେମନ୍ କେ କଇଲା, “ଜାଗର୍ଡା, ସବୁରକାମର୍ ଲବ୍ କରବାଟାନେଅନି ନିଜେ ନିଜେ ଦୁରେ ରୁଆ । କାଇକେବଇଲେ ଗଟେକ୍ ଲକ୍ ଜିବନ୍ଟାନେଅନି ଦନ୍ ସଁପତି ବଡ ବିସଇ ନଏ ।”

୧୬ ଆରି ସେ ଲକ୍ମନକେ ଗଟେକ୍ ଉଦାଅରନ୍ ଦେଇ କଇଲା, ଗଟେକ୍ ସାଉକାର୍କେ ତାର୍ ଜମିଟାନେଅନି ବେସି ତାସ୍ ପାଟଲା । ୧୭ ସେ ଲକ୍ ମନେ ମନେ ବାନ୍ଦନାକରି କଇଲା, “କାଇଟା କରବି ? ମର୍ କାଦି ଆନି ସଙ୍ଗଇବାକେ ଜାଗାନାଇ ।”

୧୮ ଆରି ସେ କଇଲା, “ଏନ୍ତାରି କରବି, ମର୍ କାଦି ସଙ୍ଗଇବା ଗରର୍ କଡି ବାଙ୍ଗାଇକରି ବଡ ବଡ କରି ତିଆରକରବି ଆରି ତେଇ ମର୍ ସବୁ କାଦିକଣ୍ଡା ଜାଗର୍ଡ କରି ସଙ୍ଗଇବି । ୧୯ ଆରି ମର୍ ଜିବନ୍ କେ କଇବି, ର ଜିବନ୍, ତର୍ପାଇବଲି ବେସି ବରସର୍ କାଦିକଣ୍ଡା ସଙ୍ଗଇ ଅଇଲାଆତେ, ପୁଣ୍ଡ, କାଆ ଆରି ଆରାମସଙ୍ଗ୍ ର ।” ୨୦ ମାତର୍ ପର୍ମେସର୍ ତାକେ କଇଲା, “ଏରେ ବକୁଆ ଜଦି ଆଜି ରାତି ପର୍ମେସର୍ ତର୍ ଜିବନ୍ ମାଙ୍ଗସି ବଇଲେ, ତୁଇ ତର୍ପାଇ ଜେଡକି ସଙ୍ଗଇଆରୁସ୍, ସେ ସବୁ କାର୍ଟା ଅଇସି ? ୨୧ ଜେ ନିଜର୍ପାଇ ଦନ୍ ଜତନ୍ କରି ସଙ୍ଗଇସି, ସେ ପର୍ମେସର୍ ମୁଆଟେ ସାଉକାର୍ ନଏ, ତାର୍ପାଇ ଏନ୍ତାରି ଗଟସି ।”

**ମାପୁରୁ ଟାନେ ବିସବାସ୍ କରବାର୍**  
(ମାତିଉ ୬:୨୫-୩୪)

\* ୧୨:୧ ୧୨:୧ ମାତିଉ ୧୨:୨; ମାର୍କ ୮:୧୫ ☆ ୧୨:୨ ୧୨:୨ ମାର୍କ ୪:୨୨; ଲୁକ୍ ୮:୧୭ ☆ ୧୨:୧୦ ୧୨:୧୦ ମାତିଉ ୧୨:୩୨; ମାର୍କ ୩:୨୯ ☆ ୧୨:୧୧ ୧୨:୧୧ ମାତିଉ ୧୦:୧୯,୨୦; ମାର୍କ ୧୩:୧୧; ଲୁକ୍ ୨୧:୧୪,୧୫

୨୨ ଜିସୁ ନିଜର ସିସ୍ତାମାନଙ୍କେ କଇଲା, “ଏଟାରପାଇ ମୁଇ ତମ୍ଭେ କଇଲିନି, କାଇଟା କାଇକରି ଜିବନ୍ ବଞ୍ଚାଉ ଆରି ଗାଗଡ଼ପାଇ କାଇଟା ପିନ୍ଦୁ ବଲି ଚିନ୍ତା କରାନାଇ । ୨୩ କାଇକେବଇଲେ କାଦିଟାନେଅନି ଜିବନ୍ ଆରି ବସ୍ତୁତରଟାନେଅନି ଗାଗଡ଼ ଆକା ମୁକ୍ତିଅ । ୨୪ ଚତୁର୍ଥମନର ବିସଇନେଇକରି ବାବିଦେକା, ସେମନ୍ ନ ବୁନଡ଼ କି ନ କାଟଡ଼, ଆରି ସେମନର ବାଣ୍ଟାରଗର କି କାଦି ସଙ୍ଗାକବା ଆମାର ଗର ନାଇ । ଅଇଲେ ମିସା ମାପୁରୁ ସେମନ୍‌କେ କାଦି ଜାଗାଇଦେଇସି । ତମେ ଚତୁର୍ଥମନର ଟାନେଅନି କେତେକ୍ ଅଦିକାରର ଲକ୍ । ୨୫ ତମର ବିଡ଼ରେ ଏନ୍ତାରିଲକ୍ ନ ରଅଡ଼, ଜେ କି ଚିନ୍ତାକରି ତାର କଣ୍ଠେକ୍ ମିସା ଆଇସ୍ ବଡ଼ାଇ ପାର୍ସି । ୨୬ ତେବର୍ପାଇ ତମେମନ୍ ଗଟେକ୍ ସାନ୍ ବିସଇ ମିସା କରନିପାରଲାସ୍‌ନି ବଇଲେ ବଡ଼ ବଡ଼ ବିସଇ କାଇକେ ଚିନ୍ତା କଲାସ୍‌ନି ? ୨୭ ପୁଲ୍‌ମନର ବିସଇ ବାବିଦେକା, ସେମନ୍ କେନ୍ତ୍ର ପୁଟ୍‌ଲାଇନି, ସୁତା ନ କାଟଡ଼ କି ଲୁଗା ନ ବୁନଡ଼ । ଏଲେମିସା ମୁଇ ତମ୍ଭେ କଇଲିନି, ସବୁତରଟାନେଅନି ମଆନ୍ ଆରି ଦନି ରାଜା ସଲ୍‌ମନ୍ ମିସା ସେ ପୁଲ୍‌ମନର ବିଡ଼ରେଅନି ଗଟେକ୍ ପୁଲ୍‌ର ଏଡ଼କି ସଜାଇ ନ ଅଇରଇଲା । ୨୮ ଆଜି ଜନ୍ ଗାଁସ୍ ପପାଇ ଆଟେ, କାଲିକେ ସେଟା ରୁଣ୍ଡାଇ ଜଇ ଲାଗାଇବାଇ । ସେଟାକେ ପର୍ମେସର୍ ଏନ୍ତାରି ବେସ୍ ଦେଲାନି ବଇଲେ, ଏ ଅଲପ୍ ବିସବାସ୍ କରବା ଲକ୍‌ମନ୍, ସେ ତମ୍ଭେ ପିନ୍ଦୁବାକେ କେତେକ୍ ଅଦିକ୍ ଦେଇସି !”

୨୯ “ଆରି କାଇଟା କାଇବୁ ? ବଲି ଚିନ୍ତାକରି ଲାଗିରୁଆନାଇ, ୩୦ କାଇକେବଇଲେ ପର୍ମେସର୍‌କେ ନାଜାନୁଲା ଲକ୍‌ମନ୍ ଏ ସବୁ ବିସଇ କଜିବୁଲୁବାଇ । ମାତର ଏ ସବୁ ବିସଇ ତମ୍ଭେ ଦରକାର୍, ସେଟା ତମର ବାବା ଜାନିରଇସି । ୩୧ ମୁଇ କଇଲିନି ତମେ ପର୍ମେସର୍‌ର ସରଗ୍ ରାଇଜ୍ କଜା, ଆରି ଏ ସବୁ ବିସଇ ସେ ତମ୍ଭେ ଦେଇସି ।”

**ସରଗ୍ ରାଇଜେ ଦନ୍  
(ମାତିଉ ୬:୯-୨୧)**

୩୨ ଏ ଉନା ମେଣ୍ଟୁରାସି, ତରାନାଇ, କାଇକେବଇଲେ ତମର ବାବା ତମ୍ଭେ ତାର ରାଇଜ୍ ଦେବାକେ ମନ୍‌କଲାଆଟେ । ୩୩ ତମ୍ଭେ ଜନ୍ ଜନ୍‌ଟା ଆଟେ, ସେଟା ବିକିଦେଇ ଗରିବମନ୍‌କେ ଦାନ୍ କରା । ଜନ୍‌ଟା କି କେବେ ନ ସାରେ, ନିଜର ନିଜରପାଇ ଏନ୍ତାରି କାଣା ନ ଅଇବା ବେସ୍‌ନି ତିଆରକରା । ଜନ୍‌ଟାନେ ଚର୍ ନ ଆସେ କି କିତାମନ୍ ମିସା ନ ନସାଅଡ଼ । ସରଗେ ଏନ୍ତାରି ନ ସାରବା ଦନ୍ ସଙ୍ଗାକରୁଆ । ୩୪ କାଇକେବଇଲେ ଜନ୍‌ଟାନେ ତମର ଦନ୍, ତେଇସେ ତମର ମନ୍ ।

**ତରିକ୍‌ନା ରଇବା ଗତି ଦାଙ୍ଗ୍‌ତା**

୩୫ ☆ “ତମର ଆଟର ତୁଆଲ୍ ବାଦିଅଇ ସେବା କରବାକେ ଜାଗିରୁଆ, ଆରି ବତି ଲାଗ୍‌ତେରଅ । ୩୬ ☆ ମାପୁରୁ ବିବା ବଜିଟାନେଅନି ବାଉଡିଆସି କାପାଟେ ବାଜାଉ ବାଜାଉ ଜନ୍‌ଲକ୍‌ମନ୍ ଦାପରେ କାପାଟ୍ ଉଗାଡ଼ବାକେ ଜାଗିରଇବାଇ, ତମେ ସେମନରପାରା ଅଇରୁଆ । ୩୭ ମାପୁରୁ ଆସି ଜନ୍ ଦାଙ୍ଗ୍‌ତାମନ୍‌କେ ଜାଗରଡ଼ ରଇବାଟା ଦେକ୍‌ସି, ସେମନ୍ କେତେ ନିକ କରମର ଲକ୍ । ମୁଇ ତମ୍ଭେ ସଡ଼ କଇଲିନି, ସେ ନିଜର୍ ଆଁଟାଇ ତୁଆଲ୍ ବାଦିକରି, ସେମନ୍‌କେ କାଇବାକେ ବସାଇ, ତାକରଲଗେ ଜାଇ ସେବାକର୍‌ସି । ୩୮ ଆରି ସେ ଜଦି ମଜାରାତି କି କୁକ୍‌ତାତାକେ ମିସା ଆସି ସେମନ୍‌କେ, ସେନ୍ତାରି ରଇବାଟା ଦେକ୍‌ସି, ସେନ୍ତାଆଲେ ସେ ଦାଙ୍ଗ୍‌ତାମନ୍ କେତେ ନିକ କରମର ଲକ୍ । ୩୯ ☆ ମାତର ଏଟା ଜାନିରୁଆ, କେତେବେଲେ ଚର୍ ଆଇସି, ଏଟା ଗରର୍ ସାଉକାର୍ ଜେବେ ଜାନ୍‌ସି, ସେନ୍ତାଆଲେ ସେ ନିଜର୍ ଗରର୍ ପେଡି ବାଙ୍ଗାଇବାକେ ନ ଦେଏ । ୪୦ ତମେ ମିସା ଜାଗରଡ଼ଅଇ ରୁଆ, କାଇକେବଇଲେ, କେବେ ତମେ ବାବି ନ ରୁଆସ୍, ସେ ବେଲେ ପର୍ମେସର୍ ପାଟାଇରଇବା ନର୍‌ପିଲା ମୁଇ ଆଇବି ।”

**ବିସବାସ୍ କରବା ଗତି ଦାଙ୍ଗ୍‌ତା କି ବିସବାସ୍ ନକରବାଟା  
(ମାତିଉ ୨୪:୪୫-୫୧)**

୪୧ ସେଟାସୁନି ପିତର କଇଲା, “ଏ ମାପୁରୁ ତମେ ଆମ୍ଭେକେ କି ସବୁଲକ୍‌କେ ଏନ୍ତାରି କାତା ଦେକାଇ କଇଲାସ୍‌ନି ?”

୪୨ ଜିସୁ କଇଲା, “ବିସବାସେ ରଇବା ଲକ୍ ଆରି ବୁଦିମାନ୍ ଲକ୍ କେ ଆଟଡ଼ ? ତାକେ ସେ ସାଉକାର୍ ଗର୍ ଚାଲାଇବା ଦାଇଡ଼ ଦେଇସି । ସେ ସମାନ୍ ବେଲାଇ ବିନ୍ ଦାଙ୍ଗ୍‌ତାମନ୍‌କେ କାଦି ଜାଗାଇ ଦେଇସି । ୪୩ ସାଉକାର୍ ଆସି, ତାର ନିଜର୍ ଦାଙ୍ଗ୍‌ତା ଏନ୍ତାର କରବାଟା ଦେକ୍‌ସି ବଇଲେ ସେ କେତେ ନିକ କରମର ଲକ୍ । ୪୪ ମୁଇ ତମ୍ଭେ ସଡ଼ କଇଲିନି, ସେ ତାକେ ନିଜର୍ ସବୁର୍ ଉପରେ ଅଦିକାର୍ ଦେଇସି । ୪୫ ଜଦି ସେ ଦାଙ୍ଗ୍‌ତା, ମର୍ ସାଉକାର୍ ଆଇବାଟା ଅଲ୍‌ସମ୍ ଅଇସି ବଲି ମନେକରି, ମାଡୁଆଲ୍ ଅଇ ବିନ୍ ଦାଙ୍ଗ୍‌ତାମନ୍‌କେ ଲାଗ୍‌ମାର୍ କରବାର୍ ଆରାମ୍ କର୍‌ସି, ୪୬ ସେନ୍ତାଆଲେ ଜନ୍ ଦିନେ ସେ ଜାଗି ନ ରଏ, ଆରି ସେ କେତେବେଲେ ଆଇବାଟା ଜାନି ନ ରଏ, ସେ ସାଉକାର୍ ଆସି ତାକେ ବେସି ବଡ଼ ଡଣ୍ଡ ଦେଇସି । ଆରି ବିସବାସ୍ ନ କରବା ଲକ୍‌ର ସଙ୍ଗ୍ ମିସାଇ ଦେଇସି ।”

୪୭ “ଆରି ଜନ୍ ଦାଙ୍ଗ୍‌ତା ନିଜର୍ ସାଉକାର୍‌ର ମନ୍ ଜାନିକରି ଜାଗରଡ଼ ନ ଅଇରଏ, କି ସାଉକାର୍‌ର ମନ୍‌କଲା ଇସାବେ ପାଇଟି ନ କରେ, ତାକେ କରଡ଼ା ସଙ୍ଗ୍ ଅପରବଲ୍ ମାଡ଼ ଅଇସି । ୪୮ ମାତର ଜେ ତାର ମନ୍‌କଲାଟା ନାଜାନିକରି, ଡଣ୍ଡିଲିବା କାମ୍ କରବାର୍ ଦାରସି, ତାକେ ଅଲପ୍ ମାଡ଼ ଅଇସି । ଜନ୍ ଲକ୍‌କେ ଅଦିକ୍ ଦିଆଅଇରଇସି, ତାକେ ଅଦିକ୍ ଦାବି କରାଅଇସି । ଆରି ଲକ୍‌ମନ୍ ତାକେ ଜାର୍‌ଲଗେ ଅଦିକ୍ ସର୍‌ପି ଦେଲାଇଆଟଡ଼, ଅଦିକ୍ ଅଦିକ୍ ଦାବି କରବାଇ ।”

☆ ୧୨:୩୫ ୧୨:୩୫ ମାତିଉ ୨୫:୧-୧୩ ☆ ୧୨:୩୬ ୧୨:୩୬ ମାର୍କ ୧୩:୩୪-୩୬ ☆ ୧୨:୩୯ ୧୨:୩୯ ମାତିଉ ୨୪:୪୩,୪୪

**ଜିସୁର ଲାଗି ବାଗ୍ ବାଗ୍ ଅଇବାଟା**

୪୯ ଜିସୁ କଇଲା, “ମୁଇ ଏ ଦୁନିଆଇ ଜଇ ଲାଗାଇବାର୍ ଆଇଲିଆଟି । ସେଟା ଜଦି ଲାଗ୍‌ବାକେ ଆରାମ୍ ଅଇଲାନ୍ତି, ସେନ୍ତାରିଆଲେ ମୁଇ ମନକଲାଟା ପୁରାପୁରୁନ୍ ଅଇଗାଲାବେ । <sup>୫୦</sup> ମାତର୍ ମକେ ଆରି ଗଟେକ୍ ଡୁବନେ ଡୁବନ୍ ନେବାକେ ପଡ଼ସି, ଆରି ସେଟା ନ ସାର୍‌ବାଜାକ, ମର୍ ମନବିତ୍‌ରେ କେନ୍ତ୍ର କସ୍‌ଟ ଲାଗ୍‌ଲାନ୍ତି । <sup>୫୧</sup> ଜଗତେ ସାନ୍ତି ଦେବାକେ ଆସିଆଟେ ବଲି ତମେ କାଇ ମକେ ବାବ୍‌ଲାସ୍‌ନି କି ? ନାଇ ମୁଇ ସାନ୍ତି ଆନ୍‌ବାକେ ନାଇ, ମାତର୍ ବିଚାର୍‌ନା କର୍‌ବାକେ ଆସିଆଟି । <sup>୫୨</sup> ଏବେଅନି ଗଟେକ୍ ଗରେ ପାଁର୍ ଲକ୍ ରଇଲେ, ଦୁଇଲକର୍ ବିରୁଦେ ତିନିଲକ୍ ଆରି ତିନିଲକର୍ ବିତ୍‌ରେ ଦୁଇ ଲକ୍ ବାଗ୍ ଅଇବାଇ । <sup>୫୩</sup> ପଅର୍ ବିରୁଦେ ବାବା, ବାବାର୍ ବିରୁଦେ ପଅ, ଜିଇର୍ ବିରୁଦେ ମା, ମାଆର୍ ବିରୁଦେ ଜିଇ, ବୁଆରିର୍ ବିରୁଦେ ସାଡ଼ରି, ସାଡ଼ରିର୍ ବିରୁଦେ ବୁଆରି ବିନେ ଅଇବାଇ ।”

**ବେଲା ଦେକି ଜାନ୍‌ବାଟା  
(ମାତିଉ ୧୨:୨-୩)**

୫୪ ଆରି ଜିସୁ ଲକ୍‌ମନକେ କଇଲା, “ବୁଡ଼ି ଦିଗେ ବାଦଲ୍ ଚଗ୍‌ବାଟା ଦେକ୍‌ଲେ, ପାନି ଆଇସିବେ ବଲି କଇସା । ଆରି ସେନ୍ତାରି ସେ ଅଇସି । <sup>୫୫</sup> ଆରି ଦକ୍‌ଶିର୍ ବାଟେଅନି ପବନ୍ ମାର୍‌ବାଟା ଜାନ୍‌ଲେ କାରା ଅଇସି ବଲି କଇସା । ଆରି ସେଟା ସେନ୍ତାରି ଅଇସି । <sup>୫୬</sup> ଏ କୁଟିଆଲ୍‌ମନ୍, ତମେ ଜଗତର୍ ଆରି ସରଗର୍ କାତା ଜାନି ପାଗ୍ କେନ୍ତ୍ର ଅଇସି ବଲି ଆଗ୍‌ତୁ କଇଲାସ୍‌ନି, ମାତର୍ ଏବେ କାଇଟା ଗର୍‌ସି, ସେଟା କାଇକେ ନାଜାନ୍‌ଲାସ୍‌ନି ?”

**ସତ୍‌ରୁ ସଙ୍ଘ୍ ମିସ୍‌ବାଟା  
(ମାତିଉ ୫:୨୫-୨୬)**

୫୭ “ଆରି ନିଜେ ନିଜେ କାଇକେ ଟିକ୍ ବିଚାର୍ କରାସ୍ ନାଇ ? <sup>୫୮</sup> ଜଦି ତମର୍ ବିରଦିସଙ୍ଘ୍ ବିଚାର୍‌କାରିଆରୁଲଗେ ଗାଲାସ୍‌ନି, ମଜାବାଟେ ତାର୍‌ସଙ୍ଘ୍ ବୁଜାମାନା ଅଇବାକେ ଚେସ୍‌ଟା କରା । ନଇଲେ କେତେବେଲେ ସେ ତମକେ ବିଚାର୍‌କାରିଆର୍ ଟାନେ ଜିକିନେଇସି, ବିଚାର୍‌କାରିଆ ସନିଅମନ୍‌ଆତେ ସର୍‌ପିଦେଇସି, ସନିଅମନ୍ ତମକେ ବନ୍ଦି ଗରେ ନେଇ ପୁରାଇଦେବାଇ ।” <sup>୫୯</sup> ମୁଇ ତମକେ କଇଲିନି, “କେନ୍ତ୍ରକଲେ ମିସା ସବୁ ତାବୁ ନ ସୁଜ୍‌ବାଜାକ ସେ ଜାଗାଇଅନି ବାରଇ ଆସିନାପାରାସ୍ ।”

**୧୩**

**ନିଜର୍ ପାପ୍‌କାମେଅନି ବାଉଡା, ନଇଲେ ମର୍‌ସା**

୬୦ ଗାଲିଲିଅନି କେତେ ଲକ୍ ଆସି ପାର୍‌ତନା ଗରେ ବଲି ଦେଇତେରଇଲାବେଲେ ପିଲାଡ଼ ତାର୍ ସଇନମନକେ ପାଟାଇ ଗାଲିଲିଅ ମନକେ ମରାଇଲା । ତେଇ ମଲାଲକର୍ ବନି ପୁଜ୍‌ଲା ପସୁର୍ ବନି ସଙ୍ଘ୍ ମିସ୍‌ଲା । ଏ ବିସଇ କେତେଲକ୍ ଆସି ଜିସୁକେ ଜାନାଇଲାଇ । <sup>୬୧</sup> ତେଇ ଜିସୁ ସେମନ୍‌କେ କଇଲା, “ଏ ସବୁ କସ୍‌ଟ ପାଇବାକେ, ଏ ଗାଲିଲିୟମନ୍ ବିନ୍ ସବୁ ଗାଲିଲିୟମନ୍‌ ଟାନେଅନି ଅଦିକ୍ ପାପ୍ କଲାଇ ଆତଡ଼ ବଲି ବାବ୍‌ଲାସ୍‌ନି କି ? <sup>୬୨</sup> ମୁଇ ତମକେ କଇଲିନି, ଜେତେବେଲେ ଜାକ ପାପେଅନି ମନ୍ ନ ବାଦ୍‌ଲାଆସ୍, ତମେ ସବୁ ଲକ୍ ସେନ୍ତାରି କୁରୁପ୍‌ନାସ୍ ଅଇଜାଇସା । <sup>୬୩</sup> ନଇଲେ ସିଲଅତେଇ ରଇଲା ଜନ୍ ଅଟ୍‌ର ଲକର୍ ଉପ୍‌ରେ ବଡ଼ ଗର୍ ଅଦ୍‌ରି ମରିଜାଇ ରଇଲା, ସେମନ୍ ତେବେ ? ତମେ ସେମନ୍‌କେ ଜିରୁସାଲାମର୍ ବିନ୍ ଲକ୍‌ମନର୍ ଟାନେଅନି ଅଦିକ୍ ପାପ୍ କଲାଇ ଆତଡ଼ ବଲି ବାବ୍‌ଲାସ୍‌ନି କି ? <sup>୬୪</sup> ନାଇ, ମୁଇ ତମକେ କଇଲିନି, ପାପେଅନି ମନ୍ ନ ବାଦ୍‌ଲାଲେ ତମେସବୁ ଲକ୍ ସେନ୍ତ୍ର କୁରୁପ୍‌ନାସ୍ ଅଇଜାଇସା ।”

**ପଲ୍ ନ ପଲ୍‌ବା ତୁମ୍‌ରି ଗଟର୍ କାତା**

୬୫ ଆରି ଜିସୁ ଏ କାତାନି କଇଲା, ଗଟେକ୍ ଲକର୍ ଅଙ୍ଗୁର୍ ବାତେ ଗଟେକ୍ ତୁମ୍‌ରି ଗର୍ ରପିରଇଲା । ସେ ସାଉକାର୍ ଆସି ତେଇ ପଲ୍ କଜ୍‌ଲା, ମାତର୍ ମିଲେନାଇ । <sup>୬୬</sup> ସେଟାପାଇ ସାଉକାର୍ ଅଙ୍ଗୁର୍ ବାତର୍ ଜାଗୁଆଲ୍‌କେ କଇଲା, “ଦେକା, ଏଟା ତିନ୍ ବରସ୍ ଅଇଲା ମୁଇ ଆସି ଏ ତୁମ୍‌ରି ଗଟେ ପଲ୍ କଜ୍‌ଲିନି ମାତର୍ ମିଲାଇ ନାଇ, ଏଟା କାଟି ପାକା । ଏଟା କାଇକେ ବେକାର୍ ମାଟିକେ ମିସା କାରାପ୍ କର୍‌ସି ?” <sup>୬୭</sup> ମାତର୍ ଜାଗୁଆଲ୍ ସାଉକାର୍‌କେ କଇଲା, “ସାଉକାର୍ ଏଟାକେ ବର୍‌ସେକ୍ ମିସା ଚାଡ଼ିଦେଉଁ, ମୁଇ ଏ ବିତ୍‌ରେ ଗଟର୍ ଚାରିବେଡ଼ି କୁନିକରି କଡ଼ ଦେବି, <sup>୬୮</sup> ତାର୍ ପଟେ ଜଦି ପଲ୍ ଦାଟ୍‌ଲେତା ନିକ, ନଇଲେ ତାକେ କାଟି ପାକାଉଁ ।”

**ଜିସୁ ବିସ୍‌ରାମ୍‌ବାରେ ଗଟେକ୍ କୁବ୍‌ତି ମାଇଜିକେ ନିକ କଲା**

୬୯ ତରେକ୍ ଜିସୁ ବିସ୍‌ରାମ୍‌ବାରେ ଗଟେକ୍ ପାର୍‌ତନା ଗରେ ସିକିଆ ଦେଇତେରଇଲା । <sup>୭୦</sup> ତେଇ ଗଟେକ୍ ମାଇଜି ରଇଲା । ତାକେ ତୁମା ଦାରି ଅଟ୍‌ର ବରସ୍ ଜାକ କୁବ୍‌ତି ଅଇରଇଲା । ସେ ବିଲ୍‌କୁଲ୍ ସିଦା ଅଇ ଇଣ୍ଡି ନାପାର୍‌ତେ ରଇଲା । <sup>୭୧</sup> ଜିସୁ ତାକେ ଦେକି ଲଗେ ତାକି କଇଲା, “ଏ ନିନି ତକେ ମୁଇ, ଏ କୁବ୍‌ତି ରଗେଅନି ନିକ କଲିନି ।” <sup>୭୨</sup> ଜିସୁ ସେ ମାଇଜିର୍ ଉପ୍‌ରେ ଆଡ଼ ସଙ୍ଘାଇଲା । ସେ ମାଇଜି ସେ ଦାପ୍‌ରେସେ ସଲକ୍ ଅଇ ପର୍‌ମେସର୍‌କେ ମଇମା କର୍‌ବାର୍ ଲାଗ୍‌ଲା । <sup>୭୩</sup> ଜିସୁ

☆ ୧୨:୫୦ ୧୨:୫୦ ମାର୍‌କ ୧୦:୩୮

ବିସ୍ତରାମ୍ଭିନେ ସେ ମାଉଜିକେ ନିକ କଲୀଟା ଦେକି ଜିଉଦିମନର ପାରତନା ଗରର ମୁକିଆ ବେସି ରିସା ଅଇଗାଲାଇ । କାଉକେ ବଇଲେ ଲକ୍ମନକେ ନିକ କରବାଟା ଗଟେକ୍ କାମ୍ ବଲି ଜିଉଦି ଲକ୍ମନ ବାବ୍ତେ ରଇଲାଇ । ସେଟାର ପାଇ ପାରତନା ଗରର ମୁକିଆ କଇଲା, “ଗଟେକ୍ ଆଟେ କାମ୍ କରବାକେ ତଅ ଦିନ୍ ଆଟେ, ସେ ଦିନ୍ ମନ୍କେ ତମେ ନିକ ଅଇବାକେ ଆସା । ମାତର ବିସ୍ତରାମ୍ଭାରେ ନିକ ଅଇବାକେ କେବେ ମିସା ଆସାନାଇ ।”

୧୫ ମାତର ଜିସୁ ତାକେ ଆରି ତେଇ ରଇଲା ଲକ୍ମନକେ କଇଲା, “ଏ କୁଟିଆଲ୍ମନ ! ତମେ ତମର ଗରୁମନ୍କେ ମେଲି ପାନି କୁଆଇବାକେ ନିଆସ୍ ନାଇ କି ? ସେଟା ମିସା ଗଟେକ୍ କାମ୍ସେ ।”

୧୬ “ମୁଇ ତାକେ ନିକ କଲି ଆଟି । ଏ ମାଉଜି ଅବରାଆମର କୁଟୁମର ଲକ୍ । ସଇତାନ୍ ତାକେ ଅଟର ବରସ୍ ଜାକ ଦାରି ରଇଲା । ସେ ମାଉଜି ବିସ୍ତରାମ୍ ବାରେ ନିକ ଅଇବାଟା ଟିକ୍ ନଏଁ କି ?” ୧୭ ଜିସୁ କଇଲା କାତା ସୁନି ତାର ବିରଦି ଲକ୍ମନ ଲାଜ୍ ଅଇଲାଇ । ମାତର ବିନ୍ ଲକ୍ମନ ସେ କରବା ସବୁ କାବାଅଇଜିବା କାମ୍ ଦେକି ସାରଦା ଅଇଗାଲାଇ ।

**ସରସୁ ମୁଞ୍ଜିର ଉଦାଅରନ୍**  
(ମାଡିଉ ୧୩:୩୧-୩୨; ମାର୍କ ୪:୩୦-୩୨)

୧୮ ତାର ପଟେ ଜିସୁ କଇଲା, “ପର୍ମେସରର ରାଇଜ୍ କେନ୍ତାଟା, ଆରି ମୁଇ କାଉଟା ସଙ୍ଗ୍ ସେଟା ସମାନ୍ କରବି ? ୧୯ ପର୍ମେସରର ରାଇଜ୍ ଗଟେକ୍ ବଡ଼ ବର ଗଟର ସାନ୍ଟା ମୁଞ୍ଜି ପାରା । ଗଟେକ୍ ଲକ୍ ଗଟେକ୍ ସାନ୍ଟା ମୁଞ୍ଜି ରପିଦେଲା । ସେ ମୁଞ୍ଜି ତେଇ ଗାଜା ଅଇ ବଡ଼ ଗଟପାରା ଅଇଲା ଆରି ଚତଇମନ୍ ଆସି ତାର କେନ୍ଦାଇ ଗୁଡା ବାନ୍ଦିଲାଇ ।”

**କମିରର ଉଦାଅରନ୍**  
(ମାଡିଉ ୧୩:୩୩)

୨୦ ଜିସୁ ଆରି କଇଲା, “ପର୍ମେସରର ରାଇଜ୍ କେନ୍ତାଟା ଆରି କାଉଟା ସଙ୍ଗ୍ ସମାନ୍ କରିଅଇସି ?” ୨୧ ସେଟା କମିର ପାରା । ଜନ୍ଟା କି ଗଟେକ୍ ମାଉଜି ମାନେକ୍ ଗୁଣ୍ଡାଟାନେ କଣ୍ଡେକ୍ କମିର ପାକାଇ ଚକଟ୍ଲା ଆରି ସାରାସାରି ସେ କମିର, ଗୁଲାଇ ଗୁଣ୍ଡା ଆମଟ୍ କରିଦେଲା ।

**ଚିପୁଞ୍ଜି ବାଟେ ଜିବା ବିସଇ**  
(ମାଡିଉ ୭:୧୩-୧୪; ୨୧:୨୩)

୨୨ ତାର ପଟେ ଜିସୁ ତାର ସିସ୍ମନର ସଙ୍ଗ୍ ଜିରୁସାଲମେ ଗାଲାବେଲେ ଗାଉଁମନ୍କେ ଆରି ଗଡ଼ମନ୍କେ ପର୍ମେସରର ରାଇଜ୍ ବିସଇ ସିକାଇ ଦେଲା । ୨୩ ସେବେଲେ ଲକ୍ମନର ବିତ୍ରେଅନି ଗଟେକ୍ ଲକ୍ ଜିସୁକେ କଇଲା, “ଏ ମାପୁରୁ, ଉନା ଲକ୍ମନସେ ପାପେ ଅନି ରକିଆ ପାଇବାଇ କି ?”

ଜିସୁ ସେମନ୍କେ କଇଲା, ୨୪ “ଚିପୁଞ୍ଜି ଦୁଆର ବାଟେ ପୁରବାକେ ଚେସ୍ଟା କରା । କାଉକେ ବଇଲେ ବେସି ଲକ୍ମନ ସେ ଚିପୁଞ୍ଜିବାଟ୍ ଦେଇ ଜିବାକେ ଚେସ୍ଟା କରବାଇ ମାତର ଜାଇ ନାପାରଡ଼ । ୨୫ ମୁଇ ଗଟେକ୍ ଗରର ସାଉକାର୍ ପାରା । ଜେଡେବଲ୍ ସେ ସାଉକାର୍ କାପାଟ୍ ତାବି ଦେଇସି । ସେଡ଼କି ବେଲେ ତମେ ଦୁଆରେ ଚିଆ ଅଇ ରଇସା ଆରି କାପାଟ୍ ତକ୍ ତକ୍ କରି ଏ ମାପୁରୁ ଆମଟ୍ ପାଇ କାପାଟ୍ ଉଗାଡା ! ବଲି ଜୁଆର ବିଆର କରସା । ମାତର ସେ କାପାଟ୍ ନ ଉଗାଡି ସେମନ୍କେ କଇସି, ‘ତମେ କନ୍ତିଅନି ?’ ମୁଇ ତମ୍କେ ମୁଲ୍କେ ନାଜାନି । ୨୬ ମାତର ତମେ କଇସା ‘ଏ ମାପୁରୁ ଆମେ ତମଟ୍ ସଙ୍ଗ୍ କାଉପିଇ ଅଇରଇଲୁ, ତୁଇ ଆମଟ୍ ଦୁଆର ମନ୍କେ ସିକିଆ ଦେଇତେରଇଲୁସ୍ ବଲି କଇସା’ ୨୭ ଆରି ସେ ତମ୍କେ କଇସି, ‘ତମେ କନ୍ ଜାଗାର୍ ଲକ୍ମନ ମୁଇ ତମ୍କେ ମୁଲ୍କେ ନାଜାନି, ଏ କରାପ୍ କାମ୍ କରବା ଲକ୍ମନ, ‘ତମେ ସବୁ ମର ମୁଆଟେ ଅନି ଉଟି ଜା ।’ ୨୮ \*\*ଆରି ସେ ତମ୍କେ ପାଟାଇଦେବା ଜାଗାଇଅନି ଅବରାଆମ୍ ଇସାକ୍, ଜାକୁବ୍, ଆରି ପର୍ମେସରର ଟାନେଅନି ଆସି ରଇଲା ବବିସଡ଼ ବକ୍ତାମନ୍ ରଇବାଟା ଦେକ୍ସା । ମାତର ପର୍ମେସର ତାର ରାଇଜେ ତମ୍କେ ଜାଗା ନ ଦେଏ । ଜେଡେବଲ୍ ଏଟା ଅଇସି, ସେ ବେଲା ସେଟା ଦେକି, ତମେ କାଉକାଇ କାରାପ୍ କାମ୍ମନ କର ରଇଲାସ୍ ସେଟା ସବୁ ଏତାଇ କରି ମାରିଚପିଅଇ କାନ୍ଦ୍ସା ଆରି ଦାଡ଼ ମୁଣ୍ଡ କାଡ଼ି ଅଇସା । ୨୯ ଆରି ଜିଉଦି ନଇଲା ଲକ୍ମନ ଏ ଦୁନିଆର ସବୁ କନ୍ଦିବିକନ୍ଦି ଅନି ଆସି ପର୍ମେସରର ରାଇଜେ କାଉବାକେ ବସବାଇ । ୩୦ \*ଆରି ଦେକା, ସାରାସାରି ରଇଲା ଲକ୍ ଆଗତୁ ଅଇବାଇ ଆରି ଆଗତୁ ରଇବା ଲକ୍ମନ ପଟେ ଅଇଜିବାଇ ।”

**ଜିସୁ ଜିରୁସାଲମକେ ଦେକିକରି କାନ୍ଦିଲା**  
(ମାଡିଉ ୨୩:୩୭-୩୯)

୩୧ ସେଡ଼କିବେଲେ କେତେଟା ପାରୁସି ଲକ୍ମନ ଜିସୁର ଲଗେ ଆସି କଇଲା, “ତମେ ଏ ଜାଗା ଚାଡ଼ି ଉଟି ଜା, କାଉକେ ବଇଲେ ଏରଦ୍ ତମ୍କେ ମରାଇବାକେ ମନ୍ କଲାନି ।”

୩୨ ଜିସୁ ସେମନ୍କେ କଇଲା, “ତମେ ଜାଇ ସେ କଲିଆପାରା ଲକ୍ମନେ କୁଆ, ଦେକ୍ ଆଜି ଆରି କାଲି ମୁଇ ତୁମା ଚାଡ଼ାଇଲିନି ଆରି ନିକ କଲିନି । ଆରି ପର୍ଦିନ୍କେ ମୁଇ ମର କାବା ଅଇଜିବା କାମ୍ କଲିନି । ପର୍ମେସରର

☆ ୧୩:୨୮ ୧୩:୨୮ ମାଡିଉ ୨୨:୧୩; ୨୫:୩୦ ☆ ୧୩:୨୮ ୧୩:୨୮ ମାଡିଉ ୮:୧୧, ୧୨ ☆ ୧୩:୩୦ ୧୩:୩୦ ମାଡିଉ ୧୯:୩୦; ୨୦:୧୭; ମାର୍କ ୧୦:୩୧



ଜନ୍ମନାହିଁ ରକ୍ଷା କେବଳା କେବଳା ଆଗୁଡ଼ି, ମୁଁ ଏହି କାମ କରି ସାରାଇବି । ୩୩ କାହିଁକି ମିଆଁ ଅ, ମୁଁ ଆଜି, କାହିଁକି ଆରି ପରଦିନକେ ଜାଇବେ ରକ୍ଷାବାର୍ ଆଟେ, କାହିଁକି ବଇଲେ ପରମେସରର୍ ଟାନେଅନି ଆଇଲା ସବୁ ବସିବତ୍ତବକ୍ତାମନକେ ଜିରୁସାଲମେସେ ମରାଇଆଟଡ଼ ।”

୩୪ ଜିସୁ କଇଲା, “ଏ ଜିରୁସାଲମର୍ ଲକ୍ମନ ! ପରମେସର ତମରଟାନେ ଜେଡ଼କି ପାଟାଇରଇଲା ବସିବତ୍ତବକ୍ତାମନକେ ମାରି ମରାଇଲାସ୍ ! ଆରି ପେରିଡ଼ମନକେ ତରକେ ତର ପାକନା ମାରି ମରାଇଲାସ୍ । ତେବେ ତମରପାଇ ମର୍ ଲଗେ ଗଟେକ୍ କାତା ଆଟେ । ମାଇ କୁକୁଡ଼ା ଜେଡ଼ି ତାର ଚିଅମନକେ ତେନା ତଲେ ରୁଣ୍ଡାଇସି, ମୁଁ ସେଡ଼ି କେତେ ତର ତମକେ ରକିଆ କରବାକେ ମନ କଲି । ମାତର ସେଡ଼ି କରବାକେ ତମେ ନ ଦିଆସ୍ । ୩୫ ଦେକା, ତମର ମନ୍ଦିର ଚାଡ଼ିଦେଇ ଆଟଡ଼ । ସେଟାର ପାଇ ପରମେସର ଏବେ ତମକେ ‘ପାରତନା ଗର୍ ଆରି ତମର ଗଡ଼ ନିଜେ ରକିଆ କରା’ ବଲି ଚାଡ଼ି ଦେଲାଆଟେ । ମୁଁ ତମକେ କଇଲିନି, ପରମେସର ଜନ୍ ଲକ୍ମକେ ଆସିରବାଦ୍ କରି ଆମର୍ ଲଗେ ପାଟାଇଲାଆଟେ ବଲି ମର୍ ବିସଇ ନେଇ, ତମେ ନ କଇବାଜାକ ମକେ ଦେକିନାପାରାସ୍ ।”

### ୧୪

#### ଜିସୁ ଗଟେକ୍ ରଗିକେ ନିକକଲା

୧ ତରେକ୍ ଜିସୁ ବିସରାମବାରେ ବଜି କାଇବାକେ ଗଟେକ୍ ପାରୁସି ନେତାର ଗରେ ଗାଲା । ଆରି ସେମନ୍ ଜିସୁକେ କାଇଆଲେ ବୁଲ୍ ଦାରବାକେ ଆକିମରାଇ ଦେକ୍ତେ ରଇଲାଇ । ୨ ତେଇ ଜିସୁ ତାର ମୁଆଟେ ଗଟେକ୍ ପୁଲାରଗ୍ ଅଇରଇଲା ଲକ୍ମକେ ଦେକ୍ଲା । ୩ ତାର ପଟେ ଜିସୁ ସେ ପାରୁସି ଆରି ମସାର ନିୟମ୍ ସିକାଇଦେବା ଲକ୍ମନକେ ପାଟାରଲା । “ମସାର ନିୟମ୍ ଇସାବେ ବିସରାମବାରେ ଗଟେକ୍ ରଗ୍ ଅଇଲା ଲକ୍ମକେ ନିକ କରବା ବିଦି ଆଟେ କି ନାଇ ?”

୪ ମାତର ସେମନ୍ କାହିଁକି ମିଆଁ ନ କଇ ରୁପ୍ରାପ୍ ଅଇ ରଇଲାଇ । ସେଟାର ପାଇ ଜିସୁ ସେ ରଗିକେ ଚିଇଲା ଆରି ନିକ କରି ପାଟାଇ ଦେଲା । ୫ ତାର ପଟେ ଜିସୁ ସେମନ୍କେ ପାଟାରଲା, “ ବିସରାମବାରେ ତମର ବିଡ଼ରେଅନି ଗଟେକ୍ କାରୁଆଲେ ନିଜର୍ ପିଲା ନଇଲେ ଗଟେକ୍ ଗରୁ କୁଇସାଲେ ଅଦ୍ରି ରଇଲେ ତାକେ ଦାପ୍ରେ ଜିକି ନ ଆନାସ୍ କି ?” ୬ ଏତର୍ ମିଆଁ ସେମନ୍ ଏ କାତାର ଉତର୍ ଦେଇ ନାପାରଲାଇ ।

#### ସତ୍ତଦରମ୍ ରଇ ସେବାକରବାର୍

୭ ଆରି ତେଇ କାହିଁକି ଆସି ରଇଲା ଲକ୍ମନ ନିଜର୍ ନିଜର୍ ପାଇ ମୁକିଅ ଜାଗା ବାଟି ରଇଲାଇ । ସେଟା ଜିସୁ ଦେକି କରି ସେମନ୍କେ ଏ ଉଦାଅରନ୍ ଦେଇ କଇଲା, “ଜେଡେବେଲା ତମକେ କାରୁଆଲେ ବିବାଗରେ ଜିବାକେ ଡାକ୍ବାଇ, ସେବେଲା ମୁକିଅ ଲକ୍ମନ ବସ୍ବା ଜାଗାଇ ଜାଇ ବସାନାଇ । କାହିଁକି ବଇଲେ ସେମନ୍ ତମରତେଇଅନି ବଡ଼ ଲକ୍ମକେ ମିଆଁ ବିବାଟାନେ ଜିବାକେ ଡାକି ରଇବାଇ । ୮ କେ ତମକେ ଆରି ବଡ଼ ଲକ୍ମକେ ଡାକ୍ଲା ଆଟେ ସେ ଆସିକରି ତମକେ କଇସି, ‘ଆକେ ଏ ନିକ ଜାଗା ଦେସ୍’ ବଲି । ତେଇ ତମେ ଉଟି ମୁକିଅ ନଇଲା ଜାଗାଇ ଜାଇ ବସ୍ବାର୍ ଆଟେ । ସେବେଲା ତମକେ ବେସି ଲାଜ୍ ଲାଗ୍ସି । ୯ ମାତର ଜେଡେବଲ୍ ତମକେ ଡାକ୍ବାଇ, ସେଡ଼ିକିବେଲେ ତମେ ଜାଇ ମୁକିଅ ନଇଲା ଜାଗାଇ ବସା । ସେବେଲା ତକେ ଡାକ୍ଲା ଲକ୍ ଆସି କଇସି, ‘ଏ ମଇତର୍ ତୁଇ କାହିଁକି ଇଡ଼ି ବସିଆରୁସ୍ ? ଆଉ ଏ ନିମାନ୍ ଜାଗାଇ ବସ୍’ । ସେବେଲା ତମର ସଙ୍ଗ୍ ବସ୍ଲା ସବୁ ଲକ୍ମନର୍ ମୁଆଟେଅନି ଡାକିନେଇ ନିକ ଜାଗାଇ ବସାଇ ଦେଇସି । ଆରି ସବୁ ଲକ୍ମର୍ ମୁଆଟେ ତମେ ସନ୍ମାନ୍ ପାଇସା । ୧୧ କେ ନିଜ୍ଜକେ ବଡ଼ ଲକ୍ ବଲି ବାବ୍ଲାନି ତାକେ ପରମେସର ସାନ୍ କରାଇସି । ଆରି କେ ନିଜ୍ଜକେ ସାନ୍ ଲକ୍ ବଲି ବାବ୍ସି ତାକେ ପରମେସର ବଡ଼ କରାଇସି ।” ବଲି କଇଲା ।

୧୨ ତାରପଟେ ଜିସୁ ବଜିତେଇ ଡାକ୍ଲା ଲକ୍ମକେ କଇଲା, “ତୁଇ ଲକ୍ମନକେ ବଜିତେଇ ଡାକ୍ବା ବେଲାଇ ତର୍ ମଇତର୍ମନକେ, ବାଇମନକେ, ନିଜର୍ ଲକ୍ମନକେ ଆରି ସାଉକାର୍ ଲକ୍ମନକେ ଡାକ୍ ନାଇ । କାହିଁକିବଇଲେ ସେମନ୍ କେଡେବଲ୍ ମିଆଁ ତକେ ଡାକିକରି ତୁଇ ଦେଲାପାରା ବଜି ବାଉଡାଇ ଦେଇପାରଡ଼ । ୧୩ ତେବେ ତୁଇ ବଜି କଲେ ଗରିବ୍, କାଣା, ଚଟା ଆରି ଚେରେଙ୍ଗରଗି ଏନ୍ତାରି ଲକ୍ମନକେ ଡାକି ଦେସ୍ । ୧୪ ସେଡ଼ି କଲେ ପରମେସର ତକେ ଆସିରବାଦ୍ କରସି । କାହିଁକି ବଇଲେ ଏନ୍ତାରି ଲକ୍ମନ ତୁଇ ଦେଲା ବଜି ବାଉଡାଇ ଦେଇ ନାପାରଡ଼ । ପରମେସର ଦରମ୍ ଲକ୍ମନକେ ମଲାଟାନେଅନି ଉଟାଇଲା ବେଲେ ତକେ ପୁରୁସକାର୍ ମିଲ୍ସି ।”

#### ବଡ଼ ବଜିର୍ ଉଦାଅରନ୍ (ମାତିଉ ୨୨:୧-୧୦)

୧୫ ଜିସୁ କଇଲା ବିସଇ ସୁନିକରି ତାର ସଙ୍ଗ୍ ବଜିତେଇ କାହିଁକି ବସି ରଇଲା ଲକ୍ମନର୍ ବିଡ଼ରେଅନି ଗଟେକ୍ ଲକ୍ କଇଲା, “କେ କେ ପରମେସରର୍ ରାଇଜେ ତାର ସଙ୍ଗ୍ ବଜି କାହିଁକି ବସ୍ବାଇ, ସେଟା ତାକର୍ ପାଇ ଗଟେକ୍ ବଡ଼ ଆସିରବାଦ୍ ।”

☆ ୧୪:୫ ୧୪:୫ ମାତିଉ ୧୨:୧୧ ☆ ୧୪:୧୧ ୧୪:୧୧ ମାତିଉ ୨୩:୧୨; ଲୁକ୍ ୧୮:୧୪

୧୭ ଜିସୁ ସେ ଲକ୍ଷ୍ୟ କଲେ, “ତରେକ୍ ଗଟେକ୍ ଲକ୍ଷ୍ୟ ବେସି ବଡ଼ ବଜି କଲା ।” ସେ ବଜିତେଇ ବେସି ଗତିଆମନ୍ଦକେ ଡାକି ରଇଲା । ୧୭ ଆରି ରାନ୍ଦବାଟା ଟିକ୍ ଅଇଲା ପତେ ସାଉକାର୍ ତାର୍ ଗତିଦାଙ୍ଗ୍ତାକେ ଡାକି କଇଲା, “ମୁଇ ବଜିର୍ ପାଇ ଡାକ୍ଲା ଲକ୍ଷ୍ୟେ ଜାଇ କଅ, କାଇବାଟା ଅଇଗାଲାବେ କାଇବାକେ ଆସଡ଼ ।” ୧୮ ମାତର୍ ଲକ୍ଷ୍ୟମନ୍ ଗଟେକ୍ ରକାମ୍ କଇଲା, “ମକେ କାମ୍ ଆରେ, ନ ଆସୁ” ବଲି । ଗଟେକ୍ ଲକ୍ଷ୍ୟ କଇଲା “ମୁଇ ନୁଆ ବେଡା ଗେନଲି ଆଟି ସେ ବେଡା ଦେକ୍ବାକେ ଜିବି । ଆସି ନାପାରି, ଦୟାକରି ତର୍ ସାଉକାର୍କେ ଅଲପ୍ କଇଦେସ୍ ।” ୧୯ ଆରି ଗଟେକ୍ ଲକ୍ଷ୍ୟ କଇଲା, “ମୁଇ ପାଁର୍ମୁଣ୍ଟ ଗରୁ ଗେନଲି ଆଟି, ଗରୁମନ୍ଦକେ କସିକରି ଦେକ୍ବାକେ ଗାଲିନି । ଆସିନାପାରି ଦୟାକରି ତର୍ ସାଉକାର୍କେ ଅଲପ୍ କଇଦେସ୍ ।” ୨୦ ଆରି ଗଟେକ୍ ଲକ୍ଷ୍ୟ କଇଲା, “ମୁଇ ନୁଆରେ ବିବା ଅଇଆଟି, ତେବେ ମୁଇ ଆସି ନାପାରି ।”

୨୧ ତାର୍ ପତେ ସେ ଗତିଦାଙ୍ଗ୍ତା ଆସି ସାଉକାର୍କେ ଏ ସବୁ କାତା ଜାନାଇଲା । ସେଟା ସୁନି ସାଉକାର୍ ବେସି ରିସାଅଇଜାଇ ତାକେ କଇଲା, “ଦାପ୍ତରେ ଜାଇକରି ନଅରେ ଆରି ଗାଉଁ ମନ୍ଦକେ ରଇଲା ଗରିବ୍, କାଣା, ଚଟା, ବଇରା ଆରି ଚେରେଙ୍ଗ୍‌ରଗିମନ୍ଦକେ ଇତି ଡାକି ଆନ୍ ।” ୨୨ ସେ ଗତିଦାଙ୍ଗ୍ତା ଜାଇକରି ସାଉକାର୍ କଇଲାପାରା ଲକ୍ଷ୍ୟମନ୍ଦକେ ଆନ୍ଲା । ତାର୍ ପତେ ଗତିଦାଙ୍ଗ୍ତା ତାର୍ ସାଉକାର୍କେ କଇଲା, “ଏ ସାଉକାର୍ ତୁଇ କଇଲା ଇସାବେ ମୁଇ ଡାକିଆନ୍ଲି । ଏଲେ ମିସା ଆରି କେତେ ଲକ୍ଷ୍ୟ ପାଇ ଜାଗା ଆରେ ।” ୨୩ ଆରି ସାଉକାର୍ ସେ ଗତିଦାଙ୍ଗ୍ତାକେ କଇଲା, “ଗଡ଼ର୍ ସଡ଼କ୍ ପାଲି ରଇଲା ଲକ୍ଷ୍ୟମନ୍ଦକେ ଆରି ଗାଏଁ ରଇଲା ଗରିବ୍ ଲକ୍ଷ୍ୟମନ୍ଦକେ ଜାଇକରି ଡାକିଆନ୍ । ମର୍ ଗରେ ଲକ୍ଷ୍ୟ ପୁରୁନ୍ ଅଅଡ଼ ବଲି ମୁଇ ମନ୍ କଲିନି ।” ୨୪ ତାର୍ପତେ ଜିସୁ କଇଲା, “ମୁଇ ଜନ୍ ଲକ୍ଷ୍ୟମନ୍ଦକେ ପର୍ତୁମ୍ ଡାକିରଇଲି, ସେମନ୍ କଣ୍ଠେକ୍ ମିସା ଚାକି ନାପାରଡ଼ ।”

**ସିସ୍ ଅଇବାର୍ ମୁଲିଅ**  
(ମାତିଉ ୧୦:୩୭-୩୮)

୨୫ ତରେକ୍ ବେସି ଲକ୍ଷ୍ୟମନ୍ ଜିସୁର୍ ସଙ୍ଗ୍ ଜାଇତେ ରଇଲା । ଆରି ସେ ପର୍ବାଟେ ବୁଲିକରି ସେମନ୍ଦକେ କଇଲା । ୨୬ “ଜେ ମର୍ ଲଗେ ଆସିକରି ନିଜର୍ ବାବା, ମାଆ, ମାଇଜି ପିଲା, ବାଇ ବଇନି ଆରି ନିଜ୍‌କେ ମର୍ତେଇଅନି ଅଦିକ୍ ଆଲାଦ୍ କର୍ସି, ସେ ମର୍ ସିସ୍ ଅଇନାପାରେ । ୨୭ ଗଟେକ୍ ଲକ୍ଷ୍ୟ ମର୍ ପତେ ପତେ ଇଣ୍ଟୁବାଆଲେ, ତାକେ ଦିଆଅଇଲା କୁରୁସ୍ ବଇକରି ନ ଇଣ୍ଟେ ବଇଲେ, ସେ କେବେ ମର୍ ସିସ୍ ଅଇନାପାରେ । ୨୮ ତମେ ଜଦି ଗଟେକ୍ ବଡ଼ ଗର୍ ବାନ୍ଦବାକେ ମନ୍ କଲାସ୍‌ନି ବଇଲେ, ବାନ୍ଦବା ଆଗତୁ କେତେକ୍ କର୍ତ ଅଇସି ସେଟା ବସି କରି ଇସାବ୍ କର୍ସା । ଆରି ସେ ଗରର୍ ସବୁ କାମ୍ କରିସାରାଇବାକେ ତମର୍ ଲଗେ ସେଡ଼କି ତାରୁ ଆଚେକି ନାଇ ବଲି ଇସାବ୍ କରିଦେକ୍‌ସା । ୨୯ ତମେ ଜଦି ଇସାବ୍ କରି ନ ଦେକ୍‌ଲେ ଗର୍ କାମ୍ ଆରାମ୍ କରି ସାରାଇ ନାପାରାସ୍ । ସେ କାମ୍ କରି ନ ସାରାଇଲେ ତମ୍‌କେ ଦେକ୍‌ବା ଲକ୍ଷ୍ୟମନ୍ ଆସିକରି ଲାଜ୍‌କରି ଦେବାଇ । ୩୦ ସେମନ୍ କଇବାଇ, ଏ ଲକ୍ଷ୍ୟ ବଡ଼ଟା ଗର୍ ବାନ୍ଦବାର୍ ଆରାମ୍ କଲା, ମାତର୍ ସାରାଇବାର୍ ନାପାରଲା ।”

୩୧ ଆରି ଜିସୁ କଇଲା, “ଗଟେକ୍ ରାଜା ଦସ୍‌ଅଜାର୍ ସନିଅ ଦାରି, କତେଅଜାର୍ ସନିଅ ରଇଲା ରାଜାସଙ୍ଗ୍ ଜୁଇଦ୍ କରବାର୍ ଆଇଲେ, ପର୍ତୁମ୍ ତାର୍ ସନିଅମନ୍ ସଙ୍ଗ୍ ବସିକରି ତାର୍ ଦସ୍‌ଅଜାର୍ ସନିଅମନ୍ ସଙ୍ଗ୍ ଜୁଇଦ୍ କଲେ ଜିତି ଅଇସି କି ନାଇ ବଲି ଜଜ୍‌ନା ନ କରେକି ? ୩୨ ଜଦି ସେ ରାଜା ଜିତି ନଏଁ ବଲି ବାବ୍‌ଲେ ସେମନ୍ ଦୁରିକେ ରଇଲା ବେଲେସେ, ଏ ରାଜା ତାର୍ କେତେଟା ଲକ୍ଷ୍ୟେ ପାଟାଇ କରି, ଜୁଇଦ୍ ନ କରି ସାକ୍ତିର୍ ରାଜିନାମା କର୍ବାକେ କଇସି । ୩୩ ତମେମିସା ସେନ୍ତାରିସେ ମର୍ ସିସ୍ ଅଇବାକେ ମନ୍ କଲେ ତମ୍‌କେତେଇ ରଇଲା ସବୁଟା ଚାଡ଼ିଦେବାକେ ମନ୍ କର୍ବାର୍ ଆରେ । ନଇଲେ ତମେ ମର୍ ସିସ୍ ଅଇ ନାପାରାସ୍ ।”

**ଚପ୍‌ରା ରଇବା ନୁନ୍**  
(ମାତିଉ ୫:୩; ମାର୍କ ୯:୫୦)

୩୪ “ନୁନ୍ ଗଟେକ୍ ବଡ଼ିଆ ଦିନ୍‌ସୁ । ନୁନ୍ ଜଦି ନୁନ୍ ପାରା କରିଆ ନ ଅଇଲେ ସେଟା ଆରିତରେକ୍ କେନ୍ତ୍ର ନୁନ୍‌ପାରା କରିଅଇସି । ୩୫ ସେଟା ମାଟି କି କଡ଼ କର୍ବାକେ ମିସା କାମେ ନ ଆସେ । ସେଟା ପିଙ୍ଗି ଦେବାର୍‌ସେ ଅଇସି । ଜାକେ ସୁନ୍‌ଲାପାରା କାନ୍ ଆରେ ସେ ସୁନ୍ ।”

**୧୫**

**ଆଜ୍‌ଲା ମେଣ୍ଟା**  
(ମାତିଉ ୧୮:୧୨-୧୪)

୧ ଧିନେକ୍ ଜିସୁ କଇବା କାତା ସୁନ୍‌ବାକେ ସିସ୍‌ତୁ ମାଙ୍ଗ୍‌ବା ଲକ୍ଷ୍ୟମନ୍ ଆରି ଏକ୍ତି ବେସି ପାପିଲକ୍ଷ୍ୟମନ୍ ତାର୍ ଲଗେ ଆଇତେ ରଇଲା । ୨ ତେଇ ପାରୁସି ଲକ୍ଷ୍ୟମନ୍ ଆରି ନିୟମ୍ ସିକାଇ ଦେବା ଲକ୍ଷ୍ୟମନ୍, ଏଟା ଦେକି ତାର୍ ବିରଦେ ଏକ୍ତି

☆ ୧୪:୨୨ ୧୪:୨୭ ମାତିଉ ୧୦:୩୭ ☆ ୧୪:୨୭ ୧୪:୨୭ ମାତିଉ ୧୦:୩୮; ୧୭:୨୪; ମାର୍କ ୮:୩୪; ଲୁକ୍ ୯:୨୩ ☆ ୧୫:୧ ୧୫:୧ ଲୁକ୍ ୫:୨୯, ୩୦

କଲବାର୍ ବସୁଲାଇ । “ଏ ଲକ୍ଷକେ ଦେବା, ସେ ପାପି ଲକ୍ଷମନ୍ ର ସଙ୍ଗ୍ ମଇତର୍ ପାରା ଅଇ ତାକର୍ ସଙ୍ଗ୍ ମିସ୍ତେ କାଇଲାନି ।”<sup>୩</sup> ସେଟାର ପାଇ ଜିସୁ ସେମନ୍‌କେ ଏ ଉଦାଅରନ୍ କଇଲା ।

୪ “ଜଦି ତମର୍ ବିତ୍ତରେ ଗଟେକ୍ ଲକ୍ଷର୍ ସଏଟା ମେଣ୍ଟା ରଇସି ଆରି ସେ ବିତ୍ତରେଅନି ଗଟେକ୍ ଆଜିଜାଇସି ବଇଲେ ତମେ କାଇଟା କରସା ? ସେ ନବେ ନଅଟା ମେଣ୍ଟାମନ୍‌କେ ଚାରତ୍‌ବଲି ଚାଡ଼ିଦେଇ, ଆଜିଗାଲା ଗଟେକ୍ ମେଣ୍ଟା ମିଲ୍‌ବାଜାକ ନ କଜାସ୍ କି ?<sup>୫</sup> ଆରି ଜେତେବଲ୍ ସେ ମେଣ୍ଟା ମିଲାଇସି, ବେସି ସାରଦା ଅଇ ମେଣ୍ଟାକେ କନ୍ଦେ ବଇକରି ଗରେ ଦାରିଆଇସା ।<sup>୬</sup> ତମେ ଗରେ କେଟ୍‌ଲା ପଟେ, ତମର୍ ମଇତର୍‌ମନ୍‌କେ ଆରି ଗର୍ ଲଗର୍ ଲକ୍ଷକେ ଡାକିକରି ‘ମର ସଙ୍ଗ୍ ସାରଦା କରା, କାଇକେବଇଲେ ମର୍ ଆଜିଗାଲା ମେଣ୍ଟା ମିଲ୍‌ଲା’ ବଲି କଇସା ।<sup>୭</sup> ସେନ୍ତାରି ମୁଇ ତମ୍‌କେ କଇଲିନି, ‘ଆମେ ପାପି ଲକ୍ଷମନ୍ ନଉଁ’ ବଲି ବାବ୍‌ତେରଇବା ନବେ ନଅଟା ଦରମ୍ ଲକ୍ଷମନ୍ ରଇଲେମିସା ଗଟେକ୍ ପାପି ଲକ୍ଷ ନିଜେ ‘ମୁଇ ଗଟେକ୍ ପାପି’ ବଲି ଏତାଇସି । ପଟେ ମନ୍‌ବାଦ୍‌ଲାଇ କରି ପର୍‌ମେସରର୍ ଲଗେ ଆଇସି । ସେ ନବେ ନଅଟା ଦରମ୍ ଲକ୍ଷମନ୍‌ରେତେଇ ଅନି ଏ ଗଟେକ୍ ଲକ୍ଷର୍ ପାଇ ସର୍‌ଗେ ଅଦିକ୍ ସାରଦା କର୍‌ବାଇ ।”

**ଆଜିରଲା ରୁପା ଟାଙ୍ଗା**

୮ ଏ କାତା ସୁନାଇ ଦେବାକେ ଜିସୁ ଆରି ଗଟେକ୍ କାତାନି ସେମନ୍‌କେ କଇଲା, “ଜଦି ଗଟେକ୍ ମାଇଜିର୍ ଦସ୍‌ଟା ରୁପାଟାଙ୍ଗା\* ରଇଲା । ତେଇଅନି ଗଟେକ୍ ଅଦ୍‌ଲି ଆଜିଗାଲେ ସେ କାଇଟା କରସି ? ସେ ବଡ଼ି ଲାଗାଇ ଗୁଲାଇ ଗର୍ ସେଟା ନ ମିଲ୍‌ବାଜାକ ବାଡାନ୍ ରୁଡାନ୍ କରି କଇସି ।<sup>୯</sup> ଆରି ସେଟା ମିଲ୍‌ଲା ଦାପ୍‌ରେ ତାର୍ ମଇତର୍‌ମନ୍‌କେ ଆରି ଗର୍ ଲଗେ ରଇଲା ଲକ୍ଷମନ୍‌କେ କଇସି ‘ତମେ ମର୍‌ସଙ୍ଗ୍ ସାରଦା କରା, କାଇକେ ବଇଲେ ଆଜିଗାଲା ରୁପାଅଦ୍‌ଲି ତାରୁ ମକେ ମିଲ୍‌ଲା ଆଟେ’ ।<sup>୧୦</sup> ମୁଇ ତମ୍‌କେ କଇଲିନି, ସେନ୍ତସେ ଗଟେକ୍ ପାପି ଲକ୍ଷ ମାପ୍‌ରୁତେଇ ମନ୍‌ବାଦ୍‌ଲାଇସି ବଇଲେ, ପର୍‌ମେସରର୍ ଦୁତ୍‌ମନ୍ ବେସି ସାରଦା କର୍‌ବାଇ ।”

**ଆଜଲା ପିଲା**

୧୧ ଏ କାତା ରୁଜାଇ ଦେବାକେ ଜିସୁ ସେମନ୍‌କେ ଆରି ଗଟେକ୍ କାତାନି କଇଲା । ଗଟେକ୍ ଲକ୍ଷକେ ଦୁଇଟା ପିଲାମନ୍ ରଇଲାଇ ।<sup>୧୨</sup> ଦିନେକ୍ ସାନ୍ ପଅ ତାର୍ ବାବାକେ କଇଲା, “ଏ ବାବା ତର୍ ଦନ୍ ମର୍‌ବାଗେ ଜେଡ଼କି ଅଇସି, ସେଟା ଏବେ ମକେ ଦେଇପାକା ।” ସେଟାର ପାଇ ତାର୍ ବାବା ତାର୍ ଦନ୍ ଦୁଇବାଗ୍ କରି ତାର୍ ପିଲାମନ୍‌କେ ଦେଲା ।<sup>୧୩</sup> ଅଲପ୍ ଦିନ୍ ଗାଲା ପଟେ ସାନ୍ ପିଲା ତାର୍ ବାଗର୍ ସବୁ ଦନ୍ ବିକିଦେଇ ମିଲ୍‌ଲା ତାରୁ ଟୁଲିଆଇ ଗଟେକ୍ ଦୁର୍ ଦେସେ ଉଟିଗାଲା । ଆରି ତାର୍ ସବୁ ତାରୁ ନିଜେ ମନ୍‌କଲା ଇସାବେ କର୍‌ଟ କଲା ।<sup>୧୪</sup> ତାର୍‌ଲଗେ ରଇଲା ସବୁ ତାରୁ ସାରାଇଦେଲା । ପଟେ ସେ ଦେସର୍ ଗୁଲାଇ ବାଟେ ମର୍‌ଡ଼ି ଅଇଲା । ଆରି କାଇଟା ମିସା ଗେନି କାଇବାକେ ତାର୍‌ଲଗେ ତାରୁ ନ ରଇଲା ।<sup>୧୫</sup> ତେବେ ସେ ଗତେ ଗଟେକ୍ ଲକ୍ଷର୍ ଗରେ କୁଲି ମିଲ୍‌ସି କାଇକି ବଲି କାମ୍ କର୍‌ବାର୍ ଗାଲା । ସେ ଲକ୍ଷ ତାକେ ଗୁସ୍‌ରି ଚାରାଇବା କାମ୍ ଦେଲା ।<sup>୧୬</sup> ଆରି ତାକେ ବେସି ବୁକ୍ ଲାଗ୍‌ତେ ରଇଲା । ତାକେ ଗୁସ୍‌ରିମନ୍‌ର୍ କାଦି କାଇବାକେ ମନ୍‌ଲାଗ୍‌ଲା ମାତର୍ ସେ କାଦି ମିସା ଦେଅଡ଼ ନାଇ ।<sup>୧୭</sup> ସେବେଲେ ତାକେ ଚେଡ଼ନା ଆଇଲାଜେ ସେ ମନେ ମନେ ଏନ୍ତି ବାବ୍‌ଲା । ମର୍ ବାବାର୍ ଗରେତା କାମ୍ କର୍‌ବା ଗତିଦାଙ୍ଗ୍‌ତାମନ୍‌ର୍ କେତେ କାଦି ଉର୍‌ରି ଗାଲାନି । ମାତର୍ ମୁଇ ଇତି ବୁକେ ମରିଜିବିବେ ।<sup>୧୮</sup> ସେଟାରପାଇ ମୁଇ ଏ ଜାଗା ଚାଡ଼ିକରି ମର୍ ବାବାର୍ ଲଗେ ବାଉଡ଼ି ଜିବି । ଆରି ତାକେ କଇବି, “ଏ ବାବା ମୁଇ ପର୍‌ମେସର୍ ଆରି ତର୍ ବିରଦେ ପାପ୍ କରିଆଟି ।<sup>୧୯</sup> ମୁଇ ଆରି ତର୍ ପିଲା ଅଇବାର୍ ଅଦିକାର୍ ନାଇ ଆରି ତର୍ ଗତିଦାଙ୍ଗ୍‌ତାମନ୍‌ର୍ ବିତ୍ତରେ ଗଟେକ୍ ଗତିଦାଙ୍ଗ୍‌ତା ଅଇ ରଇବି” ବଲି କଇବି ।<sup>୨୦</sup> ଆରି ସେ ଜାଗା ଚାଡ଼ି ବାବାର୍ ଲଗେ ଜିବାକେ ବାରଇଲା ।

ମାତର୍ ସେ ପିଲା ଦୁରିକେ ରଇଲାବେଲେ ବାବା ତାକେ ଦେକ୍‌ଲା । ତାକେ ଦେକି ବେସି କଲିକରମ୍ ଅଇ, ତାର୍ ଲଗେ ପାଲାଇ ଆସି ପାଟାଲିକରି ରୁମ୍‌ଲା ।<sup>୨୧</sup> ସେ ପିଲା ତାର୍ ବାବାକେ କଇଲା, “ଏ ବାବା ମୁଇ ପର୍‌ମେସରର୍ ବିରଦେ ଆରି ତର୍ ବିରଦେ ପାପ୍ କଲିଆଟି ସେଟାରପାଇ ତର୍ ପିଲା ଅଇବାର୍ ମର୍ ଅଦିକାର୍ ନାଇ ।”<sup>୨୨</sup> ମାତର୍ ତାର୍ ବାବା ନିଜର୍ ଗତିଦାଙ୍ଗ୍‌ତାମନ୍‌କେ କଇଲା, “ତମେ ବେଗି ଜାଇକରି ସବୁର୍‌ଟାନେଅନି ନିମାନ୍ ଚକାପଟିଆ ତାକେ ପିନ୍ଧାଇଦିଆସ୍ । ଆରି ତାର୍ ଆଙ୍ଗ୍‌ଟି ମୁନ୍ଦି ପିନ୍ଧାଆ । ତାର୍ ଗତେ ପାଣ୍ଡୁଇ ପିନ୍ଧାଇଦିଆସ୍ ।”<sup>୨୩</sup> ଆରି ତାର୍ ଗତିଦାଙ୍ଗ୍‌ତାମନ୍‌କେ କଇଲା, “ଆମର୍‌ତେଇ ରଇଲା ସବୁର୍‌ଟାନେଅନି ଗଟେକ୍ ଗାଗଡ଼ ରଇବା ପସୁ ଆନି ମାରା, ଆରି ଆମେ ସାରଦା ଅଇକରି ବଜି କରୁ ।<sup>୨୪</sup> କାଇକେ ବଇଲେ ମର୍ ପିଲା ମରିଜାଇରଇଲା, ଆରି ଏବେ ଜିବନ୍ ଅଇଲା ଆଟେ । ସେ ଆଜିଜାଇ ରଇଲା ଏବେ ମିଲ୍‌ଲା ଆଟେ ।” ସେଟାରପାଇ ସେମନ୍ ବଜି କର୍‌ବାର୍ ବସୁଲାଇ ।

୨୫ ସେ ବେଲା ତାର୍ ବଡ଼ ପଅ ତାସ୍‌ପଦାଇ ରଇଲା । ସେ ବାଉଡ଼ି କରି ଗର୍ ଲଗେ ଆଇବା ବେଲାଇ ବାଜାବାଇଦ୍ କରି ନାଟ୍‌ଗିଡ଼ କର୍‌ବାଟା ସୁନ୍‌ଲା ।<sup>୨୬</sup> ସେ ଗଟେକ୍ ଗତିଦାଙ୍ଗ୍‌ତାକେ ଡାକିକରି ପାଟାର୍‌ଲା, “ଇତି କାଇଟା ଅଇଲାନି ?”<sup>୨୭</sup> ଗତିଦାଙ୍ଗ୍‌ତା ତାକେ କଇଲା, “ତର୍ ବାଇ ଗରେ ବାଉଡ଼ି ଆଇଲା ଆଟେ । ଆରି ତର୍ ବାବା, ତର୍ ବାଇ ଜର୍‌ଦୁକା ନ ଅଇ ଜିବନ୍‌ଅଇ ଆଇଲାକେ ଗଟେକ୍ ଗାଗଡ଼ ପସୁକେ ମାର୍‌ଲା ଆଟେ ।”

\* ୧୫:୮ ୧୫:୮ ଗଟେକ୍ ରୁପା ଟାଙ୍ଗା ଚାମ୍, ଗଟେକ୍ ଦିନରକୁଲି ତାରୁର୍ ଏଡ଼କି

୨୮ ଏ କାତା ସୁନି ବଡ଼ ପଥ ବେସି ରିସା ଅଇଗାଲା । ସେ ଗର୍ ବିତ୍ରେ ପୁରେ ମିସା ନାଇ । ମାତର୍ ତାର ବାବା ବଡ଼ ପଥର୍ ଲଗେ ଜାଇ ଗରେ ଜିବାକେ ବୁଜାଇବାର ଦାରଲା ।<sup>୨୯</sup> ମାତର୍ ବଡ଼ ପଥ ତାର ବାବାକେ କଇଲା, “ଦେକ୍, ମୁଇ ଏତେକ୍ ବରସ୍ ଜାକ ଗଟେକ୍ ଗତିଦାଙ୍ଗଡା ପାରା ତର୍ ସେବା କଲିନି ଆରି ତର୍ କାତା ମାନି କରି ରଇଲି । ତୁଇ ମକେ କାଇଟା ଦେଇଆରୁସ୍ ? ମର୍ ମଇତର୍ମନର୍ ସଙ୍ଗ୍ ବଜି କରା ବଲି ଗଟେକ୍ ସାନ୍ତା ପସୁ ମିସା ଦେଉସ୍ ନାଇ ।<sup>୩୦</sup> ମାତର୍ ତର୍ ଏ ସାନ୍ ପଥ ସବୁ ଦନ୍ ଦାରିଜାଇ ବେସିଆମନ୍କେ ଦେଇ ସାରାଇଦେଲା ଆରି ସେ ଗରେ ବାଉଡ଼ି ଆଇଲାକେ ତୁଇ ତାର ପାଇ ଗଟେକ୍ ଗାଗଡ଼ଟା ପସୁକେ ମାରୁଲୁସ୍ !”<sup>୩୧</sup> ସେବେଲେ ତାର ବାବା ବଡ଼ ପଥକେ କଇଲା, “ଏ ନୁନା ତୁଇତା ସବୁ ବେଲା ମର୍ ସଙ୍ଗ୍ ରଇଲୁସ୍ନି ଆରି ମର୍ ଜେଡ଼କି ଦନ୍ ଆତେ ସେଟା ସବୁ ତରଟାସେ ।<sup>୩୨</sup> ମାତର୍ ତର୍ ବାଇ ମରିଜାଇରଇଲା । ଏବେ ସେ ଜିବନ୍ ଅଇଆତେ ସେ ଆଜିଜାଇରଇଲା ମାତର୍ ଏବେ ମିଲୁଲା ଆତେ । ସେଟାପାଇ ଆମେ ସାରଦା କରବାର ରଇଲା ।”



**ବିସ୍ବାସ କରବା ଗୁମସତା**

<sup>୧</sup> ଜିସୁ ତାର ସିସ୍ମାନକେ ଗଟେକ୍ କାତାନି ବୁଜାଇ କଇଲା । “ଗଟେକ୍ ସାଉକାର୍ ଲକ୍ ରଇଲା । ତାର ଦନ୍ ଇସାବକିତାବ୍ କରବାକେ ଗଟେକ୍ ମୁକିଅ ଗତିଦାଙ୍ଗଡା ରଇଲା । ଆରି ସେ ସବୁ ଦନ୍ ଏନେତେନେ କରିଦେଲାନି ବଲି ଗଟେକ୍ ଲକ୍‌ରତେଇ ଅନି ସାଉକାର୍ ସୁନଲା ।”<sup>୨</sup> ସେଟାର ପାଇ ସାଉକାର୍ ମୁକିଅ ଗତିଦାଙ୍ଗଡାକେ ଡାକି କଇଲା, “ତୁଇ ଟିକ୍ ସଙ୍ଗ୍ ଇସାବପତର୍ କରୁସ୍ ନାଇ ବଲି ମୁଇ ବେସି କାତା ସୁନଲିନି । ମର୍ ସବୁ ତାବୁର୍ ଇସାବ୍ ମକେ ଦେ । କାଇକେ ବଇଲେ ତୁଇ ଆରି ମର୍ ମୁକିଅ ଗତିଦାଙ୍ଗଡାର୍ କାମେ ନ ରଉସ୍ ।”<sup>୩</sup> ସେବେଲା ସେ ମୁକିଅ ଗତିଦାଙ୍ଗଡା ମନେ ମନେ ଏତାଇଲା । ଏବେ ମୁଇ କାଇଟା କରବି ? ମର୍ ସାଉକାର୍ କାମେ ଅନି ବାକରିଦେବି ବଲି କଇଲା ଆତେ । ମାଟି ମାରବାକେ ମକେ ବପୁ ନାଇ ଆରି ବିକ୍ ମାଗବି ବଇଲେ ମିସା ଲାଜ୍ ଲାଗଲାନି ।<sup>୪</sup> ମୁଇ କାଇଟା କରବାର୍ ଆତେ ବଲି ଜାନି ଆଟି । ମକେ ଏ କାମେଅନି ବାର୍ କରିଦେଲା ପତେ କାଇଟା କଲେ ଲକ୍‌ମନର୍ ଗରେ ମକେ ଡାକି ନିକକରି ଦେକ୍‌ବାଇ ବଲି ବାବଲା ।

<sup>୫</sup> ତେବେ ସେ ମୁକିଅ ଗତିଦାଙ୍ଗଡା ତାର ସାଉକାର୍‌ତେଇଅନି ଉଦାର୍ ନେଲା ସବୁ ଲକ୍‌କେ ଡାକିଲା । ପର୍ତୁମ୍ ଗଟେକ୍ ଲକ୍‌କେ ଡାକି ପାଟାରୁଲା, “ତୁଇ ମର୍ ସାଉକାର୍‌କେ କେତେକ୍ ଦେବାର୍ ଆତେ ?”<sup>୬</sup> ସେ ଲକ୍ ତାକେ “ସଏ ଡାବା ଟିକନ୍ ।” ବଲି କଇଲା । ମୁକିଅ ଗତିଦାଙ୍ଗଡା ତାକେ କଇଲା, “ତମେ ଉଦାର୍ ନେଲା ପତିଲଗେ ଉନା କରି ପଟାସ୍ ଡାବା ବଲି ଲେକିଦେସ୍ ।”<sup>୭</sup> ତାର ପତେ ସେ ଆରି ଗଟେକ୍ ଲକ୍‌କେ ପାଟାରୁଲା, “ତମେ କେତେକ୍ ଦେବାର୍ ଆତେ ?” ଉଦାର୍ ନେଲା ଲକ୍ କଇଲା, “ଅଜାର୍ ବାସ୍ତା ଦାନ୍ ।” ମୁକିଅ ଗତିଦାଙ୍ଗଡା ତାକେ କଇଲା “ତୁଇ ଉଦାର୍ ନେଲା ପତିତେଇ ଉନାକରି ଆଟ୍ ସଅ ବାସ୍ତା ବଲି ଲେକିଦେସ୍ ।”

<sup>୮</sup> ଏଟାର ପାଇ ସେ ମିରୁଆ ମୁକିଅ ଗତିଦାଙ୍ଗଡାକେ ତାର ସାଉକାର୍ କଇଲା, “ତୁଇ ବେସି ଚାଲାକି ଅଇକରି ଏନ୍ତି କାମ୍ କରିଆରୁସ୍ । କାଇକେ ବଇଲେ ଏ ଦୁନିଆର୍ ଲକ୍‌ମନ୍ ନିଜର୍ କାମ୍ କରବାକେ ପର୍ମେସରର୍ ଲକ୍‌ମନର୍ ଚାନେଅନି ଅଦିକ୍ ଚାଲାକି ।”

<sup>୯</sup> ଆରି ଜିସୁ କଇଲା, “ସେଟାର ପାଇ ମୁଇ ତମକେ କଇଲିନି, ଲକ୍‌ମନ୍‌କେ ଏ ଦୁନିଆର୍ ଦନ୍ ଦେଇ କରି ନିଜର୍ ନିଜର୍ ପାଇ ମଇତର୍ କରା । ସେନ୍ତାରି କଲେ ଜେତେବଲ୍ ତମର୍ ଦୁନିଆର୍ ଦନ୍ ସାରିଜାଇସି, ପର୍ମେସର୍ ତମକେ କାଲ୍‌କାଲ୍ ଜୁଗ୍‌ଜୁଗ୍ ରଇବା ଗରେ ଡାକି ନେଇସି ।<sup>୧୦</sup> କେ ସାନ୍ ବିସଇ ସତ୍‌ସଙ୍ଗ୍ କରସି, ସେ ବଡ଼ ବିସଇ ସତ୍‌ସଙ୍ଗ୍ କରସି । ସେନ୍ତାରିସେ କେ ସାନ୍ ବିସଇ ନେଇକରି ସତ୍ କାମ୍ ନ କରେ ସେ ବଡ଼ ବିସଇତେଇ ମିସା ସତ୍ କାମ୍ ନ କରେ ।<sup>୧୧</sup> ପର୍ମେସର୍ ତମକେ ଏ ଦୁନିଆଇ ଦେଲା ତାବୁ ଆରି ଦନର୍ ବିସଇ ସତ୍‌ଇସେ ନ କରାସ୍ ବଇଲେ ସରଗର୍ ଦନ୍ ତମକେ ମିଲ୍‌ବାକେ ନ ଦେଏ ।<sup>୧୨</sup> ତମେ ବିନ୍ ଲକ୍‌ମନର୍ ଦନ୍ ସତ୍‌ବାବେ ନ ସଙ୍ଗାଇଲେ ନିଜର୍ ଦନ୍ କେ ତମକେ ଦେଇସି ?<sup>୧୩</sup> ଗଟେକ୍ ଗତିଦାଙ୍ଗଡା ଦୁଇଟା ସାଉକାର୍‌ର୍ ଦାଇଡ଼୍ ସମାନ୍ ବାବେ କରିନାପାରେ । କାଇକେବଇଲେ ସେ ଗଟେକ୍ ସାଉକାର୍‌କେ ଆଲାଦ୍ କରସି ଆରି ଗଟେକ୍ ସାଉକାର୍‌କେ ଗିନ୍ କରସି । ଗଟେକ୍ ସାଉକାର୍‌କେ ନାମ୍‌ସି ଆରି ଗଟେକ୍‌କେ ନ ନାମେ । ସେନ୍ତାରିସେ ଗଟେକ୍ ଲକ୍ ଏକାତରେକ୍ ଏ ଦୁନିଆର୍ ଦନ୍ ଆରି ପର୍ମେସର୍କେ ସମାନ୍‌ବାବେ ସେବା କରିନାପାରେ ।”

**ଜିସୁର୍ କେତେଟା କାତା**

(ମାତିଉ ୧୧:୧୨-୧୩; ୫:୩୧-୩୨; ମାର୍କ ୧୦:୧୧-୧୨)

<sup>୧୪</sup> ପାରୁସି ଦଲର୍ ଲକ୍‌ମନ୍ ଏ ସବୁ କାତା ସୁନି ଜିସୁକେ ଟାପୁରା କଲାଇ, କାଇକେ ବଇଲେ ତାବୁ ଆକା ସେମନର୍ ଜିବର୍ ଦନ୍ ବଲି ବାବ୍‌ତେ ରଇଲାଇ ।<sup>୧୫</sup> ଜିସୁ ସେମନ୍‌କେ କଇଲା, “ତମେ ଲକ୍‌ର୍ ମୁଆଟେ ନିକ ବଲି ଦେକାଇ ଅଇଲାସିନି । ମାତର୍ ତମର୍ ମନ୍‌ବିତ୍ରେ କାଇଟା ଆତେ ସେଟା ପର୍ମେସର୍ ଜାନିଆତେ । ଜନ୍ ଦିନ୍‌ସୁ ଲକ୍‌ମନ୍ ବେସି ମୁଲିଅ ବଲି ବାବ୍‌ଲାଇନି ସେଟା ପର୍ମେସର୍ ଦେକ୍‌ବା ଇସାବେ ବେସି ଗିନର୍ ବିସଇ ।”

✳ ୧୬:୧୩ ୧୬:୧୩ ମାତିଉ ୬:୨୪

୧୭\*“ତୁମ୍ଭେ ଦେଉ ଜିଅନ୍ ଆସି ନିକ କାତା କଇବାଟା ଆରାମ୍ କରବା ଜାକ, ମସାର ନିୟମ୍ ଆରି ବବିସତ୍‌ବକ୍‌ତାମନ୍ କାତା ତମ୍ଭେ କାତାକ ନେଇତେ ରଇଲା । ଜିଅନ୍ ଆଇଲା ପତେ, ପର୍ତ୍ତେସରର୍ ରାଇଜର୍ ସୁବ୍ କବର୍ ଜାନାଇଲାକିନି । ଆରି ନିଜର୍ ବପୁସଙ୍ଗ୍ ପର୍ତ୍ତେସରର୍ ରାଇଜେ ଜିବାକେ ବେସି ଲକ୍‌ମନ୍ ଚେସଟା କଲାକିନି । ୧୭\*ସରଗ୍ ଆରି ଦୁନିଆ ନସିଗାଲେ ମିସା ନିୟମେ ଲେକା ଅଇରଇଲାଟା ଗଟେକ୍ ମିସା ଅଇକର୍ ନ ନସେ ।”

୧୮\*“କେମିସା ନିଜର୍ ମାଇଜିକେ ଚାଡି ବିନ୍‌ଟା ଆନଲେ, ସେ ଦାଙ୍ଗ୍‌ତିସଙ୍ଗ୍ ବେସିଆ କାମ୍ କଲା ଲକ୍ ଅଇଜାଇସି । ଆରି କେ, ସେ ଚାଡିଲା ଦାଙ୍ଗ୍‌ତିକେ ବିବା ଅଇସି ବଇଲେ ସେ ମିସା ଦାଙ୍ଗ୍‌ତିସଙ୍ଗ୍ ବେସିଆ କାମ୍ କଲା ଆଚେ ।” ବଲି କଇଲା ।

**ଗଟେକ୍ ସାଉକାର୍ ଆରି ଲାଜାର୍**

୧୯ ଜିସୁ ସେମନ୍‌କେ ଗଟେକ୍ କାତାନି ରୁଜାଇକରି କଇଲା, “ଗଟେକ୍ ସାଉକାର୍ ଲକ୍ ରଇଲା । ସେ ଲତେକ୍ ମଲ୍ ଦେଇ ଗେନ୍‌ଲା ନିକ ନିକ ଚକା ପଟିଆ ପିନ୍‌ତେ ରଇଲା । ସେ ସବୁଦିନ୍ ବଜି କରି ନିଜେ ସାର୍‌ଦା ଅଇତେରଇଲା । ୨୦ ତେଇ ଲାଜାର୍ ନାଉର୍ ଅରକିଡ୍ ଲକ୍ ଗଟେକ୍ ରଇଲା । ତାର୍ ଗୁଲାଇ ଗାଗଡ୍ ଗାଉ ଅଇରଇଲା । ତାକେ ଆନିକରି ସାଉକାର୍ କାପାଟ୍ ଲଗେ ତୁଲାଇତେ ରଇଲାକି । ୨୧ ତେଇ ରଇ, ସେ ସାଉକାର୍ ତାଲିଅନି ଅଦରୁଲା ସକ୍ତି ବାଡିତା ବେଟି କାଇବାକେ ମନ୍ କର୍ତେ ରଇଲା । କୁକୁର୍‌ମନ୍ ତାର୍ ଗାଗଡ୍ ଗାଉ ଚାଟ୍‌ତେ ରଇଲାକି ।”

୨୨ କେତେ ଦିନ୍ ଗାଲାପତେ ସେ ଅରକିଡ୍ ଲକ୍ ମରିଗାଲା । ଆରି ପର୍ତ୍ତେସରର୍ ଦୁଡ୍‌ମନ୍ ଆସି ତାକେ ସରଗ୍‌ପୁରର୍ ବଜିତେଇ ଅବ୍ରାଆମ୍ ଲଗେ ବସ୍‌ବାକେ ଦାରି ଗାଲାକି । ଆରି କେତେ ଦିନ୍ ଗାଲାପତେ ସେ ସାଉକାର୍ ମିସା ମରିଗାଲା । ତାକେ ନେଇ ତପିଦେଲାକି । ୨୩ ଆରି ସେ ନରକ୍ କୁଣ୍ଡେ ଗାଲା । ତେଇ ସେ ବେସି କସ୍‌ଟ ପାଇବାବେଲା ଉପ୍‌ରେ ସରଗ୍‌ପୁରେ ଦେକ୍‌ଲେ ଲାଜାର୍ ଅବ୍ରାଆମ୍ ଲଗେ ବସି ଆଚେ । ୨୪ ସେ ଆଉଲି ଅଇ କଇଲା, “ଏ ବାବା ଅବ୍ରାଆମ୍, ମକେ ଦୟା କର । ଲାଜାର୍‌କେ ମର ଲଗେ ପାଟାଇଦେସ୍ । ସେ ଆସିକରି ନିଜର୍ ଆଙ୍ଗ୍‌ଟି ସଙ୍ଗ୍ ପାନି ଦେଇ, ମର୍ ଜିବ୍ କାକର୍ କର । କାଇକେ ବଇଲେ ମୁଇ ଏ ନରକ୍‌ପୁରର୍ ଜଇଲଗେ ବେସି କସ୍‌ଟ ପାଇଲିନି ।”

୨୫ ମାତର୍ ଅବ୍ରାଆମ୍ କଇଲା, “ବାବୁରେ, ତୁଇ ଜିବନ୍ ରଇଲାବେଲାଟା କାତା ମନେ ଏତାଇ ଦେକ୍ । ତର୍ ଜିବ୍‌ନେ ସବୁ ନିମାନ୍ ବିସଇ ପାଇରଇଲୁସ୍ । ଆରି ଲାଜାର୍ ସବୁ କାରାପ୍ ବିସଇ ପାଇଲା । ମାତର୍ ସେ ଏବେ ଏ ଜାଗାଇ ସାର୍‌ଦାଅଇ ଆଚେ । ଆରି ତୁଇ ବେସି କସ୍‌ଟ ପାଇଲୁସିନି । ୨୬ ଆରି ଗଟେକ୍ ବିସଇ ଅଇଲାକି, ତର୍ ଆମ୍ ମଜାଇ ଗଟେକ୍ ବଡେଟା ପାଗଡ୍ ଆଚେ । ଇଡିର୍ ଲକ୍ ସିଡି ଜାଇ ନର୍ ଆରି ସିଡିର୍ ଲକ୍ ଇଡି ଆସି ନର୍” ବଲି କଇଲା । ୨୭ ସେ ବେଲା ସେ ସାଉକାର୍ କଇଲା, “ଏ ବାବା ଏନ୍ତି ବଇଲେ ମୁଇ ତକେ ବାବୁଜିଆ କଲିନି ଲାଜାର୍‌କେ ଦୟାକରି ମର୍ ବାବାର୍ ଗରେ ପାଟାଇଦେସ୍ । ୨୮ କାଇକେ ବଇଲେ ତେଇ ମର୍ ପାଟ୍‌ଟା ବାଇମନ୍ ଆଚଡ୍ । ଲାଜାର୍ ଜାଇ ସେମନ୍‌କେ ଜାଗ୍‌ରଡ୍ କରାଅ । ସେମନ୍ ସେ କାତା ସୁନି ପାପେଅନି ମନ୍ ବାଦ୍‌ଲାଅଡ୍ । ସେମନ୍ ମଲେ ମୁଇ ଏବେ ବେସି କସ୍‌ଟ ପାଇବା ଏ ଜାଗାଇ ନ ଆସଡ୍” ବଲି କଇଲା ।

୨୯ ମାତର୍ ଅବ୍ରାଆମ୍ ତାକେ କଇଲା, “ସେମନ୍ ଜାଗ୍‌ରଡ୍ ଅଇ ରଇବାକେ ମସାର ନିୟମ୍ ଆରି ବବିସତ୍‌ବକ୍‌ତାମନ୍ କଇଲା କାତା ସବୁ ତାକର୍ ଲଗେ ଆଚେ । ସେଟା ସେମନ୍ ପଡିକରି ସିକଡ୍ ।” ବଲି କଇଲା । ୩୦ ଆରି ସେ ସାଉକାର୍ ଅବ୍ରାଆମ୍‌କେ କଇଲା, “ସେଡକି ନର୍ ବାବା, ମଲାଟାନେଅନି ଉଟିକରି ଗଟେକ୍ ଲକ୍ ଜାଇ କଇଲେ ସେମନ୍ ବିସ୍‌ବାସ୍ କରି ପାପେଅନି ମନ୍ ବାଉଡାଇବାଇ ।” ବଲି କଇଲା । ୩୧ ଅବ୍ରାମ୍ ତାକେ କଇଲା, “ତର୍ ବାଇମନ୍ ମସାର୍ ଆରି ବବିସତ୍‌ବକ୍‌ତାମନ୍ କାତା ନ ସୁନଡ୍ ବଇଲେ ମଲାଟାନେଅନି ଉଟିକରି ଗଟେକ୍ ଲକ୍ ଜାଇ କଇଲେ ମିସା ସେମନ୍ ନ ମାନଡ୍ ।”



**ପାପ୍ (ମାଡିଉ ୧୮:୬-୭; ୨୧; ୨୨; ମାର୍କ ୯:୪୨)**

୧ ଦିନେକ୍ ଜିସୁ ତାର୍ ସିସମନ୍‌କେ କଇଲା, “ଏ ଦୁନିଆଇ ସବୁ ବେଲା ଲକ୍‌ମନ୍‌କେ ପାପ୍ କରାଇବାକେ କାଇଆଲେ ପରିକା ଆଇସି । ମାତର୍ ଜନ୍ ଲକ୍ ଏନ୍ତି ବିନ୍ ଲକ୍‌କେ ପାପ୍ କରାଇସି, ସେମନ୍‌କେ କେତେକ୍ କସ୍‌ଟର୍ ଦସା ଅଇସି । କାଇକେବଇଲେ ପର୍ତ୍ତେସର୍ ସେମନ୍‌କେ ବେସି ବଡ୍ ଡଣ୍ଡ୍ ଦେଇସି । ୨ ସେନ୍ତାରି ଲକ୍, ଦରମ୍ ଲକ୍‌ମନ୍‌କେ ପାପ୍‌କରାଇବା ବାବୁଲେ ଗାଲାଇ ଗଟେକ୍ ବଡ୍‌ଟା ଜତା ପାକ୍‌ନା ବାନ୍ଧିକରି ତେଙ୍ଗ୍ ପାନିତେଇ ପିଙ୍ଗି ଦେବାପାରା ଡଣ୍ଡ୍ ତାର୍‌ପାଇ ନିକ ଅଇତା । ୩\*ତେବର୍‌ପାଇ ତମର୍ ଚଲାଚଲ୍‌ତିତେଇ ବେସି ଜାଗ୍‌ରଡ୍‌ଅଇ ରୁଆ । ଜଦି ତମର୍ ବାଇ କି ବଇନି ପାପ୍ କଲେ, ସେଟା ନିକ କାମ୍ ନର୍ ବଲି ଟିକ୍ କରା । ଆରି ସେ କରିରଇବା ବୁଲ୍ ଏତାଇ କରି ମନ୍ ବାଦ୍‌ଲାଇସି ବଇଲେ, ତାକେ କେମା ଦିଆସ୍ । ୪ ଜଦି ସେ ଗଟେକ୍ ଦିନେ ସାଡ୍‌ପାଲି ଜାକ ତମର୍ ବିରଦେ ପାପ୍ କରି, ପତେ ନିଜର୍

\* ୧୭:୧୭ ୧୭:୧୭ ମାଡିଉ ୧୧:୧୨,୧୩    \* ୧୭:୧୭ ୧୭:୧୭ ମାଡିଉ ୫:୧୮    \* ୧୭:୧୮ ୧୭:୧୮ ମାଡିଉ ୫:୩୨; ୧୮ କରନ୍ତିୟ ୭:୧୦,୧୧    \* ୧୭:୩ ୧୭:୩ ମାଡିଉ ୧୮:୧୫

ବୁଲ୍ କଲାଟା ଏତାଇ ମନ୍ ବାଦ୍‌ଲାକକରି ତମର୍ ତେଇ ଆସି ଜେତେପାଲି କେମା ମାଗ୍‌ଲେ, ସେଡ଼କିପାଲି ତାକେ କେମା ଦିଆସ୍ ।”

**ବିସ୍‌ବାସ୍**

୫ ଆରି ପେରିଡ଼ମନ୍ ଜିସୁକେ କଇଲାଇ, “ଆମର୍ ବିସ୍‌ବାସ୍ ଅଦିକ୍ କରିଦିଆସ୍ ।”

୬ ଜିସୁ ସେମନ୍‌କେ କଇଲା, “ଗଟେକ୍ ସର୍ସୁ ମୁଞ୍ଜି ପାରା ତମର୍ ବିସ୍‌ବାସ୍ ରଇସି ବଇଲେ ତମେ ବଡ଼ ଗଟକେ ଜିକିଅଇ ସମ୍‌ଦୁରେ ଜାଇ ରପିଅ ବଲି କଇଲେ ସେ ଗଟ ତମର୍ କାତା ମାନ୍‌ସି ।”

**ଗଟେକ୍ ଗତିଦାଙ୍ଗ୍‌ତାର କାମ୍**

୭ “ଜଦି ତୁଇ ଗଟେକ୍ ସାଉକାର୍ ଅଇରଇସୁ ବଇଲେ ତର୍ ଗତିଦାଙ୍ଗ୍‌ତା କସ୍‌ବାଟାନ୍‌େଅନି ନଇଲେ ଗରୁଚାରାଇବାଟାନ୍‌େଅନି ଆସି ତାର୍ ନିଜର୍ କାମ୍ ନ ସାରାଇବା ଆଗ୍‌ତୁ ତୁଇ ତାକେ ‘କାଇବାକେ ବସ୍‌ବେ’, ବଲି କଇସୁ କି ? ନାଇ, ସେକ୍ତି ନ କଉସ୍ । ୮ ମାତର୍ ସେ ନିଜର୍ କାଦି କାଇବା ଆଗ୍‌ତୁ ତର୍‌ପାଇ ରାୟି ନ ଦେବା ଜାକ, ତୁଇ ତାକେ କାଇବାକେ ନ ଦେଉସ୍ । ୯ ଆରି ତୁଇ ସେ ଗତିଦାଙ୍ଗ୍‌ତାକେ ‘ସବୁ କାମ୍ କରି ସାରାଇଲୁସ୍ !’ ବଲି ଦନିଅବାଦ୍ ଦେଇସୁ କି ? ନାଇ ନ ଦେଉସ୍ । ୧୦ ସେକ୍ତାରି ତମ୍‌କେ କଇରଇଲା ସବୁ ବିସଇ କରିସାରାଇଲା ପଟେ ତମେ କଇବାର୍ ଆଟେ । ଆମେ ଅବ୍‌କା ଗତିଦାଙ୍ଗ୍‌ତାମନ୍, ଆମର୍ ଜେଡ଼କି କର୍‌ବାର୍ ରଇଲା, ସେଡ଼କିସେ ଆମେ କରିଆଟୁ ।”

**ଦସ୍‌ଟା ବଡ଼ରଗ୍ ଅଇଲା ଲକ୍‌ମନ୍ ନିକ ଅଇଲାଇ**

୧୧ ଜିସୁ ତାର୍ ସିସ୍‌ମନର୍ ସଙ୍ଗ୍ ଜିରୁସାଲମେ ଜିବା ବେଲେ ସେ ଗାଲିଲି ଆରି ସମିରଣ ଜିଲାର୍ ମଜାଇ କେଟ୍‌ଲା । ୧୨ ଆରି ସେ ଗାଉଁ ବିଡ଼ରେ ପୁର୍‌ବା ବେଲେ ବଡ଼ରଗ୍ ଅଇରଇଲା ଦସ୍‌ଟା ଲକ୍‌ମନ୍ ତାକେ ଦୁରିକେଅନି ଦେକ୍‌ଲାଇ । ସେମନର୍ ନିୟମେ ବଡ଼ରଗ୍ ରଇଲା ଲକ୍‌ମନ୍, ବିନ୍ ଲକ୍‌ମନର୍ ଲଗେ ଆସି ନାପାରଡ଼ । ସେଟାର୍ ପାଇ ସେମନ୍ ଜିସୁର୍ ଲଗେ ନ ଆସି ଦୁରିକେ ରଇକରି, ୧୩ ବେସି ଆଉଲିଅଇ କଇଲାଇ, “ଜିସୁ ! ଏ ଗୁରୁ ! ଆମକେ ଦୟାକରା ।”

୧୪ ଜିସୁ ସେମନ୍‌କେ ଦେକି କରି କଇଲା, “ତମେ ଜାଇକରି ପର୍‌ମେସରର୍ ପୁଜାରିମନ୍‌କେ ତମର୍ ଗାଗଡ଼ ଦେକାଆ । ତମେ ନିମାନ୍ ଅଇଲାସ୍ କି ନାଇ ବଲି ସେମନ୍ ଦେକଡ଼ ।” ପଟେ ସେ ଦସ୍ ଲକ୍ ପର୍‌ମେସରର୍ ପୁଜାରିମନର୍ ଲଗେ ଜିବା ବେଲେ, ବାଟେ ନିମାନ୍ ଅଇଗାଲାଇ । ୧୫ ଏଦେ ଦେକା ! ସେମନର୍ ବିଡ଼ରେଅନି ଗଟେକ୍ ଲକ୍ ନିଜର୍ ଗାଗଡ଼ ନିମାନ୍ ଅଇଲାଟା ଦେକି, ଜିସୁର୍ ଲଗେ ବାଉଡ଼ି ଆଇଲା । ଆରି ସେ ବେସି ଆଉଲିଅଇ ପର୍‌ମେସରର୍ ଡାକ୍‌ପୁଟା କଲା । ୧୬ ସେ ପାଲାଇ ଆସି ଜିସୁର୍ ପାଦେ ଅଦର୍‌ଲା “ତମେ ମକେ ନିମାନ୍ କରିଆଟାସ୍” ବଲି ଦନିଅବାଦ୍ କଲା । ସେ ଜିଉଦି ଲକ୍ ନର୍‌ସି । ସେ ସମିରଣିୟ ବଲି ଗଟେକ୍ ଜାଗାର୍ ଲକ୍ । ୧୭ ଜିସୁ ତାକେ କଇଲା, “ମୁଇତା ଦସ୍‌ଲକ୍‌କେ ନିମାନ୍ କରି ରଇଲି । ତକେ ଗଟେକ୍ ଲକ୍‌କେ ଚାଡ଼ି ଆରି ନଅ ଲକ୍ କେନେ ଗାଲାଇ ? ୧୮ ନିମାନ୍ ଅଇଲା ପଟେ ବାଉଡ଼ି ଆସି ପର୍‌ମେସର୍‌କେ ଦନିଅବାଦ୍ କର୍‌ବାକେ ଏ ଗଟେକ୍ ସମିରଣିୟ ଲକ୍‌ସେ ରଇଲା କି ?” ୧୯ ତାର୍ ପଟେ ଜିସୁ ତାକେ କଇଲା, “ତୁଇ ଏବେ ଉଟ୍ ଆରି ଜାଆ, କାଇକେ ବଇଲେ ମୁଇ ତକେ ନିମାନ୍ କରିପାର୍‌ବି ବଲି ବିସ୍‌ବାସ୍ କରିରଇଲୁସ୍ ।”

**ପର୍‌ମେସରର୍ ରାଇଜ୍ ଆଇଲାନି  
(ମାଡ଼ିଉ ୨୪:୨୩-୨୮, ୩୭-୪୧)**

୨୦ କେତେଟା ପାରୁସି ଲକ୍‌ମନ୍ ଜିସୁକେ “କେବେଅନି ପର୍‌ମେସର୍ ଲକ୍‌ମନ୍‌କେ ସାସନ୍ କର୍‌ସି ?” ବଲି ପାଚାର୍‌ଲାଇ । ଜିସୁ ସେମନ୍‌କେ କଇଲା, “ପର୍‌ମେସର୍ କେକ୍ତି ସାସନ୍ କର୍‌ସି, ସେ ରାଇଜ୍ ତମର ଆକିଡେଇ ନ ତିସେ । ୨୧ ଆରି ପର୍‌ମେସର୍ ଇଡ଼ି ସାସନ୍ କଲାନି ନଇଲେ ସିଡ଼ି ସାସନ୍ କଲାନି ବଲି କଇବାର୍ ନାପାରାସ୍ । କାଇକେ ବଇଲେ, ଲକ୍‌ମନର୍ ମନ୍ ବିଡ଼ରେ ପର୍‌ମେସର୍ ସାସନ୍ କର୍‌ସି ।”

୨୨ ପଟେ ତାର୍ ସିସ୍‌ମନ୍‌କେ କଇଲା, ଏକ୍ତି ବେଲା ଆଇସି ତମେ ପର୍‌ମେସର୍‌ଟାନ୍‌େଅନି ଆଇଲା ନର୍‌ପିଲା ମର୍‌ସଙ୍ଗ୍ ଗଟେକ୍ ଦିନ୍ ରଇବାକେ ବେସି ମନ୍ କର୍‌ସା । ମାତର୍ ସେବେଲା ମକେ ଦେକି ନାପାରାସ୍ ୨୩ ଲକ୍‌ମନ୍ ତମ୍‌କେ କଇବାଇ, ପର୍‌ମେସରର୍ ଟାନ୍‌େଅନି ଆଇଲା ନର୍‌ପିଲା ଇଡ଼ି ଆଟେ ସିଡ଼ି ଆଟେ ବଲି । ତମେ ସେଟା ଦେକ୍‌ବାକେ ନ ଜାଆ । ତମେ କକ୍ତି ଆଟାସ୍ ତେଇସେ ରୁଆ । ୨୪ କାଇକେବଇଲେ ପର୍‌ମେସରର୍ ଟାନ୍‌େଅନି ଆଇଲା ନର୍‌ପିଲା ମୁଇ, ବାଉଡ଼ିବାଟା ତମେ ଦେକ୍‌ସା । ସେଟା କେକ୍ତାର୍ ବଇଲେ, ଆକାସେ ଜେକ୍ତି ଗଟେକ୍ ବାଟେଅନି ଆରି ଗଟେକ୍ ବାଟେ ବିଜ୍‌ଲି ମାରିକରି ଗୁଲାଇ ଆକାସ୍ ଉଜଲ୍ ଅଇସି, ସେକ୍ତାରିସେ ସବୁ ଲକ୍‌ମନ୍ ଦେକିଅଇସି । ୨୫ ମାତର୍ ସେଟା ଅଇବା ଆଗ୍‌ତୁ ପର୍‌ମେସରର୍ ଟାନ୍‌େଅନି ଆଇଲା ନର୍‌ପିଲା ମୁଇ ବେସି ଦୁକ୍ କସ୍‌ଟ ପାଇବାର୍ ଆଟେ । ଆରି ମର୍ ସବୁ କାମ୍ ଦେକ୍‌ଲା ଲକ୍‌ମନ୍ ମକେ ନ ନାମଡ଼ ।

୨୬ ନଅ ରଇଲା ବେଲା ଲକ୍‌ମନ୍ ଜେକ୍ତାରି ରଇଲାଇ ସେକ୍ତାରିସେ ପର୍‌ମେସରର୍ ଟାନ୍‌େଅନି ଆଇଲା ନର୍‌ପିଲା ମୁଇ ବାଉଡ଼ି ଆଇବାବେଲେ ଲକ୍‌ମନ୍ ରଇବାଇ । ୨୭ ସେବେଲାଇ ନଅ ବଡେଟା ପାନିଜାଜେ ପୁର୍‌ବା ଦିନ୍ ଜାକ ଲକ୍‌ମନ୍ ଅବ୍‌କାସେ ରଇଲାଇ । ସେମନ୍ ବଜି କର୍‌ବାର୍, ଦାଙ୍ଗ୍‌ଡ଼ି ଆନ୍‌ବାର୍, ଆରି ଦାଙ୍ଗ୍‌ଡ଼ି ଦେବାର୍ କର୍‌ଡେ ରଇଲାଇ । ପଟେ ବେସି ପାନିଅଇ ସବୁ ଡାବିଅଇଲା । ନଅ ଆରି ତାର୍ କୁଟ୍‌ମର୍ ଲକ୍‌କେ ଚାଡ଼ି ସବୁ ଲକ୍‌କେ ପାନି ବୁଡାଇ ପାକାଇଲାଇ ।

୨୮ ଲଡ଼ ନାଉଁର ଗଟେକ୍ ଲକ୍ଷ୍ମୀ ବେଲେ ମିସା ସେନ୍ତାର ପାରା ଅଇରଇଲା । ଲକ୍ଷ୍ମୀ ସବୁ ଦିନର ପାରାସେ କାଆ ପିଇ, ବିକାବିକରି, ଗଟ୍ଟରପା ଆରି ଗଟ୍ଟବାନ୍ଦାତେଇ ଲାଗିରଇଲା । ୨୯ ମାତର୍ ଲଡ଼ ସଦମ୍ ନାଉଁର ଗଟେଅନି ବାରଇକରି ଜିବା ଦିନେ ସେ ବାଦ୍ଲେଅନି ଜଇ ଆରି ଗନ୍ଧଗୁଲା ଆସି ଲଡ଼ ଆରି ତାର୍ କୁଟୁମର୍ ଲକ୍ଷ୍ମୀକେ ଚାଡ଼ି ସେ ଗଟ୍ଟର୍ ସବୁ ଲକ୍ଷ୍ମୀକେ ମରାଇ ଦେଲା । ୩୦ ପର୍ଯ୍ୟନ୍ତ ଗଟେଅନି ଆଇଲା ନର୍ପିଲା ମୁଇ ବାଉଡ଼ି ଆଇବା ଦିନେ ମିସା ସେନ୍ତାରିସେ ଅଇସି ।

୩୧ ☆ “ସେ ଦିନେ ନିଜର୍ ଗର୍ ଉପରେ ରଇଲେ ତୁଇ ଉଡ଼ରି ତର୍ ଦିନସୁ ଆନ୍ବାକେ ଗର୍ ବିଡ଼ରେ ନ ଜାଆ । ସେନ୍ତାରି ତାସ୍ ପଦାଇ ରଇଲେ, ଦିନସୁ ବେଟି ନେବାକେ ଗରେ ନ ଆଉ । ୩୨ ଲଡ଼ର୍ ମାଇଜିକେ କାଇଟା ଅଇରଇଲା ସେଟା ଏତାଇ ଦେକା । ତାର୍ ଦନ୍ ସପତି କେନ୍ତାର୍ ଅଇଲା ବଲି ପାସ୍ଲି ଦେକ୍ଲାଜେ ସେ ନୁନ୍ କୁମ୍ ପାସ୍ଲି ଗାଲା । ୩୩ ☆ କେ କେ ଏ ଦୁନିଆଇ ଜିଇବା ଜିବନ୍ ମନ୍ କଲେ ତାକେ ନ ସାର୍ବା ଜିବନ୍ ନ ମିଲେ । ଆରି କେ କେ ଏ ଦୁନିଆଇ ଜିଇବା ଜିବନ୍ ଆରାଇସି, ତାକେ ନ ସାର୍ବା ଜିବନ୍ ମିଲ୍ସି । ୩୪ ମୁଇ ବାଉଡ଼ି ଆଇବା ସେ ରାତି, ତମେ ଦୁଇ ଲକ୍ଷ୍ମୀ ଗଟେକ୍ ବାକରାଇ ସଇରଇସା । ଗଟେକ୍ ଲକ୍ଷ୍ମୀକେ ତାକି ନେବି, ଆରି ଗଟେକ୍ ଲକ୍ଷ୍ମୀକେ ଚାଡ଼ି ଦେବି । ୩୫ ଦୁଇଟା ମାଇଜିମନ୍ ଗର୍ତେ ରଇବାଇ, ତେଇଅନି ଗଟେକ୍ ମାଇଜିକେ ନେବି ଆରି ଗଟେକ୍ ଗାଡ଼ି ଦେବି । ୩୬ ଦୁଇ ଲକ୍ଷ୍ମୀ ପଦାଇ ରଇବାଇ, ଗଟେକ୍ ଲକ୍ଷ୍ମୀକେ ନେବି, ଆରି ଗଟେକ୍ ଲକ୍ଷ୍ମୀକେ ଚାଡ଼ିଦେବି ।”

୩୭ ତାର୍ପତେ ସିସ୍ମାନ୍ ଜିସୁକେ ପାଚାରୁଲା, “ଏ ମାପରୁ ଏଟା କନ୍ତି ଗଟ୍ଟି ?” ଜିସୁ ସେମନ୍‌କେ କଇଲା, “ଜନ୍ତି ମତା ରଇସି, ତେଇ ମଡ଼କାଉ ଗିଦ୍‌ମନ୍ ରୁଣ୍ଡିରଇବାଇ ।”

## ୧୮

### ରାଣ୍ଡି ମାଇଜି ଆରି ବିଚାର୍ କାରିଆ

୧ ଜିସୁ ଦିନେକ୍ ତାର୍ ସିସ୍ମାନ୍‌କେ ପର୍ଯ୍ୟନ୍ତକେ ମାଙ୍ଗ୍‌ବାବେଲେ ନ ତାକି ପାର୍ତନା କରିକରି ରଇବାକେ, ଗଟେକ୍ କାତାନି ବୁଜାଇ କଇଲା, ୨ ଗଟେକ୍ ଗତେ ଗଟେକ୍ ବିଚାର୍ କାରିଆ ଲକ୍ଷ୍ମୀ ରଇଲା । ସେ ପର୍ଯ୍ୟନ୍ତକେ ନ ଡ଼ର୍ତେ ରଇଲା, କି ଲକ୍ଷ୍ମୀକେ ନ ନାମ୍‌ତେ ରଇଲା । ୩ ସେ ଗତେ ଗଟେକ୍ ରାଣ୍ଡି ମାଇଜି ମିସା ରଇଲା । ସେ ସବୁ ବେଲେ ବିଚାର୍ କାରିଆର୍ ଲଗେ ଜାଇ ଏନ୍ତି କଇତେ ରଇଲା, ଗଟେକ୍ ଲକ୍ଷ୍ମୀ ମର୍ ବିରଦି ଅଇଲା ଆଚେ । ଏ ବିସଇନେଇକରି ତମେ ମର୍ ବିରଦିକେ ବିଚାର କରା । ଜେନ୍ତିକି, ସେ ମକେ ନିଆଇ ଇସାବେ ଚଲାଚଲ୍ଡି କର୍ସି । ୪ ଏନ୍ତି ବେସି ଦିନ୍ ସେ ବିଚାର୍‌କାରିଆ ନିଆଇ କର୍ବାକେ ମନ୍ ନ କଲେ ମିସା, ସେ ଦିନକେ ଆସି ବେମ୍‌ଜା କର୍ତେରଇଲା । ମାତର୍ ସେ ବିଚାର୍‌କାରିଆ ଲକ୍ଷ୍ମୀ ମନେ ମନେ ବାବ୍‌ଲା, “ମୁଇ ପର୍ଯ୍ୟନ୍ତକେ ଡ଼ରି ନାଇକି ଲକ୍ଷ୍ମୀକେ ନାମି ନାଇ । ୫ ମାତର୍ ଏ ରାଣ୍ଡିମାଇଜି ସବୁ ବେଲା ଆସି ବେମ୍‌ଜା କଲାନ୍ତି । ସେଟାପାଇ ତାକେ ନିଆଇ ମିଲ୍‌ଲା ପାରା ବିଚାର୍ କର୍ବି । କାଇକେ ବଇଲେ ଏନ୍ତି ବିଚାର୍ ନ କଲେ ସେ ସବୁଦିନ୍ ଆସି ମକେ ବେମ୍‌ଜା କର୍ତେ ରଇସି ।”

୬ ତେଇ ମାପରୁ କଇଲା, “ଏ ଅନିଆଇ ବିଚାର୍‌କାରିଆ କାଇଟା କର୍ବାକେ ବାବ୍‌ଲା, ସେଟା ତମେ ସିକା । ୭ ସେନ୍ତି ଲାରୁଆଁ ବିଚାର୍‌କାରିଆ ସେ ରାଣ୍ଡିମାଇଜିର୍ ବିଚାର୍ କଲା । ସେନ୍ତାର୍ ଆଲେ, ତାର୍ତେଇଅନି କେତେ ନିମାନ୍ ଇସାବେ ପର୍ଯ୍ୟନ୍ତକେ ସେ ବାବ୍‌ଲା ଲକ୍ଷ୍ମୀକେ ଦିନରାତିର୍ ପାର୍ତନା ସୁନି ନିମାନ୍ ନିଆଇ ବିଚାର୍ କର୍ସି । ସେମନ୍‌କେ ସାଇଜ କର୍ବାକେ ସେ ଅଲ୍‌ସମ୍ ନ କରେ । ୮ ମୁଇ ତମ୍‌କେ କଇଲିନି, ସେ ଦାପ୍‌ରେସେ ତାର୍ ଲକ୍ଷ୍ମୀକେ ପାଇ ନିମାନ୍ ନିଆଇବିଚାର୍ କର୍ସି । ମାତର୍ ପର୍ଯ୍ୟନ୍ତକେ ଗଟେଅନି ଆଇଲା ନର୍ପିଲା ମୁଇ ଆରିତରେକ୍ ଆଇବାବେଲେ ଏ ଦୁନିଆଇ, ମକେ ବିସ୍‌ବାସ୍ କର୍ବା ଲକ୍ଷ୍ମୀକେ ଦେକ୍‌ବି କି ନାଇ ?”

### ପାରୁସି ଆରି ସିସ୍ତୁମାଙ୍ଗ୍‌ମନ୍ କାତା

୯ ତେଇ ରଇଲା କେତେକ୍ ଲକ୍ଷ୍ମୀକେ ମୁଇ ନିକ ଆତି ବଲି ବାବିଅଇ ବିନ୍‌ଲକ୍ଷ୍ମୀକେ ଗିନ୍ କର୍ତେ ରଇଲା । ସେନ୍ତି ଲକ୍ଷ୍ମୀକେ ବିସଇ ବୁଜାଇବାକେ ଜିସୁ ସେମନ୍‌କେ ଏ କାତାନି କଇଲା । ୧୦ ଦିନେକ୍ ଦୁଇଲକ୍ଷ୍ମୀ ପାର୍ତନା କର୍ବାକେ ଗଟେକ୍ ମନ୍‌ରେ ଗାଲା । ଗଟେକ୍ ଲକ୍ଷ୍ମୀ ପାରୁସି ଦଲର୍ ଲକ୍ଷ୍ମୀ ଆରି ଗଟେକ୍ ସିସ୍ତୁମାଙ୍ଗ୍ । ୧୧ ପାରୁସି ଲକ୍ଷ୍ମୀ ନିଜେ ଅଲ୍‌ପ୍ ଦୁରିକେ ଚିଆଅଇ ଏନ୍ତି ପାର୍ତନା କର୍ବାର୍ ବସ୍‌ଲା, “ଏ ପର୍ଯ୍ୟନ୍ତକେ ମୁଇ ତମ୍‌କେ ଦନିଅବାଦ୍ ଦେଲିନି । ମୁଇ ବିନ୍‌ଲକ୍ଷ୍ମୀକେ ପାରା ଲବ୍‌ରା ନାଇ କି ମିର୍‌ମାୟା ନାଇ କି ବେସିଆ କାମ୍ କରା ନାଇ । ଆରି ତକେ ଜୁଆର୍ କଲିନି ମୁଇ ଏ ସିସ୍ତୁମାଙ୍ଗ୍ ପାରା ନଇ ।” ୧୨ ଆରି ସେ କଇଲା, “ମୁଇ ଜିଉଦିମନ୍‌କେ ନିୟମ୍ ଇସାବେ ଆଟ୍‌କେ ଦୁଇ ଦିନ୍ ଉପାସ୍ ରଇ ପାର୍ତନା କଲିନି । କାମାଲ୍‌ଗାଟାନ୍‌କେ ଦସ୍‌ବାଗର ବାଗେକ୍ ତମ୍‌କେ ଦେଲିନି ।” ବଲି ପାର୍ତନା କଲା ।

୧୩ ମାତର୍ ସେ ସିସ୍ତୁମାଙ୍ଗ୍ ଦୁରିକେ ଚିଆଅଇ ପାର୍ତନା କର୍ବା ବେଲେ ସରଗ୍‌ବାଟେ ଦେକ୍‌ବାକେ ମିସା ମନ୍ ନକରି ନିଜର୍ ବୁକେ ମାରିଅଇ ଏନ୍ତି ପାର୍ତନା କଲା । “ଏ ପର୍ଯ୍ୟନ୍ତକେ ମୁଇ ଗଟେକ୍ ପାପି ଲକ୍ଷ୍ମୀ ମକେ ଦୟା କରା !” ୧୪ ଜିସୁ ତାର୍ ସିସ୍ମାନ୍‌କେ କଇଲା, “ସେ ଦୁଇଲକ୍ଷ୍ମୀ ପାର୍ତନା ସାରାଇ ବାଅଡ଼ଲାକେ, ସିସ୍ତୁମାଙ୍ଗ୍‌ସେ ପର୍ଯ୍ୟନ୍ତକେ ଦେକ୍‌ବା ଇସାବେ ଦରମ୍ ରଇଲା । ପାରୁସି ନାଇ । ଜେ ବଡ଼ପନ୍ ଦେକାଇ ଅଇସି ଆରି ବଡ଼ ବଲି ବାବ୍‌ସି, ତାକେ ପର୍ଯ୍ୟନ୍ତକେ

☆ ୧୭:୩୧ ୧୭:୩୧ ମାଡ଼ିଉ ୨୪:୧୭,୧୮; ମାର୍‌କ ୧୩:୧୫,୧୬ ☆ ୧୭:୩୩ ୧୭:୩୩ ମାଡ଼ିଉ ୧୦:୩୯;୧୭:୨୫; ମାର୍‌କ ୮:୩୫; ଲୁକ୍ ୯:୨୪; ଜଅନ୍ ୧୨:୨୫  
 ☆ ୧୮:୧୪ ୧୮:୧୪ ମାଡ଼ିଉ ୨୩:୧୨; ଲୁକ୍ ୧୪:୧୧

ସାନ୍ ଲକ୍ କରସି । ମାତର୍ ଜେ ନିଜ୍ଜକେ ସାନ୍ ଲକ୍ପାଠା ବାବସି ତାକେ ପର୍ଯ୍ୟେସର୍ ବଡ଼ ଲକ୍ କରସି, ଏ କାତା ଏତାଇ ରୁଆ ।”

**ଜିସୁ ସାନ୍ପିଲାମନ୍‌କେ ଆସିରବାଦ୍ କଲା**

୧୫ ଆରି ଗଟେକ୍ ଦିନେ ଲକ୍ମନ୍ ତାକର୍ ସାନ୍‌ସାନ୍ ପିଲାମନ୍‌କେ “ଜିସୁ ଚି କରି ଆସିରବାଦ୍ କର ।” ବଲି ଆନ୍‌ତେ ରଇଲା । ସିସ୍‌ମନ୍ ସେଟା ଦେକି ଲକ୍ମନ୍‌କେ ଲାଗଲା । ୧୬ ମାତର୍ ଜିସୁ ପିଲାମନ୍‌କେ ଲଗେ ଡାକି, ସିସ୍‌ମନ୍‌କେ କଇଲା, “ପିଲାମନ୍‌କେ ମର୍ ଲଗେ ଆନ୍‌ବାକେ ମନାକରା ନାଇ । କାଇକେ ବଇଲେ ସରଗ୍ ରାଇଜ୍ ଏନ୍ତି ସାନ୍ ସାନ୍ ପିଲାମନ୍‌ର ପାଠା ବିସ୍‌ବାସ୍ କରବା ଲକ୍ମନ୍‌ରପାଇସେ । ୧୭ ଏତାଇ ରୁଆ ! ମୁଇ ତମ୍‌କେ ସଡ଼କାତା କଇଲିନି । କେ ମିସା ଏ ସାନ୍‌ଲକ୍ ବିସ୍‌ବାସ୍ କଲାପାଠା ମକେ ବିସ୍‌ବାସ୍ ନ କଲେ, ସେ ପର୍ଯ୍ୟେସର୍ ରାଇଜେ ଜାଇ ନାପାରେ ।”

**ଗଟେକ୍ ସାଉକାର୍ ଲକ୍  
(ମାତିଉ ୧୯:୧୭-୩୦; ମାର୍କ ୧୦:୧୭-୩୧)**

୧୮ ଦିନେକ୍ ଗଟେକ୍ ଜିଉଦି ନେତା ଜିସୁକେ ପାଚାରଲା, “ଏ ନିମାନ୍ ଗୁରୁ ! ନ ସାରବା ଜିବନ୍ ମିଲାଇବାକେ ମୁଇ କାଇଟା କରବାର୍ ଆତେ ?”

୧୯ ଜିସୁ ତାକେ କଇଲା, ମକେ କାଇକେ ନିମାନ୍ ବଲି କଇଲୁସିନି ? କାଇକେ ବଇଲେ ପର୍ଯ୍ୟେସର୍ ଗଟେକ୍ ଲକ୍‌ସେ ନିମାନ୍ । ୨୦ ମାତର୍ ମୁଇ ତମ୍‌କେ କଇଲିନି “ବେସିଆ କାମ୍ କରା ନାଇ, କାକେ ମରାଆ ନାଇ, ବିନ୍ ଲକ୍‌କର୍ ଦିନ୍‌ସୁ ଚରାଆ ନାଇ, ମିର୍ ସାକି କୁଆ ନାଇ, ଆରି ତମର ମାଆବାବାର୍ କାତା ମାନା । ପର୍ଯ୍ୟେସର୍ ମସାକେ ଏନ୍ତି ନିୟମ୍ ଦେଲାଆତେ ଜାନି ଆରୁସ୍ ।”

୨୧ ସେ ଲକ୍ ଜିସୁକେ କଇଲା, “ଏ ସବୁ ନିୟମ୍ ତା ମୁଇ ପିଲାବେଲେ ଅନି ମାନ୍‌ଲିନି । ମୁଇ ଆରି କାଇଟା କରବାର୍ ଆତେ ?”

୨୨ ଜିସୁ ଏଟା ସୁନି ତାକେ କଇଲା, ତରଟାନେ ଆରି ଗଟେକ୍ ବିସଇ ଉନା ଆତେ । ତର୍ ସବୁ ଦନ୍ ସ୍‌ପତି ବିକି ଗରିବ୍ ଲକ୍ମନ୍‌କେ ବାଟାକରିଦେସ୍ । ଏନ୍ତି କଲେ ତକେ ସରଗେ ଦନ୍ ରଇସି । ଏଟା ସବୁ କଲା ପତେ ତୁଇ ମର୍ ସଙ୍ଗ୍ ଆଉ ।

୨୩ ମାତର୍ ସେ ଲକ୍ ଏ କାତା ସୁନି ମନ୍ ଦୁକ୍ ଅଇ ଉଟିଗାଲା । କାଇକେ ବଇଲେ ସେ ବେସି ସାଉକାର୍ ରଇଲା ।

୨୪ ସେ ଲକ୍ ମନ୍‌ଦୁକ୍ ଅଇଲାଟା ଦେକି ଜିସୁ ତାର୍ ସିସ୍‌ମନ୍‌କେ କଇଲା, “ସାଉକାର୍ ଲକ୍ମନ୍ ସରଗ୍ ରାଇଜେ ଜିବାଟା କେତେ କସ୍‌ଟର୍ ବିସଇ ! ୨୫ ସେ ଲକ୍ମନ୍ ସରଗ୍ ରାଇଜେ ଜିବାଟାନେଅନି ଗଟେକ୍ ବଡ଼ ଜିଡ଼୍ ସୁଜିକାଣାବାଟେ ଚିଙ୍ଗିଲି ଜିବାକେ ସଅଜ୍ ଅଇସି ।” ୨୬ ଏକାତା ସୁନ୍‌ତେ ରଇଲା ଲକ୍ମନ୍ କଇଲା, “ଏନ୍ତି ବଇଲେ କେ ତେବେ ଉଦାର୍ ପାଇସି ?” ୨୭ ଜିସୁ କଇଲା, “ପର୍ଯ୍ୟେସର୍ ଟାନେ ନାପାରଲା ବିସଇ କାଇଟା ନାଇ ।” ୨୮ ପିତର୍ ଜିସୁକେ କଇଲା, “ଦେକା ଆମର୍ ଗରର୍ ସବୁ ଚାଡ଼ିକରି ତମର୍ ସଙ୍ଗ୍ ଆଇଲୁଆରୁ ।”

୨୯ ଜିସୁ ସେମନ୍‌କେ କଇଲା, “ଉ ମୁଇ ତମ୍‌କେ ସଡ଼କାତା କଇଲିନି । ଜନ୍ ଲକ୍ ପର୍ଯ୍ୟେସର୍ ରାଇଜ୍ ପାଇ ନିଜର୍ ଗର୍ଦୁଆର୍, ମାଇଜିପିଲା, ବାଇବଇନି, ମାଆବାବା ଆରି ପିଲାଟକିକେ ଚାଡ଼ି ଆତେ ବଇଲେ, ୩୦ ତାକେ ଏ ଦୁନିଆର୍ ଜିବନେ, ସେ ଜେଡ଼କି ଚାଡ଼ି ରଇଲା ତାର୍ ତେଇ ଅନି ଅଦିକ୍ ମିଲ୍‌ସି । ଆରି ପତେ ତାକେ ନ ସାରବା ଜିବନ୍ ମିଲ୍‌ସି ।”

**ଜିସୁ ଏଟାସଙ୍ଗ୍ ତିନ୍‌ତର୍ ଅଇଲା ତାର୍ ମରନର୍ କାତା କଇଲା**

**(ମାତିଉ ୨୦:୧୭-୧୯; ମାର୍କ ୧୦:୩୨-୩୪)**

୩୧ ତାର୍ ପତେ ଜିସୁ ତାର୍ ବାର୍‌ଟା ସିସ୍‌ମନ୍‌କେ ବିନେ ଡାକିନେଇ କଇଲା, “ସୁନା ! ଆମେ ଜିରୁସାଲମେ ଗାଲୁନି, ଜନ୍‌ବେଲା ଆମେ କେଟ୍‌ରୁ ସେବେଲା ପର୍ଯ୍ୟେସର୍ ଟାନେଅନି ଆଇଲା ନର୍‌ପିଲା, ମର୍ ବିସଇ ନେଇ ବବିସଡ଼ବକ୍‌ତାମନ୍ ଲେକି ରଇଲା ସବୁ ବିସଇ ପୁରାପୁରୁନ୍ ଅଇସି । ୩୨ ସେଟା କାଇଟା ବଇଲେ, ଜିରୁସାଲମେ ମକେ ରମିୟ ଲକ୍ମନ୍‌କେ ସର୍‌ପିଦେବାଇ ଆରି ସେମନ୍ ମକେ କିଜାଇବାଇ ଆରି ଲାଜ୍ କରାଇ, ମର୍ ଉପ୍‌ରେ ତୁକ୍‌ବାଇ । ୩୩ ତାର୍‌ପତେ କର୍ତ୍ତା ସଙ୍ଗ୍ ମାର୍‌ବାଇ, ପତେ ମକେ ମରାଇବାଇ । ମାତର୍ ତିନ୍‌ଦିନ୍ ପତେ ମୁଇ ଆରି ତରେକ୍ ଜିବନ୍ ଅଇ ଉଟ୍‌ବି ।”

୩୪ ମାତର୍ ସିସ୍‌ମନ୍ ଏ ସବୁ କାତା ଅଲପ୍ ମିସା ବୁଜିନାପାରଲା, ସେ ବିସଇ ସେମନ୍‌ଟାନେଅନି ଲୁଚିରଇଲା ।

**ଆଁକି ନ ଡିସ୍‌ବା ବିକାରିକେ ଜିସୁ ନିକକଲା**

**(ମାତିଉ ୨୦:୨୯-୩୪; ମାର୍କ ୧୦:୪୬-୫୨)**

୩୫ ଜିସୁ ଜିରିଅ ଗତେ କେଟାକେଟି ଅଇଲାବେଲେ ଗଟେକ୍ କାଣା ବାଟ୍‌ପାଲି ବସି ବିକ୍ ମାଙ୍ଗ୍‌ତେ ରଇଲା । ୩୬ ଜିସୁର୍ ସଙ୍ଗ୍ ଜିବା ଲକ୍‌କର୍ କାତା ସୁନି, “ଏଟା କାଇଟା ଅଇଲାନି ?” ବଲି ତେଇ ରଇଲା ଲକ୍ମନ୍‌କେ ପାଚାରଲା ।

୩୭ ସେ ଲକ୍ମନ୍ କାଣାକେ କଇଲା, “ନାଜରିଡ଼ ଗାଉଁର୍ ଜିସୁ ଏ ବାଟେ ଗାଲାନି ।”

୩୮ ତେଇ ସେ ଆଉଲିଅଇ କଇଲା, “ଏ ଦାଉଦ୍ ରାଜାର୍ କୁଟୁମର୍ ପିଲା ଜିସୁ ! ତମେ ମକେ ଦୟା କରା ।”

୩୯ ଆଗେ ଜିବା ଲକ୍ମନ୍ କାଣାକେ ଦମ୍‌କାଇ କରି ରୁପ୍‌ଅଇ ରଇବାକେ କଇଲା । ମାତର୍ ସେ ଅଦିକ୍ ଅଦିକ୍ ଆଉଲି ଅଇ “ଏ ଦାଉଦ୍ ରାଜାର୍ କୁଟୁମର୍ ପିଲା ଜିସୁ ! ମକେ ଦୟା କରା !” ବଲି କଇଲା । ୪୦ ଜିସୁ ତାର୍ କାତା ସୁନି ଚିଆ ଅଇଲା ଆରି, “ତାକେ ମର୍ ଲଗେ ଆନା” ବଲି ଆଦେସ୍ ଦେଲା । ୪୧ କାଣା ବିକାରି ଜିସୁର୍ ଲଗେ ଆଇଲାଜେ, ଜିସୁ



ତାକେ ପାଚାଉଲା, “ମୁଁ ତରଫାଇ କାଉଟା କରବି ବଲି ମନ୍ କଲୁସନ୍ ?” ସେ ଜିସୁକେ “ଏ ମାପରୁ, ମକେ ଦେକ୍‌ବା ବପୁ ଦିଆ । ସେନ୍ତି ମକେ ନିମାନ୍ କରିଦେ ।” ବଲି କଇଲା ।

୪୨ ତେବେ ଜିସୁ ତାକେ କଇଲା, “ତୁଇ ଦେକ୍‌ବାକେ ପାଆ ! ମୁଇ ତର ଥାଁକି ନିକ କରବି କାଉକେ ବଇଲେ, ତୁଇ ମରତେଇ ବିସ୍‌ବାସ୍ କରି ଆରୁସ୍ ।” ୪୩ ସେ ଦାପ୍‌ରେ, ସେ କାଣା ଦେକି ପାରଲା । ଆରି ପର୍‌ମେସରକେ ଦନିଅବାଦ୍ କରିକରି ଜିସୁର୍ ସଙ୍ଗ୍ ଗାଲା । ଏ ଗର୍‌ନା ଦେକ୍‌ଲା ସବୁ ଲକ୍‌ମନ୍ ପର୍‌ମେସରର୍ ଡାକ୍‌ପୁଟା କଲାଇ ।

## ୧୯

### ଜିସୁ ଆରି ଜକିୟ

୧ ଜିସୁ ଆରି ତାର୍ ସିସ୍‌ମନ୍ ଜିରିଅ ବାଟେ ଜାଇତେ ରଇଲାଇ । ୨ ତେଇ ଜକିୟ ନାଉଁର୍ ଗଟେକ୍ ମୁକିଅ ସିସ୍‌ତୁମାଙ୍ଗୁ ରଇଲା । ସେ ବେସି ସାଉକାର୍ ରଇଲା । ୩ ଜିସୁ କେନ୍ତାର୍ ଲକ୍ ବଲି ଦେକ୍‌ବାକେ ଜକିୟ ମନ୍ କରତେ ରଇଲା । ମାତର୍ ଜିସୁର୍ ସଙ୍ଗ୍ ବେସି ଲକ୍‌ମନ୍ ଜାଇତେ ରଇଲାକେ ତାକେ ଦେକିନାପାରତେ ରଇଲା । କାଉକେବଇଲେ ସେ ରୁଟି ରଇଲା । ୪ ସେଟାର୍ ପାଇ ସେ, ଲକ୍‌ମନ୍‌ର୍ ଆଗତୁ ପାଲାଇ ଜାଇ ଜିସୁକେ ଦେକ୍‌ବାକେ ଗଟେକ୍ ତୁମ୍‌ରି ଗଟେ ଚଗ୍‌ଲା । କାଉକେ ବଇଲେ ଜିସୁ ସେ ବାଟ୍‌ଦେଇ ଜିବାର୍ ରଇଲା । ୫ ଜିସୁ ସେ ଜାଗାଇ କେଟି ଉପ୍‌ରେ ଦେକିକରି ଜକିୟକେ କଇଲା, “ଜକିୟ ବିଗି ଉଡ୍‌ରି ଆଉ, ଆଜି ମୁଇ ତମର୍ ଗରେ ରଇବି ।”

୬ ତାର୍ ପଟେ ଜକିୟ ଦାପ୍‌ରେ ଉଡ୍‌ରି ଆସି ବେସି ସାର୍‌ଦାଅଇ ଜିସୁକେ ତାର୍ ଗରେ ଡାକିନେଲା । ୭ ସେଟା ଦେକି ତେଇ ରଇଲା ଲକ୍‌ମନ୍ ଜିସୁ ଗଟେକ୍ ପାପି ଲକ୍‌ର୍ ଗରେ କାଉବାକେ ଗାଲାନ୍ ବଲି ଗୁର୍‌ମୁରି ଜାଇତେରଇଲାଇ ।

୮ ଜକିୟ ଚିଆଅଇ ଜିସୁକେ କଇଲା, “ଏ ମାପରୁ, ସୁନା ! ମର୍ ସଁପତିଅନି ଅଦାବାଗ୍ ଗରିବ୍ ଲକ୍‌ମନ୍‌କେ ଦାନ୍ କରିଦେବି । ଆରି ସିସ୍‌ତୁ ମାଙ୍ଗ୍‌ବା ବେଲାଇ କାର୍‌ଟା ଅନିଆଇକରି ଆନି ରଇଲାଟା ମୁଇ ଚାର୍‌ଗୁନ୍ ଅଦିକ୍ ବାଉଡାଇ ଦେବି ।”

୯ ଜିସୁ ଜକିୟକେ କଇଲା, “ଆଜି ଏ ଗରେ ମୁକ୍ତି ମିଲିଲା । କାଉକେବଇଲେ ଏ ମିସା ଗଟେକ୍ ଅବ୍‌ରାଆମର୍ ନାତିତିତି । ୧୦ ଧର୍‌ମେସର ଟାନେଅନି ଆସିରଇବା ନର୍‌ପିଲା ମୁଇ ପାପେ ରଇଲା ଲକ୍‌ମନ୍‌କେ ସେମନ୍‌ର୍ ପାପେଅନି ରକିଆ କରବାକେ ଆସିଆଟି ।”

### ସୁନା ଟାଙ୍ଗାର୍ କାତାନି (ମାତିଉ ୨୫:୧୪-୩୦)

୧୧ ସେମନ୍ ଜିରୁସାଲାମ୍ ଲଗେ ଆଇଲା ବେଲାଇ ଜିସୁର୍ ସଙ୍ଗ୍ ଜିବା ଲକ୍‌ମନ୍ ତାର୍ କଇବା ସବୁ କାତା ସୁନ୍‌ତେ ରଇଲାଇ । କାଉକେବଇଲେ ତାର୍ କାତା ସୁନ୍‌ଲା ଲକ୍‌ମନ୍ ପର୍‌ମେସରର୍ ରାଇଜର୍ ସାସନ୍ ଦାପ୍‌ରେ ଅଇସି ବଲି ବାବ୍‌ତେ ରଇଲାଇ । ୧୨ ସେଟାର୍‌ପାଇ ସେ ଏ କାତାନି କଇଲା, ଗଟେକ୍ ବଡ୍ ଗରେ ଜନମ୍ ଅଇଲା ଲକ୍ ଦୁର୍ ଦେସେ ଜିବାକେ ତିଆର୍ ଅଇଲା । କାଉକେ ବଇଲେ ତେଇ ତାକେ ରାଜା କରାଇବାଇ । ସମାନ୍ ବେଲାଇ ତାର୍ ଦେସେ ସେ ବାଉଡି ଆଇସି । ୧୩ ତାର୍ ଆଗତୁ ସେ ତାର୍ ଦସ୍‌ଟା ଦାଙ୍ଗ୍‌ତାମନ୍‌କେ ଡାକି, ଗଟେକ୍ ଗଟେକ୍ ଲକ୍‌କେ ଗଟେକ୍ ଗଟେକ୍ ସୁନାର୍ ତାରୁ ଦେଇ କରି କଇଲା, “ମୁଇ ବାଉଡି ଆଇବାଜାକ ଏ ତାରୁ ବେବାର୍ କରି ବୁଡେକ୍ କରି ରୁଆ ।”

୧୪ ମାତର୍ ତାର୍ ଦେସର୍ ଲକ୍‌ମନ୍ ତାକେ ଇନ୍ କରତେରଇଲାଇ । ଆରି ସାସନ୍ କରବା ଲକ୍‌ମନ୍‌ର୍ ଲଗେ କବର୍ କଇ ପାଟାଇଲାଇ, “ଏ ଲକ୍ ଆମ୍‌କେ ସାସନ୍ କର ବଲି ଆମେ ମନ୍ କରୁନାଇ ।”

୧୫ ଏନ୍ତି ବଲି କଇଲେ ମିସା, ସେ ରାଜାଅଇ ଗରେ ବାଉଡି ଆଇଲା । ଆରି ସେ କାକେ କାକେ ସୁନାର୍ ତାରୁ ଦେଇ ରଇଲା, ସେମନ୍ କେତେକ୍ ଲାକା ଲାବ୍ କଲାଇ ଆତଡ୍ ବଲି ଜାନ୍‌ବାକେ ଡାକାଇ ପାଟାଇଲା । ୧୬ ତେଇ ପର୍‌ତୁମର୍ ଲକ୍ ଆସି କଇଲା, “ଏ ଆଗିଆଁ, ତମେ ଦେଲା ଗଟେକ୍ ସୁନାର୍ ତାରୁ ନେଇ ଆରି ଦସ୍‌ଟା କଲିଆଟି ।” ୧୭ ସେ ରାଜା ସାର୍‌ଦା ଅଇ ତାକେ କଇଲା “ତୁଇ ନିକ ଦାଙ୍ଗ୍‌ଡା, ଅଲପ୍ ବିସଇ ଦାଇଡ୍ ନେଇ କାମ୍ କଲୁସ୍ । ସେଟାର୍‌ପାଇ ମୁଇ ତକେ ଦସ୍‌ଟା ଗଡ୍ ଉପ୍‌ରେ ସାସନ୍ କରବାକେ ସର୍‌ପି ଦେଲିନି ।” ୧୮ ଆରି ଗଟେକ୍ ଲକ୍ ଆସି କଇଲା, “ଆଗିଆଁ, ତୁଇ ଦେଇରଇଲା ସୁନାର୍ ତାରୁ ନେଇ ଆରି ପାଁଟା ଲାବ୍ କଲିଆଟି ।” ୧୯ ସେ ରାଜା ତାକେ ମିସା କଇଲା “ତକେ ସାସନ୍ କରବାକେ ପାଁଟା ଗଡ୍ ସର୍‌ପିଦେଲିନି ।”

୨୦ ମାତର୍ ଆରି ଗଟେକ୍ ଦାଙ୍ଗ୍‌ଡା ରାଜାର୍ ଲଗେ ଆସି କଇଲା, “ଏ ଆଗିଆଁ, ତମେ ଦେଇରଇଲା ସୁନାର୍ ତାରୁ ଏଦେ ଦେକା, ଗଟେକ୍ ଗର୍‌ଣ୍ଡାଇ ଗୁଡିଆ ବାନ୍ଦି ସଙ୍ଗ୍‌ଇ ଦେଇରଇଲି । ୨୧ ତୁଇ ସାସନ୍ କରବା ଲକ୍ ବଲି ଡରିକରି ମୁଇ ସେଟା ନେଇ ବେବାର୍ କରିନାଇ । କାଉକେବଇଲେ ଜାକେ ଦେଇ ନ ରଉସ୍ ତାର୍‌ତେଇଅନି ମାଙ୍ଗିନେଇସୁ । ଆରି ଜନ୍ତି ବୁନି ନ ରଉସ୍ ତେଇଅନି କାଟି ନେଇସୁ ।” ୨୨ ସେ ରାଜା ରିସାଅଇ କଇଲା, “ଅଇରେ ଦାଙ୍ଗ୍‌ଡା, ତର୍ କାତା ଇସାବେ ଆକା ତକେ ବିଚାର୍ କରବି । ମୁଇ ଲକ୍‌ମନ୍ ଜନ୍‌ଟା ଦେଇ ନ ରଇ ସେଟା ମାଗିନେବି, ଆରି ଜନ୍‌ତେଇ ବୁନି ନ ରଇ ତେଇଅନି

☆ ୧୯:୧୦ ୧୯:୧୦ ମାତିଉ ୧୮:୧୧

କାର୍ବି, ସେଟା ଜାନିରଇଲୁସ୍ । ୨୩ ସେନ୍ତାରଆଲେ ମର୍ ସୁନାର୍ ତାରୁ କାଇକେ ବେକେ ସଙ୍ଗଓସ୍ ନାଇ ? ସଙ୍ଗଓ ରଇଲେ ତେଇଅନି ମକେ କଲନ୍ତର୍ ମିଲ୍ତା ।”

୨୪ ଆରି ସେ ଲଗେ ଚିଆଅଇଲା ଲକ୍ମନ୍‌କେ ରାଜା କଇଲା, “ତାର୍ ତେଇଅନି ଏ ଅଦ୍‌ଲି ମାଗିନେଇ ଜେ ଦସ୍‌ଟା ଅଦ୍‌ଲି ଲାବ୍‌କଲା ଆତେ, ତାକେ ଦିଆସ୍ ।” ୨୫ ମାତର୍ ସେ ଲକ୍ମନ୍ ରାଜାକେ ପାଚାରଲାଇ, “ଏ ଆଗିଆଁ ତାର୍‌ଟାନେ ଦସ୍‌ଟା ଆତେ ଆରି ତାକେ କାଇକେ ଦେଉଁ ?” ୨୬ \*ସେ କଇଲା, “ମୁଇ ତମ୍‌କେ କଇଲିନି, ଜାକେ ଆତେ ତାକେ ଅଦିକ୍ ଦିଆଅଇସି, ମାତର୍ ଜାର୍ ନାଇ, ତାର୍‌ତେଇ ରଇଲା ଅଲପ୍ ମିସା ଚାଡାଇ ନିଆଅଇସି । ୨୭ \*ମାତର୍ ଜେମନ୍ ମୁଇ ତାକର୍ ରାଜା ଅଇବାକେ ମନ୍ ନ କର୍‌ତେ ରଇଲାଇ, ସେମନ୍‌କେ ତାକି ଆନି ମର୍ ମୁଆଟେ ମରାଇଦିଆସ୍ ।”

**ଜିସୁ ଜିରୁସାଲାମ୍ ଜିତିକରି ଜିବାଟା**

(ମାତିଉ ୨୧:୧-୧୧; ମାର୍କ ୧୧:୧-୧୧; ଜଅନ୍ ୧୨:୧୨-୧୯)

୨୮ ଜିସୁ ଏ ସବୁ କାତା କଇସାରାଇ ସିସ୍‌ମନ୍‌ର ଆଗୁତୁ ଆଗୁତୁ ଜିରୁସାଲାମ୍ ବାଟେ ଗାଲା । ୨୯ ଜେତେବଲ୍ ଜିସୁ ଆରି ତାର୍ ସିସ୍‌ମନ୍ ଜିଡ଼ଗର୍‌ମନ୍ ରଇଲା ଡଙ୍ଗର୍ ପାଲି ଆରି ବେଡ଼ପାଗି ଆରି ବେଡ଼ନିଆ ଗତେ କେଟ୍‌ଲାଇ, ସେ ସିସ୍‌ମନ୍‌ର ବିଡ଼ରେ ଅନି ଦୁଇ ଲକ୍‌କେ, ସେମନ୍ ଜିବା ଆଗୁତୁ ଏନ୍ତାରି କଇପାଟାଇଲା । ୩୦ ତମର୍ ମୁଆଟେ ରଇବା ଗାଏଁ ଜାଆ । ସେ ଗାଏଁ ଗାଲେ, କେ କେବେ ମିସା ଚଗିନରଇବା ଗଦପିଲା ବାନ୍ଦିଅଇରଇଲାଟା ଦେକ୍‌ସା । ତାକେ ମେଲି ଦାରିଆସା । ୩୧ ଜେ ଜଦି ତମ୍‌କେ “କାଇକେ ମେଲି ନେଲାସ୍‌ନି ?” ବଲି କଇଲେ “ଏଟା ଗୁରୁକେ ଦର୍‌କାର୍ ଆତେ ବଲି କୁଆ ।”

୩୨ ପଟେ ସିସ୍‌ମନ୍ ସେ ଗାଏଁ ଜାଇ, ଜିସୁ ଜେନ୍ତି କଇରଇଲା ସେନ୍ତି ଦେକ୍‌ଲାଇ । ୩୩ ଆରି ସେମନ୍ ସେ ଗଦପିଲାକେ ମେଲ୍‌ବାବେଲେ ଗଦ ପିଲାର୍ ସାଉକାର୍ ସେମନ୍‌କେ ପାଚାରଲା, “କାଇକେ ଗଦପିଲାକେ ମେଲ୍‌ଲାସ୍‌ନି ?”

୩୪ ସିସ୍‌ମନ୍ କଇଲାଇ, “ଏ ଗଦପିଲା ଗୁରୁକେ ଦର୍‌କାର୍ ଆତେ ।” ୩୫ ସିସ୍‌ମନ୍ ଗଦ ପିଲାକେ ଜିସୁର୍ ଲଗେ ଆନି ନିଜର୍ ନିଜର୍ ଲୁଗା ଗଦର୍ ଉପରେ ଡାବି ଜିସୁକେ ତାର୍ ଉପରେ ବସାଇଲାଇ । ୩୬ ଆରି ଜିସୁ ଗାଲା ବାଟେ ଲକ୍‌ମନ୍ ନିଜର୍ ନିଜର୍ ପଟିଆମନ୍ ଅଟାଇ ଦେଲାଇ ।

୩୭ ଜିସୁ ଜେତେବଲ୍ ଜିଡ଼ଗର୍‌ମନ୍ ରଇଲା ଗଡ଼ଗଡ଼ା ଜାଗା ଲଗେ କେଟ୍‌ଲା, ସେବେଲା ତେଇ ରଇଲା ତାର୍ ଜେଡ଼କି ସିସ୍ ମାନ୍ଦା ସେ କରିରଇଲା କାବାଅଇଜିବା କାମ୍ ଏତାଇ, ସାର୍‌ଦାଅଇ ଆଉଲିଅଇକରି ପର୍‌ମେସର୍‌କେ ଜୁଆର୍ କରି କଇଲାଇ, ୩୮ “ପର୍‌ମେସର୍‌ର ନାଉଁ ନେଇକରି ଜନ୍ ରାଜା ଆଇଲାନି ତାକେ ସେ ଆସିର୍‌ବାଦ୍ କର । ସର୍‌ଗେ ସାନ୍ତି ଅ, ଆରି ସବୁର୍‌ଟାନେ ଅନି ବଡ଼ ପର୍‌ମେସର୍‌ ମଇମା ଅ ।”

୩୯ ସେ ସିସ୍ ମାନ୍ଦାର୍ ବିଡ଼ରେ କେତେଟା ପାରୁସିମନ୍ ଜିସୁକେ କଇଲାଇ, “ଏ ଗୁରୁ ତର୍‌ସଙ୍ଗ୍ ଆଇବା ସିସ୍‌ମନ୍‌କେ ଚିମ୍‌ରାଅଇ ରଇବାକେ କଅ ।”

୪୦ ମାତର୍ ଜିସୁ ସେମନ୍‌କେ କଇଲା, “ମୁଇ ତମ୍‌କେ କଇଲିନି, ଏ ଲକ୍‌ମନ୍ ଚିମ୍‌ରାଅଇ ରଇଲେ ପାକ୍‌ନାମନ୍ ତାକର୍ ନିଜେ ନିଜେ ଆଉଲି ଅଇବାଇ ।”

**ଜିସୁ ଜିରୁସାଲାମ୍‌ର ପାଇ କାନ୍‌ଲା**

୪୧ ଜିସୁ ଜିରୁସାଲାମ୍ ଲଗେ କେଟ୍‌ଲା ବେଲେ ସେ ଗଡ଼ ଦେକି କାନ୍‌କରି କଇଲା, ୪୨ “ସାନ୍ତି ପାଇବାକେ କାଇଟା ଦର୍‌କାର୍, ସେଟା ଜଦି ତମେ ଆଜି ଜାନିରଇତାସ୍ ଆଲେ, କେତେ ନିକ ଅଇତା ! ମାତର୍ ସେସବୁ ଏବେ ତମେ ଦେକି ନାପାର୍‌ଲାସ୍‌ନି । ୪୩ ସେଟାର୍‌ପାଇ ବଲି ଏନ୍ତି ବେସି ବାଦା ଅଇଜିବା ଦିନ୍ ଆଇସି । ତମର୍ ସଡ଼ରୁମନ୍ ତମର୍ ଚାରିବେଟ୍‌ତି ପାଚୁରି ବାନ୍ଦି ଅଟ୍‌କାଇବାଇ ଆରି ଚାରିବେଟ୍‌ତି ଅନି ତମର୍ ଉପରେ ମାଣ୍ଡି ଆଇବାଇ । ୪୪ ସେମନ୍ ତମ୍‌କେ ଆରି ତମର୍ ପାଚୁରି ତେଇ ରଇବା ଲକ୍‌ମନ୍‌କେ ପୁରାପୁରୁନ୍ ନସାଇ କୁଟ୍‌କୁଟା କରିଦେବାଇ । ଗଟେକ୍ ପାକ୍‌ନା ମିସା ନିଜର୍ ଜାଗାଇ ନ ଚାଡ଼ତ୍ । କାଇକେବଇଲେ ପର୍‌ମେସର୍ ତମ୍‌କେ ରକିଆ କର୍‌ବାକେ ଆସିରଇଲା, ସେବେଲା ତମେ ଜାନି ନାପାର୍‌ଲାସ୍ ।”

**ଜିସୁ ମନ୍ଦିରେ ଗାଲା**

(ମାତିଉ ୨୧:୧୨-୧୭; ମାର୍କ ୧୧:୧୫-୧୯; ଜଅନ୍ ୨:୧୩-୨୨)

୪୫ ଆରି ଜିସୁ ଜିରୁସାଲାମ୍ ମନ୍ଦିର୍ ବିଡ଼ରେ ପୁରିକରି ତେଇ ଗେନାବିକା କର୍‌ବା ଲକ୍‌ମନ୍‌କେ ବାର୍‌କରାଇଦେବାର୍ ଦାରଲା । ୪୬ ସେମନ୍‌କେ କଇଲା, “ଦରମ୍ ସାସ୍‌ତରେ ଏନ୍ତାରି ଲେକାଅଇଲା ଆତେ, ମର୍ ଗର୍ ପାର୍‌ତନା ଗର୍ ଅଇସି । ମାତର୍ ତମେ ସେଟା ଚର୍‌ମନ୍‌ର ଲୁର୍‌ବା ଜାଗା କରିଆଟାସ୍ ।”

୪୭ \*ତାର୍ ପଟେ ଜିସୁ ସବୁଦିନେ ଜିରୁସାଲାମ୍ ମନ୍ଦିରେ ସିକିଆ ଦେଇତେ ରଇଲା । ମାତର୍ ମୁକିଅ ପୁଜାରିମନ୍, ସାସ୍‌ତର୍ ସିକାଉମନ୍ ଆରି ନେତାମନ୍ ମିସି ଜିସୁକେ ମରାଇବାକେ ଚେସ୍‌ଟା କର୍‌ତେ ରଇଲାଇ । ୪୮ କାଇକେ ବଇଲେ ଗୁଲାଇ ଲକ୍, ଜିସୁ ସିକାଇଦେବା କାତା ଆରି ସେ କଇତେରଇବା ପଦ୍‌ମନ୍ ମନ୍‌ଦିଆନ୍ ଦେଇ ସୁନ୍‌ତେ ରଇଲାଇ । ତେବର୍ ପାଇ ସେମନ୍ କେନ୍ତାର୍ କର୍‌ବାର୍ ବଲି ବାଟ୍ ମିଲାଇ ନାପାର୍‌ତେ ରଇଲାଇ ।

☆ ୧୯:୨୬ ୧୯:୨୭ ମାତିଉ ୧୩:୧୨; ମାର୍କ ୪:୨୫; ଲୁକ୍ ୮:୧୮ ☆ ୧୯:୨୭ ୧୯:୨୭ ମାତିଉ ୨୫:୧୪-୩୦ ☆ ୧୯:୪୭ ୧୯:୪୭ ଲୁକ୍ ୨୧:୩୭

# ୨୦

## ଜିସୁର ଅଦିକାର ବିସଏ ପର୍ଯ୍ୟନ୍ତ

(ମାତ୍ରି ୨୧:୨୩-୨୭; ମାର୍କ ୧୧:୨୭-୩୩)

୧ ଦିନେକ୍ ଜିସୁ ମନ୍ଦିରେ ଲକ୍ଷ୍ମୀନକେ ମାପୁରୁର୍ ନିମାନ୍ କାତାର୍ ସିକିଆ ଦେଇତେରଇଲା । ସେବେଲାକ୍ ମୁକିଅ ପୁଜାରିମନ୍, ନିୟମ ସିକାଇଦେବା ଲକ୍ଷ୍ମୀନ ଆରି ପାର୍ତିନିମନ୍ ଜିସୁର୍ ଲଗେ ଆସି ପାଚାର୍ଲାକ୍ । ୨ “ତୁଇ କାର୍ ଅଦିକାର୍ ମିଲାକକରି ଏସବୁ ବିସଇ କଲୁସ୍ନି ? କେ ତକେ ଏ ଅଦିକାର୍ ଦେଲା ? ଆମ୍ବେ କ ।”

୩ ମାତର୍ ଜିସୁ କଇଲା, “ମୁଇ ମିସା ତମକେ ଗଟେକ୍ କାତା ପାଚାରିବି, ତମେ ମକେ କୁଆ । ୪ ଜଅନ୍ କାର୍ ଅଦିକାର୍ ମିଲାକ ଲକ୍ଷ୍ମୀନକେ ତୁବନ୍ ଦେଇତେ ରଇଲା ? ସରଗର୍ ପରମେସର୍ ଦେଲାଟାମେ ଅନି କି, ଲକ୍ଷ୍ମୀନଟାମେ ଅନି ?”

୫ ସେବେଲାକ୍ ସେମନ୍ ନିଜର୍ ନିଜର୍ ବିତ୍ତରେ ଦଦାପେଲା ଅଇଲାକ୍ । ଜଦି ଜଅନ୍ ତୁବନ୍ ସରଗେଅନି ବଲି କଇଲେ, କାଇକେ ତାକେ ବିସବାସ୍ କରାସ୍ ନାଇ ? ବଲି କଇବାକ୍ । ୬ ମାତର୍ ଆମେ ଲକ୍ଷ୍ମୀନଟେଇଅନି ବଲି କଇଲେ ସବୁ ଲକ୍ ଆମକେ ପାକନା ମାର୍ବାକ୍ । କାଇକେ ବଇଲେ, ଜଅନ୍ ସତଇସେ ପରମେସରଟେଇଅନି ଆଇଲା ବବିସତ୍ତବକ୍ତା ବଲି ଆମର୍ ଜିଉଦି ଲକ୍ଷ୍ମୀନ ବିସବାସ୍ କଲାକନି । ୭ ଏଟା ବାବିକରି ସେମନ୍ “ଆମେ ନାଜାନୁ ।” ବଲି କଇଲାକ୍ ।

୮ ଆରି ଜିସୁ ସେମନ୍କେ କଇଲା, “ଏନ୍ତି ବଇଲେ ମୁଇ ମିସା କାର୍ ଅଦିକାର୍ ମିଲାକକରି ଏସବୁ ବିସଇ କଲିନି, ସେଟା ତମକେ ନ କଇ ।”

## ଅଙ୍ଗୁର୍ ବାତର୍ ଆଦିବାଗ୍ ନେବା ତାସିମନ୍

(ମାତ୍ରି ୨୧:୩୩-୪୪; ମାର୍କ ୧୨:୧-୧୨)

୯ ତାର୍ ପତେ ଜିସୁ ଲକ୍ଷ୍ମୀନକେ ରୁଜାଇବାକେ ଗଟେକ୍ କାତାନି କଇଲା । “ଗଟେକ୍ ଲକ୍ ତାର୍ ପଦାଇ ଅଙ୍ଗୁର୍ ତାସ୍ କରି, କେତେଟା ତାସିକେ ଆଦିବାଗ୍ କର୍ବାକେ ଦେଲା । ଦେଇକରି ସେ ବେସି ଦିନର୍ ପାଇ ଗଟେକ୍ ଦୁର୍ ଦେସେ ରଇବାକେ ଉଟିଗାଲା । ୧୦ ଆରି ଅଙ୍ଗୁର୍ ତଲ୍ଲବାବେଲା କେଟ୍ଲାକେ ସାଉକାର୍ ତାର୍ ଗଟେକ୍ ଦାଙ୍ଗ୍ତାକେ ତାର୍ ବାଗ୍ ମାଙ୍ଗି ଆନ୍ବାକେ ପାଟାଇଲା । ମାତର୍ ସେ ଲକ୍ଷ୍ମୀନ ତାର୍ ବାଗ୍ ନ ଦେଇ ତାର୍ ଦାଙ୍ଗ୍ତାକେ କୁଟ୍କୁଟା ମାରି ତୁଟା ଆତେ ପାଟାଇଦେଲାକ୍ । ୧୧ ତାର୍ ପତେ ସେ ଆରି ଗଟେକ୍ ଦାଙ୍ଗ୍ତାକେ ପାଟାଇଲା । ସେମନ୍ ତାକେ ମିସା ମାରିକରି ନିୟା କାତା କଇ, ଲାଜ୍ କରାଇକରି ତୁଟା ଆତେ ପାଟାଇ ଦେଲାକ୍ । ୧୨ ତାର୍ ପତେ ସାଉକାର୍ ଆରି ଗଟେକ୍ ଦାଙ୍ଗ୍ତାକେ ସେମନ୍ ଲଗେ ପାଟାଇଲା । ମାତର୍ ସେ ଦାଙ୍ଗ୍ତାକେ ମିସା ରଗ୍‌ରଗା ଅଇତେ ମାରି କେଦିଦେଲାକ୍ ।” ୧୩ ତାର୍ ପତେ ସାଉକାର୍ ମନେ ମନେ ବାବ୍ଲା, “ଏବେ ମୁଇ କାଇଟା କର୍ବି ? ମୁଇ ବେସି ଆଲାଦ୍ କର୍ବା ମର୍ ପିଲାକେ ପାଟାଇବି । ବାଇଦରେ ସେମନ୍ ତାକେ ମାନ୍‌ବାକ୍ ।” ୧୪ ମାତର୍ ସେମନ୍ ସେ ପିଲା ଆଇବାଟା ଦେକିକରି ତାକର୍ ବିତ୍ତରେ କାତାଅଇଲାକ୍, “ଏଟାସେ ସେ ସାଉକାର୍ ପିଲା, ଆମେ ଆକେ ମରାଇଦେଲେ ଏ ସବୁ ଦନ୍ ଆମର୍ ଅଇଜାଇସି । ୧୫ ଆରି ସେମନ୍ ସାଉକାର୍ ପିଲାକେ ବାଇରେ ନେଇ ମାରି ମରାଇଦେଲାକ୍ । ଏନ୍ତି ବଇଲେ ସାଉକାର୍ ସେ ଲକ୍ଷ୍ମୀନକେ କାଇଟା କରଇକରି ? ୧୬ ମୁଇ ତମକେ କଇଲିନି, ସେ ଆସିକରି ସେ ଲକ୍ଷ୍ମୀନକେ ମରାଇ ଦେଇସି । ଆରି ବଡ୍ ବିନଲକ୍ଷ୍ମୀନକେ ଆଦିବାଗ୍ କର୍ବାକେ ଦେଇସି ।” ମାତର୍ କାତାନି ସୁନ୍‌ତେ ରଇଲା ଲକ୍ଷ୍ମୀନ କଇଲାକ୍, “ଏନ୍ତାକ୍ କେବେ ମିସା ନଅ ।”

୧୭ ମାତର୍ ଜିସୁ ଲକ୍ଷ୍ମୀନକେ ନିକ ଦେକିକରି କଇଲା,

“ଏନ୍ତି ବଇଲେ ପରମେସରର୍ ସାସ୍ତରେ ଲେକାଅଇଲା ଅରତ୍ କାଇଟା ?

ଗର୍ବାନ୍ଦା ଲକ୍ଷ୍ମୀନ ଜନ୍ ପାକ୍‌ନା ‘ନ’ଏଁ ବଲି ଚାଡି ଦେଇରଇଲାକ୍

ସେ ପାକ୍‌ନାସେ ଗର୍ କନର୍ ମୁଲ୍ ପାକ୍‌ନା ଅଇଲା ।

୧୮ ଜନ୍ ଲକ୍ଷ୍ମୀନ ସେ ପାକ୍‌ନା ଉପରେ ଅଦର୍ବାକ୍, ସେମନ୍ କଣ୍ଟ୍ କଣ୍ଟ୍ ଅଇଜିବାକ୍, ଆରି ସେ ପାକ୍‌ନା ଜାର୍ ଉପରେ ଅଦର୍ସି, ସେ ବଲି ଆଜିଜାଇସି ।”

## ସିସ୍ତୁମାଙ୍ଗୁମନ୍ ଦେବା ବିସଇ ପାଚାର୍‌ବାଟା

(ମାତ୍ରି ୨୨:୧୫-୨୨; ମାର୍କ ୧୨:୧୩-୧୭)

୧୯ ସେବେଲା ସାସ୍ତର୍ ସିକାଉମନ୍ ଆରି ମୁକିଅ ପୁଜାରିମନ୍ ଜିସୁର୍ କାତାନି ସୁନି, ତାକେ ଦାପ୍‌ରେ ବନ୍ଦି କର୍ବାକେ ବାଟ୍ କଜ୍‌ତେ ରଇଲାକ୍ । କାଇକେ ବଇଲେ ଜିସୁ କଇବା ଅଙ୍ଗୁର୍ ବାତର୍ କାତା, ସେମନ୍ ବିସଇନେଇ କଇଲାକି ବଲି ରୁଜିଲାକ୍ । ମାତର୍ ସେମନ୍ ଲକ୍ଷ୍ମୀନକେ ଡରତେ ରଇଲାକ୍ ।

୨୦ ସେଟାର୍‌ପାଇ ସେମନ୍ ତାର୍ ରୁଲ୍ ଦାର୍‌ବାକେ ଗଟେକ୍ ସୁଜଗ୍ କଜ୍‌ତେ ରଇଲାକ୍ । ସେମନ୍ କେତେଟା ତର୍‌ମନ୍‌କେ ଲାଟ୍‌ଦେଇ ଦରମ୍ ଲକ୍‌ପାରା ଦେକାଇ ଅଇବାକେ ପାଟାଇଲାକ୍ । କାଇକେ ବଇଲେ ଜିସୁର୍ ଟଣ୍ଡେଅନି ରୁଲ୍‌କାତା ବାର୍‌କରାଇ, ଦସ୍ ଦାରି, ରମିୟ ସାସନ୍‌କାରିଆକେ ସର୍ପି ଦେବାକେ ମନ୍‌କର୍‌ତେ ରଇଲାକ୍ । ୨୧ ସେଟାର୍‌ପାଇ ସେ ତର୍‌ମନ୍ ଜିସୁକେ ପାଚାର୍‌ଲାକ୍, “ଏ ଗୁରୁ, ତମେ ଟିକ୍ କଇଲାସ୍ନି ଆରି ଟିକ୍ ସିକାଇଲାସ୍ନି ବଲି ଆମେ ଜାନିଆତୁ । କାର୍‌ବାଟେ ନ ଅଇ ଲକ୍ଷ୍ମୀନର୍ ଜିବନର୍‌ପାଇ ପରମେସରର୍ ସତ୍ ବିସଇସେ ସିକାଇଲୁସ୍ନି । ୨୨ ଏବେ ତୁଇ ଆମ୍ବେ କଅ, ରମିୟ ସର୍‌କାର୍ ରାଜା କାଇସର୍‌କେ ସିସ୍ତୁ ଦେବାଟା ଆମର୍ ନିୟମ୍ ଇସାବେ ଟିକ୍ କି ନାଇ ?”

୨୩ ମାତର ଜିସୁ ସେମାନର ମନବିତରର କାତା ଜାନିକରି କଇଲା, ୨୪ “ମକେ ଗଟେକ୍ ରମିୟ୍ ସରକାରର ଅଦଲି ତାବୁ ଦେକାଆ । ତେଇ କାର୍ ମୁରତି ଆରି କାର୍ ନାଉଁ ଆଚେ ?” “କାଇସରର ମୁରତି ଆରି ନାଉଁ ଆଚେ ।” ବଲି ସେମନ୍ କଇଲା ।

୨୫ “ସେନ୍ତାର ରଇଲେ ଜନ୍ତା କାଇସରଟା ସେଟା କାଇସରକେ ଦିଆସ୍, ଜନ୍ତା ପର୍ମେସରଟା ସେଟା ପର୍ମେସରକେ ଦିଆସ୍ ।” ବଲି କଇଲା ।

୨୬ ଏ କାତା ସୁନି ସବୁଲକର ମୁଆଟେ ସେମନ୍ ଜିସୁର ବୁଲ୍ ଦାରବାର୍ ନାପାରଲା । ଆରି ଜିସୁର କାତା ସୁନି ସେମନ୍ କାବାଅଇଜାଇ, ରୁପ୍ଅଇ ରଇଲା ।

**ଆରିତରେକ୍ ଜିବନ୍ ଅଇ ଉଟ୍‌ବା ବିସଇ ନେଇ ପର୍ସନ୍**

(ମାତିଉ ୨୨:୨୩-୩୩; ମାର୍କ ୧୨:୧୮-୨୭)

୨୭ ☆ତାର ପଚେ କେତେଟା ସାଦୁକି ଲକ୍‌ମନ୍ ଜିସୁର ଲଗେ ଗାଲା । ସେମନ୍, ମଲା ଲକ୍‌ମନ୍ ଆରି ତରେକ୍ ଜିବନ୍‌ଅଇ ଉଟ୍‌ବା ବିସଇ ବିସ୍‌ବାସ୍ ନ କର୍ତେ ରଇଲା । ୨୮ ସେମନ୍ ଜିସୁକେ ପାଚାରଲା, “ଏ ଗୁରୁ, ମସା ଆମର୍ ପାଇ ଏକ୍ତି ନିୟ୍ମ୍ ଲେକିଆଚେ ଜେ, ଗଟେକ୍ ଲକ୍ ବିବାଅଇ ପିଲାଟକି ନ ଅଇତେ ମରିଗାଲେ ତାର ବାଇ ସେ ରାଣ୍ଡିମାଇଜିକେ ସଙ୍ଗଇସି । ଆରି ପିଲାଟକି ଅଇଲେ ତାର ବଡ୍‌ବାଇର୍ କୁଟୁମ୍ ରକିଆ ଅଇସି । ୨୯ ଏକ୍ତି ସାତ୍‌ବାଇ ରଇଲା । ପର୍ତୁମ୍ ବାଇ ବିବା ଅଇ ପିଲାଟକି ନଇତେ ମରିଗାଲା । ୩୦ ତାର ପଚେ ବଡ୍‌ମଜିଆ ରାଣ୍ଡିମାଇଜିକେ ସଙ୍ଗଇଲା । ମାତର୍ ସେ ମିସା ପିଲାଟକି ନଇତେ ମରିଗାଲା । ୩୧ ତାର ପଚେ ମଜିଆବାଇ ରାଣ୍ଡିମାଇଜିକେ ସଙ୍ଗଇଲାକେ ପିଲାଟକି ନଇତେ ମରିଗାଲା । ସେକ୍ତି ସେ ରାଣ୍ଡିମାଇଜିକେ ସାଡ୍ ବାଇ ଜାକ ସଙ୍ଗଇ ପିଲାଟକି ନଇତେ ମରିଗାଲା । ୩୨ ସାରାସାରି ପଚେ ସେ ମିସା ମରିଗାଲା । ୩୩ ଏକ୍ତି ବଇଲେ ମଲାତେଇଅନି ଉଟ୍‌ଲା ପଚେ ସେ କାର୍ ମାଇଜି ଅଇସି ? କାଇକେ ବଇଲେ ସେମନ୍ ସାଡ୍ ଲକ୍‌ଜାକ ତାକେ ସଙ୍ଗଇ ରଇଲା ।”

୩୪ ଜିସୁ ସେମନ୍‌କେ କଇଲା, “ଏ ଜୁଗର୍ ମାଇଜି ମନସ୍ ବିବା ଅଇବାଇ, ୩୫ ମାତର୍ ଜନ୍ ମାଇଜିମନସ୍ ମଲାଟାନେଅନି ଉଟି, ଆଇବା ଜଗତେ ଜିଇବା କାଇବାକେ ବାଟିଅଇଆଚଡ୍, ସେମନ୍ ବିବା ନ ଅଅଡ୍ । ୩୬ ସେମନ୍ ପର୍ମେସରର୍ ଦୁଡ୍‌ମନର୍‌ପାରା ଅଇ ଆରି କେବେମିସା ନ ମରଡ୍ । ପଚେ ମଲାଟାନେଅନି ଉଟି ପର୍ମେସରର୍ ପିଲାଟକି ଅଇ ରଇବାଇ । ୩୭ ମସା ବଲ୍ କରି ବୁଜାଇ ଦେକାଇଦେଇ ଆଚେ । ମଲା ଲକ୍‌ମନ୍ ଜିବନ୍ ଅଇ ଉଟ୍‌ବାଇ । ଲାଗ୍‌ତେ ରଇବା ବୁଟାର୍ କାତାଇ, ମସା ଅବ୍‌ରାଆମର୍ ପର୍ମେସର୍, ଇସାକର୍ ପର୍ମେସର୍ ଆରି ଜାକୁବର୍ ପର୍ମେସର୍ ବଲି ପର୍ମେସରକେ ଜାନାଇ ଆଚେ । ୩୮ ପର୍ମେସର୍ ମଲା ଲକ୍‌ମନର୍ ମାପୁରୁ ନଏଁ, ଜିବନ୍ ରଇଲା ଲକ୍‌ମନର୍ ମାପୁରୁ । ପର୍ମେସରର୍ ଦେକ୍‌ବା ଇସାବେ ତେଇ ସେମନ୍ ସବୁ ଲକ୍ ଜିବନ୍ ଅଇଆଚଡ୍ ।”

୩୯ ତାର ପଚେ କେତେଟା ସାସ୍‌ତର୍ ସିକାଉମନ୍ “ଏ ଗୁରୁ ତୁଇ ବଡେ ନିକସଙ୍ ଉତର୍ ଦେଇଆରୁସ୍ !” ବଲି ଜିସୁକେ କଇଲା । ୪୦ କାଇକେବଇଲେ ଜିସୁକେ ଆରି କେ ମିସା ପର୍ସନ୍ ପାଚାରବାକେ ସାଆସ୍ କରଡ୍ ନାଇ ।

**ମସିଅ କାର୍ ପିଲା ?**

(ମାତିଉ ୨୨:୪୧-୪୬; ମାର୍କ ୧୨:୩୫-୩୭)

୪୧ ତାର ପଚେ ଜିସୁ ତାର କାତା ସୁନ୍‌ବା ଲକ୍‌ମନ୍‌କେ ପାଚାରଲା, “ପର୍ମେସର ବାଟିପାଟାଇଲା କିରିସ୍‌ଟ ଦାଉଦ୍ ରାଜାର୍ ନାତିତିତି ବଲି ଲକ୍‌ମନ୍ କାଇକେ କଇଲାଇନି ?”

୪୨ କାଇକେ ବଇଲେ ଦାଉଦ୍ ରାଜା ଗିଡ୍‌ସଙ୍ଗିତା ବଇତେଇ ନିଜେ ଏକ୍ତି ଲେକି ଆଚେ, ପର୍ମେସର ମର୍ ମାପୁରୁକେ କଇଲା,

୪୩ ମୁଇ ତର୍ ବିରଦିମନ୍‌କେ ଆରାଇକରି ତର୍ ପାଦ୍‌ତଲେ ସଙ୍ଗଇବା ପିତାପାରା ନ କର୍‌ବା ଜାକ, ତୁଇ ମର୍ ଉଜାବାଟେସେ ବସି ର ।

୪୪ ଜଦି ଦାଉଦ୍ ରାଜା କିରିସ୍‌ଟକେ ମାପୁରୁ ବଲି ତାକି ରଇଲେ ଆରି କିରିସ୍‌ଟ କେକ୍ତି ଦାଉଦ୍ ରାଜାର୍ ନାତିତିତି ଅଇସି ? ବଲି ପାଚାରଲା ।

**ଜିସୁ ସାସ୍‌ତର୍ ସିକାଇବା ଲକ୍‌ମନ୍‌କେ ଜାଗ୍‌ରଡ୍ କରାଇଲା**

(ମାତିଉ ୨୩:୧-୩୬; ମାର୍କ ୧୨:୩୮-୪୦)

୪୫ ସେବେଲା ସବୁ ଲକ୍‌ମନ୍ ଜିସୁ ସିକାଇବା ବିସଇ ସୁନ୍‌ତେ ରଇଲାବେଲେ, ସେ ତାର ସିସ୍‌ମନ୍‌କେ କଇଲା, ୪୬ “ନିୟ୍ମ୍ ସିକାଇବା ଲକ୍‌ମନର୍‌ତେଇଅନି ଜାଗ୍‌ରଡ୍ ରୁଆ । ସେମନ୍ ନିମାନ୍ ପଟିଆ ପିନ୍ଧି ବୁଲ୍‌ବାକେ ମନ୍ କର୍‌ବାଇ । ଆଟେବାଟେ ଜୁଆର୍ ପାଇବାକେ, ପାର୍‌ତନା ଗରର୍ ମୁକିଆ ଜାଗାଇ ବସ୍‌ବାକେ, ଆରି ବଜିତେଇ ସବୁ ଲକ୍‌ଟାନେଅନି ଆଗ୍‌ତୁ ବସ୍‌ବାକେ ମନ୍ କର୍‌ବାଇ । ୪୭ ସେମନ୍ ଲାଜ୍ ନଅଇ ରାଣ୍ଡି ମାଇଜିମନ୍‌କେ ନାଡାଇକରି ସେମନର୍ ଦନ୍‌ସ୍‌ପତି ଜୁରି ନେବାଇ । ମାତର୍ ସେମନ୍ ନିମାନ୍ ଲକ୍‌ପାରା ଦେକାଇଅଇବାଇ । ଆରି ଲକ୍‌ମନର୍ ମୁଆଟେ ବେସି ଲମାଇକରି ପାର୍‌ତନା କର୍‌ବାଇ । ଏକ୍ତି ଲକ୍‌ମନ୍‌କେ ପର୍ମେସର ବେସି ବଡ୍ ଡଣ୍ଡ ଦେଇସି ।”

☆ ୨୦:୨୭ ୨୦:୨୭ ପେରିଡ୍ ୨୩:୮

# ୨୧

## ଗଟେକ୍ ରାଣ୍ଡିମାଲଜିର ଚାନ୍ଦା

୧ ତାର ପତେ ଜିସୁ ଚାରିବେଡ଼ି ଦେକଲା ଆରି ସାଉକାର୍ ଲକ୍ମନ୍ ମନ୍ଦିରର ପେଟିଆଟାନେ ଦାନ୍ ଦେବାଟା ଦେକଲା । ୨ ସେବେଲା ଗଟେକ୍ ଅରକିଡ଼ ରାଣ୍ଡି ମାଲଜି ମିସା ଜଡେକ୍ ତାମାକାସୁ ଦେବାଟା ଜିସୁ ଦେକଲା । ୩ “ମୁଇ ତମ୍‌କେ ସଡ଼ କାତା କଇଲିନି, ସବୁ ଲକ୍‌ରଟାନେଅନି ଏ ରାଣ୍ଡିମାଲଜି ଅଦିକ୍ ଦେଲା ଆଟେ । ୪ କାଇକେ ବଇଲେ ସାଉକାର୍ ଲକ୍ମନ୍ ନିଜର୍ ନିଜର୍ ଅଗଲ୍‌ଲା ଦନ୍‌ଡେକ୍‌ଅନି ଅଲପ୍ ଅଲପ୍ ଦେଲାଲ ଆଟଡ଼ । ମାତର୍ ଏ, ନିଜେ ବର୍ବା ପାଇ ତାର୍ ଜେଡ଼କି ରଇଲା ସବୁ ଦେଲା ଆଟେ ।”

## ମନ୍ଦିର ବସଲ୍‌ଲାଟା

(ମାତିଉ ୨୪:୩-୧୪; ମାର୍କ ୧୩:୩-୧୩)

୫ କେତେଟା ସିସମ୍‌ନ୍ ମନ୍ଦିରର ବିସଇ ନେଇକରି ନିଆଇ କରଡେ ରଇଲାଲ । “ତେଇ ଲାଦିରଇବା ସୁନ୍‌ର୍ ସୁନ୍‌ର୍ ପାକ୍‌ନା ଆରି ପର୍‌ମେସରକେ ସର୍‌ପି ଦେଲା ଦାନ୍ ସଙ୍ଗ୍ କେତେକ୍ ସୁନ୍‌ର୍ ଗର୍ ବାନ୍‌ଲାଲ ଆଟଡ଼” ବଲି କାତାଅଇଡେ ରଇଲାଲ । ୬ “ଏକ୍ତି ଦିନ୍ ଆଇସି, ଏବେ ତମେ କାଇ କାଇଟା ଦେକ୍‌ଲାସ୍‌ନି ସେଟା ସବୁ କୁରୁପ୍‌ନାସ୍ ଜାଇସି । ଗଟେକ୍ ପାକ୍‌ନା ମିସା ତାର୍ ଜାଗାଇ ନ ରଏ । ସବୁ ମାଟିଡେଇ ମିସି ଜାଇସି ।”

## ଦୁକ୍ ଆରି ତାଡ଼ନା

(ମାତିଉ ୨୪:୩-୨୪; ମାର୍କ ୧୩:୩-୧୩)

୭ ତାର ପତେ ସେମନ୍ ଜିସୁକେ ପାଚାର୍‌ଲାଲ, “ଏ ଗୁରୁ, ଏଟା ସବୁ କେବେ ଅଇସି ? ଆରି ଏ ସବୁ ଗଟ୍‌ନା କେଟ୍‌ବା ଆଗ୍‌ତୁ ସେଟା କେତେବଲ୍ ଅଇସି ବଲି କେକ୍ତି ଚିନି ଅଇସି ?”

୮ ଜିସୁ ସେମନ୍‌କେ କଇଲା, “ଜାଗ୍‌ରଡ଼ଅଇକରି ରୁଆ, ନାତାଇ ଉଆ ନାଇ । ବେସି ଲକ୍ ମର୍ ନାଉଁଦାରି ଆସି କଇବାଇ, ‘ମୁଇ ସେ ଆକା ।’ ବେଲା କେଟ୍‌ଲା ଆଟେ, ମାତର୍ ତମେ ସେମନ୍‌ର୍ ପତେ ଜାଆ ନାଇ । ୯ ଆରି କେବେ ତମେ ଜୁଇଦ୍ ଆରି କିରମାର ଅଇବାଟା ସୁନ୍‌ସା, ସେବେଲା ଡରା ନାଇ । କାଇକେ ବଇଲେ ଏ ସବୁ ଗଟ୍‌ନା ଆଗ୍‌ତୁ ଅଇସିସେ । ମାତର୍ ଏ ଦୁନିଆର୍ ସେସ୍ ଦିନ୍ ସେଦାପ୍‌ରେ ନ ଆସେ ।”

୧୦ ଆରି ଜିସୁ କଇଲା, “ଦେସ୍ ବିରୁଦେ ଦେସ୍ ଆରି ଜାତି ବିରୁଦେ ଜାତି ଉର୍‌ସି । ୧୧ ଦରତନି ତୁଲ୍‌ଗୁଲ୍‌ସି । ବଡ଼ ରଗ୍‌ମନ୍ ଅଇସି ଆରି ଆକାସେ କେବେ ନ ଅଇବା କାବା ଅଇଜିବା ଚିନ୍‌ମନ୍ ତିସ୍‌ସି । ୧୨ ମାତର୍ ଏ ସବୁ ବିସଇ ନ ଅଇବା ଆଗ୍‌ତୁ, ତମ୍‌କେ ବାନ୍‌କିରି ନେଇ ସାସଡି ଦେବାଇ, ପାର୍‌ତନା ଗର୍‌ମନ୍‌କେ ବିଚାର୍ କରି ବନ୍‌ଗିରେ ପାଇବାକେ ସର୍‌ପିଦେବାଇ । ମର୍‌ପାଇ ତମେ ରାଜା ଆରି ସାସନ୍ କାରିଆମନ୍‌ର୍ ମୁଆଟେ ଚିଆ ଅଇସା । ୧୩ ମର୍ ବିସଇ ତମେ ଦିନ୍ ଲକ୍‌ମନ୍‌କେ କଇବାକେ ଗଟେକ୍ ସମାନ୍ ବେଲା ଅଇସି । ୧୪ \*ଡେବର୍ ପାଇ ‘ମୁଇ ନିଜ୍‌କେ କେକ୍ତି ରକିଆ କର୍‌ବି ?’ ସେ ବିସଇ ବାବିକରି ଆଗେଅନି ଚିନ୍ତା କରା ନାଇ । ୧୫ କାଇକେ ବଇଲେ ମୁଇ ତମ୍‌କେ ଟିକ୍‌ପଦ୍ କଇବାକେ ଗିଆନ୍ ଦେବି । ତମ୍‌କେ ବିରଦ୍ କର୍‌ବା ଲକ୍‌ମନ୍ ସେ ଗିଆନ୍‌ର୍ ବାଦୁଲେ କାଇଟା କଇନାପାରଡ଼ । ୧୬ ଆରି ତମର୍ ମାଆ ବାବା, ବାଇ, ନିଜର୍ ଲାଗାର୍ ଲିଡାର୍ ଲକ୍, ମଇଡର୍‌ମନ୍ ଆରି କୁଟୁମର୍ ଲକ୍‌ମନ୍, ତମ୍‌କେ ବିରଦିମନ୍‌କେ ସର୍‌ପି ଦେବାଇ ଆରି ତମର୍ ବିଡ଼ରେ ଅନି କେତେ ଲକ୍‌କେ ମରାଇଦେବାଇ । ୧୭ ତମେ ମର୍‌ଡେଇ ବିସ୍‌ବାସ୍ କଲାସ୍‌ନି ବଲି ଗୁଲାଲ ଲକ୍‌ମନ୍ ତମ୍‌କେ ଇନ୍ କର୍‌ବାଇ । ୧୮ ମାତର୍ ତମର୍ ମୁଣ୍ଡର୍ ଚେଣ୍ଡି ମିସା ଗଟେକ୍ ନ ନସେ । ୧୯ ତମେ ଡାଟ୍‌ଅଇ ରଇଲେ ଏ ସବୁ ବିସଇ ମୁର୍‌ଚିକରି, ତମର୍ ଆଡ଼ମାକେ ରକିଆ କର୍‌ସା ।”

## ଜିରୁସାଲାମ୍ ନସ୍‌ଟ ଅଇଜାଇସି

(ମାତିଉ ୨୪:୧୫-୨୧; ମାର୍କ ୧୩:୧୪-୧୯)

୨୦ “ମାତର୍ ଜେଡେବଲ୍ ତମେ ଜିରୁସାଲାମ୍ ଗଡେ ବିରଦି ସନିଅମନ୍ ଚାରିବେଡ଼ି କିନ୍‌ରି ରଇବାଟା ଦେକ୍‌ସା ବଇଲେ, ସେବେଲା ଜିରୁସାଲାମ୍ ନସ୍‌ଟ ଅଇବା ବେଲା ଲଗେ କେଟ୍‌ଲା ବଲି ଜାନା । ୨୧ ସେବେଲାଲ କେ କେ ଜିଉଦା ଦେସେ ରଇବାଇ, ସେମନ୍ ଡଙ୍ଗର୍ ବିଡ଼ରେ ପାଲାଅଡ଼ । କେ କେ ଗଡ଼ ବିଡ଼ରେ ରଇବାଇ ସେମନ୍ କେନେ ମିସା ବର୍ବାକେ ପାଲାଅଡ଼ । କେ କେ ଗଡ଼ ବାଇରେ ରଇବାଇ ସେମନ୍ ଗଡ଼ ବିଡ଼ରେ ନ ପୁରଡ଼ । ୨୨ କାଇକେ ବଇଲେ ସେଟା ସାସ୍‌ତରର୍ ସବୁ ବିସଇ ଜେକ୍ତିକି ସିଦ୍ ଅଇସି, ସେଟାର୍ ପାଇ ସେ ଦିନ୍‌ମନ୍ ବେସି ଡଣ୍ଡ ପାଇବା ଦିନ୍‌ମନ୍ ଅଇସି । ୨୩ ସେ ଦିନ୍‌ମନ୍‌କେ ଗାଗ୍‌ଡେ ରଇବା ମାଇଜିମନ୍ ଆରି ଦୁଦ୍ କୁଆଇଡେରଇବା ମାଆମନ୍‌ର୍ କେତେକ୍ ଦୁକର୍ ଦିନ୍ ଅଇସି । ଏ ଦେସର୍ ଲକ୍‌ମନ୍‌କେ ଅପର୍‌ବଲ୍ ଦୁକ୍ ଆଇସି ଆରି ସେମନ୍ ଡଣ୍ଡ ପାଇବାଇ । ୨୪ କେତେ ଲକ୍‌କେ କାଣ୍ଡାଦାର୍ ସଙ୍ଗ୍ ମରାଇବାଇ ଆରି କେତେ ଲକ୍‌ମନ୍‌କେ ବନ୍‌କିରି ବିନ୍‌ବିନ୍ ଦେସେ ଦାରିଜିବାଇ । ଜିଉଦି ନଇଲା ଲକ୍‌ମନ୍‌ର୍ ବେଲା ନ ସାର୍‌ବାଜାକ ଜିରୁସାଲାମ୍ ବିନାସ୍ କର୍‌ବାକେ ଚାଡ଼ିଦେବାଇ ।”

☆ ୨୧:୧୪ ୨୧:୧୪ ଲୁକ୍ ୧୨:୧୧,୧୨

**ନରପିଲା ଆଇବାଟା**

(ମାତ୍ରି ୨୪:୨୯-୩୧; ମାର୍କ ୧୩:୨୪-୨୭)

୨୫ \* “ବାଦ୍‌ଲେ, ବେଲ୍‌ଟାନେ, ଜନ୍‌ଟାନେ ତାରାମନରଟାନେ କେବେ ନ ଡିସ୍‌ବା ଚିନ୍‌ମନ୍ ଡିସ୍‌ସି । ଦୁନିଆର୍ ସବୁ ଦେସର୍ ଲକ୍, ବେସି ଦୁକ୍ କସ୍‌ଟ ପାଇବାଇ । ଜେଡେବେଲା ସମ୍‌ଦୁରର୍ ବଡ଼ ଲଅଡି ଗରଜ୍‌ଲେ ଲକ୍‌ମନ୍ କାଇଟା କରୁବାର୍ ଆଟେ କାଇଟା ନାଇ ବଲି ବାୟାବିକଲ୍ ଅଇଜିବାଇ । ୨୬ ଆରି ଲକ୍‌ମନ୍ ଦୁନିଆଇ ଆଇବା ସବୁ ଗଟ୍‌ନା ଦେକିକରି ‘କାଇକେ ଏଡ୍ରି ଅଇଲାମି ?’ ବଲି ଡରିକରି କେତେ ଲକ୍ ମୁରଟା ଅଇଜିବାଇ । କାଇକେ ବଇଲେ ଆକାସେ ରଇଲା ସବୁ ବିସଇ ପରମେସର ଚୁଲ୍‌ଚୁଲାଇ ଦେଇସି । ୨୭ \* ସେବେଲାଇ ଲକ୍‌ମନ୍ ପରମେସର୍ ତେଇଅନି ଆସିରଇବା ନରପିଲା ମୁଇ, ବେସି ବପୁସଜ୍ ଆରି ଡାକ୍‌ପୁଟାଅଇକରି ବାଦ୍‌ଲେ ଆଇବାଟା ଦେକ୍‌ବାଇ । ୨୮ ମାତର୍ ଏ ସବୁ ଗଟ୍‌ନା ଆରାମ୍ ଅଇଲେ ତମେ ଡାଟ୍‌ସଜ୍ ଚିଆଅଇ ଉପ୍‌ରେ ଦେକା । କାଇକେ ବଇଲେ ତମର୍ ରକିଆ ପାଇବା ଦିନ୍ ଲଗେ ଆଟେ ।”

**ଡୁମ୍‌ରି ଗଟର୍ ସିକିଆ**

(ମାତ୍ରି ୨୪:୩୨-୩୫; ମାର୍କ ୧୩:୨୮-୩୧)

୨୯ ଆରି ଜିସୁ ସେମନ୍‌କେ ଗଟେକ୍ ଉଦାଅରନ୍ କଇଲା, “ଡୁମ୍‌ରି ଗଟ୍ ଆରି ବିନ୍ ସବୁ ଗଟର୍ କାତା ଚିନ୍ତା କରା । ୩୦ ଜେଡେବେଲେ ତାର୍ କେନ୍ଦିଅନି ପତର୍ ପାଲୁଆନି କର୍‌ସି, ଆରି କାଁଟାପଡ୍‌ରିଆ ଡିସ୍‌ଲେ କାରାଦିନ୍ କେଟ୍‌ଲା ବଲି ତମେ ଜାନ୍‌ସା । ୩୧ ସେନ୍ତାରିସେ ଏ ସବୁ ବିସଇ ଅଇବାଟା ଦେକ୍‌ଲେ ପରମେସରର୍ ରାଇଜ୍ କେଟି ଆଇଲା ବଲି ଜାନ୍‌ସା ।”

୩୨ “ମୁଇ ତମକେ ସଡ଼କାତା କଇଲିନି । ମନେ ରକା, ଏବେ ଜିବନ୍ ରଇବା ସବୁ ଲକ୍‌ମନର୍ ମରନ୍ ଅଇବା ଆଗ୍‌ତୁ ଏ ସବୁ ଗଟ୍‌ସି । ୩୩ ସରଗ୍ ଆରି ମଟ୍‌ପୁର୍ ନସି ଜାଇସି, ମାତର୍ ମର୍ ବାକିଅ କେବେ ନ ନସେ ।”

**ସବୁବେଲା ଜାଗରଡ଼ ରୁଆ**

୩୪ “ମାତର୍ ତମେ ନିଜର୍ ନିଜର୍ ବିସଇ ନେଇକରି ଜାଗରଡ଼ ରୁଆ । ତମର୍ ମନ୍ ସବୁବେଲାଇ ବଜିବାଡ଼ କରି ମଦ୍ ପେଣ୍ଡମ୍ କାଇବା ବିସଇ ଆରି କେନ୍ତାର୍ ଜିଇବାର୍ ଅଇସି କେନ୍ତାର୍ ନାଇ ବଲି ଚିନ୍ତାକରି ରଇଲାବେଲେ, ସେ ଦିନ୍ ଅଟାଡ଼ ପାନ୍ ପାରା ଆସି ଲାଗିଜାଇସି । ୩୫ ସେନ୍ତାରିସେ ଏ ଦୁନିଆର୍ ସବୁ ଲକ୍‌କେ ସେଟା ଗଟ୍‌ସି । ୩୬ ସେ ଦିନ୍‌ମନ୍‌କେ ଗଟ୍‌ବା ସବୁ ବିସଇ ଦେଇ, କାଇ ବିପଦ୍ ନ ଅଇ ଜିବାକେ ଆରି ପରମେସର୍ ପାଟାଇରଇବା ନରପିଲା ମର୍ ମୁଆଟେ ଚିଆ ଅଇବାକେ, ପାର୍‌ତନା କରି ଜାଗରଡ଼ ଅଇରୁଆ ।”

୩୭ \* ଜିସୁ ସେ ଦିନ୍‌ମନ୍‌କେ ମନ୍ଦିରେ ଜାଇ ନିମାନ୍ କାତା ସିକାଇ ଦେଇତେ ରଇଲା । ଆରି ତାର୍ ସିସ୍‌ମନ୍‌ ସଜ୍ ସବୁ ରାତି ବାରିଜାଇ ଜିଡ଼ ନାଉର୍ ଡଙ୍ଗ୍‌ରେ ବିତାଇତେ ରଇଲା । ୩୮ ବେସି ଲକ୍ ଜିସୁର୍ କାତା ସୁନ୍‌ବାକେ ସବୁ ଦିନ୍ ସାକାଲେ ମନ୍ଦିରେ ଜାଇତେରଇଲାଇ ।

**୨୨**

**ଜିସୁର୍ ବିରଦେ ସଡ଼ଜ୍‌ତର୍**

(ମାତ୍ରି ୨୨:୧-୫; ମାର୍କ ୧୪:୧-୨; ଜଅନ୍ ୧୧:୪୫-୫୩)

୧ କମିର୍ ନ ପାକାଇ ରୁଟି ତିଆର କର୍‌ବା ପରବ୍ ଜାକେକି ନିସ୍‌ତାର୍ ପରବ୍ ବଲି ମିସା କଇବାଇ, ସେ ପରବ୍ ଲଗାଲଗି କେଟି ଆଇତେ ରଇଲା । ୨ ଆରି ମୁକିଅ ପୁଜାରିମନ୍, ସାସ୍‌ତର୍ ସିକାଉମନ୍ ଲକ୍‌ମନ୍‌କେ ଡର୍‌ତେ ରଇଲାଇ । ଜିସୁକେ କେନ୍ତା ଲୁଟ୍‌ତେ ମରାଉ ? ବଲି ବାଟ୍ କଜ୍‌ତେ ରଇଲାଇ ।

**ଜିସୁକେ ଦାରାଇ ଦେବାକେ ଜିଉଦା ରାଜି ଅଇଲା**

(ମାତ୍ରି ୨୨:୧୪-୧୬; ମାର୍କ ୧୪:୧୦-୧୧)

୩ ଆରି ଜିସୁର୍ ବାର୍‌ଟା ସିସ୍‌ମନ୍‌ ବିଡ଼ରେଅନି ଇସ୍‌କାରିୟ୍‌ଡ଼ ଜିଉଦା ନାଉର୍ ଗଟେକ୍ ସିସ୍ ରଇଲା । ସେବେଲାଇ ତାର୍ ମନ୍ ବିଡ଼ରେ ସଇତାନ୍ ପୁରିଦେଲା । ୪ ଆରି ସେ ମୁକିଅ ପୁଜାରିମନ୍ ଆରି ମନ୍ଦିର୍ ଜାଗି ରଇବା ସେନାପତିମନ୍‌ ଲଗେ, କେନ୍ତକରି ଜିସୁକେ ବିସ୍‌ବାସେ ବିସ୍ ଦେଲା ପାରା କରି, ତାକେ ଦାରାଇଦେବି ବଲି ସେମନ୍‌ ସଜ୍ କାତାବାର୍‌ତା ଅଇବାର୍ ଗାଲା । ୫ ସେଟାର୍‌ପାଇ ସେ ଲକ୍‌ମନ୍ ବେସି ସାର୍‌ଦା ଅଇକରି ତାକେ ତାବୁ ଦେବାକେ ରାଜି ଅଇଲାଇ । ୬ ଜିଉଦା ମିସା ରାଜି ଅଇଲା ଆରି ଲକ୍‌ମନ୍‌ ନ ଜାନ୍‌ତେ ଜିସୁକେ ଦାରାଇଦେବାକେ ସୁଜଗ୍ କଜ୍‌ତେରଇଲା ।

**ନିସ୍‌ତାର୍ ପରବର୍ ବଜିର୍‌ପାଇ ଜିସୁ ଜାଗରଡ଼ ଅଇଲା**

(ମାତ୍ରି ୨୨:୧୭-୨୫; ମାର୍କ ୧୪:୧୨-୨୧; ଜଅନ୍ ୧୩:୨୧-୩୦)

୭ ତାର୍‌ପଟେ ନିସ୍‌ତାର୍ ପରବର୍ ବଜି କରି ମେଣ୍ଡାପିଲା ମାର୍‌ବା ଦିନ୍ ଆଇଲା । ୮ ଜିସୁ ପିତର୍ ଆରି ଜଅନ୍‌କେ ଏ କାତା କଇ ପାଟାଇଲା । “ଜା ଆରି ଆମର୍‌ପାଇ ନିସ୍‌ତାର୍ ପରବର୍ ବଜି କାଇବାକେ ଟିକ୍ କରା ।”

☆ ୨୧:୨୫ ୨୧:୨୫ ପରକାସିତ ୬:୧୨,୧୩ ☆ ୨୧:୨୭ ୨୧:୨୭ ପରକାସିତ ୧:୭ ☆ ୨୧:୩୭ ୨୧:୩୭ ଲୁକ୍ ୧୯:୪୭

୯ ସେମନ୍ ଜିସୁକେ ପାଚାରଲାଇ, “ଆମେ କନ୍ ଜାଗାଇ ବଜି ତିଆରକରୁ ବଲି ତମେ ମନ୍ କଲାସ୍ନି ?”

୧୦ ଜିସୁ ସେମନ୍କେ କଇଲା, ଦେକା, ତମେ ଗଡ଼ ବିତ୍ତରେ ପୁରବା ବେଲେ ଗଟେକ୍ ଆଣ୍ଡିତେଇ ପାନିନେଇ ଜିବା ଲକ୍‌କେ ବେଟ୍‌ପାଇସା । ସେ ଜନ୍ ଗରେ ପୁର୍ସି, ତାର୍ ପଟ୍‌ପଟ୍ ଜାଇ ସେ ଗରର୍ ସାଉକାରକେ କୁଆ, ୧୧ “ଆମର୍ ଗୁରୁ ତମ୍‌କେ ଏ କବର୍ କଇ ପାଟାଇଆତେ, ମୁଇ ଆରି ମର୍ ସିସ୍‌ମନ୍ କନ୍ ବାକ୍‌ରାଇ ରକିଆ ପାଇବା ପରବର୍ ବଜି ମାନ୍‌ବୁ ? ୧୨ ତାର୍‌ପତେ ସେ ଲକ୍ ତମ୍‌କେ ଗର୍ ଉପରେ ରଇବା ମଅଲା ତିଆର୍ ଅଇରଇଲା ଗଟେକ୍ ବଡ଼ ବାକ୍‌ରା ଦେକାଇ ଦେଇସି । ତେଇ ତମେ କାଦି ତିଆର୍ କରା ।”

୧୩ ସେମନ୍ ଜାଇକରି ଜିସୁ ସେମନ୍‌କେ ଜେନ୍ତି କଇରଇଲା ସେନ୍ତିସେ ଦେକ୍‌ଲାଇ । ଆରି ନିସ୍‌ତାର୍ ପରବର୍ ବଜି ତିଆର୍ କଲାଇ ।

**ପର୍ବୁ ବଜି**

(ମାତିଉ ୨୬:୨୭-୩୦; ମାର୍କ ୧୪:୨୨-୨୬; ୧ମ କରନ୍ତିୟ ୧୧:୨୩-୨୫)

୧୪ ସମାନ୍ ବେଲା କେଟ୍‌ଲାକେ ଜିସୁ ପେରିତ୍‌ମନ୍‌ର୍ ସଙ୍ଗ୍ କାଇବାକେ ମିସ୍‌ତେ ବସ୍‌ଲାଇ । ୧୫ ସେବେଲା ଜିସୁ ସେମନ୍‌କେ କଇଲା, “ମୁଇ ଦୁକ୍ କସ୍‌ଟ ପାଇବା ଆଗତୁ ନିସ୍‌ତାର୍ ପରବ୍ ତମ୍‌ର୍‌ସଙ୍ଗ୍ ମିସ୍‌ତେ କର୍‌ବାକେ ବେସି ମନ୍ କରିରଇଲି । ୧୬ ମୁଇ ତମ୍‌କେ କଇଲିନି, ପର୍‌ମେସରର୍ ରାଇଜେ ଏଟା ପୁରାପୁରୁନ୍ ନ ଅଇବାଜାକ, କେବେ ମିସା ଏଟା ନ କାଇ ।”

୧୭ ଆରି ସେ ଅଙ୍ଗୁର୍ ରସ୍ ଦାରି ପର୍‌ମେସରକେ ଜୁଆର୍ କରି କଇଲା, “ଏଟା ନେଇ ତମର୍ ନିଜର୍ ନିଜର୍ ବିତ୍ତରେ ବାଟା କରା । ୧୮ ମୁଇ ତମ୍‌କେ କଇଲିନି ପର୍‌ମେସରର୍ ରାଇଜ୍ ନ ଆଇବା ଜାକ, ଏ ରସ୍ କେବେ ମିସା ନ କାଇ ।”

୧୯ ଆରି ରୁଟି ଦାରିକରି ପର୍‌ମେସରକେ ଦନିଅବାଦ୍‌ଦେଇ ବାଙ୍ଗାଇ ସେମନ୍‌କେ ଦେଇକରି କଇଲା, “ଏଟା ମର୍ ଗାଗଡ଼, ଜନ୍‌ଟା ତମର୍ ପାଇ ଦିଆଅଇଲା ଆତେ । ମକେ ଏତାଇବା ପାଇ ଏଟା କରା ।” ୨୦ ସେନ୍ତାରିସେ କାଇଲା ପତେ ସେ ମୁତାଇ ଅଙ୍ଗୁର୍ ରସ୍ ଦାରି କଇଲା, “ଏ ମୁତା ମର୍ ବନିତେଇ, ପର୍‌ମେସର୍ ଲକ୍‌ମନ୍‌ର୍ ସଙ୍ଗ୍ କଲା ନୁଆ ରାଜିନାମା । ଏଟା ତମ୍‌ପାଇ ଜର୍‌ଲା ମର୍ ବନି ।”

୨୧ “ମାତର୍ ଦେକା ଇତି ମର୍‌ସଙ୍ଗ୍ ବସି କାଇବା ଗଟେକ୍ ଲକ୍‌ସେ ବିରଦି ଲକ୍‌ମନ୍‌ର୍ ଆତେ ମକେ ଦାରାଇ ଦେଇସି । ୨୨ ପର୍‌ମେସରର୍‌ଟାନେଅନି ଆଇଲା ନର୍‌ପିଲା ମୁଇ, ସେ ଜେନ୍ତି ଜଜ୍‌ନା କଲାଆତେ, ସେନ୍ତାରିସେ ମର୍‌ବାକେ ଅଇସି । ମାତର୍ ଜନ୍ ଲକ୍ ମକେ ବିସ୍‌ବାସେ ବିସ୍ ଦେଲାପାରା ବିରଦିମନ୍‌ର୍ ଆତେ ଦାରାଇ ଦେଇସି, ତାକେ ବେସି ତଣ୍ଟି ମିଲ୍‌ସି ।”

୨୩ ସେବେଲାଇ ସିସ୍‌ମନ୍ ସେମନ୍‌ର୍ ବିତ୍ତରେ କାତା ଅଇଲାଇ, “ଏନ୍ତି ବଇଲେ ଆମର୍ ବିତ୍ତରେ କେ ଜିସୁକେ ସେନ୍ତି କରସି ?”

**କେ ବଡ଼‌ବଲି କାତା‌ବାର୍‌ତା ଅଇଲାଇ**

୨୪ \*ତାର୍ ପତେ ସେମନ୍‌ର୍ ବିତ୍ତରେଅନି କେ ବଡ଼ ବଲି ଦଦାପେଲା ଅଇଲାଇ । ୨୫ ଜିସୁ ସେମନ୍‌କେ କଇଲା, “ଏ ଦୁନିଆର୍ ରାଜାମନ୍ ସେମନ୍‌ର୍ ଲକ୍‌ମନ୍‌କେ ନିଜର୍ ଅଦିକାର୍ ଦେକାଇ ସାସନ୍ କର୍‌ବାଇ । ଆରି ସେମନ୍, ଆମେ ଲକ୍‌ମନ୍‌କେ ଦରମ୍ କର୍‌ବା ଲକ୍ ବଲି ତାକ୍‌ପୁଟା ଅଇବାଇ । ୨୬ \*\*ମାତର୍ ତମର୍ ବିତ୍ତରେ ଏନ୍ତି ନ ଉଆ । କେ ବଡ଼ ସେ ସାନ୍ ଅ । ଆରି କେ ନେତା ରଇସି ସେ ସବୁଲକର୍ ସେବା କର୍‌ବାର୍ ଆତେ । ୨୭ \*ଏ ଦୁନିଆର୍ ଇସାବେ, ବସିକରି କାଇବା ଲକ୍ ବଡ଼ କି, ବାଟାକରି ଦେବା ଲକ୍ ବଡ଼ ? ବସିକରି କାଇବା ଲକ୍ ସେ ବଡ଼ ଅଇସି । ମାତର୍ ମୁଇ ସେନ୍ତି ନଇ । ମୁଇ ତମର୍ ବିତ୍ତରେ ବାଟାକରି ଦେବା ଲକ୍‌ର୍ ପାରା । ୨୮ ତମେ ମର୍ ସବୁ ପରିକାଟାନେ ମର୍‌ସଙ୍ଗ୍ ରଇ ଆଇଲାସ୍ନି । ୨୯ ମର୍ ବାବା ପର୍‌ମେସର୍ ଜେନ୍ତି ସାସନ୍ କର୍‌ବାକେ ମକେ ତାର୍ ରାଇଜର୍ ଅଦିକାର୍ ଦେଲା ଆତେ, ସେନ୍ତି ମୁଇ ମିସା ତମ୍‌କେ ଅଦିକାର୍ ଦେବି । ୩୦ \*ଆରି ତମେ ମର୍ ରାଇଜେ ମର୍‌ସଙ୍ଗ୍ ବସି କାଆପିଆ କରସା । ରାଜ୍‌ଗାଦି ବସି ଇସ୍‌ରାଏଲର୍ ବାରଟା ଜାତିର୍ ଲକ୍‌ମନ୍‌କେ ସାସନ୍ କରସା ।”

**ଜିସୁ ପିତର୍‌କେ ମକେ ନାଜାନି ବଲି କଇସୁ ବଲି କଇଲା**

(ମାତିଉ ୨୬:୩୧-୩୫; ମାର୍କ ୧୪:୨୭-୩୧; ଜଅନ୍ ୧୩:୩୬-୩୮)

୩୧ “ଏ ସିମନ୍, ସିମନ୍ ! ସୁନ୍ ! ଚାସି ଜେନ୍ତି ଦାନ୍ ଉଡାଲିକରି ପଟ୍ ବିନେ କରସି, ସେନ୍ତାରି ସଇତାନ୍ ତମ୍‌କେ ତେରେପେତେ କର୍‌ବାକେ ଆଦେସ୍ ପାଇଲା ଆତେ । ୩୨ ମାତର୍ ତର୍ ବିସ୍‌ବାସ୍ ଉନା ନ ଅ ବଲି ମୁଇ ପାର୍‌ତନା କଲିଆତି । ସେ ପରିକାଇ, ବିସ୍‌ବାସେ ତାଟ୍‌ଅଇ, ଜିତି ଆଇଲେ ତର୍ ବାଇମନ୍‌କେ ମିସା ସେନ୍ତି ତାଟ୍ କରାଇସୁ ।”

୩୩ ସେବେଲାଇ ସିମନ୍ ଜିସୁକେ କଇଲା, “ଏ ମାପୁର୍ ମୁଇ ତର୍‌ସଙ୍ଗ୍ ବସି ଗରେ ଜିବାକେ ଆରି ମର୍‌ବାକେ ମିସା ରାଜି ଆତି ।”

୩୪ ତାର୍ ପତେ ଜିସୁ କଇଲା, “ଏ ପିତର୍ ମୁଇ ତକେ କଇଲିନି, ତୁଇ ଏବେ ଏନ୍ତି କଇଲୁସ୍ନି, ମାତର୍ ଆଜି ରାତି କୁକ୍‌ତା ନ ତାକ୍‌ବା ଆଗତୁ ମକେ ତିନ୍‌ତର୍ ନାଜାନି ବଲି କଇସୁ ।”

\* ୨୨:୨୪ ୨୨:୨୪ ମାତିଉ ୧୮:୧; ମାର୍କ ୯:୩୪; ଲୁକ୍ ୯:୪୬ \* ୨୨:୨୬ ୨୨:୨୬ ମାତିଉ ୨୩:୧୧; ମାର୍କ ୯:୩୫ \* ୨୨:୨୭ ୨୨:୨୭ ମାତିଉ ୨୦:୨୫-୨୬; ମାର୍କ ୧୦:୪୨-୪୪ \* ୨୨:୨୯ ୨୨:୨୯ ଜଅନ୍ ୧୩:୧୨-୧୫ \* ୨୨:୩୦ ୨୨:୩୦ ମାତିଉ ୧୯:୬୮

**ବେସନି, ମୁନା ଆରି କାଣ୍ଡା**

୩୫ ✨ଜିସୁ ତାର ସିସ୍ତାମନକେ ପାଚାରଲା । “ମୁଇ ତମକେ ପାଟାଲଲାବେଲେ ବେସନି, ମୁନା ଆରି ପାଣ୍ଡୁଇ ନ ନେବାକେ କଇରଇଲି । ସେବେଲାଇ ତମକେ କାଇ ଅବାବ୍ ଅଇଲା କି ?” “ନାଇ, କାଲଟା ମିସା ଅବାବ୍ ଅଏ ନାଇ ।” ବଲି କଇଲା । ୩୬ ଆରି ସେ କଇଲା, “ମାତର୍ ଏବେ ତମକେ କଇଲିନି, ବେସନି କି ମୁନା ରଇଲେ ନିଆ । ଆରି ଜାକେ କାଣ୍ଡା ନାଇ, ସେ ପିନ୍ଦବାଟା ବିକି କାଣ୍ଡା ଗେନ । ୩୭ ମୁଇ ତମକେ କଇଲିନି ‘ସେ ଅପରାଦିମନର୍ ସଙ୍ଗ୍ ସମାନ୍ ଦସା ପାଇଲା’ ବଲି ସାସ୍ତରେ ଲେକା ଅଇଲା କାତା ସିଦ୍ ଅଇବାକେ ଗାଲାନି ।”

୩୮ ସିମନ୍ ଜିସୁକେ କଇଲା, “ଏ ମାପରୁ, ଦେକା ଆମର୍ ବିତ୍ତରେ ଜଡେକ୍ କାଣ୍ଡା ଆଚେ ।” ଜିସୁ କଇଲା, “ସେତ୍ତକି ଅଇସି ।”

**ଜିସୁ ଜିତ୍ ଡଙ୍ଗ୍ରେ ପାର୍ତନା କର୍ବାକେ ଗାଲା  
(ମାତିଉ ୨୬:୩୬-୪୬; ମାର୍କ ୧୪:୩୨-୪୨)**

୩୯ ତେଇଅନି ଜିସୁ ଗଡ୍ ଚାଡି ଆଗ୍ଡୁର୍ ଅବିଆସ୍ ଇସାବେ ଜିତ୍ନାଉର୍ ଡଙ୍ଗ୍ରେ ପାର୍ତନା କର୍ବାକେ ଗାଲା । ସିସ୍ତାମନ୍ ମିସା ତାର ସଙ୍ଗ୍ ରଇଲା । ୪୦ ଆରି ସେ ଜାଗାଇ କେଟିକରି ସିସ୍ତାମନକେ କଇଲା, “ତମେ ପରିକାର୍ ପାନ୍ଦେ ନ ଲାଗାଇ ଅଇବାକେ ପାର୍ତନା କରା ।”

୪୧ ତାର ପଚେ ଜିସୁ ତାକର୍ତେଇଅନି କଣ୍ଡେକ୍ ଦୁର୍ ଜାଇ ମାଣ୍ଡିକ୍ଟା ଦେଇକରି ପାର୍ତନା କର୍ବାର୍ ଦାରଲା । ୪୨ “ଏ ବାବା, ତୁଇ ମନକଲେ ଏ କସ୍ତର୍ ମୁତା ମର୍ତେଇଅନି ଦୁରିକେ ନେ । ମାତର୍ ମୁଇ ମନ୍ କଲା ଇସାବେ ନାଇ, ତର୍ ମନକଲା ଇସାବେ ସିଦ୍ ଅ ।” ୪୩ ସେତ୍ତକିବେଲେ ଏଦେ ଦେକା ! ପର୍ମେସରର୍ ଗଟେକ୍ ଦୁଡ୍ ଆସି ଜିସୁକେ ଦେକାଇଅଇଲା ଆରି ତାଟ୍ସଙ୍ଗ୍ ରଇବାକେ ବପୁଦେଲା । ୪୪ ମାତର୍ ଜିସୁ ଅଦିକ୍ ବିକଲ୍ ଅଇ, ମନ୍ଦିଆନ୍ ଦେଇ ପାର୍ତନା କର୍ବାର୍ ଦାରଲା । ତାର ଗାଗ୍ଡର୍ ଜାଲ୍ ପାନି, ବନିପାରା ଜର୍ଜର୍ ଅଇ ବୁଏଁ ତିପିଗାଲା ।

୪୫ ଆରି ଜିସୁ ପାର୍ତନା କରିସାରାଇ ସିସ୍ତାମନର୍ ଲଗେ ଗାଲା । ସେମନ୍ ସବୁ ଲକ୍ ଦୁକ୍ଅଇକରି ତାକିଜାଇ ସଇରଇଲାଟା ସେ ଦେକଲା । ୪୬ ତେଇ ସେମନକେ କଇଲା, “ତମେ କାଇକେ ସଇଦେଇ ଆଚାସ୍ ? ଉଟା ପରିକାର୍ ପାନ୍ଦେ ନ ଲାଗାଇ ଅଇବାକେ ପାର୍ତନା କରା ।”

**ଜିସୁକେ ସତ୍ତୁମନ୍ ବନ୍ଦି କଲାଇ  
(ମାତିଉ ୨୬:୪୭-୫୬; ମାର୍କ ୧୪:୫୩-୫୦; ଜଅନ୍ ୧୮:୩-୧୧)**

୪୭ ଜେତେବଲ୍ ଜିସୁ ଏ କାତା କଇତେରଇଲା ଗାଦି ଲକ୍ମନ୍ ତେଇ ଆଇଲା । ଜିସୁର୍ ବାର୍ଟା ସିସ୍ତାମନର୍ ବିତ୍ତରେଅନି ଜିଉଦା ନାଉର୍ ସିସ୍, ସେମନର୍ ଆଗ୍ଡୁ ଅଇ ସେମନକେ ତାକିଆନ୍ଲା, । ଆରି ଜିସୁକେ ତୁମିକରି ସେମନକେ ଚିନାଇଦେଲା । ୪୮ ଜିସୁ ଜିଉଦାକେ ପାଚାରଲା, “ଏ ଜିଉଦା ପର୍ମେସର୍ତେଇ ଅନି ଆଇଲା ନର୍ପିଲା ମକେ, ତୁଇ ବିରଦି ଲକ୍ମନକେ ତୁମିକରି ଦାରାଇଦେଲୁସନି କି ?”

୪୯ ସେ ବିରଦି ଲକ୍ମନ ଜିସୁକେ ବନ୍ଦିକରି ଦାରିଜିବାଇ ବଲି ସିସ୍ତାମନ୍ ଜାନ୍ଲା । ସେବେଲାଇ ସିସ୍ତାମନ୍ ଜିସୁକେ ପାଚାରଲା, “ଏ ମାପରୁ, ଆମର୍ କାଣ୍ଡା ବେଟ୍ଟୁ କି ?” ୫୦ ସିସ୍ତାମନର୍ ବିତ୍ତରେଅନି ଗଟେକ୍ ଲକ୍, ବଡ୍ ପୁଜାରିର୍ ଗତିଦାଙ୍ଗ୍ଡାର୍ ଉଜା କାନ୍ ଚିତ୍ତେ କାଟିପାକାଇଲା ।

୫୧ ଏଟା ଦେକି ଜିସୁ କଇଲା, “ନିତୁ” । ସେ ଚିତ୍ତଲା କାନ୍ ଚିଇକରି ନିକ କଲା ।

୫୨ ଜିସୁ ତାକେ ବନ୍ଦି କର୍ବାକେ ଆଇଲା ମୁକିଅ ପୁଜାରିମନକେ, ମନ୍ଦିର୍ ଜାଗି ରଇବା ସେନାପତିମନକେ ଆରି ପାର୍ତିମନକେ କଇଲା, “ମୁଇ କାଇ ଡାକୁ କି ? ମକେ ଦାରବାକେ ବଡ୍ ବଡ୍ ଟେଙ୍ଗ୍ ଆରି କାଡିକାଣ୍ଡା ଦାରି ଆସି ଆଚାସ୍ । ୫୩ ✨ସବୁ ଦିନେତା ମୁଇ ମନ୍ଦିରେ ତମର୍ ସଙ୍ଗ୍ ରଇଲି, ମାତର୍ ତମେ ମକେ ବାନ୍ଦାସ୍ ନାଇ । ଏବେ ବେଲା କେଟ୍ଲା ଆଚେ । ମକେ କାଇଟାମିସା କର୍ବାକେ ପର୍ମେସର୍ ସଇତାନ୍କେ ଅନୁମତି ଦେଲାଆଚେ ।”

**ଜିସୁକେ ପିତର୍ ନାଜାନି ବଲି କଇଲା  
(ମାତିଉ ୨୬:୫୭-୫୮, ୬୯-୭୫; ମାର୍କ ୧୪:୫୩-୫୪, ୬୬-୭୨; ଜଅନ୍ ୧୮:୧୨-୧୮, ୨୫-୨୭)**

୫୪ ତାର ପଚେ ସେମନ୍ ଜିସୁକେ ବନ୍ଦିକରି ବଡ୍ ପୁଜାରିର୍ ଗରେ ଦାରିଗାଲା । ପିତର୍ ଦୁରିକେ ରଇ ସେମନର୍ ପଚେପଚେ ଗାଲା । ୫୫ ସନିଅମନ୍ ଜଇଲାଗାଇ ଚାରିବେଡ୍ଡି ବସଲା । ପିତର୍ ମିସା ସେମନର୍ ସଙ୍ଗ୍ ବସଲା । ୫୬ ଗଟେକ୍ ଗତିଦାଙ୍ଗ୍ଡା ପିତର୍କେ ଜଇପାଲି ବସଲାଟା ନିକକରି ଦେକି କଇଲା, “ଏ ଲକ୍ ମିସା ଜିସୁର୍ ସଙ୍ଗ୍ ରଇଲା !”

୫୭ ମାତର୍ ପିତର୍ ରାଜି ନ ଅଇ କଇଲା, “ଏ ଗତିଦାଙ୍ଗ୍ଡା, ତାକେ ମୁଇ ମୁଲ୍କେ ନାଜାନି ।”

୫୮ ଚନେକ୍ ରଇଲା ପଚେ ଆରି ଗଟେକ୍ ଲକ୍ ପିତର୍କେ ଦେକି କଇଲା, “ତୁଇ ମିସା ତାର ସଙ୍ଗ୍ ରଇଲୁସ୍ ।” ମାତର୍ ପିତର୍ ତାକେ କଇଲା, “ମୁଇ ନଇ ।”

☆ ୨୨:୩୫ ୨୨:୩୫ ମାତିଉ ୧୦:୯,୧୦; ମାର୍କ ୬:୯; ଲୁକ୍ ୯:୩;୧୦:୪ ☆ ୨୨:୫୩ ୨୨:୫୩ ଲୁକ୍ ୧୯:୪୭,୨୧:୩୭



୫୯ ଗଟେକ୍ ଗାଁଟା ଗାଲାପଟେ ଆରି ଗଟେକ୍ ଲକ୍ ପିତର୍କେ ଦେକି କଇଲା, “ଏ ଲକ୍‌ମିସା ନିଜେ ତାର ସିସ୍‌ମନ୍‌ ସଙ୍ଗେ ରଇଲା । ଆକେ ମୁଇ ନିକକରି ଜାନି । କାଇକେ ବଇଲେ ସେ ଗଟେକ୍ ଗାଲିଲିର ଲକ୍ ।” ୬୦ ଏଟା ସୁନି ପିତର୍କ ସେ ଲକ୍‌କେ କଇଲା, “ଏ ବାଇ ତୁଇ କାଇଟା କଇଲୁସ୍‌ନି ? ମୁଇ ବିଲୁକୁଲ୍ ନାଜାନି ।” ସେ କାତା ପିତର୍କ କଇଲା ଦାପ୍‌ରେ, କୁକ୍‌ତା ତାକ୍‌ଲା । ୬୧ ସେବେଲେ ଜିସୁମାପ୍‌ରୁ ପିତର୍କେ ପାସ୍‌ଲି ନିମାନ୍ କରି ଦେକ୍‌ଲା । ଜିସୁ ଆଗତୁ କଇଲା କାତା ସେ ଏତାଇଲା । ସେ ତାକେ କଇରଇଲା ତୁଇ ମକେ ଆଜି କୁକ୍‌ତା ତାକ୍‌ବା ଆଗତୁ ତିନ୍‌ତର ନାଜାନି, ବଲି କଇସୁ । ୬୨ ସେଟାପାଇ ପିତର୍କ ସେଟା ଏତାଇ, ଦୁଇ ଅଇ ତାଣ୍ଡେଅନି ବିନେ ଜାଇ ବେସି କାନ୍‌ଲା ।

**ଜିସୁକେ ମାର୍‌ଲାଇ**

(ମାତିଉ ୨୬:୨୭-୨୮; ମାର୍କ ୧୪:୨୫)

୬୩ ଜିସୁକେ ଦାରିକରି ସଙ୍ଗେରଇଲା ଲକ୍‌ମନ୍ ତାକେ ମାରିମାରି କିଜାଇଲାଇ । ୬୪ ଆରି ତାର୍ ଆଁକି ବାନ୍ଧିକରି ତାକେ ପାଟାରିଲାଇ, “ତକେ କେ ମାର୍‌ଲା, କଅ ?” ୬୫ ଆରି କେତେଟା କାତା କଇ ତାକେ ନିନ୍ଦା କଲାଇ ।

**ଜିସୁକେ ବଡ଼ ସବାତେଇ ଆନଲାଇ**

(ମାତିଉ ୨୬:୫୯-୬୨; ମାର୍କ ୧୪:୫୫-୬୪; ଜଅନ୍ ୧୮:୧୯-୨୪)

୬୬ ତାର୍ ଆର୍କର୍ ଦିନେ ଜୁଲ୍‌ପୁଲ୍ ଉଜଲ୍ ବେଲାଇ, ପାର୍‌ତିନମନ୍, ମୁକିଅ ପୁଜାରିମନ୍ ଆରି ସାସ୍‌ତର୍ ସିକାଇଦେବା ଲକ୍‌ମନ୍ ଗଟେକ୍‌ଟାନ୍‌ ରୁଣ୍ଡିଲାଇ । ଆରି ଜିସୁକେ ବିଚାର୍ କରବା ବଡ଼ଟା ଜାଗାଇ ନେଲାଇ । ୬୭ “ତୁଇ ସତଇସେ ପର୍‌ମେସର୍ ବାଟିପାଟାଇଲା କିରିସ୍‌ଟ କି ? ଆମ୍‌କେ କଅ ।” ମାତର୍ ଜିସୁ ସେମନ୍‌କେ କଇଲା, “ମୁଇ କଇଲେ ମିସା ତମେ ବିସବାସ୍ ନ କରାସ୍ । ୬୮ ମୁଇ ତମ୍‌କେ ପାଟାରିଲେ ମିସା ନ କୁଆସ୍ । ୬୯ ମାତର୍ ଏବେ ଅନି, ପର୍‌ମେସର୍‌ରଟାନ୍‌ଅନି ଆଇଲା ନର୍‌ପିଲା ମୁଇ ତାର୍ ଉଜାବାଟେ ବସିରଇବି ।”

୭୦ ସେ କାତା ସୁନି ଗୁଲାଇ ଲକ୍‌ମନ୍ ଆଉଲିଅଇ ଜିସୁକେ ପାଟାରିଲାଇ, “ଏକ୍ତି ବଇଲେ ତୁଇକାଇ ପର୍‌ମେସର୍‌ର ପିଲା କି ?” ଜିସୁ ସେମନ୍‌କେ କଇଲା “ମୁଇସେ ବଲି ତମେ କଇଲାସ୍‌ନି ।”

୭୧ ଆରି ସେମନ୍ କଇଲାଇ, “ଆମ୍‌କେ ଆରି କାଇ ସାକି ଦର୍‌କାର୍ ତା ? ଆମେ ନିଜେ ତାର୍ ଟଣ୍ଡେଅନି ସୁନ୍‌କୁ ଆତୁ ।”

**୨୩**

**ଜିସୁକେ ପିଲାତର୍ ଲଗେ ନେଲାଇ**

(ମାତିଉ ୨୭:୧-୨, ୧୧-୧୪; ମାର୍କ ୧୫:୧-୫; ଜଅନ୍ ୧୮:୨୮-୩୮)

୧ ତାର୍ ପଟେ ବିଚାର୍ କରବା ବଡ଼ ସବାର୍ ଜାଗାଇ ବସିରଇଲା ସବୁ ଲକ୍‌ମନ୍ ଉଟିକରି ଜିସୁକେ ପିଲାତର୍ ଲଗେ ଦାରିଗାଲାଇ । ୨ ସେ ଲକ୍‌ମନ୍ ଜିସୁକେ ନିନ୍ଦା କରି ଏକ୍ତି କଇବାର୍ ବସ୍‌ଲାଇ, “ଏ ଲକ୍ ଆମ୍‌ର୍ ଲକ୍‌ମନ୍‌କେ ବୁଲ୍ ସିକିଆ ଦେଇତେ ରଇଲା ଆରି କାଇସର୍ ସମ୍‌ରାଟ୍‌କେ ସିସ୍‌ତୁ ଦିଆସ୍ ନାଇ ବଲି ସିକାଇଲା ବେଲେ ତାକେ ଦାରିଲୁ । ଆରି ସେ ନିଜ୍‌କେ ମୁଇ ପର୍‌ମେସର୍ ବାଟି ପାଟାଇଲା ରାଜା କିରିସ୍‌ଟ ବଲି କଇଲାନି ।”

୩ ସେଟା ପାଇ ପିଲାତ୍ ଜିସୁକେ ପାଟାରିଲା, “ତୁଇ କାଇ ଜିଉଦି ଲକ୍‌ମନ୍‌ର ରାଜା କି ?” ଜିସୁ ତାକେ କଇଲା, “ତମେତା କଇଲାସ୍‌ନି ।”

୪ ତାର୍ ପଟେ ପିଲାତ୍ ମୁକିଅ ପୁଜାରିମନ୍‌କେ ଆରି ତେଇ ରଇଲା ସବୁ ଲକ୍‌ମନ୍‌କେ କଇଲା, “ମୁଇ ଏ ଲକ୍ ଦସି ବଲି କାଇ ବୁଲ୍ ଦେକି ନାଇ ।”

୫ ମାତର୍ ସେମନ୍ ତର୍କକେତର୍ ଆଉଲିଅଇ କଇଲାଇ, “ତାର୍ ସିକିଆର୍ ଲାଗି ସେ ଜିଉଦାର୍ ସବୁବାଟର୍ ଲକ୍‌ମନ୍‌ର ବିଡ଼ରେ କଲି ଲାଗାଇଲାନି । ସେଟା, ସେ ଗାଲିଲିତେଇ ଆରାମ୍ କର, ଏବେ ଇତି ଜାକ ଆଇଲା ଆଟେ ।”

**ଜିସୁକେ ଏରଦର୍ ଲଗେ ପାଟାଇଲାଇ**

୬ ଏ କାତା ସୁନି ପିଲାତ୍ ଲକ୍‌ମନ୍‌କେ ପାଟାରିଲା, “ଏଟା ଗଟେକ୍ ଗାଲିଲି ଦେସର୍ ଲକ୍ କି ?” ୭ ପିଲାତ୍ ଜିସୁକେ ଗାଲିଲି ଦେସର୍ ଲକ୍ ବଲି ଜାନି, ତାକେ ଗାଲିଲି ଦେସ୍ ସାସନ୍ କରବା ଏରଦର୍‌ଲଗେ ପାଟାଇ ଦେଲା । କାଇକେ ବଇଲେ, ସେ ବେଲେ ଏରଦ୍ ମିସା ଜିରୁସାଲମେ ରଇଲା । ୮ ଏରଦ୍ ଜିସୁକେ ଦେକି କର ବେସି ସାର୍‌ଦାଅଇଲା । କାଇକେ ବଇଲେ ଜିସୁର୍ ବିସଇ ଆଗତୁ ସୁନି ରଇଲା ଆରି ତାର୍ ମୁଆଟେ କାବା ଅଇଜିବା କାମ୍ ଦେକ୍‌ବାକେ ମନ୍ କର୍‌ତେରଇଲା । ୯ ସେଟା ପାଇ ଏରଦ୍ ତାକେ କାଇ କାଇ ବିସଇ ପାଟାରିବାର୍ ଦାରିଲା । ମାତର୍ ଜିସୁ ତାକେ କାଇବଲି ମିସା କଏ ନାଇ । ୧୦ ସେଡିକି ବେଲେ ତେଇ ଟିଆଅଇରଇଲା ମୁକିଅ ପୁଜାରିମନ୍ ଆରି ନିୟମ୍ ସିକାଉମନ୍ ସବୁ ମିସି କର ଜିସୁର୍ ବିରୁଦେ ଆଉଲିଅଇ କଇବାର୍ ଦାରିଲାଇ । ୧୧ ଏରଦ୍ ଆରି ତାର୍ ସନିଅମନ୍ ଜିସୁକେ କିଜାଇଲାଇ ଆରି ନିନ୍ଦା କଲାଇ । ଜିସୁକେ ରାଜାମନ୍ ପିନ୍‌ବା ନିମାନ୍ ପରିଆ ପିନ୍‌ଇ ପିଲାତ୍‌ଟାନ୍‌ ପାଟାଇ ଦେଲାଇ । ୧୨ ସେ ଦିନେଅନି ପିଲାତ୍ ଆରି ଏରଦ୍ ମଇତର୍ ଅଇଲାଇ । ତାର୍ ଆଗତୁ ସେମନ୍ ଦୁଇ ଲକ୍ ସଡ଼ରୁ ଅଇରଇଲାଇ ।

ଜିସୁକେ ମରବା ଦଣ୍ଡଦେଲାଇ

(ମାତିଉ ୨୭:୧୫-୨୬; ମାର୍କ ୧୫:୬-୧୫; ଜଅନ୍ ୧୮:୩୯-୧୯:୧୬)

୧୩ ତାର୍ପତେ ପିଲାଡ଼ ମୁକିଅ ପୁଜାରିମନ୍‌କେ, ନେତାମନ୍‌କେ ଆରି ସବୁ ଲକ୍‌ମନ୍‌କେ ଗଟେକ୍‌ଟାନ୍‌ନେ ରୁଣ୍ଡାଇକରି ସେମନ୍‌କେ କଇଲା, ୧୪ ଏ ଲକ୍ ଲକ୍‌ମନ୍‌କେ ସରକାରର ବିରୁଦେ ବୁଲ୍ ସିକିଆ ଦେଲାନି ବଲି ମର ଲଗେ ଆନିଆତାସ୍ । ଆରି ଦେକା ମୁଇ ତମର ମୁଆଟେ ତାକେ ପରିକା କଲି, ତାର ବିରଦେ ତମେ ସବୁଲକ୍ ନିନ୍ଦାକଲାଟା ମିଲେନାଇ । ୧୫ ଏରଦ୍ ମିସା ତାର୍‌ଟାନ୍‌ନେ କାଇ ବୁଲ୍‌କଲାଟା ନ ଦେକି ଆମ୍‌କେ ବାଉଡାଇଦେଲା ଆଟେ । ଏ ଲକ୍ ମରନ୍ ଡଣ୍ଡ ପାଇବାପାରା ବୁଲ୍ କାମ୍ କରେ ନାଇ । ୧୬ ସେଟାର୍‌ପାଇ ମୁଇ ଆକେ କରଡା ମାଡ଼ ମାରିକରି ଚାଡ଼ିଦେବି । ୧୭ ଆରି ଦେକା ସବୁ ବରସେ ରକିଆ ପାଇବା ପରବ୍ ବେଲାଇ ଜିଉଦି ଜାଡ଼ିକେ ସନ୍‌ମାନ୍ ଦେବାକେ ଗଟେକ୍ ବନ୍ଦିକେ ମୁକ୍‌ଲାଇ ଦେବା ନିୟମ୍ ରଇଲା ।

୧୮ ମାତର୍ ସବୁଲକ୍‌ମନ୍ ଆଉଲିଅଇ କଇଲାଇ, “ଆକେ ମରାଆ ଆରି ଆମର୍ ପାଇ ବାରବାକେ ଚାଡ଼ିଦିଆସ୍ ।” ୧୯ ଏ ବାରବା ବଲ୍‌ବା ଲକ୍, ସରକାରର ବିରଦେ ବୁଲ୍ କରିରଇଲା ଆରି ଗଟେକ୍ ଲକ୍‌କେ ମାରି ରଇଲା । ସେଟାର୍‌ପାଇ ତାକେ ବନ୍ଦି କରିରଇଲାଇ ।

୨୦ ମାତର୍ ପିଲାଡ଼ ଜିସୁକେ ଚାଡ଼ିଦେବାକେ ମନ୍‌କରି ତାର୍ ଲଗେ କାଇ ବୁଲ୍‌କଲାଟା ଡିସେନାଇ ବଲି ସେମନ୍‌କେ ତରକେ ତର ବୁଜାଇଲା । ୨୧ ମାତର୍ ଲକ୍‌ମନ୍ ବେସି ଆଉଲି ଅଇ, “ତାକେ କୁରସେ ଚଗାଇ ମରାଆ ! ତାକେ କୁରସେ ଚଗାଇ ମରାଆ !” ୨୨ ତାର୍‌ପତେ ପିଲାଡ଼ ସେମନ୍‌କେ ଆଗେ ଦୁଇତର୍ ପାଚାରଲାଟା ଚାଡ଼ି ଆରିତରେକ୍ ସମାନ୍‌ଟାସେ କଇଲା, “କାଇକେ ? ସେ କାଇ ବୁଲ୍ କଲାଆଟେ ଜେ ? ତାର୍‌ଟାନ୍‌ନେ କାଇମିସା ମରନ୍ ପାଇବା ଡଣ୍ଡ ଏଡ଼କି ଦସ୍ ମିଲେ ନାଇ । ଏଡ଼ି ବଇଲେ ମିସା ତାକେ କରଡା ମାଡ଼ ମାରି ଚାଡ଼ି ଦେବି ।”

୨୩ ମାତର୍ ଲକ୍‌ମନ୍ ଆରି ବେସି ଆଉଲିଅଇ ତରକେ ତର “ତାକେ କୁରସେ ଚଗାଇ ମରାଆ !” ବଲି ବାଦିଅ କଲାଇ । ସାରାସାରି ପତେ ସେମନ୍ ଆଉଲିଅଇଲାଟା ଜିଡ଼ଲା । ୨୪ ତାର୍ ପତେ ପିଲାଡ଼ ଲକ୍‌ମନ୍‌ର୍ ଜାଇଟା କରବାକେ ମନ୍ କଲାଇ, ସେ ଇସାବେ ଜିସୁକେ ମରନ୍‌ର୍ ଡଣ୍ଡ ଦେବାକେ ରାଜି ଅଇଲା । ୨୫ ପତେ ପିଲାଡ଼ ଲକ୍‌ମନ୍‌ର୍ କଇବା ଇସାବେ, ବାରବା ନାଉର୍ ଲକ୍ ଜେ କି, ଆଗ୍‌ତୁ ଗଟେକ୍ ଲକ୍‌କେ ମରାଇରଇଲା ଆରି ସରକାରର ବିରୁଦେ ବୁଲ୍‌କାମ୍ କରି ବନ୍ଦି ଅଇରଇଲା, ତାକେ ମୁକ୍‌ଲାଇଲା । ଜିସୁକେ ତାକର୍ ମନ୍‌କଲା ଇସାବେ ଡଣ୍ଡ ଦେବାକେ ସର୍‌ପିଦେଲା ।

ଜିସୁକେ କୁରସେ କୁଟିମାରଲାଇ

(ମାତିଉ ୨୭:୩୨-୪୪; ମାର୍କ ୧୫:୨୧-୩୨; ଜଅନ୍ ୧୯:୧୭-୨୭)

୨୬ ସନିଅମନ୍ ଜିସୁକେ ଦାରିଜିବା ବେଲେ କୁରିଣିୟ ସିମନ୍ ନାଉର୍ ଲକ୍‌କେ ବେଟ୍‌ପାଇଲାଇ । ଜେ କି ଗାଏଁଅନି ଜିରୁସାଲାମେ ଆଇତେରଇଲା । ତାକେ ଅଟ୍‌କାଇକରି ଜିସୁ ବଇଲା କୁରସ ଲାଦିଦେଲାଇ ଆରି ତାର୍ ପତେ ଜିବାକେ ବାଦିଅ କଲାଇ ।

୨୭ ଆରି ବେସି ଲକ୍‌ମନ୍ ଜିସୁର୍ ପତେ ପତେ ଜାଇତେ ରଇଲାଇ । ତେଇ କେତେଟା ବୁକେ ପିଟିଅଇ କାନ୍‌ବା ମାଇଜିମନ୍ ମିସା ରଇଲାଇ । ୨୮ ମାତର୍ ଜିସୁ ସେମନ୍‌ର୍ ବାଟେ ପାସ୍‌ଲିକରି କଇଲା, ଏ ଜିରୁସାଲମ୍ ଗଡ଼ର୍ ମାଇଜିମନ୍, ମରପାଇ କାନ୍‌ ନାଇ । ମାତର୍ ନିଜର୍ ପାଇ ଆରି ନିଜର୍ ପିଲାମନ୍‌ର୍ ପାଇ କାନ୍‌ । ୨୯ କାଇକେବଇଲେ ଦେକା “ଜନ୍ ମାଇଜି ବାଞ୍ଜି ଆରି କେବେ ମିସା ଗାଗତେ ନ ଅଇକରି ଆଚଡ଼, ଆରି ଜେ କି କେବେ ମିସା ଦୁଦ୍ କୁଆଏ ନାଇ, ସେମନ୍ କେତେକ୍ ନିକ କରମର୍ ଲକ୍ !” ବଲି କଇବା ଦିନ୍ ଆଇଲାନ୍ । ୩୦ ☆ସେବେଲାଇ ଲକ୍‌ମନ୍ ତଙ୍‌ମନ୍‌କେ କଇବାର୍ ଦାରବାଇ, ଆମର୍ ଉପ୍‌ରେ ଅଦ୍‌ରି ଦିଆସ୍ । କୁପ୍‌ଲିମନ୍‌କେ କଇବାର୍ ଦାରବାଇ, ଆମ୍‌କେ ତପିଦିଆସ୍ । ୩୧ କାଇକେ ବଇଲେ ଗର୍ କାଁଟାପଡ଼ିଆ ରଇଲା ବେଲେ, ଜଦି ଏ ସବୁ ଗଟ୍‌ନା ଗଟ୍‌ଲାନ୍ ବଇଲେ ସେଟା ସୁକିଗାଲେ ଆରି କାଇଟା ଅଇସି ।

୩୨ ଜିସୁର୍ ସଙ୍ଗ୍ ଆରି ଦୁଇଟା ବଡ଼ ବୁଲ୍ କରିରଇବା ଲକ୍‌ମନ୍‌କେ ମିସା ମରାଇବାକେ ନେଲାଇ । ୩୩ ଆରି ସେମନ୍ କପ୍‌ରି ନାଉର୍ ଗଟେକ୍ ଜାଗାଇ କେଟିକରି ଜିସୁକେ ଆରି ଚର୍‌ମନ୍‌କେ, ତାର୍ ଡେବ୍‌ରି ବାଟେ ଗଟେକ୍ ଲକ୍‌କେ ଆରି ଉଜାବାଟେ ଗଟେକ୍ ଲକ୍‌କେ ଆଡେ, ପାଦେ କୁଟିମାରି ଟେକିଦେଲାଇ । ୩୪ ସେବେଲା ଜିସୁ କଇଲା, “ଏ ବାବା ଏମନ୍‌କେ କେମା କରିଦିଆସ୍, କାଇକେ ବଇଲେ ଏମନ୍ କାଇଟା କଲାଇନି ସେଟା ନାଜାନଡ଼ ।” ସେମନ୍ ଜିସୁର୍ ପଟିଆ ନେଇ କାକେ ମିଲ୍‌ସି ବଲି କେଡ଼ ପୁଟାଇଲାଇ । ୩୫ ସବୁ ଲକ୍‌ମନ୍ ଟିଆଅଇ ଦେକ୍‌ବାବେଲେ ଜିଉଦି ନେତାମନ୍ ଜିସୁକେ କିଜାଇକରି ଆସିଲା ଆରି କଇଲା “ସେ ବିନ୍‌ଲକ୍‌ମନ୍‌କେ ରକିଆ କଲା, ଜଦି ତୁଇ ପର୍‌ମେସର୍ ବାଟିପାଟାଇଲା କିରିସ୍‌ଟ ବଇଲେ ନିଜ୍‌କେ ରକିଆ କର ।”

୩୬ ଆରି ସନିଅମନ୍ ଜିସୁର୍ ଲଗେ ଆସିକରି ତାକେ ଗନ୍‌ବା ରସ୍ ଦେଇ କିଜାଇକରି କଇଲାଇ, । ୩୭ “ତୁଇ ଜଦି ଜିଉଦି ଲକ୍‌ମନ୍‌ର୍ ରାଜା, ନିଜ୍‌କେ ରକିଆ କର ।”

୩୮ ଆରି ତାର୍ କୁରସର୍ ଟିପେ ଏଟା ଜିଉଦିମନ୍‌ର୍ ରାଜା, ବଲି ଲେକି ଅଲାଇଦେଲାଇ ।

☆ ୨୩:୩୦ ୨୩:୩୦ ପରକାସିତ ୬:୧୬

୩୯ ତେଜ ବଡ଼ ବୁଲ୍ କରି କୁରସେ ଚଗାଇଅଇରଇବା ଗଟେକ୍ ଲକ୍ ଜିସୁକେ ନିନ୍ଦା କରି କଇଲା, “ତୁଇ ଜଦି ପରମେସର ବାଟି ପାଟାଇଲା କିରିସ୍ଟ ରାଜା ଜିସୁ ବଇଲେ, ନିଜ୍ଜକେ ରକିଆ କରି ଆମକେ ମିସା ରକିଆ କର୍ ।”  
 ୪୦ ମାତର୍ ଆରି ଗଟେକ୍ ଲକ୍ ତାକେ ଦମ୍‌କାଇ କରି କଇଲା, “ତୁଇ କାଇ ପରମେସରକେ ଡରୁସ୍ ନାଇ କି ? ତୁଇ ମିସା ତାର୍‌ପାରା ସମାନ୍ ଡଣ୍ଡ ପାଇଲୁସ୍‌ନି କି ନାଇ ? ୪୧ ଆରି ଆମେ ବୁଲ୍‌କରି ନିୟମ୍ ଇସାବେ ଡଣ୍ଡ ପାଇଲୁନି । ମାତର୍ ସେତା କାଇ ବୁଲ୍ କରେ ନାଇ ।” ୪୨ ଆରି ସେ ଜିସୁକେ, “ଏ ଜିସୁ, ତୁଇ ନିଜର୍ ରାଇଜେ ରାଜା ଅଇ ଆଇଲେ ମକେ ଏତାଆ ।”

୪୩ ଜିସୁ ତାକେ କଇଲା, “ମୁଇ ତକେ ସଡ଼ କଇଲିନି, ଆଜିସେ ତୁଇ ମର୍ସଙ୍ଗ୍ \*ପାରଦେସେ ରଇସୁ ।”

**ଜିସୁ ମର୍ବାଟା**

(ମାତିଉ ୨୭:୪୫-୫୬; ମାର୍କ ୧୫:୩୩-୪୧; ଜଅନ୍ ୧୯:୨୮-୩୦)

୪୪ ସେବେଲେ ଆଡ଼ବେଲା ଅଇରଇଲା । ଆରି ବେଲର୍ ଉଜଲ୍ ଜାଉଁଲିଜାଇକରି, ତିନ୍ ଗାଁଟା ଜାକ ଗୁଲାଇ ଦେସ୍ ଆନ୍ଦାର୍ ଅଇଗାଲା ୪୫ ଆରି ଏଦେ ଦେକା ! ମନ୍ଦିରର୍ ସୁକଲ୍ ଜାଗା, ବିନେ କରବା ପାରଦା ମଜାଇ ଦୁଇପଡା ଅଇ ଚିରିଅଇଲା । ୪୬ ଆରି ଜିସୁ ଆଉଲିଅଇ କଇଲା, “ଏ ବାବା, ମର୍ ଆଡ଼ମା ତକେ ସର୍ପିଦେଲିନି ।” ଏଡ଼କି କଡ଼ କଡ଼ ତାର୍ ଜିବନ୍ ଚାଡ଼ିଗାଲା ।

୪୭ ରମିୟ୍ ସନିଅମନ୍‌ର୍ ସେନାପତି ଏ ଗଟ୍‌ନା ଦେକି, ପରମେସରର୍ ମଇମା କରି କଇଲା, “ସତଇସେ ଏ ଗଟେକ୍ ଦରମ୍ ଲକ୍ ରଇଲା ।”

୪୮ ଆରି ଜନ୍ ଲକ୍‌ମନ୍ ଏ ଗଟ୍‌ନା ଦେକବାକେ ରୁଣ୍ଡିରଇଲାଇ ସେମନ୍ ସେଟା ସବୁ ଦେକି ଦୁକ୍‌କରି ରୁକେ ମାରିଅଇ ଗରେ ବାଅଡ଼ଲାଇ । ୪୯ ମାତର୍ ଜିସୁର୍ ଚିନାର୍‌ଜାନାର୍ ଲକ୍‌ମନ୍ ଆରି ଗାଲିଲିଅନି ଆସି ତାର୍ ପଡ଼ପଡ଼ ଆଇଡେରଇବା ମାଇଜିମନ୍ ଦୁରିକେ ଚିଆଅଇ ଏ ସବୁ ଦେକ୍‌ଡେ ରଇଲାଇ ।

**ଜିସୁର୍ ମଡା ସଙ୍ଗଇବା ଜାଗା**

(ମାତିଉ ୨୭:୫୭-୬୧; ମାର୍କ ୧୫:୪୨-୪୬; ଜଅନ୍ ୧୯:୩୮-୪୨)

୫୦ ଆରି ଦେକା, ଆରାମାତିଆ ଗଡ଼ର୍ ଜିଉଦିମନ୍‌ର୍ ନେତା ଜସେପ୍ ନାଉର୍ ଗଟେକ୍ ଦରମ୍ ଆରି ମର୍ଜିତାର୍ ଲକ୍ ରଇଲା । ସେ ପରମେସରର୍ ରାଇଜ୍ ଆସ ବଲି ଜାଗିରଇଲା । ୫୧ ମାତର୍ ଆରାମାତିଆ ଗାଉର୍ ସେ ଲକ୍ ବଡ଼ସବାର୍ ଗଟେକ୍ ମେମର୍ ରଇଲେ ମିସା, ସେମନ୍‌ର୍ ନିଆଇ ଆରି କାମ୍ ସଙ୍ଗ୍ ରାଜିଅଇ ନ ରଇଲା । ଆରି ପରମେସରର୍ ରାଇଜ୍ ଜାଗଡେରଇଲା । ୫୨ ସେ ପିଲାତର୍ ଲଗେ ଜାଇ ଜିସୁର୍ ମଲା ମଡ଼ ମାଙ୍ଗ୍ଲା । ୫୩ ଜିସୁର୍ ମଡ଼ କୁରସେଅନି ଉଡ଼ରାଇ ଉଲ୍‌ଉଲା ପଟିଆଇ ଗୁଡିଆଇକରି ଜେନ୍ତିକି କେବେ କାକେ ନ ସଙ୍ଗଇରଇଲା, ଗଟେକ୍ ରାଇଜ୍‌ନି କାଟି ତିଆର୍‌କରି ରଇଲା ପାଆରେ ନେଇ ସଙ୍ଗଇଲାଇ । ୫୪ ସେ ଦିନ୍ ବିସରାମବାର୍ ଦିନ୍ ନ ଅଇରଇଲା, ସେ ଦିନ୍ କେଟି ଆଇଡେରଇଲା ।

୫୫ ଆରି ଗାଲିଲିଅନି ଜିସୁର୍ ସଙ୍ଗ୍ ରଇଲା ମାଇଜିମନ୍ ଜସେପ୍‌ର୍ ସଙ୍ଗ୍ ଜାଇକରି ପାଆର୍ ବିଡ଼ରେ ଜିସୁର୍ ଗାଗଡ଼ କେନ୍ତି ସଙ୍ଗଇଲା ଆଟେ ବଲି ଦେକ୍‌ଲାଇ । ୫୬ ସେମନ୍ ବାଉଡିଜାଇ ବାସନା ଚିକନ୍ ଆରି ବାସନା ଦିନ୍‌ସୁ ତିଆର୍ କର୍‌ଡେ ରଇଲାଇ । ସେ କାମ୍ ସାର୍‌ବାକେ ବିସରାମ୍‌ଦିନ୍ କେଟ୍‌ଲା । ଆରି ସେ ଦିନେ ମସାର୍ ନିୟମ୍ ଇସାବେ, ସେମନ୍ ବିସରାମ୍ କଲାଇ ।

**98**

**ଜିସୁ ଆରି ତରେକ୍ ଜିବନ୍ ଅଇ ଉର୍‌ଲା**

(ମାତିଉ ୨୮:୧-୧୦; ମାର୍କ ୧୬:୧-୮; ଜଅନ୍ ୨୦:୧-୧୦)

୧ ଆଟର୍ ପର୍‌ଡୁମ୍ ଦିନର୍ ସାକାଲେ, ମାଇଜିମନ୍ ସେମନ୍ ତିଆର୍ କରିରଇବା ବାସନା ଦିନ୍‌ସୁ ଆରି ବାସନା ଚିକନ୍ ଦାରି ଜିସୁର୍ ମଡ଼ ରଇଲା ପାଆରେ ଗାଲାଇ । ୨ ଆରି ପାଆର୍‌ର୍ ମୁଆଟେ ରଇଲା ପାକ୍‌ନା ଗୁଣ୍ଡିରଇଲାଟା ଦେକ୍‌ଲାଇ । ୩ ସେଟା ଦେକି ପାଆର୍ ବିଡ଼ରେ ଜାଇ ଦେକ୍‌ଲାଇ, ତେଇ ଜିସୁର୍ ଗାଗଡ଼ ନ ରଇଲା । ୪ କାଇଟା ଅଇଲାବେ, ବଲି, ବାବିକରି ରଇଲାବେଲେ, ଏଦେ ଦେକା ! ବିଜ୍ଜିଲି ପାରା ଜଗଜଗି ଜାଇଡେରଇବା ଲୁଗା ପିନ୍ଦି ଦୁଇ ଲକ୍ ସେମନ୍‌ର୍ ମୁଆଟେ ଚିଆ ଅଇଲାଇ । ୫ ମାଇଜିମନ୍ ସେ ଦୁଇ ଲକ୍‌କେ ଦେକି ଡରିକରି ଉତାଡିଅଇ ହୁଲିଦେଲାଇ । ସେ ଦୁଇଲକ୍ ସେମନ୍‌କେ କଇଲାଇ, “ଜିବନ୍ ରଇଲା ଲକ୍‌କେ କାଇକେ ମଲା ଲକ୍‌କେ ସଙ୍ଗଇଲାଟାନ୍ କଇଲାସ୍‌ନି ? ୬ ଜିସୁ ଇତି ନାଇ, ପରମେସର୍ ତାକେ ଉଟାଇଲାଆଟେ । ସେ ତମର୍ ସଙ୍ଗ୍ ଗାଲିଲିଡେଇ ମିସ୍‌ଡେ ରଇଲା ବେଲେ ତମ୍‌କେ କାଇବଲି କଇରଇଲା, ସେଟା ତମର୍ ମନେ ନାଇ କି ? ୭ ନର୍‌ପିଲା ପାପି ଲକ୍‌ମନ୍‌ର୍ ଆଡେ ସର୍‌ପାଇ ଅଇସି ଆରି ସେମନ୍ ତାକେ କୁରସେ କୁଟିମାରି ମରାଇ ଦେବାଇ । ମାତର୍ ତିନ୍‌ଦିନ୍ ଗାଲାପଟେ ସେ ଆରି ତରେକ୍ ଜିବନ୍ ଅଇ ଉର୍‌ସି ।”

୮ ସେଡ଼କି ବେଲେ ମାଇଜିମନ୍ ଜିସୁ ଏନ୍ତି କାତା କଇରଇଲା ବଲି ଏତାଇଲାଇ । ୯ ସେଟାର୍ ପାଇ ସେମନ୍ ତେଇଅନି ଦାପ୍‌ରେ ବାଉଡି ଆସିକରି ଏଗାର୍‌ଟା ସିସ୍‌ମନ୍‌କେ ଆରି ତେଇ ରଇଲା ଲକ୍‌ମନ୍‌କେ ସେ ଜାଗାଇ ଅଇଲା ଗଟ୍‌ନା ସବୁ

\* ୨୩:୪୩ ୨୩:୪୩ ଜିସୁକେ ବିସବାସ୍ କରି ମଲା ଲକ୍‌ମନ୍ ରଇବା ସାର୍‌ଦାର୍ ଜାଗା ☆ ୨୩:୪୯ ୨୩:୪୯ ଲୁକ୍ ୮:୨୩ ☆ ୨୪:୭ ୨୪:୭ ମାତିଉ ୧୭:୨୧; ୧୭:୨୨, ୨୩:୨୦; ୧୮:୧୯; ମାର୍କ ୮:୩୧; ୯:୧୦; ୩୩:୩୪; ଲୁକ୍ ୯:୨୨; ୧୮:୩୧-୩୩

କଲଲା । ୧୦ ମଗ୍ଦଲିନି ମରିୟମ୍, ଜଥାନା, ଜାକୁବର୍ ମାଆ ମରିୟମ୍ ଆରି ତାକର୍ସଙ୍ଗ୍ ରଇଲା ବିନ୍ ମାଇଜିମନ୍ ମିସା କାଇ କାଇଟା ଗଟ୍ଲା, ସେ ସବୁ ବିସଇ ପେରିଡ଼ମନ୍‌କେ କଲଲା । ୧୧ ମାତର୍ ପେରିଡ଼ମନ୍ ମାଇଜିମନ୍‌କାତା ଗଣ୍ଡେ ପାନ୍ କଲଲାକି ବଲି ବିସ୍‌ବାସ୍ କରଡ଼ ନାଇ । ୧୨ ମାତର୍ ପିତର୍ ଅଦର୍ପଡ଼ ଅଇ ପାଲା ପାଆରେ ଜାଇ ଏରି ଦେକ୍ଲା । ପାଆର୍ ବିଡ଼ରେ ଏରି ଦେକ୍ଲାକେ ତେଇ ଜିସୁକେ ଗୁଡ଼ିଆଇଲା ଉଲ୍‌ଉଲା ପଟିଆ ଚାଡ଼ି ଆରି କାଇଟା ନ ରଇଲା । ପିତର୍ ସେ ଗଟ୍‌ନା ଦେକି କାବାଅଇ ଜାଇକରି, ଗରେ ବାଉଡ଼ି ଆଇଲା ।

**ଦୁଇଟା ସିସ୍‌ମନ୍ ଇମାୟୁ ଗାଉଁ ଗାଲାଇ**  
(ମାର୍କ ୧୬:୧୨-୧୩)

୧୩ ସେ ଦିନେସେ ଜିସୁର୍ ଦୁଇଟା ସିସ୍‌ମନ୍ ଜିରୁସାଲମେଅନି ଏଗାର କିଲମିଟର୍ ଦୁର୍‌କେ ରଇଲା ଇମାୟୁ ନାଉଁର୍ ଗାଉଁ ଇଣ୍ଡିକରି ଜାଇତେ ରଇଲା । ୧୪ ଜିସୁକେ କାଇକାଇଟା ଅଇରଇଲା ଆରି ସେ ସବୁ ବିସଇନେଇ ସେମନ୍ କାତାଅଇ କାତାଅଇ ଇଣ୍ଡିକେ ରଇଲା । ୧୫ ସେମନ୍ ଏନ୍ତି କାତାବାର୍‌ତା ଅଇ ଆଇବାବେଲେ ଏଦେ ଦେକା ! ଜିସୁ ନିଜେ ଆସି ସେମନ୍‌ର ସଙ୍ଗ୍ ଇଣ୍ଡିକାର୍ ଦାରଲା । ୧୬ ସେମନ୍ ତାକେ ଦେକ୍ଲା, ମାତର୍ ଚିନି ନାପାରଲା । ୧୭ ସେଡ଼ିକିବେଲେ ଜିସୁ ସେମନ୍‌କେ କଲଲା, “ତମେ ଇଣ୍ଡି ଇଣ୍ଡି କାର୍ ବିସଇନେଇକରି ଏତେକ୍ କାତା ଅଇଲାସ୍‌ନି ?” ସେବେଲାଇ ସେମନ୍ ମନ୍‌ଦୁକ୍‌କରି ମୁଁ ସୁକାଇ ଚିଆଅଇଲା । ୧୮ “ଗାଲା କେତେଦିନ୍ ବିଡ଼ରେ ଜିରୁସାଲମ୍ ଜନ୍ ଗଟ୍‌ନା ଗଟିଗାଲା ଆତେ ? ସେଟା ନାଜାନଲାଟା ତୁଇ ଗଟେକ୍ ଲକ୍‌ସେ କି ?”

୧୯ ଜିସୁ ସେମନ୍‌କେ ପାଚାରଲା, “କାଇଟା ଅଇରଇବା ବିସଇ ତମେ କଲଲାସ୍‌ନି ?” ସେମନ୍, “ନାଜରିତର୍ ଜିସୁକେ ଜାଇଟା ସବୁ ଗଟ୍‌ଲା । ସେ ଗଟେକ୍ ବବିସଡ଼ବକ୍‌ତା ରଇଲା । ପର୍‌ମେସର୍‌ର ମୁଆଟେ ଆରି ଲକ୍‌ମନ୍‌ଗଟାନେ ଗଟେକ୍ ବପୁସଙ୍ଗ୍‌ର ଲକ୍ ରଇଲା । ତାର୍ ସବୁକାମ୍ ଆରି କାତାଅଅନି ଏ ସବୁ ଜାନାପଡ଼ତେ ରଇଲା । ୨୦ ଆମର୍ ମୁକିଅ ପୁଜାରିମନ୍ ଆରି ସାସନ୍ କାରିଆମନ୍ ତାକେ ମରନ୍ ଡଣ୍ଡ ପାଇବାକେ ସଡ଼ୁମନ୍‌କେ ସର୍‌ପିଦେଲାଇ ଆରି ତାକେ କୁର୍‌ସେ ଚଗାଇ ମରାଇଲା । ୨୧ ସେ ଆକା ଇସ୍ରାଏଲର୍ ଲକ୍‌ମନ୍‌କେ ରକିଆ କର୍‌ସି ବଲି ଆସା କରି ରଇଲୁ । ମାତର୍ ତାକେ ମରାଇ ତିନ୍‌ଦିନ୍ ଅଇଲାନି । ୨୨ ଆମର୍ ଦଲର୍ କେତେଟା ମାଇଜିମନ୍ ଆମ୍‌କେ କାବାଅଇଜିବା କାତା କଲଲା । ସେମନ୍ ଆଜି ସାକାଲ୍ ସାକାଲ୍ ତାର୍ ମଡ଼ ରଇବା ପାଆରେ ଗାଲା । ୨୩ ମାତର୍ ତେଇ ତାର୍ ଗାଗଡ଼ ନ ରଇଲା । ସେମନ୍ କଲଲା, ପାଆରେଅନି ବାଉଡ଼ଲାବେଲେ ସରଗର୍ ଦୁଡ଼ମନ୍‌ର ଦର୍‌ସନ୍ ପାଇରଇଲା ଆରି ସେ ଦୁଡ଼ମନ୍ ଜାନାଇଲାକେ, ସେ ଏବେ ଜିବନ୍ ଅଇଆତେ । ୨୪ ଆମର୍ ସଙ୍ଗାରିମନ୍‌ର ବିଡ଼ରେଅନି ଜେ ଜେ ସେ ପାଆରେ ଜାଇ ଦେକ୍ଲା ମିସା ମାଇଜିମନ୍ ଜେନ୍ତି କଇରଇଲା, ସେ ସମାନ୍ ଇସାବେ ଦେକ୍ଲା । ମାତର୍ ସେମନ୍ ଜିସୁକେ ଦେକଡ଼ ନାଇ ।”

୨୫ ସେବେଲେ ଜିସୁ ସେମନ୍‌କେ କଲଲା, “ତମେ କେତେକ୍ ବକ୍ତୁଆ ଲକ୍‌ମନ୍, ବବିସଡ଼ବକ୍‌ତାମନ୍ କଲଲା କାତା ବିସ୍‌ବାସ୍ କର୍‌ବାକେ କାଇକେ ଜାଗ୍‌ରଡ଼ ଉଆସ୍ ନାଇ ? ୨୬ ଏ ସବୁ ଦୁକ୍‌କସ୍‌ଟ ପାଇଲା ପରେସେ ପର୍‌ମେସର୍ ବାଟିପାଟାଇଲା କିରିସ୍‌ଟକେ ମଇମା ପାଇବାକେ ଅଇସି । ୨୭ ଜିସୁ ମସାର୍ ବଇତେଇଅନି ଆରି ବିନ୍ ବିନ୍ ବବିସଡ଼ବକ୍‌ତାମନ୍ ଲେକିରଇଲା କାତା ଅନି ଆରାମ୍ କରି ସବୁ ଦରମ୍ ସାସ୍‌ତରେ ତାର୍ ଜେଡ଼କି ବିସଇ ଲେକା ଅଇରଇଲା, ସେ ସବୁ ସେମନ୍‌କେ ବୁଜାଇଦେଲା ।”

୨୮ ଆରି ସେମନ୍ ଜନ୍ ଗାଉଁ ଜିବାର୍ ରଇଲା, ସେ ଗାଉଁ ଲଗାଲଗି ଅଇବାକେ ଜିସୁ ଆଗ୍‌ତୁ ଗାଲାପାରା ଅଇ ଇଣ୍ଡିକାର୍ ଦାରଲା । ୨୯ ମାତର୍ ସେ ଲକ୍‌ମନ୍ ଜିସୁକେ ସୁଡ଼ରାଇ କରି କଲଲା, “ଆମର୍ ସଙ୍ଗ୍ ର, କାଇକେ ବଇଲେ ବେଲ୍ ବସିଗାଲା ଆରି ରାତି ଅଇଗାଲାନି ।” ସେଟାର୍ ପାଇ ଜିସୁ ସେମନ୍‌ର ସଙ୍ଗ୍ ରଇବାକେ ଗର୍‌ବିଡ଼ରେ ଗାଲା । ୩୦ ଆରି ସେମନ୍‌ର ସଙ୍ଗ୍ କାଇବାକେ ବସ୍‌ଲା । ରୁଟି ଦାରି ପର୍‌ମେସର୍‌କେ ଦନିଅବାଦ୍ ଦେଇକରି ସେଟା ବାଙ୍ଗାକରି ସେମନ୍‌କେ ଦେଲା । ୩୧ ସେ ବେଲାଇ ସେମନ୍‌ର ଡାବିଅଇ ଜାଇରଇଲା ଆଁକି ପିଟିଗାଲାକେ ତାକେ ଚିନି ପାରଲା । ମାତର୍ ସେ ଦାପ୍‌ରେ ଜିସୁ ସେମନ୍‌ରେତେଇଅନି ମାୟା ଅଇଗାଲା । ୩୨ ସେବେଲାଇ ସେମନ୍ ସେମନ୍‌ର ବିଡ଼ରେ କାତା ଅଇଲା, “ଜେଡେବଲ୍ ସେ ଆମର୍ ସଙ୍ଗ୍ ବାଟେ କାତା ଅଇତେ ରଇଲା, ଆରି ପର୍‌ମେସର୍‌ର ସାସ୍‌ତରର୍ କାତା ବୁଜାଇ ଦେଇତେ ରଇଲା, ଆମର୍ ମନ୍ ବିଡ଼ରେ ଉଡୁକ୍ ଦୁଡୁକ୍ ନ ଅଇତେ ରଇଲା କି ?”

୩୩ ସେଦାପ୍‌ରେ ସେମନ୍ ଦୁଇଲକ୍ ଉଟିକରି ଜିରୁସାଲମେ ବାଉଡ଼ି ଉଟିଗାଲା । ତେଇ ଜିସୁର୍ ଏଗାରଟା ସିସ୍‌ମନ୍ ଆରି ବିନ୍‌ଲକ୍‌ମନ୍ କାତାବାର୍‌ତା ଅଇତେରଇଲାଟା ଦେକ୍ଲା । ୩୪ ସେ ଲକ୍‌ମନ୍‌ରେତେଇଅନି ସେମନ୍ ଜିସୁମାପ୍‌ରୁ ଆରି ତରେକ୍ ଜିବନ୍‌ଅଇ ଉଟ୍‌ଲା ଆତେ ଆରି ସିମନ୍‌କେ ଦେକାଇଅଇଲା ଆତେ ବଲି ଜାନଲା ।

୩୫ ତାର୍ ପଟେ ଦୁଇଲକ୍ ଇମାୟୁ ଗାଉଁ ଆଇବା ବାଟେ କାଇକାଇଟା ଅଇରଇଲା ସେଟା ସବୁ କଲଲା । ଆରି ସେମନ୍ ଜିସୁ ରୁଟି ବାଙ୍ଗାଇ କରି ଦେଲାବେଲେ କେନ୍ତି ତାକେ ଚିନି ଦେଇରଇଲା ସେଟା ମିସା ସେମନ୍‌କେ କଲଲା ।

**ଜିସୁ ତାର୍ ସିସ୍‌ମନ୍‌କେ ଦେକା ଅଇଲା**  
(ମାଟିଉ ୨୮:୧୬-୨୦; ମାର୍କ ୧୬:୧୪-୧୮; ଜଅନ୍ ୨୦:୧୯-୨୩; ପେରିଡ଼ ୧:୬-୮)

୩୬ ସେ ଦୁଇଲକ୍ ଏନ୍ତ୍ର କଇବା ବେଳେ ଏଦେ ଦେକା ! ମାପରୁ ନିଜେ ସେମନ୍ତ ମଜାଇ ଚିଆଅଇଦେଲା । ଆରି ସେମନ୍ତକେ କଇଲା, “ତମକେ ସାନ୍ତି ଅ ।” ୩୭ ମାତର୍ ସେମନ୍ତ ସବୁ ଲକ୍ ଏଟା ଗଟେକ୍ ବୁଡ୍ ଦେକ୍ଲୁନି ବଲି ଡରିଗାଲା । ୩୮ ଜିସୁ ସେମନ୍ତକେ କଇଲା, “ତମେ କାଇକେ ଡରଲାସନି ? ଆରି ଦେକି କରି ମିସା କାଇକେ ବିସବାସ୍ କରାସ୍ ନାଇ ? ୩୯ ମର୍ ଆତେ ଆରି ଗତେ ଦେକା, ଏଟା ମୁଇ ନିଜେ । ମକେ ଚିଇକରି ଦେକା । ଏଟା ମକେ ଜେନ୍ତାରି ଆଡ୍ ଆରି ମାଉଁସ୍ ଆତେ ସେନ୍ତି ବୁଡ୍ କେ ନ ରଏ ।” ୪୦ ଜିସୁ ଏଟା କଇକରି, ତାର୍ ଆଡ୍ ଆରି ଗଡ୍ ସେମନ୍ତକେ ଦେକାଇଲା । ୪୧ ସେଟା ଦେକି ସେମନ୍ତ ସାର୍ଦା ଅଇକରି କାବାଅଇ ଗାଲାଲ ମିସା ତାକେ ବିସବାସ୍ କରଡ୍ ନାଇ । ସେଟାର୍ ପାଇ ଜିସୁ ସେମନ୍ତକେ ପାଟାରଲା, “ତମର୍ ଲଗେ କାଇଟା କାଇବାଟା ଆତେ କି ?” ୪୨ ସେବେଲାଇ ସେମନ୍ତ ତାକେ କଣ୍ଟେକ୍ ବାଜ୍ଲା ମାଡ୍ ଦେଲାଇ । ୪୩ ସେଟା ଜିସୁ ଦାରିକରି ସେମନ୍ତ ମୁଆଟେ କାଇଲା ।

୪୪ ଜିସୁ ସେମନ୍ତକେ କଇଲା, “ମସାର ନିୟମ୍ ଆରି ବବିସଡ୍ ବକ୍ତାମନ୍ କଇଲା କାତା ଆରି ଗିଡ୍ ସଙ୍ଗିତା ବଇଟାନେ କାଇକାଇଟା ଲେକା ଅଇଲାଆତେ ସେ ସବୁ, ସଡ୍ ଅଇବାର୍ ରଇଲା । ମୁଇ ତମର୍ ସଙ୍ଗ୍ ରଇଲାବେଳେ ଏ ସବୁ କାତା ତମକେ କଇରଇଲି ।”

୪୫ ତାର୍ପତେ ଦରମ୍ ସାସ୍ତରର୍ ଅରଡ୍ ବୁଜ୍ବାକେ ଜିସୁ ସେମନ୍ତ ବୁଜ୍ବା ବପୁ ଉଗାଡି ଦେଲା । ୪୬ ଆରି ସେମନ୍ତକେ କଇଲା, “ପର୍ମେସର୍ ବାଟି ପାଟାଇଲା କିରିସ୍ଟ ରାଜା ମୁଇ, ଏନ୍ତ୍ର ଦୁକ୍ କସ୍ଟ ପାଇକରି ମରବି । ପତେ ତିନ୍ଦିନ୍ ଗାଲେ ଆରି ତରେକ୍ ଉଡ୍ବି ବଲି ଲେକା ଅଇଲା ଆତେ । ୪୭ ଆରି ଜିରୁସାଲମେଅନି ଆରାମ୍ କରି ସବୁ ଦେସର୍, ସବୁ ଜାତିର୍ ଲକ୍ମନ୍ତକେ ମର୍ ନାଉଁଦାରି ପାପ୍ କେମା କରାଇ, ମନ୍ ବଦ୍ଲାଇବାକେ କଇବାର୍ ଆତେ । ୪୮ ତମେ ଏ ସବୁ ବିସଇର୍ ସାକି ଆରାସ୍ । ୪୯ ଆରି ମର୍ ବାବା ଜନ୍ ଜିଦ୍ କରିରଇଲା, ମୁଇ ନିଜେ ସେଟା ପାଟାଇବି । ମାତର୍ ତମେ ପର୍ମେସରର୍ ଟାନେଅନି ବପୁ ନ ମିଲ୍ବା ଜାକ, ଏ ଜିରୁସାଲମେସେ ରୁଆ ।”

**ଜିସୁ ସର୍ଗେ ବାଉଡି ଗାଲା**

(ମାର୍କ ୧୬:୧୯-୨୦; ପେରିଡ୍ ୧:୯-୧୧)

୫୦ ତାର୍ପତେ ଜିସୁ ସେମନ୍ତକେ ବେଡ୍ ନିଆ ନାଉଁର୍ ଜାଗାଇ ଜିବା ବାଟ୍ ଜାକ ଡାକିନେଲା । ଆରି ସେମନ୍ତକେ ଆଡ୍ ଟେକି ଆସିରବାଦ୍ କଲା । ୫୧ ସେ ଏନ୍ତ୍ର ସେମନ୍ତକେ ଆସିରବାଦ୍ କରବାବେଳେ ପର୍ମେସର୍ ତାକେ ସରଗ୍ପୁରେ ଦାରିଗାଲା । ୫୨ ସେମନ୍ତ ତାକେ ଜୁଆର୍ କଲାଲ ଆରି ସାର୍ଦାଅଇ ଜିରୁସାଲମେ ବାଉଡି ଆଇଲାଇ । ୫୩ ସବୁବେଲା ମନ୍ଦିରେ ରଇକରି ପର୍ମେସରର୍ ଡାକ୍ପୁଟା କରବାର୍ ଦାରଲାଇ ।

## ଯୀଶୁ ଖ୍ରୀଷ୍ଟଙ୍କ ବିଷୟରେ ଯୋହନ ଲେଖିଥିବା ସୁସମାଚାର ଜିସୁକ୍ରିଷ୍ଟର ବିଷୟ ନେଇକରି ଜଅନ୍ ଲେଖିରଇବା ନିମନ୍ତ କବର୍ ଏ ବଇ ବିଷୟରେ ଜାନ୍‌ବାଟା

ଜଅନ ବଇର୍ ସୁର୍ କବର୍‌ର କାତା ମାପୁରୁ ପାଟାଇରଇବା ଜେବଦିର୍ ପ ଜଅନ୍ ଲେଖିରଇଲା । ଏଟା କିରିସ୍‌ଟାଦ ୭୦ ଅନି ୯୦ ବିତ୍‌ରେ ଲେକାଅଇରଇଲା ବଲି କେତେକ୍ ବାଇବଲ୍ ପଣ୍ଡିତମନ୍ ବିସ୍‌ବାସ୍ କରବାଇ, ମାତର୍ ଏଟା କେବେ ଅଇଲାଆଚେ, ନିକସଙ୍ଗେ କେ ମିସା ନାଜାନତ୍ । ଜିସୁର୍ ସବୁ ସିସ୍‌ମାନର୍ ବିତ୍‌ରେଅନି ଜଅନ୍ ଆକା ଗଟେକ୍ ମୁକିଅ ସିସ୍ ପାରା ବଲି ଲକ୍‌ମନ୍ ଜାନିରଇଲାଇ । ବିନ୍ ସିସ୍‌ମାନର୍ ଟାନେଅନି ଜଅନ୍ ଜିସୁର୍ ମନର୍ ବିଷୟ ନିକସଙ୍ଗେ ଜାନିରଇଲା । ସେଟାର୍‌ପାଇ ଏ ସୁର୍ କବର୍‌ଟାନେ ଜିସୁ ମନ୍ ବିତ୍‌ରେଅନି ଚିନ୍‌ତାକରିରଇବାଟା ଆରି ତାର୍ କେତେକ୍ କେତେକ୍ କାତାମନ୍ ଆମର୍‌ପାଇ ଲେକିଦେଇଆଚେ । ଜଅନ୍ କୁଲ୍‌କୁଲା ଡକ୍‌ରା ଅଇବାଜାକ ବଠିରଇଲା । ସେ ଏପିସିୟ୍ ତେଇ ବେସି ବରସ୍ ବାସା କରିରଇଲା । ତେଇ ବାସାକରି ରଇଲାବେଲେ ଆକା ଏ ସୁର୍ କବର୍ ଲେକ୍‌ଲା ଆଚେବଲି କଇବାଇ । ନୁଆ ନିୟମେ ରଇବା ପର୍‌ତୁମ୍, ଦୁଇପାଲି ଆରି ତିନ୍‌ପାଲିର୍ ଚିଟିର୍ ବଇମନ୍ ମିସା ଜେବଦିର୍ ପ ଜଅନ୍ ଲେଖିରଇଲା । ଜଅନର୍ ଜିବନ୍ ସାର୍‌ବା ବେଲାଇ, ରୁମ୍‌ଦ୍ ସାଗରେ ରଇବା ପାତ୍‌ମ ନାଉର୍ ଗଟେକ୍ ଚାରିବେଟ୍‌ତି ପାନି ରଇ ମଜାର୍ ସୁକ୍‌ଲା ଜାଗାର୍ ଦେସେ ତାକେ ପାଟାଇରଇଲାଇ । ତେଇ ରଇଲାବେଲେ ସେ ଜିସୁର୍ ଗଟେକ୍ ଦରସନ୍ ପାଇରଇଲା । ଏ ଦରସନ୍ ବିଷୟର୍ ଟିକିନିକି କାତା ଜଅନ୍ ନୁଆ ନିୟମର୍ ସାରାସାରି ବଇ, ପର୍କାସିତ୍ ବାକିଅ ଟାନେ ଗଟେକ୍ ଗଟେକ୍ କରି ଲେକିଆଚେ । ଜଅନର୍ ସୁର୍ କବର୍ ମାଡିତ୍, ମାର୍କ ଆରି ଲୁକ୍ ସୁସମାଚାର୍ ଟାନେଅନି ପୁରାପୁରୁନ୍ ବିନ୍ ଆଚେ । ଜଅନର୍ ସୁସମାଚାରେ ଆମେ ଜିସୁର୍ ମନ୍ ବିତ୍‌ରେ ରଇବାଟା ଆରି ଆତ୍‌ମାର୍ ବିଷୟ ଅଦିକ୍ ଦେକିପାର୍‌ବାର୍ ଅଇସି । ଜଅନ୍ ଜିସୁ କେନ୍‌ତିରଇଲା, ତାର୍ ଅବସ୍‌ତା କାଇଟା, କେନ୍‌ତି ସବୁ ଟିକିନିକି ଲେକ୍‌ଲା ଆଚେ । ଜିସୁ ନିଜର୍ ବିଷୟରେ ଦେଇରଇବା ସିକିଆ ସବୁ ଲେକିଆଚେ । ଜେନ୍‌ତାରିକି ମୁଇ ଜିବନ୍ ଦେବା କାଦି, ମୁଇ ଜଗତର୍ ଉଜଲ୍, ମୁଇ ନିମାନ୍ ମେଣ୍ଡା ଚାରାଉ ଗଉଡ୍, ମୁଇ ଆକା ଦୁଆର୍, ମୁଇ ସେ ସତ୍ ଅଙ୍ଗୁର୍‌ମାଲ୍, ମୁଇ ବାଟ୍, ସତ୍ ଆରି ଜିବନ୍ ।

### ଏ ବଇବିତ୍‌ରେ ରଇବା ବିଷୟ

- ୧. ସୁସମାଚାରେ ଅନି ଆରାମ୍ ଅଇଲା ଜଅନ୍ । ୧:୧-୧୮
- ୨. ଜିସୁ କରଇରଇବା କେତେଟା କାବାଅଇଜିବା କାମ୍ ଜଅନ୍ । ୧:୧୯-୧୨:୫୦
- ୩. ଜିସୁ ମରିକରି ଆରିତରେକ୍ ଉର୍‌ବାଟା ଜଅନ୍ । ୧୩:୧-୨୦:୩୧
- ୪. ଜିସୁ ଆରିତରେକ୍ ଜିବନ୍ ଅଇକରି ଲକ୍‌ମନ୍‌କେ ଦେକାଇ ଅଇବାଟା ଜଅନ୍ । ୨୧:୧-୨୫

### ଜିବନ୍ ବାକିଅ

<sup>୧</sup> କାଇଟା ତିଆର୍ ନ ଅଇରଇଲା ପୁର୍‌ବେ ବାକିଅ ରଇଲା । ସେ ବାକିଅ ପର୍‌ମେସର୍‌ର ସଙ୍ଗ୍ ରଇଲା । ସେ ଆରି ପର୍‌ମେସର୍ ଗଟେକ୍ ରଇଲାଇ । <sup>୨</sup> କାଇଟା ତିଆର୍ ନ ଅଇବା ଆଗ୍‌ତୁ ଏ ବାକିଅ ପର୍‌ମେସର୍ ସଙ୍ଗ୍ ରଇଲା । <sup>୩</sup> ପର୍‌ମେସର୍ ସେ ବାକିଅ ଦେଇ ସବୁ ବିଷୟ ତିଆର୍ କଲାଆଚେ । ଏ ଦୁନିଆଇ ତିଆର୍ ଅଇଲା ଗଟେକ୍ ବିଷୟ ମିସା ତାର୍‌ଟାନେଅନି ତିଆର୍ ନ ଅଇଲାଟା ନ ରଇଲା । <sup>୪</sup> ସେ ବାକିଅ ନ ସାର୍‌ବା ଜିବନର୍ ଦାନ୍ ଦେଲା ଆରି ସେ ଜିବନ୍ ଦୁନିଆର୍ ଲକ୍‌ମନ୍‌କେ ଉଜଲ୍ ଦେକାଇଦେଲା । <sup>୫</sup> ସେ ଉଜଲ୍ ଆନ୍ଦାର୍ ବିତ୍‌ରେ ସବୁବେଲେ ଉଜଲ୍ ଦେଇସି । ଆନ୍ଦାର୍ କେବେ ମିସା ସେ ଉଜଲ୍ ଲିବାଇ ନାପାରେ ।

<sup>୬</sup> \*ପର୍‌ମେସର୍, ଜଅନ୍ ନାଉର୍ ଗଟେକ୍ ଲକ୍‌କେ ତାର୍ କବର୍‌ନେଉ କରି ପାଟାଇଲା । <sup>୭</sup> ସେ ଲକ୍‌ମନ୍‌କେ ଉଜଲ୍ ବିଷୟ କଇବାର୍ ଆସିରଇଲା । ଜେନ୍ତାରିକି ଗୁଲାଇ ଜଗତର୍ ଲକ୍‌ମନ୍ ତାର୍‌ତେଇଅନି ସେ ଉଜଲ୍‌ର ବିଷୟ ସୁନ୍‌ବାଇ ଆରି ବିସ୍‌ବାସ୍ କରବାଇ । <sup>୮</sup> ଜଅନ୍ ନିଜେ ସେ ଉଜଲ୍ ନ ରଇଲା, ମାତର୍ ଲକ୍‌ମନ୍‌କେ ସେ ଉଜଲ୍ ବିଷୟର୍ ସାକି ଦେବାକେ ଆସିରଇଲା । <sup>୯</sup> ସେ ସତ୍ ଏବେ ଉଜଲ୍ ଅଇଲା, ଏ ଉଜଲ୍ ଦୁନିଆଇ ଆଇଲା ଆରି ସବୁ ଲକ୍‌ମନ୍‌ର ମନ୍‌ବିତ୍‌ରେ ରଇବା ଆଁକି ତିସାଇଲା ।

<sup>୧୦</sup> ବାକିଅ ଏ ଦୁନିଆଇ ରଇଲା । ତାର୍‌ଟାନେଅନି ପର୍‌ମେସର୍ ଏ ଦୁନିଆ ତିଆର୍ କରଇରଇଲେ ମିସା ଏ ଦୁନିଆର୍ ଲକ୍‌ମନ୍ ତାକେ ଚିନ୍‌ତ୍ ନାଇ । <sup>୧୧</sup> ସେ ତାର୍ ନିଜର୍ ଲକ୍‌ମନ୍‌ର ଟାନେ ଆଇଲା, ମାତର୍ ତାର୍ ନିଜର୍ ଲକ୍ ଇସ୍‌ରାଏଲର୍ ପିଲାଜିଲା ତାକେ ନାମ୍‌ତନାଇ । <sup>୧୨</sup> ମାତର୍ ଜେ ଜେ ତାକେ ନାମ୍‌ଲାଇ, ଆରି ତାକେ ବିସ୍‌ବାସ୍ କଲାଇ, ସେ ଲକ୍‌ମନ୍‌କେ ପର୍‌ମେସର୍‌ର ପିଲାଜିଲା ଅଇଜିବାକେ ସେ ଅଦିକାର୍ ଦେଲା । <sup>୧୩</sup> ସେମନ୍ ମୁନୁସ୍‌ମନ୍ ମନ୍‌କଲା ଇସାବେ ଜନମ୍ ଅଅଡ୍‌ନାଇ, କି ଗାଗତର୍ ବନି ଇସାବେ ଅଅଡ୍‌ନାଇ । ନିଜେ ପର୍‌ମେସର୍ ସେମନ୍‌ର ବାବା ।

☆ ୧:୨ ୧:୬ ମାଡିତ୍ ୩:୧; ମାର୍କ ୧:୪; ଲୁକ୍ ୩:୧,୨

୧୪ ଆରି ସେ ବାକିଅ ନର୍ ଲକ୍ ଅଇକରି ଆମର୍ ସଙ୍ଗ୍ ଜିଇଲା । ତାର୍ ସତ୍ ଆରି ଜିବନ୍ ଦୁକାଇବାଟା ପୁରାପୁରୁନ୍ ରଇଲା । ତାର୍ ବାବାର୍ ଗଟେକ୍ ସେ ପିଲା ବଲି ସେ ମଇମା ପାଇରଇଲା । ତାର୍ ମଇମା ଆମେ ଦେକିଆରୁ ।

୧୫ ତୁବନ୍ ଦେଉ ଜଅନ୍ ଜିସୁର୍ ବିସଇ ଲକ୍ମନକେ ଆକ୍ମାରି କରି ଏନ୍ତାରି କଇଲା, “ଏ ଲକ୍ ବିସଇ ମୁଇ ଏନ୍ତି କଇରଇଲି, ଜେ ମର୍ପଟେ ଆଇଲାନି, ସେ ମର୍ତେଇଅନି ବେସି ମୁକିଅ, କାଇକେବଇଲେ ମୁଇ ଜନମ୍ ଅଇବା ଆଗତୁଅନି ସେ ଆଟେ ।”

୧୬ “ତାର୍ ମନ୍ ବିତ୍ରେ ରଇଲା ପୁରାପୁରୁନ୍ ଜିବନ୍ ଦୁକାଇବା ତେଇଅନି ଆମେ ସବୁ ଆସିର୍ବାଦ୍ ପାଇଆରୁ । ଉଁ, ଆସିର୍ବାଦର୍ ପଟେ ଆସିର୍ବାଦ୍ ପାଇଆରୁ । ୧୭ କାଇକେ ବଇଲେ ପର୍ମେସର୍ ଆମ୍କେ ମସାର୍ଟାନେଅନି ନିୟମ୍ ଦେଲା ଆଟେ । ମାତର୍ ଜିସୁ କିରିସ୍ଟର୍ଟାନେଅନି ଆମ୍କେ ଜିବନ୍ ଦୁକାଇ ସତ୍ ବାଟ୍ ଆଇଲା ଆଟେ । ୧୮ କେ ମିସା କେବେ ପର୍ମେସର୍କେ ଦେକନ୍ତନାଇ । ମାତର୍ ତାର୍ ଗଟେକ୍ ବଲି ପିଲା ଜେ କି ପର୍ମେସର୍ ସମାନ୍ ଆଟେ ଆରି ତାର୍ କଲେ ଆଟେ, ସେ ଆକା ଆମ୍କେ ତାର୍ ବିସଇ ଜାନାଇ ଦେଲା ଆଟେ ।”

**ତୁବନ୍ ଦେଉ ଜଅନର୍ ସାକି ଦେବାଟା**  
(ମାଡିଉ ୩:୧-୧୨; ମାର୍କ ୧:୧-୮; ଲୁକ୍ ୩:୧-୧୮)

୧୯ ଜିରୁସାଲମର୍ ଜିଉଦି ନେତାମନ୍, କେତେଟା ଦରମ୍ ଗୁରୁମନ୍କେ ଆରି ଲେବି ଦଲର୍ ଲକ୍ମନକେ ତୁବନ୍ ଦେଉ ଜଅନର୍ ଲଗେ “ତମେ କେ ?” ବଲି ପାଟାର୍ବାକେ ପାଟାଇଲା ।

୨୦ ସେ ସତ୍ ବିସଇ କଇବାକେ ନ ନିଟିକରି, ସବୁ ଲକ୍ ବୁଜିଲା ପାରା କଇଲା, “ମୁଇ କିରିସ୍ଟ ନଇ ।”

୨୧ ତେଇ ସେମନ୍ ପାଟାର୍ଲାଇ, “ସେନ୍ତି ବଇଲେ ତମେ କେ ତେବେ ? ବବିସତ୍ ବକ୍ତା ଏଲିୟ କି ?”

ଜଅନ୍ କଇଲା, “ନଇ, ମୁଇ ଏଲିଅ ନଇ ।”

ଆରି ସେମନ୍ ପାଟାର୍ଲାଇ, “ତୁଇ ସେ ବବିସତ୍ ବକ୍ତା କି ?”

ଜଅନ୍ କଇଲା, “ମୁଇ ସେ ନଇ ।”

୨୨ ତାର୍ ପଟେ ସେମନ୍ ପାଟାର୍ଲାଇ, “ସେନ୍ତାଆଲେ ତମେ କେ ? ଆମ୍କେ ପାଟାଇଲା ଲକ୍ମନକେ ଆମେ ଜାଇ, କାଇଟା ବଲି କଇରୁ, ସେଟାର୍ପାଇ ତମର୍ ନିଜର୍ ବିସଇ ଅଲପ୍ କଇଦିଆ ।”

୨୩ ଜିସାୟ ବବିସତ୍ ବକ୍ତା ଜେନ୍ତି କଇରଇଲା, ଜଅନ୍ ସେମନ୍କେ ସେନ୍ତି କଇଲା ।

“ମୁଇ ମରୁବାଲି ବୁର୍ବୁ ଆକ୍ମାରି ବୁଲିବା ଗଟେକ୍ ସବଦ୍

ମାପରୁ ଜିବାକେ ଗଟେକ୍ ସଲକ୍ ବାଟ୍ ତିଆର୍ କରା !”

୨୪ ତାର୍ ପଟେ ପାରୁସିମନ୍ ପାଟାଇ ରଇଲା କବର୍ ନେତାମନ୍ ଜଅନ୍କେ ପାଟାର୍ଲାଇ । ୨୫ “ତମେ ଜଦି କିରିସ୍ଟ ନୁଆସ୍, ଏଲିୟ ନୁଆସ୍, ଆରି ବବିସତ୍ ବକ୍ତା ନୁଆସ୍, କାଇକେ ଲକ୍ମନକେ ତୁବନ୍ ଦେଲାସିନି ?” ୨୬ ଜଅନ୍ ସେମନ୍କେ କଇଲା, “ମୁଇ ଲକ୍ମନକେ ପାନିତେଇ ତୁବନ୍ ଦେଲିନି, ଜନ୍ ଲକ୍ମନକେ କି ତମେ ନାଜାନାସ୍, ମାତର୍ ସେ ତମର୍ ସଙ୍ଗ୍ ଆଟେ । ୨୭ ସେ ମର୍ ପଟେ ଆଇଲାନି । ଆରି ତାର୍ ଗତିଦାଙ୍ଗ୍ତା ଅଇ ତାର୍ ପାଣ୍ଡଇର୍ ପିତା ବେଟ୍ ବାଟ୍ ମିସା ମର୍ ଅଦିକାର୍ ନାଇ ।”

୨୮ ଏ ଗର୍ନା ଜର୍ଦନ୍ ଗାତର୍ ସେପାଟେ ବେଡ୍ନି ନାଉର୍ ଜାଗାଇ, ଜଅନ୍ ଲକ୍ମନକେ ତୁବନ୍ ଦେଲା ବେଲା ଅଇରଇଲା ।

**ପର୍ମେସର୍ ମେଣ୍ଟା ପିଲା**

୨୯ ତାର୍ ଆର୍କର୍ ଦିନେ ଜିସୁ ତାର୍ ଲଗେ ଆଇବାଟା ଦେକିକରି ଜଅନ୍ କଇଲା, “ଏଦେ ଦେକା ! ପର୍ମେସର୍ ମେଣ୍ଟାପିଲା ଜେ କି, ଏ ଦୁନିଆର୍ ସବୁ ଲକ୍ମନର୍ ପାପର୍ ତଣ୍ଟ୍ ବଇକରି ନେଇସି । ୩୦ ଏ ଲକ୍ ବିସଇ ମୁଇ ଆଗତୁ ଏନ୍ତି କଇରଇଲି, ମୁଇ ଆଇଲା ପଟେ ଜନ୍ ଲକ୍ ଆଇଲାନି ସେ ମର୍ତେଇଅନି ବେସି ବଡ୍ଲକ୍ ଆରି ମୁଇ ଜନମ୍ ଅଇଲା ବେସି ଆଗତୁଅନି ଆଟେ । ୩୧ ମୁଇ ନିଜେ ମିସା ସେ କେ ଅଇରଇସି ବଲି ନାଜାନିରଇଲି । ମାତର୍ ଇସ୍ରାଏଲର୍ ଲକ୍ମନ ତାର୍ ବିସଇ ଜାନତ୍ ବଲି ମୁଇ ପାନିତେଇ ତୁବନ୍ ଦେବାକେ ଆସିଆଟି ।”

୩୨ ତାର୍ ପଟେ ଜଅନ୍ ଆରି ଏ ସାକି ଦେଇ କଇଲା, “ସୁକଲ୍ ଆଡ୍ମା ପରୁଆପାରା ଅଇକରି ସର୍ଗେଅନି ଉଡ୍ରି ଆସି ତାର୍ ଉପ୍ରେ ବସ୍ବାଟା ମୁଇ ଦେକିଆଟି । ୩୩ ଏଲେମିସା ସେଡ୍କିବେଲା ଜାକ ଏ ଲକ୍ ସେ ଆକା ବଲି ମୁଇ ଜାନି ନ ରଇଲି । ମାତର୍ ପାନିତେଇ ତୁବନ୍ ଦେବାକେ ପାଟାଇରଇଲା ପର୍ମେସର୍ ମକେ କଇରଇଲା, ଜେତେବେଲା ଗଟେକ୍ ଲକ୍ ଉପ୍ରେ ସୁକଲ୍ ଆଡ୍ମା ଉଡ୍ରି ଆଇବାଟା ତୁଇ ଦେକ୍ସୁ, ସେସେ ଅଇଲାନି ତୁଇ କଜ୍ବା ଲକ୍ । ସେ ଲକ୍ ସୁକଲ୍ ଆଡ୍ମାଇ ତୁବନ୍ ଦେଇସି । ୩୪ ଏନ୍ତି ସୁକଲ୍ ଆଡ୍ମା ତାର୍ ଉପ୍ରେ ଉଡ୍ରି ଆଇବାଟା ମୁଇ ଦେକ୍ଲି ଆରି ସେ ପର୍ମେସର୍ ପିଲା ବଲି ମୁଇ ତମ୍କେ ସାକିଦେଲିନି” ବଲି ଜଅନ୍ କଇଲା ।

**ଜିସୁର୍ ପର୍ତୁମ୍ ସିସମନ୍**

୩୫ ତାର୍ ଆର୍କର୍ ଦିନେମିସା ଜଅନ୍ ସେ ଜାଗାଇସେ ରଇଲା । ଆରି ତାର୍ ଦୁଇଟା ସିସମନ୍ ସଙ୍ଗ୍ ଚିଆ ଅଇରଇଲା । ୩୬ ଆରି ଜିସୁ ସେ ବାଟେ ଜିବାଟା ଜଅନ୍ ଦେକିକରି କଇଲା, “ଏଦେ ଦେକା ! ପର୍ମେସର୍ ମେଣ୍ଟାପିଲା ଗାଲାନି ।”

୩୭ ଜଅନର ଦୁଇଟା ସିସ୍ତାନ୍ ତାର କାତା ସୁନି, ଜିସୁର ପତେ ପତେ ଗାଲାଇ । ୩୮ ଜିସୁ ପାସ୍ଲିକରି ଦେକ୍‌ବା ବେଲେ ସେ ଦୁଇଟା ସିସ୍ତାନ୍ ତାର ପତେ ପତେ ଜିବାଟା ଦେକି ସେମନ୍‌କେ ପାଟାରଲା ତମେ କାଇଟା କଜ୍‌ଲାସ୍‌ନି ? ସେମନ୍ ଜିସୁକେ କଇଲା, “ରାବି ତମେ କନ୍ ଜାଗାଇ ରଇଲାସ୍‌ନି ?” ରାବିର ଅରତ୍ ଅଇଲାନି ସିକାଇ ଦେବା ଗୁରୁ ।

୩୯ ଜିସୁ ସେମନ୍‌କେ କଇଲା, “ମର୍ ସଙ୍ଗ୍ ଆସା ମୁଇ ରଇବା ଜାଗା ଦେକ୍‌ସା ।” ସେଟାର ପାଇ ସେମନ୍ ତାର ସଙ୍ଗ୍ ଜାଇ ସେ ରଇବା ଜାଗା ଦେକ୍‌ଲା । ଆରି ସେ ଦିନେ ତାର ସଙ୍ଗ୍ ରଇଲା । ସେବେଲା ସଞ୍ଜୁଆ ଚାଟା ଅଇରଇଲା ।

୪୦ ତାକର୍ ବିତ୍‌ରେଅନି ଗଟେକ୍ ଲକ୍ ଅଇଲାନି ସିମନ୍ ପିତରର୍ ବାଇ, ଆନ୍‌ରିୟ । ୪୧ ସେ ଦାପ୍‌ରେ ସେ ତାର ବାଇ ସିମନ୍ ପିତର୍କେ କଜିକରି ବେଟ୍ ପାଇ କଇଲା, “ପର୍‌ମେସର୍ ବାଟି ପାଟାଇଲା ମସିଅକେ\* ଆମେ ବେଟ୍‌ପାଇଲୁ ।”

୪୨ ତାର ପତେ ଆନ୍‌ରିୟ ସିମନ୍‌ପିତର୍କେ ଜିସୁର୍ ଲଗେ ତାକି ଆନ୍‌ଲା । ଜିସୁ ତାକେ ଦେକି କଇଲା, “ତମେ ସିମନ୍, ଜଅନର୍ ପିଲା ଏବେଅନି ତକେ କେପା ବଲି ତାକ୍‌ବାଇ ।” କେପାର୍ ଅରତ୍ ଅଇଲାନି ପିତର୍ ଆରି ପିତରର୍ ଅରତ୍ ଅଇଲାନି ରାଙ୍ଗ୍‌ନି ପାକ୍‌ନା ।

**ଜିସୁ ପିଲିପ୍ ଆରି ନିତନିଏଲ୍‌କେ ତାକ୍‌ବାଟା**

୪୩ ତାର ଆରକର୍ ଦିନେ ଜିସୁ ଗାଲିଲି ଦେସେ ଜିବାକେ ମନ୍ କଲା । ଆରି ସେ ଜିବା ବେଲେ ପିଲିପ୍‌କେ ବେଟ୍‌ପାଇ ତାକେ କଇଲା, “ମର୍ ସଙ୍ଗ୍ ଆଉ ।” ୪୪ ଆନ୍‌ରିୟ ଆରି ପିତର୍ ପାରା ପିଲିପ୍ ମିସା ବେଟ୍‌ସାଇଦା ଗତର୍ ଲକ୍ ରଇଲା । ୪୫ ପିଲିପ୍ ନିତନିଏଲ୍‌କେ ବେଟ୍ ପାଇ କଇଲା, “ଜନ୍ ଲକର୍ ବିସଇ ମସାର ନିୟମେ ଲେକିରଇଲା ଆରି ବବିସତ୍‌ବକ୍‌ତାମନ୍ ଲେକି ଆତ୍, ଆମେ ତାକେ ଦେକ୍‌ଲୁ ଆତୁ । ସେ ଜସେପର୍ ପିଲା ନାଜରିତ୍ ଗତର୍ ଜିସୁ ।”

୪୬ ନିତନିଏଲ୍ ପିଲିପ୍‌କେ ପାଟାରଲା, “ନାଜରିତ୍ ଗତେଅନି କାଇଆଲେ ନିକ ବିସଇ ଆଇସି କି ?”

ପିଲିପ୍ ତାକେ କଇଲା, “ତୁଇ ଆସିକରି ଦେକ୍ !”

୪୭ ଜିସୁ ନିତନିଏଲ୍‌କେ ତାର ଲଗେ ଆଇବାଟା ଦେକି ତାର ବିସଇ ନେଇ କଇଲା, “ଏଦେ ଦେକା ! ଏ ଗଟେକ୍ ଇସ୍ରାଏଲ୍‌ର୍ ସତ୍ ଲକ୍, ଏ ଲକ୍‌ରତେଇ କାଇମିସା କୁଟ୍‌କପର୍ ନାଇ ।”

୪୮ ନିତନିଏଲ୍ ଜିସୁକେ ପାଟାରଲା “ମକେ କେନ୍ତ୍ର ଜାନୁସ୍ ?” ଜିସୁ କଇଲା, “ପିଲିପ୍ ତମ୍‌କେ ତାକ୍‌ବା ଆଗ୍‌ତୁ ମୁଇ ତକେ ତୁମ୍‌ରି ଗର୍ ତଲେ ଦେକି ରଇଲି ।”

୪୯ ତାର ପତେ ନିତନିଏଲ୍ ଜିସୁକେ କଇଲା, “ଏ ଗୁରୁ, ତମେ ପର୍‌ମେସରର୍ ପିଲା ଆରି ଇସ୍ରାଏଲ୍‌ର୍ ରାଜା !”

୫୦ ଜିସୁ ତାକେ କଇଲା, “ମୁଇ ତକେ ତୁମ୍‌ରି ଗର୍ ତଲେ ଚିଆଅଇଲାଟା ଦେକ୍‌ଲି ବଲି କଇଲାକେ ବିସବାସ୍ କଲୁସ୍‌ନି କି ? ଇତିଅନି ଆରି ଅଦିକ୍ ବଡ୍ ବଡ୍ କାବା ଅଇଜିବା ବିସଇମନ୍ ଦେକ୍‌ସୁ ।” ୫୧ ଜିସୁ ଆରି ତରେକ୍ କଇଲା, “ମୁଇ ତକେ ସତ୍‌କାତା କଇଲିନି, ସରଗ୍ ଉଗାଡି ଅଇଜାଇ ନର୍‌ପିଲା ମର୍ ଉପ୍‌ରେ, ପର୍‌ମେସରର୍ ଦୁତ୍‌ମନ୍ ଚି ଜିବାଟା ଆରି ଉତ୍‌ରି ଆଇବାଟା ତମେ ଦେକ୍‌ସା ।”

**୨**

**କାନା ଗତେ ବିବା**

୧ ତୁଇ ଦିନ୍ ପତେ ଗାଲିଲି ଦେସର୍ କାନା ନାଉର୍ ଗତେ ଗଟେକ୍ ବିବା ଅଇତେ ରଇଲା । ସେ ବିବାତେଇ ଜିସୁର୍ ମାଆ ମରିୟମ୍ ରଇଲା । ୨ ଜିସୁ ଆରି ତାର ସିସ୍ତାନ୍‌କେ ମିସା ସେ ବିବାତେଇ ତାକି ରଇଲା । ୩ ବଜି ନ ସାର୍‌ତେ ଅଙ୍ଗୁର୍ ରସ୍ ସାରିଗାଲାକେ ଜିସୁର୍ ମାଆ ଆସି ତାକେ କଇଲା, “ସେମନ୍‌ର୍ ଅଙ୍ଗୁର୍ ରସ୍ ସାରିଗାଲାବେ ।” ୪ ଜିସୁ ତାକେ କଇଲା, “ଏ ମାଆ, ମର୍‌ଟାନେ ତର୍ କାଇଟା ଆତେ ? ତୁଇ ମକେ କାଇଟା ମିସା କର୍‌ବାକେ କଅ ନାଇ । ମର୍ ବେଲା ଏବେ ଜାକ ଆସେ ନାଇତା ।”

୫ ଜିସୁର୍ ମା ବାଣ୍ଟାଗରିଆମନ୍‌କେ କଇଲା, “ଜିସୁ ତମ୍‌କେ ଜାଇଟା କଇସି ସେଟା କରା ।”

୬ ସେ ଜାଗାଇ ବଡ୍ ବଡ୍ ପାକ୍‌ନା ସଙ୍ଗ୍ ତିଆର୍ କଲା ଚଅଟା କୁଣ୍ଟ୍ ରଇଲା । ଜିଉଦି ଲକ୍‌ମନ୍ ସୁକଲ୍ ଅଇବାକେ ସେମନ୍‌ର୍ ରିତିନିତି ଇସାବେ ଏ କୁଣ୍ଟ୍ ପାନି କାମେ ଲାଗାଇତେ ରଇଲା । ଗଟେକ୍ ଗଟେକ୍ କୁଣ୍ଟ୍ ସଏ ଲିଟ୍‌ର୍ ଲାକା ପାନି ଦାର୍‌ତେ ରଇଲା । ୭ ଜିସୁ ବାଣ୍ଟାଗରିଆମନ୍‌କେ “ସେ କୁଣ୍ଟ୍‌ମନ୍‌କେ ପାନି ବର୍‌ତି କରା” ବଲି କଇଲା ଆରି ସେମନ୍ ସେ ସବୁ କୁଣ୍ଟ୍ ପାନି ବର୍‌ତି କଲା । ୮ ତାର ପତେ ଜିସୁ ସେମନ୍‌କେ ତେଇର୍ ପାନି ତୁମ୍‌ନେଇ ବଜି ଦାଇତେ ରଇଲା ଲକ୍‌କେ ଦିଆସ୍ ବଲି କଇଲା । ସେମନ୍ ତେଇର୍ ପାନି ତୁମ୍‌ ନେଇ ତାକେ ଦେଲା । ୯ ମାତର୍ ସେ ସବୁ ପାନି ଅଙ୍ଗୁର୍ ରସ୍ ଅଇଜାଇରଇଲା । ବଜି ଦାଇତେ ରଇଲା ଲକ୍ ଅଙ୍ଗୁର୍ ରସ୍ କନ୍ତ୍ରୁଅନି ବଲି ଜାନି ନ ରଇଲା । ମାତର୍ ସେ ପାନି ତୁମ୍‌ ନେଲା ଲକ୍‌ମନ୍ ଜାନି ରଇଲା, ପତେ ସେ ଲକ୍ ଚାକି କରି ଏ ରସ୍ କନ୍ତ୍ରୁଅନି ଆନ୍‌ଲା ବଲି ବିବା ଅଇବା ଦାଙ୍ଗ୍‌ତାକେ ତାକି ପାଟାରଲା, ୧୦ “ଲକ୍‌ମନ୍ ସବୁ ବେଲା ପର୍‌ତୁମ୍ ପର୍‌ତୁମ୍ କାଇବାକେ ନିମାନ୍ ଅଙ୍ଗୁର୍ ରସ୍ ଦେବାଇ । ଆରି ଗତିଆ ଲକ୍‌ମନ୍ କାଇ ପୁରୁନ୍ ଅଇଲା ପତେ ଚପ୍‌ରାଟା ଦେବାଇ । ମାତର୍ ତମେ ଏବେ ସାରାସାରି ଜାକ ନିମାନ୍ ଅଙ୍ଗୁର୍ ରସ୍ କନ୍ତ୍ରୁ ସଙ୍ଗ୍ ରଇଲାସ୍ ?”

\* ୧:୪୧ ୧:୪୧ ମସିଅକେ ମସିଅର୍ ଅରତ୍ ଅଇଲାନି କିରିସ୍



୧୧ ଏଟା ଜିସୁ ପରତୁମ୍ କଲା କାବାଅଇଜିବା କାମ୍ । ସେଟା ଗାଲିଲି ଦେସର୍ କାନା ନଅରେ କରିରଇଲା । ଏନ୍ତି କରି ତାର୍ ମଇମା ଦେକାଇଲା ଆରି ତାର୍ ସିସ୍ତମନ୍ ତାକେ ବିସ୍ତବାସ୍ କଲାଇ । ୧୨ \*ତାର୍ ପଟେ ଜିସୁ, ତାର୍ ମାଆ ତାର୍ ବାଇମନ୍ ଆରି ତାର୍ ସିସ୍ତମନ୍ ସଙ୍ଗ୍ କପର୍ନାତମ୍ ଗଡେ ଜାଇ ତେଇ କେତେ ଦିନ୍ ପାରା ରଇଲାଇ ।

**ଜିସୁ ଜିରୁସାଲମ୍ ମନ୍ଦିରେ ଗାଲା**  
(ମାତିଉ ୨୧:୧୨-୧୩; ମାର୍କ ୧୧:୧୫-୧୭; ଲୁକ୍ ୧୯:୪୫-୪୭)

୧୩ ସେ ବେଲା ଜିଉଦି ଲକ୍ମନର୍ ନିସ୍ତାର୍ ପରବ୍ କେଟି ଆଇଡେ ରଇଲା । ସେଟାର୍ପାଇ ଜିସୁ ଜିରୁସାଲମେ ଗାଲା । ୧୪ ତେଇ ସେ ମନ୍ଦିର୍ ବିଡ୍ରେ, ଲକ୍ମନ୍ ଗରୁଗାଇ ମେଣ୍ଟା, ଆରି ପାରୁଆମନ୍ ବେବାର୍ କର୍ବାଟା, ଆରି ବିନ୍ ଦେସର୍ ତାବୁ ବାଦ୍ଲାତମନ୍ ସେମନର୍ ଟେବୁଲେ ବସିରଇଲାଟା ଦେକ୍ଲା । ୧୫ ତେଇ ଜିସୁ କସିରା ସଙ୍ଗ୍ କର୍ତା ତିଆର୍ କରି ମେଣ୍ଟା ଆରି ଗରୁମନର୍ ସଙ୍ଗ୍ ସବୁ ଲକ୍ମନକେ ମନ୍ଦିରେଅନି ବାକିରାଇ ଦେଲା । ଆରି ଲକ୍ମନର୍ତେଇ ଅନି ବାଦ୍ଲାଇ ନେବା ତାବୁ ସବୁ ବିଚିଦେଇ ସେମନର୍ ଟେବୁଲ୍ ପାସ୍ଲାଇ ଦେଲା । ୧୬ ପରୁଆ ବିକ୍ବା ଲକ୍ମନକେ କଇଲା, “ଏ ସବୁ ଦିନ୍ସୁ ଇତିଅନି ଦାରିଜା । ମର୍ ବାବାର୍ ଗରେ ଗେନା ବିକା ଜାଗା ପାରା କରାନାଇ ।” ୧୭ ଏ ସବୁ ଗଟ୍ନା ଅଇବାବେଲେ ଜିସୁର୍ ସିସ୍ତମନ୍ ପର୍ମେସରର୍ ସାସ୍ତରେ ଲେକାଅଇଲା ଗଟେକ୍ ବାକିଅ ଏତାଇଲାଇ । ତମର୍ ଗରର୍ ପାଇ ରଇବା ମର୍ ବକ୍ତି, ମର୍ ମନ୍ ବିଡ୍ରେ ଜଇ ଲାଗ୍ଲା ପାରା ଲାଗ୍ଲାନି ।

୧୮ ତେଇ ଜିଉଦି ନେତାମନ୍ ଜିସୁର୍ ଲଗେ ବାଉଡି ଆସି ଏନ୍ତାରି କଇଲାଇ । “ତୁଇ ଏନ୍ତାରି ସବୁ କାମ୍ କର୍ବାକେ ଅଦିକାର୍ ପାଇଆତୁସ୍ ବଲି ଆମେ କେନ୍ତି ଜାନୁ ଆରି କାଇ ତିନରୁଲାଗି ଆମ୍ବେ ସେଟା ଦେକାଇଲୁସ୍ନି ?” ୧୯ \*ଜିସୁ ସେମନକେ କଇଲା, “ତମେ ଏ ମନ୍ଦିର୍ ବସ୍ଲାଇ ଦିଆସ୍ । ସେଟା ମୁଇ ତିନ୍ଦିନ୍ ବିଡ୍ରେ ଆରିତରେକ୍ ତିଆର୍ କରିଦେବି ।”

୨୦ ଜିସୁର୍ ଏ କାତା ସୁନି ସେମନ୍ କଇଲାଇ, “କାଇଟା ! ତିନ୍ଦିନ୍ ବିଡ୍ରେ ତୁଇ ତିଆର୍ କରି ପାରୁସ୍ କି ? ଏ ମନ୍ଦିର୍ ତିଆର୍ କର୍ବାକେ ଚାଲିସ୍ ଚଅ ବରସ୍ ଲାଗିରଇଲା ।”

୨୧ ମାତର୍ ଜିସୁ ତାର୍ ନିଜର୍ ଗାଗତର୍ ବିସଇ ମନ୍ଦିର୍କେ ଦେକାଇ କରି ଏ କାତା କଇରଇଲା । ୨୨ ସେ ମରିକରି ଆରିତରେକ୍ ଜିବନ୍ ଅଇ ଉର୍ଲା ପଟେ ସିସ୍ତମନ୍ ମନେ ପଡ୍ଲା ଜେ, ସେ ଏନ୍ତାରି କଇରଇଲା । ତେବର୍ପାଇ ସେମନ୍ ଦରମ୍ ସାସ୍ତର୍ ଆରି ଜିସୁର୍ ବାକିଅ ବିସ୍ତବାସ୍ କଲାଇ ।

**ଜିସୁ ମୁନ୍ସମନର୍ ଗୁନ୍ ଜାନେ**

୨୩ ନିସ୍ତାର୍ ପରବ୍ବେଲେ ଜିସୁ ଜିରୁସାଲମ୍ ରଇଲାବେଲେ କେତେକ୍ କେତେକ୍ ଲକ୍ ସେ କରିରଇବା କାବା ଅଇଜିବା କାମମନ୍ କଲାଟା ଦେକି ତାକେ ବିସ୍ତବାସ୍ କଲାଇ । ୨୪ ମାତର୍ ଜିସୁ ସେ ଲକ୍ମନ ବିସ୍ତବାସ୍ କରିରଇବାଟା ସଡ୍ବଲି ବାବେନାଇ । କାଇକେ ବଇଲେ ସେ ସବୁ ଲକର୍ ବିସଇ ସେ ନିକସଙ୍ଗ୍ ଜାନି ରଇଲା । ୨୫ ଲକ୍ମନର୍ ବିସଇନେଇକରି ତାକେ, କେ ମିସା କାଇଟାବଲି କଇବାର୍ ଦର୍କାର୍ ନ ରଇଲା, କାଇକେବଇଲେ ସେ ତାକର୍ ମନ୍ ବିଡ୍ରେ କାତା, ନିଜେ ଜାନି ରଇଲା ।

**୩**

**ଜିସୁ ଆରି ନିକଦିମ**

୧ ପାରୁସିମନର୍ ବିଡ୍ରେଅନି ନିକଦିମ ନାଉର୍ ଗଟେକ୍ ଲକ୍ ରଇଲା । ସେ ଜିଉଦି ମନର୍ ଗଟେକ୍ ନେତା । ୨ ସେ ଦିନେକ୍ ରାତିଆ ଜିସୁର୍ ଲଗେ ଆସି କଇଲା, “ଏ ଗୁରୁ ଆମେ ଜାନୁ, ତମେ ପର୍ମେସର୍ ପାଟାଇରଇବା ଗଟେକ୍ ଗୁରୁ । କାଇକେ ବଇଲେ ଜିଉଦି ଗଟେକ୍ ଲକର୍ ସଙ୍ଗ୍ ପର୍ମେସର୍ ନ ରଇଲେ, ତମେ ଜନ୍ ସବୁ କାବାଅଇଜିବା କାମମନ୍ କଲାସ୍ନି, ସେଡ୍କି କାମମନ୍ କେ ମିସା କରିନାପାରଡ୍ ।”

୩ ଜିସୁ ତାକେ କଇଲା, “ମୁଇ ତକେ ସଡ୍ କାତା କଇଲିନି, ଆରିତରେକ୍ ଜନମ୍\* ନ ଅଇଲେ କେ ମିସା ପର୍ମେସରର୍ ରାଇଜ୍ ଦେକି ନାପାରଡ୍ ।”

୪ ନିକଦିମ ତାକେ ପାଟାରୁଲା, “ଡକ୍ଟରା ଅଇଲା ଲକ୍ କେନ୍ତି ଆରି ତରେକ୍ ଜନମ୍ ଅଇସି ? ସେ ଆରି ତରେକ୍ ମାଆର୍ ପେଟ୍ ବିଡ୍ରେ ଜାଇକରି ଜନମ୍ ଅଇସି କି ? ନାଇ ଅଇ ନ୍ୟୁ ।”

୫ ଜିସୁ ତାକେ କଇଲା, “ମୁଇ ତକେ ସଡ୍କାତା କଇଲିନି, ଗଟେକ୍ ଲକ୍ ପାନି ଆରି ଆଡ୍ମାଇଅନି ଜନମ୍ ନ ଅଇଲେ, ପର୍ମେସରର୍ ରାଇଜେ ଜାଇ ନାପାରେ । ୬ ଗଟେକ୍ ନର୍ ଲକ୍ ତାର୍ ନର୍ ମାଆ ବାବାର୍ତେଇଅନି ଜନମ୍ ଅଇସି । ମାତର୍ ସୁକଲ୍ ଆଡ୍ମା ତାର୍ ଆଡ୍ମାଇ ନୁଆ ଜିବନ୍ ଦେଇସି । ୭ ସେଟାର୍ପାଇ ମୁଇ ତକେ ଆରିତରେକ୍ ଜନମ୍ ଅଇବାକେ ଅଇସି ବଲି କଇବା ବିସଇ ସୁନି କାବାଅଇଜାଆ ନାଇ । ୮ ପବନ୍ ଜନ୍ ବାଟେ ଜିବାକେ ମନ୍ କରସି ସେ ବାଟେସେ ଜାଇସି, ଆରି ତମେ ତାର୍ ସବଦ୍ ସୁନ୍ସା । ମାତର୍ ସେଟା କନ୍ତିଅନି ଆଇସି ଆରି କନ୍ ବାଟେ ଜାଇସି ସେଟା ନାଜାନାସ୍ । ଆଡ୍ମାଇ

\* ୨:୧୨ ୨:୧୨ ମାତିଉ ୪:୧୩ \* ୨:୧୯ ୨:୧୯ ମାତିଉ ୨୭:୨୧;୨୭:୪୦; ମାର୍କ ୧୪:୫୮;୧୫:୨୯ \* ୩:୩ ୩:୩ ଆରିତରେକ୍ ଜନମ୍ ପର୍ମେସରର୍ ଗାନେ ଜାଡ୍ ଅଇବାଟା

ଜନମ୍ ଅଇଲା ସବୁ ଲକ୍ଷ୍ମୀମନ୍ ମିସା ସେନ୍ତାରିସେ ।” ୯୮ ନିକଦିମ ଜିସୁକେ ପାଚାରଲା, “ଏବେ ତୁଇ କଇବା କାତା କେନ୍ତି ଅଇପାରସି ?” ୯୯ ଜିସୁ ତାକେ କଇଲା, “ତୁଇ ଇସରାଏଲର ଗଟେକ୍ ବଡ଼ ଗୁରୁ ଅଇକରି ମିସା କେନ୍ତି ଏ ସବୁ କାତା ତୁଜି ନାପାରଲୁସିନି ? ୧୦୦ ମୁଇ ତକେ ସତ୍‌କାତା କଇଲିନି, ଆମେ ଜନଟା ଜାନୁ ସେଟା କଇଦେବୁ, ଜନଟା ଦେକିରଇବୁ ସେଟା ସାକି ଦେବୁ, ଅଇଲେ ମିସା ତୁଇ କାଇକେ ବିସ୍‌ବାସ୍ କରୁସନାଇ ? ୧୦୧ ମୁଇ ତକେ ଏ ଦୁନିଆର ବିସଇ କଇବାବେଲେ ବିସ୍‌ବାସ୍ କରୁସ୍ ନାଇ । ଆରି ସରଗର୍ ବିସଇ କଇବି ବଇଲେ କେନ୍ତି ମକେ ବିସ୍‌ବାସ୍ କରୁସୁ ? ୧୦୨ ସର୍ଗେଅନି ଉଡ଼ରି ଆଇଲା ନରପିଲା ମୁଇ, ମକେ ଚାଡ଼ିକରି ଆରି କେ ମିସା ସର୍ଗେ ଜାଅଡ଼ ନାଇତା ।”

୧୦୩ “ଆରି ମସା କେନ୍ତି ମରୁବାଲି ବୁଏଁ ପିତଲ୍ ସାପ୍‌କେ ଡେଲି ଉପରେ ଟେକି ରଇଲା, ସମାନ ସେନ୍ତାରିସେ ପର୍ମେସର୍ ଡେଇଅନି ଆଇଲା ନରପିଲା ମକେ ମିସା, ଗଟେକ୍ ଦିନେ ଉପରେ ଟେକିବାଇ । ୧୦୪ ତେବେ, ତାକେ ବିସ୍‌ବାସ୍ କରବା ସବୁ ଲକ୍ଷ୍ମୀମନ୍ ନ ସାରବା ଜିବନ୍ ପାଇବାଇ । ୧୦୫ ପର୍ମେସର୍ ଏ ଦୁନିଆର ଲକ୍ଷ୍ମୀମନ୍‌କେ ଏତେକ୍ ଆଲାଦ୍ କଲାଜେ, ତାର ଗଟେକ୍ ବଲି ପିଲାକେ ସର୍ପିଦେଲା । ଜେ ମିସା ତାକେ ବିସ୍‌ବାସ୍ କରବାଇ ବଇଲେ, ସେମନ୍ ନସ୍‌ଟ ନ ଅଇକରି, ନ ସାରବା ଜିବନ୍ ମିଲାଇବାଇ । ୧୦୬ ପର୍ମେସର୍ ତାର ପିଲାକେ ଏ ଦୁନିଆଇ ବିଚାର କରବାକେ ପାଟାଏନାଇ, ମାତର୍ ତାରୁ ଲାଗି ଦୁନିଆ ରକିଆ ପାଅ ବଲି ପାଟାଇ ଆଟେ । ୧୦୭ କେ ପର୍ମେସର୍‌ର ପିଲାକେ ବିସ୍‌ବାସ୍ କଲାନି ତାର ବିଚାରନା ନଏଁ । ମାତର୍ ଜେ ପର୍ମେସର୍‌ର ପିଲାକେ ବିସ୍‌ବାସ୍ କରେନାଇ ତାର ବିଚାରନା ଅଇସାରଲାବେ । କାଇକେବଇଲେ ସେ ଗଟେକ୍ ବଲି ପିଲାକେ ବିସ୍‌ବାସ୍ କରେନାଇ । ୧୦୮ ଆରି ସେ ବିଚାରନା ଏକ୍ତି ଅଇସି, ସର୍ଗେ ଅନି ଉଜଲ୍ ଏ ଦୁନିଆଇ ଆସିରଇଲା । ମାତର୍ ଏ ଦୁନିଆର ଲକ୍ଷ୍ମୀମନ୍ ସେ ଉଜଲେଅନି ଆନ୍ଦାରକେ ବେସି ମନ୍ କଲାଇ । କାଇକେବଇଲେ ସେମନ୍ କରବା କାମ୍ ସବୁ ବେସି କାରାପ୍ । ୧୦୯ ଜନଲକ୍ଷ୍ମୀମନ୍ କାରାପ୍ କାମ୍ କଲାଇନି ସେମନ୍ ଉଜଲ୍‌କେ ଗିନ୍ କଲାଇନି । ଆରି ସେ ଉଜଲେ ନ ଆସଡ଼ । କାଇକେବଇଲେ ସେମନ୍‌ର ସବୁ କାରାପ୍ କାମ୍ ସେ ଉଜଲେ ଡିସିସି । ୧୧୦ ମାତର୍ ଜନଲକ୍ଷ୍ମୀ ସଡ଼ ଆରି ଟିକ୍ ଇସାବେ କାମ୍ କରି ଚଲାଚଲ୍‌ତି କଲାନି, ସେ ଉଜଲ୍ ଲଗେ ଆଇସି । ତେବେ, ସେ କରବା କାମ୍ ପର୍ମେସର୍‌ର ମନ୍ କରବା ଇସାବେ ଅଇଲାନି ।”

**ଜିସୁ ଆରି ତୁବନ୍ ଦେଉ ଜଅନ୍**

୧୧୧ ତାର ପଟେ ଜିସୁ ଆରି ତାର ସିସ୍‌ମନ୍ ଜିଉଦା ଦେସେ ଗାଲାଇ ଆରି ସେ ଜାଗାଇ ରଇକରି ଲକ୍ଷ୍ମୀମନ୍‌କେ ତୁବନ୍ ଦେଲାଇ । ୧୧୨ ସେ ବେଲାଇ ଜଅନ୍ ମିସା ସାଲମ୍ ଗଡ଼ଲଗେ ଏନନ୍ ନାଉର୍ ଗଟେକ୍ ଗାଏଁ ତୁବନ୍ ଦେଇତେ ରଇଲା । କାଇକେ ବଇଲେ ସେ ଜାଗାଇ ବେସି ପାନି ରଇଲା । ଆରି ଲକ୍ଷ୍ମୀମନ୍ ଆସିକରି ତୁବନ୍ ନେଇତେ ରଇଲାଇ । ୧୧୩ ସେତକି ଦିନ୍ ଜାକ ଜଅନ୍ ବନ୍ଦି ନ ଅଇରଇଲା ।

୧୧୪ ସେବେଲା ଗଟେକ୍ ଜିଉଦି ଲକ୍ଷ୍ମୀ ଆରି ଜଅନ୍‌ର ସିସ୍‌ମନ୍ ଅସୁକଲ୍‌ଅନି ରିଡିନିଡି ଇସାବେ ସୁକଲ୍ ଅଇବା ବିସଇ ନେଇ ତାକର୍ ବିଡ଼ରେ ଦଦାପେଲା ଅଇତେ ରଇଲାଇ । ୧୧୫ ଆରି ଜଅନ୍‌ର ସିସ୍‌ମନ୍ ତାର ଲଗେ ଆସି କଇଲାଇ, “ଏ ଗୁରୁ, ତମେ ଜର୍ଦ୍ଦନ୍ ଗାଡ଼ ସେପାଟେ କାର୍‌ସଙ୍ଗ୍ ବେଟ୍ ଅଇରଇଲାସ୍ ଆରି ତାର ବିସଇ ତମେ ସାକି ଦେଇତେରଇଲାସ୍, ସେ ଲକ୍ଷ୍ମୀ ଏବେ ଲକ୍ଷ୍ମୀମନ୍‌କେ ତୁବନ୍ ଦେଲାନି ଆରି ସବୁ ଲକ୍ଷ୍ମୀମନ୍ ତାର ଲଗେ ଗାଲାଇନି ।” ୧୧୬ ଜଅନ୍ କଇଲା, “ପର୍ମେସର୍ ନ ଦେଲେ, କେ ମିସା କାଇଟା ନ ପାଅଡ଼ । ୧୧୭ ମୁଇ କଇରଇଲି ପର୍ମେସର୍ ପାଟାଇଲା ମସିଅ ମୁଇ ନଇ ବଲି । ମୁଇ ଅବ୍‌କା ପାଟାଇରଇବା ଗଟେକ୍ ଦୁଡ଼ ପାରା ଅଇ ଆସିଆଟି । ୧୧୮ ଜେ ବିବା ଅଇସି, ସେ ବର୍ ଦାଙ୍ଗ୍‌ଡା । ମାତର୍ ବର୍ ଦାଙ୍ଗ୍‌ଡାର ଲଗେ ବରର୍ ସଙ୍ଗାରି ଚିଆଅଇ ତାର କାତା ସୁନ୍‌ସି । ସେ ବର୍ ଦାଙ୍ଗ୍‌ଡାର କାତା ସୁନି, ବେସି ସାରଦା ଅଇସି । ସେନ୍ତାରିସେ ମର୍ ସାରଦା ମିସା ପୁରାପୁରୁନ୍ ଅଇଲାଆଟେ । ୧୧୯ ସେ ମଆନ୍ ଅଇତେ ଜାଅ ଆରି ମୁଇ ସାନ୍ ଅଇତେ ଜିବି ।”

**ସର୍ଗେଅନି ଆଇବା ଗଟେକ୍ ଲକ୍ଷ୍ମୀ**

୧୨୦ “ଜେ ସର୍ଗେଅନି ଆଇଲା ଆଟେ, ସେ ସବୁ ଲକ୍ଷ୍ମୀମନ୍‌ଡେଇଅନି ମଆନ୍ । ଜେ ଜଗତେ ଅନି ଜନମ୍ ଅଇଆଟେ, ସେ ଜଗତର୍ କାତାସେ କଇସି । ମାତର୍ ଜେ ସର୍ଗେଅନି ଆସିଆଟେ, ସେ ସବୁକଲ୍‌ଡେଇ ଅନି ମଆନ୍ । ୧୨୧ ସେ ଜନଟା ଦେକ୍‌ଲା ଆଟେ ଆରି ସୁନ୍‌ଲା ଆଟେ ସେ ବିସଇ ସେ ଜାନାଇଲାନି । ମାତର୍ ସେ କଇରଇବା କାତା କେ ମିସା ନାମଡ଼ ନାଇ । ୧୨୨ ଜେ ତାର କଇରଇବା କାତା ନାମ୍‌ସି, ସେ ପର୍ମେସର୍ ସଡ଼ଟା ବଲି ନାମ୍‌ସି । ୧୨୩ ଜାକେ ପର୍ମେସର୍ ପାଟାଇଲା ଆଟେ, ସେ ପର୍ମେସର୍‌ର ବାକିଅ କଇସି । କାଇକେ ବଇଲେ ତାକେ ପର୍ମେସର୍‌ର ଆଡ଼ମା ପୁରାପୁରୁନ୍ ଦିଆଅଇଲାଆଟେ । ୧୨୪ ବାବା ପିଲାକେ ଆଲାଦ୍ କରି ସବୁ ବିସଇ ତାର ଆତେ ସର୍ପି ଦେଲାଆଟେ । ୧୨୫ ଆରି କେ ପର୍ମେସର୍‌ର ପିଲାକେ ବିସ୍‌ବାସ୍ କରସି, ସେ ନ ସାରବା ଜିବନ୍ ପାଇସି । ମାତର୍ ଜେ ପର୍ମେସର୍‌ର ପିଲାକେ ନାମେ ନାଇ, ସେ ନ ସାରବା ଜିବନ୍ ନ ପାଏ । ଆରି ପର୍ମେସର୍‌ର ଡଣ୍ଡ ପାଇବାକେ ସେ ରଇସି ।”



**ଜିସୁ ଆରି ସମିରଣିୟ ମାଇଜି**

☆ ୩:୨୪ ୩:୨୪ ମାଡିଉ ୧୪:୩; ମାର୍କ ୭:୧୭; ଲୁକ୍ ୩:୧୯, ୨୦ ☆ ୩:୨୮ ୩:୨୮ ଜଅନ୍ ୧:୨୦ ☆ ୩:୩୫ ୩:୩୫ ମାଡିଉ ୧୧:୨୭; ଲୁକ୍ ୧୦:୨୨

<sup>୧</sup> ଜଅନରତେଜଅନି ଜିସୁକେ ଅଦିକ୍ ସିସ୍ ଅଇବାଟା ଆରି ତୁବନ୍ ଦେବା କାତା ପାରୁସିମନ୍ ସୁନ୍ଲାଇ । <sup>୨</sup> ଜିସୁ ସତଇସେ ନିଜେ କାକେ ମିସା ତୁବନ୍ ନ ଦେଇତେ ରଇଲା, ମାତର୍ ତାର୍ ସିସ୍ମନ୍ ତୁବନ୍ ଦେଇତେ ରଇଲାଇ । <sup>୩</sup> ତାର୍ ବିସଇ ନେଇ ଲକ୍ମନ୍ ଏନ୍ତାରି କାତା ଅଇବାଟା ସୁନି, ଜିସୁ ଜିଉଦା ରାଇଜ୍ ଚାଡ଼ିକରି ଆରି ତରେକ୍ ଗାଲିଲି ଦେସେ ଉଟିଗାଲା । <sup>୪</sup> ମାତର୍ ତାକେ ସମିରଣ୍ ଗଡ଼ ବାଟେ ଜିବାକେ ପଡ଼ଲା ।

<sup>୫</sup> ଆରି ଜାକୁବ୍ ତାର୍ ନିଜର୍ ପିଲା ଜସେପ୍‌କେ ଜନ୍ ଜାଗା ଦାନ୍ ଦେଇରଇଲା, ସେ ଲଗେ ସମିରଣ୍ ଗଡ଼ ଗଟେକ୍ ସୁକାର୍ ନାଉର୍ ଜାଗାଇ ଜିସୁ ଆସି କେଟ୍‌ଲା । <sup>୬</sup> ସେ ଜାଗାଇ ଜାକୁବ୍ ଗଟେକ୍ କୁଇସାଲ୍ ରଇଲା । ଜିସୁ ଇଣ୍ଟି ଇଣ୍ଟି ତାକି ଜାଇକରି କୁଇସାଲ୍ ଲଗେ ବସି ରଇଲା । ସେବେଲା ଚିଆମୁଇଦାନ୍ ଅଇରଇଲା ।

<sup>୭</sup> ଗଟେକ୍ ସମିରଣ୍ ମାଇଜି କୁଇସାଲେ ପାନି ନେବାକେ ଆଇଲା । ଆରି ଜିସୁ ସେ ମାଇଜିକେ କଇଲା, “ଏ ମା ମକେ ଗୁଡ଼ିକ୍ ପାନି କାଇବାକେ ଦେ ।” <sup>୮</sup> ସେଡ଼କିବେଲେ ତାର୍ ସିସ୍ମନ୍ କାଦି ଗେନ୍‌ବାକେ ଗଡ଼ ବିଡ଼ରେ ଜାଇରଇଲା ଆରି ଜିସୁ ଗଟେକ୍ ଲକ୍ ସେ ରଇଲା ।

<sup>୯</sup> ତେଇ ସମିରଣ୍ ମାଇଜି କାବାଅଇ ଜିସୁକେ କଇଲା, “ତୁଇ ଗଟେକ୍ ଜିଉଦି ଲକ୍ ଆରି ମୁଇ ଗଟେକ୍ ସମିରଣ୍, ତୁଇ କେନ୍ତ୍ରି ମର୍ ଆତର୍ ପାନି କାଇବାକେ ମାଙ୍ଗ୍‌ଲୁସି ?” କାଇକେ ବଇଲେ, ଜିଉଦି ଲକ୍ମନ୍ ସମିରଣ୍ ଲକ୍ମନ୍ କାଇବାତେଇ ନ କାଇତେ ରଇଲାଇ । <sup>୧୦</sup> ଜିସୁ ତାକେ କଇଲା, “ପର୍ମେସର୍ ଦେବା ଦାନର୍ ବିସଇ, ତୁଇ ଅଲପ୍ ଆଲେ ଜାନି ରଇଲେ ଆରି ମୁଇ କେ ବଲି ଜାନ୍‌ତୁସ୍ ବଇଲେ ମକେ ମାଙ୍ଗ୍‌ତୁସ୍ । ଆରି ମୁଇ ତକେ ଜିବନ୍ ଦେବା ପାନି ଦେଇତି ।”

<sup>୧୧</sup> ମାଇଜି କଇଲା, “ଆଗିଆଁ, ତମର୍ ଲଗେତା ପାନି ଜିକ୍‌ବାକେ ବାଲ୍‌ଟିନାଇ, ଆରି ଏ କୁଇସାଲ୍ ବେସି ତେଙ୍ଗ୍ ଆବେ । କନ୍ତ୍ରିଅନି ତମେ ଜିବନ୍ ଦେବା ପାନି ମିଲାଇସୁ ? <sup>୧୨</sup> ତୁଇ କାଇ ଆମର୍ ଆନିଦାଦି ଜାକୁବ୍‌ତେଇ ଅନି ବଡ଼ କି ? ଜାକୁବ୍ ଆମକେ ଏ କୁଇସାଲ୍ ଦେଇରଇଲା । ସେ ନିଜେ ମିସା ଏ କୁଇସାଲ୍ ପାନି କାଇତେରଇଲା । ତାର୍ ଗରର୍ ଲକ୍ମନ୍ ଆରି ସେ ପସିରଇଲା ଗରୁଗାଈମନ୍ ଇଡିର୍ ପାନି କାଇଲାଇ” ବଲି କଇଲା ।

<sup>୧୩</sup> ଜିସୁ ତାକେ କଇଲା, “ଏ କୁଇସାଲ୍ ପାନି କାଇବା ସବୁ ଲକ୍ମନ୍‌କେ ଆରିସେ ସସ୍ ଲାଗ୍‌ସି । <sup>୧୪</sup> ମାତର୍ ମୁଇ ଜନ୍ ପାନି ଦେବି, ସେ ପାନି ଜେ କାଇସି ବଇଲେ, ତାକେ କେବେ ମିସା ସସ୍ ନ ଲାଗେ । ମୁଇ ଜନ୍ ପାନି ଦେବି, ସେଟା ଜିବନ୍ ଦେବା ପାନି ପାରା ଉଡ଼ିଲି ଜାଇତେରଇସି । ତେଇ ଅନି ଜେ କାଇଲେ, ସେ ନ ସାର୍‌ବା ଜିବନ୍ ପାଇସି ।”

<sup>୧୫</sup> ସେ ମାଇଜି ଜିସୁକେ କଇଲା, “ଏ ଆଗିଆଁ ମକେ ସେ ପାନି ଦେ, ଜେନ୍ତ୍ରକି କେବେ ମିସା ମକେ ସସ୍ ନ ଲାଗ ଆରି ମୁଇ ଏତେକ୍ ଦୁର୍ ପାନି ନେବାକେ ନ ଆସି ।”

<sup>୧୬</sup> ଜିସୁ ସେ ତାକେ କଇଲା, “ତୁଇ ଜାଇକରି ତର୍ ମୁନ୍‌ସକେ ଇତି ତାକିଆନ୍ ।”

<sup>୧୭</sup> ସେ ମାଇଜି “ମକେ ମୁନ୍‌ସ ନାଇ” ବଲି କଇଲା । ଜିସୁ ତାକେ କଇଲା, “ମକେ ମୁନ୍‌ସ ନାଇ ବଲି ସଡ଼ କାତା କଇଆରୁସ୍ । <sup>୧୮</sup> କାଇକେ ବଇଲେ ତର୍ ପାଁଟା ମୁନ୍‌ସ ରଇଲା ଆରି ଏବେ ତୁଇ ଜନ୍ ଲକ୍ମନ୍ ସଙ୍ଗ୍ ଆରୁସ୍, ସେ ମିସା ତର୍ ମୁନ୍‌ସ ନଏଁ । ଏଟା ସଡ଼ କଇଆରୁସ୍ ।”

<sup>୧୯</sup> ସେ ମାଇଜି କଇଲା, “ଏ ଆଗିଆଁ ତୁଇ ଗଟେକ୍ ବସିସତର୍ କାତା କଇବା ଲକ୍ ବଲି, ଏବେ ମୁଇ ଜାନିପାରଲିନି । <sup>୨୦</sup> ଆମର୍ ସମିରଣ୍ ଆନିଦାଦିମନ୍ ପର୍ମେସର୍‌କେ ଏ ତଙ୍ଗ୍‌ରେ ଉପାସନା କର୍ତେ ରଇଲାଇ । ମାତର୍ ତମେ ଜିଉଦି ଲକ୍ମନ୍ କଇଲାଇନି ଜିରୁସାଲମସେ ପର୍ମେସର୍‌କେ ଉପାସନା କର୍ବା ଟିକ୍ ଜାଗା ।”

<sup>୨୧</sup> ଜିସୁ ତାକେ କଇଲା, “ଏ ମାଆ ମରକାତା ବିସ୍‌ବାସ୍ କର୍ । ଏନ୍ତାରି ବେଲା ଆଇଲାନି ତମେ ପର୍ମେସର୍‌କେ ଏ ତଙ୍ଗ୍‌ରେ କି ଜିରୁସାଲାମେ ମିସା ଉପାସନା ନ କରାସ୍ । <sup>୨୨</sup> ତମେ ସମିରଣ୍ ଲକ୍ମନ୍ ଜାକେ ଉପାସନା କଲାସିନି ତାକେ ସତଇସେ ନାଜାନାସ୍ । ମାତର୍ ଆମେ ଜିଉଦି ଲକ୍ମନ୍ ତାକେ ଜାନିକରି ଉପାସନା କଲୁନି । କାଇକେ ବଇଲେ ମୁକ୍ତି ଜିଉଦି ଲକ୍ମନ୍‌ତେଇ ଅଇସି । <sup>୨୩</sup> ବେଲା ଆଇଲାନି ଆରି ସେ ବେଲା କେଟ୍‌ଲାବେ, ଜେତେବେଲା କି ସୁକଲ୍‌ଆଡ଼ମାର୍ ବପୁସଙ୍ଗ୍ ଲକ୍ମନ୍, ବାବା ପର୍ମେସର୍‌କେ ନିକସଙ୍ଗ୍ ଚିନ୍‌ବାଇ । ସେବେଲେ ସେମନ୍ ତାକର୍ ମନେ ସଡ଼ସଙ୍ଗ୍ ଉପାସନା କର୍ବାଇ । ସେନ୍ତ୍ରି ଉପାସନା କର୍ବା ଲକ୍ମନ୍‌କେ ବାବା ମନ୍ କଲାନି । <sup>୨୪</sup> ପର୍ମେସର୍ ଅଇଲାନି ଆଡ଼ମା । ଆରି ଜନ୍‌ଲକ୍ମନ୍ ତାକେ ଉପାସନା କଲାଇନି, ସେମନ୍ ସଡ଼ସଙ୍ଗ୍ ଆଡ଼ମାଇ ଉପାସନା କର୍ବାରୁଆଟେ ।”

<sup>୨୫</sup> ସେ ମାଇଜି କଇଲା, “ମୁଇ ଜାନି, ମସିଅ ଜାକେ କି କିରିସ୍ଟ ବଲ୍‌ବାଇ । ସେବେଲା ଆସି ଆମକେ ସବୁ ବିସଇ ବୁଜାଇ ଦେଇସି ।” <sup>୨୬</sup> ଜିସୁ ତାକେ କଇଲା, “ଏବେ ତର୍ ସଙ୍ଗ୍ ଜେ କାତା ଅଇଲାନି, ମୁଇ ସେ ।”

<sup>୨୭</sup> ସେବେଲା ଜିସୁର୍ ସିସ୍ମନ୍ ଗତେଅନି ବାଉଡ଼ି ଆଇଲାଇ । ଜିସୁ ଗଟେକ୍ ମାଇଜିସଙ୍ଗ୍ କାତା ଅଇବାଟା ଦେକି କାବାଅଇଗାଲାଇ । ମାତର୍ ତାକେ କେ ମିସା ତୁଇ କାଇକେ ତାର୍ ସଙ୍ଗ୍ କାତା ଅଇଲୁସିନି, କି କାଇ ବିସଇ ତମେ କାତା ଅଇତେ ରଇଲାସ୍ ? ବଲି ପାଟାରବାକେ ସାଆସ୍ କରନ୍‌ନାଇ । <sup>୨୮</sup> ତାର୍ ପଟେ ସେ ମାଇଜି ତାର୍ ଆଣ୍ଟିର୍ ପାନି, ତେଇ ଚାଡ଼ିକରି ସଅର୍ ବିଡ଼ରେ ଉଟିଗାଲା ଆରି ଜାଇକରି ସବୁ ଲକ୍ମନ୍‌କେ କଇଲା, <sup>୨୯</sup> “ଆସା ଗଟେକ୍ ଲକ୍‌କେ ଦେକ୍‌ସା । ଆଗେ ମୁଇ ଜାଇଜାଇଟା କିରିରଇଲି, ସେ ସବୁ କାତା ସେ ମକେ କଇଦେଲା । ସେ ପର୍ମେସର୍ ବାଟି ପାଟାଇଲା ରାଜା ମସିଅ ଅଇଲେ ଅଇରଇସି କାଇକି ।” <sup>୩୦</sup> ସେଟାର୍‌ପାଇ ଲକ୍ମନ୍ ସଅରେ ଅନି ବାରଇକରି ଜିସୁକେ ଦେକ୍‌ବାକେ ଗାଲାଇ ।

୩୧ ଏଡ଼କି ବିତ୍ତରେ ସିସ୍ତମନ୍ ଜିସୁକେ “ଏ ଗୁରୁ କାଇଟା ଆଲେ ଅଲପ୍ କାଆ ।” ବଲି ବାବୁଜିଆ କଲାଇ ।

୩୨ ମାତର ଜିସୁ ସେମନ୍‌କେ କଇଲା, “ମର ଲଗେ ଜନ୍ କାଦି ଆଚେ, ସେ କାଦିର୍ ବିସଇ ତମେ ନାଜାନାସ୍ ।”

୩୩ ସେଟାର ପାଇ ସିସ୍ତମନ୍ ନିଜର୍ ନିଜର୍ ବିତ୍ତରେ କୁଆବଲା ଅଇଲାଇ, “ତାର୍‌ପାଇ କେ କାଦି ଆନିଦେଲାଇ ଆଚଡ଼ କି ?”

୩୪ ଜିସୁ ସେମନ୍‌କେ କଇଲା, “ମକେ ପାଟାଇରଇବା ପର୍ଯ୍ୟେସର୍ ମନ୍‌କଲାଟା ମାନିକରି ଆରି ସେ ଦେଇରଇବା କାମ୍ ପୁରାପୁରୁନ୍ କର୍ବାଟାସେ ମର୍ କାଦି । ୩୫ ଚାରି ମାସ୍ ଗାଲେ କାଟାବେଟା ଦିନ୍ ଆଇସି ବଲି ତମେ କଇତେରଇସା । ମାତର ମୁଇ ତମକେ କଇଲିନି କେଡ଼ମନ୍‌କେ ନିକ କରି ଦେକିଦେକା । ଏବେ ତେଇର୍ ତାସ୍ ପାଟିଗାଲା ଆଚେ ଆରି କାଟ୍‌ବା ବେଲା ସମାନ୍ ଅଇଲା ଆଚେ । ୩୬ ଏବେ ମିସା ଜନ୍ ଲକ୍ ତାସ୍ କାଟ୍‌ଲାନି ତାକେ ବୁଡ଼ି ଦିଆ ଅଇଲାନି, ସେ ନ ସାର୍‌ବା ଜିବନର୍ ପାଇ ତାସ୍ ଚୁଲିଆଇଲାନି । ସେଟାର ପାଇ ବୁନ୍‌ଲା ଲକ୍ ଆରି କାଟ୍‌ବା ଦୁଇ ଲକ୍‌ଜାକ ମିସି ସାର୍‌ଦା କର୍‌ବାଇ । ୩୭ କାଇକେବଇଲେ ଗଟେକ୍ ଲକ୍ ବିଅନ୍ ବୁନ୍‌ଲେ ସେଟା ବିନ୍ ଲକ୍ କାଟ୍‌ସି । ଏ କାତା ପୁରାପୁରୁନ୍ ସଡ଼ । ୩୮ ତମେ ଜନ୍ତ୍ର ବୁନି ନ ରଇଲାସ୍ ତେଇ କାଟ୍‌ବାକେ ପାଟାଇଆଟି । ବିନ୍ ଲକ୍‌ମନ୍ କାମ୍‌କଲାଇ ଆରି ତମେ ସେମନ୍ କଲା କାମେଅନି ଲାବ୍ ପାଇଲାସ୍ନି ।”

୩୯ ସେ ସଅରର୍ କେତେକ୍ କେତେକ୍ ସମିରଣିୟମନ୍ ଜିସୁକେ ବିସ୍‌ବାସ୍ କଲାଇ । କାଇକେବଇଲେ, ସେ ମାଇଜି ସେମନ୍‌କେ କଇରଇଲା । ଆଗେ ମୁଇ ଜାଇଜାକଟା କରିରଇଲି, ସେ ସବୁ କାତା ସେ ମକେ କଇଦେଲା । ୪୦ ଆରି ସମିରଣିୟ ଲକ୍‌ମନ୍ ଜିସୁର୍ ଲଗେ ଆସି ତାର୍ ସଙ୍ଗ୍ କେତେ ଦିନ୍ ରଇବାକେ ଗୁଆରି କଲାଇ, ସେଟାର୍‌ପାଇ ସେ ତେଇ ଦୁଇ ଦିନ୍ ରଇଲା ।

୪୧ ଜିସୁର୍ କାତା ସୁନି ତାକେ ବେସି ଲକ୍‌ମନ୍ ବିସ୍‌ବାସ୍ କଲାଇ । ୪୨ ଲକ୍‌ମନ୍ ସେ ମାଇଜିକେ କଇଲାଇ, “ତୁଇ କଇଲାକେ ଆମେ ବିସ୍‌ବାସ୍ କରୁନାଇ, ଆମେ ନିଜେ ତାର୍ କାତା ସୁନି କରି ଏ ଆକା ଦୁନିଆର୍ ରକିଆକରୁ ବଲି ବିସ୍‌ବାସ୍ କଲୁ ।”

**ଜିସୁ ଗଟେକ୍ ରାଜାର୍ ମୁକିଅ ଲକ୍‌ର ପିଲାକେ ନିମାନ୍ କଲା**

୪୩ ଜିସୁ ତେଇ ଦୁଇ ଦିନ୍ ରଇଲା ପଚେ ଗାଲିଲି ରାଇଜେ ଗାଲା । ୪୪ ଆରି ଗଟେକ୍ ବବିସଡ଼ବକ୍ତା ନିଜର୍ ଦେସେ ସନ୍‌ମାନ୍ ନ ପାଏ ବଲି ଜିସୁ ଆଗତୁସେ ତାର୍ ସିସ୍ତମନ୍‌କେ କଇରଇଲା । ୪୫ ସେଟାର୍‌ପାଇ ସେ ଜେତେବେଲା ଗାଲିଲି ଦେସେ କେଟ୍‌ଲା, ସେବେଲା ଲକ୍‌ମନ୍ ଆଲାଦ୍ ସଙ୍ଗ୍ ଡାକିନେଲାଇ । କାଇକେବଇଲେ ଆଗେ ଜିରୁସାଲାମେ ନିସ୍‌ତାର୍ ପରବ୍‌ଟାନେ ସେମନ୍ ସେ କରିରଇବା କାମ୍ ସବୁ ଦେକିରଇଲାଇ ।

୪୬ ଜିସୁ ଗାଲିଲିର୍ କାନା ନାଉର୍ ଗଡେ ଆରି ତରେକ୍ ଗାଲା । ସେ ଗଡେସେ ପାନି ଅଙ୍ଗୁର୍ ରସ୍ କରିରଇଲା । ତେଇ ରମିଅ ସାସନ୍‌କାରିଆର୍ ଗଟେକ୍ ମୁକିଅ ଲକ୍‌ର ପଅ କପର୍‌ନାତମେ ଜର୍ ଅଇରଇଲା । ୪୭ ଜିସୁ ଜିଉଦାଇ ଅନି ଗାଲିଲି ଆଇଲା ଆଚେ ବଲି ସୁନିକରି ଜର୍ ଅଇଲା ପିଲାର୍ ବାବା ତାର୍ ଲଗେ ଗାଲା । ମର୍‌ବା ସମାନ୍ ଅଇରଇବା ପିଲାକେ ନିମାନ୍ କର୍‌ବାକେ କପର୍‌ନାତମେ ଜୁ ବଲି ଜିସୁକେ ଜୁଆର୍ ବିଆର୍ କଲା । ୪୮ ଜିସୁ ତାକେ କଇଲା, “ତମେ କାବା ଅଇଜିବାଟା ଆରି କେବେ ନ ଅଇଲା ପାରା କାମ୍‌ର୍ ଚିନ୍‌ମନ୍ ନ ଦେକ୍‌ଲେ କେବେ ମିସା ମକେ ବିସ୍‌ବାସ୍ ନ କରାସ୍ ।”

୪୯ ସେ ଲକ୍ ତାକେ କଇଲା, “ଏ ଗୁରୁ, ମର୍ ପିଲା ନ ମର୍‌ବା ଆଗତୁ ତମେ ମର୍ ସଙ୍ଗ୍ ଆସା ।”

୫୦ ଜିସୁ ତାକେ କଇଲା, “ଏବେ ତୁଇ ତର୍ ଗରେ ଜା, ତର୍ ପିଲା ଜିବନ୍ ଅଇଗାଲାବେ ।” ସେ ଲକ୍ ଜିସୁ କଇରଇବା କାତା ବିସ୍‌ବାସ୍ କରି ବାଉଡ଼ିଗାଲା । ୫୧ ସେ ଗରେ ଗାଲାବେଲେ ତାର୍ କେତେଟା ଗତି ଦାଙ୍ଗ୍‌ଡାମନ୍ ତାକେ ବେଟ୍‌ପାଇକରି, “ତର୍ ପିଲା ନିମାନ୍ ଅଇଲାବେ” ବଲି କଇଲାଇ ।

୫୨ ସେ ଲକ୍ ତାର୍ ଗତିଦାଙ୍ଗ୍‌ଡାମନ୍‌କେ ପାଟାରଲା, “ପିଲା କେତେବେଲେ ନିମାନ୍ ଅଇଲା ?” ଗତିଦାଙ୍ଗ୍‌ଡାମନ୍, “କାଲି ଗୁଟେ ବେଲେ ନିମାନ୍ ଅଇଲା” ବଲି କଇଲାଇ । ୫୩ ଜିସୁ ଟିକ୍ ସେବେଲାସେ ତର୍ ପିଲା ନିମାନ୍ ଅଇଲାବେ ବଲି କଇରଇଲାଟା ସେ ମୁକିଅ ଲକ୍ ମନେପାକାଇଲା । ସେଟାର୍‌ପାଇ ସେ ଲକ୍ ଆରି ତାର୍ ଗରର୍ ସବୁ ଲକ୍ ଜିସୁକେ ବିସ୍‌ବାସ୍ କଲାଇ ।

୫୪ ଜିସୁ ଜିଉଦାଇ ଅନି ଗାଲିଲି ଦେସେ ଆଇଲା ପଚେ ଏଟାସଙ୍ଗ୍ ଦୁଇପାଲି କାବାଅଇଜିବା କାମ୍ କରି ରଇଲାଟା ।

**୫**

**ଜିସୁ ବନ୍‌ଟାନେ ଗଟେକ୍ ରଗିକେ ନିକ କଲା**

୧ ତାର୍ ପଚେ ଜିଉଦିମନ୍‌ର୍ ଗଟେକ୍ ମୁକିଅ ପରବ୍ ରଇଲା । ସେଟାର୍ ପାଇ ଜିସୁ ଜିରୁସାଲାମ୍ ଗାଲା । ୨ ଜିରୁସାଲାମର୍ ମେଣ୍ଡା ଦୁଆର୍ ଲଗେ ଗଟେକ୍ ବନ୍ ରଇଲା । ସେଟାକେ ଏବ୍‌ରି ବାସାଇ ବେତେସ୍‌ଦା ବଲି କଇବାଇ । ତେଇ ପାଁଟା ମେଣ୍ଡା ରଇଲା । ୩ ସେ ମେଣ୍ଡା ମନ୍‌ରଟାନେ କେତେକ୍ କେତେକ୍ ଜର୍‌ଦୁକା ଅଇଲା ଲକ୍‌ମନ୍ ରଇତେ ରଇଲାଇ । ରଗିମନ୍‌ର୍ ବିତ୍ତରେଅନି କାଣା, ଚଟା, ଆରି କେତେକ୍ ଅଦୁଆ ରଗିମନ୍ ରଇଲାଇ । ୪ କାଇକେବଇଲେ କେତେ

☆ ୪:୪୪ ୪:୪୪ ମାଡିଉ ୧୩:୫୭; ମାର୍‌କ ୭:୪; ଲୁକ୍ ୪:୨୪ ☆ ୪:୪୫ ୪:୪୫ ଜଅନ୍ ୨:୨୩ ☆ ୪:୪୬ ୪:୪୬ ଜଅନ୍ ୨:୧-୧୧

କେତେବଳ୍ ପରଫେସରର ଗଟେକ୍ ଦୁଡ଼ ଆସିକରି ସେ ବନ୍ଦର୍ ପାନି ଅଲ୍‌କା କରତେ ରଇଲା । ଆରି ସେ ଅଲ୍‌କା ଅଇଲାପତେ, ଜନ୍ ଲକ୍ ପରତୁମ୍ ଜାଇତେ ରଇଲା, ତାକେ କାଇ ରଗ୍ ଅଇରଇଲେ ମିସା ନିମାନ୍ ଅଇଜାଇତେରଇଲା । ୫ ତାକର୍ ବିଡ଼ରେ ତିରିସ୍ ଆର୍ ବରସ୍ ଜାକ ତୁଲିରଇବା ଗଟେକ୍ ରଗି ଲକ୍ ରଇଲା । ୬ ତେଇ ଜିସୁ ସେ ରଗି ତୁଲିରଇବାଟା ଦେକି, ଏ ଲକ୍ ବେସି ବରସର୍ ରଗି ବଲି ଜାନି ତାକେ ପାଟାରଲା “ତମେ କାଇ ନିମାନ୍ ଅଇବାକେ ମନ୍ କଲାସ୍‌ନି କି ?”

୭ ସେ ରଗି ଲକ୍ ଜିସୁକେ କଇଲା, “ଏ ଆଗିଆଁ ପାନି ଅଲ୍‌କା କଲାବେଲେ, ସେ ବନ୍ଦର୍ ବିଡ଼ରେ ମକେ ନେବାକେ କେ ନାଇ । ଆରି ବନ୍ଦର୍ ବିଡ଼ରେ ଜିବାକେ ଚେସ୍‌ଟା କଲାବେଲେ ବିନ୍ ଲକ୍ ମର୍ ଆଗ୍ତୁ ଉଟିଜିବାଇ ।”

୮ ଜିସୁ ତାକେ କଇଲା, “ଉଟି ଚିଆଅ, ଆରି ତର୍ ଟାଟି ଦାରି ଇଣ୍ଡିଜା ।” ୯ ସେ ଦାପ୍‌ରେ ସେ ଲକ୍ ନିମାନ୍ ଅଇଗାଲା ଆରି ନିଜର୍ ଟାଟି ଦାରିକରି ଇଣ୍ଡିବାର୍ ଦାରିଲା । ସେ ଦିନ୍ ବିସ୍‌ରାମ୍‌ବାର୍ ରଇଲା । ୧୦ ସେଟାର୍‌ପାଇ ଜିଉଦି ନେତାମନ୍, ନିମାନ୍ ଅଇଲା ରଗିକେ କଇବାର୍ ଦାରିଲା, “ଆଜି ବିସ୍‌ରାମ୍ ଦିନେ, ତୁଇ ଟାଟି ଦାରି ଜିବାଟା ଆମର୍ ନିୟମ୍ ନାଇ ।”

୧୧ ମାତର୍ ସେ ଲକ୍ ସେମନ୍‌କେ କଇଲା, “ଜେ ମକେ ନିମାନ୍ କଲା ସେ ମକେ ତମର୍ ଟାଟିଦାରିକରି ଜା ବଲି କଇଲାଆଟେ ।”

୧୨ ସେମନ୍ ତାକେ ପାଟାରଲା, “ଜେ ତକେ ଟାଟି ଦାରି ଜା ବଲି କଇଲା, ସେ ଲକ୍ କେ ?”

୧୩ ମାତର୍ ସେ ନିମାନ୍ ଅଇଲା ଲକ୍ ଜିସୁ କେ ବଲି ଚିନି ନରଇଲା, କାଇକେ ବଇଲେ ସେ ଜାଗାଇ ବେସି ଲକ୍‌ମନ୍ ରଇଲାଇଜେ, ଜିସୁ ତେଇଅନି ବିନେ ପିସ୍‌ଲି ଉଟିଜାଇରଇଲା ।

୧୪ ତାର୍ ପତେ ଜିସୁ ସେ ନିକ ଅଇଲା ଲକ୍‌କେ ମନ୍ଦିର୍ ବିଡ଼ରେ ଦେକିକରି କଇଲା, “ଦେକ୍ ଏବେ ତୁଇ ନିକ ଅଇଜାଇଆତୁସ୍ । ତୁଇ ଆରି ପାପ୍ କାମ୍ କରନାଇ । ନଇଲେ ତକେ ଆରି ଅଦିକ୍ ଦୁକ୍ କସ୍‌ଟ ଆଇସି ମିସା ।”

୧୫ ତାର୍ ପତେ ସେ ନିକ ଅଇଲା ଲକ୍ ଜିଉଦି ନେତାମନ୍‌ର ଲଗେ ଜାଇକରି, “ଜେ ତାକେ ନିକ କରିରଇଲା, ସେ ଜିସୁ” ବଲି କଇଲା । ୧୬ ଏ ନିମାନ୍ କାମ୍ କଲାଟା, ବିସ୍‌ରାମ୍ ବାରେ ଅଇରଇଲା ଜେ, ଜିଉଦି ନେତାମନ୍ ଜିସୁକେ ଦୁକ୍‌କସ୍‌ଟ ଦେବାର୍ ବସଲାଇ । ୧୭ ମାତର୍ ଜିସୁ ସେମନ୍‌କେ କଇଲା, “ମର୍‌ବାବା ପରଫେସର୍ ସବୁବେଲା କାମ୍‌କଲାନ୍, ମୁଇ ମିସା ସେକ୍ତି କାମ୍ କଲିନି ।”

୧୮ ଜିସୁ ଏକ୍ତି କଇରଇଲାଜେ ଜିଉଦି ନେତାମନ୍ ତାକେ ମରାଇବାକେ ଅଦିକ୍ ଚେସ୍‌ଟା କଲାଇ । କାଇକେ ବଇଲେ ଜିସୁ ବିସ୍‌ରାମ୍ ବାର୍‌ର ନିୟମ୍ ମାନେ ନାଇ ବଲି ନାଇ, ମାତର୍ ସେ ପରଫେସର୍‌କେ ମର୍ ବାବା ବଲି କଇ, ନିଜ୍‌କେ ପରଫେସର୍ ସଙ୍ଗ୍ ସମାନ୍ କରି ରଇଲା ।

**ପଅର୍ ଅଦିକାର୍**

୧୯ ଜିସୁ ସେମନ୍‌କେ କଇଲା, “ମୁଇ ତମ୍‌କେ ସଡ଼ କଇଲିନି, ପରଫେସରର୍ ପିଲା ମୁଇ ନିଜେ କାଇଟା ମିସା କରିନାପାରି । ମର୍ ବାବା ଜନ୍ ଜନ୍‌ଟା ସବୁ କରବାଟା ମୁଇ ଦେକ୍‌ଲିନି ସେଟାସେ ମୁଇ କରିପାରି । କାଇକେ ବଇଲେ ବାବା ଜନ୍ ଜନ୍‌ଟା ସବୁ କଲାନ୍ ତାର୍‌ପିଲା ମୁଇ ମିସା ସେଟା ସବୁ ସେକ୍ତିସେ କଲିନି । ୨୦ ବାବା ମକେ ଆଲାଦ୍ କରସି ଆରି ନିଜେ ଜନ୍‌ଟା କରସି, ସେ ସବୁ ମକେ ଦେକାଇସି । ଆରି ଏବେ ଜାଇଟା ଗର୍‌ଲା ଆଟେ, ତାର୍‌ତେଇଅନି ଅଦିକ୍ ବଡ଼ ବଡ଼ କାବାଅଇଜିବା କାମ୍‌ମନ୍ ମକେ ଦେକାଇସି । ସେଟା ସବୁ ଦେକି ତମେ ସବୁଲକ୍ କାବାଅଇଜାଇସା । ୨୧ ବାବା ପରଫେସର୍ ଜେକ୍ତି ମଲାଲକ୍‌ମନ୍‌କେ ଜିବନ୍ କରି ଉଟାଇସି, ସମାନ୍ ସେକ୍ତି ମୁଇ ମିସା ତାର୍ ପିଲା ଜାକେ ଜାକେ ମନ୍ କରବି, ସେମନ୍‌କେ ମଲାତେଇଅନି ଉଟାଇବି । ୨୨ ବାବା ପରଫେସର୍ କାକେ ମିସା ତାର୍ ପାପ୍ କାମ୍‌ଲାଗି ବିଚାର୍ ନ କରେ । ମାତର୍ ସବୁ ଲକ୍‌ମନ୍‌ର ବିଚାର୍ କରବା ପୁରାପୁରୁନ୍ ଅଦିକାର୍ ତାର୍ ପିଲା ମକେ, ଦେଲା ଆଟେ । ୨୩ ତେବେ ସବୁ ଲକ୍‌ମନ୍ ବାବାକେ ଜେକ୍ତି ସନ୍‌ମାନ୍ ଦେଲାଇନି, ସେକ୍ତିସେ ତାର୍ ପିଲା ମକେ ମିସା ସନ୍‌ମାନ୍ ଦେବାଇ । ଜଦି ଜନ୍ ଲକ୍‌ମନ୍ ତାର୍ ପିଲା ମକେ ସନ୍‌ମାନ୍ ଦେଅଡ଼ ନାଇ, ସେମନ୍ ମକେ ପାଟାଇଲା ବାବାକେ ମିସା ସନ୍‌ମାନ୍ ଦେଅଡ଼ ନାଇ ।

୨୪ “ମୁଇ ତମ୍‌କେ ସଡ଼ କଇଲିନି, ଜେ ମର୍ କାତା ସୁନି ମକେ ପାଟାଇଲା ପରଫେସର୍‌କେ ବିସ୍‌ବାସ୍ କରସି, ସେ ନ ସାର୍‌ବା ଜିବନ୍ ପାଇସି । ଆରି ସେ ବିଚାର୍‌ନା କରାଇ ନ ଅଏ । କାଇକେବଇଲେ ସେ ମରନ୍‌କେ ଜିତି କରି ଜିବନ୍ ପାଇଆଟେ । ୨୫ ମୁଇ ତମ୍‌କେ ସଡ଼ କଇଲିନି ଏକ୍ତି ଗଟେକ୍ ବେଲା ଆଇଲାନ୍, ସେ ବେଲା ଏବେ କେଟିଆଟେ । ଜେତେବେଲା ମଲା ଲକ୍‌ମନ୍ ପରଫେସରର୍ ପିଲା ମର୍ କର୍‌ଟର୍ ସର୍ ସୁନ୍‌ବାଇ, ସେମନ୍ ଜିବନ୍ ଅଇ ଉଟ୍‌ବାଇ । ୨୬ ବାବା ଜେକ୍ତିକି ଜିବନ୍‌ର ମୁଲ୍, ସେକ୍ତିରିସେ ତାର୍ ପିଲା ମୁଇ ମିସା ଜିବନ୍‌ର ମୁଲ୍ । ୨୭ ଆରି ମୁଇ ପରଫେସରର୍ ଟାନେଅନି ଆଇଲା ନର୍‌ପିଲା ଅଇଲାଗି, ସବୁ ଲକ୍‌ମନ୍‌କେ ବିଚାର୍ କରବା ଅଦିକାର୍ ସେ ମକେ ଦେଲାଆଟେ । ୨୮ ତମେ ଏଟାର୍‌ପାଇ କାବା ଉଆନାଇ, ଏକ୍ତି ବେଲା ଆଇଲାନ୍, ମରିକରି ତପିଅଇଲା ସବୁ ଲକ୍‌ମନ୍ ମର୍ କର୍‌ସର୍ ସୁନ୍‌ବାଇ । ୨୯ ଆରି ସେମନ୍ ସମାଦି ଅନି ଆରି ତରେକ୍ ଉଟ୍‌ବାଇ । କେ କେ ନିକ କାମ୍ କରିଆଟଡ଼, ସେମନ୍ ମଲାଟାନେଅନି ଜିବନ୍ ଅଇକରି ଉଟ୍‌ବାଇ । କାରାପ୍ କାମ୍ କରୁମନ୍ ମିସା ମଲାଟାନେଅନି ଉଟ୍‌ବାଇ ଆରି ଦସି ବଲାଅଇଅଇବାଇ ।”

**ଜିସୁର୍ ବିସଇର୍ କଇବା ସାକି**

୩୦ ମୁଇ ମର୍ ନିଜର୍ ଅଦିକାରେ କାଇଟା ମିସା କରିନାଇ, ବାବା ମକେ କେକ୍ତି କଇଲା ଆଟେ, ସେକ୍ତିସେ ବିଚାର୍ କରବି । ଆରି ମୁଇ କରବାଟା ଟିକ୍‌ସେ । କାଇକେବଇଲେ ମୁଇ ନିଜେ ମନ୍‌କଲାଟା ପୁରାପୁରୁନ୍ କରବାକେ ନାଇ, ମାତର୍ ମକେ

ପାଟାଲି ପରମେସ୍ୱର ମନକଲୀଟା ପୁରାପୁରୁନ୍ କଲିନି । ୩୧୧ ମର ନିଜର ପାଇ ଜଦି ମୁଇ ସାକି ଦେବି, ସେଟା ସତ୍ତ୍ୱ ବଲି ଦାରା ନ ଜାଏ । ୩୧୨ ମାତର ମର ପାଇ ଆରି ଗଟେକ୍ ଲକ୍ ସାକିଦେଲାନି, ଆରି ସେଟା ମୁଇ ଜାନି । ସେ ମର ବିସଇ କାଲଟା ସବୁ କଲଲାନି ସେଟା ସବୁ ସତ୍ତ୍ୱେ । ୩୧୩ ଧର୍ମେ ଜଅନ୍ ଲଗେ କବର ନେଉମନକେ ପାଟାଲ ରଇଲାସ୍, ଆରି ସେ ତମକେ ସତ୍ତ୍ୱ ବିସଇ ସାକି ଦେଲାଆଟେ । ୩୧୪ ମର ବିସଇ କେ ମିସା ସାକି ଦେଅତ୍ତ୍ୱ ବଲି ମୁଇ ମନ୍ କରନାଇ । ଜେନ୍ତୁକି ତମେ ପାପେଅନି ରକିଆ ପାଇସା ସେଟାର ପାଇ ମୁଇ ଏ ସବୁ କଲଲିନି । ୩୧୫ ଜଅନ୍ ଗଟେକ୍ ବଡିପାରା ଲାଗିକରି ଅଲପର ପାଇ ଉଜଲ୍ ଦେଇତେରଇଲା । ଆରି ତମେ ସେ ଉଜଲ୍, ଅଲପ୍ ଦିନର ପାଇ ପାଇକରି ସାର୍ଦା ଅଇରଇଲାସ୍ । ୩୧୬ ମାତର ମରଲଗେ, ଜଅନର ତେଇଅନି ଅଦିକ୍ ବପୁର ଗଟେକ୍ ସାକି ଆଟେ । ପରମେସ୍ୱର ଆଦେସ୍ ଇସାବେ ମୁଇ ଜନ୍ ସବୁ କାମ୍ କଲିନି, ସେଟା ସବୁ ମର ପାଇ ନିକ ସାକି । ସେ ସବୁ କଲଲାନିଜେ, ମକେ ପରମେସ୍ୱର ପାଟାଲିଆଟେ ବଲି ।

୩୧୭ ଆରି ମକେ ପାଟାଲିଆ ବାବା ପରମେସ୍ୱର ମିସା ମର ବିସଇ ସାକି ଦେଲାନି । ତମେ କେବେ ମିସା ତାର୍ କର୍ତ୍ତ୍ୱ ସୁନାସ୍ ନାଇ, କି ସେ କେନ୍ତାଟା ଦେକାସ୍ ନାଇ । ୩୧୮ ଆରି ତାର୍ କାତା ତମର ମନବିତ୍ତ୍ୱରେ ରଏନାଇ । କାଇକେବଇଲେ ସେ ଜାକେ ପାଟାଲିଆ ଆଟେ ତାକେ ତମେ ବିସବାସ୍ କରାସ୍ ନାଇ । ୩୧୯ ତମେ ଜତନ୍ସଙ୍ଗ୍ ସାସ୍ତରମନ୍ ପଡି କଲ୍ଲିସ୍ତାନି । ତେଇଅନି ନ ସାର୍ଦା ଜିବନ୍ ପାଇଅଇସି ବଲି ସେ ସବୁ ପଡିଲାସ୍ତାନି । ସେ ସବୁ ସାସ୍ତର ମର ବିସଇସେ ସାକି ଦେଲାନି । ୪୦ ଏଲେମିସା ତମେ ନ ସାର୍ଦା ଜିବନ୍ ପାଇବାକେ ମର ଲଗେ ଆଇବାକେ ନିଚ୍ଚିଲାସ୍ତାନି ।

୪୧ “ମୁଇ ମୁନୁସ୍ ଲକ୍ମନର୍ ଟାନେଅନି ଡାକ୍ପୁଟା କଜି ନାଇ । ୪୨ ମୁଇ ଜାନି, ତମେ କେନ୍ତୁ ରକାମର ଲକ୍, ତମର ମନ୍ ବିତ୍ତ୍ୱରେ ପରମେସ୍ୱରକେ ଆଲାଦ୍ କରବାଟା ନାଇ । ୪୩ ମୁଇ ମର ବାବା ପରମେସ୍ୱର ଅଦିକାର୍ ପାଇ ଆଇଲିଆତି । ମାତର ତମେ ମକେ ନାମାସ୍ ନାଇ । ମାତର ଜେତେବେଲା କେ ମିସା ବିନ୍ ଲକ୍ ନିଜେ ମନକରି ଆଇଲେ ତାକେ ତାକିନେଲାସ୍ତାନି । ୪୪ ତମେ ନିଜର୍ ନିଜର୍ ବିତ୍ତ୍ୱରେ ସନ୍ମାନ ପାଇବାକେ ମନକଲାସ୍ତାନି । ମାତର ପରମେସ୍ୱର ଆଲାଦ୍ ପାଇବାକେ ମନ୍ କରାସ୍ ନାଇ । ସେନ୍ତି ବଇଲେ ତମେ କେନ୍ତୁ ମକେ ବିସବାସ୍ କରିପାରାସ୍ ? ୪୫ ମୁଇ ତମର ବିରଦେ ପରମେସ୍ୱରତେଇ ଦସି କରବି ବଲି ତମେ ବାବାନାଇ । ତମେ ଜନ୍ଟା ମସାର୍ ତେଇ ଆସା କରିଆଟାସ୍ ସେ ସେ ତମର ବିରଦେ ଦସି କଲାନି । ୪୬ ଜଦି ତମେ ମସାକେ ସତ୍ତ୍ୱବଲି ବିସବାସ୍ କଲାସ୍ତାନି ବଇଲେ ମକେ ମିସା ବିସବାସ୍ କରତେ ରଇସା । କାଇକେବଇଲେ ମସା ମର ବିସଇସେ ଲେକିଆଟେ । ୪୭ ମାତର ସେ ଜନ୍ଟା ଲେକିଆଟେ, ତେଇ ଜଦି ତମର ବିସବାସ୍ ନାଇ ବଇଲେ, ମୁଇ ଜନ୍ଟା କଇଲିନି, ସେଟା କେନ୍ତୁ ବିସବାସ୍ କରସା ?”



**ଜିସୁ ପାର୍ ଅଜାର୍ ଲକ୍ମନକେ କୁଆଇଲା**

(ମାତିଉ ୧୪:୧୩-୨୧; ମାର୍କ ୬:୩୦-୪୪; ଲୁକ୍ ୯:୧୦-୧୭)

୧ ତାର୍ ପଟେ ଜିସୁ ଗାଲିଲି ଗାଡ୍ ସେପାଟେ ସେ ଗାଡ୍ କେ ଡିବିରିଆ ଗାଡ୍ ବଲି ମିସା କଇବାଇ, ସେ ଜାଗାଇ ଗାଲା । ୨ ଆରି ବେସି ଲକ୍ମନ ତାର୍ ପଟେ ପଟେ ଗାଲାଇ । କାଇକେ ବଇଲେ ସେ ରଗି ଲକ୍ମନକେ ତାର୍ କାବାଅଇଜିବା ବପୁ ସଙ୍ଗ୍ ନିମାନ୍ କରବାଟା ସେମନ୍ ଦେକି ରଇଲାଇ । ୩ ଜିସୁ ତାର୍ ସିସ୍ତମନ୍ ସଙ୍ଗ୍ ଗଟେକ୍ ଡଙ୍ଗର୍ ଉପରେ ଜାଇ ବସ୍ତଲା । ୪ ସେବେଲେ ଜିଉଦି ମନର୍ ନିସ୍ତାର୍ ପରବ୍ କେଟି ଆଇତେରଇଲା । ୫ ତାର୍ ଲଗେ ବେସି ଲକ୍ମନ ଆଇବାଟା ଦେକିକରି ଜିସୁ ପିଲିପ୍ କେ ପାଟାରୁଲା, “ଏତେକ୍ମାଣ୍ ଲକ୍ମନର୍ ପାଇ କନ୍ତୁଅନି ଜାଇ କାଦି ଗେନିଆନି ଅଇସି ?” ୬ ମାତର ପିଲିପ୍ କେ ପରିକା କରବାକେ ଜିସୁ ଏନ୍ତାରି ପାଟାରି ରଇଲା । କାଇକେ ବଇଲେ ଜିସୁ କାଲଟା କରବାକେ ଗାଲାନି ବଲି ସେ ନିଜେ ଜାନିରଇଲା ।

୭ ପିଲିପ୍ ଜିସୁକେ କଇଲା, “ଇତି ରଇଲା ସବୁ ଲକ୍ମନକେ ଦୁଇସ ତେଇ ଅନି ଅଦିକ୍ ରୁପାଟାଙ୍ଗାର୍ \*ରୁଟି ଗେନ୍ବାକେ ପଡ୍ସି ।” ୮ ତେଇ ଆନ୍ଦରିୟ ନାଉର୍ ଗଟେକ୍ ସିସ୍ ରଇଲା, ସେ ସିମନ୍ ପିତରର୍ ବାଇ । ସେ କଇଲା, “ଇତି ଗଟେକ୍ ପିଲାଟା ଟାନେ ପାର୍ଟା ରୁଟି ଆରି ଦୁଇଟା ବାଜିଲା ସାନ୍ ମାର୍ ଆଟେ । ୯ ମାତର ଏଡ୍ କି ଲକ୍ମନପାଇ ସେଟା ନ ଅଏ ।”

୧୦ ଜିସୁ ତାର୍ ସିସ୍ତମନ୍ କଇଲା, “ଲକ୍ମନକେ ଗାଁସ୍ ଉପରେ ବସାଆ ।” ସେ ପଡିଆଇ ବେସି ଗାଁସ୍ ରଇଲା । ଗାଁସ୍ ଉପରେ ସବୁଲକ୍ ବସିଲାଇ । ଆରି ତେଇ ଅବ୍ କା ମୁନୁସ୍ ପିଲାସେ ପାର୍ ଅଜାର୍ ଲକ୍ ରଇଲାଇ । ୧୧ ଜିସୁ ରୁଟି ଦାରି ପରମେସ୍ୱରକେ ଦନିଅବାଦ୍ ଦେଲା ଆରି ତେଇ ବସିରଇବା ଲକ୍ମନକେ ବାଟାକରି ଦେଲା । ସେନ୍ତିସେ ମାର୍ ମିସା ବାଟାକରି ଦେଲା । ତେଇ ସେମନ୍ କେ ପେଟ୍ ପୁରତେ କାଇବାକେ ମିଲିଲା । ୧୨ ସବୁ ଲକ୍ମନ ପେଟ୍ ପୁରତେ କାଇଲା ପଟେ, ଜିସୁ ତାର୍ ସିସ୍ତମନ୍ କଇଲା, “ଅଗଲ୍ଲା ମାର୍ ଆରି ରୁଟି ଗଟେକ୍ ଟାନେ ଟୁଲିଆଉ, ତେବେ କଣ୍ଟେକ୍ ମିସା ନସ୍ଟ ନ ଅଏ ।” ୧୩ ଲକ୍ମନ କାଇସାରାଇଲା ପଟେ, ସେ ପାର୍ଟା ରୁଟିଅନି ଜେଡ୍ କି ଅଗଲ୍ଲା, ସିସ୍ତମନ୍ ସେଟା ଟୁଲିଆଇ କରି ବାର୍ଟା ଡାଲାଇ ବର୍ତ୍ତି କଲାଇ । ୧୪ ଜିସୁ କଲା ଏ କାବାଅଇଜିବା କାମ୍ ଦେକିକରି ତେଇ ରଇଲା ଲକ୍ମନ କଇଲାଇ

☆ ୫:୩୩ ୫:୩୩ ଜଅନ୍ ୧:୧୯-୨୭; ୩:୨୭-୩୦ ☆ ୫:୩୭ ୫:୩୭ ମାତିଉ ୩:୧୭; ମାର୍କ ୧:୧୧; ଲୁକ୍ ୩:୨୨ \* ୬:୭ ୬:୭ ରୁପାଟାଙ୍ଗାର୍ ଗଟେକ୍ ରୁପାଟାଙ୍ଗାର୍ ମୁଲିଅ ଗଟେକ୍ ଦିନର୍ ଆଜିରି

“ଏ ଦୁନିଆଇ ପର୍ଯ୍ୟନ୍ତର ଜନ୍ ବସିବୁବକ୍ତା ଆଇବାର ରଇଲା, ସତଇସେ ଏ ଆକା ।” ୧୫ ସେଦାପରେସେ ଲକ୍ମନ୍ ଜିସୁକେ ରାଜା କରାଇବାକେ ତିଆର୍ ଅଇବାଟା ଜାନି, ତେଇଅନି ସେ ଗଟେକ୍ ଲକ୍ ଡଙ୍ଗର୍ ଉପରେ ଉଟିଗଲା ।

**ଜିସୁ ପାନି ଉପରେ ଇଣ୍ଟୁଲା**  
(ମାତିଉ ୧୪:୨୨-୨୭; ମାର୍କ ୬:୪୫-୫୨)

୧୬ ସେ ଦିନେ ସଞ୍ଜ ଅଇଗାଲାକେ ଜିସୁର୍ ସିସ୍ତମନ୍ ତେଇଅନି ଉଡ଼ିକରି ଗାଡେ ଗାଲାଇ । ୧୭ ସିସ୍ତମନ୍ ଡଙ୍ଗାଇ ବସି ଗାଡ଼ ସେପାଟେ ରଇଲା କପରନାଉମ୍ ଜାଗାଇ ବାଉଡ଼ବାର୍ ଦାରୁଲାଇ । ସେଡ଼କିବେଲେ ଆନ୍ଦାର ଅଇ ଆଇଡେ ରଇଲା । ମାତର୍ ସେ ବେଲା ଜାକ ଜିସୁ ତାକର୍ ଲଗେ ଆସି ନ ରଇଲା । ୧୮ ଆରି ତେଇ ବେସି ବାଉ ପବନ୍ ଅଇବାର୍ ଦାରୁଲାଜେ ଗାଡେ ବେସି ବଡ଼ ବଡ଼ ଲଅଡି ଅଇଡେ ରଇଲା । ୧୯ ସେମନ୍ ଚଟୁ ଗାଟି ଗାଟି ପାଁର୍ କି ଚଅ କିଲମିଟର୍ ଗାଲା ପଟେ, ଜିସୁ ପାନି ଉପରେ ଇଣ୍ଟି ଇଣ୍ଟି ଡଙ୍ଗା ଲଗେ ଆଇବାଟା ଦେକିକରି ସେମନ୍ ବେସି ଡରିଗାଲାଇ । ୨୦ ମାତର୍ ଜିସୁ ସେମନ୍‌କେ କଇଲା, “ତରାନାଇ, ଏଟା ମୁଇସେ ।” ୨୧ ଜିସୁ ଏ କାତା କଇଲା ପଟେ, ସିସ୍ତମନ୍ ତାକେ ବେସି ସାର୍ଦା ସଙ୍ଗ୍ ଡଙ୍ଗାଇ ଚଗାଇଲାଇ । ଆରି ସେମନ୍ ଜନ୍ ଜାଗାଇ ଜାଇଡେରଇଲାଇ, ସେ ଜାଗାଇ ଦାପରେ ଜାଇ କେଟୁଲାଇ ।

**ଲକ୍ମନ୍ ଜିସୁକେ କଇଲାଇ**

୨୨ ତାର୍ ଆରକର୍ ଦିନର୍ ସାକାଲେ, ଗାଡ଼ ସେପାଟେ ରଇଲା ଲକ୍ମନ୍ ଜାନିପାରୁଲାଇ ଜେ, ତେଇ ଗଟେକ୍‌ସେ ଡଙ୍ଗା ରଇଲା । ଆରି ସିସ୍ତମନ୍ ଜିସୁକେ ମିସ୍ତେ ତାକି ନ ନେଇ, ଡଙ୍ଗାଇ ବସି ମଜାଗାଡେ ଉଟିଗାଲାଇ ଆଡ଼ ବଲି । ସେମନ୍ ତାକେ ଚାଡ଼ିକରି ଜାଇରଇଲାଇ । ୨୩ ଜନ୍ ଜାଗାଇ ମାପୁରୁ ଜିସୁ ପାର୍ତନା କରି ଲକ୍ମନ୍‌କେ ରୁଟି କାଇବାକେ ଦେଇରଇଲା, ସେ ଜାଗା ଲଗେ ତିବିରିଆ ଗାଡେଅନି ଆରି କେଡେଟା ଡଙ୍ଗା ଆସି କେଟୁଲା । ୨୪ ସେ ଜାଗାଇ ଲକ୍ମନ୍ ଜିସୁକେ ଆରି ତାର୍ ସିସ୍ତମନ୍‌କେ ବେଟ୍ ନ ଅଇଲାକେ, ଡଙ୍ଗାମନ୍‌କେ ଚଗି ତାକେ କଜି କଜି କପରନାଉମ୍ ଜାଗାବାଟେ ଜିବାକେ ବାରଇଲାଇ ।

**ଜିସୁ ଅଇଲାନି ଜିବନ୍‌ର କାଦି**

୨୫ ଲକ୍ମନ୍ ଜିସୁକେ ଗାଡ଼ ସେପାଟେ ବେଟ୍‌ଅଇକରି ପାଚାରୁଲାଇ, “ଏ ଗୁରୁ ତମେ ଇଡି କେଡେବଲ୍ ଆସି କେଟୁଲାସ୍ ?” ୨୬ ଜିସୁ ସେମନ୍‌କେ କଇଲା, ମୁଇ ତମ୍‌କେ ସଡ଼ କଇଲିନି, ମୁଇ କିରିରଇବା କାବାଅଇଜିବା କାମ୍ ବୁଜିକରି ମକେ କଜାସ୍ ନାଇ । ମାତର୍ ତମେ ପେଟ୍ ପୁରୁଡେ ରୁଟି କାଇରଇଲାସ୍ ବଲି ଆସିଆଗାସ୍ । ୨୭ ଜନ୍ କାଦି ନସିଜାଇସି, ସେ କାଦିର୍ ପାଇ ଏଡେକ୍ କସ୍ଟ କରାନାଇ, ମାତର୍ ଜନ୍‌ଟା ନ ନସେ, ସେଟା ନ ସାର୍‌ବା ଜିବନ୍ ଦେଇସି, ସେଟାର୍ ପାଇ କସ୍ଟ କରା । ଏ କାଦି ନର୍ପିଲା ମୁଇ ଦେବି । କାଇକେ ବଇଲେ, ସେଟାର୍‌ପାଇ ବାବା ପର୍ଯ୍ୟନ୍ତ ମକେ ଅଦିକାର୍ ଦେଲାଆଟେ ।

୨୮ ସେବେଲେ ଲକ୍ମନ୍ ଜିସୁକେ ପାଚାରୁଲାଇ, “ଜନ୍‌ଟା ପର୍ଯ୍ୟନ୍ତ ମନ୍ କଲାନି, ସେଟା ଆମେ କର୍‌ବାର୍ ଆଲେ କାଇଟା କର୍‌ବାର୍ ଆଟେ ?”

୨୯ ଜିସୁ ସେମନ୍‌କେ କଇଲା, “ଜାକେ ପର୍ଯ୍ୟନ୍ତ ପାଚାଇଲା ଆଟେ, ତାକେ ତମେ ବିସ୍‌ବାସ୍ କଲେ ସେଟା କିପାରାସ୍ ।”

୩୦ ସେବେଲା ସେମନ୍ ଜିସୁକେ ପାଚାରୁଲାଇ, “ଏଡ଼ି ବଇଲେ ଆମେ ଜେଡ଼ି ବିସ୍‌ବାସ୍ କର୍‌ବୁ, ସେଟାର୍ ପାଇ ଆମ୍‌କେ କାଇଆଲେ କାବାଅଇଜିବା କାମ୍ କରି ଦେକାଇପାରୁସ୍ କି ? କ କାଇଟା କିପାରୁସ୍ ?” ୩୧ ଆରି ସେମନ୍ କଇଲାଇ, “ଆମର୍ ଆନିଦାଦିମନ୍ ମରୁବାଲି ବୁର୍‌ ମାନା କାଦି କାଇରଇଲାଇ, ସେଟା ଆମର୍ ଦରମ୍ ସାସ୍‌ତର୍ ଇସାବେ ପର୍ଯ୍ୟନ୍ତ ସେମନ୍‌କେ ସର୍‌ଗେ ଅନି ଦେଇରଇଲା ।”

୩୨ ଜିସୁ ସେମନ୍‌କେ କଇଲା, “ମୁଇ ତମ୍‌କେ ସଡ଼ କଇଲିନି, ଜନ୍‌ଟା ମସା ତମ୍‌କେ ଦେଇରଇଲା, ସେଟା ସର୍‌ଗେଅନି ଆସିରଇଲା କାଦି ନର୍‌ । ମାତର୍ ମର୍ ବାବା ତମ୍‌କେ ସର୍‌ଗେଅନି ସଡ଼ କାଦି ଦେଇସି । ୩୩ ପର୍ଯ୍ୟନ୍ତ କାଦି ଅଇଲାନି ଗଟେକ୍ ଲକ୍ ଜେ କି ନ ସାର୍‌ବା ଜିବନ୍ ଦେବାକେ ସର୍‌ଗେଅନି ଦୁନିଆଇ ଆସିରଇଲା” ବଲି କଇଲା ।

୩୪ ଲକ୍ମନ୍ ଜିସୁକେ କଇଲା, “ଆଗିଆଁ ସବୁବେଲେ ଆମ୍‌କେ ଏ କାଦି ଦିଆ ।”

୩୫ ତାର୍ ପଟେ ଜିସୁ ସେମନ୍‌କେ କଇଲା, “ମୁଇ ସେ ଜିବନ୍‌ର କାଦି । ଜନ୍ ଲକ୍ ମର୍ ଲଗେ ଆଇସି, ସେ କେବେ ମିସା ବୁକେ ନ ରଏ । ଆରି କେ ମକେ ବିସ୍‌ବାସ୍ କର୍‌ସି ତାକେ କେବେ ମିସା ସସ୍ ନ ଲାଗେ । ୩୬ ମୁଇ ତମ୍‌କେ କଇଲିନି, ତମେ ମକେ ଦେକିକରି ମିସା ବିସ୍‌ବାସ୍ କରାସ୍‌ନାଇ । ୩୭ ମର୍ ବାବା ପର୍ଯ୍ୟନ୍ତ ଜନ୍ ଲକ୍ମନ୍‌କେ ମକେ ଦେଲା ଆଟେ, ସେ ଲକ୍ମନ୍ ମର୍ ଲଗେ ଆଇବାଇ । ଆରି ମର୍ ଲଗେ ଆଇବା ଲକ୍ମନ୍‌କେ କେବେ ମିସା ନ ବାଉଡ଼ାଇ । ୩୮ କାଇକେବଇଲେ ମୁଇ ନିଜେ ମନ୍ କଲାଟା ପୁରାପୁରୁନ୍ କର୍‌ବାକେ ଆସି ନାଇ, ମାତର୍ ମକେ ପାଚାଇରଇବା ପର୍ଯ୍ୟନ୍ତ ମନ୍‌କଲାଟା ପୁରାପୁରୁନ୍ କର୍‌ବାକେ ସର୍‌ଗେଅନି ଆସିଆଟି । ୩୯ ଜନ୍ ଲକ୍ମନ୍‌କେ ସେ ମକେ ଦେଲାଆଟେ, ସେମନ୍ ବିଡ଼ରେଅନି ମୁଇ ଗଟେକ୍ ଲକ୍‌କେ ମିସା ନ ଆଜାଇ । ସାରାସାରି ଦିନେ ସେ ସବୁ ଲକ୍‌କେ ଆରିତରେକ୍ ଜିବନ୍ କରି ଉଟାଇବି । ଏଟା ଆକା ସେ ମନ୍ କର୍‌ବାଟା । ୪୦ ପର୍ଯ୍ୟନ୍ତ ପିଲା ମୁଇ କେ କେ ମକେ ଦେକ୍‌ବାଇ ଆରି ବିସ୍‌ବାସ୍ କର୍‌ବାଇ, ସେମନ୍ ନ ସାର୍‌ବା ଜିବନ୍ ପାଇବାର୍ ଆଟେ ବଲି ପର୍ଯ୍ୟନ୍ତ ମନ୍ କଲାନି । ଆରି

ମୁଇ ସେମନ୍‌କେ ସାରାସାରି ଦିନେ ମଲାଟାନେଅନି ଜିବନ୍ ଅଇକରି ଉଟାଇ ଦେବାର୍ ଆଚେ ବଲି ମିସା ପର୍‌ମେସର୍ ମନ୍ କଲାନି” ବଲି କଇଲା ।

୪୧ ଏଟା ସୁନିକରି ଜିଉଦି ନେତାମନ୍ ଜିସୁର୍ ବିରଦେ ସେମନ୍‌ର୍ ବିତ୍‌ରେ ଦଦାପେଲା ଅଇଲା । କାଇକେ ବଇଲେ, ଜିସୁ ମୁଇ ସର୍‌ଗେ ଅନି ଆସିରଇବା କାଦି ବଲି କଇଲାର୍ ପାଇ ସେମନ୍ ଏନ୍ତି ଅଇଲା । ୪୨ ସେମନ୍ କଇଲା “ଏଟା ଜସେପର୍ ପିଲା ଜିସୁ ନଏଁ କି ? ଆମେ ତାର୍ ଆୟା ବାବାକେ ଜାନି ଆରୁ । ସେ କେନ୍ତି ‘ମୁଇ ସର୍‌ଗେଅନି ଆସିଆତି’ ବଲି କଇଲାନି ?”

୪୩ ଜିସୁ ସେମନ୍‌କେ କଇଲା, ତମେ ଦଦାପେଲା ଉଆନାଇ, ଚିମ୍‌ରାଇଅଇ ରୁଆ । ୪୪ ମକେ ପାଟାଇରଇବା ପର୍‌ମେସର୍ ମର୍ ଲଗେ ଡାକି ନ ଆନଲେ, କେ ମିସା ମର୍ ଲଗେ ଆସିନାପାରତ୍ । ଆରି ଜେ ଜେ ଆଇବାଇ, ସେମନ୍‌କେ ମୁଇ ସାରାସାରି ଦିନେ ମଲାଟାନେଅନି ଜିବନ୍ କରି ଉଟାଇବି । ୪୫ ବବିସତ୍‌ବକ୍‌ତାମନ୍ ଦରମ୍ ସାସ୍‌ତରେ ଲେକିଆତ୍‌ତ୍, ପର୍‌ମେସର୍‌ଟାନେଅନିସେ ସବୁଲକ୍ ସିକ୍‌ବାଇ । କେ ମିସା ବାବାର୍ କାତା ସୁନି ତାର୍ ସିକିଆ ପାଇସି, ସେ ମର୍‌ଲଗେ ଆଇସି । ୪୬ କେ ମିସା ବାବାକେ ଦେକନ୍‌ନାଇ । ମୁଇ ପର୍‌ମେସର୍‌ର୍ ତେଇଅନି ଆସିଆଚେ, ମୁଇସେ ବାବାକେ ଦେକିଆତି । ୪୭ ମୁଇ ତମକେ ସତ୍ କଇଲିନି, ଜନ୍ ଲକ୍ ମକେ ବିସ୍‌ବାସ୍ କରସି, ସେ ନ ସାର୍‌ବା ଜିବନ୍ ପାଇସି । ୪୮ ଉଁ, ମୁଇସେ ଜିବନ୍ ଦେବା କାଦି । ୪୯ ତମର୍ ଆନିଦାଦିମନ୍ ମରୁବାଲିରୁଏଁ ମାନା କାଦି କାଇରଇଲା, ଏଲେମିସା ସେମନ୍ ମଲା । ୫୦ ମାତର୍ ଜନ୍ କାଦି ସର୍‌ଗେଅନି ଆଇସି, ସେଟା ଜେ କାଇଲେ ମିସା, ନ ମରତ୍ ।

୫୧ ମୁଇସେ ସର୍‌ଗେଅନି ଆଇଲା ଜିବନ୍ ଦେବା କାଦି । ଏ କାଦି କାଇଲା ଲକ୍‌ମନ୍ ସବୁ ଦିନର୍ ପାଇ ବଠି ରଇବାଇ । ଏ କାଦି ଅଇଲାନି ମର୍ ଗାଗତ୍ । ଏ ଦୁନିଆର୍ ଲକ୍‌ମନ୍ କାଲ୍‌କାଲ୍ ଜୁଗ୍‌ଜୁଗ୍ ବଠି ରଇବାକେ ମର୍‌ଗାଗତ୍ ଦେବି ବଲି କଇଲା ।

୫୨ ଜିସୁ କଇଲା କାତା ସୁନି ଜିଉଦି ନେତାମନ୍ ରିସାଅଇ ଆଉଲିଅଇକରି “ଏ ଲକ୍ କେନ୍ତି ନିଜର୍ ଗାଗତ୍ ଆମ୍‌କେ କାଇବାକେ ଦେଇ ପାରେ ?” ବଲି ଦଦାପେଲା ଅଇ କଇଲା ।

୫୩ ଜିସୁ ସେମନ୍‌କେ କଇଲା, “ମୁଇ ସତ୍‌କାତା କଇଲିନି, ପର୍‌ମେସର୍ ପାଟାଇ ରଇବା ନର୍‌ପିଲା ମୁଇ, ମର୍ ଗାଗତ୍ ଆରି ବନି ନ କାଇଲେ, ଜିବନ୍ ମିଲାଇ ନାପାରାସ୍ । ୫୪ ମାତର୍ ଜନ୍ ଲକ୍ ମର୍ ଗାଗତ୍ ଆରି ବନି କାଇସି ସେ ନ ସାର୍‌ବା ଜିବନ୍ ପାଇସି । ମୁଇ ସେ ଲକ୍‌କେ ସାରାସାରି ଦିନେ ମଲାଟାନେଅନି ଉଟାଇବି । ୫୫ କାଇକେବଇଲେ, ମର୍ ଗାଗତ୍ ଅଇଲାନି ସତ୍ କାଦି ଆରି ମର୍ ବନି ଅଇଲାନି ସତ୍ ପାନି । ୫୬ ଜନ୍ ଲକ୍ ମର୍ ଗାଗତ୍ ଆରି ବନି କାଇସି, ସେ ମର୍‌ଟାନେ ରଇସି ଆରି ମୁଇ ତାର୍‌ଟାନେ ରଇବି । ୫୭ ଜିବନ୍ ରଇବା ବାବା ମକେ ପାଟାଇଆଚେ, ଆରି ତାର୍‌ଲାଗି ମୁଇ ବଠିଆତି । ସେନ୍ତାରିସେ ଜେ ମକେ କାଇସି, ମର୍‌ଲାଗି ବଠିରଇସି । ୫୮ ଏଟାସେ ସର୍‌ଗେଅନି ଆସିରଇବା କାଦି । ଜନ୍ କାଦି ତମର୍ ଆନିଦାଦିମନ୍ କାଇକରି ପଚେ ମଲା, ଏଟା ସେନ୍ତାରି କାଦି ନଏଁ । ଏ କାଦି ଜେ କାଇସି ସେ କାଲ୍‌କାଲ୍ ଜୁଗ୍‌ଜୁଗ୍ ବଠିରଇସି ।”

୫୯ ଜିସୁ କପର୍‌ନାଉମେ ଜିଉଦିମନ୍‌ର୍ ପାର୍‌ତନା ଗରେ ସିକିଆ ଦେବାବେଲେ ଏ ସବୁ କାତା କଇରଇଲା ।

**ନ ସର୍‌ବା ଜିବନ୍‌ର୍ ବାକିଅ**

୬୦ ଜିସୁର୍ ସିସ୍‌ମନ୍‌ର୍ ବିତ୍‌ରେ ଅନି କେତେକ୍ ଲକ୍ ଏ କାତା ସୁନିକରି କଇଲା, “ଏ ସିକିଆ ମୁଲ୍‌କେ ବୁଜି ନଇଲାନି । ସେଟାର୍‌ପାଇ କେ ଏଟା ନାମ୍‌ସି ?”

୬୧ ଜିସୁକେ ଏ ବିସଇ ନେଇକରି କେ କାଇବଲି ନ କଇରଇଲେ ମିସା, ସିସ୍‌ମନ୍ କୁଆବଲା ଅଇଲାଇନି ବଲି ଜାନିକରି, ସେ ସେମନ୍‌କେ କଇଲା, “ତମେ ଏ କାତା ସୁନି ମନ୍‌ଦୁକ୍ କଲାସ୍‌ନି କି ? ୬୨ ଏନ୍ତି ବଇଲେ, ନର୍‌ପିଲା ମୁଇ ଜନ୍ ଜାଗାଇଅନି ଆସିରଇଲି, ସେ ଜାଗାଇ ଆରି ତରେକ୍ ବାଉଡି ଜିବାଟା ଦେକ୍‌ଲେ ତମେ କାଇଟା ବଲି କଇସା ? ୬୩ ପର୍‌ମେସର୍‌ର୍ ଆଡ୍‌ମାସେ ଜିବନ୍ ଦେଇପାରେ । ମୁନୁସର୍ ବପୁ କାଇଟା କରିନାପାରେ । ପର୍‌ମେସର୍‌ର୍ ଜିବନ୍ ଦେବା ଆଡ୍‌ମା ତମେ ଜେନ୍ତାରିକି ଜାନି ପାରସା ? ସେଟାର୍‌ପାଇ ମୁଇ ଏ କାତା କଇଲିଆତି । ୬୪ ମାତର୍ ତମର୍ ବିତ୍‌ରେଅନି କେତେକ୍ ଲକ୍‌ମନ୍ ମକେ ବିସ୍‌ବାସ୍ କରାସ୍ ନାଇ ।” କାଇକେବଇଲେ ବିସ୍‌ବାସ୍ ନ କର୍‌ବା ଲକ୍‌ମନ୍‌କେ ଜିସୁ ଆଗେଅନି ଜାନିରଇଲା । ଆରି ପଚେ ଜନ୍ ଲକ୍ ତାକେ ସତ୍‌ରୁକେ ସର୍‌ପି ଦେଇସି, ତାକେ ମିସା ଜାନି ରଇଲା । ୬୫ ଆରି ଜିସୁ କଇଲା, “ସେଟାର୍‌ ପାଇସେ ମୁଇ ତମକେ କଇଲିନି, ଜଦି ବାବା ନ ପାଟାଇଲେ, କେ ମିସା ମର୍ ଲଗେ ଆସିନାପାରେ ।” ୬୬ ଜିସୁ ଏ କାତା କଇଲାକେ ତାର୍ ସଙ୍ଗ୍ ଜାଇତେରଇବା ଲକ୍‌ମନ୍‌ର୍‌ତେଇଅନି ବେସିଲକ୍ ତାର୍ ସଙ୍ଗ୍ ଜିବାକେ ମନ୍ ନ କରି ଚାଡି ଉଟିଗାଲା । ୬୭ ସେବେଲେ ଜିସୁ ତାର୍ ବାର୍‌ଟା ସିସ୍‌ମନ୍‌କେ ପାଟାରୁଲା, “ତମେ ମିସା ମକେ ଚାଡିକରି ଉଟିଜିବାକେ ମନ୍ କଲାସ୍‌ନି କି ?” ୬୮ ସିସ୍‌ମନ୍ ପିତର୍ ତାକେ କଇଲା, “ମାପୁର୍ ତମକେ ଚାଡି ଆମେ କାର୍‌ଲଗେ ଜିରୁ ? ତମର୍‌ଟାନେତା ନ ସାର୍‌ବା ଜିବନ୍‌ର୍ ବାକିଅ ଆଚେ । ୬୯ ତମେତା ପର୍‌ମେସର୍‌ର୍ ଟାନେଅନି ଆଇଲା ସୁକଲ୍ ଲକ୍ ବଲି, ଏବେ ଆମେ ବିସ୍‌ବାସ୍ କରି ଜାନ୍‌ଲୁ ।” ୭୦ ଜିସୁ ସେମନ୍‌କେ କଇଲା, “ମୁଇ କାଇ ତମକେ ବାର ଲକ୍‌କେ ବାଟି ନାଇ କି ? ଏଲେମିସା ତମର୍ ବିତ୍‌ରେଅନି ଗଟେକ୍ ଲକ୍ ସଇତାନର୍ ।” ୭୧ ଇସ୍କାରିୟତ୍‌ର୍ ପିଲା ଜିଉଦାକେ ଦେକାଇକରି ସେ ଏନ୍ତି କଇରଇଲା ।

☆ ୭:୨୮ ୭:୨୮ ମାଡିଉ ୧୭:୧୭; ମାର୍‌କ ୮:୨୯; ଲୁକ୍ ୯:୨୦



କାଈକେ ବଈଲେ ବାର୍ତ୍ତା ସିସ୍ତାମନ୍ ବିତ୍ତରେ ଅନି ଜିଉଦା ଗଟେକ୍ ଲକ୍ ଅଈମିସା, ଜିସୁକେ ବିସ୍ତାସେ ବିସ୍ ଦେଲାପାରା ସତ୍ତରୁମନ୍କେ ସର୍ପି ଦେବାକେ ମନ୍ କର୍ତ୍ତେ ରଈଲା ।



**ଜିସୁ ଆରି ତାର୍ ବାଈମନ୍**

<sup>୧</sup> ତାର୍ ପଟେ ଜିସୁ ଗାଲିଲି ବାଟେ ବୁଲୁବାର୍ ଗାଲା । ସେ ଜିଉଦା ଦେସେ ଜିବାକେ ମନ୍ କରେନାଈ । କାଈକେ ବଈଲେ ଜିଉଦି ନେତାମନ୍ ତାକେ ମରାଈବାକେ ଚେସ୍ଟା କର୍ତ୍ତେ ରଈଲାଟା, ସେ ଜାନି ରଈଲା । <sup>୨</sup> ସେ ବେଲେ ଜିଉଦିମନ୍ ଗଟେକ୍ କୁଡିଆ ପରବ୍ ଲଗେ କେଟି ରଈଲା । <sup>୩</sup> ସେଟାର୍ପାଇ ଜିସୁର୍ ବାଈମନ୍ ତାକେ କଈଲାଈ, “ତୁଈ ଏ ଜାଗା ଚାଡିକରି ଜିଉଦା ଦେସେ ପରବ୍ କାଈବାର୍ ଜା, ତେବେ ତୁଈ କର୍ତ୍ତା କାବାଅଈଜିବା କାମ୍ ମନ୍ ତର୍ ସିସ୍ତାମନ୍ ଦେକି ପାରତ୍ ।” <sup>୪</sup> ଜେ ତାକ୍ପୁଟା ବଲି ଜାନାଈ ଅଈବାକେ ମନ୍କଲାନି, ସେ ନିଜର୍ କାମ୍ ଲୁଚାଈକରି ନ ସଈଈ ରଏ । ଜେତେବେଲା ତମେ ଏସର୍ କରପାରୁଲାସ୍ତନି ବଈଲେ, ଦୁନିଆର୍ ସର୍ବୁଲକ୍ ତମ୍କେ ଜାନୁବାଈ । <sup>୫</sup> କାଈକେ ବଈଲେ ଜିସୁର୍ ନିଜର୍ ବାଈମନ୍ ମିସା ତାକେ ବିସ୍ତାସ୍ ନ କର୍ତ୍ତେ ରଈଲାଈ ।

<sup>୬</sup> ଜିସୁ ତାର୍ ବାଈମନ୍କେ କଈଲା, “ଏବେ ଜାକ ମର୍ ସମାନ୍ ବେଲା ଆସେ ନାଈତା । ମାତର୍ ତମର୍ପାଇ ସର୍ବୁ ବେଲା ସମାନ୍ସେ । <sup>୭</sup> ଏ ଦୁନିଆର୍ ଲକ୍ମନ୍ ତମ୍କେ ଗିନ୍ ନ କରତ୍, ମାତର୍ ମକେ ଗିନ୍ କର୍ତ୍ତାଈ । କାଈକେ ବଈଲେ ସେମନ୍ କର୍ତ୍ତା କାମ୍ ମନ୍ କାରାପ୍ ବଲି ମୁଈ ଜାନାଈଲିନି । <sup>୮</sup> ତମେ ପରବ୍ କର୍ତ୍ତାକେ ଜାଆ, ମୁଈ ଜାଈ ନାପାରି । କାଈକେ ବଈଲେ ଏବେ ଜାକ ମର୍ ସମାନ୍ ବେଲା ଆସେ ନାଈତା ।” <sup>୯</sup> ଜିସୁ ସେମନ୍କେ ଏ ସର୍ବୁ କାତା କଈକରି ଗାଲିଲିତେଈସେ ରଈଗାଲା ।

**କୁଡିଆ ପରବ୍ଟାନେ ଜିସୁ**

<sup>୧୦</sup> ତାର୍ ବାଈମନ୍ ପରବ୍ ଟାନେ ଗାଲାପଟେ, ଜିସୁ ମିସା ତେଈ ଗାଲା । ସେ ସର୍ବୁଲକ୍ ଦେକ୍ଲାପାରା ନ ଜାଈକରି ଲୁଚ୍ତେ ଗାଲା । <sup>୧୧</sup> ତେବେ ପରବ୍ତେଈ ଜିଉଦି ନେତାମନ୍, “ଜିସୁ କନ୍ତ୍ର ଆଟେ ?” ବଲି ପାଚାରି ପାଚାରି କଈଲାଈ ।

<sup>୧୨</sup> ତେଈ ରଈଲା ବେସି ଲକ୍ମନ୍ ନିଜର୍ ନିଜର୍ ବିତ୍ତରେ ଜିସୁର୍ ବିସଈ କାତା ଅଈତେ ରଈଲାଈ । କେତେ ଲକ୍ ଜିସୁ ବେସି ନିକ ଲକ୍, ବଲି କଈତେ ରଈଲାଈ ମାତର୍ ଆରି ଅଦେକ୍ ଲକ୍ମନ୍ ତାକେ ନାଈ, ସେ ଲକ୍ମନ୍କେ ବୁଲ୍ ସିକିଆ ଦେଲାନି, ବଲି କଈତେ ରଈଲାଈ । <sup>୧୩</sup> ମାତର୍ ଜିଉଦି ନେତାମନ୍କେ ଡରିକରି କେ ମିସା ଜିସୁର୍ ବିସଈ ସର୍ବୁଲକ୍ ଜାନତେ ସର୍ବୁର୍ ମୁଆଁଟେ କଅଡ୍ ନାଈ ।

<sup>୧୪</sup> ଆରି ପରବ୍ ଅଦାଅଦି ସାରିଗାଲା ପଟେ, ଜିସୁ ମାନ୍ଦିର୍ ବିତ୍ତରେ ଜାଈକରି ଲକ୍ମନ୍କେ ସିକିଆ ଦେବାର୍ ଦାରଲା । <sup>୧୫</sup> ତେଈ ଜିଉଦି ନେତାମନ୍ କାବାଅଈଜାଈ କରି କଈଲାଈ, “ଏ ଲକ୍ ପାଟ୍ ନ ପଡି ମିସା କେନ୍ତ୍ର ଏଡକି ବିସଈ ଜାନିଆଟେ ?”

<sup>୧୬</sup> ଜିସୁ ସେମନ୍କେ କଈଲା, “ମୁଈ ସିକାଈଦେବା ଏ ସିକିଆ ମର୍ ନିଜର୍ଟାନେ ଅନି ନଏଁ, ମାତର୍ ମକେ ପାଟାଈରଈବା ପର୍ମେସରର୍ ତେଈଅନି ଆସିଆଟେ । <sup>୧୭</sup> ଜେ ଜଦି ପର୍ମେସର୍ ମନ୍କଲାଟା ପୁରୁନ୍ କର୍ତ୍ତାକେ ମନ୍ କର୍ତ୍ତା ବଈଲେ ସେ ଜାନିପାରସି, ମୁଈ ଦେଈତେରଈବା ସିକିଆ ପର୍ମେସରର୍ ଟାନେ ଅନି ଆଈଲାନି କି ସେଟା ମର୍ ନିଜର୍ ବପୁର୍ ସଈ କଲିନି ବଲି । <sup>୧୮</sup> ଜନ୍ ଲକ୍ ନିଜର୍ ଅଦିକାରେଅନି କାତା କଈସି ସେ ନିଜେ ମଈମା ପାଇ ଅଈବାକେ କଈସି । ମାତର୍ ଜନ୍ଲକ୍ ମକେ ପାଟାଈଲା ଲକ୍ ସମ୍ମାନ୍ ପାଅ ବଲି ମନ୍ କର୍ତ୍ତା ବଈଲେ, ସେ ମିଟ୍ ନ କଈ ସତ୍ କାତା କଈସି । ଆରି ତାର୍ଟାନେ କାଈ ବୁଲ୍ ବିସଈ ନ ରଏ । <sup>୧୯</sup> ମସା ତମ୍କେ ନିୟମ୍ ଦେଲା ଆଟେ, ଏଟା ସତ୍ । ମାତର୍ ତମର୍ ବିତ୍ତରେ କେ ମିସା ଏ ନିୟମ୍ ମାନାସ୍ ନାଈ । ତମେ କାଈକେ ମକେ ମରାଈବାକେ ଚେସ୍ଟା କଲାସ୍ତନି ?”

<sup>୨୦</sup> ଲକ୍ମନ୍ ତାକେ କଈଲାଈ, “ତକେ ତୁମା ଦାରଲା ଆଟେ । କେ ତକେ ମରାଈବାକେ ଚେସ୍ଟା କଲାନି ?”

<sup>୨୧</sup> ଜିସୁ ସେମନ୍କେ କଈଲା, “ମୁଈ ଗଟେକ୍ ଚକିଡ୍ ଅଈଜିବା କାମ୍ କଲି, ସେଟା ଦେକି ତମେ କାବା ଅଈଗାଲାସ୍ । <sup>୨୨</sup> ‘ତମର୍ ପିଲାଜିଲାମନ୍କେ ସୁନତ୍ କରାଆ’ ବଲି ମସା ଆଦେସ୍ ଦେଈରଈଲା । ଅଈଲେମିସା ମସା ଏ ନିୟମ୍ ଆରାମ୍ କରି ନ ରଈଲା । ତମର୍ ଆନିଦାଦିମନ୍ ବେଲେଅନି ଏଟା ଚଲିଆଈତେରଈଲା ଆରି ତମର୍ ପିଲାମନ୍କେ ବିସ୍ତାମ୍ବାରେ ସୁନତ୍ କରାଈଲାସ୍ତନି । <sup>୨୩</sup> ଜଦି ବିସ୍ତାମ୍ବାରେ ଗଟେକ୍ ପିଲାକେ ସୁନତ୍ କରାଈବାକେ ମସାର୍ ନିୟମ୍ ମାନାସ୍ ନାଈ, ମୁଈ ଜଦି ବିସ୍ତାମ୍ବାରେ ଗଟେକ୍ ଲକ୍କେ ପୁରାପୁରୁନ୍ ନିକ କଲେ, କାଈକେ ରିସା ଅଈଗାଲାସ୍ତନି ? <sup>୨୪</sup> ବାଈରର୍ ବିସଈ ଦେକିକରି କାଈ ବିଚାର୍ କରାନାଈ । ଜନ୍ଟା ଟିକ୍, ସେ ଈସାବେ ବିଚାର୍ କରା ।”

**ଜିସୁ କାଈ ମସିଅ କି ?**

<sup>୨୫</sup> ଜିରୁସାଲାମର୍ କେତେକ୍ ଲକ୍ କଈଲାଈ, “ସେ ଜିଉଦି ନେତାମନ୍ ଜନ୍ ଲକ୍କେ ମରାଈବାକେ ଚେସ୍ଟା କଲାଈନି, ଏ କାଈ ସେ ଲକ୍ ନଏଁ କି ? <sup>୨୬</sup> ଦେକା, ସର୍ବୁଲକ୍ଟାନେ ଏଡକି ସର୍ବୁ କଈପାକାଈଲାନି, ମାତର୍ ତାକେ ର ବଲିକରି କେ ମିସା ପଦେକ୍ କଅଡ୍ନାଈ । ସତଈସେ ଏ ପର୍ମେସର୍ ପାଟାଈଲା ମସିଅ ବଲି ନେତାମନ୍ ଜାନିଆଟଡ୍ କି ?

☆ ୭:୨୩ ୭:୨୩ ଜଅନ୍ ୫:୯

୨୭ ଜେତେବେଳେ ପର୍ଯ୍ୟେସର୍ ପାଟାଇଲା ମସିଅ ଆଇସି, ସେଡ଼କିବେଳେ ସେ କନ୍ତି ଅନି ଆସିଆଚେ ବଲି କେ ମିସା ନାଜାନଡ଼ । ମାତର୍ ଏ ଲକ୍ କନ୍ତିଅନି ଆସିଆଚେ, ସେଟା ଆମେ ସବୁ ଜାନୁ ।”

୨୮ ଜିସୁ ମନ୍ଦିରେ ସିକିଆ ଦେବାବେଳେ ବେସି ଆଉଲିଅଇ କଇଲା, “ଉଁ ତମେ ମକେ ନିକ ସଙ୍ଗ୍ ଜାନିଆଚାସ୍ । ସତଇସେ ମୁଇ କେ ଆରି କନ୍ତିଅନି ଆସିଆଚି ଜାନିଆଚାସ୍ କି ? ମାତର୍ ମୁଇ ମର୍ ନିଜର୍ ଅଦିକାରେ ଆସିନାଇ, ମକେ ଜେ ପାଟାଇ ଆଚେ ସେ ସଡ଼ । ତମେ ତାକେ ନାଜାନାସ୍ । ୨୯ ମାତର୍ ମୁଇ ତାକେ ଜାନି ଆଚି । କାଇକେ ବଇଲେ ମୁଇ ତାର୍ତେଇଅନି ଆଇଲି ଆଚି ଆରି ସେ ମକେ ପାଟାଇଲା ଆଚେ ।”

୩୦ ଜିସୁ ଏ କାତା କଇବାବେଳେ, ସେମନ୍ ସୁନିକରି ତାକେ ଦାର୍ବାକେ ଚେସ୍ଟା କଲାଇ । ମାତର୍ କେ ମିସା ଚିଇ ନାପାରଲାଇ । କାଇକେ ବଇଲେ ସେଡ଼କି ବେଲା ଜାକ ତାର୍ ବେଲା କେଟି ନ ରଇଲା । ୩୧ ମାତର୍ ତେଇ ରଇଲା ଲକ୍ମନର୍ ବିଡ଼ରେଅନି କେତେକ୍ ଲକ୍ ଜିସୁକେ ବିସବାସ୍ କରି କଇଲାଇ, “ମସିଅ ଆଇଲେ ଆର୍ଗାନେଅନି ସେ କାଇ ଅଦିକ୍ କାବା ଅଇଜିବା କାମ୍ କର୍ସି କି ? ନାଇ ନ କରେ ।”

**ଜିସୁକେ ବନ୍ଦି କର୍ବାକେ ଚେସ୍ଟା କଲାଇ**

୩୨ ଲକ୍ମନ ଜିସୁର୍ ବିସଇ ତାକର୍ ବିଡ଼ରେ ଏନ୍ତାରି କାତା ଅଇତେ ରଇଲାଟା ପାରୁସି ଦଲର୍ କେତେକ୍ ଲକ୍ମନ ସୁନ୍ଲାଇ । ତେବେ ମୁକିଅ ପୁଜାରିମନ୍ ଆରି ପାରୁସି ଲକ୍ମନ ଜିସୁକେ ବନ୍ଦି କର୍ବାକେ କେତେଟା ମନ୍ଦିର୍ ଜାଗୁଆଲ୍ମନକେ ପାଟାଇଲାଇ । ୩୩ ପଚେ ଜିସୁ କଇଲା, “ମୁଇ ଚନେକ୍ସେ ତମର୍ ସଙ୍ଗ୍ ରଇବି । ତାର୍ ପଚେ ମକେ ଜେ ପାଟାଇଲା ଆଚେ, ତାର୍ ଲଗେ ବାଉଡ଼ି ଜିବି । ୩୪ ତମେ ମକେ କଜ୍ସା, ମାତର୍ ବେଟ୍ ନ ଉଆସ୍ । ଆରି ମୁଇ ଜନ୍ ଜାଗାଇ ରଇବି, ସେ ଜାଗାଇ ତମେ ଆସି ନାପାରାସ୍ ।”

୩୫ ଜିଉଦି ନେତାମନ୍ ନିଜର୍ ନିଜର୍ ବିଡ଼ରେ କାତା ଅଇଲାଇ “ଏନ୍ତି ବଇଲେ ଏ ଲକ୍ କନ୍ତି ଜାଇସିଜେ ଆମେ ତାକେ କଜି ନାପାରୁ । ସେ କାଇ ଗିରିକ୍ ନଅରେ ଜାଇକରି ଏନେ ତେନେ ଅଇରଇବା ଆମର୍ ଲକ୍ମନକେ ସିକିଆ ଦେଇସି କି ? ୩୬ ସେ କଇଲାନ୍ତି, ତମେ ମକେ କଜ୍ସା ମାତର୍ ବେଟ୍ ଅଇ ନାପାର୍ସା ବଲି । ଆରି ଏନ୍ତି ମିସା କଇଲାନ୍ତି, ‘ମୁଇ ଜନ୍ ଜାଗାଇ ଜିବି, ତେଇ ତମେ ଆସିନାପାରାସ୍ ବଲି । ଏନ୍ତି ବଇଲେ ସେ କଇବା କାତାର୍ ଅରଡ଼ କାଇଟା ?”

**ଜିବନ୍ ଦେବା ପାନି**

୩୭ ପରବର୍ ସାରାସାରି ଦିନେ, ଜନ୍ଟାକି ମୁକିଅ ଦିନେ, ଜିସୁ ଚିଆଅଇ ଆକ୍ମାରି କଇଲା, “ଜଦି କାକେ ସସ୍ କଲାନ୍ତି, ସେ ମର୍ ଲଗେ ଆସ । ୩୮ ଜେ ମକେ ବିସବାସ୍ କର୍ସି, ସେ ଆସି କାଅ । କାଇକେବଇଲେ ପର୍ଯ୍ୟେସର୍ ସାସ୍ତରେ ଏନ୍ତି ଲେକା ଆଚେ, ଜେ ମର୍ଗାନେ ବିସବାସ୍ କର୍ସି ତାର୍ ମନ୍ ବିଡ଼ରେଅନି ନ ସାର୍ବା ଜିବନ୍ ଦେବା ପାନି ଉଡ଼ଲି କରି ବାରଇସି ।” ୩୯ ଜିସୁ ଜିବନ୍ ଦେବା ପାନି ବଲି ସୁକଲ୍ ଆଡ଼ମାର୍ ବିସଇ କଇତେ ରଇଲା । ତାକେ ବିସବାସ୍ କର୍ବା ଲକ୍ମନକେ ପଚେ ପର୍ଯ୍ୟେସର୍ ଏ ସୁକଲ୍ ଆଡ଼ମା ଦେଇସି । ମାତର୍ ଏବେ ଜାକ, କାକେ ଦେଇ ନ ରଇଲାଇ । କାଇକେବଇଲେ ଜିସୁ ସେବେଲା ଜାକ ମଇମାଇ ପୁରାପୁରୁନ୍ ନ ଅଇରଇଲା ।

**ଲକ୍ମନର୍ ବିଡ଼ରେ ବାଟ୍ ବିଚାର୍**

୪୦ ଜିସୁର୍ ଏ କାତା ସୁନିକରି କେତେକ୍ ଲକ୍ କଇଲାଇ, “ ସଡ଼କାତା, ଏ ଲକ୍ ଗଟେକ୍ ପର୍ଯ୍ୟେସର୍ ଟାନେଅନି ଆସିରଇବା ବବିସଡ଼ବକ୍ତା !” ୪୧ ଆରି ଅଦେକ୍ ଲକ୍ କଇଲାଇ, “ସେ ପର୍ଯ୍ୟେସର୍ ବାଟି ପାଟାଇଲା ମସିଅ” ବଲି । ଆରି ଅଦେକ୍ ଲକ୍ମନ ପାଟାରଲାଇ, “ପର୍ଯ୍ୟେସର୍ ବାଟି ପାଟାଇଲା ରାଜା ମସିଅ କାଇ ଗାଲିଲି ଦେସେଅନି ନ ଆସେ କି ? ୪୨ ସାସ୍ତରେ ଏନ୍ତି ଲେକା ଅଇଲା ଆଚେ, ପର୍ଯ୍ୟେସର୍ ବାଟି ପାଟାଇଲା ରାଜା ମସିଅ, ଦାଉଦ୍ ରାଜାର୍ ଜାଗାଇ, ତାର୍ କୁଟୁମେ ବେଡ଼ଲିଇମ୍ ଗଡେ ଜନମ୍ ଅଇ ଆଇସି ।” ବଲି କଇଲାଇ । ୪୩ ଏନ୍ତି ସେମନର୍ ବିଡ଼ରେ ଜିସୁର୍ ବିସଇନେଇ ବାଗ୍ ବାଗ୍ ଅଇଲାଇ । ୪୪ ଆରି ଲକ୍ମନର୍ ବିଡ଼ରେଅନି କେତେ ଲକ୍ ଜିସୁକେ ବାନ୍ଦାଇ ଅ ବଲି ମନ୍ କର୍ତେରଇଲାଇ । ମାତର୍ କେ ମିସା ତାକେ ଦାରି ନାପାରଲାଇ ।

**ଜିଉଦି ନେତାମନ୍**

୪୫ ଜିସୁକେ ବନ୍ଦି କର୍ବାକେ ଜାଇରଇବା ଜାଗୁଆଲ୍ମନ, ବାଉଡ଼ିଆଇଲାଇକେ ମୁକିଅ ପୁଜାରି ଆରି ପାରୁସିମନ୍ ସେମନକେ ପାଟାରଲାଇ, “ତମେ କାଇକେ ଜିସୁକେ ବନ୍ଦି କରି ଆନାସ୍ ନାଇ ?” ୪୬ ଜାଗୁଆଲ୍ମନ କଇଲାଇ, “ଏ ଲକ୍ କଇଲା ପାରା କାତା ଆଜିକେଜାକ କେ ମିସା କଅଡ଼ ନାଇ ।”

୪୭ ପାରୁସିମନ୍ ସେମନକେ କଇଲାଇ, “ଏନ୍ତି ବଇଲେ ତମକେ ମିସା ସେ ବକୁଆ କରିଦେଲା କି ?” ୪୮ ଆରି ପାଟାରଲାଇ, “ଗଟେକ୍ ନେତା ନଅଇଲେ ଗଟେକ୍ ପାରୁସି ତାକେ ବିସବାସ୍ କରିଆଚଡ଼ ବଲି ତମେ ସୁନିଆଚାସ୍ କି ? ୪୯ ମାତର୍ ଏ ଲକ୍ମନ, ମସାର୍ ନିୟମ୍ ନାଜାନଡ଼ । ତେବର୍ ପାଇ ଏମନ୍ ସବୁ ଅବିସାପ୍ ପାଇରଇବା ଲକ୍ ।”

୫୦ ଟେଇ ସେ ଦଲେଅନି ନିକଦିମ୍ ନାଉର୍ ଗଟେକ୍ ନେତା ରଇଲା । ସେ ତରେକ୍ ଜିସୁକେ ଦେକ୍ବାର୍ ଜାଇରଇଲା । ସେ କଇଲା, ୫୧ “ଆମର୍ ନିୟମ୍ ଇସାବେ ଗଟେକ୍ ଲକ୍କେ ଦସି କର୍ବା ଆଗ୍ଡୁ ତାର୍ କାତା ସୁନ୍ବାକେ ପଡ଼ସି ଆରି

☆ ୭:୫୦ ୭:୫୦ ଜଅନ୍ ୩:୧,୨

କାଈଟା କଲାଆଚେ କଜ୍‌ବାକେ ପଡ଼ସି ।” ୫୨ ବିନ୍‌ଲକ୍‌ମନ୍ କଇଲାଇ, “ଏନ୍ତି ବଇଲେ ତୁଇ ମିସା କାଈ ଗଟେକ୍ ଗାଲିଲିର୍ ଲକ୍ କି ? କେ ମିସା ପର୍‌ମେସରର୍ ତେଇଅନି ବବିସଡ଼କାତା କଇବା ଲକ୍ ଗାଲିଲିଅନି ଆସଡ଼ ନାଇ ।” ୫୩ ତାର୍ ପଚେ ତେଇ ରଇଲା ଲକ୍‌ମନ୍ ସେ ଜାଗା ଚାଡ଼ିକରି ନିଜର୍ ନିଜର୍ ଗରେ ବାଉଡ଼ି ଗାଲାଇ ।

୮

ଗଟେକ୍ ଦାରିଆନି ମାଇଜି

୯ ଜିସୁ ଜିଡ଼ ନାଉର୍ ଗର୍‌ମନ୍ ରଇଲା ପର୍‌ବତେ ଉଟିଗାଲା । ୧୦ ତାର୍ ଆର୍କର୍ ଦିନର୍ ସାକାଲେ ସେ ମନ୍ଦିରେ ବାଉଡ଼ି ଆଇଲା ଆରି ତେଇ ସବୁଲକ୍ ତାରଲଗେ ରୁଣ୍ଡୁଲାଇଜେ, ସେ ବସିକରି ସେମନ୍‌କେ ସିକାଇବାର୍ ଦାରଲା । ୧୧ ସେଡ଼କିବେଲେ କେତେଟା ସାସ୍‌ତର୍ ସିକାଉମନ୍ ଆରି ପାରୁସିମନ୍, ଗଟେକ୍ ବେସିଆନି ମାଇଜିକେ ବେସିଆ କାମ୍ କରବାବେଲେ ଦାରିକରି ଜିସୁର୍ ଲଗେ ଆନଲାଇ । ତାକେ ସବୁ ଲକ୍‌ମନ୍ ମୁଆଟେ ଚିଆ କରାଇ ଜିସୁକେ ପାଚାରଲାଇ, ୧୨ “ଏ ଗୁରୁ, ଏ ମାଇଜିକେ ବେସିଆ କାମ୍ କଲାବେଲେ ଦାରିଆରୁ । ୧୩ ଏନ୍ତାରି ମାଇଜିକେ ପାକ୍‌ନା ସଙ୍ଗ୍ ମାରି ମରାଆ ବଲି ମସାର୍ ନିୟମେ ଲେକା ଅଇଲା ଆଚେ । ଏନ୍ତି ବଇଲେ ତୁଇ କାଈଟା ବଲି କଇଲୁସ୍‌ନି ?” ୧୪ ସେମନ୍ ଜେଡ଼ିକି ଜିସୁ କଇବା ଉତ୍ତରତେଇଅନି ବୁଲ୍ ଦାରି ତାକେ ଦସି କରବାକେ ଏ କାତା କଇଲାଇ । ମାତର୍ ଜିସୁ ଲଇଁ କରି ଆଙ୍ଗଟି ସଙ୍ଗ୍ ବୁର୍ସି ଲେକ୍‌ବାର୍ ଦାରଲା ।

୧୫ ମାତର୍ ସେମନ୍ ତାକେ ତର୍କେ ତର୍ ପାଚାରିଲାଗି ରଇଲାଇ ଜେ ସେ ଚିଆଅଇ କଇଲା, “ଇଡି ମୁଲ୍‌କେ ପାପ୍ ନ କଲା ଲକ୍ କେ ଆଚାସ୍ ବଇଲେ ସେ ଆଗତୁ ଆସିକରି ତାକେ ପାକ୍‌ନା ମାର ।” ୧୬ ତାର୍‌ପଚେ ସେ ଆରି ତରେକ୍ ଲଇଁକରି ବୁର୍ସି ଲେକ୍‌ବାର୍ ଦାରଲା । ୧୭ ଜିସୁର୍ ଏ କାତା ସୁନି ମାଇଜିକେ ଆନିରଇବା ସବୁଲକ୍ ସେ ଜାଗାଇଅନି ଗଟେକ୍ ଗଟେକ୍ ଲକ୍ ବାରଇ ଉଟିଗାଲାଇ । ପର୍‌ତୁମ୍ ଡକ୍‌ରାମନ୍ ଗାଲାଇ । ତେଇ ସାରାସାରି ଜାକ ଜିସୁ ଆରି ସେ ମାଇଜିସେ ରଇଲାଇ । ୧୮ ଜିସୁ ଚିଆଅଇ ତାକେ ପାଚାରଲା, “ସେ ଲକ୍‌ମନ୍ କେନେ ଗାଲାଇ ? ଇଡି କେ ମିସା ତକେ ଦସ୍ ଦାରବାକେ ନାଇ କି ?” ୧୯ ସେ କଇଲା, “ନାଇ ମାପ୍‌ରୁ କେ ମିସା ମକେ ଦସି ବଲି ବିଚାର୍ କରଡ଼ ନାଇ ।” ଜିସୁ ତାକେ କଇଲା, “ମୁଇ ମିସା ତକେ ଦସି ବଲି ବିଚାର୍ ନ କରି । ମାତର୍ ଜା ଆରି ପାପ୍ କର୍ ନାଇ ।”

ଜିସୁ ଦୁନିଆର୍ ଉଜଲ୍

୨୦ ଜିସୁ ଆରିତରେକ୍ ପାରୁସିମନ୍‌କେ କଇଲା, “ମୁଇସେ ଏ ଦୁନିଆର୍ ଉଜଲ୍ । ଜନ୍ ଲକ୍ ମର୍ ପଚେ ପଚେ ଆଇସି, ସେ ଜିବନର୍ ଉଜଲ୍ ପାଇସି । ଆରି କେବେ ମିସା ଆନ୍ଦାରେ ନ ରଏ ।”

୨୧ ପାରୁସିମନ୍ ତାକେ କଇଲା, “ତୁଇ ନିଜେ ନିଜର୍ ବିସଇ ସାକି ଦେଲୁସ୍‌ନି, ସେଟାର୍‌ପାଇ, ତର୍ ସାକି ଦେଲାଟା ସଡ଼ ନଏ ।”

୨୨ ଜିସୁ ସେମନ୍‌କେ କଇଲା, “ନାଇ, ମୁଇ ମର୍ ନିଜର୍ ପାଇ ସାକି ଦେଲେ ମିସା, ମୁଇ ଜନ୍‌ଟା କଇଲିନି ସେଟା ସଡ଼ସେ । କାଈକେ ବଇଲେ ମୁଇ କନ୍ତିଅନି ଆଇଲି ଆଚି ଆରି କନ୍ତି ଗାଲିନି, ସେଟା ମୁଇସେ ଜାନି । ମାତର୍ ମୁଇ କନ୍ତିଅନି ଆଇଲିଆଚି ଆରି କନ୍ତି ଜିବି, ସେଟା ତମେ ନାଜାନାସ୍ । ୨୩ ଆରି ତମେ ମକେ ଲକ୍‌ମନ୍‌ର ଇସାବେ ବିଚାର୍ କଲାସ୍‌ନି । ମାତର୍ ମୁଇ କାକେ ବିଚାର୍ ନ କରି । ୨୪ ଜଦି ମୁଇ ବିଚାର୍ କରଡି ବଇଲେ ମର୍ ବିଚାର୍ ପୁରାପୁରୁନ୍ ଟିକ୍ ଅଇତା । କାଈକେ ବଇଲେ ମୁଇ ଗଟେକ୍ ଲକ୍ ନାଇ, ମାତର୍ ମକେ ପାଟାଇରଇବା ମର୍ ବାବା ମିସା ମର୍ ସଙ୍ଗ୍ ମିସତେ ଆଚେ । ୨୫ କାଈଆଲେ ଗର୍‌ନାର୍ ବିସଇ ରଇଲେ, ତୁଇ ଲକ୍‌ମନ୍ ସାକି ସମାନ୍ ଅଇଲାନି ବଇଲେ, ସେମନ୍ କଇଲା କାତା ସଡ଼ସେ । ତମର୍ ଦରମ୍ ସାସ୍‌ତରେ ଏନ୍ତି ଲେକା ଅଇଲା ଆଚେ । ୨୬ ମୁଇ ନିଜେ ନିଜର୍ ବିସଇ ସାକି ଦେଲିନି, ଆରି ମକେ ପାଟାଇଲା ପର୍‌ମେସର୍ ମିସା ମର୍ ସାକି ଦେଲାନି ।”

୨୭ ଲକ୍‌ମନ୍ ଜିସୁକେ ପାଚାରଲା “ତର୍ ବାବା କନ୍ତି ଆଚେ ?” ଜିସୁ ସେମନ୍‌କେ କଇଲା, “ତମେ ମକେ ନାଜାନାସ୍ ଆରି ମର୍ ବାବାକେ ମିସା ନାଜାନାସ୍ । ତମେ ଜଦି ମକେ ଜାନିରଇତାସ୍ ବଇଲେ ମର୍ ବାବାକେ ମିସା ଜାନ୍‌ତାସ୍ ।”

୨୮ ଜିସୁ ମନ୍ଦିରର୍ ଦାନ୍ ସଙ୍ଗାଇବା ପେଡ଼ିମନ୍ ରଇବା ଆକରାଇ ଏ ସବୁ ବିସଇ ସିକିଆ ଦେଇତେରଇଲା । ଆରି କେ ମିସା ତାକେ ବନ୍ଦି କରି ନାପାରଲାଇ । କାଈକେବଇଲେ ତାର୍ ବେଲା କେଟି ନ ରଇଲା ।

ଜିସୁ ତାର୍ ଜିବା ବିସଇ ବବିସଡ଼କାତା କଇବାଟା

୨୯ ଜିସୁ ଲକ୍‌ମନ୍‌କେ ଆରି ତରେକ୍ କଇଲା, “ମୁଇ ଗାଲିନି ଆରି ତମେ ମକେ କଜ୍‌ସା । ମାତର୍ ନିଜର୍ ନିଜର୍ ପାପ୍ କେମା ନ କରାଇଅଇ ମର୍‌ସା । ଆରି ମୁଇ ଜନ୍ ଜାଗାଇ ଜିବି ତମେ ତେଇ ଆସି ନାପାରାସ୍ ।”

୩୦ ଜିସୁ ଏନ୍ତି କଇଲାକେ ଜିଉଦି ନେତାମନ୍ ନିଜର୍ ନିଜର୍ ବିଡ଼ରେ କୁଆବଲା ଅଇଲା, “ସେ କାଈକେ ମୁଇ ଜନ୍ ଜାଗାଇ ଗାଲିନି, ତମେ ତେଇ ଜାଇନାପାରାସ୍ ବଲି କଇଲାନି ? ଜିସୁ କାଈ ନିଜେ ଉଡ଼କି ଅଇ ମର୍‌ବାକେ ମନ୍ କଲାନି କି ?”

☆ ୮:୧୨ ୮:୧୨ ମାଡିଉ ୫:୧୪; ଜଅନ୍ ୯:୫ ☆ ୮:୧୩ ୮:୧୩ ଜଅନ୍ ୫:୩୧

୨୩ ଜିସୁ ସେମାନଙ୍କେ କଇଲା, “ତମେ ଏ ଦୁନିଆଇଅନି ଆସିଆଚାସ୍ । ମାତର୍ ମୁଇ ସର୍ଗେଅନି ଆସିଆଚି । ତମେ ଏ ଦୁନିଆର୍ ଲକ୍, ମାତର୍ ମୁଇ ଏ ଦୁନିଆର୍ ଲକ୍ ନଇ । ୨୪ ତମେ ନିଜର୍ ନିଜର୍ ପାପ୍ କେମା ନ କରାଇଅଇତେ ମର୍ସା ବଲି ମୁଇ ତମକେ କଇରଇଲି । ନିଜେ ମୁଇ ସେ । ଏଟାକେ ବିସବାସ୍ ନ କଲେ, ତମେ ନିଜର୍ ପାପେ ସେ ମର୍ସା ।”

୨୫ ଜିଉଦି ନେତାମନ୍ ପାଟାରଲାଇ, “ତୁଇ କେ ? ଆମ୍‌କେ କି ?” ଜିସୁ ସେମାନଙ୍କେ କଇଲା, “ଆରାମେ ଅନି ମୁଇ କେ ବଲି କଇଆଇଲିନି । ୨୬ ତମେ ପାପ୍ କରିରଇବାଟା ଆରି ଦସ୍ କରିରଇବା ବିସଇ ମର୍ ଟାନେ ବେସି ଆଚେ । କାଇକେବଇଲେ, ଜେ ମକେ ପାଟାଇ ଆଚେ, ତାର୍‌ତେଇ ଅନି ମୁଇ ଜାଇଟା ସୁନି ଆଚି, ସେଟା ସେ ଜାନାଇଲିନି ।”

୨୭ ମାତର୍ ଜିସୁ ତାର୍ ବାବାର୍ ବିସଇ ଏନ୍ତାରି କଇଲାନି ବଲି ସେମନ୍ ମୁଲ୍‌କେ ବୁଜି ନାପାରଲାଇ । ୨୮ ସେଟାର୍‌ପାଇ ସେ ସେମାନଙ୍କେ କଇଲା, “ତମେ ନର୍‌ପିଲା ମକେ କୁର୍‌ସେ କୁଟି ମାରି ଉଟାଇଲାବେଲେ ଜାନସା, ସେ ନିଜେ ମୁଇ ସେ । ମୁଇ ନିଜର୍ ଅଦିକାରେ କାଇଟା କରି ନାପାରି, ମର୍ ବାବାର୍ ଟାନେଅନି ଜାଇଟା ସିକ୍‌ଲି ଆଚି, ସେଟାସେ କଇଲିନି, ସେଟା ତମେ ବୁଜୁସା । ୨୯ ଜେ ମକେ ପାଟାଇଆଚେ, ସେ ମର୍ ସଙ୍ଗ୍ ଆଚେ । ସେ ମକେ ଏକ୍‌ଲା ଚାଡ଼ି ଦେଏନାଇ, କାଇକେବଇଲେ ସେ ଜାଇଟା ମନ୍‌କଲାନି, ମୁଇ ସେଟାସେ କଲିନି ।”

୩୦ ଜିସୁର୍ ଏ ସବୁ କାତା ସୁନି, ବେସି ଲକ୍‌ମନ୍ ତାକେ ବିସବାସ୍ କଲାଇ ।

**ସତ୍ ବିସଇ ତମକେ ମୁକ୍‌ଲାଇସି**

୩୧ ଜିସୁ ତାର୍‌ଟାନେ ବିସବାସ୍ କରିରଇବା ଜିଉଦି ଲକ୍‌ମନ୍‌କେ କଇଲା, “ଜଦି ତମେ ମର୍ ସିକିଆ ମାନିକରି ତବିର୍ ଅଇ ରଇସା, ବଇଲେ ସତଇସେ ମର୍ ସିସ୍ ଅଇସା । ୩୨ ଆରି ତମେ ସତ୍ ବିସଇ ଜାନସା, ସେ ସତ୍ ତମକେ ମୁକ୍‌ଲାଇସି ।”

୩୩ ✨ଜିଉଦି ଲକ୍‌ମନ୍ ତାକେ କଲାଇ, “ଆମେ ଅବ୍ରାଆମର୍ ନାତିତିମନ୍, ଆରି ଆମେ କେବେ ମିସା କାର୍ ଗତିଅଇ ରଉନାଇ, ଏନ୍ତି ବଇଲେ ତମେ କେନ୍ତି ମୁକ୍‌ଲୁସା ବଲି କଇଲୁସିନି ? ଏ କାତାର୍ ଅରଡ୍ କାଇଟା ?”

୩୪ ଜିସୁ କଇଲା, “ମୁଇ ତମକେ ସତ୍ କାତା କଇଲିନି, ଜେ ପାପ୍ କର୍‌ସି, ସେ ପାପର୍ ଗତିଦାଙ୍ଗ୍‌ତା । ୩୫ ଗତିଦାଙ୍ଗ୍‌ତା ଗଟେକ୍ ଗରେ ସବୁ ଦିନର୍‌ପାଇ ନ ରଏ । ମାତର୍ ସେ ଗରର୍ ପିଲାସେ ସବୁଦିନର୍‌ପାଇ ରଇସି । ୩୬ ସେଟାର୍‌ପାଇ ମୁଇ ଜଦି ତମକେ ମୁକ୍‌ଲାଇବି ବଇଲେ, ସତଇସେ ତମେ ମୁକ୍‌ଲୁସା । ୩୭ ତମେ ଅବ୍ରାଆମ୍ କୁଟୁମର୍ ଲକ୍‌ମନ୍ ବଲି ମୁଇ ଜାନିଆଚି, ଅଇଲେ ମିସା ତମର୍ ବିତ୍‌ରେଅନି କେତେ ଲକ୍‌ମନ୍ ମକେ ମରାଇବାକେ ଚେସ୍‌ଟା କଲାସିନି । କାଇକେ ବଇଲେ ମର୍ ସିକିଆ ତମେ ମାନାସ୍ ନାଇ । ୩୮ ମୁଇ ମର୍ ବାବା ସଙ୍ଗ୍ ରଇଲାବେଲେ ମକେ ସେ ଜାଇଟା ଦେକାଇଆଚେ, ସେଟା ତମକେ କଇଲିନି । ମାତର୍ ତମର୍ ବାବା ତମକେ ଜାଇଟା ସିକାଇଆଚେ, ସେଟା କଲାସିନି ।”

୩୯ ଜିଉଦି ଲକ୍‌ମନ୍ ତାକେ କଇଲାଇ, “ଆମର୍ ବାବା ଅବ୍ରାଆମ୍ ।” ଜିସୁ କଇଲା, “ତମେ ଜଦି ସତଇସେ ଅବ୍ରାଆମର୍ ନାତିତିତି ଅଇରଇତାସ୍ ବଇଲେ, ଅବ୍ରାମ୍ କରିରଇଲା କାମ୍‌ମନ୍ କର୍‌ତାସ୍ । ୪୦ ପର୍‌ମେସର୍ ତେଇଅନି ସୁନ୍‌ଲା ସତ୍ କାତା ଚାଡ଼ି ମୁଇ ଆରି ତମକେ କାଇଟା କଇନାଇ । ଅଇଲେ ମିସା ତମେ ମକେ ମରାଇବାକେ ଚେସ୍‌ଟା କଲାସିନି । ମାତର୍ ଅବ୍ରାଆମ୍ ଏନ୍ତାରି କାଇ କାମ୍ କରି ନ ରଇଲା । ୪୧ ତମର୍ ବାବାମନ୍ ଜନ୍ କାମ୍‌ମନ୍ କରି ରଇଲାଇ, ତମେ ସେଟା କଲାସିନି ।” ମାତର୍ ଜିଉଦିମନ୍ କଇଲାଇ, “ଆମର୍ ବାବା ପର୍‌ମେସର୍‌ସେ । ଆମେସେ ତାର୍ ପିଲାଟକିମନ୍ ।”

୪୨ ଜିସୁ ସେମାନଙ୍କେ କଇଲା, “ଜଦି ପର୍‌ମେସର୍ ତମର୍ ବାବା ଅଇରଇଲେ, ତମେ ମକେ ଆଲାଦ୍ କର୍‌ତାସ୍ । କାଇକେ ବଇଲେ ମୁଇ ପର୍‌ମେସର୍ ତେଇଅନି ଆସି ଏବେ ଇତି ଆଚି । ମାତର୍ ନିଜର୍ ଅଦିକାରେ ଆସିନାଇ । ସେ ମକେ ଏ ଦୁନିଆଇ ପାଟାଇଲା ଆଚେ । ୪୩ ତମେ କାଇକେ ମର୍ କାତା ବୁଜି ନାପାରଲାସିନି ? କାଇକେ ବଇଲେ ତମେ ମର୍ ସିକିଆ ସୁନି ତବିର୍‌ଅଇ ରଇ ନାପାରଲାସିନି । ୪୪ ସଇତାନ୍ ଅଇଲାନି ତମର୍ ବାବା । ଆରି ତମେ ସେ କର୍‌ବା କାରାପ୍ କାମ୍‌ମନ୍ କର୍‌ବାକେ ମନ୍ କଲାସିନି । ସେ ଆଗ୍‌ତୁଅନି ଲକ୍‌ମନ୍‌କେ ନସ୍‌ଟ କଲାନି, ଆରି ସେ ସତ୍ ବିସଇ ଗିନ୍ କଲାନି । ତାର୍‌ତେଇ ସତ୍ ବିସଇ ନାଇ । ଜେତେବେଲା ସେ ମିର୍ କଇଲାନି, ସେବେଲା ସେ ନିଜର୍ ଗୁନ୍ ଚଲନ୍‌ଅନି ସେନ୍ତି କଇଲାନି । କାଇକେ ବଇଲେ ସେ ମିର୍ କଇବା ଲକ୍, ଆରି ମିର୍ କଇବା ଲକ୍‌ମନ୍‌ର୍ ବାବା । ୪୫ ଏବେ ମୁଇ ସବୁବେଲା ସତ୍‌କାତା କଇଲିନି ମିସା ତମେ ମକେ ବିସବାସ୍ କରାସ୍‌ନାଇ । ୪୬ ତମର୍ ବିତ୍‌ରେ ଅନି କେମିସା ଗଟେକ୍ ଲକ୍ ମୁଇ ପାପ୍ କଲିଆଚି ବଲି ମକେ ଦସି କରାଇପାରେ କି ? ଆରି ମୁଇ ଜଦି ସତ୍‌କାତା କଇଲିନି ବଇଲେ, ତମେ କାଇଜେ ବିସବାସ୍ କରାସ୍ ନାଇ ? ୪୭ ଜେଡ୍‌କି ଲକ୍ ପର୍‌ମେସର୍‌ର୍ ଅଇଲାଇ ଆଚଡ୍, ସେମନ୍ ପର୍‌ମେସର୍‌ର୍ କାତା ସୁନ୍‌ବାଇ । ଆରି ତମେ ପର୍‌ମେସର୍‌ର୍‌ତେଇଅନି ଆଇଲା ଲକ୍ ନୁଆସ୍ । ସେଟାର୍‌ପାଇ ତମେ ମର୍ ବାକିଅ ସୁନାସ୍ ନାଇ ।”

**ଜିସୁ ଆରି ଅବ୍ରାଆମ୍**

୪୮ ଜିଉଦିମନ୍ ଜିସୁକେ ପାଟାରଲାଇ, “ତୁଇ ଗଟେକ୍ ସମିରଣିୟ ଲକ୍, ତକେ ଗଟେକ୍ ତୁମା ଦାରଲା ଆଚେ ବଲି ଆମେ କଇଲା କାତା ସତ୍ ନଏଁ କି ?”

✨ ୮:୩୩ ୮:୩୩ ମାଡ଼ିଉ ୩:୯; ଲୁକ୍ ୩:୮

୪୯ ଜିସୁ ସେମାନଙ୍କେ କଇଲା, “ନାଇ ! ମକେ ତୁମା ଦାରେ ନାଇ । ମୁଇ ମର୍ ବାବାକେ ସନ୍ମାନ ଦେଲିନି । ମାତର୍ ତମେ ମକେ ନିନ୍ଦାକାତା କଇ ଲାଜ୍ କରାଇଲାସ୍ନି । ୫୦ ମୁଇ ନିଜେ ଡାକ୍ପୁଟା ପାଇବାକେ ଚେଷ୍ଟା କରିନାଇ । ମାତର୍ ଆରି ଗଟେକ୍ ଲକ୍ ମକେ ଡାକ୍ପୁଟା କରାଇବାକେ ମନ୍ କଲାନି । ସେ ଟିକ୍ ବାବେ ବିଚାର୍ କର୍ବା ମାପ୍ତୁ । ୫୧ ମୁଇ ତମ୍‌କେ ସତ୍‌କାତା କଇଲିନି, ଜେ ମୁଇ ସିକାଇବା କାତା ମାନ୍ସି, ସେ କେବେ ମିସା ନ ମରେ ।”

୫୨ ସେମନ୍ ଜିସୁକେ କଇଲା, “ଏବେ ଆମେ ଜାନ୍‌ଲୁ ତକେ ଗଟେକ୍ ତୁମା ଦାରିଲା ଆତେ । ଅବରାଆମ୍ ଆରି ବବିସତ୍‌ବକ୍‌ତାମନ୍ ମରିଗାଲା ଆତଡ୍, ମାତର୍ ତୁଇ କଇଲୁସ୍ନି ଜଦି କେ ମିସା ମର୍ କାତା ମାନ୍ସା ବଇଲେ ସେ କେବେ ମିସା ନ ମରେ ବଲି ।” ୫୩ ସେମନ୍ ପାଚାରଲା, “ତୁଇକାଇ ଆମର୍ ବାବା ଅବରାଆମ୍‌ଗାନେଅନି ବଡ୍ ଲକ୍‌କି ? ସେମନ୍ ମିସା ମରିଗାଲା ଆତଡ୍ ଆରି ବବିସତ୍‌ବକ୍‌ତାମନ୍ ମିସା ମରିଜାଇଆତଡ୍ । ତୁଇ ନିଜକେ କେ ବଲି ବାବ୍‌ଲୁସ୍ନି ?”

୫୪ ଜିସୁ ସେମାନଙ୍କେ କଇଲା, “ମୁଇ ଜଦି ନିଜକେ ଡାକ୍ପୁଟା କର୍ବି ବଲି ଚେଷ୍ଟା କର୍ତି ବଇଲେ, ସେ ଡାକ୍ପୁଟାର୍ କାଇ ମୁଲିଅ ନାଇ । ମର୍ ବାବା ଜାକେ କି ତମେ ତମର୍ ପର୍ମେସର୍ ବଲି କଇଲାସ୍ନି, ସେ ସେ ମକେ ଡାକ୍ପୁଟା କରାଇଲାନି । ୫୫ ତମେ ତାକେ ନାଜାନାସ୍, ମାତର୍ ମୁଇ ଜାନି । ଜଦି ମୁଇ ତାକେ ନାଜାନି ବଲି କଇବି, ସେନ୍ତାଆଲେ ମୁଇ ମିସା ତମର୍‌ପାରା ମିର୍ କଇବା ଲକ୍ ଅଇବି । ମାତର୍ ମୁଇ ତାକେ ଜାନିଆତି ଆରି, ତାର୍ କାତା ମାନ୍‌ଲିନି । ୫୬ ମୁଇ ଆଇବା ଦିନ୍ ଦେକ୍‌ବି ବଲି ତମର୍ ବାବା ଅବରାଆମ୍, ବେସି ଆସା କରି ସାର୍‌ଦା ଅଇତେ ରଇଲା । ଆରି ସେ ଦିନ୍‌କେ ଦେକି କରି ସାର୍‌ଦା ଅଇଲା” ବଲି କଇଲା ।

୫୭ ତାର୍ ପଟେ ଜିଉଦିମନ୍ ଜିସୁକେ କଇଲା, “ତକେ ପଚାସ୍ ବରସ୍ ମିସା ଅଏ ନାଇତା, ତୁଇ କାଇ ଅବରାଆମ୍‌କେ ଦେକି ଆରୁସ୍ କି ?”

୫୮ ଜିସୁ ସେମାନଙ୍କେ କଇଲା, “ମୁଇ ତମ୍‌କେ ସତ୍‌କାତା କଇଲିନି, ଅବରାଆମ୍ ଜନମ୍ ଅଇବା ଆଗ୍‌ତୁଅନି ମୁଇ ଆତି ।”

୫୯ ଜିସୁ ଏ କାତା କଇବାବେଲେ ସେମନ୍ ତାକେ ମାର୍‌ବାକେ ପାକ୍‌ନା ବେଟ୍‌ଲା, ମାତର୍ ଜିସୁ, ମନ୍ଦିରେ ଅନି ବାରଇ ଲକ୍‌ମନ୍‌ର୍ ବିଡ୍‌ରେ ପୁରି ଉଟିଗାଲା ।



ଜିସୁ ଗଟେକ୍ ଜନ୍‌ମେଅନି କାଣା ରଇଲା ଲକ୍‌କେ ନିମାନ୍ କଲା

୧ ଦିନେକ୍ ଜିସୁ ଜିବାବେଲେ ଗଟେକ୍ ଜନ୍‌ମେଅନି କାଣା ରଇଲା ଲକ୍‌କେ ଦେକ୍‌ଲା । ୨ ଆରି ତାର୍ ସିସ୍‌ମନ୍ ତାକେ ପାଚାରଲା, “ଏ ଗୁରୁ କେ ପାପ୍ କଲାଇଜେ ଏ ଲକ୍ କାଣାଅଇ ଜନମ୍ ଅଇଲା ? ସେ ନିଜେ କି ତାର୍ ବାବା ମାଆର୍ ପାପର୍ ଲାଗି ?”

୩ ଜିସୁ କଇଲା, “ତାର୍ କି ତାର୍ ବାବା ମାଆର୍ କାଇ ପାପ୍‌ଦସ୍ ନାଇ । ପର୍ମେସର୍‌ର୍ ବପୁ ତାର୍‌ଗାନେ ଜାନାପଡ୍‌ସି ବଲି, ସେ କାଣା ଅଇ ଜନମ୍ ଅଇଲା ଆତେ । ୪ ବେଲ୍ ରଇତେସେ ମକେ ପାଟାଇରଇବା ପର୍ମେସର୍‌ର୍ କାମ୍ ଆମେ କର୍‌ବାର୍ ଆତେ । ଏକ୍ତି ଆନ୍ଦାର୍ ଆଇଲାନି ସେ ବେଲାଇ କେ ମିସା କାଇ କାମ୍ କରି ନାପାରଡ୍ । ୫ \*ମୁଇ ଜେତେ ଦିନ୍ ଜାକ ଏ ଦୁନିଆଇ ରଇବି ସେଡ୍‌କି ଦିନ୍ ଜାକ ଏ ଦୁନିଆର୍ ଉଜଲ୍ ।”

୬ ଜିସୁ ଏ କାତା କଇଲା ପଟେ, ମାଟିତେଇ ତୁକି ସେ ତୁକ୍ ସଙ୍ କାଦ ଚକଟ୍‌ଲା । ଆରି ସେ କାଦ ନେଇକରି କାଣାର୍ ଦୁଇଟା ଆଁକିତେଇ ଲିପିଦେଲା । ୭ ଆରି ତାକେ କଇଲା, “ତୁଇ ଜା ଆରି ସିଲଅ ନାଉର୍ ବନ୍ଦେ ଜାଇକରି ମୁ ଦଇ ଆଉ ।” ସିଲଅର୍ ଅରଡ୍ ଅଇଲାନି ପାଟାଇଲାଟା । ତାର୍ ପଟେ ସେ ଲକ୍ ବନ୍ଦେ ଜାଇକରି ମୁ ଦଇଲାଜେ, ଦେକିପାର୍‌ଲା ଆରି ଆଇଲା ।

୮ କେତେକ୍ ଲକ୍‌ମନ୍ ଏ ଲକ୍‌କେ ଆଗ୍‌ତୁ ବିକ୍ ମାଙ୍‌ବାଟା ଦେକି ରଇଲାଇ । ସେଟାର୍ ପାଇ ଏ ଲକ୍‌ମନ୍ ଆରି କାଣାର୍ ଗର୍ ଲଗର୍ ଲକ୍‌ମନ୍ ତାକେ ଦେକି କଇଲା, “ଜନ୍ ଲକ୍‌କି ସବୁବେଲା ବସିକରି ବିକ୍ ମାଙ୍‌ତେ ରଇଲା ସେ କାଇ ଏ ଲକ୍ ନଏଁ କି ?”

୯ କେତେ ଲକ୍‌ମନ୍ କଇଲା, “ଉଁ ଏତାଉ ସେ ଲକ୍‌ସେ ।” ମାତର୍ ଆରି ଅଦେକ୍ ଲକ୍ କଇଲା, “ନାଇ ଏ ସେ ଲକ୍ ନଏଁ ମାତର୍ ତାର୍ ପାରା ଡିସ୍‌ଲାନି ।” ମାତର୍ କାଣା କଇଲା, “ମୁଇସେ ଆଗ୍‌ତୁ କାଣା ଅଇରଇଲି ।”

୧୦ ଲକ୍‌ମନ୍ ତାକେ ପାଚାରଲା, “ଏକ୍ତି ବଇଲେ ତୁଇ କେକ୍ତି ଦେକିପାର୍‌ଲୁସ୍ନି ?”

୧୧ କାଣା ସେମାନଙ୍କେ କଇଲା, “ଲକ୍‌ମନ୍ ଜନ୍ ଲକ୍‌କେ ଜିସୁ ବଲି କଇଲାଇନି, ସେ କାଦ କରି ମର୍ ଆଁକିତେଇ ଲିପିଦେଲା । ତାର୍‌ପଟେ ସେ ମକେ ‘ସିଲଅ ନାଉର୍ ବନ୍ଦେ ଜାଇକରି ଦ’ ବଲି କଇଲା । ପଟେ ମୁଇ ଜାଇକରି ବନ୍ଦେ ମୁ ଦଇଲା ଦାପ୍‌ରେ ଦେକି ପାର୍‌ଲି ।”

୧୨ ଆରି ଲକ୍‌ମନ୍ ତାକେ କଇଲା, “ସେ କକ୍ତି ଆତେ ?” ସେ “ମୁଇ ନାଜାନି” ବଲି କଇଲା ।

ପାରୁସିମନ୍ ନିକ ଅଇ ରଇବା ବିସଇ ଜାନ୍‌ବାକେ ଚେଷ୍ଟା କଲା

☆ ୯:୫ ୯:୫ ମାତିଉ ୫:୧୪; କଥାନ୍ ୮:୧୨

୧୩ ତାର ପତେ ଲକ୍ମନ୍ ଆଗେଅନି କାଣା ଅଇରଇଲା ଲକ୍ମନ୍ ପାରୁସିମନ୍ ଲଗେ ଡାକିନେଲା । ୧୪ ଜିସୁ ଜନ୍ ଦିନେ କାଦ ଲିପିକରି ତାର ଆଁକି ନିକ କରିରଇଲା, ସେ ଦିନ୍ ବିସ୍ତରାମ୍ବାର ରଇଲା । ୧୫ ପାରୁସି ଲକ୍ମନ୍ ତାକେ ଆରିତରେକ୍ ପାଚାରଲା, “ତୁଇ କେନ୍ତାର ଦେକିପାରଲୁସ୍ତି ?” ତେଇ ସେ ସେମନ୍‌କେ କଇଲା, “ଜିସୁ ମର୍ ଆଁକିଟାନେ କାଦ ଲାଗାଇଦେଲା । ପତେ ମୁଇ ମୁ ଦଇ ଆଇଲି ଆରି ଏବେ ଦେକି ପାରଲିନି ।”

୧୬ କେତେଟା ପାରୁସିମନ୍ କଇଲା, “ଏ ଲକ୍ମନ୍ ପର୍ମେସରର୍ ତେଇଅନି ଆସେ ନାଇ । ସେଟାର ପାଇଁ ସେ ବିସ୍ତରାମ୍ ଦିନର୍ ନିୟମ୍ ମାନେନାଇ ।”

ଆରି ଅଦେକ୍ ଲକ୍ମନ୍ କଇଲା, “ଗଟେକ୍ ପାପି ଲକ୍ମନ୍ କେବେ ମିସା ଏନ୍ତି କାବାଅଇଜିବା କାମ୍ କରିନାପାରେ ।” ଏନ୍ତି ଜିଉଦି ଲକ୍ମନ୍ ତୁଇ ବାଗ୍ ଅଇଗାଲା ।

୧୭ ସେଟାର ପାଇଁ ସେମନ୍ ସେ ଲକ୍ମନ୍ ଆରି ତରେକ୍ ପାଚାରଲା, “ତକେ ଜିସୁ ନିମାନ୍ କଲାଜେ ଦେକି ପାରଲୁସ୍ତି । ଏନ୍ତି ବଇଲେ ତୁଇ ତାକେ କେ ବଲି ବାବ୍‌ଲୁସ୍ତି ?”

ସେ ଲକ୍ମନ୍ ସେମନ୍‌କେ କଇଲା, “ସେ ଗଟେକ୍ ବବିସ୍ତବକ୍ତା ।”

୧୮ ଜିଉଦି ନେତାମନ୍ ସେ ନିମାନ୍ ଅଇଲା ଲକ୍ମନ୍ ଆଗ୍ତୁ କାଣା ରଇଲା ଜେ ଏବେ ସେ ଦେକିପାରବା ବିସଇ ମୁଲ୍‌କେ ବିସ୍ତରାସ୍ କରନ୍‌ନାଇ । ପାରୁସିମନ୍ ସେ ଲକ୍ମନ୍ ମାଆ ବାବାକେ ନ ଡାକ୍‌ବା ଜାକ ମୁଲ୍‌କେ ବିସ୍ତରାସ୍ କରନ୍‌ନାଇ ।

୧୯ ସେମନ୍ ତାର ମାଆ ବାବାକେ ପାଚାରଲା, “ଏଟା ତମର୍ ପିଲା କି ? ସେ ଜନ୍‌ମେ ଅନି କାଣାଟା ବଲି ତମେ କଇଲାସ୍ତି, ଏନ୍ତି ବଇଲେ ସେ କେନ୍ତି ଦେକିପାରଲାନି ?”

୨୦ ତାର ମାଆ ବାବା କଇଲା, “ଉଁ ଏଟା ଆମର୍ ପିଲା । ସେ ଜନ୍‌ମେଅନି କାଣା ରଇଲା ବଲି ଆମେ ଜାନି ଆତୁ ।

୨୧ ମାତର୍ ଏବେ ସେ କେନ୍ତି ଦେକିପାରଲାନି ଆରି କେ ତାକେ ନିମାନ୍ କଲା ସେଟା ଆମେ ନାଜାନୁ । ସେ ଏବେ ବଡ୍ ଅଇଲା ଆତେ ତାକେ ପାଚାରା ସେ ନିଜେ କଇସି ।” ୨୨ ତାର ମାଆ ବାବା ଜିଉଦି ନେତାମନ୍‌କେ ଡରି ଏନ୍ତି ବଲି କଇଦେଲା । କାଇକେ ବଇଲେ ଜିସୁକେ ଜଦି ମସିଅ ବଲି କଇସି ବଇଲେ ତାକେ ପର୍ମେସରକେ ଉପାସନା କର୍ବା ଗର୍ ବିତ୍‌ରେ ଜିବାକେ ନ ଦେଅଡ୍ ବଲି ଆଗ୍ତୁସେ କଇରଇଲା । ୨୩ ସେଟାରପାଇଁ ସେ ମାଆ ବାବା କଇଲା, “ସେ ତ ବଡ୍ ଅଇଲା ଆତେ, ତାକେ ପାଚାରା ।”

୨୪ ସେମନ୍ ସେ ଲକ୍ମନ୍ ଆରି ତରେକ୍ ବିତ୍‌ରେ ଡାକି କରି ପାଚାରଲା, “ପର୍ମେସରକେ ରାନ୍ ପାକାଇ କି । ଜିସୁ ଗଟେକ୍ ପାପି ଲକ୍ମନ୍ ବଲି ଆମେ ଜାନୁ ।”

୨୫ ତାର ପତେ ସେମନ୍‌କେ ସେ କଇଲା, “ସେ ପାପି ଲକ୍ମନ୍ ନିଏଁ ସେଟା ମୁଇ ଜାନି ନାଇ । ମାତର୍ ମୁଇ ଗଟେକ୍ ବିସଇ ଜାନି ଆତି ସେଟା ଅଇଲାନି, ମୁଇ ଆଗ୍ତୁ କାଣା ରଇଲି, ଏବେ ଦେକି ପାରଲିନି ।”

୨୬ ଜିଉଦି ନେତାମନ୍ ତାକେ ପାଚାରଲା, “ସେ ତକେ କାଇଟା କଲା ? କେନ୍ତି ତର୍ ଆଁକି ପିଟାଇଦେଲା ?”

୨୭ ସେ ସେମନ୍‌କେ କଇଲା, “ମୁଇ ଆଗ୍ତୁସେ କଇ ସାରାଇଆତି, ମାତର୍ ତମେ ମାନ୍‌ବାକେ ମନ୍ କରାସ୍ ନାଇ । ଏବେ ଆରି ତରେକ୍ କାଇକେ ପାଚାରଲାସ୍ତି ? ତମେ ମିସା କାଇ ତାର ସିସ୍ ଅଇବାକେ ମନ୍‌କଲାସ୍ତି କି ?”

୨୮ ସେମନ୍ ସାଇପ୍ ଦେଇ କଇଲା, “ତୁଇ କାଇ ତାର ସିସ୍ ଅଇସୁ, ଆମେ ନଉଁ, ଆମେ ମସାର ସିସ୍‌ମନ୍ ।

୨୯ ପର୍ମେସର ମସାର୍‌ତେଇ କାତା ଅଇରଇଲାଟା ଆମେ ଜାନିଆତୁ, ମାତର୍ ଏ ଲକ୍ମନ୍ କନ୍ତିଅନି ଆଇଲାଆତେ, ସେଟା ନାଜାନୁ ।”

୩୦ ତାର ପତେ ସେ ଲକ୍ମନ୍ ଜିଉଦି ନେତାମନ୍‌କେ କଇଲା, “ଏଟା ଗଟେକ୍ ବେସି ବଡ୍ କାବାଅଇଜିବା ବିସଇ । ସେ ଲକ୍ମନ୍ ମର୍ ଆଁକି ନିମାନ୍ କଲାଆତେ, ମାତର୍ ସେ କନ୍ତିଅନି ଆଇଲା ଆତେ, ସେଟା ତମେ ନାଜାନୁ ବଲି କଇଲାସ୍ତି ।”

୩୧ ପାପି ଲକ୍ମନ୍‌ମର୍ ପାର୍ତନା ପର୍ମେସର ନ ସୁନେ ବଲି ସବୁ ଲକ୍ମନ୍ ଜାନିଆତଡ୍ । ମାତର୍ ଜନ୍ ଲକ୍ମନ୍ ପର୍ମେସରକେ ଜୁଆର୍ କରି ସେ ମନ୍‌କଲା ଇସାବେ ଚଲାଚଲ୍‌ତି କଲାନି, ସେ ତାର କାତା ସୁନ୍‌ସି । ୩୨ ଦୁନିଆ ଆରାମେଅନି, ଜନ୍‌ମେ ଅନି କାଣା ରଇଲା ଗଟେକ୍ ଲକ୍ମନ୍ ଆଁକି ଡିସାଇବାଟା ଏବେ ଜାକ ମିସା ନ ସୁନିରଇଲା । ୩୩ ଏ ଲକ୍ମନ୍ ଜଦି ପର୍ମେସରର୍ ଟାନେଅନି ଆସି ନ ରଇଲେ, କେବେ ମିସା ଏ କାମ୍ କରିନାପାଚା । ୩୪ ସେବେଲା ଜିଉଦି ନେତାମନ୍ କଇଲା, “ତୁଇ ପାପେ ଜନମ୍ ଅଇକରି ପୁରାପୁରନ୍ ପାପେ ବୁଡି ଆତୁସ୍ । ତେଇଅନି ତୁଇ ବାଅଡ୍ । ଆମ୍‌କେ ସିକାଇଲୁସ୍ତି ?” ଏନ୍ତି କଇକରି ସେମନ୍ ତାକେ ଜିଉଦିମନ୍‌ର୍ ପାର୍ତନା ଗରେଅନି ବାକ୍‌କରାଇଦେଲା ।

**ଆଡ଼ମା ଇସାବେ କାଣା ରଇବାଟା**

୩୫ ଜିସୁ ସେ ଲକ୍ମନ୍‌କେ ପାର୍ତନା ଗରେ ଅନି ବାକ୍ କରାଇ ଦେଲାଟା ସୁନି ଆରିତରେକ୍ ତାକେ ଦେକାଇଅଇ, ପାଚାରଲା, “ତୁଇ ପର୍ମେସର ତେଇଅନି ଆଇଲା ନର୍‌ପିଲାକେ ବିସ୍ତରାସ୍ କଲୁସ୍ତି କି ?”

୩୬ ସେ କାଣା ଲକ୍ମନ୍ କଇଲା, “ଏ ଆଗିଆଁ ସେ ଲକ୍ମନ୍ କେ ? ମୁଇ ତାକେ ବିସ୍ତରାସ୍ କର୍ବି ।”

୩୭ ଜିସୁ ତାକେ କଇଲା, “ତୁଇ ତାକେ ଦେକିଆତୁସ୍, ଆରି ଏବେ ଜନ୍ ଲକ୍ମନ୍ ସଙ୍ଗ୍ କାତା ଅଇଲୁସ୍ତି, ସେ ଆକା ସେ ଲକ୍ମନ୍ ।”

୩୮ ସେବେଲା ସେ କଇଲା, “ମାପ୍‌ରୁ ମୁଇ ତକେ ବିସ୍ତରାସ୍ କଲିନି ।” ଆରି ଜିସୁର୍ ମୁଆଟେ ମାଣ୍ଡିକୁଟା ଦେଇ ଜୁଆର୍ କଲା ।

୩୯ ଜିସୁ କଇଲା, “ମୁଇ ଏ ଦୁନିଆର ଲକ୍ଷ୍ମୀକେ ବିଚାର କରବାର ଆସିଆତି । ସେଟାର ପାଇ କାଣା ଲକ୍ଷ୍ମୀକେ ଦେକିପାରବାଇ, ଆରି ଦେକିପାରବା ଲକ୍ଷ୍ମୀକେ କାଣା ଅଇଜିବାଇ ।”

୪୦ ଜିସୁ ଏକ୍ତି କଇବା କାତା, ଲଗେ ରଇଲା କେତେଟା ପାରୁସି ଲକ୍ଷ୍ମୀକେ ସୁନିକରି ତାକେ ପାଚାରଲାଇ, “ଏକ୍ତି ବଇଲେ ଆମ୍ଭକେ କାଈ ଲକ୍ଷ୍ମୀକେ ବଲି ବାବୁଲୁସି କି ?”

୪୧ ଜିସୁ ସେମନ୍ତେ କଇଲା, “ତମେ କାଣା ଅଇରଇତାସ୍ ଆଲେ ଦସି ନ ଅଇତାସ୍ । ମାତର୍ ଦେକି ପାରୁନି ବଲି କଇଲାସିନିଜେ ଅଦିକ୍ ଦସି ।”

## ୧୦

### ମେଣ୍ଡା ଗଉଡ଼ର କାତା

୧ ଜିସୁ କଇଲା, “ମୁଇ ତମ୍ଭକେ ସତ୍ କଇଲିନି, ଜେ ଦୁଆର୍ ବାଟେ ନ ଜାଇ ବିନ୍‌ବାଟେ ଜାଇ ମେଣ୍ଡାସାଲେ କେଟ୍‌ସି, ସେ ଚର୍ ଆରି କାଙ୍ଗାର । ୨ ମାତର୍ ଜେ ଦୁଆର୍ ବାଟେ ଜାଇ ମେଣ୍ଡାସାଲେ କେଟ୍‌ସି, ସେ ମେଣ୍ଡା ରାସିର୍ ଗଉଡ଼ । ୩ ଜାଗୁଆଲ୍ ଦୁଆର୍ ଉଗାଡ଼ି ଦେଇସି ଆରି ନାଉଁ ଦାରି ତାକ୍‌ସି । ମେଣ୍ଡାମନ୍ ତାର୍ ତାକ୍‌ଲାଟା ସୁନ୍‌ବାଇ, ଆରି ସେମନ୍ତେ ବାରକରାଇ ଦାରିଜାଇସି । ୪ ନିଜର୍ ସବୁ ମେଣ୍ଡାମନ୍‌କେ ବାଇରେ ଆନ୍‌ବା ବେଲେ, ସେ ଆଗେ ଆଗେ ଇଣ୍ଡସି ଆରି ମେଣ୍ଡାମନ୍ ତାର୍ ପଟେ ପଟେ ଜିବାଇ । କାଇକେବଇଲେ ମେଣ୍ଡାମନ୍ ତାର୍ ତାକ୍‌ଲାଟା ଜାନତ୍ । ୫ ମାତର୍ ମେଣ୍ଡାମନ୍ କେବେ ମିସା ନ ଚିନ୍‌ଲା ଲକ୍‌ର୍ ପର୍ ପର୍ ନ ଜାଅତ୍, ତାର୍‌ଲଗେଅନି ପାଲାଇବାଇ । କାଇକେବଇଲେ ସେମନ୍ ଅତିନାର୍ ଲକ୍ ତାକ୍‌ଲେ ନ ଜାଅତ୍ ।”

୬ ଜିସୁ ସେମନ୍ତେ ଏକ୍ତି ଉଦାଅରଣ୍ ଦେଇ କଇଲା, ମାତର୍ ସେମନ୍ ତାର୍ ଅରତ୍ କାଇଟା ବଲି ବୁଜି ନାପାରଲାଇ ।

### ଜିସୁ ନିମାନ୍ ମେଣ୍ଡା ଗଉଡ଼

୭ ସେଟାର ପାଇ ଜିସୁ ଆରିତରେକ୍ କଇଲା, “ମୁଇ ତମ୍ଭକେ ସତ୍ କଇଲିନି ମୁଇ ମେଣ୍ଡାମନ୍‌ର୍ ତିଆଗତି । ୮ ମର୍ ଆଗତ୍ ଜେତେଲକ୍ ଆସିଆଚତ୍, ସେମନ୍ ସବୁଲକ୍ ଜାକ ଚର୍ ଆରି କାଙ୍ଗାରମନ୍, ସେଟାର୍‌ପାଇ ମେଣ୍ଡାମନ୍ ତାକ୍‌ର୍ କାତା ମୁଲ୍‌କେ ସୁନ୍‌ତନାଇ । ୯ ମୁଇ ଦୁଆର୍, ଜଦି କେ ମିସା ମର୍ ବାଟେ ଆସି କେଟ୍‌ସି ବଇଲେ, ସେ ରକିଆପାଇସି, ଆରି ସେ ବିତ୍‌ରେ ଆରି ବାଇରେ ଜାଇ ଚାରି ପାରସି । ୧୦ ଚର୍, ଚରାଇବାକେ, ମରାଇବାକେ, ଆରି ନାସ୍ କରବାକେସେ ଆଇସି, ମାତର୍ ମୁଇ ଜେକ୍ତିକି ସେମନ୍ତେ ପୁରାପୁରୁନ୍ ଜିବନ୍ ଦେବାକେ ଆଇଲି ଆତି ।”

୧୧ ମୁଇ ନିମାନ୍ ମେଣ୍ଡା ଚାରାଉ ଗଉଡ଼ । ନିମାନ୍ ଗଉଡ଼ ମେଣ୍ଡାମନ୍‌ର୍ ଲାଗି ନିଜର୍ ଜିବନ୍ ମିସା ଦେଇସି । ୧୨ ଜେ ମେଣ୍ଡା ଚାରାଉ ନଏଁ, ମାତର୍ ବୁଡ଼ି ପାଉ, ମେଣ୍ଡାମନ୍ ତାର୍ ନିଜର୍‌ଟା ନଅତ୍, ସେଟାର୍‌ପାଇ ତୁର୍କା ଆଇବାଟା ଦେକି ମେଣ୍ଡାମନ୍‌କେ ଚାଡ଼ି ପାଲାଇସି । ଆରି ତୁର୍କା ମେଣ୍ଡାମନ୍‌କେ ଦାରି ଚିନ୍ ଚତର୍ କରିଦେଇସି । ୧୩ ଜେ ବୁଡ଼ି ମିଲବଲି ମେଣ୍ଡା ଚାରାଇସି, ସେ ମେଣ୍ଡାମନ୍‌କେ ଚାଡ଼ି ଉଟିଜାଇସି । କାଇକେବଇଲେ ସେ ମେଣ୍ଡାମନ୍‌ର୍ ପାଇ ଚିନ୍ତା ନ କରେ । ୧୪ ✨ମୁଇ ନିକ ମେଣ୍ଡା ଚାରାଉ । ବାବା ଜେନ୍ତାରି ମକେ ଜାନେ, ମୁଇ ମିସା ସେକ୍ତି ବାବାକେ ଜାନି, ୧୫ ସେନ୍ତାରିସେ ମୁଇ ମର୍ ନିଜର୍ ମେଣ୍ଡାମନ୍‌କେ ଜାନି । ଆରି ମେଣ୍ଡାମନ୍ ମିସା ମକେ ଜାନତ୍ । ମୁଇ ସେମନ୍‌ର୍ ଲାଗି ମର୍ ଜିବନ୍ ଦେବାକେ ମିସା ରାଜି । ୧୬ ଏନ୍ତାରି ମର୍ ବିନ୍ ମେଣ୍ଡାମନ୍ ଆଚତ୍ । ସେମନ୍ ଏ ରାସି ଟାନେ ନାଇ, ମକେ ସେମନ୍‌କେ ମିସା ଆନ୍‌ବାକେ ପଡ଼ସି । ସେମନ୍ ମୁଇ ତାକ୍‌ବାଟା ସୁନ୍‌ବାଇ ଆରି ତେଇର୍ ଗଟେକ୍ ରାସି ଅଇ ରଇବାଇ । “

୧୭ “ମର୍ ବାବା ମକେ ଆଲାଦ୍ କଲାନ୍ତି, କାଇକେବଇଲେ ମୁଇ ମର୍ ଜିବନ୍ ଦେବାକେ ମନ୍ କଲିନି । ଆରି ମର୍ ଜିବନ୍ ଦାନ୍ କରବି ବଇଲେ ଆରିତରେକ୍ ସେଟା ପାଇବି । ୧୮ ମର୍ ଜିବନ୍ ବିନ୍ ଲକ୍ ନେଇ ନାପାରତ୍ । ସେଟା ମୁଇ ନିଜେ ମନ୍‌କରି ଦାନ୍ କରବି କି ଆରିତରେକ୍ ଆନ୍‌ବାକେ ମିସା ମର୍ ଅଦିକାର୍ ଆଟେ । ମର୍ ବାବା ମକେ ଏ ଅଦିକାର୍ ଦେଇଆଟେ ।”

୧୯ ଜିସୁର୍ ଏ ସବୁ କାତାର୍ ଲାଗି ଜିଉଦିମନ୍ ବାଗ୍ ବାଗ୍ ଅଇଗାଲାଇ । ୨୦ ସେମନ୍‌ର୍ ବିତ୍‌ରେ କେତେକ୍ ଲକ୍ କଇବାର୍ ଦାରଲାଇ, “ତାକେ ତୁମା ଦାରିଆଟେ, ସେ ବାୟାଟା, କାଇକେ ତାର୍ କାତା ସୁନ୍‌ଲାସିନି ?” ୨୧ ମାତର୍ ବିନ୍‌ଲକ୍‌ମନ୍ କଇଲାଇ, “ଏ ସବୁ କାତା ତା ତୁମା ଦାରି ରଇବା ଲକ୍ କଇନାପାରେ । ତୁମା କାଇ କାଣା ଲକ୍‌ର୍ ଆଁକି ନିମାନ୍ କରିଦେଇପାରେ କି ?”

### ଜିସୁକେ ନାମତ୍ ନାଇ

୨୨ ସେ ବେଲେ ସିତ୍ ଦିନ୍ ଅଇରଇଲା ଆରି ଜିରୁସାଲାମ୍ ମନ୍ଦିର୍ ତିଆର୍ କଲା ପରବ୍ ଅଇତେରଇଲା । ୨୩ ତେଇ ଜିସୁ ମନ୍ଦିରେ ସଲ୍‌ମନ୍‌ର୍ ମଣ୍ଡପେ ବୁଲ୍‌ତେରଇଲା । ୨୪ ତେଇ ଜିଉଦିମନ୍ ତାକେ ଚାରିବେଟ୍‌ତିଅନି ଡାବିଅଇ ପାଚାରବାର୍ ଦାରଲାଇ, “ଆରି କେତେ ଦିନ୍ ଜାକ ଆମ୍ଭକେ ନାତାଇସୁ ? ତମେ ଜଦି ପର୍‌ମେସର୍ ବାଟି ପାଟାଇଲା ରାଜା ମସିଅ ଅଇରଇଲେ ଆମ୍ଭକେ ସତ୍ କାତା କ ।”

୨୫ ଜିସୁ ସେମନ୍ତେ କଇଲା, “ମୁଇ ତମ୍ଭକେ ପର୍‌ତୁମ୍ କଇଆତି, ମାତର୍ ମକେ ବିସ୍‌ବାସ୍ କରାସନାଇ । ମର୍ ବାବାର୍ ଅଦିକାରେ ମୁଇ ଜନ୍ ଜନ୍ କାମ୍‌ମନ୍ କଲିଆତି, ସେ ସବୁଜାକ ମର୍ ବିସଇର୍ ସାକି ଦେଲାନ୍ତି । ୨୬ ମାତର୍ ତମେ ମକେ

✦ ୧୦:୧୪ ୧୦:୧୪ ମାଡିଉ ୧୧:୨୭; ଲୁକ୍ ୧୦:୨୨

ବିସ୍ବାସ କରାସନାଇ, କାଇକେବଇଲେ ତମେ ମର୍ ମେଣ୍ଡାମନ୍ ନୁଆସ । ୨୭ ମର୍ ସବୁ ମେଣ୍ଡାମନ୍ ମୁଇ ଡାକ୍ବାଟା ସୁନ୍ବାଇ, ମୁଇ ସେମନ୍କେ ଜାନି, ଆରି ସେମନ୍ ମର୍ ପତେ ପତେ ଆଇବାଇ । ୨୮ ଆରି ମୁଇ ସେମନ୍କେ ନ ସାର୍ବା ଜିବନ୍ ଦେବି । ସେମନ୍ କେବେମିସା ନସଟ ନ ଅଥଡ୍ । ସେମନ୍କେ ମର୍ ଆଡେଅନି କେ ମିସା ଚାଡାଇ ନେଇ ନାପାରଡ୍ । ୨୯ ମର୍ ବାବା ମକେ ଜନ୍ଟା ଦେଲାଆଡେ, ସେଟା ସବୁଟାନ୍ଦେଅନି ଅଦିକ୍ ମୁଲିଅ । ବାବାର୍ ଆଡେଅନି ସେଟା କେ ମିସା ଚାଡାଇ ନେଇ ନାପାରଡ୍ । ୩୦ ବାବା ଆରି ମୁଇ ଗଟେକ୍ ସେ ।”

୩୧ ଏ କାତା ସୁନି ଲକ୍ମନ୍ ତାକେ ଆରିତରେକ୍ ମାର୍ବାକେ ପାକ୍ନା ବେଟ୍ଲାଇ । ୩୨ ଜିସୁ ସେମନ୍କେ କଇଲା, “ମୁଇ ବାବାର୍ ଆଦେସ୍ ଇସାବେ ତମ୍ବେ କେଡେକ୍ କେଡେକ୍ ନିମାନ୍ କାମ୍ ଦେକାଇ ଆତି, ସେ ସବୁ ନିମାନ୍ କାମ୍ ବିଡରେଅନି, କନ୍ କାମ୍ପରପାଇ ମକେ ମାର୍ବାକେ ପାକ୍ନା ବେଟିଆଟାସ୍ ?” ୩୩ ସେମନ୍ ତାକେ କଇଲା, “ନିମାନ୍ କାମ୍ପର ଲାଗି ତକେ ଆମେ ମାର୍ବାକେ ପାକ୍ନା ବେଟୁନାଇ, ମାତର୍ ପର୍ମେସରକେ ନିନ୍ଦା କଲୁସ୍ନି ବଲିକରି, ଆରି ତୁଇ ମନସ୍ ଅଇକରି ନିଜ୍ବେ ପର୍ମେସର୍ ବଲାଇଅଇବାର୍ ଲାଗି ।”

୩୪ ଜିସୁ ସେମନ୍କେ କଇଲା, “ତମର୍ ରିଡିନିଡି ଟାନ୍ଦେ କାଇ ଏଟା ଲେକାନାଇ କି ? ପର୍ମେସର୍ କଇଲା ତମେ ପର୍ମେସର୍ । ୩୫ ଆମେ ଜାନୁ ସାସ୍ତରର୍ ବାକିଅ ସବୁ ଦିନର୍ ପାଇ ସଡ୍ । ପର୍ମେସରର୍ ବାକିଅ ଜନ୍ଲକ୍ମନ୍ ଜାନିଆଡ୍, ସେମନ୍କେ ପର୍ମେସର୍ ବଲି କୁଆ ଅଇଲାଆଡେ । ୩୬ ବାବା ମକେ ବାଟିକରି ଏ ଦୁନିଆଇ ପାଟାଇଆଡେ, ସେନ୍ତାର୍ ଆଲେ ମୁଇ ନିଜ୍ବେ ପର୍ମେସରର୍ ପ ବଲି କଇଲାକେ, ତମେ ମକେ କେନ୍ତ୍ର ପର୍ମେସରକେ ନିନ୍ଦା କଲୁସ୍ନି ବଲି କଇଲାସ୍ନି ? ୩୭ ମୁଇ ଜଦି ମର୍ ବାବାର୍ କାମ୍ ନ କରି, ସେନ୍ତାର୍ଆଲେ ମକେ ବିସ୍ବାସ୍ କରାନାଇ । ୩୮ ଜଦି ମୁଇ ସେ ମନ୍କଲାଟା ପୁରାପୁରୁନ୍ କର୍ବି ବଇଲେ, ମକେ ବିସ୍ବାସ୍ ନ କଲେମିସା ମୁଇ କର୍ବା କାମ୍ ବିସ୍ବାସ୍ କରା । ସେଟାର୍ ପାଇ ତମେ ଜାନିପାରାସ୍ ଜେ, ମର୍ ବାବା ପର୍ମେସର୍ ମର୍ ସଙ୍ଗ୍ ଆଡେ ଆରି ମୁଇ ତାର୍ଟାନ୍ଦେ ଆତି ।”

୩୯ ସେମନ୍ ଆରିତରେକ୍ ଜିସୁକେ ଦାର୍ବାକେ ଚେସ୍ଟା କଲା, ମାତର୍ ଜିସୁ ସେମନ୍କେ ଦାରାଇ ନ ଅଇକରି କସ୍ବି ଉଟିଗାଲା ।

୪୦ ଡାକ୍ପତେ ସେ ଆରିତରେକ୍ ଜର୍ଦନ୍ ଗାତର୍ ସେପାଟେ ଉଡିଜାଇକରି ଆଗେ ଜଅନ୍ ଜନ୍ ଜାଗାଇ ତୁବନ୍ ଦେଇ ରଇଲା, ସେ ଜାଗାଇ ଜାଇକରି ରଇଲା । ୪୧ ଆରି ବେସିଲକ୍ମନ୍ ତାର୍ଲଗେ ଆସିକରି କଇଲା, “ଜଅନ୍ ସିନା କାଇ କାବାଅଇ ଜିବା କାମ୍ କରି ନ ରଇଲା, ମାତର୍ ଏ ଲକ୍ମର୍ ବିସଇନେଇ ଜଅନ୍ ଜେଡକି କାତା କଇରଇଲା, ସେ ସବୁ ସଡ୍ ଆକା ।” ୪୨ ଆରି ସେ ଜାଗାଇ ବେସି ଲକ୍ମନ୍ ଜିସୁକେ ବିସ୍ବାସ୍ କଲା ।

## ୧୧

### ଲାଜାର୍ ମରନ୍

୧ ଡେବଡିଆ ଗଡେ ଲାଜାର୍ ନାଉର୍ ଗଟେକ୍ ଲକ୍ମକେ ଜର୍ ଅଇରଇଲା । ମରିୟ୍ମ୍ ଆରି ତାର୍ ବଇନି ମାର୍ତା ସେ ଗାଏଁ ରଇଲା । ୨ ଏ ମରିୟ୍ମ୍ ଅଇଲାନି, ଜନ୍ ମାଇଜି କି ବେସି ଦାମ୍ଦେବା ବାସ୍ନା ଚିକନ୍ ଜିସୁର୍ ପାଦେ ରକଇକରି ତାର୍ ଚେଣ୍ଡିସଙ୍ଗ୍ ପୁଟିଦେଇରଇଲା । ତାର୍ ବାଇ ଲାଜାର୍କେ ଆକା ଜର୍ ଅଇରଇଲା । ୩ ସେଟାର୍ପାଇ ତାର୍ ବଇନିମନ୍ ଜିସୁର୍ ଲଗେ କବର୍ ପାଟାଇଲା, “ମାପୁର୍ ତମେ ଜାକେ ଆଲାଦ୍ କଲାସ୍ନି, ସେ ବେସି ଜର୍ ଅଇଲାଆଡେ ।”

୪ ମାତର୍ ଜିସୁ ଏ କାତା ସୁନିକରି କଇଲା, “ଏ ଜର୍ ମର୍ବାପାଇ ଅଏ ନାଇ, ମାତର୍ ପର୍ମେସରର୍ ମଇମାର୍ ପାଇ । ସେଟାର୍ ଲାଗି, ତାର୍ ପଅ, ମୁଇ ମିସା ମଇମା ପାଇବି ।”

୫ ଜିସୁ, ମାର୍ତା, ତାର୍ ବଇନି ଆରି ଲାଜାର୍କେ ବେସି ଆଲାଦ୍ କର୍ଡେରଇଲା । ୬ ସେଟାର୍ପାଇ ଲାଜାର୍ ନିକ ନ ରଇବା କବର୍ ପାଇ ଜିସୁ ଜନ୍ ଜାଗାଇ ରଇଲା, ସେ ଜାଗାଇ ଆରି ଦୁଇଦିନ୍ ରଇଲା । ୭ ତାର୍ ପତେ ସେ ସିସ୍ମନ୍କେ କଇଲା, “ଆସା, ଆମେ ଆରିତରେକ୍ ଜିଉଦା ଦେସେ ବାଉଡି ଜୁ ।”

୮ ସିସ୍ମନ୍ ତାକେ କଇଲା, “ଏ ଗୁରୁ, ତମ୍ବେକେତା କେଡେ ଦିନ୍ ଆଗେ, ଲକ୍ମନ୍ ପାକ୍ନା ସଙ୍ଗ୍ ମାର୍ବାକେ ଚେସ୍ଟା କର୍ଡେରଇଲା, ତମେ ଆରିତରେକ୍ ତେଇ ଜିବାକେ ମନ୍ କଲାସ୍ନି କି ?”

୯ ଜିସୁ କଇଲା “ଗଟେକ୍ ଦିନେ କାଇ ବାର ଗଟା ଉଜଲ୍ ନ ରଏ କି ? ଜନ୍ ଲକ୍ମନ୍ ଦିନବେଲାର୍ ଉଜଲେ ରଇବାଇ, ସେମନ୍ ଜଟିଆଇ ନ ଅଥଡ୍, କାଇକେବଇଲେ ସେମନ୍କେ ଏ ଜଗତର୍ ଉଜଲ୍ ତିସ୍ସି । ୧୦ ମାତର୍ ରାତିଆ ଇଣ୍ଡଲେ ଜଟିଆଇ ଅଇବାଇ । କାଇକେବଇଲେ ସେମନ୍ଟାନ୍ଦେ ଉଜଲ୍ ନ ରଏ ।” ୧୧ ଜିସୁ ଏ ସବୁ କାତା କଇଲା ପତେ, ସିସ୍ମନ୍କେ କଇଲା, “ଆମର୍ ସବୁଲକ୍ମର୍ ମଇତର୍ ଲାଜାର୍ ଏବେ ସଇଆଡେ, ତାକେ ମୁଇ ଉଟାଇବାର୍ ଗାଲିନି ।”

୧୨ ତେଇ ସିସ୍ମନ୍ ଜିସୁକେ କଇଲା, “ମାପୁର୍, ଜଦି ସେ ସଇଲାଆଡେ ବଇଲେ ନିକ ଅଇସି ।” ୧୩ ଜିସୁ ଲାଜାର୍ ମରନ୍ ବିସଇ ନେଇକରି କଇରଇଲା, ମାତର୍ ସିସ୍ମନ୍ ଲାଜାର୍କେ ଗୁନର୍ଲାଗି ସଇଲା ବିସଇ କଇଲାନି ବଲି ବାବଲା । ୧୪ ସେଟାର୍ପାଇ ଜିସୁ ସେମନ୍କେ ନିକ ସଙ୍ଗ୍ ବୁଜଲା ପାରା କଇଲା, “ଲାଜାର୍ ମରିଗାଲାଆଡେ । ୧୫ ଆରି ମୁଇ ତେଇ ନ ରଇଲି, ସେଟାର୍ପାଇ ତମର୍ ସଙ୍ଗ୍ ସାର୍ଦା କଲିନି, ଜେନ୍ତାରିକି ତମେ ବିସ୍ବାସ୍ କର୍ସା । ମାତର୍ ଆସା,

☆ ୧୦:୪୦ ୧୦:୪୦ ଜଅନ୍ ୧:୨୮ ☆ ୧୧:୧ ୧୧:୧ ଲୁକ୍ ୧୦:୩୮, ୩୯ ☆ ୧୧:୨ ୧୧:୨ ଜଅନ୍ ୧୨:୩



ଏବେ ଆମେ ତାକେ ଜାଇ ଦେକୁ ।” ୧୭ ତେଇ ତମା ନାଉଁର୍ ଜାକେ କି ବିଦୁମ୍ ବଲି କଇବାଇ, ସେ ତାର୍ ସଙ୍ଘର୍ ସିସ୍‌ମନ୍‌କେ କଇଲା, “ଜୁ ଆମେ ମିସା ଗୁରୁର୍ ସଙ୍ଘ୍ ଜାଇ ତାର୍‌ସଙ୍ଘ୍ ମରୁ ।”

**ଜିସୁ ଜିବନ୍ ଆରି ମରନେଅନି ଉର୍‌ବା ଲକ୍**

୧୭ ଜିସୁ ବେଡ୍‌ନିଆଇ କେଟିକରି ସୁନ୍‌ଲା ଜେ ଲାଜାର୍‌କେ ସମାଦି ଦେଇ ତାର୍‌ଦିନ୍ ଅଇରଇଲା । ୧୮ ଜିରୁସାଲାମ୍ ଅନି ବେଡ୍‌ନିଆ ତିନ୍ କିଲମିଟର୍ ତେଇଅନି ଉନାର୍ ବାଟ୍ । ୧୯ ଆରି ଜିଉଦିମନର୍ ତେଇଅନି କେତେକ୍ କେତେକ୍ ଲକ୍‌ମନ୍ ମାର୍‌ତା ଆରି ମରିୟମ୍ ଲଗେ ତାର୍ ମରିଜାଇରଇବା ବାଇର୍ ବିସଇ ସାଁତାଇବାକେ ଆସିରଇଲାଇ ।

୨୦ ଜିସୁ ଆଇଲାନି ବଲି ସୁନ୍‌ଲା ଦାପ୍‌ରେ ମାର୍‌ତା ତାକେ ବେଟ୍‌ଅଇବାର୍ ଗାଲା । ମାତର୍ ମରିୟମ୍ ଗରେସେ ବସିରଇଲା । ୨୧ ମାର୍‌ତା ଜିସୁକେ କଇଲା, “ମାପ୍‌ରୁ ତମେ ଜଦି ଇତି ରଇତାସ୍ ବଇଲେ, ମର୍ ବାଇ ନ ମର୍‌ତା । ୨୨ ମାତର୍, ମୁଇ ଜାନି ଆତି । ଏବେ ମିସା ତମେ ପର୍‌ମେସରକେ ଜାଇଟା ମାଙ୍ଗ୍‌ଲେ, ସେଟା ଦେଇସି ।”

୨୩ ଜିସୁ ତାକେ କଇଲା, “ତର୍ ବାଇ ଆରି ଜିବନ୍ ଅଇ ଉର୍‌ସି ।”

୨୪ ମାର୍‌ତା ଜିସୁକେ କଇଲା, “ସେ ସାରାସାରି ଦିନେ ଆରିତରେକ୍ ଉର୍‌ବା ବେଲାଇ ଉର୍‌ସି, ଏଟା ମୁଇ ଜାନି ।”

୨୫ ଜିସୁ ତାକେ କଇଲା, “ମୁଇ ଜିବନ୍ ଆରି ମରିକରି ଆରିତରେକ୍ ଉର୍‌ବା ଲକ୍ । ଜେ ମକେ ବିସ୍‌ବାସ୍ କର୍‌ସି, ସେ ମଲେ ମିସା, ବର୍‌ସି । ୨୬ ଆରି ଜେ ଜଦି ବର୍‌ଟି ରଇକରି ବିସ୍‌ବାସ୍ କର୍‌ସି, ସେ କେବେ ମିସା ନ ମରେ । ଏ କାତା ବିସ୍‌ବାସ୍ କଲାସ୍‌ନି କି ?”

୨୭ ମାର୍‌ତା ଜିସୁକେ କଇଲା, “ଉଁ ମାପ୍‌ରୁ, ମୁଇ ବିସ୍‌ବାସ୍ କଲିନି । ତମେ ସେ ପର୍‌ମେସରର୍ ପ । ଜନ୍ ମସିଅ ଏ ଜଗତେ ଆଇବାର୍ ରଇଲା, ତମେ ସେ ଆକା ।”

**ଜିସୁ କାନ୍‌ଲା**

୨୮ ଏ ସବୁ କାତା କଇସାର୍‌ଲାପତେ ମାର୍‌ତା ଜାଇକରି ନିଜର୍ ବଇନିକେ କେ ନ ସୁନ୍‌ଲାପାରା ତାକି କଇଲା, “ଆଉ ଗୁରୁ ଆସିଆଟେ ଆରି ତକେ ତାକ୍‌ଲାନି ।” ୨୯ ମରିୟମ୍ ଏ କାତା ସୁନିକରି ଦାନ୍ଦା ପାନ୍ଦା ଅଇ ଜିସୁକେ ବେଟ୍ ଅଇବାର୍ ଗାଲା । ୩୦ ଜିସୁ ସେଡ୍‌କିବେଲା ଗାଉଁ ବିଡ୍‌ରେ ଆସି ନ ରଇଲା, ମାତର୍ ମାର୍‌ତା ତାକେ ଜନ୍ ଜାଗାଇ ବେଟ୍ ଅଇରଇଲା, ତେଇସେ ରଇଲା । ୩୧ ମରିୟମ୍ ଉଟିକରି ଦାନ୍ଦା ପାନ୍ଦା ଅଇ ବାଇରେ ସାଁତାଇବାକେ ଆସିରଇଲା ଲକ୍‌ମନ୍ ଦେକ୍‌ଲାଇ, ସେମନ୍ ମିସା ତାର୍ ପଟେ ପଟେ ଗାଲାଇ । ସେମନ୍ ବାବ୍‌ଲାଇ, ସେ କବର୍ ଲଗେ କାନ୍‌ବାର୍ ଗାଲାନି ।

୩୨ ତେଇ ଜିସୁ ଜନ୍ ଜାଗାଇରଇଲା, ମରିୟମ୍ ସେ ଜାଗାଇ କେଟ୍‌ଲା ଆରି ଜିସୁକେ ଦେକିକରି ତାର୍ ପାଦେ ତାଣ୍ଡାସନ୍ ପଡି କଇଲା, “ମାପ୍‌ରୁ ତମେ ଜଦି ଇତି ରଇତାସ୍‌ଆଲେ ମର୍ ବାଇ ନ ମର୍‌ତା ।”

୩୩ ମରିୟମ୍ ତାକେ ଆରି ତାର୍ ସଙ୍ଘ୍ ରଇବା ଲକ୍‌ମନ୍ କାନ୍‌ତେରଇବାଟା ଦେକି ଜିସୁ ଆଡ୍‌ମାଇ ବେସି ମନ୍‌ଦୁକ୍ ଅଇଗାଲା । ୩୪ ସେ ପାଚାର୍‌ଲା, “ତାକେ କନ୍ତି କବର୍ ଦେଇଆଟାସ୍ ?”

ସେମନ୍ ତାକେ କଇଲା, “ମାପ୍‌ରୁ ଆସିଦେକା ।”

୩୫ ଜିସୁ କାନ୍‌ଲା । ୩୬ ତେଇ ଜିଉଦି ଲକ୍‌ମନ୍ କଇଲା, “ଦେକା, ସେ ଲାଜାର୍‌କେ କେନ୍ତି ଆଲାଦ୍ କର୍‌ତେରଇଲା ।”

୩୭ ମାତର୍ ସେମନର୍ ବିଡ୍‌ରେଅନି କେତେକ୍ ଲକ୍ କଇଲା, “ଏ ଲକ୍ ଜନ୍ କାଣାକେ ଆଁକି ଡିସାଇରଇଲା, ସେ ମନ୍‌କଲେ କାଇ ଏ ଲାଜାର୍‌ ମରନ୍ ମିସା ତେବାଇ ନାପାର୍‌ତା କି ?”

**ଜିସୁ ଲାଜାର୍‌କେ ମଲାତେଇ ଅନି ଉଟାଇଲା**

୩୮ ତେଇ ଆରିତରେକ୍ ଜିସୁ ମନ୍ ବିଡ୍‌ରେ କିଲ୍‌ବିଲ୍ ଅଇ ସମାଦି ଲଗେ ଗାଲା । ସମାଦିଟାନେ ଗଟେକ୍ ପାଆର୍ ଆରି ପାଆର୍ ମୁଆଟେ ଗଟେକ୍ ବଡ୍ ପାକ୍‌ନା ତାବିଅଇରଇଲା । ୩୯ ଜିସୁ ତିଆର୍‌ଲା, “ଏ ପାକ୍‌ନା ଗୁଟାଇଦିଆସ୍ ।” ମରିଜାଉ ଲାଜାର୍‌ ବଇନି ମାର୍‌ତା କଇଲା, “ମାପ୍‌ରୁ ସେଟା କୁଇକରି ଗନ୍‌ ଗାଲାବେ, କାଇକେବଇଲେ, ତାକେ କବର୍‌ଦେଇ ତାର୍‌ଦିନ୍ ଅଇଗାଲା ।”

୪୦ ଜିସୁ ମାର୍‌ତାକେ କଇଲା, “ତୁଇ ଜଦି ବିସ୍‌ବାସ୍ କର୍‌ସୁ ବଇଲେ ପର୍‌ମେସରର୍ ମଇମା ଦେକ୍‌ସୁ ବଲି ମୁଇ ତକେ କଇ ନ ରଇଲି କି ?” ୪୧ ତେଇ ସେମନ୍ ପାକ୍‌ନା ଗୁଟାଇଲା । ଜିସୁ ସରଗ୍‌ବାଟେ ମୁ କରି କଇଲା, “ବାବା ତମେ ମର୍ ପାର୍‌ତନା ସୁନ୍‌ଲାସ୍ ବଲି ମୁଇ ତମ୍‌କେ ଦନିଅବାଦ୍ ଦେଲିନି । ୪୨ ତମେ ଜେତେବେଲେ ମିସା ମର୍ ପାର୍‌ତନା ସୁନ୍‌ସା, ଏଟା ମୁଇ ଜାନି, ମାତର୍ ଜନ୍ ଲକ୍‌ମନ୍ ଏ ଚାରିବେଡ୍‌ଡି ଚିଆଅଇ ଆତଡ୍, ସେମନ୍ ଜେନ୍ତିକି ତମେଆକା ମକେ ପାଟାଇଆଟାସ୍ ବଲି ବିସ୍‌ବାସ୍ କର୍‌ବାଇ, ଏଟାର୍ ପାଇ ମୁଇ ଏନ୍ତିବଲି କଇଲି ।” ୪୩ ଏନ୍ତି କଇ ସାରାଇ ଜିସୁ ଆକ୍‌ମାରି ତାକ୍‌ଲା, “ଲାଜାର୍ ତୁଇ ବାରଇ ଆଉ ।” ୪୪ ତାକ୍‌ଲା ଦାପ୍‌ରେ ମଲା ଲାଜାର୍ ବାରଇ ଆଇଲା । ତାର୍ ଆତେ ଗଡେ ମଡା ଲୁଗା ବାନ୍ଦାଅଇରଇଲା । ମୁଏ ମିସା ଗର୍‌ଣ୍ଡା ଗୁଡିଆଇ ଅଇରଇଲା । ଜିସୁ ସେମନ୍‌କେ କଇଲା “ତାକେ ବାନ୍‌ଲାଟା କୁସ୍‌ଲାଇ କରି, ଜିବାକେ ଦିଆସ୍ ।”

**ଜିସୁର୍ ବିରୁଦେ କୁଟ୍ ପାଁର୍‌ବାଟା**

(ମାଡିଉ ୨୭:୧-୫; ମାର୍‌କ ୧୪:୧-୨; ଲୁକ୍ ୨୨:୧,୨)

୪୫ ଜିଉଦି ଲକ୍ଷ୍ମୀନର ବିତ୍ତରେଅନି, ବେସି ଲକ୍ଷ୍ମୀ ମରିୟମର ଲଗେ ଆସିରଇଲା, ଆରି ଜିସୁର ଏ କାମ ଦେକି, ତାକେ ବିସ୍ବାସ କଲା । ୪୬ ଆରି ସେମାନର ବିତ୍ତରେଅନି କେତେଲକ୍ଷ୍ମୀ ପାରୁସିମାନର ଲଗେ ଜାଇକରି ଜିସୁ କରି ରଇବା କାମ ଲକ୍ଷ୍ମୀନକେ ଜାନାଇଲା । ୪୭ ପରେ ମୁକିଅ ପୁଜାରିମନ୍ ଆରି ପାରୁସିମନ୍ ଗଟେକ୍ ବଡ଼ ପାଁଟାଦି ତାକାଇ କଇଲା, “ଆମେ କାଇଟା କରୁ ? ଦେକା ଏ ଲକ୍ଷ୍ମୀ ତା କେତେକ୍ କେତେକ୍ କାବାଅଇଜିବା କାମ୍ମାନ କଲାନି । ୪୮ ଆମେ ଜିଉଦି ଆକେ ଏନ୍ତାରି ଚାଡ଼ିଦେଉଁ ବଇଲେ ସବୁଲକ୍ଷ୍ମୀ ତାର୍ଗାନେ ବିସ୍ବାସ କରବା ଆରି ରମିୟ ଅଦିକାରି ଆସିକରି ଆମର୍ ଏ ମନ୍ଦିର ଆରି ଆମର୍ ବିସ୍ବାସ କରବା ଦରମ୍ ସବୁ କୁରୁପନାସ୍ କରିପାକାଇସି ।”

୪୯ ମାତର ସେମାନର ବିତ୍ତରେଅନି ଗଟେକ୍ କୟାପା ନାଉଁର, ସେ ବରସର ପାଇ ବାଟିରଇବା ବଡ଼ ପୁଜାରି, କଇଲା “ତମେ କେତେ ବକ୍ତୁଆ ଲକ୍ଷ୍ମୀନ ! ୫୦ ତମେ କାଇ ବୁଜି ନାପାରୁଲାସ୍ ? ଗୁଲାଇ ଜାତି ନାସ୍ ଅଇବା ବାଦୁଲେ ଗଟେକ୍ ଲକ୍ଷ୍ମୀ ମରବାଟା ନିକ ।” ୫୧ କୟାପା ସତଇସେ ତାର୍ ନିଜରଗାନେ ଅନି ଏନ୍ତି କଇ ନ ରଇଲା, ମାତର ସେ ବରସର ବଡ଼ ପୁଜାରି ଅଇରଇଲାର୍ ଲାଗି ପଚର ଗଟନା ସବୁ ବବିସଡ଼କାତା ତାର୍ ମୁର୍ ଅନି ବାରଇରଇଲା । ସେ ଜାନିଦେଇ ରଇଲା ଜେ, ୫୨ ଚିନ୍ ଚତର ଅଇଜାଇରଇବା ପରମେସରର ଲକ୍ଷ୍ମୀନକେ ଚୁଲିଆଇ, ଗଟେକ୍ କୁଟୁମ୍ କରାଇବାକେ ଜିସୁ ମରବାକେ ଗାଲାନି । ୫୩ ତେବରପାଇ ସେ ଦିନେଅନି ଜିଉଦିନେତାମନ୍ ଜିସୁକେ ମରାଇବାକେ ପାଁଟନା କଲା । ୫୪ ତେବେ ଜିସୁ ଜିଉଦି ଲକ୍ଷ୍ମୀନର ବିତ୍ତରେ ସବୁଲକ୍ଷ୍ମୀ ଜାନିଲା ପାରା ବୁଲାଗାଲା ନ କରତେ ରଇଲା । ସେ ଜାଗାଇଅନି ବାରଇଜାଇକରି, ମରୁବାଲି ବୁର୍ ରଇବା କିନରା ଜାଗାଇ ରଇଲା ଏପରଇମ୍ ନାଉଁର ଗଟେକ୍ ଗତେ ଜାଇ ସିସ୍ମାନର ସଙ୍ଗ୍ ତେଇ ରଇଲା । ୫୫ ଜିଉଦିମାନର ନିସ୍ତାର ପରବ୍ କେଟିଆଇଲା । ସେ ପରବ୍ ଅଇବା ଆଗ୍ତୁ ନିଜେ ନିଜେ ସୁକଲ୍ ଅଇବାକେ ଗୁଲାଇ ରାଇଜର୍ ଲକ୍ଷ୍ମୀନ ନିସ୍ତାର ପରବ୍ ଆଗ୍ତୁ ଜିରୁସାଲାମ୍ ଜିବାକେ ବାଟ୍ଦାରଲା । ୫୬ ସେମନ୍ ଜିସୁକେ କଜ୍ଲାଆ ଆରି ମନ୍ଦିର ଚିଆଅଇଲାବେଲେ ତାକର୍ ତାକର୍ ବିତ୍ତରେ କୁଆବଲା ଅଇଲା, “ସେ ପରବ୍ଗାନେ ନ ଆସେବଲି କାଇ ତମେ ବାବ୍ଲାସ୍ କି ?” ୫୭ ମୁକିଅ ପୁଜାରି ଆରି ପାରୁସି ଲକ୍ଷ୍ମୀନ ଜିସୁକେ ଦାରବାକେ ସେ କନ୍ତି ଆଚେ ଜାନିରଇବାଇ ବଲି, ସେଟା ଆଦେସ୍ ଦେଇରଇଲା ।

### ୧୨

#### ଜିସୁକେ ବେଡ଼ନିଆଇ ଚିକନ୍ ଲାଗାଇଲା (ମାତିଉ ୨୭:୭-୧୩; ମାର୍କ ୧୪:୩-୯)

୧ ଏଡ଼କି ବିତ୍ତରେ ଜିସୁ ନିସ୍ତାର ପରବ୍ ଅଇବାକେ ଚ ଦିନର୍ ଆଗ୍ତୁ ବେଡ଼ନିଆ ଗାଲା । ତେଇ ଲାଜାରର୍ ଗର୍ । ଜିସୁ ଏ ଲାଜାରକେସେ ମଲାଗାନେଅନି ଉଟାଇରଇଲା । ୨ ସେ ରାତି ତେଇ ଜିସୁପାଇ ଗଟେକ୍ ବଜି ଚିକ୍ କଲା । ଆରି ମାର୍ତା ସେମନ୍କେ କୁଆପୁଟା କରାଇତେରଇଲା । ଲାଜାର୍ ଜିସୁର ସଙ୍ଗ୍ ବଜିତେଇ ବସି ରଇଲା ।

୩ \*ସେଡ଼କିବେଲେ ମରିୟମ୍ ଜଟାମାଉସ୍ ନାଉଁର ବେସି ଦାମେ ତିଆର୍ ଅଇଲା ଅଦ୍ ଲିଟର୍ ବାସନା ଚିକନ୍ ଆନି ଜିସୁର ପାଦେ ରକଇ ନିଜର୍ ଚେଣ୍ଡିସଙ୍ଗ୍ ପୁଟିଦେଲା । ଆରି ସେ ଚିକନ୍ ସୁନ୍ଦର୍ ବାସନା ଗୁଲାଇ ଗର୍ ଗମକିଗାଲା । ୪ ଜିସୁର ସିସ୍ମାନର ବିତ୍ତରେ ଅନି ଇସ୍କାରିୟଡ଼ ଜିଉଦା ନାଉଁର ସିସ୍, ଜେ କି ଜିସୁକେ ସଡ଼ରୁମନ୍କେ ସର୍ପିଦେବାକେ ଜାଇତେ ରଇଲା, ସେ କଇଲା, ୫ “ଏ ବାସନା ଚିକନ୍ ତିନ୍ ସଅ ରୁପା ଟାଙ୍ଗାକେ ବିକିକରି ସେ ତାରୁ ଗରିବ୍ ଲକ୍ଷ୍ମୀନକେ ଦେଲେ ନଇତା କି ?” ୬ ଇସ୍କାରିୟଡ଼ ଜିଉଦା ଗରିବ୍ ଲକ୍ଷ୍ମୀନପାଇ ଚିନ୍ତା କରତେରଇଲାଜେ ଏନ୍ତି କଇଲା ବଲି ନାଇ, ମାତର ସେ ଗଟେକ୍ ଚର୍ । ତାର୍ ଦାଇତେ ରଇଲା ଟାଙ୍ଗାମୁନା ଟାନେଅନି ସେ ନିଜର୍ ପାଇ କେତେକ୍ କେତେକ୍ ଲୁଟାଇ ନେଇତେରଇଲା ।

୭ ମାତର ଜିସୁ କଇଲା, “ତାକେ କାଇଟା ବଲି କୁଆ ନାଇ, ତାର୍ଗାନେ ଜେଡ଼କି ଆଚେ, ସେଟା ଜେନ୍ତିକି ମର୍ ସମାଦି ଦିନର୍ପାଇ ସଙ୍ଗ୍ଆଚେ । ୮ ଗରିବ୍ ଲକ୍ଷ୍ମୀନ ତା ସବୁବେଲେ ତମର୍ ସଙ୍ଗ୍ ରଇଲାକିନି, ମାତର ମୁଇ ସବୁବେଲେ ନ ରଇ ।”

#### ଲାଜାର୍ ବିରୁଦେ କୁଟ୍ ପାଁଟବାଟା

୯ ଏଡ଼କିବିତ୍ତରେ ଜିସୁ ବେଡ଼ନିଆଇ ଆଚେ ବଲି ଜାନିକରି ବେସି ଜିଉଦି ଲକ୍ଷ୍ମୀନ ଆଇଲା । ଅବ୍କା ଜିସୁକେ ସେ ଦେକ୍ବାକେ ନାଇ, ମାତର ଜନ୍ ଲାଜାରକେ ଜିସୁ ମଲାଗାନେଅନି ଉଟାଇରଇଲା ତାକେ ମିସା ଦେକ୍ବାର୍ ଆସିରଇଲା । ୧୦ ମାତର ମୁକିଅ ପୁଜାରିମନ୍ ଲାଜାରକେ ମିସା ମରାଇବାକେ ଜଜ୍ନା କଲା । ୧୧ କାଇକେବଇଲେ ତାର୍ଲାଗି ବଲି କେତେକ୍ କେତେକ୍ ଜିଉଦି ଲକ୍ଷ୍ମୀନ ନେତାମନ୍କେ ଚାଡ଼ି ଜିସୁକେ ବିସ୍ବାସ କରତେରଇଲା ।

#### ଜିସୁ ଜିରୁସାଲାମ୍ ପୁରବାଟା

#### (ମାତିଉ ୨୧:୧-୧୧; ମାର୍କ ୧୧:୧-୧୧; ଲୁକ୍ ୧୯:୨୮-୪୦)

୧୨ ତାର୍ ଆରକର୍ ଦିନେ ରକିଆପାଇବା ପରବେ ଆସିରଇବା ବେସି ଲକ୍ଷ୍ମୀନ ଜିସୁ ଜିରୁସାଲାମ୍ ଆଇଲାନି ବଲି ସୁନ୍ଲା । ୧୩ ସେଟାର୍ ପାଇ ସେମନ୍ କଜ୍ରିତାଲ୍ ଦାରି ଜିସୁକେ ବେଡ଼ଅଇବାର୍ ଗାଲା, ଆରି ଆଉଲିଅଇକରି

☆ ୧୨:୩ ୧୨:୩ ଲୁକ୍ ୭:୩୭,୩୮

କଇଲାଇ, “ଅସାନା, ଜେ ମାପୁରୁର୍ ନାଉଁଦାରି ଆଇଲାନ୍ତି ତାର୍ ମଙ୍ଗଲ୍ ଅ, ପର୍ମେସର୍ ତାକେ ଆସିର୍ବାଦ୍ କର । ସେ ଇସ୍ରାଏଲର୍ ରାଜା ଡାକ୍ପୁଟା ପାଅ ।”

୧୪ ଆରି ଜିସୁ ଗଟେକ୍ ଗଦ ପିଲାର୍ ଉପ୍ରେ ବସି ଆଇତେ ରଇଲା । ଜେନ୍ତିକି ସାସ୍ତରେ ଲେକାଅଇଲା ଏ ବସିସ୍ତ କାତା ସିଦ୍ ଅଇଲା ।

୧୫ “ଏ ସିୟନ୍ ନଅରର୍ ଲକ୍ମନ୍, ତମେ ଡରାନାଇ ଦେକା ତମର୍ ରାଜା ଗଟେକ୍ ଗଦ ପିଲାର୍ ଉପ୍ରେ ବସି ଆଇଲାନ୍ତି ।”

୧୬ ପର୍ତୁମ୍ ପର୍ତୁମ୍ ଜିସୁର୍ ସିସ୍ମନ୍ ଏ ବିସଇ ରୁଜି ନ ରଇଲାଇ । ମାତର୍ ଜିସୁ ଜେତେବେଲା ମଲାଟାନେଅନ୍ତି ଉଟ୍ଲା ପଟେ ଏ ସବୁଜାକ ଲେକା ଏତାଇଲାଇଜେ, ସାସ୍ତରେ ତାର୍ ବିସଇସେ ଲେକା ଅଇରଇଲା । ଆରି ସେମନ୍ ତାର୍ ପାଇ ସବୁ କାମ୍ କରିରଇଲାଇ । ୧୭ ଜିସୁ ଲାଜାର୍କେ ମଲାଟାନେଅନ୍ତି ଉଟାଇକରି ସମାଦିଅନ୍ତି ବାରଇବାକେ କଇଲାବେଲେ ଜନ୍ ଲକ୍ମନ୍ ଜିସୁର୍ ସଙ୍ଗ୍ ରଇଲାଇ, ସେମନ୍ ସେ ଗଟ୍ନା ବିସଇର୍ ସାକି ଦେବାର୍ ଦାରଲାଇ । ୧୮ ସେଟାର୍ପାଇ ଲକ୍ମନ୍ ତାକେ ବେଟ୍ଅଇବାକେ ଜାଇରଇଲାଇ । କାଇକେବଇଲେ ସେ ଆକା ଏ କାବା ଅଇବା କାମ୍ମନ୍ କଲାନ୍ତି ବଲି ସେମନ୍ ସୁନିରଇଲାଇ । ୧୯ ତେଇ ପାରୁସିମନ୍ ତାକର୍ ତାକର୍ ବିତ୍ତରେ କୁଆବଲା ଅଇଲାଇ, “ଦେକ୍ଲାସନ୍ତି କାଇକି, ଆମେ ଚେସ୍ଟା କଲାଟା ଗଟେକ୍ ମିସା ଅଏନାଇ, ଦେକାନ୍ତି ଗୁଲାଇ ଦୁନିଆଜାକ ତାର୍ ପଟେ ଗାଲାନ୍ତି ।”

**କେତେଟା ଗିରିକ୍ ଲକ୍ମନ୍ ଜିସୁକେ କଜ୍ବାଟା**

୨୦ ନିସ୍ତାର୍ ପରବ୍ କର୍ବାକେ ଆସିରଇବା ଲକ୍ମନ୍ ବିତ୍ତରେ ଗିରିକ୍ ଲକ୍ମନ୍ ମିସା କେତେଲକ୍ ରଇଲାଇ ।

୨୧ ସେମନ୍ ପିଲିପର୍ ଲଗେ ଆସି ତାକେ କଇଲାଇ, “ଏ ଆଗିଆଁ ଆମେ ଜିସୁକେ ଦେକ୍ବାକେ ମନ୍ କଲୁନ୍ତି ।” ପିଲିପ୍ ବେତ୍ସାଇଦାର୍ ଲକ୍ ରଇଲା ।

୨୨ ପିଲିପ୍ ଜାଇ ଆନ୍ଦରିୟକେ ଏ କବର୍ ଜାନାଇଲାକେ ସେମନ୍ ଜାଇ ଜିସୁକେ କଇଲାଇ । ୨୩ ଜିସୁ ସେମନ୍କେ କଇଲା, “ପର୍ମେସର୍ତେଇ ଅନ୍ତି ଆଇଲା ନର୍ପିଲା ମୁଇ ଡାକ୍ପୁଟା ପାଇବା ବେଲା ଆସି କେଟି ଆଟେ । ୨୪ ମୁଇ ତମ୍କେ ସଡ୍କାତା କଇଲିନ୍ତି ଜଦି ଗଅମ୍ ମୁଞ୍ଜି ରୁଏଁ ଅଦ୍ରି ନ ମରବା ଜାକ ସେନ୍ତିସେ ରଇସି । ସେଟା ମଲେ ସେ ବେସି ମୁଞ୍ଜି ଦାରସି । ୨୫ ଜେ ନିଜର୍ ଜିବନ୍କେ ବେସି ଆଲାଦ୍ କର୍ସି, ସେ ସେଟା ଆରାଇସି । ଜେ ନିଜର୍ ଜିବନ୍ ଗିନ୍ କର୍ତେରଇସି, କାଲ୍ କାଲ୍ ଜୁଗ୍ ଜୁଗ୍ ଜାକ ତାର୍ ଜିବନ୍ ରକିଆ କର୍ସି । ୨୬ ଜନ୍ ଲକ୍ ମର୍ ସେବା କର୍ବାକେ ମନ୍ କଲାନ୍ତି, ସେ ମର୍ ସଙ୍ଗ୍ ଆସ । ମୁଇ ଜନ୍ ଜାଗାଇ ରଇବି, ମର୍ ସେବା କାମ୍ କର୍ବା ଲକ୍ମନ୍ମିସା ସେ ଜାଗାଇ ରଇବାଇ । ଆରି ସେ ମର୍ ଆରି ମର୍ ବାବା ପର୍ମେସର୍ ସନ୍ମାନ୍ ପାଇସି ।”

**ଜିସୁ ତାର୍ ମରନ୍ ବିସଇ ନେଇ କଇବାଟା**

୨୭ ଏବେ ମର୍ ଜିବନ୍ ବେସି ବାୟାବିକଲ୍ ଅଇଗାଲାନ୍ତି । କାଇଟା କଇବି ? ଏ ବାବା ମକେ ଏ ଦୁକର୍ ବେଲାଅନ୍ତି ରକିଆ କର୍ ବଲି ଗୁଆରି କର୍ବି କି ? ନାଇ ସେନ୍ତି ନ କଇ । ଦୁକ୍ କସ୍ଟ ମୁରର୍ବାକେ ସେ ମୁଇ ଆଇଲିଆଟି । ୨୮ ଏ ବାବା ତର୍ ନାଉଁ ଡାକ୍ପୁଟା କର । ସେ ବେଲା ସର୍ଗେଅନ୍ତି ଏ କାତା କଇବା ସବ୍ଦ୍ ଆଇଲା, “ମର୍ ନାଉଁ ଡାକ୍ପୁଟା କଲିଆଟି, ଆରି ତରେକ୍ ଡାକ୍ପୁଟା କର୍ବି ।”

୨୯ ତେଇ ଟିଆଅଇ ରଇଲା ଲକ୍ମନ୍ ଏ ସବ୍ଦ୍ ସୁନି କରି “ଏଟା ବାଦଲ୍ ଗୁଡ୍ଗୁଡ୍ଲା” ବଲି କଇଲାଇ । ମାତର୍ ଅଦେକ୍ ଲକ୍ମନ୍, “ସର୍ଗେଅନ୍ତି ଗଟେକ୍ ଦୁଡ୍ ତାର୍ ସଙ୍ଗ୍ କାତା ଅଇଲାନ୍ତି” ବଲି କଇଲାଇ ।

୩୦ ଜିସୁ ସେ ଲକ୍ମନ୍କେ କଇଲା, “ଏ ସବ୍ଦ୍ ମର୍ ପାଇ ଅଏନାଇ, ମାତର୍ ତମର୍ ପାଇସେ ଅଇଲା । ୩୧ ଏବେ ଏ ଦୁନିଆର୍ ବିଚାର୍ କର୍ବା ଦିନ୍ କେଟ୍ଲା ଆଟେ, ଏ ଦୁନିଆର୍ ସାସନ୍ କରୁକେ ମୁଇ ବାଇରେ ପିଜିଦେବି । ୩୨ ଆରି ମକେ କୁର୍ସେ ଟେକ୍ଲେ, ସବୁ ଲକ୍ମନ୍କେ ମର୍ବାଟେ ଜିକ୍ବି ” ବଲି କଇଲା । ୩୩ ସେ କେନ୍ତିଅଇ ମର୍ବାକେ ଗାଲାନ୍ତି, ସେଟା ଜାନାଇବାକେ ଏନ୍ତି କଇରଇଲା ।

୩୪ ସେବେଲା ସବୁ ଲକ୍ମନ୍ ତାକେ କଇଲାଇ, “ମସିଅ ସବୁ ଦିନର୍ ପାଇ ବଠି ରଇସି ବଲି ଆମର୍ ସାସ୍ତରେ ଲେକା ଆଟେ । ତୁଇ କେନ୍ତି ପର୍ମେସର୍ ପିଲାକେ କୁର୍ସେ ଟେକ୍ବାଇ ବଲି କଇଲୁସନ୍ତି ? ଏନ୍ତିବଇଲେ ପର୍ମେସର୍ ଗାନେଅନ୍ତି ଆଇଲା ନର୍ପିଲା କେ ତେବେ ?”

୩୫ ଜିସୁ ସେମନ୍କେ କଇଲା, “ଏବେ ତମର୍ ମୁଆଟେ ଜନ୍ ଉଜଲ୍, ଉଜଲ୍ ଦେଲାନ୍ତି, ସେଟା ଚନେକର୍ପାଇସେ ରଇସି । ଜନ୍ ଜାଗାଇ ଜିବାର୍ ଆଟେ, ଉଜଲ୍ ରଇତେ ଆକା ଇଣ୍ଡା । ସେନ୍ତାର୍ଆଲେ ତମ୍କେ ଆନ୍ଦାର୍ ନ ତାବେ । ଆନ୍ଦାରେ ରଇବା ଲକ୍ କେନେ ଗାଲାନ୍ତି ସେଟା ନାଜାନେ । ୩୬ ସେଟାର୍ ପାଇ ତମର୍ ଲଗେ ଉଜଲ୍ ରଇତେସେ ଉଜଲ୍ ପାରା ରଇବା ମର୍କାତା ବିସ୍ବାସ୍ କରା । ତେବେ ତମେ ଉଜଲ୍ ଲକ୍ ଅଇସା ” ବଲିକରି କଇଲା । ଜିସୁ ଏ କାତା କଇକରି ଉଟିଗାଲା ଆରି ସେମନ୍କେ ନ ଦେକାଇଅଇକରି ରଇଲା ।

☆ ୧୨:୨୫ ୧୨:୨୫ ମାଡିଉ ୧୦:୩୯; ୧୭:୨୫; ମାର୍କ ୮:୩୫; ଲୁକ୍ ୯:୨୪; ୧୭:୩୩

**ଲକ୍ମନ ବିସ୍ବାସ ନ କରବାଟା**

୩୭ ଜିସୁ ସେମନର୍ ଦେକ୍ତେ କେତେକ୍ କେତେକ୍ କାବା ଅଇଜିବା କାମ୍ମନ୍ କରଇଲେ ମିସା, ସେମନ୍ ତାକେ ବିସ୍ବାସ କରନ୍ନାଇ । ୩୮ ଜେନ୍ତାରି ଜିସାୟ ବବିସ୍ତବକ୍ତା କଇଲା କାତା ସତ୍ ଅଇଲା । ସେ ଏକ୍ତି କଇରଇଲା, “ଏ ମାପ୍ତୁରୁ, ଆମେ କଇଲା କାତା ସୁନିକରି କେ ବିସ୍ବାସ କଲାଆଚେ ?

ଆରି ମାପ୍ତୁରୁ କାର୍ଲଗେ ତାର୍ ରକିଆ କରବା ବପୁ ଦେକାଇଲା ?”

୩୯ ସେଟାର୍ପାଇ ସେମନ୍ ବିସ୍ବାସ ନ କରତେରଇଲା । ତେବେ ଜିସାୟ ଆରିତରେକ୍ କଇଲାଆଚେ,

୪୦ ପର୍ମେସର୍ ଜେକ୍ତିକି ତାକର୍ ଦେକ୍ତା ଆଁକି କାଣା କରଦେଇଆଚେ

ଆରି ସେମନର୍ ବୁଜ୍ଜବା ବପୁ ନସାଇଦେଇଆଚେ

ସେଟାର୍ପାଇ ସେମନ୍ ଦେକି ନାପାରଲାଇନି

କି ମୁଲ୍ଲକେ ବୁଜି ନାପାରଲାଇନି ।

ସେମନ୍ ନିକ ଅଇବାକେ ମର୍ଟାନେ ବାଉଡି ଆସତନାଇ ।

ଏଟା ପର୍ମେସର୍ କଇଲାନି । ଆମେ ସେମନ୍‌କେ ନିକ ନ କରୁ ।

୪୧ ଜିସାୟ ବବିସ୍ତବକ୍ତା ପୁର୍ବେ ଜିସୁ ମାପ୍ତୁରୁ ଏ ସବୁ ମଇମା ଜାନିରଇଲାଜେ ଏକ୍ତି ବଲି କଇରଇଲା ।

୪୨ ଏଲେ ମିସା ଜିଉଦି ନେତାମନର୍ ବିତ୍ରେଅନି କେତେ ଲକ୍ ତାକେ ବିସ୍ବାସ କଲା । ମାତର୍ ସେମନ୍ ପାରୁସି ମନର୍ଲାଗି ପାର୍ତନା ଗରେ ଅନି ବାକରାଇଦେବାଇ ବଲି ଡରିକରି କାତାବାର୍ତା ନ ଅଇତେ ରଇଲା । ୪୩ ସେମନ୍ ପର୍ମେସର୍‌କେ ମାନାଇବା ଟାନେଅନି ଲକ୍ମନକେ ମାନାଇବାଟା ଅଦିକ୍ ନିକ ବଲି ବାବ୍‌ତେରଇଲା ।

**ଜିସୁର୍ ବାକିଅ ନେଇ ଲକ୍ମନର୍ ବିଚାର୍**

୪୪ ଜିସୁ ଆଉଲିଅଇ କଇଲା, “ଜନ୍ ଲକ୍ ମକେ ବିସ୍ବାସ କରସି, ସେ ମକେସେ ବିସ୍ବାସ କରେନାଇ, ମକେ ଜେ ପାଟାଇଲା ଆଚେ, ତାକେ ମିସା ବିସ୍ବାସ କଲାନି ।” ୪୫ ଜେ ମକେ ଦେକି ଆଚେ, ସେ ମକେ ପାଟାଉକେ ମିସା ଦେକି ଆଚେ । ୪୬ ମୁଇ ଜଗତର୍ ଉଜଲ୍ ଅଇ ଆଇଲିଆଚି । ଜେ ମକେ ବିସ୍ବାସ କରସି, ସେ ଆରି ଆନ୍ଦାରେ ନ ରଏ । ୪୭ ଜେ ମର୍ ବାକିଅ ସୁନି ନ ମାନେ, ମୁଇ ତାର୍ ବିଚାର୍ ନ କରି । କାଇକେବଇଲେ ମୁଇ ଜଗତର୍ ଲକ୍ମନକେ ବିଚାର୍ କରବାର୍ ଆସିନାଇ, ମାତର୍ ସେମନ୍‌କେ ରକିଆ କରବାର୍ ଆସିଆଚି । ୪୮ ଜେ ମକେ ନିଚି କରି ମର୍ ବାକିଅ ନ ମାନେ, ମର୍ ଟଣ୍ଡର୍ ବାକିଅ ତାର୍ ବିଚାର୍ କାରିଆ ଅଇସି । ସାରାସାରି ଦିନେ ସେ ବାକିଅସେ ତାକେ ବିଚାର୍ କରସି । ୪୯ ମୁଇ ନିଜର୍ ମନେ ଅନି କାଇଟା ମିସା କଇନାଇ, ଏ କାତା ସତ୍ । ମାତର୍ ମୁଇ କଇବାଟା ମକେ ପାଟାଇରଇବା ବାବା ଆଦେସ୍ ଦେଇଆଚେ । ୫୦ ଆରି ମୁଇ ଜାନିଆଚି, ତାର୍ ଆଦେସ୍ ନ ସାର୍‌ବା ଜିବନ୍ ଦେଇସି । ମର୍ ବାବା ମକେ ଜନ୍ କାତା କଇବାକେ ଆଦେସ୍ ଦେଇଆଚେ, ସେଟାସେ ମୁଇ କଇଲିନି ।

**୧୩**

**ଜିସୁ ତାର୍ ସିମନର୍ ପାଦ୍ ଦଇଦେଲା**

୧ ନିସ୍ତାର୍ ପରବର୍ ଆଗ୍ତୁର୍ ଦିନ୍ ଅଇରଇଲା । ଜିସୁ, ଏ ଜଗତ୍ ଚାଡି ବାବା ପର୍ମେସର୍‌ର ଲଗେ ଜିବାକେ ତାର୍ ବେଲା କେଟ୍‌ଲାବେ ବଲି ଜାନିରଇଲା । ଦୁନିଆଇ ରଇବା ତାର୍ ସବୁ ଲକ୍ମନକେ ସାରାସାରି ଜାକ ବେସି ଆଲାଦ୍ କରତେରଇଲା ।

୨ ସେଦିନର୍ ରାତି ଜିସୁ ଆରି ତାର୍ ସିମନ୍ କାଇବାକେ ବସିରଇଲା । ଜିସୁକେ ବିସ୍ବାସେ ବିସ୍ ଦେଲାପାରା କରାଇବା ଚିନ୍ତା, ସଇତାନ୍ ସିମନ୍ ଇସ୍କାରିୟ୍‌ତର୍ ପିଲା ଜିଉଦାର୍ ମନେ ପୁରିକରି ଦେଲା । ୩ ବାବା ପର୍ମେସର୍, ତାକେ ସବୁ ବିସଇର୍ ଅଦିକାର୍ ଦେଇ ଆଚେ, ସେ ପର୍ମେସର୍‌ର ଟାନେଅନି ଆସିଆଚେ ଆରି ତାର୍ ଲଗେସେ ଜାଇସି, ବଲି ଜିସୁ ସବୁ ବିସଇ ଜାନିରଇଲା । ୪ ତେବର୍ପାଇ ସେ କାଇବା ଜାଗାଇଅନି ଉଟିକରି ଅତି ରଇବା ବସ୍ତର୍ ବେଟି ସଙ୍ଗାଇ, ଆଁଟାଇ ଗଟେକ୍ ତୁଆଲ୍ ବାନ୍ଦିଅଇଲା । ୫ ତାର୍ ପଚେ ସେ ଗଟେକ୍ ମୁତାଇ ପାନିନେଲା ଆରି ନିଜର୍ ସିମନର୍ ପାଦ୍ ଦଇକରି ବାନ୍ଦିଅଇଲା ତୁଆଲ୍ ବେଟି ପୁଟି ଦେବାର୍ ଦାରଲା । ୬ ଜେତେବେଲେ ଜିସୁ ସିମନ୍ ପିତରର୍ ଲଗେ ଆଇଲା, ପିତର୍ ତାକେ କଇଲା, “ମାପ୍ତୁରୁ ତମେ ମର୍ ପାଦ୍ ଦଇସା କି ?” ୭ ଜିସୁ ତାକେ କଇଲା, “ମୁଇ ଏବେ ଜାଇଟା କଲିନି, ସେଟା ତମେ ବୁଜି ନାପାରାସ୍, ମାତର୍ ପଚେ ବୁଜ୍ଜସା ।”

୮ ପିତର୍ ତାକେ ମନାକରି କଇଲା, “ନିଚୁ, ତମେ ମର୍ ପାଦ୍ ଦୁଆନାଇ ।” ଜିସୁ ତାକେ କଇଲା, “ମୁଇ ଜଦି ତର୍ ପାଦ୍ ନ ଦଇଲେ, କେବେ ମିସା ମର୍ ସିସ୍ ଅଇ ନାପାରୁସ୍ ।”

୯ ସିମନ୍ ପିତର୍ ତାକେ କଇଲା, “ମାପ୍ତୁରୁ ସେନ୍ତାର୍‌ଆଲେ କାଇକେ ମର୍ ପାଦ୍‌ସେ ଦଇ ଦେଇସୁ ? ମର୍ ମୁଣ୍ଡ ଆରି ଆଡ୍ ମିସା ଦଇଦିଆସ୍ ।”

୧୦ ଜିସୁ ପିତର୍‌କେ କଇଲା, “ଜନ୍ ଲକ୍ମନ ଗାଦଇ ସାରିଆଚଡ୍, ସେମନ୍ ପୁରାପୁରୁନ୍ ସୁକଲ୍ । ପାଦ୍ ଦଇବାଟା ଚାଡି, କାଇଟା ଦଇବାର୍ ଲତାନାଇ । ଗଟେକ୍ ଲକ୍‌କେ ଚାଡି, ତମେ ସବୁଲକ୍ ସୁକଲ୍ ଆଟାସ୍ ।” ୧୧ କାଇକେ ବଇଲେ ଜନ୍ ସିସ୍

ଜିସୁକେ ସତ୍‌ରୁମନ୍‌କେ ଦାରାଇଦେଇସି ତାକେ ଜିସୁ ଜାନି ରଇଲା । ସେଟାର ପାଇ ସେ ଗଟେକ୍ ଲକ୍‌କେ ଚାଡ଼ି ସବୁଲକ୍ ସୁକଲ୍ ଆଚାସ୍ ବଲି କଇଲା ।

୧୨ \*ଜିସୁ ସିସ୍‌ମନ୍‌ର ପାଦ୍ ଦଇଲା ପତେ ବେଟିରଇଲା ବସ୍‌ତର୍ ପିନ୍‌କରି ବସି ସେମନ୍‌କେ ପାଚାରଲା, “ଏବେ ମୁଇ ତମର୍ ପାଇ କଲା କାମ୍ ବୁଢ଼ଲାସ୍‌ନି କି ?” ୧୩ ଆରି ସେ କଇଲା, “ତମେ ମକେ ଗୁରୁ ଆରି ମାପରୁ ବଲି ଡାକ୍‌ଲାସ୍‌ନି, ସେଟା ଟିକ୍‌ସେ । କାଇକେ ବଇଲେ ଗୁରୁ ଆରି ମାପରୁ ମୁଇସେ ।” ୧୪ ମୁଇ ତମର୍ ଗୁରୁ ଆରି ମାପରୁ ଅଇକରି, ତମର୍ ପାଦ୍ ଦଇଦେଲି ଆତି ବଇଲେ ତମେ ମିସା ତମର୍ ତମର୍ ବିତ୍‌ରେ ପାଦ୍ ଦଇବାର୍ ଆତେ । ୧୫ ମୁଇ ଏଟା ତମର୍ ପାଇ ଗଟେକ୍ ଉଦାଅରଣ୍ ପାରା କଲିଆତି, ତମେ ମିସା ବିନ୍ ଲକ୍‌ମନ୍‌କେ ଏନ୍ତି କରା । ୧୬ \*ମୁଇ ତମ୍‌କେ ସତ୍ କାତା କଇଲିନି, ଗତିଦାଙ୍ଗ୍‌ତା ନିଜର୍ ସାଉକାରର୍ ତେଇଅନି ବଡ଼ ନ୍ୟୁ । ଆରି କବର୍ ନେଉଁ କବର୍ ପାଟାଇଲା ଲକ୍‌ତେଇଅନି ବଡ଼ ନ୍ୟୁ । ୧୭ ଜଦି ତମେ ଏ ସବୁ ବିସଇ ଜାନିଆଚାସ୍, ଆରି ସେ ଇସାବେ କର୍‌ସା ବଇଲେ ବେସି ସାର୍‌ଦା ଅଇସା ।

୧୮ ମୁଇ ତମର୍ ସବୁ ଲକ୍‌ର ବିସଇ ନେଇକରି କଇନାଇ, ଜନ୍ ଲକ୍‌ମନ୍‌କେ ବାଟି ଆତି, ସେମନ୍ କେନ୍ତି ବଲି ଜାନିଆତି । ମାତର୍ ସାସ୍‌ତରେ ଲେକା ଅଇଲା କାତା ସିଦ୍ ଅଇବାକେ ଏନ୍ତି ଗଟ୍‌ନା ଅଇଲାନି । ସାସ୍‌ତରେ ଲେକା ଅଇଲା ଆତେ ଜେ ମର୍ ସଙ୍ଗ୍ କାଇଲାନି ସେ ମର୍ ବିରଦେ ଉଟ୍‌ସି । ୧୯ ଏବେ ଏ ଗଟ୍‌ନା ଅଇବା ଆଗ୍‌ତୁସେ ମୁଇ ତମ୍‌କେ ଏ କାତା କଇଲିନି । ଜେତେବେଲା ଏ ଗଟ୍‌ନା ଗଟ୍‌ସି, ତମେ ମୁଇ ମସିଅ ବଲି ବିସ୍‌ବାସ୍ କର୍‌ସା । ୨୦ \*“ତମ୍‌କେ ସତ୍ କାତା କଇଲିନି, ଜନ୍ ଲକ୍‌ମନ୍ ମର୍ କବର୍ ନେବା ଲକ୍‌ମନ୍‌କେ ନାମ୍‌ବାଇ, ସେମନ୍ ମକେ ମିସା ନାମ୍‌ବାଇ, ଆରି ମକେ ପାଟାଇଲା ପର୍‌ମେସର୍‌କେ ମିସା ନାମ୍‌ବାଇ ।”

**ବିସ୍‌ବାସେ ବିସ୍ ଦେବା ବିସଇ ଜାନାଇବାଟା  
(ମାତିଉ ୨୭:୨୦-୨୫; ମାର୍କ ୧୪:୧୭-୨୧; ଲୁକ୍ ୨୨:୨୧-୨୩)**

୨୧ ଜିସୁ ଏ ସବୁ କାତା କଇସାରାଇଲା ପତେ, ଆଡ଼ମାଇ ବାୟାବିକଲ୍ ଅଇ ପୁଟ୍‌କାର୍ କରି କଇଲା, “ମୁଇ ତମ୍‌କେ ସତ୍ କାତା କଇଲିନି, ତମର୍ ବିତ୍‌ରେଅନି ଗଟେକ୍ ଲକ୍ ମକେ ବିସ୍‌ବାସେ ବିସ୍ ଦେଲାପାରା କର୍‌ସି ।”

୨୨ ସେ ଏ କାତା, କାର୍ ବିସଇ ନେଇକରି କଇଲାନି ବଲି ସିସ୍‌ମନ୍ ବୁଜିନାପାରି ନିଜର୍ ନିଜର୍ ବିତ୍‌ରେ ଆର୍ ମୁଏ ସେ ତାର୍ ମୁଏ ଏ, ଦେକାଦେକି ଅଇବାର୍ ଦାରଲାଇ । ୨୩ ଜିସୁର୍ ସିସ୍‌ମନ୍‌ର ବିତ୍‌ରେଅନି ଜଅନ୍, ଜାକେକି ଜିସୁ ମୁକିଅ ଇସାବେ ଆଲାଦ୍ କର୍‌ତେ ରଇଲା, ସେ ଜିସୁର୍ ଲଗେ ବସିକରି କାଇତେ ରଇଲା । ୨୪ ସିମନ୍ ପିତର୍ ଜଅନ୍‌କେ ସଗିଆ କରି କଇଲା, “ସେ କାର୍ ବିସଇ ନେଇକରି କଇଲାନି, ତାକେ ପାଚାର୍ ।”

୨୫ ସେଟାର ପାଇ ଜଅନ୍ ଜିସୁର୍ ଉପ୍‌ରେ ଆଉଜି ଅଇକରି ପାଚାରଲା, “ଏ ମାପରୁ, ସେ ଲକ୍ କେ ?”

୨୬ ଜିସୁ କଇଲା, “ମୁଇ ଏ ରୁଟି ଜଲେ ଚବାଲି ଜାକେ ଦେବି, ସେ ଲକ୍ ସେ ।” ସେବେଲେ ସେ ରୁଟି ଜଲେ ଚବାଲି କରି ସିମନ୍ ଇସ୍କାରିୟ୍‌ତର୍ ପିଲା ଜିଉଦାକେ ଦେଲା । ୨୭ ଇସ୍କାରିୟ୍‌ତ୍ ଜିଉଦା ରୁଟି ମାଙ୍ଗ୍‌ଲା ଦାପ୍‌ରେ ସଇତାନ୍ ତାର୍ ମନ୍ ବିତ୍‌ରେ ଜାଇକରି ଚାଲାଇବାର୍ ଦାରଲା । ଜିସୁ ସେ ବେଲାଇ ତାକେ କଇଲା, “ତୁଇ ଜାଇଟା କର୍‌ବାକେ ଗାଲୁସ୍‌ନି ବେଗି କର୍ ।” ୨୮ ଜିସୁ ଏ କାତା ଇସ୍କାରିୟ୍‌ତ୍ ଜିଉଦାକେ କାଇକେ କଇଲା, ତେଇ କାଇବାକେ ବସି ରଇଲା ଲକ୍‌ମନ୍‌ର ବିତ୍‌ରେଅନି କେମିସା, ବୁଜି ନାପାରଲାଇ । ୨୯ ଇସ୍କାରିୟ୍‌ତ୍ ଜିଉଦାର୍ ଲଗେ ତାରୁ ପେଡି ରଇଲାଜେ କେତେଟା ସିସ୍‌ମନ୍ ପାଚାରଲାଇ, “ପରବ୍ ପାଇ କାଇକାଙ୍ଗା ଦରକାର୍ ଆତେ, ସେଟାର୍‌ପାଇ ନଇଲେ ଗରିବ୍ ଲକ୍‌ମନ୍‌କେ ଦାନ୍‌ଦେବାକେ ଜିସୁ ତାକେ କଇଲାଆତେ ।”

୩୦ ତାର୍ ପତେ ଇସ୍କାରିୟ୍‌ତ୍ ଜିଉଦା ରୁଟି ମାଙ୍ଗି ଦାପ୍‌ରେ ବାରଇକରି ଉଟିଗାଲା । ସେ ବେଲେ ରାତି ଅଇରଇଲା ।

**ନୁଆ ନିୟ୍‌ମ୍**

୩୧ ଇସ୍କାରିୟ୍‌ତ୍ ଜିଉଦା ବାରଇକରି ଉଟିଗାଲା ପତେ ଜିସୁ କଇଲା, “ଏବେ ପର୍‌ମେସର୍‌ର ତେଇଅନି ଆଇଲା ନର୍‌ପିଲା ମୁଇ ତାର୍‌ଟାନେଅନି ଡାକ୍‌ପୁଟା ପାଇବା ବେଲା ଆସିଆତେ । ଆରି ମର୍ ଲାଗି ପର୍‌ମେସର୍ ମିସା ଡାକ୍‌ପୁଟା ପାଇସି । ୩୨ ଜଦି ପର୍‌ମେସର୍ ମର୍‌ତେଇଅନି ଡାକ୍‌ପୁଟା ଅଇଲେ, ନିଜର୍ ମଇମାସଙ୍ଗ୍ ନର୍‌ପିଲା ମକେ ମିସା ଡାକ୍‌ପୁଟା କରାଇସି । ଦାପ୍‌ରେସେ ମକେ ସେନ୍ତି କରାଇସି । ୩୩ \*ଏ ମର୍ ପିଲାମନ୍ ମୁଇ ତମର୍ ସଙ୍ଗ୍ ଚନେକର୍‌ପାଇ ରଇବି । ତାର୍ ପତେ ତମେ ମକେ କଜ୍‌ସା, ଆରି ମୁଇ ଜନ୍ତି ଗାଲିନି ତମେ ତେଇ ଜାଇନାପାରାସ୍ । ଏ ବିସଇ ଜିଉଦି ନେତାମନ୍‌କେ ଜେନ୍ତି କଇରଇଲି, ସେନ୍ତି ଏବେ ତମ୍‌କେ ଆରିତରେକ୍ କଇଲିନି । ୩୪ \*ମୁଇ ତମ୍‌କେ ଗଟେକ୍ ନୁଆ ଆଦେସ୍ ଦେଲିନି, ତମେ ତମର୍ ନିଜର୍ ନିଜର୍ ବିତ୍‌ରେ ଆଲାଦ୍ କରା । ମୁଇ ଜେନ୍ତି ତମ୍‌କେ ଆଲାଦ୍ କଲିଆତି, ତମେ ମିସା ନିଜର୍ ନିଜର୍ ବିତ୍‌ରେ ଆଲାଦ୍ କର୍‌ବାର୍‌ଆତେ । ୩୫ ତମର୍ ନିଜର୍ ନିଜର୍ ବିତ୍‌ରେ ଆଲାଦ୍ ରଇଲେ, ତମେ ମର୍ ସିସ୍ ବଲି ସବୁଲକ୍ ଜାନ୍‌ବାଇ ।”

\* ୧୩:୧୨ ୧୩:୧୨ ଲୁକ୍ ୨୨:୨୭    \* ୧୩:୧୭ ୧୩:୧୭ ମାତିଉ ୧୦:୨୪; ଲୁକ୍ ୭:୪୦; ଜଅନ୍ ୧୫:୨୦    \* ୧୩:୨୦ ୧୩:୨୦ ମାତିଉ ୧୦:୪୦; ମାର୍କ ୯:୩୭; ଲୁକ୍ ୯:୪୮; ୧୦:୧୭    \* ୧୩:୩୩ ୧୩:୩୩ ଜଅନ୍ ୭:୩୪    \* ୧୩:୩୪ ୧୩:୩୪ ଜଅନ୍ ୧୫:୧୨, ୧୭; ୧ ମ ଜଅନ୍ ୩:୨୩; ୨ ଯ ଜଅନ୍ ୧:୫

ପିତରୁକେ ଜିସୁ ନାଜାନି ବଲି କଇବାଟା ଜାନାଇଲାନି  
(ମାତିଉ ୨୭:୩୧-୩୫; ମାର୍କ ୧୪:୨୭-୩୧; ଲୁକ୍ ୨୨:୩୧-୩୪)

୩୬ ସିମନ୍ ପିତରୁ ଜିସୁକେ ପାଚାରଲା, “ଏ ମାପରୁ ତମେ କନ୍ତି ଗାଲାସନି ?” ଜିସୁ କଇଲା, “ମୁଇ ଜନ୍ତି ଗାଲିନି ସେ ଜାଗାଇ ଏବେ ତୁଇ ଆସି ନାପାରୁସ୍ ମାତର ପଟେ ଆଇସୁ ।” ୩୭ ପିତରୁ ଜିସୁକେ କଇଲା, “ଏ ମାପରୁ ଏବେ କାଇକେ ତମର ପଟେ ପଟେ ଆସିନାପାରି ? ମୁଇ ତମରପାଇ ମରବାକେ ମିସା ରାଜିଆଟି ।” ୩୮ ଜିସୁ ତାକେ କଇଲା, “ତୁଇ କାଇକେ ମରପାଇ ମରସୁ ? ମୁଇ ତକେ ସତ୍ କାତା କଇଲିନି କୁକୁଡା ନ ଡାକ୍ତେ ତୁଇ ମକେ ତିନ୍ ତର ନାଜାନି ବଲି କଇସୁ ।”

### ୧୪

ଜିସୁ ବାବାର ଲଗେ ଜିବା ବାଟ୍

୧ ଆରି ଜିସୁ କଇଲା, “ତମେ କିଲିବିଲ ନ ଉଆ, ପରମେସରରଗାନେ ବିସବାସ୍ କରା । ଆରି ମରଗାନେ ମିସା ବିସବାସ୍ କରା । ୨ ମର ବାବାର ଗରେ ରଇବାକେ ବେସି ବାକରା ଆଟେ । ଆରି ତେଇ ମୁଇ ତମର ପାଇ ଜାଗା ଟିକ୍ କରବାର ଗାଲିନି । ଜଦି ଏଟା ସତ୍ ନଇତା ଆଲେ, ମୁଇ ତମକେ ଏନ୍ତି ବଲି ନ କଇତି । ୩ ଆରି ମୁଇ ଜାଇ ତମର ପାଇ ଜାଗା ଟିକ୍ କଲା ପଟେ, ଆରି ତରେକ୍ ବାଉଡି ଆସି ତମକେ ମର ସଙ୍ଗ୍ ଡାକିନେବି । ମୁଇ ଜନ୍ ଜାଗାଇ ରଇବି, ସେ ଜାଗାଇ ତମେ ମର ସଙ୍ଗ୍ ରଇସା । ୪ ମୁଇ ଜନ୍ ଜାଗାଇ ଗାଲିନି, ତମେ ସେ ଜାଗାଇ ଜିବା ବାଟ୍ ଜାନିଆଟାସ୍ ।”

୫ ତମା ଜିସୁକେ କଇଲା, “ଏ ମାପରୁ ତମେ କନ୍ ଜାଗାଇ ଗାଲୁସନି, ସେଟା ଆମେ ନାଜାନୁ, ଆରି ତେଇ ଜିବା ବାଟ୍ କେନ୍ତି ଜାନୁ ?”

୬ ଜିସୁ ତାକେ କଇଲା, “ମୁଇ ସତ୍, ବାଟ୍ ଆରି ଜିବନ୍ । ମରବାଟେ ନ ଗାଲେ ବାବା ପରମେସର ଲଗେ କେ ମିସା ଜାଇନାପାରେ ।” ୭ ସେ କଇଲା, “ଜଦି ତମେ ମକେ ଜାନିରଇତାସ୍ ବଇଲେ, ମର ବାବାକେ ମିସା ଜାନୁତାସ୍ । ଏବେ ମିସା ତମେ ତାକେ ଜାନୁଲାସନି ଆରି ଦେକ୍ଲାସନି ।”

୮ ପିଲିପ୍ ଜିସୁକେ କଇଲା, “ଏ ମାପରୁ ଆମକେ ବାବାକେ ଦେକାଇ ଦେ, ସେତ୍‌କିସେ ଆମରପାଇ ବେସି ।” ୯ ଜିସୁ ତାକେ କଇଲା, “ପିଲିପ୍ ଏଡକି ଦିନ୍ ମୁଇ ତମର ସଙ୍ଗ୍ ରଇଲି, ତୁଇ ମକେ ତିନି ନାପାରୁଲୁସ୍ କି ?” ଜେ ମକେ ଦେକ୍ଲା ଆଟେ ସେ ମର ବାବା ପରମେସରକେ ଦେକ୍ଲା ଆଟେ । କେନ୍ତି ଆମକେ ତର ବାବାକେ ଦେକାଇ ଦେ ବଲି କଇଲୁସନି ? ୧୦ ତୁଇ ବିସବାସ୍ କୁରୁସ୍ ନାଇ କି ପିଲିପ୍ ? ମୁଇ ବାବାର ତେଇ ଆଟି ଆରି ବାବା ମରଗାନେ ଆଟେ । ମୁଇ ତମକେ ଜନ୍ କାତା ସବୁ କଇଲିଆଟି, ସେ ସବୁ କାତା ମର ନିଜତେଇଅନି କଇନାଇ । ମାତର ବାବା ମରତେଇ ରଇକରି ତାର କାମ୍, ମରଗାନେଅନି କଲାନି । ୧୧ ମୁଇ ବାବାରତେଇ ଆଟି ଆରି ବାବା ମରଗାନେ ଆଟେ ବଲି ମୁଇ କଇବା ଏ କାତା ବିସବାସ୍ କରା । ନଇଲେ ମୁଇ କରବା କାମ୍ ଦେକି ବିସବାସ୍ କରା । ୧୨ ମୁଇ ତମକେ ସତ୍ କଇଲିନି, ଜେ ମକେ ବିସବାସ୍ କରସି ସେ, ମୁଇ କରବା ଏନ୍ତି କାମ୍‌ମନ୍ କରସି ଆରି ମରତେଇଅନି ଅଦିକ୍ ବଡ୍ ବଡ୍ କାମ୍‌ମନ୍ ମିସା କରସି । କାଇକେ ବଇଲେ ମୁଇ ମର ବାବାର ଲଗେ ଗାଲିନି । ୧୩ ତମେ ମର ନାଉଦାରି ଜାଇଟା ମାଙ୍ଗ୍‌ସା ସେଟା ସବୁ ମୁଇ ତମକେ ଦେବି । ଇତିଅନି ବାବାର ଡାକ୍‌ପୁଟା ମରତେଇ ଜାନାପଡ୍‌ସି । ୧୪ ତମେ ଜଦି କାଇ ବିସଇ ମିସା ମର ନାଉଦାରି ମାଙ୍ଗ୍‌ସା ବଇଲେ ମୁଇ ସେଟା ଦେବି ।

ସୁକଲ୍ ଆଡ୍‌ମାର ଦାନର ସପତ୍

୧୫ ତମେ ଜଦି ମକେ ଆଲାଦ୍ କରସା, ମର ଆଦେସ୍ ମିସା ମାନସା । ୧୬ ମୁଇ ମର ବାବାକେ ଗୁଆରି କରବି । ଆରି ତମର ସଙ୍ଗ୍ ସବୁବେଲା ରଇବା ପାଇ, ସେ ଗଟେକ୍ ସାଇଜକାରିଆକେ ପାଟାଇସି । ୧୭ ସେ ଅଇଲାନି ସତ୍ ଆଡ୍‌ମା, ଜେକି ସତ୍‌ସଙ୍ଗ୍ ପରମେସର ବିସଇ ଦେକାଇସି । ଏ ଦୁନିଆର ଲକ୍‌ମନ୍ ତାକେ ନ ନାମଡ୍, କାଇକେ ବଇଲେ ତାକେ ଦେକଡ୍ ନାଇ କି ଜାନଡ୍ ନାଇ । ମାତର ତମେ ତାକେ ଜାନି ଆଟାସ୍ । କାଇକେ ବଇଲେ ସେ ତମର ସଙ୍ଗ୍ ଆଟେ ଆରି ତମର ମନ୍ ବିଡ୍‌ରେ ରଇସି ।

୧୮ ମୁଇ ଜେତେବଲ୍ ଜିବି, ତମକେ ଚୁରା ପିଲାମନର ପାରା କରି ଚାଡି ନ ଜାଇ । ଆରିତରେକ୍ ତମର ଲଗେ ବାଉଡି ଆଇବି । ୧୯ ଚନେକ୍ ଗାଲେ ଦୁନିଆ ଆରି ମକେ ଦେକିନାପାରେ । ମାତର ତମେ ଦେକ୍‌ସା, କାଇକେ ବଇଲେ ମୁଇ ସବୁବେଲେ ଜିବନ୍ ରଇବି, ଆରି ତମେ ମିସା ଜିବନ୍ ରଇସା । ୨୦ ସେ ଦିନ୍ ଆଇଲେ ତମେ ଜାନସା, ମୁଇ ବାବାର ଲଗେ, ତମେ ମର ଲଗେ, ଆରି ମୁଇ ତମର ଲଗେ ସବୁବେଲେ ରଇବି ।

୨୧ “ଜେ ମର ଆଦେସ୍ ମାନସି, ସେ ଆକା ମକେ ଆଲାଦ୍ କରସି । ଜେ ମକେ ଆଲାଦ୍ କରସି, ମର ବାବା ତାକେ ଆଲାଦ୍ କରସି । ମୁଇ ମିସା ତାକେ ଆଲାଦ୍ କରି ନିଜ୍‌କେ ତାରଗାନେ ଦେକାଇଅଇବି ।”

୨୨ ତାର ପଟେ ଜିଉଦା, ଇସ୍କାରିୟୁଡ୍ ଜିଉଦା ନଏଁ, କଇଲା “ଏ ମାପରୁ ଏଟା କେନ୍ତି ଅଇସି ? ତମେ ନିଜ୍‌କେ ଦୁନିଆଇ ଦେକାଇ ନ ଅଇ ଆମର ଲଗେ କେନ୍ତି ଦେକାଇଅଇସା ?”

୨୩ ଜିସୁ ତାକେ କଇଲା, “ଜନ୍ ଲକ୍ ମକେ ଆଲାଦ୍ କରସି ସେ ମୁଇ ସିକାଇବା ବାକିଅ ମାନସି । ସେନ୍ତି କଲେ ମର୍ ବାବା ପର୍ମେସର୍ ତାକେ ଆଲାଦ୍ କରସି । ବାବା ଆରି ମୁଇ ଆସି ସେ ଲକର୍ ଟାନେ ରଇବୁ । ୨୪ ଜେ ମକେ ଆଲାଦ୍ ନ କରେ, ସେ ମର୍ ବାକିଅ ନ ମାନେ । ଆରି ମୁଇ କଇବା ଏ କାତା ସବୁ ମର୍ତେଇ ଅନି ନସି, ମାତର୍ ମକେ ପାଟାଇଲା ମର୍ ବାବାର୍ ତେଇଅନି କଇଲିନି ।”

୨୫ ମୁଇ ତମର୍ ଲଗେ ରଇକରିସେ ଏ ସବୁ କାତା କଇଲିନି । ୨୬ ମାତର୍ ପର୍ମେସର୍ ଜନ୍ ସାଇଜକାରିଆ ସୁକଲ୍ ଆଡ଼ମାକେ ମର୍ ନାଉଁ ଦାରି ତମର୍ ଲଗେ ପାଟାଇସି, ସେ ତମକେ ସବୁ ବିସଇ ସିକାଇଦେଇସି ଆରି ମୁଇ ଜନ୍ ଜନ୍ କାତା କଇଲିଆତି ସେଟା ସବୁ ତମକେ ଏତାଇ ଦେଇସି ।

୨୭ “ମୁଇ ତମକେ ସାନ୍ତି ଦେଇକରି ଗାଲିନି । ମର୍ ନିଜର୍ ସାନ୍ତି ତମକେ ଦାନ୍ ଦେଇକରି ଗାଲିନି । ଏଟା ଦୁନିଆ ଦାନ୍ ଦେଲାପାରା ସାନ୍ତି ନସି । ସେଟାର୍ ପାଇ ଚିନ୍ତା କରା ନାଇ କି କିଲ୍ବିଲ୍ ଅଇ ତରା ନାଇ । ୨୮ ମୁଇ ଜାଇଟା କଇରଇଲି, ସେଟା ସୁନିଆରାସ୍ । ମୁଇ ଗାଲିନି ମାତର୍ ଆରି ତରେକ୍ ବାଉଡି ଆଇବି । ମକେ ଜଦି ଆଲାଦ୍ କର୍ତାସ୍ ବଇଲେ, ମୁଇ ବାବାର୍ ଲଗେ ଗାଲିନି ବଲି ସୁନି ସାର୍ଦା ଅଇତାସ୍, କାଇକେ ବଇଲେ ମର୍ ବାବା ମର୍ତେଇଅନି ବଡ଼ । ୨୯ ଜାଇଟା ସବୁ ଗର୍ବାର୍ ଆଟେ ସେଟା ସବୁ ମୁଇ ତମକେ ଆଗ୍ତୁ ଜାନାଇଦେଲି । ଜେନ୍ତିକି ସେଟା ସବୁ ଗର୍ଲେ, ତମେ ମକେ ବିସ୍ବାସ କରସା । ୩୦ ମୁଇ ତମର୍ ସଙ୍ଗ୍ ଆରି ଅଦିକ୍ ପର୍ କାତାବାର୍ତା କରି ନାପାରି । କାଇକେ ବଇଲେ, ଏ ଦୁନିଆର୍ ସାସନ୍କାରିଆ ଆଇଲାନି । ଆରି ମର୍ଟାନେ ତାର୍ କାଇ ଅଦିକାର୍ ନାଇ । ୩୧ ମୁଇ ମର୍ ବାବାକେ ଆଲାଦ୍ କଲିନି ଆରି ବାବାର୍ ଆଦେସ୍ ଇସାବେ କାମ୍ କଲିନି, ଏଟା ଦୁନିଆର୍ ଲକ୍ମନ୍ ଜାନଡ଼ ବଲି ଏନ୍ତି ଗର୍ନା ଅଇଲାନି । ଜୁ, ଆମେ ଏ ଜାଗାଇଅନି ବାରଇ ଉଟି ହୁ ।”

### ୧୫

#### ଜିସୁ ସଡ଼ ଅଙ୍ଗୁର୍ ମାଲ୍

୧ “ମୁଇ ଅଇଲିନି ସଡ଼ ଅଙ୍ଗୁର୍ ମାଲ୍ ଆରି ମର୍ ବାବା ଅଇଲାନି ଚାସି । ୨ ମର୍ଟାନେ ରଇବା ପିଲ୍କା ମାଲେ ପଲ୍ ନ ଦାରିଲେ, ସେ କାଟି ପାକାଇସି । ଆରି ଜନ୍ ମାଲେ ପଲ୍ ଦାରିସି ସେ ମାଲ୍ ଅଦିକ୍ ପଲ୍ ଦାରିବାକେ ପରିଚଲ୍ କରସି । ୩ ମର୍ତେଇ ଅନି ପାଇରଇବା ସିକିଆଇ ଅନି ତମେ ପରିଚଲ୍ ଅଇସାରି ଆଗାସ୍ । ୪ ତମେ ମର୍ସଙ୍ଗ୍ ମିସିକରି ରୁଆ । ସେନ୍ତି ବଇଲେ ମୁଇ ମିସା ତମର୍ ସଙ୍ଗ୍ ରଇବି । କେନ୍ଦା ଜଦି ବୁନ୍ଦସଙ୍ଗ୍ ମିସିକରି ନ ରଇଲେ ନିଜେ ପଲ୍ ନ ଦାରେ, ସେନ୍ତି ତମେ ମିସା ମର୍ତେଇ ମିସି ନ ରଇଲେ, ପଲ୍ ଦାରିନାପାରାସ୍ ।”

୫ “ମୁଇ ଅଇଲିନି ମୁଲ୍ ଅଙ୍ଗୁର୍ ମାଲ୍, ତମେ ଅଇଲାସିନି ପିଲ୍କା ମାଲ୍ । ଜେ ମର୍ତେଇ ରଇସି ଆରି ମୁଇ ଜାର୍ତେଇ ରଇବି ସେ ବେସି ପଲ୍ ଦାରିସି, କାଇକେ ବଇଲେ ମକେ ଚାଡ଼ିକରି ତମେ କାଇଟା କରି ନାପାରାସ୍ । ୬ ଜେ ମର୍ତେଇ ନ ରଏ, ତାକେ ଗଟେକ୍ ଗର୍ଣ୍ଣି କରି ପିଙ୍ଗା ମାଲ୍ପାରା ବାଇରେ ପିଙ୍ଗି ଦେବାଇ ଆରି ସେଟା ସୁକି ଜାଇସି । ଏନ୍ତାରି ମାଲ୍ମାନକେ ଟୁଲିଆଇ ଜଇତେଇ ପିଙ୍ଗି ଦେବାଇ ଆରି ସେଟା ପଡ଼ି ଜାଇସି । ୭ ଜଦି ତମେ ମର୍ସଙ୍ଗ୍ ମିସିକରି ରଇସା ଆରି ମର୍ ବାକିଅ ତମର୍ ମନେ ରଇସି, ତମେ ମନ୍କରି କାଇ ବିସଇ ମାଙ୍ଗ୍ସା ବଇଲେ ସେଟା ମିଲାଇସା । ୮ ତମେ ବେସି ପଲ୍ ଦାରିଲେ, ମର୍ ବାବା ଡାକ୍ପୁଟା ପାଇସି, ଆରି ଇଡିଅନି ତମେ ମର୍ ସଡ଼ ସିସ୍ମନ୍ ବଲି ଜାନ୍ବାଇ । ୯ ମର୍ ବାବା ଜେନ୍ତି ମକେ ଆଲାଦ୍ କଲା ଆଟେ, ସେନ୍ତି ମୁଇ ମିସା ତମକେ ଆଲାଦ୍ କଲିନି । ମର୍ ଆଲାଦେ ତବିର୍ ଅଇରୁଆ । ୧୦ ମୁଇ ଜେନ୍ତି ମର୍ ବାବାର୍ ଆଦେସ୍ ମାନିକରି ତବିର୍ ଅଇଆତି । ସେନ୍ତି ତମେ ମର୍ ଆଦେସ୍ ମାନସା ବଇଲେ ମର୍ ଆଲାଦେ ତବିର୍ ଅଇକରି ରଇସା ।”

୧୧ “ଜେନ୍ତିକି ମର୍ ସାର୍ଦା ତମର୍ ଟାନେ ରଇକରି, ସେ ସାର୍ଦା ପୁରାପୁରୁନ୍ ଅଇବାକେ ତମକେ ଏ ସବୁ କାତା କଇଲିଆତି । ୧୨ ମୁଇ ତମକେ ଜେନ୍ତି ଆଲାଦ୍ କଲିଆତି, ସମାନ୍ ସେନ୍ତି ତମେ ମିସା ନିଜର୍ ନିଜର୍ ବିଡ଼ରେ ଆଲାଦ୍ ଅଇକରି ରୁଆ । ଏଟାସେ ମର୍ ଆଦେସ୍ । ୧୩ ନିଜର୍ ମଇତର୍ମନର୍ ଲାଗି ଜିବନ୍ ଦେବାଟା ଅଇଲାନି ସବୁର୍ଟାନେଅନି ବଡ଼ ଆଲାଦ୍ । ୧୪ ମୁଇ ତମକେ ଜନ୍ ଆଦେସ୍ ଦେଇଆତି, ସେଟା ମାନ୍ସା ବଇଲେ ତମେ ମର୍ ମଇତର୍ମନ୍ । ୧୫ ଏବେ ମୁଇ ତମକେ ଗତିଦାଙ୍ଗ୍ଡାମନ୍ ବଲି ନ ଡାକି, କାଇକେ ବଇଲେ, ଗତିଦାଙ୍ଗ୍ଡା ତାର୍ ସାଉକାର୍ କାଇଟା କରସି ସେଟା ନାଜାନେ । ମାତର୍ ମୁଇ ତମକେ ମଇତର୍ ବଲି ଡାକ୍ବି, କାଇକେ ବଇଲେ ମୁଇ ବାବାର୍ତେଇ ଅନି ଜନ୍ ଜନ୍ ବିସଇ ସୁନି ଆତି, ସେଟା ତମକେ କଇଦେଲିଆତି । ୧୬ ତମେ ମକେ ବାଟାସ୍ ନାଇ, ମାତର୍ ମୁଇ ତମକେ ବାଟ୍ଲି ଆତି । ଆରି ଜାଇକରି ଅଦିକ୍ ଅଦିକ୍ ପଲ୍ ଦାରିବାକେ ତମକେ ଦାଇଡ଼ ଦେଲି । ତମର୍ ପଲ୍ ସବୁ ଦିନର୍ ପାଇ ରଇସି । ତେବେ ତମେ ମର୍ ନାଉଁ ଦାରି ବାବାକେ କାଇଟା ମାଙ୍ଗ୍ଲେ ମିସା ସେ ତମକେ ଦେଇସି । ୧୭ ତମର୍ ତମର୍ ବିଡ଼ରେ ଆଲାଦ୍ କରା । ଏଟା ଅଇଲାନି ମର୍ ଆଦେସ୍ ।”

#### ଜଗତର୍ ଗିନ୍

☆ ୧୫:୧୭ ୧୫:୧୭ ଜଅନ୍ ୧୩:୩୪;୧୫:୧୭; ୧ ମ ଜଅନ୍ ୩:୨୩; ୨ ଯ ଜଅନ୍ ୧:୫

୧୮ “ଜାନିରୁଆ, ତମ୍ଭେ ଜଦି ଏ ଦୁନିଆ ଗିନ୍ କରସି, ତେବେ ତମ୍ଭେ ଗିନ୍ କରବା ଆଗତୁସେ ମକେ ଗିନ୍ କଲାଆତେ । ୧୯ ତମେ ଜଦି ଏ ଦୁନିଆର ଲକ୍ମନ୍ ଅଇରଇତାସ୍ ଆଲେ ଏ ଦୁନିଆ ତମ୍ଭେ ନିଜର୍ ବାବି ଆଲାଦ୍ କରତା, ମାତର୍ ମୁଇ ତମ୍ଭେ ବାବି ଦୁନିଆଇଅନି ବେଗଲାଇ ଦେଇଆତି । ସେଟାର୍ ପାଇ ଏ ଦୁନିଆ ତମ୍ଭେ ଗିନ୍କରସି । ୨୦ \*ମୁଇ ଜନ୍ଟା କଇରଇଲି ଏତାଇଦେକା, ଗତିଦାଙ୍ଗତା ତାର୍ ସାଉକାର୍ତେଇଅନି ବଡ଼ ନଏଁ ବଲି ମୁଇ ତମ୍ଭେ କଇରଇଲି । ସେମନ୍ ମକେ ସାଦି ଆଚଡ଼ ଆରି ତମ୍ଭେ ମିସା ସାଦ୍ବାଇ । ଜଦି ସେମନ୍ ମର୍ ସିକିଆ ମାନିଆଚଡ଼ ବଇଲେ ତମର୍ କାତା ମିସା ମାନ୍ବାଇ । ୨୧ ମାତର୍ ତମେ ମର୍ ଲକ୍ ଅଇରଇବାର୍ ଲାଗି ସେମନ୍ ତମ୍ଭେ ଏନ୍ତାରି କରବାଇ । କାଇକେ ବଇଲେ ମକେ ଜେ ପାଟାଇଲା ଆତେ, ସେଟା ସେମନ୍ ନାଜାନଡ଼ । ୨୨ ଜଦି ମୁଇ ଆସି ଏ ସବୁ ବିସଇ ସେମନ୍କେ ବୁଜାଇ ନ ରଇତି ବଇଲେ, ସେମନ୍ ଦସି ନ ଅଇତାଇ, ମାତର୍ ଏ ପାପର୍ ଚଲାଚଲୁତି ପାଇ କାଇ ଚାଲକି ଦେକାଇ ନାପାରଡ଼ । ୨୩ ଜେ ମକେ ଗିନ୍ କରସି, ସେ ମର୍ ବାବା ପର୍ମେସର୍କେ ମିସା ଗିନ୍ କରସି । ୨୪ ଜଦି ମୁଇ ତାକର୍ ବିଡ଼ରେ କାବା ଅଇଜିବା କାମ୍ ନ କରି ରଇଲେ, ସେମନ୍ ପାପି ବଲି ଦସି ନ ଅଇତାଇ । ମାତର୍ ସେମନ୍ ମୁଇ କଲା କାବାଅଇଜିବା କାମ୍ମନ୍ ଦେକ୍ଲାଇ ଆଚଡ଼ । ଏନ୍ତି ବଇଲେ ମିସା ସେମନ୍ ମକେ ଆରି ମର୍ ବାବା ପର୍ମେସର୍କେ ଗିନ୍ କଲାଇ ଆଚଡ଼ । ୨୫ ମାତର୍ ଏସବୁ ଗଟ୍ବାର୍ ରଇଲା । କାଇକେବଇଲେ ସେଟାର୍ ଲାଗି ସେମନ୍ ସାସ୍ତରେ ଜାଇଟା ଲେକାଅଇଲା ଆତେ, ସେଟା ସିଦ୍ ଅଇଲା । କାଇ ଦସ୍ ନ ରଇତେ ସେମନ୍ ମକେ ଗିନ୍ କଲାଇ । ୨୬ ସତଇସେ ସାଇଜକାରିଆ ଆଡ଼ମା ଆଇସି । ସେ ବାବାର୍ତେଇ ଅନି ଆସି, ପର୍ମେସର୍ ସବୁ ବିସଇର୍ ସଡ଼ ଦେକାଇଦେଇସି । ମୁଇ ତାକେ ବାବାର୍ତେଇଅନି, ତମର୍ ଲଗେ ପାଟାଇବି । ଆରି ସେ ମର୍ ବିସଇ ତମ୍ଭେ କଇସି । ୨୭ ଆରି ତମେ ମିସା ମର୍ ବିସଇସେ କଇସା, କାଇକେବଇଲେ ଆରାମେଅନି ତମେ ମର୍ ସଙ୍ଗ୍ ଆଚାସ୍ ।”

୧୭

୧ “ତମେ ମକେ କରଇରଇବା ବିସ୍ବାସ୍ ନ ଚାଡ଼ି, ତାର୍ ସଙ୍ଗ୍ ରଇବାକେ, ମୁଇ ଏ ସବୁ କାତା କଇଲିଆତି । ୨ ସେମନ୍ ତମ୍ଭେ ପାର୍ତନା ଗରେଅନି ବାର୍କରାଇ ଦେବାଇ । ଙ୍ ଏନ୍ତାରି ବେଲା ଆଇଲାନି, ଜେ ମିସା ତମ୍ଭେ ମରାଇବାଇ, ସେଟା ପର୍ମେସର୍କେ ସେବା କଲାପାରା ରଇସି । ୩ ତମ୍ଭେ ସେମନ୍ ଏନ୍ତି ସବୁ କାମ୍ମନ୍ କରବାଇ । କାଇକେ ବଇଲେ ସେମନ୍ ମକେ ଆରି ମର୍ ବାବାକେ ନାଜାନଡ଼ । ୪ ଏବେ ମୁଇ ଏ ସବୁ କାତା କଇଲିନି । ସେଟାର୍ ପାଇ ଏ ସବୁ ଗଟ୍ବାର୍ମାନ୍ ଗଟ୍ବାର୍ ବେଲା କେଟ୍ଲେ ମୁଇ କଇଲା କାତା ଏତାଇସା । ଆରାମେଅନି ମୁଇ ତମର୍ ସଙ୍ଗ୍ ରଇଲି ଜେ ଏ ସବୁ କାତା କଇ ନ ରଇଲି ।”

ସୁକଲ୍ ଆଡ଼ମାର୍ କାମ୍

୫ “ମାତର୍ ମୁଇ ଏବେ ମର୍ ପାଟାତର୍ ଲଗେ ଗାଲିନି । ଏଲେମିସା ତମର୍ ବିଡ଼ରେ ଅନି କେ ମିସା ମକେ କେନେ ଜାଇସୁ ବଲି ପାଟାରାସ୍ ନାଇ । ୬ ମାତର୍ ଏବେ ମର୍ ଏ ସବୁ କାତା ସୁନିକରି ଦୁକ୍ ଅଇକରି ଆଚାସ୍ । ୭ ମୁଇ ତମ୍ଭେ ସଡ଼କାତା କଇଲିନି, ମୁଇ ଉଚିଜିବା ବିସଇ ତମର୍ ପାଇ ଗଟେକ୍ ମଙ୍ଗ୍ଲର୍ ବିସଇ ଅଇସି । କାଇକେ ବଇଲେ ମୁଇ ନ ଗାଲେ ସାଇଜକାରିଆ ତମର୍ଟାନେ ନ ଆସେ, ମୁଇ ଗାଲେ ତାକେ ତମର୍ଟାନେ ପାଟାଇଦେବି । ୮ ସେ ଆସିକରି ଦୁନିଆର୍ ଲକ୍ମନ୍କେ ପାପ୍, ଦରମ୍ ଆରି ନିଆଇ ବିସଇର୍ ସାକି ଦେଇସି । ୯ ଏ ଦୁନିଆର୍ ଲକ୍ମନ୍ ପାପ୍ ବିସଇ ବୁଲ୍ ବୁଜ୍ଲାଇ ଆଚଡ଼ । ସେ ଦେକାଇ ଦେଇସି ଜେ, ମକେ ବିସ୍ବାସ୍ ନ କରବାଟାସେ ପାପ୍ । ୧୦ ଟିକ୍ ଇସାବେ ଚଲାଚଲୁତି କରବା ବିସଇ, ଦୁନିଆର୍ ଲକ୍ମନ୍ ବୁଲ୍ ବୁଜିଆଚଡ଼ । ମୁଇ ମର୍ ବାବାର୍ ଲଗେ ବାଉଡ଼ି ଗାଲିନି, ଆରି ତମେ ମକେ ଦେକିନାପାରାସ୍ । ସେଟା ମୁଇ ମାନ୍ବା ଦରମ୍ ବିସଇ ସାକି ଦେଲାନି । ୧୧ ଦୁନିଆର୍ ଲକ୍ମନ୍ ବିଚାର୍ କରବା ବିସଇ ବୁଲ୍ ବୁଜ୍ଲାଇ ଆଚଡ଼ । କାଇକେବଇଲେ ଏ ଦୁନିଆର୍ ସାସନ୍କାରିଆ ଦସି ବଲି ବିଚାର୍ ଅଇ ସାରାଇ ଆତେ ।”

୧୨ “ମୁଇ ତମ୍ଭେ କେତେକ୍ କେତେକ୍ କାତା କଇବାର୍ ଆତେ । ମାତର୍ ଏବେ ତମେ ସେ ସବୁ କାତା ଦାରିନାପାରାସ୍ । ୧୩ ମାତର୍ ସଡ଼ ଆଡ଼ମା ଆଇଲେ, ସେ ତମ୍ଭେ ସବୁ ସଡ଼ ବିସଇର୍ ବାଟେ ତାକିନେଇସି । କାଇକେ ବଇଲେ, ସେ ନିଜର୍ ଅଦିକାରେ କାଇ କାତା ନ କଏ । ମାତର୍ ସେ ବାବାର୍ତେଇଅନି ଜନ୍ ଜନ୍ କାତା ସୁନ୍ସି, ସେ ସବୁ କଇସି । ଆରି ଆଇବା ଦିନ୍ମନ୍କେ କାଇଟା ଅଇସି ସେ ସବୁ ବିସଇ ମିସା କଇସି । ୧୪ ସେ ମୁଇ କଇବାଟାନେ ଅନି ନେଇକରି ଆକା ତମ୍ଭେ କଇସି । ଆରି ମକେ ତାକ୍ପୁଟା କରାଇ ଦେକାଇସି । ୧୫ ଜନ୍ଟା ବାବାର୍ଟା, ସେ ସବୁ ମର୍ଟା । ସେଟାର୍ପାଇ ମୁଇ ତମ୍ଭେ କଇଲିନି, ସୁକଲ୍ ଆଡ଼ମା ମର୍ଟାନେଅନି ନେଇକରି ସେ ତମ୍ଭେ କଇସି ।”

ଦୁକର୍ ବିସଇ ଆରି ସାର୍ଦାର୍ ବିସଇ

୧୬ “ଚନେକ୍ ଗାଲା ପଟେ ତମେ ଆରି ମକେ ଦେକି ନାପାରାସ୍ । ଆରି ଚନେକ୍ ଗାଲେ ଦେକ୍ସା ।”  
 ୧୭ ସେବେଲେ ତାର୍ ସିସ୍ମାନର୍ ବିଡ଼ରେଅନି କେତେ ଲକ୍ ତାକର୍ ବିଡ଼ରେ କୁଆବଲା ଅଇଲାଇ । “ସେ ଆମ୍ଭେ କଇଲାନି, ଚନେକ୍ ଗାଲାପଟେ ତମେ ଆରି ମକେ ଦେକି ନାପାରାସ୍, ଆରି ଚନେକ୍ ଗାଲେ ମକେ ଦେକ୍ସା । ମୁଇ ଏବେ

☆ ୧୫:୨୦ ୧୫:୨୦ ମାଡ଼ିଉ ୧୦:୨୪; ଲୁକ୍ ୬:୪୦; ଜଅନ୍ ୧୩:୧୬



ବାବାର ଲଗେ ଗାଲିନି ବଲି କଇବା ଅରତ୍ କାଇଟା ?” ୧୮ ତେବେ ସେମନ୍ କଇଲା, “ଏ ଚନେକ୍ ପତେ ବଲି କାଇକେ କଇଲାନି ? ସେ କାଇଟା ବଲି କଇଲାନି, ଆମେ ବୁଜି ନାପାରୁଲୁନି ।”

୧୯ ସେମନ୍ ମକେ ପାଟାରବାକେ ମନ୍ କଲାଲନି ବଲି ଜିସୁ ଜାନିକରି ସେମନ୍କେ କଇଲା, “ଚନେକ୍ ଗାଲେ ତମେ ଆରି ମକେ ଦେକି ନାପାରାସ୍ ଆରି ଚନେକ୍ ଗାଲାପତେ ମକେ ଦେକ୍ସା ବଲି କଇଲା ଏ କାତା ନେଇକରି ତମର୍ ତମର୍ ବିତ୍ତରେ କାଇକେ କୁଆବଲା ଅଇଲାସ୍ନି ? ୨୦ ମୁଇ ତମକେ ସତ୍ କାତା କଇଲିନି, ତମେ ସାତାରି ସାତାରି କାନ୍ସା, ମାତର୍ ଦୁନିଆର୍ ଲକ୍ମନ୍ ସାରଦା ଅଇବାଇ । ତମେ ପର୍ତୁମ୍ ଦୁକ୍ ଅଇରଇସା ମାତର୍ ତମର୍ ଦୁକ୍ ସାରଦାଇ ପୁରୁନ୍ ଅଇଜାଇସି । ୨୧ ଗଟେକ୍ ମାଇଜି ନିକ୍ ଅଇବା ବେଲା କେଟ୍ଲେ ବେସି ଦୁକ୍ ଅଇସି । କାଇକେବଇଲେ ତାର୍ ଦୁକ୍ କସ୍ତର୍ ବେଲା କେଟିଆଟେ । ମାତର୍ ନିମାନ୍ ଅଇସାରଲା ପତେ ତାର୍ ଦୁକ୍ କସ୍ତର୍ ପାସ୍ରିଜାଇସି । କାଇକେ ବଇଲେ ତାର୍ତେଇଅନି ଗଟେକ୍ ପିଲା ଦୁନିଆଇ ଜନମ୍ ଅଇଲା ଆଟେ । ୨୨ ସେନ୍ତାରିସେ ତମକେ ମିସା ଅଇସି । ଏବେ ତମେ ଦୁକ୍ଅଇ ଆଟାସ୍, ମାତର୍ ଆରି ତରେକ୍ ମୁଇ ତମକେ ଦେକାଇଅଇବି, ତାର୍ ପତେ ତମେ ବେସି ସାରଦା ଅଇସା । ଆରି କେମିସା ତମର୍ ସାରଦା ତମର୍ଟାନେଅନି ଚାତାଇ ନେଇ ନାପାରତ୍ ।

୨୩ “ସେବେଲା ତମେ ମକେ ମୁଲ୍କେ ନ ପାଟାରାସ୍ । ମୁଇ ତମକେ ସତ୍ କାତା କଇଲିନି, ତମେ ମର୍ ନାଉଁ ଦାରି ବାବାକେ କାଇଟା ମିସା ମାଙ୍ଗ୍ସା ବଇଲେ ସେଟା ଦେଇସି । ୨୪ ତମେ ଏବେ ଜାକ୍ ମର୍ ନାଉଁ ଦାରି କାଇଟା ମିସା ମାଙ୍ଗ୍ସା ନାଇତା । ଏବେ ମାଙ୍ଗା, ତେବେ ତମକେ ମିଲ୍ସି । ଆରି ତମର୍ ସାରଦା ପୁରାପୁରୁନ୍ ଅଇସି ।”

**ଦୁନିଆକେ ଜିତ୍ତବା ବିସଇ**

୨୫ “ମୁଇ ତମକେ କାତା ମଲ୍କାଇ କରି ଏ ସବୁ କଇଲିନି, ଏନ୍ତି ବେଲା ଆଇସି, ତମକେ ଆରି ମୁଇ କାତା ନ ମଲ୍କାଇ, ସଲ୍କେ ବାବାର୍ ବିସଇ କଇଦେବି । ୨୬ ତମେ ସେ ଦିନମନ୍କେ ମର୍ ନାଉଁ ଦାରି ପର୍ତ୍ତେସର୍ତ୍ତକେ ବେସି ବିସଇମନ୍ ମାଙ୍ଗ୍ସା । ଆରି ମୁଇ ତମର୍ ପାଇ ବାବା ପର୍ତ୍ତେସର୍ତ୍ତ ତେଇ ଗୁଆରି କର୍ବାର୍ ଦର୍କାର୍ ନ ରଏ । ୨୭ କାଇକେବଇଲେ ବାବା ତମକେ ଆଲାଦ୍ କଲାନି, ସେ ତମକେ ଆଲାଦ୍ କଲାନି କାଇକେବଇଲେ ତମେ ଜେନ୍ତିକି ମକେ ଆଲାଦ୍ କରି ଆଟାସ୍, ଆରି ମୁଇ ପର୍ତ୍ତେସର୍ତ୍ତ ତେଇଅନି ଆଇଲି ଆଟି ବଲି ବିସବାସ୍ କରିଆଟାସ୍ । ୨୮ ମୁଇ ବାବାର୍ଟାନେଅନି ଏ ଦୁନିଆଇ ଆସିଆଟି, ଆରି ଏବେ ମୁଇ ଏ ଦୁନିଆ ଚାଡିକରି ବାବାର୍ ଲଗେ ବାଉଡି ଗାଲିନି ।”

୨୯ ଜିସୁର୍ ସିସମନ୍ କଇଲା, “ଏବେ ତମେ ଆମକେ କାତା ମଲ୍କାଇ ନ କଇକରି ସଲ୍କେସେ କଇଲାସ୍ନି । ୩୦ ତମେ ସବୁ ବିସଇ ଜାନିଆରୁସ୍, ଏଟା ଏବେ ଆମେ ଜାନୁଲୁ । ଆରି କେ ତମକେ ଜାନେ କି ନାଇ ବଲି, ପାଟାରବାର୍ ଲତା ନାଇ । ଏଟାର୍ପାଇ ତମେ ପର୍ତ୍ତେସର୍ତ୍ତାନେ ଅନି ଆସିଆରୁସ୍ ବଲି ଆମେ ବିସବାସ୍ କଲୁନି ।”

୩୧ ଜିସୁ ସେମନ୍କେ କଇଲା, “ଏବେ କାଇ ତମେ ବିସବାସ୍ କଲାସ୍ନି ? ୩୨ ଦେକା, ଏନ୍ତି ବେଲା ଆଇଲାନି, ଉଁ ସେ ବେଲା କେଟ୍ଲା ଆଟେ, ତମେ ମକେ ଗଟେକ୍ ଲକ୍ମକେ ଚାଡି, ଏନେ ତେନେ ଅଇକରି ନିଜର୍ ନିଜର୍ ଗରେ ଉଡିପାଲାଇସା । ଏଲେମିସା ମୁଇ ଗଟେକ୍ ଲକ୍ ନାଇ, ସବୁବେଲା ମର୍ ସଙ୍ଗ୍ ବାବା ଆଟେ । ୩୩ ଜେନ୍ତାରି କି ତମେ ମର୍ତେଇ ରଇକରି ସାନ୍ତି ପାଇସା, ସେଟାର୍ପାଇ ମୁଇ ତମକେ ଏ ସବୁ ବିସଇ କଇଆଟି । ଏ ଦୁନିଆଇ ତମର୍ପାଇ ବେସି ଦୁକ୍ କସ୍ତର୍ ଆଟେ, ମାତର୍ ତାଟ୍ସଙ୍ଗ୍ ରୁଆ, ମୁଇ ଦୁନିଆର୍ କାରାପ୍ ବପୁ ନସାଇକରି ଜିତିଆଟି ।”



**ସିସମନ୍ ପାଇ ଜିସୁର୍ ପାର୍ତନା**

୧ ଜିସୁ ଏ ସବୁ କାତା କଇସାରାଇଲା ପତେ, ସରଗ୍ ବାଟେ ଦେକି କଇଲା, “ଏ ସରଗର୍ ବାବା, ଏବେ ବେଲା କେଟ୍ଲା ଆଟେ । ତମର୍ ପିଲା ମକେ ଡାକ୍ପୁଟା କରା । ଜେନ୍ତିକି ତମର୍ ପିଲା ମୁଇ ତମକେ ଡାକ୍ପୁଟା କର୍ବି । ୨ ତମେ ମକେ ସବୁ ମୁନ୍ସୁ ଜାଡି ଉପ୍ରେ ଅଡିକାର୍ ଦେଇଆଟାସ୍ । ଆରି ଜନ୍ଲକ୍ମନ୍କେ ମକେ ସର୍ପି ଦେଇଆଟାସ୍, ସେମନ୍କେ ମୁଇ ନ ସାରବା ଜିବନ୍ ଦେବି । ୩ ତମେସେ ଗଟେକ୍ ପର୍ତ୍ତେସର୍ତ୍ତ, ତମକେ ଆରି ତମେ ପାଟାଇରଇବା ଜିସୁ କିରିସ୍ତକେ ଜାନବାଟା ଅଇଲାନି ନ ସାରବା ଜିବନ୍ । ୪ ତମେ ମକେ ଜନ୍ କାମମନ୍ କର୍ବାକେ ଦେଇଆଟାସ୍, ସେଟା ମୁଇ ସାରାଇ କରି, ଏ ଦୁନିଆଇ ତମକେ ଡାକ୍ପୁଟା କିଆଟି । ୫ ଏ ବାବା, ଏ ଦୁନିଆ ଡିଆର୍ ନ ଅଇତେ, ତମର୍ ସଙ୍ଗ୍ ରଇଲାବେଲେ, ମର୍ ଜନ୍ ଡାକ୍ପୁଟା ରଇଲା, ଏବେ ତମେ ରଇତେ ଆକା, ମକେ ଡାକ୍ପୁଟା କର୍ ।

୬ “ଏ ଜଗତର୍ ଜନ୍ ଲକ୍ମମନ୍କେ ତମେ ମକେ ସର୍ପି ଦେଇରଇଲାସ୍, ସେମନ୍ ଲଗେ ମୁଇ ତମକେ ଜାନାଇଆଟି । ସେମନ୍ ତମର୍ ଅଇରଇଲା, ଆରି ମକେ ସେମନ୍କେ ସର୍ପିଦେଲୁସ୍ । ସେମନ୍ ତମର୍ ବାକିଅ ମାନୁଲାଇନି । ୭ ତମେ ମକେ ଜନ୍ ଜନ୍ଟା ସର୍ପି ଦେଇ ଆଟାସ୍, ସେମାମନ୍ ସବୁ ତର୍ଟାନେଅନି ଆକା ଅଇଲାଆଟେ, ବଲି ଏବେ ସେମନ୍ ବୁଜିଆଟତ୍ । ୮ ତମେ ମକେ ଦେଇରଇବା କବର୍ ମୁଇ ସେମନ୍କେ ସୁନାଇଆଟି, ସେମନ୍ ସେଟା ମାନି ଆଟତ୍ । ମୁଇ ତମର୍ଟାନେଅନି ଆସିଆଟି ଆରି ତମେ ମକେ ପାଟାଇଆଟାସ୍, ସେମନ୍ ଏ କାତା ସତ୍ ବଲି ଜାନିକରି ବିସବାସ୍ କଲାଇ ଆଟତ୍ ।”

୯ ମୁଇ ସେମନରଲୀଗି ପାରତନା କଲିନି, ଦୁନିଆର ଲକ୍ମନର ପାଇ ପାରତନା କରିନାଇ । ମାତର ତମେ ମକେ ଜନ୍ ଲକ୍ମନକେ ଦେଇଆରାସ୍, ସେ ଲକ୍ମନର ପାଇ ପାରତନା କଲିନି । କାଇକେ ବଇଲେ ସେମନ୍ ତମର ଲକ୍ମନ । ୧୦ ଜେଡକି ମରଟା, ସେ ସବୁ ତମରଟା । ଆରି ଜେଡକି ତମରଟା ସେ ସବୁ ମରଟା । ଆକରଲୀଗି ଆକା ମର ଡାକ୍ପୁଟା ଅଇଆଟେ । ୧୧ ଏବେ ମୁଇ ତମର ଲଗେ ଆଇଲିନି, ମୁଇ ଏ ଦୁନିଆଇ ରଇନାଇ । ମାତର ଏମନ୍ ରଇଲାଇନି । ସୁକଲ୍ ରଇବା ବାବା ! ତମେ ଜନ୍ ଲକ୍ମନକେ ମକେ ସର୍ପି ଦେଇଆରୁସ୍, ତମେ ଦେଇରଇବା ନାଉଁର ବପୁର ଲୀଗି ସେମନକେ ରକିଆ କରା । ଜେନ୍ତାରି ତମେ ଆରି ମୁଇ ଗଟେକ୍ । ସେନ୍ତାରିସେ ସେମନ୍ ଗଟେକ୍ ଅଇରଇବାକେ ସାଇଜ କରା । ୧୨ \*ମୁଇ ସେମନର ସଙ୍ଗ୍ ରଇଲା ବେଲେ ତମର ନାଉଁର ବପୁସଙ୍ଗ୍ ସେମନକେ ରକିଆ କରିରଇଲି । ଜେନ୍ତି କି ସେମନ୍ କାଲକାଲ୍ ଜୁଗଜୁଗ୍ ପରମେସରରଟାନେ ଅନି ବିନେ ଅଇ ନସଟ୍ ନ ଅଅଡ୍ । ଗଟେକ୍ ଲକ୍ମକେ ଚାଡି ସବୁଲକ୍ମକେ ରକିଆ କରିଆଟି । ସେ ଗଟେକ୍ ଲକ୍ ନସଟ୍ ଅଇସି ଆକା । ଜେନ୍ତିକି ଦରମ୍ ସାସ୍ତରେ ଲେକା ଅଇଲାଟା ସିଦ୍ ଅଇବାର ରଇଲା । ୧୩ ଏବେ ମୁଇ ତମର ଲଗେ ଆଇଲିନି । ଏ ଦୁନିଆଇ ରଇଲା ବେଲେ ସେମନକେ, ସେମନର ମନେ ରଇବା ମର ସାରଦା ପୁରାପୁରୁନ୍ ଅଇବାକେ, ଏ ବିସଇ କଇରଇଲି । ୧୪ ମୁଇ ସେମନକେ ତମର ବାକିଅ ସୁନାଇଆଟି । ତେବରପାଇ ଏ ଦୁନିଆ ସେମନକେ ଗିନ୍ କଲାନି । କାଇକେ ବଇଲେ ମୁଇ ଜେନ୍ତି ଏ ଦୁନିଆଇ ଅନି ଜାଡ୍ ଅଇଲାଟା ନଇ, ସେନ୍ତି ସେମନ୍ ମିସା ଏ ଦୁନିଆର ନଅଡ୍ । ୧୫ ତମେ ସେମନକେ ଏ ଦୁନିଆଇଅନି ଦାରିଜା ବଲି ମୁଇ ପାରତନା କରିନାଇ । ମାତର ସଇତାନର ପାନ୍ଦେ ଅନି ରକିଆ କରା ବଲି ଗୁଆରି କଲିନି । ୧୬ ମୁଇ ଜେନ୍ତିକି ଏ ଦୁନିଆର ନଇ, ସେନ୍ତି ସେମନ୍ ମିସା ଏ ଦୁନିଆର ନଅଡ୍ । ୧୭ ତମର ସଡ୍‌ସଙ୍ଗ୍ ସେମନକେ ସୁକଲ୍ କରା, ତମର ବାକିଅ ତା ସଡ୍ । ୧୮ ତମେ ମକେ ଜେନ୍ତି ଏ ଦୁନିଆଇ ପାଟାଇ ଆରାସ୍, ସେନ୍ତାରି ମୁଇ ମିସା ସେମନକେ ଏ ଦୁନିଆଇ ପାଟାଇଲିନି । ୧୯ ଜେନ୍ତିକି ସେମନ୍ ତମରଟାନେ ସର୍ପି ଅଇବାଇ । ସେଟାରପାଇ ମୁଇ ନିଜକେ ତମରତେଇ ସୁକଲ୍ ଅଇଲିନି ।

୨୦ “ମୁଇ ଅବକା ଏ ସିସମନର ଲୀଗିସେ ପାରତନା କରିନାଇ, ମାତର ଏ ଲକ୍ମନ ଜାନାଇବା କାତାଇଅନି ଜନ୍ ଲକ୍ମନ ମକେ ବିସବାସ୍ କରବାଇ, ସେ ଲକ୍ମନର ପାଇ ମିସା ପାରତନା କଲିନି । ୨୧ ଏ ବାବା ତମେ ଜେନ୍ତାରି ମରଟାନେ ମିସି ଗଟେକ୍ ଅଇଆରାସ୍, ଆରି ମୁଇ ତମରଟାନେ ମିସିକରି ଗଟେକ୍ ଅଇଆଟି । ସେନ୍ତାରିସେ ସେମନ୍ ମିସା ସେମନର ବିଡ୍ରେ ମିସିକରି ଗଟେକ୍ ଅଇ ରଇବାକେ ମୁଇ ପାରତନା କଲିନି । ଜେନ୍ତିକି ତମେସେ ମକେ ପାଟାଇ ଆରାସ୍ ବଲି ଏ ଦୁନିଆ ବିସବାସ୍ କର । ୨୨ ଜେନ୍ତି ତମର ଡାକ୍ପୁଟା ମକେ ଦେଇଆରାସ୍, ସେନ୍ତି ସେଟା ମୁଇ ସେମନକେ ଦେଇଆଟି । ତେବେ ଆମେ ଗଟେକ୍ ଅଇରଇଲାପାରା, ସେମନ୍‌ମିସା ସେମନର ବିଡ୍ରେ ଗଟେକ୍ ଅଇରଇବାଇ । ୨୩ ତମେ ଜେନ୍ତି ମରଟାନେ ଆରାସ୍, ସେନ୍ତି ମୁଇ ମିସା ତାକର ଟାନେ ରଇବି । ସେନ୍ତି ରଇଲେ ଆକା ସେମନ୍ ପୁରାପୁରୁନ୍ ଗଟେକ୍ ଅଇ ରଇବାଇ । ଏନ୍ତି ଅଇଲେ ଦୁନିଆ ଜାନସି ଜେ, ତମେ ମକେ ପାଟାଇ ଆରାସ୍, ଆରି ମକେ ଜେନ୍ତି ଆଲାଦ୍ କଲାସ୍‌ନି, ସେମନକେ ମିସା ସେନ୍ତିସେ ଆଲାଦ୍ କଲାସ୍‌ନି ।”

୨୪ ଏ ବାବା, ତମେ ମକେ ଜନ୍ ଲକ୍ମନକେ ଦେଇଆରାସ୍, ମୁଇ ଜନ୍ ଜାଗାଇ ରଇବି, ସେମନ୍ ମିସା ମର ସଙ୍ଗ୍ ରଅଡ୍ ବଲି ମନ୍ କଲିନି । ତେବେ ମକେ ଦେଇରଇବା ଡାକ୍ପୁଟା ସେମନ୍ ଦେକ୍‌ବାଇ । କାଇକେ ବଇଲେ ତମେ ଏ ଦୁନିଆ ଡିଆର୍ କରବା ଆଗ୍‌ତୁସେ ମକେ ଆଲାଦ୍ କରିଆରାସ୍ । ୨୫ ଏ ଦରମର ବାବା, ଏ ଦୁନିଆ ତମକେ ନାଜାନେ, ମାତର ମୁଇ ତମକେ ଜାନିଆଟି । ଆରି ତମେସେ ମକେ ପାଟାଇଆରାସ୍ ବଲି ସିସମନ୍ ଜାନିଆଟଡ୍ । ୨୬ ମୁଇ ସେମନକେ ତମର ବିସଇ ଜାନାଇ ଆଟି, ଆରି ସବୁ ବେଲେ ଜାନାଇତେରଇବି । ତେବେ ମରଲୀଗି ସେମନ୍ ତମର ଆଲାଦ୍ ଏତାଇବାଇ ଆରି ମୁଇ ସେମନର ମନ୍ ବିଡ୍ରେ ରଇବି ।

## ୧୮

### ଜିସୁ ବନ୍ଦି ଅଇଲା

(ମାତିଉ ୨୭:୪୭-୫୬; ମାର୍କ ୧୪:୪୩-୫୦; ଲୁକ୍ ୨୨:୪୭-୫୩)

୯ ଜିସୁ ଏ ପାରତନା ସାରାଇକରି ନିଜର ସିସମନର ସଙ୍ଗ୍ କିଦ୍‌ରଣ୍ ନାଉଁର ଜଲା ସେପାଟର୍ ଜାଗାଇ ଗାଲା । ତେଇ ଗଟେକ୍ ବାଡ୍ ରଇଲା, ଜିସୁ ଆରି ତାର ସିସମନ୍ ସେ ବାଡେ ପୁରଲାଇ । ୨ ଜନ୍ ଜିଉଦା କି ଜିସୁକେ ସଡ୍‌ରୁମନକେ ସର୍ପିଦେଲା, ସେ ମିସା ସେ ଜାଗା ଜାନି ରଇଲା । କାଇକେବଇଲେ ଜିସୁ ତାର ସିସମନର ସଙ୍ଗ୍ ସେ ବାଡେ କେତେ ଡର୍ ଜାଇରଇଲା । ୩ ସେଟାର ପାଇ ଜିଉଦା ରମିୟ୍ ସନିଅମନର ଗଟେକ୍ ଦଲ୍, ମୁକିଅ ପୁଜାରିମନ୍ ଆରି ପାରୁସିମନ୍ ପାଟାଇ ରଇବା ମନ୍ଦିର୍ ଜାଗୁଆଲ୍‌ମନକେ ଦାରି, ସେ ବାଡେ କେଟ୍‌ଲା । ସେମନ୍ ଆଡ୍‌ଆଡିଆର୍, ଲାଁତର ଆରି ଜଇଉମ୍‌ଲା ଦାରିକରି ତେଇ ଆଇଲାଇ । ୪ ସେବେଲା କାଇ କାଇ ଗଟ୍‌ନାମନ୍ ଗଟ୍‌ସି, ସେଟା ସବୁ ଜିସୁ ଜାନିକରି ଆଗ୍‌ତୁ ଗାଲା ଆରି ସେମନକେ “ତମେ କାକେ କଜ୍‌ଲାସ୍‌ନି ?” ବଲି ପାଟାରଲା ।

୫ “ନାଜରିତ୍‌ୟ୍ ଜିସୁକେ କଜ୍‌ଲୁନି ।” ସେମନ୍ କଇଲାଇ ।

“ମୁଇସେ ଜିସୁ ।” ବଲି ସେମନକେ କଇଲା ।

☆ ୧୭:୧୨ ୧୭:୧୨ ଜଅନ୍ ୧୩:୧୮

ବିସ୍ବାସେ ବିସ୍ ଦେଉ ଜିଉଦା ମିସା ସେ ଲକ୍ମନର୍ ସଙ୍ଗ ଚିଆଅଇରଇଲା । ୭ ଜିସୁ ଜେଡେବେଲା “ମୁଇ ଆକା ସେ ଲକ୍ମନି” ବଲି ସେମନକେ କଇଲା, ସେ ଲକ୍ମନ ପରେ ଗୁଡିଜାଇ ତଲେ ଅଦରଲାଇ । ୮ ଜିସୁ ସେମନକେ ଆରିତରେକ୍ ପାଚାରଲା, “ତମେ କାକେ କଇଲାସ୍ତନି ?” ସେମନ କଇଲା, “ଆମେ ନାଜରିତିୟ ଜିସୁକେ କଇଲୁନି ।”

୯ ଜିସୁ କଇଲା, “ମୁଇ ଆକା ସେ ଲକ୍ମ ବଲି ତମକେ କଇଲି । ତମେ ଜଦି ମକେ କଇଲାସ୍ତନି ବଇଲେ ଏ ଲକ୍ମନକେ ଚାଡିଦିଆସ୍ ।” ୧୦ ଜେଡିକି ସେ ଆଗତୁ କଇରଇଲା ବାକିଅ ସିଦ୍ ଅଇସି, ବାବା ତମେ ମକେ ଜନ୍ ଲକ୍ମନକେ ଦେଇଆଚାସ୍, ସେମନର୍ ବିଡ୍ରେଅନି ଗଟେକ୍ ଲକ୍ମକେ ମିସା ଆଜାଇ ନାଇ ।

୧୧ ସିମନ୍ ପିତରର୍ ଆଡେ ଗଟେକ୍ କାଣ୍ଡା ରଇଲା । ସେ କାଣ୍ଡା ବାଉରାଇ ବଡ୍ ପୁଜାରିର୍ ଗତିଦାଙ୍ଗଡାର୍ ଉଜା କାନ୍ ଚିଡ୍ରେ ମାରଲା । ସେ ଗତିଦାଙ୍ଗଡାର୍ ନାଉଁ ମାଲକ୍ । ୧୨ ମାତର୍ ଜିସୁ ପିତରକେ କଇଲା, “ତର୍ କାଣ୍ଡା ଜାଗଡ୍ କରି କଲ୍ ବିଡ୍ରେ ପୁରାଇ ସଙ୍ଗଇ ଦେସ୍ । ମର୍ ବାବା ପର୍ମେସର୍ ମକେ ଜନ୍ ଦୁକ୍‌କସ୍ ପାଇବାକେ ପାଚାଇ ଆଚେ, ସେଟା ମୁଇ ନ ପାଇ କି ?”

**ଆନାର୍ ମୁଆଟେ ଜିସୁ**

୧୩ ତାର୍ ପଚେ ରମିୟ୍ ସନିଅମନ୍, ସନିଅ ମନର୍ ମୁକିଅ ନେତାମନ୍ ଆରି ମନ୍ଦିର୍ ଜାଗୁଆଲ୍‌ମନ୍ ଜିସୁକେ ଦାରି ବାନ୍ଦିଲା । ୧୪ ଆରି ତାକେ ବାନ୍ଦିକରି ପର୍ତୁମ୍ କାୟାପାର୍ ସାଡ୍‌ରା ଆନାର୍ ଲଗେ ନେଲା । କାଇକେ ବଇଲେ ଆନା ସେ ବରସର୍ ବଡ୍ ପୁଜାରି ରଇଲା । ୧୫ ଏ କାୟାପାସେ ଆଗତୁ ଜିଉଦି ନେତାମନକେ, ସବୁ ଲକ୍ମର୍ ପାଇ ଗଟେକ୍ ଲକ୍ମ ମର୍ବାଟା ଗଟେକ୍ ମଙ୍ଗଲର୍ ବିସଇ ବଲି କଇରଇଲା ।

**ପିତର୍ ଜିସୁକେ ନାଜାନି ବଲି କଇବାଟା**

(ମାତିଉ ୨୬:୨୯-୩୦; ମାର୍କ ୧୪:୨୪-୨୮; ଲୁକ୍ ୨୨:୫୫-୫୭)

୧୬ ସିମନ୍ ପିତର୍ ଆରି ଗଟେକ୍ ବିନ୍ ସିସ୍ ଜିସୁର୍ ପଚେ ପଚେ ଜାଇଡେ ରଇଲା । ବିନ୍ ସିସ୍ ବଡ୍ ପୁଜାରିକେ ଜାନି ରଇଲା । ସେଟାପାଇ ଜିସୁର୍ ସଙ୍ଗ ବଡ୍ ପୁଜାରିର୍ ତାଣ୍ଡେ ପୁରଲା । ୧୭ ମାତର୍ ପିତର୍ ବାଇରର୍ ତିଆଗତିଲଗେ ଚିଆଅଇ ରଇଲା । ବଡ୍ ପୁଜାରିକେ ଜାନିରଇଲା ସିସ୍ ତାଣ୍ଡେ ବାଉଡି ଆସି ତାଣ୍ଡର୍ ତିଆଗତି ଲଗେ ଜାଗିରଇଲା । ଗତିଦାଙ୍ଗଡିକେ କଇକରି ପିତରକେ ବିଡ୍ରେ ତାକିନେଲା । ୧୮ ସେ ତିଆଗତି ଜାଗି ରଇଲା ଗତିଦାଙ୍ଗଡି ସେବେଲା ପିତରକେ ପାଚାରଲା, “ତୁଇ ମିସା ଏ ଲକ୍ମନର୍ ବିଡ୍ରେଅନି ଗଟେକ୍ ଲକ୍ମ ନଉଁସ୍ କି ?”

ପିତର୍ କଇଲା “ମୁଇ ତାର୍ ଲକ୍ମ ନଇ ।” ୧୯ ସିଡ୍ କଲାଜେ ଗତିଦାଙ୍ଗଡାମନ୍ ଆରି ଜାଗୁଆଲ୍‌ମନ୍ ଜଇଲାଗାଇକରି ଚାରିବେଡ୍‌ଡି ଚିଆଅଇ ଜଇ ଚେକ୍‌ଡେ ରଇଲା । ପିତର୍ ମିସା ସେମନର୍ ସଙ୍ଗ ଚିଆଅଇକରି ଜଇଚେକ୍‌ଡେ ରଇଲା ।

**ଜିସୁକେ ବଡ୍ ପୁଜାରିମନର୍ ପର୍ସନ୍**

(ମାତିଉ ୨୬:୫୯-୬୨; ମାର୍କ ୧୪:୫୫-୬୪; ଲୁକ୍ ୨୨:୬୪-୬୯)

୨୦ ଏଡକି ବିଡ୍ରେ ବଡ୍ ପୁଜାରି ଜିସୁର୍ ସିସମନର୍ ବିସଇ ଆରି ଜିସୁ ସିକାଇଦେଲା ବିସଇ ସେମନକେ ପାଚାରବାର୍‌ଦାରଲା । ୨୧ ଜିସୁ ସେମନକେ କଇଲା, “ମୁଇ ସବୁବେଲେ ଲକ୍ମନର୍ ଜାନ୍‌ଡେ ସିକାଇଡେ ରଇଲି । ଆରି ଜିଉଦି ଲକ୍ମନର୍ ଉପାସନା ଗରେ ଆରି ମନ୍ଦିର୍‌ଡେଇ ସବୁ ଜିଉଦି ଲକ୍ମନ ରୁଣ୍ଡିରଇଲା ବେଲେ ସେମନକେ ସିକାଇଲିଆଚି । କାଇଟାମିସା ଲୁଡ୍‌ଡେ କଇନାଇ । ୨୨ ଏଡି ବଇଲେ କାଇକେ ମକେ ପାଚାରଲୁସ୍ତନି ? ଜନ୍ ଲକ୍ମନ ମୁଇ କଇଲା କାତା ସୁନିଆଚଡ୍, ସେ ଲକ୍ମନକେ ପାଚାର୍ । ମୁଇ ଜାଇଜାଇଟା କଇଲିଆଚି, ସେଟା ସେମନ୍ ଜାନିଆଚଡ୍ ।”

୨୩ ଜିସୁ ଏ କାତା କଇବା ବେଲେ ଜିସୁର୍ ଲଗେ ଚିଆଅଇରଇଲା ଜାଗୁଆଲ୍‌ମନର୍ ବିଡ୍ରେଅନି ଗଟେକ୍ ଲକ୍ମ ଜିସୁକେ ଗଟେକ୍ ଚାପଡା ମାରି କଇଲା, “ତୁଇ ବଡ୍ ପୁଜାରିକେ ଏନ୍ତାରି କାତା ଅଇଲୁସ୍ତନି ?”

୨୪ ଜିସୁ ତାକେ କଇଲା “ମୁଇ ଜଦି ବୁଲ୍ କାତା କଇରଇଲେ, ସବୁର୍ ମୁଆଟେ ମର୍ ବୁଲ୍ ଦେକାଆ, ମୁଇ ସଡ୍‌କାତା କଇଲିନି ବଇଲେ, ମକେ କାଇକେ ମାର୍‌ଲୁସ୍ତନି ?” ୨୫ ତାର୍‌ପଚେ ଆନାନ୍ ଜିସୁକେ ବାନ୍‌ନେସେ ବଡ୍ ପୁଜାରି କାୟାପାର୍ ଲଗେ ପାଚାଇଦେଲା ।

**ପିତର୍ ଜିସୁକେ ଆରି ତରକେ ନାଜାନି ବଲି କଇଲା**

(ମାତିଉ ୨୬:୬୯-୭୫; ମାର୍କ ୧୪:୬୯-୭୨; ଲୁକ୍ ୨୨:୫୮-୬୨)

୨୬ ସିମନ୍ ପିତର୍ ଚିଆଅଇ ଜଇଚେକ୍‌ବା ବେଲେ ବିନ୍ ଲକ୍ମନ ତାକେ ପାଚାରଲା, “ତୁଇ ମିସା ଏ ଲକ୍ମର୍ ସିସମନର୍ ବିଡ୍ରେଅନି ଗଟେକ୍ ଲକ୍ମ ନଉଁସ୍ କି ?” ମାତର୍ ପିତର୍ କଇଲା,

“ନାଇ ମୁଇ ତାର୍ ସିସ୍ ନଇ ।”

୨୭ ବଡ୍ ପୁଜାରିର୍ ଗତିଦାଙ୍ଗଡାମନର୍ ବିଡ୍ରେଅନି ଗଟେକ୍ ଲକ୍ମ ଜାକେ କି ପିତର୍ କାନ୍ କାଟିପାକାଇରଇଲା, ସେ ତାର୍ ସଙ୍ଗ କଇଲା, “ସେ ବାଡେ ମୁଇ ତକେ ତାର୍ ସଙ୍ଗ ରଇଲାଟା ଦେକି ରଇଲି ।”

☆ ୧୮:୧୧ ୧୮:୧୧ ମାତିଉ ୨୬:୩୯; ମାର୍କ ୧୪:୩୬; ଲୁକ୍ ୨୨:୪୨ ☆ ୧୮:୧୪ ୧୮:୧୪ ଜଅନ୍ ୧୧:୪୯,୫୦

୨୭ ପିତର ଆରି ତରେକ୍ କଇଲା “ନାଇ ମୁଇ ତାକେ ମୁଲକେ ନାଜାନି ।” ସମାନ୍ ସେଡ଼କି ଦାପ୍ତରେ କୁକ୍ତା ଡାକଲା ।

ପିଲାତର୍ ଲଗେ ଜିସୁକେ ନେଲାଇ ।

(ମାତିଉ ୨୭:୧-୨, ୧୧-୧୪; ମାର୍କ ୧୪:୧-୫; ଲୁକ୍ ୨୩:୧-୫)

୨୮ ତାର୍ ପଚେ ଜିସୁକେ କାୟାପାର୍ ଗରେଅନି ରମିୟ ସରକାର୍ ପିଲାତର୍ତେଇ ଦାରିଗାଲାଇ । ସେଟା କୁକ୍ତା ଡାକେ ଅଇରଇଲା । ଆରି ଜିସୁକେ ନିନ୍ଦା କରବା ଲକ୍ମନ୍ ନିଜକେ ଅସୁକଲ୍ ଅଇବାର୍ ଅଇସି ବଲିକରି ବିତ୍ତରେ ଜାଅଡ଼ନାଇ । କାଇକେ ବଇଲେ ନିସ୍ତାର୍ ପରବର୍ ବଜିର୍ ପାଇ ବଲି ସେମନ୍ ଅସୁକଲ୍ ଅଇବାକେ ମନ୍ ନ କର୍ତେରଇଲାଇ ।

୨୯ ତେବେ ରମିୟ ସରକାର୍ ପିଲାଡ଼, ବାଇରେ ଆସିପାଚାରଲା, “ଏ ଲକ୍ମନ୍ ବିରୁଦେ ତମର୍ କାଇ ଦାବି ଆନିଆଟାସ୍ ?”

୩୦ ସେ ଲକ୍ମନ୍ ପିଲାଡ଼କେ କଇଲା, “ଏ ଲକ୍ ଜଦି ବୁଲ୍ କାମ୍ କରି ନ ରଇଲେ, ଆମେ ତମର୍ ଲଗେ ନ ଆନ୍ତୁ ।” ୩୧ ସେଡ଼କି ବେଲା ପିଲାଡ଼ ସେମନ୍କେ କଇଲା, “ତମେ ତାକେ ଦାରିଜାଇକରି ତମର୍ ନିୟମ୍ ଇସାବେ ବିଚାର୍ କରା ।” ଜିଉଦି ନେତାମନ୍ କଇଲା, “ଗଟେକ୍ ଲକ୍କେ ମରନ୍ ଡ଼ଣ୍ଡ ଦେବାଟା ରମିୟ ସରକାର୍କେ ସେ ଆଚେ । ଜିଉଦି ଲକ୍ମନ୍ କାକେମିସା ମରନ୍ ଡ଼ଣ୍ଡ ଦେବାକେ ଆମର୍ ଅଦିକାର୍ ନାଇ ।” ୩୨ ଜିସୁ କେନ୍ତାରି ଅଇ ମର୍ବାବାକେ ଗାଲାନି ସେ ବିସଇ ନେଇକରି ଜନ୍ କାତା କଇରଇଲା ସେ କାତା ସିଦ୍ ଅଇବାକେ ଏନ୍ତି ଅଇଲା ।

୩୩ ପିଲାଡ଼ ଆରି ତରେକ୍ ମେଡ଼ ବିତ୍ତରେ ବାଉଡ଼ି ଜାଇକରି, ଜିସୁକେ ଡାକି ପାଚାରଲା, “ତୁଇ କାଇ ଜିଉଦି ମନର୍ ରାଜା କି ?”

୩୪ ଜିସୁ ତାକେ କଇଲା, “ତୁଇ କାଇ ଏଟା ନିଜର୍ଟାନେଅନିସେ କଇଲୁସନି, କି ବିନ୍ ଲକ୍ମନ୍ ତକେ କଇଲାଜେ କଇଲୁସନି ?”

୩୫ ପିଲାଡ଼ ପରସନ୍ କଲା, “ମୁଇ ଗଟେକ୍ ଜିଉଦି ଲକ୍ ବଲି ବାବ୍ଲୁସନି କି ? ତର୍ ନିଜର୍ ଲକ୍ମନ୍ ଆରି ମୁକିଅ ପୁଜାରିମନ୍ ତକେ ମର୍ଟାନେ ସର୍ପି ଦେଇ ଆଚଡ଼ । ତୁଇ କାଇ ବୁଲ୍ କରିଆରୁସ୍ ?” ୩୬ ଜିସୁ କଇଲା “ମର୍ ରାଇଜ୍ ଏ ଦୁନିଆର୍ ରାଇଜ୍ପାରା ନର୍ସି । ଜଦି ମର୍ ରାଇଜ୍ ଏ ଦୁନିଆର୍ ରାଇଜ୍ ପାରା ଅଇତା, ସେନ୍ତାଆଲେ ମର୍ ସିସ୍ମନ୍ ମର୍ବାଟେ ଅଇ ଜୁଇଦ୍ କର୍ତାଇ । ଆରି ମକେ ଜିଉଦି ନେତାମନ୍ ଟାନେ ସର୍ପି ନ ଦେଇତାଇ । ମାତର୍ ମର୍ ରାଇଜ୍ ଏ ଦୁନିଆର୍ ରାଇଜ୍ପାରା ନର୍ସି ।” ୩୭ ସେବେଲେ ପିଲାଡ଼ ତାକେ ପାଚାରଲା, “ଏନ୍ତି ବଇଲେ ତୁଇ କାଇ ଗଟେକ୍ ରାଜା ନଉସ୍ କି ?” ଜିସୁ କଇଲା, “ତୁଇସେ ମକେ ରାଜା ବଲି କଇଲୁସନି । ମୁଇ ସଡ଼ ବାଟେ ସାକି ଦେବାକେ ଆକା ଜନମ୍ କରି, ଏ ଦୁନିଆଇ ଆସିଆଟି । ଜନ୍ଲକ୍ମନ୍ ସଡ଼ କଜ୍ଲାଇନି, ସେମନ୍ସେ ମର୍ କାତା ସୁନ୍ବାଇ ।”

୩୮ ପିଲାଡ଼ ଜିସୁକେ କଇଲା “ଏନ୍ତି ବଇଲେ ସଡ଼ ବିସଇ କାଇଟା ?” ପଚେ ସେ ଡାଣ୍ଡେ ବାରଇ କରି ଜିଉଦି ନେତାମନ୍କେ କଇଲା, “ଏ ଲକ୍ମନ୍ ଡ଼ଣ୍ଡ ଦେବା ଏଡ଼କି କାଇ ଦସ୍ ଦେକିନାଇ ।

ଜିସୁକେ ମରନ୍ ଡ଼ଣ୍ଡ ପାଇ ଆଦେସ୍ ଆଇଲା

(ମାତିଉ ୨୭:୧୫-୩୧; ମାର୍କ ୧୫:୨-୨୦; ଲୁକ୍ ୨୩:୧୩-୨୫)

୩୯ “ତମର୍ ରିଡିନିଡି ଇସାବେ ନିସ୍ତାର୍ ପରବ୍ ବେଲେ ଗଟେକ୍ ବନ୍ଦି ଲକ୍କେ, ମୁଇ ମୁକ୍ଲାଇବାର୍ ଆଚେ । ତେବର୍ ପାଇ ତମର୍ ଜିଉଦିମନ୍ ରାଜା ଜିସୁକେ ମୁଇ ମୁକ୍ଲାଇ ଦେବି । ଏଟା ତମେ ମନକଲାସନି କି ?” ୪୦ ମାତର୍ ଲକ୍ମନ୍ ଆଉଲିଅଇକରି କଇଲା, “ନାଇ ଏ ଲକ୍କେ ନାଇ, ମାତର୍ ବାରବାକେ ମୁକ୍ଲାଇ ଦିଆସ୍ ।” ଏ ବାରବ୍ବା ଗଟେକ୍ ଡାକୁ ଲକ୍ ରଇଲା ।

### ୧୯

୧ ତାର୍ ପଚେ ପିଲାଡ଼ ଜିସୁକେ ନେଇ କର୍ତା ସଙ୍ଗ୍ ମାରା ବଲି ଆଦେସ୍ ଦେଲା । ୨ ସନିଅମନ୍ କାଟାର୍ ମୁକୁଟ୍ ତିଆର୍ କରି ଜିସୁର୍ ମୁଣ୍ଡେ ପିନ୍ଧାଇଲା ଆରି ଜାମ୍ବଲି ରଙ୍ଗର୍ ପଟିଆ ଗାଗ୍ଡେ ପିନ୍ଧାଇଦେଲା । ୩ ସେମନ୍ ଜିସୁର୍ ଲଗେ ଆସିକରି କଇଲା “ଏ ଜିଉଦିମନ୍ ରାଜା ଜୁଆର୍ ! ତୁଇ ବେସି ବରସ୍ ବର୍ !” ବଲି ତାକେ ଚାପଡ଼ ଚାପଡ଼ ମାର୍ଲାଇ ।

୪ ପିଲାଡ଼ ଆରି ତରେକ୍ ଡାଣ୍ଡେ ବାରଇକରି ରୁଣ୍ଡିରଇଲା ଲକ୍ମନ୍କେ କଇଲା, “ଦେକା, ଏବେ ମୁଇ ତାକେ ଦସି କର୍ବାକେ କାଇ ବୁଲ୍କଲାଟା ମିଲେନାଇ । ଏଟାପାଇ ତମର୍ ଲଗେ ଆନ୍ଦି । ଜେନ୍ତିକି ତମେ ଜାନ୍ବାର୍ ଆଚେ ।”

୫ ସେବେଲା ଜିସୁ କାଟାର୍ ମୁକୁଟ୍ ଆରି ଜାମ୍ବଲି ରଙ୍ଗର୍ ପଟିଆ ପିନ୍ଧି ଡାଣ୍ଡେ ଆଇଲା । ପିଲାଡ଼ ସେମନ୍କେ କଇଲା, “ଏଦେ ଦେକା ! ଏଦେ ସେ ଲକ୍ !”

୬ ତାକେ ଦେକଲା ଦାପ୍ତରେ ମୁକିଅ ପୁଜାରିମନ୍ ଆରି ମନ୍ଦିର୍ ଜାଗୁଆଲ୍ମନ୍ ଆଉଲିଅଇକରି କଇଲା, “ତାକେ କୁରୁସେ ଚଗାଆ ! ତାକେ କୁରୁସେ ଚଗାଆ !” ବଲି । ପିଲାଡ଼ କଇଲା, “ତମେ ତାକେ ନେଇକରି କୁରୁସେ ଚଗାଆ, କାଇକେ ବଇଲେ, ମୁଇ ତାର୍ଟାନେ କାଇ ବୁଲ୍ ମିସା ଦେକିନାଇ ।”

୭ ଜିଉଦି ନେତାମନ୍ ତାକେ କଇଲା, “ଆମର୍ ଗଟେକ୍ ନିୟମ୍ ଆଚେ । ସେ ନିୟମ୍ ଇସାବେ ଏ ମର୍ବାବାର୍ ଆଚେ ଆକା । କାଇକେ ବଇଲେ ସେ ନିଜେ ମୁଇ ପର୍ମେସରର୍ ପିଲା ବଲି ଦାବି କଲାଆଚେ ।”

☆ ୧୮:୩୨ ୧୮:୩୨ ଜଅନ୍ ୩:୧୪;୧୨:୩୨

୮ ତେଇ ପିଲାଟୁ ଏ କାତା ସୁନିକରି ଅଦିକ୍ ଡରିଗାଲା । ୯ ପିଲାଟୁ ଜିସୁକେ ଆରିତରେକ୍ ତାର୍ ମେତେ ବାଉଡାଲ ନେଇ ପାଚାରଲା, “ତୁଇ କନ୍ତିଅନି ଆସିଆରୁସ୍ ?”

ମାତର୍ ଜିସୁ ତାକେ ପଦେକ୍ ମିସା କଏନାଇ । ୧୦ ସେବେଲାଇ ପିଲାଟୁ ତାକେ କଇଲା, “ତୁଇ କାଇ ମର୍ ସଙ୍ଗ୍ କାତା ନ ଅଉସ୍ କି ? ତକେ ମୁକ୍ଲାଇବାର୍ ମର୍ ଅଦିକାର୍ ଆଚେ ଆରି କୁର୍ସେ ଚଗାଇବାର୍ ମିସା ମର୍ ଅଦିକାର୍ ଆଚେ । ଏଟା ତୁଇ ନାଜାନୁସ୍ କି ?”

୧୧ ଜିସୁ ତାକେ କଇଲା, “ପର୍ମେସର୍ ତକେ ଦେଲାକେସେ ମର୍ ଉପ୍ରେ ତର୍ ଅଦିକାର୍ ଆଚେ, ମାତର୍ ତର୍ଚାନେ ମକେ ଜେ ସର୍ପି ଦେଲାଆଚେ, ତାର୍ ପାପ୍ ଅଦିକ୍ ଜବର୍ ।” ୧୨ ଏ କାତା ସୁନି ପିଲାଟୁ ଜିସୁକେ ମୁକ୍ଲାଇବାକେ ଚେସ୍ଟା କଲା । ମାତର୍ ଜିଉଦି ଲକ୍ମନ୍ ଆଉଲିଅଇ କଇଲା, “ତୁଇ ଜଦି ଆକେ ମୁକ୍ଲାଇସୁ ବଇଲେ, ସମ୍ଭାର୍ ମଇତର୍ ନଉସ୍ । ଜେ ନିଜ୍ଜକେ ରାଜା ବଲି ଦାବି କରସି, ସେ ତାର୍ ବିରଦେ କଇଲାନି ।”

୧୩ ପିଲାଟୁ ଜିଉଦି ନେତାମନର୍ଚାନେଅନି ଏ କାତା ସୁନିକରି ଜିସୁକେ ବାରକରାଇ ଆନି ପାକ୍ନାଇ ତିଆର୍ ଅଇରଇଲା ବିଚାର୍ କରବା ମଣ୍ଡପେ ବସ୍ଲା । ଜନ୍ଗାକି ଇବ୍ରୁ ବାସାଇ ଗବ୍ବତା ବଲି କଇବାଇ । ୧୪ ସେଦିନେ ନିସ୍ତାର୍ ପରବର୍ ପାଇ ତିଆର୍ ଅଇବା ଦିନ୍ ରଇଲା । ସେଟା ସେଦିନର୍ ଆଡ୍ବେଲାଇ ଅଇ ଆଇତେ ରଇଲା । ଆରି ପିଲାଟୁ ଜିଉଦିନେତାମନକେ କଇଲା, “ଏଦେ ଦେକା ! ତମର୍ ରାଜା !”

୧୫ ସେବେଲାଇ ଜିଉଦି ଲକ୍ମନ୍ ଆଉଲିଅଇ କଇଲା “ତାକେ ମରାଆ !

“ତାକେ ମରାଆ ! କୁର୍ସେ ଚଗାଆ !” ପିଲାଟୁ ସେମନ୍କେ କଇଲା,

“ମୁଇ ତମର୍ ରାଜାକେ କୁର୍ସେ ଚଗାଇବି କି ?” ଏଟା ସୁନି ମୁକିଅ ପୁଜାରିମନ୍ କଇଲା, “ସମ୍ଭାର୍ଚକେ ଚାଡିକରି ଆମର୍ ଆରି କେ ରାଜା ନାଇ ।”

୧୬ ସାରାସାରି ପିଲାଟୁ ଜିସୁକେ ସେମନ୍ର୍ ମନ୍ କଲା ଇସାବେ କୁର୍ସେ ଚଗାଇ ମରାଇବାକେ ସର୍ପିଦେଲା । ତାର୍ପଚେ ସନିଅମନ୍ ଜିସୁକେ ଦାରିଗାଲାଇ ।

**ଜିସୁକେ କୁର୍ସେ ଚଗାଇଲାଇ**

(ମାଡିଉ ୨୭:୩୨-୪୪; ମାର୍କ ୧୫:୨୧-୩୨; ଲୁକ୍ ୨୩:୨୬-୪୩)

୧୭ ଜିସୁ ତାର୍ ନିଜର୍ କୁର୍ସ ବଇକରି ନଅରର୍ ବାଇରେ ରଇବା କାପାଲ୍ ନାଉର୍ ଜାଗାଇ ଗାଲା । ଏବ୍ରି ବାସାଇ ସେ ଜାଗାକେ ଗଲ୍ଗାତା ବଲି କଇବାଇ । ୧୮ ତେଇ ସେମନ୍ ଜିସୁକେ କୁର୍ସେ ଚଗାଇଲାଇ । ତାର୍ ସଙ୍ଗ୍ ଦୁଇ ଲକ୍ମକେ ମିସା କୁର୍ସେ ଚଗାଇଲାଇ । ଦୁଇ ଲକ୍ମକେ ଦୁଇବାଟେ ଚଗାଇ ଜିସୁକେ ମଜାଇ କଲାଇ । ୧୯ ଆରି ପିଲାଟୁ ନିଜେ ଗଟେକ୍ ବରଡ୍ ଲେକି କୁର୍ସେ ଅଲାଇବାକେ ଆଦେସ୍ ଦେଲା । ସେ ବରଡ୍ତେଇ ନାଜରିତିୟ୍ ଜିସୁ, ଜିଉଦିମନ୍ର୍ ରାଜା ବଲି ଲେକିରଇଲା । ୨୦ ଜିସୁକେ ଜନ୍ ଜାଗାଇ କୁର୍ସେ ଚଗାଇ ରଇଲା, ସେଟା ଗତେ ଅନି ବେସି ଦୁର୍ ନ ରଇଲା । ସେ ବରଡେ ଏବ୍ରି ବାସାଇ, ଲାଟିନ୍ ବାସାଇ ଆରି ଗିରିକ୍ ବାସାଇ ଲେକାଅଇରଇଲା । ବେସି ଲକ୍ମନ୍ ତେଇ ଲେକ୍ଲାଟା ପଡ୍ଲାଇ । ୨୧ ସେବେଲା ଜିଉଦିମନ୍ର୍ ମୁକିଅ ପୁଜାରିମନ୍ ପିଲାଟୁକେ କଇଲା “ ଜିଉଦିମନ୍ର୍ ରାଜା ବଲି ନ ଲେକି, ସେ ନିଜେ ମୁଇ ଜିଉଦିମନ୍ର୍ ରାଜା ବଲି କଇଲା ପାରା ଲେକ୍ ।”

୨୨ ପିଲାଟୁ କଇଲା “ନାଇ ମୁଇ ଜନ୍ଗା ଲେକ୍ଲି ଆତି ସେଟା ଆରି ନ ବାଦ୍ଲାଇ ।”

୨୩ ଜିସୁକେ କୁର୍ସେ ଚଗାଇଲା ପଚେ, ଚାର୍ଟା ସନିଅମନ୍ ତାର୍ ପତିଆ ନେଇ ଚାରି ବାଗ୍ କଲାଇ । ସବୁ ସନିଅମନ୍କେ ଗଟେକ୍ ଗଟେକ୍ ବାଗ୍ ମିଲ୍ଲା । ସେମନ୍ ଜିସୁ ଉପ୍ରେ ପିନ୍ଦ୍ ବସ୍ତର୍ ମିସା ବେଟ୍ଲାଇ । ସେ ବସ୍ତର୍ ସିଲାଇ ନ ଅଇ ଉପ୍ରେଅନି ତଲେ ଜାକ ଗଟେକ୍ସେ ରଇଲା । ୨୪ ସେଟାର୍ପାଇ ସେମନ୍ ନିଜର୍ ନିଜର୍ ବିଡ୍ରେ କାତା ଅଇଲାଇ । “ଆମେ ଏ ପତିଆ ନ ଚିରିକରି ଏଟା କାକେଅଇସି ବଲି ଜାନ୍ବାକେ କେଡ୍ ପୁଟାଉଁ ।” ଜେନ୍ତିକି ସାସ୍ତରେ ଲେକାଅଇଲା କାତା ସିଦ୍ ଅଇବାକେ ଏକ୍ତି ଅଇଲା । “ମର୍ ପତିଆ ସେମନ୍ ନିଜର୍ ନିଜର୍ ବିଡ୍ରେ ବାଟା କଲା, ଆରି ମୁଇ ପିନ୍ଦ୍ବା ପତିଆର୍ ପାଇ କେଡ୍ପୁଟାଇଲାଇ ।” ସେଟାସେ ସନିଅମନ୍ କଲାଇ । ୨୫ ଜିସୁର୍ କୁର୍ସ ଲଗେ ତାର୍ ଆୟା ମରିୟ୍, ତାର୍ ଆୟାର୍ ବଇନି, କଲ୍ପାର୍ ମାଇଜି ମରିୟ୍ ଆରି ମଗ୍ଦଲିନି ମରିୟ୍ ଚିଆଅଇ ରଇଲାଇ । ୨୬ ଜିସୁ ବେସି ଆଲାଦ୍ କରବା ଗଟେକ୍ ସିସ୍ ତାର୍ ମାଆର୍ ଲଗେ ଚିଆ ଅଇରଇଲାଟା ଦେକି ଜିସୁ ତାର୍ ମାକେ କଇଲା, “ଏଦେ ଦେକା ! ତର୍ ପଥ !”

୨୭ ତାର୍ ପଚେ ସେ ସିସ୍କେ କଇଲା “ଏଦେ ଦେକା ! ତର୍ ଆୟା !” ସେଦିନେ ଅନି ସେ ସିସ୍ ଜିସୁର୍ ମାକେ ନିଜର୍ ଗରେ ଡାକିନେଲା ।

**ଜିସୁର୍ ମରନ୍**

(ମାଡିଉ ୨୭:୪୫-୫୬; ମାର୍କ ୧୫:୩୩-୪୧; ଲୁକ୍ ୨୩:୪୪-୪୯)

୨୮ ଏଡକି ବିଡ୍ରେ ଜିସୁ ସବୁ ବିସଇ ପୁରାପୁରନ୍ ଅଇଲାଟା ଜାନିପାର୍ଲା, ମାତର୍ ସାସ୍ତରର୍ ବବିସଡ୍ କାତା ପୁରା କରବାପାଇ ସେ କଇଲା “ମକେ ସସ୍ କଲାନି ।”

୨୯ ତେଇ ଗଟେକ ନକିଟାନେ ଚପରା ଅଙ୍ଗୁର ରସ ରଇଲା । ସନିଅମନ୍ ଗଟେକ ସୁତାର ଗର୍ଣ୍ଣା ଚବାଲ୍ଲାଲ ଆରି ତେଙ୍ଗ ସୁଲ୍‌ତାଙ୍ଗ ଚିପେ ବାନ୍ଦି ଜିସୁର ଟଣ୍ଡଲଗେ ଲାମାଇଦେଲାଇ । ୩୦ ଜିସୁ ସେଟା କାଇକରି “ସାରିଗାଲାବେ ! ” ବଲି କଇଲା । ଏଡକି କଇକରି ତାର ଆତ୍ମା ସରପିଦେଲା ।

**ଜିସୁକେ ପାଞ୍ଜରା ତଲେ କାଁଚ୍‌ଲାଇ**

୩୧ ସେଦିନ୍ ନିସ୍‌ତାର ପରବର ନିଉତା ଦିନ୍ ରଇଲାଜେ, ମଲା ଗାଗଡ଼ କୁରସ ଉପରେ ନ ରଏ, କାଇକେବଇଲେ ସେ ଦିନ୍ ବିସ୍‌ରାମ୍‌ବାରର ସୁକଲ୍ ଦିନ୍ ରଇଲା । ସେଟାରପାଇ କୁରସେ ରଇବା ତିନଲକର ଗଡ଼ ବାଙ୍ଗାକକରି ବିନ୍ ଜାଗାଇ ନେଅଡ଼ ବଲି ଜିଉଦିଲକମନ୍ ପିଲାଡ଼କେ ଗୁଆରି କଲାଇ । ୩୨ ସେଟାରପାଇ ସନିଅମନ୍ ଜାଇ ଜିସୁର ସଙ୍ଗ ଚଗାଇଅଇରଇବା ଆରି ଦୁଇଲକର ଗଡ଼ ବାଙ୍ଗାଇଦେଲାଇ । ୩୩ ମାତର ଜେଡେବେଲା ସେମନ୍ ଜିସୁର ଲଗେ ଆସି ଦେକ୍‌ଲାଇଜେ, ସେ ମରିଜାଇରଇଲା । ସେଟାରପାଇ ସେମନ୍ ତାର ଗଡ଼ ବାଙ୍ଗାଅଡ଼ ନାଇ । ୩୪ ମାତର ଗଟେକ ସନିଅ ଚେଲ୍ ସଙ୍ଗ ତାର ପାଞ୍ଜରା ତଲେ ବୁସ୍‌ଲା ଦାପରେ ବନି ଆରି ପାନି ବାରଇଲା । ୩୫ ଏଟା ଜେ ଦେକି ରଇଲା, ସେ ଏ ସାକି ଦେଲାଆଚେ । (ସେଟାର ପାଇ ତମେ ମିସା ବିସ୍‌ବାସ୍ କରା । ତାର ସାକିଦେଲାଟା ସଡ଼ସେ । ଆରି ସେ ସଡ଼କାତା କଇଲା ଆଚେ ବଲିକରି ନିଜେ ବିସ୍‌ବାସ୍ କରସୁ ।) ୩୬ କାଇକେବଇଲେ ସାସ୍‌ତରର୍ ଏ ବାକିଅ ପୁରାପୁରୁନ୍ ଅଇବାପାଇ ବଲି ଏ ସବୁ ବିସଇ ଗଟ୍‌ଲା, “ତାର ଗଟେକ୍ ଆଡ଼ ମିସା ନ ଚିଲ୍‌ପେ ।” ୩୭ ଧର୍ମେସରର୍ ସାସ୍‌ତରେ ଆରି ଗଟେକ୍ ବାକିଅ ଏଞ୍ଜାରି ଆଚେ ଜାକେ ସେମନ୍ ବୁସ୍‌ଲାଇଆଡ଼, ତାକେ ଦେକ୍‌ବାଇ ଆରି ତାର ବାଟେସେ ଦେକ୍‌ତେ ରଇବାଇ ।

**ଜିସୁର ସମାଦି**

(ମାତିଉ ୨୭:୫୭-୬୧; ମାର୍କ ୧୫:୪୨-୪୬; ଲୁକ୍ ୨୩:୫୦-୫୬)

୩୮ ଏ ସବୁ ଗଟ୍‌ନା ଅଇଲା ପଚେ ଆରାମାତିଆ ଗଡ଼ର୍ ଜସେପ୍ ନାଉର୍ ଗଟେକ୍ ଲକ୍ ପିଲାଡ଼କେ ଜିସୁର ଗାଗଡ଼ ମାଙ୍ଗ୍‌ଲା । ଜସେପ୍ ଜିସୁର ସିସ୍ ରଇଲା । ମାତର ସେ ଜିଉଦି ନେତାମନ୍‌କେ ଡରିକରି ଜାନାଇ ନ ଅଇ ରଇତେ ରଇଲା । ପିଲାଡ଼ ଜସେପ୍‌କେ ଜିସୁର ଗାଗଡ଼ ନେ ବଇଲାକେ, ସେ ଜିସୁର ମଲାଗାଗଡ଼ ଦାରି ଗାଲା । ୩୯ ଧନିକଦିମ ମିସା ଜସେପର୍ ସଙ୍ଗ ଗାଲା । ଏ ନିକଦିମ ଗଟେକ୍ ରାତି ଜିସୁକେ ମିସ୍‌ବାର୍ ଜାଇରଇଲା । ସେ ଜିସୁର ଗାଗଡ଼େ ଲାଗାଇବାକେ ଗନ୍‌ରସ୍ ଆରି ଅଙ୍ଗୁର ମିସାଇଲା ବାସ୍‌ନା ଚିକନ୍ ଡିରିସ୍ କେଜି ଆନିରଇଲା । ୪୦ ସେମନ୍ ଦୁଇ ଲକ୍ ମିସିକରି ଜିଉଦିମନ୍‌ର ରିତିନିତି ଇସାବେ ଜିସୁର ଗାଗଡ଼ ନେଇ ବାସ୍‌ନା ଦିନ୍‌ସୁ ସଙ୍ଗ, ତେଙ୍ଗ ପଟିଆ ଗୁଡିଆଇ ଦେଲାଇ । ୪୧ ତାକେ ଜନ୍ ଜାଗାଇ କୁରସେ ଚଗାଇ ରଇଲାଇ, ସେ ଜାଗାଇ ଗଟେକ୍ ବାଡ଼ ରଇଲା । ଆରି ସେ ବାଡ଼େ ମଲା ଲକ୍‌ମନ୍‌କେ ସଙ୍ଗାଇବାକେ ଗଟେକ୍ ନୁଆ ପାଆର୍ ରଇଲା । ସେ ପାଆରେ କେବେ ମିସା କାକେ ନ ସଙ୍ଗଇ ରଇଲାଇ । ୪୨ ବିସ୍‌ରାମ୍ ବାରର୍ ନିଉତା ଦିନ୍ ଅଇରଇଲା ଆରି ସେ ପାଆର୍ ଲଗେ ରଇଲା ଜେ, ସେମନ୍ ଜିସୁର ଗାଗଡ଼ ନେଇକରି ସେ ପାଆରେ ସଙ୍ଗାଇଦେଲାଇ ।

**୨୦**

**ରୁଗା ପାଆର୍**

୧ ଆଟର୍ ପର୍‌ଡୁମ୍ ଦିନର୍ ସାକାଲେ ଜୁଲ୍‌ପୁଲ୍ ଉଜଲ୍ ବେଲାଇ ମଗ୍‌ଦଲିନି ମରିୟମ୍ ଜିସୁକେ ପାକ୍‌ନା ସଙ୍ଗ ତିଆର୍ କରି ସଙ୍ଗାଇଲା ପାଆରେ ଆସିକରି ଡାବିରଇଲା ପାକ୍‌ନା ଗୁଟିରଇଲାଟା ଦେକ୍‌ଲା । ୨ ସେଟାରପାଇ ସେ ପାଲାଇ କରି ସିମନ୍ ପିତର୍ ଆରି ଜିସୁ ଜନ୍ ସିସ୍‌କେ ବେସି ଆଲାଡ଼ କର୍‌ତେ ରଇଲା, ସେମନ୍‌କେ ଆସି କଇଲା, “ସେମନ୍ ମାପ୍‌ରୁକେ, ସଙ୍ଗଇଲା ଜାଗାଇଅନି ଦାରିଗାଲାଇ ଆଚଡ଼ । ଆରି ତାକେ କନ୍ ଜାଗାଇ ସଙ୍ଗଇଲାଇ ଆଚଡ଼ ସେଟା ଆମେ ନାଜାନୁ ।”

୩ ସେଡକି ବେଲେ ପିତର୍ ଆରି ସେ ସିସ୍, ଜିସୁକେ ସଙ୍ଗଇଲା ଜାଗାଇ ଜିବାକେ ବାରଇଲାଇ । ୪ ସେମନ୍ ଦୁଇ ଲକ୍ ମିସ୍‌ତେ ପାଲାଇତେ ରଇଲାଇ । ଆରି ସେ ବିନ୍ ସିସ୍ ପିତର୍‌କେ ପଚେ କରି ଆଗ୍‌ଡୁ ସଙ୍ଗଇ ରଇଲା ଜାଗାଇ କେଟ୍‌ଲା । ୫ ସେ ପାଆର୍ ବିଡ଼ରେ ଲକ୍‌କରି ଏରି ଦେକ୍‌ଲାଜେ, ଏଦେ ଦେକା ! ତେଇ ଜିସୁର ଗାଗଡ଼େ ଗୁଡିଆଇ ଅଇରଇଲା ଲୁଗା ଅଦ୍‌ରିରଇଲାଟା ଦେକ୍‌ଲା । ମାତର ସେ ବିଡ଼ରେ ପୁରେନାଇ । ୬ ପଚେ ସିମନ୍ ପିତର୍ ମିସା ତାର ପଚେ ପଚେ ଜାଇ କେଟ୍‌ଲା ଆରି ପାଆର୍ ବିଡ଼ରେ ଜାଇ ତେଇ ଅଦ୍‌ରି ରଇଲା ଲୁଗା ଦେକ୍‌ଲା । ୭ ଆରି ଜିସୁର ମୁଣ୍ଡେ ଜନ୍ ଲୁଗା ଗୁଡିଆଇ କରି ବାନ୍ଦିରଇଲାଇ, ସେଟା ପାଟଲ୍ ଲୁଗା ସଙ୍ଗ ନ ଅଇକରି ଗଟେକ୍ ବିନ୍‌ଟାନେ ଗୁଡିଆଇଅଇ ରଇଲା । ୮ ତାର ପଚେ ସେ ବିନ୍ ସିସ୍ ଜେକି ଆଗ୍‌ଡୁ କେଟି ରଇଲା ସେ ପାଆର୍ ବିଡ଼ରେ ଜାଇକରି ସେଟା ସବୁ ଦେକିକରି ବିସ୍‌ବାସ୍ କଲା । ୯ (ସେ ସିସ୍‌ମନ୍ ସେ ବେଲା ଜାକ ପର୍‌ମେସରର୍ ବଇତେଇ ଲେକା ଅଇଲା ଇସାବେ, ଜିସୁ ମଲାଟାନେଅନି ଆରି ତରେକ୍ ଜିବନ୍ ଅଇ ଉର୍‌ସି ବଲି ବୁଜି ନ ରଇଲାଇ ।) ୧୦ ତାର ପଚେ ସିସ୍‌ମନ୍ ପାଆର୍ ଦେକି ସାରାଇ ଗରେ ବାଉଡି ଉଟି ଗାଲାଇ ।

ମଗ୍‌ଦଲିନି ମରିୟମ୍‌କେ ଜିସୁ ଦେକାଇଅଇଲାଇ  
(ମାତିଉ ୨୮:୯-୧୦; ମାର୍କ ୧୬:୯-୧୧; ଲୁକ୍ ୨୪:୧-୧୨)

☆ ୧୯:୩୭ ୧୯:୩୭ ପରକାସିତ ୧:୭ ☆ ୧୯:୩୯ ୧୯:୩୯ ଜଅନ୍ ୩:୧,୨

୧୧ ମାତର ମରିୟମ୍ ଜିସୁର ଗାଗଡ଼ ସଙ୍ଗରଇଲି ପାଆର୍ ଲଗେ ଚିଆଅଇ କାନ୍ଦ୍ତେ ରଇଲା । ସେ କାନ୍ଦି କାନ୍ଦି ଲଇଁକରି ପାଆର୍ ବିଡ଼ରେ ଦେକଲା, ୧୨ ଆରି ଏଦେ ଦେକା ! ତେଇ ଦବପଟିଆ ପିନ୍ଦିରଇବା ଦୁଇଟା ସରଗର୍ ଦୁଡ଼ମନ୍ ଜିସୁକେ ଜନ୍ ଜାଗାଇ ସଙ୍ଗରଇଲି, ଗଟେକ୍ ଲକ୍ ମୁଣ୍ଡବାଟେ ଆରିଗଟେକ୍ ଲକ୍ ଗଡ଼ବାଟେ ବସିରଇଲାଟା ଦେକଲା । ୧୩ ସେମନ୍ ମରିୟମ୍‌କେ ପାଚାରିଲା, “ତୁଇ କାଇକେ ମା କାନ୍ଦ୍‌ଲୁସ୍‌ନି ?” ମରିୟମ୍ କଇଲା, “ସେମନ୍ ମର୍ ମାପ୍‌ରୁର୍ ଗାଗଡ଼ କେନେକି ଦାରିଗାଲା ଆତଡ଼ । ଆରି ସେମନ୍ ତାକେ କନ୍ତି ସଙ୍ଗରଇଲି ଆତଡ଼ ସେଟା ମୁଇ ନାଜାନି ।” ୧୪ ସେ ଏନ୍ତି କଇକରି ପାସଲିଲା ବେଲେ, ତେଇ ଜିସୁ ଚିଆଅଇ ରଇଲାଟା ଦେକଲା । ମାତର ମରିୟମ୍ ତାକେ ଜିସୁ ବଲି ଚିନ୍ତି ନାପାରଲା । ୧୫ ଜିସୁ ତାକେ ପାଚାରିଲା “ଏ ମାଆ ତୁଇ କାଇକେ କାନ୍ଦ୍‌ଲୁସ୍‌ନି ? ତୁଇ କାକେ କଜ୍‌ଲୁସ୍‌ନି ?” ମରିୟମ୍ ଏ ଲକ୍ ବାତର୍ କାମ୍ କରୁ ମାଲି ବଲି ବାବିକରି ତାକେ କଇଲା, “ଏ ଆଗିଆଁ, ତୁଇ କାଇ ଜିସୁର୍ ଗାଗଡ଼ ନେଇ ଆତୁସ୍ କି ? ତାକେ ତୁଇ କନ୍ତି ସଙ୍ଗର ଆତୁସ୍ ? ମକେ କଇଦେ, ମୁଇ ଜାଇକରି ତାକେ ଦାରିଜିବି ।”

୧୬ ଜିସୁ ତାକେ “ମରିୟମ୍ !” ବଲି ଡାକିଲା । ମରିୟମ୍ ତାର ବାଟେ ପାସଲି କରି “ରାବ୍‌ବୁନି !” ବଲି ଏବ୍‌ରି ବାସାଇ କଇଲା । ଏଟାର ଅରଡ଼ ଅଇଲାନି ଗୁରୁ ।

୧୭ ଜିସୁ ତାକେ କଇଲା, “ମକେ ଦାରି ର ନାଇ, ଏବେ ଜାକ ମୁଇ ବାବା ପର୍‌ମେସର୍ ଲଗେ ଜାଇନାଇ । ମାତର ତୁଇ ଜାଇକରି ମର୍ ବାଇମନ୍‌କେ କଅ, ମୁଇ, ମର୍ ବାବା ଆରି ସେମନ୍‌ର ବାବା, ମର୍ ପର୍‌ମେସର୍ ଆରି ସେମନ୍‌ର ପର୍‌ମେସର୍ ଲଗେ ବାଉଡ଼ି ଗାଲିନି ।” ୧୮ ମଗ୍‌ଦଲିନି ମରିୟମ୍ ସିସ୍‌ମନ୍‌ର ଲଗେ ବାଉଡ଼ି ଗାଲା ଆରି କଇଲା “ମୁଇ ମାପ୍‌ରୁକେ ଦେକଲି ଆତି ।” ଆରି ଜିସୁ କଇଲା ସବୁ କାତା ସିସ୍‌ମନ୍‌କେ କଇଦେଲା ।

**ଜିସୁ ନିଜକେ ସିସ୍‌ମନ୍‌କେ ଦେକାଇଅଇଲା**  
(ମାତିଉ ୨୮:୧୬-୨୦; ମାର୍କ ୧୬:୧୪-୧୮; ଲୁକ୍ ୨୪:୩୬-୪୯)

୧୯ ସେ ଦିନ୍ ଆଟର୍ ପର୍‌ଡୁମ୍ ଦିନ୍ ଅଇରଇଲା । ସଞ୍ଜ ବେଲା ସବୁ ସିସ୍‌ମନ୍ ଗଟେକ୍ ତେଇ ରୁଣ୍ଡିଲା । ସେମନ୍ ଜିଉଦି ନେତାମନ୍‌କେ ଡରିକରି ଗରର୍ କାପାଟ୍ ସବୁ ଡାବିଅଇଦେଇ ରଇଲା । ସେ ବେଲା, ଏଦେ ଦେକା ! ଜିସୁ ଅଟାଡ଼ ସେମନ୍‌କେ ଦେକାଇଅଇକରି ସେମନ୍ ଚିଆଅଇଲା ଜାଗାଇ “ତମ୍‌କେ ସାନ୍ତି ମିଲ !” ବଲି କଇଲା । ୨୦ ଜିସୁ ଏ କାତା କଇଲା ପଟେ ନିଜର୍ ଆଡ଼ ଆରି ପାଞ୍ଜିରା ଦେକାଇଲା । ସିସ୍‌ମନ୍ ମାପ୍‌ରୁକେ ଦେକିକରି ବେସି ସାର୍‌ଦା ଅଇଗାଲା । ୨୧ ଜିସୁ ଆରି ତରେକ୍ ସେମନ୍‌କେ କଇଲା “ତମ୍‌କେ ସାନ୍ତି ମିଲ ! ବାବା ପର୍‌ମେସର୍ ମକେ ଜେନ୍ତି ପାଚାଇଆଟେ, ସେନ୍ତିସେ ମୁଇ ତମ୍‌କେ ପାଚାଇଲିନି ।” ୨୨ ତାର ପଟେ ଜିସୁ ସେମନ୍‌ର ଉପ୍‌ରେ ପୁଣ୍ଡିଲା ଆରି “ତମେ ସୁକଲ୍ ଆଡ଼ମାକେ ନାମା !” ୨୩ ✨ “ଜଦି ତମେ ଲକ୍‌ମନ୍‌ର ପାପ୍ କେମା କର୍‌ସା ବଇଲେ, ପର୍‌ମେସର୍ ମିସା ସେମନ୍‌ର ପାପ୍ କେମା ଦେଲା ଆଟେ । ଜଦି ତମେ ଲକ୍‌ମନ୍‌ର ପାପ୍ କେମା ନ କରାସ୍ ବଇଲେ ପର୍‌ମେସର୍ ମିସା ସେମନ୍‌ର ପାପ୍ କେମା ନ କରେ ।” ବଲି କଇଲା ।

**ଜିସୁ ତମାକେ ଦେକାଇଅଇଲା /**

୨୪ ଜିସୁର୍ ବାର୍‌ଟା ସିସ୍‌ମନ୍‌ର ବିଡ଼ରେଅନି ତମା ଜାକେକି ଜଅଁଲା ବଲି ଡାକ୍‌ବାଇ, ଜିସୁ ସିସ୍‌ମନ୍‌କେ ଦେକାଇଅଇଲା ବେଲେ ସେ ନ ରଇଲା । ୨୫ ସେଟାର ପାଇ ତେଇ ରଇଲା ବିନ୍ ସିସ୍‌ମନ୍ ତମା ଆଇଲା ପଟେ କଇଲା, ଆମେ ମାପ୍‌ରୁକେ ଦେକ୍‌ଲୁ ଆତୁ । ମାତର ତମା କଇଲା, “ମୁଇ ତାର ଆଟେ କୁଟିର୍ ଚିନ୍ ନ ଦେକ୍‌ତେ ଆରି ସେ ଚିନେ ମର୍ ଆଙ୍ଗଟି ନ ଚିଙ୍ଗିଲାଇବା ଜାକ ଆରି ତାର ପାଞ୍ଜିରାଇ ଆଡ଼ ନ ପୁରାଇବା ଜାକ ବିସ୍‌ବାସ୍ ନ କରି ।”

୨୬ ଗଟେକ୍ ଆଟ୍ ଗାଲା ପଟେ ସିସ୍‌ମନ୍ ଆରି ତରେକ୍ ଗର୍ ବିଡ଼ରେ ରଇଲା, ତମା ମିସା ସେମନ୍‌ର ସଙ୍ଗ୍ ତେଇ ରଇଲା । କାପାଟେ ଗାଡ଼ା ଦେଇରଇଲା । ମାତର ଏଦେ ଦେକା ! ଆଗ୍‌ତୁର୍ ପାରା ଜିସୁ ଗର୍ ବିଡ଼ରେ ପୁରିକରି ସେମନ୍‌ର ମଜାଇ ଚିଆଅଇକରି କଇଲା, “ତମ୍‌କେ ସାନ୍ତି ମିଲ !” ୨୭ ତାର ପଟେ ଜିସୁ ତମାକେ କଇଲା, “ତର୍ ଆଙ୍ଗଟି ଇତି ସଙ୍ଗର ମର୍ ଆଡ଼ ଦେକ୍, ଆରି ମର୍ ପାଞ୍ଜିରାଇ ଆଡ଼ ପୁରାଇ ଦେକ୍ । ଆରି କେବେ ମିସା ବିସ୍‌ବାସ୍ କରିନାଇ ବଲି କଅ ନାଇ, ମାତର ବିସ୍‌ବାସ୍ କର୍ ।” ୨୮ ତମା ଜିସୁକେ କଇଲା, “ଏ ମର୍ ମାପ୍‌ରୁ, ଏ ମର୍ ପର୍‌ମେସର୍ !”

୨୯ ଜିସୁ ତାକେ କଇଲା, “ତୁଇ ମକେ ଦେକିକରି ବିସ୍‌ବାସ୍ କଲୁସ୍‌ନି କି ? ମାତର ଜନ୍ ଲକ୍‌ମନ୍ ମକେ ନ ଦେକିକରି ମିସା ବିସ୍‌ବାସ୍ କଲାଇନି, ସେମନ୍ କେତେ ସାର୍‌ଦା ପାଇବାଇ !”

**ଏ ବଇର୍ ଉଦେସ୍**

୩୦ ଜିସୁ ସିସ୍‌ମନ୍‌ର ସଙ୍ଗ୍ ରଇଲାବେଲେ କେତେକ୍ କେତେକ୍ କାବାଅଇଜିବା କାମ୍‌ମନ୍ କରିରଇଲା । ସେଟା ସବୁ ଏ ବଇଡେଇ ଲେକା ଅଏନାଇ । ୩୧ ମାତର ଏଡ଼କିସେ ଲେକାଅଇଲା, “ତମେ ଜେନ୍ତିକି ବିସ୍‌ବାସ୍ କର୍‌ସା ଜେ, ଜିସୁସେ ପର୍‌ମେସର୍‌ର ପଅ, ଜେକି ମସିଅ, ଆରି ତାକେ ବିସ୍‌ବାସ୍ କଲେସେ ତମେ ଜିବନ୍ ପାଇସା ।”



**ଜିସୁ ସାତ୍‌ଟା ସିସ୍‌ମନ୍‌କେ ଦେକାଇ ଅଇଲା**

✨ ୨୦:୨୩ ୨୦:୨୩ ମାତିଉ ୧୬:୧୯;୧୮:୧୮

<sup>୧</sup> ତାର ପତେ ଜିସୁ ନିଜେ ଆରି ତରେକ୍ ସିସ୍‌ମନ୍‌କେ ଡିବିରିଆର୍ ଗାଡ଼ପାଲି ଦେକାଇଅଇଲା । ସେଟା ଏଣ୍ଡି ଅଇଲା ।  
<sup>୨</sup> ଜିସୁର୍ କେତେଟା ସିସ୍‌ମନ୍ ଗଟେକ୍ ତେଇ ରୁଣ୍ଡିରଇଲାଇ । ସେମନ୍ ଅଇଲାଇନି, ସିମନ୍ ପିତର୍, ବିଦୁମ୍ ବଲି ଡାକ୍‌ବା ତମା ନାଉର୍ ସିସ୍, ଗାଲିଲି ଦେସର୍ କାନା ଗଡେ ରଇଲା ନିତନିଏଲ୍, ଜେବଦିର୍ ଦୁଇଟା ପିଲା ଜାକୁବ୍, ଜଅନ୍ ଆରି ବିନ୍ ଦୁଇଟା ସିସ୍‌ମନ୍ ।  
<sup>୩</sup> \*ସିମନ୍ ପିତର୍ ସେମନ୍‌କେ “ମୁଇ ମାଟ୍ ଦାର୍‌ବାର୍ ଗାଲିନି ।” ବଲି କଇଲା । ସେମନ୍ ମିସା “ତର୍ ସଙ୍ଗ୍ ଆଇରୁ ।” ବଲି କଇଲାଇ । ଆରି ତଙ୍ଗାଇ ଚଗି, ସେମନ୍ ଗୁଲାଇ ରାତି ଜାଲ୍ ମାର୍‌ଲାଇ, ମାତର୍ ମୁଲ୍‌କେ ଦାରତନାଇ ।  
<sup>୪</sup> ଆରକର୍ ଦିନେ ଜୁଲ୍‌ପୁଲ୍ ଉଜଲେ ଜିସୁ ଗାଡ଼କଣ୍ଡି ଚିଆଅଇରଇଲା । ମାତର୍ ସିସ୍‌ମନ୍ ତାକେ ଜିସୁ ବଲି ଚିନି ନାପାରଲାଇ ।  
<sup>୫</sup> ଜିସୁ ସେମନ୍‌କେ ପାଚାରଲା, “ଏ ମଇତର୍‌ମନ୍ ତମେ ଜଡେକ୍ ମିସା ମାଟ୍ ଦାରାସ୍ ନାଇ କି ?” ସେମନ୍ “ମୁଲ୍‌କେ ଦାରୁ ନାଇ ।” ବଲି କଇଲାଇ ।  
<sup>୬</sup> \*ଜିସୁ ସେମନ୍‌କେ କଇଲା, “ତଙ୍ଗାର୍ ଉଜାବାଟେ ଜାଲ୍ ମାରା, ତମେ ମାଟ୍‌ଦାର୍‌ସା ଆଲେ ।” ସେ କଇଲା ପାରା ଜାଲ୍ ପାକାଇଲାଇ ଜେ, ଏତର୍ ତାକର୍ ଜାଲେ ଏଡେକ୍ ମାଟ୍ ଲାଗିଲାଇଜେ, ସେମନ୍ ଜାଲ୍ ଜିକି ନାପାରଲାଇ ।  
<sup>୭</sup> ଜିସୁ ଜନ୍ ସିସ୍‌କେ ଆଲାଦ୍ କର୍ତେ ରଇଲା, ସେ ସିସ୍ ପିତର୍‌କେ କଇଲା, “ଏଦେ ଦେକା ! ଏଟା ନିଜେ ଆମର୍ ମାପୁରୁ ସେ !” ପିତର୍ ଏଟା ମାପୁରୁ ଆକା ବଲି କଇଲାଟା ସୁନିକରି ବେଟି ସଙ୍ଗାଇଲା ବସତର୍ ପିନ୍ ଗାଡେ ତେଗଇଦେଲା । କାଇକେ ବଇଲେ ସେ ମାଟ୍ ଦାର୍‌ବାବେଲେ, ଉପ୍‌ରେ ପିନ୍‌ଲା ବସତର୍ ବେଟି ସଙ୍ଗାଇ ରଇଲା ।  
<sup>୮</sup> ଆରି ବାକି ସିସ୍‌ମନ୍ ମାଟ୍ ବର୍ତ୍ତି ରଇଲା ଜାଲ୍ ଜିକିଜିକି ତଙ୍ଗା କଣ୍ଡିତେଇ ଆନି ଲାଗାଇଲାଇ । ସେମନ୍ କଣ୍ଡିଅନି ଦୁଇସ ଆଡ଼ ଦୁରିକେସେ ରଇଲାଇ ।  
<sup>୯</sup> ସିସ୍‌ମନ୍ ତଙ୍ଗାଅନି ଉଡ଼ିକରି ପଦାଇ କେଟ୍‌ଲାବେଲେ, ଜଇରଇଲା ଇଙ୍ଗରା ଉପ୍‌ରେ କେତେଟା ବାଜିଅଇଲା ମାଟ୍ ଆରି ରୁଟି ସଙ୍ଗାଇଅଇ ରଇଲାଟା ଦେକ୍‌ଲାଇ ।  
<sup>୧୦</sup> ତାର ପତେ ଜିସୁ “ତମେ ଏବେ ଦାରଲା କେତେଟା ମାଟ୍ ଆନା ।” ବଲି କଇଲା ।

<sup>୧୧</sup> ସେଟାର ପାଇ ସିମନ୍ ପିତର୍ ଜାଇ ମାଟ୍ ବର୍ତ୍ତି ରଇଲା ଜାଲ୍ ପଦାପାଲିକେ ଜିକି ଆନଲା । ସେ ଜାଲେ ସଏ ପଗାସ୍ ତିନଟା ବଡ଼ବଡ଼ ମାଟ୍ ଲାଗି ରଇଲାଇ । ମାଟ୍‌ମନ୍‌ର ଲାଗି ବେସି ବନ୍ ରଇଲା ମିସା, ଜାଲ୍ ଚିତେନାଇ ।  
<sup>୧୨</sup> ଜିସୁ ସେମନ୍‌କେ “ଆସା କାଆ !” ବଲି କଇଲା । ସିସ୍‌ମନ୍‌ର ବିତ୍‌ରେଅନି କେ ମିସା ତୁଇ କେ ? ବଲି ପାଚାରବାକେ ସାଆସ୍ କରତ୍ ନାଇ । କାଇକେ ବଇଲେ ସେମନ୍ ସେ ମାପୁରୁ ବଲି ଜାନି ରଇଲାଇ ।  
<sup>୧୩</sup> ଜିସୁ ତାକର୍ ଲଗେ ଜାଇ ରୁଟି ଆରି ମାଟ୍ ବାଟାକରିଦେଲା ।  
<sup>୧୪</sup> ଜିସୁ ମରିକରି ଜିବନ୍‌ଅଇ, ସିସ୍‌ମନ୍‌କେ ଏଟା ସଙ୍ଗ୍ ମିସାଇ, ତିନତର୍ ଦେକାଇଅଇଲା ।

**ଜିସୁ ଆରି ପିତର୍**

<sup>୧୫</sup> ସେମନ୍ କାଇଲା ପତେ ଜିସୁ ସିମନ୍ ପିତର୍‌କେ କଇଲା, “ଜଅନ୍‌ର ପଅ ସିମନ୍, ତୁଇକାଇ ଏମନ୍‌ରତେଇଅନି ମକେ ଅଦିକ୍ ଆଲାଦ୍ କଲୁସ୍‌ନି କି ?” ପିତର୍ କଇଲା,

“ଉଁ ମାପୁରୁ ମୁଇ ଆଲାଦ୍ କଲିନି ବଲି ତୁଇ ଜାନିଆରୁସ୍ ।”

ଜିସୁ ତାକେ “ତୁଇ ମର୍ ମେଣ୍ଡାମନ୍‌କେ ନିମାନ୍ କରି ଜତନ୍ କର୍ ।” ବଲି କଇଲା ।  
<sup>୧୬</sup> ତାର ପତେ ଜିସୁ ଆରି ତରେକ୍ ତାକେ ପାଚାରଲା, “ଜଅନ୍‌ର ପଅ ସିମନ୍, ତୁଇ କାଇ ମକେ ସତଇସେ ଆଲାଦ୍ କଲୁସ୍‌ନି କି ?”

ପିତର୍ କଇଲା, “ଉଁ ମାପୁରୁ ମୁଇ ତକେ ଆଲାଦ୍ କଲିନି ବଲି ତୁଇ ଜାନିଆରୁସ୍ ।”

ତାର ପତେ ଜିସୁ କଇଲା, “ସେନ୍ତାର୍‌ଆଲେ ମର୍ ମେଣ୍ଡାମନ୍‌ର ଜତନ୍ କର୍ ।”  
<sup>୧୭</sup> ଜିସୁ ଦୁଇତର୍ ପାଚାରି ସାରି ଆରିତରେକ୍ ପାଚାରଲା, “ଏ ଜଅନ୍‌ର ପଅ ସିମନ୍ ତୁଇ ମକେ ଆଲାଦ୍ କଲୁସ୍‌ନି କି ?”

ଜିସୁ ତାକେ ତିନ୍ ତର୍ ଜାକ ଗଟେକ୍ କାତାସେ ପାଚାରଲାଜେ ପିତର୍ ଦୁକ୍ ଅଇଗାଲା, ଆରି କଇଲା, “ଏ ମାପୁରୁ ! ମୁଇ ଆଲାଦ୍ କଲିନି ବଲି ତୁଇ ସବୁ ଜାନିଆରୁସ୍ ।”

ଜିସୁ ପିତର୍‌କେ କଇଲା, “ତୁଇ ମର୍ ମେଣ୍ଡାମନ୍‌କେ ନିମାନ୍ କରି କୁଆଉ ।

<sup>୧୮</sup> “ମୁଇ ତକେ ସତ୍ କାତା କଇଲିନି, ତୁଇ ଦାଙ୍ଗ୍‌ତା ରଇଲାବେଲେ, ଚକା ପଟିଆ ପିନ୍ କରି ଜେନେ ପାରଲା ତେନେ ଜାଇତେ ରଇଲୁସ୍ । ମାତର୍ ତକ୍‌ରା ଅଇଲେ ଆଡ଼ ଟେକ୍‌ସୁ, ଆରି ବିନ୍ ଲକ୍‌ମନ୍ ତକେ ବାନ୍ଧି ଜିକ୍ତି ଜିବାକେ ମନ୍ ନ ରଏ, ସେ ବାଟେସେ ତକେ ନେବାଇ ।”  
<sup>୧୯</sup> ସେ କେନ୍ତାରି ଅଇ ମରିକରି ପର୍‌ମେସରର୍ ତାକ୍‌ପୁଟା କର୍ସି, ସେଟା ଜାନାଇବାକେ ଜିସୁ ଏନ୍ତାରି କଇଲା । ଏଣ୍ଡି କଇ ସାରାଇ ସେ ପିତର୍‌କେ କଇଲା “ମର୍ ସଙ୍ଗ୍ ଆଉ ।”

**ଜିସୁର୍ ଆଲାଦର୍ ସିସ୍**

<sup>୨୦</sup> \*ପିତର୍ ପାସ୍‌ଲିକରି ଜିସୁର୍ ଆଲାଦର୍ ବିନ୍ ସିସ୍‌କେ ଦେକ୍‌ଲା । ଜାକେ କି ଜିସୁ ବେସି ଆଲାଦ୍ କର୍ତେରଇଲା । ଜନ୍ ସିସ୍ କି ରାତିଆ କାଇଲାବେଲେ ଜିସୁର୍ ବୁକେ ଆଉଜି ଅଇକରି ପାଚାରିରଇଲା । “ମାପୁରୁ କେ ତମ୍‌କେ ବିସ୍‌ବାସେ ବିସ୍ ଦେଲାପାରା ସତ୍‌ରୁମନ୍‌କେ ସର୍‌ପି ଦେଇସି ?”  
<sup>୨୧</sup> ପିତର୍ ସେ ସିସ୍‌କେ ଦେକି ଜିସୁକେ ପାଚାରଲା, “ଏ ମାପୁରୁ ଆର୍ ବିସଇ କାଇଟା ଅଇସି ?”

<sup>୨୨</sup> ଜିସୁ ତାକେ କଇଲା, “ଏ ଦୁନିଆଇ ଆରି ତରେକ୍ ଆଇବା ଜାକ ସେ ବଟି କରି ରଅ ବଲି ମୁଇ ମନ୍ କଲିନି ବଇଲେ, ଏଟାର୍‌ପାଇ ତୁଇ କାଇକେ ଚିନ୍ତା କଲୁସ୍‌ନି ? ତୁଇ ମର୍ ସଙ୍ଗ୍ ଆଉ ।”

☆ ୨୧:୩ ୨୧:୩ ଲୁକ୍ ୫:୫ ☆ ୨୧:୬ ୨୧:୬ ଲୁକ୍ ୫:୬ ☆ ୨୧:୨୦ ୨୧:୨୦ ଜଅନ୍ ୧୩:୨୫



୨୩ ତେବେ ଜିସୁ ଜନ୍ ସିସ୍କେ ଆଲାଦ୍ କର୍ତ୍ତେ ରଇଲା, ସେ ନ ମରେ ବଲି କଇରଇଲା ବିସଇ ଗୁଲାଇ ବାଟର୍ ବିସ୍ବାସ୍ କର୍ବା ବାଇମନରତେଇ କେଟ୍ଲା । ମାତର୍ ସେ ନ ମରେ ବଲି ଜିସୁ କଇ ନ ରଇଲା । ମୁଇ ଏ ଦୁନିଆଇ ଆରି ତରେକ୍ ଆଇବା ଜାକ ସେ ବଠିକରି ରଅ ବଲି ମୁଇ ଜଦି ମନ୍ କଲିନି ବଇଲେ, ଏଟାର୍ପାଇ ତୁଇ କାଇକେ ଚିନ୍ତା କଲୁସ୍ନି ? ବଲି କଇରଇଲା ।

୨୪ ସେ ସିସ୍ ଏ ସବୁ ବିସଇ କଇଲାଆଚେ, ଏ ସବୁଜାକ ସେ ଲେକି ମିସା ଆଚେ ଆରି ସେଟା ଆମେ ଜାନୁ । ସେ ଜାଇଟା କଇଲା ଆଚେ ସେଟା ସବୁ ସଡ଼ସେ ।

#### ସାରାସାରି ବିସଇ

୨୫ ଜିସୁ କରଇରଇବା କାମ୍ମନ୍ ଆରି କେତେକ୍ କେତେକ୍ ଆଚେ, ମାତର୍ ମର୍ ବିଚାର୍ ଇସାବେ ସେ ସବୁଜାକ ଜଦି ଗଟେକ୍ ଲକ୍ ଲେକ୍ଲେ, ଜେଡ଼କି ବଇ ଲେକା ଅଇସି, ସେଟାମନ୍ ସଙ୍ଗଇବାକେ ଚାନ୍ ନ ଅଏ ।

## ପ୍ରେରିତ ମାନଙ୍କର କାର୍ଯ୍ୟ ପେରିଡ଼ ସିସ୍ତମ୍ କାମ୍‌କଲ୍ୟା ଇସାବ୍ ଏ ବଇ ବିସଇତେଇ ଜାନ୍‌ବାଟା

ପେରିଡ଼ ବଇ ଅଇଲାନି ମଣ୍ଡଲି ଆରାମ୍ ଅଇଲା ବଇ, ଆରି କେନ୍ତାରି ଜିରୁସାଲମେ ଅନି ଜିଉଦା ସମରିଆ, ଆରି ବିନ୍‌ବିନ୍ ଜାଗାମନ୍‌କେ ଜାନାଇ ଅଇଲା ୧:୮ । ଏଟା ଜିସୁ ସର୍‌ଗେ ଜିବା ଆଗତୁ ତାର ସିସ୍ତମ୍‌କେ କଇ ରଇଲା, ପେରିଡ଼ ବଇ ଲୁକ୍‌ଲେକି ରଇଲା, ଜେକି ଲୁକ୍ ସୁବ୍‌କବର୍ ମିସା ଲେକି ରଇଲା । ସେ ଗଟେକ୍ ଡାକ୍‌ଦର୍ ରଇଲା, ଆରି କାଇଟାମିସା ବୁଲ୍ ନ କର୍‌ତେ ଲେକ୍‌ବାକେ ମନ୍‌ଦିଆନ୍ ଦେଇତେ ରଇଲା । ସେ ସୁବ୍‌କବର୍ ବଇଟାନ୍‌ଆରି ପେରିଡ଼ ବଇ ଏ ଦୁଇଟା ବଇଟାନ୍‌ଜାକ ତିଅପିଲ୍‌କେ ଜାନାଇ ଆଟେ । ଜନ୍ ଲକ୍‌କି ସେ ଗଟେକ୍ ଗିରିକ୍ ଲକ୍ ରଇଲା ଏ ଦୁଇଟାଜାକ ବଇ ଗିରିକ୍ ଆରି ଜିଉଦି ଲକ୍‌ମନ୍‌ ପାଇ ଅଇରଇଲା ପେରିଡ଼ ୧:୧ ।

ଜାନ୍‌ବାକେ ଗାଲେ ପେରିଡ଼ ବଇ ଜିସୁକିରିସ୍‌ଟ ଜନମ୍ ଅଇକରି ୬୦-୬୪ ବିଡ଼ରେ ଲେକାଅଇ ରଇଲା । କାଇକେବଇଲେ ପାଉଲ୍ ବନ୍ଦିଗରେ ରଇକରି ମୁକ୍‌ଲ୍‌ବା ଆଗତୁ ଏ ବଇର୍ ଲେକାକାମ୍ ସାରିରଇଲା । ଲୁକ୍ ମିସା ପାଉଲ୍‌ର ସଙ୍ଗ୍ ବୁଲି ରଇଲା, ଆରି ପେରିଡ଼ ବଇ ଆନ୍ତିକିଆଇ ଅନି ଲେକାଅଇ ରଇଲା । ପେରିଡ଼ ବଇ ଲୁକ୍ ସୁବ୍‌କବର୍‌ତେଇ ଅନି ଆରାମ୍ ଅଇଲା ଆଟେ, ଆରି ଜିସୁ ସର୍‌ଗେ ଜିବାଟା ଆରାମ୍ ଅଇଲାନି ଲୁକ୍ ସୁବ୍‌କବର୍‌ର ଆଦେସ୍ ଆରି ପେରିଡ଼ର୍ ଲେକା ଆଦେସ୍ ସଙ୍ଗ୍ ସମାନ୍ ଆଟେ । ସେ ତିଅପିଲ୍‌କେ ଆରି ବିସ୍‌ବାସ୍ ବଡ଼ି ଆଇବା ଲକ୍‌ମନ୍‌କେ ନିକସଙ୍ଗ୍ ରଇବାକେ ମନ୍‌କଲାନି । ସେମନ୍‌କେ କାଇ ସିକିଆ ଦିଆ ଅଇରଇଲା ଜିସୁକିରିସ୍‌ଟର୍ ଜିବନ୍ ବିସଇ ଆରି ବଡ଼ିଆଇବା ବିସ୍‌ବାସିମନ୍‌ର ବିସଇ କାଇବୁଲ୍ ନ କର୍‌ତେ ଇସାବ୍ ସଙ୍ଗ୍‌ଆଟେ । ପେରିଡ଼ ବଇଟାନ୍‌ଆଗତୁର୍ ମଣ୍ଡଲି ଜିସୁକିରିସ୍‌ଟର୍ ଟାନ୍‌ବିସ୍‌ବାସ୍ କରି ଜିଇବା କାଇବାକେ ଆମ୍‌କେ ଜାନାଇଲାନି । ଆମ୍‌କେ ପେରିଡ଼ମନ୍‌ ଟାନ୍‌ଆନି ଜାନାଇଲାନି କି, ଆମେ କେନ୍ତାରି ସୁକଲ୍ ଆଡ଼ମାଟାନ୍‌ ରଇକରି ବିନ୍‌ଲକ୍‌ମନ୍‌କେ ସୁବ୍‌କବର୍ ଜାନାଇ ଅଇସି ।

### ଏ ବଇ ବିଡ଼ରେ ରଇବା ମୁକିଆ ବିସଇ

- ୧. ସୁକଲ୍ ଆଡ଼ମା ଆଇବାଟା ଆରି ମଣ୍ଡଲି ବଡ଼ବାଟା । ୧:୧-୮:୧
- ୨. ମଣ୍ଡଲିର୍ ଦୁକ୍‌କସ୍‌ଟ ଆରି ସୁବ୍‌କବର୍ ଅଦିକ୍ ଅଦିକ୍ ବଡ଼ବାଟା । ୮:୨-୧୨:୨୩
- ୩. ପାଉଲ୍ ପର୍‌ଡୁମ୍ ତର୍ ସେବା କର୍‌ବାକେ ଜିବାଟା । ୧୨:୨୪-୧୪:୨୮
- ୪. ନୁଆ ବିସ୍‌ବାସିମନ୍‌ର ଦରକାର ବିସଇ ଆରି ଜିରୁସାଲମର୍ ସେବା । ୧୫:୧-୩୫
- ୫. ପାଉଲ୍ ଦୁଇପାଲି ସେବାକାମେ ଜିବାଟା । ୧୫:୩୬-୧୮:୨୨
- ୬. ପାଉଲ୍ ତିନ୍‌ପାଲି ସେବାକାମେ ଜିବାଟା । ୧୮:୨୩-୨୦:୩୮
- ୭. ପାଉଲ୍ ଜିରୁସାଲମେ ବନ୍ଦିଅଇରଇଲାଟା । ୨୧:୨୬
- ୮. ପାଉଲ୍ ରମ୍ ରାଇଜେ ଜିବାଟା । ୨୨:୧-୨୮:୧-୩୧

ସୁକଲ୍‌ଆଡ଼ମା ଦେଇରଇବା କାତା

୧ \*ସାର୍‌ଦାର୍ ତିଅପିଲ୍, ମର୍ ପର୍‌ଡୁମ୍ ଲେକିରଇବା ଲୁକ୍‌ବଇଟାନ୍‌ଆରାମେଅନି, ପର୍‌ମେସର୍ ତାକେ ସର୍‌ଗେ ନେବା ଦିନ୍ ଜାକ, ଜିସୁ କରିରଇବା ଆରି ସିକାଇରଇବା ସବୁ ବିସଇ ଲେକିରଇଲି । ୨ ତାର୍ ଆଗତୁ ସୁକଲ୍‌ଆଡ଼ମା ବପୁସଙ୍ଗ୍ ସେ ବାଟିରଇବା ପେରିଡ଼ମନ୍‌କେ କେତେଟା ଆଦେସ୍ ଦେଇରଇଲା । ୩ ସେ ଦୁକ୍ କସ୍‌ଟ ଅଇଲାପଟେ, ସେମନ୍‌କେ ନିଜେ ବେସି ତର୍ ଦେକାଇଅଇଲା । ଚାଲିସ୍ ଦିନ୍‌ଜାକ ବିନ୍ ବିନ୍ ବେଲାଇ ଦେକାଇଅଇଲା । ମଲାତେଇଅନି ଉର୍‌ଲାଟା ସଡ଼ସଙ୍ଗ୍ ଜାନାଇଲା । ସେମନ୍ ତାକେ ଦେକ୍‌ଲାଇ, ଆରି ସେ ସେମନ୍‌ରସଙ୍ଗ୍ ପର୍‌ମେସର୍‌ର ରାଇଜ୍ ବିସଇନେଇ କାତା ଅଇଲା । ୪\*ତରେକ୍ ସେମନ୍‌ରସଙ୍ଗ୍ ମିସିକରି କାଇବା ବେଲେ, ସେ ଏ ଆଦେସ୍ ଦେଲା, “ଜିରୁସାଲମ୍ ଚାଡ଼ାନାଇ । ମାତର୍ ଜନ୍‌ଟା ମର୍ ସରଗର୍ ବାବା, ଇନାମେ ଦେବିବଲି କଇଆଟେ, ସେଟା ନ ମିଲ୍‌ବା ଜାକ ଜାଗିରୁଆ । \*କାଇକେବଇଲେ ଜଅନ୍ ପାନିତେଇ ତୁବନ୍ ଦେଇରଇଲା, ମାତର୍ କେତେ ଦିନ୍ ବିଡ଼ରେ ପର୍‌ମେସର୍ ତମ୍‌କେ ସୁକଲ୍ ଆଡ଼ମାଇ ତୁବନ୍ ଦେଇସି ।”

ଜିସୁ ସର୍‌ଗେ ଜିବାଟା

୨ ଦିନେକ୍ ପେରିଡ଼ ସିସ୍ତମ୍ ଗଟେକ୍‌ତେଇ ରୁଣ୍ଡିରଇଲା ବେଲେ ଜିସୁକେ ପାଚାର୍‌ଲାଇ, “ମାପୁରୁ, ତମେ କାଇ ଏବେ ଇସ୍‌ରାଏଲ୍‌ର ଲକ୍‌ମନ୍‌କେ ତାକର୍ ରାଇଜ୍ ଆରିତରେକ୍ ବାଉତାଇ ଦେଇସୁ କି ?” ୨ ଜିସୁ ସେମନ୍‌କେ କଇଲା, “ମର୍ ବାବା ତାର୍ ନିଜର୍ ଅଦିକାର୍‌ସଙ୍ଗ୍ ବେଲାଗତି ଟିକ୍‌କରି ସଙ୍ଗ୍‌ଆଟେ । ଏ ସବୁ କେବେ ଗଟ୍‌ସି, ସେଟା ତମର୍ ଜାନ୍‌ବା

☆ ୧:୧ ୧:୧ ଲୁକ୍ ୧:୧-୪ ☆ ୧:୪ ୧:୪ ଲୁକ୍ ୨୪:୪୯ ☆ ୧:୫ ୧:୫ ମାତିଉ ୩:୧୧; ମାର୍‌କ ୧:୮; ଲୁକ୍ ୩:୧୭; ଜଅନ୍ ୧:୩୩

ଦରକାର ନାହିଁ । ୮ \*ମାତର ସୁକଲ୍ ଆତ୍ମା ତମର ଉପରେ ଉତ୍ତରଲେ, ତମେ ପୁରାପୁରୁଣ ବସୁ ଅଛସା ଆରି ଜିରୁସାଲମ୍, ଜିଉଦାର ସବୁଟାଣେ, ସମିରଣ୍ ଆରି ଜଗତର ସାରାସାରି ଜାକ ମର ନାଉଁ ଦାରି ସାକି ଅଛସା ।” ୯ \*ଏଡ଼କି କାତା ସେମନକେ କଇସାରାଇଲା ପତେ, ସେମନ୍ ଜିସୁକେ ସରଗେ ନେବାଟା ଦେକ୍ଲାଇ । ଗଟେକ୍ ଚେଲ୍‌କା ବାଦଲ୍ ଆସି ଡାବିଅଇଲାକେ ସେ ବାନା ଅଇଗାଲା । ଆରି ସେମନ୍ ତାକେ ଦେକି ନାପାର୍‌ଲା । ୧୦ ସେ ସରଗେ ଗାଲାପତେ ମିସା ସେମନ୍ ଆକି ମରାଇକରି ଉପରେ ସେ ଦେକ୍‌ତେ ରଇଲା । ସେଡ଼କିବେଲେ ଏଦେ ଦେକା ! ଦବ୍ ପଟିଆ ପିନ୍‌ଲା ଦୁଇ ଲକ୍, ସେମନର୍ ମୁଆଟେ ଆସି ଚିଆଅଇଲା । ୧୧ ଆରି କଇଲା “ଏ ଗାଲିଲିର୍ ଲକ୍‌ମନ୍, ତମେ କାଇକେ ଇତି ଚିଆଅଇ ଆକାସେ ଦେକ୍‌ଲାସ୍‌ନି ? ଏ ଜିସୁକେ ପର୍‌ମେସର୍ ତମରଟାଣେଅନି ସରଗେ ନେଲା ଆତେ । ସେ ସରଗେ ଜେନ୍ତି ଜାଇରଇଲା, ସେନ୍ତାରିସେ ଦର୍‌ତନିତେଇ ଆଇବାଟା ଦେକ୍‌ସା ।”

**ଜିଉଦାର ଜାଗାଇ ମତିଆସକେ ବାଟ୍‌ଲା**

୧୨ ତାର୍‌ପତେ ପେରିଡ଼ ସିସମନ୍ ଜିଡ଼ ପରବତେଅନି ଜିରୁସାଲମ୍ ବାଉତି ଗାଲା । ସେ ପରବଡ଼, ଜିରୁସାଲମ୍ ନଅରେଅନି ଗଟେକ୍ କିଲମିଟର୍ ଦୁର୍ ରଇଲା । ୧୩ \*ଜିରୁସାଲମ୍ ନଅରେ ଜାଇକରି ସେମନ୍ ରଇବା ବାକ୍‌ରାଇ ପୁରୁଲା । ପିତର୍, ଜଅନ୍, ଜାକୁବ୍ ଆରି ତାର୍ ବାଇ ଆନ୍‌ରିୟ୍, ପିଲିପ୍, ତମା, ବାର୍‌ତଲମି, ମାତିଉ, ଆଲ୍‌ପିର୍ ପିଲା ଜାକୁବ୍, ଦେସ୍ ଆଲାଦ୍‌କର୍‌ବା ସିମନ୍ ଆରି ଜାକୁବର୍ ପିଲା ଜିଉଦା, ଏମନ୍ ରଇଲା ତେଇର୍ ପେରିଡ଼ ସିସମନ୍ । ୧୪ ସେମନ୍ ତରକେତର୍ ଗଟେକ୍ ଦଲ୍ ଇସାବେ ପାର୍‌ତନା କରବାକେ ରୁଣ୍ଡେତେ ରଇଲା । ଆରି ସେମନର୍‌ସଙ୍ଗ୍ ଜିସୁର୍ ଆୟା ମରିୟ୍‌ମ୍, ବିନ୍ ମାଇଜିମନ୍ ଆରି ଜିସୁର୍ ବାଇମନ୍ ମିସା ମିସ୍‌ତେରଇଲା । ୧୫ କେତେ ଦିନ୍ ଗାଲାପତେ ପାକାପାକି ସଏ କତେ ଲକ୍ ବିସବାସି ବାଇମନ୍ ରଇଲା ଗଟେକ୍ ସବାଇ, ପିତର୍ ଲକ୍‌ମନର୍ ମୁଆଟେ ଉଚି ଚିଆଅଇ କଇଲା, ୧୬ “ଏ ମର୍ ବାଇବଇନିମନ୍, ଜନ୍ ଇସ୍କାରିୟ୍‌ଡ଼ ଜିଉଦା ଜିସୁକେ ଦାରାଇଦେବାକେ ସଡ଼ରୁମନ୍‌କେ ବାଟ୍ ଦେକାଇ ଆନିରଇଲା, ତାର୍ ବିସଇ, ଦାଉଦ୍ ସୁକଲ୍‌ଆତ୍‌ମାଇ ପୁରୁଣଅଇ ବବିସଡ଼କାତା ସୁନାଇ ରଇଲା । ଦରମ୍ ସାସ୍‌ତରର୍ କାତା ସିଦ୍ ଅଇବାକେ ଏଟା ଗଟ୍‌ବାର୍ ରଇଲା । ୧୭ ଏଲେମିସା ସେ ଆମର୍ ଦଲ୍‌ର ଲକ୍ ରଇଲା । ଆରି ଆମର୍ ସଙ୍ଗ୍ କାମ୍ କରବାକେ ବାଟାଇଅଇ ରଇଲା ।” ୧୮ \*ଜିଉଦା କରିରଇବା କରାପ୍ କାମେଅନି ମିଲାଇଲା ତାବୁକେ ଗଟେକ୍ ଜମି ଗେନାଅଇରଇଲା । ଆରି ସେ ଜମିତେଇ, ଉମ୍‌ତାତିଅଇ ଅଦ୍‌ରି ମଲା । ତାର୍ ପେଟ୍ ଚିରିଅଇ ଆତି ବାରଇଗାଲା । ୧୯ ଜିରୁସାଲମ୍ ନଅରେ ବାସାଅଇରଇବା ସବୁ ଲକ୍‌ମନ୍ ଏ ସବୁ ବିସଇ ସୁନ୍‌ଲା । ସେମନର୍ ବାସାଇ ସେ ଜମିର୍ ନାଉଁ ଆକେଲ୍‌ଦାମା ତାର୍ ଅରଡ଼ ଅଇଲାନି ବନିର୍ ପଦା ବଲି ନାଉଁ ଦେଲା ଅତଡ଼ ।

୨୦ ଗିଡ଼ସଙ୍ଗିତା ବଇଟାଣେ ଏ ବିସଇ ଲେକା ଅଇଲା ଆତେ,  
 “ତାର୍ ଗର୍ ରୁଟା ଅଇଜାଅ,

ତେଇ ବାସା ଅଇବାକେ କେ ମିସା ନ ରଅଡ଼ ।”

ଆରି ମିସା ଲେକା ଅଇଲା ଆତେ,

“ତାର୍ ଜାଗାଇ ସେବା କରବାକେ ଆରି ଗଟେକ୍ ଲକ୍ ମିସ ।”

୨୧ \*ସେଟାର୍ ପାଇ, ଜିସୁମାପୁରୁ ଆମର୍ ସଙ୍ଗ୍ ଗାଲାବେଲେ ଜେ ଆମର୍ ଦଲେ ସବୁବେଲେ ରଇଲା, ସେନ୍ତାରି ଗଟେକ୍ ଲକ୍‌କେ ବାଟ୍‌ବାର୍ ଆତେ । ୨୨ ଜନ୍ ଲକ୍‌କେ ଆମେ ବାଟ୍‌ରୁ, ପର୍‌ମେସର୍ ଜିସୁକେ ଜେନ୍ତି ଜିବନ୍ କରି ଉଟାଇଲା, ସେ ବିସଇ ଆମର୍‌ସଙ୍ଗ୍ ସେ ସାକି ଅଇବାର୍‌ଆତେ । ଜଅନ୍ ଜିସୁକେ ତୁବନ୍‌ଦେଲା ବେଲେଅନି, ପର୍‌ମେସର୍ ଆମର୍‌ଟାଣେଅନି ତାକେ ସରଗେ ନେବା ଜାକ, ସେ ଲକ୍ ଆମର୍ ଦଲେ ରଇବାର୍ ଆତେ ।” ୨୩ ସେମନ୍ ଦୁଇ ଲକ୍‌ର ନାଉଁ ଦେଲା । ଜସେପ୍ ଜେକି ବରସବା ଆରି ଜୁସଡ଼କ୍ ବଲି ମିସା କଇବାଇ ଆରି ମତିୟ୍ । ୨୪ ଆରି ସେମନ୍ ପାର୍‌ତନା କଲା, “ମାପୁରୁ ତମେତା ସବୁ ଲକ୍‌ର ମନର୍ କାତା ଜାନାସ୍ । ଜିଉଦା ଜନ୍ ଜାଗାଇ ରଇବାର୍‌ରଇଲା, ଚିକ୍ ତେଇ ଉଚିଗାଲା । ପତେ ତାର୍ ଜାଗାଇ ତମେ ବାଟିରଇବା ଲକ୍, ଏ ଦୁଇ ଲକ୍‌ର ବିଡ଼ରେ ଅନି କେ ଅଇରଇସି ? ୨୫ ଜେ ପେରିଡ଼ ସିସ୍‌କାମ୍ କରିପାର୍‌ସି, ତାକେ ଆମକେ ଜାନାଆ ।” ୨୬ ତାର୍‌ପତେ ଦୁଇ ଲକ୍‌ଟାଣେଅନି ଗଟେକ୍ ଲକ୍‌କେ ବାଟ୍‌ବାକେ କେଡ଼ପୁଟାଇଲା । କେଡ଼ପୁଟାଇଲାକେ ମତିୟ୍‌ସର୍ ନାଉଁ ପୁଟଲା । ସେନ୍ତାରି, ଏଗାର୍‌ଟା ସିସମନର୍ ଦଲେ ସେ ମିସଲା ।

**୨**

**ସୁକଲ୍‌ଆତ୍‌ମା ଆଇବାଟା**

୯ ଜନ୍ ଦିନେ ସେମନ୍ ପେନ୍‌ଟିକସ୍‌ ପରବ୍ ମାନ୍‌ତେରଇଲା, ଜିସୁକେ ବିସବାସ୍ କରବା ସବୁ ଲକ୍‌ମନ୍ ଗଟେକ୍ ଜାଗାଇ ରୁଣ୍ଡିରଇଲା । ୨ ଅଟାଡ଼ ଆକାସେଅନି ବେସି ପବନ୍ ଆଇଲାପାରା ଗଟେକ୍ ସବଦ୍ ଅଇଲା । ଆରି ଜନ୍ ଗରେ ସେମନ୍ ବସି ରଇଲା, ସେଟା ସେ ସବଦେ ପୁରୁନ୍ ଅଇଲା । ୩ ତାର୍‌ପତେ ସେମନ୍ ଦେକ୍‌ଲା, କେତେଟା ଜଇଜିବ୍

\* ୧:୮ ୧:୮ ମାତିଉ ୨୮:୧୯; ମାର୍‌କ ୧୬:୧୫; ଲୁକ୍ ୨୪:୪୭,୪୮ \* ୧:୯ ୧:୯ ମାର୍‌କ ୧୬:୧୯; ଲୁକ୍ ୨୪:୫୦,୫୧ \* ୧:୧୩ ୧:୧୩ ମାତିଉ ୧୦:୨-୪; ମାର୍‌କ ୩:୧୬-୧୯; ଲୁକ୍ ୭:୧୪-୧୬ \* ୧:୧୮ ୧:୧୮ ମାତିଉ ୨୭:୩-୮ \* ୧:୨୧ ୧:୨୧ ମାତିଉ ୩:୧୬; ମାର୍‌କ ୧:୯; ଲୁକ୍ ୩:୨୧; ମାର୍‌କ ୧୬:୧୯; ଲୁକ୍ ୨୪:୫୧

ଉଦ୍‌ଲିକରି ବିଚି ଅଇଲା । ଆରି ତେଇ ରଇଲା ସବୁ ବିସ୍‌ବାସିମନ୍‌କେ ଚିଇଲା । ୪ ସେମନ୍ ସବୁଲକ୍ ସୁକଲ୍‌ଆଡ଼ମାଇ ପୁରାପୁରୁନ୍ ଅଇଲା ଆରି ଆଡ଼ମା ଦେଲା ବପୁ ଇସାବେ ନାଜାନୁଲା ବାସାମନର୍ ସଙ୍ଗ୍ କାତା ଅଇବାର୍ ଦାରୁଲା ।

୫ ଜଗତର୍ ବିନ୍ ବିନ୍ ଦେସେଅନି ଆସିରଇଲା ଜିଉଦି ଲକ୍‌ମନ୍ ସେଡ଼କିବେଲେ ଜିରୁସାଲମେ ରଇଲା । ୬ ଏନ୍ତାରି ଅଇଲାଟା ଦେକି ସେମନ୍ ସାର୍‌ଦା ଅଇଗାଲା । କାଇକେବଇଲେ ସେ ବିସ୍‌ବାସିମନ୍ ତାକର୍ ତାକର୍ ବାସାଇ କାତା ଅଇବାଟା ସେମନ୍ ସୁନ୍‌ଲା । ୭ ସେମନର୍ ରୁଦିଗୁପିଗାଲା ଆରି କାବା ଅଇଜାଇ ପାଗାରୁଲା, “ଏନ୍ତାରି ବାସାଇ କାତା ଅଇବା ଲକ୍‌ମନ୍ ଗାଲିଲିଅନି ନଅଡ଼ କି ?” ସେନ୍ତିଆଲେ ଆମେ କେନ୍ତି ସେମନ୍‌କେ ଆମର୍ ନିଜର୍ ନିଜର୍ ଜନମ୍ ଜାଗାର୍ ବାସାଇ କାତା ଅଇବାଟା ସୁନିଆରୁ ? ୮ ଆମେ ପାଡ଼ିୟ, ମାଦିୟ, ଏଲାମିୟ ଆରି ମେସପଟାମିୟ, ଜିଉଦା ଦେସ୍ ଆରି କାପ୍‌ପାଦକିଆ, ପତ୍ରୁ ଆରି ଆସିଆ, ୯ ପିରିଜିଆ ଆରି ପପୁଲିଆ, ମସର୍ ଆରି କୁରିଣି ଲଗେ ରଇଲା ଲିବିଆ ଜାଗାର୍ ଲକ୍ । ଆମର୍ ବିଡ଼ରେ ରମରାଇଜେଅନି ଆସିରଇବା, ଜନମେ ଅନି ଜିଉଦି ଅଇଲା ଲକ୍ ଆତୁ ଆରି ପଟେ ଜିଉଦି ଦରମ୍ ନେଲା ଲକ୍ ମିସା ଆତୁ । ୧୦ ଆମର୍ ବିଡ଼ରେଅନି କେତେଲକ୍ କିର୍ତିୟଅନି ଆରି ଆରବିୟଅନି ଆଇଲୁ ଆତୁ । ଏନ୍ତି ଆମେ ସବୁ ବିନ୍ ବିନ୍ ଜାଗାଇଅନି ଆଇଲୁ ଆତୁ । ଏନ୍ତି ବଇଲେ ମିସା ପର୍‌ମେସର୍ କଲା ବଡ଼ ବଡ଼ କାବାଅଇଜିବା କାମ୍ ଏ ଲକ୍‌ମନ୍ ଆମର୍ ନିଜର୍ ନିଜର୍ ବାସାଇ କାତାଅଇବାଟା ସୁନ୍‌ଲୁନି ।” ୧୧ ଏନ୍ତି ବଲି ସେମନ୍ ବେସି କାବାଅଇଗାଲା । ଆରି ସେମନର୍ ରୁଦି ଆଜି ଗାଲା । ଆରି ତାକର୍ ତାକର୍ ବିଡ଼ରେ “ଏଟା କେନ୍ତାର୍ ଅଇଲା ତେବେ ?” ବଲି ସବୁ ବେଲେ ପାଗାରୁଡ଼ାର୍ ଅଇତେ ରଇଲା । ୧୨ ମାତର୍ ବିନ୍ ଲକ୍‌ମନ୍ ବିସ୍‌ବାସିମନ୍‌କେ କିଜାଇକରି କଇଲା, “ସେମନ୍ ମାଡ଼ିଆଡ଼ !”

**ପିତର୍ କବର୍ ଜାନାଇବାଟା**

୧୪ ପିତର୍ ତାର୍ ସଙ୍ଗ୍ ରଇଲା ଏଗାର୍‌ଟା ପେରିଡ଼ ମନର୍ ସଙ୍ଗ୍ ଚିଆଅଇ ଆଉଲି ଅଇ କଇଲା, “ଏ ମର୍ ପାରା ଜିଉଦି ଲକ୍‌ମନ୍ ଆରି ଜିରୁସାଲମେ ରଇବା ସବୁ ବାଇମନ୍, ମର୍ କାତା ମନ୍‌ଦେଇ ନିମାନ୍ ସୁନା । ଏଟା କାଇଟା ଅଇଲାନ୍ତି ବଲି ମୁଇ ତମ୍‌କେ ବୁଜାଇ କଇବି । ୧୫ ଏବେ ସାକ୍‌ଲିଆ ନଅଟା ବେଲା ଅଇଲା ଆଟେ । ତମେ ବାବ୍‌ଲାପାରା ଏ ଲକ୍‌ମନ୍ ମାଡ଼ତ ନାଇ । ୧୬ ଏଟା ଜଏଲ୍ ନାଉର୍ ବବିସ୍‌ଡ଼ବକ୍‌ତା କଇଲା କାତା ପାରା ଗର୍‌ନା ଗଟି ଆଟେ ।”

୧୭ ସେଟା କାଇଟା ବଇଲେ ପର୍‌ମେସର୍ କଇଲାନ୍ତି,

“ସାରାସାରି ଦିନେ ମୁଇ ଏ ସବୁ ବିସଇ କର୍ବି ।

ମର୍ ଆଡ଼ମା ଜବର୍ ଅଇତେ ସବୁବାଟର୍ ଲକ୍‌କେ ଦେବି ।

ତମର୍ ପିଲାଜିଲା ମୁଇ କଇବା କାତା କଇବାଇ ।

ତମର୍ ଦାଙ୍ଗ୍‌ତାପିଲାମନ୍‌କେ ମୁଇ ଦର୍‌ସନ୍ ଦେକାଇବି ।

ଆରି ତକ୍‌ରା ଲକ୍‌ମନ୍ ମର୍ ବିସଇନେଇ ସପନ୍ ଦେକ୍‌ବାଇ ।

୧୮ ସେ ଦିନମନ୍‌କେ ମର୍ ଆଡ଼ମା ଜବର୍ ଅଇତେ ମର୍ ଦାଙ୍ଗ୍‌ତା ଅଇରଇବା ମାଇଜିମୁନ୍‌ସମନ୍‌କେ ଆଜାଡ଼ି ଦେବି ।

ସେମନ୍ ମୁଇ କଇବା କାତା କଇବାଇ ।

୧୯ ଆକାସେ କାବା ଅଇଜିବା କାମ୍ କର୍ବି ।

ଦର୍‌ତନି ତେଇ ମିସା କାବାଅଇଜିବା ଚିନ୍‌ମନ୍ କର୍ବି ।

ଲକ୍‌ମନ୍ ବନି, ଜଇ ଆରି କାଲିଆ ଦୁଆଁ ଦେକ୍‌ବାଇ ।

୨୦ ବେଲ୍‌କେ ଆନ୍ଦାର୍ ଡିସ୍‌ଲା ପାରା କରାଇବି,

ଜନ୍, ବନି ପାରା ଡିସ୍‌ବାକେ କରାଇବି ।

ମୁଇ ବାଉଡ଼ି ଆଇବା ସେ ବଡ଼ ଉଜଲର୍ ଦିନ୍ ଆଗ୍ରୁ, ଏଟାସବୁ ଅଇସି ।

୨୧ ଜେଡ଼କି ଲକ୍ ମର୍ ନାଉଁ ଦାରି ତାକ୍‌ବାଇ,

ସେମନ୍‌କେ ମୁଇ ରକିଆ କର୍ବି ।”

୨୨ ପିତର୍ କଇଲା, “ଏ ଇସ୍ରାଏଲ୍ ଦେସର୍ ଲକ୍‌ମନ୍ ତମେ ମୁଇ କଇବା କାତା ସୁନା । ପରମେସର୍‌ସେ ବାଟି ପାଟାଇଲା ଲକ୍, ନାଜରିଡ଼ ଗତର୍ ଜିସୁ ବଲିକରି ସେ ତମର୍ ଲଗେ ରଇଲା ବେଲେ, ଦେକାଇଦେଲା । ସେଟା କେନ୍ତାର୍ ବଇଲେ, ପରମେସର୍ ତାର୍‌ତେଇଅନି କାବା ଅଇଜିବା କାମ୍ କଲାଆଟେ । ଏଟା ସଡ଼ ବଲି ତମେ ଜାନିଆଟାସ୍ । ୨୩ ଧର୍‌ତାର୍ ଆଗ୍ରୁର୍ ଜଜ୍‌ନା ଇସାବେ ସେ କାତା ଦେଇସାରାଇରଇଲା କି, ଜିସୁ ତମର୍ ଆତେ ସର୍‌ପାଇ ଅଇସି । ତାର୍‌ପଟେ ତାର୍ ନିୟମ୍ ନ ମାନ୍‌ବା ଲକ୍‌ମନ୍ ତାକେ କୁର୍‌ସେ ଚଗାଇ ମରାଅଡ଼ ବଲି ତମେ ତାକେ ଏନ୍ତି କଲାସ୍ । ୨୪ ଧର୍‌ମାତର୍ ପରମେସର୍ ଜିସୁକେ ମଲାଟାନେଅନି ଆରି ତରେକ୍ ଉଟାଇଲା । ମରନର୍ ବପୁତେଇଅନି ତାକେ ମୁକ୍‌ଲାଇଲା । କାଇକେବଇଲେ କେ ମିସା ତାକେ ମରାଇକରି ସେ ଜାଗାଇ ସଙ୍ଗାଇ ନାପାରୁଲା । ୨୫ ଏ ବିସଇ ଦାଉଦ୍ ରାଜା ଏନ୍ତି କଇ ଆଟେ । ସେଟା କାଇଟା ବଇଲେ,

“ପରମେସର୍ ସବୁ ବେଲା ମର୍ ମୁଆଟେ ରଇବାଟା ଦେକ୍‌ଲି ।

☆ ୨:୨୩ ୨:୨୩ ମାଡ଼ିଉ ୨୭:୩୫; ମାର୍‌କ ୧୫:୨୪; ଲୁକ୍ ୨୩:୩୩; ଜଅନ୍ ୧୯:୧୮ ☆ ୨:୨୪ ୨:୨୪ ମାଡ଼ିଉ ୨୮:୫,୬; ମାର୍‌କ ୧୬:୬; ଲୁକ୍ ୨୪:୫

ସେ ମର ସଙ୍ଗ ଆଚେ ।  
ସେଟାରପାଇ ମକେ କେ ମିସା କଚପଚ କରିନାପାରଡ଼ ।

୨୬ ସେଟାର ପାଇ ମୁଇ ସାରଦାସଙ୍ଗ ଆଚି ।  
ଆରି ସାରଦାର କାତା କଇବି ।  
ମର ଏ ମରବା ଗାଗଡ଼ ରଇଲେ ମିସା ମୁଇ ସବୁବେଲେ  
ତମର ତେଇ ଆସା କରବି ।

୨୭ କାଇକେ ବଇଲେ ତୁଇ ମକେ ମଲାଲକ୍ମନର ଜାଗାଇ ଚାଡ଼ି ନ ଦିଆସ୍ ।  
ତମର ସୁକଲ୍ ଦାଙ୍ଗତାକେ ସମାଦିଟାନେ କୁଇବାକେ ନ ଚାଡ଼ାସ୍ ।

୨୮ ତମେ ମକେ ଜିବନର ବାଟ ଦେକାଇ ଆଚାସ୍ ।  
ତମେ ମର ସଙ୍ଗ ଆଚାସ୍, ସେଟାରପାଇ ମୁଇ ସାରଦା ସଙ୍ଗ ରଇବି ।”

୨୯ ଆରି ପିତର କଇଲା, “ଏ ଇସ୍ରାଏଲର ବାଇବଇନିମନ୍, ଆମର ଆନିଦାଦିବେଲର ଦାଉଦ ରାଜାର ବିସଇ ତାଟସଙ୍ଗ କଇବାକେ ମର ଅଦିକାର ଆଚେ । ସେ ମଲାକେ ତାକେ ତପି ଦେଲାଇ । ସେ ତପୁଲା ଜାଗା ଏବେ ଜାକ ଇତି ଆଚେ । ୩୦ ସେ ଗଟେକ୍ ବବିସତ୍ତବକ୍ତା ରଇଲା ଆରି ପରମେସର ସପତକରି କଇଲା ବିସଇ ଜାନିରଇଲା । ପରମେସର ତାକେ କାତା ଦେଇରଇଲା ଜେ, ତାର ଗଟେକ୍ ନାତିତିତି ଦିନେକ୍ ତାରପାରା ସାସନ୍ କରସି । ୩୧ ଏ ବିସଇ ଆଗେ ସେ ଜାନି ରଇଲାରପାଇ ପରମେସର ମସିଅକେ ମଲାତେଇଅନି ଆରିତରେକ୍ ଜିବନ୍ କରାଇସି ବଲି ସେ କଇପାରୁଲା ।”

“ପରମେସର ତାକେ ମରିକରିସେ ତେଇ ରଇବାକେ ଚାଡ଼ିଦେଏ ନାଇ ।  
ଆରି ତାର ଗାଗଡ଼ ସମାଦି ତେଇ କୁଇ ଜିବାକେ ଚାଡ଼େନାଇ ।”

୩୨ ଏବେ ଏ ଜିସୁକେ ପରମେସର ଜିବନ୍ ଦେଇ ଉଟାଇଆଚେ । ଆମେ ସବୁ ସେ ଗଟନାର ସାକି । ୩୩ ପରମେସର ତାକେ ତାର ଉଜାବାଟେ ବସବାକେ ଉଟାଇଆଚେ । ଆରି ସେ କାତା ଦେଲା ଇସାବେ ତାରଟାନେଅନି ସୁକଲ୍ଆଡ଼ମା ପାଇଲାଆଚେ । ତମେ ଏବେ ଜନ୍ଟା ଦେକ୍ଲାସ୍ନି ଆରି ସୁନ୍ଲାସ୍ନି, ସେଟା ଅଇଲାନି ତାର ଦାନକରି ରଇବାଟା । ଜନ୍ଟା କି ସେ ଆମକେ ଜବର ଅଇତେ ଆଜାଡ଼ି ଦେଲାଆଚେ । ୩୪ ସରଗେ ଗାଲା ଲକ୍ ଦାଉଦ୍ ନଏ । ମାତର ସେ କଇଲା,

“ପରମେସର ମର ମାପୁରୁକେ କଇଲା

ତମର ସବୁ ସତ୍ତରୁମନକେ ଆରାଇବା ଜାକ ମର ଉଜାବାଟେ ବସ୍ ଆରି ସାସନ୍ କର ।”

୩୫ ଆରି ତର ସତ୍ତରୁମନକେ ତର ପାଦତଲେ ନ ଆନ୍ଦା ଜାକ ମର ଉଜାବାଟେ ବସି ର । ୩୬ ପିତର ଆରି କଇଲା “ଏ ଇସ୍ରାଏଲର ସବୁ ଲକ୍ମନ, ତମେ ଜନ୍ ଜିସୁକେ କୁରସେ କୁଟିମାରି ମରାଇରଇଲାସ୍, ପରମେସର ତାକେ ମାପୁରୁ ଆରି ମସିଅ କଲାଆଚେ ବଲି ତାଟସଙ୍ଗ ଜାନ୍ଦାରଆଚେ ।” ୩୭ ଏ କାତା ପିତରଟାନେଅନି ସୁନ୍ଲା ସବୁ ଲକ୍ମନ ତାକର ନିଜର ବୁଲ୍ ଏତାଇକରି ମନ୍ ବିତ୍ତରେ କିଲ୍ବିଲ୍ ଅଇଗାଲାଇ । ସେମନ୍ ପିତରକେ ଆରି ପେରିଡ଼ମନକେ ପାଚାରୁଲାଇ, “ଏ ବାଇମନ୍ ଏଣ୍ଡାର ବଲି କଇଲେ ଆମେ କାଇଟା କରବାର ଆଚେ ?” ୩୮ ପିତର ସେମନକେ କଇଲା, “ତମେ ଗଟେକ୍ ଗଟେକ୍ ଲକ୍ ପାପେଅନି ବାଉଡ଼ିକରି ଜିସୁ କିରିସ୍ତର ନାଉଁ ଦାରି ତୁବନ୍ ନେବାର ଆଚେ, ଜେଣ୍ଡାରି କି ତମର ପାପ୍ ସବୁ କେମା ଅଇସି ଆରି ପରମେସର ତମକେ ସୁକଲ୍ ଆଡ଼ମା ଦେଇସି । ୩୯ ଏ ସପତ୍ ତମରପାଇ ଆରି ତମର ପିଲାମନରପାଇ । ଆରି ଇତିଅନି ଦୁରିକେ ରଇବା ସବୁରପାଇ । ଜନ୍ ସବୁଲକ୍କେ ସେ, ତାର ଲଗେ ତାକ୍ଲାନି ।”

୪୦ ଆରି ପିତର ସେମନକେ ଜାଗରଡ଼ କରାଇବାକେ ବେସି ବିସଇ କଇଲା ଆରି ସେମନକେ ବାବୁଜିଆ କଲା । ବିସ୍ବାସ୍ ନ କରବା ଜିଉଦି ବାଇମନକେ ଆଇତେରଇବା ବଡ଼ ତଣ୍ଡେଅନି ନିଜକେ ରକିଆ କରା । ବଲି କଇଲା । ୪୧ ତେଇ ପିତରର କାତା ସୁନି ବେସି ଲକ୍ ବିସ୍ବାସ୍ କଲାଇ । ଆରି ସିସମନ୍ ସେମନକେ ତୁବନ୍ ଦେଲାଇ । ସେ ଦିନେ ତିନୁଅଜାର ଲକ୍ମନ ତାକର ଦଲେ ମିସ୍ଲାଇ । ୪୨ ସେମନ୍ ପେରିଡ଼ମନ୍ ସିକାଇଲା ବିସଇ ମାନ୍ଲାଇ । ମିସିବିତି ରଇବାକେ, ମିସିକରି କାଇବାକେ, ଆରି ପାରତନା କରବାକେ ।

**ବିସ୍ବାସିମନର ଜିଉନା କାଉନା**

୪୩ ଆରି ଲକ୍ମନ ତରିଜାଇତେରଇଲାଇ । ପରମେସର ପେରିଡ଼ମନର ତେଇଅନି ବେସି କାବାଅଇଜିବା କାମମନ୍ କରତେ ରଇଲା । ସବୁ ଲକ୍ମନ ପରମେସରକେ ନାମଲାଇ । ୪୪ ଜିସୁକେ ବିସ୍ବାସ୍ କଲା ଲକ୍ମନ ଗଟେକ୍ ଗରର ଲକ୍ପାରାଅଇ ରଇତେ ରଇଲାଇ । ଆରି ତାକରତେଇ କାଇକାଟା ରଇଲା, ସେଟା ସେମନ୍ ବାଟା କରତେରଇଲାଇ । ୪୫ ତାକର ବିତ୍ତରେ କେତେଲକ୍ ଜମି ଆରି ନିଜରପାଇ ରଇବାଟା ବିକିକରି, ସେ ତାରୁ ଦରକାର ଅଇଲା ଲକ୍ମନକେ ଦେଇତେରଇଲାଇ । ୪୬ ସବୁଦିନ୍ ପାରତନା କରବା ମନ୍ଦିରେ ଗଟେକ୍ ଦଲ୍ଲଅଇ ମିସ୍ତେରଇଲାଇ । ଗରେ ଗରେ ମିସିବିତି କାଇତେରଇଲାଇ । ସାରଦାସଙ୍ଗ ରଇକରି, ମନେ କାଇଟା ନ ବାବି ଦିଆନିଆ ଅଇତେରଇଲାଇ । ୪୭ ସେମନ୍

☆ ୨:୪୪ ୨:୪୪ ପେରିଡ଼ ୪:୩୨-୩୫

ପରମେସରକେ ଡାକ୍ପୁଟା କରତେରଇଲା ଆରି ଜିରୁସାଲେମର ସବୁଲକ୍ ସେମନ୍ତକେ ନିକ ବଲି ବାବ୍ତେରଇଲା । ମାପୁରୁ ଜନ୍ ଲକ୍ମନ୍ତକେ ମୁକ୍ତି କରତେରଇଲା, ଦିନକେ ଦିନ ସେମନ୍ତ ଦଲେ ମିସାଇତେରଇଲା ।

### ୩

#### ଗଟେକ୍ ଚଟା ନିକ ଅଇଲା

<sup>୧</sup> ଗଟେକ୍ ଦିନେ ପିତର୍ ଆରି ଜଅନ୍ ପାର୍ତନା କରବାକେ ମନ୍ଦିରେ ଗାଲାଇ, ଜେଡେବେଲେ କି ପାର୍ତନା କରବା ବେଲା ମୁଇଦାନିଆ ତିନ୍ ଗଟା ଅଇରଇଲା । <sup>୨</sup> ତେଇ ଗଟେକ୍ ଲକ୍ ରଇଲା । ସେ ଜନମେଅନି ଚଟା । ତାକେ ସବୁଦିନ୍ ଲକ୍ମନ୍ତ ବଇକରି ସୁନ୍ଦର୍ ବଲି କଇବା ମନ୍ଦିରର୍ ତିଆଗତି, ନିଆ ଆନା କରତେରଇଲା । ସେ ଜେନ୍ତୁକି ମନ୍ଦିରେ ଆଇଲା ଲକ୍ମନ୍ତକେ ବିକ୍ ମାଜି ପାରସି । <sup>୩</sup> ପିତର୍ ଆରି ଜଅନ୍ ମନ୍ଦିର ବିତ୍ତରେ ପୁରବାଟା ଦେକି ସେ ସେମନ୍ତକେ କାଇଟା ମିସା ଦିଆ, ବଲି ବିକ୍ମାଗଲା । <sup>୪</sup> ପିତର୍ ଆରି ଜଅନ୍ ତାକେ ନିମାନ୍କରି ତିରିଆଇ ଦେକ୍ଲାଆ ଆରି ପିତର୍ କଇଲା, “ଆମର୍ ବାଟେ ଦେକ୍ !” <sup>୫</sup> ସେ କାଇଟାଆଲେ ପାଇବା ଆସାଇ ସେମନ୍ତ ବାଟେ ମୁ ବୁଲାଇ ଦେକ୍ଲା । <sup>୬</sup> ମାତର୍ ପିତର୍ ତାକେ କଇଲା, “ମରଲଗେ ସୁନା କି ରୁପା ନାଇ, ମକେ ଜାଇଟା ଆଟେ ସେଟା ତକେ ଦେଲିନି । ନାଜରିତର୍ ଜିସୁର୍ ନାଉଁଦାରି ମୁଇ ଆଦେସ୍ ଦେଲିନି, ଉଟ୍ ଆରି ଇଣ୍ଟ୍ !” <sup>୭</sup> ଏନ୍ତି କଇକରି ପିତର୍ ତାକେ ଉଜା ଆଡ୍ ଦାରି ଉଟାକଲା, ସେ ଦାପ୍ରେ ସେ ଲକ୍ମନ୍ତ ପାଦ୍ ଆରି ଗଡ୍ ସବୁ ଡାଟ୍ ଅଇଲା । <sup>୮</sup> ସେ ଚିକାଲ୍ନା ତେଗଇକରି ଉଟ୍ଲା ଆରି ଇଣ୍ଟ୍ ବାଟ୍ ଦାରିଲା । ସେ ଇଣ୍ଟ୍ ଇଣ୍ଟ୍ ତେଗଇ ତେଗଇ ପରମେସରର୍ ଡାକ୍ପୁଟା କରିକରି ତାକର୍ ସଙ୍ଗ୍ ମନ୍ଦିରେ ଗାଲା । <sup>୯</sup> ତେଇ ରଇବା ଲକ୍ମନ୍ତ ତାକେ ଇଣ୍ଟ୍ବାଟା ଆରି ପରମେସରକେ ଡାକ୍ପୁଟା କରବାଟା ଦେକ୍ଲା । <sup>୧୦</sup> ମନ୍ଦିରର୍ ସୁନ୍ଦର୍ ନାଉଁର୍ ତିଆଗତି ବସି ରଇଲା ମାଜ୍ତିଆ ବଲି ଚିନ୍ଲାଇ । ଆରି ତାକେ ଜାଇଟା ଗଟି ରଇଲା ସବୁ ଜାନି କାବାଅଇଜାଇ କାନାବାନା ଅଇଲା ।

#### ପାର୍ତନା ମନ୍ଦିରେ ପିତରର୍ ଜାନାଇବାଟା

<sup>୧୧</sup> ସେ ଲକ୍ ପିତରକେ ଆରି ଜଅନ୍ତକେ ନ ଚାଡ଼ତେରଇଲା । ସଲ୍ମନର୍ ପିଣ୍ଡାଇ ତାକର୍ ସଙ୍ଗ୍ ରଇବାଟା ଦେକି, ଲକ୍ମନ୍ତ କାବାଅଇଗାଲା । ପଟେ ପାଲାଇ ଆଇଲା । <sup>୧୨</sup> ପିତର୍ ସେମନ୍ତକେ ଦେକି କଇଲା, “ଏ ଇସ୍ରାଏଲର୍ ବାଇମନ୍, ତମେ କାଇକେ କାବାଅଇଜାଇ ଆମର୍ ବାଟେ ଏନ୍ତାର ଦେକ୍ଲାସ୍ନି ? କାଇଟା ବାବ୍ଲାସ୍ନି ? ଆମର୍ ନିଜର୍ ବପୁସଙ୍ଗ୍ କି ଦରମ୍ପସଙ୍ଗ୍ ଏ ଲକ୍ମନ୍ତକେ ଇଣ୍ଟ୍ବା ବପୁ ଦେଲୁଆଟୁ ?” <sup>୧୩</sup> ଆମର୍ ଆନିଦାଦିମନ୍ତ ପରମେସର୍ ଅବ୍ରାଆମର୍, ଇସାକର୍ ଆରି ଜାକୁବର୍ ପରମେସର୍ ତାର୍ ସେବାକାରିଆ ଜିସୁକେ ଡାକ୍ପୁଟା କଲାଆଟେ । ମାତର୍ ତମେ ତାକେ ସାସନ୍କାରିଆମନ୍ତ ଆଡେ ସର୍ପିଦେଲାସ୍ । ଏନ୍ତି କି ପିଲାଡ୍ ତାକେ ଚାଡ଼ିଦେବାକେ ମନ୍ତକରି ରଇଲେ ମିସା ତାର୍ ମୁଆଟେ ଚାଡ଼ନାଇ ବଲି କଇଲାସ୍ । <sup>୧୪</sup> \*ସେ ଆକା ଗଟେକ୍ସେ ସୁକଲ୍ ଆରି ଦରମ୍ ଲକ୍ ରଇଲା । ମାତର୍ ତମେ ତାକେ ନାମାସ୍ ନାଇ ଆରି ତାର୍ ବାବୁଲେ ଗଟେକ୍ ନର୍ମାରୁକେ ମୁକ୍ଲାଇବାକେ ପିଲାଡ୍କେ ଗୁଆରି କଲାସ୍ । <sup>୧୫</sup> ଜେ ଜିବନ୍ତ ବାଟ୍ ଦେକାଉ, ତାକେ ତମେ ମାର୍ଲାସ୍, ମାତର୍ ପରମେସର୍ ତାକେ ମଲାଟାନେଅନି ଆରି ତରେକ୍ ଜିବନ୍ତ କରି ଉଟାକଲା । ଆମେ ଅଇଲୁନି ତାର୍ ସାକି । <sup>୧୬</sup> ତାର୍ ନାଉଁର୍ ବପୁ ସଙ୍ଗ୍ ଏ ଚଟା ନିମାନ୍ ଅଇଲାଆଟେ । ଜନ୍ ଗଟ୍ନା ଏବେ ତମେ ନିଜେ ଦେକି ସଡ୍ ବଲି ଜାନଲାସ୍, ସେଟା ଅବକା ତାର୍ ନାଉଁଦାରି ବିସ୍ବାସ୍ କଲାକେସେ ମିଲ୍ଲା ଆଟେ । ଜିସୁକେ ବିସ୍ବାସ୍ କଲାକେ ସେ ନିମାନ୍ ଅଇଲା ଆଟେ, ଏଟା ତମେ ଦେକ୍ଲାସ୍ ।”

<sup>୧୭</sup> “ସେଟାର୍ ପାଇ ଏ ଇସ୍ରାଏଲର୍ ବାଇମନ୍, ତମେ ଆରି ତମର୍ ନେତାମନ୍ ଜିସୁକେ ଜାଇଟା କଲାସ୍, ସେଟା ନାଜାନିକରି କଲାସ୍, ଏଟା ମୁଇ ଜାନି । <sup>୧୮</sup> ବେସି ବରସ୍ ଆଗତୁ ତାର୍ ବବିସଡ୍ବକ୍ତା ମନ୍ତଗାନେ ଅନି ଜାନାଇରଇବା କାତା ଇସାବେ ଏବେ ସିଡ୍ ଅଇଲା ଜେ, ସେ ମସିଅ ଦୁକ୍ପାଇବାକେ ଅଇସି । <sup>୧୯</sup> ସେନ୍ତିଆଲେ ତମେ ମନ୍ତବାଦ୍ଲାଇ କରି ପରମେସରର୍ ବାଟେ ବାଉଡି ଆସା । ତେବେ ସେ ତମର୍ ପାପ୍ କେମା କରସି ।” <sup>୨୦</sup> ଆରି ମାପୁରୁଟାନେଅନି ଆଡ଼ମାଇ ବପୁ ପାଇସା, ପରମେସର୍ ତମର୍ପାଇ ସେ ଆଗେଅନି ବାଟ୍ଲା, ମସିଅ ଜିସୁକେ ପାଟାଇସି । <sup>୨୧</sup> ପରମେସର୍ ସବୁ ବିସଇ ନୁଆ କରବା ବେଲା ଜାକ ସେ ସର୍ଗେ ରଇସି । ଏଟା ପରମେସର୍ ପୁର୍ବେ ରଇଲା ତାର୍ ସୁକଲ୍ ବବିସଡ୍ବକ୍ତାମନ୍ତକେ ସପଡ୍ କରିରଇଲା । <sup>୨୨</sup> ସେ ବିସଇ ମସା କଇରଇଲା, ତମର୍ ମାପୁରୁ ପରମେସର୍ ତମର୍ ଲଗେ ମର୍ପାରା ବବିସଡ୍ବକ୍ତାକେ ପାଟାଇସି । ତମର୍ ବାଇମନ୍ତ ବିତ୍ତରେ ଅନି ଗଟେକ୍ ଲକ୍ମନ୍ତ ପାଟାଇସି । ସେ ଜେଡ୍କି ବିସଇ କଇସି, ସେଟା ସବୁ ତମେ ମାନ୍ବାର୍ ଆଟେ । <sup>୨୩</sup> କେ ଜଦି ସେ ବବିସଡ୍ବକ୍ତାର୍ କାତା ନ ନାମେ ତାକେ ପରମେସରର୍ ଲକ୍ମନ୍ତଗାନେଅନି ଅଲ୍ଗା କରି କୁରୁପ୍ନାସ୍ କରିପାକାଇସି । <sup>୨୪</sup> ଜେଡ୍କି କବର୍ ସୁନିରଇବା ବବିସଡ୍ବକ୍ତା ରଇଲା, ସାମୁଏଲ୍ ଆରି ଜେ ଜେ ତାର୍ ପଟେ ଆଇଲା ଆରି ଏବେ ଜାଇଟା ଗଟ୍ଲା, ସେ ବିସଇ କଇରଇଲା । <sup>୨୫</sup> ପରମେସର୍ ବବିସଡ୍ବକ୍ତାମନ୍ତ ଟଣ୍ଡେଅନି ଜନ୍ସବୁ କାତା ଦେଲାଆଟେ ସେଟା ତମର୍ ପାଇସେ ଟିକ୍ । ତମର୍ ଆନିଦାଦିମନ୍ତ ସଙ୍ଗ୍ ଜନ୍ ରାଜିନାମା କଲାଆଟେ, ତମେ ମିସା ତେଇ ମିସିଆଟାସ୍ । ପରମେସର୍ ଅବ୍ରାଆମ୍ତକେ କଇରଇଲା, “ମୁଇ ତମର୍ ନାତିତିତି ମନ୍ତଗାନେଅନି ଜଗତର୍ ସବୁ ଲକ୍ମନ୍ତ ଆସିର୍ବାଦ୍

\* ୩:୧୪ ୩:୧୪ ମାତିଉ ୨୭:୧୫-୨୩; ମାର୍କ ୧୫:୬-୧୪; ଲୁକ୍ ୨୩:୧୩-୨୩; ଜଅନ୍ ୧୯:୧୨-୧୫

କରବି । ୨୭ ସେଟାରପାଇଁ ପରମେସର୍ ତାର ସେବାକାରିଆକେ ବାଟଲା ଆରି ତମ୍ଭକେ ସବୁ ଲକ୍ଷକେ ବାନ୍ଧିଆ ବାଟେଅନି ବାଉଡ଼ାଇଆନ୍‌ବାକେ ଆରି ଆସିବ୍‌ବାଦ୍ କରବାକେ ପରତୁମ୍ ତାକେ ତମର୍ ଲଗେ ପାଟାଇଲା ।”

### ୪

#### ଜିଉଦି ବଡ଼ସବାଇ ପିତର୍ ଆରି ଜଅନ୍

୯ ପିତର୍ ଆରି ଜଅନ୍ ଲକ୍ଷମନ୍‌କେ ଏନ୍ତି ସିକିଆ ଦେଇତେ ରଇଲା ବେଲେ ମନ୍ଦିରର୍ କେତେଟା ପୁଜାରି ଆରି ଜାଗୁଆଲ୍‌ମନର୍ ସେନାପତି ଆରି କେତେଟା ସାଦୁକିମନ୍ ଆସି କେଟୁଲା । ୧୦ ସେମନ୍ ରିସା ଅଇଗାଲାଇ କାଇକେ ବଇଲେ ପେରିଡ଼ ସିସ୍ ଦୁଇଲକ୍ ଜିସୁ ମଲାତେଇଅନି ଉଟ୍‌ଲା ଆଟେ ବଲି ସିକାଇତେରଇଲା । ଏନ୍ତି ସିକାଇଲେସରି ଲକ୍ଷମନ୍ ମଲାଟାନେଅନି ଉଟ୍‌ବାଇବଲି ପରମାନ୍ କରତେ ରଇଲା । ୧୧ ସେଟାରପାଇଁ ସେ ଦୁଇଟା ପେରିଡ଼ ସିସ୍‌ମନ୍‌କେ ଦାରି ବାନ୍ଧିଲା । ଆରି ସେ ଦିନେ ବେସି ଅଲ୍‌ସମ୍ ଅଇଜାଇରଇଲାକେ ଆରକର୍ ଦିନ୍ ଜାକ ବନ୍ଦିଗରେ ରକିରଇଲା । ୧୨ ମାତର୍ ବେସି ଲକ୍ ସେମନ୍‌ର ସିକିଆ ସୁନିକରି ବିସ୍‌ବାସ୍ କଲା, ଆରି ତାକର୍ ବିତ୍‌ରେଅନି ମୁନୁସ୍‌ପିଲା ସେ ଅଦିକ୍ ଅଇକରି ପାକାପାକି ପାଁଟ୍‌ଅଜାର୍ ଅଇଲା ।

୧୩ ତାର ଆରକର୍ ଦିନେ ଜିଉଦି ନେତାମନ୍, ଆରି ପାର୍ତିନ୍‌ମନ୍ ଆରି ନିୟମ୍ ସିକାଉମନ୍ ଜିରୁସାଲମେ ରୁଣ୍ଡୁଲା । ୧୪ ସେମନ୍‌ର ବିତ୍‌ରେ ବଡ଼ପୁଜାରି ଆନାନ୍, କାୟାପା, ଜଅନ୍, ଆଲେକ୍‌ଜାଣ୍ଡାର୍ ଆରି ବଡ଼ ପୁଜାରିର୍ କୁଟୁମେ ରଇବା ବିନ୍ ଲକ୍ଷମନ୍ ମିସ୍‌ଲା । ୧୫ ପେରିଡ଼ମନ୍‌କେ ସେମନ୍‌ର ମୁଆଟେ ତାକାଇ ପାଟାରୁଲା, “ତମେ ଏଟା ସବୁ କେନ୍ତାର୍ କଲାସ୍‌ନି ? କାର୍ ବପୁସଙ୍ ନଇଲେ କାର୍ ନାଉଁଦାରି ଏଟା କଲାସ୍‌ନି ?”

୧୬ ସେଟାରପାଇଁ ପିତର୍ ସୁକଲ୍‌ଆଡ଼ମାଇ ପୁରାପୁରୁନ୍ ଅଇ ସେମନ୍‌କେ କଇଲା, “ତମେ ଜେ କି ଆମର୍ ସାସନ୍‌କାରିଆମନ୍ ଆରି ପାର୍ତିନ୍‌ମନ୍ ! ୧୭ ଜଦି ଆଜି ଏ ତଟାର ପାଇ କରିରଇଲା ନିମାନ୍ କାମର୍‌ଲାଗି ଆମ୍‌କେ ପରସନ୍ କଲାସ୍‌ନି ଆରି ସେ କେନ୍ତାର୍ ନିମାନ୍ ଅଇଲା ବଲି ଜାନ୍‌ବାକେ ମନ୍ କଲାସ୍‌ନି, ୧୮ ତେବେ ତମେ ଆରି ଇସ୍ରାଏଲ୍‌ର ସବୁ ଲକ୍ ଜାନ୍‌ବାର୍ ଦରକାର୍ ଜେ, ତମର୍ ମୁଆଟେ ଚିଆଅଇରଇଲା ଏ ଲକ୍ ଅବକା ନାଜରିଡ଼ ଗତର୍ ଜିସୁକିରିସ୍‌ଟର୍ ବପୁସଙ୍ ପୁରାପୁରୁନ୍ ନିମାନ୍ ଅଇଲା ଆଟେ । ସେ ଜିସୁକେ ତମେ କୁରସେ ମରାଇଲାସ୍ । ମାତର୍ ପରମେସର୍ ତାକେ ମଲାତେଇଅନି ଆରି ତରେକ୍ ଉଟାଇଲା ଆଟେ ।” ୧୯ ଜିସୁର୍ ବିସଇ ଦରମ୍ ସାସ୍‌ତରେ ଲେକା ଅଇଲାଆଟେ, ଗର୍ ତିଆରକରୁମନ୍ ଜନ୍ ପାକ୍‌ନା ନଏଁ ବଲି ପିଙ୍ଗିଦେଇ ରଇଲା, ସେଟାସେ କନର୍ ମୁକିଅ ପାକ୍‌ନା ଅଇଲା ।

୨୦ ସେ ଆକା ଆମ୍‌କେ ମୁକ୍ତି ଦେଇସି । ଗୁଲାଇ ଜଗତର୍‌ପାଇଁ ପରମେସର୍ ତାକେସେ ଦେଲା ଆଟେ । ଜେ କି ଆମ୍‌କେ ରକିଆ କରସି । ୨୧ ବଡ଼ସବାର୍ ଲକ୍ଷମନ୍ ପିତର୍ ଆରି ଜଅନ୍‌ର ସାଆସ୍ ଦେକି କାବା ଅଇଗାଲା । ସେମନ୍ ପାଟ୍‌ସାଟ୍ ନ ପତି ଅବକା ଲକ୍ଷମନ୍‌ସେ ବଲି ଜାନ୍‌ରଇଲା । ଆରି ସେମନ୍ ଦୁଇ ଲକ୍ ଜିସୁର୍ ସଙ୍ଗ୍ ରଇଲା ବଲି ଚିନ୍‌ରଇଲା । ୨୨ ମାତର୍ ତାକର୍ ବିରୁଦେ କାଇବଲି କଇନାପାରୁଲା, କାଇକେ ବଇଲେ ନିମାନ୍ ଅଇଲା ଲକ୍‌କେ ପିତର୍ ଆରି ଜଅନ୍‌ସଙ୍ଗ୍ ଚିଆଅଇରଇଲାଟା ଦେକ୍‌ଲା । ୨୩ ସେଟାର ପାଇଁ ସେମନ୍ ସିସ୍‌ମନ୍‌କେ ସେ ସବାଇଅନି ବାର୍‌କରାଇଦେଇକରି ତାକର୍ ତାକର୍ ବିତ୍‌ରେ କାତାବାର୍‌ତା ଅଇବାର୍ ଦାରୁଲା । ୨୪ ସେମନ୍ କାତା ଅଇଲା, “ଆମେ ଏମନ୍‌କେ କାଇଟା କରୁ ? ଏମନ୍ କରିରଇବା ଏ କାବା ଅଇଜିବା କାମ୍ ବିସଇ ଜିରୁସାଲମର୍ ସବୁ ଲକ୍ ଜାନ୍‌ଗାଲା ଆତଡ଼ । ଏ ସଡ଼ ଗଟେନାଇ କି ନାଜାନ୍ ବଲି କଇ ନାପାରୁ । ୨୫ ମାତର୍ ଏ କାତା ଲକ୍ଷମନ୍‌ର ବିତ୍‌ରେ ଆରି ଅଦିକ୍ ଉଡ଼ରା ଅଇ ନ ଜାଅ, ଜିସୁର୍ ବିସଇ ଆରି କେବେ କାର୍ ମୁଆଟେ ନ କଇବାକେ ସେମନ୍‌କେ ଆମେ ତାଟ୍ ସଙ୍ଗ୍ ଜାଗ୍‌ରଡ଼ କରାଇଦେଉଁ ।” ୨୬ ସେଟାର ପାଇଁ ସେମନ୍ ପିତର୍ ଆରି ଜଅନ୍‌କେ ଆରି ତରେକ୍ ବିତ୍‌ରେ ଡାକ୍‌ଲା । ଆରି କେବେମିସା ଜିସୁର୍ ନାଉଁ ଦାରି କାଇମିସା କାତା ନ କଇବାକେ ଆରି ସିକିଆ ନ ଦେବାକେ ଜାଗ୍‌ରଡ଼ କରାଇଦେଲା । ୨୭ ମାତର୍ ପିତର୍ ଆରି ଜଅନ୍ କଇଲା, “ତମର୍ ବାଦିଅ ଅଇରୁ, କି ପରମେସର୍‌ର ବାଦିଅ ଅଇରୁ, କନ୍ ବିସଇ ପରମେସର୍‌ର ମୁଆଟେ ଟିକ୍ ସେଟା ତମେ ବିଚାର୍ କର । ୨୮ କାଇକେ ବଇଲେ ଆମେ ଜାଇଟା ଦେକ୍‌ଲୁ ଆରୁ ଆରି ସୁନ୍‌ଲୁ ଆରୁ ସେଟା ନ କଇକରି ରଇନାପାରୁ ।” ୨୯ ମାତର୍ ବଡ଼ସବାର୍ ଲକ୍ ଆରି ତାଟ୍‌ସଙ୍ଗ୍ ସେମନ୍‌କେ ଦମ୍‌କାଇକରି ଚାଡ଼ି ଦେଲା । ସେମନ୍‌କେ ଡ଼ଣ୍ଡେଦାଟା କସ୍‌ଟ ବଲି ସେମନ୍ ଜାନ୍‌ପାରୁଲା । କାଇକେ ବଇଲେ ସେ କାବାଅଇଜିବା କାମର୍ ଲାଗି ଲକ୍ଷମନ୍ ପରମେସର୍‌କେ କୁଆର୍ କରତେ ରଇଲା । ୩୦ ଜନ୍ ଲକ୍ କାବା ଅଇଜିବା କାମର୍‌ଲାଗି ନିମାନ୍ ଅଇରଇଲା, ତାକେ ଚାଲିସ୍ ବରସେଅନି ଅଦିକ୍ ଅଇରଇଲା ।

#### ନ ଡ଼ରବା ପାଇ ପାର୍ତିନା

୩୧ ପିତର୍ ଆରି ଜଅନ୍ ମୁକଲ୍‌ଲା ଦାପ୍‌ରେ ନିଜର୍ ଦଲେ ବାଉଡ଼ିଗାଲା ଆରି ମୁକିଅ ପୁଜାରିମନ୍ ଆରି ପାର୍ତିନ୍‌ମନ୍ ଜାଇଟା କଇରଇଲା, ସେଟା ସେମନ୍‌କେ ଜାନ୍‌ଇଲା । ୩୨ ବିସ୍‌ବାସିମନ୍ ସବୁ କାତା ସୁନ୍‌ଲା ପଟେ ଗଟେକ୍ ଅଇ ପରମେସର୍‌କେ ଏ ପାର୍ତିନା କଲା, ଏ ମାପରୁ ! ସରଗ, ଦରଡ଼ନି, ସମ୍‌ଦୁର୍ ଆରି ତେଇ ରଇବା ସବୁ ବିସଇ ତମେସେ

ତିଆର କଲାସ ! ୨୫ ତମେ ସୁକଲ୍ ଆଡ଼ମାଲଅନି ଆମର୍ ଆନିଦାଦିମନର୍ ଆରି ତମର୍ ଦାଙ୍ଗଡ଼ା ଦାଉଦର୍ ଟଣ୍ଡେଅନି ଏ କାତା ସୁନାଇ ରଇଲାସ । ସେ କଇରଇଲା,

ଜିଉଦି ନଇଲା ଲକ୍ମନ୍ କାଇକେ ରିସା ଅଇଲାଇ ?

ଲକ୍ମନ୍ କାଇକେ ଚୁଟାଇ ସଡ଼ଜୁତର୍ କଲାଇ ?

୨୬ ମାପୁରୁ ବିରଦେ ଆରି

ତାକର ମସିଆର୍ ବିରଦେ

ଜଗତର୍ ରାଜାମନ୍ ଆରି ସାସନ୍‌କାରିଆମନ୍

ଜୁଜୁବାକେ ନିଜକେ ତିଆର୍ ଅଇ ରୁଣ୍ଡିଲାଇ ।

୨୭ ☆କାଇକେବଇଲେ ଏ ନଅରେ ଏରଦ୍ ଆରି ପନ୍ତୟ ପିଲାଡ଼ ଇସରାଏଲିୟମନର୍ ସଙ୍ଗ୍ ଆରି ଜିଉଦି ନ ଅଇରଇବା ଲକ୍ମନ୍‌ସଙ୍ଗ୍ ମିସି ଜିସୁର୍ ବିରଦେ ଜଜ୍ଜନା କଲାଇ । ସେ ସେ ତମର୍ ସୁକଲ୍ ଦାଙ୍ଗଡ଼ା ଆରି ତମେ ବାଟୁଲା ମସିଅ । ୨୮ ତମର୍ ବପୁ ଆରି ମନ୍ କଲାଟା ଇସାବେ ଜାଇଟା ସବୁ ଗଟାଇବାପାଇ ତମେ ଟିକ୍ କରି ରଇଲାସ, ସେମନ୍ ଗଟେକ୍ ଅଇ ସେ ସବୁ କରବାକେ ଲାଗିପଡ଼ିଲାଇ । ୨୯ “ଏ ମାପୁରୁ, ସେମନ୍ ଆମ୍‌କେ ଜନ୍ ଦମକ୍ ଦେଲାଇ ଆତଡ଼ ସେ ବିସଇ ସୁନା ଆରି ନ ଡରତେ ତମର୍ କାତା ଜାନାଇବାକେ ତମର୍ ଏ ଦାଙ୍ଗଡ଼ାମନ୍‌କେ ଡାଟ୍ କରା । ୩୦ ନିମାନ୍ କରବାକେ ତମର୍ ଆଡ଼ ଲାମାଆ ଆରି ତମର୍ ସୁକଲ୍ ଦାଙ୍ଗଡ଼ା ଜିସୁର୍ ନାଏଁ ନ ଅଇବା କାମ୍ ଆରି କାବା ଅଇଜିବା କାମ୍‌ମନ୍ ସାଦନ୍ କରାଆ ।”

୩୧ ସେମନ୍ ପାରତନା କରିସାରାଇଲା ପତେ ଜନ୍ ଜାଗାଇ ରୁଣ୍ଡିରଇଲାଇ, ସେଟା ଚୁଲୁଗୁଲିଗାଲା । ସେମନ୍ ସବୁ ସୁକଲ୍‌ଆଡ଼ମାଇ ପୁରାପୁରୁନ୍ ଅଇଲା । ଆରି ନ ଡରତେ ପର୍ମେସରର୍ କାତା ଜାନାଇବାର୍ ଦାରୁଲାଇ ।

**ବିସ୍‌ବାସିମନ୍ ନିଜର୍ ନିଜର୍ ସଁମ୍‌ପତିକେ ବାଗ୍ ମିସ୍‌ବାଟା**

୩୨ ☆ସବୁ ବିସ୍‌ବାସିମନ୍ ଗଟେକ୍ ବିସଇ ଚିନ୍ତା କରି ମନ୍ କଲାଇ । କେ ମିସା ନିଜର୍ ସଁମ୍‌ପତି ନିଜର୍ ବଲି ଦାବି ନ କରତେ ରଇଲାଇ । ତାକର୍‌ଟାମେ ଜେଡ଼କି ରଇଲା ସେଟା ସବୁଲକ୍ ସମାନ୍ କରି ବାଟାସାଟା କରତେ ରଇଲାଇ । ୩୩ ପେରିଡ଼ ସିସ୍‌ମନ୍ ବପୁସଙ୍ଗ୍ ସାକି ଦେବାର୍ ଦାରୁଲାଇ । ପର୍ମେସର୍ ମାପୁରୁ ଜିସୁକେ କେନ୍ତକିରି ମଲାଟାମେଅନି ଉଟାଇଲା ବଲି । ଆରି ପର୍ମେସର୍ ସବୁ ବିସ୍‌ବାସିମନ୍‌କେ ଅଦିକ୍ ଅଦିକ୍ ଜିବନ୍ ଦୁକାଇଲା । ୩୪ ତାକର୍ ଦଲେ ଜିଇବା କାଇବାକେ କାକେ ମିସା ଅବାବ୍ ନ ରଇଲା । ଜନ୍ ଲକ୍ମନ୍‌କେ ଗର୍ ଆରି ଜମିରଇଲା, ସେମନ୍ ସେଟା ବିକିକରି ତାବୁ ଆନି, ୩୫ ପେରିଡ଼ମନ୍‌କେ ସର୍ପିଦେଇରଇଲା । ସେ ତାବୁ, ପେରିଡ଼ ମନ୍ ଅବାବେ ରଇଲା ଲକ୍ମନ୍‌କେ ବାଟାକରି ଦେଇତେରଇଲାଇ ।

୩୬ ସାଇପରସ୍ ନାଉର୍ ଗଟେକ୍ ଜାଗାଇ ଜନମ୍ କରିରଇବା ଲେବି କୁଟୁମର୍ ଜସେପ୍, ଜାକେ ପେରିଡ଼ ସିସ୍‌ମନ୍ ବରନବା ବଲି ନାଉଁ ଦେଇ ରଇଲାଇ । ବରନବାର୍ ଅରଡ଼ ଦୁକ୍ ସାରାଇବା ପିଲା । ସେ ତାର୍ ଜମି ବିକ୍‌ଲା ଆରି ୩୭ ତାବୁ ପେରିଡ଼ ସିସ୍‌ମନ୍‌କେ ସର୍ପିଦେଲା ।



**ଅନନିୟ ଆରି ସପିରା**

୧ ସେ ଦଲର୍ ଅନନିୟ ନାଉର୍ ଗଟେକ୍ ଲକ୍ ଆରି ତାର୍ ମାଇଜି ସପିରା ସେମନର୍ କେତେକ୍ ଜମି ବିକ୍‌ଲାଇ । ୨ ମାତର୍ ମାଇଜିମୁନ୍‌ସ୍ ରାଜିଅଇକରି ବିକିକରି ପାଇଲା କେତେକ୍ ତାବୁ ଅନନିୟ ନିଜର୍ ପାଇ ସଙ୍ଗାଇଲା । ଅଗଲୁଲାଟା ସେ ପେରିଡ଼ ସିସ୍‌ମନ୍‌କେ ଦେଲା । ୩ ପିତର୍ ତାକେ କଇଲା, “ଅନନିୟ ତୁଇ କେନ୍ତ ସଇତାନର୍ ପାନ୍ଦେପତି ଜମି ବିକି ଆନିରଇବା ତାବୁ କେତେକ୍ ନିଜର୍ ପାଇ ସଙ୍ଗାଇକରି ସୁକଲ୍ ଆଡ଼ମାର୍ ମୁଆଟେ ମିଟ୍ କଇଲୁସ୍ ? ୪ ବିକ୍‌ବା ଆଗତୁ ସେ ଜମି ତମର୍ ରଇଲା । ବିକ୍‌ଲା ପତେ ମିସା ସେ ତାବୁ ତମର୍‌ଟାସେ । ଏନ୍ତି କାମ୍ କରବାକେ କାଇକେ ମନ୍ କଲୁସ୍ ? ତୁଇ ଲକ୍ମନ୍‌କେ ନାଡ଼ାଉସ୍ ନାଇ ମାତର୍ ପର୍ମେସର୍‌କେ ନାଡ଼ାଇଆରୁସ୍ ।” ୫ ଅନନିୟ ଏ କାତା ସୁନ୍‌ଲା ଦାପ୍‌ରେ ତଲେ ଆପ୍‌ଟି ଅଇ ଅଦ୍‌ରି ମରିଗାଲା । ଜନ୍ ଲକ୍ମନ୍ ଏ କାତା ସୁନ୍‌ଲା ସେମନ୍ ସବୁଲକ୍ ବେସି ଡରିଗାଲାଇ । ୬ ଦଲର୍ ଦାଙ୍ଗଡ଼ାମନ୍ ଅନନିୟର୍ ମଲା ଗାଗଡ଼ ଲୁଗାଇ ଗୁଡ଼ିଆଇକରି ବାଇରେ ବଇକରି ଦାରିଗାଲାଇ ଆରି ତପିଦେଲାଇ ।

୭ ପାକାପାକି ତିନ୍‌ଗଟା ପତେ ଅନନିୟର୍ ମାଇଜି ତେଇ ଆସି କେଟୁଲା । ସେ, ଏ ଗଟନା ନାଜାନି ରଇଲା । ୮ ପିତର୍ ତାକେ ପାଟାରୁଲା “ମକେ କ ପନି, ତୁଇ ଆରି ତର୍ ମୁନ୍‌ସ୍ ଜେଡ଼କି ଜମି ବିକ୍‌ଲାସ୍, ଏଟା କାଇ ତାର୍ ପୁରାଦାମ୍ କି ?” ସେ କଇଲା, “ଉଁ ଏଡ଼କିସେ ।”

୯ ପିତର୍ ତାକେ କଇଲା, “ମାପୁରୁ ଆଡ଼ମାକେ ପରିକା କରବାକେ ତୁଇ ଆରି ତର୍ ମୁନ୍‌ସ୍ କାଇକେ ରାଜିଅଇଲାସ୍ ? ଜନ୍ ଲକ୍ମନ୍ ତର୍ ମୁନ୍‌ସ୍‌କେ ସମାଦି ଦେଲାଇ ଆତଡ଼, ବାଟ୍ ତିଆଗତି କେଟୁଲାଇବେ, ସେମନ୍ ତକେ ମିସା ବଇ ଦାରିଜିବାଇବେ ।” ୧୦ ସେ ଦାପ୍‌ରେ ସେ ମିସା ପିତରର୍ ପାଦ୍‌ତଲେ ଅଦ୍‌ରି ମରିଗାଲା । ଦାଙ୍ଗଡ଼ାମନ୍ ବିଡ଼ରେ ଆସି

☆ ୪:୨୭ ୪:୨୭ ଲୁକ୍ ୨୩:୭-୧୧; ମାତିଉ ୨୭:୧,୨; ମାର୍କ ୧୫:୧; ଲୁକ୍ ୨୩:୧; ଜଅନ୍ ୧୮:୨୮,୨୯ ☆ ୪:୩୨ ୪:୩୨ ପେରିଡ଼ ୨:୪୪,୪୫



ତାର ମଲା ଗାଗଡ଼ ବଇନେଲାଇ ଆରି ତାର ମୁନୁସର୍ ଲଗେ ତାକେ ମିସା ସମାଦି ଦେଲାଇ । ୧୧ ଜିରୁସାଲମେମ୍ବର ଗୁଲାଇ ମାଣ୍ଡୁଲିର ଲକ୍ମନ ଆରି ଜେଡ଼କି ଲକ୍ ଏ କାତା ସୁନ୍ଲାଇ, ସବୁଲକ୍ ଡରିଗାଲାଇ ।

**କାବାଅଇଜିବା କାମ୍ ଆରି ଚିନ୍**

୧୨ ପେରିଡ଼ ସିସ୍ତମନର୍ ଟାନେଅନି ଲକ୍ମନର୍ ବିଡ଼ରେ ବେସି କାବା ଅଇଜିବା କାମ୍ମନ ଆରି ଚିନ୍ମନ ସାଦନ ଅଇଡେ ରଇଲା । ସବୁ ବିସ୍ତାସିମନ୍ ସଲ୍ମନର୍ ମଣ୍ଡୁପେ ରୁଣ୍ଡୁଡେ ରଇଲାଇ । ୧୩ ସେମନର୍ ବିସଇ ବିନ୍ଲକ୍ମନ ନିମାନ୍ କାତା କଇଡେ ରଇଲାଇ । ମାତର୍ ଦଲ୍ ବାଇରେ ରଇଲା ଲକ୍ମନ କେ ମିସା ଦଲେ ମିସବାକେ ସାଆସ ନ କର୍ଡେ ରଇଲାଇ । ୧୪ ଏଲେ ମିସା ପର୍ମେସରକେ ବିସ୍ତାସ କରି ଅଦିକ୍ ଅଦିକ୍ ମାଇଜିଟକି ଆରି ମୁନୁସ୍ ପିଲାମନ୍ ଏ ଦଲେ ମିସଲାଇ । ଆରି ସେ ଦଲ୍ ଦିନ୍କେ ଦିନ୍ ଅଦିକ୍ ଅଦିକ୍ ବଡ଼ଡେ ଗାଲା । ୧୫ ପେରିଡ଼ ସିସ୍ତମନର୍ କାମ୍ ଅଦିକ୍ ବଡ଼ି ବଡ଼ି ଗାଲା । ଏକ୍ତିକି ପିତର୍ ଇଣ୍ଡିଗାଲାବେଲେ ତାର ଚାଇଆଲେ ଅଲପ୍ ପତବଲି ଲକ୍ମନ ରଗିମନକେ ବଇଆନି ବାଟ୍ପାଲି କଟେ ଆରି ଟାଟିମନ୍ ଅଚାଇକରି ସୁଆଇ ଦେଇଡେ ରଇଲାଇ । ୧୬ ଜିରୁସାଲମ୍ ଚାରିବେଟି ରଇବା ଗଡ଼ ରଗି ଆରି ତୁମାଦାରଲା ଲକ୍ମନକେ ପେରିଡ଼ମନର୍ ଲଗେ ଆନ୍ଡେ ରଇଲାଇ । ଆରି ସେମନ୍ ସବୁ ଲକ୍ ନିମାନ୍ ଅଇଡେ ରଇଲାଇ ।

**ପେରିଡ଼ ସିସ୍ତମନକେ ତାଡ଼ନା**

୧୭ ତାର ପଟେ ବଡ଼ ପୁଜାରି, ତାରସଙ୍ଗ ରଇବା ଲକ୍ମନ ଆରି ସାଦୁକି ଦଲ୍ଲର ଲକ୍ମନ, ସିସ୍ତମନକେ ଛାଁସା ଅଇଗାଲାଇ । ଆରି ସେମନର୍ ବିରୁଦେ କାଇଟାଆଲେ କରୁ ବଲି ଜଜନା କଲାଇ । ୧୮ ସେମନ୍ ପେରିଡ଼ ସିସ୍ତମନକେ ଦାରି ବାନ୍ଧିକରି ବନ୍ଧିଗରେ ସଙ୍ଗଇଲାଇ । ୧୯ ମାତର୍ ସେ ରାତି ମାପରୁର୍ ଗଟେକ୍ ଦୁଡ଼ ବନ୍ଧିଗରର୍ କାପାଟ୍ ଉଗାଡ଼ିଦେଲା ଆରି ସେମନକେ ମୁକ୍ତଲାଇ ଆନି କଇଲା, ୨୦ “ଜା ଆରି ମନ୍ଦିରେ ଟିଆଅଇକରି ଲକ୍ମନକେ ଏ ନୁଆ ଜିବନ୍ ବିସଇ ସବୁ କାତା କୁଆ ।” ୨୧ ସିସ୍ତମନ୍ ସେ ଦୁଡ଼ କାତା ମାନି ସାକାଲ୍ ସାକାଲ୍ ମନ୍ଦିରେ ପୁରି ସିକିଆ ଦେବାର ଦାରଲାଇ ।

ବଡ଼ ପୁଜାରି, ତାକର୍ ସଙ୍ଗାରିମନ୍ ଆରି ଇସ୍ରାଏଲର୍ ପାର୍ତିନମନ୍ ଗଟେକ୍ ପୁରା ସବା ପାଇ ତାକାଇ ପାଟାଇଲାଇ । ତାର ପଟେ ପେରିଡ଼ ସିସ୍ତମନକେ ବନ୍ଧିଗରେ ଅନି ସବାଇ ଆନ୍ଦାକେ ବନ୍ଧିଗରର୍ ଜାଗୁଆଲ୍ମନର୍ ମୁକ୍ତିଆମନକେ ଆଦେସ୍ ଦେଲାଇ । ୨୨ ମାତର୍ ସେ ମୁକ୍ତିଆମନ୍ ବନ୍ଧିଗରେ କେଟ୍ଲାକେ ପେରିଡ଼ମନକେ ଡେଇ ଦେକଡ଼ନାଇ । ସେଟାପାଇ ସେମନ୍ ବଡ଼ସବାଇ ବାଉଡ଼ି ଆଇଲାଇ । ଆରି ଲକ୍ମନକେ କଇଲାଇ, ୨୩ “ଆମେ ବନ୍ଧି ଗରେ କେଟି ଦେକ୍ଲୁ ଜେ ତୁଆର୍ ନିକସଙ୍ଗ୍ ତାବି ଅଇରଇଲା । ଆରି ଜାଗୁଆଲ୍ମନ ମିସା ଜାଗିରଇଲାଇ । ମାତର୍ କାପାଟ୍ ଉଗାଡ଼ଲା ପଟେ ଆମେ ବିଡ଼ରେ କାକେ ମିସା ଦେକୁ ନାଇ ।” ୨୪ ଏ କାତା ସୁନି ମୁକ୍ତିଆ ପୁଜାରିମନ୍ ଆରି ମନ୍ଦିର୍ ଜାଗୁଆଲ୍ମନର୍ ଦାଇଡେ ରଇଲା ଲକ୍ମନ କାବାଅଇଗାଲାଇ । ପେରିଡ଼ ସିସ୍ତମନକେ କାଇଟା ଅଇଲାଆଡେ ବଲି ସେମନ୍ ବୁଜି ନାପାରଲାଇ । ୨୫ ସେଡ଼କିବେଲେ ଗଟେକ୍ ଲକ୍ ଆସି କଇଲା “ସୁନା ! ଜନ୍ ଲକ୍ମନକେ ବନ୍ଧି ଗରେ ରକିରଇଲାସ୍, ସେମନ୍ ଏବେ ମନ୍ଦିରେ ଲକ୍ମନକେ ସିକିଆ ଦେଲାଇନି ।” ୨୬ ମନ୍ଦିରର୍ କାମ୍ମକରୁମନ୍ ଜାଗୁଆଲ୍ମନର୍ ସଙ୍ଗ୍ ଜାଇ ପେରିଡ଼ ସିସ୍ତମନକେ ସୁଡ଼ରାଇକରି ଆରିତରେକ୍ ଡାକିଆନ୍ଲାଇ । ସେମନ୍ ଡରାବିଡ଼ରା କରଡ଼ ନାଇ । କାଇକେବଇଲେ ସେମନକେ ଲକ୍ମନ ପାକ୍ନାପୁକ୍ନି ମାର୍ବାଇ ବଲି ଡରିଜାଇଡେରଇଲାଇ ।

୨୭ ପେରିଡ଼ ସିସ୍ତମନକେ ବିଡ଼ରେ ଡାକିଆନି ବଡ଼ସବାର ମୁଆଟେ ଟିଆ କରାଇଲାଇ, ଆରି ବଡ଼ ପୁଜାରି ସେମନକେ ପାଟାରଲା । ୨୮ \*ଏ ଜିସୁର୍ ନାଉଁ ଦାରି କାଇମିସା ସିକିଆ ନ ଦେବାକେ ତମ୍ମକେ ଡାଟ୍ ସଙ୍ଗ୍ ଆଦେସ୍ ଦେଇରଇଲୁ, ମାତର୍ ଦେକା, ତମେ କାଇଟା କରିଆଗାସ୍ ! ତମେ ଦେଇରଇବା ଏ ସିକିଆ ଜିରୁସାଲମେ ରଇଲା ଲକ୍ମନର୍ଟାନେ କେଟ୍ଲା ଆଡେ । ଆରି ତାର ମରନ୍ ପାଇ ଆମ୍ମକେ ଦାଇ କର୍ବାକେ ଚେସ୍ଟା କଲାସ୍ନି !”

୨୯ ପିତର୍ ଆରି ବିନ୍ ସିସ୍ତମନ୍ କଇଲାଇ, “ଆମେ ତମର୍ ଆଦେସ୍ ମାନ୍ଦା ବାଦୁଲେ ପର୍ମେସରର୍ ଆଦେସ୍ ମାନ୍ଦୁ । ୩୦ ତମେ ଜିସୁକେ କୁରସେ ଚଗାଇ ମରାଇଲାପଟେ, ଆମର୍ ଆନିଦାଦିମନର୍ ପର୍ମେସର୍ ତାକେ ମଲାଟାନେଅନି ଉଟାଇଲାଆଡେ । ୩୧ ଇସ୍ରାଏଲର୍ ଲକ୍ମନ ତାକର୍ ପାପେଅନି ବାଅଡ଼ ଆରି ପାପ୍ କେମା ଅଅଡ଼ ବଲି ପର୍ମେସର୍ ତାକେ ତାର ଉଜା ବାଟେ ବସାଇଆଡେ । ଜେକ୍ତିକି ସେ ଆମର୍ ସାସନକାରିଆ ଆରି ରକିଆକରବା ଲକ୍ ଅଇସି । ୩୨ ଆମେ ଏ ସବୁ ବିସଇର୍ ସାକି ଆତୁ । ଆରି ଜନ୍ ସୁକଲ୍ ଆଡ଼ମାକେ ପର୍ମେସର୍ ତାକର୍ ଆଗିଆଁକାରିମନକେ ଦାନ୍କଲାଆଡେ, ସେ ମିସା ଏଟାର ସାକି ।”

୩୩ ବଡ଼ସବାର ଲକ୍ମନ ଏ କାତା ସୁନି ଏଡେକ୍ ରିସାଅଇଗାଲାଇ ଜେ, ପେରିଡ଼ମନକେ ମରାଇବାକେ ମନ୍ କଲାଇ । ୩୪ ମାତର୍ ସେମନର୍ ବିଡ଼ରେଅନି ଗମଲିଏଲ୍ ନାଉଁର୍ ଗଟେକ୍ ପାରୁସି ଲକ୍ ରଇଲା । ସେ ନିୟ୍ମ୍ ସିକାଇଡେ ରଇଲା । ତାକେ ଲକ୍ମନ ମାନିଅ କର୍ଡେରଇଲାଇ । ସେ ବଡ଼ ସବାଇ ଟିଆଅଇ ପେରିଡ଼ମନକେ ଚନେକର୍ ପାଇ ବାଇରେ ନେବାକେ ଆଦେସ୍ ଦେଲା । ୩୫ ଆରି ବଡ଼ ସବାର ଲକ୍ମନକେ କଇଲା, “ଏ ଇସ୍ରାଏଲିୟ୍ ବାଇମନ୍, ଏ ଲକ୍ମନକେ ଜାଇଟା କର୍ବାକେ ଗାଲାସ୍ନି ଅଲପ୍ ବାବିଚିକ୍ତି କରି କରା । ୩୬ ତମର୍ ମନେରଇସି, ଅଲପ୍ ଆଗତୁ ଡିଉଦା ନାଉଁର୍ ଗଟେକ୍ ଲକ୍ ରମିୟ୍ମନର୍ ବିରୁଦେ ଉଟ୍ଲା । ସେ ନିଜେ ବଡ଼ଲକ୍ ବଲି ଲକ୍ମନକେ କଇଲାକେ ତାର ସଙ୍ଗ୍ ଚାରିସଅ

☆ ୫:୨୮ ୫:୨୮ ମାଡିଉ ୨୭:୨୫

ଲକ୍ ମିସି ରଇଲା । ମାତର ତାକେ ମରାଇଲା, ତାରପତେ ତାରସଙ୍ଗର ଲକ୍ମନ୍ ଚିନ୍ଦିନ୍ ଅଇଗାଲା ଆରି ତାର ଦଲ୍ ବୁଡ଼ିଗାଲା । ୩୭ ତାରପତେ ଗାଲିଲି ଅନି ଜିଉଦା ନାଉଁର ଆରି ଗଟେକ୍ ଲକ୍ ରମିୟମନର ବିରୁଦେ ଉଟ୍ଲା । ରମିୟ ସରକାର ଲକ୍ମନର ନାଉଁ ଲେକାଇବା ବେଲେ ଏଟା ଅଇଲା । ବେସି ଲକ୍ମନେ ତାର ଦଲେ ମିସାଇବାକେ ସୁଡ଼ରାଇଲା । ମାତର ତାକେ ମିସା ମରାଇଲା । ଆରି ତାର ସବୁ ସିସ୍ମନ୍ ଚିନ୍ଦିନ୍ ଅଇଗାଲା । ୩୮ ସେଟାର ପାଇ ଜିସୁର ସିସ୍ମନର ବିସଇ ମୁଇ ତମକେ କଇଲିନି, ସେମନ୍ କରବା କାମ୍ ତେବାଆ ନାଇ, ଚାଡ଼ିଦିଆସ୍ । ସେମନ୍ କରବା କାମ୍ ଆରି ଜଜନା ଜଦି ଲକ୍ମନରଟାନେଅନି ଆସିରଇସି, ତେବେ ସେମନ୍ ମିସା ଆରିଜିବାଇ । ୩୯ ମାତର ସେଟା ଜଦି ପରମେସରଟାନେ ଆସିରଇସି ବଇଲେ, ତାକେ ତମେ ଦବାଇନାପାରାସ୍ । ସେଡ଼କିଅନି ଡିସି ଜେ ତମେ ପରମେସରର ବିରଦେ ଜୁଜୁଲ୍ୟାସିନି ।”

ବଡ଼ସବାର ଲକ୍ମନ ଗମଲିଏଲ୍ କଇଲା କାତା ମାନୁଲା । ୪୦ ସେମନ୍ ପେରିଡ଼ ସିସ୍ମନକେ ବଡ଼ସବାର ବିତୁରେ ଆନୁବାକେ ଆଦେସ୍ ଦେଲା । ତାକିଆନିକରି ସେମନ୍କେ କରତା ସଙ୍ଗ୍ ମାରାଇଲା । ଆରି ଜିସୁର ନାଉଁଦାରି କାଇମିସା କାତା ନ କଇବାକେ ଆଦେସ୍ ଦେଇ ଚାଡ଼ିଦେଲା । ୪୧ ପେରିଡ଼ ସିସ୍ମନ୍ ସାରଦାସଙ୍ଗ୍ ବଡ଼ସବାଇଅନି ବାରଇଲା, କାଇକେବଇଲେ ପରମେସର ଦେକ୍ବା ଇସାବେ ଜିସୁର ସିସ୍ ଅଇକରି ଅପ୍ମାନ୍ ପାଇବାକେ ଅଦିକାର ପାଇରଇଲା । ୪୨ ଆରି ସେମନ୍ ସବୁ ଦିନ୍ ମନ୍ଦିରେ ଆରି ଲକ୍ମନର ଗରେ ଗରେ ମସିଅ ଜିସୁର ବିସଇର ସୁବକବର ଜାନାଇଲା ଆରି ସିକିଆ ଦେବାର ଦାରଲା ।



**ସାଡ଼ଟା ସେବାକାରିଆମନ୍**

୧ ସେ ବେଲା, ବେସି ଜିଉଦି ଲକ୍ମନ୍ ଜିସୁର ସିସ୍ ଅଇ ଆଇଲା । ଗିରିକ୍ ବାସା କଇତେରଇବା ଜିଉଦିମନ୍, ଏବ୍ରି ବାସା କଇତେରଇବା ଜିଉଦିମନର ବିରୁଦେ କାତା ଉଟାଇଲା । କାଇକେବଇଲେ ଗିରିକ୍ ବାସାଇ କାତା ଅଇବା ଜିଉଦିମନ୍, ରାଣ୍ଡିମନ୍କେ ଦିନକର୍ କାଦି ବାଟା କଲାବେଲେ ତାକର୍ ରାଣ୍ଡିମନ୍କେ ଏଲା କର୍ତେରଇଲା ପନି । ୨ ସେଟାର ପାଇ ବାରଟା ପେରିଡ଼ ସିସ୍ମନ୍ ସବୁ ବିସ୍ବାସିମନ୍କେ ରୁଣ୍ଡାଇକରି କଇଲା, “କାଇବାଟା ବାଟାକରବାର ଆତେ ବଲିକରି ପରମେସରର ବାକିଅ ସିକାଇବାଟା ଜଦି ଆମେ ଏଲା କର୍ତୁ ବଇଲେ ସେଟା ନିକ ବିସଇ ନଏ । ୩ ସେଟାର ପାଇ ଏ ବାଇବଇନିମନ୍, ତମର ବିଡ଼ରେଅନି ସୁକଲ୍ଆଡ଼ମାଇ ଆରି ଗିଆନେ ପୁରାପୁରୁନ୍ ଅଇରଇବା ଲକ୍ ବଲି ସବୁଲକ୍ ଜାନିରଇବା ସାଡ଼ ଲକ୍ମନେ ବାଟା । ଆମେ ସେମନ୍କେ ଏ ସବୁ ବିସଇ କରବାକେ ଦାଇଡ଼ ଦେବୁ । ୪ ସେଟାର ଆଲେ ପାର୍ତନା ଆରି ପରମେସରର ବାକିଅ ସିକାଇବାକେ ଆମେ ସବୁ ଦିଆନ୍ ଦେଇପାରିଅଇସି ।”

୫ ଦଲ୍ ସବୁ ଲକ୍ ପେରିଡ଼ ସିସ୍ମନର କଇଲା କାତାଇ ରାଜିଅଇଲା, ଆରି ଏ କାମ୍ କରବାକେ ବିସ୍ବାସ୍ ଆରି ସୁକଲ୍ ଆଡ଼ମାଇ ପୁରୁନ୍ ଅଇରଇବା ତିପାନ୍ ନାଉଁର ଗଟେକ୍ ଲକ୍, ଆରି ପିଲିପ, ପକ୍ରସ୍, ନିକାନର, ତିମନ୍, ପରମନା ଆରି ଆଗେ ଜିଉଦି ଦରମ୍ ବିସ୍ବାସ୍ କରିରଇବା, ଆନଟିକିୟ୍ ଅନି ଆସିରଇବା ଗଟେକ୍ ଜିଉଦି ନ ଅଇଲା, ନିକଲାୟ୍କେ ବାଟୁଲା । ୬ ବିସ୍ବାସିମନ୍ ଏ ସାଡ଼ଲକ୍ମନେ ପେରିଡ଼ମନର ଲଗେ ଆନୁଲା । ସେମନ୍କେ, ଆଡ଼ ସଙ୍ଗଇ ପାର୍ତନା କଲା ।

୭ ଏନ୍ତାରି ପରମେସରର ବାକିଅ ଗୁଲାଇବାଟର ଲକ୍ ସୁନ୍ଲା । ଜିରୁସାଲମେ ଅଦିକ୍ ଅଦିକ୍ ସିସ୍ମନ୍ ବଡ଼ବାର ଦାରଲା, ବେସି ପୁଜାରିମନ୍ ମିସା ଜିସୁକେ ବିସ୍ବାସ୍ କଲା ।

**ତିପାନ୍କେ ଦାରିନେଲା**

୮ ପରମେସରଟାନେ ବେସି ଆସିରବାଦ୍ ପାଇ ଆରି ବପୁ ସଙ୍ଗ୍ ପୁରୁନ୍ ଅଇରଇବା ତିପାନ୍, ଲକ୍ମନର ବିଡ଼ରେ ବେସି ନ ଅଇବା କାମ୍ମନ୍, କାବା ଅଇଜିବା କାମ୍ମନ୍ ସାଦନ୍ କଲା । ୯ ମାତର କେତେଲକ୍ ତାକେ ବିରଦ୍ କଲା । ଏମନ୍ ଗତି କର୍ବାତେଅନି, ମୁକ୍ଲିରଇବା ଜିଉଦିମନ୍କେ ନେଇ, ଅଇରଇବା ପାର୍ତନା ଗରର୍ କେତେ ଲକ୍, ସେମନ୍ ବିଡ଼ରେଅନି କେତେଲକ୍ ସାରିଆ ଅନି, କେତେକ୍ ଆଲେକ୍ଜାଣ୍ଡ୍ରିଆ ଅନି । ସେମନ୍ ସିଲିସିଆ ଅନି ଆରି ଆସିଆଇଅନି ଆସିରଇବା ବିନ୍ ଜିଉଦିମନର ସଙ୍ଗ୍ ମସିକରି ତିପାନ୍ ବିରଦେ ଦଦାପେଲା ଅଇଲା । ୧୦ ମାତର ସୁକଲ୍ ଆଡ଼ମା ତିପାନ୍କେ ଏନ୍ତି ଗିଆନ୍ ଦେଲାଜେ, କେମିସା ତାର କାତା ଚାଡ଼ାଇକରି କଇ ନାପାରତେ ରଇଲା । ୧୧ ଏଲେମିସା ସେ “ମସାର ବିରଦେ ଆରି ପରମେସରର ବିରଦେ କାତା କଇବାଟା ଆମେ ସୁନ୍ଲୁ ।” ବଲି, ଏ ମିଡ଼ ସାକି ଦେବାକେ କେତେ ଲକ୍ମନେ ଲାଁଡ଼ ଦେଇ ଉସକାଇଲା । ୧୨ ଏନ୍ତାରିକରି ସେମନ୍ ଲକ୍ମନକେ, ପାର୍ତନିମନ୍ ଆରି ସାସ୍ତର୍ ସିକାଉମନ୍କେ ରିସା ଅଇବା କାତା କଇଲା । ଆରି ତିପାନ୍କେ ଦାରି ବଡ଼ସବାଇ ନେଲା । ୧୩ ତାର ପତେ ସେମନ୍ ତାର ବିରୁଦେ ମିଡ଼ ସାକି ଦେବାକେ କେତେଟା ଲକ୍ମନକେ ବିଡ଼ରେ ଆନୁଲା । ସେମନ୍ କଇଲା, “ଏ ଲକ୍ ସବୁବେଲେ ଆମର୍ ସୁକଲ୍ ମନ୍ଦିର ଆରି ମସାର ରିଡିନିଡି ବିରୁଦେ ନିନ୍ଦା କାତା କଇରୁଲୁଲାଇନି । ୧୪ ନାଜରିତର୍ ଜିସୁ ମନ୍ଦିର ବାଙ୍ଗାଇ ପାକାଇସି ଆରି ଆମେ ମସାର ଟାନେଅନି ପାଇ ରଇବା ସବୁ ବିଦିବିଦାନ୍ ବାଦ୍ଲାଇ ଦେଇସି ବଲି ଏ ଲକ୍ କଇବାଟା ଆମେ ସୁନି

ଆତୁ ।” ୧୫ ସେତକି ବେଳେ ବହୁସବାଇ ବସି ରଇବା ସବୁ ଲକ୍ ଆକିଗାଡ଼ି ତିପାନର୍ ବାଟେ ଦେକ୍ଲାଇ ଜେ, ଏଦେ ଦେକା ! ତାର ମୁ ସରଗର୍ ଦୁଡ଼ ପାରା ତିସ୍ତେ ରଇଲା ।



ତିପାନ୍ କଇବାଟା

୧ ବହୁ ପୁଜାରି ତିପାନ୍‌କେ ପାଚାରଲା, “ତର୍ ବିରୁଦେ କଇବା ଏ ସବୁ କାତା ସଡ଼ କି ?”

୨ ତିପାନ୍ କଇଲା, “ଇତି ରଇବା ମର୍ ବାଇମନ୍ ଆରି ବାବାମନ୍ ଅଲପ୍ ସୁନା, ଆମର୍ ଆନିଦାଦି ଅବ୍ରାଆମ୍ ଆରନେ ବାସା ଅଇବାକେ ଜିବା ଆଗ୍ତୁ ମଇମା କରବା ପର୍ମେସର୍ ମେସପଟାମିଆଇ ଦେକାଇଅଇଲା ।” ୩ ଆରି ତାକେ କଇଲା, ‘ତମର୍ ଦେସ୍ ଆରି ତମର୍ କୁଟୁମ୍‌କେ ଚାଡ଼ିକରି ମୁଇ ଜନ୍ ଦେସ୍ ଦେକାଇବି, ସେ ଦେସେ ଜା ।’ ୪ ତେବର୍ପାଇ ସେ ତାର୍ ଦେସ୍ ଚାଡ଼ିକରି ଆରାନ୍ ନାଉର୍ ଗଟେକ୍ ଦେସେ ବାସା ଅଇବାକେ ଗାଲା । ଅବ୍ରାଆମର୍ ବାବା ମଲା ପଟେ, ପର୍ମେସର୍ ତାକେ, ତମେ ରଇବା ଏ ଦେସେ ଆନ୍‌ଲା । ୫ ସେବେଲେ ପର୍ମେସର୍ ଅବ୍ରାଆମ୍‌କେ ଏ ଦେସେ କାଇ ଅଦିକାର୍ କି ପାଦେକ୍ ଜମି ମିସା ଦେଇ ନ ରଇଲା । ମାତର୍ ତାକେ ଏ ଦେସ୍ ପଟେ ଦେବାକେ ପର୍ମେସର୍ କାତାଦେଇରଇଲା । ଆରି ସେଟା ତାର୍ ନାତିତିତି ମନର୍ ପାଇ ଅଇସି ବଲି ସପଡ଼ କଲା । ପର୍ମେସର୍ ଏ କାତା ଦେଇରଇଲା ବେଲେ ଅବ୍ରାଆମ୍‌କେ ପିଲାଟକି ନ ଅଇରଇଲା । ୬ ସେବେଲେ ପର୍ମେସର୍ ଅବ୍ରାଆମ୍‌କେ ଏକ୍ତିବଲି କଇରଇଲା, “ତମର୍ ନାତିତିତିମନ୍ ବିନ୍ ଦେସେ ଚାଲିସ୍ ବରସ୍ ଜାକ ଗତି ଅଇକରି ରଇବାଇ । ସେ ଦେସର୍ ଲକ୍ ସେମନ୍‌କେ କରାପ୍ ଚଲାଚଲ୍‌ତି ଦେକାଇବାଇ । ୭ ମାତର୍ ସେମନ୍ ଜନ୍ ଲକ୍‌ମନର୍ ସେବା କର୍ବାଇ, ମୁଇ ସେ ଲକ୍‌ମନ୍‌କେ ବିଚାର୍ କର୍ବି । ପଟେ ତମର୍ ନାତିତିତିମନ୍ ସେ ଦେସେଅନି ବାରଇ ଆଇବାଇ ଆରି ଏ ଜାଗାଇ ମର୍ ଉପାସନା କର୍ବାଇ ।” ୮ ତାପଟେ ପର୍ମେସର୍ ଅବ୍ରାଆମ୍‌ ସଙ୍ଗ୍ କାତାଦେଇ ରଇବା ରାଜିନାମାର୍ ଚିନ୍ ଇସାବେ ସୁନଡ଼ କର୍ବା ବିଦି ତିଆର୍ କଲା । ଇସାକ୍ ଜନମ୍ ଅଇ ଆର୍ଦିନ୍ ପଟେ ଅବ୍ରାଆମ୍ ତାକେ ସୁନଡ଼ କଲା । ପଟେ ଇସାକ୍ ତାର୍ ପଅ ଜାକୁବ୍‌କେ ସେନ୍ତାରି କଲା । ସେନ୍ତାରିସେ ଜାକୁବ୍ ତାର୍ ବାରଟା ପଅମନ୍‌କେ ସୁନଡ଼ କଲା, ଜନ୍ ଲକ୍‌ମନ୍ କି ଆମର୍ ତାକ୍‌ପୁଟା ସଙ୍ଗ୍ ରଇବା ଆନିଦାଦିମନ୍ ।

୯ “ଜାକୁବ୍ ପଅମନ୍ ତାକର୍ ସାନ୍ ବାଇ ଜସେପ୍‌କେ ଇସା ଅଇକରି, ମିସର୍ ଦେସର୍ ବେବାରିମନ୍‌କେ ବିକିଦେଲାଇ । ମାତର୍ ପର୍ମେସର୍ ଜସେପ୍‌ ସଙ୍ଗ୍ ରଇଲା । ୧୦ ଆରି ସବୁ ଦୁକ୍ କସ୍‌ଟେଇଅନି ତାକେ ରକିଆ କଲା । ଜେଡେବେଲେ ଜସେପ୍ ମିସର୍ ରାଜାର୍ ମୁଆଟେ ଚିଆଅଇଲା, ପର୍ମେସର୍ ତାକେ ଗିଆନ୍ ଦେଲା । ଆରି ସବୁଲକ୍ ମନକଲାପାରା ଚଲାଚଲ୍‌ତି ଦେଲା । ପାର ରାଜା ଜସେପ୍‌କେ ସେ ଦେସର୍ ସାସନ୍‌କାରିଆ ଆରି ତାର୍ କୁଟୁମର୍ ସବୁ ଦେକାରକା କର୍ବା ଦାଇଡ଼ ସର୍ପି ଦେଲା । ୧୧ ଜସେପ୍ ସାସନ୍‌କାରିଆ ରଇଲାବେଲେ ମିସର୍ ଆରି କିଶାନ୍ ଦେସେ ମର୍ଡ଼ି ଅଇଲା ଜେ ଲକ୍‌ମନ୍ ବେସି ଅଇରାନ୍ ଅଇଗାଲାଇ । ସେବେଲେ ଆମର୍ ଆନିଦାଦିମନ୍‌କେ କାଇଟା ମିସା କାଇବାଟା ମିଲେନାଇ । ୧୨ ମିସର୍ ଦେସେ ଦାନ୍ ମିଲ୍‌ସି, ବଲି ସୁନି ଜାକୁବ୍ ପର୍ତୁମତର୍ ତାର୍ ପିଲାମନ୍‌କେ କାଦି ଗେନ୍‌ବାକେ ପାଟାଇଲା । ଜେକି ଆମର୍ ଆନିଦାଦିମନ୍ ଅଇବାଇ । ୧୩ ତେଇ ସେମନ୍ ପଟର୍ ପାଲି ଗାଲାବେଲେ ଜସେପ୍ ତାର୍ ନିଜର୍ ବାଇମନ୍‌କେ ଚିନାଇ ଅଇଲା ଆରି ମିସର୍ ରାଜା ପାର ଜସେପ୍‌ କୁଟୁମ୍‌କେ ଜାନ୍‌ଲା । ୧୪ ତାର୍ ପଟେ ଜସେପ୍ ତାର୍ ବାବା ଜାକୁବ୍ ଆରି ତାର୍ କୁଟୁମର୍ ସବୁକେ ମିସାଇ ସତୁରି ପାଁର୍ ଲକ୍‌କେ ମିସରେ ଆଇବାକେ କବର୍ ପାଟାଇଲା । ୧୫ ଜାକୁବ୍ ମିସର୍ ଦେସେ ଗାଲା, ତେଇ ସେ, ତାର୍ ପଅମନ୍‌ ମରନ୍ ଅଇଲା । ୧୬ ସେମନ୍ ମଲା ଗାଗଡ଼ ସେକିମେ ନେଲାଇ । ଆରି ଅବ୍ରାଆମ୍ କେତେକ୍ ତାରୁଦେଇ ଆମ୍ ନାଉର୍ ଗଟେକ୍ କୁଟୁମେ ଅନି ଗେନ୍‌ଲା ମସ୍‌ନେ ନେଇ ସେମନ୍‌କେ ସଙ୍ଗାଇଲା ।”

୧୭ ପର୍ମେସର୍ ଅବ୍ରାଆମ୍ ଜନ୍ ସପଡ଼ ଦେଇ ରଇଲା ସେଟା ସିଦ୍‌ଅଇଲା । ମିସର୍‌ଦେସେ ଆମର୍ ଜାତିର୍ ଲକ୍‌ମନ୍ ବେସି ବଡ଼ି ଗାଲାଇ । ୧୮ ସାରାସାରି, ଜସେପ୍ ବିସଇ ଜାନି ନ ରଇବା ଗଟେକ୍ ରାଜା, ମିସର୍ ଦେସ୍ ସାସନ୍ କଲା । ୧୯ ସେ ଆମର୍ ଆନିଦାଦିମନ୍‌କେ ବେସି ନାତାଇଲା । ଆରି ବେସି ଅଇରାନ୍ କଲା । ସେମନ୍ କଅଁଲା ପିଲାମନ୍‌କେ ନିପାଡ଼ କରି ବାଇରେ ପିଙ୍ଗି ଦେବାକେ ଆଦେସ୍ ଦେଲା । ୨୦ ସେ ବେଲାଇ ମସା ଜନମ୍ ଅଇଲା । ସେ ଗଟେକ୍ ବେସି ସୁନ୍‌ର୍ ପିଲା ରଇଲା । ତାକେ ତିନ୍ ମାସ୍ ଜାକ ଗରେସେ ପସ୍‌ଲାଇ । ୨୧ ଆରି ଜେଡେବେଲେ ବାଇରେ ଲୁଟାଇଦେଲାଇ, ପାର ରାଜାର୍ କନିଆ ତାକେ ମିଲାଇକରି ନିଜର୍ ପିଲାପାରା ପସ୍‌ପାଲ୍ କଲା । ୨୨ ମିସର୍ ଦେସେ ଜେଡ଼କି ଗିଆନ୍ ରଇଲା, ସେ ସବୁ ଗିଆନ୍ ମସାକେ ସିକାଇଲାଇ । ସେ ବଡ଼ିକରି ତାର୍ କାତାବାର୍‌ତା ଆରି କାମର୍ ଲାଗି ଗଟେକ୍ ତାକ୍‌ପୁଟା ଲକ୍ ବଲାଇଅଇଲା ।

୨୩ ଜେଡେବେଲେ ମସାକେ ଚାଲିସ୍ ବରସ୍ ଅଇଲା, ସେ ତାର୍ ଇସ୍ରାଏଲ୍‌ର୍ ବାଇମନ୍ କାମ୍ କର୍ବା ଜାଗା ଦେକ୍‌ବାକେ ମନ୍‌କଲା । ୨୪ ଇସ୍ରାଏଲିଅ ମନର୍ ବିଡ଼ରେଅନି ଗଟେକ୍‌କେ ମିସରିୟର୍ ଗଟେକ୍ ଲକ୍ ସାଦ୍‌ବାନ୍ କର୍ବାଟା ଦେକି ମସା ତାକେ ରକିଆ କଲା । ଆରି ସେ କର୍ବାଟା ସୁଜାଇବି ବଲି ମିସରିଅକେ ସେ ମରାଇଲା । ୨୫ ମସା ବାବିରଇଲା, ସେମନ୍‌କେ ମୁକ୍‌ଲାଇବାକେ ପର୍ମେସର୍ ତାକେ ବାଚ୍‌ଲାଆଟେ ବଲି ତାର୍ ନିଜର୍ ବାଇମନ୍ ଏତାଇବାଇ । ମାତର୍ ସେମନ୍ ସେଟା ବୁଜଡ଼ନାଇ । ୨୬ ତାର୍ ଆରକର୍ ଦିନେ ଦୁଇଟା ଇସ୍ରାଏଲିଅ ମନ୍ ମାରାମାରି ଅଇତେରଇବାଟା ଦେକ୍‌ଲା

। ଆରି ସେମନ୍ ମିସତ୍ ବଲି ବୁଜାଇବାକେ ଚେସ୍ଟା କଲା । ସେ କଇଲା, “ସୁନା ତମେ ଦୁଇ ଲକ୍ଷତା ଇସ୍ରାଏଲର୍ ବାଇବାଇ ଅଇସା । କାଇକେ ଏନ୍ତାରି ମାରାମାରି ଅଇଲାସ୍ତାନି ?” ୨୭ ମାତର୍ ଜନ୍ ଲକ୍ ଆରିଗଟେକ୍ ଲକ୍ କେ କାରାପ୍ କାତା କଇ ଲାଗ୍ତେରଇଲା, ସେ ମସାକେ ଏତାଇଦେଇ କଇଲା, “ଆମ୍‌କେ ସାସନ୍ କର୍ବାକେ ଆରି ଆମ୍‌କେ ବିଚାର୍ କର୍ବା ଅଦିକାର୍, କେ ତକେ ଦେଇଆଚେ ? ୨୮ କାଲି ଜେନ୍ତ୍ର ଗଟେକ୍ ମିସରିୟ୍‌କେ ମରାଇଲୁସ୍, ସେନ୍ତ୍ର ମକେ ମିସା ମରାଇବାକେ ମନ୍ କଲୁସ୍ତାନି କି ?” ୨୯ ଏଟା ସୁନିକରି ମସା ମିସର୍‌ଦେସେଅନି ଉଟିପାଲାଇଲା ଆରି ମିଦିଅନ୍ ଦେସେ ଜାଇ ବାସାକଲା । ତେଇ କେତେ ବରସ୍ ରଇକରି ଆରି ତାର୍ ଦୁଇଟା ପିଲା ଜନମ୍ ଅଇଲାଇ ।

୩୦ “ତାଲିସ୍ ବରସ୍ ରଇଲା ପଚେ, ମରୁବାଲି ରଇବା ଜାଗାର୍ ସିନୟ୍ ନାଉର୍ ପର୍ବତେ ଗଟେକ୍ ଜଇ ଲାଗ୍‌ବା ବୁଟାର୍ ମଜାଇ ପର୍‌ମେସର୍‌ ଗଟେକ୍ ଦୁଡ୍, ମସାକେ ଦେକାଇ ଅଇଲା ।” ୩୧ ମସା ଏଟା ଦେକି ବେସି କାବା ଅଇଗାଲା, ଆରି କଣ୍ଟେକ୍ ନିକକରି ଦେକ୍‌ବି ବଲି ବୁଟା ଲଗେ ଗାଲା । ମାତର୍ ତେଇ ସେ ମାପ୍‌ରୁର୍ କାତା ସୁନଲା । ୩୨ “ମୁଇ ତମର୍ ଆନିଦାଦି ଅବ୍ରାଆମ୍, ଇସାକ୍ ଆରି ଜାକୁବର୍ ପର୍‌ମେସର୍ ।” ମସା ଡରିକରି ତର୍ତର୍ ଗଜ୍‌ଗଜ୍ ଅଇ ଦେକ୍‌ବାର୍ ନାପାର୍‌ଲା । ୩୩ ମାପ୍‌ରୁ ତାକେ କଇଲା, “ତୁଇ ପିନ୍ଦିରଇବା ପାଣ୍ଡୁଇ ବେଟ୍ । କାଇକେବଇଲେ ତୁଇ ଜନ୍ ଜାଗାଇ ଟିଆଅଇଆରୁସ୍, ସେଟା ସୁକ୍‌ଲା ଜାଗା । ୩୪ ମିସର୍ ଦେସେ ମର୍ ଲକ୍‌ମନ୍ କସ୍ଟ ଅଇବାଟା ଦେକିଆଟି । ମୁଇ ସେମନ୍‌ର୍ କାନ୍ଦାବୁବା ସୁନିଆଟି ଆରି ସେମନ୍‌କେ ମୁକ୍‌ଲାଇ ଆନ୍‌ବାକେ ଉଡ୍‌ରି ଆଇଲିଆଟି । ଏବେ ଆଉ, ମୁଇ ତକେ ମିସର୍ ଦେସେ ପାଟାଇବି ।”

୩୫ ମସାକେ ଇସ୍ରାଏଲର୍ ଲକ୍‌ମନ୍ ନିଡ୍‌ତେରଇଲାଇ । ସେମନ୍ ପାଟାରି ରଇଲାଇ, “ଆମ୍‌କେ ସାସନ୍ କର୍ବାକେ ଆରି ଆମ୍‌କେ ବିଚାର୍ କର୍ବାକେ କେ ଅଦିକାର୍ ଦେଇଆଚେ ?” ମାତର୍ ପର୍‌ମେସର୍ ଆକା ନିଜେ ମସାକେ ସେ ଲକ୍‌ମନ୍‌ର୍ ଉପ୍‌ରେ ସାସନ୍ କର୍ବାକେ ଆରି ସେମନ୍‌କେ ମୁକ୍‌ଲାଇ ଆନ୍‌ବାକେ ପାଟାଇରଇଲା । ଜଇଲାଗ୍‌ବା ବୁଟାଇ ଦର୍‌ସନ୍ ଇସାବେ ଦେକାଇଅଇଲା । ୩୬ ମିସର୍ ଦେସେ, ଲଇଡ୍ ସାଗରେ ଆରି ତାଲିସ୍ ବରସ୍ ମରୁବାଲି ବୁର୍‌ କେତେକ୍ କେତେକ୍ କାବା ଅଇଜିବା କାମ୍‌ମନ୍ ଆରି ଚିନ୍‌ମନ୍ କଲା । ୩୭ ମସା ନିଜେ ଇସ୍ରାଏଲର୍ ଲକ୍‌ମନ୍‌କେ କଇରଇଲା, “ମକେ ଜେନ୍ତ୍ର ପର୍‌ମେସର୍ ପାଟାଇଲା । ସେନ୍ତ୍ରାସେ ତମର୍ ବାଇମନ୍‌ର୍ ଲଗେ ଗଟେକ୍ ବବିସତ୍‌ବକ୍‌ତାକେ ପାଟାଇସି, ସେ ତମର୍ ନିଜର୍ ଲକ୍‌ମନ୍‌ର୍ ଟାନେଅନିସେ ଅଇସି ।” ୩୮ “ଇସ୍ରାଏଲିଅ ଲକ୍‌ମନ୍ ମରୁବାଲି ବୁର୍‌ ରଇଲାବେଲେ ସେ ସେମନ୍‌ର୍ ସଙ୍ଗ୍ ରଇଲା । ସିନୟ୍ ପର୍‌ବତେ ଆମ୍‌ର୍ ଆନିଦାଦିମନ୍‌ର୍ ସଙ୍ଗ୍ ଦୁଡ୍ କାତା ଅଇଲାବେଲେ ସେ ରଇଲା । ଆରି ସେ ପର୍‌ମେସର୍‌ଟାନେଅନି ଜିବନ୍ ଦେବା ବାକିଅ ମିଲାଇକରି ଆମ୍‌କେ ଜାନାଇଲା ।”

୩୯ “ମାତର୍ ଆମ୍‌ର୍ ପୁର୍‌ବର୍ ଆନିଦାଦିମନ୍ ମସାର୍ କାତା ସୁନତ୍ ନାଇ । ମିସର୍ ଦେସେ ବାଉଡି ଜୁ ବଲି ମନ୍‌କଲାଇ ।” ୪୦ ସେଟାର୍‌ପାଇ ସେମନ୍ ଆରଣ୍‌କେ କଇଲାଇ, “ଆମ୍‌କେ ମିସର୍ ଦେସେଅନି ବାର୍‌କରାଇ ଆନ୍‌ଲା ମସା କେନେ ଗାଲାଆଲେ, ଆମେ ନାଜାନୁ । ଏବେ ଆମ୍‌କେ ବାଟ୍ ଦେକାଇ ନେବାକେ କେତେଟା ପୁଡ୍‌ଲା ବନାଇ ଦେ । ସେମନ୍ ଆମ୍‌ର୍ ଦେବ୍‌ତା ଅଇ ବାଟ୍‌ଦେକାଇବାଇ ।” ୪୧ ସେବେଲେ ସେମନ୍ ତେଇ ଗଟେକ୍ ବାଟାପିଲା ପାରା ଡିସ୍‌ବା ପୁଡ୍‌ଲା ଡିଆର୍‌କଲାଇ । ଆରି ତାର୍‌ଲାଗି ପୁଜାକରୁ ବଲି ଚଗାଇଲାଇ । ଆରି ନିଜେ ଡିଆର୍ କରଇରଇବା ସେ ମୁର୍‌ଡିକେ ସନ୍‌ମାନ୍ ଦେବାକେ ଗଟେକ୍ ବଜି କଲାଇ । ୪୨ ସେଟାର୍‌ପାଇ ପର୍‌ମେସର୍ ସେମନ୍‌କେ ଦେକେନାଇ ଆରି ସେମନ୍‌କେ, ଆକାସର୍ ତାରାମନ୍ ପୁଜା କରତ୍ ବଲି ଚାଡିଦେଲା । ଏ ବିସଇ ବବିସତ୍‌ବକ୍‌ତାର୍ ବଇଟାନେ ଲେକା ଆଚେ,

“ଏ ଇସ୍ରାଏଲ୍ ବର୍‌ସର୍ ଲକ୍‌ମନ୍, ମରୁବାଲି ବୁର୍‌ ତାଲିସ୍‌ବରସ୍ ଜାକ

ତମେ ପସୁମନ୍‌କେ ମରାଇକରି ବଲି ଇସାବେ ଦେଲାସ୍ ।

ମାତର୍ ସେଟା ମିର୍‌ପାଇ ଦେଇ ନ ରଇଲାସ୍ ।

୪୩ ମଲେକ୍ ପୁଡ୍‌ଲାକେ ପର୍‌ମେସର୍ ବଲି ତାର୍ ତମ୍ ଗଟେକ୍ ଜାଗାଇଅନି ଆରିଗଟେକ୍ ଜାଗାଇ ବଇନେଲାସ୍ ।

ରେପାନ୍ ତାରାର୍ ପୁଡ୍‌ଲା ମିସା ଗଟେକ୍ ଜାଗାଇଅନି ଆରିଗଟେକ୍ ଜାଗାଇ ବଇନେଲାସ୍ ।

ଏ ସବୁଜାକ ପୁଡ୍‌ଲାମନ୍‌କେ ତମେ ପୁଜାବିଦି କର୍ବାକେ ବନାଇରଇଲାସ୍ । ସେଟାର୍‌ପାଇ ମୁଇ ତମ୍‌କେ ତମର୍ ନିଜର୍ ଦେସେଅନି ବାବିଲନ୍ ଦେସର୍ ତେନ୍‌କେ ନେବାକେ ଜଜ୍‌ନା କର୍ବି ।”

୪୪ ଡିପାନ୍ ଆରି କଇଲା, “ମରୁବାଲିବୁର୍‌ ଆମ୍‌ର୍ ଆନିଦାଦିମନ୍ ରଇଲାବେଲେ ପର୍‌ମେସର୍ ସେମନ୍‌କେ ଲେକି ଦେଇରଇବା ନିୟ୍‌ମ୍ ମନ୍ ବିଡ୍‌ରେ ରଇଲା । ସେଟା ପର୍‌ମେସର୍ ମସାକେ ଜେନ୍ତ୍ର ତମ୍ ଡିଆର୍ କର୍ବାକେ କଇରଇଲା, ଆରି ତାକେ ଜନ୍ କାମ୍ ଦେକାଇ ରଇଲା, ଏଟା ସେନ୍ତ୍ରାସେ ଡିଆର୍ ଅଇରଇଲା ।”

୪୫ “ପଚେ ଆମ୍‌ର୍ ଆନିଦାଦିମନ୍ ସେମନ୍‌ର୍ ଆନିଦାଦିମନ୍‌ର୍ ଟାନେଅନି ମିଲାଇକରି ସେ ତୁମ୍ ଜିଅସୁଅ ସଙ୍ଗ୍ ବଇ ଦାରିଗାଲାଇ । ଆରି ପର୍‌ମେସର୍ ବାର୍‌କରାଇ କେଦି ରଇବା ବିନ୍ ଜାତିମନ୍‌ର୍ ଦେସ୍, ସେମନ୍ ଅଦିକାର୍ କଲାଇ । ଦାଉଦର୍ ସାସନ୍ ବେଲେ ଜାକ ସେ ତମ୍ ତେଇସେ ରଇଲା । ୪୬ ଦାଉଦ୍ ପର୍‌ମେସର୍‌ର୍ ମନ୍‌କେ ଜାଇରଇଲାଜେ ଜାକୁବର୍ ପର୍‌ମେସର୍‌ର୍ ପାଇ ଗଟେକ୍ ମନ୍‌ର୍ ଡିଆର୍ କର୍ବି ବଲି ତାର୍ ଆଦେସ୍ ପାଇବାକେ ମନ୍ କର୍‌ତେ ରଇଲା । ୪୭ ପଚେ ସେ ମନ୍‌ର୍ ଦାଉଦର୍ ପଅ ସଲ୍‌ମନ୍ ଡିଆର୍ କର ବଲି ମନ୍‌କଲା ।”

୪୮ ଅଇଲେ ମିସା ସବୁର୍ ଉପ୍‌ରର୍ ପର୍‌ମେସର୍ ଲକ୍‌ମନ୍ ଡିଆର୍ କଲା ଗରେ ବାସା ନ କରେ । ଏ ବିସଇ ବବିସତ୍‌ବକ୍‌ତା ଲେକ୍‌ଲା ଆଚେ,

୪୯ ମାପରୁ କଇଲାନି, ସରଗ୍ ମର ବସ୍ତା ଜାଗା  
 ଦରତନି ଅଇଲାନି ମର ପାଦର ପିତା ।  
 ତମେ ମରପାଇ କେନ୍ଦ୍ରାରି ଗର୍ ତିଆର କରସା ?  
 ମୁଇ ପୁଣ୍ଡବାକେ କନ୍ତି ଜାଗା ଆଚେ କି ?

୫୦ “ମୁଇ ନିଜେ କାଇ ଏ ସବୁ ବିସଇ ତିଆର କରି ନାଇ କି ?”

୫୧ ତିପାନ୍ ଆରି କଇଲା, “ତମେ ବିଲକୁଲ୍ କାତା ନ ମାନୁବା ଲକ୍ମନ୍ ।” ତମର ମନ୍ ତାଟ୍ ଅଇଗାଲା ଆଚେ ।  
 ମାପରୁର ବାକିଅର୍ପାଇ ପୁରାପୁରୁନ୍ ବଇରା ଅଇଆଚାସ୍ । ତମେ ସମାନ୍ ତମର ଆନିଦାଦିମନର ପାରା । ସବୁବେଲେ  
 ସୁକଲ୍ ଆଡ଼ମାକେ ବିରୁଦ୍ କଲାସ୍ନି । ୫୨ ତମର ଆନିଦାଦିମନ୍ ବବିସତ୍ତବକ୍ତାମନକେ ନ ସାଦିକରି ଚାଡ଼ିରଇଲାଇ କି ?  
 ମସିଅ ଆଇସି ବଲି କେତେ କେତେ ବରସ୍ ଆଗତୁ ଜାନାଇବା ପର୍ମେସରର କାତାଜାନାଉମନକେ ମରାଇଲାଇ । ଏବେ  
 ତମେ ତାକେ ବିସ୍ବାସେ ବିସ୍ ଦେଲାପାରା କରି ମରାଇଆଚାସ୍ । ୫୩ ତମେ ସରଗର୍ ଦୁତ୍ତମନ୍ ଜାନାଇରଇବା ରିତିନିତି  
 ଦାରିଆଚାସ୍ । ମାତର୍ ସେଟା ମାନାସ୍ ନାଇ ।

**ତିପାନର ମରନ୍**

୫୪ ବଡ଼ ସବାର ଲକ୍ମନ୍ ତିପାନ୍ କାତା ଅଇବାଟା ସୁନିକରି ବେସି ରିସା ଅଇଗାଲାଇ ଆରି ରିସାର ମାତେ ଦାଡ଼ କାଡ଼ରି  
 ଅଇଲାଇ । ୫୫ ମାତର୍ ତିପାନ୍ ସୁକଲ୍ ଆଡ଼ମାକେ ପୁରାପୁରୁନ୍ ଅଇ ସରଗ୍ ବାଟେ ମୁ କଲା । ଆରି ପର୍ମେସରର ମଇମା  
 ଆରି ଜିସୁ ତାର ଉଜାବାଟେ ଟିଆଅଇରଇବାଟା ଦେକଲା ।

୫୬ ତିପାନ୍ କଇଲା, “ଏଦେ ଦେକା ! ସରଗ୍ ଉଗାଡ଼ି ଅଇବାଟା ଆରି ନରପିଲା ପର୍ମେସରର ଉଜାବାଟେ ଟିଆ  
 ଅଇରଇବାଟା ଦେକଲିନି ।”

୫୭ ବଡ଼ ସବାର ଲକ୍ମନ୍ ସେ କାତା ସୁନିକରି ଆଡ଼ ସଙ୍ଗ୍ କାନେ ରୁଟିଅଇଦେଲାଇ, ଆରି ବେସି ଆଉଲିଅଇଲାଇ ।  
 ତାରପଟେ ସବୁଲକ୍ ଗଟେକ୍ ଅଇକରି ତିପାନର ବାଟେ ଉଦ୍ଲି ଆଇଲାଇ । ୫୮ ତାକେ ନଅରର ବାଇରେ ଜିକିନେଇକରି  
 ତାର ଉପରେ ପାକ୍ନା ସଙ୍ଗ୍ ମାର୍ବାର୍ ଦାରଲାଇ । ସାକି ଦେଉମନ୍ ତିପାନ୍ ପିନ୍ଦିରଇଲା ବସ୍ତର ସାଉଲ୍ ନାଉର୍ ଗଟେକ୍  
 ଦାଙ୍ଗ୍ତାକେ ଜିମାଦେଇ ଚାଡ଼ି ଜାଇରଇଲାଇ । ୫୯ ସେମନ୍ ତିପାନର ଉପରେ ପାକ୍ନା ମାର୍ବାର ବେଲେ ସେ ମାପରୁକେ  
 ପାର୍ତନା କରି କଇଲା, “ମାପରୁ ଜିସୁ, ମର ଆଡ଼ମାକେ ସଙ୍ଗୁଆ !” ୬୦ ତିପାନ୍ ମାଣ୍ଡିକୁଟା ଦେଇ ଆକ୍ମାରି କଇଲା,  
 “ମାପରୁ, ଏମନର ବିରଦେ ଏ ପାପ୍ ଆରି ଏତାଆ ନାଇ କି ତଣ୍ଡ ଦିଆସ୍ନାଇ ।” ଏଡ଼କି କଇଲା ଦାପରେ ତାର ଜିବନ୍  
 ଚାଡ଼ିଗାଲା ।



**ମଣ୍ଡଲିକେ ତାଡ଼ନା**

୧ ସାଉଲ୍ ତିପାନର ମରନେ ରାଜିଅଇକରି ତେଇ ରଇଲା ।

ସେ ଦିନେଅନି ଜିରୁସାଲାମେ ରଇବା ମଣ୍ଡଲିମନକେ ଲକ୍ମନ୍ ଜବର ତାଡ଼ନା ଦେବାର୍ ଆରାମ୍ କଲାଇ ।  
 ସେଟାରପାଇ ପେରିଡ଼ ସିସମନ୍ ତେଇରଇଲାଇ ଆରି ବିନ୍ ବିସ୍ବାସିମନ୍ ଜିବନ୍ ଆତେଦାରି ଜିଉଦା ଆରି ସମିରଣ୍  
 ଜାଗାଇ ପାଲାଇଲାଇ । ୨ ପର୍ମେସରକେ ନାମ୍ବା କେତେକ୍ ଲକ୍ ଆକ୍ମାରି କାନ୍ଦିକରି ତିପାନର ମଲା ଗାଗଡ଼ ନେଇ  
 ସମାଦି କଲାଇ ।

୩ \*ମାତର୍ ସାଉଲ୍ ମଣ୍ଡଲିକେ କୁରୁପ୍ନାସ୍ କରବାକେ ଚେସ୍ଟା କଲା । ସେ ଗରେ ଗରେ ଜାଇ ଜିସୁକେ ବିସ୍ବାସ୍  
 କରବା ମୁନୁସ୍ ପିଲା ଆରି ମାଇଜି ଟକିମନ୍ ସବୁକେ ଜିକି ଆନି ବନ୍ଦି ଗରେ ପୁରାଇ ଦେଲା ।

**ସମିରଣ୍ ଜାଗାଇ ସୁବ୍‌କବର୍ ଜାନାଇବାଟା**

୪ ଜିରୁସାଲାମେଅନି ପାଲାଇରଇବା ବିସ୍ବାସିମନ୍ ଗୁଲାଇବାଟେ ଜାଇ ସୁବ୍‌କବର୍ ଜାନାଇବାର୍ ଦାରଲାଇ ।  
 ୫ ସେମନର ବିଡ଼ରେଅନି ପିଲିପ୍ ବଲି ଗଟେକ୍ ଲକ୍ ସମିରଣ୍ ମୁକିଅ ନଅରେ ଜାଇ, ତେଇ ରଇବା ଲକ୍ମନକେ ମସିଅ  
 କଇରଇବା କାତା ଜାନାଇଲା । ୬ ପିଲିପ୍ କଇବା କାତା ସୁନି ଆରି ସେ କରିରଇବା କାବା ଅଇଜିବା କାମ୍ମାନ୍ ସବୁ ଦେକି  
 ଲକ୍ମନ୍ ତାକେ ଅଦିକ୍ ମନ୍ଦିଆନ୍ ଦେଇ ସୁନ୍‌ବାର୍ ଦାରଲାଇ । ୭ କେତେ କେତେ ଲକ୍ମନର ଟାନେଅନି ତୁମାମନ୍  
 କିରକିରି କରି ବାରଇ ଗାଲାଇ । କେତେ କେତେ ଚେରେଙ୍ଗ୍ ରଗି ଆରି ଆଡ଼ ଗଡ଼ ନ ଆଇବାଟାମନ୍ ନିକ ଅଇଗାଲାଇ ।  
 ୮ ଏଗାର ପାଇ ସେ ନଅର ସାଇସାରୁଦା ଅଇରଇଲା ।

୯ ସମିରିଆ ଜାଗାଇ ସିମନ୍ ନାଉର୍ ଗଟେକ୍ ଲକ୍ ତାର ଜନ୍ତର୍ ମନ୍ତର୍ ବିଦିଆ କରିକରି ତେଇର୍ ଲକ୍ମନକେ କାବା  
 କରାଇତେରଇଲା । ୧୦ ସେ, ମୁଇ ନିଜେ ଗଟେକ୍ ବଡ଼ ଲକ୍ ବଲାଅଇଅଇତେରଇଲା । ଆରି ସେ ନଅରେ ରଇବା ସାନ୍  
 ବଡ଼ ସବୁ ତାକେ ମାନିରଇଲାଇ । ପର୍ମେସରର ଜନ୍ ବପୁ ମଆନ୍ ସେ ବପୁ ଏଟା ଆକା ବଲି ଲକ୍ମନ୍ କଇତେ ରଇଲାଇ  
 । ୧୧ ବେସି ବରସ୍ ଦାରି ତାର ଗୁନି ବିଦିଆର୍ ବପୁ ସଙ୍ଗ୍ ତେଇର୍ ଲକ୍ମନକେ କାବା କରାଇତେରଇଲା । ସେଟାରପାଇ

☆ ୮:୩ ୮:୩ ପେରିଡ଼ ୨୨:୪,୫;୨୭:୯-୧୧

ଗୁଲାଇ ସମିରଣିୟ ଲକ୍ଷ୍ମୀନ୍ ତାକେ ମାନିକରି ରଇଲା । ୧୨ ମାତର୍ ପିଲିପର୍ ଟାନେଅନି ପର୍ମେସରର୍ ରାଇଜ ଆରି ଜିସୁର୍ ବିସଇ ସୁନ୍‌ଲା । ସୁନିକରି ତେଇର୍ ଲକ୍ଷ୍ମୀନ୍ ମାପୁରୁକେ ବିସବାସ କଲା । ଆରି ସେ ଜାଗାର ବିସବାସ କଲା ମନସ୍ ପିଲା ଆରି ମାଇଜିଟକିକେ ପିଲିପ୍ ତୁବନ୍ ଦେଲା । ୧୩ ସିମନ୍ ନିଜେ ପିଲିପ୍ ଜାନାଇରଇବା ମାପୁରୁ ବାକିଅ ସୁନି ବିସବାସ କଲା । ଆରି ପିଲିପ୍ ତାକେ ତୁବନ୍ ଦେଲା । ସେ ପିଲିପର୍ ସଙ୍ଘ୍ ସବୁଜାଗାଇ ଜିବାର୍ ଦାରଲା । ପିଲିପ୍ କରିରଇବା କାବା ଅଇଜିବା କାମ୍‌ମନ୍ ଆରି ଚିନ୍‌ମନ୍ ଦେକିକରି ସେ କାବା ଅଇଜାଇତେରଇଲା ।

୧୪ ସମରିଆର୍ ଲକ୍ଷ୍ମୀନ୍ ପର୍ମେସରର୍ ବାକିଅ ବିସବାସ କଲା ଆଚଡ଼ ବଲି ଜିରୁସାଲମ୍ ରଇବା ପେରିଡ଼ ସିସମନ୍ ସୁନ୍‌ଲା । ପିତର୍ ଆରି ଜଅନ୍‌କେ ସେମନ୍‌ର୍ ଲଗେ ପାଟାଇଲା । ୧୫ ସେମନ୍ ତେଇ କେଟ୍‌ଲା ପତେ ସମିରଣର୍ ବିସବାସିମନ୍ ସୁକଲ୍ ଆଡ଼ମା ପାଇବାକେ, ପାର୍ତନା କଲା । ୧୬ କାଇକେ ବଇଲେ ସେଡ଼କିବେଲ୍ ଜାକ କାର୍ ଉପରେ ସୁକଲ୍ ଆଡ଼ମା ଉଡ଼ରି ନ ରଇଲା । ସେମନ୍‌କେ ଜିସୁକିରିସଟର୍ ନାଉଁଦାରି ଅବକାସେ ତୁବନ୍ ଦେଇରଇଲା । ୧୭ ପିତର୍ ଆରି ଜଅନ୍ ସେମନ୍‌ର୍ ଉପରେ ଆଡ଼ ସଙ୍ଘାଇଲା ଦାପରେ ସେମନ୍ ସୁକଲ୍ ଆଡ଼ମା ପାଇଲା ।

୧୮ ପେରିଡ଼ ସିସମନ୍ ବିସବାସିମନ୍‌ର୍ ଉପରେ ଆଡ଼ ସଙ୍ଘାଇଲାକେ ସୁକଲ୍‌ଆଡ଼ମା ପାଇଲାଟା ଦେକି, ସିମନ୍, ପିତର୍ ଆରି ଜଅନ୍‌କେ ତାବୁ ଜାଟ୍‌ଲା ଆରି କଇଲା, ୧୯ “ମୁଇ ବିନ୍ ଲକ୍‌ର୍ ଉପରେ ଆଡ଼ ସଙ୍ଘାଇଲେ, ସେମନ୍ ଜେନ୍ତି ସୁକଲ୍ ଆଡ଼ମା ପାଇପାର୍‌ବାଇ, ସେଟାର୍ ପାଇ ମକେ ସେ ବପୁ ଦିଆ ।” ୨୦ ମାତର୍ ପିତର୍ ତାକେ କଇଲା, “ତର୍ ତାବୁ ତର୍ ସଙ୍ଘ୍ ନସଟ୍ ଅ । ତର୍ ସଙ୍ଘ୍ ତର୍ ତାବୁ ମିସା ନରକେ ଜାଅ । କାଇକେବଇଲେ ପର୍ମେସରର୍ ଦାନ୍ ତାବୁସଙ୍ଘ୍ ଗେନ୍‌ବି ବଲି ବାବ୍‌ଲୁସିନି । ୨୧ ଆମର୍ କାମ୍‌ଟାନେ ତର୍ କାଇମିସା ବାଗ୍ ନାଇ, କାଇକେବଇଲେ ପର୍ମେସରର୍ ଦେକ୍‌ବା ଇସାବେ ତର୍ ମନ୍ ନିକ ନାଇ । ୨୨ ସେଟାର୍ ପାଇ ତମର୍ ଏ କରାପ୍ ବାବ୍‌ନାଟ୍ ପାଇ ମନ୍ ବାଦ୍‌ଲାଆ । ଏନ୍ତାରି ବିସଇ ଚିନ୍ତାକଲାର୍ ପାଇ ମାପୁରୁ ଜେନ୍ତାରି କେମା ଦେଇସି, ତାର୍ ଲାଗି, ମାପୁରୁକେ ପାର୍ତନା କର୍ । ୨୩ କାଇକେ ବଇଲେ ମୁଇ ଦେକ୍‌ଲିନି ଜେ ତର୍ ମନ୍ ଆଁକାରେ ବର୍ତ୍ତି ଅଇଆଟେ । ତୁଇ ପାପର୍ ବନ୍‌ନେ ବନ୍‌ଅଇ ଆରୁସ୍ ।”

୨୪ ସିମନ୍ ସେମନ୍‌କେ କଇଲା, “ତମେ ଜାଇଟା ସବୁ କଇଲାସ୍ ସେଟା ଜେନ୍ତି ମର୍ ଉପରେ ନ ଗଟ୍ । ମୁଇ ତମକେ ବାବୁଜିଆ କଲିନି ମର୍‌ପାଇ ମାପୁରୁକେ ପାର୍ତନା କରା ।” ୨୫ ନିଜର୍ ଜିବନେ ଅଇରଇବା ବିସଇର୍ ସାକି ଆରି ମାପୁରୁର୍ ସୁର୍ କବର୍ କଇସାରାଇଲା ପତେ ପିତର୍ ଆରି ଜଅନ୍ ଜିରୁସାଲମେ ବାଅଡ଼ଲା । ବାଅଡ଼ବା ବାଟେ ସେମନ୍ ସମିରଣର୍ ବେସି ଗାଉଁମନ୍‌କେ ସୁବକବର୍ ଜାନାଇଲା ।

**ପିଲିପ୍ ଆରି ଇଡିଅପିଆର୍ କାମ୍‌କରୁ**

୨୬ ପର୍ମେସରର୍ ଗଟେକ୍ ଦୁଡ଼ ପିଲିପ୍‌କେ କଇଲା, “ଡିଆର୍ ଅ, ଆରି ଦକିଣ୍ ଦିଗେ ଜିରୁସାଲମେଅନି ଗାଜା ବଲି ଗଟେକ୍ ଜାଗାଇ ଜିବାବାଟେ ଜା । ଆଜିକାଲି ଏବାଟେ ଆରି ଲକ୍‌ମନ୍ ଆସ୍ ଜା କରଡ଼ ନାଇ ।” ୨୭ ପିଲିପ୍ ଡିଆର୍ ଅଇ ସେବାଟେ ଗାଲା । ଏଦେ ଦେକା ! ଇଡିଅପିଆର୍ ଗଟେକ୍ ଲକ୍ ! ସେ ଗଟେକ୍ ବେଜୁ ରଇଲା । ସେ ଜିରୁସାଲମେ ପାର୍ତନା କର୍ବାକେ ଆସିରଇଲା । ୨୮ ସେ ଗଟେକ୍ ମୁକିଅ ଆରି ଇଡିଅପିଆ ରାନିର୍ ବାଣ୍ଟାଗରିଆ ରଇଲା । ସେ ପର୍ମେସର୍କେ ଉପାସନା କର୍ବାକେ ଜିରୁସାଲମ୍ ଜାଇରଇଲା । ତାର୍ ରତେ ବସି ଗରେ ବାଉଡ଼ି ଆଇତେରଇଲା । ବସିକରି ଜିସାୟ ବବିସଡ଼ବକ୍‌ତାର୍ ବଇଟାନେଅନି ଆଉଲି ଅଇ ପଡ଼ତେରଇଲା । ୨୯ ସୁକଲ୍‌ଆଡ଼ମା ପିଲିପ୍‌କେ କଇଲା, “ସେ ରତେ ଜା ଆରି ସେ ଲକ୍‌ର୍ ଲଗେ ର ।” ୩୦ ପିଲିପ୍ ପାଲାଇ ପାଲାଇ ଗାଲା ଆରି ସେ ଲକ୍ ଜିସାୟ ବବିସଡ଼ବକ୍‌ତାର୍ ବଇ ପଡ଼ବାଟା ସୁନ୍‌ଲା । ସେ ତାକେ ପାଟାର୍‌ଲା “ତୁଇ ଜାଇଟା ପଡ଼ଲୁସିନି, ସେଟା ବୁଜିପାର୍‌ଲୁସିନିକି ?”

୩୧ ସେ ବାଣ୍ଟାଗ୍ ଗରିଆ କଇଲା, “କେ ମିସା ଗଟେକ୍ ଲକ୍ ବୁଜାଇ ନ ଦେଲେ ମୁଇ କେନ୍ତି ବୁଜିପାର୍‌ବି ?” ତାର୍ ସଙ୍ଘ୍ ରତେ ବସବାକେ ସେ ପିଲିପ୍‌କେ ଡାକ୍‌ଲା । ପିଲିପ୍ ଜାଇ ବସ୍‌ଲା । ୩୨ ଦରମ୍ ସାସ୍‌ତରର୍ ଏ ପଦ୍ ପଡ଼ତେ ରଇଲା, “ମରାଇବାକେ ନେବା ମେଣ୍ଟାପାରା, ଲକ୍‌ମନ୍ ତାକେ ଡାକିନେଲାଇ,

ଗଟେକ୍ ମେଣ୍ଟାଗ୍ ବାଲ୍ କାଟ୍‌ବା ବେଲେ ଜେନ୍ତି ସେ ଚିମ୍‌ରାଇଅଇରଇସି,  
ସେନ୍ତାରି ସେ ପଦେକ୍ ମିସା କାତା କଏ ନାଇ ।

୩୩ ଲକ୍‌ମନ୍ ନିନ୍ଦା କଲାବେଲେ ତାକେ ନିଆଇ ମିଲେ ନାଇ

ତାର୍ କୁଟୁମର୍ ଲକ୍‌ର୍ ବିସଇ, କେ କଇ ନାପାରଡ଼,  
କାଇକେବଇଲେ ମଟ୍‌ପୁରେ ତାର୍ ଜିବନ୍ ସାରିଗାଲା ଆଟେ ।”

୩୪ ବାଣ୍ଟାଗ୍‌ଗରିଆ ପିଲିପ୍‌କେ ପାଟାର୍‌ଲା, “ମୁଇ ତକେ ଗୁଆରି କଲିନି । ବବିସଡ଼ବକ୍‌ତା କାର୍ ବିସଇ କଇଲାନ୍, ମକେ କୁଆ । ତାର୍ ନିଜର୍ ବିସଇ କି ଆରି କାର୍ ବିସଇ ?” ୩୫ ପିଲିପ୍ ଦରମ୍ ସାସ୍‌ତରର୍ ଏ ପଦେଅନି ଆରାମ୍ କରି ଜିସୁର୍ ବିସଇର୍ ସୁର୍ କବର୍ ତାକେ ଜାନାଇଲା । ୩୬ ସେମନ୍ ଜାଉ ଜାଉ ଗଟେକ୍ ବନ୍ ଲଗେ କେଟ୍‌ଲା । ସେ ବାଣ୍ଟାଗ୍‌ଗରିଆ କଇଲା, ୩୭ “ଇଡି ପାନି ଆଟେ, କାଇ ଅସୁବିଦା ନ ରଇଲେ ମକେ ତୁବନ୍ ଦିଆ ।”

୩୮ ସେ ଲକ୍ ରଡ଼ ତେବାଇବାକେ ଡିଆର୍‌ଲା । ପିଲିପ୍ ଆରି ସେ, ପାନି ବିଡ଼ରେ ଗାଲାଇ ଆରି ପିଲିପ୍ ତାକେ ପାନିତେଇ ତୁବନ୍ ଦେଲା । ୩୯ ସେମନ୍ ପାନିତେଇଅନି ବାରଇ ଆଇଲା ପତେ, ମାପୁରୁର୍ ଆଡ଼ମା ପିଲିପ୍‌କେ ଆରିଗଟେକ୍ ଜାଗାଇ ମାୟା କରି ଦେଲା, ସେ ଲକ୍ ପିଲିପ୍‌କେ ଆରି କେବେ ଦେକି ନାପାର୍‌ଲା, ମାତର୍ ସାର୍‌ଦାଇ ପୁରୁନ୍ ଅଇ ତାର୍ ବାଟେ

ଉଠିଗାଲା । ୪୦ ଚନେକ୍ ଗାଲା ପଟେ ପିଲିପ୍ ଦେକ୍ଲାଜେ ସେ ଅସଦର୍ ବଲି ଗଟେକ୍ ଜାଗାଇ କେଟିଆଟେ । ତେଇଅନି ସେ କାଇସେରିଆଇ ଗାଲା ଆରି ବାଟେ ରଇବା ସଅର୍ମନ୍କେ ସୁବ୍ କବର୍ ଜାନାଇଲା ।



**ସାଉଲ୍ ମନ୍ ବାଦ୍ଲାଇଲା**

୯ ସେ ସବୁ ଗଟ୍ ବା ବେଲେ, ସାଉଲ୍ ମାପ୍ପୁରୁ ସିସ୍ମାନ୍‌କେ ମରାଇଦେବି ବଲି ଦମ୍‌କାଇତେ ରଇଲା । ସେ ବଡ଼ ପୁଜାରିର୍ ଲଗେ ଗାଲା । ୨ ଜାଇକରି ଦାମାସ୍କାସେ ଜିଉଦିମନ୍‌ ପାର୍ତନା ଗରେ ଦେବାକେ ଅଦିକାରର୍ ଚିଟି ମାଙ୍ଗ୍ଲା । ଦାମାସ୍କାସେ ଜନ୍ ମାଇଜି ଆରି ମୁନୁସ୍‌ମନ୍ ମାପ୍ପୁରୁ ବାଟେ ଆଇଲା ଆତଡ଼, ସେମନ୍‌କେ ବନ୍ଦିକରି ଡଣ୍ଡ ଦେବାକେ, ଜିରୁସାଲମର୍ ଜିଉଦି ନେତାମନ୍‌ଟାନେ ଆନିଅଇସି । ବାନ୍ଦିକରି ଜିରୁସାଲମେ ଆନ୍‌ବାକେ ସାଉଲ୍‌କେ ଏ ଚିଟି ଅଦିକାର୍ ଦେଲା ।

୩ ସାଉଲ୍ ଦାମାସ୍କାସ୍ ନଅର୍ ଲଗାଲଗି ଅଇବା ବେଲେ, ଅଟାଡ଼ ବାଦ୍‌ଲେଅନି ଗଟେକ୍ ଉଜଲ୍ ସାଉଲ୍‌ର୍ ଚାରିବେଡ଼ି ଜଗ୍‌ଜଗି ଗାଲା । ୪ ତେଇ ସେ ତଲେ ଅଦ୍‌ରି ଗାଲା ଆରି ଗଟେକ୍ କଇବା କାତା ସୁନ୍‌ଲା “ଏ ସାଉଲ୍ ତୁଇ ମକେ କାଇକେ ସାଦ୍‌ଲୁସିନି ?”

୫ ସେ କଇଲା, “ତମେ କେ ମାପ୍ପୁରୁ ?”

“ତୁଇ ଜାକେ ସାଦ୍‌ଲୁସିନି, ସେ ଜିସୁ ମୁଇ । ୬ ଏବେ ଉଟ୍, ନଅରେ ଜା, କାଇଟା କର୍‌ବାକେ ଅଇସି, ତେଇ ତକେ ଜାନାଇବି ।”

୭ ସାଉଲ୍‌ର୍ ସଙ୍ଗ୍ ଜିବା ଲକ୍‌ମନ୍ କାବାଅଇଜାଇ ତେବିଦେଲାଇ, ତାକର୍ ଟଣ୍ଡେଅନି ପଦେକ୍ କାତା ବାରଏ ନାଇ । କଇବା ସବ୍ ସେମନ୍ ସୁନ୍‌ଲାଇ, ମାତର୍ କାକେ ଦେକି ନାପାର୍‌ଲାଇ । ୮ ସାଉଲ୍ ଉଟି ଆଁକି ଦେକ୍ଲା ମାତର୍ ତାକେ କାଇଟା ତିସେ ନାଇ । ତେବେ ତାର୍ ସଙ୍ଗ୍ ଲକ୍‌ମନ୍ ଆତେ ଦାରି ଦାମାସ୍କାସ୍ ଡାକିନେଲାଇ । ୯ ତିନ୍‌ଦିନ୍ ଜାକ ସେ କାଇଟା ଦେକି ନାପାର୍‌ଲା ଆରି ତିନ୍‌ଦିନ୍ ଜାକ କାଏ ନାଇ କି ପିଏ ନାଇ ।

୧୦ ଦାମାସ୍କାସେ ଅନନିୟ ନାଉର୍ ଗଟେକ୍ ବିସ୍‌ବାସି ଲକ୍ ରଇଲା, ସେ ମାପ୍ପୁରୁ ଦର୍‌ସନ୍ ପାଇଲା, ମାପ୍ପୁ ତାକେ କଇଲା, “ଅନନିୟ !”

ସେ କଇଲା, “ମୁଇ ଇତି ଆଟି ମାପ୍ପୁରୁ, କୁଆ ।”

୧୧ ମାପ୍ପୁ କଇଲା, “ତିଆର୍ ଅ । ସଲକ୍ ନାଉର୍ ବାଟ୍‌ଦାରି ଜିଉଦାର୍ ଗରେ ଜା । ତେଇ ତାର୍‌ସସେଅନି ଆସି ରଇବା ସାଉଲ୍ ନାଉର୍ ଗଟେକ୍ ଲକ୍‌କେ କଜ୍ । ସେ ପାର୍ତନା କଲାମି । ୧୨ ସେ ଦର୍‌ସନ୍ ଦେକ୍ଲାବେଲେ ଅନନିୟ ବଲି ଗଟେକ୍ ଲକ୍ ତାର୍ ଗରେ ପୁର୍‌ବାଟା ସେ ଦେକିଆଟେ, ତୁଇ ଜା ଆରି ସେ ଜେକ୍ରିକି ଆରିତରେକ୍ ଦେକିପାର୍‌ସି ତାର୍ ଉପ୍‌ରେ ଆଡ଼ ସଙ୍ଗ୍ ।”

୧୩ ମାତର୍ ଅନନିୟ କଇଲା, “ମାପ୍ପୁ ଏ ଲକ୍ ଜିରୁସାଲମେ ତମର୍ ଲକ୍‌ମନ୍‌କେ ଜେଡ଼କି ପାପ୍ କାମ୍ କଲା ଆଟେ, ସେ ବିସଇ କେତେ କେତେ ଲକ୍ ମକେ ଜାନାଇ ଆଟଡ଼ । ୧୪ ଆରି ସେ ଲକ୍ ମୁକିଅ ପୁଜାରିମନ୍‌ ଟାନେଅନି ଅଦିକାର୍ କାଗଜ୍ ନେଇକରି ଦାମାସ୍କାସେ, ତମ୍‌କେ ପାର୍ତନା କର୍‌ବା ଲକ୍‌ମନ୍‌କେ ଦାରି ନେବାକେ ଆସିଆଟେ ।”

୧୫ ମାପ୍ପୁ ତାକେ କଇଲା, “ଜାଆ ଜିଉଦି ନ ଅଇଲା ଲକ୍‌ମନ୍, ତାକର୍ ରାଜାମନ୍ ଆରି ଇସ୍ରାଏଲ୍‌ର୍ ଲକ୍‌ମନ୍‌କେ, ମର୍ ନାଉଁ ଜାନାଇବାକେ ଆରି ମର୍ ସେବା କର୍‌ବାକେ ମୁଇ ତାକେ ବାଟ୍‌ଲି ଆଟି । ୧୬ ସେ ମର୍ ପାଇ ଜେଡ଼କି ସବୁ କସ୍‌ଟ୍ ମୁରଟ୍‌ବାର୍ ଆଟେ, ମୁଇ ନିଜେ ତାକେ ଜାନାଇବି ।”

୧୭ ଅନନିୟ ଗାଲା ଆରି ସାଉଲ୍ ରଇବା ଗରେ କେଟ୍‌ଲା । ସାଉଲ୍‌କେ ବେଟ୍‌ଅଇ ତାର୍ ଉପ୍‌ରେ ଆଡ଼ ସଙ୍ଗ୍ ତାକେ କଇଲା, “ଏ ବାଇ ସାଉଲ୍, ଇତି ତର୍‌ଟାନେ ଆଇବାକେ ମାପ୍ପୁ ଜିସୁ ମକେ ପାଟାଇଆଟେ । ତୁଇ ଇତି ଆଇବା ବାଟେ ସେସେ ତକେ ଦେକାଇଅଇଲା । ତୁଇ ଜେକ୍ରିକି ଆରି ତରେକ୍ ଦେକି ପାରୁସ୍ ଆରି ସୁକଲ୍ ଆଡ଼ମାଇ ପୁରାପୁରୁନ୍ ଅଇପାରୁସ୍ । ସେଟାପାଇ ପର୍‌ମେସର୍ ମକେ ପାଟାଇଆଟେ ।” ୧୮ ଅନନିୟ ଏ କାତା କଇଲା ଦାପ୍‌ରେ ଏଦେ ଦେକା ! ସାଉଲ୍‌ର୍ ଆଁକିଅନି ମାଟ୍ କସ୍‌ଲି ପାରାଟା କୁସ୍‌ଲି ଅଦର୍‌ଲା । ସେ ଆରି ତରେକ୍ ଦେକି ପାର୍‌ଲା । ସେ ଉଟ୍‌ଲା ଆରି ଅନନିୟ ତାକେ ତୁବନ୍ କଲା । ୧୯ ଆରି କାଆପିଆ ଅଇ ବପୁ ଅଇଲା । ସାଉଲ୍ ଜିସୁକେ ବିସ୍‌ବାସ୍ କର୍‌ବା ଲକ୍‌ମନ୍‌ର୍ ସଙ୍ଗ୍ ଦାମାସ୍କାସେ କେତେ ଦିନ୍ ରଇଲା ।

**ଦାମାସ୍କାସେ ସାଉଲ୍‌ର୍ ମାପ୍ପୁରୁ କାତା ଜାନାଇବାଟା**

୨୦ ସେ ସିଦା ପାର୍ତନା କର୍‌ବା ଗର୍‌ମନ୍‌କେ ଜାଇ ଜିସୁସେ ପର୍‌ମେସର୍‌ର୍ ପଅ ବଲି ଜାନାଇବାର୍ ଦାର୍‌ଲା ।

୨୧ ଜନ୍ ଲକ୍‌ମନ୍ ତାର୍ କାତା ସୁନ୍‌ଲାଇ, କାବାଅଇଜାଇକରି ପାଟାରିଲାଇ, “ଜିରୁସାଲମେ ଜିସୁକେ ବିସ୍‌ବାସ୍ କରି ପାର୍ତନା କର୍‌ବା ଲକ୍‌ମନ୍‌କେ ଜନ୍‌ଲକ୍ ମରାଇତେ ରଇଲା, ଏ କାଇ ସେ ଲକ୍ ନଏଁ କି ? ସେମନ୍‌କେ ମୁକିଅ ପୁଜାରିମନ୍‌ ଲଗେ ଦାରିନେବାକେ ସେ କାଇ ଇତି ଆସି ନ ରଇଲା କି ?”

୨୨ ମାତର୍ ସାଉଲ୍ ଦର୍‌ମ୍ ସାସ୍‌ତରେ ଅନି, ଜିସୁ ଆକା ମସିଅ ବଲି ସଡ଼ ଦେକାଇଲା । ଏ ବିସଇଟାନେ ତାର୍ କଇବା କାତା ଏତେ ବପୁ ରଇଲା ଜେ, ଦାମାସ୍କାସେ ବାସାଅଇ ରଇବା ଜିଉଦିମନ୍ ତାର୍ କଇବା କାତାର୍ ଗଟେକ୍ ମିସା ଉତର୍ ଦେଇନାପାର୍‌ଲାଇ ।

୨୩ ଧକେତେଦିନ୍ ଗାଲା ପତେ ଜିଉଦିମନ୍ ଗଟେକ୍ ଅଇକରି ସାଉଲ୍‌କେ ମରାଇବାକେ ପାଚ୍‌ନା କଲା । ୨୪ ମାତର୍ ସାଉଲ୍ ସେମନ୍‌ର୍ କୁଟ୍ କାତା ଜାନ୍‌ଲା । ସାଉଲ୍‌କେ ମରାଇବାକେ ସେମନ୍ ଦିନ୍ ରାତି ନଅର୍‌ର୍ ସବୁ ଦୁଆର୍‌ମନ୍‌କେ ଜାଗଲା । ୨୫ ମାତର୍ ଦିନେକ୍, ରାତିବେଲେ ସାଉଲ୍‌ର୍ ସିସ୍‌ମନ୍ ତାକେ ଡାଲାଇ ସାଜାଡି ନଅର୍‌ର୍ ଚାରିବେଟ୍‌ତି ରଇବା ପାଚୁରିର୍ କାଶା ବାଟେ ତଲେ ଉଡ଼ରାଇଦେଲା ।

**ଜିରୁସାଲାମେ ସାଉଲ୍**

୨୬ ସାଉଲ୍ ଜିରୁସାଲାମେ ଜାଇ ସିସ୍‌ମନ୍‌ର୍ ସଙ୍ଗ୍ ମିସ୍‌ବାକେ ଚେସ୍‌ଟା କଲା । ମାତର୍ ସେମନ୍ ସାଉଲ୍‌କେ ଗଟେକ୍ ସିସ୍ ବଲି ମୁଲ୍‌କେ ବିସ୍‌ବାସ୍ କରତ୍ ନାଇ । ସବୁ ଲକ୍ ତାକେ ତରତେ ରଇଲା । ୨୭ ମାତର୍ ପତେ, ବର୍‌ନବା ତାକେ ପେରିଡ଼ ସିସ୍‌ମନ୍‌ର୍ ଲଗେ ନେଲା । ଦାମାସ୍କସର୍ ବାଟେ କେନ୍ତ୍ର ସାଉଲ୍ ମାପ୍‌ଚୁର୍ ଦର୍‌ସନ୍ ପାଇରଇଲା, ଆରି ମାପ୍‌ଚୁ ତାକେ କାତା କଇରଇଲା, ଏ ସବୁ ବିସଇ ସେମନ୍‌କେ ବୁଜାଇକରି କଇଲା । ଦାମାସ୍କସେ ସାଉଲ୍ ନ ତରତେ କେନ୍ତ୍ରାରି ଜିସୁର୍ ନାଉଁ ଦାରି ତାର୍ ବାକିଅ ଜାନାଇରଇଲା, ସେମନ୍‌କେ ଟିକି ନିକି ବୁଜାଇ କରି କଇଲା । ୨୮ ଆରି ସାଉଲ୍, ପେରିଡ଼ ସିସ୍‌ମନ୍‌ର୍ ସଙ୍ଗ୍ ରଇଲା ଆରି ଜିରୁସାଲାମର୍ ଗୁଲାଇବାଟେ ଜାଇ, ନ ତରତେ ମାପ୍‌ଚୁର୍ ବାକିଅ ଜାନାଇଲା । ୨୯ ସାଉଲ୍ ଏ ସବୁ ବିସଇ ଗିରିକ୍ ବାସା କଇବା ଜିଉଦିମନ୍‌ର୍ ସଙ୍ଗ୍ ଦଦାପେଲା ଅଇଲା । ମାତର୍ ସେମନ୍ ସାଉଲ୍‌କେ ମରାଇବାକେ ଚେସ୍‌ଟା କଲା । ୩୦ ବିସ୍‌ବାସି ବାଇମନ୍ ଏ କାତା ଜାନିକରି ସାଉଲ୍‌କେ କାଇସରିଆ ନାଉଁର୍ ଗଟେକ୍ ଜାଗାଇ ଦାରିଗାଲା । ଆରି ତେଇଅନି ତାକେ ତାର୍‌ସିସ୍ ବଲି ବିନ୍ ଗଟେକ୍ ଜାଗାଇ ପାଟାଇ ଦେଲା ।

୩୧ ଜିଉଦା, ଗାଲିଲି ଆରି ସମିରଣେ ରଇବା ମଣ୍ଡଲିମନ୍‌ର୍ ପାଇ ସେବେଲା ଗଟେକ୍ ସାନ୍ତିର୍ ବେଲା ରଇଲା । ସୁକଲ୍ ଆଡ଼ମା ସେମନ୍‌ର୍ ସଙ୍ଗ୍ ରଇଲା ଜେ ଲକ୍‌ମନ୍ ଦିନ୍‌କେଦିନ୍ ଅଦିକ୍ ଅଦିକ୍ ଅଇ ତାଟ୍ ଅଇଲା । ଜିସୁକେ ବିସ୍‌ବାସ୍‌କର୍‌ବା ଲକ୍‌ମନ୍, ମାପ୍‌ଚୁକେ ଡରିକରି ଆରି ମାନିକରି ଜିଇତେ ରଇଲା ।

**ଲୁଦା ଆରି ଜପ୍‌ପା ଜାଗାଇ ପିତର୍**

୩୨ ପିତର୍ ବିନ୍ ବିନ୍ ଜାଗାଇ ବୁଲି ବୁଲି ତରେକ୍ ଲୁଦାଇ ବାସାଅଇରଇବା, ମାପ୍‌ଚୁର୍ ଲକ୍‌ମନ୍‌ର୍ ସଙ୍ଗ୍ ମିସ୍‌ବାକେ ଗାଲା । ୩୩ ତେଇ ଏନିୟ୍ ନାଉଁର୍ ଗଟେକ୍ ଲକ୍‌କେ ସେ ବେଟ୍ ଅଇଲା, ଏନିୟ୍‌କେ ଚେରେଙ୍ଗ୍ ବାଡ଼ ଦାରି ଆଟ୍ ବରସ୍ ଅଇଜାଇରଇଲା । ସଇଲାଟାନ୍‌େଅନି ଉଟି ନାପାର୍‌ତେ ରଇଲା । ୩୪ ପିତର୍ ତାକେ କଇଲା, “ଏନିୟ୍ ଜିସୁ ମାପ୍‌ଚୁ ତକେ ନିକ କରାଆତେ । ଉଟ୍ ଆରି ତର୍ ଅର୍‌ନା ସାଜାଡ଼ ।” ୩୫ କଇଲା ଦାପ୍‌ରେ ଏନିୟ୍ ଉଟି ଚିଆଅଇଲା । ଏଟା ଦେକି କରି ଲୁଦା ଆରି ସାରନେ ବାସା ଅଇରଇବା ସବୁ ଲକ୍‌ମନ୍ ମାପ୍‌ଚୁର୍ ବାଟେ ଆଇବାକେ ମନ୍ କଲା ।

୩୬ ଜପାଇ, ଟାବିତା ନାଉଁର୍ ଗଟେକ୍ ବିସ୍‌ବାସି ମାଇଜି ବାସା ଅଇରଇଲା । ତାର୍ ଗିରିକ୍ ନାଉଁ, ଦାରକାସ୍ । ତାର୍ ଅରତ୍ କଟ୍‌ରା । ସେ ସବୁବେଲା ସତ୍ କାମ୍ କରି, ରଗି ଦୁକିମନ୍‌ର୍ ସେବା କରତେ ରଇଲା । ସେବେଲେ ସେ ରଗ୍‌ବେମାର୍ ଅଇ ମରିଗାଲା । ୩୭ ତାର୍ ଲକ୍‌ବାକ୍‌ମନ୍ ଟାବିତାର୍ ମଲାମତ୍ ପାନିଦୁଆଇଲା ଆରି ଲୁଗା ସଙ୍ଗ୍ ଗୁଡିଆଇ ଉପର୍ ତାଲାର୍ ବାକ୍‌ରାଇ ସୁଆଇଦେଲା । ୩୮ ଜପା ଜାଗା ଲୁଦାଇଅନି ଦୁରିକେ ନ ରଇଲା । ପିତର୍ ଲୁଦାଇ ଆତେ ବଲି ସୁନିକରି ଜପାଇ ରଇବା ବିସ୍‌ବାସିମନ୍ ଦୁଇ ଲକ୍‌କେ ପିତର୍‌ର୍ ଲଗେ କଇ ପାଟାଇଲା । “ଅଲସ୍‌ମ୍ ନ କରି, ଦାପେ ଆମର୍ ଲଗେ ଚନେକ୍ ଆସା ।” ୩୯ ପିତର୍ ତିଆର୍ ଅଇକରି ସେମନ୍‌ର୍ ସଙ୍ଗ୍ ଗାଲା । ତେଇ ସେ କେଟ୍‌ଲା ଦାପ୍‌ରେ ଲକ୍‌ମନ୍ ତାକେ ଉପର୍ ତାଲାର୍ ବାକ୍‌ରାଇ ତାକି ନେଲା । ରାଣ୍ଡି ମାଇଜିମନ୍ ଚାରିବେଟ୍‌ତି ଅଇକରି କାନ୍ଦି କାନ୍ଦି ଦାରକାସ୍ ଜିବନ୍ ରଇଲାବେଲେ ସିଲାଇ ରଇବା ବସ୍‌ତର୍ ଆରି ଲୁଗାମନ୍ ସବୁ ପିତର୍‌କେ ଦେକାଇଲା । ୪୦ ପିତର୍ ବାକ୍‌ରାଇଅନି ସବୁକେ ବାକ୍‌ରାଇ ଦେଲା ଆରି ମାଣ୍ଡିକୁଟା ଦେଇ ପାର୍‌ତନା କଲା । ତାର୍‌ପତେ ଦର୍‌କାସ୍ ମଲା ଗାଗତର୍‌ବାଟେ ଦେକିକରି କଇଲା, “ଟାବିତା ଉଟ୍ !” ଏଦେ ଦେକା ! ଦର୍‌କାସ୍ ଆଁକି ଦେକ୍‌ଲା ଆରି ପିତର୍‌କେ ଦେକି ଉଟିକରି ବସ୍‌ଲା । ୪୧ ପିତର୍ ଆଡ଼ ଲାମାଇ ତାକେ ଉଟାଇଲା । ତାର୍ ପତେ ତେଇ ରୁଣ୍ଡି ରଇଲା ସବୁ ବିସ୍‌ବାସି ଆରି ରାଣ୍ଡି ମାଇଜିମନ୍‌କେ ତାକି ଦର୍‌କାସ୍‌କେ ସର୍‌ପିଦେଲା । ୪୨ ଏ କବର୍ ଜପାର୍ ଗୁଲାଇ ବାଟର୍ ଲକ୍ ସୁନ୍‌ଲା ଆରି କେତେ କେତେ ଲକ୍‌ମନ୍ ମାପ୍‌ଚୁକେ ବିସ୍‌ବାସ୍ କଲା । ୪୩ ପିତର୍ ବେସି ଦିନ୍ ଜପାଇ ସିମନ୍ ନାଉଁର୍ ଗଟେକ୍ ଲକ୍, ଜେକି ପସୁମନ୍‌ର୍ ଚାମ୍ ସଙ୍ଗ୍ କାଇକାଇ ଜିନିସ୍‌ମନ୍ ତିଆର୍ କରି ବର୍‌ତେ ରଇଲା, ତାର୍ ଗରେ ରଇଲା ।



**ପିତର୍ ଆରି କର୍‌ନିଲିଅ**

୧ କାଇସରିଆ ଅନି କର୍‌ନିଲିଅ ନାଉଁର୍ ଗଟେକ୍ ଲକ୍ ରଇଲା । ସେ, ଇଟାଲି ଅନି ଆଇବା ଗଟେକ୍ ବଡ଼ ଦଲର୍ ରମିୟ୍ ସନିଅମନ୍‌ର୍, ନେତା ରଇଲା । ୨ ସେ ଗଟେକ୍ ଦରମ୍ ଲକ୍ ରଇଲା । ସେ ଆରି ତାକର୍ ଗରର୍ ଲକ୍‌ମନ୍ ସବୁ ପର୍‌ମେସର୍‌କେ ଉପାସନା କରତେ ରଇଲା । ସେ ରକିଦୁକି ଜିଉଦିମନ୍‌କେ ବେସି ଉପ୍‌କାର୍ କରତେ ରଇଲା । ଆରି ଜେତେବେଲ୍ ମିସା ପର୍‌ମେସର୍‌କେ ପାର୍‌ତନା କରତେ ରଇଲା । ୩ ଦିନେକ୍ ଆଡ଼ବେଲାର୍ ତିନ୍‌ଟା ବେଲେ କର୍‌ନିଲିଅ

☆ ୯:୨୩ ୯:୨୩ ୨ୟ କରନ୍ତିୟ ୧୧:୩୨,୩୩



ପାର୍ତନା କଲାବେଳେ, ଗଟେକ୍ ଦର୍ଶନ ପାଇଲା । ତେଜ ପର୍ଯ୍ୟନ୍ତ ଦୁଃ ଆସି ତାକେ “କର୍ନିଲିଅ !” ବଲି ଡାକିବାଟା ନିକ ସଙ୍ଗେ ଦେଖିଲା ।

୪ ସେ ଡରିକରି ସରଗର୍ ଦୁଃବାଟେ ଦେକିକରି କଇଲା, “କାଇଟା ବଲି କଇଲୁସ୍ନି ମାପୁରୁ ?”

ସରଗର୍ ଦୁଃ କଇଲା, “ପର୍ଯ୍ୟନ୍ତ ତର ପାର୍ତନା ଆରି ଦୁକିରକିମନ୍ଦେ ଦାନ କର୍ବାଟା ଦେକି ସାର୍ଦା ଅଇଲା । ଆର୍ ବାଦୁଲେ କାଇଟାଆଲେ ଦେବାକେ ସେ ମନ୍ କଲାନ୍ତି । ୫ ଏବେ ସିମନ୍ ପିତର୍ ନାଉର୍ ଗଟେକ୍ ଲକ୍‌କେ ଇତି ତାକି ଆନ୍‌ବାକେ, ଜପାଇ ଲକ୍ ପାଟାଆ । ୬ ସେ ସମ୍‌ଦୁର୍ କଣ୍ଡି ବାସାଅଇରଇବା ସିମନ୍ ନାଉର୍ ଗଟେକ୍, ପସୁମନ୍‌ର ଚାମ୍ ସଙ୍ଗେ କାଇକାଇଟା ତିଆର୍ କର୍ବା ଲକ୍‌ର ଗରେ ରଇଲାନ୍ତି ।” ୭ ଏଡ଼କି କାତା କଇ ସରଗର୍ ଦୁଃ ଉଟିଗାଲା । କର୍ନିଲିଅ ତାକର୍ ଗରର୍ ଦୁଇଟା ଗତିଦାଙ୍ଗ୍‌ତାକେ ଆରି ତାକେ ସେବା କର୍ତେରଇବା ଆରି ପର୍ଯ୍ୟନ୍ତକେ ଉପାସନା କର୍ତେରଇବା ଗଟେକ୍ ସଜନକେ ଡାକାଇଲା । ୮ ସେ ସେମନ୍‌କେ ଦୁଃ କଇରଇବା ସବୁ କାତା ଜାନାଇ କରି ଜପାଇ ପାଟାଇଲା ।

୯ ତାର୍ ଆରକର୍ ଦିନେ ଆଡ଼ବେଲାଇ ସେମନ୍ ଜପାର୍ ଲଗାଇଗି ଅଇଲାବେଳେ, ପିତର୍ ପାର୍ତନା କର୍ବାକେ ମେଡ଼ଗରର୍ ଚାଉନି ଉପରେ ଜାଇ ରଇଲା । ୧୦ ସେ ଉପାସ୍ ସାରାଇକରି, କାଇଟାଆଲେ କାଇବାକେ ମନ୍ କଲା ଆରି କାଦି ତିଆର୍ ଅଇବା ବେଲାଇ ସେ ଗଟେକ୍ ଦର୍ଶନ ଦେଖିଲା । ୧୧ ଏଦେ ଦେକା ! ଆକାସ୍ ଉଗାଡ଼ିଅଇଲାଟା ଆରି ଗଟେକ୍ ବଡ଼ ଚାଦର୍ ଚାରିକନେ ବାନ୍ଧିଅଇକରି ଦର୍ତନି ଉପରେ ଉଡ଼ିଆଇବାଟା ଦେଖିଲା । ୧୨ ତେଜ ଜଗତେ ରଇବା ରକାମ୍ ରକାମର୍ ଗଡ଼ ସଙ୍ଗେ ଇଣ୍ଡୁବା ପସୁ, ରାଙ୍ଗ୍‌ବା ଜନ୍ତୁ ଆରି ଉଡ଼ୁବା ଚତଇମନ୍ ! ୧୩ ଆରି ସେ ଗଟେକ୍ କାତା ଅଇବା ସବଦ୍ ସୁନ୍‌ଲା, “ପିତର୍ ! ଉର୍ ସେମନ୍‌କେ ମାରିକରି କାଆ !”

୧୪ ମାତର୍ ପିତର୍ କଇଲା, “ନାଇ ମାପୁରୁ, ଆମର୍ ଜିଉଦି ନିୟମ୍ ଇସାବେ ଅସୁକଲ୍ ବଲି କଇବା କାଇ ମାଉସ୍ ମିସା କାଇନାଇ ।”

୧୫ ସେ ସବଦ୍ ଆରି କଇଲା “ପର୍ଯ୍ୟନ୍ତ ଜନ୍‌ଟା ସୁକଲ୍ କଲାଆଟେ ସେଟା ନିର୍ବାର୍ ନାଇ ।” ୧୬ ଏନ୍ତାରି ତିନ୍‌ତର୍ ଅଇଲା ପଟେ ଚାଦର୍ ସରଗ୍ ବାଟେ ଚଗାଇ ଦାରି ଗାଲାଇ ।

୧୭ ପିତର୍ ଜନ୍ ଦର୍ଶନ ପାଇରଇଲା, ତାର୍ ଅରଡ଼ କାଇଟା, ସେଟା ବାବି କାନାବାନା ଅଇଗାଲା । ଟିକ୍ ସେନ୍ତି ଅଇଲାବେଳେ, ଏଦେ ଦେକା ! କର୍ନିଲିଅ ପାଟାଇଲା ଲକ୍‌ମନ୍ ସିମନ୍‌କେ କଜି କଜି ଆସି, ତାର୍ ଗରର୍ ବାଟତିଆଗତି ଲଗେ ଚିଆଅଇଲାଇ । ୧୮ ସେମନ୍ ତାକିକରି ପାଟାରିଲାଇ, “ସିମନ୍ ପିତର୍, ନାଉର୍ ଗତିଆ ଲକ୍ ଇତି ଆଟେ କି ?” ୧୯ ପିତର୍ ସେ ଦର୍ଶନ ବିସଇ ଚିନ୍ତା କର୍ତେ ରଇଲାବେଳେ ଆଡ଼ମା ତାକେ କଇଲା, “ସୁନ୍ ! ତକେ ତିନ୍ ଲକ୍ କଇଲାଇନି ।”

୨୦ “ଉର୍, ତଲେ ଜାଆ । ଏ ଲକ୍‌ମନ୍‌ର ସଙ୍ଗେ ଜିବାକେ ନିର୍ନାଇ, କାଇକେବଇଲେ ମୁଇ ସେମନ୍‌କେ ପାଟାଇଆଟି ।”

୨୧ ତେଜଅନି ପିତର୍ ସେ ଲକ୍‌ମନ୍‌ର ଲଗେଜାଇ କଇଲା, “ତମେ ଜାକେ କଇଲାସ୍ନି, ସେ ଲକ୍ ମୁଇ, ତମେ କାଇକେ ଆସି ଆଗାସ୍ ?”

୨୨ ସେମନ୍ କଇଲାଇ, “କର୍ନିଲିଅ ନାଉର୍ ରମିୟ୍ ସଇନମନ୍‌ର ନେତା ଆମ୍‌କେ ପାଟାଇଆଟେ । ଜେ କି ଗଟେକ୍ ଦରମ୍ ଲକ୍ ଆରି ପର୍ଯ୍ୟନ୍ତକେ ନାମ୍‌ସି । ଗୁଲାଇ ଜିଉଦି ଲକ୍‌ମନ୍ ତାକେ ନାମ୍‌ବାଇ । ତୁଇ କଇବାଟା ସୁନ୍‌ବାକେ, ସେ ତକେ ତାର୍ ଗରେ ଡାକାଇଆଟେ । ଏନ୍ତାରି କର୍ବାକେ ପର୍ଯ୍ୟନ୍ତ ପାଟାଇଲା ଦୁଃ ତାକେ ତିଆର୍ଲା ଆଟେ ।”

୨୩ ପିତର୍ ସେମନ୍‌କେ ବିତ୍ରେ ତାକିନେଇକରି ସେ ରାତି ତେଜ ରଇବାକେ ଗୁଆରି କଲା ।

ତାର୍ ଆରକର୍ ଦିନେ ସେ ଉଟି ସେମନ୍‌ର ସଙ୍ଗେ ଗାଲା । ଆରି ଜପା ନାଉର୍ ଜାଗାର୍ କେତେଟା ବିସ୍‌ବାସି ବାଇମନ୍ ମିସା ସେମନ୍‌ର ସଙ୍ଗେ ଗାଲାଇ । ୨୪ ଆରି ଗଟେକ୍ ଦିନେ ସେମନ୍ ସିସେରିଆଇ କେଟ୍‌ଲାଇ । ତେଜ କର୍ନିଲିଅ ତାର୍ ମଇତର୍‌ମନ୍‌କେ ଆରି କୁଟୁମର୍ ଲକ୍‌ମନ୍‌କେ ରୁଣ୍ଡାଇକରି ପିତର୍‌କେ ଜାଗିରଇଲାଇ । ୨୫ ପିତର୍ ଗର୍ ବିତ୍ରେ ଜିବାବେଲେ କର୍ନିଲିଅ ତାକେ ବେଟ୍‌ଅଇ, ତାର୍ ପାଦେ ଡାଣ୍ଡୁସନ୍ ପଡ଼ି ଜୁଆର୍ କଲା । ୨୬ ପିତର୍ ତାକେ ଉଟାଇକରି କଇଲା, “ଟିଆ ଅ, ମୁଇ ମିସା ତର୍‌ପାରା ଗଟେକ୍ ମୁନ୍‌ସ୍‌ସେ ।” ୨୭ ପିତର୍ କର୍ନିଲିଅର୍ ସଙ୍ଗେ କାତା ଅଇ ଅଇ ଗର୍ ବିତ୍ରେ କେଟ୍‌ଲା ଆରି ତେଜ ବେସିଲକ୍ ରୁଣ୍ଡିରଇବାଟା ଦେଖିଲା । ୨୮ ସେ ସେମନ୍‌କେ କଇଲା, “ଜିଉଦି ନ ଅଇଲା ଲକ୍‌ମନ୍‌ର ସଙ୍ଗେ ମିସ୍‌ବାଟା କି ତାକର୍ ଗରେ ଜିବାଟା ଆମର୍ ଜିଉଦି ଲକ୍‌ମନ୍‌ର ବିଦି ନାଇ । ସେଟା ତମେ ନିକକରି ଜାନାସ୍ । ଏଲେମିସା କନ୍‌ଆଲେ ଗଟେକ୍ ଲକ୍‌କେ ଅସୁକଲ୍ ଇସାବେ ଦେକ୍‌ବାର୍ ନାଇ ବଲି ପର୍ଯ୍ୟନ୍ତ ମକେ କଇଲାଆଟେ । ୨୯ ତେବେ ମକେ ଡାକାଇଲା ଦାପ୍‌ରେ କାଇଟା ନ ବାବିକରି ଆଇଲି । ମକେ କାଇକେ ଡାକାଇଲୁସ୍ ତେବେ ? ସେଟା ମୁଇ ଜାନ୍‌ବାକେ ମନ୍ କଲିନି ।”

୩୦ କର୍ନିଲିଅ କଇଲା, ତିନ୍‌ଦିନ୍ ଆଗ୍ରୁ ଆଡ଼ବେଲାର୍ ତିନ୍‌ଟା ସମାନ୍ ଏଡ଼କି ବେଲାଇ, ମୁଇ ଗରେ ପାର୍ତନା କର୍ତେ ରଇଲି । ସେଡ଼କି ବେଲେ, ଏଦେ ଦେକା ! ଦର୍ ପଟିଆ ପିନ୍ ରଇବା ଗଟେକ୍ ଲକ୍ ମର୍ ମୁଆଟେ ଚିଆଅଇଲା, ଆରି କଇଲା, ୩୧ “କର୍ନିଲିଅ ! ପର୍ଯ୍ୟନ୍ତ ତର ପାର୍ତନା ସୁନ୍‌ଲା ଆରି ତମେ ଦୁକିରକିକେ ସାଇଜ କର୍ବାଟା ଦେକି ସାର୍ଦା ଅଇଆଟେ । ୩୨ ସିମନ୍ ପିତର୍ ନାଉର୍ ଗଟେକ୍ ଲକ୍‌କେ ଆନ୍‌ବାକେ ଜପା ନାଉର୍ ଜାଗାଇ, ଲକ୍‌ମନ୍‌କେ ପାଟାଆ । ସେ ସମ୍‌ଦୁର୍ କଣ୍ଡି ବାସାଅଇରଇବା ପସୁମନ୍‌ର ଚାମ୍ ସଙ୍ଗେ କାଇକାଇଟା ତିଆର୍‌କରୁ ସିମନ୍‌ର ଗରେ ଗତିଆ ଅଇଆଟେ ।

୩୩ ତେବେ ପାଇ, ମୁଁ ତକେ ଦାପ୍ତରେ ଡାକାଇଲି, ଆରି ତମେ ମର୍ କାତା ମାନିକରି ଆସି ଆଗାସ୍ । ଏବେ ଆମେ ସବୁ ଲକ୍ ପରମେସର୍ ରଇବା ଏ ଜାଗାଇ ରୁଣ୍ଡିଆରୁ । ମାପୁରୁ ତକେ ଜନ୍ତା କଇବାକେ ଆଦେସ୍ ଦେଲା ଆଚେ, ସେଟା ସୁନ୍ଦବାକେ ଜାଗିଆରୁ ।”

**ପିତରର ଉପଦେସ୍**

୩୪ ସିଡିଅନି ପିତର କଇଲା, “ଏବେ ମୁଇ ବୁଜିପାରୁଲିନି ଜେ ପରମେସର୍ କେତେଟା ଦଲ୍ଲମନ୍‌କେସେ ଡାକ୍‌ସି, ସେନ୍ତାରି ନର୍ସ, ମାତର ସବୁକେ ସମାନ୍ ଇସାବେ ଡାକ୍‌ସି । ୩୫ ଜନ୍ ଜାତିର ଲକ୍ ମିସା ତାକେ ଡରିକରି, ତାର ମୁଆଟେ ସଡ଼କାମ୍ କଲେ, ମାପୁରୁ ତାକେ ଡାକ୍‌ସି । ୩୬ ଇସ୍ରାଏଲିଅ ମନର୍ ଲଗେ ପରମେସର୍ ଜନ୍ କବର୍ ପାଟାଇରଇଲା, ସେଟା ତୁଇ ଜାନିଆରୁସ୍ । ଜିସୁ କିରିସ୍‌ଟ ଜେ କି ସବୁର୍ ମାପୁରୁ, ସେ କିରିରଇବା କାମେଅନି ସବୁଲକ୍‌ମନ୍ ସାନ୍ତିସଙ୍ଗ୍ ମିସ୍‌ବାଇ, ବଲି ପରମେସର୍ ଆମକେ ଜାନାଇଲାଆଚେ । ୩୭ ତୁବନ୍ ଦେଉ ଜଅନ୍ ପାପ୍ କାମ୍ କରବାଟାନେଅନି ବାଉଡ଼ବା ବିସଇ ଆରି ତୁବନ୍ ନେବା ବିସଇ କଇଲାପଚେ, ଗାଲିଲିଅନି ଆରାମ୍ କରି ଗୁଲାଇ ଜିଉଦାର୍ ସବୁବାଟେ ଜନ୍ ଗଟ୍‌ନାସବୁ ଗଟ୍‌ଲା ଆଚେ, ସେଟା ତୁଇ ଜାନୁସ୍ । ୩୮ ନାଜରିତର୍ ଜିସୁର୍ ବିସଇ ଆରି ପରମେସର୍ ତାକେ କେନ୍ତ୍ର ସୁକଲ୍ ଆଡ଼ମା ଆରି ବପୁ ପୁରାପୁରୁନ୍ ଦେଇରଇଲା, ସେଟା ଜାନୁସ୍ । ଆରି ଜାନିଆରୁସ୍, ସେ ସବୁ ବାଟେ ଜାଇ ନିକନିକ କାମ୍‌ମନ୍ କିରିରଇଲା । ସଇତାନର୍ ବାନ୍‌ନେ ରଇଲା ଲକ୍‌ମନ୍‌କେ ମୁକ୍‌ଲାଇଲା । କାଇକେବଇଲେ ପରମେସର୍ ତାର୍ ସଙ୍ଗ୍ ରଇଲା । ୩୯ ଜିସୁ ଇସ୍ରାଏଲ ଦେସେ ଆରି ଜିରୁସାଲାମେ ଜେଡ଼କି ସବୁ କାମ୍‌ମନ୍ କଲା, ଆମେ ସବୁ ଲକ୍ ତାର୍ ସାକି ଆରୁ । ତାର୍‌ପଚେ ତାକେ କୁରସେ କୁଟି ମାରି, ମରାଇଲାଇ । ୪୦ ମାତର ପରମେସର୍ ତାକେ ତିନ୍‌ଦିନ୍ ଅଇଲାକେ ମଲାତେଇଅନି ଉଟାଇ ଜିବନ୍ କରାଇ, କେତେଲକ୍‌କେ ଦେକାଇଦେଲା । ୪୧ ସବୁଲକ୍ ତାକେ ଦେକ୍‌ବାକେ ପରମେସର୍ ଦେଏନାଇ, ଅବ୍‌କା ସେ ବାଟୁଲା ସାକିମନ୍‌କେସେ । ତାକେ ଆରିତରେକ୍ ଜିବନ୍ କରାଇଲାପଚେ, ତାର୍ ସଙ୍ଗ୍ କାଆ ପିଇ ଅଇରଇଲା ଲକ୍‌ମନ୍ ଆମେସେ । ୪୨ ଲକ୍‌ମନ୍‌ର ଲଗେ ସୁବ୍‌କବର୍ ଜାନାଇବାକେ ସେ ଆମକେ ଆଦେସ୍ ଦେଲା । ବୁଟିରଇବା ଲକ୍‌ର ଆରି ମଲା ଲକ୍‌ର ବିଚାରକାରିଆ ଇସାବେ ତାକେସେ ବାଟୁଲା ଆଚେ, ଏ କାତାର୍ ସାକିଦେବାକେ ମିସା ସେ ଆମକେ ଆଦେସ୍ ଦେଲାଆଚେ । ୪୩ ସବୁ ବବିସଡ଼ବକ୍‌ତାମନ୍ ତାର୍ ବିସଇନେଇ, ଏ କବର୍ କଇରଇଲାଇ । ଜେ ମସିଅକେ ବିସ୍‌ବାସ୍ କରସି, ମସିଅ କିରିରଇବା କାମର୍ ଲାଗି, ପରମେସର୍ ତାର୍ ପାପ୍‌କେମା କରସି ।”

**ବିସ୍‌ବାସ୍ ନ କିରିରଇବା ଲକ୍ ସୁକଲ୍ ଆଡ଼ମା ପାଇଲାଇ**

୪୪ ପିତର ସିକିଆ ଦେବା ବେଲେ ଜେତେ ଲକ୍ ସୁନ୍‌ଡେ ରଇଲାଇ, ସେ ସବୁ ଲକ୍‌ର ଉପରେ ସୁକଲ୍ ଆଡ଼ମା ଉଡ଼ି ତାବିଅଇଲା । ୪୫ ଜିଉଦିନଇଲା ଲକ୍‌ମନ୍‌ର ଉପରେ ମିସା ପରମେସର୍‌ର ସୁକଲ୍ ଆଡ଼ମା ତାବିଅଇବାଟା ଦେକି ଜପାଇଅନି ପିତର ସଙ୍ଗ୍ ଆସିରଇବା ଜିଉଦି ବିସ୍‌ବାସିମନ୍ କାବାଅଇଗାଲାଇ । ୪୬ କାଇକେବଇଲେ ସେମନ୍ ପରମେସର୍‌କେ ଡାକ୍‌ପୁଟା କରବାଟା, ଆରି ବିନ୍‌ବିନ୍ ବାସାଇ କାତାଅଇବାଟା, ଜିଉଦି ବିସ୍‌ବାସିମନ୍ ସୁନ୍‌ଲାଇ । ଜପାଇଅନି ଆସିରଇବା ଜିଉଦି ବିସ୍‌ବାସିମନ୍‌କେ ପିତର କଇଲା, ୪୭ “ପରମେସର୍ ଆମକେ ଜେନ୍ତ୍ର ସୁକଲ୍‌ଆଡ଼ମା ଦେଲାଆଚେ, ସେନ୍ତାରିସେ ଏ ଲକ୍‌ମନ୍‌କେ ମିସା ଦେଲାଆଚେ । ସେମନ୍‌କେ ତୁବନ୍ ନ ନିଆ ବଲି କେ ମିସା ଅବ୍‌କାଇପାରସି କି ?” ୪୮ ସେଟାର୍ ପାଇ ପିତର ସେମନ୍‌କେ ଜିସୁକିରିସ୍‌ଟର୍ ନାଉଁ ଦାରି ତୁବନ୍ ଦେଲାପଚେ କରନିଲିଅ ଆରି ତାର୍ ସଙ୍ଗ୍ ରଇବାଲକ୍‌ମନ୍ ତାକେ ଆରି କେତେ ଦିନ୍ ସେମନ୍‌ର ସଙ୍ଗ୍ ରଇବାକେ ବାବୁଜିଆ କଲାଇ ।

**୧୧**

**ଜିରୁସାଲମ୍ ମଣ୍ଡୁଲିକେ ପିତର ଜାନାଇବାଟା**

୧ ଜିଉଦି ନଇଲା ଲକ୍‌ମନ୍ ମିସା ପରମେସର୍‌ର ବାକିଅ ନାମି ଆଚଡ଼ ବଲି ପେରିଡ଼ ସିସ୍‌ମନ୍ ଆରି ଜିଉଦା ରାଇଜର୍ ବିନ୍ ବିସ୍‌ବାସି ବାଇମନ୍ ସୁନ୍‌ଲାଇ । ୨ ପିତର କାଇସେରିଆ ଅନି ଜିରୁସାଲାମ୍ ଗାଲା । ଜିଉଦି ନଇଲା ଲକ୍‌ମନ୍‌କେ ସୁନ୍‌ଡ଼ କରୁ ବଲି କଇବା ଲକ୍‌ମନ୍ ତାକେ ବାକାନିକରି କଇଲାଇ, ୩ “ତୁଇ ଜିଉଦି ନଇଲା ଗରେ, ଅବ୍‌କା ଗତିଆଅଇ ଜାଉସ୍ ନାଇ, ତେଇ କାଇଲୁସ୍ ମିସା ।” ୪ ମାତର ମୁଲେଅନି କରନିଲିଅକେ କାଇକାଇଟା ଗଟିରଇଲା, ସେଟା ବୁଜାଇବାକେ ପିତର କଇଲା । ୫ “ମୁଇ ଜପା ନାଉଁର୍ ନଅରେ ପାର୍‌ତନା କରବା ବେଲେ ଗଟେକ୍ ଦରସନ୍ ଦେକ୍‌ଲି । ଗଟେକ୍ ବଡେଟା ଚାଦର୍ ଚାରିକନେ ଡରସଙ୍ଗ୍ ବାନ୍ଦି ଜୁଲାଇଅଇ ଆକାସେଅନି ଉଡରଲା ଆରି ସେଟା ମର୍ଲଗେ ଅଟକ୍‌ଲା ।” ୬ ସେ ବିଡ଼ରେ, ଗରେପସବା ପସ୍ତୁ, ଡଙ୍ଗ୍‌ରେ ରଇବା ପସ୍ତୁ, ରାଙ୍ଗି ବୁଲ୍‌ବାଟାମନ୍ ଆରି ବିନ୍ ବିନ୍ ରକାମର୍ ଚଡ଼ଇମନ୍ ରଇଲାଟା ନିକକରି ଦେକ୍‌ଲି । ୭ ତାର୍‌ପଚେ ଗଟେକ୍ କର୍ଟ୍ ସୁନ୍‌ଲି, “ପିତର ! ଉଟ୍, ମାରିକରି କାଆ ।” ୮ ମାତର ମୁଇ କଇଲି, “ନାଇ ମାପୁରୁ ! ମୁଲ୍‌କେ ନିତି ! ଆମର୍ ଜିଉଦିମନ୍‌ର ନିୟମ୍ ମନାକିରିରଇବା ଇସାବେ, ଏବେ ଜାକ କାଇମିସା ମାଉଁସ୍ ଟଣ୍ଡେ ଚିଆଇ ନାଇତା ।” ୯ ସର୍‌ଗେଅନି ଆରିତରେକ୍ ଏ କର୍ଟ୍ ଆଇଲା, “ପରମେସର୍ କାଇଟା ଆଲେ କାଇ ଅଇସି ବଲି କଇଲେ ସେଟା ନିଟ୍‌ବାର୍ ନାଇ ।” ୧୦ ଏନ୍ତାରି ତିନ୍‌ତର୍ ଅଇଲା ପଚେ, ସେ ଜୁଡ଼ମନ୍ ରଇଲାଟା ସଙ୍ଗ୍ ସେ ଚାଦର୍ ସରଗ୍ ଉପରେ ଜିକିନେଲାଇ । ୧୧ ସମାନ୍ ବେଲାଇସେ, କରନିଲିଅ ପାଟାଇଲା ତିନ୍ ଲକ୍ ସିସେରିଆଅ ଅନି ମୁଇ ରଇବା ଗରେ ଆସି କେଟ୍‌ଲାଇ । ୧୨ ଦୁଇମିନିଆ ନ ଅଇ ସେମନ୍‌ର ସଙ୍ଗ୍ ଜିବାକେ ମକେ ସୁକଲ୍‌ଆଡ଼ମା ଚାଲ୍‌ନା ଦେଲା

। ଜପାରର ଏ ଚଅଟା ବିସ୍ଵାସି ବାଇମନ୍ ମିସା ମର ସଙ୍ଗ ସିସେରିଆଇ ଗାଲାଇ ଆରି ଆମେ ସବୁ ଲକ୍ କର୍ନେଲିଅର୍ ଗରେ କେଟ୍ଲୁ । <sup>୧୩</sup> ତାର ଗରେ ସେ କେନ୍ଦ୍ରି ସରଗ୍ ଦୁତର୍ ଦର୍ସନ୍ ପାଇରଇଲା, ସେ ବିସଇ ଆମ୍ବେ ଜାନାଇଲା । ସରଗ୍ ଦୁତ୍ ତାକେ ଏକ୍ତି କଇରଇଲା, ଜପାତେଇ ରଇବା ପିତରକେ, ତାର ଆରି ଗଟେକ୍ ନାଉଁ ଅଇଲାନି ସିମନ୍, ତାକେ ଇତି ତାକି ଆନ୍ବାକେ ଲକ୍ ପାଟା । <sup>୧୪</sup> ସେ ଆସି ତମ୍ବେ ସିକିଆ ଦେଇସି ଆରି ସିତିଅନି ତମ୍ବେ ଆରି ତମର୍ ଗରର୍ ଲକ୍ବେ ପର୍ମେସର୍ ରକିଆ କର୍ସି । <sup>୧୫</sup> ଆରି ମୁଇ ଜେଡେବଲ୍ ସିକିଆଦେବାର୍ ଆରାମ୍ କଲି, ଆଗେ ସୁକଲ୍ ଆଡ଼ମା ଜେନ୍ତାରି ଆମର୍ ଉପ୍ରେ ତାବିଅଇରଇଲା, ସେନ୍ତାରି ସେମନ୍ ଉପ୍ରେ ତାବିଅଇଲା । <sup>୧୬</sup> ତାରପତେ ମୁଇ ମାପୁରର୍ ଏ ବାକିଅ ଏତାଇଲି, ଜଅନ୍ ତମ୍ବେ ପାନି ସଙ୍ଗ୍ ତୁବନ୍ ଦେଲା, ମାତର୍ ପର୍ମେସର୍ ତମ୍ବେ ସୁକଲ୍ଆଡ଼ମାଇ ତୁବନ୍ ଦେଇସି । <sup>୧୭</sup> “ଏଟା ପୁରାପୁରନ୍ ସଡ଼ ଜେ, ଆମେ ମାପୁରୁ ଜିସୁକିରିସଟକେ ବିସ୍ଵାସ୍ କଲାକେ ପର୍ମେସର୍ ଆମ୍ବେ ଜନ୍ ଦାନ୍ ଦେଲାଆରେ, ଜିଉଦିନଇଲା ଲକ୍ମନ୍ବେ ମିସା ସେ ଦାନ୍ ଦେଲା ଆତେ । ଜଦି ପର୍ମେସର୍ ମନ୍ କର୍ସି ବଇଲେ, ମୁଇ କେ ଜେ ପର୍ମେସରର୍ ଏ କାମ୍ ଅଟ୍ଟକାଇବି !”

<sup>୧୮</sup> ଜିଉଦି ବିସ୍ଵାସିମନ୍ ଏଟା ସୁନ୍ଲା ପତେ ଆରି ନ ବାକାନିକରି ପର୍ମେସରକେ ଡାକ୍ପୁଟା କଲାଇ, “ସେନ୍ତାର୍ ଆଲେ ଜିଉଦିନଇଲା ଲକ୍ମନ୍ବେ ମିସା ପାପ୍ କଲାଟା ମାନିଅଇକରି ନ ସାର୍ବା ଜିବନ୍ ପାଇବାକେ ସେ ସୁଜଗ୍ ଦେଲାଆତେ ।”

**ଆନ୍ତିୟକର୍ ମଣ୍ଡୁଲି**

<sup>୧୯</sup> ଜିରୁସାଲେମର୍ ଲକ୍ମନ୍ ତିପାନ୍ବେ ମରାଇଲାପତେ ବିସ୍ଵାସିମନ୍ବେ ତାଡ଼ନା ଦେଲାଇ । ତେଇଅନି କେତେଲକ୍ ଚିନ୍ଦିନ୍ ଅଇଗାଲାଇ । ସେମନ୍, ପିନିସିଆ, ସାଇପରସ୍ ଆରି ଆନ୍ତିଅକ୍ ଟାନେ ଜାଇ ଅବ୍କା ଜିଉଦିମନ୍ବେସେ ସୁବ୍ କବର୍ ଜାନାଇଲାଇ । <sup>୨୦</sup> ମାତର୍ କେତେଟା ସାଇପରସ୍ ଆରି କୁରିନିୟର୍ ବିନ୍ ବିସ୍ଵାସିମନ୍, ଆନ୍ତିଅକେ ଜାଇ ଜିଉଦି ନଇଲା ଲକ୍ମନ୍ବେତେଇ ଜିସୁ ମାପୁରୁର୍ ସୁବ୍ କବର୍ ଜାନାଇଲାଇ । <sup>୨୧</sup> ପର୍ମେସରର୍ ବପୁ ସେମନ୍ ସଙ୍ଗ୍ ରଇଲା ଆରି ବେସି ଲକ୍ ବିସ୍ଵାସ୍ କରି ମାପୁରୁର୍ ବାଟେ ମନ୍ ବାଉତାଇଲାଇ ।

<sup>୨୨</sup> ଆନ୍ତିୟକିଆଇ ବେସି ଲକ୍ ଜିସୁଟାନେ ବିସ୍ଵାସ୍ କଲାଇନି ବଲି ଜିରୁସାଲେମର୍ ମଣ୍ଡୁଲିମନ୍ ସୁନ୍ଲାଇ । ଆରି ସେମନ୍ ବରନବାକେ ଆନ୍ତିୟକିଆଇ ପାଟାଇଲାଇ । <sup>୨୩</sup> ବରନବା ତେଇ କେଟିକରି ପର୍ମେସର୍ ସେ ଲକ୍ମନ୍ବେ କେନ୍ଦ୍ରି ଆସିରବାଦ୍ କଲାଆରେ, ସେଟା ଦେକି ସାର୍ଦା ଅଇଲା । ଆରି ମନ୍ପରାନ୍ ଦେଇକରି ମାପୁରୁକେ ବିସ୍ଵାସ୍ କରି ଚଲାଚଲ୍ତି କର୍ବାକେ ସେମନ୍ବେ ସିକିଆ ଦେଇ ସାର୍ଦା କଲା । <sup>୨୪</sup> ବରନବା ସୁକଲ୍ଆଡ଼ମାଇ ଆରି ବିସ୍ଵାସେ ପୁରନ୍ ଅଇ ରଇବା ଗଟେକ୍ ଦରମ୍ ଲକ୍ ରଇଲା । ସେ କବର୍ ଜାନାଇଲାକେ ବେସି ଲକ୍ ମାପୁରୁର୍ ଲଗେ ଆଇଲାଇ ।

<sup>୨୫</sup> ତାର ପତେ ବରନବା ସାଉଲ୍ବେ କଜ୍ବାକେ ତାରସ୍ ଜାଗାଇ ଗାଲା । <sup>୨୬</sup> ତେଇ ତାକେ ବେଟ୍ପାଇ ବରନବା ଆନ୍ତିଅକେ ତାକି ଦାରିଆଇଲା । ପୁରା ଗଟେକ୍ ବରସ୍ ଜାକ ବରନବା ଆରି ସାଉଲ୍ ତେଇ ମଣ୍ଡୁଲିର୍ ବିସ୍ଵାସିମନ୍ ସଙ୍ଗ୍ ମିସି, ଲକ୍ମନ୍ବେ ସିକିଆ ଦେଲାଇ । ଏ ଆନ୍ତିଅକର୍ ବିସ୍ଵାସିମନ୍ବେସେ ଲକ୍ମନ୍ ସିଗ୍ ପର୍ତୁମ୍ କିରିସଟାନ୍ ବଲି କଇରଇଲାଇ ।

<sup>୨୭</sup> ସେବେଲାଇ କେତେଟା ବବିସଡ଼ବକ୍ତାମନ୍ ଜିରୁସାଲେମଅନି ଆନ୍ତିଅକେ ଆଇଲାଇ । <sup>୨୮</sup> ସେମନ୍ ବିଡ଼ରେଅନି ଆଗାବ୍ ନାଉଁର୍ ଗଟେକ୍ ଲକ୍ ଆଡ଼ମାର୍ ବପୁ ସଙ୍ଗ୍ ପୁରନ୍ ଅଇ, ଗୁଲାଇ ଦେସେ ଗଟେକ୍ ବଡ଼ ମର୍ଡ଼ି ଅଇସି ବଲି ବବିସଡ଼ କାତା ସୁନାଇ ରଇଲା । ଏଟା ବଡ଼ ସାସନ୍କାରିଆ କଲ୍ଡିୟ ରମ୍ବେସେ ସାସନ୍ କଲାବେଲେ ଗଟି ରଇଲା । <sup>୨୯</sup> ଆନ୍ତିଅକିଅର୍ ସିସମନ୍ ଜିଉଦାଇ ରଇଲା ବିସ୍ଵାସି ବାଇମନ୍ବେ ତାକର୍ ପାର୍ଲା ଏଡ଼କି ତାବୁ ପାଟାଇବାକେ ଟିକ୍ କଲାଇ । <sup>୩୦</sup> ସେମନ୍ ତାବୁ ଜମାଇକରି ବରନବା ଆରି ସାଉଲ୍ ଆତେ, ମଣ୍ଡୁଲିର୍ ପାର୍ଡିମନ୍ ଲଗେ ପାଟାଇ ଦେଲାଇ ।



**ଅଦିକ୍ ତାଡ଼ନା**

<sup>୧</sup> ଏ ବେଲାଇ, ଏରଦ୍ ରାଜା ଜିରୁସାଲେମ୍ ମଣ୍ଡୁଲିର୍ କେତେକ୍ ବିସ୍ଵାସିମନ୍ବେ ତାଡ଼ନା ଦେବାର୍ ଦାରଲା । <sup>୨</sup> ଜଅନର୍ ବାଇ ଜାକୁବ୍ବେ କାଣ୍ଡା ସଙ୍ଗ୍ ମାରି ମରାଇଲା, ଜାକୁବ୍ ଜଅନର୍ ବଡ଼ ବାଇ ରଇଲା । <sup>୩</sup> ଜାକୁବ୍ବେ ମରାଇଲାଟା ଜିଉଦିମନ୍ବେ ସାର୍ଦା କରାଇଲା । ଏଟା ଦେକି ଏରଦ୍ ପିତରକେ ମିସା ବନ୍ଦି କର୍ବାକେ ଡିଆରଲା । ଏଟା ଜିଉଦିମନ୍ କମିର୍ ନ ମିସାଇତେ ରୁଟିକର୍ବା ପରବ୍ ବେଲେ ଅଇରଇଲା । <sup>୪</sup> ସଇନମନ୍ ପିତରକେ ବାନ୍ଦିକରି ବନ୍ଦିଗରେ ପୁରାଇଲାଇ । ରକିଆ ପାଇବା ପରବର୍ ପତେ ସବୁ ଲକ୍ମର୍ ମୁଆଟେ ବିଚାରନା କର୍ବି ବଲି ଏରଦ୍ ବାବି ରଇଲା । ସେଟାପାଇ ଗଟେକ୍ ଦଲେ ଚାରିଲକ୍ ଲାକା ଅଇ, ଚାରିଟା ଦଲ୍ବକରି ସନିଅମନ୍ ତାକେ ଜାଗିରଇଲାଇ । <sup>୫</sup> ପିତର୍ ବନ୍ଦିଗରେ ରଇଲାବେଲେ ଜିରୁସାଲେମେ ରଇବା ମଣ୍ଡୁଲିର୍ ବିସ୍ଵାସିମନ୍ ଗଟେକ୍ ଅଇକରି ତାର୍ପାଇ ପର୍ମେସରକେ ପାର୍ଡନା କର୍ତେରଇଲାଇ ।

**ପିତର୍ ବନ୍ଦିଗରେ ଅନି ମୁକଲ୍ବାଟା**

☆ ୧୧:୧୨ ୧୧:୧୨ ପେରିଡ଼ ୧:୫ ☆ ୧୧:୧୯ ୧୧:୧୯ ପେରିଡ଼ ୮:୧-୪ ☆ ୧୧:୨୮ ୧୧:୨୮ ପେରିଡ଼ ୨୧:୧୦

୭ ଜନ୍ ଦିନେ ଏରଦ ପିତରକେ ଲକ୍ମନର ମୁଆଟେ ଆନବାକେ କାତା ଦେଇରଇଲା, ତାର ଆଗତୁର ରାତି ପିତର ବନ୍ଦିଗରେ ଦୁଇଟା ଜାଗୁଆଲ୍ମନର ମଜାଇ ସଇରଇଲା । ତାକେ ସନିଅମନର ମିସ୍ତେ ଦୁଇଟା ଆତେ ଦୁଇଟା ସିକ୍ଲି ସଙ୍ଗ ବାନ୍ଦିରଇଲା । ଆରି ଜାଗୁଆଲ୍ମନ ବନ୍ଦିଗରର ଦୁଆରେ ଜାଗିରଇଲା । ୮ ସେ ଦାପ୍ରେ, ଏଦେ ଦେକା ! ମାପ୍ପରୁ ଗଟେକ୍ ଦୁଡ଼ ଆସି ପିତରର ମୁଆଟେ ଚିଆଅଇଲା ଆରି ଗୁଲାଇ ବାକରା ଉଜଲ୍ ଅଇଗାଲା । ସରଗର୍ ଦୁଡ଼ ପିତରକେ କନ୍ଦେ ଦାରି ଚୁଲ୍ଚୁଲାଇଲା ଆରି ସଇଲାଟାନେଅନି ଉଟାଇକରି କଇଲା “ଦାପ୍ରେ ଉଡ଼ !” ଉଡ଼ଲା ଦାପ୍ରେ ବାନ୍ଦି ଅଇରଇଲା ସିକ୍ଲି କୁସ୍ଲିଗାଲା । ୯ ତାରପରେ ଦୁଡ଼ କଇଲା, “ଆଁଟାଇ ଦୁଆଲ୍ ବାନ୍ଦିଅ ଆରି ପାଣ୍ଡୁଇ ପିନ୍ ।” ପିତର ସେକ୍ତି କଲା ପଚେ ଦୁଡ଼ କଇଲା, “ତାଦର୍ ତାବିଅଇକରି ମର୍ ସଙ୍ଗ୍ ଆଉ ।” ୧୦ ପିତର ଦୁଡ଼ ପଚେ ପଚେ ବନ୍ଦିଗରେ ଅନି ବାରଇ ଆଇଲା । ଦୁଡ଼ ଜନ୍ଟା କର୍ତେରଇଲା, ସେଟା ସଡ଼ କି ନର୍ ବଲି ଜାନି ନାପାର୍ତେରଇଲା । “ଏଟା ଗଟେକ୍ ଦରସନ୍ ଦେକ୍ଲିନି ।” ବଲି ବାବ୍ତେରଇଲା । ୧୧ ସେମନ୍ ଜାଗୁଆଲ୍ମନ ରଇବା ଦୁଇଟା ଜାଗା ଜିତିକରି ପଚେ ନଅରେ ପୁରବା ଲୁଆ କାପାଟ୍ ରଇବା ଲଗେ ଆଇଲା । ତାକର୍ପାଇ ଲୁଆ କାପାଟ୍ ତାରମନକେସେ ଉଗାଡ଼ିଅଇଗାଲା ଆରି ସେମନ୍ ବାରଇ ଉଚିଆଇଲା । ସେମନ୍ ବାଟେ ଇଣ୍ଡୁ ଲୁଣ୍ଡୁ ଅଟାଡ଼ ସରଗର୍ ଦୁଡ଼ ପିତରକେ ଚାଡ଼ି ମାୟା ଅଇଗାଲା ।

୧୧ ତାରପରେ ଜାଇଟା ଗଟିରଇଲା, ସେଡ଼କିବେଲେ ତାକେ କାଇଟା ଅଇରଇଲା, ସେଟା ପିତର ଜାନିପାରି କଇଲା, “ଏଟା ସଡ଼ ବଲି ମୁଇ ଜାନିଆଚି । ଏରଦର୍ ଟାନେଅନି ଆରି ଜିଉଦି ଲକ୍ମନ ଜାଇଟା ଗଟ୍ଟି ବଲି ଆସା କରିରଇଲା, ତେଇଅନି ମକେ ରକିଆ କର୍ବାକେ ମାପ୍ପରୁ ସରଗର୍ ଦୁଡ଼କେ ପାଟାଇରଇଲା ।”

୧୨ ନିଜର୍ ବିସଇ ଜାନିକରି ସେ ଜଅନ୍ ମାରକର୍ ଆୟା ମରିୟମର୍ ଗରେ ଗାଲା । ତେଇ ବେସି ବିସବାସିମନ୍ ରୁଣ୍ଡିକରି ପିତରର୍ ପାଇ ପାର୍ତନା କର୍ତେ ରଇଲା । ୧୩ ପିତର ବାଇରର୍ କାପାଟେ ଟକ୍ଟକ୍ କରି ମାର୍ଲାଇକେ, ରଦା ନାଉଁର୍ ଗଟେକ୍ ଗତିଦାଙ୍ଗ୍ଟି କାପାଟ୍ ଉଗାଡ଼ବାକେ ଆଇଲା । ୧୪ ପିତରର୍ କର୍ସର୍ ଜାନିପାରି ସେ ଏତେକ୍ ସାରଦା ଅଇଲା ଜେ କାପାଟ୍ ନ ଉଗାଡ଼ି ବିଡ଼ରେ ପାଲାଇକରି ତେଇର୍ ବିସବାସିମନକେ କଇଲା, “ପିତର ବାଇରେ ଚିଆଅଇଲା ଆଟେ ।” ୧୫ ସେମନ୍ ତାକେ କଇଲା, “ତୁଇ ବାୟାଅଇଲୁସ୍ନି ! ମାତର୍ ‘ଏଟା ସଡ଼ ।’ ବଲି ସେ ଡାଟ୍ ସଙ୍ଗ୍ କଇଲାଗ୍ଲାକେ, ସେମନ୍ ଏଟା ତାର ଦୁଡ଼ କାଇକି,” ବଲି ବାବ୍ଲାଇ ।

୧୬ ପିତର ତରକେ ତର କାପାଟେ ମାର୍ତେ ରଇଲା । ସାରାସାରି ସେମନ୍ କାପାଟ୍ ଉଗାଡ଼ି ତାକେ ଦେକି କାବାଅଇଗାଲା । ୧୭ ସେ ଆଡ଼ ସାଗିଆକରି ସେମନକେ ଚିମରା ଅଇବାକେ କଇଲା । ଆରି ମାପ୍ପରୁ କେକ୍ତି ତାକେ ବନ୍ଦି ଗରେଅନି ବାରକରାଇ ଆନଲା, ସେ ବିସଇ ସେମନକେ କଇଲା । ତାର ପଚେ ଏ ସବୁ କାତା ଜାକୁଏ ଆରି ବିନ୍ ସବୁ ବାଇମନକେ ଜାନାଆ ବଲି କଇଲା । ପଚେ ସେ ତେଇଅନି ବିନ୍ବାଟେ ଉଚିଗାଲା ।

୧୮ ସାକାଲ୍ ପାଇଲାକେ “ପିତର କେନେଗାଲା ?” ବଲି ଜାଗୁଆଲ୍ମନ କିଲ୍ବିଲ୍ ଅଇଗାଲା । ୧୯ ଏରଦ୍ ଏଟା ସୁନିକରି ପିତରକେ କର୍ବାକେ ତାର ସନିଅମନକେ ଆଦେସ୍ ଦେଲା । ମାତର୍ ସେମନ୍ ତାକେ ମିଲାଇ ନାପାର୍ଲାଇ । ତେବେ ସାରାସାରି ଜାଗୁଆଲ୍ମନକେ ପାଟାରଲା । କେକ୍ତି ଏଟା ଅଇଲାଟା କଇନାପାର୍ଲାଇକେ ସେମନକେ ମରନର୍ ଡଣ୍ଡୁ ଦେବାକେ ଆଦେସ୍ ଦେଲା ।

ତାର ପଚେ ଏରଦ୍ ଜିଉଦା ରାଇଜେଅନି ଜାଇ କେତେ ଦିନର୍ପାଇ କାଇସରିଆଇ ବାସା ଅଇରଇଲା ।

**ଏରଦର୍ ମରନ୍**

୨୦ ସେ ବେଲାଇ ଏରଦ୍ ସର ଆରି ସିଦନର ଲକ୍ମନକେ ବେସି ରିସା ଅଇରଇଲା । ସେଟାର ପାଇ ତେଇର୍ ଲକ୍ମନ ଗଟେକ୍ ଦଲ୍, ତାକେ ବେଟ୍ ଅଇବାକେ ଗାଲା । ପର୍ତୁମ୍ ସେମନ୍ ରାଜା ସଇବା ଗର୍ ଦାଇତେ ରଇଲା ବାଲିସ୍ଟସ୍ତକେ ରୁଜାଇ, ତାର ସାଇଜ ପାଇଲା । ତାର ପଚେ ସେମନ୍ ଏରଦର୍ ଲଗେ ଜାଇ ସାକ୍ତିସଙ୍ଗ୍ ରଉଁ ବଲି କାତା ଅଇଲା, କାଇକେ ବଇଲେ ଏରଦର୍ ରାଇଜେଅନି ସେମନର୍ ଦେସେ କାଇବା ଜିନିସ୍ ଜାଇତେରଇଲା ।

୨୧ ଜନ୍ ଦିନେ ଏରଦର୍ ସଙ୍ଗ୍ ସେମନ୍ ବେଟ୍ ଅଇବାକେ ଟିକ୍ କରିରଇଲା, ସେ ରାଜାମନ୍ ପିନ୍ଦବା ବସ୍ତର୍ ପିନ୍ଦଲା ଆରି ତାର ବସ୍ତା ଜାଗାଇ ବସି ଲକ୍ମନକେ ଗଟେକ୍ ବାସନ୍ ଦେଲା । ୨୨ ସୁନ୍ଦା ଲକ୍ମନ ଆଉଲିଅଇଲା, “ଜେ କାତା ଅଇଲାନି, ସେ ଲକ୍ ନର୍, ମାତର୍ ପର୍ମେସର୍ !” ୨୩ “ମୁଇ ପର୍ମେସର୍ ନଇ,” ବଲି କଏ ନାଇକେ ଦାପ୍ରେ ମାପ୍ପରୁ ଦୁଡ଼ ଏରଦ୍କେ ରଗି କରାଇଲା । ସେଟାରପାଇ ତାର ଗୁଲାଇଗାଗଡ଼ କିଡ଼ା କାଇଲା ଆରି ମରିଗାଲା ।

୨୪ ଏ ବେଲାଇ ବିସବାସିମନ୍ ପର୍ମେସରର୍ ବାକିଅ ସୁନ୍ଦା ଆରି ବିସ୍ବାସ୍ କର୍ବା ଲକ୍ମନ ବଡ଼ିଗାଲା । ୨୫ ଜିଉଦା ଦେସର୍ ବିସବାସିମନକେ ତାରୁ ଦେଇ ସାରାଇକରି ବର୍ନବା ଆରି ସାଉଲ୍, ଆନ୍ଟିଅକିଆ ଅଇଲା । ଜଅନ୍ ଆରି ମାରକକେ ମିସା ସେମନ୍ ସଙ୍ଗ୍ ନେଇ ଜିରୁସାଲମେ ବାଅଡ଼ଲା ।

**୧୩**

**ବର୍ନବା ଆରି ସାଉଲକେ ପେରିଡ଼ ସିସ୍ ଇସାବେ ବାଚି ପାଟାଇଲା**

୧ ଆନ୍ଟିଅକି ମଣ୍ଡୁଲିତେଇ କେତେଟା ବବିସଡ଼ବକ୍ତା ଆରି ସିକିଆ ଦେବା ଗୁରୁ ରଇଲା । ସେମନର୍ ବିଡ଼ରେ ରଇଲା ବର୍ନବା, ସିମନ୍ ଜାକେ କି ନିଗର୍ ତାକ୍ତେରଇଲା, ଲୁସିଅସ୍, ଜେ କି କୁରିନିୟ୍ ଅନି ଆସିରଇଲା, ମନର୍ସମ୍ ଜେ କି ଏରଦର୍ ଗରେ ବଡ଼ି ରଇଲା ଆରି ସାଉଲ୍ । ୨ ସେମନ୍ ମାପ୍ପରୁ ସେବା ଆରି ଉପାସ୍ କଲାବେଲେ, ସୁକଲ୍

ଆଡ଼ମ୍ବା ସେମନ୍ତକେ କଇଲା, “ମୁଇ ଜନ୍ କାମ୍ପାଇ ସାଉଲ୍ ଆରି ବର୍ନବାକେ ଡାକ୍ଲି ଆଟି, ସେଟାର୍ ପାଇ ସେମନ୍ତକେ ଆଲ୍ଗା କରା ।”

୩ ସେଟାର୍ପାଇ ସେମନ୍ତ ଉପାସ୍ କଲାଅରି ପାର୍ତନା କରି ତାକର୍ ଉପ୍ରେ ଆଡ଼ ସଙ୍ଗାଇ ସେମନ୍ତକେ କବର୍ କଇବା କାମେ ପାଟାଇଲା ।

**ସାଇପରସ୍ ତେଇ ସେବା କାମ୍**

୪ ସୁକଲ୍ ଆଡ଼ମାଇଅନି ଆଦେସ୍ ପାଇକରି ଜାଇରଇବା ବର୍ନବା ଆରି ସାଉଲ୍ ସେଲୁକିଆଇ ଗାଲା । ଆରି ତେଇଅନି ପାନି ଜାଜେ ବସି ସାଇପରସ୍ ସମ୍ପୁର୍ ମଜାଇ ରଇବା ଜାଗାଇ ଗାଲା । ୫ ସାଲାମି ଗତେ କେଟି ଜିଉଦିମନ୍ତ ପାର୍ତନା ଗର୍ମନ୍ତକେ ପରମେସର୍ ବାକିଅ ଜାନାଇଲା । ଜଅନ୍ ମାର୍କ ମିସା ସେମନ୍ତ ସଙ୍ଗ ରଇକରି ସେମନ୍ତକେ ସାଇଜ କର୍ତେ ରଇଲା ।

୬ ସେମନ୍ତ ସାଇପରସ୍ ଜାଗା ଚାଡ଼ି ପାପ୍ତେ ନାଉର୍ ଜାଗାଇ ଗାଲା । ତେଇ ବାର୍ଜିସୁ ନାଉର୍ ଗଟେକ୍ ମୈତର୍ ସିକିରଇବା ଜିଉଦିକେ ବେଟ୍‌ଅଇଲା । ସେ ନିଜ୍‌କେ ମିର୍ରେ ବସିସ୍‌ବକ୍ତା ବଲି କଇତେ ରଇଲା । ୭ ସେ ସମ୍ପୁର୍ ମଜାଇ ରଇଲା ଜାଗାର୍ ସାସନ୍ କାରିଆର୍ ସର୍ଗିଅ ପାଉଲ୍ ମଇତର୍ ରଇଲା । ସର୍ଗିଅସ୍ ଗଟେକ୍ ଗିଆନି ଲକ୍ ରଇଲା । ସେ ପରମେସର୍ ବାକିଅ ସୁନ୍‌ବାକେ ମନ୍ କରି ବର୍ନବା ଆରି ପାଉଲ୍‌କେ ଡାକାଇଲା । ୮ ମାତର୍ ଗୁନିଆଁ ଏଲିମାସ୍, (ଏଟା ତାର୍ ଗିରିକ୍ ନାଉ) ସେମନ୍ତକେ ନିରୁ ବଲି କଇଲା, କାଇକେ ବଇଲେ, ସେ ସାସନ୍ କାରିଆ କିରିସ୍‌ଟକେ ବିସ୍‌ବାସ୍ ନ କର ବଲି ବାବ୍‌ତେ ରଇଲା । ୯ ମାତର୍ ସାଉଲ୍ ଜାର୍ ନାଉକି ପାଉଲ୍, ସୁକଲ୍ ଆଡ଼ମାଇ ପୁରୁନ୍ ଅଇ, ମୈତର୍ ଜାନିରଇବା ଲକର୍ ବାଟେ ନିକ ଦେକଲା । ୧୦ ଆରି କଇଲା, “ଏ ସଇତାନର୍ ପିଲା ! ତୁଇ, ସବୁ ନିମାନ୍ ବିସଇ ବିରଦ୍ କଲାସ୍‌ନି । ତୁଇ ସବୁ ରକାମର୍ କରାପ୍ କାମେ ପୁରୁନ୍ ଅଇ ଆତୁସ୍ ଆରି ସବୁବେଲେ ପରମେସର୍ କାମ୍ ମିର୍ ବଲି ଦେକାଇବାକେ ଚେସ୍‌ଟା କଲୁସ୍‌ନି । ୧୧ ଏବେ ମାପୁରୁ ଆତେ ଡଣ୍ଡ ପାଇସୁ । ତୁଇ କାଣା ଅଇଜାଇକରି ଚନେକର୍ପାଇ ବେଲର୍ ଉଜଲ୍ ଦେକି ନାପାରୁସ୍ ।”

ସେଦାପ୍ରେ ଏଲିମାସର୍ ଆକି ଦୁଉର୍ ଆନ୍ଦାର୍ ଅଇଗାଲାପାରା ଲାଗ୍ଲା । ଆରି ତାକେ ଆତେ ଦାରି ଡାକିନେବାକେ ଗଟେକ୍ ଲକ୍‌କେ ଏନେତେନେ ଆଣ୍ଟାଲି ଅଇ କଜି ବୁଲ୍ଲା । ୧୨ ଏଟା ଦେକି ସାସନ୍‌କାରିଆର୍ ବିସ୍‌ବାସ୍ ଅଇଲା, କାଇକେ ବଇଲେ ମାପୁରୁ ସିକିଆ ସୁନି ସେ କାବା ଅଇଜାଇରଇଲା ।

**ପିସିଦିଆର୍ ଆନ୍ତିୟକ ତେଇ ସେବା କାମ୍**

୧୩ ପାଉଲ୍ ଆରି ତାର୍ ସଙ୍ଗ ଜିବା ଲକ୍‌ମନ୍ ପାପ୍ତ ଜାଗାଇ ଅନି ପାନିଜାଜେ ଜାଇ ପପୁଲିଆର୍ ପର୍ଗା ନାଉ ଜାଗାର୍ ଗଟେକ୍ ଗତେ କେଟ୍‌ଲା । ଜଅନ୍‌ମାର୍କ ତେଇ ସେମନ୍ତକେ ଚାଡ଼ିକରି ଜିରୁସାଲାମ୍ ବାଉଡ଼ିଗାଲା । ୧୪ ସେମନ୍ତ ପର୍ଗାଇଅନି ଜାଇ ପିସିଦିଆର୍ ଆନ୍ତିୟକେ କେଟ୍‌ଲା । ଆରି ବିସ୍‌ରାମ୍‌ବାର୍ ଦିନେ ପାର୍ତନା ଗରେ ଜାଇ ବସ୍‌ଲା । ୧୫ ମସାର୍ ନିୟମ୍ ଆରି ବସିସ୍‌ବକ୍ତାମନ୍ତ ଲେକା ପଡ଼ଲା ପଟେ, ପାର୍ତନା ଚାଲାଉମନ୍ ସେମନ୍ତକେ ଏ କାତା କଇପାଟାଇଲା, “ବାଇମନ୍ ଜଦି ଲକ୍‌ମନ୍ ସାର୍‌ଦା ବଡ଼ାଇବାପାରା ଉପ୍‌ଦେସ୍ ଦେବାର୍ ଆଟେ, ତେବେ କୁଆ ।” ୧୬ ପାଉଲ୍ ଟିଆଅଇ ଲକ୍‌ମନ୍‌କେ ଚିମରାଇ ଅଇବାକେ ଆଡ଼ ସାଗିଆ କରି କଇଲା ।

“ଇତି ରୁଣ୍ଡୁଅଇଲା ଇସ୍ରାଏଲ୍ ବାଇମନ୍ ଆରି ପରମେସର୍‌କେ ପାର୍ତନା କର୍‌ବା ଜିଉଦି ନଇଲା ଲକ୍‌ମନ୍, ମର୍ କାତା ସୁନା ! ୧୭ ଇସ୍ରାଏଲ୍ ଜାତିର୍ ପରମେସର୍ ଆମର୍ ଆନିଦାଦିମନ୍ତକେ ବାଟ୍‌ଲା । ଆରି ମିସର୍ ଦେସେ ସେମନ୍ତ ପର୍‌ଦେସିଅଇ ରଇତେ ରଇଲା ବେଲେ, ଗଟେକ୍ ବଡ଼ ଜାତି କଲା । ପରମେସର୍ ତାର୍ ବଡ଼ ବପୁ ସଙ୍ଗ ସେମନ୍ତକେ ମିସରେଅନି ବାର୍‌କରାଇ ଆନ୍‌ଲା । ୧୮ ଆରି ଚାଲିସ୍ ବରସ୍ ଜାକ ମରୁବାଲିରୁଏଁ ସେମନ୍ତ ସାଦ୍‌ବାନ୍ କଲାଟା ମୁରୁଲ୍ଲା । ୧୯ ସେ କିଣାନେ ସାଡ଼ଟା ଦଲ୍‌କେ ନସ୍‌ଟ କରି ତାର୍ ବାଟ୍‌ଲା ଲକ୍‌ମନ୍‌କେ ସେ ଦେସ୍ ଦେଲା । ୨୦ ପାକାପାକି ଚାର୍ ସଅ ପଗାସ୍ ବରସ୍ ବିଡ଼ରେ ଏ ସବୁ ଗର୍‌ନା ଗଟିଗାଲା ।”

“ତାର୍ ପଟେ ସାମୁଏଲ୍ ବସିସ୍‌ବକ୍ତାର୍ ବେଲା ଜାକ ପରମେସର୍ ସେମନ୍ତ ଉପ୍ରେ ବିଚାର୍‌ପତିମନ୍ତକେ ବାଟ୍‌ଲା । ୨୧ ଜେଡେବେଲେ ସେମନ୍ତ ଗଟେକ୍ ରାଜା ଦର୍‌କାର୍ ବଲି କଇଲା, ପରମେସର୍ ସେମନ୍ତକେ ଚାଲିସ୍ ବରସ୍ ଜାକ ସାସନ୍ କର୍‌ବାକେ ବେନ୍‌ଜାମିନ୍ କୁଟୁମର୍ କିସ୍‌ଅର୍ ପଅ ସାଉଲ୍‌କେ ବାଟ୍‌ଲା । ସାଉଲ୍ ଇସ୍ରାଏଲିୟମନ୍ତକେ ଚାଲିସ୍‌ବରସ୍ ସାସନ୍ କଲା । ୨୨ ତାର୍ ପଟେ ପର୍‌ମେସର୍ ତାକେ ରାଜା ପଦ୍ ଚାଡ଼ାଇକରି ଦାଉଦ୍‌କେ ସେମନ୍ତ ରାଜା କଲା ।” ପରମେସର୍ ତାର୍ ବିସଇ କଇରଇଲା, “ମୁଇ ଜନ୍ ରକାମେ ଲକ୍‌ମନ୍‌କେ ଆଲାଦ୍ କର୍‌ବି, ଜେସିର୍ ପଅ ଦାଉଦ୍ ସେନ୍ତାରି ଗଟେକ୍ ଲକ୍ । ସେ ମୁଇ ମନ୍‌କଲା ଇସାବେ ସବୁଜାକ କାମ୍ କର୍‌ସି ।” ୨୩ ଏ ଦାଉଦ୍ କୁଟୁମର୍ ଲକ୍‌ଗଟାନେଅନି ପର୍‌ମେସର୍ ସେ କାତା ଦେଲା ଇସାବେ ଜିସୁକେ ଇସ୍ରାଏଲ୍ ଜାତିର୍ ମୁକ୍ତିକାରିଆ କଲାଆଟେ । ୨୪ \*ଜିସୁ ତାର୍ କାମ୍ ଆରାମ୍ କର୍‌ବା ଆଗଡୁ, ଜଅନ୍ ଇସ୍ରାଏଲର୍ ସବୁ ଲକ୍‌କର୍ ଲଗେ ଜାନାଇକରି, ସେମନ୍ତକେ ପାପେଅନି ମନ୍ ବାଉଡ଼ାଇ ତୁବନ୍ ନେବାକେ ଅଇସି ବଲି କଇରଇଲା । ୨୫ \*ଆରି ଜଅନ୍ ତାର୍ ସେବା କାମ୍ ସାରାଇବା ଆଗଡୁ ଲକ୍‌ମନ୍‌କେ

☆ ୧୩:୨୪ ୧୩:୨୪ ମାର୍କ ୧:୪; ଲୁକ୍ ୩:୩ ☆ ୧୩:୨୫ ୧୩:୨୫ ଜଅନ୍ ୧:୨୦; ମାଡିଉ ୩:୧୧; ମାର୍କ ୧:୭; ଲୁକ୍ ୩:୧୭; ଜଅନ୍ ୧:୨୭

ପାତରୁଲା, “ମର ବିସଇ ତମେ କାଇଟା ବାବୁଲାସନି ? ତମେ ଜାକେ ଜାଗି ଆତାସ୍, ମୁଇ ସେ ନଇ । ମାତର ସୁନା ! ସେ ଦାପରେ ଆଇଲାନି । ତାର ଗତିଦାଙ୍ଗତା ଅଇକରି ପାଣ୍ଡୁଇରୁ ପିତା ମିସା କୁସୁଲାଇବାକେ ମର ଅଦିକାର ନଇ ।”

୨୭ ଏ ମର ଇସରାଏଲର ବାଇମନ୍, ଅବ୍ରାହାମର ନାତିତିମିମନ୍ ଆରି ପରମେସରକେ ପାର୍ତନା କରବାକେ ଇତି ରୁଣ୍ଡୁଲା ଜିଉଦି ନଇଲା ଲକ୍ମନ୍, ଆମ୍ବକେ ସେ ମୁକ୍ତିର କବର ମିଲ୍ଲା ଆତେ । ୨୭ ମାତର ସେ ଆକା ଉଦାରକାରିଆ । ଜିରୁସାଲମର ଲକ୍ ଆରି ସେମନର ନେତାମନ୍ ବିସରାମ୍ବାରେ ବବିସତ୍ବକ୍ତାମନର ଲେକାଇଅନି ପଡ଼ଲାଟା ଲକ୍ମନ୍ ବୁଜୁଡ଼ନାଇ । ଏଲେମିସା ଜିସୁକେ ଦସି କରି ବବିସତ୍ବକ୍ତାମନର କାତା ସିଦ୍ କଲାଇ । ୨୮ ଜିସୁକେ ବେସି ଲକ୍ ଦସ୍ଦେଲାଇ । ମାତର କେ ମିସା ମରନର ଡଣ୍ଡ ପାଇବା ଏଡ଼କି ଦସ୍ କଜି ନାପାରୁଲାଇ । ଏଲେମିସା ତାକେ ମରନର ଡଣ୍ଡ ଦେବାକେ ପିଲାଡ଼କେ ବାଦିଅ କଲାଇ । ୨୯ ସ୍ତାସ୍ତରେ ଜନ୍ ସବୁ ବିସଇ ଲେକା ଆତେ, ସେ ଇସାବେ ସବୁ କାମ୍ କଲାପତେ ସେମନ୍ ତାକେ କୁରସେଅନି ଉଡ଼ରାଇ ଆନ୍ଲାଇ । ବିନଲକ୍ମନ୍ ଆସିକରି ତାର ଗାଗଡ଼ ନେଇ ସମାଦିଟାନେ ସଙ୍ଗଇଲାଇ । ୩୦ ମାତର ପରମେସର ତାକେ ମଲାତେଇଅନି ଉଟାଇଲା । ୩୧ ବେସି ଦିନ୍ ଜାକ, ତାର ସଙ୍ଗ ଗାଲିଲିଅନି ଜିରୁସାଲମ୍ ଆଇବାଜିବା ଲକ୍ମନ୍ ତାକେ ଦେକଲାଇ । ଏବେ ସେମନ୍ ଇସରାଏଲ ଲକ୍ମନରତେଇ ତାର ସାକି ଆତଡ଼ । ୩୨ ଆମର ଆନିଦାଦିମନକେ ପରମେସର କାତା ଦେଇରଇଲା ଇସାବେ ଆମେ ତମ୍ବକେ ଏ ସୁବ୍ କବର ଜାନାଇଲୁନି । ୩୩ ପରମେସର ଜିସୁକେ ମଲାତେଇଅନି ଉଟାଇକରି ସେଟା ସିଦ୍ କଲାଆତେ । ସେମନର ପିଲାମନ୍ ଆମ୍ବକେ, ଆମର ବିଡ଼ରେ ସେ କାତା ଦେଲାଟା ସିଦ୍ ଅଇଲା ଆତେ । ଗିଡ଼ ସଙ୍ଗିତାର ଦୁଇ ଲମର ଗିତେ ଦାଉଦ୍ ଏନ୍ତାରି ଲେକିଆତେ, “ତମେ ମର ପଅ,

ଆଜି ମୁଇ ସବୁକେ ଦେକାଇ ଆତି ଜେ ସତଇସେ ମୁଇ ତର ବାବା ।”

୩୪ ଆରି ପରମେସର ପୁରବେଅନି ସପଡ଼ କରି କାତାଦେଇରଇଲା । ମୁଇ ତାକେ ମଲାତେଇଅନି ଉଟାଇବି । ତାର ଗାଗଡ଼ ସମାଦିତେଇ କୁଇ ଜିବାକେ ନ ଦେଇ । ଦାଉଦ୍ କେ ଦେଇ ରଇବା ସପଡ଼ ଇସାବେ

ସତଇସେ ମୁଇ ତମ୍ବକେ ସୁକଲ୍ କରି ସବୁ ଆସିର୍ବାଦ୍ ଦେବି ।

୩୫ ଦାଉଦ୍ ଆରି ଗଟେକ୍ ଗିତସଙ୍ଗିତାଇ ଲେକଲାଆତେ, ମୁଇ ମରିଗାଲେ ମରଗାଗଡ଼ ବୁଇ ସମାଦିତେଇ କୁଇ ଜିବାକେ ଚାଡ଼ି ନ ଦେଉସ୍ ।

୩୬ ଦାଉଦ୍ ସାସନ୍ କଲାବେଲେ ପରମେସର ମନ୍ କଲା ଇସାବେ କାମ୍ କରି ସାରାସାରି ମଲା । ଆରି ଆନିଦାଦିମନର ସଙ୍ଗ ତପିଅଇଲା । ତାର ଗାଗଡ଼ ସମାଦିତେଇ କୁଇଲା । ୩୭ ମାତର ପରମେସର ଜାକେ ମଲାଟାନେଅନି ଉଟାଇଲା, ତାର ଗାଗଡ଼ କୁଏ ନାଇ । ୩୮ ତେବର୍ପାଇ ମର ଏ ଇସରାଏଲର ବାଇମନ୍, ତମେ ଏଟା ଜାନିରୁଆ । ଜିସୁ କରିରଇବା କାମେଅନି ସେ, ତମର ପାପ୍ କେମା ଅଇସି । ୩୯ ମସାର ନିୟମ୍ ମାନିକରି ଆତୁ ବଇଲେ ପାପ୍ କେମା ନ ଅଇତା । ମାତର ଜିସୁଟ ଟାନେ ବିସ୍ବାସ୍ କଲାର୍ପାଇ ଆମେ ସବୁଲକ୍ ପାପେ ଅନି ମୁକ୍ତି ଆତୁ, ସେଟା ତମେ ଜାନ୍ବାର୍ ଆତେ । ୪୦ ଜାଗରଡ଼, ବବିସତ୍ବକ୍ତାମନ୍ ଜାଇଟା କଇଲାଇ ଆତଡ଼, ସେଟା ଜେଡ଼ିକି ତମ୍ବକେ ନ ଗଟ । ୪୧ ପରମେସର କଇଲା, ଏ ମକେ କିଜାଇବା ଲକ୍ମନ୍ ! ତମେମନ୍ କିଲ୍ବିଲ୍ ଅଇ ମରା !

କାଇକେ ବଇଲେ ତମର ବେଲାଇ ମୁଇ ଜନ୍ କାମ୍ କରବାକେ ଗାଲିନି,

ସେଟା ଜେ ମିସା ବୁଜାଇ କଇଲେ, ତମେ ବିସ୍ବାସ୍ ନ କରାସ୍ ।

୪୨ ପାଉଲ୍ ଆରି ବରନବା ପାର୍ତନା ଗରେଅନି ବାରଇବା ବେଲେ, ଆରି ଗଟେକ୍ ବିସ୍ବାମ୍ବାରେ ବାଉଡ଼ି ଆସି ଏ ସବୁ ବିସଇ ଆରି ବୁଜାଇବାକେ, ଲକ୍ମନ୍ ବାବୁଜିଆ କଲାଇ । ୪୩ ଲକ୍ମନ୍ ପାର୍ତନା ଗରେଅନି ଉଟିଗାଲା ପତେ, ବେସି ଜିଉଦିମନ୍ ଆରି ଜିଉଦି ଦରମ୍ ନେଇରଇବା ଜିଉଦି ନ ଅଇଲା ଲକ୍ମନ୍, ସାଉଲ୍ ଆରି ବରନବାର୍ ସଙ୍ଗ ଜିବାଡ଼ଦାରୁଲାଇ । ପେରିଡ଼ ସିସ୍ମନ୍ ତାକର ସଙ୍ଗ କାତା ଅଇ ପରମେସରର ଜିବନ୍ଦୁକାଇଲାଟାକେ ମାନିକରି ଜିଇବାକେ ସେମନ୍କେ ସାର୍ଦା କରାଇଲାଇ ।

୪୪ ତାର ଆରକର ବିସ୍ବାମ୍ବାରେ ଆନ୍ଟିଅକିଅ ଗଡ଼ର ସବୁ ଲକ୍ ମାପୁରୁର୍ ବାକିଅ ସୁନ୍ବାକେ ଜିଉଦିମନ୍ ପାର୍ତନା ଗରେ ରୁଣ୍ଡୁଲାଇ । ୪୫ ବେସି ଲକ୍ ରୁଣ୍ଡୁଲାଟା ଦେକି, ଜିଉଦି ନେତାମନ୍ ଇସା ଅଇଲାଇ । ଆରି ପାଉଲ୍ କଇବା କାତା, ବିରଦ୍ କରି ନିନ୍ଦା କଲାଇ । ୪୬ ମାତର ପାଉଲ୍ ଆରି ବରନବା ଅଦିକ୍ ତାଟ୍ ସଙ୍ଗ କଇଲାଇ, “ପରତମେ ପରମେସରର ବାକିଅ ତମର ଲଗେ ଜାନାଇବାର୍ ଦରକାର୍ ରଇଲା । ମାତର ତମେ ସେଟା ନିର୍ଲସ୍ନି । ଆରି ତାର ସଙ୍ଗ ନ ସାର୍ବା ଜିବନ୍ ପାଇବାକେ ଅଦିକାର୍ ନାଇ ବଲି ବିଚାର୍ କଲାସନି । ସେଟାର୍ପାଇ ଆମେ ତମ୍ବକେ ଚାଡ଼ି, ଏ କାତା ଜିଉଦି ନଇଲା ଲକ୍ମନ୍କେ କଇବାର୍ ଗାଲୁନି । ୪୭ କାଇକେ ବଇଲେ ମାପୁରୁ ଆମ୍ବକେ ଏ ଆଦେସ୍ ଦେଲା ଆତେ ।” ଆନ୍ଦାରେ ଉଜଲ୍ ଅଇଲାପାରି

ଜିଉଦି ନ ଅଇଲା ଲକ୍ମନ୍କେ ମର ବିସଇ ଜାନାଇବାକେ ମୁଇ ତମ୍ବକେ ବାଟିଆତି ।

ଜେନ୍ତାରି କି ମୁଇ ସେମନ୍କେ ରକିଆ କରି ପାର୍ବି ବଲି ଦୁନିଆର୍ ସବୁ ଲକ୍ମନ୍କେ ତମେ କଇପାରାସ୍ ।

☆ ୧୩:୨୮ ୧୩:୨୮ ମାତିଉ ୨୭:୨୨,୨୩; ମାର୍କ ୧୫:୧୩,୧୪; ଲୁକ୍ ୨୩:୨୧-୨୩; ଜଅନ୍ ୧୯:୧୫ ☆ ୧୩:୨୯ ୧୩:୨୯ ମାତିଉ ୨୭:୫୭-୬୧; ମାର୍କ ୧୫:୪୨-୪୭; ଲୁକ୍ ୨୩:୫୦-୫୬; ଜଅନ୍ ୧୯:୩୮-୪୨ ☆ ୧୩:୩୧ ୧୩:୩୧ ପେରିଡ଼ ୧:୩

୪୮ ଜିଉଦି ନଇଲା ଲକ୍ମନ ଏଟା ସୁନି ବେସି ସାରଦା ଅଇଗାଲାଆ ଆରି ପର୍ଯ୍ୟେସରର୍ କବର୍ ପାଇ ଜୁଆର୍ କଲାଇ । ଜନ୍ ଲକ୍ମନ ନ ସାରଦା ଜିବନର୍ ପାଇ ବାଟାଇ ଅଇରଇଲାଇ, ସେମନ୍ ସେ କବର୍ ସୁନି ବିସ୍ବାସ୍ କଲାଇ ।

୪୯ ତେଇର୍ ବିସ୍ବାସିମନ୍ ସେ ଜାଗାଇ ବୁଲି ବୁଲି ମାପୁରୁର୍ ବାକିଅ ଜାନାଇଲାଇ । ୫୦ ମାତର୍ ସେ ଗତର୍ ବଡ଼ ଲକ୍ମନ ଆରି ପର୍ଯ୍ୟେସର୍କେ ଉପାସନା କରବା ଉପର୍କେ ରଇବା ଜିଉଦି ନ ଅଇଲା ମାଇଜିମନ୍‌କେ ସୁଡ଼ରାଇକରି, ତେଇର୍ ଜିଉଦିମନ୍, ପାଉଲ୍ ଆରି ବର୍ନବାକେ ବିରଦ୍ କଲାଇ । ସେମନ୍ ତାଉଁକେ ତାହନା ଦେବାର୍ ଆରାମ୍ କଲାଇ । ଆରି ସେ ଜାଗାଇଅନି ବାର୍ କରିଦେଲାଇ । ୫୧ ଖତେଇଅନି ଜିବାବେଲେ ପେରିଡ଼ ସିସ୍‌ମନ୍ ସେ ଲକ୍ମନର୍ ବିରଦେ ତାକର୍ ପାଦର୍ ଦୁଲି ପାପ୍ତିଦେଇ ଇକନିଅତେଇ ଗାଲାଇ । ୫୨ ଆନ୍‌ଟିଅକର୍ ବିସ୍ବାସିମନ୍ ସୁକଲ୍ ଆତ୍‌ମାଇ ଆରି ସାରଦାଇ ପୁରୁନ୍ ଅଇଲାଇ ।

## ୧୪

### ଇକନିୟତେଇ କାମ୍

୧ ଜନ୍‌ଟା ଆନ୍‌ଟିଅକିତେଇ ଗଟିରଇଲା, ସେ ସମାନ୍ ବିସଇ ଆକିଅଟାନେ ମିସା ଅଇଲା । ପାଉଲ୍‌ଆରି ବର୍ନବା ପାର୍ତନା ଗରେ ଏନ୍ତି ଡାଟ୍ ସଙ୍ଗ୍ ପରଟାର୍ କଲାଇ ଜେ ବେସି ଜିଉଦି ଆରି ଗିରିକ୍ ଲକ୍ମନ ଜିସୁକେ ବିସ୍ବାସ୍ କଲାଇ । ୨ ମାତର୍ ଜନ୍ ଜିଉଦିମନ୍ ସେ ବାକିଅ ବିସ୍ବାସ୍ କରଡ଼ନାଇ, ସେମନ୍ ଜିଉଦି ନ ଅଇଲା ଲକ୍ମନକେ ବେମ୍‌ଜା କରି, ବିସ୍ବାସି ବାଇମନ୍‌କେ ବିରଦ୍ କରାଇଲାଇ । ୩ ଏଲେମିସା ପାଉଲ୍ ଆରି ବର୍ନବା ତେଇ ବେସିଦିନ୍ ରଇକରି ଡାଟ୍ ସଙ୍ଗ୍ ମାପୁରୁର୍ ବିସଇ ଜାନାଇଲାଇ । ମାପୁରୁ ଏମନ୍‌କେ କାବା ଅଇଜିବା କାମ୍‌ମନ୍ କରି ଦେକାଇବାକେ ବପୁଦେଲା । ଏନ୍ତାରି ମାପୁରୁ ତାର୍ ଜିବନ୍ ଦୁକାଇଲା ବାକିଅ ସତ୍‌ବଲି ଦେକାଇଲା । ୪ ଇକନିଆ ନଅରର୍ ଲକ୍ମନ ଦୁଇଟା ଦଲେ ବାଗ୍ ଅଇଲାଇ । ସେମନ୍‌ର୍ ବିଡ଼ରେଅନି କେତେ ଲକ୍ ଜିଉଦିମନ୍‌ର୍ ବାଟେ ଆରି କେତେ ଲକ୍ ପେରିଡ଼ ସିସ୍‌ମନ୍‌ର୍ ବାଟେ ଅଇଲାଇ ।

୫ ତାର୍‌ପଟେ କେତେଟା ଜିଉଦି ନଇଲା ଲକ୍ ଆରି ଜିଉଦିମନ୍ ସେମନ୍‌ର୍ ନେତାମନ୍‌ର୍ ସଙ୍ଗ୍ ଏକ୍‌ଜୁଟ୍ ଅଇ ପେରିଡ଼ ସିସ୍‌ମନ୍‌କେ ବେସି କାରାପ୍ ତଲ୍‌ଚଲ୍‌ତି କରି ସେମନ୍‌ର୍ ଉପ୍‌ରେ ପାକ୍‌ନା ମାରି ମରାଇଦେବାକେ ପାଁଟ୍‌ଲାଇ । ୬ ମାତର୍ ପାଉଲ୍ ଆରି ବର୍ନବା ସେଟା ଜାନିକରି ଲୁକାନିଆଇ ରଇବା ଲୁସ୍‌ତାରା ଆରି ଦର୍‌ବି ଗତର୍ ଚାରିବେଡ଼ିତ୍‌ର୍ ଜାଗାଇ ଦାପ୍‌ରେ ପାଲାଇଲାଇ । ୭ ଆରି ସିତି ସୁବ୍ କବର୍ ଜାନାଇଲାଇ ।

### ଲୁସ୍‌ତାରା ଆରି ଦର୍‌ବିତେଇ ସେବା କାମ୍

୮ ଲୁସ୍‌ତାରାତେଇ ଜନ୍‌ମେଅନି ଗଡ଼ ବାଙ୍ଗିଟି ରଇଲା ଗଟେକ୍ ଚଟା ଲକ୍ ରଇଲା । ସେ ବିଲ୍‌କୁଲ୍ ଇଣ୍ଡି ନାପାର୍‌ତେ ରଇଲା । ୯ ତେଇ ବସି, ସେ ପାଉଲ୍‌ର୍ ସିକିଆ ସୁନ୍‌ତେ ରଇଲା । ତାର୍ ମନେ ବିସ୍ବାସ୍ ଅଇଲାଆଟେ ଆରି ସେ ନିମାନ୍ ଅଇପାର୍‌ସି ବଲି ପାଉଲ୍ ଜାନି ପାର୍‌ଲା । ସେଟାର୍ ପାଇ ତାର୍‌ବାଟେ ଡିରିଆଇ ଦେକି, ୧୦ ଆଉଲିଅଇ କଇଲା, “ମଇତର୍ ପାଦ୍ ମାଣ୍ଡିକରି, ସିଦା ଟିଆ ଅ !” ସେ ଲକ୍ ତେଗଇ କରି ଚାରିବେଟ୍‌ଡି ଇଣ୍ଡିବାର୍ ଦାର୍‌ଲା । ୧୧ ତେଇ ରୁଣ୍ଡିଲା ଲକ୍ମନ ପାଉଲ୍‌ର୍ କାମ୍ ଦେକି ତାକର୍ ଲୁକାନିଆ ବାସାଇ ସାରଦା ଅଇ ଆଉଲିଅଇବାର୍ ଦାର୍‌ଲାଇ । “ଦେକା, ଏ ଲକ୍ମନ ସତଇସେ ଦେବ୍‌ତା ଅଇରଇବାଇ । ନିଜେ ମନସ୍ ରୁପ୍ ଦାରି ଉଡ଼ି ଆଇଲାଇ ଆଚଡ଼ ।” ୧୨ ସେମନ୍ ବର୍ନବାକେ ଜିଅସ୍ ବଲି ଜେ କି ତାକର୍ ମୁକିଅ ଦେବ୍‌ତା ରଇଲା, ଆରି ପାଉଲ୍‌କେ ଏରମିସ୍ ବଲି ନାମ୍‌ଲାଇ । ଏରମିସ୍ କାଇକେବଇଲେ ସେ ବେସି କାତା ଅଇତେରଇଲା । ୧୩ ଗଡ଼ ବାଇରର୍ ମୁଆଟେ ରଇଲା ଜିଅସ୍ ମନ୍ଦିରର୍ ପୁଜାରି, ଦୁଆର୍ ଲଗେ କେତେଟା ପୁଲ୍ ମାଲା ପିନ୍ଦାଇକରି, କେତେଟା ସଣ୍ଡିମନ୍‌କେ ଆନ୍‌ଲା । କାଇକେବଇଲେ ସେ ଆରି ସିତି ରୁଣ୍ଡିଲା ଲକ୍ମନ ପେରିଡ଼ ସିସ୍‌ମନ୍‌ର୍ ପାଇ ବଲ୍‌ଦ୍‌ମନ୍‌କେ ବିରୁ କରବାକେ ମନ୍ କରିରଇଲାଇ ।

୧୪ ସେମନ୍ ଜନ୍ କାମ୍ କରବାକେ ଜାଇରଇଲାଇ, ବର୍ନବା ଆରି ପାଉଲ୍ ସେଟା ସୁନ୍‌ଲା ଦାପ୍‌ରେ, ନିଜର୍ ବସ୍‌ତର୍ ଚିରିପାକାଇଲାଇ, ଲକ୍ମନର୍ ବିଡ଼ରେ ପାଲାଇଜାଇ ଆଉଲିଅଇ କରି କଇଲାଇ, ୧୫ “ଏ ଲକ୍ମନ ତମେ କାଇକେ ଏଟା କଲାସ୍‌ନି ? ଆମେ ତମର୍ ପାରା ଲକ୍ ସେ । ତମ୍‌କେ ସୁବ୍ କବର୍ ଜାନାଇବାକେ ଆଇଲୁଆରୁ । ଆରି ଏ ତୁଟାଇ ରଇବା ପୁଡ଼ିଲାମନ୍‌କେ ପୁଜା କରବାଟା ଚାଡ଼ିକରି, ଜିବନ୍ ରଇବା ପର୍ଯ୍ୟେସର୍କେ ଉପାସନା କରା ବଲି, କଇବାକେ ଆସିଆରୁ । ଏ ପର୍ଯ୍ୟେସର୍ ସରଗ୍, ଦର୍‌ଡନି, ସମ୍‌ଦୁର୍ ଆରି ତାର୍ ବିଡ଼ରେ ରଇବା ସବୁ ବିସଇ ଡିଆର୍ କଲାଆଟେ । ୧୬ ପୁର୍‌ବେ ନିଜେ ମନ୍‌କରି ନିଜର୍ ବାଟେ ଜିବାକେ, ପର୍ଯ୍ୟେସର୍ ଲକ୍ମନକେ ଚାଡ଼ିଦେଇ ରଇଲା । ୧୭ ମାତର୍ ତାକର୍ ସବୁ ନିମାନ୍ କାମେଅନି ସେ ସବୁବେଲାଇ ଚିନ୍ ଦେକାଇଆଟେ; ସେ ଆକାସେଅନି ପାନି ଆରି ସମାନ୍ ବେଲାଇ କାଦି ପାଟାଇସି, ବେସି କାଦି ଜାଗାଇସି ଆରି ସାରଦା ସଙ୍ଗ୍ ତମର୍ ମନ୍ ପୁରୁନ୍ ଅଇଜାଇସି ।” ୧୮ ଏଡ଼କି କଇଲେ ମିସା, ପାଉଲ୍ ଆରି ବର୍ନବାର୍‌ପାଇ ବଲି ଦେବାର୍ ଆଟେଆକା ବଲି କଇଲାଇ ।

୧୯ ପଟେ ପିସିକିଆର୍ ଆନ୍‌ଟିଅକ ଆରି ଇକନିୟଅନି କେତେଟା ଜିଉଦିମନ୍ ଆଇଲାଇ । ସେମନ୍ ଲକ୍ମନକେ ସୁଡ଼ରାଇକରି ତାକର୍‌ବାଟେ ନେଲାଇ । ପାଉଲ୍‌କେ ପାକ୍‌ନାମାରାଇଲାଇ ଆରି ତାକେ ମଲାବଲି ବାବି ଗଡ଼ ବାଇରେ

☆ ୧୩:୫୧ ୧୩:୫୧ ମାଡିଉ ୧୦:୧୪; ମାର୍କ ୬:୧୧; ଲୁକ୍ ୯:୫; ୧୦:୧୧

ଅରଗତି ଜିକିନେଲା । ୨୦ ମାତର ବିସ୍‌ବାସିମନ୍ ଆସି ତାର ଚାରିବେଟି ଟିଆଅଇଲାକେ, ସେ ଉଟିକରି ତାକର ସଙ୍ଗେ ଗଡ଼ ବିଡ଼ରେ ବାଅଡ଼ଲା । ତାର ଆରକର ଦିନେ ସେ ଆରି ବରନବା ଲୁସରା ଚାଡ଼ି ଦରବିଏ ଗାଲା ।

**ସିରିଆର୍ ଆନ୍‌ଟିୟକତେଇ ବାଅଡ଼ଲା**

୨୧ ପାଉଲ୍ ଆରି ବରନବା ଦରବିଡେଇ ସୁବ୍ କବର ଜାନାଇକରି ବେସି ଲକ୍‌ମନ୍‌କେ ସିସକଲା । ତାର ପତେ ସେମନ୍ ଲୁସ୍‌ତାରା, ଦରବି, ଇକନିଅ ଆରି ପିସିଦିଆର୍ ଆନ୍‌ଟିଅକିତେଇ ବାଉଡ଼ି ଗାଲା । ୨୨ ସେମନ୍ ବିସ୍‌ବାସିମନ୍‌କେ ବିସ୍‌ବାସେ ତାଟ୍‌ଅଇ ରଇବାକେ ସାର୍‌ଦା କଲା । ସେମନ୍ ସିକିଆ ଦେଇ କଇଲା, “ପରମେସରର୍ ରାଇଜେ କେଟ୍‌ବାକେ ଆଲେ ଆମ୍‌କେ ବେସି ଦୁକ୍‌କସ୍‌ଟ ଦେଇ ଜିବାକେ ଅଇସି ।” ୨୩ ସବୁ ମଣ୍ଡଲିର୍ ପାର୍‌ଟିନ୍‌ମନ୍‌କେ ବାଟ୍‌ଲା ଆରି ଜନ୍ ମାପୁରୁଡେଇ ସେମନ୍ ବିସ୍‌ବାସ୍ କରି ରଇଲା, ସେମନ୍‌କେ ପାର୍‌ତନା ଆରି ଉପାସ୍ ସଙ୍ଗେ ସର୍‌ପାଇଲା ।

୨୪ ପିସିଦିଆ ବାଟ୍‌ଦେଇ ସେମନ୍ ପପୁଲିଆଇ ଆଇଲା । ୨୫ ତାରପତେ ପରଗାଇ କେଟ୍‌ଲା । ଆରି ମାପୁରୁର୍ କାତା ଜାନାଇ ଆତାଲିଆତେଇ ଗାଲା । ୨୬ ଆତାଲିଆଇ ସେମନ୍ ପାନିଜାଜେ ଚଗି ଆନ୍‌ଟିଅକିଅତେଇ ବାଉଡ଼ି ଆଇଲା । ଏ ଆନ୍‌ଟିଅକିଅର୍ ବିସ୍‌ବାସିମନ୍ ପାଉଲ୍ ଆରି ବରନବାକେ ପରମେସରଟାଣେ ସର୍‌ପାଇଦେଇକରି ବିନ୍ ଜାଗାମନ୍‌କେ ମାପୁରୁର୍ ବାକିଅ ଜାନାଇବାକେ ପାଟାଇରଇଲା ।

୨୭ ସେମନ୍ ଆନ୍‌ଟିଅକିଅ କେଟି ମଣ୍ଡଲିର୍ ଲକ୍‌ମନ୍‌କେ ରୁଣ୍ଡାଇଲା । ପରମେସର ତାକରଟାଣେ କରଇରଇବା ସବୁ କାମ୍ ସେମନ୍‌କେ ଜାନାଇଲା । ଜିଉଦି ନ ଅଇଲା ଲକ୍‌ମନ୍ ଜିସୁଟାଣେ ବିସ୍‌ବାସ୍ କରବାକେ ପରମେସର କେନ୍ଦ୍ରି ବାଟ୍ ଉଗାଡ଼ଲା, ସେଟା ସବୁଜାକ ସେମନ୍‌କେ ଜାନାଇଲା । ୨୮ ପାଉଲ୍ ଆରି ବରନବା ତେଇ ବିସ୍‌ବାସିମନ୍‌ର ସଙ୍ଗେ ବେସି ଦିନ୍ ଜାକ ରଇଲା ।

**୧୫**

**ଜିରୁସାଲାମେ କିରିସ୍‌ଟିଆନ୍ ସବା**

୧ ଜିଉଦାଇଅନି କେତେକ୍ ଲକ୍ ଆନ୍‌ଟିଅକ୍ ନଅରେ ଆଇଲା । ସେମନ୍ ଆନ୍‌ଟିଅକ୍ ବିସ୍‌ବାସି ବାଇମନ୍‌କେ ଏନ୍ତି କଇକରି ସିକାଇଲା, “ମସାର ନିୟମ୍ ଇସାବେ ଜଦି ତମେ ସୁନଡ଼ ନ ଉଆସ୍, ତମର୍ ପାପର୍ ତଣ୍ଡେଅନି ମୁକ୍ତି ନ ପାଆସ୍ ।” ୨ ଏ ବିସଇ, ସେମନ୍‌ର ସଙ୍ଗେ ପାଉଲ୍ ଆରି ବରନବା ବେସି ଦଦାପେଲା ଅଇଲା । ତେବର୍‌ପାଇ ଆନ୍‌ଟିଅକ୍ ବିସ୍‌ବାସିମନ୍ ରାଜି ଅଇଲାଜେ, ପାଉଲ୍ ଆରି ବରନବା ଆରି ଆନ୍‌ଟିଅକ୍ ମଣ୍ଡଲିଅନି କେତେ ଲକ୍ ଜିରୁସାଲାମେ ଜାଅଡ଼ ଆରି ତେଇର୍ ପାର୍‌ଟିନ୍ ଆରି ପେରିଡ଼ ସିସ୍‌ମନ୍‌ର ସଙ୍ଗେ ଏ ବିସଇ କାତା ଅଅଡ଼ ।

୩ ଆନ୍‌ଟିଅକ୍ ମଣ୍ଡଲି ସେମନ୍ ଜିବାଟା ସୁବିଦା କରିଦେଇ ପାଟାଇଲା । ସେମନ୍ ପିନିସିଆ ଆରି ସମିରଣ୍ ବାଟ୍ ଦେଇ ଜିବାବେଲେ, ଜିଉଦି ନଇଲା ଲକ୍‌ମନ୍ କେନ୍ଦ୍ରି ମନ୍ ବାଦ୍‌ଲାକରି ପରମେସରକେ ନାମ୍‌ଲା, ସେ ବିସଇ ଜାନାଇଲା । ଏ କାତା ସୁନି ବିସ୍‌ବାସି ବାଇମନ୍ ବେସି ସାର୍‌ଦା ଅଇଲା । ୪ ସେମନ୍ ଜିରୁସାଲାମ୍ କେଟ୍‌ଲା ପତେ ମଣ୍ଡଲିର୍ ଲକ୍, ପେରିଡ଼ ସିସ୍‌ମନ୍ ଆରି ମଣ୍ଡଲିର୍ ପାର୍‌ଟିନ୍‌ମନ୍‌କେ ବେଟ୍‌ଅଇଲା । ଆରି ପରମେସର ତାକରଲଗେ କରଇରଇବା କାମ୍ ବିସଇ ପାଉଲ୍ ଆରି ବରନବାକେ ଜାନାଇଲା । ୫ ମାତର ପାରୁସି ଦଲର୍ କେତେଟା ବିସ୍‌ବାସିମନ୍ ଟିଆଅଇ କଇଲା, “ଜିଉଦି ନଇଲା ଲକ୍‌ମନ୍ ସୁନଡ଼ ଅଇବାର୍ ଆଟେ ଆକା ଆରି ମସାର ବିନ୍ ନିୟମ୍‌ମନ୍ ମାନ୍‌ବାକେ ମିସା ସେମନ୍‌କେ ସିକାଇବାର୍ ଆଟେ ।”

୬ ଏ ବିସଇ ଆଲଟନା କରବାକେ ପେରିଡ଼ ସିସ୍‌ମନ୍ ଆରି ମଣ୍ଡଲିର୍ ପାର୍‌ଟିନ୍ ରୁଣ୍ଡାଇଲା । ୭ \*ବେସି ପର୍ ଦଦାପେଲା ଅଇଲା ପତେ ପିତର୍ ଟିଆଅଇ କଇଲା, “ମର୍ ବାଇବଇନିମନ୍ ଜିଉଦି ନଇଲା ଲକ୍‌ମନ୍, ସୁନିକରି ବିସ୍‌ବାସ୍ କରବାକେ ସେମନ୍‌ଟାଣେ ସୁବ୍‌କବର ଜାନାଇବାକେ, ଆଗେଅନି ମକେସେ ବାଟ୍‌ଲାଆଟେ । ଏଟା ତମେ ଜାନାସ୍ । ୮ \*ସବୁ ଲକ୍‌ମନ୍‌ର କାତା ଜାନ୍‌ବା ପରମେସର୍ ଆମ୍‌କେ ଜେନ୍ଦ୍ରି ସୁକଲ୍ ଆଡ଼ମା ଦାନ୍ କଲା ଆଟେ, ସମାନ୍ ସେନ୍ଦ୍ରି ବିସ୍‌ବାସ୍ କରବା ଜିଉଦି ନଇଲା ଲକ୍‌ମନ୍‌କେ ମିସା ଦାନ୍‌ଦେଇ ସେମନ୍‌କେ ବାଟ୍‌ଲା ଆଟେ । ୯ ସେମନ୍‌ର ଆରି ଆମର୍ ବିଡ଼ରେ, ସେ କାଇମିସା ବଡ଼ସାନ୍ ଦେକେ ନାଇ । ସେମନ୍ ଜିସୁକେ ବିସ୍‌ବାସ୍ କଲାର୍‌ପାଇ, ସେ ସେମନ୍‌କେ ସୁକଲ୍ କଲାଆଟେ । ୧୦ ସେନ୍ଦ୍ରି ଆଲେ ଗଟେକ୍ ବଡ଼ ବଡ଼ ପିଟିଡେଇ ଲାଦିଦେଲାପାରା, ଆମର୍ ସବୁ ନିୟମ୍ ମାନ୍‌ବାର୍ ଆଟେ ବଲି କଇକରି ପରମେସରକେ କାଇକେ ପରିକା କଲାସିନି ? ଆଜି ଜନ୍ ବଜ୍ ବଇବାକେ, ଆମର୍ ଆନିଦାଦିମନ୍ କି ଆମେ ମିସା ବଇ ନାପାର୍‌ତେ ରଇଲୁ । ୧୧ ନାଇ, ମନେ ଏତାଇଦେକା, ଆମେ ଜେନ୍ଦ୍ରି ବିସ୍‌ବାସ୍ କରି ମାପୁରୁ ଜିସୁ ଜିବନ୍‌ଦୁକାଇଲାକେ ମୁକ୍ତି ପାଇଆରୁ, ସେମନ୍ ମିସା ସେନ୍ଦ୍ରିସେ ।”

୧୨ ତାରପତେ ପାଉଲ୍ ଆରି ବରନବାଟାଣେଅନି ଜିଉଦି ନଇଲା ଲକ୍‌ମନ୍‌ତେଇ ପରମେସର ଜନ୍ ସବୁ କାବା ଅଇଜିବା କାମ୍‌ମନ୍ ଆରି ଚକିଡ଼ ବିସଇ କରି ରଇଲା, ସେ ସବୁ କାତା ସୁନି ଦଲର୍ ସବୁ ଲକ୍ ଟିମ୍‌ରାଅଇ ରଇଲା । ୧୩ ସେମନ୍ କଇସାରାଇଲା ପତେ ଜାକୁବ୍ କଇଲା, ଏ ମର୍ ବାଇବଇନିମନ୍ ମର୍ କାତା ସୁନା ! ୧୪ ପରମେସର ପର୍‌ତମେ ଜିଉଦି ନଅଇଲା ଲକ୍‌ମନ୍‌କେ ଆଲାଦ୍ କରି, ତାର ନିଜର୍ ଲକ୍ ଅଅଡ଼ ବଲି, ତାକର ବିଡ଼ରେ ଅନି,

☆ ୧୫:୨ ୧୫:୭ ପେରିଡ଼ ୧୦:୧-୪୩ ☆ ୧୫:୮ ୧୫:୮ ପେରିଡ଼ ୧୦:୪୪:୨:୪



ଲକ୍ଷ୍ୟମାନଙ୍କେ ବାଚୁଲ୍ୟ । ଏ କାତା ସିମନ୍ତ ବୁଜାଇ ଦେଇଥାତେ । ୧୫ ପରମେସ୍ୱର କରିରଇବା ଏ କାମ୍ ବବିସତ୍ୱବକ୍ତାମନ୍ କଇରଇବାଟା ସଙ୍ଗ୍ ସମାନ୍ ଥାତେ ।

୧୬ ମାପୁରୁ କଇଲା,

“ତାର ପତେ ମୁଇ ନିଜେ ଦିନେକ୍ ବାଉଡ଼ି ଆଇବି,  
ଆରି ଦାଉଦର୍ ବାଜିଜାଇରଇବା ରାଇଜ୍ ଆରିତରେକ୍ ତିଆର୍ କର୍ବି ।  
ଜେଡ଼ିକି ସେଟା ପୁରାପୁରୁନ୍ ତାଟ୍ ରଇସି ।

୧୭ ତେଇଅନି ସବୁଜାକ ମନସ୍ ଜାତି ମର୍ ଲଗେ ଆଇବାଇ,  
ଜନ୍ ଜିଉଦି ନଇଲା ଲକ୍ଷ୍ୟମାନଙ୍କେ ମାପୁରୁ ନିଜର୍  
କରବାକେ ତାକଲାଥାତେ  
ସେମନ୍ ସବୁ ଲକ୍ଷ୍ୟ ମକେ ନାମ୍ବାଇ ।

୧୮ ମାପୁରୁ ଏ କାତା କଇଲାନ୍ତି,

ଜେ କି ବେସି ଆଗ୍ତୁ ଏ କାତା କଇରଇଲା ।”

୧୯ ଏବେ ଜାକୁବ୍ କଇବାକେ ଆରାମ୍ବଲା । ସେ କଇଲା, “ମର୍ ବିଚାର୍ ଇସାବେ, ଜନ୍ ଜିଉଦି ନଇଲା ଲକ୍ଷ୍ୟମନ୍ ପରମେସ୍ୱରର୍ ବାଟେ ବାଅଡ଼ୁଲାଇ ଆତଡ଼, ଆମେ ଆରି ସେମନ୍ଙ୍କେ ଅଇରାନ୍ ନ କରୁ । ୨୦ ଏଲେ ସେମନ୍ ଆରି ଜେଡ଼ିକି ପୁଡ଼ଲା ଦେବତାମନ୍ଙ୍କେ ସର୍ପିଦେଲା କାଇମିସା ଅସୁକଲ୍ କାଦି ନ କାଆ, ବିନ୍ ଲକ୍ଷ୍ୟ ମାଇଜି କି ମୁନୁସର୍ ସଙ୍ଗ୍ ମିସ୍ବାଟାନେଅନି ଦୁରିକେ ରଅଡ଼, ଟର୍ରି ପିଟ୍ କି ମରାଇରଇବା ପସୁର୍ ମାଉସ୍ କି ବନି, ନ କାଅଡ଼ ଏ ସବୁ ବିସଇଟାନେ ସେମନ୍ଙ୍କେ ଉପଦେସ୍ ଦେଇ, ସେମନ୍ର୍ ଲଗେ ଗଟେକ୍ ଚିଟି ଲେକୁ । ୨୧ କାଇକେବଇଲେ ବେସି ଦିନେଅନି ସବୁ ବିସରାମ୍ବାରେ ଆମର୍ ପାର୍ତନା ଗର୍ମନ୍ଙ୍କେ ମସାର୍ ନିୟମ୍ ପଡ଼ୁଲାଇନି, ଆରି ସବୁ ଗଡେ ସେ ନିୟମ୍ମନ୍ ଜାନାଇଲାଇନି ।”

**ଜିଉଦିନଇଲା ବିସ୍ବାସିମନ୍ର୍ ଲଗେ ଚିଟି**

୨୨ ପତେ ପେରିଡ଼ ସିମନ୍ତ, ମଣ୍ଡୁଲିର୍ ପାର୍ତିନିମନ୍, ଆରି ସବୁ ମଣ୍ଡୁଲିର୍ ବାଇମନ୍ ରୁଣ୍ଡୁଲାଇ । ସେମନ୍ ରାଜିଅଇରଇବା କାତା ଆନ୍ତିଅକର୍ ବିସ୍ବାସିମନ୍ଙ୍କେ ଜାନାଇବାକେ ପାଉଲ୍ ଆରି ବର୍ନବା ସଙ୍ଗ୍ ଜିବାକେ କେତେଲକ୍ଙ୍କେ ବାଚୁଲ୍ୟ । ବର୍ସବା ନାଉର୍ ଜିଉଦା ଆରି ସିଲାକେ ବାଚୁଲ୍ୟ । ଏ ଦୁଇଲକ୍ଙ୍କେ ସବୁ ବିସ୍ବାସିମନ୍ ସନ୍ମାନ୍ ଦେଇତେରଇଲା । ୨୩ ବିସ୍ବାସିମନ୍ ଏ ତଲେ ଲେକାଅଇଲା ଚିଟି, ସେ ଦୁଇ ଲକ୍ଷ୍ୟ ଆଡେ ପାଟାଇଲା ।

“ଆନ୍ତିଅକ, ସିରିଆ ଆରି ସିଲିସିଆ ରଇବା ଜିଉଦିନଇଲା ଆମର୍ ବାଇମନ୍, ଜୁଆର୍ ! ଜିରୁସାଲମର୍ ପେରିଡ଼ମନ୍, ପାର୍ତିନିମନ୍ ଆରି ତମର୍ ବାଇମନ୍, ଏ ଚିଟି ପାଟାଇଲୁନି । ୨୪ ଆମେ ସୁନ୍ଲୁନି ଜେ, ଆମର୍ ଦଲେଅନି କେତେ ଲକ୍ଷ୍ୟ ତମର୍ଟାନେ ଆସି, ଜାଇଜାଇଟା ସିକାଇଆତଡ଼, ତେଇଅନି ସେମନ୍ ତମକେ କଟପଟ ଆରି ତେରେପେତେ କଲାଆତଡ଼ । ମାତର୍ ଆମେ ସେମନ୍ଙ୍କେ ସେନ୍ତାରି କର୍ବାକେ, କାଇମିସା ଆଦେସ୍ ଦେଉନାଇ । ୨୫ ସେଟାର୍ ପାଇ ଆମେ ସବୁ ଲକ୍ଷ୍ୟ ଗଟେକ୍ ଅଇକରି କେତେଟା କବର୍ କଉମନ୍ଙ୍କେ ବାଟି, ତମର୍ ଲଗେ ପାଟାଇବାକେ ଟିକ୍ କଲୁ । ସେମନ୍ ଆମର୍ ଆଲାଦର୍ ମଇତର୍ମନ୍, ବର୍ନବା ଆରି ପାଉଲର୍ ସଙ୍ଗ୍ ଜିବାଇ । ୨୬ ଏ ମଇତର୍ମନ୍ ମାପୁରୁ ଜିସୁର୍ ସେବାତେଇ ନିଜର୍ ଜିବନ୍ ସର୍ପିଦେଇ ଆତଡ଼ । ୨୭ ସେଟାର୍ ପାଇ ଜିଉଦା ଆରି ସିଲାକେ ତମର୍ ଲଗେ ପାଟାଇଲୁନି । ଆମେ ଜାଇଟା ଲେକିଆରୁ, ସେଟା ତମକେ ସେମନ୍ ନିଜେ ବାତାଇଦେବାଇ । ୨୮ କେତେଟା ଦର୍କାର୍ ରଇଲା ନିୟମ୍ ଚାଡ଼ି, ତମର୍ ଉପରେ ଆରି କାଇମିସା ବଜ୍ ନ ଲାଦ୍ବାକେ ଆମେ ସୁକଲ୍ଆଡ଼ମାଇ ଅନି ଚାଲୁନା ପାଇଲୁଆରୁ । ୨୯ ସେ କେତେଟା ନିୟମ୍ ଅଇଲାନ୍ତି ପୁଡ଼ଲା ଦେବତାମନ୍ଙ୍କେ ପୁଜା କରିରଇବା କାଇମିସା କାଦି କାଇବାର୍ ନାଇ । ଟର୍ରି ପିଟ୍ କି ମରାଇଲା କନ୍ ମିସା ପସୁର୍ ବନି କି ମାଉସ୍ କାଇବାର୍ ନାଇ । ଆରି ବିନ୍ ମାଇଜି କି ମୁନୁସର୍ ମିଲାମିସା ଟାନେଅନି ଦୁରିକେ ରଇବାର୍ । ଏ ସବୁ କାମ୍ ନ କର୍ବାକେ ତମେ ଜାଗରଡ଼ ରଇଲେ, ଅଇଜାଇସି । ଏଡ଼କିକେ ରଇଲୁନି ।”

୩୦ ଜନ୍ କବର୍ କଉମନ୍ଙ୍କେ ପାଟାଇ ରଇଲାଇ, ସେମନ୍ ଆନ୍ତିଅକ୍ତେଇ ଜାଇ ବିସ୍ବାସିମନ୍ର୍ ସବୁ ଦଲ୍ଙ୍କେ ରୁଣ୍ଡାଇକରି ସେ ଚିଟି ଦେଲାଇ । ୩୧ ତେଇର୍ ବିସ୍ବାସିମନ୍ ସେ ଚିଟି ପଡ଼ିକରି ବେସି ସାର୍ଦା ଅଇଗାଲାଇ । ୩୨ ଜିଉଦା ଆରି ସିଲା ନିଜେ ଦୁଇ ଲକ୍ଷ୍ୟ ବବିସତ୍ୱବକ୍ତା ରଇଲାଇ । ସେମନ୍ ଆନ୍ତିଅକର୍ ବିସ୍ବାସି ବାଇମନ୍ଙ୍କେ ବେସିଦିନ୍ ରଇକରି, କବର୍ ଜାନାଇ, ସେମନ୍ର୍ ବିସ୍ବାସ୍ ତାଟ୍ କଲାଇ । ୩୩ ତେଇ କେତେ ଦିନ୍ ରଇଲା ପତେ, ଜନ୍ଲକ୍ଷ୍ୟମନ୍ ସେମନ୍ଙ୍କେ ପାଟାଇରଇଲାଇ, ସେମନ୍ର୍ ଲଗେ ବାଉଡ଼ି ଜିବାକେ, ବିସ୍ବାସି ବାଇମନ୍ ସେମନ୍ଙ୍କେ ସାନ୍ତି ସଙ୍ଗ୍, ପାଟାଇ ଦେଲାଇ । ୩୪ ମାତର୍ ସିଲା ତେଇସେ ରଇବାଟା ଟିକ୍ ବଲି ତେଇ ରଇବାକେ ମନ୍ କଲା ।

୩୫ ପାଉଲ୍ ଆରି ବର୍ନବା ଆନ୍ତିଅକ୍ତେଇ କେତେ ଦିନ୍ ରଇକରି ବେସି ଲକ୍ଷ୍ୟମନ୍ର୍ ସଙ୍ଗ୍, ମିସିବିଡ଼ି ମାପୁରୁର୍ ବାକିଅ ଜାନାଇଲାଇ ଆରି ସିକିଆ ଦେଲାଇ ।

**ପାଉଲ୍ ଆରି ବର୍ନବା ବିନେ ଅଇଲାଇ**

୩୬ କେତେ ଦିନ୍ ପତେ ପାଉଲ୍ ବର୍ନବାକେ କଇଲା, “ଜୁ, ଆମେ ବାଉଡ଼ି ଜୁ, ସବୁ ଗଡ଼ମନ୍ଙ୍କେ, ଆମର୍ ଜନ୍ ବାଇମନ୍ଙ୍କେ ମାପୁରୁର୍ ବାକିଅ ଜାନାଇ ରଇଲୁ, ସେମନ୍ଙ୍କେ ବେଟ୍ ଅଉଁ ଆରି ସେମନ୍ ବିସ୍ବାସେ କେନ୍ତି ଆତଡ଼ ବୁଜି

ଦେବୁ ।” ୩୭ ଜଅନ୍ ମାରକକେ ମିସା ତାକର୍ ସଙ୍ଗ୍ ନେବାକେ ବରନବା ମନ୍ କଲା । ୩୮ ଧମାତର୍ ପାଉଲ୍ କଇଲା “ନିରୁ, କାକକେ ବଇଲେ, ପପୁଲିଆଇ ଜନ୍ ଦିନେ ଆମର୍ କାମ୍ ସାରି ନ ରଇଲା, ସେ ଆମ୍‌କେ ଚାଡ଼ି ବାଉଡ଼ି ଉଟିଆଇଲା ।” ୩୯ ଏ ବିସଇ, ବେସି କୁଆବଲା ଅଇଲା ଆରି ସେମନ୍ ବିନେ ଅଇଲା । ବରନବା ଜଅନ୍‌ମାରକକେ ନେଇ ସାଇପରସେ ଜିବା ପାନିଜାଜେ ଚଗଲା । ୪୦ ମାତର୍ ପାଉଲ୍ ତାର୍‌ସଙ୍ଗ୍ ଜିବାକେ ସିଲାକେ ବାଟ୍ଲା । ଆରି ମାପୁରୁର୍ ଜିବନ୍‌ଦୁକାନି ତେଇ ସେମନ୍‌କେ ସର୍ପିଦେଇ, ବିସ୍‌ବାସିମନ୍ ପାଟାଇ ଦେଲା । ୪୧ ପାଉଲ୍ ଆରି ସିଲା, ସିରିଆ ଆରି ସିଲିସିଆଇ ବୁଲି ବୁଲି କରି ତେଇର୍ ମଣ୍ଡଲିମନ୍‌କେ ଡାଟ୍ କରାଇଲା ।



**ପାଉଲ୍ ଆରି ସିଲାର୍ ସଙ୍ଗ୍ ତିମତି ଜିବାଟା**

୧ ତେଇଅନି ପାଉଲ୍ ଦର୍ବି ଆରି ଲୁସ୍‌ତାରାଇ ଆଇଲା । ସେ ନଅରେ ତିମତି ନାଉର୍ ଗଟେକ୍ ବିସ୍‌ବାସି ଲକ୍ ରଇଲା । ତାର୍ ମାଆ ଗଟେକ୍ ଜିଉଦି ବିସ୍‌ବାସି ରଇଲା । ମାତର୍ ତାର୍ ବାବା ଗଟେକ୍ ଗିରିକ୍ ଲକ୍ ରଇଲା । ୨ ଲୁସ୍‌ତାରା ଆରି ଇକନିଅତେଇ ରଇବା ସବୁ ବିସ୍‌ବାସି ବାଇମନ୍ ତିମତିକେ ସନ୍‌ମାନ୍ କର୍‌ତେରଇଲା । ୩ ପାଉଲ୍ ତାର୍ ସଙ୍ଗ୍ ତିମତିକେ ନେବାକେ ମନ୍ କଲା, ସେଟାର୍‌ପାଇ ଜିବା ଆଗ୍‌ତୁ ମସାର୍ ନିୟମ୍ ଇସାବେ ତାକେ ସୁନଡ଼ କଲା । ଜେନ୍ତ୍ରକି ସେ ଜାଗାର୍ ଜିଉଦିମନ୍ ତାକେ ନିନ୍ଦା ନ କରଡ଼ । କାକକେବଇଲେ ତେଇର୍ ଲକ୍‌ମନ୍ ତିମତିର୍ ବାବା ଗିରିକ୍ ଲକ୍ ବଲି ଜାନିରଇଲା । ୪ ସେମନ୍ କେଟ୍‌ଲା ସବୁ ଜାଗାଇ ଜିଉଦି ନ ଅଇଲା ବିସ୍‌ବାସିମନ୍‌ପାଇ, ଜିରୁସାଲମର୍ ପାର୍‌ତିମନ୍ ଆରି ପେରିଡ଼ମନ୍ ରାଜି ଅଇରଇବା ନିତିନିୟମ୍ ବିସଇ କଇଲା । ଏ ସବୁ ନିୟମ୍ ମାନ୍‌ବାକେ ବିସ୍‌ବାସିମନ୍‌କେ କଇଲା । ୫ ସେଟାର୍‌ପାଇ ମଣ୍ଡଲିମନ୍‌ର୍ ଲକ୍‌ମନ୍ ବିସ୍‌ବାସେ ଡାଟ୍ ଅଇଲା ଆରି ଦିନକେ ଦିନ୍ ତାକର୍ ବିସ୍‌ବାସ୍ ବଡ଼ବାର୍ ଦାରଲା ।

**ମାସିଦନିଆଇ ଜିବା ପାଇ ତରୟାତେଇ ପାଉଲ୍‌କେ ଚାଲ୍‌ନା ମିଲ୍‌ବାଟା**

୬ ସୁକଲ୍‌ଆଡ଼ମା ସେମନ୍‌କେ ଆସିଆ ଦେସେ ମାପୁରୁର୍ କାତା କଇବାକେ ଚାଲ୍‌ନା ଦେଅଡ଼ନାଇକେ, ସେମନ୍ ପିରିଜିଆ ଆରି ଗାଲାଡିଅ ଜାଗାଇ ଗାଲାଇ । ୭ ମିସିଆର୍ ସନ୍ଦିଲଗେ କେଟି ବିତିନିଆ ରାଇଜେ ଜିବାକେ ଚେସ୍‌ଟା କଲା । ମାତର୍ ବାରଇଲାବେଲେ ଜିସୁର୍‌ଲାଗି ତାକର୍ ବିଡ଼ରେ ରଇବା ସୁକଲ୍‌ଆଡ଼ମା, ସେମନ୍‌କେ ଜିବାକେ ଚାଲ୍‌ନା ଦେଏନାଇ । ୮ ସେଟାର୍ ପାଇ ସେମନ୍ ମିସିଆବାଟ୍ ଦେଇ ତରୟାତେଇ ଗାଲାଇ । ୯ ତରୟାଇ ରଇଲାବେଲେ, ସେ ରାଡିଆ ପାଉଲ୍ ଗଟେକ୍ ଦର୍‌ସନ୍ ଦେକଲା । ସେ ଦର୍‌ସନେ ମାସିଦନିଆର୍ ଗଟେକ୍ ଲକ୍ ଚିଆଅଇ ବାବୁଜିଆ କରି କଇଲା “ମାସିଦନିଆଇ ଆସି ଆମ୍‌କେ ସାଇଜ କରା !” ୧୦ ପାଉଲ୍ ଏ ଦର୍‌ସନ୍ ଦେକଲା ଦାପୁରେ, ମାସିଦନିଆଇ ଜିବାକେ ଆମେ ତିଆର୍ ଅଇଲୁ, କାକକେବଇଲେ ଆମେ ନିକ ସଙ୍ଗ୍ ଜାନ୍‌ଲୁ, ପର୍‌ମେସର୍ ତେଇର୍ ଲକ୍‌ମନ୍‌ର୍ ବିଡ଼ରେ, ସୁବ୍ କବର୍ ଜାନାଇବାକେ ଆମ୍‌କେ ଡାକ୍‌ଲା ଆଟେ ।

**ପିଲିପିତେଇ ଲୁଦିଆର୍ ମନ୍ ପେରାନି**

୧୧ ଆମେ ତରୟାଅନି ଜାଜେ ଚଗି ସିଦା ସାମ୍‌ତରା ଗାଲୁ ଆରି ତାର୍ ଆରକର୍ ଦିନେ ନିଆପଲି କେଟ୍‌ଲୁ । ୧୨ ତେଇଆମେ ଉଡ଼୍‌ରିକରି ମାସିଦନିଆ ଜିଲାର୍ ମୁକିଅ ଗଡ଼ ପିଲିପେ ଗାଲୁ । ଏ ଗଡ଼ ଗଟେକ୍ ରମିୟ୍ ଦଲ୍ ରଇବା ଗଡ଼ ରଇଲା । ତେଇ ଆମେ ବେସି ଦିନ୍ ଜାକ ରଇଲୁ । ୧୩ ବିସ୍‌ରାମ୍‌ବାରେ ଗଡ଼ ବାଇରର୍ ଗାଡ଼ କଣ୍ଡି ଗାଲୁ । ତେଇ ଜିଉଦିମନ୍ ରୁଣ୍ଡିକରି ପାର୍‌ତନା କର୍‌ବାକେ ଗଟେକ୍ ଜାଗା ବଲି ବାବ୍‌ଲୁ । ଆମେ ତେଇ ବସ୍‌ଲୁ ଆରି ତେଇ ରୁଣ୍ଡି ରଇବା ମାଇଜି ମନ୍‌ର୍ ସଙ୍ଗ୍ କାତାବାର୍‌ତା ଅଇଲୁ । ୧୪ ସେମନ୍‌ର୍ ବିଡ଼ରେଅନି ତୁୟ୍‌ଟିରା ଗଡ଼ର୍ ଲୁଦିଆ ନାଉର୍ ଗଟେକ୍ ମାଇଜି, ଆମର୍ କାତା ସୁନ୍‌ତେରଇଲା । ସେ ବେସି ଦାମ୍‌ଅଇବା ଜାମ୍‌କଲିଆ ରଙ୍ଗ୍ ଲୁଗା ବିକ୍‌ତେରଇଲା । ସେ ପର୍‌ମେସର୍‌କେ ପାର୍‌ତନା କର୍‌ବା, ଜିଉଦି ନ ଅଇଲା ଲକ୍ । ପାଉଲ୍ ମାପୁରୁର୍ କାତା କଇଲାବେଲେ ସେଟା ନାମବାକେ ମାପୁରୁ ତାର୍ ମନ୍ ଉଗାଡ଼ିଦେଲା । ୧୫ ବିସ୍‌ବାସ୍ କଲାପଟେ, ସେ ଆରି ତାର୍ କୁଟ୍‌ମର୍ ଲକ୍ ତୁବନ୍ ନେଲା । ତାର୍ ପଟେ ସେ ଆମ୍‌କେ ଡାକିକରି କଇଲା, “ଜିଦି ସତଇସେ ମୁଇ ମାପୁରୁକେ ବିସ୍‌ବାସ୍ କଲିନି ବଲି ତମେ ବାବ୍‌ଲାସ୍‌ନି, ତେବେ ଆସି ମର୍ ଗରେ ରୁଆ ।” ସେ ଏନ୍ତି କଇ ଆମ୍‌କେ ତାର୍ ଗରେ ଜିବାକେ ସୁଡ଼ରାଇଲା ।

**ପିଲିପିର୍ ବନ୍ଦି ଗରେ ପାଉଲ୍ ଆରି ସିଲା**

୧୬ ଆରି ଗଟେକ୍‌ଦିନେ ଆମେ ପାର୍‌ତନା ଜାଗାଇ ଜାଇରଇଲୁ । ତେଇ ତୁମା ଡସିରଇବା ଗଟେକ୍ ଗତିଦାଙ୍ଗ୍‌ଡିକେ ବେଟ୍‌ଅଇଲୁ । ସେ ତାର୍ ବିଡ଼ରେ ରଇଲା କାରାପଆଡ଼ମାର୍ ବପୁ ସଙ୍ଗ୍ ବବିସଡ଼ କାତା କଇପାର୍‌ତେ ରଇଲା । ସେ ଲକ୍‌ମନ୍‌ର୍ ଆଡ଼ ଦେକି, ବବିସଡ଼ କାତା କଇଦେଇକରି, ସାଉକାର୍‌ମନ୍‌କେ ବେସି ତାବୁ କାମାଇଦେଇତେରଇଲା । ୧୭ ଆମେ ତାର୍‌ଲଗେ ଗାଲାକେ, ସେ ପାଉଲ୍ ବଲି କିର୍‌କିରି ଆମର୍ ପର୍ ପର୍ ଆଇଲା । ଆରି କଇଲା, “ଏ ଲକ୍‌ମନ୍ ସବୁର୍‌ଟାନେଅନି ବଡ଼ ପର୍‌ମେସର୍‌ର୍ ସେବାକରୁମନ୍ । ତମେ କେନ୍ତ୍ର ମୁକ୍ତି ପାଇସା, ଏ କାତା ସେମନ୍ କଇଲାଇନି ।” ୧୮ ସେ ଦାଙ୍ଗ୍‌ଡି ବେସି ଦିନ୍ ଦାରି ଏନ୍ତି କଲା । ସାରାସାରିପଟେ ପାଉଲ୍ ବିଜାର୍ ଅଇଲା । ସେ ପର୍‌ବାଟେ ପାସ୍‌ଲି ଦେକି

✳ **୧୫:୩୮** ୧୫:୩୮ ପେରିଡ଼ ୧୩:୧୩

କାରାପ୍ରାପ୍ତମାନଙ୍କ ଦମ୍ଭକାଣ୍ଡକରି କଲଲା, “ଜିସୁ କିରିସ୍ତର ନାଉଁ ଦାରି ଆଦେସ୍ ଦେଲିନି, ତାର୍ତ୍ତେଇଅନି ବାରଇ ଜା ।” ସେ କଲଲା ଦାପ୍ତରେ, କରାପ୍ର ଆତ୍ମା ତାର୍ତ୍ତେଇଅନି ବାରଇଗାଲା ।

୧୯ ଜେତେବେଲ୍ ତାକର୍ ସାଉକାରମନ୍ଦକେ ନିଜର୍ ଦନ୍ ଅରଜ୍‌ବାଟା, ବୁଡ଼ିଗାଲା ବଲି ଜାନ୍‌ଲାଇ, ପାଉଲ୍ ଆରି ସିଲାକେ ଗଡ଼ର୍ ମଜାଇ ରଇବା ରମିଅ ଅଦିକାରିର୍ ଲଗେ ଜିକି ଆନ୍‌ଲାଇ । ୨୦ ସେମନ୍‌କେ ତାକର୍ ମୁଆଟେ ଆନି ଦସ୍‌ଦେଇ କରି କଲଲାଇ “ଏମନ୍ ଜିଉଦି ଲକ୍, ଆମର୍ ଗତେ ଆସି ଗଣ୍ଡୁଗଲ୍ କଲାଇନି ।” ୨୧ ଆମର୍ ନିୟମ୍ ବିରଦେ ରିଡିନିଡି ସିକାଇଲାଇନି । ଆମେ ରମିଅ ଲକ୍, ସେଟାର୍ ପାଇ ଏ ରିଡିନିଡି ମାନି ନାପାରୁ । ୨୨ ସାଉକାର୍ ମନ୍‌ର୍ କାତାମିସାଇ ତେଇ ରଇଲା ଲକ୍‌ମନ୍, ପାଉଲ୍ ଆରି ସିଲାର୍ ବିରଦେ ଉଟ୍‌ଲାଇ ।

ସେ ଅଦିକାରିମନ୍ ପାଉଲ୍ ଆରି ସିଲାର୍ ବସ୍‌ତର୍ ଚିରିକରି କର୍ତ୍ତା ସଙ୍ଗ୍ ମାର୍‌ବାକେ ଆଦେସ୍ ଦେଲାଇ । ୨୩ ବେସି ମାଡ଼କାଇଲା ପଟେ ସେମନ୍‌କେ ବନ୍ଦି ଗରେ ପୁରାଇଲାଇ ଆରି କୁଟିଦେଇ ଜାଗ୍‌ବାକେ ବନ୍ଦି ଗର୍ ଜାଗୁଆଲ୍‌କେ ଆଦେସ୍ ଦେଲାଇ । ୨୪ ଏ ଆଦେସ୍ ପାଇ ବନ୍ଦି ଗର୍ ଜାଗୁଆଲ୍ ସେମନ୍‌କେ ଗଟେକ୍ ବିଡ଼ରର୍ ବାକ୍‌ରାଇ ପୁରାଇ ଦେଇ, ବଜ୍‌ରଇବା ଦାରୁମୁଟ୍‌ଲାଇ ତାକର୍ ଗଡ଼ ବାନ୍ଦିଦେଲା ।

୨୫ ପାଉଲ୍ ଆରି ସିଲା ମଜା ରାତି ବେଲାଇ ପର୍‌ମେସର୍‌କେ ପାର୍‌ତନା କରି ଗିଡ଼ ଗାଇତେ ରଇଲାଇ । ବନ୍ଦି ଗରେ ରଇବା ବିନ୍‌ଲକ୍‌ମନ୍ ସେଟା ସବୁ ସୁନ୍‌ଡେ ରଇଲାଇ । ୨୬ ସେଡ଼କିବେଲେ, ଅଗାଡ଼ ବେସି ଦର୍‌ତନି ତୁଲ୍‌ତୁଲ୍‌ଲା ଆରି ବନ୍ଦି ଗରର୍ ପାକାଇଲା କୁନାଦି ପାକ୍‌ନା ଆଲିଗାଲା, ସେ ଦାପ୍‌ରେ କାପାଟ୍‌ମନ୍ ଉଗାଡ଼ି ଅଇଗାଲା ଆରି ସବୁ ବନ୍ଦିମନ୍‌ର୍ ସିକ୍‌ଲି କୁସ୍‌ଲି ଗାଲା । ୨୭ ବନ୍ଦି ଗରର୍ ଜାଗୁଆଲ୍ ଚେତାଅଇ ଉଟ୍‌ଲା ଆରି ବନ୍ଦି ଗରର୍ କାପାଟ୍ ଉଗ୍‌ତା ଅଇରଇଲାଟା ଦେକ୍‌ଲା । ସେ ବନ୍ଦିମନ୍ ସବୁ ପାଲାଇ ଆଟଡ଼ ବଲି ବାବ୍‌ଲା । ସେଟାର୍ ପାଇ ସେ ତାର୍ କାଣ୍ଡା ବେଟି ବୁସି ଅଇ ମର୍‌ବାକେ ଜାଇତେ ରଇଲା । ୨୮ ମାତର୍ ପାଉଲ୍ ଆଉଲିଅଇ କଲଲା, “ନିଜେ ତର୍ ଗାଗଡ଼ କାଟିଅଇ ନସାନାଇ । ଆମେ ସବୁ ଲକ୍ ଇତି ଆତୁ ! କେ ପାଲାଉ ନାଇ ।”

୨୯ ବନ୍ଦି ଗର୍ ଜାଗୁଆଲ୍ ଗଟେକ୍ ବଡ଼ି ଆନ୍‌ବାକେ ଡିଆର୍‌ଲା । ଆରି ସେ ବଡ଼ି ଦାର୍‌ଲା ଆରି ତର୍‌ତରି ତର୍‌ତରି ଆସି ପାଉଲ୍ ଆରି ସିଲାର୍ ଗଡ଼ ତଲେ ଅଦର୍‌ଲା । ୩୦ ତାର୍ ପଟେ ସେମନ୍‌କେ ବାଇରେ ନେଇ ପାଟାର୍‌ଲା, “ଆଗିଆଁମନ୍ ! ପର୍‌ମେସର୍‌ର୍ ଡ଼େଣ୍ଡେଅନି ରକିଆ ପାଇବାକେ ମୁଇ କାଇଟା କର୍‌ବାର୍ ଆଟେ ?”

୩୧ ସେମନ୍ କଲଲାଇ, “ମାପୁରୁ ଜିସୁକେ ବିସ୍‌ବାସ୍ କଲେ, ତୁଇ ଆରି ତମର୍ କୁଟୁମର୍ ସବୁ, ମୁକ୍ତି ପାଇସା ।” ୩୨ ତାର୍ ପଟେ ସେମନ୍ ତାକେ ଆରି ତାକର୍ ଗରର୍ ସବୁ ଲକ୍‌କେ ମାପୁରୁର୍ ବାକିଅ କଲଲାଇ । ୩୩ ସେ ଦାପ୍‌ରେ ମଜାରାତି ବେଲେ, ବନ୍ଦି ଗର୍ ଜାଗୁଆଲ୍ ସେମନ୍‌କେ ଡାକିନେଇ ସେମନ୍‌ର୍ ଗାଉ ଅଇଲାଟା ସବୁ ଦଇଦେଲା । ତାର୍‌ପଟେ ସେ ଆରି ତାର୍ କୁଟୁମର୍ ସବୁ ଲକ୍ ତୁବନ୍ ନେଲାଇ । ୩୪ ତାର୍‌ପଟେ ସେ ପାଉଲ୍ ଆରି ସିଲାକେ ତାକର୍ ଗରେ ଡାକିନେଇ କାଇବାକେ ଦେଲା । ତେଇ ପର୍‌ମେସର୍‌କେ ବିସ୍‌ବାସ୍ କଲାର୍ ପାଇ ସେ ଆରି ତାର୍ କୁଟୁମର୍ ସବୁ ଲକ୍‌ମନ୍ ସାର୍‌ଦା ଅଇଗାଲାଇ ।

୩୫ ଆରିଗଟେକ୍ ଦିନର୍ ସାକାଲେ ରମିଅ ସାସନ୍‌କାରିଆମନ୍ ସେ ଲକ୍‌ମନ୍‌କେ ଚାଡ଼ି ଦିଆସ୍ ବଲି ଜାଗୁଆଲ୍‌ମନ୍‌କେ କଲକରି ପାଟାଇଲାଇ ।

୩୬ ସେଟାର୍ ପାଇ ବନ୍ଦିଗର୍ ଜାଗୁଆଲ୍ ପାଉଲ୍‌କେ କଲଲା, “ରମିଅ ସାସନ୍‌କାରିଆ ତମ୍‌କେ ଆରି ସିଲାକେ ଚାଡ଼ି ଦେବାକେ ଆଦେସ୍ ଦେଲା ଆଟେ । ଏବେ ତମେ ଏ ଜାଗାଇଅନି ସାନ୍ତି ସଙ୍ଗ୍ ଉଟି ଜା ।” ୩୭ ମାତର୍ ପାଉଲ୍ ସନିଅମନ୍‌କେ କଲଲା, “କାଇମିସା ଅପୁରାଦେ ଦସି ଅଇ ନ ରଇଲେ ମିସା, ସେମନ୍ ଆମ୍‌କେ ଲକ୍‌ମନ୍‌ର୍ ମୁଆଟେ ମାର୍‌ଲାଇ । ଆମେ ରମିଅ ଲକ୍, ମାତର୍ ସେମନ୍ ଆମ୍‌କେ ବନ୍ଦି କଲାଇ । ଏବେ ଆମ୍‌କେ ଲୁଟ୍‌ତେ ଚାଡ଼ିଦେବାକେ ମନ୍ କଲାଇନି । ଏଟା କର୍‌ବାକେ ଆମେ ନ ଦେଉଁ । ରମିୟ ଅଦିକାରି ନିଜେ ଆସି ଇତି ଆମ୍‌କେ ମୁକ୍‌ଲାଅ ।”

୩୮ ସନିଅମନ୍ ରମିଅ ସାସନ୍‌କାରିଆକେ ଏ କାତା ଜାନାଇଲାଇ । ପାଉଲ୍ ଆରି ସିଲା ରମିଅ ଲକ୍ ବଲି ସୁନି ସେମନ୍ ଡରିଗାଲାଇ । ୩୯ ସେଟାର୍‌ପାଇ ବନ୍ଦିଗରେ ଜାଇ ସେମନ୍‌କେ କେମା ମାଙ୍ଗ୍‌ଲାଇ ଆରି ସେମନ୍‌କେ ବନ୍ଦି ଗରେଅନି ବାକ୍‌ରାଇ ଗଡ଼ ଚାଡ଼ି ଉଟିଜିବାକେ ବାବୁଜିଆ କଲାଇ । ୪୦ ପାଉଲ୍ ଆରି ସିଲା ବନ୍ଦି ଗରେଅନି ବାରଇ ଲୁଦିଆର୍ ଗରେ ଗାଲାଇ । ତେଇ ସେମନ୍ ବିସ୍‌ବାସି ବାଇମନ୍‌କେ ବେଟ୍ ଅଇ, ସେମନ୍‌କେ ସାର୍‌ଦା କରାଇ, ସେ ଜାଗା ଚାଡ଼ିଉଟିଗାଲାଇ ।



**ତେସଲନିକିତେଇ ସେବା କାମ୍ କର୍‌ବାଟା**

୧ ପାଉଲ୍ ଆରି ସିଲା ଅମପିପଲି ଆରି ଆପଲନିଆ ବାଟ୍‌ଦେଇ ତେସଲନି ଜାଗାଇ କେଟ୍‌ଲାଇ । ତେଇ ଜିଉଦିମନ୍‌ର୍ ଗଟେକ୍ ପାର୍‌ତନା ଗର୍ ରଇଲା । ୨ ପାଉଲ୍ ତାର୍ ରିଡିନିଡି ଇସାବେ, ପାର୍‌ତନା ଗରେ ଗାଲା । ତେଇ ସେ ଲାଗି ଲାଗି ଡିନ୍‌ଟା ବିସ୍‌ରାମ୍‌ବାରେ ଲକ୍‌ମନ୍‌ର୍ ସଙ୍ଗ୍ କାତାବାର୍‌ତା କଲା । ୩ ଦରମ୍ ସାସ୍‌ତର୍ ପଡ଼ିକରି ବୁଜାଇଲା ଜେ, ମସିଅ ଦୁକ୍ ପାଇବାର୍ ରଇଲା ଆରି ପର୍‌ମେସର୍ ତାକେ ମଲାତେଇଅନି ଉଟାଈବାର୍ ରଇଲା । ପାଉଲ୍ କଲଲା, “ଜନ୍ ଜିସୁର୍ ବିସଇ ମୁଇ ଜାନାଇଲି, ସେ ଅଇଲାନି ମସିଅ ।” ୪ ସେମନ୍‌ର୍ ବିଡ଼ରେଅନି କେତେ ଲକ୍ ଏଟା ବିସ୍‌ବାସ୍ କଲାଇ । ପାଉଲ୍ ଆରି

ସିଲାର ସଙ୍ଗେ ମିଶିଲା । ସେହି ଡାକ୍ତରୀ ରକ୍ତବା ମାଲଜିମନ୍ ଆରି ପରମେସରକେ ପାର୍ତନା କରବା ଗିରିକ୍ ମନର୍ ଗଟେକ୍ ବଡ଼ ଦଲ୍ଲ ମିସା ସେମନର୍ ସଙ୍ଗେ ମିଶିଲା ।

୫ ମାତର୍ କେତେଟା ଜିଉଦିମନ୍ ପାଉଲ୍ ଆରି ସିଲାକେ କୁଟ୍ କରି, କାଲ କାମ୍ ନ କରବା ଅଲ୍ଲସିଆ ଲକ୍ମନକେ ଏକ୍ତୁଟ୍ କଲା, ଆରି ଚୁଲିଆଇ, ଗୁଲାଇ ଗଡ଼ ଜାକର୍ ଲକ୍ମକେ ଉସକାଇ ରିସା କରାଇଲା । ସେମନ୍ ପାଉଲ୍ ଆରି ସିଲାକେ କଜି ଆନ୍ବାକେ ଗଟେକ୍ ଜେସନ୍ ନାଉର୍ ଗରେ ଜାଇ, ତାର୍ ଗର୍ ଚପିପାକାଇଲା । ୬ ମାତର୍ ତେଇ ପାଉଲ୍ ଆରି ସିଲା ଡିସଡ଼ ନାଇଜେ, ସେମନ୍ ଜେସନ୍ ଆରି ବିନ୍ କେତେଟା ବିସବାସି ବାଇମନ୍କେ, ଗଡ଼ ନେତାମନର୍ ଲଗେ ଜିକିନେଇ ଆଉଲିଆଇ କଇଲା, “ଏ ଲକ୍ମନ୍ ଚାରିବେଟି ଗଣ୍ଡଗଲ୍ କଲାଜି ! ଏବେ ଆମର୍ ଗଡ଼େ ମିସା ଆଇଲାଇ ଆତଡ଼ ୭ ଆରି ଏସନ୍ ସେମନ୍କେ ତାର୍ ଗରେ ରକିରଇଲା । ଜିସୁ ନାଉଁ ଦାରି ଆରି ଗଟେକ୍ ରାଜା ଆତେ ବଲି କଇକରି ସେମନ୍ ଆମର୍ ବଡ଼ ସାସନ୍କାରିଆର୍ ନିୟ୍ମ୍ ବାଙ୍ଗଲାଜି ।” ୮ ଏ କାତା କଇ ସେମନ୍, ଲକ୍ମନକେ ଆରି ସାସନ୍କାରିଆର୍ ବିରଦେ ଆଉଲି ଅଇକରି ବେସି ରିସା କରାଇଲା ଆରି ଗଣ୍ଡଗଲ୍ କରାଇଲା । ୯ ସାସନ୍ କରୁମନ୍ ଜେସନ୍ ଆରି ବିସବାସିମନର୍ତେଇଅନି ଚାଡ଼ବାକେ, ଜେଡ଼କି ତାରୁ ବାନ୍ଦବାକେ ରଇଲା, ଲାଁର୍ ନେଇକରି ସେମନ୍କେ ଜାମିଲେ ଚାଡ଼ିଦେଲା ।

**ବେରିଆଇ ସେବାକାମ୍**

୧୦ ରାତି ଅଇଲା ଦାପ୍ରେ, ବିସବାସି ବାଇମନ୍ ପାଉଲ୍ ଆରି ସିଲାକେ ବେରିଆ ନାଉଁର୍ ଜାଗାଇ ପାଟାଇଦେଲା । ସେମନ୍ ତେଇ କେଟି, ଜିଉଦି ଲକ୍ମନର୍ ପାର୍ତନା ଗରେ ଗାଲା । ୧୧ ତେସଲନିର୍ ଜିଉଦିମନର୍ ଟାନେଅନି ବେରିଆର୍ ଜିଉଦିମନ୍ କୁଲାକୁଲି ମନ୍ ରଇବା ଲକ୍ ରଇଲା । ସେମନ୍ ଅଦିକ୍ ମନ୍ଦିଆନ୍ ଦେଇ ସିସମନର୍ ସିକିଆ ସୁନ୍ଲା । ଆରି ପାଉଲ୍ କଇଲା କାତା, ସଡ଼ କି ନାଇ ବଲି ଜାନ୍ବାକେ ସବୁ ଦିନ୍ ଦରମ୍ ସାସ୍ତର ପଡ଼ତେରଇଲା । ୧୨ ସେମନର୍ ବିଡ଼ରେଅନି ବେସି ଲକ୍ ବିସବାସ୍ କଲା । ବେସି ସାଉକାର୍ ଅଇ ସନ୍ମାନ୍ ପାଇବା ଗିରିକ୍ ମାଲଜି ଆରି ଗିରିକ୍ ଲକ୍ମନ୍ ମିସା ବିସବାସିମନର୍ ସଙ୍ଗେ ମିଶିଲା । ୧୩ ମାତର୍ ଜେତେବଲ୍ ତେସଲନିର୍ ଜିଉଦିମନ୍ ସୁନ୍ଲା ଜେ ବେରିଆତେଇ ମିସା ପାଉଲ୍ ପରମେସରର୍ ବାକିଆ ଜାନାଇଲାନି, ସେମନ୍ ତେଇ ଆସି ପାଉଲ୍ ବିରଦେ ଗଣ୍ଡଗଲ୍ କରବାକେ ଲକ୍ମନକେ ଉସକାଇଲା । ୧୪ ସେ ଦାପ୍ରେ ବିସବାସି ବାଇମନ୍ ପାଉଲ୍କେ ସମ୍ପୁର୍ ପାଲିବାଟେ ପାଟାଇଦେଲା, ମାତର୍ ସିଲା ଆରି ତିମତି ଦୁଇ ଲକ୍ ବେରିଆଇ ରଇଲା । ୧୫ ପାଉଲ୍କେ ତାକିନେବା ଲକ୍ମନ୍, ତାର୍ ସଙ୍ଗେ ଆତେନସ୍ ଜାକ ଗାଲା । ତେଇଅନି ସେମନ୍ ବେରିଆଇ ବାଉଡ଼ି ଆସି, ସିଲା ଆରି ତିମତିକେ କଇଲା, “ତମ୍ଭକେ ପାଉଲ୍ ବେଗି ମିସବାକେ କବର୍ ପାଟାଇ ଆଦେସ୍ ଦେଲାଆତେ ।”

**ଆତେନେସ୍ତେଇ ପାଉଲ୍ ସେବାକାମ୍**

୧୬ ସିଲା ଆରି ତିମତିକେ ଆତେନେସ୍ତେଇ ଜାଗି ରଇଲା ବେଲେ, ଗଡ଼ଜାକର୍ ଲକ୍ ପୁଜା କରବା ଦେବ୍ତାମନର୍ ମୁରତିମନ୍ ଦେକି, ପାଉଲ୍ ମନ୍ ବେସି ଉଡୁକ୍ତୁଡୁକ୍ ଅଇଗାଲା । ୧୭ ସେଟାପାଇ ସେ ଜିଉଦିମନର୍ ପାର୍ତନା ଗରେ ସେମନର୍ ସଙ୍ଗେ, ଆରି ପରମେସରକେ ପାର୍ତନା କରବା ଜିଉଦି ନଇଲା ଲକ୍ମନର୍ ସଙ୍ଗେ, ଏ ବିସଇ ସବୁ ଦିନ୍ ଆଲ୍ଟନା କରବାର୍ ଦାରୁଲା । ଆଟେବାଟେ ଜିବାଆଇବା କରବା ଲକ୍ମନର୍ ସଙ୍ଗେ ସେ ବିସଇ ଆଲ୍ଟନା କଲା । ୧୮ କେତେଟା ଏପିକିଉରିଆନ୍ ଆରି ଟଇକ୍ ସିକିଆ ଦେବା ଗୁରୁମନର୍ ସଙ୍ଗେ ଦଦାପେଲା ଅଇଲା । ସେମନର୍ ବିଡ଼ରେଅନି କେତେ ଲକ୍ କଇଲା, “ଏ ବକୁଆ ବଡ଼ପନିଆ, କାଇଟା କଇବାକେ ଚେସ୍ଟା କଲାଜି ?”

ବିନ୍ ଲକ୍ମନ୍ କଇଲା, “ବିନ୍ ଦେସେ ରଇବା ଦେବ୍ତାମନର୍ ବିସଇ, ସେ ଜାନାଇଲାନି ପାରା ଲାଗ୍ଲାନି ।” ଜିସୁ ଆରି ତରେକ୍ ଜିବନ୍ ଅଇ ଉଟ୍ଲା ବିସଇ ପାଉଲ୍ ଜାନାଇବାଟା ସୁନି ସେମନ୍ ଏକ୍ତି କଇଲା । ୧୯ ସେଟାପାଇ ସେମନ୍ ପାଉଲ୍କେ ଦାରି ସେ ନଅରର୍ ବିଚାର୍ କରବା ଜାଗା, ଜନ୍ଟା କି ଏରିଆପାଗସ୍ ତେଇ ଆନ୍ଲା । ଆରି ତେଇ କଇଲା, “ତୁଇ ଜନ୍ ନୁଆ ସିକିଆ ବିସଇ କଇଲୁସନି, ସେ ବିସଇ ଆମେ ଜାନ୍ବାକେ ମନ୍ କଲୁନି ।” ୨୦ ତୁଇ କଇବା କେତେଟା କାତା ଆମେ ଆଗ୍ତୁ କେବେ ସୁନି ନ ରଇଲୁ । ଆମେ ତାର୍ ଅରଡ଼ ଜାନ୍ବାକେ ମନ୍ କଲୁନି । ୨୧ କାଇକେବଇଲେ ଆତେନେସ୍ ଲକ୍ ଆରି ତେଇ ରଇବା ବିନ୍ ଦେସର୍ ଲକ୍ମନ୍ ନୁଆ ବିସଇ ସୁନ୍ବାକେ ଆରି କଇବାକେ ବଲ୍ପାଇତେ ରଇଲା । ତେଇ ସେମନ୍ ବେସି ବେଲା ଦେଇତେ ରଇଲା ।

୨୨ ପାଉଲ୍ ସେ ଗଡ଼ର୍ ସବା ମୁଆଟେ ଚିଆ ଅଇ କଇଲା, ଆତେନିଅର୍ ଲକ୍ମନ୍, ତମେ ସବୁ ଦରମ୍ ଲକ୍ ବଲି ଜାନାପଡ଼ଲାନି । ୨୩ କାଇକେବଇଲେ, ମୁଇ ତମର୍ ନଅରେ ଚୁଲି ଦେକ୍ଲା ବେଲେ, ତମର୍ ପୁଜା କରବା ଜାଗାମନ୍ ଦେକ୍ଲି । ତେଇ ଗଟେକ୍ ବେଦି ରଇଲା । ଗଟେକ୍ ନ ଜାନ୍ଲା ଦେବ୍ତାକେ, ଲେକାରଇଲାଟା ମିସା ଦେକ୍ଲି । ତମେ ଜାକେ ନାଜାନି ପୁଜାକଲାସ୍ନି । ଏବେ ତାର୍ ବିସଇ ତମ୍ଭକେ ଜାନାଇଲିନି । ୨୪ ପରମେସର୍ ଦୁନିଆ ଆରି ତେଇ ରଇଲା ସବୁ ବିସଇ ତିଆର୍ କଲା । ସେ ସରଗ୍ ଆରି ଜଗଡ଼ର୍ ମାପରୁ । ଲକ୍ମନ୍ ତିଆର୍ କଲା ମନ୍ଦିରେ ରଇବାକେ ମନ୍ ନ କରେ । ୨୫ ଆମେ ତାର୍ ପାଇ କାମ୍ କରି ତାକେ ଦେଇପାରୁ ପାରା କାଇଟା ମିସା ସେ ମନ୍ କରେ ନାଇ । କାଇକେବଇଲେ ସେ ସବୁକେ ଜିବନ୍, ପବନ୍ ଆରି ସବୁ ଦରକାର୍ ରଇଲାଟା ଦେଲାଆତେ । ୨୬ ଗଟେକ୍ ଲକ୍ମନି ସେ ସବୁ ମୁନ୍ସ୍ ଜାତିକେ

☆ ୧୭:୨୪ ୧୭:୨୪ ପେରିଡ଼ ୭:୪୮

ତିଆର କଲା । ଆରି ତାର ଆଦେସ୍ ଇସାବେ ସେମନ୍ ଦୁନିଆର୍ ବିନ୍ ବିନ୍ ଜାଗାଇ ବାସା ଅଇଲାଇ ଆଚଡ଼, ସେଟା ପୁରବେଅନି ପରମେସର୍ ଟିକ୍ କଲାଆଚେ ।<sup>୨୭</sup> ତାକର୍ ଆଦେସ୍ ରଇଲା ଜେ ସବୁ ଲକ୍ ତାକେ କଜି କରି ବେଟ୍ ଅଅଡ଼ । ମାତର୍ ସତଇସେ ପରମେସର୍ କାର୍ଟାନେଅନି ମିସା ଦୁରିକେ ନାଇ ।<sup>୨୮</sup> ଏ ବିସଇ କେକି ଗଟେକ୍ ଲକ୍ କଇଲା ଆଚେ, “ତାର୍ ଲଗେ ଆକା ଆମର୍ ଜିବନର୍ କୁଟିକାଡ଼ି ଆଚେ ।”

ତମର୍ ବିଡ଼ରେଅନି କେତେଲକ୍ କଇଆଚଡ଼, ଆମେ ମିସା ତାର୍ ପିଲାଜିଲା ।

<sup>୨୯</sup> ଆମେ ପରମେସର୍ ପିଲାଜିଲା ଅଇଲାର୍ ପାଇ ମୁନୁସ୍ ତିଆର୍ କଲା ସୁନା, ରୁପା ନଇଲେ ପାକ୍ନା ସଙ୍ଗ୍ ତିଆର୍ କଲା ପୁଡ଼ଲା, ପରମେସର୍ ରୁପ୍ ବଲି ବାବି ନାପାରୁ ।<sup>୩୦</sup> ଲକ୍ମନ୍ ପରମେସର୍କେ ଜାନି ନ ରଇଲା ବେଲେ, ସେ ଦସ୍ ଦାରି ନ ରଇଲା, ମାତର୍ ଏବେ ସବୁ ଜାଗାର୍ ସବୁ ଲକ୍ମନ୍କେ, ସେମନ୍ ପାପ୍ ବାଟେଅନି ବାଅଡ଼ବାକେ ଆଦେସ୍ ଦେଲାନି ।<sup>୩୧</sup> ସେ ଗଟେକ୍ ଦିନ୍ ଟିକ୍ କଲା ଆଚେ । ସେ ଦିନେ, ସେ ବାରିରଇବା ଲକ୍ ସଙ୍ଗ୍ ଗୁଲାଇ ଦୁନିଆର୍ ବିଚାର୍ କରସି । ସେ ଲକ୍ ମଲାଟାନେଅନି ଉଟି ଏ କାତା ସଡ଼ ବଲି, ସବୁକେ ଜାନାଇଲା ଆଚେ ।

<sup>୩୨</sup> ପାଉଲ୍‌ଗାନେ, ମଲାଟାନେଅନି ଉଟ୍‌ଲା ବିସଇ ସୁନି ସେମନ୍ ବିଡ଼ରେଅନି କେତେ ଲକ୍ ତାକେ କିଜାଇଲାଇ, ମାତର୍ ବିନ୍ ଲକ୍ମନ୍ କଇଲାଇ, “ତମ୍‌ରେଅନି ଆମେ ଆରିତରେକ୍ ଏ ବିସଇ ସୁନ୍‌ବାକେ ମନ୍ କଲୁନି ।”<sup>୩୩</sup> ପାଉଲ୍ ସେ ଦିନର୍ ସବାଇ ଅନି ଉଟି ବାରିଗାଲା ।<sup>୩୪</sup> ଭାୟନିସିଅସ୍ ନାଉର୍ ସବାର୍ ଗଟେକ୍ ମେମର୍, ଦାମାରି ନାଉର୍ ଗଟେକ୍ ମାଇଜି ଆରି କେତେଟା ଲକ୍, ବିସ୍‌ବାସ୍ କରି ତାର୍ ସଙ୍ଗ୍ ମିସ୍‌ଲାଇ ।

## ୧୮

### କରନ୍ତିୟ ନଅରେ ପାଉଲ୍‌ର ସେବାକାମ୍

<sup>୧</sup> ତାର୍‌ପଚେ ପାଉଲ୍ ଆଡେନ୍‌ସ୍ ଚାଡ଼ି କରନ୍ତିଅ ଗାଲା ।<sup>୨</sup> ତେଇ ପନ୍‌ତସ୍‌ତେଇ ଜନମ୍ କରିରଇବା ଆକିଲା ନାଉର୍ ଗଟେକ୍ ଜିଉଦିକେ ବେଟ୍ ଅଇଲା । ବଡ଼ ସାସନ୍‌କାରିଆ କଲଡ଼ିଅସ୍, ସବୁ ଜିଉଦିକେ ରମ୍ ଦେସ୍ ଚାଡ଼ବାକେ ଆଦେସ୍ ଦେଇରଇଲା । ସେଟାର୍‌ପାଇ, ସେ ଅଲପ୍ ଦିନ୍ ଆଗ୍‌ତୁ ତାର୍ ମାଇଜି ପିରିସ୍‌କିଲାର୍ ସଙ୍ଗ୍ ଇଟାଲିଅନି ଆସିରଇଲା ।<sup>୩</sup> ପାଉଲ୍ ସେମନ୍‌କେ ବେଟ୍ ଅଇବାକେ ଜାଇ ସେମନ୍ ସଙ୍ଗ୍ ରଇଲା । କାଇକେବଇଲେ ସେ ମିସା ସେମନ୍ ପାରା ତୁମ୍ ତିଆର୍ କରି ଜିଉନାକାଉନା କର୍‌ତେରଇଲା ।<sup>୪</sup> ଜିଉଦି ଆରି ଗିରିକ୍ ମନ୍ ମାପୁରୁକେ ଅଦିକ୍ ବିସ୍‌ବାସ୍ କରାଇବାକେ, ସବୁ ବିସ୍‌ରାମ୍‌ବାରେ ପାର୍‌ତନା ଗରେ ଆଲ୍‌ତନା କର୍‌ତେ ରଇଲା ।

<sup>୫</sup> ସିଲା ଆରି ତିମତି ମାସିଦନିଆଇଅନି ବାଉଡ଼ି ଆଇଲା ପଚେ ପାଉଲ୍ ଜିଉଦିମନ୍ ଲଗେ ଜିସୁର୍ ସୁବ୍ କବର୍ ଜାନାଇବାକେ ପୁରାପୁରି ବେଲା ଦେଲା ଆରି ଜିସୁକେ ମସିଅ ବଲି ସାକି ଦେଲା ।<sup>୬</sup> ମାତର୍ ସେମନ୍ ତାକେ ବିରଡ଼ କରି ତାର୍ କୁଟ୍ ପାଁବାର୍ ଦାରଲାଇ, ସେଟା ବିରଡ଼ କରବା ଇସାବେ, ତାର୍ ବସ୍‌ତରର୍ ଦୁଲି ପାପ୍‌ଡ଼ିଦେଇ ସେ ସେମନ୍‌କେ କଇଲା, “ଜଦି ତମେ କୁରୁପ୍‌ନାସ୍ ଅଇସା, ତେବେ ସେଟାର୍‌ପାଇ ତମେ ନିଜେ ଦାଇ ଅଇସା । ମୁଇ ଏଟାର୍‌ପାଇ ଦାଇ ନଇ, ଏବେ ମୁଇ ଜିଉଦି ନଇଲା ଲକ୍ମନ୍ ଲଗେ ଜିବି ।”<sup>୭</sup> ସେଟାର୍‌ପାଇ ସେ ସେମନ୍‌କେ ଚାଡ଼ି ପରମେସର୍‌କେ ପାର୍‌ତନା କରବା ତିତସ୍ ଜୁସ୍‌ତ ନାଉର୍ ଗଟେକ୍ ଜିଉଦି ନଇଲା ଲକ୍ ଗରେ ରଇବାକେ ଗାଲା । ଜୁସ୍‌ତର୍ ଗର୍ ପାର୍‌ତନା ଗର୍ ଲଗେ ରଇଲା ।<sup>୮</sup> ପାର୍‌ତନା ଗରର୍ ମୁକିଅ କିରିସ୍‌ପସ୍ ଆରି ତାର୍ କୁଟ୍‌ମର୍ ସବୁ ଲକ୍ ମାପୁରୁତେଇ ବିସ୍‌ବାସ୍ କଲାଇ ଆରି କରନ୍ତିଅର୍ ଅଦିକ୍ ଅଦିକ୍ ଲକ୍ ପାଉଲ୍‌ର ସିକିଆ ସୁନି ବିସ୍‌ବାସ୍ କଲାଇ ଆରି ପାନିତେଇବୁଡ଼ି ହୁବନ୍ ନେଲାଇ ।

<sup>୯</sup> ଗଟେକ୍ ରାଡ଼ି, ପାଉଲ୍ ଦର୍‌ସନ୍ ଦେକ୍‌ଲା । ଦର୍‌ସନେ ମାପୁରୁ ତାକେ କଇଲା, “ତର୍ ନାଇ, ଜାନାଇତେ ରଅ, ସେଟା ତେବାନାଇ ।<sup>୧୦</sup> କାଇକେ ବଇଲେ ମୁଇ ତର୍ ସଙ୍ଗ୍ ଆଟି । କେ ତମ୍‌କେ କାଇଟା କରି ନାପାରଡ଼, କାଇକେବଇଲେ ଏ ନଅରେ ମର୍ ବେସି ଲକ୍ ଆଚଡ଼ ।”<sup>୧୧</sup> ସେଟାର୍‌ପାଇ ପାଉଲ୍ ପରମେସର୍‌ର ବାକିଅ ସିକିଆ ଦେଇ, ତେଇ ବର୍‌ସେକ୍ ତ ମାସ୍ ଜାକ ରଇଗାଲା ।

<sup>୧୨</sup> ଗାଲିୟନ୍ ଆକାୟର୍ ରମିଅ ସାସନ୍‌କାରିଆ ରଇଲା ବେଲେ, ଜିଉଦିମନ୍ ଏକ୍‌ଜୁଟ୍‌ଅଇ ପାଉଲ୍‌କେ ଦାରି ବିଚାର୍‌ନା ଜାଗାଇ ନେଲାଇ ।<sup>୧୩</sup> ସେମନ୍ କଇଲାଇ, “ଏ ଲକ୍ ଆମର୍ ନିୟମ୍ ବିରଦେ ପରମେସର୍‌କେ ପାର୍‌ତନା କରବାକେ ଲକ୍ମନ୍‌କେ ସୁଡ଼ରାଇଲାନି ।”

<sup>୧୪</sup> ପାଉଲ୍ କାତା ଅଇବାକେ ଗାଲାବେଲେ, ଗାଲିଅ ଜିଉଦିମନ୍‌କେ କଇଲା, “ଜଦି ଇତି କାଇ ଦସ୍ ନଇଲେ ଅପୁରାଦର୍ ବିସଇ ରଇସି, ତେବେ ତମର୍ ବିସଇ ସମାଲି କରି, ତମର୍ କାତା ସୁନ୍‌ବାଟା, ମର୍ ଇସାବେ ଟିକ୍ ଅଇସି ।<sup>୧୫</sup> ମାତର୍ ଏ କାତା ତମର୍ ବିଦିବିଦାନ୍ ଆରି ରିଡିନିଡିର୍ କାତା ଅଇଲାର୍ ପାଇ, ଏଟା ତମେ ଟିକ୍‌କରବାଟା ନିକ ଅଇସି । ମୁଇ ଏନ୍ତି ବିଚାର୍ ନ କରି ।”<sup>୧୬</sup> ଏନ୍ତି କଇକରି ସେମନ୍‌କେ ବିଚାର୍‌ନା ଜାଗାଇଅନି କେଦିଦେଲା ।<sup>୧୭</sup> ସେମନ୍ ପାର୍‌ତନା ଗରର୍ ମୁକିଅ ସସ୍‌ତନସ୍‌କେ ଦାରି ବିଚାର୍‌ନା ଜାଗାର୍ ମୁଆଟେ ମାଡ଼୍‌ମାର୍‌ଲାଇ । ମାତର୍ ଗାଲିଅ ସେଟାକେ ମନ୍‌ଦେଏ ନାଇ ।

### ସିରିଆର୍ ଆନ୍‌ଟିୟକ୍‌ତେଇ ପାଉଲ୍ ବାଅଡ଼ଲା

<sup>୧୮</sup> ପାଉଲ୍ କରନ୍ତିତେଇ ବିସ୍‌ବାସି ବାଇମନ୍ ସଙ୍ଗ୍ ବେସି ବେଲା ଜାକ ରଇଲା । ତାର୍‌ପଚେ ସେମନ୍‌କେ ଚାଡ଼ି ପିରିସ୍‌କିଲା ଆରି ଆକିଲାର୍ ସଙ୍ଗ୍, ସିରିଆ ଜିବାକେ ପାନିଜାଜେ ବାଟ୍ ଦାରଲାଇ । ସେକେରିଆଅନି ଜିବାଟା ଆରାମ୍

କରବା ଆଗତୁ ତାକର ଗଟେକ୍ ମାନଡ଼ ଇସାବେ ପାଉଲ୍ ମୁଣ୍ଡ କୁରାଇଅଇଲା । ୧୯ ସେମନ୍ ଏପିସିସ୍ତେଇ କେଟ୍ଲା ପଟେ ପାଉଲ୍ ପିରିସ୍କିଲା ଆରି ଆକିଲାକେ ପାଟାଇଦେଲା । ତେଇ ସେ ପାର୍ତନା ଗରେ ଜାଇ ଜିଉଦିମନ୍ତ୍ ସଙ୍ଗ୍ କାତାବାର୍ତା ଅଇଲା । ୨୦ ଲକ୍ମନ୍ ତାକେ ଆରି ବେସି ଦିନ୍ ରଇବାକେ କଇଲାଇ, ମାତର୍ ସେ ରାଜି ନଇଲା । ୨୧ ଜିବା ବେଲାଇ ସେ ସେମନ୍କେ କଇଲା, “ଜଦି ପରମେସର୍ ମନ୍ କଲେ, ତମର୍ ଲଗେ ବାଉଡ଼ି ଆଇବି ।” ତାର୍ ପଟେ ସେ ଏପିସେ ଅନି ଜାଜେ ଚଗି ଗାଲା ।

୨୨ ସେ ସିରିଆ କେଟିକରି ତେଇଅନି ଜିରୁସାଲାମେ ଗାଲା ଆରି ମଣ୍ଡୁଲିକେ ଜୁଆର୍ ଜାନାଇ ତେଇଅନି ଆନ୍ଟିକିଆ ଗାଲା । ୨୩ ତେଇ କେତେ ଦିନ୍ ରଇଲା ପଟେ, ସେ ଆରି ତରେକ୍ ଜିବାଟା ଆରାମ୍ କରି ଗାଲାତିଅ ଆରି ପିରିଜିଆ ବାଟ୍ ଦେଇ ଗାଲା । ବାଟେ ବିସ୍ବାସିମନ୍କେ ବିସ୍ବାସେ ତାଟ୍ ଅଇରଇବାକେ ସାଆସ୍ ଦେଲା ।

**ଏପିସ୍ ଆରି କରନ୍ତିତେଇ ଆପଲ**

୨୪ ସେ ବେଲାଇ ଆଲେକ୍ଜାଣ୍ଡ୍ରିଆଇ ଜନମ୍ ଅଇ ରଇଲା, ଆପଲ୍ ନାଉର୍ ଗଟେକ୍ ଜିଉଦି ଏପିସେ ଆଇଲା । ସେ ଗଟେକ୍ ନିମାନ୍ ସଙ୍ଗ୍ କାତାକଉ ଆରି ଦରମ୍ ସାସ୍ତରେ ତାର୍ ବେସି ଗିଆନ୍ ରଇଲା । ୨୫ ସେ ମାପରୁ ଜିସୁର୍ ବାଟ୍ ବିସଇ ସିକିଆ ପାଇରଇଲା ଆରି ଆଡ଼ମାଇ ପୁରାପୁରୁନ୍ ଅଇକରି ବେସି ସାର୍ଦା ସଙ୍ଗ୍ ସଡ଼ କାତା ବାର୍କରି, ସିକିଆ ଦେଇତେ ରଇଲା । ମାତର୍ କାଲି ଜଅନ ତୁବନ୍ ଦେବା ବିସଇ ଜାନି ରଇଲା ।

୨୬ ପାର୍ତନା ଗରେ ସେ ନ ଡର୍ତେ ସିକିଆ ଦେବାକେ ଲାଗ୍ଲା । ତାର୍ ସିକିଆ ସୁନି ପିରିସ୍କିଲା ଆରି ଆକିଲା ତାକର୍ ନିଜର୍ ଗରେ ଡାକିନେଲାଇ ଆରି ତେଇ ପରମେସରର୍ ବାଟ୍ ବିସଇ ଅଦିକ୍ ବୁଜାଇଦେଲାଇ । ୨୭ ତାର୍ ପଟେ ଆପଲ ଆକାୟା ରାଇଜେ ଜିବାକେ ଟିକ୍ କଲାକେ, ଏପିସର୍ ବିସ୍ବାସି ବାଇମନ୍ ତାକେ ସାଇଜ୍ କଲାଇ ଆରି ତାକେ ସାର୍ଦା ସଙ୍ଗ୍ ଗତିଆ କରବାକେ କଇ ଆକାୟାର୍ ବିସ୍ବାସିମନ୍କେ ଚିଟି ଲେକ୍ଲାଇ । ସେ ତେଇ କେଟିକରି ପରମେସର ଜିବନ୍ ଦୁକାଇଲାକେ ବିସ୍ବାସି ଅଇରଇବା ଲକ୍ମନ୍କେ ବେସି ସାଇଜ୍ କଲା । ୨୮ ଜିସୁ ଜେ ମସିଅ, ତାକର୍ ବେସି ତାଟ୍ ଜୁକ୍ତି, ଦରମ୍ ସାସ୍ତରେଅନି ଜାନାଇ କରି, ଜିଉଦିମନ୍କେ ଆରାଇଲା ।

**୧୯**

**ଏପିସିଏ ପାଉଲ୍**

୧ ଆପଲ୍ କରନ୍ତିଏ ରଇଲାବେଲେ, ପାଉଲ୍ ସେ ରାଇଜର୍ ଉପର୍ ବାଗେ ବୁଲି ସାରାଇ, ଏପିସିଏ କେଟ୍ଲା । ତେଇ ସେ କେତେଟା ସିସ୍ମାନ୍କେ ବେଟ୍ ଅଇଲା । ୨ ସେମନ୍କେ ପାଟାରୁଲା “ତମେ ବିସ୍ବାସି ଅଇବା ବେଲାଇ ସୁକଲ୍ ଆଡ଼ମା ପାଇରଇଲାସ୍ କି ?”

ସେମନ୍ କଇଲାଇ, “ସୁକଲ୍ ଆଡ଼ମା ଆଟେ ବଲି ଆମେ କେବେ ମିସା ସୁନ୍ ନାଇ ।” ୩ ପାଉଲ୍ ପାଟାରୁଲା, “ସେନ୍ତି ଆଲେ ତମେ କେନ୍ତାରି ତୁବନ୍ ନେଇ ଆଟାସ୍ ?”

ସେମନ୍ କଇଲାଇ “ତୁବନ୍ ଦେଉ ଜଅନର୍ ତୁବନ୍ ।”

୪ \*ପାଉଲ୍ କଇଲା, “ଜନ୍ ଲକ୍ମନ୍ ପାପେଅନି ବାଉଡ଼ି ରଇଲାଇ, ଜଅନର୍ ତୁବନ୍ ସେମନ୍ର୍ ପାଇ ଟିକ୍ ରଇଲା । ମାତର୍ ତାର୍ପଟେ ଜେ ଆଇବାର୍ ରଇଲା, ଜନ୍ଟା କି, ଜିସୁ, ତାର୍ ଲଗେ ବିସ୍ବାସ୍ କରବାକେ, ଜଅନ୍ ଇସ୍ରାଏଲ୍ ଲକ୍ମନ୍କେ କଇରଇଲା ।”

୫ ଏଟା ସୁନି ସେମନ୍ ମାପରୁ ଜିସୁର୍ ନାଉଁ ଦାରି ତୁବନ୍ ନେଲାଇ । ୬ ପାଉଲ୍ ସେମନ୍ର୍ ଉପରେ ଆଡ଼ ଚିଇଲା ଆରି ସୁକଲ୍ ଆଡ଼ମା ତାକର୍ଟାନେ ଉଡ଼ରୁଲା । ସେମନ୍ ବିନ୍ ବିନ୍ ବାସାଇ କାତା କଇଲାଇ ଆରି ପରମେସରର୍ ସୁବ୍ କବର୍ ଜାନାଇଲାଇ । ୭ ସେମନ୍ ମୁନ୍ସ୍ ପିଲା ବାର ଲକ୍ ରଇଲାଇ ।

୮ ତାର୍ ପଟେ ପାଉଲ୍ ତିନ୍ ମାସ୍ ଜାକ ନ ଡର୍ତେ ପାର୍ତନା ଗରେ କାତାବାର୍ କରି ପରମେସରର୍ ରାଇଜ୍ ବିସଇ ସେମନ୍ର୍ ମନେ ବିସ୍ବାସ୍ ଜନ୍ମାଇବାକେ ଚେସ୍ଟା କଲା । ୯ ମାତର୍ ସେମନ୍ର୍ ବିଡ଼ରେଅନି କେତେକ୍ ଲକର୍ ମନ୍ ତାଟ୍ ରଇଲା । ସେମନ୍ ବିସ୍ବାସ୍ କରନ୍ତନାଇ । ଦଲ୍ ସବୁ ଲକର୍ ମୁଆଟେ ସେମନ୍ ମାପରୁର୍ ବାଟ୍ ବିସଇନେଇ, ତିପୁଲ୍ କାତା କଇଲାଇ । ସେଟାର୍ପାଇ ପାଉଲ୍ ସେମନ୍କେ ଚାଡ଼ି, ବିସ୍ବାସିମନ୍କେ ନେଇ, ସବୁ ଦିନ୍ ଟିରାନସ୍ ନାଉଁର୍ ଗରେ ନିଆଇ କରବାର୍ ଦାରୁଲାଇ । ୧୦ ଏଟା ଦୁଇ ବରସ୍ ଦାରି ଚାଲୁଲା । ରମ୍ ଦେସର୍ ଆସିଆ ଦେସେ ବାସା କରିରଇବା ବେସି ଜିଉଦି ଆରି ଗିରିକ୍ ଲକ୍ ମିସା ମାପରୁର୍ ବାକିଅ ସୁନ୍ଲାଇ ।

**ଏସ୍କେବାର୍ ପଅମନ୍**

୧୧ ପରମେସର୍ ପାଉଲ୍ଟେଇଅନି ବେସି ବଡ଼ ବଡ଼ କାବାଅଇଜିବା କାମ୍ମନ୍ କଲା । ୧୨ ଏନ୍ତି କି ପାଉଲ୍ ପୁଟିଅଇବା ଉର୍ମାଲ୍ ଆରି ବସ୍ତର୍ ରଗିମନ୍ର୍ ଲଗେ ନେଲେ, ସେମନ୍ ନିମାନ୍ ଅଇତେ ରଇଲାଇ । ସେମନ୍ର୍ ଗାଗ୍ତେଅନି କାରାପ୍ ଆଡ଼ମାମନ୍ ସବୁ ବାରଇଜାଇତେ ରଇଲାଇ । ୧୩ କେତେଟା ଏନେତେନେ ବୁଲ୍ବା ତୁମା ଚାଡ଼ାଇବା ଜିଉଦିମନ୍ ମିସା, ଜିସୁର୍ ନାଉଁ ଦାରି ତୁମା ଚାଡ଼ାଇବାକେ ଚେସ୍ଟା କଲାଇ । ସେମନ୍ କାରାପ୍ ଆଡ଼ମାମନ୍କେ କଇତେ ରଇଲାଇ,

\* ୧୯:୪ ୧୯:୪ ମାଡ଼ିଉ ୩:୧୧; ମାର୍କ ୧:୪,୭,୮; ଲୁକ୍ ୩:୪,୧୭; ଜଅନ୍ ୧:୨୭,୨୭

“ପାଉଲ୍ ଜାନାଇବା ଜିସୁର୍ ନାଉଁ ଦାରି ତକେ ଆଦେସ୍ ଦେଲିନି ।” ୧୪ ଏସ୍ କେବା ନାଉଁର ଗଟେକ୍ ଜିଉଦି, ବଡ଼ ପୁଜାରିର୍ ସାତ୍ତା ପିଲାମନ୍, ଏ ରକାମ୍ କର୍ତ୍ତେ ରଇଲାଇ ।

୧୫ ମାତର୍ କାରାପ୍ ଆଡ଼ମା ସେମନ୍ କେ କଇଲା, “ମୁଇ ଜିସୁକେ ଜାନି ଆରି ପାଉଲ୍ କେ ଚିନ୍ଲି ଆରି, ମାତର୍ ତମେ କେ ?”

୧୬ କାରାପ୍ ଆଡ଼ମା ଦାରିରଇଲା ଲକ୍, ସେମନ୍ କେ ଦାରି ଚାବକାତର୍ କରି ପାକାଇଲା । ସେମନ୍ର ଲୁଗାପଟିଆ ଚିରି ଡୁମ୍ପଣ୍ଡା କରିଦେଲା । ସେମନ୍ କଣ୍ଡିଆ ବଣ୍ଡିଆ ଅଇ ତାର୍ ଗରେଅନି ବାରଇ ପାଲାଇଲାଇ । ୧୭ ଏପିସେ ବାସାଅଇରଇବା ଜିଉଦି ବିସବାସିମନ୍ ଆରି ଗିରିକ୍ ଲକ୍ମନ୍, ଏ ବିସଇ ସୁନି ଡରିଗାଲାଇ ଆରି ତେଇ ମାପୁରୁ ଜିସୁର୍ ନାଉଁ ଅଦିକ୍ ଡାକ୍ପୁଟା ଅଇଲା । ୧୮ ବିସବାସିମନ୍ର ବିଡ଼ରେଅନି ବେସି ଲକ୍ ସବୁର୍ ମୁଆଟେ ନିଜେ କଲା କାରାପ୍ କାମ୍ ମାନ୍ ଲାଇ । ୧୯ ପାଙ୍ଗନ୍ ବିଦିଆ ଅବିଆସ୍ କର୍ତ୍ତେରଇବା ବେସି ଲକ୍ମନ୍ ତାକର୍ ବଇମନ୍ ଆନି ଚୁଲିଆଇକରି ସବୁ ଲକ୍ମନ୍ ମୁଆଟେ ପଡ଼ାଇ ଦେଲାଇ । ସବୁ ମିସିକରି ସେମନ୍ର ବଇର୍ ଦାମ୍ ପଟାସ୍ ଅଜାର ରୁପାଟାଙ୍ଗା ଏଡ଼କି ରଇଲା । ୨୦ ଏକ୍ରିବାବ୍ରେ ପରମେସରର୍ ବାକିଅ ଅଦିକ୍ ଅଦିକ୍ ଗୁଲାଇବାଟେ ଉଡ଼ରା ଅଇଜାଇ ଅଦିକ୍ ବପୁ ଅଇବାର୍ ଦାରଲା ।

ଏପିସସ୍ତେଇ କିରମାର

୨୧ ଏ ସବୁ ଗଟ୍ଟନା ପଟେ ପାଉଲ୍ ମାସିଦନିଆ ଆରି ଆକାୟା ବାଟ୍ ଦେଇ ଜିରୁସାଲମେ ଜିବାକେ ଟିକ୍ କଲା । ସେ କଇଲା, “ତେଇ ଗାଲା ପଟେ, ମୁଇ ରମ୍ ଦେସେ ମିସା ଜିବାର୍ ଆଟେ ।” ୨୨ ସେଟାର୍ପାଇ ସେ ତାର୍ ଦୁଇଟା ସଙ୍ଗାରି, ତିମତି ଆରି ଏରାସ୍ତସ୍ କେ ମାସିଦନିଆଇ ପାଟାଇଲା, ମାତର୍ ସେ ନିଜେ ଆସିଆ ଦେସେ ଆରି କେତେ ଦିନ୍ ରଇଲା ।

୨୩ ଏଡ଼କି ବିଡ଼ରେ ମାପୁରୁ ଦେକାଇରଇବା ବାଟ୍ ବିସଇ ନେଇ, ଗଟେକ୍ ବେସି ବଡ଼ ଗଣ୍ଡଗଲ୍ ଅଇବାଟା ଉବଜ୍ଜଲା । ୨୪ ଦିମିତିରିୟ ନାଉଁର ଗଟେକ୍ ରୁପାର୍ ପୁଡ଼ଲା ତିଆର୍ କରୁ, ଆର୍ତେମି ଦେବିର୍ ମନ୍ଦିରେ ପୁଡ଼ଲା ତିଆର୍ କର୍ତ୍ତେ ରଇଲା । ଏକ୍ଟାରି ବେବାରକରି ପୁଡ଼ଲା ତିଆର୍ କରୁମନ୍, ବେସି ଲାବ୍ ପାଇତେ ରଇଲାଇ ।

୨୫ ସେଟାର୍ପାଇ ସେ ତାର୍ ସଙ୍ଗର୍ ବେବାରିମନ୍ କେ ରୁଣ୍ଡାଇକରି କଇଲା, “ଆଗିଆମନ୍, ଏ ବେବାର୍ ଆମ୍ କେ ସାଉକାର୍ କଲାଆଟେ ବଲି ସବୁ ଲକ୍ ଜାନାସ୍ ।” ୨୬ ଏବେ, ଏ ଲକ୍ ପାଉଲ୍ କାଇଟା କଲାନି, ସେଟା ତମେ ନିଜେ ଦେକିପାରଲାସ୍ନି ଆରି ସୁନି ପାରଲାସ୍ନି । ସେ କଇଲାନି, ଲକ୍ମନ୍ ଆତେ ତିଆର୍ କଲା ଦେବ୍ତା ସବୁ ବିଲ୍ଲୁଲ୍ ଦେବ୍ତା ନଅଡ଼ । ସେ ଇତି ଏପିସେ ଆରି ସବୁ ଆସିଆ ଦେସେ ବେସି ଲକ୍ମନ୍ କେ ଏ ବିସଇ କଇ ଉସ୍ କାଇଲାନି । ୨୭ ସେଟାର୍ପାଇ ଆମର୍ ବେବାର୍ ବୁଡ଼ିଜିବାର୍ ଉପରେ ଆଟେ । କାଲି ସେଡ଼କି ନଏଁ, ଜନ୍ ଦେବି ଆସିଆଇ ଆରି ଗୁଲାଇ ଜଗତେ ସବୁଟାମେଅନି ପୁଜାପାଇସି, ସେ ଡାକ୍ପୁଟା ଆର୍ତେମି ଦେବି, ମନ୍ଦିରର୍ ଡାକ୍ପୁଟା ଆରି ନ ରଏ, ଆରି ଆର୍ତେମି ଦେବିର୍ ମର୍ଜିତା ନସ୍ଟ ଅଇସି ।”

୨୮ ଲକ୍ମନ୍ ଏ କାତା ସୁନି ରିସା ଅଇଗାଲାଇ ଆରି ଆଉଲିଅଇ କଇଲାଇ, “ଏପିସିୟର୍ ଆର୍ତେମି ବଡ଼ଦେବିର୍ ଡାକ୍ପୁଟା ଅ !” ୨୯ ଏ ଗଣ୍ଡଗଲ୍ ଅଇଲାଟା ଗୁଲାଇ ନଅରେ କେଟିଗାଲା । ଲକ୍ମନ୍ ପାଉଲ୍ ସଙ୍ଗ୍ ରଇବା ମାକିଦନିଆର୍ ଗାୟ ଆରି ଆରିସ୍ତାକସ୍, ଦୁଇଲକ୍ କେ ଦାରି, ଦାପୁରେ ଜୁଇଦ୍ ବାଟେ ପାଲାଇଲାଇ । ୩୦ ତେଇ ପାଉଲ୍ ଏକ୍ଲାସେ ଲକ୍ମନ୍ର ବିଡ଼ରେ ଜିବାକେ ମନ୍ କଲା । ମାତର୍ ବିସବାସିମନ୍ ତାକେ ବିଡ଼ରେ ଜିବାକେ ଚାଡ଼ନ୍ଦାନାଇ । ୩୧ ଆସିଆ ରାଇଜର୍ କେତେଟା ମୁକିଅ ସାସନ୍ କାରିଆମନ୍ ମିସା ପାଉଲ୍ ମଇତର୍ ରଇଲାଇଜେ, ପାଉଲ୍ କେ ଜୁଇଦ୍ ପତିଆଇ ନ ଜାଅ ବଲି, କବର୍ ପାଟାଇଲାଇ । ୩୨ ଏଡ଼କି ବିଡ଼ରେ ରୁଣ୍ଡିରଇବା ସବୁ ଲକ୍ ରିସା ଅଇଜାଇରଇଲାଇ । ଲକ୍ମନ୍ ଦଲ୍ ଦଲ୍ ଅଇକରି ଏକାତା, ସେ କାତା କଇକଇ କରି ଆଉଲିଅଇ ଜାଇତେ ରଇଲାଇ । ମାତର୍ ସେମନ୍ର ବିଡ଼ରେଅନି କେତେକ୍ ଲକ୍, କାଇକେ ରୁଣ୍ଡିଆଟଡ଼ ବଲି ନାଜାନିରଇଲାଇ । ୩୩ ସେମନ୍ର ବିଡ଼ରେଅନି କେତେକ୍ ଲକ୍ ଏଟାର୍ପାଇ ଆଲେକ୍ ଜାଣ୍ଡାଟକେ ଦାଇ କଲାଇ । କାଇକେବଲେ ଜିଉଦି ଲକ୍ମନ୍, ଆଗ୍ଟୁ ତାକେ ଚିଆ କରାଇରଇଲା । ଆଲେକ୍ ଜାଣ୍ଡାଟ ଲକ୍ମନ୍ କେ ଆଡ଼ଟେକି ଚିମ୍ପରାଇଅଇ ରଇବାକେ କଇଲା ଆରି ତାର୍ ବାସନ୍ ଗାମେ ବିସବାସିମନ୍ର ବାଟେ ଅଇକରି ବୁଜାଇବାକେ ଚେସ୍ଟା କଲା । ୩୪ ମାତର୍ ସେ ଗଟେକ୍ ଜିଉଦିଲକ୍ ବଲି ଜାନିକରି ଲକ୍ମନ୍ ଏକାତରେକ୍ ଆଉଲିଅଇକରି “ଆର୍ତେମି ଦେବିର୍ ଜୟ ଜୟ ଅ !” ବଲି ଦୁଇ ଗାଁଟା ଜାକ ଆଉଲି ଅଇ ରଇଲାଇ ।

୩୫ ପଟେ ନଅରର୍ ଅଦିକାରେ ରଇବା ଗଟେକ୍ କାମ୍ କରୁ, ଲକ୍ମନ୍ କେ ବୁଜା ସୁଜା କରି ଚିମ୍ପରା କଲା ଆରି କଇଲା, “ଏ ଏପିସିୟର୍ ବାଇମନ୍, ଏପିସସ୍ ନଅରେ ବଡ଼ଦେବି ଆର୍ତେମିର୍ ମନ୍ଦିର୍ ଆରି ଆକାସେଅନି କସ୍ରି ଆଇଲା ସୁକଲ୍ ପାକ୍ନା ରକିଆ କର୍ବା ଦାଇଡ଼, ଏପିସିୟ ନଅରେ ରଇବା ଲକ୍ମନ୍ ।” ୩୬ କେ ମିସା ଏଟା ନଏଁ ବଲି କଇନାପାରଡ଼ । ସେଟାର୍ ପାଇ ତମେ ସବୁ ଲକ୍ ଚିମ୍ପରାଇ ଉଆ । କାଇକାମ୍ ମିସା ବକୁଆପାରା କରାନାଇ । ୩୭ ଏ ଲକ୍ମନ୍ ମନ୍ଦିରେଅନି କାଇଟା ଚରି କରଡ଼ ନାଇ, କି ଆମର୍ ଦେବିର୍ ବିରଦେ, କାଇମିସା କାରାପ୍ କାତା କଅଡ଼ ନାଇ, ଏଲେମିସା ତମେ ଏମନ୍ କେ ଦାରି ଆନିଆଟାସ୍ । ୩୮ ଜଦି ଦିମିତିରିୟ ଆରି ତେଇର୍ ପୁଡ଼ଲା ତିଆର୍ କରୁମନ୍ କେ, କାର୍ ବିରଦେ ଦାବାକର୍ ବାଟା ଆଟେ, ସେଟା ବିଚାର୍ କର୍ବାକେ ଆମର୍ ଲକ୍ମନ୍ ଆଟଡ଼ । ଆରି ବିଚାର୍ ଅଇବା ଗଟେକ୍ ଦିନ୍ ଆଟେ । ତେଇ ସେ ଦାବା ବିସଇ କଇପାରାସ୍ । ୩୯ ଜଦି ଆର୍ତେଇଅନି ଆରି ଅଦିକ୍ କାଇଟା ଜାନ୍ ବାକେ ମନ୍ କଲାସ୍ନି, ତେବେ ଲକ୍ମନ୍ ଟିକ୍ କଲା ନିୟମର୍ ସବାଇ, ସେଟା ଟିକ୍ କରାଅଇସି । ୪୦ ଆଜି ଜାଇଟା ଗଟ୍ଟନା ଆଟେ, ତେଇ ଗଣ୍ଡଗଲ୍ କର୍ବା

ଆରି ଦାବା କରବା ବିସଇ ଆମର୍ ବିରଦେ କାତା ଉଟିପାରେ । ଏ ଗଣ୍ଡଗଲର୍ କାଇମିସା କାରନ୍ ଦେକାଇ ନାପାରୁ ।”  
୪୧ ଏ ସବୁ କାତା କଇ ସେ ଲକ୍ମନକେ ଚିମ୍ପରା କରାଇ ସବା ସେସ୍ କଲା ।

### ୨୦

#### ପାଉଲ୍ ମାସିଦନିଆ ଆରି ଆକାୟା ଜିବାଟା

୧ ଗଣ୍ଡଗଲ୍ ବନ୍ଦ ଅଇଲା ପଟେ, ପାଉଲ୍ ବିସ୍ବାସିମନ୍‌କେ ଗଟେକ୍‌ତେଇ ରୁଣ୍ଡାଇ ସାର୍ଦାର କାତା ସୁନାଇଲା । ସେମନ୍‌କେ ଜିବିବେ ବଲି କଇ, ତେଇଅନି ବାରଇ ମାକେଦନିଆଇ ଗାଲା । ୨ ତେଇର୍ ସବୁ ଜାଗାଇ ଗାଲା, ଆରି ବେସି ଲକ୍ମନକେ ଉପ୍‌ଦେସ୍ ଦେଇ, ସାର୍ଦା କରାଇଲା, ତାର୍‌ପଟେ ସେ ଗିରିସେ ଗାଲା । ୩ ତେଇ ସେ ତିନ୍ ମାସ୍ ରଇଲା, ଆରି ସିରିଆଇ ଜିବାକେ ତିଆର୍ ଅଇଲାବେଲେ, ଜିଉଦିମନ୍ ତାକର୍ ବିରଦେ କୁଟ୍‌ପାଁର୍‌ଲାଇନି ବଲି କବର୍ ପାଇ ମାକିଦନିଆବାଟେ ବାଉଡି ଜିବାକେ ଟିକ୍ କଲା । ୪ ବେରିଆତେଇ ରଇବା ପୁରର୍ ପଥ ସପାତର୍, ତେସ୍‌ଲନିକିୟ ଆରିସ୍‌ତାକସ୍ ଆରି ସେକୁଦ୍, ଦର୍ବିର୍ ଗାୟ, ଏସିଆ ଦେସର୍ ତୁକିକ୍, ତର୍‌ପିମ୍ ଆରି ତିମତି । ୫ ସେମନ୍ ଆଗତୁ ଜାଇ ତରିୟାଇ ଆମକେ ଜାଗି ରଇଲାଇ । ୬ କମିର୍ ନ ପାକାଇ ରୁଟି କାଇବା ପରବର୍ ପଟେ, ଆମେ ପିଲିପେଅନି ପାନିଜାଜେ ଜାଇ ପାଁର୍ ଦିନ୍ ପଟେ ତରୟାଇ ସେମନ୍‌ର୍ ସଙ୍ଗ୍ ମିସ୍‌ଲୁ ଆରି ତେଇ ଗଟେକ୍ ଆର୍ ଜାକ ରଇଲୁ ।

#### ପାଉଲ୍ ତରୟାତେଇ ସାରାସାରି ଜାକ ରଇବାଟା

୭ ଆଟର୍ ପର୍ତୁମ୍ ଦିନର୍ ସଞ୍ଜବେଲାଇ ଆମେ ସବୁଲକ୍ ମିସି କାଇବାକେ ରୁଣ୍ଡଲୁ । ପାଉଲ୍ ଲକ୍ମନକେ ମଜାରାତି ଜାକ ଉପ୍‌ଦେସ୍ ଦେଲା । କାଇକେବଇଲେ ତାର୍ ଆରକର୍ ଦିନେ ସେ ଜାଗା ଚାଡି ଜିବାର୍ ରଇଲା । ୮ ଜନ୍ ଉପର୍ ତାଲାର୍ ବାକ୍‌ରାଇ ଆମେ ସବା କର୍ତେ ରଇଲୁ, ତେଇ ବେସି ବତିମନ୍ ଲାଗିରଇଲା । ୯ ତେଇ ଇଉଟିକସ୍ ନାଉର୍ ଗଟେକ୍ ଦାଙ୍ଗ୍‌ତା କିଡ଼କି ଲଗେ ବସି ରଇଲା । ପାଉଲ୍ କାତା କଇବା ବେଲାଇ, ତାକେ ଗୁନ୍ ଡାବି ଆଇଲା, ସେ ଗୁନ୍‌ର୍ ଲାଡେ, ତିନତାଲାର୍ ଗର୍ ଉପ୍‌ରେଅନି ତଲେ ଅଦ୍‌ରିଦେଲା । ସେମନ୍ ତାକେ ଉଟାଇବା ବେଲାଇ, ସେ ମରିଜାଇରଇଲା । ୧୦ ମାତର୍ ପାଉଲ୍ ତଲ୍‌କେ ଉଡ଼ରି ଆସି ତାକେ ପାଟାଲି, ଦାରି କଇଲା, “ତରା ନାଇ । ତାକେ ଜିବନ୍ ଆଟେ ।” ୧୧ ତାର୍‌ପଟେ ସେ ଉପ୍‌ରେ ବାଉଡିଜାଇ ରୁଟି ବାଙ୍ଗାଇ କାଇଲା, ଆରି ବେଲ୍ ଉଦ୍‌ବାଜାକ ସେମନ୍‌ର୍ ସଙ୍ଗ୍ ବେସି କାତାବାର୍‌ତା ଅଇ ତେଇଅନି ବାରଇଲା । ୧୨ ଲକ୍ମନ ଦାଙ୍ଗ୍‌ତାକେ ଜିବନ୍ ରଇଲାଟା ଦେକି ତାର୍ ଗରେ ଦାରିଗାଲାଇ ଆରି ସାର୍‌ଦା ଅଇଲାଇ ।

#### ତରୟାଇ ଅନି ମିଲିଟସେ ଜିବାଟା

୧୩ ଆମେ ଆଗତୁ ଜାଜେ ଚଗି, ଆସସେ ଜିବାକେ ବାରଇଲୁ । ତେଇଅନି ଆମେ ପାଉଲ୍‌କେ ଜାଜେ ନେଇଜିବାକେ ଟିକ୍ କରିରଇଲୁ । କାଇକେବଇଲେ ସେ ସମ୍‌ଦୁର୍‌ବାଟେ ଜାଇ, ସେ ଜାଗାଇ କେଟ୍‌ବି ବଲି କଇରଇଲା । ୧୪ ସେ ଜେଡେବେଲା ଆମକେ ଆସସେ ବେଟ୍ ଅଇଲା, ଆମେ ତାକେ ଜାଜେ ଚଗାଇ ମିଡିଲିନି ଜାଗାଇ ଗାଲୁ । ୧୫ ତେଇଅନି ଆରି ଜିବାର୍‌ଦାରି ତାର୍ ଆରକର୍ ଦିନେ କିଅସ୍ ଲଗେ କେଟ୍‌ଲୁ । ତାର୍ ଆରକର୍ ଦିନେ ମିଲିଟସେ କେଟ୍‌ଲୁ । ଆରି ଗଟେକ୍ ଦିନ୍ ପଟେ ଆମସେ କେଟ୍‌ଲୁ । ତାର୍ ଆରକର୍ ଦିନେ ମିଲିଟସେ କେଟ୍‌ଲୁ । ୧୬ ଆସିଆ ରାଇଜେ ଆରି ବେସି ଦିନ୍ ନ ରଇକରି, ଏପିସସ୍ କଣ୍ଡିକଣ୍ଡି ଜାଜ୍ ଚାଲାଇବାକେ ପାଉଲ୍ ଟିକ୍ କଲା । ଜଦି ଅଇପାର୍‌ସି, ପେନ୍‌ଟିକସ୍‌ର୍ ଦିନେ ଜିରୁସାଲାମ୍ କେଟ୍‌ବାକେ ସେ ତେରେପେତେ ଅଇତେ ରଇଲା ।

#### ଏପିସି ମଣ୍ଡଲିର୍ ନେତାମନ୍‌କେ ପାଉଲ୍‌ର୍ ପାଟାଇବା କାତା

୧୭ ପାଉଲ୍ ମିଲିଟସେଅନି ଏପିସି ମଣ୍ଡଲିର୍ ପାର୍‌ଚିନ୍ ମନ୍‌କେ ତାର୍ ସଙ୍ଗ୍ ମିସ୍‌ବାକେ ଡାକାଇଲା । ୧୮ ସେମନ୍ ଆସି କେଟ୍‌ଲାକେ ପାଉଲ୍ କଇଲା, “ରମିୟ ରାଇଜର୍ ଆସିଆଇ କେଟ୍‌ଲା ପର୍ତୁମ୍ ଦିନେଅନି, କେନ୍ତ୍ର ତମର୍ ସଙ୍ଗ୍ ବେସି ବେଲା କାଟାଇଲି ଆଟି, ସେଟା ତମେ ଜାନିଆଟାସ୍ । ୧୯ ଜିଉଦିମନ୍‌ର୍ କୁଟ୍‌ ପାଁର୍‌ନାର୍ ଲାଗି, ମକେ ଜନ୍ ଦୁକ୍ କସ୍‌ଟ ପାଇକରି ମୁରବ୍‌ବାକେ ପଡ଼ଲା, ସେ ବିଡ଼ରେ ମୁଇ ପରମେସରର୍ ସେବାକାରିଆ ଇସାବେ ଆଁସୁପାନି ଜତାଇ, ମୁଣ୍ଡ ତଲେକରି, କାମ୍ କଲିଆଟି । ୨୦ ତମେ ଜାନିଆଟାସ୍, ଲକ୍ମନର୍ ଲଗେ କବର୍ ଜାନାଇଲାବେଲେ ଆରି ତମର୍ ଗର୍‌ମନ୍‌କେ ଉପ୍‌ଦେସ୍ ଦେଲାବେଲେ, ତମର୍ ଉପ୍‌କାର୍ ଅଇଲାପାରା କାଇ ବିସଇ ମିସା ଜାନାଇବାକେ ମୁଇ ଦୁଇମନିଆ ଅଇନାଇ ।” ୨୧ ଜିଉଦି ଆରି ଗିରିକ୍ ଲକ୍ମନକେ ସବୁକେ ମୁଇ ଡାଟ୍ ସଙ୍ଗ୍ ଜାଗର୍‌ଡ଼ ରଇବା କାତା ସୁନାଇ ରଇଲି, ଜେନ୍ତାରିକି, ସେମନ୍ ପାପେଅନି ବାଉଡିକରି ପରମେସରର୍ ବାଟେ ମନ୍ ଦେଅଡ୍ ଆରି ମାପୁରୁ ଜିସୁକେ ବିସ୍‌ବାସ୍ କରଡ୍ । ୨୨ ଏବେ ସୁକଲ୍‌ଆଡ଼ମାର୍ ଚାଲ୍‌ନାଦେଲା ଆଦେସ୍ ମାନିକରି, ମୁଇ ଜିରୁସାଲମେ ଗାଲିନି । ତେଇ ମକେ କାଇଟା ଅଇସି ନାଜାନି । ୨୩ ସୁକଲ୍‌ଆଡ଼ମା ମକେ ଜାଗର୍‌ଡ଼ କରିଦେଇ ଆଟେ ଜେ, ମୁଇ ସବୁ ନଅରେ ବନ୍ଦି ଗରେ ରଇକରି କସ୍‌ଟ ପାଇବି । ୨୪ ☆ମର୍ ନିଜର୍ ଜିବନ୍, ମର୍ ପାଇ, ମୁଇ ଇନ୍ କଲିନି । ପର୍‌ମେସରର୍ ଜିବନ୍ ଦୁକାଇଲା ବିସଇ ଆରି ମାପୁରୁ

☆ ୨୦:୨୪ ୨୦:୨୪ ୨ୟ ତିମତି ୪:୭



ଜିସୁ ଜନ୍ କାତା ଜାନାଇବାକେ ମକେ ଦାଇଡ଼ ଦେଲାଆଚେ, ସେଟା ସାରାଇବି ଆରି ସୁବ କବର୍ ଜାନାଇବାଟା ପୁରାପୁରୁନ୍ କରବି । ଏଡ଼କି ସେ ମୁଇ ମନ୍ କଲିନି ।

୨୫ “ପରମେସରର୍ ରାଇଜ୍ ବିସଇ ଜାନାଇବାକେ ମୁଇ ତମର୍ ସବୁ ଲକର୍ ଲଗେ ଜାଇଆଚି । ଏବେ ମୁଇ ଜାନିଆଚି, ତମର୍ ବିଡ଼ରେଅନି କେମିସା ମର୍ ମୁଁ କେବେ ଦେକି ନାପାରାସ୍ । ୨୬ ତେବର୍ପାଇ ଆଜି ବେଲା ମିଲ୍ଲା ଆଚେ ବଲି ମୁଇ ଡାଟ୍ ସଙ୍ଗ୍ ତମ୍ବେ ଜାନାଇଲିନି । ତମର୍ ବିଡ଼ରେଅନି କେ ଜଦି ବାଟ୍ ବାନା ଅଇଗାଲେ, ସେଟାପାଇ ମୁଇ ଦାଇ ନଇ । ୨୭ କାଇକେବଲେ ତମର୍ଟାନେ ପରମେସରର୍ ସବୁଜାକ ଆଦେସ୍ ଜାନାଇବାକେ, ମୁଇ ଦୁଇମନିଆ ଅଇନାଇ । ୨୮ ତେବର୍ପାଇ ତମେ ନିଜର୍ ବିସଇ ଆରି ସୁକଲ୍ଆଡ଼ମା ତାର୍ ସଡ଼ ଗିଆନେ ଜନ୍ ବିସ୍ବାସି ମାନ୍ଦାକେ ଦେକାରକାପାଇ ଚାଡ଼ିଦେଇ ଆଚେ, ସେ ସବୁ ବିସଇଟାନେ ଜାଗର୍ଡ଼ ଉଆ । ମେଣ୍ଡା ଚାରାଉ ଗଉଡ଼ପାରା ପରମେସରର୍ ମଣ୍ଡଲିର୍ ଜତନ୍ ନିଆ । ସେ ମଣ୍ଡଲିକେ ପରମେସର୍ ତାର୍ ନିଜର୍ ବନିଦେଇ ଗେନିଆଚେ । ୨୯ ମୁଇ ଜାନିଆଚି, ମୁଇ ଗାଲାପଚେ ତମର୍ ବିଡ଼ରେ ଅପର୍ବଲ୍ ଗଦଡ଼ୁକାମନ୍ ଆଇବାଇ ଆରି ମେଣ୍ଡାଋସିକେ ଚିନ୍ ଚତର୍ କରିସେ ଚାଡ଼ିବାଇ । ୩୦ ବେଲା ଆଇସି, ତମର୍ ନିଜର୍ ଦଲ୍ଲର୍ କେତେ ଲକ୍ ବିସ୍ବାସିମନ୍କେ ମିର୍ କାତା କଇ ତାକର୍ ବାଟେ ଡାକି ନେବାଇ । ୩୧ ସେ ବେଲେ ତମେ ଜାଗର୍ଡ଼ ଅଇ ରୁଆ । ମୁଇ ତିନ୍ ବରସ୍ ଜାକ ଦିନ୍ ରାତି ଆଁସୁପାନି ଜରାଇ, ତମ୍ବେ ଗଟେକ୍ ଗଟେକ୍ କରି, ସବୁ ଲକ୍କେ ସିକାଇ ଆଚି, ଏ କାତା ଏତାଇରୁଆ ।”

୩୨ “ଏବେ ମୁଇ ତମ୍ବେ ପରମେସର୍କେ, ଆରି ତାର୍ ଜିବନ୍ ଦୁକାଇବା ବାକିଅଟାନେ ସର୍ପି ଦେଲିନି । ସେ ବାକିଅ ତମ୍ବେ ଡାଟ୍ କରାଇସି ଆରି ପରମେସରର୍ ଲକ୍ମନର୍ ପାଇ ଅଇବା ସବୁ ଆସିର୍ବାଦ୍ ତମ୍ବେ ଦେଇପାରସି । ୩୩ ମୁଇ କାର୍ ସୁନା, ରୁପା କି ଲୁଗାପଟିଆ ମିଲାଇବି ବଲି ଆସା କରିନାଇ । ୩୪ ମର୍ ଏ ଦୁଇଟା ଆଚେ କସ୍ଟ କରି, ମର୍ ପାଇ ଆରି ମର୍ସଙ୍ଗ୍ ରଇବାଲକର୍ ପାଇ, ଦରକାର୍ ରଇଲାଟା ପୁରାପୁରୁନ୍ କଲିଆଚି ଏଟା ତମେ ଜାନିଆଚାସ୍ । ୩୫ ମିଲାଇବାଟାନେଅନି ଦାନ୍ଦେବାଟା ଅଦିକ୍ ସାର୍ଦାର୍ ବିସଇ ଅଇରଇସି । ନିଜେ ଜିସୁ ମାପରୁ ଏ ବାକିଅ ସୁମର୍ନା କରିରଇଲା । ଏଡ଼ାରି କସ୍ଟ କାମେଅନି ନାପାର୍ଲା ଲକ୍ମନ୍କେ ସାଇଜ କର୍ବାର୍ ଆଚେ । ଏ ବିସଇ ମୁଇ ତମ୍ବେ ସବୁବେଲେ କରିଦେକାଇଆଚି ।”

୩୬ ଏ ସବୁ କାତା କଇସାରାଇ ପାଉଲ୍ ସେମନର୍ ସଙ୍ଗ୍ ମାଣ୍ଡିକୁଟା ଦେଇ ପାର୍ତନା କଲା । ୩୭ ସବୁ ଲକ୍ କାନ୍ଦି କାନ୍ଦି କରି ପାଉଲ୍କେ ପାଟାଲିକରି ତୁମ୍ବଟ୍ କରି ପାଟାଇଦେଲାଇ । ୩୮ ପାଉଲ୍ ସେମନ୍କେ “ତମେ ଆରି ମକେ ଦେକିନାପାରାସ୍ ।” ବଲି କଇରଇଲାକେ, ସେମନ୍ ବେସି ମନ୍ଦୁକ୍ ଅଇଜାଇରଇଲାଇ । ଲକ୍ମନ୍ ପାଉଲ୍କେ ପାଟାଇ ଦେବାକେ, ଜାଜେ ନେଇ ଚାଡ଼ିଲାଇ ।

## ୨୧

### ପାଉଲ୍ ଜିରୁସାଲମେ ଜିବାଟା

୧ ସେମନ୍କେ ପାଟାଇଦେଇକରି ଆମେ ତେଇଅନି ଜାଜେ ଚଗି ସିଦା କସ୍ ନାଉର୍ ଜାଗାଇ କେଟ୍ଲୁ । ତାର୍ ଆର୍କର୍ ଦିନେ ରଦେ କେଟ୍ଲୁ, ସମ୍ବୁର୍ ପାଲି ପାଲି ଜାଇ ପାତାରା ନାଉର୍ ଜାଗାଇ ଗାଲୁ । ୨ ତେଇଅନି ପିନିସିଆଇ ଜାଇତେ ରଇବା ଗଟେକ୍ ଜାଜେ ଚଗି ଜିବାର୍ ଦାର୍ଲୁ । ୩ ତାର୍ପଚେ ଡିସ୍ତେରଇବା ସାଇପରସ୍ ନାଉର୍ ଗଟେକ୍ ଜାଗାଇ କେଟ୍ଲୁ । ତେଇଅନି ତାର୍ ଦକିଣ୍ଡିଗ୍ ବାଟେ ଜାଇ ସିରିଆଇ କେଟ୍ଲୁ । ଆମେ ଟାୟର୍ ନାଉର୍ ଗଟେକ୍ ଜାଗାଇ, ପାନିଜାଜେଅନି ଉତର୍ଲୁ, କାଇକେ ବଇଲେ, ଏ ଜାଜେଅନି ଦିନ୍ସୁମନ୍ ଉଡ଼ରାଇବାର୍ ରଇଲା । ୪ ତେଇ ଆମେ କେତେଟା ବିସ୍ବାସିମନର୍ ସଙ୍ଗ୍ ବେଟ୍ ଅଇ ସେମନର୍ ସଙ୍ଗ୍ ଗଟେକ୍ ଆଟ୍ ରଇଲୁ, ସୁକଲ୍ଆଡ଼ମାର୍ ଚାଲ୍ନା ପାଇକରି ସେମନ୍, ଜିରୁସାଲମେ ଜିବାକେ ପାଉଲ୍କେ ମନା କଲାଇ । ୫ ମାତର୍ ସେମନର୍ ସଙ୍ଗ୍ ଗଟେକ୍ ଆଟ୍ ରଇଲା ପଚେ, ଆମେ ସେମନ୍କେ ଚାଡ଼ିକରି ଆମର୍ ବାଟେ ଉଟି ଆଇଲୁ । ଆମ୍ବେ ପାଟାଇ ଦେବାକେ ସେମନ୍ ନିଜର୍ ନିଜର୍ ପିଲା ମାଇଜି ସଙ୍ଗ୍ ଗଡ଼ ବାଇରେ ରଇବା, ସମ୍ବୁର୍ କଣ୍ଡିଜାକ ଆଇଲାଇ । ତେଇ ଆମେ ସବୁ ଲକ୍ ମାଣ୍ଡିକୁଟା ଦେଇ ପାର୍ତନା କଲୁ । ୬ ତାର୍ପଚେ ଆମେ ସେମନର୍ ସଙ୍ଗ୍, ଜୁଆର୍ବେଟ୍ ଅଇ ଜାଜେ ଚଗ୍ଲୁ, ସେମନ୍ ଗରେ ବାଉଡ଼ି ଗାଲାଇ ।

୭ ଆମେ ଟାୟରେଅନି ପାନିଜାଜେ ବାରଇ ପଡ଼ଲମା ନାଉର୍ ଜାଗାଇ କେଟ୍ଲୁ, ତେଇ ବିସ୍ବାସି ବାଇମନର୍ ସଙ୍ଗ୍ ଜୁଆର୍ବେଟ୍ ଅଇ ଗଟେକ୍ ଦିନ୍ ରଇଲୁ । ୮ ଆର୍କର୍ ଦିନେ ଆମେ ସେ ଜାଗା ଚାଡ଼ି, ସିସେରିଆ ନାଉର୍ ଜାଗାଇ କେଟ୍ଲୁ, ତେଇ ମାପୁରୁ କାତା ଜାନାଇବା, ପିଲିପର୍ ଗରେ ରଇଲୁ, ଜିରୁସାଲମେ ସେବା କର୍ବାକେ ବାଟାଇଅଇରଇବା ସାଡ଼ ଲକ୍ ବିଡ଼ରେଅନି, ପିଲିପ୍ ଗଟେକ୍ ଲକ୍ ରଇଲା । ୯ ପିଲିପର୍ ଚାର୍ଟା ଦାଙ୍ଗ୍ଡ଼ି ଟକିମନ୍ ବିବା ନ ଅଇକରି ରଇଲାଇ, ସେମନ୍ ପରମେସର୍ କଇଲା କାତା ଜାନାଇତେ ରଇଲାଇ । ୧୦ ଆମେ ସେ ଜାଗାଇ ବେସି ଦିନ୍ ରଇଲା ପଚେ, ଜିଉଦା ରାଇଜେଅନି ଆଗାବ୍ ନାଉର୍ ଗଟେକ୍ ବବିସଡ଼ବକ୍ତା ତେଇ ଆଇଲା । ୧୧ ସେ ଆମର୍ ଲଗେ ଆସି ପାଉଲ୍ ଆଟାବେଡା ନେଲା, ତେଇ ସେ ନିଜର୍ ଆଡ଼ ଗଡ଼ ବାନ୍ଦି କରି କଇଲା, “ସୁକଲ୍ଆଡ଼ମା ମକେ ଜାନାଇଲା ଆଚେ ଜେ, ଏ ଆଟାବେଡାର୍ ସାଉକାର୍କେ ଜିରୁସାଲମର୍ ଜିଉଦିମନ୍, ଏନ୍ତି ବାନ୍ଦି ଜିଉଦିନଇଲା ଲକ୍ମନ୍କେ ସର୍ପିଦେବାଇ ।”

☆ ୨୧:୮ ୨୧:୮ ପେରିଡ଼ ୨:୫,୮:୫ ☆ ୨୧:୧୦ ୨୧:୧୦ ପେରିଡ଼ ୧୧:୨୮

୧୭ ଏଟା ସୁନି ଆମେ ଆରି ସେ ଜାଗାଇ ରଇଲା ବିନ୍‌ଲକ୍‌ମନ୍, ପାଉଲ୍‌କେ “ ଜିରୁସାଲମାମେ ନ ଜାଆ” ବଲି ବାବୁଜିଆ କଲୁ । ୧୮ ମାତର ପାଉଲ୍ କଇଲା, “ତମେ ଏଟା କାଇଟା କଲାସ୍‌ନି, କାଇକେ ଏଡ଼ି କାନ୍ଦାବୁବା ଅଇ ମର୍ ମନ୍ କିଲ୍‌ବିଲ୍ କଲାସ୍‌ନି ? ଜିରୁସାଲମା ଅବ୍‌କା ବାନ୍ଦାଇ ଅଇବାକେସେ ନାଇ, ମାତର ମୁଇ ମାପରୁ ଜିସୁର୍ ପାଇ ମର୍ବାକେ ମିସା ରାଜି ଆଟି ।”

୧୪ ଆମେ ତାକେ ବୁଜାଇ ନାପାରି, ତେଇଅନି ଚିମ୍‌ରାଇ ଅଇ କଇଲୁ “ମାପରୁ ମନ୍ କଲାଟା ପୁରାପୁରୁନ୍ ଅ ।”

୧୫ ତେଇ କେତେଦିନ୍ ରଇକରି, ଆମର୍ ଦିନ୍‌ସୁପତରୁ ସାଜାଡ଼ି ଜିରୁସାଲମାମେ ଜିବାକେ ବାରଇଲୁ । ୧୬ ସିସେରିଆର୍ କେତେଟା ସିସ୍‌ମନ୍, ଆରି ସାଇପରସର୍ ମନାସନ୍ ନାଉର୍ ବିସ୍‌ବାସି ମିସା ଆମର୍ ସଙ୍ଗ୍ ଆଇଲା । ମନାସନ୍‌ ଗରେ ଆମେ ରଇବାକେ ଟିକ୍ ଅଇରଇଲା ।

**ଜାକୁବର୍ ସଙ୍ଗ୍ ପାଉଲ୍ ବେଟ୍ ଅଇବାଟା**

୧୭ ଜିରୁସାଲମାର ବିସ୍‌ବାସି ବାଇମନ୍ ଆମ୍‌କେ ସାର୍‌ଦାସଙ୍ଗ୍ ଗତିଆ କଲାଇ । ୧୮ ତାର୍ ଆରକର୍ ଦିନେ ପାଉଲ୍ ଆମର୍ ସଙ୍ଗ୍ ଜାକୁବ୍‌କେ ଦେକ୍‌ବାକେ ଗାଲା, ମଣ୍ଡଲିର୍ ସବୁ ପାର୍‌ଚିନ୍‌ମନ୍ ତେଇ ରୁଣ୍ଡି ରଇଲାଇ । ୧୯ ପାଉଲ୍ ସେମନ୍‌କେ ଜୁଆର୍‌ବେଟ୍ ଅଇ ତାକର୍ କାମେଅନି, ପରମେସର୍ ଜିଉଦିନଇଲା ଲକ୍‌ମନ୍‌ ବିତ୍‌ରେ ଜାଇଟା କରିରଇଲା ତାର୍ ଗଟେକ୍ ଟିକିନିକିର୍ ତାଲିକା ଦେଲା । ୨୦ ତାର୍ କାତା ସୁନ୍‌ଲାପତେ ସେମନ୍ ସବୁ ଲକ୍ ପରମେସରର୍ ଡାକ୍‌ପୁଟା କଲାଇ । ତାର୍‌ପତେ କଇଲାଇ, “ବାଇ ପାଉଲ୍, ତମେ ଦେକ୍‌ଲାସ୍‌ନି, କେନ୍ତ୍ର, ଏବେ ଅଜାର୍ ଅଜାର୍ ଜିଉଦିମନ୍ ମାପରୁ ଜିସୁକେ ମାନ୍‌ଲାଇନି ଆରି ସେମନ୍ ରିତିନିତି ମିସା ମାନ୍‌ଲାଇନି । ୨୧ ସେମନ୍ କବର୍ ପାଇଆତଡ଼୍ ଜେ, ତମେ ଜିଉଦିନଇଲା ଦେସେ ବାସା ଅଇରଇଲା, ଜିଉଦିମନ୍‌କେ ମସାର୍ ରିତିନିତି ଚାଡ଼ିଦେବାକେ, ସେମନ୍‌ ପିଲାମନ୍‌କେ ସୁନ୍‌ଡ଼ ନ କର୍‌ବାକେ ଆରି ଜିଉଦି ରିତିନିତି ନ ମାନ୍‌ବାକେ ସିକିଆ ଦେଲାସ୍‌ନି । ୨୨ ତମେ ଇତି କେଟିଆଟାସ୍ ବଲି ସେମନ୍ ସଡ଼୍‌ସେ ସୁନ୍‌ବାଇ । ସେନ୍ତ୍ର ଆଲେ କାଇଟା କରିଅଇସି ? ୨୩ ଆମେ ମନ୍‌କଲୁନି ତମେ ଗଟେକ୍ କାମ୍ କରା ବଲି । ଇତି ରଇଲା ଚାରିଲକ୍ ଗଟେକ୍ ମାନ୍‌ଡ଼ କଲାଇଆତଡ଼୍ । ୨୪ ସେମନ୍‌ ସଙ୍ଗ୍ ଜାଆ । ସୁକଲ୍ ଅଇବା ବିଦି ମାନ୍‌ବାତେଇ ସେମନ୍‌ ସଙ୍ଗ୍ ମିସା ଆରି ସେମନ୍‌ କର୍‌ଟା ଦେ । ତାର୍‌ପତେ ସେମନ୍ ନିଜର୍ ନିଜର୍ ମୁଣ୍ଡ କୁରାଇ ଅଅଡ଼୍ । ଇତିଅନି ଜାନାପଡ଼୍‌ସି ଜେ, ତମର୍ ବିସଇ ବାରଇରଇବା କାଇମିସା କବର୍ ସଡ଼୍ ନଏଁ, ମାତର ତମେ ମସାର୍ ରିତିନିତି ଇସାବେ ଜିବନ୍ ଜିଇଲାସ୍‌ନି । ୨୫ ମାତର ଜିଉଦି ନ ଅଇଲା ଲକ୍‌ମନ୍ ବିସ୍‌ବାସି ଅଇଆତଡ଼୍ । ସେମନ୍‌କେ ଗଟେକ୍ ଚିଟି ଲେକି ଉପଦେସ୍ ଦେଲୁଆରୁ ଜେ, ଆମର୍ କଇଲା କାତା ଇସାବେ, ସେମନ୍ ପୁଡ଼ଲାମନ୍‌କେ ବିରୁକଲା କାଦି ନ କାଅଡ଼୍, ବନି ନ କାଅଡ଼୍, ଟର୍‌ରି ପିଟକି ମରାଇରଇବା ପସୁର୍ ମାଉଁସ୍ ନ କାଅଡ଼୍ ଆରି ବିନ୍ ମାଇଜିମନ୍‌ ସଙ୍ଗ୍ ପାପ୍ କାମ୍ କର୍‌ବାଟାନେଅନି ଦୁରିକେ ରଅଡ଼୍ ।”

୨୬ ତାର୍ ପର୍‌ଦିନେ ପାଉଲ୍ ସେ ଚାର୍ ଲକ୍‌ର୍ ସଙ୍ଗ୍ ସୁକଲ୍ ଅଇବା ବିଦି ମାନ୍‌ଲା । ତାର୍ ପତେ ସେ ମନ୍‌ରେ ଜାଇ ସୁକଲ୍ ଅଇବା କାମ୍ କେବେ ସାର୍‌ସି, ଆରି କେତେବଲ୍ ବିରୁ କର୍‌ବାଟା ଅଇସି, ସେଟା ଜାନାଇଦେଲା ।

**ପାଉଲ୍ ମନ୍‌ରେ ବିତ୍‌ରେ ବନ୍ଦି ଅଇଲା**

୨୭ ଏ ସୁକଲ୍ ଅଇବା କାମର୍ ସାଡ଼୍ ଦିନ୍ ଗାଲା ପତେ, ଆସିଆ ରାଇଜର୍ କେତେଟା ଜିଉଦିମନ୍ ପାଉଲ୍‌କେ ମନ୍‌ରେ ଦେକ୍‌ଲାଇ, ସେମନ୍ ତେଇ ରୁଣ୍ଡିଲା ଲକ୍‌ମନ୍‌କେ ଉସ୍‌କାଇକରି ପାଉଲ୍‌କେ ଦାର୍‌ଲାଇ । ୨୮ ସେମନ୍ ଆଉଲି ଅଇକରି କଇଲାଇ, “ଏ ଇସ୍ରାଏଲ୍‌ର୍ ବାଇମନ୍ ଆମ୍‌କେ ସାଇଜ କରା ! ଏ ଲକ୍ ଚାରିବାଟେ ଜାଇକରି ଇସ୍ରାଏଲ୍‌ ମନ୍‌ର୍ ବିରଦେ, ମସାର୍ ନିୟମ୍ ଆରି ଏ ମନ୍‌ର୍ ବିରଦେ, ସିକିଆ ଦେଲାନି । ଏବେ କେତେଟା ଗିରିକ୍ ଲକ୍‌ମନ୍‌କେ ମନ୍‌ରେ ବିତ୍‌ରେ ଆନି, ଏ ସୁକଲ୍ ଜାଗା ଅସୁକଲ୍ କଲା ଆଟେ ।” ୨୯ ସେମନ୍ ଗଡ଼୍ ବିତ୍‌ରେ ଏପିସସର୍ ତର୍‌ପିମ୍‌କେ ପାଉଲ୍ ସଙ୍ଗ୍ ଦେକି ରଇଲାର୍ ପାଇ ବାବ୍‌ଲାଇ ଜେ, ପାଉଲ୍ ତାକେ ମନ୍‌ରେ ନେଲା ଆଟେ ବଲି ।

୩୦ ଗଡ଼୍ ଗୁଲାଇ ବାଟେ ରିସାର୍ କିଲ୍‌ବିଲ୍ ଡାବିଅଇଗାଲା । ଲକ୍‌ମନ୍ ପାଉଲ୍‌କେ ମନ୍‌ରେ ବାଇରେ ଅର୍‌ଗଡ଼ି ଆନ୍‌ଲାଇ, ଆରି ମନ୍‌ରର୍ କାପାଟ୍‌ମନ୍ ଡାବିଦେଲାଇ । ୩୧ ରିସାଅଇଲା ଲକ୍‌ମନ୍ ପାଉଲ୍‌କେ ମରାଇବାକେ ଚେସ୍‌ଟା କଲାଇ, ମାତର ସମାନ୍ ସେ ବେଲାଇ “ ଜିରୁସାଲମାମେ ଗଣ୍ଡଗଲ୍ ଚାଲ୍‌ଲା ଆଟେ ।” ବଲି ରିମିୟ୍ ସନିଅମନ୍‌ର୍ କବର୍ ସୁନ୍‌ଲାଇ । ୩୨ ସେ କେତେଟା ସେନାପତି କେତେଟା ସନିଅମନ୍‌କେ ଦାରି ଦାପ୍‌ରେ, ଗର୍‌ନା ଗର୍‌ଲା ଜାଗାଇ ଆସି କେଟ୍‌ଲା । ଲକ୍‌ମନ୍ ସନିଅ ଆରି ସେନାପତିକେ ଦେକିକରି ପାଉଲ୍‌କେ ମାର୍‌ବାଟା ଚାଡ଼ିଦେଲାଇ । ୩୩ ସେନାପତି ପାଉଲ୍‌କେ ବନ୍ଦିକରି, ତାକେ ବୁଇଟା ସିକ୍‌ଲିତେଇ ବାନ୍ଦବାକେ ଆଦେସ୍ ଦେଲା, ତାର୍ ପତେ ସେ ପାଚାର୍‌ଲା, “ଏ ଲକ୍ କେ ? ଆରି ସେ କାଇଟା କଲା ଆଟେ ?” ୩୪ ଲକ୍‌ମନ୍ ମାନ୍‌ଆଅନି କେ କେତେ ରକାମ୍ କାତା କଇ ଆଉଲିଅଇଲାଇ । ଏଡ଼ି କିରମାର୍ ଅଇଲା ଜେ, ସନିଅମନ୍‌ର୍ ମୁକିଆ, ସଡ଼୍‌ସେ, ଏ ଗର୍‌ନା କାଇକେ ଅଇଲା ବଲି ବୁଜିନାପାର୍‌ଲା । ସେଟାପାଉ ସେ ପାଉଲ୍‌କେ ଗଡ଼୍‌ବିତ୍‌ରେ ଦାରିଜିବାକେ ସନିଅମନ୍‌କେ ଆଦେସ୍ ଦେଲା । ୩୫ ସନିଅମନ୍ ପାଉଲ୍‌କେ ଦାରି ଚଗବା ପାଉଟେ କେଟ୍‌ଲା ଦାପ୍‌ରେ, ତାର୍ ଚାରିବେଡ଼୍‌ତି ରଇଲା ଲକ୍‌ମନ୍ ବେସି ଆଉଲି ଅଇଲାଇକେ ସନିଅମନ୍ ତାକେ ବଇ ଦାରିଗାଲାଇ । ୩୬ ବଇନେବା ବେଲେ ଲକ୍‌ମନ୍ ପଡ଼୍‌ପଡ଼୍ ଆସି ତାକେ ମରାଆ ବଲି ଆଉଲି ଅଇତେରଇଲାଇ ।

☆ ୨୧:୨୫ ୨୧:୨୫ ପେରିଡ଼ ୧୫:୨୯ ☆ ୨୧:୨୯ ୨୧:୨୯ ପେରିଡ଼ ୨୦:୪

**ପାଉଲ୍ ନିଜର ବିଷୟ ସାକି ଦେବାଟା**

୩୭ ପାଉଲ୍‌ଙ୍କେ ସନିଅମନ୍ ଗଡ଼ବିଡ଼ରେ ନେବାବେଳେ ସେ ସନିଅମନ୍‌ର ମୁକିଆକେ କଇଲା, “ମୁଇ ତମର ସଙ୍ଗ କାତା ଅଇପାରବି କି ?”

ସନିଅମନ୍‌ର ମୁକିଆ କଇଲା, “ତୁଇତା ଗିରିକ୍ କଇଲୁସ୍‌ନି । ୩୮ ସେନ୍ତ୍ର ଆଲେ କେତେ ଦିନ୍ ଆଗେ ମିସରର ଜନ୍ ଲକ୍ ଚାରି ଅଜାର କାଙ୍ଗାମନ୍‌ର ସଙ୍ଗ କେଟିରଇଲା, ତମେ ସେ ଲକ୍ ନୁଆସ୍ !”

୩୯ ପାଉଲ୍ କଇଲା, “ମୁଇ ସିଲିସିଆର୍ ତାରସିସେ ଜନମ୍ କରିରଇବା ଗଟେକ୍ ଜିଉଦି, ଗଟେକ୍ ମୁକିଅ ଗଡ଼ର ଲକ୍ । ଏ ଲକ୍‌ମନ୍‌କେ ବୁଜାଇ କଇବାକେ ଦୟାକରି ମକେ ଅଲପ୍ ଆଦେସ୍ ଦିଆ ।”

୪୦ ସେନାପତି ତାକେ ଆଦେସ୍ ଦେଲାକେ ପାଉଲ୍ ପାଉର୍ ଉପ୍‌ରେ ଚିଆଅଇ, ଲକ୍‌ମନ୍‌କେ ଚିମ୍‌ରା ଅଇବାକେ ଆଡ଼ ସାଗିଆ କଲା । ସେମନ୍ ଚିମ୍‌ରା ଅଇଲାକେ, ପାଉଲ୍ ଇବ୍‌ରୁ ବାସାଇ କଇଲା ।

**୨୨**

୧ “ମର୍ ସଙ୍ଗାରି ଜିଉଦି ବାଇ ଆରି ବାବାମନ୍, ମର୍ ନିଜରବାଟେଅନି ମୁଇ ଜାଇଟା କଇଲିନି ସେଟା ସୁନା !”  
୨ ସେମନ୍‌ର ସଙ୍ଗ ସେ ଇବ୍‌ରୁ ବାସାଇ କାତା କଇବାଟା ସୁନି, ଲକ୍ ମାନ୍‌ା ରୁପ୍‌ଟାପ୍ ଅଇଲାଅ ଆରି ପାଉଲ୍ କଇବାକେ ଦାରଲା,

୩ \* “ମୁଇ ଗଟେକ୍ ଜିଉଦି ଲକ୍, ସିଲିସିଆର୍ ତାରସିସେ ମର୍ ଜନମ୍, ମାତର୍ ମୁଇ ଜିରୁସାଲାମେ କାଇପିଇ ବଡ଼ ଅଇରଇଲି ଆରି ଗମଲିଏଲର୍ ସିସ୍ ରଇଲି । ଆମର୍ ଆନିଦାଦିମନ୍ ରିତିନିତି, ମୁଇ ଟିକ୍ ଇସାବେ ସିକିରଇଲି ଆରି ତମର୍ ପାରା ପର୍‌ମେସର୍‌କେ ମାନିକରି ଜିଇତେରଇଲି । ୪ \*ମାପୁରୁର୍ ବାଟେ ଜିବା ଲକ୍‌ମନ୍‌କେ ମାର୍‌ଦାର୍ କରି ସେମନ୍‌କେ ମରାଇଦେଇତେ ରଇଲି । ମାଇଜିଟକି ମୁନୁସ୍‌ପିଲା ସବୁକେ ବାନ୍ଦିକରି ବନ୍ଦି ଗରେ ପୁରାଇ ଦେଇତେ ରଇଲି । ୫ ମର୍ ଏ କାତା ପୁରା ସଡ଼ । ବଡ଼ ପୁଜାରି ଆରି ବଡ଼ ସବାର୍ ସବୁ ପାର୍‌ଚିନ୍‌ମନ୍ ସାକି ଆଡ଼ । ଲକ୍‌ମନ୍‌କେ ବନ୍ଦି କରି ସିକ୍‌ଲି ସଙ୍ଗ ବାନ୍ଦି ଜିରୁସାଲାମ୍ ଦାରିଆଇବାକେ, ମୁଇ ବଡ଼ ପୁଜାରିର୍ ଟାନ୍‌େଅନି ଆଦେସ୍ ପତର୍ ପାଇ, ଦାମାସ୍‌କସେ ରଇବା ଜିଉଦି ବାଇମନ୍‌ର ଲଗେ ଗାଲି ।”

**ପାଉଲ୍ ତାର ମନ୍ ବାଦ୍‌ଲାଇଲା ବିଷୟନେଇ ଟିକିନିକି କଇଲା**

୬ “ମୁଇ ଜେତେବେଲା ବାରଇ ଜିରୁସାଲାମେ ଜିବାବେଲେ ଦାମାସ୍‌କସ୍ ଲଗାଲଗି ଅଇଲି, ପାକାପାକି ମୁଣ୍ଡବେଲାଇ, ଆକାସେଅନି ଗଟେକ୍ ଉଜଲ୍ ମର୍ ଚାରିବେଡ଼ି ଉଜଲ୍ ଅଇଗାଲା ।” ୭ ମୁଇ ବୁର୍‌ ଉମ୍‌ତାଡ଼ିଅଇ ଅଦ୍‌ରିଗାଲି ଆରି ମର୍‌ପାଇ ଏ କାତା ସୁନିଲି, ସାଉଲ୍, ସାଉଲ୍ ! ମକେ ତୁଇ କାଇକେ କସର୍ ଦେଲୁସ୍‌ନି ? ୮ ମୁଇ ପାଚାର୍‌ଲି, “ମାପୁରୁ, ତମେ କେ ? ସେ ମକେ କଇଲା, ‘ତମେ ଜାକେ କସର୍ ଦେଲାସ୍‌ନି’ ମୁଇ ସେ ନାଜରିତର୍ ଜିସୁ ।” ୯ ମର୍‌ସଙ୍ଗ ରଇଲା ଲକ୍ ସେ ଉଜଲ୍ ଦେକ୍‌ଲାଇ, ମାତର୍ ମର୍ ସଙ୍ଗ କାତା ଅଇବା ଲକ୍‌ର ସର୍ ସୁନି ନାପାର୍‌ଲାଇ । ୧୦ ମୁଇ ପାଚାର୍‌ଲି, “ମାପୁରୁ, ମୁଇ କାଇଟା କରବି ?” ମାପୁରୁ ମକେ କଇଲା, “ଉଟ୍, ଆରି ଦାମାସ୍‌କସେ ଜାଆ, ପରମେସର୍ ତର୍ ପାଇ ଜନ୍ କାମ୍ ଟିକ୍ କଲା ଆଟେ, ସେଟା ତମ୍‌କେ ତେଇ ଜାନାଇ ଦିଆଅଇସି ।” ୧୧ ସେ ଉଜଲ୍ ଏତେକ୍ ଉଜଲ୍ ରଇଲା ଜେ, ସେ ଉଜଲ୍‌ର ବପୁ ସଙ୍ଗ, ମୁଇ କାଣା ଅଇଜାଇରଇଲି । ସେଟାର୍‌ପାଇ ମର୍ ସଙ୍ଗ, ଜିବା ଲକ୍‌ମନ୍, ମର୍ ଆଡେ ଦାରି, ମକେ ଦାମାସ୍‌କସେ ଡାକିନେଲାଇ ।

୧୨ ଦାମାସ୍‌କାସେ ଅନନିଅ ନାଉର୍ ଗଟେକ୍ ଦରମ୍ ଲକ୍ ରଇଲା । ସେ ଆମର୍ ରିତିନିତି ନାମି କରି ରଇଲା, ତେଇ ରଇବା ଜିଉଦିମନ୍ ସବୁ ତାକେ ବେସି ନାମ୍‌ତେ ରଇଲାଇ । ୧୩ ସେ ମର୍‌ଲଗେ ଆସି ଚିଆଅଇ କଇଲା, “ବାଇ ସାଉଲ୍, ତୁଇ ଆକି ଆରି ତରେକ୍ ଦେକ୍ ।” ଟିକ୍ ସେ ଦାପ୍‌ରେ, ମୁଇ ଆରି ତରେକ୍ ଦେକ୍‌ବା ବପୁ ପାଇଲି । ୧୪ ସେ କଇଲା, “ଆମର୍ ଆନିଦାଦିର୍ ମାପୁରୁ ସେ ମନ୍‌କର୍‌ବାଟା ଜାନ୍‌ବାକେ, ତାର୍ ଦରମର୍ ଦାଙ୍ଗ୍‌ତାକେ ଦେକ୍‌ବାକେ ଆରି ତାର୍ କାତା ସୁନ୍‌ବାକେ, ତକେ ବାର୍‌ଲା ଆଟେ । ୧୫ ତୁଇ କାଇଟା ଦେକିଆରୁସ୍ ଆରି ସୁନି ଆରୁସ୍, ସେଟା ସବୁ ଲକ୍‌ର ଲଗେ ଦେକାଇବାକେ ଆରି ସୁନାଇବାକେ ତାକର୍ ସାକି ଅଇସୁ । ୧୬ ଆରି କାଇକେ ଅଲ୍‌ସମ୍ କଲୁସ୍‌ନି ? ଉଟ୍, ତୁବନ୍ ନେ, ଆରି ତାକେ ପାର୍‌ତନା କରି ତର୍ ସବୁ ପାପେଅନି ପରିଚଲ୍ ଅ ।”

**ଜିଉଦି ନଇଲା ଲକ୍‌ମନ୍‌ତେଇ ମାପୁରୁର୍ କାତା ଜାନାଇବାକେ ପାଉଲ୍‌କେ ଡାକ୍‌ରା ଆଇଲା**

୧୭ “ମୁଇ ଜିରୁସାଲାମେ ବାଉଡ଼ି ଜାଇ, ତେଇର୍ ମନ୍‌ରେ ପାର୍‌ତନା କର୍‌ବାବେଲେ, ମକେ ମାପୁରୁର୍ ଦର୍‌ସନ୍ ମିଲ୍‌ଲା । ୧୮ ମାପୁରୁ ମକେ ନିଜେ ଦେକାଇଅଇ କଇଲା, ଦାପ୍‌ରେ ଜିରୁସାଲାମ୍ ଚାଡ଼ି ଉଟି ଜା, କାଇକେ ବଇଲେ ଇଡିର୍ ଲକ୍‌ମନ୍ ମର୍ ବିଷୟ, ତୁଇ ସାକିଦେବାଟା ନ ନାମଡ଼ ।” ୧୯ ମୁଇ କଇଲି “ମାପୁରୁ, ମୁଇ ପାର୍‌ତନା ଗର୍‌ମନ୍‌କେ ଜାଇ, ତମ୍‌କେ ବିସ୍‌ବାସ କରବା ଲକ୍‌ମନ୍‌କେ, କେନ୍ତାରି ବନ୍ଦି କରି ରଇଲି ଆରି ମାଡ଼ ମାରି ରଇଲି, ଏଟା ସେମନ୍ ନିକ ସଙ୍ଗ ଜାନଡ଼ । ୨୦ \*ଆରି ଜେତେବେଲ୍ ତମର୍ ସାକି ଦେଇ ରଇବା ତିପାନ୍‌କେ ମରାଇଦେଲାଇ, ମୁଇ ନିଜେ ତେଇ ରଇଲି, ତାକେ ମାରି

☆ ୨୨:୩ ୨୨:୩ ପେରିଡ଼ ୫:୩୪-୩୯ ☆ ୨୨:୪ ୨୨:୪ ପେରିଡ଼ ୮:୩:୨୭:୯-୧୧ ☆ ୨୨:୨୦ ୨୨:୨୦ ପେରିଡ଼ ୭:୫୮

ମରାଜଦେବାକେ ରାଜିଅଇରଇଲି । ମାରୁମନର୍ ବେଟ୍‌ଲା ବସ୍‌ତର୍ ଜାଗି ରଇଲି ।” ୨୧ ମାପୁରୁ ମକେ କଇଲା, “ଜାଆ ମୁଇ ତକେ ବେସି ଦୁରିକେ ଜିଉଦି ନଇଲା ଲକ୍‌ମନର୍ ଲଗେ ପାଟାଇବି ।”

୨୨ ପାଉଲ୍ ଏ କାତା କଇବାଜାକ ଲକ୍‌ମନ ମନ୍‌ଦିଆନ୍ ଦେଇ ସୁନ୍‌ତେ ରଇଲାଇ, ମାତର୍ ତାର୍ ପଟେ ସେମନ୍ ଆଉଲିଅଇକରି କଇଲାଇ, “ତାକେ ଜଗତେଅନି ବାଟକରାଇ ଦିଆସ୍ ! ମରାଜ ଦିଆସ୍, ସେନ୍ତା ଲକ୍ ଜିଇବାକେ ଲତା ନାଇ !” ୨୩ ସେମନ୍ ଆଉଲି ଅଇକରି ବସ୍‌ତର୍ ଉପରେ ଉଡ଼ାଇତେରଇଲାଇ ଆରି ଦୁଲି ମିସା ଉପରେ ଉଡ଼ାଇତେ ରଇଲାଇ । ୨୪ ରମିୟ ସନିଅମନର୍ ମୁକିଆ ପାଉଲ୍‌କେ ଗଡ଼ ବିଡ଼ରେ ଦାରିଜିବାକେ ସନିଅମନ୍କେ ତିଆରଲା ଆରି ଜିଉଦିମନ୍ କାଇକେ ତାର୍ ବିରୁଦେ ଆଉଲି ଅଇଲାଇନି, ସେଟା ଜାନ୍‌ବାକେ ପାଉଲ୍‌କେ କର୍ତ୍ତା ସଙ୍ଗ୍ ମାର୍‌ବାକେ ଆଦେସ୍ ଦେଲା । ୨୫ ମାତର୍ ସେମନ୍ ତାକେ କର୍ତ୍ତା ମାର୍‌ବାକେ ବାନ୍‌ରଇଲା ବେଲେ, ପାଉଲ୍ ତେଇ ରଇବା ଗଟେକ୍ ଅଦିକାରିକେ କଇଲା, “କାଇ ଦସ୍ ନ ରଇକରି ଏବେ ଜାକ ବିଚାରନା ନ ଅଇରଇବା ଗଟେକ୍ ରମିଅ ଲକ୍‌କେ କର୍ତ୍ତା ସଙ୍ଗ୍ ମାର୍‌ବାଟା, ଏଟା ତୁଇ ନିୟମ୍ ମାନ୍‌ଲୁସ୍‌ନି କି ?”

୨୬ ଏ କାତା ସୁନିକରି ସନିଅ ଗାଲା ଆରି ସନିଅମନର୍ ମୁକିଅକେ କଇଲା, “ତୁଇ କାଇଟା କଲୁସ୍‌ନି? ଏ ଗଟେକ୍ ରମିଅ ଲକ୍ !”

୨୭ ସନିଅମନର୍ ମୁକିଅ ପାଉଲ୍‌ର ଲଗେ ଜାଇ ପାଟାରଲା, “ସତଇସେ ତମେ କାଇ, ରମିଅ ଲକ୍ କି ?”

ପାଉଲ୍ ଉତର୍ ଦେଲା “ଉଁ ।”

୨୮ ସେନାପତି କଇଲା, “ମୁଇ ରମିଅ ସର୍‌କାରକେ ତାରୁ ଦେଇକରି ଗଟେକ୍ ରମିଅ ଲକ୍ ଅଇଲି ଆଟି ।”

ପାଉଲ୍ କଇଲା “ମାତର୍ ମୁଇ ଜନମ୍ କଲାବେଲେଅନି ରମିଅ ଲକ୍ ।”

୨୯ ଏଟା ସୁନିକରି ଜନ୍‌ଲକ୍‌ମନ୍ ପାଉଲ୍‌କେ ପାଟାର୍‌ବାର୍ ଜାଇରଇଲାଇ, ସେମନ୍ ପଟ୍‌କେ ଗୁଟ୍‌ଲାଇ । ପାଉଲ୍ ଗଟେକ୍ ରମିୟ ଲକ୍ ବଲି ଜାନ୍‌ଲାକେ, ସେମନର୍ ନେତା ମିସା ଡର୍‌ଲା । କାଇକେବଇଲେ ପାଉଲ୍‌କେ ସିକ୍‌ଲି ସଙ୍ଗ୍ ବାନ୍‌ବାକେ ସେ ସେ ତିଆରିରଇଲା ।

**ବଡ଼ ସବାର୍ ମୁଆଟେ ପାଉଲ୍**

୩୦ ଜିଉଦିମନ୍ ପାଉଲ୍‌କେ କାଇବଲି ନିନ୍ଦା କର୍ତ୍ତେରଇଲାଇ, ସେଟା ଜାନ୍‌ବାକେ ସନିଅମନର୍ ମୁକିଅ ମନ୍ କର୍ତ୍ତେରଇଲା । ତେବର୍‌ପାଇ ତାର୍ ଆର୍‌କର୍ ଦିନେ ସବୁ ପୁଜାରିମନ୍‌କେ ଆରି ବଡ଼ ସବାର୍ ମେମର୍‌ମନ୍‌କେ ରୁଣ୍ଡାଇବାକେ ତିଆରଲା । ତାର୍ ପଟେ ସେ ପାଉଲ୍‌କେ ବାନ୍‌ଲା ସିକ୍‌ଲି କୁସ୍‌ଲାଇ, ଦାରିକରି ଆନ୍‌ଲା ଆରି ବଡ଼ ସବାଇ ତାକର୍ ମୁଆଟେ ଟିଆ କରାଇଲା ।

**୨୩**

୧ ପାଉଲ୍ ବଡ଼ସବାର୍ ଲକ୍‌ମନ୍କେ ସିଦା ଦେକି କଇଲା, “ଏ ଇସ୍ରାଏଲର୍ ବାଇମନ୍ ! ଆଜିକେ ଜାକ ମୁଇ ପରମେସରର୍ ମୁଆଟେ କେନ୍ତାର୍ ଜିବନ୍ ବିତାଇ ଆଟି, ସେ ବିସଇଟାନେ ମନ୍ ପୁରାପୁରୁନ୍ ନିର୍ମଲ୍ ଆଟେ ।” ୨ ଏ କାତା ସୁନିକରି ଅନନିଅ ନାଉର୍ ବଡ଼ ପୁଜାରି ପାଉଲ୍‌ର ଲଗେ ଟିଆଅଇରଇବା ଲକ୍‌ମନ୍କେ, ତାର୍ ଗାଲେ ଚାପଡ଼ ମାରା ବଲି ତିଆରଲା । ୩ \*ପାଉଲ୍ ତାକେ କଇଲା, “ଏ ତୁନ୍ ମାରିଅଇଲା ଦବ୍‌ଲା ଉଆଁରି କତି, ପର୍‌ମେସର୍ ତକେ ଡଣ୍ଡ ଦେଇସି ଆକା । ନିୟମ୍ ଇସାବେ ମର୍ ବିଚାର୍ କର୍‌ବାକେ, ତୁଇ ତେଇ ବସିଆରୁସ୍ । ଏଲେ ମିସା, ନିୟମ୍ ବାଜିକରି ମକେ ମାର୍‌ବାକେ ତିଆରଲୁସ୍‌ନି !”

୪ ଲଗେ ରଇବା ଲକ୍‌ମନ୍ ପାଉଲ୍‌କେ କଇଲାଇ, “ପର୍‌ମେସର୍ ବାଟିରଇବା ବଡ଼ ପୁଜାରିକେ ତୁଇ ନିନ୍ଦା କଲୁସ୍‌ନି !”

୫ ପାଉଲ୍ କଇଲା, “ଏ ଇସ୍ରାଏଲର୍ ବାଇମନ୍, ସେ ବଡ଼ ପୁଜାରି ବଲି ମୁଇ ନାଜାନିରଇଲି । ସାସ୍‌ତରେ ଲେକାଆଟେ, ତମେ ନିଜର୍ ଜାତିର୍ ସାସନ୍‌କାରିଆକେ କରାପ୍ କାତା କଇବାର୍‌ନାଇ ।”

୬ \*ବଡ଼ ସବାର୍ ମେମର୍‌ମନର୍ ବିଡ଼ରେ କେତେଟା ପାରୁସି ଆରି କେତେଟା ସାଦୁକିମନ୍ ରଇଲାଟା ଦେକି ପାଉଲ୍ ବଡ଼ ସବାର୍ ଲକ୍‌ମନ୍କେ ଦେକାଇ ଆଉଲି ଅଇକରି କଇଲା, “ଏ ଇସ୍ରାଏଲର୍ ବାଇମନ୍, ମୁଇ ଗଟେକ୍ ପାରୁସି ଲକ୍, ମର୍ ଆୟା ବାବା ମିସା ପାରୁସି । ମଲା ଲକ୍‌ମନ୍ ଆରିତରେକ୍ ଉଟ୍‌ବାଟା ମର୍ ଆସା ଆଟେ ବଲି, ଇତି ମର୍ ବିଚାରନା ଅଇଲାନି ।”

୭ ପାଉଲ୍ ଏ କାତା କଇଲା ଦାପ୍‌ରେ, ପାରୁସି ଆରି ସାଦୁକିମନର୍ ବିଡ଼ରେ ଲାଗାଜତା ଅଇଗାଲାଇ ଆରି ସେମନ୍ ବେଗଲି ଗାଲାଇ । ୮ \*କାଇକେବଇଲେ ସାଦୁକିମନର୍ ବିସ୍‌ବାସ୍ ଇସାବେ ମଲା ଲକ୍‌ମନ୍ ନ ଉଟ୍ । ସରଗର୍ ଦୁଡ଼ କି ଆଡ଼ମା ମିସା ନାଇ ବଲି, ବିସ୍‌ବାସ୍ କର୍‌ବାଇ, ମାତର୍ ପାରୁସିମନ୍ ଏ ତିନ୍‌ଟା ଜାକ ବିସ୍‌ବାସ୍ କର୍ତ୍ତେରଇଲାଇ । ୯ ସେମନର୍ କିରଜାଟି ଅଇବାଟା ଅଦିକ୍ ଅଦିକ୍ ଅଇଆଇଲା । ପାରୁସି ଦଲର୍ କେତେଟା ଦରମ୍ ଗୁରୁ ଉଟିକରି ତାଟ୍ ସଙ୍ଗ୍ କଇଲାଇ, “ଆମେ ଏ ଲକ୍‌ର୍ ଟାନେଅନି କାଇ ଦସ୍ ମିସା ମିଲାଉ ନାଇ । କେଜାନେ ଆକେ ଗଟେକ୍ ସରଗର୍ ଦୁଡ଼ କି ଆଡ଼ମା କାତା କଇରଇସି ।” ୧୦ ତାକର୍ ଦଦାପେଲା ଅଦିକ୍ ଅଦିକ୍ ଅଇଗାଲାକେ ଲକ୍‌ମନ୍ ପାଉଲ୍‌କେ ଗନ୍ଦାଗନ୍ଦା କରି

☆ ୨୩:୩ ୨୩:୩ ମାଡ଼ିଉ ୨୩:୨୭,୨୮ ☆ ୨୩:୬ ୨୩:୬ ପେରିଡ଼ ୨୬:୫; ପିଲିପିୟ ୩:୫ ☆ ୨୩:୮ ୨୩:୮ ମାଡ଼ିଉ ୨୨:୨୩; ମାର୍କ ୧୨:୧୮; ଲୁକ୍ ୨୦:୨୭

ଚିରି ପାକାଇବାଇ ବଲି ସନିଅମନର୍ ମୁକିଅ ଡରଲା । ତେବେ ସେ ଗଣ୍ଡଗଲ୍ ଅଇବା ଲକ୍ମନର୍ ବିଡ଼ରେଅନି ପାଉଲ୍‌କେ ରକିଆ କରି ଗଡ଼ ବିଡ଼ରେ ଦାରି ଜିବାକେ ସନିଅମନ୍କେ ତିଆରଲା ।

୧୧ ସେ ରାତି ମାପୁରୁ ପାଉଲ୍‌କେ ଲଗେ ଚିଆଅଇ କଇଲା, “ଡର ନାଇ ! ମର୍ ପାଇ ଇତି ଜିରୁସାଲାମେ ତୁଇ ସାକି ଦେଇ ଆରୁସ୍ । ରମ୍ ଦେସେ ମିସା ତୁଇ ସେନ୍‌ତାରି କର୍‌ବାର୍ ଆଚେ ।”

**ପାଉଲ୍‌କେ ମରାଇବାକେ ଜଜ୍ଜନା କର୍‌ବାର୍**

୧୨ ଆରକର୍ ଦିନର୍ ସାକାଲେ କେତେଟା ଜିଉଦିମନ୍ ଗଟେକ୍‌ଟାନେ ରୁଣ୍ଡି ଜଜ୍ଜନା କଲାଇ । ପାଉଲ୍‌କେ ନ ମରାଇବା ଜାକ ସେମନ୍ ଅରନ୍‌ପାନି ନ ଚିଉ ବଲି ସପଡ଼ କଲାଇ । ୧୩ ଚାଲିସ୍‌ତେଇଅନି ଅଦିକ୍ ଲକ୍ ଏ ଜଜ୍ଜନା କଲାଇ । ୧୪ ସେମନ୍ ଜାଇକରି ମୁକିଅ ପୁଜାରିମନ୍କେ ଆରି ପାର୍‌ଚିନ୍‌ମନ୍ କେ କଇଲାଇ, “ପାଉଲ୍‌କେ ନ ମରାଇବା ଜାକ ଅରନ୍‌ପାନି ନ ଚିଉ ବଲି ଆମେ ସପଡ଼ କରିଆରୁ । ୧୫ ତମେ ଆରି ବଡ଼ସବାର୍ ଲକ୍ମନର୍ ରମିୟ ନେତା ପାଉଲ୍‌କେ ଇତି ଆରିତରେକ୍ ଆନା ବଲି କବର୍ ପାଟାଆ । ତାର୍ ବିସଇର୍ ଚିକିନିକି ଜାନ୍‌ବାର୍ ଆଚେ ବଲି ମିର୍ କଇକରି ଆନାଆ । ସେ ବଡ଼ ସବାଇ ଆଇବା ବେଲେ ତାକେ ବାଟେ ଜାଗି ମାରି ମରାଇଦେବୁ ।”

୧୬ ପାଉଲ୍‌କେ ବାନ୍‌ଜା ଏମନର୍ କୁଟ୍ କାତା ସୁନିକରି ଗଡ଼ ବିଡ଼ରେ ଗାଲା ଆରି ସବୁ କାତା ପାଉଲ୍‌କେ କଇଦେଲା । ୧୭ ପାଉଲ୍ ଗଟେକ୍ ରମିୟ ଅଦିକାରିକେ ତାକାଇ କରି କଇଲା, “ଏ ଦାଙ୍ଗ୍‌ତାକେ ସନିଅମନର୍ ମୁକିଅ ଲଗେ ଦାରି ଜାଅଡ଼ । ସେ ତାକେ କାଇଟାକି କଇବାର୍ ଆଚେ ।” ୧୮ ସନିଅ ତାକେ ମୁକିଆର୍ ଲଗେ ନେଇ କଇଲା, “ବନ୍ଦି ରଇବା ପାଉଲ୍ ମକେ ଡାକି ଏ ଦାଙ୍ଗ୍‌ତାକେ ତମର୍ ଲଗେ ଆନ୍‌ବାକେ କଇଲା । ତମ୍‌କେ ପନି ସେ କାଇଟା କଇବାର୍ ଆଚେ ।”

୧୯ ସନିଅମନର୍ ମୁକିଅ ତାର୍ ଆଡ଼ ଦାରିକରି ଗଟେକ୍ ପାଲିକେ ଡାକିନେଲା ଆରି ପାଟାରଲା, “କାଇଟା କଇବାର୍ ଆଚେ କଅ !”

୨୦ ଦାଙ୍ଗ୍‌ତା କଇଲା, “ପାଉଲ୍‌କେ ଚିକିନିକି ବିସଇ ଜାନ୍‌ବାର୍ ଆଚେ ବଲି ନାତାଇକରି ତାକେ ଜିଉଦିମନ୍ ବଡ଼ ସବାଇ ନେବାକେ, ତମ୍‌କେ ଗୁଆରି କର୍‌ବାଇ । ୨୧ ମାତର୍ ତମେ ତାକର୍ କାତା ସୁନା ନାଇ । କାଇକେ ବଇଲେ ଚାଲିସ୍‌ତେଇଅନି ଅଦିକ୍ ଲକ୍ ଲୁଚିକରି ପାଉଲ୍‌କେ ମରାଇବାକେ ଜାଗିଆଚଡ଼ । ତାକେ ନ ମରାଇବା ଜାକ ଅରନ୍‌ପାନି ନ କାଉଁ ବଲି ସପଡ଼ କଲାଇ ଆଚଡ଼ । ଏବେ ସେମନ୍ ତମର୍ ଆଦେସ୍ ଦେବାଟାକେ ଜାଗିକରି ଆଚଡ଼ ।”

୨୨ ସନିଅମନର୍ ମୁକିଅ କଇଲା, “ତୁଇ ମକେ ଏ କାତା ଜାନାଇ ଆତି ବଲି କାକେ କଅ ନାଇ ।” ଏନ୍‌ତାରି କଇକରି ଦାଙ୍ଗ୍‌ତାକେ ପାଟାଇ ଦେଲା ।

**ପାଉଲ୍‌କେ ସାସନ୍‌କାରିଆ ପେଲିକ୍‌ସ୍ ଲଗେ ପାଟାଇଦେଲାଇ**

୨୩ ସନିଅମନର୍ ମୁକିଅ ତାର୍ ତଲେ ରଇଲା ତୁଇଟା ସନିଅକେ ତାକାଇ କଇଲା, “ଆଜି ରାତି ନଅଟା ବିଡ଼ରେ ସିସେରିଆ ଜିବାକେ ଦୁଇସ ସନିଅକେ ତିଆର୍, ଆରି ସତୁରିଟା ଗଡ଼ାଇ ଚଗୁମନ୍ ଆରି ଦୁଇ ସଅ ବର୍‌ଚି ଦାରୁମନ୍କେ ଚିକ୍ କର୍ । ୨୪ ପାଉଲ୍ ଜିବା ପାଇ କେତେଟା ଗଡ଼ା ଦିଆସ୍ ଆରି ନିକ ସଙ୍ଗେ ତାକେ ସାସନ୍‌କାରିଆ ପେଲିକ୍‌ସ୍ ଲଗେ ଦାରି ଜାଆ ।” ୨୫ ସନିଅମନର୍ ମୁକିଅ ପେଲିକ୍‌ସ୍‌କେ ଏନ୍‌ତି ଗଟେକ୍ ଚିଟି ଲେକ୍‌ଲା,

୨୬ “ଏ ଚିଟି ମୁଇ କାଲାତିଆକେ ଲିସିଆର୍ ସବୁର୍‌ଟାନେଅନି ତାକ୍‌ପୁଟା ରଇବା ସନ୍‌ମାନର୍ ସାସନ୍‌କାରିଆ ପେଲିକ୍‌ସ୍‌କେ ଲେକ୍‌ଲିନି, ଜୁଆର୍ ! ୨୭ ଆଗିଆ, ଜିଉଦିମନ୍ ଏ ଲକ୍‌କେ ଦାରି ତାକେ ମର୍‌ତେ ମାରିଦେବାକେ ଚେସ୍‌ଟା କର୍‌ତେ ରଇଲାଇ । ସେ ଗଟେକ୍ ରମିୟ ଲକ୍ ବଲି ଜାନ୍‌ଲା ପଚେ, ମୁଇ ତାକେ ମର୍ ସନିଅମନ୍ ସଙ୍ଗେ ତାକେ ରକିଆ କଲି । ୨୮ ସେମନର୍ ବିରଦେ ସେ କାଇ ଦସ୍ କଲା ଆଚେ, ସେଟା ଜାନ୍‌ବାକେ ତାକେ ମୁଇ ସେମନର୍ ବଡ଼ସବାଇ ଦାରିଗାଲି । ୨୯ ମାତର୍ ସେ ମରନର୍ କି ବନ୍ଦି ତଣ୍ଡ ପାଇବା ପାରା କାଇମିସା ବୁଲ୍ କାମ୍ କରେ ନାଇ ବଲି ମୁଇ ଜାନିପାରଲି । ତାର୍ ବିରଦେ ଅଇଲା ଦାବା ସବୁ, ତାକର୍ ନିଜର୍ ଦରମ୍ ବିସଇ । ୩୦ ଆରି ତାର୍ ବିରଦେ ଗଟେକ୍ କୁଟ୍ ଜଜ୍ଜନା ଅଇଲାନି ବଲି କବର୍ ସୁନି, ବେଗି ବେଗି ତମର୍ ଲଗେ ପାଟାଇ ଦେବାକେ ଚିକ୍ କଲି, ତାର୍ ବିରଦେ ରଇଲା ଦାବା, ତର୍ ମୁଆଟେ ଜାନାଇବାକେ ତାର୍ ଦାବାଦାରିମନ୍କେ ମୁଇ କଇଲିଆତି ।”

୩୧ ସନିଅମନ୍ ସେ ଆଦେସ୍ ଇସାବେ ପାଉଲ୍‌କେ ସେ ରାତି ଆନ୍‌ତିପର୍‌ରିସେ କେଟାଇଦେଲାଇ । ୩୨ ତାର୍ ଆରକର୍ ଦିନେ ଇଣ୍ଡିଜିବା ସନିଅମନ୍ ଗଡ଼େ ବାଉଡ଼ିଗାଲାଇ ଆରି ଗଡ଼ାଇ ଜାଉ ସନିଅମନ୍କେ ଜିବାକେ କଇଲାଇ । ୩୩ ସନିଅମନ୍ ପାଉଲ୍‌କେ ଦାରି ସିସେରିଆଇ କେଟ୍‌ଲାଇ । ତେଇ ସନିଅମନର୍ ମୁକିଅର୍ ଚିଟି ସଙ୍ଗେ ପାଉଲ୍‌କେ ସାସନ୍‌କାରିଆର୍ ଆଚେ ଜିମାଦେଇଦେଲାଇ । ୩୪ ସାସନ୍‌କାରିଆ ଚିଟି ପଡ଼ି ପାଉଲ୍‌କେ କନ୍ ରାଇଜେଅନି ଆସିଆରୁସ୍ ? ବଲି ପାଟାରଲା । ପାଉଲ୍ ସିଲିସିଆଇଅନି, ବଲି ଜାନ୍‌ଲା । ୩୫ ସେ କଇଲା, “ତମର୍ ଦାବାଦାରିମନ୍ ଆସି କେଟ୍‌ଲା ପଚେ, ମୁଇ ତର୍ କାତା ସୁନ୍‌ବି ।” ତାର୍ ପଚେ ପାଉଲ୍‌କେ ଏରଦ୍ ରାଜାର୍ ନଅରେ ବନ୍ଦି କରି ସଙ୍ଗାଇବାକେ ଆଦେସ୍ ଦେଲା ।

୧ ପାଁଦିନ୍ ପରେ ବଡ଼ ପୁଜାରି ଅନନିୟ କେତେଟା ପାର୍ତ୍ତିନ୍ ଆରି ତରତୁଲସ୍ ନାଉଁର୍ ଗଟେକ୍ ଅକିଲ୍ ସଙ୍ଗ୍ ସିସେରିଆଇ ଗାଲାଇ । ସେମନ୍ ପେଲିକ୍ସର୍ ମୁଆଟେ ଚିଆଅଇ ପାଉଲର୍ ବିରଦେ ସେମନ୍ର୍ ଦାବା ଜାନାଇଲାଇ । ୨ ତାର୍ପରେ ପାଉଲ୍‌କେ ତେଇଆନି ଚିଆ କରାଇଲାଇ ଆରି ତରତୁଲସ୍ ଏନ୍ତି ତାକର୍ ଦାବାମନ୍ ସବୁ ଜାନାଇଲା ।

“ ଆଗିଆଁ, ତମେ ଗଟେକ୍ ଡାକ୍‌ପୁଟା ଲକ୍, ତମର୍ ନିମାନ୍ ସାସନ୍‌ଅନି ଆମେ ବେସି ଦିନ୍ ଦାରି ସାର୍‌ଦା ଅଇ ସାନ୍ତି ସଙ୍ଗ୍ ଜିଇଲୁନି, ଆମର୍ ଦେସର୍ ମଙ୍ଗଲ୍ ପାଇ ବେସି ଦରକାର୍ ରଇଲା କାମ୍‌ମନ୍ କରାଇଆଟାସ୍ । ୩ ସବୁଜାଗାଇ ଆରି ସବୁ ବେଲାଇ ଆମେ ଏଟାକେ ନାମ୍‌ଲୁନି, ଏଟାର୍‌ପାଇ ଆମେ ତମକେ ମାନି ଆଇଲୁନି । ୪ ସେଟା ଜାଇଟା ଅ, ମୁଇ ତମର୍ ଅଦିକ୍ ବେଲା ନେବାକେ ମନ୍ କରନାଇ । ସେଟାର୍ ପାଇ ଆମର୍ ଗଟେକ୍ ଚର୍ ଅର୍‌ସାସଙ୍ଗର୍ କାତା ସୁନ୍‌ବାକେ ବାବୁଜିଆ କଲିନି । ୫ ଏ ଲକ୍ ଗଟେକ୍ ବେସି ବଡ଼ ଗଣ୍ଡଗଲ୍ କରାଉ ବଲି ଆମେ ଜାନ୍, ସେ ଦେସ୍‌ବିଦେସେ ସବୁ ବାଟେ ବୁଲିବୁଲି ଜିଉଦିମନ୍‌କେ କିରମାର କରାଇବାକେ ଉସ୍‌କାଇଲାନି, ସେ ନାଜରିଡ଼ ଦଲର୍ ଗଟେକ୍ ନେତା । ୬ ସେ ଆମର୍ ମନ୍ଦିର୍ ଅସୁକଲ୍ କର୍‌ବାକେ ଚେସ୍‌ଟା କଲାବେଲେ ଆମେ ତାକେ ବନ୍ଦି କଲୁ । ୭ ଆମର୍ ନିୟମ୍ ଇସାବେ ଏ ଲକ୍‌କେ ବିଚାର୍ କର୍‌ବାକେ ଆମେ ମନ୍ କର୍‌ତେରଇଲୁ । ୮ ଆର୍ ବିରଦେ ଜନ୍ ସବୁ ଦାବା କଲୁଆରୁ, ସେଟା ତମେ ଏ ଲକ୍‌କେ ପାଚାରିକରି ଜାନିପାରାସ୍ ।” ୯ ତେଇରଇଲା ଜିଉଦିମନ୍ ଏଟା ସର୍‌ବଲି ତାଟ୍ ସଙ୍ଗ୍ ସେ କାତାଇ ରାଜି ଅଇଲାଇ ।

**ପାଉଲ୍ ପେଲିକ୍ସର୍ ମୁଆଟେ ମାନିଆଇବାଟା**

୧୦ ତାର୍ପରେ ସାସନ୍‌କାରିଆ ପାଉଲ୍‌କେ କାତା ଅଇବାକେ ସାଗିଆ କଲାକେ ପାଉଲ୍ କଇଲା ।

“ମୁଇ ଜାନି ଜେ ବେସି ବରସ୍ ଦାରି ତମେ ଏ ଜାତିର୍ ବିଚାର୍‌କରୁ ଅଇ ଆରୁସ୍, ସେଟାର୍ ପାଇ ତମର୍ ମୁଆଟେ କଇବାଟା କେତେ କରମର୍ କାତା । ୧୧ ଆଗିଆ, ତମେ ନିଜେ କଜିକରି ଜାନିପାରାସା ଜେ, ପାକାପାକି ବାରଦିନ୍ ତଲେ, ମୁଇ ଜିରୁସାଲାମେ ପାର୍ତନା କର୍‌ବାକେ ଜାଇରଇଲି । ୧୨ ମନ୍ଦିରେ କାର୍ ସଙ୍ଗ୍, ମୁଇ ଦଦାପେଲା କର୍‌ବାଟା ଜିଉଦିମନ୍ ଦେକି ନ ରଇଲାଇ କି ପାର୍ତନା ଗର୍‌ମନ୍‌କେ କି ଗଡର୍ କନ୍ ବିନ୍ ଜାଗାଇ ଲକ୍‌ମନ୍‌କେ ଉସ୍‌କାଇବାଟା ଦେକି ନ ରଇଲାଇ । ୧୩ ସେଟାର୍ ପାଇ ମର୍ ବିରଦେ ଏବେ ଆନିରଇବା ଦାବାର୍ ପାଇ, ସେମନ୍ କାଇମିସା ସାକି ଦେଇ ନାପାରଡ଼ । ୧୪ ଏଲେ ମିସା ମୁଇ ତମର୍ ଲଗେ ରାଜି ଅଇଲିନି ଜେ, ଜନ୍ ବାଟ୍ ସେମନ୍ ମିର୍ ବଲି କଇଲାଇନି, ସେ ବାଟେ ଜାଇ, ଆମର୍ ଆନିଦାଦିମନ୍‌ର୍ ପରମେସର୍‌କେ ପାର୍ତନା କଲିନି । ମାତର୍ ମୁଇ ମିସା ମସାର୍ ରିତିନିତି ଆରି ବବିସର୍‌ବକ୍‌ତାମନ୍‌ର୍ ସାସ୍‌ତରେ ଲେକାଅଇଲା ସବୁ ବିସଇ ବିସ୍‌ବାସ୍ କଲିନି । ୧୫ ଏମନ୍‌ର୍ ପାରା, ମାପ୍‌ରୁର୍ ଲଗେ ମର୍ ଗଟେକ୍ ଆସା ଆଟେ ଜେ, ନିକ ଲକ୍ ଅଅଡ଼ କି କାରାପ ଲକ୍ ଅଅଡ଼, ସବୁ ମଲାଟାମେଅନି ଉଟ୍‌ବାଇ । ୧୬ ସେଟାର୍ ପାଇ ପରମେସର୍‌ ଆରି ମୁନ୍‌ସର୍ ମୁଆଟେ ନିର୍‌ମଲ୍ ବିବେକ୍ ଇସାବେ ଚଲାଟଲ୍‌ଡି କର୍‌ବାକେ ସବୁବେଲେ ଚେସ୍‌ଟା କଲିନି ।

୧୭ ✨“ବେସି ବରସ୍ ଦାରି ଦୁରିକେ ରଇଲା ପରେ, ଜିରୁସାଲେମର୍ ଲକ୍‌ମନ୍‌ର୍ ପାଇ କିଟି ତାବୁ ନେବାକେ ଆରି ବଲିଦେବାକେ ମୁଇ ତେଇ ଜାଇରଇଲି । ୧୮ ମୁଇ ନିର୍‌ମଲ୍ ଅଇବା ବିଦି ସାରାଇଲା ବେଲେ, ସେମନ୍ ମକେ ମନ୍ଦିରେ ଦେକ୍‌ଲାଇ । ସେଡ଼କିବେଲେ ମର୍ ଲଗେ ବେସି ଲକ୍ ନ ରଇଲାଇ କି କାଇମିସା ଗଣ୍ଡଗଲ୍ ଅଇ ନ ରଇଲା । ୧୯ ମାତର୍ ତେଇ ଆସିଆ ଦେସର୍ କେତେଟା ଜିଉଦି ରଇଲାଇ, ଜଦି ସେମନ୍‌କେ ମର୍ ବିରଦେ କାଜଟା କଇବାର୍ ରଇଲା, ଆଗ୍‌ତୁ ସେମନ୍ ନିଜେ ତମର୍ ମୁଆଟେ ଆସି ଦାବା କର୍‌ବାର୍ ରଇଲା । ୨୦ ଆରି ତରେକ୍ ମୁଇ ଜେତେବେଲା ବଡ଼ ସବାର୍ ମୁଆଟେ ଚିଆଅଇରଇଲି, କନ୍ ଅପରାଦେ ଦସି ଅଇଲି, ସେଟା ଇଡି ରଇଲା ଲକ୍‌ମନ୍ କଅଡ଼ । ୨୧ ✨ଏଲେମିସା ମୁଇ ଗଟେକ୍ କାତା କଇରଇଲି । ସେମନ୍‌ର୍ ମୁଆଟେ ଚିଆ ଅଇରଇଲା ବେଲେ ମଲାଲକ୍‌ମନ୍ ଆରିତରେକ୍ ଉଟ୍‌ବାଇ ବଲି ତାଟ୍ ସଙ୍ଗ୍ ବିସ୍‌ବାସ୍ କର୍‌ତେ ରଇଲାର୍ ପାଇ ଆଜି ତମର୍‌ଟାମେ ବିଚାର୍‌ନା ପାଇଲିନି । ଏଟାକେ ଚାଡି ଆରି ସେମନ୍‌ର୍ ମୁଆଟେ କିଟି କଇନାଇ ।”

୨୨ ପେଲିକ୍ସ୍ ସେ ବାଟ୍ ବିସଇର୍ ଟିକିନିକି ଜାନି ରଇଲାର୍ ପାଇ ସୁନାଇବାଟା ବନ୍ଦ୍ କରି କଇଲା, “ ସନିଅମନ୍‌ର୍ ମୁକିଅ ଲିସିଅସ୍ କେଟ୍‌ଲା ପରେ, ମୁଇ ତମର୍ ବିଚାର୍‌ନା ସୁନାଇବି ।” ୨୩ ତାର୍ପରେ ସେ ଅଦିକାରେ ରଇବା ମୁକିଆକେ କଇଲା, “ପାଉଲ୍‌କେ ବନ୍ଦି ଇସାବେ ଜାଗିରଇବାର୍ ଆଟେ, ମାତର୍ ତାକେ ଦରକାର୍ ଅଇବା ଜିନିସ୍ ତାର୍ ଲକ୍‌ମନ୍ ଆନିଦେଲେ, ସେଟା ତେବାଇବାର୍ ନାଇ ।”

**ପେଲିକ୍ସ୍ ଆରି ଦୁର୍‌ସିଲାର୍ ମୁଆଟେ ପାଉଲ୍**

୨୪ କେତେଦିନ୍ ପରେ ପେଲିକ୍ସ୍ ତାର୍ ଜିଉଦି ମାଇଜି ଦୁର୍‌ସିଲା ସଙ୍ଗ୍ ତେଇ ଆଇଲା । ସେ ପାଉଲ୍‌କେ ଡାକାଇ ଜିସୁକିରିସ୍‌ଟକେ ବିସ୍‌ବାସ୍ କର୍‌ବା ବିସଇ, ତାର୍ କାତା ନିକକରି ସୁନ୍‌ଲା । ୨୫ ମାତର୍ ଜେତେବେଲେ ପାଉଲ୍ ଦରମ୍ ଚଲାଟଲ୍‌ଡି ଆରି ଲକ୍‌ମନ୍ ନିଜର୍ ପାପର୍ ଗୁନ୍‌ଚଲନ୍ ଇସାବେ ନ ଜାଇକରି ନିଜେ ଦାରିଅଇରଇବା ବିସଇ, ଆରି ଆଇବା ଦିନ୍‌ର୍ ବିଚାର୍‌ନା ବିସଇ କଇବାକେ ଦାରୁଲା, ପେଲିକ୍ସ୍ ତରିଜାଇକରି “ତମେ ଏବେ ଜାଇପାରାସ୍ ।” ବଲି କଇଲା, “ବେଲା ପାଇଲେ ଆରି ତରେକ୍ ମୁଇ ତମ୍‌କେ ଡାକାଇବି ।” ୨୬ ସେ ବେଲା ପାଉଲ୍ ତାକେ କେତେକ୍ ତାବୁ ଲାଟ୍ ଦେଇସି ବଲି ସେ ଆସା କରି ରଇଲା, ସେଟାର୍ ପାଇ ସେ ତର୍‌କେ ତର୍ ତାକେ ଡାକାଇ ତାର୍ ସଙ୍ଗ୍ କାତାବାର୍‌ତା ଅଇବାର୍ ଦାରୁଲା ।

✨ ୨୪:୧୭ ୨୪:୧୭ ପେରିଡ଼ ୨୧:୧୭-୨୮ ✨ ୨୪:୨୧ ୨୪:୨୧ ପେରିଡ଼ ୨୩:୬

୨୭ ଏକ୍ତି ଦୁଇ ବରଷ ଗାଲାପତେ ପରକିୟସ୍ ପେସ୍ଟସ୍ ପେଲିକର୍ ଜାଗାଇ ସାସନ୍‌କାରିଆ ଅଇ ଆଇଲା । ପେଲିକସ୍ ଜିଉଦିମନ୍‌କେ ବଲ୍‌ବଲାଇ ଅଇବାକେ ମନ୍ କରି ପାଉଲ୍‌କେ ନ ମୁକ୍‌ଲାଇ ବନ୍ଦି ଗରେ ଚାଡ଼ି ଉଟିଗାଲା ।

### ୨୫

#### ସମ୍‌ରାଟର୍ ଲଗେ ପାଉଲ୍‌କେ ଗୁଆରି

୯ ପେସ୍‌ଟସ୍ ସାସନ୍‌କାରିଆ ଅଇକରି ଆଇଲା ଜାଗାଇ, ତିନ୍ ଦିନ୍ ପତେ, ସେ ସିସିରିଆ ଅନି ଜିରୁସାଲମେ ଗାଲା । ୧୦ ସେ ଜିରୁସାଲମେ ରଇଲାବେଲେ, ତେଇ ମୁକିଅ ପୁଜାରି ଆରି ଜିଉଦିନେତାମନ୍ ଆରି ତରେକ୍ ପାଉଲ୍‌କେ ବିରଦେ ରଇବା ଦାବି ନେଇ, ସେମନ୍‌ର ଲଗେ ଗାଲାଇ । ସେମନ୍ ପେସ୍‌ତେସ୍‌କେ ବାରୁଜିଆ କଲାଇ, ୧୧ ଜେକ୍ତିକି ପାଉଲ୍‌କେ ଜିରୁସାଲମେ ଆନ୍‌ବାକେ ଗୁଆରି କଲାଇ । କାଇକେବଇଲେ ବାଟେ ଜାଗିରଇ ସେମନ୍ ପାଉଲ୍‌କେ ମାରିମରାଇବାକେ ଜଜ୍‌ନା ତିଆର୍ କରିରଇଲାଇ । ୧୨ ପେସ୍‌ଟସ୍ କଇଲା, “ପାଉଲ୍‌କେ ଗଟେକ୍ ବନ୍ଦି ଇସାବେ ସିସେରିଆଇ ରକାଅଇଲା ଆତେ ଆରି ବେଗି ମୁଇ ତେଇ ବାଉଡ଼ି ଜିବି । ୧୩ ଜଦି ସେ କାଇ ଦସ୍ କଲା ଆତେ, ତେବେ ତମର୍ ନେତାମନ୍ ମର୍ ସଙ୍ଗ୍ ସିସେରିଆଇ ଆସଡ଼ ଆରି ତାର୍ ବିରଦେ ସେମନ୍‌ର ଦାବା ଜାନାଅଡ଼ ।”

୧୪ ପେସ୍‌ଟସ୍ ସେମନ୍‌ର ସଙ୍ଗ୍ ଆଟ୍ ଦସ୍ ଦିନ୍ ଜିରୁସାଲମେ ରଇକରି ସିସେରିଆଇ ବାଅଡ଼ଲା । ତାର୍ ଆରକର୍ ଦିନେ ବିଚାର୍ କର୍ବା ଗରେ ବସି ପାଉଲ୍‌କେ ଆନ୍‌ବାକେ ଆଦେସ୍ ଦେଲା । ୧୫ ପାଉଲ୍ ଆଇଲା ଦାପ୍‌ରେ ଜିରୁସାଲମେଅନି ଆସିରଇବା ଜିଉଦିମନ୍ ତାକର୍ ଚାରିବେଟ୍‌ତି ବେଡ଼ି ଟିଆ ଅଇଲାଇ ଆରି ତାର୍ ବିରଦେ କେତେକ୍ କେତେକ୍ ବଡ଼ ବଡ଼ ଦାବା କଲାଇ, ମାତର୍ ସେମନ୍ ଏ ସବୁ ସଡ଼ ବଲି ଦେକାଇ ନାପାରୁଲାଇ । ୧୬ ମାତର୍ ପାଉଲ୍ ନିଜେ ନିଜର୍ ବାଟେ ଅନି କଇଲା, “ଜିଉଦିମନ୍‌ର ରିତିନିତି, ମନ୍‌ର କି ରମିଅ ସାସନ୍‌କାରିଆ, କାର୍ ମିସା ବିରଦେ ମୁଇ ଦସ୍ କରିନାଇ ।”

୧୭ ମାତର୍ ପେସ୍‌ଟସ୍ ଜିଉଦିମନ୍‌କେ ବଲ୍ ବଲାଇ ଅଇବାକେ ମନ୍ କରି ପାଉଲ୍‌କେ ପାଚାରୁଲା, “ଜିରୁସାଲମେ ଜିବାକେ ଆରି ତେଇ ମର୍ ମୁଆଟେ, ଏ ସବୁ ଦାବାର୍ ବିଚାର୍ କର୍ବାକେ ତୁଇ କାଇ ରାଜି ଅଇସୁ କି ?”

୧୮ ପାଉଲ୍ କଇଲା, “ମୁଇ ବଡ଼ ସାସନ୍‌କାରିଆର୍ ନିଜର୍ ବିଚାରୁନା ଜାଗାଇ ଟିଆ ଅଇଲିଆତି, ଇତିସେ ମର୍ ବିଚାର୍ ଅଇବାର୍ ଦରକାର୍ । ତମେ ନିକକରି ଜାନାସ୍ ଜେ, ମୁଇ ଜିଉଦିମନ୍‌ର ବିରଦେ କାଇମିସା ଦସ୍ କରିନାଇ । ୧୯ ଜଦି ମୁଇ ରିତିନିତି ନ ମାନି ମରନ୍ ଡଣ୍ ପାଇବାପାରା କାଇ ଦସ୍ କଲିଆତି ବଇଲେ, ମର୍‌ବାକେ ନ ଡରି । ମାତର୍ ସେମନ୍ ମର୍ ବିରଦେ ଆନିରଇବା ଦାବା ବିଡ଼ରେ କାଇମିସା ସଡ଼ ନ ରଏ, ତେବେ କେ ମିସା ମକେ ସେମନ୍‌କେ ସର୍‌ପିଦେଇ ନାପାରଡ଼ । ବଡ଼ ସାସନ୍‌କାରିଆ ଆକା ମକେ ବିଚାରୁନା କର ବଲି ଗୁଆରି କଲିନି ।”

୨୦ ତାର୍‌ପତେ ପେସ୍‌ଟସ୍ ତାର୍ ସବାଇ ରଇଲା ଲକ୍‌ମନ୍‌ର ସଙ୍ଗ୍ କାତାବାରୁତା ଅଇ କଇଲା, “ତମେ ବଡ଼ ସାସନ୍‌କାରିଆ ବିଚାର୍ କର ବଲି ଗୁଆରି କରିଆଚାସ୍, ସେଟାର୍ ପାଇ ତମ୍‌କେ ବଡ଼ ସାସନ୍‌କାରିଆର୍ ଲଗେ ପାଟାଇବି ।”

#### ଆଗ୍‌ରିପା ଆରି ବର୍‌ନିକିର୍ ମୁଆଟେ ପାଉଲ୍

୨୧ କେତେଦିନ୍ ପତେ ରାଜା ଆଗ୍‌ରିପା ଆରି ବର୍‌ନିସ୍ ପେସ୍‌ଟସ୍‌କେ ଜୁଆର୍ ଜାନାଇବାକେ କାଇସରିଆଇ ମିସ୍‌ବାର୍ ଆଇଲାଇ । ୨୨ ତେଇ ସେମନ୍ କେତେ ଦିନ୍ ରଇଲା ପତେ ପେସ୍‌ଟସ୍ ପାଉଲ୍‌କେ ବିସଇ ରାଜାକେ ଜାନାଇଲା, “ପେଲିକସ୍ ବନ୍ଦିକରି ଜାଇରଇବା ଗଟେକ୍ ଲକ୍ ଇତି ଆତେ ।” ୨୩ ମୁଇ ଜେଡେବେଲା ଜିରୁସାଲମ୍ ଜାଇରଇଲି, ଜିଉଦିମନ୍‌ର ମୁକିଅ ପୁଜାରିମନ୍ ଆରି ସେ ଦରମର୍ ପାର୍‌ତିନମନ୍ ତାର୍ ବିରଦେ କେତେଟା ଦାବା କଲାଇ ଆରି ତାକେ ଦସି କର୍ବାକେ ମକେ କଇଲାଇ । ୨୪ ମାତର୍ ମୁଇ ସେମନ୍‌କେ କଇଲି ଜେ, ଗଟେକ୍ ଦସିକେ ବିଚାର୍ କର୍ବା ଗରେ, ତାକେ ଦାବା କରୁମନ୍‌ର ମୁଆଟେ ନିଜର୍ ବାଟେଅନି କଇବାକେ ବେଲା ଦେବା ଆଗ୍ରୁ, ତାକେ ଦସି କର୍ବାଟା ଆମର୍ ରମିୟମନ୍‌ର ନିୟମେ ନାଇ । ୨୫ ସେମନ୍ ଇତି ଆଇଲା ପତେ ମୁଇ ଅଲ୍‌ସମ୍ ନ କରି, ତାର୍ ପର୍‌ଦିନେ ବିଚାର୍ କର୍ବା ଗରେ ବସି ଆରି ସେ ଲକ୍‌କେ ବିଡ଼ରେ ଆନ୍‌ବାକେ ଆଦେସ୍ ଦେଲି । ୨୬ ମର୍ ବାବ୍‌ବାଟା ବୁଲ୍ ରଇଲା, ସେମନ୍ ତାର୍ ବିରୁଦେ ଆନିରଇବା ଦାବି, ସେ କରିରଇବା କରାପ୍ ବିସଇ ଅଇରଇସି ବଲି ବାବ୍‌ଲି, ମାତର୍ ସେନ୍ତାର୍ ନ ରଇଲା । ୨୭ ସେମନ୍‌ର ଦାବି ତାକର୍ ନିଜର୍ ଦରମ୍ ବିସଇ ରଇଲା, ଆରି ଜିସୁ ବଲି ଗଟେକ୍ ମରିଜାଇରଇବା ଲକ୍‌କର୍ ବିସଇ ରଇଲା । ମାତର୍ ସେଲକ୍ ବର୍‌ଲୁଆ ଆତେ ବଲି ପାଉଲ୍ କଇଲା । ୨୮ ଏ ସବୁ ବିସଇର୍ ସଡ଼ କେକ୍ତି ବାର୍‌କରାଇବି ବଲି ମୁଇମିସା ନାଜାନିରଇଲି, ତେବେ ଏ ସବୁ ବିଚାରୁନା କର୍ବାକେ ପାଉଲ୍‌କେ ଜିରୁସାଲମେ ଜାଇସୁ କି ନାଇ ବଲି ପାଚାରୁଲି । ୨୯ ମାତର୍ ପାଉଲ୍, ନିଜେ ରମ୍ ରାଇଜର୍ କାଇସର୍ ରାଜା, ତାର୍ ବିଚାର୍ କର ବଲି କଇ ସନିଅମନ୍ ରକିଆ କରଡ଼ ବଲି ମନ୍ କଲା । ସେଟାର୍‌ପାଇ ବଡ଼ ସାସନ୍‌କାରିଆ ଲଗେ ପାଟାଇବା ଜାକ ବନ୍ଦି କରି ରକ୍‌ବାକେ ଆଦେସ୍ ଦେଲିଆତି ।

୩୦ ଆଗ୍‌ରିପା ପେସ୍‌ଟସ୍‌କେ କଇଲା, “ମୁଇ ନିଜେ ଏ ଲକ୍‌କର୍ କାତା ସୁନ୍‌ବାକେ ମନ୍ କଲିନି ।” ପେସ୍‌ଟସ୍ କଇଲା, “କାଲିକେ ତମେ ତାର୍ କାତା ସୁନ୍‌ସା ।”

୩୧ ତାର୍ ଆରକର୍ ଦିନେ ଆଗ୍‌ରିପା ଆରି ବର୍‌ନିସ୍ ଆସି କେଟ୍‌ଲାଇ । ସେମନ୍ ରାଜାମନ୍ ପିନ୍‌ଲାପାରାଟା ପିନ୍‌ର ଇଲା । ସନିଅମନ୍‌ର ନେତାମନ୍ ଆରି ସେ ଗଡ଼ର୍ ବଡ଼ ବଡ଼ ଲକ୍‌ମନ୍‌ର ସଙ୍ଗ୍ ବେସି ତାକ୍‌ପୁଟା ସଙ୍ଗ୍ ଆସି, ବିଚାରୁନା ଜାଗାଇ ପୁରୁଲାଇ । ପେସ୍‌ଟସ୍ ଆଦେସ୍ କଲାକେ, ପାଉଲ୍‌କେ ବିଡ଼ରେ ଆନ୍‌ଲାଇ । ୩୨ ପେସ୍‌ଟସ୍ କଇଲା, “ରାଜା

ଆଗରିପା ଆରି ରୁଣ୍ଡି ରଇଲା ସବୁ ଲକ୍, ତମେ ଏ ଜନ୍ ଲକ୍‌କେ ଦେକଲାସ୍‌ନି, ତାରୁ ବିରଦେ ଇଡ଼ିର୍ ଜିଉଦିମନ୍ ଆରି ଜିରୁସାଲମର୍ ଜିଉଦିମନ୍ ମର୍ ଲଗେ ଦାବା କଲାଜ ଆଚଡ଼ । ସେମନ୍ ତାକେ ମରାଉଁ ବଲିକରି କଇ ଆଉଲି ଅଇଲାଇନି । ୨୫ ମାତର୍ ମୁଇ କଜି ବାରକରାଇଲି ଜେ, ଏ ଲକ୍ ମରନ୍ ଡ଼ଣ୍ଡ ପାଇବା ଏଡ଼କି, କାଇ ଦସ୍ କରେନାଇ । ସେ ନିଜେ ବଡ଼ସାସନ୍‌କାରିଆକେ ଗୁଆରି କଲାର ପାଇ, ମୁଇ ତାକେ ତେଇ ପାଟାଇବାକେ ଟିକ୍ କଲି ଆଚି । ୨୬ ମାତର୍ ତାରୁ ଦାବି ବିସଇ ଟିକ୍ ସଙ୍ଗ୍ ବଡ଼ସାସନ୍‌କାରିଆକେ ଲେକ୍‌ବାକେ ମର୍ ଲଗେ କାଇଟା ନାଇ । ସେଟାରୁପାଇ ମୁଇ ସବୁର୍ ମୁଆଟେ ଆରି ଏ ଆଗରିପା ରାଜା, ତମର୍ ମୁଆଟେ ଆନ୍‌ଲି ଆଚି, ଜେନ୍ତି କି ତାରୁ ବିସଇ ତମେ ନିକ ସଙ୍ଗ୍ କଲ୍‌ଲା ପଟେ ବଡ଼ସାସନ୍‌କାରିଆକେ ଲେକିପାରବି । ୨୭ କାଇକେବଇଲେ ଗଟେକ୍ ବନ୍ଦିର୍ ବିରଦର୍ ଦାବା ନିକସଙ୍ଗ୍ ନ ଦେକାଇ, ବଡ଼ସାସନ୍‌କାରିଆର୍ ଲଗେ ପାଟାଇବାଟା ଟିକ୍ ନଏଁ ବଲି ମୁଇ ବାବ୍‌ଲିନି ।”

## ୨୭

### ଆଗରିପାର ମୁଆଟେ ପାଉଲ୍ ନିଜର୍ ବିସଇ ସାକି ଦେବାଟା

୧ ଆଗରିପା ପାଉଲ୍‌କେ କଇଲା, “ତକେ ତର୍ ନିଜର୍ ବିସଇ ଜାଇଟା କଇବାରୁ ଆଟେ, ସେଟା କଇବାକେ ଅଦିକାରୁ ଦିଆଅଇଲା ।” ପାଉଲ୍ ଆଡ଼ ଉଟାଇକରି ନିଜର୍‌ବାଟେଅନି କଇଲା,

୨ “ରାଜା ଆଗରିପା ! ଜିଉଦିମନ୍ ମକେ ଜନ୍ ସବୁ ବିସଇ ନେଇ ଦସି କରିଆଚଡ଼, ସେଟାରୁ ବିରଦେ ତମର୍ ମୁଆଟେ, ନିଜର୍ ବାଟେଅନି କଇବାକେ ବେଲା ପାଇଲାରୁ ପାଇ ମୁଇ କେତେ କରମର୍ ଲକ୍ ବଲି ବାବ୍‌ଲିନି ।” ୩ କାଇକେବଇଲେ ଜିଉଦିମନ୍‌ର ରିଡିନିତି ବିସଇ ଆରି ସେମନ୍‌ର ଲାଗାଜତା ବିସଇ ତମେ ନିକସଙ୍ଗ୍ ଜାନାସ୍ । ମୁଇ ଗୁଆରି କଲିନି, ତମେ ବିଜାରୁ ନ ଅଇକରି ମର୍ ସବୁକାତା ସୁନା ।

୪ “ପିଲାବେଲେଅନି କେନ୍ତି ମୁଇ ଜିଇଲି ଆଚି, ସେଟା ଜିଉଦିମନ୍ ଜାନଡ଼ । ପର୍ତୁମ୍ ମର୍ ନିଜର୍ ଦେସେ ଆରି ପଟେ ଜିରୁସାଲମେ ମୁଇ କେନ୍ତି ଜିବନ୍ କାଟ୍‌ଲି ଆଚି, ସେଟା ମିସା ସେମନ୍ ଜାନଡ଼ । ୫ \*ଆଗେଅନି ମୁଇ ଜିଉଦି ନିୟମ୍ ସବୁ ମାନିକରି ପାରୁସିମନ୍‌ର ପାରା ଚଲାଟଲୁଡି କଲିଆଚି, ସେ ବିସଇ ସେମନ୍ ସାକି ଦେଇପାରଡ଼ ।” ୬ ପର୍ତମେସର୍ ଆମର୍ ଆନିଦାଦିମନ୍‌କେ ଜନ୍ କାତା ଦେଇ ରଇଲା, ତେଇ ମର୍ ଆସା ରଇଲାରୁପାଇ ଆଜି ମୁଇ ଇଡି ବିଚାରନା କରାଇଅଇବାକେ ଟିଆ ଅଇଲିଆଚି । ୭ ମାତର୍ ଏ ରାଜା, ଏ ଆସା ଆମର୍ ବାରଟା ଜିଉଦି ଜାତିର୍ ଲକ୍ ଦିନ୍ ରାତି ମାପୁରୁକେ ପାରତନା କରି, ପାଇବାକେ ଆସାକଲାଇନି । ଆରି ଏ ଆସାରୁ ଲାଗି ଆମର୍ ଜିଉଦିମନ୍ ମକେ ଦସି କରିଆଚଡ଼ । ୮ ପର୍ତମେସର୍ ମଲା ଲକ୍‌କେ ଉଟାଇସି, ବଲି କାଇକେ ବିସବାସ୍ କରିନାପାରୁଲାସ୍‌ନି ?

୯ \* “ମୁଇ ମିସା ସେମନ୍‌ର ପାରା ରଇଲି । ନାଜରିତିୟ ଜିସୁର୍ ବାଟେ ଜିବା ସବୁ ଲକ୍‌ମନ୍‌ର ବିରୁଦେ ମର୍ ଜେଡ଼କି ବପୁ ସଙ୍ଗ୍ ମିସା କାମ୍ କର୍‌ବାରୁ ଆଟେ ବଲି ଚିନ୍ତା କଲି । ୧୦ ମୁଇ ଜିରୁସାଲମେ ସେନ୍ତି କଲି । ମୁକିଅ ପୁଜାରିମନ୍‌ତେଇଅନି ଅଦିକାରୁ ଚିଟି ପାଇ, ପର୍ତମେସରର୍ ବେସି ଲକ୍‌ମନ୍‌କେ ବାନ୍ଦି କରି, ବନ୍ଦି ଗରେ ପୁରାଇଦେଲି । ଆରି ସେମନ୍‌କେ ମରନ୍‌ର ଡ଼ଣ୍ଡ ଦେବାକେ ବିଚାରନା କଲାବେଲେ, ସେମନ୍‌ର ବିରୁଦେ ଟିଆଅଇଲି । ୧୧ କେତେ କେତେ ତର୍ ପାରତନା ଗର୍‌ମନ୍‌କେ ସେମନ୍ ବିସବାସ୍ ଚାଡ଼ ବଲି ମାର୍‌ବାକେ ଡିଆର୍‌ଲି, ସେମନ୍‌ର ଉପରେ ଏତେ ରିସା ଅଇଜାଇରଇଲି ଜେ, ସେମନ୍‌କେ କସ୍‌ଟ ଦେବାକେ ବିଦେସେ, ରଇବା ଗଡ଼ମନ୍‌କେ ମିସା ଜାଇରଇଲି ।”

### ନିଜେ ବାଦ୍‌ଲାଇଲା ବିସଇ ପାଉଲ୍ କଇବାଟା

୧୨ “ଏଟା କର୍‌ବାକେ ମୁଇ ମୁକିଅ ପୁଜାରିମନ୍‌ତେଇଅନି ଅଦିକାରୁ ଚିଟି ଆରି ଆଦେସ୍ ନେଇ ଦାମାସକସେ ଜାଇରଇଲି । ୧୩ ଏ ରାଜା ଏଗରିପା, ଅଟାଡ଼ ଦିନେକ୍ ମୁଣ୍ଡବେଲା ଲଗେ, ଜିବାବାଟେ ବେଲ୍ ତାରାସେଅନି ଅଦିକ୍ ଉଜଲ୍ ଦେକ୍‌ଲି । ସର୍‌ଗେଅନି ସେ ଉଜଲ୍ ଆସି ମକେ ଆରି ମର୍ ସଙ୍ଗ୍ ଜିବା ଲକ୍‌ର ଚାରିବେଟ୍‌ତି ବିଟି ଅଇଲା ।” ୧୪ ଆମେ ସବୁ ଲକ୍ ତଲେ ଅଦ୍‌ରି ତୁଲିଦେଲୁ ଆରି ଇବ୍‌ରୁ ବାସାଇ ମକେ କଇତେରଇବା ଏ କାତା ସୁନ୍‌ଲି, “ସାଉଲ୍, ସାଉଲ୍ !” ତୁଇ ମକେ କାଇକେ କସ୍‌ଟ ଦେଲୁସ୍‌ନି ? କସ୍‌ଲାବେଲେ କସ୍‌ବାଲକ୍ ବଲଦ୍‌କେ ତୁଚାରିବୁସ୍‌ଲେ ବଲଦ୍ ଲାଡ଼ମାର୍‌ବା ପାରା, ତୁଇ ନିଜେ କସ୍‌ଟ ପାଇଲୁସ୍‌ନି । ୧୫ “ମୁଇ ପାଟାରୁଲି, ‘ମାପୁରୁ ତମେ କେ ?’ ସେ କଇଲା, ‘ମୁଇ ଜିସୁ, ମକେସେ ତୁଇ କସ୍‌ଟ ଦେଲୁସ୍‌ନି ।’ ୧୬ ମାତର୍ ଉଟିକରି ଟିଆ ଅ । ତକେ ମର୍ ସେବାକାରିଆ କର୍‌ବାକେ, ଦର୍‌ସନ୍ ଦେଲିଆଚି । ଆଜି ତୁଇ ମର୍ ବିସଇ ଜାଇଟା ଦେକ୍‌ଲୁସ୍ ଆରି ପର୍‌କେ ମିସା ମୁଇ ଜାଇଟା ଦେକାଇବି, ସେ ବିସଇ ତୁଇ ବିନ୍ ଲକ୍‌ମନ୍‌କେ ସାକିଦେସ୍ । ୧୭ ଜନ୍ ଜିଉଦି ଆରି ଜିଉଦିନଇଲା ଲକ୍‌ମନ୍‌ତେଇ ତକେ ପାଟାଇବି, ସେମନ୍‌ତେଇ ଅନି ତାଡ଼ନା ପାଇଲେ, ମୁଇ ତକେ ରକିଆ କର୍‌ବି । ୧୮ ତୁଇ ସେମନ୍‌ର ଆଁକି ପିଟାଇଦେସ୍ ବଲି ମୁଇ ତକେ କଇଲିନି । ଜେନ୍ତିକି ସେମନ୍ ଆନ୍‌ରେଅନି ଉଜଲେ ଆରି ସଇତାନର୍ ବାନ୍ଦନେଅନି ମାପୁରୁ ବାଟେ ବାଅଡ଼ବାଇ । ଜେନ୍ତିକି ମକେ ବିସବାସ୍ କଲାରୁ ପାଇ, ସେମନ୍‌ର ପାପ୍ କେମା ଅଇସି । ଆରି ମାପୁରୁ ବାଟ୍‌ଲା ଲକ୍‌ମନ୍‌ର ସଙ୍ଗ୍ ସେମନ୍‌କେ ମିସା ଡାକିନେବାଇ ।”

### ନିଜର୍ କାମ୍ ବିସଇ ପାଉଲ୍ ସାକି ଦେବାଟା

☆ ୨୭:୫ ୨୭:୫ ପେରିଡ଼ ୨୩:୨; ପିଲିପିୟ ୩:୫ ☆ ୨୭:୯ ୨୭:୯ ପେରିଡ଼ ୮:୩;୨୨:୪,୫



୧୯ “ସେଟାରପାଇ ଏ ରାଜା ଆଗ୍ରିପା ମୁଇ ସର୍ଗେଅନି ଜନ୍ ଦର୍ସନ୍ ପାଇଲିଆଟି, ସେଟା ପୁରାପୁରୁନ୍ ମାନଲି । ୨୦ \*ସେନ୍ତାରି ମୁଇ ପର୍ତମେ ଦାମାସକସେ ଆରାମକରି ତାରପଟେ ଜିରୁସାଲାମେ, ପଟେ ଜିଉଦାର ସବୁବାଟେ ଆରି ଜିଉଦିନଲଲା ଲକ୍ମନର୍ ବିତରେ ମାପରୁର୍ ବିସଇ ଜାନାଇଲି । ଜେନ୍ତ୍ର କି ସେମନ୍ କରଇରବା ପାପ୍ ଏତାଇ, ଦୁକ୍କରି ମାପରୁର୍ବାଟେ ବାଅଡ଼ବାଇ । ଆରି ସେମନ୍ ଜନ୍ଟା ମାନିଆଇଲାଆଟ୍, ସେଟା ତାକର୍ ଚଲାଚଲ୍ତିଅନି ଜାନିଅଇସି । ୨୧ ଏଟାରପାଇ ମୁଇ ମନ୍ଦିରେ ରଇଲାବେଲେ ଜିଉଦିମନ୍ ମକେ ଦାରି ମରାଇବାକେ ଚେସଟା କଲାଇ । ୨୨ ମାତର୍ ପର୍ତମେସର୍ ମକେ ଆଜିକେଜାକ ରକିଆ କଲାଆଟେ ଆରି ସେଟାରପାଇ ଆଜି ସାନ୍ ବଡ଼ ସବୁ ଲକ୍ମର୍ ଲଗେ ସମାନ୍ ଇସାବେ ମର୍ ସାକିଦେବାକେ ଚିଆକରାଇଆଟେ । ବବିସଡ଼ବକ୍ତା ଆରି ମସା ଜାଇଟା ଗର୍ସି ବଲି କଇରଇଲାଇ, ଚିକ୍ ସେ କାତା ମୁଇ କଇଲିନି । ୨୩ \*ମସିଅ ଦୁକ୍ ପାଇସି ଆରି ମଲାଲକ୍ମନର୍ ବିତରେଅନି ସିଗ୍ ପର୍ତୁମେ ଉଟି, ଜିଉଦି ଆରି ଜିଉଦି ନଲଲା ଲକ୍ମନର୍ ଲଗେ ମୁକ୍ତିର୍ ଉଜଲ୍ ଦେକାଇସି ।”

୨୪ ପାଉଲ୍ ନିଜର୍ ବାଟେଅଇ କଇଲା ବେଲେ, ପେସ୍ଟସ୍ ତାକେ ଆଉଲିଅଇ କରି କଇଲା, “ପାଉଲ୍, ତୁଇ ବାୟା ଅଇଗାଲୁସ୍ ! ତୁଇ ପାଟ୍ପତି ବେସି ପାଇରଇବା ଗିଆନ୍ ତକେ ବାୟା କଲାଆଟେ ।”

୨୫ ପାଉଲ୍ କଇଲା, “ଏ ମାପରୁ ପେସ୍ଟସ୍, ମୁଇ ବାୟା ଅଇନାଇ, ମୁଇ ଜାଇଟା କଇଲିନି ସେଟା ପୁରାପୁରୁନ୍ ସଡ଼ । ଆରି ତବିର୍ ବୁଦିର୍ କାତା କଇଲିଆଟି । ୨୬ ଏ ରାଜା ଅଗ୍ରିପା ! ତମେ ଏ ବିସଇ ଜାନିରଇଲାର୍ ପାଇ, ତମର୍ ମୁଆଟେ ଏ କାତା କଇବାକେ ସାଆସ୍ କଲିନି ! ମୁଇ ଜାନାଇରଇବା ସବୁ ବିସଇର୍ କାଇ କାତା ମିସା, ସେ ନାଜାନେ, ବଲି ମୁଇ ବିସ୍ବାସ୍ କରିନାଇ ! କାଇକେବଇଲେ ଏଟା ଲୁଚ୍ତେ କରାଅଏ ନାଇ । ୨୭ ରାଜା ଆଗ୍ରିପା, ତମେ ବବିସଡ଼ବକ୍ତାମନକେ ବିସ୍ବାସ୍ କଲାସ୍ନି ତ ? ମୁଇ ଜାନି ତମେ ବିସ୍ବାସ୍ କଲାସ୍ନି !”

୨୮ ଆଗ୍ରିପା ପାଉଲ୍କେ କଇଲା, “ଏ ଅଲପ୍ ବେଲା ବିତରେ ତୁଇ କାଇ ମକେ ବିସ୍ବାସି କରିଦେବି ବଲି ବାବ୍ଲୁସ୍ନି କି ?”

୨୯ ପାଉଲ୍ କଇଲା, “ଚନେକ୍ ଅ କି ପରେକ୍ ଅ, ପର୍ତମେସରର୍ ଲଗେ ମର୍ ଏଡ଼କି ମାଜ୍ଲିନି । ଅବ୍କା ତମେସେ ନାଇ ରାଜା, ଆଜି ମର୍ କାତା ସୁନିରଇବା ସବୁ ଲକ୍ ମର୍ପାରା କିରିସ୍ଟର୍ ସିସ୍ ଉଆ । ମାତର୍ ମର୍ପାରା ଏକ୍ତି ସିକ୍ଲିସଙ୍ ବାନ୍ଦାଇ ଉଆ ବଲି ମୁଇ କଇନାଇ ।”

୩୦ ତାର ପଟେ ରାଜା, ସାସନ୍କାରିଆ, ଆରି ବର୍ନିସ୍ ଆରି ବିନ୍ ଲକ୍ମନ୍ ଜିବାକେ ଉଟ୍ଲାଇ । ୩୧ ସେମନ୍ ବାରଇଲା ବେଲେ ତାକର୍ ତାକର୍ ବିତରେ କଇଲାଇ, “ଏ ଲକ୍ ଏକ୍ତି କାଇମିସା କାମ୍ କରେ ନାଇ, ଜନ୍ଟା କି ସେ ମରନର୍ ଡଣ୍ଡ ପାଇବାକେ କି ବନ୍ଦି ଅଇବାକେ ।” ୩୨ ଆଗ୍ରିପା ପେସ୍ଟସ୍କେ କଇଲା, “ଜଦି ଏ ଲକ୍ ବଡ଼ସାସନ୍କାରିଆଟାନେ ବିଚାର୍ ପାଇବି ବଲି ଗୁଆରି କରି ନ ରଇଲେ, ତେବେ ଆମେ ତାକେ ଚାଡ଼ି ଦେଇତୁ ।”

## ୨୭

### ପାଉଲ୍ ରମ୍ ଦେସେ ଗାଡ଼ ଗାଡ଼ ଜିବାଟା

୧ ଆମେ ଜେଡେବେଲେ ପାନି ଜାଜେ ବସି ଇଟାଲି ଜିବାକେ ଚିକ୍ କଲାଇ, ସେଡ଼କିବେଲେ କେଡେଟା ବନ୍ଦି ଅଇଲା ଲକ୍କେ ଆରି ପାଉଲ୍କେ ରମିୟ୍ ସନିଅମନର୍ ସେନାପତି ଜୁଲିୟ୍ସକେ ସର୍ପି ଅଇଲାଇ । ୨ ଆମେ ସବୁଲକ୍ ରମ୍ ରାଇଜର୍ ଆସିଆ ଜାଗାର୍ ଗାଡ଼କଣ୍ଡି ରଇଲା ବିନ୍ ବିନ୍ ଜାଗାଇ ଜୁ ବଲି ଆଦ୍‌ରାମୁଦିୟ୍‌ମର୍ ଗଟେକ୍ ପାନିଜାଜେ ବସି ଗାଲୁ । ଆରି ମାକିଦନିଆ ବଲି ଗଟେକ୍ ଜାଗାର୍ ଆରିସ୍ତାକସ୍ ନାଉର୍ ତେସ୍ଲନିକି ଲକ୍ ଆମର୍ ସଙ୍ଗ୍ ରଇଲା । ୩ ଆରକର୍ ଦିନେ ଆମେ ସିଦନେ କେଟ୍ଲୁ । ଜୁଲିୟ୍ସ୍ ପାଉଲ୍କେ ବେସି ଦୟା ଦେକାଇଡେରଇଲା । ପାଉଲ୍ ସଙ୍ଗାରିମନର୍ ଟାନେଅନି ତାର ଦର୍କାର୍ ଅଇବା ଜିନିସ୍ମନ୍ ଚୁଲିଆଇବାକେ ତାକର୍ସଙ୍ଗ୍ ଜାଇ ମିସଡ଼ ବଲି ପାଉଲ୍କେ ଆଦେସ୍ ଦେଲା । ୪ ଆମେ ଡେଇଅନି କେଡେଡୁର୍ ଗାଲାପଟେ ପବନ୍ ଅଇଲାଜେ ସାଇପରସ୍ ଗାଡ଼ର୍ ପାଲି ପାଲି ଗାଲୁ । ୫ ସିଲିସିଆ ଆରି ପପୁଲିଆ ନାଉର୍ ଦୁଇଟା ଜାଗା ଜିତିକରି ଲୁକିଆ ବଲି ମୁରା ନଅର୍ ଜାଗାଇ ଆଇଲୁ । ୬ ଡେଇ ସେନାପତି ଆଲେକ୍‌ଜାଣ୍ଡ୍ରିଆର୍ ଗଟେକ୍ ପାନି ଜାଜ୍ ଇଟାଲି ଜାଇଡେରଇଲାଜେ ଆମ୍‌କେ ଦେକି, ସେ ଜାଜେ ବସାଇଲା ।

୭ ପଟେ ଆମକେ ବେସିଦିନ୍ ଲାଗିଗାଲା ଦିରେ ଦିରେ ଜାଇ କରି କେଡେକ୍ କସଟେ କିଦ୍ ନାଉର୍ ଗଟେକ୍ ଜାଗାଇ କେଟ୍ଲୁ । ଡେଇ କେଟ୍ଲା ପଟେ ବେସି ପବନ୍ ଆଇଲାଜେ ଆମେ ଆରି ଆଗ୍‌କେ ଜାଇ ନାପାର୍ଲୁ । ତେବେ ସାଲନି ବଲି ଗଟେକ୍ ଜାଗାର୍ ମୁଆଟ୍ ବାଟେ ଜାଇ କିରିତର୍ ପାଲି ପାଲି ଗାଲୁ । ୮ ଆରି ପାଲି ପାଲି ଆସି ବଡେ କସଟେ ସୁନ୍ଦର୍ ବନ୍ଦ୍ ବଲି ଗଟେକ୍ ପାନିଜାଜ୍‌ମନ୍ ଲାଗ୍‌ବାଟାନେ ଆସି କେଟ୍ଲୁ । ସେଟା ଲାସିଆ ସଅର୍ ଲଗେ ରଇଲା ।

୯ ସେ ଜାଗାଇ ଆମେ ବେସିଦିନ୍ ରଇଲୁ । ଜିଉଦିମନର୍ ଉପାସ୍ ମାନିଅଇବା ପରବ୍ ସାରି ଜାଇରଇଲା । ତେବେ ଗାଡ଼ ଗାଡ଼ ଜିବାଟା ବିପଦ୍ ରଇଲା । ସେଟାରପାଇ ପାଉଲ୍ ସେମନ୍‌କେ ଜାଗରଡ଼ କରାଇ କଇଲା, ୧୦ “ମଇତର୍‌ମନ୍ ଆମେ ଏ ଗାଡ଼ ଗାଡ଼ ଗାଲେ ସରି ଜାଆଜ୍ ଆରି ଜିନିସ୍‌ପଡ଼ର୍ ଆକା କେଡି ନ ଅଏ, କେଡେବେଲେ ଜାଜେ ଜିବା ଲକ୍ମନର୍ ମିସା ଦସା କେଟ୍ସି ।” ୧୧ ମାତର୍ ସେନାପତି ପାଉଲ୍ କାତା ବିସ୍ବାସ୍ ନ କରି, ଜାଜ୍ ଚାଲାଉ, ଜାଜ୍ ସାଉକାର୍

☆ ୨୭:୨୦ ୨୭:୨୦ ପେରିଡ଼ ୯:୨୦;୨୮:୨୯ ☆ ୨୭:୨୩ ୨୭:୨୩ ୧ମ କରନ୍ତିୟ୍ ୧୫:୨୦

କାତା ବିସ୍‌ବାସ କଲା । ୧୨ ସେ ଗାଡେ ସିଡ଼ମାସେ ରଇବାଟା ବେସି କସଟ ରଇଲା । ତେବେ କେନ୍ତ୍ର କରି ମିସା କସଟେ ମସଟେ ପେନିକସ ବଲି ଗଟେକ ଜାଗାଇ କେଟି, ଦରକାର ପଡ଼ଲେ ତେଇ ରଇବାକେ ଜାଜେ ଜିବା କେତେଲକ୍‌ମନ୍ କରତେରଇଲାଇ । ପିନିକସ ଅଇଲାନି କିରିତେ ଦକିଣ, ପଟିମ୍ ଆରି ଉତର୍ ପୁରୁବ ଦିଗେ ରଇବା ଗଟେକ ଜାଗାର ନାଉ ।

**ସମ୍ବୁରେ ପାନିପବନ୍ ଆଇବାଟା**

୧୩ ଜେତେବେଲେ ଦକିନ୍ ଦିଗ୍‌ବାଟେଅନି ଅଲପ୍ ଅଲପ୍ ପବନ୍ ଆଇଲା, ସେତେବେଲେ ଜାଜେ ବସିରଇବା ଲକ୍‌ମନ୍ ଏଟା ଗଟେକ ସୁବକବର୍ ବଲି ବାବ୍‌ଲାଇ । ଜାଜ୍ ଅଟ୍‌କାଇବା ପାର୍‌ଦା ଟେକିଦେକ୍‌ଲାଇ ଆରି କିରିଡ଼ ଗାଡ଼ ପାଲି ପାଲି ଜାଜ୍ ଚାଲାଇ ଚାଲାଇ ନେବାର ଦାରଲାଇ । ୧୪ ମାତର୍ ଚନେକ୍ ଗାଲା ପଟେ କିରିଡ଼ବାଟେଅନି ଉତର୍ ପୁରବ୍ ବଲି କଇବା ପବନ୍ ଆଇଲା । ୧୫ ସେ ପବନ୍ ଅପର୍‌ବଲ୍ ଆସି ଜାଜେ ପିଟିଅଇଲା । ପବନ୍ ଆଇବା ମୁଆଟ୍‌ବାଟେ ଜାଜ୍ ନେବାକେ ଚେସ୍‌ଟା କରି କରି ନାପାରି ତାକିଗାଲୁ । ତେବେ ପବନ୍ ଜାଜ୍‌କେ ପାନି ଟାନେ ଉପକାଇକରି ନେଅ ବଲି ଚାଡ଼ିଦେଲୁ । ୧୬ ଆରି କାଉଦ୍ ବଲି ଗୁଲାଇ ବାଟେ ପାନି ରଇକରି ମଜାଇ ସୁକ୍‌ଲା ବୁଇଁ ରଇବା ଜାଗାର ଦକିଣ୍ ଦିଗ୍‌ବାଟେ ଗାଲାବେଲେ ଅଲପ୍ ପବନ୍‌ଟାନେ ଅନି ରକିଆ ପାଇଲୁ । ତେଇ ଆମେ କସଟେମସଟେ ଜାଆଜର୍ ସାନ୍‌ଡ଼ଙ୍ଗା କାଇ ବିପଦ୍ ନଇତେ ସଙ୍ଗପାଉଲୁ । ୧୭ ଜାଜ୍ ଚାଲାଉମନ୍ ସାନ୍ ଡ଼ଙ୍ଗା ଜାଜ୍‌ଉପ୍‌ରେ ଟେକି ନେଲାଇ ଆରି ଡର୍ ସଙ୍ଗ୍ ଡାଟ୍‌କରି ଜାଜର୍ ଚାରିବେଟ୍‌ତି ନ ବାଙ୍ଗ ବଲି ବାନ୍ଦି ଦେଲାଇ । ଜାଜ୍ ଚାଲାଉମନ୍ ଜାଜ୍‌କେ ଲିବିଆର୍ ପାଲି ପାଲି ବାଲିବନ୍ଦ୍ ବାଟେ ଉଟିଜାଇସି ବଲି ଜାଜେ ବାନ୍ଦି ରଇବା ତେରା ଉଡ଼ରାଇକରି ପବନେ ସେ ବୁଲି ବୁଲି ର ବଲି ଚାଡ଼ି ଦେଲାଇ । ୧୮ ଚନେକ୍ ମିସା ନ ତେବି ଅପର୍‌ବଲ୍ ପବନ୍ ଆଇବାର ଦାରଲା ଜେ, ତାର ଆରକର୍ ଦିନେ ସେମନ୍ ଜାଜେଅନି ଜିନିସ୍ ପତର୍ ପାନିତେଇ ପିଙ୍ଗ୍‌ବାର ଦାରଲାଇ । ୧୯ ତାର ଆରକର୍ ଦିନେ ସେମନ୍ ଜାଜର୍ ପାଇ ଦରକାର ଅଇବା କେତେଟା ଜିନିସ୍ ବେଟି ପିଙ୍ଗି ଦେଲାଇ । ୨୦ ବେସି ଦିନ୍ ଅଇଗାଲା ଆମେ ବେଲର୍ ମୁକ୍ ନାଇ କି ତାରାର ମୁକ୍ ଦେକୁନାଇ ସେନ୍ତ୍ର ରଇଗାଲୁ । ପବନ୍ ଚନେକ୍ ମିସା ତେବେ ନାଇ, ଅଦିକ୍ ଅଦିକ୍ ଆଇତେସେ ରଇଲା । ସାରାସାରି ଆମେ ବୁଟ୍‌ବାର୍ ଆସା ଚାଡ଼ି ଦେଇରଇଲୁ ।

୨୧ ଏତେକ୍ ଦିନ୍ ଅଇଲା ସବୁ ଲକ୍‌ଜାକ ନ କାଇ ନ ପିଇ ରଇଲା ପଟେ ପାଉଲୁ, ଜାଜେ ଜିବା ଲକ୍‌ମନ୍‌ର୍ ମଜାଇ ଟିଆଅଇ କଇଲା, ମଇତର୍‌ମନ୍ ତମେ ମର୍ କାତା ଦାରି କିରିତେଅନି ଜାଜ୍ ନ ଆନି ରଇଲେ ଆମକେ ଏ ଦସା ନ ଆଇତା । ୨୨ ମାତର୍ ଏବେ ତମକେ ଗୁଆରି କରି କଇଲିନି, ନ ଡରି, ବରସ୍ ଅଇରୁଆ । ତମର୍ ବିଡ଼ରେଅନି କେ ମିସା ନ ମରାସ୍ । ଜାଜ୍‌ସେ ନସ୍‌ଟ ଅଇସି । ୨୩ କାଇକେବଇଲେ ମୁଇ ଜାର୍ ଲକ୍ ଅଇଲିଆଟି, ଆରି ଜନ୍ ପର୍‌ମେସର୍‌କେ ପାର୍‌ତନା କଲିନି, କାଲି ରାତି ତାର୍ ଗଟେକ୍ ସରଗର୍ ଦୁଡ଼ ମକେ ଆସି କଇଲା, ୨୪ ପାଉଲୁ ତୁଇ ଡର୍ ନାଇ । ବାଇଦରେ ସମରାଟର୍ ମୁଆଟେ ତୁଇ ଟିଆ ଅଇସୁଆକା । ପର୍‌ମେସର୍ ତକେ ଜିବନ୍ ଦୁକାଇଲାଆଟେ । ଜେ କି, ତକେ ଆରି ଡର୍ ସଙ୍ଗ୍ ଜାଇତେ ରଇବା ସବୁ ଲକ୍‌ମନ୍‌କେ ବୁଟାଇସି । ୨୫ ତେବେ ବାଇମନ୍ ତମେ ନ ଡରି ବରସ୍ ଅଇରୁଆ । କାଇକେ ବଇଲେ ମୁଇ ପର୍‌ମେସର୍‌କେ ବିସ୍‌ବାସ୍ କଲିନି, ମକେ ଜେନ୍ତ୍ର କଇଲାଆଟେ ଟିକ୍ ସେନ୍ତ୍ରାରିସେ ଅଇସି । ୨୬ ମାତର୍ ଆମେ ଆଗ୍‌କେ ଗାଲେ ଗଟେକ୍ ଗୁଲାଇବାଟେ ପାନି ରଇକରି ମଜାଇ ରଇବା ସୁକ୍‌ଲା ଜାଗାଇ ପବନ୍ କେଟାଇସି ।

୨୭ ଏନ୍ତାରି ଆମେ ବାଉପବନ୍ ଆରାମ୍‌ଅଇକରି ଚଉଦ ଦିନ୍ ଚଉଦ ରାତି ମିସା ଅଇଗାଲା । ପବନ୍ ଆମକେ ବୁମଦ୍ ସମ୍ବୁରେ ଏନେ ତେନେ ନେଇତେରଇଲା । ମଜାରାତି ଅଇଲାକେ ଜାଜ୍ ଚାଲାଉମନ୍ ଗଟେକ୍ କଣ୍ଡିପାଲି ଲଗାଲଗି ଆଇଲୁ ବଲି ଅନ୍‌ମାନ୍ କଲାଇ । ୨୮ ତେବେ ସେମନ୍ ଗଟେକ୍ ବଜ୍ ଜିନିସ୍ ଡର୍‌ସଙ୍ଗ୍ ବାନ୍ଦିକରି ନାପିକରି ଜାନ୍‌ଲାଇ ଜେ, ତେଇ ସଏ କଡେ ପୁର୍ ପାନି ଡେଙ୍ଗ୍ ରଇଲା । ଆରି କଣ୍ଡେକ୍ ଦୁର୍ ଆଇଲାଇକେ ନବେ ପୁର୍ ପାନି ନାପ୍‌ଲାଇ । ୨୯ ପାନି ଜାଜ୍ କନ୍‌ଆଲେ ଡଙ୍ଗ୍‌ରର୍ ପାକ୍‌ନାଇ ତୁକାଇ ଅଇଜାଇସି ବଲି ଡରିକରି ସେମନ୍ ପର୍‌ବାଟେ ଚାର୍‌ଟା ଜାଜ୍ ଅଟ୍‌କାଇବାଟା ପାକାଇଲାଇ । ଆରି ଦାପ୍‌ରେ ସାକାଲ୍ ପାଅ ବଲି ପାର୍‌ତନା କଲାଇ । ୩୦ ତାର୍ ପଟେ ଜାଜ୍ ଚାଲାଉମନ୍ ଜାଜେଅନି ଲୁଟି ପାଲାଇବାକେ ଚେସ୍‌ଟା କଲାଇ । ସାନ୍ ଡ଼ଙ୍ଗା ବାନ୍ଦିରଇବା ଡର୍ ବେଟି ଡ଼ଙ୍ଗା ସମ୍ବୁରେ ଉଡ଼ରାଇଲାଇ । ସେମନ୍ ଆରି କେତେଟା ଜାଜ୍ ଅଟ୍‌କାଇବାଟା ମୁଆଟ୍‌ବାଟେ ପାକାଇବୁ ବଲି ନାଡ଼ାଇଲାଇ । ୩୧ ମାତର୍ ପାଉଲୁ, ସେନାପତି ଆରି ସନିଅମନ୍‌କେ କଇଲା, “ଜଦି ଜାଜ୍ ଚାଲାଉମନ୍ ଜାଜେ ନ ରଇଲେ ତମେ ମରିଜାଇସା ।” ୩୨ ସେଟାର୍‌ପାଇ ସନିଅମନ୍ ଡ଼ଙ୍ଗାର୍ ଡର୍ କାଟି ଦେଲାଇ ଆରି ପାନି ଉପ୍‌ରେ ବୁଲି ଜାଅ ବଲି ଚାଡ଼ି ଦେଲାଇ ।

୩୩ ପାଉଲୁ କୁକ୍‌ତାତାକେ ସବୁ ଲକ୍‌କେ କାଆ ବଲି ବାବୁଜିଆ କଲା । ସେ କଇଲା, ଆଜିକେ ଚଉଦ ଦିନ୍ ଅଇଗାଲା କାଆସ୍ ନାଇ, ପିଆସ୍ ନାଇ, ବୁକେସେ ଆଚାସ୍ । ୩୪ ତେବେ ମୁଇ ତମକେ କାଇଟା ଆଲେ କାଆ ବଲି ବୁଜାଇଲିନି, କାଇକେ ବଇଲେ, ବୁଟି ରଇବାର୍ ଆଲେ କାଇବାର୍ ଆଟେଆକା । ତରା ନାଇ ! ତମକେ କାଇଟା ନ ଅଏ । ୩୫ ପାଉଲୁ ଏନ୍ତାରି କଇକରି ରୁଟି ଦାରଲା ଆରି ସବୁ ଲକ୍‌ର୍ ମୁଆଟେ ପର୍‌ମେସର୍‌କେ ଦନିଅବାଦ୍ ଦେଇ ରୁଟି ଚିଡ଼ାଇ କାଇବାର୍ ଦାରଲା । ୩୬ ତେଇ ସେମନ୍ ସବୁ ଲକ୍ ସାଆସ୍ ଅଇକରି ଆରି ନିଜେ ନିଜେ କାଇବାର୍ ଦାରଲାଇ । ୩୭ ଆମେ ସେ ଜାଜେ ସବୁ ଲକ୍ ମିସି ଦୁଇସ ସଦୁରି ଚଅ ଲକ୍ ରଇଲୁ । ୩୮ ସବୁ ଲକ୍ ପେଟ୍ ପୁରତେ କାଇ ସାର୍‌ଲା ପଟେ ଜାଜ୍ ଉସାସ୍ ଅ ବଲି ଜାଜେ ରଇଲା ସବୁ କାଦିକଣ୍ଡା ସମ୍ବୁରେ ପିଙ୍ଗି ଦେଲାଇ ।

**ଜାଜ୍ ତୁକାଇ ଅଇଲା**

୩୯ ସାକାଲ୍ ପାଇଲାକେ କଣ୍ଡିର କନ୍ ଜାଗାଇ ଆସି କେଟ୍‌ଲୁଆରୁ ବଲି ଜାଜ୍ ଚାଲାଉମନ୍ ଜାନି ନାପାରୁଲାଇ । ମାତର୍ ସେମନ୍ ଦେକ୍‌ଲାଇ, ଜେ ସେଟା ଗଟେକ୍ ସମ୍‌ଦୁର୍ ଆରି ଗାଡ଼ ମିସ୍‌ଲା ବାଲିପଟା ଜାଗା । ଜଦି ପାରଲେ ତେଇ ଜାଜ୍ ଲାଗାଉଁ ବଲି ଚେସଟା କଲାଇ । ୪୦ ସେଟାର୍‌ପାଇ ଜାଜ୍ ଅଟ୍‌କାଇବାକେ ବାନ୍ଦି ରଇବା ଡର୍ ସବୁ କାଟି ଦେଇ, ସେଟା ସବୁ ସମ୍‌ଦୁରେ ତପି ଅଇବାକେ ଚାଡ଼ି ଦେଲାଇ । ଆରି ଜାଜ୍ ସଲ୍‌କାଇବାକେ ବାନ୍ଦି ରଇବା ଡର୍ କୁସ୍‌ଲାଇଦେଇ ମୁଆଟେ ବାନ୍ଦି ଅଇରଇବା ତେରାକେ ଟେକି ଦେଲାଇ । ସେନ୍ତା କଲାକେ ଜାଜ୍ ପଦ୍‌ନେ ଟେଲାଇ ଟେଲାଇ ଅଇକରି କଣ୍ଡିବାଟେ ଜିବାର ଦାରୁଲା । ୪୧ ଗାଡ଼ ଆରି ସମ୍‌ଦୁର୍ ମିସ୍‌ଲା ସାଙ୍ଗାମର୍ ବାଲିପାଟାଇ, ଜାଜ୍ ତୁକାଇ ଅଇ ମୁଆଟ୍ ବାଟର୍‌ଟା ତଲେ ତପିଅଇ ଅଟ୍‌କି ଦେଲା । ଅପର୍‌ବଲ୍ ଲଉଡ଼ି ଆସି ଜାଜର୍ ପର୍‌ବାଟେ ତୁକାଇ ଅଇଲାକେ ପର୍ ବାଟର୍‌ଟା ମିସା ବାଙ୍ଗି କଣ୍ଡି କଣ୍ଡି ଅଇଗାଲା ।

୪୨ ସନିଅମନ୍ ବନ୍ଦି ଲକ୍‌ମନ୍‌କେ ପଅଁରି ପଅଁରି ଉଟିଜିବାଇ ବଲି ବାବି କରି ମାରିମରାଇବାକେ ବାବ୍‌ଲାଇ । ୪୩ ମାତର୍ ସେନାପତି ପାଉଲର୍ ଜିବନ୍ ବଂଚାଇବି ବଲି ବାବ୍‌ତେ ରଇଲା । ତେବେ ସେ ସନିଅମନ୍‌କେ ସେନ୍ତାରି କରାନାଇ ବଲି ମନାକଲା । ଜେଡ଼କି ପଅଁରି ପାର୍‌ବା ସବୁ ଲକ୍‌ମନ୍‌କେ ପାନିଟାନେ ତେଗଇକରି ପଅଁରି ପଅଁରି କଣ୍ଡିତେଇ ଜିବାକେ ଆଦେସ୍ ଦେଲା । ୪୪ ଆରି ବାକି ଲକ୍‌ମନ୍‌କେ ଜାଜର୍ ବାଙ୍ଗିଲା ପାଟା ଆରି କାଇ କାଇଟାମନ୍ ଦାରି ପଅଁରି କରି ବାରୁଆ । ବଲି କଇଲା । ଏନ୍ତାରି ଅଇ ସବୁଲକ୍ କାଇଟା ନ ଅଇତେ କଣ୍ଡି ଆସି ବାରଇଲାଇ । ସାରାସାରି ଆମେ ସବୁଲକ୍ କଣ୍ଡି କେଟ୍‌ଲୁ ।

**୨୮**

**ମାଲ୍‌ଟା ଜାଗାଇ ପାଉଲ୍**

୧ କାଇଟା ନ ଅଇ, କଣ୍ଡିପାଲି ଜାଇ ଦେକ୍‌ଲୁ ଜେ, ଆମେ ମେଲିତି ନାଉଁର୍ ଚାରିବେଟ୍‌ତି ପାନିର୍ ମଜାଇ ରଇବା ସୁକ୍‌ଲା ଜାଗାଇ କେଟିଆରୁ । ୨ ତେଇ ପୁର୍‌ବେଅନି ରଇବା ଲକ୍‌ମନ୍ ଆମ୍‌କେ ଆଲାଦ୍ ଦେକାଇଲାଇ, ସେବେଲେ ବର୍‌ସା ମାରି ସିଡ଼ ଅଇତେ ରଇଲା । ସେଟାର୍ ପାଇ ସେମନ୍ ଆମ୍‌କେ ଜଇ ଲାଗାଇ ଗତିଆ ମାନ୍‌ଲାଇ । ୩ ପାଉଲ୍ ଗଟେକ୍ ବିଡା ଦାରୁ ଜଇତେଇ ପାକାଇବା ବେଲେ ଜଇ ତାତିର୍ ଲାଗି ବିଡାଇଅନି ଗଟେକ୍ ବିସ୍‌ରଇବା ସାଁପ୍ ବାରଇଲା ଆରି ପାଉଲର୍ ଆତେ ଚଗି ଚାବି ଡସିରଇଲା । ୪ ସେ ଜାଗାର୍ ଲକ୍‌ମନ୍ ପାଉଲର୍ ଆତେ ଚାବିକରି ଡସି ଜୁଲ୍‌ତେ ରଇବା ସାଁପ୍‌କେ ଦେକି ତାକର୍ ତାକର୍ ବିଡ଼ରେ କୁଆବଲା ଅଇଲାଇ, “ଏ ବାଇଦରେ ଗଟେକ୍ ନର୍‌ମାରୁ ଲକ୍, ସେ ଜାଇଟା ମିସା ଅ ବେ, ସେ ସମ୍‌ଦୁରେ ରକିଆ ପାଇରଇଲେ ମିସା ତାର୍ କରମ୍ ତାକେ ବଂଚିବାକେ ନ ଦେଏ ।” ୫ ମାତର୍ ପାଉଲ୍ ତାର୍ ଆଡ଼ ଜିଞ୍ଜାଡ଼ଲାକେ ସାଁପ୍ ଜଇତେଇ ଅଦର୍‌ଲା ଆରି ତାକେ କାଇଟା ଅଏନାଇ । ୬ ଲକ୍‌ମନ୍ ପାଉଲର୍ ଆଡ଼ ପୁଲିଜାଇସି ନଇଲେ ଅଟାଡ଼ ଅଦ୍‌ରି ମରିଜାଇସି ବଲି ଜାଗିରଇଲାଇ, ମାତର୍ ବେସି ପର୍ ଜାଗିକରି ଦେକ୍‌ଲାଇ ମିସା ତାକେ କାଇଟା ଅଏ ନାଇ । ପଟେ ସେମନ୍ କାତା ପାସ୍‌ଲାଇକରି କଇଲାଇ “ଏ ଗଟେକ୍ ଦେବ୍‌ତା !”

୭ ତେଇଅନି ଅଲପ୍ ଦୁରିକେ ସେ ଜାଗାର୍ ମୁକିଅ ନେତା, ତାର୍ ନାଉଁ ପବ୍‌ଲିଅ । ତାର୍ କେତେଟା ପଦା ରଇଲା, ସେ ଆମ୍‌କେ ଗତିଆ ମାନିକରି ଡାକିନେଲା । ଆରି ଆମେ ତିନ୍ ଦିନ୍ ଜାକ ତାକର୍ ଗରେ ଗତିଆ ଅଇ ରଇଲୁ । ୮ ସେବେଲେ ପବ୍‌ଲିଅସର୍ ବାବା ଜର୍ ଆରି ରକଡ଼ଜାତା ଦାରାଇଅଇ ତୁଲିରଇଲା । ପାଉଲ୍ ତାକର୍ ବାକ୍‌ରାଇ ଜାଇ ତାର୍‌ପାଇ ପାର୍‌ତନା କରି ତାର୍ ଉପ୍‌ରେ ଆଡ଼ ଟିଇ ତାକେ ନିମାନ୍‌କଲା । ୯ ଏ ଗଟ୍‌ନା ପଟେ ସେ ଜାଗାର୍ ଜେଡ଼କି ରଗିମନ୍ ସବୁ ପାଉଲର୍ ଲଗେ ଆସି ନିମାନ୍ ଅଇଲାଇ । ୧୦ ସେମନ୍ ଆମ୍‌କେ ବେସି ବିନ୍ ବିନ୍ ରକାମର୍ ଜିନିସ୍ ଇନାମେ ଦେଲାଇ ଆରି ଆମେ ତେଇଅନି ଜାଜେ ବସି ଜିବାବେଲେ ସେମନ୍ ଆମ୍‌ରପାଇ ଦର୍‌କାର୍ ରଇଲା ସବୁ ଜିନିସ୍ ଜାଜେ ଆନି ଦେଲାଇ ।

**ମାଲ୍‌ଟା ଜାଗାଇଅନି ରମ୍ ଦେସେ**

୧୧ ସେ ଜାଗାଇଅନି ବାରଇବାକେ ଆମ୍‌କେ ତିନ୍‌ମାସ୍ ଲାଗୁଲା । ସିଡ଼ଦିନ୍ ଅଇରଇଲାକେ ତବିର୍‌ଅଇଲା ଆଲେକ୍‌ଜାଣ୍ଡ୍‌ରିଆ ନଅରେଅନି ଆସିରଇବା ଗଟେକ୍ ଜାଜେ ଆମେ ବାରଇଲୁ । ସେ ଜାଜର୍ ନାଉଁ ରଇଲା ଜୁଲି ଦେବ୍‌ତା । ୧୨ ପର୍‌ଡୁମ୍ ସିର୍‌କୁସ୍ ନାଉଁର୍ ନଅରେ କେଟି ତେଇ ତିନ୍‌ଦିନ୍ ରଇଲୁ । ୧୩ ତେଇଅନି ଆରି ତରେକ୍ ଜିବାଟା ଆରାମ୍ କରି ଆମେ ରେଜିଅମ୍ ସଅରେ କେଟ୍‌ଲୁ । ତାର୍ ଆର୍‌କର୍ ଦିନେ ଦକିଣ୍ ଦିଗେଅନି ପବନ୍ ଆଇଲା ଆରି ତୁଇଦିନ୍ ପଟେ ପୁଡେଅଲି ସଅରେ କେଟ୍‌ଲୁ । ୧୪ ତେଇ କେତେଟା ଜିସୁକେ ବିସ୍‌ବାସ୍ କରବା ବାଇମନ୍‌କେ ମିସ୍‌ଲୁ । ତାକର୍ ସଙ୍ଗି ଗଟେକ୍ ଆର୍ ରଇବାକେ ସେମନ୍ ଆମ୍‌କେ ବାବୁଜିଆ କଲାଇ । ସାରାସାରିପଟେ ଆମେ ରମ୍ ଦେସେ ଜାଇ କେଟ୍‌ଲୁ । ୧୫ ଆମେ ଗାଲା କବର୍ ସୁନିକରି ରମ୍ ଦେସର୍ ବିସ୍‌ବାସି ବାଇମନ୍ ତେଇଅନି ଆପିଅ ଜାଗାର୍ ଆଟେ ଆରି ତିନ୍‌ସରା ନାଉଁର୍ ନଅର୍‌ମନ୍ ଜାକ ଆମ୍‌କେ ବେଟ୍ ଅଇବାକେ ଇଣ୍ଡି ଇଣ୍ଡି ଆଇଲାଇ । ସେମନ୍‌କେ ଦେକି ପାଉଲ୍ ପର୍‌ମେସର୍‌କେ ଦନିଅବାଦ୍ ଦେଲା ଆରି ବେସି ସାର୍‌ଦା ଅଇଲା ।

**ରମିୟମନ୍‌ର ନଅରେ ପାଉଲ୍**

୧୬ ଆମେ ରମ୍ ଦେସେ କେଟ୍‌ଲା ପତେ ପାଉଲ୍‌କେ ଗଟେକ୍ ସନିଅ ସଙ୍ଗ ଗଟେକ୍ ଗରେ ରଇବାକେ ଆଦେସ୍ ମିଲ୍‌ଲା ।

୧୭ ତିନ୍ ଦିନ୍ ପତେ ପାଉଲ୍ ସେ ଜାଗାର୍ ଜିଉଦି ନେତାମନ୍‌କେ ଗଟେକ୍ ସବା କରବାକେ କବର୍ ପାଟାଇଲା । ସେମନ୍ ଆସି ରୁଣ୍ଡିଲାକେ ପାଉଲ୍ ସେମନ୍‌କେ କଇଲା, “ଏ ଇସରାଏଲ୍‌ର ବାଇମନ୍, ମୁଇ ଆମର୍ ଲକ୍‌ମନ୍ ବିରୁଦେ କି ଆମର୍ ଆନିଦାଦିମନ୍ ଟାନେଅନି ସିକିରଇବା ରିତିନିତି ବିରୁଦେ କିଟି କରିନାଇ, ଏଲେ ମିସା ଜିରୁସାଲାମର୍ ଜିଉଦିମନ୍ ମକେ ଦାରି ବନ୍ଦିଗରେ ପୁରାଇ ରମିଅମନ୍‌କେ ସର୍ପିଦେଲା । ୧୮ ମକେ ପାଟାର୍ ଉଚାର୍ କଲା ପତେ ମରନ୍ ତଣ୍ଡ ପାଇବା ଏଡକି କାଇ ଅପରାଦ୍ କରେ ନାଇ ବଲି ଜାନ୍‌ଲା । ପତେ ରମିଅ ଲକ୍‌ମନ୍ ମକେ ମୁକ୍‌ଲାକବାକେ ମନ୍ କର୍ତେ ରଇଲା । ୧୯ ମାତର୍ ଜିଉଦି ଲକ୍‌ମନ୍ ମକେ ଚାଡ଼ବାକେ ରାଜି ଅଅଡନାଇ । ତେବେ ମର୍ ନିଜର୍ ଲକ୍‌ମନ୍ ବିରୁଦେ ମର୍ କାଇ ଦାବି ନ ରଇଲା ମିସା, ମୁଇ ବଡ଼ସାସନ୍‌କାରିଆକେ ଗୁଆରି କର୍ବି ଆକା ବଲି ବାବଲି । ୨୦ ସେଟାର୍‌ପାଇ ଏ ବିସଇ କାତାବାର୍ତା ଅଉଁ ବଲି ମୁଇ ତମ୍‌କେ ଡାକାଇ ଆତି । ଇସରାଏଲ୍‌ର ଲକ୍‌ମନ୍ ଏବେ ଜାକେ ଆସା କରି ଆଇଲାକନି, ତାର୍‌ପାଇ ବଲିକରି ମୁଇ ଆଜି ସିକ୍‌ଲି ସଙ୍ଗ ବାନ୍ଦାଇ ଅଇଆତି ।”

୨୧ ସେମନ୍ କଇଲାକ, “ଆମ୍‌କେ ଜିଉଦା ଦେସେଅନି ତମର୍ ବିସଇ କାଇ ଚିଟି ଗଟେକ୍ ମିସା ମିଲେ ନାଇ, କି ବାଇମନ୍ ବିଡ଼ରେଅନି କେ ମିସା ଇତି ଆସି ତମର୍ ବିସଇର୍ ବୁଲ୍ କାତା ସୁନାଅଡ଼ ନାଇ କି କଅଡ଼ ମିସା ନାଇ । ୨୨ ମାତର୍ ତମେ କାଇଟା ବଲି ବିସବାସ୍ କଲାସ୍‌ନି, ସେଟା ତମର୍‌ଗାନେଅନି ଆମେ ସୁନ୍‌ବାକେ ମନ୍ କଲୁନି । କାଇକେବଇଲେ, ଗୁଲାକବାଟର୍ ଲକ୍ ତମର୍ ଦଲ୍ ବିରୁଦେ କାତା ଅଇଲାକନି ।”

୨୩ ସେମନ୍ ଗଟେକ୍‌ଦିନ୍ ଟିକ୍ କଲାକ ଆରି ଟିକ୍ କଲା ଦିନେ ସେମନ୍ ବିଡ଼ରେଅନି ବେସି ଲକ୍ ପାଉଲ୍ ରଇବା ଜାଗାଇ ଆଇଲାକ । ପାଉଲ୍ ସେମନ୍‌କେ ସାକାଲେଅନି ସଞ୍ଜଜାକ ପରମେସର୍ ରାଇଜ୍ ବିସଇ ବୁଜାଇଦେଲା ଆରି ମସାର୍ ରିତିନିତି ଆରି ବବିସଡ଼ବକ୍‌ତାମନ୍ ଲେକ୍‌ଲା ସାସ୍‌ତରର୍ ବାକିଅ ଦେକାଇକରି ଜିସୁର୍ ବିସଇ ବୁଜାଇଲା । ୨୪ ତେଇ କେତେ ଲକ୍ ପାଉଲ୍ କଇଲା କାତା ବିସବାସ୍ କଲାକ, ମାତର୍ କେତେ ଲକ୍ ବିସବାସ୍ କରଡ଼ ନାଇ । ୨୫ ତେବେ ତାକର୍ ତାକର୍ ବିଡ଼ରେ ଦଦାପେଲା ଅଇକରି ବାରଇ ଉଟିଗାଲାକ । ପାଉଲ୍ ଗଟେକ୍ କାତା କଇଲା, ସୁକଲ୍ ଆଡ଼ମା ତମର୍ ଆନିଦାଦିମନ୍‌କେ ଜିସାୟ ବବିସଡ଼ବକ୍‌ତାର୍ ତଣ୍ଡେଅନି ସଡ଼ କାତା କଇରଇଲା ! ୨୬ ସେ କଇରଇଲା, “ଏ ଲକ୍‌ମନ୍‌କେ ଜାଇ କଅ, ତମେ ସୁନି ସୁନି ରଇସା, ମାତର୍ ନ ବୁଜାସ୍ ।

ଦେକି ଦେକି ରଇସା, ମାତର୍ ନ ଚିନାସ୍ ।”

୨୭ କାଇକେ ବଇଲେ ଏ ଲକ୍‌ମନ୍ ମନ୍ ବେସି ଆଁଟ୍, ସେମନ୍ ନିଜର୍ ନିଜର୍ ଆଁକି ଲିମିଦେଇ ଆଚଡ଼ ଆରି କାନ୍ ରୁଟି ଦେଇ ଆଚଡ଼,

ସେମନ୍ ଜଦି ଆଁକି ଦେକତାଇ, ଆରି ରୁଟି ଅଇଲା କାନ୍ ଉଗାଡ଼ି ସୁନ୍‌ତାଇ । ସେନ୍ତାର୍ ଆଲେ ସେମନ୍ ମନେ ମନେ ବୁଜ୍‌ତାଇ ।

ଆରି ସେମନ୍ ମରଲଗେ ବାଅଡ଼ତାଇ ଆରି ମୁଇ ସେମନ୍‌କେ ନିକ କର୍ଡ଼ି । ଏଟା ପରମେସର୍ କଇଲାନି ।

୨୮ ସାରାସାରିପତେ ପାଉଲ୍ କଇଲା “ତେବେ ପରମେସରର୍ ମୁକ୍ତି ଜିଉଦିନଇଲା ଲକ୍‌ମନ୍ ପାଇ ଆଇଲା ଆତେ । ଏଟା ତମେ ଜାନିରୁଆ, ସେମନ୍ ମିସା ସେଟା ମାନ୍‌ବାଇ ।” ୨୯ ପାଉଲ୍ ଏ ସବୁ କାତା କଇଲାକେ, ଜିଉଦିମନ୍ ନିଜର୍ ନିଜର୍ ବିଡ଼ରେ ଦଦାପେଲା ଅଇଅଇକରି ଉଟିଗାଲାକ । ୩୦ ପାଉଲ୍ ଗଟେକ୍ ଗର୍ ବାଡାକରି ତେଇ ଦୁଇ ବରସ୍ ଜାକ ରଇଲା ଆରି ତାକେ ଦେକ୍‌ବାକେ ଆଇଲା ସବୁ ଲକ୍‌ମନ୍‌କେ ତେଇ ଗତିଆ ମାନ୍‌ତେରଇଲା । ଜେଡକି ଲକ୍ ପାଉଲ୍‌ର ଲଗେ ଆଇତେ ରଇଲାକ ସେ ସବୁ ଲକ୍‌କେ ଡାକି, କାକେ ନ ତଡ଼ତେ କଲା । ୩୧ ଆରି ତାକେ କେ ମିସା ତେବାଅଡ଼ ନାଇ । ସେ ପରମେସରର୍ ରାଇଜ୍ ବିସଇ ଜାନାଇକରି ମାପୁରୁ ଜିସୁକିରିସ୍‌ଟର୍ ବିସଇ ସିକିଆ ଦେଇତେରଇଲା ।

☆ ୨୮:୧୯ ୨୮:୧୯ ପେରିଡ଼ ୨୮:୧୧

## ରୋମିୟ ମଣ୍ଡଳୀର ବିଶ୍ୱାସୀ ମାନଙ୍କ ନିକଟକୁ ପାଉଲଙ୍କର ପତ୍ର ରମିଅ ମଣ୍ଡଳୀର ଲକ୍ଷ୍ମଣରୁଟାନେ ପାଉଲ୍ ଚିଠି ଲେଖିଲାଟା ଏ ବଇଟାନେ ଜାନ୍‌ବାଟା

ରମିଅ ବଇ ପେରିଡ଼ ପାଉଲ୍‌ର ଲାଗି ଲେଖାଅଇରଇଲା । ଏ ବଇ ଜିସୁକିରିସ୍‌ଟ ଜନମ୍‌ଅଇକରି ୫୪ ଅନି ୫୮ ବିଡ଼ରେ ଅଇରଇଲା ।

ପାଉଲ୍ ରମ୍ ରାଇଜେ ଜିବା ଆଗତୁ ଜିଉଦି ବିସ୍‌ବାସି ଆରି ଜିଉଦି ନ ଅଇରଇବା ବିସ୍‌ବାସିମନ୍‌କେ ତିଆରବାକେ ଏ ଚିଠି ଲେଖିରଇଲା । ଜେନ୍ତାରିକି ସବୁ ଲକ୍ଷ୍ମଣ ବିସ୍‌ବାସ କରି ନାମ୍‌ବାଇ ୧୪:୧୭ । ଏଟାର୍‌ପାଇ ସେ କରନ୍ତି ନଅରେ ରଇବା ବେଲାଇ ରମିଅ ବିସ୍‌ବାସିମନ୍‌କେ ତିଆରବାକେ ଏ ଚିଠି ରଇଲା ।

ରମିଅ ବଇ ସବୁ ଜାଗାର୍ ଆରି ସବୁ ବେଲାର୍ ବିସ୍‌ବାସିମନ୍‌ରପାଇ, ଏଟା ଗଟେକ୍ ଗୁରୁତୁ ସଙ୍ଗର୍ ବଇ । କାଇକେବଇଲେ, ପାଉଲ୍ ଏ ବଇଟାନେ ଜିସୁକେ ବିସ୍‌ବାସ କଲେ ଆମ୍‌କେ କେନ୍ତି ମୁକ୍ତି ମିଲ୍‌ସି, ସେଟା ନିକସଙ୍ଗ୍ ଗଟେକ୍ ଗଟେକ୍ କରି ଦୁଜାଇଦେଲାଆଟେ । ପାଉଲ୍ ପୁରନା ନିଅମ୍‌କେ ମିସା ଜିସୁକିରିସ୍‌ଟର୍ ସୁବ୍ କବରଟାନେ ମିସାଇଆଟେ । ଏ ବଇତେଇ ୧:୧୭ ଟାନେ ରଇବା ବାକିଅକେ ନେଇକରି କେତେକ୍ କେତେକ୍ ପଣ୍ଡିତମନ୍ ଦାବିକରି ଏଟା ଏ ସବୁବଇର ମୁଲ୍ ବଲି କଇଲାଇନି । ଜନ୍‌ଟା ଇତି ଜାନାଇଲାଇନି କି, ମୁଇ ବାକିଅ ଜାନାଇବାକେ ଲାଜ୍ ନ ଅଇ । କାଇକେବଇଲେ ଜେଡ଼କି ଲକ୍ ବିସ୍‌ବାସ କରବାଇ, ସେ ସବୁ ଲକ୍‌ରପାଇ ଏଟା ପରମେସରର୍ ବପୁ । ପରତୁମେ ଜିଉଦିମନ୍‌ରପାଇ ଆରି ଜିଉଦି ନ ଅଇଲା ଲକ୍‌ମନ୍‌ରପାଇ ମିସା ।

ପରତୁମ୍ ବାଗେ ୧-୧୨ ଚିକିନିକିର୍ ବିସଇ ଆରି ଦୁଇରେ ଅଇଲାନି ବିସ୍‌ବାସି ଇସାବେ କେନ୍ତି ଚଲାଚଲ୍‌ତି କରବାର୍ ଆଟେ, ସେଟା ତିଆରଲାନି ।

### ଏ ବଇବିଡ଼ରେ ରଇବାଟା

- ୧. ପାଉଲ୍ ନିଜ୍‌କେ ଜାନାଇଅଇକରି କାର୍‌ଟାନେ ଚିଠି ଲେଖିଲାନି, ସେଟା କଇକରି ଆରାମ୍ କଲାନି । ୧:୧-୧୫
- ୨. ମୁନ୍‌ସଜାତିର୍ ରାଇଜ୍ ଆରି ଜିସୁକିରିସ୍‌ଟର୍ ଲାଗି ମୁକ୍ତି ଅଇବାଟା । ୧:୧୬;୧୧:୩୬
- ୩. କିରିସ୍‌ଟର୍ ଟାନେ ରଇକରି ଜିଉନାକାଉନା କରବା ବିସଇରେ ପାଉଲ୍ ତିଆରଲାଟା । ୧୨:୧-୧୫:୧୩
- ୪. ସେ ରମିୟ ମଣ୍ଡଳୀର ଲକ୍‌ମନ୍‌କେ ଦନିଅବାଦ୍ ଦେଇକରି ଲେଖା ସାରାଇଲାଟା । ୧୭

### ପାଉଲ୍ ଜୁଆର୍ ଜାନାଇବାଟା

<sup>୧</sup> ମୁଇ ପାଉଲ୍ ଏଟା ଲେଖିଲିନି, ମୁଇ କିରିସ୍‌ଟ ଜିସୁର୍ ଗଟେକ୍ ସେବାକାରିଆ । ପରମେସର୍ ମକେ ବାଟ୍‌ଲା ଆରି ତାର୍ ନିମାନ୍ କବର୍ ଜାନାଇବାକେ ସର୍‌ପିଦେଲା । ରମ୍ ରାଇଜେ ରଇବା ତମର୍ ସବୁଲକ୍‌ରପାଇ ମୁଇ ଏ ଚିଠି ପାଟାଇଲିନି ।

<sup>୨</sup> ପରମେସର୍ ଏ ବିସଇ ଆଗେଅନି କାତା ଦେଇରଇଲା, ଆରି ସୁକଲ୍ ସାସ୍‌ତରେ ସେ ସବୁ ଲେଖିବା ପାଇ ତାର୍ ବବିସ୍‌ଡ଼ବକ୍‌ତାମନ୍‌କେ ତିଆରଲା । <sup>୩</sup> ଏ ସୁବ୍‌କବର୍‌ତେଇ ପରମେସରର୍ ପଅ, ଆରି ଆମର୍ ମାପ୍‌ରୁ ଜିସୁକିରିସ୍‌ଟର୍ ବିସଇ ଆଟେ । ସେ ଏ ମର୍‌ପୁରେ ନର୍ ରୁପ୍‌ଦାରି ଦାଉଦର୍ ନାତିତିତି ଅଇ ଜାଡ଼ ଅଇଲା । <sup>୪</sup> ମାତର୍ ସେ ପୁରାପୁରୁନ୍ ସୁକଲ୍ ରଇଲା, ଆରି ପରମେସରର୍ ବଡ଼ ବପୁସଙ୍ଗ୍ ତାକେ ମଲାଟାନେଅନି ଉଟାଇଲା । ମଲାଟାନେଅନି ଉଟ୍‌ଲାଟପାଇ ସେ ପରମେସରର୍ ପଅ ବଲି ଦେକାଇଲା । <sup>୫</sup> ପରମେସର୍ କିରିସ୍‌ଟର୍ ତେଇଅନି ମକେ ଗଟେକ୍ ପେରିଡ଼ କଲାଆଟେ, ଜେନ୍ତାରି କି ସବୁ ଜଗତର୍ ଲକ୍‌ମନ୍‌କେ ତାର୍ ବିସଇ ଜାନାଇବି । ସେମନ୍ ସେଟା ବିସ୍‌ବାସ କରି ମାନ୍‌ବାଇ । <sup>୬</sup> ଏ ରମ୍ ଦେସର୍ ଲକ୍ ! ତମେମିସା ଜିସୁକିରିସ୍‌ଟର୍ ସିସ୍ ଅଇବାକେ ବାଟାଇ ଅଇଆଟାସ୍ ।

<sup>୭</sup> ରମେ ରଇବା ସବୁ ଲକ୍‌କେ ଏ ଚିଠି ଲେଖିଲିନି । କାଇକେବଇଲେ ତମ୍‌କେ ପରମେସର୍ ଆଲାଦ୍ କଲାନି । ଆରି ତାର୍ ନିଜର୍ ଲକ୍ ଅଇବାକେ ଡାକି ଆଟେ ।

ଆମର୍ ବାବା ପରମେସର୍ ଆରି ମାପ୍‌ରୁ ଜିସୁକିରିସ୍‌ଟ ତମ୍‌କେ ଜିବନ୍ ଦୁକାଇ ସାନ୍ତି ଦେଅ ।

### ଦନିଅବାଦର୍ ପାର୍‌ତନା

<sup>୮</sup> ମୁଇ ତମ୍‌କେ ପରତମେ ଏ ବିସଇ କଇବାକେ ମନ୍ କରି ରଇଲିଜେ, ତମର୍ ସବୁଲକ୍‌ରପାଇ ମୁଇ ମାପ୍‌ରୁ ଜିସୁର୍ ନାଉଁ ଦାରି ପରମେସର୍କେ ଦନିଅବାଦ୍ ଦେଲିନି । କାଇକେବଇଲେ ଗୁଲାଇ ଜଗତର୍ ଲକ୍, ତମେ ବିସ୍‌ବାସ କରଇରଇବା ବିସଇ ସୁନ୍‌ଲାଇନି । <sup>୯</sup> ମୁଇ ମର୍ ସବୁ ମନ୍‌ପରାନ୍ ଦେଇ ଜନ୍ ପରମେସର୍କେ ସେବା କଲିନି, ଆରି ଜନ୍ ପରମେସରର୍ ପଅର୍ ସୁବ୍ କବର୍ ଜାନାଇଲିନି, ସେ ପରମେସର୍ ମର୍ ସାକି । <sup>୧୦</sup> ମୁଇ ପାର୍‌ତନା କଲାବେଲେ ତମ୍‌କେ ସବୁବେଲେ ଏଡାଇଲିନି । ସେ ମନ୍ କଲେ, ମକେ ତମର୍ ଲଗେ ଜିବାକେ ବେଲା ଚିକ୍ କରି ଦେଅ ବଲି ପରମେସର୍କେ ଗୁଆରି କଲିନି । <sup>୧୧</sup> ତମର୍ ଲଗେ ଆଇବାକେ ମୁଇ ବେସି ମନ୍ କଲିନି । ମର୍ ପାଇରଇଲା ଆଡ଼ମାର୍ ଦାନ୍ ବିସଇ ଜାନାଇବାଟାନେଅନି

ତମର ବିସ୍‌ବାସ୍ ତାଟ୍ କରାଇବି । ୧୭ ଏଟାର ଲାଗି ତମର ବିସ୍‌ବାସେଅନି ମର ବିସ୍‌ବାସ୍ ତାଟ୍ ଅଇସି ଆରି ମର ବିସ୍‌ବାସେଅନି ତମର ବିସ୍‌ବାସ୍ ତାଟ୍ ଅଇସି ।

୧୩ ✨ବାଇବଇନିମନ୍, ତମର ଟାନେ ଆଇବାକେ ମୁଇ ବେସି ତର ମନ୍ କରିରଇଲି, ମାତର ଦାରାବାନ୍ଦାଅଇ ଜାଇରଇଲି ଜେ ଆଜିକେ ଜାକ ଆସି ନାପାରଲିନି । ବିନ୍ ବିନ୍ ଜାଗାର ଜିଉଦି ନଇଲା ଲକ୍‌ମନର ବିତ୍‌ରେ ସୁବ୍‌କବର୍ ଜାନାଇକରି ମକେ ଜେଡ୍‌କି ସାର୍‌ଦା ମିଲ୍‌ଲା ଆଟେ, ତମର ଜାଗାଇ ମିସା ସେଟା କରବାକେ ମୁଇ ମନ୍ କଲିନି । ୧୪ କାଇକେବଇଲେ, ଗିରିକ୍ ଲକ୍‌ମନର ପାରା ଗିଆନ୍ ରଇଲେ ମିସା, ମୁରକ ଲକ୍ ଅଇରଇଲେ ମିସା, ସିକିରଇବା ଲକ୍ ଅଇରଇଲେ ମିସା, କି ନ ସିକିରଇବା ଲକ୍ ଅଇରଇଲେ ମିସା, ଏ ସବୁ ଦଲର ଲକ୍‌ମନର ପାଇ ମର ଦାଇଡ୍ ଆଟେ । ୧୫ ସେଟାର ପାଇ ରମ୍ ଗତର ଲକ୍, ତମର ଲଗେ ମିସା ନିମାନ୍ କବର୍ ଜାନାଇବାକେ ମୁଇ ମନ୍ କଲିନି ।

**ସୁବ୍‌କବରର ବପୁ**

୧୬ ✨ସେ ସୁବ୍ କବରଟାନେ ମର ପୁରାପୁରୁନ୍ ଆସାଆଟେ, ସେଟା ସିଗ୍ ପରତମେ ଜିଉଦି ଲକ୍‌ମନର ପାଇ ଆରି ତାର ପଟେ ବିସ୍‌ବାସ୍ କରବା ଜିଉଦି ନଇଲା ଲକ୍‌ମନର ପାଇ ପରମେସରର ବଡ୍ ବପୁ । ୧୭ ଲକ୍‌ମନ୍ ପରମେସରର ଲଗେ କେନ୍ତ୍ର ଦରମ୍ ଲକ୍ ବଲାଇ ଅଇ ପାର୍‌ବାଇ, ତାର ଉପାଇ ତେଇ ଦେକାଇ ଦିଆଅଇଲା ଆଟେ । ଆରାମେ ଅନି ସାରାସାରିଜାକ ମୁକ୍ତି ପାଇବା ଗଟେକ୍ ମାତର ଉପାଇ ଅଇଲାନି, ବିସ୍‌ବାସ୍ । ସାସ୍‌ତରର ବାକିଅ ଇସାବେ “ଜେ ବିସ୍‌ବାସ୍ କରି ପରମେସରର ମୁଆଟେ ଦରମ୍ ବଲାଇ ଅଇସି, ସେ ବଢ୍‌ସି ।”

**ପାପକେ ପରମେସରର ରିସା**

୧୮ ଜନ୍ ପାପି ଲକ୍‌ମନ୍ ନିଜର କାରାପ୍ କାମେଅନି ସଡ୍ ବିସଇ ଅର୍‌କାଇବାଇ, ସେମନର ବିରଦେ ସର୍‌ଗେଅନି ପରମେସରର ରିସା ଦେକାଇ ଅଇସି । ୧୯ କାଇକେବଇଲେ ପରମେସରର ବିସଇନେଇ ଜାଇଟା ଜାନ୍‌ବାର ରଇଲା ସେମନ୍ ସେଟା ଜାନ୍‌ଲାଇ ଆଟଡ୍ । ପରମେସର ନିଜେ ସେଟା ଦେକାଇ ଦେଲାଆଟେ । ୨୦ ପରମେସର ଜଗଡ୍ ତିଆର କଲାତେଇଅନି, ତାର ନ ଦେକାଇଅଇବା ଗୁନ୍ ଅଇଲାନି, ତାର କାବାଅଇଜିବା କାମ୍ ଆରି ନ ସାର୍‌ବା ବପୁ । ସେ ତିଆର କଲା ବିସଇତେଇ ସେଟା ଦେକିଅଇଲାନି । ସେଟାର ପାଇ ସେମନ୍ ନାଜାନୁବଲି କଇନାପାରଡ୍ । ୨୧ ✨ସେମନ୍ ପରମେସରକେ ଜାନିକରି ମିସା ନିକ ନାମଡ୍ ନାଇ କି ତାକେ କାଇ ବିସଇ ନେଇକରି ମିସା ଦନିଅବାଡ୍ ଦେଅଡ୍ ନାଇ । ସେମନ୍ ଚିନ୍ତା କରବାଟା ସବୁ କାରାପ୍ ଆରି ତାକର ତୁଚାଇ ରଇବା ମନ୍, ଆନ୍ଦାରେ ଆଟେ । ୨୨ ସେମନ୍ ନିଜକେ ଗିଆନି ବଲି ବାବୁଲାଇନି, ମାତର ସତଇସେ ସେମନ୍ ବକୁଆ । ୨୩ ସଡ୍ ପରମେସରକେ ନ ନାମିକରି ନସିଜିବା ମୁନୁସ୍, ପସ୍, ଚଡ୍‌ଇ, ସାଁପ୍‌ପାରା ପୁଡ୍‌ଲା ତିଆର କରି ସେଟାମନକେ ପୁଜା କଲାଇନି ।

୨୪ ସେଟାର ପାଇ ପରମେସର ସେମନ୍‌କେ ଚାଡିଦେଲାଆଟେ, ଆରି ସେମନ୍ ନିଜର ନିଜର ମନ୍ କଲା କାରାପ୍ କାମେ ବୁଡି ରଇଲାଇନି । ସେମନ୍ ତାକର ତାକର ବିତ୍‌ରେ ଲାଜ୍‌ଅଇଜିବା ମିସାବିତା କରବାଟା ସଙ୍‌ଗୁଆଟଡ୍ । ୨୫ ସେମନ୍ ପରମେସରର ବିସଇଟାନେ ରଇବା ସଡ୍ ବାଦୁଲେ ମିର୍ ଦାରିକରି ଆଟଡ୍ । ସବୁବେଲେ ଡାକ୍‌ପୁଟା ପାଇବା ପରମେସରକେ ପାର୍‌ତନା ନ କରି, ତିଆର କଲା ଦିନ୍‌ସୁମନ୍‌କେ ପାର୍‌ତନା କଲାଇନି । ସେ କାଲ୍ କାଲ୍ ଜୁଗ୍ ଜୁଗ୍ ଡାକ୍‌ପୁଟା ପାଅ ! ଆମେନ୍ ।

୨୬ ସେମନ୍ ଲାଜ୍‌ଅଇଜିବା ପାପ୍‌କାମେ ବୁଡି ରଇଲାର ପାଇ ପରମେସର ସେମନ୍‌କେ ଚାଡି ଦେଲାଆଟେ । ତାକର ମାଇଜିମନ୍ ନିଜର ମୁନୁସ୍‌ମନର ସଙ୍‌ ସୁଆବସା ନ ଅଇ, କାରାପ୍ ଇସାବେ ବିନ୍ ମୁନୁସ୍‌ମନର ସଙ୍‌ ସୁଆବସା କଲାଇନି । ୨୭ ସେନ୍ତାରିସେ ମୁନୁସ୍‌ମନ୍ ମିସା ଆଲାଦେ ମାଇଜି ସଙ୍‌ ସୁଆବସା ନ କରି ନିଜର ନିଜର ବିତ୍‌ରେ କାରାପ୍ ଅଇ ମିସାବିତା ଅଇବା ଚିନ୍ତାଇ ଜଲି ଗାଲାଇନି । ମୁନୁସ୍‌ମନ୍ ତାକର ତାକର ବିତ୍‌ରେ ଲାଜ୍ ଅଇବା ଚଲାଚଲ୍‌ତି କଲାଇନି ଆରି ସେଟାର ପାଇ ଡଣ୍ଡ ପାଇବାକେ ତିଆର ଅଇଲାଇନି ।

୨୮ ଏ ଲକ୍‌ମନ୍ ପରମେସରର ବିସଇନେଇ ନିମାନ୍ ବାବୁବାକେ ମନ୍ ନ କଲାପ୍ ପାଇ, ପରମେସର ସେମନ୍‌କେ ଚାଡି ଦେଲାଆଟେ । ଆରି ମନ୍ ବିତ୍‌ରେ କାରାପ୍ ଚିନ୍ତା କରବାଟା କରଡ୍ ବଲି ଚାଡିଦେଲାଆଟେ । ଏଟାରପାଇ ସେମନ୍ ନ କରବା କାମ୍ କରବାଇ । ୨୯ ତାକର ବିତ୍‌ରେ ସବୁରକାମର କାରାପ୍ ବିସଇ, ଜନ୍‌ଟାମନ୍‌କି, କାରାପ୍ ଚିନ୍ତା କରବାଟା, ବାନିଆ ଚିନ୍ତା କରବାଟା, ଲବାଇବାଟା, ଲାଁର୍ ନେବାଟା, ତାକର ତାକର ବିତ୍‌ରେ ଈସାତଲା ଅଇବାଟା, ନର୍ ମରାଇବାଟା, କିରମାର ଅଇବାଟା, ନାତାଇବାଟା, ଆଁକାର୍ କରବାଟା ଆରି କୁଟ୍‌କାତା ଅଇବାଟା ବର୍ଡି ଅଇଆଟେ । ୩୦ ସେମନ୍ କାନେ ପୁସୁର୍ ପାସାର୍ ଅଇବାଟା, ବିନ୍ ଲକ୍‌କେ ନିନ୍ଦା କରବାଟା, ପରମେସରକେ ଗିନ୍ କରବାଟା, ବଡ୍‌ପନ୍ ଅଇବାଟା, ବଡ୍‌ପନିଆ କାତା ଅଇବାଟା, ବିନ୍‌ଲକ୍‌କେ ପାନ୍ଦେ ଅଦ୍‌ରାଇବାଟା, ଆରି ଆୟ୍‌ ବାବାର୍ କାତା ନ ମାନ୍‌ବାଟା, ୩୧ ଦରମ୍ ବିବେକ୍ ନ ଅଇବାଟା, କାତା ଦେଲା ପଟେ ସେଟା ବାଙ୍‌ଗାଇବାଟା, ତାକର ବିତ୍‌ରେ ଆଲାଦ୍ ନ କରବାଟା ଆରି ଜିବନ୍ ନ ଦୁକାଇବାଟା । ୩୨ ଜନ୍ ଲକ୍‌ମନ୍ ଏନ୍ତ୍ର ଚଲାଚଲ୍‌ତି କରବାଇ ସେମନ୍ ମରିଜିବାଟା ନିକ । ପରମେସର ଏ ନିୟ୍‌ମ୍ ସେମନ୍ ଜାନ୍‌ଲେ ମିସା ଏନ୍ତ୍ର ଚଲାଚଲ୍‌ତି କରବାଇ, ଅବ୍‌କା ସେଟା ନଏଁ, ମାତର ଏନ୍ତ୍ର ଚଲାଚଲ୍‌ତି କରବା ଲକ୍‌ର ବାଟେ ଅଇକରି, ସାର୍‌ଦା ସଙ୍‌ ଏଟା ଟିକ୍ ବଲି ସେମନ୍‌କେ କଇବାଇ ।

☆ ୧:୧୩ ୧:୧୩ ପେରିଡ୍ ୧୯:୨୧ ☆ ୧:୧୭ ୧:୧୭ ମାର୍କ ୮:୩୮ ☆ ୧:୨୧ ୧:୨୧ ଏପିସିୟ ୪:୧୭,୧୮

# ୨

## ପରମେସରର ସତ୍ତ୍ୱ ଦରମର ବିଚାର

<sup>୧</sup> \*ତେବେ ଏ ମର ମଇତରମନ୍, ତମେ କାଇ ବିନ୍ ଲକର ବିଚାର କଲାସ୍ନି କି ? ତମେ ଜେ ଅଇରଇଲେ ମିସା, ଏକ୍ତି କରବାଟା ଟିକ୍ ନଏ । ବିନ୍ ଲକର ଦସ୍ତଦାରି ତମେ ଜଦି ନିଜେ ସେ ଦସ୍ କରତେ ରଇସା ବଇଲେ, ତମେ ନିଜେ, ନିଜକେ ଦସି ବଲାଇ ଅଇଲାସ୍ନି । <sup>୨</sup> ଆମେ ଜାନୁ, ପରମେସର ଏକ୍ତି କରତେ ରଇବା ଲକ୍ମନକେ ଟିକ୍ ସଙ୍ଗ୍ ବିଚାର କରସି । <sup>୩</sup> ଜନ୍ କାରାପ୍ କାମର ଲାଗି ତମେ ବିନ୍ ଲକ୍ମନର ଦସ୍ ଦାରଲାସ୍ନି, ସେଟା ତମେ ନିଜେ କରତେ ରଇସା, ସେଟାର ପାଇ ତମେ ପରମେସରର ବିଚାର ଜାଗାଇ ଟିଆ ନଉଁ ବଲି ବାବ୍ଲାସ୍ନି କି ? <sup>୪</sup> ସେକ୍ତି ବଇଲେ ତା, ତମେ ପରମେସରର ବେସି ଜିବନ୍ ଦୁକାଇଲାଟା, ଉଦାର କରବାଟା ଆରି ମୁରବ୍ବାଟାକେ ନାମାସ୍ ନାଇ । ତମେ ସତଇସେ ଜାନିଆଟାସ୍ ଜେ, ତମର ମନେ କାରାପ୍ କାମ୍ ଅଇଲାଟା ମାନିଅଇବାକେ ପରମେସର ଏତେକ୍ ଦୟା କଲାଆତେ । <sup>୫</sup> ମାତର ତମେ ବଡ଼ପନିଆ ଆରି ମନ୍ ଜିଦିଆ । ସେଟାର ପାଇ ସାରାସାରି ବିଚାରନା ଦିନେ ପରମେସର ଟିକ୍ ସଙ୍ଗ୍ ତାର ବିଚାରନା ଦେକାଇସି । ସେ ରିସାର ଦିନେ ନିଜର୍ ପାଇ ରିସା ଚୁଲିଆଇଲାସ୍ନି । <sup>୬</sup> କାଇକେବଇଲେ ପରମେସର ସେ ଦିନେ ତାର କରମ୍ ଇସାବେ ସବୁକେ ପୁରୁସ୍ କାର ଦେଇସି । <sup>୭</sup> ଜନ୍ ଲକ୍ମନ୍ ତାକ୍ପୁଟା, ସନ୍ମାନ ଆରି ଅମର୍ ଅଇବା ଆସାଇ ମୁରଟିକରି ସତ୍ତ୍ୱକାମ୍ କରିଜିବାଇ, ସେମନ୍କେ ପରମେସର ନ ସାରବା ଜିବନ୍ ଦେଇସି । <sup>୮</sup> ମାତର ଜନ୍ ଲକ୍ମନ୍ ନିଜର୍ ଲାବ୍ ଆରି ସତ୍ତ୍ୱ ରଇବା ବିସଇ ନ ମାନି, ମିଚକାତା ମାନବାଇ, ସେମନ୍ର ଉପରେ ବଡ଼ ରିସା ଆଇସି । <sup>୯</sup> ଜନ୍ ଲକ୍ମନ୍ କାରାପ୍ କାମେ ବୁଡି ଆଚଡ୍, ସେମନ୍ର ପାଇ କସ୍ଟ ଆରି ଦୁକର୍ ଦିନ୍ ଆଇଲାନ୍ତି । ସବୁକେ ଆଗତୁ ଜିଉଦିକେ ଆରି ତାର ପଟେ ଜିଉଦି ନଇଲା ଲକ୍ମନର ପାଇ । <sup>୧୦</sup> ମାତର ଜନ୍ ଲକ୍ମନ୍ ସତ୍ତ୍ୱ ଇସାବେ କାମ୍ କଲାଇନି, ସେମନ୍ ଜିଉଦି ଅଅଡ୍ କି ଜିଉଦି ନଇଲା ଲକ୍ ଅଅଡ୍, ସେମନ୍କେ ପରମେସର ତାକ୍ପୁଟାକରି ସନ୍ମାନ ଆରି ସାକ୍ତି ଦେଇସି । <sup>୧୧</sup> କାଇକେ ବଇଲେ ପରମେସର ଗଟେକ୍ ତୁଲାଇସେ ସବୁର୍ ବିଚାର କରସି ।

<sup>୧୨</sup> ଜିଉଦି ନଇଲା ଲକ୍ମନ୍, ମସା ଲେକଲା ନିୟମ୍ ପାଅଡ୍ ନାଇ । ନିୟମ୍ ନ ପାଇ ପାପ୍ କଲାଇ, ସେମନ୍ ନିୟମ୍ ନ ଅଇତେ କୁରୁପନାସ୍ ଅଇବାଇ । ଆରି ଗଟେକ୍ବାଟେ ଜିଉଦିମନ୍ ନିୟମ୍ ଜାନିକରି ମିସା, ପାପ୍ କଲାଇ, ସେମନ୍ ସେ ନିୟମ୍ ଇସାବେ ଡଣ୍ଡ ପାଇବାଇ । <sup>୧୩</sup> କାଇକେବଇଲେ ଲକ୍ମନ୍ ଉଜେ ନିୟମ୍ ସୁନ୍ଲେସେ ପରମେସର ମୁଆଟେ ଦରମ୍ ଲକ୍ ବଲି ଏଜାଇଅଇ ନାପାରଡ୍, ମାତର ନିୟମ୍ ନାମଲେସେ ଅଇପାରଡ୍ । <sup>୧୪</sup> ଜିଉଦିନଇଲା ଲକ୍ମନର ନିୟମ୍ ନାଇ, ମାତର ସେମନ୍ ଅବିଆସ୍ କରି ନିୟମ୍ ବିଦିମନ୍ ନାମବାଇ, ସେଟାସେ ସେମନ୍ର ନିୟମ୍ ପାରା । <sup>୧୫</sup> ସେମନ୍ର କାମ୍ଦାମ୍ଟାନେଅନି ଟିକ୍ ସଙ୍ଗ୍ ଜାନାପଡ୍ଲାନ୍ତି ଜେ, ନିୟମ୍ ବିଦିବିଦାନ୍ ସେମନ୍ର ମନେ ଲେକାଅଇଲା ଆତେ । ଏ କାତା ସତ୍ତ୍ୱ, ସେମନ୍ର ବିବେକ୍ ଟିକ୍ ବଲି କଇବା ଚଲାଚଲ୍ଡିଅନି ଜାନାପଡ୍ଲା । ଜେନ୍ତାରିକି ସତ୍ତ୍ୱ କାମ୍ କଲାବେଲେ ତାକ୍ ବିବେକ୍, ଉଁ ବଲି କଇସି, ଆରି କାରାପ୍ କାମ୍ କଲାବେଲେ ବିବେକ୍ ସେମନ୍କେ ଦସି କରାଇସି । <sup>୧୬</sup> ଜନ୍ ଦିନେ ପରମେସର ଜିସୁକିରିସଟର୍ ଟାନେଅନି ମୁନ୍ସର ବିଡ଼ରେ ଲୁଚ୍ଲା ବିସଇମନ୍ ବିଚାର କରସି, ସେ ଦିନେ ମୁଇ ଜାନାଇ ରଇଲା ସୁବ୍ବକବର୍ ଇସାବେ ଏ ସବୁ ଗଟସି ।

## ଜିଉଦି ଲକ୍ମନ୍ ଆରି ନିୟମ୍

<sup>୧୭</sup> ତମେମନ୍ ତେବେ ? ନିଜକେ ଜିଉଦି ବଲାଇଅଇଲାସ୍ନି, ନିୟମ୍କେ ଆସାକରି ଆରି ପରମେସର ସଙ୍ଗ୍ ମିସାବିତା କରବାଟା ନେଇ ବଡ଼ପନ୍ ଅଇଲାସ୍ନି, <sup>୧୮</sup> ପରମେସର ତମରଟାନେଅନି କାଇଟା ମନ୍ କଲାନ୍ତି ସେଟା ତମେ ଜାନିଆଟାସ୍ । ଆରି ନିୟମେଅନି ସତ୍ତ୍ୱ ଆରି ସତ୍ତ୍ୱ ନ ଅଇବା ଗିଆନ୍ ପାଇଆଟାସ୍, <sup>୧୯</sup> ସତଇସେ ଜାନିଆଟାସ୍ ଜେ, ତମେ କାଣାକେ ବାଟ୍ଦେକାଇବା ଲକ୍, ଆନ୍ଦାରେ ରଇବା ଲକ୍ମନର ପାଇ ଉଜଲ୍ ପାରା । <sup>୨୦</sup> ବକୁଆମନ୍କେ ନିମାନ୍ କାତା କଇବା ଲକ୍, ଗିଆନ୍ ନ ରଇବା ଲକ୍ମନର ଗୁରୁ । ତମେ ବିସ୍ବାସ୍ କଲାସ୍ନି ଜେ, ନିୟମ୍ ଜାନିକରି ପୁରାପୁରୁନ୍ ସତ୍ତ୍ୱ ଆରି ଗିଆନ୍ ପାଇଆଟାସ୍ ବଲି । <sup>୨୧</sup> ତମେ ବିନ୍ ଲକ୍ମନକେ ସିକାଇଲାସ୍ନି, ମାତର କାଇକେ ନିଜେ ସିକାସ୍ ନାଇ ? ଚରାଇବାର୍ ନାଇ ବଲି ସିକିଆ ଦେଇ ନିଜେ ଚରାଇଲାସ୍ନି କି ? <sup>୨୨</sup> ପାଦ୍ରା କାମ୍ କରାନାଇ ବଲି କଇ, ନିଜେ ପାଦ୍ରା କାମ୍ କଲାସ୍ନି କି ? ପୁଡ୍ଲା ପୁଜାକେ ଗିନ୍ କରି ଦେଉଲର ଦିନ୍ସୁ ଚରଲାସ୍ନି କି ? <sup>୨୩</sup> ପରମେସର ନିୟମ୍ ମିଲାଅଥାରୁ ବଲି ବଡ଼ପନ୍ ଦେକାଇଲାସ୍ନି, ମାତର ସେଟାକେ ଏଡିଦେଇକରି ତାକେ ଲାଜ୍ କରାଇଲାସ୍ନି କି ? <sup>୨୪</sup> ସାସ୍ତରେ ଲେକାଅଇଲା ଆତେ, “ତମରଲାଗି ଜିଉଦି ନଇଲା ଲକ୍ମନର ବିଡ଼ରେ ପରମେସର ନିୟା ପାଇଲାନ୍ତି ।”

<sup>୨୫</sup> ଜଦି ତମେ ନିୟମ୍ ମାନଲେ, ତମର ସୁନ୍ତ୍ ଅଇବାଟା ଟିକ୍ ଆତେ । ଜଦି ନିୟମ୍ ନ ମାନଲେ ସୁନ୍ତ୍ ନ ଅଇଲା ଲକ୍ମନର ସଙ୍ଗ୍ ସମାନ୍ । <sup>୨୬</sup> ଜଦି ସୁନ୍ତ୍ ନ ଅଇଲା ଗଟେକ୍ ଜିଉଦି ନଇଲା ଲକ୍ ନିୟମ୍ ବିଦିବିଦାନ୍ ସବୁ ନାମ୍ତେ ରଇସି, ପରମେସର ତାକେ ସୁନ୍ତ୍ ଲକ୍ ଇସାବେ ନ ତାକେ କି ? <sup>୨୭</sup> ସେଟାର ପାଇ ଗାଗ୍ତେ ସୁନ୍ତ୍ ନ ଅଇରଇଲା ଜିଉଦି ନ ଅଇଲା ଲକ୍ମନ୍, ନିୟମ୍ ମାନିକରି ତମର ବିଚାର କରବାଇ, କାଇକେ ବଇଲେ ତମେ ଗାଗ୍ତେ ସୁନ୍ତ୍ ଅଇ ନିୟମ୍ ପାଇରଇଲେ ମିସା, ସେଟା ନାମାସ୍ ନାଇ । <sup>୨୮</sup> ଉଜେ ଗାଗ୍ତେ ସୁନ୍ତ୍ ଅଇ ଉପ୍ରେ ଉପ୍ରେ ଜିଉଦି ବଲି ଚିନାଇଅଇବା ଲକ୍ ସତଇସେ ଜିଉଦି ନଅଡ୍ । <sup>୨୯</sup> ଜେ ମନ୍ ବିଡ଼ରେଅନି ଜିଉଦି, ସେ ଅଇଲାନ୍ତି ସତଇସେ ଜିଉଦି ।

☆ ୨:୧ ୨:୧ ମାଡିଉ ୭:୧; ଲୁକ୍ ୭:୩୭

ସତଇସେ ସୁନତ୍ତ୍ୱ ଫନ୍ ବିତ୍ତରର ବିସଇ । ସେଟା ସୁକଲ୍ ଆତ୍ତ୍ୱାତ୍ତ୍ୱ କାମ୍ । ଲେକ୍ଲା ନିୟ୍ତ୍ୱ ସେଟା କରିନାପାରେ । ଏନ୍ତାରି ଲକ୍ ଲକ୍ମନରଟାନେଅନି ତାକ୍ପୁଟା ନ ପାଏ, ମାତର ପରମେସ୍ୱରଅନି ପାଇସି ।

**୩**

<sup>୧</sup> ତେବେ ଜିଉଦି ନଇଲା ଲକ୍ମନରତେଇଅନି ଜିଉଦିମନର ଅଦିକ୍ ସୁବିଦା କାଇଟା ? ସୁନତ୍ତ୍ୱ କଲେ କାଇ ଲାବ୍ ?  
<sup>୨</sup> ସବୁ ରକାମର ଲାବ୍ ଆଟେ । ତେବେ ପରୁତୁମ୍, ପରମେସ୍ୱର ତାର କବର ଜାନାଇବା ଦାଇତ୍ତ୍ୱ ଜିଉଦିମନର ଆତେ ଦେଲା ଆଟେ ।  
<sup>୩</sup> ତେବେ କାଇଟା ଅଇସି ? ଜିଉଦିମନର ବିତ୍ତରେଅନି କେତେ ଲକ୍ ବିସ୍ୱାସ୍ ନ କଲେ ପରମେସ୍ୱର କାତା ଦେଇରଇବାଟା ପୁରାପୁରୁନ୍ ନ ଅଏ କି ?  
<sup>୪</sup> କେବେ ନାଇ । ମୁନ୍ସୁମନ୍ ସବୁ ଲକ୍ ମିତୁଆ ଅଇଲେ ମିସା, ପରମେସ୍ୱର ସତ୍ତ୍ୱେ । ସାସ୍ତରେ ଲେକା ଆଟେ,

“ତମର ବାକିଅ ଅନି ତମେସେ ସତ୍ତ୍ୱ ବଲି ଚିନାଇ ଉଆ,  
ତମେ ବିଚାର କରାଇ ଅଇଲାବେଲେ ଜିତି କରୁଆ ।”

<sup>୫</sup> ଇତି ଗଟେକ୍ ପରସନ୍ ଅଇପାରେ, “ଆମର କାରାପ୍ ଚଲାଚଲ୍ତି, ପରମେସ୍ୱର ଦରମ୍ କେ ଚିନାଇ ଦେଇସି ବଇଲେ, ସେ ଆମକେ ତ୍ତ୍ୱଦେଇ ଅନିଆଇ କଲାନି ବଲି କଇପାରିଅଇସି କି ?  
<sup>୬</sup> କେବେ ନାଇ । ପରମେସ୍ୱର ଜଦି ନିଆଇତେଇ ନାଇ, ତେବେ ସେ କେନ୍ତ୍ର ଜଗତର ନିଆଇ ବିଚାର କରସି ?”

<sup>୭</sup> “ଜଦି ମୁଇ ମିତ୍ କଇବାଟା ପରମେସ୍ୱର ସତ୍ତ୍ୱ ଅଦିକ୍ ତିସି କରୁ ତାକ୍ପୁଟା କରାଇସି ବଇଲେ, ମୁଇ କାଇକେ ପାପି ବଲି ତ୍ତ୍ୱ ପାଇବି ?”  
ଠ ସେନ୍ତାରିଆଲେ “ଆସା, ଆମେ କାରାପ୍ କାମ୍ କରୁ ଜେନ୍ତାରି କି ତେଇଅନି ନିକ ବିସଇ ବାରଇସି” ବଲି କଇଅଇସି କି ? ନାଇ, କଇ ନଏ । ମୁଇ ସମାନ୍ ଏନ୍ତ୍ର କାତା କଇଲିନି ବଲି ଦାବା କରୁ କେତେ ଲକ୍ ମକେ ଇଜତ୍ତ୍ୱ ଜିକ୍ଲାଇନି । ସେମନ୍ ସେଟାର ପାଇ ଜନ୍ ତ୍ତ୍ୱ ପାଇବାଟା ରଇଲାଇ, ସତ୍ତ୍ୱେ ପାଇବାଇ ।

**ଗଟେକ୍ ଲକ୍ ମିସା ଦରମ୍ ଲକ୍ ନାଇ**

<sup>୮</sup> ତେବେ କାଇ ଜିଉଦିମନର ଜିଉନା କାଉନା, ଜିଉଦି ନଇଲା ଲକ୍ମନରଟାନେଅନି ଅଦିକ୍ ନିକ କି ? ନାଇ, ମୁଲ୍ କେ ନାଇ ! ମୁଇ ଆଗ୍ତୁଅନି କଇଲି ଆତି ଜେ, ସେମନ୍ ଦୁଇ ଦଲ୍ ଜାକ ପାପର ସାସନେ ଆତତ୍ ।  
<sup>୯</sup> ସାସ୍ତରେ ଲେକା ଆଟେ,

ଦରମ୍ ଲକ୍ କେ ନାଇ ଗଟେକ୍ ଲକ୍ ମିସା ନାଇ,

<sup>୧୦</sup> କେ ମିସା ଗିଆନ୍ ରଇବା ଲକ୍ ନାଇ ।

ସତ୍ତ୍ୱେ ପରମେସ୍ୱରକେ ଉପାସନା କରୁବା ଲକ୍ ନାଇ ।

<sup>୧୧</sup> ସେମନ୍ ସବୁ ଲକ୍ ପରମେସ୍ୱରଟାନେଅନି ଅନି ଦୁରିକେ ଜାଇ ଆତତ୍ ।

ସେମନ୍ ବାଟ୍ ବାନା ଅଇଗାଲାଇ ଆତତ୍ ।

କେ ଗଟେକ୍ ଲକ୍ ମିସା ସତ୍ତ୍ୱ କାମ୍ କରତ୍ ନାଇ ।

<sup>୧୨</sup> ସେମନର କାତା କଇବାଟାନେ ଅଦିକ୍ ନାତାଇବାଟା ଆଟେ,

ଟଣ୍ଟେଅନି ଗାତ୍ ଗାଲାପାରା ମିତ୍ କାତା ବାରଇଲାନି ।

ଜିବ୍ତଲେ ନାଗ୍ ସାପର ବିସ୍ ପାରା ଆଟେ ।

<sup>୧୩</sup> ସେମନର କାତା, ପିତା ଅଇ, ଅବିସାପେ ପୁରୁନ୍ ଅଇଆଟେ ।

<sup>୧୪</sup> ସେମନ୍ ମାର୍ବାକେ ଆରି ମରାଇବାକେ ତେରେପେତେ ଅଇଲାଇନି ।

<sup>୧୫</sup> ସେମନ୍ ଜନ୍ବାଟେ ଗାଲାଇନି, ତେଇ କୁରୁପ୍ନାସ୍ ଅଇବାଟା ଆରି କସ୍ଟ ଅଇବାଟା ଉବଜ୍ଜଲାନି ।

<sup>୧୬</sup> ସେମନ୍ ସାନ୍ତ୍ରୁ ବାଟ୍ ନାଜାନତ୍,

<sup>୧୭</sup> କି ପରମେସ୍ୱରକେ ତ୍ତ୍ୱବାଟା ସିକତ୍ ନାଇ ।

<sup>୧୮</sup> ଆମେ ଜାନ୍ତୁ, ଜନ୍ ଲକ୍ମନ ନିୟ୍ତ୍ୱ ସାସନ୍ ତଲେ ଆତତ୍, ତେଇର୍ ସବୁ ବିଦିବିଦାନ୍ ମାନ୍ବାକେ ବାଦିଅ । ପରମେସ୍ୱର ଜେତେବଲ୍ ଗୁଲାଇ ଜଗତର ବିଚାର କରସି, ନିୟ୍ତ୍ୱ ନ ମାନ୍ଲା ଲକ୍ମନ କାଇ କାମ୍ ମିସା ଦେକାଇକରି, ଦସ୍ କରନାଇ ବଲି କଇନାପାରତ୍ ।  
<sup>୧୯</sup> ମାତର ନିୟ୍ତ୍ୱ ରିତିନିତି ମାନିକରି କେ ମିସା ପରମେସ୍ୱର ମୁଆଟେ ଦରମ୍ ଲକ୍ ଅଇନାପାରେ । ନିୟ୍ତ୍ୱେଅନି ସେ ଲକ୍ ଅବ୍ କା ପାପର ବଜ୍ତ୍ୱେ ପାଇସି ।

**ବିସ୍ୱାସ୍ କରୁ ଦରମ୍ ବଲାଇଅଇବାଟା**

<sup>୨୦</sup> ମାତର ଏବେ ଲକ୍ମନ ତାର ମୁଆଟେ ଦରମ୍ ବଲି ଏଜାଇ ଅଇବାକେ, ପରମେସ୍ୱର ଜନ୍ଟା ଜଜ୍ଜନା କରୁ ରଇଲା, ସେଟା ସେ ଆମକେ ଜାନାଇଦେଲାଆଟେ । ମାତର ଏଟା ନିୟ୍ତ୍ୱ ମାନ୍ଲାକେ ଅଏନାଇ । ଏ ଜଜ୍ଜନା ମସାର ନିୟ୍ତ୍ୱେ ଆରି ବିନ୍ ବବିସ୍ତବକ୍ତାମନର ଟାନେ ମିସା ରଇଲା ।  
<sup>୨୧</sup> ଉଜେ ଜିସୁକିରିସ୍ଟକେ ବିସ୍ୱାସ୍ କଲାକେ ଏବେ ଆମେ ପରମେସ୍ୱର ଦେକ୍ ବା ଇସାବେ ଦରମ୍ ଲକ୍ ବଲାଇ ଅଇଆତୁ । ପରମେସ୍ୱର କେତେ ଲକ୍ କେ ଆଲାଦ୍ କରୁ ଆରି କେତେକ୍ ଲକ୍ କେ ଗିନ୍ କରେନାଇ । କିରିସ୍ଟକେ ବିସ୍ୱାସ୍ କରୁବା ସବୁ ଲକ୍ମନକେ ଏ ଅଦିକାର ଦେଲାଆଟେ ।

☆ ୩:୨୦ ୩:୨୦ ଗାଲାତିୟ ୨:୧୭ ☆ ୩:୨୨ ୩:୨୨ ଗାଲାତିୟ ୨:୧୭



୨୩ ସବୁ ଲକ୍ ପାପ କଲାକ୍ ଆତ୍ମ ଆରି ପରମେସରର୍ ପୁରାପୁରୁନ୍ ମଇମାଇଅନି ଉନା ଅଇଗାଲାକ୍ ଆତ୍ମ । ୨୪ ମାତର୍ ପରମେସର୍ କିରିସ୍ତ ଜିସୁରେକେଅନି ଇନାମେ ନ ସାର୍ବା ଜିବନ୍ ଦୁକାନି ଦାନ୍ କଲାଆତେ । ଜନ୍ ଲକ୍ମନ୍ ସେଟା ମିଲାକ୍ଆତ୍ମ, ସେମନ୍କେ ମାପରୁ ଜିସୁ ମୁକ୍ତି ଦେଇସି । ସେମନ୍ ପରମେସରର୍ ମୁଆଟେ ଦରମ୍ ଲକ୍ ବଲାକ୍ ଅଇବାଇ । ୨୫ ପରମେସର୍ ଜିସୁକେ ଦାନ୍କଲା, ଜେଡ୍ରିକି ତାର୍ ମରନ୍, ତାକେ ବିସ୍ବାସ୍ କରବା ଲକ୍ମନ୍ ପାପ୍ କେମାର୍ ବାଟ୍ ଦେକାଇସି । ସେ ନିଜର୍ ଦରମ୍ ଅଇଲାଟା ଦେକାଇବାକେ ଏଟା କଲା । ସେ ସବୁ ମୁର୍ଚ୍ଚିକରି ଲକ୍ମନ୍ ଆଗ୍ତୁ କିରିରଇବା ପାପ୍ ଦାରେ ନାଇ । ୨୬ ମାତର୍ ଏବେ ସେ ତାର୍ ଦରମ୍ ଅଇଲାଟା ଦେକାଇବାକେ ସେ ସବୁ ପାପ, ଜନ୍ ପାପ୍ କି ଜିସୁ କୁର୍ସକାଟେ ଦାରିରଇଲା, ତେଇ ମିସାଇ ଆତେ । ଏଟାର୍ଲାଗି ପରମେସର୍ ପୁରାପୁରୁନ୍ ଦରମ୍ ଆତେ । ଆରି ଜେଡ୍ରିକି ଲକ୍ ଜିସୁକେ ବିସ୍ବାସ୍ କରବାକ୍ ସେ ସବୁ ଦରମ୍ ଲକ୍ ବଲି ଏଜାଇଅଇବାଇ ।

୨୭ ସେନ୍ତାର୍ଆଲେ ଆମେ କାଇ ବିସଇନେଇ ବଡ୍ପନ୍ ଅଇବାର୍ ଆତେ ? ନାଇ ସେନ୍ତି କାଇଟା ମିସା ନାଇ । ଆମେ ବଡ୍ପନ୍ ଦେକାଇବାକେ କାଇ ବିସଇ ଆତେ କି ? ଆମେ ପୁରାପୁରି ନିୟମ୍ ମାନ୍ଲୁନି ବଲିକରି କି ? ନାଇ, ଅବ୍କା ବିସ୍ବାସ୍ କରବାଟାସେ ଆମର୍ ବଡ୍ପନ୍ ଦେକାଇବାଟା । ୨୮ ଆମେ ସତଇସେ ବୁଜି ପାରଲୁ ଜେ, ଗଟେକ୍ ଲକ୍ ଅବ୍କା ବିସ୍ବାସ୍ କରିସେ ଦରମ୍ ଲକ୍ ବଲାକ୍ ଅଇସି, ନିୟମ୍ ମାନିକରି ନାଇ । ୨୯ ପରମେସର୍ କାଇ ଉଜେ ଜିଉଦିମନର୍ସେ ପରମେସର୍ କି ? ସେ କାଇ ଜିଉଦିନଇଲା ଲକ୍ମନ୍ ପରମେସର୍ ନଏଁ କି ? ସତଇସେ ସେ ସବୁ ଲକ୍ମନ୍ ପରମେସର୍ । ୩୦ ✨ପରମେସର୍ ଗଟେକ୍ସେ । ଜିଉଦି ଆରି ଜିଉଦିନଇଲା ଲକ୍ମନ୍ ପାଇ ସମାନ୍ । ସେମନ୍ ବିସ୍ବାସ୍ ପାଇ ସେମନ୍କେ ଦରମ୍ ଲକ୍ ଇସାବେ ବାଟ୍ସି । ୩୧ ଏଟାର୍ ଅରଡ୍ କାଇଟା, ଏନ୍ତାରି ବିସ୍ବାସ୍ କରି ନିୟମ୍ ନସାଇଦେଉଁ କି ? ନାଇ, ଆମେ ଜଦି ଜିସୁକିରିସ୍ଟକେ ବିସ୍ବାସ୍ କରୁ ବଇଲେ, ନିୟମ୍କେ ମିସା ତାଟ୍ କରୁ ।

### ୪

#### ବିସ୍ବାସ୍ଲାଗି ଅବ୍ରାଆମ୍ ଦରମ୍ ଅଇଲା

୧ ଆମର୍ ବାବା ଅବ୍ରାଆମର୍ ବିସଇନେଇ କାଇଟା ବଲି କଉଁ ? ସେ ଆମର୍ ଜିଉଦି ବସ୍ତ୍ ଆନିଦାଦି ରଇଲା । ସେ କେନ୍ତି ଦରମ୍ ବଲାକ୍ ଅଇଲା ? ୨ ଜଦି ଅବ୍ରାଆମ୍ ନିଜର୍ କିରିରଇବା କାମେଅନି ସେ ପରମେସରର୍ ମୁଆଟେ ଦରମ୍ ଲକ୍ ବଲାକ୍ ଅଇତା, ସେ ବଡ୍ପନ୍ କାତା କଇପାର୍ତା । ମାତର୍ ସେଟା ପରମେସରର୍ ମୁଆଟେ ଅଇ ନାପାରେ । ୩ ✨ସାସ୍ତର୍ ଇସାବେ, “ଅବ୍ରାଆମ୍ ପରମେସରର୍ତେଇ ବିସ୍ବାସ୍ କଲା, ଆରି ଏ ବିସ୍ବାସ୍ ଲାଗି ପରମେସର୍ ତାକେ ଦରମ୍ଲକ୍ ଇସାବେ ନିଜର୍ କଲା ।” ୪ ଜେ କାମ୍ କରସି ସେ ବୁଜି ପାଇସି ଆକା । କାର୍ଟାନେଅନି ଦାନ୍ ଇସାବେ ନ ପାଏ । ୫ ମାତର୍ ଜେ ନିଜର୍ ଉପରେ ଆସା ନ କରି, ପରମେସରର୍ତେଇ ବିସ୍ବାସ୍ କରସି, ତାର୍ ବିସ୍ବାସ୍ ଲାଗି, ଅପ୍ରାଦର୍ ଦସ୍ ନ ଦାରି ଚାଡିଦେବା ପରମେସର୍, ତାକେ ଦରମ୍ଲକ୍ ଇସାବେ ତାକ୍ସି । ୬ ଜନ୍ ଲକ୍ମନ୍ ରିତିନିତି ନ ଦେକି ପରମେସର୍ ତାକେ ଦରମ୍ଲକ୍ ବଲି ତାକ୍ସି, ସେନ୍ତାରି ଲକ୍ମନ୍ ବିସଇନେଇ ଦାଉଦ୍ କଇଆତେ, ୭ ଜାର୍ ଦସ୍ ଦଇଅଇଲା ଆତେ ସେ କେତେ କରମର୍ ଲକ୍ ।

ଜେ ପାପ୍କେମା ପାଇଲାଆତେ ସେ କେତେ କରମର୍ ଲକ୍ ।

୮ ମାପରୁ ଜାର୍ ପାପର୍ ଇସାବ୍ ନ କରେ, ସେ କେତେ କରମର୍ ଲକ୍ !

୯ ଇତି ଦାଉଦ୍ ଜନ୍ ଲକ୍ମନ୍କେ କେତେ କରମର୍ ଲକ୍ ବଲି କଇଲାଆତେ, ସେମନ୍ ବିତ୍ରେ କାଇ ଅବ୍କା ସୁନଡ୍ ଅଇଲା ଲକ୍ସେ ରଇଲାକି କି ? ନାଇ, ସୁନଡ୍ ନ ଅଇଲା ଲକ୍ ମିସା କେତେ କରମର୍ ଲକ୍ ଅଇପାରଡ୍ । ଆମେ କଇଲୁନି ଅବ୍ରାଆମ୍ ବିସ୍ବାସ୍ କଲାକେସେ ଦରମ୍ ଲକ୍ ଇସାବେ ଏଜାଇଅଇଲା, ୧୦ ଏଟା କେତେବେଲେ ଗଟିରଇଲା ? ଅବ୍ରାଆମ୍ ସୁନଡ୍ ଅଇଲା ପଚେ କି, ତାର୍ ଆଗ୍ତୁ ? ଆଗ୍ତୁ, ପଚେ ନାଇ । ୧୧ ସୁନଡ୍ ଅଇବା ଆଗ୍ତୁ, ଅବ୍ରାଆମର୍ ବିସ୍ବାସ୍ ଲାଗି ପରମେସର୍ ତାକେ ଦରମ୍ ଲକ୍ ଇସାବେ ତାକି ରଇଲା । ଏଟା ଜାନାଇବାକେ ଗଟେକ୍ ଚିନ୍ପାରା ଅବ୍ରାମ୍ ଏ ସୁନଡ୍ବିଦି କରବାଟା ନାମି ରଇଲା । ଜେନ୍ତାରିକି ଜନ୍ ଲକ୍ମନ୍ ସୁନଡ୍ ନ ଅଇକରି ମିସା, ବିସ୍ବାସ୍ କରବାକ୍, ସେମନ୍ ଦରମ୍ଲକ୍ ବଲି ଏଜାଇ ଅଇବାଇ । ସେଟାର୍ପାଇ ଗାଗଡ୍ ଇସାବେ ଅବ୍ରାଆମ୍ ସେମନ୍ ବାବା ବଲାକ୍ଅଇସି, ୧୨ ଅବ୍ରାଆମ୍ ସୁନଡ୍ ଅଇବା ଆଗ୍ତୁ ବିସ୍ବାସ୍ ଜନ୍ ଚିନ୍ ଦେଇରଇଲା, ଜଦି ସୁନଡ୍ ନଇଲା ଲକ୍ମନ୍ ନିଜର୍ ଜିବନେ ସେ ରକାମ୍ ବିସ୍ବାସ୍ ଦେକାଇ ପାରବାକ୍ ବଇଲେ, ଅବ୍ରାଆମ୍ ସେମନ୍ ମିସା ବାବା ।

#### ପରମେସର୍ ବିସ୍ବାସିମନ୍କେ ଦେଇରଇବା କାତା

୧୩ ✨ଅବ୍ରାଆମ୍ ନିୟମ୍ ମାନ୍ଲାର୍ ପାଇ ନାଇ, ଅବ୍କା ବିସ୍ବାସ୍ କଲାପାଇ ସେ ଦରମ୍ ଲକ୍ ବଲି ଏଜାଇଅଇରଇଲା । ଆରି ସେଟାର୍ ପାଇ, ସେ ଆରି ତାର୍ କୁଟୁମର୍ ଲକ୍ମନ୍ ଜଗତର୍ ଅଦିକାରି ଅଇବାକ୍ ବଲି ପରମେସର୍ କାତା ଦେଇରଇଲା । ୧୪ ✨ଜନ୍ ଲକ୍ମନ୍ ନିୟମ୍ ମାନ୍ବାଇ, ଅବ୍କା ସେମନ୍ସେ ଜଦି ପରମେସରର୍ ଦାନ୍ ପାଇବାଇ, ତେବେ ଲକ୍ମନ୍ ବିସ୍ବାସ୍ ତୁଟାଇ ଅଇସି । ପରମେସର୍ ଦେଇରଇବା କାତା ମିସା ତୁଟାଇସେ । ୧୫ ନିୟମ୍

☆ ୩:୩୦ ୩:୩୦ ଗାଲାତିୟ ୩:୨୦ ☆ ୪:୩ ୪:୩ ଗାଲାତିୟ ୩:୨ ☆ ୪:୧୩ ୪:୧୩ ଗାଲାତିୟ ୩:୨୯ ☆ ୪:୧୪ ୪:୧୪ ଗାଲାତିୟ ୩:୧୮

ନ ମାନଲାରପାଇଁ ଲକ୍ଷ୍ମୀ ପରମେସ୍ୱରର ବଡ଼ ରିସାଲ ପଢ଼ିବାର । ମାତର ଜନ୍ମି ନିୟମ ନାହିଁ, ତେଣୁ ନିୟମ ନ ମାନିବା କାତା ଉଚିତ ନାହିଁ ।

୧୭ ✧ “ସେଟାରପାଇଁ ପରମେସ୍ୱର କାତା ଦେଇରଇବାଟା ବିସ୍ୱାସୀ ଲାଗି ରଇସି । ଜନ୍ ଲକ୍ଷ୍ମୀ ନିୟମ ମାନିବାଇ, ଅବକା ସେମନ୍ତ ପାଇସେ ପରମେସ୍ୱର କାତା ଦେଏ ନାହିଁ । ଅବରାଆମର ପାରା ବିସ୍ୱାସ କରତେ ରଇବା ସବୁର ପାଇ ସେଟା ଲାଗି । କାଇକେବଇଲେ ଅବରାମ୍ ସେମନ୍ତ ଆତ୍ମା ଇସାବେ ରଇବା ବାବା ।” ୧୭ ଏ ବିସଇ ସାସ୍ତରେ ଲେକାଆଟେ “ତକେ ଆମେ ସବୁ ବସ୍ତୁ ବାବା କରିଆରୁ ।” ପରମେସ୍ୱରର ଇସାବେ ଏ କାତା ଦେଲାଟା ଟିକ୍ ରଇଲା, କାଇକେ ବଇଲେ ଜନ୍ ପରମେସ୍ୱରକେ ଅବରାଆମ୍ ବିସ୍ୱାସ କରତେ ରଇଲା, ସେ ପରମେସ୍ୱରର ବାକିଆ ମଲା ଲକ୍ଷ୍ମୀକେ ଜିବନ୍ କରସି ଆରି କାଇଟା ନଇଲାତେଇଅନି ସବୁ ବିସଇ ତିଆର କରସି । ୧୮ ଆସା କରବାକେ କାଇଟା ନ ରଇଲେ ମିସା, ଅବରାଆମ୍ ବିସ୍ୱାସ କରି ଆସାଅଇ ରଇଲା । ସେଟାର ପାଇ ସେ ସବୁ ବସ୍ତୁ ବାବା ଅଇଲା, କାଇକେ ବଇଲେ ସେ ସାସ୍ତରେଅନି କାତା ମିଲାଇରଇଲା, “ ତାର କୁଟୁମ୍ବର ଲକ୍ଷ୍ମୀ ଏଜି ନାପାରବା ଆକାସର ତାରାପାରା ଅଇବାର । ” ୧୯ ତାକେ ସେଡ଼କିବେଲେ ସଏ ବରସ୍ ଅଇରଇଲା । ମାତର ତାକର ମଲାପାରା ଗାଗତର କାତା ବାରି, କି ସାରା ଜେକି ଆରି ପିଲା ପାଇ ନାପାରେ, ଏ କାତା ଜାନିକରି ମିସା, ତାକର ବିସ୍ୱାସ ଉନା ଅଏନାଇ । ୨୦ ସେ ତାର ବିସ୍ୱାସେଅନି ବିନେ ବେଗ୍ଲେ ନାହିଁ, କି ପରମେସ୍ୱର ଦେଇରଇବା କାତା ଅଇସି କି ନଏ ବଲି କଏନାଇ । ସେ ବିସ୍ୱାସ କରି ବସୁ ସଙ୍ଗ ପୁରାପୁରୁନ୍ ଅଇଲା ଆରି ସେ ପରମେସ୍ୱରକେ ତାକ୍ପୁଟା କଲା । ୨୧ “ପରମେସ୍ୱର ଜନ୍ କାତା ଦେଇରଇଲା, ସେଟା ସେ କରସି ଆକା ବଲି ତାବ୍ସଙ୍ଗ ବିସ୍ୱାସ କଲା ।” ୨୨ ସେ ବିସ୍ୱାସୀ ଲାଗି ଅବରାଆମ୍ ପରମେସ୍ୱର ଦେକବା ଇସାବେ ଦରମ୍ ଲକ୍ଷ୍ମୀ ବଲି ଏଜାଇଅଇଲା । ୨୩ ଦରମ୍ ଲକ୍ଷ୍ମୀ ଇସାବେ ଏଜାଇଅଇବାଟା ସାସ୍ତରର କାତା, ଉଜେ ଅବରାମ୍ କେସେ ଅଇସି, ସେନ୍ତାରି ନାହିଁ । ୨୪ ସେଟା ଆମ୍ବରପାଇ ମିସା ଲେକାଅଇଆଟେ । ଆମେ ମିସା ପରମେସ୍ୱରକେ ବିସ୍ୱାସ କଲେ ଦରମ୍ ଲକ୍ଷ୍ମୀ ବଲି ଏଜାଇଅଇବୁ । ସେ ମାପରୁ ଜିସୁକେ ମଲାତେଇଅନି ଆରି ତରେକ୍ ଜିବନ୍ କରି ଉଟାଇଲା ଆଟେ ବଲି ବିସ୍ୱାସ କଲୁନି । ୨୫ ମାପରୁ ଜିସୁ ଆମ୍ବର ପାପର ଲାଗି ମରିରଇଲା ଆରି ପରମେସ୍ୱରତେଇ ଆମ୍ବକେ ଦରମ୍ ଲକ୍ଷ୍ମୀ କରାଇବାକେ ଆରି ତରେକ୍ ଜିବନ୍ ଅଇ ଉଟଲା ।

**୫**

**ପରମେସ୍ୱର ସଙ୍ଗ ମିସିବିଡ଼ିରଇବାଟା**

୧ ଏବେ ଆମେ ବିସ୍ୱାସ କଲାର ପାଇ ପରମେସ୍ୱର ଦେକବା ଇସାବେ ଦରମ୍ ଲକ୍ଷ୍ମୀ ବଲାଇଅଇଲୁ ଆରୁ ଆରି ମାପରୁ ଜିସୁ କିରିସ୍ତର ଲାଗି ପରମେସ୍ୱର ସଙ୍ଗ ସାକ୍ତି ସଙ୍ଗ ଆରୁ । ୨ କାଇକେବଇଲେ ଆମେ ବିସ୍ୱାସ କଲାର ପାଇସେ ତାର ଜିବନ୍ ଦୁକାଇଲାଟାନେ ଆମ୍ବକେ ଆନି ଆଟେ । ଜନ୍ତେଇ କି ଏବେ ଆମେ ଆରୁ । ଆମେ ବେସି ସାରଦା ସଙ୍ଗ ବଡ଼ପନର କାତା କଇବୁ । କାଇକେବଇଲେ ପରମେସ୍ୱରର ତାକ୍ପୁଟାରତେଇ ମିସୁ ବଲି ଆମ୍ବକେ ଆସା ଆଟେ । ୩ ସବୁ ରକାମର ଦୁକ୍ କସ୍ତ ମୁରତି କରି ସାରଦା ଅଇଲୁନି, କାଇକେବଇଲେ ତେରେପେତେ ନ ଅଇ କସ୍ତ ମୁରତଲେ, ମନେ ସାଆସ୍ ଆଇସି । ୪ ସାଆସ୍ ଦାରି ରଇଲେ ପରମେସ୍ୱର ସାରଦା ଅଇସି । ତାର ସାରଦାଅନି ଆସା ଆଇସି । ୫ ଏ ଆସା ଆମ୍ବକେ ମୁରମୁରା ଅଇବାକେ ନ ଦେଏ, କାଇକେ ବଇଲେ ପରମେସ୍ୱର ଆମ୍ବକେ ସୁକଲ୍ ଆତ୍ମା ଦେଇ କରି ଆମ୍ବ ମନେ ତାର ଆଲାଦ୍ ବରଡ଼ି କରିଦେଲାଆଟେ । ସୁକଲ୍ ଆତ୍ମା ଆମ୍ବର ପାଇ ରଇବା ପରମେସ୍ୱର ଦାନ୍ ।

୬ ଆମ୍ବକେ କେ ମିସା ଆକାସାକା ନ ରଇଲା ବେଲେ, ପରମେସ୍ୱର ଟିକ୍ କଲା ବେଲାଇ କିରିସ୍ତ ପାପିମନ୍ତର ପାଇ ମଲା । ୭ ଦରମ୍ ଲକ୍ଷ୍ମୀ ପାଇ କେ ମିସା ଗଟେକ୍ ଲକ୍ଷ୍ମୀ ମରବାଟା ଆମେ ନାଜାନୁ, ମାତର ଏନ୍ତାରି ମିସା ଅଇସି ଜେ, ଗଟେକ୍ ନିମାନ୍ ଲକ୍ଷ୍ମୀପାଇ ନିଜର ଜିବନ୍ ଦେବାକେ କେ ଆଲେ ସାସ୍ କରବାଇ । ୮ ମାତର ଆମେ ପାପି ରଇଲାବେଲେ ଜିସୁ ଆମ୍ବର ପାଇ ନିଜର ଜିବନ୍ ସରପିଦେଲା । ଇତିଅନି ପରମେସ୍ୱର ଆମ୍ବକେ କେତେକ୍ ଆଲାଦ୍ କଲାନ୍ତି, ସେଟା ଜାନାପଡ଼ିଆଟେ । ୯ କିରିସ୍ତର ବନିରଲାଗି ପରମେସ୍ୱର ଆମ୍ବକେ ଦରମ୍ ଲକ୍ଷ୍ମୀ କଲାଆଟେ । ସେନ୍ତା ଆଲେ ପରମେସ୍ୱରର ବଡ଼ ରିସାଲଅନି ଆମ୍ବକେ ରକିଆ କରବାକେ କିରିସ୍ତ କେତେକ୍ ମନ୍ଦିଆନ୍ ନ ଦେଏ ! ୧୦ ଆମେ ପରମେସ୍ୱରର ସତ୍ତ୍ୱ ରଇଲାବେଲେ ତାର ପିଲା ଆମ୍ବର ପାଇ ଜିବନ୍ ଦେଲା । ତେଇଅନି ପରମେସ୍ୱର ସଙ୍ଗ ଆମେ ଆରିତରେକ୍ ଜଡ଼ିଅଇଲୁ । ତାର ସଙ୍ଗ ଆରିତରେକ୍ ଜଡ଼ିଅଇଲା ପଟେ, ଏବେ କିରିସ୍ତର ଜିବନ୍ ଲାଗି ଆମେ ରକିଆ ପାଇବାକେ କେତେକ୍ ଅଦିକ୍ ନ ପାଉ ? ୧୧ ଅବକା ସେଡ଼କିସେ ନଏ, ମାପରୁ ଜିସୁକିରିସ୍ତର ତେଇଅନି ପରମେସ୍ୱର ଜନ୍ ସବୁ କାମ୍ କଲାଆଟେ, ସେଟାର ପାଇ ଆମ୍ବ ମନ୍ ଉଡ଼ୁକ୍ ଦୁଡ଼ୁକ୍ ଆରି ସାରଦା ପୁରୁନ୍ ଅଇଆଟେ । ସେ ଜିସୁ ପରମେସ୍ୱର ସଙ୍ଗ ଆମ୍ବକେ ଆରିତରେକ୍ ମିସାଇଲା ଆଟେ ।

**ଆଦମ୍ ଆରି କିରିସ୍ତ**

୧୨ ପରତମେ ଗଟେକ୍ ଲକ୍ଷ୍ମୀ ପାପ୍ କରିରଇଲା । ଆରି ପାପର ଲାଗି ମରନ୍ ଆଇଲା । ସବୁ ଲକ୍ଷ୍ମୀ ପାପ୍ କଲାର ପାଇ ମରନ୍ ସବୁ ମୁନ୍ସୁ ଜାତିକେ ଡାବିଅଇଲା । ୧୩ ନିୟମ୍ ମିଲ୍ବା ଆଗ୍ତୁ ଲକ୍ଷ୍ମୀ ମାପ୍ କରତେରଇଲା । ମାତର ନିୟମ୍ ନ ରଇବାଟାନେ ପାପର ଇସାବ୍ ନ ଅଇତେରଇଲା । ୧୪ ଆଦମ୍ବର ବେଲାଅନି ମସାର ବେଲା ଜାକ, କେ

✧ ୪:୧୭ ୪:୧୭ ଗାଲାତିୟ ୩:୭

ଆଦମର ପାରା କାତା ନ ମାନି, ସେ କରି ରଇବା ପାପ୍ ପାରା ନ କରିରଇଲେ ମିସା, ସବୁ ଲକ୍ ମଲାଲ । ଜେ ଆଇବାର୍ ରଇଲା, ସେ ଆଦମର ଗଟେକ୍ ରୁପ୍ । ୧୫ ମାତର୍ ପରମେସରର୍ ଇସାବ୍ ନଇଲା ଦାନ୍ ଆରି ଆଦମର୍ ପାପ୍ ବିତ୍ରେ କେତେକ୍ କେତେକ୍ ଦୁର୍ ଆତେ । ଗଟେକ୍ ଲକର୍ ପାପର୍ ପାଇ ବେସି ଲକର୍ ମରନ୍ ଅଇଲା । ମାତର୍ ପରମେସର୍ ତାର୍ ଜିବନ୍ଦୁକାଇଲାକେ, ଲକ୍ମନର୍ ପାଇ ଆରି ଗଟେକ୍ ଲକ୍କେ ଇନାମେ ଦେଲା । ସେ ବଡ଼ ଇନାମ୍ ଜିସୁ କିରିସ୍ଟର୍ ଜିବନ୍ ଦୁକାଇଲାକେ ପୁରାପୁରୁନ୍ ଅଇଲା । ୧୬ ସେ ଗଟେକ୍ ପାପ୍ କାମ୍ ଅଇଲା ପତେ ସବୁ ମୁନ୍ସୁ ଜାତି ବିଚାରନା ଜାଗାଇ ଚିଆଅଇ ଦସି ବଲାଲ ଅଇଲାଲ । ମାତର୍ ଏବେ ଜବର୍ ଲକର୍ ପାପର୍ ଲାଗି ଲକ୍ମନର୍ ଆସା ନ ରଇଲେ ମିସା, ପରମେସର୍ ଦାନ୍ କଲାକେ ଦସି ନାଇ ବଲି ଏଜାଇଅଇଲାଲ । ୧୭ ଏଲେମିସା ଗଟେକ୍ ମୁନ୍ସୁ ପାପର୍ ପାଇ ସବୁ ଲକ୍କେ ମରନର୍ ଡଣ୍ଡୁ ଆଇଲା । ମାତର୍ ସେ ଗଟେକ୍ ମୁନ୍ସୁ ଜନ୍ଟାକି କିରିସ୍ଟ, ଜାଇଟା କଲାଆତେ ସେଟା କେତେକ୍ ବଡ଼ ବିସଇ ! ଜେତେକ୍ ଲକ୍ ପରମେସର୍ ବଡ଼ ଜିବନ୍ଦୁକାଇଲାଟା ଜବର୍ ଅଇତେ ଇନାମେ ମିଲାଆତଡ଼, ସେମନ୍ ଜିସୁକିରିସ୍ଟର୍ ବାଟେଅନି ସବୁ ଲକ୍ ତାର୍ଟାନେ ଦରମ୍ ବଲାଲ ଅଇବାଇ । ସେମନ୍ କିରିସ୍ଟର୍ ସଙ୍ଗ୍ ଜିତି କରି ଜିଉନା କାଉନା କରି ସାସନ୍ କର୍ବାଇ ।

୧୮ ଗଟେକ୍ ଲକର୍ ପାପ୍ ଜେକ୍ଟି ଗୁଲାଲ ଲକ୍କେ ଡଣ୍ଡୁ ଆନାଇଲା, ସେକ୍ଟିସେ ଗଟେକ୍ ଲକର୍ ଦରମ୍ ଗୁଲାଲ ଲକ୍ପାଇ ମୁକ୍ତି ଆରି ନ ସାର୍ବା ଜିବନ୍ ଆନିଦେଲାଆତେ । ୧୯ ଗଟେକ୍ ଲକ୍ ଆଦେସ୍ ନ ମାନିଲାର୍ ପାଇ ଜେକ୍ଟିକି ସବୁ ଲକ୍ ପାପି ଅଇଲାଲ, ସେକ୍ଟି ଗଟେକ୍ ଲକ୍ ଆଦେସ୍ ମାନିଲେ ପରମେସରର୍ ମୁଆଟେ ଦରମ୍ ଲକ୍ ବଲାଲଅଇବାଇ ।

୨୦ ନିୟମ୍ ଚାଲିଲାର୍ ପାଇ କାରାପ୍ କାମ୍ ବଡ଼ଲା । ମାତର୍ ପାପ୍ ବଡ଼ି ବଡ଼ି ଗାଲାକେ ପରମେସରର୍ ଜିବନ୍ଦୁକାନି ମିସା ବେସି ବଡ଼ଲା । ୨୧ ପାପ୍ ଜେକ୍ଟିକି ସବୁପାଇ ମରନର୍ ଡଣ୍ଡୁ ଆନିରଇଲା, ସେକ୍ଟି ପରମେସରର୍ ଜିବନ୍ଦୁକାନି ମାପ୍ପୁ ଜିସୁ କିରିସ୍ଟର୍ ସାଇଜେ ଅନି ଆମ୍ବକେ ଦରମ୍ ବାଟେ ଡାକିନେଇ ନ ସାର୍ବା ଜିବନ୍ ଦେଇସି ।



**ପାପରଲାଗି ମରନ୍, ମାତର୍ କିରିସ୍ଟ ସଙ୍ଗ୍ ମିସ୍ଲାର୍ପାଇ ନ ସାର୍ବା ଜିବନ୍**

୧ ସେକ୍ଟିଆଲେ କାଇଟା କଉଁ ? ପରମେସରର୍ ଜିବନ୍ଦୁକାନି ଆରି ଅଦିକ୍ ମିଲ୍ସି ବଲି ଆମେ କାଇ ଆରି ସେ ପାପେ ରଇକରି ଚଲାଚଲ୍ଡି କରୁ କି ? ୨ ନାଇ କେବେ ନାଇ । ପାପ୍ କର୍ବା ବିସଇତେଇ ଆମେ ମରିଗାଲୁଆରୁ । ଆରି କେକ୍ଟି ପାପ୍ କରତେସେ ରଇବୁ ? ୩ ତମେ ଜାନାସ୍, ତୁବନ୍ ନେଲାକେ ଜିସୁକିରିସ୍ଟର୍ ସଙ୍ଗ୍ ମିସିକରି ଆମେ ତାର୍ ମରନେ ମିସା ମିସିଆରୁ । ୪ ସେଟାର୍ପାଇ ତୁବନ୍ ନେଲାପତେ ଆମେ ତାର୍ ମରନେ ମିସି, ତାର୍ ସଙ୍ଗ୍ ତପି ଅଇଲୁଆରୁ । ସେ ଜେକ୍ଟାରି ବାବାର୍ ଡାକ୍ପୁଟା ବପୁ ସଙ୍ଗ୍ ଆରିତରେକ୍ ଉଟ୍ଲା, ଆମେ ମିସା ସେକ୍ଟାରି ନୁଆ ଜିବନ୍ ପାଇକରି ଚଲାଚଲ୍ଡି କର୍ବାର୍ ଆତେ ।

୫ କାଇକେବଇଲେ ଆମେ ମରନେ ମିସି ତାର୍ ସଙ୍ଗ୍ ଗଟେକ୍ ଅଇଲୁ ଆରୁ, ତାକେ ଆରିତରେକ୍ ଉଟ୍ବାତେଇ ମିସା, ତାର୍ ସଙ୍ଗ୍ ଗଟେକ୍ ଅଇକରି ରଇବୁ । ୬ ଆମେ ଜାନିଆରୁ, କିରିସ୍ଟର୍ ସଙ୍ଗ୍ କୁର୍ସେ ଆମର୍ ପୁର୍ନା ଜିବନ୍ ମରିଗାଲାଆତେ । ତେଇଅନି ଆମର୍ ପାପର୍ ଚଲାଚଲ୍ଡି କୁର୍ପୁନାସ୍ ଅଇଲା ଆତେ ଆରି ଆମେ ପାପର୍ ଗତିଅନି ମୁକ୍ତିଆରୁ । ୭ କାଇକେବଇଲେ ମୁନ୍ସୁ ମରିଗାଲେସେ, ପାପର୍ ବାନ୍ଦନେଅନି ରକିଆ ପାଇସି । ୮ ଆମେ ଜିସୁର୍ ସଙ୍ଗ୍ ମରିରଇଲାର୍ ପାଇ, ତାର୍ ସଙ୍ଗ୍ ମିସା ଜିବନ୍ ଅଇବୁ ବଲି ବିସ୍ବାସ୍ କଲୁନି । ୯ ଆମେ ଜାନୁ, କିରିସ୍ଟ ମଲାତେଇଅନି ଉଟ୍ଲାର୍ପାଇ, ସେ ଆରି କେବେ ମିସା ନ ମରେ । ତାର୍ ଉପ୍ରେ ଆରି କେବେ ମରନର୍ ସାସନ୍ ନ ଚାଲେ । ୧୦ ସେ ଜନ୍ ମରନ୍ ପାଇଲା, ତାର୍ଲାଗି ପାପର୍ ବପୁତେଇଅନି ଏକାତରେକ୍ ଆମ୍ବକେ ମୁକ୍ତିଲାଲଲା । ସେ ଏବେ ଜନ୍ ଜିବନେ ଜିଇଲାନି, ସେଟା ପରମେସର୍ ସଙ୍ଗ୍ ମିସିକରି ରଇଲା ଜିବନ୍ । ୧୧ ସେକ୍ଟାରି ତମେ ମିସା ପାପେ ମରିଜାଇଆରୁ ବଲି ଏତାଆ । ତମେ ଏବେ କିରିସ୍ଟ ଜିସୁର୍ ଜିବନେଅନି ପରମେସର୍ ସଙ୍ଗ୍ ମିସ୍ଲାସ୍ ।

୧୨ ତମର୍ ନସିଜିବା ଗାଗଡ଼ ଉପ୍ରେ ଆରି ପାପ୍ ଅଦିକାର୍ ନ କର, ସେଟାର୍ପାଇ ଆମର୍ ଏ ଗାଗଡ଼ ମନ୍କର୍ବା କାରାପ୍ ବିସଇ ମାନିକରି ରୁଆନାଇ । ୧୩ କାରାପ୍ କାମର୍ ଲାଗି ଆମର୍ ଗାଗଡ଼ କଣ୍ଡେକ୍ ବାଗ୍ ମିସା ପାପ୍ କର୍ବାକେ ଦିଆସ୍ନାଇ । ମାତର୍ ଦରମ୍ କାମ୍ କର୍ବାପାଇ ତମର୍ ଗୁଲାଲ ଗାଗଡ଼ ତାକେ ସର୍ପି ଦିଆସ୍ । ପରମେସର୍ ତମ୍ବକେ ମରନେଅନି ଜିବନ୍ କରି ଆନିଲାଆତେ । ୧୪ କାଇକେ ବଇଲେ ପାପ୍ ତମର୍ ଉପ୍ରେ ସାସନ୍ ନ କର । ତମେ ଆରି ନିୟମର୍ ତଲେ ନାଇ । ମାତର୍ ପରମେସରର୍ ଜିବନ୍ଦୁକାନି ଅନି କାଇଟା ନ ଅଇତେ ଆଗାସ୍ ।

**ଦରମ୍ ଗତିଦାଙ୍ଗ୍ଡା**

୧୫ ସେକ୍ଟିଆଲେ ଆମେ ନିୟମର୍ ତଲେ ନ ରଇ, ପରମେସରର୍ ଜିବନ୍ଦୁକାନି ପାଇଲୁ ଆରୁ ବଲି ପାପ୍ କରତେ ରଉଁ କି ? ନାଇ, କେବେ ମିସା ନଏଁ । ୧୬ ଏଲେ ମିସା ତମେ ଜାନିଆଟାସ୍, ଜଦି ତମେ କାକେ ତର୍ ତଲେ ଆକା ମୁଇ ବଲି କଇକରି ତାର୍ ପୁରାପୁରୁନ୍ କାତାମାନ୍ସା ବଇଲେ, ତମେ ତାର୍ ଗେନ୍ଲା ଗତିଦାଙ୍ଗ୍ଡା । ଜଦି ପାପର୍ ଗତିଦାଙ୍ଗ୍ଡା ଅଇସା, ଏଟାର୍ ଦସା ଅଇସି ମରନ୍, ଜଦି ଦରମର୍ ବାଟେ ଇଣ୍ଡିସା, ବଇଲେ ନ ସାର୍ବା ଜିବନ୍ ପାଇସା । ୧୭ ମୁଇ

☆ ୬:୪ ୬:୪ ରମିୟ ୨:୧୭

ପରମେସରକେ ଦନିଅବାଦ୍ କଲିନି, ତମେ ଗଟେକ୍ ବେଲାଈ ପାପର ଗତିଦାଙ୍ଗୁଡ଼ା ଅଇରଇଲାସ୍ ମିସା, ଏବେ ଜନ୍ ସିକିଆ ଟାନେ ପାଇରଇବା ସତ୍, ପୁରାପୁରୁନ୍ ମନ୍ଦେଇକରି ନାମଲାସ୍ନି । ୧୮ ଏବେ ତମେ ପାପେଅନି ମୁକ୍ତିକରି ଦରମର୍ ଗତିଦାଙ୍ଗୁଡ଼ା ଅଇଆଟାସ୍ । ୧୯ ଗଟେକ୍ ବେଲାଈ ତମେ ତମର୍ ଗୁଲାଈ ଗାଗଡ୍, ମନ୍, ପରାନ୍, ଅସୁକଲ୍ ଆରି କାରାପ୍ ଚଲାଟଲ୍ଡି କରବାକେ ଗତିଦାଙ୍ଗୁଡ଼ା ଅଇ ସର୍ପି ଦେଇରଇଲାସ୍ । ସେନ୍ତାରିସେ ସୁକଲ୍ ଆରି ଦରମ୍ ଚଲାଟଲ୍ଡିପାଇ ଦରମର୍ ଲଗେ ନିଜକେ ପୁରାପୁରୁନ୍ ସର୍ପିଦିଆସ୍ ।

୨୦ ତମେ ପାପର୍ ଗତିଦାଙ୍ଗୁଡ଼ା ରଇଲାବେଲେ, ଦରମ୍ ଜିବନ୍ ଜିଇବାକେ ମୁର୍ମୁରା ଅଇରଇଲାସ୍ । ୨୧ ଏବେ ତମକେ ଜନ୍ କାମ୍ମନ୍ କରବାକେ ଲାଜ୍ଲାଗୁଲାନ୍, ସେଡକିବେଲେ ସେ ସବୁ କର୍ତେ ରଇଲାସ୍ । ତେଇଅନି ତମକେ କାଇ ଲାବ୍ ଅଇଲା ? ସେ ସବୁ କାମର୍ ଦସା ଅଇଲାନ୍ ମରନ୍ । ୨୨ ମାତର୍ ତମେ ଏବେ ପାପେଅନି ମୁକ୍ତିକରି ପରମେସରର୍ ଗତିଦାଙ୍ଗୁଡ଼ା ଅଇଆଟାସ୍ । ଏଟାର୍ ଲାବ୍ ଅଇଲାନ୍, ପରମେସରର୍ତେଇ ପୁରାପୁରୁନ୍ ସଲ୍ଦ୍ । ଆରି ଇତିଅନି ମିଲ୍ବାଟା ଅଇଲାନ୍ ନ ସାର୍ବା ଜିବନ୍ । ୨୩ ପାପ୍ କାମର୍ ବୁଡି ଅଇଲାନ୍ ମରନ୍, ମାତର୍ ପରମେସର୍ ଜାଟାଇକରି ଦାନ୍ ଦେଇଆଟେ । ସେଟା ଆମର୍ ମାପୁରୁ ଜିସୁ କିରିସ୍ଟର୍ ସଙ୍ଗ୍ ମିସିକରି ମିଲାଇରଇବା ନ ସାର୍ବା ଜିବନ୍ ।



**ବିବାର୍ ଉଦାରନ୍**

୧ ଏ ବାଇବଇନିମନ୍, ଏବେ ମୁଇ ଜାଇଟା କଇବାକେ ଗାଲିନି, ସେଟା ଅଇଲାନ୍ ନିୟମ୍ । ନିୟମ୍ କାଇଟା ବଲି ତମେ ବୁଜିପାରାସ୍, ତାର୍ ଅରଡ୍ ମିସା ଜାନାସ୍ । ମୁନ୍ସୁ ଅବକା ତାର୍ ଜିଇବା କାଇବା ଦିନ୍ ଜାକ ନିୟମର୍ ତଲେ ରଇସି । ୨ ବିବା ଅଇବା ବିସଇ ଦେକ୍ଲେ, ମୁନ୍ସୁ ବୁଟି ରଇବା ଜାକ, ତାର୍ ମାଇଜି ସଙ୍ଗ୍ ବିବା ବାନ୍ଦନେ ବାନ୍ଦିଅଇରଇସି । ମାତର୍ ମୁନ୍ସୁ ମରିଗାଲା ପଟେ ତାର୍ ମାଇଜି ଏ ନିୟମେଅନି ମୁକ୍ତିସି । ୩ ସେ ବୁଟି ରଇଲା ବେଲେ, ତାର୍ ମାଇଜି ଜଦି ବିନ୍ ମୁନ୍ସୁକେ ବିବା ଅଇସି, ତେବେ ତାକେ ଚାଡ୍ରି ବଲି କଇବାଇ, ମାତର୍ ମୁନ୍ସୁର୍ ମରନ୍ ପଟେ ବିନ୍ ମୁନ୍ସୁକେ ବିବା ଅଇଲେ, ତାକେ ଆରି ଚାଡ୍ରି ବଲି ନ କଅଡ୍ । ନିୟମ୍ ଇସାବେ ସେ ଗଟେକ୍ ମୁକ୍ତି ରଇବା ମାଇଜି । ୪ ଏ ମର୍ ବାଇବଇନିମନ୍, ତମେ ମିସା ସମାନ୍ ସେନ୍ତାରିସେ । ନିୟମ୍ ଇସାବେ କିରିସ୍ଟର୍ ଗାଗଡ୍ ମିସଲାପାଇ ତମେମିସା ମରିଆଟାସ୍ । ଏବେ ତମେ ତାର୍ଟା । ପରମେସର୍ ତାକେ ମରନେଅନି ଉଟାଇଆଟେ । ଜେନ୍ତାରିକି ତାର୍ ସେବାକାମେ ଆମେ ମିସା ମିସ୍ତୁ । ୫ ଜେତେଦିନ୍ ଜାକ ଆମେ ଗାଗଡ୍ ମନ୍ କଲା ଇସାବେ ବାନ୍ଦିଅଇରଇଲୁ, ନିୟମ୍ ଆମକେ ନାଇ ବଲି କଇତେରଇଲା । ସେଟା ଆମର୍ ପାପ୍ ଅଦିକ୍ ଅଦିକ୍ କରାଇତେ ରଇଲା । ଆରି ଆମେ ମରନ୍ ବାଟେ ଜାଇତେରଇଲୁ । ୬ ଏବେ ଆମେ ନିୟମର୍ ସାସନେଅନି ମୁକ୍ତିଲୁ ଆରୁ, କାଇକେବଇଲେ ଜନ୍ଟା ଆମକେ ଦିନେକ୍ ବନ୍ଦି କରି ସଙ୍ଗାଇରଇଲା, ସେଟା ଆମର୍ ବିଡ୍ରେ ମରିଗାଲାଆଟେ । ଆମେ ଆରି ଆଗଡୁର୍ ପାରା ଲେକାଅଇଲା ନିୟମ୍ ଇସାବେ ପରମେସରକେ ସେବାକରୁ ନାଇ । ଏବେ ସୁକଲ୍ ଆଡ଼ମା ଦେକାଇଲା ବାଟେ ଇଣ୍ଡୁନି ।

**ନିୟମ୍ ଆରି ପାପ୍**

୭ ତେବେ ଆମେ କାଇଟା ବଲି କଉଁ, ନିୟମେସେ ପାପ୍ ଆଟେ କି ? ସେଟା ସତଇସେ ନଏଁ । ମାତର୍ ପାପ୍ କାଇଟା ? ସେଟା, ମକେ ନିୟମ୍ ଜାନାଇଦେଲା ଆଟେ । “ବିନ୍ ଲକର୍ ଦିନ୍ସୁ ଲବାଇବାର୍ ନାଇ ।” ଏ ଆଦେସ୍ ଜଦି ନିୟମ୍ତେଇ ନ ରଇତା, ଲବାଇବାଟା କାଇଟା ବଲି ମୁଇ ନାଜାନ୍ତି । ୮ ମାତର୍ ଉପ୍ରେର ଆଦେସର୍ ସୁବିଦାନେଇ ପାପ୍ ମର୍ ବିଡ୍ରେ ବିନ୍ବିନ୍ ରକାମର୍ କାରାପ୍ ମନ୍ କରବାଟା ଜନ୍ମାଇଲା । ନିୟମ୍ତେ ଚାଡିଦେଲେ ପାପ୍ ମଲା ସମାନ୍ ଆଟେ । ୯ ଗଟେକ୍ ବେଲାଈ, ମୁଇ ନିୟମ୍ ନାଜାନ୍ କି ଜିଇତେ ରଇଲି, ନିୟମ୍ ଜାନ୍ଲା ପଟେ ପାପ୍ ପୁରୁଲା, ୧୦ ଆରି ମୁଇ ମରିଗାଲି । ଜନ୍ ନିୟମ୍ ଜିବନ୍ ଦେବାକେ ଟିକ୍ କରିରଇଲା, ସେଟା ମର୍ ପାଇ ମରନ୍ ଆନ୍ଲା । ୧୧ କାଇକେବଇଲେ ନିୟମର୍ ସୁବିଦା ନେଇ ମକେ ପାପ୍ ନାଡାଇଲା ଆରି ମରାଇଲା ।

୧୨ ନିୟମ୍ ପରମେସରଟାନେଅନି ଆଇଲାକେ ସୁକଲ୍ ଆଟେ । ତାର୍ ଆଦେସ୍ ସବୁ ସୁକଲ୍, ଟିକ୍ ଆରି ବେସି ନିକ । ୧୩ ସେନ୍ତାଆଲେ ଜନ୍ଟା ନିକ, ସେଟା କାଇକେ ମର୍ ମରନ୍ ଆନ୍ବାଟା ଅଇରଇଲା ? ସେନ୍ତାରି କେବେ ନ ଅ । ମାତର୍ ପାପର୍ ମରନ୍ ଅଇଲା । ତାର୍ ନିୟମ୍, ଜେନ୍ତାରି ଆମର୍ ପାପ୍ କେତେକ୍ କାରାପ୍ ଆଟେବଲି ଡିସାଇବାକେ ପରମେସରର୍ ଜଜ୍ନା ରଇଲା । ତେବର୍ପାଇ ତାର୍ ନିୟମ୍‌ରଲାଗି ଏଟା ସାଦନ୍ କଲା ।

**ମୁନ୍ସୁର୍ ମନେ ଦୁଇମନିଆ**

୧୪ ଆମେ ଜାନ୍ ଜେ, ନିୟମ୍ ଆଡ଼ମାଇ ଆଇସି, ମାତର୍ ମୁଇ ମର୍ ଗାଗଡ୍ ମନ୍ କଲାଟାକେ ମାନ୍‌ଲାପାଇ ପାପର୍ ଗତିଦାଙ୍ଗୁଡ଼ା ଅଇଲିଆଟି । ୧୫ ମୁଇ ଜନ୍ଟା କଲିନି, ସେଟା ବୁଜି ନାଇ, ମାତର୍ ଜନ୍ ନିକ କାମ୍ କରବାକେ ମନ୍ କଲିନି ସେଟାସେ କରିନାପାରଲିନି । ଆରି ଜନ୍ କାରାପ୍ କାମ୍ କରବାକେ ମୁଇ ମୁଲ୍‌କେ ମନ୍ କରି ନାଇ, ସେଟାସେ କଲିନି । ୧୬ ମାତର୍ ମୁଇ ମନ୍ ନ କରି ରଇବା କାମ୍ କରବାର୍ ଲାଗି, ନିୟମ୍ ଟିକ୍ ଆଟେ ବଲି ମାନ୍‌ଲିନି । ୧୭ ସେଟା ପାଇ ଏ ସବୁ ଜାକ କାମ୍ ମୁଇ କରି ନାଇ । ମର୍ ବିଡ୍ରେ ରଇବା ପାପ୍‌ସେ ସେଟା କଲାନ୍ତି । ୧୮ ମର୍ ଗାଗଡ୍ କାରାପ୍ ମନ୍

☆ ୭:୧୫ ୭:୧୫ ଗାଲାଡିୟ ୫:୧୭

କରବାଟାନେଅନି କାଇମିସା ନିମାନ୍ ବିସଇ ନ ଆସେ ବଲି ମୁଇ ଜାନ୍‌ଲିନି । କାଇକେବଇଲେ ନିକ କାମ୍ କରବାକେ ମନ୍ ରଇଲେ ମିସା ସେଟା କରି ନାପାରୁଲିନି । ୯୯ ସେଟାର ପାଇ ଜନ୍ ନିକ କାମ୍ କରବାକେ ମୁଇ ମନ୍ କଲିନି, ସେ କାମ୍ ନ କରି, ଜନ୍ କାରାପ୍ କାମ୍ କରବାକେ ମୁଲକେ ମନ୍ ନାଇ, ସେଟାସେ କଲିନି । ୧୦ ଜଦି ମୁଇ ମନ୍ ନ କରବାଟା କରିଲାଗି ଆଟି, ସେନ୍ତାରଆଲେ ଜାଇଟା କଲିନି, ସେଟା ମୁଇ ସତଇସେ କରିନାଇ, ମର୍ ବିତ୍‌ରେ ରଇଲା ପାପ୍‌ସେ ସେଟା କଲାନି ।

୧୧ ଏଟା ମର୍ ବିତ୍‌ରେ ଗଟେକ୍ କାମ୍‌କରବା ନିୟମ୍ ବଲି ମନେ ଅଇଲାନି । ଜନ୍‌ଟା ନିକ, ସେଟା ମୁଇ କରବାକେ ଗାଲାବେଲେ, ଅବକା କାରାପ୍ ବିସଇସେ କଲିନି । ୧୨ ପରମେସରର୍ ନିୟମ୍ ନାମ୍‌ବାକେ ମୁଇ ବେସି ମନ୍ କଲିନି, ୧୩ ମାତର୍ ମର୍ ମନ୍ କଲା ବିରଦେ ମର୍ ଗାଗଡ୍ ତେବାଇବା ବିଦି ସବୁବେଲେ ଜୁଇଦ୍ କଲାନି । ମର୍ ଗାଗଡ୍ କାମ୍‌କରତେ ରଇବା ସବୁ ପାପ୍ ମକେ ବନ୍ଦି କରି ସଙ୍ଗଇଲା ଆଟେ । ୧୪ କେତେ କରମ୍ ନଇଲା ଲକ୍ ମୁଇ ! ମରନର୍ ମୁର୍ ଜିକିନେବା ଏ ଗାଗଡ୍‌ର ଚଲାଚଲ୍‌ତି ଅନି କେ ମକେ ମୁକ୍‌ଲାଇସି ? ୧୫ ପରମେସର୍ ଦନିଅବାଦ୍ ପାଅ ! ମାପୁରୁ ଜିସୁ କିରିସଟର୍ ଲାଗି ମୁଇ ଉଦାର ପାଇଆଟି ।

ତେବେ, ଏଟା ଅଇଲାନି ମର୍ କରମ୍ । ପରମେସରର୍ ନିୟମ୍ କାଲି ମୁଇ ମର୍ ମନେ ନାମି ପାରବି । ମାତର୍ ମର୍ ମୁନ୍‌ସ ଇସାବର୍ ଚଲାଚଲ୍‌ତି ମକେ ପାପର୍ ଗତି ଦାଙ୍ଗ୍‌ତା ଅଇବାକେ ବାଦିଅ କଲାନି ।

┌

ଆଡ଼ମାଇ ଜିବନ୍ ରଇବାଟା

୧ ତେବେ ଆମେ ଜେଡ୍‌କି ଲକ୍ ଜିସୁ କିରିସଟର୍ ସଙ୍ଗ୍ ମିସିକରି ଆରୁ, ଆମର୍‌ପାଇ ଆରି ପରମେସରର୍ ଡଣ୍ଟ ନାଇ । ୨ ଜିସୁ କିରିସଟର୍ ସଙ୍ଗ୍ ମିସିଲାର୍‌ପାଇ ସୁକଲ୍‌ଆଡ଼ମା ଆମ୍‌କେ ନୁଆ ଜିବନ୍ ଦେଲାଆଟେ । ତେଇଅନି, ପାପ୍ କଲେ ମରବା ନିୟମେଅନି, ଆମ୍‌କେ ମୁକ୍‌ଲାଇ ଆଟେ । ୩ ସେ ଆମର୍ ଗୁନ୍‌ଚଲନ୍ ନିକ ନ ରଇଲାକେ, ମସା ଦେଇରଇବା ରିଡିନିଡି ମାନୁ ନାଇ । ତେଇ ନିୟମ୍ ସାଇଜ କରି ନାପାରୁଲା । ମାତର୍ ସେଟା ପରମେସର୍ କରିଆଟେ । ସେ ଆମର୍ ପାରା ପାପିମନର୍ ଗଟେକ୍ ଗାଗଡ୍ ଦାରାଇ ତାର୍ ପଅକେ ପାଟାଇଲା । ଆରି ସେ ଏନ୍ତାରିକରି ଆମର୍ ଉପ୍‌ରେ ରଇବା ପାପର୍ ସାସନ୍ କୁରୁପ୍‌ନାସ୍ କଲା । ୪ ଆମେ ଜେନ୍ତାରି କି ନିୟମର୍ ସବୁ ଆଦେସ୍ ମାନିକରି ରଇରୁ, ସେଟାର ପାଇ ପରମେସର୍ ଏନ୍ତି କଲାଆଟେ । ଆମେ ଏବେ ମୁନ୍‌ସର୍ ଚଲାଚଲ୍‌ତି ନ କରି ସୁକଲ୍‌ଆଡ଼ମାର୍ ବାଟେ ଇଣ୍ଟଲେସେ ଏନ୍ତି କରିଅଇସି । ୫ ଜନ୍ ଲକ୍‌ମନ୍ ମୁନ୍‌ସର୍ ଚଲାଚଲ୍‌ତି ଇସାବେ ଜିଉନା କାଉନା କର୍ତ୍ତେରଇବାଇ, ସେମନ୍ ନିଜର୍ ଗାଗଡ୍ ମନ୍ କରବାଟା ଚିନ୍ତା କର୍ତ୍ତେରଇବାଇ । ମାତର୍ ଜନ୍ ଲକ୍‌ମନ୍ ସୁକଲ୍‌ଆଡ଼ମାର୍ ଚାଲ୍‌ନା ଇସାବେ କାମ୍‌କରବାଇ, ସେମନ୍ ସୁକଲ୍‌ଆଡ଼ମା ଜନ୍ ବିସଇ କରବାକେ ମନ୍ କରାଇସି, ସେଟା କରବାଇ । ୬ ମୁନ୍‌ସର୍ ଚଲାଚଲ୍‌ତି ଇସାବେ ଗାଲେ ମରନର୍ ଦସା ଅଇସି, ସୁକଲ୍‌ଆଡ଼ମାର୍ ଚାଲ୍‌ନା ଇସାବେ ଗାଲେ ଜିବନ୍ ଆରି ସାନ୍ତି ମିଲ୍‌ସି । ୭ ଜଦି ଗଟେକ୍ ଲକ୍ ତାର୍ ଗାଗଡ୍ ମନ୍ କଲା ଇସାବେ ଚଲାଚଲ୍‌ତି କର୍‌ସି, ସେ ପରମେସରର୍ ବିରଦି ଅଇସି । କାଇକେ ବଇଲେ ସେ ପରମେସରର୍ ନିୟମ୍ ମନେ ନାଇ, ସେ ସେଟା କରବାକେ ନାପାରେ । ୮ ଜନ୍ ଲକ୍‌ମନ୍ ମୁନ୍‌ସର୍ ଚଲାଚଲ୍‌ତି ଇସାବେ କାମ୍ କଲାଇନି, ସେମନ୍ ପରମେସର୍‌କେ ସାର୍‌ଦା କରିନାପାରଡ୍ ।

୯ ଜଦି ସତଇସେ ପରମେସରର୍ ସୁକଲ୍‌ଆଡ଼ମା ତମର୍ ବିତ୍‌ରେ ଆଟେ, ତେବେ ତମେ ଆରି ମୁନ୍‌ସର୍ ଚାଲିଚଲନ୍ ପାରା ଜିଉନାକାଉନା କରିନାପାରାସ୍, ମାତର୍ ଜିବନେ ସୁକଲ୍ ଆଡ଼ମାର୍ ଆଦେସ୍ ମାନସା । ଜାତେତେଇ କିରିସଟର୍ ଆଡ଼ମା ନାଇ, ସେ କେବେ ମିସା ତାକର୍ ଲକ୍ ଅଇନାପାରେ । ୧୦ ମାତର୍ ତମର୍ ବିତ୍‌ରେ କିରିସଟ୍ ବାସାଅଇ ରଇସି ବଇଲେ, ତମର୍ ଗାଗଡ୍ ପାପେ ନସଟ୍ ଅଇବାକେ ଜାଇତେ ରଇଲେ ମିସା, ସୁକଲ୍‌ଆଡ଼ମା ତମ୍‌କେ ଜିବନ୍ ଦାନ୍ ଦେଇସି । କାଇକେ ବଇଲେ ତମେ ପରମେସରର୍ ମୁଆଟେ ଦରମ୍ ଲକ୍ ବଲି ଏଜାଇଅଇ ଆଟାସ୍ । ୧୧ ଜଦି ତମର୍ ବିତ୍‌ରେ ଜିସୁକେ ମଲାତେଇଅନି ଉଟାଇଲା ପରମେସରର୍ ଆଡ଼ମା ଆଟେ, ତେବେ ସେ ଆଡ଼ମାର୍ ସାଇଜ ସଙ୍ଗ୍, ପରମେସର୍ ଜେ କି କିରିସଟ୍‌କେ ମଲାତେଇଅନି ଉଟାଇଲା, ସେନ୍ତିସେ ତମର୍ କୁଇଜିବା ଗାଗଡ୍ ମିସା ଜିବନ୍ କର୍‌ସି ।

୧୨ ତେବେ ଏ ବାଇବଇନିମନ୍, ଆମର୍ କାମ୍ ଅଇଲାନି, ମୁନ୍‌ସର୍ ଗୁନ୍‌ଚଲନ୍ ଇସାବେ ଜିଉନାକାଉନା ନ କରୁ । ୧୩ କାଇକେବଇଲେ ସେନ୍ତି କଲେ, ତମେ ମର୍‌ସା ମାତର୍ ସୁକଲ୍‌ଆଡ଼ମାର୍ ସାଇଜ ସଙ୍ଗ୍ ନିଜର୍ ପାପ୍‌ଚଲନ୍ ନସଟ୍ କରି ଆରି ପାପ୍ କାମ୍ ନ କରାସ୍, ତେବେସେ ତମେ ବର୍‌ସା । ୧୪ ଜନ୍ ଲକ୍‌ମନ୍ ପରମେସରର୍ ଆଡ଼ମା ଇସାବେ ଚାଲ୍‌ଲାଇନି, ସେମନ୍‌ସେ ପରମେସରର୍ ପିଲାଟକି । ୧୫ କାଇକେବଇଲେ ପରମେସର୍ ଦେଲା ଆଡ଼ମା, ତମ୍‌କେ ଗତିଦାଙ୍ଗ୍‌ତା ଅଇବା ତେଇଅନି ମୁକ୍‌ଲାଇଲା ଆଟେ । ତମେ ଆରି ଡର୍‌ବାର୍ ଲତା ନାଇ । ମାତର୍ ସୁକଲ୍‌ଆଡ଼ମା ତମ୍‌କେ ପରମେସରର୍ ପିଲାଟକି କରିଆଟେ । ତାର୍ ବପୁ ଏତାଇକରି ଏବେ ଆମେ ପରମେସର୍‌କେ “ବାବା, ମର୍ ବାବା !” ବଲି ଡାକ୍‌ଲୁନି । ୧୬ ପରମେସରର୍ ଆଡ଼ମା ଆମର୍ ବିତ୍‌ରେ ଆଡ଼ମା ସଙ୍ଗ୍ କର୍‌ ମିସାଇ ଆମ୍‌କେ ତାର୍ ପିଲାଟକି ବଲି ଜାନାଇଲାନି । ୧୭ କାଇକେବଇଲେ ଆମେ ପରମେସରର୍ ପିଲାଟକି । ତାର୍ ଲକ୍‌ମନ୍‌କେ କାତା ଦେଇରଇବା ଆସିର୍‌ବାଦେ ଆମେ ମିସୁ । ଆରି କିରିସଟ୍ ପାଇ ପରମେସର୍ ଜନ୍‌ଟା ଚୁଲାଇ ସଙ୍ଗଇଲା ଆଟେ, ତେଇ ମିସା ଆମର୍

☆ ୮:୧୧ ୮:୧୧ ୧ମ କରନ୍ତିୟ ୩:୧୭ ☆ ୮:୧୫ ୮:୧୫ ଗାଲାତିୟ ୪:୫-୭ ☆ ୮:୧୫ ୮:୧୫ ମାର୍କ ୧୪:୩୬; ଗାଲାତିୟ ୪:୭

ପାଇ ବାଟା ଆଚେ । ଜଦି ଆମେ ଜିସୁର ଦୁକ୍‌ପାଇବାତେଇ ମିସ୍ତୁ ଆରୁ, ତେବେ ତାର୍ ତାକ୍‌ପୁଟା ପାଇବାତେଇ ମିସା ମିସ୍ତୁ ।

**ତାକ୍‌ପୁଟାର୍ ଦିନ୍**

୧୮ ଜନ୍ ତାକ୍‌ପୁଟାର୍ ଦିନେ ଆମେ ମିସ୍‌ବାକେ ଗାଲୁନି, ଦେକ୍‌ଲେସରି ଏ ଜିବନେ ଅଇବା ଆମର୍ ଦୁକ୍ କସ୍‌ଟ କିଟି ନାଇ । ୧୯ ପର୍‌ମେସର୍ ତିଆର୍‌କଲା ସବୁଜାକ ଜାଗର୍‌ତା ସଙ୍ଗ୍ ସେ ଦିନ୍‌କେ ଜାଗି ଆଚଡ୍ । ସେବେଲାଇ ପର୍‌ମେସର୍ ତାର୍ ସଡ୍ ପିଲାଟକିମନ୍ କେ, ବଲି ଦେକାଇସି । ୨୦ କାଇକେବଇଲେ ପର୍‌ମେସର୍ ତିଆର୍ କରିରଇବା ସବୁଜାକ, ଅବିସାପେ ପୁରୁନ୍ ଅଇଲାଆଚେ । ଜନ୍‌ବାଟେ ଜିବାର୍ ରଇଲା ସେ ବାଟେ ନ ଜାଇ, ବିନ୍ ବାଟେ ଗାଲାଆଚେ । ମାତର୍ ଏଟା ତାର୍ ନିଜର୍ ମନ୍ କଲା ଇସାବେ ଅଏନାଇ । ପର୍‌ମେସର୍ ମନ୍ କଲାକେସେ ଅଇଲା । ଏଲେମିସା ତାର୍ ଆସା ରଇଲା, ୨୧ ଜେନ୍ତୁକି ଗଟେକ୍ ଦିନେ କୁଇଜିବାଟାମେ ଅନି ମୁକ୍‌ଲିକରି ପର୍‌ମେସର୍ କୁଟୁମର୍ ତାକ୍‌ପୁଟାଇ ମିସ୍ତୁ । ୨୨ ମାତର୍ ଏବେ ଜାକ ତିଆର୍‌ଅଇଲାଟା ସବୁ, ଗାଗ୍‌ତେ ରଇଲା ମାଇଜି ନିକଅଇବା ଦୁକା ପାରା ଅଇକରି “ଆନା, ଆୟା !” ଅଇଲାନି । ୨୩ ଆମେ, ପର୍‌ମେସର୍ ଦେଲା ପର୍‌ତୁମର୍ ଦାନ୍ ପାରା ସୁକଲ୍‌ଆଡ଼ମା ପାଇଲୁଆରୁ, ଆମେ ମିସା ବିଡ୍‌ରେ ବିଡ୍‌ରେ “ଆନା, ଆୟା !” ଅଇଲୁନି । ଏଲେମିସା ପର୍‌ମେସର୍ ଆମ୍‌କେ କୁଟୁମର୍ ଲକ୍ କରାଇକରି ପୁରାପୁରୁନ୍ ମୁକ୍‌ଲାଇସି ବଲି ଜାଗିକରି ଆରୁ । ୨୪ କାଇକେବଇଲେ ଆସା କଲାକେସେ ଆମେ ମୁକ୍‌ତି ପାଇଆରୁ । ମାତର୍ ଜାଇଟା ତିସ୍‌ଲାନି ସେଟାର୍ ପାଇ ଆସାକର୍‌ବାଟା, ସେଟା ସତଇସେ ଆସା ରକ୍‌ବାଟା ନଏ । କେ କାଇ ତିସ୍‌ବାଟାକେ ଆସା କର୍‌ସି କି ? ନାଇ, ନ କରେ । ୨୫ ମାତର୍ ଆମେ ଜଦି ନ ତିସ୍‌ବା ବିସଇ ଆସାକର୍‌ବୁ, ତେବେ ଆମ୍‌କେ ସାଆସ୍ ସଙ୍ଗ୍ ଜାଗ୍‌ବାକେ ପଡ଼ସି ।

୨୬ ଆମ୍‌କେ ବପୁ ନାଇ, ମାତର୍ ସୁକଲ୍‌ଆଡ଼ମା ଆମ୍‌କେ ସାଇଜ କର୍‌ସି । କେନ୍ତାରି ପାର୍‌ତନା କର୍‌ବାକେ ଅଇସି, ସେଟା ଆମେ ନାଜାନୁ । ସେଟାର୍ ପାଇ ଜନ୍‌ଟା ଆମେ କଇ ନାପାର୍‌ଲୁନି, ସେଟା ସୁକଲ୍‌ଆଡ଼ମା ନିଜେ ଆମର୍‌ପାଇ “ଆନା, ଆୟା !” ଅଇକରି ପର୍‌ମେସର୍‌କେ ଗୁଆରି କର୍‌ସି । ୨୭ ପର୍‌ମେସର୍ ଆମର୍ ମନର୍ କାତା ଜାନେ । ସୁକଲ୍‌ଆଡ଼ମା ମନର୍ ଚିନ୍ତା ସେ ଜାନେ । କାଇକେବଇଲେ ସୁକଲ୍‌ଆଡ଼ମା ପର୍‌ମେସର୍ ମନ୍ କଲା ଇସାବେ, ତାକର୍ ଲକ୍‌ମନର୍ ପାଇ ଗୁଆରି କର୍‌ତେ ରଇସି ।

୨୮ ଜନ୍ ଲକ୍‌ମନ୍କେ ପର୍‌ମେସର୍ ତାର୍ ମନ୍ କଲାଟା ପୁରାପୁରୁନ୍ କର୍‌ବାକେ ତାକ୍‌ଲାଆଚେ, ଆରି ସେମନ୍ ତାକେ ଆଲାଦ୍ କଲାଜନି, ସେମନର୍ ପାଇ ସେ ସବୁ ମଙ୍ଗ୍‌ଲର୍ ବିସଇ କରାଇଦେଇସି । ୨୯ ଜନ୍ ଲକ୍‌ମନ୍କେ ପର୍‌ମେସର୍ ବାଟ୍‌ଲା ଆଚେ, ସେମନ୍କେ ତାର୍ ପଅ ପାରା ଅଇବାକେ ଆଗ୍‌ତୁସେ ଚିକ୍ କରିଆଚେ । ସେନ୍ତିଆଲେ, ଗଟେକ୍ ବଡ଼ କୁଟୁମେ, ତାର୍ ପଅ ସେମନର୍ ବଡ଼ ବାଇ ଅଇସି । ୩୦ ଜନ୍ ଲକ୍‌ମନ୍ ଏନ୍ତାରି ବାଟିଅଇଲାଇ ଆଚଡ୍, ସେମନ୍କେ ତାକିଆଚେ । ସେ ଲକ୍‌ମନ୍କେ ପର୍‌ମେସର୍ ମୁଆଟେ ଦରମ୍‌ଲକ୍ ବଲାଇ ଅଇ, ତାର୍ ତାକ୍‌ପୁଟାଇ ମିସାଇ ଆଚଡ୍ ।

**ପର୍‌ମେସର୍‌ର ଆଲାଦ୍**

୩୧ ଏ ସବୁର୍‌ତେଇଅନି ଆରି କାଇଟା କଇବାର୍ ଅଇସି ? ଜଦି ପର୍‌ମେସର୍ ଆମର୍ ବାଟେ ଆଚେ, ତେବେ କେ ଆମର୍ ବିରଦି ଅଇପାର୍‌ସି ? ୩୨ ପର୍‌ମେସର୍ କେବେମିସା ଆମର୍ ବିରଦି ନଏ, କାଇକେବଇଲେ ସେ ନିଜର୍ ପଅକେ ମିସା ରକିଆ ନ କରି ଆମର୍ ପାଇ ଦାନ୍ ଦେଇଆଚେ । ସେନ୍ତିଆଲେ ସେ ଆମର୍ ପାଇ କାଇ ସବୁ ବିସଇ ଦାନ୍ ନ ଦେଏ କି ? ୩୩ ପର୍‌ମେସର୍ ବାଟ୍‌ଲା ଲକ୍‌ମନ୍କେ କେ ଦସିବଲି କଇପାର୍‌ସି ? ସେମନ୍କେ ସେ ନିଜେ କାଇ ଦସ୍ କରି ନ ରଇବା ଲକ୍ ବଲି ଉଡ଼ରା କଲାଆଚେ । ୩୪ ତେବେ ସେମନ୍କେ ଦସି ବଲି କେ କଇନାପାରଡ୍ । କିରିସ୍‌ଟ ଜିସୁ ତା କେବେ ନ କରେ, କାଇକେବଇଲେ ତାକେ ପର୍‌ମେସର୍ ମଲାତେଇଅନି ଜିବନ୍ କରି ଉଟାଇଲାଆଚେ । ଏବେ ସେ ପର୍‌ମେସର୍‌ର ଉଜାବାଟେ ରଇକରି ଆମର୍‌ପାଇ ଗୁଆରି କରି ପାର୍‌ତନା କଲାନି । ୩୫ ସେନ୍ତାଆଲେ ତେବେ କେ ମିସା ଆମ୍‌କେ କିରିସ୍‌ଟର୍ ଆଲାଦେଅନି ବେଗ୍‌ଲାଇ ନାପାରଡ୍ । ଦୁକେ ରଇଲେ ମିସା, କସ୍‌ଟ ପାଇକରି ରଇଲେ ମିସା, ନିନ୍‌ପା ପାଇକରି ରଇଲେ ମିସା, କାକୁର୍‌ତି ଅଇକରି ରଇଲେ ମିସା, ବୁକେ ରଇଲେ ମିସା, ବିପଦେ ରଇଲେ ମିସା କି ମରାଇଲେ ମିସା ଏ ସବୁ ବେଗ୍‌ଲାଇ ନାପାରେ । ୩୬ ସାସ୍‌ତରେ ଲେକାଆଚେ,

“ତମର୍‌ଲାଗି ସବୁ ଦିନ୍ ଆମେ ମରନର୍ ମୁଆଟେ ଗାଲୁନି,

ପୁଜ୍‌ବାକେ ନେଲା ମେଣ୍ଡାପିଲା ପାରା ଆମେ ବାଟି ଅଇଲୁ ଆରୁ ।”

୩୭ ଜେ ଆମ୍‌କେ ଆଲାଦ୍ କଲାଜନି, ତାର୍ ସାଇଜ ସଙ୍ଗ୍ ଆମେ ଏ ସବୁର୍ ଉପ୍‌ରେ ଜିତି ଆରୁ । ୩୮ ମୁଇ ସତଇସେ ଜାନ୍‌ଲିନି ଜେ, ପର୍‌ମେସର୍ ଜନ୍ ବଡ଼ ଆଲାଦ୍ ଆମ୍‌କେ ଦେକାଇଲାଆଚେ, ସେ ଆଲାଦେଅନି କାଇଟା ମିସା ଆମ୍‌କେ ବେଗ୍‌ଲାଇ ନାପାରେ । ଆମେ ମରିଗାଲେ କି ଜିବନ୍ ରଇଲେ, ସରଗର୍ ଦୁଡ଼ ଅଅଡ୍ କି ସାସନ୍‌କାରିଆମନ୍, କି କାଇ ବିନ୍ ବପୁ, କି ଏବେ ଜନ୍‌ଟା ଅଇଲାନି, ପର୍‌କେ ଜନ୍‌ଟା ଅଇସି, ୩୯ ଉପ୍‌ରର୍ ଦୁନିଆ କି ତଲର୍ ଦୁନିଆ, ଏ ଜଗତେ ତିଆର୍ ଅଇରଇବା କାଇ ବିସଇ ମିସା ପର୍‌ମେସର୍‌ର ବଡ଼ ଆଲାଦେ ଅନି ଆମ୍‌କେ ବେଗ୍‌ଲାଇ ନାପାରେ । ଆମର୍ ମାପୁର୍

☆ ୮:୨୩ ୮:୨୩ ୨ୟ କରନ୍ତିୟ ୫:୨-୪

ଜିସୁକିରିସ୍ତକେ ଦେଲା ପରମେସରର୍ ସେ ବଡ଼ ଆଲାଦେ ଅନି, ଏ ସବୁ ବିସଇ ଆମ୍ବକେ ଦେକାଇଲା ଆଚେ । ଏଟା ମୁଇ ଜାନିଆଟି ।



**ପରମେସର୍ ଆରି ତାକର୍ ଲକ୍ମନ୍**

<sup>୧</sup> ମୁଇ ତମ୍ବକେ ଗଟେକ୍ ସଡ଼କାତା କଇବି । ମୁଇ କିରିସ୍ତକର୍ ଲକ୍, ଆରି ସୁକଲ୍ ଆଡ଼ମା ମର୍ ବିବେକ୍‌କେ ଡାକିନେଲାନି । ସେଟାର୍‌ପାଇ ମିସା ମୁଇ ମିଡ଼ କଇନାଇ ବଲି ଜାନଲିନି । <sup>୨</sup> ଏଟା ମୁଇ କିରିସ୍ତକେ ସାକିଦେଇ କଇଲିନି । ମୁଇ ଜେ କେଡେକ୍ ତେରେପେଡେ ଆରି ନ ସାର୍‌ବା ଦୁକେ, ମର୍ ମନ୍ କେଡେକ୍ ଉଡୁକ୍ ଦୁଡୁକ୍ ଅଇଲାନି । <sup>୩</sup> କାଇକେବଇଲେ ମର୍ ରକଡ଼ ମାଉସ୍ ରଇବା ଜିଉଦି ବାଇବଇନିମନ୍ କିରିସ୍ତକେ ବିସ୍‌ବାସ୍ କରଡ଼ ନାଇ । ଜଦି ଏଟା ଅଇପାର୍‌ସି, ତେବେ ମୁଇ ମନ୍ କଲିନି, ନିଜେ ତାକର୍ ପାଇ ପରମେସରର୍‌ଟାନେ ସାଇପ୍ ପାଇକରି, କିରିସ୍ତକ୍‌ଡେଇ ଅନି ବେଗଲ୍‌ବି ବଲି । <sup>୪</sup> କାଇକେବଇଲେ ସେମନ୍ ପରମେସରର୍ ଲକ୍ । ପରମେସର୍ ସେମନ୍‌କେ ନିଜର୍ ପିଲା କରି ବାଟିଆଚେ । ସେ ସେମନ୍‌ର୍ ଲଗେ ନିଜର୍ ତାକ୍‌ପୁଟା ଦେକାଇରଇଲା । ସେମନ୍‌ର୍ ସଙ୍ଗ୍ ରାଜିନାମା କରି ସେମନ୍‌କେ ନିୟମ୍ ଦେଇରଇଲା । ସେମନ୍ ସତଇସେ ପାର୍‌ତନା କରବାଇ । ସେମନ୍‌କେ ପରମେସର୍ କାତା ଦେଇରଇଲା । <sup>୫</sup> ସେମନ୍ ଆମର୍ ତାକ୍‌ପୁଟା ଜିଉଦି ଆନିଦାଦିମନ୍ ନାତିତିତିମନ୍ । ଆରି ମୁନ୍‌ସ ରୁପ୍ ଦାରି କିରିସ୍ତ ତାକର୍ କୁଟୁମେଅନି ଜନମ୍ ଅଇଲା । ସବୁଟାନେଅନି ବେସି ବପୁର୍ ପରମେସର୍ ଜୁଗେ ଜୁଗେ ତାକ୍‌ପୁଟା ପାଅ, ଆମେନ୍ ।

<sup>୬</sup> ପରମେସର୍ ତାର୍ କାତା ଦେଇରଇଲାଟା ପୁରାପୁରୁନ୍ କରେନାଇ ବଲି ମୁଇ କଇନାଇ । କାଇକେବଇଲେ ଇସ୍ରାଏଲିୟମନ୍‌ର୍ କେଡେଟା ନାତିତିତିମନ୍ ପରମେସରର୍ ଲକ୍ ନଅଡ଼, <sup>୭</sup> କି ଅବ୍ରାଆମର୍ କୁଟୁମର୍ ସବୁ ଲକ୍ ପରମେସରର୍ ପିଲାଟକି ନ ଅଅଡ଼ । ପରମେସର୍ ଅବ୍ରାଆମ୍‌କେ କଇରଇଲା, “ମୁଇ ତର୍ ଜନ୍ କୁଟୁମର୍ ବିସଇନେଇ କାତା ଦେଇରଇଲି, ସେମନ୍ ଇସାକର୍ ଟାନେଅନି ଜାଡ଼ ଅଇବାଇ ।” <sup>୮</sup> ଏଟାର୍ ଅରଡ଼ ଅଇଲାନି, ଗାଗଡ଼ ଦାରି ଜନମ୍ ଅଇବା ପିଲାଟକି ନାଇ । ଜେ କି ପରମେସରର୍ ପିଲାଟକିମନ୍ ଅଇବାଇ, ମାତର୍ ତାର୍ କାତା ଦେଇରଇବା ଇସାବେ ଜନମ୍ କରିରଇବା ପିଲାଟକିମନ୍ ତାର୍ ମୁଆଟେ ସତଇସେ ତାର୍ ପିଲାଟକି ବଲି ଏଜାଇ ଅଇବାଇ । <sup>୯</sup> ପରମେସର୍ ଅବ୍ରାଆମ୍‌କେ ଏନ୍ତି କାତା ଦେଇରଇଲା, “ସମାନ୍ ଏ ଦିନେ ଆମେ ବାଉଡ଼ି ଆଇଲାବେଲେ, ସାରା ଗଟେକ୍ ପିଲା ଜନମ୍ ଦେଇରଇସି ।”

<sup>୧୦</sup> ଏ ପିଲା ଆମର୍ ପୁର୍‌ବର୍ ଆନିଦାଦି ଇସାକ୍ ରଇଲା । ରିବିକାର୍ ଜଅଁଲା ପିଲାମନ୍‌ବିଡ଼ରେ ଅନି ଗଟେକ୍ ବାବା ଇସାକ୍‌ଟାନେଅନି ଅଇରଇଲା । <sup>୧୧</sup> ପରମେସର୍ ରିବିକାକେ କାତା ଦେଇରଇଲା । ବଡ଼ ପିଲା ସାନ୍ ପିଲାର୍ ଗତିଦାଙ୍ଗ୍‌ତା ଅଇସି । ଜୁଁଲା ପିଲାମନ୍ ଜନମ୍ ନ ଅଇତେ, ଆରି ନିକ କାମ୍ କି ବାନିଆ କାମ୍ କରବା ଆଗ୍‌ତୁ ଏଟା ପରମେସର୍ କଇରଇଲା । ଜନ୍ ପିଲାକେ ସେ ବାଟୁଲା, ପିଲା କରିରଇବା କାମର୍ ଲାଗି ଅଏନାଇ । ମାତର୍ ପରମେସର୍ କରିରଇବା ଜଜନାର୍ ପୁରାପୁରୁନ୍ ଅଇବାକେସେ ସେଟା ଅଇଲା । <sup>୧୨</sup> ଏଟାର୍ ପାଇ ତାକେ ଏ କାତା କଇରଇଲା । “ବଡ଼ ପିଲା ସାନ୍ ପିଲାର୍ ଗତିଦାଙ୍ଗ୍‌ତା ଅଇସି ।” <sup>୧୩</sup> ସାସ୍‌ତରର୍ ବାକିଅ ଇସାବେ “ଜାକୁବ୍‌କେ ମୁଇ ଆଲାଦ୍ କଲି, ମାତର୍ ଏସକେ ନାଇ ।”

<sup>୧୪</sup> ସେନ୍ତାର୍ ଆଲେ କାଇଟା ବଲି କଉଁ, “ପରମେସର୍ ଅନିଆଇ କରସି କି ? ନାଇ କେବେ ନ କରେ ।” <sup>୧୫</sup> କାଇକେବଇଲେ ସେ ପୁର୍‌ବେ ମସାକେ କଇରଇଲା, “ମୁଇ ଜାକେ ମନ୍ କରବି ତାକେ ଦୟା ଦେକାଇବି ଆରି ଜିବନ୍ ଦୁକାଇବି ।” <sup>୧୬</sup> ସେଟାର୍ ପାଇ ପରମେସର୍ ତାର୍ ଲକ୍‌ମନ୍‌କେ ଦେବା ସବୁ ମଙ୍ଗଲ୍‌ର୍ ଦାନ୍ ଲକ୍‌ମନ୍ ମନ୍ କଲାକେ କି ତାକର୍ ନିକ କାମ୍ କଲାକେ ଅଏ ନାଇ । ମାତର୍ ପରମେସରର୍ ଜିବନ୍ ଦୁକାନିଟାନେଅନି ସେ ସେଟା ଅଇଲାଆଚେ ।” <sup>୧୭</sup> ସାସ୍‌ତର୍ ଇସାବେ ପରମେସର୍ ମିସରର୍ ରାଜାକେ କଇରଇଲା, “ତକେ ଦେଇ ମର୍ ବପୁ ଦେକାଇବି ଆରି ଗୁଲାଇ ଜଗଡ଼କେ ମର୍ ତାକ୍‌ପୁଟା ଦେକାଇବାକେ ମୁଇ ତକେ ରାଜା କରିଆଟି ।” <sup>୧୮</sup> ତେବର୍‌ପାଇ ପରମେସରର୍ ମନ୍‌କଲା ଇସାବେ, ସେ କାକେ କାକେ ଦୟା ଦେକାଇସି ଆରି କାକେ କାକେ ମନ୍ ଆଁର୍ ଅଇବାକେ ଚାଡ଼ିଦେଇସି ।

**ପରମେସରର୍ ରିସା ଆରି ଜିବନ୍‌ଦୁକାନି**

<sup>୧୯</sup> ତମର୍ ବିଡ଼ରେଅନି କେ ଆଲେ ମକେ କଇବାଇ, “ସେନ୍ତାର୍‌ଆଲେ, ପରମେସର୍ କାଇକେ ଲକ୍‌ମନ୍‌କେ ଦସି କଲାନି ? ପରମେସର୍ ମନ୍ କଲାଟା ବାଦ୍‌ଲାଇବା ଲକ୍ କେ ମିସା ଆଚଡ଼ କି ?” <sup>୨୦</sup> ମାତର୍ ମୁଇ ତମ୍ବକେ କଇବି, “ଏ ମଇତର୍ ପରମେସରର୍ କାତା ନାଇ ବଲ୍‌ବାକେ ତମେ କେ ?” ଗଟେକ୍ ଆଣ୍ଟି ମକେ କାଇକେ ଏନ୍ତିକରି ଗଡ଼ଲୁସ୍ ବଲି କୁମାର୍‌କେ ପାଚାରି ନାପାରେ । <sup>୨୧</sup> ନିଜର୍ ମନ୍ କଲା ଇସାବେ ମାଟି ଚକ୍‌ଟିକରି ଆଣ୍ଟି ଗଟେକ୍ ତିଆର୍ କରବାକେ କୁମାର୍‌ର୍ ସବୁ ଅଦିକାର୍ ଆଚେ । ଗଟେକ୍ ଚକଟୁଲା ମାଟି ବେଲାଇଅନି ଦୁଇ ରକାମର୍ ଆଣ୍ଟି ତିଆର୍ କରସି । ତେଇଅନି ଗଟେକ୍‌କେ ପରବ୍ ଦିନ୍‌ମନ୍‌କେ ବାଇବାଇ । ଆରି ଗଟେକ୍ ଉଜର୍ ଦିନ୍‌ମନ୍‌କେ ବାଇବାଇ । ତେଇ ତାର୍ ସବୁ ଅଦିକାର୍ ଆଚେ ।

<sup>୨୨</sup> ପରମେସର୍ ମିସା ଟିକ୍ ସେନ୍ତିସେ କଲାଆଚେ । ଜେଡେବେଲେ ତାର୍ ରିସା ଆରି ବପୁ ଦେକାଇବାକେ ମନ୍ କରଡେ ରଇଲା, ଜେଡକି ଲକ୍ ତାର୍ ରିସାର୍ ଆଣ୍ଟିତେଇ ଅଦ୍‌ରି ନସ୍ତ ଅଇବାକେ ରଇଲା, ସେମନ୍‌ର୍ ପାଇ ପରମେସର୍ ବେସି ଜିବନ୍‌ଦୁକାଇଲା । <sup>୨୩</sup> ଆରି ସେ ତାର୍ ବେସି ବଡ଼ ତାକ୍‌ପୁଟା ଦେକାଇବାକେ ଆମ୍ବକେ ବେସି ଜିବନ୍‌ଦୁକାଇଲା ଆଚେ

। ଆରି ଆମ୍ଭକେ ବେସି ଆଗତୁ ସେ ବାଟି ରଇଲା । ୨୪ ଜନ୍ ଲକ୍ଷ୍ମୀନକେ ସେ ଡାକିଆଚେ, ସେ ବିତ୍ତରେ ଆମେ ମିସା ଆରୁ । ସେଟା ଅବକା ଜିଉଦିମନର ବିତ୍ତରେ ଅନି ନାଇ, ମାତର ଜିଉଦି ନଅଇଲା ଲକ୍ଷ୍ମୀନର ବିତ୍ତରେଅନି ମିସା । ୨୫ ଏ ବିସଇନେଇ ଅସେୟ ବଇତେଇ ପରମେସର କଇଆଚେ,

“ଜନ୍ ଲକ୍ଷ୍ମୀନ ଆମର ଲକ୍ ନ ରଇଲା, ସେମନ୍‌କେ ମୁଇ ଏବେ ନିଜର ଲକ୍ ଇସାବେ ଡାକ୍‌ବି ।

ଜନ୍ ଜାତିକେ ମୁଇ ଆଲାଦ୍ କରି ନ ରଇଲି, ତାକେ ‘ଆମର ନିଜର’ ବଲି ଡାକ୍‌ବି ।”

୨୬ “ଜନ୍ ଜାଗାଇ ସେମନ୍‌କେ କଇରଇଲୁ,

“ ତମେ ଆମର ଲକ୍ ନୁଆଁସ୍ ”

“ତେଇ ସେମନ୍ ଜିବନ୍ ରଇବା ପରମେସରର ପିଲାଟକି ବଲାଇଅଇବାଇ ।”

୨୭ ଆରି ଇସ୍ରାଏଲ୍ ବିସଇନେଇ ଜିସାୟ କଇଲା ଆଚେ, “ଇସ୍ରାଏଲିୟମନ୍ ସମ୍ବୁରର ବାଲିପାରା ଅଇଲେ ମିସା, ସେମନ୍‌ର ବିତ୍ତରେଅନି କେତେଲକ୍‌ସେ ମୁକ୍ତି ପାଇବାଇ । ୨୮ କାଇକେବଇଲେ ମାପୁରୁ ଦାପୁରେସେ ଗୁଲାଇ ଜଗତର ନିଆଇ ବିଚାର କରସି ।” ୨୯ ଜେନ୍ତ୍ରକି ଜିସାଇୟ ମିସା କଇରଇଲା, “ସବୁରଟାନେଅନି ବପୁ ରଇବା ମାପୁରୁ, ଆମର କେତେଟା ଲକ୍‌ମନ୍‌କେ ରକିଆ କରି ନ ରଇଲେ, ଆମର ଦସା ସଦମ୍ ଆରି ଗମ୍‌ରାର ଲକ୍‌ମନ୍‌ର ପାରା ଅଇତା ।”

**ଇସ୍ରାଏଲିୟମନ୍‌ର ମୁକ୍ତି ପାଇ ପାଉଲର ପାର୍ତନା**

୩୦ ସେଟାର ପାଇ ଜିଉଦି ନଇଲାଲକ୍‌ମନ୍‌ର ବିସଇନେଇ ଏଟା କଇପାରୁ, ସେମନ୍ ଦରମ୍ ଲକ୍ ବଲାଇ ଅଇବାକେ ମନ୍ କରି ନ ରଇଲା ମିସା, ସେମନ୍‌ର ବିସ୍‌ବାସ୍ ଲାଗି ସେମନ୍ ପରମେସରର ମୁଆଟେ ଦରମ୍‌ଲକ୍ ବଲାଇ ଅଇଲା ଆଚତ । ୩୧ ମାତର ଇସ୍ରାଏଲର ଲକ୍‌ମନ୍ ନିୟମ୍ ଆନିକରି ପରମେସରର ମୁଆଟେ ଦରମ୍ ଲକ୍ ବଲାଇ ଅଇବାକେ ବେସି ଚେସ୍‌ଟା କଲା, ମାତର ନାପାରୁଲା । ୩୨ କାଇକେ ନାପାରୁଲା ? କାଇକେବଇଲେ ସେମନ୍ ପରମେସରକେ ବିସ୍‌ବାସ୍ ନ କର୍ତେ ନିୟମ୍ ମାନ୍‌ବାକେ ଚେସ୍‌ଟା କଲା ଆରି ତାର ମୁଆଟେ ଦରମ୍ ବଲାଇ ଅଇବାକେ ବାବୁଲା । ଏଟାରଲାଗି ବାଟେ ଗାଡିରଇବା ବଡ଼ ପାକ୍‌ନାଟାନେ ଚେସାଇଅଇଲା ଲକ୍‌ମନ୍‌ରପାରା ଅଇଗାଲା । ୩୩ ଜେନ୍ତ୍ରକି ସାସ୍‌ତରେ ଲେକାଆଚେ,

ଦେକା ଆମେ ସିୟନେ ଗଟେକ୍ ବାଦାପାକାଇବା ପାକ୍‌ନା ଆରି

ଅଟ୍‌କାଇବା ରାଙ୍ଗ୍‌ନିପାକ୍‌ନା ସଙ୍ଗ୍‌ଲୁ ଆରୁ,

ତେଇ ଲକ୍‌ମନ୍ ଜଟିଆଇ ଅଇ ଅଦରବାଇ ।

ମାତର ଜେ ତାକେ ବିସ୍‌ବାସ୍ କରସି, ସେ କେବେ ମୁରମୁରା ନ ଅଏ ।

**୧୦**

୧ ଏ ବାଇବଇନିମନ୍, ମର ନିଜର ଲକ୍ ମୁକ୍ତି ପାଅଡ଼ ବଲି ମୁଇ ବେସି ମନ୍ କଲିନି । ଆରି ଏଟାରପାଇ ମୁଇ ସବୁବେଲେ ପରମେସରକେ ପାର୍ତନା କଲିନି । ୨ ସେମନ୍ ପରମେସରକେ ପୁରାପୁରୁନ୍ ବିସ୍‌ବାସ୍ କଲାଲିନି । ମାତର ତାକେ କେନ୍ତ୍ରାରି ସାର୍‌ଦା କରାଇବାର ଆଚେ, ସେଟା ନାଜାନତ୍ । ୩ ଲକ୍‌ମନ୍‌କେ ନିଜର ମୁଆଟେ ଦରମ୍ ବଲାଇ ଅଇବାକେ, ପରମେସର ଜନ୍ ଜଜ୍‌ନା କଲା, ସେଟା ସେମନ୍ ନିର୍‌ଲା । ମାତର ନିଜେ ଜଜ୍‌ନା ତିଆର୍ କରି, ନିୟମ୍‌ର ବାଟେ ଇଣ୍‌ଲା । ୪ କିରିସ୍‌ଟ ଆଇଲାତେଇଅନି ନିୟମ୍ ମାନ୍‌ବାଟା କାଇ ମୁଲିଅ ନାଇ । ଜେନ୍ତ୍ରାରି କି ତାକେସେ ବିସ୍‌ବାସ୍ କଲେ, ମୁନ୍‌ସ୍ ପରମେସରର ମୁଆଟେ ଦରମ୍ ଲକ୍ ବଲି ଏଜାଇ ଅଇସି ।

**ସବୁର ପାଇ ମୁକ୍ତି**

୫ ନିୟମ୍ ମାନ୍‌ବାତେଇଅନି ଦରମ୍‌ଲକ୍ ଅଇବା ବିସଇ ମସା ଲେକ୍‌ଲା ଆଚେ । ଜଦି ଜନ୍ ଲକ୍‌ମନ୍ ନିୟମ୍‌ର ସବୁଜାକ ଆଦେସ୍ ମାନ୍‌ବାଇ, ସେମନ୍ ବର୍‌ବାଇ । ୬ ମାତର ଲକ୍‌ମନ୍ ବିସ୍‌ବାସ୍‌କରି ପରମେସରର ମୁଆଟେ ଦରମ୍ ବଲାଅଇବାଇ, ସେ ବିସଇ ସାସ୍‌ତରେ ଏନ୍ତି ଲେକାଆଚେ, କେ ସର୍‌ଗେ ଜାଇକରି କିରିସ୍‌ଟକେ ଉଡ଼ରାଇ ଆନ୍‌ସି ? ବଲି ମନେ ମନେ କଇ ଉଆନାଇ । ୭ ଆରି କୁଆନାଇ, କେ ପାତାଲେ ଜାଇକରି କିରିସ୍‌ଟକେ ମଲାଟାନେଅନି ଆରିତରେକ୍ ଉଟାଇ ଆନ୍‌ସି ? ୮ କାଇକେବଇଲେ ସାସ୍‌ତରେ ଏନ୍ତାରି ମିସା ଲେକାଅଇଆଚେ, “ପରମେସରର କବର ତମର ଲଗେ, ତମର ଟଣ୍ଡେ ଆରି ମନେ ଆଚେ ।” ବିସ୍‌ବାସ୍ ବିସଇର ଏ କବରସେ ଆମେ ଜାନାଇଲୁନି । ୯ ଜଦି ଡ଼, କିରିସ୍‌ଟସେ ମାପୁରୁ ବଲି କଇଲାସ୍‌ନି ଆରି ଡ଼, ପରମେସର ତାକେ ମଲାତେଇଅନି ଉଟାଇଲା ଆଚେ ବଲି ମନେ ମନେ ବିସ୍‌ବାସ୍ କଲାସ୍‌ନି, ସେନ୍ତାର ଆଲେ ତମେ ମୁକ୍ତି ପାଇସା । ୧୦ ଆମର ବିସ୍‌ବାସ୍‌ର ଲାଗି ପରମେସର ଆମ୍ଭକେ ଦରମ୍ ଲକ୍ ବଲି ଏଜଲାନି । ଆରି ଟଣ୍ଡେ ଡ଼ ବଲି ମାନିଆଇଲୁନିଜେ ଆମେ ମୁକ୍ତି ପାଇଆରୁ । ୧୧ ସାସ୍‌ତର ଇସାବେ, “କେ ମିସା ତାକେ ବିସ୍‌ବାସ୍ କରସି, ସେ ବିସ୍‌ବାସ୍ କରି କେବେ ଲାଜ୍ ନ ଅଏ ।” ୧୨ କାଇଟାବଇଲେ, ଜିଉଦି ଆରି ଜିଉଦି ନଇଲା ଲକ୍‌ର ବିତ୍ତରେ କାଇ ସାନ୍ ବଡ଼ ନାଇ । ସେଟାର ପାଇ ସବୁ ଲକ୍‌ର ତା ଗଟେକ୍ ମାପୁରୁ, ଆରି ଜେଡୁକି ଲକ୍ ତାକେ ପାର୍ତନା କରବାଇ ସେ ସବୁ ଲକ୍‌କେ ମଙ୍ଗ୍‌ଲ୍ କରସି । ୧୩ କାଇକେବଇଲେ “ଜେ ମିସା ମାପୁରୁର ନାଉଁ ଦାରି ପାର୍ତନା କରସି, ସେ ମୁକ୍ତି ପାଇସି ।”



୧୪ ମାତର ସେମନ୍ ତାକେ ବିସ୍ବାସ ନ କଲେ, କେନ୍ତ୍ର ତାର ନାଉଁ ଦାରି ପାର୍ତନା କରବାଇ ? ଆରି ତାର ବିସଇର୍ ସୁବକବର୍ ନ ସୁନିରଇଲେ କେନ୍ତ୍ର ବିସ୍ବାସ କରବାଇ ? ଆରି ସେମନ୍‌କେ କବର୍ ନ ସୁନାଇଲେ, କେନ୍ତ୍ର ସୁନ୍‌ବାଇ ? ୧୫ ଆରି କବର୍ ନେଉକେ ନ ପାଟାଇଲେ କେନ୍ତ୍ର ଜାନାଇସି ? ଏ ବିସଇ ସାସ୍ତରେ ଲେକା ଆଟେ “ସୁବକବର୍ ଜାନାଉମନ୍ ଆଇବାଟା, କେତେ ସାରଦାର କାତା !” ୧୬ ମାତର ସୁବକବର୍ ଜାନାଇବାଟାନ୍ ସବୁ ଲକ୍ ମାନତ୍ ନାଇ । ସେଟାର ପାଇ ଜିସାଇୟ ଲେକ୍‌ଲା ଆଟେ, “ଏ ମାପୁରୁ, ଆମେ କଇଲା କାତା ସୁନିକରି କେ ବିସ୍ବାସ କରତ୍‌ନାଇ ।” ୧୭ ତେବର୍‌ପାଇ ସୁବକବର୍ ସୁନ୍‌ବାଟାନ୍‌ଅନି ବିସ୍ବାସ ଅଇସି । ଆରି କିରିସ୍‌ଟକେ ଜାନାଇବାଟା ସେ ସୁବକବର୍ ।

୧୮ ମାତର ମୁଇ ପାଟାରଲିନି ଇସ୍ରାଏଲର୍ ଲକ୍‌ମନ୍ କାଇ, ସେ କବର୍ ସୁନ୍‌ତ୍ ନାଇ କି ? ବାଇଦରେ ସୁନିଆଟ୍, କାଇକେବଇଲେ ଲେକାଆଟେ,  
 “ଜାନାଉମନ୍‌ର୍ ସବଦ୍ ଗୁଲାଇ ଜଗତ୍ ତାବିଅଇଗାଲା ଆଟେ, ସେମନ୍‌ର୍ କାତା ରାଇଜ୍ ଚିଡ୍‌ଲା ଜାକ କେଟ୍‌ଲା ଆଟେ ।”

୧୯ ଆରି ତରେକ୍ ମୁଇ ପାଟାରଲିନି, ଇସ୍ରାଏଲର୍ ଲକ୍‌ମନ୍ ସେଟା ନିକସଙ୍ଗ୍ ବୁଜତ୍ ନାଇ କି ? ଉଁ ବୁଜିଆଟ୍ । କାଇକେବଇଲେ ବେସି ବରସ୍ ଆଗତ୍ ମସା ଉତ୍‌ରଦେଇ ଲେକ୍‌ଲା ଆଟେ,

ଗଟେକ୍ ନାଜାନଲା ଜାତିକେ ସାଇଜ କରି  
 ମର୍ ଲକ୍‌ମନ୍‌କେ ଛୁଆ କରାଇବି ।  
 ସେନ୍ତ୍ର ଗଟେକ୍ ବକୁଆ ଜାତିର୍ ଲକ୍‌କେ ଦୟାକରି  
 ମୁଇ ସେମନ୍‌କେ ରିସା କରାଇବି ।

୨୦ ଜିସାଇଅ ଆରି ମିସା ତାଟ୍‌ସଙ୍ଗ୍ କଇଲା ଆଟେ,  
 “ଜନ୍ ଲକ୍‌ମନ୍ ମକେ ନ କଜ୍‌ତେରଇଲାଇ,  
 ସେମନ୍ ମକେ ବେଟ୍ ପାଇଲାଇ,  
 ଜନ୍ ଲକ୍‌ମନ୍ ମର୍ ବିସଇ ନ ପାଟାର୍‌ତେ ରଇଲାଇ,  
 ମୁଇ ନିଜେ ସେମନ୍‌କେ ଦେକାଇଅଇଲି ।”

୨୧ ମାତର ପର୍‌ମେସର୍ ଇସ୍ରାଏଲର୍ ବିସଇ କଇଲାନି, “ଗୁଲାଇଦିନ୍ ସେମନ୍‌କେ ତାକି ନେବାକେ ଆଡ୍ ଲାମାଇଲି, ମାତର ସେମନ୍ ମକେ ନ ମାନିକରି ବିରଦ୍ କଲାଇ ।”

## ୧୧

### ଇସ୍ରାଏଲ୍‌ମନ୍‌ ପାଇ ପରମେସର୍‌ର୍ ଦୟା

୧ \*ମୁଇ ଆରିତରେକ୍ ପାଟାରଲିନି, “ତେବେ ପରମେସର୍ ସବୁ ଜିଉଦି ଲକ୍‌ମନ୍‌କେ ଚାଡି ଦେଲା ଆଟେ କି ? ନାଇ, କେବେ ନାଇ । ମୁଇ ମିସା ନିଜେ ସେମନ୍‌ର୍‌ପାରା ଗଟେକ୍ ଜିଉଦି, ଅବ୍ରାଆମ୍‌ତା ମର୍ ଆନିଦାଦି ଆରି ମୁଇ ବେନ୍‌ଜାମିନ୍ କୁଟୁମର୍ ଲକ୍ ଅଇଆଟି ।” ୨ ପରମେସର୍ ମୁଲେଅନି ବାଟିରଇଲା ତାର ଲକ୍‌ମନ୍‌କେ କେବେ ମିସା ଚାଡେନାଇ । ତମେ ସାସ୍ତରେ ପଡିଆଟାସ୍, ଏଲିଅ କେନ୍ତ୍ର ଇସ୍ରାଏଲ୍ ମନର୍ ପାପର୍ ଚଲାଚଲ୍‌ତିର୍‌ପାଇ ପରମେସର୍‌କେ ପାର୍ତନା କରିରଇଲା, ୩ “ଏ ମାପୁରୁ, ସେମନ୍ ତମର୍ ବବିସ୍‌ତ୍‌ବକ୍‌ତାମନ୍‌କେ ମରାଇଆଟ୍ ଆରି ତମର୍ ପୁଜା କରବା ବେଦି ସବୁ ବାଙ୍ଗାଇ ପାକାଇଲାଇ ଆଟ୍ । ମୁଇ ଗଟେକ୍ ଲକ୍‌ସେ ତକେ ପୁଜା କରବାକେ ଆଟି । ମକେ ମିସା ସେମନ୍ ମାରିପାକାଇବାକେ ଚେସ୍‌ଟା କଲାଇନି ।” ୪ ପରମେସର୍ ଏଲିଅକେ କାଇବଲି କଇ ରଇଲା । “କାରାପ୍ ଦେବ୍‌ତା ବାଲ୍ ପୁଡ୍‌ଲାକେ ପୁଜା ନ କରିରଇବା ତମର୍ ବିଡ୍‌ରେଅନି ସାଡ୍ ଅଜାର୍ ଲକ୍‌କେ ମର୍ ପାଇ ସଙ୍ଗ୍‌ଆଟି ।” ୫ ଏବେ ସେ ସମାନ୍ ବେଲା ଗଟ୍‌ଲା ଆଟେ । ପରମେସର୍ ଜିବନ୍ ଦୁକାଇ ଜନ୍ ଲକ୍‌ମନ୍‌କେ ବାଟି ରଇଲା, ସେମନ୍‌ର୍ ବିଡ୍‌ରେଅନି ଅଲପ୍ କେତେଟା ଜିଉଦିମନ୍ ଅଗ୍ଲି ଆଟ୍ । ୬ ପରମେସର୍ ସେମନ୍‌କେ ତାର ନିଜର୍ ଜିବନ୍ ଦୁକାଇକରି ବାଟ୍‌ଲା ଆଟେ । ସେମନ୍ କରି ରଇବା ନିକ କାମର୍ ଲାଗି ନାଇ । ଜଦି ସେମନ୍‌ର୍ ନିକ କାମର୍ ଲାଗି ସେମନ୍‌କେ ବାଟିରଇତା, ତାର ଜିବନ୍ ଦୁକାନି ସଡ୍ ଜିବନ୍ ଦୁକାନି ନ ଅଇତା ।

୭ ତେବେ କାଇଟା ଅଇଲା ? ଇସ୍ରାଏଲ୍‌ର୍ ଲକ୍‌ମନ୍ ନିଜେ ଦରମ୍ ବଲାଅଇବାକେ ଗଟେକ୍ ବାଟ୍ କଇଲା । ମାତର ତେଇଅନି ଗଟେକ୍ ସାନ୍ ଦଲ୍‌କେସେ ପର୍‌ମେସର୍ ବାଟିରଇଲା । ଆରି ବାକିଲକ୍‌ମନ୍ କେ ମିସା ସେ ତାକ୍‌ଲାକେ ସୁନ୍‌ତ୍ ନାଇ । ୮ ସାସ୍ତରେ ବାକିଅ “କେନ୍ତ୍ରିକି ପରମେସର୍ ସେମନ୍‌ର୍ ଆଁକି ଆରି ମନ୍ ବାନ୍ଦି ଦେଲା ଆଟେ । ଏବେ ଜାକ ସେମନ୍ ଦେକି ନାପାର୍‌ଲାଇନି କି ସୁନି ନାପାର୍‌ଲାଇନି ।” ୯ ସେମନ୍‌ର୍ ବିସଇନେଇ ଦାଉଦ୍ ଲେକ୍‌ଲା ଆଟେ, ସେମନ୍ ଆମେ ପାପ୍ କରୁନାଇ ବଲି ବୁଲ୍ ଚିନ୍ତା କରତ୍ । ସେମନ୍ ତେଇ ଅଦ୍‌ରି ଜାଅତ୍ ।

ଅଦ୍‌ରିଜାଇକରି ତଣ୍ଟ୍ ପାଅତ୍ ।

୧୦ ସେମନ୍ କାଶାକାଣି ଅଇକରି କାଇଟା ମିସା ଦେକି ନାପାର୍‌ତ୍ ।  
 ସବୁବେଲେ ଦୁକ୍ କସ୍‌ଟ୍ ପାଇପାଇ  
 ସେମନ୍‌ର୍ ଆଁଟା ସବୁବେଲର୍ ପାଇ ବାଁକ୍ ଅଇଜାଅ ।

☆ ୧୧:୧ ୧୧:୧ ପିଲିପିୟ ୩:୫

୧୧ ମର ସଙ୍ଗର ଜିଉଦିମନ୍ ଜଟିଆଇ ଅଇକରି ଆଜିଜାଇ ନସଟ ଅଇଗାଲାଇ । ମାତର ସେମନ୍‌କେ ବାଉଡ଼ାଇ ଆନ୍‌ବାକେ ପରମେସର ନାପାରେ ବଲି ବାବ୍‌ଲାସ୍‌ନି କି ? ନାଇ ସେ ପାରସି । ସେମନ୍ ପରମେସରର ବାକିଅ ନିଚ୍‌ଲାକେ ଜିଉଦି ନ ଅଇଲା ଲକ୍‌ମନ୍ ମୁକ୍ତି ପାଇଲାଇ ଆଚଡ଼ । ଜେନ୍ତାରି କି ଜିଉଦିମନ୍ ଛିଆ ଅଇଜିବାଇ । ୧୨ ଜିଉଦିମନ୍‌ର ନ ମାନ୍‌ବାଟା, ଜଗତର ବିନ୍ ଲକ୍‌ମନ୍‌କେ ବେସି ଆସିରବାଦ୍ ମିଲ୍‌ଲା । ଜିଉଦିମନ୍ ପରମେସରକେ ନ ମାନ୍‌ଲାକେ ଜିଉଦି ନ ଅଇଲା ଲକ୍‌ମନ୍ ତାରଟାଣେ ଅନି ବଡ଼ ଆସିରବାଦ୍ ପାଇଲାଇ । ସେନ୍ତାର ଆଲେ ପଡ଼କେ ବାଟି ରଇବା ସବୁ ଜିଉଦିମନ୍ ବିସ୍‌ବାସ୍ କଲେ, ସେ ଆସିରବାଦ୍ କେତେକ୍ ଅଦିକ୍ ଅଇସି ।

**ଜିଉଦିନଇଲା ଲକ୍‌ମନ୍ ମୁକ୍ତି**

୧୩ ଜିଉଦି ନଇଲା ଲକ୍‌ମନ୍, ତମ୍‌କେ ମୁଇ କଇଲିନି, ପେରିତସିସ୍ ଇସାବେ ତମର ବିତ୍‌ରେ କାମ୍ କରବାକେ ପରମେସର ମକେ ବାଟଲା ଆଚେ । ସେ ମକେ ଜେଡ଼କି କାମ୍ ଦେଲାଆଚେ, ସେଟା ମୁଇ ଜତନ୍‌ସଙ୍ଗ୍ କଲିନି । ୧୪ ମୁଇ ତମ୍‌କେ ସାଇଜ କଲାପାଇ, ମର ସଙ୍ଗର ଜିଉଦିମନ୍ ଛିଆ ଅଅଡ଼ ବଲି ମୁଇ ମନ୍ କଲିନି । କେ ଜାନେ ସେମନ୍‌ର ବିତ୍‌ରେଅନି କେତେଲକ୍ ବିସ୍‌ବାସ୍ କରି ପରମେସରର ଡ଼େଣ୍ଡେଅନି ରକିଆ ପାଇବାଇ । ୧୫ ଜିଉଦିମନ୍ ପରମେସରର ଟାଣେଅନି ବେଗଲ୍‌ଲାକେ, ଜିଉଦି ନ ଅଇଲା ଲକ୍‌ମନ୍ ତାର ନିଜର ଲକ୍ ଅଇପାରଲାଇ । ସେନ୍ତାରଆଲେ ଜିଉଦି ଲକ୍‌ମନ୍ ତାରଟାଣେ ଆରିତରେକ୍ ବାଉଡ଼ିଆଇଲେ, ଜିଉଦି ନ ଅଇଲା ଲକ୍‌ମନ୍‌କେ କେତେକ୍ ଅଦିକ୍ ଆସିରବାଦ୍ ଅଇସି । ସେନ୍ତାରି ଅଇଲେ କେତେକ୍ ନିକ କରମ୍ ! ସବୁ ମଲାଲକ୍‌ମନ୍ ଜିବନ୍‌ଅଇ ଉଟ୍‌ଲାପାରା ଅଇସି ।

୧୬ ରୁଟିତେଇଅନି କଣ୍ଠେକ୍ ପରମେସରକେ ଦିଆଅଇରଇଲେ, ସବୁଜାକ ରୁଟି ଦିଆଅଇଲା ଆଚେ ବଲି ବାବ୍‌ବାର୍ । ଗଟେକ୍ ଗଟର ଚେର ସୁକଲ୍ ରଇଲେ, ତାର କେନ୍ଦାକଡ଼ ମିସା ସୁକଲ୍ ଆଚେ ବଲି ବାବ୍‌ବାକେ ଅଇସି । ୧୭ ଇସ୍ରାଏଲ୍ କୁଟୁମର ଲକ୍‌ମନ୍ ପରମେସର ଜତନ୍ କରିରଇବା ଗଟେକ୍ ଜିଡ଼ ଗଟର ପାରା । ସେ ଗଟେଅନି କେତେଟା କେନ୍ଦି ବାଙ୍ଗାଇକରି ବନର ଜିଡ଼ ଗଟର କେନ୍ଦା ତେଇ, ଜଡ଼ିଆଚେ । ତମେ ଜିଉଦି ନ ଅଇଲା ଲକ୍‌ମନ୍ ସେ ବନର ଜିଡ଼ ଗଟ ପାରା । ଏବେ ତମେ ଜିଉଦିମନ୍‌ର ତାଟ୍ ଆଡ଼ମାର ଜିବନ୍‌ତେଇ ଜଡ଼ିଅଇଆଚାସ୍ । ୧୮ ସେଟାର ପାଇ ତମେ ଜିଉଦିମନ୍‌ର ଟାଣେଅନି ବଡ଼ ବଲି ବାବାନାଇ । କାଇକେବଇଲେ ତମେ ଅବ୍‌କା କେନ୍ଦାସେ ଆରି କେନ୍ଦାମନ୍‌ର କାଦି ଗଟର ଚେରେଅନିସେ ଆଇସି । ଚେରର କାଦି କେନ୍ଦାଇଅନି ନ ଆସେ ।

୧୯ “ଉଁ ତମେ କଇପାରାସ୍, ଜିଉଦି ନ ଅଇଲା ଲକ୍‌ମନ୍ ଆମେସେ ବଡ଼ । କାଇକେବଇଲେ ଆମ୍‌କେ ଜଡ଼ବାକେ କେନ୍ଦାମନ୍ ବାଙ୍ଗାଇଲାଇ ।”

୨୦ ତମ୍‌କେ ଜଡ଼ିଆଚେ, ସେଟା ସଡ଼ ସେ । ମାତର ଜିଉଦିମନ୍ ବିସ୍‌ବାସ୍ ନ କଲାପ ପାଇ ପରମେସର ସେମନ୍‌କେ କାଟିଦେଲାଆଚେ । ତମେ ବିସ୍‌ବାସ୍ କଲାକେସେ ତମ୍‌କେ ଜଡ଼ିଆଚେ । ସେଟାରପାଇ ବଡ଼ପନ୍ ନ ଅଇ ତରିକରି ରୁଆ । ୨୧ କାଇକେବଇଲେ ଜିଉଦି ଗଟେଅନି ନିଜେ ବାରଇଲା କେନ୍ଦା ପାରା ଜିଉଦିମନ୍‌କେ ପରମେସର ବାଙ୍ଗାଇଦେଲା, ତେବେ ବନେଅନି ଆନି ଜଡ଼ିରଇବା କେନ୍ଦାମନ୍‌କେ କେତେକ୍ ଅଦିକ୍ ସେ ନ ବାଙ୍ଗାଏ ? ସେ କେନ୍ଦାମନ୍ ଅଇଲାନି, ତମେ ବିସ୍‌ବାସ୍ ନ କଲା ଜିଉଦି ନଇବା ଲକ୍‌ମନ୍ । ୨୨ ଇଡ଼ିଅନି ଆମେ ଦେକ୍‌ଲୁନି ପରମେସର କେନ୍ଦି ଆଲାଦ୍‌କାରିଆ, ଆରି ସାସନ୍‌କାରି ମିସା ! ଜନ୍ ଲକ୍‌ମନ୍ ତାର କାତା ମାନ୍‌ଡ଼ ନାଇ, ସେମନ୍‌କେ ଡ଼ଣ୍ଡୁ ଦେଲା । ମାତର ତାର ଦୟା ତମେ ତାଟ୍ ସଙ୍ଗ୍ ଦାରିରଇଲେ, ସେ ତମ୍‌କେ ଦୟା ଦେକାଇସି । ଜିଉଦି ସେନ୍ତାରି ନ କଲେ, ତମ୍‌କେ ମିସା କାଟିଦେଇସି । ୨୩ ଜିଉଦିମନ୍ ବିସ୍‌ବାସ୍ କଲେ, ଗଟର ବୁନ୍ଦେ ରଇବା ତାକର୍ ଆଗର୍ ଜାଗାଇ ପରମେସର ସେମନ୍‌କେ ବାଉଡ଼ାଇସି । କାଇକେବଇଲେ ସେଟା ପରମେସରସେ କରିପାରେ । ୨୪ ତମେ ଜିଉଦିନଇଲା ଲକ୍‌ମନ୍ ବନର ଜିଡ଼ ଗଟର ବାଙ୍ଗାଇଲା କେନ୍ଦାପାରା । ସବୁବେଲେ ଜଡ଼ବାଟାଣେ କଲାପାରା ନ କରି, ପରମେସର ନିଜେ ଜତନ୍ କରବା ଗଟେ, ତମ୍‌କେ ଜଡ଼ୁଲାଆଚେ । ଜିଉଦିମନ୍ ସେ ନିଜେ ଜତନ୍ କରିରଇବା ଗଟରପାରା । ସେନ୍ତାରଆଲେ ଗଟ୍‌ବୁନ୍ଦେ ରଇବା କେନ୍ଦାମନ୍‌କେ ଆଗର୍ ଜାଗାଇ ନେଇ ଜଡ଼ବାକେ କେତେକ୍ ଅଦିକ୍ ସଅଜ ଅଇସି ।

**ସବୁ ଲକ୍‌ର ପାଇ ପରମେସରର ଆଲାଦ୍**

୨୫ ଏ ବାଇବଇନିମନ୍, ଏ ବିସଇଟାଣେ ଗଟେକ୍ ଲୁଟିରଇଲା ସଡ଼ ତମେ ବୁଜା ବଲି ମୁଇ ମନ୍ କଲିନି । ଆମେ ଜିଉଦିମନ୍‌ର ଟାଣେଅନି ବଡ଼ ଆଚୁ ବଲି ତମେ ବଡ଼ପନ୍ ନ ଅଇବାକେ, ଏଟା ତମ୍‌କେ ବୁଜାଇଲିନି । ଜିଉଦିମନ୍‌ର କାତା ନ ମାନ୍‌ବାଟା, ବେସିଦିନ୍ ଜାକ ନ ରଏ । ମାତର ଜେଡ଼କି ଜିଉଦି ନ ଅଇଲା ଲକ୍‌ମନ୍‌କେ ପରମେସର ବାଟ୍‌ଲାଆଚେ, ସେମନ୍ ବିସ୍‌ବାସ୍ କରବାଜାକ ସେଟା ରଇସି । ୨୬ ତାର ପଚେ ଇସ୍ରାଏଲିଅମନ୍ ସବୁ ଲକ୍ ଏ ସାସ୍‌ତରର ଇସାବେ ରକିଆ ପାଇବାଇ ।

ମୁକ୍ତିକାରିଆ ଜିଉଦିମନ୍‌ର ବିତ୍‌ରେ ଅନି ଆଇସି, ଆରି ତାର ଲାଗି ଜାକୁବର୍ କୁଟୁମେଅନି ସବୁ ତାକର୍ କାରାପ୍ ଚଲାଚଲ୍‌ତି ଚାଡ଼ୁବାଇ ।

୨୭ ସେମନ୍‌ର ପାପ୍ ରଇବା ଚଲାଚଲ୍‌ତି ମୁଇ ଦାରିଜିବାବେଲେ, ସେମନ୍‌ର ସଙ୍ଗ୍ ଏ ରାଜିନାମା କରବି । ୨୮ ସୁବ୍ କବର୍ ବିସ୍‌ବାସ୍ ନ କରି ଜିଉଦିମନ୍ ପରମେସରର ସଡ଼ୁ ଅଇଗାଲାଇ । ଏନ୍ତାରି ଅଇଲାକେ ତମେ ଜିଉଦି ନ ଅଇଲା ଲକ୍‌ମନ୍ ମୁକ୍ତି ପାଇଲାସ୍ । ଏନ୍ତାରି ଅଇଲେମିସା ପରମେସର ଜନ୍ କାତା ତାକର୍ ଆନିଦାଦିମନ୍‌କେ ଦେଇରଇଲା, ଆରି

ସେମନ୍ ତାର ବାଟିରଇବା ଲକ୍ମନ୍ ଅଇଲାକେ ମିସା, ସେମନ୍ ତାର ଲକ୍ ଅଇଆଚଡ଼ ।<sup>୨୯</sup> କାଇକେବଇଲେ ପରମେସର୍ ଜନ୍ ଲକ୍ମନ୍‌କେ ବାଟିକରି ଆସିରବାଦ୍ କରସି, ସେ ଦାନ୍ ଦେବାକେ ଜାଗରତା ରଇସି ।<sup>୩୦</sup> ଜିଉଦିନଇଲା ଲକ୍ମନ୍ ତମେ ପୁରବେ ପରମେସରର୍ କାତା ନ ମାନ୍‌ତେ ରଇଲାସ୍, ମାତର୍ ଜିଉଦିମନ୍ କାତା ନ ମାନ୍‌ଲାର୍ ପାଇ, ଏବେ ତମେ ପରମେସରର୍ ଜିବନ୍ ଦୁକାନିର୍ ଆଲାଦ୍ ପାଇଆଚାସ୍ ।<sup>୩୧</sup> ଏଟା ଜିଉଦି ଅଇରଇବା ଲକ୍ମନ୍‌ର୍ ପାଇ ମିସା ସେନ୍ତାରିସେ । ଏବେ ସେମନ୍ କାତା ନ ମାନ୍‌ଲେ ମିସା, ତମ୍‌କେ ଜେନ୍ତାରି ପରମେସର୍ ଦୟା ଦେକାଇ ଆଲାଦ୍ କଲାଆଚେ, ସେ ପର୍‌କେ ସେମନ୍‌କେ ମିସା ଦୟା ଦେକାଇସି ।<sup>୩୨</sup> ଗୁଲାଇ ମନସ୍ ଜାତି ତାର୍ କାତା ନ ମାନ୍‌ଲାକେ ତଣ୍ ପାଇବାର୍ ଆଚେ ବଲି ପରମେସର୍ ଦେକାଇଲା ଆଚେ । ତାର୍ ଜିବନ୍ ଦୁକାଇଲାଟା ସବୁକେ ଡିସ୍‌ସି ବଲି ଏନ୍ତାରି କଲାଆଚେ ।

**ପରମେସରର୍ ଡାକ୍‌ପୁଟା**

<sup>୩୩</sup> ପରମେସରର୍ ଦୟା କେତେକ୍ ବଡ଼ ! ତାର୍ ଗିଆନ୍ ଆରି ବିଚାର୍ କରବା ବପୁ କେ ବୁଜିନାପାରଡ଼ ! ସେ ଜନ୍‌ଟା ଡ଼ କରସି, ସେଟା ଲକ୍ମନ୍ ବୁଜିନାପାରଡ଼ । ସେ ଜନ୍ କାମ୍ କରବାକେ ଗାଲାନି, ସେଟା କେ ବାତାଇ ନାପାରଡ଼ ।<sup>୩୪</sup> କାଇକେବଇଲେ ସାସ୍‌ତରେ ଏନ୍ତାରି ଲେକା ଅଇଲାଆଚେ ।

“ପରମେସର୍ ମନେ ଚିନ୍ତା କରବାଟା କେ ବୁଜି ପାରଡ଼ ?

ତାକେ କେ ମିସା ବୁଦିର୍ କାତା କଇବାକେ ଲଡାନାଇ ।”

<sup>୩୫</sup> ତାକେ କାଇଟା ଉନା ନାଇ ।

ସେ ଆମର୍ ରୁଣି ଅଇବାକେ, ତାକେ କାଇଟା ଦେଇ ନାପାରୁ ।

<sup>୩୬</sup> ✽ତିଆର୍ ଅଇଲା ସବୁ ବିସଇ ସେ ସେ ଚାଲାଇଲାନି । ଆରି ସବୁ ବିସଇ ତାର୍‌ପାଇସେ । ପରମେସର୍, କାଲେ କାଲେ ଜୁଗେ ଜୁଗେ, ତାର୍ ଡାକ୍‌ପୁଟା ଅ । ଆମେନ୍ !

**୧୨**

**ପରମେସର୍‌କେ ସେବା କରବା ଜିବନ୍**

<sup>୧</sup> ସେଟାର୍ ପାଇ ଏ ବାଇବଇନିମନ୍, ଆମର୍ ଉପରେ ପରମେସରର୍ ବଡ଼ ଜିବନ୍‌ଦୁକାନିର୍ ଲାଗି, ତମ୍‌କେ ମୁଇ ବାବୁଜିଆ କଲିନି, ପରମେସରର୍ ଲଗେ ଗଟେକ୍ ବଲି ଇସାବେ ନିଜର୍ ଜିବନ୍ ସର୍‌ପିଦିଆସ୍ । ଏନ୍ତାରି ବଲି ଅଇବାଟା ମରବାକେ ନଏଁ, ମାତର୍ ତାର୍ ସେବାକରବାକେ ନିଜେ ସର୍‌ପି ଅଇବାଟା । ସେନ୍ତି ଅଇଲେ ପରମେସର୍ ସାର୍‌ଦା ଅଇସି । ପରମେସର୍‌କେ ଏ ରକାମ୍ ଉପାସନା କରବାର୍ ଆଚେ ।<sup>୨</sup> ଏ ଜଗତେ ରଇବା ଲକ୍ମନ୍‌ର୍ ପାରା ଚଲାଚଲୁତି ଇସାବେ ଜିଉନା କାଉନା କରାନାଇ । ପରମେସର୍ ତମର୍ ମନ୍ ନୁଆକରି ବାଦ୍‌ଲାଅ । ସେନ୍ତି ଅଇଲେ ସେ ମନ୍ କରବାଟା ବୁଜିପାରସା । ଆରି ଜନ୍ ଚଲାଚଲୁତି ତାର୍ ମୁଆଟେ ନିକ, ସିଦ୍ ଆରି ତାକେ ସାର୍‌ଦା କରାଇସି, ସେଟା ଜାନି ପାରସା ।

<sup>୩</sup> ପରମେସର୍ ମକେ ଜିବନ୍‌ଦୁକାଇକରି ଅଦିକାର୍ ଦେଲାକେ ତମ୍‌କେ ସବୁ ଲକ୍‌କେ କଇଲିନି, । କେ ମିସା ମୁଇ ବିନ୍ ଲକ୍‌ଟାନେଅନି ବଡ଼ ବଲି ବାବାନାଇ । ପରମେସର୍ ତମ୍‌କେ ଜେଡ଼କି ବିସ୍‌ବାସ୍ ଦେଲାଆଚେ, ସେଡ଼କି ନିଜ୍‌କେ ବିଚାର୍ କରା । ✽ଆମ୍‌କେ ସବୁଲକ୍‌କେ ଗାଗତେ ବିନ୍ ବିନ୍ ବାଗ୍ ଆଚେ । ସେ ଗାଗତର୍ ବିନ୍ ବିନ୍ ବାଗ୍, ବିନ୍ ବିନ୍ କାମ୍ ଆଚେ । ✽ ସେନ୍ତାରିସେ ଆମେ ଜେଡ଼କି ଲକ୍ କିରିସ୍‌ଟେଇ ମିସ୍‌ଲୁଆରୁ, ଆମେ ତାର୍ ଗାଗଡ଼ ଅଇଲୁଆରୁ । ଗାଗତର୍ ଆଡ଼ ଗଡ଼ ପାରା ଆମେ ସବୁ ଲକ୍ ମିସିଆରୁ ।<sup>୪</sup> ✽ସେଟାର୍ ପାଇ ପରମେସର୍ ଆମ୍‌କେ ଜିବନ୍ ଦୁକାଇ ଜେଡ଼କି ବିନ୍ ବିନ୍ ବପୁର୍ ଦାନ୍ ଦେଲା ଆଚେ, ସେ ସବୁ ବପୁ ଆମର୍ କାମେ ଲାଗାଇବାର୍ ଆଚେ । ଜଦି ଆମ୍‌କେ ପରମେସରର୍ ବାକିଅ ଜାନାଇବା ବପୁ ଦେଲାଆଚେ, ସେନ୍ତାରିଆଲେ ଆମେ ପାଇରଇବା ବିସ୍‌ବାସ୍ ଇସାବେ ସେଟା କରବାର୍ ଆଚେ ।<sup>୫</sup> ଜଦି ଆମର୍ ସଙ୍ଗର୍ ଲକ୍‌କେ ସାଇଜ କରବା ବପୁ ଦେଲାଆଚେ, ତେବେ ସେଟା କରତେ ରଇବାର୍ ଆଚେ । ଜଦି ପରମେସରର୍ ବାକିଅ ସିକାଇବାଟା ଦେଲାଆଚେ, ତେବେ ସେଟା ଜତନ୍ ସଙ୍ଗ୍ କରବାର୍ ଆଚେ ।<sup>୬</sup> ବିନ୍ ଲକ୍ମନ୍‌କେ ସାର୍‌ଦା କରାଇବାକେ ବପୁ ଦେଇରଇଲେ, ସେଟା କରତେ ରଉଁ । ଅର୍କିଡ଼ ଲକ୍ମନ୍‌କେ ଦାନ୍ କରବା ବପୁ ଦେଇରଇଲେ, କାଇଟା ନ ବାଟିକରି ଦାନ୍ କରୁ । ବିନ୍ ଲକ୍‌ର୍ କାମ୍‌କେ ଦେକାରକା କରବା ଅଦିକାର୍ ଦେଇରଇଲେ, ନିଜେ ବେସି କାମ୍ କରବାର୍‌ଆଚେ । ଜଦି ବିନ୍ ଲକ୍ମନ୍‌କେ ଦୟା ଦେକାଇବା ବପୁ ଦେଲାଆଚେ, ବିଜାର୍ ନ ଅଇ ସାର୍‌ଦା ସଙ୍ଗ୍ କରବାର୍ ଆଚେ ।

<sup>୭</sup> ବିନ୍ ଲକ୍ମନ୍‌କେ ଆଲାଦ୍ କରବାର୍ ଆଲେ କାଇ କପର୍ ରଇବାର୍ ନାଇ । କାରାପ୍ ଚଲାଚଲୁତି ଗିନ୍ କରି, ସଡ଼ ଚଲାଚଲୁତି ଚାଡ଼ବାର୍ ନାଇ ।

<sup>୧୦</sup> ତମେ କିରିସ୍‌ଟରଟାନେ ବାଇବଇନି ଅଇଲାର୍ ପାଇ, ଗଟେକ୍ ଲକ୍ ଆରି ଗଟେକ୍ ଲକ୍‌କେ ଆଲାଦ୍ କରି ସନ୍‌ମାନ୍ କରା ।<sup>୧୧</sup> ନିସଡ଼ ନଅଇକରି ଲାଗିରୁଆ । ଜିବନ୍ ପରାନ୍ ଦେଇକରି ପରମେସର୍‌କେ ସେବା କରା ।<sup>୧୨</sup> ଆମ୍‌କେ ରଇବା ଆସାର୍ ଲାଗି ଆମେ ସାର୍‌ଦା ଅଉଁ । ଦୁକ୍ କସଟ ଆଇଲେ ମୁର୍ଚିକରି ରଉଁ । ସବୁବେଲା ପରମେସର୍‌କେ ପାର୍‌ତନା କରତେ ରଉଁ ।<sup>୧୩</sup> ଆମର୍ ଟାନେ ରଇବା ଅର୍କିଡ଼ ବାଇବଇନିମନ୍‌କେ ସାଇଜ କରୁ । ନ ଜାନ୍‌ବା ଲକ୍ମନ୍ ଆମର୍ ଗରେ ଆଇଲେ ଗତିଆ କରି ଡାକିନେଉଁ ।

✽ ୧୧:୩୬ ୧୧:୩୬ ୧ମ କରନ୍ତିୟ ୮:୬ ✽ ୧୨:୪ ୧୨:୪ ୧ମ କରନ୍ତିୟ ୧୨:୧୨ ✽ ୧୨:୬ ୧୨:୬ ୧ମ କରନ୍ତିୟ ୧୨:୪-୧୧

୧୪ ✨ଜନ୍ମଲକ୍ଷ୍ମୀମନ୍ ତମ୍ଭେ ନିନ୍ଦା କରବାଇ, ସେମନ୍ତେ ପରମେସର୍ ଆସିରବାଦ୍ କରବଲି ପାରତନା କରା । ସେମନ୍ତେ ଆସିରବାଦ୍ କରା, ସାଇପ୍ ଦିଆସ୍ ନାଇ । ୧୫ ଜଦି ଗଟେକ୍ ଲକ୍ଷ୍ମୀକେ ସାରଦାର୍ ଦିନ୍ ଆଇଲାଆତେ, ତେବେ, ତାର୍ ସଙ୍ଗ୍ ମିସି ସାରଦା କରା, ଜଦି ଦୁକର୍ ଦିନ୍ ଆସିରଇଲେ, ସେ ଲକ୍ଷ୍ମୀ ସଙ୍ଗ୍ ମିସି ଦୁକ୍ କରା । ୧୬ ସବୁ ଲକ୍ଷ୍ମୀକେ ସମାନ୍ ଇସାବେ ଆଲାଦ୍ ଦେକାଆ । ଆକାର୍ ବୁଦି ଚାଡ଼ିକରି ସଲଦ୍ ଅଇ ସାନ୍ ସାନ୍ କାମ୍ କରବାକେ ମିସା ରାଜି ଉଆ । ନିଜ୍ଜକେ ଗିଆନ୍ ରଇବାଲକ୍ ବଲି ଦେକାଇ ଉଆନାଇ ।

୧୭ କେ ତମ୍ଭେ ଅନିଆଇ କଲେ, ତାକେ ବେର୍ ଦାର୍ଦାର୍ ନାଇ, ଜନ୍ ତଲ୍ଲାରଲ୍ତି ସବୁର୍ ମନ୍ତେ ଜାଇସି, ସେଟା କର୍ତେରଇବାର୍ । ୧୮ ସବୁ ଲକ୍ଷ୍ମୀ ସଙ୍ଗ୍ ସୁସାରେ ଜିଇବାକେ ଜେତେକ୍ ପାରାସ୍, ସେତେକ୍ ଚେସ୍ଟା କରା । ୧୯ ମର୍ ଆଲାଦର୍ ବାଇବଇନିମନ୍, ଜଦି କେ ତମ୍ଭେ ଅନିଆଇ କଲେ, ତମେ ବେର୍ ଦାରାନାଇ, କାଇକେବଇଲେ, ପରମେସର୍ସେ ତଣ୍ଟ୍ ଦେଇସି । କାଇକେ ବଇଲେ ସାସ୍ତରେ ଲେକା ଆତେ । ମାପୁରୁ କଲଲାନି, “ମୁଇ ବେର୍ ଦାରବି । ମୁଇ ତଣ୍ଟ୍ ଦେବି ।” ୨୦ ଏଲେ ସାସ୍ତରେ ଲେକା ଇସାବେ “ତମର୍ ସତ୍ତୁ ବୁକେ ରଇଲେ, ତାକେ କାଇବାକେ ଦିଆସ୍, ସସେ ରଇଲେ, ପାନି କୁଆ । ଏନ୍ତାରକଲେ ସେ ତମ୍ଭେ କରଇରଇବା ଅନିଆଇର୍ ଲାଗି ବେସି ଲାଜ୍ ଅଇଜାଇସି ।” ୨୧ ମିର୍ କାମ୍ କରି ଆରିଜାଆ ନାଇ, ସବୁ ବିସଇ ସତ୍ ବାବେ କରି ଜିତିକରି ରୁଆ ।

### ୧୩

#### ସାସନ୍ କରୁମନ୍ତେ ନାମ୍ବାଟା

୧ ସାସନ୍କାରିଆମନ୍ତ କାତା ସବୁ ଲକ୍ଷ୍ମୀ ମାନ୍ବାକେ ବାଦିଅ, କାଇକେବଇଲେ ପରମେସର୍ ଆଦେସ୍ ନ ଦେଲେ କେ ମିସା ସାସନ୍ କରବାକେ ଅଦିକାର୍ ନ ପାଏ । ଗାଦିଟାନ୍ ରଇଲା ସାସନ୍କାରିଆମନ୍ତେ ପରମେସର୍ ବସାଇଲା ଆତେ । ୨ ସେଟାର୍ ପାଇ ଜେ ଗାଦିତେଇ ବସ୍ଲା ସାସନ୍କାରିଆମନ୍ତେ ବିରଦ୍ କରସି, ସେ ପରମେସର୍ ତିଆରକଲା ଗାଦିର ବିରଦ୍ କଲାନି । ଜେ ଏଟା କରସି ସେ ପରମେସର୍ ବିଚାରନା ଜାଗାଇ ଟିଆଅଇସି । ୩ ଆମର୍ ତଲ୍ଲାରଲ୍ତି ସତ୍ ରଇଲେ ସାସନ୍କାରିଆକେ ତରବାର୍ ଦରକାର୍ ନାଇ । କାରାପ୍ ରଇଲେ ତରବାର୍ ଆତେ । ସାସନ୍କାରିଆମନ୍ତେ ତମେ ତରବାକେ ମନ୍ କରାସ୍ ନାଇ, ସେନ୍ତାର୍ଥାଲେ ନିକ କାମ୍ କରା ଆରି ସେମନ୍ ତମ୍ଭେ ନାମ୍ବାଇ । ୪ ସେମନ୍ ପରମେସର୍ ଗତିଦାଙ୍ଗ୍ତାମନ୍ ଆରି ତମର୍ ନିକପାଇସେ କାମ୍ କଲାଇନି । ତମେ ଜଦି କାରାପ୍ କାମ୍ କର୍ତେରଇସା, ତେବେ ସେମନ୍ତେ ତରବାର୍ ଆତେ । କାଇକେବଇଲେ ତମ୍ଭେ ତଣ୍ଟ୍ ଦେବାକେ ତାକର୍ ଅଦିକାର୍ ଆତେ । ସେମନ୍ ପରମେସର୍ ଗତିଦାଙ୍ଗ୍ତା ଆରି ଜେଡକି ଲକ୍ଷ୍ମୀ କାରାପ୍ କାମ୍ କର୍ତେରଇବାଇ, ସେମନ୍ତେ ପରମେସର୍ ତଣ୍ଟ୍ ଦେବାଇ । ୫ ସେଟାର୍ପାଇ ତମେ ସାସନ୍କାରିଆମନ୍ତ କାତା ମାନ୍ବାର୍ ଆତେ । ଉଜେ ପରମେସର୍ ତଣ୍ଟ୍ ତରିକରି ନାଇ, ମାତର୍ ନିଜର୍ ବୁଦିସଙ୍ଗ୍ ଏଟା ଟିକ୍ କାମ୍ ବଲି ଜାନିକରି ମିସା ଏଟା କରବାର୍ ଆତେ ।

୬ ✨ଏଟାର୍ପାଇ ତମେ ସିସ୍ତୁ ମିସା ଦେଲାସ୍ନି, କାଇକେବଇଲେ ସାସନ୍କାରିଆମନ୍ ଟିକ୍ସଙ୍ଗ୍ କାମ୍ କଲାବେଲେ ପରମେସର୍ ସେବା କର୍ତେ ରଇବାଇ । ୭ ସେଟାର୍ ପାଇ ସେମନ୍ ଜେଡକି ପାଇବାର୍ ଆତେ ସେଟା ସେମନ୍ତେ ଦେଇଦିଆସ୍ । ତମେ ସିସ୍ତୁ କି ଅତି ଜାଇଟା ଦେବାର୍ ଆତେ, ସେଟା ବାନ୍ଦିଦିଆସ୍ ଆରି ସେମନ୍ତେ ନାମିକରି ସନ୍ମାନ୍ କରା ।

#### ନିଜର୍ ନିଜର୍ ବିତ୍ତରେ ଆଲାଦ୍

୮ ନିଜର୍ ନିଜର୍ ବିତ୍ତରେ ଆଲାଦ୍ କରାକରି ଅଇବାଟା ଚାଡ଼ି ଆରି କାଇ ବିସଇ କାର୍ ଲଗେ ମିସା ଉଦାର୍ ଉଆ ନାଇ । ଜେ ଏଟା ବିନ୍ ଲକ୍ଷ୍ମୀପାଇ କରସି, ସେ ନିୟମ୍ ମାନ୍ସି । ୯ ନିୟମ୍ତେଇ ଲେକାଅଇଲା ଆତେ, “ବେସିଆ କାମ୍ କରବାର୍ ନାଇ, ନର୍ ମାର୍ବାର୍ ନାଇ, ଚରାଇବାର୍ ନାଇ, ବିନ୍ ଲକ୍ଷ୍ମୀ ଦିନ୍ସୁ ଲବାଇବାର୍ ନାଇ ।” ନିଜ୍ଜକେ ଆଲାଦ୍ କଲାପାରା ବିନ୍ ଲକ୍ଷ୍ମୀମନ୍ତେ ଆଲାଦ୍ କରା । ଏ ଗଟେକ୍ ଆଦେସ୍ ଜଦି ତମେ ମାନ୍ସା, ନିୟମେ ରଇବା ସବୁ ଆଦେସ୍ ମାନ୍ଲାପାରା ଅଇସି । ୧୦ କାଇକେବଇଲେ ତମେ ଗଟେକ୍ ଲକ୍ଷ୍ମୀକେ ଆଲାଦ୍ କର୍ତେ ରଇଲେ, କେବେ ମିସା ତାକେ ଅନିଆଇ ନ କରାସ୍ । ଆରି ତମେ ଜଦି ସେମନ୍ତେ ଆଲାଦ୍ କରସାବଇଲେ, ସବୁ ନିୟମ୍ ମାନିକରିଆଗାସ୍ ।

୧୧ ଏବେ ତମେ ଏଟା କରବାର୍ ଆତେ । କାଇକେବଇଲେ ବେଲା କେଟ୍ଲାଆତେ । ଆମେ ସଇରଇବା ଲକ୍ଷ୍ମୀପାରା ନ ଅଇକରି ତେତା ଅଇ ଜାଗ୍ତର୍ ଅଇରଇବାର୍ ଆତେ । ବିସ୍ବାସ୍ କରବା ବେଲା ଆଗତୁ ରଇଲେ ମିସା ଆମର୍ ମୁକ୍ତି ପାଇବା ଦିନ୍ ଲଗେ ଅଇଆତେ । ୧୨ ରାତି ଦାପ୍ରେ ସାରିଜାଇସିବେ, ସାକାଲ୍ ଅଇବାକେ ଗାଲାନି । ସେଟାର୍ପାଇ ଆସା, ରାତିଆ କରିରଇବା କାରାପ୍ କାମ୍ ସବୁ ଚାଡ଼ିକରି, ଉଜ୍ଜଲେ ଜୁଇଦ୍ କରବା ଆଡ଼ଆତିଆର୍ ଦାରୁ । ୧୩ ବେସିଆମନ୍ତ ଦଲେ ମିସ୍ବାର୍ ନାଇ, ମାତୁଆଲ୍ମମନ୍ତ ଦଲେ ଜିବାର୍ ନାଇ, ବିନ୍ ମାଇଜିମନ୍ତ ସଙ୍ଗ୍ ମିସିରଇବାର୍ ନାଇ, ଲାଗାଜତା ଅଇବାର୍ ନାଇ ଆରି ଇସା ଅଇବାର୍ ନାଇ । ଆମେ ଜେଡକି ଲକ୍ଷ୍ମୀ ଉଜ୍ଜଲେ ରଇଆତୁ, ଟିକ୍ ସଙ୍ଗ୍ ତଲ୍ଲାରଲ୍ତି କରୁ । ୧୪ ମାପୁରୁ ଜିସୁକିରିସ୍ଟର୍ ଆଡ଼ଆତିଆର୍ ଦାରି ରଜ୍ । ଆରି ଆମର୍ ପାପର୍ ଗୁନ୍ତଲନ୍ ନ ମାନିକରି ଆମେ ମନ୍ କରବାଟା ପୁରାପୁରୁନ୍ ନ କରୁ ।

✨ ୧୨:୧୪ ୧୨:୧୪ ମାଡିଉ ୫:୪୪; ଲୁକ୍ ୬:୨୮ ✨ ୧୩:୬ ୧୩:୬ ମାଡିଉ ୨୨:୨୧; ମାର୍କ ୧୨:୧୭; ଲୁକ୍ ୨୦:୨୫

# ୧୪

## ବିନ୍‌ଲକର୍ ଦସ୍ ଦାରାମାଲ

<sup>୧</sup> \*ଜଦି କେତେକ୍ ଲକ୍ କିରିସ୍‌ଟକେ ବିସ୍‌ବାସ୍ କଲାଲନି, ମାତର୍ ତାକର୍ ବିସ୍‌ବାସ୍ ଡାଞ୍ଚନାଲ, ସେମନ୍‌କେ ମିସା ତାକି ମିସାଆ । ମାତର୍ ସେମନ୍‌ର୍ ଚିନ୍ତା କର୍‌ବାଟା ତମର୍‌ପାରା ନ ରଇଲେ, ତାକର୍ ସଙ୍ଗ୍ ଦଦାପେଲା ଉଆ ନାଲ ।  
<sup>୨</sup> କେତେକ୍ ଲକ୍ ବିସ୍‌ବାସ୍, ଜେନ୍ତ୍ର ରକାମର୍ କାଦିକେ ମିସା ଉଁ ବଲି କଇବାଲ । ମାତର୍ ଜାର୍ ବିସ୍‌ବାସ୍ ଏବେଜାକ ଡାଞ୍ଚନାଲ ସେମନ୍ କାଇ ମାଉଁସ୍ ମିସା କାଇବାର୍ ନର୍ସ, ଅବ୍‌କା ସାଗ୍‌ଡାଲ୍‌ସେ କାଇବାଲ ।  
<sup>୩</sup> ଜନ୍ ଲକ୍‌ମନ୍ ସବୁଜାକ କାଇବାଲ, ସେମନ୍ ଆମେ ଅବ୍‌କା ସାଗ୍‌ଡାଲ୍ କାଇବା ଲକ୍‌ରଟାନେଅନି ବଡ଼ ବଲି ବାବ୍‌ବାର୍ ନାଲ । ସେନ୍ତ୍ରାରିସେ ଜନ୍‌ଲକ୍‌ମନ୍ ଅବ୍‌କା ସାଗ୍‌ଡାଲ୍‌ସେ କାଇବାଲ, ସେମନ୍ ଆମେ ସବୁରକାମର୍ କାଦିକାଇବା ଲକ୍‌ମନ୍‌ରଟାନେଅନି ବଡ଼ ବଲି ବାବ୍‌ବାର୍‌ନାଲ । କାଇକେବଇଲେ ପର୍‌ମେସର୍ ଦୁଇ ଦଲର୍ ଲକ୍‌ମନ୍‌କେ ମିସା ବାଚ୍‌ଲା ଆଟେ ।  
<sup>୪</sup> ବିନ୍ ଲକ୍‌ର୍ ଦାଙ୍ଗ୍‌ତାମନ୍‌କେ ଆମେ ବିଚାର୍ କର୍‌ବାର୍ ନାଲ । କାଇକେବଇଲେ ସେମନ୍ କର୍‌ବା କାମ୍ କଲାଲ ଆଟତ୍ କି ନାଲ ବଲି ତାକର୍ ସାଉକାର୍ ଦେକ୍‌ସି । ଆରି ପର୍‌ମେସର୍ ଜନ୍‌ଟା ମନ୍ କଲାନି, ସେମନ୍ ସେଟା କର୍‌ବାଲ । କାଇକେବଇଲେ ପର୍‌ମେସର୍ ସେମନ୍‌କେ ସାଇଜ କଲାନି ।

<sup>୫</sup> ସେନ୍ତ୍ରାରିସେ, ବିନ୍‌ଦିନ୍ ମନ୍‌ରଟାନେଅନି କନ୍‌ଆଲେ ଗଟେକ୍‌ଦିନ୍ ସୁବ୍‌ଦିନ୍ ବଲି କେତେ ଲକ୍ ବାବ୍‌ବାଲ । ବିନ୍ ଲକ୍‌ମନ୍ ସବୁଦିନ୍ ସମାନ୍ ବଲି ବାବ୍‌ବାଲ । କନ୍‌ଟା ଟିକ୍ ରଇସି ବଲି ଲକ୍‌ମନ୍ ନିଜେ ନିଜେ ବିଚାର୍ କର୍‌ବାର୍ ଆଟେ ।  
<sup>୬</sup> ଜନ୍ ଲକ୍‌ମନ୍ ବିନ୍‌ଦିନ୍ ମନ୍‌ରଟାନେଅନି ଗଟେକ୍ ଦିନ୍ ସୁବ୍ ବଲି ବାବ୍‌ବାଲ, ସେମନ୍ ପର୍‌ମେସର୍‌କେ ସାର୍‌ଦା କରାଇବାକେ ସେନ୍ତ୍ରାରି ବାବ୍‌ବାଲ । ସେନ୍ତ୍ରାରିସେ, ଜନ୍‌ଲକ୍‌ମନ୍ ସବୁ ରକାମ୍ କାଦି କାଇବାଲ, ସେଟା ପର୍‌ମେସର୍‌କେ ସାର୍‌ଦା କରାଇବାକେ କର୍‌ବାଲ ଆରି ସେଟା‌ରପାଇ ତାକେ ଦନିଅବାଦ୍ ଦେବାଲ । ଆରି ଜନ୍‌ଲକ୍‌ମନ୍ ଅବ୍‌କା ସାଗ୍‌ଡାଲ୍ କାଇବାଲ, ସେମନ୍ ସେଟା ପର୍‌ମେସର୍ ସାର୍‌ଦା ଅଇସି ବଲି କାଇଲାଲନି ଆରି ସେମନ୍ ମିସା ତାକେ ଦନିଅବାଦ୍ ଦେଲାଲନି ।  
<sup>୭</sup> ଆମର୍ ବିଡ଼ରେ ସବୁଲକ୍ ଦର୍‌ତନିତେଇ ବଞ୍ଚିରଇଲେ କି ମରିଗାଲେ ମିସା ପର୍‌ମେସର୍‌ର୍ ।  
<sup>୮</sup> ଆମେ ବଞ୍ଚିରଇଲେ ପର୍‌ମେସର୍‌ର୍ ପାଇ, ମରିଗାଲେମିସା ସେନ୍ତ୍ରାରିସେ । ତେବର୍‌ପାଇ ଆମେ ବଞ୍ଚିରଇଲେ କି ମରିଗାଲେ ପର୍‌ମେସର୍‌ର୍ ପାଇସେ ।  
<sup>୯</sup> କାଇକେବଇଲେ କିରିସ୍‌ଟ ମରିଗାଲା ଆରି ମଲାତେଇଅନି ଆରିତରେକ୍ ଉଟ୍‌ଲା । ସେଟା‌ରପାଇ ସେ ମଲାଲକ୍‌ମନ୍‌କେ ଆରି ଜିବନ୍ ରଇଲା ଲକ୍‌ମନ୍‌କେ ସାସନ୍ କର୍‌ସି ।  
<sup>୧୦</sup> \*ତେବେ ତମେ କାଇକେ ଅବ୍‌କା ସାଗ୍‌ଡାଲ୍ କାଇବା ବାଇମନ୍‌କେ ବିଚାର୍ କଲାସ୍‌ନି ? ଆରି ଜନ୍‌ଲକ୍‌ମନ୍ ସବୁ ରକାମ୍ କାଦି କାଇଲାସ୍‌ନି, ଅବ୍‌କା ସାଗ୍‌ଡାଲ୍ କାଇବା ଲକ୍‌ମନ୍‌କେ କାଇକେ ଗିନ୍ କଲାସ୍‌ନି ? କାଇକେବଇଲେ ଆମେ ସବୁଲକ୍ ପର୍‌ମେସର୍‌ର୍ ମୁଆଟେ ଚିଆ ଅଇଲେ, ସେ ଆମ୍‌କେ ବିଚାର୍ କର୍‌ସି ।  
<sup>୧୧</sup> କାଇକେବଇଲେ ସାସ୍‌ତରେ ଲେକାଆଟେ, “ମାପ୍‌ରୁ କଇଲାନି, ମୁଇ ଜିବନ୍ ରଇବା ପର୍‌ମେସର୍, ତେବର୍‌ପାଇ ସବୁ ମୁନୁସ୍‌ଜାତି ମର୍ ମୁଆଟେ ମାଣ୍ଡିକୁଟା ଦେବାଲ

ମୁଇ ପର୍‌ମେସର୍ ବଲି ସବୁ ଲକ୍ ନାମବାଲ ।”

<sup>୧୨</sup> ସେବେଲେ ଆମେ ସବୁ ଲକ୍ ପର୍‌ମେସର୍‌ର୍ ଲଗେ ଚିଆଅଇ ଆମେ କରିରଇବା କାମର୍ ଇସାବ୍ ଦେବାକେ ପଡ଼ସି ।

## ବାଇକେ ନସ୍‌ଟ ଅଇବାକେ ନ ଦିଆସ୍

<sup>୧୩</sup> ସେଟା‌ର୍ ପାଇ ତମର୍ ବିଡ଼ରେ ଗଟେକ୍ ଲକ୍ ଆରି ଗଟେକ୍ ଲକ୍‌କେ ବିଚାର୍ କରାମାଲ । ତା‌ର୍ ବାଦୁଲେ ଆମର୍ ବାଇମନ୍‌ର୍ ଚଲାଟଲ୍‌ତିତେଇ ବିନ୍ ଲକ୍‌କେ ପାପ୍ କରାଇବା କାଇମିସା ବିସଇ ଆଟେ କି ନାଲ, ସେଟା ଆମେ ନିଜେ ଦେକ୍‌ବାର୍ ଆଟେ ।  
<sup>୧୪</sup> ଜିସୁ ମାପ୍‌ରୁର୍ ସଙ୍ଗ୍ ମିସ୍‌ଲା‌ରପାଇ ପର୍‌ମେସର୍ ଦେକ୍‌ବା ଇସାବେ କାଇ କାଦି ମିସା ନିଟ୍‌ବାଟା ନାଲ ବଲି ମୁଇ ଜାନି । ମାତର୍ କାଇମିସା ଗଟେକ୍ କାଦି ପର୍‌ମେସର୍ ନିଟ୍‌ଲା ଆଟେ ବଲି ଗଟେକ୍ ଲକ୍ ବିସ୍‌ବାସ୍ କଲେ, ସେଟା ସେ ନ କାଇଲେ ତା‌ର୍ପାଇ ନିକ ।  
<sup>୧୫</sup> ତମେ କାଇ କାଦି ମିସା କାଇଲା‌ରପାଇବଲି ଜଦି ତମର୍ ଗଟେକ୍ ବାଇକେ ଦୁକ୍ କରାଇସା, ସେନ୍ତ୍ରାରିଆଲେ ତା‌ର୍ପାଇ ତମର୍ କାଇ ଆଲାଦ୍ ନାଲ ପାରା ଆଟେ । ତମର୍ କାଇବା କାଦି‌ରଲାଗି ଆରିଗଟେକ୍ ଲକ୍ ମନ୍ କଲାନି । ସେଟା ନିକ ନର୍ସ । କାଇକେବଇଲେ ସେ ମିସା ତମର୍ ସଙ୍ଗ୍ ବିସ୍‌ବାସି । ଆରି ତା‌ର୍ ଜାଗାଇମିସା କିରିସ୍‌ଟ ମଲାଆଟେ ।  
<sup>୧୬</sup> ଜଦି ଆରି କନ୍ ରକାମ୍ ଚଲାଟଲ୍‌ତି ପର୍‌ମେସର୍‌ର୍ ମନ୍‌କେ ଜାଏ ନାଲ ବଲି କେତେଟା ବିସ୍‌ବାସି ବାବ୍‌ବାଲ, ମାତର୍ ସେଟା ବଲ୍ ବଲି ତମେ ବାବ୍‌ସା ବଇଲେ ସେଟା କରା ନାଲ । ସେନ୍ତ୍ରାରିଆଲେ ସେଟା ନିକ ନର୍ସ ବଲି କେ ବାବିନାପାରଡ୍ ।  
<sup>୧୭</sup> ପର୍‌ମେସର୍‌ର୍ ରାଇଜର୍ ସାସନ୍ ଅବ୍‌କା ନ କାଇବା କାଦିପିଦିର୍ ନିଅମର୍‌ପାଇ ନାଲ । ମାତର୍ ତା‌ର୍ ମୁଆଟେ ଦରମ୍ ବଲାଲଅଇବାଟା, ବିନ୍ ଲକ୍‌ମନ୍‌ର୍ ସଙ୍ଗ୍ ମିସି ସୁକ୍‌ସାନ୍ତିସଙ୍ଗ୍ ରଇବାଟା, ଆରି ସୁକ୍‌ଲ୍‌ଆଡ଼ମା ଦେଇରଇବା ସାର୍‌ଦା ବିସଇ ଆଟେ ।  
<sup>୧୮</sup> ଆମେ କିରିସ୍‌ଟକେ ଏ ରକାମ୍ ନାମ୍‌ଲେ, ପର୍‌ମେସର୍‌କେ ସାର୍‌ଦା କରାଇବୁ ଆରି ବିନ୍ ଲକ୍‌ମନ୍‌କେ ନାମାଲବୁ ।

<sup>୧୯</sup> ସେଟା‌ର୍ ପାଇ ଆସା, ଆମେ ଏନ୍ତାରି ଚଲାଟଲ୍‌ତି କରୁ, ଜେନ୍ତ୍ରାରିକି ଆମର୍ ଆମର୍ ବିଡ଼ରେ ସୁକ୍ ସାନ୍ତିସଙ୍ଗ୍ ରଇଅଇସି । ଆରି ଆମର୍ ବିସ୍‌ବାସ୍ ତା‌ର୍ ରଇସି ।  
<sup>୨୦</sup> ଜନ୍ କାଦି କାଇବାକେ ବିନ୍ ଲକ୍‌ର୍ ମନ୍‌ନାଲ, ସେ କାଦି

☆ ୧୪:୧ ୧୪:୧ ରମିୟ ୨:୧୭ ☆ ୧୪:୧୦ ୧୪:୧୦ ୨ୟ କରନ୍ତିୟ ୫:୧୦

କାଜକରି, ପରମେସରର୍ କାମ୍ ନସାଆ ନାଇ । ଜନ୍ ରକାମ୍ କାଦିମିସା କାଜଅଇସି । ମାତର୍ ତମେ କାଜଲାର୍ପାଇ ବିନ୍ ଲକ୍ମନକେ ପାପ୍ବାଟେ ଡାକିନେଲେ, ସେଟା ବୁଲ୍ ।<sup>୨୧</sup> ବିନ୍ ଲକ୍ମନ ନିର୍ବା କାଦି ଆମେ କାଜବାର୍ ନାଇ । କି ମଦ୍ କାଜବାର୍ ନାଇ । ଆମର୍ ବିତ୍ରେ ରଇବା ଗଟେକ୍ ବାଇ କି ବଇନକେ ପାପ୍ବାଟେ ଜିବା ବିସଇ ନ କରୁ ।<sup>୨୨</sup> ଏ ବିସଇନେଇ ତମେ କାଜଟା ବିସ୍ବାସ୍ କଲାସ୍ନି ସେଟା ପରମେସରର୍ ଆରି ତମର୍ ବିତ୍ରେ ରଅ । ଜନ୍ ଲକ୍ମନ ନିଜର୍ ଚଲାଟଲ୍ଡିର୍ପାଇ ନିଜର୍ ବିବେକ୍ ସେମନକେ ଦସ୍ ନ ଦାରେ, ସେ କେତେକ୍ କରମର୍ ଲକ୍ ।<sup>୨୩</sup> ଜଦି ଗଟେକ୍ ଲକ୍ ତାର୍ କାଜବାଟା ଟିକ୍ କି ନାଇ ବଲି ବାବଲାନି, ଆରି ମନକେ ନ ଲାଗବା କାଦି କାଜସି, ସେନ୍ତାଆଲେ ସେ, ପରମେସରର୍ ବିରୁଦେ ପାପ୍କଲାନି । କାଜକେବଇଲେ ସେ ନିଜର୍ ବିବେକ୍କେ ମାନେନାଇ । ଜନ୍ଟା ନିକ୍ ନଏଁ ବଲି ଆମେ ବିସ୍ବାସ୍ କଲୁନି, ଆରି ସେଟାସେ କରିଆଇଲୁନି, ସେନ୍ତାଆଲେ ଆମେ ପାପ୍କଲୁନି ।

## ୧୫

### ବିନ୍‌ଲକ୍‌କେ ସାର୍‌ଦା କରାଆ

<sup>୧</sup> ଏବେ ଆମେ, ଜାର୍ ବିସ୍ବାସ୍ ତାଟ୍ ଆଟେ, ଜନ୍ ଲକ୍ମନ ବିସ୍ବାସେ ଦୁର୍ବଲ୍ ଆଟଡ୍ ଆରି ଅସୁବିଦାଇ ଆଟଡ୍, ସେମନକେ ଆମେ ସାଇଜ କର୍ବାର୍ ଆଟେ । ଆରି ନିଜେ ସାର୍‌ଦା ରଇବା ବିସଇ ଚିନ୍ତା କର୍ବାର୍ ନାଇ ।<sup>୨</sup> ମାତର୍ ଆମର୍ ବାଇବଇନିମନକେ ସାର୍‌ଦା କରାଇବାକେ ଆରି ସେମନର୍ ବିସ୍ବାସ୍ ତାଟ୍ କର୍ବାକେ ତାକର୍ ପାଇ ନିକ୍ ବିସଇ କର୍ବାର୍ ଆଟେ ।<sup>୩</sup> କାଜକେବଇଲେ କିରିସ୍ଟ ନିଜ୍‌କେ ସାର୍‌ଦା କରାଏ ନାଇ । ମାତର୍ ସାସ୍ତରେ ଏନ୍ତାରି ଲେକାଅଇଲାଆଟେ, ଜନ୍ ଲକ୍ମନର୍ କାରାପ୍ କାତା ତମ୍‌କେ ନିନ୍ଦାକଲା, ସେଟା ମକେମିସା ନିନ୍ଦା କଲା ।<sup>୪</sup> କାଜକେବଇଲେ ସାସ୍ତରେ ଜେଡ୍‌କି ଲେକା ଅଇଲାଆଟେ, ସେ ସବୁ ଆମ୍‌କେ ସିକାଇବାକେ । ଜେନ୍ତାରିକି, ସାସ୍ତରେଅନି ଜନ୍ ମୁର୍ଚି ରଇବାଟା ଆରି ସାର୍‌ଦା କରାଇବାଟା ଆମେ ମିଲାଅରୁ, ତେଜଅନି ଆମର୍ ଆସା ବଡ୍‌ସି ।<sup>୫</sup> ପରମେସରସେ ଆମ୍‌କେ ମୁର୍ଚିରଇବାଟା ଆରି ସାର୍‌ଦା କରାଇବାଟା ଦେଇସି । ଆରି ଜିସୁକିରିସ୍ଟର୍ ବାଟେ ଇଣ୍ଡି କରି ସବୁର୍ ମନ୍ ଗଟେକ୍ ଅଇବାକେ ସାଇଜ କର ।<sup>୬</sup> ଜଦି ସେଟା ଅଇଲେ ଆମର୍ ମାପ୍‌ରୁ ଜିସୁକିରିସ୍ଟର୍ ବାବା ଆରି ଆମର୍ ପରମେସରକେ ଡାକ୍‌ପୁଟା କର୍ବାଟେଇ ତମେ ସବୁ ଗଟେକ୍ ଅଇସା ।

### ଜିଉଦି ଆରି ଜିଉଦିନଇଲା ଲକ୍ମନର୍ ପାଇ ସୁବ୍ କବର୍

<sup>୭</sup> କିରିସ୍ଟ ଜେନ୍ତ୍ର ତମ୍‌କେ ଡାକ୍‌ଲା ଆଟେ, ତମେ ମିସା ସେନ୍ତ୍ର ତମର୍ ସଙ୍ଗର୍ ବିସ୍ବାସିମନକେ ଡାକିନିଆ । ତମେ ଜଦି ଏନ୍ତ୍ର କଲେ ପରମେସର୍ ଡାକ୍‌ପୁଟା ପାଇସି ।<sup>୮</sup> କିରିସ୍ଟ ଜିଉଦିମନରଲଗେ ଗଟେକ୍ ଗତିଦାଙ୍ଗ୍‌ତାପାରା ଅଇଲା । ପରମେସର୍ ତାକର୍ ଆନିଦାଦିମନକେ ଜନ୍ କାତା ଦେଇରଇଲା, ସେଟା ସଡ୍‌ସଙ୍ଗ୍ ସେ ପୁରାପୁରୁନ୍ କର୍ସିଆକା ବଲି ଦେକାଇବାକେ ସେନ୍ତାରି କରିରଇଲା ।<sup>୯</sup> ଜିଉଦି ନ ଅଇଲା ଲକ୍ମନକେ ପରମେସର୍ ତାର୍ ଦୟା ଦେକାଇସି, ଆରି ସେମନ୍ ତାକେ ଡାକ୍‌ପୁଟା କର୍ବାଇ । ଜେନ୍ତାରି କି ସେମନ୍ ତାକେ ଡାକ୍‌ପୁଟା କର୍ବାଇ । ଏ ବିସଇ ସାସ୍ତରେ ଲେକା ଆଟେ ।

ମୁଇ ଜିଉଦିନଇଲା ଲକ୍ମନର୍ ବିତ୍ରେ ତମ୍‌କେ ଡାକ୍‌ପୁଟା କର୍ବି,  
ସବୁବେଲା ତମର୍ ଡାକ୍‌ପୁଟାର୍ ଗିଡ୍ ଗାଇବି ।

<sup>୧୦</sup> ଆରି ଏନ୍ତାରିମିସା ଲେକାଆଟେ,  
“ତମେ ଜିଉଦିନଇଲା ଲକ୍ମନ ଏ ସାର୍‌ଦାଇ ମିସା  
କାଜକେବଇଲେ ଏବେ ତମେ ଜିଉଦିମନର୍‌ପାରା ।  
ତମେ ପରମେସରର୍ ବାଟିରଇବା ଜିଉଦିମନର୍‌ପାରା ।”

<sup>୧୧</sup> ଆରିତରେକ୍ ସେ କଇଲାଆଟେ  
“ଜେଡ୍‌କି ଜିଉଦି ନ ଅଇଲା ଲକ୍ମନ ପରମେସରକେ ତୁସ୍‌ତିକରା !”  
ଆରି ଗୁଲାଇ ମୁନ୍‌ସ୍ ଜାତି ତାକେ ଡାକ୍‌ପୁଟା କରା ।

<sup>୧୨</sup> ଆରି ଜିସାଇଅ କଇଆଟେ,  
“ଜେସିର୍ କୁଟୁମେଅନି ଗଟେକ୍ ଲକ୍ ବାରଇସି,  
ସେ ଜିଉଦି ନଇଲା ଲକ୍ମନକେ ସାସନ୍ କର୍ସି  
ଆରି ସେମନ୍ ତାକେ ବିସ୍ବାସ୍ କର୍ବାଇ ।”

<sup>୧୩</sup> ପରମେସର୍ ଜେକି ସବୁ ଆସାର୍ ମୁଲ୍‌ଡେଲି । ତମର୍ ବିସ୍ବାସର୍ ଲାଗି ସେ ତମ୍‌କେ ସବୁ ସାନ୍ତ୍ର ସାର୍‌ଦା ଦେଅ । ସୁକଲ୍ ଆଡ୍‌ମାର୍ ବପୁ ସଙ୍ଗ୍ ତମର୍ ଆସା ଅଦିକ୍ ଅଇଜାଅ ।

### ଜିଉଦିନଇଲା ଲକ୍ମନର୍ ଟାନେ ପାଉଲର୍ ସେବାକାମ୍

<sup>୧୪</sup> ଏ ବାଇବଇନିମନ୍ ତମର୍ ବିସ୍ବାସ୍ ନିକଆଟେ, ବଲି ମୁଇ ଜାନିଆଟି । ଆରି ପରମେସରର୍ ବାକିଅ ତମେ ନିକସଙ୍ଗ୍ ବୁଜ୍‌ଲାସନି ଆରି ଏବେ ତମେ ବିନ୍ ଲକ୍ମନକେ ମିସା ସିକାଇପାରସା ।<sup>୧୫</sup> ମାତର୍ ଏ ଚିଟିଡେଇ ତମ୍‌କେ କେତେଟା ବିସଇନେଇ ଜାଗ୍‌ରଡ୍ କରାଇବାକେ ମୁଇ ବପୁ ଅଇଲି ଆଟି । କାଜକେବଇଲେ ପରମେସର୍ ମକେ ଅଦିକାର୍

ଦେଲାକେ ମୁଇ ଡାଟ୍‌ସଙ୍ଗ ଏଟା ତମକେ କଇଲିନି । ୧୭ କିରିସଟ ଜିସୁର୍ ଦାଙ୍ଗଡା ଇସାବେ ଜିଉଦି ନଇଲା ଲକ୍‌ମନର୍ ପାଇ କାମ୍ କରବାକେ ପରମେସର୍ ମକେ ବାଟ୍‌ଲାଆଟେ । ପରମେସର୍ ସୁବକବର୍ ଜାନାଇବା ପାଇ ମୁଇ ଗଟେକ୍ ଦରମ୍ ଗୁରୁ ଇସାବେ କାମ୍‌କଲିନି । ଜେନ୍ତାରିକି ଜିଉଦିନଇଲା ଲକ୍‌ମନ ଗଟେକ୍ ସୁକଲ୍ ବଲି ଇସାବେ ପରମେସର୍‌କେ ସରପିଦେବାଇ । ଏ କାମ୍ ସୁକଲ୍‌ଆଡ଼ମା ପୁରାପୁରୁନ୍ କରସି । ୧୭ କିରିସଟ ଜିସୁର୍‌ତେଇ ମକେ ମିସାଇଲାଟ୍‌ପାଇ, ତାର୍ ଏ ସେବା କାମ୍ କରବାକେ ମୁଇ ମୁଲ୍‌କେ ଲାଜ୍ ଅଇନାଇ । ୧୮ ଜିଉଦି ନ ଅଇଲା ଲକ୍‌ମନକେ ପରମେସର୍ ଆଦେସ୍ ମାନବାକେ କିରିସଟ ମକେ ଦେଇକରି ଜନ୍‌ଟା ସାଦନ୍ କଲାଆଟେ, ଅବକା ସେଟାସେ ମୁଇ ଡାଟ୍ ସଙ୍ଗ୍ କଇବି । କାଇଟା କଇବାଟ୍‌ଆଟେ, ଆରି କାଇଟା କରବାଟ୍‌ଆଟେ, ସେମକେ ଜାନାଇଲାକେ ଏଟା ଅଇଲା । ୧୯ ଚିନର୍ ଲାଗି, କାବାଅଇଜିବା କାମ୍‌ରଲାଗି ଆରି ସୁକଲ୍‌ଆଡ଼ମା ବପୁର୍‌ଲାଗି ଏଟା ସବୁ କଲାଆଟେ । ସେଟାର୍ ପାଇ ମୁଇ ଜିରୁସାଲମେଅନି ଇଲିରିକମ୍‌କେ ଗାଲାବେଲେ ବାଟେ କିରିସଟର ସୁବକବର୍ ପୁରାପୁରୁନ୍ ଜାନାଇଲି ଆଟି । ୨୦ ଜନ୍ ଜାଗାମନ୍‌କେ ଲକ୍‌ମନ କିରିସଟର୍ ବିସଇ ସୁନଡ଼ନାଇ, ସିତି ତାର୍ କବର୍ ଜାନାଇବାର୍ ମର୍ ଆଦେସ୍ ରଇଲା । କାଇକେବଇଲେ ଜନ୍‌ଲକ୍‌ମନକେ ସୁବକବର୍ ବିନଲକ୍‌ମନ ଜାନାଇ ସାରାଇଆଟଡ଼, ତେଇ ମୁଇ ଆରିତରେକ୍ କଇବାକେ ମନ୍ କରନାଇ । ୨୧ ଜେନ୍ତାରିକି ସାସ୍‌ତରେ ଲେକା ଆଟେ,

“ଜନ୍‌ଲକ୍‌ମନ ତାର୍ ନାଉଁ ଏବକେଜାକ ସୁନଡ଼ନାଇ, ଏବେ ସେ କେ ବଲି ଜାନ୍‌ବାଇ ।  
 ଜନ୍‌ଲକ୍‌ମନକେ ଏବେଜାକ ତାର୍ ବିସଇ ଜାନାଅଡ଼ନାଇ, ସେମନ୍ ବୁଜ୍‌ବାଇ ।”

**ରମ୍‌ଦେସେ ଜିବାକେ ପାଉଲର୍ ଜଜନା**

୨୨ \*ମୁଇ ବେସିତର୍ ତମକେ ଦେକିଆଇବାଟା ପିଟିଗାଲା ଆଟେ । ୨୩ ମାତର୍ ଏ ଜାଗା ଲଗେ ମର୍ କାମ୍ ସାରିଗାଲା ଆଟେ । ଆରି ତମକେ ଦେକବାକେ ମର୍ ବେସି ବରସର୍ ଆସା ଏବେ ପୁରାପୁରୁନ୍ ଅଇସି । ୨୪ ସାରାସାରି ଏବେ ମୁଇ ତମକେ ଦେକବାକେ ଆସିଅଇସି । ଏସ୍‌ପେନ୍ ଦେସେ ଜିବା ବାଟେ ତମକେ ଦେକିଆଇବି ବଲି ବାବ୍‌ଲିଆଟି । ତମର୍‌ଟାନ୍ ସାର୍‌ଦାସଙ୍ଗ୍ କେତେ ବେଲା ବିତାଇଲା ପଟେ ତମର୍ ସାଇଜେ ଏସ୍‌ପେନ୍ ଦେସେ ଉଟିଜିବି ।

୨୫ \*ଏବେ ମୁଇ ପର୍‌ତୁମ୍ ଜିରୁସାଲମେ ଗାଲିନି । କାଇକେବଇଲେ ତେଇର୍ ବିସ୍‌ବାସିମନ୍‌କେ ସେବାକାମେ ସାଇଜ କରବା କେତେକ୍ ତାବୁ ନେଇଦେବାକେ ମକେ କଇଲାଇ ଆଟଡ଼ । ୨୬ ମାକିଡନିଆ ଆରି ଗିରିସର୍ ଆକାୟାତେଇ ରଇବା ବିସ୍‌ବାସିମନ୍ ଜିରୁସାଲମେ ରଇବା ଅରକିଡ଼ ବିସ୍‌ବାସିମନ୍‌ରପାଇ ଏ ସାଇଜ ପାଟାଇବାଟା ନିକ ରଇସି ବଲି ବାବ୍‌ଲାଇ । ୨୭ \*ସେମନ୍ ବେସି ସାର୍‌ଦାଅଇ ଏ ସାଇଜ ଦେଲାଇନି । ଏଟା ଦେଇକରି ସେମନ୍ ଟିକ୍ ବିସଇ କଲାଇ । କାଇକେବଇଲେ, ଜିରୁସାଲମେ ରଇବା ବିସ୍‌ବାସିମନ୍‌ ଟାନ୍ ସେମନ୍ ରୁନି ଅଇଆଟଡ଼ । ସେଟା କେନ୍‌ଡିବଇଲେ ଜିଉଦିମନର୍‌ଟାନ୍‌ଅନିସେ ପରମେସର୍ ବାକିଅ ଇଡିର୍ ଜିଉଦି ନ ଅଇଲା ଲକ୍‌ମନକେ ଆନିରଇଲା । ସେଟାର୍‌ପାଇ ତେଇର୍ ଅରକିଡ଼ ଜିଉଦିମନକେ କେତେକ୍ ତାବୁ ସାଇଜ ପାଟାଇବାଟା ନିକ ବିସଇ । ୨୮ ଆରି ମର୍ ଏ କାମ୍ ସାରାଇକରି ସେମନର୍ ସାଇଜର୍‌ପାଇ ଆନିରଇବା ତାବୁ ସରପିଦେଲା ପଟେ, ମୁଇ ଇସ୍‌ପେନ୍‌ଦେସେ ଜିବାକେ ବାରଇବି । ଆରି ବାଟେ ତେବିକରି ତମକେ ଦେକ୍‌ବି । ୨୯ ମୁଇ ଜାନିଆଟି, ତମର୍‌ଟାନ୍ କେଟ୍‌ଲାବେଲେ କିରିସଟର୍ ପୁରାପୁରୁନ୍ ଆସିର୍‌ବାଦନେଇ ମୁଇ ଆଇବି ।

୩୦ ଏ ମର୍ ଆଲାଦର୍ ବାଇବଇନିମନ୍ ! ଆମର୍ ମାପୁର୍ ଜିସୁ କିରିସଟର୍ ନାଉଁ ଦାରି ଆରି ସୁକଲ୍‌ଆଡ଼ମା ଦେଲା ଆଲାଦର୍ ପାଇ ମୁଇ ତମକେ ଗୁଆରି କଲିନି, ମର୍ ପାଇ ମନ୍‌ଦେଇ ପାର୍‌ତନା କର୍‌ତେରୁଆ । ୩୧ ଜିଉଦା ଦେସେ ରଇବା ବିସ୍‌ବାସି ନ କଲା ଲକ୍‌ମନର୍ ଟାନ୍‌ଅନି ମକେ କାଇଟା ନ ଅଅ ବଲି ପାର୍‌ତନା କରା । ଜିରୁସାଲାମର୍ ବିସ୍‌ବାସିମନ୍‌କେ ଜନ୍ ସାଇଜ ମୁଇ ନେଇଦେଲିନି, ସେଡ଼କିରେ ସେମନ୍ ସାର୍‌ଦାସଙ୍ଗ୍ ରଅଡ଼, ବଲି ସେଟାର୍‌ପାଇ ମିସା ପାର୍‌ତନା କରା । ୩୨ ସେଟା ସାର୍‌ଲାପଟେ ପରମେସର୍ ମନ୍ କଲେ ମୁଇ ତମର୍ ଲଗେ ଆଇବି । ଆରି ତମର୍ ସଙ୍ଗ୍ ସାର୍‌ଦାସଙ୍ଗ୍ କେତେଦିନ୍ ରଇକରି ମର୍ ମନେ ସାନ୍ତି ପାଇବି । ୩୩ ସାନ୍ତିଦେବା ପରମେସର୍ ତମର୍ ସବୁ ଲକର୍ ସଙ୍ଗ୍ ରଅ । ଆମେନ୍ ।



**ଜୁଆର୍**

୧ ଏ ଚିଟିତେଇ ପିବି, ଜେ କି କିରିସଟର୍ ଲାଗି ଆମର୍ ବଇନି ଅଇଲାଆଟେ, ତାର୍ ବିସଇ ଜାନାଇଲିନି । ସେ କେକ୍ ଜାଗାଇ ରଇବା ମଣ୍ଡାଲିଟାନ୍ ଏବେ ସେବାକାମ୍ କଲାନ୍ତି । ତାକେ ମୁଇ ତମର୍‌ଲଗେ ପାଟାଇଲିନି । ୨ ଆମର୍ ମାପୁର୍‌ରୁ ନାଉଁ ଦାରି ତାକେ ଡାକିନିଆ । କାଇକେବଇଲେ ଏନ୍ତାରି ଚଲାଟଲ୍‌ଡି ବିସ୍‌ବାସିମନ୍‌ରପାଇ ନିକ । ତାକେ କାଇଆଲେ ଲଡା ରଇଲେ ସାଇଜ କରା । କାଇକେବଇଲେ ସେ ମକେ ଆରି ବେସି ବିସ୍‌ବାସିମନ୍‌କେ ସାଇଜ କଲାଆଟେ ।

୩ \*କିରିସଟର୍ ମର୍ ସଙ୍ଗ୍ କାମ୍‌କରୁମନ୍ ପିରିସକିଲା ଆରି ଆକିଲାକେ ମର୍ ଜୁଆର୍ ଜାନାଆ । ୪ ସେମନ୍ ମକେ ସାଇଜ କଲାଟ୍‌ପାଇ ନିଜର୍ ଜିବନ୍ ବିପଦେ ପାକାଇ ଆଟଡ଼ । ଏଟାର୍‌ପାଇ ମୁଇ ସେମନ୍‌କେ ବେସି ଜୁଆର୍ କଲିନି । ଅବକା

\* ୧୫:୨୨ ୧୫:୨୨ ରମିୟ ୧:୧୩ \* ୧୫:୨୫ ୧୫:୨୫ ୧ମ କରନ୍ତିୟ ୧୭:୧-୪ \* ୧୫:୨୭ ୧୫:୨୭ ୧ମ କରନ୍ତିୟ ୯:୧୧ \* ୧୭:୩ ୧୭:୩ ପେରିଡ଼ ୧୮:୨

ମୁଇସେ ନାଇ, ଇତି ରଇବା ସବୁ ଜିଉଦି ନଇଲା ମଣ୍ଡଲିମନ୍ ମିସା ସେମନ୍‌କେ ଜୁଆର୍ ଜାନାଇଲାଇନି । ୫ ସେମନ୍‌ର ଗରେ ପାର୍ତନାକେ ରୁଣ୍ଡବା ମଣ୍ଡଲିକେ ମିସା ମର୍ ଜୁଆର୍ ଜାନାଇଲାନି ।

ମର୍ ଆଲାଦର୍ ମଇତର୍ ଏପାଇନେତନ୍‌କେ ମର୍ ଜୁଆର୍ ଜାନାଇଲାନି । ଆସିଆ ରାଇଜେ ସେ ସିଗ୍ ପର୍ତୁମ୍ କିରିସ୍‌ଟ ବିସ୍‌ବାସି ଅଇରଇଲା । ୬ ତମର୍ ନିକ ପାଇ ବେସି କସ୍‌ଟ ପଡିରଇବା ମରିୟମ୍‌କେ ମର୍ ଜୁଆର୍ ଜାନାଇ ଦିଆସ୍ । ୭ ଆନ୍‌ରନିକ୍ ଆରି ୟୁନିୟାକେ ମର୍ ଜୁଆର୍ ଜାନାଇଲାନି । ଏ ଦୁଇଟା ମର୍ ସଙ୍ଗର୍ ଜିଉଦିଲକ୍ । ସେମନ୍ ମର୍ ସଙ୍ଗ୍ ବନ୍ଦିସାଲେ ରଇଲାଇ । ମର୍ ଆଗତୁ ସେମନ୍ କିରିସ୍‌ଟକେ ବିସ୍‌ବାସ୍ କଲାଇ । ଆରି ସବୁ ପେରିଡ୍ ସିସ୍‌ମନ୍ ସେମନ୍‌କେ ସନ୍‌ମାନ୍ ଦେବାଇ ।

୮ ମାପୁରୁରଲଗେ ମର୍ ଆଲାଦର୍ ମଇତର୍ ଆମ୍‌ପଲିଆକେ ଜୁଆର୍ ଜାନାଇଦିଆସ୍ । ୯ କିରିସ୍‌ଟର୍ ସେବାଇ ମର୍ ସଙ୍ଗାରି ଉର୍‌ବାନ ଆରି ମର୍ ଆଲାଦର୍ ମଇତର୍ ତାକିୟକେ ମିସା ମର୍ ଜୁଆର୍ ଜାନାଇଦିଆସ୍ । ୧୦ କିରିସ୍‌ଟକେ ବିସ୍‌ବାସକରି ସେବାକରବା ଆପଲ ଆରି ଆରିସ୍‌ତବଲର୍ କୁଟୁମର୍ ସବୁକେ ମର୍ ଜୁଆର୍ ଜାନାଇଦିଆସ୍ । ୧୧ ମର୍ ସଙ୍ଗର୍ ଜିଉଦି ଏରଦିୟନ୍ ଆରି ନାରସିସର୍ ଗରେ ରୁଣ୍ଡବା ବିସ୍‌ବାସି ବାଇବଇନିମନ୍‌କେ ମର୍ ଜୁଆର୍ ଜାନାଇଦିଆସ୍ ।

୧୨ ମାପୁରୁର୍ ସେବାଇ ଲାଗିରଇଲା ତିରିପନ୍ ଆରି ତିରିପସା ଆରି ମାପୁରୁର୍ ପାଇ ବେସି କସ୍‌ଟ ପଡିରଇବା ଆଲାଦର୍ ପର୍‌ସିସ୍‌କେ ମର୍ ଜୁଆର୍ ଜାନାଇଦିଆସ୍ । ୧୩ \*ମାପୁରୁର୍ ମୁକିଅ ଦାଙ୍ଗ୍‌ଡା ରୁପସ୍ ଜେ କି ସେବା କାମ୍‌ଟାନେ ଆବଡ୍ ଅଇ କଲାଆଟେ । ଆରି ମର୍ ଆୟାପାରା ତାକର୍ ଆୟାକେ ମିସା ମର୍ ଜୁଆର୍ । ସେ ମକେ ନିଜର୍ ପଥ ପାରା ଦେକଲା । ୧୪ ଆସୁକିରି, ପେଲେଗନ୍, ଅର୍‌ମିସ୍, ପାଡ୍‌ରବା, ଅର୍‌ମାସ୍ ଆରି ସେମନ୍‌ର ସଙ୍ଗ୍ ରଇବା ସବୁ ବିସ୍‌ବାସି ବାଇବଇନିମନ୍‌କେ ଜୁଆର୍ ଜାନାଆ । ୧୫ ପିଲଲଗ୍ ଆରି ଜୁଲିଆ, ନିରୁସ୍ ଆରି ତାର୍ ବଇନି ଆରି ଅଲୁମ୍‌ପା ଆରି ସେମନ୍‌ର ସଙ୍ଗ୍ ରଇତେରଇବା ସବୁ ପର୍‌ମେସରର୍ ଲକ୍‌ମନ୍‌କେ ମର୍ ଜୁଆର୍ ଜାନାଆ ।

୧୬ ତମର୍ ବିଡ୍‌ରର୍ ଆଲାଦ୍ ଦେକାଇକରି ଗଟେକ୍ ଲକ୍ ଆରି ଗଟେକ୍ ଲକ୍‌କେ ଜୁଆର୍‌ବେଟ୍ ଉଆ । କିରିସ୍‌ଟର୍ ସବୁ ମଣ୍ଡଲି ତମ୍‌କେ ଜୁଆର୍ ଜାନାଇଲାନି ।

**ପାଉଲର୍ ସାରାସାରି ଆଦେସ୍**

୧୭ ଏ ମର୍ ବାଇବଇନିମନ୍, ମୁଇ ତମ୍‌କେ ବାବୁଜିଆ କଲିନି, ତମେ ଜାଗ୍‌ରଡ୍ ଅଇକରି ରୁଆ । ତମର୍ ବିସ୍‌ବାସ୍ ଆରି ଗଟେକ୍ ମନ୍ ଅଇରଇବାଟା ଜନ୍ ଲକ୍‌ମନ୍ ବେଗ୍‌ଲାଇବାକେ ଚେସ୍‌ଟା କଲାଇନି, ତାକର୍‌ଟାନେଅନି ଦୁରିକେ ରୁଆ । କାଇକେବଇଲେ, ତମେ ଜନ୍ ସିକିଆ ପାଇଆଟାସ୍, ତାର୍ ବିରଦ୍ କଲାଇନି । ୧୮ ଜନ୍ ଲକ୍‌ମନ୍ ଏଡ୍‌ଗାରି କାମେ ରୁଡି ଆତଡ୍, ସେମନ୍ ଆମର୍ ମାପୁରୁ କିରିସ୍‌ଟର୍ ଆଦେସ୍ ମାନଡ୍ ନାଇ । ସେମନ୍ କାଲି ନିଜର୍ ମନ୍ କର୍‌ବାଟା ପୁରାପୁରୁନ୍ କର୍‌ବାକେ ତେରେପେତେ ଅଇଲାଇନି । ସୁଆଦ୍ କାତା ଆରି ତିପୁଲ୍ କାତା କଇ ଦରମ୍ ଲକ୍‌ମନ୍‌କେ ବୁଲ୍‌କାଇଦେଲାଇନି । ୧୯ ତମେ ପର୍‌ମେସରର୍ ଆଦେସ୍ ମାନ୍‌ଲାସିନି ବଲି ତାର୍ ସୁବ୍‌କବର୍ ଗୁଲାଇବାଟର୍ ଲକ୍ ଜାନ୍‌ଲାଇ । ସେଟାର୍ ପାଇ ମୁଇ ବେସି ସାର୍‌ଦା । ମୁଇ ମନ୍ କଲିନି, ତମେ ସଡ୍ ବିସଇତେଇ ଗିଆନି ଉଆ ଆରି କାରାପ୍ ବିସଇତେଇ ବୁଡି ରୁଆନାଇ । ୨୦ ଆରି ସାନ୍ତିଦେଉ ପର୍‌ମେସର୍ ତମର୍ ଲାଗି ସଇତାନ୍‌କେ ପୁରାପୁରୁନ୍ କୁରୁପ୍‌ନାସ୍ କର୍‌ସି ।

ଆମର୍ ମାପୁରୁ ଜିସୁକିରିସ୍‌ଟର୍ ଜିବନ୍‌ଦୁକାଇଲାଟା ତମର୍ ସଙ୍ଗ୍ ସବୁବେଲେ ରଅ ।

୨୧ \*ମର୍ ସଙ୍ଗ୍ ମିସିକରି କାମ୍‌କର୍‌ବା ସଙ୍ଗାରି ତମତି, ଆରି ଆମର୍ ଜିଉଦି ବାଇମନ୍ ଲୁକିଅ, ଜାସନ୍ ଆରି ସପିପାଡ୍‌ର ତମ୍‌କେ ଜୁଆର୍ ଜାନାଇଲାଇନି ।

୨୨ ମୁଇ ତର୍‌ଡିଅ, ମର୍ ସଙ୍ଗାରି ପାଉଲ୍, କଇଦେଲାକେ ଏ ଚିଟି ଲେକ୍‌ଲିଆଟି । ମାପୁରୁର୍ ନାଉଁ ଦାରି ମୁଇ ତମ୍‌କେ ଜୁଆର୍ ଜାନାଇଲାନି ।

୨୩ \*ଗାୟସ୍ ତମ୍‌କେ ଜୁଆର୍ ଜାନାଇଲାନି । ମୁଇ ତାର୍ ଗରେ ରଇଲିନି ଆରି ତାର୍ ଗରେ ରୁଣ୍ଡବା ଇତିର୍ ବିସ୍‌ବାସିମନ୍ ତମ୍‌କେ ଜୁଆର୍ ଜାନାଇଲାଇନି । ଏ ଗଡ୍‌ର୍ ତାରୁ ଇସାବ୍‌କିତାବ୍ କରୁ ଏରାସ୍‌ଟ ଆରି ବାଇ କାର୍‌ଡ ମିସା ତମ୍‌କେ ଜୁଆର୍ ଜାନାଇଲାନି । ୨୪ ମାପୁରୁ ଜିସୁକିରିସ୍‌ଟର୍ ଜିବନ୍‌ଦୁକାନି ତମର୍ ସବୁ ଲକ୍‌ର୍ ଲଗେ ରଅ ।

**ପାର୍ତନା ଆରି ସାର୍‌ଦାସଙ୍ଗ୍ ଏ ଚିଟି ସାର୍‌ଲାଟା**

୨୫ ଆସା, ପର୍‌ମେସର୍‌କେ ଡାକ୍‌ପୁଟା କରୁ । ମୁଇ ଜାନାଇତେରଇବା ଜିସୁ କିରିସ୍‌ଟର୍ ବିସଇର୍ ସୁବ୍ କବର୍ ଆରି ଜୁଗ୍ ଜୁଗ୍ ଦାରି ଲୁଚି ରଇବା ଟିକିନିକିର୍ ସଡ୍ ଇସାବେ ରଇବା ତମର୍ ବିସ୍‌ବାସ୍ ପର୍‌ମେସର୍ ଡାକ୍‌କରି ସଙ୍ଗାକବାକେ ପାରେ । ୨୬ ସେ ଟିକିନିକିର୍ ସବୁ ସଡ୍ ବବିସଡ୍‌ବକ୍‌ତାମନ୍‌ର ସାସ୍‌ତରେ ସେ ଜାନାଇଲା ଆଟେ । ଆରି ଏବେ ମାପୁରୁ ପର୍‌ମେସରର୍ ସଡ୍ ଜୁଗ୍ ଜୁଗ୍ ଅନି ସବୁ ଲକ୍‌ମନ୍‌ର୍ ବିଡ୍‌ରେ ଜାନାଇଆଟେ । ଇତିଅନି ସବୁ ବିସ୍‌ବାସ୍ କରି ପର୍‌ମେସରର୍ କାତାମାନି ଚାଲି ପାର୍‌ବାଇ ।

୨୭ ମାପୁରୁ ଜିସୁ କିରିସ୍‌ଟର୍‌ତେଇଅନି ସବୁ ଜାନ୍‌ବା ଗଟେକ୍‌ସେ ପର୍‌ମେସର୍ କାଲେ କାଲେ ଜୁଗେ ଜୁଗେ ଡାକ୍‌ପୁଟା ପାଅ । ଆମେନ୍ !

\* ୧୭:୧୩ ୧୭:୧୩ ମାର୍କ ୧୫:୨୧ \* ୧୭:୨୧ ୧୭:୨୧ ପେରିଡ୍ ୧୭:୧ \* ୧୭:୨୩ ୧୭:୨୩ ପେରିଡ୍ ୧୯:୨୯; ୧ମ କରନ୍ତିୟ ୧:୧୪;୨ୟ ତିମତି ୪:୨୦



# କରନ୍ତିୟ ମଣ୍ଡଳୀର ବିଶ୍ୱାସୀମାନଙ୍କୁ ପାଉଲଙ୍କ ପ୍ରଥମ ପତ୍ର କରନ୍ତିୟ ମଣ୍ଡଳୀର ଲକ୍ଷ୍ମଣନେ ପାଉଲ୍ ପରତୁମ୍ଭର ଚିଠି ଲେଖିଲାଟା

## ଏ ବଇ ବିସଇତେଇ ଜାନ୍‌ବାଟା

ପରତୁମ୍ଭ କରନ୍ତିୟ ଚିଠି ପେରିତ୍ ପାଉଲ୍ ଲେକିରଇଲା । ଏଟା ଜିସୁ କିରିସ୍ଟ ଜନମ୍ ଅଇକରି ୫୫ ବରସ୍ ପଟେ ଲେକିରଇଲାଇ । ୧:୧ପାଉଲ୍ ଲେକିରଇଲା ଦୁଇଟା ଚିଠି ବିତ୍‌ରେଅନି ଏଟା ୧ ମ ଚିଠି । ସେ ଏପିସିତେଇ ରଇଲା ବେଲାଇ ଏ ଚିଠି ଲେକିରଇଲା । ମାକିଦନିଆଅନି କରନ୍ତି ବାସାଅଇଲା ଆଗେ ଲେକାଅଇରଇଲା । ୧୭:୫-୯ ।

ପାଉଲ୍ ଏ ଚିଠିଟାଣେ ମଣ୍ଡଳି ବିତ୍‌ରେ ଅଇତେ ରଇବା କରାପ୍ କାମ୍, ଦଲ୍ ଦଲ୍ ବିତ୍‌ରେ ବେଗ୍‌ଲା ବେଗ୍‌ଲି ଅଇବାଟା, ପାପ୍ କାମ୍ କରବାଟା ଜାନିରଇଲା । ଏ ସବୁ ବିସଇ ମଣ୍ଡଳିର ଲକ୍ଷ୍ମଣନେ ଗାଣେ ସୁନିକରି ଏ ସବୁର୍ ଉତ୍ତର୍ ଦେବାକେ ଦିଆନ୍ ଦେଇତେ ରଇଲା । କରନ୍ତିୟ ନଅରେ ମୁନୁସ୍ ପିଲା ମାଈଜିଟକି ଅଇବା କରାପ୍ କାମ୍ ପାଇ ଡାକ୍‌ପୁଟା ରଇଲା । ତେବର୍ ପାଇ ମଣ୍ଡଳିମନ୍‌କେ ଏନ୍ତାରି ଅସୁବିଦାମନ୍ ଆଇତେ ରଇଲା । ୧ ମ କରନ୍ତି ଆଲାଦ୍ ବିସଇ ଗଟେକ୍ ବାଗ୍ ଦାରିଆଟେ ।

### ଏ ବଇଟାଣେ ରଇବାଟା

- ୧. ପାଉଲ୍ କରନ୍ତିଏ ରଇବା ଲକ୍ଷ୍ମଣନେ କୁଆର୍ ଜାନାଇଲାନି ଆରି ସେମନର୍ ପାଇ ପରମେସର୍‌କେ ଦନିଅବାଦ୍ ଦେଲାନି । ୧:୧-୯
- ୨. ପାଉଲ୍ କରନ୍ତି ମଣ୍ଡଳିଅନି ସୁନି ରଇବା ମଣ୍ଡଳି ମଣ୍ଡଳି ବେଗ୍‌ଲି ଜାଇରଇବା ବିସଇ ସିକିଆ ଦେଲାନି । ୧:୧୦,୪:୨୧
- ୩. ବିନ୍‌ଟା ଅଇଲାନି ମାଈଜିଟକି ମୁନୁସ୍ ପିଲା ଅଇବା କାରାପ୍ କାମ୍ କରି ଗଟେକ୍ ଲକ୍ ଆରି ଗଟେକ୍ ଲକ୍‌କେ କରଟ୍ ଦୁଆର୍ ଜାକ ନେବା ବିସଇ ଲେକିଆଟେ । ୫-୬
- ୪. ପଟେ ଜିବା ବିସଇ ମୁର୍ତ୍ତିମନ୍‌କେ ବଲିଦେବାଟା, ସବୁ ମିସିକରି ପାର୍‌ତନା କରବାଟା, ଆଡ୍‌ମାଇ ଦାନ୍ ପାଇଲାଟା ଆରି ମରି କରି ଆରି ତରେକ୍ ଉଟ୍‌ବାଟା ବିସଇ ଲେକା ଆଟେ । ୭-୧୫
- ୫. ସାରାସାରି ସେ ନିଜେ କରତେରଇବା କେତେଟା ବିସଇ ଲେକିକରି ସାରାଇଲାନି । ୧୬

୧ ମୁଇ ପାଉଲ୍ ଆରି ଆମର୍ ସଙ୍ଗର୍ ବିସ୍‌ବାସି ସସ୍‌ତିନା କୁଆର୍ ଜାନାଇଲୁନି । ପରମେସର୍‌ର ମନ୍ କଲା ଇସାବେ କିରିସ୍ଟ ଜିସୁର୍ ପେରିତ୍ ଅଇବାକେ ମକେ ବାଟିଆଟେ ।

୨ \*କରନ୍ତିୟ ନଅରେ ରଇବା ପରମେସର୍‌ର ମଣ୍ଡଳିର ଲକ୍ଷ୍ମଣନେ ଲେକ୍‌ଲୁନି । ପରମେସର୍ ତମ୍‌କେ ଜିସୁକିରିସ୍ଟ ସଙ୍ଗ୍ ମିସାଇ, ତାର୍ ନିଜର୍ ଲକ୍ କଲାଆଟେ । ଆରି ମାପୁରୁ ଜିସୁକିରିସ୍ଟକେ ଉପାସନା କରବା, ସବୁ ଜାଗାଇ ରଇବା ଲକ୍‌ର ସଙ୍ଗ୍ ତମ୍‌କେ ସୁକଲ୍ ଅଇବାକେ ବାଟିଆଟେ । ସେ ଆମର୍ ମାପୁରୁ ଆରି ଡାକର୍ ମିସା ।

୩ ଆମର୍ ବାବା ପରମେସର୍ ଆରି ଜିସୁ କିରିସ୍ଟ ତମ୍‌କେ ଜିବନ୍ ଦୁକାଇ ସାନ୍ତି ଦେଅ ।

### କିରିସ୍ଟର୍ ଗାଣେ ଆସିର୍‌ବାଦ୍

୪ କିରିସ୍ଟ ଜିସୁର୍‌ଗାଣେ ପରମେସର୍‌ର ଜେନ୍ତି ଜିବନ୍ ଦୁକାଇରଇଲା, ସେ ଜିବନ୍ ଦୁକାନିର୍ ଲାଗି, ମୁଇ ସବୁବେଲେ ତମ୍‌ର ବିସଇନେଇ ପରମେସର୍‌କେ ଦନିଅବାଦ୍ ଦେଲିନି । \* କାଈକେବଇଲେ ତମେ କିରିସ୍ଟ ସଙ୍ଗ୍ ମିସିକରି ଆଗାସ୍ ବଲି ପରମେସର୍ ତମ୍‌କେ ଲଡାକେ ଅଇବା ସବୁ ବିସଇ, ତମ୍‌ର କାତା ଅଇବା ବପୁ ଆରି ସବୁ ରକାମର୍ ଗିଆନ୍ ଦେଇଆଟେ । ୬ କିରିସ୍ଟର୍ ବିସଇନେଇ ତମ୍‌କେ ଜନ୍ କବର୍ କଇରଇଲୁ, ସେଟା ଚିକ୍ ଆକା ବଲି ଜାନା ପଡ୍‌ଲାନି । ୭ ତେବେ ତମେ ଆମର୍ ମାପୁରୁ ଜିସୁ କିରିସ୍ଟର୍ ଏ ଜଗତେ ବାଉଡି ଆଇବାଟା ଜାଗିରଇବାକେ ସବୁ ରକାମର୍ ଆଡ୍‌ମାର୍ ଦାନ୍ ମିଲାଇ ଆଗାସ୍ । ୮ ଜେନ୍ତିକି ଆମର୍ ମାପୁରୁ ଜିସୁ ଆଇବା ଦିନେ ତମ୍‌କେ କାଈ ମିସା ନିନ୍ଦା ନ ଅ । ଏଟାପାଇ ମାପୁରୁ ତମ୍‌କେ ସାରାସାରି ଜାକ ମିସା ତବିର୍ କରି ସଙ୍ଗ୍‌ଇସି ।

୯ ଜନ୍ ପରମେସର୍‌ର ଲାଗି ତମେ ତାର୍ ପଅ ଜିସୁ କିରିସ୍ଟ, ଆମର୍ ମାପୁରୁର୍‌ସଙ୍ଗ୍ ମିସିବିଡି ରଇବାକେ ବାଟିଅଇ ଆଗାସ୍, ସେ ସେନ୍ତି କର୍‌ସି ଆକା ବଲି ତାଟ୍ ସଙ୍ଗ୍ ବିସ୍‌ବାସ୍ କଲାସ୍‌ନି ।

### ବିସ୍‌ବାସିମନ୍ ବେଗ୍‌ଲା ବେଗ୍‌ଲି ଅଇବାଟା

୧୦ ଏ ମର୍ ବାଇବଇନିମନ୍, ଆମର୍ ମାପୁରୁ ଜିସୁ କିରିସ୍ଟର୍ ନାଉଁ ଦାରି ମୁଇ ତମ୍‌କେ ବାବୁଜିଆ କଲିନି, ଜେନ୍ତିକି ତମେ ସବୁଲକ୍ ଗଟେକ୍ କାତାଇ ରାଜି ଉଆ, ଆରି ତମ୍‌ର ତମ୍‌ର ବିତ୍‌ରେ ବେଗ୍‌ଲା ବେଗ୍‌ଲି ଉଆନାଇ । ମାତର୍ ତମେ ଗଟେକ୍ ଦଲ୍, ଗଟେକ୍ ମନ୍ ଆରି ଗଟେକ୍ କାତାଇ ରାଜି ଉଆ । ୧୧ ତମ୍‌ର ତମ୍‌ର ବିତ୍‌ରେ ଲାଗାଜଡା ଆଟେ ବଲି ମୁଇ

\* ୧:୨ ୧:୨ ପେରିତ୍ ୧୮:୧

କିଲିୟର୍ କୁରୁମେ ଅନି ସୁନିଆଟି । ୧୨ \*ମୁଇ ବାବଲିନି, ତମର ବିତ୍ତରେ କେତେଲକ୍ କଇବାଇ, ଆମେ ପାଉଲର୍ ବାଟେ ଜିବାଲକ୍, କେତେଲକ୍ ଆପଲର୍ ବାଟେ ଜିବାଲକ୍, କେତେଲକ୍ କେପାର୍ ବାଟେ ଜିବା ଲକ୍, ଆରି କେତେଲକ୍ ଆମେ କିରିସ୍ତର୍ ବାଟେ ଜିବା ଲକ୍ । ୧୩ କିରିସ୍ତକେ ମୁକା ମୁକା କରି ବାଗ୍ ବାଗ୍ କଲାପାରା ଦଲ୍ ଅଇଆଟାସ୍ । ମୁଇ ପାଉଲ୍, ତମର ପାଇ କୁରସେ ମରିରଇଲି କି ? କି ତମେ ପାଉଲର୍ ନାଉଁ ଦାରି ତୁବନ୍ ନେଇରଇଲାସ୍ ?

୧୪ \*ସେଟାରପାଇ କିରିସ୍ତ ଆରି ଗାଅକେ ଚାଡ଼ଲେ ତମର ବିତ୍ତରେ ଆରି କାକେ ମିସା ତୁବନ୍ ଦେଇ ନାଇ ବଲି ମୁଇ ପରମେସରକେ ଦନିଅବାଦ୍ ଦେଲିନି । ୧୫ ତମେ ମର୍ ନାଉଁ ଦାରି ତୁବନ୍ ନେଇଆଟାସ୍ ବଲି କେତେବେଲେ କେ ମିସା କଇଦେବାଇ । ୧୬ \*ଉଁ ତିପାନ୍କେ ଆରି ତାର୍ କୁରୁମର୍ ଲକ୍କେ ମିସା ତୁବନ୍ ଦେଇରଇଲି । ଆରି କାକେ ତୁବନ୍ ଦେଲିଆଟି କି ନାଇ ବଲି ମକେ ଏଡ୍ ଆସେ ନାଇ । ୧୭ କାଇକେବଇଲେ କିରିସ୍ତ ମକେ ତୁବନ୍ ଦେବାକେ ପାଟାଏ ନାଇ, ନିମାନ୍ କବର୍ ଜାନାଇବାକେ ପାଟାଇଲା ଆଟେ । ଜଦି ଲକ୍ମନର୍ ଗିଆନ୍ ଇସାବେ ସେଟା ମୁଇ କର୍ଡି, ସେନ୍ତାର୍ ଆଲେ କିରିସ୍ତର୍ କୁରସର୍ କବରର୍ ବପୁ ଉନା ଅଇତା । ୧୮ କୁରୁପନାସ୍ ଅଇଜାଇତେରଇବା ଲକ୍ମନର୍ପାଇ, କୁରୁସେ ଅଇଲା କିରିସ୍ତର୍ ମରନର୍ କାତା, କାଇ ମୁଲିଅ ନାଇ । ମାତର୍, ଆମର୍ପାଇ ସେଟା ପରମେସରର୍ ବପୁ । ଆମେ ମୁକ୍ତି ପାଇତେରଇବା ଲକ୍ମନ୍ । ୧୯ ତେବେ ଦରମ୍ ସାସ୍ତରେ ଏନ୍ତି ଲେକାଆଟେ, ମୁଇ ଗିଆନ୍ ରଇବା ଲକ୍ମନର୍ ଗିଆନ୍ ନସାଇବି,

ଆରି ବୁଦି ରଇବା ଲକ୍ମନର୍ ବୁଦି  
କାଇ ଲଡାକେ ନ ଆଇଲା ପାରା କର୍ବି ।

୨୦ ତେବେ ଗିଆନ୍ ରଇବା ଲକ୍ମନର୍ ବିସଇ କାଇଟା କଇଅଇସି ? ସାସ୍ତର୍ ସିକାତମନର୍ ବିସଇ କାଇଟା କଇ ଅଇସି ? ଆରି ଏ ଜୁଗର୍ ଦଦାପେଲା ଅଇବା ଲକ୍ମନର୍ ବିସଇ କାଇଟା କଇଅଇସି ? ପରମେସର୍ ଏ ଜଗତର୍ ଗିଆନ୍ ରଇବା ଲକ୍ମନକେ କାଇ ଲଡାକେ ନ ଆଇବାଟା ବଲି କଏ ନାଇ କି ?

୨୧ ଏ ଜଗତର୍ ଲକ୍ମନ୍ ତାକର୍ ଚାଲାକିସଙ୍ଗ୍ ପରମେସରକେ ନ ଜାନଡ୍ ବଲି, ସେ ନିଜର୍ ଗିଆନ୍ ଇସାବେ ଟିକ୍‌କଲା । ଆମେ ଜାନାଇବା ବିସଇ ଜନ୍‌ଟା କି କାଇ ମୁଲିଅ ନାଇ ବଲି ଲକ୍ମନ୍ କଇବାଇ, ସେଟା ବିସବାସ୍ କର୍ବା ଲକ୍ମନକେ ମୁକ୍ତି ଦେବାକେ ପରମେସର୍ ସାର୍ଦା ଅଇଲା । ୨୨ ଜିଉଦିମନ୍ କାବା ଅଇଜିବା ଚିନ୍ ପାଇ ଦାବି କଲାଇନି । ଗିରିକ୍ମନ୍ ଗିଆନ୍ କଜଲାଇନି । ୨୩ ମାତର୍ ଆମେ କୁରୁସ୍ ଉପରେ ଚଗାଇ ଅଇରଇବା କିରିସ୍ତର୍ ବିସଇ ଜାନାଇଲୁନି । ଏ କାତା ସୁନଲେ ଜିଉଦିମନ୍ ରିସା ଅଇଗାଲାଇନି ଆରି ଜିଉଦି ନଇଲା ଲକ୍ମନ୍ ସେ କାତାର୍ କାଇ ମୁଲିଅ ନାଇ ବଲି ବାବଲାଇନି । ୨୪ ମାତର୍ ଜିଉଦି ଅଅଡ୍, କି ଜିଉଦି ନଇଲା ଲକ୍ ଅଅଡ୍, ଜନ୍ ଲକ୍ମନ୍ ବାଟି ଅଇଆଟଡ୍, ସେମନର୍ ପାଇ କିରିସ୍ତ ପରମେସରର୍ ବପୁ ଆରି ପରମେସରର୍ ଗିଆନ୍ ପାରା ଆଟେ । ୨୫ ତେବେ ଜନ୍‌ଟା ପରମେସରର୍ ବକ୍ତୁଆ ବିସଇ ସେଟା ମୁନୁସର୍ ଗିଆନେ ଅନି ଅଦିକ୍ ଆଟେ, ଆରି ଜନ୍‌ଟା ପରମେସରର୍ ଦୁର୍ବଲ୍ ବିସଇ, ସେଟା ମୁନୁସର୍ ବପୁଟାନେଅନି ଅଦିକ୍ ବପୁ ।

୨୬ ଏ ବାଇବଇନିମନ୍, ପରମେସର୍ ତମକେ ବାଟଲା ବେଲେ ତମେ କେନ୍ତାର୍ ରଇଲାସ୍ ବାବିଦେକା । ଜଗତର୍ ବିଦି ଇସାବେ ବେସିଲକ୍ ଗିଆନି ନ ରଇଲାସ୍ । ବେସିଲକ୍ ନେଡା ନ ରଇଲାସ୍ ଆରି ବଡ୍ ଗରେ ଜନମ୍ ନ ଅଇରଇଲାସ୍ । ୨୭ ପରମେସର୍ ଗିଆନି ଲକ୍ମନକେ ଲାଜ୍ କରାଇବାକେ ଜଗତର୍ ଦୁର୍ବଲ୍ ଲକ୍ମନକେ ବାଟଲା, ଜେନ୍ତିକି ଜଗତେ ଗିଆନି ରଇବା ଲକ୍ମନ୍ ଆରି ବପୁ ରଇବା ଲକ୍ମନ୍ ଲାଜ୍ ଅଇଜିବାଇ । ୨୮ ତେବର୍ ପାଇ, ପରମେସର୍ ଏ ଜଗତର୍ କାଇ ଲଡାକେ ନ ଆସେ ବଲି କଇବା ଲକ୍ମନକେ, ଆରି ସବୁବେଲେ ତଲେ ରଇ ଲକ୍ମନ୍ ଚିନ୍ କର୍ଡେରଇବା ଲକ୍କେ ବାଟଲାଆଟେ । ୨୯ ଜେନ୍ତାର୍ କି ଜଗତ୍ ବିତ୍ତରେ ଜନ୍ ଲକ୍ମନ୍ ବଡ୍ ବଲି ନାମାଇ ଅଇବାଇ, ସେମନ୍ କାଇ ଲଡାକେ ନ ଆସଡ୍ ଆରି ପରମେସରର୍ ମୁଆଟେ କେ ମିସା ବଡ୍‌ପନ୍ ଅଇ ନ କଅଡ୍ । ୩୦ ମାତର୍ ପରମେସର୍ ତମକେ କିରିସ୍ତ ଜିସୁର୍ ସଙ୍ଗ୍ ମିସାଇଆଟେ ଆରି ସେ କିରିସ୍ତକେସେ ଆମର୍ପାଇ ଗିଆନ୍ ପାରା କରିଆଟେ । ତାର୍ଲାଗି ଆମେ ପରମେସର୍ ସଙ୍ଗ୍ ସଡ୍ ମିସାବିତା ଅଇଲାଟା ଆରିତରେକ୍ ଜଡିଅଇଲାଆଟେ । ଆମେ ଦରମ୍ ଆରି ସୁକଲ୍ ଲକ୍ ଅଇ ପାପେ ଅନି ମୁକ୍ତି ପାଇଆଡୁ । ୩୧ ମାତର୍ ଜେନ୍ତି ଦରମ୍ ସାସ୍ତରେ ଲେକା ଅଇଆଟେ, ଜେ ଜଦି ବଡ୍‌ପନ୍ ଅଇସି, ତେବେ ସେ ମାପରୁ କଲା କାମ୍ ତେଇ ବଡ୍‌ପନ୍ ଅ ।

### ୨

#### କୁରୁସକାଟେ ମଲା କିରିସ୍ତର୍ କାତା

୧ ଏ ବାଇବଇନିମନ୍, ଜେଡ୍‌କିବେଲେ ମୁଇ ତମର୍ ଲଗେ ପରମେସରର୍ ଟିକିନିକି କାତା ସୁନାଇବାକେ ଆସି ରଇଲି ପଣ୍ଡିତମନର୍ ପାରା କି ବାସଣ୍ ଦେବା ଲକ୍ମନପାରା ବଡ୍ ବଡ୍ କାତା କଇ ନ ରଇଲି । ୨ କାଇକେବଇଲେ କୁରୁସ୍ କାଟେ ମରିରଇବା ଜିସୁ କିରିସ୍ତକେ ଚାଡି ଆରି ବିନ୍ ବିସଇ ତମକେ ନ କଇ ବଲି ମୁଇ ଟିକ୍ କଲି । ୩ \*ସେବେଲେ ମୁଇ ତମର୍ ଲଗେ ଦୁର୍ବଲ୍ ଅଇ ଡରିକରି ରଇଲି ଆରି ତର୍ଡରି ଗଜ୍‌ଗଜି ରଇଲି । ୪ ଜେନ୍ତିକି ତମର୍ ବିସବାସ୍ ମୁନୁସର୍ ଗିଆନ୍

\* ୧:୧୨ ୧:୧୨ ପେରିଡ୍ ୧୮:୨୪ \* ୧:୧୪ ୧:୧୪ ପେରିଡ୍ ୧୮:୮; ପେରିଡ୍ ୧୯:୨୯; ରମିୟ ୧୭:୨୩ \* ୧:୧୬ ୧:୧୬ ଏମ କରନ୍ତି ୧୭:୧୫ \* ୨:୩ ୨:୩ ପେରିଡ୍ ୧୮:୯

ଉପରେ ନ ରଇକରି ପର୍ଯ୍ୟନ୍ତ ବସୁ ଉପରେ ବାନ୍ଧିଅଇ ରଥ । \* ତେବର୍ପାଇ ମର୍ ସିକିଆ ଆରି ମୁଇ ସୁନାଇବା ବାକିଅ, ମର୍ ନିଜର୍ ଗିଆନେ ଅନି ନ ରଇଲା । ଚାଲାକି କାତା କଇକରି ମୁଇ ସୁନାଇଲାଟା ତମକେ ବିସ୍ବାସ କରାଇନାଇ । ମାତର୍ ପର୍ଯ୍ୟନ୍ତ ଆତ୍ମା ଆରି ତାର ବସୁ ସଙ୍ଗେ ମୁଇ କଇଲା ବିସଇ ସତ୍ ବଲି ଜାନାପଡ଼ଲା ।

**ପର୍ଯ୍ୟନ୍ତ ଗିଆନ୍**

୧୩ ଏଲେମିଆ ଆମେ ଜେତେବଲ୍ ଆତ୍ମାକ ବଢ଼ିରଇବା ବିସ୍ବାସିମନର୍ ସଙ୍ଗେ ରଇଲାବେଲେ ଗିଆନର୍ କାତା କଇଲୁନି । ମାତର୍ ସେଟା ଏ ଜୁଗର୍ ଗିଆନ୍ ନର୍ କି ଏ ଜୁଗର୍ ନର୍ ଅଇଜାଇରଇବା ନେତାମନର୍ ଗିଆନ୍ ନର୍ । ୧୪ ନାଇ, ଜନ୍ ଗିଆନର୍ ବିସଇ ଆମେ କଇଲୁନି, ସେଟା ପର୍ଯ୍ୟନ୍ତ ଚିକିନିକି ଗିଆନର୍ କାତା । ପୁର୍ବେ ପର୍ଯ୍ୟନ୍ତ ତାର ଜଜନା କାକେ ମିଆ ଜାନାଏ ନାଇ । ସେ ଜଜନା ଇସାବେ, ପର୍ଯ୍ୟନ୍ତ ଆମର୍ ମଇମାତ୍ତାଇ ସେ ବାଟିରଇଲା । ୧୫ ଏ ଜୁଗର୍ ଅତିକାରିମନକେ ମିଆ ସେଟା ବୁଜଡ଼ନାଇ । କାଇକେବଇଲେ ସେମନ୍ ସେଟା ଜାନିରଇଲେ ତାକ୍ପୁଟା ମାପୁରୁକେ କୁର୍ସେ ମାରି ନ ରଇତାଇ ।

୧୬ ଜେନ୍ତାରି କି ସାସ୍ତରେ ଲେକା ଆଟେ, ଜନ୍ଟାକି କାର୍ ଆକି କେବେ ଦେକେନାଇ, କାର୍ କାନ୍ କେବେ ସୁନେ ନାଇ ଆରି କେ ମିଆ କେବେ ବାବି ନ ରଅଡ଼, ସେ ସବୁ ବିସଇ, ପର୍ଯ୍ୟନ୍ତ ଜନ୍ ଲକ୍ମନକେ ଆଲାଦ୍ କଲାନ୍ତି, ତାକ୍ପାଇ ତିଆର୍ କଲାଆଟେ ।

୧୭ ମାତର୍ ଆମକେସେ ପର୍ଯ୍ୟନ୍ତ ତାର ଚିକିନିକି ବିସଇ ଜାନାଇଆଟେ । ସେ ସୁକଲ୍ ଆତ୍ମାସେ ସବୁ ବିସଇ ସିକାଇସି ଆରି ତାର ବିତ୍ତରେ ରଇବା ଚିକିନିକି ଚିନ୍ତା ମିଆ କର୍ସି । ୧୮ ମୁନ୍ସୁ କର୍ବା ଚିନ୍ତା ସବୁ ତାର ବିତ୍ତରେ ରଇବା ଆତ୍ମାକେ ଚାଡ଼ଲେ ଆରି କେ ମିଆ ନାଜାନଡ଼ । ସେତ୍ତସେ ପର୍ଯ୍ୟନ୍ତ ସବୁ ଚିନ୍ତା କଲାଟା ତାର ଆତ୍ମାକେ ଚାଡ଼ିଦେଲେ ଆରି କେ ମିଆ ନାଜାନଡ଼ । ୧୯ ଏ ଜଗତର୍ ଲକ୍ମନ ପାଇରଇବା ଆତ୍ମା ପାରା ଆମେ ପାଉନାଇ । ମାତର୍ ପର୍ଯ୍ୟନ୍ତ ଆତ୍ମା ପାଇଆତୁ । ଜେନ୍ତାରିକି ଜନ୍ ସବୁ ବିସଇ ଆମକେ ସେ ଦେଲାଆଟେ, ସେଟା ସବୁ ଆମେ ଜାନ୍ତୁ ।

୨୦ ତେବେ ସେ ସବୁ ବିସଇ ମିଆ ଆମେ ଜଗତର୍ ଗିଆନ୍ ଇସାବେ ସିକାଉନାଇ, ମାତର୍ ଜନ୍ ବିସଇ ଆମକେ ପର୍ଯ୍ୟନ୍ତ ସୁକଲ୍ ଆତ୍ମା ସିକାଇଲା ଆଟେ, ସେ ବିସଇ ଆକା ସିକାଇଲୁନି । ଜନ୍ ଲକ୍ମନ ସୁକଲ୍ ଆତ୍ମା ପାଇଆଟଡ଼, ସେ ଲକ୍ମନକେ ଏ ଆତ୍ମା ବିସଇ ସିକାଇଲୁନି । ୨୧ ମାତର୍ ସୁକଲ୍ ଆତ୍ମା ନ ପାଇ ରଇବା ଲକ୍, ଆତ୍ମା ବିସଇ ନ ମାନେ, ମାତର୍ ସେଟାମନ୍ ତାରପାଇ ଗଟେକ୍ କାଇଟା ନାଜାନ୍ବା ବକୁଆ ପାରା, ଆରି ସେ ସେଟା ବୁଜି ନାପାରେ, କାଇକେବଇଲେ ସେ ସବୁ ବିସଇ ସୁକଲ୍ ଆତ୍ମା ସିକାଇଲେ ସେ ବୁଜିଅଇସି । ୨୨ ମାତର୍ ଜନ୍ ଲକ୍ମନ ଆତ୍ମା ପାଇଆଟଡ଼, ସେ ସବୁ ବିସଇର୍ ମୁଲିଅ, ସତ୍ ବାବେ ବିତାର୍ କର୍ସି । ଏଲେ ମିଆ ତାକେ କେ ବିତାର୍ ନ କରଡ଼ । ୨୩ ସାସ୍ତରେ ଲେକା ଅଇଲାପାରା କେ ମିଆ ମାପୁରୁ ମନର୍ କାତା ଜାନି ନାପାରଡ଼, କି କେ ମିଆ ତାକେ ସିକାଇ ନାପାରଡ଼ ।

ମାତର୍ ଆମେ କିରିସ୍ଟର୍ ମନ୍ ପାଇଆତୁ ।

**୩**

**ମଣ୍ଡୁଲିଗାନେ କିର ଜାତି**

୨୪ ଏ ବାଇବଇନିମନ୍, ମୁଇ କରନ୍ତଃତେଇ ରଇଲାବେଲେ ସୁକଲ୍ ଆତ୍ମା ପାଇଲା ଲକ୍ମନର୍ ଇସାବେ ତମକେ କାତା ଅଇ ନାପାରଲି । ମାତର୍ ନିଜେ ମନକଲା ଇସାବେ ରଇବା ଲକ୍ମନର୍ ଇସାବେସେ କାତା ଅଇଲି । କାଇକେ ବଇଲେ ତମେ ସେବେଲେସେ, ବିସ୍ବାସ କର୍ବାକେ ମୁଲିଆଇ ରଇଲାସ୍ । କିରିସ୍ଟର୍ ତେଇ କଅଁଲା ପିଲାମନର୍ ପାରା । ୨୫ ମୁଇ ତମକେ ଆଁଟ୍ କାଦି ନ ଦେଇ କରି ଦୁଦ୍ କାଇବାକେ ଦେଇରଇଲି । କାଇକେବଇଲେ ତମେ ଆଁଟ୍ କାଦି କାଇବାର୍ ନାପାରତେ ରଇଲାସ୍ । ଏବେ ମିଆ ନାପାରାସ୍ । ୨୬ ତେବେ, ତମେ ନିଜର୍ ମନ୍ କଲା ଇସାବେ ରଇବା ଲକ୍ମନପାରା ଆଟାସ୍ । ମୁଇ ଏଟାର୍ ପାଇ କଇଲିନି, କାଇକେବଇଲେ ତମର୍ ତମର୍ ବିତ୍ତରେ ଇସା ତଲା, ଲାଗାଜତା ଆରି ଜାତିନିତି ଆଟେ । ତମେ ନିଜର୍ ମନ୍ କଲା ଇସାବେ ରଇବା ଲକ୍ ବଲି ଜାନାପଡ଼ଲାନ୍ତି । ଜଗତର୍ ଲକ୍ମନର୍ ପାରା, ନିଜର୍ ମନ୍ କଲା ଇସାବେ ଚଲାଚଲୁଡ଼ି କଲାସ୍ନି । ୨୭ ଜେନ୍ତାରିକି ତମର୍ ବିତ୍ତରେ କେତେଲକ୍ କଇବାଇ, ଆମେ ପାଉଲର୍ ବାଟେ ଗାଲୁନି । ତେଇଅନି ଆରି କେତେଲକ୍ କଇବାଇ, ଆମେ ଆପଲର୍ ବାଟେ ଗାଲୁନି । ସେତ୍ତକିବେଲେ ତମେ କାଇ ନିଜର୍ ମନ୍ କଲା ଇସାବେ ରଇବା ଲକ୍ ନୁଆସ୍ କି ?

\* ସେ ଇସାବେ ଦେକଲେ ଆପଲ୍ କେ ? ଆରି ମୁଇ ମିଆ କେ ? ଆମେତା ଅବକା ସେବା କରୁମନ୍ । ଜେନ୍ତାରିକି ତମକେ ବିସ୍ବାସ କର୍ବାକେ ଆମେ ସାଇଜ କଲୁ । ପର୍ଯ୍ୟନ୍ତ ଆମକେ ଜନ୍ କାମ୍ କର୍ବାକେ ଦେଇରଇଲା, ଆମେ ସେ କାମ୍

☆ ୩:୨ ୩:୨ ଏବ୍ରି ୫:୧୨, ୧୩ ☆ ୩:୪ ୩:୪ ୧ମ କରନ୍ତଃ ୧:୧୨

କରିଥାନ୍ତୁ । ୭ \*ମୁଁ ମୁଞ୍ଚି ରପ୍ତା ଲକ୍ ପାରା, ଆରି ଆପଲ୍ ଗତେ ପାନିଦେଲା ଲକ୍ ପାରା । ମାତର୍ ପର୍ମେସର୍ ସେ ଗର୍ ବଡ଼ାଇଆତେ । ୮ ସେନ୍ତିସେ ଜେ ରପିରଇସି ଆରି ଜେ ପାନି ଦେଇସି, ତାକର୍ କାଜଟା ନାଇ, ଜେ ବଡ଼ାଇରଇସି, ସେ ପର୍ମେସର୍ ସେ ସବୁଟା । ୯ ଜେ ରପ୍ତା ଆତେ ଆରି ଜେ ପାନି ଦେଲାଆତେ, ସେ ଦୁଇଲକ୍ ଗଟେକ୍ କାଇଆଲେ ଲଡ଼ାରପାଇ କାମ୍ କଲାଇନି । କାଇକେବଇଲେ ସେମନ୍ତେ ପର୍ମେସର୍ ନିଜର୍ ନିଜର୍ କାମ୍ ଇସାବେ ପୁରୁସ୍କାର ଦେଇସି । ୧୦ ଆମେ ପର୍ମେସର୍ ସଙ୍ଗ୍ କାମ୍ କରବା କୁଲିଆର୍ ମନ୍ । ଆରି କରନ୍ତିୟର୍ ବିସ୍ବାସିମନ୍ ତମେ, ପର୍ମେସର୍ ଚାସ୍ କରବା ଜମି, ଆରି ତାର୍ ଗର୍ । ୧୧ ପର୍ମେସର୍ ମକେ ଦେଇରଇବା ତାର୍ ଜିବନ୍ ଦୁକାନି ଇସାବେ ମୁଇ ଗଟେକ୍ ସବୁ ଜାନିରଇବା ଗର୍ ତିଆରକରୁ ପାରା କୁନାଦି ବସାଇଆତି । ସେବେଲେଅନି ବିନ୍ ଲକ୍ ତାର୍ ଉପରେ ତିଆର୍ କଲାନି । ମାତର୍ ତିଆର୍ କରବା ବେଲେ ତମେ, ଗଟେକ୍ ଗଟେକ୍ ଲକ୍ ଜାଗରତ୍ ରଇବାର୍ ଆତେ । ୧୨ କାଇକେବଇଲେ, ଜନ୍ କୁନାଦି ତିଆର୍ ଅଇସାରଲା ଆତେ, ତାକେ ଚାଡ଼ି ଅଲ୍ଗା କୁନାଦି କେ ମିସା ତିଆର୍ କରି ନାପାରତ୍ । ସେ କୁନାଦିର୍ ମୁଲ୍ ପାକ୍ନା ଅଇଲାନି ଜିସୁକିରିସ୍ଟ । ୧୩ ମାତର୍ କେତେକ୍ ଗର୍ ବାହୁମନ୍ କୁନାଦି ଉପରେ ସୁନା, ରୁପା ଆରି ବେସି ଦାମ୍ ଅଇବା ପାକ୍ନା ସଙ୍ଗ୍ ବାନ୍ଧଲାଇନି । ଆରି କେତେକ୍ ଲକ୍ ଦାରୁ, ଗାଁସ୍ ଆରି ପିରି ସଙ୍ଗ୍ କୁନାଦି ଉପରେ ବାନ୍ଧଲାଇନି । ୧୪ କିରିସ୍ଟ ଆରି ତରେକ୍ ଆଇବା ଦିନେ ଗଟେକ୍ ଗଟେକ୍ ଲକ୍ କରରଇବା ସବୁ କାମ୍ କେନ୍ତାଟା ବଲି ଜଇଟାନେ ଜାନାପତିଜାଇସି । ସେଟା ଗଟେକ୍ ଏନ୍ତି ବେଲା ଆଇସି ଜେତେବେଲେ ସବୁ ଜିନିସ୍ ଜଇଟାନେ ପଡ଼ାଇ ପରିକା କରାଅଇସି । ୧୫ ଜନଲକ୍ମନ୍ କରିରଇବା କୁନାଦି ଉପରେ ଜଇର୍ ପରିକାଟାନେ ନ ନସେ, ସେ ପୁରୁସ୍କାର ପାଇସି । ୧୬ ଜଦି ଜାର୍ କାମ୍ ପଡ଼ି ଜାଇସି, ସେ କାମ୍ କରୁକେ କାଇଟା ନ ମିଲେ । ମାତର୍ ସେ ଲକ୍ ଲାଗ୍ତେରଇବା ଜଇଟାନେଅନି ରକିଆ ପାଇଲା ପାରା ନିଜେ ରକିଆ ପାଇସି ।

୧୭ \*ତମେ ନିକ ସଙ୍ଗ୍ ଜାନିଆଟାସ୍, ତମେ ଅଇଲାସ୍ନି ପର୍ମେସର୍ ମନ୍ଦିର୍ । ଆରି ତାର୍ ଆଡ଼ମା ତମର୍ ଗାଗଡ଼ ବିଡ଼ରେ ବାସାଅଇଆତେ । ୧୮ ଜଦି କେ ମିସା ପର୍ମେସର୍ ମନ୍ଦିର୍ ନସାଇସି, ତେବେ ପର୍ମେସର୍ ତାକେ ନସାଇସି । କାଇକେବଇଲେ ପର୍ମେସର୍ ମନ୍ଦିର୍ ସୁକଲ୍ଟା । ତମେମନ୍ ଆକା ସେ ମନ୍ଦିର୍ ।

୧୯ ନିଜ୍ଜେ ମିସା ନାଡ଼ାଇ ନ ଉଆ । ଜେ ଜଦି ମୁଇ ଜଗତର୍ ଇସାବେ ଗିଆନ୍ ରଇବାଲକ୍ ବଲି ମନେ ମନେ ବାବ୍ସି, ତେବେ ସେ ସଡ଼ ଗିଆନ୍ ପାଇବାକେ ଆଲେ, କାଇଟା ନାଜାନଲା ବକୁଆ ଲକ୍ପାରା ଅଇବାର୍ ଆତେ । ୨୦ କାଇକେବଇଲେ ଏ ଜଗତର୍ ଗିଆନ୍ ପର୍ମେସର୍ ମୁଆଟେ କାଇ ଲଡ଼ାକେ ନ ଆସେ । ଜେନ୍ତିକି ସାସ୍ତରେ ଲେକା ଆତେ, ଗିଆନ୍ ରଇଲା ଲକ୍ମନ୍ତେ ତାକର୍ ଚାଲାକିତେଇସେ ପର୍ମେସର୍ ଦାର୍ସି । ୨୧ ଆରିତରେକ୍ ସାସ୍ତରେ ଲେକାଆତେ । ଗିଆନ୍ ରଇବା ଲକ୍ମନ୍ ବାବ୍ବାଟା ସବୁ ତୁଚାଇସେ ବଲି ପର୍ମେସର୍ ଜାନିଆତେ । ୨୨ ଆରି କେ ମିସା ଲକ୍ମନ୍ କରିରଇବା କାମ୍ଟାନେ ବଡ଼ପନ୍ ନ ଉଆ । ଏବେ ତମେ ସବୁ ବିସଇର୍ ଅଦିକାର୍ ପାଇଆଟାସ୍ । ୨୩ ଜଦି ମୁଇ ଅଇଲେ କି, ଆପଲ୍ ଅଇଲେ କି, ପିତର୍ ଅଇଲେ କି, ଜଗତର୍ କାଇଟା ମିସା ଅଇଲେ, ତମେ ମଲେ କି ବର୍ଲେ, ଏବେ ଜାଇଟା ଅଇଲେ କି ପର୍କେ ଜନଟା ଅଇଲେ ମିସା, ସବୁ ବିସଇ ତମର୍ ମଙ୍ଗଲ୍ ପାଇସେ । ୨୪ ମାତର୍ ତମେ କିରିସ୍ଟର୍ ଲକ୍, ଆରି କିରିସ୍ଟ ପର୍ମେସର୍ ।

### ୪

#### କିରିସ୍ଟର୍ ପେରିଡ଼ମନ୍

୧ ତେବେ ତମେ ଆମ୍ବକେ କିରିସ୍ଟର୍ ସେବା କରୁମନ୍ ବଲି ନାମ୍ବାର୍ ଆତେ । ଆରି ପର୍ମେସର୍ ଆମ୍ବକେ ଚିକିନିକି ସଡ଼ ବିସଇର୍ ବାଣ୍ଟାଗରିଆର୍ ଦାଇଡ଼ ଦେଲାଆତେ । ୨ ଆରି ସେନ୍ତାରି ଦାଇଡ଼ ନେଇରଇବା ସେବାକରୁମନ୍ ସଡ଼ ବାବେ କାମ୍ କରବାର୍ ଆତେ । ୩ ମାତର୍ ତମର୍ ବିଡ଼ରେ କେତେକ୍ ଲକ୍ କି, ବିନ୍ ଲକ୍ କେ ମିସା ମର୍ କାମ୍ ଦେକି ମକେ ବିଚାରନା କଲେ, ମକେ କାଇଟା ନଏ । ମୁଇ ନିଜେ ମର୍ ବିଚାରନା ନ କରି । ୪ କାଇକେବଇଲେ ମୁଇ ନିଜର୍ ବିରୁଦେ କାଇ ଦସ୍ କଲାଟା ମର୍ ମନ୍ ନାଜାନେ । ଅଇଲେ ମିସା ମୁଇ ଇଡି କାଇ ଦସ୍ ନ କଲା ଲକ୍ ବଲି କଇନଏ । ମାତର୍ ଜେ ମକେ ବିଚାର କରସି, ସେ ମାପରୁ । ୫ ସେଟାର୍ପାଇ ତମେ କାକେ ମିସା କାଇ ବିସଇ ନେଇ ବିଚାର କରାନାଇ । କାଇକେବଇଲେ ବିଚାରନା କରବାକେ ବେଲା ଅଏ ନାଇତା । ମାପରୁ ବିଚାରନା କରବାକେ ଆଇବାଜାକ ଜାଗା । ମାପରୁ ଆଇଲେ ଆକା ସାରାସାରି ବିଚାରନା ଅଇସି । ସେ ଆନ୍ଦାର୍ ବିଡ଼ରେ ଲୁଚ୍ତେ ରଇଲା ସବୁ ବିସଇ ଉଜଲେ ଦେକାଇ ଦେଇସି । ଆରି ଲକ୍ମନ୍ ମନ୍ ବିଡ଼ରର୍ କାତା ସବୁ ଦେକାଇ ଦେଇସି । ସେଡ଼କି ବେଲେ ସବୁଲକ୍ ପର୍ମେସର୍ ଟାନେଅନି ଲାଡ଼ ପାଇବାଇ ।

୬ ଏ ବାଇବଇନିମନ୍, ମୁଇ ଏ ସବୁ କାତା ତମେ ସିକା ବଲି, ମର୍ ବିସଇ ଆରି ଆପଲ୍ ବିସଇ ଉଦାଅରନ୍ ଦେଇ କଇଲି । ଜେନ୍ତିକି ସାସ୍ତରେ ଲେକାଅଇଲାଟାନର୍ ଅରତ୍ ତମେ ସିକ୍ସା । ସାସ୍ତରେ ଜେଡ଼କି ସବୁ ଲେକା ଅଇଲାଆତେ, ତାର୍ଟାନେଅନି ଅଦିକ୍ କରାନାଇ । ସେନ୍ତାରି କଲେ କାକେ ମିସା ନେଇକରି ବଡ଼ପନ୍ ନ ଉଆସ୍, ଆରି କାକେ ମିସା ଇନ୍ ନ କରାସ୍ । ୭ କାଇକେବଇଲେ ବିନ୍ ଲକ୍ଟାନେଅନି କେ ତମ୍ବକେ ବଡ଼ କରତ୍ ନାଇ । ଆରି ଜନ୍ ଗୁଣ୍ଟ ତମେ ଦାନ୍ ଇସାବେ ମିଲାଇଆଟାସ୍ ସେଟା ପର୍ମେସର୍ ଦେଲାଆତେ । ତେବେ ତମର୍ ନିଜର୍ଟା ବଲି ବଡ଼ପନ୍ ଅଇ କଇ ନାପାରାସ୍ ।

\* ୩:୭ ୩:୭ ପେରିଡ଼ ୧୮:୪-୧୧; ପେରିଡ଼ ୧୮:୨୪-୨୮    \* ୩:୧୭ ୩:୧୭ ୧ମ କରନ୍ତିୟ ୭:୧୯; ୨ୟ କରନ୍ତିୟ ୭:୧୭

୮ ତମ୍ଭେ ଦରକାର ରଇଲା ସବୁ ବିସଇ ମିଲାଇ ଆଗାସ୍ କି ? ତମେ କାଇ ସାଉକାର ଅଇସାରି ଆଗାସ୍ କି ? ଗଟେକ୍ ଗଟେକ୍ ରାଜା ଅଇଜାଇଆଗାସ୍ କି ? ଏଲେ ମିସା ଆମେ ଅଇ ନାପାରୁଲୁନି । ସତଇସେ ତମେ ରାଜାଅଇତାସ୍ କି ? ସେନ୍ତାଆଲେ, ଆମେ ମିସା ତମର୍ ସଙ୍ଗ୍ ରଇ କାମ୍ କରୁତୁ । ୯ ମାତର୍ ମୁଇ ବାବୁଲିନି ପର୍ମେସର୍ ଆମର୍ ପାରା ପେରିତ୍ମାନକେ ଦାଡିର ସାରାସାରି ଜାଗା ଦେଲାଆତେ । ଜଗତର୍ ସବୁ ଲକ୍ ଆରି ସର୍ଗର୍ ଦୁତ୍ମାନ ଦେକ୍ତେ ରଇବାବେଲେ ଆମେ, ବନ୍ଦି ଅଇଲା ଲକ୍ମାନକେ ମରାଇବାକେ ନେଲାପାରା ଆରୁ । ୧୦ ଆମେ କିରିସ୍ତର୍ ଲାଗି ବକୁଆ ଲକ୍, ମାତର୍ ତମେ କିରିସ୍ତର୍ ସଙ୍ଗ୍ ମିସ୍ଲାର୍ ପାଇ ବୁଦିରଇବା ଲକ୍ । ଆମେ ଦୁର୍ବଲ୍, ମାତର୍ ତମେ ବପୁରଇବା ଲକ୍, ତମ୍ଭେ ଲକ୍ମାନ ସନ୍ମାନ ଦେଲାଇନି, ମାତର୍ ଆମ୍ଭେ ସନ୍ମାନ ମିଲେନାଇ । ୧୧ ଏବେ ଜାକ ମିସା ଆମକେ ପେଟ୍ପୁରତେ କାଇବାପିଇବାକେ ମିଲେନାଇ । ପିନ୍ଦବାକେ ବେସି ପୁରନା ବସ୍ତର୍ ଆତେ । ଲକ୍ମାନ ଆମକେ ମାରୁଲାଇନି ଆରି ରଇବାକେ ଜାଗା ନଇଲାର୍ ପାଇ ଏନେତେନେ ଅଇ ବୁଲୁଲୁନି । ୧୨ ଖୁଆବଡ୍ କାମ୍ କରି ଆମେ ଦିନକେ ଦିନ ଜୁଲିସୁକି ଗାଲୁନି । କେ ଆମ୍ଭେ ସାଇପ୍ ଦେଲେ ତାକେ ଆମେ ଆସିରବାଦ୍ କଲୁନି, ଆରି ଉଡା ସୁନିକରି ମିସା ମୁରତି କରି ରଇଲୁନି । ୧୩ ନିନ୍ଦା ପାଇଲେ, ଆଲାଦର୍ କାତା କଇଲୁନି । ଆମେ ଏବେ ଜାକ ମିସା ଜଗତର୍ କାଚରା ପାରା ଅଇଆରୁ । ଲକ୍ମାନ ଆମ୍ଭେ ଆଣ୍ଟି ଦଇରଇବା ମୁରକି ପାନିପାରା ଦେକ୍ଲାଇନି ।

୧୪ ମୁଇ ତମ୍ଭେ ଲାଜ୍ କରାଇବାକେ ଏ ସବୁ ବିସଇ ଲେକିନାଇ, ମାତର୍ ତମ୍ଭେ ମର୍ ଆଲାଦର୍ ପିଲାଟକି ବଲି ଏତାଇ କରି ଚେଡ୍ନା ଦେବାକେ, ଏ ସବୁ ଲେକ୍ଲିନି । ୧୫ କାଇକେବଇଲେ ତମ୍ଭେଟାନେ କିରିସ୍ତର୍ ବିସଇ ସିକାଇବାକେ କେତେକ୍ କେତେକ୍ ଗୁରୁ ରଇଲେ ମିସା, ବାବା ଇସାବେ ତମ୍ଭେ ବେସି ଲକ୍ ନାଇ । କିରିସ୍ତ ଜିସୁରତେଇ ମିସ୍ଲାର୍ ପାଇ ମୁଇ ତମର୍ ବାବା ଅଇଗାଲି । କାଇକେବଇଲେ ମୁଇ ତମ୍ଭେ ଜିସୁକିରିସ୍ତର୍ ସୁବକବର୍ କଇରଇଲି । ୧୬ ଖେତେବେ ମୁଇ ତମ୍ଭେ ବାବୁଜିଆ କରି କଇଲିନି, ମୁଇ ଜାଇଟା କଲିନି ତମେ ମିସା ସେନ୍ତାରି କରା । ୧୭ ସେଟାର୍ପାଇ ମୁଇ ତମ୍ଭେକେ ତମର୍ ଲଗେ ପାଟାଇ ଆତି । ମୁଇ ତାକେ ଆଲାଦ୍ କଲିନି । ସେ ମର୍ ନିଜର୍ ପିଲା ପାରା ଆରି ମାପୁରୁର୍ ସେବାକାମେ ସବୁ ନିକସଙ୍ଗ୍ କର୍ସି । ଜେଡ୍କିବେଲେ ସେ ତମ୍ଭେଟାନେ ଆଇସି, କିରିସ୍ତର୍ତେଇ ମିସ୍ଲାର୍ ପାଇ ବଲି ମୁଇ କେନ୍ତ୍ର ଚଲାଚଲ୍ତି କଲିନି, ସେ ବିସଇନେଇ ସେ ତମ୍ଭେକେ କଇସି । ସେ ସମାନ ବିସଇ, ସବୁ ମଣ୍ଡଲିର୍ ବିସ୍ବାସିମାନକେ ମୁଇ ସିକାଇଲିନି ।

୧୮ ସେ କରନ୍ତିଅତେଇ ଆରି କେବେ ନ ଆସେ, ବଲିକରି ତମର୍ ବିଡ୍ରେ କେତେ ଲକ୍ ବଡ୍ପନ୍ ଅଇଆଗାସ୍ । ୧୯ ମାତର୍ ଜଦି ମାପୁରୁ ମନ୍ କଲେ ମୁଇ ଦାପରେ ତମ୍ଭେଟାନେ ଆଇବି । ଏ ବଡ୍ପନିଆ ଲକ୍ମାନ କାଇ କାତା ଅଇଲାଇନି ବଲି ମୁଇ ନିଜେ ଜାନବି ଆରି ତାକର୍ ବପୁ ପରମେସରଟାନେଅନି କି ନାଇ, ସେଟା ଜାନବି । ୨୦ ପରମେସରର୍ ରାଇଜ୍, ଅବକା କାତା ଅଇବା ବିସଇ ନର୍ସ, ମାତର୍ ବପୁର୍ ସଙ୍ଗ୍ ରଇବା ବିସଇ । ୨୧ ମୁଇ ଆଇଲାବେଲେ ତମ୍ଭେକେ କେନ୍ତ୍ର ଚଲାଚଲ୍ତି ଦେକାଇବାର୍ ଆତେ ? ମୁଇ ବେଡ୍ଡାଙ୍ଗ୍ ଦାରି ତମର୍ ଲଗେ ଆଇବାର୍ କି, ଆଲାଦ୍ ଆରି ସାନ୍ତିର୍ ମନ୍ ଦାରି ଆଇବି ?

### ୫

#### ମଣ୍ଡଲିତେଇ ବେବିଟାର୍

୧ ମୁଇ ସତ୍ତ୍ସେ ସୁନଲି ଜେ, ତମର୍ ବିଡ୍ରେ ବେସିଆ କାମ୍ ଆତେ । ଆରି ଏନ୍ତାରି ବେସିଆ କାମ୍, ଜନ୍ଟାକି ବିସ୍ବାସ୍ ନ କଲା ଲକ୍ ବିଡ୍ରେ ମିସା ନାଇ । ଜେନ୍ତାରିକି ନିଜର୍ ସାନ୍ ଆୟାର୍ ସଙ୍ଗ୍ ସୁଆବସା ଅଇଲାମି । ୨ ଆରି ତମର୍ ବିଡ୍ରେଅନି ଗଟେକ୍ ଲକ୍ ଏନ୍ତାରି କାମ୍ କଲାଆତେ, ତେବେ ତମେ କାଇକେ ବଡ୍ପନ୍ ଦେକାଇଲାସ୍ନି ? ସେ କିରିରଇବା ପାପ୍ କାମର୍ ଲାଗି ଲାଜ୍ ଅଇକରି ସେନ୍ତାରି ଲକ୍କେ ତମର୍ ବିଡ୍ରେଅନି ବାରକରାଇ ଦେବାର୍ ରଇଲା । ୩ ମୁଇ ଗାଗଡ୍ ଇସାବେ ତମର୍ ଟାନେ ନ ରଇଲେମିସା ସେନ୍ତ୍ର କର୍ବାର୍ ରଇଲା, ଏଲେ ମିସା ଆଡ୍ମାଇ ତମର୍ ସଙ୍ଗ୍ ଆତି । ଜେ କି ଏନ୍ତାର୍ କାମ୍ କରିଆତେ, ମୁଇ ତେଇ ରଇଲା ପାରା, ବେସି ବଡ୍ ଦସ୍ କଲା ଲକ୍କେ ଡଣ୍ଡ ଦେବାର୍ ଆତେ ବଲି ମାପୁରୁ ଜିସୁକିରିସ୍ତର୍ ନାଉଁ ଦାରି, ମୁଇ ବିଟାର୍ କରି ସାରାଇ ଆତି । ୪ ତମେ ମାପୁରୁ ଜିସୁର୍ ନାଉଁଦାରି ଗଟେକ୍ଲଗେ ରୁଣ୍ଡ ଅଇଲା ବେଲେ ମର୍ ଆଡ୍ମା ଆରି ମାପୁରୁ ଜିସୁର୍ ବପୁ ତେଇ ଆତେ । ୫ ଏନ୍ତାରି ଲକ୍କେ ତାର୍ ଗାଗଡ୍ କୁରୁପ୍ନାସ୍ ଅଇଜିବାକେ ସଇତାନର୍ ଆତେ ସର୍ପି ଦେବାର୍ ଆତେ । ସେନ୍ତାର୍ କଲେ ମାପୁରୁ ଆରି ତରେକ୍ ଆଇବା ବେଲେ ତାର୍ ଆଡ୍ମା ରକିଆ ପାଇପାର୍ସି ।

୬ ଖୁଆବି ଲକ୍କେ ତମର୍ ମଣ୍ଡଲିତେଇ ସଙ୍ଗ୍କରି ଏନ୍ତ୍ର ବଡ୍ପନ୍ ଅଇବାଟା ବଲ୍ନାଇ । ମନେ ରକା କଣ୍ଡେକ୍ କମିରର୍ ଲାଗି, ଚକଟ୍ଲା ସବୁ ଗୁଣ୍ଡ ଆମର୍ ଅଇଜାଇସି, ଏଟା କାଇ ତମେ ନାଜାନାସ୍ କି ? ୭ ତମର୍ ବିଡ୍ରେ ରଇବା ପାପର୍ ପୁରନା କମିର୍ ପିଙ୍ଗିଦେଇ ପୁରାପୁରୁନ୍ ସୁକଲ୍ ଉଆ । ସେନ୍ତାର୍ କଲେ ତମେ କମିର୍ ନଇତେ ଚକଟ୍ଲା ନୁଆ ଗୁଣ୍ଡ ପାରା ଅଇସା । ମୁଇ ଜାନି, ଏବେମିସା ତମେ ସେନ୍ତାରି ଆଗାସ୍ । ଆମର୍ ନିସ୍ତାର୍ ପରବ୍ ଦିନ୍ ତିଆର୍ ଅଇ ସାର୍ଲା ଆତେ

☆ ୪:୧୨ ୪:୧୨ ପେରିଡ୍ ୧୮:୩ ☆ ୪:୧୨ ୪:୧୨ ଏମ କରନ୍ତିୟ ୧୧:୧; ପିଲିପିୟ ୩:୧୭ ☆ ୫:୭ ୫:୭ ଗାଲାତିୟ ୫:୯

। ପରବର୍ତ୍ତୀ ମେଣ୍ଟାପିଲା ନିଜେ କିରିସ୍ତ ସର୍ପି ଅଇଆଚେ । ୮ ତେବେ ଆସା, ଆମର୍ ପାପ୍ ଆରି କାରାପ୍ ରଇବା ପୁରନା କମିର୍ ଚାଡ଼ିଦେଉଁ ଆରି କମିର୍ ନ ମିସ୍ଲା ରୁଟି ପାରା ଜେନ୍ତିକି ସଡ଼ ଆରି ସୁଆଲ୍ ଅଇ ଏ ପରବର୍ତ୍ତୀ ସାରଦା କରୁ ।

୯ ମୁଇ ଆଗତୁ ବେସିଆମନର୍ ସଙ୍ଗ୍ ନ ମିସ୍ବାକେ ଚିଟି ଲେକିରଇଲି । ୧୦ ତାର୍ ଅରଡ଼ ନଏଁ ଜେ ଏ ଜଗତେ ରଇବା ବେସିଆ, ଲବ୍‌ରା, ଚରନା ଆରି ମୁର୍ତ୍ତି ପୁଜା କରବା ଲକର୍ ସଙ୍ଗ୍ ମୁଲ୍‌କେ ମିସା ନାଇ ବଲି । ଜଦି ସେନ୍ତାର୍ କଲେ ତମେ ଜଗତ୍ ଚାଡ଼ି ବାରଇଜିବାକେ ପଡ଼ସି । ୧୧ ମାତର୍ ମର୍ କଇବାଟା ଅଇଲାନି, ଜନ୍ ବାଇ ମୁଇ ବିସ୍ବାସି ବଲି କଇକରି ବେବିଚାର୍ କାମ୍ କରସି, କି କାଇଟା ଦେବାକେ ମିସା ଲବ୍ କରସି, କୁଟ୍ କାତା କଇସି, ପୁତ୍‌ଲା ପୁଜା କରସି, ବିନ୍ ଲକର୍‌ଟା ଦନ୍ଦିପନ୍ଦିକରି ନେଇସି, ଆରି ମାତୁଆଲ୍ ଅଇସି ବଇଲେ, ତାର୍ ସଙ୍ଗ୍ ମିସାନାଇ । ଏନ୍ତିକି ତାର୍ ସଙ୍ଗ୍ ମିସିକରି କାଇବାଟ୍ ମିସା ନାଇ ।

୧୨ ବିସ୍ବାସ୍ ନ କରବା ଲକ୍‌ମନ୍କେ ବିଚାର୍ କରବାକେ ମୁଇ କେ ? ପର୍‌ମେସର୍ ସେମନ୍କେ ବିଚାର୍ କରସି । ଜନ୍ ଲକ୍‌ମନ୍କ ମଣ୍ଡୁଲିତେଇ ରଇବାଇ, ସେମନ୍କେ ବିଚାର୍ କରବାଟା ଆମର୍ କାମ୍ । ୧୩ ସାସ୍ତରେ ଲେକା ଅଇଲାପାରା ତମର୍ ବିଡ଼ରେ ଜନ୍‌ଲକ୍ ସେନ୍ତାରି କାରାପ୍ ଚଲାଚଲ୍ତି କଲାନି, ତାକେ ତମର୍ ବିଡ଼ରେଅନି ବାରକରାଇ ଦିଆସ୍ ।



**ବିସ୍ବାସିମନର୍ ବିଚାର୍**

୧ ଜଦି ତମର୍ ବିଡ଼ରେ ଗଟେକ୍ ବିସ୍ବାସି ବାଇକେ ଆରି ଗଟେକ୍ ବିସ୍ବାସି ବାଇର୍ ବିରୁଦେ କାତା ରଇଲେ, ସେଟା ବିଚାର୍ କରବାକେ ବିସ୍ବାସ୍ ନ କଲା ବିଚାର୍‌କାରିଆର୍ ଲଗେ ଜାଆ ନାଇ । ତାର୍ ବାଦୁଲେ ବିସ୍ବାସିମନ୍ ସେଟା ବିଚାର୍ କରଡ଼ । ୨ ମନେ ରଅ, ପର୍‌ମେସର୍ ଲକ୍‌ମନ୍କ ଜଗତର୍ ଲକ୍‌ମନର୍ ବିଚାର୍ କରବାଇ । ସେନ୍ତାର୍‌ଆଲେ, ଏ ଗଟେକ୍ ସାନ୍ ବିସଇ ବିଚାର୍ କରିନାପାରାସ୍ କି ? ୩ ଏଦେ ସୁନା ! ଦିନେକ୍ ଆମେ ସରଗର୍ ଦୁଡ଼ମନ୍କେ ବିଚାର୍ କରବୁ । ତେବେ ଏ ଜିବନେ ଆଇବା ସାନ୍ ସାନ୍ ବିସଇ ବିଚାର୍ କରବାକେ ଅଦିକ୍ ସଅଜ୍ ନଏଁ କି ? ୪ ଜଦି ବିନ୍ ବିସ୍ବାସି ମନର୍ ସଙ୍ଗ୍ ଲାଗାଜଡ଼ା ଅଇଲେ ରାଜିନାମା କରବାକେ ତମର୍ ମଣ୍ଡୁଲି ବିଡ଼ରେ ବିସ୍ବାସ୍ ଇସାବେ ସନ୍‌ମାନ୍ ନ ପାଇବା ଲକ୍‌ଟାମେ କାଇକେ ଗାଲାସ୍‌ନି ? ୫ ମୁଇ ତମ୍କେ ଲାଜକରାଇବାକେ ଏ କାତା ଲେକିଆଟି । ବିସ୍ବାସି ବାଇ ବାଇ ବିଡ଼ରେ କିରମାର ଅଇଲାଟା ରାଜିନାମା କରବାକେ ସତଇସେ ତମର୍ ବିଡ଼ରେ ଗଟେକ୍ ମିସା ବୁଦି ରଇଲା ଲକ୍ ନାଇ କି ? ୬ ଏଦେ ଦେକା ! ଏଟା କେନ୍ତାର୍ କଲାସ୍‌ନି ? ଗଟେକ୍ ବିସ୍ବାସି ବାଇ ଆରି ଗଟେକ୍ ବାଇର୍ ବିରୁଦେ ବିଚାର୍‌ନା ଗରେ ଗାଲାନି, ଆରି ସେ ବିଚାର୍‌ନା, ବିସ୍ବାସ୍ ନ କରୁମନ୍କେ ସର୍ପିଦେଲାସ୍‌ନି ।

୭ ତମେ ତମର୍ ତମର୍ ବିଡ଼ରେ ଲାଗାଜଡ଼ା ଅଇକରି କରଟ୍ ଦୁଆର୍ ଜାକ ଗାଲାସ୍‌ନି । ଇତିଅନି ଜାନା ପଡ଼ଲାନିଜେ ମିସାବିତାଟାମେ ପୁରାପୁରୁନ୍ ଆରି ଜାଇ ଆଗାସ୍ । ତମର୍ ପାଇ ଅନିଆଇ ମୁର୍ଚିକରି, କେତି ଅଇବାଟା ମୁର୍ଚିକରି ରଇଲେ ନିକ ଅଇତା । ୮ ତାର୍ ବାଦୁଲେ ତମର୍ ତମର୍ ବିଡ଼ରେ ଅନିଆଇ ଆରି କେତି କଲାସ୍‌ନି । ସେଟା ମିସା ନିଜର୍ ବିସ୍ବାସି ବାଇବଇନିମନ୍କେ ! ୯ ମନେରଅ ଜନ୍ ଲକ୍‌ମନ୍କ ପାପେରଇକରି ବୁଟ୍‌ବାଇ ସେମନ୍ ପର୍‌ମେସର୍ ରାଇଜେ ଜାଇ ନାପାରଡ଼ । ନିଜେ ନାଡ଼ାଇ ଉଆନାଇ । ଜନ୍ ଲକ୍‌ମନ୍କ ନିୟମ୍ ବିରୁଦେ ଚଲାଚଲ୍ତି କଲାଇନି କି ମୁର୍ତ୍ତି ପୁଜା କଲାଇନି କି ବେବିଚାର୍ କାମ୍ କଲାଇନି କି ମନସ୍ ମନସ୍ ବିଡ଼ରେ ଆରି ମାଇଜି ମାଇଜି ବିଡ଼ରେ ଅଇବା କାରାପ୍ କାମ୍ କଲାଇନି, ବେସିଆ କାମ୍ କଲାଇନି, ୧୦ ଚରନା ଅଇଲାନି, କି ଦନ୍ ଲବ୍‌ରା ଅଇଲାନି, ମାତୁଆଲ୍ କି ନିନ୍ଦା କରବାଲକ୍ ଅଇଲାନି କି ଅଲ୍‌ଗା ଲକର୍ ଜିନିସ୍ ଚରାଇବା ଲକ୍ ଅଇଲାନି, ଏମନ୍ ପର୍‌ମେସର୍ ରାଇଜେ ଜାଇ ନାପାରଡ଼ । ୧୧ ମାପୁରୁକେ ବିସ୍ବାସ୍ କରବା ଆଗତୁ, ତମର୍ ବିଡ଼ରେ କେ କେ ଏନ୍ତାରି ଅଇରଇଲାସ୍, ମାତର୍ ପର୍‌ମେସର୍ ତମର୍ ପାପ୍ ସବୁ ଦଇ ଦେଲା । ଆରି ମାପୁରୁ ଜିସୁ କିରିସ୍ତ ଆରି ସୁକଲ୍ ଆଡ଼ମାର୍ ଲାଗି ଦରମ୍ ବଲାଇ ଅଇଆଗାସ୍ ।

**ବେବିଚାରେ ଅନି ବାଉଡ଼ା**

୧୨ \*ତମର୍ ବିଡ଼ରେ କେତେଲକ୍ କଇବାଇ, “ମୁଇ ଜନ୍‌ଟା ମନ୍ କଲିନି, ସେଟା କରବି” । ମୁଇ କଇବି, “ଉଁ, ସେଟା ସଡ଼, ମାତର୍ ସବୁ ବିସଇ ମର୍ ପାଇ ନିକ ନଏଁ ।” କେତେଲକ୍ କଇବାଇ ସବୁ କରବାକେ ମର୍ ଅଦିକାର୍ ଆଚେ, । ମାତର୍ ମୁଇ କଇବି, ଜନ୍ ବିସଇ ମିସା ମକେ ଦାରି ରକିରଇବାକେ ମୁଇ ନ ଦେଇ, । ୧୩ କେତେଲକ୍ କଇବାଇ, ପେଟ୍ ଜଦି କାଦି କାଇବାକେ ମନ୍ କଲାନି ବଇଲେ କାଦି କାଇବାଟା ନିକ, । ମାତର୍ ମୁଇ କଇଲିନି, ପର୍‌ମେସର୍ ଗଟେକ୍ ଦିନ୍ ଏ ଦୁଇଟାକେ ମିସା କୁରୁପନାସ୍ କରସି । ଗାଗଡ଼ ବେବିଚାର୍ କାମ୍ କରବାକେ ନାଇ, ମାତର୍ ମାପୁରୁ ସେବା କରବାକେ ଲାଗ । ଗାଗଡ଼କେ ଦରକାର୍ ଅଇବାଟା ମାପୁରୁ ଜାଗାଇସି । ୧୪ ପର୍‌ମେସର୍, ମାପୁରୁ ଜିସୁକେ ତାର୍ ନିଜର୍ ବପୁସଙ୍ଗ୍ ମଲାତେଇଅନି ଉଟାଇଲା । ସେନ୍ତାରିସେ ଆମ୍କେ ମିସା ଉଟାଇସି, ।

୧୫ ତମର୍ ଗାଗଡ଼ କିରିସ୍ତର୍ ଗାଗଡ଼େ ମିସିକରି ଆଚେ, ଏଟା କାଇ ତମେ ନାଜାନାସ୍ କି ? ତେବେ ମୁଇ କାଇ କିରିସ୍ତର୍ ଗାଗଡ଼ର୍ ଗଟେକ୍ ବାଗ୍ ନେଇକରି ବେସିଆର୍ ଗାଗଡ଼େ ମିସାଇବି କି ? ନାଇ, ସେନ୍ତାରି କେବେ ମିସା ନ ଅ । ୧୬ ମାତର୍ ଜେ ବେସିଆ ସଙ୍ଗ୍ ମିସସି, ସେ ତାର୍ ସଙ୍ଗ୍ ଗଟେକ୍ ଗାଗଡ଼ ଅଇସି । ଏଟା ତମେ ନାଜାନାସ୍ କି ?

☆ ୬:୧୭ ୬:୧୭ ୧୩ କରନ୍ତଃୟ ୧୦:୨୩

କାଈକେବଇଲେ ଲେକା ଅଇଆଚେ, ସେ ଦୁଇଲକ୍ ଜାକ ଗଟେକ୍ ଅଇବାଇ । ୧୭ ମାତର୍ ଜେ ମାପୁରୁର୍ ସଙ୍ଗ୍ ମିସ୍ସି, ତାର୍ ଆଡ଼ମା ଆରି ମାପୁରୁର୍ ଆଡ଼ମା ଗଟେକ୍ ଅଇଜାଇସି ।

୧୮ ବେବିଚାର୍ କାମେଅନି ଦୁରିକେ ରୁଆ । ଲକ୍ମନ୍ କାଈ ବିନ୍ ପାପ୍ କଲେ ମିସା, ସେଟା ତାର୍ ଗାଗଡ଼ ବିରୁଦେ ନଏଁ । ମାତର୍ ଜେ ବେବିଚାର୍ କାମ୍ କରସି, ସେ ନିଜର୍ ଗାଗଡ଼ ବିରୁଦେ ପାପ୍ କରସି । ୧୯ \*ମନେ ରଅ, ତମର୍ ଗାଗଡ଼ ସୁକଲ୍ ଆଡ଼ମା ରଇବା ମନ୍ଦିର୍, ଜନ୍ ଆଡ଼ମା ତମର୍ ବିତ୍ତରେ ବାସା ଅଇଲାଆଚେ, ସେଟା ପର୍ମେସରର୍ ଟାନେଅନି ମିଲାଇ ଆଚାସ୍ । ତମେ ନିଜେ, ନିଜର୍ ନୁଆସ୍ ମାତର୍ ପର୍ମେସରର୍ । ୨୦ କାଈକେବଇଲେ ପର୍ମେସର୍ ତମ୍‌କେ ଜବର୍ ଦାମ୍ ଦେଇକରି ଗେନିଆଚେ, ସେଟାର୍ ପାଇ ତମର୍ ଗାଗଡ଼ର୍ କାମ୍ ସଙ୍ଗ୍ ପର୍ମେସରର୍ ମଇମା କରା ।



**ବିବା ବିସଇରେ ନିୟମ୍**

୧ ଏବେ ତମେ ଲେକ୍‌ଲାଟାନେ ଜନ୍ ସବୁ ବିସଇ ଆଚେ, ସେ ସବୁର୍ ଉତର୍ ମୁଇ ଦେବି । ତମେ ପାଚାରିରଇଲାସ୍ ବିସ୍‌ବାସିମନ୍ ବିବା ନ ଅଇବାଟା ନିକ କି ? ୨ ଉଁ ସେଟା ସଡ଼, ମାତର୍ ବେସି ଲକ୍ ବେବିଚାର୍ କାମେ ଚଲାଚଲ୍‌ତି କଲାଇନି । ମୁଇ କଇଲିନି ଗଟେକ୍ ଗଟେକ୍ ମୁନୁସ୍‌କେ ତାର୍ ନିଜର୍ ମାଇଜି ଆରି ଗଟେକ୍ ଗଟେକ୍ ମାଇଜିକେ ତାର୍ ନିଜର୍ ମୁନୁସ୍ ରଇବାର୍ ଆଚେ । ୩ ଗଟେକ୍ ମନସ୍ ବିବା ଅଇଲାର୍ ଲାଗି, ତାର୍ ମାଇଜିକେ କରରଇବା ସବୁ ଦାଈଡ଼ କରବାର୍ ଆଚେ । ସେନ୍ତାରିସେ ମାଇଜି ମିସା ତାର୍ ମୁନୁସ୍‌କେ କରବାର୍ ଆଚେ । ୪ ମାଇଜିକେ ତାର୍ ନିଜର୍ ଗାଗଡ଼ର୍ ଅଦିକାର୍ ନାଇ, ମାତର୍ ମୁନୁସ୍‌ର ଆଚେ । ସେନ୍ତାରିସେ ମୁନୁସ୍‌କେ ତାର୍ ନିଜର୍ ଗାଗଡ଼ର୍ ଅଦିକାର୍ ନାଇ, ମାତର୍ ମାଇଜିର୍ ଆଚେ । ୫ ଦୁଇ ମାଇଜି ମୁନୁସ୍ ବେଗ୍‌ଲିକରି ନ ରଅଡ଼ । ମାତର୍ ବେଗ୍‌ଲିକରି ରଇବାର୍ ଆଲେ, ଦୁଇ ଲକ୍ ରାଜି ଉଆ । ଜେନ୍ତାରି କି ସେ ବେଗ୍‌ଲି ରଇବା ବେଲାଇ, ପାର୍‌ତନା କରିଅଇସି । ମାତର୍ ତାର୍‌ପଚେ ଆରିତରେକ୍ ଆସି ମିସାଆ । ଏନ୍ତାରିକଲେ ସଇତାନର୍ ପରିକାତେଇ ଅନି ତମେ ରକିଆ ପାଇସା । କାଈକେବଇଲେ ତମ୍‌କେ ମୁର୍ଚିକରି ରଇବା ବପୁ ଉନା ଆଚେ ।

୬ ଏ ବିସଇ ମୁଇ ତମ୍‌କେ ଜେଡ଼କି କଇଲି ଆଚି, ସେଟା ଆଦେସ୍ ଦେଲା ପାରା କଇନାଇ, ମାତର୍ ତମର୍ ଦୁର୍ବଲ୍ ଜାନିକରି ଉପଦେସ୍ ଦେଲା ପାରା କଇଲିନି । ୭ ତମେ ସବୁଲକ୍ ମର୍ପାରା ବିବା ନ ଉଆ ବଲି ମୁଇ ମନ୍ କଲିନି । ମାତର୍ ଗଟେକ୍ ଗଟେକ୍ ଲକ୍‌କେ ପର୍ମେସରର୍ ଟାନେଅନି ମୁଲିଅ ରଇବା ଦାନ୍ ମିଲିଆଚେ । ଗଟେକ୍ ଲକ୍‌କେ ଗଟେକ୍ ରକାମ୍‌ଟା ଆରି ବିନ୍ ଲକ୍‌କେ ବିନ୍ ରକାମ୍ ଦାନ୍ ଦେଲାଆଚେ ।

୮ ଏବେ ମୁଇ ବିବା ନ ଅଇରଇବା, ଆରି ରାଣ୍ଡି ମାଇଜିମନ୍‌କେ କଇଲିନି, ତମେ ମର୍ ପାରା ଏକ୍‌ଲା ରଇଲେ ତମର୍‌ପାଇ ନିକ ଅଇସି । ୯ ମାତର୍ ତମେ ଜଦି ମନର୍ ଲାଲ୍‌ସା ମୁର୍ଚିକରି ରଇ ନାପାର୍‌ଲାସ୍‌ନି ବଇଲେ, ବିବା ଅଇବାଟା ନିକ । କାଈକେବଇଲେ ଲାଲ୍‌ସାଇ ପଡ଼ିଜିବା ବାଦୁଲେ ବିବା ଅଇବାଟା ନିକ ।

୧୦ \*ମାତର୍ ବିବା ଅଇବା ବିସ୍‌ବାସିମନ୍‌କେ ମୁଇ ଆଦେସ୍ ଦେଲିନି, ମୁଇ ଦେଇ ନାଇ ମାତର୍ ମାପୁରୁ ଦେଲାନି । ଜଦି ତମେ ଗଟେକ୍ ବିବାଇ ମାଇଜି, ସେନ୍ତାର୍ ଆଲେ ମୁନୁସ୍‌କେ ଚାଡ଼ି ବିନେ ନ ରୁଆ । ୧୧ ଜଦି ତାକେ ଚାଡ଼ଲେ, ବିବା ନ ଅଇତେ ରୁଆ । ନଇଲେ ଆରି ଗଟେକ୍ ତର୍ ନିଜର୍ ମୁନୁସ୍ ସଙ୍ଗ୍ ମିସା । ଜଦି ତମେ ବିବାଇ ମୁନୁସ୍, ନିଜର୍ ମାଇଜିକେ ନ ଚାଡ଼ା ।

୧୨ ଏବେ ମୁଇ ବିସ୍‌ବାସିମନ୍ ଜେ କି ବିସ୍‌ବାସ୍ ନ କଲାଟାମନ୍‌କେ ବିବା ଅଇଆଚଡ଼, ସେମନ୍‌କେ କଇଲିନି, ମୁଇ କଇନାଇ ମାପୁରୁ କଇଲାନି, । ଜଦି ଗଟେକ୍ ବିସ୍‌ବାସି, ବିସ୍‌ବାସ୍ ନଇଲା ମାଇଜିକେ ବିବା ଅଇଲାଆଚେ, ଆରି ସେ ମାଇଜି ତାର୍ ସଙ୍ଗ୍ ମିସି ରଇବାକେ ମନ୍ କରସି ବଇଲେ, ସେ ବାଇ ତାକେ ନ ଚାଡ଼ । ୧୩ ଆରି ଜନ୍ ବିସ୍‌ବାସି ମାଇଜି ବିସ୍‌ବାସ୍ ନ କଲା ମୁନୁସ୍‌କେ ବିବାଅଇରଇସି, ଆରି ସେ ତାର୍‌ସଙ୍ଗ୍ ମିସି ରଇବାକେ ମନ୍ କରସି, ତେବେ ସେ ନିଜର୍ ମୁନୁସ୍‌କେ ନ ଚାଡ଼ । ୧୪ କାଈକେବଇଲେ ଜଦି ତମେ ଗଟେକ୍ ବିସ୍‌ବାସି ମାଇଜି, ବିସ୍‌ବାସ୍ ନ କରବା ମୁନୁସ୍‌କେ ବିବା ଅଇଆଚାସ୍, ତର୍ ମୁନୁସ୍ ତର୍ ସଙ୍ଗ୍ ମିସ୍‌ଲାର୍‌ପାଇ ତାକେ ପର୍ମେସର୍ ତାର୍ ନିଜର୍ ସୁକଲ୍ ଲକ୍ କଲାଆଚେ । ସେନ୍ତାରିସେ ବିସ୍‌ବାସ୍ ନ କରିରଇବା ମାଇଜିକେ, ପର୍ମେସର୍ ଡାକ୍‌ଲା ଆଚେ । କାଈକେବଇଲେ ସେ ବିସ୍‌ବାସ୍ କରବା ମନସ୍ ସଙ୍ଗ୍ ମିସଲା ଆଚେ । ଏନ୍ତାରି ନ ରଇଲେ ତମର୍ ପିଲାମନ୍ ବିସ୍‌ବାସ୍ ନ କରବା ଲକ୍‌ର୍ ପିଲାମନ୍‌ପାରା ଅଇତାଇ । ମାତର୍ ଏବେ ସେମନ୍‌କେ ମିସା ପର୍ମେସର୍ ତାର୍ ନିଜର୍ ଲକ୍ କଲାଆଚେ ।

୧୫ ସେ ଜାଇଟା ମିସା ଅ, ଜଦି ଗଟେକ୍ ବିସ୍‌ବାସ୍ ନ କଲା ଲକ୍ ତାର୍ ବିସ୍‌ବାସି ମାଇଜି କି ମୁନୁସ୍‌ର ଟାନେଅନି ବିନେ ଅଇବାକେ ମନ୍ କଲାନି ବଇଲେ, ସେ ବିନେ ଅ । ଏନ୍ତାରି ଅଇଲେ କିରିସ୍‌ଟକେ ବିସ୍‌ବାସ୍ କରବା ମାଇଜି କି ମୁନୁସ୍ ବିବା ବନ୍‌ନେ ଅନି ମୁକ୍‌ଲି ଆଚେ । ପର୍ମେସର୍ ତମ୍‌କେ ସାନ୍ତିସଙ୍ଗ୍ ମିସି ବିଡ଼ି ଜିଇବାକାଈବାକେ ଡାକ୍‌ଲା ଆଚେ ।

୧୬ ଅଇପାରେ, ତୁଇ ଗଟେକ୍ ବିସ୍‌ବାସି ବିବାଅଇଲା ମାଇଜି, ତର୍ ବିସ୍‌ବାସ୍ ନ କଲା ମୁନୁସ୍‌କେ କିରିସ୍‌ଟର୍ ଟାନେ ବିସ୍‌ବାସ୍ କରାଇପାରୁସ୍ । ସେନ୍ତାରିସେ ତୁଇ ଗଟେକ୍ ବିସ୍‌ବାସି ବିବାଅଇଲା ମୁନୁସ୍, ତର୍ ବିସ୍‌ବାସ୍ ନ କଲା ମାଇଜିକେ କିରିସ୍‌ଟର୍ ଟାନେ ବିସ୍‌ବାସ୍ କରାଇ ପାରୁସ୍ ।

\* ୭:୧୯ ୭:୧୯ ଏମ କରନ୍ତିୟ ୩:୧୭; ୨ୟ କରନ୍ତିୟ ୭:୧୭    ✨ ୭:୧୦ ୭:୧୦ ମାଡ଼ିଉ ୫:୩୨;୧୯:୯; ମାର୍କ ୧୦:୧୧,୧୨; ଲୁକ୍ ୧୭:୧୮

**ପର୍ଯ୍ୟେସର୍ କଇଲା ଇସାବେ ଚଲାଚଲ୍ତି କରା**

୧୭ ମାପୁରୁ ଜାକେ ଜେନ୍ତ୍ର ଜିବନ୍ ଦୁକାଇ ଆଚେ, ପର୍ଯ୍ୟେସର୍ ଜାକେ ଜନ୍ ଇସାବେ ଡାକ୍ଲା ଆଚେ, ସେ ସେନ୍ତ୍ରା ଜିଉନା କାଉନା କର । ମୁଇ ସବୁ ମଣ୍ଡଲିଟାନେ ଏ ରକାମ୍ ଆଦେସ୍ ଦେଲିନି । ୧୮ ଜଦି ତମେ ଗଟେକ୍ ସୁନତ୍ ଅଇଲା ଜିଉଦି ଲକ୍ ଆରି ପର୍ଯ୍ୟେସର୍ ତମ୍‌କେ ଡାକ୍ଲାଆଚେ, ସେନ୍ତ୍ରା ଆଲେ ତମେ ତମର୍ ଗାଗ୍‌ତେଅନି ସୁନତ୍ ଚିନ୍ ଲିବାଇବାକେ ଚେସ୍‌ଟା କରା ନାଇ । ସେନ୍ତ୍ରାରିସେ ତମେ ଜଦି ଜିଉଦି ନ ଅଇଲା ଲକ୍ ଜାକେ କି ପର୍ଯ୍ୟେସର୍ ଡାକ୍ଲା ଆଚେ, ତମେ ସୁନତ୍ ଅଇବାକେ ଚେସ୍‌ଟା କରାନାଇ । ୧୯ ଲକ୍‌ମନ୍ ସୁନତ୍ ଅଇବାଟା କି ସୁନତ୍ ନ ଅଇବାଟା କାଇଟା ନାଇ, ପର୍ଯ୍ୟେସର୍ ଆଦେସ୍ ମାନ୍‌ବାଟାସେ ମୁକିଅ । ୨୦ ମାପୁରୁ ତମ୍‌କେ ଜନ୍ ଇସାବେ ଡାକ୍‌ଆଚେ, ତମେ ସେ ଇସାବେ ରୁଆ । ୨୧ ପର୍ଯ୍ୟେସର୍ ତମ୍‌କେ ଡାକ୍‌ଲାବେଲେ ତମେ କାଇ ଗତିଦାଙ୍ଗ୍‌ତା ରଇଲାସ୍ କି ? ସେ ବିସଇନେଇ ମନ୍‌ଦୁକ୍ କରାନାଇ । ଜଦି ତର୍ ସାଉକାର୍ ତକେ ମୁକ୍‌ଲାଇଲାନି, ତେବେ ଉଟିଜା । ୨୨ ମାପୁରୁ ଡାକ୍‌ଲାବେଲେ ଜେ ଗତିଦାଙ୍ଗ୍‌ତା ରଇଲା ସେ ଏବେ ମୁକ୍‌ଲି ରଇଲା ଲକ୍ । କାଇକେବଇଲେ ମାପୁରୁ ତାକେ ମୁକ୍‌ଲାଇ ଆଚେ । ସେନ୍ତ୍ରାରିସେ ଏବେ ଜେ ମୁକ୍‌ଲିକରି ଆଚେ, ସେ କିରିସ୍‌ଟର୍ ଗତିଦାଙ୍ଗ୍‌ତା । ୨୩ ତମ୍‌କେ ଅଦିକ୍ ଦାମ୍ ଦେଇ ଗେନାଅଇଆଚେ । ଲକ୍‌ମନ୍ ଗତିଦାଙ୍ଗ୍‌ତା ଉଆ ନାଇ । ୨୪ ଏ ବାଇବଇନିମନ୍, ତମ୍‌କେ ପର୍ଯ୍ୟେସର୍ ଡାକ୍‌ଲାବେଲେ ଜନ୍ ଇସାବେ ରଇଲାସ୍, ସେ ଇସାବେ ପର୍ଯ୍ୟେସର୍ ସଙ୍ଗ୍ ମିସିକରି ରଇବାର୍ ଆଚେ ।

**ବିବା ନ ଅଇରଇବା ଆରି ରାଣ୍ଡି ମାଇଜିମନ୍ ବିସଇରେ ପର୍ସନ୍**

୨୫ ଏବେ ମୁଇ ବିବା ନ ଅଇଲା ଦାଙ୍ଗ୍‌ତାଦାଙ୍ଗ୍‌ତି ବିସଇନେଇ ଲେକ୍‌ବି । ସେ ବିସଇନେଇ ମାପୁରୁ ଲଗେଅନି କାଇ ଆଦେସ୍ ପାଇନାଇ । ମାତର୍ ପର୍ଯ୍ୟେସର୍ ମକେ ଦୟା କରି ଗଟେକ୍ ସତ୍‌ଦରମ୍ ଲକ୍ ଇସାବେ ନିଜର୍ ମନ୍ କାତା କଇଲିନି ।

୨୬ ଏବର୍ ଦୁକ୍ କସ୍‌ଟର୍ ବେଲା ଏତାଇଲେ, ମୁଇ ବାବ୍‌ଲିନି ଗଟେକ୍ ଲକ୍ ଜେନ୍ତ୍ରାରି ଆଚେ, ସେନ୍ତ୍ରାରିସେ ରଇବା ଦରକାର୍ । ୨୭ ତମେ କାଇ ମାଇଜି ସଙ୍ଗ୍ ବାଦିଅଇ ଆଟାସ୍ କି ? ସେନ୍ତ୍ରାରିଆଲେ ମୁକ୍‌ଲିବାକେ ଚେସ୍‌ଟା କରାନାଇ । ତମେ କାଇ ବିବା ଉଆସ୍ ନାଇ କି ? ସେନ୍ତ୍ରାରିଆଲେ ମାଇଜି କଜ୍‌ବାକେ ଚେସ୍‌ଟା କରାନାଇ । ୨୮ ଜଦି ତମେ ବିବାଅଇ ଆଟାସ୍, ବଇଲେ ତମେ ପାପ୍ କରାସ୍ ନାଇ । ଜଦି ଗଟେକ୍ ଦାଙ୍ଗ୍‌ତି ବିବାଅଇସି, ସେ ମିସା ପାପ୍ କରେନାଇ । ମାତର୍ ବିବାଅଇଲା ଲକ୍‌ମନ୍ ଦୁକ୍ କସ୍‌ଟ୍ ମୁରଟିକରି ରଇବାକେ ପଡ୍‌ସି । ଏନ୍ତାରି ଦୁକ୍ କସ୍‌ଟର୍ ବେଲାଇ ସିତିଅନି ରକିଆ ପାଆ, ବଲିକରି ମୁଇ ମନ୍ କଲିନି ।

୨୯ ମାତର୍ ଏ ବାଇମନ୍ ମୁଇ ତମ୍‌କେ କଇଲିନି, ଏବେ ଆମ୍‌କେ ଅଲପ୍ ଦିନ୍ ଆଚେ । ଏଟାର୍ ପାଇ ଏବେଅନି ଜେ ବିବା ଅଇଆଚେ ସେ ବିବା ନ ଅଇଲା ଲକ୍‌ର୍ ପାରା ରଅ । ୩୦ ସେନ୍ତ୍ରାରିସେ ଜନ୍ ଲକ୍‌ମନ୍ କାନ୍ଦାବୁବା ଅଇରଇଲାସ୍‌ନି, ସେମନ୍ କାନ୍ଦାବୁବା ନ ଅଇ ରଇଲା ଲକ୍‌ର୍ ପାରା ରୁଆ । ଆରି ଜନ୍ ଲକ୍‌ମନ୍ ସାର୍‌ଦା ଅଇରଇଲାଇନି, ସେମନ୍ ସାର୍‌ଦା ନ ଅଇଲା ଲକ୍‌ର୍ ପାରା ଅଇ ରଅତ୍ । ଜନ୍ ଲକ୍‌ମନ୍ ଗେନ୍‌ବାଇ, ସେଟା ନିଜର୍‌ଟା ନଏଁ ବଇଲାପାରା ରଅତ୍ । ୩୧ ଜନ୍ ଲକ୍‌ମନ୍ ଜଗତର୍ ଜିନିସ୍ ନେଇ ବେବାର୍‌ପାନି କଲାଇନି, ସେମନ୍ ସବୁବେଲେ ସେ ବିସଇ ଚିନ୍ତା ନ କଲା ଲକ୍‌ର୍ ପାରା ରଅତ୍ । କାଇକେବଇଲେ ଜନ୍ ଜଗତେ ଆମେ ଆରୁ, ସେ ଜଗତର୍ ସବୁ ଜିନିସ୍ ରୁଡିଜାଇସି ।

୩୨ ମାତର୍ ତମେ ଏ ବିସଇନେଇ ତେରେପେତେ ଉଆନାଇ । ବିବା ନ ଅଇଲା ଲକ୍‌ମନ୍ ସବୁବେଲେ ମାପୁରୁ ସେବା କାମ୍ କର୍‌ବାକେ ମନ୍ କର । କାଇକେବଇଲେ ମାପୁରୁକେ ସାର୍‌ଦା କରାଇବାଟା ତାର୍ ମୁକିଅ କାମ୍ । ୩୩ ମାତର୍ ଜେ ବିବାଅଇଆଚେ, ସେ ଏ ଜଗତର୍ ସବୁ ବିସଇନେଇ ଚିନ୍ତା କର୍‌ସି । କାଇକେବଇଲେ ସେ ତାର୍ ମାଇଜିକେ ସାର୍‌ଦାସଙ୍ଗ୍ ରକ୍‌ବାକେ ମନ୍ କର୍‌ସି । ୩୪ ସେନ୍ତ୍ରାରିସେ ତାର୍ ମନ୍ ଦୁଇବାଟେ ଜିକ୍‌ଟାନ୍ ଅଇଲାନି । ବିବା ନ ଅଇଲା ମାଇଜି କି ଦାଙ୍ଗ୍‌ତି ମାପୁରୁ କାମ୍ ବିସଇ ଚିନ୍ତା କର୍‌ସି । କାଇକେବଇଲେ ସେ ତାର୍ ଗାଗ୍‌ତ୍ ଆରି ଆଡ୍‌ମା ପର୍ଯ୍ୟେସର୍‌କେ ସର୍‌ପି ଦେବାକେ ମନ୍ କର୍‌ସି । ମାତର୍ ବିବା ଅଇଲା ମାଇଜି ଏ ଜଗତର୍ ସବୁଦିନର୍ ବିସଇ ଚିନ୍ତା କର୍‌ସି । କାଇକେ ବଇଲେ ତାର୍ ମୁନୁସକେ ସାର୍‌ଦା କର୍‌ବାକେ ସେ ବାବ୍‌ତେ ରଇସି ।

୩୫ ଏ କାତା ମୁଇ ତମ୍‌କେ ନିଜର୍ ମଙ୍ଗ୍‌ଲର୍ ପାଇ କଇଲିନି । ତମ୍‌କେ ଆଦେସ୍ ମାନ୍‌ବାକେ ଦେଇ ନାଇ ମାତର୍ ତମେ ଜେନ୍ତ୍ରାକି ସତ୍ ବାବେ ଚଲାଚଲ୍ତି କରି ଏନେତେନେ ଚିନ୍ତା ନ ଅଇକରି ପୁରାପୁରୁନ୍ ବାବେ ମାପୁରୁକେ ସର୍‌ପି ଅଇବାକେ କଇଲିନି ।

୩୬ କନିଆ ମାଙ୍ଗ୍‌ନି ଅଇଲାପଚେ ଜଦି ଜନ୍ ମନସ୍ ତାର୍ ମାଙ୍ଗ୍‌ଲା ମାଇଜି ସଙ୍ଗ୍ ଟିକ୍‌ସଙ୍ଗ୍ ଚଲାଚଲ୍ତି କରି ନାପାର୍‌ଲାନି ଆରି ତାର୍ ଲାଲ୍‌ସା ସେ କନିଆ ଉପ୍‌ରେ ବଡିଗାଲାନି, । ତାର୍ ଇସାବେ ବିବା ଅଇବାର୍ ଆଚେ ଆକା ବଇଲେ, ସେ ବିବା ଅଇ ପାରେ । ଏଟାର୍‌ପାଇ କାଇ ପାପ୍ ନାଇ । ୩୭ ମାତର୍ ସେ ଜଦି କାର୍ ବାଦିଅ ନ ଅଇ ତାର୍ ମନ୍ ତାର୍ କରି ଟିକ୍‌କଲେ, ଆରି ତାର୍ ମନ୍ କଲାଟା ପୁରାପୁରୁନ୍ ଦାରି ରକିପାର୍‌ଲେ, ସେ ଡିଣ୍ଡା ଟକିକେ ବିବା ନ କଲେ ନିକ । ୩୮ ତେବେ ଜାକେ ଡିଣ୍ଡା ଟକିକ୍ ମାଙ୍ଗ୍‌ନି ଅଇଲା ଆଚେ, ସେ ଟିକ୍ କାମ୍ କଲାନି, ମାତର୍ ଜେ ବିବା ନ ଅଏ, ସେ ତାର୍ ତେଇଅନି ଅଦିକ୍ ନିମାନ୍ କାମ୍ କଲାନି ।



୩୯ ମୁନୁସ୍ ଜିବନ୍ ରଇବା ଜାକ, ମାଇଜି ବାନ୍ଦି ଅଇରଇସି । ଜଦି ମୁନୁସ୍ ମରିଜାଇସି, ତେବେ ମାଇଜି ମାପୁରୁକେ ବିସ୍ବାସ୍ କରବା ଲକ୍‌କେ, କାକେ ମିସା ବିବା ଅଇପାରସି । ୪୦ ମୁଇ ବାବ୍‌ଲିନି ସେ ବିବା ନ ଅଇ ସେନ୍ତିସେ ରଇଲେ ଅଦିକ୍ ସୁକ୍ ମିଲ୍‌ସି । ଆରି ଏଟା ପରମେସରର୍ ସୁକ୍ଲ୍ ଆଡ଼ମାର୍ ମନ୍ କଲାଟା ବଲି ମୁଇ ବାବ୍‌ଲିନି ।

୮

ପୁଜା କଲା ପରସାଦ୍ ବିସଇ ପରସନ୍

୧ ଏବେ ମୁଇ ଦେବିଦେବତାମନ୍କେ ପୁଜୁଲା ମାଉଁସ୍ ବିସଇନେଇ ଲେକ୍‌ଲିନି । ଏଟା ସତ୍ ଜେ ଆମ୍‌କେସେ ବୁଦି ଆଚେ ବଲି ତମେ ଜନ୍‌ଟା କଇଲାସ୍‌ନି, ସେଟା ଆମେ ଜାନିଆରୁ । ସେନ୍ତା ଗଟେକ୍ ଲକ୍‌କେ ଆଁକାର୍ ଜନମ୍ କରାଇସି । ମାତର୍ ଆଲାଦ୍ ଆମର୍ ବିସ୍ବାସ୍‌କେ ଡାଟ୍ କରାଇସି । ୨ ଜନ୍ ଲକ୍, ଏ ବିସଇ ମୁଇ ଅଲପ୍ ଜାନିଆଟିବଲି ବାବ୍‌ସି, ସେ ସତଇସେ ଜାଇଟା ଜାନ୍‌ବା ଦରକାର୍, ସେଟା ଜାନେ ନାଇ । ୩ ମାତର୍ ଜନ୍‌ଲକ୍ ଜଦି ପରମେସର୍କେ ଆଲାଦ୍ କଲାନ୍ତି, ତାକେ ପରମେସର୍ ଜାନେ ।

୪ ତେବେ ଦେବିଦେବତାମନ୍କେ ପୁଜୁଲା ମାଉଁସ୍ ବିସଇ ଜାନିଆରୁ ଜେ, ଏ ଜଗତେ ଦେବି ଦେବତା ବଲି କାଇଟା ନାଇ । ଆମର୍ ପରମେସର୍କେ ଚାଡିଦେଲେ ଆରି କେ ମିସା ପରମେସର୍ ନାଇ । ୫ କାଇକେବଇଲେ ସରଗ୍ ପୁରେ ଅ କି ମର୍ପୁରେ ଅ ଜନ୍‌ଟାମନ୍କେ ଦେବିଦେବତା ବଲି କଇଲାଇନି, ଏଲେ ମିସା ସେମନ୍ ରଇପାରଡ୍ । ଏନ୍ତି କେତେକ୍ କେତେକ୍ ଦେବତା ଆରି ମାପୁରୁ ଆଚଡ୍ । ୬ ସେମନ୍ ରଇଲେ ମିସା ଆମର୍ ଗଟେକ୍ ଆକା ବାବା ପରମେସର୍, ଜନ୍ ବାବା କି ସବୁ ତିଆର୍ କଲାଆଚେ, ଆରି ଆମେ ତାର୍ ଲାଗି ବ୍‌ଡ୍‌ଲୁନି, ମାତର୍ ଗଟେକ୍ ବଲି ମାପୁରୁ ଜିସୁ କିରିସ୍‌ଟ, ତାର୍ ଲାଗି ସବୁ ବିସଇ ଅଇଆଚେ, ଆରି ତାର୍ ଲାଗି ଆମେ ବ୍‌ଡ୍‌ଲୁନି ।

୭ ଏଲେ ମିସା ଏ ସତ୍ ଗିଆନ୍ ସବୁଲକ୍ ନାଜାନଡ୍ । ମାତର୍ କେତେଲକ୍ ଆଗେଅନି ଦେବି ଦେବତା ଆଚଡ୍ ବଲି ବାବିକରି ସେମନ୍‌କେ ପୁଜା କରି ଆଇଲାଇନି । ସେମନ୍ ବିସ୍ବାସ୍ ଡାଟ୍ ନାଇଜେ ଦେବିଦେବତାମନ୍କେ ପୁଜୁଲାଟା କାଇଲେସରି ସେମନ୍ ସୁକ୍ଲ୍ ଅଇବାର୍ ନଏ ବଲି ବାବ୍‌ଲାଇନି । ୮ ମାତର୍ କାଦି କାଇବାଟା, ପରମେସର୍‌ଟାମେଅନି ଆମକେ ବିନେ ନ କରେ । ଆମେ କାଇଲେ କାଇ ଲାବ୍ ନଏ, କି ନ କାଇଲେ ମିସା କାଇଟା ନ ଜାଏ ।

୯ ମାତର୍ କାଇଟା କାଇଲାସ୍‌ନି ସେ ବିସଇନେଇ ଜାଗରଡ୍ ରୁଆ । ତମେ ଜନ୍‌ଟା କାଇଲାର୍ ଲାଗି ତମର୍ ଜନ୍ ବାଇର୍ ବିସ୍ବାସ୍ ଡାଟ୍ ନାଇ, ସେ ତମର୍‌ଲାଗି ପାପ୍ କରବାର୍ ନାଇ । ୧୦ କାଇକେ ବଇଲେ, ତମେ ଗଟେକ୍ ବୁଦି ରଇଲା ଲକ୍ । ପୁଜୁଲାଟା କାଇଲେ କାଇଟା ନଏ ବଲି ଜାନାସ୍ । ଜଦି ମନ୍ ବିତ୍‌ରେ ବିସ୍ବାସେ ଡାଟ୍ ନଇଲା ତମର୍ ଗଟେକ୍ ବାଇ, ସେ ତମକେ ମନ୍‌ରେ କାଇବାଟା ଦେକ୍‌ଲେ, ତାକେ ମିସା ପୁଜୁଲାଟା କାଇବାକେ ମନ୍ ଲାଗ୍‌ସି । ୧୧ ତେବେ ସେ ବାଇ ନସ୍‌ଟ ଅଇଲାନ୍ତି, କାଇକେବଇଲେ ପୁଜୁଲାଟା କାଇଲାକେ ପାପ୍ କଲିନି ବଲି ସେ ବାବ୍‌ସି । କିରିସ୍‌ଟ ସେ ବାଇର୍‌ପାଇ ମଲାଆଚେ ବଲି ମିସା ତମର୍ ମନେ ରଇବାର୍ ଆଚେ । ୧୨ ଏନ୍ତାରି ତମେ ସଙ୍ଗର୍ ବିସ୍ବାସି ବାଇମନ୍‌ର୍ ବିରୁଦେ ପାପ୍ କଲାସ୍‌ନି ଆରି ତାକର୍ ବୁଜ୍‌ବା ବପୁ ଉନାଟାକେ, ବାଦା ଦେଇ ମାପୁରୁ ଜିସୁର୍ ବିରୁଦେ ମିସା ପାପ୍ କଲାସ୍‌ନି । ୧୩ ତେବେ ମୁଇ ପୁଜୁଲା ମାଉଁସ୍ କାଇଲାର୍ ଲାଗି ମର୍ ବାଇବଇନିମନ୍‌କେ ପାପ୍ କରାଇଲିନି ବଇଲେ, ମୁଇ କେବେ ମିସା ସେଟା ନ କାଇ । କାଇକେବଇଲେ ସେଟାର୍‌ଲାଗି ମର୍ ବାଇବଇନିମନ୍ ପାପେ ନ ପଡଡ୍ ।

୯

ପେରିଡ୍ ସିସମନ୍‌ର୍ ଅଦିକାର୍

୧ ମର୍ ଜାଇଟା ମନ୍ କଲାଟା, ସେଟା କାଇ କରିନାପାରି କି ? ମୁଇ କାଇ ଗଟେକ୍ ପେରିଡ୍ ନଇ କି ? ମୁଇ କାଇ ଆମର୍ ମାପୁରୁ ଜିସୁର୍ ଦରସନ୍ ପାଇ ନାଇ କି ? ତମେ ସବୁ, ମୁଇ ମାପୁରୁର୍ ପାଇ କରିରଇବା କାମର୍ ଲାଗି ବିସ୍ବାସ୍ କଲାସ୍ ନାଇ କି ? ୨ ଜଦି ମକେ ବିନ୍ ଲକ୍‌ମନ୍ ଗଟେକ୍ ପେରିଡ୍ ବଲି ନ ନାମ୍‌ଲେ ମିସା, ତମେ ମକେ ସତ୍ ଇସାବେ ନାମି ଆଟାସ୍ । କାଇକେବଇଲେ ମାପୁରୁର୍ ସଙ୍ଗ୍ ତମର୍ ଜିବନ୍ ମିସ୍‌ଲାର୍ ଲାଗି, ମର୍ ପେରିଡ୍ ପଦର୍ ସାକି ଆଟାସ୍ ।

୩ ତମେ ଗଟେକ୍ ପେରିଡ୍ କି ? ବଲି ମକେ ପରସନ୍ କରବା ଲକ୍‌ମନ୍କେ ମୁଇ ଏ କାତା କଇବି । ୪ ଆମେ ମାପୁରୁ ଜିସୁର୍ ପେରିଡ୍ ମନ୍ । ତାର୍ କାମର୍ ଲାଗି, କାଇବାଟା କି ପିଇବାଟା ମିଲ୍‌ଲେ, ସେଟା ନେବାର୍ ମର୍ ଅଦିକାର୍ ନାଇ କି ? ୫ ଅଲ୍‌ଟା ପେରିଡ୍‌ମନ୍‌ର୍ ପାରା, ପିତର୍ ଆରି ଆମର୍ ମାପୁରୁ ଜିସୁର୍ ବାଇମନ୍‌ର୍ ପାରା, ବିସ୍ବାସ୍ କରିରଇବା ମାଇଜିକେ ବିବା ଅଇକରି ତାକେ ମର୍ ସଙ୍ଗ୍ ନେବାକେ କାଇ ମର୍ ଅଦିକାର୍ ନାଇ କି ? ୬ ଅବ୍‌କା ଜିଇବା କାଇବାକେ ମୁଇ ଆରି ବରନବା ଆବଡ୍ କାମ୍ କରତେ ରଇବୁ କି ? ୭ ବାବିଦେକା, ଗଟେକ୍ ସଇନ ଜୁଇଦେ ରଇଲାବେଲେ ନିଜେ କର୍‌ଟ କରି କେବେ କାମ୍ କରିପାରେ କି ? ନାଇ, ନାପାରେ । କି ଗଟେକ୍ ଚାସି ତାର୍ କେତେ ଅନି ଅଇଲା ପସଲ୍, ତାର୍ କାଇବାର୍ ଅଦିକାର୍ ନାଇ କି ? ଆରି କେ ଗରୁଗାଇ ପସିରଇକରି ସେମନ୍‌ର୍ ଦୁଦ୍ ନ କାଅଡ୍ କି ?

୮ ମୁଇ କାଇ ଏଟା ମୁନୁସ୍ ଇସାବେ କଇଲିନି କି ? ନିୟମେ ଏଟା ଲେକା ଅଏ ନାଇ କି ? ୯ ସେ ନିୟମେ ଏନ୍ତାରି ଲେକା ଅଇଆଚେ । ଦାନ୍ ଗାନାଇ ବୁଲ୍‌ତେ ରଇବା ବଲଦର୍ ତମ୍‌ନାଇ ବାନ୍ଦାନାଇ । ଜେନ୍ତି କି ସେ ଅଲପ୍ ଅଲପ୍ କାଇତେରଇସି

☆ ୯:୯ ୯:୯ ଏମ ଡିମତି ୫:୧୮

। ଏ ନିୟମ୍ ଲେକ୍‌ଲାବେଲେ ପର୍ଯ୍ୟେସର୍ କାଲ ଏ ବଲଦ୍‌ମନର୍ ବିସଇସେ ଚିନ୍ତା କରତେରଇଲା କି ? ୧୦ ଏଟା ଆମର୍ ପାଇ ଲେକା ଅଇଲାଆତେ । ଜେନ୍ତୁକି ଜନ୍ ଲକ୍‌ମନ୍ କସ୍‌ବାତେଇ ଆରି କାଟ୍‌ବାତେଇ ମିସ୍‌ଲାଇ ଆତଡ୍, ସେମନ୍‌କେ ତେଇର୍ ପସଲ୍‌ଟାନେ ବାଗ୍ ମିଲ୍‌ସି ବଲି ଆସା କରି କାମ୍ କରବାଇ । ୧୧ \*ଆମେ ତମର୍ ବିତ୍‌ରେ ଆଡ୍‌ମାର୍ ମୁଞ୍ଚି ବୁନ୍‌ଲୁ ଆରୁ । ସେଟାର ପାଇ ତମର୍‌ଟାନେ ଅନି କାଲ ଜଗତର୍ ପସଲ୍ ପାଇବାକେ ମନ୍ କରବାଟା, ଗଟେକ୍ କାରାପ୍ କାତା କି ? ୧୨ ତମର୍ ଟାନେଅନି ଏଟା ଆସା କରବାକେ ଜଦି ବିନ୍ ଲକ୍‌ମନର୍ ଅଦିକାର୍ ଆତେ, ସେନ୍ତି ବଇଲେ ତାକର୍‌ଟାନେଅନି ଆମର୍ ଅଦିକାର୍ ବେସି ନର୍ବି କି ?

ଏଲେ ମିସା ସେ ଅଦିକାର୍ ଆମେ ବେବାର୍ କରୁନାଇ, ମାତର୍ କିରିସ୍‌ଟର୍ ସୁବ୍‌କବର୍‌କେ କାଇମିସା ଅସୁବିଦା ନ ଆସ ବଲି ଆମେ ସବୁ ରକାମର୍ କସ୍‌ଟ ମୁର୍ଚି କରି ରଇଲୁନି । ୧୩ ଜନ୍ ଲକ୍‌ମନ୍ ମନ୍‌ରେ ସେବା କଲାଇନି, ସେମନ୍ ମନ୍‌ରେ ଅନି କାଦି ପାଇବାଇ । ଆରି ଜେ ସବୁଦିନେ ବେଦିଟାନେ ବଲି ଦେଲାଇନି, ସେମନ୍ ବେଦିଟାନେ ବଲିକଲା ବାଟାଇ ମିସ୍‌ବାଇ, ଏଟା ତମେ ଜାନିଆଟାସ୍ । ୧୪ \*ସୁସମାଟାର୍ ଜାନାଇବା ଲକ୍, ତେଇଅନି ଜିଉନା କାଉନା କରା ବଲି ମାପରୁ ଆଦେସ୍ ଦେଲାଆତେ ।

୧୫ ମାତର୍ ମୁଇ ଏନ୍ତାରି କାଇମିସା ଅଦିକାର୍ ମାଙ୍ଗିନାଇ, ଏ ବିସଇ ଦାବି କରବାକେ ମୁଇ ଲେକିନାଇ । ତମର୍‌ଟାନେଅନି ମାଙ୍ଗିବା ବାଦୁଲେ ମୁଇ ମରିଜିବି ସିନା, ନ ମାଙ୍ଗି । କାଇକେବଇଲେ ମୁଇ ତମର୍‌ଟାନେ କାଇଟା ନ ମାଙ୍ଗିତେ କାମ୍ କଲି, ବଲି ବଡ୍‌ପନ୍ ଅଇବି । ୧୬ ସୁବ୍‌କବର୍ ସୁନାଇଲିନି ବଲି ମର୍ ବଡ୍‌ପନ୍ ଅଇବା ଅଦିକାର୍ ନାଇ, କାଇକେବଇଲେ ଏଟା ମକେ ତିଆରିରଇବା କାମ୍ । ଜଦି ମୁଇ ସୁବ୍‌କବର୍ ନ ଜାନାଇଲେ ମକେ ବଡ୍ ଡଣ୍ଡ ମିଲ୍‌ସି । ୧୭ ଏଟା ଜଦି ମୁଇ ନିଜର୍ ମନ୍ କଲା ଇସାବେ କଲେ, କୁଲି ପାଇବାକେ ମର୍ ଅଦିକାର୍ ରଇତା । ମାତର୍ ପର୍ଯ୍ୟେସର୍ ମକେ ଏ କାମ୍ ସର୍ପି ଦେଲାକେ, ମୁଇ ଏଟା କଲିନି । ୧୮ ସେନ୍ତାଆଲେ ମକେ କେତେକ୍ କୁଲି ମିଲ୍‌ଲାନି ? ମର୍ କର୍‌ଟା ପାଇ ମାଙ୍ଗିବାକେ ମର୍ ଦାବି ରଇଲେ ମିସା, ମୁଇ କୁଲି ନ ପାଇତେ ସୁବ୍‌କବର୍ ଜାନାଇଲିନି । ସୁବ୍‌କବର୍ ଜାନାଇବାକେ ଜନ୍ ଅଦିକାର୍ ମୁଇ ପାଇ ଆତି, ସେଟାସେ ମର୍ କୁଲି ।

୧୯ ଏଟାର୍‌ପାଇ ମୁଇ କାର୍ ତଲିଆ ନାଇ କି କାର୍ ଗତିଦାଙ୍ଗ୍‌ତା ନାଇ । ଅଇଲେ ମିସା କେତେକ୍ କେତେକ୍ ଲକ୍‌କେ କିରିସ୍‌ଟର୍‌ତେଇ ଆନ୍‌ବାକେ ମୁଇ ସବୁଲକର୍ ଗତିଦାଙ୍ଗ୍‌ତା ଅଇଆତି । ୨୦ ମୁଇ ଜିଉଦି ଲକ୍‌ମନ୍କେ ପାଇବାକେ, ତାକର୍ ପାରା ଚଲାଟଲ୍‌ଡି କଲିନି, ଜେନ୍ତୁକି ମୁଇ ସେମନ୍‌କେ କିରିସ୍‌ଟର୍ ବାଟେ ଆନିପାର୍‌ବି । ମୁଇ ଜଦି ମସାର୍ ନିୟମର୍ ତଲିଆର୍ ନ ଅଇରଇଲେ ମିସା, ସେମନ୍‌କେ କିରିସ୍‌ଟର୍ ବାଟେ ଆନ୍‌ବାକେ, ନିୟମ୍ ମାନ୍‌ବା ଲକ୍‌କର୍ ପାରା ଚଲାଟଲ୍‌ଡି କଲିନି । ୨୧ ସେନ୍ତାରିସେ ଜିଉଦି ନ ଅଇଲା ଲକ୍‌ମନ୍କର୍ ସଙ୍ଗ୍ ରଇଲାବେଲେ, ମୁଇ ଜିଉଦି ନିୟମ୍ ମାନି ନାଇ । ସେ ବେଲେ ମୁଇ ଜିଉଦି ନ ଅଇଲା ଲକ୍‌କର୍ ପାରା ଚଲାଟଲ୍‌ଡି କରବି । ଜେନ୍ତୁକି ସେମନ୍‌କେ କିରିସ୍‌ଟର୍ ବାଟେ ଆନିପାର୍‌ବି । ଏଟାର୍ ଅରଡ୍ ନର୍ବି ଜେ ମୁଇ ପର୍ଯ୍ୟେସର୍‌ର୍ ନିୟମ୍ ମାନି ନାଇ । କାଇକେବଇଲେ ମୁଇ କିରିସ୍‌ଟର୍ ନିୟମର୍ ତଲେ ଆତି । ୨୨ ଜେତେବେଲେ ମୁଇ ବିସ୍‌ବାସେ ଦୁର୍‌ବଲ୍ ଲକ୍‌କର୍ ସଙ୍ଗ୍ ରଇବି, ତାକର୍‌ପାରା ଦୁର୍‌ବଲ୍ ଅଇବି । ଜେନ୍ତୁକି ସେନ୍ତିଅଇକରି ସେମନ୍‌କେ କିରିସ୍‌ଟର୍ ବାଟେ ଆନି ପାର୍‌ବି । ସେଟାର୍‌ପାଇ ମୁଇ ବିନ୍ ବିନ୍ ଲକ୍‌କର୍‌ଟାନେ ବିନ୍ ବିନ୍ ରକାମ୍ ଅଇରଇଲି । କେନ୍ତୁକି ମିସା ମୁଇ ସେମନ୍‌କେ ରକିଆ କରବି ।

୨୩ କିରିସ୍‌ଟର୍ ସୁବ୍‌କବର୍ ସବୁବାଟେ ଜାନାଇବାକେ ଆରି ତାର୍ ଆସିର୍‌ବାଦ୍ ପାଇବାକେ ମୁଇ ସବୁଟା କଲିନି । ୨୪ ଆରାଜିତା ଟାନେ ପାଲାଇବା ଲକ୍ ବେସି ଆତଡ୍, ଏଟା ସଡ୍ । ମାତର୍ ଗଟେକ୍ ଲକ୍‌କେସେ ପୁରୁସ୍‌କାର୍ ମିଲ୍‌ସି । ଏଟା ତମେ ଜାନିଆଟାସ୍ । ତମେ ମିସା ପୁରୁସ୍‌କାର୍ ପାଇଲା ପାରା ପାଲାଆ । ୨୫ ଜେ ପାଲାଇବାଟାନେ ବାଗ୍ ନେଇସି, ସେ ଅବିଆସ୍ କରି, ତାର୍ ଗାଗଡ୍ ଡାଟ୍ କରରଇସି । ଆରି ସେ ଦାପେ ନସିଜିବା ପୁରୁସ୍‌କାର୍ ମିଲାଇବାକେ ସେଟା କରସି । ମାତର୍ ଆମେ, କେବେ ମିସା ନ ନସବା ପୁରୁସ୍‌କାର୍ ପାଇବାକେ, ସେଟା କଲୁନି । ୨୬ ମୁଇ ଏନେତେନେ ନ ଦେକି ସାରାସାରି କେଟ୍‌ବାଟାନେ ପାଲାଇବା ଲକ୍‌କର୍ ପାରା ଆତି । ମୁଇ ଗଟେକ୍ ବିଦା ସଙ୍ଗ୍ ଜୁଇଦ୍ କରବା ଲକ୍‌କର୍‌ପାରା, ଜେକି ତାର୍ ବିଦା ମାର୍‌ଲେ ପାଇସି ଆକା । ୨୭ ମୁଇ କସ୍‌ଟ ମୁର୍ଚିକରି ଗାଗଡ୍ ମେଲା ଚାଡିନାଇ । କାଇକେ ବଇଲେ ବିନ୍ ଲକ୍‌ମନ୍କର୍ ଲଗେ ସୁବ୍‌କବର୍ ଜାନାଇରଇଲେ ମିସା ମକେ ଜେନ୍ତୁକି ନାଇବଲିକରି ନ କଅଡ୍ ।

## ୧୦

### ମୁର୍ଚିପୁଜା ବିରୁଦେ ଜାଗର୍‌ତା

୧ ଏ ମର୍ ବାଇବଇନିମନ୍, ଆମର୍ ଆନିଦାଦିମନ୍, ଜନ୍ ଲକ୍‌ମନ୍ ମସାର୍ ବାଟେ ଜାଇତେରଇଲାଇ, ସେମନ୍‌କେ କାଇଟା ଅଇଲା ଏତାଇ ଦେକା । ସେମନ୍ ସବୁ ଲକ୍ ବାଦଲ୍ ତଲେ ରଇ ରକିଆ ପାଇତେରଇଲାଇ । ଆରି ରଙ୍ଗ୍ ସମ୍‌ଦୁରେ ନ ବୁଡ୍‌ତେ ଇଣ୍ଡି ଇଣ୍ଡି ଲଙ୍ଗ୍‌ଲାଇ । ୨ ସେମନ୍ ସବୁ ବାଦଲେ ଆରି ସମ୍‌ଦୁରେ ଭୁବନ୍ ନେଲାଇ । ମସାର୍ ସିସମନ୍ ବଲି ସେମନ୍‌କେ ଗଟେକ୍ ଚିନ୍ ରଇଲା । ୩ ଆରି ସବୁଲକ୍ ପର୍ଯ୍ୟେସର୍ ଜାଗାଇ ରଇବା କାଦି କାଇଲାଇ, ୪ ଆରି ସେ

☆ ୯:୧୧ ୯:୧୧ ରମିୟ ୧୫:୨୭ ☆ ୯:୧୪ ୯:୧୪ ମାତିଉ ୧୦:୧୦; ଲୁକ୍ ୧୦:୭

ପାକ୍‌ନା ଅନି ଆଇବା ପାନି କାଇଲା । ସେ ପାକ୍‌ନା ଅଇଲାନି କିରିସ୍‌ଟ । ୫ ଏଲେମିସା ସେମନର୍ ବିତ୍‌ରେ ଅନି ବେସି ଲକ୍‌କେ ପର୍‌ମେସର୍‌ର ସାର୍‌ଦା ନ ରଇଲା । ସେଟାର୍ ପାଇ ସେମନ୍ ମରୁବାଲି ବୁର୍‌ ମଲା ।

୬ ସେମନ୍ ଜନ୍ ରକାମ୍ ଆସାର୍ ବିସଇର୍ ପାଇ ଲାଲ୍‌ସା ଅଇ ରଇଲା, ଆମେ ମିସା ସେ ରକାମ୍ ଲାଲ୍‌ସା ନ ଅର୍ । ସେଟାର୍‌ପାଇ ଏ ସବୁ ଗଟ୍‌ଲା ବିସଇ ଆମର୍‌ପାଇ ଲେକାଅଇଆଟେ । ୭ ଜେନ୍ତ୍‌କି ସେମନର୍ ବିତ୍‌ରେ ଅନି କେତେଲକ୍ ପୁଡ୍‌ଲା ପୁଜା କର୍‌ବାର୍ ଦାର୍‌ଲା, ତମେ ସେନ୍ତାରି ପୁଡ୍‌ଲା ପୁଜା କର୍‌ବାଟା, ଆରାମ୍ କରା ନାଇ । ସାସ୍‌ତରେ ଲେକା ଅଇଆଟେ, ଜେନ୍ତ୍‌କି ଲକ୍‌ମନ୍ ପୁଜାକଲାଟା କାଇବାକେ ବସିରଇଲା ଆରି ମଦ୍ କାଇକରି ବେବିଟାର୍ କର୍‌ବାର୍ ଦାର୍‌ଲା । ୮ ଜେନ୍ତ୍‌କି ସେମନର୍ ବିତ୍‌ରେ କେତେଲକ୍ ବେସିଆ କାମ୍‌କରି ଗଟେକ୍ ଦିନେ କଡେ ତିନ୍ ଅଜାର୍ ଲକ୍ ପର୍‌ମେସର୍‌ର ଡଣ୍ଡ ପାଇକରି ମରିଗାଲା । ସେନ୍ତାରି ଆମେ ବେସିଆ କାମ୍ ନ କରୁ । ୯ ସେନ୍ତ୍‌ସେ ସେମନର୍ ବିତ୍‌ରେ କେତେଲକ୍ ମାପ୍‌ରୁକେ ପରିକା କଲା ଆରି ବିସ୍ ରଇବା ସାପ୍ ଟକାଇ ଅଇକରି ମଲା । ସେନ୍ତାରି ଆମେ ମାପ୍‌ରୁକେ ପରିକା ନ କରୁ । ୧୦ ସେମନ୍ ଜେନ୍ତ୍‌କି ପର୍‌ମେସର୍‌ର ବିରୁଦେ ତାକର୍ ତାକର୍ ବିତ୍‌ରେ ଦଦାପେଲା ଅଇକରି, କୁରୁପ୍ ନାସ୍ କର୍‌ବା ଦୁଡ୍‌ଲଗାରି ମରିଆଜିଗାଲା । ତମେ ସେନ୍ତାରି ଦଦାପେଲା ଉଆନାଇ ।

୧୧ ସବୁ ଲକ୍‌ପାଇ ଏ ସବୁ ଗଟ୍‌ନା ଗଟ୍‌ଲା । ଆରି ଆମ୍‌କେ ଚେଡ୍‌ନା ପାଇବାକେ ସେଟା ସବୁ ଲେକାଅଇଆଟେ । କାଇକେବଇଲେ ଏ ଜଗତର୍ ସାରାସାରି ବେଲା ଆସି କେଟ୍‌ଲା ଆଟେ ।

୧୨ ସେଟାର୍‌ପାଇ ଜେ ମୁଇ ନିଜେ ଡାଟ୍ ଆଟି ବଲି ମନେ ମନେ ଏତାଇସି, ସେ ବିସ୍‌ବାସେ ଅନି ବିନ୍‌ବାଟେ ନ ଜାଆ, ସେଟାର୍‌ପାଇ ଜାଗ୍‌ରଡ୍ ରୁଆ । ୧୩ ଆମ୍‌କେ ପରିକା ଜାଇ ପରିକା ଆଇସି, ସେଟା ନୁଆ ବିସଇ ନର୍ । କାଇକେବଇଲେ ସବୁବେଲେ ଏନ୍ତାରି ଲକ୍‌ମନ୍‌କେ ପରିକା ଆଇତେରଇସି । ମାତର୍ ପର୍‌ମେସର୍ ତାର୍ କାତାଇ ଡାଟ୍ ଆଟେ । ଆମ୍‌କେ ମୁରଟି ନାପାର୍‌ଲା ପାରା ପରିକା ଅଇବାକେ ସେ ନ ଦେଏ । ପରିକା ଆଇବାବେଲେ ସେ ଆମ୍‌କେ ବପୁ ମିସା ଦେଇସି ଆରି ତେଇ ଅନି ରକିଆ ପାଇବା ବାଟ୍ ଦେକାଇସି ।

୧୪ ସେଟାର୍ ପାଇ ଏ ମର୍ ଆଲାଦର୍ ବାଇବଇନିମନ୍, ପୁଡ୍‌ଲା ପୁଜା କର୍‌ବା ଟାନେଅନି ଦୁରିକେ ଉଟିଜା । ୧୫ ମୁଇ ବୁଦି ରଇଲା ଲକ୍‌ମନ୍‌କେ କଇଲା ପାରା କଇଲିନି । ମୁଇ କାଇଟା କଇଲିନି ସେଟା ତମେ ବିଟାର୍ କରା । ୧୬ ଜେତେବେଲେ ଆମେ ମାପ୍‌ରୁର୍ କାଦିର୍‌ପାଇ ରୁଣ୍ଡୁ, ଜନ୍ ମୁତାଇଅନି ଆମେ କାଇବୁ, ସେ ମୁତାର୍‌ପାଇ ଆମେ ପର୍‌ମେସର୍‌କେ ଦନିଅବାଦ୍ ଦେଲୁନି । ସେ ମୁତାଇଅନି କାଇଲାବେଲେ ଆମେ କିରିସ୍‌ଟର୍ ବନିତେଇ ମିସ୍‌ଲୁନି । ଜନ୍ ରୁଟିଆମେ ବାଙ୍ଗାଇବୁ, ସେଟା କାଇଲାବେଲେ କିରିସ୍‌ଟର୍ ଗାଗ୍‌ଡେ ମିସ୍‌ଲୁନି । ୧୭ କାଇକେବଇଲେ ରୁଟି ଗଟେକ୍ ଅଇଲେ ମିସା ଆମେ ବୁଡେକ୍ ଲକ୍ ଆରୁ । ସେ ଗଟେକ୍ ରୁଟି ଆମେ ମିସିକରି କାଇବାବେଲେ ଗଟେକ୍ ଗାଗ୍‌ଡ୍ ଅଇଗାଲୁନି ।

୧୮ ଜିଉଦି ମନର୍ ବିସଇ ବାବିଦେକା । ଜନ୍ ଲକ୍‌ମନ୍ ପୁଜାକଲା ମାଉଁସ୍ କାଇଲାଜନି, ସେମନ୍ କାଇ ବେଦିଲଗେ ଉପାସନା କଲାବେଲେ ନ ମିସଡ୍ ? ୧୯ ଏଟାର୍‌ପାଇ ମୁଇ କଇଲିନି ଜେ, ଦେବ୍‌ତାମନର୍ ବଲି କଲା ପର୍‌ସାଦ୍ କାଇଟା ନାଇ କି ପୁଡ୍‌ଲା ବଲି କାଇଟା ନାଇ । ୨୦ ପୁଡ୍‌ଲାକେ ପୁଜା କରୁମନ୍ ସେମନ୍ ଜନ୍ ଜନ୍‌ଟା ବଲି ଇସାବେ ସର୍‌ପି ଦେଲାଜନି, ସେସବୁ ପର୍‌ମେସର୍‌କେ ନ ସର୍‌ପାଇ କରି ତୁମାମନ୍‌କେ ସରପ୍‌ଲାଜନି । ସେଟାର୍‌ପାଇ, ତମେ ତୁମାମନର୍ ପୁଜାଟାନେ ମିସା ନାଇ । ୨୧ ତମେ ଜଦି ମାପ୍‌ରୁର୍ କାଦିଟାନେ ମିସିଆଟାସ୍, ସେନ୍ତାରିଆଲେ ତୁମାମନ୍‌କେ ପୁଜିରଇବା କାଦି ତମେ କାଇବାର୍ ନାଇ । ୨୨ ଜଦି ମାପ୍‌ରୁ ଆମର୍ ଉପ୍‌ରେ ରିସା ଅଇଲେ, ତାର୍ ତଣ୍ଡେଅନି ଆମେ ରକିଆ ପାଇ ନାପାରୁ । କାଇ ମାପ୍‌ରୁର୍ ଟାନେଅନି ଆମେ ଅଦିକ୍ ବପୁ ଆରୁକି ?

୨୩ ସବୁ ବିସଇ କର୍‌ବାକେ ଆମର୍ ଅଦିକାର୍ ଆଟେ, ସେନ୍ତ୍‌ ସେମନ୍ କଇବାଇ, ସେଟା ସଡ୍ । ମାତର୍ ମୁଇ କଇଲିନି ସବୁ ବିସଇ ଆମ୍‌କେ ସାଇଜ ନ କରେ । ୨୪ କେ ମିସା ଅବ୍‌କା ନିଜର୍ ପାଇ କାଇଟା ନିକ ଅଇସି ବଲି ଚିନ୍ତା ନ କରି, ନିଜର୍ ବାଇମନର୍ ମଙ୍ଗଲ୍ ବିସଇ ମିସା ଚିନ୍ତା କରା ।

୨୫ ଆଟେ ବିକ୍‌ରି ଅଇବା ଜନ୍ ମାଉଁସ୍ ମିସା କାଇବାର୍ ତମର୍ ଅଦିକାର୍ ଆଟେ, ତମର୍ ବିବେକର୍ ପାଇ ଏଟା ପୁଜା କଲାଟା କି ନାଇ ? ବଲି ନ ପାଟାରି କାଇଦିଆସ୍ । ୨୬ ଜେନ୍ତ୍‌କି ସାସ୍‌ତରେ ଲେକା ଅଇଲାପାରା ଏ ଗୁଲାଇ ଜଗତେ ରଇବାଟା ମାପ୍‌ରୁଟା ।

୨୭ ଜଦି ବିସ୍‌ବାସ୍ ନ କଲା ଗଟେକ୍ ଲକ୍ ତମ୍‌କେ ତାର୍ ଗରେ କାଇବାକେ ଡାକ୍‌ଲେ, ତମେ ଜିବାକେ ମନ୍ କର୍‌ସା ବଇଲେ ତେଇ ତମ୍‌କେ ଜାଇଟା ଦେଲେ ମିସା ସେଟା କାଇଦିଆସ୍ । ମାତର୍ ତମର୍ ବିବେକର୍ ଲାଗି ଏଟା ପୁଜାକଲାଟା କି ନାଇ ? ବଲି ପାଟାରି ନାଇ । ୨୮ ମାତର୍ କେମିସା ତମ୍‌କେ ଏ କାଦି ପୁଜା କଲାଟା । ବଲି କଇଲେ, ସେଟା ନିଟା । ଜେନ୍ତ୍‌କି ସେ କଇଲାପାଇ ଆରି ତମର୍ ବିବେକର୍‌ପାଇ ସେଟା କାଆ ନାଇ । ୨୯ ସେଟା ତର୍ ବିବେକର୍ ପାଇ ନାଇ, ସେଟା କଇଲା ଲକ୍‌ର ବିବେକର୍ ପାଇ ।

ବାଦିଅରେ କେ ମିସା ପାଟାରି ପାରଡ୍, ଜଦି ଆମର୍ ମନ୍ କଲା ଇସାବେ କାଇଟା ମିସା କର୍‌ବାକେ ଅଦିକାର୍ ଆଟେ, ବିନ୍ ଲକ୍‌ର ବିବେକର୍ ଲାଗି ମୁଇ କାଇକେ ନ କାଇ ? ୩୦ ସେ କଇସି, “ଜଦି ମୁଇ ପର୍‌ମେସର୍‌କେ ଦନିଅବାଦ୍ ଦେଇ କାଇବି, ତେବେ ମର୍ ସଙ୍ଗର୍ ବିସ୍‌ବାସିମନ୍ ମକେ କାଇକେ ନିନ୍ଦା ଦେବାର୍ ଆଟେ ?”

☆ ୧୦:୧୭ ୧୦:୧୭ ମାଡିଉ ୨୬:୨୬-୨୮; ମାର୍‌କ ୧୪:୨୨-୨୪; ଲୁକ୍ ୨୨:୧୯,୨୦ ☆ ୧୦:୨୩ ୧୦:୨୩ ୧ମ କରନ୍ତଃ ୭:୧୨

୩୧ ତେବର୍ପାଇ ବାଡ଼ କା, କି ପାନି କା, କି ଜାଇଟା ମିସା କରା, ପର୍ମେସର୍ ଡାକ୍ପୁଟା ପାଇବାକେ ସବୁ କରା । ୩୨ ଜିଉଦି ଅ କି ଜିଉଦି ନ ଅଇଲା ଲକ୍ ଅ କି ତମର୍ ସଙ୍ଗର୍ ପର୍ମେସରର୍ ମଣ୍ଡଲିର୍ ବିସ୍ବାସି ଅ, କାକେ ମିସା ତମର୍ ଚଲାଟଲ୍ଡି ଦେକି ନିନ୍ଦା ପାଇବାକେ ଦିଆସନାଇ । ୩୩ ତମେ ମର୍ପାରା ଚଲାଟଲ୍ଡି କରା, ମୁଇ ସବୁଲକର୍ ମଙ୍ଗଲ୍ ଅ ବଲି ଚେସ୍ଟା କଲିନି । ମୁଇ ମର୍ ନିଜର୍ ମଙ୍ଗଲ୍ ଅ, ବଲି ଚିନ୍ତା କରିନାଇ, ମାତର୍ ସବୁଲକର୍ ମଙ୍ଗଲ୍ ଅ ବଲି ଚିନ୍ତା କଲିନି । ଜେନ୍ତକି ସେମନ୍ ସବୁଲକ୍ ରକିଆ ପାଇବାଇ ।

## ୧୧

୧\* ମୁଇ ଜେନ୍ତାରି ମାପରୁର୍ ପତେ ପତେ ଗାଲିନି, ତମେମନ୍ ମିସା ସେନ୍ତାରି ମର୍ ପତେ ପତେ ଆସା ।

### ଉପାସନା କଲାବେଲେ ଅଡ଼ନା

୨ ତମେ ସବୁ ବିସଇଟାନେ ମକେ ଏତାଇଲାସନି ଆରି ମୁଇ ତମକେ ଜନ୍ ସବୁ ବିଦିବିଦାନ୍ ସିକାଇଆତି, ସେ ସବୁ ମାନଲାସନି, ସେଟାର ପାଇ ମୁଇ ତମକେ ଦନିଅବାଦ୍ ଦେଲିନି । ୩ କିରିସ୍ଟ ସବୁ ମୁନୁସ୍ ପିଲାମନର୍ ନେତା, ଆରି ମୁନୁସ୍ ମାଇଜିର୍ ନେତା, ଆରି ପର୍ମେସର୍ କିରିସ୍ଟର୍ ନେତା । ଏଟା ତମେ ଜାନିରୁଆ ବଲି ମୁଇ ମନ୍ କଲିନି । ୪ ଜେତେବେଲେ ତମେ ମଣ୍ଡଲିଡେଇ ରୁଣ୍ଡିଆ, ତେଇ ଗଟେକ୍ ମୁନୁସ୍ ପିଲା ପାର୍ତନା କଲାନି କି ପର୍ମେସରର୍ କାତା ଜାନାଇଲାନି, ସେ ତାର୍ ମୁଣ୍ଡି ଡାବ୍‌ବାର୍ ନାଇ । ସେନ୍ତାର୍ କଲେ ସେ କିରିସ୍ଟକେ ଲାଜ୍ କରାଇସି । ୫ ସେନ୍ତାରିସେ ଗଟେକ୍ ମାଇଜି ପାର୍ତନା କଲାନି, କି ପର୍ମେସରର୍ କାତା ଜାନାଇଲାନି, ସେ ତାର୍ ମୁଣ୍ଡେ ଅଡ଼ନା ପାକାଇବାର୍ ଆତେ । ସେନ୍ତାର୍ ନ କଲେ ସେ ମୁନୁସ୍‌କେ ଲାଜ୍ କରାଇସି । ସେ ଗଟେକ୍ ମୁଣ୍ଡି ମାଇଜିର୍ ପାରା ରଇସି । ୬ କାଇକେବଇଲେ ସେ ମାଇଜି ଜଦି ଅଡ଼ନା ନ ପାକାଏ, ତାର୍ ଚେଣ୍ଡି କାଟିଦେବାଟା ନିକ । ଗଟେକ୍ ମାଇଜି ଜଦି ତାର୍ ଚେଣ୍ଡି କାଟିସି କି ମୁଣ୍ଡି କୁରାଇସି, ସେଟା ତାର୍ ପାଇ ଲାଜର୍ ବିସଇ, ସେଟାର୍ପାଇ ସେ ମୁଣ୍ଡେ ଅଡ଼ନା ପାକାଇବାର୍ ଆତେ । ୭ ମାତର୍ ଗଟେକ୍ ମୁନୁସ୍ ପିଲା ପାର୍ତନା କଲାବେଲେ ତାର୍ ମୁଣ୍ଡେ ଅଡ଼ନା ପାକାଇବାର୍ ଦର୍କାର୍ ନାଇ । କାଇକେ ବଇଲେ ସେ ପର୍ମେସରର୍ ଚାଇ ଆରି ତାର୍ ଡାକ୍ପୁଟା ଦେକାଇସି । ଆରି ମାଇଜି ମୁନୁସ୍ ଡାକ୍ପୁଟା ଦେକାଇସି । ୮ କାଇକେବଇଲେ ମୁନୁସ୍ ମାଇଜିର୍ ତେଇଅନି ତିଆର୍ ଅଏନାଇ, ମାତର୍ ମାଇଜି ମୁନୁସ୍‌ତେଇ ଅନି ତିଆର୍ ଅଇଆତେ । ୯ ମନସ୍ ମାଇଜିର୍ ପାଇ ତିଆର୍ ଅଏନାଇ । ମାତର୍ ମାଇଜି ମୁନୁସ୍ ପାଇ ତିଆର୍ ଅଇଲାଆତେ । ୧୦ ସେଟାର୍ ପାଇ ମାଇଜିମନ୍ ମୁଣ୍ଡେ ଅଡ଼ନା ପାକାଇବାଟା ନିକ, ଜେନ୍ତକି ସରଗର୍ ଦୁଡ଼ମନ୍ ମିସା ସେ ତାର୍ ମୁନୁସ୍ ଅଦିକାରେ ଆତେ ବଲି ଜାନିବାଇ । ୧୧ ମାତର୍ ଆମେ ବିସ୍ବାସିମନର୍ପାଇ ମାଇଜି ନଇତେ ମୁନୁସ୍ ରଇ ନାପାରେ କି ମୁନୁସ୍ ନଇତେ ମାଇଜି ରଇ ନାପାରେ । ୧୨ ମାଇଜି ମୁନୁସ୍ ଗାଗ୍‌ତେ ଅନି ଜାଡ଼ ଅଇଲେମିସା, ମୁନୁସ୍ ମିସା ମାଇଜି ଜନମ୍ ଦେଲାକେ ଜାଡ଼ ଅଇଆତେ । ମାତର୍ ସବୁ ବିସଇ ପର୍ମେସର୍ ଗାନେଅନି ଜାଡ଼ ଅଇଆତେ ।

୧୩ କନ୍‌ଟା ନିକ ବଲି ତମେ ନିଜେ ନିଜେ ବିଚାର୍ କରା । ଜଦି ଗଟେକ୍ ମାଇଜି ମଣ୍ଡଲିଡେଇ ସବୁର୍ ମୁଆଟେ ମୁଣ୍ଡେ ଅଡ଼ନା ନ ପାକାଇ ପାର୍ତନା କଲେ ସେଟା ସୁନ୍‌ର୍ କି ? ନାଇ ସୁନ୍‌ର୍ ନାଇ । ୧୪ ସେନ୍ତାରିସେ ଜଗତର୍ ଜାନ୍‌ବା ବିସଇ ନେଇକରି ମୁନୁସ୍ ପିଲା ଜଦି ମାଇଜିମନର୍ ପାରା ଚେଣ୍ଡି ବଡାଇରଇଲେ ସେଟା ଲାଜର୍ କାତା । ୧୫ ମାତର୍ ମାଇଜିଟକି ଚେଣ୍ଡି ବଡାଇଲେ ତାର୍ପାଇ ସୁନ୍‌ର୍ ବିସଇ । କାଇକେବଇଲେ ପର୍ମେସର୍ ତାର୍ ଡେଙ୍ଗ୍ ଚେଣ୍ଡି ତାର୍ ମୁଣ୍ଡେ ଡାବି ଅଇବାକେ ଦେଲା ଆତେ । ୧୬ ଜଦି ଏ ବିସଇନେଇ କେ ମିସା ମର୍ ଆଦେସ୍ ମାନ୍‌ବାକେ ମନ୍ ନ କରେ, ଆମେ କି ପର୍ମେସରର୍ ବିନ୍ ମଣ୍ଡଲିମନ୍କେ ମିସା ଏଟା ଚାଡ଼ି ଆରି କାଇ ଅବିଆସ୍ ନାଇ ।

### ମାପରୁର୍ ବଜି

୧୭ ଆରି ଗଟେକ୍ ବିସଇ ମୁଇ କଇବାର୍ ଆତେ । ତମେ ଉପାସନା କର୍ବାକେ ରୁଣ୍ଡିଲାବେଲେ ଗଟେକ୍ କର୍ବା ବିସଇ ମର୍ ମନକେ ଜାଏନାଇ । କାଇକେବଇଲେ ତମେ ରୁଣ୍ଡିଲାର୍ ଲାଗି ତମର୍ ବିସ୍ବାସ୍ ଡାଟ୍ ଅଏନାଇ, ମାତର୍ ଦୁର୍ବଲ୍ ପାରା ଅଇଗାଲାନି । ୧୮ ମୁଇ ସୁନିଆତି ଜେ, ତମେ ଉପାସନା କର୍ବାକେ ରୁଣ୍ଡିଲାବେଲେ ବାଗ୍ ବାଗ୍ ଅଇକରି ଗଟେକ୍ ବାଟର୍ ଲକ୍ ଆରି ଗଟେକ୍ ବାଟର୍ ଲକ୍‌କେ ବିରଦ୍ କଲାସନି ଆରି ଏଟା ସଡ଼ ବଲି ମୁଇ ଜାନି । ୧୯ ତମର୍ ବିଡ଼ରେ ଏନ୍ତାରି ଅଇବାଟା ନିକ । ଜେନ୍ତାରି କି ତେଇଅନି ପରିକାଟାନେ ସିଦ୍ ଅଇଲା ଲକ୍‌ମନ୍ ବାରଇବାଇ । ୨୦ ଜେତେବେଲେ ତମେ ମାପରୁର୍ କାଦି କାଇବାକେ ଗଟେକ୍ ଜାଗାଇ ଜମଲାସନି, ସେଟା ସତଇସେ ମାପରୁର୍ କାଦି ନଏ, ୨୧ କାଇକେ ବଇଲେ, ତମର୍ ବାଇମନର୍ପାଇ କାଇଟା ଚାଡାସ୍ ନାଇ । ଏଟାର୍ପାଇ କେତେଲକ୍ ବୁକେ ଉଟିଗାଲାଇନି । ଆରି କେତେଲକ୍ ମାଡ଼ଲାସନି । ୨୨ ତମେ କାଇବାକେ କାଇ ନିଜର୍ ଗର୍ ନାଇ କି ? ତମର୍ ଲାଗି ତମର୍ ଗରିବ୍ ବାଇମନ୍ ଲାଜ୍ ଅଇଗାଲାଇନି । ଆରି ବାକି ବିସ୍ବାସିମନ୍କେ ଇଜଡ଼ ଜିକାଇଲାସନି । ଏ ବିସଇ ଆରି ମୁଇ ତମକେ କାଇଟା ବଲି କଇବି ? ଏନ୍ତାରି ଅ ବଲି କଇବି କି ? ନାଇ, ନ କଇ ।

୨୩ କାଇକେବଇଲେ ମାପରୁର୍ ସିକିଆ ପାଇଲି ଆତି, ସେଟାସେ ମୁଇ ତମକେ ସିକାଇଆତି । ଜନ୍ ରାତି ଆମର୍ ମାପରୁ ଜିସୁ ବିସ୍ବାସେ ବିସ୍ ଦେଲାପାରା ଅଇଲା, ସେ ରୁଟିନେଇ, ପର୍ମେସର୍‌କେ ଦନିଅବାଦ୍ ଦେଲା । ୨୪ ଏଟା ତମର୍ ପାଇ

☆ ୧୧:୧ ୧୧:୧ ୧ମ କରନ୍ତୟ ୪:୧୭; ପିଲିପିୟ ୩:୧୭

ବଲିଅଇରଇବା ମର୍ ଗାଗଡ଼, ମକେ ଏତାଇବାକେ ଏନ୍ତାର କରା । ୨୫ ସେନ୍ତାରିସେ କାଇଲା ପଚେ, ସେ ମୁତା ଦାରିକରି କଇଲା “ଏ ମୁତା ପର୍ମେସରର ନୁଆ ରାଜିନାମା, ଜନ୍ତା କି ମର୍ ନିଜର୍ ବନି ଦେଲାକେ, ଟିକ୍ ଅଇଲା ।”

୨୬ ଆମର୍ ମାପୁରୁ ଜିସୁ ବାଅଡ଼ବାଜାକ, ଜେଡ଼କିଡ଼ରୁ ରୁଟି କାଇସା କି ଏ ମୁତାଇ ଅନି ତୁକ୍ସା, ତମେ ମାପୁରୁର୍ ମରନ୍ ବିସଇର୍ କବର୍ ଜାନାଇସା । ୨୭ ଏଟାର ଅରଡ଼ ଅଇଲାନି, ଜେ ଜଦି ମାପୁରୁକେ ସନ୍ମାନ ନ ଦେଇ, ଏ ରୁଟି କାଇସି କି ମୁତାଇ ଅନି ତୁକ୍ସି, ସେ ମାପୁରୁର୍ ଗାଗଡ଼ ଆରି ବନିର୍ ବିରୁଦେ ପାପ୍ କଲାନି । ୨୮ ସେଟାରପାଇ ତମେ ନିଜ୍ଜକେ ପରିକା କରି ଦେକ୍‌ବାରୁଆଚେ, ଦେକି ସାରାଇ ଏ ରୁଟି କାଇଅଇସି ଆରି ମୁତାଇଅନି ତୁକି ଅଇସି । ୨୯ କାଇକେବଇଲେ ଜଦି ସେ ରୁଟି କାଇଲାବେଲେ ଜେ ମାପୁରୁର୍ ଗାଗଡ଼ ଆରି ମୁତାଇଅନି ତୁକ୍‌ଲାବେଲେ ସଡ଼ବିସଇ ନ ବୁଜଡ଼, ସେମନ୍ ନିଜେ ନିଜର୍ ଉପରେ ପର୍ମେସରର ଡଣ୍ଡ ଡାକି ଆନ୍‌ଲାନି । ୩୦ ସେଟାରପାଇ ତମର୍ ବିଡ଼ରେ ବେସି ଲକ୍ ଦୁର୍‌ବଲ୍ ଆଚାସ୍ ଆରି ବିନ୍ ବିନ୍ ଜର୍ ଦାରାଇ ଅଇଆଚାସ୍ ଆରି ମଲାସ୍‌ନି ମିସା । ୩୧ ମାତର୍ ଆମେ ଜଦି ନିଜ୍ଜକେ ପରିକା କରତା ଆଲେ, ପର୍ମେସରର ଡଣ୍ଡ ଆମର୍ ଉପରେ ନ ଆଇତା । ୩୨ ମାତର୍ ଜଗତର୍ ଲକ୍‌ମନର୍ ପଚର୍ ଡଣ୍ଡଲଗେ ଅନି ଆମ୍‌କେ ରକିଆ କରବାକେ ପର୍ମେସର୍ ଆମ୍‌କେ ବିଚାର କରି ଦେଇସି ।

୩୩ ତେବେ ଏ ମର୍ ବାଇବଇନିମନ୍, ତମେ ଆମର୍ ମାପୁରୁର୍ କାଦି କାଇବାକେ ରୁଣ୍ଡିଲା ବେଲେ ଗଟେକ୍ ଲକ୍ ଆରି ଗଟେକ୍ ଲକ୍‌କେ ଜାଗା । ୩୪ ଜଦି କେ ବୁକେ ଆଚେ, ସେ ନିଜର୍ ଗରେ କାଇକରି ଆଇବାରୁ ଆଚେ । ଜେନ୍ତିକି ତମେ ରୁଣ୍ଡିଲାବେଲେ ପର୍ମେସରର ଡଣ୍ଡ ତମର୍ ଉପରେ ନ ଆସେ । ଆରି ରଇଲା ବିନ୍ ବିନ୍ ବିସଇମନ୍ ମୁଇ ଆଇଲେ, ପଚେ ବୁଜାଇ ଦେବି ।

### ୧୨

#### ସୁକଲ୍ ଆଡ଼ମାର୍ ଦାନ୍

୧ ମର୍ ବାଇମନ୍, ତମେ ସୁକଲ୍ ଆଡ଼ମା ଦେବା ଦାନ୍ ବିସଇର୍ ଜାଇଟା ଲେକିରଇଲାସ୍ ସେଟା ନିକସଙ୍ଗ୍ ବୁଜା ବଲି ମୁଇ କଲିନି । ୨ ତମେ ଜିସୁକେ ବିସ୍‌ବାସ୍ କରବା ଆଗୁତୁ ଜିବନ୍ ନ ରଇବା ପୁଡ଼ଲାମନ୍‌କେ ପୁଜାକରି ବାଟ୍ ବାନା ଅଇଜାଇ ରଇଲାସ୍ । ୩ ସେଟାରପାଇ ମୁଇ ଏବେ ତମକେ କଇଲିନି, ଜନ୍ ଲକ୍ ସୁକଲ୍ ଆଡ଼ମାର୍ ଚାଲ୍‌ନା ପାଇଲାଆଚେ, ସେ ଜିସୁକେ ଅବିସାପ୍ ଦେଇ ନାପାରେ । ଆରି ଜନ୍ ଲକ୍ ତାରୁ ଆଡ଼ମା ପାଏନାଇ, ସେ ଜିସୁ ପର୍ମେସର୍ ବଲି କଇନାପାରେ ।

୪ \*ସୁକଲ୍ ଆଡ଼ମାର୍ ଦାନ୍ ବିନ୍ ବିନ୍ ରକାମ୍, ମାତର୍ ଜନ୍ ଆଡ଼ମା ସେଟାମନ୍ ଦେଇସି ସେ ଗଟେକ୍ ସେ । ୫ ସେବା ବିନ୍ ବିନ୍ ରକାମର୍, ମାତର୍ ଜନ୍ ମାପୁରୁ ସେବା ପାଇଲାନି, ସେ ଗଟେକ୍ ସେ । ୬ କାମ୍ କରବା ବପୁ ବିନ୍ ବିନ୍ ରକାମର୍, ମାତର୍ ପର୍ମେସର୍ ଗଟେକ୍ । ସେ ଆକା ସବୁକେ ବପୁ ଦେଲାନି । ୭ ମାତର୍ ସବୁ ଲକ୍‌ର୍ ମଙ୍ଗଲ୍ ପୁରାପୁରୁନ୍ ଅଇବାକେ ବିନ୍ ବିନ୍ ଲକ୍‌ର୍ ବିଡ଼ରେ ସୁକଲ୍ ଆଡ଼ମାର୍ ବପୁ ବିନ୍ ବିନ୍ ଇସାବେ ଜାନାପଡ଼ସି । ୮ ସୁକଲ୍ ଆଡ଼ମା କାକେ କାକେ ବୁଦିର୍ ବାକିଅ କଇବାକେ ଦେଇସି, ଆରି କାକେ କାକେ ଗିଆନର୍ ବାକିଅ ଦେଇସି । ୯ ସେ ଗଟେକ୍ ସୁକଲ୍ ଆଡ଼ମାସେ କାକେ କାକେ ବିସ୍‌ବାସ୍ ଦେଇସି ଆରି କାକେ କାକେ ନିକ ଅଇବା ବପୁର୍ ଦାନ୍ ଦେଇସି । ୧୦ କାକେ କାକେ କାବାଅଇଜିବା କାମ୍ କରିପାରବା ବପୁ, କାକେ କାକେ ପର୍ମେସର୍ ଜାନାଇଲା କାତା କଇବା ବପୁ, କେତେ ଲକ୍‌କେ ଆଡ଼ମା ଦେଇରଇବା ଦାନ୍ ଚିନ୍‌ବା ବପୁ, ଆରି କେତେକ୍ ଲକ୍‌କେ ସେ ନାଜାନି ରଇବା ବିନ୍ ବିନ୍ ବାସାଇ କାତା କଇବା ବପୁ, ଆରି କେତେକ୍ ଲକ୍‌କେ ସେ ବାସାରୁ ଅରଡ଼ ବୁଜାଇବା ବପୁ ଦେଇରଇସି । ୧୧ ମାତର୍ ଏ ସବୁଜାକ ବପୁ ଗଟେକ୍ ଆଡ଼ମାସେ କରି ରଇସି । ସେ ନିଜର୍ ମନ୍ କଲା ଇସାବେ ବିନ୍ ବିନ୍ ଲକ୍‌ମନ୍‌କେ ବିନ୍ ବିନ୍ ବିସଇର୍ ଦାନ୍ ଦେଇରଇସି ।

#### ଗଟେକ୍ ଗାଗଡ଼ ମାତର୍ ବେସି ଆଡ଼ଗଡ଼

୧୨ \* ଜେନ୍ତିକି ବିନ୍ ବିନ୍ ବାଗ୍ ମିସିକରି ରଇଲେ ମିସା ଗାଗଡ଼ ଗଟେକ୍‌ସେ, ସେନ୍ତାରିସେ କିରିସଟ୍ ଗଟେକ୍ ଗାଗଡ଼ ପାରା । ଜନ୍‌ତେଇ କି ବିନ୍ ବିନ୍ ବାଗ୍ ମିସିଆଚଡ଼ । ୧୩ କାଇକେବଇଲେ ଆମେ ସବୁ ଜିଉଦି ଅଇଲେ କି ଜିଉଦି ନ ଅଇଲେ ମିସା, ଗତିଦାଙ୍ଗ୍‌ତା ଅଇଲେ କି ନିଜର୍ ଇସାବେ ଚଲାଚଲ୍‌ତି କଲେ ମିସା ପର୍ମେସରର ସେ ସମାନ୍ ଗଟେକ୍ ଆଡ଼ମାର୍ ଲାଗି, ଗଟେକ୍ ଗାଗଡ଼ ଅଇବାକେ ତୁବନ୍ ନେଇଆରୁ । ଆରି ଏ ସମାନ୍ ସୁକଲ୍ ଆଡ଼ମା ପାଇଆରୁ ।

୧୪ ଆମର୍ ଗାଗଡ଼ ବିସଇ ଆରି ଗଟେକ୍‌ତର୍ ଚିନ୍ତା କରିଦେକୁ । ସେଟାକେ ଗଟେକ୍ ବାଗ୍ ନାଇ ମାତର୍ ବେସି ବାଗ୍ ଆଚେ । ୧୫ ଜଦି ପାଦ୍, “ମୁଇ ଆଡ଼ ନଇ, ମୁଇ ଗାଗଡ଼ ନଇ ।” ବଲିକରି କଇଲେ ମିସା ପାଦ୍ ଗାଗଡ଼ ସେ । ୧୬ ସେନ୍ତିସେ କାନ୍ ଜଦି, ମୁଇ ଆଁକି ନଇ, ମୁଇ ଗାଗଡ଼େ ମିସବାଟା ନଇ ସେନ୍ତି କଇଲେ ମିସା ଆଁକି ଗାଗଡ଼ର୍‌ଟାସେ । ୧୭ ସବୁ ଗାଗଡ଼ ଜଦି ଗଟେକ୍ ଆଁକିସେ ରଇଲେ, ତେବେ ସୁନ୍‌ବାଟା କନ୍ତି ରଇତା ? ସବୁ ଗାଗଡ଼ ଜଦି ଗଟେକ୍ କାନ୍‌ସେ ଅଇତା, ତେବେ ସୁଙ୍ଗବାଟା କନ୍ତି ରଇତା ? ୧୮ ମାତର୍ ଗାଗଡ଼ ସେନ୍ତାରି ନଏଁ । କାଇକେବଇଲେ ପର୍ମେସର୍ ତାରୁ ନିଜର୍ ମନ୍ କଲା ଇସାବେ ଗାଗଡ଼ ସବୁ ବାଗ୍, ସମାନ୍ ଜାଗାଇ ସାଜାଡ଼ି ସଙ୍ଗଇଆଚେ । ୧୯ ଆରି ଗାଗଡ଼କେ ଜଦି ଗଟେକ୍‌ସେ ବାଗ୍ ରଇତା, ତେବେ ଗାଗଡ଼ ବଲି କେନ୍ତି ବଲାଇ ଅଇତା ? ୨୦ ମାତର୍ ସଡ଼ ବିସଇ ଅଇଲାନି ବେସି ବାଗ୍ ରଇଲେ ମିସା ଗାଗଡ଼ ଗଟେକ୍‌ସେ ।

\* ୧୨:୪ ୧୨:୪ ରମିୟ ୧୨:୬-୮ \* ୧୨:୧୨ ୧୨:୧୨ ରମିୟ ୧୨:୪,୫

୨୧ ତର ଟାନେ ମର କାଇ ଲତା ନାଇ, ବଲି ଆଁକି ଆଡ଼କେ କଇନାପାରେ କି, ମୁଣ୍ଡ ପାଦକେ କଇ ନାପାରେ । ୨୨ କାଇକେବଇଲେ ଜନ୍ ଗାଗଡ଼ର ବାଗ୍ ବିନ୍‌ଟାମନର ତେଇଅନି ଦୁର୍ବଲ୍ ଆଟେ ବଲି ଆମେ ବାବ୍‌ଲୁନି, ସେଟାମନ୍‌ସେ ଆମକେ ବେସି ଲତାକେ ଆଇସି । ୨୩ ଆରି ଜନ୍ ଗାଗଡ଼ର ବାଗ୍ ବେସି ମୁକିଅ ନାଇ, ଆରି ସୁନ୍‌ର ନ ଡିସେ, ସେଟାମନ୍‌ସେ ଆମେ ନିକସଙ୍ଗ୍ ଜତନ୍ କରି ତାବ୍‌ଲୁନି । ୨୪ ଆରି ଜନ୍ ବାଗ୍ ବାଇରେ ଅନି ସୁନ୍‌ର ଡିସି, ସେଟାମନ୍‌ ସେନ୍ତାରି ଜତନ୍ କରବା ଦରକାର ନାଇ । ପର୍‌ମେସର୍ ଆମର ଗାଗଡ଼ର ବାଗ୍‌ମନ୍‌କେ କାଇକେ ଏନ୍ତି ସାଜାଇଲା ବଇଲେ, ଜନ୍‌ଟାକି ବେସି ମୁକିଅ ନାଇ ବଲି ଆମେ ବାବ୍‌ଲୁନି, ସେଟାମନ୍‌କେ ଆମେ ନିକସଙ୍ଗ୍ ଜତନ୍ କରି ସନ୍‌ମାନ୍ ଦେବୁ । ୨୫ ଜେନ୍ତାରି କି ଗାଗଡ଼ର ବାଗ୍ ସବୁ ଗଟେକ୍ ବାଗ୍ ଆରି ଗଟେକ୍ ବାଗ୍‌କେ ବିରଦ୍ ନ କରେ, ମାତର୍ ତାକର୍ ତାକର୍ ବିତ୍‌ରେ ସାଇଜ ଅଇବାଇ । ତେବେ ଗାଗଡ଼ର ଗଟେକ୍ ବାଗ୍‌କେ ଦୁକା ଅଇଲେ, ସେଟା ସବୁରପାଇ ଦୁକା । ୨୬ ଗଟେକ୍ ବାଗ୍ ଦୁକା ଅଇଲେ, ଆରି ଅଲ୍‌ଗା ବାଗ୍‌କେ ମିସା ଦୁକା ଅଇସି । ଗଟେକ୍ ବାଗ୍ ତାକ୍‌ପୁଟା ଅଇଲେ, ସେମନ୍ ସବୁ ମିସି ସାର୍‌ଦା ଅଇବାଇ ।

୨୭ ଆମେ ଜେଡ଼କି ଲକ୍ ବିସବାସି, କିରିସ୍‌ଟର୍ ଗାଗଡ଼ ସଙ୍ଗ୍ ସମାନ୍ କରିଅଇସି । ଆରି ତେଇ ଆମେ ଗଟେକ୍ ଗଟେକ୍ ବାଗ୍ । ୨୮ \*କିରିସ୍‌ଟର୍ ଏ ଗାଗଡ଼େ ପର୍‌ମେସର୍ ବିନ୍ ବିନ୍ ଲକ୍‌ମନ୍‌କେ ବିନ୍ ବିନ୍ କାମ୍ ଦେଲାଆଟେ । ପର୍‌ଡୁମ୍ ପେରିଡ଼ ଇସାବେ ବାଟ୍‌ଲା ଲକ୍, ତାର ପଟେ ବବିସଡ଼ କାତା କଇବା ଲକ୍‌ମନ୍‌କେ, ସିକାଉମନ୍‌କେ, କାବାଅଇଜିବା କାମ୍ କରବା ଲକ୍‌କେ, ନିକ କରବା ଲକ୍‌ମନ୍‌କେ, ସାଇଜ କରବା ଲକ୍‌ମନ୍‌କେ, ନେତା ଇସାବେ ଦାଇଡ଼ ନେବାକେ, ଆରି ନାଜାନ୍‌ଲା ବାସାଇ କାତା କଇବା ଲକ୍‌ମନ୍‌କେ ବାଟ୍‌ଲା ଆଟେ । ୨୯ ସେମନ୍ ସବୁଲକ୍ ପେରିଡ଼ ନଅଡ଼ କି ବବିସଡ଼ବକ୍‌ତା କି ସିକାଉମନ୍ ନଅଡ଼ । ସବୁଲକ୍‌କେ କାବା ଅଇଜିବା କାମ୍ କରବା ବପୁ ନାଇ । ୩୦ କି ନିକ କରବା ବପୁ କି ନାଜାନ୍‌ବା କାତାଇ କଇବା ବପୁ, କି ଜନ୍‌ଟା କଇଲାଟା ବୁଜାଇବା ବପୁ ନାଇ । ୩୧ ତେବେ ଅଦିକ୍ ମୁକିଅ ରଇବା ବପୁ ପାଇବାକେ ଆମେ ମନ୍ କରବାର୍ ଆଟେ । ସବୁଟାଟାନେ ଅନି ମୁକିଅ ବପୁର ବିସଇ ମୁଇ ତମ୍‌କେ ଜାନାଇବି ।

## ୧୩

### ଆଲାଦ୍

୧ ଜଦି ମୁଇ ଲକ୍‌ମନ୍‌ର ବାସାଇ କି ସରଗର ଦୁର୍‌ମନ୍‌ର ବାସାଇ କାତା ଅଇବି । ମର ବାଇମନ୍‌କେ ମୁଇ ଆଲାଦ୍ ନ କରି ବଇଲେ, ମର କାତା ରୁଟାଇସେ, ଜେନ୍ତିକି ଗଟେକ୍ ସବଦ୍ ଅଇକରି ବାଜ୍‌ବା ଗଟା ପାରା । ୨ \*ସେନ୍ତାରି ମକେ ମାପୁରୁର୍ ବାକିଅ ବୁଜାଇବା ବପୁ ରଇଲେ ମିସା, କି ମୁଇ ସବୁ ବିସଇ ଜାନିରଇଲେ ମିସା, ଟିକି ନିକି ବିସଇ ବୁଜିରଇଲେ ମିସା ଆରି ମର ବିସବାସ୍ ଏଡେକ୍ ତାଟ୍ ଆଟେ ଜେ, ତଙ୍ଗର୍ ଉଟ୍‌କାଇବା ପାରା ମର ଡାଟ୍‌ର ବିସବାସ୍ ରଇଲେ ମିସା ବାଇମନ୍‌ର ପାଇ ଆଲାଦ୍ ନାଇ ବଇଲେ ମୁଇ ରୁଟାଇସେ । ୩ ଜଦି ମୁଇ ମର ସବୁ ଦନ୍ ସପତି ଅରକିଡ଼ ଲକ୍‌ମନ୍‌କେ ଦେଇରଇଲେ ମିସା, ଆରି କିରିସ୍‌ଟର୍‌ପାଇ ମର ଗାଗଡ଼ ପଡ଼ାଇବାକେ ସର୍‌ପି ଦେଲେ ମିସା ମର ଆଲାଦ୍ ନାଇ ବଇଲେ, ମରପାଇ କାଇ ଲାବ୍ ନାଇ ।

୪ ଆମେ ବାଇମନ୍‌କେ ଆଲାଦ୍ କଲେ ଦାପେ ରିସା ନ ଅଇ ଦୟା ଦେକାଇବୁ । ଆଁକାର୍ ନ ଅଇ, ବଡ଼ପନ୍ ନ ଅଇ ଲକ୍‌ମନ୍‌କେ ନିଜର୍ ତଲିଆ ନ ଦେକୁ । ୫ ଆମେ କାରାପ୍ ବେବାର୍ ନ କରୁ, ନିଜେ ପାଇବାକେ ମନ୍ ନ କରୁ । ଦାପେ ବିରୁବିରା ନ ଅଉଁ ଆରି ଆଗେ କଲା ବୁଲ୍ କାମ୍‌ମନ୍‌ର ଇସାବ୍ ନ କରୁ । ୬ ଆମେ ଦରମ୍ ନଇଲାଟାକେ ଦେକି ସାର୍‌ଦା ନ ଅଉଁ, ମାତର୍ ସଡ଼ ଟାନେ ସାର୍‌ଦା ଅଇବୁ । ୭ ସବୁ ବିସବାସ୍ କରବୁ, ସବୁଟା ଆସାକରବୁ, ସବୁବିସଇ ମୁରବବାଟା ନ ଚାଡ଼ୁ ।

୮ ଆଲାଦ୍ କରାକରି ଅଇବାଟାର୍ ସେସ୍ ନାଇ । ପର୍‌ମେସରର୍ ବାକିଅ କଇବା ବପୁ, ଆରି ନାଜାନ୍‌ବା ବାସା କଇବା ବପୁ, ସବୁ ସାରିଜାଇସି । ସେନ୍ତାରିସେ ଆମ୍‌କେ ଗିଆନ୍ ରଇଲେ ମିସା ସେଟା ଆଜିଜାଇସି । ୯ ମାତର୍ ଆମର୍ ଗିଆନ୍ ଏବେ ଜାକ ପୁରାପୁରୁନ୍ ଅଏ ନାଇତା । ଆରି ପର୍‌ମେସରର୍ ବାକିଅ କଇବାଟା ମିସା ଏବେ ଜାକ ପୁରାପୁରୁନ୍ ଅଏ ନାଇତା । ୧୦ ମାତର୍ ଜେଡେବେଲେ ଗଟେକ୍ ଦିନ୍ ଆଇସି, ଆମେ ସବୁ ନିକକରି ଜାନ୍‌ବୁ । ସେ ଦିନ୍‌ମନ୍‌କେ ଲକ୍‌ମନ୍ ସଙ୍ଗର୍ ବିସବାସିମନ୍‌କେ ସିକାଇବାକେ ଦରକାର ନ ପଡେ ।

୧୧ ମୁଇ ଜେଡେବେଲେ ପିଲା ରଇଲି, ପିଲାମନ୍ କଇଲାପାରା କାତା ଅଇଲି ଆରି ପିଲାମନ୍ ଚିନ୍ତା କଲାପାରା ଚିନ୍ତା କରତେରଇଲି ଆରି ସେମନ୍ ବାବ୍‌ଲା ପାରା ବାବ୍‌ତେରଇଲି । ମାତର୍ ମୁଇ ଏବେ ବୟସେ ବଡ଼ ଅଇଗାଲିଜେ ପିଲାମନ୍‌ର ପାରା ଚଲାଚଲ୍‌ତି କରବାଟା ଚାଡ଼ିଦେଲି । ୧୨ ମାତର୍ ଜନ୍‌ଟା ଆମେ ଏବେ ଦେକ୍‌ଲୁନି, ସେଟା ଦରପନେ ଦେକ୍‌ଲାପାରା ସେଡେକ୍ ନିକ ଡିସେ ନାଇ । ମାତର୍ ଗଟେକ୍ ଦିନ୍ ଆଇସି, ଜେବେ କିରିସ୍‌ଟକେ ଆମର୍ ମୁଆଟେ ଦେକ୍‌ବୁ । ସେ ବେଲେ ଆମେ ନିକସଙ୍ଗ୍ ଜାନ୍‌ବୁ । ଏବେ ଆମେ ଉନା ବିସଇ ଜାନ୍‌ଲୁନି, ମାତର୍ ସେ ଦିନ୍‌ମନ୍‌କେ ଆମେ ପୁରାପୁରୁନ୍ ବାବେ ଜାନ୍‌ବୁ । ଜେନ୍ତାରି କି ପର୍‌ମେସର୍ ଆମ୍‌କେ ପୁରାପୁରୁନ୍ ବାବେ ଜାନେ ।

☆ ୧୨:୨୮ ୧୨:୨୮ ଏପିସିୟ ୪:୧୧ ☆ ୧୩:୨ ୧୩:୨ ମାତିଉ ୧୭:୨୦; ୨୧:୨୧; ମାର୍କ ୧୧:୨୩

୧୩ ସାରାସାରି ତିନିଟା ବିସଇ ଆଚେ, ପରମେସର୍ ଟାନେ ବିସ୍ବାସ କରବାଟା, ସେ କାତା କଇଲାଟା ଆସା କରବାଟା, ଆରି ବାଇମନର୍ ପାଇ ରଇବା ଆମର୍ ଆଲାଦ୍ । ଏ ତିନିଟା ବିତ୍ରେଅନି ବାଇମନକେ ଆଲାଦ୍ କରବାଟା ସବୁଟାନେଅନି ମୁକିଅ ବିସଇ ।

### ୧୪

#### ସୁକଲ୍ ଆଡ଼ମାର୍ ଦାନ୍ ଦେବାଟା

୧୧ ତେବେ ବାଇମନକେ ଆଲାଦ୍ କରବାକେ ତମର୍ ସବୁ ବପୁ ସାରାଆ । ସୁକଲ୍ଆଡ଼ମା ଜନ୍ ସବୁ ବପୁ ଦେଲାନି, ସେଟା ପାଇବାକେ ମିସା ମନ୍ କରା । ସେ ବିତ୍ରେଅନି ପରମେସରର୍ ବାକିଅ ଜାନାଇବା ବପୁ ପାଇବାକେ ମନ୍ କରା । ୧୨ କାଇକେବଇଲେ ଜେ ନାଜାନଲା ବାସା ସଙ୍ଗ୍ କାତା ଅଇସି, ସେ ଲକ୍ମନର୍ ସଙ୍ଗ୍ ନାଇ, ମାତର୍ ପରମେସର୍ ସଙ୍ଗ୍ କାତା ଅଇଲାନି । କାଇକେବଇଲେ ତାର କାତା କେ ମିସା ବୁଜତ୍ ନାଇ । ସେମନ୍ ଆଡ଼ମାର୍ ବପୁର୍ ସଙ୍ଗ୍ ଲୁଚ୍ତେ ରଇବା ସତ୍ ବିସଇ କାତା ଅଇଲାଅନି । ୧୩ ମାତର୍ ଜେ ପରମେସରର୍ ବାକିଅ ଜାନାଇସି, ଲକ୍ମନର୍ ସଙ୍ଗ୍ କାତା ଅଇସି । ଜେନ୍ତାରିକି, ସେମନକେ ସାଇଜ, ସାର୍ଦା ଆରି ଦୁକ୍ ସାରାଇବାଟା ଦେଇରଇସି । ୧୪ ଜେ ନାଜାନଲା ବାସାଇ କାତାଅଇସି, ସେଟା ତାର୍ ନିଜର୍ ବିସ୍ବାସକେ ତାଟ୍ କରାଇସି । ମାତର୍ ଜେ କି ପରମେସରର୍ ବାକିଅ ଜାନାଇସି, ସେ ଗୁଲାଇ ମଣ୍ଡଲିର୍ ବିସ୍ବାସ ତାଟ୍ କରାଇସି ।

୧୫ ତମେ ସବୁଲକ୍ ନାଜାନଲା ବାସାଇ କାତା ଅଇଲେ ମୁଇ ସାର୍ଦା ଅଇବି । ମାତର୍ ପରମେସରର୍ ବାକିଅ ଜାନାଇବାକେ ବପୁ ଉଆ ବଲି ମୁଇ ଅଦିକ୍ ମନ୍ କଲିନି । କାଇକେବଇଲେ ପରମେସରର୍ ବାକିଅ ପାଇକରି ଜାନାଇବା ଲକ୍, ନାଜାନବା ବାସାଇ କାତା ଅଇବା ଲକର୍ ଟାନେଅନି ମୁକିଅ । ଜଦି ମଣ୍ଡଲିର୍ କେ ମିସା ସେ କଇଲା ବିସଇର୍ ଅରତ୍ ନ ବୁଜାଇବାଜାକ ଗୁଲାଇ ମଣ୍ଡଲି ସାଇଜ ନଏ । ୧୬ ତେବେ ଏ ବାଇବଇନିମନ୍ ମୁଇ ତମର୍ଟାନେ ଆଇଲାବେଲେ, ଜଦି ନାଜାନଲା ବାସାଇ କାତା କଇଲେ, ତମକେ କେନ୍ତେ ତାଟ୍ କରାଇବି ? ମୁଲକେ ନାଇ, ଜଦି ମୁଇ ପରମେସର୍ ଟାନେଅନି ପାଇଲା ବାକିଅ, କି ଗିଆନ୍, କି ବବିସତ୍ କାତା ସିକ୍ବା ବିସଇ ନ ଜାନାଇଲେ, ତେବେ ତମକେ କେନ୍ତେ ତାଟ୍ କରାଇବି ?

୧୭ ସେନ୍ତାରିସେ ବାଉଁସି ଆରି ତୁଡୁଙ୍ଗା ପାରା ଜିବନ୍ ନ ରଇବା ବାଇଦ୍ ବିସଇ ବାବିଦେକୁ, ସେଟା ଜଦି ବାଜନ୍ତେଇ ବିନ୍ ସର୍ ନ ରଇଲେ, ସେଟା ବାଜ୍ଲାନି ବଲିକରି ଜାନି ନଏ ।

୧୮ ସେନ୍ତାରିସେ ସନିଅମନ୍ ଜନ୍ ବାକା ବାଜାଇବାଇ, ଜଦି ତାର୍ ସବଦ୍ ଟିକ୍ ନାଇ, ଜୁଇଦେ ଜିବାଜେ କେ ମିସା ଜାଗରତ୍ ନ ଅଅତ୍ । ୧୯ ସେନ୍ତାରିସେ ନ ବୁଜ୍ବା କାତା କଇଲେ, ତମେ କାଇଟା କାତା ଅଇଲାସିନି ବଲି କେ ବୁଜି ନାପାରତ୍ । ତମର୍ କାତା ପବନ୍ ଉତାଇନେଲା ପାରା ଅଇସି । ୨୦ ଏ ଜଗତେ କେତେକ୍ କେତେକ୍ ବାସା ଆଚେ । ଆରି ସେଟାର୍ ସବୁର୍ ଅରତ୍ ଆଚେ । ୨୧ ମାତର୍ କାତାଅଇରଇବା ବାସା ଜଦି ମୁଇ ବୁଜି ନାପାରଲିନି, ସେ ବାସାଇ କାତା ଅଇବା ଲକ୍ମନ ମର୍ ଅତିନାର୍ ଲକ୍ ପାରା, ମୁଇ ମିସା ସେମନର୍ପାଇ ଅତିନାର୍ ପାରା । ୨୨ ତେବେ ତମେ ଜେନ୍ତାରିକି ସୁକଲ୍ ଆଡ଼ମାର୍ ବିନ୍ ବିନ୍ ରକାମର୍ ଦାନ୍ ପାଇବାକେ ମନ୍ କଲାସିନି, ସେ ସବୁଟା ଟାନେଅନି ଜନ୍ ସବୁ ଦାନ୍ ତମର୍ ମଣ୍ଡଲିକେ ତାଟ୍ କରାଇସି, ସେ ଦାନ୍ ବାଇବାକେ ଚେସ୍ଟା କରା ।

୨୩ ତେବେ ଜେ ନାଜାନଲା ବାସାଇ କାତା ଅଇସି, ସେ କାତା ଅଇଲାଟା ବୁଜାଇବା ଦାନ୍ ମିଲ ବଲି ପାର୍ତନା କର । ୨୪ କାଇକେବଇଲେ ମୁଇ ଜଦି ନାଜାନବା ବାସାଇ ପାର୍ତନା କରବି, ମର୍ ଆଡ଼ମା ପାର୍ତନା କଲାନି । ମାତର୍ ମର୍ ବୁଜ୍ବାର୍ ବପୁ ତେଇ ମିସେନାଇ । ୨୫ ତେବେ ମୁଇ କାଇଟା କରବି ? ମର୍ ଆଡ଼ମାଇ ପାର୍ତନା କରବି, ମାତର୍ ବୁଜ୍ଲା ପାରା ମିସା ପାର୍ତନା କରବି । ମର୍ ଆଡ଼ମାଇ ଗିତ୍ କଇବି । ମାତର୍ ବୁଜ୍ଲାପାରା ମିସା ଗିତ୍ କଇବି । ୨୬ କାଇକେବଇଲେ ପରମେସରକେ ଆଡ଼ମାଇସେ ଦନିଅବାଦ୍ ଦେଇସା, ସବାଇ ରଇଲା ମାମୁଲି ଲକ୍ମନ ତମର୍ ପାର୍ତନା ସୁନିକରି, କେ ଆମେନ୍ ବଲି କଇପାରବାଇ ? ନାଇ ନା ପାରେ । କାଇକେବଇଲେ ତମେ କାଇଟା କଇଲାସିନି, ସେଟା ସେ ନାଜାନେ । ୨୭ ତେବେ ପରମେସରର୍ ଟାନେ ତମର୍ ଦନିଅବାଦ୍ ଦେବାଟା ବେସି ନିକ ରଇଲେ ମିସା ତମର୍ ବିନ୍ ବାଇମନକେ ତାଟ୍ କରାଇ ନାପାରଲାସ୍ ।

୨୮ ମୁଇ ପରମେସରକେ ଦନିଅବାଦ୍ ଦେଲିନି, ମୁଇ ତମର୍ ସବୁଟାନେଅନି ଅଦିକ୍, ନାଜାନଲା ବାସାଇ କାତା କଇପାରି । ୨୯ ମାତର୍ ମଣ୍ଡଲିର୍ ଉପାସନା ବେଲାଇ, ନାଜାନଲା ବାସାଇ ଅଜାର୍ ଅଜାର୍ ପଦ୍ ନ କଇକରି ସବୁଲକ୍ ବୁଜ୍ଲା ପାରା ପାଁଟା ପଦ୍ କଇବାଟା ନିକ ।

୩୦ ଏ ବାଇବଇନିମନ୍ ତମେ ପିଲାମନର୍ ପାରା ଚିନ୍ତା କରାନାଇ । କାରାପ୍ ବିସଇତେଇ ପିଲାପାରା ଉଆ । ମାତର୍ ବୁଦି ଆରି ବିଚାର୍ କରବାତେଇ ବଡ଼ ଲକର୍ ପାରା ଅଇବାର୍ ଦର୍କାର୍ । ୩୧ ସାସ୍ତରେ ଲେକାଆଚେ, ମାପରୁ କଇଲାନି, ବିନ୍ ବାସା କଇବା ଲକ୍ମନର୍ ବାଟେଅନି

ଏ ଲକର୍ ସଙ୍ଗ୍ ମୁଇ କାତା ଅଇବି ।  
ନାଜାନବା ବାସା କଇବା ଲକର୍ ଟଣ୍ଡେଅନି  
ମୁଇ ଏ ଜାତିସଙ୍ଗ୍ କାତା ଅଇବି,  
ଏଲେ ମିସା ସେମନ୍ ମର୍ କାତା ନ ସୁନତ୍ ।

୨୨ ନାଜାନୁବା ବାସା କାତା ଅଇବା ବପୁ, ବିସ୍ବାସ୍ ନ କଲା ଲକ୍ମନର ପାଇ ଗଟେକ୍ ଚିନ୍ ପାରା । ମାତର ବିସ୍ବାସିମନରପାଇ ନାଇ । ଆରି ପର୍ମେସରର ବାକିଅ ଜାନାଇବା ବପୁ ବିସ୍ବାସି ମନରପାଇ ଗଟେକ୍ ଚିନ୍, ଆରି ବିସ୍ବାସ୍ ନ କରବା ଲକ୍ମନର ପାଇ ନାଇ ।

୨୩ ତେବେ ତମେ ମଣ୍ଡୁଲି ଇସାବେ ରୁଣ୍ଡୁଲା ବେଲେ ନାଜାନୁଲା କାତା କଇସା ବଇଲେ, ତେଇରଇବା ବିନ୍ ଲକ୍ମନ ଆରି ବିସ୍ବାସ୍ ନ କରବା ଲକ୍ମନ କାଇଟା ବଲି କଇବାଇ ? “ଏ ତା ବାୟା ଅଇଗାଲା ଆତେ !” ୨୪ ଜଦି ସବୁଲକ୍ ପର୍ମେସର ଜାନାଇଲା କାତା କଇଲାସିନି, ଜଦି ତେଇ ଗଟେକ୍ ବିସ୍ବାସ୍ ନ କଲା ଲକ୍ କି ଗଟେକ୍ ମାମୁଲି ଲକ୍ ଆଇଲେ, ତେବେ ସେ ନିଜର ପାପର ବିସଇର ଚେଡନା ପାଇସି । ଆରି ସେ ସୁନ୍ଲା ସବୁ ବିସଇର କାତାଇଅନି ତାକେ ବିଚାର ଅଇସି । ୨୫ ଆରି ତାର ମନେ ଲୁଚି ରଇବା ବିସଇ ସବୁ ଜାନାପଡସି । ପତେ ସେ ପର୍ମେସରକେ ଡାଣ୍ଡାସନ୍ ପଡି, ତାର କରିରଇବା ପାପ୍ ମାନିଅଇକରି “ତମର ବିତ୍ରେ ସତଇସେ ପର୍ମେସର ଆତେ !” ବଲି କଇସି ।

**ମଣ୍ଡୁଲି ସାନ୍ତି ରକିଆ କରବାଟା**

୨୬ ଏ ବାଇବଇନିମନ୍, ମର କଇବା କାତା ଅଇଲାନି, ତମେ ଉପାସନା କରବାକେ ରୁଣ୍ଡୁଲା ବେଲାଇ ଏନ୍ତାରି କରା । ତମର ବିତ୍ରେଅନି କାକେ କାକେ ଗିଡ୍ ଆତେ, କାକେ କାକେ, ସିକିଆ ଦେବାଟା ଆତେ, ଆରି କାକେ କାକେ ପର୍ମେସର ଟାନେ ଅନି କାତା ପାଇ, ସେଟା ଜାନାଇବାଟା ଆତେ, କି ନାଜାନୁଲା ବାସାଇ କାତା କଇବାଟା ଆତେ, ଆରି କାକେ କାକେ ନାଜାନୁଲା ବାସାଇ କଇଲା କାତାର ଅରଡ୍ ବୁଜାଇବା ବପୁ ଆତେ, ଏନ୍ତ୍ର କାଇଟା ନଇଲେ କାଇଟା ଆତେ । ଏଟା ସବୁ ଅଇସି, ତେବେ ମଣ୍ଡୁଲିର ବିସ୍ବାସି ମନର ବିସ୍ବାସ୍ ଡାଟ୍ ଅଇସି । ୨୭ ଜଦି କେ ନାଜାନୁଲା ବାସାଇ କାତା ଅଇଲେ, ଦୁଇ ତିନ୍ ଲକ୍ମନ ତେଇଅନି ଅଦିକ୍ ଲକ୍ ନ କଅଡ୍ । ଆରି ଗଟେକ୍ ଲକ୍ମନ ପତେ ଗଟେକ୍ ଲକ୍ କଇବାର୍ ଆତେ । ଆରି ସେ କାତା ବୁଜାଇ ଦେବା ଲକ୍ ମିସା ତେଇ ରଇବାର୍ ଆତେ । ୨୮ ଜଦି ସେଟା ବୁଜାଇବାକେ ତେଇ କେ ନାଇ, ସେ ଉପାସନାଇ ରୁପ୍ ଅଇ ରଅ । ସେ ଅବ୍କା ମନେ ମନେ ପର୍ମେସରର ସଙ୍ଗ୍ କାତା ଅ । ୨୯ ଜଦି ପର୍ମେସରଟାନେଅନି କାତା ପାଇ, ଜାନାଇବା ଲକ୍ ଆତଡ୍, ତେବେ ଦୁଇ ଲକ୍ କି ତିନ୍ ଲକ୍ ରଇବାର୍ । ସେ ବେଲାଇ ତେଇ ରଇଲା ଲକ୍ମନ ସେ ବାକିଅ ବିଚାର କରବାର୍ ଆତେ । ୩୦ ମାତର ଉପାସନାତେଇ ରଇବା ଜଦି କାକେ ଅଟାଡ୍ ପର୍ମେସରର ଟାନେ ଅନି କାତା ପାଇସି, ତେବେ ବାକିଅ କଇତେରଇବା ଲକ୍ ତେଇ ବନ୍ଦ୍ କରିରଇବାର୍ ଆତେ । ୩୧ କାଇକେବଇଲେ ତମେ ଏନ୍ତାରି କଲେ ପର୍ମେସରର ବାକିଅ, ଗଟେକ୍ ଲକ୍ମନ ପତେ ଗଟେକ୍ ଲକ୍, କଇ ପାରାସ୍ । ଜେନ୍ତ୍ରକି ସବୁଲକ୍ ସିକିଆ ପାଇକରି ଚେଡନା ଅଇବାଇ । ୩୨ ମାତର ପର୍ମେସରର ବାକିଅ ଜାନାଇବା ଦାନ୍, ଜାନାଇବା ଲକ୍ମନ ତଲିଆ ରଇବା ଦରକାର୍ । ୩୩ କାଇକେବଇଲେ ପର୍ମେସର ଆଗାପତା ନ ଅଇକରି ସବୁ ବିସଇ ଅର୍ସା ସଙ୍ଗ୍ ଅ, ବଲି ମନ୍ କଲାନି ।

ପର୍ମେସରର ବିନ୍ ଉପାସନା ମଣ୍ଡୁଲିତେଇ ଜେନ୍ତାରି, ୩୪ ତମେ ମଣ୍ଡୁଲି ଇସାବେ ରୁଣ୍ଡୁଲା ବେଲେ, ମାଇଜିମନ୍ ରୁପ୍ପାପ୍ ଅଇରଇବାର୍ ଆତେ । ତେଇ ସେମନ୍ କାତା କଇବାକେ ସେମନ୍କେ ଆଦେସ୍ ମିଲେନାଇ । ଜିଉଦି ନିୟ୍ମ୍ ଇସାବେ ସେମନ୍ ମନସ୍ ପିଲାବ୍ ତଲିଆ ରଇବାର୍ ଆତେ । ୩୫ ସେମନ୍ ଜଦି କାଇ ବିସଇ ବୁଜବାକେ ମନ୍ କଲାଇନି, ଗରେ ଜାଇ କରି ନିଜର ମୁନୁସ୍କେ ପାଗାର । କାଇକେବଇଲେ ମଣ୍ଡୁଲିଟାନେ କାତା କଇବାଟା ମାଇଜିମନ୍ ପାଇ ଗଟେକ୍ ଲାଜର କାତା ।

୩୬ କାଇଟା ? ପର୍ମେସରର ବାକିଅ ତମର ଟାନେଅନି ଜାଡ୍ ଅଇଲା ଆତେ କି ? ସେ ବାକିଅ କାଇ ତମରଟାନେସେ ଆସିରଇଲା କି ? ନାଇ ଆସି ନ ରଇଲା । ୩୭ କେ ଜଦି ତମର ବିତ୍ରେ ପର୍ମେସରର ବାକିଅ ଜାନାଇବା ଲକ୍ କି ସୁକଲ୍ ଆଡ୍ମା ଅନି ଦାନ୍ ପାଇଲିଆଟି ବଲି ବାବ୍ସି, ସେନ୍ତ୍ରଆଲେ ମୁଇ ତମ୍କେ ଜାଇ ଜାଇଟା ଲେକ୍ଲିନି, ସେ ସବୁ ଜେ ମାପ୍ପୁରୁ ଆଦେସ୍, ଏଟା ସେ ଜାନ୍ବାର୍ ଆତେ । ୩୮ ଜଦି ସେ ଏ ସବୁ କାତା ନ ସୁନେ କି ନ ମାନେ, ତମେ ମିସା ତାର କାତା ସୁନା ନାଇ କି ମାନା ନାଇ ।

୩୯ ସେଟାରପାଇ ଏ ବାଇବଇନିମନ୍ ପର୍ମେସରର କାତା ଜାନାଇବାକେ ମନ୍ କରା, ମାତର ନ ବୁଜବା ବାସାଇ କାତା କଇବାକେ କାକେ ନିରୁ ବଲି କୁଆନାଇ । ୪୦ ତମର ସବୁ କାମ୍ ଟିକ୍ ବାବେ ଆରି ଅର୍ସା ସଙ୍ଗ୍ କରବାର୍ ଦରକାର୍ ।

**୧୫**

**କିରିସ୍ଟ ଆରିତରେକ୍ ଉଟ୍ଲାଟା**

୧ ଏ ବାଇବଇନିମନ୍, ମୁଇ ତମର ଲଗେ ଜନ୍ ସୁବ୍କବର ଜାନାଇରଇଲି ସେଟା ତମ୍କେ ଏତାଇଦେବି ବଲି ମନ୍ କଲିନି । ସେଟା ତମେ ମାନି ରଇଲାସ୍ ଆରି ତେଇସେ ତମର ବିସ୍ବାସ୍ ଡାଟ୍ ଆତେ । ୨ ଜଦି ଏ ସୁସମାଚାର୍ ତମେ ଡାଟ୍ ସଙ୍ଗ୍ ଦାରିରଇସା, ତେବେ ଉଦାର୍ ପାଇସା, ନଇଲେ ତମେ ବେକାର୍ ବିସ୍ବାସି ଅଇ ଆଟାସ୍ ।

୩ କାଇକେବଇଲେ ଜନ୍ ସିକିଆ ମୁଇ ପାଇରଇଲି, ତେଇଅନି ଏ ବଡ୍ ସିକିଆ ତମ୍କେ ସିକାଇ ରଇଲି । ସାସ୍ତର ଇସାବେ କିରିସ୍ଟ ଆମର୍ ପାପ୍ କେମା ଅଇବାକେ ମରିଗାଲା । ୪\*ତାକେ ତପିରଇଲାଇଜେ, ସାସ୍ତର ଇସାବେ ତିନ୍ଦିନ୍ ନ ଅଇତେ ତାକେ ପର୍ମେସର ଜିବନ୍ କରି ଉଟାଇଲା । ୫\*ସେ ପିତର ଆରି ତାର ବାର୍ଟା ପେରିଡ୍ ସିସମ୍ନକେ

☆ ୧୫:୪ ୧୫:୪ ମାଡିଉ ୧୨:୪୦; ପେରିଡ୍ ୨:୨୪-୩୨ ☆ ୧୫:୫ ୧୫:୫ ଲୁକ୍ ୨୪:୩୪; ମାଡିଉ ୨୮:୧୭,୧୭; ମାର୍କ ୧୭:୧୪; ଲୁକ୍ ୨୪:୩୭; ଜଅନ୍ ୨୦:୧୯



ଦର୍ଶନଦେଲା । ୬ ତାର ପତେ ତର ସଙ୍ଗ ଜାଇତେରଇବା ଏକାତର ପାଁର୍ସଅ ଲଗେଅନି ଅଦିକ୍ ବାଇମନ୍କେ ଦର୍ଶନ ଦେଲା । ସେମନର ବିତ୍ରେ ଅନି କେତେଲକ୍ ମରିଗାଲା ଆରି ବେସି ଲକ୍ ଆଜିକେ ଜାକ ଜିବନ୍ ଆତଡ୍ । ୭ ତାରପତେ ସେ ଜାକୁବ୍କେ ଆରି ସବୁ ପେରିଡ଼ମନ୍କେ ଦର୍ଶନ ଦେଲା ।

୮ \*ସେ ଦର୍ଶନ ଦେଲା ଲକ୍ମନର ବିତ୍ରେ ସାରାସାରି ମୁଇ ରଇଲି । ସବୁର ପତେ, ଦିନ୍ ନ କେଟ୍ତେ, ଜନମ୍ ଅଇଲା ପିଲା ପାରା ମକେ ମିସା ଦର୍ଶନ ଦେଲା । ୯ \*ସବୁ ପେରିଡ଼ ସିସ୍ମନର ବିତ୍ରେ ଅନି ମୁଇସେ ସାନ୍ । ପେରିଡ଼ ବଲି ତାକାଇ ଅଇବାକେ ମର୍ ଅଦିକାର୍ ନାଇ । କାଇକେବଇଲେ ପର୍ମେସରର୍ ମଣ୍ଡଲିର୍ ବିସ୍ବାସିମନ୍କେ ମୁଇ କସ୍ଟ ଦେଇତେ ରଇଲି । ୧୦ ଅଇଲେ ମିସା, ପର୍ମେସରର୍ ଜିବନ୍ ଦୁକାଇଲାଟାନେଅନି ମୁଇ ଏବେ ଏନ୍ତାରିଆଟି । ତାର ଜିବନ୍ ଦୁକାଇଲାଟା ମକେ ଦାରି ଆତେ ବଲି ଜାନା ପଡ଼ଲାନି । କାଇକେବଇଲେ ମର୍ ସଙ୍ଗର୍ ପେରିଡ଼ ମନର୍ଟାନେଅନି ମୁଇ ଅଦିକ୍ କାମ୍ କରିଆଟି । ମାତର ସେଟା ମର୍ ନିଜର୍ ବପୁସଙ୍ଗ ନାଇ, ପର୍ମେସର ଜିବନ୍ ଦୁକାଇ ମକେ ସାଇଜ କଲା । ୧୧ ଅଇଲେ ମିସା ମୁଇ ସୁବକବର୍ ଜାନାଇଲେ କି ସେମନ୍ ଜାନାଇଲେ ମିସା କିଟି ବିନ୍ ନାଇ । କାଇକେବଇଲେ ଆମେ ସବୁ ଜାନାଇବାଟା ଗଟେକ୍ ବିସଇସେ । ସେଟା ତମେ ବିସ୍ବାସ୍ କରିଆଟାସ୍ ।

**ଆମେ ଆରିତରେକ୍ ଉଟ୍ବା ବିସଇ**

୧୨ ଜଦି କିରିସ୍ଟକେ ପର୍ମେସର ମଲାତେଇଅନି ଜିବନ୍ କରି ଉଟାଇଆତେ ବଲି ଆମେ ସିକାଇଲୁନି, ତେବେ କାଇକେ ତମର୍ ବିତ୍ରେ କେତେଲକ୍, ମଲା ଲକ୍ମନର, ଆରି ତରେକ୍ ଜିବନ୍ ଅଇବାଟା ନଏଁ, ବଲି କଇଲାସ୍ନି ? ୧୩ ମଲା ଲକ୍ମନ ଆରିତରେକ୍ ଜିବନ୍ ନ ଅଇବାଟା ଜଦି ସଡ଼, ତେବେ କିରିସ୍ଟକେ ମିସା ଜିବନ୍ କରାଇ ଉଟାଏ ନାଇ । ୧୪ ଆରି, ଜଦି କିରିସ୍ଟକେ ମଲାତେଇ ଅନି ଉଟାଏ ନାଇ, ତେବେ ଆମେ ଜାନାଇବାଟା ତୁଟାଇସେ, ତମେ ବିସ୍ବାସ୍ କରବାଟା ମିସା ତୁଟାଇସେ । ୧୫ ସେଡ଼କିସେ ନଏଁ, ଆମେ ପର୍ମେସରର୍ ବିସଇର୍ ମିର୍ ସାକି ଦେଇତେରଇଲୁ ବଲି ଜାନାପଡ଼ସି । କାଇକେବଇଲେ ଆମେ କିରିସ୍ଟକେ ଜିବନ୍ କରାଇ ଉଟାଇ ଆତେ ବଲି କଇରଇଲୁ । ମାତର ମଲାଲକ୍ ଜିବନ୍ ଅଇ ନ ଉଟଡ଼, ସେଟା ଜଦି ସଡ଼, ସେନ୍ତାଆଲେ ପର୍ମେସର କିରିସ୍ଟକେ ଜିବନ୍ କରାଇ ଉଟାଏ ନାଇ । ୧୬ ଜଦି ମଲା ଲକ୍ମନକେ ନ ଉଟାଏ, ତେବେ, କିରିସ୍ଟକେ ମିସା ଉଟାଏ ନାଇ । ୧୭ ଜଦି କିରିସ୍ଟକେ ଉଟାଏ ନାଇ, ତେବେ ତମର୍ ବିସ୍ବାସ୍ କରବାଟା ତୁଟାଇସେ । ଆରି ତମେ ଏବେ ଜାକ ନିଜର୍ ନିଜର୍ ପାପେ ଆଟାସ୍ । ୧୮ ସେନ୍ତାରିସେ ଜନ୍ ଲକ୍ କିରିସ୍ଟକେ ବିସ୍ବାସ୍ କରି ମରିଗାଲା ଆତଡ଼, ସେମନ୍ ରକିଆ ଅଅଡ଼ ନାଇ, ମାତର ନସ୍ଟ ଅଇଆତଡ଼ । ୧୯ ଜଦି କିରିସ୍ଟର୍ ଟାନେ ଆମର୍ ଆସା କରିରଇବାଟା ଏ ଜଗତର୍ ଜିବନ୍ ସଙ୍ଗ୍ ସାର୍ସି, ତେବେ ସବୁଲକ୍ ତେଇଅନି ଆମର୍ କେତେକ୍ କାକୁଡ଼ିର୍ କରମ୍ ।

୨୦ ମାତର କିରିସ୍ଟକେ ମଲାତେଇଅନି ଉଟାଇଆତେ, ଏଟା ଅଇଲାନି ସଡ଼ ଆରି ଏନ୍ତାରିସେ ସବୁ ମଲା ଲକ୍ମନକେ ପର୍ମେସର ଜିବନ୍ କରି ଉଟାଇସି, ଏଟା ଆମେ ଜାନ୍ । ୨୧ କାଇକେବଇଲେ ଗଟେକ୍ ଲକ୍ମର୍ ଲାଗି ଗୁଲାଇ ଲକ୍ ମର୍ବାରଆତେ । ସେନ୍ତାରିସେ ଗଟେକ୍ ଲକ୍ମର୍ ଲାଗି ଗୁଲାଇ ଲକ୍ମକେ ମଲାତେଇଅନି ଉଟାଅଇସି । ୨୨ ଜେନ୍ତି ଆଦମର୍ ବସେଅନି ଆଇଲା ଲକ୍ମନ ମର୍ବାଇ, ସେନ୍ତାରିସେ କିରିସ୍ଟର୍ତେଇ ରଇଲା ସବୁଲକ୍ ଜିବନ୍ ଅଇ ଉଟ୍ବାଇ । ୨୩ ମାତର ଗଟେକ୍ ଗଟେକ୍ ଲକ୍ ଆଗାପଟା ଇସାବେ ଉଟ୍ବାଇ । ପର୍ତୁମ୍ କିରିସ୍ଟ ତାରପତେ ସେ ଆଇବା ଦିନେ ଜେଡ଼କି ଲକ୍ ସବୁ ତାରଲଗେ ରଇଲାଇ । ୨୪ ତାରପତେ ଜୁଗର୍ ସାରାସାରି ଦିନ୍ କେଟ୍ସି । ସେଡ଼କିବେଲେ ସବୁ ସାସନକାରିଆମନ୍କେ, ଅଦିକାର୍ ଆରି ବପୁ ରଇଲା ଲକ୍ମନକେ ସେ ଆରାଇସି ଆରି ବାବା ପର୍ମେସରକେ ସେ ରାଇଜ୍ ସର୍ପି ଦେଇସି । ୨୫ କାଇକେବଇଲେ ପର୍ମେସର ତାର ସବୁ ସଡ଼ୁମନ୍କେ ଆରାଇ, ତାର ପାଦ୍ତଲେ ଆନ୍ବାଜାକ କିରିସ୍ଟ ସାସନ କରବାର୍ ଆତେ । ୨୬ ସାରାସାରି ପତେ ସଡ଼ୁମନ ମିସା ଆରିଜିବାଇ । ୨୭ ଜେନ୍ତି କି ସାସ୍ତରେ ଲେକା ଅଇଲାଆତେ, ପର୍ମେସର ସବୁ ବିସଇ ତାର ପାଦ୍ତଲେ ସଙ୍ଗଇଆତେ । ସବୁ ବିସଇ ବଲି, କଇବା ବେଲେ ତାର ଅରଡ଼ ଅଇଲାନି, ପର୍ମେସରକେ ଚାଡ଼ି ସବୁ ବିସଇ । ସେ ଆକା ସବୁ ବିସଇ କିରିସ୍ଟର୍ ତଲିଆ କରି ସଙ୍ଗଇଆତେ । ୨୮ ସବୁ ବିସଇ କିରିସ୍ଟର୍ ତଲେ ସଙ୍ଗଇଲା ପତେ, ନିଜେ କିରିସ୍ଟ ଜେ କି ପଅ, ସେ ପର୍ମେସରର୍ ତଲିଆ ଅଇ ରଇସି । ସବୁ ବିସଇ ପର୍ମେସର ତାର ତଲିଆ କରି ସଙ୍ଗଇଆତେ ଆରି ପର୍ମେସର ପୁରାପୁରୁନ୍ ସବୁର୍ ଉପରେ ସାସନ କରସି ।

୨୯ ମଲାଲକ୍ମକେ ଆରିତରେକ୍ ନ ଉଟାଏ, ଜଦି ଏଟା କେନ୍ତାର୍ ଜେ ମଲା ଲକ୍ମନର ପାଇ ତାର ମଇତର୍ମନ୍ ତୁବନ୍ ନେଲାଇନି ? ତେବେ ସେମନ୍କେ କାଇଟା ମିଲୁସି ? ଜଦି ମଲାଲକ୍ମନକେ ନ ଉଟାଅଡ଼, ସେନ୍ତା ଆଲେ କାଇକେ ଏମନ୍ ମଲା ଲକ୍ମନରପାଇ ତୁବନ୍ ନେଲାଇନି ? ୩୦ ଆରି ଆମେ ମିସା କାଇକେ ସବୁ ବେଲେ ଆମର୍ ଜିବନ୍ ବିପଦେ ପାକାଇତେ ରଇବୁ ? ୩୧ ଏ ମର୍ ବାଇବଇନିମନ୍ ଦିନ୍କେ ଦିନ୍, ଲକ୍ମନ ମକେ ମରାଇବାକେ ଚେସ୍ଟା କଲାଇନି । ମୁଇ ଏଟା କାଇକେ କଇଲିନି ବଇଲେ, ତମର୍ଟାନେ ମର୍ ଜନ୍ ବଡ଼ପନ୍ ଆତେ, ଆରି ଆମର୍ ମାପୁରୁ ଜିସୁକିରିସ୍ଟର୍ ଟାନେ ଆମର୍ ଜିବନ୍ ମିସିରଇଲାଜେ ମୁଇ କଇଲିନି । ୩୨ ଏପିସି ସଅରେ ମୁଇ ବେସି କସ୍ଟ ପାଇଲି । କାଇକେବଇଲେ ଜନ୍ ଲକ୍ମନ ମକେ ବିରଡ଼ କଲାଇ, ସେମନର ସଙ୍ଗ୍ ତଙ୍ଗରେ ରଇବା ପସ୍ତମନର୍ ପାରା ଜୁଜିରଇଲି । ତେଇ ଆମେ ଜେନ୍ତି କସ୍ଟ ପାଇତେରଇଲୁ, ସେନ୍ତାରି ଅଇଲାକେ ଆମ୍ମକେ କାଇ ଲାବ୍ ମିଲୁଲା ? ଜଦି ମଲା ଲକ୍ମନକେ ନ ଉଟାଏ, ତେବେ

☆ ୧୫:୮ ୧୫:୮ ପେରିଡ଼ ୯:୩-୬ ☆ ୧୫:୯ ୧୫:୯ ପେରିଡ଼ ୮:୩

ଏନ୍ତାରି କଇବାଟା ନିକ ରଇସି । “ଆସା ଆମେ ବଜିକରି କାଉଁ, କାଇକେବଇଲେ ଆମେ କାଲିକେ ମରବାର୍ ଅଇସିବେ ।”

୩୩ ନାଡ଼ାଇ ଉଆନାଇ, କାରାପ୍ ଲକ୍ମନର୍ ସଙ୍ଗ୍, ସାଙ୍ଗ୍ ଅଇଲେ ସେମନ୍ ତମର୍ ନିକ ଚଲାଚଲ୍ତି କରବାଟା ନସାଇ ଦେବାଇ । ୩୪ ଟିକ୍ସଙ୍ଗ୍ ଚିନ୍ତା କରା । ତମର୍ ପାପର୍ ଚଲାଚଲ୍ତି କରବାଟା ଚାଡ଼ିଆସ୍ । କାଇକେବଇଲେ ପର୍ମେସର୍କେ ନାଜାନୁଲା କେତେକ୍ ଲକ୍ ତମର୍ ବିତ୍ତରେ ଆଚଡ୍ । ଏଟା ମୁଇ ତମ୍କେ ଲାଜ୍ କରାଇବାକେ କଇଲିନି ।

**ଆରିତରେକ୍ ଜିବନ୍ ଅଇବା ଗାଗଡ୍**

୩୫ କେତେଲକ୍ ପାଚାର୍‌ବାଇ, “ମଲା ଲକ୍ମନକେ କେ ଜିବନ୍ ଦେଇ ଉଟାଇସି ? ଆରି ସେମନର୍ ଗାଗଡ୍ କେନ୍ତାର୍ ରଇସି ?” ଜେ ଏନ୍ତାରି ପର୍ସନ୍ ପାଚାର୍‌ସି, ସେ ବକୁଆଟା । ୩୬ ତମେ ଜାନାସ୍ । ଜେତେବେଲେ ଗଟେକ୍ ମୁଞ୍ଜି ରପା ଅଇସି, ମୁଞ୍ଜିର୍ ଉପ୍‌ରର୍ ଚପା କୁଇଜାଇସି, ମାତର୍ ବିତ୍ତରଟା ଆଁକର୍‌ସି । ୩୭ ଜେତେବେଲେ ଗଟେକ୍ ମୁଞ୍ଜି ରପା ଅଇସି, ସେଟା ଦାନ ଅ, କି ଆରି କାଇ ମୁଞ୍ଜି ଅ, ମୁଞ୍ଜିସେ ରପି ଅଇସି । ପଚେ ବଡ଼ିରଇବା ବୁଟା ନ ରପଡ୍ । ୩୮ ପର୍ମେସର୍ ନିଜର୍ ମନ୍ କଲା ଇସାବେ ମୁଞ୍ଜିତେଇଅନି ଆଁକ୍ରି ଗର୍ ଅ, ବଲି ଟିକ୍ କଲା । ଆରି ସେ ବିନ୍ ବିନ୍ ରକାମର୍ ମୁଞ୍ଜି ବଡ଼ବାକେ ଦେଲା, ଜେନ୍ତିକି ଗଟେକ୍ ଗଟେକ୍‌କେ ତାର୍ ଗାଗଡ୍‌ର୍ ରୁପ୍ ବାଦ୍‌ଲାଇସି ।

୩୯ ଜିବନ୍ ରଇବା ସବୁ ଗାଗଡ୍ ସମାନ୍ ନର୍ । ଲକ୍ମନକେ ଗଟେକ୍ ରକାମ୍ ଗାଗଡ୍, ପସୁ ଚଡ଼ଇ ଆରି ମାତ୍‌ମନକେ ବିନ୍ ବିନ୍ ରକାମ୍ ଗାଗଡ୍ ଆଚେ ।

୪୦ ସେନ୍ତିସେ ସର୍ଗେ ରଇବାଟାମନ୍ ଆରି ଦର୍ତନି ରଇବାଟାମନ୍ ଆଚଡ୍ । ଜେନ୍ତିକି ସର୍ଗେ ରଇବାଟାମନର୍ ସୁନ୍‌ର୍ ଗଟେକ୍ ରକାମ୍, ଦର୍ତନି ରଇବାଟାମନର୍ ବିନ୍ ବିନ୍ ରକାମ୍ । ୪୧ ବେଲ୍ ତାର୍ ନିଜର୍ ଇସାବେ ସୁନ୍‌ର୍ ଆଚେ । ସେନ୍ତାରିସେ ଜନ୍ ତାରାମନ୍ ମିସା ନିଜର୍ ନିଜର୍ ଇସାବେ ସୁନ୍‌ର୍ ଆଚଡ୍ ।

୪୨ ସେନ୍ତାରିସେ ଆମର୍ ଗାଗଡ୍ ଆରି ଜନ୍ ଗାଗଡ୍ ପର୍ମେସର୍ ଉଟାଇସି, ଦୁଇଟାଜାକ ବିନ୍ ଆଚେ । କାଇକେବଇଲେ ଆମର୍ ଗାଗଡ୍ ଏବେ ମରିକରି କୁଇଜାଇସି । ମାତର୍ ଜନ୍ ଗାଗଡ୍ ପର୍ମେସର୍ ଉଟାଇସି, ସେଟା କେବେ ନ ମରେ । ୪୩ ସେଟା ତପ୍‌ଲାବେଲେ ଦୁର୍‌ବଲ୍ ଅଇ ସୁନ୍‌ର୍ ନ ରଏ । ମାତର୍ ଉଟାଇଲାବେଲେ ସୁନ୍‌ର୍ ରଇକରି ଡାଁଟ୍ ରଇସି । ୪୪ ତପ୍‌ଲା ବେଲେ ଅବକା ଗାଗଡ୍, ମାତର୍ ଉଟାଇଲାବେଲେ ଆଡ଼ମାର୍ ଗାଗଡ୍ ଅଇସି । ଅବକା ଗାଗଡ୍ ଆଚେ ବଇଲେ ଆଡ଼ମାର୍ ଗାଗଡ୍ ମିସା ରଇବାର୍ ଆଚେ । ୪୫ ଜେନ୍ତାରିକି ଲେକା ଅଇଲାଆଚେ, ପର୍ତୁମ୍ ମୁନ୍‌ସ୍ ଜେ କି ଆଦମ୍, ତାକେ ତିଆର୍ କରି ଜିବନ୍ ଦେଇରଇଲା, ମାତର୍ ସାରାସାରିପଚର୍ ଆଦମ୍ ନ ସାର୍‌ବା ଜିବନ୍ ଦେବା ଆଡ଼ମା ଅଇଲା । ୪୬ ମାତର୍ ଆଡ଼ମାର୍ ଗାଗଡ୍ ପର୍ତୁମ୍ ନ ଆସେ । ତୁଟାଇ ଗାଗଡ୍ ଅଇସି, ତାର୍‌ପଚେ ଆଡ଼ମାର୍ ଗାଗଡ୍ । ୪୭ ପର୍ତୁମ୍ ଆଦମ୍ ମାଟିସଙ୍ଗ୍ ତିଆର୍ ଅଇ ଏ ଦର୍ତନି ଅଇଲା । ମାତର୍ ପଚର୍ ଆଦମ୍ ସର୍ଗେ ଅନି ଅଇଲା । ୪୮ ଜନ୍ ଲକ୍ମନ୍ ଏ ଦର୍ତନିର୍, ସେମନ୍ ଜେ କି ମାଟି ସଙ୍ଗ୍ ତିଆର୍ ଅଇରଇଲା, ତାର୍‌ପାରା । ଆରି ଜନ୍ ଲକ୍ ସର୍ଗର୍, ଜେ କି ସର୍ଗେ ଅନି ଅଇଲା, ତାର୍‌ପାରା । ୪୯ ଜେନ୍ତିକି ଆମେ ଜନ୍‌ଲକ୍ ମାଟିସଙ୍ଗ୍ ତିଆର୍ ଅଇରଇଲା, ତାର୍ ବାନିମୁର୍ତି ଆରୁ, ସେନ୍ତାରିସେ ଜେ ସର୍ଗେଅନି ଅଇଲା ତାର୍ ପାରା ବାନିମୁର୍ତି ଦାର୍‌ବୁ ।

୫୦ ଏ ବାଇବଇନିମନ୍, ମୁଇ କଇବା ଅରଡ୍ ଅଇଲାନି ବନି ମାଉଁସ୍ ରଇବା ଗାଗଡ୍ ପର୍ମେସର୍‌ର୍ ରାଇଜେ ମିସିନାପାରଡ୍ । ଆରି ଜନ୍ ଗାଗଡ୍ ମରବାଇ, ସେମନକେ ନ ସାର୍‌ବା ଜିବନ୍ ଦେଇ ନର୍ ।

୫୧ ☆ସୁନା, ମୁଇ ତମ୍‌କେ ଗଟେକ୍ ଆଗ୍‌ତୁ ନ ଜାନାଇରଇବା ବିସଇ କଇବି । ଆମେ ସବୁଲକ୍ ନ ମରୁ, ମାତର୍ ଆମର୍ ଗାଗଡ୍ ସବୁ ବାଦ୍‌ଲି ଜାଇସି । ୫୨ ଗଟେକ୍ ଲକ୍ ଆଁକି ମିଟ୍‌କା ମାର୍‌ଲା ବିତ୍ତରେ ସେଟା ଗର୍‌ସି । ସାରାସାରିର୍ ମଇରି ବାଜ୍‌ଲା ବେଲେ ମଲା ଲକ୍ମନ୍ ଜିବନ୍ ଅଇ ଉଟ୍‌ବାଇ । ସେମନ୍ ଆରି କେବେ ମିସା ନ ମରଡ୍ ଆରି ଆମେ ସବୁ ବଦ୍‌ଲି ଜିବୁ । ୫୩ କାଇକେବଇଲେ ଆମର୍ ଏ ମରବା ଗାଗଡ୍ ନ ମରବା ଗାଗଡ୍ ଅଇ ବାଦ୍‌ଲିଜାଇସି । ୫୪ ସେଟା ଅଇଲାବେଲେ ଜନ୍‌ଟା କି ସାସ୍‌ତରେ ଲେକା ଅଇରଇଲା, ସେଟା ପୁରାପୁରୁନ୍ ଅଇସି ମରନ୍ ଆରିଜାଇକରି, ଜିଡ଼ବାଟା ପୁରାପୁରୁନ୍ ଅଇଲା ।

୫୫ ତେବେ ଆମେ କଇ ପାର୍‌ବୁ,  
ଅଇରେ ମରନ୍ ! ତୁଇ କେନେ ଜିଡ଼ଲୁସ୍ ?  
ଅଇରେ ମରନ୍ ! କେନେ ତର୍ ବପୁ ?

୫୬ ଆମର୍ ପାପେଅନି ଆମ୍‌କେ ବାଦ୍‌ବା ବପୁ ମରନ୍ ପାଇଲା ଆଚେ । ଆରି ପର୍ମେସର୍‌ର୍ ନିୟମ୍ ନ ମାନ୍‌ଲାତେଇଅନି ପାପ୍ ବପୁ ପାଇସି । ୫୭ ମାତର୍ ଆମେ ପର୍ମେସର୍‌କେ ଦନିଅବାଦ୍ ଦେଲୁନି । କାଇକେବଇଲେ ଆମର୍ ମାପ୍‌ରୁ ଜିସୁ କିରିସ୍‌ଟ କଲା କାମେଅନି ପାପ୍‌କେ ଆରି ମରନ୍‌କେ ଆରାଇବା ବପୁ ସେ ଆମ୍‌କେ ଦେଲାଆଚେ ।

୫୮ ସେଟାର୍‌ପାଇ ଏ ମର୍ ଆଲାଦର୍ ବାଇବଇନିମନ୍, ଡାଁଟ୍ ଅଇକରି ରୁଆ । ମାପ୍‌ରୁ ଜିସୁକିରିସ୍‌ଟର୍ ସେବା କାମ୍ ଆବଡ୍ ଅଇକରି କରା । କାଇକେବଇଲେ ତମେ ଜାନାସ୍, ତାର୍‌ପାଇ ଜନ୍ କାମ୍ ସବୁ କର୍‌ସା, ସେଟା ସବୁ ଲଡ଼ାକେ ଆଇସି ।

☆ ୧୫:୫୧ ୧୫:୫୧ ଏମ ତେସଲନିକିୟ ୪:୧୫-୧୭



**ସାଦୁ ଲକର୍ ପାଇ ଦାନ**

୧ \*ଜିଉଦା ମଣ୍ଡଲିର ବିସ୍ଵାସିମାନଙ୍କେ ତାରୁ ସାଇଜ କରବା ବିସଇ ମୁ ଲେକ୍ଲିନି । ମୁ ଗାଲାତିଅ ମଣ୍ଡଲିମାନଙ୍କେ ଜାଇଟା କରବାକେ ଆଦେସ୍ ଦେଲିଆଟି, ସେ ଆଦେସ୍ ଡାଁଟ୍ ସଙ୍ଗ୍ କରବାରୁଆଟେ । ୨ ତମର୍ କାମାଇବା ଇସାବେ, ସବୁ ବିସ୍ଵାସିମନ୍, ବିସ୍ଵାମ୍ ଦିନେ ମଣ୍ଡଲିତେଇ ରୁଣ୍ଡଲୀବେଲେ ଅଲପ୍ ଅଲପ୍ ତାରୁ ଜମାଇବାରୁ ଆଟେ । ଜେକ୍ଟିକି ମୁଇ ଆଇଲାବେଲେ ଆରି ତାରୁ ତଲ୍ଲବାକେ ନ ଲାଗେ । ୩ ମୁଇ ଆଇଲାବେଲେ ତମେ ବାଟିରଇବା ଲକ୍ମାନଙ୍କେ ଗଟେକ୍ ଚିଟି ଲେକିଦେବି ଆରି ସେମନ୍ ଜମାଇଲା ତାରୁ ଆରି ସେମନ୍‌କେ ଜାନାଇବା ଚିଟି ଦାରି, ଜିରୁସାଲାମ୍ ଜିବାଇ । ୪ ଜଦି ମର୍ ଜିବାକେ ଦରକାର ଅଇସି ବଇଲେ ସେମନ୍ ମର୍ସଙ୍ଗ୍ ଜାଇପାରତ୍ ।

**ପାଉଲର୍ ଉପାଇ**

୫ \*ମାତର୍ ମୁଇ ଏବେ ମାକିଦନିଆଇ ଗାଲିନି । ତେଇଅନି ଜାଇ ଆଇଲେ ତମର୍ ଲଗେ ଆଇବି । ୬ ମୁଇ ତେଇ ତମର୍ ସଙ୍ଗ୍ କେତେକ୍ ଦିନ୍ ରଇବି । ଅଇପାରେ ସିଡ୍‌ଦିନ୍ ସାର୍‌ବା ଜାକ । ତାରୁପଟେ ଜକ୍ତି ଜିବାକେ ମନ୍ କଲିନି, ତେଇ ଜିବାକେ ତମେ ମକେ ସାଇଜ କରିପାରାସ୍ । ୭ କାଇକେବଇଲେ ଜିବାବେଲେ ବାଟେ ତମର୍ ସଙ୍ଗ୍ ବେଟ୍ ଅଇକରି ଚନେକ୍‌ସେ ରଇବାକେ ମର୍ ମନ୍ ନାଇ । ମୁଇ ଆସା କଲିନି ମାପୁରୁ ମନ୍ କଲେ ମୁଇ ତମର୍ ସଙ୍ଗ୍ ଏତର୍ ବେସି ଦିନ୍ ରଇବି ।

୮ \*ମାତର୍ ମୁଇ ପେନ୍‌ଟିକସ୍ ପରବ୍ ଜାକ ଏପିସିଏ ରଇବି, ୯ ଇତି ମର୍ ବିରଦେ ବେସିଲକ୍ ରଇଲେ ମିସା, ସପଲ୍ ଅଇବା କାମ୍ କରବାକେ ମର୍ ପାଇ ଦୁଆର୍ ଉଗାଡି ଅଇଆଟେ ।

୧୦ \*ଜଦି ତିମତି ତମର୍‌ଟାନେ ଆଇଲେ, ତାକେ ଗତିଆ କରି ଡାକିନିଆ । କାଇକେବଇଲେ ସେ ମିସା ମର୍‌ପାରା ମାପୁରୁ କାମ୍ କଲାନି । ୧୧ ସେଟାରୁ ପାଇ ତାକେ କେ ମିସା ସାନ୍ ପାରା ଦେକାନାଇ । ମାତର୍ ତାକେ ସାଇଜ କରା, ଜେକ୍ଟିକି, ସେ ତମର୍ ଜାଗାଇଅନି ଗାଲାବେଲେ, ସାକ୍ତିସଙ୍ଗ୍ ଜାଇପାରସି । ଆରି ସେ ମର୍‌ଲଗେ ବାଅଡ୍‌ସି । ଇତିର୍ ବାଇବଇନିମନ୍‌ର ସଙ୍ଗ୍ ମୁଇ ତାକେ ଜାଗ୍‌ଲିନି ।

୧୨ ବାଇ ଆପଲର୍ ବିସଇ ମୁଇ କଇଲିନି । ବିନ୍ ବିସ୍ଵାସିମନ୍‌ର ସଙ୍ଗ୍ ତମ୍‌କେ ବେଟ୍ ଅଇବାକେ ମୁଇ ତାକେ ବେସି ତର୍ ସାର୍‌ଦା କରାଇଲି, ମାତର୍ ସେ ଏବେ ଜିବାକେ ମୁଲ୍‌କେ ରାଜି ଅଏନାଇ । ପଟେ ସୁଜଗ୍ ମିଲ୍‌ଲେ ସେ ତମର୍‌ଟାନେ ଆଇସି ଆକା ।

**ସାରାସାରିର୍ କାତା**

୧୩ ତମେ ଜାଗ୍‌ରତ୍ ରଇକରି ବିସ୍ଵାସେ ଡାଁଟ୍ ରୁଆ । ବପୁ ଅଇକରି ସାଆସେ ରୁଆ । ୧୪ ତମେ କରବା ସବୁ କାମ୍ ଆଲାଦେ ସାରାଇବାରୁ ଆଟେ ।

୧୫ \*ଏ ବାଇମନ୍, ତମେ ତିପାନ୍ ଆରି ତାରୁ କୁଟୁମ୍ ବିସଇ ଜାନାସ୍ । ସେମନ୍ ଆକାୟାରୁ ପରତୁମ୍ ବିସ୍ଵାସିମନ୍ ଆରି ପର୍‌ମେସରର୍ ଲକ୍ମାନର୍ ସେବାଇ ନିଜେ ସର୍‌ପି ଅଇଲାଇ ଆଟତ୍ । ଏ ବାଇବଇନିମନ୍ ମୁଇ ତମ୍‌କେ ବାବୁଜିଆ କଲିନି, ୧୬ ଏକ୍ତାରି ଦାଇତ୍ ନେବା ଲକ୍ମାନର୍ ତଲିଆ ରୁଆ । ଆରି ସେମନ୍‌ର ସଙ୍ଗ୍ ସେବା କରବା ଲକ୍ମାନର୍ ତଲିଆ ଉଆ ।

୧୭ ତିପାନା, ପର୍‌ତୁନାଡ୍ ଆରି ଆକାଇ ଇତି ଆଇଲାକେ ମୁଇ ବେସି ସାର୍‌ଦା ଅଇଲିନି । କାଇକେବଇଲେ ତମେ ନ ରଇଲେ ମିସା ସେମନ୍ ତମର୍ ଜାଗାଇ ରଇଲା ପାରା । ୧୮ ତମ୍‌କେ ଜେକ୍ତି ସାର୍‌ଦା କରାଇଲାଇ, ମକେ ମିସା ସେକ୍ତି ସାର୍‌ଦା କରାଇଲାଇ । ଏକ୍ତାରି ଲକ୍ମାନଙ୍କେ ନାମ୍‌ବାରୁ ଆଟେ ।

୧୯ \*ଆସିଆ ଦେସର୍ ମଣ୍ଡଲିମନ୍ ତମ୍‌କେ ଜୁଆର୍ ଜାନାଇଲାଇନି । ଆକିଲା, ପିରିସକିଲା ଆରି ସେମନ୍‌ର ଗରେ ଉପାସନା କର୍‌ତେରଇବା ମଣ୍ଡଲି ମାପୁରୁ ନାଉ ଦାରି ତମ୍‌କେ ତାକର୍ ମନ୍ ବିଡ୍‌ରେ ଅନି ଜୁଆର୍ ଜାନାଇଲାଇନି ।

୨୦ ଇତିର୍ ବାଇବଇନିମନ୍ ସବୁ ତମ୍‌କେ ଜୁଆର୍ ଜାନାଇଲାଇନି । ତମର୍ ତମର୍ ବିଡ୍‌ରେ ଆଡେ ଦାରାଦାରି ଅଇ କିରିସ୍‌ଟର୍ ଆଲାଦେ ସାଲାମ୍ କରି ଜୁଆର୍‌ବେଟ୍ ଉଆ ।

୨୧ ମୁଇ ପାଉଲ୍, ଏଡ୍‌କିସେ ଲେକି ଜୁଆର୍ ଜାନାଇଲିନି ।

୨୨ ଜଦି କେ ମାପୁରୁକେ ଲାଡ୍ ନ କରେ, ସେ ଅବିସାପ୍ ପାଅ । ମାରାନାତା, ଆମର୍ ମାପୁରୁ ଆସ ।

୨୩ ମାପୁରୁ ଜିସୁର୍ ଜିବନ୍ ଦୁକାନି ତମର୍‌ଟାନେ ରଅ ।

୨୪ କିରିସ୍‌ଟ ଜିସୁକିରିସ୍‌ଟର୍ ସଙ୍ଗ୍ ମିସିରଇବା ସବୁକେ ମର୍ ଆଲାଦ୍ ରଅ ।

☆ ୧୭:୧ ୧୭:୧ ରମିୟ ୧୫:୨୫,୨୬ ☆ ୧୭:୫ ୧୭:୫ ପେରିଡ୍ ୧୯:୨୧ ☆ ୧୭:୮ ୧୭:୮ ପେରିଡ୍ ୧୯:୮-୧୦ ☆ ୧୭:୧୦ ୧୭:୧୦ ୧ମ କରନ୍ତୟ ୪:୧୭  
☆ ୧୭:୧୫ ୧୭:୧୫ ୧ମ କରନ୍ତୟ ୧:୧୭ ☆ ୧୭:୧୯ ୧୭:୧୯ ପେରିଡ୍ ୧୮:୨

# କରକ୍ତିୟ ମଣ୍ଡଳୀର ବିଶ୍ୱାସୀମାନଙ୍କୁ ପାଉଲଙ୍କ ଦ୍ୱିତୀୟ ପତ୍ର କରକ୍ତିୟ ମଣ୍ଡଳୀର ଲକ୍ଷ୍ମଣନିର୍ଦ୍ଦେଶନା ପାଉଲ୍ ଦୁଇପାଲି ଚିଠି ଲେଖିଲାଟା

## ଏ ବଇ ବିସଇନେଇକରି ଜାନ୍‌ବାଟା

୨ ଯ କରକ୍ତି ଜିସୁ କିରିସ୍ଟ ଜନମକରି ଲଗାଲଗି ୫୫-୫୬ ପଟେ ପେରିଡ଼ ପାଉଲ୍ ଲେକିରଇଲା । ୧:୧ ଆମରୁଟାନେ ରଇଲା କରକ୍ତି ମଣ୍ଡଳୀକେ ଲେକାଅଇରଇବା ଚିଠି ବିତ୍ତରେଅନି ଏଟା ଅଇଲାନି ପାଉଲ୍‌ର ଦୁଇ ଲମ୍ଫ ଚିଠି । ଆର୍ ଆଗତୁ ପାଉଲ୍ କରକ୍ତିୟ ମଣ୍ଡଳୀକେ ରିସାଅଇ ଲାଗିକରି ଚିଠି ଲେକିରଇଲା ବଲିକରି ପଣ୍ଡିତମନ୍ ବିସ୍‌ବାସ୍ କର୍‌ବାଇ । ୨:୩-୪ପଦେ ଏଟା ଜାନାଇଲାନି । ସେ ସମାନ୍ ଚିଠି କାଇଟାମିସା ଆମରୁଟାନେ ନାଇ ।

ପାଉଲ୍ ମାକିଦନିଆଇ ରଇଲା ବେଲେସେ ୨ ଯ କରକ୍ତିୟ ଲେକିରଇଲା ୨:୧୩ ୨ ଯ କରକ୍ତିୟ ପାରା ଚିଠି ଆରି ନାଇ । ସେଟା ନିଜର୍ ପାଇସେ ଆରି ସାର୍‌ଦାର୍ ପାଇସେ ଆଟେ । ତିତସର୍ ଟାନେଅନି କରକ୍ତିୟ ମଣ୍ଡଳୀର ସବୁ ନିକ ବିସଇ ସୁନି କରି ପାଉଲ୍ ସାର୍‌ଦା ଜାନାଇଲାନି । ଏ ଚିଠିଟାନେ ନୁଆ ନିୟମର୍ ଦାନ୍ ଦେବା ବିସଇ ସିକିଆ ପାଇବାର୍ ଅଇସି । ଏ ପାକୃତାଇ ପାଉଲ୍ ଜିରୁସାଲମର୍ ବିସ୍‌ବାସିମନକେ ସାଇଜର୍ ପାଇ ବଲି ତାବୁ ଉଟାଇବାକେ ଆଦେସ୍ ଦେଲାନି ୮:୯ । ଆରି ମିସା ଏଟା ଜାନାଇଲାନିଜେ, ମଣ୍ଡଳୀ ବାଇରେ ରଇକରି କେତେଟା ମିରୁଆ ପେରିଡ଼ମନ୍ ସେମନ୍ ନିଜେ ଉପରେ ଉର୍‌ବୁ ବଲି ପାଉଲ୍‌ର ବିରୁଦେ ଉଟିଲାଇନି । ସେମନ୍ କେତେଟା ମଣ୍ଡଳୀର ନିକ ନିକ ଲକ୍ଷ୍ମଣକେ ତାକର୍ ତାକର୍ ବିତ୍ତରେ ଜୁଜାଇଲାଇନି । ସେମନ୍ ପାଉଲ୍‌ର ଅଦିକାରକେ ସତ୍ କି ମିଟ୍ ବଲି ବାବ୍‌ତେରଇଲାଇ । ଜନ୍‌ଟାର୍ ପାଇ କି ୨ ଯ କରକ୍ତିୟ ସାରାସାରିବାଟେ ମୁଇ ନିଜେ ଗଟେକ୍ ଜିସୁକିରିସ୍ଟର୍ ଅଦିକାରର୍ ପେରିଡ଼ ଅଇଆଟି ବଲି ତାଟ୍ ସଙ୍ଗ୍ ଦେକାଇଲା ।

### ଇଟି ରଇବାଟା

- ୧. ପାଉଲ୍ ଚିଠି ଲେଖିବାକେ ଆରାମ୍ କର୍‌ବା ଆଗତୁ ଜୁଆର୍ ଜାନାଇଲାନି । ୧:୧-୭
- ୨. ପାଉଲ୍ ସେ ଜିବାକେ ତିଆର୍‌ଅଇଲାଟା ବାଦ୍‌ଲାଇଲା ଆରି ସେମନର୍ ସୁନିରଇବା କାତା ବିସଇ ସେମନକେ ଜବାର୍ ଦେବାଟା ୧:୮-୭:୧୭
- ୩. ପାଉଲ୍ ଜିରୁସାଲମେ ରଇବା ବିସ୍‌ବାସିମନର୍ ପାଇ ଦାନ୍ ଉଟାଇବାକେ ଆଦେସ୍ ଦେବାଟା । ୧:୮-୯:୧୫
- ୫. ସାରାସାରିବେଲେ ପାଉଲ୍ ପେରିଡ଼ ପଦକେ ରକିଆ କର୍‌ବାଟା ଆରି ଆରିତରେକ୍ ଜିବାକେ ଜାଗ୍‌ରଡ଼ ଅଇବାଟା । ୧୦:୧-୧୩:୧୦

୧\* ମୁଇ ପାଉଲ୍, ପର୍‌ମେସରର୍ ମନ୍ କଲା ଇସାବେ କିରିସ୍ଟ ଜିସୁର୍ ଗଟେକ୍ ପେରିଡ଼ ସିସ୍ ବାଟାଇଅଇଲିଆଟି ।

ମୁଇ ଆରି ଆମର୍ ବାଇ ତିମତି ଆରି କରକ୍ତିୟଟାନେ ରଇବା ପର୍‌ମେସରର୍ ଗୁଲାଇ ମଣ୍ଡଳୀମନକେ ଆରି ଆକାଇଆଟାନେ ରଇବା ସବୁ ପର୍‌ମେସରର୍ ଲକ୍ଷ୍ମଣନକେ, ଏ ଚିଠି ଲେଖିଲୁନି ।<sup>୨</sup> ଆମର୍ ବାବା ପର୍‌ମେସର୍ ଆରି ମାପରୁ ଜିସୁର୍ ଟାନେଅନି ଜିବନ୍ ଦୁକାଇଲାଟା ଆରି ସାନ୍ତି ତମକେ ଅ ।

### ପର୍‌ମେସର୍‌କେ ପାଉଲ୍‌ର ଦନିଅବାଦ୍

୩ ଆମର୍ ମାପରୁ ଜିସୁ କିରିସ୍ଟର୍ ବାବା ପର୍‌ମେସର୍‌କେ ଦନିଅବାଦ୍ ଦେଉଁ । ସେ ଆମର୍ ଦୟାକାରିଆ ବାବା ଆରି ଜାର୍ ଟାନେଅନି କି ଆମକେ ସବୁ ବିସଇର୍ ସାଇଜ ଆଇସି ।<sup>୪</sup> ସେ ଆମକେ ସବୁ ଦୁକ୍ କସ୍‌ଟ ଆଇଲେ ସାଇଜ କର୍‌ସି । ସେନ୍ତାରିସେ ବିନ୍ ବିନ୍ ରକାମର୍ କସ୍‌ଟ ପାଇତେରଇବା ଲକ୍ଷ୍ମଣନକେ ଆମେ ଜେକ୍ତି ଦୁକ୍ ସାରାଇବୁ । ପର୍‌ମେସର୍ ଟାନେଅନି ଜନ୍ ସାଇଜ ଆମେ ପାଇଲୁଆରୁ, ସେ ସାଇଜର୍ ଲାଗି, ଆମେ ମିସା ବିନ୍ ଲକ୍ଷ୍ମଣକେ ସାଇଜ କର୍‌ବୁ ।<sup>୫</sup> କାଇକେବଇଲେ ଜେକ୍ତିକି କିରିସ୍ଟର୍‌ତେଇ ମିସ୍‌ଲାର୍‌ପାଇ ଆମର୍ ଦୁକ୍, କସ୍‌ଟ ଅଦିକ୍ ଅଦିକ୍ ଅଇଆଟେ, ସେନ୍ତାରିସେ କିରିସ୍ଟର୍ ଲାଗି ଆମର୍ ଦୁକ୍ ସାରାଇବାଟା ମିସା ଅଦିକ୍ ଅଦିକ୍ ଅଇଲାନି ।<sup>୬</sup> ମାତର୍ ଆମକେ ଦୁକ୍ କସ୍‌ଟ ଅଇଲେ, ସେଟା ତମର୍ ଦୁକ୍ ସାରାଇବାକେ ଆରି ନ ସାର୍‌ବା ଜିବନ୍ ପାଇବାକେ । ସେନ୍ତାରିସେ ଜେତେବେଲେ ଆମେ ପର୍‌ମେସର୍ ଟାନେଅନି ସାଇଜ ମିଲାଇବୁ, ସେଟା ତମର୍‌ପାଇ ମିସା ସାଇଜ ମିଲୁଲା ପାରା । ଏନ୍ତାରି ସେ ତମର୍ ବିସ୍‌ବାସ୍ କର୍‌ବାଟା ତାଟ୍ କରାଇସି, ଜେକ୍ତିକି ଆମେ ଦୁକ୍‌କସ୍‌ଟ ଆଇଲେ ମିସା ମୁର୍‌ଚି କରି ଆରୁ, ସେନ୍ତାରି ଦୁକ୍ କସ୍‌ଟ ଆଇଲେ ତମେ ମିସା ମୁର୍‌ଚି କରି ରଇପାରାସ୍ ।<sup>୭</sup> ଏଟାର୍‌ଲାଗି ତମର୍‌ଟାନେ ଆସା କର୍‌ବାଟା ଡାଟ୍ ଅଇଲାଆଟେ । କାଇକେବଇଲେ, ଆମେ ଜାନିଆରୁ, ଆମକେ ଦୁକ୍ କସ୍‌ଟ ଆଇଲେ ମିସା ମୁର୍‌ଚିକରି ଆରୁ, ତମେ ମିସା ସେନ୍ତାରି ମୁର୍‌ଚିକରି ଆଟାସ୍ । ଜେନ୍ତାରି କି ପର୍‌ମେସର୍ ଟାନେଅନି ଆମେ ସାଇଜ ମିଲାଇଆରୁ । ସେନ୍ତାରିସେ ତମେ ମିସା ସାଇଜ ମିଲାଇଆଟାସ୍ ।

\* ୧:୧ ୧:୧ ପେରିଡ଼ ୧୮:୧

୮ ✱କାଲକେ ବଇଲେ, ଏ ବାଇବଇନିମନ୍, ଆସିଆ ରାଇଜେ ଆମ୍ଭକେ ଅଇରଇବା ବଡ଼ ଦୁକ୍ କସ୍ତ ବିସଇ ତମେ ଜାନିରୁଆ ବଲି ଆମେ ମନ୍ କଲୁନି । ମୁରୁଚି ନାପାରୁଲା ବଡ଼ ପରିକା ଆଇଲା । ଏନ୍ତାରି କି ଆମେ ଆରି ନ ରଇକରି ମରିଜିବାର ଅଇସିବେ ବଲି ବାବ୍ତେରଇଲୁ । ୯ ଓଁ, ଆମ୍ଭକେ ମରନ୍ ଆସି ଡାବିଅଇରଇଲା । ମାତର୍ ନିଜର୍ ନିଜର୍ ଉପ୍ରେ ଆସା ନ କରି, ଜନ୍ ପର୍ମେସର୍ ମଲା ଲକ୍ମନକେ ଉଟାଇସି, ତାର ଉପ୍ରେ ଆସା କର୍ବାକେ ଏ ସବୁ ଅଇଲା । ୧୦ ସେ ଆମ୍ଭକେ ମରନ୍ଟାନେ ଅନି ବଞ୍ଚାଇଲା । ସେଟାରପାଇ ଆମେ ରକିଆ ପାଇଲୁ । ମରନ୍ ରଇଲା ଆକା, ମାତର୍ ମରୁନାଇ । ଆରି ସେ ଆମ୍ଭକେ ସାଇଜ କର୍ତ୍ତେରଇସି ଆକା ବଲି ଜାନିଆରୁ । ଆମ୍ଭକେ ବଡ଼ ଆସା ଆତେ ଜେ, ସେ ଆମ୍ଭକେ ସାଇଜ କର୍ବାଟା କେବେ ନ ତେବାଏ । ୧୧ ତମେ ଆମର୍ ପାଇ ପାର୍ତନା କରି ଆମ୍ଭକେ ସାଇଜ କର୍ବାଟା ଆତେ । ସେନ୍ତାର କଲେ ପର୍ମେସର୍ ସବୁ ପାର୍ତନାଇ ମାଙ୍ଗ୍ଲାଟା ପାଟାଇସି । ଆରି ବେସି ଲକ୍ ପର୍ମେସର୍କେ ଦନିଅବାଦ୍ ଦେବାଇ । କାଲକେବଇଲେ ସେ ଆମ୍ଭକେ ଆସିର୍ବାଦ୍ କଲାଆତେ ।

**ପାଉଲ୍ ଜନ୍ନା କଲାଟା ବାଦ୍ଲାଇଲା**

୧୨ ବାଇମନ୍ ଆମେ ବଡ଼ପନ୍ ଅଇକରି କଇବା ଗଟେକ୍ କାତା ଆତେ । ସେଟା ଆମେ ସଡ଼ ବଲି ଜାନୁଲୁନି ଆରି ସେଟା ଅଇଲାନି, । ସବୁଲକର୍ଟାନେ ଆରି, ତମର୍ଟାନେ ମିସା ଆମର୍ ଚଲାଚଲୁଡି ସୁକଲ୍ ଆରି ଦରମ୍ ଆତେ । ଏଟା ଆମର୍ ବିବେକ୍ ସାକି ଦେଲାନି । ଲକ୍ମନର୍ ଗିଆନ୍ ଇସାବେ ଆମେ କରୁନାଇ, ମାତର୍ ପର୍ମେସର୍ ଜିବନ୍ ଦୁକାଇଲା ବପୁର୍ ସଙ୍ଗ୍ ଏ ସବୁଜାକ କଲୁନି । ୧୩ କାଲକେ ବଇଲେ, ଆମେ ଚିଟି ପାଟାଇଲା ବେଲେ ତମେ ଜାଇଜାଇଟା ପଡ଼ିକରି ବୁଜିପାରାସ୍, ସେଟାସେ ଲେକି ପାଟାଇଲୁନି । ୧୪ ଏବେ ଆମେ ଜାଇଟା କଲୁନି, ସେ ବିସଇ ତମେ ଅଲପ୍ ଅଲପ୍ ବୁଜୁଲାସିନି । ମାତର୍ ମୁଇ ଆସା କଲିନି, ସେଟା ତମେ ପୁରାପୁରୁନ୍ ବୁଜି ପାରସା । ଜେନ୍ତାରି କି, ଆମର୍ ମାପୁର୍ ଜିସୁ ବାଉଡ଼ଲା ଦିନେ, ତମେ ଆମର୍ ଲାଗି ସାର୍ଦା କର୍ସା, ସେନ୍ତାରିସେ ଆମେ ମିସା ତମର୍ଲାଗି ସାର୍ଦା କର୍ବୁ ।

୧୫ ଏଟା ସବୁ ତମେ ବୁଜି ପାରସା, ସେଟା ଜାନିକରି ମୁଇ ତମର୍ଟାନେ ବୁଲିଆଇବି ବଲି ମନ୍ କଲି । ଜେନ୍ତାରି କି ମୁଇ ତମ୍ଭକେ ଦୁଇତର ସାଇଜ କରିପାରବି । ୧୬ ✱କାଲକେବଇଲେ ମୁଇ ମାକିଦନିଆଇ ଜିବାବାଟେ ତମର୍ଟାନେ ଆସି ରଇବି ବଲି ମନ୍ କଲି । ଆରି ମୁଇ ଗରେ ବାଅଡ଼ବାବେଲେ ଆରିତରେକ୍ ତମର୍ଟାନେ ତେବ୍ବି ବଲି ମନ୍ କଲି । କାଲକେବଇଲେ ମୁଇ ଜେବେ ଜିଉଦା ଦେସେ ଜିବାକେ ବାରଇବି, ସେ ବେଲେ ତମେ ମକେ ସାଇଜ କରି ପାରାସ୍ । ୧୭ ତେବେ ମୁଇ ଏନ୍ତାରି ମନ୍ କଲାକେ ମକେ ତମେ ଦୁଇ ମନିଆ ଲକ୍ ବଲି ବାବ୍ଲାସିନି କାଇକି । ନିଜର୍ ମନ୍ କଲା ଇସାବେ ଚିନ୍ତା କର୍ବା ଗଟେକ୍ ଲକ୍ପାପା ତମେ ମକେ ବାବ୍ଲାସ୍ କାଇକି । ମୁଇ ଆଇବି ବଲି କଇଲେ ମିସା ତମର୍ ମନେ ସେ ନ ଆସେ, ବଲି ବାବ୍ଲାସ୍ କାଇକି । ୧୮ ଜଦି ପର୍ମେସର୍ କଇବାଟା ସଡ଼, ସେନ୍ତାର ଆଲେ ମୁଇ କଇବାଟା ମିସା ସଡ଼ ସେ । ଏକାବେଲେ ଓଁ ଆରି ନାଇ ବଲି, ନ କଇ । ୧୯ ✱ମୁଇ, ସିଲାନ୍ ଆରି ତିମତି, ପର୍ମେସର୍ ପଅ ଜେ କି କିରିସ୍ଟ ଜିସୁ, ତାର ବିସଇନେଇ ତମକେ ଜାନାଇରଇଲୁ । ସେ ଓଁ ଆରି ନାଇ, ବଲି କଇବା ଦୁଇ ମନିଆ ଲକ୍ ନଏଁ । ୨୦ ତାରଲାଗି ପର୍ମେସର୍ ଓଁ ବଲି, କଇରଇବାଟା, ସବୁଜାକ ପୁରାପୁରୁନ୍ କର୍ସି । ସେଟାରପାଇ ଜିସୁକିରିସ୍ଟକେ ଆମେ ଆମେନ୍ ବଲି, କଇବାଟା ପର୍ମେସର୍ ମଇମା ପାଇ ଅଇସି । ୨୧ ତମ୍ଭକେ ଆରି ଆମ୍ଭକେ ଜିସୁକିରିସ୍ଟତେଇ ମିସିରଇବାକେ ଆଇବା ତାଟ୍ ବିସ୍ବାସ୍ ଆନବାଟା, ପର୍ମେସର୍ ସେ । ଆରି ସେ ଆମ୍ଭକେ ବାଟଲା ଆତେ । ୨୨ ଆମେ ତାରଟା ବଲି ଜାନବାକେ ସେ ଆମ୍ଭକେ ତାର୍ ଚିନ୍ ମାରୁଲା ଆତେ ଆରି ସୁକଲ୍ଆତମା ଆମର୍ ବିତ୍ରେ ଦାନ୍ କଲା ଆତେ । ପର୍ମେସର୍ ଆମର୍ପାଇ ଜେଡ଼କି ବିସଇ ସଙ୍ଗ୍ଆତେ, ସେ ଆଡ଼ମାର୍ ଲାଗି ଆମେ ସେଟା ସବୁ ପାଇବୁ ବଲି ଜାନୁଲୁନି ।

୨୩ ଜଦି ମୁଇ କଇବାଟା ସଡ଼ ନାଇ, ସେନ୍ତାରଆଲେ ପର୍ମେସର୍ ମକେ ତଣ୍ଟ ଦେଅ । ମୁଇ କରନ୍ତିଅତେଇ ବୁଲି ଆଇବାକେ କାଲକେ ଅଏ ନାଇ ବଲି ସେ ଜାନେ । ମୁଇ ତେଇ ଆଇଲେ, ତମର୍ ଚଲାଚଲୁଡିର୍ ବୁଲୁଟିକ୍ ଦେକଲେ, ତମେ ଦୁକ୍ କର୍ତାସ୍ । ୨୪ ତମେ କନ୍ଟା ମାନ୍ବାର୍ ଆତେ, କନ୍ଟା ନାଇ, ସେଟା ଆଦେସ୍ ଦେବାକେ ଆମେ ମନ୍ କରୁନାଇ । କାଲକେବଇଲେ, ତମର୍ ବିସ୍ବାସ୍ ତାଟ୍ ଅଇଗାଲା ଆତେ । ତମର୍ ସଙ୍ଗ୍ ମିସିକରି କାମ୍ କର୍ବାକେ ଆମେ ମନ୍ କଲୁନି । ଜେନ୍ତାରିକି ତମେ ସାର୍ଦା ଅଇସା ।

**୨**

୧ ମାତର୍ ମୁଇ ଆଗତୁ ଆଇଲା ବେଲେ ଜେନ୍ତିକି ତମ୍ଭକେ ଦୁକ୍ ଦେଲି, ସେନ୍ତି ଆରିତରେକ୍ ଦୁକ୍ ଦେବାର୍ ଆଲେ ନ ଆସି ବଲି ବାବ୍ତେ ରଇଲି । ୨ ଜଦି ମୁଇ ତମ୍ଭକେ ଦୁକ୍ଦେବି, ତେବେ କେ ମକେ ସାର୍ଦା କରାଇବାଇ ? ଜନ୍ ଲକ୍କେ ମୁଇ ଦୁକ୍ ଦେଇରଇଲି, ସେ ସମାନ୍ ଲକ୍ ତମେ ଆକା । ୩ ସେଟାରପାଇ ମୁଇ ତମ୍ଭକେ ଚିଟି ଲେକିରଇଲି । ଜନ୍ ଲକ୍ମନ ମକେ ସାର୍ଦା କରାଇବାର୍ ଆତେ, ମୁଇ ଆଇଲେ ସେମନ୍ସେ ମକେ ଦୁକ୍ ଦେଅଡ଼ ବଲି ମନ୍ କରିନାଇ । ମୁଇ ଜାନି, ମୁଇ ସାର୍ଦା ଅଇକରି ରଇଲେ, ତମେ ମିସା ସବୁଲକ୍ ସାର୍ଦା ଅଇରଇସା । ୪ ମୁଇ ମନେ ମନେ ବେସି ଦୁକ୍ କସ୍ତ ଅଇକରି ଆରି ମନେ ମନେ କାନ୍ଦି ଆସୁଜରାଇ କରି ଲେକି ରଇଲି, ଜେନ୍ତିକି ତମେ ଦୁକ୍ ଅଇରୁଆ ବଲିକରି ମୁଇ ବାବିନାଇ । କାଲକେବଇଲେ ମୁଇ ତମ୍ଭକେ ବେସି ଆଲାଦ୍ କଲିନି । ଏଟା ଜେନ୍ତିକି ତମେ ଜାନିରୁଆ ।

✱ ୧:୮ ୧:୮ ୧ମ କରନ୍ତିୟ ୧୫:୩୨ ✱ ୧:୧୭ ୧:୧୭ ପେରିଡ଼ ୧୯:୨୧ ✱ ୧:୧୯ ୧:୧୯ ପେରିଡ଼ ୧୮:୫

**ଦସିକେ କେମା ଦେବାଟା**

୫ ଏବେ ତମର ବିତ୍ତରେ ଜେ ପାପ୍ କରି ତମକେ ଦୁକ୍ ଦେଲା ଆଚେ, ସେ ଅବକା ମକେ ଦୁକ୍ ଦେଏନାଇ, ମାତର ତମକେ ସବୁକେ ଦୁକ୍ ଦେଲାଆଚେ । ସବୁକେ ନଇଲେ ମିସା, କେତେଲକ୍‌କେ ଦେଇଆଚେ । ତାର ପାପ୍ କଲାଟା ଅଦିକ୍ ବଡ଼ ଅଇକରି ତସି ବଲି ମୁଇ ମନ୍ କରିନାଇ । ୬ ତମର ବିତ୍ତରେ ଜବର ଲକ୍ ତାକେ ଡଣ୍ଡ ଦେଲାଇ ଆଚଡ଼ । ଆରି ସେମନ୍ ତାକେ ଦେଇରଇବା ଡଣ୍ଡ ତାରପାଇ ଅଇଜାଇସି । ୭ ଏବେ ତମେ ତାକେ କେମା ଦେଇକରି ସାଆସ୍ ଦେବାର ଆଚେ । ସେନ୍ତାରି ନ କଲେ, ସେ ବେସି ଦୁକ୍ ଅଇକରି ତାର ମନ୍ ବାଜିଜାଇସି । ୮ ସେଟାରପାଇ ତାକେ ଆରିତରେକ୍ ଆଲାଦ୍ କରା ବଲି ମୁଇ ତମକେ ବାରୁଜିଆ କଲିନି । ୯ କାଇକେବଇଲେ ତମେ ବିସବାସର୍ ପରିକାତେଇ ତାଟୁଅଇ ରଇଲାସ୍ କି ନାଇ, ଆରି ତମେ ମର୍ ଆଦେସ୍ ମାନଲାସ୍‌ନି କି ନାଇ ବଲି ଜାନ୍‌ବାକେ ମୁଇ ତମକେ ଆଗ୍‌ତୁର୍ ସେ ଚିଟି ଲେକିରଇଲି ।

୧୦ ଜେତେବେଲେ ମିସା ତମେ ସେ କରିରଇବା କାମର୍ ପାଇ ତାକେ କେମା କର୍‌ସା, ତେବେ ମୁଇମିସା ତାକେ କେମା କର୍‌ବି, ଜଦି କାଇଟା ମିସା ମୁଇ କର୍‌ବାର ରଇଲା, ତମରପାଇ ମୁଇ କିରିସ୍‌ଟର୍ ମୁଆଟେ ସେମନ୍‌କେ କେମା ଦେଇସାରାଇ ଆଚି । ୧୧ ଜେନ୍ତିକି ସଇତାନ୍, ଆମର୍ ଉପରେ ଜିତି ନାପାରେ, କାଇକେବଇଲେ, ସେ କରିରଇବା ସବୁ ଜଜନା ଆମେ ଜାନ୍‌ଲୁନି ।

୧୨ \*କିସ୍‌ଟର୍ ସୁବକବର୍ ଜାନାଇବାକେ ମୁଇ ଜେତେବେଲେ ଆଇଲି, ତରଆୟାଇ ସେବା କାମର୍‌ପାଇ ମାପରୁର୍ ବାଟ୍ ମେଲାଅଇଆଚେ ବଲି ମୁ ଜାନି ପାରଲି । ୧୩ ମାତର ଆମର୍ ବାଇ ତିତସ୍‌କେ ବେଟ୍ ନ ଅଇଲି ଜେ ମର୍ ମନେ ମନେ ବେସି ଚିନ୍ତା ରଇଗାଲା । ତେବର୍ ପାଇ ମୁଇ ତେଇର୍ ଲକ୍‌ମନ୍‌କେ ଗାଲିନିବେ ବଲି ତେଇଅନି ମାକିଦନିଆଇ ଉଚିଗାଲି ।

**ଜିସୁର୍ ଲାଗି ଜିତ୍‌ବାଟା**

୧୪ ମାତର ପର୍‌ମେସର୍ ଦନିଅବାଦ୍ ପାଅ । କିରିସ୍‌ଟେଇ ମିସିରଇଲାଟପାଇ ତାର ଜିତ୍‌ଲା ଦଲର୍ ଦାଡିତେଇ ବନ୍ଦି ଲକ୍‌ର ଇସାବେ ପର୍‌ମେସର୍ ଆମ୍‌କେ ସବୁବେଲେ ଡାକିନେଲାନି । ସବୁଲକ୍‌କେ କିରିସ୍‌ଟର୍ ବିସଇ ଜାନାଇବାକେ ସେ ଆମର୍ ଦେଇକରି କାମ୍ କଲାନି । ଜନ୍‌ଟା କି ଦୁପ୍ ପାରା ସବୁ ଜାଗାଇ ବାସ୍‌ନା ମାର୍‌ସି । ୧୫ କାଇକେବଇଲେ ଆମେ କିରିସ୍‌ଟ ପର୍‌ମେସର୍‌କେ ପଡାଇ ଦେଇତେରଇବା ଦୁପ୍ ପାରା ଆଚୁ । ଆମେ ଜାନାଇତେରଇବା ସୁବକବର୍ ଗଟେକ୍ ସୁନ୍‌ର୍ ବାସ୍‌ନା ପାରା ସବୁଲକ୍‌କେ ଗାଲାନି । ଗଟେକ୍ ବାଟର୍ ଲକ୍‌ମନ୍ ଆଜିଗାଲାଇନି, ଆରି ଗଟେକ୍ ବାଟର୍ ଲକ୍‌ମନ୍ ରକିଆ ପାଇଲାଇନି । ୧୬ ଜନ୍ ବାଟର୍ ଲକ୍‌ମନ୍ ଆଜିଗାଲାଇନି, ସେମନ୍‌ପାଇ ସେଟା ଗନ୍ । ଆରି ସେଟା ମର୍‌ବା ବାଟେ ଡାକିନେଇସି । ମାତର ଜନ୍ ବାଟର୍ ଲକ୍ ରକିଆ ପାଇଲାଇନି, ସେଟା ସେମନ୍‌କେ ସୁନ୍‌ର୍ ବାସ୍‌ନା । ଆରି ସେଟା ନ ସାର୍‌ବା ଜିବନ୍‌ତେଇ ଡାକିନେଇସି । ଏ ଆବଡ଼ କାମ୍ କେ ମିସା କରି ନାପାରଡ଼ । ୧୭ କେତେକ୍ ଲକ୍‌ମନ୍ ପର୍‌ମେସର୍‌ର ବାକିଅ ବେବାର୍ କର୍‌ତେରଇବା ଜିନିସ୍ ପାରା ବାଇବାଇ, ମାତର ଆମେ ସେନ୍ତାର୍ ନାଇ । କାଇକେବଇଲେ ପର୍‌ମେସର୍ ଆମ୍‌କେ ପାଟାଇଆଚେ । କିରିସ୍‌ଟର୍ ଗତିଦାଙ୍ଗ୍‌ତା ଇସାବେ, ଆମେ ତାର ମୁଆଟେ ସଡ଼ ବାକିଅ ଜାନାଇବୁ ।

**୩**

**ନୁଆ ନିୟମର୍ ଗତି**

୧ ଆମେ ଆରିତରେକ୍ ନିଜ୍‌କେ ଉପର୍‌କେ ଉଟାଇବା କାତା କଇଲୁନି ବଲି ତମେ କୁଆ ନାଇ । ଆମେ ତେଇ ରଇବା କେତେଟା ଦରମ୍ ଗୁରୁମନ୍‌ର ପାରା ନାଇ । ବିନ୍ ଲକ୍‌ର ତେଇଅନି ଏ ଲକ୍ ନିକଟା ବଲି ଚିଟି ଆନ୍‌ଲେ, ତମେ ସେମନ୍‌କେ ଡାକି ନେଇସା, ଆରି ତମର୍ ଜାଗା ଚାଡିକରି ଗାଲେ, ଏ ଲକ୍ ନିକଟା ବଲିକରି ତମର୍‌ଟାନେଅନି ଏମନ୍ ଚିଟି ମାଙ୍ଗ୍‌ବାଇ । ଆମ୍‌କେ ସେନ୍ତାରି ଚିଟି ଦର୍‌କାର୍ ନାଇ । ୨ ତମେସେ ଆମର୍ ମନ୍ ବିତ୍ତରେ ଲେକିଅଇ ରଇବା ଚିଟି । ସବୁ ଲକ୍ ତମକେ ଦେକ୍‌ବାଇ ଆରି ତମର୍ ଚଲାଚଲ୍‌ତି ଜାନ୍‌ବାଇ । ୩ କିରିସ୍‌ଟ ଆମ୍‌କେ ଏ ଚିଟି ଲେକ୍‌ଲା ଆଚେ । ଏଟା ସିରା ସଙ୍ଗ୍ ଲେକା ଅଏନାଇ, ମାତର ଜିବନ୍ ରଇବା ପର୍‌ମେସର୍‌ର ଆଡ଼ମା ସଙ୍ଗ୍ ଲେକାଅଇଆଚେ । ଏଟା ପାକ୍‌ନାଇ ଲେକା ନ ଅଇକରି ଲକ୍‌ମନ୍‌ର ମନ୍‌ବିତ୍ତରେ ଲେକାଅଇଆଚେ ।

୪ ଆରି କିସ୍‌ଟର୍ ଲାଗି ପର୍‌ମେସର୍‌କେ ଆସା କରି ଆମେ ସାଆସ୍ ସଙ୍ଗ୍ କଇପାରୁଲୁନି । ୫ ଏ କାମ୍ ଆମେ ନିଜର୍ ବପୁ ସଙ୍ଗ୍ କରି ପାରୁ ବଲି କଉନାଇ । ପର୍‌ମେସର୍ ଆକା ଆମ୍‌କେ ବପୁ ଦେଇସି । ୬ ସେ ତା ଆମ୍‌କେ ବପୁ ଦେଲାଆଚେ, ଜେନ୍ତିକି ଆମେ ତାର ନୁଆ ରାଜିନାମା କଲାଟା ସବୁକେ ଜାନାଇ ପାରୁ । ସେଟା ଲେକ୍‌ଲା ନିୟମ୍ ନଏ, ମାତର ତାର ଆଡ଼ମାଇ ଅନି ଅଇଲାଟା । ଲେକ୍‌ଲା ନିୟମ୍ ମରନ୍ ଆନ୍‌ସି, ମାତର ପର୍‌ମେସର୍‌ର ଆଡ଼ମା ନ ସାର୍‌ବା ଜିବନ୍ ଦେଇସି ।

୭ ମସାର୍ ନିୟମ୍ ପର୍‌ତମେ ଚେପ୍‌ଟା ପାକ୍‌ନାଇ ଲେକା ଅଇରଇଲା ଆରି ସେ ନିୟମ୍ ଦେଲାବେଲେ ପର୍‌ମେସର୍‌ର ମଇମା ତିସ୍‌ତେରଇଲା । ମସାର୍ ମୁଏ ରଇଲା ସେ ମଇମା ଉନା ଉନା ଅଇଜାଇତେରଇଲା । ଅଇଲେ ମିସା ତାର ଉଜଲ୍‌ପାଇ ଇସାର୍‌ଏଲର୍ ଲକ୍‌ମନ୍ ତାର ମୁଏ ଆଁକି ସଙ୍ଗ୍‌ଇ ନାପାର୍‌ତେରଇଲାଇ । ଜଦି ପର୍‌ମେସର୍ ମରନ୍ ଆନ୍‌ବା ସେ ନିୟମ୍ ମଇମା ସଙ୍ଗ୍ ପାଟାଇରଇଲା, ୮ ତେବେ ପର୍‌ମେସର୍‌ର ଆଡ଼ମାଇ ଅନି ଆଇବା ନୁଆ ରାଜିନାମା ଆରି କେତେକ୍ ଅଦିକ୍ ମଇମାସଙ୍ଗ୍ ରଇସି । ୯ ଲକ୍‌ମନ୍ ଡଣ୍ଡ ପାଇବାଇ ବଲି ଜାନାଇ ଅଇବା କାମ୍, ଜଦି ମଇମା ସଙ୍ଗ୍

\* ୨:୧୨ ୨:୧୨ ପେରିଡ଼ ୨୦:୧

ଆଇଲା, ତେବେ ଆମର ସବୁ ପାପ କେମା ଅଇଲାଆତେ ବଲି ଜାନାଇବା ବାକିଅ କେତେକ ଅଦିକ୍ ମଇମା ଅଇରଇସି ?  
 ୧୦ ପରତୁମ୍ ନିୟମର ମଇମା ବେସି ଉଜଲ୍ ରଇଲା, ମାତର ଏବେ ନୁଆ ନିୟମର ରାଜିନାମାର ଲାଗି ପୁରନା ନିୟମର ମଇମା ଉନାଅଇଗାଲା ଆତେ । ୧୧ ଜଦି ଆଗର ପରମାନ୍ ନିୟମ୍ ପାକାଇ କାତା ଦେଇରଇବାଟା ଚନେକର୍ପାଇ ଅଇଲେ ମିସା ମଇମାସଙ୍ଗ୍ ରଇଲା, ତେବେ ନୁଆ ପରମାନ୍ ନିୟମ୍ ପାକାଇ ଦେଇରଇବାଟା, ଜନ୍ଟା କି କେବେ ନ ସାରେ, ସେଟା କେତେକ ଅଦିକ୍ ମଇମା ସଙ୍ଗ୍ ରଇସି !

୧୨ ଆମ୍ବେ ଏ ଆସା ରଇଲାକେ, ଆମେ ବେସି ସାଆସ୍ ସଙ୍ଗ୍ ଆରୁ । ୧୩ ଆମେ ମସାର ପାରା ନାଇ, ସେ ମୁ ତାବିଅଇ ରଇଲା । ଜେନ୍ତିକି, ଲିବି ଆଇତେରଇବା ଆରି ଇସରାଏଲର ଲକ୍ମନ୍ ତେଇର୍ ମଇମା ଉନା ଅଇକରି ପୁରାପୁରୁନ୍ ଜିବାଟା ନ ଦେକଡ୍ । ୧୪ ସେବେଲେ ଇସରାଏଲର ଲକ୍ମନ୍ ନ ବୁଜ୍ତେରଇଲା, ତାକର୍ ମନ୍ ତାବିଲା ପାରା ଅଇରଇଲା । ଆରି ସେମନ୍ ପୁରନା ରାଜିନାମାର ବଇମନ୍ ପଡ଼ଲାଇନି ଜେ ଏବ୍ବେ ଜାକ ବୁଜ୍ତ ନାଇ । ଜେତେବେଲେ ଜାକ ସେମନ୍ କିରିସ୍ତରତେଇ ନ ମିସି ରଅଡ୍, ସେ ବେଲା ଜାକ ତାକର୍ ମନର୍ ତାବିନା ନ ବେଟି ଅଏ । ୧୫ ଏବେ ଜାକ ମିସା ସେମନ୍ ମସାର ନିୟମ୍ ପଡ଼ବାବେଲେ, ତାକର୍ ମନ୍ ସେନ୍ତି ତାବିସେ ଅଇରଇସି । ୧୬ ମାତର ସାସ୍ତର୍ କଇଲାନି, “ଜଦି ଜେ ମାପୁରୁର୍ ବାଟେ ମନ୍ ବାଉଡାଇଲେ, ତାର୍ ମନେ ତାବିଅଇ ରଇବାଟା ଉଗାଡି ଅଇସି ।” ୧୭ ଏ ଚିଟିତେଇ ମାପୁରୁ ବଲି କଇବାଟା ଅଇଲାନି ଆଡ଼ମା ଆରି ମାପୁରୁ ଆଡ଼ମା ଜନ୍ତି ମିସା ରଇଲେ, ତେଇ ଆମେ ମୁକ୍ଲି କରି ଆରୁ । ୧୮ ତେବେ ଆମେ ଜେଡ଼କି ଲକ୍ ସବୁ ମାପୁରୁକେ ବିସବାସ୍ କରିଆରୁ, ଆମର୍ ମୁଁ ତାବି ଅଏନାଇ । ପର୍ମେସରର୍ ବପୁ ଆରି ମଇମା ଦେକାଇଅଇବା ଗଟେକ୍ ଦର୍ପନ୍ ପାରା ଆମେ ଆରୁ । ଆମେ ତାର୍ପାରା ଅଇବା ଜାକ ଦିରେ ଦିରେ ବାଦ୍ଲାଇ ଅଇ ଆଇଲୁନି । ପର୍ମେସରର୍ ଆଡ଼ମାସେ ଆମ୍ବେ ବାଦ୍ଲାଇଲାନି ।

### ୪

#### ମାଟି ଆଣ୍ଡିତେଇ ସରଗର୍ ଦନ୍

୧ ପର୍ମେସର ତାର୍ ଜିବନ୍ ଦୁକାଇକରି ଆମ୍ବେ ଏ ସେବାକାମ୍ ଦେଲାଆତେ । ସେଟାର୍ପାଇ, ଆମେ ବପୁ ନଇଲା ଲକ୍ମନ୍ ପାରା କାମ୍ କରୁନାଇ । ୨ ଆମେ ଲୁଚ୍ତେ ରଇବା କାମ୍ କି ଲାଜ୍ କରାଇବା କାମ୍ କରୁନାଇ । ଆମେ ଲକ୍ମନ୍କେ ନାଡ଼ାଉ ନାଇ । ଆମେ ଜାନାଇତେରଇବା ମାପୁରୁର୍ ବାକିଅ ତେଇ ମିର୍ ସିକିଆ ମିସାଉ ନାଇ । ମାତର ସବୁଲକ୍ ବୁଜ୍ଲାପାରା ସଡ଼ ସିକିଆ ଦେଲୁନି । ଜେନ୍ତାର୍ କି, ମୁଇ କଇଲା ବାକିଅ ଲକ୍ମନ୍ ତାକର୍ ବିବେକ୍ଟାନେ ସଡ଼ ବଲି ଜାନ୍ବାଇ । ଆମେ କର୍ବା ସବୁ କାମ୍ ପର୍ମେସରର୍ ମୁଆଟେ ଆତେ । ୩ ଜଦି ଆମେ ଜାନାଇବା ସୁବ୍ବବର୍ ନ ବୁଜ୍ବା ଲକ୍ ଆତଡ୍, ସେନ୍ତାର୍ ଆଲେ ସେମନ୍ସେ ଆଜିଜାଇରଇବା ଲକ୍ । ୪ ଏ ଜଗତର୍ କାରାପ୍ ସାସନ୍କାରିଆ ତାକର୍ ମନ୍ ଆନ୍ଦାର୍ କରି ଦେଇଆତେ ଜେ, ସେମନ୍ ବିସବାସ୍ କରଡ୍ ନାଇ । ଜନ୍ ଉଜଲ୍ ତାକର୍ ଉପରେ ଉଜଲ୍ ଦେଲାନି, ସେଟା ନ ଦେକ୍ବାକେ ସେ ଆଗ୍ଟିଦେଲାନି । କିରିସ୍ତର୍ ମଇମାର୍ ଉଜଲ୍ ତାର୍ ସୁବ୍ବବରେଅନି ଆଇସି । କିରିସ୍ତର୍ ସମାନ୍ ପର୍ମେସରର୍ ପାରାସେ ଆତେ । ୫ କାଇକେବଇଲେ ଆମେ ନିଜର୍ ବିସଇ ଜାନାଇ ଅଉନାଇ । ମାତର ଜିସୁ କିରିସ୍ତ ଜେ କି ମାପୁରୁ, ତାର୍ ବିସଇ ଜାନାଇଲୁନି । ଜିସୁର୍ ଲାଗି ତମର୍ ଗଡିଦାଙ୍ଗ୍ତା ଇସାବେ ଆମେ ନିଜେ ଜାନାଇଅଇଲୁନି । ୬ ପର୍ମେସର ଜେ କି କଇଲା “ଉଜଲ୍ ଆନ୍ଦାରେ ଅନି ଉଜଲ୍ ଦେଇସି ।” ସେ ସମାନ୍ ପର୍ମେସର କିରିସ୍ତର୍ ମୁଏ ଅନି ତାର୍ ଉଜଲ୍ ଆମର୍ ବିଡ଼ରେ ଉଜଲ୍ କରାଇଲା । ଜେନ୍ତାରି କି କିରିସ୍ତ ତେଇ ରଇବା ପର୍ମେସରର୍ ମଇମା, ଆମେ ବୁଜି ପାରୁ ।

୭ ଆମେ ଗଟେକ୍ ମାଟି ଆଣ୍ଡି ପାରା । କାଇକେବଇଲେ ଆମ୍ବେ ବପୁ ନ ରଇଲେ ମିସା ପର୍ମେସର ତାର୍ ବେସି ମୁଲିଅ ରଇବା ବାକିଅ ଆମ୍ବେ ସର୍ପି ଦେଲାଆତେ । ଜେନ୍ତାରି କି ଆମ୍ବେ ବପୁ ନ ରଇକରି ପର୍ମେସରକେସେ ବେସି ବପୁ ଆତେ ବଲି ଲକ୍ମନ୍ ଜାନ୍ବାଇ । ୮ ଆମେ ସବୁ ରକାମର୍ ଦୁକ୍କସ୍ତ ଅଇକରି ଗାଲୁନି, ଏଲେ ମିସା କସ୍ତ ପାଉ ନାଇ । କେବେ କେବେ କାଇଟା କର୍ବୁ ବଲି ଗିଆନ୍ ନ ରଇଲା ଲକ୍ମନ୍ପାରା ଅଇଲୁନି, ଅଇଲେମିସା ମନ୍ଦୁକ୍ କରୁ ନାଇ । ୯ ସଡ଼ରୁମନ୍ ଟାନେଅନି ଉଡ଼ା ସୁନି ସୁନି ରଇଲୁ, ଏଲେମିସା ମାପୁରୁ ଆମ୍ବେ ଚାଡେ ନାଇ । ଆମର୍ ଗାଗ୍ଡେ କେତେକ୍ କେତେକ୍ ମାଡ଼ ଅଇଲା । ଅଇଲେ ମିସା ମାପୁରୁ ଆମ୍ବେ ବିନାସ୍ ଅଇବାକେ ଦେଏନାଇ । ୧୦ ଆମେ ସବୁବେଲେ ଜିସୁର୍ ମରନ୍ ଆମର୍ ଗାଗ୍ଡେ ଏତାଇଲୁନି । ଜେନ୍ତିକି ଜିସୁର୍ ଜିବନ୍ମିସା ଆମର୍ ଗାଗ୍ଡେ ଡିସି ।

୧୧ ଆମେ ଜିସୁର୍ ସଙ୍ଗ୍ ରଇଲାର୍ ପାଇ ବର୍ବ୍ବାଜାକ ମର୍ବା ବିପଦେ ଆରୁ । ଜେନ୍ତିକି ଲକ୍ମନ୍ ଏ ମର୍ବା ଗାଗ୍ଡେ ଜିସୁ ବର୍ବିରଇବାଟା ଦେକ୍ବାଇ । ୧୨ ଏନ୍ତାରିସେ ଆମେ ମରନ୍ ଦାରିଆରୁ । ମାତର ତମର୍ଟାନେ ଜିବନ୍ ଅଇ ଆଇଲାନି । କାଇକେବଇଲେ ତମେ ନ ସାର୍ବା ଜିବନ୍ ପାଇସା ।

୧୩ ସାସ୍ତରେ ଲେକା ଅଇଲାପାରା “ ମୁଇ ବିସବାସ୍ କଲି, ତେବର୍ପାଇ ମୁଇ କାତା ଅଇଲି ” । ସେ ସମାନ୍ ବିସବାସର୍ ଆଡ଼ମାଇ, ଜନ୍ ବାକିଅ ମୁଇ ବିସବାସ୍ କଲିଆଟି, ସେଟାସେ ମୁଇ ଏବେ ଲକ୍ମନ୍କେ ଜାନାଇଲିନି । ୧୪ କାଇକେ ବଇଲେ ଆମେ ଜାନିଆରୁ ପର୍ମେସର ଜେ କି ମାପୁରୁ ଜିସୁକେ ଜିବନ୍ କରି ଉଗାଇଲା, ସେ ଆମ୍ବେ ମିସା ମାପୁରୁ ଜିସୁର୍ ସଙ୍ଗ୍ ଉଗାଇସି । ଆରି ତମର୍ ସଙ୍ଗ୍ ଆମ୍ବେ ମିସା ପର୍ମେସରର୍ ମୁଆଟେ ନେଇସି । ୧୫ ତେବର୍ପାଇ ଜେଡ଼କି ସବୁ ସାଦନା

ବାନ୍ଦନା ଆଇଲାନି, ସେ ସବୁ ବିସଇ ତମର ମଙ୍ଗଳରପାଇ ସେ ଅଇଲାନି । ପରମେସରର ଜିବନ୍ ଦୁକାଇଲାଟା ଅଦିକ୍ ଅଦିକ୍ ଅଇକରି ଲକ୍ଷମନରଟାନେ କେଟ୍ସି, ଆରି ସେମନ୍ ସବୁଲକ୍ ତାକେ ଦନିଅବାଦ୍ ଦେବାଇ ।

**ବିସ୍ବାସ କରି ଜିଇବାଟା**

୧୭ ତେବର୍ପାଇ ଆମେ ସାଆସ୍ ନ ଅଇରଇବା ଲକ୍ଷ ପାରା ନ ଅଉଁ । କାଇକେବଇଲେ ଆମର ବାଇରର ଗାଗଡ୍ ମରିମରି ଆଇଲେ, ମିସା ବିତ୍ରେ ରଇବା ଲକ୍ ଦିନକେ ଦିନ୍ ନୁଆ ଅଇ ଆଇଲାନି । ୧୭ କାଇକେ ବଇଲେ ଆମର ଦୁକ୍ କସ୍ଟ ସବୁ ଉନା ଅଇକରି ଚନେକରପାଇ । ମାତର ସେଟା ଆମ୍ଭେ ନ ସରବା ସବୁଦିନର ମଇମା ଆନ୍ସି । ସେଟା ଆମର ଦୁକ୍ କସ୍ଟ ଟାନେଅନି ବଡ୍ ରଇସି । ୧୮ ତେବର୍ ପାଇ ଆମେ ଏ ଜଗତେ ଡିସ୍ବା ବିସଇ ଆସା ନ କରି ନ ଡିସ୍ବା ବିସଇ ଆସା କଲୁନି । କାଇକେବଇଲେ ଦେକ୍ବା ବିସଇ ସବୁଦିନ୍ ନ ରଏ, ମାତର ନ ଦେକ୍ବା ବିସଇ ସବୁ ଦିନରପାଇ ରଇସି ।

**୫**

୧ ଆମର ଗାଗଡ୍ ତୁମ୍ ଟାନିକରି ବାନ୍ଦିରଇବା ଗର୍ପାରା । ଆରି ଆମେ ଜାନୁ ଜେ ଜେତେବେଲେ ମିସା ଏଟା ବାଞ୍ଜି ଜାଇସି, ତେବେ ସର୍ଗେ ରଇବାପାଇ ଆମକେ ଗଟେକ୍ ଗର୍ ଆଟେ । ଏଟା ନିଜେ ପରମେସର ତିଆର କଲାଟା । ସେଟା କେବେ ବିନାସ୍ ନ ଅଏ । ସବୁ ଦିନରପାଇ ରଇସି । ୨ ମାତର ଆମେ ଏ ଜଗତେ ରଉ ରଉ ଏଡ୍ କି କସ୍ଟ ପାଇଲୁନି । ସର୍ଗେ ରଇବା ଆମର ନୁଆ ଗାଗଡ୍ ଏବେଆକା ଆମ୍ଭେ ମିଲ ବଲି ଆମେ ମନ୍ କଲୁନି । ୩ କାଇକେବଇଲେ ମଲାତେଇଅନି ଆମକେ ଉଟାଇଲାବେଲେ ଆମରପାଇ ଗଟେକ୍ ଗାଗଡ୍ ଦରକାର୍ ଆଟେ । ୪ ଏ ଜଗତେ ଆମେ ବୁଟି ରଇଲାବେଲେ, ଇଡିର ଗାଗଡ୍ ନେଇକରି ଜେଡ୍ କି ଦୁକ୍ କସ୍ଟ ପାଇବାର୍ ଆଟେ, ସେଟା ସବୁ ବଇକରି ଆଉଜି ଗାଲୁନି । ମାତର ଏ ଗାଗଡ୍ ଚାଡ୍ବାକେ ଆମେ ମନ୍ କରୁ ନାଇ । ସର୍ଗେ ଅନି ଆଇବା ନୁଆ ଗାଗଡ୍ ଆମ୍ଭେ ମିଲ ବଲି ମନ୍ କଲୁନି । ସେନ୍ତାର୍ଆଲେ ମରନ୍କେ ସର୍ପି ଦେଇରଇବା ଏ ଗାଗଡ୍ ବାବୁଲେ ସବୁଦିନର ପାଇ ଜିବନ୍ ରଇବା ଗଟେକ୍ ଗାଗଡ୍ ମିଲାଇବୁ । ୫ ମାତର ପରମେସର ଆମରପାଇ ଏ ସବୁ ବିସଇ ଜାଗାଇଦେଇ ସାରାଇଆଟେ । ଜେନ୍ଦ୍ରିକି ଆଇବା ଦିନମନ୍କେ ଏଟାସବୁ ଅଇସି । ଏଟା ସବୁ ସେ ପୁରାପୁରୁନ୍ କରସି ବଲି ଆମ୍ଭେ ଚିନ୍ ଇସାବେ ସୁକଲ୍ ଆଡ୍ମା ଦେଲାଆଟେ ।

୬ ସେଟାର୍ ପାଇ ଆମେ ସବୁବେଲେ ସାଆସ୍ ଅଇକରି ଆରୁ । ଏ ସାରବା ଗାଗଡ୍ ଆମେ ରଉ ରଉ, ମାପୁରୁ ରଇବା ଗରେ ଅନି ଦୁରିକେ ବାସା ଅଇଆରୁ ବଲି ଜାନିଆରୁ । ୭ ଏ ଜଗତେ ରଇବା ଆମର ଜିବନ୍, ପରମେସରଟାନେ ବିସ୍ବାସ୍ କରି ରଇଲୁନି । କାଇକେବଇଲେ ଜନ୍ ଜାଗାଇ ଆମେ ବାସା ଅଇବାକେ ଗାଲୁନି, ସେ ଜାଗା ଏବେଜାକ ଆମେ ଦେକୁ ନାଇତା । ୮ ଉଁ ଆମର ବିସ୍ବାସ୍ ସବୁବେଲେ ଡାଁଟ୍ ଆଟେ । ଏ ସାରିଜିବା ଗାଗଡ୍ ଚାଡିକରି ମାପୁରୁ ଗରେ ଜିବାକେ ବଲି ଆମେ ଜାନିଆରୁ । ୯ ମାତର ଏବେ ଆମେ ଜନ୍ତ୍ରି ରଇଲେ ମିସା, ଏ ଜଗତେ ରଇଲେ କି, ପରମେସର ରଇବାଟାନେ ରଇଲେ ମିସା, ସେ ଜନ୍ଟା ଆମରଟାନେଅନି ଆସା କଲାନି, ସେଟା ପୁରାପୁରୁନ୍ ଅ ବଲି ଆମେ ମନ୍ କଲୁନି ।

୧୦ \*ଆମେ ସବୁଲକ୍ କିରିସ୍ଟର ମୁଆଟେ ଆଇବାକେ ପଡ୍ସି । କାଇକେବଇଲେ ସେ ଆମର କାମ୍ ବିଚାର୍ କରସି । ଏ ଜଗତେ ରଇକରି ଆମେ ଜନ୍ଟା କଲୁଆରୁ, ସେଟା ନିକ ଅ କି ନ ଅ, ସେ ଇସାବେ ଆମ୍ଭେ ଗଟେକ୍ ଗଟେକ୍ ଲକ୍କେ ରୁତି ମିଲ୍ସି ।

**କିରିସ୍ଟର ଦେଇ ପରମେସର ସଙ୍ଗ୍ ମଇତର**

୧୧ ଆମେ ଜାନିଆରୁ ମାପୁରୁ ଆମ୍ଭେ ବିଚାର୍ କରବାବେଲେ ଗଟେକ୍ ଡରବା ବେଲା ଅଇସି । ସେଟାର୍ପାଇ ଆମେ ଲକ୍ଷମନ୍କେ ମାନାଇଲୁନି । ପରମେସର ଆମ୍ଭେ ପୁରାପୁରୁନ୍ ଜାନ୍ଲାନି । ଆରି ମୁଇ ଆସା କଲିନି ତମେ ମିସା ତମର ମନେ ମନେ ମକେ ଜାନିରୁଆ । ୧୨ ଏଟା ସବୁ ଲେକିକରି ତମେ ଆମ୍ଭେ ଆରିତରେକ୍ ଏ ଲକ୍ ନିକ ବଲିକରି କୁଆଅଇବାକେ ଆମେ ମନ୍ କରୁନାଇ । ମାତର ଆମେ ଆସା କରବାଟା ଟିକ୍ ଆଟେ, ସେଟା ତମେ ଜାନା ବଲି ଆମେ ମନ୍ କଲୁନି । ଆରି ଜନ୍ ଲକ୍ଷମନ୍ ନିକ ଗୁନ୍ ନ ମାନିକରି, ବାଇରେ ଡିସ୍ବା ବିସଇଟାନେ ବଡ୍ପନ୍ ଅଇବାଇ, ସେମନ୍କେ ବୁଜାଇପାରାସ୍ । ୧୩ କେତେଲକ୍ ଆମେ ବାୟା ଅଇଗାଲୁଆରୁ ବଲି ବାବ୍ବାଇ । ସେନ୍ତାର୍ଆଲେ ସେନ୍ତ୍ରି ଅଇବାଟା ପରମେସର ମନ୍ କଲା ଇସାବେ । ଜଦି ଆମେ ନିକ ଆରୁ ବଲି ବାବ୍ଲେ ସେଟା ତମର ବଲ୍ ପାଇ । ୧୪ କିରିସ୍ଟର ଆଲାଦ୍ ଆମ୍ଭେ ବାଟ୍ ଦେକାଇଲାନି । ସେଟା ଆମେ ଜାନିଆରୁ । ସେଟାର୍ ଲାଗି ଆମେ ସବୁଲକ୍ ତାର୍ ମରନେ ମିସିଆରୁ । ୧୫ ସେ ସବୁ ଲକ୍ଷପାଇ ମଲାଆଟେ । ଜେନ୍ଦ୍ରି କି ଜନ୍ଲକ୍ଷମନ୍ ବୁଟି ଆଟଡ୍, ସେମନ୍ ନିଜର୍ ପାଇ ନ ବୁଟଡ୍ । ଜେ ତାକର୍ ପାଇ ମରିକରି ଜିବନ୍ ଅଇ ଉଟ୍ଲା, ଅବ୍କା ତାର୍ ପାଇସେ ବୁଟ୍ବାର୍ ଆଟେ ।

୧୬ ଏ ଜଗତର ଲକ୍ଷମନ୍ ବିଚାର୍ କଲାପାରା ଆମେ ଲକ୍ଷମନ୍କେ ବିଚାରୁନା କରୁନାଇ । ପୁରୁବେ ଆମେ କିରିସ୍ଟକେ ମିସା ଏ ଜଗତର ଲକ୍ଷ ବିଚାର୍ କଲାପାରା କରୁତେରଇଲୁ । ମାତର ଏବେ ଆମେ ସେନ୍ତ୍ରି କରୁନାଇ । ୧୭ ଜେ ଜଦି କିରିସ୍ଟ ସଙ୍ଗ୍ ମିସ୍ଲେ ସେ ଗଟେକ୍ ନୁଆ ଲକ୍ ଅଇସି । ପୁରୁନା ଚଲାଚଲ୍ତି ଆରି ନାଇନି, ସବୁଜାକ ନୁଆ ଅଇଗାଲା ଆଟେ । ୧୮ ଏଟା ସବୁ ପରମେସର କଲାଆଟେ । ସେ କିରିସ୍ଟକେ ଦେଇ ଆମ୍ଭେ ସବୁରୁ ରଇବା ତେଇଅନି ମଇତର କରିଆଟେ

\* ୫:୧୦ ୫:୧୦ ରମିୟ ୧୪:୧୦



। ବିନ୍ ଲକ୍ଷ୍ମୀନକେ ମିସା ତାର୍ ମଇତର କରାଇବା କାମ୍ ଆମ୍‌କେ ସର୍ପି ଦେଲାଆତେ । ୧୯ ତେବେ ଆମେ ଏ ବିସଇ ଜାନାଇଦେଲୁନି, ଜେ କିରିସ୍‌ଟର ଲାଗି ପର୍ମେସର୍ ସବୁ ମୁନ୍‌ସ୍ ଜାତିକେ ତାର୍ ନିଜର୍ ମଇତର କରିପାରସି । ଆରି ସେ ତାକର୍ ସବୁ ପାପ୍ କେମା କରିଦେଇସି । ବିନ୍ ଲକ୍ଷ୍ମୀନକେ ମିସା ତାର୍ ମଇତର କରାଇବା କାମ୍ ଆମ୍‌କେ ସର୍ପି ଦେଲାଆତେ ।

୨୦ ପର୍ମେସର୍ ଆମ୍‌କେ ଦେଇ ତମ୍‌କେ ବାବୁଜିଆ କଲାନି । ଏଟାର୍‌ପାଇ କିରିସ୍‌ଟ ଆମ୍‌କେ ପାଟାଇଲା ଆତେ । ଆରି କିରିସ୍‌ଟର ଲାଗି ଆମେ ମିସା ତମ୍‌କେ ବାବୁଜିଆ କଲୁନି । ପର୍ମେସର୍ ତମ୍‌କେ ସବୁଟାଟାନ୍‌ଅନି ମଇତର କର । ୨୧ କିରିସ୍‌ଟକେ କାଇ ପାପ୍ ନ ରଇଲା । ମାତର୍ ଆମର୍ ପାପର୍ ପାଇ ଆକା ସେ ଡଣ୍ଡ ପାଅ ବଲି ପର୍ମେସର୍ ଟିକ୍ କଲା । କିରିସ୍‌ଟ ସଙ୍ଗ୍ ମିସଲାର୍‌ପାଇ ଏବେ ପର୍ମେସର୍ ଆମ୍‌କେ ଦରମ୍ ଲକ୍ ଇସାବେ ଦେକ୍‌ଲାନି ।



୧୨ ତେବେ ପର୍ମେସର୍‌ର ଏ କାମେ, ଆମେ କାମ୍‌କରୁମନ୍ ଅଇଲୁଆରୁ ଜେ, ତମ୍‌କେ ଆମେ ବାବୁଜିଆ କଲୁନି । ତମେ ତାର୍ ଜିବନ୍ ଦୁକାଇଲାଟା ମିଲାଇ ଆଟାସ୍ । ସେଟା ରୁଟାଇ ନ ଅ । ୨ ପର୍ମେସର୍ କଇବାଟା ସୁନା ।

“ ତମ୍‌କେ ଦୟା ଦେକାଇବା ବେଲା ସମାନ୍ ଅଇଲାକେ,

ମୁଇ ତମେ ଗୁଆରି କଲାଟା ସୁନ୍‌ଲି ।

ଜନ୍ ଦିନେ ମୁଇ ମୁକ୍‌ଲାଇବା ଦିନ୍ ବଲି ଟିକ୍ କଲି,

ସେ ଦିନେ ମୁଇ ତମ୍‌କେ ସାଇଜ କଲି ।”

ସୁନା ! ପର୍ମେସର୍ ତମ୍‌କେ ତାର୍ ଆଲାଦ୍ ଦେକାଇବି ବଲି, ଟିକ୍ କଲା ଦିନ୍ ଆଜିସେ । ତମର୍ ପାପର୍ ଡଣ୍ଡେ ଅନି ସେ ତମ୍‌କେ ରକିଆ କର୍‌ବା ଦିନ୍ ଆଜି ସେ ।

୩୩ ଜେନ୍ତ୍ରୀକି ଆମର୍ ସେବା କାମେ ଲକ୍ଷ୍ମୀନ ଆମ୍‌କେ ଦସ୍ ନ ଦାରଡ୍ ବଲି ଆମେ ମନ୍ କରୁନାଇ । ସେଟାର୍‌ପାଇ କିରିସ୍‌ଟର୍ ପତେ ଜିବା ଲକ୍ଷ୍ମୀନକେ ଆମ୍‌କେ ଆଗ୍ରୁ ନାଇ । ୪ ତାର୍ ବାବୁଲେ ଆମେ ଜାଇଟା କଲେ ମିସା ପର୍ମେସର୍‌ର ସେବାକାରିଆ ଇସାବେ କଲୁନି । ଜେନ୍ତ୍ରୀକି, କିରିସ୍‌ଟର ଲାଗି ଉତ୍ତାସୁନ୍‌ବା ଟାନ୍‌ନେ, ଦୁକ୍ କସ୍‌ଟ ଟାନ୍‌ନେ, ଆମେ ସାଆସ୍ ଅଇ ମୁରଟିକରି ଆରୁ । ୫\*ଆମେ କର୍‌ତା ମାଡ୍ କାଇ ବନ୍ଦି ଗରେ ରଇଆରୁ, ମାନ୍‌ ଲକ୍‌ଟାନ୍‌ନେ ଅନି କେଦାଇଅଇଆରୁ, ବେସି ଆବଡ୍ କାମ୍ କରି ଆରୁ, ନ ସଇକରି ରଇଲୁଆରୁ, ଦିନ୍ ଦିନ୍ ଦାରି ନ କାଇ ନ ପିଇ କରି ରଇଆରୁ । ୬ ଆମର୍ ସୁକଲ୍ କାମେ, ଆମର୍ ଗିଆନେ, ଆମର୍ ମୁରଟି ରଇବାଟାନ୍‌ନେ, ଆମର୍ ଦୟା ଦେକାଇବାଟାନ୍‌ନେ, ସୁକଲ୍‌ଆଡ୍‌ମାଟାନ୍‌ନେ, ଆମର୍ ସଡ୍ ଆଲାଦ୍‌ଟାନ୍‌ନେ, ଆମେ ପର୍ମେସର୍‌ର ସେବା କାରିଆ ବଲିକରି ଜାନାଇ ଅଇଲୁନି । ୭ ଆମେ ସିକାଇବା ବାକିଅ ସଡ୍ ବାକିଅ । ଆରି ଆମର୍ ସଙ୍ଗ୍ ପର୍ମେସର୍‌ର ବପୁ ଆତେ । ପର୍ମେସର୍ ଦେକବା ଇସାବେ, ଆମର୍ ଦରମ୍ ବଲାଇ ଅଇବାଟା ଗଟେକ୍ ଆଡ୍‌ଆଡିଆର୍ ପାରା । ଆମର୍ ସବୁଟାମନ୍ ବିରୁଦେ ଜୁଜ୍‌ବାକେ ଆରି ନିଜ୍‌କେ ରକିଆ ପାଇବାକେ, ସେଟା ବାଇଲୁନି । ୮ କେବେ କେବେ ଆମ୍‌କେ ସନ୍‌ମାନ୍ ମିଲୁଲାନି । ମାତର୍ କେବେ କେବେ ତଲେ ପାକାଇଲାଇନି । କେବେ କେବେ ନିକ ଲକ୍ ବଲାଇଅଇଲୁନି । ମାତର୍ କେବେ କେବେ ଆମେ ନିନ୍‌ ପାଇଲୁନି । ୯ ଆମେ ମିରୁଆ ବଲାଇଅଇଲୁନି । ମାତର୍ ସଡ୍ କାତା କଇଲୁନି । ନାଜାନ୍‌ତେ ରଇଲେ ମିସା ସବୁଲକ୍ ଜାନି ଆତଡ୍ । ମଲା ସମାନ୍ ରଇଲୁ, ମାତର୍ ଆଜିକେ ଜାକ ବଠିଆରୁ । ଡଣ୍ଡ ପାଇଲୁ ମିସା ମରୁନାଇ । ୧୦ ବେସି ଦୁକେ ରଇଲେ ମିସା ସାଡ୍‌ଦା ସଙ୍ଗ୍ ଆରୁ । ଆମେ ଅରକିଡ୍ ପାରା ଅଇରଇଲେ ମିସା, ବିନ୍ ଲକ୍ଷ୍ମୀନକେ ସାଉକାର୍ କରାଇଆରୁ । ଆମେ କାଇଟା ନ ରଇବା ଲକ୍‌କର୍ ପାରା ଆରୁ, ମାତର୍ ସବୁଜାକ ଆମର୍‌ଟା ।

୧୧ ଏ କରନ୍ତ୍ରୀୟ ରଇବା ଆମର୍ ମଇତର୍‌ମନ୍, କାଇ କପଟ୍ ନ କରି, ଆମର୍ ମନେ ଜାଇଟା ରଇଲା, ସେଟା ସବୁ ତମର୍ ମୁଆଟେ କଇଲୁଆରୁ । ଆମେ ତମ୍‌କେ ବେସି ଆଲାଦ୍ କଲୁନି । ୧୨ ତମର୍‌ପାଇ ବଲିକରି ଆମର୍ ଆଲାଦ୍ ଉନା ଅଏ ନାଇ । ମାତର୍ ଆମର୍ ପାଇ ରଇବା ତମର୍ ଆଲାଦ୍ ଉନା ଅଇଆତେ । ୧୩ ନିଜର୍ ପିଲାମନ୍‌କେ କଇଲା ପାରା ତମ୍‌କେ କଇଲିନି, ଆମେ ଜେନ୍ତ୍ରୀକି ତମ୍‌କେ ଆଲାଦ୍ କଲୁନି, ସେନ୍ତ୍ରୀକିସେ ତମେ ଆମ୍‌କେ ଆଲାଦ୍ କରା ।

**ବିସ୍‌ବାସ୍ ନ କଲା ଲକ୍ଷ୍ମୀନର୍ ଟାନ୍‌ନେ ଜାଟାଇ ଉଆନାଇ**

୧୪ ତମେ ବିସ୍‌ବାସ୍ ନ କର୍‌ବା ଲକ୍ଷ୍ମୀନର୍ ସଙ୍ଗ୍ ମିସିକରି କାମ୍ କରାନାଇ । ସେ କାମ୍ କେବେମିସା ନ ଅଏ । କାଇକେବଇଲେ ସଡ୍ ଆରି ମିର୍ ମିସାଇ ନ ଅଏ । ଉଜଲ୍ ଆରି ଆନ୍‌ର ନ ମିସଡ୍ । ୧୫ କିରିସ୍‌ଟ ଆରି ସଇତାନ୍ କାଇ ବିସଇଟାନ୍‌ନେ ମିସା ରାଜି ନ ଅଅଡ୍ । ଗଟେକ୍ ବିସ୍‌ବାସ୍ କର୍‌ବା ଲକ୍ ଆରି ଗଟେକ୍ ବିସ୍‌ବାସ୍ ନ କର୍‌ବା ଲକ୍, ଗଟେକ୍ ଟାନ୍‌ନେ ମିସିକରି ନ ରଅଡ୍ । ୧୬\*ପର୍ମେସର୍‌ର ମନ୍‌ଦିରେ ପୁଡ୍‌ଲା ପୁଜା କର୍‌ବାର୍ ନ ଅଏ । ଆମେ ପର୍ମେସର୍‌ର ମନ୍‌ଦିର୍ ପାରା । କାଇକେବଇଲେ ଜିବନ୍ ରଇବା ପର୍ମେସର୍ ଆମର୍ ବିଡ୍‌ରେ ବାସା ଅଇଆତେ । ସେ ନିଜେ କଇଲାଆତେ

“ ଜନ୍ ଲକ୍ଷ୍ମୀନ ମର୍ ଲକ୍,

ମୁଇ ସେମନ୍‌ର୍ ସଙ୍ଗ୍ ରଇବି ।

ତାକର୍ ବିଡ୍‌ରେ ଚାଲାବୁଲା କର୍‌ବି । ମୁଇ ସେମନ୍‌ର୍ ପର୍ମେସର୍ ଅଇବି ।

☆ ୬:୫ ୬:୫ ପେରିଡ୍ ୧୭:୨୩ ☆ ୬:୧୭ ୬:୧୭ ୧ମ କରନ୍ତ୍ରୀୟ ୩:୧୭:୬:୧୯

ଆରି ସେମନ୍ ମର ଲକ୍ ଅଇବାଇ ।”  
 ୧୭ ତେବେ ମାପୁରୁ କଇଲାନି,  
 “ଜନ୍ ଲକ୍ମନ୍ ମର ସଙ୍ଗ ଆସତ୍ ନାଇ,  
 ସେ ମାନ୍ଦାଇ ଅନି ଚାଡ଼ି କରି ବେଗଲି ଉଟିଆସା ।  
 ସୁକଲ୍ ନ ରଇବା କାଇଟା ମିସା ଚିଆନାଇ ।  
 ସେନ୍ତାରୁଆଲେ ମୁଇ ତମ୍ବକେ ଡାକିନେବି ।”  
 ୧୮ ମୁଇ ତମ୍ବର ବାବା ଅଇବି ଆରି,  
 ତମେ ମର ପିଲାଜିଲା ଅଇସା ।  
 ଏଟା ସବୁରଟାନେ ଅନି ବପୁ ରଇବା  
 ମାପୁରୁ କଇଲାନି ।

୭

୧ ତେବର୍ପାଇ ଏ ମର ଆଲାଦର୍ ମଇତର୍ମନ୍, ପର୍ମେସର୍ କାତା ଦେଇରଇବାଟା ସବୁ ଆମ୍ବକେ ସର୍ପିଆଟେ । ତେବର୍ପାଇ ଜନ୍ଟା ସବୁ ଆମର୍ ଗାଗଡ଼କେ ଆରି ଆଡ଼ମାକେ ସୁକଲ୍ ନ କରାଏ, ସେଟା ସବୁ ଚାଡ଼ିଦେଉଁ । ପର୍ମେସର୍କେ ଡରିରଇକରି ପୁରାପୁରୁନ୍ ସୁକଲ୍ ଅଇରଉଁ ।

ପାଉଲ୍ ସାର୍ଦା ଅଇଲାଟା

୨ ତମେ ଆମ୍ବକେ ଅଦିକ୍ ଆଲାଦ୍ କର୍ବା ଦର୍କାର୍ । ଆମେ ତମର୍ ବିରୁଦେ କାଇ ଦସ୍ କରୁନାଇ । ଆମେ କାକେ ନସ୍ତ କରୁନାଇ, କି କାକେ ନାତାଉ ନାଇ । ୩ ମୁଇ ତମ୍ବକେ ଦସ୍ଦେବାକେ ଏ କାତା କଇନାଇ । ଆଗ୍ତୁ କଇଲାପାରା, ଆମେ ତମ୍ବକେ ସଡ଼ସେ ଆଲାଦ୍ କଲିନି, ବୁଟି ରଇଲେ କି ମଲେ ମିସା, ତମେ ଆମର୍ ମନ୍ ବିଡ଼ରେ ଆଟାସ୍ । ୪ ତମର୍ ଲଗେ ମର୍ ବିସବାସ୍ ଆଟେ । ଆରି ମୁଇ ତମର୍ ବିସଇନେଇ ବଡ଼ପନ୍ ଅଇଲିନି । ଆମେ ବେସି ଦୁକ୍ କସ୍ଟ ଆଇଲେ ମିସା ସାଆସ୍ ଦାରି ଆଚୁ । ମର୍ ମନ୍ବିଡ଼ରେ ସାର୍ଦା ଅଦିକ୍ ଅଦିକ୍ ଅଇକରି ଉଚ୍ଲି ଗାଲାନି ।

୫ \*ଆମେ ମାକିଦନିଆଇ ଆଇଲାପଟେ ମିସା ଚନେକ୍ ପୁଣ୍ଡୁଲାଇ । କାଇକେବଇଲେ ତେଇ ଦୁକ୍ କସ୍ଟ ରଇଲା, କେତେଲକ୍ ଆମର୍ ବିରଦେ କଇ ଲାଗାଜତା କଲାଇ । ଆମେ ମନ୍ ବିଡ଼ରେ ବେସି ଡରିଜାଇତେ ରଇଲୁ । ୬ ମାତର୍ ଜେ କି ଆକା ସାକା ନ ରଇବା ଲକ୍ମନ୍କେ ଦୁକ୍ ସାରାଇବା ପର୍ମେସର୍ ତିତସ୍କେ ଆନାଇ କରି ଆମ୍ବକେ ସାର୍ଦା କରାଇଲା । ୭ ଅବ୍କା ସେ ଆଇଲାକେସେ ଆମେ ସାର୍ଦା ଅଉନାଇ, ମାତର୍ ତମର୍ ଲାଗି ତିତସ୍ ବେସି ସାର୍ଦା ଅଇଗାଲା ବଲି ଆମ୍ବକେ କଇଲାପରାଇ ମିସା ସାର୍ଦା ଅଇଲୁ । ତମେ ମକେ ଦେକ୍ବାକେ ମନ୍ କଲାସ୍ନି ବଲି ମିସା ସେ କଇଲା । ଆରି ତେଇ ମକେ ଜେଡ଼କି ଗଟ୍ଲା, ସେଟାରପାଇ ଦୁକ୍ ଅଇକରି ଆଟାସ୍ । ଆରି ତମେ ମର୍ବାଟେ ଅଇକରି କଇବାକେ ମିସା ରାଜିଆଟାସ୍ । ଏଟାମନ୍ ସବୁ ସୁନିକରି ମୁଇ ବେସି ସାର୍ଦା ଅଇଗାଲି ।

୮ ମର୍ ଚିଟିରଲାଗି ତମେ ଦୁକ୍ ଅଇରଇଲେ ମିସା, ସେ ଚିଟି ତମ୍ବକେ ପାଟାଇଲି ବଲି, ମୁଇ ଦୁକ୍ କରିନାଇ । ସେ ଚିଟିର ଲାଗି ତମେ ଚନେକର୍ ପାଇ ଦୁକ୍ କରିରଇଲାସ୍ ଜେ ଜାନିକରି, ମୁଇ ମିସା ଦୁକ୍ ଅଇରଇଲି, ଏଟା ସଡ଼ । ୯ ମାତର୍ ମୁଇ ଏବେ ସାର୍ଦାସଙ୍ଗେ ଆଟି । ତମ୍ବକେ ଦୁକ୍ଦେଇ ଆଟି ବଲିକରି ନାଇ, ମାତର୍ ସେ ଦୁକ୍ ଲାଗି ତମେ ତମର୍ ଚଲାଟଲ୍ଡି ବଦ୍ଲାଇଲାସ୍ । ସେ ଆସିରଇବା ଦୁକ୍ ପର୍ମେସରର୍ ମନ୍ କଲା ଇସାବେ ଅଇବାଟା । ଜେନ୍ତିକି ମାନିଆଇସା । ସେନ୍ତାରୁଆଲେ ଆମେ ତମର୍ ପାଇ କାଇ ବାଦା ଆନୁନାଇ । ୧୦ କାଇକେବଇଲେ ଜଦି ଗଟେକ୍ ଲକ୍ମନ୍ ଦୁକ୍ ପର୍ମେସରର୍ ମନ୍ କଲା ଇସାବେ ଆଇସି, ସେଟା ନିଜର୍ ପାପ୍ କଲାଟା ମାନିଅଇକରି, ମନ୍ ବାଉଡ଼ାଇବାକେ ଲଡ଼ାକେ ଆଇସି । ତେଇ କାଇ ମିସା ଦୁକ୍ ନାଇ । ମାତର୍ ମୁନ୍ସୁମନ୍ ଟାନେଅନି ଅଇବା ଦୁକ୍ ମରନ୍ବାଟେ ଡାକିନେଇସି । ୧୧ ତମ୍ବକେ ଦୁକ୍ ଦେଇକରି ପର୍ମେସର୍ କାଇଟା କଲାଆଟେ ଦେକିଦେକା । ଜେନ୍ତିକି ଏବେ ତମେ ଟିକ୍ ଚଲାଟଲ୍ଡି କର୍ବାକେ ମନ୍ କଲାସ୍ନି, ବୁଲ୍ କାମ୍ କରୁନାଇ ବଲି ବୁଜାଇବାକେ ଚେସଟା କଲାସ୍ନି, ଲାଜ୍ ପାଇବା କାମ୍ କର୍ବାକେ ବାକାନ୍ଲାସ୍ନି, ଡରିକରି ଆଟାସ୍, ଆମେ ଆରିତରେକ୍ ବେଟ୍ ଅଇରୁ ବଲି ମନ୍ କଲାସ୍ନି, ମକେ ସାର୍ଦା କରାଇବାକେ ମନ୍ କଲାସ୍ନି, ପାପ୍ କଲା ଲକ୍ମନ୍କେ ଦାପ୍ରେ ଡଣ୍ଡୁ ଦେଲାସ୍, ଏଟା ସବୁ କଲାକେ ସେ କରିରଇବା ପାପେ ତମର୍ କାଇ ବୁଲ୍ ନାଇ ।

୧୨ ଜନ୍ ଲକ୍ ପାପ୍ କରିଆଟେ, ତାର୍ ବଲ୍ ପାଇ କି ଜନ୍ ଲକ୍ ବିରୁଦେ ପାପ୍ କରାଇଅଇଲା, ତାର୍ ବଲ୍ ପାଇ ମୁଇ ସେ ଚିଟି ଲେକିନାଇ । ମାତର୍ ଆମ୍ବକେ ତମେ ଏତେକ୍ ଆଲାଦ୍ କଲାସ୍ନି, ସେଟା ତମେ ନିକସଙ୍ଗ୍ ଜାନ୍ବାକେ ମୁଇ ଲେକିରଇଲି । ପର୍ମେସର୍ ଏଟା ଜାନିଆଟେ । ୧୩ ସେଟାରପାଇ ତମେ ଆମ୍ବକେ ବେସି ସାର୍ଦା କରାଇଲାସ୍ ।

ଅବ୍କା ଆମେସେ ସାର୍ଦା ଅଇଲୁ ସେଡ଼କି ନସ୍, ମାତର୍ ତିତସ୍ ସାର୍ଦା ଅଇଲାଟା ଦେକିକରି ମିସା ଆମେ ସାର୍ଦା ଅଇଲୁ । ତମେ ସବୁ ତାକେ ସାର୍ଦା କରାଇଲାକେ ସେ ମିସା ସାର୍ଦା ଅଇରଇଲା । ୧୪ ତିତସ୍ ତମର୍ଟାନେ ନ ଆଇବା ଆଗ୍ତୁ, ମୁଇ ତମର୍ ବିସଇ ବଡ଼ପନ୍ ଅଇକରି ତାକେ କଇରଇଲି । ସେ ତମର୍ଟାନେ ଆଇଲାକେ ମୁଇ ବଡ଼ପନ୍ ଅଇକରି

☆ ୭:୫ ୭:୫ ୨ୟ କରକ୍ରିୟା ୨:୧୩

ସବୁ କଲ୍ଲୀଟା ସତ୍ତ୍ୱ ବଲି ଜାନିଲା । ତମେ ମକେ ଲାଜ୍ କରାସ୍ ନାଲ । ମୁଇ ତମ୍‌କେ ଜାଇଟା ସବୁ କଲ୍ଲି ଆଟି, ସେଟା ସତ୍ତ୍ୱ । ଆରି ତିତସ୍‌କେ ଜାଇଟା କଇରଇଲି ସେଟା ମିସା ସତ୍ତ୍ୱ ବଲି ଜାନାପଡ଼ଲାନି । ୧୫ ତେବେ ତମେ ତାର୍ ସବୁ ଆଦେସ୍ ମାନଲାସ୍ ଆରି ତମେ ତାକେ ସାର୍‌ଦାଇ ରଇସି କି ନ ରଏ ବଲି ଡରିକରି ରଇଲାଟା ସେ ଏଡ୍ କଲା । ତମର୍ ପାଇ ରଇବା ତାର୍ ଆଲାଦ୍, ଅଦିକ୍ ଅଦିକ୍ ଅଇ ଆଇଲାନି । ୧୬ ତମର୍‌ଟାନେ ମର୍ ପୁରାପୁରୁନ୍ ଆସା ଆଟେ ବଲିକରି ମୁଇ ବେସି ସାର୍‌ଦା ଅଇଲିନି ।

୮

ବିସ୍‌ବାସିମନ୍ ଦାନ୍ ଦେବାଟା

୧୬\*ଏ ମର୍ ବାଇବଇନିମନ୍, ମାସିଦନିଆର୍ ବିସ୍‌ବାସିମନ୍‌କେ ପର୍‌ମେସର୍ ଜିବନ୍‌ଦୁକାଇ ରଇଲାପାଇ ତେଇ କାଇଟା ଗଟ୍‌ଲା, ସେଟା ତମେ ଜାନିରୁଆ ବଲି ମୁଇ ମନ୍ କଲୁନି । ୧୭ ବେସି ବଡ୍ ଦୁକ୍ କସ୍‌ଟ ପାଇ, ମୁର୍‌ଟି ରଇକରି, ତେଇ ସେମନ୍ ବେସି ସାର୍‌ଦା କଲାଲ । ତାକର୍ ସାର୍‌ଦା ଏଡେକ୍ ବଡ଼ିଜାଇରଇଲା ଜେ ସେମନ୍ ଅର୍‌କିଡ୍ ଅଇରଇଲେ ମିସା ତାକର୍ ବିସ୍‌ବାସି ବାଇମନର୍ ପାଇ ବେସି ବେସି ଦାନ୍ କଲାଲ । ୧୮ ସେମନ୍ ଜେଡ୍‌କି ଦେବାର୍ ରଇଲା, ତାର୍‌ତେଇଅନି ଅଦିକ୍ ଦେଲାଲ ବଲି ମୁଇ ସାକି ଦେଲିନି । ଦେବାର୍ ମନ୍ ରଇଲାକେ ନିଜର୍ ମନ୍ କଲା ଇସାବେ ଦେଲାଲ । ୧୯ ଜିଉଦା ଦେସେ ରଇବା ପର୍‌ମେସର୍‌ର ଲକ୍‌ମନ୍‌କେ ସାଇଜ କର୍‌ବାକେ ସେମନ୍ ମିସା ମିସତ୍ ବଲି ଆମ୍‌କେ ବାବୁଜିଆ କଲାଲ । ୨୦ ତାକର୍‌ଟାନେଅନି ଆମେ ଜେଡ୍‌କି ଆସା କରିରଇଲୁ, ତାର୍‌ତେଇଅନି ଅଦିକ୍ ଦେଲାଲ । କାଇକେବଇଲେ ପର୍‌ତମେ ସେମନ୍ ନିଜେ ନିଜେ ମାପୁରୁକେ ସର୍‌ପି ଅଇଲାଲ । ତାର୍‌ପଟେ ପର୍‌ମେସର୍‌ର ମନ୍ କଲା ଇସାବେ ସେମନ୍ ଆମ୍‌କେ ମିସା ସର୍‌ପି ଅଇଲାଲ । ୨୧ ତେବର୍‌ପାଇ ତିତସ୍ ଜେ କି ତମର୍ ବିଡ୍‌ରେ ଏ କାମ୍ ଜେନ୍ତି ଆରାମ୍ କରିରଇଲା, ସେନ୍ତାରି ଆକା ତମର୍ ଆଲାଦର୍ ଦାନ୍ ସାରାଅ ବଲି ଆମେ ତାକେ ବାବୁଜିଆ କଲୁ । ୨୨ ତମେ ବେସି ବିସଇଟାନେ ପୁରାପୁରୁନ୍ ଆଟାସ୍ । ସବୁ ବିସଇଟାନେ ସାଉକାର୍ ଅଇଆଟାସ୍ । ବିସ୍‌ବାସେ ଡାଁଟ୍‌ଆଟାସ୍, ବାକିଅ ସିକାଇବାକେ ଜାନିଆଟାସ୍, ବାକିଅତେଇ ତମର୍ ଗିଆନ୍ ଜବର୍ ଆଟେ, ସଙ୍ଗର୍ ବିସ୍‌ବାସିମନ୍‌କେ ସାଇଜ କର୍‌ବାଟା ଆରି ଆମର୍‌ପାଇ ରଇବା ତମର୍ ଆଲାଦ୍ ବେସି ବଡ୍ ଆଟେ । ସେନ୍ତାରିସେ ଦାନ୍ ଦେବାଟାନେ ମିସା ଅଦିକ୍ ଅଦିକ୍ ଦିଆସ୍ ବଲି ଆମେ ମନ୍ କଲୁନି ।

୧୬ ଏଟା ତମ୍‌କେ ମୁଇ ତିଆରଲା ପାରା କଇନାଇ, ମାତର୍ ବିନ୍ ବିସ୍‌ବାସିମନ୍ ତାର୍ ବାଇମନକେ କେନ୍ତି ଅଦିକ୍ ମନ୍ କରି ସାଇଜ କଲାଲନି, ସେଟା ଜାନିରଇବାକେ କଇଲିନି । ସେମନ୍ କଲାପାରା ତମେ କରିପାରାସ୍ ଆରି ସେଟା ଦେକି ତମର୍ ଆଲାଦ୍ ସତ୍ତ୍ୱ କି ମିର୍ ବଲି ମୁଇ ଜାନିପାର୍‌ବି । ୧୭ ଆମର୍ ମାପୁରୁ ଜିସୁକିରିସ୍‌ଟ ଜିବନ୍ ଦୁକାଇ ଅଇଲା ବିସଇ ତମେ ଜାନିଆଟାସ୍ । ସର୍‌ଗେ ସେ ବେସି ସାଉକାର୍ ଅଇରଇଲେ ମିସା ସେ ନିଜେ ଅର୍‌କିଡ୍ ଅଇଆଇଲା । ଜେନ୍ତି କି ତାର୍‌ଲାଗି ତମେ ସାଉକାର୍ ଅଇସା ।

୧୭ ସାଇଜ କର୍‌ବାକେ ତମେସେ ଆଗ୍‌ତୁ ଅଇଲାସ୍ ଆରି ପରୁ ଅନି ଆରାମ୍ କରିଆଟାସ୍ । ଏବେ ମୁଇ ବାବ୍‌ଲିନି, ସେଟା ତମେ ସାରାଇଦେବାଟା ନିକ । ଉଜେ କାମ୍‌କର୍‌ବାଟାସେ ନାଇ, ମାତର୍ କାମ୍‌କର୍‌ବାକେ ମନ୍ କରି କର୍‌ବାକେ ତମେ ପର୍‌ତୁମ୍ ଆଟାସ୍ । ୧୮ ତେବେ ତମେ ସେଟା କରା, ଆରି ଦେବାଟା ସାରାଇଦିଆସ୍ । ତମେ ବେସି ସାର୍‌ଦା ଅଇ ମୁଲିଆଇଲାସ୍ । ସେନ୍ତାରିସେ ସାର୍‌ଦା ଅଇ ସାରାଇବାର୍ ଆଟେ । ଗଟେକ୍ ଗଟେକ୍ ଲକ୍ ଜେଡ୍‌କି ଦେଇପାରାସ୍, ସେଡ୍‌କି ଦେଇ ସାରାଇଦିଆସ୍ । ୧୯ କାଇକେ ବଇଲେ ଜଦି ତମ୍‌କେ ଦାନ୍ ଦେବାକେ ମନ୍‌ଆଟେ, ତମର୍ ପାର୍‌ବା ଏଡେକ୍ ଦେଲାସ୍‌ନି । ତମେ ଦେବାଟା ପର୍‌ମେସର୍ ସଙ୍ଗଇସି । କାଇକେବଇଲେ, ତମେ ନାପାର୍‌ବା ଏଡ୍‌କି ଦିଆ ବଲି ମାଙ୍ଗେ ନାଇ ।

୨୦ ତମର୍ ବାଇମନକେ ସାଇଜ କରିକରି ତମର୍‌ଟା ଉନା ଅଇଜାଅ ବଲି ମୁଇ ମନ୍ କରିନାଇ । ମାତର୍ ଏବେ ତମର୍ ଟାନେ ଜବର୍ ଆଟେଜେ, ଜାକେ ଲଡାଆଟେ, ତାକେ ସାଇଜ କର୍‌ବାଟା ଟିକ୍ ରଇସି । ୨୧ ଏନ୍ତାରିକଲେ, ତମ୍‌କେ ଜେଡେବେଲେ ଲଡା ପଡ୍‌ସି, ଆରି ସେମନ୍‌କେ ଜବର୍ ରଇଲେ, ସେମନ୍ ତମ୍‌କେ ସାଇଜ କର୍‌ବାଇ । ଏନ୍ତାରି ଦୁଇ ବାଟର୍ ଲକ୍ ସମାନ୍ ଇସାବେ ପାଇବାଇ । ୨୨ ଜେନ୍ତିକି ସାସ୍‌ତରେ ଲେକା ଅଇଆଟେ, ଜେ ଅଦିକ୍ କାମାଇଲା, ତାର୍‌ଟା ଉର୍‌ରେ ନାଇ, ଆରି ଜେ ଉନା କାମାଇଲା, ତାକେ ଉନା ଅଏନାଇ ।

ତିତସ୍‌ର୍ ମଇତର୍‌ମନ୍

୨୩ ଆମେ ପର୍‌ମେସର୍‌କେ ଦନିଅବାଦ୍ ଦେଲୁନି, ଜେନ୍ତି ତମ୍‌କେ ସାଇଜ କର୍‌ବାକେ ମନ୍ କଲୁ, ସେନ୍ତାରିସେ ତିତସ୍‌କେ ମିସା ସାଇଜ କର୍‌ବାକେ ମନ୍ ଦେଲା । ୨୪ ଆମେ ଜେଡେବେଲେ ତିତସ୍‌କେ ତମର୍‌ଟାନେ ଜିବାକେ କଇଲୁ, ସେ ଦାପ୍‌ରେ ଜିବାକେ ରାଜି ଅଇଲା । ସେ ନିଜେ ମନ୍ କରି ତମର୍‌ଟାନେ ଜାଇ ତମ୍‌କେ ସାଇଜ କର୍‌ବି ବଇଲା । ୨୫ ତାର୍ ସଙ୍ଗ୍ ଆରି ଗଟେକ୍ ବାଇକେ ମିସା ପାଟାଇଲୁନି । ଏ ଲକ୍ ଜିସୁକିରିସ୍‌ଟର୍ ସୁର୍‌କବର୍ ଜାନାଇଲାନିଜେ ସବୁ ବିସ୍‌ବାସିମନ୍ ତାକେ ସନ୍‌ମାନ୍ ଦେଲାଲନି । ୨୬ କାଲି ସେଡ୍‌କିରେ ନଏ, ତମେ ଦେଇରଇବା ଆଲାଦର୍ ଦାନ୍ ଆମେ ଲଡା ରଇବା ବାଇମନର୍ ଲଗେ ନେବାବେଲେ, ଆମର୍ ସଙ୍ଗ୍ ଜିବାକେ ସବୁ ବିସ୍‌ବାସିମନ୍ ତାକେ ବାଟିକରି ପାଟାଇଆଟଡ୍ । ଏଟା ପର୍‌ମେସର୍ ତାକ୍‌ପୁଟା ପାଇବାକେ ଆରି ତମ୍‌କେ ସାଇଜ କର୍‌ବାକେ ଆମେ ସାର୍‌ଦା ଅଇକରି ଏନ୍ତାରି କଲୁନି ।

\* ୮:୧ ୮:୧ ରମିୟ ୧୫:୨୭

୨୦ ଆମର ଲାଗି ସେବା କାମର ପାଇ ତମେ ଆଲାଦ୍ ସଙ୍ଗ୍ ଦେଇ ଜମାଇରଇଲା ଏ ତାରୁ ଜନ୍ମଟାକି ଆମେ ଦାରିଗାଲୁନି, । ଏ ତାରୁ ବିସଇନେଇ ଆମ୍ଭେ କେ ମିସା ନିନ୍ଦା ନ କରତ୍ । ସେଟାରପାଇ ଆମେ ଜାଗରତ୍ ଅଇଆରୁ । ୨୧ କାଇକେ ବଇଲେ ଆମେ କରବା କାମ୍ ସବୁ ଟିକ୍ ରଇବାର୍ ଆତେ । ଅବ୍‌କା ପର୍‌ମେସର୍ ଦେକ୍‌ବା ଇସାବେସେ ନାଇ ମାତର୍ ଲକ୍‌ମନ୍ ଦେକ୍‌ବା ଇସାବେ ମିସା ଅ ।

୨୨ ଆମେ ଆରି ଗଟେକ୍ ବାଇକେ ମିସା ତିତସର୍ ଦଲ୍ ସଙ୍ଗ୍ ପାଟାଇଲୁନି । ଏ ବାଇକେ ଆମେ ବେସି ତର୍ ପରିକା କଲୁଆରୁ । ଆରି ତାକେ ସାଇଜ କରବାକେ ବେସି ମନ୍ ଆତେ । ଏବେ ସେ ଅଦିକ୍ ମନ୍ କଲାନି । କାଇକେବଇଲେ ସେ ତମ୍‌କେ ଅଦିକ୍ ଆସା କଲାନି । ୨୩ ଏବେ ତିତସର୍ ବିସଇ ଜାନ୍‌ବାର୍ ଆଲେ ସେ ତମ୍‌କେ ସାଇଜ କରବାକେ ମର୍ ସଙ୍ଗ୍ କାମ୍ କଲାନି । ଆରି ସେ ଦୁଇଟା ବିନ୍ ବାଇମନ୍ ଇତିର୍ ବିସ୍‌ବାସିମନ୍ କଇଲାକେସେ ତାର୍‌ସଙ୍ଗ୍ ଗାଲାନି । ସେମନ୍ କରବା କାମ୍‌ର ଲାଗି କିରିସ୍‌ଟ ଡାକ୍‌ପୁଟା ଅଇସି । ୨୪ ସେମନ୍ ତେଇ କେଟ୍‌ଲେ ସରି ତମେ ଆଲାଦ୍ କରି ସେମନ୍‌କେ ଡାକିନିଆ । ଜେନ୍ତାରି କି ତମର୍ ଆଲାଦ୍ ସତ୍ ବଲି ସବୁ ବିସ୍‌ବାସିମନ୍ ଜାନ୍‌ବାଇ ଆରି ତମର୍ ବିସଇନେଇ ଆମେ ବଡ୍‌ପନ୍ ଅଇ ସବୁ କଇବାଟା, ସତ୍ ବଲି ଜାନ୍‌ବାଇ ।



**ବିନ୍ ବିସ୍‌ବାସି ମନ୍‌କେ ସାଇଜ**

୧ ଜିଉଦାଦେସେ ରଇବା ପର୍‌ମେସରର୍ ଲକ୍‌ମନ୍‌କେ ଦାନ୍ ଦେଇ ପାଟାଇତେରଇବା ତାରୁ ବିସଇ ତମ୍‌କେ ଆରି ମୁଇ ନ ଲେକି । ୨ କାଇକେବଇଲେ ମୁଇ ଜାନି ଆଟି, ତମେ ସବୁବେଲେ ସାଇଜ କରବାକେ ସାର୍‌ଦା ଅଇଲାସ୍‌ନି । ଆରି ମୁଇ ବଡ୍‌ପନ୍ ଅଇ ତମର୍ ବିସଇନେଇ ମାକିଦନିଆର୍ ଲକ୍‌ମନ୍‌କେ କଇ ଆଟି । ମୁଇ କଇଲି “ଆକାୟାର୍ ବାଇବଇନିମନ୍ ପରୁଅନି ସାଇଜ କରବାକେ ଜାଗିଆତତ୍ ।” ସେମନ୍ ଏଟା ସୁନ୍‌ଲାବେଲେ ତାକର୍ ବିତ୍‌ରେ ଅନି ବେସି ଲକ୍ ଦେବାକେ ମନ୍ କଲାଇ । ୩ ଏବେ ମୁଇ ଏ ବାଇବଇନିମନ୍‌କେ ପାଟାଇଲିନି । ଜେନ୍ତାରି ତମର୍ ବିସଇନେଇ ମୁଇ ବଡ୍‌ପନ୍ ଅଇ କଇଲାଟା ଅବ୍‌କା କାତାଇ ନ ରଅ । ମାତର୍ ମୁଇ କଇଲାପାରା ତମେ ଦାନ୍ ଦେବା ତାରୁସଙ୍ଗ୍ ଜାଗରତ୍ ଅଇ ରୁଆ । ୪ ମାତର୍ ମାକିଦନିଆର୍ ଲକ୍‌ମନ୍ ଜଦି ମର୍ ସଙ୍ଗ୍ ଆସି ତମେ ଜାଗରତ୍ ନ ଅଇଲାଟା ଦେକ୍‌ଲେ, ତାକର୍ ମୁଆଟେ ଆମେ ଲାଜ୍ ଅଇଜିବାର୍ ଅଇସି । ଆରି ତମେ ମିସା ଲାଜ୍ ଅଇଜାଇସା । କାଇକେବଇଲେ ଆମେ ତମ୍‌କେ ବେସି ଆସାକରି ରଇଲୁ । ୫ ତେବେ ମୁଇ ବାବ୍‌ଲି, ଏ ବାଇବଇନିମନ୍, ମୁଇ ଜିବା ଆଗତୁ ସେମନ୍ ଜାଇକରି ଜନ୍ ଦାନ୍ ତମେ ଦେବୁ ବଲି କଇତେରଇଲାସ୍, ସେଟା ଜମାଇକରି ସଙ୍ଗାଇବାକେ ସେମନ୍‌କେ ବାରୁଜିଆ କରବି । ଜଦି ଆମେ ସେନ୍ତାରି କରବୁ ବଇଲେ, ଦାନ୍ ଦେବା ତାରୁ ମୁଇ ଆଇଲା ବେଲେ, ଜାଗରତ୍ ଅଇରଇସି । ଆରି ସେଟା ତମେ ନିଜେ ମନ୍ କରି ଦେଲାସ୍ । ବାଦିଅ କଲାକେ ଦିଆସ୍ ନାଇ ବଲି ଜାନାପଡସି ।

୬ ତମର୍ ମନେ ର । ଜଦି ଗଟେକ୍ ଚାସି ଉନା ବିଅନ୍ ବୁନ୍‌ସି, ସେ ଉନା ପସଲ୍ ପାଇସି । ଆରି ଜନ୍ ଚାସି ବୁତେକ୍ ବିଅନ୍ ବୁନ୍‌ସି, ସେ ବୁତେକ୍ ପସଲ୍ ପାଇସି । ୭ ଦାନ୍ ଦେବାକେ ତମେ ଜେନ୍ତା କାତାବାର୍‌ତା ଅଇଆଚାସ୍, ସେନ୍ତାରି ଦେବାର୍‌ଆତେ । ଦୁକ୍ ଅଇକରି ନାଇ କି କେ ବାଇଦ୍ କଲାଟ୍‌ପାଇ ନାଇ । କାଇକେବଇଲେ ତମେ ସାର୍‌ଦା ସଙ୍ଗ୍ ଦେଲେ ପର୍‌ମେସର୍ ସେଟା ମନ୍ କରସି । ୮ ଆରି ତମ୍‌କେ ଜେଡ୍‌କି ଲଡା ଆତେ, ତାର୍‌ତେଇଅନି ଅଦିକ୍ ପର୍‌ମେସର୍ ଦେଇ ପାରସି । ଜେନ୍ତାରିକି ନିଜର୍‌ପାଇ ଜେଡ୍‌କି ଦର୍କାର୍, ସେଡ୍‌କି ତମର୍‌ଟାମେ ସବୁ ବେଲେ ରଇସି ଆରି ବିନ୍ ଲକ୍‌ମନ୍‌କେ ସାଇଜ କରବାକେ ମିସା ଜବର୍ ରଇସି । ୯ ସାସ୍‌ତର୍ କଇଲାପାରା ଲଡାକେ ଆଇବା ଲକ୍‌ମନ୍‌କେ ସେ ଜବର୍ ଦେଇସି ଆରି

ତାର୍ ଜିବନ୍ ଦୁକାଇଲାଟା କେବେ ମିସା ନ ସାରେ ।

୧୦ ଆରି ପର୍‌ମେସର୍ ଜେ କି ବୁନ୍‌ବାକେ ବିଅନ୍ ଆରି କାଇବାକେ କାଦି ଦେଇସି, । ସେ ତମ୍‌କେ ଜେଡ୍‌କି ବିଅନ୍ ଦର୍କାର୍ ସେଡ୍‌କି ଦେଇସି । ଆରି ସେଟା ବଡିକରି ବେସି ପସଲ୍ ଅଇସି । କାଇକେବଇଲେ ତମେ ଜବର୍ ଦେଲାସ୍‌ନି । ୧୧ ସେ ତମ୍‌କେ ସାଉକାର୍ କରାଇସି । ଜେନ୍ତାରି କି ତମେ ସବୁବେଲେ ଜବର୍ ଦେଇପାରାସ୍ । କାଇକେବଇଲେ ଆମର୍‌ଟାନେଅନି ପାଇରଇବା, ତମେ ଦେଲା ଦାନର୍‌ପାଇ ବେସି ଲକ୍ ପର୍‌ମେସର୍‌କେ ଦନିଅବାଦ୍ ଦେବାଇ । ୧୨ ତମେ କରବା ଏ ନିକ କାମ୍‌ର ଲାଗି ପର୍‌ମେସରର୍ ଲକ୍‌ମନ୍‌କେ ଲଡାକେ ଆଇବା ବିସଇ ପୁରାପୁରୁନ୍ ଅଇଲାନି । ଆରି ପର୍‌ମେସର୍‌ଟାନେ ଦନିଅବାଦ୍ ଆଜାଡି ଅଇଲାପାରା ମିସା ଅଇଲାନି । ୧୩ ତମେ କରବା ଏ ନିକ କାମ୍ ଦେକିକରି ଲକ୍‌ମନ୍ ପର୍‌ମେସର୍‌କେ ମଇମା କରବାଇ । କାଇକେବଇଲେ ବିସ୍‌ବାସ୍ କରିରଇବା କିରିସ୍‌ଟର୍ ସୁବ୍‌କବର୍ ତମେ ମାନ୍‌ଲାସ୍‌ନି । ଆରି ସେମନ୍‌କେ ଆରି ବିନ୍‌ଲକ୍‌ମନ୍‌କେ ମିସା ଜବର୍ ଦେଲାସ୍‌ନି । ୧୪ ପର୍‌ମେସର୍ ଜିବନ୍ ଦୁକାଇ ତମ୍‌କେ ଦୟା ଦେକାଇଲାଟ୍‌ପାଇ ସେମନ୍ ବେସି ଆଲାଦ୍ ଅଇକରି ତମର୍‌ପାଇ ପାର୍‌ତନା କରବାଇ । ୧୫ ପର୍‌ମେସରର୍ ବେସି ମୁଲିଅ ରଇବା ଦାନର୍‌ପାଇ ଆମେ ତାକେ ଦନିଅବାଦ୍ ଦେଉଁ ।



ପନି କାତା ବିରୁଦେ ପାଉଲ୍ ଉତର୍ ଦେବାଟା

<sup>୧</sup> ମୁଇ ପାଉଲ୍ ତମକେ ବାବୁଜିଆ କଲିନି, ମୁଇ ତମର ସଙ୍ଗ୍ ରଇଲାବେଲେ, ତମକେ ଲାଗ୍‌ବାକେ ଡରସି ବଲି କେତେଲକ୍ କଇଲାଇନି । ମାତର୍ ଲେକ୍‌ବାକେ ସାଆସ୍ ଅଇକରି ବାଦ୍‌ଲାପାରା ଲେକ୍‌ଲାନି ବଲି କଇଲାଇନି । ଆମେ କିରିସ୍‌ଟର୍ ସଙ୍ଗ୍ ଗାଲୁନି, ଜେ କି ବେସି ସୁଆଲ୍ ଆରି ଦରମ୍ । ସେଟା ନେଇକରି ବାବୁଜିଆ କଲିନି । <sup>୨</sup> ମୁଇ ତେନେ ଆଇଲାବେଲେ ତମର୍ ଚଲାଚଲ୍‌ତି ନିକ ଅଇରଅ । ଜେନ୍ତାରି କି ମୁଇ ତମକେ ଲାଗ୍‌ବାକେ ନ ପଡେ । ମାତର୍ ଜନ୍ ଲକ୍‌ମନ୍ ଏ ଜଗତର୍ ଲକ୍ ପାରା ନିଜର୍ ମନ୍ କଲା ଇସାବେ ଗାଲାଇନି ବଲି ଆମର୍ ବିସଇନେଇ କଇଲାଇନି, ସେମନ୍‌କେ ଲାଗ୍‌ବାକେ ମୁଇ ନ ଡରି । <sup>୩</sup> ଆମେ ଏ ଜଗତେ ବର୍‌ଲୁନି ଏଟା ସଡ୍, ମାତର୍ ଲକ୍‌ମନ୍‌ର୍ ଗିଆନ୍ ସଙ୍ଗ୍ ଜୁଜିକରି ରଉନାଇ । <sup>୪</sup> ଜନ୍ ଆଡ୍ ଆତିଆର୍ ସଙ୍ଗ୍ ଆମେ ଜୁଜୁଲୁନି, ସେଟା ଲକ୍‌ମନ୍‌ର୍‌ଟାନେଅନି ଆସେନାଇ, ମାତର୍ ସେଟା ବେସି ବପୁର୍ ସଙ୍ଗ୍ ରଇବା ପର୍‌ମେସରର୍ ଟାନେଅନି ଆଇସି । ଏ ବପୁ ସଙ୍ଗ୍ ପର୍‌ମେସରର୍ ବିରୁଦେ ତାର୍ ସଡ୍‌ରୁମନ୍ ଉଟାଇରଇବା ଡାଟର୍ କଡି ଜାକ ଆରି ଲକ୍‌ମନ୍‌ର୍ ମନ୍ ବିଡ୍‌ରେ ଦଦାପେଲା ଅଇବା ଚିନ୍ତା ସବୁ ଆମେ ଆରାଇପାରୁ । <sup>୫</sup> ବଡ୍‌ପନ୍ ଅଇବା ଲକ୍‌ମନ୍ ପର୍‌ମେସରର୍ ବିରୁଦେ ନିଜ୍‌କେ ଉଟାଇବାଟା ଆରି ଜେଡ୍‌କି ସବୁ ଚିନ୍ତା ପର୍‌ମେସରର୍ ଗିଆନ୍ ଉପରେ ଉଡ୍‌ସି, ସେଟା ସବୁ ଜାକ ଆମେ ବାନ୍ଦିକରି କିରିସ୍‌ଟକେ ମାନଡ୍ ବଲି ସର୍‌ପାଇବୁ । <sup>୬</sup> ତମେ କିରିସ୍‌ଟର୍ ଆଦେସ୍ ସବୁ ମାନ୍‌ଲାଟା ଦେକାଇଲା ପଟେ, ତେଇ ରଇବା ଜେଡ୍‌କି ସବୁ ବିସ୍‌ବାସିମନ୍, ଜନ୍‌ଲକ୍‌ମନ୍ କି ତାର୍ ଆଦେସ୍ ମାନ୍‌ବାକେ ମନ୍ କରଡ୍ ନାଇ, ସେମନ୍‌କେ ତଣ୍ ଦେବାକେ ଆମେ ଜାଗରଡ୍ ଅଇକରି ରଇବୁ ।

<sup>୭</sup> ତମେ ଲକ୍‌ମନ୍‌ର୍ ବାଇରର୍ ବିସଇ ଦେକ୍‌ଲାସ୍‌ନି । କାଇକେବଇଲେ ତମର୍ ବିଡ୍‌ରେ କେତେଲକ୍ ବୁଲ୍ ଚିନ୍ତାକରି ଆମେସେ କିରିସ୍‌ଟର୍ ସଡ୍ ସେବାକରୁମନ୍ ବଲି ବାଦ୍‌ଲାଇନି । ସେମନ୍ ଆରିତରେକ୍ ନିଜର୍ ବିସଇ ଚିନ୍ତାକରି ଦେକ୍‌ବାର୍ ଆଟେ । କାଇକେବଇଲେ ସେମନ୍ ଜେନ୍ତାରି ଆଟଡ୍ ଆମେ ମିସା ସେନ୍ତାରି କିରିସ୍‌ଟର୍ ସଡ୍ ଦାସ୍ । <sup>୮</sup> ତମର୍ ଉପରେ ଆମର୍ ଅଦିକାର୍ ଆଟେ । ସେଟା ପର୍‌ମେସର୍ ଆମ୍‌କେ ଦେଇରଇଲା । ମାତର୍ ସେ ଅଦିକାର୍ ବିସଇନେଇ ଜଦି ମୁଇ ବେସି ବଡ୍‌ପନ୍ ଅଇଲିଆଟି, ସେଟାପାଇ ମକେ ଲାଜ୍ ନ ଲାଗେ । ତମ୍‌କେ ନସ୍‌ଟ୍ କର୍‌ବା ଅଦିକାର୍ ସେ ମକେ ଦେଏନାଇ, ମାତର୍ ଜେନ୍ତା କି ତମର୍ ବିସ୍‌ବାସ୍ ଡାଟ୍ କରାଇବି । <sup>୯</sup> ଏ ଚିଟି ଲେକିକରି ମୁଇ ତମକେ ଡରାଇବାକେ ମନ୍ କଇନାଇ । <sup>୧୦</sup> ମାତର୍ ତମ୍‌କେ ଲେକ୍‌ଲାବେଲେ ଦମ୍‌କାଇ କରି ଲେକ୍‌ଲିନି ବଲି କେତେଲକ୍ କଇଲାଇନି । ମାତର୍ ତମର୍ ସଙ୍ଗ୍ ରଇଲାବେଲେ ମୁଇ ଦୁର୍‌ବଲ୍ ଅଇକରି ମର୍ କଇଲା ପଦ୍ କାଇ ମୁଲିଅ ନାଇ ପାରା ରଇଲା । <sup>୧୧</sup> ଜନ୍ ଲକ୍‌ମନ୍ ଏନ୍ତାରି କାତା ଅଇବାଇ, ଚିଟିଟାନେ ଆମେ ଜନ୍ ବିସଇ ଲେକିଆଟୁ, ତେଇ ଆଇଲେ, ସମାନ୍ ବିସଇସେ କର୍‌ବୁ ବଲି ସେମନ୍ ଜାନ୍‌ବାର୍ ଆଟେ ।

<sup>୧୨</sup> ଜନ୍‌ଲକ୍‌ମନ୍ ଆମେ ନିଜେ ବଡ୍‌ଲକ୍ ବଲି ବାବିଅଇଲାଇନି, ସେମନ୍‌ର୍ ସଙ୍ଗ୍ ସମାନ୍ ଅଇବାକେ ଆମେ ମନ୍ କରୁନାଇ । ସେମନ୍ ସବୁର୍‌ଟାନେ ଅନି ଆମେ ଆକା ଜାନିଆଟୁ ବଲି ବୁଲ୍ ଚିନ୍ତା କଲାଇନି । ସେମନ୍ ସତଇସେ ବକୁଆ । ନିଜ୍‌କେ ନାପ୍‌ବାକେ, ନାପି ଅଇବାଟା ନିଜେ ତିଆର୍ କଲାଇନି । ନିଜ୍‌କେ ବିଟାର୍ କର୍‌ବାକେ ପରିକା ନିଜେ ତିଆର୍ କଲାଇନି । <sup>୧୩</sup> ମାତର୍ ଆମେ, ଆମର୍ କାମ୍ ବିସଇନେଇ ଅଦିକ୍ ବଡ୍‌ପନ୍ ଅଉନାଇ । ଆମେ ଜେଡ୍‌କି ବଡ୍‌ପନ୍ ଅଇବାର୍ ଆଟେ ସେଡ୍‌କି ବଡ୍‌ପନ୍ ଅଇବୁ । ପର୍‌ମେସର୍ ଆମ୍‌କେ ଜେଡ୍‌କି କାମ୍ ଦେଲାଆଟେ, ସେଡ୍‌କି କାମେ, ଆମେ ବଡ୍‌ପନ୍ ଅଇବୁ । ଆରି ତମର୍ ବିଡ୍‌ରେ ଆମେ କର୍‌ବା କାମ୍ ମିସା ତେଇ ମିସଲା ଆଟେ । <sup>୧୪</sup> ପର୍‌ମେସର୍ ଆମ୍‌କେ ଦେଇରଇବା କାମେ ତମେ ମିସଲାର୍‌ପାଇ କିରିସ୍‌ଟର୍ ସୁବ୍‌କବର୍ ନେଇକରି ଆଇଲାବେଲେ, ପର୍‌ମେସର୍ ଆମ୍‌କେ ଦେଲା କାମେଅନି ବାଇରେ ଜାଏ ନାଇ । <sup>୧୫</sup> ତେବର୍‌ପାଇ ବିନ୍ ଲକ୍‌ର୍ କାମ୍ କଲାଟା ନେଇକରି ଆମେ ନିଜେ ଡାକ୍‌ପୁଟା ଅଉନାଇ । ସେ କାମ୍ କର୍‌ବାକେ ପର୍‌ମେସର୍ ଆମ୍‌କେ ଦେଏ ନାଇ । ମାତର୍ ତମର୍ ବିସ୍‌ବାସ୍ ଡାଟ୍ ଅ ବଲି ଆମେ ମନ୍ କଲୁନି । ଜେନ୍ତାକି ତମର୍ ଜାଗାଇ ଆମେ କର୍‌ବା କାମ୍ ଅଦିକ୍ ଅଦିକ୍ ଅଇସି । କାଇକେବଇଲେ ପର୍‌ମେସର୍ ଆମ୍‌କେ ଦେଇରଇବା କାମେଅନି ଅଦିକ୍ କର୍‌ବାକେ ଆମେ ମନ୍ କରୁନାଇ । <sup>୧୬</sup> ସେନ୍ତାଆଲେ ଆମେ ଜାଇକରି କିରିସ୍‌ଟର୍ ସୁବ୍‌କବର୍ ତମର୍ ଜାଗାଇ ଅନି ତେନ୍‌କର୍ ଜାଗା ମନ୍‌କେ ଜାନାଇବୁ । କାଇକେବଇଲେ ଆମ୍‌କେ ଦେଇରଇବା କାମେସେ ଆମେ ବଡ୍‌ପନ୍ ଅଇବୁ ବଲି ମନ୍ କଲୁନି । ବିନ୍ ଲକ୍ କରିରଇବା କାମ୍‌ଟାନେ ବଡ୍‌ପନ୍ ନ ଅଉ ।

<sup>୧୭</sup> ସାସ୍‌ଡର୍ କଇଲାପାରା “ଜେ ବଡ୍‌ପନ୍ ଅଇବାକେ ମନ୍ କଲାନି, ସେ ମାପୁରୁ କଲା କାମେସେ ବଡ୍‌ପନ୍ ଅଇବାର୍ ଆଟେ ।” <sup>୧୮</sup> କାଇକେ ବଇଲେ ଗଟେକ୍ ଲକ୍ ନିଜେ ବଲ୍ ବଲାଇଅଇଲେ, ମାପୁରୁ ତାକେ ଅଦିକାର୍ ନ ଦେଏ । ମାତର୍ ମାପୁରୁ ଦେକ୍‌ବା ଇସାବେ ଜେ ନିକ, ସେ ତାର୍ ନିଜର୍ ଲକ୍ ଅଇସି ।

## ୧୧

### ପାଉଲ୍ ଆରି ନାତାଇବା ସିସ୍‌ମନ୍

<sup>୧</sup> ଜଦି ମୁଇ ବକୁଆ ଲକ୍‌ପାରା କାତା କଇଲେ ମିସା ତମେ ସେଟା ସୁନି ଚିମ୍‌ରା ଅଇରୁଆ । <sup>୨</sup> ମାପୁରୁ ତମର୍ ବିସଇନେଇ ମର୍ ଲକ୍‌ମନ୍ ମକେସେ ନାମିକରି ରଅଡ୍ ବଲି ଦାରିଆଟେ । ସେନ୍ତାସେ ମୁଇ ମିସା ତମ୍‌କେ ପର୍‌ମେସର୍‌କେସେ ମନ୍ କରା ବଲି ଆସା କଲିନି । ସୁକଲ୍ ଅଇରଇବା ଗଟେକ୍ ଦାଙ୍ଗ୍‌ଡିପାରା ମୁଇ ତମ୍‌କେ ଗଟେକ୍ ଦାଙ୍ଗ୍‌ଡାର୍ ପାଇ ମାଙ୍ଗ୍‌ନି କଲିଆଟି । ସେ ଅଇଲାନି ନିଜେ କିରିସ୍‌ଟ । <sup>୩</sup> ମୁଇ ତମର୍ ବିସଇନେଇ ବାବି ବାବି ଆଟି ।

କେତେବେଳେ ତମର ମନର ଚିନ୍ତା କିରିସ୍ତତେଇ ଅନି ବିନ୍ ବାଟେ ଜାଇସି ଆରି ତାରପାଇ ରଇବା ତମର ଆଲାଦ ପୁରାପୁରୁନ୍ ମନ୍ ସଙ୍ଗ ନ ରଏ । ଅବା ପାରା ତମେ ନାତାଇଅଇସା ମିସା । ଜେନ୍ତିକି ସେ ଗଟେକ୍ ଚତୁର୍ ସାଁପର୍ କାତା ଦାରି ନାତାଇଅଇଲା । ୪ କାଇକେବଇଲେ, ଜଦି କେ ମିସା ତମର ଲଗେ ଆସି କରି ଆମେ ତମକେ ଜାନାଇରଇବା ଜିସୁର୍ ବିସଇକେ ଚାଡ଼ି, ବିନ୍ ସିକିଆ ଦେଲେ ତମେ ସାରଦା ଅଇସା । ସୁକଲ୍ ଆତ୍ମାକେ ନ ପାଇକରି ବିନ୍ ଆତ୍ମାକେ ପାଇଲାସିନି । ଆରି ସେମନ୍ ଜନ୍ ସୁବକବର୍ ଜାନାଇଲାଜନି, ସେଟା ଆମେ ଜାନାଇବା ସୁବକବର୍ ନଏ ।

୫ ତମର ଟାନେ ଜେଡକି ସିକାଉମନ୍ ଆଚଡ଼ । ଜଦି ସେମନ୍ ଆମେ ସବୁରଟାନେଅନି ମୁକିଅ ପେରିଡ଼ମନ୍ ବଲି ନିଜେ କଇଅଇଲେ ମିସା, ସେମନ୍ ମରଟାନେଅନି ବଡ଼ ବଲି ମୁଇ ବାବି ନାଇ । ୬ ମୁଇ ଅଦିକ୍ କାତା କଇ ନାପାରୁଲେ ମିସା, ସଡ଼ ସିକିଆ ଜାନିଆତି । ଆରି ମୁଇ ତମକେ ଜେଡେବେଲେ ଜାକ ଏ ସିକିଆ ଦେଇଡେରଇଲି, ଏଟା ତମକେ ଜାନାଇଆତି ।

୭ ତମକେ ମୁଇ ଜେଡେବେଲେ ସୁବକବର୍ ଜାନାଇରଇଲି, କେବେ ମିସା ମର୍ ବୁଡ଼ି ମାଜି ନାଇ । ତମକେ ମୁକିଅ ଲକ୍ କରାଇବାକେ ମୁଇ ନିଜେ ତଲକେ ଅଇଲି । ମୁଇ କରିରଇଲାଟା ବୁଲ୍ ରଇଲା କି ? 「 ମୁଇ ତମର ବିଡ଼ରେ ସେବା କାମ କଲାବେଲେ, ବିନ୍ ମଣ୍ଡଲିର୍ ଲକ୍ମନ୍ ମରପାଇ କରଟ ଅଇଲାଟା ଦେଲାଇ । ତମକେ ସାଇଜ କରବାକେ ତାରଟାନେଅନି ମୁଇ ଚରାଇକରି କଲାପାରା ଅଇଲା । ୮ ମୁଇ ତମରଟାନେ ରଇଲାବେଲେ ମକେ ଲଡା ରଇଲାବେଲେ, ତମରଟାନେଅନି ମାଜିନାଇ । କାଇକେବଇଲେ ମାକିଦନିଆର୍ ବାଇବଇନିମନ୍ ମକେ ଜାଇଟା ଲଡା ରଇଲା, ସେଟା ସବୁ ଆନିଦେଲାଇ । ପୁରବେ ଜେନ୍ତି ରଇଲା, ପଡ଼କେ ମିସା ମୁଇ ତମରଟାନେଅନି କାଇଟା ନ ମାଜି । ୯ ମୁଇ ବଡ଼ପନ୍ ଅଇକରି ଏନ୍ତାରି କଇବାଟା ଆକାୟାର୍ କେ ମିସା ମର୍ ବିରୁଦେ କଇନାପାରଡ଼ । ମୁଇ କଇବାଟା ସଡ଼ । କାଇକେବଇଲେ କିରିସ୍ତ ମରସଙ୍ଗ ଆଟେ । ୧୦ ମକେ ଆଲାଦ୍ ନାଇକେ ମାଜେ ନାଇ ବଲି ବାବ୍ଲାସିନି କି ? ମାତର୍ ମୁଇ ତମକେ ସତଇସେ ଆଲାଦ୍ କରବାଟା ପର୍ମେସର୍ ଜାନେ ।

୧୧ ମୁଇ ତମରଟାନେ ଅନି କାଇକେ ବୁଡ଼ି ନେଇନାଇ ବଇଲେ, ଜେନ୍ତାରିକି ତମର ଟାନେ ରଇବା ବିନ୍ ପେରିଡ଼ମନ୍ ବଡ଼ପନ୍ ଅଇକରି, ଆମେ ପର୍ମେସର୍ ପାଇ କରବା କାମ୍ ସମାନ୍ ଆଟେ ବଲି କଇନାପାରଡ଼ । ୧୨ ସେମନ୍ ସଡ଼ ପେରିଡ଼ମନ୍ ନଅଡ଼ । ସେମନ୍ ମିରୁଆଟାମନ୍ । ଜେ କି ନିଜର୍ ନିଜର୍ କାମ୍ ବିସଇନେଇ ମିଡ଼ କଇବାଇ । ଆରି ସେମନ୍ ମିଡ଼ ବେସ୍ ଦାରିକରି ଆମେ ସଡ଼ ପେରିଡ଼ ବଲି ଦେକାଇଅଇବାଇ । ୧୩ ଏଟା ଦେକି କାବାଅଇ ଜାଆ ନାଇ । କାଇକେବଇଲେ, ସଇତାନ୍ ମିସା ନିଜେ ବାଦ୍ଲାଅଇ ଉଜଲର୍ ଦୁଡ଼ ପାରା ଦେକାଇ ଅଇସି । ୧୪ ସେନ୍ତା ଆଲେ ତାର୍ ସେବାକାମ୍ କରୁମନ୍ ମିସା ବାଦ୍ଲାଅଇ ଦରମ୍ କାମ୍ କରୁମନ୍ ପାରା ଦେକାଇଅଇଲେ, ସେଟା କାବା ଅଇଜିବା ବିସଇ ନଏ । ସାରାସାରି ସେମନ୍କେ ତାକର୍ କରିରଇବା କାରାପ୍ କାମ୍ ଇସାବେ ଡ଼କ୍ ମିଲ୍ସି ।

**ପେରିଡ଼ ସିସ୍ ଇସାବେ ପାଉଲର୍ ଦୁକ୍**

୧୫ ମୁଇ ଏ କାତା ଆରିତରେକ୍ କଇଲିନି ଜେ, ଏଟା ଗଟେକ୍ ବକୁଆଟା, ବଲି ବାବାନାଇ । ଜଦି ତମେ ମକେ ବକୁଆ ବଲି ମାନ୍ଲାସିନି, ମୁଇ କଇବା ଏ ବଡ଼ପନ୍ କାତା ଆରି ଅଲପ୍ ସୁନାତା । ସେନ୍ତା କଲେ ମୁଇ ବଡ଼ପନ୍ ଅଇ କାତା ଅଇବି । ୧୬ ମୁଇ ଏ କଇବା କାତାମନ୍ ମାପ୍ତୁ ମକେ କଅ ବଲି ମନ୍ କରେନାଇ । ମାତର୍ ଏ କାତା ଗଟେକ୍ ବକୁଆ ଲକ୍ପରପାରା ବଡ଼ପନ୍ ଅଇକରି କଇଲିନି । ୧୭ କାଇକେବଇଲେ, ଏ ଜଗତେ ତାକର୍ ନିଜର୍ କାମ୍ ବିସଇନେଇ ବଡ଼ପନ୍ ଅଇ କଇବାଲକ୍ ବେସି ଆଚଡ଼ । ମୁଇ ମିସା ମର୍ ବିସଇନେଇ ବଡ଼ପନ୍ ଅଇକରି କଇବି । ୧୮ ତମେ ସବୁ ବୁଡ଼ି ରଇବା ଲକ୍ ବଲି ବଲାଅ ଅଇଲାସିନି । ମାତର୍ ବକୁଆ ମନର୍ କାମ୍ ଦେକ୍ଲେ ରୁପ୍ ଅଇଆଟାସ୍ । ୧୯ ତେବର୍ପାଇ ସେମନ୍ ଜଦି ତମକେ ଗତିଦାଜ୍ଡା କରି ସଙ୍ଗଇଲେ, କି ତମର ଦନ୍ ସପତି ନେଲେ, କି ତମକେ କାଇଆଲେ ପାନ୍ଦେ ପାକାଇଲେ, କି ଆମର୍ ତଲେ ରୁଆ ବଲି କରି କଇଲେ କି ଏନ୍ତାରି କି କେ ତମର ଗାଲେ ଚାପଡ଼ ମାର୍ଲେ ମିସା ତମେ ମୁର୍ଚି କରି ରଇସା । ୨୦ ସେ ସବୁ କାରାପ୍ ବିସଇ କରବାକେ ଆମ୍କେ ସାଆସ୍ ନ ରଇଲା । ଏଟା ସଡ଼ ବଲି କଇବାକେ ମୁଇ ଲାଜ୍ ଅଇନାଇ ।

ମାତର୍ ସେମନ୍ କାଇ ବିସଇନେଇ ବଡ଼ପନ୍ ଅଇ କାତା ଅଇବାକେ ସାଆସ୍ କରବାଇ, ସେନ୍ତି ମୁଇ ମିସା ସାଆସ୍ କରବି । ଦେକା ! ମୁଇ ଏଟା ଗଟେକ୍ ବକୁଆ ଲକ୍ପରପାରା କାତା ଅଇଲିନି । ୨୧ ସେମନ୍ ଜଦି ଆମେ ଏବ୍ରି ବସ୍ତର୍ ଲକ୍ ବଇଲେ, ମୁଇ ମିସା ତେଇର୍ଗାସେ, ଜଦି ଆମେ ଇସ୍ରାଏଲର୍ ନାତିତିତି ବଇଲେ, ମୁଇ ମିସା ତେଇର୍ ଗଟେକ୍ । ଅବ୍ରାଆମ୍ ଆମର୍ ଆନିଦାଦି ବଇଲେ, ସେ ମର୍ ମିସା ଆନିଦାଦି । ୨୨ ସେମନ୍ ଜଦି ଆମେ କିରିସ୍ତର୍ ଦାଜ୍ଡା ବଇଲେ, ମୁଇ ମିସା ଗଟେକ୍ ଦାଜ୍ଡା । ମାତର୍ ସେମନ୍ ଟାନେ ଅନି ମୁଇ ଅଦିକ୍ ନିକ ଦାଜ୍ଡା । ନିଜକେ ବଡ଼ କରାଇ ମୁଇ ଗଟେକ୍ ବାୟାଲକ୍ ପାରା କାତା ଅଇଲିନି ବଲି ଜାନିଆତି । ମୁଇ ତାକର୍ଟାନେ ଅନି ଅଦିକ୍ ଆବଡ଼ କାମ୍ କରିଆତି, ଅଦିକ୍ ତର୍ ବନ୍ଦିଗରେ ରଇଆତି, ଅଦିକ୍ ତର୍ ମାଡ଼ କାଇଆତି, ଅଦିକ୍ ତର୍ ମଲାସମାନ୍ ଅଇଜାଇରଇଲି । ୨୩ ମୁଇ ଜିଉଦି ଲକ୍ମନ୍ ଟାନେଅନି ପାଁପାଲି ତିରିସ୍ ନ ଡାଜ୍ ମାଡ଼କାଇ ଆତି । ୨୪ ରମିଅମନ୍ ଟାନେ ତିନ୍ତର୍ କରଡା ସଙ୍ଗ ମାଡ଼କାଇ ଆତି । ଗଟେକ୍ତର୍ ସେମନ୍ ମକେ ପାକ୍ନା ମାରଲାଇ । ମୁଇ ଜନ୍ ଜାଜେ ଜାଇଡେରଇଲି, ସେ ଜାଜ୍ ତିନ୍ତର୍ ବୁଡ଼ି ଜାଇରଇଲା । ତରେକ୍ ମର୍ ଜାଜ୍ ନସିଗାଲାକେ ମୁଇ ଗଟେକ୍ ଦିନ୍ ଆରି ଗଟେକ୍ ରାତି, ସମ୍ପୁରେ ଉପ୍କି ଅଇ

☆ ୧୧:୯ ୧୧:୯ ପିଲିପିୟ ୪:୧୫-୧୮ ☆ ୧୧:୨୩ ୧୧:୨୩ ପେରିଡ଼ ୧୭:୨୩ ☆ ୧୧:୨୫ ୧୧:୨୫ ପେରିଡ଼ ୧୭:୨୨; ପେରିଡ଼ ୧୪:୧୯

ରଇଲି । ୨୬\* ମୁଇ ଜିବାବେଲେ ବାଟେ, ମର୍ ମୁଆଟେ କେତେକ୍ କେତେକ୍ ବିପଦ୍ ଆଇଲା । ଜେଡ୍‌କି, ବନିଆର୍ ବିପଦେ, ଚର୍ମନର୍ ବିପଦେ, ମର୍ ଜିଉଦି ବାଇମନର୍ ବିପଦେ, ଜିଉଦି ନ ଅଇଲା ଲକ୍‌ମନର୍ ବିପଦେ, ସଅରେ ଅଇରଇବା ବିପଦେ, କିନରା ଜାଗା ମନର୍ ବିପଦେ, ତଙ୍ଗରର୍ ଜିଉ ଜିଆଦ୍ ମନର୍ ବିପଦେ, ସମ୍‌ଦୁରେ ବନିଆ ଆଇଲାବେଲର୍ ବିପଦେ ଆରି କିରିସ୍‌ଟର୍ ବିସ୍‌ବାସିମନ୍ ବଲି ନାତାଇ ଅଇରଇବା ଲକ୍‌ମନର୍ ବିପଦେ । ୨୭ ମର୍ କାମ୍ ଆବଡ୍ କାମ୍ ଆରି ମୁଇ ସବୁବେଲେ ଆବଡ୍ କାମ୍ କଲିଆତି । ବେସି ତର୍ ରାତିଆ ସଇ ନାପାରୁଲି, ବୁକେ ସସେ ରଇଆତି, ବେସି ତର୍ ମକେ କାଦି କେଟେ ନାଇ, ପିନ୍‌ବାକେ ବସତର୍ ନାଇ, କି ରଇବାକେ ଗର୍ ନ ରଇଲା । ୨୮ ସେ ସବୁ ବିସଇ ମର୍‌ପାଇ ଅଇରଇଲା । ମାତର୍ ଆରି ମର୍ ବିନ୍ ବିନ୍ ଦୁକ୍ କସ୍‌ଟ ଆଟେ । ସବୁ ମଣ୍ଡୁଲିର୍ ପାଇ ଚିନ୍ତା କି ମୁଇ ଦୁକ୍ କସ୍‌ଟ ପାଇଲିନି । ୨୯ ଜଦି କିରିସ୍‌ଟର୍ ଲଗେ ରଇବା କାର୍ ବିସ୍‌ବାସ୍ ଉନା ଅଇସି ବଇଲେ ମକେ ମିସା ଦୁର୍‌ବଲ୍ ଲାଗସି । କେ ଜଦି ପାପ୍ କଲେ, ତାର୍ ଲାଗି ମୁଇ ବେସି ଦୁକ୍ କସ୍‌ଟ ପାଇଲିନି ।

୩୦ ମୁଇ ବଡ୍‌ପନ୍ ଅଇ କାତା ଅଇବାକେ ମନ୍ କରିନାଇ । ଜଦି ସେନ୍ତି କର୍‌ବାର୍ ଆଲେ, ମକେ ଗଟିରଇବା, ଦୁକ୍ କସ୍‌ଟ ବିସଇନେଇ ମୁଇ ବଡ୍‌ପନ୍ ଅଇବି । ସେନ୍ତାର୍‌ଆଲେ ମୁଇ କେତେ ଦୁର୍‌ବଲ୍ ଆତି ବଲି ତମେ ଜାନ୍‌ସା । ୩୧ ମୁଇ ତମକେ ଜେଡ୍‌କି ବିସଇ କଇଲି, ସେଟା ସବୁ ସଡ୍ । ଗଟେକ୍ ମିସା ମିର୍ ନର୍ସ । ଆମର୍ ମାପରୁ ଜିସୁର୍ ବାବା ପର୍‌ମେସର୍ ଏଟା ଜାନେ । ସେ ଜୁଗ୍ ଜୁଗ୍ ଡାକ୍‌ପୁଟା ପାଅ । ୩୨\* ପୁର୍‌ବେ ମୁଇ ଦାମାସ୍କାସେ ରଇଲା ବେଲେ ରାଜା ଆରେତାସରର୍ ତଲେ ଗଟେକ୍ ସାସନ୍ କାରିଆ ରଇଲା । ସେ ସଅର୍ ସନ୍ଦି ଜାଗବାକେ ତାର୍ ସନିଅମନ୍‌କେ କଇଲା । ଜେନ୍ତାରି କି ଜେତେବେଲେ ମୁଇ ସେ ସଅରେ ବାରଇତି, ସେମନ୍ ମକେ ଦାର୍‌ତାଇ । ୩୩ କେନ୍ତି ବଇଲେ ତେଇର୍ ପାକ୍‌ନା ପାଟୁରିର୍ କାଣାବାଟେ ମକେ ଚାଟ୍‌ନାଇ ପୁରାଇ ଉଡ୍‌ରାଇ ଦେଲାଇ । ଆରି ତାର୍ ଟାନେ ଅନି ବଠିଗାଲି ।

## ୧୨

### ପାଉଲ୍ ଦର୍‌ସନ୍ ଦେକ୍‌ଲାଟା

୧ ସେନ୍ତାର୍‌ଆଲେ ମୁଇ ବଡ୍‌ପନ୍ ଅଇ କଇଲା ଟାନେ କାଇ ଲାବ୍ ନଇଲେ ମିସା ମୁଇ ବଡ୍‌ପନ୍ ଅଇ କାତା ଅଇବି । ଏବେ ମୁଇ ଦର୍‌ସନ୍ ବିସଇ ଆରି ମାପରୁ ମକେ ଜାନାଇଲା ବିସଇ ତମକେ କଇବି । ୨ ମୁଇ ଜାନିରଇବା ଗଟେକ୍ ବିସ୍‌ବାସି ଆଟେ । ଜାକେ କି ଚଉଦ ବରସର୍ ଆଗେ ସର୍‌ଗେ ନେଲାଇ । ସେ ସଡ୍‌ରେ ସର୍‌ଗେ ଗାଲା କି ତାକେ ଦର୍‌ସନେ ସେ ସରଗ୍ ଦେକାଇଅଇଲା କି ନାଇ ବଲି ମୁଇ ନାଜାନି । ସେଟା ପର୍‌ମେସର୍ ସେ ଜାନେ । ୩ ମାତର୍ ମୁଇ ଜାନିଆତି, ତାକେ ସର୍‌ଗେ ନେଲାଇ ବଲି । ମୁଇ ଆରି ତରେକ୍ କଇଲିନି ସେ ସତଇସେ ତେଇ ଗାଲା କି ଦର୍‌ସନେସେ ସରଗ୍ ଦେକାଇ ଅଇରଇଲା, ସେଟା ମୁଇ ନାଜାନି । ସେଟା ପର୍‌ମେସର୍‌ସେ ଜାନେ । ୪ ଆରି ସେ ତେଇ ରଇଲାବେଲେ ଲକ୍‌ର୍ ବାସାଇ କାତା ନ ଅଇବା ବିସଇ ସୁନ୍‌ଲା । ଜନ୍‌ଟା ମୁନ୍‌ସ୍ ମନର୍ କଇବାର୍ ଅଦିକାର୍ ନାଇ, ସେଟା ମିସା ସେ ସୁନ୍‌ଲା । ୫ ଏ ଲକ୍‌ର୍ ବିସଇନେଇ ମୁଇ ବଡ୍‌ପନ୍ ଅଇ କାତା ଅଇବି, ମାତର୍ ମର୍ ନିଜର୍ ବିସଇନେଇ ବଡ୍‌ପନ୍ ଅଇ କାତା ନ ଅଇ । ମର୍ ଦୁର୍‌ବଲ୍ ରଇବା ବିସଇଟାନେସେ ମୁଇ ବଡ୍‌ପନ୍ ଅଇବି । ୬ ମୁଇ ଜଦି ବଡ୍‌ପନ୍ ଅଇ କାତା ଅଇବାକେ ମନ୍ କଲେ, ସେଟା ବୁଦି ନ ରଇଲା ଲକ୍ ବଡ୍‌ପନ୍ ଅଇଲାପାରା ନ ଅଏ । ମୁଇ କଇବାଟା ସବୁ ସଡ୍ । ମାତର୍ ମୁଇ ବଡ୍‌ପନ୍ ଅଇକରି କାତା ନ ଅଇ । କାଇକେବଇଲେ ଲକ୍‌ମନ୍ କେତେବେଲେ ମିସା ମକେ ମୁଇ ଜେଡ୍‌କି ଆତି, ତାର୍‌ତେଇଅନି ଅଦିକ୍ ଗଟେକ୍ ବଡ୍ ଲକ୍ ଇସାବେ ଦେକ୍‌ବାଇ । ମୁଇ କର୍‌ବା କାମ୍ ଦେକିକରି ଆରି ମୁଇ କଇବା କାତା ସୁନିକରିସେ ସେମନ୍ ମାନ୍‌ବାଇ ।

୭ ମୁଇ ପର୍‌ମେସର୍ ଟାନେଅନି ବେସି ବଡିଆ ଦର୍‌ସନ୍ ପାଇଲିଆତି ବଲିକରି ବଡ୍‌ପନ୍ ନ ଅଇବାକେ ପର୍‌ମେସର୍ ମକେ ଦୁକାଇବା ଗଟେକ୍ ରଗ୍ ଦେଲା । ଏ ରଗ୍ ସଇତାନର୍ ଦୁଡ୍‌ପାରା ମାର୍‌ବାକେ ମର୍ ଗାଗଡେ ଆଟେ । ଜେଡ୍‌କି ମୁଇ ଆରି ବଡ୍‌ପନ୍ ନ ଅଇ । ୮ ଏ ରଗ୍ ମର୍‌ଟାନେଅନି ଦାରିଜାଅ ବଲି ମୁଇ ତିନ୍‌ତର୍ ମାପରୁକେ ଗୁଆରି କଲି । ୯ ମାତର୍ ସେ ଏନ୍ତାରି କଇଲା, “ତମକେ ଜେଡ୍‌କି ସବୁ ଲଡା ଆଟେ, ମର୍ ଜିବନ୍ ଦୁକାଇଲାଟା, ସେଟା ପୁରାପୁରୁନ୍ କର୍‌ବାକେ ଅଇସି । କାଇକେବଇଲେ ଜେତେବେଲେ ତୁଇ ଦୁର୍‌ବଲ୍ ରଇସୁ, ସେବେଲେ ମର୍ ବପୁ ନିକକରି ତିସ୍‌ସି ।” ତେବେ ମର୍ ଦୁର୍‌ବଲ୍ ବିସଇନେଇ ବଡ୍‌ପନ୍ ଅଇକରି କଇବାକେ ମକେ ବେସି ସାର୍‌ଦା ଲାଗସି । କାଇକେବଇଲେ ମୁଇ ଦୁର୍‌ବଲ୍ ରଇଲାବେଲେ କିରିସ୍‌ଟର୍ ବପୁ ମକେ ସାଇଜ କର୍‌ବାଟା ଜାନ୍‌ଲିନି । ୧୦ ସେଟାର୍ ପାଇ ମକେ କିରିସ୍‌ଟର୍ ଲାଗି ଜେଡ୍‌କି ସବୁ ଗଟ୍‌ସି, ମୁଇ ସାର୍‌ଦା ଅଇ ରଇବି । ଜେଡ୍‌କି ମର୍‌ଗାଗଡ୍ ଦୁର୍‌ବଲ୍ ରଇଲେ ମିସା, ନିନ୍‌ପା ପାଇଲେ ମିସା, ଦୁକ୍ କସ୍‌ଟ ଅଇରଇଲେ ମିସା, ଆରି ସାଦ୍‌ବାୟ୍ ଅଇ ଦୁକ୍ କସ୍‌ଟ ପାଇଲେ ମିସା । କାଇକେବଇଲେ ଜେତେବେଲେ ମୁଇ ଦୁର୍‌ବଲ୍ ଅଇଆତି, ସେଡ୍‌କି ବେଲେ ମୁଇ ବପୁ ଅଇଆତି ।

### କରକ୍ରିଅର୍ ଲକ୍‌ମନର୍ ପାଇ ପାଉଲ୍‌ର୍ ବାବ୍‌ନା

୧୧ ନିଜେ ବଡ୍ ଅଇବାକେ ମୁଇ ବକୁଆ ଲକ୍‌ର୍ ପାରା ଅଇଲିନି । ମାତର୍ ମୁଇ ତମକେ ଦସ୍ ଦେଲିନି । କାଇକେବଇଲେ ତମେ ଜଦି ମକେ ସନ୍‌ମାନ୍ ଦେଇତାସ୍, ମୁଇ ଏନ୍ତାରି ନ କର୍‌ତି । ମୁଇ କାଇ କାମେ ନାଇ, ବଲି କେତେଲକ୍ କଇଲେ

\* ୧୧:୨୨ ୧୧:୨୨ ପେରିଡ୍ ୯:୨୩; ପେରିଡ୍ ୧୪:୫    \* ୧୧:୩୨ ୧୧:୩୨ ପେରିଡ୍ ୯:୨୩-୨୫

ମିସା ତମର ସେ ପେରିଡ଼ମାନର ଟାନେ ଅନି ଉନା ନଇ ।<sup>୧୨</sup> ଜେଡେବେଲେ ମୁଇ ତମରଟାନେ ରଇଲି, ସେ ବେଲେ ମୁଇ ମୁରଟିକରି ରଇବା କାବା ଅଇଜିବା କାମମନ୍ ଆରି ତିନମନ୍ ତମେ ଦେକିରଇଲାସ୍ । ସେଟା ଦେକି ମୁଇ ଗଟେକ୍ ପେରିଡ଼ ବଲି ତମେ ଜାନଲାସ୍ ।<sup>୧୩</sup> ବିନ୍ ମଣ୍ଡୁଲିମନକେ ମୁଇ ଜାଇଟା କରିରଇଲି, ସେ ସମାନ୍ ବିସଇସେ ତମରପାଇ ମିସା କଲି । ଏଡକି ସେ ଜେ ତମକେ ବୁଡି ମାଜି ତମର ଉପରେ ବଜ୍ ଟାପାଇନାଇ । ଜଦି ସେଟା ମର ବୁଲ୍ ଅଇଲା ଆଟେ ବଇଲେ ମକେ କେମା କରିଦିଆସ୍ ।

<sup>୧୪</sup> ଦେକା, ଏଟା ସଙ୍ଗ୍ ତିନ୍ ତର ଅଇଲାବେ ମୁଇ ତମରଲଗେ ବୁଲି ଆଇବି ବଲି ଜାଗିଆଟି । ଆଗର ପାରା ଏବେ ମିସା ତମରଟାନେ ଅନି କାଇଟା ନ ମାଜି । ତମେ ଦେବାଟା ମୁଇ ମନ୍ କରିନାଇ, ତମର ଆଲାଦ୍ ମନ୍ କଲିନି । ଏନ୍ତାରି ନଏଁ ଜେ ପିଲାମନ୍ ଆୟା ବାବାରପାଇ ସଙ୍ଗଇବାଇ, ମାତର୍ ଆୟାବାବା ପିଲାମନର୍ ପାଇ ସଙ୍ଗଇବାର୍ ଆଟେ ।<sup>୧୫</sup> ସତଇସେ ମର୍ ଜେଡକି ସବୁ ଆଟେ, ସେଟା ସବୁଜାକ ତମକେ ଦେବାକେ ମୁଇ ସାରଦା ଅଇବି । ଜେନ୍ତାରି କି ତମକେ ସାଇଜ କରବାକେ ମର୍ ଗାଗଡ଼ ମିସା ସର୍ପି ଅଇଦେବି । ତମର ପାଇ ରଇବା ମର୍ ଆଲାଦ୍ ଅଦିକ୍ ଅଦିକ୍ ଅଇ ଆଇଲାନି, ମାତର୍ ମର୍ ପାଇ ରଇବା ତମର ଆଲାଦ୍ ଉନା ଅଇ ଆଇଲାନି ।

<sup>୧୬</sup> ମୁଇ ତମରଟାନେଅନି ବୁଡି ମାଜିନାଇ, ସେଟା ସତ୍ ବଲି ତମେ କଇଲାସ୍ନି, ମାତର୍ ତମର ବିଡରେ କେଡେ ଲକ୍ କଇଲାଜନି, ଜେ ମୁଇ ଚାଲାକି ଆରି ମର୍ ଲାଗି ତମେ ନାଡାଇଅଇଲାସ୍ ।<sup>୧୭</sup> ମୁଇ ତମକେ କେନ୍ତ୍ର ନାଡାଇଲି ? ମୁଇ ତମର ଲଗେ ଜନ୍ ଲକ୍ମନକେ ପାଟାଇ ରଇଲି, ସେମନର୍ ଦେଇ ନାଡାଇଲି କି ?<sup>୧୮</sup> ମୁଇ ତିତସକେ ତମର ଲଗେ ଜିବାକେ ବାବୁଜିଆ କଲି । ଆରି ତାରସଙ୍ଗ୍ ଜିବାକେ ଗଟେକ୍ ବିସବାସି ବାଇକେ ମିସା ପାଟାଇରଇଲି । ତିତସକାଇ ତମର ଲଗେ ଅନି କାଇଟା ଲାବ୍ କଲା ଆଟେ କି ? ତିତସ୍ ତମକେ ନାଡାଇଲା ବଲି ତମେ କଇନାପାରାସ୍ । କାଇକେବଇଲେ, ସେ ଆରି ମୁଇ, ଆମେ ସୁକଲ୍ କାମର୍ ପାଇସେ ଏଟା କଲୁନି ।

<sup>୧୯</sup> ଆମେ ତମର ବିରୁଦେ କାଇ ଦସ୍ କରୁନାଇ ବଲି ତମକେ ଦେକାଇ ଅଇବାକେ ଚେସ୍ଟା କଲୁନି ବଲି ତମେ ବାବସା ମିସା । ମାତର୍ ସେନ୍ତାରି ନାଇ । ଆମେ କିରିସ୍ଟର୍ ଲକ୍ ଇସାବେ ପର୍ମେସରର୍ ମୁଆଟେ କାତା ଅଇଲୁନି । ଆଲାଦର୍ ମଇତର୍ମନ୍ ! ତମର ଟାନେ ଆମେ ଜେଡକି ବିସଇ କଲୁଆରୁ, ସେଟା ତମର ବଲ୍ ପାଇ ।<sup>୨୦</sup> ମୁଇ ବେସି ଚିନ୍ତାଇ ଆଟି, ମୁଇ ତମର ଟାନେ ଆଇଲାବେଲେ, ମନ୍ ନ କରବା ଚଲାଚଲ୍ତି ତମର ବିଡରେ ଦେକ୍ବି ମିସା । ସେନ୍ତାରି ଅଇଲେ, ମୁଇ ତମକେ ଦମକାଇବାକେ ପଡ଼ସି ଆରି ସେଟା ତମେ ମନ୍ ନ କରାସ୍ । ତେଇ କେଡେଟା ଜୁଜିଆଲମନ୍, ଇସ୍ଲିଆମନ୍, ଦାପ୍ରେ ରିସା ଅଉମନ୍, ନିଜର୍ ବିସଇ ଦେକାଇ ଅଉମନ୍, ତାର୍ ବାଇମନକେ ନିନ୍ଦା କରୁମନ୍, ତିପ୍ଲିଆମନ୍, ବଡ଼ପନିଆମନ୍, ଆରି ବିସବାସିମନ୍ ଗଟେକ୍ ମନ୍ ନ ଅଇଲାଟା ଦେକ୍ବି ।<sup>୨୧</sup> ମୁଇ ଚିନ୍ତାଇ ଆଟି ଜେ, ମୁଇ ଆରିତରେକ୍ ଆଇଲାବେଲେ, ତମର ମୁଆଟେ ମକେ ପର୍ମେସର୍ ଲାଜ୍ କରାଇସି । ଆରି ମୁଇ ବେସି ଦୁକ୍ ଅଇବି । କାଇକେବଇଲେ, ଆମେ ଜେଡକି ଲକ୍ ପାପ୍ କରି ଆଟଡ଼ ବଲି ମୁଇ ଜାନିଆଟି । ସେମନ୍ ଏବ୍କେ ଜାକ ତାକର୍ କାରାପ୍ ଚଲାଚଲ୍ତିର୍ ଲାଗି ମାନି ଅଅଡ଼ ନାଇ । ଜନ୍ଟାକି ନିଜର୍ କାରାପ୍ ମନ୍ କଲା ଇସାବେ ବର୍ବାଟା ଆରି ବେସିଆ କାମ୍ କରବାଟା ।

### ୧୩

#### ସାରାସାରି ଜୁଆର୍ କରି ମନା କରବାଟା

<sup>୧</sup> ଏଟାସଙ୍ଗ୍ ତିନ୍ତର୍ ଅଇଲାବେ ତମର ଲଗେ ମୁଇ ଆଇଲିନି । ସାସ୍ତର୍ କଇଲାପାରା "ମଣ୍ଡୁଲିର୍ ବାଇମନର୍ ବିରୁଦେ ନିନ୍ଦା କାତା ଉଟ୍ଲେ, ସେଟା ତିନ୍ ଲକ୍ ନଇଲେ ଦୁଇଲକର୍ ସାକିର୍ ମୁଆଟେ ସବୁଜାକ ରାଜିନାମା କରାଇବାର୍ ଆଟେ ।<sup>୨</sup> ଆମେ ପାପ୍କରି ରଇବା ଲକ୍ମନକେ, ଆରି ଏବେ ପାପ୍ କଲା ଲକ୍ମନକେ ମୁଇ ତମର ଲଗେ ଦୁଇପାଲି ଆଇଲା ବେଲେ କଇରଇଲି । ମୁଇ ତେଇ ନ ଆଇବା ଆଗଡ଼ୁ କଇଲିନି, ମୁଇ ଆରିତରେକ୍ ଆଇଲାବେଲେ କେ ଜଦି ତାକର୍ ପାପେ ଅନି ନ ବାଉଡ଼ଡ଼, । ସେମନକେ ଦୟା ନ ଦେକାଇ ।<sup>୩</sup> ମୁଇ କଇବାଟା ଏ ସବୁ କିରିସ୍ଟର୍ ଆଦେସେ ଅନି ଆଟେବଲି ଜାନ୍ବାକେ ତିନ୍ ମାଜିଲାସ୍ନି । ମୁଇ ତମକେ ଡଣ୍ଡୁ ଦେଲାବେଲେ ସେ ତିନ୍ ବିସଇ ଜାନ୍ସା । କିରିସ୍ଟ ତମର ବିଡରେ କାଇ କାମ୍ କଲେ ମିସା ବପୁର୍ ସଙ୍ଗ୍ କରସି, ଦୁର୍ବଲ୍ ଅଇକରି ନାଇ ।<sup>୪</sup> କାଇକେବଇଲେ କୁର୍ସେ ଚଗାଇଲାବେଲେ ସେ ଦୁର୍ବଲ୍ ପାରା ତିସ୍ଲେ ମିସା ପର୍ମେସରର୍ ବପୁସଙ୍ଗ୍ ସେ ବଠିଆଟେ । ସେନ୍ତାରିସେ କିରିସ୍ଟର୍ତେଇ ମିସି ରଇଲାରପାଇ ଆମେ ମିସା ଦୁର୍ବଲ୍ ପାରା ତିସ୍ଲୁନି । ମାତର୍ ପର୍ମେସରର୍ ବପୁ ସଙ୍ଗ୍ ଜିଇ ରଇବୁ ଆରି ତମର ବିଡରେ କରବା ଜନ୍ କାମେ ମିସା ତାର୍ ବପୁ ରଇସି ।

<sup>୫</sup> ତମେ ନିଜେ ନିଜେ ବିସବାସେ ଆଗାସ୍ କି ନାଇ, ବିଚାର୍ କରି ଦେକା । ଜିସୁକିରିସ୍ଟ ତମର ବିଡରେ ବାସା ଅଇଆଟେ ବଲି ନାଜାନାସ୍ କି ? ତମେ ବିସବାସ୍ କରାସ୍ ନାଇକେ, କିରିସ୍ଟ ତମରଟାନେ ବାସା ଅଏନାଇ ।<sup>୬</sup> ମାତର୍ ମୁଇ ଆସା କଲିନିଜେ, ଆମେ ସବୁଲକ୍ କିରିସ୍ଟର୍ ପେରିଡ଼ ଅଇଆରୁ ।<sup>୭</sup> ତମେ କାଇ କରାପ୍ କାମ୍ ନ କରା ବଲି, ଆମେ ପର୍ମେସରକେ ଗୁଆରି କଲୁନି । ଇତି ପୁରାପୁରୁନ୍ ଟିକ୍ କରିଆରୁ ବଲି ଆମେ ଦେକାଇବାକେ ଜାଉନାଇ, ମାତର୍ ସେଟା ନାପାରି ରଇଲେ ମିସା, ତମେ ଜେଡକି ସଡକାମ୍ କରସା, ଏଟାରପାଇ ଆମେ ପାର୍ତନା କଲୁନି ।<sup>୮</sup> ସତ୍ ବିସଇର୍ ବିରୁଦେ



ଆମେ କାଲିଗା ନ କରୁ, ମାତର ତାର ପାଇ ଚିଆ ଅଇବୁ ।<sup>୯</sup> ଜଦି ଲକ୍ଷ୍ମୀ ଆମ୍ଭେ ଦୁର୍ବଳ ଆତ୍ମ ବଳି କଲଲେ ମିସା, ଆମେ ସାରଦାସଙ୍ଗ ଆରୁ । ତମେ ଆକା ବିସ୍ବାସେ ଡାଞ୍ଚ ରଇବାରୁଆତେ । ଆରି ତମର ଚଳାଚଳତି ସିଦ୍ଧ ଅଇଜାଅ ବଳି ଆମେ ଗୁଆରି କଲୁନି ।<sup>୧୦</sup> ମୁଇ ନ ଆଇତେ ଏ ସବୁଜାକ ତମକେ କାଲକେ ଲେକଲିନି ବଇଲେ, ଜେକ୍ତିକି ମୁଇ ଆଇଲାବେଲେ ମାପୁରୁ ମକେ ଦେଇରଇବା ଅଦିକାର୍ ସଙ୍ଗ୍ ତମକେ ଡଣ୍ଡ ଦେବାକେ ନ ପଡେ । ଜନ୍ ଅଦିକାର୍ ତମର ବିସ୍ବାସ ବତାଇବାକେ ଦେଲାଆତେ, ମାତର ସେଟା ଉନା କର୍ବାକେ ନାଇ ।

<sup>୧୧</sup> ଏବେ ଏ ମର ବାଇବଇନିମନ୍ ମୁଇ ରଇଲିନି । ତମର ଚଳାଚଳତି ସିଦ୍ଧ କର୍ବାକେ ଜବର ଚେସଟା କରା । ମର ଆଦେସ୍ ସବୁ ମାନିକରି ରୁଆ । ସବୁଲକ୍ ଗଟେକ୍ ମନ୍ ଅଇକରି ସାନ୍ତିଅଇ ରୁଆ । ତେବେ ଆଲାଦ୍ ଆରି ସାନ୍ତିର ପରମେସର ତମର ସଙ୍ଗ୍ ରଇସି ।

<sup>୧୨</sup> ତମେ ରୁଣ୍ଡଲା ବେଲେ ନିଜର ନିଜର ବିତରେ କିରିସ୍ତର ଆଲାଦେ ଜୁଆରବେଟ୍ ଉଆ । ଇତି ରଇବା ପରମେସର ଲକ୍ଷ୍ମୀ ତମକେ ଜୁଆର ଜାନାଇଲାଇନି ।

<sup>୧୩</sup> ଆମର ମାପୁରୁ ଜିସୁକିରିସ୍ତର ଜିବନ୍ ଦୁକାଇଲାଗା, ପରମେସର ଆଲାଦ୍ ଆରି ସୁକଲ୍ ଆତ୍ମାର ମିସିକରି ରଇବାଗା, ତମର ସବୁ ଲକ୍ଷ୍ମୀ ସଙ୍ଗ୍ ରଅ । ଜୁଆର ।

## ଗାଳାତିୟ ମଣ୍ଡଳୀର ବିଶ୍ୱାସୀମାନଙ୍କୁ ପାଉଲଙ୍କ ପତ୍ର ଗାଳାତିୟ ମଣ୍ଡଳୀର ଲକ୍ଷ୍ମଣଙ୍କେ ପାଉଲ୍ ଚିଠି ଲେଖିଲାଟା ଏ ବଇ ବିସଇ ପଦେକ୍ ଜାନ୍‌ବାଟା

ଗାଳାତିୟ ବଇ ପେରିଡ଼ ପାଉଲ୍ ଲେଖିଆଟେ । ୧:୧ ଏ ଚିଠି ଗାଳାତିୟ ମଣ୍ଡଳୀର ବିଶ୍ୱାସୀମାନଙ୍କେ ଲେକାଅଇରଇଲା । ଏଟା ଜିସୁକିରିସ୍‌ଟ ଜନମ୍ ଅଇକରି ୪୮-୫୭ ବିଡ଼ରେ ଲେକିରଇଲା । ଗାଳାତିୟର ଲକ୍ଷ୍ମଣ ରମ୍ ରାଇଜର୍ ଗାତିଆ ନାଉର୍ ଜାଗାଇ ବାସା ଅଇରଇଲା । ପାଉଲ୍ ଏ ଚିଠି ଲେଖିଲା ବେଲେ କନ୍ତି ରଇଲା, ସେ ବିସଇ ପଣ୍ଡିତମନ୍ ନିକସଙ୍ଗ ନାଜାନଡ଼ । ମାତର୍ ଏପିସେ ନଇଲେ କରନ୍ତି ଏ ଦୁଇଟା ଜାଗାଇ ରଇସି କାଇକି ବଲି କଇବାଇ । ପାଉଲ୍ ଗାଳାତିୟ ମଣ୍ଡଳୀତେଇ ରଇବା ଜିଉଦି ଆରି ଜିଉଦି ନ ଅଇଲା ବିଶ୍ୱାସୀମାନର୍ କୁଟୁମ୍, ଜାଗା ସବୁ ମିସାଇକରି ଚିଠି ଲେଖିଆଟେ । ସେ ମିର୍ ସିକିଆ ବିରଦ୍ କରବାପାଇ ଅଦିକ୍ ଦିଆନ୍ ସଙ୍ଗ୍ ଲେଖିଆଟେ । ସେଟା ଜିଉଦିମନ୍‌କେ ପୁର୍ନା ନିୟମର୍ ତାକର୍ ରିତିନିତି ମାନି ଚଲ୍‌ବାକେ ଲେକାଅଇଆଟେ । ଦେକ୍‌ବାକେଗାଲେ ସୁନଡ଼ ଅଇବା ବିଦି ବିସଇ ଅଦିକ୍ ଦିଆନ୍ ଦିଆଅଇଆଟେ । ବିଶ୍ୱାସୀମାନର୍ ବିଡ଼ରେଅନି କେତେକ୍ ଲକ୍, ଜନ୍ ଲକ୍‌ମନ୍‌କେ କି ଜୁଡାଇମ୍ ବଲି କଇତେରଇଲା । ସେମନ୍ ଜିଉଦି ନଇଲା ବିଶ୍ୱାସୀମନ୍‌କେ ସୁନଡ଼ ଅଇବା ରିତିନିତି ମାନ୍‌ବାକେ କଇତେରଇଲା ।

ସେମନ୍ ପାଉଲ୍ କେନ୍ତି ପେରିଡ଼ ଅଇବା ଅଦିକାର୍ ପାଇଲା, ସେ ବିସଇ ପାଟାରେତେରଇଲା । ପାଉଲ୍ ସେମନ୍‌କେ କେତେଟା କାତାନି ସଙ୍ଗ୍ ମିସାଇକରି ସେ ପେରିଡ଼ ଅଇଲା ଅଦିକାର୍ ବିସଇ ଜୁକ୍ତି କରେତେରଇଲା । ୧:୧-୨:୧୪ ଜିସୁକିରିସ୍‌ଟକେ ବିଶ୍ୱାସ କଲେ ମୁକ୍ତି ପାଇବାର୍ ଅଇସି ବଲି ବୁଜାଇକରି ସୁବ୍‌କବ୍‌କେ ରକିଆକରିଆଟେ ୨:୧୬ । ଜନ୍‌ଟାକି ପର୍‌ମେସର୍ ଦୟାକଲେ ଅଇସି, ମୁନୁସ୍ କଲାଟା ନଏଁ ।

### ଏ ବିଡ଼ରେ ରଇବାଟା

- ୧. ପାଉଲ୍ ଜୁଆର୍ ଜାନାଇବାଟା । ୧:୧-୫
- ୨. ଆଗ୍‌ତୁ ପାଉଲ୍‌ର୍ ଜିବନ୍ କେନ୍ତାର୍ ରଇଲା, ତାର୍ ସିକିଆଦେବା ଅଦିକାର୍ ଆରି ରିତିନିତି ମାନ୍‌ବା ବିସଇ । ୧:୬-୨:୨୧
- ୩. ରିତିନିତି ମାନ୍‌ବାଟା ଆରି ପର୍‌ମେସର୍‌ର୍ ଦୟାଟାନେ ଅନି ମୁକ୍ତି ପାଇବାଟା । ୩-୪
- ୪. ନିକ ବିଶ୍ୱାସି ଅଇକରି ଜିଉନା କାଉନା ବିସଇର୍ ସିକିଆ । ୫:୧-୬:୧୦
- ୫. ପାଉଲ୍ ଜୁଆର୍ ଜାନାଇବାଟା ଆରି ପର୍‌ମେସର୍‌ର୍ ଟାନେ ରଇକରି ଜିବନ୍ ବାଦ୍‌ଲାଇବା ବିସଇ ଜାଗ୍‌ରଡ଼ କରାଇଲାନି । ୬:୧୧-୧୮

<sup>୧</sup> ମୁଇ ପେରିଡ଼ ସିସ୍ ପାଉଲ୍ । ପେରିଡ଼ ସିସ୍ ଅଇବାକେ ମୁଇ ଲକ୍‌ମାନର୍‌ଟାନେଅନି କି ଲକ୍‌ମାନର୍ ମାଲାକାରିଆ ଇସାବେ ଡାକ୍‌ରା ପାଇନାଇ । ଏ ଡାକ୍‌ରା ମୁଇ ବାବା ପର୍‌ମେସର୍‌ ଆରି ଜିସୁ କିରିସ୍‌ଟର୍ ତେଇଅନି ପାଇଲିଆଟି । ପର୍‌ମେସର୍ ତାକେ ମାଲାଟାନେଅନି ଉଟାଇଆଟେ । <sup>୨</sup> ଆରି ଏଟା ଗାଳାତିୟ ମଣ୍ଡଳୀତେଇ ରଇବା ତମର୍‌ପାଇ ମର୍ ଚିଠି । ଜନ୍ ବିଶ୍ୱାସି ବାଇବଇନିମନ୍ ମର୍ ସଙ୍ଗ୍ ଆତଡ଼, ସେମନ୍ ମିସା ମର୍ ସଙ୍ଗ୍ ଜୁଆର୍ ଜାନାଇଲାଇନି ।

<sup>୩</sup> ଆମର୍ ବାବା ପର୍‌ମେସର୍ ଆରି ମାପୁରୁ ଜିସୁ କିରିସ୍‌ଟ ତମ୍‌କେ ଜିବନ୍ ଦୁକାଇ ସାନ୍ତି ଦେଅ ।

<sup>୪</sup> ଏବେ ଏ ପାପ୍ ବର୍‌ଡ଼ି ଅଇରଇବା ଜଗତେଅନି ଆମ୍‌କେ ଉଦାର୍ କରବାକେ ଆମର୍ ବାବା ପର୍‌ମେସର୍ ମନ୍ କଲାଟା, ମାନିକରି କିରିସ୍‌ଟ ଆମର୍ ପାପର୍ ପାଇ ନିଜ୍‌କେ ସର୍‌ପିଦେଲା । <sup>୫</sup> ପର୍‌ମେସର୍ କାଲ୍ କାଲ୍ ଜୁଗ୍ ଜୁଗ୍ ଡାକ୍‌ପୁଟା ପାଅ । ଆମେନ୍ !

### ଗଟେକ୍ ସେ ସୁବ୍‌କବ୍‌

<sup>୬</sup> କିରିସ୍‌ଟ ଜିବନ୍ ଦୁକାଇକରିସେ ତମ୍‌କେ ଡାକିରଇଲା । ମାତର୍ ତମେ ତାକେ ଏତେକ୍ ଦାପ୍‌ରେ ଚାଡ଼ିଦେଇକରି ଆରି ଗଟେକ୍ ବିନ୍ ସୁବ୍‌କବ୍‌ବାଟେ ମନ୍ ଦେଲାସିନି । ତମର୍ ଏ ମନ୍ ବାଦ୍‌ଲାଇବାଟା ଦେକିକରି ଇଡ଼ି ମୁଇ କାବା ଅଇଗାଲିନି । <sup>୭</sup> ଏ ସୁବ୍‌କବ୍‌ ଚାଡ଼ି ଆରି ଗଟେକ୍ ବିନ୍ ସୁବ୍‌କବ୍‌ ନାଇ । ମାତର୍ ମୁଇ ଏନ୍ତି କଇଲିନି, କାଇକେ ବଇଲେ କେତେଲକ୍ କିରିସ୍‌ଟର୍ ସୁବ୍‌କବ୍‌ ବିନ୍ ବିନ୍ ରକାମ୍ କରି, ତମ୍‌କେ କଟପଟ କରବାକେ ଚେସ୍‌ଟା କଲାଇନି ବଲି ମୁଇ ସୁନ୍‌ଲିନି । <sup>୮</sup> ମାତର୍ ଆମେ ତମର୍ ଲଗେ ଜନ୍ ସୁବ୍‌କବ୍‌ ଜାନାଇ ରଇଲୁ, ଜଦି ସେଟାକେ ଚାଡ଼ି ବିନ୍ ଗଟେକ୍ ସୁବ୍‌କବ୍‌ ଆମେ ନିଜେ, ନଇଲେ ସରଗ୍ ଦୁଡ଼ ମିସା ଜାନାଇସି ବଇଲେ, ସେ ଅବିସାପ୍ ପାଅ । <sup>୯</sup> ଏଟା ଆମେ ଆଗ୍‌ତୁ କଇରଇଲୁ ଆରି ମୁଇ ଏବେ ଆରି ତରେକ୍ କଇଲିନି, ତମେ ତମର୍ ଜିବନେ ଜନ୍ ସୁବ୍‌କବ୍‌ ମାନିରଇଲାସ୍, ସେଟା ଚାଡ଼ି ଆରି ଜଦି କେ, କାଇମିସା ବିନ୍ ସୁବ୍‌କବ୍‌ ଜାନାଇସି ବଇଲେ ସେ ଅବିସାପ୍ ପାଅ ।

୧୦ ଏଟା ସୁନି ତମେ ମନେ ମନେ କାଲଟା ବାବଲାସନି ? ମୁଇ ଲକ୍ଷମାନର୍ ମାନବାଟା ପାଇବାକେ ଚେସଟା କଲିନି କି ? ନାଇ, କେବେ ନାଇ । ମୁଇ ପରମେସରର୍ ମାନବାଟାସେ ମନ୍ କଲିନି । ମୁଇ କାଇ ଡାକ୍ପୁଟା ଅଇବି ବଲି ମନ୍ କଲିନି କି ? ମୁଇ ଜଦି ଏବେ ଜାକ ଡାକ୍ପୁଟା ଅଇବାକେ ମନ୍ କର୍ତ୍ତି ବଇଲେ, ଆଜି କିରିସ୍ଟର୍ ସେବାକାରିଆ ନ ଅଇତି ।

**ପାଉଲ୍ କେନ୍ତାରି ପେରିଡ୍ ସିସ୍ ଅଇଲା**

୧୧ କାଇକେବଇଲେ, ଏ ବାଇବଇନିମନ୍ ମୁଇ ତମ୍ବକେ ଜନ୍ ସୁବ୍‌କବର୍ ଜାନାଇଲିନି, ସେଟା ମୁନୁସର୍‌ଟାନେଅନି ବାରଏ ନାଇ । ୧୨ ତେବେ ମୁଇ ସେଟା ମୁନୁସ୍ ମନର୍ ଟାନେଅନି ପାଇନାଇ, କି କେ ମକେ ସିକାଅଡ୍ ନାଇ । ନିଜେ ଜିସୁ କିରିସ୍ଟ ସେଟା ମକେ ଜାନାଇଲା ଆଟେ ।

୧୩ ✨ଆଗତୁ ମୁଇ ଜିଉଦି ଦରମ୍ ନାମବା ବେଲାଇ ଜେନ୍ତିକି ଜିଇତେ କାଇତେ ରଇଲି । ପାର୍ତନା କର୍ବାକେ ରୁଣ୍ଡବା ଲକ୍ଷମାନକେ କେନ୍ତି କସ୍ଟ ଦେଇତେ ରଇଲି ଆରି ସେଟାମନ୍ ନସ୍ଟ କର୍ବାକେ କେନ୍ତି ଚେସଟା କିରିରଇଲି, ଏଟା ସବୁ ବିସଇ ତମ୍ବକେ ଜାନାଇଦିଆଅଇଆଟେ । ୧୪ ✨ଜିଉଦି ଦରମ୍ ମାନବା ବେଲେ, ମୁଇ ଦାଙ୍ଗଡା ବଇସେ ଆମର୍ ଜିଉଦିମନର୍ ବିଡ୍‌ରେ ସବୁକେ ଅନି ଆଗତୁ ରଇଲି ଆରି ଆମର୍ ଆନିଦାଦିମନ୍ ବିସ୍‌ବାସ୍ କରି ଆଇତେରଇବା ରିତିନିତି ବେସି ଡାଟ୍ ସଙ୍ଗ୍ ମାନତେରଇଲି ।

୧୫ ✨ମାତର୍ ପରମେସର୍ ତାର୍ ଜିବନ୍ ଦୁକାଇ ମର୍ ମାଆର୍ ଗର୍ବେ ରଇଲା ବେଲେ, ମକେ ବାଟିରଇଲା ଆରି ତାର୍ ସେବା କର୍ବାକେ ଡାକ୍ଲା । ୧୬ ଆରି ଜେତେବେଲେ ଜିଉଦି ନଇଲା ଲକ୍ଷମାନର୍ ଟାନେ ସୁବ୍‌କବର୍ ଜାନାଇବାକେ ପରମେସର୍ ମକେ ତାର୍ ପଅକେ ଦେକାଇଲା, । ଏ ବିସଇନେଇ ମୁଇ କାର୍‌ଲଗେ ଜିବି ଆରି ସେମନ୍ ମକେ ସିକାଇଦେଅଡ୍ ବଲି ଚିନ୍ତାକରି ନାଇ । ୧୭ ଜେନ୍ତିକି ମର୍ ଆଗତୁ ଜେଡ୍‌କି ଲକ୍ ପେରିଡ୍ ସିସ୍ ଅଇରଇଲାଇ, ସେମନର୍ ସଙ୍ଗ୍ ମିସ୍‌ବାକେ ଜିରୁସାଲାମେ ଜାଇନାଇ । ସେବେଲେ ମୁଇ ଦାପ୍‌ରେ ବାରଇ ଆରବ୍ ଦେସେ ଉଟିଗାଲି । ଜାଇକରି ଆରିତରେକ୍ ଦାମାସ୍କସେ ବାଉଡି ଆଇଲି । ୧୮ ✨ଆରି ତିନ୍ ବରସ୍ ପଟେ ମୁଇ ପିତର୍‌କେ ବେଟ୍ ଅଇବାକେ ଜିରୁସାଲାମେ ଗାଲି । ତେଇ ତାର୍‌ସଙ୍ଗ୍ ଦୁଇ ଆର୍ ରଇଲି । ୧୯ ମାତର୍ ମାପୁରୁର୍ ବାଇ ଜାକୁବ୍‌କେ ଚାଡ୍‌ଲେ ଆରି ମୁଇ କନ୍ ପେରିଡ୍ ସିସ୍‌କେ ମିସା ବେଟ୍ ଅଇନାଇ ।

୨୦ ମୁଇ ଜେଡ୍‌କି ବିସଇ ଲେକ୍‌ଲିନି, ସେଟା ସଡ୍, ପରମେସର୍ ଜାନିଆଟେ ମୁଇ କାଇଟା ମିସା ମିର୍ କଇନାଇ !

୨୧ ତାର୍‌ପଟେ ମୁଇ ସିରିଆ ଆରି ସିଲିସିଆର୍ ବେସି ଜାଗାଇ ଜାଇରଇଲି । ୨୨ ସେବେଲା ଜିଉଦା ରାଇଜେ ରଇଲା କିରିସ୍ଟକେ ବିସ୍‌ବାସ୍ କର୍ବା ମଣ୍ଡଲିର୍ ଲକ୍ଷମନ୍ ମକେ ନିକସଙ୍ଗ୍ ନାଜାନି ରଇଲାଇ । ୨୩ ବିନ୍ ଲକ୍ଷମନ୍ ମର୍ ବିସଇ ଜାଇଟା କଇରଇଲାଇ, ସେମନ୍ ସେଡ୍‌କିସେ ଜାନିରଇଲାଇ । ବିନ୍ ଲକ୍ଷମାନର୍‌ଟାନେଅନି ସେମନ୍ ସୁନିରଇଲାଇ କି, ଜନ୍ ଲକ୍ ଗଟେକ୍ ବେଲାଇ ଆମକେ କସ୍ଟ ଦେଇତେ ରଇଲା, ଆମର୍ ଦରମ୍ କୁରୁପ୍‌ନାସ୍ କରିଦେବାକେ ଚେସଟା କର୍ତେ ରଇଲା, ଏବେ ସେ ଆକା ମାପୁରୁର୍ ସୁବ୍‌କବର୍ ଜାନାଇଲାନି ! ୨୪ ସେଟାର୍ ପାଇ ସେମନ୍ ମର୍‌ପାଇ ପରମେସରର୍ ଡାକ୍‌ପୁଟା କର୍ତେରଇଲାଇ ।

**୨**

**ପାଉଲ୍ ଆରି ବିନ୍ ପେରିଡ୍ ସିସ୍‌ମନ୍**

୧ ✨ଚଉଦ ବରସ୍ ପଟେ ବରନବାର୍ ସଙ୍ଗ୍ ମୁଇ ଜିରୁସାଲାମେ ବାଉଡିଆଇଲି । ଆମର୍ ସଙ୍ଗ୍ ତିତସ୍‌କେ ମିସା ଡାକି ନେଇରଇଲୁ । ୨ ମୁଇ ତେଇ ଜିବାର୍ ଆଟେଆକା ବଲି ପରମେସରର୍‌ଟାନେଅନି ଆଦେସ୍ ପାଇ ଜାଇରଇଲି । ଜିଉଦି ନ ଅଇଲା ଲକ୍ଷମାନର୍ ଲଗେ ମୁଇ ଜନ୍ କବର୍ ଜାନାଇଲିନି, ସେଟା ଜିରୁସାଲାମର୍ ନେତା ବଲି ମାନିଅ ପାଇରଇବା ଲକ୍ଷମନ୍, ଗଟେକ୍ ଗରେ ବସ୍‌ଲା ବେଲେ, ତେଇ ବୁଜାଇ ଦେଲି । ଜେନ୍ତିକି ମର୍ ଆଗର୍ ପଟର୍ ଜାନାଇବା ସୁବ୍‌କବର୍ ବେକାର ନ ଅ, ସେଟାର୍ ପାଇ ମୁଇ ଦିଆନ୍ ଦେଇରଇଲି । ୩ ମୁଇ କଇଲା ବିସଇ ସେମନ୍ ରାଜି ଅଇଲାଇ । କାଇକେବଇଲେ ମର୍ ସାଙ୍ଗ୍ ତିତସ୍, ଗଟେକ୍ ଗିରିକ୍ ଲକ୍ ଅଇରଇଲେ ମିସା, ତାକେ ସୁନଡ୍ ଅ ଆକା ବଲି ବାଦିଅ କର୍ତ୍ତ ନାଇ । ୪ ଏଲେମିସା କେତେକ୍ ଲକ୍ ତାକେ ସୁନଡ୍ କର୍ବାକେ ମନ୍ କର୍ତେ ରଇଲାଇ । ସେମନ୍ ବିସ୍‌ବାସି ବାଇ ବଲି ନାଡାକକରି କୁଟିଆଲ୍ ଇସାବେ ଦଲେ ମିସିରଇଲାଇ । କିରିସ୍ଟ ଜିସୁର୍ ସଙ୍ଗ୍ ମିସିରଇଲାର୍ ଲାଗି ଆମେ ଜନ୍ ମୁକ୍‌ଲିରଇବା ଦିନ୍ ପାଇଲୁଆରୁ, ସେ ବିସଇ କଜି ମିଲାଇବାକେ ସେମନ୍ ମନ୍ କର୍ତେ ରଇଲା । ଆମକେ ଆରିତରେକ୍ ମସାର୍ ନିୟମର୍ ଦାଙ୍ଗଡା କର୍ବାକେ ମିସା ମନ୍ କର୍ତେରଇଲାଇ । ୫ ମାତର୍ ତମର୍ ଲାଗି, ସୁବ୍‌କବର୍ ସଡ୍‌ସଙ୍ଗ୍ ଦାରି ରକ୍‌ବାକେ, ଆମେ ସେ ନାଡାଉମନ୍‌କେ ଚନେକ୍ ମିସା ବେଲା ଦେଇ ନ ରଇଲୁ ।

୬ ମାତର୍ ଜନ୍ ଲକ୍ଷମନ୍ ନେତା ବଲାଇ ଅଇତେ ରଇଲାଇ, ସେମନ୍ ଜେ ମିସା ଅଅଡ୍, ସେଟାର୍ ପାଇ ମକେ କାଇଟା ନ ଅଏ । କାଇକେବଇଲେ ପରମେସର୍ କାକେ ମିସା ବାଇରର୍ ଚଲାଟଲ୍‌ତି ଦେକି ବିଚାରନା ନ କରେ । ସେ ନେତାମନ୍ ମକେ କାଇମିସା ନୁଆ ଜଜ୍‌ନା ନ ଦେଇରଇଲାଇ । ୭ ଆରି ଗଟେକ୍ ବାଟେ ସେମନ୍ ଦେକ୍‌ଲାଇ ଜେ, ପରମେସର୍ ଜେନ୍ତିକି

✨ ୧:୧୩ ୧:୧୩ ପେରିଡ୍ ୮:୩;୨୨:୪,୫;୨୭:୯-୧୧ ✨ ୧:୧୪ ୧:୧୪ ପେରିଡ୍ ୨୨:୩ ✨ ୧:୧୫ ୧:୧୫ ପେରିଡ୍ ୯:୩-୬;୨୨:୭-୧୦;୨୭:୧୩-୧୮ ✨ ୧:୧୮ ୧:୧୮ ପେରିଡ୍ ୯:୨୭-୩୦ ✨ ୨:୧ ୨:୧ ପେରିଡ୍ ୧୧:୩୦;୧୫:୨

ପିତର୍କେ ଜିଉଦିମନର୍ ଲଗେ ସୁବ୍‌କବର୍ ଜାନାଇବାକେ ଦାଇଡ଼ ଦେଇ ରଇଲା, ସେନ୍ତି ଜିଉଦି ନଇଲା ଲକ୍‌ମନର୍ ଟାନେ ସୁବ୍‌କବର୍ ଜାନାଇବାକେ ମକେ ଦାଇଡ଼ ଦେଲାଆଟେ । ୮ କାଇକେବଇଲେ ପିତର୍କ ଜେନ୍ତି ପର୍ମେସରର୍ ବପୁ ପାଇକରି ଜିଉଦିମନର୍ ପାଇ ପେରିଡ଼ ସିସ୍ ଇସାବେ ଦାଇଡ଼ ପାଇରଇଲା, ସମାନ ସେନ୍ତି, ମୁଇ ମିସା ପରମେସରର୍ ବପୁ ପାଇକରି ଜିଉଦି ନଇଲା ଲକ୍‌ମନର୍ ପାଇ ପେରିଡ଼ ସିସ୍ ଇସାବେ ଦାଇଡ଼ ପାଇଲିଆଟି । ୯ ନେଡା ଇସାବେ ଏଜାଇଅଇରଇବା ଜାକୁବ୍, ପିତର୍କ ଆରି ଜଅନ୍, ଝି ବଲି ମାନି ଅଇରଇଲାଜ ଜେ, ପରମେସର୍କ ମକେ ଏ ମୁକିଅ କାମର୍ ଦାଇଡ଼ ଦେଲାଆଟେ । ସେଟାର୍ ପାଇ ସେମନ୍ ମକେ ଆରି ବରନବାକେ, ଆମେ ମିସିକରି କାମ୍ କରୁବଲି ଗଟେକ୍ ଚିନ୍ ଇସାବେ ଆଡ଼ ମିଲାଇଲାଜ । ବରନବା ଆରି ମୁଇ ଜିଉଦି ନଇଲା ଲକ୍‌ମନର୍ ବିଡ଼ରେ ଆରି ସେମନ୍ ଜିଉଦିମନର୍ ବିଡ଼ରେ କାମ୍ କରୁ ବଲି ରାଜି ଅଇରଇଲୁ । ୧୦ ସେମନ୍ ଆମ୍‌କେ ସେମନର୍ ଦଲେ ଅବାବେ ରଇଲା ଲକ୍‌ମନ୍କେ ଏତାଇତେରୁଆ ବଲି ଅବ୍‌କା ଏଡ଼କି ଗୁଆରି କରିରଇଲାଜ । ସେ ବିସଇ କର୍ବାକେସେ ମର୍ ମନ୍ ରଇଲା ।

**ଆନ୍‌ଟିଅକ୍‌ତେଇ ପାଉଲ୍ ପିତର୍କେ ମନାକର୍‌ବାଟା**

୧୧ ପିତର୍କ ଆନ୍ତିଅକ୍‌ତେଇ ଆସି ରଇଲା ବେଲେ ମୁଇ ସବୁ ଲକ୍‌ର ମୁଆଟେ ତାକେ ମନାକରିରଇଲି, କାଇକେ ବଇଲେ ସତଇସେ ସେ ବୁଲ୍ କାମ୍ କର୍‌ତେରଇଲା । ୧୨ ଆଗ୍‌ତୁ ସେ ଜିଉଦି ନଇଲା ଲକ୍‌ମନର୍ ସଙ୍ଗ୍ କାଇତେରଇଲା, ମାତର୍କ ଜେଡେବଲ୍ ଜାକୁବ୍ ପାଟାଇରଇବା ଲକ୍‌ମନ୍ ତେଇ ଆଇଲାଜ, ତେଇ ମିସିକରି କାଇବାଟା ଚାଡ଼ି ବିନେ ରଇଲା । ଜନ୍ ଜିଉଦି ବିସବାସିମନ୍ ଜିଉଦି ନଇଲାଟାମନ୍କେ ସୁନଡ଼ ଉଆ ବଲି ବାଦିଅ କର୍‌ତେରଇଲାଜ, ସେମନ୍କେ ଡରି ପିତର୍କ ଏନ୍ତି କଲା । ୧୩ ବିନ୍ ଜିଉଦି ବାଇମନ୍ ମିସା ପିତର୍କ ସଙ୍ଗ୍ ମିସି କୁଟିଆଲ୍‌ମନର୍ ପାରା ଚଲାଚଲ୍‌ତି କର୍‌ତେ ରଇଲାଜ । ଏନ୍ତିକି ବରନବା ମିସା ସେନ୍ତାରି ଅଇଗାଲା । ୧୪ ସବୁର୍ ମୁଆଟେ ମୁଇ ପିତର୍କେ କଇଲି, “ତୁଇ ଜିଉଦି ଅଇକରି ମିସା, ଜିଉଦି ନଇଲା ଲକ୍‌ର ପାରା କେତେଟା ଜିଉଦି ରିଡିନିତି ଚାଡ଼ିଦେଇ ଆରୁସ୍ । ସେନ୍ତାରିଆଲେ ଜିଉଦି ନ ଅର୍‌ମନ୍କେ ଆମର୍ ଦରମର୍ ସବୁ ରିଡିନିତି ମାନବାକେ କେନ୍ତି ବାଦିଅ କଲୁସ୍‌ନି ?”

**ବିସ୍‌ବାସର୍ ଲାଗି ମୁକ୍‌ତି**

୧୫ ଏବେ ଆମ୍‌କେ ଜନ୍‌ମେଅନି ଜିଉଦି ଲକ୍ ବଲି ଜାନଡ଼ । ପରମେସରର୍ ନିୟମ୍ ନାଜାନଲା ଜିଉଦି ନଇଲା ଲକ୍‌ମନର୍‌ପାରା ନଇ । ୧୬ ଅଇଲେ ମିସା ଆମେ ଜାନୁ, ମସାର ନିୟମର୍ ଦାବି ପୁରାପୁରୁନ୍ କଲେ ନଏଁ, ମାତର୍କ ଉଜେ ଜିସୁ କିରିସ୍‌ଟର୍‌ତେଇ ବିସ୍‌ବାସ୍ କଲେ, ଗଟେକ୍ ଲକ୍ ପରମେସରର୍ ମୁଆଟେ ଦସ୍ ନ ରଇବା ଲକ୍ ବଲାଇଅଇସି । ତାର୍ ମୁଆଟେ ଦରମ୍ ଲକ୍ ବଲାଇଅଇବାକେ, ଆମେ ଜିଉଦିମନ୍ ମିସା ଜିସୁକିରିସ୍‌ଟକେ ବିସ୍‌ବାସ୍ କଲୁନି । କାଇକେବଇଲେ ପରମେସରର୍ ମୁଆଟେ କେମିସା ନିୟମ୍ ମାନବା ଲକ୍ ଦରମ୍ ବଲି ଏଜାଇ ନ ଅଅଡ଼ । ୧୭ ମାତର୍କ କିରିସ୍‌ଟର୍ ସଙ୍ଗ୍ ମିସିରଇଲାକେ ତାର୍ ମୁଆଟେ ଆମେ ଦରମ୍‌ଲକ୍ ବଲି ଏଜାଇ ଅଇବୁ । ମାତର୍କ ମସାର ନିୟମ୍ ଇସାବେ, ଜିଉଦି ନଇଲା ଲକ୍‌ମନର୍ ପାରା ଆମେ ପାପିଲକ୍ ବଲି ଏଜାଇ ଅଇଲୁନି । କିରିସ୍‌ଟ ଲକ୍‌ମନ୍କେ ପାପ୍ କରାଇବାକେ ବାଦିଅ କଲାନି ବଲି ତାର୍ ଅରଡ଼ ଆଟେ କି ? ନାଇ, ଏନ୍ତାରି କେବେ ନ ଅଏ । ୧୮ କାଇକେବଇଲେ ମୁଇ ମସାର ନିୟମ୍ ପିଟି ପାସ୍‌ଲିଦେଲି । ମାତର୍କ ଜନ୍ ନିୟମ୍ ମୁଇ ଚାଡ଼ିଦେଇରଇଲି, ସେଟା ଆରିତରେକ୍ ମାନବାକେ ଚେସ୍‌ଟା କଲେ ସତଇସେ ପାପି ଅଇଜିବି । ୧୯ ନିୟମର୍ ପାଇ ମୁଇ ମଲାସମାନ୍ ଅଇଆଟି । ନିୟମର୍ ଲାଗି ସେ, ପରମେସରର୍ ମୁଆଟେ ଦସି ଅଇକରି ମରନର୍ ଡଣ୍ଡ ପାଇଲି । ୨୦ ପରମେସରର୍ ପାଇ ବର୍‌ବାକେ ମକେ କିରିସ୍‌ଟର୍ ସଙ୍ଗ୍ କୁର୍‌ସେ ମରାଇଆଟେ । ଏବେ ମୁଇ ଜିଇକରି ରଇନାଇ । ମାତର୍କ କିରିସ୍‌ଟ ମର୍‌ଗାନେ ଜିଇକରି ଆଟେ । ଏବେ ମର୍ ଗାଗଡ଼ ବିସ୍‌ବାସର୍ ଲାଗି ଜିବନ୍ ଆଟେ । ଜନ୍‌ଟା କି ପରମେସରର୍ ପଅ ଜିସୁ କିରିସ୍‌ଟ ମକେ ଆଲାଦ୍ କରି ମର୍‌ପାଇ ସେ ନିଜେ ସର୍‌ପି ଅଇଲା । ତାକେ ବିସ୍‌ବାସ୍ କରି ମୁଇ ଜିଇଲି ଆଟି । ୨୧ ଏଟାର୍‌ପାଇ ପରମେସରର୍ ଜିବନ୍ ଦୁକାଇଲାଟାକେ ମୁଇ କେବେ ମିସା ନାଇ ବଲି କଇନାପାରି । କାଇକେ ବଇଲେ ନିୟମ୍ ମାନଲେ ଜଦି ଗଟେକ୍ ଲକ୍ ତାର୍ ମୁଆଟେ ଦରମ୍ ଲକ୍ ଅଇପାରେ, ତେବେ କିରିସ୍‌ଟ ମଲାର୍ କିଟି ମୁଲିଅ ନାଇ । ଏ ସବୁ ବିସଇ ମୁଇ ଆନ୍‌ଟିଅକେ କଇଲି ।

**୩**

**ନିୟମ୍ କି ବିସ୍‌ବାସ୍**

୧ ଏ ବକୁଆ ଗାଲାତିଅମନ୍ ! କେ ତମ୍‌କେ ଏନ୍ତାରି ବୁଲ୍ ସିକିଆ ଦେଇ ଚର୍‌ପର୍ କରାଇଲାନି ? ତମର୍ ମୁଆଟେ ତା କୁର୍‌ସେ ମରିରଇବା ଜିସୁ କିରିସ୍‌ଟର୍ ବିସଇ ଅର୍‌ସା ସଙ୍ଗ୍ ବାତାଇ ଦେଇଆତୁ । ୨ ଗଟେକ୍ କାତା ମକେ କଇଦେକାପନି, ମସାର ନିୟମ୍ ମାନଲାକେ ତମେ ସୁକଲ୍‌ଆଡ଼ମା ପାଇଆଟାସ୍ କି, ସୁବ୍‌କବର୍ ସୁନି ସେଟା ବିସ୍‌ବାସ୍ କଲାକେ ? ୩ ତମେ କେନ୍ତାର୍ ଏଡେକ୍ ବୁଦି ନଇଲା ଲକ୍‌ର ପାରା ଅଇଗାଲାସିନି ? ଆଡ଼ମାର୍ ବପୁ ପାଇକରି ତମେ ଜନ୍ ବିସ୍‌ବାସର୍ ଜିବନ୍ ଆରାମ୍ କଲାସ୍, ସେଟା କାଇ ନିଜର୍ ବପୁସଙ୍ଗ୍ ସାରାଇବାକେ ମନ୍‌କଲାସିନି କି ? ୪ ସେଟାର୍‌ପାଇ ତମେ ଆଗ୍‌ତୁ ସିକ୍‌ଲାଟା ସବୁ ବେକାର୍ କି ? ତେଇଅନି କାଇଟା ମିସା ସିକାସ୍ ନାଇ କି ? ୫ ପରମେସର୍କ କାଇକେ ତାର୍ ଆଡ଼ମା ଦେଇ

☆ ୨:୧୭ ୨:୧୭ ରମିୟ ୩:୨୦; ରମିୟ ୩:୨୨

ତମର ବିତ୍ତରେ କାବାଅଇଜିବା କାମ୍ପାନ କଲା ? ତମେ ମସାର ନିୟମ୍ ମାନିଲାର ପାଇ କି ଜନ୍ ସୁବକବର୍ ତମ୍‌କେ ଜାନାଇରଇଲାକ ସେଟା ବିସ୍‌ବାସ୍ କଲାକେ ?

୭ ✨ଅବ୍ରାଆମ୍‌ର କାତା ଏତାଇ ଦେକା । ସାସ୍‌ତରେ ଲେକାଆତେ, “ସେ ପର୍‌ମେସର୍ କଇଲା ବିସ୍‌ଇ ବିସ୍‌ବାସ୍ କଲା । ଆରି ତାର ବିସ୍‌ବାସ୍‌ର ଲାଗି ପରମେସର୍ ତାକେ ଦରମ୍ ଲକ୍ ଇସାବେ ଲେକା କଲା ।” ୭ ✨ଜନ୍ ଲକ୍‌ମନ୍ ବିସ୍‌ବାସ୍ କରବାଇ, ସେମନ୍‌ସେ ଅବ୍ରାଆମ୍‌ର କୁଟୁମ୍‌ର ଲକ୍ । ଏଟା ତମେ ଜାନ୍‌ବାର୍ ଆତେ । ୮ ପୁରବେଅନି ଦରମ୍ ସାସ୍‌ତରେ ଲେକାଅଇଲା ଆତେ ଜେ, ବିସ୍‌ବାସ୍ କଲେସେ ପରମେସର୍ ଜିଉଦିନଇଲା ଲକ୍‌ମନ୍‌କେ ମିସା ଦରମ୍ ଲକ୍ ଇସାବେ ଲେକା କର୍‌ସି । ପରମେସର୍ ତମ୍‌ରଟାନେଅନି ଜଗତର୍ ସବୁ ଲକ୍‌କେ ଆସିରବାଦ୍ କର୍‌ସି । ଏ କବର୍ ପରତୁମ୍ ଅବ୍ରାଆମ୍‌କେ ଜାନାଇ ଦିଆଅଇରଇଲା । ୯ ଅବ୍ରାଆମ୍ ବିସ୍‌ବାସ୍ କରି ଆସିରବାଦ୍ ପାଇରଇଲା । ସେଟାର୍ ପାଇ ଜେଡକ୍ ଲକ୍ ବିସ୍‌ବାସ୍ କରବାଇ, ସେମନ୍ ସବୁ ଲକ୍ ତାର ପାରା ଆସିରବାଦ୍ ପାଇବାଇ ।

୧୦ ଜନ୍ ଲକ୍‌ମନ୍ ରିତିନିତିର୍ ନିୟମ୍ ମାନିଲୁନି ବଲି ବଡ଼ପନ୍ ଅଇବାଇ, ସେମନ୍ ସାଇପ୍ ପାଇବାଇ । କାଇକେ ବଇଲେ ଦରମ୍‌ସାସ୍‌ତରେ ଲେକାଆତେ, “ମସାର ନିୟମ୍ ବଇଟାନେ ଜାଇଟା ସବୁ ଲେକାଅଇଲା ଆତେ, ଜଦି କେ ସେଟା ପୁରାପୁରୁନ୍ ନ ମାନେ, ସେ ପରମେସର୍‌ର ସାଇପ୍ ପାଇସି ।” ୧୧ ଏଟା ନିକସଙ୍ଗ୍ ଜାନାପଡ଼ଲାନି । ରିତିନିତିର୍ ନିୟମ୍ ମାନିକରି କେ ମିସା ପରମେସର୍‌ର ମୁଆଟେ ଦରମ୍ ବଲାଅଇ ନ ଅଅଡ଼ । କାଇକେବଇଲେ ଦରମ୍ ଲକ୍ ବିସ୍‌ବାସ୍‌ର ଲାଗି ବର୍‌ବାଇ । ୧୨ ନିୟମ୍ ମାନିବାଟା ଆରି ବିସ୍‌ବାସ୍ କରବାଟା ଦୁଇଟା ମୁଲକେ ନ ମିସେ । ଦରମ୍ ସାସ୍‌ତରେ ଲେକାଆତେ, ଜନ୍ ଲକ୍ ନିୟମ୍‌ର ଦାବି ଇସାବେ କାମ୍ କର୍‌ସି ସେ ଜିବନ୍ ପାଇସି ।

୧୩ ଆମେ କେ ମିସା ନିୟମ୍‌ର ସବୁ ଆଦେସ୍ ମାନି ନାପାରୁ । ସେଟାର୍‌ପାଇ ଆମେ ସବୁ ତଣ୍ଡ ପାଇବାର୍ ରଇଲା । ମାତର୍ କିରିସ୍‌ଟ ଆମ୍‌ର ସାଇପ୍ ନିଜେ ନେଲା ଆରି ନିୟମ୍‌ର ସାଇପେଅନି ଆମ୍‌କେ ମୁକ୍‌ଲାଇଲା । ଦରମ୍ ସାସ୍‌ତରେ ଲେକାଆତେ, ଜେ ଗଟେ ଉଚ୍‌କିଅଇ ମର୍‌ସି, ସେ ପରମେସର୍‌ରତେଇ ଅନି ସାଇପ୍ ପାଇଲା ଲକ୍ ! ୧୪ ଅବ୍ରାଆମ୍ ଜନ୍ ଆସିରବାଦ୍ କରବାକେ ସପଡ଼ କରିରଇଲା ଜିଉଦି ନଇଲା ଲକ୍‌ମନ୍ ମିସା ସେଟା ପାଇବାଇ, ସେଟାର୍ ପାଇ କିରିସ୍‌ଟ ଏ କାମ୍ କଲାଆତେ । ସେଟାର୍ ପାଇ ବିସ୍‌ବାସ୍ କରି ଆମେ ମିସା ପରମେସର୍‌ର କାତା ଦେଲା ଇସାବେ ସୁକ୍‌ଲାଆଡ଼ମା ପାଇପାରୁ ।

**ନିୟମ୍ ଆରି ସପଡ଼**

୧୫ ଏ ବାଇବଇନିମନ୍ ! ପରମେସର୍ ଅବ୍ରାଆମ୍‌କେ ଜନ୍ ସପଡ଼ ଦେଇ ରଇଲା, ସେଟା ବାତାଇବାକେ ମୁଇ ଗଟେକ୍ ଉଦାଅରନ୍ କଇବି । ଜେଡେବଲ୍ ଦୁଇ ଲକ୍ ଗଟେକ୍ ବିସ୍‌ଇତେଇ ରାଜିନାମା ଲେକ୍‌ବାଇ, ସେ ରାଜିନାମା କେ ମିସା ବାଙ୍ଗାଇ ନାପାରଡ଼ । କି ତେଇ କାଇଟା ମିସାଇ ନାପାରଡ଼ । ୧୬ ସେନ୍ତାର୍‌ସେ ପରମେସର୍ ଅବ୍ରାଆମ୍ ଆରି ତାର୍ ନାତିତିତିକେସେ ସପଡ଼ ଦେଇରଇଲା । ଏ ବିସ୍‌ଇନେଇ ନାତିତିତିମନ୍ ବଲି ସାସ୍‌ତରେ ଲେକାରଇବାଟା, ଅବ୍ରାଆମ୍‌ର ସବୁ ନାତିତିତିମନ୍‌କେ କଏନାଇ । ମାତର୍ ଗଟେକ୍ ଲକ୍‌କେସେ କଇଲାଆତେ । ଜେ କି କିରିସ୍‌ଟ । ୧୭ ମର୍ କଇବାର୍ ଅରଡ଼ ଅଇଲାନି, ପରମେସର୍ ଅବ୍ରାଆମ୍‌ର ସଙ୍ଗ୍ ଗଟେକ୍ ରାଜିନାମା ତିଆର୍ କରିରଇଲା, ଆରି ସେଟା ମାନିବାକେ ସପଡ଼ କରିରଇଲା ।

ଜନ୍ ନିୟମ୍ ଚାରି ସଅ ତିରିସ୍ ବରସ୍ ପଟେ ଦିଆଅଇଲା, ସେ ନିୟମ୍‌ର ରାଜିନାମା କେ ମିସା ବାଙ୍ଗାଇ ଦେଇ, ପରମେସର୍‌ର ଦେଇରଇବା ସପଡ଼ ନସ୍‌ଟ କରିନାପାରେ । ୧୮ ✨ପରମେସର୍‌ର ଆସିରବାଦ୍ ପାଇବାଟା ଜଦି ନିୟମ୍ ମାନିବା ଉପ୍‌ରେ ଅଇସି ବଇଲେ, ତେବେ ସେଟା ଆରି ତାକର୍ ସପଡ଼ର୍ ଲାଗି ଅଇଲାଟା ବଲି କଇ ନଏ । ସେଟାର୍ ପାଇ ପରମେସର୍ ଅବ୍ରାଆମ୍‌କେ ଅବ୍‌କା ତାର୍ ସପଡ଼ ଇସାବେ ସେ ଆସିରବାଦ୍ ଦେଇରଇଲା ।

୧୯ ତେବେ ନିୟମ୍ କାଇକେ ଦିଆଅଇଲା ? ମୁନୁସର୍ ସଡ଼ ନ ଅଇବା ସବୁ କାମ୍ ଦେକାଇ ଦେବାକେ ଦିଆଅଇଲା । ଆରି ଅବ୍ରାଆମ୍‌ର ଜନ୍ କୁଟୁମ୍ ଦେକି ପରମେସର୍ ସେ ସପଡ଼ କରିରଇଲା, ସେ ଲକ୍ ଆଇବା ଜାକ ନିୟମ୍‌ର ଦର୍‌କାର୍ ରଇଲା । ପରମେସର୍ ଗଟେକ୍ ଲକ୍‌କେ ମାଲାକାରିଆ କରାଇ ସରଗର୍ ଦୁଡ଼ମନ୍ ଆତେ ନିୟମ୍ ପାଟାକରଇଲା । ୨୦ ମାତର୍ ଅବ୍ରାଆମ୍‌କେ ସପଡ଼ ଦେଲା ବେଲେ ମାଲାକାରିଆମନ୍ ନ ରଇଲାଇ । ପରମେସର୍ ନିଜେସେ ସପଡ଼ କରିରଇଲାଇ ।

**ନିୟମ୍ ଆଦେସ୍**

୨୧ ନିୟମ୍ କାଇ ପରମେସର୍‌ର ସପଡ଼ ବିରଦ୍ କଲାନି କି ? ନାଇ କେବେ ନାଇ ! କାଇକେବଇଲେ ଲକ୍‌କେ ଜିବନ୍ ଦେଲାପାରା ଗଟେକ୍ ନିୟମ୍ କରା ଅଇତା, ତେବେ ସେଟା ମାନିଲେସରି ସେ ପରମେସର୍‌ର ମୁଆଟେ ଦସ୍ ନ କଲାଲକ୍ ବଲାଇ ଅଇତା । ୨୨ ମାତର୍ ଦରମ୍ ସାସ୍‌ତରେ ଲେକା ଆତେ, ସବୁ ମୁନୁସ୍ ଜାତି ପାପର୍ ତଲେ ଆତଡ଼, ସେଟାର୍ ପାଇ କିରିସ୍‌ଟ ବିସ୍‌ବାସିମନ୍, ଜିସୁ କିରିସ୍‌ଟ୍‌ରତେଇ ବିସ୍‌ବାସ୍ କଲାର୍ ପାଇ ସପଡ଼ର୍, ଆସିରବାଦ୍ ପାଇବାଇ ।

୨୩ ବିସ୍‌ବାସ୍‌ର ଜୁଗ୍ ଆଇବା ଆଗ୍‌ତୁ ଆରି ଦେକାଇଅଇବା ଜାକ, ନିୟମ୍ ଆମ୍‌କେ ବନ୍ଦି କରି ରକିରଇଲା । ୨୪ କିରିସ୍‌ଟ୍ ଆଇବା ଜାକ ଆମେ ନିୟମ୍‌ର ତଲେ ରଇଲୁ । ମାତର୍ ତାର୍ ପଟେ, କାଲି ବିସ୍‌ବାସେଅନି ଆମେ

☆ ୩:୬ ୩:୬ ରମିୟ ୪:୩ ☆ ୩:୭ ୩:୭ ରମିୟ ୪:୧୭ ☆ ୩:୧୮ ୩:୧୮ ରମିୟ ୪:୧୪

ପରମେସରର ମୁଆଟେ ଦସି ନଇଲା ଲକ୍ ବଲାଇ ଅଇରୁ । ୨୫ ଏବେ ବିସ୍‌ବାସର ଜୁଗ୍ କେଟିଆଟେ, ଆମେ ଆରି ନିୟମର ତଲେ ନାଇ ।

୨୬ ବିସ୍‌ବାସ କଲାକେ କିରିସ୍‌ଟ ଜିସୁର ସଙ୍ଗ ମିସିକରି, ଆମେ ସବୁ ପରମେସରର ପିଲାଟକି ଅଇଆରୁ । ୨୭ ଆମେ ତୁବନ୍ ନେଇକରି କିରିସ୍‌ଟର ସଙ୍ଗ ଗଟେକ୍ ଅଇଆରୁ ଆରି ଏବେ ଜିସୁ କିରିସ୍‌ଟର ଜିବନ୍ ରୁପର ବସ୍‌ତର ପିନ୍ଧି ଆରୁ । ୨୮ ସେଟାର ପାଇ ଜିଉଦି ଆରି ଜିଉଦିନଇଲା ଲକ୍, ଗେନାଅଇଲା ଗତିଦାଙ୍ଗ୍‌ତାଦାଙ୍ଗ୍‌ତି କି ମୁକ୍‌ଲାଇଲା ଲକ୍, ମୁରୁସ୍ କି ମାଇଜି ବିତ୍‌ରେ, କାଇଟା ମିସା ବିନ୍ ନାଇ । ଆମେ ସବୁ ଲକ୍ ଜିସୁର ସଙ୍ଗ ମିସିକରି ଗଟେକ୍ ଅଇଆରୁ । ୨୯ \*ଜେଦି ତମେ କିରିସ୍‌ଟର ଲକ୍, ତେବେ ତମେ ମିସା ଅବ୍‌ରାଆମର କୁଟୁମର ଆରି ପରମେସର ଜାଇଟା ସପତ୍ କଲାଆଟେ, ସେଟା ମିଲାଇସା ।

### ୪

୯ କାତା ଇସାବେ କଇଅଇସି । ପିଲା ବାବାର ସବୁ ଦନ୍‌ସିମ୍‌ପତି ପାଇବାର ଅଦିକାର ଆଟେ, ମାତର ସବୁ ଜାକ ତାର ଅଇରଇଲା ପଟେ ମିସା, ବୟସ୍ ନ ଅଇବା ଜାକ ସେ ଗତିଦାଙ୍ଗ୍‌ତା ଇସାବେ ଲେକା ଅଇସି । ୧୦ ବୟସ୍ ନ ଅଇବା ଜାକ, ତାର ବାବା ଟିକ୍ କରବା ବେଲା ନ ଅଇବା ଜାକ, ବିନ୍ ଲକ୍‌ମନ୍ ତାକେ ଜତନ୍ କରବାଇ ଆରି ତାର ସବୁ ବିସଇ ଦେକାରକା କରବାଇ । ୧୧ ସେନ୍ତାରିସେ ଆମେ ମିସା ଆତ୍‌ମାର ଇସାବେ ବୟସ୍ ନ ଅଇବା ଆଗ୍‌ତୁ, ଜଗତ୍‌କେ ସାସନ୍ କରବା ନିଅମ୍, ଆରି ରିଡିନିଡିଟ୍ ଗତିଦାଙ୍ଗ୍‌ତା ଅଇ ରଇଲୁ । ୧୨ ସାରାସାରି ଜେତେବଲ୍ ସମାନ୍ ବେଲା କେଟୁଲା, ପରମେସର ତାର ନିଜର୍ ପଅକେ ପାଟାଇଲା । ଗଟେକ୍ ମାମୁଲି ଟକିର ଗରବେଅନି ଜାତ୍ ଅଇକରି ସେ ଜିଉଦି ନିଅମ୍ ମାନିକରି ଜିଇଲାଇ କାଇଲାଇ । ୧୩ \*ଜେନ୍ତୁକି ଦରକାର ରଇଲା ମୁଲିଅ ଦେଇ, ନିଅମର ବନ୍ଦନେଅନି ଲକ୍‌ମନ୍‌କେ ମୁକ୍‌ଲାଇବାକେ ଆରି ସେମନ୍‌କେ ପରମେସରର ପିଲାଜିଲା ଅଇବାକେ ବେଲା ଟିକ୍ କରବାକେ, ତାର ଜିବନ୍‌ର ଆଦେସ୍ ରଇଲା ।

୧୪ ତମେମନ୍ ଜେ ପରମେସରର ପିଲାଜିଲା, ଏଟା ଦେକାଇ ଦେବାକେ, ପରମେସର ତାର ପଅର୍ ଆତ୍‌ମା ଆମର ମନ୍ ବିତ୍‌ରେ ପାଟାଇଲା ଆଟେ । ସେ ଆତ୍‌ମା ଆଉଲିଅଇ କଇଲାନି, “ବାବା ! ଏ ମର ବାବା !” ୧୫ ସେଟାରପାଇ ତମେ ଆରି ବିକିଅଇରଇବା ଗତିଦାଙ୍ଗ୍‌ତା ନୁଆସ୍, ମାତର ପିଲାମନ୍ । ତମେ ତାର ପିଲାଜିଲା ଅଇଲାର ଲାଗି, ପରମେସର ତାର ପିଲାଟକିମନ୍‌ପାଇ ଜାଇଟା ସଙ୍ଗଇଲା ଆଟେ, ସେଟା ସବୁ ତମ୍‌କେ ଦାନ୍ କରିଦେଇସି ।

#### ଗାଳାତିଅମନ୍‌ର ପାଇ ପାଉଲର୍ ଚିନ୍ତା

୧୬ ଆଗ୍‌ତୁ ତମେମନ୍ ପରମେସରକେ ଜାନି ନ ରଇଲାସ୍, ସେଟାର ପାଇ ତମେ ମିର୍ ଦେବିଦେବ୍‌ତାମନ୍‌ର ଗତି ଅଇରଇଲାସ୍ । ୧୭ ମାତର ଏବେ ତମେ ପରମେସରକେ ଜାନିଆଟାସ୍, ନଇଲେ ମୁଇ କଇବି ପରମେସର ତମ୍‌କେ ଜାନିଆଟେ । ତେବେ ଏଟା କେନ୍ତୁ ଅଇପାରେ ଜେ, ତମ୍‌କେ ରକିଆ କରିନାପାରି, ବପୁ ନ ରଇ ନସିଜିବା ଦେବ୍‌ତାମନ୍‌ର ଲଗେ ଆରି ତରେକ୍ ବାଉଡି ଜିବାକେ ମନ୍ କଲାସ୍‌ନି ? ତମେ କାଇକେ ଆରି ତରେକ୍ ସେମନ୍‌ର ଗତିଦାଙ୍ଗ୍‌ତା ଅଇବାକେ ମନ୍ କଲାସ୍‌ନି ? ୧୮ ଦୁକ୍‌କର କାତା, ତମେ କେତେଟା ଦିନ୍, ମାସ୍, ପାଗ୍ ଆରି ବରସକେ ବେସି ମନ୍‌ଦିଆନ୍ ଦେଲାସ୍‌ନି । ୧୯ ମୁଇ ତମ୍‌ର ପାଇ ବେସି ଚିନ୍ତା କଲିନି । ତମ୍‌ରପାଇ ମର ସବୁ କାମ୍ ବେକାର୍ ଅଇଲା କି ?

୨୦ ବାଇମନ୍, ମୁଇ ତମ୍‌କେ ଜୁଆର୍ କରି କଇଲିନି, ମୁଇ ଜେନ୍ତାର୍ କଇଲିନି, ସେନ୍ତାରି ଜିଆ । ମୁଇ ଜିଉଦି ଅଇଲେ ମିସା ତମ୍‌ରପାରା ଜିଉଦି ନଇଲା ଲକ୍ ପାରା ଅଇକରି, ମସାର ନିୟମେଅନି ମୁକ୍‌ଲିଆଟି । ଆରି ତମେ ମକେ କାଇମିସା ଅନିଆଇ କରାସ୍ ନାଇ । ୨୧ ମୁଇ ପର୍‌ତୁମ୍ ତର କାଇକେ ତମ୍‌ର ସଙ୍ଗ ରଇଲି, ସେଟା ଏତାଆ । ସେଡ୍‌କି ବେଲେ ମକେ ଜର୍‌ଅଇରଲାକେ ତମ୍‌କେ ସୁବ୍‌କବର ଜାନାଇରଇଲି । ୨୨ ମାତର ମର ଗାଗଡ୍ ନିକ ନ ରଇଲାଟ୍‌ପାଇ ତମ୍‌କେ ବେସି ଅସୁବିଦା ଅଇଲା । ଅଇଲେମିସା ତମେ ମକେ ଏଲା କରାସ୍ ନାଇ କି ଚାଡି ଦିଆସ୍ ନାଇ, ମାତର ମକେ ଗଟେକ୍ ସରଗର୍ ଦୁଡ୍‌ପାରା ଡାକି ରଇଲାସ୍ । କିରିସ୍‌ଟ ଜିସୁକେ ଜେନ୍ତୁ ତମେ ଡାକ୍‌ତାସ୍, ସେନ୍ତୁ ମକେ ମିସା ଡାକ୍‌ଲାସ୍ । ୨୩ ସେବେଲା ତମେ କେତେକ୍ ସାରଦା ରଇଲାସ୍ ! ମାତର ଏବେ ଆମର ବିତ୍‌ରେ ରଇବା ସେ ସାରଦା କେନେ ଗାଲା ? ତମ୍‌ର ବିସଇ ମୁଇ ଡାଟ୍‌ସଙ୍ଗ୍ କଇଲିନି ଜେ, ଜଦି ଅଇପାରତା ଆଲେ, ତମ୍‌ର ନିଜର୍ ନିଜର୍ ଆଁକି ବେଟି ଆନି ମକେ ଦେଇତାସ୍ ! ୨୪ ମାତର ମୁଇ ଏବେ ସତ୍ କଇଲାର୍ ପାଇ, କାଇ ତମ୍‌ର ସତ୍‌ରୁ ଅଇଗାଲି ଆଟି କି ?

୨୫ ସେ ବିନ୍ ଲକ୍‌ମନ୍ ତମ୍‌ର ବାଟେ ବେସି ଦିଆନ୍ ଦେଲାଇନି । ମାତର ସେମନ୍‌ର ଦିଆନ୍ ଦେବାଟା ସତ୍ ଇସାବେ ନାଇ । ସେମନ୍ ଏଟା ମନ୍ କଲାଇନି, ଜେନ୍ତୁକି ମରବାଟେଅନି ତମ୍‌କେ ବିନେ କଲେ, ତମେ ଡାକ୍‌ରବାଟେ ମନ୍ କରସା । ୨୬ ବିନ୍ ଲକ୍‌ମନ୍ ତମ୍‌ର ବାଟେ ବେସି ଦିଆନ୍ କରବାଟା ନିକ ବିସଇ । ମୁଇ ରଇଲା ବେଲେ କି ନ ରଇଲା ବେଲେ ସେମନ୍ ତମ୍‌ରଟାନ୍‌ନେ ଦିଆନ୍ ଦେବାଟା ନିକ ବିସଇ, ମାତର ଡାକ୍‌ର ଦିଆନ୍ ଦେବାଟା ଟିକ୍ ରଇବାର ଆଟେ । ୨୭ ଏ ମର ଆଲାଦର୍ ପିଲାମନ୍, ତମ୍‌ର ବିତ୍‌ରେ କିରିସ୍‌ଟର ପାରା ଚଲାଟଲ୍‌ଡି ଅଇ ଆଇବାକେ, ମୁଇ ଆରିତରେକ୍ ଆଡ୍‌ଗଡ୍ ସୁକ୍ ଅଇବା ପାରା ଦୁକ୍‌କସଟ୍ ପାଇଲିନି । ୨୮ ଜେନ୍ତାରିକି ମୁଇ ଏବେ ତମ୍‌ର ଲଗେ ରଇକରି ଦାକାପୁକା ନ କରି, ବିନ୍ ଇସାବେ କାତା ଅଇବାକେ ମନ୍ କଲିନି । କାଇକେବଇଲେ ମୁଇ ତମ୍‌ର ବିସଇନେଇ ବେସି ଚିନ୍ତା କଲିନି ।

#### ଆଗାର୍ ଆରି ସାରାର୍ ବିସଇନେଇ କଇବାଟା

☆ ୩:୨୯ ୩:୨୯ ରମିୟ ୪:୧୩ ☆ ୪:୫ ୪:୫ ରମିୟ ୮:୧୫-୧୭

୨୧ ମସୀହା ରିତିନିତିର ତଳେସେ ରଇବାକେ ତମେ ମନ୍ କଲ୍ୟାଣି କି ? ମକେ କଇଦେକାପନି, ତମେ କାଇ ରିତିନିତିଗାନର ବାକିଅ ସୁନାସ୍ ନାଇ କି ? ୨୨ ଅବରାଆମକେ ଦୁଇଟା ପଅ ରଇଲାଇ । ଗଟେକ୍ ତାର୍ ଗରେ ପାଇଟି କରବା କୁଲିଆରନିରଟା, ଆରି ଗଟେକ୍ ତାର୍ ନିଜର୍ ବିବାଇ ମାଇଜିରଟା । କାଇକେବଇଲେ ଲେକା ଆଟେ, ୨୩ ଜନ୍ଟା କୁଲିଆରନିର ପଅ, ସେ ମୁନୁସର୍ ମନ୍ କଲ୍ୟା ଇସାବେ ଜନମ୍ ଅଇଲା । ଜନ୍ଟା ବିବାଇ ମାଇଜିରଟା, ପର୍ମେସର୍ କରଇରବା ସପତ୍ ଇସାବେ ଜାଡ୍ ଅଇଲାଟା । ୨୪ ଏ କାତା ଗଟେକ୍ ଜଟ୍ଟକା ଇସାବେ ଆଟେ । କାଇକେବଇଲେ ଦୁଇଟା ମାଇଜି ଦୁଇଟା ରାଜିନାମା ପାରା । ଗଟେକ୍ ରାଜିନାମା ଆରାବ୍ ଦେସେ ରଇବା ସିନଅ ପରବତ୍ ଉପରେ ପର୍ମେସର୍ ମସାକେ ଦେଇରଇବା ନିୟମ୍ । ଏ ରାଜିନାମା ଆଗାର୍ କେ ସମାନ୍ କରି ଅଇସି । କାଇକେବଇଲେ ଆଗାର୍ ଆରି ତାର୍ ପିଲାମନ୍ ଗତି ଅଇରଇଲାଇ । ସମାନ୍ ସେନ୍ତାରିସେ ଏ ରାଜିନାମାର୍ ପିଲାମନ୍ ସବୁଲକ୍ ଗତିଦାଙ୍ଗତା । ୨୫ ଆଗାର୍ କେ ଆରବର୍ ସିନଅ ପରବତ୍ ସଙ୍ଗ୍ ସମାନ୍ କରିଅଇସି, କନ୍ତୁଅନି ନିୟମ୍ ଆଇଲାଆଟେ । ତାକେ ଏବର୍ ଜିରୁସାଲାମ୍ ସଅର୍କେ ମିସା ସମାନ୍ କରିଅଇସି । କାଇକେବଇଲେ, ଜିରୁସାଲାମେ ରଇବା ଜିଉଦିମନ୍ ମସୀହା ନିୟମ୍ ବିସ୍ବାସ୍ କଲାଇନି । ସେ ନିୟମ୍ ବିସ୍ବାସ୍ କରି ନିୟମର ଗତିଦାଙ୍ଗତା ଅଇଆଟତ୍ ।

୨୬ ମାତର୍ ଅବରାଆମର୍ ବିବାଇ ମାଇଜି ଜେ କି ଗତିଦାଙ୍ଗତା ନଏ, ତାକେ ସରଗର୍ ଜିରୁସାଲାମକେ ସମାନ୍ କରିଅଇସି । ସେ ଆମେ ବିସ୍ବାସ୍ କରବା ସବୁ ଲକର୍ ମାଆ । ୨୭ ଜେନ୍ତାରିକି ସାସ୍ତରେ ଲେକାଅଇଆଟେ, “ ଅଇରେ ବାଞ୍ଜି ମାଇଜି, ତୁଇ ସାର୍ଦା ଅ, କେବେମିସା ପିଲାଜିଲା ପାଇବା ଦୁକାସୁକା ଦାରାଇ ଅଇବାଟା ନାଜାନିରଇଲେ ମିସା ଆଉଲି ଅଇ ତର୍ ସାର୍ଦା ସବୁକେ ଜାନାଇଦେସ୍ । କାଇକେବଇଲେ ମୁନୁସ୍ ସଙ୍ଗ୍ ବାସା ଅଇରଇବା ମାଇଜିର ଟାନେଅନି ଗଟେକ୍ ଚାଡ୍ରି ମାଇଜିର୍ ପିଲାଜିଲା ଅଦିକ୍ ଅଇସି । ”

୨୮ ଏ ବାଇବଇନିମନ୍ ତମେ ଇସାକର୍ ପାରା ପର୍ମେସର୍ ସପତ୍ କରି ପାଟାଇରଇବା ପିଲାଜିଲା ଅଇଗାଲାସ୍ । ୨୯ ସେବେଲେ ଅବରାଆମର୍ ପିଲା ଜେ କି ଗାଗତର୍ ଇସାବେ ଜନମ୍ ଅଇରଇଲା, ତାର୍ ସାନ୍ ବାଇକେ ସାଦ୍ବାନ୍ କଲା । ଜେ କି ପର୍ମେସରର୍ ଆଡ୍ମା ଇସାବେ ଜନମ୍ ଅଇଲା । ସେଟା ଏବେ ମିସା ଅଇଲାନି । ୩୦ ମାତର୍ ଏ ବିସଇନେଇ ସାସ୍ତର୍ କାଇଟା କଲାଇନି ? ତେଇ ଲେକାଅଇଆଟେ, କୁଲିଆରନି ଆରି ତାର୍ ପଅକେ ବାରକରାଇ ଦିଆସ୍ । କାଇକେବଇଲେ କୁଲିଆରନିର ପଅ ବିବାଇ ମାଇଜିର୍ ପଅର୍ ସଙ୍ଗ୍ ବାବାର୍ ଦନ୍ ସପତି ପାଇନାପାରେ । ୩୧ ତେବେ ଏ ମର୍ ବାଇବଇନିମନ୍ ଆମେ କୁଲିଆରନିର୍ ପିଲାଜିଲା ନଉ, ବିବାଇ ମାଇଜିର୍ ପିଲାଜିଲା ।



**ତମର୍ ମୁକଲ୍ଲାଟା ଜତନ୍ କରା**

୧ ଏବେ ଆମେ ବାନ୍ଦନେଅନି ମୁକଲିଆରୁ । ଆମକେ କିରିସଟ୍ ବାନ୍ଦନେଅନି ମୁକଲାଇଆଟେ । ସେଟାର୍ ପାଇ ଆମେ ବାନ୍ଦନ୍ କୁସଲାଇ ତାଟ୍ ସଙ୍ଗ୍ ରଉ । ଆରି ତରେକ୍ ଗତିଦାଙ୍ଗତାର୍ ବାନ୍ଦନେ ବାନ୍ଦିଅଇବାକେ ନ ଦେଉ ।

୨ ମୁଇ ପାଉଲ୍ ଏବେ କଇଲିନି ସୁନା, ତମେ ଜଦି ପର୍ମେସରର୍ ମୁଆଟେ ଦରମ୍ ଅଇବାକେ ସୁନତ୍ ଅଇବା ରିତିନିତି ମାନ୍ଲାସ୍ନି, ତମକେ କିରିସଟ୍ ଆରି ଲତାନାଇ ବଲି ତେଇଅନି ଜାନା ପଡ୍ଲାନି । ୩ ଜନ୍ ଲକ୍ ସୁନତ୍ ଅଇବାକେ ଗାଲାନି, ମୁଇ ଆରିତରେକ୍ ତାକେ ଜାଗରତ୍ କରାଇଦେଲିନି ଜେ, ମସୀହା ନିୟମ୍ ପୁରାପୁରୁନ୍ ମାନ୍ବାର୍ ଆଟେ । ୪ ତମର୍ ବିତ୍ତରେ ଜେଡ୍ କି ଲକ୍ ନିୟମ୍ ମାନ୍ଲାପାଇ ପର୍ମେସରର୍ ମୁଆଟେ ଦରମ୍ ଅଇବାକେ ଚେସ୍ଟା କଲାସ୍ନି, । ତମେ କିରିସଟ୍ ତେଇ ଅନି ବିନେ ଅଇଆଟାସ୍, ଆରି ପର୍ମେସରର୍ ଜିବନ୍ ଦୁକାଇଲାତେଇଅନି ବାଇରେ ଆଟାସ୍ । ୫ ମାତର୍ ଆମେ ଆସାକଲୁନି ଜେ, ପର୍ମେସର୍ ଆମକେ ତାର୍ ବିଚାର୍ ଇସାବେ ଦସ୍ ନଇଲା ଲକ୍ ବଲି କଇସି, ଜନ୍ ସୁକଲ୍ ଆଡ୍ମାର୍ ବପୁ ବିସ୍ବାସର୍ ଲାଗି ଆମର୍ ବିତ୍ତରେ କାମ୍ କଲାନି, ସେ ବପୁର୍ ଲାଗି ସେଟା ଅଇସିବଲି ଆମେ ଜାଗଲୁନି । ୬ କାଇକେବଇଲେ ଜିସୁ କିରିସଟ୍ ସଙ୍ଗ୍ ମିସିକରି ଜିଇଲେ କାଇଲେ, ସୁନତ୍ ଅଇବାଟା କି ସୁନତ୍ ନ ଅଇବାଟା କାଇଟା ମିସା ନାଇ । ଏକାଇ ଗଟେକ୍ ସେ ଦରକାର୍ ରଇଲା ବିସଇ । ସେଟା ଅଇଲାନି, ବିସ୍ବାସେ ତାଟ୍ ରଇ ଆଲାଦ୍ ସଙ୍ଗ୍ ଦାଇତେ ରଇବା କାମ୍ କରବାର୍ ।

୭ ତମେ ନିମାନ୍ ସଙ୍ଗ୍ ଆଗକେ ଜାଇତେ ରଇଲାସ୍ ! ସତ୍ ବାଟେ ଇଣ୍ଟୁଲା ବେଲେ, କେ ତମକେ ଅଟ୍ କାଇଲା ? କାରାପ୍ ବାଟେ ଜିବାକେ କେ ଉସ୍ କାଇଲା ? ୮ ତମକେ ତାକି ରଇଲା ପର୍ମେସରଟାନେଅନି ଏଟା ଅଏନାଇ । ୯ କାତାଇ ଆଟେ, ଚକଟି ରଇବା ସବୁ ଅଟାଗୁଣ୍ଟୁ ପୁଲାଇବାକେ କଣ୍ଟେକ୍ ସେ କମିର୍ ଲଡା । ୧୦ ସେଟା ଜାଇଟା ଅଇଲେ ମିସା ଅଅବେ, ଏବେ ଜାକ ମର୍ ତମର୍ ଉପରେ ଆସାବରସା ଆଟେ । କାଇକେ ବଇଲେ ଆମେ ସବୁ ଲକ୍ ମାପୁରୁର୍ ସଙ୍ଗ୍ ମିସି ଆରୁ । ମୁଇ ବିସ୍ବାସ୍ କଲିନି, ତମେ ମର୍ ସିକିଆ ବିରଦ୍ ନ କରାସ୍ । ଆରି ଜନ୍ ଲକ୍ ତମକେ କଟପଟ କଲାଇନି, ସେ ଜେ ଅଇରଇଲେ ମିସା, ତାକେ ପର୍ମେସର୍ ତଣ୍ଟ ଦେଇସି ।

☆ ୫:୯ ୫:୯ ୧ମ କରନ୍ତିୟ ୫:୭

୧୧ ମାତର ଏ ବାଇବଇନିମନ୍, ମୁଇ ଆଜିକେଜାକ ଜିଉଦି ନ ଅଇଲା ଲକ୍ମନ୍ ବିସ୍ବାସ୍ କଲେ ମିସା, ସୁନତ୍ କରବାର୍ ଆତେ ଆକା ବଲି ସିକାଇଲିନି ପନି । ମୁଇ ଏନ୍ତାରି ସିକାଇଲିନି ବଲି, କେତେକ୍ ଲକ୍ମନ୍ କଇବୁଲୁଲାଇନି । ସେନ୍ତାଆଲେ ମୁଇ ଏବେ ମିସା କାଇକେ ନିନ୍ଦା ପାଇଲିନି ? ତେବେ ମୁଇ କିରିସଟର୍ କୁରୁସ୍ ବିସଇ ଜାନାଇବାଟା ସୁନିକରି ଜିଉଦିଲକ୍ମନ୍ ରିସା ନ ଅଇତାଇ । ୧୨ ମୁଇ ମନ୍ କଲିନି, ଏ ବିସଇନେଇ ଜେ ଜେ ତମ୍ବକେ କଟପଟ କଲାଜନି, ସେମନ୍ ଆରି ଅଲପ୍ ଆଗ୍ବକେ ଜାଅଡ୍ । ଉଜେ ସୁନତ୍ ନ ଅଇ ସେମନ୍ ଲିଙ୍ଗ୍ ପୁରାପୁରନ୍ କାଟି ଦେଅଡ୍ !

୧୩ ଏ ବାଇବଇନିମନ୍, ନିୟମର୍ ତଣ୍ଡେଅନି ମୁକ୍ଲାଇ ଅଇବାକେ ପରମେସର୍ ତମ୍ବକେ ଡାକ୍ଲାଆତେ । ମାତର ଜାଗ୍ବତ୍, ଏବେ ଆରି ଗାଗଡର୍ ମନ୍ କରବାଟା ସବୁ ପୁରାପୁରନ୍ କରିଅଇସି ବଲି କୁଆନାଇ । ମାତର ଆଲାଦେଅନି ଚଲାଚଲ୍ତି ଅଇ ତମର୍ ବିତ୍ରେ ଗଟେକ୍ ଲକ୍ ଆରି ଗଟେକ୍ ଲକ୍ ସେବା କରା । ୧୪ କାଇକେ ବଇଲେ ସବୁ ନିୟମ୍ ଏ ଗଟେକ୍ ବାକିଅତେଇ ସିଦ୍ ଅଇସି, ତମେ ନିଜ୍ବକେ ଆଲାଦ୍ କଲାପାରା ବିନ୍ ଲକ୍ବକେ ଆଲାଦ୍ କରା । ୧୫ ମାତର ତମେ ଜଦି କିରମାର ଅଇ ତମର୍ ବିତ୍ରେ ଚାବାକାଡ୍ରା ଅଇସା, ତେବେ ଜାଗ୍ବତ୍, ଜେନ୍ତୁକି ତମର୍ ଗଟେକ୍ ଲକ୍ ଆରି ଗଟେକ୍ ଲକ୍ବକେ ମାରି ନସ୍ବ ନ ଉଆ ।

**ସୁକଲ୍ଆଡ୍ମା ଆରି ଲକ୍ମନ୍ ଚଲନ୍**

୧୬ ମର୍ କଇବା କାତା ଅଇଲାନି, କେନ୍ତୁ ଚଲାଚଲ୍ତି କରବାର୍ ସେଟା ସୁକଲ୍ଆଡ୍ମା ତମ୍ବକେ ସିକାଅ । ସେନ୍ତୁ ବଇଲେ, ତମେ ଆରି ଲକ୍ ଚଲନ୍ ଆରି ଲାଲ୍ସା ବାଟେ ନ ଜାଆସ୍ । ୧୭ ଲକ୍ ଚଲନ୍ ସୁକଲ୍ଆଡ୍ମା ବିରଦି । ସେନ୍ତୁ ସେ ସୁକଲ୍ଆଡ୍ମା ମନ୍ କରବାଟା, ଲକ୍ ଚଲନ୍ ବିରଦି । ଏମନ୍ ଗଟେକ୍ ଲକ୍ ଆରି ଗଟେକ୍ ଲକ୍ ସତ୍ତରୁ । ସେଟା ପାଇ ତମେ କାଇଟା କରବାକେ ମନ୍ କଲାସ୍ବି ସେଟା କରି ନାପାରାସ୍ । ୧୮ ଜଦି ସୁକଲ୍ଆଡ୍ମା ତମ୍ବକେ ଚାଲ୍ନା ଦେଇସି, ତେବେ ତମେ ଆରି ମସାର୍ ନିୟମର୍ ତଲେ ନାଇ ।

୧୯ ଗାଗଡର୍ କାମ୍ମନ୍ ତା ନିକ ସଙ୍ଗ୍ ଜାନା ପଡ୍ଲାନି, ବେସିଆ କାମ୍ କରବାଟା, ସୁକଲ୍ ନଇଲାଟା, ୨୦ କାରାପ୍ ଇସାବେ ଦେକ୍ବାଟା, ପୁଡ୍ଲାପୁଜା କରବାଟା, ଜାଦୁବିଦିଆ କରବାଟା, ଲାଗାଜଡା କରି ସତ୍ତରୁ ଅଇବାଟା, ଆଁକାର୍ ଅଇବାଟା, ରିସା ଅଇବାଟା, କାମ୍ ଅଇଲାପତେ ପାଚାରି ନ ଦେକ୍ବାଟା, ଦଲ୍ବିରଦି ଅଇବାଟା, କିରମାର୍ ଅଇବାଟା, ୨୧ ଛିଆଡଲା ଅଇବାଟା, ମାଡୁଆଲ୍ ଅଇବାଟା, ମଜାମଜ୍ଲିସ୍ ଅଇବାଟା, ଏ ସବୁ କାମ୍ମନ୍ ମୁଇ ଆଗ୍ବୁ ଜେନ୍ତୁ ତମ୍ବକେ କଇରଇଲି, ସେଟା ପାଇ ଆରିତରେକ୍ କଇଦେଲିନି ଜେ, ଜନ୍ ଲକ୍ମନ୍ ଏନ୍ତାରି କାମ୍ କରବାଇ, ସେମନ୍ ପରମେସର୍ ରାଇଜେ ପୁରବା ଅଦିକାର ପାଇ ନାପାରଡ୍ ।

୨୨ ମାତର ଆଡ୍ମା ପଲ୍ ଅଇଲାନି, ଆଲାଦ୍ କରାକରି ଅଇବାଟା, ସାର୍ଦାସଙ୍ଗ୍ ରଇବାଟା, ସାନ୍ତ୍ରସଙ୍ଗ୍ ରଇବାଟା, ମୁର୍ଚିକରି ରଇବାଟା, ବିନ୍ଲକ୍ବକେ ଉପକାର୍ କରବାଟା, ନିମାନ୍ ଚଲାଚଲ୍ତି କରବାଟା, ବିସ୍ବାସେ କାମ୍ କରବାଟା, ସଲଦ୍ ଅଇବାଟା, ଆଡ୍ମାଇ ସାଆସ୍ ଦାରି ଚଲାଚଲ୍ତି କରବାଟା, ୨୩ ଏ ସବୁ ଚଲନ୍ ମାନ୍ଦା ଲକ୍ ନିୟମର୍ ବିରୁଦେ କାଇଟା ନ କରେ । ୨୪ ଜନ୍ ଲକ୍ମନ୍ କିରିସଟ୍ ଜିସୁର୍, ସେମନ୍ ତାକର୍ ଗାଗଡ୍ବକେ ତାର୍ ମନ୍ କରବାଟା ଆରି ଆସା କରବାଟା ସଙ୍ଗ୍ କୁରସତେଇ ମରାଇ ଆତଡ୍ । ୨୫ ଜଦି ଆମେ ସୁକଲ୍ଆଡ୍ମାଅନି ଜିବନ୍ ପାଇଆରୁ, ତେବେ ଆଡ୍ମାର୍ ଇସାବେ ଚଲାଚଲ୍ତି କରୁ । ୨୬ ଆମେ ତୁଟାଇ ବଡ୍ପନ୍ ଅଇ ଗଟେକ୍ ଲକ୍ ଆରି ଗଟେକ୍ ଲକ୍ବକେ ରିସା ନ କରୁ ଆରି ଛିଆ ନ କରୁ ।



**ମିସିବିଡିକରି ବଜ୍ ବୁଆ**

୧ ଏ ବାଇବଇନିମନ୍ ଜଦି ତମର୍ ବିତ୍ରେ କେ କାରାପ୍ କାମ୍ କଲା ବେଲେ ଦାରାପଡ୍ଲେ, ତମର୍ଟାନେ ଜେ ସୁକଲ୍ ଆଡ୍ମାଅନି ଚାଲ୍ନା ପାଇଲାନି, ସେ ତାକେ ଟିକ୍ ବାଟେ ଆନ୍ଦାର୍ ଆତେ । ମାତର ସେ ଏ କାମ୍ ସାର୍ଦା ଆରି ସଲଦ୍ ସଙ୍ଗ୍ କରବାର୍ ଆତେ । ଆରି ଜାଗ୍ବତ୍, ଜେନ୍ତୁକି ସେ ନିଜେ ସେନ୍ତା କାମ୍ କରବାକେ ମନ୍ କରବାର୍ ନାଇ । ୨ ତମର୍ ତମର୍ ବିତ୍ରେ, ଜିବନେ ଆଇବା ବଜ୍ ବିସଇ ବଇବାକେ ସାଇଜ କରାକରି ଉଆ । ଏନ୍ତାରି କଲେ ତମେ କିରିସଟର୍ ଆଦେସ୍ ମାନ୍ସା । ୩ ଜେ ନିଜର୍ ବିସଇନେଇ ବଡ୍ ବଲି ବାସ୍ସି, ସତଇସେ ଦେକ୍ଲେ ସେ ବଡ୍ ନଏ । ସେ ନିଜେ ନାଡାଇ ଅଇଲାନି । ୪ ସବୁ ଲକ୍ ନିଜର୍ ନିଜର୍ ଚଲାଚଲ୍ତି ବିଚାର୍ କରି ଦେକ୍ବାର୍ ଆତେ । ଜଦି ସେଟା ନିକ ଅଇରଇସି, ତେବେ ସେ ନିଜେ ସାର୍ଦା ଅ । ଆରି ବିନ୍ ଲକ୍ କାମ୍ ସଙ୍ଗ୍ ନିଜେ କଲାଟା ସମାନ୍ ନ କର । ୫ କାଇକେ ବଇଲେ ସବୁ ଲକ୍ ନିଜର୍ ନିଜର୍ ଜିବନେ ଆଇବା ବଜ୍ ବଇବାକେ ପଡ୍ସି ।

୬ ଜନ୍ ଲକ୍ମନ୍ ବାକିଅଟାନେ ସିକିଆ ପାଇଲାଇନି, ସେମନ୍ ଟାନେ ଜନ୍ଟା ଆତେ, ସେଟା ତାକର୍ ସିକାଉମନ୍ ସଙ୍ଗ୍ ବାଟା କରବାର୍ ଆତେ ।

୭ ପରମେସର୍ ନାଡାଇ ନ ଅଏ, ନିଜେ ନାଡାଇ ଉଆ ନାଇ । ଜେ ଜନ୍ଟା ବୁନିରଇସି, ସେ ସମାନ୍ଟା ଆକା କାଟ୍ସି । ୮ ଜେ ନିଜର୍ ଗାଗଡର୍ ଗୁନ୍ଚଲନ୍ ଇସାବେ ବୁନ୍ସି, ସେ ଗାଗଡେଅନି ବାରଇବା ମରନ୍ କେଡ୍ କାଟ୍ସି । ମାତର ଜେ

☆ ୫:୧୭ ୫:୧୭ ରମିୟ ୭:୧୫-୨୩



ଆତ୍ମାର ଇସାବେ ବୁନ୍ଦସି, ସେ ଆତ୍ମାଲକ୍ଷ୍ମୀ ବାରଇଲା ନ ସାରବା ଜିବନ୍ତପାରା କେତ୍ କାତ୍ସି ।<sup>୯୮</sup> ସେଟାର ପାଇ ଆମେ ନିକ କାମ୍ କରି ଲାଗି ରଇବୁ । କାଇକେ ବଇଲେ ନ ତାକ୍ଲେ ସେ ସମାନ୍ ବେଲାଇ ପସଲ୍ ପାଇବାର୍ ଅଇସି ।<sup>୯୯</sup> ସେନ୍ତି ବଇଲେ ଜେତେକ୍ ତର୍ ବେଲା ପାଇଲୁନି, ସବୁବେଲା ସବୁର୍ସଙ୍ଗ୍, ଜନ୍‌ଲକ୍ମନ୍ ଆମର୍ ବିସ୍‌ବାସି କୁଟୁମେ ମିସ୍‌ଲାଇ ଆତଡ୍, ସେମନ୍‌ର୍ ପାଇ ନିମାନ୍ କର୍‌ବାର୍ ଆମର୍ ଦାଇଡ୍ ।

**ସାରାସାରି ବେଲର୍ ଜାଗ୍‌ରଡ୍ କରାଇବା କାତା**

<sup>୧୦୦</sup> ଦେକା, କେତେ ବଡ୍ ବଡ୍ ଅଇକର୍‌ସଙ୍ଗ୍ ମୁଇ ତମ୍‌କେ ଏ ଚିଟିର୍ ସାରାସାରି କାତା ମର୍ ନିଜର୍ ଆତେ ଲେକ୍‌ଲିନି ।  
<sup>୧୦୧</sup> ଜନ୍‌ ଲକ୍ମନ୍ ବାଇରର୍ ରିତିନିତି ମାନିକରି ଡାକ୍‌ପୁଟା ପାଇବାକେ ମନ୍ କର୍‌ବାଇ, ସେମନ୍ ତମ୍‌କେ ସୁନଡ୍ ଅଇବାକେ ବାଦିଅ କଲାଇନି । କିରିସ୍‌ଟର୍ କୁର୍‌ସର୍ ଲାଗି ସେମନ୍ ଜେନ୍ତି ସଙ୍ଗର୍ ଜିଉଦିମନ୍‌ର୍ କସ୍‌ଟ ନ ପାଇବାର୍ ଲାଗି ଏଟା କଲାଇନି ।<sup>୧୦୨</sup> କାଇକେ ବଇଲେ ଜନ୍‌ ଲକ୍ମନ୍ ସୁନଡ୍ ବିଦିକେ ଟିକ୍ ବଲି କଇଲାଇନି, ସେମନ୍ ନିଜେ, ମସାର୍ ସବୁ ନିୟମ୍ ମାନଡ୍ ନାଇ । ଜେନ୍ତି କି ତମେ ସୁନଡ୍ ଅଇ ସେମନ୍‌ର୍‌ବାଟେ ମିସ୍‌ଲାସ୍ । ଏଟା ନେଇକରି ବଡ୍‌ପନ୍ ଅଇବାଇ ।  
<sup>୧୦୩</sup> ମାତର୍ ମାପୁରୁ ଜିସୁ କିରିସ୍‌ଟର୍ କୁରୁସ୍ ଚାଡିକରି ଆରି କାଇତେଇ ବଡ୍‌ପନ୍ ଅଇବାଟା ମର୍‌ଟାମେଅନି ଦୁରିକେ ରଅ । କାଇକେବଇଲେ ଜଗଡ୍ ଜନ୍ ବିସଇର୍ ପାଇ ବେସି ଦାନ୍ଦା ଅଇଲାନି, ସେଟା ମୁକିଅ ବିସଇ ବଲି ମୁଇ ନ ବାବି । ଆରି ଜଗଡ୍ ମିସା ମକେ କାଇ ମୁଲିଅ ନ ଅଇଲା ଲକ୍ ପାରା ଦେକ୍‌ଲାନି ।<sup>୧୦୪</sup> କେ ସୁନଡ୍ ଅଇଲା, କେ ସୁନଡ୍ ଅଏନାଇ, ସେଟା କିଟି ନାଇ । ମାତର୍ ପର୍‌ମେସର୍ ଆମ୍‌କେ ନୁଆ ଜନମ୍ ଦେଲାଆଟେ, ସବୁର୍‌ଟାମେଅନି ସେଟାସେ ମୁକିଅ ବିସଇ ।<sup>୧୦୫</sup> ଜନ୍‌ ଲକ୍ମନ୍ ନିଜର୍ ଜିବନେ ଏ କାତା ଦାର୍‌ବାଇ, ସେମନ୍ ସବୁ ଲକ୍ ଆରି ପରମେସରର୍ ସବୁ ଲକ୍ମନ୍ ଜିବନେ ସାନ୍ତି ଆରି ଜିବନ୍ ଦୁକାନି ପାଇବାଇ ।

<sup>୧୦୬</sup> ସାରାସାରି ଏଡକି କଇଲିନି, ଆଜିଅନି ବୁଲ୍ ସିକିଆ ଦେଇକରି ମକେ ଆରି କେ ମିସା କସ୍‌ଟ ନ ଦେଅ, କାଇକେ ବଇଲେ ମୁଇ ଜିସୁର୍ ଗଡିଦାଙ୍‌ଡା ବଲି ଦେକାଇବାକେ ମର୍ ଗାଗ୍‌ଡେ ତାର୍ କଣ୍ଡିଆ ଚିନ୍ ଆଟେ ।

<sup>୧୦୭</sup> ଏ ବାଇବଇନିମନ୍ ! ଆମର୍ ମାପୁରୁ ଜିସୁକିରିସ୍‌ଟର୍ ଜିବନ୍ ଦୁକାନି ତମର୍ ସବୁ ଲକର୍ ଲଗେ ରଅ । ଆମେନ୍ !

## ଏପିସିୟ ମଣ୍ଡଳୀର ବିଶ୍ୱାସୀମାନଙ୍କୁ ପାଉଲଙ୍କର ପତ୍ର ଏପିସିୟ ମଣ୍ଡଳୀର ବିସ୍ତାରିତମାନଙ୍କେ ପାଉଲ୍ ଚିଠି ଲେଖିଲାଟା ଏ ବଇର ବିସଇ ଜାନ୍‌ବାଟା

ଏପିସିୟ ମଣ୍ଡଳୀର ଲକ୍ଷ୍ମଣଙ୍କେ ପାଉଲ୍ ଲେଖିରଇଲା ଚିଠି ପାକାପାକି ୬୦ କିରିସ୍‌ଟାଦ ବିତ୍ତରେ ଲେକାଅଇରଇଲା । ଏଟା କଲସିଅ ମଣ୍ଡଳୀର ଲକ୍ଷ୍ମଣଙ୍କେ ଲେଖିରଇଲା ବେଲେ ଲେକା ଅଇରଇଲା । ଜେ ଏ ଚିଠି ଲେଖିଲା ଆତେ, ସେ ନିଜେ ପେରିତ୍ ପାଉଲ୍ ବଲି ଜାନାଇଅଇଲା ଆତେ ୧:୧ । କଲସିଅ ବଇଟାନ୍‌ନେ ନିଜେ ଜାନାଇ ନ ଅଇରଇଲେ ମିସା କେତେଟା ପଣ୍ଡିତମନ୍ ଏପିସିୟ ବଇ ପାଉଲ୍ ଲେଖିଲାଆତେ ବଲି କଇବାଇ । ଏଟାପାଇ ସବୁ ମଣ୍ଡଳୀକେ ଚିଠି ବାଟ୍‌ବା ଆଦେସ୍ ନେଇକରି ଲେକାଅଇରଇସି କାଇକି ବଲି କଇବାଇ । ପାଉଲ୍ ଏଟା ମିସା ଜାନାଇଦେଇ ଆତେ, କି ଏ ଚିଠି ଲେଖିବା ବେଲେ ସେ ବନ୍ଦି ରଇଲା । ୩:୧;୪:୧, ୬:୨୦ । ପାଉଲ୍ ତୁକିକକେ ଏ ଚିଠି ଦେଇକରି ଏପିସିୟ ମଣ୍ଡଳୀତେଇ ପାଟାଈରଇଲା ୬:୨୧-୨୨ ।

ଏପିସିୟ ଅଇଲାନି ଏସିଆ ଦେସର୍ ଗଟେକ୍ ବଡ଼ ସଅର୍ ଆରି ରାଜ୍‌ଦାନି ରଇଲା । ଏପିସି ଗିରିକ୍ ଦେବ୍‌ତା ଆର୍‌ତେମିର୍ ଉପାସନା କର୍‌ବାକେ ଆରି ମନ୍ଦିରର୍ ପାଇ ଡାକ୍‌ପୁଟା ରଇଲା । ପେରିତ୍ ୯:୨୩-୩୧ । ଏପିସିୟ ମଣ୍ଡଳୀ ପର୍‌ତୁମ୍ ଡାଟ୍ ରଇଲା, ମାତର୍ ପଟେ ପଟେ ଉନା ଉନା ଅଇଆଇଲା । ପର୍‌କାସିତ ୨:୧-୭ । ପାଉଲ୍ ତାର୍ ଚିଠି ଲେଖିଲା ଅଦା ବାଗେ ପର୍‌ମେସର୍ ତାର୍ ଲକ୍ଷ୍ମଣଙ୍କେ କେନ୍ଦ୍ରି ବାଟ୍‌ଲାଆତେ ଆରି ଜିସୁକିରିସ୍‌ଟର୍ ଲାଗି କେନ୍ଦ୍ରି ପାପେଅନି ରକିଆ କଲାଆତେ, ସେଟା ବୁଜାଇଦେଇଆତେ ।

ପାଉଲ୍ ମଣ୍ଡଳୀକେ ଗାଗଡ଼ ସମାନ୍ କରି କିରିସ୍‌ଟ ଇତିର୍ ମୁଣ୍ଡ ଆରି କନର୍ ମୁଲ୍‌ତେଲି ବଲି କଇଆତେ, ଜନ୍‌ଟାକି ସଙ୍ଗ୍ ମିସିକରି ବଡ଼ି ଅଦିକ୍ ଅଦିକ୍ ଅଇଲାନି । ପାଉଲ୍ ଚିଠିଟାନ୍‌ନେ ଅଦାବାଗ୍ ବିସ୍‌ବାସିମନ୍‌ର୍ ଜିବନ୍ କେନ୍ଦ୍ରି ରଇବାର୍, ସେ ବିସଇ ଆଦେସ୍ ଦେଲାଆତେ ।

### ଏ ବଇ ବିତ୍ତରେ ରଇବାଟା

- ୧. ପାଉଲ୍ ଜୁଆର୍ କରି ନିଜେ ଜାନାଇଅଇଆତେ । ୧:୧-୨
- ୨. କିରିସ୍‌ଟର୍ ସଙ୍ଗ୍ ମଣ୍ଡଳୀର୍ ମିସାବିତା ଅଇବାଟା । ୧:୩-୩:୨୧
- ୩. ବିସ୍‌ବାସିର୍ ଜିବନ୍ କେନ୍ଦ୍ରି ବିତାଇବାର୍ । ୪:୧-୬:୨୦
- ୪. ପାଉଲ୍ ସାରାସାରି ଜୁଆର୍ ଜାନାଇବାଟା । ୬:୨୧-୨୪

୧ \*ମୁଇ ପାଉଲ୍ ପର୍‌ମେସର୍‌ର୍ ମନ୍ କଲା ଇସାବେ କିରିସ୍‌ଟ ଜିସୁର୍ ଗଟେକ୍ ପେରିତ୍ ସିସ୍ ଅଇ ବାଟି ଅଇଆତି । ଜିସୁ କିରିସ୍‌ଟର୍ ସଙ୍ଗ୍ ମିସିକରି ବିସ୍‌ବାସ୍‌ସଙ୍ଗ୍ ଜିଉନା କାଉନା କର୍‌ତେ ରଇବା ଏପିସିୟର୍ ବିସ୍‌ବାସିମନ୍‌ର୍ ଲଗେ ଏ ଚିଠି ଲେଖିଲାନି ।

୨ ଆମର୍ ବାବା ପର୍‌ମେସର୍ ଆରି ମାପୁରୁ ଜିସୁକିରିସ୍‌ଟ ତମ୍‌କେ ସବୁଲକ୍‌କେ ଜିବନ୍ ବୁଜାଇକରି ସାନ୍ତି ଦେଅ ।

### ଆଡ଼ମାର୍ ଆସିରବାଦ୍

୩ ଆମର୍ ମାପୁରୁ ଜିସୁ କିରିସ୍‌ଟର୍ ବାବା ପର୍‌ମେସର୍ ଦନିଅବାଦ୍ ପାଅ । କାଇକେ ବଇଲେ ସେ ଆମ୍‌କେ କିରିସ୍‌ଟର୍ ସଙ୍ଗ୍ ମିସାଇକରି ସର୍‌ଗେ ରଇବା ସବୁଜାକ ଆଡ଼ମାଇଅନି ମିଲାଇବା ଆସିରବାଦ୍ ଦେଇଆତେ । ୪ କିରିସ୍‌ଟର୍ ସଙ୍ଗ୍ ମିସିରଇକରି ଆମେ ଜେନ୍ଦ୍ରି ପର୍‌ମେସର୍‌ର୍ ଅଇରୁ, ସେଟାପାଇ ସେ ଆମ୍‌କେ ଜଗଡ଼ ତିଆର୍ ନ ଅଇବା ଆଗ୍‌ତୁ ବାଟି ରଇଲା ।

ଜେନ୍ଦ୍ରିକି ସୁକଲ୍ ଆରି କାଇ ଦସ୍ ନ ଅଇତେ ତାର୍ ମୁଆଟେ ଚିଆଅଇରୁ । ୫ ତାର୍ ଆଲାଦର୍ ଲାଗି, ଜିସୁ କିରିସ୍‌ଟର୍ ସଙ୍ଗ୍ ସେ ଆମ୍‌କେ ତାର୍ ନିଜର୍ ପଅଜି ପାରା କର୍‌ବାକେ ବାଟିଆତେ । ଏଟାସେ ତାର୍ ଆଦେସ୍ ଆରି ସାର୍‌ଦା । ୬ ଜେନ୍ଦ୍ରିକି ତାର୍ ବଡ଼ ଜିବନ୍ ବୁକାନିର୍ ଲାଗି ଆମେ ତାକେ ଡାକ୍‌ପୁଟା କରୁ । ତାର୍ ଆଲାଦର୍ ପଅ କରି ରଇଲା କାମର୍ ଲାଗି, ଇନାମେ ତାର୍ ଜିବନ୍ ବୁକାଇଲାଟା ସେ ଆମ୍‌କେ ଦେଲା ଆତେ । ୭ \*କିରିସ୍‌ଟ ବନି ଜରାଇ ମଲାଟ୍‌ପାଇ ଆମେ ମୁକ୍ତି ପାଇଆତୁ ଆରି ଆମର୍ ସବୁଜାକ ପାପ୍ କେମା ଅଇଲା ଆତେ । ପର୍‌ମେସର୍ ଜିବନ୍ ବୁକାଇଲାଟା କେତେ ବଡ଼ ବିସଇ !

୮ ସେଟା ସେ ଆମ୍‌କେ ନ ସାରାଇତେ ଦେଇଆତେ । ସବୁ ଗିଆନ୍ ଆରି ବୁଜିବା ବପୁ ସଙ୍ଗ୍ ମିସା ଦେଲା ଆତେ । ୯ ଆଗ୍‌ତୁ ଆମେ ଜାନି ନ ରଇଲା ତାର୍ ଜଜ୍‌ନାର୍ ଚିକିନିକି ବିସଇ, ସେ ଆମ୍‌କେ ଜାନାଇ ଆତେ । ସେଟା ଜିସୁ କିରିସ୍‌ଟର୍ ଦେଇ ସେ ପୁରାପୁରୁନ୍ କଲାଆତେ, କାଇକେ ବଇଲେ ଏଟା ତାକେ ସାର୍‌ଦା କଲା ।

୧୦ ସରଗେ ଆରି ଜଗତେ ତିଆର୍ ଅଇରଇବା ସବୁ ବିସଇ ଗଟେକ୍‌ଟାନ୍‌ନେ ଆନ୍‌ବାକେ ପର୍‌ମେସର୍‌ର୍ ଜଜ୍‌ନା ରଇଲା । କିରିସ୍‌ଟ ସେସବୁ ବିସଇର୍ ମୁଣ୍ଡ ପାରା ଅଇକରି ରଇସି । ଏଟା ସମାନ୍ ବେଲାଇ ସେ ପୁରାପୁରୁନ୍ କର୍‌ସି ।

☆ ୧:୧ ୧:୧ ପେରିତ୍ ୧୮:୧୯-୨୧;୧୯:୧ ☆ ୧:୭ ୧:୭ କଲସିଅ ୧:୧୪

<sup>୧୧</sup> କିରିସ୍ତର ସଙ୍ଘ ମିସାଇ କରି, ପରମେସର, ଆମେ ଜିଉଦିମନ୍‌କେ ବାଟି ଆଚେ । କାଇକେ ବଇଲେ ଆଗେ ଅନି ଏନ୍ତାରି କରବାକେ ସେ ଜଜ୍‌ନା କରି ରଇଲା । ସେ ଜେନ୍ତାରି ମନ୍ କରସି, ସେ ଇସାବେ ସବୁ ବିସଇ ପୁରାପୁରୁନ୍ କରସି । <sup>୧୨</sup> ଜେନ୍ତାରିକି ଆମେ ଜେଡ଼କି ଜିଉଦି ଲକ୍ ପରତୁମ୍ କିରିସ୍ତକେ ଆସାକରି ରଇଲୁ, ସବୁଲକ୍ ପରମେସରକେ ମଇମା କରୁ !

<sup>୧୩</sup> ତମେ ମିସା ଜେଡେବେଲେ ମୁକ୍ତି ପାଇବା, ଏ ସୁବ୍ କବରର ସଡ଼ କାତା ସୁନ୍‌ଲାସ୍, ସେ ବେଲେଅନି ପରମେସରର ଲକ୍ ଅଇଆଚାସ୍ । ତମେ କିରିସ୍ତକେ ବିସବାସ୍ କଲାକେ, ପରମେସର ସେ ଦେଇରଇବା କାତା ଇସାବେ ସୁକଲ୍ ଆଡ଼ମା ଦାନ୍ କରିଆଚେ । ଆରି ସେ ତମକେ ଚିନ୍ କଲାଆଚେ । <sup>୧୪</sup> ପରମେସର ତାର ଲକ୍‌ମନ୍‌କେ ଜେଡ଼କି ବିସଇ ଦାନ୍ କରବାକେ କାତା ଦେଲାଆଚେ, ସେ ସବୁଜାକ୍ ଆମେ ମିଲାଇପାରୁ । ସୁକଲ୍‌ଆଡ଼ମା ଆମରବାଟେ ଚିଆଅଇସି । ପରମେସର ତାର ଲକ୍‌ମନ୍‌କେ ପୁରାପୁରୁନ୍ ନିଜେ ମନ୍‌କରି ମୁକ୍ତି ଦେଇସି । ଏଟା ସଡ଼ ବଲିକରି, ଆସା ପରମେସରକେ ମଇମା କରୁ !

**ପାଉଲର ପାର୍ତନା**

<sup>୧୫</sup> ସେଟାର ପାଇ ମାପରୁ ଜିସୁର ଲଗେ ତମେ ବିସବାସ୍ କରବାଟା ଆରି ପରମେସରର ଲକ୍‌ମନ୍‌ ପାଇ ରଇବା ତମର ଆଲାଦର ବିସଇ ସୁନ୍‌ଲା ଦିନେଅନି, <sup>୧୬</sup> ମୁଇ ପରମେସରକେ ତମରପାଇ ଦନିଅବାଦ୍ ଦେଇ ଆଇଲିନି । ମୁଇମିସା ପାର୍ତନା କଲାବେଲେ ତମରପାଇ ପରମେସରକେ ଦନିଅବାଦ୍ ଦେବାକେ ପାସରି ଜାଇ ନାଇ । ମୁଇ ପାର୍ତନା କଲାବେଲେ ତମକେ ଏତାଇଲିନି । <sup>୧୭</sup> ଆରି ତାକ୍‌ପୁଟାର ବାବା, ଆମର ମାପରୁ ଜିସୁକିରିସ୍ତର ପରମେସରକେ ପାର୍ତନା କଲିନି । ଜେଡ଼କି ସେ ତମକେ ସୁକଲ୍ ଆଡ଼ମା ଦେଇସି । ସେ ଆଡ଼ମା ତମକେ ଚିଆନ୍ କରାଇସି ଆରି ପରମେସରକେ ତମର ମୁଆଟେ ଦେକାଇସି । <sup>୧୮</sup> ମୁଇ ପାର୍ତନା କଲିନି, ଜେନ୍ତାରିକି ତାର ଉଜଲ୍ ଦେକବାକେ ତମର ଆଡ଼ମାର୍ ଆକି ତିସ । ଜେଡ଼କି ଜନ୍ ଆସା ନେଇକରି ତମେ ତାର ଲଗେ ଆସି ଆଚାସ୍, ସେଟା ଜାନିପାରାସ୍ । <sup>୧୯</sup> ତାର ଲକ୍‌ମନ୍‌ ପାଇ ସେ ଦେଇରଇବା କାତାର୍ ସବୁ ବଡ଼ ଆସିରବାଦ୍ କେଡେକ୍ ଅଦିକ୍ ଆଚେ । ଆରି ଆମର ପାରା ବିସବାସିମନ୍‌ ପାଇ ରଇବା ତାର୍ ବପୁ କେଡେ ବଡ଼, ସେଟା ତମେ ଜାନି ପାରାସ୍ । <sup>୨୦</sup> ଏବେ ଆମର ବିଡ଼ରେ କାମ୍ କରଡେରଇବା ସେ ବପୁର ସଙ୍ଘେ, ପରମେସର କିରିସ୍ତକେ ମଲାତେଇଅନି ଉଟାଇକରି ତାର୍ ଉଜାବାଟେ ବସାଇଆଚେ । <sup>୨୧</sup> କିରିସ୍ତ ସରଗେ, ସାସନ୍ କରବା ଲକ୍‌ମନ୍‌କେ, ସନ୍‌ମାନ୍ ପାଇବା ଲକ୍‌ମନ୍‌କେ, ବପୁରଇବା ଲକ୍‌ମନ୍‌କେ ଆରି ସାସନ୍‌କାରିଆମନ୍‌ର ଉପରେ ସାସନ୍ କରସି । ତାର୍ ଅଦିକାର୍ ଏବର ସାସନ୍‌କାରିଆମନ୍‌ର କି ଆଇବା ଦିନର୍ ସାସନ୍‌କାରିଆମନ୍‌ର ତେଇଅନି ଅଦିକ୍ ବପୁ ସଙ୍ଘର୍ ଆଚେ । <sup>୨୨</sup> \*ପରମେସର ସବୁବିସଇ କିରିସ୍ତର ପାଦତଲେ ସଙ୍ଘଇଆଚେ । ଆରି ସବୁ ବିସଇର୍ ଉପରେ, ସବୁରଡେଇଅନି ଉପରର୍ ମାପରୁ କରି ମଣ୍ଡଲିକେ ଦାନ୍‌କଲା ଆଚେ । <sup>୨୩</sup> ମଣ୍ଡଲି ଅଇଲାନି କିରିସ୍ତର ଗାଗଡ଼ । କିରିସ୍ତର ଜିବନ୍ ସଙ୍ଘ ମଣ୍ଡଲି ପୁରାପୁରୁନ୍ ଅଇସି । ଆରି କିରିସ୍ତ ସବୁବିସଇ ପୁରାପୁରୁନ୍ କରସି ।

**୨**

**ମରନ୍‌ଟାନେ ଅନି ଜିବନ୍**

<sup>୧</sup> \* ଆଗତୁ ତମର ପାପର ଲାଗି, ତମେ ଆଡ଼ମାଇ ମରି ରଇଲାସ୍ । <sup>୨</sup> ସେବେଲେ ଜଗତର୍ ସଡ଼ ନଇଲା ବାଟେ ଇଣ୍ଡ୍‌ଡେରଇଲାସ୍ ଆରି ଆକାସର, ଗାଗଡ଼ ଦାରି ନ ରଇବା, ସାସନ୍‌କାରିଆର୍ ତଲେ ରଇଲାସ୍ । ସେ ସାସନ୍‌କାରିଆ ଏବେ ପରମେସରର ଆଦେସ୍ ନ ମାନ୍‌ବା ଲକ୍‌ମନ୍‌କେ ସାସନ୍ କଲାନି । <sup>୩</sup> ସତଇସେ ଆମେ ସବୁଜାକ୍, ସେ ରକାମ୍ ରଇଲୁ ଆରି ଗାଗତର୍ ଆରି ମନ୍‌ର ଲାଲ୍‌ସା ଇସାବେ ଜିଉନା କାଉନା କରଡେ ରଇଲୁ । ଆରି ଅଲ୍‌ଗା ଲକ୍‌ମନ୍‌ ପାରା ଆମେମିସା ପରମେସରର ରିସାର୍ ଡଣ୍ଡ ପାଇବାକେ ଜାଇଡେ ରଇଲୁ ।

<sup>୪</sup> ମାତର୍ ଏ ରକାମ୍ ରଇଲେମିସା ଦୟାଦେକାଇବା ପରମେସର, ଆମ୍‌କେ ଜନ୍ ବଡ଼ ଆଲାଦ୍ ସଙ୍ଘ ଆଲାଦ୍ କଲା, <sup>୫</sup> ସେଟାରପାଇ ଆମ୍‌କେ କିରିସ୍ତର ସଙ୍ଘ ଜିବନ୍ କଲାଆଚେ, ସେ ଜିବନ୍ ଦୁକାଇଲାକେ ତମେ ମୁକ୍ତି ପାଇ ଆଚାସ୍ । <sup>୬</sup> ପରମେସର କିରିସ୍ତର ସଙ୍ଘ ଆମ୍‌କେ ଉଟାଇଲା ଆଚେ, ଆରି ତାର୍ ସଙ୍ଘ ଗଟେକ୍ ଅଇବାର୍ ଲାଗି, ସରଗ୍ ଉପରେ ସାସନ୍ କରବାପାଇ ବଲିକରି, ତାର୍ ସଙ୍ଘ ବସାଇଲା ଆଚେ । <sup>୭</sup> ଜେଡ଼କି ଆଇବା ଦିନ୍‌ମନ୍‌କେ ଜିସୁ କିରିସ୍ତର ଲାଗି ରଇବା ତାର୍ ବଡ଼ ଜିବନ୍‌ଦୁକାଇଲାଟା, ସବୁକେ ଦେକାଇ ଅଇସି । <sup>୮</sup> କାଇକେବଇଲେ ପରମେସର ଜିବନ୍ ଦୁକାଇଲାପାଇ, ତମେ ମୁକ୍ତି ପାଇ ଆଚୁସ୍, ସେଟା ତମେ ବିସବାସ୍ କଲାର୍ ଲାଗି, ତମେ କିରିସ୍ତର କାଇ ନିକ କାମର ଲାଗି ନାଇ, ସେଟା ପରମେସର ଦାନ୍ । <sup>୯</sup> ଜେଡ଼କି ଏ ବିସଇନେଇ କେ ମିସା ନିଜେ ବଡ଼ପନ୍ ଅଇ ନାପାରେ । <sup>୧୦</sup> ପରମେସରସେ ଆମ୍‌କେ ତିଆର୍ କଲା ଆଚେ । ତମେ କିରିସ୍ତର ସଙ୍ଘ ମିସ୍‌ଲାର୍‌ପାଇ, ନିକ କାମ୍ କରବାକେ ସେ ଆମ୍‌କେ ନୁଆ କଲା ଆଚେ । ଏଟା ଆଗତୁଆନି ସେ ଆମର ପାଇ ମନ୍ କରି ରଇଲା ।

**କିରିସ୍ତରଟାନେ ଗଟେକ୍**

☆ ୧:୨୨ ୧:୨୨ କଲସିଅ ୧:୧୮ ☆ ୨:୧ ୨:୧ କଲସିଅ ୨:୧୩

୧୧ ତମେ, ଜିଉଦି ନ ଅଇଲା ଲକ୍ମନ୍, ଆଗେ କେନ୍ଦ୍ରାର ରଇଲାସ୍ ଏତାଇ ଦେକା । ନିଜେ ସୁନତ୍ ବଲାଇଅଇତେ ରଇବା ଜିଉଦିମନ୍ ତମକେ ସୁନତ୍ ନ ଅଇଲା ଲକ୍ମ ବଲି କଇତେ ରଇଲାଇ । ମାତର୍ ସୁନତ୍ ଅଇବାଟା ଗାଗତେ କର୍ବା କାମ୍ । ୧୨ ଆଗେ ତମେ କିରିସ୍ତର୍ ଲଗେ ଅନି ଦୁର୍କେ ରଇଲାସ୍ । ଆରି ପର୍ମେସର୍ ବାଟିରଇବା ଲକ୍ମନର୍ଟାନେ ମିସି ନ ରଇଲାସ୍ । ତାର୍ ଲକ୍ମନକେ କାତା ଦେଇ, ତିଆର୍ କରିରଇବା ନିୟମଟାନେ, ତମର୍ କାଇ ମିସା ଅଦିକାର୍ ନ ରଇଲା । ତମେ ଜଗତେ ବାସାକରି, କାଇ ଆସା ନ ରଇକରି ପର୍ମେସର୍ ଲକ୍ମ ନ ଅଇ ରଇଲାସ୍ । ୧୩ ଗଟେକ୍ ବେଲାଇ ଦୁରିକେ ରଇଲାସ୍ । ଏବେ ଜିସୁର୍ ସଙ୍ଗ୍ ମିସିକରି କିରିସ୍ତର୍ ବନି ଦେଇ ମଲାଟ୍ପାଇ ତାର୍ ଲଗେ ଅଇଆଟାସ୍ । ୧୪ କାଇକେ ବଇଲେ ଜିଉଦି ଆରି ଜିଉଦି ନଇଲା ଲକ୍ମକେ ଗଟେକ୍ କରି, କିରିସ୍ତର୍ ନିଜେ ଆମର୍ ବିତ୍ତରେ ସାନ୍ତି ଆନିଦେଇ ଆଟେ । ସେମନ୍କେ ବେଗ୍ଲାଇକରି ନିଜର୍ ନିଜର୍ ସତ୍ତରୁ ପାରା କରି ସଙ୍ଗାଇଅଇରଇବା ପାଟୁରି, ସେ ତାର୍ ଗାଗତ୍ସଙ୍ଗ୍ ବାଙ୍ଗାଇଲା ଆଟେ । ୧୫ \*ସେ ଜିଉଦିମନ୍ ମାନିଆଇତେରଇବା ସବୁ ରିତିନିତି ନିୟମ୍ ବାଙ୍ଗାଇକରି, ଜିଉଦି ଆରି ଜିଉଦି ନଇଲା ଲକ୍ମନର୍ଟାନେଅନି ତାର୍ ସାଇଜ ପାଇତେରଇବା ଗଟେକ୍ ନୁଆ ମୁନୁସ୍ଜାତି ତିଆର୍ କଲାଆଟେ । ଏନ୍ତାରି କରି ଦୁଇ ଦଲ୍ ବିତ୍ତରେ ସେ ସାନ୍ତି ଆନିଦେଇ ଆଟେ । ୧୬ \*ସେ କୁର୍ସେ ମଲାଟ୍ପାଇ ବଲି ତାକର୍ ତାକର୍ ବିତ୍ତରେ ସତ୍ତରୁ ଅଇ ରଇବାଟା, ଲିବାଇଦେଇଆଟେ । କୁରୁସର୍ ଲାଗି ସେ ଦୁଇଟାଜାକ ମିସାଇକରି ଗଟେକ୍ ଗାଗତ୍ ପାରା କଲାଆଟେ । ଆରି ସେମନ୍କେ ପର୍ମେସର୍ ଲଗେ ବାଉତାଇ ଆନ୍ଲାଆଟେ । ୧୭ ସେଟାର୍ ପାଇ କିରିସ୍ତର୍ ଆଇଲା ଆରି ପର୍ମେସର୍ତେଇଅନି ଦୁରିକେ ଜାଇ ରଇବା ଜିଉଦି ନଇଲା ଲକ୍ମନକେ ଆରି ତାର୍ ଲଗର୍ ଜିଉଦିମନ୍କେ ସୁବକବର୍ ସୁନାଇଲା । ୧୮ କିରିସ୍ତର୍ ଲାଗିସେ ଜିଉଦି ଆରି ଜିଉଦି ନଇଲା ସବୁଲକ୍ ଗଟେକ୍ ଆଡ଼ମାଇ, ବାବାର୍ ମୁଆଟେ ଆସି ପାରଲୁ ।

୧୯ ତେବର୍ ପାଇ ଏ ଜିଉଦି ନଇଲା ଲକ୍ମନ୍, ତମେ ଆରି ବିନ୍ ଦେସେ ବାସା ଅଇରଇବାଲକ୍ ନୁଆସ୍ । ଏବେ ପର୍ମେସର୍ ଲକ୍ମନର୍ସଙ୍ଗ୍ ତମେମିସା ତାର୍ ରାଇଜେ ମିସବା ଲକ୍ ଆରି ତାର୍ ଜାତିର୍ କୁଟୁମର୍ ଲକ୍ । ୨୦ ତମେ ମିସା ପେରିତ୍ ସିସ୍ମନ୍ ଆରି ବବିସତ୍ତବକ୍ତାମନ୍ କରିରଇବା କୁନାଦି ଉପରେ, ତିଆର୍ ଅଇଲା ଗର୍ ପାରା । ସେ ଗର୍ କନର୍ ମୁଲ୍ ପାକ୍ନା ଅଇଲାନି କିରିସ୍ତର୍ ଜିସୁ । ୨୧ ସେ ଆକା ଗର୍କେ ସମାନ୍କରି ସଙ୍ଗାଇଲା ଆଟେ ଆରି ମାପୁରୁପାଇ ଗଟେକ୍ ସର୍ପଦେଲା ସୁକଲ୍ ମନ୍ଦିର୍ପାରା କଲାଆଟେ । ୨୨ କିରିସ୍ତର୍ ସଙ୍ଗ୍ ମିସ୍ଲାର୍ ପାଇ, ଗଟେକ୍ ଗର୍ ପାରା ତମେ ସବୁକେ ମିସିକରି ତିଆର୍ କଲାନି । ଜେନ୍ତାରିକି ତମେ ପର୍ମେସର୍ ତାର୍ ଆଡ଼ମାଇ ରଇବା ଗଟେକ୍ ବାସା ଅଇବା ଗର୍ ପାରା ଅଇସା ।

### ୩

#### ଜିଉଦି ନଇଲା ଲକ୍ମର୍ ପାଇ ପାଉଲର୍ କାମ୍

୧ ଏଟାର୍ଲାଗି ତମର୍ ପାରା ଜିଉଦି ନଇଲା ଲକ୍ମର୍ ପାଇ, କିରିସ୍ତର୍ ଜିସୁର୍ ଲାଗି ବନ୍ଦି ଅଇରଇବା ପାଉଲ୍ ମୁଇ, ପର୍ମେସର୍କେ ପାର୍ତନା କଲିନି । ୨ ତମର୍ ନିକପାଇ ପର୍ମେସର୍ ତାର୍ ଜିବନ୍ ଦୁକାଇଲାର୍ ତେଇଅନି ମକେ ଏ କାମ୍ ଦେଇଆଟେ । ଏଟା ନିଜେ ସୁନିଆଟାସ୍ । ୩ ପର୍ମେସର୍ ସେ ଜାନାଇ ନରଇଲା ବିସଇ ମକେ ଜାନାଇ ଆଟେ । ଏ ବିସଇ ମୁଇ ଆଗ୍ତୁ ତମକେ ଅଲପ୍ ଲେକି ରଇଲି । ୪ \*ସେଟା ପଡ଼ଲେ, କିରିସ୍ତର୍ ପାଇ ରଇବା ପର୍ମେସର୍ ଟିକିନିକି ବିସଇ ମୁଇ ବୁଜ୍ଲିଆଟି ବଲି, ତମେ ଜାନି ପାରସା । ୫ ଆଗର୍ ଲକ୍ମନକେ ଏ ଟିକିନିକି ବିସଇ ନ କୁଆଅଇ ରଇଲା । ମାତର୍ ଏବେ ତାର୍ ଆଡ଼ମା ଦେଇ, ସେ ବାଟି ରଇବା ତାର୍ ସୁକଲ୍ ପେରିତ୍ମନ୍କେ ଆରି ବବିସତ୍ତବକ୍ତାମନ୍କେ ସେ ଜାନାଇଲା ଆଟେ । ୬ ଏ ଲୁଚି ରଇବା ବିସଇ ଅଇଲାନି, ସୁବକବର୍ ଲାଗି, ଜିଉଦି ବିସ୍ବାସିମନ୍ ସଙ୍ଗ୍, ଜିଉଦି ନଇଲା ବିସ୍ବାସିମନ୍ ମିସା ପର୍ମେସର୍ ଆସିର୍ବାଦେ ମିସ୍ବାଇ । ସେମନ୍ ମିସିକରି, ଗଟେକ୍ ଗାଗତ୍ ପାରା ଅଇଜିବାଇ । ମାପୁରୁ ଜିସୁ କିରିସ୍ତର୍ ଲାଗି ପର୍ମେସର୍ ଦେଇ ରଇବା ସବୁ କାତାଇ ବାଗ୍ ଅଇସା ।

୭ ପର୍ମେସର୍ ତାର୍ ଜିବନ୍ ଦୁକାଇଲାର୍ ତେଇଅନି ମକେ ଜନ୍ ଦାନ୍ ଦେଇ ଆଟେ, ସେଟାର୍ ଲାଗି ମୁଇ ନିମାନ୍ କବର୍ ଜାନାଇବା ଲକ୍ ଅଇଲିଆଟି । ତାର୍ ବପୁ ମର୍ ବିତ୍ତରେ କାମ୍ କଲାର୍ ଲାଗି ଏଟା ଅଇଲା । ୮ ମୁଇ ପର୍ମେସର୍ ଲକ୍ମନର୍ ସବୁଟାନେଅନି ସାନ୍ ଅଇଲେ ମିସା ଜିଉଦିନଇଲା ଲକ୍ମନକେ କିରିସ୍ତର୍ଟାନେ ରଇବା ନିକ ନିକ ବିସଇ ଜାନାଇବାକେ ମକେ ସେ ବାଟ୍ଲା ଆଟେ । ଏ ବିସଇ ଲକ୍ମନ୍ ବୁଜ୍ବାକେ ଆବଡ୍ ରଇବାଟା । ୯ ପର୍ମେସର୍ ତାର୍ ଲୁଚ୍ତେରଇବା ଜଜ୍ନା କେନ୍ଦ୍ରାର୍ ପୁରାପୁରୁନ୍ କର୍ସି, ସେଟା ସବୁ ଜାନାଇବାକେ ମିସା ମକେ ବାଟ୍ଲା ଆଟେ । ସବୁ ବିସଇ ତିଆର୍ କଲା ବେଲେଅନି, ଏବେ ଜାକ ସେ ତାର୍ ଟିକିନିକି ବିସଇ ଲୁଚାଇକରି ସଙ୍ଗାଇରଇଲା, । ୧୦ ଜେନ୍ତାରିକି ମଣ୍ଡ୍ଲିର୍ ଟାନେଅନି ତାର୍ ବିନ୍ ବିନ୍ ରକାମର୍ ଗିଆନ୍ ସର୍ଗର୍ ସାସନ୍କାରିଆମନ୍କେ ଆରି ବପୁ ରଇବାଟାମନ୍କେ, ସେ ଜାନାଇସି । ୧୧ ଜଗତ୍ ତିଆର୍ କର୍ବା ଆଗ୍ତୁ, ଏଟା ସେ ଜଜ୍ନା କରିରଇଲା । ଏଟା ଆମର୍ ମାପୁରୁ ଜିସୁ କିରିସ୍ତର୍ ଲାଗି ସେ ପୁରାପୁରୁନ୍ କଲା ଆଟେ । ୧୨ କିରିସ୍ତର୍ ତେଇ ବିସ୍ବାସ୍ କଲାର୍ ପାଇ ଆରି ତାର୍ ସଙ୍ଗ୍ ମିସି ରଇଲାର୍ ପାଇ, ନ ଡର୍ତେ, ସାଆସ୍ ଅଇକରି, ପର୍ମେସର୍ ମୁଆଟେ ଟିଆ ଅଇରୁ । ୧୩ ସେଟାର୍ ପାଇ ମୁଇ ତମକେ ବାବୁଜିଆ କରି

☆ ୨:୧୫ ୨:୧୫ କଲସିଅ ୨:୧୪ ☆ ୨:୧୬ ୨:୧୬ କଲସିଅ ୧:୨୦ ☆ ୩:୪ ୩:୪ କଲସିଅ ୧:୨୨,୨୭

କଲିନି, “ତମର ପାଇ ବଲି ଅଇବା ମର ଦୁକ୍ କସ୍ତର ପାଇ ମନ୍ଦୁକ୍ କରାନାଇ, ଏ ସବୁ ତମର ବଲ୍ ପାଇ ଅଇଆଚେ ।”

**କିରିସ୍ତର ଆଲାଦ୍**

<sup>୧୪</sup> ସେଟାରପାଇ ବଲିକରି ମୁଇ ପରମେସରର ମୁଆଟେ ମାଣ୍ଡିକୁଟା ଦେଇ ପାର୍ତନା କଲିନି, <sup>୧୫</sup> ତାର ଲାଗିସେ ସରଗର ଆରି ପୁରତିବିର ସବୁ କୁଟୁମ୍ ଅଇଲା ଆଚେ, <sup>୧୬</sup> ମୁଇ ପାର୍ତନା କଲିନି ଜେନ୍ତିକି ସେ ତାର ନ ସାର୍ବା ମଇମାଇଅନି, ତାର ଆଡ଼ମା ତମକେ ବପୁ ଦେଇସି, ଜେନ୍ତିକି ତମର ମନ୍ଦ ତାଟ୍ ଅଇସି । <sup>୧୭</sup> ମୁଇ ପାର୍ତନା କଲିନି, ଜେନ୍ତିକି ତମର ବିସ୍ବାସର ଲାଗି, କିରିସ୍ତ ତମର ବିତ୍ରେ ବାସା ଅଇସି । ଆରି, ତମେ ପରମେସରକେ ଆରି ବିନ୍ ଲକ୍‌କେ ଆଲାଦ୍ କଲାଟାନେଅନି, ବୁର୍ଦ୍ଧ ଜାଇତେରଇବା ଗଟର ଚେପାରା ଆରି କୁନାଦି ଉପରେ ତିଆର ଅଇଲା ଗର ପାରା ତାଟ୍ ଅଇସା । <sup>୧୮</sup> ମୁଇ ପାର୍ତନା କଲିନି ତମେ ପରମେସରର ଲକ୍‌ମନର ସଙ୍ଗ୍ ମିସିକରି କିରିସ୍ତର ଆଲାଦ୍ ବୁଦ୍‌ବାକେ ବପୁ ପାଇସା । ତାର ବଡ଼ ଆଲାଦ୍ ସଙ୍ଗ୍ ସେ ଆମ୍‌କେ ଆଲାଦ୍ କଲା ଆଚେ । <sup>୧୯</sup> ଉଁ, ନରଲକ୍ ବୁଦ୍‌ବା ତେଇଅନି ଅଦିକ୍ କିରିସ୍ତ ଆମ୍‌କେ ଆଲାଦ୍ କଲା ଆଚେ, ସେ ଆଲାଦ୍ ତମେ ଜାନା ବଲି ମୁଇ ପାର୍ତନା କଲିନି । ଜେନ୍ତାରିକି ତମର ଚାଲାଚାଲ୍‌ତି ପରମେସରର ପାରା ଅଇ ଆଇସି ।

<sup>୨୦</sup> ପରମେସର ଜେକି ଆମେ ତାକେ ମାଇବା ତେଇଅନି କି ଚିନ୍ତା କରବା ତେଇଅନି ଅଦିକ୍ କରିପାରସି, କାଇକେ ବଇଲେ ତାର ବଡ଼ ବପୁ ସଙ୍ଗ୍ ସେ ଆମ୍‌ର ବିତ୍ରେ କାମ୍ କରି ଆଇଲାନି । <sup>୨୧</sup> ମଣ୍ଡାଲିଟାନେ ଆରି କିରିସ୍ତ ଜିସୁରଟାନେଅନି ପରମେସରର ବଡ଼ ବପୁ ବିନ୍ ଲକ୍‌କେ ତିସ୍‌ଲାନି, ତାର ବଡ଼ ବପୁର ଲାଗି ପରମେସରକେ ତାକ୍‌ପୁଟା କରୁ, କାଲ୍‌କାଲ୍ ଜୁଗ୍‌ଜୁଗ୍ ସେ ତାକ୍‌ପୁଟା ପାଇତେରଅ । ଆମେନ୍ !



**ଗଟେକ୍ ଗାଗଡ଼**

<sup>୧</sup> ଏ ସବୁରଲାଗି ମାପୁରୁର ସେବାକାରିଆ ମୁଇ ବନ୍ଦିଗରେ ଆତି । ମାପୁରୁ ତମକେ କେନ୍ତାରି ଚଲାଚାଲ୍‌ତି କରବାକେ ତାକ୍‌ଲାଆଚେ, ସେନ୍ତାରିସେ କରାବଲି ମୁଇ ତମକେ ବାବୁଜିଆ କଲିନି । <sup>୨</sup> \*ତମେ ଲକ୍‌ମନର ସଙ୍ଗ୍ ମିସାବିତା ଅଇଲାବେଲେ, ପୁରାପୁରୁନ୍ ଦରମ୍ ଅଇ ସୁଆଲେ ରୁଆ । ତମେ ଗଟେକ୍ ଲକ୍ ଆରି ଗଟେକ୍ ଲକ୍‌କେ ଆଲାଦ୍ କଲାପାଇ ସାଆସ୍ ଅଇ, ମୁରତିକରି ରୁଆ । <sup>୩</sup> ଜନ୍‌ଟା କି ଗଟେକ୍ ମନ୍ ଅଇକରି ରଇବାକେ ସୁକ୍‌ଲାଆଡ଼ମା ଆମ୍‌କେ ବାନ୍ଦିଆଚେ, ସେନ୍ତାରି ସାନ୍ତି ଅଇକରି ରୁଆ । <sup>୪</sup> ଆମେ ସବୁ ବିସ୍‌ବାସି ବାଇବଇନିମନ୍ ଗଟେକ୍ ଗାଗଡ଼ ପାରା ଆରି ସବୁଲକ୍ ସମାନ୍ ଆଡ଼ମା ମିଲାଇଆଚୁ । ସେନ୍ତାରିସେ ସମାନ୍ ଆସିରବାଦ୍ ମିଲାଇବାକେ ସେ ଆମ୍‌କେ ତାକ୍‌ଲାଆଚେ । <sup>୫</sup> ଆମ୍‌କେ ଗଟେକ୍ ମାପୁରୁ ଆଚେ, ସମାନ୍ ସିକିଆଇ ବିସ୍‌ବାସ୍ କଲୁନି ଆରି ସମାନ୍ ତୁବନ୍ ନେଲୁ ଆଚୁ । <sup>୬</sup> ଗଟେକ୍ ପରମେସରକେ ଆମେ ଉପାସନା କଲୁନି । ଜେ କି ସବୁର ବାବା ଅଇଆଚେ । ସେ ଆମ୍‌ର ବିତ୍ରେ ରଇକରି ଆରି ଆମ୍‌କେ ଦେଇକରି ସବୁର ଉପରେ ସାସନ୍ କଲାନି ।

<sup>୭</sup> ମାତର କିରିସ୍ତ ଆମେ ବିନ୍ ବିନ୍ ଲକ୍‌କେ ବିନ୍ ବିନ୍ ଦାନ୍ ଦେଲାଆଚେ । ସେଟା କାକେ କେନ୍ତାରି ବାଟା କରବାର୍ ଆଚେ, ସେ ସେ ଟିକ୍ କଲାଆଚେ । <sup>୮</sup> ତେବର ପାଇ ସାସ୍‌ତରେ ଲେକାଅଇଲା ଆଚେ, “ସେ ତାର ସତ୍‌ରୁମନ୍‌କେ ଆରାଇକରି ଜେଡେବେଲେ ଉର୍ ରଇବା ଜାଗାଇ ଗାଲା, ତାର ଆରାଇ ରଇବା ସତ୍‌ରୁମନ୍‌କେ ବାନ୍ଦିକରି ନେଲା ଆରି ତାର ଦାନ୍ ବିନ୍ ବିନ୍ ଲକ୍‌କେ ଦେଲା ।

<sup>୯</sup> “ସେ ଗଟେକ୍ ଉର୍ ଜାଗାଇ ଗାଲା ।” ଏନ୍ତାରି ଲେକ୍‌ବା ଅରଡ଼ କାଇଟା ? ଏଟାର୍ ଆରଡ଼ ଅଇଲାନି, କିରିସ୍ତ ଉଡ଼ି କରି ଏ ଜଗତେ ଆସି ସାରି ଆଚେ । <sup>୧୦</sup> ଜେ କି ଏ ଜଗତେ ଉଡ଼ି ଆଇଲା, ସେ ସମାନ୍ ଲକ୍‌ସେ, ସର୍‌ଗେ ଅନି ଉପରେ ରଇବା ଜାଗାଇ ଚଗି ଗଲା । ଜେନ୍ତାରି କି ସେ ଗୁଲାଇ ଜଗଡ଼କେ ପୁରାପୁରୁନ୍ କରସି ।

<sup>୧୧</sup> ସେ ଆକା କେତେ ଲକ୍‌ମନ୍‌କେ ପେରିଡ଼ ଅଇବାକେ, କେତେଲକ୍‌କେ ବବିସ୍‌ତ୍ କାତା କଇବାକେ, କେତେଲକ୍‌କେ ସୁକ୍‌ବର ଜାନାଇବାଟା ଅଇବାକେ, କେତେଲକ୍‌କେ ମଣ୍ଡାଲି ଚାଲାଇବାକେ ଆରି କେତେଲକ୍‌କେ ସିକାଇବାକେ ବପୁ ଦେଇ ବାଟ୍‌ଲାଆଚେ । <sup>୧୨</sup> ପରମେସରର ଲକ୍‌ମନ୍ ଜେନ୍ତାରି କି ତାକେ ସେବା କରିପାରଡ଼, ତାରଲାଗି ଏ ସବୁ ଦାନ୍ ତାର ଲକ୍‌ମନ୍‌କେ ଦେଲା । ଏନ୍ତାରି ଅଇ କିରିସ୍ତର ଗାଗଡ଼ ପାରା ଅଇବା ବିସ୍‌ବାସିମନ୍ ବପୁ ଅଇ ସିଦ୍ ଅଅଡ଼ । <sup>୧୩</sup> ଏନ୍ତାରି ଅଇ ଆମେ ସବୁ ବିସ୍‌ବାସେ ବଡ଼ିକରି ଆରି ପରମେସରର ପଅକେ ଜାନିକରି, ସିଦ୍ ଅଇବୁ । ଆମେ ଜେନ୍ତାରିକି ପୁରାପୁରୁନ୍ କିରିସ୍ତର ପାରା ଅଇବୁ । ସେ ପୁରାପୁରୁନ୍ ସିଦ୍ ଆଚେ । <sup>୧୪</sup> ତେବେ ଆମେ ସାନ୍ ପିଲାମନର ପାରା ନ ଅଇ କରି, ଜଗତର ମନସ୍‌ମନର ସିକିଆଇ ଆରି ତାକ୍‌ର ଦଦାପେଲା ଅଇବା ପାରା ବିଚାରନା ଇସାବର ବିନ୍ ବିନ୍ ସିକିଆଇ, ଗାତର ଲଅଡ଼ି ଆରି ମାର୍‌ବା ପବନ୍ ଜେନ୍ତାରି ତଙ୍ଗାକେ ଏନେତେନେ କରସି, ସେନ୍ତାରି ତାକ୍‌ ସିକିଆ ସୁନିକରି ଏନେତେନେ ନ ଅଉଁ । <sup>୧୫</sup> ତାର ବାଦୁଲେ ଆମେ ପରମେସରର ସଡ଼ ବିସଇର୍ ଆଲାଦ୍ ଜାନାଉଁ । ସେନ୍ତାରି ମୁଣ୍ଡ ଇସାବେ ରଇବା କିରିସ୍ତର ପାରା ଆମେ ସବୁ ବିସଇତେଇ ସିଦ୍ ଅଇ, ତାର ପାରା ଅଇବୁ ।

☆ ୪:୨ ୪:୨ କଲସିଅ ୩:୧୨,୧୩

୧୭ ✱ କାଇକେବଇଲେ କିରିସ୍ତ ତାର ସବୁ ଲକ୍ଷ୍ମୀମାନଙ୍କେ ମିସାଇକରି ସଙ୍ଗାଇ ଆଚେ । ଗଟେକ୍ ଗାଗଡର୍ ସଦି ଜେନ୍ତିକି ସେ ଗାଗଡର୍ ସବୁ ବାଗ୍‌କେ ମିସାଇକରି ସଙ୍ଗାଇସି, ସେନ୍ତାରିସେ ଗାଗଡର୍ ଗଟେକ୍ ଗଟେକ୍ ବାଗ୍ ନିଜର୍ ନିଜର୍ କାମ୍ କଲେ, ଗୁଲାଇ ଗାଗଡ୍ ବଡ଼ିକରି ବପୁ ଅଇସି ।

**କିରିସ୍ତର୍ ଲଗେ ନୁଆଜିବନ୍**

୧୭ ତେବର୍ ପାଇ ମାପୁରୁର୍ ନାଉଁଦାରି ମୁଇ ତମ୍‌କେ ଜାଗର୍ତା କରିଦେଲିନି । ତମେ ଆରି ପର୍ମେସର୍‌କେ ନାଜାନ୍‌ଲା ଲକ୍‌ପାଠା ଚଲାଚଲ୍‌ତି କରା ନାଇ । ୧୮ ସେମନ୍ ଚିନ୍ତାକର୍‌ବାଟା ରୁଚାଇସେ । ସେମନ୍ ପର୍ମେସର୍‌ର ବିସଇ ବୁଜି ନାପାରତ୍ । ଆରି ସେ ଦେଇରଇବା ଜିବନେ ଅନି ଦୁରିକେ ଆଚତ୍ । ସେମନ୍ ତାକର୍ ମନ୍ ତାଟ୍ କଲାର୍‌ପାଇ ତାକେ ନାଜାନ୍‌ତ । ୧୯ ସେମନ୍ ପାପ୍ କାମ୍ କଲେ ମିସା, ବୁଲ୍ କଲି ବଲି ଲାଜ୍ କି ଦୁକ୍ ନ ଅଅତ୍ । ତେବର୍‌ପାଇ ସବୁରକାମ୍‌ର୍ ବେସିଆ କାମ୍ କର୍‌ବାଟାନ୍‌ନେ ସର୍‌ପିଅଇ ଆଚତ୍ । ଏନ୍ତାରି କାମ୍ କରି କରି ଆରି କର୍‌ବାଟାକେସେ ଲାଲ୍‌ସା ଅଇ ଆଚତ୍ ।

୨୦ ମାତର୍ ତମେ କିରିସ୍ତର୍ ଟାନ୍‌ନେଅନି ସେନ୍ତାରି ସିକିଆ ସିକାସ୍ ନାଇ । ୨୧ ତମେ ଜେଡେବେଲେ ତାର ବିସଇ ସୁନିକରି ସିକିଲାସ୍, ସେଟା ତାର ସତ୍ ସିକିଆଇଅନି ସିକିଲାସ୍ । ୨୨ ✱ଆଗତୁ ଜନ୍ ପୁରନା ଚଲାଚଲ୍‌ତି କରି ତମେ ଜିଉନା କାଉନା କର୍‌ତେ ରଇଲାସ୍, ସେଟା ଚାଡ଼ବାଟାକେ ତମ୍‌କେ ସିକାଇ ରଇଲାଇ । ତମର୍ ମନେ କାରାପ୍ ଚିନ୍ତା ଆଇବାଟା, ତମ୍‌କେ ନାଡାଇକରି ତମର୍ ଜିବନ୍ ନସାଇ ଦେଲାଇ । ୨୩ ତମେ ଚିନ୍ତା କର୍‌ବାଟା ପର୍ମେସର୍ ନୁଆକରି ବାଦ୍‌ଲାଇବାଟାକେ ତାକେ ସର୍‌ପି ଦିଆସ୍ ବଲି ସିକାଇଲାଇ ଆଚତ୍ । ୨୪ ✱ ପର୍ମେସର୍ ତମ୍‌କେ ତାକର୍ ଗୁନ୍‌ଚଲନ୍ ପାଠା ରଇବା ନୁଆ ଗୁନ୍‌ଚଲନ୍ ଦେଲାଆଚେ । ତେବର୍‌ପାଇ ସେ ରକାମ୍ ଚଲାଚଲ୍‌ତି କରା । ପୁରାପୁରୁନ୍ ଦରମ୍ ଅଇକରି ସୁକଲ୍ ଅଇରୁଆ ।

୨୫ ତମର୍ ବିତ୍‌ରେ ମିଟ୍ କଇବାଟା ଚାଡ଼ିଦିଆସ୍, ନିଜର୍ ନିଜର୍ ବିତ୍‌ରେ ସତ୍ କୁଆକୁଇ ଉଆ । କାଇକେବଇଲେ ଆମେ ସବୁଲକ୍ ଗଟେକ୍ ଗାଗଡର୍ ବିନ୍ ବିନ୍ ବାଗ୍ ଅଇଲୁଆରୁ । ୨୬ ଜେଡେବେଲେ ରିସା ଆଇଲେ, ସେଡେବେଲେ ପାପ୍‌କରା ନାଇ । ବେଲ୍ ନ ବୁଡ଼ତେ ତମର୍ ରିସା ଚାଡ଼ି ଦିଆସ୍ । ୨୭ ତମ୍‌କେ ପାପ୍ କରାଇବା ସଇତାନ୍‌କେ ଜାଗା ଦିଆସ୍‌ନାଇ । ୨୮ ଜେ ଚରାଇତେ ରଇଲା, ସେ ଆରି ନ ଚର୍ ଅଅ । ମାତର୍ ନିଜେ ତାର ଜିଉନା କାଉନାର୍ ପାଇ କାଇଆଲେ ନିକ କାମ୍ କର । ସେନ୍ତାରିଆଲେ ଅର୍‌କିଡ୍ ଲକ୍‌ମାନଙ୍କେ ଦେବାଟାକେ ତାର୍‌ଟାନ୍‌ନେ କାଇଟା ମିସା ରଇସି । ୨୯ ଜନ୍ କାତା ବିନ୍‌ଲକ୍‌ମାନଙ୍କେ ଲଡାକେ ନ ଆସେ, ସେନ୍ତାରି କାତା ତମର୍ ଟଣ୍ଡେ ଅନି ନ ବାରଅ । ତାର୍‌ବାଦୁଲେ ସେମନ୍‌କେ ସାର୍‌ଦା କରାଇ ବପୁ ଆଇବା କାତା କୁଆ । ଜେନ୍ତାରିକି ସୁନ୍‌ବା ଲକ୍‌ମନ୍ ତାକର୍ ଲଡାକେ ଆଇବା ବେଲାଇ ସେଟା ସୁନିକରି ସାର୍‌ଦା ଅଇବାଇ । ୩୦ ପର୍ମେସର୍‌ର ସୁକଲ୍ ଆଡ଼ମାକେ ଦୁକ୍ ଦିଆସ୍ ନାଇ । ତାକେ ମୁକଲ୍‌ବା ଦିନ ଜାକ ଗଟେକ୍ ଚିନ୍ ଇସାବେ ସେ ତମ୍‌କେ ଦେଲାଆଚେ । ୩୧ ସବୁ ରକାମ୍‌ର୍ କୁଟ୍ କାତା ଚିନ୍ତା କର୍‌ବାଟା, ରିସା ଅଇବାଟା, କିରଜାଟି କର୍‌ବାଟା, ନିନ୍‌ଦା କାତା କଇବାଟା, ଇସା ତଲା ଅଇବାଟା, ଏ ସବୁଜାକ ତମର୍‌ଟାନ୍‌ନେ ଅନି ଦୁରିକେ ସଙ୍ଗୁଆ । ୩୨ ✱ତାର୍ ବାଦୁଲେ ତମର୍ ତମର୍ ବିତ୍‌ରେ ମାନାମାନି ଅଇକରି ଆଲାଦ୍ ସଙ୍ଗ୍ ଦରମ୍ ଅଇ ରୁଆ । ଜେନ୍ତିକି କିରିସ୍ତର୍ ଲାଗି ପର୍ମେସର୍ ତମ୍‌କେ କେମା କରିଦେଲା ଆଚେ । ତମେମନ୍ ମିସା ସେ ରକାମ୍ ନିଜର୍ ନିଜର୍ ବିତ୍‌ରେ କେମା କରାକରି ଉଆ ।

**୫**

**ଉଜଲର୍ ଜିବନ୍**

୧ ପର୍ମେସର୍‌କେ ବେସି ଆଲାଦ୍ କର୍‌ବା ତାର୍ ପିଲାମନ୍ ଅଇବାଟାକେ, ତାର୍‌ପାଠା ଅଇ ଗଟେକ୍ ଆଲାଦର୍ ଚଲାଚଲ୍‌ତି କରା । ୨ ଜେନ୍ତାରି କି କିରିସ୍ତ୍ ଆମ୍‌କେ ଆଲାଦ୍ କରି ଆମର୍ ପାଇ ମରି ରଇଲା । ଗଟେକ୍ ସୁନ୍‌ଦର୍ ବାସ୍‌ନା ଅଇବା ବଲି ପାଠା ସେ ତାର୍ ଜିବନ୍ ପର୍ମେସର୍‌କେ ସର୍‌ପିଦେଲା ।

୩ ମାତର୍ ତମର୍ ବିତ୍‌ରେ ବେସିଆ ଇସାବେ ରଇବା ଚଲାଚଲ୍‌ତି, କି କାଇ ରକାମ୍‌ର୍ ସୁକଲ୍ ନ ଅଇବାଟା କି ଲବ୍ ଅଇବାଟା ଆଚେ, ବଲି ବିନ୍ ଲକ୍‌ମନ୍ ନ କଅଡ୍ । କାଇକେବଇଲେ ଏଟା ସବୁ ପର୍ମେସର୍‌ର ସୁକଲ୍ ଲକ୍‌ମନ୍ କର୍‌ବା ଟିକ୍ ବିସଇ ନଏ । ୪ ସେନ୍ତାରିସେ ଜନ୍‌ଟାକି ଲଡାକେ ନ ଆଇବା ଗୁନ୍‌ଚଲନ୍, କି କାରାପ୍ କାତା, ଲାଜ୍ କର୍‌ବା କାତା କି ଟାପ୍‌ରା କାତା ତମର୍‌ଟାନ୍‌ନେ ନ ଡିସ । ଏଟାମନ୍ ତମର୍‌ଟାନ୍‌ନେ ରଇବାଟା ଟିକ୍ ନଏ । ତାର୍‌ବାଦୁଲେ ତମେ ପର୍ମେସର୍‌କେ ଦନିଅବାଦ୍ ଦେବା କାତା କୁଆ । ୫ ତମେ ଜାନ୍‌ବାର୍ ଆଚେ ଜେ, କେନ୍ତାରି ମିସା ବେସିଆ କାମ୍ କର୍‌ବା ଲକ୍, କି ସୁକଲ୍ ନ ଅଇଲା ଲକ୍, କି ଲବ୍‌ରା ଲକ୍ ପର୍ମେସର୍‌ର ଆରି କିରିସ୍ତର୍ ରାଇଜେ ରଇବା କାଇ ବିସଇ ମିଲାଇବାଟାକେ ଅଦିକାର୍ ପାଇ ନାପାରତ୍ । ଗଟେକ୍ ଲବ୍‌ରା, ପୁଡ଼ଲା ପୁଜା କର୍‌ବା ଲକ୍‌ର୍ ସଙ୍ଗ୍ ସମାନ୍ ।

୬ ବିନ୍ ଲକ୍‌ର୍ ଟାନ୍‌ନେଅନି କାଇ ଲଡାକେ ନ ଆଇବା ରୁଟା କାତା ସୁନି ନାଡାଇ ଉଆ ନାଇ । କାଇକେବଇଲେ, ଏନ୍ତାରି କରି ତାକେ ନ ନାମ୍‌ବା ଲକ୍‌ମାନଙ୍କେ ପର୍ମେସର୍ ଡଣ୍ଡ ଦେଇସି । ୭ ତେବର୍‌ପାଇ ସେନ୍ତାରି ଲକ୍‌ମନ୍‌ର୍ ସଙ୍ଗ୍ ମିସା ନାଇ । ୮ କାଇକେବଇଲେ ଆଗତୁ ତମେ ଆନ୍ଦାରେ ରଇଲାସ୍ । ମାତର୍ ଏବେ ମାପୁରୁର୍ ସଙ୍ଗ୍ ମିସଲାପ୍‌ପାଇ ଉଜଲେ ପୁରି ଆଟାସ୍ । ତେବର୍‌ପାଇ ଉଜଲେ ରଇବା ଲକ୍‌ମନ୍‌ର୍‌ପାଠା ଚଲାଚଲ୍‌ତି କରା । ୯ କାଇକେବଇଲେ, ଉଜଲେ ରଇଲେ ତେଇଅନି ସବୁ ରକାମ୍‌ର୍ ନିକ, ଦରମ୍, ଆରି ସତ୍ ବିସଇ ବାରଇସି । ୧୦ ପର୍ମେସର୍‌କେ ସାର୍‌ଦା କରାଇବା ବିସଇ

✱ ୪:୧୭ ୪:୧୭ କଲସିଅ ୨:୧୯ ✱ ୪:୨୨ ୪:୨୨ କଲସିଅ ୩:୯ ✱ ୪:୨୪ ୪:୨୪ କଲସିଅ ୩:୧୦ ✱ ୪:୩୨ ୪:୩୨ କଲସିଅ ୩:୧୩

କଢ଼ିକରି ମିଳାଆ । ୧୧ ଆନ୍ଦାରେ ରଇବା ଲକ୍ମନ କର୍ବା କାଇ ମୁଲିଅ ନ ରଇବା କାମେ ମିସାନାଇ । ସେଟାମନ୍ତକେ କାଇ ମୁଲିଅ ନାଇ । ତାର ବାଦୁଲେ ସେନ୍ତାରି କାରାପ୍ ଅଇବା କାମ୍ ନ ଲୁଟାଇ ଦେକାଇଦିଆସ୍ । ୧୨ ସେନ୍ତାରି ଲୁଟେ କର୍ବା କାମର୍ ବିସଇ କାତା ଅଇବାକେ ମିସା ଲାଜ୍ ଲାଗସି । ୧୩ ଏନ୍ତାରି କାମ୍ ନ ଲୁଟାଇ ବାଟକରାଇଲେ, ତେଇର୍ ସତ୍ ବିସଇ ଲକ୍ମନ ଦେକ୍ବାଇ । ୧୪ କାଇକେବଇଲେ ଉଜଲର୍ ସବୁ ବିସଇ ଉଜଲ୍ସେ । ସେଟାର୍ ପାଇ ଏନ୍ତାରି ଲେକାଅଇଲାଆଟେ,

“ଏ ଗୁନେରାମନ୍ ଉଟା,  
ମଲାପାରା ନ ରଇକରି ଜିବନ୍ ରୁଆ,  
କିରିସ୍ତ ଡମକେ ଉଜଲ୍ ଦେଇସି ।”

୧୫ ତେବେ ତମର୍ ଚଲାଟଲ୍ତି କର୍ବାଟାନେ ଜାଗର୍ତ୍ତ ରୁଆ । ବକୁଆ ଲକ୍ମନପାରା ନ ଅଇ ବୁଦିରଇବା ଲକ୍ମନପାରା ରୁଆ । ୧୬ ☆ ସବୁବେଲେ ନିକ କାମ୍ କର୍ବାକେ କଜ୍ତେ ରୁଆ । କାଇକେବଇଲେ ଏ ଜୁଗର୍ ଲକ୍ମନ ବେସି କାରାପ୍ ଆଟତ୍ । ୧୭ ତେବର୍ପାଇ ବୁଦିନଇଲା ଲକ୍ ପାରା ନଅଇ ମାପ୍ପୁର୍ ମନକଲାଟା କଢ଼ିକରି ମିଳାଆ ।

୧୮ ମଦ୍ ପେଣ୍ଟୁମ୍ କାଇ ମାତା ନାଇ । କାଇକେବଇଲେ ସେଟା ତମ୍ତକେ ଡିଲା ଚାଡ଼ବା ଗରୁଗାଇର୍ ପାରା ଚଲାଟଲ୍ତି କର୍ବାକେ ଡାକିନେଇସି । ତାର୍ବାଦୁଲେ ସୁକଲ୍ଆଡ଼ମା ବାନ୍ଦିନେବାକେ ସର୍ପିଅଆ । ୧୯ ☆ ଗିଡ଼୍ ସଜିତାର୍ ଗିଡ଼୍, ଆଡ଼ମାଇ ଅନି ଆଇବା ବିନ୍ ଗିଡ଼ମନ୍, ତମର୍ ବିଡ଼ରେ କୁଆକୁଇ ଉଆ । ଗିଡ଼୍ କଇକରି ନିଜେ ନିଜେ ମନ୍ବିଡ଼ରେ ମାପ୍ପୁର୍ତ୍ତେ ଡାକ୍ପୁଟା କରା । ୨୦ ଆମର୍ ମାପ୍ପୁର୍ ଜିସୁକିରିସ୍ତର୍ ନାଉଁଦାରି ସବୁବେଲେ ସବୁ ବିସଇପାଇ ବାବା ପର୍ମେସର୍ତ୍ତେ ଦନିଅବାଦ୍ ଦିଆସ୍ ।

**ମାଇଜି ମୁନ୍ସ**

୨୧ କିରିସ୍ତର୍ପାଇ ରଇବା ତମର୍ ସନ୍ମାନର୍ ଲାଗି, ତମର୍ ତମର୍ ବିଡ଼ରେ ସର୍ପାସର୍ପି ଉଆ ।

୨୨ ☆ ଏ ମାଇଜିମନ୍ ତମେ ଜେନ୍ତାର୍ ମାପ୍ପୁର୍ତ୍ତେ ସର୍ପିଅଇ ଆଟାସ୍, ସେନ୍ତାରି ତମର୍ ନିଜର୍ ନିଜର୍ ମୁନ୍ସକେ ମିସା ସର୍ପି ଉଆ । ୨୩ କାଇକେବଇଲେ କିରିସ୍ତ ଜେ କି ତାର୍ ଗାଗଡ଼ପାରା ରଇବା ମଣ୍ଡଲିର୍ ନେତା ଆଟେ, ସେନ୍ତାରିସେ ମୁନ୍ସ ମିସା ତାର୍ ମାଇଜିର୍ ନେତା ଆଟେ । କିରିସ୍ତସେ ତାର୍ ମଣ୍ଡଲିକେ ରକିଆ କଲାଆଟେ । ୨୪ ତେବର୍ପାଇ ମଣ୍ଡଲି ଜେନ୍ତାର୍ କିରିସ୍ତକେ ସର୍ପି ଅଇସି, ସେନ୍ତାରି ଏ ମାଇଜିମନ୍, ତମେ ମିସା ସବୁ ବିସଇତେଇ ତମର୍ ମନସ୍ମାନର୍ ଟାନେ ସର୍ପି ଅଇବାଟାଟେ ।

୨୫ ☆ ଏ ମୁନ୍ସମନ୍, କିରିସ୍ତ ଜେନ୍ତାର୍ ମଣ୍ଡଲିକେ ଆଲାଦ୍ କରି, ତାକେ ସୁକଲ୍ କର୍ବାକେ ନିଜେ ସର୍ପିଅଇଲା, ସେନ୍ତାରିସେ ତମେ ମିସା ନିଜର୍ ମାଇଜିମନ୍କେ ଆଲାଦ୍ କରା । ୨୬ କିରିସ୍ତ ପର୍ମେସର୍ତ୍ତେ ବାକିଅ ସଙ୍ଗ୍ ଆରି ପାନିସଙ୍ଗ୍ ଦଇକରି ମଣ୍ଡଲିକେ ସୁକଲ୍ କଲା । ୨୭ ମଣ୍ଡଲିକେ ତାର୍ ମୁଆଟେ ଆନ୍ଲାବେଲେ, ମଣ୍ଡଲି ଜେନ୍ତାରି କି, କାଇ ମୁର୍କି ନ ଅଇତେ, ଅସୁକଲ୍ ନଇତେ, କାଇ ଦସ୍ ନ ଅଇତେ ରଇ, ତାର୍ ବାଦୁଲେ ସୁକଲ୍ ଆରି ସିଦ୍ କାରାଇ ତାକେ ଚିଆ କରାଇସି । ୨୮ ସେନ୍ତାରିସେ ମୁନ୍ସମନ୍ ନିଜର୍ ଗାଗଡ଼କେ ଜତନ୍ କରି ଆଲାଦ୍ କଲାପାରା ନିଜର୍ ମାଇଜିମନ୍କେ ସେନ୍ତାରି କରା । ଜେ ନିଜର୍ ମାଇଜିକେ ଆଲାଦ୍ କର୍ସି, ସେ ନିଜକେ ମିସା ଆଲାଦ୍ କର୍ସି । ୨୯ କେ ମିସା କେବେ ନିଜର୍ ଗାଗଡ଼କେ ଗିନ୍ ନ କରେ । ମାତର୍ ତାର୍ପାଇ ଦୁଆପୁଟା କରି କାଦି କୁଆଇସି । ଜେନ୍ତାରି କି କିରିସ୍ତ ତାର୍ ମଣ୍ଡଲିର୍ ପାଇ ଜତନ୍ କଲାନ୍ତି । ୩୦ କାଇକେବଇଲେ ଆମେ ସବୁ ତାର୍ ଗାଗଡ଼ର୍ ବାଗ୍ ଅଇଆଟୁ ।

୩୧ ଏଟାପାଇ ଦରମ୍ ସାସ୍ତରେ ଲେକାଅଇଆଟେ ମୁନ୍ସ ତାର୍ ନିଜର୍ ଆୟା ବାବାକେ ଚାଡ଼ି ନିଜର୍ ମାଇଜିର୍ ସଙ୍ଗ୍ ମିସି ଜାଇସି । ଆରି ସେ ଦୁଇଲକ୍ ମିସି ଗଟେକ୍ ଅଇବାଇ । ୩୨ ଏଟା ଗଟେକ୍ ବଡ଼ ଲୁଟି ରଇବା ବିସଇ । ମାତର୍ ମୁଇ କିରିସ୍ତ ଆରି ମଣ୍ଡଲି ବିଡ଼ରେ ମିସିବିଡ଼ି ରଇବା ବିସଇ କାତା ଅଇଲିନି । ୩୩ ସାରାସାରି ତମେ ଗଟେକ୍ ଗଟେକ୍ ଲକ୍ ନିଜେ ନିଜେ ଆଲାଦ୍ ଅଇଲାପାରା ନିଜର୍ ନିଜର୍ ମାଇଜିକେ ସେନ୍ତାରି କର୍ବାଟ୍ ଆଟେ । ଆରି ମାଇଜିମନ୍ ତାକର୍ ମୁନ୍ସମନ୍କେ ସନ୍ମାନ ଦେବାଟ୍ ଆଟେ ।



**ବାବା ମାଆ ଆରି ପିଲାଟକି**

୧ ☆ ଏ ମର୍ ପିଲାଟକିମନ୍, ତମେ ମାପ୍ପୁର୍ତ୍ତେ ସଙ୍ଗ୍ ମିସ୍ଲାର୍ପାଇ ଆୟା ବାବାଟ୍ କାତା ମାନିକରି ରୁଆ । ତମେ ଏନ୍ତାରି କର୍ବାଟ୍ ଆଟେଆକା । ୨ ଏନ୍ତାରି ଲେକା ଅଇଲାଆଟେ, ନିଜର୍ ଆୟା ବାବାକେ ସନ୍ମାନ ଦିଆସ୍ । ଜେନ୍ତାରି କି ତମର୍ପାଇ ସବୁ ବିସଇ ମଙ୍ଗଲ୍ ରଇସି । ଆରି ତମେ ସାର୍ଦା ଅଇ ବେସି ଦିନ୍ ଜାକ ଏ ଜଗତେ ବଠିରଇସା । ୩ ଏଟା ଅଇଲାନ୍ତି ପର୍ମେସର୍ତ୍ତେ ପର୍ତ୍ତୁମ୍ ଆଦେସ୍ ଜନ୍ଟା କି ସେ ଗଟେକ୍ ଦେଇରଇବା କାତା ମିସା ତେଇ ମିସାଇଆଟେ ।

୪ ☆ ଏ ବାବାମନ୍, ପିଲାମନ୍କେ ରିସା କରାଆ ନାଇ । ତାର୍ ବାଦୁଲେ ସେମନ୍କେ ମାପ୍ପୁର୍ତ୍ତେ ବାକିଅ ଇସାବେ ସିକାଇକରି ବଡ଼ାଆ ।

☆ ୫:୧୭ ୫:୧୭ କଲସିଅ ୪:୫ ☆ ୫:୧୯ ୫:୧୯ କଲସିଅ ୩:୧୭,୧୭ ☆ ୫:୨୨ ୫:୨୨ କଲସିଅ ୩:୧୮; ୧ ମ ପିତର୍ ୩:୧ ☆ ୫:୨୫ ୫:୨୫ କଲସିଅ ୩:୧୯; ୧ ମ ପିତର୍ ୩:୭ ☆ ୬:୧ ୬:୧ କଲସିଅ ୩:୨୦ ☆ ୬:୪ ୬:୪ କଲସିଅ ୩:୨୧

**ଗତିଦାଙ୍ଗତା ଆରି ସାଉକାର୍**

୫ \*ଏ ଗତିଦାଙ୍ଗତାମନ୍, ଏ ଜଗତେ ରଇବା ସାଉକାର୍ମନର୍ କାତା ମାନିକରି ରୁଆ । ସେମନ୍‌କେ ସନ୍‌ମାନ୍ ଦେଇ, ପୁରାପୁରୁନ୍ ମନ୍ ସଙ୍ଗ୍ ନାମିକରି ରୁଆ । ଜେନ୍ତାରି କି ତମେ କିରିସ୍‌ଟକେ ନାମିକରି ରଇସା । ୬ ଅବ୍‌କା ସେମନର୍ ମୁଆଟେ ବଲ୍ ବଲାଇ ଅଇବାକେ ନାଇ, କି ସେମନ୍ ଦେକ୍‌ଲାବେଲେସେ ନାଇ । ମାତର୍ କିରିସ୍‌ଟର୍ ଗତିଦାଙ୍ଗତା ପାରା, ପର୍ମେସର୍ ମନ୍‌କଲାଟା ପୁରାପୁରୁନ୍ ମନ୍ ଦିଆନ୍ ଦେଇ କରା । ୭ ତମ୍‌କେ ଦାଇଡ୍ ଦେଇରଇବା ସବୁ କାମ୍ ସାର୍‌ଦା ସଙ୍ଗ୍ କରା । ଜେନ୍ତାରିକି ତମେ ଅବ୍‌କା ଲକ୍‌ମନର୍ ପାଇ କାମ୍ ନ କରି ମାପ୍‌ରୁର୍ ସେବା କଲା ପାରା କରା । ୮ କାଇକେବଇଲେ ତମେ ନିକ କାମ୍ କଲେ, ମାପ୍‌ରୁ ତମ୍‌କେ ପୁରୁସ୍କାର୍ ଦେଇସି । ତମେ ଗତିଦାଙ୍ଗତା ଅଇରୁଆ କି ମୁକଲ୍‌ଲା ଲକ୍ ଅଇରୁଆ ।

୯ \*ଏ ସାଉକାର୍ମନ, ସେନ୍ତାରିସେ ତମର୍ ଦାଙ୍ଗତାମନ୍‌କେ ନିକସଙ୍ଗ୍ ଦେକାରକା କରା । ସେମନ୍‌କେ ଦାକାପୁକା ଦିଆସ୍ ନାଇ । ତମର୍ ମନେ ରଅ, ତାକର୍ ଆରି ତମର୍ ସାଉକାର୍ ସର୍ଗେ ଆତେ । ଆରି ସେ ସାନ୍ ବଡ୍ ନ ବାବି ଦେକାରକା କର୍ସି ।

**ଆଡ଼ମାର୍ ଆଡ଼ଆତିଆର୍**

୧୦ ସାରାସାରି ପତେ, ମାପ୍‌ରୁର୍ ଟାନେ ମିସିକରି ତାର୍ ବପୁପାଇକରି ତାଟ୍‌ଅଇରୁଆ ।

୧୧ ପର୍ମେସର୍ ତମ୍‌କେ ଦେଇରଇବା ଜୁଇଦର୍ ସବୁ ରକାମ୍ ଆଡ଼ ଆତିଆର୍ ସାଜାତିକରି ରୁଆ । ଜେନ୍ତାରିକି ତମ୍‌କେ ସଇତାନ୍ ନାତାଇବା ବେଲେ ତାକେ ବିରଦ୍ କରିପାରାସ୍ । ୧୨ କାଇକେବଇଲେ ଆମେ ଜଗତର୍ ଲକ୍‌ମନର୍ ବିରୁଦ୍ଦେ ଜୁଇଦ୍ କରୁନାଇ । ମାତର୍ କାରାପ୍ ଆଡ଼ମାମନ୍‌କେ, ଆନ୍ଦାରେ ରଇବା ଜଗତର୍ ସାସନ୍‌କାରିଆମନ୍‌କେ, ଆରି ସର୍ଗେ କାରାପ୍ ବପୁ ପାଇରଇବା ଆଡ଼ମାମନ୍‌ ବିରୁଦ୍ଦେ ଜୁଇଦ୍ କଲୁନି । ୧୩ ତେବର୍‌ପାଇ ପର୍ମେସର୍ ଦେଇରଇବା ସବୁରକାମ୍ ଜୁଜ୍‌ବା ଆଡ଼ ଆତିଆର୍ ଗଟେକ୍ ସନିଅ ପିନ୍‌ଲାପାରା ପିନ୍‌କରି ସାଜାତା । ସେନ୍ତାର୍ ରଇଲେ ସଇତାନ୍ ଆରି ତାର୍ କାରାପ୍ ଆଡ଼ମାମନ୍ ତମ୍‌କେ ଜୁଜ୍‌ଲାବେଲେ ସେମନ୍‌କେ ତମେ ବିରଦ୍ କରି ପାରାସ୍ । ଜୁଇଦର୍‌ପାଇ ସବୁ ରକାମ୍‌ଟା ସାଜାତି ରଇଲେ ତମେ ପତେ ନ ଗୁଟିକରି ଟିଆଅଇ ପାର୍‌ସା ।

୧୪ ତେବେ ଜୁଇଦର୍‌ପାଇ ତମେ ଏନ୍ତାରି ଜାଗରଡ୍ ଉଆ । ଜେନ୍ତାରି କି, ପର୍ମେସର୍‌ର୍ ସଡ୍ ଆଁଟାବେତା, ଆଁଟାଇ ବାନ୍ଦିଅଇ, ତାର୍ ଦରମର୍ ସାଞ୍ଜୁ ଜଗାତି ଅଇ, ୧୫ ସୁବ୍‌କବରେଅନି ଆଇବା ସାନ୍ତିର୍ ପାଣ୍ଡୁଇ ପିନ୍‌ ସାଜାତି ଉଆ । ୧୬ ଏ ସବୁର୍ ଉପ୍‌ରେ ବିସ୍‌ବାସର୍ ତେବାଇବା ତାଲ୍ ଦାରିରୁଆ । ଏ ତାଲ୍‌ସଙ୍ଗ୍ ସଇତାନ୍ ତମର୍ ମୁଆଟେ ବିନ୍‌ବା ଜଇର୍ କାଣ୍ଡ ଅର୍ଟିକାଇ ପାର୍‌ସା ।

୧୭ ଆରି ମାପ୍‌ରୁ ଦେଇରଇବା ମୁକ୍ତି, ଗଟେକ୍ ଟପିପାରା ମୁଣ୍ଡ୍ ରକିଆ କରବାକେ ପିନ୍‌ରୁଆ । ସୁକଲ୍‌ଆଡ଼ମା ଦେଇରଇବା କାଣ୍ଡା ଦାରିରୁଆ । ସେ କାଣ୍ଡା ଅଇଲାନି ପର୍ମେସର୍‌ର୍ ବାକିଅ । ୧୮ ସୁକଲ୍‌ଆଡ଼ମା ତେଡ୍‌ନା ଦେଲା ଇସାବେ ପାର୍‌ତନା କରା । ସବୁ ରକାମ୍‌ର୍ ପାର୍‌ତନା ଆରି ଗୁଆରିସଙ୍ଗ୍ ପାର୍‌ତନା କରା । ଏଟାର୍‌ଲାଗି ଜାଗରଡ୍ ଅଇରୁଆ । ପର୍ମେସର୍‌ର୍ ଲକ୍‌ମନର୍‌ପାଇ ପାର୍‌ତନା କରିଲାଗିରୁଆ । ୧୯ ମର୍‌ପାଇ ମିସା ପାର୍‌ତନା କରା । ଜେନ୍ତାରିକି ମୁଇ କାତା ଅଇବାବେଲେ ପର୍ମେସର୍ ମକେ ଟିକ୍ ବାକିଅ ଦେଅ । ସେନ୍ତାର୍ କଲେ, ସୁବ୍ କବରର୍ ଲୁଟିରଇବା ବିସଇ ମୁଇ କାକେ ନ ଡରିକରି ଲକ୍‌ମନ୍‌କେ ଜାନାଇ ପାର୍‌ବି । ୨୦ ଏବେ ମୁଇ ବନ୍ଦି ଅଇ ରଇଲେ ମିସା କିରିସ୍‌ଟର୍ ସୁବ୍‌କବର୍ ଜାନାଇବାପାଇ ଗଟେକ୍ ରାଜାର୍ ଦୁଡ୍ ପାରା ଅଇଲିଆଟି । ସୁବ୍‌କବର୍ ଟିକ୍ ସଙ୍ଗ୍, ନ ଡରିକରି ଜାନାଇବାକେ ପର୍ମେସର୍ ମକେ ବପୁ ଦେଅ ବଲି ପାର୍‌ତନା କରା ।

**ସାରାସାରି ଜୁଆର୍‌ବେଟ୍ ଅଇବାଟା**

୨୧ \*\* ତକିକସ୍ ଜେ କି ଆମର୍ ଆଲାଦର୍ ବାଇ, । ସେ ମାପ୍‌ରୁକେ ବିସ୍‌ବାସ୍ ସଙ୍ଗ୍ ସେବା କଲାନି । ମୁଇ କେନ୍ତ୍ର ଆତି ଆରି କାଇଟା କଲିନି, ସେ ସବୁ ବିସଇ ତମ୍‌କେ କଇଦେଇସି । ୨୨ ଆମ୍‌କେ ଗଟ୍‌ବା ବିସଇ ସବୁ ତମେ ଜାନିରୁଆ ବଲିକରି ମୁଇ ତାକେ ତମର୍‌ଟାନେ ପାଟାଇଲିନି । ଆରି ସେ ତମ୍‌କେ ସାର୍‌ଦା କରାଇସି ।

୨୩ ଆମର୍ ବାବା ପର୍ମେସର୍ ଆରି ମାପ୍‌ରୁ ଜିସୁକିରିସ୍‌ଟ୍ ସବୁ ବିସ୍‌ବାସି ବାଇମନ୍‌କେ ସାନ୍ତି ଦେଅ । କିରିସ୍‌ଟକେ ବିସ୍‌ବାସ୍ କରି ତମର୍ ବିଡ୍‌ରେ ଆଲାଦ୍ କରାକରି ଅଇବାକେ ସେମନ୍ ତମ୍‌କେ ସାଇଜ କରଡ୍ ।

୨୪ ଆମର୍ ମାପ୍‌ରୁ ଜିସୁ କିରିସ୍‌ଟକେ ଜେଡ୍‌କି ଲକ୍ ଆଲାଦ୍ କଲାଜିନି, ସେମନ୍‌କେ ପର୍ମେସର୍ ତାର୍ ଜିବନ୍ ଦୁକାଇଲାଟା ଆରି ନ ସାର୍‌ବା ଆଲାଦ୍ ଦେଅ ।

☆ ୨:୫ ୨:୫ କଲସିଅ ୩:୨୨-୨୫ ☆ ୨:୯ ୨:୯ କଲସିଅ ୪:୧; କଲସିଅ ୩:୨୫ ☆ ୨:୨୧ ୨:୨୧ ପେରିଡ୍ ୨୦:୪; ୨ୟ ଡିମତି ୪:୧୨ ☆ ୨:୨୧ ୨:୨୧ କଲସିଅ ୪:୭,୮



## ପିଲିପିଅ ମଣ୍ଡଳୀର ବିଶ୍ୱାସୀମାନଙ୍କୁ ପାଉଲଙ୍କ ପତ୍ର ପିଲିପିୟ ମଣ୍ଡଳୀର ବିଶ୍ୱାସୀମାନଙ୍କେ ପାଉଲ୍ ଚିଠି ଲେଖିଲାଟା ଏ ବଇର ବିସଇ ପଦେକ୍ ଜାନବାଟା

ଜିସୁକିରିସ୍ଟ ଜନମ୍ ଅଇକରି ୬୧ ବରସ୍ ପଟେ ପାଉଲ୍ ପିଲିପିଅ ମଣ୍ଡଳୀର ବିଶ୍ୱାସୀମାନର୍ ଲଗେ ଏ ଚିଠି ଲେକିରଇଲା । ଏ ଚିଠି ପାଉଲ୍ ରମ୍ ରାଇଜେ ବନ୍ଦି ରଇଲାବେଲେ ଲେକିରଇଲା ୧:୧୩ ।

ପିଲିପି ସଅରେ ରଇବା ମଣ୍ଡଳୀମାନଙ୍କେସେ ଏ ଚିଠି ଲେକାଅଇରଇଲା । ଆମେ ପେରିଡ୍ ବଇଟାମେ ମିସା କେତେଟା ବିସଇ ପିଲିପିୟ ବଇର ବିସଇ ଜାନିପାରିଅଇସି । ପିଲିପି ମାକିଦନିଆର୍ ରାଜ୍‌ଦାନି ରଇଲା । ଏଟା ମାକିଦନିଆଇ ତିଆର୍ ଅଇରଇବା ପର୍ତୁମ୍ ମଣ୍ଡଳୀ ରଇଲା । ଏ ମଣ୍ଡଳୀ ପାଉଲ୍ ଆରି ସିଲା ମିସିକରି ଆରାମ୍ କରିରଇଲାଇ । ଆରି ତେଇ ରଇଲାବେଲେ ଗଟେକ୍ ରାତିର୍‌ପାଇ ସେମାନଙ୍କେ ବନ୍ଦିକରି ସଙ୍ଗରଇଲାଇ ପେରିଡ୍ ୧୬ ।

ପାଉଲ୍ ଏ ଚିଠି ଲେଖିବାକେ କେତେଟା ଆଦେସ୍ ରଇସି ମିସା । ସେ ବନ୍ଦି ରଇବା ବିସଇ ସୁନି ମଣ୍ଡଳୀର ଲକ୍‌ମନ୍ ଚାନ୍ଦା ଉଟାଇକରି ପାଟାଇରଇଲାଇଜେ ସେମାନଙ୍କେ ଦନିଅବାଦ୍ ଦେବା ଉଦେସେ ଚିଠି ଲେଖିଲାଆଟେ ୪:୧୦-୧୯ । ସେ ମିସା ତାର ବନ୍ଦିରଇଲା ବେଲର୍ ଚିକିନିକି ବିସଇ ମଣ୍ଡଳୀତେଇ ତିମତିକେ ଆରି ଏପ୍‌ରାପଦିଡ୍‌କେ ଜାନାଇଦେଲାନି । ବିଶ୍ୱାସୀମନ୍ ଜେନ୍ତୁକି ସେମାନଙ୍କେ ମାନିକରି ଜୁଆର୍ ଜାନାଇବାଇ ଆରି ତାକର୍ ଦାଇତେ ନାମିକରିରଇବାଇ ୨:୧୯-୩୦ ।

### ଏ ବଇ ବିଡ୍‌ରେ ରଇଲାଟା

- ୧. ପିଲିପିୟ ମଣ୍ଡଳୀକେ ପାଉଲ୍ ଜୁଆର୍ ଜାନାଇବାଟା । ୧:୧-୨
- ୨. ପାଉଲ୍‌ର କସଟ୍ ପଡିରଇଲାଟା ଆରି ବାବ୍‌ବାଟା । ୧:୩-୨:୩୦
- ୩. ବିଶ୍ୱାସୀମନ୍ କିରିସ୍‌ଟଙ୍କେ ବିଶ୍ୱାସକରି ଜିଉନାକାଉନା କର୍ବାକେ ପାଉଲ୍ ତିଆରି ଆଟେ । ୩:୧-୪:୯
- ୪. ପାଉଲ୍ ଚାନ୍ଦାକରି ଦାନ୍ ଦେବାକେ ପିଲିପେ ରଇବା ମଣ୍ଡଳୀର ବିଶ୍ୱାସୀମାନଙ୍କେ ଜୁଆର୍ ଆରି ଦନିଅବାଦ୍ ଜାନାଇଆଟେ । ୪:୧୦-୨୩

### ପାଉଲ୍‌ର ପାର୍‌ତନା

୧\*ଏ ଚିଠି ପାଉଲ୍ ଆରି ତିମତି, କିରିସ୍‌ଟ ଜିସୁର୍ ଦୁଇଟା ଗତିଦାଙ୍ଗ୍‌ତାମନ୍ ଲେଖିଲୁନି ।

ଜିସୁକିରିସ୍‌ଟର୍ ଅଇକରି ପିଲିପି ନଅରେ ରଇବା ସବୁ ପର୍‌ମେସର୍‌ର ଲକ୍‌ମାନର୍‌ପାଇ ଏଟା ଲେକାଅଇଲା ଆଟେ । ତମର୍ ବିଡ୍‌ରେ ନେତା ଅଇକରି ତମକେ ସାଇଜ କର୍ବା ଲକ୍‌ମାନର୍‌ପାଇ ମିସା ।

୨ ଆମର୍ ବାବା ପର୍‌ମେସର୍ ଆରି ମାପୁରୁ ଜିସୁକିରିସ୍‌ଟ ତମକେ ଜିବନ୍ ଦୁକାଇକରି ସାନ୍ତି ଦେଅ ।

### ପାଉଲ୍‌ର ପାର୍‌ତନା

୩ ମୁଇ ତମକେ ଜେଡ୍‌କିତର୍ ଏତାଇଲିନି, ସେଡ୍‌କିତର୍ ମର୍ ପର୍‌ମେସର୍‌କେ ଦନିଅବାଦ୍ ଦେଇତେରଇବି ।

୪ ପାର୍‌ତନା କଲାବେଲେ ସବୁତର୍ ତମର୍‌ପାଇ ସାର୍‌ଦାସଙ୍ଗ୍ ପାର୍‌ତନା କଲିନି । ୫ କାଇକେବଇଲେ ସୁବ୍‌କବର୍ ଜାନାଇବା କାମେ ତମେ ମର୍ ସଙ୍ଗ୍ ମିସିକରି ରଇଲାସ । ବିଶ୍ୱାସ କର୍ବା ପର୍‌ତୁମ୍ ଦିନେଅନି ଆଜିକେ ଜାକ ତମେ ମକେ ଏଟା କଲାସନି । ଆରି ଏବେ ମିସା କରି ଆଇଲାସନି । ୬ ପର୍‌ମେସର୍ ଜେକି ତମର୍ ମନ୍ ବିଡ୍‌ରେ କାମ୍ କର୍ବାକେ ଆରାମ୍‌କରିଆଟେ, ଜିସୁକିରିସ୍‌ଟ ବାଉଡିଆଇବା ଜାକ, ସେଟା କରି ସାରାଇସି । ୭ ତମେ ସବୁବେଲେ ମର୍ ମନ୍ ବିଡ୍‌ରେ ଆଗାସ । ତେବର୍‌ପାଇ ତମର୍ ବିସଇନେଇ କରି ଏନ୍ତାରି ବାବ୍‌ବାଟା ଚିକ୍ ସେ । ମୁଇ ବନ୍ଦି ନ ଅଇକରି ରଇଲାବେଲେ କି ଏବେ ବନ୍ଦି ରଇକରି ସୁବ୍‌କବର୍ ବିରୁଦେ ଦଦାପେଲା ଉଟ୍‌ଲାବେଲେ, ଏଟା ସଡ୍ ଆକା ବଲି ତାଟ୍‌ସଙ୍ଗ୍ ଦେକାଇବାଟାମେ ମିସା, ତମେ ସବୁ ମିସବାକେ ପର୍‌ମେସର୍ ବେଲା ଚିକ୍ କରି ଦେଲାଆଟେ । ୮ ମୁଇ ତମକେ ସବୁ ଲକ୍‌କେ ଆରିତରେକ୍ ଦେକ୍‌ବି ବଲି ମନ୍ କଲିନି । ଏ ବିସଇତେଇ ନିଜେ ପର୍‌ମେସର୍ ସାକିଆଟେ । କାଇକେବଇଲେ ଜିସୁକିରିସ୍‌ଟ ଆଲାଦ୍ କଲାପାରା ମୁଇ ତମକେ ଆଲାଦ୍ କଲିନି ।

୯ ମୁଇ ତମର୍‌ପାଇ ଏନ୍ତାରି ପାର୍‌ତନା କଲିନି, ଜେନ୍ତାରିକି ତମେ ଆଲାଦ୍ କର୍ବାଟାମେ ଅଦିକ୍ ଅଦିକ୍ ବଡ୍‌ସା ।

ପର୍‌ମେସର୍ ଜେନ୍ତାରି ଆଟେ, ସେ ବିସଇ ତମେ ଅଦିକ୍ ଅଦିକ୍ ଜାନ୍‌ସା ବଲି ମୁଇ ପାର୍‌ତନା କଲିନି । ଆରି ଜେଡେବଲ୍ ମିସା କନ୍‌ଟା ସଡ୍ କନ୍‌ଟା ବୁଲ୍ ସେଟା ଜାନିପାର୍‌ସା । ୧୦ ସେନ୍ତାରିଆଲେ ଚିକ୍ ବିସଇ କନ୍‌ଟା ବଲି ବାଟିକରି କରିପାର୍‌ସା । ଆରି ଏବେଅନି କିରିସ୍‌ଟ ବାଉଡି ଆଇବାଜାକ ସବୁ ପାପେଅନି ମୁକ୍‌ଲିକରି କାଇ ଦସ୍ ନ ଅଇକରି ରଇପାର୍‌ସା । ୧୧ ଜେନ୍ତାରିକି ଗଟେକ୍ ପଲ୍ ଦେବା ଗର୍ ପଲ୍ ଦେଇସି, ସେନ୍ତାରିସେ ତମେ ମିସା ଜିସୁକିରିସ୍‌ଟର୍ ବପୁ ସଙ୍ଗ୍ ଦରମ୍ କାମର୍ ପଲ୍ ଦେଇସା । ଏଟା ପର୍‌ମେସର୍‌କେ ଡାକ୍‌ପୁଟା ଆରି ମଇମା କର୍‌ସି ।

\* ୧:୧ ୧:୧ ପେରିଡ୍ ୧୬:୧୨

**କିରିସ୍ଟ ଅଇଲାନ୍ତି ଆମର ଜିବନ୍**

<sup>୧୭</sup> ଏ ବାଇବଲ୍‌ନିମନ୍, ତମେ ଜାନ୍‌ବାର୍ ଆଚେ କି କିରିସ୍ଟର୍‌ପାଇ ମର୍ ଜିବନେ ଜେଡ୍‌କି ଗଟିଆଚେ, ତାର୍‌ଲାଗି ଅଦିକ୍ ଲକ୍ ସୁବ୍‌କବର୍ ବିସ୍‌ବାସ୍ କର୍‌ବାକେ ଗଟେକ୍ ବାଟ୍ ଆଇଲା । <sup>୧୮</sup> ✱ଜେଡ୍‌କି, ସମ୍‌ରାଟର୍ ମେଡେ ଜେଡ୍‌କି ସଇନ ଜାଗିଆଚଡ୍, ସେମନ୍ ସବୁ ମୁଇ କିରିସ୍ଟକେ ସେବା କଲାର୍ ପାଇ ବନ୍ଦିଗରେ ଆଟିବଲି ଜାନ୍‌ଲା । <sup>୧୯</sup> ମୁଇ ବନ୍ଦିଗରେ ରଇଲାର୍‌ପାଇ, ଇତି ରଇବା କେଡେକ୍ କେଡେକ୍ ବିସ୍‌ବାସି ବାଇବଲ୍‌ନିମନ୍‌କେ ମାପୁରୁ ବପୁ ଦେଲାଆଚେ । ପର୍‌ମେସର୍‌ର ବାକିଅ ନ ଡର୍‌ଡେ ଜାନାଇବାକେ ସେମନ୍‌କେ ଏବେ ସାଆସ୍ ଆଚେ ।

<sup>୧୮</sup> ଅଇଲେ ମିସା ସେମନ୍‌ର୍ ବିଡ୍‌ରେ ଅନି କେଡେଲକ୍ ମକେ ଆଁକାର୍ କଲାର୍‌ପାଇ କିରିସ୍ଟର୍ ବିସଇ ଜାନାଇବାକେ ମନ୍ କଲାଜନି । ସେମନ୍ ମର୍‌ଟାମେଅନି ବଡ୍ ବଲି ଦେକାଇଅଇବାକେ ଏଡ୍ଟି କଲାଜନି । ମାତର୍ ଆରି କେଡେକ୍ ଲକ୍ ଏଟା ସଡ୍ ବଲି ମନେବାବିକରି କଲାଜନି । <sup>୧୯</sup> ଏ ଲକ୍‌ମନ୍ ମକେ ଆଲାଦ୍ କଲାର୍ ପାଇ ସୁବ୍‌କବର୍ ଜାନାଇଲାଜନି । କିରିସ୍ଟର୍ ସୁବ୍‌କବର୍ ଦେକାରକା କର୍‌ବାକେ ପର୍‌ମେସର୍‌ସେ ମକେ ଏ ବନ୍ଦିଗରେ ସଙ୍ଗାଇଆଚେ ବଲି ଜାନିକରି ମିସା । <sup>୨୦</sup> ମାତର୍ ଜନ୍ ଲକ୍‌ମନ୍ ମକେ ଆଁକାର୍ କଲାଜନି, ମର୍‌ଟାମେଅନି ବଡ୍ ଅଇରୁ ବଲିକରି, କିରିସ୍ଟର୍ ସୁବ୍‌କବର୍ ଜାନାଇଲାଜନି । ତାକର୍ ମନେ ଏଟା ସଡ୍‌ବଲି ବାବିକରି କରଡ୍‌ନାଇ । ମୁଇ ବନ୍ଦି ଗରେ ରଇକରି ଜେଡ୍‌କି କସ୍‌ଟ୍ ମୁରଡ୍‌ଲିନି, ତାର୍‌ଡେଇଅନି ଅଦିକ୍ କସ୍‌ଟ୍ ମିସାଇବାକେ କୁଟ୍ ପାଁର୍‌ଲାଜନି ।

<sup>୧୯</sup> ମାତର୍ ଏଟା ମର୍‌ପାଇ କାଇଟା ନାଇ । ସେମନ୍ ସଡ୍‌ଇସେ କଲେ କି ବୁଲ୍ କାମର୍ ପାଇ କଲେ ମିସା, କିରିସ୍ଟର୍ ବିସଇର୍ କବର୍ ଜାନାଇ ଅଇଲେ, ସେଟା ମୁକିଅ ବିସଇ । ଆରି ସେଟାପାଇ ମୁଇ ସାର୍‌ଦା ସଙ୍ଗ୍ ରଇବି । <sup>୨୦</sup> ଆରି ମୁଇ ସାର୍‌ଦା ଅଇଡେରଇବି । କାଇକେବଇଲେ ତମେ ମର୍‌ପାଇ ପାର୍‌ଡନା କଲାସ୍‌ନି ବଲି ମୁଇ ଜାନି । ଆରି ଜିସୁକିରିସ୍ଟର୍ ସୁକଲ୍ ଆଡ୍‌ମାର୍ ସାଇଜର୍‌ଲାଗି ପର୍‌ମେସର୍ ମକେ ମୁକ୍‌ଲାଇସି । <sup>୨୧</sup> ମୁଇ ଦିଆନ୍ ଦେଇ ଆରି ଆସା କରି ଜାଗ୍‌ଲିନି । ମୁଇ ଜିବନ୍ ରଇଲେ କି ମର୍‌ବାକେ ଅଇଲେ ମିସା ମର୍ କାମ୍‌ଟାମେ ଏଲା ନ କରି । ମାତର୍ ଅଦିକାର୍ ସଙ୍ଗ୍ ରଇବା ଲକ୍‌ମନ୍ ମୁଆଟେ କାତା ଅଇବାକେ ମକେ ଅଦିକ୍ ସାଆସ୍ ଆଇସି । ଏନ୍ତାରିକରି ମୁଇ ଜେଡ୍‌କି କାମ୍ କଲିନି, କିରିସ୍ଟକେ ଡାକ୍‌ପୁଟା କରାଇବି । <sup>୨୨</sup> କାଇକେବଇଲେ ମର୍‌ପାଇ ଜିଇବା କାଇବାଟା ସବୁ କିରିସ୍ଟସେ । ଆରି ମର୍ ଇସାବେ, କିରିସ୍ଟର୍‌ଟାମେ ରଇକରି ମର୍‌ବାଟା ବେସି ନିକ । <sup>୨୩</sup> ମୁଇ ଜିଇରଇଲେ, କିରିସ୍ଟର୍‌ପାଇ ନିକ ସଙ୍ଗ୍ କାମ୍ କରୁଅଇସି । ମାତର୍ ମଲେ ନିକ କି ଜିଇରଇଲେ ନିକ ବଲି ଜାନି ନାପାର୍‌ଲିନି । <sup>୨୪</sup> ଏ ଦୁଇଟା ବିଡ୍‌ରେ କାଇଟା କର୍‌ବି ବଲି ଜିକାଟାମା ଅଇଲିନି । ଏ ଜିବନ୍ ଚାଡି ସର୍‌ଗେ କିରିସ୍ଟର୍ ସଙ୍ଗ୍ ରଇବାକେ ମୁଇ ମନ୍ କଲିନି । କାଇକେବଇଲେ ସେଟା ଅଦିକ୍ ନିକ । <sup>୨୫</sup> ମାତର୍ ତମର୍‌ପାଇ ମୁଇ ଜିଇକରି ରଇବାଟା ବେସି ମୁକିଅ ବିସଇ । <sup>୨୬</sup> ଏ ବିସଇ ମୁଇ ଡାଁର୍ ସଙ୍ଗ୍ ଜାନ୍‌ଲିନି । ତେବର୍‌ପାଇ ମୁଇ ଜିଇକରି ରଇବି ଜେନ୍ତାରିକି, ତମେ ବିସ୍‌ବାସେ ଡାଁର୍ ଅଇସା ଆରି ବିସ୍‌ବାସ୍ କଲାର୍‌ପାଇ ସାର୍‌ଦା ଅଇସା । <sup>୨୭</sup> ସେନ୍ତାରିଆଲେ, ମୁଇ ତମର୍ ସଙ୍ଗ୍ ଆରିତରେକ୍ ମିସ୍‌ବାବେଲେ, ଜିସୁକିରିସ୍ଟର୍ ସଙ୍ଗ୍ ମିସ୍‌ଲାର୍‌ପାଇ ତମେ ମର୍ ବିସଇନେଇ ବଡ୍‌ପନ୍ ଅଇସା ।

<sup>୨୮</sup> ସବୁର୍‌ଟାମେଅନି ମୁକିଅ ବିସଇ ଅଇଲାନ୍ତି ଏଟା । କିରିସ୍ଟର୍ ସୁବ୍ କବର୍ ବିସ୍‌ବାସ୍ କର୍‌ବା ଲକ୍‌ମନ୍ କେନ୍ତାରି ଚଲାଟଲ୍‌ଡି କର୍‌ବାର୍‌ଆଚେ, ତମେ ସେନ୍ତାରି କରା । ମୁଇ ତମ୍‌କେ ଦେକ୍‌ବାର୍ ଆଇଲେମିସା, କି ତମର୍‌ଟାମେଅନି ଦୁରିକେ ରଇ ଅବ୍‌କା ସୁନିପାର୍‌ଲେ ମିସା ଏନ୍ତାରି ଜିଇଡେରୁଆ । ଏଟାରିଲାଗି ତମେ ସବୁ ଗଟେକ୍ ମନ୍ ଅଇ ମିସିଆଟାସ୍ ବଲି ମୁଇ ଜାନିପାର୍‌ବି । ଜନ୍ ଲକ୍‌ମନ୍ ସୁବ୍ କବର୍‌ର ବିରୁଦେ ଦଦାପେଲା କଲାଜନି, ତାକର୍ ମୁଆଟେ କିରିସ୍ଟର୍ ସୁବ୍‌କବର୍ ଦେକାରକା କର୍‌ବାକେ ତମେ ସବୁ ଗଟେକ୍ ଅଇ ଟିଆଅଇଲାସ୍‌ନି ବଲି ମୁଇ ଜାନ୍‌ବି । <sup>୨୯</sup> ଜନ୍ ଲକ୍‌ମନ୍ ତମର୍ ବିରଦେ ଆଇଲାଜନି, ସେମନ୍‌କେ ଡରା ନାଇ । ତମେ ସାଆସ୍ ଦାରିରଇଲେ, ପର୍‌ମେସର୍ ସେମନ୍‌କେ କୁରୁପ୍‌ନାସ୍ କରି ତମ୍‌କେ ରକିଆ କର୍‌ସି ବଲି ଜାନ୍‌ବାଇ । ଏ ସବୁ ବିସଇ ପର୍‌ମେସର୍‌ସେ କର୍‌ସି । <sup>୩୦</sup> କାଇକେବଇଲେ ପର୍‌ମେସର୍ ତମ୍‌କେ କିରିସ୍ଟକେ ଅବ୍‌କା ବିସ୍‌ବାସ୍ କର୍‌ବା ଦାନ୍ ଦେଏନାଇ, ମାତର୍ ତାର୍‌ପାଇ ଦୁକ୍ କସ୍‌ଟ୍ ପାଇକରି ରଇବା ଦାନ୍ ମିସା ଦେଲାଆଚେ । <sup>୩୧</sup> ✱ତମର୍ ବିରୁଦେ ଆଇବା ଲକ୍‌ମନ୍ ସଙ୍ଗ୍ ଜନ୍ ଜୁଇଦେ ତମେ ରଇଲାସ୍, ସେନ୍ତାରିସେ ଗଟେକ୍ ଜୁଇଦେ ମୁଇ ମିସା ପିଲିପ୍‌ଡେଇ ରଇଲାବେଲେ ଅଇଲାଟା ତମେ ଦେକିଆଟାସ୍ । ଆରି ଏବେ ମିସା ସେ ଜୁଇଦେ ମୁଇ ଆଟି ବଲି ତମେ ସୁନି ଆଇଲାସ୍‌ନି ।

**୨**

**କିରିସ୍ଟର୍ ଦରମ୍ ଆରି ଡାକ୍‌ପୁଟା**

<sup>୧</sup> ଜଦି କିରିସ୍ଟର୍ ସଙ୍ଗ୍ ମିସ୍‌ଲାର୍ ପାଇ ତମର୍ ମନ୍ ସାର୍‌ଦା ଅଇଲାଆଚେ, ଆରି ତାର୍ ଆଲାଦର୍ ଲାଗି ସାଡ୍ଟି ପାଇଆଟାସ୍, ଜଦି ସୁକଲ୍‌ଆଡ୍‌ମାର୍ ସଙ୍ଗ୍ ମିସିବିଡିକରି ଆଟାସ୍, ଆରି ଜଦି କିରିସ୍ଟ ତମ୍‌କେ ଜିବନ୍ ଦୁକାଇ ଦୟା ଦେକାଇଆଚେ, <sup>୨</sup> ସେନ୍ତାରିଆଲେ, ମୁଇ ତମ୍‌କେ ଜୁଆର୍ କରି କଇଲିନି, ତମର୍ ତମର୍ ବିଡ୍‌ରେ ଗଟେକ୍ ମନ୍ ଉଆ । ଗଟେକ୍ ଲକ୍ ଆରି ଗଟେକ୍ ଲକ୍‌କେ ସମାନ୍ ଇସାବେ ଆଲାଦ୍ କରା । ଗଟେକ୍ ଚିନ୍ତା କରା ଆରି ତମର୍ ଆଡ୍‌ମାଇ

✱ ୧:୧୩ ୧:୧୩ ପେରିଡ୍ ୨୮:୩୦ ✱ ୧:୩୦ ୧:୩୦ ପେରିଡ୍ ୧୨:୧୯-୪୦

ଗଟେକ୍ ଅଇକରି ତମର୍ ବାବ୍ବାଟା ଗଟେକ୍ ଅ । ଏନ୍ତାରି କରି ମକେ ପୁରାପୁରୁନ୍ ସାରଦା କରାଆ । ୩ ବିନ୍ ଲକ୍ମନର୍ ଟାନେଅନି ନିଜେ ବଡ଼ ଅଇବାକେ ଚେସ୍ଟା କରାନାଇ । ଅବ୍ବା ବଡ଼ପନ୍ କାତା କଇବାକେ କାଇ ବିସଇ ମିସା କରାନାଇ । ତାର୍ ବାଦୁଲେ ନିଜ୍ଜକେ ସାନ୍ କରା । ବିନ୍ ଲକ୍ମର୍ ଟାନେଅନି, ନିଜେ ମୁଇ ବଡ଼ ବଲି ବାବାନାଇ । ୪ ମର୍ ନିଜ୍ଜପାଇ କାଇଟାକଲେ ଅଦିକ୍ ନିକ ରଇସି ବଲି ଅବ୍ବା ସେଟାସେ ବାବି ବାବି ରୁଆନାଇ । ବିନ୍ ଲକ୍ମପାଇ ଜନ୍ ବିସଇ ନିକ ରଇସି, ସେଟାମିସା ଏତାଇରୁଆ । ୫ କିରିସ୍ଟ ଜିସୁର୍ ମନ୍ ଜେନ୍ତି ରଇଲା, ତମର୍ ମନ୍ମିସା ସେ ରକାମ୍ ଅ ।

୬ ସେ ପର୍ମେସରର୍ ପାରା ସବୁ ରକାମ୍ ରଇଲେ ମିସା, ତାର୍ ସଙ୍ଗ୍ ସମାନ୍ଅଇ ରଇବା ଅଦିକାର୍ ନିଜ୍ଜପାଇ ଦାରିକରି ରଇବି ବଲି ମନ୍ କରେ ନାଇ ।

୭ ତାର୍ ବାଦୁଲେ ସେ ନିଜେ ମନ୍କରି, ତାକେ ରଇଲା ସବୁଟା ଚାଡ଼ିଦେଇ ଗଟେକ୍ ଗତିଦାଙ୍ଗ୍ଡାର୍ ରୁପ୍ ଦାରିଆଇଲା । ନର୍ ଲକ୍ ପାରା ଅଇକରି ନର୍ ଲକ୍ମର୍ ବାନିମୁରତି ଦାରି ଜାଡ଼ଅଇଲା ।

୮ ନର୍ଲକ୍ ପାରା ଅଇ ଆଇଲାପଚେ, ସେ ପର୍ମେସରର୍ ଆଦେସ୍ ମାନିକରି, ନିଜ୍ଜକେ ଆରି ଅଦିକ୍ ସାନ୍କଲା । ଲକ୍ମନ୍ ମରାଅଡ଼ବଲି ସର୍ପାଇଅଇଲା । ଅବ୍ବା ମର୍ବାକେ ନାଇ, ମାତର୍ କୁରୁସ୍ କାଟେ କୁଟିମାରାଇଅଇ ଚଗାଇଅଇବାକେ ମିସା ।

୯ ତେବର୍ପାଇ ପର୍ମେସର୍ ତାକେ ସବୁଚେଇଅନି ଉପ୍ରେ ଉଟାଇଲା । ଆରି ସବୁର୍ ନାଉଁଟାନେଅନି ଅଦିକ୍ ତାକ୍ପୁଟା ଆରି ଅଦିକାର୍ ରଇବା ନାଉଁ ତାକେ ଦେଲା ।

୧୦ ଜେନ୍ତିକି ସରଗ୍ପୁରେ, ମର୍ପୁରେ ଆରି ପାତାଲେ ରଇବା ସବୁ, ଜିସୁକେ ମାଣ୍ଡିକୁଟା ଦେଇ ଜୁଆର୍ କର୍ବାଇ । ସେଟାର୍ପାଇ ପର୍ମେସର୍ ଏ ସବୁ କଲାଆଟେ ।

୧୧ ଆରି ସବୁ ଲକ୍ ଜିସୁକିରିସ୍ଟସେ ମାପୁରୁ ବଲି ମାନିଅଇବାଇ । ଏନ୍ତାରି ଅଇଲେ ବାବା ପର୍ମେସର୍ ତାକ୍ପୁଟା ପାଇସି ।

**ପୁରୁଡ଼ିବିତେଇ ଉଜଲ୍ଅଇ ରୁଆ**

୧୨ ତେବର୍ ପାଇ, ଏ ମର୍ ଆଲାଦର୍ ମଇତର୍ମନ୍, ତମେ ଜେନ୍ତାରିକି, ମାପୁରୁ ଆଦେସ୍ ମାନିକରି ରଇଆଟାସ୍, ଜାଗିରଇ ଡରିକରି ତମର୍ ମୁକ୍ତିର୍ କାମ୍ ପୁରାପୁରୁନ୍ କରା । ମୁଇ ରଇଲାବେଲେସେ ନାଇ, ମାତର୍ ମୁଇ ଦୁରିକେ ରଇଲେ ମିସା ଏଟା କରା । ୧୩ ପର୍ମେସର୍ ନିଜେ ତମର୍ ବିଡ଼ରେ ଏ କାମ୍ କଲାପାଇ ତମେ ଏଟା କିରିପାରସା । ତମ୍ମକେ ଜାଇଟା କରଡ଼ ବଲି ସେ ମନ୍ କଲାମି, ସେ ସମାନ୍ ମନ୍ କର୍ବାଟା, ତମ୍ମକେ ମିସା ଦେଇସି । ଆରି ସେଟା କର୍ବାକେ ବପୁ ମିସା ଦେଇସି ।

୧୪ ମୁରମୁରା ଆରି କିରଜାଟି ନ ଅଇକରି ସବୁ ଲକ୍ମଜାକ କାମ୍ କରା । ୧୫ ଏନ୍ତାରିକଲେ, ତମେ କାରାପ୍ କାମ୍ କଲାସ୍ନି ବଲି ବିନ୍ଲକ୍ କାଇ ଦସ୍ ନ ଦାରଡ଼ ଆରି ତମେ ସୁକଲ୍ ଅଇସା । ପାପ୍କରି କାରାପ୍ କାମ୍ କର୍ବା ଲକ୍ମନର୍ ମଜାଇ ପର୍ମେସରର୍ ସିଦ୍ ପିଲାଟକି ଇସାବେ ତମେ ରଇସା । ତାକର୍ ବିଡ଼ରେ ଆନ୍ଦାର୍ ଜଗତେ ଉଜଲ୍ ଜଟକଲା ପାରା ତମର୍ ଚଲାଚଲ୍ତି ଡିସ୍ସି । ୧୬ ନ ସାର୍ବା ଜିବନର୍ କବର୍ ସବୁ ଲକ୍ମକେ ଜାନାଆ । ଏନ୍ତାରିକଲେ, କିରିସ୍ଟ ବାଅଡ଼ବା ଦିନେ ମୁଇ ତମର୍ ବିସଇର୍ ଲାଗି ବଡ଼ପନ୍ ଅଇବି । ତମର୍ ବିଡ଼ରେ ଆବଡ଼ ଅଇକରି କିରିରଇବା କାମ୍ ରୁଟାଇ ଅଏ ନାଇ ବଲି ସେ ଦିନେ ଡିସ୍ସି ।

୧୭ ସୁବକବର୍ ବିସ୍ବାସ୍ କଲାପାଇ, ତମେ ଜେନ୍ତାରି ଦୁକ୍ କସ୍ଟ ପାଇକରି ମୁରଲ୍ଲାସ୍ନି, ସେନ୍ତାରିସେ ମୁଇ ମିସା ସୁବକବର୍ ଜାନାଇଲାପ୍ ପାଇ ଦୁକ୍ କସ୍ଟ ପାଇକରି ମିରିମିସା ଜିବି । ସେନ୍ତାରିଅଇଲେ ମିସା ମୁଇ ନିଜେ ସାର୍ଦା ଅଇ ତମର୍ସଙ୍ଗ୍ ସାର୍ଦା କର୍ବି । ୧୮ ସେନ୍ତାରିସେ ତମେମିସା ସାର୍ଦା ଅଇକରି ମର୍ସଙ୍ଗ୍ ସାର୍ଦା କର୍ବାର୍ ଆଟେ ।

**ତିମତି ଆରି ଏପାପର୍ଦିଡ଼**

୧୯ ଜଦି ମାପୁରୁ ମନ୍କଲେ, ତିମତିକେ ତମର୍ଟାନେ ଦାପ୍ରେ ପାଟାଇବାକେ ମନ୍ କଲିନି । ତାର୍ଟାନେଅନି ତମେ ନିକ ଆଟାସ୍ ବଲି ସୁନ୍ଲେ, ମୁଇ ମିସା ସାର୍ଦା ଅଇବି । ୨୦ ତିମତିକେ ଚାଡ଼ିଦେଲେ ଆରି ତମର୍ ବିସଇ କେ ମିସା, ଅଦିକ୍ ଚିନ୍ତା କର୍ବା ଲକ୍ ମର୍ ଲଗେ ନାଇ । ସେ ତମର୍ ଦୁକ୍ ସୁକ୍ ବିସଇନେଇ ସତଇସେ ଚିନ୍ତା କର୍ସି । ୨୧ ମୁଇ କାଇକେ ଏନ୍ତାରି କଇଲିନି ବଇଲେ, ସବୁ ଲକ୍ ନିଜ୍ଜର୍ ନିଜ୍ଜର୍ ମନ୍ କଲାଟା ପୁରାପୁରୁନ୍ କର୍ବାକେ ମନ୍ କର୍ବାଇ । ଜିସୁକିରିସ୍ଟ ମନ୍ କଲାଟା ପୁରାପୁରୁନ୍ କର୍ବାକେ ମନ୍ କରଡ଼ ନାଇ । ୨୨ ତମେତା ଜାନିଆଟାସ୍, ତିମତି ନିଜ୍ଜକେ ସଡ଼ବାବେ କାମ୍ କର୍ବା ଲକ୍ ପାରା ଦେକାଇଅଇଆଟେ । ସେ ଜେନ୍ତିକି ଗଟେକ୍ ପଅ, ତାର୍ ବାବା ସଙ୍ଗ୍ ସେବା କର୍ସି, ସେନ୍ତାରିସେ ସେ ମର୍ସଙ୍ଗ୍ ସୁବକବର୍ ଜାନାଇବା କାମେ ମିସିଆଟେ । ୨୩ ତେବର୍ ପାଇ, ମକେ କାଇଟା ଗଟ୍ସି, ସେଟା ଜାନ୍ଲା ଦାପ୍ରେ, ତାକେ ତମର୍ ଲଗେ ପିଲିପିତେଇ ପାଟାଇବି ବଲିକରି ଆସା କଲିନି । ୨୪ ମୁଇ ମାପୁରୁ ଲଗେ ବିସ୍ବାସ୍ କଲିନିଜେ, ମୁଇ ନିଜେ ମିସା ଦାପ୍ରେ ତମକେ ଦେକ୍ବାକେ ଆଇବି ।

୨୫ ମାତର୍ ଆମର୍ ବାଇ ଏପାପର୍ଦିଡ଼କେ ତମର୍ଟାନେ ପାଟାଇବି ବଲି ମୁ ମନେ ମନେ ବାବ୍ଲିନି । ସେ ମର୍ ସଙ୍ଗ୍ କାମ୍ କିରି ସୁବକବର୍ ଦେକାରକା ପାଇ ଆବଡ଼ କଲା । ତମର୍ ବାଦୁଲେ ମର୍ ସବୁ ବିସଇ ପୁରାପୁରୁନ୍ କର୍ବାକେ ତାକେ ତମେ ପାଟାଇରଇଲାସ୍ । ୨୬ କାଇକେ ବଇଲେ ସେ ତମ୍ମକେ ଦେକ୍ବାକେ ବେସି ମନ୍ କଲାମି । ଆରି ତାକେ

ବେମାର ଦାରାଇ ଅଇଆଚେ ବଲିକରି ତମେ ସୁନିକରି ଦାନ୍ଦାପାନ୍ଦା ଅଇରଇଲାସ୍ ବଲି ସେ ଜାନିରଇଲା । ୨୭ ଓଁ, ସେ ମରବା ଉପରେ ରଇଲା । ଆରି ପର୍ମେସର୍ ତାକେ ଦୟାକଲା । ଅବ୍ବା ତାକେସେ ନାଇ, ମାତର୍ ଜେନ୍ତ୍ରିକି ମର୍ପାଇ ଦୁକ୍ତପରେ ଦୁକ୍ ନ ଆସ ବଲି ମକେ ମିସା ଦୟାକଲା । ୨୮ ତେବର୍ପାଇ ମୁଇ ତାକେ ଆରିତରେକ୍ ବେସି ସାର୍ଦା ସଙ୍ଗ୍ ପାଟାଇଲିନି । ଜେନ୍ତ୍ରିକି ତମେ ତାକେ ଆରିତରେକ୍ ଦେକି ସାର୍ଦା ଅଇସା ଆରି ମୁଇ ମିସା ଦୁକ୍ ନ କରି । ୨୯ ତେବର୍ପାଇ ତାକେ ଗଟେକ୍ ବିସ୍ବାସି ବାଇ ଇସାବେ ସାର୍ଦା ସଙ୍ଗ୍ ତାକିନିଆ । ତାର୍ପାରା ଲକ୍ମନକେ ସନ୍ମାନ ଦିଆସ୍ । ୩୦ କାଇକେବଇଲେ କିରିସଟର୍ ଲାଗି ବଲିକରି ସେ ତାର୍ ଜିବନ୍ ବିପଦେ ପାକାଇଲା । ଆରି ତମେ ମର୍ଲାଗି ବଲିକରି ସେବାକାମେ ଜାଗଟାସବୁ ଉନା ଅଇଲାଆଚେ, ସେଟା ସବୁଜାକ ସେ ପୁରାପୁରୁନ୍ କଲା ।

### ୩

#### ସତ୍ବାବରେ ଦରମ୍ବକରୁ

୧ ସାରାସାରି ପଚେ ଏ ମର୍ ବାଇବଇନିମନ୍, ମୁଇ ତମ୍ବକେ ଆଗ୍ତୁ କଇଲାଟା ଆରିତରେକ୍ କଇବାକେ ମକେ ବିଜାର୍ ଲାଗେନାଇ । କାଇକେବଇଲେ ସେନ୍ତାରି କଲେ ବୁଲ୍ ବିସଇ ସିକାଉମନର୍ଟାନେଅନି ତମେ ଜାଗର୍ତ୍ ଅଇରଇସା । ୨ କୁକୁର୍ମନର୍ ପାରା ରଇବା ସେନ୍ତାରି ଲକ୍ମନର୍ ଟାନେଅନି ଜାଗର୍ତା ରୁଆ । କାଇକେବଇଲେ ସେମନ୍ କାରାପ୍ ବିସଇ କଲାଲିନି । ବିସ୍ବାସି ଅଇବା ମନସ୍ ପିଲାମନ୍ ସବୁ ସୁନତ୍ ଅଇବାର୍ ଆଚେ ବଲି କଇଲାଲିନି । ୩ କାଇକେ ବଇଲେ ଆମେସେ ସତଇସେ ପର୍ମେସରର୍ ଲକ୍ । ଆମେସେ ସୁକଲ୍ ଆତ୍ମାର୍ ସାଇଜ ସଙ୍ଗ୍ ପର୍ମେସରକେ ଜୁଆର୍ କଲୁନି । ଆମେ ଜିସୁ କିରିସଟକେ ତାକ୍ପୁଟା କଲୁନି । ଆମର୍ ନିଜର୍ ରିତିନିତି ସେ ମୁକିଅ ବଲି ଚଲୁନାଇ । ୪ ମୁଇତା ଆମର୍ ରିତିନିତି ଇସାବେ ଚାଲ୍ବାକେ ଅଦିକ୍ ମନ୍ କର୍ତ୍ତି । ଜଦି କେଆଲେ ବିନ୍ ଲକ୍ ରିତିନିତିକେ ଆସା କର୍ବାଇ, ସେନ୍ତାଆଲେ ସେମନର୍ତେଇଅନି ମୁଇ ଅଦିକ୍ କର୍ତ୍ତି । ୫ \*ପର୍ମେସର୍ ଆମର୍ ଆନିଦାଦିମନ୍କେ ତିଆରଲାପାରା ଗଟେକ୍ ଆର୍ ଅଇଲାକେ ମକେ ସୁନତ୍ କରିରଇଲାଇ । ମୁଇ ଗଟେକ୍ ଇସ୍ବାଏଲର୍ ଲକ୍ । ଦେକ୍ବାକେ ଗାଲେ ମୁଇ ବେନ୍ଜାମିନ୍ କୁଟୁମର୍ ଲକ୍ । ମୁଇ ଗଟେକ୍ ଏବ୍ରିଅ ଆରି ଆମର୍ ଆନିଦାଦିମନ୍ ମିସା ଏବ୍ରିଅ ରଇଲାଇ । ମସାର୍ ରିତିନିତି ମାନବାକେ ଗଟେକ୍ ପାରୁସି ପାରା ରଇଲି । ୬ \*ପର୍ମେସର୍ ମନକଲାଟା ପୁରାପୁରୁନ୍ କର୍ବାକେ ମୁଇ ବେସି ମନ୍ କଲି ଆରି ସେନ୍ତାରି କରୁ କରୁ ଜିସୁର୍ ସିସ୍ମାମକେ କସ୍ଟ ଦେଲି । ଆମର୍ ଜିଉଦି ନିୟମ୍ ସବୁ ପୁରାପୁରୁନ୍ ମାନଲାର୍ ପାଇ ଜଦି ଗଟେକ୍ ଲକ୍ ଦରମ୍ ଅଇପାର୍ତା ବଇଲେ, ମୁଇ ସେନ୍ତାରି ଅଇତି । କାଇକେବଇଲେ ମୁଇ ସେ ସବୁ ନିୟମ୍ ମାନତେରଇଲି । ୭ ମାତର୍ ଆଗେ ମୁଇ ଜେଡ୍ କି ସବୁ ବିସଇ ବେସି ମୁଲିଅ ଆଚେବଲି ବାଡ୍ତେରଇଲି, ଏବେ କିରିସଟର୍ ସଙ୍ଗ୍ ମିସ୍ଲାର୍ ପାଇ ସେଟାମନ୍ ସବୁ ରୁଟାଇସେ ବଲି ଜାନଲିନି । ୮ ସେଡ୍କିସେ ନଏଁ ଆଗ୍ତୁ ଜେଡ୍ କି ସବୁ ବିସଇ ପର୍ମେସରକେ ସାର୍ଦା କରାଇବାକେ କର୍ତେରଇଲି, ଜିସୁ କିରିସଟକେ ମର୍ ମାପ୍ଟୁ ବଲି ମାନଲାତେଇଅନି, ସେଟା ରୁଟାଇସେ ବଲି ଜାନଲିନି । ତାର୍ପାଇ ମୁଇ ସବୁ ବିସଇ ଚାଡିଦେଲିଆଟି । କିରିସଟର୍ ସିସ୍ ଅଇବି ବଲିକରି ସେଟାମନ୍ ରୁଟାଇସେ ବଲି ଏଡ୍କଲିନି । ୯ ଜେନ୍ତାରି କି ମୁଇ ତାର୍ ସଙ୍ଗ୍ ପୁରାପୁରୁନ୍ ମିସିରଇବି । ରିତିନିତି ମାନକରି ପର୍ମେସରର୍ ମୁଆଟେ ଦରମ୍ ଲକ୍ ଅଇବି ବଲି ଚେସଟା କର୍ତେରଇଲି, ଏବେ ସେଟା ସବୁ ଚାଡିଦେଲି । ତାର୍ ବାଦୁଲେ କିରିସଟକେ ବିସ୍ବାସ୍ କଲାପାଇ ପର୍ମେସର୍ ମକେ ଦରମ୍ ଲକ୍ ଇସାବେ ଦେକ୍ଲାନି । ୧୦ ମୁଇ କିରିସଟକେ ଜାନବି ବଲି ମନ୍ କଲିନି । ଆରି ପର୍ମେସର୍ ତାକେ ଜନ୍ ବପୁସଙ୍ଗ୍ ମଲାତେଇଅନି ଉଟାଇଲା, ସେ ବପୁ ମୁଇ ମର୍ ଜିବନେ ମିଲାଇବି ବଲି ଆସା କଲିନି । ସେ ଜେନ୍ତାରି ମର୍ପାଇ ଦୁକ୍ କସ୍ଟ ପାଇଲା, ସେନ୍ତାରିସେ ମୁଇମିସା ତାର୍ପାଇ ଦୁକ୍ କସ୍ଟ ପାଇବି ଆରି ତାର୍ ମରନେ ମିସ୍ବି । ୧୧ ସେନ୍ତାରି ପର୍ମେସର୍ ଜେଡ୍ କି ଲକ୍କେ ମଲାତେଇଅନି ଜିବନ୍ କରି ଉଟାଇସି, ସେମନର୍ ବିଡ୍ରେଅନି ମୁଇ ଗଟେକ୍ ଲକ୍ ଅଇବି ।

#### ପୁରୁସକାର୍ ପାଇବାକେ ପାଲାଲିନି

୧୨ ଏ ସବୁ ବିସଇ ମୁଇ କିରିସାରାଇ ଆଟି ବଲି କଇନାଇ । ପର୍ମେସର୍ ମକେ ସିଦ୍ କରି ସାରାଇଆଚେ ବଲି ମିସା ମୁଇ କଇନାଇ । ମାତର୍, କିରିସଟର୍ ପାରା ଅଇବାକେ ମୁଇ ବେସି ଚେସଟା କଲିନି । ସେଟାପାଇ କିରିସଟ ମକେ ବାଟ୍ଲା ଆଚେ । ୧୩ ନାଇ, ମର୍ ବାଇବଇନିମନ୍, ଏ ସବୁଜାକ କିରିସାରାଇଆଟି ବଲି ମୁଇ କଇନାଇ । ମାତର୍ ଅଦିକ୍ ଗଟେକ୍ ମୁକିଅ ରଇବା ବିସଇ ମୁଇ କଲିନି, । ଜେଡ୍ କି ସବୁ ବିସଇ ଅଇସାର୍ଲା ଆଚେ, ସେଟା ସବୁ ପାସ୍ବି ଚାଡିଦେଇକରି କିରିସଟ ଜନ୍ ରକାମ୍ ମକେ ଅଇବାର୍ଆଚେ ବଲି ମନ୍ କଲାମି, ସେନ୍ତାରି ଅଇବାକେ ମୁଇ ଚେସଟା କଲିନି । ୧୪ ମର୍ ସାରାସାରି ଜାଗାଇ କେଟ୍ବା ଜାକ ଆଗ୍ତୁ ଆଗ୍ତୁ ଗାଲିନି । ଜେନ୍ତ୍ରିକି ମୁଇ ସର୍ଗେ ପୁରୁସକାର୍ ପାଇବି । ଜିସୁକିରିସଟ ମର୍ପାଇ ଜେଡ୍ କି ବିସଇ କଲାଆଚେ, ସେଟାପାଇ ସେ ପୁରୁସକାର୍ ମୁଇ ସର୍ଗେ ପାଇବି ।

୧୫ ସେନ୍ତାଆଲେ ଆସା, ଆମେ ଜେଡ୍ କି ଲକ୍ ସୁକଲ୍ ଅଇଆରୁ, ଏ ରକାମ୍ ବିସଇ ସମାନ୍ ଇସାବେ ଚିନ୍ତା କର୍ତେରଉଁ । ଆରି ଜଦି ଏ ସବୁ ବିସଇପାଇ ତମେ ମର୍ ସଙ୍ଗ୍ ରାଜି ଉଆସ୍ନାଇ, ଟିକ୍ ସଙ୍ଗ୍ ଚିନ୍ତା କର୍ବାକେ ପର୍ମେସର୍ ତମ୍ବକେ

☆ ୩:୫ ୩:୫ ରମିୟ ୧୧:୧; ପେରିଡ୍ ୨୩:୬;୨୭:୫ ☆ ୩:୬ ୩:୬ ପେରିଡ୍ ୮:୩;୨୨:୪;୨୭:୯-୧୧

ସାଇଜ କରୁଛି । ୧୭ କେନ୍ଦ୍ରୀ ମିସା ପର୍ଯ୍ୟେସର୍ ଜେଡ଼କି ବିସଇ ସବୁ ଆମ୍ଭେ ଦେକାଇ ସାରାଇଆତେ, ସେ ସବୁଜାକ ଆମେ ମାନବାର ଆତେ ।

୧୭ \*ଏ ମର୍ ବାଇବଇନିମନ୍, ମୁଇ ଜେନ୍ତାରି କଲିନି, ତମେ ମିସା ସେନ୍ତାରିସେ କରା । ଆମେ ତମର୍ ସଙ୍ଗ୍ ରଇଲାବେଲେ ଜେନ୍ତ୍ର ଚଲାଚଲ୍ତି କର୍ତେରଇଲୁ, ସେଟା ଜାଗରତ୍ ସଙ୍ଗ୍ ଦେକା ଆରି ସେନ୍ତାରି ଚଲାଚଲ୍ତି କରା । ୧୮ କାଇକେ ବଇଲେ ମୁଇ ତମ୍ଭେ ଆଗତୁ କେତେତର୍ କଇ ସାରାଇଆତି, ଆରି ଏବେ ବେସି ଦୁକର୍ ସଙ୍ଗ୍ କାନ୍ଦିକରି କଇଲିନି, ବେସି ଲକ୍ କିରିସ୍ତର୍ ବିରଦି ଇସାବେ ଚଲାଚଲ୍ତି କରବାଇ । ୧୯ ସାରାସାରି ପର୍ଯ୍ୟେସର୍ ସେମନ୍‌କେ ବିନାସ୍ କରୁଛି । ସେମନ୍ ଅବ୍‌କା ଗାଗଡ଼ ମନ୍ କରବାଟା ପୁରାପୁରୁନ୍ କରବାକେ ମନ୍ କଲାଇନି । ଲାଜର୍ ବିସଇ କରି ସାର୍‌ଦା କଲାଇନି । ଅବ୍‌କା ଏ ଜଗତର୍ ବିସଇସେ ଚିନ୍ତା କଲାଇନି । ୨୦ ମାତର୍ ଆମେତା ସରଗର୍ ଲକ୍‌ମନ୍, ସେ ଜାଗାଇଅନି ଆମର୍ ଉଦାରକାରିଆ ମାପୁରୁ ଜିସୁକିରିସ୍ତର୍ ବାଡ଼ି ଆଇବା ବେଲାକେ ଆମେ ଜାଗଲୁନି । ୨୧ ଜେନ୍ତ୍ରୀକି ତାକେ ଜଗତର୍ ସବୁ ବିସଇ ସର୍ପିଅଇବାଇ, ସେନ୍ତାରି ତାର୍‌ଟାନେ ବପୁ ଆତେ । ସେ ବପୁସଙ୍ଗ୍ ଆମର୍ ମର୍‌ବା ଗାଗଡ଼ମନ୍‌କେ ନୁଆ କରି ବାଦ୍‌ଲାଇସି । ପର୍ଯ୍ୟେସର୍ ତାକେ ଜିବନ୍ କରି ଉଟାଇଲାବେଲେ, ସେ ଜନ୍ ମଇମାର୍ ଗାଗଡ଼ ପାଇରଇଲା, ସେନ୍ତାରି ରଇବା ମଇମାର୍ ଗାଗଡ଼ ଆମ୍ଭେ ମିସା ଦେଇସି ।

### ୪

#### ସିକିଆ ଆରି ଆଦେସ୍

୧ ତେବର୍ ପାଇ ଏ ମର୍ ବିସ୍‌ବାସି ବାଇବଇନିମନ୍, ମୁଇ ତମ୍ଭେ ଆଲାଦ୍ କରି ଦେକ୍‌ବାକେ ମନ୍ କଲିନି, ତମେ ମକେ ବେସି ସାର୍‌ଦା କରାଇଲାସ୍‌ନି ଆରି ତମେ ଆକା ମର୍ ପୁରୁସ୍‌କାର୍ । ମର୍ ମଇତର୍‌ମନ୍, ମୁଇ ତମ୍ଭେ ଜେଡ଼କି ବିସଇ କଇଆତି, ସେନ୍ତାରିସେ ମାପୁରୁଟାନେ ବିସ୍‌ବାସେ ଡାଟ୍ ରୁଆ ।

୨ ଇୟଦିଆକେ ଆରି ସନ୍ତୁକେ ମୁଇ ବାବୁଜିଆକରି କଇଲିନି, ତମେ ଦୁଇଲକ୍ ଜାକ ମାପୁରୁର୍ ଲକ୍ ଅଇଆଟାସ୍ । ତେବର୍ ପାଇ ତମର୍ ବିତ୍‌ରେ ଗଟେକ୍ ମନ୍ ଅଇ ରାଜିଉଆ । ୩ ଆରି ବାଇ ଜେ କି ସବୁବେଲେ ମକେ ସାଇଜ କରୁସ୍, ଏ ଦୁଇଟା ମାଇଜିମନ୍ ସାନ୍ତି ସଙ୍ଗ୍ ରଇବାକେ ତୁଇ ସାଇଜ କର୍ । କାଇକେବଇଲେ ସୁବ୍‌କବର୍ ଜାନାଇବା କାମେ ସେମନ୍ ମର୍‌ସଙ୍ଗ୍ ରଇକରି ବେସି ଆବଡ଼ ଅଇଲାଇ ଆତଡ଼ । ସେନ୍ତାରିସେ କେଲେମେନ୍‌ଟ ଆରି ବିନ୍ ଲକ୍‌ମନ୍ ମିସା ମର୍ ସଙ୍ଗ୍ କାମ୍ କର୍ତେରଇଲାଇ । ପର୍ଯ୍ୟେସର୍ ତାର୍ ବଇଟାନେ ସେମନ୍‌ର୍ ସବୁ ଲକ୍‌ର୍ ନାଉଁ ଲେକ୍‌ଲା ଆତେ । ସେ ସବୁ ଲକ୍ ନ ସାର୍‌ବା ଜିବନ୍ ପାଇଲାଇ ଆତଡ଼ ।

୪ ମାପୁରୁର୍ ସଙ୍ଗ୍ ମିସିରଇଲାପାଇ ସବୁବେଲେ ସାର୍‌ଦା ଅଇକରି ରୁଆ । ମୁଇ ଆରିତରେକ୍ କଇଲିନି ସାର୍‌ଦା ଅଇକରି ରୁଆ ।

୫ ଦରମ୍ ଅଇକରି ସବୁ ଲକ୍‌ର୍ ସଙ୍ଗ୍ ଚଲାଚଲ୍ତି କରା । ମାପୁରୁ ଆଇବା ଦିନ୍ କେଟି ଆଇଲାନି ବଲି ପାସ୍‌ରାନାଇ । ୬ କାଇ ବିସଇ ନେଇକରି ମିସା ଚିନ୍ତା କରି ଦାନ୍ଦା ଉଆନାଇ । ତାର୍ ବାଦୁଲେ ସବୁ ଗଟ୍‌ନା ଅଇଲା ବେଲେ, ତମ୍ଭେ ଜାଇଟା ଲଡା ଆତେ, ସେ ବିସଇ ପର୍ଯ୍ୟେସର୍‌କେ ଗୁଆରି କରା । ଆରି ପାର୍‌ତନା କଲାବେଲେ, ତାକେ ଦନିଅବାଦ୍ ମିସା ଦିଆସ୍ । ୭ ଏନ୍ତାରି କଲେ, ପର୍ଯ୍ୟେସର୍ ତମ୍ଭେ ସାନ୍ତି ଦେଇସି । ଏ ସାନ୍ତି ଲକ୍‌ମନ୍ ବୁଜ୍‌ବା ସାନ୍ତିର୍‌ପାରା ନାଇ । କିରିସ୍ତ ଜିସୁର୍ ସଙ୍ଗ୍ ମିସ୍‌ଲାର୍‌ପାଇ ଜଦି ଏ ସାନ୍ତି ତମେ ପାଇଲେ, ତମର୍ ଜିବନେ କସ୍‌ଟ ଆଇଲେ ମିସା ନ ଡରିକରି, ଚିନ୍ତାକରି ଦାନ୍ଦା ନ ଅଇବାକେ ସାଇଜ କରୁସି ।

୮ ସାରାସାରି ପତେ ଏ ମର୍ ବାଇବଇନିମନ୍, ଜେଡ଼କି ସବୁ ବିସଇ ନିକ ରଇସି, ଜେଡ଼କି ସବୁ ବିସଇ ସନ୍‌ମାନ୍ ପାଇସି, ଜନ୍ ସବୁ ବିସଇ ସଡ଼ ରଇସି, ଜନ୍ ସବୁ ବିସଇ ପାପ୍ ନଇତେ ରଇସି, ଜନ୍ ସବୁ ବିସଇ ଦରମ୍ ରଇସି, ଆରି ଡାକ୍‌ପୁଟା ରଇସି, ଏ ସବୁ ବିସଇନେଇ ଚିନ୍ତା କରା । ୯ ତମ୍ଭେ ମୁଇ ଜେଡ଼କି ସବୁ ବିସଇ ସିକାଇରଇଲି, ଆରି ତମେ ମାନିରଇଲାସ୍ ସେଟା ସବୁ କର୍ତେରୁଆ । ମୁଇ ଜେଡ଼କି ବିସଇ କଇତେରଇଲି, ସେଟା ସୁନ୍‌ତେରଇଲାସ୍ ଆରି ଜେଡ଼କି ବିସଇ କର୍ତେରଇଲି, ସେଟା ଦେକିରଇଲାସ୍, ସେଟା ସବୁ କର୍ତେରୁଆ । ପର୍ଯ୍ୟେସର୍ ତମର୍‌ସଙ୍ଗ୍ ରଇ ତମ୍ଭେ ସାନ୍ତି ଦେଇସି ।

#### ଦାନ୍ ଦେବାର୍‌ଲାଗି ଦନିଅବାଦ୍

୧୦ ମାପୁରୁର୍ ସଙ୍ଗ୍ ମିସ୍‌ଲାର୍ ପାଇ ମୁଇ ବେସି ସାର୍‌ଦା ଅଇଲିନି । କାଇକେବଇଲେ, ମକେ ଲଡାକେ ଲାଗ୍‌ବାଟା ପାଟାଇଦେଲାକେ ତମେ ମର୍ ବିସଇ ଚିନ୍ତା କଲାସ୍‌ନି ବଲି ମୁଇ ଜାନ୍‌ଲିନି । ତମର୍ ଆଲାଦ୍ ଦେକାଇବାକେ ଏବେସେ ତମ୍ଭେ ବେଲା ଟିକ୍ ଅଇଲା । ୧୧ ମକେ ଲଡାକେ ଲାଗ୍‌ବା ବିସଇ ମର୍‌ଲଗେ ନ ରଇଲାକେ ବଲି ଏନ୍ତାରି କଇନାଇ । କାଇକେବଇଲେ ମର୍ ଜିବନର୍ କାଇ ରକାମର୍ ଗଟ୍‌ନା ଆଇଲେ ମିସା, ସାର୍‌ଦା ସଙ୍ଗ୍ ରଇବାକେ ସିକ୍‌ଲିଆତି । ୧୨ ଅଲ୍‌ପକେ ମିସା ସାର୍‌ଦାସଙ୍ଗ୍ ରଇବାକେ, କି ବୁଡେକ୍ ରଇଲେ ମିସା ସାର୍‌ଦା ସଙ୍ଗ୍ ରଇବାକେ ସିକ୍‌ଲିଆତି । ପେଟ୍ ପୁର୍‌ତେ କାଇଲେମିସା, କି ବୁକେ ରଇଲେ ମିସା, ଲଡାକେ ଆଇବା ସବୁ ବିସଇ ରଇଲେ ମିସା, ନ ରଇଲେ ମିସା,

☆ ୩:୧୭ ୩:୧୭ ୧ମ କରନ୍ତିୟ ୪:୧୭;୧୧:୧

ସାର୍ଦ୍ଦାସଙ୍ଗ ରଇବାକେ ମୁଇ ଜାନି । ୧୩ ଏ ସବୁ ଗଟ୍‌ନା ଆଇଲେ ମିସା ମୁଇ ମୁର୍ଚିକରି ରଇବାକେ ସିକ୍‌ଲିଆତି । କାଇକେବଇଲେ, କିରିସ୍‌ଟ ମକେ ବପୁ ଦେଲାନି ।

୧୪ ଏନ୍ତାରି ଅଇଲେ ମିସା ଅବାବ୍ ରଇଲା ବେଲାଇ, ତମେ ମକେ ଦୟାଦେକାଇ ମର୍ପାଇ ସାଇଜ ପାଟାଇଲାସ୍ । ୧୫ ପିଲିପିଅଡେଇ ରଇବା ବାଇବଇନିମନ୍, ତମେ ସତଇସେ ଜାନିଆଟାସ୍, ସିଗ୍ ପର୍ତୁମ୍ ସୁବ୍‌କବରର୍ ବିସଇ ସିକାଇବା ବେଲେ, ମୁଇ ମାକେଦନିଆଇଅନି ଜେଡେବଲ୍ ବାରଇ ଜାଇରଇଲି, । ବିସ୍‌ବାସି ମନର୍ ଦଲ୍ ବିଡ୍‌ରେ, ତମର୍ ମଣ୍ଡଲିର୍ ବିସ୍‌ବାସିମନ୍‌ସେ ମକେ ତାରୁ ଦାନ୍ କରିରଇଲାସ୍ । ୧୬ ✠✠ଡେସଲନିକିଆ ନଅରେ ରଇବାବେଲେ ମିସା ମକେ ଲତା ରଇଲାବେଲେ, ତମେ ଦୁଇତର୍ ଦାନ୍ ପାଟାଇଲାସ୍ । ୧୭ ତମ୍‌କେ ମୁଇ ଦାନ୍ ପାଟାଇତେରଅଡ୍ ବଲି ଏନ୍ତାରି କଇନାଇ । ମାତର୍ ମକେ ସାଇଜ କଲାର୍ ପାଇ, ପର୍ମେସର୍ ତମ୍‌କେ ପୁରୁସକାର ଦେଅ ବଲି ମୁଇ ମନ୍ କଲିନି । ୧୮ ଡେବେ ତମେ ମର୍ପାଇ ପାଟାଇଲାଟା ସବୁଜାକ ମର୍ଟାନେ କେଟ୍‌ଲା ଆଟେ । ଆରି ସେଟା ମର୍ପାଇ ଅଦିକ୍ । ତମେ ପାଟାଇଲା ସବୁ ବିସଇ ଏପାପର୍ଦିସ୍ ମର୍ଲଗେ ଆନ୍‌ଲାକେ, ମକେ ଲତାକେ ଆଇବା ସବୁ ମୁଇ ମିଲାଇଆତି । ଏନ୍ତାରି କଲାକେ ତମେ ପର୍ମେସର୍‌କେ ସର୍ପି ଦେଲା ନିକ ବାସନା ଅଇବା ଦାନ୍ ପାରା ଅଇଲା ଆଟେ । ସେ ସେଟା ସଙ୍ଗକରି ସାର୍ଦ୍ଦା ଅଇଲାଆଟେ । ୧୯ ଜିସୁକିରିସ୍‌ଟ କରି ରଇବା କାମର୍ ଲାଗି, ବେସି ରଇବା ତାର୍ ଦନ୍‌ସ୍‌ପତି ଟାନେଅନି ସେ ତକେ ଲତାକେ ଆଇବା ସବୁ ବିସଇ ଦେଇସି । ୨୦ ଆମର୍ ସରଗର୍ ବାବା ପର୍ମେସର୍ କାଲ୍ କାଲ୍ ଜୁଗ୍‌ଜୁଗ୍ ତାକ୍‌ପୁଟା ପାଅ । ଆମେନ୍ !

### ସାରାସାରିର୍ ଜୁଆର୍

୨୧ କିରିସ୍‌ଟ ଜିସୁକେ ବିସ୍‌ବାସ୍ କର୍ବା ପର୍ମେସରର୍ ସବୁ ଲକ୍‌ମନ୍‌କେ ଜୁଆର୍ କରା । ମର୍ସଙ୍ଗ ରଇବା ଆମର୍ ବିସ୍‌ବାସି ବାଇବନିମନ୍ ତାକର୍ ଜୁଆର୍ ଜାନାଇଲାଇନି । ୨୨ ଏ ନଅରେ ରଇବା ବାକି ସବୁ ପର୍ମେସରର୍ ଲକ୍‌ମନ୍ ତମ୍‌କେ ଜୁଆର୍ ଜାନାଇଲାଇନି । ଜନ୍ ବିସ୍‌ବାସିମନ୍, ଜନ୍‌ଲକ୍ କି ରମିଅ ସାସନ୍‌କାରିଆର୍ ଗତିଦାଙ୍ଗ୍‌ତା ଅଇଲାଆଟଡ୍, ସେମନ୍ ତାକର୍ ଜୁଆର୍ ଜାନାଇଲାଇନି ।

୨୩ ମାପୁରୁ ଜିସୁକିରିସ୍‌ଟ ତମ୍‌କେ ଜିବନ୍ ଦୁକାଇ ଦୟା କଲାଟା ତମର୍ ବିଡ୍‌ରେ ରଅ ।

## କଲସିଅ ମଣ୍ଡଳୀର ବିଶ୍ୱାସୀମାନଙ୍କୁ ପାଉଲଙ୍କ ପତ୍ର କଲସିଅ ମଣ୍ଡଳୀର ବିସ୍ତ୍ରାସିତମାନଙ୍କେ ପାଉଲ୍ ଚିଠି ଲେଖିଲାଟା ଏ ବଇର ବିସଇ ପଦେକ୍ ଜାନ୍ବାଟା

କଲସିଅତେଇ ଲେକିରଇବା ଚିଠି ଅଇଲାନ୍ ପାଉଲ୍ ଲେକିରଇବାଟା୧:୧ । ଦେକ୍ବାକେ ଗାଲେ ଜିସୁକିରିସ୍ଟ ଜନମଅଇକରି ୬୦ କିରିସ୍ଟାଦ ପାକାପାକି ଲେକାଅଇଆଟେ । ରମ୍ ରାଇଜେ ବନ୍ଦି ରଇଲା ବେଲେ ସେ ଏ ଚିଠି ଲେକିରଇଲା । କଲସିଅ ବଇ ସଙ୍ଗ ଏପିସିୟ ଆରି ପିଲିପିୟ ବଇମାନଙ୍କେ ମିସା ବନ୍ଦି ଗରୁ ବଇ ବଲି କଇବାଇ । କାଇକେବଇଲେ ପାଉଲ୍ ବନ୍ଦିଗରେ ରଇବା ବେଲେ ଏ ବଇ ଲେକିରଇଲା । ସେ କଲସିଅ ସଅରେ ରଇବା ମଣ୍ଡଳିମାନଙ୍କେ ଏ ବଇ ଲେକିରଇଲା । ପାଉଲ୍ ଏ ମଣ୍ଡଳି ଆରାମ ନ କରିରଇଲା, ଜନ୍ଟା ସେ ୨:୧ ତେଇ ଜାନାଇଆଟେ, ମାତର୍ ବେସି ଲକ୍ ତେଇ ତାର ଦାଇତେ ରଇବା କାତା ମନେପାକାଇଲାଜିନି । ଏପାପରସ୍ ଏ ମଣ୍ଡଳି ତିଆରକରିରଇଲା । ସେଟାରପାଇ ସେ କଲସିଅର୍ ଗଟେକ୍ ଲକ୍ ରଇଲା ।

ପାଉଲ୍ କଲସିଅ ମଣ୍ଡଳିଗାନେ ଅଇତେରଇବା କେତେଟା ମିର୍ ସିକିଆରପାଇ ବାବ୍ତେରଇଲା । ସେ ଚିଠିଗାନେ ଏ ବିସଇ ଲେକ୍ବାକେ ବେସି ଦିନ୍ ବିତାଇରଇଲା । ଅଇଲେ ଅଇରଇପାରେ କେତେଟା ଜିଉଦି ବିସ୍ତ୍ରାସିମନ୍ ଜନ୍ଲକ୍ମନ୍ କି ବିନ୍ କେତେଟା ବିସ୍ତ୍ରାସିମନ୍ଙ୍କେ ପୁରନା ନିୟମର୍ ଜିଉଦି ରିତିନିତି ନିକସଙ୍ଗ ମାନ୍ବାକେ ବାଦିଅ କର୍ତ୍ତେରଇଲାଇ । ସେମନ୍ ସୁନତ୍ ବିଦିର୍ ନିୟମ୍ ମାନ୍ବାକେ ବାଦିଅ କର୍ବାକେ ଚେସ୍ଟା କର୍ତ୍ତେରଇଲାଇ । ପାଉଲ୍ ଲତାକେ ନ ଆଇବା ବିସ୍ତ୍ରାସିମନ୍ ବିସଇ ନିକ ସଙ୍ଗ ଲେକିଆଟେ । କେ ଅଇଲେ ମିସା ଗଟେକ୍ ଲକ୍ କିରିସ୍ଟଙ୍କେ ଚାଡି ପର୍ମେସରର୍ ମୁଆଟେ ତାର ଅଇ ନାପାରେ ୧:୧୫-୨୦ । ମାତର୍ ଏ ନର୍ ଲକ୍ମନ୍ ଦଦାପେଲାର୍ଲାଗି ତିଆରଅଇରଇବା ସିକିଆ କାଇ କାମ୍କେ ନ ଦେଏ ୨:୮ ।

### ଏ ବଇ ବିତ୍ତରେ ରଇବାଟା

- ୧. କଲସିଅ ମଣ୍ଡଳିକେ ପାଉଲ୍ ଜୁଆର୍ ଜାନାଇବାଟା । ୧:୧-୨
- ୨. କିରିସ୍ଟର୍ କେବେ କେ କରି ନ ରଇବା କାମ୍ ଆରି ମିର୍ ସିକିଆ ବିସଇ ନେଇକରି ପାଉଲ୍ ଉତର୍ ଦେବାଟା । ୧:୩-୩:୪
- ୩. ପାଉଲ୍ ଗଟେକ୍ ନିମାନ୍ ବିସ୍ତ୍ରାସି ଅଇ ଜିଉନା କାଉନା କର୍ବାକେ କଇଲାଆଟେ । ୩:୫-୪:୨
- ୪. ପାଉଲ୍ ଏ ଚିଠି ବିନ୍ ବିନ୍ ମଣ୍ଡଳିତେଇ ମିସା ପତ୍ତବାକେ କଇକରି, ଆରି ଜୁଆର୍ବେଟ୍ ଜାନାଇ ସରାଇଲାନ୍ । ୪:୭-୧୮

୧ ଏ ଚିଠି ମୁଇ ପାଉଲ୍ ଆରି ବିସ୍ତ୍ରାସର୍ ଲାଗି ଆମର୍ ବାଇଅଇରଇବା ତିମତି ମିସି ଲେକ୍ଲୁନି । ପର୍ମେସର୍ ମକେ ବାବ୍ଲାରପାଇ ମୁଇ ଜିସୁକିରିସ୍ଟର୍ ଗଟେକ୍ ପେରିଡ୍ ଅଇଆଟି ।

୨ କଲସି ନଅରେ ରଇବା ପର୍ମେସରର୍ ଲକ୍ମନ୍ ତମ୍କେ, ମୁଇ ଏ ଚିଠି ଲେକି ପାଟାଇଲିନି । ତମେ ଆମର୍ ବିସ୍ତ୍ରାସ୍ ରଇବା ବାଇବଇନିମନ୍ ଆରି କିରିସ୍ଟର୍ ସଙ୍ଗ ମିସିଆରାସ୍ ।

ଆମର୍ ବାବା ପର୍ମେସର୍ ତମ୍କେ ଜିବନ୍ ଦୁକାଇ ସାନ୍ତି ଦେଅ ।

### ଦନିଅବାଦ୍ ଦେବା ପାର୍ତନା

୩ ଆମେ ତମର୍ପାଇ ପାର୍ତନା କଲାବେଲେ ଆମର୍ ମାପୁରୁ ଜିସୁକିରିସ୍ଟର୍ ବାବା ପର୍ମେସର୍କେ ଦନିଅବାଦ୍ ଦେଲୁନି । ୪ କାଇକେବଇଲେ ମାପୁରୁ ଜିସୁକିରିସ୍ଟର୍ ତେଇ ରଇବା ତମର୍ ବିସ୍ତ୍ରାସ୍ ଆରି ପର୍ମେସରର୍ ଲକ୍ମନ୍ ପାଇ ରଇବା ତମର୍ ଆଲାଦର୍ ବିସଇ ଆମେ ସୁନିଆତୁ । ୫ ତମେ ପର୍ତୁମ୍ ସୁବ୍ କବରର୍ ବିସଇ ସୁନ୍ଲାବେଲେ, ସୁବ୍କବରେ ରଇବା ଆସାକର୍ବା ବିସଇ ଜାନିରଇଲାସ୍ । ତେବର୍ପାଇ ତମେ ବିସ୍ତ୍ରାସ୍ କି ପର୍ମେସରର୍ ଲକ୍ମନ୍ଙ୍କେ ଆଲାଦ୍ କର୍ତେ ରଇଲାସ୍ । ତମର୍ପାଇ ସର୍ଗେ ତିଆର୍ ଅଇରଇବା ପୁରୁସ୍କାର୍ ଆସାକରି ଏନ୍ତାରି କଲାସ୍ । ୬ ଗୁଲାଇ ଜଗତର୍ କେତେକ୍ କେତେକ୍ ଲକ୍ମନ୍ ଏ ସୁବ୍କବର୍ ବିସ୍ତ୍ରାସ୍କରି ତାକର୍ ମନ୍ ବାଦ୍ଲାଇଲାଜିନି । ତମେ ସୁବ୍କବର୍ ସୁନ୍ଲା ପର୍ତୁମ୍ ଦିନେଅନି ତମର୍ ବିତ୍ତରେ ମିସା ଏନ୍ତାରିସେ ଅଇରଇଲା ଆରି ପର୍ମେସର୍ ଜିବନ୍ ଦୁକାଇଲା ସତ୍ ବିସଇ ତମେ ପୁରାପୁରୁନ୍ ଜାନିରଇଲାସ୍ । ୭ ପର୍ମେସର୍ ତାର ଜିବନ୍ ଦୁକାଇ ଦୟା ଦେକାଇଲା ବିସଇ ଆମର୍ ଆଲାଦର୍ ଗତିଦାଙ୍ଗ୍ତା ଏପାପରାସ୍ ତମ୍କେ ସିକାଇରଇଲା । ଆମର୍ ବାଦୁଲେ ସେ ବିସ୍ତ୍ରାସ୍ ରଇକରି କିରିସ୍ଟଙ୍କେ ସେବାକଲାନ୍ । ୮ ପର୍ମେସର୍ ଲକ୍ମନ୍ଙ୍କେ ଆଲାଦ୍ କର୍ବାକେ ତମ୍କେ ସୁକଲ୍ଆତ୍ମା କେନ୍ତାରି ସାଇଜ କଲାଆଟେ ବଲି ଏପାପରସ୍ ଆମ୍କେ ଜାନାଇଆଟେ ।

୯ ଆମେ ତମର୍ ବିସଇର୍ ଏ ନିକ କବର୍ ସୁନିକରି, ତମର୍ପାଇ ପାର୍ତନା କରିଲାଗିଆତୁ । ତାର୍ ସୁକଲ୍ଆତ୍ମାଅନି ପାଇରଇବା ଗିଆନ୍ ଆରି ବୁଜ୍ବା ବପୁସଙ୍ଗ୍ ସେ ମନ୍କଲାଟା ତମେ ପୁରାପୁରୁନ୍ ଜାନିପାର୍ସା ବଲି ଆମେ ମାପୁରୁକେ

୧:୭ ୧:୭ କଲସିଅ ୪:୧୨; ପିଲିମନ୍ ୧:୨୩

ଗୁଆରି କଲୁନି । ୧୦ ତେବର୍ପାଇ ତମେ ତାକେ ସାର୍ଦା କରାଇଲାପାରା ଚଲାଚଲ୍ଟିକରି ସେ ମନ୍କଲାପାରା ଜିଉନାକାଉନା କରସା । ବିନ୍ ଲକ୍ମନ୍କେ ସାଇଜ କରିଲାଗିରଇସା ଆରି ପର୍ମେସରର୍ ବିସଇ ଜାନ୍ବାକେ ଅଦିକ୍ ଅଦିକ୍ ବଢ଼ିଆଇସା । ୧୧ ତାର୍ ବଡ଼ ବପୁସଙ୍ଗ ନିଜେ ବପୁଅଇ ତମେ ସାର୍ଦାସଙ୍ଗ ମୁରଟିକରି ରଇପାରସା । ୧୨ ବାବା ପର୍ମେସର୍ ଉଜଲର୍ ରାଇଜେ ତାର୍ ଲକ୍ମନର୍ ପାଇ ଜାଇଟା ଚୁଲିଆଇ ଆଚେ, ତେଇ ମିସ୍ବାକେ ସେ ତମ୍ବକେ ବାଚଲା ଆଚେ । ସେଟାର୍ପାଇ ସାର୍ଦା ସଙ୍ଗ ତାକେ ଦନିଅବାଦ୍ ଦେଇସା । ୧୩ ସେ ଆମ୍ବକେ ଆନ୍ଦାରର୍ ବପୁତେଇଅନି ମୁକ୍ଲାଇକରି ତାର୍ ଆଲାଦର୍ ପଅର୍ ରାଇଜେ ତାକିଆନିଆଚେ । ୧୪ ✨ତାର୍ ପଅର୍ଲାଗି ସେ ଆମ୍ବକେ ମୁକ୍ଲାଇକରି ଆମର୍ ସବୁ ପାପ୍ କେମା କରିଦେଲାଆଚେ ।

**କିରିସ୍ଟ ଆରି ତାର୍ କାମ୍**

୧୫ କିରିସ୍ଟ ନ ଡିସ୍ବା ପର୍ମେସରର୍ ସମାନ୍ ବାନିମୁରୁତି ଆଚେ । ତିଆର୍ କିରିରଇବା ସବୁର୍ ଉପରେ, ପର୍ତୁମ୍ ଜନମ୍ ଅଇଲା ପଅ ଇସାବେ, ତାର୍ ଅଦିକାର୍ ଆଚେ । ୧୬ କାଇକେବଇଲେ ପର୍ମେସର୍ ତାର୍ଟାନେଅନି ସବୁ ବିସଇ ତିଆର୍କଲା ଆଚେ । ଜଗତେ ରଇବାଟା ସବୁଜାକ, ସର୍ଗେ ରଇବାଟା ସବୁଜାକ, ତିସ୍ବାଟା ଆରି ନ ଡିସ୍ବାଟା, ବପୁରଇ ସାସନ୍ କରବା ଦୁଡ଼ମନ୍ ଆରି ଆଡ଼ମା ରଇବାଟାମନ୍ । କିରିସ୍ଟର୍ତେଇଅନି ସବୁ ବିସଇ ତିଆର୍ କିରିରଇଲା ଆରି ତାର୍ଲାଗିସେ ସବୁ ବଢ଼ିଆଚଡ଼ । ୧୭ କାଇଟା ତିଆର୍ ନ ଅଇତେ ସେ ରଇଲା, ଆରି ତାର୍ଟାନେ ସବୁ ବିସଇ ମିସିକରି ଚାଲ୍ତେରଇସି । ୧୮ ✨ମଣ୍ଡଲି ଅଇଲାନି ତାର୍ ଗାଗଡ଼ ଆରି ସେ ମଣ୍ଡଲିର୍ ମୁଣ୍ଡ । ମୁଣ୍ଡ ଗାଗଡ଼କେ ସାସନ୍ କଲାପାରା, ସେ ମଣ୍ଡଲିକେ ସାସନ୍ କଲାନି । ତାକେସେ ପର୍ମେସର୍ ମରନେଅନି ପର୍ତୁମ୍ ଉଟାଇରଇଲା । ଜେନ୍ତିକି କିରିସ୍ଟ ସବୁର୍ ଉପରେ ସାସନ୍ କରସି । ୧୯ କାଇକେବଇଲେ ପର୍ମେସର୍ ତାର୍ ପଅକେ ତାର୍ ପୁରାପୁରୁନ୍ ଗୁନଚଲନ୍ଦସଙ୍ଗ ରଅ ବଲି ଟିକ୍ କରିରଇଲା । ୨୦ ✨ଆରି କିରିସ୍ଟର୍ଟାନେଅନି ସେ ତିଆର୍ କିରିରଇବା ସବୁଜାକ, ତାର୍ଟାନେ ବାଉଡାଇ ଆନ୍ବି ବଲି ଟିକ୍ କରିରଇଲା । ଦର୍ତନିଟାନେ ରଇବାଟା ଅ କି ସର୍ଗେ ରଇବାଟା ଅ । ତାର୍ ପଅ କୁରୁସକାଟେ ମରି ବନି ଜରାଇଲାର୍ପାଇ ସବୁ ବିସଇ ତାର୍ଟାନେ ସାନ୍ତିଅଇ ରଇସି ।

୨୧ ଗଟେକ୍ ବେଲାଇ ତମେ ପର୍ମେସରର୍ ଟାନେଅନି ବେଗଲି ରଇଲାସ୍ । ତମେ କିରିରଇବା ଆରି ମନେ ବାବିରଇବା କାରାପ୍ ବିସଇର୍ ଲାଗି ତାର୍ ସଡ଼ରୁ ଅଇରଇଲାସ୍ । ୨୨ ମାତର୍ ଏବେ କିରିସ୍ଟ ନର୍ ରୁପ୍ ନେଇ ମଲାର୍ ପାଇ ସେ ତମ୍ବକେ ତାର୍ ମୁଆଟେ ସାନ୍ତି ସଙ୍ଗ ଆଇବାକେ ଟିକ୍ କଲାଆଚେ । ତମେ ତାର୍ ମୁଆଟେ ଟିଆଅଇଲାବେଲେ ତମ୍ବକେ ପୁରାପୁରୁନ୍ ସୁକଲ୍ ଇସାବେ କାଇ ପାପ୍ ନ କରି, କାଇ ନିନ୍ଦା ନ ରଇଲା ଲକ୍ମପାରା ସେ ଦେକ୍ସି । ୨୩ ତମେ ବିସ୍ବାସ୍ କରିଲାଗିରଇଲେ, ତମର୍ ବିସ୍ବାସ୍ ତାର୍ ରଇସି । ସୁବ୍ କବର୍ଟାନେ ମାପ୍ତୁ ଜନ୍ ଆସା ଦେବି ବଲି କାତା ଦେଇଆଚେ, ସେ ଆସା ପାଇବାଟାନେଅନି ତମ୍ବକେ କେ ମିସା ନ ତେବାଅଡ଼ । ଏ କବର୍ ତମେ ଆଗତୁ ସୁନିସାରାଇଆତାସ୍ । ଆରି ଜଗତର୍ ଗୁଲାଇଲକ୍ବକେ ଜାନାଇଅଇଆଚେ । ଏ ସୁବ୍ କବର୍ ଜାନାଇବାକେ ମୁଇ ପାଉଲ୍ ଗଟେକ୍ ଗତିଦାଙ୍ଗ୍ଡା ଅଇଲିଆଚି ।

**ମଣ୍ଡଲିତେଇ ପାଉଲ୍ କାମ୍**

୨୪ ଏବେ ମୁଇ ସାର୍ଦାଅଇଆଚି । କାଇକେବଇଲେ ଜେଡ଼କି ଦୁକ୍କସ୍ଟ ମୁଇ ମୁରଟିକରିଆଚି, ସେଟା ତମର୍ ନିକପାଇ । ତାର୍ ବାଦୁଲେ ରଇକରି ଜେଡ଼କି ଦୁକ୍କସ୍ଟ ମକେ ମୁରବବାକେ କିରିସ୍ଟ ମନ୍ କଲାନି, ସେଟା ସବୁ ସାର୍ଦାସଙ୍ଗ କଲିନି । ତାର୍ ଗାଗଡ଼ ପାରା ରଇବା ତାର୍ ମଣ୍ଡଲିର୍ ନିକପାଇ ମୁଇ ସେଟା କଲିନି । ୨୫ ପର୍ମେସର୍ ମକେ ମଣ୍ଡଲିର୍ ଗତିଦାଙ୍ଗ୍ଡା କରିଆଚେ । ତମ୍ବକେ ସାଇଜ କରବାକେ ସେ ମକେ ବାଟିଆଚେ । ତାର୍ କବର୍ ତମ୍ବକେ ପୁରାପୁରୁନ୍ ଜାନାଇବାଟା ଅଇଲାନି ମର୍ କାମ୍ । ୨୬ ପୁରବେ ବଢ଼ିରଇବା ସବୁଲକ୍ ଟାନେଅନି ଏ ବିସଇ ଲୁଟାଇକରି ସଙ୍ଗରଇଲା । ମାତର୍ ଏବେ ସେଟା ତାର୍ ଲକ୍ମନ୍କେ ସେ ଜାନାଇଆଚେ । ୨୭ ଜିଉଦି ନ ଅଇଲା ଲକ୍ମନର୍ ପାଇ ସେ ଟିକ୍ କରିରଇବା ମଇମାସଙ୍ଗର୍ ଜଜନା ତାର୍ ଲକ୍ମନ୍କେ ଜାନାଇବାକେ ପର୍ମେସର୍ ଟିକ୍କଲା । ସେ ଲୁଟିରଇବା ବିସଇ ଅଇଲାନି, ଜିଉଦି ନଇଲା ଲକ୍ମନର୍ଟାନେମିସା କିରିସ୍ଟ ରଇସି । ଆରି ସେ କାତା ଦେଇରଇବା ସବୁ ରକାମର୍ ମଇମା ତମେମିସା ପାଇସା ବଲି ଜାନିରୁଆ । ୨୮ କିରିସ୍ଟର୍ ବିସଇ ରଇବା ଏ କବର୍ ଆମେ ସବୁକେ ଜାନାଇଲୁନି । ଆମେ ସବୁକେ ଜାଗ୍‌ରଡ଼ କରାଇ, ସେ ଆମ୍ବକେ ଦେଇରଇବା ଗିଆନ୍ ସଙ୍ଗ ସିକାଇଲୁନି । ଜେନ୍ତାରିକି ସେମନ୍ ତାର୍ ମୁଆଟେ ଟିଆଅଇଲାବେଲେ କିରିସ୍ଟର୍ସଙ୍ଗ ମିସିରଇଲା ସବୁଲକ୍ ପୁରାପୁରୁନ୍ ସିଦ୍ ଅଇରଇବାଇ । ୨୯ ଏ କାମ୍ ମୁଇ ପୁରାପୁରୁନ୍ କରବାକେ ମକେ କିରିସ୍ଟ ଦେଇରଇବା ବଡ଼ ବପୁସଙ୍ଗ ଆବଡ଼ ଅଇ କଲିନି ।

**୨**

୧ କାଇକେବଇଲେ ତମର୍ପାଇ, ଲାଉଦିକିଆର୍ ଲକ୍ମନ୍କେ ଆରି ଏବେ ଜେଡ଼କି ଲକ୍ ମକେ ନ ଦେକିରଇଲାଇ, ସେ ସବୁଲକ୍ ପାଇ, ମୁଇ କେତେକ୍ କସ୍ଟ କଲିନି, ସେଟା ତମେ ଜାନା ବଲିକରି ମନ୍‌କଲିନି । ୨ ଏ ସବୁ ବିସଇ ତମ୍ବକେ ଆଡ଼ମା ଇସାବେ ସାର୍ଦା କରାଇବାପାଇ ମୁଇ କଲିନି । ଜେନ୍ତାରିକି ତମେ ଗଟେକ୍ ମନ୍ ଅଇକରି ଆଲାଦ୍ କରାକରି

✧ ୧:୧୪ ୧:୧୪ ଏପିସିୟ ୧:୭ ✧ ୧:୧୮ ୧:୧୮ ଏପିସିୟ ୧:୨୨,୨୩ ✧ ୧:୨୦ ୧:୨୦ ଏପିସିୟ ୨:୧୨



ଅଇସା । ତମେ ପୁରାପୁରୁନ୍ ବୁଢ଼ବାବେଳେ ବେସି ଆସା ଆରି ସାର୍ଦା ଅଇରଇସା । ଜଦି ତମ୍ଭେ ଏ ଆସା ରଇଲେ, ପର୍ମେସର୍ ଜଜ୍ନା କଲାଟା ଜାନିପାରାସ୍ । ସେ ଆସା ପୁରବେ ରଇଲା ଲକ୍ମନକେ ଜାନାଇ ନ ରଇଲା । ସେଟା ନିଜେ କିରିସ୍ଟର୍ ବିସଇସେ ।

୩ ସେ ନିଜେ ଏ କବରର୍ ଅରଡ଼ ବୁଢ଼ାଇପାରସି । ସେଟା ଗଟେକ୍ ବେସି ମୁଲିଅ ରଇବା ବିସଇ ।

୪ କେ ମିସା କାତାର ଚାଲାକିସଙ୍ଗ୍ ତମ୍ଭେ ନ ନାତାଅଡ଼ ବଲି ଆସାକରି ଏଟା ମୁଇ ତମ୍ଭେ ଲେକ୍ଲିନି । ସେମନ୍ କଇବା କାତା ସଡ଼ପାରା ଲାଗ୍ଲେମିସା ନାତାଇ ଉଆନାଇ । ୫ କାଇକେବଇଲେ ଗାଗଡ଼ ଇସାବେ ମୁଇ ତମ୍ଭେ ସଙ୍ଗ୍ ନ ରଇଲେ ମିସା ଆଡ଼ମା ଇସାବେ ଆତି । ତମେ କିରିସ୍ଟକେ ଡାଟ୍‌ସଙ୍ଗ୍ ବିସ୍‌ବାସ୍ କଲାଟା ଆରି ଗଟେକ୍ ମନ୍ ଅଇରଇବାଟା ଦେକି ମୁଇ ବେସି ସାର୍ଦା ଅଇଲିନି ।

**କିରିସ୍ଟର୍‌ତେଇ ପୁରାପୁରୁନ୍ ଜିବନ୍**

୬ ତେବେ ଜିସୁକିରିସ୍ଟକେ ତମ୍ଭେ ମାପୁରୁ ଇସାବେ ଜେନ୍ତ୍ର ବିସ୍‌ବାସ୍ କରିଆଟାସ୍, ସେନ୍ତ୍ରାରି ତାର୍‌ସଙ୍ଗ୍ ମିସିକରି ରୁଆ । ୭ କିରିସ୍ଟର୍ ବିସଇ ବିସ୍‌ବାସ୍ କରିରଇବା କବର୍ ଡାଟ୍‌ସଙ୍ଗ୍ ଦାରିରୁଆ । ତାର୍ ବିସଇ ଅଦିକ୍ ଅଦିକ୍ ସିକା ଆରି ବିସ୍‌ବାସେ ଡାଟ୍ ଉଆ । ଜେନ୍ତ୍ରକି ତମ୍ଭେ ସିକାଇଲାପାରା, ପର୍ମେସର୍‌କେ ଦନିଅବାଦ୍ ଦେଇତେରୁଆ ।

୮ କେ ମିସା ନିଜର୍ ଚାଲାକିକରି ପର୍ମେସରର୍ ବିସଇ ତିଆରକରି ରଇବାଟା ସଙ୍ଗ୍ ତମ୍ଭେ ପାନ୍ଦେ ନ ଲାଗାଅଡ଼, ସେଟାପାଇ ଜାଗରଡ଼ ଅଇରୁଆ । ସେମନ୍ ସିକାଇବାଟା କାଇ ଲଡାକେ ନ ଆସେ ଆରି ସେଟା ସଡ଼ ବିସଇ ନଏ । ସେଟା ବିନ୍ ଲକ୍‌ରଟାନେଅନି ସୁନି ସୁନି ଆଇବାଟା ଆରି ସେଟା ଏ ଜଗଡ଼ ବିଡ଼ରେ ରଇବା ନିୟମ୍ । ମାତର୍ କିରିସ୍ଟର୍ ବିସଇଟାନେ ରଇବା, ସଡ଼ ସିକିଆ ନଏ । ୯ କାଇକେବଇଲେ ନର୍‌ରୁପ୍ ଦାରିରଇବାବେଳେ ମିସା କିରିସ୍ଟ ପୁରାପୁରୁନ୍ ପର୍ମେସର୍ ରଇଲା । ୧୦ ଆରି ତମେ ତାର୍ ସଙ୍ଗ୍ ମିସିରଇଲାପାଇ ଆଡ଼ମା ଇସାବେ ପୁରାପୁରୁନ୍ ଅଇଆଟାସ୍ । ବିନ୍ ବିନ୍ ବପୁ ଆରି ଅଦିକାର୍ ଉପରେ ରଇ, କିରିସ୍ଟର୍ ସାସନ୍ ବଡ଼ ।

୧୧ ତମେ କିରିସ୍ଟ ସଙ୍ଗ୍ ମିସ୍‌ଲାର୍‌ପାଇ ସୁନଡ଼ ଅଇଲାପାରା ଅଇଆଟାସ୍ । ଜେନ୍ତ୍ରକି ତମ୍ଭେ ପାପର୍ ଗୁନ୍‌ଚଲନେ ଅନି ମୁକ୍‌ଲିଆଟାସ୍ । ଗାଗଡ଼ ଇସାବେ ସୁନଡ଼ ଅଇଆଟାସ୍ ବଲି ମୁଇ କଇନାଇ, ମାତର୍ କିରିସ୍ଟସେ ତମ୍ଭେ ପାପର୍ ଗୁନ୍‌ଚଲନେଅନି ମୁକ୍‌ଲାଇଆଟେ । ୧୨ ତମେ ଜେଡେବେଲେ ଡ୍ରବନ୍ ନେବାକେ ପାନିଟାନେ ବୁଡ଼ଲାସ୍, ସେଟା ତମ୍ଭେ ପାପର୍ ଗୁନ୍‌ଚଲନ୍ କିରିସ୍ଟର୍ ସଙ୍ଗ୍ ମରିକରି ତପିଅଇଲାପାରା ଅଇରଇଲାସ୍ । ପାନିବିଡ଼ରେଅନି ବାରଇଲାଟା ନୁଆ ଗୁନ୍‌ଚଲନ୍ ଦାରି କିରିସ୍ଟର୍ ସଙ୍ଗ୍ ଆରି ତରେକ୍ ଉଟ୍‌ଲାପାରା ଅଇଲା । ପର୍ମେସର୍ ତାର୍ ବପୁସଙ୍ଗ୍ ମଲାଡେଇଅନି ଜିବନ୍‌କରି କିରିସ୍ଟକେ ଉଟାଇଲା ବଲି ତମେ ବିସ୍‌ବାସ୍ କଲାପାଇ ଏଟା ତମ୍ଭେ ଗଟ୍‌ଲା । ୧୩ ତମେ ଜିଉଦି ନ ଅଇଲା ଲକ୍‌ମନ୍ ପର୍ମେସରର୍ ନିୟମ୍ ନ ମାନିଲାର୍‌ପାଇ ତାର୍‌ଟାନେଅନି ବେଗଲି ରଇଲାସ୍ । ଆରି ତମ୍ଭେ ପାପର୍ ଗୁନ୍‌ଚଲନର୍ ବପୁଅନି ମୁକ୍‌ଲି ନ ରଇଲାସ୍ । ମାତର୍ ପର୍ମେସର୍ କିରିସ୍ଟର୍ ସଙ୍ଗ୍ ଗଟେକ୍ ନୁଆ ଜିବନ୍ କରି ତମ୍ଭେ ଉଟାଇଆଟେ । ସେ ଆମର୍ ସବୁ ପାପ୍ କେମାକରି ଦେଲାଆଟେ । ୧୪ ଆମେ କରିରଇବା ସବୁ ପାପ୍ ଲେକାଅଇରଇବା ଚିଟିପଡ଼ର୍ ଜନ୍‌ଟା କି ଆମକେ ଦସିକରିରଇଲା, ସେ ସବୁ ପର୍ମେସର୍ ଲିବାଇଦେଲା । ଲେକ୍‌ଲାଟାମନ୍ କୁରୁସ୍‌କାଟେ କୁଟି ମାରି କୁରୁପ୍‌ନାସ୍ କଲା । ୧୫ ସାସନ୍ କରି ଅଦିକାରେ ରଇବା ସବୁ କାରାପ୍ ଆଡ଼ମାମକେ ସେ ଆରାଇଲା । କିରିସ୍ଟ କୁରୁସ୍‌କାଟେ ମଲାକେ, ସେ ସବୁ ସାସନ୍‌କାରିଆମକେ ଆରାଇଲା ବଲି ଦେକାଇଲା ।

୧୬ ତେବେପାଇ ତମ୍ଭେ କାଇବା, ପିଇବା, ବିସଇ ଅ କି ତାକର୍ କେତେଟା ପରବର୍ତ୍ତନେ କି ଉଆଁସରାତି ବେଲେ କି ବିସ୍‌ରାମ୍‌ବାରେ ତମେ ମିସାସ୍‌ନାଇ, ବଲି କାକେ ବିଚାର୍ କର୍‌ବାକେ ଦିଆସ୍‌ନାଇ । ୧୭ ଏ ସବୁ ନିୟମ୍ ପର୍ମେସର୍ ଆମକେ ଦେବିବଲି କାତାଦେଇରଇବା ବିସଇର୍ ଚିନ୍ । ଏ ସବୁ ନିୟମର୍ ଚିନ୍ କିରିସ୍ଟଟାନେ ପୁରାପୁରୁନ୍ ସିଦ୍ ଅଇସି । ୧୮ ନିଜକେ ନିବ୍‌କରି ସେମନ୍ ଉପାସନା କଲାପାରା ଦୁର୍‌ମକେ ଉପାସନା କର୍‌ବାକେ, କାକେମିସା ବାଦିଅ କର୍‌ବାକେ ଦିଆସ୍‌ନାଇ । ସେନ୍ତ୍ରାକଲେ ପର୍ମେସର୍ କାତାଦେଇରଇବା ପୁରୁସ୍‌କାର୍ ତମ୍ଭେ ନ ମିଲେ । ସେନ୍ତ୍ରାରି ସିକାଇବା ଗଟେକ୍‌ଲକ୍, ପର୍ମେସର୍‌ଟାନେ ଅନି ଦର୍‌ସନ୍ ଦେକିଆତି ବଲିକରି ଅଦିକାର୍ ସଙ୍ଗ୍ ସିକାଇଲାନି । ସେ ତାର୍ ଚାଲାକିସଙ୍ଗ୍ ନିଜେ ତିଆରକରିରଇବା ବିସଇର୍ ଲାଗି ବଡ଼ପନ୍ ଅଇସି, ମାତର୍ ସତଇସେ ସେନ୍ତ୍ରାରି ବଡ଼ପନ୍ ଅଇବାକେ କାଇଟାମିସା ନାଇ । ୧୯ କିରିସ୍ଟର୍ ବିସଇଟାନେ ରଇବା ସଡ଼ ସିକିଆ ଚାଡ଼ିଦେଲା ଆଟଡ଼ । କିରିସ୍ଟ ଜେ କି ଗାଗଡ଼ର୍ ମୁଣ୍ଡ୍ ଅଇଆଟେ । ମୁଣ୍ଡ୍ ଜେନ୍ତ୍ରାକି ଗାଗଡ଼କେ ବାଟ୍ ଦେକାଇସି, ସେନ୍ତ୍ରାରିସେ ତାର୍ ଲକ୍‌ମନ୍ ଗଟେକ୍ ଅଇରଇବାକେ କିରିସ୍ଟ ବାଟ୍ ଦେକାଇସି । ଗାଗଡ଼ର୍ ସଦି ଆରି ଚିର୍ ଗାଗଡ଼କେ ଗଟେକ୍ କରି ସଙ୍ଗ୍‌ଇଲାପାରା । ଆରି ପର୍ମେସର୍ ମନ୍‌କଲାପାରା ସେଟା ବଡ଼ସି ।

**କିରିସ୍ଟ ସଙ୍ଗ୍ ମରୁ ନଇଲେ ଜିଉଁ**

୨୦ ତମେ କିରିସ୍ଟର୍ ସଙ୍ଗ୍ ମଲାପାଇ ଏ ଜଗଡ଼ର୍ ସାସନ୍‌କାରିଆମନ୍ ଟାନେଅନି ମୁକ୍‌ଲିଆଟାସ୍ । ତେବେ ଏ ଜଗଡେ ରଇବା ନିୟମ୍‌ମନ୍ ଏବେ ଜାକ କାଇକେ ମାନିଆଟାସ୍ ? ୨୧ ଏନ୍ତାରିଟାମନ୍ ଦାରାନାଇ କି କାଆନାଇ କି,

☆ ୨:୧୨ ୨:୧୨ ରମିୟ ୬:୪ ☆ ୨:୧୩ ୨:୧୩ ଏପିସିୟ ୨:୧-୫ ☆ ୨:୧୪ ୨:୧୪ ଏପିସିୟ ୨:୧୫ ☆ ୨:୧୬ ୨:୧୬ ରମିୟ ୧୪:୧-୬ ☆ ୨:୧୯ ୨:୧୯ ଏପିସିୟ ୪:୧୭

ଏନ୍ତାରିଟାମନ୍ ଚିଆନାଇ ମିସା । ଏ ନିୟମ୍ମନ୍ କାଇକେ ମାନିକରି ଆଚାସ୍ ? ୨୨ ଏ ସବୁଜାକ ନିୟମ୍ ମାନିକରି ଚାଲ୍ଲେ ତମ୍ମକେ କାଇ ଲତାକେ ନ ଆସେ । କାଇକେବଇଲେ ସେଟା ଲକ୍ମନ୍ ତିଆରକଲାଟା । ୨୩ ଏ ରକାମର୍ ନିୟମ୍ ବେସି ଗିଆନ୍ ରଇଲାପାରା ତିସ୍ସି । ବାଦିଅକରି ଦୁଡ଼ମନ୍କେ ଉପାସନା କରବାଟାନେ ଆରି ଲକ୍ମନ୍କେ ଦେକାଇଅଇଲା ପାରା ନିଜ୍ଜକେ ନିଚ୍ଚକରି ଆରି ଗାଗଡ଼କେ କସ୍ତ ଦେବା ବିସଇ ସିକାଇବାଇ । ମାତର୍ ଏ ସବୁ ନିୟମ୍ ଲକ୍ମନ୍ ପାପର୍ ଗୁନ୍ତଲନ୍ ଜାଗରତ୍ କରି ସଙ୍ଗଇବାକେ କାଇ ମୁଲିଅ ନ ରଏ ।

**୩**

୧ କିରିସ୍ଟର୍ ସଙ୍ଗ୍ ମରିରଇଲାର୍ ପାଇ ଆରି ତାର୍ ସଙ୍ଗ୍ ନୁଆଜିବନ୍ ପାଇ ପର୍ମେସର୍ ତମ୍ମକେ ଉଟାଇଲାର୍ପାଇ ସର୍ଗେ ରଇବା ବିସଇ ଦେକ୍ତେରୁଆ । ତେଇ କିରିସ୍ଟର୍ ପର୍ମେସର୍ ଉଜାବାଟେ ବସିଆଟେ । ୨ ଏ ଜଗତର୍ ବିସଇ ନ ବାଦିକରି ସରଗର୍ ବିସଇ ଚିନ୍ତାକରା । ୩ କାଇକେବଇଲେ ତମେ ମରିକରି ପର୍ମେସର୍ ମୁଆଟେ କିରିସ୍ଟର୍ ସଙ୍ଗ୍ ମିସିରଇବା ଜିବନ୍ ବିତାଇଲାସ୍ନି । ସେ ଜିବନ୍ ଲୁଚିକରିଆଟେ । ୪ କିରିସ୍ଟର୍ ଅଇଲାନି ତମର୍ ଜିବନ୍ । ସେ ବାଅଡ଼ଲାବେଲେ ତମେ ମିସା ସବୁର୍ ଦେକ୍ତେ ତାର୍ ମଇମାତେଇ ମିସା ।

**ପୁରନା ଆରି ନୁଆ ଜିବନ୍**

୫ ତମର୍ ପାପର୍ ଗୁନ୍ତଲନ୍ ଇସାବେ ଜେଡ଼କି ସବୁ ପାପ୍ କାମ୍ କର୍ତେରଇଲାସ୍, ସେଟାମନ୍ ଆରି କରାନାଇ । ଜେନ୍ତାରି କି ବେସିଆ କାମ୍, ସୁକଲ୍ ନ ରଇବା ଚଲାଚଲ୍ତି, ଗାଗଡ଼ର୍ ଲାଲ୍ସାଅଇବାଟା, କାରାପ୍ ବିସଇ ମନ୍ କରବାଟା, ଆରି ଲବ୍ ଅଇବାଟା, ଏ ସବୁ ବିସଇ ପୁଡ଼ଲାମନ୍କେ ଜୁଆର୍ କରବାଟା ସଙ୍ଗ୍ ସମାନ୍ । ୬ ଏ ସବୁ କାମେ ରୁଡ଼ିକରି ଜନ୍ମକମନ୍ ପର୍ମେସର୍ କାତା ନ ମାନତ୍, ସେମନ୍କେ ତାର୍ ବଡ଼ ରିସା ଆଇସି । ୭ ପୁର୍ବେ ତମେ ମିସା ଏ ସବୁ କାମେ ମିସି ରଇକରି ସେନ୍ତାରି ଚଲାଚଲ୍ତି କର୍ତେରଇଲାସ୍ ।

୮ ମାତର୍ ଏବେ ସେନ୍ତାରି ବିସଇ କରା ନାଇ । ଜେନ୍ତିକି ରିସା ଅଇବାଟା, ଇସାତଲା କରବାଟା, ବିନ୍ଲକ୍ମକେ ଗିନ୍ କରବାଟା, ନିନ୍ୟାକାତା କଇବାଟା, ଆରି ପିଟ୍ତେ କାତାକଇବାଟା ଚାଡ଼ିଦିଆସ୍ । ୯ ନିଜର୍ ନିଜର୍ ବିଡ଼ରେ ମିଚ୍ କାତା କୁଆବଲା ଉଆନାଇ । କାଇକେ ବଇଲେ ତମେ ପୁରନା ଗୁନ୍ତଲନ୍ ସବୁ ଅବିଆସ୍ ଚାଡ଼ିଦେଇକରି, ୧୦ ନୁଆ ଚଲାଚଲ୍ତି ଆରାମ୍କରି ଆଚାସ୍ । ପର୍ମେସର୍ ତମ୍ମକେ ଦେଇରଇବା ଏ ନୁଆ ଚଲାଚଲ୍ତିତେଇ ତମେ ତାର୍ ବିସଇ ଅଦିକ୍ ଅଦିକ୍ ଜାନ୍ସା ଆରି ତାର୍ପାରା ଅଦିକ୍ ଅଦିକ୍ ଅଇଆଇସା । ୧୧ ତମେ ଜିଉଦି ଲକ୍ ଉଆ କି ଜିଉଦି ନ ଅଇଲା ଲକ୍ ଉଆ, ସୁନତ୍ ଅଇଲାଲକ୍ କି ସୁନତ୍ ନ ଅଇଲା ଲକ୍, ଦାପ୍ରେ ରିସା ଅଇ ମାରିମରାଇବା ଲକ୍ କି ବିନ୍ ଦେସର୍ ଗତିଦାଙ୍ଗ୍ଡା କି ମୁକ୍ଲାଇଲା ଲକ୍, ସେଟା କାଇଟା ନଏ । ମାତର୍ କିରିସ୍ଟର୍ ସବୁର୍ଟାନେ ଆଟେ ଆରି ସେ ଆକା ସବୁର୍ ଉପରେ ସାସନ୍ କଲାନି ।

୧୨ ତେବେ ପର୍ମେସର୍ ତମ୍ମକେ ତାର୍ ଲକ୍ ଅଇବାକେ ବାଚିରଇଲାର୍ ପାଇ ଆରି ତମ୍ମକେ ଆଲାଦ୍ କରି ସୁକଲ୍ ଲକ୍ ଅଇବାକେ ବେଗ୍ଲାଇଲାର୍ ପାଇ, ଦୟା ଦେକାଇବାକେ, ଦରମ୍ ଅଇବାକେ, ନିଚ୍ ଅଇବାକେ, ସୁଆଲ୍ ଅଇବାକେ, ମୁରଚିକରି ରଇବାକେ ଜାଗରତ୍ ଉଆ । ୧୩ ତମର୍ ତମର୍ ବିଡ଼ରେ ଦସ୍ ଦାରାଦାରି ଅଇ ବୁଲ୍ଲକଲେ କେମା ଦିଆଦିଇ ଉଆ । ବିନ୍ ଲକ୍ ବିରଦ୍ କାତା ରଇଲେ ମୁରଚିକରି କେମା ଦିଆଦିଇ ଉଆ । ମାପୁର୍ ତମ୍ମକେ କେମା ଦେଲାପାରା ତମର୍ ବିଡ଼ରେ କେମା କରାକରି ଉଆ । ୧୪ ଏ ସବୁ ବିସଇ କିରି ତମର୍ ବିଡ଼ରେ ଆଲାଦ୍ କରାକରି ଉଆ । ସେନ୍ତାଆଲେ ତମେ ଗଟେକମନ୍ ଅଇକରି ରଇବାଟା ସିଦ୍ ଅଇସି । ୧୫ ତମେ ସବୁଲକ୍ ଗଟେକ୍ ଗାଗ୍ତେ ରଇବା ବିନ୍ ବିନ୍ଟା ଅଇଲାର୍ ପାଇ, କରବା ସବୁ କାମେ କିରିସ୍ଟର୍ ତମ୍ମକେ ବାଟ୍ ଦେକାଅ । ସେ ତମ୍ମକେ ସାନ୍ତି ଦେଲା ଆଟେ । ତମେ ସାନ୍ତି ସଙ୍ଗ୍ ରଇବାକେ ସେ ତମ୍ମକେ ବାଟ୍ଲାଆଟେ । ଆରି ପର୍ମେସର୍କେ ଦନିଅବାଦ୍ ଦେଇତେରୁଆ ।

୧୬ କିରିସ୍ଟର୍ ବାକିଅ ଦିଆନ୍କରି ଲାଗିରୁଆ । ତମର୍ ତମର୍ ବିଡ଼ରେ ସିକିକରି ଜାଗରତ୍ ଅଇରୁଆ । ଏଟା ଗିଆନ୍ ସଙ୍ଗ୍ କରା । ଗିଡ଼ ସଙ୍ଗିତା ବଇର୍ ଗିଡ଼ମନ୍, ବିନ୍ ଗିଡ଼ମନ୍ ଆରି ସୁକଲ୍ ଗିଡ଼ମନ୍ କଇତେରୁଆ । ମନ୍ ବିଡ଼ରେ ଦନିଅବାଦ୍ କଇକରି ପର୍ମେସର୍କେ ଗିଡ଼ କଇତେରୁଆ । ୧୭ ତମେ କାଇଟା ମିସା କଇଲେ କି କଲେ, ସେ ସବୁ ମାପୁର୍ ଜିସୁର୍ ନାଉଁଦାରି ବାବା ପର୍ମେସର୍କେ ଦନିଅବାଦ୍ ଦିଆସ୍ ।

**ନୁଆ ଜିବନ୍**

୧୮ ଏ ମାଇଜିମନ୍, ତମେ ନିଜର୍ ନିଜର୍ ମୁନ୍ସମନ୍ କାତା ମାନିକରି ରୁଆ । ଜିସୁ କିରିସ୍ଟର୍ ସଙ୍ଗ୍ ମିସିରଇଲାର୍ ପାଇ ଏନ୍ତାରି କରବାଟା ନିକ ।

୧୯ ଏ ମୁନ୍ସମନ୍, ତମେ ନିଜର୍ ନିଜର୍ ମାଇଜିମନ୍କେ ଆଲାଦ୍ କରି ଦରମ୍ ଉଆ ।

୨୦ ଏ ପିଲାଟକିମନ୍, ତମର୍ ଆୟାବାବାର୍ କାତା ମାନିକରି ରୁଆ । ସେଟା ପର୍ମେସର୍କେ ସାର୍ଦା କରାଇସି ।

୨୧ ଏ ଆୟା ବାବାମନ୍, ତମର୍ ପିଲାଟକିମନ୍କେ ସବୁବେଲେ ଲାଗିକରି ମନ୍ ବାଙ୍ଗାଆ ନାଇ ।

✧ ୩:୯ ୩:୯ ଏପିସିୟ ୪:୨୨ ✧ ୩:୧୦ ୩:୧୦ ଏପିସିୟ ୪:୨୪ ✧ ୩:୧୨ ୩:୧୨ ଏପିସିୟ ୪:୨ ✧ ୩:୧୩ ୩:୧୩ ଏପିସିୟ ୪:୩୨ ✧ ୩:୧୬ ୩:୧୬ ଏପିସିୟ ୫:୧୯,୨୦ ✧ ୩:୧୮ ୩:୧୮ ଏପିସିୟ ୫:୨୨; ୧ ମ ପିତର୍ ୩:୧ ✧ ୩:୧୯ ୩:୧୯ ଏପିସିୟ ୫:୨୫; ୧ ମ ପିତର୍ ୩:୭ ✧ ୩:୨୦ ୩:୨୦ ଏପିସିୟ ୬:୧ ✧ ୩:୨୧ ୩:୨୧ ଏପିସିୟ ୬:୪

୨୨ ✨ଏ ଗତିଦାଈତାମନ୍, ତମେ କରିରଇବା ସବୁକାମ୍‌ଗାନେ ତମର ଜଗତେରଇବା ସାଉକାର୍‌ମନ୍ କାତା ମାନିକରି ରୁଆ । ସେମନ୍ ତମର କାମ୍ ଦେକି ବଲ୍ ବଲ୍‌ବାକେ ନାଇ ମାତର ମାପୁରୁକେ ଡରିକରି ସତ୍ ମନେ ରଇ ସବୁ କାମ୍ କରା । ୨୩ ତମେ ଜାଇଟା କଲେମିସା ପୁରାପୁରୁନ୍ ମନ୍, ଦିଆନ୍, ଜିବନ୍, ପରାନ୍ ଦେଇ ମାପୁରୁପାଇ କଲା ଇସାବେ କରା । ଲକ୍‌ମନ୍‌କେ ପାଇ କାମ୍ କଲାପାରା କରାନାଇ । ୨୪ କାଇକେବଇଲେ ମାପୁରୁ ତମ୍‌କେ ପୁରୁସ୍‌କାର୍ ଦେଇସି ଆରି ତାର୍ ଲକ୍‌ମନ୍‌କେ ସେ ଦେବି ବଲି କାତା ଦେଇରଇବା ସବୁ ଆସିର୍‌ବାଦ୍ ତମେ ପାଇସା ବଲି ଜାନିଆଗାସ୍ । ତମେ ସେବା କରବା ସାଉକାର୍ କିରିସ୍‌ଟ, ବଲି ଏତାଇରୁଆ ।

୨୫ ✨ଜଦି କେ ମିସା ବୁଲ୍ କାମ୍ କରି ଲାଗିରଇଲେ, ପର୍‌ମେସର୍ ସେମନ୍‌କେ ଡଣ୍ଟ ଦେଇସି ଆରି ସେ ସବୁଲକ୍‌କେ ସମାନ୍ ନାପବା ଡାଈସଙ୍ଗ ବିଚାର୍ କରସି ।

### ୪

୧ ✨ଏ ସାଉକାର୍‌ମନ୍, ତମର ଦାଈତାମନ୍‌କେ ଜତନ୍ କରା ଆରି ସେମନ୍‌କେ ସବୁକେ କାଇ ଅନିଆଇ ନ କରି ଚଲାଚଲ୍‌ତି କରା । କାଇକେବଇଲେ ସର୍‌ଗେ ମିସା ତମର ପାଇ ଗଟେକ୍ ସାଉକାର୍ ଆଚେ ବଲି ଏତାଆ ।

#### ବିନ୍ ବିନ୍ ବିସଇର୍ ଆଦେସ୍ ଦେବାଟା

୨ ପାର୍‌ତନା କରିଲାଗିରୁଆ । ଆରି ଜାଗ୍‌ରଡ୍ ଅଇରୁଆ । ପର୍‌ମେସର୍‌କେ ସବୁବେଲେ ଦନିଅବାଦ୍ ଦେଇତେରୁଆ । ୩ ଆମର୍ ପାଇ ମିସା ପାର୍‌ତନା କରା । ଜେନ୍‌ଡିକି କିରିସ୍‌ଟର୍ ବିସଇଟାନେ ରଇବା ଏ ସୁବ୍‌କବର୍ ଆମେ ସବୁଲକ୍‌କେ ଜାନାଇପାରୁ । ଏ ସୁବ୍ କବର୍ ସେମନ୍ ଆଗ୍‌ତୁ ନାଜାନିରଇଲାଇ । ଏ ସୁବ୍‌କବର୍ ଜାନାଇଲାପାଇ ମୁଇ ଏବେ ବନ୍ଦିଗରେ ଆତି । ୪ ଜେନ୍‌ଡିକି ମୁଇ ଜେଡ୍‌କି ଲକ୍‌କେ ଏ ସୁବ୍‌କବର୍ ନିକସଙ୍ଗ୍ ଜାନାଇବି, ସେଟାର୍‌ପାଇ ପାର୍‌ତନା କରା ।

୫ ✨ମାପୁରୁ ଜିସୁକିରିସ୍‌ଟକେ ବିସ୍‌ବାସ୍ ନ କଲା ଲକ୍‌ମନ୍‌ରତେଇ ଜାଗ୍‌ରଡ୍ ସଙ୍ଗ୍ ଚଲାଚଲ୍‌ତି କରା । ତମେ ମିଲାଇରଇବା ସବୁ ବେଲା ବୁଦିର୍ ସଙ୍ଗ୍ କରା । ୬ ସେମନ୍‌କେ ସମ୍‌ମାନ୍ ଦେଇ କାତା ଉଆ । ଜେନ୍‌ଡିକି ତମେ କଇବା ବିସଇ ସେମନ୍ ମନ୍‌କରବାଇ । ତେବେ ତମେ ବିସ୍‌ବାସ୍ କରବା ବିସଇଟାନେ କାଇଆଲେ କାତା ଉର୍‌ଲେ, ତମେ ଉତ୍‌ର ଦେଇପାରସା ।

#### ସାରାସାରିର୍ କାତା

୭ ✨✨ତୁକିକ କଲସିଅ ଆଇଲାବେଲେ ମକେ କାଇକାଇଟା ଗଟ୍‌ଲାନି ବଲି ତମ୍‌କେ କଇଦେଇସି । ସେ, ମୁଇ ବେସି ଆଲାଦ୍ କରବା ଗଟେକ୍ ବିସ୍‌ବାସି ବାଇ । ସେ ବିସ୍‌ବାସ୍ ସଙ୍ଗ୍ କାମ୍ କରସି ଆରି ମର୍ ସଙ୍ଗ୍ ମାପୁରୁକେ ସେବା କରସି । ୮ ଆମ୍‌କେ କାଇଟା ଗଟ୍‌ଲାନି ବଲି ତାର୍‌ଟାନେଅନି ଜାନ୍‌ସା । ଆରି ସେ ତମ୍‌କେ ବିସ୍‌ବାସ୍ କରାଇବାଟା ଡାଟ୍ କରାଇସି । ଏଟାର୍‌ପାଇ ତାକେ ତମ୍‌ଟାନେ ପାଟାଇଲିନି । ୯ ✨ଅନିସିମ୍‌କେ ତାର୍‌ସଙ୍ଗ୍ ପାଟାଇଲିନି । ସେ ଆମର୍ ଆଲାଦର୍ ବେସି ବିସ୍‌ବାସ୍ ରଇବା ବାଇ । ସେ ତମର୍ ନଅରର୍ ଲକ୍ । ଇତି ଗଟ୍‌ବା ସବୁ ବିସଇ ସେମନ୍ ତମ୍‌କେ ଜାନାଇବାଇ ।

୧୦ ✨ଆରିସ୍‌ତାକସ୍ ତାର୍ ଜୁଆର୍ ଜାନାଇଲାନି । ସେ ମର୍ ସଙ୍ଗ୍ ବନ୍ଦିଗରେ ଆଚେ । ବର୍‌ନବାର୍ ମେଏନାବାଇ ମାର୍‌କ ମିସା ଜୁଆର୍ ଜାନାଇଲାନି । ମାର୍‌କର୍ ବିସଇ ତମେ ସୁନିସାରାଇ ଆଗାସ୍ । ସେ ତମର୍ ଲଗେ ଆଇଲେ ତାକେ ତାକି ନିଆ । ୧୧ ଜୁସ୍‌ତ ନାଉଦାରି ଡାକ୍‌ପୁଟା ଅଇଲା ଜିୟ୍‌ସୁୟ୍ ମିସା ତମ୍‌କେ ଜୁଆର୍ ଜାନାଇଲାନି । ଏ ତିନ୍ ଲକ୍‌ସେ ଇତି ରଇବା ଜିଉଦି ବିସ୍‌ବାସିମନ୍ । ପର୍‌ମେସର୍‌ର ରାଇଜ୍ ବିସଇତେଇ ରଇବା ସୁବ୍‌କବର୍ ଜାନାଇବାକେ ସେମନ୍ ମର୍ ସଙ୍ଗ୍ କାମ୍ କଲାଲିନି । ସେମନ୍ ମକେ ବେସି ସାର୍‌ଦା କରାଇଆଚଡ୍ ।

୧୨ ✨ଏପାପୁରା ତାର୍ ଜୁଆର୍ ଜାନାଇଲାନି । ସେ ମିସା ତମର୍ ନଅରର୍ ଲକ୍ । ସେ ମିସା ଗଟେକ୍ ଜିସୁକିରିସ୍‌ଟର୍ ଗତିଦାଈତା । ସେ ତମର୍‌ପାଇ ସବୁବେଲେ ମନ୍‌ଦିଆନ୍ ଦେଇ ପାର୍‌ତନା କରିଲାଗିରଇସି । ଜେନ୍‌ଡିକି ତମେ ଡାଟ୍ ଅଇ ସିଦ୍ ଅଇସା ଆରି ପର୍‌ମେସର୍ ତମ୍‌କେ କରା ବଲି ମନ୍‌କଲାଟା ଜାନିରଇସା । ୧୩ ଏରାପଲି ଆରି ଲାଉଦିକିଆଇ ରଇବା ବିସ୍‌ବାସିମନ୍‌ପାଇ ଆରି ତମର୍‌ପାଇ ମିସା ସେ ଆବଡ୍ ଅଇଲାନି ବଲି ମୁଇ ସାକି ଦେଲିନି । ୧୪ ✨ଆମର୍ ଆଲାଦର୍ ନିଜେ ଅସଦେଉ ଲୁକ ଆରି ଦିମା ତମ୍‌କେ ଜୁଆର୍ ଜାନାଇଲାଲିନି ।

୧୫ ଲାଉଦିକିଆତେଇ ରଇବା ବାଇବଇନିମନ୍‌କେ, ମର୍ ଜୁଆର୍ ଜାନାଇଦିଆସ୍ । ବଇନି ନୁମ୍‌ପାକେ ଆରି ତାର୍ ଗରେ ରୁଣ୍ଟିବା ସବୁ ବିସ୍‌ବାସିମନ୍‌କେ ମିସା ମର୍ ଜୁଆର୍ ଜାନାଆ । ୧୬ ତମେ ଏ ଚିଟିତେଇ ଲେକ୍‌ଲାଟା ସୁନିସାରାଇଲାପଚେ ଲାଉଦିକିଆଇ ରଇବା ବାଇବଇନିମନ୍‌କେ ମିସା ସୁନାଇଦେବାର୍‌ଆଚେ ଆକା । ୧୭ ✨“ମାପୁରୁ ତକେ ସର୍‌ପିଦେଲା କାମ୍ ତୁଇ କରିସାରାଇବାର୍ ଆଚେ ଆକା” ବଲି ଆର୍‌କିପସ୍‌କେ କୁଆ ।

୧୮ ମୁଇ ପାଉଲ୍ ଏଟା ନିଜେ ଲେକ୍‌ଲିନି, “ଜୁଆର୍ ! ମୁଇ ବନ୍ଦିଗରେ ଆତିବଲି ଏତାଆ ।” ପର୍‌ମେସର୍‌ର ଜିବନ୍ ଦୁକାଇ ଦୟା ଦେକାଇଲାଟା ତମର୍ ସଙ୍ଗ୍ ରଅ ।

✨ ୩:୨୨ ୩:୨୨ ଏପିସିୟ ୬:୫-୮ ✨ ୩:୨୫ ୩:୨୫ ଏପିସିୟ ୬:୯ ✨ ୪:୧ ୪:୧ ଏପିସିୟ ୬:୯ ✨ ୪:୫ ୪:୫ ଏପିସିୟ ୫:୧୭ ✨ ୪:୭ ୪:୭ ପେରିଡ୍ ୨୦:୪; ୨ୟ ଡିମତି ୪:୧୨ ✨ ୪:୭ ୪:୭ ଏପିସିୟ ୬:୨୧,୨୨ ✨ ୪:୯ ୪:୯ ପିଲିମନ୍ ୧:୧୦-୧୨ ✨ ୪:୧୦ ୪:୧୦ ପେରିଡ୍ ୧୯:୨୯;୨୭:୨; ପିଲିମନ୍ ୧:୨୪; ପେରିଡ୍ ୧୨:୧୨,୨୫;୧୩:୧୩;୧୫:୩୭-୩୯ ✨ ୪:୧୨ ୪:୧୨ କଲସିଅ ୧:୭; ପିଲିମନ୍ ୧:୨୩ ✨ ୪:୧୪ ୪:୧୪ ୨ୟ ଡିମତି ୪:୧୧; ପିଲିମନ୍ ୧:୨୪; ୨ୟ ଡିମତି ୪:୧୦; ପିଲିମନ୍ ୧:୨୪ ✨ ୪:୧୭ ୪:୧୭ ପିଲିମନ୍ ୧:୨

# ତେସଲନିକିୟ ମଣ୍ଡଳୀର ବିଶ୍ୱାସୀମାନଙ୍କୁ ପାଉଲଙ୍କର ପ୍ରଥମ ପତ୍ର ତେସଲନିକିୟ ମଣ୍ଡଳୀର ବିସ୍ତ୍ରାସିତମାନଙ୍କେ ପାଉଲ୍ ପର୍ତ୍ତୁମ୍ବର୍ ଚିଠିଲେଖନାଟୀ ଏ ବଇର୍ ବିସଇ ଜାନ୍ବାଟୀ

୧ ମ ତେସଲନିକିୟ ଚିଠି ପେରିଡ୍ ପାଉଲ୍ ଲେକାଅଇରଇଲା୧:୧ । ଏଟା ପାଉଲ୍ ପର୍ତ୍ତୁମ୍ବର୍ ଲେକାଅଇରଇଲା ଆରି ଏଟା ବାଇବଲେ ଗଟେକ୍ ବାଗ୍ ଅଇଆଟେ । ଏଟା ଜିସୁକ୍ରିସ୍ଟ ଜନମ୍ ଅଇକରି ଲଗାଲଗି ୫୧ ବରସ୍ ପଟେ ଲେକା ଅଇଲାଆଟେ । ଜେଡେବେଲେ ପାଉଲ୍ ତେସଲନିକିୟ ମଣ୍ଡଳୀକେ ଚିଠି ଲେଖଲା, ସେବେଲେ ସେ କରନ୍ତିଅ ମଣ୍ଡଳୀତେଇ ରଇଲା । ଜନ୍ ମଣ୍ଡଳୀକେ କି ସେ ମିସ୍ନାରି ଇସାବେ ଦୁଇପାଲି ଗାଲାବେଲେ ତାପ୍ନା କରିରଇଲା । ପେରିଡ୍ ୧୭:୧-୧୦ ।

ଏଟା କେତେଟା ଜିଉଦି ଆରି କେତେଟା ଗିରିକ୍ ବାସା କଇବା ଲକ୍ମନ୍ ଆକା କରିରଇଲାଇ ବଲି ପେରିଡ୍ ବଇଟାନେ କୁଆଅଇଆଟେ । ପାଉଲ୍ ମଣ୍ଡଳୀ ତାପ୍ନା କଲା ପଟେ, ବେସି ଦିନ୍ ତେସଲନିକିଏ ରଇନାପାରୁଲା । ତେବର୍ପାଇ ତେଇ ରଇବା ବିସ୍ତ୍ରାସିତମାନଙ୍କେ ନ ଡରିକରି ରଇବାକେ ସେ ଏ ଚିଠି ପାଟାଇଲା । ଗଟେକ୍ ବିସ୍ତ୍ରାସି କେନ୍ତାରି ଜିଉନା କାଉନା କର୍ବାକେ ପତ୍ସି, ଏ ଚିଠି ଟାଣେ କେତେକ୍ କେତେକ୍ ବିସଇ, ଆରି ବିନ୍ ବିନ୍ ଜାନ୍ବା କାତା ଆଟେ । ପାଉଲ୍ କେତେଟାଟାଣେ ଆରିତରେକ୍ ଆଇବା ବିସଇ ମନ୍ଦିଆନ୍ ଦେଲାଆଟେ । ଜେନ୍ତିକି ତେସଲନିକିୟ ମଣ୍ଡଳୀର ବିସ୍ତ୍ରାସିତମନ୍ ଏ ବିସଇତେଇ କାଇ ଅସୁବିଦା ନ ଅଇକରି ଆଗ୍ତୁ ଅଇତେରଇଲାଇ । ପାଉଲ୍ ଜିସୁ ଆରିତରେକ୍ ଆଇବାଟା ନେଇ କେନ୍ତାରି ଜିଉନା କାଉନା କର୍ବାର୍ ଆରି ପର୍ମେସର୍କେ ସାର୍ଦା କରାଇବାକେ ଜାନାଇଲାନି । ୫:୬-୮ ।

- ଏ ବଇଟାଣେ ରଇଲାଟୀ**
- ୧. ପାଉଲ୍ ମଣ୍ଡଳୀକେ ଜୁଆର୍ ଜାନାଇ କରି ଆରି ପର୍ମେସର୍କେ ଦନିଅବାଦ୍ ଦେଇକରି ଚିଠି ଆରାମ୍ କଲାଆଟେ । ୧
  - ୨. ପଟେ ସେ ତିମତି ଆନିରଇବା କବର୍ ଆରି ତାର୍ କାମ୍ ବିସଇନେଇ ବୁଜାଇଲା । ୨-୩
  - ୩. ଜିସୁକେ ବିସ୍ତ୍ରାସି କଲା ଲକ୍ ସେ ଆରିତରେକ୍ ଆଇବା ଜାକ ଜାଗିରଇକରି କେନ୍ତାରି ଜିଉନା କାଉନା କର୍ବାର୍ ସେଟା ଚେତାଇ କରି ଆଦେସ୍ କଲାନି । ୪:୧-୫:୧୫
  - ୪. ପାଉଲ୍ ଆରିତରେକ୍ ମଣ୍ଡଳୀକେ ଜୁଆର୍ ଜାନାଇକରି ସେମନ୍କେ ଚିଠି ପତ୍ସିବାକେ ବାଦିଅ କରାଇ ସେସ୍ କଲାନି । ୫:୧୬-୨୮

୧\*ମୁଇ ପାଉଲ ଆରି ମର୍ ବାଇମନ୍ ସିଲାନ୍, ଆରି ତିମତି ତେସଲନିକିୟ ମଣ୍ଡଳୀତେଇ ରଇବା ଲକ୍ମନ୍କେ ଏ ଚିଠି ଲେଖଲୁନି । ବାବା ପର୍ମେସର୍ ଆରି ମାପୁରୁ ଜିସୁକ୍ରିସ୍ଟ ଜିବନ୍ ଦୁକାଇଲା ସାନ୍ତି ତମ୍କେ ମିଲ ।

**ତେସଲନିକିୟ ମନର୍ ବିସ୍ତ୍ରାସର୍**

୨ ଆମେ ସବୁବେଲେ ତମର୍ ସବୁ ଲକ୍ମନ୍ପାଇ ପର୍ମେସର୍କେ ଦନିଅବାଦ୍ ଦେଇତେରଇବୁ ଆରି ପାର୍ତନା କଲାବେଲେ ତମର୍ ବିସଇ ସବୁବେଲେ ଜାନାଇତେରଇବୁ । ୩ ତମେ ବିସ୍ତ୍ରାସ୍ କରି କେନ୍ତି ଚଲାଚଲ୍ତି କଲାସ୍ନି ଆରି ତମର୍ ତମର୍ ବିତ୍ରେ ରଇବା ଆଲାଦର୍ ଲାଗି, ମିସିବିତି କେନ୍ତି ସାଇଜ କରାକରି ଅଇଲାସ୍ନି ଆରି ମାପୁରୁ ଜିସୁ କିରିସ୍ଟ ଟାଣେ ତମର୍ ବିସ୍ତ୍ରାସ୍ କେନ୍ତି ଡାଟ୍ ଅଇଆଟାସ୍ । ୪ ବାଇବଲିମନ୍ ! ଆମେ ଜାନିଆରୁ ଜେ, ପର୍ମେସର୍ ତମ୍କେ ଆଲାଦ୍ କଲାନି । ଆରି ସେ ତମ୍କେ ନିଜର୍ ଲକ୍ କର୍ବି ବଲି ବାଟ୍ଲାଆଟେ । ୫ ଜେଡେବେଲେ ଆମେ ତମ୍କେ ଏ ସୁବ୍ କବର୍ ଜାନାଇରଇଲୁ, ସେଟା ଅବ୍କା କାତାଇ ନ ରଇଲା, ମାତର୍ ସୁକଲ୍ଆଡ୍ମାର୍ ବପୁ ସଙ୍ଗ୍ ଆରି ସେଟା ସଡ୍ ବଲି ପୁରାପୁରୁନ୍ ବିସ୍ତ୍ରାସର୍ ସଙ୍ଗ୍ ରଇଲା । ତମେ ଜାନାସ୍, ତମର୍ ସଙ୍ଗ୍ ରଇଲାବେଲେ ଆମେ କେନ୍ତି ରକାମେ ଜିଉନାକାଉନା କର୍ତେରଇଲୁ, ଜେନ୍ତିକି ତମର୍ ମଙ୍ଗଲ୍ ଅ ବଲି ଆମର୍ ବାବ୍ନା ରଇଲା । ୬\*ତମେ ଚଲାଚଲ୍ତିତେଇ ଆମର୍ ପାରା ଆରି ମାପୁରୁ ପାରା ରଇଲାସ୍ । ତମ୍କେ ଦୁକ୍କସ୍ଟ ଅଦିକ୍ ରଇଲେ ମିସା ସୁକଲ୍ ଆଡ୍ମାର୍ ଟାଣେଅନି ମିଲାଇରଇବା ସାର୍ଦା ସଙ୍ଗ୍ ସୁବ୍ କବର୍ ମାନ୍ଲାସ୍ । ୭ ତେବେ ତମେ ମାକିଦନିଆ ଆରି ଆକାୟାତେଇ ରଇବା ସବୁ ବିସ୍ତ୍ରାସିତମାନଙ୍କେ ଗଟେକ୍ ବାଟ୍ଦେକାଉ ପାରା ରଇଲାସ୍ । ୮ ତମର୍ଲଗେଅନି ମାସିଦନିଆ ଆରି ଆକାୟାର୍ ଜାଗାମନ୍କେ ଅବ୍କା ମାପୁରୁ ସୁବ୍ କବର୍ସେ ବିଚି ନ ଅଇରଇଲା । ମାତର୍ ତମେ ମାପୁରୁକେ ବିସ୍ତ୍ରାସ୍ କରିରଇବା କାତା ସବୁ ବାଟେ ଜାନାପଡୁଲା ଆଟେ । ଏ ବିସଇ ଆରି ଆମେ ଅଦିକ୍ କଇବା ଦର୍କାର୍ ନାଇ । ୯ ଆମେ ତମର୍ଲଗେ ଆଇଲାବେଲେ ତମେ ଜେନ୍ତି ଆଲାଦର୍ସଙ୍ଗ୍ ଡାକିରଇଲାସ୍ ଆରି ରୁଟା ପାକ୍ନାମନ୍ ପୁଜା କର୍ବାଟା ଚାଡିକରି ଜିବନ୍ ରଇବା ପର୍ମେସର୍କେ ଉପାସନା କର୍ବାକେ ଆଗ୍ତୁ ଆସିରଇଲାସ୍ । ଏ ସବୁ ବିସଇ ତେଇର୍ ଲକ୍ମନ୍ କାତା ଅଇଲାଇନି । ୧୦ ଆରି ପର୍ମେସର୍

☆ ୧:୧ ୧:୧ ପେରିଡ୍ ୧୭:୧ ☆ ୧:୬ ୧:୬ ପେରିଡ୍ ୧୭:୫-୯

ତାର୍ ନିଜର ଜନ୍ ପଥକେ, ମଲା ଲକ୍ଷ୍ମୀନର ବିତ୍ତରେ ଅନି ଉଚ୍ଚାଇଲା । ଆରି ଜେ କି ଆଇତେରଇବା ପର୍ମେସରର ବଡ଼ ତଣ୍ଡୁତେଇଅନି ଆମ୍ବକେ ରକିଆ କରସି । ତାର୍ପିଲା ଜିସୁ ସର୍ଗେଅନି ଆରିତରେକ୍ ଆଇବାଟାକେ ଆମେ ଜାଗିକରି ରଉ । ଏ ସବୁ ବିସଇ ମିସା ତେଇର୍ ଲକ୍ଷ୍ମୀନ କାତାବାର୍ତା ଅଇଲାଇନି ।

୨

ଡେସଲନିକିତେଇ ପାଉଲର୍ କାମ୍

୧୯ ଏ ବାଇବଇନିମନ୍ ତମେ ନିଜେ ଜାନି ଆଗସ୍, ତମର୍ଲଗେ ଆମେ ଆଇଲାଟା ରୁଚାଇ ନ ରଇଲା । ୨୦ ତମର୍ଗାନେ ଆଇବା ଆଗ୍ତୁ ପିଲିପେ ଆମ୍ବକେ କେନ୍ତ୍ର ଦୁକ୍ ନିନ୍ଦା ଅଇରଇଲା, ସେଟା ତମେ ଜାନାସ୍ । ବେସି ଲକ୍ ଆମ୍ବକେ ବିରଦ୍ କଲେ ମିସା ସୁବ୍‌କବର୍ ତମ୍ବକେ ଜାନାଇବାକେ ପର୍ମେସର୍ ସାଆସ୍ ଦେଇରଇଲା । ୨୧ ଆମେ ବାବୁଜିଆ କଲାଟା, ଲକ୍ଷ୍ମୀନର ବୁଲୁ ଆଦେସ୍ ଅନି ନ ରଇଲା ଆରି ନାତାଇବାଟା କି ବୁଲୁବାଟେ ନେବା ବିସଇ ନ ରଇଲା । ୨୨ ମାତର୍ ସବୁବେଲେ ଆମେ ପର୍ମେସରର୍ ମନ୍ କଲା ଇସାବେ ସେ କାତା କଇତେରଇବୁ । କାଇକେବଇଲେ ସେ ଆମ୍ବକେ ବାଟିକରି ସୁବ୍‌କବର୍ ଜାନାଇବା ଦାଇଡ଼ ସର୍ପି ଦେଲାଆତେ । ଲକ୍ଷ୍ମୀନକେ ସାର୍ଦା କରାଇବାକେ ଆମର୍ ଆଦେସ୍ ନାଇ । ଜନ୍ ପର୍ମେସର୍ ଆମର୍ ମନ୍ ବିତ୍ତରଟା ପରିକା କରି ଦେକିପାରସି, ତାକେ ଆକା ସାର୍ଦା କର୍ବାକେ ଆମେ ଚେସ୍ଟା କଲୁନି । ୨୩ ତମେତା ନିକ କରି ଜାନାସ୍ । ଆମେ କେବେ ମିସା ତମ୍ବକେ ସାର୍ଦା କରାଇବା କାତା କଇ ନ ରଇଲୁ । ଆମର୍ ଲବ୍‌ଅଇବାଟାକେ ଲୁଟାଇକରି ସଙ୍ଗୁନାଇ । ତମର୍ଲଗେ କାରାପ୍ ବେବାର୍ କରି ନ ରଇଲୁ । ଏ ବିସଇଟାନେ ପର୍ମେସର୍ ଆମର୍ ସାକି । ୨୪ ଆମେ କାର୍ଲଗେ ଅନି ସନ୍‌ମାନ୍ ପାଇବୁ ବଲି ଚେସ୍ଟା କରି ନ ରଇଲୁ । ତମର୍ଗାନେ ଅନି କି ବିନ୍ ଲକ୍ଷ୍ମୀନ ଟାନେଅନି ମିସା ନାଇ । ୨୫ ଜଦି କିରିସ୍ଟ ପାଟାଇରଇବା ପେରିଡ଼ ଇସାବେ ଆମ୍ବକେ ତମେ ମାନିକରି ରୁଆ ବଲି ଦାବି କର୍ତୁ । ମାଆ ଜେନ୍ତ୍ର ନିଜର୍ ପିଲାମନ୍‌କେ ଜତନ୍ କର୍ତେରଇସି, ଆମେ ତମର୍ଲଗେ ରଇବା ବେଲାଇ ସେରକାମ୍ କର୍ତେରଇଲୁ । ୨୬ ଆମେ ତମ୍ବକେ ବେସି ଆଲାଦ୍ କଲୁ ଜେ, ତମ୍ବକେ ଅବ୍‌କା ପର୍ମେସରର୍ ସୁବ୍ କବର୍ ଜାନାଇବୁ ବଲି ନାଇ, ମାତର୍ ତମର୍ଲାଗି ନିଜ୍‌କେ ସର୍ପି ଅଇବାକେ ମିସା ତିଆର୍ ଅଇରଇଲୁ । ତମେ ଆମର୍ କେତେକ୍ ନିଜର୍ ନ ରଇଲାସ୍ ! ୨୭ ଏ ବାଇବଇନିମନ୍ ଆମେ ଆବଡ଼ ଅଇ ଗାଗ୍‌ତେ ବାଦିଜାଇରଇଲେ ମିସା ମାନିଅଇ କାମ୍ କଲାଟା ତମ୍ବକେ ମନେରଇସି । ଆମେ ଜେନ୍ତ୍ରକି ତମର୍ ଉପ୍‌ରେ ବଜ୍ ନ ଅଇକରି, ଏଟାପାଇ ଦିନ୍ ରାତି କସ୍‌ଟ ପାଇ ପର୍ମେସରର୍ ସୁବ୍‌କବର୍ ତମ୍ବକେ ଜାନାଇରଇଲୁ ।

୨୮ ଜେତେବେଲେ ଆମେ ତମର୍ଗାନେ ରଇଲୁ, ଆମେ କେନ୍ତ୍ର ସୁକଲ୍‌ଅଇ, ସତଇସେ କାଇ ଦସ୍ ନ ଅଇକରି ଚଲାଟଲ୍‌ତି କର୍ତେରଇଲୁ । ନିଜେ ପର୍ମେସର୍ ଆରି ତମେ ଆକା ଆମର୍ ସାକି ଆଗସ୍ । ୨୯ ତମେତା ଜାନାସ୍ । ବାବା ଜେନ୍ତ୍ର ନିଜର୍ ପିଲାମନ୍‌କେ ଚଲାଟଲ୍‌ତି କର୍ତା, ଆମେ ମିସା ସମାନ୍ ସେନ୍ତାରିସେ ଚଲାଟଲ୍‌ତି କରିରଇଲୁ । ୩୦ ଆମେ ତମ୍ବକେ ସାଆସ୍ ଦେଇରଇଲୁ, ଦୁକ୍ ସାରାଇରଇଲୁ, ଆରି ପର୍ମେସରର୍‌ଗାନେ ଟିକ୍‌ସଙ୍ଗ ଚଲାଟଲ୍‌ତି ଅଇ ବର୍ବାକେ ବାବୁଜିଆ କର୍ତେରଇଲୁ । ପର୍ମେସର୍ ଜେ କି ତାର୍ ରାଇଜେ ଆରି ତାର୍ ମଇମା ଟାନେ ମିସିରଇବାକେ ତମ୍ବକେ ତାକ୍‌ଲାନି ।

୩୧ ଆମେ ପର୍ମେସର୍କେ ଏଟାପାଇ ମିସା ଦନିଅବାଦ୍ ଦେଲୁନି, କାଇକେବଇଲେ ଜେତେବେଲେ ଆମେ ତାର୍ ସୁବ୍‌କବର୍ ତମ୍ବକେ ଜାନାଇରଇଲୁ ସେଟା ପର୍ମେସର୍ ଟାନେ ଅନି ଆଇଲା ବାକିଅ ବଲି ତମେ ମାନ୍‌ଲାସ୍ । ଏଟା ଲକ୍ଷ୍ମୀନର ଟାନେଅନି ଆସି ଆତେ ବଲି ନାଇ । ସତଇସେ ସେଟା ପର୍ମେସରର୍ ବାକିଅ । ଆରି ତମର୍ପାରା ବିସ୍‌ବାସିମନ୍‌ର ମନ୍ ବିତ୍ତରେ, ସେଟା ଡାଟ୍ ଅଇରଇସି । ୩୨ ଏ ବାଇବଇନିମନ୍ ଜିଉଦା ଦେସେ ରଇବା ପର୍ମେସରର୍ ମଣ୍ଡଲିମନ୍‌କେ ଆରି ତେଇ ରଇବା କିରିସ୍ଟ ବିସ୍‌ବାସିମନ୍‌ରଲାଗି ଜନ୍ ଗଟ୍‌ନା ଗଟିରଇଲା, ତମର୍ପାଇ ମିସା ସେ ଗଟ୍‌ନା ଗଟ୍‌ଲା ଆତେ । ସେମନ୍ ଜିଉଦିମନ୍‌ର ଲଗେଅନି ଜନ୍ ରକାମ୍ ତାଡ଼ନା ପାଇରଇଲା, ତମେ ମିସା ନିଜର୍ ଦେସର୍ ଲକ୍ଷ୍ମୀନର ଲଗେଅନି ସେ ସମାନ୍ ତାଡ଼ନା ପାଇଆଗସ୍ । ୩୩ ଜିଉଦିମନ୍ ମାପୁରୁ ଜିସୁକେ ଆରି ବବିସଡ଼ବକ୍‌ତାମନ୍‌କେ ମରାଇରଇଲା ଆରି ଆମ୍ବକେ ମିସା ଦୁକ୍ କସ୍‌ଟ ଦେଇରଇଲା । ସେମନ୍‌ଗାନେ ପର୍ମେସର୍ ସାନ୍ତି ନାଇ । ସେମନ୍ ସବୁ ମୁନ୍‌ସ୍‌ଜାତିର୍ ସଡ଼ୁ ।

୩୪ ଜେନ୍ତାରି କି ଜନ୍ ସୁବ୍‌କବର୍ ଜାନାଇଲେ ଜିଉଦି ନଇଲା ଲକ୍ଷ୍ମୀନକେ ମୁକ୍ତି ମିଲି ପାରସି, ସେଟା ଚାଡ଼ି ଦେଅଡ଼ ବଲି ଆମ୍ବକେ ସେମନ୍ ଚେସ୍ଟା କଲାଇନି । ଏନ୍ତାରି ସେମନ୍ କର୍ତେରଇବା ପାପ୍ ଅଦିକ୍ ଅଦିକ୍ ବଡ଼ିଜାଇକରି ସାରାସାରି ଆସି କେଟିଆତେ । ଏବେ ସାରାସାରି ବେଲାଇ ସେମନ୍‌ର ବିରୁଦେ ପର୍ମେସରର୍ ରିସା ଅଇଆତେ ।

ପାଉଲ୍ ଆରିତରେକ୍ ଜିବାକେ ମନ୍‌କଲା

୩୫ ଏ ବାଇବଇନିମନ୍ ଜେତେବେଲେ ଆମେ ଚନେକର୍ପାଇ ତମର୍ଗାନେଅନି ବିନେ ଅଇଜାଇରଇଲୁ, ସେଟା ଗାଗଡ଼ ଇସାବେ । ମାତର୍ ଆମର୍ ମନ୍ ବିତ୍ତରେ ତମେ ସବୁବେଲେ ବାସାଅଇରଇଲାସ୍ । ତମ୍ବକେ ଏତାଇ ଏତାଇ କରି ବେସି ଚିନ୍ତା କର୍ତେରଇଲୁ । ପତେ ଆରିତରେକ୍ ତମ୍ବକେ ଦେକ୍‌ବାକେ ଚେସ୍ଟା କର୍ତେରଇଲୁ । ୩୬ ମାତର୍

୨:୨ ୨:୨ ପେରିଡ଼ ୧୭:୧୯-୨୪; ପେରିଡ଼ ୧୭:୧-୯      ୨:୧୪ ୨:୧୪ ପେରିଡ଼ ୧୭:୫      ୨:୧୫ ୨:୧୫ ପେରିଡ଼ ୯:୨୩,୨୯;୧୩:୪୫,୫୦;୧୪:୫,୧୯;୧୭:୫,୧୩;୧୮:୧୨

ତମରଲଗେ ବାଉଡ଼ିଆଇବାକେ ଆମ୍ଭକେ ବେସି ମନ୍‌ରଇଲା । ମୁଇ ନିଜେ ତମରଲଗେ ବାଉଡ଼ିଆଇବାକେ ଗଟେକ୍‌ତର ଚେସ୍‌ଟାକରିରଇଲି, ମାତର୍ ଏଟାରପାଇ ଆମ୍ଭକେ ସଇତାନ୍ ବାଦା ଦେଲା ।<sup>୧୯</sup> ସେ ଗାଲା କାତା ଗାଲାବେ । ମର୍ ଆସା ଆଚେ, ମାପୁରୁ ଜିସୁ ଆଇବା ବେଲେ ତମେ ଆମର୍ ଆସା, ସାର୍‌ଦା ବଡ଼ପନ୍ ଆରି ଜିଡ଼ବାଟା ।<sup>୨୦</sup> ତମେ ସବୁବେଲେ ଆମର୍‌ପାଇ ଡାକ୍‌ପୁଟା ଆରି ସାର୍‌ଦା ।

**୩**

<sup>୧</sup> ସାରାସାରିପତେ ଆମେ ଦୁକ୍ କସ୍‌ଟ ମୁର୍ଚି ନାପାରିକରି ଆତିନେସ୍‌ତେଇ କାର୍ ସଙ୍ଗ୍ ନ ମିସିକରି ଜିଉନାକାଉନା କରୁବଲି, କାତା ଅଇଲୁ ।<sup>୨</sup> ତମ୍ଭକେ ବପୁ କରାଇବାକେ ଆରି ତମର୍ ବିସ୍‌ବାସ୍ ଡାକ୍ କରାଇବାକେ ତମର୍ ଲଗେ ଆମର୍ ବାଇ ତିମତିକେ ପାଟାଇରଇଲୁ । ସେ ଆମର୍‌ସଙ୍ଗ୍ କିରିସ୍‌ଟର୍ ସୁବ୍‌କବର୍ ଜାନାଇକରି ପର୍‌ମେସରର୍ ସେବା କଲାନ୍ତି ।<sup>୩</sup> ତମର୍ ଉପରେ ଅଇତେରଇବା ବିପଦର୍ ଲାଗି ଜେନ୍ତ୍ରକି କେ ମିସା ବିନ୍ ବାଟେ ନ ଜାଅଡ଼ । ସେଟାରପାଇ ସେ ତମ୍ଭକେ ସାଇଜ କର୍‌ସି । ଏଲେମିସା ତମେତା ଜାନାସ୍, ଆମ୍ଭକେ ମିସା ଏନ୍ତାରି କସ୍‌ଟ ମିଲ୍‌ଲାନି, ଏଟା ଆମର୍ ପାଇ ପର୍‌ମେସର ମନ୍ କର୍‌ବାଟା ।<sup>୪</sup> ଆମେ ତମର୍‌ସଙ୍ଗ୍ ରଇଲା ବେଲେ, ବେସି ଆଗେଅନି ଆମ୍ଭକେ ଦୁକ୍‌କସ୍‌ଟ ଆଇସି ବଲି ପୁର୍‌ବେଅନି ଜାନାଇ ଦେଇରଇଲୁ । ଏବେ ତମେ ଜାନ୍‌ଲାସ୍‌ନି, ଟିକ୍ ସେଟାସେ ଗଟ୍‌ଲା ।<sup>୫</sup> ଏଟାରପାଇ ତମର୍ ବିସଇ ନାଜାନିକରି ମୁଇ ରଇ ନାପାରୁଲି । ତମେ ବିସ୍‌ବାସେ ଆଚାସ୍ କି ନାଇ ଚିନ୍ତାକରି ମୁଇ ତିମତିକେ ପାଟାଇଲି । ଏଟାରପାଇ ବଲି କେତେବେଲେ ସଇତାନ୍ ତମ୍ଭକେ ପରିକା କରି ଆମେ ଆବଡ଼ ଅଇ କଲାଟା ରୁଟାଇ ଜାଇସି ବଲି ତରତେ ରଇଲି ।

<sup>୬</sup> ମାତର୍ ତିମତି ତମରଲଗେଅନି ବାଉଡ଼ି ଆସି ତମର୍ ବିସ୍‌ବାସ୍ ଆରି ଆଲାଦର୍ ବିସଇର୍ ସୁବ୍‌କବର୍ ଆନ୍‌ଲା । ସେ ଆମ୍ଭକେ ଜାନାଇଦେଲାଆଚେଜେ, ତମେ ସବୁବେଲେ ଆମ୍ଭକେ ଆଲାଦ୍ ସଙ୍ଗ୍ ଏଡ଼ କଲାସ୍‌ନି ଆରି ଆମେ ଜେନ୍ତ୍ରକି ତମ୍ଭକେ ଦେକ୍‌ବାକେ ମନ୍ କଲୁନି, ତମେ ମିସା ସେରକାମ୍ ଆମ୍ଭକେ ଦେକ୍‌ବାକେ ମନ୍ କଲାସ୍‌ନି ।<sup>୭</sup> ତେବେ ଏ ବାଇବଇନିମନ୍, ଆମେ କାକୁର୍‌ତି ଅଇ ଦୁକ୍ କସ୍‌ଟ ପାଇଲା ବେଲେ ତମର୍ ବିସ୍‌ବାସ୍‌ରଲାଗି ସାର୍‌ଦା ଅଇଲୁନି । ତମର୍ ବିସ୍‌ବାସ୍ ଆକା ଆମ୍ଭକେ ସାଆସ୍ ଦେଇକରି ସଙ୍ଗ୍‌ଆଚେ ।<sup>୮</sup> କାଇକେବଇଲେ ଏବେ ତମେ ଡାକ୍‌ଅଇ ମାପୁରୁ ସଙ୍ଗ୍ ମିସିକରି ଆଚାସ୍ । ଏଟା ଆମେ ଜାନିକରି ଆରିତରେକ୍ ସାର୍‌ଦା ସଙ୍ଗ୍ ଜିଇଲୁନି ।<sup>୯</sup> ଓଁ, ଆମର୍ ପର୍‌ମେସରର୍ ମୁଆଟେ ତମର୍ ଲାଗି ଆମେ ସବୁଲକ୍ ସାର୍‌ଦା ଅଇଲୁନି । ସେଟାରପାଇ ତମରଲଗି ପର୍‌ମେସରକେ ଦନିଅବାଦ୍ ଦେଲୁନି ।<sup>୧୦</sup> ତମେ ବିସ୍‌ବାସ୍ କଲାଟାନେ କେତେଟା ଉନା ଆଚେ । ସେଟା ପୁରାପୁରୁନ୍ କର୍‌ବାକେ, ଆମେ ତମର୍‌ସଙ୍ଗ୍ କେନ୍ତ୍ର ମିସିପାରୁ, ଏଟାରପାଇ ଦିନ୍ ରାତି ପାର୍‌ତନା କରିଲାଗିଆରୁ ।

<sup>୧୧</sup> ତମରଲଗେ ଆଇବାକେ ଆମ୍ଭକେ ଆମର୍ ବାବା ପର୍‌ମେସର୍ ଆରି ଆମର୍ ମାପୁରୁ ଜିସୁ ବାଟ୍ ତିଆରକରି ଦେଅଡ଼ ।<sup>୧୨</sup> ଜେନ୍ତ୍ରକି ଆମର୍ ଆଲାଦ୍ ତମର୍‌ପାଇ ବଡ଼ିଆଇଲାନ୍ତି, ସେନ୍ତାରିସେ ନିଜର୍ ନିଜର୍ ବିଡ଼ରେ, ଆରି ସବୁ ଲକ୍‌ମନ୍‌କେ ମାପୁରୁ ଆଲାଦ୍ ବଡ଼ାଇକରି ଅଦିକ୍ କର ।<sup>୧୩</sup> ମାପୁରୁ ଏନ୍ତାରି ତମ୍ଭକେ ତବିର୍ କରାଅ । ଜେତେବେଲେ ଆମର୍ ମାପୁରୁ ଜିସୁ ତାର ନିଜର୍ ସୁକଲ୍ ଲକ୍‌ମନ୍‌ର ସଙ୍ଗ୍ ଆଇବା ବେଲେ, ତମେ କାଇ ଦସ୍ ନ ଅଇତେ ଆରି ସୁକଲ୍ ଅଇ, ବାବା ପର୍‌ମେସରର୍ ମୁଆଟେ ଟିଆଅଇସା ।

**୪**

**ପର୍‌ମେସର୍ ଦେକ୍‌ବା ଇସାବେ ସାନ୍‌ତିରେ ରଇବା ଜିବନ୍**

<sup>୧</sup> ତେବେ ଏ ବାଇମନ୍ ସାରାସାରି ବେଲାଇ କେନ୍ତାରି ଚଲାଟଲ୍‌ତି କଲେ ପର୍‌ମେସର୍ ସାର୍‌ଦା ଅଇସି, ସେ ବିସଇ ତମେ ଆମର୍‌ଟାନେଅନି ସିକିଆଚାସ୍ । ଆରି ସେନ୍ତାରିସେ ଚଲାଟଲ୍‌ତି କଲାସ୍‌ନି । ତମେ ଜେନ୍ତାରି କଲାସ୍‌ନି, ସେ ଇସାବେ ଆରି ଆଗଡ଼ୁ ଆଗଡ଼ୁ ଜିବାକେ ଆମେ ତମ୍ଭକେ ମାପୁରୁ ଜିସୁର୍ ନାଉଁଦାରି ବାରୁଜିଆ କରି ସାର୍‌ଦା କରାଇଲୁନି ।<sup>୨</sup> କାଇକେବଇଲେ ମାପୁରୁ ଜିସୁର୍‌ଟାନେଅନି ଆଦେସ୍ ପାଇକରି ଜାଇ ଜାଇଟା କର୍‌ବାକେ କଇରଇଲୁ, ସେଟା ତମେ ଜାନାସ୍ ।<sup>୩</sup> ଜେନ୍ତାରି କି ତମେ ବେସିଆ କାମ୍‌ଟାନେଅନି ବିନେ ରଇକରି, ସୁକଲ୍ ସଙ୍ଗ୍ ରଇବାଟା ପର୍‌ମେସର୍ ମନ୍ କଲାନ୍ତି ।<sup>୪</sup> ସବୁଲକ୍ ସୁକଲ୍ ଆରି ଆଲାଦ୍‌ସଙ୍ଗ୍ ନିଜର୍ ନିଜର୍ ମାଇଜିମନ୍‌ର ସଙ୍ଗ୍ ରଇବାକେ ସିକା ।<sup>୫</sup> ଆରି, ଜେନ୍ତ୍ରକି ବିସ୍‌ବାସ୍ ନ କଲା ଲକ୍‌ମନ୍‌ପାରା ପର୍‌ମେସରର୍ ବାକିଅ ନ ମାନିକରି ଆସାର୍ କାମ୍ କରାନାଇ ।<sup>୬</sup> ଜେ ଜଦି ଏ ବିସଇ ନ ମାନିକରି କନ୍ ବିସ୍‌ବାସି ବାଇକେ ମିସା ଅନିଆଇ କର୍‌ସି ବଇଲେ, ମାପୁରୁ ଏ ସବୁ ବିସଇ ନେଇ ଡଣ୍ଟ ଦେଇସି । ଏ କାତା ଆମେ ପୁର୍‌ବେ ଜାନାଇଦେଇ ଆରୁ ।<sup>୭</sup> କାଇକେବଇଲେ ପର୍‌ମେସର୍ ଆମ୍ଭକେ ସୁକଲ୍ ନ ଅଇକରି ଜିଉନା କାଉନା କର୍‌ବାକେ ଡାକେନାଇ ମାତର୍ ସୁକଲ୍ ଅଇ ରଇବାକେ ଡାକିଆଚେ ।<sup>୮</sup> ତେବେ ଜେ ଆମର୍ ଏ ସିକିଆ ନ ନାମେ, ସେ ଅବ୍‌କା ମୁନ୍‌ସକେ ନ ନାମେ । ମାତର୍ ଜନ୍ ପର୍‌ମେସର୍ ତମର୍ ବିଡ଼ରେ ସୁକଲ୍‌ଆଡ଼ମା ଦେଇସି, ତାକେ ନ ନାମେ ।

<sup>୯</sup> ଏ କିରିସ୍‌ଟ ବିସ୍‌ବାସି ବାଇବଇନିମନ୍, ତମର୍ ଆଲାଦ୍ କର୍‌ବା ବିସଇ ଆମେ ଆରି ଅଦିକ୍ ଲେକ୍‌ବାର୍ ଦର୍‌କାର୍ ନାଇ । କାଇକେବଇଲେ ତମେ ପର୍‌ମେସର୍‌ଟାନେଅନି ନିଜର୍ ନିଜର୍ ବିଡ଼ରେ ଆଲାଦ୍ କର୍‌ବାଟା ସିକିଆଚାସ୍ ।<sup>୧୦</sup> ଆରି ଗୁଲାଇ ମାକିଦନିଆଇ ରଇବା ସବୁ ବିସ୍‌ବାସି ବାଇମନ୍‌କେ ସେନ୍ତାରି କଲାସ୍‌ନି । ଏଲେମିସା, ତମେ ଆରି ଅଦିକ୍ ଅଦିକ୍

☆ ୩:୧ ୩:୧ ପେରିଡ଼ ୧୭:୧୫ ☆ ୩:୭ ୩:୭ ପେରିଡ଼ ୧୮:୫

ସେନ୍ତାରି କରା । ୧୧ ଆରି ତମ୍ଭେ ପୁରବେ ଦିଆଅଇରଇବା ଆଦେସ୍ ଇସାବେ ତମେ ସାନ୍ତିସଙ୍ଗ୍ ରଇକରି ନିଜର୍ ନିଜର୍ କାମେ ଲାଗିରୁଆ, ପାଇଟି କାବାଡ଼ କରି ରୁଆ । ଏଟାରପାଇ ଆମେ ତମ୍ଭେ ବାବୁଜିଆ କଲୁନି । ୧୨ ଏନ୍ତାରି କଲେ ବିସ୍ବାସ୍ ନ କରବା ଲକ୍ମନ୍ ମିସା ତମ୍ଭେ ନାମବାଇ । ଆରି କାଇଟା ମିସା ଅବାବ୍ ନ ଅଏ । ତମ୍ଭେ ଦରକାର୍ ରଇବା ବିସଇପାଇ ବିନଲକ୍ତେ ଆସା କରବାକେ ନ ପଡେ ।

**ମାପୁରୁ ଆରିତରେକ୍ ଆଇବାଟା**

୧୩ ଏ ବାଇବଇନିମନ୍, ଆସା ନ କରବା ବିନ୍ ଲକ୍ମନ୍ ପାରା ଦୁକ୍ ଚିନ୍ତା ଅଇ ରୁଆନାଇ । ଏଟାରପାଇ ତମେ ମରିଜାଇରଇବା ଲକ୍ମନ୍ ବିସଇ ଜାନିରୁଆ । ୧୪ କାଇକେବଇଲେ ଜିସୁ ମରିକରି ଆରିତରେକ୍ ଉଟିଆଚେ ବଲିକରି ଆମେ ବିସ୍ବାସ୍ କଲୁନି । ତେବେ ଆମେ ଡାଟ୍ ସଙ୍ଗ୍ ଜାନି ଆରୁ କି, ଜନ୍ ଲକ୍ମନ୍ ଜିସୁକେ ବିସ୍ବାସ୍ କରି ମରିଆଚଡ଼, ସେ ଆରିତରେକ୍ ଆଇଲେ ପର୍ମେସର୍ ତାର୍ ସଙ୍ଗ୍ ସେମନ୍କେ ଦାରିଜାଇସି ।

୧୫ ଏବେ ଆମେ ତମ୍ଭେ ଜନ୍ ସିକିଆ ଦେଲୁନି, ସେଟା ମାପୁରୁ ସିକିଆ । ମାପୁରୁ ଆଇବା ବେଲେ ଜେଡ଼କି ଲକ୍ ଆମେ ନ ମରିକରି ଜିଇ ଆରୁ, ଆମେ ଦେକ୍ବା ଆଗତୁ ମରିଜାଇରଇବା ବିସ୍ବାସିମନ୍ ମାପୁରୁକେ ଦେକ୍ବାଇ । ୧୬ କାଇକେବଇଲେ ମାପୁରୁ ନିଜେ ଆଦେସ୍ ଦେଇ, ମୁକିଆ ଦୁତର୍ ସର୍ ଆରି ପର୍ମେସର୍ ବାଜାମଇ ସଙ୍ଗ୍ ସର୍ଗେ ଅନି ଉତର୍ସି । ଜିସୁକରିସ୍ତକେ ବିସ୍ବାସକରି ଜନ୍ଲକ୍ମନ୍ ମରିଆଚଡ଼ ସେମନ୍ ତେଇ ପର୍ତମେ ଉଟ୍ବାଇ । ୧୭ ତାର୍ପଚେ ଆମେ ଜେଡ଼କି ଲକ୍ ଜିବନ୍ ରଇରୁ, ସେବେଲେ ମେଗ୍ମାଲାଅନି ସେମନ୍ସଙ୍ଗ୍ ଉଡ଼ିକରି ସବୁବେଲେ ମାପୁରୁ ସଙ୍ଗ୍ ସରଗ୍ପୁରେ ରଇରୁ । ୧୮ ଏସବୁ କାତାମନ୍ ସୁନାଇକରି ତମେ ନିଜର୍ ନିଜର୍ ଲକ୍ମନ୍କେ ସାଆସ୍ କରାଆ ।



**ମାପୁରୁ ଆରିତରେକ୍ ଆଇଲାନି ତିଆର୍ ଅଇରୁଆ**

୧ ଏ ବାଇମନ୍, ମାପୁରୁ ଜିସୁର୍ ଦିନ୍ କେବେ ଆରି କେତେବେଲେ ଗଟ୍ସି, ସେ ବିସଇ ତମ୍ଭେ ଆରି ଅଦିକ୍ ଲେକ୍ବାକେ ଲଡା ନାଇ, ୨ କାଇକେବଇଲେ ମାପୁରୁ ଦିନ୍ ଗଟେକ୍ ଚର୍ ରାତିଆ ଗରେ ଆସି ପୁରୁଲ୍ୟାପାରା କେଟ୍ସି । ୩ ଜେତେବେଲେ ଲକ୍ମନ୍ ସାନ୍ତିସଙ୍ଗ୍ ରଇକରି ଆମକେ ଆରି କାଇ ବିପଦ୍ ନ ଆସେ ବଲି ବାବ୍ତେରଇବାଇ, ସେଡ଼କିବେଲେ ଅଟାଡ଼ ଗାଗଡେଅଇ ରଇଲା ମାଇଜିକେ ପିଲା ଜନମ୍ ଅଇବାବେଲର୍ ଦୁକାସୁକାପାରା ବିନାସର୍ ବେଲା ଆସି କେଟ୍ସି । ଆରି ସେମନ୍ କାଇଟା କଲେମିସା ତେଇଅନି ବଠି ନାପାରଡ଼ । ୪ ମାତର୍ ଏ ବାଇବଇନିମନ୍, ଏବେ ତମେ ଆନ୍ଦାରେ ବାସାଅଇ ରୁଆସ୍ ନାଇ । ତେବେ ସେ ଦିନ୍ ତମର୍ ନାଜାନତେ ଆରି ଜାଗର୍ତ୍ତ ନ ରଇଲା ବେଲାଇ ଚର୍ପାରା ଅଇ ନ ଆସେ । ୫ ତମେ ସବୁଲକ୍ ଉଜଲ୍ ଆରି ଦିନ୍ ବେଲର୍ ପିଲାମନ୍ । ଆମେ ରାତିଆଇ କି ଆନ୍ଦାରେ ରଉନାଇ । ୬ ତେବେ ଆସା, ଆମେ ବିନ୍ ଲକ୍ମନ୍ ପାରା ଗୁନି ଗୁନି କରି ନ ରଉ । ଚେତା ଅଇକରି ଜାଗର୍ତ୍ତସଙ୍ଗ୍ ରଉ । ୭ ତେବେ ଜନ୍ ଲକ୍ମନ୍ ସଇବାଇ, ସେମନ୍ ରାତିବେଲେ ସଇବାଇ । ଆରି ଜନ୍ ଲକ୍ମନ୍ ମାଡ଼ବାଇ, ସେମନ୍ ରାତିଆ ମାଡ଼ବାଇ । ୮ ଏଆମର୍ ବିସ୍ବାସ୍ ଆରି ଆମର୍ ଆଲାଦ୍ ଗଟେକ୍ ରକିଆ ପାଇବା ଲୁଆର୍ ବସ୍ତର୍ ପାରା ରକିଆ କର୍ସି । ଆମର୍ ଆସା ଗଟେକ୍ ଲୁଆର୍ ଟପି ପାରା ଆମକେ ରକିଆ କର୍ସି । ୯ କାଇକେବଇଲେ ପର୍ମେସର୍ ଆମକେ ରିସାର୍ ମୁତାର୍ ଡଣ୍ଡ ପାଇବାକେ ନ ବାଟିକରି ଆମର୍ ମାପୁରୁ ଜିସୁକରିସ୍ତର୍ ଲାଗି, ମୁକ୍ତି ପାଇବାକେ ତିଆର୍ କଲାଆଚେ । ୧୦ ସେ ଆମର୍ ଲାଗି ତାର୍ ଜିବନ୍ ଦେଲା । ଜେଡ଼କି ଆମେ ଜାଗର୍ତ୍ତ ଅଇକରି ରଇଲେ କି ସଇକରି ରଇଲେ ମିସା ତାର୍ ସଙ୍ଗ୍ ଜିଇକରି ରଇବାର୍ ଅଇସି । ୧୧ ତେବେ ତମେ ଜେନ୍ତାରି କଲାସ୍ନି, ସେନ୍ତାରି ନିଜର୍ ଲକ୍ମନ୍କେ ଦୁକ୍ ସାରାଆ । ଆରି ସାଇଜ କର୍ତେରୁଆ ।

**ସାରାସାରି କାତା**

୧୨ ଏ ବାଇବଇନିମନ୍, ଆମେ ତମ୍ଭେ ଗୁଆରି କଲୁନି । ତମର୍ ବିଡ଼ରେ ଜନ୍ ଲକ୍ମନ୍ କସ୍ଟ କରବାଇ, ଆରି ମାପୁରୁ ସେବା କାମେ ମିସିକରି, ନେତା ପାରା ରଇକରି ତମ୍ଭେ ସିକାଇବାଇ, ସେମନ୍କେ ମାନିଅ କରା । ୧୩ ତାକର୍ କାମର୍ ଲାଗି ସେମନ୍କେ ଜିବନ୍ ପରାନ୍ ଦେଇକରି ଆଲାଦ୍ କରା । ନିଜର୍ ନିଜର୍ ଲକ୍ମନ୍ ସଙ୍ଗ୍ ସାନ୍ତିସଙ୍ଗ୍ ରୁଆ ।

୧୪ ଏ ବାଇବଇନିମନ୍, ଆମେ ତମ୍ଭେ ଗୁଆରି କଲୁନି । ପାଇଟି କାବାଡ଼ ନ କରି ବାଡୁ ଅଇ ରଇବା ଲକ୍ମନ୍କେ ଜାଗର୍ତ୍ତ କରା । ତାକ୍ଲା ପୁଣ୍ଡଲା ଲକ୍ମନ୍କେ ଜତନ୍ କରା । ତରବା ଲକ୍ମନ୍କେ ସାଆସ୍ ଦିଆସ୍ । ଲକ୍ମନ୍ କୁଆ କାତା ମୁର୍ଚି କରି ରୁଆ । ୧୫ ଜାଗର୍ତା, କେ ମିସା କାର୍ଆଲେ ଅନିଆଇର୍ ବାଦୁଲେ ଅନିଆଇ ନ କରା । ତାର୍ ବାଦୁଲେ ନିଜର୍ ନିଜର୍ ବିଡ଼ରେ ଆରି ସବୁଲକ୍ ପାଇ ସବୁବେଲେ ମଙ୍ଗଲ୍ କର୍ବାକେ ଚେସ୍ଟା କରା ।

୧୬ ସବୁବେଲେ ସାର୍ଦାଅଇ ରୁଆ । ୧୭ ସବୁବେଲେ ପାର୍ତନା କରା । ୧୮ ସବୁ ସୁକ୍ ଦୁକ୍ ବେଲେ ମାପୁରୁକେ ଦନିଅବାଦ୍ ଦିଆସ୍ । କାଇକେବଇଲେ କିରିସ୍ଟ ଜିସୁର୍ ସଙ୍ଗ୍ ମିସିକରି ଜିଉନା କାଉନା କଲାସ୍ନି ବଲି ପର୍ମେସର୍ ତମର୍ଟାନେ ଅନି ମାଙ୍ଗ୍ଲାନି ।

☆ ୪:୧୫ ୪:୧୫ ୧୩ କରନ୍ତିୟ ୧୫:୫୧,୫୨ ☆ ୫:୨ ୫:୨ ମାଡ଼ିଉ ୨୪:୪୩; ଲୁକ୍ ୧୨:୩୯; ୨ ଯ ପିତର୍ ୩:୧୦ ☆ ୫:୮ ୫:୮ ଏପିସିୟ ୨:୧୩-୧୭

୧୯ ସୁକଲ୍‌ଆଡ଼ମାକେ ଏଲା କରାନାଇ । ୨୦ ସୁକଲ୍‌ଆଡ଼ମା କଇଲା କାତା ଏଲା କରାନାଇ । ୨୧ ସବୁ ବିସଇ ପରିକା କରି ଦେକା, ଜନ୍‌ଟା ସଡ଼, ସେଟା ଚାଡାନାଇ । ୨୨ ସବୁ ରକାମର୍ କାରାପ୍ କାମେଅନି ଦୁରିକେ ରୁଆ ।

୨୩ ନିଜେ ସାନ୍ତି ଦେବା ପର୍ମେସର୍ ତମକେ ପୁରାପୁରୁନ୍ କରି ସୁକଲ୍ କର । ଆରି ଆମର୍ ମାପୁରୁ ଜିସୁ ଆରିତରେକ୍ ଆଇବା ବେଲେ, ତମର୍ ଆଡ଼ମା, ଜିବନ୍, ଗାଗଡ଼ କାଇ ଦସ୍ ପାପ୍ ନ ଅଇକରି ସଙ୍ଗଇ ରଅ । ୨୪ ଜେ ତମକେ ବାଟଲା ଆଟେ, ସେ ସେଟା କରସି । କାଇକେବଇଲେ ସେ ବିସ୍‌ବାସ୍ ରକ୍‌ବା ଲକ୍ ।

୨୫ ଏ ବାଇବଇନିମନ୍, ଆମର୍‌ପାଇ ମିସା ପାର୍‌ତନା କରା ।

୨୬ ସବୁ ବାଇମନ୍‌କେ ସୁକଲ୍ ରଇ, ଆତେ ଦାରି ଜୁଆର୍ କରା ।

୨୭ ସବୁ ବାଇବଇନିମନ୍‌ର ଲଗେ ଏ ଚିଟି ପଡାଆ ବଲି ମୁଇ ମାପୁରୁର୍ ନାଉଁ ଦାରି ତମକେ ମୁଇ ଡିଆରଲିନି ।

୨୮ ମାପୁରୁ ଜିସୁ ଜିବନ୍ ଦୁକାଇ ଦୟା କଲାଟା ତମର୍ ସଙ୍ଗ ର ।



# ତେସଲନିକିୟ ମଣ୍ଡଳୀର ବିଶ୍ୱାସୀମାନଙ୍କୁ ପାଉଲଙ୍କର ଦ୍ୱିତୀୟ ପତ୍ର ୨ ଯୁ ତେସଲନିକିୟ ମଣ୍ଡଳିର ବିସ୍ତାରିତମନ୍ତ୍ରଣା ପାଉଲ ଦୁଇପାଲି ଚିଠି ଲେଖିଲାଟା

## ଏ ବଇର ବିସଇ ଜାନବାଟା

୨ ଯୁ ତେସଲନିକିୟ ବଇ ତେସଲନିକିୟ ମଣ୍ଡଳିତେଇ ଲେଖିଲା ଦୁଇ ପାଲି ଜାଇରଇଲା ଚିଠି । ଏ ଚିଠି ପେରିଡ଼ ପାଉଲ ଲେକାଇରଇଲା ୧:୧ । ୧ ମ ତେସଲନିକିୟର ଦାପେ ଦାପେସେ କିରିସ୍ତ ଜନମ୍ କରି ୫୧ ବରସ ଗାଲା ପତେ ଏ ଚିଠି ଲେକି ରଇଲା । ତେସଲନିକିୟ ମଣ୍ଡଳିକେ ଚିଠି ଲେଖିଲା ବେଲେ ପାଉଲ କରନ୍ତିୟ ମଣ୍ଡଳିତେଇ ରଇଲା । ଜନ୍ ମଣ୍ଡଳିକେ କି ସେ ମିସ୍ତାନି ଇସାବେ ଦୁଇ ପାଲି ଗାଲାବେଲେ ଗଡ଼ି ରଇଲା ପେରିଡ଼ ୧୭:୧-୧୦ ।

କେତେଟା ଜିଉଦିମନ୍ ଆରି କେତେଟା ଗିରିକ୍ ଲକ୍ମନର ଲାଗି ଏ ମଣ୍ଡଳି ତାପନା ଅଇଲା ଆତେ ବଲି ପେରିଡ଼ ବଇଟାନେ କଇଲାଅତଡ଼ । ତେସଲନିକିୟ ମଣ୍ଡଳି ଲେକାଅଇରଇବା ଚିଠିଟାନେ କିରିସ୍ତ ଆରିତରେକ୍ ଆଇବାଟା ଆରି ସାରାସାରିବେଲା ବସଇ ଲେକାଅଇଲାଆତେ । କାଇକେବଇଲେ ପାଉଲ ତାର ଚିଠିଟାନେ ଏ ଦୁଇଟା ଜାକ ତେସଲନିକିୟ ମଣ୍ଡଳିକେ ଲେଖିଆତେ । ୨ ଯୁ ତେସଲନିକିୟଟାନେ ଲେକାଉଇବା ବିସଇ ପାକାପାକି ଅଦା ବିସଇ ସାରାସାରିବେଲା ବିସଇରେସେ ଆତେ । ପାଉଲ ଅଲ୍‌ସିଆ ବିସଇନେଇ ମିସା ତରିକ୍‌ନା କରାଇଲାନି । ସବୁ ମୁନୁସ୍ ଜାତି ସେମନର କାଦିର ପାଇ ପାଇଟିକାବାଡ଼ କର୍ବାଟ ଆତେ ୩:୨-୧୦ ।

### ଏ ବଇ ବିଡ଼ରେ ରଇବାଟା

- ୧. ପାଉଲ ତାର ଚିଠିଟାନେ ତାର ନିଜର ମଇତରମନ୍ତ୍ରଣା ଚିନାର ଜାନାର କରାଇ ଆରାମ୍ କଲାନି । ୧:୧-୨
- ୨. ତେସଲନିକିୟ ମଣ୍ଡଳିର ପାଇ ପରମେସରକେ ଦନିଅବାଦ୍ ଦେଲାନି ଆରି ପାର୍ତନା କଲାନି । ୧:୩-୧୨
- ୩. ୨ ଯୁ ଅଦିଆଇ ଜଗତର ସାରାସାରି ବେଲା ବସଇ କଇଲାନି । ୨:୧-୧୭
- ୪. ସେ ଅଲ୍‌ସକେ ବିରଦ୍ କଲାନି ଆରି ପାଇଟିକାବାଡ଼ କର୍ବା ବିସଇ କଇଲାନି । ୩:୧-୧୫
- ୫. ପାଉଲ ଆରିତରେକ୍ ମଣ୍ଡଳିର ଲକ୍ମନମନ୍ତ୍ରଣା ଜୁଆର ଜାନାଇକରି ସାରାଇଲାନି । ୩:୧୬-୧୮

୧ \*ମୁଇ ପାଉଲ, ବାବା ପରମେସର ଲଗେ ଆରି ମାପରୁ ଜିସୁକିରିସ୍ତ ତେଇ ରଇବା ତେସଲନିକିୟ ମଣ୍ଡଳିର ଲକ୍ମନମନ୍ତ୍ରଣା ଏ ଚିଠି ଲେକି ପାଟାଇଲାନି । ମର ସଙ୍ଗ୍ ରଇକରି ସିଲା ଆରି ତମତି ମିସା ଜୁଆର ଜାନାଇଲାନି ।

୨ ଆମର ବାବା ପରମେସର ଆରି ମାପରୁ ଜିସୁକିରିସ୍ତ ତମକେ ଜିବନ୍ ଦୁକାଇ ସାନ୍ତି ଦେଅ ।

### ଜିସୁ ଆରିତରେକ୍ ଆସି ବିଚାର କର୍ବାଟା

୩ ଏ ବାଇବଇନିମନ୍ ତମରପାଇ ଆମେ ପରମେସରକେ ସବୁବେଲେ ଦନିଅବାଦ୍ ଦେବା କାତା । ଏଟା ଟିକ୍ ବିସଇ । କାଇକେବଇଲେ ତମର ବିସ୍ତାସ୍ ଅଦିକ୍ ଅଦିକ୍ ଅଇଲାନି । ଆରି ତମର ନିଜର ନିଜର ବିଡ଼ରେ ସବୁଲକ୍‌କେ ଆଲାଦ୍ ବଡ଼ିଗାଲାନି । ୪ ତମେ ଜେଡ଼କି ସବୁ ଉତ୍ତାସୁନିକରି ମିସା ବିସ୍ତାସ୍ କରି ବପୁସଙ୍ଗ୍, ତାଟ୍ ଅଇକରି ଆଗାସ୍ । ଏ କାତା ଆମେ ପରମେସରର ମଣ୍ଡଳିମନ୍ତ୍ରଣା ବଡ଼ପନ୍ ଅଇକରି କଇଲୁନି ।

୫ ପରମେସରର ଜନ୍ ରାଇଜରପାଇ ତମେ ଦୁକ୍ କସ୍ଟ ପାଇଲାସ୍‌ନି, ସେ ରାଇଜ୍ ପାଇସା । ପରମେସରର ବିଚାର କର୍ବାଟା ଟିକ୍ ଆକା, ଇତିଅନି ସେଟା ଜାନିଅଇଲାନି । ୬ ଜନ୍‌ଟା ଟିକ୍, ସେଟା ପରମେସର ପୁରାପୁରୁନ୍ କର୍ସି । ଜନ୍‌ଲକ୍ମନ ଏବେ ତମକେ କସ୍ଟ ଦେଲାଅନି, ସେମନ୍ କସ୍ଟ ପାଇବାଇ । ୭ ପରମେସର ତମର ଦୁକ୍ କସ୍ଟ ଅଇବାଟା ସାରାଇକରି ଆମ୍‌କେ ମିସା ସାନ୍ତି ଦେଇସି । ଜେଡେବେଲେ ମାପରୁ ଜିସୁ ସରଗେଅନି ତାର ବପୁର ଦୁର୍ତ୍ତମନର ମଜାଇ ବପୁଅଇ ଆଇସି, ପରମେସର ଏ କାମ୍ ପୁରାପୁରୁନ୍ କର୍ସି । ୮ ଜନ୍‌ଲକ୍ମନ ପରମେସରକେ ନାଜାନଡ଼, ଆରି ଆମର ମାପରୁ ଜିସୁର ବାକିଅ ନ ମାନଡ଼, ସେନ୍ତାରି ଲକ୍ମନମନ୍ତ୍ରଣା ସେ ଡ଼ଣ୍ଡ ଦେବାକେ ଲାଗିତେରଇବା ଜଇସଙ୍ଗ୍ ଆଇସି । ୯ ସେ ଲକ୍ମନମନ୍ ମାପରୁର ମୁଆଟେ ତାଟ୍‌ସଙ୍ଗ୍ ତାକ୍‌ପୁଟା ପାଇବା ତେଇଅନି, କାଲ୍ କାଲ୍ ଜୁଗ୍ ଜୁଗ୍ ପାଇ କୁରୁପନାସ୍ ଅଇଜିବାଇ । ୧୦ ସେଦିନେ ମାପରୁ ତାର ଲକ୍ମନମନ୍ ଟାନେଅନି ଆରି ସବୁ ଲକ୍ମନମନ୍ ଟାନେଅନି ତାକ୍‌ପୁଟା ଅଇ ସନମାନ୍ ପାଇସି । ଏମନର ବିଡ଼ରେ ତମେ ମିସା ମିସା । କାଇକେବଇଲେ ଆମେ ଜନ୍ କବର୍ ଦେଇରଇଲୁ, ସେଟା ତମେ ବିସ୍ତାସ୍ କଲାସ୍ ଆରି ମାନଲାସ୍ ।

୧୧ ତମକେ ଜେଡ଼ି ଜିଉନା କାଉନା କର୍ବାପାଇ ପରମେସର ବାଟଲା ଆତେ, ସେନ୍ତାରି ଚଲାଚଲ୍‌ଡ଼ି କରାଇବାକେ ଆମେ ପରମେସରକେ ଗୁଆରି କଲୁନି । ସେ ତାର ବପୁସଙ୍ଗ୍ ସବୁ ଆସା କର୍ବା ସଡ଼ ପୁରାପୁରୁନ୍ କରି ତମର ବିସ୍ତାସ୍ ଡାଟ୍ କର । ସେଟାରପାଇ ଆମେ ସବୁବେଲେ ତମରଲାଗି ପାର୍ତନା କଲୁନି । ୧୨ ଏନ୍ତାରି କଲେ ଆମର ସବୁଲକ୍‌କର

☆ ୧:୧ ୧:୧ ପେରିଡ଼ ୧୭:୧

ପରମେସର୍ ଆରି ମାପୁରୁ ଜିସୁକିରିସ୍ଟ ଜିବନ୍ ଦୁକାଇ ତମ୍ଭେ ମିସା ଡାକ୍ପୁଟା କରାଇସି । ଆରି ତମେ ମିସା ଡାକ୍ପୁଟା କରାଇସା ।

### ୨

#### କାରାପ୍ କର୍ବା ଲକ୍

<sup>୧</sup> \*ଏ ବାଇବଇନିମନ୍, ମାପୁରୁ ଜିସୁକିରିସ୍ଟ ଆରିତରେକ୍ ଆଇବା ବିସଇ ଆରି ଡାକ୍ପୁଟା ଆମେ ସବୁଲକ୍ ରୁଣ୍ଡୁଅଇବା ବିସଇ, ତମ୍ଭେ ଆମେ ବାବୁଜିଆ କଲୁନି । <sup>୨</sup> କାରୁଲଗେଅନି ମିସା ମାପୁରୁର୍ ଦିନ୍ କେଟ୍ଲାଇବେ, ବଲିକରି ସୁନିଦେଇ କିଲ୍‌ବିଲ୍ ଉଆନାଇ । ଜଦି ସେ କବର୍ ଆମେ ବବିସ୍‌ଡକାତା କଇଲୁ କି ଜାନାଇଲୁ ନଇଲେ ଚିଟିଟାନେ ଲେକିଆତଡ୍ ବଲି ସୁନଲେ ମିସା ସେନ୍ତାର୍ ଉଆନାଇ । <sup>୩</sup> କେ ମିସା ସେନ୍ତାରିକରି ତମ୍ଭେ ବୁଲ୍ ବାଟେ ନ ନେଅ । କାଇକେବଇଲେ ପର୍ତୁମ୍ ଦରମର୍ ପାଇ ବିରଦ୍ ଅଇସି । ଡାକ୍ପୁଟେ ବିନାସ୍ କରୁ ଜେ କି ପାପି ମୁନ୍ସୁ ଆଇବା ଦରକାର୍ । ସେ ପାପି ମୁନ୍ସୁ ନ ସାର୍‌ବା ମରନେ ଜାଇସି । <sup>୪</sup> ସେ ଦୁରାଟାର୍ ମୁନ୍ସୁ ଜନ୍ ସବୁ ବିସଇ ପରମେସରର୍ ବଲି ଲକ୍‌ମନ୍ ପୁଜା କଲାଇନି, ସବୁଟାନେଅନି ସେ ନିଜେ ମୁକିଅ ବଲି କଇସି । ଜେନ୍ତୁ କି ପରମେସରର୍ ମନ୍ଦିରେ ବସିକରି ମୁଇ ଆକା ପରମେସର୍, ବଲି ଦେକାଇ ଅଇସି ।

<sup>୫</sup> ମୁଇ ତମର୍ ସଙ୍ଗ୍ ରଇଲାବେଲେ ତରକେ ତର୍ ଏ ସବୁ ବିସଇ ଏତାଇ ଦେଇତେ ରଇଲି । ସେଟା କାଇ ତମର୍ ମନେ ନାଇ କି ? <sup>୬</sup> ଅଇଲେମିସା ସେ ବିପଦ୍ ଏବେ ନ ଗଟେଡା । କାଇକେବଇଲେ ଡାକ୍‌ସଙ୍ଗ୍ ଜୁଜ୍‌ବାକେ ଏବେ ଗଟେକ୍ ବପୁ ଆଟେ । ସେଟା କାଇ ତମେ ଜାନାସ୍ କି ? ସମାନ୍ ବେଲାଇ ସେ କାରାପ୍ ଲକ୍ ବାରଇସି । <sup>୭</sup> କାଇକେବଇଲେ ଏବେ ମିସା ଲୁଟେ ଅନିଆଇର୍ ପାପ୍ କାମ୍ ଚାଲିଆଟେ । ଜନ୍ କାରାପ୍ ଲକ୍ ମାପୁରୁର୍ ବାଟେ ଜିବା ଲକ୍‌ମନ୍‌କେ ବିରଦ୍ କଲାନି, ସେ ଲକ୍ ବିନାସ୍ ନ ଅଇବା ଜାକ, ଏଟା ଏନ୍ତସେ ଅଇତେରଇସି । <sup>୮</sup> ସେଡକିବେଲେ ସେ କାରାପ୍ ଲକ୍ ଦେକାଇ ଅଇସି । ତାକେ ମାପୁରୁ ଜିସୁ ତାର୍ ନିଜର୍ ଟଣ୍ଡେଅନି ବାରଇବା ପୁଣ୍ଡା ସଙ୍ଗ୍ ନାସ୍ କର୍ସି । ଆରି ତରେକ୍ ସେ ଡାକ୍ପୁଟା ସଙ୍ଗ୍ ଆଇବାବେଲେ ସେ କାରାପ୍ ଲକ୍ ବିନାସ୍ ଅଇଜାଇସି । <sup>୯</sup> \*ସେ କାରାପ୍ ଲକ୍, ସଇତାନର୍ ବପୁ ପାଇକରି ଆଇସି । ଆରି କାବା ଅଇବା କାମ୍‌ମନ୍ କରି ଦେକାଇସି । <sup>୧୦</sup> କେତେ କେତେ ଲକ୍‌ମନ୍ ସେ କର୍ବା କାମେ ଜାଇ କିଲ୍‌ବିଲ୍ ଅଇବାଇ ଆରି ନସ୍ଟ ଅଇଜିବାଇ । ଜନ୍ ସଡ୍ ମାନିକରି ସେବାଟେ ଗାଲେ, ସେମନ୍ ନ ସର୍‌ବା ଜିବନ୍ ପାଇତାଇ, ସେଟା ଚାଡିଦେଇରଇବା ଲାଗି ସେମନ୍‌କେ ଏ ଦସା ଅଇସି । <sup>୧୧</sup> ସେମନ୍ ଜେନ୍ତୁକି ମିର୍ କାତା ବିସ୍‌ବାସ୍ କର୍ବାଇ, ସେଟାପାଇ ପରମେସର୍ ସେମନ୍‌ଟାନେ ସଡ୍ ନଇବା ବପୁ ପାଟାଇସି । <sup>୧୨</sup> ଜେନ୍ତୁକି ଜନ୍ ଲକ୍‌ମନ୍ ସଡ୍ ବିସଇ ବିସ୍‌ବାସ୍ ନ କରି ମିର୍ ବିସଇ ବିସ୍‌ବାସ୍ କରି ସାର୍‌ଦା ଅଇବାଇ, ସେମନ୍ ସବୁଲକ୍ ଏ ରକାମ୍ ଡଣ୍ଡ ପାଇବାଇ ।

#### ବିସ୍‌ବାସେ ତବିର୍ ଅଇରଇବାର୍

<sup>୧୩</sup> ତେବର୍‌ପାଇ ଏ ବାଇବଇନିମନ୍, ତମର୍‌ପାଇ ସବୁବେଲେ ପରମେସର୍କେ ଦନିଅବାଦ୍ ଦେବାର୍ ଆଟେ । କାଇକେ ବଇଲେ ପରମେସର୍ ତମ୍ଭେ ଆଲାଦ୍ କଲାନି ଆରି ଆଗେଅନି ସେ ତମ୍ଭେ ବାଟ୍‌ଲା ଆଟେ । ଜେନ୍ତୁକି ସେ ତମ୍ଭେ ରକିଆ କରି ପାର୍‌ସି । ସୁକଲ୍ ଆଡ୍‌ମାର୍ କାମର୍ ଲାଗି ତମେ ସୁକଲ୍ ଅଇ ସଡ୍ ବିସଇ ବିସ୍‌ବାସ୍ କରି ପାର୍‌ସା । <sup>୧୪</sup> ଆମେ ତମ୍ଭେଟାନେ ଜନ୍ ନିମାନ୍ କବର୍ ଜାନାଇଆରୁ, ସେଟାରୁଲାଗି ପରମେସର୍ ତମ୍ଭେ ବାଟ୍‌ଲା ଆଟେ । ଆମର୍ ମାପୁରୁ ଜିସୁ କିରିସ୍‌ଟର୍ ନାଉଁ ଡାକ୍ପୁଟା ଅଇବା ଟାନେ ମିସାଇବାକେ ବାଟିଆଟେ । <sup>୧୫</sup> ତେବେ ଏ ବାଇବଇନିମନ୍, ତମେ ତବିର୍ ଅଇକରି ରୁଆ । ଆମେ ବାକିଅ ଦେଲାଟାନେ ଅନି, କି ଚିଟିତେଇ ଅନି ତମେ ଜନ୍‌ଟା ସିକିଆଟାସ୍, ସେ ସବୁ ଚାଡାନାଇ ।

<sup>୧୬</sup> ନିଜେ ଆମର୍ ମାପୁରୁ ଜିସୁ କିରିସ୍‌ଟ, ଆରି ଜନ୍ ଆମର୍ ବାବା ପରମେସର୍ ଆମ୍‌କେ ଆଲାଦ୍ କଲା, ସେ ଆକା ଆମ୍‌କେ ଜିବନ୍ ଦୁକାଇକରି କେବେ ନ ସାର୍‌ବା ବପୁ ଆରି ଆସା ଦେଇଆଟେ । <sup>୧୭</sup> ସେ ସବୁବେଲେ ସଡ୍ କାମ୍ କର୍ବାକେ ଆରି ବାକିଅତେଇ ତବିର୍ ଅଇ ରଇବାକେ ସାଇଜ କର ।

### ୩

#### ପାର୍‌ତନାର୍ ଲାଗି ଗୁଆରି

<sup>୧</sup> ଏ ବାଇବଇନିମନ୍, ସାରାସାରି ଆମର୍‌ପାଇ ପାର୍‌ତନା କରା । ମାପୁରୁର୍ ବାକିଅ ତମର୍ ବିଡ୍‌ରେ ଜେନ୍ତୁକି ଦାପ୍‌ରେ ଡାବିଅଇ ଜାଇରଇଲା, ସେନ୍ତାରିସେ ଦାପ୍‌ରେ ଗୁଲାଇବାଟେ ବିଟିଅଇକରି ଡାକ୍ପୁଟା ଅ । <sup>୨</sup> ଜେନ୍ତୁକି କି ପରମେସର୍ ଆମ୍‌କେ ପର୍‌କାର୍ ଆରି କୁଟିଆଲ୍ ଲକ୍‌ମନ୍‌ଟାନେଅନି ରକିଆ କର । କାଇକେବଇଲେ, ସବୁଲକ୍ ମାପୁରୁର୍ ବାକିଅ ବିସ୍‌ବାସ୍ କରଡ୍ ନାଇ । ଏଟାପାଇ ଆରିତରେକ୍ ପାର୍‌ତନା କରା ।

<sup>୩</sup> ମାତର୍ ମାପୁରୁ, କାତା ରକିଆକାରି । ସେ ତମ୍ଭେ କାରାପ୍‌ଟାନେଅନି ରକିଆ କରି ତବିର୍ କରାଇସି । <sup>୪</sup> ଆମେ ଜେଡକି ସବୁ ଆଦେସ୍ ଦେଲେ ମିସା ତମେ ସେଟା କଲାସ୍‌ନି, ଆରି କର୍‌ସା ମିସା । ଏଟା ମାପୁରୁର୍ ଟାନେ ତମର୍ ବିସଇ ନେଇ ଆମେ ଡାକ୍‌ସଙ୍ଗ୍ ବିସ୍‌ବାସ୍ ।

☆ ୨:୧ ୨:୧ ୧ମ ଡେସଲନିକିୟ ୪:୧୫-୧୭ ☆ ୨:୯ ୨:୯ ମାଡିଉ ୨୪:୨୪

୫ ଆରି ମାପୁରୁ ତମର ମନ୍କେ ପରମେସରର ଆଲାଦ୍ ଆରି କିରିସ୍ଟର୍ ସାଆସ୍ ବାଟେ ଜିବାକେ ସାଇଜ କର ।

**ଅଲସର୍ ବିରୁଦେ ଚେତାଇବାଟା**

୬ ଏ ବାଇବଇନିମନ୍, ଆମେ ତମକେ ଆମର୍ ମାପୁରୁ ଜିସୁ କିରିସ୍ଟର୍ ନାଉଁ ଦାରି ଆଦେସ୍ ଦେଲୁନି । କନ୍ ବାଇ ମିସା ଆମର୍ଗାନେଅନି ପାଇରଇବା ସିକିଆ ଇସାବେ ମାନିକରି ବାଡୁଅଇକରି ଚଲାଚଲ୍ତି କରସି ବଇଲେ, ତାର୍ଗାନେଅନି ବେଗ୍ଲି ଦିଆସ୍ । ୭ କାଇକେବଇଲେ, ତମେ, ଆମେ କଲାପାରା କର୍ବା ଦରକାର । ଆରି ସେଟା କେନ୍ତାରି କର୍ବାର ନିଜେ ଜାନିଆଟାସ୍ । ସେଟାର୍ପାଇ ଆମେ ତମର୍ ଟାନେ ବାଡୁଅଇକରି ଚଲାଚଲ୍ତି କରୁନାଇ । ୮ କାର୍ ଗରେ ମିସା ଉଜେ ଉଜେ ମାଜି ନ କାଇତେରଇଲୁ । ତମର୍ ବିତ୍ରେ କାର୍ମିସା ବଜ୍ ପାରା ନ ଅଇ ରଇକରି କସ୍ଟ ପାଇ, ଆବଡ୍ ପାଇଟି କରି ଦିନ୍ରାତି କାମ୍ କର୍ତେରଇଲୁ । ୯ ତମକେ କାଇବାଟା ମାଙ୍ଗ୍ବାକେ ଆମର୍ ଅଦିକାର୍ ରଇଲା, ମାତର୍ ସେନ୍ତାରି କରୁନାଇ । କାଇକେବଇଲେ ତମର୍ପାଇ ଗଟେକ୍ ଉଦ୍‌ଅରନ୍ ଦେକାଇବାକେ ସେନ୍ତାରି କଲୁ । ୧୦ ତମର୍ ସଙ୍ଗ୍ ରଇଲାବେଲେ ଆମେ ତମକେ କଇରଇଲୁ, ଜନ୍ ଲକ୍ ପାଇଟି କାବାଡ୍ ନ କରେ, ସେ ବାଡ୍‌ପେଜ୍ ନ କାଅ ।

୧୧ ଏବେ ଏ କାତା ଆରିତରେକ୍ କଇଲୁନି, କାଇକେବଇଲେ ଆମେ କବର୍ ପାଇଲୁ ଆରୁଜେ, ତମର୍ ବିତ୍ରେ କେତେକ୍ ଲକ୍ମନ୍ ବାଡୁ ଅଇକରି ଜିଉନାକାଉନା କଲାଇନି । କାଇ ପାଇଟି ନକରି ବିନ୍ ଲକ୍ କାମେ ମଜାଇ ଅଇସି ଆରି କାଇଟାମିସା ନ କରଡ୍ । ୧୨ ମାପୁରୁ ଜିସୁକିରିସ୍ଟର୍ ନାଉଁ ଦାରି ଆମେ ସେ ଲକ୍ମନ୍କେ ଜାଗ୍‌ରଡ୍‌କରି ଆଦେସ୍‌ଦେଲୁନି, ସେମନ୍ ସେନ୍ତାରି କର୍ବାଟା ଚାଡିଦେସ୍ । ଜେନ୍ତାରିକି ନିଜର୍ ପେଟର୍ପାଇ କାଦି ପାଇବାକେ ପାଇଟି କରଡ୍ ।

୧୩ ମାତର୍ ଏ ବାଇବଇନିମନ୍ ତମେ ସଡ୍‌କାମ୍ କର୍ବାକେ ତାକିଜାଆ ନାଇ । ୧୪ ଏ ଚିଟିଲଗେ ତମକେ ଜନ୍ କବର୍ପାଟାଇଲୁ ଆରୁ, କେନ୍ତ୍ର ଆଲେ ତମର୍ ବିତ୍ରେଅନି କେ ମିସା ସେଟା ମାନ୍‌ବାକେ ମନ୍ ନ କରେ, ସେନ୍ତାରି ଲକ୍‌କେ ଚିନିରୁଆ ଆରି ତାର୍‌ସଙ୍ଗ୍ ମିସିବିଡି ରଇବାଟା ଚାଡି ଦିଆସ୍ । ୧୫ ସେନ୍ତାର୍ କଲେ ସେ ଲାଜ୍ ଅଇଜାଇସି । ମାତର୍ ତାର୍‌ସଙ୍ଗ୍ ସଡ୍‌ରୁ ପାରା କାତାବାର୍ତା ନ ଅଇକରି, ନିଜର୍ ବିସ୍‌ବାସି ବାଇପାରା ତାକେ ଜାଗ୍‌ରଡ୍ କରା ।

**ସାରାସାରି କାତା**

୧୬ ଜନ୍‌ମାପୁରୁ ଆମକେ ସାନ୍ତି ଦେଲାନି, ସେ ତମକେ ସବୁବେଲେ ଆରି ସବୁରକାମ୍ ସାନ୍ତିଦେଅ । ମାପୁରୁ ତମର୍ ସବୁରଲଗେ ରଅି ।

୧୭ ମୁଇ ମର୍ ନିଜର୍ ଆତେ ଏଟା ଲେକ୍‌ଲିନି । ପାଉଲର୍ ଜୁଆର୍ ଜାନାଇଲୁନି । ମୁଇ ଲେକିରଇବା ସବୁ ଚିଟିପତର୍ ଲଗେ ମୁଇ ଏନ୍ତାରି ଦସଡକଡ୍ କରି ଲେକିରଇବି ।

୧୮ ଆମର୍ ମାପୁରୁ ଜିସୁକିରିସ୍ଟର୍ ଜିବନ୍ ଦୁକାନି ତମକେ ସବୁକେ ମିଲ ।

## ତୀମଥୁକ ନିକଟକୁ ପାଉଲଙ୍କର ପ୍ରଥମ ପତ୍ର ପାଉଲ୍ ତିମତିକେ ଲେକିରଇବା ପତ୍ରତୁମ୍ ଚିଠି ଏ ବଇର ବିସଇ ଜାନବାଟା

ପତ୍ରତୁମ୍ ତିମତି ବଇ ଗଟେକ୍ ଚିଠିପାରା । ପେରିଡ୍ ପାଉଲ୍‌ଟାନେଅନି ତରସିସ୍ ତିମତିର୍ପାଇ ଏ ଚିଠି ଲେକାଜାଇ ଆଟେ ।

ପତ୍ରତୁମ୍ ତିମତି ଜିସୁକିରିସ୍ଟ ଜନମ୍ ଅଇକରି ୨୨-୨୪ ବିଡ୍ରେ ଲେକାଅଇଆଟେ । ଏଟା ପାଉଲ୍‌ର୍ ଜିବନର୍ ସାରାସାରିର୍ ବେଲା ଅଇରଇସି କାଇକି । ପାଉଲ୍ ଆରି ତିମତି ଦୁଇଲକ୍ ମିସିବିଡିକରି ରଇଲା । ସେ କେବେକେବେ ତିମତିକେ ପ ବଲିକରି ଡାକ୍ତେ ରଇଲା । ପିଲିପିୟ ୨:୨୨; ପତ୍ରତୁମ୍ ତିମତି ୧:୨; ୧:୧୮ । ଏଟା ପାଉଲ୍‌ଟାନେ ଅନି ଲେକି ରଇବା ଚାର୍ଟା ଚିଠି ବିଡ୍ରେ ଅନି ଏଟା ଅଇଲାନି ଗଟେକ୍ । ଜନ୍‌ଟାନେକି ମଣ୍ଡୁଲିକେ ଚାଡିକରି ଗଟେକ୍ ଲକ୍‌ର୍ ବିସଇରେ ଜାନାଇଲାନି । ଅଲ୍‌ଗା ତିନ୍‌ଟା ବଇ, ଦୁତିଅ ତିମତି, ତିତସ୍ ଆରି ପିଲିମନ୍ । ପତ୍ରତୁମ୍ ତିମତିଟାନେ ମଣ୍ଡୁଲିକେ ଏନ୍ତାରି ଉପାସନା କର୍ବା ବିସଇ ଆଟେ । ୨:୧-୫ ।

ଇତି ମଣ୍ଡୁଲିର୍ ନେତାମନ୍ କେନ୍ତାରି ରଇବାର୍‌ଆଟେ ସେ ବିସଇରେ ଲେକାଅଇଆଟେ । ୩:୧-୧୩ ମିର୍ ସିକିଆ ଦେଉମନର୍‌ଟାନେ ଅନି କେନ୍ତ୍ର ଜାଗର୍‌ତା ରଇବାର୍ ସେ ବିସଇରେ ଆଟେ । ୧:୧-୧୧, ୪:୧-୫, ୬:୨-୫ । ତିମତିକେ ମଣ୍ଡୁଲି ବିଡ୍ରେ କେନ୍ତାରି ଗଟେକ୍ ନେତାଅଇବା ଦର୍‌କାର୍ ସେଟା ପାଉଲ୍ ସିକିଆଦେବା ବିସଇ ଜାନାଇଲାନି ପତ୍ରତୁମ୍ ତିମତି ଏବର୍ ଗାଉଁମନ୍‌କେ ରଇବା ମଣ୍ଡୁଲି ଚାଲାଇବାକେ କେନ୍ତାରି କାମ୍ କର୍ବାର୍ ଆଟେ ସେଟା ଜାନାଇଲାନି । ଆରି ଆମର୍ ଜୁଗର୍ ମଣ୍ଡୁଲିର୍ ନେତାମନ୍‌ର୍ ପାଇ କେତେଟା ମୁଲିକା ଉପାଇରେ ସିକାଇଲାନି ।

### ଏ ବଇ ବିଡ୍ରେ ରଇବାଟା

- ୧. ପାଉଲ୍ ତିମତିକେ ଜୁଆର୍ ଜାନାଇକରି ଲେକ୍‌ଲାଟା ମୁଲିଆଇ ଆଟେ । ୧:୧-୨
- ୨. ପାଉଲ୍ ତିମତିକେ ମିର୍ ସିକିଆ ଦେବା ଗୁରୁମନର୍ ବାଟେ ନ ଜିବାକେ ଜାଗର୍‌ଡ୍ କରାଇଆଟେ । ୧:୩-୧୧
- ୩. ପାଉଲ୍ କିରିସ୍‌ଟକେ କେତେକ୍ ବିସ୍‌ବାସ୍ କଲାନି ସେଟା ଜିସୁର୍‌ଟାନେ ବୁଜାଇଲାନି । ୧:୧୨-୧୯
- ୪. ପାଉଲ୍ ମଣ୍ଡୁଲିଟାନେ ସେବାକର୍‌ବାଟା ଆରି ନେତାମନ୍‌ର୍ ବିସଇରେ ଆଦେସ୍ ଦେଇ ଆଟେ । ୨-୩
- ୫. ସାରାସାରି ପାଉଲ୍ ତିମତିକେ କେତେଟା କର୍ବା ବିସଇ ଜାନାଇକରି ଲେକା ସାରାଇଲାନି । ୪-୬

### ତିମତିର୍ ଲଗେ ପେରିଡ୍ ପାଉଲ୍‌ର୍ ପତ୍ରତୁମ୍ ଚିଠି

<sup>୧</sup> ମୁଇ ପାଉଲ୍ ଜିସୁକିରିସ୍‌ଟର୍ ଗଟେକ୍ ପେରିଡ୍, ଏ ଚିଠି ଲେକ୍‌ଲିନି । ଆମର୍ ମୁକ୍ତିକାରିଆ ପର୍‌ମେସର୍ ଆରି ଆମେ ଆସା କରିରଇବା କିରିସ୍‌ଟ ଜିସୁର୍ ଆଦେସ୍ ଇସାବେ ବାଟିଅଇଆଟି ।

<sup>୨</sup> \*କିରିସ୍‌ଟକେ ବିସ୍‌ବାସ୍ କଲାର୍‌ପାଇ, ତୁଇ ତିମତି ମର୍ ନିଜର୍ ପଅ ଅଇ ଆରୁସ୍ । ଆମର୍ ବାବା ପର୍‌ମେସର୍ ଆରି ମାପରୁ ଜିସୁ କିରିସ୍‌ଟ ତମ୍‌କେ ଜିବନ୍ ଦୁକାଇ ଦୟା ଦେକାଅ ଆରି ସାନ୍ତି ଦେଅ ।

### ସଡ୍ ନଇଲା ଉପ୍‌ଦେସ୍ ପାଇ ଜାଗର୍‌ତା

<sup>୩</sup> ମୁଇ ମାକିଦନିଆଇ ଜିବା ଆଗ୍‌ତୁ ତମ୍‌କେ ଏପିସିଅଡେଇ ରୁଆ ବଲି କଇରଇଲି । ତେଇ ଜନ୍ ଲକ୍‌ମନ୍ ବୁଲ୍ ସିକିଆ ସବୁ ଦେଲାଇନି, ସେମନ୍‌କେ ବୁଲ୍ ସିକିଆ ଦେବାଟା ବନ୍ଦ୍ କର୍ବାକେ ଆଦେସ୍ ଦିଆସ୍ ବଲି ମୁଇ ତମ୍‌କେ କଇରଇଲି । <sup>୪</sup> ସେମନ୍ ଟଣ୍ଡେ ପାନ୍ କାତା କଇବାଇ ଆରି ଆଗ୍‌ତୁର୍ ଆନିଦାଦିମନ୍‌ର୍ କୁଟୁମର୍ କାତା ତିଆର୍ କର୍ବାଟା ଚାଡାବଲି ତିଆରା । ଲକ୍‌ମନ୍‌କେ ଏନ୍ତାରି ସିକିଆ ଦେଇତେରଇଲେ ଲକ୍‌ମନ୍ ତେଇ ଦଦାପେଲା ଅଇବାଇ । ବିସ୍‌ବାସ୍ ମାନିକରି ଜନ୍‌କାମ୍ ପର୍‌ମେସର୍ ସେମନ୍‌କେ କରଡ୍ ବଲି ମନ୍ କଲାନି, ସେଟା ସେମନ୍ କରଡ୍ ନାଇ । <sup>୫</sup> ତମେ ଏନ୍ତାରିଟା ତିଆରା ଜେନ୍ତାରିକି, ସେମନ୍ ଗଟେକ୍ ଲକ୍ ଆରିଗଟେକ୍ ଲକ୍‌କେ ଆଲାଦ୍ କର୍ବାଇ । ଜନ୍ ଲକ୍‌ମନ୍‌କେ ସଡ୍ ବିସ୍‌ବାସ୍ ଆରି ସୁକଲ୍ ଜିବନ୍, କାଇ କପର୍ ନ ରଇବା ମନ୍ ଆଟେ, ସେମନ୍‌ସେ ଏଟା କରିପାର୍‌ବାଇ । <sup>୬</sup> ମାତର୍ ଜନ୍ ଲକ୍‌ମନ୍ ବୁଲ୍ ସିକିଆ ଦେଲାଇନି, ଏ ସବୁ ବିସଇ ଚାଡିଦେଇକରି ତୁଟା ବିସଇ କାତା ଅଇଲାନି । <sup>୭</sup> ନିୟମ୍ ଗୁରୁ ଇସାବେ ସବୁଲକ୍ ସେମନ୍‌କେ ନାମଡ୍ ବଲି ସେମନ୍ ମନ୍ କଲାଇନି । ମାତର୍ ସେମନ୍ ସିକାଇବା ବିସଇ ନିଜେ ବୁଜନ୍‌ନାଇ ଆରି ସାଆସ୍ ସଙ୍ଗ୍ ଜନ୍‌ଟା ସଡ୍ ବଲି କଇଲାଇନି, ସେଟା ସଡ୍ କି ନର୍ ବଲି ନାଜାନଡ୍ ।

<sup>୮</sup> ପର୍‌ମେସର୍‌ର୍ ନିୟମ୍‌ଟାନେ କାଇ ଅନିଆଇ ନାଇ । ମାତର୍ ଲକ୍‌ମନ୍ ସେଟା ଚିକ୍ ସଙ୍ଗ୍ ସିକାଇବାର୍ ଆଟେ । <sup>୯</sup> ଦରମ୍ କାମ୍ କର୍ବା ଲକ୍‌ମନ୍‌ର୍‌ପାଇ ନିୟମ୍ ତିଆର୍ ନ ଅଇରଇଲା । ତାର୍ ବାଦୁଲେ ଜନ୍ ଲକ୍‌ମନ୍ ତାର୍ ବିରଦି ଅଇରଇଲା, ଆରି ତାର୍ କାତା ମାନି ନ ରଇଲା, ସେନ୍ତାରି ଲକ୍‌ମନ୍‌ର୍ ପାଇ ପର୍‌ମେସର୍ ନିୟମ୍ ତିଆର୍ କରିରଇଲା । ଜନ୍ ଲକ୍‌ମନ୍ ପର୍‌ମେସର୍ ରଏ ନାଇ ବଲି ଚଲାଚଲ୍‌ତି କଲାଇନି, ଜନ୍ ଲକ୍‌ମନ୍ ପାପ୍ କର୍ବାଇ, କରାପ୍ କାମ୍ କର୍ତେରଇବାଇ,

\* ୧:୨ ୧:୨ ପେରିଡ୍ ୧୭:୧

ଆରି ପରମେସରକେ ସନ୍ମାନ ନ ଦେଇତେରଅଡ଼, ଜନ୍ମଲକ୍ଷ୍ମୀନ କି ତାକର୍ ଆୟା ବାବାମନକେ ମରାଇବାଇ କି ବିନ୍ ଲକ୍ଷ୍ମୀନକେ ମିସା ମରାଇବାଇ, <sup>୧୦</sup> ବେବିଚାର କାମ୍ କରି ପାପ୍ କରବାଇ, ମୁନ୍ନୁସ୍ମୁନ୍ନୁସ୍ ବିତ୍ତରେ ଆରି ମାଇଜିମାଇଜି ବିତ୍ତରେ ବେବିଚାର କାମ୍ କରବା ଲକ୍ଷ୍ମୀନରପାଇ, ଗତିଦାଙ୍ଗତା ଇସାବେ ଲକ୍ଷ୍ମୀନକେ ବିକ୍ତା ସାଉକାର୍ ମନରପାଇ, ଜନ୍ ଲକ୍ଷ୍ମୀ ସତ୍ କଅଡ଼ନାଇ, ସତ୍ତସେ କଇବି ବଲି କାତା ଦେଇରଇକରି ମିଟ୍ କଇବା ଲକ୍ଷ୍ମୀନରପାଇ ଆରି ପରମେସର ବିସଇଟାନେ ରଇବା ସତ୍ ସିକିଆ ବିରୁଦେ ଜେଡ଼କି ସବୁ କାତା ଉଡ଼ସି, ସେ ସବୁରପାଇ । <sup>୧୧</sup> ଏ ସତ୍ ସିକିଆ ସୁବକବରର୍ ସିକିଆ ସଙ୍ଗ୍ ମିସ୍ସି । ଆମର୍ ତାକ୍ପୁଟା ପରମେସରର୍ ମଇମା ଆରି ଜନ୍ ସୁବକବର୍ ଜାନାଅ ବଲି ସେ ମକେ ଦାଇଡ଼ ଦେଲାଆଚେ, ସେଟାମିସା ମିସ୍ସି ।

**ମାପୁରୁ ଦୟାର ପାଇ ଦନିଅବାଦ୍**

<sup>୧୨</sup> ଆମର୍ ମାପୁରୁ ଜିସୁ କିରିସ୍ଟକେ ମୁଇ ଦନିଅବାଦ୍ ଦେଲିନି । ସେ ମକେ ବପୁ ଦେଲାଆଚେ । ତାର୍ ମୁଆଟେ ଗଟେକ୍ ବିସ୍ବାସ୍ ସଙ୍ଗ୍ ରଇବା ଗତି ଦାଙ୍ଗତା ଇସାବେ ଏଜଲା ଆରି ତାକେ ସେବା କରବାକେ ମକେ ବାଟଲା । <sup>୧୩</sup> ଶଟେକ୍ ବେଲାଇ କିରିସ୍ଟର୍ ବିସଇର୍ କାରାପ୍ କାତା କଇତେରଇଲେ ମିସା ଆରି ବିନ୍ ବିସ୍ବାସିମନକେ କାରାପ୍ ଇସାବେ ଦେକି ନିନ୍ଦା କରତେରଇଲି ମିସା, ପରମେସର୍ ମକେ ଦୟା ଦେକାଇଲା । କାଇକେବଇଲେ ମୁଇ କାଇଟା କରତେରଇଲି, ସେଟା ନିଜେ ନାଜାନତେରଇଲି । ଆରି ମୁଇ କିରିସ୍ଟକେ ବିସ୍ବାସ୍ ନ କରିରଇଲି । <sup>୧୪</sup> ଆମର୍ ମାପୁରୁ ମକେ ବେସି ଦୟା ଦେକାଇଲା । ଜେନ୍ତାରି କି, କିରିସ୍ଟ ଜିସୁର୍ ସଙ୍ଗ୍ ମିସ୍ଲାପାଇ ମୁଇ ତାକେ ବିସ୍ବାସ୍ କରି ବିନ୍ ଲକ୍ଷ୍ମୀନକେ ଆଲାଦ୍ କରିପାରଲି । <sup>୧୫</sup> ଏଟା କଇବାଟା ପୁରାପୁରୁନ୍ ସତ୍ ଆଚେ । ଆରି ସେଟା ଅଇସି କି ନିର୍ବି ବଲି ନ ବାବିକରି ନାମ୍ବାର୍ ଆଚେ । ପାପିମନକେ ଉଦାର୍ କରବାକେ କିରିସ୍ଟ ଜିସୁ ଏ ଜଗତେ ଆଇଲା ଆରି ପାପିମନର୍ ବିତ୍ତରେଅନି ମୁଇ ବଡ଼ ପାପି । <sup>୧୬</sup> ଏଲେମିସା ଏଟାରପାଇ ମକେ କିରିସ୍ଟ ଦୟା ଦେକାଇଲା । ସେ ମକେ କେମା କଲାକେ କେତେକ୍ ମୁର୍ଚିକରି ଆଚେ ବଲି ଦେକାଇବାକେ ସେ ମନ୍ କଲା । ବିନ୍ ଲକ୍ଷ୍ମୀନେଅନି ମୁଇ ଅଦିକ୍ ପାପ୍ କଲିଆଟି । ଏଟା ଏନ୍ତାରି ଅଇଲା । ଜେନ୍ତାରି ଦିନେକ୍ ଜେଡ଼କି ଲକ୍ଷ୍ମୀ ସବୁ ତାକେ ବିସ୍ବାସ୍ କରି ସବୁଦିନରପାଇ ମୁକ୍ତି ପାଇବାଇ ସେମନରପାଇ ମୁଇ ଗଟେକ୍ ସାକି ଇସାବେ ରଇବି । <sup>୧୭</sup> ଜନ୍ ରାଜା କାଲ୍ କାଲ୍ ଜୁଗ୍ ଜୁଗ୍ ସାସନ୍ କରସି, ଆରି ଜାକେ କି କେ ଦେକି ନାପାରଡ଼, ସେ ଆକା ଗଟେକ୍ ପରମେସର୍ । ସେ କାଲ୍ କାଲ୍ ଜୁଗ୍ ଜୁଗ୍ ମଇମା ଆରି ସନ୍ମାନ ପାଅ । ଆମେନ୍ !

<sup>୧୮</sup> ମର୍ ପଅ ଡିମତି, ମୁଇ ତକେ ଏଟା ଡିଆରଲିନି, ତମେ କାଇଟା କରସା ବଲି ସୁକଲ୍ଆଡ଼ମା କେତେଟା ବବିସତ୍ବକ୍ତାମନକେ ଜାନାଇରଇଲା ଇସାବେ ମୁଇ ଏଟା କଇଲିନି । ସେ ବବିସତ୍ବକ୍ତାମନ କଇଲା ବିସଇ ସୁବକବରର୍ ଦେକାରକା କରବା ଜୁଇଦର୍ କାମେ ତମେ ଜେନ୍ତାରି ସାରଦା ସଙ୍ଗ୍ ମିସ୍ସା, ସେ ବିସଇ କଇଲିନି । <sup>୧୯</sup> ତାର୍ସଙ୍ଗ୍ ସବୁବେଲେ ବିସ୍ବାସ୍ କରବାଟା ଚାତାନାଇ । ଆରି ଏଟା ସତ୍ ବଲି ନିଜେ ଜାନିରଇବା ବିସଇ କରତେରୁଆ । କେତେକ୍ ଲକ୍ଷ୍ମୀ ନିଜର୍ ବିବେକ୍ କଇବାଟାକେ ଦିଆନ୍ ନ ଦେଇକରି କିରିସ୍ଟକେ ବିସ୍ବାସ୍ କରବାଟା ଚାଡ଼ିଦେଇଆଟଡ଼ । <sup>୨୦</sup> ସେମନର୍ ବିତ୍ତରେ ଉମନାୟକେ ଆରି ଆଲେକ୍ଜାଣ୍ଡାରକେ ବିନ୍ ବିସ୍ବାସି ମନରଟାନେଅନି ବେଗଲାଇକରି ସଇତାନକେ ସର୍ପିଦେଲିଆଟି । ଏନ୍ତାରି କଲେ ପରମେସରର୍ ବିରଦେ କାରାପ୍ କାତା କଇବାଟା ସେମନ୍ ଚାଡ଼ିଦେବାଇ ବଲି ଆସା କଲିନି ।

**୨**

**ପାର୍ତନାର ନିୟମ୍**

<sup>୧</sup> ପରୁତୁମ୍ ବିସଇ ତମକେ ତାର୍ସଙ୍ଗ୍ କଇଲିନି, ସେଟା ଅଇଲାନି ସବୁରଟାନେଅନି ମୁକିଅ ବିସଇ । ସବୁ ଲକ୍ଷ୍ମୀନରପାଇ ପରମେସରକେ ଗୁଆରି କରା । ସେମନରପାଇ ପାର୍ତନା କରି ମଜାଇ ଉଆ ଆରି ସେମନର୍ ପାଇ ତାକେ ଦନିଅବାଦ୍ ଦିଆସ୍ । <sup>୨</sup> ରାଜା ମନକେ ଆରି ଅଦିକାରେ ରଇକରି ସାସନ୍ କରବା ଲକ୍ଷ୍ମୀନରପାଇ ପାର୍ତନା କରା । ସେନ୍ତାରି କଲେ କାଇଟା ନ ଅଇତେ ସାନ୍ତିସଙ୍ଗ୍ ରଇପାରସା । ଆରି ଆମେ କାକେ ନ ତରୁତେ ପରମେସରକେ ପାର୍ତନା କରି ତାର୍ ମନ୍ କଲା ଇସାବେ ଚଲାଟଲ୍ଡି କରିପାରୁ । <sup>୩</sup> ଲକ୍ଷ୍ମୀନର୍ ପାଇ ଏନ୍ତାରି ପାର୍ତନା କରବାର୍ ଦରକାର୍ ଆକା । କାଇକେବଇଲେ ଏ ରକାମର୍ ପାର୍ତନା ଆମର୍ ଉଦାରକାରିଆ ପରମେସରକେ ସାରଦା କରାଇସି । <sup>୪</sup> ସବୁଲକ୍ଷ୍ମୀ ଜେନ୍ତାରି କି ରକିଆ ପାଅଡ଼ ଆରି ସତ୍ ବିସଇ ଜାନଡ଼ ବଲି ପରମେସର୍ ମନ୍ କଲାନି । <sup>୫</sup> କାଇକେବଇଲେ ଗଟେକ୍ ସେ ପରମେସର୍ ଆଚେ । ଆରି ଗଟେକ୍ସେ ଲକ୍ଷ୍ମୀ ଆଚେ, ଜେ କି ପରମେସର ଆରି ଲକ୍ଷ୍ମୀନର୍ ବିତ୍ତରେ ସାନ୍ତି ଆନିପାରସି । ସେ ଲକ୍ଷ୍ମୀ ଅଇଲାନି ଜିସୁ କିରିସ୍ଟ । <sup>୬</sup> ସବୁଲକ୍ଷ୍ମୀକେ ମୁକ୍ତଲାଇବାକେ ସେ ନିଜେ ସର୍ପି ଅଇଲା । ସମାନ୍ ବେଲାଇ ପରମେସର୍ ତାକେସେ ବାଟଲା । ସେ ସବୁକେ ରକିଆ କରବି ବଲି ମନ୍ କଲାଟା ଏନ୍ତାରି ଜାନାଇଲା । <sup>୭</sup> ଶେତବରପାଇ ପରମେସର୍ ତାର୍ ସୁବ୍ କବର୍ ଜାନାଇବାକେ ଆରି ତାର୍ ପେରିଡ଼ ଅଇବାକେ ମକେ ବାଟଲା । ମୁଇ ମିଟ୍ କଇନାଇ, ସତ୍ତସେ କଇଲିନି । ଜିଉଦି ନ ଅଇଲା ଲକ୍ଷ୍ମୀନକେ ମିସା ସୁବ୍ କବରର୍ ସତ୍ ବିସଇ ଜାନାଇବାକେ ମକେ ବାଟିରଇଲା ।

☆ ୧:୧୩ ୧:୧୩ ପେରିଡ଼ ୮:୩;୯:୪,୫ ☆ ୨:୭ ୨:୭ ୨ୟ ଡିମତି ୧:୧୧

୮ ମୁଇ ମୁନୁସ୍ ପିଲାମନ୍କେ କଇଲିନି, ସେମନ୍ ଜେତେବେଲେ ପାରତନା କରବାକେ ରୁଣ୍ଡବାଇ, ସୁକଲ୍ ଚଲାଚଲ୍ତି ଅଇକରି ତାକର୍ ଆଡ଼ ଟେକି ପାରତନା କରଡ଼ । ଜଦି ଏବେ ମିସା ସେମନ୍ ଦଦାପେଲା ଅଇରଇଲେ କି ଲାଗାଲାଗି ଅଇରଇଲେ, ସେଟା ରାଜିନାମା କରବାର୍ ଆଟେ । ୯\* ସେନ୍ତାରିସେ ମାଇଜିମନ୍ ମିସା ଜାଗରଡ଼ ରଇକରି ସୁଆଲ୍ ସୁତର୍ ଉଆ । ମୁଣ୍ଡର୍ ଚେଣ୍ଡିତେଇ ଚିକଟାକ୍ ନ କରି, ସୁନା କି ମୁକ୍ତା କି ଅଦିକ୍ ଦାମ୍ ଦେଇରଇବା ଲୁଗା ନ ପିନ୍ଧିକରି, ନିକ ବୁଦିସଙ୍ଗ୍ ମରଜିତା ସଙ୍ଗ୍ ନିଜକେ ମାନ୍ଲାପାରା ତିଆର୍ ଉଆ । ୧୦ ତାର୍ ବାଦୁଲେ ବିନ୍ଲକ୍ମନ୍କେ ଦୟା ଦେକାଅଡ଼ । ପର୍ମେସର୍କେ ଜୁଆର୍ କଲୁନି ବଲି କଇବା ମାଇଜିମନ୍ ପାଇ ସେଟା ନିକ ଚଲାଚଲ୍ତି ଅଇସି । ୧୧ ମାଇଜିମନ୍ ଚିମ୍ବରାଇଅଇ ରଇ ସୁଆଲ୍ ସୁତର୍ ଅଇକରି ବସଡ଼ । ୧୨ ମୁଇ ମାଇଜିମନ୍ କେ ସିକାଇବା ଅଦିକାର୍ କି ମୁନୁସର୍ ଉପରେ ସାସନ୍ କରବା ଅଦିକାର୍ ଦେଇନାଇ । ତାର୍ ବାଦୁଲେ ସେମନ୍ ଚିମ୍ବରାଇଅଇ ରଅଡ଼ । ୧୩ କାଇକେ ବଇଲେ ପର୍ମେସର୍ ପରତମେ ଆଦମ୍ କେ ତିଆର୍ କଲା । ତାର୍ ପଟେ ଅବାକେ । ୧୪ ପରତମେ ଆଦମ୍ ସଇତାନର୍ ଟାନେ ନାଡାଇ ଅଏନାଇ, ମାତର୍ ମାଇଜି ନାଡାଇ ଅଇ ପର୍ମେସର୍ ଆଦେସ୍ ନ ମାନିକରି ପାପି ଅଇଲା । ୧୫ ମାତର୍ ମାଇଜିମନ୍ ପିଲାଟକିମନ୍ କେ ଜନମ୍ ଦେଇକରି ଉଦାର୍ ପାଇବାଇ । ସେମନ୍ କିରିସଟକେ ବିସ୍ବାସ୍ କରି ବିନ୍ ଲକ୍ମନ୍କେ ଆଲାଦ୍ କରି ସୁଆଲ୍ ସୁକଲ୍ ସଙ୍ଗ୍ ଚଲାଚଲ୍ତି କରଡ଼ ।

### ୩

#### ମଣ୍ଡଲିର୍ ନେତାମନ୍

୧୧ ଏ କାତା ସଡ଼ ଜେ, କେ ଜଦି ମଣ୍ଡଲିଟାନେ ମୁକ୍ତିଅ ପଦ୍ ପାଇବାକେ ମନ୍ କଲାନି, ତେବେ ସେ ନିମାନ୍ କାମ୍ କରବାକେ ମନ୍ କଲାନି । ୧୨\* ତେବର୍ ପାଇ ଜେକ୍ତିକି ତାର୍ ଜିବନେ ବିନ୍ ଲକ୍ମନର୍ କାଇ ନିନ୍ଦା ନ ରଇବାର୍ । ସେ ଗଟେକ୍ ମାଇଜି ସଙ୍ଗ୍ ରଇବାର୍ ଆଟେ । ନିଜେ ଜାଗରଡ଼ ରଇକରି, ନିଜର୍ ଜିବନେ ସୁସ୍ତା ରଇକରି, ସବୁଲକ୍ମର ସନ୍ମାନ୍ ପାଇକରି, ଆଇଲା ଲକ୍ମନ୍କେ ଡାକିନେବା ପାରା ଲକ୍ ଅଇକରି, ଲକ୍ମନ୍କେ ବୁଦିର୍ କାତା ସିକାଇବା ଲକ୍ ଅଇ, ୧୩ ନ ମାତି କରି, କିରମାର୍ ନ ଅଇକରି ସାକ୍ତିସଙ୍ଗ୍ ରଇ, ଦଦାପେଲା ନ ଅଇକରି, ଦନ୍ ମିଲାଇବାକେ ଆସା ନ ଅଇକରି ରଇବାର୍ ଆଟେ । ୪ ନିଜର୍ କୁଟୁମ୍ବକେ ନିକକରି ଚାଲାଇତେରଇବାର୍ ଆଟେ । ଆରି ତାର୍ ପିଲାଟକିମନ୍ କେ ସେ ତିଆର୍ଲାଟା ମାନ୍ବାକେ ବାଦିଅ କରାଇବା ସିକିଆ ଦେଇରଇବାର୍ ଆଟେ । ୫ ଜଦି କେ ମିସା ନିଜର୍ କୁଟୁମ୍ବକେ ଚାଲାଇବାର୍ ନାଜାନେ, ସେ କେକ୍ତି ପର୍ମେସର୍ ମଣ୍ଡଲିର୍ ଦାଇଡ଼ ନେଇପାରସି ? ୬ ସେ ନୁଆ ନୁଆ ବିସ୍ବାସ୍ କରବା ଲକ୍ ନ ରଇବାର୍ ଆଟେ । ନଇଲେ ସେ ବଡ଼ପିନିଆ ଅଇକରି ସଇତାନ୍ ଜେନ୍ତାରି ଡଣ୍ଡ ପାଇଲା, ସେ ମିସା ସେନ୍ତାରି ଡଣ୍ଡ ପାଇସି । ୭ ତାର୍ ଚଲାଚଲ୍ତି ଦେକି ବିସ୍ବାସ୍ ନ କରବା ଲକ୍ମନ ମିସା ତାକେ ଗଟେକ୍ ସନ୍ମାନ୍ ଲକ୍ ପାରା ନାମ୍ବାର୍ ଆଟେ । ଜେକ୍ତିକି ଲକ୍ମନ ତାକେ ନିନ୍ଦା ନ କରି ସଇତାନର୍ ପାନ୍ଦେ ନ ଲାଗେ ।

#### ମଣ୍ଡଲିର୍ ସେବା କରୁମନ୍

୮ ସେନ୍ତାରିସେ ମଣ୍ଡଲିର୍ ସେବା କରୁମନ୍ ମୁକ୍ତିଅର୍ ପାରା ସବୁ ଲକ୍ମନଟାନେଅନି ସନ୍ମାନ୍ ପାଇବା ଲକ୍ ରଇବାର୍ ଆଟେ । ସେମନ୍ ସଡ଼ ବାବେ ଚଲାଚଲ୍ତି କରବାର୍ ଆଟେ । ମଦୁଆ ଲକ୍ ଅଇ ରଇବାର୍ ନାଇ । ତାରୁକାସୁର୍ ପାଇ ଆସା ନ ରଇବାର୍ ଆଟେ । ୯ ପର୍ମେସର୍ ଜନ୍ ସଡ଼ କବର୍ ସେମନ୍ କେ ଜାନାଇଆଟେ, ସେଟା ସେମନ୍ ତାଟ୍ ସଙ୍ଗ୍ ବିସ୍ବାସ୍ କରବାର୍ ଆଟେ । ଆରି ସେମନ୍ ପାପେ ଉଜନାଇ ବଲି ତାକର୍ ବିବେକ୍ ସାକିଦେବାର୍ ଆଟେ । ୧୦ ମଣ୍ଡଲିର୍ ସେବାକରୁ ଅଇବା ଆଗ୍ଡୁ ବିନ୍ ଲକ୍ମନ ସେମନ୍ କେ ପରିକା କରି ଦେକଡ଼ । କାଇ ଦସ୍ ନ ରଇଲେ ସେମନ୍ ସେବା କରବାକେ ଦାଇଡ଼ ନେଅଡ଼ । ୧୧ ସେନ୍ତାରିସେ ତାକର୍ ମାଇଜିମନ୍ ମିସା ବିନ୍ଲକ୍ମର ସନ୍ମାନ୍ ପାଇଲା ପାରା ଚଲାଚଲ୍ତି କରଡ଼ । ସେମନ୍ ତିପୁଲ୍ କାତା କଇବାର୍ ନାଇ । ତାର୍ ବାଦୁଲେ ନିଜେ ଜାଗରଡ଼ ରଇବାର୍ ଆଟେ । ସେମନ୍ ସଡ଼ ଲକ୍ ବଲି ବିନ୍ ଲକ୍ ଆସା କରବାର୍ ଆଟେ । ୧୨ ସେବାକରୁ ଗଟେକ୍ ମାଇଜି ସଙ୍ଗ୍, ତାର୍ ପିଲାଟକିମନ୍ କେ, ତାର୍ କୁଟୁମ୍ବ ବିନ୍ ଲକ୍ମନ୍କେ, ଆରି ଗତିଦାଙ୍ଗ୍ ଡାମନ୍ କେ ନିକସଙ୍ଗ୍ ଜତନ୍ କରବାର୍ ଆଟେ । ୧୩ ସେବାକାରିଆମନ୍ ଆବଡ଼ ଅଇ ନିକ କାମ୍ କଲେ, ଲକ୍ମନର୍ ଟାନେଅନି ଅଦିକ୍ ସନ୍ମାନ୍ ମିଲ୍ସି । ସେନ୍ତାରି ଲକ୍ କିରିସଟ ଜିସୁର୍ ବିସଇ ବିନ୍ ଲକ୍ମନ୍କେ ତାଟ୍ ସଙ୍ଗ୍ କଇପାରୁବାଇ ।

#### ବିସ୍ବାସର୍ ସଡ଼

୧୪ ମୁଇ ଏପିସେ ଆସି ଦାପରେ ତମ୍ବକେ ଦେକବି ବଲି ମନ୍ କଲିନି । ଅଇଲେ ମିସା ଏ ଚିଟିଟାନେ ତମ୍ବକେ ମୁଇ ତିଆର୍ଲିନି । ୧୫ କାଇକେବଇଲେ ଜଦି ମର୍ ଆଇବାଟା ଅଲ୍ ସମ୍ ଅଇଲେ ମିସା, ପର୍ମେସର୍ କୁଟୁମ୍ବ ଇସାବେ ମଣ୍ଡଲିଟାନେ ତମେ ଗଟେକ୍ ଲକ୍ ଆରିଗଟେକ୍ ଲକ୍ କେକ୍ତାରି ମିସିକରି ରଇବାର୍ ଆଟେ, ସେ ବିସଇ ତମେ ଜାନ୍ସା । ଏ ମଣ୍ଡଲି ପର୍ମେସର୍, ଜେକି ସତଇସେ ବଠିଆଟେ । ସେ କୁନାଦି ଆରି ମୁଲ୍ ତେଲି ପାରା ଅଇ ସଡ଼ ବିସଇକେ ତାଟ୍ କରାଇଲାନି ।

୧୬ ଆମର୍ ବିସ୍ବାସଟାନେ କେ ନାଜାନ୍ଲା ପାରା ବିସଇ ଲୁଚିକରି ଆଟେ । ସେନ୍ତାରି ନଏଁ ବଲି କେ କଇନାପାରଡ଼ ।

☆ ୨:୯ ୨:୯ ୧ ମ ପିତର୍ ୩:୩ ☆ ୩:୨ ୩:୨ ତିତସ୍ ୧:୬-୯

“ ଜିସୁକିରିସ୍ତ ନର୍ ରୁପ୍ ଦାରି ଆଇଲା ।  
 ସେ ନିଜେ ପର୍ଯ୍ୟେସରର୍ ପଅ ବଲି ସୁକଲ୍ ଆଡ଼ମା କାତାଦେଲା ଆଚେ ।  
 ଦୁଡ଼ମନ୍ ତାକେ ଦେକ୍ଲାଇ ।  
 ତାର୍ ବିସଇର୍ ସଡ଼ କବର୍ ଗୁଲାଇ ରାଇଜେ ଜାନାଇଲାଇ ।  
 ସବୁ ଜାଗାର୍ କେତେକ୍ କେତକ୍ ଲକ୍ମନ୍ ତାକେ ବିସ୍ବାସ୍ କଲାଇ ।  
 ପର୍ଯ୍ୟେସର୍ ତାକେ ସର୍ଗେ ନେଲା ।”

### ୪

#### ବୁଲ୍ ସିକିଆ ଦେଉମନ୍‌କେ ଜାଗରତା କରାଇବାଟା

<sup>୧</sup> ସୁକଲ୍ ଆଡ଼ମା ନିକସଙ୍ଗ୍ କଇଲାନି, ସାରାସାରି ଦିନେ, ଲକ୍ମନ୍ ସଡ଼ ବିସଇ ବିସ୍ବାସ୍ କରବାଟା ଚାଡ଼ିଦେବାଇ । କାରାପ୍ ଆଡ଼ମାମନର୍ ସିକିଆ ମାନ୍‌ବାଇ । ଆରି ସେମନ୍ ସିକାଇବା ବୁଲ୍ ସିକିଆ ବିସ୍ବାସ୍ କରବାଇ । <sup>୨</sup> ଏନ୍ତାରି ସିକିଆ ଦେବାବେଲେ ଏଟା ସଡ଼ ସିକିଆବଲି ଲକ୍ମନ୍ ମାନ୍‌ବାଇ । ମାତର୍ ସେଟା ମିଟ୍ ସିକିଆ ରଇସି । ସେମନ୍ ଟିକ୍ କଲାଇନି କି ବୁଲ୍ କଲାଇନି, ସେଟା ନିଜେ ଜାନି ନ ରଅଡ଼ । ଜେନ୍ତାରି କି ତପ୍‌ଲା ଲୁଆସଙ୍ଗ୍ ମାଉଁସ୍‌ଟାନେ ଚାପ୍‌ଲେ ମରିଜାଇସି, ସେନ୍ତାରିସେ । <sup>୩</sup> ସେମନ୍, ମାଇଜି ମନସ୍ ବିବା ଅଇବାର୍ ନାଇ ଆରି କାଇ କାଇ କାଦି କାଇବାର୍ ନାଇ ବଲି ବୁଲ୍ ସିକିଆ ଦେବାଇ । ସବୁ ରକାମର୍ କାଦି ପର୍ଯ୍ୟେସର୍ ତିଆର୍ କଲାଆଚେ । ଜେନ୍ତାରି କି ଜେଡ଼କି ସବୁ ଲକ୍ମନ୍ ତାର୍ ସଡ଼ କବର୍ ବିସ୍ବାସ୍ କରବାଇ, ସେମନ୍ ସେ କାଦିର୍ ଲାଗି ତାକେ ଦନିଅବାଦ୍ ଦେବାଇ । <sup>୪</sup> ସେନ୍ତାରି ସିକିଆ ଦେଉମନ୍ ବୁଲ୍ ସିକିଆ ଦେଲାଇନି । କାଇକେବଇଲେ କାଦି ଆରି ପର୍ଯ୍ୟେସର୍ ତିଆର୍‌କଲା ସବୁ ବିସଇ ନିକଆଚେ । ଆରି କାଇ ରକାମର୍ କାଦି ମିସା ନିର୍‌ବାର୍ ନାଇ । ତାର୍ ବାଦୁଲେ ସବୁ କାଦି ନିକ ବଲି ମାନିକରି ତାକେ ଦନିଅବାଦ୍ ଦେବାର୍ ଆଚେ । <sup>୫</sup> କାଇକେବଇଲେ ପର୍ଯ୍ୟେସର୍ କଇରଇବା ବାକିଆ ଆରି ଆମର୍ ପାର୍‌ତନା ବିସଇ ସବୁ ସୁକଲ୍ ଅଇଆଚେ ।

#### କିରିସ୍ତ ଜିସୁର୍ ନିକ ସେବାକାରିଆ

<sup>୬</sup> ଏ ସବୁ ବିସଇ ତମେ ବିସ୍ବାସିମନ୍‌କେ ସିକାଇବାର୍ ଲାଗି, ତମେ ଜିସୁ କିରିସ୍ତକେ ସେବା କଲାସ୍‌ନି । ତମର୍ ବିସ୍ବାସର୍ ଲାଗି ଆରି ସଡ଼ ସିକିଆ ମାନ୍‌ଲାଗ୍ ଲାଗି ପର୍ଯ୍ୟେସର୍ ତମ୍‌କେ ବଡ଼ାଇସି । <sup>୭</sup> ଜନ୍ ସବୁ ସିକିଆ ମିଟ୍, ଆରି ଜନ୍‌ଟା ସବୁ ଟଣ୍ଡେପାନ୍‌ କଇବାଟାନେ ଅନି ଦୁରିକେ ରୁଆ । ତାର୍ ବାଦୁଲେ ନିଜେ ଜାଗରତ୍ ରଇକରି ପର୍ଯ୍ୟେସର୍ ଜନ୍‌ଟା ମନ୍ କଲାନି, ସେନ୍ତାରି ଚଲାଟଲ୍‌ତି କରା । <sup>୮</sup> କାଇକେବଇଲେ ଗାଗଡ଼କେ ବୁଲାଟାଲା କରି ନିକ ସଙ୍ଗ୍ ସଙ୍ଗାଇବାଟା କେତେଟା କାମର୍ ପାଇ ନିକ ବିସଇ । କାଇକେବଇଲେ ଏଟା ଜଗତେ ବଠିରଇଲେ କି ମରିଗାଲେ ମିସା ତାକେ ଲଡ଼ାକେ ଆଇସି । ମାତର୍ ଆଡ଼ମାଇ ଚଲାଟଲ୍‌ତି କରବାଟା ସବୁ କାମେ ନିକ ରଇସି । <sup>୯</sup> ଏଟା ବାଇଦରେ ସଡ଼ ଆକା । ଏଟା ସବୁଲକ୍ ଅଇସି କି ନ ଅଏ ବଲିକରି ପୁରାପୁରୁନ୍ ବିସ୍ବାସ୍ କରିଅଇସି । <sup>୧୦</sup> ଆମେ ପର୍ଯ୍ୟେସର୍‌କେ ବିସ୍ବାସ୍ କଲାପାଇ କସ୍‌ଟ ଅଇ କାମ୍ କରି ଏଟା ଆସା କଲୁନି । ସେ ସତଇସେ ବଠିଆଚେ । ସେ ଗୁଲାଇ ମନସ୍ ଜାଡ଼ିର୍ ଉଦାର୍‌କାରିଆ, ଜେଡ଼କି ସବୁ ତାକେ ବିସ୍ବାସ୍ କଲାଇନି, ତାକର୍‌ପାଇ ଅଦିକ୍ ।

<sup>୧୧</sup> ମୁଇ ତମ୍‌କେ ଜେଡ଼କି ବିସଇ ଲେକ୍‌ଲିଆଟି ସେଟାସବୁ ବିନ୍ ଲକ୍ମନ୍‌କେ ସିକାଆ ଆରି ତିଆରା । <sup>୧୨</sup> ତକେ ଦାଙ୍ଗ୍‌ତା ଆଚେ ବଲି କେ ମିସା ଇନ୍ ନ କର । ମାତର୍ ସବୁ ବିସ୍ବାସି ମନର୍‌ପାଇ ଗଟେକ୍ ସାକିପାରା ନିକ ଚଲାଟଲ୍‌ତି କର୍ । ସବୁ ବେଲେ ସଡ଼ କାତା କଇତେର, ନିକସଙ୍ଗ୍ ଚଲାଟଲ୍‌ତି କର୍ତେରଇବା, ଲକ୍ମନ୍‌କେ ଆଲାଦ୍ କର୍ତେରଇବା, କିରିସ୍ତକେ ବିସ୍ବାସ୍ କର୍ତେରଇବା, ପାପେ ରଅନାଇ । <sup>୧୩</sup> ମୁଇ ତର୍‌ଟାନେ ଆଇବା ଜାକ ବିସ୍ବାସିମନ୍ ରୁଣ୍ଡୁଲା ବେଲାଇ, ଜେନ୍ତାରି କି ସବୁଲକ୍ ନିକକରି ସୁନ୍‌ଲାପାରା ସାସ୍‌ତର୍ ପଡ଼ିଦେସ୍ । ତେଇର୍ ଅରଡ଼ ସେମନ୍‌କେ ବୁଜାଇଦେସ୍ । <sup>୧୪</sup> ପର୍ଯ୍ୟେସର୍ ତର୍‌ପାଇସେ ବଲିକରି ଜନ୍ ଦାନ୍ ଦେଲାଆଚେ, ସେ କାମେ ଲାଗିର । ଏଟା ବବିସଡ଼ବକ୍‌ତାମନ୍ ଆରି ପାର୍‌ତିନମନ୍ ତର୍ ମୁଣ୍ଡେ ଆଡ଼ ସଙ୍ଗାଇ ପାର୍‌ତନା କଲାବେଲେ, ତୁଇ ପର୍ଯ୍ୟେସର୍‌ଟା ନେଅନି ପାଇରଇଲୁସ୍ । <sup>୧୫</sup> ଏ ସବୁ ବିସଇ ପୁରାପୁରୁନ୍ ମନ୍ ଦିଆନ୍ ଦେଇ କର୍ । ଜେନ୍ତାରିକି, ସୁବକବର୍ ଜାନାଇବାଟାନେ ଆରି ସିକାଇବାଟାନେ ତୁଇ ଆଗଡ଼ୁ ଆଗଡ଼ୁ ଗାଲୁସିନି ବଲି ଲକ୍ମନ୍ ଦେକ୍‌ବାଇ । <sup>୧୬</sup> ତୁଇ ଜାଗରତ୍ ସଙ୍ଗ୍ ଚଲାଟଲ୍‌ତି କର୍ । ଆରି ପର୍ଯ୍ୟେସର୍‌ଟା ବିସଇ ଜନ୍‌ଟା ସିକାଇଲୁସିନି, ସେ ବିସଇଟାନେ ଜାଗରତ୍ ର । ଏଟା କରିଲାଗିର । କାଇକେବଇଲେ ସେନ୍ତାରି କଲେ, ତୁଇ ନିଜ୍‌କେ ଆରି ତର୍ କାତା ସୁନ୍‌ବା ଲକ୍‌କେ ରକିଆ କର୍‌ସୁ ।

### ୫

#### ବିସ୍ବାସିମନ୍‌ରୁତି କରବା କାମ୍

<sup>୧</sup> ତର୍‌ଟାନେଅନି ବୟସେ ବଡ଼ ରଇବା ଲକ୍‌କେ ତାଟ୍‌ସଙ୍ଗ୍ ଦାକାପୁକା ଦେସ୍‌ନାଇ । ତାର୍ ବାଦୁଲେ ନିଜର୍ ବାବାକେ ବାବୁଜିଆ କଲାପାରା ସନ୍‌ମାନ୍ ସଙ୍ଗ୍ କର୍ । ବଇସେ ସାନ୍ ରଇଲା ଲକ୍‌ମନ୍‌କେ ନିଜର୍ ବାଇ ଇସାବେ କାତା ଅ ।

୨ ବଇସେ ବଡ଼ ରଇବା ମାଉଜିମନ୍‌କେ ନିଜର୍ ମାଆ ପାରା ଆରି ଦାଈଁମନ୍‌କେ ନିଜର୍ ବଇନି ପାରା ମାନିକରି ର । ସେମନ୍‌କେ ମନେ ମନେ ମିସା ପାପ୍ ଇସାବେ ଦେକ୍‌ନାଇ ।

୩ ରାଣ୍ଡିଞ୍ଜୁମନ୍‌କେ ସନ୍‌ମାନ ଦେକାଇ ଜତନ୍ କର । ୪ ଜଦି କନ୍ ରାଣ୍ଡିମାଉଜିକେ ପିଲାଟକି କି ନାତିତିତି ରଇଲେ, ସେମନ୍ ନିଜର୍ କୁଟୁମର୍ ଲକ୍ ଇସାବେ ତାକେ ଜତନ୍ କରତ୍ । ସେନ୍ତାରି ସେମନ୍ ଆୟା ବାବାମନ୍‌କେ ଆରି ଆନିଦାଦିମନ୍‌କେ ତାକର୍ ଆଲାଦ୍ ବାଉତାଇ ଦେଅତ୍ । ଏଟା ପର୍ମେସର୍‌କେ ସାର୍‌ଦା କରାଇସି । ୫ ଜନ୍ ରାଣ୍ଡିମାଉଜି ଜାକେ କି ଆକାସାକା ନାଇ, ସେ ପର୍ମେସର୍‌କେ ଆସାକରିଆଟେ, ସେ ଦିନ୍‌ରାତି ତାକେ ଗୁଆରିକଲାନି, ତାକେସେ ମଣ୍ଡଲିର୍ ବିସ୍‌ବାସିମନ୍ ଜତନ୍ କର୍‌ବାର୍ ଆଟେ । ୬ ମାତର୍ ଗଟେକ୍ ରାଣ୍ଡି ମାଉଜି ଅବ୍‌କା ନିଜେ କର୍‌ବା ବିସଇ ମନ୍‌କରି, ପର୍ମେସର୍ ତାକେ ଜନ୍‌ଟା କର ବଲି ମନ୍ କଲାନି, ସେଟା ନ କରିରଇଲେ, ସେ ବର୍ତ୍ତିରଇକରି ମିସା ମଲା ସମାନ୍ ଆଟେ । ୭ ରାଣ୍ଡି ମାଉଜିମନ୍‌କେ ଜତନ୍ ପାଇ ମୁଇ ଜେଡ୍‌କି ଆଦେସ୍ ଦେଲିଆଟି, ସେଟା ସବୁ ମାନା ବଲି ବିସ୍‌ବାସିମନ୍‌କେ ତିଆର୍ । ଜେନ୍ତାରିକି ସେମନ୍‌କେ କେ ମିସା ନିନ୍ଦା କରି ନାପାରତ୍ । ୮ କେ ଜଦି, ତାର ନିଜର୍ ଲକ୍‌ମନ୍‌କେ କି କୁଟୁମର୍ ଲକ୍‌ମନ୍‌କେ ଲତାକେ ରଇବା ବିସଇ ନ ଦେଲେ, ସେ ଜନ୍‌ଟା ବିସ୍‌ବାସ୍ କଲିନି ବଲି କଇସି, ସେ ସତଇସେ ସେଟା ବିସ୍‌ବାସ୍ କରେନାଇ । ସେ ବିସ୍‌ବାସ୍ ନ କରିରଇବା ଲକ୍‌ଟାଟାନ୍‌ଅନି ଅଦିକ୍ ଇନ୍ ।

୯ ଗଟେକ୍ ରାଣ୍ଡି ମାଉଜି କତେଚାରି ବରସ୍ ନ ଅଇତେ, ତାକେ ରାଣ୍ଡି ବଲି ଲେକା କର୍‌ବାର୍ ନାଇ । ସେ ଗଟେକ୍ ମୁନ୍‌ସର୍ ସଙ୍ଗେସେ ମିସିରଇବାର୍‌ଆଟେ । ୧୦ ବିନ୍ ଲକ୍ ଦେକ୍‌ବା ଇସାବେ, ସେ ବେସି ଦରମ୍ ଅଇ, ବିନ୍ ଲକ୍‌କେ ସାଇଜ କର୍‌ବାର୍ ଆଟେ । ଜେନ୍ତାରି କି ନିଜର୍ ପିଲାମନ୍‌କେ ନିକ ସଙ୍ଗ୍ ବତାଇରଇସି, ଆଇଲା ଲକ୍‌ମନ୍‌କେ ଗତିଆ ଇସାବେ ତାକ୍‌ସି, ପର୍ମେସର୍‌ର ସୁକଲ୍ ଲକ୍‌ମନ୍‌କେ ଗଡ୍ ଦଇଦେଇସି, ଦୁକ୍ କସ୍‌ଟେ ରଇବା ଲକ୍‌ମନ୍‌କେ ସାଇଜ କର୍‌ସି, ଲକ୍‌ମନ୍‌କେ ସାଇଜ କର୍‌ବାକେ ବିନ୍ ବିନ୍ କାମ୍ କର୍‌ତେରଇସି ।

୧୧ ଡକ୍‌ରି ନ ରଇବା ରାଣ୍ଡିମନ୍‌କେ ରାଣ୍ଡି ଇସାବେ ଲେକା କର୍ ନାଇ । କାଇକେବଇଲେ ସେମନ୍ ରାଣ୍ଡି ଇସାବେ କିରିସ୍‌ଟକେ ସେବା କର୍‌ବି ବଲି କାତା ଦେଇରଇଲେ ମିସା, ମୁନ୍‌ସର୍ ସଙ୍ଗ୍ ରଇବି ବଲି ମନ୍ ଆଇଲେ, ଆଗ୍‌ତୁ ଦେଇରଇବା କାତା ପାସ୍‌ରିଜାଇ ଆରିତରେକ୍ ବିବା ଅଇବାକେ ମନ୍ କର୍‌ବାଇ । ୧୨ ଆରିତରେକ୍ ବିବା ଅଇଲାର୍ ପାଇ ସେମନ୍ ଦସି ଅଇବାଇ । କାଇକେବଇଲେ, ସେମନ୍ ଆଗ୍‌ତୁ ଦେଇରଇବା କାତା ପୁରାପୁରୁନ୍ କରତ୍ ନାଇ । ୧୩ ଏଟାର୍ ମିସ୍‌ତେ ସେମନ୍ ଅଲସ୍ ଅଇବାଟା ସିକ୍‌ବାଇ । ଆର୍ ଗରେ ତାର୍ ଗରେ ଜାଇ ବେଲା ବିତାଇବାଇ । ତିପୁଲ୍ କାତା କଇ ବିନ୍ ଲକ୍‌ର ବିସଇ କାତାବାଟା ଅଇବାଇ । ୧୪ ତେବର୍‌ପାଇ ଡକ୍‌ରି ନ ରଇବା ରାଣ୍ଡିମନ୍‌କେ ମୁଇ ତିଆର୍‌ଲିନି, ଆରିତରେକ୍ ଗର୍ ବସାଇ ପିଲାଟକିର୍ ଜତନ୍ କରା । ସେନ୍ତାରି କଲେ ଆମର୍ ବିରଦିମନ୍ ଆମ୍‌କେ ନିନ୍ଦା ନ କରତ୍ । ୧୫ କାଇକେବଇଲେ ସେମନ୍ ପର୍ମେସର୍‌ର ଟାନ୍‌ଅନି ଦୁରିକେ ଜାଇ ସଇତାନର୍ ସଙ୍ଗ୍ ଜିଇବାକେ ଆରାମ୍ କଲାଇ ଆଟତ୍ । ୧୬ ଜଦି କନ୍‌ଆଲେ ମାଉଜି କିରିସ୍‌ଟକେ ବିସ୍‌ବାସ୍ କର୍‌ସି, ଆରି ତାର୍ କୁଟୁମେ ରାଣ୍ଡିମାଉଜିମନ୍ ରଇବାଇ, ସେ ଆକା ସେମନ୍‌କେ ସାଇଜ କର୍‌ବାର୍ ଆଟେ । ବିନ୍ ବିସ୍‌ବାସିମନ୍ ସେ ଦାଇଡ୍ ନେଇ କରତ୍ ବଲି ସେ ଆସା କର୍‌ବାର୍ ନାଇ । ଏଟା ଜେନ୍ତାରିକି ଜାକେ ଆକାସାକା ନ ରଅତ୍ ସେମନ୍‌କେ ବିସ୍‌ବାସିମନ୍ ଜତନ୍ କରିପାରତ୍ ।

୧୭ ଜନ୍ ପାର୍‌ତିନ୍‌ମନ୍ ମଣ୍ଡଲିର୍ ନେତା ଅଇ ତାକିନେଲାଇନି, ସେମନ୍ ଦୁଇଗୁନ୍ ରୁତି ପାଇବା ଦର୍‌କାର୍ । କାଇକେବଇଲେ ସୁବ୍‌କବର୍ ଜାନାଇବାଟା ଆରି ସିକାଇବାଟା ସେମନ୍‌କେ ଦାଇଡ୍ ଇସାବେ ଦେଲାଇ ଆଟତ୍ । ୧୮ ଏସାସ୍‌ତରେ ଜେନ୍ତାରି ଲେକାଅଇଲା ଆଟେ, ଗାନାଇ ଦାନ୍ ମାଣ୍ଡାଇବାବେଲେ ବଲ୍‌ଦର୍ ଟଣ୍ଡେ କଡ଼ରା ବାନ୍ଦା ନାଇ ଆରି କାମ୍ କରୁ ସାଉକାଟାଟାନ୍‌ଅନି ତାର୍ କୁଲି ପାଇସି ଆକା । ୧୯ ଗଟେକ୍ ପାର୍‌ତିନ୍ ବିରୁଦେ ନିନ୍ଦା କାତା ଉର୍‌ଲେ, ଦୁଇ କି ତିନିଲକ୍‌ର ସାକି ନଇଲେ, ସେଟାକେ ମାନ୍ ନାଇ । ୨୦ ପାପେ ରଇବା ଗଟେକ୍ ପାର୍‌ତିନ୍‌କେ ସବୁର୍ ମୁଆଟେ ଲାଗ୍ । ଜେନ୍ତାରିକି ବିନ୍ ପାର୍‌ତିନ୍‌ମନ୍ ସେନ୍ତାରି ପାପ୍ କର୍‌ବାକେ ଡର୍‌ବାଇ ।

୨୧ ଆମର୍ ବାବା ପର୍ମେସର୍ ଜିସୁକିରିସ୍‌ଟ ଆରି ସେ ବାଟିରଇବା ଦୁଡ୍‌ମନ୍‌କେ ସାକିକରି ମୁଇ ତକେ ତିଆର୍‌ଲିନି, ମୁଇ ତିଆର୍‌ଲା ଏ ସବୁ ବିସଇ କାଇ ବଡ଼ସାନ୍ ନ ଦେକିକରି କର୍ । ୨୨ ଗଟେକ୍ ଲକ୍‌କେ ପରିକା ନ କର୍‌ବା ଜାକ ତାକେ ମୁକିଅ ଇସାବେ, ତର୍ ଆଡ୍ ତାର୍ ମୁଣ୍ଡେ ସଙ୍ଗାଇ, ସେବା କାମର୍ ପାଇ ସରପ୍ ନାଇ । ନଇଲେ ତାର୍ ପାପର୍ ପାଇ, ତୁଇ ଦାଇ ଅଇସୁ । ତୁଇ ନିଜେ ପାପ୍ ନ କର୍‌ବାକେ ଜାଗ୍‌ରତ୍ ର ।

୨୩ ଆରି ତୁଟା ପାନି ନ କାଇକରି ତର୍ ପେଟର୍ ଲାଗି ଅଲପ୍ ଅଙ୍ଗୁର୍ ମଦ୍ ମିସା କାଆ । କାଇକେବଇଲେ ତୁଇତା ସବୁବେଲେ ନିକ ରଡସ୍ ନାଇ ।

୨୪ କେତେ ଲକ୍ ସବୁର୍ ଦେକ୍‌ତେ ପାପ୍ କଲାଇନି । ଜେନ୍ତାରିକି ତୁଇ ସେଟା ଜାନିପାର୍‌ଲୁସ୍‌ନି । ସେମନ୍‌କେ ଚଲାଟଲୁତି ପରିକା କର୍‌ବା ଆଗ୍‌ତୁ, ତୁଇ ସେଟା ଜାନ୍‌ସୁ । ମାତର୍ ଆରି କେତେଲକ୍‌ର ପାପ୍ ବେସି ଦିନ୍ ଅଇଲେ ମିସା ଜାନି ନର୍ । ୨୫ ସେନ୍ତାରିସେ କେତେ ଲକ୍ କର୍‌ବା ନିକ ବିସଇ ସବୁକେ ତିସ୍‌ସି । ସେମନ୍ କର୍‌ବା ନିକ ବିସଇ ଦାପ୍‌ରେ ନ ତିସ୍‌ଲେ ମିସା କେତେଦିନ୍ ପଟେ, ସେଟା ଲକ୍‌ମନ୍ ଜାନ୍‌ବାଇ ।

☆ ୫:୧୮ ୫:୧୮ ମାଡିଉ ୧୦:୧୦; ଲୁକ୍ ୧୦:୭





<sup>୧</sup> ଜନ୍ ବିସ୍‌ବାସିମନ୍ ଗତିଦାଙ୍ଗୁଡ଼ା ଇସାବେ ଗଟେକ୍ ସାଉକାର୍ ତଲେ କାମ୍ କଲାଇନି, ସେମନ୍ ତାକର୍ ସାଉକାର୍‌ମନ୍‌କେ ଅଦିକ୍ ସନ୍‌ମାନ୍ ଦେବାର୍ ଆଟେ । ଜେନ୍ତାରି କି, ପର୍‌ମେସରର୍ ନାଉଁ ଆରି ଆମେ ସିକାଇବାଟା କେ ନିନ୍ଦା ନ କରତ୍ । <sup>୨</sup> ଜଦି ତାକର୍ ସାଉକାର୍‌ମନ୍ କିରିସ୍‌ଟକେ ବିସ୍‌ବାସ୍ କଲାଇନି, ସେନ୍ତାରିଆଲେ ବିସ୍‌ବାସି ସାଉକାର୍‌ମନ୍‌କେ, ବିସ୍‌ବାସ୍ ନ କର୍‌ବା ସାଉକାର୍‌ମନ୍‌ର୍ ତେଇଅନି, କିରିସ୍‌ଟର୍‌ଟାନେ ବାଇ ଇସାବେ ସନ୍‌ମାନ୍ ଉନା ଦେକାଇଲେ ଅଇସି ବଲିକରି ବାବ୍‌ବାର୍ ନାଇ । ତାର୍ ବାଦୁଲେ ସେମନ୍‌ର୍‌ପାଇ ଅଦିକ୍ ଆବଡ୍ କାମ୍ କର୍‌ବାର୍ ଆଟେ । କାଇକେବଇଲେ ସେମନ୍ ଜନ୍ ସାଉକାର୍‌ର୍‌ପାଇ କାମ୍ କଲାଇନି, ସେମନ୍ ମିସା ବିସ୍‌ବାସି ଲକ୍ । ଆରି କିରିସ୍‌ଟର୍‌ଟାନେ ବାଇ ଇସାବେ ଆଲାଦ୍ କଲାଇନି । ବିସ୍‌ବାସି ମନ୍‌କେ ଏ ସର୍‌ତେ ବିସଇ ସିକାଆ । ଆରି ସେଟା କର୍‌ବାକେ ସେମନ୍‌କେ ସାର୍‌ଦା କର୍ ।

**ବୁଲ୍ ସିକିଆ ଆରି ସଡ୍ ଦନ୍**

<sup>୩</sup> ଜଦି କେ ବୁଲ୍ ବିସଇ ସିକାଇଲାଇନି, ଆରି ଆମର୍ ମାପୁରୁ ଜିସୁକିରିସ୍‌ଟର୍ ସଡ୍ ସିକିଆଟାନେ ରାଜି ନ ଅଅଡ୍, <sup>୪</sup> ସେନ୍ତାରି ଲକ୍ ବେସି ବଡ୍‌ପନିଆ ଆରି ସେ କାଇଟା ନାଜାନେ । ସେ ସବୁବେଲେ ଦଦାପେଲା କରି କାଇ ମୁଲିଅ ନ ରଇବା ବିସଇନେଇ ଜଗ୍‌ତାଜାଟି କର୍‌ତେରଇବାକେ ମନ୍ କର୍‌ସି । ଏନ୍ତାରି କରି କରି ଲକ୍‌କେ ଛୁଆ କର୍‌ବାଟା, କିରଜାଟି କର୍‌ବାଟା, ନିନ୍ଦା କର୍‌ବାଟା ଆରି କାରାପ୍ ଚିନ୍ତା, <sup>୫</sup> ଗଟେକ୍ ଲକ୍ ଆରି ଗଟେକ୍ ଲକର୍ ସଙ୍ଗ୍ କିରଜାଟି ଅଇ ଲାଗି ରଇସି । ସେନ୍ତାରି ଲକର୍ ମନ୍ କାରାପ୍ ଅଇଲା ଆଟେ ଆରି ସଡ୍ ବିସଇ ତାକର୍ ମନ୍‌କେ ନ ଜାଏ । ସେମନ୍ ପର୍‌ମେସରର୍ ବିସଇ ସିକାଇତେରଇଲେ ତାବୁ ମିଲ୍‌ତେରଇସି ବଲି ବାବ୍‌ଲାଇନି ।

<sup>୬</sup> ତାର୍ ବାଦୁଲେ ଆମେ ଜେତେବେଲେ ପର୍‌ମେସର୍କେ ସାର୍‌ଦା କରାଉଁ, ଆରି ଆମ୍‌କେ ଜେଡ୍‌କି ଆଟେ ସେଡ୍‌କି ସଙ୍ଗ୍ ସୁସ୍‌ତା ସଙ୍ଗ୍ ରଉଁ, ତେବେ ଆମେ ଜବର୍ ଅଇତେ ମିଲାଇଥାଉ । <sup>୭</sup> କାଇକେବଇଲେ ଆମେ ଜନମ୍ ଅଇଲାବେଲେ ରୁଟାଆତେ ଆଇଲୁ, ଆରି ଜେତେବେଲେ ମର୍‌ବୁ, ରୁଟା ଆତେସେ ଉଟିଜିବୁ । <sup>୮</sup> ତେବେ ଆମ୍‌କେ ଲଡାକେ ଆଇବା କାଦି ଆରି ପିନ୍‌ବାକେ ବସ୍‌ତର୍ ରଇଲେ ସେଡ୍‌କିସଙ୍ଗ୍ ସୁସାରେ ରଇବାର୍ ଅଇସି । <sup>୯</sup> କେତେ କେତେ ଲକ୍ ସାଉକାର୍ ଅଇବାକେ ଏନ୍ତି ମନ୍ କର୍‌ବାଇଜେ, ସେମନ୍‌ର୍ ଜିବନେ କାଇ ପରିକା ଆଇଲେ ମିସା ତେଇ ଅଦର୍‌ବାଇ । ଗଟେକ୍ ପସୁ ପାରା ପାନ୍ଦେ ଲାଗ୍‌ବାଇ । ଜେଡ୍‌କି ବିସଇ ତାକର୍‌ପାଇ ଆରି ବିନ୍ ଲକର୍ ପାଇ କାରାପ୍ ଆରି ବିପଦ୍ ଆନ୍‌ସି, ସେ ସବୁ ବିସଇ କର୍‌ବାକେ ମନ୍ କର୍‌ବାଇ । ଏନ୍ତାରି ମନ୍ କର୍‌ବାଟା ଅଦିକ୍ ଅଦିକ୍ ବାବି, ସେମନ୍ କୁରୁପ୍‌ନାସ୍ ଅଇଜିବାଇ । <sup>୧୦</sup> କାଇକେବଇଲେ ଜନ୍ ଲକ୍‌ମନ୍ ତାବୁ ଆସାକରି ଆତଡ୍, ସେ ତାବୁ ମିଲାଇବାକେ ବିନ୍ ବିନ୍ ରକାମର୍ କାରାପ୍ ବିସଇ କର୍‌ବାକେ ମନ୍ କର୍‌ବାଇ । କେତେଲକ୍ କିରିସ୍‌ଟର୍ ବିସଇଟାନେ ରଇବା ସିକିଆ ବିସ୍‌ବାସ୍ କର୍‌ବାଟା ଦିରେ ଦିରେ ଚାଡିଦେଇଆଟଡ୍ । କାଇକେବଇଲେ ସେମନ୍ ତାବୁ ମନ୍‌କଲାଇ ଆରି ନିଜେ ବୁସିଅଇଲା ଲକ୍‌ପାରା ବେସି ରକାମ୍ ଦୁକ୍ କସ୍‌ଟେ ପଡ୍‌ଲାଇଆଟଡ୍ ।

**ପାଉଲର୍ ସାରାସାରି କାତା**

<sup>୧୧</sup> ମାତର୍ ଏ ଡିମ୍ବି, ତୁଇ ଗଟେକ୍ ପର୍‌ମେସରର୍ ଲକ୍ । ତୁଇ ଏଟାମନ୍ ଚାଡିଦେସ୍ । ସଡ୍ ବିସଇଆକା କର୍‌ବାକେ ବେସି ଆବଡ୍ ଅ । ପର୍‌ମେସର୍ ଜେନ୍ତି ମନ୍ କଲାନି, ସେନ୍ତାରି ଚଲାତଲ୍‌ଡି କର୍ । କିରିସ୍‌ଟକେ ବିସ୍‌ବାସ୍ କର୍ । ବିନ୍ ଲକ୍‌ମନ୍‌କେ ଆଲାଦ୍ କର୍ । ପର୍‌ମେସର୍ ତିଆର୍‌ଲାଟା ମାନ୍‌ବାକେ କେ ଚାଡ୍‌ନାଇ । ଲକ୍‌ମନ୍‌ର୍ ସଙ୍ଗ୍ ରିସା ଅ ନାଇ । <sup>୧୨</sup> ଗଟେକ୍ ନିକ ସଇନ ଜେନ୍ତାରି ଜୁଇଦେ ଜୁଜ୍‌ବାକେ କେବେ ନ ଚାଡେ, ସେନ୍ତାରିସେ ତୁଇ ମିସା ପର୍‌ମେସର୍କେ ବିସ୍‌ବାସ୍ କରି ତାର୍ ତିଆର୍‌ଲାଟା ମାନ୍‌ବାକେ ଚାଡ୍‌ନାଇ । ଜନ୍ ନ ସାର୍‌ବା ଜିବନ୍ ପର୍‌ମେସରର୍‌ଟାନେ ଆଟେ, ସେଟା ତୁଇ ନିଜର୍‌ପାଇ ଆନ୍ । ସେ ବିସଇ ମିଲାଇବାକେ ବେସି ଲକର୍ ମୁଆଟେ କାତା ଦେଇରଇଲୁସ୍ । <sup>୧୩</sup> ପର୍‌ମେସର୍ ମର୍ ସାକି, ଜେ କି ସବୁକେ ବର୍‌ବବାକେ ଦେଇସି । ଆରି ଜିସୁକିରିସ୍‌ଟ ଜେ କି, ପନ୍ତିଅ ପିଲାଡ୍ ପାଟାରିଲା ବେଲେ ସଡ୍ କଇଲା, ଏ ଦୁଇ ଲକର୍ ସାକି ନେଇକରି ମୁଇ ତକେ ତିଆର୍‌ଲିନି, <sup>୧୪</sup> ଆମର୍ ମାପୁରୁ ଜିସୁକିରିସ୍‌ଟ ବାଉଡି ଆଇବା ଜାକ ମୁଇ ତକେ ତିଆରିରଇବା ଜେଡ୍‌କି ସବୁ ବିସଇ ମାନିକରି, କାଇ ନିନ୍ଦା ନ ଅଇତେ ର । <sup>୧୫</sup> ସେ ବାଉଡି ଆଇବାଟା ପର୍‌ମେସର୍ ଟିକ୍ କଲା ବେଲାଇ ଗର୍‌ସି, ସେ ଗଟେକ୍ ଲକ୍‌ସେ ସାସନ୍‌କାରିଆ । ସେ ସେ ରାଜାମନ୍‌ର୍ ଉପ୍‌ରେ ରଇବା ରାଜା ଆରି ମାପୁରୁମନ୍‌ର୍ ଉପ୍‌ରେ ରଇବା ମାପୁରୁ । <sup>୧୬</sup> ସେ କାଲ୍ କାଲ୍ ଜୁଗ୍ ଜୁଗ୍ ବର୍‌ସି ଆରି ତାର୍ ଚାରିବେଟ୍‌ଡି ରଇବା ଉଜ୍‌ଲେ କେ ଆସିନାପାରଡ୍ । ବର୍‌ଟି ରଇବା କେ ମିସା ତାକେ ଦେକଡ୍ ନାଇ ଆରି କେବେ ମିସା ଦେକିନାପାରଡ୍ । ଲକ୍‌ମନ୍ ତାକେ ତାକ୍‌ପୁଟା କର୍‌ବାଇ ଆରି ତାର୍‌ଟାନେ ସବୁବେଲେ ବେସି ବପୁ ରଇସି । ଆମେନ୍ ।

<sup>୧୭</sup> ଏ ଜିବନର୍ ବିସଇନେଇ ଜେଡ୍‌କି ଲକ୍‌ମନ୍ ସାଉକାର୍ ଅଇ ଆଟଡ୍, ବିନ୍ ଲକ୍‌ମନ୍‌ଟାନେଅନି ସେମନ୍ ନିକ ବଲି ନ ବାବ୍‌ବାକେ ତିଆର୍ । ଦନ୍ ସଁପଡି ଉପ୍‌ରେ ବେସି ଆସା କର୍‌ବାର୍ ନାଇ ବଲି ସେମନ୍‌କେ ସିକା । କାଇକେବଇଲେ ତାବୁ ଦାପ୍‌ରେ ମାୟାଅଇଜାଇସି । ତାର୍ ବାଦୁଲେ ସେମନ୍‌କେ ଲଡାକେ ଲାଗ୍‌ବା ବିସଇ ସବୁ ଦେବାକେ ପର୍‌ମେସରର୍‌ଟାନେ ଆସା ରକ୍‌ବାକେ ସିକାଇଦେସ୍ । ସେ ଆକା ଆମର୍‌ପାଇ କାଇଟା ନ ଦେକି, ସବୁ ବିସଇ ସାର୍‌ଦା କର୍‌ବାକେ ଦେଇସି

☆ ୬:୧୩ ୬:୧୩ ଜଅନ୍ ୧୮:୩୭

। <sup>୧୮</sup> ଦରମ୍ ମନେ ଲକ୍ଷ୍ମୀନକେ ସାଇଜ କରବାକେ ସେମନ୍‌କେ କଇଦେସ୍ । ଅରକିଡ଼ ଲକ୍ଷ୍ମୀନକେ କାଇଟା ନ ବାବି ଦେବାକେ, ତାକର୍ ଟାନେ ରଇଲାଟା ସାରଦା ସଙ୍ଗ୍ ବାଟାକରବାକେ କଇଦେସ୍ । <sup>୧୯</sup> ଏନ୍ତାରି ତାକର୍ ନିକ କାମ୍‌ସବୁ ଗଟେକ୍ ବଡ଼ ଦନ୍ ଇସାବେ ସେମନ୍ ସର୍ଗେ ସଙ୍ଗାଇଆଚଡ଼ । ସେନ୍ତାର୍ ଆଲେ ସେମନ୍ ତାକର୍ ନିଜର୍‌ପାଇ ଜିବନ୍ ମିଲାଇବାଇ ।

<sup>୨୦</sup> ଏ ଡିମତି, ପରମେସର୍ ତକେ ଜନ୍‌ଟା କରବାକେ ଦାଇଡ଼ ଦେଲାଆଚେ, ସେ ଦାଇଡ଼ ନିକ ସଙ୍ଗ୍ କର୍ । ଆସା ନ ରଇବା ତୁଟା କାତା, କାଇ ଲତାକେ ନ ଆଇବା କାତାବାରତା ଆରି ପରମେସରର୍ ବିସଇଟାନେ ରଇବା ସଡ଼ ସିକିଆ ଜନ୍ ଲକ୍ ବିରଦ୍ କଲାଇନି, ସେମନ୍‌ଟା ଟାନେଅନି ଦୁରିକେ ର । ସେଟା ସେମନ୍ ସିକ୍‌ବା ଗିଆନ୍ ବଲି ବୁଲ୍ ବୁଜ୍‌ଲାଇନି । <sup>୨୧</sup> ଏ ବୁଲ୍ ସିକିଆ କେତେଲକ୍ ମାନିକରି କିରିସଟର୍ ବିସଇଟାନେ ରଇବା ସଡ଼ ସିକିଆ ଚାଡ଼ିଦେଇଆଚଡ଼ । ପରମେସର୍ ଜିବନ୍ ଦୁକାଇ ଦୟା ଦେକାଇଲାଟା ତର୍ ସଙ୍ଗ୍ ସବୁବେଲେ ରଅ । ଆମେନ୍ !

## ତିମଥୁଙ୍କ ନିକଟକୁ ପାଉଲଙ୍କର ଦ୍ଵିତୀୟ ପତ୍ର ପାଉଲ୍ ତିମତିକେ ଦୁଇପାଲି ଲେକିରଇବା ଚିଠି ଏ ବଇ ବିସଇରେ ଜାନ୍‌ବାଟା

ତିମତି ବଇ ପାଉଲ୍‌ରଗାନେଅନି ତରସିସେ ତିମତିର୍ ଲଗେ ଲେକାଅଇରଇବା ଚିଠି । ଦୁତିଅ ତିମତି ପାଉଲ୍‌ର ଜିବନର୍ ସାରାସାରିର୍ ବେଲେ ଲେକାଅଇ ରଇବା ଚିଠି ।

ଏ ଚିଠି ଲେକାଅଇଲା ବେଲେ ସେ ରମିୟରାଇଜେ ବନ୍ଦିଅଇ ରଇଲା ୧:୧୭ ପାଉଲ୍ ଆରି ତିମତି ଦୁଇଲକ୍ ସବୁବେଲେ ମିସିବିତି ରଇଲା ଆରି ପାଉଲ୍ ତିମତିକେ ପ ପାରା ଜାନାଇଜେ ରଇଲା ପିଲିପିୟ ୨:୨୨୧ମ ତିମତି ୧:୨;୧:୧୮ ।

ଏଟା ପାଉଲ୍‌ର ଚାଟଟା ଚିଠିଟାନେ ଅନି ଗଟେକ୍‌ଚିଠି । ଜନ୍‌ଗାନେକି ମଣ୍ଡୁଲିକେ ଗଟେକ୍ ଲକ୍‌ଇସାବେ ଜାନାଇ ଆଟେ । ଆରି ବିନ୍ ତିନଟା ଚିଠି ଅଇଲାନି ପର୍ତୁମ୍ ତିମତି, ତିତସ୍ ଆରି ପିଲିମନ୍ । ଦୁଇପାଲି ଚିଠିଲେକା ଅଇଲାବେଲେ ରମିୟରାଇଜେ କସଟ ଦେଇଜେ ରଇଲା । ଏନ୍ତାରି ଅଇଜେରଇଲାକେ ପାଉଲ୍ ବନ୍ଦିରଇଲା କାଇକି ଆରି ତିମତିକେ କସଟ ଆଇଲେ ମିସା ମୁରଟିକରି ରଇବାକେ ଆଦେସ୍ ଦେଇଜେ ରଇଲା । ପର୍ତୁମ୍ ତିମତିପାରା ପାଉଲ୍ ତିମତିକେ ମିର୍ ସିକିଆ ଦେଉ ଗୁରୁମନର୍ ବିସଇ ନେଇକରି କେତେଟା ଜାଗର୍ତା ରଇବା ବିସଇ ଜାନାଇଲା ଆଟେ । ପର୍ତୁମ୍ ତିମତି ୧:୧୭-୧୮ ପାଉଲ୍ ତିମତିକେ ଆଇବା ଦିନମନ୍‌କେ କେତେକ୍ କସଟ ପାଇବା ବେଲା ଆଟେ ବଲି କଇଲାନି । ୩:୧

### ଏ ବଇ ବିଡ଼ରେ ରଇବାଟା

- ୧. ପାଉଲ୍ ତିମତିକେ ଆଲାଦ୍ ଜାନାଇକରି ସାସ୍ ଦେଇଆଟେ । ୧:୧-୧୮
- ୨. ପାଉଲ୍ ତିମତିକେ କେନ୍ଦ୍ରି ମୁରଟିରଇ ଦେକାଇବାଇ ସେଟା ବପୁଦେଲାନି । ୨:୧-୧୩
- ୩. ସାରାସାରିପଟେ ପାଉଲ୍ କେତେଟା ଜାନାଇବା ବିସଇ କଇଆଟେ । ୨:୧୪-୧୬
- ୪. ଆଇବା ଦିନମନ୍‌କେ କେନ୍ଦ୍ରିଅଇ ଜାଗର୍ତା ଅଇବାର୍ ଆଟେ ଆରି ସଡ଼ବାଟ୍ ବାଟ୍‌ବାକେ ଜାଗର୍ତା କଲାଆଟେ । ୩:୧-୪:୮
- ୫. ପତ୍ରୁଲ୍ ତିମତିକେ କେତେଟା ନିଜର୍ ବିସଇ ଜାନାଇ କରି ଲବ୍ ବିସଇ ଜାନାଇଆଟେ । ୪:୯-୨୨

### ପେରିଡ଼ ପାଉଲ୍ ତିମତିକେ ଦୁଇପାଲି ଚିଠି ଦେବାଟା

୧ ମୁଇ ପାଉଲ୍ ଏ ଚିଠି ଲେକ୍‌ଲିନି । ଜିସୁକିରିସ୍‌ଟର୍ ଗଟେକ୍ ପେରିଡ଼ ଅଇବାକେ ପର୍‌ମେସର୍ ମକେ ବାଟ୍‌ଲା ଆଟେ । ନ ସାର୍‌ବା ଜିବନ୍ ପାଇବା ଜନ୍ ସୁବ୍ କବର୍ ପର୍‌ମେସର୍ କାତା ଦେଇରଇଲା, ସେଟା ଜାନାଇବାକେ ମକେ ପାଟାଇଲାଆଟେ । ସେ ଜିବନ୍ କିରିସ୍‌ଟର୍ ସଙ୍ଗ୍ ମିସିରଇବା ଜିବନ୍ ।

୨\*ଏ ଚିଠି ତିମତି ମୁଇ ତକେ ଲେକ୍‌ଲିନି । ତୁଇ ମର୍ ଆଲାଦର୍ ପଅ ପାରା ଅଇ ଆରୁସ୍ । ଆମର୍ ବାବା ପର୍‌ମେସର୍ ଆରି ଆମର୍ ମାପୁର୍ ଜିସୁକିରିସ୍‌ଟ, ତକେ ଜିବନ୍ ଦୁକାଇ ଦୟା ଦେକାଅ ଆରି ସାନ୍ତି ଦେଅ ।

### ଦନିଅବାଦ୍ ଆରି ସାର୍‌ଦା କରାଇବାଟା

୩ ମୁଇ ପର୍‌ମେସର୍‌କେ ଦନିଅବାଦ୍ ଦେଲିନି । ମର୍ ଆନିଦାଦିମନ୍ ଜେନ୍ତାଟା ତାକେ ସେବା କଲାଇ, ସେନ୍ତାରି ମୁଇ ମିସା ତାକେ ସେବା କଲିନି । ମର୍ ବିବେକ୍ ମକେ ଦସ୍ ଦେଏ ନାଇ । ମୁଇ ତର୍‌ପାଇ ଦିନ୍‌ରାତି ପାର୍‌ତନା କଲିନି । ୪\*ଆମେ ଦୁଇ ଲକ୍ ବେଗଲ୍‌ଲାବେଲେ ତୁଇ ଦୁକ୍ ଅଇ ଆଁସୁ ଜରାଇଲୁସ୍, ସେଟା ମର୍ ମନେଆଟେ । ତେବର୍‌ପାଇ ତକେ ଦେକ୍‌ବି ବଲି ମୁଇ ବେସି ମନ୍ କଲିନି । ଜେନ୍ତାରି କି ମୁଇ ପୁରାପୁରୁନ୍ ସାର୍‌ଦା ଅଇବି । ୫\*ତୁଇ ସତଇସେ ଜିସୁକିରିସ୍‌ଟକେ ବିସ୍‌ବାସ୍ କରିଆରୁସ୍ ବଲି ମର୍ ମନେଆଟେ । ତୁଇ ବିସ୍‌ବାସ୍ କର୍‌ବା ଆଗ୍ରୁ ତର୍ ଆମା ଲଇ ଆରି ତର୍ ଆୟା ଉନିସ୍ ତାକେ ବିସ୍‌ବାସ୍ କର୍‌ତେରଇଲାଇ । ସେନ୍ତାରିସେ ତୁଇ ବିସ୍‌ବାସ୍ କର୍‌ବାଟା ଡାଟ୍ ଆଟେବଲି ମୁଇ ଜାନ୍‌ଲିନି । ୬ ତେବର୍‌ପାଇ ମୁଇ ମର୍ ଆଡ଼, ତର୍ ମୁଣ୍ଡେ ସଙ୍ଗଇ ପାର୍‌ତନା କଲାବେଲେ, ଜନ୍ ଆଡ଼ମାର୍ ଦାନ୍ ପର୍‌ମେସର୍ ତକେ ଦେଇରଇଲା, ସେଟା ବଠାଇକରି ସଙ୍ଗ ବଲି ଏତାଇଦେଲିନି । ୭ କାଇକେବଇଲେ ଜନ୍ ଆଡ଼ମା ପର୍‌ମେସର୍ ଆମ୍‌କେ ଦେଲାଆଟେ, ସେଟା ଆମ୍‌କେ ତର୍‌ବାକେ ନ ଦେଏ । ତାର୍ ବାଦୁଲେ ଆଡ଼ମାଇ ବପୁ ଦେଇସି, ବିନ୍ ଲକ୍‌ମନ୍‌କେ ଆଲାଦ୍ କର୍‌ବାକେ ସିକାଇସି ଆରି ନିଜକେ ଜାଗର୍ତା ରଇବାକେ ସିକାଇସି ।

୮ ତେବର୍‌ପାଇ ଆମର୍ ମାପୁର୍ ଜିସୁକିରିସ୍‌ଟର୍ ବିସଇ, ବିନ୍ ଲକ୍‌କେ ଜାନାଇବାକେ ଲାଜ୍ ଅ ନାଇ । ତାର୍ ପାଇ ମୁଇ ଏବେ ବନ୍ଦିଗରେ ଆଟି, ମର୍‌ପାଇ ମିସା ଲାଜ୍ ଅ ନାଇ । ମାତର୍ ସୁବ୍ କବର୍‌ର ଲାଗି ଦୁକ୍ କସଟ ପାଇବାକେ ମର୍‌ସଙ୍ଗ୍ ମିସ୍ । ସେନ୍ଦ୍ରି କର୍‌ବାକେ ପର୍‌ମେସର୍ ତକେ ବପୁ ଦେଇସି । ପର୍‌ମେସର୍ ଆମ୍‌କେ ନ ସାର୍‌ବା ମରନେଅନି ବଠାଇକରି ଗଟେକ୍ ସୁକଲ୍ ଚଲାଚଲ୍‌ତି କର୍‌ବାକେ ଡାକିନେଲା ଆଟେ । ୯ ନିକ କାମ୍ କଲାର୍ ପାଇ ସେ ଆମ୍‌କେ ବାଟେନାଇ ।

\* ୧:୨ ୧:୨ ପେରିଡ଼ ୧୭:୧    \* ୧:୫ ୧:୫ ପେରିଡ଼ ୧୭:୧

ମାତର ତାର ନିଜର ଜନ୍ମନା ଇସାବେ ସେ ଆମକେ ବାଟିକରି ତାର ଦୟା ଦେକାଇଲା ଆତେ । ଏ ଜଗତ୍ ତିଆର ନ ଅଇତେ ପରମେସର ଜିବନ୍ ଦୁକାଇ, ଜିସୁକିରିସଟକେ ଆମରଲାଗି ଏ ଜଗତେ ପାଟାଇଲା । ୧୦ ଆରି ଏବେ ସେ ଜିବନ୍ ଦୁକାଇ ଦୟା ଦେକାଇଲାଟା, ପରମେସର ଆମକେ ଜାନାଇଆତେ । ଏଟା ଆମର ରକିଆକାରି ଜିସୁକିରିସଟ ଜେ କି ଆମରଟାନେ ଆଇଲା । ମରନର ବପୁକେ ସେ କୁରୁପ୍ନାସ୍ କଲା । ଆରି ସୁବ୍ କବର ଜାନିଲାରପାଇ ନ ସାର୍ବା ଜିବନ୍ ପାଇବାକେ ସେ ଆମକେ ବାଟ୍ ଦେକାଇଲା ।

୧୧ \*ଜିସୁକିରିସଟର ବିସଇ ରଇବା ଏ ସୁବ୍ କବର ପରମେସର ମକେ ଜାନାଇବାକେ କଇଆତେ । ଗଟେକ୍ ସିକାଇବା ଲକ୍ ଆରି ପେରିଡ୍ ଇସାବେ, ସେ ମକେ ବାଟିଆତେ । ୧୨ ଏଟାର ଲାଗି ମୁଇ ଏ ବନ୍ଦିଗରେ ଦୁକ୍ କସଟ ପାଇଲିନି । ପାଇଲେ ମିସା ଲାଜ୍ ଅଇନାଇ । କାଇକେବଇଲେ ମୁଇ ଜାକେ ବିସ୍ବାସ୍ କରିଆଟି, ତାକେ ଜାନି, ଆରି ମୁଇ ତାକେ ଜନଟା ସରପି ଆତେ, ସେଟା ସେ ବାଉଡି ଆଇବା ଦିନ୍ ଜାକ, ଜତନ୍ କରି ସଙ୍ଗାଇବାକେ ତାର ବପୁ ଆତେ । ଏଟା ମୁଇ ତାଟ୍ ସଙ୍ଗ ବିସ୍ବାସ୍ କଲିନି । ୧୩ ତୁଇ ମରଟାନେଅନି ସଡ୍ ସିକିଆ ସୁନିଆରୁସ୍ । ସେନ୍ତାରିସେ ଚଲାଚଲତି କର୍ । ଜିସୁକିରିସଟର ସଙ୍ଗ ମିସ୍ଲାର ପାଇ ଏଟା ବିସ୍ବାସ୍ ଆରି ଆଲାଦ୍ ସଙ୍ଗ୍ କର୍ । ୧୪ ଜନ୍ ସୁବ୍ କବର ପରମେସର ତକେ ଦେଇଆତେ, ସେଟାକେ ଦେକାରକା କର୍ । ଆମର ବିଡ୍ରେ ରଇବା ସୁକଲ୍ ଆଡ୍ମାର ବପୁସଙ୍ଗ୍ ସେଟା ଦେକାରକା କର୍ ।

୧୫ ଆସିଆ ଦେସେ ରଇବା ବେସି ବିସ୍ବାସିମନ୍ ମକେ ଚାଡିକରି ଗାଲାଇ ଆତଡ୍ ବଲି ତୁଇ ଜାନିଆରୁସ୍ । ତେଇ ପୁଗେଲ୍ ଆରି ଅରମେନା ମିସା ମକେ ଚାଡି ଉଟିଗାଲାଇ । ୧୬ ଅନିସିପର ଆରି ତାର କୁଟୁମ୍ ମାପୁର ଦୟାକର । କାଇକେବଇଲେ ମୁଇ ବନ୍ଦିଗରେ ରଇଲାବେଲେ ସେ ମକେ ଦେକ୍ବାକେ ଲାଜ୍ ଅଏନାଇ । ତାର ବାଦୁଲେ ସେ ତରକେ ତର ଆସି ମକେ ସାର୍ଦା କରାଇଲା । ୧୭ ସେ ରମ୍ ଦେସେ ଆଇଲା ଦାପ୍ରେ ମକେ ବେଟ୍ ଅଇବାଜାକ ସବୁ ଜାଗାଇ କଇଲା । ୧୮ ବଡ୍ ବିଚାରନା ଦିନେ ତାକେ ଜେନ୍ତି ମାପୁର ଦୟା କର । ତୁଇ ନିଜେ ଜାନିଆରୁସ୍ ଏପିସିତେଇ ସେ ମକେ କେତେକ୍ ସାଇଜ କଲା ।

### ୨

#### କିରିସଟ ଜିସୁକେ ବିସ୍ବାସ୍ କରିରଇବା ସନିଅ

୧ ଏ ମର ଆଲାଦର୍ ପ । ଜିସୁକିରିସଟ ଆମକେ ଜିବନ୍ ଦୁକାଇ ଦୟା ଦେକାଇଲାର ପାଇ ତାଟ୍ ଅଇ ର । ୨ ଜେଡ୍ କି ଲକ୍ମନ୍ ବିନ୍ ଲକ୍ମନ୍କେ ସିକାଇବାକେ ଅଦିକାର୍ ପାଇଆତଡ୍, ଏନ୍ତାରି ଲକ୍ମନ୍କେ ସବୁ ବିସଇ ସରପିଦେସ୍ । କେତେକ୍ କେତେକ୍ ସାକିମନର୍ ମୁଆଟେ ତୁଇ ମରଟାନେଅନି ଜନ୍ ସାକି ସୁନିଆରୁସ୍, ସେନ୍ତାରି ଲକ୍ମନ୍କେ ସେ ସବୁଜାକ ସରପିଦେସ୍ ।

୩ କିରିସଟ ଜିସୁର ଗଟେକ୍ ନିକ ସନିଅ ଅଇ, ମରପାରା ଦୁକ୍ କସଟ ମୁରଟିକରି ରଅ । ୪ ଗଟେକ୍ ସନିଅର ବିସଇ ବାବିଦେକା । ସଇନ ଜୁଇଦ୍ କେ ଜିବାକେ ଜାଗରଡ୍ ଅଇବାବେଲେ, ଏ ଜଗତର ବିସଇ କର୍ବାକେ ମନ୍ ନ ଦେଏ । କାଇକେବଇଲେ, ସେ ତାର ଉପରର୍ ଅଦିକାରିକେ ସାର୍ଦା କରାଇବାକେ ମନ୍ କର୍ସି । ୫ ସେନ୍ତାରିସେ, ଗଟେକ୍ ପାଲାଇବା ଲକ୍ମର ବିସଇ ବାବିଦେକ୍ । ଜେ ଆରାଜିତାଟାନେ ପାଲାଇବାକେ ମନ୍ କର୍ସି, ସେ ଜଦି ଆରାଜିତାର ନିୟମ୍ ମାନିକରି ନ ପାଲାଇଲେ, ତାକେ ସେ ଇନାମ୍ ନ ମିଲେ । ୬ ଗଟେକ୍ ଚାସିର ବିସଇ ବାବିଦେକ୍, ଜନ୍ ଚାସି କସଟ କରିରଇସି, ସେ ପର୍ଡୁମ୍ ପଲ୍ ପାଇବା ଦର୍କାର୍ । ୭ ମୁଇ ଜାଇଟା କଇଲିନି, ସେଟା ବାବିଦେକ୍, ମାପୁର ସବୁ ବିସଇଟାନେ ତକେ ଗିଆନ୍ ଦେଇସି ।

୮ ମୁଇ ଜନ୍ ସୁବ୍ କବର ତକେ ଜାନାଇରଇଲି, ତେଇ ଜିସୁକିରିସଟକେ ଏତାଉଁ । ସେ ଦାଉଦର୍ କୁଟୁମେ ଜନମ୍ ଅଇଲା ଆରି ପରମେସର ତାକେ ମରନେଅନି ଉଟାଇଲା । ୯ ସେ ସୁବ୍ କବରର୍ ଲାଗି ମୁଇ ଦୁକ୍ କସଟ ଅଇ ଆଇଲିନି ଆରି ଗଟେକ୍ ଦସ୍ କଲା ଲକ୍ମରପାରା ବନ୍ଦିଗରେ ଆଟି । ମାତର ପରମେସରର୍ ବାକିଅ ବାନ୍ଦାଇଅଇ ରଏନାଇ । ୧୦ ସେନ୍ତାରିସେ ବାଟିଅଇଲା ଲକ୍ମନ୍ ମିସା କେବେ ନ ସାର୍ବା ମଇମା ସଙ୍ଗ୍ ଜିସୁକିରିସଟ ଦେବା ମୁକ୍ତି, ପାଇବାଇ । ସେମନର୍ଲାଗି ଏ ସବୁ ବିସଇ ମୁଇ ମୁରଟିକରି ରଇଲିନି । ୧୧ ଏ ବାକିଅ ସଡ୍, ଜଦି ଆମେ ତାର ସଙ୍ଗ୍ ମରିଜାଇଆରୁ,

ସେନ୍ତାର ଆଲେ ଆମେ ତାରସଙ୍ଗ୍ ବର୍ଡୁ ମିସା,  
୧୨ \*ଜଦି ଆମେ ମୁରଟିକରି ରଇବୁ  
ତେବେ ତାର ସଙ୍ଗ୍ ସାସନ୍ ମିସା କର୍ବୁ ।  
ଆମେ ଜଦି ତାକେ ନ ନାମୁ,  
ସେ ଆମକେ ମିସା ନ ନାମେ ।

୧୩ ମାତର ଆମେ ବିସ୍ବାସ୍ କର୍ବାଟା ଏଲା କଲେ ମିସା  
ସେ କାତା ଦେଇରଇବାଟା ସବୁ କରିସାରାଇସି ।  
କାଇକେବଇଲେ ସେ ତାର କାତା ନ ବାଦ୍ଲାଏ ।

☆ ୧:୧୧ ୧:୧୧ ୧ମ ଡିମ୍ବି ୨:୭ ☆ ୨:୧୨ ୨:୧୨ ମାଡିଉ ୧୦:୩୩; ଲୁକ୍ ୧୨:୯

### ନିମାନ୍ ସେବା କରୁ

<sup>୧୪</sup> ପଦେକ୍ କାତା ନେଇ ଦଦାପେଲା ଅଇତେରଇଲେ, ସେଟା ରୁଚାଇସେ । ସୁନ୍ଦବା ଲକ୍ମନକେ ନସ୍ଟକରି ଦେଇସି । ଏନ୍ତାରି କଇ ପରଫେସରର୍ ମୁଆଟେ ଲକ୍ମନକେ ଡାଟ୍‌ସଙ୍ଗ୍ ଆଦେସ୍ ଦେସ୍ । <sup>୧୫</sup> ସତ୍ ବାକିଅ ନିମାନ୍ ସଙ୍ଗ୍ ଜାନା । ଲାଜ୍ ନଇଲା କାମ୍ କରବା ଲକ୍ମନା ମାପୁରୁର୍ ଲଗେ ନିଜ୍‌କେ ଅଦିକାର୍ ପାଇଲା ଲକ୍ ବଲି ଦେକାଇଅଇବାକେ ଜତନ୍ ଅ । <sup>୧୬</sup> ମାତର୍ ଜନ୍ ଲକ୍ମନ ଆସାର୍ କାତାଇ ଆରି ବକ୍ତୁଆ କାତାଇ ଦିଆନ୍ ଦେଇତେ ରଇବାଇ, ସେନ୍ତାରି ଲକ୍ମନର୍ ଟାନେଅନି ଦୁରିକେ ର । ଜନ୍ ଲକ୍ମନ ସେନ୍ତାରିଟାନେ ମିସ୍‌ବାଇ, ସେ ଲକ୍ମନ ପରଫେସରର୍ ଟାନେଅନି ଦୁରିକେ ଜିବାଇ । <sup>୧୭</sup> ତାକର୍ କାତା ଗାଗଡେ ଅଦିକ୍ ଅଦିକ୍ ଅଇବା ଗଟେକ୍ ଗାଉପାରା ଅଇ ଲକ୍ମନକେ ନସାଇସି । ସେନ୍ତାରିସେ ଉମାନାଅ ଆରି ପିଲିଡ୍ ଲକ୍ମନକେ ଏନ୍ତି ସିକିଆ ଦେଇ ବୁଲ୍‌ଲାଇନି । <sup>୧୮</sup> ସେମନ୍ ମଲାଲକ୍ ଉଟି ସାରିଆଟେ ବଲି କଇକରି ସତ୍‌କେ ଚାଡିଦେଇଆଟଡ୍ । ଏନ୍ତାରି କଇକରି କେତେ କେତେ ଲକ୍‌ର୍ ବିସ୍‌ବାସ୍ ନସାଇଦେଇ ଆଟଡ୍ । <sup>୧୯</sup> ଅଇଲେମିସା ପରଫେସର ଜନ୍ କୁନାଦି ବସାଇଆଟେ, ସେଟା ଡାଟ୍‌ସେ ରଇସି । ସେ କୁନାଦି ଉପରେ ଏନ୍ତାରି ଲେକା ଅଇଲାଆଟେ, “ମାପୁରୁ ତାର୍ ନିଜର୍ ଲକ୍‌କେ ଜାନେ, ଆରି ଜେଡ୍‌କିଲକ୍ ସବୁ ଆମେ ମାପୁରୁର୍ ଲକ୍ ବଲାଇଅଇଲାଇନି, ସେମନ୍ ବୁଲ୍ କାମେ ଅନି ଦୁରିକେ ରଅଡ୍ ।”

<sup>୨୦</sup> ଗଟେକ୍ ରାଜାର୍ ଗରେ କେତେ ରକାମର୍ ଗିନାକୁଡ୍‌କା ରଇସି, କେତେଟା ସୁନା ରୁପା ସଙ୍ଗ୍ ତିଆର୍ ଅଇଲାଟା, କେତେଟା ଗର୍ ଆରି ଟିକର୍ ମାଟିସଙ୍ଗ୍ ତିଆର୍ ଅଇଲା, କେତେଟା ବିବା ବଜି ବେଲ୍‌ରପାଇ ଆରି କେତେଟା ଦିନ୍‌କେ ବାଇବାକେ ରଇସି । <sup>୨୧</sup> ଜେ ନିଜ୍‌କେ ସବୁ ରକାମର୍ ପାପେଅନି ଜାଗ୍‌ରଡ୍ କରଇରଇସି, ମାପୁରୁ ସେମନ୍‌କେ ନିକ କାମର୍‌ପାଇ ବାଇସି । କାଇକେବଇଲେ, ସେ ଦେକ୍‌ବା ଇସାବେ, ସେମନ୍ ନିକ ଲକ୍ ଆରି ସବୁ ରକାମର୍ ଦରମ୍ କାମର୍‌ପାଇ ନିଜେ ସର୍ପି ଅଇଲାଇ ଆଟଡ୍ । <sup>୨୨</sup> ମାତର୍ ଦାଙ୍ଗ୍‌ଡା ବଇସେ ରଇବା ଗାଗଡର୍ ମନ୍‌କର୍‌ବାଟାନେଅନି ତୁଇ ଦୁରିକେ ର । ଟିକ୍ ବିସଇ କର୍‌ବାକେ ଚେସ୍‌ଟା କର୍ । ବିସ୍‌ବାସେ ଡାଟ୍ ରଅ । ବିନ୍ ଲକ୍ମନକେ ଆଲାଦ୍ କର୍ । ଆରି ତାକର୍ ସଙ୍ଗ୍ ସାନ୍ତିସଙ୍ଗ୍ ର । ମନ୍‌କେ ସୁକଲ୍ କରି ଜେଡ୍‌କି ସବୁଲକ୍ ମାପୁରୁକେ ପୁଜା କଲାଇନି, ସେମନ୍‌ର୍ ସଙ୍ଗ୍ ଏ ସବୁଜାକ କର୍ । <sup>୨୩</sup> ଆସାର୍ କାତାଇଅନି, ରୁଚାଇ ଦଦାପେଲା ଅଇବା କାତାଇଅନି ଦୁରିକେ ର । କାଇକେବଇଲେ, ସେନ୍ତାରି ଟାନେ ମିସ୍‌ବା ଲକ୍ମନ ସବୁ କିରଜାଟି ଅଇକରି ସାରିଜିବାଇ । ଏଟା ତୁଇ ଜାନିଆତୁସ୍ । <sup>୨୪</sup> ମାପୁରୁକେ ସେବା କର୍‌ବା ଏନ୍ତାରି ଗଟେକ୍ ଲକ୍ କିରଜାଟି କର୍‌ବାର୍‌ନାଇ । ତାର୍ ବାଦୁଲେ, ସେ ସବୁକେ ସୁଆଲେ ଚଲାଟଲ୍‌ଟି କର୍‌ବାର୍ । ସେ ନିକସଙ୍ଗ୍ ସିକାଇବାକେ ଜାନ୍‌ବାର୍‌ଆଟେ । ଦାପୁରେ ରିସା ନ ଅଇକରି ମୁର୍‌ଟି ରଇବାର୍ ଆଟେ । <sup>୨୫</sup> ପରଫେସର ତାର୍ ମନ୍ ବାଉଡାଇବାକେ ଦେଇସି, ସେଟା ଆସାଅଇ ତାର୍ ବିରଦେ କାତା ଅଇବା ଲକ୍ମନକେ ସେ ଦରମ୍ ସଙ୍ଗ୍ ସୁଆଲ୍ କର୍‌ବାର୍ ଆଟେ । ସତ୍ ବିସଇ ଜାନ୍‌ବାକେ ସେମନ୍‌କେ ସାଇଜ କର । <sup>୨୬</sup> ତାର୍ ଚିନ୍ତା କର୍‌ବାଟାନେ ସେମନ୍ ସତ୍ ବିସଇ ଅଇସି କି ନାଇ ବଲି ନ ବାବିକରି ରଇବାର୍ । ତାର୍ ମନ୍ କଲାଟା ପୁରାପୁରୁନ୍ କର୍‌ବାକେ ସଇତାନ୍ ସେମନ୍‌କେ ବନ୍ଦିକରି ନେଲାଆଟେ । ତାର୍ ପାନ୍‌ଦେଅନି ସେମନ୍ ରକିଆ ପାଅଡ୍ ।

## ୩

### ସେସ୍ କାଲେ ଗଟଲା ଗଟ୍‌ନା

<sup>୧</sup> ମାତର୍ ଜାନିର । ଜଗଡର୍ ସାରାସାରି ଦିନ୍‌ମନ୍‌କେ ବେସି ଦୁକ୍ କସ୍‌ଟ ବେଲା ଆଇସି । <sup>୨</sup> କାଇକେବଇଲେ ଲକ୍ମନ ନିଜେ ଆଲାଦ୍ ଅଇକରି ବିନ୍ ଲକ୍‌କେ ଆଲାଦ୍ ନ କରଡ୍ । ସେମନ୍ ଡାବୁକାସୁ ଆସାକର୍‌ବା ଲକ୍, ନିଜର୍ ବିସଇଟାନେ ବଡ୍‌ପନ୍ ଅଇବା ଲକ୍, ବିନ୍ ଲକ୍‌କେ ନିନ୍ଦା କର୍‌ବା ଲକ୍, ତାକର୍ ଆୟା ବାବାର୍ କାତା ନ ମାନବା ଲକ୍, ଦନିଅବାଦ୍ ଦେବାଟା ପାସର୍‌ବା ଲକ୍, ପରଫେସରର୍ ବିସଇକେ ସନ୍‌ମାନ୍ ନ ଦେବା ଲକ୍, <sup>୩</sup> ବିନ୍ ଲକ୍ମନକେ କେମା ନ ଦେବା ଲକ୍, ବିନ୍ ଲକ୍‌ର୍ ବିସଇ ମିଟ୍ କଇବା ଲକ୍, ନିଜେ ଜାଗ୍‌ରଡ୍ ନ ରଇବା ଲକ୍, କିରଜାଟି ଅଇବା ଲକ୍, ନିକ ବିସଇ ଗିନ୍ କର୍‌ବା ଲକ୍, <sup>୪</sup> ବିସ୍‌ବାସେ ବିସ୍ ଦେବା ଲକ୍, ବକ୍ତୁଆ ବିସଇ କର୍‌ବା ଲକ୍, ବିନ୍ ଲକ୍‌ର୍‌ଟାନେଅନି ବଡ୍ ବଲାଇଅଇବା ଲକ୍, ପରଫେସରକେ ଆଲାଦ୍ କର୍‌ବା ବାଦୁଲେ ନିଜ୍‌କେ ସାର୍‌ଦା କରାଇବା ଲକ୍ । <sup>୫</sup> ପରଫେସରକେ ସେବା କଲିନି ବଲି ଦେକାଇବାଇ, ମାତର୍ ତାର୍ ବପୁ ତାକର୍ ଜିବନ୍ ବାଦ୍‌ଲାଇବାକେ ନ ଦେଅଡ୍ । ସେନ୍ତାରି ଲକ୍ମନର୍‌ଟାନେଅନି ଦୁରିକେ ର । <sup>୬</sup> କାଇକେବଇଲେ ଏନ୍ତାରି ଲକ୍ ବିନ୍ ଗର୍‌ମନ୍‌କେ ପୁରିଦେଇ ତେଇ ରଇବା ମାଇଜିମନ୍‌କେ ନାଡାଇଲାଇନି । ଏ ମାଇଜିମନ୍ ତାକର୍ ପାପର୍ ଲାଗି ନିଜ୍‌କେ ଦସ୍ ଦେଇ ବିନ୍ ବିନ୍ ରକାମର୍ କରାପ୍ ମନ୍‌କର୍‌ବାଟାସଙ୍ଗ୍ ପୁରାପୁରୁନ୍ ଅଇଲାଆଟଡ୍ । <sup>୭</sup> ସେମନ୍ ସବୁବେଲେ ବିନ୍ ବିନ୍ ରକାମର୍ ସିକିଆ ସିକ୍‌ବାକେ ମନ୍ କଲାଇନି । ମାତର୍ ତେଇର୍ ସତ୍ ବିସଇ ନାଜାନ୍‌ଲାଇନି । <sup>୮</sup> ଆଗର୍ କାଲେ ଜେନ୍ତାରିକି, ଜୁନସ୍ ଆରି ଜମ୍‌ବିରିସ୍ ମସାର୍ ବିରୁଦେ ଉଟ୍‌ଲାଇ, ସେନ୍ତାରିସେ ଏ ସିକାଉମନ୍ ମିସା ସତ୍‌କେ ବିରଦ୍ କଲାଇନି । ସେମନ୍‌ର୍ ମନ୍ କରାପ୍ ଅଇଆଟେ । ଆରି ବିସ୍‌ବାସର୍ କାତା ଉଟ୍‌ଲେ ତାକର୍‌ଟା ରୁଚାଇସେ । <sup>୯</sup> ମାତର୍ ସେମନ୍ ନିଜେ ପାଁଟିରଇବାଟା ସବୁବେଲ୍‌ରପାଇ ନ ରଏ । କାଇକେବଇଲେ ଜାନାସ୍ ଆରି ଜିମିରସ୍ ବକ୍ତୁଆଟାମନ୍ ବଲି ଆଗ୍‌ତୁର୍ ଲକ୍ ଜାନ୍‌ଲାଇ, ସେନ୍ତାରିସେ ଏବର୍ ଲକ୍ମନ ମିସା ସେମନ୍ ବକ୍ତୁଆ ବଲି ଜାନ୍‌ବାଇ ।

ତିମତିକେ ପାଉଲର୍ ସେସ୍ କାତା

<sup>୧୦</sup> ମାତର୍ ତିମତି ତୁଇ ମର୍ ସବୁ ବିସଇ ଜାନିଆରୁସ୍ । ମୁଇ ଲକ୍ମନକେ କେନ୍ତାରି ସିକାଇଲିନି, କେନ୍ତାରି ଚଲାଟଲ୍ଡି କଲିନି, ମର୍ ଆଦେସ୍ କାଇଟା, ମର୍ ବିସବାସ୍ କେନ୍ତାଟା, ମୁଇ କେନ୍ତା ମୁର୍ଚିକରି ରଇଲିଆଟି, ବିନ୍ ବିନ୍ ଲକ୍ମନକେ କେନ୍ତା ଆଲାଦ୍ କରିଆଟି ଆରି ମକେ ଆଇଲା ଦୁକ୍ କସ୍ଟ ମିସା ଜାନୁସ୍ । <sup>୧୧</sup> ଲକ୍ମନ ମକେ ଦୁକ୍ କସ୍ଟ ଦେଲାଟା ଆନ୍ତିକିୟ୍, ଇକନିୟ୍ ଆରି ଲୁସ୍ତା ନଅର୍ମନକେ କାଇ କାଇଟା ଅଇରଇଲା ଆରି କେତେକ୍ ଅଦିକ୍ କସ୍ଟ ପାଇରଇଲି, ସେ ସବୁ ବିସଇ ତୁଇ ଜାନୁସ୍ । ମାତର୍ ମାପରୁ ଜିସୁ ମକେ ସବୁ ଦୁକ୍ କସ୍ଟ ଟାନେଅନି ରକିଆ କଲା । <sup>୧୨</sup> ଦେକ୍ବାକେଗାଲେ ଜେଡ୍‌କି ଲକ୍ ଜିସୁକିରିସ୍ଟକେ ବିସବାସ୍ କରି ପର୍ମେସର୍ ଦେକ୍ବା ଇସାବେ ଦରମ୍ ଚଲାଟଲ୍ଡି କର୍ବାକେ ମନ୍ କଲାଇନି, ସେମନ୍ ସବୁ ବିସବାସ୍ ନ କଲା ଲକ୍ମନଟାଟାନେଅନି ଦୁକ୍ କସ୍ଟ ପାଇବାଇ । <sup>୧୩</sup> ମାତର୍ କରାପ୍ ଲକ୍ମନ ଆରି ନାଡାଉମନ୍ ଅଦିକ୍ ଅଦିକ୍ କରାପ୍ ଅଇଜିବାଇ । ସେମନ୍ ଲକ୍ମନକେ ନାଡାଇକରି ନିଜେ ନାଡାଅଇବାଇ । <sup>୧୪</sup> ମାତର୍ ତୁଇ ଜେଡ୍‌କି ବିସଇ ସିକିଆରୁସ୍, ଆରି ସେଟା ସବୁ ସଡ୍ ବଲି ବିସବାସ୍ କରିଆରୁସ୍, ସେଟା ସବୁ ଡାଟ୍ ସଙ୍ଘ୍ ଦାରି ର । କାଇକେବଇଲେ, ନିକ୍ ସିକାଇବା ଲକ୍ମନଟା ଟାନେଅନି ଏ ସବୁ ସିକିଆରୁସ୍ । <sup>୧୫</sup> ଆରି ତୁଇ ପିଲାବେଲେ ଅନି ସୁକଲ୍ ସାସ୍ତର୍ ଜାନିଆରୁସ୍ । କିରିସ୍ଟ ଜିସୁକେ ବିସବାସ୍ କଲାଟ୍ ପାଇ ପର୍ମେସର୍ ତକେ ରକିଆ କର୍ସି ବଲି ତୁଇ ଜାନୁସ୍ନି । <sup>୧୬</sup> ସବୁ ସାସ୍ତର୍ ପର୍ମେସର୍ ଟାନେଅନି ଆଇଲା ଆଟେ, ଆରି ସେଟା ଲକ୍ମନକେ ସିକାଇବାକେ, ବୁଲ୍ ଅଇଲାଟା ଟିକ୍ କର୍ବାକେ, ଟିକ୍ ବିସଇ କର୍ବାକେ, ଆରି ଲକ୍ମନକେ ସିକାଇବାକେ ଆମ୍‌କେ ସାଇଜ କର୍ସି । <sup>୧୭</sup> ଜେନ୍ତାରି କି, ପର୍ମେସର୍‌କେ ସେବା କର୍ବା ଗଟେକ୍ ଲକ୍ ପୁରାପୁରୁନ୍ ତିଆର୍ ଅଇ, ସବୁ ଦରମ୍ କାମ୍ କର୍ବାକେ ବପୁ ପାଇସି ।

୪

<sup>୧</sup> ପର୍ମେସର୍ ଆରି ଜିସୁକିରିସ୍ଟ ମର୍ ସାକି । ଜେକି ମଲା ଲକ୍ମନଟା ଆରି ଜିବନ୍ ରଇଲା ଲକ୍ମନଟା ବିଚାଟ୍ କର୍ସି । ତାର ରାଇଜର୍ ଲାଗି, ସେ ଜଗତେ ସାସନ୍ କର୍ବାକେ ଆଇସି । ସେଟାପାଇ ମୁଇ ତମ୍‌କେ ତିଆର୍ଲିନି । <sup>୨</sup> ସୁବ୍ କବର୍ ସବୁକେ ଜାନାଆ । ଲକ୍ମନ ସେଟା ସୁନ୍‌ବାକେ ମନ୍ କଲାବେଲେ କି ନ ସୁନ୍‌ବା ବେଲେ ସେଟା ଜାନାଇବାକେ ଜାଗିର । ବୁଲ୍‌କରି କାରାପ୍ କାମ୍ କର୍ବା ଲକ୍ମନକେ ସେଟା ଚାଡ୍‌ବାକେ ଡାଟ୍ ସଙ୍ଘ୍ କ । ଆସା ନ ଚାଡି ପର୍ମେସର୍‌ର ବାକିଅ ସିକାଇତେର । ସେମନ୍‌କେ ନିକ୍ କାମ୍ କର୍ବାକେ ସାର୍‌ଦା କରାଆ । <sup>୩</sup> ଗଟେକ୍ ବେଲା ଆଇସି, ଜେତେବେଲେ ସଡ୍ ସିକିଆ ସୁନ୍‌ବାକେ ଲକ୍ମନ ମନ୍ ନ କରଡ୍ । ତାର୍ ବାଦୁଲେ ସେମନ୍ ଜନ୍ କାରାପ୍ ବିସଇ କର୍ବାକେ ମନ୍ କର୍ବାଇ, ସେଟା କର୍ତେରଇବାଇ । ବିନ୍ ବିନ୍‌ଟା ସିକାଉମନ୍‌କେ ଡାକିକରି, ଡାକର୍ ଟାନେ ଜନ୍ ସାର୍‌ଦାର୍ ବିସଇ ସୁନ୍‌ବାକେ ମନ୍ କର୍ବାଇ, ସେନ୍ତାରି ଲକ୍ମନକେ ଡାକିଆନ୍‌ବାଇ । <sup>୪</sup> ସଡ୍ ବିସଇ ଦିଆନ୍ ନ ଦେଇକରି କାତାନିମନ୍ ସୁନ୍‌ବାକେ ମନ୍ କର୍ବାଇ । <sup>୫</sup> ମାତର୍ ତିମତି, ତୁଇ ନିଜେ ସବୁବେଲେ ଜାଗରଡ୍ ଅଇ ର । ଦୁକ୍ କସ୍ଟ ଆଇଲେ ମୁର୍ଚିକରି ର । ସୁବ୍‌କବର୍ ଜାନାଇତେର । ତର୍ ଦାଇତେ ରଇବା ସବୁ କାମ୍ କର୍ତେରଇବାଟ୍ ।

<sup>୬</sup> ଗଟେକ୍ ପୁଜାରି ଜେନ୍ତାରି ବେଦିଟାନେ ବଲି ଚଗାଇସି, ସେନ୍ତାରିସେ, ଏବେ ମର୍ ଜିବନ୍ ସର୍‌ପାଇ ଅଇବା ବେଲା କେଟିଆଟେ । ତାର୍‌ଲାଗି ଏ ସବୁ ଆଦେସ୍ ମୁଇ ତକେ ଦେଲିନି । <sup>୭</sup> ଆରାଜିତାଟାନେ ମୁଇ ନିକସଙ୍ଘ୍ ଜୁଇଦ୍ କଲିଆଟି । ଜେଡ୍‌କି ପାଲାଇବାଟ୍ ରଇଲା ମୁଇ ନିକସଙ୍ଘ୍ ସାରାଇଲି । ଆରି ମୁଇ ମର୍ ବିସବାସ୍ ଆରାଇନାଇ । <sup>୮</sup> ଏବେ ସର୍‌ଗେ ମର୍‌ପାଇ ଜିଡ୍‌ଲା ମୁକୁଟ୍ ସଙ୍ଘ୍‌ଆଟେ । ଏ ମୁକୁଟ୍ ପର୍ମେସର୍‌ର ମୁଆଟେ ମୁଇ ଦରମ୍ ସଙ୍ଘ୍ ଚଲାଟଲ୍ଡି କଲାଟପାଇ ଆଟେ । ମାପରୁ ଜେ କି କାକେ ଅନିଆଇ ନ କରି ବିଚାଟ୍ କର୍ସି, ତାର୍ ବିଚାଟ୍‌ନା ଦିନେ ସେ ମୁକୁଟ୍ ମକେ ପୁରୁସ୍‌କାର୍ ଇସାବେ ଦେଇସି । ସେଟା ଅବ୍‌କା ମର୍‌ପାଇ ନାଇ, ମାତର୍ ଜେଡ୍‌କି ଲକ୍ ସେ ବାଉଡି ଆଇବାଟା ଜାଗିଆଟଡ୍, ସେମନ୍‌କେ ସବୁକେ ଦେଇସି ।

ନିଜର୍ ଆଦେସ୍

<sup>୯</sup> ତିମତି, ଜେତେକ୍ ଦାପରେ ତୁଇ ମର୍‌ଲଗେ ଆଇବାକେ ଚେସ୍‌ଟା କର୍ । <sup>୧୦</sup> କାଇକେବଇଲେ ଦିମା ଏବେ ମକେ ଚାଡିକରି ତେସଲନିକି ଗାଲାଆଟେ । ସେ ଏ ଜଗତର୍ ବିସଇ ଅଦିକ୍ ମନ୍ କଲାନି । କର୍ସିନ୍ ଗାଲାତିଆଇ ଗାଲା, ଆରି ତିତସ୍ ଦୁଲ୍‌ମତି ଗାଲା । <sup>୧୧</sup> ଲୁକ୍ ଗଟେକ୍ ଲକ୍‌ସେ ମର୍‌ସଙ୍ଘ୍ ଆଟେ । ତୁଇ ଆଇଲାବେଲେ ମାର୍‌କକେ ତର୍ ସଙ୍ଘ୍ ଡାକିଆନ୍ । କାଇକେବଇଲେ ଇତି ରଇଲାବେଲେ ମର୍ କାମେ ସେ ସାଇଜ କର୍ସି । <sup>୧୨</sup> ଟିକିକସ୍‌କେ ମୁଇ ଏପିସିଅ ପାଟାଇଆଟି । <sup>୧୩</sup> ଟୟ୍‌ସ୍ ନଅର୍ ଚାଡ୍‌ଲାବେଲେ କର୍‌ପର୍ ଗରେ ମୁଇ ମର୍ ଅଡ୍‌ବାଟା ଚାଡିଆଟି । ତୁଇ ଆଇବାବେଲେ ସେଟା ଦାରିଆଉ । ଆରି ମର୍ ବଇପଡର୍‌ମନ୍ ଆରି ଲଡାକେ ଆଇବା କାଗଜ୍‌ପଡର୍ ମିସା ଦାରିଆଉ । ମେଣ୍ଡାଟ୍ ଚାମ୍ ସଙ୍ଘ୍ ତିଆର୍ ଅଇଲାଟା ଚାଡ୍‌ବାଟ୍ ନାଇ ।

<sup>୧୪</sup> କ୍‌ସ୍ କାମ୍ କରୁ ଆଲେକ୍‌ଜାଣ୍ଟେର୍ ମକେ ବେସି ଅନିଆଇ କରି ଆଟେ । ସେ କଲା କାମର୍‌ପାଇ ମାପରୁ ତାକେ

☆ ୩:୧୧ ୩:୧୧ ପେରିଡ୍ ୧୩:୧୪-୫୨; ପେରିଡ୍ ୧୪:୧-୭; ପେରିଡ୍ ୧୪:୮-୨୦ ☆ ୪:୧୦ ୪:୧୦ କଲସିଅ ୪:୧୪; ପିଲିମନ୍ ୧:୨୪; ୨ୟ କରନ୍ତ୍ରିୟ ୮:୨୩; ଗାଲାତିୟ ୨:୩; ତିତସ୍ ୧:୪ ☆ ୪:୧୧ ୪:୧୧ କଲସିଅ ୪:୧୪; ପିଲିମନ୍ ୧:୨୪; ପେରିଡ୍ ୧୨:୧୨,୨୫; ୧୩:୧୩; ୧୫:୩୭-୩୯; କଲସିଅ ୪:୧୦; ପିଲିମନ୍ ୧:୨୪ ☆ ୪:୧୨ ୪:୧୨ ପେରିଡ୍ ୨୦:୪; ଏପିସିୟ ୭:୨,୨୨; କଲସିଅ ୪:୭,୮ ☆ ୪:୧୩ ୪:୧୩ ପେରିଡ୍ ୨୦:୬ ☆ ୪:୧୪ ୪:୧୪ ୧ମ ତିମତି ୧:୨୦; ରମିୟ ୨:୬

ବେସି ତଣ୍ଡ ଦେଇସି । <sup>୧୫</sup> ତୁଇ ମିସା ତାର୍‌ଗାନେଅନି ଜାଗ୍‌ରଡ଼ ରଅ । ସେ ଆମର୍ ସିକିଆ ତାଟ୍ ସଙ୍ଗ୍ ବିରଦ୍ କରିରଇଲା ।  
<sup>୧୬</sup> ମୁଇ ପର୍‌ତୁମ୍‌ତର୍ ନିଜ୍‌କେ ରକିଆ କର୍‌ବାକେ ବିଚାର୍‌ନା ଜାଗାଇ ଗାଲାବେଲେ, ମର୍‌ବାଟେ ଅଇକରି ସାକି ଦେବାକେ କେ ନ ରଇଲାଇ । ତାର୍ ବାଦୁଲେ ସବୁଲକ୍ ମକେ ଚାଡ଼ିଦେଲାଇ । ଏ କାମର୍‌ପାଇ ସେମନ୍‌କେ ପର୍‌ମେସର୍ ତଣ୍ଡ ନ ଦେଅ । <sup>୧୭</sup> ସେ ବିଚାର୍‌ନା ଜାଗାଇ ଜେଡ଼କି ଜିଉଦି ନ ଅଇଲା ଲକ୍‌ମନ୍ ରୁଣ୍ଡିରଇଲାଇ, ସେମନ୍‌କେ ସବୁକେ ଜିସୁକିରିସର୍‌ ସୁବକବର୍ ଜେନ୍ତାରିକି ମୁଇ ପୁରାପୁରୁନ୍ ବାବେ ଜାନାଇପାର୍‌ବି, ସେଟାର୍‌ପାଇ ମାପୁରୁ ମର୍‌ସଙ୍ଗ୍ ରଇକରି ମକେ ବପୁଦେଲାଆଟେ । ସେ ବିଚାର୍‌ନାର୍ ସାରାସାରି ମକେ କାଇବାକେ ଆସିରଇବା ଗଟେକ୍ ସିଅର୍ ଟାନେଅନି ରକିଆ କଲାପାରା ମାପୁରୁ ରକିଆ କଲା । <sup>୧୮</sup> ବିପଦେ ପାକାଇବା ସବୁ ଗଟ୍‌ନାଇଅନି ମାପୁରୁ ଜିସୁ ମକେ ରକିଆ କରି, ସର୍‌ଗେ ରଇବା ତାର୍ ରାଇଜେ କାଇଟା ନ ଅଇତେ ଡାକିନେଇସି । କାଲ୍ କାଲ୍ ଜୁଗ୍ ଜୁଗ୍ ସେ ଆକା ଡାକ୍‌ପୁଟା ପାଅ । ଆମେନ୍ !

**ପାଉଲର୍ ଜୁଆର୍**

<sup>୧୯</sup> ✨ପିର୍‌ସିଲାକେ ଆରି ଆକିଲାକେ ଜୁଆର୍ ଜାନାଆ । ଆରି ଅନିସିପରର୍ କୁଟୁମ୍‌କେ ମିସା ମର୍ ଜୁଆର୍ ଜାନାଆ ।  
<sup>୨୦</sup> ✨ଏରାସ୍‌ତ କରନ୍ତିଅ ନଅରେ ଆଟେ । ଆରି ତର୍‌ପିମସ୍‌କେ ଜର୍ ଅଇଲାକେ ମୁଇ ତାକେ ମିଲିତି ଚାଡ଼ିଦେଇ ଆସିଆତି ।  
<sup>୨୧</sup> ତୁଇ ସିଡ଼ଦିନ୍ ଅଇବା ଆଗ୍‌ତୁ ଆଇବାକେ ଚେସଟା କର୍ । ଇଉବୁଲ୍ ପୁଦେନ୍‌ସ୍, ଲିନ୍, କଲ୍‌ଦିଆ ଆରି ଇତିରଇବା ସବୁ ବିସ୍‌ବାସି ବାଇବଇନି ତକେ ଜୁଆର୍ ଜାନାଇଲାଇନି ।  
<sup>୨୨</sup> ପର୍‌ମେସର୍ ଜିବନ୍ ଦୁକାଇ ଦୟା କଲାଟା ତମର୍ ସଙ୍ଗ୍ ରଅ ।

☆ ୪:୧୯ ୪:୧୯ ପେରିଡ଼ ୧୮:୨;୨ୟ ତିମତି ୧:୧୭,୧୭ ☆ ୪:୨୦ ୪:୨୦ ପେରିଡ଼ ୧୯:୨୨; ରମିୟ ୧୭:୨୩; ପେରିଡ଼ ୨୦:୪;୨୧:୨୯

## ତିତସଙ୍କ ନିକଟକୁ ପାଉଲଙ୍କର ପତ୍ର ପାଉଲ୍ ତିତସ୍କେ ଚିଠିଲେକ୍ଲାଟା ଏ ବଇର ବିସଇ ଜାନ୍ବାଟା

ପାଉଲ୍ ଚାହୁଁ ଚିଠି ବିତ୍ତରେଅନି ତିତସ୍ ବଇ ଗଟେକ୍ । ଜନ୍ମଟାକି ମଣ୍ଡଲିକେ ନ ଜାନାଇକରି ଲକ୍ମନକେ ଜାନାଇଲାନି । ବିନ୍ ତିନଟା ଚିଠି ଅଇଲାନି ୧ ମ ତିମତି, ୨ ଯ୍ ତିମତି ଆରି ପିଲିମନ୍ । ପାଉଲ୍ ତିତସ୍କେ ଜେନ୍ତିକି ସେ ସବୁ ଲକ୍ମର ମୁଆଟେ ଆଉଲିଅଇକରି ଏ ଚିଠି ପତ ବଲି ଲେକ୍ଲାନି । ପେରିଡ୍ ଇସାବେ ତାର୍ କାଇକାଇଟା ରଇବାର୍ ଦରକାର୍ ସେ ବିସଇରେ ବୁଜାଇଲାନି । ଏଟା କେତେଟା ବିସଇ ତିତସ୍ ଆଗେଅନି ଜାନିରଇଲା । ଏ ଚିଠି କିରିସଟ ଜନମ୍ ଅଇକରି ୨୩-୨୫ ବରସ୍ ବିତ୍ତରେ ପାଉଲ୍ ଲେକି ରଇସି ।

ପାଉଲ୍ କିରିତର୍ ଦିପେ ରଇଲା ମଣ୍ଡଲିମନକେ ଚାଲାଇବାକେ ତିତସ୍କେ ଆଦେସ୍ ଦେଲାନି । ସେ ସମାନ୍ ସିକିଆ ତିମତିକେ ମିସା ଦେଲାଆଟେ । ପାଉଲ୍ ଏ ଚିଠିଟାନେ ତିତସ୍କେ ମଣ୍ଡଲିର୍ ମୁକିଅ ଲକ୍ମନକେ ବାଟୁଲା ଆରି ସେମନକେ ସିକାଇବା ବିସଇରେ ଲେକ୍ଲାନି । ଆଜିର୍ ମଣ୍ଡଲି ଆରି ମଣ୍ଡଲିର୍ ନେତାମନ୍ ସାସନ୍ କରବାକେ କେନ୍ତି ଗୁନ୍ତଲନ୍ ରଇବାର୍ ଆଟେ ତାର୍ ଚିକିନିକି ସଙ୍ଗ୍ ଦିଆନ୍ ଦେବାର୍ ଦରକାର୍, ସେଟା ଚିଠିତେଇ ଲେକ୍ଲା ଆଟେ ।

### ଏ ବଇ ବିତ୍ତରେ ରଇଲାଟା

- ୧. ପାଉଲ୍ ତିତସ୍କେ ସୁଆଲ୍ ଲକ୍ମନକେ ବାଟୁବାକେ ଆଦେସ୍ ଦେଲାନି । ୧:୧-୧୭ ।
- ୨. ତାର୍ପଟେ ସେ ଲକ୍ମନକେ ମିସା ଦରମ୍ ଜିବନେ ଜିଇବା କାଇବାକେ ସିକିଆ ଦେବାକେ ଆଦେସ୍ ଦେଲାନି, ଜନ୍ମଟାକି ପରମେସର୍କେ ସାର୍ଦା କରାଇସି । ୨:୧-୩:୧୧
- ୩. ସାରାସାରି ପାଉଲ୍ ତାକର୍ ସାରାସାରି କାତା ଲେକି ଲେକ୍ବାଟା ସାରାଇଲାଇନି । ୩:୧୨-୧୫

### ତିତସ୍କେ ପାଉଲ୍ ଚିଠି

୧ ମୁଇ ପାଉଲ୍, ଏ ଚିଠି ଲେକ୍ଲାନି । ମୁଇ ପରମେସର୍କେ ସେବାକରି ଜିସୁକିରିସଟର୍ ଗଟେକ୍ ପେରିଡ୍ ଅଇଆଟି । ଜନ୍ ଲକ୍ମନକେ ତାର୍ଟାନେ ତାର୍ ସଙ୍ଗ୍ ବିସ୍ବାସ୍ କରବାକେ ପରମେସର୍ ବାଟୁଲା ଆଟେ, ଆରି ସେମନ୍ ଜେନ୍ତିକି ଜିସୁକିରିସଟର୍ ନିକ ସିକିଆ ବୁଜୁବାଇ, ସେନ୍ତାରି ଲକ୍ମନକେ ସାଇଜ କରବାକେ ମୁଇ ବାଟିଅଇଆଟି । ଏ ସିକିଆ ନିକସଙ୍ଗ୍ ଜାନ୍ଲେ, ପରମେସର୍କେ ସାର୍ଦା କରାଇବା ପାରା ଚଲାଚଲ୍ତି କରବାକେ ସେମନ୍ ସିକ୍ବାଇ । ୨ ଏନ୍ତାରିଅଇ ସେମନ୍ କାଲ୍କାଲ୍ ଜୁଗ୍ଜୁଗ୍ ପରମେସରର୍ ସଙ୍ଗ୍ ବର୍ତ୍ତବାକେ ଆସା କରୁବାଇ । କାଇକେବଇଲେ କାଇଟା ତିଆର୍ ନ ଅଇତେ କାଲ୍କାଲ୍ ଜୁଗ୍ଜୁଗ୍ ତାର୍ ଲକ୍ ତାର୍ ସଙ୍ଗ୍ ବର୍ତ୍ତବାଇ ବଲି ପରମେସର୍ କାତା ଦେଇରଇଲା । ଏଟା ପୁରାପୁରୁନ୍ ସତ୍ ବଲି ଆମେ ଜାନ୍ଲୁନି । କାଇକେବଇଲେ ସେ କେବେ ମିର୍ ନ କଏ । ୩ ପରମେସର୍ ଟିକ୍ କଲା ବେଲାଇ ମୁଇ ସୁବ୍ବକବର୍ ଜାନାଇଲିକେ, ଲକ୍ମନ ସେଟା ବୁଜୁବାକେ ସେ ବପୁଦେଲା । ଏଟା ପରମେସରର୍ କାମ୍ । ସେ ଆକା ଆମ୍ବକେ ରକିଆ କରସି । ସେ ଏ ଦାଇଡ୍ ଦେଇକରି ମକେ ତିଆରଲା ଆଟେ ।

୪ ଏ ତିତସ୍, ତରପାଇ ମୁଇ ଏ ଚିଠି ଲେକ୍ଲାନି । ଆମେ ଜିସୁକିରିସଟକେ ବିସ୍ବାସ୍ କଲାଟପାଇ ତୁଇ ମର୍ ନିଜର୍ ପଅପାରା ଅଇ ଆଟୁସ୍ ।

ବାବା ପରମେସର୍କେ ଆରି ଆମର୍ ଉଦାର୍କାରିଆ ଜିସୁକିରିସଟକେ ମୁଇ ବାବୁଜିଆ କଲିନି, ସେମନ୍ ତକେ ଦୟା ଦେକାଅଡ୍ ଆରି ସାନ୍ତି ଦେଅଡ୍ ।

### କିରତେଇ ତିତସର୍ କାମ୍

୫ କିରତେ ତକେ ରଇଜା ବଲି ମୁଇ କଇରଇଲି । ଜେଡ୍କି ସବୁ କାମ୍ କରସାରାଇବାକେ ମକେ ବେଲା ନ ରଇଲା, ସେଟା କରସାରାଇବାକେ ମୁଇ ସେନ୍ତାରି କଲି । ଏଟା ଅଇଲାନି ପରତୁମ୍ ବିସଇ । କିରତେ ରଇବା ସବୁ ଜାଗାର୍ ମଣ୍ଡଲିମନକେ ପାର୍ଟିନ୍ ଇସାବେ ଲକ୍ମନକେ ବାଟ୍ । ମୁଇ ତର୍ ସଙ୍ଗ୍ ରଇଲାବେଲେ ଏ ବିସଇନେଇ ତକେ ତିଆରି ରଇଲି । ୬ ଜନ୍ ଲକ୍ମକେ ତୁଇ ପାର୍ଟିନ୍ ଇସାବେ ବାଟୁସ୍, ସେ ଏନ୍ତାରି ଲକ୍ ଅଇବାର୍ ଆଟେ, କେ ମିସା ତାକେ ବୁଲ୍ କଲାନି ବଲି ଦସ୍ ଦେଇନାପାରଡ୍ । ତାକେ ଗଟେକ୍ ସେ ମାଇଜି ରଇବାର୍ ଆଟେ । ତାର୍ ପିଲାଟକିମନ୍ କିରିସଟକେ ବିସ୍ବାସ୍ କରବାର୍ ଆଟେ । ସେମନ୍ ନିକ ଚଲାଚଲ୍ତି କର୍ତେରଇବାର୍ ଆଟେ । ଜେନ୍ତାରି କି ତାକର୍ ଆୟାବାବାମନକେ ମାନଡ୍ ନାଇ କି ନିଜର୍ ମନ୍ କଲା ଇସାବେ ଚଲାଚଲ୍ତି କଲାଇନି ବଲି ସେମନକେ କେ ଦସ୍ ଦାରି ନାପାରଡ୍ । ୭ ବିନ୍ ବିସ୍ବାସିମନକେ ଜଡନ୍ କରବାକେ ଦାଇଡ୍ ଇସାବେ ପରମେସର୍ ଗଟେକ୍ ପାର୍ଟିନକେ ଦେଲାଆଟେ । ତେବର୍ ପାଇ ଜନ୍ ମଣ୍ଡଲିର୍ ପାର୍ଟିନକେ ତୁଇ ବାଟୁସ୍, ତାକେ କାଇ ଦସ୍ ନ ରଅ । ସେ ବଡ୍ପନିଆ ନ ରଇବାର୍, ଦାପ୍ରେ ରିସା ନ

☆ ୧:୪ ୧:୪ ୨ୟ କରନ୍ତିୟ ୮:୨୩; ଗାଲାତିୟ ୨:୩; ୨ୟ ତିମତି ୪:୧୦ ☆ ୧:୬ ୧:୬ ୧ମ ତିମତି ୩:୨-୭



ଅଇବାର୍, ମଦୁଆ ନ ରଇବାର୍, ବିନ୍ ଲକ୍ ନ ସଙ୍ଗ କିରଜାଟି ନ ଅଇବାର୍, ତାବୁକେ ଆସା ନ କରବାର୍ । ୮ ସେନ୍ତାରି ନ ଅଇକରି ଲକ୍ମନକେ ଡାକିନେବା ଲକ୍, ଦରମ୍ ବିସଇ କରବାକେ ମନ୍ କରବା ଲକ୍, ନିଜେ ଜାଗରତ୍ ରଇବା ଲକ୍, ବଡ଼ ସାନ୍ ଇସାବେ ନ ଦେକବା ଲକ୍, ସୁକଲ୍ ଇସାବେ ଚଲାଚଲ୍ତି କରବା ଲକ୍, ନିଜେ ମନ୍କରବା ବିସଇଟାନେ ଜାଗରତ୍ ଅଇବା ଲକ୍, ରଇବାର୍ ଆଚେ । ୯ ସେ ଲକ୍ ଆମେ ସିକାଇତେରଇବା ସୁବ୍ କବର୍ ତାଟ୍ସଙ୍ଗ ବିସ୍ବାସ୍ କରିରଇବାର୍ ଆଚେ । ଏ କବର୍ ସତ୍ ଆରି ନ ବାଦ୍ଲେ ବଲି ସେ ଜାନ୍ବାର୍ ଆଚେ । ଏନ୍ତାର୍ ଆଲେ ସେ ଲକ୍ମନକେ ସତ୍ ବିସଇ ସିକାଇପାର୍ସି । ଆରି ଜନ୍ ଲକ୍ ତାର୍ ବିରୁଦେ କାତା ଅଇଲାଇନି, ତାକର୍ ବୁଲ୍ ଦେକାଇପାର୍ସି ।

୧୦ ମଣ୍ଡଲିର୍ ପାର୍ତିନିମନର୍ ଅଦିକାର୍ ନ ନାମ୍ବା ଲକ୍ ବେସି ରଇଲାର୍ପାଇ ମୁଇ ତକେ କଇଲିନି । କାଇ ମୁଲିଆ ନ ରଇବା କାତା ସବୁ ସେମନକେ ସିକାଇକରି, ସେମନକେ ବିସ୍ବାସ୍ କରାଇଲାଇନି । ଜିଉଦି ନିୟମ୍ ଇସାବେ ସବୁ ବିସ୍ବାସିମନ୍ ସୁନତ୍ ଅଇବାର୍ ଆଚେ ବଲି ସିକାଇଲାଇନି । ୧୧ ଏନ୍ତାରି ଲକ୍ମନକେ ସିକାଇବାକେ ଦେସ୍ ନାଇ । କାଇକେବଇଲେ ନ ସିକାଇବା ବିସଇ ସିକାଇକରି ସେମନ୍ ଗୁଲାଇ କୁଟୁମ୍ମନକେ ବିସ୍ବାସ୍ କରାଇ, ସତ୍ ବିସଇତେଇ ଅନି ବାଉଡାଇଲାଇନି । ଲକ୍ମନର୍ଟାନେଅନି ତାବୁ ମିଲାଇବାକେ ମିସା ଏନ୍ତାରି କଲାଇନି । ୧୨ କିରତେଅନି ଆଗେ ଗଟେକ୍ ଗିଆନ୍ ରଇବା ଲକ୍ ରଇଲା । ସେ ଏନ୍ତାରି କଇରଇଲା, “ କିରତେରଇବା ଲକ୍ମନ ବେସି ମିଟ୍ କଇବାଇ । ସେମନ୍ ବନର୍ ପସୁପାରା ଚଲାଚଲ୍ତି କରବାଇ ଆରି ସେମନ୍ ବେସି ଅଲ୍ସିଆ ଆରି କାଉରାମନ୍ ।” ୧୩ କିରତେ ରଇବା ଲକ୍ମନ୍ ବିସଇ ସେ ବବିସତ୍ବକ୍ତା କଇଲାଟା ଏବେ ମିସା ସତ୍ସେ । ତେବର୍ ପାଇ ସେମନକେ ତାଟ୍ ସଙ୍ଗ୍ ଦମ୍କାଇକରି କଇବାର୍ ଆଚେ । ଜେନ୍ତାରିକି ସେମନ୍ ସତ୍ ସିକିଆ ବିସ୍ବାସ୍ କରବାଇ । ୧୪ ଜିଉଦି ଲକ୍ମନ ତିଆରକଲା କାତାନିମନ୍ ନ ମାନିକରି ଆରି ସତ୍ ସିକିଆ ନ ମାନିକରି ରଇବା ଲକ୍ମନର୍ ତିଆରକଲା ରିତିନିତି ଦିଆନ୍ ନ କରତ୍ । ୧୫ ଜନ୍ ଲକ୍ମନ ପର୍ମେସର୍ ଦେକବା ଇସାବେ ସୁକଲ୍ ରଇବାଇ, ସେନ୍ତାରିସେ ତାକର୍ପାଇ ସବୁ ବିସଇ ସୁକଲ୍ ରଇସି । ମାତର୍ ଜନ୍ ଲକ୍ମନର୍ ବିବେକ୍ ସେମନକେ ଦସି କରସି, ସେମନ୍ କାରାପ୍ ଅଇ ଜିସୁକିରିସଟକେ ବିସ୍ବାସ୍ ନ କଲେ, ତାକର୍ପାଇ କାଇ ବିସଇ ମିସା ସୁକଲ୍ ନାଇ । ୧୬ ଏ ଲକ୍ମନ ପର୍ମେସର୍କେ ଜାନିଆତୁ ବଲି କଇ ବୁଲ୍ବାଇ, ମାତର୍ ତାକର୍ ଚଲାଚଲ୍ତିଟାନେ ସେଟା ନ ତିସେ । ସେମନ୍ ଗିନ୍ କରବାଲକ୍, କାତା ନ ମାନ୍ବା ଲକ୍ ଆରି କାଇ ଦରମ୍ ବିସଇ କଇବାକେ ନାପାର୍ତ୍ତ ।

## ୨

### ସତ୍ ଦରମର୍ କାତା

୧ ମାତର୍ ତିତସ୍ ତୁଇ ବିସ୍ବାସିମନକେ ଜନ୍ ବିସଇ ସିକାଇଲୁସିନି ସେଟା ଜିସୁକିରିସଟର୍ ସତ୍ ସିକିଆ ଇସାବେସେ ସିକା । ୨ ପର୍ତୁମ୍ ତକ୍ଟାମନକେ ତାକର୍ ଜିବନେ ନିକ ଚଲାଚଲ୍ତି କରବାକେ ସିକା, ଜେନ୍ତାରି ନିଜେ ବୁଦିର୍ସଙ୍ଗ୍ ରଇ, ଲକ୍ମନର୍ଟାନେଅନି ସନ୍ମାନ୍ ପାଇବାଲକ୍ ପାରା ଅଇ ଜାଗରତ୍ ରଇବାର୍ । ସେମନ୍ ପର୍ମେସର୍କେ ତାଟ୍ସଙ୍ଗ୍ ବିସ୍ବାସ୍ କରି ବିନ୍ ଲକ୍ମନକେ ସତ୍ସଙ୍ଗ୍ ଆଲାଦ୍ କରି ମୁରତି ରଇବାର୍ ଆଚେ । ୩ ସେନ୍ତାରିସେ ତକ୍ଟିମନକେ ମିସା ସିକାଆ । ଜେନ୍ତାରି, ସେମନ୍ ସୁକଲ୍ ଚଲାଚଲ୍ତି କରବାଇ । ତିପୁଲ୍ କାତା ନ କଇକରି, ମାତୁଆଲ୍ନିମନ୍ ନ ଅଇକରି, ତାର୍ ବାଦୁଲେ ବିନ୍ ଲକ୍ମନକେ ନିକ ବିସଇ ସିକାଅତ୍ । ୪ ଏନ୍ତାରି କଲେ ସେମନର୍ ଟାନେଅନି ଦାଙ୍ଗ୍ଡିମନ୍ ନିକ ଚଲାଚଲ୍ତି କରବାଟା ସିକ୍ବାଇ । ସେମନ୍ ପର୍ତୁମ୍ ନିଜର୍ ମୁନୁସକେ ଆରି ପିଲାଟକିମନକେ ଆଲାଦ୍ କରବାଟା ସିକତ୍ । ୫ ନିଜେ ଜାଗରତ୍ ଅଇକରି ମୁନୁସମନକେ ସୁକଲ୍ ଚଲାଚଲ୍ତି କରି, ନିଜର୍ ଗର୍ଦୁଆର୍ ଚଲାଇକରି, ବିନ୍ ଲକ୍ମନକେ ଦୟା ଦେକାଇକରି ଆରି ନିଜର୍ ମୁନୁସର୍ କାତା ମାନିକରି ରଇବାକେ ସିକା । ସେନ୍ତାରି କଲେ ପର୍ମେସର୍ ଆମ୍ବକେ ସର୍ପି ଦେଲା କବର୍ କେ ମିସା ନିନ୍ଦା ନ କରତ୍ ।

୬ ସେନ୍ତାରି ସେ ଦାଙ୍ଗ୍ଡାମନକେ ମିସା ନିଜେ ଜାଗରତ୍ ରଇବାକେ ସିକା । ୭ ତୁଇ ନିଜେ ସବୁ ବିସଇଟାନେ ନିକ ଚଲାଚଲ୍ତି କର । ଜେନ୍ତାରି କି ତକେ ଦେକିଦେକି ଦାଙ୍ଗ୍ଡାମନ୍ ସେନ୍ତାରି ଅଇବାଇ । ସିକାଇଲାବେଲେ, ମନ୍ ସତ୍ ରଇକରି ଲକ୍ମନର୍ ମୁଆଟେ ସନ୍ମାନ୍ ପାଇଲାପାରା ପର୍ମେସର୍ ବିସଇ ସିକା । ୮ ଜେଡ୍ କି ବିସଇ ସିକାଇଲୁସିନି, ସେ ସବୁ ବିସଇ ସତ୍ ରଅ ଜେନ୍ତାରିକି ଲକ୍ମନ ନିନ୍ଦା କରିନାପାରତ୍ । ଜେଡ୍ କି ଲକ୍ ଜିସୁକିରିସଟର୍ପାଇ ତୁଇ କରବା କାମ୍ ବିରଦ୍ କଲାଇନି, ସେମନ୍ ସବୁ ଲାଜ୍ ଅଇଜିବାଇ । କାଇକେବଇଲେ ଆମ୍ବକେ ନିନ୍ଦା କରବାକେ ତାକର୍ଟାନେ କାଇଟା ନ ରଏ ।

୯ ତର୍ ମଣ୍ଡଲିମନକେ ରଇବା ଗତିଦାଙ୍ଗ୍ଡାମନକେ ତାକର୍ ସାଉକାର୍ମନକେ ମାନିକରି ରଇବାକେ ସିକା । ତାକର୍ କରବା କାମ୍ ଦେକି ସାଉକାର୍ମନ ସାର୍ଦା ଅଅତ୍ ଆରି ସାଉକାର୍ମନକେ ସେମନ୍ ଟଣ୍ ନ ଲାଗାଅତ୍ । ୧୦ ସାଉକାର୍ କାଇ ଜିନିସ୍ ନ ଚରାଇକରି ସବୁବେଲେ ଦରମ୍ ଚଲାଚଲ୍ତି କର । ସେମନକେ ସାଉକାର୍ ବିସ୍ବାସ୍ କରବାର୍ ଆଚେ । ତାକର୍ ନିକ ଚଲାଚଲ୍ତି କରବାଟା ଦେକି ଆମ୍ବକେ ମୁକ୍ତି ଦେବା ପରମେସର୍ କବର୍ ସୁନ୍ବାକେ ଲକ୍ମନ ମନ୍ କରବାଇ ।

୧୧ କାଇକେ ବଇଲେ ପରମେସର୍ ଗୁଲାଇ ମୁନୁସଜାତିକେ ପାପେଅନି ମୁକ୍ତି କରବାକେ ତାର୍ ଦୟା ଦେକାଇଲା ଆଚେ । ୧୨ ସେ ଦୟା କଲାକେ, କାରାପ୍ ଚଲାଚଲ୍ତି କରବାଟା ଚାଡିକରି, ବିସ୍ବାସ୍ ନ କରବା ଲକ୍ମନ କରବା

ଚଳାଚଳୁତି ନ କରି, ସେମନ୍ ଲାଲ୍‌ସା ଅଇବା ବିସଇ ମନ୍ ନ କରବାକେ ପର୍ମେସର୍ ଆମ୍‌କେ ସିକାଇଲାନ୍ତି । ତାର୍ ବାଦୁଲେ ଜେଡ଼କି ଦିନ୍ ଆମେ ଏ ଜଗତେ ବଢ଼ିଆରୁ, ସେଡ଼କି ଦିନ୍ ନିଜେ ଜାଗରତ୍ ରଇ, ଦରମ୍ ଚଳାଚଳୁତି କରି ତାକେ ସାର୍‌ଦା କରାଇବାକେ ସେ ଆମ୍‌କେ ବପୁ ଦେଲାନ୍ତି । ୧୩ ଜନ୍ ବଡ଼ ଦିନ୍ ଆଇବାକେ ଆମେ ଜାଗିଆରୁ, ସେଡ଼କି ଦିନ୍ ଜାକ ଏନ୍ତାରିସେ ଚଳାଚଳୁତି କରୁ । ସେ ଦିନେ ଜିସୁକିରିସ୍‌ଟ ଜେକି ଆମର୍ ପର୍ମେସର୍ ଆରି ମୁକ୍ତିକାରିଆ, ତାର୍ ସବୁ ତାକ୍‌ପୁଟା ସଙ୍ଗ ଏ ଜଗତେ ବାଡ଼ିଆଇସି । ୧୪ ଏ ଜିସୁ କିରିସ୍‌ଟ ଆମର୍ ଲାଗି ମରବାକେ ନିଜେ ସର୍ପିଅଇଲା । ପାପର୍ ବାନ୍ଦନେଅନି ମୁକ୍ତଲାଇବାକେ ଆରି ତାର୍‌ପାଇ ସୁକଲ୍ ଲକ୍ କରାଇବାକେ ସେ ଏନ୍ତି କଲା । ସେ ଦେକ୍‌ବା ଇସାବେ, ଦରମ୍ କାମ୍ କରବାକେ ବେସି ମନ୍ କରବା ଲକ୍ ଅଇବାକେ ମିସା ।

୧୫ ତେବର୍‌ପାଇ ତିତସ୍, ତୁଇ କିରତେ ରଇବା ବିସ୍‌ବାସିମନ୍‌କେ, ମୁଇ ତକେ କଇରଇବା ସବୁ ବିସଇ ସିକାଇଦେସ୍ । ଏ ସବୁ ବିସଇ କରବାକେ ସାର୍‌ଦା କରା ଆରି ନ କଲେ ସେମନ୍‌କେ ଜାଗରତ୍ କରା । ସେନ୍ତାରି କରବାକେ ତର୍ ଅଦିକାର୍ ଆତେ । ତୁଇ ସିକାଇଲା ବିସଇମନ୍ କେ ମିସା ନିର୍ ଇସାବେ ନ ନାମତ୍ ।

### ୩

#### ବିସ୍‌ବାସି ମନର୍ କାତାବାର୍‌ତା

୧ ସାସନ୍‌କାରିଆ ଆରି ଅଦିକାରିମନର୍ ତଲେ ରଇକରି ସେମନ୍ ତିଆରୁଲାଟା ମାନିକରି ରଇବାକେ ମଣ୍ଡଲିର୍ ବାଇବଇନିମନ୍‌କେ ଏତାଇଦେସ୍ । ବିନ୍ ଲକ୍‌କେ କାଇ ସାଇଜ ମିସା କରବାକେ ଜାଗରତ୍ ଅଇରଅଡ଼ । ୨ ବିନ୍ ଲକ୍‌ର୍ ବିସଇ ମିର୍ ନ କଇ ସବୁର୍ ସଙ୍ଗ ସାନ୍ତିସଙ୍ଗ, ଆଲାଦେ, ମନ୍‌ବିତ୍‌ରେ ଦରମ୍‌ରଇ ମିସିବିଡ଼ି ରଅଡ଼ । ୩ କାଇକେବଇଲେ ଗଟେକ୍ ବେଲାଇ ଆମେମିସା ବକୁଆ ଲକ୍‌ର୍‌ପାରା ରଇ ପର୍ମେସର୍‌ର୍ କାତା ନ ମାନିକରି, ବୁଲ୍ ବିସଇ କର୍ତେରଇଲୁ । ଆମର୍ ପାପର୍ ଗୁନ୍‌ଚଲନ୍ ଇସାବେ ଜେଡ଼କି ସବୁ ବିସଇ ରଇଲା, ସେଟା ସବୁ ସାର୍‌ଦାସଙ୍ଗ୍ କର୍ତେରଇଲୁ । ବିନ୍ ଲକ୍‌ର୍ ତିପୁଲ୍ କାତା ଗୁଲାଇବାଟେ ବିଚିକରି ସେମନ୍‌କେ ଇସା କର୍ତେରଇଲୁ । ସେମନ୍ ଆମ୍‌କେ ଗିନ୍ କର୍ତେରଇଲାଇ, ଆମେମିସା ସେମନ୍‌କେ ଗିନ୍ କର୍ତେରଇଲୁ । ୪ ମାତର୍ ଆମେ ସେନ୍ତାରି ଚଳାଚଳୁତି କର୍ତେରଇଲେ ମିସା ଆମର୍ ମୁକ୍ତିକାରିଆ ପର୍ମେସର୍ ନିଜର୍ ଦୟା ଆରି ଆଲାଦ୍ ଆମ୍‌କେ ଦେକାଇଆତେ । ୫ ପାପର୍ ତଣ୍ଡେଅନି ସେ ଆମ୍‌କେ ମୁକ୍ତଲାଇଲା । ଆମେ ଦରମ୍ କାମ୍ କଲାପାଇ ସେ ଆମ୍‌କେ ଏନ୍ତି କରେନାଇ । ମାତର୍ ସେ ଆମ୍‌କେ ଜିବନ୍ ଦୁକାଇ ଦୟା ଦେକାଇଲାକେସେ । ସୁକଲ୍ ଆଡ଼ମା ଦେଇକରି ସେ ଆମ୍‌କେ ରକିଆ କଲା । ଜେକି ଆମର୍ ସବୁ ପାପ୍ ଦଇକରି ନୁଆ ଜିବନ୍ ଦେଲା । ୬ ଆମର୍ ରକିଆକାରି ଜିସୁକିରିସ୍‌ଟ କଲା କାମର୍‌ଲାଗି ପର୍ମେସର୍ ଏଟା କଲା । କାଇ ମୁଲିଅ ନ ଦେଇ ଜେଡ଼କି ବଇଲେ ସେଡ଼କି ଆମ୍‌କେ ସୁକଲ୍‌ଆଡ଼ମା ଦେଲା ଆତେ । ୭ ପର୍ମେସର୍ ଆମ୍‌କେ ତାର୍ ପିଲାଟକି କରବାକେ ଏନ୍ତାରି କଲା ଆତେ । ତାର୍‌ସଙ୍ଗ୍ କାଲ୍‌କାଲ୍ ଜୁଗଜୁଗ୍ ବଢ଼ିବାକେ ଆମେ ଆସା କରବାର୍ ଅଇସି । ଆମର୍‌ପାଇ ରଇବା ତାର୍ ବଡ଼ ଦୟାରୁଲାଗି, ତାର୍ ମୁଆଟେ ଦସି ଇସାବେ ନ ଦେକେ । ପର୍ମେସର୍ ଆମ୍‌କେ କାଇ ଦସ୍ ନ କଲା ଲକ୍‌ବଲି ଜାନାଇଆତେ । ୮ ମୁଇ ତକେ ଲେକିରଇବା ଏ ସବୁ ବିସଇ ସଡ଼ ବଲି ମାନିଅଇସି ।

ତେବର୍‌ପାଇ ମୁଇ ତକେ ବାବୁଜିଆକରି କଇଲିନି, ତୁଇ ସିକାଇବାବେଲେ ଏ ସବୁ ବିସଇ ନ ପାସ୍‌ରି ଏତାଇତେ ର । ଜେନ୍ତାରିକି ପର୍ମେସର୍‌କେ ଜେଡ଼କି ଲକ୍ ବିସ୍‌ବାସ୍ କରବାଇ, ସେମନ୍ ସବୁ ଦରମ୍ କାମ୍ କରବାକେ ମନ୍‌ଦିଆନ୍ ଦେବାଇ । ଏନ୍ତାରି ସିକିଆ ଦେଲେ ସବୁ ଲକ୍‌ର୍‌ପାଇ ସେଟା ନିକ ଆରି କାମ୍‌କେ ଆଇସି । ୯ ମାତର୍ ଜନ୍ ଲକ୍‌ମନ୍ କାଇ ଲତାକେ ନ ଆଇବା ବିସଇର୍‌ପାଇ ଦଦାପେଲା ଅଇବାଇ, ଆରି ତାକର୍ କୁଟୁମର୍ ଆନିଦାଦିମନର୍ ବିସଇ କଇ ଲାଗିରଇବାଇ, ତୁଟାଇ ତୁଟାଇ ଦଦାପେଲା ଅଇବାଇ ଆରି ମସା ମିଲାଇରଇବା ରିତିନିତି ବିସଇନେଇ ଲାଗାଲାଗି ଅଇବାଇ, ସେନ୍ତାରିଟାନେ ପୁର୍ନାଇ । କାଇକେବଇଲେ ଏଟା କାକେ ଲତାକେ ନ ଦେଏ, ଆରି ତୁଟାଇସେ । ୧୦ ବିସ୍‌ବାସିମନର୍ ବିତ୍‌ରେ ଜଦି କେ ମିସା ଗଟେକ୍ ବେଗ୍‌ଲାଇବା ଲକ୍ ରଇଲେ, ତାକେ ଡାଟ୍ ସଙ୍ଗ୍ କଇକରି ଚାଡ଼ାଇଦେସ୍ । ସେ ନ ଚାଡ଼ିଲେ ଆରିତରେକ୍ ଜାଗରତା କରା । ତାର୍‌ପଟେ ମିସା ସେ କରିଲାଗିରଇଲେ ତାକେ ଚାଡ଼ିଦେସ୍ । ୧୧ ଏନ୍ତାରି ଲକ୍ ସଡ଼ ବିସଇତେଇଅନି ମନ୍ ବାଡ଼ିତାଇଲା ଆତେ ବଲି ତୁଇ ଜାନିପାରୁସ୍ । ତାର୍ ପାପର୍‌ଲାଗି ସେ ପର୍ମେସର୍‌ର୍ ମୁଆଟେ ଦସ୍ କରିଆତେ ବଲି ଲକ୍‌ମନ୍ ନିକସଙ୍ଗ୍ ଜାନ୍‌ବାଇ ।

#### ସାରାସାରି ବେଲର୍ କାତା

୧୨ ତକେ ସାଇଜ କରବାକେ ମୁଇ ଆର୍ତେମସ୍‌କେ ନଇଲେ ତେକିକସ୍‌କେ ପାଟାଇବି । ଆକର୍ ବିତ୍‌ରେ କେ ଆଲେ ଆଇଲେ, ତୁଇ ତେଇଅନି ବାରଇ ନିକପଲି ନଅରେ ମକେ ବେଟ୍ ଅଇବାକେ ଆଉ । କାଇକେବଇଲେ ସିଡ଼ମାସ୍ ସାର୍‌ବାଜାକ ତେଇ ରଇବାକେ ମୁଇ ମନ୍ କଲିନି । ୧୩ ଜିନି ନାଉର୍ ଗଟେକ୍ ଅକିଲ୍ ଆରି ଆପଲ୍ ନାଉର୍ ଆରିଗଟେକ୍ ଲକ୍ ଜିବାକେ ବାରଇବାବେଲେ, ସେମନ୍‌କେ ଜେଡ଼କି ସାଇଜ ଲତା ଆତେ, ସେଟା ସବୁ କରିଦେସ୍ । ସେମନ୍‌କେ ଲତାକେ ଆଇବାଟା ଜାଗାଇଦେସ୍ । ୧୪ ସେଟାକେ ଚାଡ଼ି କିରତେରଇବା ଆମର୍ ସବୁ ବିସ୍‌ବାସି ବାଇବଇନିମନ୍,

☆ ୨:୧୪ ୨:୧୪ ୧ ମ ପିତର୍ ୨:୯ ☆ ୩:୧୨ ୩:୧୨ ପେରିଡ଼ ୨୦:୪; ଏପିସିୟ ୬:୨୧,୨୨; କଲସିଅ ୪:୭,୮; ୨ୟ ଡିମତି ୪:୧୨ ☆ ୩:୧୩ ୩:୧୩ ପେରିଡ଼ ୧୮:୨୪; ୧ମ କରନ୍ତିୟ ୧୬:୧୨

ଦରମ୍ କାମ୍ କରବାଟା ନ ଚାଡ଼ିକରି, ପାଇଟିକାବାଡ଼ କରତେରଅଡ଼ । ସେନ୍ତାରି କଲେ, ଅବାବେ ରଇଲା ଲକ୍ମନ୍‌କେ ଦେଇପାରବାଇ । ଆରି ବିସ୍‌ବାସିମନ୍ ବେକାର୍ ଜିବନ୍ ନ ବିତାଅଡ଼ ।

<sup>୧୫</sup> ମର୍ ସଙ୍ଗ୍ ରଇବା ସବୁ ବିସ୍‌ବାସିମନ୍ ତକେ ଜୁଆର୍ ଜାନାଇଲାଇନି । କିରତେରଇବା ଆମର୍ ବିସ୍‌ବାସି ବାଇବଇନିମନ୍ ଜେଡ଼କିଲକ୍ ଆମ୍‌କେ ଆଲାଦ୍ କଲାଇନି, ସେମନ୍‌କେ ସବୁକେ ଆମର୍ ଜୁଆର୍ ଜାନାଇଦେସ୍ । ପରମେସର୍ ତାର୍ ଜିବନ୍ ଦୁକାଇ ତମ୍‌କେ ଦୟା ଦେକାଅ ।

## ପିଲିମନ୍ଙ୍କ ନିକଟକୁ ପାଉଲଙ୍କ ପତ୍ର ପାଉଲ୍ ପିଲିମନ୍‌ଙ୍କେ ଚିଠି ଲେଖିଲାଟା ଏ ବଇ ବିଷୟରେ ଜାନ୍‌ବାଟା

ସବୁରୁଅନି ସାନ୍ ବଇ ପିଲିମନ୍ ପେରିଡ଼ ପାଉଲ୍ ଲେଖିଲା ଆଟେ ୧:୧ । ଜେଡେବଲ୍ ସେ ଏ ବଇ ଲେଖିଲା ସେଡ଼କିବେଲେ ସେ ବନ୍ଦି ଗରେ ବନ୍ଦି ଅଇରଇଲା । ଜାନ୍ ଅରଡ଼ ଏଟା ଅଇପାରେ ସେ ରମ୍‌ଦେସେଅନି ଲେଖିଆଟେ । ଜନ୍ଦି ସେ ରମ୍‌ଦେସେ ରଇଲା କିରିସ୍‌ଟ ଜନମର୍ ପାକାପାକି ୬୧ ବରସ୍ ପଟେ ଏ ଚିଠି ଲେଖି ରଇପାରେ । ଜନ୍‌ଟା କି ସେ ସମାନ୍ ବେଲାଇସେ କଲସିଅ ମଣ୍ଡୁଲିକେ ମିସା ଲେଖି ରଇସି । ସେ ଏ ଚିଠି ପିଲିମନ୍ ନାଉଁର୍ ଗଟେକ୍ ଲକ୍‌କେ ଲେଖିଆଟେ । ପିଲିମନ୍ ଗଟେକ୍ ମଣ୍ଡୁଲିର୍ ଲକ୍ ଆରି ଗତିଦାଙ୍ଗତାମନର୍ ସାଉକାର୍ ରଇଲା । ପାଉଲ୍ ଲେଖିଲାଇନି ଜେ, ସେ ଅନିସିମସ୍‌କେ ଡଣ୍ଡ ନ ଦେଅ ଜେ କି ଚରିକରି ପିଲିମନ୍‌ର୍ ଟାମେଅନି ଦୁରିକେ ପାଲାଇରଇଲା । ରମ୍‌ଫିୟ ନିୟମ୍ ଇସାବେ ପିଲିମନ୍ ଅନିସିମସ୍‌କେ ମରନର୍ ଡଣ୍ଡ ଦେବାର୍ ଅଦିକାର୍ ରଇଲା । ଅନିସିମସ୍‌କେ କିରିସେ ବାଇ ଇସାବ୍‌ରେ ଡାକବାକେ ପିଲିମନ୍‌କେ ପାଉଲ୍ ବାଦିଅ କରି ବାବୁଜିଆ କରି ସାର୍‌ଦା ଦେଲାନ୍ତି । ପାଉଲ୍ ଅନିସିମସ୍‌କେ ପିଲିମନ୍‌ର୍ ଜାଗାଇ ସେବା କାମ୍ କରବାକେ ରାଜିଅଇବାକେ କଇଦେଲା । ୧:୧୩-୧୪

### ଏ ବଇ ବିତ୍‌ରେ ରଇଲାଟା

- ୧. ପାଉଲ୍ ପିଲିମନ୍‌କେ ଜୁଆର୍ ଜାନାଇବାଟା । ୧:୧-୩
- ୨. ପାଉଲ୍ ଅନିସିମସ୍‌ର୍ ବାଟେଅଇ ଅନିସିମସ୍‌କେ ଗଟେକ୍ କିରିସ୍‌ଟର୍‌ଡେଇ ଗଟେକ୍ ବାଇ ଇସାବେ ନାମ୍‌ବାକେ ପିଲିମନ୍‌କେ କଇଲାନ୍ତି । ୧:୪-୨୧
- ୩. ପାଉଲ୍ ଗଟେକ୍ ଜାଗାଇଅନି ଆରି ଗଟେକ୍ ଜାଗାଇ ଜିବାକେ ରଇଲା ମନ୍‌ବିଡ଼ର୍‌ର୍ କାତାକେ ଜାନାଇଲାନ୍ତି ଆରି ଜୁଆର୍ ପାଟାଇଲାନ୍ତି । ୧:୨୨-୨୫

୧ ମୁଇ ପାଉଲ୍ ଜେକି ଜିସୁକିରିସ୍‌ଟର୍ ଲାଗି ବନ୍ଦି ଆଟି । ଆରି ଆମର୍ ବାଇ ତିମତି ।

ଆମେ ମିସିକରି ଆମର୍ ମଇତର୍ ଆରି ସଙ୍ଗର୍ କାମ୍‌କରୁ ପିଲିମନ୍‌କେ ଏ ଚିଠି ଲେଖିଲୁନି । ୨ \*ତର୍ ଗରେ ରୁଣ୍ଡିକରି ପାର୍‌ତନା କରବା ମଣ୍ଡୁଲିକେ, ଆରି ଆମର୍ ବଇନି ଆପିୟାକେ, ଗଟେକ୍ ସନିଅ ପାରା ଆମର୍ ବିସ୍‌ବାସ୍ ଦେକାରକା କରବା ଆର୍କିପସ୍‌କେ ମିସା ଏ ଚିଠି ଲେଖିଲୁନି ।

୩ ଆମର୍ ବାବା ପରମେସର୍ ଆରି ମାପୁରୁ ଜିସୁ କିରିସ୍‌ଟ ତାର୍ ଜିବନ୍ ଦୁକାଇ ଦୟା ଦେକାଅ ଆରି ସାନ୍ତି ଦେଅ ।

### ପିଲିମନ୍‌ର୍ ଆଲାଦ୍ ଆରି ବିସ୍‌ବାସ୍

୪ ବାଇ ପିଲିମନ୍, ମୁଇ ଜେଡେବେଲେ ମିସା ପାର୍‌ତନା କରବା ବେଲେ, ତକେ ଏତାଇକରି ପରମେସର୍‌କେ ଦନିଅବାଦ୍ ଦେଲିନି । ୫ କାଇକେବଇଲେ ପରମେସର୍‌ର୍ ଲକ୍‌ରପାଇ ରଇବା ତମର୍ ଆଲାଦ୍ ଆରି ମାପୁରୁ ଜିସୁଟାମେ ରଇବା ତମର୍ ବିସ୍‌ବାସ୍ ମୁଇ ସୁନିଆଟି । ୬ କିରିସ୍‌ଟର୍ ସଙ୍ଗ୍ ଆମେ ମିସ୍‌ଲାରପାଇ ଆମର୍ ଜିବନେ ଜେଡ଼କି ସବୁ ଆସିରବାଦ୍ ପାଇଆରୁ, ସେଟା ସବୁ ନିକ ସଙ୍ଗ୍ ବୁଜିବାକେ ଆମେ ତମର୍ ସଙ୍ଗ୍ ରଇଲାବେଲେ, ବୁଜିପାରୁ ବଲି ମୁଇ ଆସା କଲିନି । ୭ ଏ ମର୍ ଆଲାଦ୍ ବାଇ, ତର୍ ଆଲାଦ୍ ମକେ ବେସି ସାର୍‌ଦା କରାଇଲା ଆଟେ । ପରମେସର୍‌ର୍ ସବୁଲକର୍ ମନ୍ ମିସା ତୁଇ ସାର୍‌ଦା କରାଇ ଆରୁସ୍ ।

### ଅନିସିମସ୍ ପାଇ ଗୁଆରି

୮ ତେବେ ଏଟାର୍‌ଲାଗି କିରିସ୍‌ଟର୍ ପାଇ ଗଟେକ୍ ବାଇ ଇସାବେ ତକେ ତିଆରବାକେ ମର୍ ପୁରାପୁରୁନ୍ ଅଦିକାର୍ ଆଟେ । ୯ ମାତର୍ ମୁଇ ତକେ ଆଲାଦ୍ କଲିନି, ସେଟାର୍‌ଲାଗି ଅବ୍‌କା ବାବୁଜିଆ କରବି । ମୁଇ ପାଉଲ୍ କିରିସ୍‌ଟ ଜିସୁର୍ ମୁକିଅ କବର୍‌ନେଡ଼ ଅଇରଇଲେମିସା, ତାର୍‌ଲାଗି ଏବେ ମୁଇ ବନ୍ଦିଅଇଆଟି । ୧୦ \*ଅନିସିମସ୍ ଜେକି କିରିସ୍‌ଟର୍ ଲାଗି ମର୍ ନିଜର୍ ପଅ ପାରା ଅଇଗାଲା ଆଟେ । ତାର୍ ବାବୁଲେ ମୁଇ ତକେ ବାବୁଜିଆ କଲିନି । ଆମେ ବନ୍ଦିଗରେ ରଇଲା ବେଲେ, ମୁଇ ତାର୍ ଆଡ଼ମା ଇସାବେ ରଇବା ବାବା ପାରା ଅଇଆଟି । ୧୧ ଗଟେକ୍ ବେଲାଇ ସେ ତର୍‌ପାଇ ଅବ୍‌କା ରଇଲା । ମାତର୍ ଏବେ ଆମର୍ ଦୁଇଲକର୍ ଲତାକେ ଲାଗିବା ଲକ୍ ଅଇଲା ।

୧୨ ମୁଇ ଏବେ ତାକେ ତର୍ ଲଗେ ପାଟାଇଲିନି । ମର୍ ଜିବନେ କାନ୍ଦି କାନ୍ଦି ଆଟି । ୧୩ ତାକେ ବନ୍ଦିଗରେ ମର୍ ସଙ୍ଗ୍ ରଅ ବଲି ମନ୍ କର୍‌ଡେରଇଲି । ସୁବ୍ କବରର୍ ଲାଗି ତର୍ ବାବୁଲେ ସେ ମକେ ଇତି ସାଇଜ କର୍‌ଡା । ୧୪ ମାତର୍ ତୁଇ ମକେ ସାଇଜ କର୍ ଆକା ବଲି ବାଦିଅ କରିନାଇ । ତୁଇ ନିଜେ ମନ୍‌କରି କଲେ, ମୁଇ ମନ୍ କର୍ଡି । ତେବେ ତୁଇ ରାଜି ନ ଅଇତେ ମୁଇ କାଇଟା ନ କରି ।

☆ ୧:୨ ୧:୨ କଲସିଅ ୪:୧୭ ☆ ୧:୧୦ ୧:୧୦ କଲସିଅ ୪:୯

୧୫ ଜେନ୍ତାରିକି ଅନିସ୍ଵାସ୍ ଆରି ତୁଇ, ସାଉକାର୍ ଆରି ଗତିଦାଙ୍ଗ୍ତା ପାରା ନ ଅଇ, ମରବା ଜାକ ନିଜର୍ ବାଇ ଇସାବେ ରଇବାକେ, ଚନେକର୍ପାଇ ତରଟାନେଅନି ଦୁରିକେ ରଇଲା । ୧୬ ଆରି ଏବେ ସେ ଅବ୍‌କା ଗତିଦାଙ୍ଗ୍ତା ନଏଁ, ମାତର୍ କିରିସ୍‌ଟର୍ ଲାଗି ଗଟେକ୍ ଆଲାଦର୍ ବାଇ ଅଇଆଚେ । ମୁଇ ତାକେ ବେସି ଆଲାଦ୍ କଲିନି । କିରିସ୍‌ଟର୍ ଲାଗି ଗଟେକ୍ ବାଇ ଇସାବେ ଆରି ଗତିଦାଙ୍ଗ୍ତା ଇସାବେ ସେ ତରପାଇ କେତେକ୍ ଅଦିକ୍ ଆଲାଦର୍ ଲକ୍ ଅଇସି ।

୧୭ ତେବର୍ପାଇ ତୁଇ ମକେ ଜଦି ସଙ୍ଗର୍କାମ୍‌କରୁ ଇସାବେ ଦେକ୍‌ଲୁସ୍‌ନି, ଜେନ୍ତି ତୁଇ ମକେ ଡାକିନେଇତୁସ୍, ସେନ୍ତାରିସେ ତାକେ ମିସା ଡାକିନେ । ୧୮ ସେ ଜଦି ତର୍ କାଇ ପାପଦସ୍ କରି ରଇଲେ, କି କାଇଟା ଦେବାର୍ ରଇଲେ ସେଟା ମର୍ ରୁନ୍‌ବଲି ବାବ୍ । ୧୯ ଏବେ ମୁଇ ନିଜେ ଲେକ୍‌ଲିନି ମୁଇ ପାଉଲ୍ ତକେ ସୁଜ୍‌ବି । ତୁଇତା ମର୍ ରୁନି ଅଇ ଆରୁସ୍, ଏଟା ମୁଇ ତକେ ଏତାଇଦେବାକେ ଲତା ନାଇ । ୨୦ ତେବେ ତୁଇ ଜେକି କିରିସ୍‌ଟର୍ ଲାଗି ମର୍ ବାଇଅଇଆରୁସ୍ । ମର୍ପାଇ ଏ ଗଟେକ୍ କାମ୍ କରି ମକେ ସାର୍‌ଦା କରାଆ ।

୨୧ ଏଟା ଲେକ୍‌ଲାବେଲେ, ମୁଇ ତାଟ୍ ସଙ୍ଗ୍ ଜାନିଆଟି, ମୁଇ ମାଙ୍ଗ୍‌ବା ବିସଇ ତୁଇ କର୍ସୁ ଆକା । ଦେକ୍‌ଲେ, ମାଙ୍ଗ୍‌ଲାତେଇଅନି ଅଦିକ୍ କର୍ସୁ । ୨୨ ଏଟାଟାଡି ମର୍ପାଇ ଗଟେକ୍ ବାକ୍‌ରା ସାଜାଡି ର । କାଇକେବଇଲେ, ତୁଇ ପାର୍‌ତନା କଲା ଇସାବେ ମୁଇ ତରଲଗେ ଦାପ୍‌ରେ କେଟିପାର୍‌ବି ।

**ଜୁଆର୍‌ବେଟ୍**

୨୩ ☆ଏପାପ୍‌ରା ଜେକି କିରିସ୍‌ଟର୍ ଲାଗି ମର୍‌ସଙ୍ଗ୍ ବନ୍ଦିଅଇଆଚେ, ସେ ତାର୍ ଜୁଆର୍ ଜାନାଇଲାନି । ୨୪ ☆ସେନ୍ତାରିସେ, ମର୍ ସଙ୍ଗର୍ କାମ୍ କରୁମନ୍ ମାର୍‌କ, ଆରିସ୍‌ତାକସ୍, ଦିମା ଆରି ଲୁକ୍ ମିସା ।

୨୫ ଆମର୍ ମାପ୍‌ରୁ ଜିସୁ କିରିସ୍‌ଟ ଜିବନ୍ ଦୁକାଇ ଦୟା ଦେକାଇଲାଟା ତମର୍ ସବୁର୍ ସଙ୍ଗ୍ ର ।

☆ ୧:୨୩ ୧:୨୩ କଲସିଅ ୧:୭:୪:୧୨ ☆ ୧:୨୪ ୧:୨୪ ପେରିଡ୍ ୧୨:୧୨,୨୫;୧୩:୧୩;୧୫:୩୭-୩୯; କଲସିଅ ୪:୧୦; ପେରିଡ୍ ୧୯:୨୯;୨୭:୨; କଲସିଅ ୪:୧୦; କଲସିଅ ୪:୧୪; ୨ୟ ଡିମତି ୪:୧୦; କଲସିଅ ୪:୧୪; ୨ୟ ଡିମତି ୪:୧୧

## ଏହି ମାନଙ୍କ ନିକଟକୁ ପଢ଼ି ଏବଂ ଲକ୍ଷ୍ୟମାନଙ୍କ ଲଗେ ଚିଠି ଲେଖିଲାଟା ଏ ବଇ ବିଷୟରେ ଜାଣିବାଟା

ଏବଂ ବଇ ଗଣେକ ଲକ୍ଷ୍ୟମାନଙ୍କେ ସାର୍ବଦା କରାଇବା ଚିଠି । ପୁରୁଣା ନିୟମର ବିନ୍ ବିନ୍ ବବିସତ୍ କାତା, ପୁରାପୁରୁଣ ଅଇରଇବା ବିଷୟ ଏ ବଇଟାନ୍ତେ ମିଳାଇବାର ଅଇସି । ଏଟା ଗଣେକ ଉପଦେସ୍ ଦେବା ବଇପାରା । ଇତି ପାକାପାକି ୭୦ ଅନି ଅଦିକ୍ ପୁରୁଣା ନିୟମର ବିଷୟ ଆତେ । ଜନଟାକି ଜିସୁ କିରିସ୍ଟ କେନ୍ଦ୍ରବାବେ ବବିସତ୍ କାତା ଆରି ଜିଉଦି ପୁଜାରିମାନଙ୍କ କରମ୍ ପୁରାପୁରୁଣ କଲା, ସେଟାମନ୍ ଏ ବଇଟାନ୍ତେ ଆମେ ମିଳାଇବାର ଅଇସି । ସେଟାର୍ପାଇ ଏଟା ଜିଉଦି ବିସ୍ବାସିମାନଙ୍କେ ଗଣେକ୍ ବପୁଦେବା ବଇ । ଜିସୁ ଜେନ୍ତାରି ରିଡିନିତି ମନ୍ ସାରାଇଲା, ଜନ୍ଟାକି ପୁଜାରିମନ୍ ଆରିତରେକ୍ କେବେ ବଲି ନ ଦେଅଡ଼, ସେଟା ଏବଂ ଚିଠିଟାନ୍ତେ ଦେକାଇଆତେ ।

ଜିସୁ କିରିସ୍ଟ ଅଇଲାନି ସବୁରକାମର୍ ପାପର୍ ବଲି । ଏଟା ଗଣେକ୍ତରକେସେ ସବୁବେଲର୍ପାଇ ଅଇସି । ଏବଂ ଜୁଗର୍ ବିସ୍ବାସିମାନର୍ପାଇ ଏବଂ ଲେଖିଲା ଚିଠିଟାନ୍ତେ ବପୁ ରଇବାଟା ଡିସ୍ଲାନି । କିରିସ୍ଟ ଆକା ଆମ୍ବକେ ପର୍ମେସରର୍ ସଙ୍ଗେ ରଇକରି ଜିଇବା କାଇବାଟା କରପାରସି ଆରି ତାକେ ଆସାକରି ତାର୍ ସଙ୍ଗେ ରଇବାର୍ ଆରି ଇଣ୍ଡିକ୍ ଅଇସି । ୧୨:୨ । ଏବଂ ବଇ କେ ଲେଖିଲାଆତଡ଼ ସେଟା ଏବେକାକ ଜାନାପତେନାଇ । ମାତର୍ ପଣ୍ଡିତ୍ମନ୍ ପେରିଡ଼ ପାଉଲ୍ ଲୁକ୍ ନଇଲେ ବର୍ନବା ଲେକିରଇବାଇ ବଲି କଇଆତଡ଼ । ଏଟା କେବେ ଲେକା ଅଇଲାଆତେ, ସେଟାମିସା କେ ନାଜାନଡ଼ । ମାତର୍ କେତେକଲକ୍ ଏଟା ଜିସୁକିରିସ୍ଟ ଜନମ୍ ଅଇକରି ୭୦ କିରିସ୍ଟାବ୍ଦରେ ଲେକିଆତଡ଼ ବଲି ବିସ୍ବାସ୍ କଲାଇନି ।

ଜିରୁସାଲାମ୍ ମନ୍ଦିର୍ ୭୦ କିରିସ୍ଟାବ୍ଦରେ ନସ୍ଟ ଅଇଗାଲା, ମାତର୍ ଏ ଚିଠିଲଗେ ଲେଖିଲା ଲକ୍, ଏଟା ନ ନସ୍ଲାଇପାରା କଇଲା ଆତେ । ଏବଂ ଚିଠି କଇବାକେ ଗାଲେ ରମିୟ ନଅରେ ଲେକା ଅଇରଇଲା । ୧୩:୨୪ ଆରି ବିନ୍ ବିନ୍ ମଣ୍ଡଲିମାନଙ୍କେ ବାଟାକରି ଦେଇରଇଲାଇ ।

### ଏ ବଇ ବିଷୟରେ ରଇବାଟା

୧. ଜେ ଲେଖିଲାଆତେ ସେ ଜିସୁକିରିସ୍ଟ ଅଇଲାନି ପର୍ମେସରର୍ ବବିସତ୍ବକ୍ତା ଦୁତ୍ତମନର୍ ଟାନ୍ତେମିସା ମୁକିଅ ବଲି ଜାନାଇଦେଲାନି । ୧:୧-୪:୧୩
୨. ଲେଖିଲା ଲକ୍ ମିସା ଜାନାଇଦେଲାନି କି, ଜିରୁସାଲମେ ପୁଜାରି ଇସାବେ ସେବା କର୍ତ୍ତେରଇବା ଲକ୍ଷ୍ୟମାନର୍ଟାନ୍ତେ ମିସା ଜିସୁ ମୁକିଅ । ୪:୧୪-୭:୨୮
୩. ପର୍ମେସର ମସାକେ ନିୟମ୍ ଦେଇକରି ତାର୍ ଲକ୍ଷ୍ୟମାନର୍ ସଙ୍ଗେ କିରିରଇବା ରାଜିନାମା ଟାନ୍ତେଅନି ଜିସୁର୍ ସେବା କର୍ତ୍ତାଟା ମୁକିଅ । ୮:୧-୧୦:୩୧
୪. ଲେକିରଇବା ଲକ୍ ଜିସୁକେ ସବୁକାମେ ମୁକିଅ ବଲି ବୁଜାଇଦେଲାଆତେ । ଆରି ସବୁର୍ପାଇ ଏ ଆଦେସ୍ ଦେଇଆତେ । ୧୦:୩୨-୧୩:୧୭
୫. ଲେଖିଲା ଲକ୍ ଏ ଚିଠିଟାନ୍ତେ କେତେଟା ବିଷୟ ମୁରଟିକରି ରଇବାକେ ଆଦେସ୍ ଦେଲାଆତେ । ଆରି ଜୁଆର୍ବିଆର୍ ଜାନାଇକରି ଏ ଲେକା ସାରାଇଆତେ । ୧୩:୧୮-୨୫

### ପଅର୍ ଲାଗି ମାପୁରୁ ବାକିଅ

<sup>୧</sup> ପର୍ମେସର ପୁର୍ବେ ବିନ୍ ବିନ୍ ବେଲାଇ ଆରି ବିନ୍ ବିନ୍ ବାଟେ ବବିସତ୍ବକ୍ତା ମନ୍କେ ପାଟାଇକରି, ଆମର୍ ଆନିଦାଦିମନର୍ ସଙ୍ଗ୍ କାତା ଅଇଲା । <sup>୨</sup> ମାତର୍ ଏ ସେସ୍ କାଲେ ତାର୍ ପଅକେ ପାଟାଇକରି ତାର୍ କାତା ଜାନାଇ ଆତେ । ତାର୍ଲାଗି ଏ ଜଗଡ଼ ତିଆର୍ କଲାଆତେ ଆରି ଜଗଡ଼ର୍ ସବୁ ବିଷୟର୍ ଉପରେ ତାକେ ଅଦିକାର୍ ଦେଲାଆତେ । <sup>୩</sup> ପର୍ମେସରର୍ ମଇମାର୍ ଉଜଲ୍ ମାପୁରୁ ଜିସୁଟାନ୍ତେ ଡିସ୍ସି । ପର୍ମେସର ଜେନ୍ତାରି ଆତେ, ତାର୍ ପଅ ସେନ୍ତାରିସେ । ଜନ୍ ବପୁର୍ ବାକିଅ ପଅ କାତା ଅଇସି, ସେ ବାକିଅ ସଙ୍ଗ୍ ତିଆର୍କଲାଟା ସେ ସାସନ୍ କର୍ସି । ଆମର୍ ପାପର୍ ଲାଗି କେମା କିସାରିଆଇଲା ପତେ, ସେ ସର୍ଗେ ବାଅଡ଼ଲା । ଆରି ସବୁର୍ତେଇଅନି ବପୁ ରଇବା ପର୍ମେସରର୍ ଉଜାବାଟେ ସାସନ୍ କର୍ବାକେ ବସ୍ଲା ।

### ପର୍ମେସରର୍ ପ ମୁକିଆ

<sup>୪</sup> ପର୍ମେସର ତାର୍ ପଅକେ ସରଗର୍ ଦୁତ୍ତମନର୍ ଟାନ୍ତେଅନି ମୁକିଅ କଲା ଆରି ସେମନର୍ଟାନ୍ତେଅନି ତାକେ ବଡ଼ ନାଉଁ ଦେଲା । <sup>୫</sup> କାଇକେବଇଲେ, ପର୍ମେସର ତାର୍ କନ୍ ଦୁତ୍ତକେ ମିସା ଏନ୍ତାରି କଏ ନାଇ, ତୁଇ ମର୍ ପଅ, ଆଜିଅନି ମୁଇ ତର୍ ବାବା ଅଇଲି ଆଟି,

ତାର କନ୍ ଦୁତର ବିସଇ ଏନ୍ତାରି କଏନାଇ,  
ମୁଇ ତର ବାବା ଅଇବି ଆରି  
ସେ ମର ପଅ ଅଇସି ।

୨ ମାତର ପରମେସର ଜେତେବେଲେ ତାର ପଶୁଆ ପଅକେ ଏ ଜଗତେ ପାଟାଇଲା, ସେ ଏନ୍ତାରି କଇରଇଲା,  
ପରମେସର ଦୁତମନ୍ ତାକେ ସେବା କରବାଇ ।

୩ ମାତର ସରଗର ଦୁତମନ୍ ବିସଇନେଇ ପରମେସର ଏନ୍ତାରି କଇରଇଲା,  
ପରମେସର ତାର ଦୁତମନ୍କେ ପବନ୍ ପାରା କଲାଆଚେ ।

ଆରି ତାର ଦାଙ୍ଗଡାମନ୍କେ ଲାଗିବା ଜଇପାରା କଲାଆଚେ ।

୮ ତାର ପଅର ବିସଇ ସେ ଏନ୍ତାରି କଇରଇଲା,

“ଏ ପରମେସର ତର ରାଇଜ୍ କାଲ୍‌କାଲ୍ ଜୁଗ୍‌ଜୁଗ୍ ରଇସି, ଆରି କେବେ ନ ସାରେ ।

କାଇ ଅନିଆଇ ନ କରି ତର ଲକ୍‌ମନ୍କେ ସାସନ୍ କଲୁସନ୍ ।

୯ ସତ୍ ବିସଇ ମନକରି ବିନ୍ ବିସଇ ଗିନ୍ କଲୁସନ୍ ।  
ତେବର୍ପାଇ ତର ପରମେସର ତକେ ବାଟ୍‌ଲାଆଚେ ।

ସେ ତକେ ଆଲାଦ୍ କରି

ତର ସଙ୍ଗାରିମନ୍ ତେଇଅନି ଅଦିକ୍ ସନ୍‌ମାନ୍ ଦେଇ ସାଦ୍‌ଦା କରାଇଆଚେ ।”

୧୦ ସେ ଏନ୍ତାରି ମିସା କଇଲାଆଚେ,

“ଏ ମାପୁରୁ ଆରାମେ ଅନି ତୁଇ ଜଗତ୍ ତିଆର୍ କରିଆରୁସ୍ ।

ଆରି ତର ନିଜର୍ ଆତେ ଆକାସ୍ ଆରି ତେଇ ରଇବା ସବୁଜାକ ତିଆର୍ କଲୁସ୍ ।

୧୧ ସେଟା ସବୁ ମାୟା ଅଇଜାଇସି, ମାତର ତୁଇ ସବୁଦିନର୍ପାଇ ରଇସୁ ।

ସେଟା ସବୁ ପୁରନା ଲୁଗା ପାରା ଚିରି ଅଇଜାଇସି ।

୧୨ ଲୁଗା ଦୁନାଇକରି ସଙ୍ଗଇଲା ପାରା ତୁଇ ସେଟାମନ୍କେ ସଙ୍ଗଇସୁ ।

ଆରି ଲୁଗା ପାଲଟନା କଲାପାରା ବାଦ୍‌ଲାଇସୁ ।

ମାତର ନିଜେ ତୁଇ ନ ବାଦ୍‌ଲି କରି

କାଲ୍ କାଲ୍ ଜୁଗ୍ ଜୁଗ୍ ରଇସୁ ।”

୧୩ ପରମେସର ତାର କନ୍ ଦୁତମନ୍କେ ମିସା କଏନାଇ,

“ମୁଇ ତମର୍ ଦୁତମନ୍କେ ତମର୍ ପାଦ୍‌ତଲେ

ନ ସଙ୍ଗଇବା ଜାକ

ମର ଉଜାବାଟେ ବସି ରୁଆ ।”

୧୪ ତେବର୍ପାଇ ପିଲାମନ୍ ସବୁ ରକଡ୍ ମାଉଁସ୍ ମିସି ରଇବାକେ ସେ ମିସା ନିଜର୍ ସେ ରକାମ୍ ସିତି ମିସିଗାଲା, ଆରି

ତାର ମରନ୍ ସଙ୍ଗ୍ ମରନ୍ ଅଦିକାରି ସୟତାନ୍କେ ବିନାସ୍ କଲା ।

### ୨

#### ବଡ଼ ମୁକ୍ତି

୧ ଆମେ ଜେଡିକି ସଡ଼ଟାନେଅନି ବିନେ ନ ବେଗ୍‌ଲୁ, ସେଟାପାଇ ଆମେ ସୁନିରଇବା ସତ୍ ବାକିଅଟାନେ ଡାଁଟ୍‌ଅଇ  
ରଇବା ଦରକାର । ୨ କାଇକେ ବଇଲେ ପୁରବେ ପରମେସର ସରଗ୍ ଦୁତମନ୍ ଅନି ଜାନାଇ ଆଚେ, ସେଟା ସତ୍ ବଲି  
ପରମାନ୍ ଅଇଆଚେ, ଜନ୍ ଲକ୍‌ମନ୍ ସେଟା ମାନଡ୍ ନାଇ, ସେମନ୍ ଡଣ୍ଡ୍ ପାଇଆଚଡ୍ । ୩ ତେବେ ଏନ୍ତାରି ରଇବା ବଡ଼  
ମୁକ୍ତି ଆମେ ଏଲା କରିଦେଲେ କେଡି ରକିଆ ପାଇବାର୍ ଅଇସି ? ଏ ମୁକ୍ତିର୍ ବିସଇ ପରତମେ ମାପୁରୁ ନିଜେ ଜାନାଇ  
ଆଚେ ଆରି ତାରଟାନେଅନି ସୁନିରଇବା ଲକ୍‌ମନ୍ ତେଇର୍ ସତ୍ ଆମର୍ଟାନେ ପରମାନ୍ କରି ଜାନାଇ ଆଚଡ୍ । ୪ ସେମନ୍  
ପରମାନ୍ କଲାଟା ସତ୍ ବଲି ପରମେସର ମିସା ସାକିଦେଲା । କାଇକେବଇଲେ ସେ ସେମନ୍କେ, କେତେ ରକାମର୍ ତିନ୍  
ଆରି କାବାଅଇଜିବା କାମମନ୍, ନ ଗଟ୍‌ବା ଗଟ୍‌ନାମନ୍ କରବାକେ ବପୁଦେଲା । ତାର ମନ୍ କଲା ଇସାବେ ସୁକଲ୍‌ଆଡ଼ମାର୍  
ଦାନ୍ ମିସା ସେମନ୍କେ ବାଟାକରି ଦେଇ ରଇଲା ।

#### ଜିସୁ ପୁରାପୁରୁନ୍ ବାବରେ ନରୁପ୍ ଦାରୁଲା

୫ ପରମେସର ନୁଆ ଜଗଡ୍ ତିଆର୍ କରସି । ଆରି ଆମେ ଜନ୍ ଜଗତର୍ କାତା କଇଲୁନି, ତେଇର୍ ସାସନ୍ କରବାକେ,  
ସେ ସରଗର ଦୁତମନ୍କେ ବାଟିକରି ମିସାଏ ନାଇ । ୬ କାଇକେ ବଇଲେ ଦରମ୍‌ସାସ୍‌ତରେ ଏଡି ଲେକାଅଇଆଚେ,

“ଏ ପରମେସର, ମୁନୁସ୍ କେ ଜେ

ତମେ ତାରପାଇ ଚିନ୍ତା କଲାସନ୍ ?

ଆରି ମୁନୁସ୍ ଏତେକ୍ ଇନ୍ ଅଇଲେ ମିସା

ତାକେ ଜତନ୍ କଲାସନ୍ ।

୭ ତମେ ତାକେ ସରଗର ଦୁର୍ଦ୍ଦମନର ଟାନେଅନି ଅଲପ୍ ଉନା କରି ଆଚାସ୍ ।

ସେମନ୍‌କେ ମଇମା ଆରି ଡାକ୍‌ପୁଟା କରିଆଚାସ୍ ।

୮ ସବୁ ବିସଇର ଉପରେ ସାସନ୍ କର୍ବାକେ ଅଦିକାର ଦେଇଆଚାସ୍ ।”

ଇତି ଲେକାଅଇଆଚେ, କାଇ ବିସଇ ନ ଚାଡ଼ି ମୁନୁସ୍‌କେ ସବୁ ବିସଇ ଉପରେ ସାସନ୍ କର୍ବାକେ ଦେଇଆଚେ । ଇତିଅନି ଜାନାପତି ଗାଲାନିଜେ ସବୁ ବିସଇ ତାର ଅଦିକାରେ ଆଚେ । ମୁନୁସ୍ ଏବେ ସବୁ ବିସଇର ଉପରେ ଅଦିକାର କରେ ନାଇତା । ଏଟା ଏବେ ଆମେ ଜାନ୍‌ଲୁନି ।<sup>୯</sup> ଆମେ ଦେକ୍‌ଲୁନି, ଜିସୁ କେନ୍ତ୍ରି ଚନେକର୍‌ପାଇ ସରଗର ଦୁର୍ଦ୍ଦମନର ଟାନେଅନି ତଲେ ଅଇରଇଲା । ଆରି ଜେନ୍ତ୍ରିକି ସେ ପର୍‌ମେସରର୍ ଦୟା ପାଇକରି ସବୁଲକର ପାଇ ଜନ୍ ଦୁକ୍ କସ୍ଟ ପାଇକରି ମଲା, ସେ ମରନର୍ ଲାଗି ଏବେ ଆମେ ତାକେ ମଇମା ଆରି ଡାକ୍‌ପୁଟା ଅଇଲାଟା ଦେକ୍‌ଲୁନି ।<sup>୧୦</sup> ପର୍‌ମେସର ସବୁ ବିସଇ ତିଆରକରି ସଙ୍ଗଇଲା ଆଚେ । ସେଟାରପାଇ ଜିସୁକେ ଦୁକ୍ କସ୍ଟ ପାଇବାକେ ସେ ଦେଲା । ଏନ୍ତାରି ଅଇ ସେ ସିଦ୍ ଅଇଲା ଆରି ଆମର୍ ବିତ୍‌ରେଅନି ବେସି ଲକ୍, ତାର ପଅ ଅଇଗାଲୁ । ଜେନ୍ତାରି କି ଆମେ ମିସା ତାର ମଇମା କଲାଟାନେ ମିସରୁ, କାଇକେବଇଲେ ଜିସୁ ପାପର୍ ତଣ୍ଡେଅନି ଆମକେ ମୁକ୍‌ଲାଇଲା ।

<sup>୧୧</sup> ସେ ଆମକେ ପାପେ ଅନି ସୁକଲ୍ କଲାଆଚେ । ଆରି ଆମେ ଜେ କି ସୁକଲ୍ ଅଇଆରୁ, ଆରି ଜେ କି ଆମକେ ସୁକଲ୍ କରିଆଚେ, ନରଲକ୍‌ମନର୍ ଗଟେକ୍ ସେ ବାବା । ଏଟାରଲାଗି ଜିସୁ ସେମନ୍‌କେ ବାଇବଇନି ବଲିକରି କଇବାକେ ଲାଜ୍ ଅଏ ନାଇ । ମାତର୍ ତାର କୁଟୁମ୍ ବଲି ଡାକ୍‌ସି ।<sup>୧୨</sup> ଜିସୁ ପର୍‌ମେସରକେ କଇଲା ଆଚେ,

“ମୁଇ ତମର୍ ସବୁଜାକ କାମ୍ ମର୍ ବାଇମନ୍‌କେ ଜାନାଇବି ।

ସେମନ୍ ରୁଣ୍ଡିଲାଟାନେ ତମକେ ସୁମରନା କର୍‌ବି ।”

<sup>୧୩</sup> ସେ ଏନ୍ତାରି ମିସା କଇଲାଆଚେ,

“ପର୍‌ମେସରଟାନେ ମୁଇ ଆସା କର୍‌ବି ।”

ଆରି ସେ କଇଲା, “ପର୍‌ମେସର ମକେ ଦେଲା ପିଲାଟକିମନ୍, ମର୍‌ସଙ୍ଗ୍ ଆଚଡ୍ ।”

<sup>୧୪</sup> ଇତି ଜନ୍ ଲକ୍‌ମନ୍‌କେ ପିଲାମନ୍ ବଲି ଡାକ୍‌ଲାଇନି, ସେମନ୍ ବନି ମାଉଁସ୍ ରଇବା ଗାଗଡ୍ ସଙ୍ଗର୍ ଲକ୍‌ମନ୍ । ଜିସୁ ମିସା ସେମନ୍‌ ପାରା ଗଟେକ୍ ଗାଗଡ୍ ନେଲା ଆରି ଡାକର୍ ଗୁନ୍‌ଚଲନ୍‌ତେଇ ମିସ୍‌ଲା । ତାର ମରନର୍ ଲାଗି ସେ ମରନର୍ ଉପରେ ବପୁ ରଇବା ସଇତାନ୍‌କେ ପୁରାପୁରୁନ୍ ବାବେ ଆରାଇଲା ।<sup>୧୫</sup> ଜନ୍ ଲକ୍‌ମନ୍ ମରନ୍‌କେ ଡରିକରି ରଇଲାଇ, ସେଟାର ପାଇ ସେମନ୍ ଜନମେ ଅନି ଗତିଦାଙ୍ଗ୍‌ତା ପାରା ଅଇରଇଲାଇ । ସେମନ୍‌କେ ସେ ମରନର୍ ତଣ୍ଡେଅନି ମୁକ୍‌ଲାଇଲା ।<sup>୧୬</sup> ଇତିଅନି ନିକ କରି ଜାନିଅଇଲାନି ଜେ, ସେ ସରଗର ଦୁର୍ଦ୍ଦମନକେ ସାଇଜ କରେନାଇ । ତାର ବାଦୁଲେ ଆମେ ଜନ୍‌ଲକ୍‌ମନ୍ କି ଅବ୍‌ରାଆମର୍ ବସ୍‌ର୍ ନାତିତିତି ବଲି ଏଜାଇଅଇଲୁନି, ସେ ଆମକେ ସାଇଜ କଲାନି ।<sup>୧୭</sup> ତେବର୍ ପାଇ ସେଟା ଦର୍‌କାର ରଇଲା ଜେ ଆମେ ଜନ୍‌ଲକ୍‌ମନ୍‌କି ତାର ବାଇବଇନି ଅଇଲୁଆରୁ, ସେ ସମାନ୍ ଆମର୍ ପାରା ଅଇରଇବାକେ । ସେନ୍ତାର ଆଲେ ସେ ଆମର୍ ପର୍‌ମେସର ଟାନେ ରଇବା ସଡ୍‌ସଙ୍ଗ୍ ଆରି ଦୟାସଙ୍ଗ୍ ରଇବା ବଡ୍ ପୁଜାରି । ସେ ଆମର୍ ବଡ୍ ପୁଜାରି ଅଇଲାକେ ଆମର୍ ପାପର୍ କେମା ଅଇଲା ।<sup>୧୮</sup> ସେ ଦୁକ୍‌କସ୍ଟ ପାଇଲା ଆରି ପରିକା କରାଇ ଅଇଲା, ଏବେ ଆମେ ଜେଡ୍‌କି ଲକ୍ ପରିକା କରାଇଅଇଲୁନି, ଆମକେ ସବୁକେ ସାଇଜ କରିପାର୍‌ସି ।

### ୩

#### ଜିସୁ କିରିସ୍‌ଟ ମସାର ଟାନୁ ବଡ୍

<sup>୧</sup> ଏ ମର୍ ବିସ୍‌ବାସି ବାଇବଇନିମନ୍, ଜନ୍‌ଲକ୍‌ମନ୍‌କେ କି ପର୍‌ମେସର ତାର ଲକ୍ ବଲି ବାଟ୍‌ଲା ଆଚେ, । ଆମେ ଜିସୁର୍ ବିସଇ ଅଲପ୍ ବାବିଦେକୁ । କାଇକେବଇଲେ ଜେଡ୍‌କି ସବୁ ବିସଇ ଆମର୍ ବିସ୍‌ବାସର୍ ଲାଗି ଆଚେ, ତାକେ ସେ ପର୍‌ମେସର ବଡ୍ ପୁଜାରି ଇସାବେ ପାଟାଇଲା ।<sup>୨</sup> ମସା ଜେନ୍ତାରି ପର୍‌ମେସରର୍ କୁଟୁମେ ସଡ୍ ବାବେ କାମ୍ କଲା, ସମାନ୍ ସେନ୍ତାରିସେ, ସେ ମିସା ସଡ୍ ବାବେ ପର୍‌ମେସରର୍ ଆଦେସ୍ ମାନ୍‌ବାକେ ସଡ୍ ସଙ୍ଗ୍ କଲା ଆରି ପର୍‌ମେସରର୍‌ସେ ତାକେ ବାଟି ପାଟାଇରଇଲା ।<sup>୩</sup> ଗର୍‌ତେଇଅନି ଗର୍ ତିଆରକଲା ମେସ୍‌ତୁରି ଅଦିକ୍ ସନ୍‌ମାନ୍ ପାଇସି । ସେନ୍ତାରିସେ ଜିସୁ ମସାରଟାନେଅନି ଅଦିକ୍ ବଡ୍ ବଲି ସନ୍‌ମାନ୍ ମିଲ୍‌ସି ।<sup>୪</sup> କାଇକେବଇଲେ ସବୁ ଗର୍ ମେସ୍‌ତୁରିସେ ତିଆର କର୍‌ସି । ମାତର୍ ପର୍‌ମେସର ସବୁ ବିସଇ ତିଆର କଲାଆଚେ ।<sup>୫</sup> ମସା ଗତିଦାଙ୍ଗ୍‌ତା ଇସାବେ ପର୍‌ମେସରର୍ ଗରେ କାମ୍ କର୍‌ତେରଇଲା, ଆରି ପର୍‌ମେସର ଜନ୍‌ଟା ଆଇବା ଦିନ୍‌ମନ୍‌କେ ଜାନାଇସି, ସେଟାଆକା ସେ କଇରଇଲା ।<sup>୬</sup> ମାତର୍ କିରିସ୍‌ଟ ଅବ୍‌କା ଗତିଦାଙ୍ଗ୍‌ତାସେ ନ ରଇ ଗଟେକ୍ ପଅ ରଇଲା । ତାର ବାବାର ଗରେ ରଇବା ସବୁ ଦାଇଡ୍ ସେ ସଡ୍ ବାବେ କଲା । ଆମେ ଜଦି ମୁର୍‌ଚିରଇକରି ଆସା କଲାଟା ମିଲାଇବୁ ବଲି ଜାଗିରଇଲେ, ତାର କୁଟୁମେ ମିସୁ ।

#### ଇସପରର୍ ଲକ୍‌ମନ୍ ପୁଣ୍ଡିବାଟା

<sup>୭</sup> ସୁକଲ୍ ଆଡ୍‌ମା ଜେନ୍ତାର କଇଲାନି,

“ଆଜି ଜଦି ତମେ ପର୍‌ମେସରର୍ କାତା ସୁନ୍‌ସା,

୮ ଜେନ୍ତାର, ମରୁବାଲି ବୁର୍‌ସ୍ ତମର୍ ଆନିଦାଦିମନ୍ ମାପରୁକେ ପରିକା କଲାଇ



ଆରି ତାର ବିରଦେ ଚିଆ ଅଇଲାଇ,  
ସେ ରକାମ୍ ତମେ ନିଜର୍ ମନ୍ ଆଁର୍ କରାନାଇ ।”

୯ କାଇକେବଇଲେ ସେ ଜେଡ଼କି କରିରଇବା କାବାଅଇଜିବା କାମ୍ମନ୍ ଚାଲିସ୍ ବରସ୍ତାକ ଦେକ୍ଲେ ମିସା, ସେମନ୍ ତାର୍ ବପୁକେ ପରିକା କରିଲାଗିରଇଲା ।

୧୦ ସେଟାର୍ପାଇ ପର୍ମେସର୍ ସେ ଲକ୍ମନ୍ କେ ରିସାଅଇଲା, ଆରି କଇଲା, ସେମନ୍ ବେଗ୍ଲିକରି ବିନ୍ ବିସଇମନ୍ କରିଲାଗିଆଡ଼ । ମୁଇ ତିଆରଲାଟା କରବାକେ ନିଚ୍ଲାଇନି ।

୧୧ ସେଟାର୍ ପାଇ ମୁଇ ରିସାଅଇ ସପଡ଼କରି କଇଲି, ମୁଇ ଜନ୍ଦେସେ ପୁଣ୍ଡବାକେ ଦେଇତି, ସେ ଦେସେ କେବେ ମିସା ତମ୍ମକେ ପୁରବାକେ ନ ଦେଇ ।

୧୨ ତେବର୍ ପାଇ ଏ ମର୍ ବିସ୍ବାସି ବାଇବଇନିମନ୍, ଜାଗରତାଅଇ ରୁଆ, ଜେନ୍ତାରିକି ତମର୍ ବିଡ଼ରେଅନି କେ ମିସା କାରାପ୍ ମନ୍ ରଇକରି ପର୍ମେସର୍ କେ ବିସ୍ବାସ୍ ନ କରା, ଆରି କେ ମିସା ଜିବନ୍ ରଇବା ପର୍ମେସର୍ ଟାନେଅନି ବେଗ୍ଲି ନ ଜା । ୧୩ ତମର୍ ବିଡ଼ରେ କେ ମିସା ପାପରଲାଗି ନାଡ଼ାଇ ଅଇବାର୍ ନାଇ । ସେଟାର୍ଲାଗି ତମର୍ ମନ୍ ଆଁର୍ ଅଇଜାଇସି । ଆମର୍ ଜିଇବାକାଇବା ଦିନ୍ ସାର୍ବାଜାକ ଆମେ ଗଟେକ୍ ଲକ୍ ଆରି ଗଟେକ୍ ଲକ୍ କେ ଏ ବିସଇ ଜାଗରଡ଼ କରାଇବାର୍ ଆଡେ । ୧୪ କାଇକେବଇଲେ ଆମେ ଜଦି ସାରାସାରି ଦିନ୍ ଜାକ ଆମର୍ ବିସ୍ବାସ୍ ଡାଁର୍ ସଙ୍ଗ୍ ଦାରିରଇବୁ, ସେନ୍ତାର୍ଆଲେ ଆମେ ସବୁଲକ୍ କିରିସ୍ଟର୍ ସଙ୍ଗ୍ ବାଗ୍ ନେଇ ମିସିକରି ରଇବୁ ।

୧୫ ଦରମ୍ସାସ୍ତରେ ଏନ୍ତାରି ଲେକା ଅଇଲାଆଡେ

“ଜଦି ତମେ ଆଜି ପର୍ମେସର୍ ବାକିଅ ସୁନ୍ସା,  
ତମର୍ ଆନିଦାଦିମନ୍ ଜେନ୍ତି ତାକର୍ ମନ୍ ଆଁର୍କରି ତାକେ ବିରଦ୍ କଲାଇ,  
ସେନ୍ତାରି ତମର୍ ମନ୍ ଆଁର୍ କରାନାଇ ।”

୧୬ ପର୍ମେସର୍ ବାକିଅ ସୁନିକରି ମିସା ଜେଡ଼କି ଲକ୍ ତାକେ ବିରଦ୍ କଲାଇ, ସେ ଲକ୍ମନ୍ କେ ? ଜନ୍ ଲକ୍ମନ୍ କେ ମିସା ମିସର୍ଦେସେଅନି ବାରକରାଇ ଆନିରଇଲା ସେମନ୍ ନ ଅଅଡ଼ କି ? ୧୭ ଚାଲିସ୍ ବରସ୍ ଜାକ ପର୍ମେସର୍ କନ୍ ଲକ୍ମନ୍ କେ ରିସା ଅଇରଇଲା, ସେମନ୍ କେ ? ଜନ୍ ଲକ୍ମନ୍ କି ପାପ୍ କରିରଇଲା ଆରି ମରୁବାଲି ବୁର୍ସ୍ ମରିଜାଇରଇଲା, ସେମନ୍ ନଅଡ଼ କି ? ୧୮ ପର୍ମେସର୍ ଜେବେ ସପଡ଼କରି କଇରଇଲା ଜେ, ସେମନ୍ ତାର୍ ପୁଣ୍ଡବାଦେସେ କେବେମିସା ପୁରି ନାପାରଡ଼, ସେବେଲେ ସେ କନ୍ ଲକ୍ମନ୍ କେ କଇରଇଲା ? ଜନ୍ ଲକ୍ମନ୍ ତାର୍ କାତା ନିଚ୍ଡେ ରଇଲା ସେମନ୍ କେସେ । ୧୯ ଆମେ ଏନ୍ତାରି ଜାନ୍ତୁ ଜେ, ସେମନ୍ ବିସ୍ବାସ୍ କରଡ଼ ନାଇଜେ ପର୍ମେସର୍ ତିଆର୍ କରିରଇବା ପୁଣ୍ଡବା ଜାଗାଇ ସେମନ୍ ପୁରି ନାପାରଲାଇ ।

୪

୧ ପର୍ମେସର୍ ଆମ୍ମକେ କାତା ଦେଇରଇଲାଜେ, ସେ ଆମର୍ପାଇ ଗଟେକ୍ ପୁଣ୍ଡବା ଜାଗା ତିଆର୍ କଲାଆଡେ । ତେବର୍ ପାଇ ଆମେ ଜାଗରଡ଼ ରଇବାକେ ପଡ଼ସି । ଜେନ୍ତିକି ଆମର୍ ବିଡ଼ରେ ସେନ୍ତାରି କେ ନ ରଅଡ଼, ଜେ କି ସେ ଜାଗାଇ ପୁରିନାପାରଡ଼ । ୨ କାଇକେବଇଲେ ଆମର୍ ଆନିଦାଦିମନ୍ ପାରା ଆମେ ମିସା ସୁବକବର୍ ସୁନିଆରୁ । ମାତର୍ ସେମନ୍ ସେଟା ସୁନିକରି ମିସା ମାନଡ଼ ନାଇ, କାଇକେବଇଲେ ସେଟା ସେମନ୍ ବିସ୍ବାସ୍ କରଡ଼ ନାଇ । ୩ ଆମେ ଜେଡ଼କି ଲକ୍ ବିସ୍ବାସ୍ କରୁ, ଆମେସେ ସେ ପୁଣ୍ଡବା ଜାଗାଇ ପୁରୁ । କାଇକେବଇଲେ ତାକର୍ ବିସଇନେଇ ପର୍ମେସର୍ କଇଲାଆଡେ,

“ମର୍ ରିସାଇ ମୁଇ ସପଡ଼ କରିଆଡି ।

ମୁଇ ତିଆର୍ କରିରଇବା ପୁଣ୍ଡବା ଜାଗାଇ ସେମନ୍ କେ ନ ପୁରାଇ ।”

ଜଗଡ଼ ତିଆର୍ ଅଇଲା ବେଲେଅନି ସେ ପୁଣ୍ଡବା ଗର୍ ତିଆର୍ ଅଇରଇଲା । ଏଲେ ମିସା ପର୍ମେସର୍ ସେନ୍ତାରି କଇରଇଲା । ୪ କାଇକେବଇଲେ ଆଟର୍ ସାରାସାରି ଦିନ୍ ବିସଇ ସାସ୍ତରେ ଏନ୍ତାରି ଲେକାଅଇଲାଆଡେ, “ପର୍ମେସର୍ ସବୁଜାକ କାମ୍ସାରାଇ କରି ଆଟର୍ ସାରାସାରି ଦିନେ, ଅଲପ୍ ପୁଣ୍ଡଲା ।” ୫ ଆରି ଏ ବିସଇ ବିନ୍ଟାନେ ଲେକାଅଇଲାଆଡେ । “ସେମନ୍ ମର୍ ପୁଣ୍ଡବା ଜାଗାଇ କେବେ ମିସା ପୁରିନାପାରଡ଼ ।” ୬ ପର୍ତମେ ଜେଡ଼କିଲକ୍ ସୁବକବର୍ ସୁନିରଇଲା, ନିଜେ ବିସ୍ବାସ୍ କରଡ଼ ନାଇ ଆରି ସେମନ୍ ସେ ପୁଣ୍ଡବା ଜାଗା ପାଅଡ଼ ନାଇ । ତାର୍ପଡେ ପର୍ମେସର୍ ବିନ୍ ଲକ୍ମନ୍ ପୁରବାକେ ଆଦେସ୍ ଦେଲା । ୭ ଲକ୍ମନ୍ ତେଇ ପୁରବାକେ ପର୍ମେସର୍ ଆରି ଗଟେକ୍ ବେଲା ବାଟଲା । ସେ ବେଲା ଅଇଲାନି ଆଜି । ବେସି ବରସ୍ ପଡେ ପର୍ମେସର୍ ମୁଇ କଇଲା ବିସଇ ଦାଉଦର୍ ସାସ୍ତରେ ଲେକାଅଇରଇଲା, “ଆଜି ଜଦି ପର୍ମେସର୍ ସବଦ୍ ସୁନ୍ଲେ

ତମର୍ ମନ୍ ଆଁର୍ କରା ନାଇ ।”

୮ ଆମେ ଏ ବିସଇ ମିସା ଜାନିଆରୁ ଜେ, ପର୍ମେସର୍ ଜନ୍ ବିସ୍ବାମ୍ ଜାଗାର୍ ପାଇ ସପଡ଼ କରିରଇଲା, ସେ ଜାଗା ଜିଅସୁଆ ଆମର୍ ଆନିଦାଦିମନ୍ କେ ତାକି ନେଇ ରଇବା ଜାଗା ନର୍ସ । ଜଦି ସେ ଜାଗା ସେଟା ଅଇରଇତା, ତେବେ ପର୍ମେସର୍ ଆରି ଗଟେକ୍ ପୁଣ୍ଡବା ଦିନ୍ କାତା ନ କଇତା । ୯ ସେଟାର୍ପାଇ ଏଟା ସଡ଼ ଆକା । ଆଟର୍ ସାରାସାରି

ଦିନେ ପର୍ଯ୍ୟନ୍ତ ପୁଣ୍ୟଲୀପାୟା ତାକର୍ ଲକ୍ମନର୍ ପାଇ ଗଟେକ୍ ପୁଣ୍ୟବା ବେଲା ସଙ୍ଗୁଆତେ ।<sup>୧୦</sup> କାଇକେବଇଲେ ପର୍ଯ୍ୟନ୍ତ ସପତ୍ କରରଇବା ବିସ୍ତରାମେ ଜେଡକିଲକ୍ ପୁରବାଇ, ସେ ବିସ୍ତରାମ୍ କଲାପାରା, ତାକର୍ କାମେଅନି ବିସ୍ତରାମ୍ କରବାଇ ।<sup>୧୧</sup> ସେଟାରପାଇ ଆମେ ସବୁଲକ୍ ମନ୍ ଦିଆନ୍ ଦେଇକରି, ସେ ବିସ୍ତରାମ୍ ଜାଗାଇ ପୁରବାକେ ଚେଷ୍ଟା କରୁ । ଆମର୍ ଆନିଦାଦିମନର୍ପାରା ନ ଅଇବାକେ ଆମେ ଜାଗରଡ଼ ରଉଁ । ପର୍ଯ୍ୟନ୍ତ କଇଲାଟା ବିସ୍ତରାସ୍ ନ କଲାପାଇ, ସେମନ୍ ସେଜାଗାଇ ପୁରି ନାପାରୁଲାଇ ।

<sup>୧୨</sup> ପର୍ଯ୍ୟନ୍ତ ବାକିଅ ଜିବନ୍‌ରଇବାଟା ଆରି ବେସି ବପୁରଇ ଦୁଇବାଟେ ଦାରରଇବା ଗଟେକ୍ ଲାଗନ୍ କାଣ୍ଡା ପାରା । ସେଟା ଆଡର୍ ଗଟି ଆରି ଆଡ଼ ବିଡରେ ରଇବାଟା କାନ୍ଦି । ଗଟେକ୍ ଲକ୍ମନ୍ ମନ୍ ବିଡରେ ରଇବା ସବୁ ବିସଇ ବିଚାର୍ କରପାରୁସି । ମନ୍ ବିଡରେ ଲୁଚିରଇବା ସବୁ ବିସଇ ମିସା ।<sup>୧୩</sup> ପର୍ଯ୍ୟନ୍ତଟାନେ କାଇ ବିସଇ ମିସା ଲୁଚିକରି ନ ରଏ । ତାର୍ ଆକିଟାନେ ସବୁ ବିସଇ ଉଗାଡି ଅଇରଇଲାପାରା ଆତେ । କାଇକେବଇଲେ ସେ ସବୁ ବିସଇ, ଗଟେକ୍ ନ ଚାଡିକରି, ସବୁ ଜାନେ । ଆରି ତାର୍ ଲଗେ ଆମେ ଆମର୍ ନିଜର୍ ବିସଇର୍ ଇସାବ୍ ଦେବାର୍ ଆତେ ।

**ଜିସୁଆକା ବଡ଼ ମୁକିଅ ପୁଜାରି**

<sup>୧୪</sup> ଜିସୁ ପର୍ଯ୍ୟନ୍ତ ପଥ ଅଇଲାକେ, ସେ ଆମର୍ ମନେ ଜନ୍ ବଡ଼ ପୁଜାରି ବଲି ବିସ୍ତରାସ୍ କରି ଦାରିକରି ଆରୁ, ସେଟା ତାର୍ କରୁ ।<sup>୧୫</sup> ସେ ଆମର୍ ବାଦୁଲେ ବଡ଼ ପୁଜାରିଅଇ ପର୍ଯ୍ୟନ୍ତ ମୁଆଟେ ଗାଲାଆତେ । ଆରି ଜେଡକି ରକାମ୍ ପରିକା, ଜେଡେକ୍ କସ୍ଟ ଆମେ ପାଇଲୁନି, ସେଟା ଆମର୍ ବଡ଼ ପୁଜାରି ସବୁବେଲେ ଆମର୍ ସଙ୍ଗ୍ ମିସିକରି କଲାମି । କାଇକେବଇଲେ ଜେଡକି ସବୁ ଆମେ କଲୁନି, ସେଟା ସବୁଜାକ ସେ ମିସା କଲା । ମାତର୍ ସେ କେଡେବେଲେ ମିସା ପାପ୍ କରେ ନାଇ ।<sup>୧୬</sup> ଡେବର୍ପାଇ ତମେ ସାଆସ୍ ସଙ୍ଗ୍ ପର୍ଯ୍ୟନ୍ତ ଟାନେ ଜାଇଅଇସି, ଜଦି ଆମେ ମାଙ୍ଗ୍ଲେ ସେ ଜିବନ୍ ଦୁକାଇ ଆମ୍‌କେ ଦୟା କରସି ଆରି ସାଇଜ ଦରକାର୍ ରଇବାବେଲେ, ଆମ୍‌କେ ସାଇଜ କରସି ।



<sup>୧୭</sup> ଜିଉଦିମନର୍ ଜେଡକି ବଡ଼ ପୁଜାରିମନ୍ ତାକର୍ ନିଜର୍ ଲକ୍ମନର୍ତେଇଅନି ବାଟାଇଅଇବାଇ । ତାକର୍ବାଟେଅନି ପାପ୍ କେମା କରବା ବଲି ଆରି ସର୍ପିଦେବା ବଲି, ଦେଇକରି ପର୍ଯ୍ୟନ୍ତକେ ସେବା କରବାଇ ।<sup>୧୮</sup> ଜେଡେବେଲେ ତାର୍ ସଙ୍ଗାରିମନ୍ ନାଜାନିକରି ରଇବାଇ, ଆରି ବୁଲ୍ କାମ୍ କରରଇବାଇ, ସେ ସେମନର୍ ସଙ୍ଗ୍ ଦୟାଦରମ୍ ଦେକାଇକରି ରଇପାରୁସି । କାଇକେବଇଲେ ତାର୍ ଜିବନେ ମିସା ବେସି ବୁଲ୍ ରଇସି ।<sup>୧୯</sup> ଆରି ତାକେ ମିସା ବେସି ବୁଲ୍ ରଇଲାକେ ସେ ଅବକା ବିନ୍ ଲକ୍ମନ୍ ପାପର୍ ପାଇ ବଲି ଦେଲେ ନଏଁ, ମାତର୍ ନିଜର୍ ପାପର୍ଲାଗି ମିସା ବଲି ସର୍ପିଦେବାକେ ପଡ଼ସି ।<sup>୨୦</sup> କେ ମିସା ନିଜେ ବାଟିଅଇକରି ବଡ଼ପୁଜାରିର୍ ବେସି ସନ୍‌ମାନ୍ ପାଇବା ପଦ୍ ପାଇ ନାପାରେ । ମାତର୍ ଗଟେକ୍ ଲକ୍ମନ୍ ପର୍ଯ୍ୟନ୍ତ ତାକ୍‌ଲା ଇସାବେସେ ବଡ଼ ପୁଜାରିର୍ ପଦ୍ ପାଇଅଇସି । ଜେଡାରି କି କେଡେ କେଡେ ବରସ୍ ପୁରବେ ଆରଣ୍‌କେ ବାଟିରଇଲା ।

<sup>୨୧</sup> ସେଡାରିସେ କିରିସ୍ଟ ବଡ଼ ପୁଜାରିର୍ ସନ୍‌ମାନ୍ ପାଇବାକେ ନିଜ୍‌କେ ବଡ଼ କରେ ନାଇ । ମାତର୍ ପର୍ଯ୍ୟନ୍ତସେ ତାକେ ବାଟୁଲା । ତାର୍ ବାଦୁଲେ ସେ ତାକେ କଇଲା,  
“ତୁଇ ମର୍ ପଥ,

ଆଜି ମୁଇ ତର୍ ବାବା ଅଇଲିଆଟି ।”

<sup>୨୨</sup> ଆରି ଗଟେକ୍ ଜାଗାଇ ମିସା ସେ କଇଲା,  
“ତୁଇ ପୁଜାରି ପଦ୍ ପାଇକରି

ମଲ୍‌କିସେଦକର୍ କୁରୁମ୍ ପାରା  
କାଲ୍ କାଲ୍ ଜୁଗ୍ ଜୁଗ୍ ପୁଜାରି ଅଇ ରଇସୁ ।”

<sup>୨୩</sup> ଜିସୁ ଏ ଜଗତେ ରଇଲାବେଲେ, ସେ ଆକ୍‌ମାରି କାନ୍ଦିକରି ଆରି ଆଁସୁ ଜରାଇକରି କାନ୍ଦି ପର୍ଯ୍ୟନ୍ତକେ ପାର୍ତନା କରଲାଗିରଇଲା । ମରନେଅନି ତାକେ ରକିଆ କରବାକେ ପର୍ଯ୍ୟନ୍ତକେ ବପୁଆତେ ବଲି ସେ ଜାନିକରି ଏଡାରି କଲା । ସେ ନିଜେ ଦୟାଦରମ୍ ଦେକାଇଲାକେ ଆରି ପର୍ଯ୍ୟନ୍ତକେ କାତା ମାନଲାକେ, ପର୍ଯ୍ୟନ୍ତ ତାର୍ ପାର୍ତନା ସୁନ୍‌ଲା ।<sup>୨୪</sup> ଜିସୁ ପର୍ଯ୍ୟନ୍ତକେ ପଥ ଅଇରଇଲେ ମିସା, ସେ ଦୁକ୍ କସ୍ଟ ପାଇରଇଲାର୍ ଲାଗି, ତାର୍ କାତା ମାନ୍‌ବାକେ ସିକ୍‌ଲା ।<sup>୨୫</sup> ସେ ପର୍ଯ୍ୟନ୍ତକେ କାତା ମାନ୍‌ଲାକେ ପୁରାପୁରୁନ୍ ସିଦ୍ ଅଇଲା । ତାକେ ବିସ୍ତରାସ୍ କରବା ଲକ୍ମନକେ କେବେ ନ ସାରବା ମୁକ୍ତି ଦେବା ଲକ୍ ଅଇଲା ।<sup>୨୬</sup> ସେଟାର୍ ପାଇ ତାକେ ପର୍ଯ୍ୟନ୍ତ ମଲ୍‌କିସେଦକ୍ ପୁଜାରିର୍ ପାରା ବଡ଼ ପୁଜାରି କରି ବାଟୁଲା ।

**ବିସ୍ତରାସ୍ ନ ଆଜାଇବାକେ ଜାଗରଡ଼**

<sup>୨୭</sup> ଏ ବିସଇ ଆରି ଅଦିକ୍ ତମ୍‌କେ ଜାନାଇବି ବଲି ମୁଇ ମନ୍ କଲିନି । ମାତର୍ ତମେ ଦାପ୍‌ରେ ବୁଜି ନାପାରାସ୍‌କେ ବୁଜାଇବାକେ କସ୍ଟ ଆତେ ।<sup>୨୮</sup> ତମେ ବିସ୍ତରାସ୍ କରି ବେସିଦିନ୍ ଅଇଗାଲା ଆତେ ।

☆ ୫:୨ ୫:୭ ମାଡିଉ ୨୨:୩୭-୪୭; ମାର୍‌କ ୧୪:୩୨-୪୨; ଲୁକ୍ ୨୨:୩୯-୪୭ ☆ ୫:୧୨ ୫:୧୨ ୧ମ କରନ୍ତ୍ରୟ ୩:୨

ଆରି ଏବେ ତମେ ତମର ସଙ୍ଗାରିମନକେ ସିକାଇବାର ରଇଲା । ମାତର ପର୍ଯ୍ୟେସରର ପରତୁମ୍ ସିକିଆ ତମ୍‌କେ ଏବେ ସିକାଇବାକେ ଲକର ଲତାଆତେ । ତମେ ଗଟେକ୍ ଦୁଦ୍ କାଇବା ପିଲାପାଠା ଆତାସ୍ । କାଇକେବଇଲେ ଆଁଟା ମନ୍ କାତ୍‌ରି ନାପାରାସ୍ । ୧୩ ଜେ ଦୁଦ୍ କାଇବାର୍ ଆତେ, ସେ ଏବେ ମିସା ପିଲାସେ । ସେନ୍ତାରି ଲକ୍‌ମନ୍ ଟିକ୍ ଆରି ବୁଲ୍ ଚଲାଚଲ୍‌ତି କରବାଟା ଚିନି ନାପାରୁଲାଇନି । ୧୪ ଚାବି ଚାବି କାଇବା କାଦି ବଡ୍ ଲକ୍‌ମନରପାଇ । ସେମନ୍ ନିକ ଆରି କାରାପ୍ ଚିନ୍‌ବାକେ, ନିଜକେ ଅବିଆସ୍ କରାଇ ଆଚଡ୍ ।



୧୨ ତେବରପାଇ କିରିସଟର୍ ମୁଲେଅନି ସିକିରଇବା ବିସଇ ତରକେ ତର ନ ସିକିକରି ତାର ଟିକିନିକି ବିସଇ ସିକୁ । ଜେନ୍ତିକି ଆମର ବିସ୍‌ବାସ୍ ମିସା ଡା଼ ଅଇସି । ତୁରାଇ କାମ୍‌ମନ୍ ଚାଡିକରି ପର୍ଯ୍ୟେସରଟାନେ ବାଉଡ୍‌ବା ଜନଟା କି ଆମର ବିସ୍‌ବାସ୍ ମୁଲ୍ ପାକ୍‌ନା ରଇଲା, ତେଇ ଆରିତରେକ୍ ସେଟାସେ କରୁବାର୍ ନାଇ । ୧୩ ତୁବନ୍ ବିସଇର୍ ସିକିଆ ଦେବାଟା, ଆଡ୍ ସଙ୍ଗାଇକରି ପାର୍‌ତନା କରବାଟା, ମଲା ଲକ୍‌ମନ୍ ଆରିତରେକ୍ ବର୍‌ବାଟା ଆରି ଲକ୍‌ମନ୍‌କେ ସବୁଦିନରପାଇ ରଇବା ପର୍ଯ୍ୟେସରର ନ ସାରୁବା ବିଚାରନା । ୧୪ ଏବେ ଆମେ ଆଗ୍‌କେ ଜିବାକେ ପଡ୍‌ସି । ମାପୁରୁକେ ଆସାକରି ଆଗର୍ ବିସଇ ସିକୁ ।

୧୫ କାଇକେବଇଲେ ଜେଡ୍‌କି ଲକ୍ ତାକର ବିସ୍‌ବାସ୍ ଚାଡିଆଚଡ୍, ସେମନର୍ ମନ୍ ପର୍ଯ୍ୟେସରର ଉଜଲ୍‌ସଙ୍ଗ୍ ଉଗାଡି ଅଇ ଆତେ । ସେ ଦେଇ ରଇବା ସୁଆଦ୍ ସେମନ୍ ଚାକିଆଚଡ୍ । ଆରି ସୁକଲ୍‌ଆଡ୍‌ମା ପାଇଆଚଡ୍ । ୧୬ ପର୍ଯ୍ୟେସରର ବାକିଅ କେତେକ୍ ନିକ ବଲି ସେମନ୍ ଜାନିଆଚଡ୍ । ଆଇବା ଜୁଗେ ତାର ଜନ୍ ବପୁ ସବୁକେ ଦେକାଇ ଅଇସି, ସେଟା ସେମନ୍ ଜାନିଆଚଡ୍ । ୧୭ ଏଟା ସବୁ ଅଇଲା ପତେ ସେମନ୍ ତାକର ବିସ୍‌ବାସ୍ ଆରାଇ ଆଚଡ୍ । ସେଟାପାଇ ସେମନ୍‌କେ ଆରିତରେକ୍ ମନ୍ ବାଉଡାଇବାକେ ସଅଜ୍ ନାଇ । କାଇକେବଇଲେ ସେମନ୍ ପର୍ଯ୍ୟେସରର ପଅକେ ଆରିତରେକ୍ କୁରସେ ମରାଇକରି ଗୁଲାଇ ଲକର ମୁଆଟେ ଇଜଡ୍ ଜିକ୍‌ଲାଇନି ।

୧୮ ବରସା ପାନି ଜମିଟାନେ ମାରୁଲେ ସେ ପାନି ଜମି ଜିକିନେଇସି । ସେନ୍ତାରି ଜମିକେ ପର୍ଯ୍ୟେସର ଆସିରୁବାଦ୍ କରସି । ସେନ୍ତାରି ଜମିଟାନେ ଲକ୍‌ମନ୍‌କେ ଦରକାର୍ ଅଇବା ଚାସ୍ କରୁଅଇସି । ୧୯ ମାତର ସେ ଜମିଟାନେ ଜଦି କାଟା ଗର୍ ଅଇସି, ଆରି ଲାଟାବୁଟା ଗାଜା ଅଇସି, ତେବେ ସେଟା କାଇ ଲତାକେ ନ ଲାଗେ । ଆରି ସେଟାକେ ପର୍ଯ୍ୟେସର ଡଣ୍ଡ ଦେଇସି ଆରି ସେଟାମନ୍‌କେ ଜଇଟାନେ ପଡାଇଦେଇସି ।

୨୦ ଏ ଆଲାଦର୍ ମଇତରମନ୍, ମୁଇ ଏନ୍ତାରି କଇତେରଇଲେ ମିସା ତମେ ସେନ୍ତାରି ନୁଆସ୍ ବଲି ମୁଇ ଜାନି । ତମେ ଆଗତୁଅନି ବିସ୍‌ବାସ୍ କଲାସ୍‌ନି ଆରି ତମର ଚଲାଚଲ୍‌ତି ନିକ ଆତେ । ଏ ସବୁ ତମେ ମୁକ୍ତି ପାଇରଇବା ଗଟେକ୍ ଚିନ୍ । ୨୧ କାଇକେବଇଲେ, ପର୍ଯ୍ୟେସର ଅନିଆଇ ନ କରେ । ତମେ କିରିରଇବା ନିକ କାମ୍ ସେ ନ ପାସ୍‌ରେ । ତାରପାଇ ରଇବା ତମର ଆଲାଦ୍ ମିସା । ସେ ଆଲାଦ୍ ତମର ବିସ୍‌ବାସି ବାଇବଇନିକେ ସାଇଜ କଲାଟ୍ ପାଇ ତମେ ଦେକାଇ ଆତାସ୍ । ୨୨ ମୁଇ ଜନଟା ମନ୍ କଲିନି, ସେଟା ଅଇଲାନି ସାରାସାରି ଜାକ ପର୍ଯ୍ୟେସର ଜନ୍ କାତା ଦେଇଆତେ, ସେଟା ପୁରାପୁରୁନ୍ ଅଇବାଜାକ ତମର ଆସା ନ ଚାଡା । ୨୩ ସେନ୍ତାରି କଲେ ଅଲସ୍ ନଅଇ ବିସ୍‌ବାସ୍ ଆରି ମୁର୍ଚି ରଇବା ଲକ୍ ଅଇସା । ସେନ୍ତାରି ଲକ୍ ପର୍ଯ୍ୟେସର ଜନଟା ଦେବାକେ କାତା ଦେଇଆତେ, ସେମନ୍ ସେଟା ପାଇବାଇ ।

**ପର୍ଯ୍ୟେସରର ସପଡ୍ ସଡ୍ ଅଇସି**

୨୪ ପର୍ଯ୍ୟେସର ଅବ୍ରାଆମ୍‌କେ କାତା ଦେଇରଇଲା ବେଲେ, ସେ ପୁରାପୁରୁନ୍ କରୁବି ବଲି ସପଡ୍ କିରିରଇଲା । ତାରଟାନେ ଅନି ଆରି କେ ମିସା ବଡ୍ ନ ରଇଲାକେ ନିଜର୍ ନାଉଁ ଦାରି ସପଡ୍ କଲା । ୨୫ ସେ ଅବ୍ରାଆମ୍‌କେ କଇଲା, “ମୁଇ ତମ୍‌କେ ବାଇଦରେ ଆସିରୁବାଦ୍ କରୁବି । ଆରି ତର୍ କୁଟୁମ୍ ଜବର୍ କରୁବି ।” ୨୬ ଅବ୍ରାଆମ୍ ତାର କାତା ଦାରି ଜାଗିରଇଲାକେ, ପର୍ଯ୍ୟେସର ସପଡ୍ କଲାଟା ସେ ମିଲାଇଲା । ୨୭ ଜେତେବେଲେ ଲକ୍‌ମନ୍ ପର୍ଯ୍ୟେସର ସଇଡ୍ କରୁବାଇ, ସେମନ୍ ବଡ୍‌ଲକ୍‌ମନର୍ ନାଉଁ ଦାରି ପର୍ଯ୍ୟେସର ସଇଡ୍ କରୁବାଇ । ସେନ୍ତାରି କଲେ ସେ ସପଡ୍ ଲାଗିରଇବା ସବୁ ଦଦାପେଲାକେ ଚିଡାଇସି । ୨୮ ଜନ୍‌ଲକ୍‌ମନ୍ ସେ କାତା ଦେଇରଇବାଟା ମିଲାଇବାଇ, ସେମନ୍ ଏ ସବୁ ବିସଇ ଜାନଡ୍ ବଲି ସେ ମନ୍ କିରିରଇଲା । ତାର ମନ୍ କେବେ ନ ବାଦ୍‌ଲେ ବଲି ସବୁ ଲକ୍ ଜାନିରଅଡ୍ । ସେଟାପାଇ ସେ ତାର କାତାଦେଇ ରଇବାଟାନେ ତାର ସପଡ୍ ମିସା ମିସାଇଲା । ପର୍ଯ୍ୟେସର ଦେଇରଇବା କାତା ଆରି ତାର ସପଡ୍ ସଡ୍‌ସେ । ୨୯ ଏ ଦୁଇଟା ବିସଇ କେବେ ନ ବାଦ୍‌ଲେ । କାଇକେବଇଲେ ପର୍ଯ୍ୟେସର ମିଟ୍ ନ କଏ । ତେବରପାଇ ଆମେ ମୁକ୍ତି ପାଇରଇବା ଲକ୍‌ମନ୍, ଆମର ମନେ ବେସି ସାଆସ୍ ଦାରିଆତୁ । ଆରି ତାରଟାନେ ରଇବା ଆମର ଆସା ଡା଼ ଆତେ ।

୩୦ ଏ ଆସା ଆମର ବିସ୍‌ବାସ୍ ଡା଼ କରାଇସି । କାଇକେବଇଲେ ସେଟା ପୁରାପୁରୁନ୍ ଅଇସିଆକା । ଅମର ଆସାର ଲାଗି ଆମେ ପର୍ଯ୍ୟେସରର ଜାଗାଇ ପୁରିଆତୁ । ଏଟା ଜେନ୍ତାରି ବଡ୍ ପୁଜାରି ମନ୍ଦିରର ଅଦିକ୍ ସୁକଲ୍ ଜାଗାଇ ପୁରସି । ଜନ୍ ଜାଗା କି ପାରଦା ବିଡ୍‌ରେ ଲୁଚିରଇସି । ୩୧ ସେ ଜାଗାଇସେ ଆମର ଜିସୁ ଆଗତୁ ଜାଇଆତେ । ଆରି ସବୁଦିନରପାଇ ମଲ୍‌କିସେଦକର୍ ପୁଜାରି ପଦ୍ ପାରା ସେ ବଡ୍ ପୁଜାରି ଅଇଲାଆତେ ।



**ମଲ୍ଲକିସେଦକ୍ ପୁଜାରି ଅଇବାଟା**

<sup>୧୮</sup> ଏ ମଲ୍ଲକିସେଦକ୍ ସାଲେମ୍ ରାଇଜର୍ ରାଜା ରଇଲା । ସେ ସବୁରଟାନେଅନି ଉପରେ ରଇବା ପରମେସରର୍ ପୁଜାରି ରଇଲା । ଚାରଟା ରାଜାମନ୍ଦକେ ଜୁଇଦେ ଆରାଇକରି ବାଉଡ଼ଲାବେଲେ ମଲ୍ଲକିସେଦକ୍ ଅବ୍ରାଆମ୍‌କେ ବେଟ୍ ଅଇବାର ଗାଲା ଆରି ତାକେ ଆସିର୍ବାଦ୍ କଲା । ସେଡ଼କିବେଲେ ଜୁଇଦେ ଜିଡକରି ତେଇର୍ ଜେଡକି କାଇକାଇଟା ନେଇକରି, ନିଜର୍ଟା କରିରଇଲା, ତେଇଅନି ଦସ୍‌ବାଗେ ଅନି ଗଟେକ୍‌ବାଗ୍ ଅବ୍ରାଆମ୍ ତାକେ ଦେଲା । <sup>୧୯</sup> ମଲ୍ଲକିସେଦକ୍ ନାଉର୍ ଅରଡ୍ ଅଇଲାନି, ଦରମ୍‌ସଙ୍ଗ୍ ରଇବା ରାଜା । ଆରି ସାନ୍ତ୍ରର୍ ରାଜା ମିସା । କାଇକେବଇଲେ ସାଲେମ୍ ନାଉର୍ ଅରଡ୍ ଅଇଲାନି ସାନ୍ତ୍ର । <sup>୨୦</sup> ମଲ୍ଲକିସେଦକ୍ ଆୟା ବାବା, ଆନିଦାଦିମନର୍ ବିସଇନେଇ କାଇଟା ଲେକା ଅଏନାଇ । ସେନ୍ତାରିସେ ତାର ଜନମ୍ ମରନ୍ ବିସଇ ମିସା କାଇଟା ନାଇ । ସେଟାର୍ ପାଇ ସେ ପରମେସରର୍ ପଥ ପାରା । ସେ ସବୁଦିନର୍ପାଇ ପୁଜାରି ଅଇରଇସି ।

<sup>୪</sup> ମଲ୍ଲକିସେଦକ୍ କେଡେବଡ଼ ଲକ୍ ରଇଲାବଲି ଆମେ ଏତାଇଦେକୁ । ପରତମେ ଆମେ ଜିଉଦିମନର୍ ତାକ୍‌ପୁଟା ପାଇରଇବା ଆନିଦାଦି ଅବ୍ରାଆମ୍ ମିସା ଜୁଇଦକରି ତେଇଅନି ମିଲାଇ ଆନିରଇବା କାଇକାଇଟା ଦସ୍ ବାଗେଅନି ଗଟେକ୍‌ବାଗ୍ ତାକେ ଦେଇରଇଲା । <sup>୫</sup> ମସାର୍ ନିୟମ୍ ଇସାବେ ଜିଉଦିମନ୍‌କେ ଏନ୍ତାରି ଗଟେକ୍ ନିୟମ୍ ଆତେ । ଲେବି ବ୍‌ସର୍ ଜେଡକି ନାତି ତିତିମନ୍ ପୁଜାରିଅଇବାଇ । ତାକର୍ ସଙ୍ଗେ ରଇବା ଜିଉଦିମନ୍ କାମାଇ ଆନ୍‌ବା ଚାସେଅନି ଦସ୍‌ବାଗେଅନି ଗଟେକ୍ ବାଗ୍ ନେବାଇ । ସେମନ୍ ସବୁ ଅବ୍ରାଆମର୍ ନାତିତିତି ଅଇରଇଲେ ମିସା ଏନ୍ତାରି କର୍ତେରଇଲାଇ । <sup>୬</sup> ମାତର୍ ମଲ୍ଲକିସେଦକ୍ ଲେବିର୍ ନାତିତିତି ନ ଅଇରଇଲେ ମିସା, ସେ ଅବ୍ରାମର୍ଟାନେଅନି ଦସ୍‌ବାଗେଅନି ବାଗେକ୍ ନେଇତେରଇଲା । ସେବେଲେ ମଲ୍ଲକିସେଦକ୍ ଅବ୍ରାଆମ୍‌କେ ଆସିର୍ବାଦ୍ କରି ରଇଲା । ଅବ୍ରାଆମ୍‌କେସେ ପରମେସରର୍ ସବୁକାତା ଦେଇରଇଲା । <sup>୭</sup> ଆମେସବୁ ଜାନିଆରୁ, ଜନ୍ ଲକ୍‌କେ ଆସିର୍ବାଦ୍ କର୍ବାକେ ଅଦିକାର୍ ଆତେ, ସେ ଆସିର୍ବାଦ୍ ପାଇବା ଲକ୍‌ଟାନେଅନି ବଡ଼ । <sup>୮</sup> ଲେବିର୍ ଜେଡକି ନାତିତିତିମନ୍, ଦସ୍‌ବାଗେ ଅନି ଗଟେକ୍ ବାଗ୍ ନେଇରଇଲାଇ, ସେମନ୍ ସବୁଲକ୍ ଜାକ ଗଟେକ୍ ଦିନ୍ ମର୍ବାଇ । ମାତର୍ ମଲ୍ଲକିସେଦକ୍ ମରନ୍ ବିସଇ ସାସତରେ କନ୍ତି ମିସା ଲେକା ଅଏନାଇ । ତାର୍ ବାଦୁଲେ ତେଇ ଲେକାଅଇଲା ଆତେ, ତାର୍ ପୁଜାରି ପଦ୍ ନ ବାଦ୍‌ଲିକରି ସବୁ ଦିନର୍ପାଇ ରଇସି । <sup>୯</sup> ଲେବିର୍ ଜେଡକି ସବୁ ନାତିତିତିମନ୍ ଦସ୍‌ବାଗେ ଅନି ଗଟେକ୍ ବାଗ୍ ନେଇତେ ରଇଲାଇ, ସେମନ୍ ଅବ୍ରାଆମର୍ ସଙ୍ଗେ ମିସିକରି ମଲ୍ଲକିସେଦକ୍‌କେ ଦସ୍‌ବାଗେଅନି ଗଟେକ୍ ବାଗ୍ ଦେଲାବଲି ଆମେ କଇଅଇସି । <sup>୧୦</sup> କାଇକେବଇଲେ ଜେଡେବଲ୍ ମଲ୍ଲକିସେଦକ୍ ଅବ୍ରାମ୍‌କେ ବେଟ୍ ଅଇଲା, ସେ ଲେବି ଜନମ୍ ନ ଅଇରଇଲା, ମାତର୍ ସେ ଅବ୍ରାଆମର୍ ଗାଗ୍‌ତେ ରଇଲା । କାଇକେବଇଲେ ଅବ୍ରାଆମ୍ ତାର୍ ଆନିଦାଦି ରଇଲା ।

<sup>୧୧</sup> ଲେବିର୍ ନାତିତିତି ପୁଜାରି ଇସାବେ ବାବ୍‌ଲାର୍‌ପାଇ ପରମେସର୍ ତାର୍ ନିୟମ୍ ଜିଉଦିମନ୍‌କେ ଦେଇରଇଲା । ମାତର୍ ଲେବି ବ୍‌ସର୍ ପୁଜାରିମନ୍ ଜଦି ସିଦ୍‌ଲକ୍ ଅଇରଇତାଇ ଆଲେ, ଆରି ଗଟେକ୍ ପୁଜାରି ଆଇବାକେ ଦର୍‌କାର୍ ନ ରଇଲା । ସେନ୍ତାର୍ ଏ ପୁଜାରି ଆରଣ୍ ଜେ କି ଲେବିର୍ ନାତିତିତି ରଇଲା, ତାର୍ ପୁଜାରିପଦ୍ ନ ଦାରି ମଲ୍ଲକିସେଦକ୍‌ର ପୁଜାରି ପଦ୍ ଦାରି ଆଇସି । <sup>୧୨</sup> ଜନ୍ ପୁଜାରି ଲକ୍‌ମନର୍ ବାଦୁଲେ ପରମେସରର୍ ମୁଆଟେ ଚିଆ ଅଇସି, ତାର୍ ପୁଜାରି ପଦ୍ ବାଦ୍‌ଲାଇଲେ ଜନ୍ ନିୟମ୍ ମାନିଆଇଲାଇନି, ସେଟାମିସା ବାଦ୍‌ଲ୍‌ବାର୍ ଆତେ । <sup>୧୩</sup> ଏ ସବୁ ବିସଇ ବାଦ୍‌ଲିଗାଲା ଆତେବଲି ଆମେ ଜାନୁ । କାଇକେବଇଲେ ଆମର୍ ମାପୁରୁ ଜିସୁ ଜାର୍ ବିସଇନେଇ ଏ ସବୁ କାତା କଇଲୁନି, ସେ ଲେବି ବ୍‌ସର୍ ନାତିତିତି ନ ରଇଲା । ଜିଉଦା ବ୍‌ସେଅନି ଏବେଜାକ କେ ପୁଜାରି ବାବେ ସେବା କରଡ଼ ନାଇ । <sup>୧୪</sup> ଜିଉଦା ତାର୍ ଆନିଦାଦି ରଇଲା । ମସା ଦେଇରଇବା କାତାଇ ମିସା ଜିଉଦାର୍ ନାତିତିତିମନ୍ ପୁଜାରି ଅଇବା ବିସଇ କାଇଟା କଏ ନାଇ ।

**ମଲ୍ଲକିସେଦକ୍ ପାରା ଆରିଗଟେକ୍ ପୁଜାରି**

<sup>୧୫</sup> ଇଡିଅନି ନିମାନ୍ ଜାନାପଡ଼ଲାନି ଜେ, ଆଗର୍ ରକାମ୍ ପୁଜାରି ଆରି ସେମନ୍ ମାନିଆଇତେରଇବା ନିୟମ୍ ଏବେ ବାଦ୍‌ଲାଇକରି ଗଟେକ୍ ନୁଆ ରକାମ୍ ପୁଜାରି ବାରଇଆତେ । ସେ ମଲ୍ଲକିସେଦକ୍ ପୁଜାରି ପଦ୍ ଦାରି ଆଇବାଟା । <sup>୧୬</sup> ଆରି ସେ ମୁନୁସ୍‌ମନର୍ ନିୟମ୍ ଆରି ରିଡିନିତି ଇସାବେ ପୁଜାରି କରେନାଇ, ମାତର୍ କେବେ ନ ସାର୍‌ବା ଗଟେକ୍ ବପୁର୍ ଜିବନ୍ ଲାଗି କଲାଆତେ । ମଲ୍ଲକିସେଦକ୍ ପାରା ଗଟେକ୍ ବିନ୍ ପୁଜାରି ବାରଇଲା । <sup>୧୭</sup> କାଇକେବଇଲେ ତାର୍ ବିସଇରେ ସାସତର୍ କଇଲାନି, “ମଲ୍ଲକିସେଦକ୍ ପୁଜାରି ପଦ୍‌ପାରା ତୁଇ ପୁଜାରି ଅଇ ଆରୁସ୍ ।” <sup>୧୮</sup> ପୁରନା ନିୟମ୍ ବାଦ୍‌ଲାଇଲା । କାଇକେବଇଲେ, ସେଟା ଲକ୍‌ମନ୍‌କେ ପରମେସରର୍ ଲଗେ ଆନ୍‌ବାକେ ବପୁ ନ ରଇଲା ଆରି ବେକାର୍ ରଇଲା । <sup>୧୯</sup> କାଇକେବଇଲେ ମସାର୍ ନିୟମ୍ କାଇଟା ମିସା ପୁରାପୁରୁନ୍ ସିଦ୍‌କରି ନାପାର୍‌ଲା । ମାତର୍ ଏବେ ଆମ୍‌କେ ଗଟେକ୍ ବପୁର୍ ଆସା ମିଲ୍‌ଲା ଆତେ । ଜାର୍‌ଲାଗି ଆମେ ପରମେସରର୍ ଲଗେ ଅଇବାକେ ଆସିପାର୍‌ଲୁନି ।

୨୦ ଆରି ଆମର ପାଇ ପରମେସର କାତାଦେଇ ରଇବାଟା ମିସା ଆଚେ । ବିନ୍ ଲକର ନାତିତିମନ୍ ପୁଜାରି ପଦେ ରଇଲାବେଲେ ସେ ଏନ୍ତି କାଇମିସା ସପଡ଼ କରି ନ ରଇଲା । ୨୧ ମାତର କିରିସଟ ପୁଜାରି ଅଇବାବେଲେ ପରମେସର ତାକେ ସପଡ଼ କରି କଇରଇଲା,

“ମାପରୁ ଗଟେକ୍ ସପଡ଼ କଲା ଆଚେ

ତୁଇ ସବୁଦିନରପାଇ ପୁଜାରି ଅଇରଇସୁ ।

କଇଲା ଏ କାତା କେବେ ନ ବାଦଲାଏ ।

ତମେ କାଲକାଲ୍ ଜୁଗ୍ ଜୁଗର୍ ପାଇ ପୁଜାରି ଅଇସା ।”

୨୨ କାଇକେବଇଲେ ପରମେସର ଜନ୍ ସପଡ଼ ତାକେ ଦେଇରଇଲା, ତାର ନୁଆ ରାଜିନାମା ପୁରାପୁରୁନ୍ ଅଇସିଆକା ବଲି ଜିସୁ ଡାଁଟ୍ ସଙ୍ଗ୍ କଇଲାନି ।

୨୩ ଜିସୁର୍ ପୁଜାରି ପଦ୍ ଆରି ଲେବି ବସର କେତେକ୍ କେତେକ୍ ପୁଜାରି ପଦ୍ ଦାରିରଇବା ବେସି ପୁଜାରିମନର୍ ବିଡ଼ରେ ଏନ୍ତାରି ବିନ୍ ରଇଲା । ସେମନ୍ ସବୁ ତାକର ପୁଜାରିପଦ୍ କରିଲାଗି ରଅଡ଼ ନାଇ । କାଇକେବଇଲେ ସେମନ୍ ସବୁଲକ୍ ମରିଗାଲାଇ ।

୨୪ ମାତର ଜିସୁ କେବେ ନ ମରେ । ଆରି ପୁଜାରି ଇସାବେ ରଇବା ତାର କାମ୍ ଆରି କାକେ ମିସା ଦିଆ ନ ଅଏ । ୨୫ ସେଟାର ପାଇ ଜନ୍ ଲକ୍ମନ୍ ତାକେ ବିସ୍ବାସ୍ କରି ଲଗେ ଆଇବାଇ, ସେମନ୍କେ ସବୁବେଲରପାଇ ରକିଆ କରିପାରସି । କାଇକେ ବଇଲେ ସେମନର୍ ପାଇ ପରମେସର ମୁଆଟେ ଗୁଆରି କରବାକେ ସେ ଜୁଗ୍ ଜୁଗର୍ ପାଇ ଜିବନ୍ ଅଇକରି ଆଚେ ।

୨୬ ତେବରପାଇ ଜିସୁ ଅଇଲାନି ଆମର ବଡ଼ ପୁଜାରି । ସେ ଆମରପାଇ ସମାନ୍ ଆଚେ । କାଇକେବଇଲେ ସେ ସୁକଲ୍, ତାରଟାନେ କାଇ ବୁଲ୍, କି ପାପ୍ ନାଇ । ଆମର ପାପିମନରଟାନେଅନି ସେ ପୁରାପୁରୁନ୍ ବିନ୍ଆଚେ । ଆରି ପରମେସର ତାକେ ସରଗ୍ ଜେଡ଼କି ଜାଇ ଉଟାଇଆଚେ । ୨୭ ବିନ୍ ବଡ଼ ପୁଜାରି ମନ୍ ସବୁଦିନ୍ ପରମେସରଟାନେ ଦିନକେ ବଲି ଦେବାର୍ ଆଚେ । ତାରପଚେ ସେମନ୍ ଲକ୍ମନର୍ ପାପରପାଇ ମିସା ବଲି ଦେବାର୍ ଆଚେ । ମାତର ଜିସୁ ଏନ୍ତାରି ନାଇ । ସେ ସବୁଲକ୍ ପାଇ ମିସତେ ଗଟେକ୍ତରସେ ବଲି ଅଇଲା ଆଚେ । ତାର ସେ ମରନ୍ ସବୁଦିନରପାଇ ଅଇସି । ୨୮ କାଇକେବଇଲେ ମସାର୍ ନିୟମ୍ ଇସାବେ, ଜନ୍ଲକ୍ ବଡ଼ ପୁଜାରି ପଦ୍ପାଇରଇସି, ସେମନ୍କେ ମିସା ପାପ୍ ରଇସି । ମାତର ଜନ୍ଟା ପରମେସର ଗଟେକ୍ ସପଡ଼ କରି କାତା ଦେଇରଇଲା, ସେଟା ନିୟମ୍ ପଚେ ଆଇଲା । ଜନ୍ ଲକ୍ ବାଟାଇଅଇରଇଲା, ତାର ପଅ ରଇଲା । ସେ ସବୁଦିନରପାଇ କାଇ ପାପ୍ ନ ରଇବା ପୁଜାରି ଅଇଆଚେ ।

### ୮

#### ଜିସୁ ଆମର ବଡ଼ପୁଜାରି

୧ ଏ ସବୁ କାତାଇଅନି ତମକେ ବୁଜଡ଼ ବଲି ମୁଇ ମନ୍ କଲିନି ଜେ, ଏ ଆମର ବଡ଼ ପୁଜାରି ସରଗର୍ ସବୁର୍ ଉପରେ ପରମେସରର ଉଜାବାଟେ ବସ୍ଲା ଆଚେ । ୨ ଆରି ପରମେସରର ଅଦିକ୍ ସୁକଲ୍ ଜାଗାଇ ସେ ବଡ଼ ପୁଜାରି ଇସାବେ ସେବା କଲାନି । ସେ ତୁମ୍ବୁଡ଼ିଆ ଲକ୍ମନ୍ ତିଆରକଲାଟା ନଏ, ମାତର ସେଟା ମାପରୁ ତିଆର୍ କଲାଆଚେ ।

୩ ସବୁ ବଡ଼ପୁଜାରିମନ୍ ଲକ୍ମନ୍ ଦେଇରଇବା ପସୁମନ୍ ଆରି ବିନ୍ ରକାମର ବଲି ପରମେସରକେ ସରପି ଦେବାକେ ବାଟଲାଇ ଆଚଡ଼ । ତେବରପାଇ ଆମର ବଡ଼ ପୁଜାରି ମିସା କାଇଟା ମିସା ପରମେସରକେ ସରପାଇବାର୍ ଆଚେ । ୪ ମାତର ଏ ଜଗତେ ସେବା କରେନାଇ । ସେ ଜଦି ଏ ଜଗତେ ରଇତା, ତେବେ ସେ ଗଟେକ୍ ପୁଜାରି ନ ଅଇତା । କାଇକେ ବଇଲେ ଜିଉଦିମନର୍ ନିୟମ୍ ଇସାବେ ଦାନ୍ ସରପିଦେବାକେ ପୁଜାରିମନ୍ ରଇଲାଇ । ୫ ମାତର ତାକର ସେବା କରବା ଜାଗା ସରଗେ ରଇବା ସଡ଼ ବିସଇ ଅବ୍ବା ଗଟେକ୍ ଚାଇପାରା । ସମାନ୍ ସେନ୍ତାରିସେ ମସାର୍ ବେଲେ ଅଇଲା । ସେ ଜେତେବଲ୍ ଗଟେକ୍ ତୁମ୍ବୁଡ଼ିଆ ତିଆର୍ କରବାକେ ଜାଇତେରଇଲା, ପରମେସର ତାକେ ତିଆର୍ଲା, “ଜାଗରଡ଼ ! ତୁଇ ସୁକଲ୍ ତୁମ୍ବୁଡ଼ିଆଇ ଜେଡ଼କି କରସୁ ବଇଲେ, ମୁଇ ତକେ ସେଟା ପରବତେ ଦେକାଇଲା ରକାମ୍ କରବାର୍ ଆଚେ ।” ୬ ଏ ଜଗତର ପୁଜାରିମନର୍ କାମତେଇଅନି ଜନ୍ କାମ୍ ପରମେସର ଜିସୁକେ ସରପିଦେଲା, ସେ କାମ୍ ଅଦିକ୍ ଗୁର୍ତ୍ତୁ ରଇବାଟା । ସେନ୍ତାରିସେ ଜନ୍ ନୁଆ ରାଜିନାମାସଙ୍ଗ୍ ସେ ପରମେସର ଆରି ମନୁସ୍ଜାତିକେ ଆରିତରେକ୍ ମିସାଇଲା, ସେଟା ପୁରନା ରାଜିନାମାତେଇ ଅନି ନିକ । କାଇକେବଇଲେ, ନୁଆ ରାଜିନାମାତେଇ ରଇବା ପରମେସରର ସପଡ଼ ସବୁ ବେସି ନିକ ଆଚେ ।

୭ ପରତୁମର ରାଜିନାମାତେଇ ଜଦି କାଇ ବୁଲ୍ ନ ରଇତା, ତେବେ ପରମେସର ସେଟା ନ ବାଦଲାଇତା । ୮ ମାତର ସେ ରାଜିନାମା ମାନିକରି ରଇଲା ଲକ୍ମନର୍ ଚଲାଚଲ୍ତି ସଙ୍ଗ୍ ପରମେସର ସାର୍ଦା ନ ରଇଲା । କାଇକେବଇଲେ ସାସତରର୍ ମାପରୁର୍ ବାକିଅଟାନେ ଲେକା ଅଇଲାଆଚେ,

“ଆଗ୍କେ ଗଟେକ୍ ବେଲା ଅଇଲାନି

ଜେତେବେଲ୍ କି ଇସରାଏଲର୍ ଲକ୍ମନକେ ଆରି ଜିଉଦାର୍ ଲକ୍ମନକେ ମର୍ ନିଜର୍ କରବାକେ ମୁଇ ଗଟେକ୍ ନୁଆ ରାଜିନାମା ଟିକ୍ କରବି ।”

୯୯ ନୁଆ ରାଜିନାମା ଆଗର ରାଜିନାମା ପାରା ନ ରଏ । ସେ ରାଜିନାମା ତାକର ଆନିଦାଦିମନ୍କେ ମିସରଦେସେଅନି ତାକି ଆନଲାବେଲେ ମୁଇ କରିରଇଲି । ଆଗର ରାଜିନାମାର ମର ଆଦେସ୍ ସବୁ ସେମନ୍ ମାନଡ଼ନାଇ । ତେବର୍ପାଇ ମୁଇ ଆରି ସେମନର୍ବାଟେ ନ ଦେକି ।

୧୦ ମାପୁରୁ ଆରିତରେକ୍ କଇଲା, ଇସରାଏଲର ଲକ୍ମନ୍କେ ମର ନିଜର କରବାକେ ମୁଇ ଜନ୍ ନୁଆ ରାଜିନାମା ତିଆରକରବି ସେଟା ଏନ୍ତାରି ରଇସି । ମୁଇ ମର ଆଦେସ୍ ତାକର ଚିନ୍ତା କଲାଟାନେ ଦେବି ଆରି ତାକର ମନ୍ ବିତ୍ରେ ଲେକବି । ଆରି ମୁଇ ତାକର ପରମେସର ଅଇରଇବି ଆରି ସେମନ୍ ମର ନିଜର ଅଇରଇବାଇ ।

୧୧ ଏଟାରଲାଗି କେ ମିସା ମର ବିସଇରେ ତାର ସଙ୍ଗର ଲକ୍ମନ୍କେ ସିକାଇବାକେ ନ ପଡେ । ଆରି ମୁଇ କେ ବଲି କେ ମିସା ତାକର ବାଇମନ୍କେ ବାତାଇବାକେ ନ ପଡେ । କାଇକେବଇଲେ, ସେବେଲେ ଗୁଲାଇ ଲକ୍ ବଡ଼ ଅଅଡ଼ କି ସାନ୍ ଅଅଡ଼ ମୁଇ କେ ବଲି ଜାନ୍ବାଇ ।

୧୨ ମୁଇ ସେମନର୍ ସବୁ ପାପ୍ କେମା କରବି ଆରି ସେମନ୍ କାଇ ଅନିଆଇ କଲାଟା ମିସା ମନେ ନ ଏତାଇ ।

୧୩ ଏବେ ଗଟେକ୍ ନୁଆ ରାଜିନାମା ଆଟେ ବଲି ପରମେସର କଇଲାକେ ପୁରନା ରାଜିନାମାକେ କାଇ ମୁଲିଅ ନାଇ ବଲି ଆମେ ଜାନ୍ତୁ । ଜନ୍ତା ପୁରନା ଅଇଗାଲା ଆରି କାଇଟା ପାଇ ମିସା ଲଡାକେ ନ ଆଇଲେ, ସେଟା ବାଇରେ ପିଙ୍ଗିଦେବାଇ ।



ସରଗ୍ ଆରି ମରପୁରର ପାରତନା

୧ ପରମେସରର ପରତୁମ୍ ରାଜିନାମାତେଇ, ତାକେ କେନ୍ତାରି ଉପାସନା କରବାର୍ ଆଟେ ବଲି ନିୟମ୍ ରଇଲା । ତାକେ ଏ ଜଗତେ ଉପାସନା କରବାକେ ଗଟେକ୍ ତୁମ୍ ଉଟାଇରଇଲା । ୨ ଏ ତୁମ୍ଟାନେ ଦୁଇଟା ଜାଗା ରଇଲା । ପରତୁମ୍ ଜାଗାକେ ସୁକଲ୍ ଜାଗା ବଲି ନାଉଁ ରଇଲା । ସେ ବିତ୍ରେ ବଡ଼ସଙ୍ଗଇବା କୁଦରା ଆରି ପରମେସରକେ ସରପିଦେବାକେ ରୁଟି ସଙ୍ଗଇବା ଗଟେକ୍ ଟେବୁଲ୍ ରଇଲା । ୩ ସେ ଜାଗାଇ ପୁରବା ବାଟେ ଗଟେକ୍ ପାରଦା ରଇଲା । ପାରଦାର୍ ପରବାଟେ ଜନ୍ ଜାଗା ରଇଲା, ତାକେ ବଡ଼ ସୁକଲ୍ ଜାଗା ବଲି କଇତେ ରଇଲାଇ । ୪ ସେ ବଡ଼ ସୁକଲ୍ ଜାଗାଇ ଗଟେକ୍ ଦୁପ୍ ପଡାଇବା ସୁନାର୍ ବେଦି ଆରି ସୁନାର୍ ନିୟମ୍ ପେଡି ରଇଲା । ଏ ନିୟମ୍ ପେଡି ବିତ୍ରେ, ମାନା ରଇବା ଗଟେକ୍ ସୁନାର୍ ଆଣ୍ଟି ରଇଲା । ତେଇ ପତର କଅଁଲି ରଇବା ଆରଣ୍ ଦାରି ଇଣ୍ଟୁବା ତାଙ୍ଗ୍ ରଇଲା । ଆରି ପରମେସରର ଆଦେସ୍ ଲେକାଅଇରଇଲା ଦୁଇ କଣ୍ଟି ଚାତଡା ପାକ୍ନା ମିସା ରଇଲା । ୫ ପେଡିର୍ ତାବ୍ନା ଉପରେ ପରମେସର ଆଟେ ବଲି ଚିନ୍ ଇସାବେ କେରୁବିନ୍ ବଲି ତାକ୍ବା ଦୁଇଟା ତେନା ରଇଲା ଜୁଡୁର୍ ମୁରତି ରଇଲା । ତାକର ଉଗାଡିଅଇରଇବା ତେନା ପେଡିର୍ ତାବ୍ନା ଉପରେ ତାବିଅଇଜାଇରଇଲା । ତାର ଉପରେ ବନି ଚିଟିଅଇରଇଲା । ଜେନ୍ତାରିକି ଲକ୍ମନ୍କେ ପାପ୍କେମା ଅଇଜିବାକେ । ମାତର ଏ ଚିକିନିକି ବିସଇ ବୁଜାଇବାକେ ଲଡାନାଇ ।

୬ ତୁମ୍ ବିତ୍ରେ ଏ ସବୁ ବିସଇ ସାଜାଡିଅଇରଇଲା । ପୁଜାରିମନ୍ ସବୁଦିନ୍ ତାମ୍ ଗରର୍ ବାଇରର୍ ଜାଗାଇ ପୁରି, ସେମନର୍ କାମ୍ କରବାଇ । ୭ ମାତର ବିତ୍ରେର୍ ଜାଗାଇ ବଡ଼ ପୁଜାରିସେ ଜିବାକେ ଅଦିକାର୍ ରଇଲା । ସେ ସିଡି ବରସେକ୍କେ ତରେକ୍ ସେ ଜାଇତେରଇଲା । ସେ ନିଜର୍ ପାଇ ଆରି ଲକ୍ମନ୍କେ ନ ଜାନିକରି କରିରଇବା ପାପ୍ ପାଇ ବନି ନେଇକରି ଜଦି ନ ପୁରଲେ ସେ ଜାଇନାପାରତେ ରଇଲା । ୮ ଏ ସବୁ ବିସଇରଲାଗି ସୁକଲ୍ ଆଡ଼ମା ଜାନାଇଲାନି ଜେ, ପରମେସରର ଅଦିକ୍ ସୁକଲ୍ ଜାଗାଇ ପୁରବାକେ ଲକ୍ମନ୍କେ ଅଦିକାର୍ ନ ରଇଲା । କାଇକେବଇଲେ ସୁକଲ୍ ଜାଗା ଆରି ଅଦିକ୍ ସୁକଲ୍ ଜାଗା ବିସଇନେଇ ରଇବା ଆଗ୍ତୁର୍ ଆଦେସ୍ ସବୁ ଲକ୍ମନ୍କେ ମାନିଆଇତେ ରଇଲାଇ । ୯ ସେ ସବୁ ବିସଇ ଗଟେକ୍ ବାନା ପାରା । ଜନ୍ତା ସବୁ ଏବର୍ ଦିନେ ସିଦ୍ ଅଇଲା ଆଟେ । କାଇକେବଇଲେ ଜନ୍ ପସୁମନ୍କେ ଉପାସନା ଇସାବେ ଲକ୍ମନ୍କେ ପରମେସରକେ ସରପି ଦେଇତେ ରଇଲାଇ, ସେଟା ସବୁ ଲକ୍ମନ୍କେ ବିବେକ୍ ଦଇ ନାପାରଲା । ୧୦ କାଇକେବଇଲେ ସେଟା ସବୁ ଗାଗଡର୍ ଲାଗି ରଇବା ନିୟମ୍ ରଇଲା । ଜେନ୍ତାରି କି, କାଇଟା କାଇଅଇସି, କାଇଟା ପିଇ ଅଇସି ଆରି ସେ ସବୁ ନିକ ସଙ୍ଗ୍ ଦଇବା ବିସଇ, ବାଇରେ ଦେକାଅଇବା ରିଡିନିଡି ସେ । ପରମେସରର ନୁଆ ନିୟମ୍ ଟିକ୍ ଅଇବାଜାକ, ଏ ସବୁ କରବାଟା ରଇଲା ।

୧୧ ମାତର ଆମେ ଜେଡକିଲକ୍ ସବୁର୍ତେଇଅନି ବଡିଆ ବିସଇ ପାଇଆରୁ, କିରିସ୍ଟ ଆମର୍ ବଡ଼ ପୁଜାରି ଅଇ ଆଇଲା ଆଟେ । ସେ ସେବା କରବା ଜାଗାର୍ ତୁମ୍ ଲଗେ ରଇବା ଅଦିକ୍ ସୁକଲ୍ ଜାଗାଇଅନି ଅଦିକ୍ ମୁଲିଅ ରଇଲାଟା ଆରି ଅଦିକ୍ ସିଦ୍ ଆଟେ । କାଇକେବଇଲେ ସେଟା ଲକ୍ମନ୍କେ ତିଆର୍ କଲାଟା ନଏଁ, କି ଏ ନସିଜିବା ଜଗତରଟା ମିସା ନଏଁ । ୧୨ କିରିସ୍ଟ ସେ ତାମ୍ ବାଟେଜାଇ ଏକାତରେକ୍ ସେ ବଡ଼ ସୁକଲ୍ ଜାଗାଇ ପୁରଲା । ସେ ତେଇ ପୁରବା ବେଲେ ବଲି କରବାକେ ଚେଲି କି ପସୁ ବନି ନେଇ ନ ଜାଇରଇଲା । ମାତର ସେ ନିଜର୍ ବନି ନେଇକରି ଜନ୍ ଜନ୍ତା କରବାର୍ ରଇଲା, ସେଟା ପୁରାପୁରୁନ୍ କଲା । ଜେନ୍ତାରି କି ଆମ୍କେ ମୁକ୍ଲାଇକରି କାଲ୍ କାଲ୍ ଜୁଗ୍ଜୁଗର୍ ପାଇ ମୁକ୍ତି ଦେଲା । ୧୩ ଆଗର୍ କାଲେ ଚେଲି ଆରି ବଲଦମନର୍ ବନି ଆରି ପତାଇଲା ବାଟିପିଲାର୍ ଚାର୍ ଚିଟିବାଟା, ଏସବୁ ଅସୁକଲ୍ ଅଇରଇବା ଲକ୍ମନ୍କେ ଗାଗଡ଼ ଦଇବା କାମ୍କେସେ ଆଇଲା । ୧୪ ଏଟା ଜଦି ଲକ୍ମନ୍କେ ଗାଗଡ଼ ଦଇପାରଲା, ସେନ୍ତାଆଲେ କିରିସ୍ଟର୍

ବନିସଙ୍ଗ ଆରି କେତେକ ଅଦିକ୍ କରିଅଛସି ? ନ ସାର୍ବ ଆତ୍ମାରପାଇ ସେ ନିଜେ ପରମେସରର୍ ସାଇଜ ନେଇ, କାଇ ପାପଦସ୍ ନ ଅଇତେ ବିରୁ ଇସାବେ ନିଜ୍ଜେ ପୁରାପୁରୁନ୍ ସର୍ପି ଦେଲାଆତେ । ତାର୍ ବନିରଲାଗି ବାନିଆ ରିତିନିତି କାମେଅନି ଜିତି କରି ଆମର୍ ବିବେକ୍ ସୁକଲ୍ ଅଇସି । ଆରି ଆମେ ସତଇସେ ଜିବନ୍ ରଇଲା ପରମେସରର୍ ସେବା କରବା ଅଦିକାର୍ ପାଇଆରୁ ।

<sup>୧୫</sup> ଏଟାରପାଇ କିରିସ୍ଟସେ ନୁଆ ନିୟମ୍ ସାଦନ୍ କଲାଆତେ । ଜେନ୍ତାରି କି, ଜେଡ୍ଜି ଲକ୍ମନ୍ନକେ ପରମେସର୍ ତାକିଆତେ, ସେମନ୍ ପରମେସର୍ ସପଡ୍ କରି କଇରଇବା ନ ସାର୍ବ ଆସିର୍ବାଦ୍ ପାଇବାଇ । କିରିସ୍ଟ ମଲାପପାଇ ଆଗର୍ ରାଜିନାମାତେଇ କରିରଇବା ସବୁ ପାପେଅନି ସେମନ୍ ମୁକଲ୍ଲାଇ ।

<sup>୧୬</sup> ଗଟେକ୍ ଲକ୍ ଜଦି ତାର୍ ଦନ୍ ସଁପତି ବାଗ୍ ବାଟା କରବା ବିସଇର୍ ଚିଟି କରିରଇସି । ସେଟା ଜାନାଇବାକେ ସେ ଲକର୍ ନାଉଁଦାରି ରାଜିନାମା ପାଆଟା ପତର୍ ରଇବାରୁ ଆତେ । ସେ ମରିଗାଲାପତେ ତାର୍ଟା ଜାନାପଡ୍ବାରୁ ଆତେ । <sup>୧୭</sup> କାଇକେ ବଇଲେ ବାଗ୍ବାଟା ଲେକିରଇଲା ଲକ୍ ବଠି ରଇଲା ଜାକ, ବାଗ୍ବାଟାର୍ କାଗଜ୍ ପତରର୍ କିଟି ମୁଲିଅ ନାଇ । ସେଟା ତାର୍ ମରିଗାଲା ପତେ ସେ କାମ୍ ଦେଇସି । <sup>୧୮</sup> ସେନ୍ତାରିସେ, ପର୍ଡୁମ୍ ରାଜିନାମା ମିସା ବନି ଜରାଇଲାକେସେ ସେଟାର୍ ମୁଲିଅ ରଇଲା । <sup>୧୯</sup> ମସା ପର୍ଡୁମ୍ ନିୟମର୍ ଆଦେସ୍ ଲକ୍ମନ୍ନର୍ ଲଗେ କଇଲା । ତାର୍ପତେ ସେ ବଲଦ୍ ଆରି ଚେଲିମନ୍ନର୍ ବନି ନେଇ ପାନି ସଙ୍ଗ୍ ମିସାଇଲା । ତାର୍ପତେ ଅଲପ୍ ମେଣ୍ଡାର୍ ବାଲେ ଏସୁର୍ ନାଉଁର୍ ଗଟର୍ କେନ୍ଦିତେଇ ଗୁଡାଇଲା । ପତେ ସେଟା ବନିଟାନେ ବୁଡାଇ ନିୟମର୍ ବଇତେଇ ଆରି ଲକ୍ମନ୍ନର୍ ଉପରେ ଚିଟିଲା । <sup>୨୦</sup> ସେ କଇଲା, ଜନ୍ ନିୟମ୍ ମାନବାକେ ପରମେସର୍ ତମ୍ନକେ ଆଦେସ୍ ଦେଲାଆତେ, ଏ ବନି ସେ ନିୟମ୍କେ ଚିନ୍ ମାରିଆତେ । <sup>୨୧</sup> ତାର୍ପତେ ମସା ସେ ବନିନେଇ ତମ୍, ମନ୍ଦିର୍ ଆରି ପର୍ମେସର୍କେ ପାର୍ତନା କରବାବେଲେ କାମେ ଆଇବା ସବୁ ଜିନିସ୍ ପତର୍ ଉପରେ ଚିଟିଲା । <sup>୨୨</sup> କାଇକେବଇଲେ ମସାର୍ ନିୟମ୍ ଇସାବେ ସବୁ ବିସଇ ସୁକଲ୍ କରବାକେ, ବନି ଦର୍କାର୍ । ବନି ନ ଜରାଇଲେ ପାପ୍ କେମା ନ ଅଏ ।

**କିରିସ୍ଟ ବଲିଦାନ୍ ଅଇଲାଟା ପାପ୍ ଦୁର୍ କରସି**

<sup>୨୩</sup> ତେବରପାଇ ଏ ସବୁ ବିସଇ ଜନ୍ଟା ସର୍ଗେ ରଇବା ବିସଇ ରୁଚାଇସେ ଆତେ । ଏଟା ସବୁ ପସୁମନ୍ନର୍ ବନିସଙ୍ଗ୍ ସୁକଲ୍ କରାଇବାକେ ଦର୍କାର୍ ରଇଲା । ମାତର୍ ସରଗର୍ ବିସଇମନ୍ନକେ ସୁକଲ୍ କରବାକେ ସର୍ପି ଅଇବାଟା ଅଦିକ୍ ନିକ ଅଇରଇବାରୁ ରଇଲା । <sup>୨୪</sup> କାଇକେବଇଲେ ଲକ୍ମନ୍ନର୍ ଆତେ ତିଆର୍ ଅଇଲା ସୁକଲ୍ ଜାଗାଇ କିରିସ୍ଟ ଜାଏନାଇ । ସେଟା ସଡ୍ ଜାଗାର୍ ଚାୟାସେ ରଇଲା । ମାତର୍ ସେ ସଡ୍ରେ ସର୍ଗେ ଗାଲା । ଆରି ସେ ଏବେ ତେଇ ଆତେ । ପର୍ମେସରର୍ ମୁଆଟେ ଆମର୍ ପାଇ ଗୁଆରି କଲାନ୍ତି । <sup>୨୫</sup> ଜିଉଦିମନ୍ନର୍ ବଡ୍ ପୁଜାରି ଜେନ୍ତିକି ବରସକେ ତରେକ୍ ପସୁର୍ ବନି ନେଇ ବଡ୍ ସୁକଲ୍ ଜାଗାଇ ଜାଇସି, ସେନ୍ତାରି କିରିସ୍ଟ ନିଜ୍ଜେ ତର୍କେ ତର୍ ସର୍ପିଅଇକରି ତେଇ ଜାଏନାଇ । <sup>୨୬</sup> କାଇକେବଇଲେ, ସେ ଜଦି ସେନ୍ତାରି କରତା ଏ ଜଗଡ୍ ତିଆର୍ ଅଇଲା ଦିନେଅନି ସେ ବେସି ତର୍ ଦୁକ୍ପାଇବାକେ ଅଇତା । ମାତର୍ ସେ ଏ ସାରାସାରି ଦିନ୍ ମନ୍ନକେ ତରେକ୍ସେ ଏ ଜଗତେ ଆଇଲା ଆରି ନିଜ୍ଜେ ସର୍ପିଦେଇକରି ସବୁ ପାପ୍ ଦାରିଗାଲା । <sup>୨୭</sup> ଆମେ ସବୁ ଲକ୍ ତରେକ୍ ମର୍ବୁ ଆରି ତାର୍ପତେ ପରମେସରର୍ ମୁଆଟେ ବିଚାର୍ ଦିନେ ଚିଆଅଇବୁ । <sup>୨୮</sup> ସେନ୍ତାରିସେ କିରିସ୍ଟ ମିସା ସବୁ ଲକ୍ ପାପ୍ ନିଜେ ନେବାକେ ବଲି ଇସାବେ ତରେକ୍ ସେ ସର୍ପାଇ ଅଇଲା । ସେ ଆରି ତରେକ୍ ଆଇଲାବେଲେ, ଆମର୍ ପାପର୍ପାଇ ସେ ନ ଆସେ । ମାତର୍ ତାକେ ଜାଗି ରଇଲା ଲକ୍ମନ୍ନକେ ଉଦାର୍ କରବାକେ ଆଇସି ।

**୧୦**

<sup>୧</sup> ମସାର୍ ନିୟମ୍ ଅବ୍କା ଗଟେକ୍ ବାନା ପାରା ରଇଲା । ଜନ୍ ନିକ ଆସିର୍ବାଦ୍ କିରିସ୍ଟ ଆମ୍ନକେ ଦେଇସି, ସେ ଆସିର୍ବାଦର୍ ଗୁନ୍ତଲନ୍ନ ତେଇ ଡିସ୍ତେରଇଲା । ମାତର୍ ସେଟା ଆସିର୍ବାଦର୍ ସମାନ୍ ନଏ । ତେବରପାଇ ନିୟମ୍ ମାଙ୍ଗ୍ଲା ଇସାବେ, ସେମନ୍ ସବୁ ବରସେ ବଲି ସର୍ପାଇ ଅଇତେରଇଲା । ମାତର୍ ସେ ସବୁ ବଲି ସରପ୍ବାଟା ପର୍ମେସରଟାନେ ଆଇବା ଲକ୍ମନ୍ନକେ ସିଦ୍ କରିନାପାର୍ଲା । <sup>୨</sup> ସେନ୍ତାରି ଜନ୍ ଲକ୍ମନ୍ନ ପର୍ମେସର୍କେ ଉପାସନା କର୍ତେରଇଲା, ଜଦି ସେମନ୍ ତାକର୍ ପାପେ ଅନି ସୁକଲ୍ ଅଇତାଇ, ତେବେ ସେମନ୍କେ ତାକର୍ ପାପ୍ ଦସି ନ କରାଇତା । ଆରି ସବୁ ବଲିଦେବାଟା ସାରିଜାଇତା । <sup>୩</sup> ମାତର୍ ସବୁ ବରସେ ସେ ସମାନ୍ ବେଲାଇ ବଲି ସର୍ପିଦେବାଟା କରବାକେ ପଡ୍ଲା । ସେମନ୍ନ ପାପ୍ ରଇଗାଲା ଆତେ ବଲି ସେମନ୍ ତେଇଅନି ଜାନ୍ଲା । <sup>୪</sup> କାଇକେବଇଲେ ବଲଦ୍ମନ୍ନ ଆରି ଚେଲିମନ୍ନ ବନି କେବେ ମିସା ଆମର୍ ପାପ୍ ଦାରି ନ ନେଏ ।

<sup>୫</sup> ଆମେ ଜାନିଆରୁ ଜେ, କିରିସ୍ଟ ଏ ଜଗତେ ରଇଲାବେଲେ ସେ ତାର୍ ବାବା ପର୍ମେସର୍କେ କଇ ରଇଲା, ବଲି ଆରି ସର୍ପିଦେବାଟା ତୁଇ ମନ୍ କରୁସ୍ ନାଇ ।

ସେଟାରପାଇ ତୁଇ ମର୍ପାଇ ଗଟେକ୍ ଗାଗଡ୍ ତିଆର୍ କଲୁସ୍ ।

- <sup>୬</sup> ବେଦିଟାନେ ପଡାଇବା ପସୁମନ୍ନକେ ତୁଇ ମନ୍ କରୁସ୍ ନାଇ ।
- କି ପାପ୍ ଦଇନେବା ବଲି ମିସା ନାଇ ।

୭ ତାରପଟେ ମୁଇ କଇଲି, ଏ ପରମେସର,  
 ମର ବିସଇ ନିୟମ୍ ବଇଟାନେ  
 ଜେନ୍ତ୍ର ଲେକାଅଇଆଟେ,  
 ସେ ଇସାବେ ତୁଇ ମନ୍ କଲାଟା  
 ପୁରାପୁରୁନ୍ କରବାକେ ରାଜିଆଟି ।

୮ ସେ ପରତୁମ୍ କଇଲା, ତମେ ସର୍ପି ଦେବାଟା, କି ବେଦିଟାନେ ପଡାଇବାଟା, କି ପାପ୍ ଦାରିନେବା ପସୁମନର୍ ବନି ମନ୍ କରୁସ୍ ନାଇ । ଏ ସବୁ ବଲି ନିୟମ୍ ଇସାବେ ସର୍ପାଇ ଅଇରଇଲେ ମିସା, ସେ ଏନ୍ତାରି କଇଲା । ୯ ତାର ପଟେ ସେ ଆରିତରେକ୍ କଇଲା, ତୁଇ ଜାଇଟା ମନ୍ କଲୁସ୍ନି ସେଟା ସିଦ୍ କରବାକେ ଏ ପରମେସର, ମୁଇ ଇତି ଆଟି । ସେନ୍ତାରି ଆଗରପାରା ବଲିଦେବାଟା ପରମେସର ମନାକରି, ତାର ବାଦୁଲେ କିରିସ୍ଟର୍ ବଲି ଟିକ୍ କଲା । ୧୦ କିରିସ୍ଟ ପରମେସରର୍ ମନ୍ କରବାଟା ସାଦନ୍ କଲା । ସେ ତାର ଗାଗଡ୍ ସର୍ପିଦେଇକରି ଏକାତର୍ ସବୁବେଲର୍ପାଇ ଆମର୍ ପାପ୍ ଦଇଦେଲା ।

୧୧ ସବୁ ଜିଉଦି ପୁଜାରିମନ୍ ସେ ସମାନ୍ ବଲି ସର୍ପିଦେଇକରି ଦିନକେଦିନ୍ ଚିଆ ଅଇତେରଇଲା । ମାତର୍ ଏ ବଲି ଲକ୍ମନର୍ ପାପ୍ ନେଇ ନାପାରଲା । ୧୨ ମାତର୍ କିରିସ୍ଟ ତରେକ୍ ସେ ନିଜକେ ବଲିଅଇଲା, ସେଟା ଆମର୍ ପାପ୍କେ ଦାରିଗାଲା ଆରି ସେ ସର୍ପାଇ ଅଇଲାଟା ସବୁଦିନର୍ ପାଇ ନିକ । ସେ କିରିରଇବା କାମ୍ ସାରାଇଲା ଇସାବେ ଗଟେକ୍ ଚିନ୍ ପାରା, ପରମେସରର୍ ଉଜାବାଟେ ବସଲା । ୧୩ ସେ ଏବେ ମିସା ତେଇସେ ଜାଗିଆଟେ । ଜନ୍ ବେଲାଇ ପରମେସର ତାର ସବୁ ସତ୍ତ୍ୱମନକେ ତାର ପାଦେ ଆନ୍ସି । ୧୪ ଗଟେକ୍ ବଲିରଲାଗି ଆମେ ଜେଡ୍‌କିଲକ୍ ପାପେଅନି ଦଇଅଇ ଆତୁ, ସେ ଆମ୍‌କେ ସବୁଦିନର୍ ପାଇ ସିଦ୍ କରି ଆଟେ ।

୧୫ ସୁକଲ୍‌ଆଡ଼ମା ମିସା ଆମ୍‌କେ ତାର ସାକି ଦେଇ କଇଲାନି,

୧୬ “ମାପୁରୁ କଇଲାନି, ଆଇବା ଦିନମନ୍‌କେ,  
 ମୁଇ ଏ ନୁଆଁ ରାଜିନାମା,  
 ସେ ଲକ୍ମନର୍ପାଇ କରବି ।

ମୁଇ ମର୍ ନିୟମ୍ ସେମନର୍ ମନେ ସଙ୍ଗଇବି ଆରି  
 ଚିନ୍ତା କରବାଟାନେ ଲେକ୍‌ବି ।”

୧୭ ସେ ଆରି ତରେକ୍ କଇଲା, ତାକର୍ ପାପ୍ ଆରି କାରାପ୍ ଗୁନ୍ ଚଲନ୍ ମୁଇ ପାସ୍‌ରି ଜିବି । ୧୮ ସେନ୍ତାରି ଏ ସବୁ ବିସଇ କେମା ଅଇଲାଟା ପାଇ, ତାକର୍ ପାପ୍ ଦାରି ନେବାକେ ବଲି ଆରି ଦେବାକେ ନ ପଡେ ।

**ପରମେସରର୍ ଲଗେ ଆଇବାଟା**

୧୯ ଏ ମର୍ ବାଇବଇନିମନ୍, ଜିସୁର୍ ମରନର୍ ଲାଗି ଆମେ ଅଦିକ୍ ସୁକଲ୍ ଜାଗାଇ ପୁରବାକେ ଆମ୍‌କେ ଅଦିକାର୍ ଆଟେ । ୨୦ କାଇକେବଇଲେ, ତାର ଗାଗଡ୍ ସର୍ପି ଅଇଲାକେ ପାରଦାବାଟେ ଆମ୍‌କେ ନୁଆ ଆରି ଜିବନ୍ ରଇବା ବାଟ୍ ଉଗାଡିଦେଲା ଆଟେ । ୨୧ ଆରି ସେଡ୍‌କିସେ ନଏଁ, ଆମ୍‌କେ ଏବେ ଗଟେକ୍ ବଡ୍ ପୁଜାରିଆଟେ । ଜେ କି ପରମେସର ଗରର୍ ଅଦିକାରେ ରଇବା ଲକ୍ । ୨୨ ସେଟାପାଇ ତେବେ ଆସା, ଆମେ ସତଇସେ ମନକରି ଆରି ତାଟ୍‌ସଙ୍ଗ୍ ବିସ୍‌ବାସ୍ କରି ପରମେସରର୍ ଲଗେ ଜୁ । ଆମର୍ ବିବେକ୍ ଆମ୍‌କେ ଦସ୍ ନ ଦେଲାପାରା କିରିସ୍ଟର୍ ବନିସଙ୍ଗ୍ ଚିଅଇକରି ଦଇଅଇ ରଇବାର୍ ଆଟେ । ଆରି ଆମର୍ ଗାଗଡ୍ ସୁକଲ୍ ପାନିସଙ୍ଗ୍ ଦଇଅଇଲାପାରା ରଇବାର୍ ଆଟେ । ୨୩ ଆମର୍ ଜନ୍ ଆସା ଉଁ, ବଲି ମାନିଆଇଲୁନି, ତାକେ ଡାଟ୍ କରୁ । ଆମେ ଅଇସି କି ନଏଁ ଆଲେ, ବଲି ନ ବାବୁ । କାଇକେବଇଲେ ପରମେସର ଜନ୍ ସପଡ୍ କଲାଆଟେ, ସେଟା ସେ କରସି ଆକା । ୨୪ ଆସା, ଆମେ ବିନ୍ ଲକ୍ମନକେ ମନ୍‌ଦେଇ ସେମନ୍‌କେ ସାଇଜ କରୁ । ଗଟେକ୍ ଲକ୍ ଆରିଗଟେକ୍ ଲକ୍‌କେ ଆଲାଦ୍ କରି ନିକ କାମ୍ କରୁ । ୨୫ ଜେନ୍ତ୍ରକି ଆରି କେତେଲକ୍ କଲାଇନି, ଆମେ ମିସିବିଡି ରଇବା ବିସ୍‌ବାସି ବାଇବଇନି ମନର୍ ସଙ୍ଗ୍ ରୁଣ୍ଡବାକେ ଏଲା ନ କରୁ । ତାର ବାଦୁଲେ ଆମର୍ ସଙ୍ଗାରିମନର୍ ବିସ୍‌ବାସ୍ ଡାଟ୍ କରାଉ । ଆମର୍ ମାପୁରୁ ଜିସୁ ଆରିତରେକ୍ ଆଇବା ଦିନ୍ ଲଗେ କେଟି ଆଇଲାନି ।

୨୬ କିରିସ୍ଟର୍ ବିସଇତେଇ ରଇବା ସଡ୍, ଆମେ ଜାନିକରି ପାପ୍‌କରି ଲାଗିରଇଲେ, ଆମର୍ ପାପ୍ ଦାରିନେବାକେ ଆରି କାଇ ବଲି ନାଇ । ୨୭ ସେନ୍ତାରିଆଲେ ପରମେସରର୍ ଜନ୍ ବଡ୍‌ବିଚାର୍ ଦିନ୍ ଆଇଲାନି, ତେଇ ତାର ବେସି ତର୍ ଲାଗ୍‌ବା ବିଚାର୍‌ନାପାଇ ଜାଗବାକେ ପଡ୍‌ସି । ପରମେସରର୍ ସବୁ ବିରଦିମନ୍‌କେ କୁରୁପ୍‌ନାସ୍ କରବା ସେ ବେସି ଲାଗ୍‌ତେରଇବା ଜଇର୍ ପାଇ ମିସା ଜାଗବାକେ ପଡ୍‌ସି । ୨୮ ମସାର ନିୟମ୍ ନ ମାନ୍‌ବା ଗଟେକ୍ ଲକ୍‌କେ କାଇଟା ଅଇତେରଇଲା ବଲି ବାବିଦେକା । ଦୁଇ କି ତିନ୍ ଲକ୍ ତାର ପାପର୍ ଲାଗି ସାକିଦେଲେ, ସେ କାଇମିସା ଦୟା ନ ପାଇକରି ମର୍ବାକେ ଆଦେସ୍ ଦେଇତେରଇଲା ।

୨୯ ମସାର ନିୟମ୍ ନ ମାନ୍‌ବା ଗଟେକ୍ ଲକ୍‌କର୍ ଦସା ସେନ୍ତାରି ରଇଲେ, ପରମେସରର୍ ପଅକେ ଇନ୍ କରବା ଗଟେକ୍ ଲକ୍‌କର୍ ଦସା କେତେକ୍ ଅଦିକ୍ ନ ରଏ । ଜଦି ତାର ରାଜିନାମାର୍ ବନିକେ କାଇ ମୁଲିଅ ନାଇ ବଲି ଏଲାକରିଦେଲେ, ଏ ବନିର୍ ଲାଗି ସେ ପାପେଅନି ସେ ସୁକଲ୍ ଅଇରଇଲା । ସେନ୍ତାରି କରବା ଲକ୍ ପରମେସରର୍ ଆଡ଼ମା ଜେ କି ଜିବନ୍ ଦୁକାଇ ଦୟା ଦେକାଇସି, ତାକେ ମିସା ମନ୍‌ଦୁକ୍ କରାଇଲାନି । ତାର ଉଣ୍ଡ କେତେକ୍ ଅଦିକ୍ ନ ଅଏ । ୩୦ କାଇକେବଇଲେ



ଆମେ ଜାନିଆରୁ, ପର୍ଯ୍ୟେସର୍ କଲଲା, “ବେର୍ ସୁଜାଇବାକେ ମର୍ ଅଦିକାର୍ ଆଟେ । ମୁଇସେ ବାଉଡାଇବି ।” ସେ ଏନ୍ତାରି ମିସା କଇରଇଲା, “ମୁଇସେ ମାପୁରୁ ଆରି ମର୍ ଲକ୍ମନକେ ମୁଇ ଆକା ବିଚାର୍ କର୍ବି ।” ୩୧ ଜିବନ୍ ରଇବା ଆରି ସବୁଟାଟାନ୍ତେନି ବସୁ ରଇବା ପର୍ଯ୍ୟେସର୍ ଡଣ୍ଡ ପାଇବାକେ କେତେକ୍ ଡର୍ ଲାଗିସି ।

୩୨ ଗାଲା ଦିନ୍ମନକେ ତମେ କେନ୍ତାରି ରଇଲାସ୍, ତମେ ଏତାଇଦେକା । ପର୍ଯ୍ୟେସର୍ ସତ୍ ବିସଇର୍ ପାଇ ତମର୍ ମନ୍ ଉଗାଡି ଅଇଲାକେ, ତମକେ ବେସି ଦୁକ୍ କସଟ୍ ଅଇଲେମିସା, ସେଟା ସବୁ ମୁର୍ଚି କରି ରଇଲାସ୍ । ଆରିତେଇ ଆରିଜାଆସ୍ ନାଇ । ୩୩ କେତେ କେତେ ତର୍ ତମକେ ସବୁର୍ ମୁଆଟେ ଇଜଡ୍ ଜିକଲାଇ ଆରି କାରାପ୍ ଇସାବେ ଦେକ୍ଲାଇ । କେବେ କେବେ ଜନ୍ ଲକ୍ମନକେ ଦୁକ୍ ଆଇସି, ତାକର୍ ସମାନ୍ ଅଇତେରଇଲାସ୍ । ୩୪ ଆରି ବନ୍ଦି ଗରେ ରଇବା ତମର୍ ସଙ୍ଗାରିମନକେ ଦୟା ଦେକାଇଲାସ୍ । ତମଟାଟାନ୍ତେ ଜେଡ୍ କି ରଇଲାଟା ସେମନ୍ ମାର୍ଦାର୍ କରି ନେଲାବେଲେ, ତମେ ସାର୍ଦାସଙ୍ଗ୍ ମୁର୍ଚି ରଇଲାସ୍ । କାଇକେବଇଲେ, ତମକେ ତାର୍ତେଇଅନି ନିକଟା ଆରି ନ ସାର୍ବା ଦିନ୍ ଜାକ ରଇବା ଦନ୍ସପତି ଆଟେ ବଲି ଜାନିରଇଲାସ୍ । ୩୫ ସେଟାପାଇ ତମର୍ ସାଆସ୍ ଚାଡାନାଇ । ମାତର୍ ସେଟା କର୍ତେରୁଆ । କାଇକେ ବଇଲେ ତମର୍ ଇନାମ୍ ବଡ୍ ରଇସି । ୩୬ ପର୍ଯ୍ୟେସର୍ ମନ୍ କଲାଟା ସାଦନ୍ କର୍ବାକେ ତମେ ମୁର୍ଚିକରି ରଇବାର୍ ଆଟେ ଆରି ସେ କାତା ଦେଇରଇବାଟା ତମେ ମିଲାଇସା ।

୩୭ ଜେନ୍ତାରିକି ସାସ୍ତରେ ଲେକା ଅଇଲାଆଟେ,

ଚନେକ୍ ଜାଗିରୁଆ,

ଜେ ଆଇବାର୍ ଆଟେ, ସେ ଆଇସି ଆକା,  
ସେ ଅଲ୍‌ସମ୍ ନ ଅଏ ।

୩୮ ମର୍ ଜେଡ୍ କି ଦରମ୍ ଲକ୍ ଆଟଡ୍,

ସେମନ୍ ବିସ୍ବାସ୍ କରି ବର୍ବାଇ

ମାତର୍ ଜେ ଜଦି ପର୍କେ ବାଅଡ୍ଲେ  
ମୁଇ ତାର୍ଟାଟାନ୍ତେ ସାର୍ଦା ନ ଅଇ ।

୩୯ ମାତର୍ ଆମେ ପର୍ଯ୍ୟେସର୍କେ ନ ମାନିକରି ତାର୍ ତେଇଅନି ବେଗ୍ଲି ଜିବା ଲକ୍ ନଉଁ । ମାତର୍ ଆମେ ବିସ୍ବାସ୍ କରି ରକିଆ ପାଇଲା ଲକ୍ମନର୍ ସଙ୍ଗ୍ ଆରୁ ।

## ୧୧

### ବିସ୍ବାସ୍

୧ ତେବେ ବିସ୍ବାସ୍ ଆଲେ କାଇଟା ? ଜନ୍ ବିସଇର୍ ପାଇ ଆମେ ଆସା କଲୁନି, ସେଟା ସିଦ୍ ଅଇସି ଆକା ବଲି ଆମର୍ ମନେ ଜାନ୍ବାଟା ଅଇଲାନି ବିସ୍ବାସ୍ । ଆରି ଜନ୍ଟା ଆମେ ଦେକି ନାପାରୁ, ସତଇସେ ଆଟେ ବଲି ଜାନ୍ବାଟା, ମିସା ବିସ୍ବାସ୍ । ୨ ପୁର୍ବେ ରଇବା ଆମର୍ ଆନିଦାଦିମନର୍ ବିସ୍ବାସର୍ ଲାଗି ପର୍ଯ୍ୟେସର୍ ସେମନ୍କେ ମନ୍‌କଲା ।

୩ \*ଆମର୍ ବିସ୍ବାସର୍ଲାଗି, ଏ ଜଗଡ୍ ଆରି ତେଇ ରଇବା ସବୁଜାକ ପର୍ଯ୍ୟେସର୍ ଆଦେସ୍ ଇସାବେ ତିଆର୍ ଅଇଲାଆଟେ ବଲି ଆମେ ଜାନ୍ଲୁନି । ତେବେ ଜନ୍ଟା ଦେକି ଅଇଲାନି, ସେଟା ଦେକି ନ ରଇଲା ଟାନ୍ତେନି ତିଆର୍ ଅଇଆଟେ ।

୪ ଏବଲର୍ ବିସଇ ବାବି ଦେକୁ । ତାର୍ ବିସ୍ବାସର୍ ଲାଗି ସେ ଜନ୍ଟା ପର୍ଯ୍ୟେସର୍କେ ସର୍ପି ଦେଇରଇଲା, ତାର୍ ବାଇ କଇନ୍ ଦେଲାଟାନ୍ତେନି ନିକରଇଲା । ତାର୍ ବିସ୍ବାସର୍ ଲାଗି ପର୍ଯ୍ୟେସର୍ ତାକେ ଦରମ୍ ବଲି ଏଜାଇଲା । ସେ ସର୍ପିଦେଲାଟା ପର୍ଯ୍ୟେସର୍ ମାନ୍‌ଲାକେ ଆମେ ଏଟା ଜାନ୍ଲୁନି । ତେବର୍ପାଇ ଏବଲ୍ ମରିଗାଲେମିସା ତାର୍ ବିସ୍ବାସର୍ ଲାଗି, ସେ ଆମ୍‌କେ କାଇକାଇଟା କଇଲାନି ।

୫ ଆରି ଗଟେକ୍ ଲକ୍ ରଇଲା ଇନକ୍, ତାର୍ ବିସ୍ବାସର୍ ଲାଗି ସେ ମରେନାଇ, ମାତର୍ ଜିବନ୍ ରଇତେ ତାକେ ପର୍ଯ୍ୟେସର୍ ଦାରିଗାଲା । ତେବେ ସେମନ୍ ତାକେ କଜ୍‌ଲାଇ ମିସା ମିଲାଇ ନାପାର୍‌ଲାଇ । କାଇକେବଇଲେ ପର୍ଯ୍ୟେସର୍ ତାକେ ନେଇରଇଲା । ସାସ୍ତରେ ଏନ୍ତାରି ଲେକା ଅଇଲାଆଟେ, ତାକେ ଦାରି ନେବା ଆଗ୍‌ତୁ ପର୍ଯ୍ୟେସର୍ ତାକେ ମନ୍ କରଇରଇଲା । ୬ ତେବର୍ପାଇ ଜନ୍ ଲକ୍ମନ ପର୍ଯ୍ୟେସର୍ ଲଗେ ଆଇବାକେ ମନ୍ କଲାଜିନି, ପର୍ଯ୍ୟେସର୍ ଆଟେ ବଲି ବିସ୍ବାସ୍ କର୍ବାର୍ ଆଟେ । ଜେଡ୍ କି ଲକ୍ମନ ତାକେ କଜ୍‌ବାଇ, ସେ ସେମନର୍ ଆସା କଲାଟା ପୁରାପୁରୁନ୍ କର୍ସି ।

୭ ନଅର୍ ବିସଇ ବାବିଦେକା । ତାର୍ ବିସ୍ବାସର୍ ଲାଗି ପର୍କେ ଅଇବା ବିସଇ ପର୍ଯ୍ୟେସର୍ ତାକେ ଜାଗ୍‌ରଡ୍ କରାଇଲାକେ, ସେ କାତା, ସେ ଏଲାକରେ ନାଇ । ତାର୍ ଆଗ୍‌ତୁ ସେ ସେନ୍ତାରିଟା କାଇଟା ନ ଦେକିରଇଲେ ମିସା, ସେ ବିସ୍ବାସ୍ କଲା । ତାର୍ପଟେ ସେ ଆରି ତାର୍ କୁଟୁମ୍ ରକିଆ ପାଇବାକେ ଗଟେକ୍ ବଡ୍ ଡଙ୍ଗା ତିଆର୍ କଲା । ତାର୍ ବିସ୍ବାସର୍ ଲାଗି ପର୍ଯ୍ୟେସର୍ ତାକେ ଦରମ୍ ଲକ୍ ବଲି ଏଜଲା, ମାତର୍ ବିନ୍‌ଲକ୍ମନକେ ଦସି କଲା ।

୮ ଅବ୍ରାଆମ୍ ମିସା ତାର୍ ବିସ୍ବାସର୍ ଲାଗି ପର୍ଯ୍ୟେସର୍ କାତା ମାନ୍‌ଲା । ପର୍ଯ୍ୟେସର୍ ତାର୍ପାଇ ସଙ୍ଗଇରଇବା ଗଟେକ୍ ଦେସେ ଜା ବଲି କଇଲାକେ, ସେ ଦାପ୍‌ରେ ମାନ୍‌ଲା ଆରି ବାରଇଲା । ସେ କନ୍ତ୍ର ଗାଲିନି ବଲି ନାଜାନି ରଇଲେ ମିସା ସେ ସେନ୍ତାର୍ କଲା । ୯ ତାର୍ ବିସ୍ବାସର୍ ଲାଗି ପର୍ଯ୍ୟେସର୍ ତାକେ ଦେବି ବଲି କାତା ଦେଇରଇଲା ଦେସେ,

☆ ୧୧:୩ ୧୧:୩ ଜଅନ୍ ୧:୩

ସେ ବିନ୍ଦେସର ଲକ୍ ପାରା ତୁମ୍ ଟାନି ରଇଲା । ସେନ୍ତାରିସେ ତାର ପଥ ଇସାକ୍ ଆରି ଜାକୁବ୍ ତାର ନାତି ମିସା ପରମେସର୍ କାତା ଦେଇରଇଲାଟା ମିଲାଇବାଟାନେ ମିସଲାଇ । ୧୦ ଅବରାଆମ୍ ସେନ୍ତାରି ଜାଗାଇ ମୁରଚିକରି ରଇଲା । କାଇକେବଇଲେ ପରମେସର୍ ତିଆର୍ କଲା ସବୁଦିନ ରଇବା ସରଗର୍ ନଅରେ ରଇବି ବଲି ସେ ଆସାକଲା ।

୧୧ ତାର ବିସ୍ବାସର୍ ଲାଗି ଅବରାଆମ୍ ବେସି ଡକ୍ଟରା ରଇଲା ମିସା ଆରି ତାର ମାଇଜି ସାଆରା ବାଞ୍ଜି ରଇଲେ ମିସା, ବାବା ଅଇଲା । ପରମେସର୍ କାତା ଦେଇରଇଲାଟା ସିଦ୍ କରସିଆକା ବଲି ସେ ଜାନିରଇଲା । ୧୨ ଅବରାଆମ୍ କୁଲ୍କୁଲା ଡକ୍ଟରା ଅଇଲାକେ ସେ ପିଲାଜିଲା କରି ନାପାରଲା । ଅଇଲେମିସା ତାର ନାତିତିମିନ୍ ବାଦଲର୍ ତାରା ପାରା ଆରି ସମ୍ବୁରେ ରଇବା ବାଲି ପାରା ଜବର୍ ଅଇଗାଲାଇ ।

୧୩ ଏ ସବୁ ଲକ୍ମନ୍ ସେମନ୍ ମଲାବେଲେ ମିସା ପରମେସର୍କେ ବିସ୍ବାସ୍ କରତେ ରଇଲାଇ । ପରମେସର୍ ସେମନ୍କେ କାତା ଦେଇରଇଲାଟା, ସେମନ୍ ଜିବନ୍ ରଇଲାବେଲେ ନ ମିଲାଇରଇଲେ ମିସା, ଜନ୍ତା ପାଇବାଇ, ସେଟା ଦୁରିକେଅନି ଦେକ୍ଲାପାରା ଦେକି ସାରଦା ଅଇଲାଇ । ଏ ଜଗତେ ସେମନ୍ ବିନ୍ଦେସର୍ ପାରା ଆରି ନିଜର୍ ଦେସେ ନ ରଇଲା ଲକ୍ମନ୍ପାରା ମାନିଅଇକରି ରଇଲାଇ । ୧୪ ସେମନ୍ ମାନିଅଇ ରଇଲାଟାନେ ଅନି ଆମେ ଜାନୁ ଜେ, ସେମନ୍ ନିଜର୍ଟା ବଲି ଜାନାଇବା ଗଟେକ୍ ଦେସ୍ କଜ୍ତେ ରଇଲାଇ । ୧୫ ସେମନ୍ ଚାଡିକରି ଆସିରଇବା ଦେସ୍ ବିସଇନେଇ ଚିନ୍ତା କରଡନାଇ । ସେନ୍ତାରି କରତାଇଆଲେ, ସେମନ୍ ବାଉଡବାକେ ଅଇତା । ୧୬ ସେମନ୍ ଚାଡିଆଇଲା ନଅର୍ତେଇଅନି ଅଦିକ୍ ନିକ ଗଟେକ୍ ନଅର୍ତ୍ତ ପାଇ ତାକର୍ ଆଁକି ରଇଲା । କାଇକେବଇଲେ, ସେମନ୍ ସରଗ୍ ଦେସ୍ ପାରାଟା କଜ୍ତେରଇଲାଇ । ସେମନ୍ ତାକେ ପରମେସର୍ ବଲି ତାକ୍ଲାର୍ ପାଇ, ସେ ଲାଜ୍ ଅଏନାଇ । କାଇକେବଇଲେ ସେ ତାକର୍ପାଇ ଗଟେକ୍ ନଅର୍ ତିଆର୍କଲା ଆଟେ ।

୧୭ ତାର ବିସ୍ବାସର୍ ଲାଗି ଅବରାଆମ୍ ଜେଡେବେଲେ ପରମେସର୍ ତାକେ ପରିକା କଲା, ସେ ତାର ପଥକେ ବଲି ଇସାବେ ସର୍ପି ଦେଲା । ମାତର୍ ପରମେସର୍ କାତା ଦେଇରଇଲାଟାନେ ଅବରାଆମ୍ ବିସ୍ବାସ୍ ଡାଟ୍ ରଇଲା । ଆରି ସେ ତାର ଗଟେକ୍ ବଲି ପଥ ଇସାକ୍କେ ବଲି ଇସାବେ ଦେବାକେ ରାଜି ରଇଲା । ୧୮ ତାର ପଥ ଇସାକ୍ ଲାଗି, ତାର ନାତିତିମିନ୍ ଜବର୍ ଅଇଜିବାଇ ବଲି ପରମେସର୍ ତାକେ କାତା ଦେଇରଇଲା । ୧୯ ଜଦି ଇସାକ୍ ମରିଗାଲେ, ପରମେସର୍ ତାକେ ଜିବନ୍ କରି ଉଟାଇପାରସି ବଲି ଅବରାଆମ୍ ବାବିରଇଲା । ଆରି ସେବେଲେ ସେନ୍ତାରିସେ ତାକେ ମଲାତେଇଅନି ଜିବନ୍ ଅଇକରି ପାଇଲା ପାରା ସେ ରଇଲା ।

୨୦ ଇସାକ୍ ତାର ବିସ୍ବାସର୍ ଲାଗି, ତାର ପଥମନ୍ ଜାକୁବ୍ ଆରି ଏସ୍ଥକେ ଆଇବା ଦିନମନ୍ ପାଇ ଆସିର୍ବାଦ୍ ଦେଲା ।

୨୧ ଜାକୁବ୍ ତାର ବିସ୍ବାସର୍ ଲାଗି, ସେ ମର୍ବା ବେଲେ ତାର ନାତିତିମିନ୍ ଜେ କି ଜସେପର୍ ପଥମନ୍କେ ଆସିର୍ବାଦ୍ କଲା । ସେ ଦାରିକରି ଇଶ୍ଟୁବା ତାଜ୍ ଉପରେ ଆଉଜି କରି ପରମେସର୍କେ ଉପାସନା କଲା ।

୨୨ ଜସେପ୍ ତାର ବିସ୍ବାସର୍ ଲାଗି ସେ ମର୍ବାବେଲେ ଆଇବା ଦନ୍ମନ୍କେ ଇସ୍ରାଏଲର୍ ଲକ୍ମନ୍ ସବୁ ମିସର୍ ଦେସ୍ ଚାଡି ଜିବାଇ ବଲି କଇରଇଲା । ଆରି ତାର ମଲା ଗାଗଡ୍ସଜ୍ କାଇଟା କର୍ବାର୍ ଆଟେ ବଲି ସେମନ୍କେ ତିଆରି ରଇଲା ।

୨୩ ମସାର ଆୟାବାବାମନ୍ ତାକର୍ ବିସ୍ବାସର୍ ଲାଗି ଏବ୍ରିଅମନ୍ ପିଲାଟକିକେ ମରାଇବାର୍ ଆଟେ ବଲି ରାଜା ଆଦେସ୍ ଦେଇରଇଲା ମିସା, ସେମନ୍ ମସା ଜନମ୍ ଅଇଲାକେ ତାକେ ତିନିମାସ୍ ଲୁଚାଇକରି ସଙ୍ଗଇଲାଇ । ସେ ଗଟେକ୍ ସୁନ୍ଦର୍ ପିଲା ବଲି ସେମନ୍ ଦେକ୍ଲାଇ । ରାଜା ଆଦେସ୍ କଲାଟାକେ ସେମନ୍ ଡରଡ୍ ନାଇ ।

୨୪ ମସା ତାର ବିସ୍ବାସର୍ ଲାଗି, ସେ ବଡ୍ ଅଇଲାକେ ରାଜାର୍ ଜିଇର୍ ପିଲା ବଲାଅଇବାକେ ମନ୍ କରି ନ ରଇଲା । ୨୫ ଚନେକର୍ପାଇ ସାରଦା ଦେବା ପାପ୍ କର୍ବାତେଇଅନି, ପରମେସର୍ ଲକ୍ମନ୍ ସଙ୍ଗ୍ କସ୍ଟ ଅଇରଇବାଟା ଅଦିକ୍ ନିକ ବଲି ସେ ବାବ୍ଲା । ୨୬ ମସିଅର୍ ଲାଗି ଲାଜ୍ପାଇ ମୁରଚିକରି ରଇବାଟା ମିସର୍ ଦେସେଅନି ମିଲାଇରଇବା ବଡ୍ ଦନ୍ ସପତିତେଇଅନି ଅଦିକ୍ ନିକଟା ବଲି ସେ ବାବ୍ଲା । ଆଇବା ଦିନମନ୍କେ ମିଲାଇବା ପୁରୁସ୍କାର୍ଟାନେ ସେ ଆଁକିପାକାଇ ରଇଲା ।

୨୭ ତାର ବିସ୍ବାସର୍ ଲାଗି, ସେବେଲେ ସେ ମିସର୍ଦେସ୍ ଚାଡିଆଇଲା । କାଇକେବଇଲେ, ସେ ରାଜାର୍ ରିସା ଡରେନାଇ । ଆକିସଙ୍ଗ୍ ଦେକି ନାପାରବା ପରମେସର୍କେ ଦେକ୍ଲା ପାରା ସେ ଆରି ସେ ଦେସେ ବାଉଡେନାଇ ।

୨୮ ତାର ବିସ୍ବାସର୍ ଲାଗି ସେ ନିସ୍ତାର୍ ପରବ୍ ମାନଲା ଆରି ଇସ୍ରାଏଲ୍ ଲକ୍ମନ୍ ରଇବା ଗରର୍ କାପାଟେ, ଗଟେକ୍ ମେଣ୍ଟାପିଲାର୍ ବନି ଚିର୍ବାକେ ଆଦେସ୍ ଦେଲା । ସେ ଏନ୍ତାରି କଲାକେ ପରମେସର୍ ଦୁଡ୍ ଇସ୍ରାଏଲ୍ ଲକ୍ମନ୍ ପଣ୍ଡୁଆ ପିଲାମନ୍କେ ମରାଏ ନାଇ ।

୨୯ ଇସ୍ରାଏଲ୍ ଲକ୍ମନ୍ ତାକର୍ ବିସ୍ବାସର୍ ଲାଗି ଲଇଡ୍ ନାଉର୍ ସମ୍ବୁର୍ ବିଡ୍ରେ ସୁକ୍ଲା ବୁଇଁପାରା ଇଣ୍ଡି ଇଣ୍ଡି ଲଙ୍ଗଲାଇ । ସେମନ୍କେ କେଦି ଆନ୍ତେରଇବା ମିସର୍ ଦେସର୍ ଲକ୍ମନ୍, ସେନ୍ତାରି ଲଙ୍ଗବାକେ ଚେସ୍ଟା କଲାକେ ସେମନ୍ ସବୁଲକ୍ ବୁଡିଗାଲାଇ । କାଇକେବଇଲେ ଜନ୍ ସମ୍ବୁରେ ସେମନ୍ ଇଶ୍ଟୁବା ବେଲେ ପାନି ଦୁଇବାଗ୍ ଅଇରଇଲା, ପରମେସର୍ ସେ ପାନି ମିସାଇଦେଲା ।

୩୦ ଇସ୍ରାଏଲ୍ ଲକ୍ମନ୍ ତାକର୍ ବିସ୍ବାସର୍ ଲାଗି ଜିରିକର୍ ପାଚୁରିତେଇ ଆସି ସାଡ୍ ଦିନ ଜାକ ତେଇ ବୁଲିଲାକେ ତାର ପାଚୁରି ବସ୍ଲିଗାଲା । ୩୧ ଜେରିକର୍ ନଅରେ ରଇବା ରାଆବ୍ ନାଉର୍ ଗଟେକ୍ ବେସିଆ ମାଇଜି, ତାର ବିସ୍ବାସର୍

ଲାଗି ପରମେସ୍ୱରକେ ନ ମାନିକରି ରଇବା ଲକ୍ଷ୍ମୀ ସଙ୍ଗେ ମରେନାଇ । ଇସ୍ତରାଏଲ୍ କବର ନେବା ଲକ୍ଷ୍ମୀନ୍ ଲୁଚ୍ଚେ ନଅରେ ଆଇଲାବେଲେ ରାଆବ୍ ସେମନ୍ତକେ ସାଇଜ କଲା ।

୩୨ ମୁଇ ଇତି ତେବି । କାଇକେବଇଲେ ମୁଇ ଆରି କଇବାଟା ଆରାମ୍ କଲେ, ଗିଦିୟନ୍, ବାରାକ୍, ସାମ୍ସନ୍, ଜେପ୍ତା, ସାମୁଏଲ୍, ଆରି ବବିସ୍ତବକ୍ତାମନର୍ ବିସ୍ତବାସ୍ ବିସଇ କାତା ଅଇବାକେ ବେଲା ନ କେଟେ । ୩୩ ତାକର୍ ବିସ୍ତବାସ୍ ଲାଗି କେତେକ୍ ଲକ୍ ରାଇଜେ ଜୁଇଦ୍ କରି ଜିଡ୍ଲାଇ । ବିନ୍ ଲକ୍ଷ୍ମୀନ୍ ଦରମ୍ ଚଲାଟଲ୍ଡିକରି ପରମେସ୍ୱର କାତା ଦେଇରଇବାଟା ମିଲାଇଲା । ସେମନ୍ ବାଦରା ସିଅମନ୍ତକେ ଆରାଇଲା । ୩୪ ବିନ୍ ଲକ୍ଷ୍ମୀନ୍ ତାକର୍ ବିସ୍ତବାସ୍ ଲାଗି ଜବର୍ ଜଇଲାଟଲା ମିସା ପତଡନାଇ, । କାଣ୍ଡାତେଇଅନି ରକିଆ ପାଇଲା । ସେମନ୍ ଦୁର୍ବଲ୍ ରଇଲା । ମାତର୍ ତାକର୍ ବିସ୍ତବାସ୍ ଲାଗି ତାଟ୍ ଅଇଲା । ଜୁଇଦ୍ କରବାକେ ବପୁ ଅଇଲା । ସତ୍ତରୁମନର୍ ସଇନମନ୍ତକେ ଆରାଇଲା । ୩୫ କେତେଟା ମାଇଜିମନ୍ ମିସା ତାକର୍ ବିସ୍ତବାସ୍ ଲାଗି ସେମନର୍ କୁଟୁମର୍ ଲକ୍ଷ୍ମୀନ୍ତକେ ମଲାତେଇଅନି ଜିବନ୍ ଅଇତେ ମିଲାଇଲା । ବିସ୍ତବାସିମନ୍ତକେ ବନ୍ଦିକରି ନେଲା ।

ସେମନ୍ ମର୍ବାଜାକ ଦୁକ୍ କସ୍ଟ ପାଇଲେ ମିସା ତାକର୍ ବିସ୍ତବାସ୍ ଚାଡ଼ ନାଇ । ଆଇବା ଦିନମନ୍ତକେ ଅଦିକ୍ ନିକ୍ ଜିବନ୍ ପାଇରୁ ବଲି ସେନ୍ତାରି ଅଇକରି ମଲା । ୩୬ କେତେ ଲକ୍ଷ୍ମୀକେ କିଜାଇଲା, କର୍ତ୍ତା ମାରାଇଲା, ବିନ୍ ଲକ୍ଷ୍ମୀନ୍ତକେ ବନ୍ଦିକରି ଜଇଲେ ପୁରାଇଲା, ୩୭ ବିନ୍ ଲକ୍ଷ୍ମୀନ୍ତକେ ପାକ୍ନା ମାରାଇ ମରାଇଲା, । ଦୁଇପତାକରି କାଟାଇଲା, କାଣ୍ଡା ସଙ୍ଗେ ମାରାଇଲା । କେତେକ୍ ଲକ୍ଷ୍ମୀ ତାକର୍ ବିସ୍ତବାସ୍ ଚାଡ଼ନାଇକେ ଅବ୍ କା ଚେଲିମେଣ୍ଡା ଚାମ୍ସେ ଲୁଗାପାଇ ରଇଲା । ସେମନ୍ ବେସି ଅରକିଡ଼ ରଇଲା । ସେମନ୍ତକେ ସାଦବାସ୍ କରି ତାଡ଼ନା କଲା । ୩୮ ଏ ଜଗତର୍ କାରାପ୍ ଲକ୍ଷ୍ମୀନ୍, ସେ ଦରମ୍ ଲକ୍ଷ୍ମୀନ୍ତକେ ସଙ୍ଗେ ମିସ୍ତବାକେ ସମାନ୍ ନ ରଇଲା, ବିନ୍ ବିସ୍ତବାସିମନ୍ ନିଜର୍ ଗର୍ଦୁଆର୍ ଚାଡ଼ି ଆଜିଜାଇରଇବା ଲକ୍ଷ୍ମୀନ୍ତକେ ପାରା ମରୁବାଲି ବୁର୍ସ୍, ଆରି କୁପ୍ଲିତେଇ ରଇବା ପାଆରେ, ଆରି କଲେ ରଇଲା ।

୩୯ ତାକର୍ ବିସ୍ତବାସ୍ ଲାଗି ସେମନ୍ ତାକ୍ପୁଟା ଅଇଲା । ଏଲେମିସା ପରମେସ୍ୱର କାତା ଦେଇରଇବାଟା ସେମନ୍ ମିଲାଅଡ଼ ନାଇ । ୪୦ କାଇକେବଇଲେ ପରମେସ୍ୱର ଗଟେକ୍ ବେସି ନିକ୍ ଜଜନା ଆମର୍ପାଇ ଟିକ୍ କଲାଆଟେ । ଆମେ ସେ ଲକ୍ଷ୍ମୀନ୍ତକେ ସଙ୍ଗେ ନ ମିସ୍ତବାଜାକ, ସେ ସେମନ୍ତକେ କାତା ଦେଇରଇଲାଟା ସିଦ୍ ନ କରେ ।

### ୧୨

#### ପରମେସ୍ୱର ଆମର୍ ବାବା

୧ ଏବେ ଆମେ ସବୁ ଆରାଜିତାଟାନ୍ତେ ପାଇଲାବା ଲକ୍ଷ୍ମୀନ୍ତକେ ପାରା ଆରୁ । ଆମର୍ ଚାରିବେଟ୍ଟି ଗଟେକ୍ ବଡ଼ ଦଲ୍ତ୍ ସାକିମନ୍ ଦେକ୍ଲାଇନି । ତେବର୍ପାଇ ଜନ୍ତାମନ୍ ଆମକେ ବାଦା ଦେଲାନି, ଆରି ଜନ୍ ପାପମନ୍ ଆମକେ ପର୍ତ୍ତକେ ଜିକ୍ଲାନି, ସେଟା ସବୁ ବେଟି ପିଙ୍ଗିଦେବାର୍ । ଜନ୍ ଆରାଜିତା ଅଇ ପାଇଲାବାଟା ପରମେସ୍ୱର ଆମର୍ ମୁଆଟେ ସଙ୍ଗାଇଆଟେ, ତେଇ ଆମେ ମୁର୍ଚିକରି ପାଇଲା ସାରାଇଦେଉଁ । ୨ ଆମର୍ ଆକି ଜିସୁର୍ଟାନ୍ତେ ସଙ୍ଗାଇ । ତାକେ ଆମେ ଆରାମେ ଅନି ସାରାସାରି ଜାକ ବିସ୍ତବାସ୍ କରିଆରୁ । ଜନ୍ ସାର୍ଦା ତାର୍ ମୁଆଟେ ସଙ୍ଗାଇରଇଲା, ସେ ସାର୍ଦାର୍ଲାଗି ରଇବା ଦୁକ୍ କସ୍ଟ ମୁର୍ଚି କରି ରଇଲା । ଆରି ତେଇ ମର୍ବା ଲାଜର୍ ବିସଇ ମନେ ଦାରେନାଇ । ପରମେସ୍ୱର ଆଜି ଜନ୍ ଜାଗାଇ ବସ୍ତଲାଆଟେ, ତାର୍ ଉଜାବାଟେ ସେ ମିସା ବସ୍ତଲାଆଟେ ।

୩ ବାବିଦେକା, ସେ କେତେକ୍ ଦୁକ୍ କସ୍ଟ ପାଇଆଟେ । ସେ ପାପିମନ୍ତକେ ଚାନ୍ତେଅନି କେତେକ୍ ଉଡା ସୁନିଆଟେ । ଜେନ୍ତାରି ଆସା ନ କରି ଚାଡ଼ି ଦିଆସ୍ ନାଇ । ୪ କାଇକେବଇଲେ ପାପର୍ ବିରୁଦେ ଆଇବା ଜୁଇଦେ ବନି ଜର୍ବା ଏଡ଼କି ତମେ କରାସ୍ ନାଇତା । ୫ ପରମେସ୍ୱରର୍ ସାସ୍ତରେ ଲେକା ଅଇଲାଟା ତମେ ପାସ୍ତରିଗାଲାସ୍ କି ? ସେ ତାର୍ ପିଲାଜିଲାମନ୍ତକେ ମନ୍ ସାର୍ଦା କରାଇ ଏନ୍ତାରି କଇରଇଲା । ସେ କଇଲା, ମର୍ ପଥ ମାପ୍ତୁର୍ ସାସନ୍ କରବାଟା ଏଲା କରବାର୍ ନାଇ ।

ସେ ତମ୍ତକେ ଡଣ୍ଡ ଦେବାବେଲେ ଆସା ଚାଡ଼ବାର୍ ନାଇ ।

୬ କାଇକେବଇଲେ ମାପ୍ତୁର୍ ଜେଡ଼କି ଲକ୍ଷ୍ମୀକେ ଆଲାଦ୍ କରସି, ସେଡ଼କି ଲକ୍ଷ୍ମୀକେ ସେ ସାସନ୍ କରସି ।

ଆରି ଜେଡ଼କି ଲକ୍ଷ୍ମୀକେ ତାର୍ ପିଲାଜିଲା ବଲି ଏଜିଆଟେ

ସେ ସବୁ ଲକ୍ଷ୍ମୀକେ ଡଣ୍ଡ ଦେଇସି ।

୭ ତେବର୍ପାଇ ତମର୍ ଦୁକ୍ କସ୍ଟ ସବୁ ତମର୍ ବାବାଟେଇଅନି ମିଲିରଇବା ଡଣ୍ଡ ପାରା ବଲି ବାବ୍ବାର୍ ଆଟେ । ପରମେସ୍ୱର ତମକେ ତାର୍ ପିଲା ଜିଲା ବଲି ଏଜ୍ଲାନି । ଏଟା ତମର୍ ଦୁକ୍ କସ୍ଟ ପାଇବାଟେଇଅନି ଜାନାପଡ଼ସି । କାଇକେବଇଲେ, ତାର୍ ପିଲାକେ ଡଣ୍ଡ ନ ଦେଲା ବାବା କେ ଆଟେ ? 「 ତେବର୍ପାଇ ତାର୍ ସବୁ ପିଲାଜିଲାପାରା ପରମେସ୍ୱର ଜଦି ତମ୍ତକେ ଡଣ୍ଡ ନ ଦେଏ, ତାର୍ ଅରଡ଼ ଅଇଲାନି ସତଇସେ ତମେ ତାର୍ ପିଲାଜିଲା ନୁଆସ୍, ମାତର୍ ଉପକା ପିଲାଜିଲା । ୮ ଆମକେ ଜନମ୍ ଦେଲା ବାବାମନ୍ ଡଣ୍ଡ ଦେଇରଇଲା ଆରି ସେଟାର୍ପାଇ ଆମେ ସେମନ୍ତକେ ମାନିଅ କର୍ତେରଇଲୁ । ସେନ୍ତାଆଲେ ସର୍ଗେ ରଇବା ଆମର୍ ବାବାକେ ଆମେ କେତେକ୍ ଅଦିକ୍ ନିଜ୍ତକେ ସର୍ପିଅଇ ବର୍ତ୍ତୁ ? ୧୦ ଆମର୍ ବାବାମନ୍ ସେମନ୍ ଟକ୍ ବଲି ବାବ୍ବା ଇସାବେ, ଚନେକର୍ପାଇ ରଇବା ଏ ଜିବନେ ଆମ୍ତକେ ଡଣ୍ଡ ଦେଇରଇଲା । ମାତର୍ ଜେଡେବେଲେ ପରମେସ୍ୱର ଆମ୍ତକେ ଡଣ୍ଡ ଦେଇସି, ଆମର୍ ନିକପାଇ ଦେଇସି । ଜେନ୍ତାରିକି

ଆମେମିସା ତାରପାରା ସୁକଲ୍ ଅଇବୁ । ୧୧ ଜେଡେବେଲେ ଡଣ୍ଡ ପାଇବୁ, ଆମେ ସାରଦା ନ ଅଉଁ, ମାତର୍ ଦୁକ୍ ଅଇବୁ । ସେଟା ସତ୍, ମାତର୍ ସେ ଡଣ୍ଡ ପାଇଲାତେଇଅନି କାଇକାଇଟା ସିକ୍ଲା ପଟେ, ସେଟା ନିକ ବଲି ବାବୁ । କାଇକେବଇଲେ ସେଟା ଆମ୍ଭେକେ ସାକ୍ତିସଙ୍ଗ ରଇବା ମନ୍ ଆରି ଗଟେକ୍ ଦରମ୍ ଚଲାଚଲ୍ତି କରବାକେ ସାଇଜ କର୍ସି ।

**ସିକିଆ ଆରି ଚେଡନା**

୧୨ ତେବର୍ପାଇ ଅଦୁଆ ଅଇରଇବା ଆଡ୍ ଉଟାଆ ଆରି ଲୁଡ୍ଗୁଡ୍ତି ଜାଇତେରଇବା ମାଣ୍ଡିମନ୍ ଡାଁଟକରା । ୧୩ ସଲକ୍ ବାଟେ ଇଣ୍ଡିଜା । ସେନ୍ତାଚକଲେ ତମର୍ ନ ଆଇବା ପାଦ୍ ନିକଅଇ ଡାଁଟ୍ ଅଇସି ।

୧୪ ସବୁ ଲକ୍ ର ସଙ୍ଗ୍ ସୁସାରେ ଆରି ସୁକଲ୍ ସଙ୍ଗ୍ ରଇବାକେ ଚେସଟା କରା, ଆରିକେ ସୁକଲ୍ ନ ଅଇକରି ମାପ୍ଟୁକେ ଦେକି ନାପାରତ୍ । ୧୫ ଗଟେକ୍ ଲକ୍ ଆରିଗଟେକ୍ ଲକ୍ କେ ଜାଗ୍ ରତ୍ କରାଆ । ଜେନ୍ତାରି କି ପର୍ମେସର୍ ଜିବନ୍ ଦୁକାଇକରି ଦୟା ଦେକାଇଲାଟାନେଅନି କେ ପର୍ମେ ନ ଜାଅଡ୍ । କାଇକେବଇଲେ ସେନ୍ତାରି ଲକ୍ ପିତା ପଲ୍ ଦାରବା ଗଟେକ୍ ଗଟ୍ ପାରା ରଇସି ଆରି ବେସି ଲକ୍ କେ ତାର୍ ବିସ୍ ସଙ୍ଗ୍ ଅଇରାନ୍ କର୍ସି । ୧୬ ଜାଗ୍ ରତା ରୁଆ, ତମର୍ ବିଡ୍ରେ କେ ମିସା ବେସିଆ କାମ୍ କରାନାଇ । ପର୍ମେସର୍ କେ ବିସ୍ବାସ୍ ନ କରି ରଇବା ଏସ୍ଥ ପାରା ନ ଉଆ । ସେ ଗଟେକ୍ କାଦିରପାଇ ପର୍ମେସର୍ ସେ ପାଇସି ବଲି କାତା ଦେଇରଇବା ବଡ୍ ପିଲାର୍ ଅଦିକାର୍ ପାଲ୍ଟାଇଲା । ୧୭ ଆମେ ଜାନିଆରୁ ଜେ ସେ ସେନ୍ତାରି କଲାପଟେ, କରିରଇବା କାମର୍ ପାଇ ଦୁକ୍ କଲା । କାଇକେବଇଲେ ବାବାର୍ ବଡ୍ ପଅ ଇସାବେ ତାର୍ ବାବାର୍ ଆସିରବାଦ୍ ପାଇବାକେ ବେସି ମନ୍ କଲା । ମାତର୍ ତାର୍ ସଙ୍ଗ୍ କାନ୍ଦିକରି ବାବୁଜିଆ କଲାମିସା, ସେ ମିଲାଇ ନାପାରଲା କି କରିରଇବା କାମ୍ ମିସା ବାଦ୍ଲେ ନାଇ ।

୧୮ ଇସ୍ରାଏଲର୍ ଲକ୍ମନ୍ ପର୍ମେସର୍ ଲଗେ ଆଇଲାପାରା ତମେ ଆସାସ୍ ନାଇ । ସେମନ୍ ଜନ୍ଟା ଦେକ୍ଲାଇ, ସେଟା ଜାନିପାରଲାଇ । ସିନୟ୍ ପର୍ବତେ ରଇବା ଜଇ ଦେକ୍ଲାଇ । ବେସି ଆନ୍ଦାର୍ ଅଇଲାଟା ଆରି ଜବର୍ ପବନ୍ ଆଇଲାଟା ତେଇ ରଇକରି ଜାନିପାରଲାଇ । ୧୯ ମଇରି ପୁକ୍ବାଟା ଆରି ସବଦ୍ ଅଇବାଟା ସୁନ୍ଲାଇ । ସେ ସବଦ୍ ସୁନ୍ଲାକେ ଲକ୍ମନ୍ ଆରି ନ ସୁନ୍ ବଲି ବାବୁଜିଆ କଲାଇ । ୨୦ କାଇକେବଇଲେ ତେଇ ଦେଇରଇବା ଆଦେସ୍ କେ ସେମନ୍ ବେସି ଡର୍ଲାଇ । “ଗଟେକ୍ ପସୁ ମିସା ସେ ପର୍ବତେ ପାଦ୍ ମାଣ୍ଡିଲେ ତାକେ ପାକ୍ନା ସଙ୍ଗ୍ ମାରି ମରାଇବାର୍ ଆତେ ।” ବଲି ଆଦେସ୍ ରଇଲା । ୨୧ ଜନ୍ଟା ଦେକିଅଇଲା ଆରି ସୁନି ଅଇଲା, ସେଟା ବେସି ଡର୍ ଲାଗ୍ବାଟା ରଇଲା । ଜେନ୍ତାରି କି ମସା ମିସା କଇଲା, “ସତଇସେ ମୁଇମିସା ଡର୍ଡରି କରି ଡର୍ଲିନି ।”

୨୨ ମାତର୍ ଏବେ ଆମେ ସିଅନ୍ ପର୍ବତେ ଆସିଆରୁ । ସେଟା ଅଇଲାନି ସର୍ଗେ ରଇବା ଜିରୁସାଲେମ୍ । ଜିବନ୍ ରଇବା ପର୍ମେସର୍ ନଅରେ ଆଇଲୁ ଆରୁ । ଜନ୍ଟାନେ କି ଅଜାର୍ ଅଜାର୍ ଦୁଡ୍ମନ୍ ଆଡ୍ । ୨୩ ପର୍ମେସର୍ ପଣ୍ଡୁଆ ପିଲାମନ୍ ସାରଦାସଙ୍ଗ୍ ରୁଣ୍ଡିରଇବା ଜାଗାଇ ଆମେ ଆଇଲୁଆରୁ । ତାକର୍ ନାଉଁମନ୍ ସର୍ଗେ ଲେକାଅଇଲା ଆତେ । ଆମେ ପର୍ମେସର୍ ଲଗେ ଆଇଲୁ ଆରୁ । ସେ ସବୁକେ ବିଚାର୍ କର୍ସି । ସେ ସିଦ୍ କରିରଇବା ଦରମ୍ଲକ୍ ଆଡ୍ମାନର୍ଗାନେ ଆଇଲୁ ଆରୁ । ୨୪ ଆରି ନୁଆ ରାଜିନାମା ତିଆର୍ କରିରଇବା ଜିସୁକିରିସ୍ ଲଗେ ଆଇଲୁଆରୁ । ସେ ତାର୍ ବନି ଜରାଇରଇଲା । ସେଟା ଏବଲର୍ ବନିତେଇଅନି ନିକ ଆତେ ।

୨୫ ଜନ୍ଟା ତମ୍ କେ ପର୍ମେସର୍ କଇଲାନି, ନ ସୁନ୍ଲା ଲକ୍ପାରା ଉଆ ନାଇ । କାଇକେବଇଲେ ପର୍ମେସର୍ କାତା ନ ମାନ୍ଲାକେ ଆମର୍ ଆନିଦାଦିମନ୍ ସିନୟ୍ ପର୍ବତେ ଡଣ୍ଡ ପାଇରଇଲାଇ । ଜନ୍ ଲକ୍ ଆମ୍ଭେକେ ସର୍ଗେଅନି କଇଲାନି, ସେ କାତା ଆମେ ନ ସୁନିକରି ଏଲାକଲେ, କେତେକ୍ ଅଦିକ୍ ଡଣ୍ଡ ପାଇବୁ ? ୨୬ କାଇକେବଇଲେ, ସିନୟ୍ ପର୍ବତେ ପର୍ମେସର୍ କାତା ଅଇଲାବେଲେ, ଦର୍ଡନି ରୁଲ୍‌ରୁଲିଗାଲା । ମାତର୍ ସେ ଏବେ କାତା ଦେଇ କଇଲା ଆତେ, “ମୁଇ ଆରିତରେକ୍ ଦର୍ଡନିକେ ରୁଲ୍‌ରୁଲାଇବି । ଅବ୍‌କା ଦର୍ଡନିସେ ନର୍ସ, ଆକାସେ ରଇବା ସବୁଜାକେ ମିସା କର୍ବି ।” ୨୭ ଜେଡେବେଲେ ସେ ଆରିତରେକ୍ ବଲି କଇରଇଲା, ତାର୍ ଅରଡ୍ ଅଇଲାନି ତିଆର୍ କରିରଇବା ସବୁଜାକ ରୁଲ୍‌ରୁଲାଇ କରି ସବୁଜାକ ଦାରିଜାଇସି । ଜେନ୍ତାରି କି ନ ରୁଲ୍‌ରୁଲ୍‌ବାଟାସେ ରଇସି ।

୨୮ ସେଟାପାଇ ଆମେ ପର୍ମେସର୍ କେ ଦନିଅବାଦ୍ ଦେଉଁ । କାଇକେବଇଲେ ସେ ଆମ୍ଭେକେ ସାସନ୍ କଲାନି । ଆରି ତାର୍ ରାଇଜ୍ ନ ରୁଲ୍‌ରୁଲେ । ତାକେ ସାରଦା କରାଇବାକେ ଡରିକରି ସନ୍ମାନ୍ ସଙ୍ଗ୍ ଉପାସନା କରୁ । ୨୯ କାଇକେବଇଲେ ଆମର୍ ପର୍ମେସର୍ ସବୁକେ ପଡାଇକରି କୁରୁପ୍‌ନାସ୍ କର୍ବା ଜଇପାରା ଆତେ ।

**୧୩**

**ପର୍ମେସର୍ କେ ସନ୍ତୁସକରୁ**

୧ କିରିସ୍‌ଟାନେ ମିସିବିଡି ରଇବା ବିସ୍ବାସି ବାଇବଇନି ପାରା ଆଲାଦ୍ କରାକରି ଅଇ ରୁଆ । ୨ ନ ଚିନ୍ଲା ଲକ୍ମନ୍ କେ ମିସା ତମର୍ ଗର୍ମନ୍ କେ ଡାକିନିଆ । କାଇକେବଇଲେ କେତେଲକ୍ ନାଜାନିକରି ସେନ୍ତାରି ଦୁଡ୍ମନ୍ କେ ଡାକିନେଲାଇ । ୩ ବନ୍ଦି ଗରେ ରଇବା ଲକ୍ମନ୍ କେ ତମେ ତାକର୍ ସଙ୍ଗ୍ ରଇଲାପାରା ଦୟା ଦେକାଆ । ଦୁକ୍‌କସ୍ ଅଇରଇବା ଲକ୍ମନ୍ କେ ନିଜେ ତାକର୍ପାରା ଦୁକ୍‌କସ୍ ପାଇଲୁନି ବଲି ଏତାଆ ।

୪ ବିବା ଅଇବାଟା ସବୁଲକ୍ ନିକ ବଲି ମାନଡ଼ । ସବୁ ମାଇଜିମନସ୍ ମନ୍ ଗଟେକ୍ ମାଇଜି ଆରି ଗଟେକ୍ ମନସ୍ ଅଇକରି ସତ୍ସଙ୍ଗ୍ ରଇବାରୁଆଟେ । ଜନ୍ ଲକ୍ମନ୍ ବେସିଆ କାମ୍ କରି ରଇବାଇ, ସେମନ୍କେ ପର୍ମେସର୍ ଡଣ୍ଡ ଦେଇସି ।

୫ ଡାବୁ ଆସା ଅଇକରି ତାର୍ପଟେ ପାଲଆ ନାଇ । କାଇକେବଇଲେ ପର୍ମେସର୍ କଇଲାଆଟେ, “ମୁଇ ତମ୍କେ କେବେ ନ ପାସ୍ରି କି ନ ଚାଡ଼ି ।”<sup>୬</sup> ତେବର୍ପାଇ ଆମେ ସାସ୍ ଦାରି କଇପାରୁ ପର୍ମେସର୍ ଆକା ମକେ ସାଇଜ କରସି,

ମୁଇ କେବେ ନ ଡରି

ଲକ୍ମନ୍ ମକେ କାଇଟା କରି ନାପାରଡ଼ ।

<sup>୭</sup> ଜନ୍ ଲକ୍ମନ୍ ତମ୍କେ ମୁକିଅ ଇସାବେ ଡାକିନେଇ ପର୍ମେସର୍ ବାକିଅ ସିକାଇତେରଇଲାଇ, ସେମନ୍ ବିସଇ ବାବିଦେକା । ସେମନ୍ କେଡ଼ି ଜିଇଲାଇ ଆରି ମଲାଇ ? ତମେ ତାର୍ ପାରା ବିସବାସ୍ କରା ।<sup>୮</sup> କାଇକେବଇଲେ, ଜିସୁକିରିସ୍ଟ କେବେ ନ ବାଦ୍ଲେ । ସେ ଆଜିରପାଇ, କାଲିକରପାଇ, ଆରି ସବୁଦିନର୍ ପାଇ ସମାନ୍ ସେ ରଇସି ।<sup>୯</sup> ତେବର୍ପାଇ ଲକ୍ମନ୍ ତମ୍କେ ବିନ୍ ବିନ୍ ସିକିଆ ସୁନାଇକରି ସତ୍ସଙ୍ଗେଅନି ବିନେ ନେବାକେ ରାଜି ଉଆନାଇ । କାଇକେବଇଲେ ପର୍ମେସର୍ ଜିବନ୍ ଦୁକାଇକରି ଦୟା ଦେକାଇଲାଟା ଆମର୍ ମନ୍କେ ଡାଟ୍ କରସି । କାଦିର୍ ଲାଗି ରଇବା ନିୟମ୍ ମାନ୍ବାଟା ନଏ । ସେନ୍ତାରି ନିୟମ୍ ମାନ୍ବା ଲକ୍, ତେଇ ଅନି କାଇଟା ମିସା ପାଅଡ଼ ନାଇ ।

<sup>୧୦</sup> ଜିଉଦିମନର୍ ବେଦିଟାନେ ସେବା କରବା ପୁଜାରିମନ୍ ତେଇ ସର୍ପି ଦେଇରଇବା କାଇଟା ମିସା କାଇବାର୍ ନଏ ।<sup>୧୧</sup> ବଡ଼ ପୁଜାରି ପସୁମନର୍ ବନି ନେଇକରି, ପାପର୍ ବଲି ସର୍ପିଦେବାକେ ଅଦିକ୍ ସୁକଲ୍ ଜାଗାଇ ନେଇସି । ମାତର୍ ପଡ଼ିଜାଇରଇବା ପସୁମନର୍ ଗାଗଡ଼ ତୁମ୍ ଗର୍ ବାଇରେ ରଇସି ।<sup>୧୨</sup> ସେଟାସେ ଜିସୁକେ ଅଇରଇଲା । କାଇକେବଇଲେ, ତାକେ ନଅରର୍ ବାଇରେ ଲକ୍ମନ୍ ମରାଇରଇଲାଇ । ଆରି ତାର୍ ବନି ଗୁଲାଇ ମୁନୁସ୍ ଜାଡିର୍ ପାପ୍ ଦଇଦେଲା ।<sup>୧୩</sup> ତେବର୍ପାଇ ନଅରର୍ ବାଇରେ ଜୁ । ଆରି ତାକେ ଆମେ ବିସବାସ୍ କଲାଟପାଇ, ଲକ୍ମନ୍ ଜେଡ଼କି ନିନ୍ଦା କଲାଟା ଆମେ ମୁଚିକରି ରତ ।

<sup>୧୪</sup> କାଇକେ ବଇଲେ ଆମେ ସବୁଦିନ୍ ଏ ଜଗତେ ନ ରତ । ମାତର୍ ଆଇବା ଦିନମନ୍କେ କେବେ ନ ସାର୍ବା ଦିନଜାକ ରଇବା ନଅରେ ରଇବୁ ବଲି ଆମେ ଜାଗିଆରୁ ।<sup>୧୫</sup> ତେବେ ଆସା । ଜିସୁକିରିସ୍ଟକେ ଦେଇକରି ଆମେ ସବୁବେଲେ ପର୍ମେସର୍କେ ବଲି ସର୍ପି ଦେଇତେ ରତ । ସେଟା ଆମର୍ ଟଣ୍ଡେଅନି ଆଇବା ଉପାସନା । ସେ ଆକା ମାପରୁ ବଲି ଆମେ କଉଁ ।<sup>୧୬</sup> ନିକ କାମ୍ କରବାକେ ପାସ୍ତ୍ରା ନାଇ । ଗଟେକ୍ ଲକ୍ ଆରି ଗଟେକ୍ ଲକ୍କେ ସାଇଜ କରା । କାଇକେବଇଲେ, ଏନ୍ତାରି ରଇବା ଚଲାଚଲୁଡ଼ି ପର୍ମେସର୍କେ ସାର୍ଦା କରାଇବା ଗଟେକ୍ ବଲି ।

<sup>୧୭</sup> ତମର୍ ମୁକିଅ ଲକ୍ମନର୍ କାତା ମାନିକରି ଆଦେସ୍ ଦେଲାଟା କରା । ସେମନ୍ ଜାଗୁଆଲ୍ମନର୍ ପାରା ନ ତାକିକରି ତମର୍ ଆଡ଼ମାମନ୍କେ ଜତନ୍ କଲାନ୍ତି । କାଇକେବଇଲେ ସେମନ୍କେ ତାକର୍ କରିରଇବା କାମ୍ ପର୍ମେସର୍ କେ ଇସାବ୍ ଦେବାକେ ପଡ଼ସି । ତମେ ଜଦି ତାକର୍ କାତା ମାନ୍ସା, ସେମନ୍ ସାର୍ଦା ସଙ୍ଗ୍ ସେବା କାମ୍ କରବାଇ । ତମେ ତାକର୍ କାତା ନ ମାନ୍ଲେ, ସେମନ୍ ଦୁକ୍ ଅଇବାଇ । ତେବେ ତମ୍କେ କାଇ ସାଇଜ ନଏ ।

<sup>୧୮</sup> ଆମର୍ ପାଇ ପାର୍ତନା କର୍ତେରୁଆ । ଆମର୍ ବିବେକ୍ ଆମେ କରିରଇବା କାମ୍ ସତ୍ ବଲି ସାକିଦେଲାନ୍ତି ।<sup>୧୯</sup> ମର୍ପାଇ ମିସା ପାର୍ତନା କରା । ଜେନ୍ତାରି କି ପର୍ମେସର୍ ଦାପ୍ରେ ମକେ ତମର୍ଲଗେ ପାଟାଇସି ।

**ସାରାସାରିର୍ ପାର୍ତନା**

<sup>୨୦</sup> ଆମର୍ ମାପରୁ ଜିସୁକେ ପର୍ମେସର୍ ମଲାତେଇଅନି ଉଟାଇଲା । ସେ ଗଟେକ୍ ଗଉଡ଼ପାରା ଆମ୍କେ ଜାଗିରଇସି । ଆମେ ପର୍ମେସର୍ ସଙ୍ଗ୍ ସବୁଦିନର୍ପାଇ ଗଟେକ୍ ଅଇବାଟାକେ ତାର୍ ବନି ଜରାଇଲା ।<sup>୨୧</sup> ଜିସୁକିରିସ୍ଟର୍ ଲାଗି ସାନ୍ତି ଦେବା ପର୍ମେସର୍ ତମ୍କେ ସବୁ ରକାମର୍ ସାଇଜ ଦେଅ । ଜେନ୍ତାରି କି ସେ ମନ୍ କଲାଟା ତମେ ପୁରାପୁରୁନ୍ କରସା । ଆମେ କରବା କାମ୍ ତାକେ ସାର୍ଦା ଦେଅ । ଜିସୁକିରିସ୍ଟକେ ଆମେ ନ ସାର୍ବା ଦିନଜାକ ଡାକ୍ପୁଟା ଦେଉ ।

**ସେସ୍ କାତା**

<sup>୨୨</sup> ଏ ମର୍ ବାଇବଇନିମନ୍, ମୁଇଁ ତମ୍କେ ବାବୁଜିଆ କଲିନି, ମୁଇ ତମ୍କେ କଇଲା ଏ ସବୁ କାତା ମୁଚିକରି ସୁନା । କାଇକେବଇଲେ, ଏ ଚିଟି ବେସି ତେଙ୍ଗ୍ ନାଇ ।<sup>୨୩</sup> ଆମର୍ ବାଇ ତିମତି ବନ୍ଦିଗରେ ଅନି ମୁକ୍ଲି ଆଚେବଲି ଜାନ୍ସା । ସେ ଜଦି ସେ ଦାପ୍ରେ ଆଇସି, ତେବେ ମର୍ସଙ୍ଗ୍ ତାକେ ଡାକିଆନ୍ବି ।

<sup>୨୪</sup> ତେଇ ରଇବା ତମର୍ ମୁକିଅ ଲକ୍ମନ୍କେ ଆରି ପର୍ମେସର୍ ସବୁ ଲକ୍ମନ୍କେ ମର୍ ଜୁଆର୍ ଜାନାଇ ଦିଆସ୍ । ଇଟାଲିତେଇ ମର୍ ସଙ୍ଗ୍ ରଇବା ଆମର୍ ବାଇବନିମନ୍ ମିସା ଜୁଆର୍ ଜାନାଇଲାଇନି ।

<sup>୨୫</sup> ପର୍ମେସର୍ ତମ୍କେ ସବୁଲକ୍କେ ତାର୍ ଜିବନ୍ ଦୁକାଇ ଦୟା ଦେକାଅ ।

## ଜାକୁବଙ୍କ ପତ୍ନୀ ଜାକୁବ ଲେକିରଇବା ଚିଠି ଏ ବଇର ବିସଇ ଜାନବାଟା

ଜାକୁବ୍ ବଇ ଜାକୁବ୍ ନାଉଁ ଡାକ୍ତେରଇବା ଗଟେକ୍ ଲକ୍ ଲେକିଆଟେ । ଦେକ୍‌ବାକେ ଗାଲେ ଏ ଜାକୁବ୍ ଜିସୁକିରିସ୍‌ଟର୍ ବାଇ ରଇଲା । ଜେ କି ଆଦିଅ ଫଣ୍ଡଲିର୍ ଗଟେକ୍ ନେତା ରଇଲା ଆରି ଜିରୁସାଲମ୍ ସବାର୍ ଗଟେକ୍ ଫେମର୍ ରଇଲା ପେରିଡ୍ ୧୫:୧୩ । ପେରିଡ୍ ପାଉଲ୍ ମିସା ଜାକୁବ୍‌କେ ଫଣ୍ଡଲିର୍ ମୁଲ୍ ଡେଲି ବଲି ଡାକ୍ତେରଇଲା ଗାଲାତିୟ ୨:୯ ।

ଜାକୁବ୍ ବଇ ଜିସୁକିରିସ୍‌ଟ ଜନମ୍ ଅଇକରି ୫୦ ବରସ୍ ପଟେ ଲେକାଅଇଆଟେ ବଲି ପଣ୍ଡିତ୍‌ମନ୍ ବିସ୍‌ବାସ୍ କରବାଇ । ଜାକୁବ୍ ଜିରୁସାଲମ୍ ଫଣ୍ଡଲିର୍ ନେତା ରଇଲା । ତେବର୍‌ପାଇ ସେ ଡେଇ ବାସାଅଇକରି ରଇଲାବେଲେ ସେ ଏ ବଇ ଲେକିରଇଲା । ଜାକୁବ୍ ବିନ୍ ବିନ୍ ଦେସେ ଚିନ୍‌ବିନ୍ ଅଇଜାଇରଇବା ବାର୍‌ଟା କୁଟୁମ୍‌କେ ତାର୍ ବଇଟାନ୍‌ନେ ନିଜେ ଜାନାଇଅଇଆଟେ ୧:୧ ।

ଜାକୁବ୍ ଏ ବଇ ସବୁ ବିସ୍‌ବାସିମନ୍ ନିଜେ ବାଇବାର୍ ବିସଇ ଆଟେ । ମାତର୍ ଜାକୁବ୍ ବାର୍‌ଟା କୁଟୁମ୍ ବିସଇ ନେଇକରି ସିଦା ସିଦା ଜିଉଡି ବିସ୍‌ବାସିମନ୍‌କେ ଲେକ୍‌ଲାଆଟେ । କାଇକେବଇଲେ ଏ ବଇ ଚିନ୍‌ବିନ୍ ଅଇଜାଇରଇବା ପତ୍‌ବା ଲକ୍‌ମନ୍‌କେ କେଟାଇବା ବିସଇରେ ଜାନାଇଲାଇନି ।

ଜାକୁବ୍ ବିସ୍‌ବାସ୍ ଆରି କରମର୍ ନିକ ମିସିରଇବା ବିସଇ ଜାନାଇଲାନ୍‌ନି ଜେ, ସତ୍ ବିସ୍‌ବାସ୍ କରବା କରମ୍‌ଡେଇ ଜାନାପତ୍‌ସି ୩:୧-୧୨ ।

ଦେକିଚାଇଁ କରି କାତା କଇବାକେ ମିସା ଜାଗ୍‌ରଡ୍ କରାଇଲାନ୍‌ନି ।

### ଏ ବଇ ବିଡ୍‌ରେ ରଇବାଟା

- ୧. ଜାକୁବ୍ ତାର୍ ଚିଠି ପତ୍‌ବା ଲକ୍‌ମନ୍‌କେ ଜୁଆର୍ ଜାନାଇଆଟେ । ୧:୧
- ୨. ସେ ବିସ୍‌ବାସିମନ୍‌କେ ଦୁକ୍ ଅଇଲାବେଲେ ଡାଟ୍‌ସଙ୍ଗେ ରଇବାକେ ସାଆସ୍ ଦେଇଆଟେ । ୧:୨-୨୭
- ୩. କରମ୍ କରି କେନ୍ତାରି ବିସ୍‌ବାସ୍ ଦେକାଇ ଅଇସି, ସେ ବିସଇରେ କଇଆଟେ । ୨:୧-୨୬
- ୪. ବାକିଅ କେନ୍ତାରି ଅଦିକ୍ ବପୁ ଅଇସି, ସେଟା ସେ ଜାନାଇଆଟେ । ୩:୧-୧୨
- ୫. ଜାକୁବ୍ ପର୍‌ମେସରର୍ ଗିଆନ୍ ଜଗତର୍ ଗିଆନ୍ ଟାନ୍‌ନେ ଅନି ବିନ୍ ଆଟେ ବଲି ଚିକି ନିକି ଜାନାଇଆଟେ । ୩:୧୩-୪:୧୦
- ୬. ପଟେ ସେ ପତ୍‌ବା ଲକ୍‌ମନ୍‌କେ ବଡ୍‌ପନ୍ ନ ଅଇବାକେ ଜାଗ୍‌ରଡ୍ କରାଇଲାନ୍‌ନି । ୪:୧୧-୫:୬
- ୭. ସାରାସାରି ଜାକୁବ୍, କେଡେଟା ସାନ୍ ସାନ୍ ମାନ୍‌ବା ଆଦେସ୍ ଦେଇକରି ତାର୍ ଲେକା ସାରାଇଆଟେ । ୫:୭-୨୦

୧\*ମୁଇ ଜାକୁବ ମାପୁରୁ ଜିସୁକିରିସ୍‌ଟ ଆରି ବାବା ପର୍‌ମେସରର୍ ଗଟେକ୍ ଗତିଦାଙ୍ଗ୍‌ତା ।

ଗୁଲାଇ ଜଗତେ ଚିନ୍‌ଚତର୍ ଅଇଜାଇରଇବା ପର୍‌ମେସରର୍ ବାର୍‌ଟା କୁଟୁମ୍ ଲକ୍‌ମନ୍‌କେ ମୁଇ ଜୁଆର୍ ଜାନାଇକରି ଏ ଚିଠି ଲେକ୍‌ଲିନି ।

### ବିସ୍‌ବାସ୍ ଆରି ଗିଆନ୍

୨ ଏ ମର୍ ବାଇବଇନିମନ୍ ଜିବନ୍ ବିତାଇଲାବେଲେ ତମର୍ ବିସ୍‌ବାସ୍ ଡାଟ୍ ଆଟେ କି ନାଇ ବଲି, ଜେଡ୍‌କି ଦୁକ୍ କସ୍‌ଟର୍ ପରିକା ଆଇଲେ, ଏଟା ଗଟେକ୍ ନିକ କରମର୍ ବିସଇ ବଲି ଏତାଆ । ୩ କାଇକେବଇଲେ, ଏନ୍ତାରି ଦୁକ୍ କସ୍‌ଟ ଆଇଲେ ତମର୍ ବିସ୍‌ବାସ୍ ପରିକାକରି ଡାଟ୍ ଆଟେବଲି ଦେକାଇସି । ଆରି ମୁରର୍‌ବାଟା ଅଦିକ୍ ଅଦିକ୍ ଅଇସି ବଲି ତମେ ଜାନିଆଟାସ୍ । ୪ ତମେ ସାରାସାରିଜାକ ମୁର୍ଚିକିରି ରଇଲେ, କାଇ ବିସଇଟାନ୍‌ନେ ମିସା ଉନା ନ ଅଇକରି ପୁରାପୁରୁନ୍ ସିଦ୍ ଅଇସା । ୫ ମାତର୍ ତମର୍ ବିଡ୍‌ରେ ଜଦି କାକେ ଗିଆନ୍ ଉନା ରଇ, ଗିଆନ୍ ପାଇବାର୍‌ଆଲେ ପର୍‌ମେସର୍‌କେ ମାଙ୍ଗା । ସେ ତାର୍ ଆଡ୍ ଫେଲାକରି, ଦସ୍ ନ ଦାରି ସବୁକେ ଦାନ୍ କରସି । ୬ ମାତର୍ ସେ ଅଇସି କି ନ ଅଏ ବଲିକରି ନ ବାବି, ବିସ୍‌ବାସର୍ ସଙ୍ଗ୍ ପାର୍‌ତନା କରବାର୍‌ଆଟେ । କାଇକେ ବଇଲେ ଜେ ଅଇସି କି ନ ଅଏ ବଲିକରି ବାବସି, ସେ ପବନ୍‌ସଙ୍ଗ୍ ଇଣ୍ଡିତେ ରଇବା ସମ୍‌ଦୁରର୍ ଉଲ୍‌କା ପାନି ପାରା ଗଟେକ୍ ଲକ୍ । ୭ ସେ ରକାମ୍ ଲକ୍ ମାପୁରୁର୍ ଟାନ୍‌ନେଅନି କାଇଟା ଆଲେ ପାଇବି ବଲିକରି ଆସା ନ କର । ୮ ସେ ତା, ଦୁଇମନିଆ ଲକ୍, ସେ କରବା ସବୁ କାମ୍‌ଟାନ୍‌ନେ ତବିର୍ ନ ରଏ ।

### ସାଉକାର୍ ଆରି ଅରକିଡ୍

୯ ଗଟେକ୍ କାକୁରଡି ଅଇ ରଇବା ବିସ୍‌ବାସି ବାଇକେ ପର୍‌ମେସର୍ ସାଉକାର୍ କଲେ ସେ ସାର୍‌ଦା ଅ । ୧୦ ସେନ୍ତାରିସେ ଗଟେକ୍ ସାଉକାର୍ ବିସ୍‌ବାସିକେ ସେ ଅରକିଡ୍ କଲେ, ସେ ମିସା ସାର୍‌ଦା ଅ । କାଇକେବଇଲେ ସାଉକାର୍ ଲକ୍ ପଦାର୍

☆ ୧:୧ ୧:୧ ମାଡିଉ ୧୩:୫୫; ମାର୍‌କ ୭:୩; ପେରିଡ୍ ୧୫:୧୩; ଗାଲାତିୟ ୧:୧୯

ଗାଁସର ପୁଲ ପାରା ଜାଉଁଲି ଜାଇସି । ୧୧ ଜେନ୍ତ୍ର କି ବେଲ ଉଦିକରି ବେସି ତାତିକଲେ ଗାଁସ ସୁକିଜାଇସି, ତାର ପୁଲ ଜତିଜାଇସି ଆରି ତାର ବାନିମୁରତି ନସି ଜାଇସି । ସେନ୍ତାରିସେ, ସାଉକାର ଲକ୍ମନ କାମ୍ କରି କରି ମରିଜିବାଇ ।

**ପରିକା ଆରି ଦୁକ୍‌କସ୍ତ**

୧୨ ଜନ୍ ଲକ୍ମନ ପରିକା ଆଇଲେ ମିସା ମୁରତି କରି ରଇବାଇ, ସେମନ୍ କେତେକ୍ ନିକ କରମର ଲକ୍ । କାଇକେବଇଲେ ସେ ସବୁ ପରିକାଇ ସେମନ୍ ଡା଼ ସଙ୍ଗ୍ ଚିଆଅଇଲାପତେ, ପୁରୁସକାର ପାଇବାଇ । ପର୍ମେସର୍ ତାର ନିଜର୍ ଲକ୍ମନକେ ଜନ୍ ଜିବନର୍ ମୁକୁଟ୍ ଦେବାକେ ସପତ୍ କଲାଆତେ, ସେମନ୍ ସେଟା ପୁରୁସକାର ଇସାବେ ମିଲାଇବାଇ । ୧୩ କାକେ ମିସା ଦୁକ୍‌କସ୍ତ ପାଇବା ପରିକା ଆଇଲେ, ଏ ପରିକା ପର୍ମେସର୍ ପାଟାଇଆତେ ବଲିକରି କଇବାର ନାଇ । କାଇକେବଇଲେ ପର୍ମେସର୍କେ କେ ମିସା ପରିକାକରି ନାପାରେ । ଆରି ସେ ନିଜେ କାକେ ପରିକା ନ କରେ । ୧୪ ମାତର୍ ଗଟେକ୍ ଲକ୍ କରାପ୍ ଗୁନ୍‌ଚଲନ୍ ତାକେ ପରିକା କରାଇ ଅଇବାକେ ତାକିନେଇସି । ୧୫ ତାରପତେ ତାର କରାପ୍ ଗୁନ୍‌ଚଲନେଅନି ପାପ୍ ବାରଇସି । ଆରି ପାପ୍ ଅଦିକ୍ ଅଦିକ୍ ବଡ଼ିଜାଇକରି ମରନ୍ ଆଇସି ।

୧୬ ଏ ମର୍ ଆଲାଦର୍ ବାଇବଇନିମନ୍, ତମେ ନାଡ଼ାଇଉଆ ନାଇ । ୧୭ ସବୁ ନିକ ଆରି ସିଦ୍ ରଇବା ଦାନ୍ ପର୍ମେସର୍ ଦେଲା ଆତେ । ବାଦ୍‌ଲେ ଉଜଲ୍ ଅଇବା ସବୁଜାକ ସେ ତିଆରକଲା ଆତେ । ସେଟାମନ୍ ବାଦ୍‌ଲେ ବୁଲ୍‌ବାବେଲେ ବାଦଲ୍‌ସି ଆରି ଚାଇଁ ଏନେତେନେ ଅଇସି । ମାତର୍ ପର୍ମେସର୍ ଅଲପ୍ ମିସା ସେନ୍ତାରି ନ କରେ । ୧୮ ତାର ସତ୍ ବାକିଅ ଆମକେ ଜାନାଇକରି ତାରତେଇଅନି ଆମକେ ଜିବନ୍ ଦେବାକେ ସେ ମନ୍ କଲା । ଜେଡକି ସବୁ ବିସଇ ସେ ତିଆରକଲା ମିସା ଆମେ ଅବ୍‌କା ତାରପାଇସେ ଅଇବାକେ ସେ ମନ୍ କଲା ।

**ସୁନ୍‌ବାଟା ଆରି କାମ୍ କର୍‌ବାଟା**

୧୯ ଏ ମର୍ ଆଲାଦର୍ ବାଇବଇନିମନ୍, ମନେ ରକିରୁଆ । ତମେ ଆଗ୍‌ତୁ ନିକକରି ସୁନା । ମାତର୍ ବାବିଚିକ୍ତିକରି କାତା କୁଆ । ଦାପ୍‌ରେ ରିସା ଉଆନାଇ । ୨୦ କାଇକେବଇଲେ ମୁନ୍‌ସର୍ ରିସାର ଲାଗି ପର୍ମେସର୍ ସୁକଲ୍‌ସଙ୍ଗ୍ ଜନ୍‌ନା କଲାଟା ନସିଜାଇସି । ୨୧ ସେଟାର ପାଇ ତମର୍ ଚଲାଚଲ୍‌ତି ଟାନେଅନି ବାରଇବା ସବୁ ରକାମର୍ କାରାପ୍ ଅବିଆସ୍ ଚାଡ଼ିଦିଆସ୍ । ପର୍ମେସର୍କେ ନିଜର୍ ମନ୍ ସର୍ପି ଦିଆସ୍ । ତମର୍ ମନ୍ ବିଡ଼ରେ ସେ ଜନ୍ ବାକିଅ ରପିଆତେ ସେଟାକେ ଦିଆନ୍ ଦିଆ । ସେ ବାକିଅ ତମ୍‌କେ ରକିଆ କର୍‌ସି ।

୨୨ ବାକିଅ ଜନ୍‌ଟା କରା ବଲି କଇଲାନି, ସେଟା କରା । ଅବ୍‌କା ସୁନିକରି ରଇବା ଲକ୍ମନର୍‌ପାରା ଉଆ ନାଇ । ଏନ୍ତାରିକଲେ ତମେ ନିଜେ ନାଡ଼ାଇ ଅଇଲାସିନି । ୨୩ ଜନ୍‌ଲକ୍ ପର୍ମେସର୍‌ର୍ ବାକିଅ ଅବ୍‌କା ସୁନ୍‌ସି, ମାତର୍ ତେଇର୍ କାତା ନ ନାମେ, ସେ ତାର୍ ମୁଏ ରଇବା ଆରଲା, ଦର୍‌ପନେ ଦେକ୍‌ବା ଲକ୍ ପାରା । ୨୪ ସେ ନିକ କରି ନିଜର୍ ଚାଁଇ ଦେକି ଅଇତେରଇସି । ମାତର୍ ତେଇଅନି ଉଟିଗାଲା ପତେ ତାର୍ ବାନିମୁରତି ପାସ୍‌ରି ଜାଇସି । ୨୫ ମାତର୍ ମୁନ୍‌ସର୍ ମୁକ୍ତି ପାଇ ଗଟେକ୍ ପୁରାପୁରନ୍ ନିୟମ୍ ଆତେ । ଜେ ସେ କାତା ସୁନିକରି ନ ପାସ୍‌ରେ, ଆରି ତାରଲାଗି ସବୁ ମନ୍‌ପରାନ୍ ଦେଇକରି ନିଜର୍ ଜିବନ୍‌ତେଇ ମାନିକରି ରଇସି ବଇଲେ ପର୍ମେସର୍ ତାର୍ କରିରଇବା ସବୁ କାମ୍ ମଙ୍ଗଲ୍ କର୍‌ସି ।

୨୬ କେ ଜଦି ମୁଇ ନିଜେ ଗଟେକ୍ ଦରମ୍ ଲକ୍ ବଲି ବାଦ୍‌ଲାନି, ସେ ଜଦି ତାର୍ ନିଜର୍ ଜିବ୍ ଜାଗର୍‌ତା କରେ ନାଇ, ସେ ନିଜେ ଆକା ନାଡ଼ାଇ ଅଇଲାନି । ତାର୍ ରିତିନିତି କର୍‌ବାଟା ରୁଟାଆଇସେ । ୨୭ ପର୍ମେସର୍ ଦେକ୍‌ବା ଇସାବେ ଜନ୍ ରିତିନିତି ସତ୍ ଆରି ନିକ, ସେଟା ଅଇଲାନି ଦୁକେ ରଇବା ଚୁରାଚୁରି ପିଲାମନ୍ ଆରି ରାଣ୍ଡିଜୁଣ୍ଡିମନର୍ ଜତନ୍ କର୍‌ବାଟା । ପତେ ଜଗତର୍ ଜଞ୍ଜାଲେଅନି ମୁକଲ୍‌ବାଟା, ଜେନ୍ତାରିକି ସେ ସବୁ ତାକେ ନ ନସାଏ ।

**୨**

**ଲକ୍ ଦେକି କର୍‌ବା କାମେ ଜାଗ୍‌ରତ୍**

୧ ଏ ବାଇବଇନିମନ୍ ଆମର୍ ତାକ୍‌ପୁଟା ମାପରୁ ଜିସୁ କିରିସ୍‌ଟକେ ବିସ୍‌ବାସ୍ କଲାରିଲାଗି, ଲକ୍ମନର୍ ଅଲ୍‌ଗା ପିନ୍‌ଆତା ଦେକିକରି, ନିଜର୍ ଚଲାଚଲ୍‌ତି ବାଦ୍‌ଲାଇବାଟା ଟିକ୍ ନାଇ । ୨ ଜଦି ସବାଇ ଗଟେକ୍ ଲକ୍ ସୁନାର୍ ମୁହି ଆରି ଜକ୍‌ମକି ଜାଇତେରଇବା ବସ୍‌ତର୍ ପିନ୍‌କରି ତମର୍‌ଲଗେ ଆଇସି, ଆରି ଗଟେକ୍ ଲକ୍ ମୁରକି ରଇ ଚିରୁରୁଅଇରଇବା ବସ୍‌ତର୍ ପିନ୍‌କରି ଆଇସି । ୩ ଆରି ତମେ ସୁନ୍‌ର୍ ବସ୍‌ତର୍ ପିନ୍‌ଆସି ରଇବା ଲକ୍‌କେ ଅଦିକ୍ ସନ୍‌ମାନ୍ ଦେଇକରି କଇସା, “ଆସା ଏ ନିକ କୁର୍‌ଚି ଉପ୍‌ରେ ବସା ।” ମାତର୍ ଅରକିଡ୍ ଲକ୍‌କେ କଇସା “ତେଇ ଜାଇ ଚିଆ ଅ ।” ନଇଲେ “ତଲେ ବସ୍ ।” ବଲିକରି କଇସୁ । ୪ ସେନ୍ତାର୍ ଆଲେତା ତମେ ନିଜର୍ ନିଜର୍ ବିଡ଼ରେ ବଡ଼୍‌ସାନ୍ ବଲିକରି ଅଲ୍‌ଗା ଇସାବେ ଦେକ୍‌ଲାସିନି । ଆରି କାରାପ୍ ଇସାବେ ମୁ ଦେକି, ବିଚାର୍ କଲାସିନି ।

୫ ଏ ମର୍ ଆଲାଦର୍ ମଇତର୍‌ମନ୍ ସୁନା, ପର୍ମେସର୍ ଏ ଜଗତର୍ ଅରକିଡ୍ ଲକ୍ମନକେ ବାଚି ଆତେ । ସେମନ୍ ତାକେ ବିସ୍‌ବାସ୍ କର୍‌ବାଇ ଆରି ତାର୍ ରାଇଜେ କେଟ୍‌ବାଇ । ତାକେ ଆଲାଦ୍‌କର୍‌ବା ସବୁ ଲକ୍‌କେ ସେ ରାଇଜ୍ ଦେବିବଲି କାତା ଦେଏ ନାଇ କି ? ୬ ମାତର୍ ତମେ ଅରକିଡ୍ ଲକ୍ମନକେ ସନ୍‌ମାନ୍ ଦିଆସ୍ ନାଇ । ସାଉକାର ଲକ୍ମନସେ ତମ୍‌କେ କସ୍‌ଟ ଦେଲାଇନି । ସେମନ୍‌ସେ ତମକେ ବିଚାର୍‌ନା ଜାଗାଇ ଜିକି ନେଲାଇନି । ୭ ତମ୍‌କେ ଜନ୍ ନାଉଁ ଜିସୁ କିରିସ୍‌ଟ ଦିଆଅଇଆତେ, ସେ ନାଉଁ ନେଇକରି ନିନ୍‌ଦା କଲାଇନି ।

୮ ନିଜ୍ଜକେ ଆଲାଦ୍ କଲାପାରା ବିନ୍ ଲକ୍ମନକେ ଆଲାଦ୍ କରା । ସାସ୍ତରେ ଲେକା ଅଇରଇଲାପାରା ପର୍ମେସରର ରାଇଜର୍ ଏ ନିୟମ୍ ଜଦି ତମେ ମାନସା, ସେନ୍ତାର୍ ଆଲେ ଟିକ୍ କଲାସ୍ନି । ୯ ମାତର୍ ତମେ ଜଦି ବଡ଼ ସାନ୍ ଦେକ୍ଲାସ୍ନି, ପାପ୍ କଲାସ୍ନି । ଆରି ସେ ରିଡିନିଡର୍ ଲାଗି ଦସି ବଲାଇ ଅଇଲାସ୍ନି । ୧୦ କାଇକେବଇଲେ ଜେ ମିସା ସବୁ ନିଅମ୍ ମାନିକରି ଗଟେକ୍ ନିୟମ୍ ଚାଡ଼ିଦେଲେ, କାଇ ନିୟମ୍ ନ ମାନିଲା ଲକ୍ମର ପାରା ଦସିଅଇ ଡଣ୍ଡ ପାଇସା । ୧୧ କାଇକେବଇଲେ ପର୍ମେସର୍ କଇଲାଆତେ “ତମେ ବେସିଆ କାମ୍ କର୍ବାରନାଇ, ଆରି ନର୍ ମାର୍ବାର ନାଇ” ବଲିକରି । ତେବେ ତମେ ଜଦି ବେସିଆ କାମ୍ ନ କର, ଲକ୍ମନକେ ମାର୍ସା, ତେବେ ତାର୍ ନିଅମ୍ ମାନାସ୍ ନାଇ । ୧୨ ପର୍ମେସର୍ ବିଚାରନା କରସି ବଲି ଜାନିକରି ସେନ୍ତାରି କାତା କଇ କାମ୍ କରି ଦେକାଆ । ଜନ୍ ନିୟମ୍ ଆମ୍‌କେ ମୁକ୍‌ଲାଇସି, ସେ ନିୟମ୍ ଇସାବେ ଆମ୍‌କେ ବିଚାରନା କରସି । ୧୩ କାଇକେବଇଲେ ଜନ୍‌ଲକ୍ ବିନ୍ ଲକ୍‌କେ ଦୟା ନ ଦେକାଏ, ପର୍ମେସର୍ ବିଚାରନା କରବାବେଲେ ତାକେ ମିସା ଦୟା ନ ଦେକାଏ । ଜନ୍ ଲକ୍‌ମନ୍ ବିନ୍ ଲକ୍‌ମନ୍‌କେ ଦୟା କରିଆତେ, ସେମନ୍ ବିଚାରନାଟାନେ ଡର୍ବାର ନାଇ ।

**ବିସ୍‌ବାସ୍ ଆରି କାମ୍**

୧୪ ଏ ମର୍ ବାଇବଇନିମନ୍, ଜଦି ଗଟେକ୍ ଲକ୍ ମୁଇ ବିସ୍‌ବାସ୍ କଲିନି ବଲି କଇସି । ମାତର୍ ତାର୍ କାମ୍ କଲାଟାନେ ସେଟା ନ ଡିସେ ବଇଲେ, ତାର୍ ପାଇ କାଇ ମୁଲିଅ ନାଇ । ଏନ୍ତାରି ବିସ୍‌ବାସ୍ ତାକେ କାଇ ମୁକ୍ତି ଦେଇ ନାପାରେ । ୧୫ ଜଦି ଗଟେକ୍ ବିସ୍‌ବାସି ବାଇ କି ବଇନିକେ, ସେ ଦିନର୍ ପାଇ କାଇବାକେ କି ପିନ୍‌ବାକେ ନ ରଇଲେ, ୧୬ ତମର୍ ବିଡ୍‌ରେ କେଆଲେ ଗଟେକ୍ ଲକ୍ ତାର୍ ଲଗେ ଜାଇ, ତକେ ପେଟ୍‌କେ କାଦି ଆରି ଗାଗଡ୍‌କେ ଲୁଗା ମିଲ ବଲି କଇସା । ତମେ ତାକେ ଲଡାକେ ଲାଗିବାଟା ନ ଦେଇ ଏନ୍ତାରି କଇଲେ କାଇ ଲାଦ୍ ? ୧୭ ସେନ୍ତାରିସେ ଗଟେକ୍ ବିସ୍‌ବାସ୍ କରବା ଲକ୍ ତାର୍ ବିସ୍‌ବାସ୍ ସଙ୍ଗ୍ ନିକ କାମ୍ ମିସା ନ ଡିସ୍‌ଲେ ତାର୍ ବିସ୍‌ବାସ୍ ମରିଗାଲା ଆତେ ।

୧୮ ମାତର୍ କେ ଆଲେ ମକେ କଇସି, ଗଟେକ୍ ଲକ୍ ବିସ୍‌ବାସ୍ ଆତେ ଆରି ଗଟେକ୍ ଲକ୍ ନିକ କାମ୍ ଆତେ, ମୁଇ ତାକେ କଇବି ନିକ କାମ୍ ଚାଡ଼ି, ଗଟେକ୍ ଲକ୍‌କେ କେନ୍ତ୍ର ବିସ୍‌ବାସ୍ ଅଇସି ? । ଅବ୍‌କା ବିସ୍‌ବାସ୍ କର୍ତ୍ତେରଇବା ଲକ୍ ରଇଲେ ମକେ ଦେକାଆ । ମର୍ କରବା ନିକ କାମ୍ ସଙ୍ଗ୍ ମର୍ ବିସ୍‌ବାସ୍ ମୁଇ ଦେକାଇବି । ୧୯ ପର୍ମେସର୍ ଗଟେକ୍‌ସେ ଆତେବଲି ତମେ ବିସ୍‌ବାସ୍ କଲାସ୍ନି, ସେଟା ନିକ । ତୁମାମନ୍ ମିସା ସେନ୍ତାରି ବିସ୍‌ବାସ୍ କଲାଇନି ଆରି ଡରିକରି ଗଜ୍‌ଗଜି ଜିବାଇ । ୨୦ ମାତର୍ ଏ ନିଲ୍‌ଜାଇ ଲକ୍‌ମନ୍ ତମେ ବୁଜିନାପାରାସ୍, ଜଦି ଗଟେକ୍ ଲକ୍ ମୁଇ ବିସ୍‌ବାସ୍ କଲିନି, ବଲି କଇସି ଆରି ନିକ କାମ୍ ନ କରେ, ସେନ୍ତାର୍‌ଆଲେ ତାର୍ ବିସ୍‌ବାସ୍ କରବାଟା ରୁଟାଇସେ । ୨୧ ଆମର୍ ପୁରବର୍ ଆନିଦାଦି ଅବ୍‌ରାଆମ୍ କେ ଦେକା, ପର୍ମେସର୍ ତାକେ ଦରମ୍ ଲକ୍ ବଲି ଡାକ୍‌ଲା । ସେଟା ତାର୍ ନିକ କାମ୍ ପାଇ । ଜେତେବେଲେ ନିଜର୍ ପିଲା ଇସାକ୍‌କେ ବେଦିଟାନେ ବଲି ଦେବାବେଲେ ନେଇରଇଲା । ୨୨ ତମେ ଦେକ୍‌ଲାସ୍‌ନିଜେ, ତାର୍ ବିସ୍‌ବାସ୍ ଆରି କରମ୍ ମିସିକରି ରଇଲା । ସେ କରଇରବା କରମର୍ ଲାଗି ବିସ୍‌ବାସ୍ ସିଦ୍ ଅଇଲା । ୨୩ ଏଟାର୍ ଲାଗି ଦରମ୍ ସାସ୍ତରର୍ ଏ ବାକିଅ ପୁରାପୁରୁନ୍ ଅଇଲା । ଅବ୍‌ରାଆମ୍ ପର୍ମେସର୍‌କେ ବିସ୍‌ବାସ୍ କଲା । ତାର୍ ବିସ୍‌ବାସ୍ ଲାଗି ପର୍ମେସର୍ ଦେକ୍‌ବା ଇସାବେ ଦରମ୍ ଲକ୍ ବଲି ଏଜାଇଅଇଲା । ଆରି ଲକ୍‌ମନ୍ ତାକେ ପର୍ମେସରର୍ ମଇଡର୍ ବଲି ଡାକିରଇଲାଇ । ୨୪ ଅବ୍‌କା ବିସ୍‌ବାସ୍ କଲେସେ ଗଟେକ୍ ଲକ୍ ଦରମ୍ ବଲି ନାମାଇଅଇ ନଏ, ମାତର୍ ତାର୍ କରବା ନିକ କାମର୍ ଲାଗି ଅଇସି । ଏଟା ତମେ ଦେକ୍‌ଲାସ୍ନି ।

୨୫ ସେନ୍ତାରିସେ ବେସିଆ ମାଇଜି ରାଆବ୍‌କେ ମିସା ଅଇଲା । ସେ ଇସ୍ରାଏଲର୍ ଦେକାଦେକି କରବା ଲକ୍‌ମନ୍‌କେ ଡାକିନେଲା ଆରି ବିନ୍ ବାଟେ ବାରଇଜିବାକେ ସାଇଜି କଲା । ସେ ଏନ୍ତାରି କଲାକେ ପର୍ମେସର୍ ଦେକ୍‌ବା ଇସାବେ ଗଟେକ୍ ଦରମ୍ ଲକ୍ ବଲି ଜାନାଇଅଇଲା ।

୨୬ ତେବେ, ଆଡ୍‌ମା ଚାଡ଼ିଗାଲେ ଲକ୍‌ମନ୍‌ର୍ ଗାଗଡ୍ ଜେନ୍ତ୍ରକି ମଲା ସମାନ୍, ସେନ୍ତାରିସେ ନିକ କାମ୍ ନ କଲେ, ବିସ୍‌ବାସ୍ ମିସା ମଲା ସମାନ୍ ଆତେ ।

**୩**

**ଜିବ୍‌କେ ବାନ୍ଦି ସଙ୍ଗାଇବାଟା**

୧ ଏ ମର୍ ବାଇବଇନିମନ୍, ତମର୍ ବିଡ୍‌ରେ ବାକିଅ ସିକିଆ ଦେବା ଗୁରୁ ଅଦିକ୍ ଉଆ ନାଇ । ଜନ୍‌ଲକ୍ ବିନ୍ ଲକ୍‌ମନ୍‌କେ ସିକାଇବାଇ ସେମନ୍ ଅଦିକ୍ ଡଣ୍ଡ ପାଇବାଇ, ଏଟା ଜାନିରୁଆ । ୨ ଆମେ ସବୁ ତରକେତର୍ ବୁଲ୍ କଲୁନି । ମାତର୍ ଜେ ମିସା ତାର୍ କାତାବାର୍ତା କଇଲାବେଲେ ବୁଲ୍ ନ କରେ, ତେବେ ସେ ସିଦ୍ ଲକ୍ । ଆରି ସେ ତାର୍ ସବୁଜାକ ମିସା ଜାଗରଡ୍‌କରି ସଙ୍ଗାଇ ଆତେ । ୩ ଗଟେକ୍ ଗଡାର୍ ବିସଇ ବାବିଦେକୁ । ଜଦି ଗଡା ଆମର୍ କାତା ମାନ୍‌ବାର୍ ଆତେ ବଇଲେ, ତାର୍ ଟଣ୍ଡେ ଲାଗନ୍ ଚାବାଇଲୁନି । ଜେନ୍ତାରିକି ଗଡାର୍ ଗୁଲାଇ ଗାଗଡ୍ ମିସା ବୁଲାଇକରି, ଆମେ ଜନ୍‌ବାଟେ ମନ୍ କର୍ବୁ, ସେବାଟେ ନେଲୁନି । ୪ ସେନ୍ତାରିସେ ଗଟେକ୍ ବଡ଼ ପାନିଜାଜର୍ ବିସଇ ଚିନ୍ତା କରିଦେକା । ସେଟା ବେସି ବଡ଼ ରଇଲେ ମିସା ଜବର୍ ପବନ୍ ଆଇତେରଇଲେସେ ସେଟା ଚାଲାଅଇସି । ମାତର୍ ଗଟେକ୍ ଜାଜ୍‌ଚାଲାଡ ସାନ୍‌ଟା ବୁଲାଇବା ଚକା ମାରିକରି ସେ ଜନ୍ତ୍ର ମନ୍ କରସି, ଜାଜ୍ ସେ ବାଟେ ଚାଲାଇ ନେଇସି । ୫ ସେ ରକାମ୍ ଆକା ଆମର୍ ଟଣ୍ଡେ ରଇବା ଜିବ୍ ମିସା ଆମର୍ ଗାଗଡର୍ ଗଟେକ୍ ସାନ୍ ଜିନିସ୍, ମାତର୍ ଏଟା ବେସି ବଡ଼ବଡ଼ କାତା କଇସି ।



ଗଟେକ୍ ତଙ୍ଗରୁ ବିସଇ ବାବିଦେକା, ସେଟା ବଡେଟା ରଇଲେ ମିସା କଣ୍ଡେକ୍ ଜଇ ଇଙ୍ଗରା ଲାଗିକରି ସବୁ ପଡାଇଦେଇସି ।

୭ ସେନ୍ତାରି ଜିବ୍ ମିସା ଜଇପାରା, ଜିବ୍ ବିଡରେ ମିଟଟାମନ୍ ବରଡିଅଇ ଆଚେ । ସେଟା ଆମର୍ ଗାଗଡ୍ ବିଡରେ ବାସାଅଇ ଆଚେ । ଆମର୍ ଗୁଲାଇ ଗାଗଡ୍‌କେ କାରାପ୍ ଡାବିଦେଇସି । ଆମର୍ ଜିବନ୍ ଜଇଟା'ନେ ପଡାଇଲାପାରା ପଡାଇ ଦେଇସି । ଆରି ସେ ଜଇ ନରକେଅନି ଆଇସି ।

୧୦ କାଇକେବଇଲେ ସବୁ ରକାମର୍ ତଙ୍ଗରୁ ଜିବ୍, ଉଡିବୁଲ୍‌ବାଟାମନ୍, ରାଜିବୁଲ୍‌ବାଟାମନ୍ ଆରି ପାନିଡେଇ ରଇବାଟାମନ୍, ପୁରବେଅନି ଲକ୍‌ମନ୍ ସେଟାମନ୍‌କେ ମାନାଇକରି ଆଚଡ୍ । ୮ ମାତର୍ ଏବେଜାକ ଜିବ୍‌କେ କେ ମିସା ମାନାଅଡ୍ ନାଇ । ତେଇ କାରାପ୍ ବିସଇ ପୁରୁନ୍ ଅଇଆଚେ । ସେ ତାର୍ ନିଜର୍ ମନ୍ କରବା ଇସାବେ ଜାଇସି । ଆରି ମରନ୍ ଡାକିଆନ୍‌ବା ବିସ୍ ବରଡି ଅଇଆଚେ । ୯ ଆମେ ଜିବ୍ ସଙ୍ଗ୍ ମାପୁରୁକେ ଆରି ବାବା ପରମେସର୍‌କେ ଦନିଅବାଦ୍ ଦେଲୁନି ଆରି ଏ ଜିବ୍‌ସଙ୍ଗ୍ ପରମେସର୍ ତାର୍‌ପାରା ତିଆର୍ କରିରଇବା ମୁନ୍‌ସକେ ସାଇପ୍ ଦେଲୁନି । ୧୦ ଗଟେକ୍ ଟଣ୍ଡେଅନିସେ ଦନିଅବାଦ୍ ଦେବାଟା ଆରି ସାଇପ୍ ଦେବାଟା ବାରଇସି । ମର୍ ବାଇବଇନିମନ୍, ଏନ୍ତାରି ଅଇବାଟା ଟିକ୍ ନଏ । ୧୧ ଗଟେକ୍ ତୁଆବିଲେଅନି, ଗଲାପାନି ଆରି ନିର୍ମଲ୍‌ପାନି ବାରଇସି କି ? ନାଇ, ନ ବାରଏ । ୧୨ ଏ ମର୍ ବାଇବଇନିମନ୍, ତୁମ୍‌ରିଗଟେ ଜିଡ୍‌ପଲ୍ ନ ପଲେ କି କାଇ ଅଙ୍ଗୁର୍ ମାଲେ ତୁମ୍‌ରି ନ ପଲେ । ସେନ୍ତାରିସେ ଗଟେକ୍ ଗଲାପାନି ବାରଇବା ତୁଆଇ ଅନି ନିର୍ମଲ୍ ପାନି ନ ବାରଏ ।

**ସରଗର୍ ଗିଆନ୍**

୧୩ ତମର୍ ବିଡରେ ଗିଆନି ଆରି ବୁଲ୍‌ଟିକ୍ ବଲି କଇବା ଲକ୍ ଆଚଡ୍ କି ? ତାର୍ ନିକକରି ଜିଇବାକାଇବାଟା'ନେଅନି ସେଟା ଦେକାଅ । ତାର୍ ଜିବନେ, ଗଟେକ୍ ଗିଆନ୍ ରଇବା ଲକର୍ ଇସାବେ, ସବୁବିସଇ ସୁଆଲେ କଲାଆଚେ ବଲି ଦେକାଅ । ୧୪ ଜଦି ତମର୍ ମନ୍‌ବିଡରେ ଇସାତଲା, କପ୍‌ଦାରବାଟା ଆରି ସବୁବେଲେ ନିଜର୍ ବିସଇ ଚିନ୍ତା କରବାଟା ରଇସି, ସେନ୍ତାରିଆଲେ ସେ ବିସଇଟା'ନେ ବଡ୍‌ପନ୍ ଉଆନାଇ । ଆରି ସଡ୍ ବିସଇ ବୁଲ୍ ଆଚେବଲି କୁଆ ନାଇ । ୧୫ ଏନ୍ତାରି ଗିଆନ୍ ପରମେସରର୍ ଟା'ନେଅନି ନ ଆସେ । ସେଟା ଜଗଡେଅନି ଆଇସି । ପରମେସରର୍ ଆଡ୍‌ମା ନ ରଇବାଟା'ନେ ଅନି ଆଇସି । ଆରି ସେଟା ସଇତାନର୍ ଗିଆନେ ଅନି ଆଇସି । ୧୬ ଜନ୍ ଜାଗାଇ ଲକ୍‌ମନ୍‌ର ବିଡରେ ଇସା, ଆରି ନିଜର୍ ବିସଇସେ ଚିନ୍ତା କରବାଟା ରଇଲେ, ସେ ଜାଗାଇ ଲାଗାଲାଗି ଆରି ସବୁ ରକାମର୍ କାରାପ୍ କାମ୍ ରଇସି । ୧୭ ମାତର୍ ପରମେସର୍ ସିକାଇବା ଗିଆନ୍ ଜନ୍‌ଲକ୍‌ମନ୍‌କେ ଆଚେ, ତାକର୍ ଗୁନ୍‌ଚଲନେ ସେମନ୍ ସୁକଲ୍ ଅଇରଇବାଇ, ସାନ୍ତିସଙ୍ଗ୍ ରଇବାଇ, ସୁଆଲେ ରଇବାଇ, ଦୟା ଦେକାଇବାଇ, ଜିବନ୍‌ଦୁକାଇବାଇ ଆରି ତାକର୍ ସବୁ କାମ୍ ନିକ ରଇସି । ସେମନ୍ ଲକ୍‌ମନ୍‌କେ ବଡ୍ ସାନ୍ ଇସାବେ ନ ଦେକଡ୍ ଆରି ଚଲାନିକାତା ନ କଅଡ୍ । ୧୮ ଜନ୍ ଲକ୍‌ମନ୍ ସାନ୍ତିରପାଇ କାମ୍ କରବାଇ, ସାନ୍ତି ସଙ୍ଗ୍ ରଇକରି ଦରମର୍ ବିଅନ୍ ବୁନ୍‌ବାଇ, ସେନ୍ତାରି ଲକ୍‌ମନ୍ ପରମେସର୍ ଦେକ୍‌ବା ଇସାବେ, ନିକ କାମର୍ ଦାନ୍ କାଟ୍‌ବାଇ ।

**୪**

**ଜଗତର୍ ସଙ୍ଗ୍ ମଇତର୍**

୧ ତମର୍ ବିଡରେ ମାରାମାରି ଆରି ଲାଗାଜଡା କାଇକେ ଆଇଲାନି ? ତମର୍ ମନ୍‌ବିଡରେ ଡସିରଇବା କାରାପ୍ ମନ୍‌କଲାଟା ଉଟିକରି ତମର୍ ବିଡରେ ଜୁଜ୍‌ଲାନି, ଏଟାର୍ ଲାଗି ଏନ୍ତାରି ଅଇଲାନି । ସେଟାର୍‌ପାଇ ଗଟେକ୍ ଲକ୍ ଆରିଗଟେକ୍ ଲକ୍‌ର ସଙ୍ଗ୍ ଲାଗ୍‌ଲାସ୍‌ନି । ୨ କାଇକେବଇଲେ ତମେ ଜନ୍‌ଟା ମିଲାଇବାକେ ମନ୍ କଲାସ୍‌ନି, ସେଟା ମିଲାଇ ନାପାର୍‌ଲେ, ମରାଇବାକେ ମନ୍‌କଲାସ୍‌ନି । ଜନ୍‌ଟା ମିଲାଇବାକେ ବେସି ମନ୍ ଅଇଲାନି, ସେଟା ମିଲାଇବାକେ ତମ୍‌କେ ବପୁନାଇ । ସେଟାର୍‌ପାଇ ତମର୍‌ତମର୍ ବିଡରେ ଲାଗାଜଡା ଅଇ ମାରାମାରି ଅଇଲାସ୍‌ନି । ତମେ ପରମେସର୍‌କେ ମାଙ୍ଗାସ୍ ନାଇଜେ ମନ୍‌କଲାଟା ମିଲାଇ ନା ପାର୍‌ଲାସ୍‌ନି । ୩ ତମେ ମାଙ୍ଗ୍‌ଡେରଇସା, ମାତର୍ ସେ ତମ୍‌କେ ଦେଏ ନାଇ । କାଇକେବଇଲେ ସେଟା କାରାପ୍ କରବାକେ ମାଙ୍ଗ୍‌ଲାସ୍‌ନି । ସୁକେ ରଇକରି ସାଇସାର୍‌ଦା ସଙ୍ଗ୍ ରଇବୁ ବଲି ମାଙ୍ଗ୍‌ଲାସ୍‌ନି । ୪ ଏ ବିସ୍‌ବାସେ ବିସ୍‌ଦେବା ଲକ୍‌ମନ୍, ତମେ କାଇ ନାଜାନାସ୍ କି ଜଗଡ୍‌କେ ଆଲାଦ୍ କରୁମନ୍ ପରମେସରର୍ ସଡ୍‌ରୁ ବଲିକରି ? ଜନ୍‌ଲକ୍ ଏ ଜଗତର୍ ଚଲାଚଲ୍‌ତି ଆଲାଦ୍ କରବାଇ ସେମନ୍ ପରମେସରର୍ ବିରଦି । ୫ ତମେ ଦରମ୍ ସାସ୍‌ତରେ ଲେକାଅଇରଇବା ଏ ବାକିଅ ତୁଟାଇ ବଲିକରି ବାବ୍‌ଲାସ୍‌ନି କି ? ପରମେସର୍ ଜନ୍ ଆଡ୍‌ମାକେ ଆମର୍ ବିଡରେ ବାସାଅଇରଇବାକେ ଦେଲାଆଚେ, ସେ ଆମ୍‌କେ ପୁରାପୁରୁନ୍ ଅଦିକାର୍ କରବାକେ ମନ୍ କଲାନି । ୬ ମାତର୍ ପରମେସର୍ ଜିବନ୍ ଦୁକାଇଲାଟା, ତାର୍‌ଡେଇଅନି ଅଦିକ୍ ବପୁଆଚେ । ସେଟାର୍‌ପାଇ ସାସ୍‌ତର୍ କଇଲାନି, ଆକ୍‌ରିଆମନ୍‌କେ ପରମେସର୍ ବିରଦ୍ କରସି, ମାତର୍ ସୁଆଲେ ରଇବା ଲକ୍‌କେ ତାର୍ ଜିବନ୍ ଦୁକାଇ, ଦୟା କରସି ।

୭ ତେବର୍ ପାଇ, ତମେ ପରମେସର୍‌କେ ସର୍‌ପାଇଡା । ସଇତାନ୍‌କେ ଜାକି ଦିଆସ୍ । ସେନ୍ତାରି କଲେ ସଇତାନ୍ ତମର୍‌ଲଗେ ଅନି ପାଲାଇସି । ୮ ପରମେସରର୍ ଲଗେ ଆସା, ତେବେ ସେ ମିସା ତମର୍ ଲଗେ ଲଗେ ରଇସି । ଏ ପାପିମନ୍, କାରାପ୍ କାମ୍‌କରବାଟା ଚାଡିଦିଆସ୍ । ଆରି ଏ ଦୁଇବାଟେ ମନ୍‌କରୁମନ୍ ତମର୍ ମନ୍ ନିର୍ମଲ୍ କରା ।

୯ ତମର ପାପରଲାଗି ମାରିଚପି ଅଇକରି କାନ୍ଦତେରୁଆ । ନ ଆଁସିକରି କାନ୍ଦତେରୁଆ, ସାରଦା ନ ଅଇକରି ଦୁକେ ରୁଆ ।  
୧୦ ମାପୁରୁ ମୁଆଟେ ନିଜେ ନିଜେ ସରପିଉଆ, ସେ ତମକେ ଉଟାଇସି ।

**ବିନ୍‌ଲକର୍ ବିଚାର କରାନାଇ**

୧୧ ଏ ମର ବାଇବଇନିମନ୍, ନିଜର ନିଜର ବିତ୍ରେ କୁଟ୍ କାତା କୁଆ ନାଇ । ଜଦି ବିସବାସି ବାଇମନର ବିରୁଦେ କୁଟ୍ କାତା କଇ ତାକେ ଦସ୍ ଦେଇସା, ତମେ ପରମେସରର ନିୟମ୍ ବିରୁଦେ କାତା ଅଇଲାସିନି । ଆରି ତାର ନିୟମକେ ବିଚାର କଲାସିନି । ପରମେସରର ନିୟମ ବିଚାର କଲେ, ତମେ ତାର ଆଦେସ୍ ମାନାସ୍ ନାଇ । ମାତର ବିଚାରକାରିଆ ଇସାବେ ରଇଲାସିନି । ୧୨ ପରମେସରସେ ନିୟମ୍ ଦେଇପାରସି । ସେ ସେ ଆମ୍‌କେ ବିଚାର କରିପାରସି । ସେ ସେ ଲକ୍‌ମନ୍‌କେ ରକିଆ କରିପାରସି ଆରି ସେ ସେ କୁରୁପନାସ୍ କରିପାରସି । ମାତର ତମେ କେ ଜେ, ବିନ୍‌ଲକର୍ ବିଚାର କରିପାରାସ୍ ?

**ବଡ଼ପନ୍ ବିସଇର ଚେତନା**

୧୩ ତେବେ ମର କାତା ସୁନା । ତମର ବିତ୍ରେ ଜନ୍ ଲକ୍‌ମନ୍ ଏନ୍ତାରି କାତା ଅଇତେରଇସା, ଆଜି ନଇଲେ କାଲିକେ ଆମେ ଏ ନଅରେ କି ସେ ନଅରେ ଜିବୁ, ତେଇ ବରସେକ୍ ରଇବୁ ଆରି ବେବାର୍ କରି ଡାରୁ ଅରଜବୁ । ୧୪ ମାତର କାଲିକେ କାଇଟା ଗଟ୍‌ସି, ସେଟା ତମେତା ନାଜାନାସ୍ ! ତମର ଜିବନ୍ ଦୁଉଁରି ସମାନ୍, ଜନ୍‌ଟାକି ଚନେକର୍ ପାଇ ତିସ୍‌ସି ଆରି ମାୟା ଅଇଜାଇସି । ୧୫ ତାର ବାଦୁଲେ ତମେ ମାପୁରୁ ମନ୍ କଲେ ଆମେ ଜିଇକରି ଏନ୍ତାରି ନଇଲେ ସେନ୍ତାରି କରୁ ବଲି କଇବାର୍ ଆଟେ । ୧୬ ମାତର ତମେ ସେନ୍ତାରି କରାସ୍ ନାଇ । ଆଁକ୍‌ରିଆମନ୍ ଆରି ବଡ଼ପନ୍ କାତା କଉଁମନ୍ । ଏନ୍ତାରି ବଡ଼ପନ୍ କାତା କଇବାଟା ବୁଲୁଆଟେ ।

୧୭ ଏତାଇ ରୁଆ । ଜେ ଜଦି ଏଟା ନିକ କାମ୍ ବଲି ଜାନେ, ମାତର ସେଟା ନ କରେ ବଇଲେ, ପରମେସର ଦେକ୍‌ବା ଇସାବେ ସେ ଦସ୍ କଲାଆଟେ ।



**ସାଉକାର୍ ମନ୍‌କେ ଜାଗରତ୍ କରାଇବାଟା**

୧ ଏ ସାଉକାର୍ ଲକ୍‌ମନ୍, ମରକାତା ସୁନା । ତମକେ ଜନ୍ ଦୁକ୍‌କସ୍‌ଟ୍ ଆଇଲାନି, ସେଟାର୍ ପାଇ ମାରିଚପିଅଇ କାନ୍ଦା ।  
୨ ତମର ଦନ୍‌ସ୍‌ପତି କୁଇଗାଲାନି ଆରି ନିକନିକ ବସ୍‌ତରମନ୍ ଅଲମା କାଇଲାନି । ୩ ତମର ସୁନାରୁପା ଚିଲମ୍ ଦାରଲାନି ଆରି ଏ ଚିଲମ୍ ଦାରଲାଟାକେ ନେଇକରି ପରମେସର ତମକେ ଦସି କରସି । ଆରି ଜଇଟାନେ ପଡ଼ଲେ ଜେନ୍ତି ଗାଗଡ଼ ନସି, ସେନ୍ତି ତମର ଗାଗଡ଼ ସେ କୁରୁପନାସ୍ କରସି । ଏ ଜୁଗ୍ ସାର୍‌ବାକେ ଜାଇତେରଇଲେ ମିସା ତମେ ସବୁଲକ୍ ଦନ୍‌ସ୍‌ପତି ବୁଲୁଆଇଲାସିନି । ୪ ତମର ଜମିବାତିଲଗେ କାମ୍‌କରବା ବୁତିଆରମନ୍‌କେ ବୁତି ଦିଆସ୍ ନାଇ । ତାର ବାଦୁଲେ ସେମନ୍‌କେ ନାତାଇ ଆଟାସ୍ । ସୁନା, ସେମନର ବୁତି ତମର ବିରୁଦେ କାନ୍ଦଲାପାରା ସୁନିଅଇଲାନି । ସେମନର କାନ୍ଦବାଟା ସବୁଟାନେଅନି ବପୁ ରଇବା ମାପୁରୁ, ସୁନଲା ଆଟେ । ୫ ଏ ଜଗତେ ତମେ ସାଇସାର୍‌ଦା ସଙ୍ଗ୍ ଜିଇଲାସିନି । ଜାଇଟା ମନ୍ କଲେ, ସେଟା କଲାସିନି । ମାତର ପରମେସରର ଡଣ୍ଡୁ ଦିନ୍ ଦାପ୍‌ରେ ଆଇଲାନି । ୬ ତମେ ଦସ୍ ନ କଲା ଲକ୍‌ମନ୍‌କେ ଦସି ବଲିକରି ମାରି ମରାଇଆଟାସ୍ । ଏଲେମିସା ସେମନ୍ ତମକେ ଅଟ୍‌କାଅଡ଼ ନାଇ ।

**ସାଆସ୍ ଦାରିକରି ପାରତନା କରା**

୭ ଏ ମର ବାଇବଇନିମନ୍, ମାପୁରୁ ଆରିତରେକ୍ ଆଇବାଜାକ ମୁରଚିକରି ରୁଆ । ଚାସିମନର ବିସଇ ଚିନ୍ତାକରିଦେକା, ତାକର ଜମିଅନି ନିକ ପସଲ୍ ମିଲ୍‌ବା ଜାକ ସେମନ୍ ଜାଗିକରି ରଇବାଇ । ଜେନ୍ତିକି ମାଟିବିଜାଇବାକେ ପରୁଡୁମର ବରିସା ଆରି ନିଙ୍ଗ୍‌ବାପାଟ୍‌ବା ବେଲର ସାରାସାରି ବରସାକେ ମୁରଚିକରି ଜାଗି ରଇବାଇ । ୮ ସେ ରକାମ୍ ତମେମନ୍ ମିସା ମୁରଚି ଜାଗିରୁଆ । ତମର ମନ୍ ଡା଼କରି ରୁଆ, କାଇକେବଇଲେ ମାପୁରୁ ଆଇବା ଦିନ୍ ଲଗେ କେଟିଆଇଲାନି ।

୯ ଏ ମର ବାଇବଇନିମନ୍, ନିଜର ନିଜର ବିତ୍ରେ ଦସ୍ ଦାରାଦାରି ଉଆ ନାଇ । ସେନ୍ତିଆଲେ ମାପୁରୁ ତମକେ ବିଚାର ନ କରେ । ଦେକା ବଡ଼ ବିଚାରକାରିଆ ଲଗେ ଆଟେ । ୧୦ ମର ବାଇବଇନିମନ୍, ଜନ୍ ବବିସ୍‌ତ୍‌ବକ୍‌ତାମନ୍ ମାପୁରୁର ନାଉଁ ଦାରି କାତାଦେଇ ରଇଲାଇ, ସେମନ୍‌କେ ଏତାଆ । ଦୁକ୍‌କସ୍‌ଟ୍ ଆଇଲାବେଲେ । ସେମନ୍ ମୁରଚିକରି ରଇଲାଇ । ତମେମିସା ସେନ୍ତାରି ଅଇକରି ମନେ ଏତାଆ । ୧୧ ସେମନ୍ ମୁରଚିକରି ରଇଲାର୍‌ପାଇ ବଲି କେଡେକରମର ଲକ୍ ବଲି କଇଲୁନି । ସେନ୍ତାରିସେ ଆୟୁର୍ ବେସି ଦିନ୍‌ଜାକ ମୁରଚିକରି ରଇଲାଟା ତମେ ସୁନି ଆଟାସ୍ । ସାରାସାରି ପଟେ ମାପୁରୁ ଜନ୍‌ରକାମ୍ ତାକେ ବାଉଡାଇଦେଲାଟା ଜାନିଆଟାସ୍ । କାଇକେ ବଇଲେ ଆମର୍ ମାପୁରୁ ଦୟାକରସି ଆରି ପୁରାପୁରୁନ୍ କଲିକରମ୍ ଦେକ୍‌ବା ମାପୁରୁ ।

୧୨ ଏ ମର ବାଇବଇନିମନ୍, ତମେ କାତା ଦେଲା ବେଲେ ରାନ୍ ନିୟମ୍ ପାକାଆ ନାଇ । ସରଗର୍ କି ଏ ଜଗତର ନାଉଁ ଦାରିକରି କାଇ ବିସଇ ରାନ୍ ପାକାଆ ନାଇ । ତମର ଅଇବା କାତାଆଲେ “ ଉଁ ” ଆରି, ନ ଅଇବା କାତା ଆଲେ “ ନାଇ ” ବଲିକୁଆ । ସେନ୍ତାର୍ ରଇଲେ, ତମେ ପରମେସରର ବିଚାରନାଟାନେ ଡଣ୍ଡୁ ନ ପାଆସ୍ ।

☆ ୫:୨ ୫:୨ ମାଡିଉ ୬:୧୯ ☆ ୫:୧୨ ୫:୧୨ ମାଡିଉ ୫:୩୪-୩୭

<sup>୧୩</sup> ତମର ବିତ୍ତରେ କେ ଜଦି ଦୁକ୍ ଜଞ୍ଜାଲେ ରଇଲେ, ସେ ପାରତନା କର । କେ ଜଦି ସାରଦାସଙ୍ଗ ଆଚେ ବଇଲେ, ସେ ପରମେସରର ଡାକ୍‌ପୁଟାର ଗିଡ଼ ଗାଅ । <sup>୧୪</sup> \*କେ ଜଦି ଜରଦୁକା ଅଇ ରଇଲେ ସେ ମଣ୍ଡଲିର ପାରତିନମନକେ ଡାକାଆ, ସେମନ୍ ମାପରୁର ନାଉଦାରି ଚିକନ୍ ରକଇ କରି ତାକେ ଲାଗାଇ, ପାରତନା କରବାଇ । <sup>୧୫</sup> ବିସ୍‌ବାସ୍ ସଙ୍ଗ୍ ସରପୁଲା ପାରତନା ଜରର ଲକ୍‌କେ ନିମାନ୍ କରି ଉଟାଇସି । ଜଦିସେ ପାପ୍‌କରି ରଇସି ବଇଲେ ମାପରୁ ତାକେ କେମା କରସି । ନିଜର ନିଜର ଲଗେ ପାପ୍ କଲାଟା ଜାନାଆ ଆରି ନିଜର ନିଜର ପାଇ ପାରତନା କରା । ସେନ୍ତାର କଲେ, ତମେ ନିକ ଅଇସା । <sup>୧୬</sup> ଗଟେକ୍ ଦରମ୍ ଲକ୍ ପାରତନା କଲାଟା ବେସି ବପୁ ରଇସି ଆରି ସେ ପାରତନାର୍ ଉତର୍ ଦେକିଅଇସି । <sup>୧୭</sup> ଏଲିଅର୍ ବିସଇ ବାବିଦେକା, ସେ ମିସା ଆମର୍ ପାରାସେ ରଇଲା । ପୁରବେ ଇସ୍ରାଏଲ୍ ଦେସେ ପାନି ନ ମାର ବଲି ସେ ମନ୍‌ଦିଆନ୍ ଦେଇ ପାରତନା କରତେରଇଲା । ସେଟାରପାଇ ସେ ଦେସେ ତିନ୍ ବରସ୍ ଚ ମାସ୍ ଜାକ ପାନି ମାରେ ନାଇ । <sup>୧୮</sup> ଆରି ତରେକ୍ ପାନି ମାର ବଲି ପାରତନା କଲାକେ ବାଦ୍‌ଲେଅନି ପାନି ମାରଲା । ତେବର୍‌ପାଇ ଜମିଟାନେ ତାସ୍ ଅଇଲା ।

<sup>୧୯</sup> ଏ ମର୍ ବାଇବଇନିମନ୍ ତମର ବିତ୍ତରେ ଜଦି କେ ସତ୍ ବାଟ୍ ଚାଡ଼ିକରି ବିନ୍ ବିନ୍ ବାଟେ ଗାଲେ, ତାକେ କେ ଆଲେ ଜାଇ ବାଉଡାଇ ଆନ୍‌ଲେ, <sup>୨୦</sup> \*ଏତାଇରୁଆଜେ, କେ ଜଦି, ଗଟେକ୍ ପାପିକେ ବୁଲ୍‌ବାଟେଅନି ବାଉଡାଇ ଆନ୍‌ସି, ସେ ତାକେ ମରନେଅନି ରକିଆ କରସି । ଆରି ସେ ଲକର୍ ଜବର୍ ପାପ୍ ରଇଲେ ମିସା ତାକେ କେମା ଅଇସି ।

## ପିତର ଲେଖିଥିବା ପ୍ରଥମ ପତ୍ର ପିତର ଲେଖିଲା ପତ୍ରରୁମ୍ ଚିତି ଏ ବଇର ବିସଇ ଜାନବାଟା

ପିତରର ପତ୍ରରୁମ୍ ଚିତି ପେରିଡ଼ି ତିତସର୍ ଲାଗି ଲେକାଅଇ ରଇଲା । ପିତର କେ ଆରି ସେ କାକେ ଏ ଚିତି ଲେକିଲାନି, ସେ ଏଚିତିତେଇ ସବୁ ବିନ୍ ଦେସର୍ ବିସ୍ବାସି ବାଇବଇନି ମନର୍ ପାଇ ବଲିକରି ଏ ଚିତି ଲେକିଲାନି ୧:୧;୧:୧୭ ଆରି ୨:୧୧ ସେ ତାକର୍ ପତ୍ରବା ଲକ୍ମନକେ ଏ ରକାମ୍ ବାବିକରି ଲେକିଲାନି । କାଇକେବଇଲେ ସେମନ୍ ବିନ୍ବିନ୍ ଦେସେ ଚିନ୍ବିନ୍ ଅଇରଇଲା । ଏ ଚିତି କେତେଟା ଏପିସିଅ ମଣ୍ଡଲିଲଗେ ପାଉଲର୍ ଚିତି ରକାମ୍ । ବେସିଲକ୍ ବିସ୍ବାସ୍ କଲାଇନିଜେ, ପତ୍ରରୁମ୍ ପିତର ଜିସୁକିରିସ୍ଟର୍ ଜନମ୍ଅଇ ୬୫ ବରସ୍ ପଚେ ଲେକାଅଇ ରଇଲା । ପିତର ଏ ଚିତି ରମେଅନି ଜାକେକି ବାବିଲନ୍ ବଲିକରି କଇବାଇ ସିତିଅନି ସେ ଲେକି ରଇଲା । ୫:୧୩ ।

ପିତର ଏ ଚିତିତେଇ ଲକ୍ମନ କଇଲାଇ ନିଜେ, ଏ ବଇର ଆଦେସ୍ ତମ୍କେ ସାଆସ୍ ଦେଇସି ଆରି ପରମେସରର୍ ସତ୍ ଆରି ଦୟାକେ ପରିକା କରବାଟା ଆକା ୫:୧୨ ଏଟା କେତେଟା ସମାନ୍ସେ ଆଚେ ଆରି ୧ ମ ପିତୃ ୨:୧୧-୩:୭ଏପିସିୟ ୫:୧୮-୬:୯କଲସିଅ ୩:୧୮-୪:୬ ଏ ତିନ୍ଟା ଚିତିର୍ ସବୁବଇ ନିଜର୍ ନିଜର୍ ଲକ୍ ମନର୍ ବିସଇ ଆରି ଅଦିକାର୍ ବିସୟରେ କଇଲା ଆଚେ । ସାରାସାରି ବେଲାଇ କେଟ୍ଲାନିକେ କସ୍ଟ ବେଲାଇମିସା ତବିର୍ଅଇକରି ରଇବାକେ ବିସ୍ବାସିମନ୍କେ ବପୁଦେଲାନି ୪:୧

### ଏ ବିଡ଼ରେ ରଇବାଟା

- ୧. ପିତର ତାର୍ ଚିତି ପତ୍ରବା ଲକ୍ମନକେ ତାର୍ ନିଜର୍ ବିସଇ ଆରି ସେ ରଇବା ଜାଗାର୍ ବିସଇ ଜାନାଇଆଚେ । ୧:୧-୨
- ୨. ପିତର ପରମେସରକେ ଦନିଅବାଦ୍ ଦେଇଆଚେ । ଜେକ୍ତିକି ସବୁଲକ୍ ପରମେସରର୍ ମୁକ୍ତିଟାନ୍ନେ ମିସ୍ବାଇ । ଜନ୍ଟାକି ତାକର୍ ଜିବନ୍ ଉଦାର୍ ଅଇସି । ୧:୩-୨:୧୦
- ୩. ପଚେ ଜଗତେ କେନ୍ତାରି ଜିଉନା କାଉନା କରାଅଇସି ଆରି ମାଇଜି ମୁନ୍ସୁ ସାଉକାର୍ ଆରି ଦାଙ୍ଗ୍ତାମନର୍ ବିଡ଼ରେ କେନ୍ତାରି ମିସିବିଡି ରଇବାକେ ଅଇସି, ସେଟା ଜାନାଇଦେଲାନି । ୨:୧୧-୪:୧୧
- ୪. ତାର୍ପଚେ ଦୁକ୍ କସ୍ଟ ଆଇଲାବେଲେ ତବିର୍ ଅଇରଇବାକେ ପିତର ସେମନ୍କେ ସାଆସ୍ ଦେଲାନି । ୪:୧୨-୫:୧୧ ସେ ତାର୍ ଚିତି ଲେକିବାଟା ସାରାଇଆଚେ । ୫:୧୨-୧୪

### ପିତର ଲେଖିଲା ପତ୍ରରୁମ୍ ଚିତି

୧ ମୁଇ ପିତର, ଜିସୁକିରିସ୍ଟର୍ ଗଟେକ୍ ପେରିଡ଼ି ସିସ୍ ।

ପତ୍ର, ଗାଲାତିଅ, କାପାଦକିଆ, ଆସିଆ ଆରି ବିଡୁନିଆ ରାଇଜମନ୍କେ, ବିନ୍ଦେସର୍ ଲକ୍ମନପାରା ଚିନ୍ବିନ୍ ଅଇଜାଇରଇବା ପରମେସରର୍ ଲକ୍ମନକେ ମୁଇ ଏ ଚିତି ଲେକିଲାନି । ୨ ତାର୍ ଜଜ୍ନା ଇସାବେ ବାବା ପରମେସର୍ ତମ୍କେ ଡାକିଲା ଆଚେ । ତାର୍ ସୁକଲ୍ ଆଡ଼ମାଇ ସେ ତମ୍କେ ତାର୍ ସୁକଲ୍ ଲକ୍ କରାଇସି । ତମେ ଜିସୁ କିରିସ୍ଟକେ ମାନିକରି, ତାର୍ ବନିତେଇ ଦଇଅଇକରି ରଇବାକେ ସେ ଏନ୍ତାରି ଜଜ୍ନା କଲା ।

ତାର୍ ଜିବନ୍ଦୁକାଇଲାଟା ଆରି ସାନ୍ତି ପୁରାପୁରୁନ୍ ତମ୍କେ ମିଲ ।

### ଜିବନ୍ ରଇବା ଆସା

୩ ଆମର୍ ମାପୁରୁ ଜିସୁକିରିସ୍ଟର୍ ବାବା ପରମେସରକେ ଦନିଅବାଦ୍ ଦେଉଁ । କାଇକେବଇଲେ ସେ ଜବର୍ ଅଇତେ ଦୟା କଲାପାଇ ଆମ୍କେ ନୁଆ ଜିବନ୍ ଦେଲା ଆଚେ । ଜିସୁକିରିସ୍ଟକେ ମଲାଟାନ୍ନେଅନି ଉଟାଇକରି ଏନ୍ତାରି କରିଆଚେ । ଆମେ ମଲେ ମିସା ଆମ୍କେ ଉଟାଇସି ବଲିକରି ପୁରାପୁରୁନ୍ ଆସାଆଚେ । ୪ ସେଟାର୍ପାଇ ପରମେସର୍ ତାର୍ ଲକ୍ମନପାଇ ଜେଡ଼କି ସବୁ ଆସିର୍ବାଦ୍ ସର୍ଗେ ଜତନ୍ କରି ସଙ୍ଗିଆଚେ, ସେଟା ସବୁ ଆମର୍ ଅଇସି ବଲି ଆସାକଲୁନି । ତେଇ ସେଟା ନ ନସେ କି ଚିଲମ୍ ନ ଦାରେ କି ଉନା ମିସା ନ ଅଏ । ୫ ଏ ସବୁ ଆସିର୍ବାଦ୍ ଆମର୍ପାଇ । ତମେ ପରମେସରକେ ବିସ୍ବାସ୍ କଲାପାଇ, ତାର୍ ବପୁ ତମ୍କେ କାକଟା ନ ଅଇତେ ସଙ୍ଗିଲା ଆଚେ । ସାରାସାରିଦିନେ ତାର୍ ମୁକ୍ତି ସବୁଲକ୍ ଜାନବା ଜାକ, ତମର୍ ଉପରେ ଜାଗତେରଇସି ।

୬ ତନେକର୍ପାଇ ତମର୍ ଜିବନେ ବିନ୍ ବିନ୍ ଦୁକ୍କସ୍ଟ ଆଇଲାକେ ମୁର୍ଚିକରି ରଇବାକେ ପଡ଼ଲେ ମିସା, ସେଟାର୍ପାଇ ତମେ ସାର୍ଦା ଅଇକରି ରୁଆ । ୭ ତମର୍ ଜିବନେ ଆଇଲା ଦୁକ୍କସ୍ଟ ସବୁ ତମର୍ ବିସ୍ବାସ୍ ସତ୍ଆଚେ କି ନାଇ ବଲି ପରିକା କରବାକେସେ । ସୁନାର୍ ବିସଇ ବାବିଦେକା, ଏ ଜଗତର୍ ସବୁ ବିସଇପାରା ସୁନା ମିସା ନସିଜାଇସି । ସୁନା ନିକଟା କି କାରାପ୍ଟା ବଲି ଜାନବାକେ ଜଇଟାନ୍ନେ ସିଲାଇବାଇ । ତମର୍ ବିସ୍ବାସ୍ ସୁନାଟାନ୍ନେଅନି ଅଦିକ୍ ମୁଲିଅ

। ସେନ୍ତାରୁଆଲେ ତମର ବିସ୍ବାସ ନିକଟା କି ନାଇ ବଲି ପରିକା କରବାରୁ ଆଚେ । ତମର ବିସ୍ବାସ ଜଦି ନିକଟା, ଜିସୁ କିରସ୍ତ ଦେକା ଅଇବା ସେ ଦିନେ ତମେ ତାକ୍ପୁଟା ଆରି ମଇମା ପାଇସା । ୮ ଏବେ ତମେ ତାକେ ନ ଦେକିରଇଲେ ମିସା ଆଲାଦ୍ କଲାସ୍ତ ଆରି ବିସ୍ବାସ କଲାସ୍ତ । ସେଟାରପାଇ ତମର ସାରଦା ବେସି ବଡ଼ । ୯ ତମେ ବିସ୍ବାସ କଲାରପାଇ ତମ୍ଭେ ସର୍ଗେ ନ ସାରବା ଜିବନ୍ ଆଚେ ।

୧୦ ପର୍ମେସର୍ ମୁନ୍ସୁସ୍ତମକେ ତାକର୍ ପାପେଅନି କେନ୍ତ୍ର ମୁକ୍ତଲାଇସି ବଲି ପୁରବର୍ ବବିସ୍ତବକ୍ତାମନ୍ ମନ୍ଦିଆନ୍ କରି ପଡ଼ଲା । ପର୍ମେସର୍ ତମ୍ଭେ ଦେବା ଏ ଦାନ୍ ବିସଇ, ସେମନ୍ ଆଗ୍ତକେ ଗଟ୍ଟା କାତା କଇଲା । ୧୧ କିରିସ୍ତ କେନ୍ତ୍ର ଦୁକ୍ତକସ୍ତ ମୁରବଲା, ଆରି ସବୁ ନିନ୍ଦା ସାରଲା ପଚେ ସେ କେନ୍ତ୍ର ତାକ୍ପୁଟା ପାଇଲା, ସେ ବିସଇ ପର୍ମେସର୍ ଆତ୍ମା ସେମନ୍ କେ ଜାନାଇଲା । ଏଟା ସବୁ କେବେ ଅଇସି ଆରି କେନ୍ତ୍ର ଅଇସି, ସେଟା ଜାନ୍ବାକେ ସେମନ୍ ବେସି ମନ୍ କଲା । ସେଟାରପାଇ ସେମନ୍ ସେ ବିସଇ ମନ୍ଦିଆନ୍ କରି ପଡ଼ଲା । ୧୨ ମାତର୍ ଜନ୍ ଆଗ୍ତକେ ଗଟ୍ଟା କାତା ସେମନ୍ କଇରଇଲା, ସେଟା ସେମନ୍ ବଲ୍ପାଇ ନାଇ ମାତର୍ ତମର ବଲ୍ପାଇ ବଲି ପର୍ମେସର୍ ସେମନ୍ କେ ଜାନାଇଲା । ଆରି ଏବେ ସେଟା ପୁରାପୁରୁନ୍ ଅଇଲା । କାଇକେବଇଲେ ଜନ୍ ଲକ୍ତମନ୍ ତମ୍ଭେ ସୁବ୍ କବର୍ ଜାନାଇଲା ଆଚଡ଼, ତମେ ସେ କାତା ସୁନିଆରାସ୍ । ସର୍ଗେଅନି ପାଟାଇରଇବା ସୁକ୍ତଆତ୍ମା ସେମନ୍ କେ ବପୁଦେଲା । ଦୁର୍ତ୍ତମନ୍ ମିସା ଏ ବିସଇ ଜାନ୍ବାକେ ମନ୍ କଲା ।

**ସୁକ୍ତ ଅଇକରି ଜିଉନା କାଉନା କରବାଟା**

୧୩ ସେଟାରପାଇ ତମେ ନିଜର୍ ନିଜର୍ ମନେ ପର୍ମେସର୍ ମନ୍ କଲାଟା ପୁରାପୁରୁନ୍ କରବାକେ ଜାଗିରୁଆ । ଆରି ଜିସୁ କିରିସ୍ତ ବାଉଡ଼ି ଆଇବା ବେଲା ସେ ଜନ୍ ଆସିରବାଦ୍ ତମ୍ଭେ ଦେଇସି, ସେଟା ମିଲ୍ସି ବଲି ପୁରାପୁରୁନ୍ ଆସା ଉଆ । ୧୪ ପର୍ମେସର୍ ଆଦେସ୍ ମାନିକରି ରୁଆ । ତାର୍ ସଡ଼ ସିକିଆ ଜାନ୍ବା ଆଗ୍ତ ତମେ କେନ୍ତ୍ର ନିଜେ ମନ୍ କଲାଟା ପୁରାପୁରୁନ୍ କର୍ତ୍ତେରଇଲାସ୍, ସେନ୍ତାରି ଆରି କରାନାଇ । ୧୫ ମାତର୍ ତମ୍ଭେ ତାକ୍ତା ମାପୁରୁ ଜେନ୍ତା ସୁକ୍ତ ଆଚେ, ସେନ୍ତାରିସେ ତମେମନ୍ ମିସା ତମର ସବୁ ବିସଇଟାନେ ସୁକ୍ତ ଉଆ । ୧୬ ତେବେ ସାସ୍ତରେ ଲେକା ଆଚେ, ପର୍ମେସର୍ କଇଲାଆଚେ, ମୁକ୍ତ ଜେନ୍ତାରି ସୁକ୍ତ, ତମେ ମିସା ସେନ୍ତାରି ସୁକ୍ତ ଉଆ ।

୧୭ ପର୍ମେସର୍ ଜେତେବେଲେ ମୁନ୍ସୁସ୍ତମକେ ବିଚାର୍ କରସି, ସେ କାର୍ବିତ୍ତରେ ସାନ୍ ବଡ଼ ନ ଦେକେ । ଗଟେକ୍ ଗଟେକ୍ ଲକ୍ତକେ ତାକର୍ କଲା କାମ୍ ଇସାବେ ସେ ବିଚାର୍ କରସି । ତେବେ ତମେ ପାର୍ତନା କରବାବେଲେ ପର୍ମେସର୍ କେ ବାବା ବଲି ତାକ୍ତାସ୍ତ । ତମେ ଜେଡ଼କି ଦିନ୍ ଏ ଜଗତେ ବଠିଆରାସ୍, ତାକେ ମାନିକରି ରଇବାରୁଆଚେ । ୧୮ ତମର ଆନିଦାଦିମନ୍ ଟାନେଅନି ଲତାକେ ନ ଆଇବା ରିତିନିତିଅନି ସେ କାଇ ମୁଲିଅ ଦେଇକରି ତମ୍ଭେ ମୁକ୍ତଲାଇଆଚେ, ସେଟା ତମେ ଜାନିଆରାସ୍ । ତମ୍ଭେ ମୁକ୍ତଲାଇବାକେ ସେ ନସି ଜିବା ସୁନା କି ରୁପାର୍ ମୁଲିଅ ଦେଏ ନାଇ । ୧୯ ମାତର୍ ବେସି ମୁଲିଅ ରଇବା ଜିସୁକିରିସ୍ତର୍ ବନି, ଜନ୍ତା ସେ ତାର୍ ମରନେ ରକଇଦେଲା । କାଇ ଦସ୍ କି କାଇ ଅବାବ୍ ନ ରଇବା ମେଣ୍ଡାପିଲା ପାରା ବଲିଅଇଲା । ୨୦ ଏ ଜଗଡ଼ ତିଆର୍ ନ ଅଇବା ଆଗ୍ତ ପର୍ମେସର୍ କିରିସ୍ତକେ ବାଟିରଇଲା । ମାତର୍ ଏବେ ଏ ସାରାସାରି ଦିନେ ସେ ତାକେ ଦେକାଇଲା ଆଚେ । ଜେନ୍ତାରି କି ସେ ଆମ୍ଭେ ସାଇଜକରିପାରସି । ୨୧ ଜିସୁକିରିସ୍ତର୍ ଲାଗି ତମେ ଏବେ ପର୍ମେସର୍ କେ ବିସ୍ବାସ କଲାସ୍ତ । ସେ ଆକା କିରିସ୍ତକେ ମରନେଅନି ଉଟାଇକରି ତାକ୍ପୁଟା କଲା ଆଚେ । ତେବର୍ପାଇ ତମର ବିସ୍ବାସ ଆରି ଆସା ଏବେ ପର୍ମେସର୍ଟାନେ ଆଚେ ।

୨୨ ତମେ ସଡ଼ ମାନ୍ଲାର୍ ପାଇ, କାରାପ୍ ଚଲାଚଲ୍ତି ଚାଡ଼ିକରି ତମର ସଙ୍ଗର୍ ବିସ୍ବାସିମନ୍ କେ ସଡ଼ସଙ୍ଗ୍ ଆଲାଦ୍ କଲାସ୍ତ । ମନ୍ ପରାନ୍ ଦେଇକରି ଗଟେକ୍ ଲକ୍ତ ଆରି ଗଟେକ୍ ଲକ୍ତକେ ଆଲାଦ୍ କଲାସ୍ତ । ୨୩ ତମେ ଆରିତରେକ୍ ଜନମ୍ ଅଇଲାସକେ ଏନ୍ତାରି କଲାସ୍ତ । କେବେ ନ ମରବା ବାବାମାଆର୍ ପିଲାମନ୍ ଇସାବେ । ତାର୍ ବାକିଅ ତମ୍ଭେ ନୁଆ ଜିବନ୍ ଦେଲାଆଚେ । ତାର୍ ବାକିଅ ସବୁଦିନପାଇ ରଇସି । ୨୪ ସାସ୍ତରେ ଲେକାଅଇଲାପାରା, ଗୁଲାଇ ମୁନ୍ସୁ ଜାତି ଗାଁସ୍ ପାରା ।

ତାକର୍ ବାନିମୁର୍ତ୍ତି ଗାଁସର୍ ପୁଲ୍ପପାରା ।

ଗାଁସ୍ ସୁକିଜାଇସି ଆରି ପୁଲ୍ ଜଡ଼ିଜାଇସି ।

୨୫ ମାତର୍ ପର୍ମେସର୍ ବାକିଅ ସବୁଦିନ ପାଇ ରଇସି ।

ଏ ବାକିଅ ଅଇଲାନି ତମ୍ଭେ ଜାନାଇରଇବା ସୁବ୍ କବର୍ ।

**୨**

**ଜିବନ୍ ପାକ୍ତା ଆରି ସୁକ୍ତ କୁଟୁମ୍**

୧ ତମେ ନୁଆ ଜିବନ୍ ପାଇଲାରପାଇ ସବୁ କାରାପ୍ ବିସଇଟାନେଅନି ଦୁରିକେ ରୁଆ । ସବୁ ରକାମ୍ ମିର୍ କଇବାଟା, ନାତାଇବାଟା, ଇସା ଅଇବାଟା ଆରି ନିନ୍ଦା କାତା କଇବାଟା ଚାଡ଼ିଦିଆସ୍ । ୨ ଏବେ ଜନମ୍ ଅଇଲା କଅଁଲା ପିଲାମନ୍ ଦୁଦ୍ କାଇବାକେ ଜେନ୍ତାରି ମନ୍ କରବାଇ, ସେନ୍ତାରିସେ ତମେ ଆତ୍ମାର୍ ଦୁଦ୍ କାଇବାକେ ମନ୍ କରା । ସେଟା ଅଇଲାନି ପର୍ମେସର୍ ସଡ଼ ବାକିଅ । ସେଟା କାଇବାକେ ମନ୍ କଲେ, ତମର ମୁକ୍ତି ସିଦ୍ ଅଇବାଜାକ ତମେ ବିସ୍ବାସେ ଅଦିକ୍

ଅଦିକ୍ ବଢ଼ି ଆଇସା ।<sup>୩</sup> ସାସ୍ତରେ ଲେକା ଅଇଲାପାରା “କାଇକେ ବଇଲେ, ମାପୁରୁ ଜିବନ୍ ଦୁକାଇ ଦୟା କଲାଟା ତମେ ଜାନିସାରାଇ ଆଟାସ୍ ।”

<sup>୪</sup> ଡେବରୁପାଇ କିରିସ୍ତର୍ ଲଗେ ଆସା । ସେ, ଗର୍ ଡାଟ୍ କର୍ବା ଜିବନ୍ ପାକ୍ନା ପାରା ଆଟେ । ଏ ପାକ୍ନା, କାଇ ମୁଲିଅ ନାଇ ବଲି, ଲକ୍ମନ୍ ଚାଡ଼ିଦେଇରଇଲାଇ । ମାତର୍ ପର୍ମେସର୍ ସେଟାକେସେ, ବେସି ମୁଲିଅ ରଇବାଟା ବଲି ବାଟିଆଟେ ।<sup>୫</sup> ତାର୍ ଲଗେ ଆଇଲାର୍ପାଇ ତମେ ଜିବନ୍ ରଇବା ପାକ୍ନାପାରା ଅଇଆଟାସ୍ । କାଇକେବଇଲେ, ତମ୍ଭେ ଜଡ଼ିକରି ଗଟେକ୍ ଆଡ଼ମା ରଇବା ମଣ୍ଡୁଲି ତିଆର୍ ଅଇଲାନି । ଆରି ପର୍ମେସର୍ ସୁକଲ୍ ରଇବା ପୁଜାରି ଇସାବେ ତମେ ତାକେ ସେବା କଲାସ୍ନି । ଜିସୁକିରିସ୍ତର୍ ଲାଗି ଏ ଆଡ଼ମାର୍ ସେବା ପର୍ମେସର୍କେ ସାର୍ଦା କରାଇସି ।<sup>୬</sup> ସାସ୍ତରେ କଇଲାପାରା

“ଦେକା, ମୁଇ ସବୁରଡେଇଅନି ଅଦିକ୍ ମୁଲିଅ ରଇବା ପାକ୍ନା ବାବୁଲିଆଟି,

ସେଟା ଗର୍ କନର୍ ମୁଲ୍ପାକ୍ନା ଇସାବେ ସିୟନେ ସଙ୍ଗୁଆଟି

କେ ଜଦି ତାକେ ବିସ୍ବାସ୍ କର୍ବାଇ, ସେ କେବେ ଲାଜ୍ ନର୍ସି ।”

<sup>୭</sup> ତମେ ବିସ୍ବାସି ଲକ୍ମନପାଇ, ଏ ପାକ୍ନା ବେସି ମୁଲିଅ ରଇବାଟା । ମାତର୍ ଜେଡ଼କି ଲକ୍ ବିସ୍ବାସ୍ କରଡ଼ ନାଇ, ସାସ୍ତରେ ଲେକା ଅଇଲା ବିସଇ ସେମନ୍ ମନେ ରକ୍ବାର୍ ଆଟେ ।

“ଗର୍ ତିଆର୍ କରୁମନ୍ ଜନ୍ ପାକ୍ନା ଚାଡ଼ିଦେଇରଇଲାଇ,

ସେ ପାକ୍ନାକେସେ ପର୍ମେସର୍ ସବୁରଟାନେ ଅନି ମୁଲିଅ ରଇବା ପାକ୍ନା କଲାଆଟେ ।”

୮ ସାସ୍ତରେ ଲେକା ଅଇଲା ଆରି ଗଟେକ୍ ବିସଇ ମିସା ସେମନ୍ ଏତାଇବାର୍ ଆଟେ ।

“ଏ ପାକ୍ନା କେତେ ଲକ୍ପାଇ ବାଦା ଆନ୍ସି ।

ଡେଇ ବେସି ଲକ୍ ଜଟିଆଇ ଅଇ ଅଦର୍ବାଇ ।”

“ସେମନ୍ ପର୍ମେସର୍ ବାକିଅ ବିସ୍ବାସ୍ ନ କଲାପାଇ ଜଟିଆଇ ଅଇ ଅଦର୍ବାଇ । ଏଟା ତାକ୍ପାଇ ପର୍ମେସର୍ ଜଜ୍ନା ରଇଲା ।”

<sup>୯</sup> ମାତର୍ ତମେ, ବାଟି ଅଇରଇବା ପର୍ମେସର୍ କୁଟୁମ୍ । ଆରି ଆମର୍ ରାଜାର୍ ପୁଜାରି ଦଲ୍ । ପର୍ମେସର୍ ଚକିଡ଼ ଅଇଜିବା କାମ୍ ଜାନାଇବାକେ ସେ ବାଟିରଇବା ତାର୍ ନିଜର୍ ଲକ୍ ଅଇଆଟାସ୍ । ଆନ୍ଦାର୍ ବିଡ଼ରେ ଅନି ତାର୍ କାବା ଅଇଜିବା ଉଜଲେ ଜିବାକେ ସେ ତମ୍ଭେ ତାକି ଆଟେ ।<sup>୧୦</sup> ଆଗେ ତମେ ତାର୍ ନିଜର୍ ଲକ୍ ନ ରଇଲାସ୍ । ମାତର୍ ଏବେ ତାର୍ ନିଜର୍ ଲକ୍ ଅଇଆଟାସ୍ । ଆଗେ ତାର୍ ଦୟା ପାଇ ନ ରଇଲାସ୍, ମାତର୍ ଏବେ ପାଇଆଟାସ୍ ।

**ପର୍ମେସର୍ ଗତି ଦାଙ୍ଗୁଡ଼ା**

<sup>୧୧</sup> ଏ ମର୍ ମଇତର୍ମନ୍, ତମେ ଏ ଜଗତେ ବିଦେସି ପାରା ଆଟାସ୍ ଆରି ଚନେକର୍ ପାଇସେ ଇଡ଼ି ରଇଲାସ୍ନି । ତମର୍ ଗାଗଡେ ରଇବା ପାପର୍ ଗୁନ୍ତଲନେ ଅନି ଆଇବା ସବୁ ରକାମ୍ କାରାପ୍ ମନ୍କର୍ବା ଟାନେଅନି ଦୁରିକେ ରୁଆ ।<sup>୧୨</sup> ତମର୍ ନଅରେ ରଇବା ବିସ୍ବାସ୍ ନ କର୍ବା ଲକ୍ମନ୍ ଦେକ୍ବା ଇସାବେ ତମର୍ ଚଲାଚଲ୍ତି ନିକ ରଇବାର୍ଆଟେ । ସେନ୍ତାରି ରଇଲେ ସେମନ୍ ତମର୍ ବିରୁଦେ ନିନ୍ଦା କାତା କଇଲେ ମିସା, ତମେ କରିରଇବା ନିକ କାମ୍ ଦେକିକରି ପର୍ମେସର୍ ବାଡ଼ିଆଇବା ଦିନେ ତାକେ ତାକ୍ପୁଟା କର୍ବାଇ ।

<sup>୧୩</sup> ତମର୍ ଉପରେ ଅଦିକାର୍ କର୍ବା ଲକ୍ମନକେ ଆମର୍ ମାପୁରୁ ଲାଗି ମାନିକରି ରୁଆ । ସବୁରଟାନେଅନି ଅଦିକାର୍ ରଇବା ସାସ୍ନକାରିଆକେ ମିସା ମାନିକରି ରୁଆ ।<sup>୧୪</sup> ସବୁରଟାନେଅନି ବଡ଼ ସାସ୍ନକାରିଆ, ଜେ କି କାରାପ୍ କାମ୍ କର୍ବା ଲକ୍ମନକେ ଡଣ୍ଡ ଦେବାକେ ଆରି ନିକ କାମ୍ କର୍ବା ଲକ୍ମନକେ ତାକ୍ପୁଟା କର୍ବାକେ ପାଟାଇଆଟେ, ତାକେ ମିସା ମାନିକରି ରୁଆ ।<sup>୧୫</sup> କାଇକେବଇଲେ, ତମେ କରିରଇବା ନିକ କାମ୍ଲାଗି କାଇ ଲତାକେ ନ ଆଇବା କାତା କଇବୁଲ୍ବା ଲକ୍ମନକେ ରୁପ୍ କରାଇବାକେ ପର୍ମେସର୍ ମନ୍ କଲାନି ।<sup>୧୬</sup> ତମେ ମୁକଲ୍ଲା ଲକ୍ମନ୍ ବଲି ତମର୍ ଜିବନର୍ ଚଲାଚଲ୍ତିଡେଇ ଦେକାଆ । ମାତର୍ ଆମ୍ଭେ ମୁକ୍ତି ମିଲ୍ଲାଆଟେ ବଲି କାଇଟା ମିସା କର୍ବୁ ବଲି ନ ବାବିକରି ପର୍ମେସର୍କେ ସେବା କରା ।<sup>୧୭</sup> ସବୁ ଲକ୍ମନକେ ସନ୍ମାନ ଦିଆସ୍ । ବିସ୍ବାସି ବାଇବଇନିମନ୍କେ ଆଲାଦ୍ କରା । ପର୍ମେସର୍କେ ମାନିକରି ରୁଆ । ଆରି ସବୁର୍ ଉପର୍ ସାସ୍ନକାରିଆକେ ସନ୍ମାନ ଦିଆସ୍ ।

**କିରିସ୍ତର୍ ଦୁକ୍ବଗର୍ ସିକିଆ**

<sup>୧୮</sup> ତମର୍ ବିଡ଼ରେ ଜେଡ଼କି ଲକ୍ ଗତିଦାଙ୍ଗୁଡ଼ା ଅଇଆଟାସ୍, ତମର୍ ସାଡକାର୍ମନର୍ କାତା ମାନିକରି ରୁଆ ଆରି ସେମନ୍କେ ପୁରାପୁରୁନ୍ ସନ୍ମାନ ଦିଆସ୍ । ଦରମ୍ ରଇବା ସାଡକାର୍ମନ ରଇଲେ, କି ଟେରା ରଇବା ସାଡକାର୍ମନକେ ମିସା ଏନ୍ତାରି କର୍ଡେରୁଆ ।<sup>୧୯</sup> ତମର୍ କାଇ ବୁଲ୍ ନ ରଇଲେ ମିସା ମୁର୍ଚିକରି ରଇଲେ, ଡେଇ ପର୍ମେସର୍ ସାର୍ଦା ଅଇସି । କାଇକେବଇଲେ ତମେ ତାର୍ ମନ୍ କଲାଟା ସିଦ୍ କଲାସ୍ନି ।<sup>୨୦</sup> ଜଦି ବୁଲ୍ କଲାପାଇ ଦୁକ୍ବଗର୍ ମୁର୍ଚି କରି ଡଣ୍ଡ ପାଇଲେ, ଡେଇ ତମେ କଲା କରମ୍ଭେ ପାଇଆଟାସ୍ । ମାତର୍ ସଡକାମ୍ କିରି ଦୁକ୍ କସ୍ଟ ମୁର୍ଚିଲେ, ସେଟା ପର୍ମେସର୍କେ ସାର୍ଦା କରାଇସି ।<sup>୨୧</sup> ସେନ୍ତାରି ଚଲାଚଲ୍ତି କର୍ବାକେ ପର୍ମେସର୍ ତମ୍ଭେ ତାକ୍ଲାଆଟେ । କିରିସ୍ତ

☆ ୨:୯ ୨:୯ ଡିଡସ୍ ୨:୧୪

ତମରପାଇଁ ଦୁଃଖସତ ମୁରୁଚି କରି, ତମେ ଚଳାଚଳୁଡ଼ି କରୁବାଟା ଦେକାଇଆଚେ ।<sup>୨୭</sup> ସେ କେବେ ପାପକରି ନ ରଇଲା ଆରି ତାର ଟଣ୍ଡେଅନି ଗଟେକ୍ ମିସା ମିଚକାତା ନ ବାରଇ ରଇଲା ।<sup>୨୮</sup> ଲକ୍ମନ୍ ତାକେ କିଜାଇଲାବେଲେ ସେ ନିନ୍ଦା କାତାକଇ ଟଣ୍ଡେ ଲାଗାଏ ନାଇ । ତାକେ ଦୁଃଖ ସତ ଦେଲାକେ ସେ ଦମ୍ଭକାଏ ନାଇ । ମାତର କାଇ ଅନିଆଇ ନ କରୁବା ପରମେସରକେ ସବୁ ବିସଇ ଚାଡ଼ିଦେଲା ।<sup>୨୯</sup> ଆମେ ପାପ କଲାଚପାଇ ପାଇବା ଡଣ୍ଡ କୁରୁସକାଟେ ମରିକରି କିରିସଟ ନିଜେ ବଇନେଲା । ପାପ କରୁବାଟା ଚାଡ଼ିକରି ଦରମ୍ ଚଳାଚଳୁଡ଼ି କରୁବାକେ ସେ ଏନ୍ତାରି କଲା । ତାର ଗାଗଡେ ମାରି ରଇବା ଗାଉର ଲାଗି ଆମେ ନିକ ଅଇଆରୁ ।<sup>୩୦</sup> ଆଗରୁ ତମେ ବାଟ ବାନା ଅଇଲା ମେଣ୍ଟାପାରା ରଇଲାସ୍, ମାତର ଏବେ ସେ ତମକେ ଡାକି ଆନିଆଚେ । ସେ ଆକା ତମକେ ଜତନକରି ତମର ଆତ୍ମାମନକେ ଜାଗଲାନ୍ତି ।

### ୩

#### ମାଇଜି ମୁନୁସର୍ ପାଇ ସିକିଆ

<sup>୧</sup> \*ସେନ୍ତାରିସେ ତମେ ବିବାଅଇ ରଇବା ଏ ମାଇଜିମନ୍, ନିଜର ନିଜର ମୁନୁସର୍ମନର କାତାମାନିକରି ରୁଆ । କାଇକେବଇଲେ ତାକର ବିତ୍ତରେ କେ ଜଦି ପରମେସରର ବାକିଅ ବିସ୍ବାସ୍ ନ କରିଅତ୍, ତମର ନିକ ଚଳାଚଳୁଡ଼ି ଦେକିକରି ସେମନ୍ ମିସା ମନ୍ ବାଦ୍‌ଲାଇବାଇ । ତମକେ ପଦେକ୍ କଇବାକେ ନ ପଡେ ।<sup>୨</sup> କାଇକେବଇଲେ ତମର ସୁଆଲ୍ ଚଳାଚଳୁଡ଼ି ଆରି ପରମେସରକେ ମାନିକରି ରଇବାଟା ସେମନ୍ ଦେକ୍‌ବାଇ ।<sup>୩</sup> \*ବିନ୍ ମାଇଜିମନ୍ ଜେନ୍ତାରିକି, ପିନ୍ଦାଅତା ଅଇକରି, ସୁନାବାନା ପିନ୍ଦିକରି, ଚେଣ୍ଡି ସାଜାଡିକରି, ନିଜେ ସୁନ୍ଦର ଅଇବାଇ, ତମେ ସେନ୍ତାରି ଡିଆନାଇ ।<sup>୪</sup> ମାତର ମନ୍‌ବିତ୍ତରେ ସୁଆଲେ ରଇକରି ଆତ୍‌ମାଇ ସୁସାରେ ରଇବା ଗଟେକ୍ ମାଇଜି ପରମେସର ଦେକ୍‌ବା ଇସାବେ ସୁନ୍ଦର । ସେନ୍ତାରି ସୁନ୍ଦର ରଇବାଟା ବେସି ମୁଲିଅ ଆରି ସବୁଦିନପାଇ ରଇସି ।<sup>୫</sup> ପୁରବେ ରଇବା ସୁକଲ୍ ମାଇଜିମନ୍ ଏନ୍ତାରିସେ ସେମନ୍ ଆସା କରୁବାଟା ପରମେସରକେ ସର୍ପିଦେଇ ନିଜର ମୁନୁସର୍ମନର କାତା ମାନିକରି ସୁନ୍ଦର ଅଇତେରଇଲା ।<sup>୬</sup> ପୁରବେ ସାରା ସେନ୍ତାରି କରତେରଇଲା । ସେ ତାର ମନସ୍ ଅବରାଆମକେ ନିଜର ସାଉକାର୍ ଇସାବେ କାତା ମାନିକରି ରଇଲା । ତମେ ଜଦି ସତ୍‌କାମ୍ କରି କାଇଟାର୍ ପାଇ ଡରି ନ ରଇଲେ, ତମକେ ମିସା ତାର ଟକିମନ୍ ଇସାବେ ଲେକା କରସି ।

<sup>୭</sup> \*ସେନ୍ତାରିସେ ତମେ ବିବାଅଇରଇବା ଏ ମୁନୁସର୍ମନ୍, ନିଜର ମାଇଜିମନର ସଙ୍ଗ୍ ବୁଜାମାନା ଅଇରୁଆ । କାଇକେବଇଲେ ସେମନ୍‌କେ ତମରଟାନେଅନି ଉନା ବପୁଆଚେ । ସେମନ୍‌କେ ସନ୍‌ମାନ୍ ଦିଆସ୍, କାଇକେବଇଲେ ପରମେସର ଦେବା ନ ସାରୁବା ଜିବନ୍ ତମର ସଙ୍ଗ୍ ସେମନ୍‌କେ ମିସା ମିଲ୍‌ସି । ତମର ପାର୍‌ତନା କରୁବାଟା ବାଦା ନ ଆଇବାକେ ଏ ସବୁ ଆଦେସ୍ ମାନିକରି ରୁଆ ।

#### ନିମାନ୍ କାମ୍‌ପାଇ ଦୁଃଖସତ

୮ ସାରାସାରି ତମର ସବୁଲକର ମନ୍ ଗଟେକ୍ ଅ । ଦୁଃଖସ୍ ବେଲେ ତମର ତମର ବିତ୍ତରେ ମିସିବିଡ଼ି ରୁଆ । ନିଜର ନିଜର ବିତ୍ତରେ ଆଲାଦ୍ ଅଇକରି ସୁଆଲେ ରୁଆ ।<sup>୯</sup> ତମର ବିରୁଦେ କେ କାରାପ୍ କାମ୍ କଲେ ତାକେ ବେରଦାରି ରୁଆନାଇ । ନିନ୍ଦାକାତା କଇଲେ ଟଣ୍ଡେ ଲାଗାଆ ନାଇ । ତାର ବାଦୁଲେ ପରମେସର ସେମନ୍‌କେ ଦୟା ଦେକାଇବାକେ ପାର୍‌ତନା କରା । କାଇକେବଇଲେ ସେ ତମକେ ଡାକ୍‌ଲାବେଲେ ମୁଇ ତମକେ ଆସିରବାଦ୍ କରୁବି । ବଲି କାତା ଦେଇରଇଲା ।<sup>୧୦</sup> ସାସ୍‌ତରେ ଲେକା ଅଇଲାପାରା,

“ଗଟେକ୍ ଲକ୍ ଜଦି ତାର ଜିବନେ ସାର୍‌ଦାର୍ ଦିନ୍  
ଆରି ମଙ୍ଗଲ୍‌ର ଦିନ୍ ଦେକ୍‌ବିବଲି ମନ୍‌କଲେ,  
ସେ କାରାପ୍ କାତା ନ କଅ  
ଆରି ମିଚ୍ କାତା ନ କଅ ।

<sup>୧୧</sup> “ସେ କରାପ୍ କାମ୍ ଚାଡ଼ିକରି, ନିକ ବିସଇ କରୁବାର୍ ଆଚେ ।  
ତାର ସଙ୍ଗ୍‌ର ଲକ୍‌ର ସଙ୍ଗ୍ ସୁସାରେ ରଇବାର୍‌ଆଚେ ।”

<sup>୧୨</sup> କାଇକେବଇଲେ ଦରମ୍‌ଲକ୍‌କେ ମାପ୍‌ରୁ ଜାଗିଲାଗିରଇସି ।

ସେମନ୍ ପାର୍‌ତନା କଲାଟା ସୁନ୍‌ସି  
ଜେଡ଼କି ଲକ୍ କାରାପ୍ ବିସଇ କରୁବାଇ  
ସେମନ୍‌କେ ବିରଦ୍ କରସି ।

<sup>୧୩</sup> ତମେ ଜଦି ନିକ କାମ୍ କରୁବାକେ ମନ୍ କଲେ, ତମର ବିରଦେ କେ ମିସା କାରାପ୍ କାମ୍ ନ କରତ୍ ।<sup>୧୪</sup> \*ସତ୍ କାମ୍ କରି ମୁରୁଚି ରଇଲେ ତମେ କେଡେକ୍ କରମର୍ ଲକ୍ । ଜନ୍ ଲକ୍‌ମନ୍ ତମକେ କସଟ ଦେଲାଇନି, ସେମନ୍‌କେ ଡରିକରି ଚିନ୍ତା କରାନାଇ ।<sup>୧୫</sup> ମାତର କିରିସଟକେ ମାପ୍‌ରୁବଲି ଡାକ୍‌ପୁଟା କରା ଆରି ସନ୍‌ମାନ୍ ଦିଆସ୍ । ବିସ୍‌ବାସି ଇସାବେ, ତମେ ଆସା କରୁବା ବିସଇ କେ ମିସା ପାଟାରଲେ, ସେମନ୍‌କେ ବାତାଇବାକେ ଜାଗରତ୍ ଅଇରୁଆ ।<sup>୧୬</sup> ମାତର ମନ୍‌ବିତ୍ତରେ

\* ୩:୧ ୩:୧ ଏପିସିୟ ୫:୨୨; କଲସିଅ ୩:୧୮ \* ୩:୩ ୩:୩ ୧ମ ତିମତି ୨:୯ \* ୩:୭ ୩:୭ ଏପିସିୟ ୫:୨୫; କଲସିଅ ୩:୧୯ \* ୩:୧୪ ୩:୧୪ ମାତିଉ ୫:୧୦

ସୁଆଳ ରଇକରି, ସନ୍ମାନ ଦେଇକରି କାତାଉଆ । ତମର ବିବେକ ତମ୍ଭେ ଦସି ନ କର । ଜେନ୍ତାରିକି ତମର ନିକ ଚଲାଚଲ୍ଲି ବିରୁଦେ ଜେଡକି ଲକ୍ ନିନ୍ଦା କରବାଇ, ତାକର କାତାଉସେ ସେମନ୍ ଲାଜ୍ ଅଇବାଇ । <sup>୧୭</sup> କାଇକେବଇଲେ ତମେ ନିକ କାମ୍ କଲାର୍ ଲାଗି ଦୁକ୍ କସ୍ତ ମୁରବବାକେ ପରମେସର୍ ଜଦି ମନ୍ କଲେ, ସେନ୍ତାରି ଅଇବାଟା ନିକ । କାରାପ୍ କରି ଦୁକ୍ କସ୍ତ ମୁରବବା ବାଦୁଲେ, ସେଟା ନିକ । <sup>୧୮</sup> କିରିସ୍ତ ମିସା ଆମର୍ ପାପରଲାଗି ଏକାତରେକ୍ ସବୁଲକର୍ପାଇ ଦୁକ୍ କସ୍ତ ଅଇ ମୁରଚିକରି ମଲା । ସେ ଦରମ୍ ରଇ ପାପକରିରଇବା ଲକ୍ ମନ୍ କେ ପରମେସର୍ ଲଗେ ଆନ୍ଦବାକେ ମରିଜାଇରଇଲା । ଲକ୍ ମନ୍ ତାର୍ ଗାଗଡ୍ ମରାଇଲାଇ, ମାତର୍ ତାର୍ ଆତ୍ମା ଜିବନ୍ ଅଇଆଟେ । <sup>୧୯</sup> ମଲା ଲକ୍ ମନ୍ ଆତ୍ମା ବନ୍ଦିଅଇରଇବା ଜାଗାଇ, ଆତ୍ମାର୍ ଇସାବେ ସେ ସୁବ୍ କବର୍ ଜାନାଇଲା । <sup>୨୦</sup> ଏ ବନ୍ଦି ଆତ୍ମାମନ୍ ପୁରବେ ନଅର୍ ବେଲେ ପରମେସର୍ କାତା ନ ମାନିଲାଟାମନ୍ । ସେଡକିବେଲେ ନଅ ବଡ୍ ତଙ୍ଗା ତିଆର୍ କରତେରଇଲା । ତାର୍ କାତା ଲକ୍ ମନ୍ ବିସ୍ ବାସ୍ କରବାଇ ବଲି ପରମେସର୍ ମୁରଚିକରି ରଇଲା । କାଇକେବଇଲେ, ଏକାଇ ଆଟ୍ ଲକ୍ ସେ ସେ ପାନିତେଇ ରୁଡ୍ ନାଇ । ସେମନ୍ ତଙ୍ଗାଇ ଚଗିରଇଲାଇ ଆରି ରକିଆ ପାଇଲାଇ । <sup>୨୧</sup> ସେ ପାନି ଆମର୍ ତୁବନ୍ ବିସଇ ଜାନାଇଲାନି । ତମେ ତୁବନ୍ ନେଲାକେ ତମର୍ ଗାଗଡ୍ ମୁରକି ଦଇଅଇଲାର୍ ପାଇ ନଏ, ମାତର୍ ଗଟେକ୍ ନିକ ବିବେକ୍ ସକ୍ ପରମେସର୍ କେ ଦେଇରଇଲା କାତାର୍ ଲାଗି ତମ୍ଭେ ମୁକ୍ତି କରସି । ଜିସୁ କିରିସ୍ତ ମଲାତେଇଅନି ଜିବନ୍ ଅଇକରି ଉଟ୍ଲାକେ ଏଟା ଅଇସି । <sup>୨୨</sup> ସେ ସର୍ଗେ ବାଉଡି ଜାଇ ପରମେସର୍ ଉଜାବାଟେ ଆଟେ । ସର୍ଗେ ରଇବା ସବୁ ଦୁଡ୍, ଅଦିକାର୍ ଆରି ବପୁ ଉପରେ ସେ ସାସନ୍ କଲାନି ।

### ୪

#### ମନ୍ ବାଦ୍ଲାଇଲା ଜିବନ୍

<sup>୧</sup> କିରିସ୍ତ ନିଜର୍ ଗାଗଡେ ଦୁକ୍ କସ୍ତ ମୁରଚିକରି ଜେନ୍ତାରି ଚିନ୍ତା କରତେ ରଇଲା, ତମେମିସା ସେନ୍ତାରି ଚିନ୍ତାକରି ତାଟ୍ ଉଆ । କାଇକେବଇଲେ ଜେ ଗାଗଡେ ଦୁକ୍ କସ୍ତ ମୁରଚସି, ସେ ଆରି ପାପ୍ କରବାକେ ମନ୍ ନ କରେ । <sup>୨</sup> ତେବର୍ପାଇ ତମର୍ ମନ୍ କେ ଜାଗଡ୍ କରା । ଜେନ୍ତାରିକି, ଏବେ ଅନି ତମର୍ ମରନ୍ ଜାକ, ପରମେସର୍ ମନ୍ କଲା ଇସାବେ ଚଲାଚଲ୍ଲି କରସା । ତମର୍ ପାପର୍ ଗୁନ୍ ଚଲନ୍ ଇସାବେ କରାନାଇ । <sup>୩</sup> କାଇକେବଇଲେ ପରମେସର୍ କେ ନାଜାନିଲା ଲକ୍ ଜନ୍ଟା କରବାକେ ମନ୍ କରବାଇ, ସେନ୍ତାରି ତମେମିସା କରତେ ରଇଲାସ୍ । ଆରି ସେନ୍ତାରି କରି କରି ରୁଟାଇ ରୁଟାଇ ଦିନ୍ ଗାଲା । ତମର୍ ଗାଗଡ୍ ପାପେରଇବା ଗୁନ୍ ଚଲନ୍ ଇସାବେ ଲାଜର୍ ବିସଇ, ପାଦ୍ କାମ୍ କରବାକେ ମନ୍ କରବା ବିସଇ, ମାଡିରଇବା ବିସଇ, କରାପ୍ ବିସଇଟାମେ ମଜାମଜଲିସ୍ କରବା ବିସଇ ଆରି ପରମେସର୍ ଗିନ୍ କରବା ପୁଡ୍ଲା ପୁଜା କରବାଟାମନ୍ କରତେରଇଲାସ୍ । <sup>୪</sup> ମାତର୍ ଏବେ, ବିସ୍ ବାସ୍ ନ କଲା ଲକ୍ ମନ୍ କାବାଅଇଗାଲାଇନି ଆରି ତମ୍ଭେ ନିନ୍ଦାର୍ କାତା କଇଲାଇନି । କାଇକେବଇଲେ ସେମନ୍ କିରିରଇବା କାରାପ୍ ମଜାମଜଲିସ୍ ବିସଇତେଇ ତମେ ମିସାସ୍ ନାଇ । <sup>୫</sup> ମାତର୍ ସେମନ୍ ନିଜେ ପରମେସର୍ କେ ଇସାବ୍ ଦେବାକେ ପଡ୍ସି । ସେ ବଠିରଇବା ଆରି ମରିରଇବା ସବୁକେ ବିଚାର୍ କରବାକେ ଜାଗିଆଟେ । <sup>୬</sup> ସେଟାର୍ପାଇ ସୁବ୍ କବର୍ ମରିରଇବା ଲକ୍ ମନ୍ କେ ମିସା ଜାନାଇରଇଲାଇ । କାଇକେବଇଲେ ସବୁଲକ୍ ମନ୍ ପାଇବା ଡଣ୍ଡ୍ ସେମନ୍ ପାଇରଇକରି ମରିରଇଲେ ମିସା ତାକର୍ ଆତ୍ମା ପରମେସର୍ ପାରା ବଠିବାକେ ସୁବ୍ କବର୍ ଜାନାଇରଇଲାଇ ।

#### ଇସ୍ପର ଦେବା ଦାନର୍ ନିମାନ୍ ଗୁମସ୍ତା

<sup>୭</sup> ମାତର୍ ସବୁ ବିସଇ ସାର୍ ବେଲା ଲଗେ କେଟ୍ଲାବେ । ତେବର୍ପାଇ ନିଜେ ଜାଗଡ୍ ରୁଆ ଏନ୍ତାରି କଲେ ତମେ ନିକସକ୍ ପାର୍ତନା କରିପାରାସ୍ । <sup>୮</sup> ସବୁଟାମେଅନି ମୁକ୍ତି ବିସଇ ଅଇଲାନି ତମର୍ ତମର୍ ବିଡ୍ରେ ଆଲାଦ୍ କରାକରି ଅଇବାଟା । କାଇକେବଇଲେ, ସେନ୍ତାରି ଆଲାଦ୍ କଲେ, ତମର୍ ତମର୍ ପାପ୍ ବିସଇ ଚିନ୍ତା ନ କରି ମୁରଚିକରି କେମା ଦିଆଦିଇ ଅଇସା । <sup>୯</sup> ତମର୍ ବିଡ୍ରେ ମୁରମୁରା ନଅଇ ଗଟେକ୍ ଲକ୍ ଆରି ଗଟେକ୍ ଲକ୍ କେ ଗତିଆ କରି ତାକାତାକି ଉଆ । <sup>୧୦</sup> ତାକେ ବିସ୍ ବାସ୍ କରବା ସବୁଲକ୍ କେ ପରମେସର୍ ବିନ୍ ବିନ୍ ଦାନ୍ ସର୍ପିଦେଲା ଆଟେ । ଗଟେକ୍ ବିସ୍ ବାସ୍ ରଇବା ଗତିଦାଙ୍ଗ୍ ପାରା ସେ ଦେଇରଇବା ଦାନ୍ ବିନ୍ ଲକ୍ ମନ୍ ଅଇବାକେ ଦିଆସ୍ । <sup>୧୧</sup> ଜନ୍ ଲକ୍ ମନ୍ କବର୍ ଜାନାଇଲାଇନି, ଆମେ ପରମେସର୍ କବର୍ ଜାନାଇଲୁନି, ବଲି ଜାଗଡ୍ ରଇବାର୍ ଆଟେ । ଜନ୍ ଲକ୍ ମନ୍ ତାକର୍ ବାଇବଇନିମନ୍ କେ ସେବା କଲାଇନି, ଆମେ ପରମେସର୍ ବପୁ ଦେଲାକେସେ, ସେବାକଲୁନି ବଲି ଏତାଅଡ୍ । ତମେ କିରିରଇବା ସବୁ କାମେ ଜିସୁକିରିସ୍ତ ଚଟାମେଅନି ପରମେସର୍ ତାକ୍ପୁଟା ପାଅ । ସେ ଆକା କାଲ୍ କାଲ୍ ଜୁଗ୍ ଜୁଗ୍ ମଇମା ଆରି ବପୁ ପାଇସି । ଆମେନ୍ !

#### କିରିସ୍ତ ବିସ୍ ବାସ୍ ଦୁକ୍

<sup>୧୨</sup> ଏ ମର୍ ମଇତର୍ମନ୍, ତମେ ବେସି ଦୁକ୍ କସ୍ତ ମୁରଚିକରି ରଇବାବେଲେ କାବାଅଇଜିବାର୍ ନାଇ । ନ ଅଇବା ବିସଇ ମକେ କେନ୍ତାରି ଗଟ୍ଲାନି ବଲି ବାବ୍ ବାର୍ ନାଇ । <sup>୧୩</sup> ତାର୍ ବାଦୁଲେ, କିରିସ୍ତ ଦୁକ୍ କସ୍ତ ମୁରଚିକରି ରଇଲାର୍ ପାରା ତମ୍ଭେ ମୁରବବାକେ ଆଇଲେ, ସାର୍ ଦା ଉଆ । ଜନ୍ ଦିନେ ସେ ତାର୍ ତାକ୍ପୁଟା ଦେକାଇସି, ସେ ଦିନେ ତମେ ଅଦିକ୍ ସାର୍ ଦା ଅଇସା । <sup>୧୪</sup> କିରିସ୍ତର୍ ସିସ୍ ଅଇଲାର୍ ପାଇ ଲକ୍ ମନ୍ ତମ୍ଭେ ନିନ୍ଦା କଲେ, ତମେ କେଡେକ୍ କରମର୍



ଲକ୍ ! କାଇକେବଇଲେ ବେସି ମଇମା ରଇବା ପରମେସରର ଆତ୍ମା ତମରଟାନେ ଆଚେ ବଲି ଜାନିପାର୍ସା । <sup>୧୫</sup> ତମର ବିତ୍ତରେ ଜଦି କେ ମିସା ନର ମାରଲାର ପାଇ ନଇଲେ ତର ଅଇଲାର ପାଇ କି ନିୟମ୍ ନ ମାନଲାରପାଇ କି ବିନ୍ ଲକ୍‌ର ବିସଇତେଇ ମୁଣ୍ଡ ପୁରାଇଲାରପାଇ ଦୁକ୍ କସ୍‌ଟ ପାଆନାଇ । <sup>୧୬</sup> ମାତର କିରିସ୍‌ଟକେ ବିସ୍‌ବାସ୍‌କରି ଜଦି ଦୁକ୍ କସ୍‌ଟ ପାଇଲେ ଲାଜ୍ ନ ଅଇ ପରମେସରକେ ଡାକ୍‌ପୁଟା କରା । କାଇକେବଇଲେ ତମ୍‌କେ କିରିସ୍‌ଟର ଲକ୍ ଇସାବେ ଲେକାଅଇଲା ଆଚେ ।

<sup>୧୭</sup> କାଇକେବଇଲେ ପରମେସର ସବୁ ଲକ୍‌କେ ବିଚାର କରବାଦିନ୍ ଲଗେ କେଟ୍‌ଲା ଆଚେ । ଆରି ସେ ତାର୍ ନିଜର୍ ଲକ୍‌କେ ପରତୁମ୍ ବିଚାର କରସି । ଜଦି ସେଟା ଆମର୍ ସଙ୍ଗ୍ ଆରାମ୍ ଅଇଲେ, ତାର୍ ସୁବ୍ କବର୍ ଚାଡ଼ିଦେଲା ଲକ୍‌ମନର୍ ଦସା କେନ୍ତାର୍ ଅଇସି ? <sup>୧୮</sup> ଦରମ୍ ସାସ୍‌ତରେ ଲେକାଅଇଲାପାରା, “ଜଦି ଦରମ୍ ଲକ୍ ମୁକ୍ତି ପାଇବାଟା ଆବଡ୍

ପରମେସରର ବିସଇ କାଇ ଚିନ୍ତା ନ କରବା ପାପିମନର୍ ବିସଇ କେନ୍ତାର୍ ରଇସି ?”

<sup>୧୯</sup> ତେବର୍‌ପାଇ ପରମେସର ମନ୍ କଲାକେ ତମେ ଜଦି ଦୁକ୍ କସ୍‌ଟ ମୁରଟିକରି ଆଚାସ୍, ସେନ୍ତାର୍ ଆଲେ ନିକ କାମ୍ କରବାକେ ଲାଗିରୁଆ ଆରି ନିଜେ ତାକେ ସର୍‌ପିଉଆ । ସେ କାତା ଦେଇରଇଲାଟା ସିଦ୍ କରସିଆକା ।



**ପରମେସରର ମେଣ୍ଡାରାସି**

<sup>୧</sup> ତମର୍ ମଣ୍ଡଲିର୍ ପାର୍‌ତିନିମନକେ ଗଟେକ୍ ବିସଇ କଇବାକେ ମୁଇ ମନ୍ କଲିନି । କାଇକେବଇଲେ ମୁଇ ମିସା ଗଟେକ୍ ପାର୍‌ତିନି । କିରିସ୍‌ଟ ଦୁକ୍‌କସ୍‌ଟ ମୁରଟିଲାଟା ମୁଇ ଦେକିଆଚି । ଆରି ତାର୍ ଡାକ୍‌ପୁଟା ଜାନାଇବା ଦିନେ ମୁଇ ମିସା ତେଇ ମିସି । ମୁଇ ତମ୍‌କେ ବାବୁଜିଆ କଲିନି, <sup>୨</sup> \*ତମେ ଦେକାରକା କରବା ବିସ୍‌ବାସିମନକେ ଜତନ୍ କରା । କାଇକେବଇଲେ ସେମନ୍ ପରମେସରର ମେଣ୍ଡାରାସି ପାରା । ପରମେସର ସେ ଲକ୍‌ମନକେ ତମ୍‌କେ ସର୍‌ପିଦେଇଆଚେ । ତମେ ସାର୍‌ଦାସଙ୍ଗ୍ ତାକର୍ ଜତନ୍ ନେବାର୍‌ଆଚେ । କାଇକେବଇଲେ ସେଟା ସେ ମନ୍ କଲାନି । ତାରୁ ଆସା ଅଇକରି ଏ କାମ୍ କରବାର୍ ନାଇ । ତାର୍‌ବାଦୁଲେ, ପରମେସରକେ ଆରି ତାର୍ ଲକ୍‌ମନକେ ସେବାକରବାକେ ମନ୍ କରି ସେଟା କରା । <sup>୩</sup> ତମେ ଦେକାରକା କରବା ଲକ୍‌ମନକେ ବାଦିଅ କରାନାଇ । ତାର୍ ବାଦୁଲେ ତମର୍ ନିକ ଚଲାଟଲ୍‌ତି ଦେକି ସେମନ୍ ସିକଡ୍ । <sup>୪</sup> ଆରି ଜେତେବେଲେ ଜିସୁକିରିସ୍‌ଟ ଜେ କି ସବୁ ବିସ୍‌ବାସିମନର୍ ବଡ୍ ନେତା ଦେକାଇ ଅଇସି, ଉଜଲ୍ ଉନା ନ ଅଇବା ତାକ୍‌ପୁଟାର୍ ପୁରୁସକାର୍ ତମ୍‌କେ ଦେଇସି ।

<sup>୫</sup> ସେନ୍ତାରିସେ ଏ ଦାଙ୍ଗ୍‌ତାମନ୍, ତମେ ବଡ୍‌ଲକ୍‌ମନର୍ କାତା ମାନିକରିରୁଆ । ମନ୍ ବିତ୍ତରେ ସୁଆଲ୍ ରଇ ଗଟେଲକ୍ ଆରି ଗଟେଲକ୍‌କେ ସେବା କରାକରି ଅଇରୁଆ । କାଇକେବଇଲେ ସାସ୍‌ତରେ ଲେକା ଅଇଲାଆଚେ ବଡ୍‌ପନ୍ ଅଇବା ଲକ୍‌ମନକେ ପରମେସର ବିରଦ୍ କରସି, ମାତର୍ ମନେ ମନେ ସୁଆଲ୍ ରଇବା ଲକ୍‌ମନକେ ଦୟା ଦେକାଇସି । <sup>୬</sup> \*ସବୁରଟାନେ ଅନି ବପୁ ରଇବା ପରମେସରକେ ନିଜେ ସର୍‌ପିଉଆ । ତାର୍ ସମାନ୍ ବେଲାଲ ସେ ତମ୍‌କେ ଉଟାଇସି । <sup>୭</sup> ତମର୍ ସବୁଜାକ ଚିନ୍ତା କରବାଟା ପରମେସରକେ ସର୍‌ପି ଦିଆସ୍, କାଇକେବଇଲେ, ସେ ତମ୍‌କେ ଜତନ୍ କଲାନି ।

<sup>୮</sup> ଜାଗରତା ଅଇକରି ଜାଗିରୁଆ, କାଇକେବଇଲେ ଆମର୍ ସତ୍ତରୁ ସଇତାନ୍ କାକେ ମିସା ଗିଲ୍‌ବି ବଲି ଅଡ୍‌ରି ବୁଲ୍‌ଲାନି । <sup>୯</sup> ବିସ୍‌ବାସେ ତାର୍ ରଇକରି ତାକେ ବିରଦ୍ କରା । ଗୁଲାଲ ଦୁନିଆଇ ରଇବା ତମର୍ ବିସ୍‌ବାସି ବାଇବଇନିମନ୍, ଏନ୍ତାରି ଦୁକ୍ କସ୍‌ଟ ପାଇ ମୁରଟିଲାଇନି ବଲି ତମେ ଜାନିଆଚାସ୍ । <sup>୧୦</sup> ଚନେକର୍ ଆଇବା ଦୁକ୍‌କସ୍‌ଟ ମୁରଟି ସାରାଇଲେ, ତମ୍‌କେ ପରମେସର କାଇ ଦସ୍ ନ ରଇବା, ତାର୍ ସିଦ୍ ଲକ୍ କରାଇସି । ତମର୍ ବିସ୍‌ବାସ୍ ତାର୍ ଅଇବାକେ ସେ ତମ୍‌କେ ବପୁ ଦେଇସି । ଆରି ତମ୍‌କେ ନିକ କୁନାଦି ପାରା ତିଆର୍ କରସି । କିରିସ୍‌ଟର୍ ସଙ୍ଗ୍ ମିସ୍‌ଲାର୍‌ପାଇ, ତାର୍ ନ ସାର୍‌ବା ମଇମାତେଇ ମିସ୍‌ବାକେ ତମ୍‌କେ ଡାକ୍‌ଲାଆଚେ । ସେ ତମ୍‌କେ ଜିବନ୍ ଦୁକାଇ ଦୟା କରି ଏ ସବୁ ବିସଇ କଲାଆଚେ । <sup>୧୧</sup> ତାକେ ସବୁରଟାନେଅନି ବପୁଆଚେ, ସେ ସେ କାଲ୍ କାଲ୍ ଜୁଗ୍ ଜୁଗ୍ ସାସନ୍ କରସି । ଆମେନ୍ ।

**ସାରାସାରିର୍ ଜୁଆର୍**

<sup>୧୨</sup> \*ଏ ଅଲପ୍ ବିସଇର୍ ଚିଟି ଲେକ୍‌ବାକେ ସିଲା ମକେ ସାଇଜ କରଇଲଲା । ସେ ଗଟେକ୍ ଆମର୍ ବିସ୍‌ବାସି ବାଇ । ତମର୍ ବିସ୍‌ବାସ୍ ତାର୍ କରାଇବାକେ ଆରି ପରମେସର ତାର୍ ଜିବନ୍ ଦୁକାଇ ଦୟା ଦେକାଇଲାଟା ତମେ ସତଇସେ ଜାନିଲାସ୍‌ନି ବଲି ଚିକ୍ କରବାକେ ମୁଇ ଏ ଚିଟି ଲେକ୍‌ଲିନି । ତାର୍ ଜିବନ୍ ଦୁକାଇଲାଟାନେ ତମେ ତାର୍ ସଙ୍ଗ୍ ରୁଆ ।

<sup>୧୩</sup> \*ବାବିଲନେ ରଇବା ତମର୍ ବିସ୍‌ବାସି ବାଇବଇନିମନ୍ ତାକର୍ ଜୁଆର୍ ଜାନାଇଲାଇନି । ପରମେସର ସେମନ୍‌କେ ବାଟ୍‌ଲାଆଚେ । ମାରକ୍ ଜାକେ କି ମର୍ ପଅ ଇସାବେ ଦେକ୍‌ଲିନି, ସେମିସା ତାର୍ ଜୁଆର୍ ଜାନାଇଲାନି । <sup>୧୪</sup> ତମର୍ ବିତ୍ତରେ ଆଲାଦ୍ ଆଚେ ବଲି ଦେକାଇବାକେ ଆତେ ଦାରି ଜୁଆର୍ କରାକରିଉଆ ।

କିରିସ୍‌ଟର୍‌ତେଇ ଜେଡ୍‌କି ଲକ୍ ମିସ୍‌ଲାଇଆଚଡ୍ ସେମନ୍ ସବୁ ଲକ୍‌କେ ସାନ୍ତି ମିଲ ।

\* ୫:୨ ୫:୨ ଜଅନ୍ ୨୧:୧୫-୧୭    ☆ ୫:୬ ୫:୬ ମାଡିଉ ୨୩:୧୨; ଲୁକ୍ ୧୪:୧୧;୧୮:୧୪    ☆ ୫:୧୨ ୫:୧୨ ପେରିଡ୍ ୧୫:୨୨,୪୦    ☆ ୫:୧୩ ୫:୧୩ ପେରିଡ୍ ୧୨:୧୨,୨୫;୧୩:୧୫;୧୫:୩୭-୩୯; କଲସିଅ ୪:୧୦; ପିଲିମନ୍ ୧:୨୪

## ପିତର ଦ୍ୱିତୀୟଥର ଲେଖୁଥିବା ପତ୍ର ପିତର ଦୁଇପାଲି ଲେଖିରଇବା ଚିଠି ଏ ବଇର ବିସଇ ଜାନ୍‌ବାଟା

ପିତର ଦୁଇପାଲି ଲେଖିଲା ଚିଠି ଜାଣାଇଲାନି କି, ଏ ଚିଠି ପେରିତ୍ ପିତର ଲେଖିଲାଆତେ । ମାତର ଏବେ କେତେକ୍ କେତେକ୍ ପଣ୍ଡିତମନ୍ ଏଟା ସତ୍ ନାଇ ବଲି କଇଲାଇନି । କଇବାକେଗାଲେ ଏଟା ଗଟେକ୍ ବିନ୍ ପିତର ଲେଖିଆତେ । ସେ ଜିସୁକିରିସ୍‌ଟର ଗଟେକ୍ ସତ୍ ସାକି ରଇଲା ବଲି ଲେଖିଲା ଲକ୍ କଇଲାନି । ଦେକ୍‌ବା ଇସାବେ ଜିସୁକିରିସ୍‌ଟ ବାଦଲ୍‌ବା ବିସଇ କଇଲାନି ୧:୧୭-୧୮ । ପିତର ଏ ଚିଠି କିରିସ୍‌ଟ ଜନମ୍ ଅଇଲାପତେ ୫୭-୬୯ ବିତ୍‌ରେ ତାର୍ ମରନ୍ ଅଇବା ଆଗ୍‌ତୁ ଏଟା ଲେଖିଲାଆତେ । ପିତର ଏଟା ତାର୍ ଦୁଇପାଲି ଲେଖିବା ଚିଠିବଲି ମିସା କଇଆତେ ୩:୧ ।

ପିତରର ପର୍‌ତୁମ୍ ଚିଠି ଲେକାଅଇଲା ପତେ, ସେ ଲେକାର୍ ବେଲାକେ ଇତି ଜାଗାଦେଇ ଏଟାକେ ଦୁଇପାଲି ଲେଖିଲା ଚିଠି ବଲି କଇଆତେ । ଏ ଚିଠିଟାଣେ ସବୁ ବିସବାସିମନ୍‌କେ ତାର୍ ସବୁ ବିସଇ ଦେଇଆତେ । ପିତର ବିସବାସିମନ୍‌କେ ସାଆସ୍ ଆରି ନିକସଙ୍ଗେ ଜିଉନା କାଉନା କର୍‌ବାକେ ଆରି ମିର୍ ସିକିଆ ଦେଉ ମନର୍ କାତା ନ ମାନି ଜାଗରତ୍ ରଇବାକେ ଏ ଚିଠିଟାଣେ ଲେଖିଆତେ ୨ । ଜିସୁ ଆଇବାଟା ବେସି ଦିନ୍ ଆତେ ବଲି ମିର୍ କଇବା ଲକ୍‌ମନ୍‌କେ ସାଆସ୍ ଦେଲାନି । ପର୍‌ମେସର୍ ଦିରେ ରଇବା ପର୍‌ମେସର୍ ନଏ, ମାତର ସବୁଲକ୍ ତାର୍‌ଲାଗି ଉଦାର୍ ପାଅତ୍ ବଲି ସେ ମନ୍‌କଲାନି ୨ ଯ ପିତର ୩:୮-୯ ଏଟାସେ ଗଟେକ୍ ନିକସଙ୍ଗେ ଜିଉନା କାଉନା କର୍‌ବାଟା ୩:୧୪

### ଏ ବଇ ବିତ୍‌ରେ ରଇବାଟା

- ୧. ପିତର ତାର୍ ନିଜର୍ ବିସଇ ଆରି ତାର୍ ଚିଠି ପତ୍‌ବା ଲକ୍‌ମନ୍‌କେ ରଇବା ଜାଗା ବିସଇରେ ଜାଣାଇଲାନି । ୧:୧-୨
- ୨. ତାର୍‌ପତେ ବିସବାସି ବାଇବଇନିମନ୍‌କେ ନିକସଙ୍ଗେ ଜିଉନା କାଉନା କର୍‌ବାକେ ଏତାଇଦେଲାଆତେ । କାଇକେବଇଲେ ପର୍‌ମେସର୍ ଆମ୍‌କେ ସାଆସ୍ ଦେଲାଆତେ । ୧:୩-୨୧
- ୩. ସେ ମିର୍ ସିକାଇବା ଗୁରୁମନ୍‌କେ ଜାଗରତା କରାଇ ସାରାସାରି ପତେ ସେମନର୍‌ଲାଗି କାଇଟା ଗଟ୍‌ସି, ସେଟା କଇଲାଆତେ । ୨:୧-୨୨
- ୪. ପିତର ଜିସୁକିରିସ୍‌ଟ ଆରିତରେକ୍ ଆଇବା ବିସଇ ଜାଗିରଇ ଜିଉନା କାଉନା କର୍‌ବାକେ ସାସ୍ ଦେଇଆତେ । ୩:୧-୧୮

### ପିତର ଦୁଇପାଲି ଚିଠି ଲେଖିବାଟା

୧ ମୁଇ ସିମନ୍ ପିତର, ଜିସୁକିରିସ୍‌ଟର ଗଟେକ୍ ଗତିଦାଙ୍ଗ୍‌ତା ଆରି ପେରିତ୍ ଅଇଆତି ।

ଆମେ ଜେକ୍‌ଟି ଜିସୁକିରିସ୍‌ଟକେ ବିସବାସ୍ କରିଆରୁ, ସେନ୍ତାରି ବିସବାସ୍ କର୍‌ବା ଲକ୍‌ମନ୍‌କେ ଏ ଚିଠି ଲେଖିଲିନି । ସେ ଆମର୍ ପର୍‌ମେସର୍ ଆରି ମୁକ୍‌ତିକାରିଆ । ତାକେ ବିସବାସ୍ କର୍‌ବାକେ ସେ ଆକା ଆମ୍‌କେ ବପୁଦେଲାଆତେ । ସେ କର୍‌ବା ସବୁ କାମ୍ ଚିକ୍ ଆରି କାଇ ଅନିଆଇ ନାଇ ।

୧ ପର୍‌ମେସର୍‌କେ ଆରି ଆମର୍ ମାପ୍‌ରୁ ଜିସୁକିରିସ୍‌ଟକେ ତମେ ଜାନ୍‌ଲାର୍ ପାଇ ତାର୍ ସାକ୍ତି ଆରି ସେ ଜିବନ୍ ଦୁକାଇ ଦୟା କଲାଟା ତମ୍‌କେ ମିଲ ।

### ପର୍‌ମେସର୍ ତାକ୍‌ଲାଟା ଆରି ବାଟ୍‌ଲାଟା

୩ ତାକେ ସାର୍‌ଦା କରାଇଲାପାରା ଚଲାଚଲ୍‌ତି କର୍‌ବାକେ ସେ ଆମ୍‌କେ ଲତାକେ ଆଇବା ସବୁ ବିସଇ ଦେଲାଆତେ । ତାର୍ ବପୁର୍‌ଲାଗି ସେ ଆମ୍‌କେ ଏଟା ଦେଲାଆତେ ଆରି ଆମେ ତାକେ ଜାନ୍‌ଲାର୍‌ପାଇ ମିସା । ତାର୍ ମଇମାଇ ଆରି ଦରମେ ମିସବାକେ ସେ ସେ ଆମ୍‌କେ ଡାକିଆତେ । ୪ ତାର୍ ମଇମା ଆରି ଦରମର୍ ଲାଗି ସେ ଆମ୍‌କେ ବେସି ବଡ୍ ଆରି ବେସି ମୁଲିଅ ରଇବା ଦାନ୍ ଦେଲାଆତେ । କିରିସ୍‌ଟକେ ବିସବାସ୍ ନ କଲା ଲକ୍‌ମନ୍ ଜେକ୍‌ଟିକି କାରାପ୍ ବିସଇ କର୍‌ବାକେ ମନ୍ କର୍‌ବାଇ, ସେନ୍ତାରି ମନ୍‌କର୍‌ବା ଟାଣେଅନି ମୁକ୍‌ଲାଇବାକେ ସେ ଆମ୍‌କେ ଏନ୍ତାରି କଲାଆତେ । ଏ ସବୁ ବିସଇ ତାକର୍ ମନ୍‌କେ ନସାଇସି । ମାତର ତମେ ପର୍‌ମେସର୍‌ର ପାରା ଦରମ୍ ଅଇପାର୍‌ସା । ୫ ତେବେ କିରିସ୍‌ଟକେ ବିସବାସ୍ କଲାର୍ ପାଇ ନିକ ଚଲାଚଲ୍‌ତି କର୍‌ବାକେ ଚେସ୍‌ଟା କରା । ଏଟାର୍ ସଙ୍ଗ୍, ଗିଆନ୍ ସଙ୍ଗ୍ ଜିଉନାକାଉନା କର୍‌ବାକେ, ୬ ଜିଉନାକାଉନା ସଙ୍ଗ୍ ନିଜେ ଜାଗ୍‌ରତ୍ ଅଇରଇବାକେ, ଜାଗ୍‌ରତ୍ ରଇକରି ମୁର୍‌ଚି ରଇବାକେ, ମୁର୍‌ଚିକରି ରଇ ପର୍‌ମେସର୍‌କେ ସାର୍‌ଦା କର୍‌ବା ଗୁନ୍‌ଚଲନ୍ କର୍‌ବାକେ, ୭ ଗୁନ୍‌ଚଲନ୍‌ସଙ୍ଗ୍ ବାଇବଇନିକେ ଆଲାଦ୍ କର୍‌ବାକେ, ବାଇବଇନିକେ ଆଲାଦ୍ କରି ସବୁଲକ୍‌କେ ଆଲାଦ୍ କର୍‌ବାକେ ଚେସ୍‌ଟା କରା । ୮ ତମର୍ ଚଲାଚଲ୍‌ତି ଜଦି ଏନ୍ତାରି ଅଦିକ୍ ଅଦିକ୍ ଅଇ ଆଇଲେ, ଆମର୍ ମାପ୍‌ରୁ ଜିସୁକିରିସ୍‌ଟକେ ଜାନ୍‌ବା ବିସଇତେଇ ତମେ ଅଦିକ୍ ଅଦିକ୍ ବଡିଆଇସା । ୯ ଜଦି ଗଟେକ୍ ଲକ୍ ଏନ୍ତାରି ଜିଉନାକାଉନା ନ କଲେ, ସେ ଗଟେକ୍ ନିକ ନ ତିସବା ଲକ୍‌ପାରା ଅଇଆତେ । ସେ ପୁର୍‌ବେ କିରିରଇଲା ପାପର୍ ଲାଗି ପର୍‌ମେସର୍ କେମା ଦେଲାଆତେ ବଲି ପାସ୍‌ରିଦେଇ ଆତେ ।

୧୦ ତେବେପାଇ ଏ ମର ବାଇବଇନିମନ୍, ନିକ ଚଲାଚଲ୍ତି କରବାକେ ଚେସଟା କରା । ସେନ୍ତାରିକଲେ ପରମେସର୍ ତମ୍ବେ ବାଟିକରି ତାର ଲକ୍ ଅଇବାକେ ଡାକ୍ଲାଆଚେବଲି ସବୁଲକ୍ବେ ଡିସିସି । ଏ ସବୁ ବିସଇ କଲେ ତମେ କେବେ ମିସା ତାର୍ତେଇଅନି ବିନ୍ବାଟେ ନ ଜାଆସ୍ । ୧୧ ଆମର୍ ମାପୁରୁ ଜିସୁକିରିସର୍ବ କେବେ ନ ସାର୍ବା ରାଇଜେ ପରମେସର୍ ତମ୍ବେ ସାର୍ଦା ସଙ୍ ଡାକିନେଇସି ।

୧୨ ଏ ସବୁ ବିସଇ ତମେ ଜାନିରଇଲେ ମିସା, ଆରି ପାଇଲା ସଡ୍ ବିସଇଟାନେ ତାଟ୍ ଆଟାସ୍ ମିସା, ଏ ସବୁ ବିସଇ ତମ୍ବେ ଏତାଇଦେଇତେ ରଇବି । ୧୩ ମୁଇ ବଟିରଇବା ଜାକ ଏ ସବୁ ବିସଇ କାତା ଅଇବାଟା ନିକ । ଜେନ୍ତିକି ତମେ ସେଟା ଆରି ନ ପାସାରାସ୍ । ୧୪ ମର ଜିବନ୍ ଦାପୁରେ ସାରିଜାଇସି ବଲି ମୁଇ ଜାନି । କାଇକେବଇଲେ ଆମର୍ ମାପୁରୁ ଜିସୁକିରିସର୍ବ ମକେ ନିକସଙ୍ ଜାନାଇଆଟେ । ୧୫ ଏ ସବୁ ବିସଇ ତମ୍ବେ ଏତାଇଦେବାକେ ମୁଇ ବେସି ଆବଡ୍ ଅଇଲିନି । ଜେନ୍ତାରିକି ମୁଇ ମଲାପଟେ ମିସା ଏ ସବୁ ବିସଇ ଏତାଇସା ।

**କିରିସର୍ବ ମଇମା ସବୁଲକ୍ ଦେକ୍ବାଇ**

୧୬ ଆମର୍ ମାପୁରୁ ଜିସୁକିରିସର୍ବ ତାର୍ ସବୁ ବପୁରସଙ୍ ବାଡତି ଆଇସି ବଲି ତମ୍ବେ କଇରଇଲୁ । ସେଟା ବିନ୍ ଲକ୍ ତାକର୍ ଚାଲାକିକରି ତିଆରକଲା ଗଟେକ୍ କାତାନି ନଏ । ୧୭ \*ଆମେ ନିଜେ ଆକିସଙ୍ ତାର୍ ମଇମା ଦେକ୍ଲୁ । ବାବା ପରମେସର୍ ତାକେ ଡାକ୍ପୁଟା କରି ମଇମା ଦେଲାବେଲେ ଆମେ ତେଇ ରଇଲୁ । ସେ ନିଜେ ସବୁଟାନେଅନି ମଇମାର୍ ପରମେସର୍ କଇରଇଲା “ଏଟା ମର୍ ଆଲାଦର୍ ପ, ତାର୍ଟାନେ ମୁଇ ବେସି ସାର୍ଦା ।” ୧୮ ସେ ସବଡ୍ ସୁନ୍ଲାବେଲେ ପରମେସରର୍ ସୁକଲ୍ ପରବତେ ଆମେ ମିସା କିରିସର୍ବ ସଙ୍ ରଇଲୁ ।

୧୯ ବବିସଡ୍ବକ୍ତାମନ୍ କାତା ସଡ୍ ଆଟେ ବଲି ଆମେ ଜାନିଆରୁ । ଏ ସବୁ କାତା ତମେ ମନ୍ଦିଆନ୍ ଦେଇ ସୁନା । କାଇକେବଇଲେ ସେଟା ଆନ୍ଦାରେ ଲାଗିରଇବା ଗଟେକ୍ ବଡିର୍ ଉଜଲ୍ ପାରା ଆଟେ । ସାକ୍ଲିଆ ଉଜଲ୍ ଡିସିବା ତାରାର୍ପାରା ତମର୍ ମନ୍ଦିତ୍ରେ ଉଜଲ୍ ଦେଇସି । ୨୦ ବବିସଡ୍ବକ୍ତାମନ୍ କେ ମିସା ନିଜେ ବାବିକରି ସାସ୍ତରଟାନେ ଲେକଡ୍ନାଇ । ଏଟା ତମେ ବାଇଦରେ ଜାନ୍ବାର୍ ଆଟେ । ୨୧ କାଇକେବଇଲେ, ସେମନ୍ କେବେମିସା ନିଜର୍ତେଇଅନି କାଇ ବବିସଡ୍ କାତା କଅଡ୍ ନାଇ । ମାତର୍ ପରମେସର୍ଟାନେଅନି ଆଇଲା କାତା ସୁକଲ୍ଆଡ୍ମାର୍ ସାଇଜ ସଙ୍ କଇରଇଲା ।

**୨**

**ମିର୍ ସିକିଆ ଦେଉମନ୍**

୧ ପୁରବେ ପରମେସରର୍ ଲକ୍ମନ୍ ବିଡ୍ରେ ମିର୍ କାତା କଇବା ବବିସଡ୍ବକ୍ତାମନ୍ ମିସା ରଇଲା । ସେନ୍ତାରିସେ ତମର୍ ବିଡ୍ରେ ମିସା ମିର୍ ସିକାଉମନ୍ ରଇବାଇ । ପରମେସରର୍ ବିସଇ ସେମନ୍ ମିର୍ଟା ସିକାଇବାଇ । ଜନ୍ ଲକ୍ମନ୍ ସେ କାତା ବିସ୍ବାସ୍ କରବାଇ, ସେମନ୍ ବିନାସ୍ ଅଇଜିବାଇ । ସେମନ୍କେ ମୁକ୍ଲାଲଲା ନିଜର୍ ମୁକ୍ତିକାରିଆକେ ସେମନ୍ ଚାଡିଦେବାଇ । ସେନ୍ତାରି କଲାର୍ ପାଇ ପରମେସର୍ ସେମନ୍କେ ଦାପୁରେ କୁରୁପ୍ନାସ୍ କରସି । ୨ ବିସ୍ବାସି ବଲାଇଅଇବା ବେସି ଲକ୍ମନ୍ ତାକର୍ କାରାପ୍ ଚଲାଚଲ୍ତି ଦାର୍ବାଇ ଆରି ସଡ୍ ବାଟର୍ ବିସଇନେଇ କାରାପ୍ କାତା କଇ ବୁଲ୍ବାଇ । ୩ ଏନ୍ତାଟା ସିକାଉମନ୍ ଲବ୍ ଅଇକରି ନିଜେ ତିଆର୍ କରିରଇବା କାତା କଇକରି ତମ୍ବେ ନାତାଇବାଇ । ସେନ୍ତାରି ଲକ୍ମନ୍କେ ଡଣ୍ଟ ଦେବି ବଲି ପରମେସର୍ କାତା ଦେଇରଇଲା । ଆରି ସେଟା କରବାକେ ସେ ଏବେ ଜାଗିଆଟେ । ସେ ସେମନ୍କେ କୁରୁପ୍ନାସ୍ କରସି ଆକା ।

୪ ପୁରବେ କେତେଟା ଦୁଡ୍ମନ୍ ଜେଡେବେଲେ ପାପ୍ କରିରଇଲା, ପରମେସର୍ ସେମନ୍କେ ଡଣ୍ଟ ନ ଦେଇକରି ଚାଡିଦେଏ ନାଇ । ମାତର୍ ସେମନ୍କେ ନରକେ ପିଙ୍ଗିଦେଲା । ସେମନ୍କେ ବିଚାର୍ କରି ଡଣ୍ଟଦେବା ଦିନ୍ ଜାକ ସେ ସେମନ୍କେ ବନ୍ଦିକରି ଆନ୍ଦାରେ ସଙ୍ଇସି । ୫ ଆଗର୍କାଲେ ବଟିରଇବା ଲକ୍ମନ୍ ପରମେସର୍କେ ମାନିକରି ରଅଡ୍ନାଇକେ, ସେ ସେମନ୍କେ ଡଣ୍ଟ ନ ଦେଇକରି ଚାଡେନାଇ । ତାର୍ବାଦୁଲେ ସେମନ୍ପାଇ ବନିଆ ଆନାଇଲା । ତେଇ ସବୁଲକ୍ ବୁଡିଗାଲା । ମାତର୍ ସେ ନଅ ଆରି ତାର୍ କୁଟ୍ମର୍ ସାଡ୍ଲକ୍ବେ ସେ ରକିଆ କଲା । ସେବେଲେ ନଅ ପରମେସର୍ ଦେକ୍ବା ଇସାବେ ଟିକ୍ ବିସଇ କରବାର୍ ଆଟେ ବଲି ଲକ୍ମନ୍କେ କଇଡେରଇଲା । ୬ ସଦମ୍ ଗମରା ନଅର୍ମନ୍କେ ରଇବା ଲକ୍ମନ୍କେ ପରମେସର୍ ଦସିକରି ତାକର୍ ନଅର୍ମନ୍କେ ପଡାଇକରି କୁରୁପ୍ନାସ୍ କରିଦେଲା । ସେମନ୍ ବେସି କାରାପ୍ କାମ୍ କଲାଜେ ଏନ୍ତାରି କଲା । ତାକେ ନ ମାନିକରି ରଇବା ଲକ୍ମନ୍କେ ଏନ୍ତାରି ଦସା ଅଇସି ବଲି ଲକ୍ମନ୍କେ ଦେକାଇଲା । ୭ ସେ ନଅର୍ମନ୍ ପଡାଇବା ଆଗୁଟ୍ ସେ ଲଡ୍ବେ ରକିଆ କଲା । ଲଡ୍ ଗଟେକ୍ ନିକଲକ୍ ରଇଲା । ତାର୍ ନଅର୍ ଲକ୍ମନ୍ କରିରଇବା ପାଦ୍ପାଦ୍ କାମ୍ ଆରି ନିୟ୍ମ୍ ନ ମାନ୍ବାଟା ଦେକି ବେସି ଦୁକ୍ କରଡେରଇଲା । ୮ ସେନ୍ତାରି କାରାପ୍ ଲକ୍ମନ୍ ବିଡ୍ରେ ଲଡ୍ ନିକ ସଙ୍ ବଟିକରି ରଇଲା । ସେମନ୍ କରିରଇବା କାରାପ୍ କାମ୍ ସେ ଦେକ୍ଡେରଇଲା ଆରି କଇଡେରଇବା ସଡ୍ ନ ରଇବା ବିସଇ, ସୁନ୍ଡେରଇଲା । ସେ ଗଟେକ୍ ନିକ ଲକ୍ ରଇଲାଜେ ଏଟାମନ୍ ସୁନି ଦୁକ୍ କରଡେରଇଲା । ୯ ସେନ୍ତାରି ଆଲେ ଦରମ୍ ଲକ୍ମନ୍କେ ପରମେସର୍ ତାକର୍ ଦୁକ୍

☆ ୧:୧୭ ୧:୧୭ ମାଡିଉ ୧୭:୧-୫; ମାର୍କ ୯:୨-୭; ଲୁକ୍ ୯:୨୮-୩୫

କସ୍ତ ତେଜଅନି ଆରି ଆଇବା ପରିକାଇ ଅନି ରକିଆ କର୍ସି । ଆରି କାରାପ୍ ଲକ୍ମନକେ ସେ ସବୁ ଲକ୍ମକେ ବିଚାର କରବା ଦିନ୍ ଜାକ ଡଣ୍ଡଦେଇ ସଙ୍ଗଇସି ।<sup>୧୦</sup> ତାକର୍ ପାପର୍ ଗୁନ୍ତଲନ୍ ଇସାବେ ଚଲାଚଲ୍ତିକରି ଲାଜର ବିସଇ କରବା ଲକ୍ମନକେ ସେ ବେସି ବଡ଼ ଡଣ୍ଡ ଦେଇସି । ତାକର୍ ଉପରେ ସାସନ୍ କରବାକେ ପର୍ମେସରର୍ ଜନ୍ ଅଦିକାର୍ ଆଚେ, ସେଟା ସେମନ୍ ନିର୍ଲାଇନି ।

ଏନ୍ତାରି ମିର୍ ସିକାଉ ଆକ୍ରିଆମନ୍, ନିଜର୍ ମନକେ ଆଇଲାଟା କରବାକେ ଡରଡ଼ ନାଇ । ସର୍ଗେ ମଇମାସଙ୍ଗ ରଇବାଟାମନକେ ମିସା ନିନ୍ଦା କରବାଇ ।<sup>୧୧</sup> ତାକର୍ଟାନେଅନି ଅଦିକ୍ ବଡ଼ରଇ ବପୁ ରଇବା ଦୁଡ଼ମନ୍, ମାପୁରୁର୍ ମୁଆଟେ ଆକର୍ ବିସଇନେଇ ନିନ୍ଦାକାତା କଅଡ଼ ନାଇ ।<sup>୧୨</sup> ମାତର୍ ଏମନ୍ ଡଙ୍ଗରେ ରଇବା ପସୁମନର୍ପାରା । ତାକର୍ ଗାଗଡ଼ ଜନ୍ଟା କରବାକେ ମନ୍ କର୍ସି, ସେଟାସେ କଲାଇନି । ସେନ୍ତାରି ପସୁମନକେ ଲକ୍ମନ ଦାରିକରି ମରାଇବାଇ । ସେମନ୍ ନାଜାନ୍ଲା ବିସଇ ନେଇକରି ନିନ୍ଦାକାତା କଇବାଇ । ସେମନକେ ଲକ୍ମନ ମରାଇଲା ପାରା ପର୍ମେସର କୁରୁପ୍ନାସ୍ କର୍ସି ।<sup>୧୩</sup> ଦିନ୍ ଲକ୍ମନକେ ସେମନ୍ ବେସି ଦୁକ୍ କସ୍ତ ଦେଲାଆଚଡ଼କେ ପର୍ମେସର ମିସା ସେମନକେ ଦୁକ୍ କସ୍ତ ଦେଇସି । ନିଜର୍ ଗାଗଡ଼ ମନ୍ କଲାଟା ପୁରାପୁରୁନ୍ କରବାକେ ସେମନ୍ କାଇଟା ମିସା କରବାଇ । ସେଟା ଦିନ୍ବେଲେ ମିସା କରବାଇ । ମାତର୍ ସେମନ୍ ତମର୍ ସଙ୍ଗ କାଇବାକେ ବସ୍ଲାବେଲେ ମିସା ସେନ୍ତାରି ଅଇତେରଇବାଇ, ଜନ୍ଟାକି ତମକେ ଇଜଡ଼ ଜିକି ଲାଜ୍ କରାଇସି ।<sup>୧୪</sup> ବେସିଆ କାମ୍ କରବାକେ ସବୁବେଲେ ମନ୍ କର୍ତେରଇବାଇ । ସେନ୍ତାରି କରବାଟାନେଅନି ସେମନ୍ କେବେ ନ ଡେବଡ଼ । ମନ୍ ବିଡ଼ରେ ଦୁର୍ବଲ୍ ରଇବା ଲକ୍ମନକେ ନାଡ଼ାଇକରି ପାପକାମ୍ କରବାଟାନେ ଡାକିନେବାଇ । ସେମନ୍ ବେସି ଲବି ଅଇଆଚଡ଼ । ପର୍ମେସର ସେମନକେ ସାଇପ୍ ଦେଲା ଆଚେ ।<sup>୧୫</sup> ସଲକ୍ ବାଟ୍ ଚାଡ଼ିକରି ବାଟ୍‌ବାନା ଅଇଲାଆଚଡ଼ । ବେଅର୍ ପଅ ବାଲାମ୍, ଜେ କି ଗଟେକ୍ ବବିସଡ଼ବକ୍ତା ରଇଲା, ସେ ଜନ୍ ରକାମ୍ କାମ୍‌ମନ୍ କରଇଲା, ଏମନ୍ ମିସା ସେନ୍ତାରି କଲାଆଚଡ଼ । ତାରୁ ଆସାଅଇ ବାଲାମ୍ ଏନ୍ତି ରଇଲାଜେ ସେଟା ମିଲାଇବାକେ ବୁଲ୍ କାମ୍ କରବାକେ ମିସା ତିଆର୍ ଅଇରଇଲା ।<sup>୧୬</sup> ମାତର୍ ସେ କରଇରଇବା କାରାପ୍ କାମର୍ ଲାଗି, ପର୍ମେସର ତାକେ ଦମ୍‌କାଇଲା । ତାର୍ ଗଦ ନରଲକ୍ ପାରା କାତା ଅଇଲା ଆରି ଜନ୍ ବାୟା କାମ୍ କରବାକେ ସେ ଜାଇତେରଇଲା, ସେ କାମେଅନି ତାକେ ଡେବାଇଲା ।

<sup>୧୭</sup> ଏ ଲକ୍ମନ ପାନି ଆଟିଜାଇରଇବା ପାଜରା ପାରା । ଜବର୍ ପବନ୍ ଆସି ଉଡ଼ାଇନେବା ବାଦଲ୍ ପାରା । ପର୍ମେସର ସେମନର୍ପାଇ ପୁରାପୁରୁନ୍ ଆନ୍ଦାର୍ ରଇବା ଗଟେକ୍ ଜାଗା ସଙ୍ଗାଇଆଚେ ।<sup>୧୮</sup> ସେମନ୍ ଲକ୍ମନକେ ସିକାଇବା ବେଲେ ମୁକିଅ ବିସଇପାରା ରଇସି, ମାତର୍ ତେଇ କାଇଟା ନ ରଏ । ଗାଗଡ଼ ମନ୍ କଲା ସବୁ ଗୁନ୍ତଲନ୍ କରଇଅଇସି ବଲି ସେମନ୍ ସିକାଇବାଇ । ନୁଆ ନୁଆ ନିକ ଚଲାଚଲ୍ତି କରି ଆଇତେରଇବା ଲକ୍ମନକେ ସୁଡ଼ରାଇକରି ନେବାଇ ।<sup>୧୯</sup> ତାକର୍ ସିକିଆ ମାନିକରି ରଇଲେ ମୁକ୍ତି ମିଲ୍‌ସି ବଲି ସେମନ୍ କାତାଦେବାଇ । ମାତର୍ ସେମନ୍ ନିଜେ କାରାପ୍ ଚଲାଚଲ୍ତିର୍ ଗତିଦାଙ୍ଗ୍‌ତା ଅଇଆଚଡ଼ । ସେ କାରାପ୍ ଚଲାଚଲ୍ତି ସେମନକେ କୁରୁପ୍ନାସ୍ କର୍ସି । ଜଦି ଗଟେକ୍ ଲକ୍ମକେ କାରାପ୍ ଅବିଆସ୍ ଦାରିଆଚେ, ସେ ତାର୍ ଗତିଦାଙ୍ଗ୍‌ତା ।<sup>୨୦</sup> ସେନ୍ତାରି ମିର୍ ସିକାଉମନ୍ ଲକ୍ମନକେ କୁରୁପ୍ନାସ୍ କରବା କାରାପ୍ ବିସଇତେଜଅନି ରକିଆ ପାଇକରି ଆମର୍ ମୁକ୍ତିକାରିଆ ମାପୁରୁ ଜିସୁକିରିସ୍‌ଟକେ ଜାନିରଇଲାଇ । ମାତର୍ ଆରିତରେକ୍ ସେ କାରାପ୍ ବିସଇମନ୍ କରବାକେ ନିଜେ ସର୍ପିଅଇଲାଆଚଡ଼ । ତାକର୍ ଏବର୍ ଇନସ୍‌ତା ଆଗଡ଼ୁର୍ ଇନସ୍‌ତାଇ କେତେକ୍ ଅଦିକ୍ ଆଚେ ।<sup>୨୧</sup> ଦରମ୍ ଚଲାଚଲ୍ତି କରବା ବାଟ୍ ସେମନ୍ କେବେ ଜାନିନରଇଲେ ତାକର୍ ପାଇ ନିକ ଅଇତା । ମାତର୍ ସେମନ୍ ଏବେ ଲକ୍ମନ ସିକିଆ ପାଇରଇବା ପର୍ମେସରର୍ ନିୟମ୍ ଚାଡ଼ିଦେଇଆଚଡ଼ ।<sup>୨୨</sup> ସେମନ୍ କଲାପାରା ବିସଇ ଉପଦେସ୍ ବଇଟାନେ ଲେକା ଅଇଲାଆଚେ । କୁକୁର୍ ଜନ୍ଟା ବାଡ଼ିକର୍ସି, ସେଟାସେ ଜାଇ କାଇସି, ଗୁସ୍‌ରିକେ ପାନି ଦୁଆଇଦେଇ ରଇଲେ ମିସା ସେ କାଦଲଗେସେ ଜାଇ ଚକ୍‌ଟି ଅଇସି ।

### ୩

#### ମାପୁରୁ ଆଇବା ଦିନ୍

<sup>୧</sup> ଏ ମର୍ ଆଲାଦର୍ ବାଇବଇନିମନ୍, ଏଟା ମୁଇ ତମର୍ ଲଗେ ଦୁଇପାଲି ଅଇଲା ଚିଟି ଲେକ୍‌ଲିନି । ଏ ଦୁଇଟାଜାକ ଚିଟିତେଇ ଏ ସବୁ ବିସୟ୍ ମନେ ଏତାଇ ତମର୍ ମନେ ସୁକଲ୍ କରବାପାଇ ଚିନ୍ତା କଲିନି ।<sup>୨</sup> ବେସି ଆଗେ ସୁକଲ୍ ବବିସଡ଼ବକ୍ତାମନ୍ ଜନ୍‌ସବୁ କାତା ଜାନାଇ ରଇଲାଆଚେ ଆରି ଉଦାର୍ କରବା ମାପୁରୁ ଦେଇରଇବା ଆଦେସ୍ ତମକେ ପେରିଡ଼ ସିସ୍‌ମନ୍ ଦେଇଆଚଡ଼, ସେଟା ତମର୍ ମନେ ଏତାଇ ଦେବାକେ ମନ୍‌କଲିନି ।<sup>୩</sup> \*ପର୍ତ୍ତମେ ଏଟା ଜାନା ଜେ, ସାରଲା ଦିନ୍‌ମନକେ ଲକ୍ମନ ନିଜର୍ ନିଜର୍ କାରାପ୍ ମନ୍‌କଲା ଇସାବେ ଚଲାଚଲ୍ତି କରବାଇ । ସାରାସାରି ଦିନେ ସେମନ୍ ସଡ଼କେ ନିସାର୍ କରି ପାଚାରବାଇ ।<sup>୪</sup> ଆରି କିଜାଇକରି କଇବାଇ, “ଜିସୁ ଆଇବି ବଲି କାତା ଦେଇରଇଲାଟା, କେନେ ତେବେ?” କାଇକେବଇଲେ ପୁର୍ବେଅନି ଆମର୍ ଆନିଦାଦିମନ୍ ମଲାତେଇଅନି ଏବ୍‌କେ ଜାକ ସବୁ ବିସଇ ଜେନ୍ତି ରଇଲା, ଏବେ ମିସା ସେନ୍ତାସେ ଆଚେ ।<sup>୫</sup> ସେମନ୍ ଜାନି ଜାନି ପାସ୍‌ରିଗାଲାଇନି ଜେ ଆଗର୍ ବେଲ୍ ଆରି ବାଦଲ୍ ସବୁ ମାପୁରୁର୍ ବାକିଅର୍ ଲାଗି ଗଟ୍‌ଲା ଆଚେ, ଦର୍ତ୍ତନି ପାନି ବିଡ଼ରେଅନି ବାରଇଲା ଆଚେ ଆରି ଦର୍ତ୍ତନି ଚାରିବେଟ୍‌ତି ପାନି ରଇଲା ବଲି ।<sup>୬</sup> ତାର୍‌ଲାଗି ସେ ସେବେଲେ ପୁର୍ନା ଜଗଡ଼ ପାନି ସଙ୍ଗ ବୁଡ଼ି ନସିଗାଲା ।<sup>୭</sup> ମାତର୍ ଏବେ ରଇବା ବାଦଲ୍

☆ ୩:୩ ୩:୩ ଜିଉଦା ୧:୧୮

ଆରି ଦରଦନି ସେ ବାକିଅର ଲାଗି, ଦରମ୍ ନଇଲା ଲକ୍ଷ୍ମୀନକେ ବିଚାର ଆରି ବିନାସର୍ ଦିନ୍ ଜାକ, ଜଇ ସଙ୍ଗ୍ ନସ୍ତ ଅଇବାକେ ଜମାଇକରି ସଙ୍ଗିଲଲା ଆତେ ।

୮ ମାତର୍ ଏ ଆଲାଦର୍ ବାଇମନ୍, ମାପୁରୁ ଦେକ୍‌ବା ଇସାବେ, ଗଟେକ୍ ଦିନ୍‌ଜେ ଅଜାର୍ ବରସ୍ ପାରା, ଆରି ଅଜାର୍ ବରସ୍, ଗଟେକ୍ ଦିନ୍ ପାରା, ଏ ମୁଲିକା ରଇଲା ବିସଇ ତମେ ପାସରା ନାଇ । ୯ ଅଲସମ୍ ଅଇସି ବଲି କେତେଲକ୍ ଏତାଇଲାଇନି, ମାତର୍ ମାପୁରୁ ନିଜେ କାତା ଦେଲା ବିସଇ ସେନ୍ତାର୍ ଅଲସମ୍ କରେନାଇ । ମାତର୍ କେମିସା ଜେକ୍ଟିକି ବିନାସ୍ ନଅଡ୍, ସେମନ୍ ସବୁ ମନ୍ ବାଦ୍‌ଲାଇବାଇ, ଏଟା ସେ ମନ୍‌କରି ତମର୍ ପାଇ ବଲି ଅଲସମ୍ ଅଇଲାନି ।

୧୦ ✨ମାପୁରୁର୍ ଦିନ୍ ଚର୍ ଆଇଲା ରକାମ୍ କେଟିଜାଇସି । ସେ ଦିନେ ବାଦଲ୍ ସବୁ ବେସି ସବଦ୍ ସଙ୍ଗ୍ ନସ୍ତ ଅଇଜାଇସି, ବାଦଲେ ଉଜଲ୍ ରଇବାଟାମନ୍ ସବୁ ସିଲିଜାଇସି, ପୁରତିବି ଆରି ସିତି ରଇଲା ଲକ୍ଷ୍ମୀନ୍ ତିଆର୍ କଲା ଜେତେକ୍ ସବୁ ଜିନିସ୍ ପଡିଜିବାଇ ।

୧୧ ଏ ସବୁ ବିସଇ ଏ ରକାମ୍ ଆଜିଜାଇସି, ତେବର୍ ପାଇ ତମେମନ୍ ବେସି ସୁକଲ୍ ଆରି ଜାଗ୍‌ରଡ୍‌ସଙ୍ଗ୍ ରଇବାର୍ ଆତେ ।

୧୨ ମାପୁରୁ ଆଇବା ଦିନ୍‌କେ ଜାଗି କରି, ସେଟାଜେକ୍ଟି ଦାପୁରେ ଆଇସି, ସବୁ ବେଲେ ଦରମ୍ ଚଲାଚଲ୍‌ତି କର୍‌ବାର୍ ଆତେ ।

୧୩ ✨ଆମେ ସେ କାତା ଦେଲା ଇସାବେ ନୁଆଁ ବାଦଲ୍ ଆରି ନୁଆଁ ପୁରତିବିକେ ଜାଗ୍‌ଲୁନି । ସେଟା ଦରମ୍‌ଲକର୍ ବାସା ଅଇବା ଜାଗା ଅଇସି ।

୧୪ ସେଟାର୍ ପାଇ ଏ ଆଲାଦର୍ ବାଇମନ୍, ତମେ ସେ ଦିନ୍‌କେ ଜାଗ୍‌ତେରୁଆ । ପର୍‌ମେସର୍ ଦେକ୍‌ବା ଇସାବେ, କାଇ ଦସ୍ ନ ଅଇତେ, ସୁକଲ୍ ଲକ୍ଷ୍ମୀନର୍ ପାରା, ତାର୍ ସଙ୍ଗ୍ ସାନ୍ତିଅଇ ରଇବାକେ ଜାଗ୍‌ରଡ୍ ଉଆ । ୧୫ ଆରି, ଆମର୍ ମାପୁରୁ ବେସି ଦିନ୍ ଜାଗ୍‌ବାଟା ଆରି ରକିଆ କର୍‌ବାଟା ବଲି ଏତାଆ । ଆମର୍ ଆଲାଦର୍ ବାଇ ପାଉଲ୍‌କେ ମିସା ମାପୁରୁ ତାକେ ଦେଲା ବୁଦି ଇସାବେ ତମର୍ ଲଗେ ଏନ୍ତାର୍ ଲେକ୍‌ଲା ଆତେ । ୧୬ ସେ ତାର୍ ସବୁ ଚିଟି ଲଗେ ମିସା ଏ ସମାନ୍ ବିସଇ ଲେକ୍‌ଲାଆତେ । ମାତର୍ ତେଇଅନି କେତେଟା ବିସଇ ଲକ୍ଷ୍ମୀନକେ ବୁଜ୍‌ବାକେ କସ୍‌ଟ ଆତେ । ଜନ୍ ଲକ୍ଷ୍ମୀନ୍ ନିକ ସିକଡ୍‌ନାଇ ଆରି ତାକର୍ ବିସ୍‌ବାସ୍‌ଟାନେ ଡାଟ୍‌ନାଇ, ଏ ସବୁ ବିସଇର୍ ଅରଡ୍ ବୁଲ୍‌ଇସାବେ ବାତାଇଲାଇନି । ପର୍‌ମେସରର୍ ବାକିଅତେଇରଇବା କେତେଟା ବିନ୍ ବିସଇମନ୍ ମିସା ଏନ୍ତାରି ବୁଲ୍‌କରି ବାତାଇଲାଇନି । ଏନ୍ତାରି କଲାପାଇ ପର୍‌ମେସର୍ ସେମନ୍‌କେ କୁରୁପ୍‌ନାସ୍ କର୍‌ସି ।

୧୭ ଏ ଆଲାଦର୍ ବାଇମନ୍, ତମେ ଆଗେ ଅନି ଏ ସବୁ ବିସଇ ଜାନି ଜାଗ୍‌ରତା ଅଇରୁଆ । କେତେବଲ୍ ନିୟମ୍ ନ ମାନ୍‌ଲା ଲକ୍‌ର ଆସାର୍ କାମର୍ ପାଦ୍‌ଲଗେ ଅଦ୍‌ରି, ତାଟ୍‌ସଙ୍ଗ୍ ରଇବା ବିସ୍‌ବାସେ ଅନି ଉନା ଉଆନାଇ । ୧୮ ମାତର୍ ଆମର୍ ମାପୁରୁ ଆରି ଉଦାର୍ କର୍‌ବା ଜିସୁକିରିସଟ୍‌ର୍ ଜିବନ୍ ଦୁକାଇଲାଟା ଆରି ଗିଆନ୍ ସଙ୍ଗ୍ ଅଦିକ୍ ଅଦିକ୍ ବଡା । ଏବେ ଆରି କାଲ୍ କାଲ୍ ଜୁଗ୍ ଜୁଗ୍ ଜାକ ସେ ଡାକ୍‌ପୁଟା ପାଅ । ଆମେନ୍ ।

✨ ଶା:୧୦ ଶା:୧୦ ମାଡିଉ ୨୪:୪୩; ଲୁକ୍ ୧୨:୩୯; ୧ମ ତେସଲନିକିୟ ୫:୨; ପର୍କାସିତ ୧୭:୧୫ ✨ ଶା:୧୩ ଶା:୧୩ ପର୍କାସିତ ୨୧:୧

## ଯୋହନ ଲେଖିଥିବା ପ୍ରଥମ ପତ୍ର ଜଅନ୍ ଲେଖିରଇବା ୧ ମ ଚିଠି ଏ ବଇର୍ ବିସଇ ଜାନ୍‌ବାଟା

ଜଅନ୍‌ର ପଠୁତୁମ୍ ଚିଠି ଜିସୁକିରିସ୍‌ଟ ଜନମ୍ ଅଇକରି ୫୦-୧୦୦ କିରିସ୍‌ଟାବ୍‌ଦ ବିତ୍‌ରେ ପେରିତ୍ ଜଅନ୍ ଲେଖି ରଇଲା ।

ଜଅନ୍ ନିଜ୍‌କେ ଗଟେକ୍ ଲେକ୍‌ବା ଲକ୍‌ର ଇସାବେ ଜାନାଇ ଅଏନାଇ । ମାତର୍ ପଠୁତୁମ୍ ପାଟେ ସେ ଜିସୁକିରିସ୍‌ଟର୍ ଜିବନର୍ ଆରି ମରିକରି ଉଟ୍‌ବା ବିସଇ ନେଇକରି ସେ ମୁଇନିଜେ ସାକିବଲିକରି କଇଲାନି ୧:୧-୩ ଜଅନ୍ ପଠୁତୁମ୍ ଲେଖି ରଇଲାଟା ଜଅନ୍ ସୁସମାଚାର ଲଗେ ଲେକା ଅଇଲାପାରା ଅଲପ୍ ମିସି । ସେ ଜେତେବେଲେ ଏପିସିତେଇ ରଇଲା । ସେ ଜଅନ୍ ସୁକ୍‌ବର୍ ଆରି ଜଅନ୍‌ର ତିନ୍‌ଟା ଚିଠି ଲେଖିଆତେ ବଲିକରି ବିସ୍‌ବାସ୍ କର୍‌ବାଇ । ଜନ୍ ବଇକି ପଠୁତୁମ୍ ଜଅନ୍ ଦୁତିଅ ଜଅନ୍ ତୁର୍ତିଅ ଜଅନ୍ ।

ଗିଆନି ବଲିକରି କଇତେରଇବା ଲକ୍‌ମନର୍ ଗଟେକ୍ ଦଲ୍ ଜନ୍‌ଲକ୍‌ମନର୍ ଲାଗି ମଣ୍ଡଲିତେଇ କାଇଆଲେ ଗଟେକ୍ ଗଟ୍‌ନା ଆଇଲେ ଚିଆ ଅଇତେ ରଇବା ଲକ୍‌ମନ୍ । ସେ ବେଲେ ଜଅନ୍ ସବୁ ବିସ୍‌ବାସି ମନ୍‌କେ ଏ ଚିଠିଲେଖି ରଇଲା । ସେମନ୍ ବିସ୍‌ବାସ୍ କର୍‌ବାଇକି ଜିସୁ ସତ୍‌ରେ ଆଇବା ପୁରାପୁରୁନ୍ ପର୍‌ମେସର୍, ମାତର୍ ଜଗତେ ରଇବାବେଲେ ସେ ବନିମାଉସ୍ ଦାରିରଇବା ଗଟେକ୍ ନରଲକ୍ ନଏ । ଜଅନ୍ ଜିସୁକିରିସ୍‌ଟର୍ ସଙ୍ଗ୍ ରଇବା ଗଟେକ୍ ସାକି ଆରି ତାର୍ ନିଜର୍ ଆଡ୍‌ସଙ୍ଗ୍ ଜିସୁକେ ଚିଇ ରଇଲାକେ ସେ ଏନ୍ତାରି ଲେକ୍‌ଲା ଆତେ ୧:୧-୩ । ଜଅନ୍ ଏ ଚିଠି ଲେକ୍‌ବାର୍ ମୁକିଅ କାରନ୍ ଅଇଲାନି ତାର୍ ସାର୍‌ଦା ପୁରାପୁରୁନ୍ ଅଇବାଟା । ପଠୁତୁମ୍ ଜଅନ୍ ୧:୪ ଆରି ବିସ୍‌ବାସି ମନ୍‌କେ ପାପେଅନି ଦୁର୍‌କେ ରଇବାକେ ପଠୁତୁମ୍ ଜଅନ୍ ୨:୧ ଆରି ବିସ୍‌ବାସି ମନ୍‌କେ ମିର୍ ସିକିଆଇଅନି ରକିଆକର୍‌ବାକେ, ପଠୁତୁମ୍ ଜଅନ୍ ୨:୨୬ ଆରି ବିସ୍‌ବାସି ମନ୍‌କେ ରକିଆ କର୍‌ବାକେ, ୫:୧୩

### ଏ ବଇବିତ୍‌ରେ ରଇବା ବିସଇ

- ୧. ଜଅନ୍ ତାର୍ ଚିଠିଟାନେ ନିଜର୍ ବିସଇ ଜାନାଇକରି ଆରି କାଇକେ ଲେକ୍‌ଲାନି ସେଟାସବୁ ଆତେ । ୧:୧-୪
- ୨. ପର୍‌ମେସର୍ କେନ୍ତାରି ଉଜଲ୍ ବଲିକରି ବୁଜାଇଦେଇ ଜିସୁର୍‌ପାରା ଚଲାଚଲ୍‌ତି କର୍‌ବାକେ କଇଆତେ । ୧:୫-୩:୧୦
- ୩. ଗଟେକ୍‌ଲକ୍ ଆରି ଗଟେକ୍ ଲକ୍‌କେ କେନ୍ତାରି ଆଲାଦ୍ କର୍‌ବାର୍ ଅଇସି ସେ ବିସଇ ମନେ ଏତାଇଦେଲା ଆତେ । ୩:୧୧-୫:୧୨
- ୪. ସେ ତାର୍ ଲେକ୍‌ବାଟା ସାରାଇ ଆତେ । ୫:୧୩-୨୧

### ଜିବନର୍ ବାକିଅ

୧ \*ଜାକେ ଜିବନର୍ ବାକିଅ ବଲି କଇଲାଇନି, ତାର୍ ବିସଇ ତମ୍‌କେ ଲେକ୍‌ଲୁନି । କାଇଟା ତିଆର୍ ନ ଅଇତେ ପୁର୍‌ବେଅନି ସେ ରଇଲା । ତାର୍ ବାକିଅ ଆମେ ସୁନିଆରୁ । ସେ କରିରଇବା କାମ୍‌ମନ୍ ଆମେ ଆଁକି ସଙ୍ଗ୍ ନିକ ଦେକି ଆରୁ । ଆରି ଆମେ ତାକେ ଆଡ୍ ସଙ୍ଗ୍ ଚିଇଲୁ ଆରୁ । ୨\*ଏ ଲକ୍ ସତ୍ ଜିବନ୍ ଦେଇସି । ପର୍‌ମେସର୍ ଏ ଲକ୍‌କେ ସବୁକେ ଦେକାଇଲା । ଆରି ଆମେ ଦେକ୍‌ଲୁ ଆରି ତାର୍ ସତ୍ ବିସଇ ତମ୍‌କେ କଇଲୁନି । ସେ ଦେଇରଇବା ନ ସାର୍‌ବା ଜିବନର୍ ବିସଇ ତମ୍‌କେ ଜାନାଇଲୁନି । ପୁର୍‌ବେଅନି ସେ ଆମର୍ ବାବା ପର୍‌ମେସର୍‌ର ସଙ୍ଗ୍ ରଇଲା । ମାତର୍ ପର୍‌ମେସର୍ ତାର୍ ବିସଇ ଆମ୍‌କେ ଜାନାଇଲାଆତେ । ୩ ତେବର୍‌ପାଇ ଏ ଲକ୍, ଜାର୍ ବିସଇ ଆମେ ଦେକିଆରୁ ଆରି ସୁନିଆରୁ, ତାର୍ ବିସଇ ଆକା ଆମେ ତମ୍‌କେ କଇଲୁନି । ଜେନ୍ତାରିକି ତମେ ମିସା ଆମର୍ ସଙ୍ଗ୍ ମିସିବିତି ରଇସା । କାଇକେବଇଲେ ଆମେ ବାବା ପର୍‌ମେସର୍‌ର ସଙ୍ଗ୍ ଆରି ତାର୍ ପଅ ଜିସୁ କିରିସ୍‌ଟର୍ ସଙ୍ଗ୍ ମିସିବିତି ଆରୁ । ୪ ଆମର୍ ସାର୍‌ଦା ଜେନ୍ତାର୍ ପୁରାପୁରୁନ୍ ଅଇସି, ତେବର୍ ପାଇ ଏ ସବୁ ବିସଇ ତମ୍‌କେ ଲେକ୍‌ଲୁନି ।

### ପର୍‌ମେସର୍ ଆକା ଉଜଲ୍

୫ ମାତର୍ ଜନ୍ ବିସଇ ଜିସୁକିରିସ୍‌ଟ ଆମ୍‌କେ କଇଲା, ଆରି ଜାଇଟା ତମ୍‌କେ ଆମେ ଜାନାଇ ଆରୁ, ସେଟା ଅଇଲାନି ପର୍‌ମେସର୍‌ର ଉଜଲ୍ । ଆରି ତାର୍‌ଟାନେ ମୁଲ୍‌କେ ଆନ୍ଦାର୍ ନାଇ । ୬ ତେବର୍‌ପାଇ ଆମେ ପର୍‌ମେସର୍‌ର ସଙ୍ଗ୍ ମିସିବିତି ଆରୁ ବଲି କଇକରି କାରାପ୍ କାମ୍ କରି ଆନ୍ଦାରେସେ ରଇବୁ ବଇଲେ, ଆମେ କଇବାଟା ମିର୍ । ଆରି ସତ୍ ବିସଇ ଆମେ ଚାଡିଦେଇଆରୁ ବଲି ଆମର୍ ଚଲାଚଲ୍‌ତିଟାନେ ଜାନାପଡ୍‌ଲାନି । ୭ ମାତର୍ ଆମେ ସତ୍ କାମ୍ କରି ଉଜଲେ ରଇବୁ ଜେନ୍ତାରି କି ପର୍‌ମେସର୍ ସବୁବେଲେ ଉଜଲେଆତେ । ସେନ୍ତାର୍ ଆଲେ ଆମେ ଗଟେକ୍ ଲକ୍ ଆରି ଗଟେକ୍ ଲକ୍‌ର ସଙ୍ଗ୍ ମିସିବିତି ଆରୁ । ଆରି ପର୍‌ମେସର୍‌ର ପଅ ଜିସୁର୍ ବନି ଆମର୍ ସବୁ ପାପ୍‌କେ ଦଇଦେଇସି ।

\* ୧:୧ ୧:୧ ଜଅନ୍ ୧:୧    \* ୧:୨ ୧:୨ ଜଅନ୍ ୧:୧୪

୮ ଆମେ କେବେମିସା ପାପ୍ କରୁନାଲ ବଲି କଇଲେ, ଆମେ ନିଜେସେ ନାଡାଲଅଇଲୁନି । ଆରି ସତ୍ ବିସଇ ଆମେ ନାଜାନୁନି । ୯ ଜଦି ଆମେ ବୁଲ୍ କରିଆରୁ ବଲି ପର୍ମେସରକେ ନ ଲୁଟାଇତେ କଇଲେ, ସେ ଆମର୍ ସବୁ ପାପ୍ କେମା କରସି । ଆରି ସବୁ କାରାପ୍ କାମେଅନି ଆମକେ ସୁକଲ୍ କରସି । ୧୦ ଜଦି ଆମେ କେବେ ମିସା ପାପ୍ କରୁନାଲ ବଲି କଇଲେ, ପର୍ମେସର୍ ସତ୍ଟା ନଏ ବଲି କଇଲୁନି । ଆରି ତାର୍ ବାକିଅ ମାନିକରି ରଉନାଇ ।

### ୨

#### ରକିଆ କାରି ଜିସୁ

୧ ଏ ମର୍ ପିଲାଟକି ପାରା ଅଇରଇବା ଲକ୍ମନ୍, ତମକେ ମୁଇ ଏଟା ଲେକ୍ଲିନି । ଜେଡ୍ରିକି ତମେ ପାପ୍ ନ କରାସ୍ । ମାତର୍ କେ ଜଦି ପାପ୍ କଲେ ଆମର୍ ବାବା ପର୍ମେସରର୍ ମୁଆଟେ ଚିଆଅଇରଇବା ଗଟେକ୍ ଲକ୍ ଆମର୍ ପାଇ ଗୁଆରି କଲାନି । ସେ ଅଇଲାନି ଜିସୁକିରିସ୍ଟ । ପର୍ମେସର୍ ଦେକ୍ବା ଇସାବେ ସେ ପୁରାପୁରୁନ୍ ସତ୍ଆଟେ । ୨ ଆମର୍ ବୁଲ୍ କାମର୍ପାଇ ଆମର୍ ବାଦୁଲେ ପର୍ମେସର୍ ଜିସୁକେ ଡଣ୍ଟ ଦେଲା । ତାର୍ଲାଗି ଅବ୍କା ଆମର୍ ପାପ୍ସେ ନଏ ମାତର୍ ଗୁଲାଇଟାନେ ରଇବା ସବୁଲକର୍ ପାପ୍ ସେ କେମା କରସି ।

୩ ଆମେ ତାକେ ଜାନବା ଲକ୍ ଅଇଲୁଆରୁ । ଜଦି ଆମେ ତାର୍ ତିଆରଲାଟା ମାନୁନି, ଏଟା ଡା଼ସଙ୍ଗ୍ ଜାନୁନି । ୪ କେ ଜଦି ମୁଇ ପର୍ମେସରକେ ଜାନିଆଟିବଲି କଇକରି, ତାର୍ ତିଆରଲାଟା ନ ମାନେ, ସେ ମିର୍ କଇଲାନି ଆରି ସେ ସତ୍ ବିସଇମନ୍ ନାଜାନେ । ୫ ମାତର୍ ଜେ ଜଦି ତାର୍ ବାକିଅ ମାନସି, ସେନ୍ତାର୍ ଆଲେ ପର୍ମେସରପାଇ ରଇବା ତାର୍ ଆଲାଦ୍ ସତଇସେ ପୁରାପୁରୁନ୍ ସିଦ୍ ଅଇଆଟେ । ଆମେ ପର୍ମେସରର୍ ସଙ୍ଗ୍ ମିସଲୁଆରୁ ବଲି ଦେକାଇବା ବିସଇ । ୬ କେ ଜଦି ପର୍ମେସରର୍ ସଙ୍ଗ୍ ମିସିଆଟି ବଲି କଇଲେ, ଜିସୁର୍ ଚଲାଚଲ୍ତି ପାରା ଚଲ୍ବାର୍ଆଟେ ।

#### ନୁଆଁ ଆଗିଆ

୭ ☆ଏ ମର୍ ଆଲାଦର୍ ମଇତର୍ମନ୍, ମୁଇଁ ତମର୍ ଲଗେ କାଇମିସା ନୁଆ ଆଦେସ୍ ଲେକିନାଇ । ତମେ ଜିସୁର୍ ସଙ୍ଗ୍ ଜିବାକେ ଆରାମ୍ କଲାବେଲେଅନି, ଏ ସମାନ୍ ଆଦେସ୍ ତମେ ଜାନିଆଟାସ୍ । ସେ ପୁରନା ଆଦେସ୍ ସୁନି ସାରାଇଆଟାସ୍ ।

୮ ମାତର୍ ଏଟା ଗଟେକ୍ ନୁଆ ଆଦେସ୍ ପାରା ମିସା ଆଟେ । କାଇକେବଇଲେ ତେଇର୍ ସତ୍ ବିସଇ କିରିସ୍ଟ ଲଗେ ଆରି ତମର୍ ଲଗେ ତିସଲାନି । ଆନ୍ଦାର୍ ଉଟିଗାଲାନି, ଆରି ସତ୍ ଉଜଲ୍ ତିସଲାନି ।

୯ ଜଦି କେ ମିସା ପର୍ମେସରର୍ ଉଜଲ୍ ଆରି ସୁକଲ୍ ଇସାବେ ଚଲାଚଲ୍ତି କଲିନି ବଲି କଇକରି ତାର୍ ସଙ୍ଗ୍ ମିସିବିଡି ରଇବା ବିସ୍ବାସି ବାଇବଇନିମନ୍କେ ଗିନ୍ କରସି, ସେ ଏବେଜାକ ଆନ୍ଦାରେସେ ରଇଲାନି । ୧୦ ଜନ୍ ଲକ୍ମନ୍ ତାକର୍ ମିସିବିଡି ରଇବା ବିସ୍ବାସି ବାଇବଇନିମନ୍କେ ଆଲାଦ୍ କରବାଇ, ସେମନ୍ ପର୍ମେସରର୍ ସୁକଲ୍ ଇସାବେ ଚଲାଚଲ୍ତି କଲାଇନି । ସେମନ୍ ଜିବନେ ବିନ୍ ଲକ୍ମନ୍କେ ପାପ୍ କରାଇବା କାଇ ବିସଇ ନାଇ । ୧୧ ମାତର୍ ଜେ ମିସା ମିସିବିଡି ରଇବା ବିସ୍ବାସି ବାଇବଇନିମନ୍କେ ଗିନ୍ କଲେ, ସେ ଆନ୍ଦାରେ ଆଟେ । ସେ ବୁଲ୍ ଟିକ୍ ନାଜାନିକରି ଚଲାଚଲ୍ତି କଲାନି । ସେ କଡ୍ରି ଗାଲାନି ସେଟା ନାଜାନେ । କାଇକେବଇଲେ ସେ ଆନ୍ଦାର୍ ତାର୍ ଆକିକେ କାଣା କରିଆଟେ ।

୧୨ ଏ ଆଲାଦର୍ ପିଲାମନ୍, ମୁଇ ତମକେ ଲେକ୍ଲିନି । କାଇକେବଇଲେ କିରିସ୍ଟର୍ ଲାଗି ତମର୍ ପାପ୍ କେମା ଅଇଲାଆଟେ । ୧୩ ଏ ବଡ୍ଲକ୍ମନ୍, ମୁଇ ତମକେ ଲେକ୍ଲିନି, କାଇକେବଇଲେ ତମେ କିରିସ୍ଟକେ ଜାନିଆଟାସ୍ । କାଇଟା ତିଆର୍ ନ ଅଇବା ଆଗ୍ତୁ ସେ ରଇଲା । ଏ ଦାଙ୍ଗ୍ଡାଦାଙ୍ଗ୍ଡିମନ୍ ମୁଇ ତମକେ ଲେକ୍ଲିନି । କାଇକେବଇଲେ ସବୁ କାରାପ୍ କାମ୍ କରାଇବା ସଇତାନ୍କେ ତମେ ଆରାଇଆଟାସ୍ ।

୧୪ ଏ ଆଲାଦର୍ ପିଲାଟକିମନ୍, ମୁଇ ତମକେ ଲେକ୍ଲିନି । କାଇକେବଇଲେ ତମେ ବାବା ପର୍ମେସରକେ ଜାନିଆଟାସ୍ । ଏ ବଡ୍ ଲକ୍ମନ୍ ମୁଇ ତମକେ ଲେକ୍ଲିନି । କାଇକେବଇଲେ ତମେ କିରିସ୍ଟକେ ଜାନବା ଲକ୍ ଅଇଆଟାସ୍ । କାଇଟା ତିଆର୍ ନ ଅଇବା ଆଗ୍ତୁ ସେ ରଇଲା । ଏ ଦାଙ୍ଗ୍ଡାମନ୍ ମୁଇ ତମକେ ଲେକ୍ଲିନି, କାଇକେବଇଲେ ତମେ ବିସ୍ବାସେ ତାଟ୍ ଅଇଆଟାସ୍ । ପର୍ମେସରର୍ ବାକିଅ ସବୁବେଲେ ତମର୍ ମନେ ଆଟେ । ଆରି ସବୁ ରକାମ୍ ପାପ୍ କାମ୍ କରାଇବା ସଇତାନ୍କେ ଆରାଇଆଟାସ୍ ।

#### ଜଗତ୍‌କେ ଆଲାଦ୍ କରାନାଇ

୧୫ ମୁଇ ତମକେ କଇଲିନି ଏ ଜଗତର୍ ଚଲାଚଲ୍ତି ଆରି ତେଇରଇବା ସବୁ କାରାପ୍ ବିସଇ ଆଲାଦ୍ କରାନାଇ । କାଇକେବଇଲେ ଏ ଜଗତର୍ କାରାପ୍ ବିସଇର୍ ଆଲାଦ୍ କର, ବାବା ପର୍ମେସରକେ ମିସା ଆଲାଦ୍ କରନାପାରେ । ୧୬ ସେ କାରାପ୍ ଚଲାଚଲ୍ତି ତେଇ ଲକ୍ମନ୍ ଜାଇଟା ମନ୍ କରବାଇ, ଲକ୍ମନ୍ ଦେକିକରି ଲାଲ୍‌ସା ଅଇବାଟା, ସବୁ ବିସଇ ରଇଲାର୍ପାଇ ବଡ୍‌ପନ୍ ଅଇବାଟା ଏ ସବୁ ରଇସି । ଏ ରକାମ୍ ଚଲାଚଲ୍ତି ଏ କାରାପ୍ ଜଗତର୍ ଲାଗି ଅଇଲାଆଟେ । ଆମର୍ ବାବା ପର୍ମେସର୍ ଏନ୍ତାରି କରବାକେ ଆମକେ ତିଆରେନାଇ । ୧୭ ଏ କାରାପ୍ ଜଗତ୍ ଆରି ତେଇର୍ ସବୁ ରକାମ୍ ଚଲାଚଲ୍ତି ଦାପ୍ରେ ଉଟିଜାଇସି । ମାତର୍ ଜେ ପର୍ମେସରକେ ମାନସି, ସେ ନ ସାର୍‌ବା ଜିବନ୍ ପାଇସି ।

☆ ୨:୭ ୨:୭ ଜଅନ୍ ୧୩:୩୪

**କିରିସ୍ତର ସତ୍ତ୍ୱ**

୧୮ ଏ ପିଲାଟକିମନ୍, ଏ ଦିନମନ୍ ଏ ଜଗତର ସାରାସାରି ଦିନ୍ । କିରିସ୍ତକେ ବିରଦ୍ କରବା ଗଟେକ୍ ଡାକ୍ପୁଟା ଲକ୍ ବାରଇସି ବଲି ଆମେ ତମ୍‌କେ କଇରଇଲୁ, ସେଟା ମନେ ପାକାଆ । ଏବେମିସା କିରିସ୍ତକେ ବିରଦ୍ କରବାଟାମନ୍ ଜବର୍ ଉଟ୍‌ଲାଲ ଆଚଡ୍ । ସେଟାରୁଲାଗି ଏ ଜଗତର ସାରାସାରି ଦିନ୍ ଲଗେ ଅଇଲା ବଲି ଆମେ ଜାନ୍‌ଲୁନି । ୧୯ ଏ ବିରଦ୍ କରବାଟାମନ୍ ଆମର୍ ସଙ୍ଗ୍ ମିସିବିଡି ରଇଲାଲ । ଆରି ଏବେ ସେମନ୍ ଚାଡିଦେଲାଲ । ସେମନ୍ କେବେ ମିସା ଆମର୍ ମିସାବିତାଟାନେ ମିସଡନାଇ । ଜଦି ସେମନ୍ ସତଇସେ ଆମର୍ ସଙ୍ଗ୍ ବିସ୍‌ବାସି ଅଇରଇଲେ, ଆମର୍ ସଙ୍ଗ୍ ରଇତାଇ । ମାତର୍ ସେମନ୍ ଚାଡ଼ିଲାପାଇ ଆମର୍ ଦଲର୍ ଲକ୍ ନଅଡ୍ ବଲି ଜାନାପଡ଼ଲା ।

୨୦ ମାତର୍ କିରିସ୍ତ ତମ୍‌କେ ସୁକଲ୍ ଆଡ଼ମା ଦେଲାଆଚେ । ୨୧ ତମେ ସଡ୍ ନାଜାନାସ୍ ବଲିକରି ମୁଇ ତମ୍‌କେ ଲେକ୍‌ଲିନି, ସେନ୍ତାରି ନଏ । ମାତର୍ ସେଟା ତମେ ନିକ୍ ସଙ୍ଗ୍ ଜାନାସ୍ । ଆରି ସଡ୍ ସିକିଆ ସଙ୍ଗ୍ ବୁଲ୍ ସିକିଆ କେବେ ନ ମିସେ ।

୨୨ ତେବେ କେ ମିଟ୍ କଇଲାଲନି ? ଜିସୁକେ ମସିଅ ନଏ ବଲି ଜେ କଇଲାଲନି, ସେ ଆକା ସବୁଟାନେଅନି ବଡ୍ ମିଟୁଆ । ସେନ୍ତାରି ଲକ୍‌ମନ୍ କିରିସ୍ତର ବିରଦି ଲକ୍‌ମନ୍ । ସେମନ୍ ଉଜେ ବାବା ପର୍‌ମେସର୍‌କେ ଆରି ତାର୍ ପଅ ଜିସୁ କିରିସ୍ତକେ ନାମଡନାଇ । ୨୩ ଜେ ଜଦି ପର୍‌ମେସର୍‌ ପଅକେ ନାମେ ନାଇ, ସେ ବାବା ପର୍‌ମେସର୍‌କେ ମିସା ନାମେ ନାଇ, ଜେ ପର୍‌ମେସର୍‌ ପଅକେ ନାମସି, ସେ ବାବା ପର୍‌ମେସର୍‌କେ ମିସା ନାମସି ।

୨୪ ତମେ କିରିସ୍ତର ସଙ୍ଗ୍ ଜିବାକେ ଆରାମ୍ ଅଇଲାତେଇଅନି ଜନ୍ କବର୍ ସୁନିଆଟାସ୍, ସେଟା ସବୁବେଲେ ମନେ ପାକାଆ । ଜଦି ସେ କବର୍ ତମର୍ ମନେ ରଇସି, ସେନ୍ତାରୁଆଲେ ତମେ ବାବା ପର୍‌ମେସର୍‌ ସଙ୍ଗ୍ ଆରି ତାର୍ ପଅର୍ ସଙ୍ଗ୍ ମିସିକରି ରଇସା । ୨୫ କିରିସ୍ତ ନିଜେ ଆମ୍‌କେ ନ ସାର୍‌ବା ଜିବନ୍ ଦେବି ବଲି କାତାଦେଇଆଚେ ।

୨୬ ଜନ୍ ଲକ୍‌ମନ୍ ତମ୍‌କେ ସୁବ୍‌କବର୍ ଜାନାଇଲୁନି ବଲି ବୁଲ୍ ସିକିଆ ଦେଇ ତମ୍‌କେ ନାତାଇବାକେ ଚେସ୍‌ଟା କଲାଲନି, ସେମନ୍‌ର ବିସଇ ଜାନାଇବାକେ ଏ ସବୁ ବିସଇ ମୁଇ ତମ୍‌କେ ଲେକ୍‌ଲିନି । ୨୭ ମାତର୍ ତମେ ନାତାଇ ନ ଉଆସ୍ । କାଇକେବଇଲେ କିରିସ୍ତ ତାର୍ ସୁକଲ୍‌ଆଡ଼ମା ତମ୍‌କେ ଦେଇଆଚେ । ସେ ସୁକଲ୍‌ଆଡ଼ମା ଏବେ ମିସା ତମର୍ ବିଡ୍‌ରେ ଆଚେ । ତେବର୍‌ପାଇ କେ ମିସା ବିନ୍ ଲକ୍ ତମ୍‌କେ ସିକାଇବାକେ ଲତାନାଇ । ସୁକଲ୍‌ଆଡ଼ମା ତମ୍‌କେ ସବୁ ବିସଇର୍ ସଡ୍ ସିକାଇସି । ତେଇ ସେ ଜନ୍‌ଟା ସିକାଇସି, ସେଟା ପୁରାପୁରୁନ୍ ସଡ୍ । ତେଇ କାଇ ବୁଲ୍ ବିସଇ ନ ରଏ । ତେବର୍‌ପାଇ ମୁଇ ତମ୍‌କେ କଇଲିନି, କିରିସ୍ତର ସଙ୍ଗ୍ ମିସିଟୁଆ ।

୨୮ ଏ ଆଲାଦର୍ ପିଲାଟକିମନ୍, ମୁଇ ତମ୍‌କେ ଆରିତରେକ୍ କଇଲିନି କିରିସ୍ତର ସଙ୍ଗ୍ ମିସିକରି ରୁଆ । ଜେନ୍ତାରି କି ସେ ଆରିତରେକ୍ ଏ ଜଗତେ ବାଉଡିଆଇଲାବେଲେ ତାକେ ବେଟ୍ ଅଇବାକେ ତାକେ ନ ଡରୁ କି ଲାଜ୍ ମିସା ନ ଉଆସ୍ । ୨୯ ଆମେ ଜାନିଆରୁ, କିରିସ୍ତ ଅନିଆଇ କାମ୍ ନ କରେ । ଏଟାମିସା ଜାନିଆରୁ, ଜନ୍‌ଲକ୍‌ମନ୍ ସଡ୍ କାମ୍ କର୍‌ବାଇ, ସେମନ୍ ପର୍‌ମେସର୍‌ ପିଲାଟକି ।

**୩**

**ପର୍‌ମେସର୍‌ ପିଲାଟକିମନ୍**

୧ ✨ଅଲପ୍ ବାବିଦେକାପନି, ବାବା ପର୍‌ମେସର୍ ଆମ୍‌କେ କେତେକ୍ ଆଲାଦ୍ କଲାଲନି । ତାର୍ ଏତେକ୍ ଆଲାଦର୍ ଲାଗି ଆମେ ତାର୍ ପିଲାଜିଲା ବଲାଲ ଅଇଲୁନି । ଆରି ସତଇସେ ଆମେ ତାର୍ ଅଇଆରୁ ବଲି ଏ ଜଗତର ଲକ୍ ବୁଜଡନାଇ । କାଇକେବଇଲେ ଆମର୍ ବାବା ପର୍‌ମେସର୍‌କେ ସେମନ୍ ନାଜାନଡ୍ । ୨ ଏ ମର୍ ଆଲାଦର୍ ମଇତର୍‌ମନ୍, ଏବେ ଆମେ ପର୍‌ମେସର୍‌ ପିଲାଜିଲା ଅଇଆରୁ । ପର୍‌କେ ଆମେ କେନ୍ତାର୍ ଅଇରଇରୁ ବଲି ଏବେଜାକ ନାଜାନୁ । ମାତର୍ ଜେତେବେଲେ କିରିସ୍ତ ଏଜଗତେ ବାଉଡି ଆଇସି, ସେବେଲେ ସେ ଜେନ୍ତାରି ଆଚେ, ସେନ୍ତାରି ତାକେ ଆମେ ଦେକ୍‌ବୁ । ଆମେ ମିସା ତାର୍‌ପାରା ଅଇଜିବୁ । ଏଟା ସଡ୍ । ୩ ଜେଡକି ଲକ୍ କିରିସ୍ତର ପାରା ଅଇବୁ ବଲି ଆସା କଲାସ୍‌ନି, ନିଜେ ପାପ୍ କାମ୍ ଚାଡି ସୁକଲ୍ ରଇବାର୍ ଆଚେ । ଜେନ୍ତାରିକି କିରିସ୍ତ କେବେ ପାପ୍ ନ କରେ ।

୪ ଜେ ପାପ୍ କର୍‌ସି, ସେ ପର୍‌ମେସର୍‌ର ନିୟମ୍ ବିରୁଦେ ଗାଲାଲନି । କାଇକେବଇଲେ ନିୟମ୍ ନ ମାନ୍‌ବାଟା ଆକା ପାପ୍ । ୫ ✨ଆମର୍ ପାପର୍ ତଣ୍ଟ ନେବାର୍‌ପାଇ କିରିସ୍ତ ଏ ଜଗତେ ଆଇଲା, ସେଟା ତମେ ଜାନାସ୍ । ଆରି ସେ କାଇ ପାପ୍‌କାମ୍ ନ କରେ । ୬ ତେବେ ଜଦି ଗଟେକ୍ ଲକ୍ କିରିସ୍ତର ସଙ୍ଗ୍ ମିସିରଇଲେ, ସେ ଆରି ପାପ୍ କର୍‌ବାର୍ ନାଇ । ମାତର୍ ଗଟେକ୍ ଲକ୍ ଜଦି ପାପ୍ କରିଲାଗିରଇସି, ସେ କିରିସ୍ତକେ ଦେକେନାଇ କି ନାଜାନେ ମିସା ।

୭ ଏ ପିଲାଟକିମନ୍, ତମେ କାର୍‌ଟାନେଅନି ମିସା ନାତାଇ ନ ଅଇବାକେ ଜାଗ୍‌ରଡ୍ ଅଇରୁଆ । ପର୍‌ମେସର୍ ଦେକ୍‌ବା ଇସାବେ ଜନ୍ ଲକ୍ ଦରମ୍ କାମ୍ କର୍‌ବାଇ, ସେମନ୍‌କେସେ ଦରମ୍ ଲକ୍ ବଲି ଡାକ୍‌ସି । ସେନ୍ତାରି ଲକ୍‌ମନ୍ ପର୍‌ମେସର୍ ଦେକ୍‌ବା ଇସାବେ ଦରମ୍ । ଜେନ୍ତାରିକି କିରିସ୍ତ ଦରମ୍ ରଇଲା । ୮ ମାତର୍ ପାପ୍‌କରି ଲାଗିରଇବା ଲକ୍‌ମନ୍ ସଇତାନର୍ । କାଇକେବଇଲେ କାଇଟା ତିଆର୍ ନଅଇବା ଆଗ୍‌ତୁ ସଇତାନ୍ ପାପ୍ କରିଆଇଲାଲନି । ସଇତାନ୍ କରିରଇବା କାମ୍ କୁରୁପ୍‌ନାସ୍ କର୍‌ବାକେ ପର୍‌ମେସର୍‌ ପଅ ଏ ଜଗତେ ଆଇଲା ।

✨ ୩:୧ ୩:୧ ଜଅନ୍ ୧:୧୨ ✨ ୩:୫ ୩:୫ ଜଅନ୍ ୧:୨୯



୯ ପରମେସରର୍ ପିଲା ଅଇରଇବା କେ ମିସା ପାପକରିଲାଗି ରଇବାର ନାଇ । କାଇକେବଇଲେ ପରମେସରର୍ ଗୁନ୍ତଲନ୍ ତାକର୍ ବିତ୍ତରେ ଆଚେ । ସେମନ୍ ପରମେସରର୍ ପିଲାଜିଲା ଅଇଲାକେ, ପାପକରିଲାଗି ନ ରଅଡ୍ । ୧୦ କେ କେ ସଇତାନର୍ ପିଲାମନ୍ ଆରି କେ କେ ପରମେସରର୍ ପିଲାମନ୍ ବଲି ଆମେ ଜାନ୍ । ଜନ୍ ଲକ୍ମନ୍ ପରମେସରର୍ ଦେକ୍ବା ଇସାବେ ସଡ୍ କାମ୍ ନ କରଡ୍ । ଜନ୍ ଲକ୍ମନ୍ ମିସିବିଡିକରି ରଇବା ବିସ୍ବାସି ବାଇବଇନିମନ୍କେ ଆଲାଦ୍ ନ କରଡ୍, ସେମନ୍ ତାର୍ ପିଲାଜିଲା ନ ଅଅଡ୍ ।

**ଗଟେକ୍ ଲକ୍ ଆରି ଗଟେକ୍ ଲକ୍କେ ଆଲାଦ୍ କରା**

୧୧ ☆ଏ କବର୍ ତମେ ଆଗ୍ତୁଅନି ସୁନିଆସିଆଚାସ୍ । ସେଟା ଅଇଲାନି, ଆମେ ଗଟେକ୍ ଲକ୍ ଆରି ଗଟେକ୍ ଲକ୍କେ ଆଲାଦ୍ କରବାର୍ ଆଚେ । ୧୨ ଆମେ କୟିନର୍ପାରା ଅଇବାର୍ ନାଇ । ସେ ଗଟେକ୍ ସଇତାନର୍ ଲକ୍ ରଇଲା । ଜେକି ଜେଡ୍କି କାରାପ୍ କାମ୍ କରାଇସି । ସେ ତାର୍ ସାନ୍ବାଇକେ ମିସା ମରାଇଲା । ସେ କାଇକେ ସେନ୍ତାରି କଲା ? କାଇକେବଇଲେ, ତାର୍ ନିଜର୍ ଜେଡ୍କି କାମ୍ କାରାପ୍ ରଇଲା, ତାର୍ ବାଇ ଏବଲର୍ କାମ୍ମନ୍ ସେଡ୍କି ଦରମ୍ ରଇଲା ।

୧୩ ତେବର୍ପାଇ ଏ ମର୍ ବାଇବଇନିମନ୍, ଏଜଗତର୍ ଲକ୍ମନ୍ ତମ୍କେ ଗିନ୍ କଲେ, କାବା ଅଇବାର୍ନାଇ । ୧୪ ☆ ଆମେ କିରିସ୍ଟ ବିସ୍ବାସି ବାଇବଇନିମନ୍କେ ଆଲାଦ୍ କରବାର୍ ଲାଗି ଏଟା ଜାନ୍ଲୁନି । ଜେ ଆଲାଦ୍ ନ କରେ, ସେ ଏବେ ମିସା ମରନର୍ ସାସନର୍ ତଲେଆଚେ । ୧୫ କେ ଜଦି ବିନ୍ ବିସ୍ବାସି ବାଇବଇନିମନ୍କେ ଗିନ୍ କର୍ସି, ନର୍ମାର୍ବା ଲକ୍ମନ୍ ସମାନ୍ । ଗଟେକ୍ ନର୍ମାରୁ ଲଗେ ପରମେସରର୍ ନ ସାର୍ବା ଜିବନ୍ ନ ରଏ । ଏଟା ତମେ ଜାନିଆଚାସ୍ । ୧୬ ଏଟାର୍ଲାଗି ଆଲାଦ୍ କାଇଟା ଆମେ ଜାନ୍ଲୁନି । କିରିସ୍ଟ ଆମର୍ପାଇ ତାର୍ ନିଜର୍ ଜିବନ୍ ଦେଲା । ସେନ୍ତାରିସେ ଆମେମିସା ଆମର୍ ମିସିବିଡିରଇବା ବିସ୍ବାସି ବାଇବଇନି ମନର୍ଲାଗି ମର୍ବାକେ ତିଆର୍ ଅଇବାର୍ଆଚେ । ୧୭ ଜଦି କାକେମିସା ବର୍ବାକେ ତାର୍ ଲତାକେ ଲାଗ୍ବାଟା ସବୁ ବିସଇଆଚେ, ଆରି ତାର୍ ବିସ୍ବାସି ବାଇକେ ଲତାଆଚେ ବଲି ସେ ଜାନେ, ମାତର୍ ତାର୍ପାଇ ଜିବନ୍ ଦୁକାଏ ନାଇ, ସେ ମୁଇ ପରମେସର୍କେ ଆଲାଦ୍ କଲିନି ବଲି କଇନାପାଚେ । ୧୮ ଆଲାଦର୍ ପିଲାମନ୍, ଆମର୍ ଆଲାଦ୍ ଅବ୍କା କୁଆବଲାଇ ରଇବାର୍ ନାଇ । ଆମେ ସଡ୍ସଙ୍ଗ୍ ଗଟେକ୍ ଲକ୍ ଆରିଗଟେକ୍ ଲକ୍କେ ଆଲାଦ୍ କରବାର୍ ଆଚେ । ଜେନ୍ତାରିକି ପରମେସର୍ ସଡ୍ସଙ୍ଗ୍ ଆମ୍କେ ଆଲାଦ୍ କର୍ସି ।

୧୯ ଆମେ ସବୁ ସେନ୍ତାରି ଗଟେକ୍ ଲକ୍ ଆରିଗଟେକ୍ ଲକ୍କେ ଆଲାଦ୍ କଲେ, ପରମେସରର୍ ଲକ୍ବଲି ଜାନ୍ତୁ ଆକା । ଜନ୍ତା ସଡ୍ ଆରି ଜନ୍ତା ଟିକ୍, ସେ ତାର୍ ଲକ୍ମନ୍କେ ଦେକାଇସି । ଆରି ଆମେ ପରମେସର୍କେ ପାର୍ତନା କଲାବେଲେ ନ ଡରୁ । ୨୦ ଆମର୍ ବିବେକ୍ ଜଦି ଆମ୍କେ ପାପିବଲି ଦସ୍ ଦେଲେ, ଆମେ ସାନ୍ତିସଙ୍ଗ୍ ରଇବୁ । କାଇକେବଇଲେ ଆମର୍ ବିବେକ୍ ଟାନେଅନି ଆମେ ଜାନ୍ବାଡେଇଅନି ପରମେସର୍ ଅଦିକ୍ ଜାନେ । ଆରି ଆମେ କରବା ସବୁ କାମ୍ ସେ ଜାନେ । ୨୧ ଏ ଆଲାଦର୍ ମଇତର୍ମନ୍, ଆମର୍ ବିବେକ୍ ଜଦି ଆମ୍କେ ଦସି ବଲି ନ ଜାନାଇଲେ, ଆମେ ପରମେସର୍କେ ପାର୍ତନା କଲାବେଲେ ନ ଡରୁ । ୨୨ ଆମେ ତାକେ ଜେଡ୍କି ମାଙ୍ଗ୍ଲୁନି, ସେଟା ସବୁ ପରମେସର୍ ଆମ୍କେ ଦେଇସି । କାଇକେବଇଲେ ସେ ତିଆର୍ଲାଟା ସବୁ ଆମେ କଲୁନି । ୨୩ ☆ଆରି ଏଟା ଅଇଲାନି ତାର୍ ଆଦେସ୍ । ତାର୍ ପଅ ଜିସୁକିରିସ୍ଟକେ ବିସ୍ବାସ୍ କରବାର୍ ଆରି ଜିସୁ ତିଆର୍ଲାପାରା ଗଟେକ୍ ଲକ୍ ଆରିଗଟେକ୍ ଲକ୍କେ ଆଲାଦ୍ କରବାର୍ । ୨୪ ଜେଡ୍କି ଲକ୍ ତାର୍ ଆଦେସ୍ ମାନ୍ବାଇ, ସେମନ୍ ସବୁ ପରମେସରର୍ ସଙ୍ଗ୍ ମିସଲାଇ ଆଚଡ୍ । ଆରି ସେ ମିସା ସେନ୍ତାରିସେ । ସେ ଆମର୍ ବଡିରେ ଆଚେ ବଲି ଏନ୍ତାରି ଆମେ ଜାନ୍ଲୁନି । ଜନ୍ ସୁକଲ୍ଆଡ୍ମା ପରମେସର୍ ଆମର୍ ବିତ୍ତରେ ରଇବାକେ ଦେଲାପାଇ ।

**୪**

**ଆଡ୍ମା ମନ୍କେ ଚିନା**

୧ ଏ ଆଲାଦର୍ ବାଇବଇନିମନ୍, ଜଦି କେ ମିସା ପରମେସରର୍ ଆଡ୍ମା ମର୍ଟାନେ ଆଚେ, ବଲି କଇବା ଲକ୍ମନ୍ କାତା ବିସ୍ବାସ୍ କରବାର୍ ନାଇ । ମାତର୍ ସେନ୍ତାରି ଲକ୍ମନ୍ଟାନେ ସତଇସେ ପରମେସରର୍ ଆଡ୍ମା ଆଚେ କି ନାଇ ଜାନ୍ବାକେ ମନ୍ଦିଆନ୍ ଦେଇ ସେ କଇବା କାତା ପରିକା କରବାର୍ ଆଚେ । କାଇକେବଇଲେ ମିଡ୍ କାତା ସିକାଡ୍ମନ୍ ବେସି ଲକ୍ ବାରଇଆଚଡ୍ । ପରମେସରର୍ ଟାନେଅନି ମିଲାଇଲା କବର୍ ବଲି ସବୁବାଟେ ଗାଲାଇ ଆଚଡ୍ । ୨ ଗଟେକ୍ ଲକ୍ମନ୍ଟାନେ ପରମେସରର୍ ଆଡ୍ମା ଆଚେ କି ନାଇ ବଲି ଏନ୍ତାରି ତମେ ଜାନ୍ସା । ଜେ ଜିସୁକିରିସ୍ଟ ନର୍ତ୍ତୁପ୍ ଦାରି ଏ ଜଗତେ ଆଇଲା ବଲି କଇଲେ, ତାର୍ଟାନେ ପରମେସରର୍ ଆଡ୍ମା ଆଚେ । ୩ ମାତର୍ ଜେ କି ଏ କାତା ନ ମାନେ, ତାର୍ଟାନେ ପରମେସରର୍ ଆଡ୍ମା ନାଇ । ସେନ୍ତାରି ଲକ୍ମନ୍ଟାନେ କିରିସ୍ଟର୍ ବିରଦିର୍ ଆଡ୍ମା ଆଚେ । ଏ ଆଡ୍ମା ଜଗତେ ଆଇସି ବଲି ତମେ ସୁନିଆଚାସ୍ । ସେନ୍ତାରି ସେ ଆଡ୍ମା ଆଇଲାଆଚେ । ଆରି ଏବେ ମିସା ସେଟା ଜଗତେ ଆଚେ ।

୪ ମାତର୍ ତମେ ପରମେସରର୍ ଲକ୍ । ଏ ଆଲାଦର୍ ପିଲାମନ୍, ସେନ୍ତାରି ବୁଲ୍ ସିକିଆ ଦେଉମନର୍ କାତା ମାନା ନାଇ । କାଇକେବଇଲେ ତମର୍ଟାନେ ରଇବା ଆଡ୍ମା ଏ ଜଗତର୍ ଲକ୍ମନ୍ ଆଡ୍ମାତେଇଅନି ଅଦିକ୍ ବପୁଟା । ୫ ସେମନ୍ ଏ ଜଗତର୍ ଲକ୍ । ଆରି ଏ ଜଗତର୍ ଲକ୍ମନ୍ ତାକର୍ କାତା ସୁନ୍ବାଇ । କାଇକେବଇଲେ ସେମନ୍ ସିକିଆ ଆରି ଏ

☆ ୩:୧୧ ୩:୧୧ ଜଅନ୍ ୧୩:୩୪ ☆ ୩:୧୪ ୩:୧୪ ଜଅନ୍ ୫:୨୪ ☆ ୩:୨୩ ୩:୨୩ ଜଅନ୍ ୧୩:୩୪;୧୫:୧୨,୧୭

ଜଗତର ଲକ୍ଷ୍ମଣନର ସିକିଆ ସମାନ୍‌ଆରେ ।<sup>୭</sup> ମାତର ଆମେ ପରମେସରର ଲକ୍ଷ୍ମଣ । ଆରି ଜେଡ଼କି ଲକ୍ଷ୍ମଣ ପରମେସରକେ ଜାନିଆତଡ଼, ସେମନ୍ ସବୁ ଆମର ସିକିଆ ମାନ୍‌ବାଇ । ମାତର ଜେଡ଼କି ପରମେସରର ଲକ୍ଷ୍ମଣ ନଅଡ଼, ଆମର ସିକିଆ ନ ମାନ୍‌ଡ଼ । ଏଟାରଲାଗି ଗଟେକ୍ ଲକ୍ଷ୍ମଣକେ ସଡ଼ ଆଡ଼ମା ଆଚେ କି ସଇତାନର ଆଡ଼ମା ଆଚେ ବଲି ଜାନିଅଇସି ।

**ପରମେସର ଆଲାଦ୍‌କାରିଆ**

<sup>୭</sup> ଏ ମର ଆଲାଦ୍‌ର ମଇତରମନ୍, ଆମେ ଗଟେକ୍ ଲକ୍ଷ୍ମଣ ଆରିଗଟେକ୍ ଲକ୍ଷ୍ମଣକେ ଆଲାଦ୍ କରାକରି ଅଉଁ । କାଇକେବଇଲେ ଆଲାଦ୍ କରବାକେ ପରମେସର ଆମ୍ଭକେ ସାଇଜ କରସି । ଜେ ଜଦି ବିନ୍ ଲକ୍ଷ୍ମଣକେ ଆଲାଦ୍ କରସି, ସେ ପରମେସରର ପିଲା ଆରି ପରମେସରକେ ଜାନେ ।<sup>୮</sup> ଜେ ବିନ୍ ଲକ୍ଷ୍ମଣକେ ଆଲାଦ୍ ନ କରେ, ସେ ପରମେସରକେ ନାଜାନେ । କାଇକେବଇଲେ ପରମେସର ସବୁବେଲେ ଆଲାଦ୍‌କାରିଆ ।<sup>୯</sup> ପରମେସର ଏନ୍ତାରି ଆମରପାଇ ତାର ଆଲାଦ୍ ଦେକାଇଲା । ସେ ଗଟେକ୍ ବଲି ତାର ପିଲାକେ ଏ ଜଗତେ ପାଟାଇଲା । ଜେନ୍ତାରିକି ତାରଲାଗି ଆମେ ନ ସାରବା ଜିବନ୍ ପାଇବୁ ।<sup>୧୦</sup> ଏନ୍ତାରି ନଏଁଜେ, ଆମେ ପରମେସରକେ ଆଲାଦ୍ କଲୁ, ମାତର ସେ ଆମ୍ଭକେ ଆଲାଦ୍ କଲା । ଆରି କୁରୁସକାଟେ ମଲାପାଇ ଆମର ଡ଼ଣ୍ଡ ପାଇବାକେ ତାର ପଅକେ ପାଟାଇଲା । ଏଟା ଅଇଲାନି ସଡ଼ସଙ୍ଗ୍ ଆଲାଦ୍ କରବାଟା ।

<sup>୧୧</sup> ଏ ମର ଆଲାଦ୍‌ର ମଇତରମନ୍, ଜେନ୍ତକି ପରମେସର ଆମ୍ଭକେ ଏତେକ୍ ଆଲାଦ୍ କଲାପାଇ, ଆମେମିସା ଗଟେକ୍ ଲକ୍ଷ୍ମଣ ଆରିଗଟେକ୍ ଲକ୍ଷ୍ମଣକେ ସେନ୍ତାରି ଆଲାଦ୍ କରବାର୍ ଆଚେ ।<sup>୧୨</sup> ଏକେ ମିସା ପରମେସରକେ ଦେକଡ଼ ନାଇତା । ମାତର ଆମେ ଜଦି ଗଟେକ୍ ଲକ୍ଷ୍ମଣ ଆରିଗଟେକ୍ ଲକ୍ଷ୍ମଣକେ ଆଲାଦ୍ କଲେ, ପରମେସର ଆମର ସଙ୍ଗ୍ ମିସିଆଚେ । ସେ ଆମରଗାନେ ତାର ଆଲାଦ୍ ସିଦ୍ କରସି ।

<sup>୧୩</sup> ପରମେସରର ସଙ୍ଗ୍ ମିସିଆଚୁ ବଲି ଆମେ ଜାନୁ । ଆରି ସେ ମିସା ଆମର ସଙ୍ଗ୍ ମିସିଆଚେ । କାଇକେବଇଲେ ସେ ତାର ଆଡ଼ମା ଆମ୍ଭକେ ଦେଲାଆଚେ ।<sup>୧୪</sup> ଆରି ଆମେ ଦେକିଆଚୁ ପାପର ଡ଼ଣ୍ଡେଅନି ଲକ୍ଷ୍ମଣକେ ରକିଆ କରବାକେ ବାବା ପରମେସର ତାର ପଅକେ ଏ ଜଗତେ ପାଟାଇଲା । ଏଟା ସଡ଼ କାତା ବଲି ବିନ୍ ଲକ୍ଷ୍ମଣକେ କଇଲୁନି ।<sup>୧୫</sup> ଜେ ମିସା ଜିସୁକେ ପରମେସରର ପଅ ବଲି ନାମ୍ଲେ, ପରମେସର ସେ ଲକ୍ଷ୍ମଣ ସଙ୍ଗ୍ ମିସିରଇସି । ଆରି ସେ ମିସା ପରମେସରର ସଙ୍ଗ୍ ରଇସି ।<sup>୧୬</sup> ପରମେସର ଜନ୍ ଆଲାଦ୍ ଆମରପାଇ ଦେକାଇଆଚେ, ସେଟା ଆମେ ଜାନୁଲୁନି ଆରି ବିସ୍‌ବାସ୍ କଲୁନି ।

ସେ ସବୁବେଲେ ଲକ୍ଷ୍ମଣକେ ଆଲାଦ୍ କରସି । ଜେଡ଼କି ଲକ୍ଷ୍ମଣ ପରମେସରକେ ଆରି ବିନ୍ ଲକ୍ଷ୍ମଣକେ ଆଲାଦ୍ କରବାଇ, ସେମନ୍ ପରମେସରର ସଙ୍ଗ୍ ମିସିଆଚଡ଼ । ଆରି ସେ ମିସା ତାକର ସଙ୍ଗ୍ ଆଚେ ।<sup>୧୭</sup> ପରମେସର ଆମ୍ଭକେ ଦେଇ ବିନ୍ ଲକ୍ଷ୍ମଣକେ ଆଲାଦ୍ କରବା କାମ୍ କଲାଆଚେ । ଜେନ୍ତକି ସେ ସବୁକେ ବିଚାରନା କରବା ଦିନେ ଆମେ ଡ଼ରିକରି ନ ରଉଁ । କିରିସଟ ଏ ଜଗତେ ରଇଲାବେଲେ, ଜେନ୍ତକି ଚଲାଚଲୁଡ଼ି କରତେରଇଲା, ସେନ୍ତାରିସେ ଆମେମିସା ଚଲାଚଲୁଡ଼ି କରୁ । ଆରି ଆମେ ଡ଼ରିକରି ନ ରଉଁ ।<sup>୧୮</sup> ଜେ ପରମେସରକେ ଆଲାଦ୍ କରସି, ସେ ତାକେ ନ ଡ଼ରେ । ତାର ଆଲାଦ୍ ଆମର ବିଡ଼ରେ କାମ୍ କରସି, ଆମେ ତାକେ ଡ଼ରିନଏଁ । ସେ ସେମନ୍‌କେ ଡ଼ଣ୍ଡ ଦେଇସି ବଲି ଲକ୍ଷ୍ମଣ ତାକେ ଡ଼ରୁଲାଇନି । ଜଦି କେ ମିସା ପରମେସରକେ ଡ଼ରସି, ତାର ଆଲାଦ୍ ସେ ଲକ୍ଷ୍ମଣଗାନେ କାମ୍ କରେନାଇ ବଲି ଜାନାପଡ଼ସି ।

<sup>୧୯</sup> ଆମେ ତାକେ ଆଲାଦ୍ କରବା ଆଗତୁ ପରମେସର ଆମ୍ଭକେ ଆଲାଦ୍ କଲା । ସେଟାରପାଇ ଆମେ ତାକେ ଆଲାଦ୍ କଲୁନି ।<sup>୨୦</sup> ଜଦି କେ ମିସା ମୁଇ ପରମେସରକେ ଆଲାଦ୍ କଲିନି ବଲି କଇସି, ମାତର ନିଜର ବିସ୍‌ବାସି ବାଇବଇନିମନ୍‌କେ ଗିନ୍ କରସି, ସେନ୍ତାରିଆଲେ ସେ ମିଡ଼ କଇଲାନି । କାଇକେବଇଲେ ଦୁଇଟା ଆଁକିଡେଇ ଡ଼ିସ୍‌ବା ବାଇବଇନିମନ୍‌କେ ଆଲାଦ୍ ନ କରବା ଗଟେକ୍ ଲକ୍ଷ୍ମଣ, ନ ଡ଼ିସ୍‌ବା ପରମେସରକେ ଆଲାଦ୍ କରିନାପାରେ ।<sup>୨୧</sup> ଆରି ସେ ଆମ୍ଭକେ ଏ ଆଦେସ୍ ଦେଇ ତିଆରଲାଆଚେ, ଜେ ପରମେସରକେ ଆଲାଦ୍ କରସି, ତାର ମିସିବିଡ଼ି ରଇବା ବିସ୍‌ବାସି ବାଇବଇନିମନ୍‌କେ ମିସା ଆଲାଦ୍ କରବାର୍ ଆଚେ ।



**ଏ ଜଗତେ ଜିଡ଼ବାଟା**

<sup>୧</sup> ଜେ କି ଜିସୁକେ ମସିଅ ବଲି ବିସ୍‌ବାସ୍ କରସି, ସେ ପରମେସରର ପିଲା । ଆରି ଜେ କି ବାବାକେ ଆଲାଦ୍ କରସି, ସେ ତାର ପିଲାକେ ମିସା ଆଲାଦ୍ କରସି ।<sup>୨</sup> ପରମେସରର ପିଲାମନ୍‌କେ ଆମେ ଆଲାଦ୍ କଲୁନି ବଲି ଏନ୍ତାରି ଜାନିଅଇସି । ପରମେସରକେ ଆଲାଦ୍ କରି ଆରି ତାର ଆଦେସ୍ ମିସା ମାନିକରି ।<sup>୩</sup> ଏଆମେ ଜଦି ସତଇସେ ପରମେସରକେ ଆଲାଦ୍ କଲେ, ତାର ଆଦେସ୍ ସବୁ ମାନ୍‌ବୁ । ସେ ଆମ୍ଭକେ ତିଆରଲା ବିସଇ ମାନ୍‌ବାକେ ଆମ୍ଭକେ ଆବଡ଼ ନ ଲାଗେ ।<sup>୪</sup> କାଇକେବଇଲେ ପରମେସରର ସବୁ ପିଲା ଏ ଜଗତର କାରାପ୍ ଚଲାଚଲୁଡ଼ି ନିଚିକରି ଜିଡ଼ିପାରସି । ଆମର ବିସ୍‌ବାସର ଲାଗି ଆମେ ଜଗତକେ ଜିଡ଼ିଅଇସି ।<sup>୫</sup> ଏ ଜଗତକେ କେ ଆରାଇପାରସି ? ଜିସୁକେ ପରମେସରର ପଅ ବଲି ଜେ ବିସ୍‌ବାସ୍ କରସି, ସେ ଏ ଜଗତକେ ଆରାଇସି ।

☆ ୪:୧୨ ୪:୧୨ ଜଅନ୍ ୧:୧୮ ☆ ୫:୩ ୫:୩ ଜଅନ୍ ୧୪:୧୫

**ଜିସୁ କିରିସ୍ତର ଲାଗି ସାକି**

<sup>୬</sup> ଜିସୁକିରିସ୍ତ ପରମେସରର ପ ବଲିକରି, ତୁବନ୍ ଦେଉ ଜଅନ୍ ତାକେ ପାନିତେଇ ତୁବନ୍ ଦେଲା । ଆରି ସେ ମଲାବେଲେ ତାର ବନି ରକଇଅଇଲା । ଏନ୍ତାରି ନଏଁ ଜେ ସେ ଅବକା ପାନିସଙ୍ଗ ତୁବନ୍ ଅଇଲା, ମାତର ତାର ମରନେ ତାର ବନି ରକଇଅଇଲା । ଏ ସବୁ ବିସଇ ସତ୍ ବଲି ସୁକଲ୍‌ଆଡ଼ମା ଆମ୍‌କେ ସାକିଦେଲାନି । କାଇକେବଇଲେ ସେ ସତ୍ ଆଡ଼ମା ।<sup>୭</sup> ତେବର୍‌ପାଇ ତିନ୍‌ଟା ସାକିତେଇଅନି ଆମେ ସତ୍ ଜାନ୍‌ଲୁନି ।<sup>୮</sup> ସୁକଲ୍‌ଆଡ଼ମା, ତୁବନ୍ ଅଇରଇବା ପାନି, ଆରି ରକଇଅଇରଇବା ବନି, ତିନ୍‌ଟାଜାକ ସାକିତେଇ ରାଜି ଅଇଆତତ୍ ।<sup>୯</sup> ଜେତେବେଲେ ଲକ୍‌ମନ୍ ତାକର୍ ଜାନିରଇବା ବିସଇନେଇ ସାକିଦେବାଇ, ଆମେ ସେମନ୍‌କେ ବିସ୍‌ବାସ୍ କରୁ । ମାତର ପରମେସର ଆମ୍‌କେ ସାକିଦେବାଟା ତାର୍‌ତେଇଅନି ଅଦିକ୍ ମୁକିଅ । କାଇକେବଇଲେ ସେଟା ପରମେସରର ସାକି । ସେ ତାର ନିଜର ପଅର ବିସଇନେଇ ଆମ୍‌କେ ସାକିଦେଲାନି ।<sup>୧୦</sup> କେ ମିସା ଜିସୁକେ ପରମେସରର ପଅ ବଲି ବିସ୍‌ବାସ୍ କଲେ, ପରମେସରର ସାକି ତାକର୍ ମନ୍ ବିତ୍‌ରେ ଆତେ । ପରମେସର କଇଲା କାତା ଜେ ଜଦି ବିସ୍‌ବାସ୍ ନ କରେ, ସେ ମିତ୍ ବଲିକରି କଇଲାନି । କାଇକେବଇଲେ ତାର ନିଜର ପଅର ବିସଇ କଇଲାଟା ସେମନ୍ ବିସ୍‌ବାସ୍ କରତ୍ ନାଇ ।<sup>୧୧</sup> ଏସେ ସାକିଅ ଏଟା ସେ । ପରମେସର ଆମ୍‌କେ ନ ସାର୍‌ବା ଜିବନ୍ ଦେଲାଆତେ । ଏ ଜିବନ୍ ଆମେ ତାର ପଅରଲାଗି ମିଲାଇଆତୁ ।<sup>୧୨</sup> ତାର ପଅସଙ୍ଗ୍ ଜେ ମିସା ମିସିରଇବାଇ, ସେମନ୍ ଏ ନ ସାର୍‌ବା ଜିବନ୍ ପାଇବାଇ । ଆରି ଜେ ତାର ପଅସଙ୍ଗ୍ ମିସେନାଇ ସେ ଏ ଜିବନ୍ ମିସା ପାଏନାଇ ।

**ନ ସାର୍‌ବା ଜିବନ୍**

<sup>୧୩</sup> ତମେ ଜେଡ଼କି ଲକ୍ ପରମେସରର ପଅକେ ବିସ୍‌ବାସ୍ କଲାସନି, ତମ୍‌କେ ଏ ଚିଟି ଲେକ୍‌ଲିନି । ଜେନ୍ତାରିକି ଆମ୍‌କେ ନ ସାର୍‌ବା ଜିବନ୍ ଆତେ ବଲି ତମେ ଜାନାସ୍ ।<sup>୧୪</sup> ପରମେସରକେ ପାର୍‌ତନା କରବାବେଲେ ଆମେ ତରିକରି ରଉନାଇ । କାଇକେବଇଲେ ତାର ମନ୍ କଲା ଇସାବେ ଆମେ କାଇଟା ମାଙ୍ଗ୍‌ଲେ ମିସା ସେ ଆମ୍‌କେ ଦେଇସି ।<sup>୧୫</sup> ଜେତେବେଲେ ଆମେ ତାକେ ମାଙ୍ଗ୍‌ଲେ, ସେ ଆମର୍ କାତା ସୁନ୍‌ସି । ଆମେ ତାକେ ପାର୍‌ତନାଇ ଜାଇଟା ମାଙ୍ଗ୍‌ଲେ ସେଟା ଆମ୍‌କେ ଦେଇସି ।

<sup>୧୬</sup> ଜଦି ତମର୍ ସଙ୍ଗର୍ ବିସ୍‌ବାସି ବାଇ ପାପ୍‌କଲାନି ବଲି ଜାନ୍‌ଲେ, ଆରି ସେ ପାପ୍, ଲକ୍‌କେ ପରମେସରର ଟାନେଅନି ସବୁଦିନର୍‌ପାଇ ବେଗଲ୍‌ବା ପାରା ପାପ୍ ନଇଲେ, ସେ ଲକ୍‌କେ ରକିଆ କର ବଲି ତାକେ ଗୁଆରି କରବାର୍ ଆତେ । ଆରି ପରମେସର ସେ ଲକ୍‌କେ କେମାକରି ରକିଆ କରସି । ଏଟା ଜେନ୍ତାରି ପାପ୍ ଜନ୍‌ଟା ମରନର୍ ବାଟେ ଲକ୍‌ମନ୍‌କେ ନ ଡାକିନେଏ, ସେନ୍ତାରି ପାପର୍ ପାଇ । ମାତର ପରମେସରର ଟାନେଅନି ସବୁଦିନର୍‌ପାଇ ବେଗଲ୍‌ବା ପାରା ପାପର୍ ପାଇ, ତମେ ତାକେ ଗୁଆରି କରା ବଲି ମୁଇ କଇ ନାଇ ।<sup>୧୭</sup> ସବୁ ରକାମର୍ ବୁଲ୍ କାମ୍ ପାପ୍‌ସେ । ମାତର ସବୁ ରକାମର୍ ପାପ୍ ମରନର୍ ବାଟେ ନ ଡାକିନେଏ ।

<sup>୧୮</sup> ଆମେ ଜାନିଆତୁ, ଜେ ପରମେସରର ପିଲା ଅଇଗାଲା ଆତେ, ସେ ପାପ୍‌କାମ୍ କରିଲାଗି ନ ରଏ । କାଇକେବଇଲେ ପରମେସରର ପଅ ତାକେ ଦେକାରକା କରସି । ଆରି ସଇତାନ୍ ଜେ କି ସବୁ ରକାମ୍ କାରାପ୍ କାମ୍ କରାଇସି, ତାକେ କାଇଟା କରନ୍‌ସି ।

<sup>୧୯</sup> ଆମେ ଜାନିଆତୁ, ଆମେ ପରମେସରର ପିଲାଜିଲା ଆରି ଜେ କି ତାକେ ନାଜାନେ, ସଇତାନ୍ ସେମନ୍‌କେ ସାସନ୍ କଲାନି ।

<sup>୨୦</sup> ଆମେ ଏଟା ମିସା ଜାନିଆତୁ ଜେ, ତାର ପଅ ଏ ଜଗତେ ଆଇଲା ଆରି ଆମ୍‌କେ ସତ୍ ପରମେସରକେ ଜାନାଇଲା । ଏ ସତ୍ ପରମେସରର ସଙ୍ଗ୍ ଆମେ ମିସିକରିଆତୁ । କାଇକେବଇଲେ ତାର ପଅ ଜିସୁକିରିସ୍ତର ସଙ୍ଗ୍ ଆମେ ମିସିଆତୁ । ସେ ସେ ସତ୍ ପରମେସର ଆରି ସେ ସେ ଲକ୍‌ମନ୍‌କେ ନ ସାର୍‌ବା ଜିବନ୍ ଦେଇସି ।

<sup>୨୧</sup> ଏ ମର୍ ଆଲାଦର୍ ପିଲାଟକିମନ୍, ମିତ୍ ପୁଡ଼ଲାମନର୍ ଟାନେଅନି ଦୁରିକେ ରୁଆ ।

## ଯୋହନ ଲେଖୁଥିବା ଦ୍ୱିତୀୟ ପତ୍ର ଜଅନ୍ ଦୁଇପାଲି ଚିଠି ଲେଖିଲାଟା ଏ ବଇର ବିସଇ ଜାନ୍‌ବାଟା

ଜଅନ୍ ଲେଖିଲା ଦୁଇଟା ଚିଠି ଜିସୁକିରିସ୍ଟ ଜନମେଅନି ୧୦୦ କିରିସ୍ଟାବ୍‌ଦରେ ପେରିଡ଼ ଜଅନର୍ ଲାଗି ଲେକା ଅଇରଇଲା । ଜଅନ୍ ନିଜକେ ଲେକିଆଟିବଲି ଜାନାଏନାଇ । ତାର ବାଦୁଲେ ସେ ନିଜକେ ପାରଟିନ୍ ବଲିକରି ଜାନାଇ ଅଇଲାନି । ଜଅନର୍ ଦୁତିଅ ଚିଠିର ବିସଇ ସଙ୍ଗ୍ ଜଅନ୍ ଲେଖିଲା ସୁସମାଚାର ରଇବା ବିସଇ ସଙ୍ଗେ ସମାନ୍ । ଏଟା ସତ୍‌ସଙ୍ଗ୍ ଜିସୁକେ ଜଅନ୍ ଇସାବେ ସେ ଗଟେକ୍ ଆରି ଗଟେକ୍ ଲକ୍‌କେ ଆଲାଦ୍ କରବା ସମାନ୍ । ଜିସୁର୍ ଆଦେସକେ ମନ୍‌ଦେବାଇ, ସେ ରକାମ୍ ଜିସୁର୍ ଆଦେସକେ ମାନ୍‌ବାଟା ଅଇଲାନି, ତାକେ ଆଲାଦ୍ କରବାର୍ ଜଅନ ୧:୫-୬;୧:୬-୧୦ । ଏଟା ବିସ୍‌ବାସ୍ କରିଅଇସିଜେ, ଜଅନ୍ ଜେଡେବେଲେ, ଏପିସିଏ ବାସାଅଇ ରଇଲା, ସେ ସୁବକବର୍ ସଙ୍ଗ୍ ତାର୍ ତିନ୍‌ଟା ଚିଠି ମିସା ଲେକି ରଇଲା । ସେଟା ଅଇଲାନି ୧ ଜଅନ, ୨ ଜଅନ, ଆରି ୩ ଜଅନ୍

### ଏ ବଇବିଡ଼ରେ ରଇବା ବିସଇ

- ୧. ଜଅନ୍ ଏ ଚିଠି କାର୍‌ପାଇ ଲେଖିଲାନି ଏଟା କଇ ତାର୍ ବିସ୍‌ବାସ୍ କରବା ଲକ୍‌ମନ୍‌କେ ଜୁଆର୍ ଜାନାଇଲାନି । ୧:୧-୩
- ୨. ଜଅନ୍ ତାର୍ ମଣ୍ଡଲିମନ୍‌କେ ସାଆସ୍‌ଦେଇକରି ବଡ଼ ଆଦେସର୍ ବିସଇ ମନେ ଏତାଇଦେଲାନି । ୧:୪-୬
- ୩. ସେ ମିଡ଼ିକିଆ ଦେଉ ମନର୍ ବିସଇ ଜାଗରତା କଲାନି । ୧:୭-୧୧
- ୪. ସେ ଜନ୍‌ଲଗେ ବାସାଅଇ ଆଟେ ତେଇର୍ ବିସ୍‌ବାସିମନ୍‌କେ ଜୁଆର୍ ଜାନାଇକରି ଏ ଲେକା ସାରାଇଆଟେ । ୧:୧୨-୧୩

<sup>୧</sup> ପାରଟିନ୍ ଜଅନ୍‌ଜେ ମୁଇ ଏ ଚିଠି ଲେଖିଲିନି । ଏ ଚିଠି ଆମର୍ ଆଲାଦର୍ ବଇନି ଆରି ତାର୍ ପିଲାମନର୍‌ପାଇ । ମୁଇ ସତଇସେ ତମ୍‌କେ ସବୁଲକ୍‌ମନ୍‌କେ ଆଲାଦ୍ କଲିନି । ଆରି ମୁଇସେ ନାଇ, ସତ୍ ବିସଇ ଜାନିରଇବା ସବୁଲକ୍ ମିସା । <sup>୨</sup> ଆମେ ସତ୍ ବିସଇ ଜାନିରଇଲାର୍‌ପାଇ ତମ୍‌କେ ଆଲାଦ୍ କଲିନି । ଆରି କାଲ୍‌କାଲ୍ ଜୁଗ୍‌ଜୁଗ୍ ପାଇ, ସେ ସତ୍ ବିସଇ ଜାନିରଇବୁ ।

<sup>୩</sup> ଆମର୍ ବାବା ପର୍‌ମେସର୍ ଆରି ତାର୍ ପଅ ଜିସୁକିରିସ୍ଟ ଆମ୍‌କେ ଆସିରବାଦ୍ କରି ଦୟା ଦେକାଅ ଆରି ସାନ୍ତି ଆରି ସତ୍‌ସଙ୍ଗ୍ ବର୍‌ବାକେ ଦେଅ । ତମେ ଗଟେକ୍ ଲକ୍ ଆରି ଗଟେକ୍ ଲକ୍‌କେ ଆଲାଦ୍ କରା ।

### ସତ୍ ଆରି ଆଲାଦ୍

<sup>୪</sup> ଆମର୍ ବାବା ପର୍‌ମେସର୍ ଆମ୍‌କେ ତିଆରୁଲାପାରା ତମର୍ କେଡେଟା ପିଲାଟକିମନ୍ ତାର୍ ସତ୍‌ବାଟେ ଇଣ୍ଡୁଲାଇନି ବଲି ସୁନିକରି ମୁଇ ବେସି ସାର୍‌ଦା ଅଇଲି । <sup>୫</sup> ଏବେ ଆରି ମର୍ ଆଲାଦର୍ ବଇନି, ମୁଇ ତକେ ଗଟେକ୍ ବିସଇ କରବାକେ କଇବି । ଗଟେକ୍ ନୁଆ ଆଦେସ୍ କର୍ ବଲି କଇନାଇ । ମାତର୍ କିରିସ୍ଟ ସଙ୍ଗ୍ ଜିବାକେ ଆରାମ୍ କରବା ବେଲେଅନି ଏଟା ଆମେ ସୁନି ଆଇଲୁନି । ମୁଇ ମାଙ୍ଗ୍‌ଲିନି ତମେ ଗଟେକ୍ ଲକ୍ ଆରି ଗଟେକ୍ ଲକ୍‌କେ ଆଲାଦ୍ କରା । <sup>୬</sup> ଏ ଆଲାଦର୍ ଅରଡ଼ ଅଇଲାନି ଆମେ ପର୍‌ମେସର୍ ଆଦେସ୍ ସବୁ ମାନ୍‌ବାର୍ ଆଟେ । କିରିସ୍ଟ ସଙ୍ଗ୍ ଜିବାକେ ଆରାମ୍ କରବା ବେଲେଅନି ଏଟା ଆମେ ସୁନି ଆଇଲୁନି । ତମେ ଗଟେକ୍ ଲକ୍ ଆରି ଗଟେକ୍ ଲକ୍‌କେ ଆଲାଦ୍ କରା ।

<sup>୭</sup> କାଇକେ ବଇଲେ ମୁଇ ଏନ୍ତିବଲି କଇଲିନିଜେ ସତ୍ ନ ରଇବା ବିସଇ ସିକାଇକରି ଲକ୍‌ମନ୍‌କେ ନାଡ଼ାଇବା ବେସି ଲକ୍ ଗୁଲାଇବାଟେ ଆଟଡ଼ । ଜିସୁକିରିସ୍ଟ ନରୁପ୍ ଦାରି ଏ ଜଗତେ ଆସେନାଇ ବଲି ସେମନ୍ କଇବାଇ । ଜଦି କେ ମିସା ସେନ୍ତାରି କଇଲେ, ସେ ଲକ୍‌ମନ୍‌କେ ନାଡ଼ାଇବା କିରିସ୍ଟର୍ ବିରଦି । <sup>୮</sup> ଲକ୍‌ମନ୍ ତମ୍‌କେ ନାଡ଼ାଇ ନାପାରଡ଼, ତମେ ଜାଗରଡ଼ସଙ୍ଗ୍ ରଇବାର୍ ଆଟେ । ଜେନ୍ତାର୍‌କି ପର୍‌ମେସର୍‌କେ କରବା ତମର୍ ସେବା କାମ୍ ବେକାର୍ ନ ଅ । ମାତର୍ ତମର୍ ସେବାକାମର୍ ପାଇ ପର୍‌ମେସର୍ ତମ୍‌କେ ପୁରାପୁରୁନ୍ ଅଇଡେ ଇନାମ୍ ଦେଇସି ।

<sup>୯</sup> ଜଦି କେ କିରିସ୍ଟ ସିକାଇଲା ବିସଇ ବିସ୍‌ବାସ୍ ନ କରେ, ଆରି ତାର୍ ସିକିଆର୍ ସଙ୍ଗ୍ ତାର୍ ନିଜର୍‌ଟା ମିସାଇଲେ, ସେ କିରିସ୍ଟର୍ ସଙ୍ଗ୍ ମିସେନାଇ । ମାତର୍ କେ ଜଦି କିରିସ୍ଟ ସିକାଇଲା ବିସଇ ବିସ୍‌ବାସ୍ କର୍‌ଡେରଇସି, ସେ ବାବା ପର୍‌ମେସର୍ ସଙ୍ଗ୍ ଆରି ତାର୍ ପଅ ଜିସୁକିରିସ୍ଟ ସଙ୍ଗ୍ ମିସ୍‌ଲାଆଟେ । <sup>୧୦</sup> ଡେବର୍‌ପାଇ କେ ଜଦି ତମର୍‌ଟାମେ ଆସି, କିରିସ୍ଟ ସିକାଇରଇବା ବିସଇଡେଇଅନି ବିନ୍ ବିସଇ କଇଲେ, ତାକେ ତମର୍ ଗରେ ମୁଲ୍‌କେ ଡାକିନିଆ ନାଇ, କି ସଙ୍ଗ୍‌ର ବିସ୍‌ବାସି ଇସାବେ ଜୁଆର୍‌ବିଆର୍ କରାନାଇ । <sup>୧୧</sup> ଜଦି କେ ମିସା ସେନ୍ତାରି ଲକ୍‌କେ ଜୁଆର୍‌ବିଆର୍ କର୍‌ସି, ସେ ବୁଲ୍ ସିକାଉର୍ ସଙ୍ଗ୍ ମିସିକରି ତାର୍ କାରାପ୍ କାମେ ମିସ୍‌ଲାନି ।

### ସାରା ସାରି ବେଲର୍ କାତା

☆ ୧:୫ ୧:୫ ଜଅନ୍ ୧୩:୩୪;୧୫:୧୨,୧୭

<sup>୧୨</sup> ମୁଇ ତମ୍ବେ ବେସି ବିସଇ ଲେକ୍‌ବାକେ ମନ୍ କଲିନି, ମାତର୍ ଚିଟିଟାନେ ଲେକ୍‌ବାକେ ମନ୍ କରିନାଇ ।  
ତାର୍‌ବାଦୁଲେ ଆସିକରି ତମର୍ ମୁଆଟେ କାତା ଅଇବି । ତେବେ ଆମେ ପୁରାପୁରୁନ୍ ସାର୍‌ଦା ଅଇବୁ ।

<sup>୧୩</sup> ପର୍ମେସର୍ ବାଚିରଇବା ବଇନିର୍ ପିଲାମନ୍, ତମ୍ବେ ଜୁଆର୍ ଜାନାଇଲାଇନି ।

## ଯୋହନ ଲେଖିଥିବା ତୃତୀୟ ପତ୍ର ଜଅନ୍ ତିନିପାଲି ଚିଠି ଲେଖିଲାଟା ଏ ବଇର ବିସଇ ଜାନ୍‌ବାଟା

ଜଅନର ତିନିପାଲି ଚିଠି ଜଅନର ଲାଗି ୫୦-୧୦୦ କିରିସ୍‌ଟାବ୍‌ଦରେ ଜିସୁ କିରିସ୍‌ଟର ଜନମ୍ ପତେ ଲେକାଅଇ ରଇଲା । ଜଅନ୍ ନିଜକେ ଲେକିଆଟି ବଲିକରି ଜାନାଇଅଇ ନିଜକେ ପାର୍‌ତିନ୍ ଇସାବେ କଇଲାନି ୧:୧ ସେ ଜଅନର ଦୁଇଟା ଚିଠିତେଇ ଜେନ୍ତାର ଲେକି ରଇଲା ୧:୧ । ଏଟା ବିସବାସ୍ କରି ଅଇସିଜେ, ସେ ଏପିସିତେଇ ରଇବାବେଲେ ଜଅନ ଲେଖିଲା ନିମାନ୍ କବର୍‌ସଙ୍ଗ୍ ୩ ଟା ଚିଠିମିସା ଲେକି ରଇଲା । ୧ ଜଅନ୍ ୨ ଜଅନ୍ ୩ ଜଅନ୍,

ଜଅନ୍ ଗାଅ ନାଉଁର୍ ଗଟେକ୍ ବିସ୍‌ବାସିକେ ଏ ଚିଠି ଲଗେ ଲେଖିଲା ଆଟେ ।

### ଏ ବଇ ବିତ୍‌ରେ ରଇବାଟା

୧. ଜଅନ୍ ତାର ଚିଠିର୍ ବିସଇ ଜାନାଇଲାନି । ୧:୧

୨. ସେ ଗାୟକେ ସାଆସ୍ ଦେଇକରି ନଅର୍ ମନ୍କେ ବୁଲ୍‌ତେ ରଇବା ବିସ୍‌ବାସି ବାଇମନ୍କେ, ଗତିଆ କୁଟୁମ୍‌କେ ଡାକି ଦେକାରକା କର୍‌ବାକେ ସିକାଇଲାନି । ୧:୨-୮

୩. ସେ ଦୁଇଲକ୍‌କେ ଡାୟ୍‌ଟେପିସ୍ ଆରି ତିମିଟିଅସ୍ ବିସଇ କଇସି । ୧:୯-୧୨

୪. ସାରାସାରି ପତେ ଲେକା ସାରାଇଆଟେ । ୧:୧୩-୧୪

୧\*ଏ ମଣ୍ଡଲିର୍ ପାର୍‌ତିନ୍ ଇସାବେ ମୁଇ ଜଅନ୍,

ଏ ଚିଠି ଆଲାଦର୍ ଗାଇସ୍, ତକେ ଲେକ୍‌ଲିନି । ମୁଇ ତକେ ସତଇସେ ଆଲାଦ୍ କଲିନି ।

୨ ଏ ମର୍ ଆଲାଦର୍ ମଇତର୍, ତମେ ଗାଗଡ୍ ଇସାବେ ବପୁ ଉଆ ଆରି ତମର୍ ସବୁ କାମ୍ ନିକ ଅ ବଲି ମୁଇ ପାର୍‌ତନା କଲିନି । ଜେନ୍ତାରିକି ମୁଇ ଜାନି, ତମେ ଆଡ଼ମାଇ ମିସା ନିକସେ ଆଟାସ୍ । ୩ ପର୍‌ମେସରର୍ ସତ୍ ବାଟ୍ ଇସାବେ ତମେ ଚଲାଟଲ୍‌ତି କଲାସ୍‌ନି ବଲି କେତେଟା ସଙ୍ଗର୍ ବିସ୍‌ବାସି ବାଇମନ୍ ଇତି ଆସିକରି ଆମ୍‌କେ କଇଲାଇ । ଆରି ତମେ ସେନ୍ତାରିସେ ଚଲାଟଲ୍‌ତି କଲାସ୍‌ନି ବଲି ମୁଇ ଜାନି । ୪ ମର୍ ପିଲାମନ୍ ସତ୍ ଇସାବେ ଚଲାଟଲ୍‌ତି କଲାଇନି ବଲି ସୁନ୍‌ଲାତେଇଅନି ଆରି କାଇ ବିସଇ ମକେ ସାର୍‌ଦା ନ କରାଏ ।

### ଗାୟସର୍ ସତ୍ କରମର୍ ମଇମା

\* ମର୍ ଆଲାଦର୍ ମଇତର୍, ତମର୍ ସଙ୍ଗ୍ ରଇବା ବିନ୍ ଦେସର୍ ବିସ୍‌ବାସି ବାଇମନର୍‌ପାଇ ତମେ କର୍‌ବା କାମ୍ କେବେ କେବେ ନାଜାନିରଇଲେ ମିସା ସତ୍‌ସଙ୍ଗ୍ କଲାସ୍‌ନି । ୨ ତାକର୍ ବିତ୍‌ରେଅନି କେତେକ୍ ଲକ୍ ଇତିର୍ ମଣ୍ଡଲିର୍ ଲକ୍‌ମନ୍କେ ତମର୍ ଆଲାଦର୍ ବିସଇ କାତା ଅଇଲାଇଆଟତ୍ । ସେନ୍ତାରି ଲକ୍‌ମନ୍କେ, ଜେତେବେଲେ ତମ୍‌କେ ଚାଡି ଅଲ୍‌ଗା ଜାଗାମନ୍କେ ଜିବାବେଲେ, ଆଗ୍‌କେ ପଡ଼କେ କାଇଟା ନ ବାବିକରି ସାଇଜ କରିଲାଗିରୁଆ । ୨ ଏ ଲକ୍‌ମନ୍ ଜିସୁକିରିସ୍‌ଟର୍ ସେବା କାମର୍‌ଲାଗି ଗୁଲାଇବାଟେ ବୁଲ୍‌ଲାଇନି । ଆରି କିରିସ୍‌ଟକେ ବିସ୍‌ବାସ୍ ନ କର୍‌ବା ଲକ୍‌ମନର୍‌ତେଇଅନି ସେମନ୍ କାଇ ସାଇଜ ନ ମାଙ୍ଗ୍‌ତ୍ । ୮ ତେବର୍‌ପାଇ ଆମେ ତାକର୍ ସଙ୍ଗର୍ ବିସ୍‌ବାସିମନ୍, ସେମନ୍‌କେ ଜାଇଟା ଲତାଆଟେ ସେଟା ଦେଇତେରତ୍ । ଏନ୍ତାରି ଲକ୍‌ମନ୍କେ ସତ୍ ଜାନାଇବା କାମ୍‌ଟାନେ ଆମେ ମିସିକରି କରୁ ।

### ଡାୟ୍‌ଟେପିସ୍ ଆରି ତିମିଟିଅସ୍

୯ ତମର୍ ନଅରେ ରଇବା ମଣ୍ଡଲିର୍ ଲକ୍‌ମନ୍କେ ମୁଇ ଆଗ୍‌ତୁ ଗଟେକ୍ ଚିଠି ଲେକିରଇଲି । ମାତର୍ ଡାୟ୍‌ଟେପିସ୍ ମର୍ କାତା ଦାରେନାଇ । କାଇକେବଇଲେ ସେ ନିଜେ ମଣ୍ଡଲିର୍ ନେତା ଅଇବି ବଲି ମନ୍‌କଲାନି । ୧୦ ତେବର୍‌ପାଇ ମୁଇ ଜେତେବେଲେ ତମର୍ ନଅରେ ଆଇବାବେଲେ ଡାୟ୍‌ଟେପିସ୍ ଜାଇଟା କଲାନି, ସେଟାସବୁ ମଣ୍ଡଲିର୍ ଲକ୍‌ମନ୍କେ, କଇଦେବି ବଲି ମନ୍ କଲି । ସେ ମର୍ ବିରୁଦେ, ନ କର୍‌ଲାଟାମନ୍ କଇବୁଲ୍‌ଲାନି । ଆରି ତାର୍‌ତେଇଅନି ଅଦିକ୍ କାରାପ୍‌ଟା ମିସା ସେ କଲାନି । ଆମର୍ ସଙ୍ଗର୍ ବିସ୍‌ବାସିମନ୍, ଜେକି ସୁବ୍‌କବର୍ ଜାନାଇଲାଇନି, ସେ ସେମନ୍‌କେ ଡାକିନେବାକେ ନିବୁଲାନି । ଜନ୍ ଲକ୍‌ମନ୍ ସେମନ୍‌କେ ଡାକିନେବାକେ ମନ୍ କଲାଇନି, ସେମନ୍‌କେ ତେବାଇଲାନି । ସେନ୍ତାରି ଲକ୍‌ମନ୍କେ ମଣ୍ଡଲିର୍ ସବାତେଇ ଆଇବାକେ ମନାକଲାନି ।

୧୧ ଆଲାଦର୍ ମଇତର୍, କାରାପ୍ କାମ୍ କରି ଚଲାଟଲ୍‌ତି କର୍‌ବା ଲକ୍‌ମନର୍ ପାରା ଉଆନାଇ । ତାର୍ ବାଦୁଲେ ନିକ କାମ୍ କର୍‌ବା ଲକ୍‌ମନର୍‌ପାରା ଉଆ । ଜଦି କେ କାରାପ୍ କାମ୍ କଲେ, ତାର୍ କାମେଅନି ସେ ପର୍‌ମେସର୍‌କେ ନାଜାନେ ବଲି ଡିସ୍‌ଲାନି ।

\* ୧:୧ ୧:୧ ପେରିଡ୍ ୧୯:୨୯; ରମିୟ ୧୭:୨୩; ୧ମ କରନ୍ଥ୍‌ୟ ୧:୧୪

୧୨ ଡିମିତିର୍ ଗଟେକ୍ ନିକ ଲକ୍ ବଲି ମଣ୍ଡଲିର୍ ସବୁଲକ୍ କଇଲାଇନି । ସେ ସତ୍ ବିସଇ ଇସାବେ ଚଲାଚଲ୍ତି କଲାନି । ତେବର୍ପାଇ ସେ ଗଟେକ୍ ନିକ ଲକ୍ ବଲି ଆମେ ଜାନିଆରୁ । ସେ ଗଟେକ୍ ନିକ ଲକ୍ ବଲି ମୁଇ ମିସା ସାକିଦେଲିନି । ଆରି ତମେ ଜାନାସ୍ ଆମେ ଗଟେକ୍ ଲକ୍ କାଇଆଲେ ବିସଇ କଇଲେ, ସେଟା ସତ୍ ।

### ସାରା ସାରି କାତା

୧୩ ତମକେ ମୁଇ ବେସି ବିସଇ କଇବାକେ ମନ୍ କଲିନି, ମାତର୍ ଚିଟିଟାନେ ଲେକ୍ବାକେ ମନ୍ କରିନାଇ । ୧୪ ମୁଇ ଦାପ୍ରେ ତମର୍ଟାନେ ଆସିକରି ତମର୍ ମୁଆଟେ ସବୁ କାତା କଇବି ।

୧୫ ପରମେସର୍ ତମକେ ସାନ୍ତି ଦେଅ ।

ମଣ୍ଡଲିତେଇ ରଇବା ତମର୍ ସବୁ ମଇତର୍ମନ୍ ଜୁଆର୍ ଜାନାଇଲାଇନି । ତମର୍ ନଅରର୍ ମଣ୍ଡଲିତେଇ ରଇବା ମର୍ ସବୁ ମଇତର୍ମନ୍କେ ଗଟେକ୍ ଗଟେକ୍ ଲକ୍କେ, ଜୁଆର୍ ଜାନାଆ ।

## ଜିଉଦାଙ୍କ ପତ୍ନୀ ଜିଉଦା ଲେକ୍‌ଲା ଚିଠି ଏ ବଇର ବିସଇ ଜାନବାଟା

ଏ ଚିଠି ଲେକ୍‌ଲା ଲକ୍‌ମ୍ ନାଉଁ ଇସାବେ ଏ ବଇର ନାଉଁ ଦିଆଅଇଆତେ । ଜିଉଦା ନିଜେ ଜାକୁବ୍ ଜିସୁର୍ ବାଇ ବଲି ଜାନାଇଅଇଲାନି । ତେବର୍‌ପାଇ ତାକେ ଜିସୁର୍ ବାଇମନର୍ ବିତ୍‌ରେଅନି ଗଟେକ୍ ଲକ୍ ବଲି କଇବାଇ ୧ ପୁରନା ନିୟମର୍ ବିସଇ ଉଦାର୍ କରଇଲାଇକେ ଏଟା ଗଟେକ୍ ନିକ ମାଣ୍ଡଲିକେ ଲେକା ଅଇରଇଲା ପାରା ମନେ ଆଇସି । ଜିଉଦାର୍ ଚିଠି ସତ୍‌ରେ ପତ୍‌ବା ଲକ୍‌ମନ୍ ଜିଉଦି ବଲି ଜାନାଇଅଇଲାଇନି । ଜନ୍ ଲକ୍‌ମନ୍ କି ବାବା ପର୍‌ମେସର୍‌ର ଆଲାଦେ କିରିସ୍‌ଟର୍ ପାଇ ସଙ୍ଗାଅଇଆତତ୍ । ଜାଇଟା ଅବେ, ଜିଉଦା ବାଟାଇଅଇରଇବା ସବୁ ଲକ୍‌ମନ୍‌କେ ନିଜର୍ ବିସଇରେ ଜାନାଇଲାନି । ଏ ଚିଠି ଜିସୁକିରିସ୍‌ଟ ଜନମ୍ ଅଇକରି ପାକାପାକି ୬୦ ବିତ୍‌ରେ ଲେକାଅଇରଇଲା ।

ଜନ୍ ଲକ୍‌ମନ୍ ଟକାବଣ୍ଡା କର୍‌ବା ବିସ୍‌ବାସି ମନର୍ ବାଟେ ଜାଇତେରଇଲାଇ, ସେ ସବୁ ବିସ୍‌ବାସିମନ୍‌କେ ଜାଗ୍‌ରତ୍ କରାଇବାକେ ଲେକାଅଇଆତେ । ସେ ଦଦାପେଲା ଅଇକରି ପୁରନା ନିୟମର୍ ବିସଇ ଆରି ଗଟିରଇବା ବିସଇ କଇଲାନି । ଏ ଚିଠିତେଇ ମିର୍ ସିକାଉମନର୍ ବିରୁଦେ ପିତରର୍ ୨ ଯ୍ ଚିଠିତେଇ ବାବିକରି ଲେକା ଅଇଲାଟା ସଙ୍ଗ ମିସିଆତେ । ଇତି ଦୁତ୍ ଆରି ସଦମ୍ ଗମ୍‌ରା ବିସଇ ମିସା ଲେକାଅଇଆତେ ଜିଉଦା ୧:୪; ୨ ଯ୍ ପିତର୍ ୨:୧

### ଏ ବଇ ବିତ୍‌ରେ ରଇଲାଟା

- ୧. ଜିଉଦା ପର୍‌ତୁମ୍ ତାର୍ ଚିଠି ପତ୍‌ବା ଲକ୍‌ମନ୍‌କେ ନିଜର୍ ବିସଇ ଜାନାଇଆତେ । ୧:୧-୨
- ୨. ମିର୍ ସିକାଉମନର୍ ବିରୁଦେ ଜାଗ୍‌ରତ୍ କରାଇଆତେ । ୧:୩-୪
- ୩. ସେ ପୁରନା ନିୟମର୍ ଲକ୍‌ମନ୍‌କେ ଆରି ଅଇରଇବା ଗଟ୍‌ନାକେ ଦେକାଇ କଇବା ବିସଇ । ୧:୫-୧୬
- ୪. ଜାକୁବ୍ ଜାଗ୍‌ରତ୍ କରାଇଲାଟା, ସେ ବିସଇ ସେମନର୍ ଦାଇତ୍ କେନ୍ତାର୍ ରଇବାର୍ ଆତେ ସେ ବିସଇ କଇଲାଆତେ ୧:୧୭-୨୩
- ୫. ସାରାସାରି ସେ ପର୍‌ମେସର୍‌କେ ତାକ୍‌ପୁଟା କରି ସେ ଲେକ୍‌ବାଟା ସାରାଇଆତେ । ୧:୨୪-୨୫

୧ \* ମୁଇ ଜିଉଦା । ଜିସୁ କିରିସ୍‌ଟର୍ ଗଟେକ୍ ଗତିଦାଙ୍ଗ୍‌ତା ଆରି ଜାକୁବର୍ ବାଇ । ଜନ୍ ଲକ୍‌ମନ୍‌କେ ପର୍‌ମେସର୍ ବାଟ୍‌ଲାଆତେ, ସେମନର୍‌ପାଇ ମୁଇ ଏ ଚିଠି ଲେକ୍‌ଲିନି । ବାବା ପର୍‌ମେସର୍ ତମ୍‌କେ ଆଲାଦ୍ କଲାନି । ଆରି ତମ୍‌କେ ଜିସୁକିରିସ୍‌ଟ ଦେକାରକା କର୍‌ବାକେ ସଙ୍ଗାଅଇଆତେ ।

୨ ପର୍‌ମେସର୍ ତମ୍‌କେ ଦୟା ଦେକାଅ, ତାର୍ ସାନ୍ତି ଆରି ଆଲାଦ୍ ତମ୍‌କେ ଜବର୍ ଅଇତେ ମିଲ ।

### ବୁଲ୍ ସିକିଆ ଦେଉମନ୍

୩ ଏ ମର୍ ଆଲାଦର୍ ମଇତର୍‌ମନ୍, ଆମେ ପାଇରଇବା ମୁକ୍‌ତିର୍ ବିସଇ ତମ୍‌କେ ଲେକ୍‌ବି ବଲି ମନ୍ କଲିନି ମିସା, ସତ୍ ବିସଇରପାଇ ଚିଆ ଅଇବାକେ ତମ୍‌କେ ସାରଦା କରାଇବି ବଲି ମନ୍‌କଲି । ତାର୍ ସୁକଲ୍ ଲକ୍‌ମନର୍‌ପାଇ ପର୍‌ମେସର୍ ଏ ସତ୍ ସିକିଆ ଗଟେକ୍ ବେଲେ ସବୁଲକ୍‌ମନ୍‌ପାଇ ଦେଲାଆତେ । ୪ କାଇକେବଇଲେ ବିସ୍‌ବାସି ବଲି କେତେକ୍ ନାଡାଇବା ଲକ୍ କେ ନାଜାନତେ ପୁରିଆତତ୍ । ଏ ଲକ୍‌ମନ୍ ପାଇବା ତଣ୍ଡ ଆଗର୍ କାଲେଅନି ସାସ୍‌ତରେ ଲେକାଅଇଆତେ । ଏ ଲକ୍‌ମନ୍ ପର୍‌ମେସର୍‌ର ଅଦିକାର୍ ନାମତ୍‌ନାଇ । ଆମର୍ ପର୍‌ମେସର୍ ଦରମ୍‌ଟା ବଲି ଲକ୍‌ମନ୍ ଜେନ୍ତାର୍ ସେନ୍ତାର୍ ବେସିଆ କାମ୍ କଲେମିସା କାଇଟା ନର୍ ବଲି କଇଲାଇନି । ମାପୁରୁ ଜିସୁକିରିସ୍‌ଟସେ ଆମର୍ ମାଲିକ୍ ବଲି ସେମନ୍ ନାମତ୍‌ନାଇ ।

୫ ଏ ସବୁ ବିସଇ ତମେ ଜାନିରଇଲେ ମିସା ମାପୁରୁ ଇସରାଏଲର୍ ଲକ୍‌ମନ୍‌କେ ମିସର୍ ଦେସେଅନି ମୁକ୍‌ଲାଇକରି ଆନ୍‌ଲା ବିସଇ ତମ୍‌କେ ଏତାଇଦେବାକେ ମୁଇ ମନ୍ କଲିନି । ମାତର୍ ପଟେ ଜେଡ୍‌କି ଲକ୍ ବିସ୍‌ବାସ୍ କରତ୍‌ନାଇ, ସେମନ୍‌କେ ସବୁକେ କୁରୁପ୍‌ନାସ୍ କଲା । ୬ ସେଡ୍‌କିସେ ନର୍ ସେ ଦୁତ୍‌ମନ୍‌କେ ମିସା ତଣ୍ଡ ଦେଇରଇଲା । ପର୍‌ମେସର୍ ସେମନ୍‌କେ ଜେଡ୍‌କି ଅଦିକାର୍ ସର୍‌ପି ଦେଇରଇଲା, ସେମନ୍ ତାର୍‌ତେଇଅନି ଅଦିକ୍ ନେଲାଇ । ଆରି ତାକର୍ ଦେଇରଇବା ଜାଗା ଚାଡ୍‌ଲାଇ । ସେ ସେମନ୍‌କେ ବିଚାର୍ କର୍‌ବା ଦିନ୍ ଜାକ, ଗଟେକ୍ ଆନ୍ଦାର୍ ଜାଗାଇ, କେ ବାଙ୍ଗାଇ ନାପାର୍‌ଲା ପାରା, ସିକ୍‌ଲି ସଙ୍ଗ ବାନ୍ଦିଆତେ । ୭ ସଦମ୍ ଗମ୍‌ରା ଆରି ତାର୍ ଚାରିବେଟ୍‌ତି ରଇବା ନଅର୍‌ମନର୍ ବିସଇ ଏତାଇଦେକା । ନ ଲିବ୍‌ବା ଜଇଟାନେ ତଣ୍ଡ ଇସାବେ ସେମନ୍ ଜେଡ୍‌କି ଦୁକ୍ କସ୍‌ଟ ପାଇଲାଇ, ସେଟା ସବୁଲକ୍‌ମନ୍‌ପାଇ ଗଟେକ୍ ଜାଗ୍‌ରତ୍ ଅଇରଇବା ବିସଇ । ସେମନ୍ ଅବ୍‌କା ପାଦ୍‌ରା ପାଦ୍‌ରି କାମ୍‌ସେ କରତ୍‌ନାଇ ମାତର୍ ମନସ୍ ମନସ୍ ବିତ୍‌ରେ ମାଇଜି ମାଇଜି ବିତ୍‌ରେ ବେସିଆ କାମ୍ କର୍‌ତେ ରଇଲାଇ ।

୮ ସେନ୍ତାରିସେ ଏ ଲକ୍‌ମନ୍ ନିଜେ ଦରସନ୍ ପାଇକରି ମିସା ପାଦ୍‌ରା ପାଦ୍‌ରି କାମ୍ କରି ନିଜର୍ ଗାଗତ୍ ଅସୁକଲ୍ କଲାଇନି । ମାପୁରୁ ଅଦିକାର୍ ସେମନ୍ ଗିନ୍ କରି ସର୍‌ଗେ ରଇବାଟାମନ୍‌କେ ନିନ୍ଦା କଲାଇନି ।

\* ୧:୧ ୧:୧ ମାଡିଉ ୧୩:୫୫; ମାର୍‌କ ୬:୩



୯୫ ମୁକ୍ତି ଅଦୃଶ୍ୟ ମିତ୍ରା ଶାସ୍ତ୍ରୀ ମିତ୍ରା ଶାସ୍ତ୍ରୀ ମିତ୍ରା ଶାସ୍ତ୍ରୀ ନେଇକରି ତପ୍ତବାକେ କାର୍ ଅଦିକାର୍ ଆଚେ ବଲିକରି ସଇତାନର୍ ସଙ୍ଗେ ଦଦାପେଲା କରତେରଇଲା । ସେଡ଼କିବେଲେ ପର୍ମେସର୍ ଜାଗାଇ ରଇ, ସଇତାନକେ ବିଚାର କରବା ଅଦିକାର୍ ନେବାକେ ସେ ସାଆସ୍ କରେନାଇ । ତାର୍ ବାଦୁଲେ ମାପୁରୁ ତକେ ଡଣ୍ଡ ଦେଇସି ବଲି କଇଲା । ୯୦ ଏଲେମିସା ଏ ଲକ୍ମନ୍ ନ ବୁଜବା ବିସଇ ନେଇ ନିନ୍ଦା କାତା କଲାଇନି । ସେମନ୍ ଜେଡ଼କି ବିସଇ ବୁଜଲାଇନି, ସେଟା ସେମନ୍କେ ଅଦିକ୍ ବାବ୍ବାକେ ନ ପଡେ । ଜେନ୍ତାରି, କି ପସୁମନ୍ କାଇ ବିସଇ ନ ବାବଡ଼ । ଏ ସମାନ୍ ବିସଇ ଆକା ସେମନ୍କେ କୁରୁପନାସ୍ କରସି । ୯୧ ସେମନ୍ କେତେକ ଡଣ୍ଡ ପାଇବା ଲକ୍ ସେମନ୍ କଇନର୍ ବାଟ୍ ଦାରଲାଇ ଆଚଡ଼ । ବିଲିଆମ୍ ପାପ୍ କଲାପାରା ସାରଦା ସଙ୍ଗେ ପାପ୍ କଲାଆଚଡ଼ । କରା ବିରଦ୍ କଲାପାରା ସେମନ୍ ବିରଦ୍ କରି କୁରୁପନାସ୍ ଅଇବାଇ । ୯୨ ତମେ ଗଟେକ୍ତେଇ ରୁଣ୍ଡିକରି ମିସି କାଇଲାବେଲେ, ତମର୍ ସଙ୍ଗେ ସେମନ୍ ଲାଜ୍ ଲାଗୁବା କାମ୍ କଲେ ମିସା ସେମନ୍ ତମର୍ ମୁଆଟେ ଲାଜ୍ ନ ଅଇକରି ସାଆସ୍ ସଙ୍ଗେ କାଇଲାଇନି । ମେଣ୍ଡାମନ୍କେ ନ ଚାରାଇ ନିଜେ ଚାରାଇଅଇଲା ଗଉଡ଼ ପାରା ଅଇଲାଇନି । ପବନ୍ ଆଇଲେ ଉଡ଼ାଇନେବା ପାନି ନ ମାରବା ବାଦଲ୍ପାରା ଏମନ୍ ଆଚଡ଼ । ପଲ୍ ଦେବା ବେଲାଇ କାଇପଲ୍ ନ ରଇବା ଗଡ଼ ଜେନ୍ତାରି ଉପାଡ଼ିକରି ସୁକ୍ବାକେ ଚାଡ଼ଲାପାରା, ସେନ୍ତାରି ଅଇ ସେମନ୍ ଆଚଡ଼ । ୯୩ ସେମନ୍ ସମ୍ବୁରୁର ଲଅଡ଼ି ଜେନ୍ତାରି ପେପୁଲ୍ ବାକ୍ କରସି, ସେ ପେପୁଲ୍ପାରା ତାକର୍ ଲାଜ୍ ଚଲାଚଲ୍ଡି ଡିସିସି । ଆକାସର୍ କେତେକ୍ କେତେକ୍ ତାରାମନ୍ ଜେନ୍ତାରି ତାକର୍ ପାଇ ରଇବା ଜାଗାଇ ନ କିନ୍ଦିକରି ବିନ୍ଦାଟେ ବୁଲ୍ତେରଇବାଇ, ସେମନ୍ ସମାନ୍ ସେନ୍ତାରିସେ । ପର୍ମେସର୍ ସେମନ୍ପାଇ ଗଟେକ୍ ବଡ଼ ଗଇରି ରଇବା ଆନ୍ଦାର୍ ଜାଗା ସଙ୍ଗେଆଚେ । ଜିକ୍ତିକି ସେମନ୍ ସବୁଦିନପାଇ ରଇବାଇ ।

୯୪ ଅନକର୍ ବିସଇ ବାବିଦେକା । ସେ ଆଦମର୍ଗାନେ ଅନି ଆଇବା ସାଡ଼ ଲମର୍ ନାତିତିତି । ଏନ୍ତାରିଲକ୍ମନ୍ ବିସଇନେଇ ସେ ବବିସଡ଼ବକ୍ତା ଏନ୍ତାରି କଇଲା, ଦେକା ମାପୁରୁ ତାର୍ ଅଜାର୍ ଅଜାର୍ ସୁକଲ୍ ଦୁଡ଼ମନ୍ ସଙ୍ଗେ ଆଇସି । ୯୫ ସେ ସବୁଲକ୍ତେ ବିଚାର କରସି । ଆରି ଜେଡ଼କି ଲକ୍ ତାକେ ନାମଡ଼ନାଇ, ସେମନ୍ ସବୁଲକ୍ତେ ଦସି କରସି । ସେମନ୍ କରଇରଇବା ସବୁ କାରାପ୍ କାମର୍ ଲାଗି ମିସା ଦସିଅଇବାଇ ।

୯୬ ଏ ଲକ୍ମନ୍ ମୁର୍ମୁରା ଅଇକରି ବିନ୍ ଲକ୍ମନ୍କେ ନିନ୍ଦା କରବାଇ । ନିଜର୍ କାରାପ୍ ମନ୍ କଲାଟା ପୁରାପୁରୁନ୍ କରବାକେ ମନ୍ କରବାଇ, ନିଜର୍ ବିସଇନେଇ ବଡ଼ପନ୍ ଅଇବାଇ ଆରି ନିଜର୍ ଲାବ୍ ପାଇବାକେ ବିନ୍ଲକ୍ତେ ନିକ କାତା କଇ ସୁଡ଼ରାଇବାଇ ।

**ଜାଗରଡ଼ ରଇବାକେ ଆଦେସ୍**

୯୭ ମାତର୍ ଏ ମର୍ ଆଲାଦର୍ ମଇତର୍ମନ୍, ଆମର୍ ମାପୁରୁ ଜିସୁ କିରିସ୍ଟର୍ ପେରିଡ଼ ସିସମନ୍ କାଇଟା ଅଇସି ବଲି କଇଲାଟା ତମର୍ ମନେ ରଅ । ୯୮ \* “ସାରାସାରି ଦିନ୍ ମନ୍କେ ମାପୁରୁକେ କିଜାଇକରି ନିଜର୍ କାରାପ୍ ମନ୍ କଲାଟା ପୁରାପୁରୁନ୍ କରବାକେ ମନ୍ କରବା ଲକ୍ମନ୍ ରଇବାଇ ।” ସେମନ୍ ତମ୍ବକେ ଏକ୍ତି କଇରଇଲାଇ । ୯୯ ଏନ୍ତାରି ସେମନ୍ ଲକ୍ମନ୍କେ ବେଗ୍ଲାଇବାଇ, ନିଜର୍ କାରାପ୍ ମନ୍ କଲାଟା ପୁରାପୁରୁନ୍ କରବାକେ ମନ୍ କରବାଇ । ସେମନ୍ ସୁକଲ୍ଆଡ଼ମା ପାଅଡ଼ନାଇ । ୧୦୦ ମାତର୍ ତମେ ମର୍ ଆଲାଦର୍ ମଇତର୍ମନ୍, ଆମର୍ ବେସି ସୁକଲ୍ ରଇବା ବିସବାସେ ନିଜେ ତାଟ୍ ଅଇତେରୁଆ । ସୁକଲ୍ଆଡ଼ମାର୍ ସାଇଜ ନେଇ ପାରତନା କରତେରୁଆ । ୧୦୧ ମାପୁରୁ ଜିସୁକିରିସ୍ଟ ବାଉଡ଼ି ଆଇବା ଦିନ୍କେ ଜାଗ୍ତେରୁଆ ଆରି ପର୍ମେସର୍ ଆଲାଦେ ବଡ଼ିଆସା । ସେନ୍ତାରିଆଲେ ତମେ ତାର୍ସଙ୍ଗେ କାଲ୍କାଲ୍ ଜୁଗ୍ଜୁଗ୍ ରଇସା । କାଇକେବଇଲେ ସେ ଆମ୍ବକେ ଦୟା ଦେକାଇଲା ଆଚେ ।

୧୦୨ ଦୁଇମନିଆ ଅଇବା ଲକ୍ମନ୍କେ ଦୟା ଦେକାଆ । ୧୦୩ କେବେ ନ ଲିବ୍ବା ଜଇଟାନେଅନି ଚାଡ଼ାଇକରି ସେମନ୍କେ ରକିଆ କରା । ତରିକରି ପାପ୍କରବା ଲକ୍ମନ୍କେ ଦୟା ଦେକାଆ । ମାତର୍ ତାକର୍ ପାପ୍କାମେ ମୁରକି ରଇବା ବସ୍ତର୍ ମିସା ଗିନ୍ କରା ।

୧୦୪ ତମେ ଜେନ୍ତାରିକି ନ ଅଦର୍ତେ, ପର୍ମେସର୍ ତମକେ ଦେକାରକା କରସି । ସେ ଅଇଲାମି ମଇମା ପାଇବା ପର୍ମେସର୍ । କାଇ ଦସ୍ ନ ଦାରି ସାରଦାସଙ୍ଗେ ତମକେ ତାର୍ ମୁଆଟେ ଟିଆକରାଇବାକେ ତାର୍ ବପୁଆଚେ । ୧୦୫ ଆମର୍ ମାପୁରୁ ଜିସୁକିରିସ୍ଟର୍ ଲାଗି ସେ ଗଟେକ୍ ସେ ପର୍ମେସର୍, ଜେ କି ଆମ୍ବକେ ରକିଆ କଲାଆଚେ । ସବୁ ତାକ୍ପୁଟା, ମଇମା, ବପୁ ଆରି ସାସନ୍ କାଇଟା ନ ଅଇତେ ତାର୍ଟାସେ ରଇଲା, ଏବେ ତାର୍ଟାସେ ଆଚେ ଆରି କାଲ୍ କାଲ୍ ଜୁଗ୍ ଜୁଗ୍ ତାର୍ଟାସେ ରଇସି । ଆମେନ୍ !

☆ e:୯ e:୯ ପର୍କାସିତ ୧୨:୭ ☆ e:୧୮ e:୧୮ ୨ ଯ ପିତର୍ ୩:୩

## ଯୋହନ ଦର୍ଶନ ପାଇଥିବା ପୁସ୍ତକ ଜଅନ୍ ଦର୍ସନ୍ ପାଇରଇବା ବଇ ଏ ବଇ ବିସଇରେ ଜାନ୍ବାଟା

ପଢ଼କାସିତ ବଇ ନୁଆ ନିୟମର୍ ସାରାସାରି ବଇ । ଏ ବଇ ମିସା ଜଅନ୍ ଲେକିରଇଲା । ଏଟା ଜିସୁକିରିସ୍ଟ ଜନମ୍ ଅଇକରି ପାକାପାକି ୯୫ ବେଲେ ଲେକାଅଇରଇଲା ୧:୧ । ସେ ଜଅନ୍ ସୁବକବର୍ ସଙ୍ଗ୍ ତିନଟା ଚିଟି ମିସା ଲେକିରଇଲା । ଜନଟାମନ୍ କି, ୧ ମ ଜଅନ୍, ୨ ଯ୍ ଜଅନ୍ ଆରି ୩ ଯ୍ ଜଅନ୍ । ଜଅନ୍ ଜାକେ କି ଜିସୁ ବେସି ନିକଲକ୍ ବଲି ଦେକ୍ତେରଇଲା ବଲି ଜାନିଅଇସି । ଜଅନ୍ ଆଇସ୍ଲାଣ୍ଟ୍ ପାଡ଼ରସ୍ ନାଉର୍ ଜାଗାଇ ରଇଲାବେଲେ ଏ ପଢ଼କାସିତ ବଇ ଲେକିରଇଲା । ଜଅନ୍ ୧୩:୨୩ କାଇକେବଇଲେ ଜିସୁକିରିସ୍ଟର୍ ସୁବକବର୍ ଜାନାଇବାକେ ତେଇ ଜାଇ ବାସାଅଇରଇଲା ୧:୯ ।

ଜିସୁ ଆରିତରେକ୍ ଆଇବା ବେଲା ଲଗେ ଅଇରଇଲାଜେ, ଜିସୁକିରିସ୍ଟକେ ବିସ୍ବାସ୍ କରି ରଇବାକେ ପଡ଼ବା ଲକ୍ମନ୍ଦକେ ଆସା ଆରି ସାଆସ୍ ଦେବାକେ ଏ ପଢ଼କାସିତ ବଇ ଜଅନ୍ ଲେକିରଇଲା ୧:୩;୨୨:୭ । ସେ ସାଡ଼ଟା ମଣ୍ଡଲିକେ ସବୁ ବିସ୍ବାସିମନରପାଇ ନିକସଙ୍ଗ୍ ଲେକିଆଟେ ୨:୩ । ଜଅନ୍ ତାର୍ ଲେକାଟାନେ ଆଗ୍‌କେ ଗଟ୍‌ବା ବବିସଡ଼ କାତା ୧:୩ ଆରି ସେ ଦର୍ସନ୍ ଦେକିରଇବା କେତେକ୍ କେତେକ୍ ତିନମନର୍ ବିସଇ ଲେକିଆଟେ । ଏ ବଇଟାନେ କେତେଟା ବାଗ୍‌ଟାନେ ପୁରନା ନିୟମର୍ ବାଗ୍‌ସଙ୍ଗ୍ ସମାନ୍ ଆଟେ । ଜନଟାକି ଜିକରିୟ ୬:୧-୮ ଦେକିଅଇସି ।

ଜନଟା କି ସାଡ଼ଟା ମଇରି, ସାଡ଼ଟା ମୁତା । ଜନଟା ପର୍‌ମେସର୍ ମିସରର୍ ଲକ୍ମନ୍ଦକେ ଡଣ୍ଡ ଦେବାକେ ମର୍ଡ଼ି ପାଟାଇରଇଲା । ଜାଡ଼ରା ୭:୯ ।

ପଢ଼କାସିତ ବଇ ସାରାସାରି ଜୁଗ୍ ବିସଇ ଜାନାଇଲାନି । ସାରାସାରି ବେଲେ ଜିସୁ ଜିଡ଼ସି ଆରି ଜେଡ଼କି ଲକ୍ମନ୍ଦ ତାକେ ଆସାକରି ରଇବାଇ, ସେମନ୍ ସବୁବେଲର୍ପାଇ ତାର୍ ସଙ୍ଗ୍ ରଇବାଇ । ଏ ବଇ ଆମ୍‌କେ ଜାଗର୍‌ତା ଆରି ଆସା ଦେଲାନି ଜେ, ଜିସୁ ଦାପରେ ବାଉଡ଼ି ଆଇଲାନି ।

### ଏ ବଇ ବିଡ଼ରେ ରଇଲାଟା

- ୧. ଜଅନ୍ ନିଜର୍ ବିସଇ ଜାନାଇ ଅଇଲାଟା ଆରି ସେ ଆଗ୍‌କେ କାଇଟା ଅଇସି ସେ ବିସଇ ଦର୍ସନ୍ ଦେକ୍‌ଲାଟା । ୧:୧-୨୦
- ୨. ଜଅନ୍ ଜିସୁକିରିସ୍ଟର୍ ତେଇଅନି ସାଡ଼ଟା ମଣ୍ଡଲିକେ ଜାନାଇବାଟା । ୧:୧-୩:୨୨
- ୩. ସାଡ଼ଟା ତିନ୍ ୪:୧;୮:୫ ସାଡ଼ଟା ମଇରି । ୮:୬;୧୧:୯
- ୪. ମାପୁରୁର୍ ପିଲାଜିଲା ଆରି ସାଡ଼ଟା ମୁଣ୍ଡ ଦାରିକରି ରଇବା ପୁରନା ସାଁପ୍ ସଙ୍ଗ୍ ଜୁଇଦ୍ କର୍‌ବାଟା । ୧୨:୧;୧୪:୨୦
- ୫. ସାଡ଼ଟା ରିସାର୍ ମୁତା ବିସଇରେ ଚିକିନିକି ଜାନାଇବାଟା । ୧୭:୧;୧୭:୧୮
- ୬. ସରଗ୍‌ପୁରେ ପର୍‌ମେସର୍ ତାର୍ ସଡ଼ୁ ସଙ୍ଗ୍ ଜୁଇଦ୍ କରି ଜିଡ଼ବାଟା । ୧୭:୧;୨୦:୧୫
- ୭. ନୁଆ ସରଗ୍ ଆରି ନୁଆ ଜଗଡ଼ । ୨୧:୧;୨୨:୨୧

୧ ଜାଇ ଜାଇଟା ଦାପରେ ଗଟ୍‌ବାକେ ଗାଲାନି, ପର୍‌ମେସର୍ ଜିସୁ କିରିସ୍ଟକେ ଜାନାଇ ରଇବା ବିସଇ ଏ ବଇଟାନେ ଲେକାଅଇଆଟେ । ସେ ସବୁ ବିସଇ ତାର୍ ଦାଙ୍ଗ୍‌ତାମନ୍‌କେ ଜାନାଇବାକେ ପର୍‌ମେସର୍ ତାକେ ଜାନାଇଲା । ତେବର୍‌ପାଇ ମୁଇ ଜଅନ୍ ଜେ କି ତାର୍ ସିସ୍ ଅଇଲିଆଟି, ମକେ ଜାନାଇବାକେ କିରିସ୍ଟ ତାର୍ ଦୁଡ଼କେ ପାଟାଇଲାଆଟେ । ୨ ଆରି ମକେ ଜେଡ଼କି ବିସଇ ଦେକାଇରଇଲା, ମୁଇ ସେଟାମନ୍ ସବୁ ଲେକିଆଟି । ଆରି ଏ ସବୁ ଜିସୁ କିରିସ୍ଟ ଜାନାଇରଇବା ପର୍‌ମେସରର୍ ସଡ଼ ବାକିଅ ବଲି ମୁଇ ଡାଟ୍ ସଙ୍ଗ୍ କଇଲିନି । ୩ ଏ ବଇ ପଡ଼ିକରି ତେଇ ଲେକାଅଇରଇବା ଆଗ୍‌କେ ଗଟ୍‌ବା କାତାମନ୍ ବୁଜିକରି ମାନ୍‌ବା ଲକ୍ମନ୍ଦ କେତେକ୍ କରମର୍ ଲକ୍ମନ୍ଦ ! କାଇକେବଇଲେ ଏ ସବୁ ବିସଇ ଗଟ୍‌ବା ବେଲା କେଟ୍‌ଲା ।

### ସାଡ଼ଟା ମଣ୍ଡଲିକେ ଜୁଆର୍

୪\*ମୁଇ ଜଅନ୍ ଆସିଆ ରାଇଜେ ରଇବା ସାଡ଼ଟା ମଣ୍ଡଲିକେ ଲେକ୍‌ଲିନି । ପର୍‌ମେସର୍ ଟାନେଅନି ଆସିରଇବା ଜିବନ୍ ଦୁକାଇଲାଟା ଆରି ସାନ୍ତି ତମ୍‌କେ ମିଲ । ସେ ଏବେ ଆଟେ । ଆଗ୍‌ତୁ ମିସା ରଇଲା ଆରି କାଲ୍ କାଲ୍ ଜୁଗ୍ ଜୁଗ୍ ରଇସି । ସେ ବସିରଇବା ଜାଗାର୍ ମୁଆଟର୍ ସାଡ଼ଟା ଆଡ଼ମାମନ୍ ଟାନେଅନି ୫ ଆରି ଜିସୁକିରିସ୍ଟ ଟାନେଅନି । ସେ ଆକା ପର୍‌ମେସରର୍ ବିସଇର୍ ସଡ଼ ସାକି ଦେଇପାର୍‌ସି । ମଲା ଲକ୍ମନ୍‌ଟାନେଅନି ତାକେସେ ପର୍‌ଡୁମ୍ ଉଟାଇରଇଲା । ଏ ଜଗତର୍ ସାସନ୍‌କାରିଆମନ୍ ଉପରେ ରଇବା ସାସନ୍‌କାରିଆ । ସେ ଆମ୍‌କେ ଆଲାଦ୍ କଲାନି । ଆମର୍‌ପାଇ ଗଟେକ୍ ବଲି ଇସାବେ ମଲାକେ ଆମର୍ ପାପେଅନି ସେ ଆମ୍‌କେ ମୁକ୍‌ଲାଅଆଟେ । ୬\*ତାର୍ ବାବା ପର୍‌ମେସର୍‌କେ ସେବା କର୍‌ବାପାଇ ସେ ଆମ୍‌କେ ଗଟେକ୍ ରାଜାର୍ କୁଟୁମେ ପୁଜାରି କଲାଆଟେ । ସେ କାଲ୍ କାଲ୍ ଜୁଗ୍ ଜୁଗ୍ ବପୁ ଆରି ମଇମା

☆ ୧:୪ ୧:୪ ପଢ଼କାସିତ ୪:୫ ☆ ୧:୬ ୧:୬ ପଢ଼କାସିତ ୫:୧୦

ପାଅ । ଆମେନ୍ । ୭\*ଏଦେ ଦେକା ! ସେ ମେଗ୍‌ମାଲାଇ ବସି ଆଇଲାନି । ଗୁଲାଇ ଲକ୍‌ମନ୍ ତାକେ ଦେକ୍‌ବାଇ । ତାକେ କୁରୁସ୍‌କାଟେ କୁଟି ମାରିରଇବା ଲକ୍‌ମନ୍ ମିସା ଦେକ୍‌ବାଇ । ଏ ଜଗତେ ରଇବା ସବୁ ଲକ୍‌ମନ୍ ତାର୍‌ଲାନି ଦୁକ୍ କର୍‌ବାଇ । ସେଟା ସେନ୍ତାରିସେ ଅଇସି । ଆମେନ୍ !

୮\*ମାପୁରୁ ପରମେସର୍ ସବୁର୍‌ଟାନେଅନି ଅଦିକ୍ ବପୁର୍‌ଟା । ସେ ଏବେ ମିସା ଆଟେ । ସେ ଆଗତୁ ରଇଲା । ଆରି କାଲ୍ କାଲ୍ ଜୁଗ୍ ଜୁଗ୍ ରଇସି । ସେ କଇଲାଆଟେ “ଆରାମେଅନି ସବୁ ବିସଇ କର୍‌ବା ଲକ୍ ମୁଇ, ଆରି ସାରାଇବା ଲକ୍ ମିସା ମୁଇସେ ।”

**କିରିସ୍‌ଟ ଦର୍‌ସନ୍ ଦେଲା**

୯ “ମୁଇ ଜଅନ୍, ତମର୍ ବିସ୍‌ବାସର୍ ଲାଗି ବାଇ ଅଇଲିଆଟି । ଜିସୁର୍ ସଙ୍ଗ୍ ଆମେ ମିସିଆତୁକେ, ତାର୍ ରାଇଜେ ରଇବା ଲକ୍‌ମନ୍‌ପାଇ ଆସିରଇବା ସବୁ ଦୁକ୍ କସ୍‌ଟାନେ ମୁଇ ତମର୍ ସଙ୍ଗ୍ ମୁର୍‌ଚିକରି ଆଟି । ଚାରିବେଟ୍‌ତି ସମ୍‌ପୁର୍ ରଇକରି ମଜାଇ ରଇବା ପାଡ଼ମସ୍ ବଲି ଗଟେକ୍ ରାଇଜେ ମକେ ନେଇରଇଲା । ମୁଇ ପରମେସରର୍ କାତା ଆରି ଜିସୁ ଦେଇରଇବା ସିକିଆ ଜାନାଇରଇଲିଜେ, ମକେ ସେନ୍‌ତାରି କଲା । ୧୦ ଆମେ ମିସିକରି ତାକେ ଆରାଦନା କର୍‌ବା ମାପୁରୁର୍ ଦିନେ, ତାର୍ ଆଡ଼ମା ମକେ ଦାରିରଇଲା । ଆରି ଜବର୍ ଅଇତେ ମଇରି ବାଜୁଲା ପାରା ମର୍ ପବ୍‌ବାଟେ ସୁନ୍‌ଲି । ୧୧ ତୁଇ ଦେକ୍‌ଲାଟା ବଇଟାନେ ଲେକ୍ ଆରି ଏପିସିୟ୍, ସୁର୍‌ନା, ପର୍‌ଗାମା, ଡିଆଟିରା, ସାର୍‌ଦି, ପିଲାଦେଲ୍‌ପିଆ ଆରି ଲାଉଦିକିଆଇ ମଣ୍ଡଲିତେଇ ପାଟାଆ ବଲି ସେ ସବ୍ ସୁନ୍‌ଲି ।”

୧୨ ସେ ସବ୍ ସୁନ୍‌ଲାକେ, କେ କାତାଅଇଲାନି, ଦେକ୍‌ବି ବଲି ପାସଲ୍‌ଲି ଆରି ସାଡ଼ଟା ସୁନାର୍ ବଡି ତାଣ୍ଡି ଦେକ୍‌ଲି । ୧୩ ତାର୍ ମଜାଇ ନର୍ ପାରା ତିସ୍‌ତେରଇବା ଗଟେକ୍ ଲକ୍‌କେ ଦେକ୍‌ଲି । ତାର୍ ପାଦ୍‌ଜାକ ଅଇବା ଗଟେକ୍ ଡେଙ୍ଗ୍ ଲୁଗା ପିନ୍‌ରଇଲା । ତାର୍ ବୁକ୍‌ତଲେ ଗଟେକ୍ ସୁନାର୍ ବେଲ୍‌ଟୁ ବାନ୍ଧି ରଇଲା । ୧୪ ତାର୍ ମୁଣ୍ଡର୍ ଚେଣ୍ଡି ଦଇଲା ଚାଉଲ୍ ଆରି ଦୁଦ୍‌ପାରା ଦବ୍ ରଇଲା । ଆରି ତାର୍ ଆଁକି ଲାଗ୍‌ତେ ରଇବା ଜଇ ପାରା ଗଜ୍‌ଗଜି ଜାଇତେ ରଇଲା । ୧୫ ତାର୍ ପାଦର୍ ରେଡି ପିତଲ୍ ପାରା ଜଗ୍‌ଜଗି ଜାଇତେରଇଲା, ଜନ୍‌ଟାକି ଜଇଟାନେ ପରିଚଲ୍ ଅଇ ସୁନ୍‌ର୍ କରି ରେଡ୍‌ଲାପାରା । ଆରି ତାର୍ ସବ୍ ଅଦର୍‌ତେରଇବା ଜର୍‌ନା ପାନିର୍ ସବ୍‌ପାରା ଜବର୍ ସବ୍ ଅଇତେରଇଲା । ୧୬ ସେ ତାର୍ ଉଜା ବାଟର୍ ଆତେ ସାଡ଼ଟା ତାରା ଦାରି ରଇଲା, ଆରି ତାର୍ ଟଣ୍ଡେ ଅନି ଦୁଇବାଟେ ଦାର୍ ରଇବା ତିପ୍‌ତିପା କାଣ୍ଡା ବାରଇତେ ରଇଲା । ଆରି ତାର୍ ମୁଁ ମୁଇଦାନିଆର୍ ବେଲ୍‌ପାରା ଜଲ୍‌କି ଜାଇତେ ରଇଲା । ୧୭\*ତାକେ ଦେକିକରି ମୁଇ ମଲାପାରା ଅଇକରି ତାର୍ ପାଦ୍‌ତଲେ ଅଦ୍‌ରି ଗାଲି । ତାର୍ ପଟେ ସେ ମର୍ ଉପ୍‌ରେ ତାର୍ ଉଜା ଆଡ଼ ସଙ୍ଗ୍‌ଇ କରି କଇଲା, ଡର୍‌ନାଇ, ମୁଇସେ ଆରାମ୍ ମୁଇସେ ସେସ୍ । ୧୮ ମୁଇସେ ଜିବନ୍ ରଇବା ଲକ୍ । କାଇକେବଇଲେ ମୁଇ ମରିରଇଲି ମିସା ଦେକା କାଲ୍ କାଲ୍ ଜୁଗ୍ ଜୁଗ୍ ବଢିକରି ଆଟି । ମର୍ ଆତେ ମରନ୍‌ର୍ ଆରି ପାତାଲର୍ କୁଟିକାଡି ଆଟେ । ମରିରଇବା ସବୁ ଲକ୍‌ମନ୍ ଉପ୍‌ରେ ଆରି ମଲାଲକ୍‌ମନ୍‌କେ କନ୍ତି ପାଟାଇବାର୍, ସେଟା ମର୍ ଅଦିକାର୍‌ଆଟେ । ୧୯ ତେବର୍ ପାଇ ତମେ ଏବେ ଜାଇଜାଇଟା ଦେକି ଆଗସ୍ ଆରି ଜାଇଜାଇଟା ଏବେ ଗଟ୍‌ଲାନି ଆରି ପର୍‌କେ ଗଟ୍‌ସି, ସେଟା ସବୁ ଲେକିକରି ସଙ୍ଗୁଆ । ୨୦ ମର୍ ଉଜାବାଟେ ରଇବା ସାଡ଼ଟା ତାରା ଆରି, ସାଡ଼ଟା ସୁନାର୍ ବଡି ତାଣ୍ଡିର୍ ଅରଡ୍ ମୁଇ ତମ୍‌କେ କଇଦେବି । ସେ ସାଡ଼ଟା ବଡିତାଣ୍ଡି ଅଇଲାନି ସାଡ଼ଟା ମଣ୍ଡଲି । ସାଡ଼ଟା ତାର୍‌ମନ୍ ଅଇଲାଇନି, ସାଡ଼ଟା ମଣ୍ଡଲିର୍ ଦାଇଡ୍ ନେବା ଦୁଡ଼ମନ୍ ।

**୨**

**ଏପିସି ମଣ୍ଡଲିର୍ କାତା**

୧ ସେ କଇଲା, ଏପିସସ୍ ମଣ୍ଡଲିକେ ଦେକାରକା କର୍‌ବା ଦୁଡ଼କେ ଲେକା । ଏ କବର୍ ମର୍‌ଟାନେଅନି ପାଟାଇଲିନି । ସାଡ଼ଟା ତାରାକେ ମୁଇ ମର୍ ଉଜାବାଟେ ଦାରିରଇବି । ସାଡ଼ଟା ସୁନାର୍ ବଡିତାଣ୍ଡି ମଜାଇ ଇଣ୍ଡ୍‌ତେରଇବି । ୨ ମୁଇ ତମର୍ ଚଲାଚଲ୍‌ତି ଜାନି । ତମେ ଆବଡ଼ ଅଇ ପାଇଟି କର୍‌ବାଟା ଆରି ଦୁକ୍ କସ୍‌ଟ ଆଇଲେ ମିସା ମୁର୍‌ଚି କରି ରଇବାଟା ମୁଇ ଜାନି । କରାପ୍ ଲକ୍‌ର୍ କାମ୍ ତମ୍‌କେ ସାର୍‌ଦା ନ କରାଏ ବଲି ମୁଇ ଜାନି । ଜନ୍ ଲକ୍‌ମନ୍ ଆମେ ପେରିଡ଼ସିସ୍ ବଲି ନାଡାଇଲାଇନି, ସେମନ୍ ସଡ଼ କି ମିଡ଼ ବଲି ତମେ ପରିକା କରିଆଗସ୍ । ସେମନ୍ ମିଡ଼ କଇଲାଇନି ବଲି ତମେ ଜାନିଆଗସ୍ । ୩ ଦୁକ୍ କସ୍‌ଟ ଆଇଲେ ମିସା ମର୍ ଲାଗି ମୁର୍‌ଚିକରି ରଇଲାସିନି । ଆରି ବିସ୍‌ବାସ୍ ଚାଡ଼ାସ୍‌ନାଇ । ୪ ମାତର୍ ତମର୍ ଚଲାଚଲ୍‌ତିତେଇ ମକେ ଗଟେକ୍ ବିସଇ ବଲ୍ ନ ଲାଗେ । ସେଟା ଅଇଲାନି ଆଗେ ତମେ ମକେ ଜେନ୍ତି ଆଲାଦ୍ କର୍‌ତେରଇଲାସ୍, ଏବେ ସେନ୍ତାରି କରାସ୍ ନାଇ । ୫ ମର୍‌ପାଇ ରଇବା ତାଟ୍ ଆଲାଦ୍ ମନେ ଏତାଆ । ପାପେଅନି ବାଉଡା । ଆରି ଆଗତୁ କର୍‌ତେରଇବା ନିକ କାମ୍‌ମନ୍ କରା । କାଇକେବଇଲେ ତମେ ପାପେଅନି ନ ବାଅଡ଼ଲେ, ମୁଇ ତମର୍‌ଟାନେ ଆଇବି ଆରି ତମର୍ ବଡିତାଣ୍ଡି ଗଟେକ୍ ଜାଗାଇଅନି ଆରି ଗଟେକ୍ ଜାଗାଇ ଗୁଟାଇଦେବି । ୬ ମାତର୍ ତମର୍ ଗଟେକ୍ ବିସଇ ମକେ ନିକ ଲାଗ୍‌ସି । ତମେ ନିକଲାଡିଅର୍ ଲକ୍‌ମନ୍ କର୍‌ବା କାମ୍ ଗିନ୍ କର୍‌ସା । ଜନ୍‌ଟାକି ମୁଇମିସା ବେସି ଗିନ୍

\* ୧:୭ ୧:୭ ମାଡିଉ ୨୪:୩୦; ମାର୍‌କ ୧୩:୨୭; ଲୁକ୍ ୨୧:୨୭; ୧ମ ତେସଲନିକିୟ ୪:୧୭; ଜଅନ୍ ୧୯:୩୪,୩୭; ମାଡିଉ ୨୪:୩୦ \* ୧:୮ ୧:୮ ପରକାସିତ ୨୨:୧୩ \* ୧:୧୭ ୧:୧୭ ପରକାସିତ ୨:୮;୨୨:୧୩

କରବି । ୭ \*ଆତ୍ମା ମାଣ୍ଡଲିମନ୍ତେ କଇବାଟା ମନ୍ଦିଆନ୍ ଦେଇକରି ସୁନା । ଜେ ଜିତ୍ସି, ତାକେ ମୁଇ ପର୍ମେସରର ବାଡେ ପଲିରଇବା ଜିବନ୍ ଗଟର୍ ପଲ୍ କାଇବାକେ ଦେବି ।

**ସୁମରନା ମାଣ୍ଡଲିର କାତା**

୮ \*ସୁମରନା ମାଣ୍ଡଲିକେ ଦେକାରକା କର୍ତ୍ତେରଇବା ଦୁଡ଼କେ ଲେକା । ଏ କବର୍ ମର୍ଟାନେଅନି ପାଟାଇଲିନି । ଆରାମେଅନି ସବୁ ବିସଇ କର୍ବା ଲକ୍ ମୁଇ ଆରି ସାରାଇବା ଲକ୍ ମିସା ମୁଇସେ । ମୁଇ ମରିରଇଲି ଆରି ଜିବନ୍ ଅଇକରି ଉଠଲି । ୯ ତମର୍ ଦୁକ୍ କସ୍ତ ମୁଇ ଜାନି । ତମେ ଅରକିଡ଼ ବଲି ମୁଇ ଜାନି । ମାତର୍ ସତଇସେ ତମେ ସାଉକାର୍ ଲକ୍ । ଜିଉଦିମନ୍ ତମର୍ କାରାପ୍ ବିସଇ କଇଲାଇନି ବଲି ମୁଇ ଜାନି । ମାତର୍ ସେମନ୍ ଆମେ ଜିଉଦି ବଲି କଇଲେମିସା ସତ୍ସେ ସେମନ୍ ପର୍ମେସରର ଲକ୍ ନଅଡ଼ । ମାତର୍ ସଇତାନ୍ ଦଲର ଲକ୍ । ୧୦ ତମେ ଜେଡ଼କି ଦୁକ୍ କସ୍ତ ମୁରଟିକରି ରଇବାକେ ଗାଲାସ୍ନି, ସେ ବିସଇ ଚିନ୍ତା କରି ତରାନାଇ । ସୁନା ତମକେ ସଇତାନ୍ ବନ୍ଦିଗରେ ପାକାଇକରି ପରିକା କରସି, ଦସ୍ଦିନ୍ ଜାକ ତମେ କସ୍ତେ ରଇସା । ମାତର୍ ମର୍ବାକେ ପଡ଼ଲେ ମିସା ମକେ ବିସ୍ବାସ୍ କରି ରୁଆ । ଆରି ଇନାମ୍ ଇସାବେ ତମକେ ନ ସାରବା ଜିବନ୍ ଦେବି ।

୧୧ \*ଆତ୍ମା ମାଣ୍ଡଲିମନ୍ତେ କଇବାଟା ମନ୍ଦିଆନ୍ ଦେଇ ସୁନା । ଜନ୍ ଲକ୍ କାରାପ୍ କେ ଆରାଇକରି ଜିତ୍ସି, ପଟର୍ ମରନେ ସେମନ୍ ତଣ୍ଟୁ ନ ପାଅଡ଼ ।

**ପରଗାମ ମାଣ୍ଡଲିର କାତା**

୧୨ ପରଗାମ ମାଣ୍ଡଲିକେ ଦେକାରକା କର୍ବା ଦୁଡ଼କେ ଲେକା । ଏ କବର୍ ମର୍ଟାନେଅନି ପାଟାଇଲିନି । ଦୁଇବାଟେ ଦାର ରଇବା ଲାଗନ୍ କାଣ୍ଟା ମର୍ଟାନେ ଆଟେ । ୧୩ ତମେ ଜନ୍ ନଅରେ ରଇଲାସ୍ନି, ସେଟା ସଇତାନର୍ ସାସନର୍ ଜାଗା ବଲି ମୁଇ ଜାନି । ମାତର୍ ସେନ୍ତାର୍ ଅଇଲେମିସା, ତମେ ମକେ ବିସ୍ବାସ୍ କଲାସ୍ନି । ବିସ୍ବାସେ ମର୍କାମ୍ କର୍ବା ଦାଙ୍ଗ୍ଡା ଆଡ଼ିପା ମର୍ ବିସଇ ସାକି ଦେଲାକେ ମରାଇରଇଲାଇ । ତମେ ରଇବା ସଇତାନର୍ ନଅରେ ତାକେ ମରାଇରଇଲେ ମିସା ତମେ ବିସ୍ବାସ୍ ଚାଡ଼ାସନାଇ । ୧୪ ମାତର୍ ତମର୍ ଚଲାଚଲ୍ଡିଟାମେ କେତଟା ବିସଇ ମର୍ ମନ୍ତେ ଜାଏନାଇ । କାଇକେବଇଲେ ତମର୍ ବିତ୍ତରେ କେତେକ୍ ଲକ୍ ବାଲାମର୍ ସିକିଆ ମାନ୍ଲାସ୍ନି । ଇସ୍ରାଏଲର୍ ଲକ୍ମନ୍ତେ ପାପ୍ବାଟେ ଡାକିନେବାକେ, ସେ ବାଲାକକେ ସିକାଇରଇଲା । ସେମନ୍ତେ ମୁରଟିମନ୍ତେ ସର୍ପି ଦେଇରଇବା କାଦି କାଇବାକେ ଆରି ବେସିଆ କାମ୍ କର୍ବାକେ ସେ ସିକାଇତେରଇଲା । ୧୫ ସେନ୍ତାରିସେ ତମର୍ ବିତ୍ତରେ କେତେଲକ୍ ନିକଲାତିୟମନର୍ ସିକିଆ ମିସା ମାନ୍ଲାସ୍ନି । ୧୬ ଏବେ ତମର୍ ପାପେଅନି ବାଉଡା । ନଇଲେ ମୁଇ ତମର୍ଟାମେ ଦାପ୍ରେ ଆଇବି । ଆରି ମର୍ ଗଣ୍ଡେଅନି ବାରଇବା କାଣ୍ଟା ସଙ୍ଗ୍ ମୁଇ ସେ ଲକ୍ମନର୍ ବିରୁଦେ ଜୁଇଦ୍ କରବି ।

୧୭ \*ଆତ୍ମା ମାଣ୍ଡଲିମନ୍ତେ କଇବାଟା ମନ୍ଦିଆନ୍ ଦେଇ ସୁନା । ଜେ ଜିତ୍ସି, ସେମନ୍ତେ ଲୁଟାଇକରି ସଙ୍ଗ୍ଇରଇବା ମାନା ଦେବି । ନୁଆ ନାଉଁ ଲେକିରଇବା ଗଟେକ୍ ଦବ୍ ପାକ୍ନା ମିସା ସେମନ୍ତେ ଦେବି ।

**ତିଆଟିରା ମାଣ୍ଡଲିକେ କବର୍**

୧୮ ତିଆଟିରା ମାଣ୍ଡଲିକେ ଦେକାରକା କର୍ବା ଦୁଡ଼କେ ଲେକା । ପର୍ମେସରର ପଅ ମୁଇ ଏ କବର୍ ମର୍ଟାନେଅନି ପାଟାଇଲିନି । ମର୍ ଆକି ଜଇପାରା ଜଗ୍ଜଗି ଗାଲାନି ଆରି ପାଦ୍ ରେଡିରଇବା ପିତଲ୍ପାରା ଆଟେ । ୧୯ ତମର୍ ଚଲାଚଲ୍ଡି ମୁଇ ଜାନି । ତମର୍ ଆଲାଦ୍, ସଡ଼ ସଙ୍ଗ୍ କାମ୍ କର୍ବାଟା, ସେବା କର୍ବାଟା ଆରି ମୁରଟିକରି ରଇବାଟା ମୁଇ ଜାନି । ଆଗତ୍ତୁର୍ ଟାମେଅନି ଏବେ ଅଦିକ୍ ନିକ କଲାସ୍ନି ବଲି ମୁଇ ଜାନି । ୨୦ ମାତର୍ ତମର୍ ଚଲାଚଲ୍ଡିତେଇ ଗଟେକ୍ ବିସଇ ମର୍ ମନ୍ତେ ଜାଏନାଇ । ସେ ଜେଜେବଲ୍ ନାଉଁର୍ ମାଇଜିକେ ତମର୍ ଦଲେ ମିସାଇଲାସ୍ । ମୁଇ ନିଜେ ପର୍ମେସରର ଦୁଡ଼ ବଲାଅଇଲାନି । ମର୍ ଗତିଦାଙ୍ଗ୍ଡାମନ୍ତେ ସେ ବେସିଆ କାମ୍ କର୍ବାକେ ସିକାଇଲାନି । ମୁରଟିମନ୍ତେ ସର୍ପିଦେଇରଇବା କାଦି ମିସା କାଇବାକେ କଇଲାନି । ୨୧ ପର୍ମେସର୍ ଟାମେ ବାଉଡ଼ ବଲି ମୁଇ ତାକେ ଜାଗ୍ଲି, ମାତର୍ ତାର୍ ବେସିଆ କାମ୍ କର୍ବାକେ ସେ ମନ୍ କଲା । ୨୨ ତେବର୍ପାଇ ମୁଇ ତାକେ ବଡ଼ ବେମାର୍ ଦାରାଇବି । ଜେନ୍ତାରି କି ସେ ସଇଲାତେଅନି ଉଟିନାପାରେ । ତାର୍ ସଙ୍ଗ୍ ଜେଡ଼କି ଲକ୍ମନ୍ ପାପ୍ କରିରଇଲାଇ, ମୁଇ ସେମନ୍ତେ ବେସି ଦୁକ୍ କସ୍ତ ଦେବି । ତାର୍ କରାପ୍ ଚଲାଚଲ୍ଡିଟାମେ ମିସିରଇବା ଜେଡ଼କି ଲକ୍ମନ୍ ନ ବାଉଡ଼ଲେ, ଏ ସବୁଜାକ ମୁଇ ଏବେସେ କରବି । ୨୩ ତାର୍ବାଟେ ଜାଇତେରଇବା ସବୁ ଲକ୍ମନ୍ତେ ମୁଇ ମରାଇବି । ସେନ୍ତାରି ସବୁ ଲକ୍ ଚିନ୍ତା ଆରି ମନ୍ ଜାନ୍ବା ଲକ୍ ମୁଇସେ ବଲି ସବୁ ମାଣ୍ଡଲି ଜାନ୍ବାଇ । ତମେ କରିରଇବା କାମ୍ ଇସାବେ ମୁଇ ତମକେ ବାଉଡ଼ାଇବି ।

୨୪ ମାତର୍ ତିଆଟିଆଇ ରଇବା, ତମେ ବାକି ଲକ୍ମନ୍ ଏ କରାପ୍ ସିକିଆ ମାନାସନାଇ । ସଇତାନର୍ ଟିକିନିକି ସିକିଆ ବଲି ଲକ୍ମନ୍ ମାନ୍ବା ସିକିଆ ତମେ ମାନାସନାଇ । ତେବର୍ପାଇ ତମେ ମାନ୍ବାକେ ବେସି ଆଦେସ୍ ମୁଇ ନ ଦେଇ । ୨୫ ମାତର୍ ମୁଇ ଆଇବା ଜାକ ତମେ ବିସ୍ବାସ୍ କଲାଟା ତାଟ୍ ସଙ୍ଗ୍ ଦାରିରୁଆ । ୨୬ ଜେଡ଼କି ଲକ୍ ଜିତିକରି ସାରାସାରି ଜାକ ରଇବାଇ, ମୁଇ ମର୍ ବାବାଟାମେଅନି ପାଇରଇବା ସମାନ୍ ଅଦିକାର୍ ସେମନ୍ତେ ଦେବି । ୨୭ ରାଇଜ୍ମନ୍ତେ ଲୁଆର୍

☆ ୨:୭ ୨:୭ ପଢ଼କାସିତ ୨୨:୨ ☆ ୨:୮ ୨:୮ ପଢ଼କାସିତ ୧:୧୭;୨୨:୧୩ ☆ ୨:୧୧ ୨:୧୧ ପଢ଼କାସିତ ୨୦:୧୪;୨୧:୮ ☆ ୨:୧୭ ୨:୧୭ ଜଅନ୍ ୭:୪୮-୫୦

ତାଙ୍କସଙ୍ଗେ ସାସନ କରି ମାଟିର ଆଣ୍ଡିପାରା ବାଙ୍ଗାଲବାକେ ମୁଇ ଅଦିକାର ଦେବି । ୨୮ ଆରି ମୁଇ ସେମନ୍‌କେ ସାକ୍‌ଲିଆ ବେଲର ତାରା ଦେବି । ୨୯ ଆଡ଼ମା ମଣ୍ଡୁଲିମନ୍‌କେ କଇବାଟା ମନ୍ ଦିଆନ୍ ଦେଇ ସୁନା ।

### ୩

#### ସାର୍‌ଦି ମଣ୍ଡୁଲିକେ କବର୍

୧ ସାର୍‌ଦି ମଣ୍ଡୁଲିକେ ଦେକାରକା କରବା ଦୁଡ଼କେ ଲେକା । ଏ କବର୍ ମୁଇ ପାଟାଈଲିନି । ପର୍‌ମେସରର୍ ସାଡ଼ଟା ଆଡ଼ମା ଆରି ସାଡ଼ଟା ତାରା ମରଲଗେ ଆଟେ । ତମର୍ ଚଲାଚଲତି ମୁଇ ଜାନି । ଲକ୍‌ମନ୍ ଦେକବା ଇସାବେ, ତମେ ଆଡ଼ମାଈ ଜିବନ୍ ଆଟାସ୍ । ମାତର୍ ପର୍‌ମେସର ଦେକବା ଇସାବେ ମରିଆଟାସ୍ । ୨ ଡେବର୍‌ପାଇ ସଇଲାଡେଇଅନି ଉଟା । ତମର୍ ଦୁର୍‌ବଲ୍ ବିସ୍‌ବାସ୍ ଡାଟ୍ କରା । ନଇଲେ ସେଟା ପୁରାପୁରୁନ୍ ମରିଜାଇସି । କାଇକେବଇଲେ ମୁଇ ଜାନି ଜେ ପର୍‌ମେସର୍ ତମର୍ ଟାନେ ସାର୍‌ଦା ଅଇଲାପାରା ତମର୍ କାମ୍ ସିଦ୍ ଅଏନାଇ । ୩ ଡେବେ ଜନ୍ ସିକିଆ ସିକିଆଟାସ୍, ଆରି ଜନ୍‌ଟା ସୁନି ଆଟାସ୍, ସେଟା ଏତାଆ । ସେଟା ମାନିକରି ତମର୍ ପାପେଅନି ବାଉଡା । ସଇଲାଡେଇଅନି ନ ଉଟ୍‌ଲେ ମୁଇ ଚର୍ ପାରା ଆସି ତମ୍‌କେ ଡଣ୍ଡୁ ଦେବି । ମୁଇ କେଡେବେଲେ ଆଇବି, ସେଟା ତମେ ଜାନିନାପାରାସ୍ । ୪ ମାତର୍ ସାର୍‌ଦିସେ ରଇବା ତମର୍ ବିଡ଼ରେ କେଡେଲକ୍ ବସ୍‌ତର୍ ପରିଚଲ୍ କରି ଆଟାସ୍ । ମୁଇ ଆଇବା ଦିନମନ୍‌କେ ସୁକଲ୍ ବସ୍‌ତର୍ ପିନ୍‌କିରି ମର୍ ସଙ୍ଗେ ଈଶ୍‌ସା । କାଇକେ ବଇଲେ ତମେ ସେଟା କରବାକେ ଅଦିକାର ପାଇ ଆଟୁସ୍ । ୫ ଡେ ଜିଡ଼ସି ସେ ଏ ରକାମ୍ ସୁକଲ୍ ବସ୍‌ତର୍ ପିନ୍‌ସି । ଆରି ମୁଇ ଜିବନ୍ ବଇଲଗେଅନି ଜେନ୍ତୁଆଲେ ମିସା ତମର୍ ନାଉଁ ନ ଲିବାଇ । ମର୍ ବାବା ଆରି ତାର ଦୁଡ଼ମନ୍‌ ମୁଆଟେ ତମର୍ ନାଉଁ ମର୍ ଲକ୍‌ମନ୍ ବଲି ସର୍‌ପି ଦେବି । ୬ ଆଡ଼ମା ମଣ୍ଡୁଲିମନ୍‌କେ କଇବାଟା ମନ୍ ଦିଆନ୍ ଦେଇ ସୁନା ।

#### ପିଲାଦେଲ୍‌ପିଆ ମଣ୍ଡୁଲିକେ କବର୍

୭ ପିଲାଦେଲ୍‌ପିଆ ମଣ୍ଡୁଲିକେ ଦେକାରକା କରବା ଦୁଡ଼ର୍ ଲଗେ ଲେକା । ଏ କବର୍ ମୁଇ ପାଟାଈଲିନି । ମୁଇ ସୁକଲ୍ ଆରି ସଡ଼ । ଦାଉଦ୍ ରାଜାର କୁଟିକାଡି ମର୍‌ଟାନେ ଆଟେ । ମୁଇ ଉଗାଡ଼ଲେ, କେ ମିସା ଡାବି ନାପାରଡ଼ । ଆରି ମୁଇ ଡାବ୍‌ଲେ କେ ମିସା ଉଗାଡ଼ି ନାପାରଡ଼ । ୮ ମୁଇ ତମର୍ ଚଲାଚଲତି ଜାନି । ତମ୍‌କେ ଅଲପ୍ ସେ ବପୁ ଆଟେବଲି ମିସା ଜାନି । ମାତର୍ ମର୍ ସିକିଆ ତମେ ମାନିଆଟାସ୍ ଆରି ସଡ଼ସେ ମର୍ ସିକିଆ ମାନ୍‌ଲାସ୍ । ଡେବର୍‌ପାଇ ମୁଇ ତମର୍ ମୁଆଟେ ଗଟେକ୍ କାପାଟ୍ ଉଗାଡ଼ିଆଟି । ସେଟା କେ ମିସା ଡାବିନାପାରଡ଼ । ୯ ସୁନା ତମର୍ ବିଡ଼ରେ କେଡେଟା ଜିଉଦିମନ୍ ସଇତାନର୍ ଦଲେ ମିସିଆଟଡ଼ । ମାତର୍ ସେମନ୍ ଜିଉଦିଲକ୍ ନଅଡ଼ । ଆଇବା ଗଟେକ୍ ଦିନେ ମୁଇ ସେମନ୍‌କେ ତମର୍‌ଟାନେଅନି ମାଣ୍ଡୁକୁଟା ଦିଆଇବି । ମୁଇ ତମ୍‌କେ ଆଲାଦ୍ କଲିନି ବଲି ସେମନ୍ ଜାନ୍‌ବାଇ । ୧୦ ଦୁକ୍ କସ୍‌ଟ ଆଇଲାବେଲେ ମୁର୍‌ଟିକରି ରୁଆ ବଲି ମୁଇ ତିଆରଲାଟା ତମେ ମାନ୍‌ଲାସ୍ । ସେଟାପାଇ ଜଗତର୍ ସବୁ ଲକ୍‌କେ ପରିକା କରବାକେ ଦୁକ୍ କସ୍‌ଟ ଆଇବା ବେଲାଈଅନି ମୁଇ ମିସା ତମ୍‌କେ କାଇଟା ନ ଆଇବାକେ ରକିଆ କରି ସଙ୍ଗେଇବି । ୧୧ ମୁଇ ଦାପ୍‌ରେ ଆଇଲିନି । ଜନ୍ ସଡ଼ ସିକିଆ ତମେ ପାଇଆଟାସ୍, ସେଟା ମାନିକରି ରୁଆ । ଜେନ୍ତୁରି କି ତମର୍ ଇନାମ୍ କେ ମିସା ଚରାଇନେଇ ନାପାରଡ଼ । ୧୨ ଡେ ଜିଡ଼ସି, ମୁଇ ତାକେ ଆମର୍ ପର୍‌ମେସରର୍ ମନ୍‌ଦିରର୍ ମୁଲ୍‌ଡେଲି କରୁବି । ଆରି ସେମନ୍ ଡେଇଅନି କେବେ ମିସା ଚାଡ଼ି ନ ଜାଅଡ଼ । ତାକର୍ ଉପ୍‌ରେ ମୁଇ, ମର୍ ପର୍‌ମେସରର୍ ନଅରର୍ ନାଉଁ ଆରି ନୁଆ ଜିରୁସାଲମର୍ ନାଉଁ ଲେକ୍‌ବି । ସେଟା ମର୍ ପର୍‌ମେସରର୍ ଟାନେଅନି ସର୍‌ଗେଅନି ଉଡ଼ରି ଆଇସି । ତାକର୍ ଉପ୍‌ରେ ମିସା ମର୍ ନୁଆ ନାଉଁ ଲେକ୍‌ବି ।

୧୩ ଆଡ଼ମା ମଣ୍ଡୁଲିମନ୍‌କେ କଇବାଟା ମନ୍ ଦିଆନ୍ ଦେଇ ସୁନା ।

#### ଲାଉଦିକିଆ ମଣ୍ଡୁଲିକେ କବର୍

୧୪ ଲାଉଦିକିଆ ମଣ୍ଡୁଲିକେ ଦେକାରକା କରବା ଦୁଡ଼କେ ଲେକା । ଏ କବର୍ ମୁଇ ପାଟାଈଲିନି । ମୁଇ ଅଇଲିନି, ଆମେନ୍ । ମୁଇ ଅଇଲିନି ସଡ଼ ବିସ୍‌ବାସର୍ ସାକି । ମର୍‌ଟାନେ ଅନି ପର୍‌ମେସର୍ ସବୁ ବିସଇ ତିଆରକଲା । ୧୫ ମୁଇ ତମର୍ ଚଲାଚଲତି ଜାନି । ତମେ ବେସି କାକର୍ ନାଇ କି ବେସି ତପ୍‌ଲାଟା ପାରା ନାଇ, ମାତର୍ ଉସୁମ୍ ପାନିପାରା ଆଟାସ୍ । ତମେ ତପଡ଼ ଉଆ, ନଇଲେ କାକର୍ ଉଆ ବଲି ମୁଇ ମନ୍ କଲିନି । ୧୬ ମାତର୍ ତମେ ଉସୁମ୍ ଅଇଲାର୍ ପାଇ ମୁଇ ତମ୍‌କେ ତୁକିଦେବି । ୧୭ ତମେ କଇଲାସିନି ମୁଇ ସାଉକାର୍, ମକେ ଜାଇ ଜାଇଟା ଦର୍‌କାର୍, ସେଟା ମରଲଗେ ଆଟେ । ମାତର୍ ତମେ କେଡେକ୍ କାକୁର୍‌ଡି ଅଇଆଟାସ୍, ତମେ ଅର୍‌କିଡ଼, ତୁମ୍‌ଣ୍ଡା ଆରି କାଣା, ସେଟା ତମେ ନାଜାନାସ୍ । ୧୮ ମୁଇ ତମ୍‌କେ ବୁଦି ସିକାଇବି । ମର୍‌ଟାନେଅନି ସୁନା ଗେନା । ସୁନା ବଇଲେ ଅସ୍‌ଲି ସୁନା । ଜେନ୍ତୁରିକି ତମେ ସତଇସେ ସାଉକାର୍ ଅଇସା । ମର୍‌ଟାନେଅନି ସୁକଲ୍ ଲୁଗା ଗେନା । ଜେନ୍ତୁରିକି ତମେ ତୁମ୍‌ଣ୍ଡା ଅଇଲାର୍ ପାଇ ଲାଜ୍ ନ ଉଆସ୍ । ଲାଗାଇଅଇବା ଅସ ମିସା ମର୍‌ଟାନେଅନି ନିଆ । ସେଟା ତମର୍ ଆକିଟାନେ ଲାଗାଆ । ଜେନ୍ତୁରିକି ତମେ ଦେକିପାର୍‌ସା । ୧୯ ଡେ ମୁଇ ଜେଡ଼କି ଲକ୍‌କେ ଆଲାଦ୍ କଲିନି, ସେ ଲକ୍‌ମନ୍‌କେ ଦମ୍‌କାଇ କରି ଡଣ୍ଡୁ ଦେଲିନି । ଡେବର୍‌ପାଇ ତମର୍

☆ ୩:୩ ୩:୩ ମାଡ଼ିଉ ୨୪:୪୩,୪୪; ଲୁକ୍ ୧୨:୩,୪୦; ପଢ଼କାସିତ ୧୭:୧୫ ☆ ୩:୫ ୩:୫ ପଢ଼କାସିତ ୨୦:୧୨; ମାଡ଼ିଉ ୧୦:୩୨; ଲୁକ୍ ୧୨:୮ ☆ ୩:୧୨ ୩:୧୨ ପଢ଼କାସିତ ୨୧:୨ ☆ ୩:୧୯ ୩:୧୯ ଏବ୍‌ରି ୧୨:୬

ପାପେଅନି ବାଉଡ଼ା । ଜେନ୍ତାରି କି ସତ୍ ବାବେ ମରବାଟେ ଆଇସା । ୨୦ ଦେକା, ମୁଇ କାପାଟେ ଚିଆଅଇ ମାରଲିନି । ଜେ ଜଦି ମର ମାରବା ସବଦ୍ ସୁନି କାପାଟ୍ ଉଗାଡ଼ଲେ ମୁଇ ବିତ୍ରେ ପୁରୁବି ଆରି ସେମନର୍ ସଙ୍ଗ୍ କାଇବି । ୨୧ ଜେ ଜିଡ଼ସି ମର ଲଗେ ତାକେ ବସାଇ ସାସନ୍ କରବାକେ ଅଦିକାର୍ ଦେବି । ମୁଇ ଜିଡ଼ଲି ଆରି ଏବେ ମର ବାବାର୍ ଲଗେ ବସି ସାସନ୍ କଲିନି । ୨୨ ଆଡ଼ମା ମଣ୍ଡଲିମନ୍ଦକେ କଇବାଟା ମନ୍ ଦିଆନ୍ ଦେଇ ସୁନା ।

### ୪

#### ସରଗେ ପାଡ଼ତନା

୧ ସେବେଲେ ମୁଇ ଆରିଗଟେକ୍ ଦରସନ୍ ଦେକଲି । ସରଗେ ଗଟେକ୍ ଉଗାଡ଼ିରଇବା କାପାଟ୍ ରଇଲା । ଆଗେ ସୁନିରଇବା ମଇରି ପାରା ସବଦ୍ ଆରିତରେକ୍ ସୁନଲି । ଉପରେ ଚଗି ଆଉ, ଏଗାରପଟେ କାଇଟା ଅଇସି ମୁଇ ତକେ ଜାନାଇବି । ୨ ସେ ଦାପ୍ରେ ଆଡ଼ମା ମକେ ଗଟେକ୍ ସପନ୍ ଦେକାଇଲା । ସରଗର୍ ବସବାଟାନେ ଗଟେକ୍ ଲକ୍ ବସିରଇବାଟା ମୁଇ ଦେକଲି । ୩ ତାର୍ ମୁ ଇରା ଆରି ମୁକ୍ତା ପାରା ଜଗଜଗି ଜାଇତେରଇଲା । କାଁଟାପଡ଼ିଆ ଡିସ୍‌ବାପାରା ଇରା ମୁକ୍ତାର ଇନ୍ଦ୍ରଦୁନ୍ ବସ୍‌ବା ଜାଗାର ଚାରବେଟ୍ଟି ଗୁଡ଼ିଆଇ ଅଇଲାପାରା ଅଇରଇଲା । ୪ ସେ ବସ୍‌ବା ଜାଗାର୍ ଗୁଲ୍ଟି ବିତ୍ରେ କତେ ଚାରଟା ବସ୍‌ବା ଜାଗା ରଇଲା । ତେଇ ଦବ୍‌ଲୁଗା ପିନ୍ଦିକରି ଆରି ସୁନାର୍ ମୁକ୍ତୁର୍ ପିନ୍ଦି କତେଚାରିଟା ପାର୍ଟିନ୍‌ମନ୍ ବସିରଇଲା । ୫\*ବସ୍‌ବା ଜାଗାଇଅନି ବିଜ୍‌ଲି ମାରଲା ଆରି ଗୁଡ଼ଗାଡ଼ କରି ଗଡ଼ଗଡ଼ି ମାରଲା । ବସ୍‌ବା ଜାଗାର୍ ମୁଆଟେ ସାଡ଼ଟା ଜଇଉମ୍‌ଲା ଲାଗ୍‌ତେରଇଲା । ସେଟା ଅଇଲାନି ପର୍‌ମେସରର୍ ସାଡ଼ଟା ଆଡ଼ମା । ୬ ଆରି ବସ୍‌ବା ଜାଗାର୍ ମୁଆଟେ ନିର୍‌ମଲ୍ ଅଇକରି ଡିସ୍‌ବା କାଁଟର୍ ସମ୍‌ଦୁର୍ ପାରା ରଇଲା । ବସ୍‌ବା ଜାଗାର୍ ଚାରିବେଟ୍ଟି ଚାରିଟା ଜିବନ୍ ରଇବା ପସୁ ରଇଲା । ତାର୍ ମୁଆଟ୍ ବାଟେ ଆରି ପର୍‌ବାଟେ ଆଁକିମନ୍ ରଇଲା । ୭ ପର୍‌ତୁମର୍ ପସୁ ସିଅଁବାଗ୍‌ପାରା ଡିସ୍‌ତେ ରଇଲା । ଦୁଇ ଲମର୍‌ଟା ସଣ୍ଡପାରା ରଇଲା । ତିନ୍ ଲମର୍‌ଟା ଲକ୍‌ର୍ ପାରା ବାନିମୁର୍ତି ରଇଲା । ଆରି ସାରାସାରିଟା ଉଡ଼ିବୁଲ୍‌ବା ଗିଦ୍ ପାରା ଡିସ୍‌ତେ ରଇଲା । ୮ ସେ ଚାରିଟା ଜାକ ଜିବନ୍ ରଇବା ପସୁମନ୍‌କେ ଗଟେକ୍‌କେ ଚଅଟା ଲାକା ତେନା ରଇଲା । ଆରି ତାକର୍‌ବାଇରେ ବିତ୍ରେ ମିସା ଆଁକି ରଇଲା । ଦିନ୍ ରାତି ଗିଡ଼ କଇବାଟା ସେମନ୍ ତେବଡ଼ନାଇ । ସରୁଟାନେ ଅନି ବପୁରଇବା ମାପୁରୁ ପର୍‌ମେସର୍, ସୁକଲ୍‌ଟା ! ସୁକଲ୍‌ଟା ! ସୁକଲ୍‌ଟା ! ସେ ! ସେ ଆଗତୁ ରଇଲା, ଏବେ ଆଟେ ଆରି ସେ କାଲ୍ କାଲ୍ ଜୁଗ୍ ଜୁଗ୍ ରଇସି ! ୯ ଚାରିଟା ଜିବନ୍ ରଇବା ପସୁମନ୍ ଜେ ବସ୍‌ବା ଜାଗାଇ ବସିରଇଲା ତାର୍ ମଇମାର୍, ତାକ୍‌ପୁଟା ଆରି ଦନିଅବାଦର୍ ଗିଡ଼ ସୁନାଇତେରଇଲା । ସେ କାଲ୍ କାଲ୍ ଜୁଗ୍ ଜୁଗ୍ ବର୍‌ସି । ସେମନ୍ ସେନ୍ତାରି କଲାକେ ୧୦ କତେ ଚାରିଟା ପାର୍ଟିନ୍‌ମନ୍ ଜେ ବସ୍‌ବା ଜାଗାଇ ବସିରଇଲା ତାର୍ ମୁଆଟେ ଡାଣ୍ଡାସନ୍ ପଡ଼ି ତାକେ ଜୁଆର୍ କଲା । ସେ କାଲ୍ କାଲ୍ ଜୁଗ୍ ଜୁଗ୍ ବର୍‌ଟିରଇସି । ସେମନ୍ ପିନ୍ଦି ରଇବା ମୁକ୍ତୁର୍ ବସ୍‌ବା ଜାଗାର୍ ମୁଆଟେ ପିଙ୍ଗିଦେଇକରି କଇଲା, ୧୧ ଏ ଆମର୍ ମାପୁରୁ ଆରି ଆମର୍ ପର୍‌ମେସର୍ ! ସବୁ ମଇମା, ତାକ୍‌ପୁଟା ଆରି ବପୁ ତୁଇ ଆକା ପାଇସୁ । ତୁଇ ସବୁଜାକ ତିଆର୍ କଲାସ୍ ଆରି ତମର୍ ମନ୍ କଲା ଇସାବେ ସେମନ୍ ତିଆରିଅଇ ବର୍‌ଲାଇନି ।

### ୫

#### ବଇ ଆରି ମେଣ୍ଡାପିଲା

୧ ଜେ ବସ୍‌ବା ଜାଗାଇ ବସିରଇଲା ତାର୍ ଉଜା ଆତେ ଗୁଡ଼ିଆଇଅଇରଇବା ଗଟେକ୍ ପୁରୁନା କାଗଜ୍ ଦେକଲି । ସେଟା ଦୁଇବାଟେ ଲେକା ଅଇରଇଲା । ଆରି ସାଡ଼ଟା ସିଲ୍ ମାରି ଡାବିରଇଲା । ୨ ଆରି ଗଟେକ୍ ବେସି ବପୁରଇବା ଦୁଡ଼କେ ଦେକଲି । ସେ ଆଉଲିଅଇ କଇଲା “ଏ ସାଡ଼ଟା ସିଲ୍ ପିଟାଇକରି କେ, ଏ କାଗଜ୍ ମେଲାକରି ପାରସି ?” ୩ ମାତର୍ ସରଗେ କି ମର୍‌ପୁରେ କି ପାତାଲେ କେ ମିସା ସେ କାଗଜ୍ ମେଲାକରି ଦେକି ନାପାରୁଲା । ୪ ସେ କାଗଜ୍ ମେଲାକରି ବିତ୍‌ରରଟା ଦେକ୍‌ବାକେ କେ ନାପାରୁଲାଜେ ମୁଇ ବେସି ମନ୍‌ଦୁକ୍ କରି କାନ୍ଦଲି । ୫ ତାର୍‌ପଟେ ଗଟେକ୍ ପାର୍ଟିନ୍‌ ମକେ କଇଲା, “କାନ୍ଦନାଇ, ଏଦେ ଦେକା ! ଜିଉଦା ବସେଅନି ଆଇବା ସିଅଁ, ଜେ କି ଦାଉଦର୍ ଗଟେକ୍ ତାକ୍‌ପୁଟାର୍ ନାତିତିତି, ସେ ଜିଡ଼ଲାଆଟେ । ସେ ସାଡ଼ଟା ସିଲ୍ ବାଙ୍ଗାଇସି ଆରି କାଗଜ୍ ମେଲାକରି ପାରସି ।” ୬ ତାର୍‌ପଟେ ବସ୍‌ବା ଜାଗାର୍ ମଜାଇ ଗଟେକ୍ ମେଣ୍ଡାପିଲା ଚିଆଅଇରଇବାଟା ଦେକଲି । ତାର୍ ଚାରିବେଟ୍ଟି ଚାରିଟା ଜିବନ୍ ରଇବା ପସୁ ଆରି ପାର୍ଟିନ୍‌ମନ୍ ରଇଲା । ମେଣ୍ଡାପିଲା ମରାଇରଇଲାଟା ପାରା ଡିସ୍‌ତେରଇଲା । ତାକେ ସାଡ଼ଟା ସିଙ୍ଗ୍ ଆରି ସାଡ଼ଟା ଆଁକି ରଇଲା । ସେଟା ପର୍‌ମେସରର୍ ସାଡ଼ଟା ଆଡ଼ମା ରଇଲା । ପର୍‌ମେସର୍ ସେ ସାଡ଼ଟା ଆଡ଼ମାକେ ଗୁଲାଇ ଜଗତେ ପାଟାଇରଇଲା । ୭ ଜେ ବସ୍‌ବା ଜାଗାଇ ବସିରଇଲା, ତାର୍ ଉଜାଆତେଅନି ସେ ମେଣ୍ଡା କାଗଜ୍ ନେଲା । ୮ ସେ ସେନ୍ତାରି କଲାକେ ସେ ଚାରିଟା ଜିବନ୍ ରଇବା ପସୁ ଆରି କତେଚାରିଟା ପାର୍ଟିନ୍‌ମନ୍ ମେଣ୍ଡାର୍ ମୁଆଟେ ଡାଣ୍ଡାସନ୍ ପଡ଼ି ଜୁଆର୍ କଲା । ସେମନ୍‌କେ ସବୁ ଲକ୍‌ର୍ ଆତେ ଗଟେକ୍ ଗଟେକ୍ ତୁଡୁଙ୍ଗା ଆରି ସୁନାର୍ ଗିନାମନ୍‌କେ ଗନ୍‌ରସ୍ ରଇଲା । ସେଟା ଅଇଲାନି ପର୍‌ମେସରର୍ ଲକ୍‌ମନ୍ ଗୁଆରି କରବାଟା । ୯ ସେମନ୍ ଗଟେକ୍ ମୁଆ ଗିଡ଼ କଇତେରଇଲା ।

\* ୪:୫ ୪:୫ ପଢ଼କାସିତ ୮:୫;୧୧:୧୯;୧୭:୧୮; ପଢ଼କାସିତ ୧:୪

। “ଗୁଡ଼ିଆଇଅଇରଇବା କାଗଜ୍ ସିଲ୍ ବାଙ୍ଗାଇକରି ନେବାକେ ତୁଇସେ ପାରୁସ୍ । କାଇକେବଇଲେ ତୁଇ ମରାଇଅଇଲୁସ୍ ଆରି ତର୍ ବଲି ଇସାବ୍ ମରନର୍ ଲାଗି, ସବୁ ବସେଅନି, ସବୁବାସାଇଅନି, ସବୁ ରାଇଜେଅନି ଆରି ଲକ୍ମନର୍ ଦଲେଅନି ପର୍ମେସରର୍ ପାଇ ତୁଇ ଲକ୍ମନକେ ଆନ୍ଲୁସ୍ । <sup>୧୦</sup> \*ତୁଇ ସେମନକେ ଗଟେକ୍ ପୁଜାରିମନର୍ ରାଇଜ୍ କରି ଆରୁସ୍ । ସେମନ୍ ଆମର୍ ପର୍ମେସରକେ ସେବା କର୍ବାଇ । ଆରି ଏ ଜଗତେ ସାସନ୍ କର୍ବାଇ ।”

<sup>୧୧</sup> ମୁଇ ଆରିତରେକ୍ ଦେକ୍ଲି । ତେଇ ଅଜାର୍ ଅଜାର୍ ଦୁଡ଼ମନର୍ ସବଦ୍ ସୁନ୍ଲି । ସେ ଦୁଡ଼ମନ୍ ଚାରିଟା ପସୁମନର୍ ଆରି ପାର୍ଟିନମନର୍ ଚାରିବେଟ୍ଟି ଚିଆ ଅଇଲାଇ । <sup>୧୨</sup> ସେମନ୍ ଆଉଲି ଅଇକରି ଗିଡ୍ କଇତେ ରଇଲାଇ, “ମରାଇଅଇରଇବା ମେଣ୍ଟାପିଲା, ସବୁ ବପ୍, ସବୁ ଦନ୍ସପତି, ସବୁ ଗିଆନ୍, ସବୁ ସକ୍ତି, ଡାକ୍ପୁଟା, ମଇମା, ଆରାଦନା ପାଇବା ଅଦିକାର୍ ତର୍ ଲଗେ ଆଚେ ।”

<sup>୧୩</sup> ଜଗତେ ରଇବା ସବୁ ଜିବନ୍ ରଇବାଟାମନ୍ ଜେନ୍ତାରି କି ସରଗେ ରଇବା ସବୁଜାକ, ଜଗତେରଇବା ସବୁଜାକ, ପାତାଲେ ରଇବା ସବୁଜାକ ଆରି ସମ୍ବୁରେ ରଇବାଟାମନ୍ ଗିଡ୍ ଗାଇତେରଇଲାଇ । ଜେ ବସ୍ବା ଜାଗାଇ ବସିଆଚେ ଆରି ମେଣ୍ଟାପିଲାକେ ଆରାଦନା, ଡାକ୍ପୁଟା, ମଇମା, ଆରି ବପ୍ କାଲ୍ କାଲ୍ ଜୁଗ୍ ଜୁଗ୍ ଅ । <sup>୧୪</sup> ଚାରିଟା ଜିବନ୍ ରଇବା ପସୁମନ୍ କଇଲାଇ, ଆମେନ୍ ! ଆରି ପାର୍ଟିନମନ୍ ଡାଣ୍ଟାସନ୍ ପତି ଜୁଆରକଲାଇ ।



**ସାଡ଼ଟା ସିଲର୍ ଅରଡ଼**

<sup>୧</sup> ତାର୍ପଚେ ସେ ମେଣ୍ଟାପିଲା ସାଡ଼ଟା ସିଲ୍ ବିଡ଼ରେ ପର୍ଡୁମ୍ ସିଲ୍ ବାଙ୍ଗାଇବାଟା ମୁଇ ଦେକ୍ଲି । ଚାର୍ଟା ଜିବନ୍ ରଇବା ପସୁମନର୍ ବିଡ଼ରେଅନି ଗଟେକ୍ ପସୁ ଗଡ଼ଗତି ସବଦ୍ପାରା କରି ମକେ କଇଲା “ଆଉ ।” <sup>୨</sup> ତେଇ ମୁଇ ଦେକ୍ଲି, ଆରି ଏଦେ ଦେକା ! ଗଟେକ୍ ଦବ୍ଲା ଗଡା ଡିସ୍ଲା । ତାକେ ଚାଲାଇବା ଲକର୍ ଆତେ ଦୁନ୍ ରଇଲା । ତାକେ ଗଟେକ୍ ମୁକୁର୍ ଦିଆ ଅଇଲା । ସେ ତାର୍ ସଡ଼ରୁମନକେ ଆରାଇବାକେ ଦାପ୍ରେ ଗାଲା । <sup>୩</sup> ସେ ମେଣ୍ଟାପିଲା ତୁଇ ଲମର୍ ସିଲ୍ ବାଙ୍ଗାଇଲା । ଆରି ସେ ତୁଇ ଲମର୍ ଜିବନ୍ ରଇବା ପସୁ ମକେ କଇଲା “ଆଉ ।” <sup>୪</sup> ଆରି ଏଦେ ଦେକା ! ଆରିଗଟେକ୍ ରଙ୍ଗ୍ ରଇବା ଗଡା ବାରଇଲା । ଜଗତେ ଜୁଇଦ୍ କରାଇବାକେ ସେ ଗଡା ଚାଲାଉକେ ଦିଆଅଇରଇଲା । ଜେନ୍ତାରିକି, ଲକ୍ମନ୍ ତାକର୍ ତାକର୍ ବିଡ଼ରେ ମାରାମାରିଅଇ ମର୍ବାଇ । ତାକେ ଗଟେକ୍ ବଡେଟା କାଣ୍ଟା ଦିଆଅଇଲା ।

<sup>୫</sup> ତାର୍ପଚେ ସେ ମେଣ୍ଟାପିଲା ତିନ୍ ଲମର୍ ସିଲ୍ ବାଙ୍ଗାଇଲା । ତିନ୍ ଲମର୍ ଜିବନ୍ ରଇବା ପସୁ ମକେ କଇଲା “ଆଉ ।” ମୁଇ ଦେକ୍ଲି ଆରି ଏଦେ ଦେକା ! ଆରି ଗଟେକ୍ କାଲିଆ ଗଡା ଡିସ୍ଲା । ସେ ଗଡା ଚାଲାଉର୍ ଆତେ ଗଟେକ୍ ତୁଲ୍ବା କେଜି ରଇଲା । <sup>୬</sup> ଚାରିଟା ଜିବନ୍ ରଇବା ପସୁମନ୍ କଇତେରଇଲାଇ “ଦିନେକର୍ ବୁଡିକେ ମାନେକ୍ ମୁଣ୍ଡିଆ ଆରି ଦିନେକର୍ ବୁଡିକେ ତିନ୍ ମାନ୍ ଦାନ୍ । ମାତର୍ ଅଙ୍ଗୁର୍ ବାଡ଼ ଆରି ଜିଡ଼ ଗର୍ ନସାଇବାରନାଇ ।”

<sup>୭</sup> ତାର୍ପଚେ ସେ ମେଣ୍ଟାପିଲା ଚାରି ଲମର୍ ସିଲ୍ ବାଙ୍ଗାଇଲା । ଆରି ଚାରି ଲମର୍ ଜିବନ୍ ରଇବା ପସୁ ମକେ “ଆଉ !” ବଲି କଇଲା । <sup>୮</sup> ତେଇ ମୁଇ ଦେକ୍ଲି, ଏଦେ ଦେକା ! ଗଟେକ୍ ଚାରୁଆ ଗଡା ଡିସ୍ଲା । ଗଡା ଚାଲାଉ ଅଇଲାନି ମରନ୍ ଆରି ତୁମାମନର୍ ରାଇଜ୍ । ସେ ପଚେ ପଚେ ଆଇତେରଇଲା । ସେମନକେ ଏ ଜଗତର୍ ଚାରିବାଗେ ଅନି ଗଟେକ୍ ବାଗ୍ ଉପ୍ରେ ଅଦିକାର୍ ଦେଇତେରଇଲା । ତେଇ ଜୁଇଦର୍ ଲାଗି, ମର୍ଡିର୍ ଲାଗି, ରଗର୍ ଲାଗି ଆରି ଡଙ୍ଗର୍ ପସୁର୍ ଲାଗି ମରାଇବାକେ ଅଦିକାର୍ ଦେଲା ।

<sup>୯</sup> ତାର୍ପଚେ ମେଣ୍ଟାପିଲା ପାଁର୍ ଲମର୍ ସିଲ୍ ବାଙ୍ଗାଇଲା । ଆରି ଏଦେ ଦେକା ! ବେଦିର୍ ତଲ୍ବାଟେ ସଡ଼ବାବେ ସାକି ଦେଲାପାଇ ଆରି ପର୍ମେସରର୍ ବାକିଅ ଜାନାଇଲାପାଇ ଜନ୍ ଲକ୍ମନ୍ ମରାଇ ଅଇରଇଲାଇ ତାକର୍ ଆଡ଼ମାମନକେ ଦେକ୍ଲି । <sup>୧୦</sup> ସେମନ୍ ଆଉଲି ଅଇକରି କଇଲାଇ “ଏ ମାପ୍ରେ ପର୍ମେସର୍ ଜେ କି ସବୁରଟାମେଅନି ବପୁର୍ଟା । ତୁଇ ସୁକଲ୍ ଆରି ସଡ଼ । ଆମ୍ବକେ ମରାଇଲା ଲକ୍ମକେ ବିଚାରକରି ତଣ୍ଟ୍ ଦେବାକେ ଆମେ ଆରି କେତେକ୍ ଦିନ୍ ଜାଗ୍ଟୁ ?” <sup>୧୧</sup> ସେମନକେ ସବୁକେ ଗଟେକ୍ ଗଟେକ୍ ଦବ୍ ବସ୍ତର୍ ଦିଆଅଇରଇଲା । ତାକର୍ ସଙ୍ଗେ ରଇବା ଦାଙ୍ଗ୍ଡାମନକେ ଆରି ବାଇମନକେ ତାକର୍ ପାରାସେ ମରାଇଅଇସି । ଜେଡ଼କି ଲକ୍ ଅଇବା କାତା, ସେଡ଼କି ଲକ୍ ପୁରାପୁରନ୍ ନ ଅଇବାଜାକ ସେମନକେ ଆରି କେତେଦିନ୍ ପୁଣ୍ଡିରଇବାକେ କୁଆ ଅଇଲା ।

<sup>୧୨</sup> \*ଆରି ଏଦେ ଦେକା ! ମେଣ୍ଟା ପିଲା ଚଅ ଲମର୍ ସିଲ୍ ବାଙ୍ଗାଇବାଟା ମୁଇ ଦେକ୍ଲି । ତେଇ ଦର୍ତନି ଜବର୍ଅଇତେ ରୁଲ୍‌ରୁଲ୍ଲା । ବେଲ୍ କାଲିଆ ଅଇ କର୍କର୍ସା ରଇବା ଲୁଗାପାରା ଅଇଗାଲା ଆରି ଜନ୍ ବନି ପାରା ପୁରାପୁରନ୍ ରଙ୍ଗ୍ ଅଇଗାଲା । <sup>୧୩</sup> ଜବର୍ ପବନ୍ ଆସି ଗଟେକ୍ ତୁମ୍ବି ଗର୍ ଦୁନିଅଇଲେ ଜେନ୍ତାରି ନ ପାବ୍ଲା ତୁମ୍ବି ତଲେ ଅଦର୍ସି, ସେନ୍ତାରିସେ ବାଦଲ୍ ତାରାମନ୍ ଦର୍ତନି ଉପ୍ରେ ଅଦର୍ଲାଇ । <sup>୧୪</sup> \*ବାଦଲ୍ ଦୁଇପଡା ଅଇଗାଲା ଆରି କାଗଜ୍ପାରା ଗୁଡ଼ିଆଇଅଇଲା । ଗଟେକ୍ ଗଟେକ୍ ଡଙ୍ଗର୍ ଆରି ଚାରିବେଟ୍ଟି ପାନିରଇ ମଜାଇ ରଇବା ସୁକ୍ଲା ଜାଗା ତାର୍ ଜାଗାଇ ଅନି ଅସକ୍ଲାଇ । <sup>୧୫</sup> ତାର୍ପଚେ ଏ ଜଗତର୍ ରାଜାମନ୍, ସାସନ୍କାରିଆମନ୍, ସନିଅର୍ ନେତାମନ୍, ସାଉକାର୍ ଆରି ବେସି ବପୁରଇବା ଲକ୍ମନ୍, ବନ୍ଦିରଇବା ଆରି ମୁକ୍ଲିରଇବା ଲକ୍ମନ୍ ସେନ୍ତାରି ସବୁଲକ୍ମନ୍ ପାଆରେ ଆରି ଡଙ୍ଗ୍ରେ ରଇବା

\* ୫:୧୦ ୫:୧୦ ପଢ଼କାସିତ ୧:୬ \* ୬:୧୨ ୬:୧୨ ପଢ଼କାସିତ ୧୧:୧୩:୧୭:୧୮; ମାଡିଉ ୨୪:୨୯; ମାର୍ଚ୍ଚ ୧୩:୨୪,୨୫; ଲୁକ୍ ୨୧:୨୫ \* ୬:୧୪ ୬:୧୪ ପଢ଼କାସିତ ୧୬:୨୦

ବଡ଼ ପାକନା ତଳେ ଜାଇ ଲୁହଲାଲ । ୧୭ \*ସେମନ୍ ଆମ୍ଭଙ୍କେ ଦୟା କର ବଲି ବାବୁଜିଆ କଲାଲ । ଆରି ଡଙ୍ଗାମନ୍ଦିର  
ଆରି ପାକନାମନ୍ଦିର ଆଉଲିଅଇକରି କଇଲାଲ, “ଆମ୍ଭ ଉପରେ ଅଦରା ଆରି ଆମ୍ଭଙ୍କେ ଆଡୁକା ଉଆ । ଜେନ୍ତାରି କି  
ଜେ ବସବା ଜାଗାଇ ବସିଆରେ, ସେ ଆମ୍ଭଙ୍କେ ନ ଦେକେ । ଆରି ମେଣ୍ଟାରି ବଡ଼ ରିସାଇଅନି ଆମେ ରକିଆ ପାଇବୁ ।  
୧୭ କାଇକେବଇଲେ ତାର ରିସା ବେସି ରିସାର ଦିନ୍ ଆଇଲାଆରେ । ଆରି ଆମେ ସେଟା ମୁରଚିରଇ ନାପାରୁ ।”

୭

୧୪,୪୦୦୦ ଇସ୍ରାଏଲର ଲକ୍

୧ ତାରପତେ ଦରତନିର ଚାରିଟା କନେ ଚାରିଟା ଦୁଡ଼ ଚିଆଅଇରଇବାଟା ମୁଇ ଦେକଲି । ଜେନ୍ତାରିକି କାଇ ପବନ୍  
ଦରତନି କି ସମଦୁରେ କି କାଇ ଗଡ଼ ଉପରେ ନ ଆଇବାକେ ପବନ୍‌କେ ଦାରି ଅଟକାଇ ରଇଲା । ୨ ପୁରୁବ ଦିଗେଅନି  
ଆରି ଗଟେକ୍ ଜିବନ୍ ରଇବା ପରମେସରର ସିଲ୍ ସଙ୍ଗ ଆଇବାଟା ମୁଇ ଦେକଲି । ସେ ଦୁଡ଼ ସେ ଚାରଟା ଦୁଡ଼ମନ୍ଦିର  
ଆଉଲି ଅଇ ତାକି କଇଲା । ପରମେସର ସେମନ୍‌କେ ଦରତନି ଆରି ସମଦୁର ବିନାସ୍ କରବାକେ ବପୁ ଦେଇରଇଲା  
। ୩ ସେ ଦୁଡ଼ କଇଲା ଆମ୍ଭ ପରମେସରକେ ସେବା କରବା ଲକ୍‌ମନ୍ଦିର କାପାଲେ ଚିନ୍ ନ ଦେବା ଜାକ ଦରତନିକେ  
କି ସମଦୁରକେ କି ଗଡ଼କେ ବିନାସ୍ ନ କରା । ୪ ସେମନ୍ ସେ ଲକ୍‌ମନ୍ଦିର ଚିନ୍ କରି ସାରାଇଲା ପତେ, ସଏ  
ଚାଲିସ୍ ଚାରି ଅଜାର ଲକ୍‌ମନ୍ଦିର ଚିନ୍ ଦେଲୁ ବଲି ମକେ କଇଲା । ସେମନ୍ ଇସ୍ରାଏଲର ବାରଟା ବସେଅନି  
ରଇଲାଲ । ୫ ଜିଉଦା ବସେଅନି ବାରଅଜାର । ସେନ୍ତାରିସେ ରୁବେନ୍‌ଅନି, ଗାଦ୍ ନାଉର୍ ଜାଗାଇଅନି ବାର ଅଜାର ।  
୬ ଆସରେଅନି, ନାପ୍ତାଲିଅନି, ମାନାସେଅନି, ବାରଅଜାର । ୭ ସିମିୟନ୍‌ଅନି, ଲବିଅନି, ଇସାକର୍ ତେଇଅନି ବାରଅଜାର  
। ୮ ସବ୍‌ଲୁନେଅନି, ଜସେପେଅନି, ବନିୟମେଅନି, ବାରଅଜାର ଲାକା ଚିନ୍ କଲାଲ ।

ବଡ଼ ଦଲ୍

୯ ତାରପତେ ମୁଇଦେକଲି ଏଦେ ଦେକା ! ତେଇ ଏତେକ୍ ମାନ୍ଦା ଲକ୍‌କେ ଦେକଲି ଜେ ସେ ଲକ୍‌ମନ୍ଦିର କେ  
ମିସା ଏଜି ନାପାରଡ଼ । ସେମନ୍ ସବୁ ଜାତିଅନି, ବସେଅନି, ରାଇଜେଅନି, ଆରି ବାସାଇଅନି ଆସିରଇଲାଲ । ସେମନ୍  
ବସବା ଜାଗାର ମୁଆଟେ ଆରି ମେଣ୍ଟାପିଲାର ମୁଆଟେ ଚିଆଅଇଲାଲ । ସେମନ୍ ଦବ୍ ଲୁଗାପିନ୍ଦିକରି ଆରି ଆତେ କଜ୍‌ଚି  
ତାଲ୍ ଦାରିରଇଲାଲ । ୧୦ ସେମନ୍ ଆଉଲି ଅଇକରି କଇତେ ରଇଲାଲ, “ଆମ୍ଭ ପରମେସର ଜେ କି ବସବା ଜାଗାଇ  
ବସିଆରେ, ତାରଟାନେଅନି ଆରି ମେଣ୍ଟା ପିଲାର ଟାନେଅନି ମୁକ୍ତି ମିଲ୍‌ସି ।” ୧୧ ସବୁ ଦୁଡ଼ମନ୍ଦିର ବସବା ଜାଗାର ଆରି  
ପାର୍‌ଚିନ୍ ମନ୍ଦିର ଆରି ଚାରିଟା ଜିବନ୍ ରଇବା ପସୁମନ୍ଦିର ଚାରିବେଟ୍‌ଚି ଚିଆଅଇଲାଲ । ତାରପତେ ସେମନ୍ ବସବା  
ଜାଗାର ମୁଆଟେ ତାଣ୍ଟାସନ୍ ପତି ପରମେସରକେ ଜୁଆର୍ କରି, ୧୨ କଇଲାଲ, ଆମେନ୍, ଦନିଅବାଦ୍, ମଇମା, ଗିଆନ୍,  
ତାକ୍‌ପୁଟା, ବପୁ ଆରି ସକ୍ତି କାଲ୍ କାଲ୍ ଜୁଗ୍ ଜୁଗ୍ ଆମ୍ଭ ପରମେସରକେ ଅ । ଆମେନ୍, ବଲି କଇତେରଇଲାଲ ।

୧୩ ପାର୍‌ଚିନ୍ ମନ୍ଦିର ବିଡ଼ରେ ଅନି ଗଟେକ୍ ଲକ୍ ଆସିକରି ମକେ ପାଟାରଲା, “ଏ ଲକ୍‌ମନ୍ କାଇକେ ଦବ୍ ଲୁଗା ପିନ୍ଦି  
ଆତଡ଼ ଆରି ସେମନ୍ କନ୍ତୁଅନି ଆଇଲାଲ ?” ୧୪ \*ମୁଇ ତାକେ କଇଲି “ଆଗିଆ ମୁଇ ନାଜାନି, ତୁଇତା ଜାନୁସ୍ ।” ସେ  
ମକେ କଇଲା “ବେସି ବଡ଼ ତାଡ଼ନା ପତେ ରକିଆ ପାଇ ଆଇଲାଲଆତଡ଼ । ମେଣ୍ଟାପିଲାର ବନି ସଙ୍ଗ ସେମନ୍ ତାକର୍  
ବସ୍‌ତର୍ ଦଇକରି ଦବ୍ କଲାଲଆତଡ଼ ।” ୧୫ ସେଟାର ପାଇ ସେ ଲକ୍‌ମନ୍ ପରମେସରର ବସବା ଜାଗାର ମୁଆଟେ ରଇ  
ତାର ମନ୍ଦିରେ ଦିନ୍ ରାତି ତାକେ ସେବା କଲାଲନି । ଜେ ବସବା ଜାଗାଇ ବସିଲାଆରେ, ସେ ସେମନ୍‌କେ ରକିଆ କର୍‌ସି ।  
୧୬ ସେମନ୍‌କେ କେବେ ବୁକ୍ ନ ଲାଗେ କି ସସ୍ ନ କରେ । ବେଲ୍ କି ଅଦିକ୍ ତପି ରଇବା ତାତି ସେମନ୍‌କେ ପତାଇନାପାରେ  
। ୧୭ କାଇକେବଇଲେ ବସବା ଜାଗାର ମଜାଇ ରଇବା ମେଣ୍ଟାପିଲା, ସେ ଲକ୍‌ମନ୍ଦିର ସେବାକାରିଆ ଅଇସି, ଆରି ଜିବନ୍  
ରଇବା ଗାଡ଼ବାଟେ ସେ ଲକ୍‌ମନ୍‌କେ ବାଟକାଡାଇ ନେଇସି । ଆରି ପରମେସର ସେ ଲକ୍‌ମନ୍ଦିର ଆକିର୍ ଆସୁ ପୁଟି  
ଦେଇସି ।

୮

ସାଡ଼ଟା ସିଲ୍

୧ ମେଣ୍ଟାପିଲା ଜେତେବେଲେ ସାଡ଼ ତମର୍ ସିଲ୍ ବାଙ୍ଗାଇଲା, ସେଡ଼କିବେଲେ ସର୍ଗେ ସମାନ୍ ଅଦଗଟା ଜାକ ଚିମ୍‌ରା  
ଅଇଗାଲା । ୨ ତାରପତେ ପରମେସରର ମୁଆଟେ ସାଡ଼ଟା ଦୁଡ଼ମନ୍ଦିର ଚିଆଅଇ ରଇଲାଟା ମୁଇ ଦେକଲି । ସେ ମନ୍ଦିର  
ସାଡ଼ଟା ମଇରି ଦିଆଅଇ ରଇଲା । ୩ ତେଇ ଆରି ଗଟେକ୍ ଦୁଡ଼ ଆସିକରି ବେଦିଲଗେ ଚିଆ ଆଇଲା । ତାର ଆତେ  
ଗନ୍‌ରସ୍ ପତାଇବା ଗଟେକ୍ ସୁନାର ଗିନା ରଇଲା । ପରମେସରର ଲକ୍‌ମନ୍ଦିର ପାର୍‌ଚିନ୍ ସଙ୍ଗ ମିସାଇବାକେ ତାକେ  
ବେସି ଗନ୍‌ରସ୍ ଦିଆଅଇରଇଲା । ତାରପତେ ସେ ସେଟା ବସବା ଜାଗାର ମୁଆଟେ ରଇବା ସୁନାର ବେଦି ଉପରେ  
ସରପସି । ୪ ପଡ଼ତେରଇବା ଦୁପର୍ ଦୁଆଁ ପରମେସରର ଲକ୍‌ମନ୍ଦିର ପାର୍‌ଚିନ୍ ସଙ୍ଗ ଉପରେ ଗାଲା । ପରମେସରର  
ମୁଆଟେ ଚିଆଅଇରଇବା ଦୁଡ଼ ସେଟା ଦାରିରଇଲା । ୫ \*ତାରପତେ ସେ ଦୁଡ଼ ଦୁପ୍ ପତାଇବା ଅର୍କି ନେଇକରି

☆ ୨:୧୭ ୨:୧୭ ଲୁକ୍ ୨୩:୩୦ ☆ ୨:୧୪ ୨:୧୪ ମାତିଜ ୨୪:୨୧; ମାର୍କ ୧୩:୧୯ ☆ ୮:୫ ୮:୫ ପଢ଼କାସିତ ୧୧:୧୯;୧୭:୧୮



ବେଦିଟାନରୁ ଜଇସଙ୍ଗ ବରଡ଼ି କଲା । ସେଟା ସେ ଦରତନି ଉପରେ ପିଙ୍ଗିଦେଲା । ତେଜ ଗୁଡ଼ଗାଡ଼ କରି ଗଡ଼ଗଡ଼ି ମାରଲା ଆରି ବିଜୁଲି ମାରି ଦରତନି ଚୁଲୁଚୁଲୁଲା ।

**ମଇରି ବାଜା**

<sup>୬</sup> ତାରପଟେ ସାଡ଼ଟା ମଇରି ଦାରିରଇବା ସାଡ଼ଟା ଦୁଡ଼ ସେଟା ପୁକ୍‌ବାକେ ତିଆରୁଅଇଲା । <sup>୭</sup> ପରତୁମର ଦୁଡ଼ ତାର ମଇରି ପୁକ୍‌ଲା ଆରି ଏଦେ ଦେକା ! କାରାପାକନା ଆରି ଜଇ ଜନଟା କି ବନି ସଙ୍ଗ ମିସିରଇଲା, ସେଟା ଦରତନି ଉପରେ ଡାଲିଅଇଲା । ଦରତନି ତିନିବାଗ୍ ଅନି ଗଟେକ୍ ବାଗ୍ ପଡ଼ିଗଲା । ତାର ସଙ୍ଗ ତିନିବାଗେ ଅନି ଗଟେକ୍ ବାଗର୍ ଗଟମନ୍ ଆରି ସବୁ ଗାଁସମନ୍ ମିସା ପଡ଼ିଗଲା ।

<sup>୮</sup> ତାରପଟେ ଦୁଇଲମର ଦୁଡ଼ ମଇରି ପୁକ୍‌ଲା । ଆରି ଏଦେ ଦେକା ! ଗଟେକ୍ ବଡ଼ କୁପ୍‌ଲି, ଜନଟା ଜଇ ଲାଗତେରଇଲା, ସେଟା ସମ୍‌ଦୁର୍ ବିଡ଼ରେ ପିଙ୍ଗା ଅଇଲା । ଆରି ସମ୍‌ଦୁର୍ ପାନି ତିନିବାଗେ ଅନି ଗଟେକ୍ ବାଗ୍ ବନି ଅଇଗଲା । <sup>୯</sup> ଆରି ସମ୍‌ଦୁର୍ ବିଡ଼ରେ ରଇବା ତିନିବାଗେଅନି ଗଟେକ୍ ବାଗ୍ ଜୁଡ଼ଜିଆଦ୍ ମରିଗଲା । ଆରି ତିନିବାଗେଅନି ଗଟେକ୍ ବାଗ୍ ପାନି ଜାଜ୍ ମିସା କୁରୁପନାସ୍ ଅଇଗଲା ।

<sup>୧୦</sup> ତାରପଟେ ତିନି ଲମରର ଦୁଡ଼ ତାର ମଇରି ପୁକ୍‌ଲା । ଆରି ଏଦେ ଦେକା ! ସେ ଦାପରେସେ ଆକାସେ ଅନି ଜଇଅଲା ପାରା ଲାଗତେରଇବା ଗଟେକ୍ ବଡ଼ ତାରା ବାଦଲେଅନି ଅଦରଲା । ସେଟା ତିନିବାଗେଅନି ଗଟେକ୍ ବାଗର୍ ଗାଡ଼ମନ୍‌କେ ଆରି ଜଲାମନର୍ ଉପରେ ଅଦରଲା । <sup>୧୧</sup> ସେ ତାରାର ନାଉଁ ଅଇଲାନ୍ତି ଲାଗଦଣାତିକ୍‌ତତା । ତାରା ଅଦରଲାକେ ତିନିବାଗେ ଅନି ଗଟେକ୍‌ବାଗ୍ ପାନି ପିତା ଅଇଗଲା । ସେ ପିତା ପାନି କାଇକରି ବେସିଲକ୍‌ମନ୍ ମରିଗଲା ।

<sup>୧୨</sup> ତାରପଟେ ତାର ଲମରର ଦୁଡ଼ ତାର ମଇରି ପୁକ୍‌ଲା । ଆରି ଏଦେ ଦେକା ! ବେଲର୍ ତିନିବାଗେଅନି ଗଟେକ୍ ବାଗକେ ମାଡ଼ ଅଇଲା । ସେନ୍ତାରିସେ ଜନର୍ ତିନିବାଗେଅନି ଗଟେକ୍ ବାଗ୍, ଆରି ତାରା ମନର୍ ତିନିବାଗେ ଅନି ଗଟେକ୍ ବାଗ୍ ନସ୍‌ଟ ଅଇଗଲା । ତେବର୍ ପାଇ ଜନ୍ ଆରି ତାରାମନର୍ ଉଜଲ୍ ଦେବାଟା ତିନିବାଗେଅନି ଗଟେକ୍ ବାଗ୍ ଉନା ଅଇଗଲା । ତାରପଟେ ଦିନିମିସା ତିନିବାଗେ ଅନି ଗଟେକ୍ ବାଗ୍ ଆରି ରାତି ମିସା ତିନିବାଗେ ଅନି ଗଟେକ୍ ବାଗ୍ ଉଜଲ୍ ନ ରଇଲା ।

<sup>୧୩</sup> ତାରପଟେ ମୁଇ ଆରି ଦେକଲି ଆରି ଏଦେ ଦେକା ! ଗଟେକ୍ ଗିଦ୍ ବେସି ଉପରେ ଉଡ଼ତେରଇଲା । ଆରି ଆଉଲି କଇତେରଇଲା, “କାଇ ଇନସ୍‌ତା, କାଇ ଇନସ୍‌ତା । ଜେତେବେଲେ ବାକି ତିନିଟା ଦୁଡ଼ମନର୍ ମଇରି ଟାନେଅନି ସବ୍‌ ଆଇଲାବେଲେ, ଦରତନି ଟାନେ ରଇବା ସବୁ ଲକ୍‌ମନର୍ ପାଇ କେତେକ୍ ଇନସ୍‌ତା ଅଇସି ।”



<sup>୧୪</sup> ତାରପଟେ ପାଁର୍ ଲମରର ଦୁଡ଼ ତାର ମଇରି ପୁକ୍‌ଲା । ଆରି ଏଦେ ଦେକା ! ବାଦଲେଅନି ଦରତନି ଉପରେ ଅଦ୍‌ରି ରଇବା ଗଟେକ୍ ତାରା ଦେକଲି । ତାକେ ପାତାଲର୍ କୁଟିକାଡ଼ି ଦିଆଅଇରଇଲା । <sup>୧୫</sup> ସେ ତାରା ପାତାଲ୍ ଉଗାଡ଼ଲା ଆରି ତେଜଅନି ଗଟେକ୍ ଜଇଲାଗ୍‌ବା ବାଟି ଅନି ଦୁଆଁ ବାରଇଲା ପାରା ବାରଇଲା । ପାତାଲେଅନି ଆଇବା ଦୁଆଁର୍ ଲାଗି ବେଲର୍ ଉଜଲ୍ ଆରି ପବନ୍ ଆନ୍ଦାର୍ ଅଇଗଲା । <sup>୧୬</sup> ଦରତନିଟାନେ ରଇବା ଦୁଆଁର୍ ଲାଗି, ତେଜଅନି ଚିଟ୍‌କାମନ୍ ବାରଇଲା । ସେଟାମନ୍‌କେ ବିସ୍‌କାକ୍‌ତାର ପାରା ବପୁ ଦିଆଅଇରଇଲା । <sup>୧୭</sup> ସେମନ୍‌କେ ଦରତନିର୍ ଗାଁସ୍ କି ଗର୍ କି ବିନ୍ ବାଡ଼ର୍ ଗର୍‌କୁଟ୍‌କେ ମାରାନାଇ ବଲି କୁଆଅଇରଇଲା । ପରମେସରର୍ ସିଲର୍ ଚିନ୍, ଜନ୍ ଲକ୍‌ମନର୍ କାପାଲେ ନ ରଇଲା, ସେମନ୍‌କେ ଆକା ମାରବାକେ ଆଦେସ୍ ରଇଲା । <sup>୧୮</sup> ଏ ଲକ୍‌ମନ୍‌କେ ମରାଇବାକେ ଚିଟ୍‌କାମନ୍‌କେ ଆଦେସ୍ ନ ଦେଇରଇଲା । ମାତର୍ ପାଁର୍‌ମାସ୍ ଜାକ ସେମନ୍‌କେ କସ୍‌ଟ ଦେବାକେ ସେମନ୍ ଜନ୍ କସ୍‌ଟ ପାଇବାଇ, ସେଟା ଗଟେକ୍ ବିସ୍‌କାକ୍‌ତା ଚାବ୍‌ଲାବେଲର୍ ଦୁକାପାରା ରଇସି । <sup>୧୯</sup> ସେ ପାଁର୍‌ମାସ୍ ଜାକ କେନ୍ତ୍ରି କରି ମର୍‌ବୁ ବଲି ବାଟ୍ କଜ୍‌ବାଇ । ମାତର୍ ସେଟା ମିଲାଜନାପାରଡ଼ । ସେମନ୍ ମର୍‌ବାକେ ବେସି ମନ୍ କର୍‌ବାଇ, ମାତର୍ ସେଟା ନ ଅଏ ।

<sup>୨୦</sup> ଜୁଇଦ୍ ପାଇ ତିଆର୍ ଅଇରଇବା ଗଡ଼ାମନର୍‌ପାରା ସେ ଚିଟ୍‌କାମନ୍ ଡିସ୍‌ତେରଇଲା । ସେମନର୍ ମୁଣ୍ଟ୍ ସୁନାର୍ ମୁକୁର୍ ପିନ୍ ରଇଲା । ସେମନର୍ ମୁ ଲକ୍‌ମନର୍ ମୁ ପାରା ରଇଲା । <sup>୨୧</sup> ସେମନର୍ ତେଣ୍ଟି ମାଇଜିଟ୍‌କିମନର୍‌ପାରା ଆରି ଦାଡ଼ ସିଅଁମନର୍‌ପାରା ରଇଲା । ତାକର୍ ବୁକେ ଲୁଆର୍ ସାଞ୍ଜୁ ଡାବିଅଇରଇଲା । <sup>୨୨</sup> ତାକର୍ ତେନାମନ୍ ଜାଡ଼ଲେ ଜୁଇଦ୍‌କେ ଜିବା ଗଡ଼ାର ରତର୍ ସବ୍‌ ପାରା ସୁନିଅଇତେରଇଲା । <sup>୨୩</sup> ବିସ୍‌କାକ୍‌ତା ମନର୍ ପାରା ସେମନର୍ ଲେଞ୍ଜ୍ ଗଜିଆ ରଇଲା । ଆରି ବିସ୍‌କାକ୍‌ତା ପାରା ଚାବ୍‌ତେରଇଲା । ପାଁର୍‌ମାସ୍ ଜାକ ଲକ୍‌ମନ୍‌କେ ନସାଇବାକେ ତାକର୍ ଲେଞ୍ଜ୍‌ର୍ ବପୁ ରଇଲା । <sup>୨୪</sup> ତାକର୍ ଉପରେ ଗଟେକ୍ ରାଜା ସାସନ୍ କରତେରଇଲା । ସେ ପାତାଲେ ଦେକା ରକା କରବା ଦୁଡ଼ । ଏବ୍‌ରି ବାସାଇ ତାର ନାଉଁ ଅଇଲାନ୍ତି ଅବଦନ୍ । ଆରି ଗିରିକ୍ ବାସାଇ ଅପଲିୟନ୍ । ତାର ଅରଡ଼ ଅଇଲାନ୍ତି କୁରୁପନାସ୍ କରବା ଲକ୍ ।

<sup>୨୫</sup> ପରତୁମର୍ ତର୍ ଲାଗ୍‌ବା ଦୁକ୍ କସ୍‌ଟ ସାରଲା । ତାରପଟେ ଆରି ଦୁଇଟା ଅଦିକ୍ ଦୁକ୍ କସ୍‌ଟ ଅଇବାଟା ଆଇଲାନ୍ତି ।

<sup>୨୬</sup> ତାରପଟେ ଚଅ ଲମରର ଦୁଡ଼ ତାର ମଇରି ପୁକ୍‌ଲା । ଆରି ଏଦେ ଦେକା ! ପରମେସର୍ ମୁଆଁଟେ ରଇବା ସୁନା ବେଦିର୍ ଚାରିଟା କନେଅନି ମୁଇ ଗଟେକ୍ ସବ୍‌ ସୁନିଲି । <sup>୨୭</sup> ସେ ସବ୍‌ ଚଅ ଲମର୍ ଦୁଡ଼କେ କଇଲା, ବଡ଼ ଗାଡ଼ ଇଉପର୍‌ଟିସ୍ ଗାଡେ, ବାନ୍ଧି ସଙ୍ଗଇବା ଚାରିଟା ଦୁଡ଼ମନ୍‌କେ ମୁକ୍‌ଲାଇଦେସ୍ । <sup>୨୮</sup> ଚାରଟା ଦୁଡ଼ମନ୍‌କେ ମୁକ୍‌ଲାଇଲା ।

। ଗୁଲାଇ ମୁନୁସ୍‌ଜାତିର ତିନ୍ ବାଗେଅନି ଗଟେକ୍ ବାଗ୍‌କେ ମରାଇବାକେ ସେମନ୍‌କେ ତିଆର୍ କରି ସଙ୍ଗଇରଇଲା । ଏ ସମାନ୍ ବରସର୍, ସମାନ୍ ମାସର୍, ସମାନ୍ ଦିନର୍, ସମାନ୍ ଗଠାପାଇ ସେମନ୍‌କେ ସଙ୍ଗଇରଇଲା । ୧୭ ତାର୍‌ପଟେ ଗଟେକ୍ ବଡ଼ଦଲ୍ ଅଇକରି ଗଡାଲଗେ ଆଇତେ ରଇବା ସନିଅମନ୍ ଜନ୍‌ଲକ୍‌ମନ୍ କି ଦୁଇସ ଲକିଅ ଲକ୍‌ମନ୍ ଆଚଡ଼ ବଲି ସେମନ୍ କଇଲାଇ, ସେଟା ଦେକ୍‌ଲି । ୧୮ ମୁଇ ମର୍ ଦର୍‌ସନେ ଗଡାମନ୍‌କେ ଆରି ତାର୍ ଚାଲାଉମନ୍‌କେ ଦେକ୍‌ଲି । ତାକର୍ ସାଞ୍ଜୁମନ୍ ଜଇପାରା ରଙ୍ଗ୍ ଆରି ନିଲି ପାରା ନିଲିଆ, ଅଲ୍‌ଦି ପାରା ରଇଲା । ସେ ଗଡା ମନର୍ ମୁଣ୍ଟ ସିଅଁମନର୍ ମୁଣ୍ଟ ପାରା ରଇଲା । ଆରି ତାକର୍ ଟଣ୍ଡେଅନି ଜଇ ଦୁଆଁ ଆରି ରକଡ଼ ପାରାଟା ବାରଇତେରଇଲା । ୧୯ ଗୁଲାଇ ମୁନୁସ୍ ଜାତିର ତିନ୍‌ବାଗେ ଅନି ଗଟେକ୍ ବାଗ୍ ସେ ତିନ୍‌ଟା ମର୍‌ଡ଼ିରୁଲଗି ମରିଗାଲାଇ । ଗଡାମନର୍ ଟଣ୍ଡେଅନି ଆଇବା ଜଇ ଦୁଆଁ ଆରି ଗନ୍‌ପାରା ତିନ୍‌ଟା ମର୍‌ଡ଼ି ଅଇଲା । ୨୦ ଗଡାମନର୍ ବପୁ ତାକର୍ ଟଣ୍ଡେ ଆରି ତାକର୍ ଲେଞ୍ଜେ ମିସିକରି ରଇଲା । ତାକର୍ ଲେଞ୍ଜେ ମୁଣ୍ଟ ରଇବା ସାଁପମନର୍ ପାରା ରଇଲା । ସେଟାସଙ୍ଗ୍ ସେମନ୍ ଲକ୍‌ମନ୍‌କେ ମାର୍‌ତେରଇଲାଇ । ୨୧ ଏ ମର୍‌ଡ଼ି ଅଇଲାର୍ ପାଇ ଜେଡ଼କି ରଇଲା ମନସ୍ ଜାତି, ଆତେ ତିଆର୍‌କରି ରଇବାଟାକେ ଚାଡ଼ଡ଼ନାଇ । ଗର୍‌ସଙ୍ଗ୍, ପାକ୍‌ନାସଙ୍ଗ୍, ପିତଲ୍‌ସଙ୍ଗ୍, ରୁପାସଙ୍ଗ୍ ଆରି ସୁନାସଙ୍ଗ୍ ତିଆର୍ କରିରଇବା ମୁର୍‌ଡ଼ିମନ୍‌କେ ଆରି ତୁମାମନ୍‌କେ ସେବା କର୍‌ବାଟା ସେମନ୍ ଚାଡ଼ଡ଼ନାଇ । ୨୨ ସେମନ୍ ଚରାଇବାଟା, ବେସିଆ କାମ୍ କର୍‌ବାଟା, ଜାହୁ ମିତର୍ କର୍‌ବାଟା ଆରି ନର୍ ମରାଇବାଟା ମିସା ଚାଡ଼ଡ଼ନାଇ ।

### ୧୦

#### ସରଗର୍ ଦୁଡ଼ ଆରି ସାନ୍‌ଟା ବଇ

୧ ତାର୍‌ପଟେ ଏଦେ ଦେକା ! ସରଗେଅନି ଆରି ଗଟେକ୍ ବଡ଼ ଦୁଡ଼ ଉଡ଼ରି ଆଇବାଟା ମୁଇ ଦେକ୍‌ଲି । ତାକେ ଗଟେକ୍ ବାଦଲ୍ ଗୁଡାଇରଇଲା ଆରି ମୁଣ୍ଡେ ଗଟେକ୍ ଇନ୍‌ଦ୍‌ଦୁନ୍ ଗୁଡିଆଇ ଅଇରଇଲା । ତାର୍ ମୁ ବେଲ୍ ପାରା ରଇଲା । ତାର୍ ଗଡ଼ମନ୍ ଜଇର୍ କୁନାଦି ପାରା ରଇଲା । ୨ ତାର୍ ଆତେ ଉଗାଡି ଅଇରଇବା ଗଟେକ୍ ସାନ୍ ବଇ ରଇଲା । ସେ ତାର୍ ଉଜାଗଡ଼ ସମ୍‌ଦୁର୍ ବିଡ଼ରେ ସଙ୍ଗଇଲା ଆରି ତେବ୍‌ରି ଗଡ଼ ସୁକ୍‌ଲା ବୁଏଁ ସଙ୍ଗଇଲା । ୩ ସେ ଆଉଲି ଅଇଲାକେ ସିଅଁମନ୍ ଅତର୍‌ଲା ପାରା ସୁନିଅଇଲା । ସେ ତାକ୍‌ଲା ପଟେ, ସାଡ଼ଟା ଗଡ଼ଗଡ଼ିମନ୍ ଅଡ଼ରିକରି କଇଲାଇ । ୪ ସେମନ୍ କାତା ଅଇଲା ଦାପ୍‌ରେ ମୁଇ ଲେକ୍‌ବାକେ ଆରାମ୍ ଅଇରଇଲି । ମାତର୍ ସରଗେଅନି ଗଟେକ୍ ସବଦ୍ ସୁନ୍‌ଲି, ସାଡ଼ଟା ଗଡ଼ଗଡ଼ିମନ୍ କଇଲାଟା କେ ନାଜାନିଲାପାରା ସଙ୍ଗ । ସେଟା ଲେକ୍‌ନାଇ । ୫ ତାର୍‌ପଟେ ମୁଇ ଆଗଡୁ ଦେକିରଇବା ଦୁଡ଼ ଜେ କି ସମ୍‌ଦୁରେ ଆରି ସୁକ୍‌ଲା ପଦାଇ ଟିଆ ଅଇରଇଲା, ସେ ତାର୍ ଉଜା ଆଡ଼ ସରଗ୍‌ବାଟେ ଲାମାଲିଲା । ୬ ପର୍‌ମେସରର୍ ନାଉଁ ଦାରି ସେ ଗଟେକ୍ ସପଡ଼ କଲା । ପର୍‌ମେସର୍ କାଲ୍ କାଲ୍ ଜୁଗ୍ ଜୁଗ୍ ବୁଏଁ । ସେ ସରଗେ ରଇବାଟା, ଦର୍‌ଡ଼ନିତେଇ ରଇବାଟା ଆରି ସମ୍‌ଦୁରେ ରଇବା ସବୁଜାକ ତିଆର୍ କଲା । ସେ ଦୁଡ଼ କଇଲା, “ଆରି ଅଲ୍‌ସମ୍ ନ ଅଏ ।” ୭ ମାତର୍ ଜେତେବେଲେ ସାଡ଼ ଲମ୍‌ମର୍ ଦୁଡ଼ ତାର୍ ମଇରି ପୁକ୍‌ସି, ସେଡ଼କିବେଲେ, ପର୍‌ମେସର୍ କାକେ ନ ଜାନାଇରଇବା ତାର୍ ମନ୍ କଲାଟା ପୁରାପୁରୁନ୍ ସିଦ୍ କର୍‌ସି । ଏଟା ସେ ତାର୍ ଦାଙ୍ଗ୍‌ତାମନ୍‌କେ ଆରି ବବିସଡ଼ବକ୍‌ତାମନ୍‌କେ ସେ ଆଗଡୁ ଜାନାଇରଇଲା । ୮ ତାର୍‌ପଟେ ସରଗେଅନି ଜନ୍ ସବଦ୍ ମର୍‌ସଙ୍ଗ୍ କାତା ଅଇତେରଇଲା, ସେଟା ଆରିତରେକ୍ ମକେ କଇଲା “ଜାଆ, ସମ୍‌ଦୁରେ ଆରି ସୁକ୍‌ଲା ଜାଗାଇ ଟିଆଅଇରଇବା ଦୁଡ଼ର୍ ଆତେଅନି ଉଗାଡି ଅଇରଇବା କାଗଜ୍ ବେଟ୍ ।” ୯ ମୁଇ ଦୁଡ଼ର୍ ଲଗେ ଗାଲି ଆରି ସାନ୍‌ଟା କାଗଜ୍ ମକେ ଦେ ବଲି କଇଲି । ସେ ମକେ କଇଲା “ଏଟା ନେଇକରି କାଆ । ତର୍ ପେଟେ ଏଟା ପିତା ଅଇସି । ମାତର୍ ତର୍ ଟଣ୍ଡେ ସେଟା ମୁ ପାରା ମୁନ୍‌ର ରଇସି ।” ୧୦ ତେଇ ମୁଇ ଦୁଡ଼ର୍ ଟାନେଅନି ସାନ୍‌ଟା କାଗଜ୍ ନେଲି ଆରି କାଇଲି । ସେଟା ମର୍ ଟଣ୍ଡେ ପାକାଇଲାକେ ମୁ ପାରା ସୁଆଦ୍ ରଇଲା । ମାତର୍ ଗିଲ୍‌ଲା ପଟେ ପେଟ୍ ବିଡ଼ରେ ପିତା ଅଇଗାଲା । ୧୧ ତାର୍‌ପଟେ ମକେ କଇଲା, “ସବୁ ରାଜାମନର୍ ବିସଇ, ବାସାମନର୍ ବିସଇ, ବୁଏର୍ ବିସଇ, ଆରି ରାଇଜର୍ ବିସଇ, ଏ ସବୁଜାକର୍ ଉପ୍‌ରେ ପର୍‌ମେସରର୍ କବର୍ ତୁଇ ଆରିତରେକ୍ ଜାଇ ଜାନାଇବାଟା ଆଟେ ।”

### ୧୧

#### ଦୁଇଟା ସାକି

୧ ତାର୍‌ପଟେ ମକେ ନାପ୍‌ବା ଡାଙ୍ଗ୍ ପାରା ଡିସ୍‌ବା ଡାଙ୍ଗ୍ ଗଟେକ୍ ଦିଆଅଇଲା । “ଜାଆ ଆରି ପର୍‌ମେସରର୍ ମନ୍‌ଦିର୍ ଆରି ବେଦି ନାପ୍ । ମନ୍‌ଦିରେ ପାର୍‌ଡ଼ନା କର୍‌ବା ଲକ୍‌ମନ୍‌କେ ଏଜିକରି ଆଉ ।” ୨ ମାତର୍ ମନ୍‌ଦିର୍ ବାଇରେ ରଇବା ଡାଣ୍ଟ ନାପ୍‌ନାଇ । କାଇକେବଇଲେ ସେ ଜାଗା ଜିଉଦି ନ ଅଇଲା ଲକ୍‌ମନ୍‌କେ ଦିଆଅଇଲା ଆଟେ । ସେମନ୍ ସୁକ୍‌ଲ୍ ନଅରେ ରଇ ୪୨ ମାସ୍ ଜାକ ସେ ନଅର୍‌କେ ଅସୁକଲ୍ କରିଦେବାଇ । ୩ ବାସ୍‌ତା ପିନ୍‌ଦିରଇବା ଦୁଇଟା ସାକିମନ୍‌କେ ମୁଇ ପାଟାଇବି । ସେ ବାରସ୍ ସାଟେଦିନ୍ ମୁଇ ସେମନ୍‌କେ କଇଲାଟା ଜାନାଇବାଇ ।

୪ ସେ ଦୁଇଟା ସାକିମନ୍ ଜଗତର୍ ମାପ୍‌ରୁର୍ ମୁଆଟେ ଟିଆଅଇବା ଜିଡ଼ ଗର୍ ଆରି ଦୁଇଟା ବଡ଼ି ଅଇଆଚଡ଼ । ୫ କେ ଜଦି ସେମନର୍ ଅନିଆଇ ଦେକି ମାର୍‌ବାକେ ଚେସ୍‌ଟା କର୍‌ବାଇ, ତାକର୍ ଟଣ୍ଡେଅନି ଜଇ ବାକ୍‌କରାଇ ତାକର୍

☆ ୧୧:୨ ୧୧:୨ ଲୁକ୍ ୨୧:୨୪

ବିରଦିମନ୍ତକେ ବିନାସ କରବାଇ । ଏନ୍ତାରି ଜେ ସେମନ୍ତକେ ମାରବାକେ ଚେସ୍ତା କରବାଇ, ସେମନ୍ତ ମରିଜିବାଇ ।  
 ୬ ସେମନ୍ତ ପରମେସରର କବର ଜାନାଇବାବେଲେ ଜେନ୍ତାରି କି ବରସା ନଅ ବଲି ବାଦଲକେ ଡାବିକରି ସଙ୍ଗାଇବାକେ  
 ତାକର ଅଦିକାରୁଆଚେ । ପାଜରା ପାନିମନ୍ତକେ ବନି କରବାକେ ମିସା ତାକର ଅଦିକାର ରଇସି । ଜେତେବେଲେ  
 ମନ୍ତକଲେ, ସେତେବେଲେ ଜନ୍ ରକାମ୍ ମରୁତି ଦରତନି ଉପରେ କେତେତର ମିସା କରି ବାଦାଦେବାକେ, ସେମନ୍ତର  
 ଅଦିକାରୁ ଆଚେ । ୭ \*ସେମନ୍ତ ତାକର କବର ଜାନାଇଲା ପଚେ, ଗଟେକ୍ ବେସି ତର ଲାଗ୍‌ବା ପସୁ ପାତାଲେଅନି  
 ବାରଇଆସି ତାକର ବିରୁଦେ ଜୁଇଦ୍ କରସି । ସେ ପସୁ ସେମନ୍ତକେ ଆରାଇକରି ମରାଇଦେଇସି । ୮ ବଡ଼ ନଅର ସାଇର୍  
 ମଜାଇ ତାକର ମଲା ଗାଗଡ଼ ରଇସି । ସେ ବଡ଼ ନଅରେ ତାକର ମାପୁରୁ କୁରୁସକାଚେ ସରପି ଅଇରଇଲା । ସେ ନଅର୍  
 ସଦମ୍ କି ମିସର ରାଇଜ୍ ପାରା ଆଚେ । ୯ ତିନ୍ ଦିନ୍ ଆରି ଅଦା ଦିନରପାଇ ସବୁ ରାଇଜର୍, ସବୁ ଦେସର୍, ସବୁ ବସ୍ତର୍,  
 ସବୁ ଜାତିର୍ ଆରି ସବୁ ବାସାର ଲକ୍ ଦେକବାଇ । ସେ ମଲା ମତାମନ୍ତକେ ତପ୍‌ବାକେ ସେମନ୍ତ ରାଜି ନଅଡ଼ । ୧୦ ଏ  
 ଦୁଇ ଲକ୍ ମଲାପାଇ, ଜଗତର୍ ଲକ୍ ସାରଦା ଅଇବାଇ । ଏ ଦୁଇଟା ବବିସଡ଼ବକ୍‌ତାମନ୍ତ ଜଗତେ ବେସି ଦୁକ୍‌କସ୍‌ଟ  
 ଆନାଇଲାଜେ ଲକ୍‌ମନ୍ତ ସାରଦା ଅଇବାଇ ଆରି ସାଇସାରଦା ଅଇକରି ସାରଦା ଅଇବା ଜିନିସମନ୍ତ ଦିଆନିଆ ଅଇବାଇ  
 । ୧୧ ତିନ୍‌ଦିନ୍ ଆରି ଅଦା ଦିନ୍ ପଚେ ଜିବନ୍ ଦେବା ଗଟେକ୍ ପୁଣ୍ଡା ପରମେସର୍ ଟାନେଅନି ଆସି ତାକର ବିଡ଼ରେ ପୁରୁଲା  
 । ଆରି ଏଦେ ଦେକା ! ସେମନ୍ତ ଉଟ୍‌ଲାଇ । ସେମନ୍ତକେ ଦେକ୍‌ଲା ଲକ୍‌ମନ୍ତ ବେସି ତରିଗାଲାଇ । ୧୨ ତାରପଚେ ସର୍ଗେ  
 ଅନି ଗଟେକ୍ ଜବର୍ ସବଦ୍ ବବିସଡ଼ବକ୍‌ତାମନ୍ତକେ କଇଲା, “ଉପରେ ଆସା ।” ଆରି ତାକର ବିରଦିମନ୍ତ ଦେକ୍‌ବାବେଲେ  
 ସେମନ୍ତ ଗଟେକ୍ ବାଦଲ୍ ଉପରେ ବସି ସର୍ଗେ ଗାଲାଇ । ୧୩ \*ସେଡ଼କିବେଲେ, ଏଦେ ଦେକା ! ବେସି ଦରତନି ତୁଲ୍‌ବୁଲି  
 ଗାଲା । ନଅରର୍ ଦସ୍‌ବାଗେଅନି ଗଟେକ୍ ବାଗ୍ କୁରୁପ୍‌ନାସ୍ ଅଇଗାଲା । ଆରି ତେଇ ୭,୦୦୦ ଲକ୍‌ମନ୍ତ ମରିଗାଲାଇ ।  
 ବାକି ରଇଲା ଲକ୍‌ମନ୍ତ ତରିକରି ସର୍ଗେ ରଇବା ପରମେସରର୍ ବପୁକେ ତାକ୍‌ପୁଟା କଲାଇ । ୧୪ ବେସି ତର ଅଇବା  
 ଦୁଇ ଲମ୍‌ର୍ ଦୁକ୍‌କସ୍‌ଟ ସାରିଗାଲା । ମାତର୍ ଏବେ ଦେକା ପଚର୍‌ଟା ଦାପରେ ଆଇସି ।

**ସାଡ଼ଟା ମଇରି**

୧୫ ତାରପଚେ ସାଡ଼ ଲମ୍‌ର୍ ଦୁଡ଼ ତାର ମଇରି ପୁକ୍‌ଲା । ଆରି ଏଦେ ଦେକା ! ସର୍ଗେ ଜବର୍ ଆଉଲି ଅଇବାଟା  
 ସୁନିଅଇଲା । ଜଗତକେ ସାସନ୍ କରବା ବପୁ ଆମର୍ ମାପୁରୁ ଆରି ତାର ମସିଅକେ । ସେ କାଲ୍ କାଲ୍ ଜୁଗ୍ ଜୁଗ୍ ସାସନ୍  
 କରସି । ୧୬ ତାରପଚେ ପରମେସରର୍ ମୁଆଟେ ବସବା ଜାଗାଇ ବସିରଇବା ୨୪ ଟା ପାର୍‌ଚିନ୍‌ମନ୍ତ ତାଣ୍ଡାସନ୍ ପତି ତାକେ  
 ଜୁଆର୍ କଲାଇ । ୧୭ ସେମନ୍ତ ଏନ୍ତାରି କଇଲାଇ “ମାପୁରୁ ପରମେସର୍ ସବୁଟାଟାନେଅନି ଉପରେ ଆଚେ । ସେ ସବୁବେଲେ  
 ରଇଲା ଆରି ରଇସି ମିସା । ତର ବଡ଼ ବପୁ ସଙ୍ଗ୍ ତୁଇ ସାସନ୍ କରବାକେ ଆରାମ୍ କଲୁସ୍ । ଆରାମ୍ କଲାପାଇ  
 ଆମେ ତକେ ଜୁଆର୍ କଲୁନି । ୧୮ ଜିଉଦି ନ ଅଇଲା ଲକ୍‌ମନ୍ତ ବେସି ରିସା ଅଇଜାଇରଇଲାଇ ।” କାଇକେବଇଲେ  
 ଏବେ ରିସା ଅଇବା ପାଲି ତମର୍‌ଟା । ଏବେ ମଲା ଲକ୍‌ମନ୍ତର୍ ବିଚାର୍ ଅଇସିବେ । ବବିସଡ଼ବକ୍‌ତାମନ୍ତ ଜେ କି ତମର୍  
 ଦାଙ୍ଗ୍‌ତା ଅଇରଇଲାଇ, ସେମନ୍ତକେ ପୁରୁସକାର ଦେବା ବେଲା କେଟ୍‌ଲା । ତକେ ଜେଡ଼କି ନାମ୍‌ବା ଲକ୍, ବଡ଼ସାନ୍ ସମାନ୍  
 ଅଇକରି ଦରତନିକେ ବିନାସ କରିରଇବା ଲକ୍‌ମନ୍ତ ଏବେ ନିଜେ ବିନାସ୍ ଅଇବାଇ । ୧୯ \*ସର୍ଗେ ରଇବା ପରମେସରର୍  
 ମନ୍ଦିର୍ ଉଗାଡ଼ି ଅଇଲା ଆରି ତେଇ ରାଜିନାମାର୍ ପେଡ଼ି ଡିସ୍‌ଲା । ତାରପଚେ ବିଜ୍‌ଲି ଜଟକ୍‌ଲା, ଗଡ଼ଗଡ଼ି ମାର୍‌ଲା ଦରତନି  
 ତୁଲ୍‌ବୁଲି ଆରି ବେସି କାରାପାକ୍‌ନା ମିସା ମାର୍‌ଲା ।



**ମାଇଜି ଆରି ସାଁପ୍**

୨୦ ତାରପଚେ ବାଦଲେ ଗଟେକ୍ କାବାଅଇଜିବା ତିନ୍ ଡିସ୍‌ଲା । ଆରି ଏଦେ ଦେକା ! ଜନ୍ ବିଡ଼ରେ ଗଟେକ୍ ମାଇଜି  
 ଚିଆଅଇରଇବାଟା ଡିସ୍‌ଲା । ତାର ଲୁଗା ବେଲ୍‌ପାରା ଜକ୍‌ଜକି ଜାଇତେରଇଲା । ୨୧ ସେ ମାଇଜି ବାର୍‌ଟା ତାରା ରଇବା  
 ମୁକୁଟ୍ ପିନ୍‌ରଇଲା । ସେ ନିକ ଅଇବା ବେଲା ଲଗେ କେଟିରଇଲା । ଆରି ଦୁକାସୁକାର୍‌ଲାଗି କାନ୍‌ତେରଇଲା ।  
 ୨୨ ଆରି ବାଦଲେ କେବେ ଦେକି ନ ରଇବା ବିନ୍ ରକାମ୍ ତିନ୍ ଡିସ୍‌ଲା । ଆରି ଏଦେ ଦେକା ! ସାଡ଼ଟା ମୁଣ୍ଡ ଆରି  
 ଦସ୍‌ଟା ସିଙ୍ଗ୍ ରଇବା ଗଟେକ୍ ବତେଟା ଅଇ ରଙ୍ଗ୍ ରଇଲା ଅସୁର୍ ସାଁପ୍ ଡିସ୍‌ଲା । ତାର ସାଡ଼ଟା ମୁଣ୍ଡେ ସାଡ଼ଟା ମୁକୁଟ୍  
 ରଇଲା । ୨୩ ବାଦଲେ ରଇବା ତିନ୍ ବାଗେଅନି ଗଟେକ୍ ବାଗର୍ ତାରାମନ୍ତକେ ତାର୍ ଲେଞ୍ଜ୍ ଜିକିନେଇକରି ଦରତନିଟାନେ  
 ପିଙ୍ଗିଦେଲା । ସେ ମାଇଜି ନିକ ଅଇଲାଦାପରେ ତାର୍ ପିଲାକେ କାଇବି ବଲି ମାଇଜିର୍ ମୁଆଟେ ଚିଆଅଇଲା ।  
 ୨୪ ତାରପଚେ ସେ ମାଇଜି ଗଟେକ୍ ପିଲାକେ ଜନମ୍ ଦେଲା । ସେ ପିଲା ଜଗତର୍ ସବୁ ରାଇଜ୍ ଗଟେକ୍ ଲୁଆର୍ ତାଙ୍ଗ୍‌ସଙ୍ଗ୍  
 ସାସନ୍ କରସି । ମାତର୍ ଚାଡ଼ାଇକରି ପରମେସର୍ ବସବା ଜାଗାଇ ନିଆଅଇଲା । ୨୫ ପରମେସର୍ ତାର୍‌ପାଇ ତିଆର୍ କରି  
 ସଙ୍ଗାଇରଇବା ମରୁବୁଇ ବାଟେ ସେ ମାଇଜି ପାଲାଇଲା । ତେଇ ୧,୨୬୦ ଦିନ୍ ଜାକ ତାକେ ଜତନ୍ ନିଆଅଇସି ।

\* ୧୧:୬ ୧୧:୭ ପଢ଼କାସିତ ୧୩:୫-୭;୧୭:୮    \* ୧୧:୧୩ ୧୧:୧୩ ପଢ଼କାସିତ ୬:୧୨;୧୭:୧୮    \* ୧୧:୧୯ ୧୧:୧୯ ପଢ଼କାସିତ ୮:୫;୧୭:୧୮; ପଢ଼କାସିତ ୧୭:୨୧

୭ ✨ତାରପତେ ସରଗପୁରେ ଗଟେକ୍ ଜୁଇଦ୍ ଆରାମ୍ ଅଇଲା । ମିକାଏଲ୍ ଆରି ତାରଦୁତ୍ତମନ୍ ସେ ଅସୁର୍ ଆରି ତାର ଦୁତ୍ତମନ୍ ସଙ୍ଗ୍ ଜୁଇଦ୍ କଲା । ୮ ସେମନ୍ ସେ ଅସୁର୍କେ ଆରାଇଲା । ତାକେ ଆରି ତାର ଦୁତ୍ତମନ୍କେ ସର୍ଗେ ରଇବାକେ ଆଦେସ୍ ନ ରଇଲା । ୯ ✨ସେ ଅସୁର୍ ସାଁପ୍କେ ବାଇରେ ବେଟି ପିଙ୍ଗିଦେଲା । ସେ ଅସୁର୍ସାଁପ୍ ଦିଆବଲ୍ ବଲି ଡାକ୍ ବା ସାଁପ୍ ରଇଲା । ଜେ କି ଗୁଲାଇ ଜଗତ୍ ନାଡାଇରଇଲା । ତାର ଦୁତ୍ତମନ୍କେ ଆରି ତାକେ ମିସ୍ତେ ଦରତନି ଉପ୍ରେ ପିଙ୍ଗିଦେଲା ।

୧୦ ତାରପତେ ସର୍ଗେ ଗଟେକ୍ ଜବର୍ ସବଦ୍ ଅଇବାଟା ମୁଇ ସୁନ୍ଲି । ସେ ସବଦ୍ କଲା “ଏବେ ଲକ୍ମନପାଇ ଅଇରଇବା ପର୍ମେସରର୍ ମୁକ୍ତି ସିଦ୍ ଅଇଲାଆତେ । ରାଜା ଇସାବେ ତାର ବପୁ ସେ ଦେକାଇଆତେ । ତାର ମସିଅ, ତାର ଅଦିକାର୍ ଦେକାଇଲା ଆତେ ।” କାଇକେବଇଲେ, ଜେ କି ପର୍ମେସରର୍ ମୁଆଟେ ଚିଆଅଇ ଆମର୍ ବାଇବଇନିମନ୍କେ ଦସ୍ ଦେଇତେରଇଲା, ତାକେ ସର୍ଗେଅନି ବାରକରାଇ ଦେଲାଆତେ । ୧୧ ମେଣ୍ଟାପିଲାର୍ ବନିରଲାଗି ଆରି ସେମନ୍ ଜାନାଇରଇବା ସତର୍ ଲାଗି ଆମର୍ ବାଇବଇନିମନ୍ ତାରସଙ୍ଗ୍ ଜୁଇଦ୍ କରି ଜିଡ୍ଲାଇ । ସେମନ୍ ମରିଜିବାଜାକ ଜାନିରଇଲେ ମିସା ବିସ୍ବାସ୍ କର୍ତ୍ତେରଇଲା । ୧୨ ତେବର୍ପାଇ, ତମେ ସର୍ଗେ ରଇବା ଜେଡ୍କି ଲକ୍ ସାରଦା ଉଆ । ମାତର୍ ଦରତନିତେଇ ଆରି ସମ୍ବୁରେ ରଇବା ଲକ୍ମନ୍ ତମର୍ପାଇ କେତେ ଇନସ୍ତାର୍ ଦିନ୍ ଆଇସି । କାଇକେବଇଲେ ତମର୍ ବିଡ୍ରେ ସଇତାନ୍ ଉଡ୍ରି ଆଇଲାଆତେ । ସେ ବେସି ରିସାଅଇଆତେ । କାଇକେବଇଲେ ସେ ଏବେ ବେଲା ଚନେକ୍ସେ ଆତେବଲି ଜାନିଆତେ ।

୧୩ ଅସୁର୍ସାଁପ୍ ମକେ ଦରତନିଲଗେ ପିଙ୍ଗିଦେଲା ବଲି ଜାନିକରି ପିଲାକେ ଜନମ୍କରିରଇବା ମାଇଜିର୍ ପର୍ ପର୍ ଜିବାରଦାରଲା । ୧୪ ମରୁବାଲି ବୁର୍ଷ୍ ତାର ଜାଗାଇ କେଟ୍ବାକେ ଗଟେକ୍ ବଡ୍ ଗିଦର୍ ଦୁଇଟା ଡେନା ତାକେ ଦିଆଅଇଲା । ତେଇ ଅସୁର୍ ସାଁପ୍ ତାକେ ନ ମିଲାଇକରି କାଇଟା ନ କଲାପାରା ତିନ୍ ବରସ୍ ଅଦା ଦିନ୍ ତାର ଜତନ୍ ନିଆଅଇସି । ୧୫ ତାରପତେ ସେ ଅସୁର୍ସାଁପ୍ ତାର ଟଣ୍ଡେଅନି ବନିଆ ଅଇଜିବା ଏଡ୍କି ପାନି ବାରକରାଇଲା । ଜେନ୍ତାରି କି ସେ ପାନି ସେ ମାଇଜିକେ ବଙ୍ଗ୍ଲାଇ ନେଇସି । ୧୬ ମାତର୍ ଦରତନି ସେ ମାଇଜିକେ ସାଇଜ କଲା । ଅସୁର୍ସାଁପ୍ ଟଣ୍ଡେଅନି ଆଇଲାପାନି ତାର ନିଜର୍ ଟଣ୍ଡାଡିକରି ଗିଲିଦେଲା । ୧୭ ସେଟାରପାଇ ସେ ଅସୁର୍ସାଁପ୍ ବେସି ରିସାଅଇଗାଲା । ଆରି ସେ ମାଇଜିର୍ ବାକିରଇବା ନାଡିଡିଡି ମନର୍ ସଙ୍ଗ୍ ଜୁଇଦ୍ କର୍ବାର୍ ଆଇଲା । ସେମନ୍ ପର୍ମେସରର୍ ଆଦେସ୍ ମାନିକରି ଜିସୁ ଜାନାଇରଇବା ସଡ୍ ଦାରିରଇବାଇ । ୧୮ ଆରି ସେ ଅସୁର୍ସାଁପ୍ ସମ୍ବୁରର୍ ବାଲିଉପ୍ରେ ଜାଇ ଚିଆ ଅଇଲା ।

### ୧୩

#### ଦୁଇଟା ପସୁ

୧ ✨ତାରପତେ ମୁଇ ସମ୍ବୁର ବିଡ୍ରେ ଅନି ଗଟେକ୍ ପସୁକେ ବାରଇଆଇବାଟା ଦେକ୍ଲି । ତାକେ ଦସ୍ଟା ସିଙ୍ଗ୍ ଆରି ସାଡ୍ଟା ମୁଣ୍ଟ ରଇଲା । ତାର ସବୁ ସିଙ୍ଗେ ଗଟେକ୍ ଗଟେକ୍ ମୁକ୍ତୁଟ୍ ରଇଲା । ଆରି ମୁଣ୍ଟ ଉପ୍ରେ ପର୍ମେସର୍କେ ନିନ୍ଦା କଲା ପାରା ବିନ୍ ବିନ୍ ରକାମର୍ ସାଡ୍ଟା ନାଉଁ ରଇଲା । ୨ ସେ ପସୁ ଚିତାବାଗ୍ ପାରା ରଇଲା । ତାରପାଦ୍ ବାଲୁର୍ ପାଦ୍ପାରା, ତାର ଟଣ୍ଡ ସିଅର୍ ଟଣ୍ଡ ପାରା ରଇଲା । ଆରି ସେ ଅସୁର୍ସାଁପ୍, ସେ ପସୁକେ ନିଜର୍ ବପୁ, ସିଆସନ୍ ଆରି ତାର ବଡ୍ ଅଦିକାର୍ ଦେଲା । ୩ ସେ ପସୁର୍ ଦସ୍ଟା ମୁଣ୍ଡେଅନି ଗଟେକ୍ ମୁଣ୍ଟ ବେସି ମାଡ୍ ଅଇରଇଲାପାରା ତିସ୍ତେରଇଲା । ମାତର୍ ସେଟା ନିକ ଅଇଲା । ଗୁଲାଇ ଜଗତର୍ ଲକ୍ମନ୍ କାବାଅଇଜାଇକରି ତାର ପତେ ପତେ ଗାଲାଇ । ୪ ଆରି ନିଜର୍ ଅଦିକାର୍ ସେ ପସୁକେ ଦେଲାକେ ସବୁ ଲକ୍ ଅସୁର୍ ସାଁପ୍କେ ଜୁଆର୍ କଲା । ଏନ୍ତାରି କଇକରି ମିସା ସେ ପସୁକେ ସେମନ୍ ଜୁଆର୍କଲା । ଏ ପସୁର୍ ପାରା ଆରି କେ ନାଇ । ତାର ବିରଦେ ଜୁଇଦ୍ କରି କେ ମିସା ଜିଡି ନାପାରଡ୍ ।

୫ ସେ ପସୁକେ ୪୨ ମାସଜାକ ଅଦିକାର୍ ସଙ୍ଗାଇବାକେ ଆରି ପର୍ମେସରର୍ ବିରୁଦେ ବଡ୍ପନ୍ କାତା କଇବାକେ ପର୍ମେସର୍ ଆଦେସ୍ ଦେଲା । ୬ ସେ ପସୁ ପର୍ମେସରର୍ ନାଉଁକେ, ସେ ରଇବା ଜାଗାକେ ଆରି ସର୍ଗେ ରଇବା ସବୁକେ ସାଇପ୍ ଦେବାରଦାରଲା । ୭ ପର୍ମେସର୍ ଲକ୍ମନର୍ ସଙ୍ଗ୍ ଜୁଇଦ୍ କରି ସେମନ୍କେ ଆରାଇବାକେ ତାକେ ଅଦିକାର୍ ଦିଆଅଇଲା । ସବୁ ବସ୍ତର୍ ଉପ୍ରେ, ରାଇଜର୍ ଉପ୍ରେ, ବାସା ଉପ୍ରେ ଆରି ଜାଡିର୍ ପାଇ ତାକେ ଅଦିକାର୍ ଦିଆଅଇଲା । ୮ ଦରତନିଟାନେ ରଇବା ସବୁଲକ୍ ତାକେ ଜୁଆର୍କରବାଇ । ଜିବନ୍ ରଇବା ଲକ୍ମନର୍ ବଇଟାନେ ନାଉଁ ଲେକାଅଇରଇବା ଲକ୍ମନସେ ତାକେ ଜୁଆର୍ ନ କରଡ୍ । କାଇଟା ତିଆର୍ ନ ଅଇରଇବା ଆଗ୍ଟୁ ଲେକା ଅଇଜାଇରଇଲା । ସେ ବଇ ମରାଇଜାଇରଇବା ମେଣ୍ଟାପିଲାର୍ଟା । ୯ କାନ୍ ରଇଲା ଲକ୍ ମନ୍ଦିଆନ୍ କରି ସୁନା । ୧୦ ପର୍ମେସରର୍ ଜଜ୍ନା ଇସାବେ ଜାର୍ କର୍ମେ ବନ୍ଦିଗରେ ରଇବାର୍ ଆତେ, ସେ ବନ୍ଦିଗରେ ଜାଇସି । ପର୍ମେସରର୍ ଜଜ୍ନା ଇସାବେ ଜାର୍ କର୍ମେ କାଣ୍ଟାସଙ୍ଗ୍ ମର୍ବାର୍ଆତେ, ସେ କାଣ୍ଟାସଙ୍ଗ୍ ମାରାଇଅଇସି । ମାତର୍ ପର୍ମେସରର୍ ଲକ୍ ବିସ୍ବାସ୍ ଦାରି ମୁର୍ଚିକରି ରଇବାର୍ଆତେ ।

୧୧ ଏଦେ ଦେକା ! ତାରପତେ ଦରତନି ଅନି ଆରିଗଟେକ୍ ପସୁ ବାରଇ ଆଇବାଟା ମୁଇ ଦେକ୍ଲି । ତାକେ ମେଣ୍ଟାପିଲାର୍ ସିଙ୍ଗ୍ପାରା ଦୁଇଟା ସିଙ୍ଗ୍ ରଇଲା ଆରି ଅସୁର୍ସାଁପ୍ ପାରା କାତା କଇତେରଇଲା । ୧୨ ଆଗ୍ଟୁର୍ ପସୁର୍ପାରା ତାକେ ମିସା

✨ ୧୨:୭ ୧୨:୭ ଜିଉଦା ୧:୯ ✨ ୧୨:୯ ୧୨:୯ ଲୁକ୍ ୧୦:୧୮ ✨ ୧୩:୧ ୧୩:୧ ପରକାସିତ ୧୨:୩,୭-୧୨

ଅଦିକାର ରଇଲା । ସେ ଅଦିକାର ସଙ୍ଗେ ସେ ସେବା କରତେରଇଲା । ଜଗତେ ଆରି ଜଗତେରଇବା ସବୁ ଲକ୍ଷ୍ମୀନକେ, ଆଗତୁର ପସୁକେ ଜୁଆର କରା ବଲି ଡରାଇତେରଇଲା । ଏଡ଼କି ବିତ୍ରେ ପର୍ତୁମ୍ ପସୁର ଗାଉ ସୁକିଜାତେରଇଲା ।

୧୩ ପଚର ପସୁ ବଡ଼ ବଡ଼ କାବା ଅଇଜିବା କାମ୍ମନ କଲା । ଦର୍ତ୍ତନିଟାନେ ରଇବା ସବୁଲକ୍ଷ୍ମୀ ଦେକଲାପାରା ସରଗେଅନି ଜଇ ବାରକରାଇତେରଇଲା । ୧୪ ପର୍ତୁମ୍ ପସୁର ମୁଆଟେ କେତେକ୍ କେତେକ୍ କାବାଅଇଜିବା କାମ୍ମନ କରବାକେ ତାକେ ଅଦିକାର ରଇଲା । ସେ କାବା ଅଇଜିବା କାମ୍ମନର ଲାଗି ଦର୍ତ୍ତନିତେଇ ରଇବା ସବୁ ଲକ୍ଷ୍ମୀନକେ ନାଡ଼ାଇଲା । ପର୍ତୁମ୍ ପସୁ ଜେ କି କାଣ୍ଡାସଙ୍ଗେ ମାରି ରଇଲେ ମିସା ଜିଇ ରଇଲା, ତାକେ ତାକ୍ପୁଟାପାଇ ଗଟେକ୍ ମୁରତି ତିଆରକରୁ ବଲି ସେ ଲକ୍ଷ୍ମୀନକେ କଇଲା । ୧୫ ପଚର ପସୁ ଆଗତୁ ତିଆର କରିରଇବା ପସୁର ମୁରତିତେଇ ପୁଣ୍ଡବାକେ ଅଦିକାର ପାଇଲା । ଜେନ୍ତାରି କି ସେନ୍ତି କଲେ, ସେ ମୁରତି କାତା ଅଇକରି ତାକେ ଜୁଆର ନ କରବା ସବୁଲକ୍ଷ୍ମୀକେ ମରାଇସି । ୧୬ ସେ ପସୁ ସାନ୍ ବଡ଼ ଲକ୍ଷ୍ମୀନକେ, ସାଉକାର ଆରି ଅରକିଡ଼ ଲକ୍ଷ୍ମୀନକେ, ବନ୍ଦି ଆରି ମୁକ୍ତିଲିରଇବା ଲକ୍ଷ୍ମୀନକେ ଆରି ସବୁକେ ତାକର ଉଜାଆତେ ନଇଲେ ତାକର କାପାଲେ ଗଟେକ୍ ଚିନ୍ ଗଦ୍ଦବାକେ ଡରାଇଲା । ୧୭ ଏ ଚିନ୍ ନ ଅଇତେ କେ ମିସା ଗେନା ବିକା କରି ନାପାରଲା । ଏ ଚିନ୍ ଅଇଲାନି, ସେ ପସୁର ନାଉଁ ନଇଲେ ସେ ନାଉଁ ବାଦ୍ଲିରଇବା ଲମ୍ବର ।

୧୮ ସେ ପସୁର ନମରର ଅରଡ଼ ଗଟେକ୍ ଗିଆନ୍ ରଇବା ଲକ୍ଷ୍ମୀ ସେ ଜାନିଅଇସି । କାଇକେବଇଲେ ସେ ନମର ଗଟେକ୍ ଲକ୍ଷ୍ମୀ ନାଉଁର ବାଦୁଲେ ଆଟେ । ସେ ନମର ଅଇଲାନି ୬୬୬ ।

### ୧୪

#### ମେଣ୍ଡାପିଲାଟ ସଙ୍ଗେ ଜିବାଲକ୍ଷ୍ମୀ

୧ \* ତାରପଟେ ମୁଇ ସିୟନ୍ ପର୍ବତେ ମେଣ୍ଡାପିଲା ଚିଆଅଇରଇବାଟା ଦେକଲି । ତାର ସଙ୍ଗେ ୧୪,୪୦୦୦ ଲକ୍ଷ୍ମୀନ ରଇଲା । ତାକର କାପାଲେ ମେଣ୍ଡାପିଲାଟ ନାଉଁ ଆରି ତାର ବାବାର ନାଉଁ ଲେକିରଇଲା । ୨ ଆରି ସରଗେ ଅନି ମୁଇ ଗଟେକ୍ ସବଦ୍ ସୁନ୍ଲି । ସେଟା ଗଟେକ୍ ଜବର ଗଡ଼ଗତି ଅଇ ବଡ଼ ସବଦର୍ ପାରା ଆରି ଜବର ପାନି ଅଦର୍ଲାପାରା ରଇଲା । ବିଶା ବାଜିଲେ ସବଦ୍ ଅଇବା ଗିଡ଼ପାରା ସୁନି ଅଇଲା । ୩ ସେ ୧୪୪,୦୦୦ ଲକ୍ଷ୍ମୀନ ବସବା ଜାଗାର ତାରଟା ବଢ଼ିରଇବା ପସୁମନର, ପାର୍ତନିମନର ମୁଆଟେ ଚିଆଅଇଲା । ସେମନ୍ ଗଟେକ୍ ନୁଆ ଗିଡ଼ କଇତେରଇଲା । ସେମନ୍ ଆକା ସେ ଗିଡ଼ ଜାନିରଇଲା । ସେମନ୍ସେ ମୁକ୍ତି ପାଇରଇବା ଲକ୍ଷ୍ମୀନ । ୪ ସେମନ୍ ନିଜେ ସୁକଲ୍ ରଇଲା । ମାଇଜି ମନର ସଙ୍ଗେ ମିସାବିତା ଅଇକରି ନିଜକେ ଅସୁକଲ୍ ଅଇ ନ ରଇଲା । ସେମନ୍ ପିଲାବେଣ୍ଡିଆ ପାରା ରଇଲା । ସେମନ୍ ସବୁବେଲେ ମେଣ୍ଡାପିଲାଟ ସଙ୍ଗେ ଜାଇତେରଇଲା । ସେମନ୍ ମୁନୁସଜାତିର ବିତ୍ରେ ପର୍ତୁମ୍ ତର ମୁକ୍ତି ପାଇକରି ପର୍ତୁମ୍ପସରପାଇ ଆରି ମେଣ୍ଡାପିଲାଟପାଇ ନିଜକେ ସର୍ପି ଅଇଆଟଡ଼ । ୫ ସେମନ୍ କେବେ ମିସା ମିଡ଼ ନ କଅଡ଼ । କେ ମିସା ସେମନ୍କେ ଦସ୍ ଦେଇନାପାରେ ।

#### ଡିନ୍‌ଟା ଦୁଡ଼ମନ୍

୬ ତାରପଟେ ମୁଇ ଆରିଗଟେକ୍ ଦୁଡ଼କେ ଆକାସେ ଉଡ଼ି ଜିବାଟା ଦେକଲି । ଏ ଜଗତର ସବୁ ରାଇଜେଅନି, ବାସାଇଅନି, ବଞ୍ଚେଅନି, ଜାତିଅନି ଆଇବା ସବୁ ଲକ୍ଷ୍ମୀନକେ ଜାନାଇବା ପର୍ତୁମ୍ପସର କେବେ ନ ସାରବା ସୁବକବର ଜାନାଇତେରଇଲା । ୭ ସେ ଆଉଲିଅଇକରି କଇଲା “ପର୍ତୁମ୍ପସରକେ ତାକ୍ପୁଟା କରା । ତାର ବଡ଼ ବଡ଼ କାମ୍ମର ପାଇ ତାକେ ଆରାଦନା କରା । ଲକ୍ଷ୍ମୀନକେ ବିଚାର କରବାକେ ତାର ବେଲା କେଟ୍‌ଲାଆଟେ । ସରଗ, ଦର୍ତ୍ତନି, ସମ୍ପୁର, ଆରି ପାଜରା ପାନି ସବୁଜାକ ସେ ତିଆରକଲାଆଟେ, ତାକେ ଜୁଆର କରା ।” ୮ \* ଆରି ଗଟେକ୍ ଦୁଡ଼ ପର୍ତୁମ୍ପସର ଦୁଡ଼ ପଟେ ଗାଲା । ସେ କଇଲା “କୁରୁପ୍‌ନାସ୍ ଅଇଲା । ବେସି ତାକ୍ପୁଟାରଇବା ବାବିଲନ୍ କୁରୁପ୍‌ନାସ୍ ଅଇଲା ।” ତେଇର୍ ଲକ୍ଷ୍ମୀନ ବିନ୍ ଦେସର୍ ଲକ୍ଷ୍ମୀନକେ ତାକର ମଦ୍ କୁଆଇଲା । ତାର ଅରଡ଼ ଅଇଲାନି, ତାକର ପାରା କାରାପ୍ ଚଲାଟଲ୍‌ତି କରାଇଲା । ୯ ସେ ଦୁଇଟା ଦୁଡ଼ମନ୍ ପଟେପଟେ ଆରି ଗଟେକ୍ ଦୁଡ଼ ଆସିକରି ଆଉଲି ଅଇକରି କଇବାର ଦାରଲା, ଜେ ଜଦି ପସୁକେ କି ତାର ମୁରତିକେ ପୁଜା କରସି ଆରି ନିଜର କାପାଲେ କି ତାର ଆତେ ତାର ଚିନ୍ ଗଦାଇଅଇସି, ୧୦ ସେମନ୍ ପର୍ତୁମ୍ପସର ମଦ୍ କାଇବାଇ । ଜନ୍‌ଟାକି ପାନି ଗାବିକରି ଚପରା ନ କଲାଟା । ତାର ଡର୍ ଲାଗବା ଡଣ୍ଡ ଆରି ବଡ଼ ରିସା ସେମନ୍ ମୁରବାଇ । ସେମନ୍କେ କାଇ ଦୟା ନ ଦେକାଅଡ଼ । ସୁକଲ୍ ଦୁଡ଼ମନ୍ ମୁଆଟେ ଆରି ମେଣ୍ଡାପିଲାଟ ମୁଆଟେ ଗନ୍‌ଟାନେ ପଡ଼ିକରି ବେସି ଦୁକ୍ କସ୍ଟ ପାଇବାଇ । ୧୧ ଜଇଟାନେଅନି ଆଇବା ଦୁଆଁ, ଜନ୍‌ଟାକି ସେମନ୍କେ ଦୁକ୍ କସ୍ଟ ଦେଲାନି, ସେଟା କାଲ୍ କାଲ୍ ଜୁଗ୍ ଜୁଗ୍ ଉପରେ ଜାଇତେ ରଇସି । ପସୁକେ କି ତାର ମୁରତିକେ ପୁଜାକରବା ଲକ୍ଷ୍ମୀ ଦିନ୍‌ରାତି ପୁଣ୍ଡି ନାପାରଡ଼ । ଜେନ୍ତିକି ତାର ନାଉଁର ନେଇରଇବା ଲକ୍ଷ୍ମୀନପାଇ ମିସା । ୧୨ ପର୍ତୁମ୍ପସର ଲକ୍ଷ୍ମୀନ ଜନ୍ ଲକ୍ଷ୍ମୀନ କି ତାର ଆଦେସ୍ ନାମ୍‌ବାଇ, ଆରି ଜିସୁକେ ବିସ୍‌ବାସ୍ କରି ଆଟଡ଼, ସେମନ୍ ମୁରତିକରି ରଇବାର ଆଟେ । ୧୩ ତାରପଟେ ସରଗେଅନି ମୁଇ ଏନ୍ତାରି ସୁନ୍ଲି । “ଏଟା ଲେକି ସଙ୍ଗଇର । ଏବେଅନି ମାପୁରୁଟାନେ ମିସଲାପଟେ ମରିଜିବାଇ ସେ ଲକ୍ଷ୍ମୀନ କେତେକ୍ କରମର୍ ଲକ୍ଷ୍ମୀ । ଉଁ ବଲି ଆଡ଼ମା କଇଲାନି । ଏଟା ସତଇସେ ଗଟ୍‌ସି, ତାକର ଆବଡ଼

\* ୧୪:୧ ୧୪:୧ ପଢ଼କାସିତ ୭:୩ \* ୧୪:୮ ୧୪:୮ ପଢ଼କାସିତ ୧୮:୭

କାମେଅନି ଚନେକ ପୁଣ୍ୟବାକେ ସେଟା ତାକର୍ ବେଲା ରଇସି । କାଇକେବଇଲେ ସେମନ୍ କରରଇବା ନିକ କାମର୍ ଲାଗି ସେମନ୍ ପୁରୁସକାର ପାଇବାଇ ।”

**ପସଲ୍ ପାଢ଼ଲା**

୧୪ ତାର୍ପତେ ମୁଇ ଦେକ୍ଲି, ଏଦେ ଦେକା ! ଗଟେକ୍ ଦବ୍ ବାଦଲ୍ ତିସ୍ଲା । ଆରି ଗଟେକ୍ ନରପାରା ତିସ୍ବା ବାଦଲ୍ ଉପ୍ରେ ବସିରଇଲା । ତାର୍ ମୁଣ୍ଡେ ସୁନାର୍ ମୁକୁଟ୍ ଆରି ଆତେ ଗଟେକ୍ ଗଜିଆ ଇଲା ଦାରିରଇଲା । ୧୫ ତାର୍ ପତେ ମନ୍ଦିରେଅନି ଆରି ଗଟେକ୍ ଦୁଡ୍ ବାରଇ ଆଇଲା । ଆରି ବାଦଲ୍ ଉପ୍ରେ ବସିରଇଲା ଲକ୍‌କେ ଆଉଲିଅଇକରି କଇଲା “ବେଲା କେଟ୍‌ଲାବେ ।” ତମର୍ ପସଲ୍ ପାଢ଼ଲାଆତେ । ତର୍ ଇଲାସଙ୍ଗ୍ ସେଟା କାଟ୍ । ୧୬ ତାର୍ପତେ ବାଦଲେ ବସିଲା ଲକ୍ ତାର୍ ଇଲା ଦର୍ତନି ଉପ୍ରେ ବୁଲାଇଲା । ଦର୍ତନିର୍ ଚାସ୍ ସବୁ କାଟାଅଇଲା । ୧୭ ସରଗର୍ ମନ୍ଦିରେଅନି ଆରିଗଟେକ୍ ଦୁଡ୍ ବାରଇ ଆଇବାଟା ମୁଇ ଦେକ୍ଲି । ତାର୍ ଆତେ ମିସା ଗଟେକ୍ ଲାଗନ୍ ଇଲା ରଇଲା । ୧୮ ତାର୍ପତେ ବେଦିଟାନେଅନି ଜଇ ଦେକାରକା କରବା ଆରିଗଟେକ୍ ଦୁଡ୍ ଆଇଲା । ସେ ଆଉଲିଅଇକରି ଲାଗନ୍ ଇଲା ଦାରିରଇବା ଦୁଡ୍‌କେ କଇଲା “ଦର୍ତନିଟାନେ ରଇବା ଅଙ୍ଗୁରବାତର୍ ଅଙ୍ଗୁର ପାଢ଼ଲାଆତେ । ତର୍ ଇଲାଦାରି କାଟିନେ ।” ୧୯ ତେବରପାଇ ସେ ଦୁଡ୍ ଦର୍ତନି ଉପ୍ରେ ତାର୍ ଇଲା ବୁଲାଇଲା । ମାଲେଅନି ଅଙ୍ଗୁର କାଟ୍ଲା । ଆରି ଅଙ୍ଗୁର ଆଜାଡ୍‌ବା କୁଣ୍ଡେ ଡାଲିଦେଲା । ସେ ଜାଗା ଅଇଲାନି ପର୍ମେସରର୍ ବଡ୍ ରିସାର୍ ଜାଗା । ୨୦ ନଗରର୍ ବାଇରେ ରଇବା କୁଣ୍ଡେ ଚକ୍‌ଟାଗାଲା ଜାଗାଇ, ଅଙ୍ଗୁରମନ୍ ପିଚକ୍‌ଲାଇ ଆରି ତେଇଅନି ବନି ବାରଇଲା । ସେ ବନି ତିନ୍‌ସ କିଲମିଟର୍ ଲମ୍, ଆରି ଦୁଇମିଟର୍ କାଲ୍‌ସେଡ୍‌କି ବଇଗାଲା ।

**୧୫**

**ସାରାସାରିର୍ ମରଡ଼ି**

୧ ଏଦେ ଦେକା ! ତାର୍ପତେ ଆକାସେ ଆରିଗଟେକ୍ କାବା ଅଇଜିବା ଚିନ୍ ମୁଇ ଦେକ୍ଲି । ତେଇ ସାଡ଼ଟା ଦୁଡ଼ମନ୍‌କେ ସାଡ଼ଟା ମରଡ଼ି ସର୍ପାଇ ଅଇରଇଲା । ଏ ସର୍ତେ ମରଡ଼ି ସାରାସାରି ବେଲରୁଟା । କାଇକେବଇଲେ ଏଟା ଅଇଲାନି ଦର୍ତନି ଉପ୍ରେ ପର୍ମେସର୍ ଆନ୍‌ବା ସାରାସାରିର୍ ଡ଼ଣ୍ଡ । ୨ ତାର୍ପତେ କାଟ୍ ପାରା ତିସ୍ବା ସମ୍‌ଦୁର୍ ସଙ୍ଗ୍ ଜଇ ମିସାଇଲା ପାରାଟା ଗଟେକ୍ ଦେକ୍ଲି । ପସୁ ଆରି ତାର୍ ମୁରଡ଼ି ଉପ୍ରେ ଜୁଇଦ୍ କରି ଜିତିରଇବା ଲକ୍‌ମନ୍‌କେ ମିସା ମୁଇ ଦେକ୍ଲି । ସେ ପସୁର୍ ନାଉଁ ଗଟେକ୍ ଲମ୍‌ରର୍ ବାଦୁଲେ ରଇଲା । ସେମନ୍ କାଟର୍ ସମ୍‌ଦୁର୍ ପାଲିବାଟେ ଟିଆ ଅଇରଇଲାଇ । ପର୍ମେସର୍ ସେମନ୍‌କେ ଦେଇରଇବା ବିଶା ତାକର୍ ଆତେ ରଇଲା । ୩ ସେ ଲକ୍‌ମନ୍ ମସା ଜେ କି ପର୍ମେସରର୍ ଗତିଦାଙ୍ଗ୍‌ଡା, ତାର୍ ଗିଡ୍ ଆରି ମେଣ୍ଡାପିଲାର୍ ଗିଡ୍ ଗାଇତେରଇଲାଇ । ମାପୁର୍ ପର୍ମେସର୍ ଜେ କି ସବୁର୍ ଉପ୍ରେ ଆତେ, ତମେ କରବା କାମ୍ ବେସି ବଡ୍ ଆରି କାବାଅଇଜିବାଟା । ତୁଇ ରାଇଜ୍‌ମନ୍ ରାଜା । ତର୍ ବାଟ୍ ସଡ୍ ଆରି ସମାନ୍ । ୪ ତମ୍‌କେ ପର୍ମେସର୍ ବଲି ନ ନାମବା ଲକ୍ କେ ନ ରଅଡ୍ । ତମ୍‌କେ ଡାକ୍‌ପୁଟା ନ କରବା ଲକ୍ କେ ନ ରଅଡ୍ । କାଇକେବଇଲେ ତମେସେ ସୁକଲ୍ । ସବୁ ରାଇଜ୍‌ର ଲକ୍‌ମନ୍ ତମ୍‌କେ ଜୁଆର୍ କରବାକେ, ତମର୍ ମୁଆଟେ ରୁଣ୍ଡୁବାଇ । କାଇକେବଇଲେ ତମର୍ ଦରମ୍ କାମ୍‌ମନ୍ ସବୁ ସେମନ୍ ଦେକ୍‌ଲାଇ ଆଟ୍ ।

୫ ତାର୍ପତେ ସୁକଲ୍ ତମ୍ ରଇବା ସରଗର୍ ମନ୍ଦିର୍ ଉଗାଡ଼ି ଅଇରଇବାଟା ମୁଇ ଦେକ୍ଲି । ୬ ସାଡ଼ଟା ମରଡ଼ି ସର୍ପାଇ ଅଇରଇବା ସାଡ଼ଟା ଦୁଡ଼ମନ୍ ମନ୍ଦିରେ ଅନି ବାରଇଲାଇ । ସେମନ୍ ଦବ୍ ରଇକରି ଜକ୍‌ଜକି ଜାଇତେରଇବା ବସ୍‌ତର୍ ପିନ୍ଦି ରଇଲାଇ । ଆରି ସୁନାର୍ ବେଲ୍‌ଟୁ ବୁକେ ବାନ୍ଦିଅଇରଇଲାଇ । ୭ ଚାର୍‌ଟା ଜିବନ୍ ରଇବା ପସୁମନ୍‌ର୍ ବିଡ୍‌ରେ ଗଟେକ୍ ସବୁବେଲର୍ ପର୍ମେସରର୍ ରିସାସଙ୍ଗ୍ ବରଡ଼ି ଅଇରଇବା ସାଡ଼ଟା ସୁନାର୍ ଗିନା, ସେ ସାଡ଼ଟା ଦୁଡ଼ମନ୍‌କେ ଦେଲା । ୮ ପର୍ମେସର୍ ବପୁ ଆରି ତାର୍ ମଇମାର୍ ଲାଗି ମନ୍ଦିର୍ ଦୁଆଁ ସଙ୍ଗ୍ ବରଡ଼ି ଅଇଲା । ସେ ସାଡ଼ଟା ଦୁଡ଼ମନ୍ ସାଡ଼ଟା ମରଡ଼ି ନ ସାରାଇବା ଜାକ, ମନ୍ଦିର୍ ବିଡ୍‌ରେ କେ ପୁରିନାପାର୍‌ଲାଇ ।

**୧୬**

**ପର୍ମେସରର୍ ଗିନାର୍ ରିସା**

୧ ତାର୍ପତେ ଗଟେକ୍ ମନ୍ଦିରେଅନି ଗଟେକ୍ ଜବର୍ ସବଦ୍ ସେ ସାଡ଼ଟା ଦୁଡ଼ମନ୍‌କେ କାତା ଅଇବାଟା ମୁଇ ସୁନ୍‌ଲି । “ଜାଆ ଆରି ପର୍ମେସରର୍ ରିସା ବରଡ଼ି ଅଇରଇବା ସାଡ଼ଟା ଗିନା ଦର୍ତନି ଉପ୍ରେ ଆଜାଡ଼ିଦେସ୍ ।” ୨ ପର୍‌ଡୁମ୍ ଦୁଡ୍ ଗାଲା ଆରି ତାର୍ ରିସାର୍ ଗିନା ଦର୍ତନି ଉପ୍ରେ ଆଜାଡ଼ିଦେଲା । ଆରି ଏଦେ ଦେକା ! ଜନ୍ ଲକ୍‌ମନ୍ ଜେ କି ପସୁର୍ ଚିନ୍ ଗଦିଅଇରଇଲାଇ ଆରି ତାର୍ ମୁରଡ଼ିକେ ଜୁଆର୍ କର୍ତେରଇଲାଇ, ତାକର୍ ଗାଗ୍‌ଡେ ମୁରଡ଼ି ନାପାର୍‌ଲା ପାରା ଉଟାନ୍ ବାରଇଲା । ୩ ତାର୍ପତେ ଦୁଇ ଲମ୍‌ର୍ ଦୁଡ୍ ତାର୍ ରିସାର୍ ଗିନା ସମ୍‌ଦୁରେ ଆଜାଡ଼ି ଦେଲା । ଆରି ଏଦେ ଦେକା ! ତେଇର୍ ପାନି ମଲାଲକର୍ ବନିପାରା ଅଇଗାଲା । ଆରି ସମ୍‌ଦୁରେ ରଇବା ଜିଡ଼ିଆଦ୍ ମରିଗାଲାଇ । ୪ ତାର୍ପତେ ତିନ୍ ଲମ୍‌ର୍ ଦୁଡ୍ ତାର୍ ରିସାର୍ ଗିନା ଗାଡ଼ମନ୍‌କେ ଆରି ପାଜ୍‌ରାମନ୍‌କେ ଆଜାଡ଼ିଦେଲା । ସେଟାମନ୍‌ର୍ ପାନି ସବୁ ବନି ଅଇଗାଲା । ୫ ତାର୍ପତେ ପାନି ଦେକାରକା କରବା ଦୁଡ୍ ଏନ୍ତାରି କଇବାଟା ମୁଇ ସୁନ୍‌ଲି “ଏ ସୁକଲ୍ ରଇବା

✧ ୧୪:୨୦ ୧୪:୨୦ ପଢ଼କାସିତ ୧୯:୧୫

ପରମେସର୍ ତମେ ଆଗେଅନି ଆରି ଏବେ ମିସା ଆଚାସ୍ । ତମର୍ ବିଚାରନା ଟିକ୍ ଆଚେ ।<sup>୬</sup> ପରମେସର୍ ଲକ୍ମନର୍ ଆରି ବବିସତ୍ତବକ୍ତାମନର୍ ବନି ତାଲିଦେଲାଇ । ତେବର୍ପାଇ ତମେ ସେମନ୍‌କେ କାଇବାକେ ବନି ଦେଇଆଚାସ୍ । ସେମନ୍ କରଇବା କାମର୍ ପଲ୍ ସେମନ୍ ଆକା ପାଇଲାଇ ଆଚଡ୍ ।”<sup>୭</sup> ତାର୍‌ପଚେ ବେଦିଟାନେଅନି ଗଟେକ୍ ସବଦ୍ ମୁଇ ସୁନ୍‌ଲି । “ମାପୁରୁ ପରମେସର୍ ଜେ କି ସବୁର୍ ଉପ୍‌ରେ ଆଚେ, ତମର୍ ବିଚାରନା ସମାନ୍ ଆରି ସଡ୍ ।”

୮ ତାର୍‌ପଚେ ଚାରି ଲମର୍ ଦୁଡ୍ ତାର୍ ରିସାର୍ ଗିନା ବେଲ୍ ଉପ୍‌ରେ ଆଜାଡ୍‌ଲା । ଆରି ଏଦେ ଦେକା ! ତାର୍ ଅପର୍‌ବଲ୍ ତାତି ସଙ୍ଗ୍ ଲକ୍ମନକେ ପଡାଇଦେବାକେ ବେଲ୍ ଆଦେସ୍ ପାଇଲା ।<sup>୯</sup> ସେ ଅପର୍‌ବଲ୍ ତାତିର୍ ଲାଗି ସେମନ୍ ପତିଗାଲାଇ । ଆରି ପରମେସର୍‌ର ନାଉଁ ଦାରି ସାଇପ୍ ଦେଲାଇ । କାଇକେବଇଲେ ଏ ସବୁର୍ ମର୍ଡି ଉପ୍‌ରେ ତାର୍‌ଆକା ଅଦିକାର୍ ରଇଲା । ମାତର୍ ସେମନ୍ ଏନ୍ତାର୍ ଅଇଲାଇ ମସିଆ ତାକର୍ ପାପେଅନି ବାଉଡ୍‌ତନାଇ । ଆରି ପରମେସର୍‌ର ବଡ୍ କାମକେ ମାନଡ୍‌ନାଇ ।<sup>୧୦</sup> ତାର୍‌ପଚେ ପାର୍ ଲମର୍ ଦୁଡ୍ ତାର୍ ରିସାର୍ ଗିନା ପସୁର୍ ବସ୍‌ବା ଜାଗାର୍ ଉପ୍‌ରେ ଆଜାଡିଦେଲା । ଆରି ଏଦେ ଦେକା ! ପସୁର୍ ରାଇଜେ ଆନ୍ଦାର୍ ତାବିଅଇଦେଲା । ଆରି ଦୁକାର୍ ଲାଗି ଲକ୍ମନ ନିଜର୍ ନିଜର୍ ଜିବ୍ ଚାବିଅଇଦେଲାଇ ।<sup>୧୧</sup> ତାକର୍ ଦୁକା ଆରି ଉଗାନର୍ ଲାଗି ସରଗର୍ ପରମେସର୍‌କେ ସେମନ୍ ସାଇପ୍ ଦେଲାଇ । ମାତର୍ ତାକର୍ କାରାପ୍ ଚଲାଟଲ୍‌ତିର୍ ଲାଗି ସେମନ୍ ବାଉଡ୍‌ତନାଇ ।<sup>୧୨</sup> ତାର୍‌ପଚେ ଚଅ ଲମର୍ ଦୁଡ୍ ତାର୍ ରିସାର୍ ଗିନା ଇଉପର୍‌ଟିସ୍ ନାଉଁର୍ ଗଟେକ୍ ବଡ୍‌ଗାଡେ ଆଜାଡିଦେଲା । ଆରି ଏଦେ ଦେକା ! ସେ ଗାତର୍ ପାନି ଆଟିଗାଲା । ସେନ୍ତାରି ପୁର୍‌ବେଅନି ଜନ୍ ରାଜାମନ୍ ଆରି ତାକର୍ ସନିଅମନ୍ ଆଇବାର୍ ରଇଲା, ସେମନ୍‌ପାଇ ବାଟ୍ ତିଆର୍‌ଅଇଲା ।<sup>୧୩</sup> ତାର୍‌ପଚେ ତିନ୍‌ଟା ବେଙ୍ଗ୍‌ପାରା ତିସ୍‌ବା ଅସୁକଲ୍ ଆଡ୍‌ମାମନ୍‌କେ ମୁଇ ଦେକ୍‌ଲି । ସେମନ୍ ଅସୁର୍‌ସାପର୍ ଟଣ୍ଡେଅନି, ପସୁର୍ ଟଣ୍ଡେଅନି ଆରି ମିର୍ କଇବା ବବିସତ୍ତବକ୍ତାର୍ ଟଣ୍ଡେଅନି ବାରଇ ଆଇଡେରଇଲାଇ ।<sup>୧୪</sup> ସେମନ୍ କାବାଅଇଜିବା କାମ୍ କରବା ତୁମାମନର୍ ଆଡ୍‌ମାମନ୍ । ଏ ତିନ୍‌ଟା ଆଡ୍‌ମା ଜଗତେ ରଇବା ସବୁ ରାଜାମନର୍‌ଟାନେ ଗାଲାଇ । ବେସି ବପୁ ରଇବା ପରମେସର୍‌ର ବଡ୍ ଦିନର୍ ଜୁଇଦେ ସେ ଆଡ୍‌ମାମନ୍ ସବୁ ରାଜାମନ୍‌କେ ଟୁଲିଆଇ ଆନ୍‌ବାଇ ।

<sup>୧୫</sup> ✽ସୁନା, ମୁଇ ଚର୍ ପାରା ଆଇଲିନି । ଜନ୍ ଲକ୍ମନ ଜାଗରଡ୍ ରଇକରି ତାକର୍ ବସ୍‌ତର୍ ଜାଗରଡା କରି ସଙ୍ଗାଇବାଇ, ସେମନ୍ କେଡେକ୍ କରମର୍ ଲକ୍ମନ । ମୁଇ ଆଇବା ଦିନେ ସେମନ୍ ଗଟେକ୍ ତୁମ୍‌ଣ୍ଡା ଅଇକରି ଏନେଡେନେ ବୁଲ୍‌ବା ଲକ୍ ପାରା ନ ରଏ । ଆରି ସେମନ୍ ଲକ୍ମନକେ ଦେକି ଲାଜ୍ ନ ଅଅଡ୍ ।<sup>୧୬</sup> ତାର୍‌ପଚେ ଆଡ୍‌ମାମନ୍ ସବୁ ରାଜାମନ୍‌କେ ଗଟେକ୍ ଜାଗାଇ ଟୁଲିଆଇ ଆନ୍‌ଲାଇ । ଏବ୍‌ରି ବାସାଇ ସେ ଜାଗାର୍ ନାଉଁ ଅଇଲାନି ଅମିଗର୍‌ଦନ୍ ।<sup>୧୭</sup> ତାର୍‌ପଚେ ସାଡ୍ ଲମର୍ ଦୁଡ୍, ତାର୍ ରିସାର୍ ଗିନା ପବନେ ଆଜାଡିଦେଲା । ଆରି ଏଦେ ଦେକା !! ମନ୍ଦିରେ ରଇବା ବସ୍‌ବା ଜାଗାଇ ଅନି ଗଟେକ୍ ବଡ୍ ସବଦ୍ ଆଇଲା । “ସେଟା ସବୁ ସାରିଗାଲା !”<sup>୧୮</sup> ✽ଦାପ୍‌ରେ ବିଜ୍‌ଲି ମାର୍‌ଲା, ଗଡ୍‌ଗତି ମାର୍‌ଲା ଆରି ବେସି ଦରତନି ବୁଲ୍‌ବୁଲ୍‌ଲା । ମୁନ୍‌ସ୍ ଜାତି ତିଆର୍ କଲାଡେଇଅନି ଏନ୍ତାରି ଦରତନି ବୁଲ୍‌ବୁଲ୍‌ବାଟା କେବେ ନ ଅଇରଇଲା । ଏଟା ସବୁର୍‌ଟାନେ ଅନି କାରାପ୍ ରଇଲା ।<sup>୧୯</sup> ସେ ବଡ୍ ନଅର୍ ତିନ୍‌ବାଗ୍ ଅଇଗାଲା । ସବୁ ଦେସର୍, ସବୁ ରାଇଜର୍ ନଅର୍‌ମନ୍, ବିନାସ୍ ଅଇଗାଲା । ପରମେସର୍ ତାକ୍‌ପୁଟା ରଇବା ବାବିଲ୍‌ନକେ ଏତାଇଲା । ଆରି ତାର୍ ଗିନାଇଅନି ତାକେ ମଦ୍ କୁଆଇଲା । ଏଟାର୍ ଅରଡ୍ ଅଇଲାନି, ତାର୍ ରିସାଇଅନି ଆଇବା ବଡ୍ ତଣ୍ଡ୍ ସେମନ୍ ପାଇବାଇ ।<sup>୨୦</sup> ✽ସମ୍‌ଦୁର୍ ମଜାଇ ରଇବା ସୁକ୍‌ଲା ଜାଗାମନ୍ ସବୁ କୁପ୍‌ଲି, କି ତଙ୍ଗ୍‌ମନ୍ ନ ରଇଲା ।<sup>୨୧</sup> ✽ଆକାସେଅନି ପଟାସ୍ କେଜି ଲାକା ରଇବା କାରାପାକ୍‌ନାମନ୍ ଲକ୍ମନର୍ ଉପ୍‌ରେ ଅଦର୍‌ଲା । କାରାପାକ୍‌ନା ଅଦର୍‌ଲା ବିପଦର୍‌ଲାଗି ଲକ୍ମନ ପରମେସର୍‌କେ ସାଇପ୍ ଦେଲାଇ । କାଇକେବଇଲେ ସେଟାଗଟେକ୍ ବଡ୍ ବିପଦ୍ ରଇଲା ।

### ୧୭

#### ତାକ୍‌ପୁଟା ବେସିଆ

<sup>୧</sup> ତାର୍‌ପଚେ ସାଡ୍‌ଟା ଗିନାଦାରିରଇବା ସାଡ୍‌ଟା ଦୁଡ୍‌ମନର୍ ବିଡ୍‌ରେ ଅନି ଗଟେକ୍ ଦୁଡ୍ ମକେ ଆସିକରି କଇଲା, “ଇତି ଆଉ ।” ସେ ତାକ୍‌ପୁଟାର୍ ବେସିଆ କେନ୍ତାରି ତଣ୍ଡ୍ ପାଇସି, ସେଟା ମୁଇ ତକେ ଦେକାଇବି । ବେସି ଗାଡ୍‌ମନ୍ ମିସିରଇବା ଜାଗାଇ ସେ ନଅର୍ ତିଆର୍ ଅଇଲାଆଚେ ।<sup>୨</sup> ଜଗତର୍ ରାଜାମନ୍ ତାର୍ ସଙ୍ଗ୍ ବେସିଆ କାମ୍ କଲାଇ । ଜଗତର୍ ଲକ୍ମନ ତାର୍ ମଦ୍ କାଇକରି ମାଡ୍‌ଲାଇ । ତାର୍ ଅରଡ୍ ଅଇଲାନି, ତାକର୍ କାରାପ୍ ଚଲାଟଲ୍‌ତିକେ ସେମନ୍ ମାନ୍‌ଲାଇ ।

<sup>୩</sup> ✽ମକେ ଆଡ୍‌ମା ଦାରିଦେଲା ଆରି ଦୁଡ୍ ମକେ ମରୁବାଲି ବୁଏଁ ତାକିନେଲା । ଆରି ଏଦେ ଦେକା ! ତେଇ ରଙ୍ଗ୍ ପସୁର୍ ଉପ୍‌ରେ ଗଟେକ୍ ମାଇଜି ବସିରଇବାଟା ମୁଇ ଦେକ୍‌ଲି । ତାକେ ସାଡ୍‌ଟା ମୁଣ୍ଡ ଆରି ଦସ୍‌ଟା ସିଙ୍ଗ୍ ରଇଲା । ପରମେସର୍‌କେ ନିନ୍ଦାକରବା ନାଉଁ ସେ ପସୁର୍ ଉପ୍‌ରେ ଲେକାଅଇରଇଲା ।<sup>୪</sup> ସେ ମାଇଜି ରଙ୍ଗ୍ ଆରି ଜାମ୍‌କଲି ରଙ୍ଗ୍‌ର୍ ବସ୍‌ତର୍ ପିନ୍‌ରଇଲା । ସେ ବେସି ସୁନାବାନା, ଆରି ବେସି ଦାମ୍ ଦେଇରଇବା ଇରାନିଲା ପିନ୍‌ରଇଲା । ତାର୍ ଆଡେ ସୁନାର୍ ଗିନା ଦାରିରଇଲା । ସେ କରଇବା ବେସିଆ କାମ୍‌ମନ୍ ଆରି କାରାପ୍ କାମ୍‌ମନ୍ ସେ ଗିନାଇ ବର୍ଡିଅଇରଇଲା ।<sup>୫</sup> ତାର୍ କାପାଲେ ଲେକିରଇବା ନାଉଁ କେ ନାଜାନ୍‌ବା ଗଟେକ୍ ଅରଡ୍ ରଇଲା । “ଏ ତାକ୍‌ପୁଟାର୍ ବାବିଲ୍‌ନ୍ !” ଜଗତେ

✽ ୧୭:୧୫ ୧୭:୧୫ ମାଡିଉ ୨୪:୪୩,୪୪; ଲୁକ୍ ୧୭:୩୯,୪୦; ପରକାସିତ ୩:୩ ✽ ୧୭:୧୮ ୧୭:୧୮ ପରକାସିତ ୮:୫;୧୧:୧୩,୧୯ ✽ ୧୭:୨୦ ୧୭:୨୦ ପରକାସିତ ୬:୧୪ ✽ ୧୭:୨୧ ୧୭:୨୧ ପରକାସିତ ୧୧:୧୯ ✽ ୧୭:୩ ୧୭:୩ ପରକାସିତ ୧୩:୧

କରିରଇବା ସବୁ ବେସିଆ କାମର ଆରି କରାପ୍ କାମର ଆୟା ତୁଇସେ ।<sup>୭</sup> ଆରି ସେ ମାଇଜି ପର୍ମେସରର୍ ଲକ୍ମନର୍ ବନି କାଇ ମାତିରଇବାଟା ମୁଇ ଦେକ୍ଲି । ଜିସୁକେ ବିସ୍ବାସ୍ କରି ସାଦ୍ବାୟ୍ ଅଇ ମରିଜାଇରଇବା ଲକ୍ମନର୍ ବନି କାଇକରି ମିସା ସେ ମାତିରଇଲା । ମୁଇ ତାକେ ଦେକିକରି କାବା ଅଇଗାଲି ।<sup>୮</sup> ଦୁଡ଼ ମକେ ପାଟାରଲା, “କାଇକେ ତୁଇ କାବା ଅଇଗାଲୁସ୍ ? ଏ ମାଇଜିର୍ ଆରି ତାକେ ଦାରିରଇବା ପସୁର୍ କେ ନାଜାନି ରଇବା ଅରଡ଼ ମୁଇ ତକେ କଇଦେବି ।” ସେ ପସୁକେ ସାଡ଼ଟା ମୁଣ୍ଡ ଆରି ଦସ୍ଟା ସିଙ୍ଗ୍ ରଇଲା ।<sup>୯</sup> ଆଗତୁ ତରେକ୍ ସେ ପସୁ ବଠିରଇଲା । ମାତର୍ ଏବେ ଆରି ସେ ନ ବଠେ । ପାତାଲେଅନି ସେଟା ବାରଇ ଆଇସି । ତାକେ ଆରି ତରେକ୍ ସେ ଡଣ୍ଡ ପାଇବା ଜାଗାଇ ନିଆଅଇସି । ଜଗତେରଇବା ଲକ୍ମନ, ସବୁ ତିଆର୍ ନ ଅଇବା ଆଗତୁ, ଜାର ନାଉଁ ଜିବନ୍ରଇବା ବଇଟାନେ ଲେକାଅଡ଼ନାଇ, ସେମନ୍ ସେ ପସୁକେ ଦେକି କାବାଅଇଜିବାଇ । କାଇକେବଇଲେ ସେ ଆଗତୁ ବଠିରଇଲା, ଏବେ ଆରି ସେଟା ବଠିରଏନାଇ । ମାତର୍ ସେଟା ଆରିତରେକ୍ ଆଇସି ।

<sup>୧୦</sup> “ଗଟେକ୍ ଗିଆନ୍ ରଇବା ଆରି ଚିନ୍ତା କରବା ଲକ୍ସେ ଏଟା ବୁଜିପାର୍ସି । ସେ ସାଡ଼ଟା ମୁଣ୍ଡର୍ ଅରଡ଼ ଅଇଲାନ୍, ସେ ମାଇଜି ବସ୍ବା ସାଡ଼ଟା କୁପ୍ଲି । ସେଟା ଅଇଲାନ୍ ସାଡ଼ଟା ରାଜାମନ୍ ମିସା ।<sup>୧୦</sup> ସେ ସାଡ଼ଟା ରାଜାମନ୍ ବିଡ଼ରେ ଅନି ପାଟଟା ରାଜା ବୁଡ଼ିଗାଲାଇ । ଗଟେକ୍ ଏବେ ମିସା ସାସନ୍ କଲାନ୍ । ସାରାସାରିଟା ଏବେଜାକ ଆସେନାଇତା । ସେ ଆଇଲେ ଚନେକର୍ପାଇ ସାସନ୍ କରବାର୍ଆଟେ ।<sup>୧୧</sup> ଆରି ଜନ୍ ପସୁ ଜେ କି ଆଗତୁ ବଠିରଇଲା, ଆରି ଏବେ ସେ ବଠେନାଇ, ସେ ଅଇଲାନ୍ ଆଟ୍ ଲମର୍ ରାଜା । ସାଡ଼ଟା ରାଜାମନ୍ ବିଡ଼ରେଅନି ସେ ଗଟେକ୍ । ଆରି ସେ ମିସା ବୁଡ଼ିଗାଲସି ।”

<sup>୧୨</sup> ଜନ୍ ଦସ୍ଟା ସିଙ୍ଗ୍ ତୁଇ ଦେକିରଇଲୁସ୍, ସେଟା ଅଇଲାନ୍ ଦସ୍ଟା ରାଜା । ସେମନ୍ ଏବେଜାକ ରାଇଜେ ସାସନ୍ କରଡ଼ ନାଇତା । ମାତର୍ ପସୁସଙ୍ଗ୍ ରାଜା ଇସାବେ ଗଟେକ୍ ଗଟା ସାସନ୍ କରବାକେ ଅଦିକାର୍ ଦିଆଅଇସି ।<sup>୧୩</sup> ଏ ସବୁ ଦସ୍ଟା ରାଜାମନ୍କେ ଗଟେକ୍ ଆକା ଆଦେସ୍ ଆଟେ । ତାକର୍ ସବୁ ବପୁ ଆରି ଅଦିକାର୍ ପସୁକେ ଦେବାଇ ।<sup>୧୪</sup> ସେମନ୍ ମେଣ୍ଡାପିଲାର୍ ବିରୁଦେ ଜୁଇଦ୍ କରବାଇ । ମାତର୍ ମେଣ୍ଡାପିଲା ସେମନ୍କେ ଆରାଇସି । କାଇକେବଇଲେ ସେ ସବୁ ମାପରୁମନର୍ ଟାନେଅନି ଉଚେ ରଇବା ମାପରୁ । ଆରି ରାଜା ମନର୍ଟାନେ ଅନି ଉପରେ ରଇବା ରାଜା । ତାର୍ ଜେଡ଼କି ସିସ୍ମନ୍କେ ସେ ଡାକିକରି ବାଟ୍ଲାଆଟେ, ଆରି ତାକେ ସଡ଼ ସଙ୍ଗ୍ ନାମବାଇ, ସେମନ୍ ସଙ୍ଗ୍ ସେ ଜୁଇଦ୍ କରସି ।

<sup>୧୫</sup> ଦୁଡ଼ ଏନ୍ତାରି ମିସା ମକେ କଇଲା, ତୁଇ ଜନ୍ ପାନି ଉପରେ ବେସିଆ ବସିରଇବାଟା ଦେକ୍ଲୁସ୍, ସେଟା ଅଇଲାନ୍ ଏ ଜଗତର୍ ରାଇଜମନ୍, ଲକ୍ମନ୍, ଜାତିମନ୍ ଆରି ବାସାମନ୍ ।<sup>୧୬</sup> ତୁଇ ଦେକିରଇବା ଦସ୍ଟା ସିଙ୍ଗ୍ ଆରି ସେ ପସୁ, ବେସିଆକେ ଗିନ୍ କରବାଇ । ତାର୍ଟାନେ ରଇବାଟା ସବୁ ଚାଡ଼ାଇନେଇ ତୁମ୍ବୁ କରବାଇ । ତାର୍ ମାଉଁସ୍ କାଇକରି ତାକେ ଜଇଟାନେ ପଡ଼ାଇଦେବାଇ ।<sup>୧୭</sup> କାଇକେବଇଲେ ପର୍ମେସର୍ ତାର୍ ଜଜନା ପୁରାପୁରନ୍ କରବାକେ ସେମନ୍ ମନ୍କେ ଏ କାତାଦେଇ ପାଟାଇଆଟେ । ସେମନ୍ ଗଟେକ୍ ଅଇ କାମ୍ କରବାଇ । ପର୍ମେସରର୍ ବାକିଅ ସିଦ୍ ଅଇବାଜାକ ତାର୍ ରାଇଜର୍ ସାସନ୍ କରବା ବପୁ, ପସୁକେ ଦେଲାଆଟେ ।

<sup>୧୮</sup> ଆରି ଜନ୍ ମାଇଜିକେ ତୁଇ ଦେକ୍ଲୁସ୍, ସେ ଅଇଲାନ୍, ଜଗତର୍ ରାଜାମନ୍କେ ସାସନ୍ କରବା ସେ ବଡ଼ ନଅର୍ ।

## ୧୮

### ବାବିଲନ୍ ବୁଡ଼ିଗାଲାଟା

<sup>୧</sup> ତାର୍ପଚେ ଏଦେ ଦେକା ! ସର୍ଗେଅନି ଆରି ଗଟେକ୍ ଦୁଡ଼ ଉଡ଼ରିଆଇବାଟା ମୁଇ ଦେକ୍ଲି । ତାକେ ବେସି ଅଦିକାର୍ ରଇଲା । ଆରି ତାର୍ ଉଜଲ୍ ଗୁଲାଇ ଜଗତେ ବରଡ଼ି ଅଇଗାଲା ।<sup>୨</sup> ସେ ବେସି ଆକ୍ମାରି କଇଲା, “ତାର୍ ଦସା ଅଇଲା ଆଟେ ! ସେ ବଡ଼ ବାବିଲନ୍ ମାଟିଲଗେ ମିସି ରୁନ୍ତୁନା ଅଇଗାଲାବେ ! ସେଟା ଏବେ ମାଟିବିଡ଼ରେ ତପିଅଇ ଗାଲାବେ ! ତାକେ ଏବେ ତୁମାମନ୍ ଆରି ଅସୁକଲ୍ ଆଡ଼ମାମନ୍ ବାଦାଦେଲାଇନି । ସବୁ ରକାମର୍ ଅସୁକଲ୍ ଆରି ଗିନ୍କରବା ଚଡ଼ଇମନ୍ ତାର୍ ବିଡ଼ରେ ବାସା ଅଇଆଟଡ଼ ।<sup>୩</sup> କାଇକେବଇଲେ ଜଗତର୍ ସବୁ ରାଇଜମନ୍, ତାର୍ ମଦ୍ କାଇ ମାତିଜାଇଆଟଡ଼ । ଏଟାର୍ ଅରଡ଼ ଅଇଲାନ୍ ତାର୍ କାରାପ୍ ଚଲାଚଲ୍ତି ମାନ୍ବାକେ ସେମନ୍କେ ସୁଡ଼ରାଇଲା । ଜଗତର୍ ରାଜାମନ୍ ତାର୍ ସଙ୍ଗ୍ ବେସିଆ କାମ୍ କରବାର୍ ଅବିଆସ୍ କଲାଇ । ଜନ୍ ସିପତି ପାଇବା ଆସାଇଅନି ଏ ଜଗତର୍ ବେବାର୍ମିମନ୍ ସାଉକାର୍ ଅଇଗାଲାଇ ।”

<sup>୪</sup> ତାର୍ପଚେ ସର୍ଗେ ଅନି ଆରି ଗଟେକ୍ ସବଦ୍ ଏନ୍ତାରି କଇବାଟା ମୁଇ ସୁନ୍ଲି । “ମର୍ ଲକ୍ମନ୍ ତାର୍ଟାନେଅନି ବାରଇ ଆସା । ତମେ ଜଦି ତାର୍ ପାପେ ମିସଲେ, ସେ ପାଇବା ଡଣ୍ଡେ ମିସ୍ସା ।<sup>୫</sup> କାଇକେବଇଲେ ତାର୍ ସବୁଜାକ ପାପ୍ କୁପା କୁଡ଼ାଇଲା ପାରା ସର୍ଗେ ଜାକ କେଟ୍ଲା ଆଟେ । ଆରି ପର୍ମେସର୍ ତାକର୍ କାରାପ୍ ଚଲାଚଲ୍ତି ଏଡ଼ାଇଲାନ୍ ।<sup>୬</sup> ତାର୍ କରିରଇବା କାମର୍ ଲାଗି ତାକେ ବାଉଡ଼ାଇ ଦିଆଅଇସି । ଆରି ସେ ସମାନ୍ ଡଣ୍ଡ ପାଇସି । ଲକ୍ମନ୍କେ ଦୁକ୍ସର୍ ଦେବାକେ ସେ ଜାଇଜାଇଟା କଲାଆଟେ, ସେଟା ତାକେ ଦୁଇ ଗୁନ୍ ଇସାବେ ବାଉଡ଼ାଇ ଦିଆଅଇସି । ସେ ଜେଡ଼କି କାରୁର୍ ମଦ୍ ବିନ୍ ଲକ୍ମନ୍କେ କାଇବାକେ ଦେଇତେରଇଲା, ତାର୍ ଦୁଇଗୁନ୍ ଅଦିକାର୍ଟା ତାକେ କାଇବାକେ

☆ ୧୭:୮ ୧୭:୮ ପଢ଼କାସିତ ୧୧:୭ ☆ ୧୮:୭ ୧୮:୭ ପଢ଼କାସିତ ୧୪:୮



ଦିଆଅଛନ୍ତି ।<sup>୭</sup> ତାର ଜେଡ଼କି ଦନ୍ ସଂପତ୍ତି ଆରି ବଡ଼ପନ୍ ଆଚେ, ସେ ଇସାବେ ତାର ଦୁକ୍ କସ୍ତ ଆରି କାକୁରତି ରଇସି । ସେ ନିଜକେ କଇସି ‘ମୁଇ ଇତି ସାସନ୍ କରବା ଗଟେକ୍ ରାନି ।’ ରାଣ୍ଡି ଅଇଲିଆତି ଜେ ମୁଇ କାନ୍ଦି ? ‘ସେଟାର୍ ପାଇବଲି ଦିନେକ୍ ବିଡ଼ରେ ତାକେ ମରଡ଼ି, ରଗଦୁକା, କାକୁରତି ଆରି ଇନସ୍ତା ଆଇସି । ଆରି ସେ ଜଇଟାନେ ପଡ଼ିଜାଇସି । କାଇକେବଇଲେ ବେସି ବପୁର ମାପରୁ ପର୍ମେସର୍ ତାକେ ବିଚାରନା କରସି ।’

<sup>୮</sup> ତାର ବେସିଆ କାମେ ଆରି ଲାଲ୍‌ସା ଅଇ ମିସ୍‌ଲା ଜେଡ଼କି ରାଜାମନ୍ ସେ ଜଇଲଗେ ପଡ଼ଲାତେଇଅନି ବାରଇବା ଦୁଆଁ ଦେକିକରି ଆକ୍‌ମାରି କାନ୍ଦିବାଇ ।<sup>୧୦</sup> ସେମନ୍ ଆମେମିସା ଡ଼ଣ୍ଡ ପାଇବୁ ବଲି ଡ଼ରିକରି ଦୁରିକେ ଟିଆଅଇ କଇବାଇ, “ଏଟା କାଇ ଇନସ୍ତା, କାଇ କାକୁରତି, ଏ ବଡ଼ ଅଇକରି ସୁନ୍ଦର୍ ବାବିଲନ୍ । ତୁଇ ପାଇବା ଡ଼ଣ୍ଡ ଅଟାଡ଼ ଅଇଗାଲା । କାଇକେବଇଲେ ଗଟେକ୍ ଗଟା ବିଡ଼ରେ ତୁଇ କୁରୁପ୍‌ନାସ୍ ଅଇଗାଲୁସ୍ ।”

<sup>୧୧</sup> “ଏ ଜଗତର୍ ବେବାର୍‌ମନ୍ ତାର୍‌ପାରା ଦୁକ୍ ଅଇକରି କାନ୍ଦିଲାଇନି । କାଇକେବଇଲେ ତାକର୍ ଜିନିସ୍ ଆରି କେ ନ ଗେନଡ଼ ।”<sup>୧୨</sup> ତାକର୍ ସୁନାବାନା, ତାକର୍ ରୁପା, ଜବର୍ ଦାମ୍ ଦେଇରଇବା ଇରା ମଡ଼ିମନ୍, ସିଲ୍‌କୁ ଲୁଗା, ଜାମ୍‌କଲି ରଙ୍ଗର୍ ବସ୍ତର୍, ରଙ୍ଗୁଆ ବସ୍ତର୍, ବିନ୍ ବିନ୍ ରକାମର୍ ବେସି ଦାମ୍ ଦେବା ବାସ୍‌ନା ଗର୍, ଆଁତିର୍ ଦାଡ଼ାଇଅନି ଜବର୍ ଦାମ୍‌ଦେବାଟାମନ୍, ଗଟେଅନି, ପିତଲେଅନି, ଲୁଆଇଅନି, ମାର୍‌ବଲ୍ ପାକ୍‌ନାଇ ଅନି, ଡିଆର୍ କରିରଇବାଟା, ବିନ୍ ବିନ୍ ଜିନିସ୍ କେ ମିସା ନ ଗେନଡ଼ ।<sup>୧୩</sup> ଡାଲ୍‌ଟିନି, ବିନ୍ ବିନ୍ ରକାମର୍ ମସ୍‌ଲା, ଦୁପ୍, ବାସ୍‌ନାଦେବା ଦିନ୍‌ସ୍, ଟୁଣ୍ଡରି, ଅଙ୍ଗୁର୍ ମଦ୍, ଚିକନ୍, ଅଟା, ଗାଁମ୍, ଗରୁ, ମେଣ୍ଡା, ଗଡ଼ା, ରଡ଼, ଏଣ୍ଡାରିକି ଗତିକଟ୍‌ବା ଦାଙ୍ଗୁଆ ଆରି ଲକ୍‌ମନ୍‌କେ ମିସା ଜାକେ କି ସେମନ୍ ଗତିଦାଙ୍ଗୁଆ କରି ବିକ୍‌ବାଇ, ସେମନ୍‌କେ ମିସା ଗେନି ନେବାକେ କେ ନ ବାରଅଡ଼ ।<sup>୧୪</sup> ବେବାର୍‌ମନ୍ ତାକେ କଇଲାଇ, “ଜନ୍ ସବୁ ଜିନିସ୍ ତମେ ନିଜର୍ କରବାକେ ମନ୍ କର୍ତେରଇଲାସ୍, ସେଟା ସବୁ ପୁରାପୁରନ୍ ନସ୍ତ ଅଇଗାଲା । ତମର୍ ଦନ୍ ସଂପତ୍ତି ନସିଗାଲା ଆରି ଜେଡ଼କି ଜିନିସ୍ ତମ୍‌କେ ସାର୍‌ଦା କରାଇତେରଇଲା, ସେଟାମନ୍ ଆରି ନ ତିସେ ।”<sup>୧୫</sup> ସେ ନଅରେ ବେବାର୍ କରି ବେବାର୍‌ମନ୍ ଜେଡ଼କି ସାଉକାର୍ ଅଇଗାଲାଇ, ସେ ନଅରର୍ ଡ଼ଣ୍ଡେ, ସେମନ୍‌କେ ମିସାଇବାଇ ବଲି ଡ଼ରିକରି ସେମନ୍ ଦୁରିକେ ରଇବାଇ । ସେମନ୍ ଆକ୍‌ମାରି କାନ୍ଦିବାଇ ।<sup>୧୬</sup> ଆରି ଏଣ୍ଡାରି କଇବାଇ “ଏଟା କାଇ ଇନସ୍ତା ! ଏ ବଡ଼ ନଅରର୍ ପାଇ କାଇ କାକୁରତି ? ତେଇର୍ ଲକ୍‌ମନ୍ ଜାମ୍‌କଲିଆ ରଙ୍ଗର୍ ଆରି ଦବ୍ ସିଲ୍‌କୁ ଲୁଗା ପିନ୍‌ଡେରଇଲାଇ । ସେମନ୍ ସୁନା ଆରି ବେସି ଦାମ୍ ଦେବା ଇରା ମୁକ୍‌ତାମନ୍ ପିନ୍‌ଡେରଇଲାଇ ।<sup>୧୭</sup> ମାତର୍ ଗଟେକ୍ ଗଟା ବିଡ଼ରେ ତାକର୍ ସବୁ ଦନ୍ ସଂପତ୍ତି କୁରୁପ୍‌ନାସ୍ ଅଇଗାଲା । ପାନିଜାଜ୍ ଚାଲାଉମନ୍ ଆରି ଜାଜେ ଜିବାଲକ୍‌ମନ୍ ଜାଜେ କାମ୍ କରବା ଲକ୍‌ମନ୍ ଆରି ସମ୍‌ଦୁରେ କାମ୍ କରି ଜିଉନାକାଉନା କରି ସାଉକାର୍ ଅଇରଇଲାଇ, ସେମନ୍ ସବୁ ଦୁରିକେ ରଇକରି ଦେକ୍‌ଡେରଇଲାଇ ।”<sup>୧୮</sup> ସେ ନଅର୍ ପଡ଼ଲାକେ ତେଇଅନି ଉଟ୍‌ଲା ଦୁଆଁ ଦେକି ସେମନ୍ ଆଉଲି ଅଇକରି କଇଲାଇ, “ଏ ନଅର ପାରା ଆରି କନ୍ ନଅର୍ ମିସା ନ ରଇଲା ।”<sup>୧୯</sup> ସେମନ୍ ତାକର୍ ମୁଣ୍ଡେ ଦୁଲି ବିତିଅଇଲାଇ ଆରି ଆକ୍‌ମାରି କାନ୍ଦି କାନ୍ଦି କଇଲାଇ, “ଏଟା କାଇ ଇନସ୍ତା । ଏ ବଡ଼ ନଅରର୍ ପାଇ କାଇ କାକୁରତି ?” ସମ୍‌ଦୁରେ ଆସ୍‌ଜା ଅଇତେରଇବା ଜାଆଜ୍ ମନ୍ ତାକର୍ ଦନର୍ ଲାଗି ସାଉକାର୍ ଅଇରଇଲାଇ । ଆରି ଏବେ ଗଟେକ୍ ଗଟା ବିଡ଼ରେ ସେଟାସବୁ ନସିଗାଲା ।<sup>୨୦</sup> ସେ ବଡ଼ ନଅରର୍ ଦସାର୍‌ଲାଗି ସର୍‌ଗେ ରଇବା ଲକ୍‌ମନ୍ ସାର୍‌ଦା ଉଆ । ପର୍ମେସର୍ ସେ ନଅର୍‌କେ ଡ଼ଣ୍ଡ ଦେଲାକେ ତମେ ବବିସ୍‌ଡ଼ବକ୍‌ତାମନ୍, ପାର୍‌ଟିନ୍‌ମନ୍ ଆରି ପର୍ମେସର୍‌କେ ବିସ୍‌ବାସ୍ କରବା ଲକ୍‌ମନ୍ ସାର୍‌ଦା ଉଆ । ସେ ନଅରର୍ ଲକ୍‌ମନ୍ ତମ୍‌କେ ତାଡ଼ନା କର୍ତେରଇଲାଇ ।

<sup>୨୧</sup> ତାର୍‌ପଚେ ଏଦେ ଦେକା ! ଗଟେକ୍ ବେସି ବପୁର ଦୁଡ଼ ଗଟେକ୍ ବଡ଼ ଜତା ଏଡ଼କି ପାକ୍‌ନା ବେଟି ସମ୍‌ଦୁରେ ପିଙ୍ଗଲା । ଆରି କଇଲା “ଏଣ୍ଡାରିସେ ବଡ଼ ନଅର୍ ବାବିଲନ୍‌କେ ଜବର୍ ଅଇତେ ପିଙ୍ଗିବାଇ । ଆରି ତାର୍ ନାଉଁଗନ୍ ନ ମିଲେନି ।<sup>୨୨</sup> ବିଶା ବାଜାଉମନ୍, ଗିଡ଼ଗାଉମନ୍, ବାଉଁସି ପୁକୁମନ୍ ଆରି ମଇରିର୍ ସବଦ୍ କେବେ ନ ସୁନଡ଼ । ସୁନ୍‌ଦର୍ ଜିନିସ୍ ଡିଆର୍‌କରୁମନ୍ ତେଇଆରି ନ ତିସଡ଼ । ଲକ୍‌ମନ୍ ଜତାସଙ୍ଗ୍ ଗର୍‌ବା ସବଦ୍ ମିସା ଆରି ନ ସୁନିଅଏ ।<sup>୨୩</sup> ଏ ନଅର୍ କାଇବତିସଙ୍ଗ୍ ମିସା ଉଜଲ୍ ନ ତିସେ । ଏବେ ବିବା ଅଇବା ଦାଙ୍ଗୁଆ ଦାଙ୍ଗୁଡ଼ିର୍ କାତା ମିସା ନ ସୁନିଅଏ । ତମର୍ ବେବାର୍‌ମନ୍ ଗୁଲାଇ ଜଗତେ ତାକ୍‌ପୁଟା ଅଇଆତଡ଼ । ଆରି ତର୍ ମାୟାଜାଲେ ପଡ଼ିକରି ଜଗତର୍ ଲକ୍‌ମନ୍ ସବୁ ନାଡ଼ାଇଅଇଲାଇ ।”

<sup>୨୪</sup> ବଡ଼ ନଅର୍ ବାବିଲନ୍ ଡ଼ଣ୍ଡ ପାଇଆଚେ । କାଇକେବଇଲେ ବବିସ୍‌ଡ଼ବକ୍‌ତାମନ୍ ଆରି ପର୍ମେସର୍‌ର ଲକ୍‌ମନ୍‌ର ବନି ସେ ନଅରେ ବଇଗାଲାଆଚେ । ଆରି ଗୁଲାଇ ଜଗତେ ମରାଇଅଇରଇବା ଜେଡ଼କି ଲକ୍ ଏ ନଅରର୍ ଲାଗି ମରିଜାଇରଇଲାଇ । ବାବଦାଦିମନ୍‌ର ସାଦୁଲକ୍‌ମନ୍ ଆରି ପୁରତିବିତେଇ ମାରା ଜାଇରଇବା ସବୁଲକ୍‌ମନ୍‌ର ବନି ସେ ଡ଼ିସି ରଇଲା ।

### ୧୯

#### ସର୍‌ଗର୍ ସାର୍‌ଦା

<sup>୧</sup> ତାର୍‌ପଚେ ସର୍‌ଗେ ଗଟେକ୍ ଜାଗାଇ ମାନ୍ଦା ଲକ୍ ଆଉଲିଅଇକରି ଏଣ୍ଡାରି କଇବାଟା ମୁଇ ସୁନ୍‌ଲି । “ପର୍ମେସର୍‌କେ ଜୁଆର୍ କରା । ସେ ଆମକେ ମୁକ୍ତି ଦେଲାଆଚେ । ଆମର୍ ପର୍ମେସର୍‌କେ ତାକ୍‌ପୁଟା ଆରି ବପୁ ଅ ।”<sup>୨</sup> ତାର୍ ବିଚାରନା ଜାକ ସଡ଼ ଆରି ଅନିଆଇ ନ ଅଇତେ ଜନ୍ ବେସିଆ ମାଇଜି ଗୁଲାଇ ଜଗତ୍‌କେ ତାର୍ କାରାପ୍ ଚଲାଟଲ୍‌ଡ଼ି

ସଙ୍ଗ ନସାଇତେରଇଲା, ସେ ତାକେ ଦସ୍ ଦେଲାଆତେ । ତାର ଦାଙ୍ଗଡ଼ାମନ୍କେ ସେ ମରାଇଲାକେ ତାକେ ସେ ଡଣ୍ଡ ଦେଲାଆତେ ।<sup>୩</sup> ସେମନ୍ ଆରିତରେକ୍ ଆଉଲିଅଇଲା । “ପରମେସର୍କେ ଜୁଆର୍ କରା । ସେ ବଡ଼ ନଅର୍ ଜଇଲଗେ ପଡ଼ଲାପାଇ ଉଟ୍ଟା ଦୁଆଁ କେବେ ନ ସାରେ ।”<sup>୪</sup> ୨୪ ପାର୍ଟିନମନ୍ ଆରି ଚାରଟା ଜିବନ୍ ରଇବା ପସୁମନ୍ ଡାଣ୍ଡସନ୍ ପତି ବସ୍ବା ଜାଗାଇ ବସିରଇବା ପରମେସର୍କେ ଜୁଆର୍ କଲା । ଆମେନ୍ ପରମେସର୍ ତାକ୍ପୁଟା ପାଅ । ବଇଲା ।

**ମେଣ୍ଡାପିଲାର ବିବା ବଜି**

<sup>୫</sup> ତାରପତେ ବସ୍ବା ଜାଗାଇଅନି ଗଟେକ୍ ସବଦ୍ ଆଇଲା । ସେଟା ଏନ୍ତାରି କଇଲା, “ଆମର୍ ପରମେସର୍କେ ଜୁଆର୍ କରା । ତାର ଦାଙ୍ଗଡ଼ାମନ୍, ଆକେ ନାମ୍ବା ଜେଡ଼କି ସବୁ ବଡ଼ସାନ୍ ଲକ୍ମନ୍ ତାକେ ଜୁଆର୍କରା ।”<sup>୬</sup> ତାରପତେ ଗଟେକ୍ ଜବର୍ ମାନ୍ଦା ଲକ୍ମପାରା ଆରି ବେସି ସବଦ୍ କରି ଉପରେ ଅନି ଅଦର୍ତେରଇବା ଗଟେକ୍ ଜଲାପାରା ଆରି ଗୁଡ଼ଗୁଡ଼ ଅଇ ଆଇବା ଗଡ଼ଗତି ପାରା ଗଟେକ୍ ସବଦ୍ ସୁନ୍ଲି । ସେମନ୍ ଏନ୍ତାରି କଇତେରଇଲା “ପରମେସର୍କେ ଜୁଆର୍ କରା । ଆମର୍ ମାପୁରୁ ସବୁରଟାନେଅନି ବପୁରଟା । ଆମର୍ ପରମେସର୍ ଅଇଲାନି ମାପୁରୁ ।”<sup>୭</sup> ଆସା ଆମେ ସାର୍ଦା ସଙ୍ଗ ଗିଡ଼ନାଟ୍ କରୁ ଆରି ତାର କାବାଅଇଜିବା କାମ୍ପପାଇ ତାକେ ତାକ୍ପୁଟା କରୁ, କାଇକେବଇଲେ ମେଣ୍ଡାପିଲାର ବିବା ଅଇବା ବେଲା ଲଗେ କେଟ୍ଲାବେ । ଆରି ତାର କନିଆଦାଙ୍ଗଡ଼ିକେ ବିବା ଅଇବାକେ ନିଜେ ତିଆର୍ କଲାଆତେ ।<sup>୮</sup> ତାକେ ସୁକ୍ଲ ପିର୍ପିରା ଅଇ ଜକ୍ମକିଜିବା ବସ୍ତର୍ ପିର୍ପିବାକେ ଦିଆଅଇଆତେ । ପିର୍ପିରା ଲୁଗା ଅଇଲାନି, ପରମେସର୍କେ ଲକ୍ମନର୍ ଦରମ୍ କାମ୍ ।

<sup>୯</sup> ତାରପତେ ଦୁଡ଼ ମକେ କଇଲା, “ଏଟା ଲେକି ସଙ୍ଗଇର । ମେଣ୍ଡାପିଲାର ବିବା ବଜିକେ ଜେଡ଼କି ଲକ୍ମକେ ତାକ୍ରା ଅଇଲାଆତେ । ସେମନ୍ କେଡେକ୍ ନିକ କରମର୍ ଲକ୍ ।” ଆରି ଦୁଡ଼ କଇଲା, “ଏଟା ପରମେସରର୍ ସଡ଼ ବାକିଅ ।”

<sup>୧୦</sup> ମୁଇ ତାକେ ଜୁଆର୍ କରବି ବଲି ତାର ଗଡେ ଡାଣ୍ଡସନ୍ ପଡ଼ଲି, ମାତର୍ ସେ ମକେ କଇଲା, “ନିରୁ, ମୁଇ ଆରି ତର୍ ସଙ୍ଗର୍ ବିସ୍ବାସି ବାଇମନ୍ ଜେଡ଼କି ଲକ୍ ଆମେ ସବୁ ଜିସୁ ଜାନାଇରଇବା ସଡ଼ ଦାରିଆରୁ, ଆମେ ସବୁ ଅବକା ଦାଙ୍ଗଡ଼ାମନ୍, ପରମେସର୍କେ ଜୁଆର୍ କରା । କାଇକେବଇଲେ ଜିସୁ ଜନ୍ ସଡ଼ ଜାନାଇଆତେ, ସେଟାସେ ବବିସଡ଼ ବକ୍ତାମନ୍କେ କାତାଅଇବାକେ ବିପୁଦେଲାଆତେ ।”

**ଦବ୍ଲା ଗଡ଼ାଇ ବସି ଜାଇତେ ରଇବା ଲକ୍**

<sup>୧୧</sup> ତାରପତେ ସରଗ୍ ଉଗାଡ଼ି ଅଇଲାଟା ମୁଇ ଦେକ୍ଲି । ଆରି ଏଦେ ଦେକା ! ଗଟେକ୍ ଦବ୍ ଗଡ଼ା ଆଇବାଟା ଡିସ୍ଲା । ଗଡ଼ା ଚାଲାଉର୍ ନାଉଁ ଅଇଲାନି ବିସ୍ବାସ୍ କରବାଟା ଆରି ସଡ଼ଟା । ସେ ଅନିଆଇ ନ କରି ତାର ଜୁଇଦ୍ କରସି ଆରି ଜିଡ଼ସି ।<sup>୧୨</sup> ତାର ଆଁକି ଲାଗତେ ରଇବା ଜଇପାରା ରଇଲା । ଆରି ତାର ମୁଣ୍ଡେ ବେସି ମୁକୁଟ୍ ପିନ୍ଧି ରଇଲା । ଜନ୍ ନାଉଁ ତାର ଉପରେ ଲେକା ଅଇରଇଲା, ସେଟାକେ ଚାଡ଼ିଦେଲେ ଆରି କେ ନାଜାନିରଇଲା ।<sup>୧୩</sup> ତାର ବସ୍ତର୍ ବନିତେଇ ବୁଡ଼ାଇଲାପାରା ରଇଲା । ତାର ନାଉଁ ରଇଲା ପରମେସରର୍ ବାକିଅ ।<sup>୧୪</sup> ସରଗର୍ ସନିଅମନ୍ ଦବ୍ ବସ୍ତର୍ ପିନ୍ଧିକରି ଆରି ଦବ୍ଗଡ଼ାଇ ବସି ତାର ପତେ ପତେ ଜାଇତେରଇଲା ।<sup>୧୫</sup> ତାର ଟଣ୍ଡେଅନି ଗଟେକ୍ ଗଜିଆ କାଣ୍ଡା ବାରଇଲା । ସେଟାସଙ୍ଗ୍ ସେ ଏ ଜଗତର୍ ରାଇଜମନ୍କେ ଆରାଇସି । ସେ ତାଟ୍ ସଙ୍ଗ୍ ତାକର୍ ଉପରେ ସାସନ୍ କରସି । ବେସି ବପୁ ରଇବା ପରମେସରର୍ ରିସା ସେମନ୍କେ ଦେକାଇସି । ସେ ତାର ସଡ଼ରୁମନ୍କେ ମାଣ୍ଡିକରି ରମ୍ପଦିଦେଇସି । ଜେନ୍ତାରିକି ଅଙ୍ଗୁର୍ ପିଟ୍ଟିକିରି ରସ୍ ବାରକରାଇସି ।<sup>୧୬</sup> ତାର ବସ୍ତରେ, ଜଙ୍ଗେ, ଏ ନାଉଁ ଲେକାଅଇରଇଲା । “ସବୁରାଜାମନର୍ ଉପରେ ରଇବା ରାଜା, ସବୁ ମାପୁରୁମନର୍ ଉପରେ ରଇବା ମାପୁରୁ ।”

<sup>୧୭</sup> ତାରପତେ ଏଦେ ଦେକା ବେଲ୍ ଉପରେ ଗଟେକ୍ ଦୁଡ଼ ଟିଆଅଇରଇବାଟା ମୁଇ ଦେକ୍ଲି । ଆକାସର୍ ମଜାଇ ଉଡ଼ତେରଇବା ଜେଡ଼କି ସବୁ ଚଡ଼ଇମନ୍କେ ସେ ଆକ୍ମାରି କଇଲା “ଆସା ପରମେସରର୍ ବଡ଼ ବଜିତେଇ ଜିବାକେ ସବୁଲକ୍ ଟୁଲ୍ଡଆ ।<sup>୧୮</sup> ଆସା ଆରି ରାଜାମନର୍, ମୁକିଆମନର୍ ଆରି ସଇନମନର୍ ମାଉଁସ୍ କାଇବାକେ ଆସା । ଗଡ଼ାମନର୍ ଆରି ତାକେ ଚାଲାଉମନର୍, ବଡ଼ ସାନ୍ ଲକ୍ମନର୍, ବନ୍ଧି ଆରି ମୁକ୍ଲି ରଇବା ଲକ୍ମନର୍ ସବୁ ଲକ୍ମର୍ ମାଉଁସ୍ କାଇବାକେ ଆସା ।”

<sup>୧୯</sup> ତାରପତେ ସେ ପସୁ, ଜଗତର୍ ରାଜାମନ୍ ଆରି ତାକର୍ ସନିଅମନ୍ ଜେ ଗଡ଼ା ଚାଲାଉତେରଇଲା ଆରି ତାରସନିଅମନର୍ ସଙ୍ଗ୍ ଜୁଇଦ୍ କରବାକେ ରୁଣ୍ଡିଲାଟା, ମୁଇ ଦେକ୍ଲି ।<sup>୨୦</sup> ଟେଇ ପସୁକେ ବନ୍ଧିକରି ନେଲା । ତାର ସଙ୍ଗ୍ ଜନ୍ ମିଟ୍ କଇବା ବବିସଡ଼ବକ୍ତା, ଜେ କି ତାର ମୁଆଟେ କାବାଅଇଜିବା କାମ୍ପମନ୍ କରତେରଇଲା, ତାକେ ମିସା ବନ୍ଧିଗରେ ନେଲା । ଏ କାବାଅଇଜିବା କାମ୍ପମନର୍ ଲାଗି ସେ ଲକ୍ମନ୍କେ ନାଡ଼ାଇରଇଲା । ଜନ୍ ଲକ୍ମନ୍ କି ପସୁର୍ ଚିନ୍ ଗଦିଅଇକରି ତାର ମୁର୍ତିକେ ଜୁଆର୍ କରତେରଇଲା ସେ ପସୁ ଆରି ମିଟ୍ କଇବା ବବିସଡ଼ବକ୍ତା ଦୁଇଲକ୍ମଜାକ ଜିବନ୍ ରଇତେ ଗନ୍ ଅଇତେରଇବା ଜଇର୍ ଗାଡେ ପିଙ୍ଗାଅଇଲା ।<sup>୨୧</sup> ଗଡ଼ା ଚାଲାଉର୍ ଟଣ୍ଡେଅନି ବାରଇ ଆଇବା କାଣ୍ଡା ସଙ୍ଗ୍ ତାକର୍ ସନିଅମନ୍ ମରିଗାଲା । ସବୁ ଚଡ଼ଇମନ୍ ତାକର୍ ମାଉଁସ୍ ପେଟ୍ପୁରତେ କାଇଲା ।

☆ ୧୯:୯ ୧୯:୯ ମାଡ଼ିଉ ୨୨:୨,୩ ☆ ୧୯:୧୫ ୧୯:୧୫ ପଢ଼କାସିତ ୧୪:୨୦ ☆ ୧୯:୨୦ ୧୯:୨୦ ପଢ଼କାସିତ ୧୩:୧-୧୮

# ୨୦

## ଅଜାର ବରସର୍ ସାସନ୍

୧ ତାରପତେ ଏଦେ ଦେକା ! ସରଗେଅନି ଗଟେକ୍ ଦୁଡ଼ ଉଡ଼ରି ଆଇବାଟା ମୁଇ ଦେକ୍ଲି । ତାରଲଗେ ପାତାଲର କୁଟିକାଡ଼ି ଆରି ଗଟେକ୍ ବଜ୍ ରଇବା ସିକ୍ଲି ରଇଲା । ୨ ସେ ଅସୁର୍ ସାଁପ୍‌କେ ଦାରଲା । ଜନ୍ ଆଗର୍ କାଲେ ରଇଲା ସାଁପ୍, ସେଟା ଅଇଲାନି ସଇତାନ୍ । ତାକେ ଅଜାର ବରସର୍‌ପାଇ ସିକ୍ଲିସଙ୍ ବାନ୍ଦିଦେଲା । ୩ ଦୁଡ଼ ତାକେ ପାତାଲେ ପିଙ୍ଗିଦେଲା ଆରି କୁଟି ପାକାଇକରି ସିଲ୍ ମାରଲା । ଏନ୍ତାରି କଲାକେ ଅଜାର ବରସ୍ ନ ସାର୍‌ତେ ସେ ବିନ୍ ବିନ୍ ରାଇଜର୍ ଲକ୍‌ମନ୍‌କେ ଆରି ନାଡାଇ ନାପାରେ । ତାରପତେ ଚନେକର୍‌ପାଇ ତାକେ ଚାଡ଼ିଦେବାଇ ।

୪ ତାରପତେ ମୁଇ କେତେଟା ବସ୍‌ବା ଜାଗାମନ୍ ଦେକ୍ଲି । ଜେଡ଼କି ଲକ୍ ବସ୍‌ବା ଜାଗାଇ ବସିରଇଲାଇ, ସେମନ୍‌କେ ନିଆଇ କରବାକେ ବପୁ ଦିଆଅଇରଇଲା । ଆରି ତାଡ଼ନା ପାଇ ମରାଇଅଇରଇବା ଆଡ଼ମାମନ୍‌କେ ଦେକ୍ଲି । ଜିସୁ ଜାନାଇରଇଲା ସଡ଼ ଆରି ପରମେସରର୍ ବାକିଅ ସେମନ୍ ଜାନାଇରଇଲାଇ । ପସୁକେ କି ତାର ମୁରଡ଼ିକେ ସେମନ୍ ଜୁଆର୍ କରଡ଼ନାଇ । ପସୁର୍ ଚିନ୍ ତାକର୍ କାପାଲେ କି ତାକର୍ ଆତେ ଗଦିଅଅଡ଼ ନାଇ । ସେମନ୍ ଜିବନ୍ ପାଇଲାଇ ଆରି ଅଜାର ବରସ୍‌ଜାକ କିରିସ୍‌ଟସଙ୍ ରାଜା ଇସାବେ ସାସନ୍ କଲାଇ । ୫ ଅଜାର ବରସ୍ ନ ସାର୍‌ବାଜାକ ମରିଜାଇରଇବା ଜେଡ଼କି ବାକି ଲକ୍ ଜିବନ୍ ପାଅଡ଼ନାଇ । ଏଟାଆକା ପରୁଡ଼ୁମ୍ ଜିବନ୍ ପାଇବାଟା । ୬ ମଲାତେଇଅନି ପରୁତମେ ଜେଡ଼କି ଲକ୍‌କେ ଉଟାଇରଇଲାଇ, ସେମନ୍ କେତେକ୍ କରମର୍ ଲକ୍ । ପଟର୍ ମରନ୍ ତାକର୍ ଉପରେ ସାସନ୍ ନ କରେ । ସେମନ୍ ପରମେସରର୍ ଆରି କିରିସ୍‌ଟର୍ ପୁଜାରି ଅଇବାଇ । ସେମନ୍ ତାକର୍ ସଙ୍ ଅଜାରବରସ୍ ଜାକ ସାସନ୍ କରବାଇ ।

## ସଇତାନର ଆର୍‌ବାଟା

୭ ଅଜାର ବରସ୍ ସାରଲାପତେ ବନ୍ଦିଗରେଅନି ସଇତାନ୍‌କେ ମୁକ୍‌ଲାଇବାଇ । ୮ ତେଇଅନି ଜଗତର୍ ରାଇଜ୍‌ମନ୍‌କେ ନାଡାଇବାକେ, ଗୁଲାଇ ଜଗତେ ବିଚିଅଇରଇବା ରାଇଜ୍‌ମନ୍‌କେ ନାଡାଇବାକେ ସେ ବାରଇସି । ସେଟା ଅଇଲାନି ଗର୍ ଆରି ମାଗର୍ । ସଇତାନ୍ ସେମନ୍‌କେ ଜୁଇଦ୍ କରବାକେ ରୁଣ୍ଡାଇସି । ସମ୍‌ଦୁରେ ରଇବା ବାଲି ଜେଡ଼କି ଆତେ, ସେଡ଼କି ଲକ୍ ସେମନ୍ ରଇବାଇ । ୯ ସେମନ୍ ଗୁଲାଇ ଜଗତେ ବିଚି ଅଇବାଇ । ଆରି ପରମେସରର୍ ଲକ୍ ବାସାଅଇରଇବା ଜାଗାଇ ଆରି ସେ ମନ୍‌କର୍‌ବା ନଅରର୍ ଚାରିବେଟ୍‌ତି ଆଇବାଇ । ମାଡର୍ ଏଦେ ଦେକା ! ସରଗେଅନି ଜଇ ଅଦ୍‌ରି ସେମନ୍‌କେ କୁରୁପ୍‌ନାସ୍ କଲା । ୧୦ ତାରପତେ ସଇତାନ୍ ଜେ କି ସେମନ୍‌କେ ନାଡାଇଲା, ଜଇ ଆରି ଗନ୍‌ରସ୍ ରଇବା ଗାଡେ ପିଙ୍ଗାଅଇଲା । ସେ ପସୁ ଆରି ମିଡ଼ କଇବା ବବିସଡ଼ବକ୍‌ତା ଆଗେଅନି ତେଇ ପିଙ୍ଗାଅଇରଇଲାଇ । ସେମନ୍ ତେଇରଇକରି ଦିନ୍ ରାତି କାଲ୍ କାଲ୍ ଜୁଗ୍ ଜୁଗ୍ ସେ ଲକ୍‌ମନ୍‌କେ କାବା କରିରଇଲା, ତାକେ ଜଇ ଆରି ଗନ୍‌ତେ ରଇବା ଗାଡେ ନସ୍‌ଟ କରାଇଲା, ସେ ତେଇ ସେ ପସୁ ଆରି ମିଡ଼ସିକିଆ ଦେଉଁ ବାବବାଦିମନ୍ ମିସା ଆଡ଼, ଆରି ସେ ଲକ୍‌ମନ୍ ଦିନ୍‌ରାତିଜାକ କସ୍‌ଟ ବଗ୍‌ବାଇ ।

## ସାରାସାରି ବିଚାର୍

୧୧ ତାରପତେ ମୁଇ ଗଟେକ୍ ବଡ଼ଟା ଦବ୍ ବସ୍‌ବା ଜାଗା ଆରି ଜେ ତାର ଉପ୍‌ରେ ବସିରଇଲା, ତାକେ ଦେକ୍ଲି । ସରଗ୍ ଆରି ଦରଡ଼ନି ତାର ମୁଆଟେଅନି ପାଲାଇଲାଇ ଆରି କେବେ ଡିସଡ଼ନାଇ । ୧୨ ତାରପତେ ମୁଇ ଜେଡ଼କି ମଲା ବଡ଼ ସାନ୍ ଲକ୍‌କେ ଦେକ୍ଲି । ସେମନ୍ ବସ୍‌ବା ଜାଗାର୍ ମୁଆଟେ ଚିଆଅଇରଇବାଟା ମୁଇ ଦେକ୍ଲି । ବଇମନ୍ ଉଗାଡ଼ି ଅଇଲା, ଜିବନ୍ ରଇବା ଲକ୍‌ମନ୍‌ର ବଇ ମିସା ଉଗାଡ଼ି ଅଇଲା । ସେମନ୍ କଲା କାମ୍ ଇସାବେ ମଲା ଲକ୍‌ମନ୍‌କେ ବିଚାର୍ କଲାଇ । ସେମନ୍ କରିରଇବା କାମ୍‌ମନ୍ ବଇଟାନ୍‌ନେ ଆଗଡୁଅନି ଲେକା ଅଇରଇଲା । ୧୩ ତାର ପତେ ସମ୍‌ଦୁରେ ଜେଡ଼କିଲକ୍ ମରିରଇଲାଇ, ସେମନ୍ ବାରଇଆଇଲାଇ । ମରନ୍ ଆରି ପାତାଲ୍ ମିସା ସେମନ୍ ଦାରିରଇବା ମଲାଲକ୍‌ମନ୍‌କେ ଚାଡ଼ିଦେଲାଇ । ସେମନ୍‌କେ ସବୁକେ କରିରଇବା କାମ୍ ଇସାବେ ବିଚାର୍‌ନା କଲାଇ । ୧୪ ତାରପତେ ମଲା ଲକ୍‌ର୍ ଜାଗାଇଅନି ଆଇଲା ସବୁଲକ୍‌ର୍ ଗାଗଡୁ ଆରି ଆଡ଼ମା, ଜଇର୍ ଗାଡେ ପିଙ୍ଗାଲାଇ । ସେ ଗାଡ଼ ଅଇଲାନି ଦୁଇ ଲମ୍‌ରର୍ ମରନ୍ ୧୫ ସେ ବେଲେ ଜେଡ଼କି ଲକ୍‌ର୍ ନାଉଁ ଜିବନ୍ ରଇବା ବଇଟାନ୍‌ନେ ଲେକା ନ ଅଇରଇଲା, ସେ ସବୁଲକ୍‌କେ ଜଇଲାଗ୍‌ବା ଗାଡେ ପିଙ୍ଗା ଅଇଲା ।

# ୨୧

## ନୁଆଁ ସରଗ୍ ଆରି ଜଗଡ଼

୧ \*ତାରପତେ ଏଦେ ଦେକା ! ନୁଆଁ ସରଗ୍ ଆରି ନୁଆଁ ଜଗଡ଼ ଦେକ୍ଲି । ପରୁଡ଼ୁମ୍ ସରଗ୍ ଆରି ପରୁଡ଼ୁମ୍ ଜଗଡ଼ ଆରି ଡିସେନାଇ । ସମ୍‌ଦୁର୍ ମିସା ଆରି ଡିସେନାଇ । ୨ \*ଆରି ସେ ସୁକଲ୍ ନଅର୍ ଦେକ୍ଲି । ସେଟା ରଇଲା ନୁଆଁ ଜିରୁସାଲେମ୍ । ସରଗେଅନି, ପରମେସର୍‌ଟାନ୍‌ନେଅନି, ସେଟା ଉଡ଼ରି ଆଇତେରଇଲା । ଗଟେକ୍ ଦାଙ୍ଗ୍‌ଡ଼ି ଦାଙ୍ଗ୍‌ଡ଼ାକେ ବେଟ୍ ଅଇବାକେ ଗାଲେ କେନ୍ତାଟା ପିନ୍‌ରଇସି, ସେନ୍ତାରି ତିଆର୍ ପିଆର୍ ଅଇରଇଲା । ୩ ବସ୍‌ବା ଜାଗାଇଅନି ଗଟେକ୍ ବଡ଼ ସବଦ୍ କାତାଅଇବାଟା ମୁଇ ସୁନ୍‌ଲି “ସାରାସାରି ବେଲେ ପରମେସର୍ ମୁନୁସ୍‌ଜାତି ସଙ୍ ବାସା ଅଇବାକେ ଆଇଲାଆତେ

\* ୨୧:୧ ୨୧:୧ ୨ ଯୁ ପିଡ଼ର୍ ୩:୧୩    \* ୨୧:୨ ୨୧:୨ ପଢ଼କାସିତ ୩:୧୨

। ସେ ତାକର ସଙ୍ଗ ବାସା ଅଇସି । ଆରି ସେମନ୍ ତାରୁ ଲକ୍ ଅଇବାଇ । ପର୍ଯ୍ୟେସର୍ ନିଜେ ତାକର ସଙ୍ଗ ରଇସି । ଆରି ସେ ତାକର ପର୍ଯ୍ୟେସର୍ ଅଇସି ।”<sup>୪</sup> ସେ ତାକର ଆସୁ ପୁଟିଦେଇସି । କେ ଆରି ନ ମରତ୍ । କାନ୍ଦାବୁବା, ଦୁକାସୁକା ନ ରଏ । ପୁରନା ବିସଇ ଆରି ନ ତିସେ ।

<sup>୫</sup> ତାରପତେ ଜେ ବସବା ଜାଗାଇ ବସିରଇଲା, ସେ କଇଲା “ମୁଇ ଏବେ ସବୁ ବିସଇ ନୁଆ କଲିନି ।” ସେ ମକେ ଆରି କଇଲା “ଏଟା ଲେକିକରି ସଙ୍ଗ । କାଇକେବଇଲେ ଏ ବାକିଅ ସବୁ ସତ୍ । ଆରି ବିସବାସ୍ କରିଅଇସି ।”<sup>୬</sup> ସେ ଆରି କଇଲା ସେଟା ସାରିଗାଲା, ମୁଇ ଅଇଲିନି ଆରାମର୍ ଲକ୍ ଆରି ସାରାସାରିର୍ ଲକ୍ । ମୁଇ ସେ ଆରାମ୍ ମୁଇ ସେ ସାରାସାରି । ଜାକେ ଜଦି ସସ୍ କରସି, ପାଜରାପାନି କାଇବାକେ ମୁଇ ତାକେ ତାକିନେବି । ଏ ପାଜରାଇ ଅନି ଜନ୍ ପାନି ବାରଇସି, ସେଟା ନ ସାର୍ବା ଜିବନ୍ ଦେଇସି । ସେମନ୍କେ ସେଟା ଇନାମେ ମିଲ୍ସି ।<sup>୭</sup> ଜନ୍ ଲକ୍ମନ୍ ଜୁଇଦ୍ କରି ଜିତ୍‌ବାଇ ସେମନ୍କେ ଇନାମ୍ ଦେବି, ଆରି ତାକର ପର୍ଯ୍ୟେସର୍ ଅଇବି ଆରି ସେମନ୍ ମର୍ ପିଲାଟକି ଅଇବାଇ ।<sup>୮</sup> ମାତର୍ ଜେ ମର୍ସଙ୍ଗ ଆଇବାକେ ଡରବାଇ, ଆରି ବିସବାସ୍ ନ କରତ୍, ଜାର୍ ଚଲାଟଲୁତି କାରାପ, ଜେ କି ନର୍ମାରୁମନ୍ ଆତତ୍, ଜନ୍ ଲକ୍ମନ୍ କାରାପ୍ ରିତିନିତି ଅବିଆସ୍ କରବାଇ, ଜନ୍‌ଲକ୍ମନ୍ ମୈତର୍ ଜୈତର୍ କରବାଇ ଆରି ଜନ୍ ଲକ୍ମନ୍ ମିର୍ ଦେବତାମନ୍କେ ଜୁଆର୍ କରବାଇ, ଆରି ଜେଡକି ସବୁ ମିରୁଆମନ୍ ରଇବାଇ, ତାକର ସେସର୍ ବେଲା ଏଡାରି ଅଇସି । ସେମନ୍କେ ଲାଗ୍‌ତେରଇବା ଗନ୍‌ଟାମେ ପିଙ୍ଗା ଅଇସି । ସେଟା ଅଇଲାନି ପଟର୍ ମରନ୍ ।

<sup>୯</sup> ସାତଟା ଦୁଡ଼ମନ୍ ବିତ୍‌ରେ ଗଟେକ୍ ଦୁଡ଼, ଜାର୍ ଆତେ ସାତଟା ମର୍ଡି ରଇବା ଗିନା ରଇଲା, ସେ ମକେ ଆସି କଇଲା ଆଉ ମୁଇ ତକେ କନିଆ ଦାଙ୍ଗ୍‌ତିକେ ଦେକାଇବି । ସେ ଅଇଲାନି ମେଣ୍ଡାପିଲାର୍ ମାଇଜି ।<sup>୧୦</sup> ସୁକଲ୍ ଆଡ଼ମା ମକେ ଦାରଲା, ଦୁଡ଼ ମକେ ଗଟେକ୍ ଉର୍ ଡଙ୍ଗର୍ ଟିପେ ଦାରିଗାଲା । ସେ ମକେ ସୁକଲ୍ ନଅର୍ ଜିରୁସାଲେମ୍ ପର୍ଯ୍ୟେସର୍ ଟାନେଅନି, ସର୍ଗେଅନି ଉଡ୍‌ରି ଆଇବାଟା ଦେକାଇଲା ।<sup>୧୧</sup> ସେ ନଅର୍ ପର୍ଯ୍ୟେସର୍ ମଇମାସଙ୍ଗ୍ ଜକ୍‌ମକି ଜାଇତେରଇଲା । ଗଟେକ୍ ବେସି ଦାମ୍ ରଇବା ଜାସ୍‌ପର୍ ନାଉର୍ ଇରାପାକ୍‌ନା ପାରା ଜକ୍‌ମକି ଜାଇତେରଇଲା । ସେ ପାକ୍‌ନାଇ ଦେକ୍‌ଲେ ଏବାଟେ ଅନି ସେବାଟର୍‌ଟା ସବୁ ତିସ୍‌ତେରଇଲା ।<sup>୧୨</sup> ସେ ନଅରେ ଗଟେକ୍ ବେସି ଉର୍ କତି ରଇଲା । ତେଇ ବାର୍‌ଟା ଗେଟ୍ ରଇଲା ଆରି ବାର୍‌ଟା ଦୁଡ଼ମନ୍ ସେ ଗେଟ୍‌ମନ୍ ଦେକାରକା କର୍‌ତେରଇଲାଇ । ଇସ୍ରାଏଲ୍ ଲକ୍‌ମନ୍ ବାର୍‌ଟା ବ୍‌ସର୍ ନାଉର୍‌ମନ୍ ସେ ଗେଟେ ଲେକାଅଇରଇଲା ।<sup>୧୩</sup> ସବୁ ଦିଗେ ତିନ୍‌ଟାଲାକା କାପାଟ୍ ରଇଲା, ଉତର୍ ଦିଗେ ତିନ୍‌ଟା କାପାଟ୍ ଦକିନ୍‌ଦିଗେ ତିନ୍‌ଟା କାପାଟ୍ ଆରି ପିମ୍‌ଦିଗେ ତିନ୍‌ଟା କାପାଟ୍ ରଇଲା ।<sup>୧୪</sup> ବାର୍‌ଟା ମୁଲ୍ ପାକ୍‌ନାଇ ସେ ନଗରର୍ କତି ଉଟାଇରଇଲାଇ । ଆରି ସେ ପାକ୍‌ନା ଉପ୍‌ରେ ମେଣ୍ଡାପିଲାର୍ ବାର୍‌ଟା ପେରିତ୍ ମନ୍ ନାଉଁ ଲେକା ଅଇରଇଲା ।<sup>୧୫</sup> ଜନ୍ ଦୁଡ଼ ମର୍ସଙ୍ଗ କାତା ଅଇତେ ରଇଲା, ତାର୍ ଆତେ ନଗରକେ, ତାର୍ କାପାଟ୍ ମନ୍କେ ଆରି କତିମନ୍କେ ନାପ୍‌ବା, ସୁନାର୍ ନାପ୍‌ବା ଡାଙ୍ଗ୍ ରଇଲା ।<sup>୧୬</sup> ସେ ନଅର୍ ପୁରାପୁରନ୍ ଚାରିକନିଆ ରଇଲା । ତାର୍ ଲମ୍ ଆରି ଅସାର୍ ସମାନ୍ ରଇଲା । ଦୁଡ଼ ତାର୍ ନାପ୍‌ବା ଡାଙ୍ଗ୍ ସଙ୍ଗ୍ ନଅର୍ ନାପ୍‌ଲା । ସେ ନାପ୍‌ବା ଇସାବେ ସେଟା ଦୁଇଅଜାର୍ ଚାର୍‌ସ କିଲମିଟର୍ ଲମ୍ ରଇଲା । ତାର୍ ଲମ୍ ଅସାର୍ ଆରି ଉର୍ ସମାନ୍ ରଇଲା ।<sup>୧୭</sup> ଦୁଡ଼ କତି ମିସା ନାପ୍‌ଲା । ସେଟା ୬୦ ମିଟର୍ ଉର୍ ରଇଲା ।<sup>୧୮</sup> ଜାସ୍‌ପର୍ ନାଉର୍ ଗଟେକ୍ ବେସି ଦାମର୍ ଇରା ପାକ୍‌ନା ସଙ୍ଗ୍ କତି ତିଆର୍ ଅଇରଇଲା । ଅସଲି ସୁନା ସଙ୍ଗ୍ ନଅର୍ ତିଆର୍ ଅଇରଇଲା । ଆରି କାଁପାରା ସବୁ ତିସ୍‌ତେରଇଲା ।<sup>୧୯</sup> ସେ ନଅରର୍ କତିର୍ ମୁଲ୍ ପାକ୍‌ନାମନ୍ ବିନ୍ ବିନ୍ ରକାମର୍ ଇରାପାକ୍‌ନାମନ୍ ସଙ୍ଗ୍ ସୁନ୍‌କରିରଇଲାଇ । ପର୍‌ତୁମ୍ ମୁଲ୍ ପାକ୍‌ନା ରଇଲା, ଇସ୍‌ପର୍ । ତାର୍‌ପଟର୍ ସପାୟର୍, ତାର୍ ପଟର୍ ଆଗାଟେ । ତାର୍ ପଟର୍ ଏମରଲ୍ ।<sup>୨୦</sup> ତାର୍ ପଟର୍ ଅନିକ୍ । ତାର୍ ପଟର୍ କର୍‌ନିଲିଅନ୍ । ତାର୍ ପଟର୍ ଅଲ୍‌ଦି ରଙ୍ଗର୍ କାଟ୍, ତାର୍ ପଟର୍ ବେରିଲ୍, ତାର୍‌ପଟର୍ ତପାଜ୍, ତାର୍ ପଟର୍ ଚାଲ୍‌କେଦନି, ତାର୍ ପଟର୍ ତରକଇ, ଆରି ସାରାସାରି ଆମେତି ।<sup>୨୧</sup> ବାର୍‌ଟା ମୁକ୍‌ତାଇ ବାର୍‌ଟା କାପାଟ୍ ତିଆର୍ ଅଇରଇଲା । ଗଟେକ୍ ଗଟେକ୍ କାପାଟ୍ ଗଟେକ୍ ଗଟେକ୍ ମୁକ୍‌ତାଇଅନି ତିଆର୍ ଅଇରଇଲା । ନଅରର୍ ବାଟ୍ ଅସଲି ସୁନାସଙ୍ଗ୍ ତିଆର୍ ଅଇରଇଲା । କାଁପାରା, ଏନେ ଅନି ଦେକ୍‌ଲେ ତେନର୍‌ଟାମନ୍ ତିସ୍‌ତେରଇଲା ।

<sup>୨୨</sup> ସେ ନଅରେ ମୁଇ ଗଟେକ୍ ମିସା ମନ୍ଦିର୍ ଦେକିନାଇ । କାଇକେବଇଲେ, ତାର୍ ମନ୍ଦିର୍ ରଇଲା ମାପୁରୁ ପର୍ଯ୍ୟେସର୍ । ଜେ କି ସବୁର୍ ଉପ୍‌ରେ ଆଟେ, ଆରି ମେଣ୍ଡାପିଲା ।<sup>୨୩</sup> ସେ ନଅର୍ ଉପ୍‌ରେ ଉଜଲ୍ ଦେବାକେ ବେଲ୍ କି ଜନ୍ ଦର୍‌କାର୍ ନ ରଇଲା । କାଇକେବଇଲେ, ପର୍ଯ୍ୟେସରର୍ ମଇମା ତେଇ ଉଜଲ୍ ଦେଇତେରଇଲା ଆରି ମେଣ୍ଡାପିଲା ତେଇର୍ ବତି ରଇଲା ।<sup>୨୪</sup> ସେ ଉଜଲେ ଜଗତର୍ ଲକ୍‌ମନ୍ ଇଣ୍ଡିଜିବାଇ ଆରି ରାଜାମନ୍ ତାକର ଦନ୍ ସ୍‌ପତି ତେଇ ଆନି ସର୍‌ପି ଦେବାଇ ।<sup>୨୫</sup> ସେ ନଅରର୍ କାପାଟ୍‌ମନ୍ ସବୁବେଲେ ଉଗ୍‌ତା ରଇସି । ସେଟା କେବେ ମିସା ଡାବିଅଇ ନ ରଏ । କାଇକେବଇଲେ ତେଇ କେବେ ରାତି ନ ଅଏ ।<sup>୨୬</sup> ରାଇଜ୍ ମନ୍ ଡାକ୍‌ପୁଟା ଆରି ଦନ୍ ସ୍‌ପତି ସେ ନଅରେ ଆନ୍‌ବାଇ ।<sup>୨୭</sup> ମାତର୍ ଅସୁକଲ୍ ରଇବା କାଇ ବିସଇ ମିସା ସେ ନଅରେ ନ ପୁରେ । ଲାଜ୍ ଅଇବା କାମ୍‌ମନ୍ କରବା ଲକ୍ କି ମିର୍ କଇବା ଲକ୍ କେ ମିସା ତେଇ ପୁରି ନାପାରତ୍ । ମେଣ୍ଡାପିଲାର୍ ବଇଲଗେ ଜାର୍ ନାଉଁ ଲେକାଅଇଆଟେ, ସେମନ୍‌ସେ, ସେ ନଅରେ ଜାଇପାରତ୍ ।

୨୨

<sup>୧</sup> ତାରପତେ ଦୁଡ଼ ମକେ ଜିବନ୍‌ର୍ ପାନି ରଇବା ଗାଡ୍ ଦେକାଇଲା, ଜନ୍‌ଟା କି କାଁପାରା ତିସ୍‌ତେରଇଲା ।

ପରଫେସରର ବସ୍ତ୍ର ଜାଗାଇଥିବି ଆରି ମେଣ୍ଟାପିଲାର୍‌ଟାନେଥିବି ସେ ଗାତର ପାନି ଆଇତେରଇଲା ।<sup>୨</sup> ନଅର ବାଟର ମଜାଇ ସେଟା ବଇ ଆଇତେରଇଲା । ଗାତର ଦୁଇବାଟେ ଜିବନର ଗଟ୍ ରଇଲା । ସେ ଗଟ୍ ମାସ୍କେ ଗଟେକ୍ ତର ଅଇ ବରସ୍କେ ବାରତର ପଲ୍ ଦାରସି । ରାଇଜମନ୍ ନିକ ଅଇବାକେ ତାର ପତରମନ୍ ରଇଲା ।<sup>୩</sup> ପରଫେସରର ଅବିସାପ୍ ରଇବା କାଇଟାମିସା ସେ ନଅରେ ନ ଡିସେ । ପରଫେସର ଆରି ମେଣ୍ଟାପିଲାର୍ ବସ୍ତ୍ରଜାଗା ସେ ନଅରେ ରଇସି । ଆରି ତାର ଦାଙ୍ଗୁଡାମନ୍ ତାକେ ଜୁଆର କରବାଇ ।<sup>୪</sup> ସେମନ୍ ତାକେ ଦେକ୍‌ବାଇ ଆରି ତାର ନାଉଁ ସେମନର୍ କାପାଲେ ଲେକାଅଇ ରଇସି ।<sup>୫</sup> ତେଇ ଆରି ରାତି ନ ରଏ । ବତିର୍ ଉଜଲ୍ କି ବେଲର୍ ଉଜଲ୍ ଦରକାର ନ ପଡେ । କାଇକେବଇଲେ ମାପୁରୁ ପରଫେସର ତାକର ଉଜଲ୍ ରଇସି । ସେମନ୍ ରାଜା ଇସାବେ କାଲ୍ କାଲ୍ ଜୁଗ୍ ଜୁଗ୍ ସାସନ୍ କରବାଇ ।

**ଜିସୁ ଆରିତରେକ୍ ଆଇବାଟା**

<sup>୬</sup> ତାରପତେ ଦୁଡ୍ ମକେ କଇଲା “ଏ ବାକିଅ ସବୁ ସଡ୍ ଆରି ବିସ୍‌ବାସ୍ କରିଅଇସି । ମାପୁରୁ ପରଫେସର ଜେ କି ତାର ଆଡ଼ମା ବବିସଡ୍‌ବକ୍‌ତାମନ୍‌କେ ଦେଇରଇଲା, ସେ ତାର ଦୁଡ୍‌କେ ପାଟାଇଆତେ । ଆଇବା ଦିନ୍‌ମନ୍‌କେ କାଇଟା ଅଇସି, ସେଟା ତାର ଦାଙ୍ଗୁଡାମନ୍‌କେ ଦେକାଇସି ।”<sup>୭</sup> ଜିସୁ କଇଲାନ୍ତି, “ସୁନା ମୁଇ ଦାପୁରେ ଆଇଲିନ୍ତି । ଏ ବଇର୍, ଆଇବା ଦିନ୍‌ମନ୍‌କେ ଗଟ୍‌ବା କାତା, ଜେଡ୍‌କି ଲକ୍ ନାମ୍‌ବାଇ, ସେମନ୍ କେଡେକ୍ କରମର୍ ଲକ୍ ।”<sup>୮</sup> ମୁଇ ଜଅନ୍ ଏ ସବୁ ସୁନିଆରି ଆରି ଦେକିଆରି । ଏ ସବୁଜାକ ଦେକ୍‌ଲା ପତେ ଆରି ସୁନ୍‌ଲାପତେ ଜନ୍ ଦୁଡ୍ ମକେ ଏ ସବୁ ବିସଇ ଦେକାଇରଇଲା, ତାର ପାଦେ ଡାଣ୍ଡାସନ୍ ପଡ଼ଲି । ମୁଇ ତାକେ ଜୁଆରକରବାକେ ଜାଇରଇଲି ।<sup>୯</sup> ମାତର ସେ ମକେ କଇଲା, “ନିରୁ । କାଇକେବଇଲେ ମୁଇ ମିସା ତମର୍‌ପାରା ଗଟେକ୍ ଲକ୍‌ସେ । ତମର୍ ଜେଡ୍‌କି ବବିସଡ୍‌ବକ୍‌ତା ବାଇମନ୍ ଆରି ଜେଡ୍‌କି ବଇଟାନେ ରଇବା ବାକିଅମନ୍ ଆତେ, ସେଟାମନ୍ ମାନିକରି ରଇଲାଇନ୍ତି । ତାକର୍ ପାରା ମୁଇ ମିସା ଗଟେକ୍ ସେବାକାରିଆ । ପରଫେସରକେ ଜୁଆର କରା ।”<sup>୧୦</sup> ଆରି ସେ ମକେ କଇଲା, ଏ ବଇର୍ ଜେଡ୍‌କି ବିସଇ ତକେ ଜାନାଇଅଇଲାଆତେ, ସେଟା କେ ନାଜାନ୍‌ଲା ପାରା ଲୁଟାଇ ସଙ୍ଗନାଇ । କାଇକେବଇଲେ ଏ ସବୁ ଗଟ୍‌ବା ବେଲା ଲଗେଆତେ ।<sup>୧୧</sup> ଜେ କରାପ୍ ଚଲାଚଲ୍‌ତି କରି ଜିଉନା କାଉନା କଲାଇନ୍ତି, ସେ ସେନ୍ତାରିସେ କାରାପ୍ କରତେ ରଅ । ଜେ କି ନିକ ଚଲାଚଲ୍‌ତିକରି ଜିଉନା କାଉନା କଲାନ୍ତି, ସେ ସେନ୍ତାରିସେ ନିକ କରତେରଅ । ଜେ କି ସୁକଲ୍ ଆତେ, ସେ ସେନ୍ତାରିସେ ସୁକଲ୍ ରଅ ।<sup>୧୨</sup> ଜିସୁ କଇଲାନ୍ତି “ସୁନା ମୁଇ ଦାପୁରେ ଆଇଲିନ୍ତି । ଲକ୍‌ମନ୍ କରିରଇବା କାମ୍ ଇସାବେ ମୁଇ ସେମନକେ ପୁରୁସ୍କାର ଦେବି ।<sup>୧୩</sup> ✪ ମୁଇ ପରଡୁମର୍ ଲକ୍ ଆରି ସାରାସାରିର୍ ଲକ୍ । ମୁଇ ଆରାମ୍ କରବି ଆରି ମୁଇସେ ସାରାଇବି ।”

<sup>୧୪</sup> ଜେଡ୍‌କି ସବୁଲକ୍ ତାକର ବସ୍ତ୍ର ଦଇକରି ସୁକଲ୍ କରବାଇ, ସେମନ୍ କେଡେକ୍ କରମର୍ ଲକ୍ ! ଜିବନର ଗଟେଅନି ପଲ୍ କାଇକରି କାବାଟ୍‌ବାଟେ ଜାଇ କରି ନଅରେ ପୁରବାକେ ସେମନ୍ ଅଦିକାର୍ ପାଇବାଇ ।<sup>୧୫</sup> ମାତର ଜନ୍ ଲକ୍‌ମନ୍ ଲାଜ୍ ଅଇବା କାମ୍‌ମନ୍ କରବାଇ, ଜେଡ୍‌କି, ଜନ୍ତୁର୍ ମନ୍ତୁର୍ ଅବିଆସ୍ କରବାଇ, ବେସିଆ କାମ୍‌ମନ୍ କରବାଇ, ନର୍ ମରାଇବାଇ, ମୁର୍ଡି ପୁଜା କରବାଇ, ଆରି କାତାଇ ଆରି କାମେ ମିର୍ କଇବାଇ, ସେମନ୍ ନଅରର୍ ବାଇରେ ରଇବାଇ ।<sup>୧୬</sup> “ମୁଇ ଜିସୁ, ମଣ୍ଡାଲିଟାନେ ରଇବା ତମ୍‌କେ ସବୁ ଲକ୍‌କେ ଏ ବିସଇ ଜାନାଇବାକେ ମର୍ ଦୁଡ୍‌କେ ପାଟାଇଆଟି । ମୁଇ ଦାଉଦର କୁଟୁମେ ଆଟି । ମୁଇ କୁକ୍‌ତା ତାକ୍‌ବାବେଲେ ଉଜଲ୍‌ଦେବା ତାରା ।”<sup>୧୭</sup> ଆଡ଼ମା ଆରି କନିଆ ଦାଙ୍ଗୁଡି କଇଲାନ୍ତି ଆଉ, । ଜେଡ୍‌କି ଲକ୍ ଏଟା ସୁନ୍‌ଲାଇନ୍ତି, ସେମନ୍ ମିସା ଆଉ, ବଲି କଇବାଟ୍‌ଆତେ । ଆସା ଜେଡ୍‌କି ଲକ୍‌କେ ସସ୍ କଲାନ୍ତି, ଜିବନର ପାନି ଇନାମେ ନିଆ ।

**ସାରାସାରିର୍ କାତା**

<sup>୧୮</sup> ମୁଇ ଜଅନ୍ ସବୁକେ ଜାଗରଡ୍ କରାଇଲିନ୍ତି, ଆଇବା ଦିନ୍‌ମନ୍‌କେ ଗଟ୍‌ବା ଏ ବଇର୍ ଜେଡ୍‌କି ବାକିଅ ଆତେ, କେ ଜଦି ଇତି ଆରି କାଇ କାଇଟା ମିସାଇଲେ, ପରଫେସର ଏ ବଇଟାନେ ଜନ୍ ମର୍ଡି ବିସଇ ଲେକ୍‌ଲାଆତେ, ସେ ତାର ପାଇବା ଡଣ୍ଡ ସଙ୍ଗ୍, ଏ ମର୍ଡି ମିସା ମିସାଇସି ।<sup>୧୯</sup> ଏ ବବିସଡ୍ କାତାର ବଇଟାନେଅନି କେ ଜଦି କାଇ ବିସଇ ମିସା ଲୁଟାଇଦେଲେ, ଏ ବଇଟାନେ ଲେକାଅଇରଇବା ଜିବନର ଗଟ୍‌ର ପଲ୍ ଆରି ସୁକଲ୍ ନଅରେଅନି ସେମନ୍ ପାଇରଇବାଟା ତାକରଟାନେଅନି ଦାରିଜାଇସି ।<sup>୨୦</sup> ଜେ କି ଏ ସବୁ ବିସଇର୍ ପାଇ ସାକି ଦେଇସି, ସେ କଇଲାନ୍ତି ଡି ମୁଇ ଦାପୁରେସେ ଆଇଲିନ୍ତି ! ସେନ୍ତାରିସେ ଅ ବେ ! ମାପୁରୁ ଜିସୁ ଆଉ !<sup>୨୧</sup> ମାପୁରୁ ଜିସୁ ଜିବନ୍ ଦୁକାଇଲାଟା ସବୁର୍ ଲଗେ ରଅ । ଆମେନ୍ !

✪ ୨୨:୧୩ ୨୨:୧୩ ପଢ଼କାସିତ ୧:୮; ପଢ଼କାସିତ ୧:୧୭;୨:୮